

中阿含經卷第二十六

夙

東晉剡賓三藏瞿曇僧伽提婆譯

因品師子吼經第七

第三示土城誦

我聞如是一時佛遊拘樓瘦在劍磨
瑟曇拘樓都邑今時世尊告諸比丘
此中有第一沙門第二第三第四沙
門此外更無沙門梵志異道一切空
無沙門梵志汝等隨在衆中作如是
正師子吼比丘或有異學來問汝等
諸賢汝有何行有何力有何智令汝
等作如是說此有第一沙門第二第
三第四沙門此外更無沙門梵志異
道一切空無沙門梵志汝等隨在衆
中作如是正師子吼比丘汝等應如
是答異學諸賢我世尊有知有見如
來無所著等正覺說四法因此四法
故今我等作如是說此有第一沙門
第二第三第四沙門此外更無沙門
梵志異道一切空無沙門梵志我等
隨在衆中作如是正師子吼云何為
四諸賢我等信尊師信法信戒德具
足愛敬同道恭恪奉事諸賢我世尊

有知有見如來無所著等正覺說此
四法因此四法故今我等作如是說
此有第一沙門第二第三第四沙門
與外更無沙門梵志異道一切空無
沙門梵志我等隨在衆中作如是正
師子吼比丘異學或復作是說諸賢
我等亦信尊師謂我尊師也信法謂
我法也戒德具足謂我戒也愛敬同
道恭恪奉事謂我同道出家及在家
者也諸賢沙門瞿曇及我等此二種
說有何勝有何意有何差別耶比丘
汝等應如是問異學諸賢為一究竟
為衆多究竟耶比丘若異學如是答
諸賢有一究竟無衆多究竟比丘汝
等復問異學諸賢為有欲者得究竟
是耶為無欲者得究竟是耶比丘若
異學如是答無欲者得究竟是非有
欲者得究竟是比丘汝等復問異學
諸賢為有患者得究竟是耶為無患
者得究竟是耶比丘若異學如是答
無患者得究竟是非有患者得究竟
是比丘汝等復問異學諸賢為有癡
者得究竟是耶為無癡者得究竟是

耶比丘若異學如是答諸賢無癡者得究竟是非有癡者得究竟是比丘汝等復問異學諸賢為有愛有受者得究竟是耶為無愛無受者得究竟是耶比丘若異學如是答諸賢無愛無受者得究竟是耶為有愛有受者得究竟是比丘汝等復問異學諸賢為有慧不說慧者得究竟是耶為有慧說慧者得究竟是非無慧不說慧者得究竟是比丘汝等復問異學諸賢為有憎有諍者得究竟是耶為無憎無諍者得究竟是耶比丘若異學如是答諸賢無憎無諍者得究竟是耶為有憎有諍者得究竟是比丘汝等為異學應如是說諸賢是為如汝等說有一究竟是非衆多究竟是無欲者得究竟是非有欲者得究竟是無恚者得究竟是非有恚者得究竟是無癡者得究竟是非有癡者得究竟是無愛無受者得究竟是是非有愛有受者得究竟是非有慧說慧者得究竟是非無慧不說慧者得

究竟是無憎無諍者得究竟是若非有
憎有諍者得究竟是若沙門梵志
依無量見彼一切依猗二見有見及
無見也若依有見者彼便者有見依
猗有見猗住有見憎諍無見若依無
見者彼便者無見依猗無見猗住無
見憎諍有見若有沙門梵志不知因
不知習不知滅不知盡不知味不知
患不知出要如真者彼一切有欲有
恚有癡有愛有受無慧非說慧有憎
有諍彼則不離生老病死亦不能脫
愁感啼哭憂苦懊惱不得苦邊若有
沙門梵志於此二見知因知習知滅
知盡知味知患知出要如真者彼一
切無欲無恚無癡無愛無受有慧說
慧無憎無諍彼則得離生老病死亦
能得脫愁感啼哭憂苦懊惱則得苦
邊或有沙門梵志施設斷受然不施
設斷一切受施設斷欲受不施設斷
戒受見受我受所以者何彼沙門梵
志不知三處如真是故彼雖施設斷
受然不施設斷一切受復有沙門梵
志施設斷受然不施設斷一切受施

設斷欲受戒受不施設斷見受我受
所以者何彼沙門梵志不知二處如
真是故彼雖施設斷受然不施設斷
一切受復有沙門梵志施設斷受然
不施設斷一切受施設斷欲受戒受
見受不施設斷我受所以者何彼沙
門梵志不知一處如真是故彼雖施
設斷受然不施設斷一切受如是法
律若信尊師者彼非正非第一若信
法者亦非正非第一若具足戒德者
亦非正非第一若愛敬同道恭恪奉
事者亦非正非第一若有如來出世
無所著等正覺明行成為善逝世
間解無上士道法御天人師号佛衆
祐彼施設斷受於現法中施設斷一
切受施設斷欲受戒受見受我受此
四受何因何習從何而生以何為本
此四受因無明習無明從無明生以
無明為本若有比丘無明已盡明已
生者彼便從是不復更受欲受戒受
見受我受彼不受已則不恐怖不恐
怖已便斷因緣必般涅槃生已盡梵
行已立所作已辦不更受有知如真

如是正法律若信尊師者是正是第一若信法者是正是第一若戒德具足者是正是第一若愛敬同道恭敬奉事者是正是第一諸賢我等有是行有是力有是智因此故今我等作如是說此有第一沙門第二第三第四沙門此外更無沙門梵志異道一切空無沙門梵志以是故我等隨在衆中作如是正師子吼佛說如是彼諸比丘聞佛所說歡喜奉行

師子吼經第七竟

一千六百九十字

中阿含因品優曇婆羅經第八 第三十城誦

我聞如是一時佛遊王舍城在竹林伽蘭哆園今時有一居士名曰實意彼於平旦從王舍城出欲往詣佛供養礼事於是實意居士作如是念且置詣佛世尊或能宴坐及諸尊比丘我寧可往優曇婆羅林詣異學園於是實意居士即往優曇婆羅林詣異學園彼時優曇婆羅林異學園中有一異學名曰無志在彼中尊為異學師衆人所敬多所降伏為五百異學之所推宗在衆調乱音聲高大說種

種鳥論語論王論賊論閻諍論飲食
論衣被論婦女論童女論婬女論世
俗論非道論海論國論如是比說種
種鳥論皆集在彼坐於是異學無志
遙見實意居士來即勅已衆皆令嘿然
諸賢汝等莫語嘿然樂嘿然各自斂
攝所以者何實意居士來是沙門瞿
曇弟子若有沙門瞿曇弟子名德高
遠所可尊重在家住止居王舍城者
彼為第一彼不語樂嘿然自收斂若
彼知此衆嘿然住者彼或能來於是
異學無志令衆嘿然自亦嘿然於是
實意居士往詣異學無志所共相問
訊却坐一面實意居士語曰無志我
佛世尊若在無事處山林樹下或住
高巖寂無音聲遠離無惡無有人
民隨順宴坐是佛世尊如斯之比在
無事處山林樹下或住高巖寂無音
聲遠離無惡無有人民隨順宴坐彼
在遠離處常樂宴坐安隱快樂彼佛
世尊初不一日一夜共聚集會如汝
今日及眷屬也於是異學無志語曰
居士止止汝何由得知沙門瞿曇空

慧解脫此不足說或相應或不相應

或順或不順彼沙門瞿曇行邊至邊

樂邊至邊住邊至邊猶如瞎牛在邊

地食行邊至邊樂邊至邊住邊至邊

彼沙門瞿曇亦復如是居士若彼沙

門瞿曇來此衆者我以一論滅彼如

拈空瓶亦當為彼說瞎牛喻於是異

學無志告已衆曰諸賢沙門瞿曇儻

至此衆若必來者汝等莫敬從坐而

起又手向彼莫請令坐豫留一座彼

到此已作如是語瞿曇有座欲坐隨

意余時世尊在於宴坐以淨天耳出

過於人聞實意居士與異學無志共

論如是則於晡時從宴坐起往詣優

曇婆娑邏林異學園中異學無志遙見

世尊來即從坐起偏袒著衣叉手向

佛讚曰善來沙門瞿曇久不來此願

坐此座彼時世尊作如是念此愚癡

人自違其要世尊知已即坐其床異

學無志便與世尊共相問訊却坐一

面世尊問曰無志向與實意居士共

論何事以何等故集在此坐異學無

志答曰瞿曇我等作是念沙門瞿曇

有何等法謂教訓弟子弟子受教訓
已令得安隱盡其形壽淨修梵行及
為他說瞿曇向與實意居士共論如
是以是之故集在此坐實意居士聞
彼語已便作是念此異學無志異哉
妄語所以者何在佛面前欺誑世尊
世尊知已語曰無志我法甚深甚奇
甚特難覺難知難見難得謂我教訓
弟子弟子受教訓已盡其形壽淨修
梵行亦為他說無志若汝師宗所可
不了憎惡行者汝以問我我必能答
令可汝意於是調亂異學眾等同音
共唱高大聲曰沙門瞿曇甚奇甚特
有大如意足有大威德有大福祐有
大威神所以者何乃能自捨已宗而
以他宗隨人所問於是異學無志自
勅已眾令嘿然已問曰瞿曇不了可
憎行云何得具足云何不得具足於
是世尊答曰無志或有沙門梵志裸
形無衣或以手為衣或以葉為衣或
以珠為衣或不以瓶取水或不以搥
取水不食刀杖劫抄之食不食欺妄
食不自往不遣信不求來尊不善尊

不住尊若有一人食不在中食不懷
妊家食不畜猶家食設使家有糞蠅
飛來而不食不取魚不食冥不飲酒
不飲惡水或都無所飲學無飲行或
嗽一口以一口為足或二三四乃至七
口以七口為足或食一得以一得為
足或二三四乃至七得以七得為足
或曰一食以一食為足或二三四五
六七日半月一月一食以一食為足
或食菜茹或食稗子或食稂米或食
雜麴或食頭頭邏食或食齋食或至
無事處依於無事或食根或食果或
食自落果或持連合衣或持毛衣或
持頭舍衣或持毛頭舍衣或持全皮
或持穿皮或持全穿皮或持散髮或
持編髮或持散編髮或有剃髮或有
剃鬚或剃鬚髮或有拔髮或有拔鬚
或拔鬚髮或住立斷坐或修蹲行或
有卧刺以刺為床或有卧果以果為
床或有事水晝夜手抒或有事火竟
昔然之或事日月尊祐大德又手向
彼如此之比受無量苦學煩熱行無
志於意云何不了可憎行如是為具

足為不具足異學無志答曰瞿曇如
是不了可憎行為具足非不具足世
尊復語曰無志我為汝說此不了可
憎具足行為無量穢所汙異學無志
問曰瞿曇云何為我說此不了可憎
具足行為無量穢所汙耶世尊答曰
無志或有一清苦行苦行因此清苦
行苦行惡欲念欲無志若有一清苦
行苦行因此清苦行苦行惡欲念欲
者是謂無志行苦行者穢復次無志
或有一清苦行苦行因此清苦行苦
行仰視日光吸服日氣無志若有一
清苦行苦行因此清苦行苦行仰視
日光吸服日氣者是謂無志行苦行
者穢復次無志或有一清苦行苦行
因此清苦行苦行而自貢高得清苦
行苦行已心便繫著無志若有一清
苦行苦行因此清苦行苦行而自貢
高得清苦行苦行已心便繫著者是
謂無志行苦行者穢復次無志或有
一清苦行苦行因此清苦行苦行自
貴賤他無志若有一清苦行苦行因
此清苦行苦行自貴賤他者是謂無

志行苦行者穢復次無志或有一清
苦行苦行因此清苦行苦行往至家
家而自稱說我行清苦我行甚難無
志若有一清苦行苦行因此清苦行
苦行往至家家而自稱說我行清苦
我行甚難者是謂無志行苦行者穢
復次無志或有一清苦行苦行因此
清苦行苦行若見沙門梵志為他所
敬重供養礼事者便起嫉妬言何為
敬重供養礼事彼沙門梵志應敬重
供養礼事於我所以者何我行苦行
無志若有一清苦行苦行因此清苦
行苦行若見沙門梵志為他所敬重
供養礼事者便起嫉妬言何為敬重
供養礼事彼沙門梵志應敬重供養
礼事於我所以者何我行苦行者是
謂無志行苦行者穢復次無志或有
一清苦行苦行因此清苦行苦行若
見沙門梵志為他所敬重供養礼事
者便面訶此沙門梵志言何為敬重
供養礼事汝多欲多求常食食根種
子樹種子果種子節種子種子為五
箇如果雨多所傷害五穀種子燒乱

畜生及於人民如是彼沙門梵志數入他家亦復如是無恚若有一清苦行苦行因此清苦行苦行若見沙門梵志為他所敬重供養礼事者便面訶此沙門梵志言何為敬重供養礼事汝多欲多求常食食根種子樹種子果種子節種子種子為五猶如暴雨多所傷害五穀種子燒乱畜生及於人民如是彼沙門梵志數入他家亦復如是者是謂無恚行苦行者穢復次無恚或有一清苦行苦行因此清苦行苦行有愁憂恐怖恐懼密行疑恐失名增伺放逸無恚若有一清苦行苦行因此清苦行苦行有愁憂恐怖恐懼密行疑恐失名增伺放逸者是謂無恚行苦行者穢復次無恚或有一清苦行苦行因此清苦行苦行生身見邊見邪見見取難為意無節限為諸沙門梵志可通法而不通無恚若有一清苦行苦行因此清苦行苦行生身見邊見邪見見取難為意無節限為沙門梵志可通法而不通者是謂無恚行苦行者穢復次無

恚或有一清苦行苦行因此清苦行
苦行瞋纏不語結怪嫉諛諛欺誑無
慚無愧無恚若有一清苦行苦行因
此清苦行苦行瞋纏不語結怪嫉諛
諛欺誑無慚無愧者是謂無恚行苦
行者穢復次無恚或有一清苦行苦
行因此清苦行苦行妄言兩舌麁言
綺語具惡戒無恚若有一清苦行苦
綺語具惡戒者是謂無恚行苦行者
穢復次無恚或有一清苦行苦行因
此清苦行苦行不信懈怠無正念正
智有惡慧無恚若有一清苦行苦行
因此清苦行苦行不信懈怠無正念
正智有惡慧者是謂無恚行苦行者
穢無恚我不為汝說此不了可憎具
足行無量穢所汙耶異學無恚答曰
如是瞿曇為我說此不了可憎具足
行無量穢所汙無恚我復為汝說此
不了可憎具足行不為無量穢所汙
異學無恚復問曰云何瞿曇為我說
此不了可憎具足行不為無量穢所
汙耶世尊答曰無恚或有一清苦行

苦行因此清苦行苦行不惡欲不念
欲無患若有一清苦行苦行因此清
苦行苦行不惡欲不念欲者是謂無
患行苦行者無穢復次無患或有一
清苦行苦行因此清苦行苦行不視
日光不服日氣無患若有一清苦行
苦行因此清苦行苦行不視日光不
服日氣者是謂無患行苦行者無穢
復次無患或有一清苦行苦行因此
清苦行苦行而不貢高得清苦行苦
行已心不繫著無患若有一清苦行
苦行因此清苦行苦行而不貢高得
清苦行苦行已心不繫著者是謂無
患行苦行者無穢復次無患或有一
清苦行苦行因此清苦行苦行不自
貴不賤他無患若一清苦行苦行因
此清苦行苦行不自貴不賤他者是
謂無患行苦行者無穢復次無患若
有一清苦行苦行因此清苦行苦行
不至家家而自誦說我行清苦行我
行甚難無患若有一清苦行苦行因
此清苦行苦行不至家家而自誦說我
行清苦行我行甚難者是謂無患行

苦行者無穢復次無恚或有一清苦
行苦行因此清苦行苦行若見沙門
梵志為他所敬重供養礼事者不起
嫉妬言何為敬重供養礼事彼沙門
梵志應敬重供養礼事於我所以者
何我行苦行無恚若有一清苦行苦
行因此清苦行苦行若見沙門梵志
為他所敬重供養礼事者不起嫉妬
言何為敬重供養礼事彼沙門梵志
應敬重供養礼事於我所以者何我
行苦行者是謂無恚行苦行者無穢
復次無恚或有一清苦行苦行因此
清苦行苦行若見沙門梵志為他所
敬重供養礼事者不面訶此沙門梵
志言何為敬重供養礼事汝多欲多
求常食食根種子樹種子果種子節
種子種子為五猶如暴雨多所傷害
五穀種子燒乱畜生及於人民如是
彼沙門梵志數入他家亦復如是無
恚若有一清苦行苦行因此清苦行
苦行若見沙門梵志為他所敬重供
養礼事者不面訶此沙門梵志言何
為敬重供養礼事汝多欲多求常食

食根種子樹種子果種子節種子種子為五猶如暴雨多所傷害五穀種子燒亂畜生及於人民如是彼沙門梵志數入他家亦復如是者是謂無志行苦行者無穢復次無志或有一清苦行苦行因此清苦行苦行不愁癡恐怖不恐懼密行不疑恐失名不增伺放逸者因此清苦行苦行不愁癡恐怖不恐懼密行不疑恐失名不增伺放逸者是謂無志行苦行者無穢復次無志或有一清苦行苦行因此清苦行苦行不生身見邊見邪見見取不難為意無節限為諸沙門梵志可通法而通無志若有一清苦行苦行因此清苦行苦行不生身見邊見邪見見取不難為意無節限為諸沙門梵志可通法而通者是謂無志行苦行者無穢復次無志或有一清苦行苦行因此清苦行苦行無瞋纏不語結慳嫉諛諂欺誑無慙無愧無志若有一清苦行苦行因此清苦行苦行無瞋纏不語結慳嫉諛諂欺誑無慙無愧者

是謂無恚行苦行者無穢復次無恚
或有一清苦行苦行因此清苦行苦
行不妄言兩舌麤言綺語不具惡戒
無恚若有一清苦行苦行因此清苦
行苦行不妄言兩舌麤言綺語不具
惡戒者是謂無恚行苦行者無穢復
次無恚或有一清苦行苦行因此清
苦行苦行無不信慙怠有正念正智
無有惡慧無恚若有一清苦行苦行
因此清苦行苦行無不信慙怠有正
念正智無惡慧者是謂無恚行苦行
者無穢無恚我不為汝說此不了可
憎具足行不為無量穢所汙耶異學
無恚答曰如是瞿曇為我說此不了
可憎具足行不為無量穢所汙耶異學
無恚問曰瞿曇此不了可憎行是得
第一得真實耶世尊答曰無恚此不
了可憎行不得第一不得真實然有
二種得皮得節異學無恚復問曰瞿
曇云何此不了可憎行得表皮耶世
尊答曰無恚此或有一沙門梵志行四
行不熬生不教熬不同熬不偷不教
偷不同偷不取他女不教取他女不

同取他女不妄言不教妄言不同妄
言彼行此四行樂而不進心與慈俱
遍滿一方成就遊如是二三四方四維
上下普周一切心與慈俱無結無怨
無恚無諍極廣其大無量善修遍滿
一切世間成就遊如是悲喜心與捨
俱無結無怨無恚無諍極廣其大無
量善修遍滿一切世間成就遊無恚
於意云何如是此不了可憎行得表
皮耶無恚答曰瞿曇如是此不了可
憎行得表皮也瞿曇云何此不了可
憎行得節耶世尊答曰無恚或有一
沙門梵志行四行不煞生不教煞不
同煞不偷不教偷不同偷不取他女
不教取他女不同取他女不妄言不
教妄言不同妄言彼行此四行樂而
不進彼有行有相賴憶本無量昔所
經歷或一生二生百生千生成劫敗
劫無量成敗劫彼衆生名某彼昔更
歷我曾生彼如是姓如是字如是生
如是飲食如是受苦樂如是長壽如
是久住如是壽命訖此死生彼彼死
生此我生在此如是姓如是字如是

生如是飲食如是受苦樂如是長壽如是久住如是壽命訖無恙於意云何如是此不了可憎行得節耶無恙答曰瞿曇如是此不了可憎行得節也瞿曇云何此不了可憎行得第一得真實耶世尊答曰無恙或有一沙門梵志行四行不煞生不教煞不同煞不偷不教偷不同偷不取他女不教取他女不同取他女不妄言不教妄言不同妄言彼行此四行樂而不進彼以清淨天眼出過於人見此衆生死時生時好色惡色妙與不妙往來善處及不善處隨此衆生之所作業見其如真若此衆生成就身惡行口意惡行誹謗聖人邪見成就邪見妙行不誹謗聖人正見成就正見業彼因緣此身壞命終必至惡處生彼因緣此身壞命終必果善處乃生天上無恙於意云何如是此不了可憎行得第一得真實耶無恙答曰瞿曇如是此不了可憎行得第一得真實也瞿曇云何此不了可憎行作證

故沙門瞿曇弟子依沙門行梵行耶
世尊荅曰無恚非因此不了可怕行
作證故我弟子依我行梵行也無恚
更有異寂上寂妙寂勝為彼證故我
弟子依我行梵行於是調亂異學衆
等發高大聲如是如是為彼證故沙
門瞿曇弟子依沙門瞿曇行梵行於
是異學無恚自勑已衆令嘿然已白
曰瞿曇何者更有異寂上寂妙寂勝
為彼證故沙門瞿曇弟子依沙門瞿
曇行梵行耶於是世尊荅曰無恚若
如來無所著等正覺明行成為善逝
世間解無上士道法御天人師号佛
衆祐出於世間彼捨五蓋心穢慧
羸離欲離惡不善之法至得第四禪
成就遊彼已如是定心清淨無穢無
煩柔軟善住得不動心趣向漏盡智
通作證彼知此苦如真知此苦習知
此苦滅知此苦滅道如真亦知此漏
知此漏習知此漏滅知此漏滅道如
真彼如是知如是見欲渴心解脫有
漏無明漏心解脫解脫已便知解脫
生已盡梵行已立所作已辦不更受

有知如真無志是謂更有異取上寂
妙寂勝為彼證故我弟子依我行梵
行於是實意居士語曰無志世尊在
此汝今可以一論滅如持空瓶說如瞎
牛在邊地食世尊聞已語異學無志
曰汝實如是說耶異學無志答曰實
如是瞿曇世尊復問曰無志汝頗曾
從長老舊學所問如是過去如來無
所著等正覺若有無事處山林樹
下或有高巖寂無音聲遠離無惡無
有人民隨順宴坐諸佛世尊在無事
處山林樹下或住高巖寂無音聲遠
離無惡無有人民隨順宴坐彼在遠
離處常樂宴坐安隱快樂彼初不一
日一夜共聚集會如汝今日及眷屬
耶異學無志答曰瞿曇我曾從長
老舊學所聞如是過去如來無所著
等正覺若有無事處山林樹下或有
高巖寂無音聲遠離無惡無有人民
隨順宴坐諸佛世尊在無事處山
林樹下或住高巖寂無音聲遠離無
惡無有人民隨順宴坐彼在遠離處
常樂宴坐安隱快樂初不一日一夜

共聚集會如我今日及眷屬也無志
汝不作是念如彼世尊在無事處山
林樹下或住高巖寂無音聲遠離無
惡無有人民隨順宴坐彼在遠離處
常樂宴坐安隱快樂彼沙門瞿曇學
正覺道耶異學無志答曰瞿曇我若
知者何由當復作如是說一論便滅
如持空瓶說瞎牛在邊地食耶世尊
語曰無志我今有法善善相應彼彼
解脫句能以作證如來以此自稱無
畏諸比丘我弟子來無諛諂不欺誑
質直無虛我訓隨教已必得究竟智
無恙若汝作是念沙門瞿曇今師故
說法汝莫作是念以師還汝我其為
汝說法無恙若汝作是念沙門瞿曇
貪弟子故說法汝莫作是念弟子還
汝我其為汝說法無恙若汝作是念
沙門瞿曇今貪供養故說法汝莫作
是念供養還汝我其為汝說法無恙
若汝作是念沙門瞿曇今貪稱譽故說
法汝莫作是念稱譽還汝我其為汝
說法無恙若汝作是念我若有法善
善相應彼彼解脫句能以作證彼沙

門瞿曇集我滅我者汝莫作是念以
法還汝我其為汝說法於是大衆嘿
然而住所以者何彼為魔王所制持
故彼時世尊告實意居士曰汝看
此大衆嘿然而住所以者何彼為魔
王所制持故彼令異學衆無有一異學
作是念我試於沙門瞿曇所修行梵
行世尊知己為實意居士說法勸發
渴仰成就歡喜無量方便為彼說法
勸發渴仰成就歡喜已即從坐起便
接實意居士臂以神足飛乘虛而去
佛說如是實意居士聞佛所說歡喜
奉行

優曇婆羅經第八竟

五千八百九十八字

中阿含目品願經第九

第十上城誦

我聞如是一時佛逝舍衛國在勝林
給孤獨園尔時有一比丘在遠離獨
住閑居靜處宴坐思惟心作是念世
尊慰勞我其語言為我說法得具足
戒而不廢禪成就觀行於空靜處於
是比丘作是念已見於爾時從宴坐
起往詣佛所世尊遙見彼比丘來因
彼比丘故告諸比丘汝等當願世尊

慰勞共我語言為我說法得具足成
而不廢禪成就觀行於空靜處比丘
當願我有親族令彼因我身壞命終
必昇善處乃生天上得具足戒而不
廢禪成就觀行於空靜處比丘當願
諸施我衣被飲食床褥湯藥諸生活
具令彼此施有大功德有大光明獲
大果報得具足戒而不廢禪成就觀
行於空靜處比丘當願我能忍飢渴
寒熱蚊蠅蚤虱風日所逼惡聲捶杖
亦能忍之身遇諸疾極為苦痛至命
欲絕諸不可樂皆能堪耐得具足戒
而不廢禪成就觀行於空靜處比丘
當願我堪耐不樂若生不樂心終不
著得具足戒而不廢禪成就觀行於
空靜處比丘當願我堪耐恐怖若生
恐怖心終不著得具足戒而不廢禪
成就觀行於空靜處比丘當願我苦
生三惡不善之念欲念恚念害念為
此三惡不善之念心終不著得具足
戒而不廢禪成就觀行於空靜處比
丘當願我離欲離惡不善之法至得
第四禪成就遊得具足戒而不廢禪

成就觀行於空靜處比丘當願我三
結已盡得須陀洹不墮惡法定趣正
覺極受七有天上人間七往來已便
得苦邊得具足戒而不廢禪成就觀
行於空靜處比丘當願我三結已盡
垢怒癡薄得一往來天上人間一往來
已便得苦邊得具足戒而不廢禪成
就觀行於空靜處比丘當願我五下
分結盡生於彼間便般涅槃得不退
法不還此世得具足戒而不廢禪成
就觀行於空靜處比丘當願我息解
脫離色得無色如其像定身作證成
就遊以慧而觀斷漏知漏得具足戒
而不廢禪成就觀行於空靜處比丘
當願我如意足天耳智他心智宿命
智生死智諸漏已盡而得無漏心解
脫慧解脫於現法中自知自覺自作
證成就遊生已盡梵行已立所作已
辦不更受有知如真得具足戒而不
廢禪成就觀行於空靜處於是彼比
丘聞佛所說善受善持即從坐起稽
首佛足繞三匝而去彼比丘受佛此
教閑居靜處宴坐思惟修行精勤心

無放逸因閑居靜處宴坐思惟修行
精勤心無放逸故若族姓子所為剃除
鬚髮著袈裟衣至信捨家無家學道
者唯無上梵行託於現法中自知自
覺自作證成就遊生已盡梵行已立
所作已辦不更受有知如真彼尊者
知法已至得阿羅訶佛說如是彼諸
比丘聞佛所說歡喜奉行

願經第九竟

八百六十五字

中阿含因品想經第十 第二土城誦

我聞如是一時佛遊舍衛國在勝林
給孤獨園今時世尊告諸比丘若有
沙門梵志於地有地想地即是神地
是神所神是地所彼計地即是神已
便不知地如是水火風神天生主梵
天無煩無熱彼於淨有淨想淨即是
神淨是神所神是淨所彼計淨即是
神已便不知淨無量空處無量識處
無所有等勿非有想非無想處一別若
于見聞識知得觀意所念意所思從
此世至彼世從彼世至此世彼於一
切有一切想一切即是神一切是神
所神是一切所彼計一切即是神已

便不知一切若有沙門梵志於地則知地地非是神地非神所神非地所彼不計地即是神已彼便知地如是水火風神天生主梵天無煩無熱彼於淨則知淨淨非是神淨非神所神非淨所彼不計淨即是神已彼便知淨無量空處無量識處無所有處非有想非無想處一別若干見聞識知得觀意所念意所思從此世至彼世從彼世至此世彼於一切則知一切一切非是神一切非神所神非一切所彼不計一切即是神已彼便知一切我於地則知地地非是神地非神所神非地所我不計地即是神已我便知地如是水火風神天生主梵天無煩無熱我於淨則知淨淨非是神淨非神所神非淨所我不計淨即是神已我便知淨無量空處無量識處無所有處非有想非無想處一別若干見聞識知得觀意所念意所思從此世至彼世從此世至此世我於一切則知一切一切非是神一切非神所神非一切所我不計一切即是神

中阿含經卷第三十六 第三十九張 凡

考連

已我便知一切佛說如是彼諸比丘
聞佛所說歡喜奉行

想經第十竟

五百二
十六字

中阿含經卷第三十六

一百九
十九字

中阿含經品第四竟

二万五千
五十六字

癸卯歲高麗國大藏都監奉
勅彫造

中阿含經卷第二十七

凡

東晉剡賓三藏瞿曇僧伽提婆譯

林品第五

有十經

第二小土城誦

二林觀心二違奴波法本 優陀羅客大

瞿曇彌後

中阿含林品林經第一

我聞如是一時佛遊舍衛國在勝林
給孤獨園今時世尊告諸比丘比丘
者依一林住我依此林住或無正念
便得正念其心不定而得定心若不
解脫便得解脫諸漏不盡而得漏盡
不得無上安隱涅槃則得涅槃學道
者所須衣被飲食床榻湯藥諸生活
具彼一切求索易不難得彼比丘依
此林住依此林住已若無正念不得
正念其心不定不得定心若不解脫
不得解脫諸漏不盡不得漏盡不得
無上安隱涅槃然不得涅槃學道者
所須衣被飲食床榻湯藥諸生活具
彼一切求索易不難得彼比丘應作
是觀我出家學道不為衣被故不為
飲食床榻湯藥故亦不為諸生活具

故然我依此林住或無正念不得正
念其心不定不得定心若不解脫不
得解脫諸漏不盡不得漏盡不得無
上安隱涅槃然不得涅槃學道者所
須衣被飲食床檣湯藥諸生活具彼
一切求索易不難得彼比丘如是觀
已可捨此林去比丘者依一林住我
依此林住或無正念便得正念其心
不定而得定心若不解脫便得解脫
諸漏不盡而得漏盡不得無上安隱
涅槃則得涅槃學道者所須衣被飲
食床檣湯藥諸生活具彼一切求索
易不難得彼比丘依此林住依此林
住已或無正念便得正念其心不定
而得定心若不解脫便得解脫諸
漏不盡而得漏盡不得無上安隱涅
槃則得涅槃學道者所須衣被飲食
床檣湯藥諸生活具彼一切求索其
難可得彼比丘應作是觀我出家學
道不為衣被故不為飲食床檣湯藥
故亦不為諸生活具故然依此林住
或無正念便得正念其心不定而得
定心若不解脫便得解脫諸漏不盡

而得漏盡不得無上安隱涅槃則得
涅槃學道者所須衣被飲食床檣湯
藥諸生活具彼一切求索甚難可得
彼比丘如是觀已可住此林比丘者
依一林住我依此林住或無正念便
得正念其心不定而得定心若不解
脫便得解脫諸漏不盡而得漏盡不
得無上安隱涅槃則得涅槃學道者
所須衣被飲食床檣湯藥諸生活具
彼一切求索甚難得彼比丘依此
林住依此林住已或無正念不得正
念其心不定不得定心若不解脫不
得解脫諸漏不盡不得漏盡不得無
上安隱涅槃然不得涅槃學道者所
須衣被飲食床檣湯藥諸生活具彼
一切求索甚難可得彼比丘應作是
觀我依此林住或無正念不得正念
其心不定不得定心若不解脫不得
解脫諸漏不盡不得漏盡不得無上
安隱涅槃然不得涅槃學道者所須
衣被飲食床檣湯藥諸生活具彼一
切求索甚難可得彼比丘如是觀已
即捨此林夜半而去莫與彼別比丘

者依一林住我依此林住或無正念

便得正念其心不定而得定心若不

解脫便得解脫諸漏不盡而得漏盡

不得無上安隱涅槃則得涅槃學道

者所須衣被飲食床檣湯藥諸生活

具彼一切求索易不難得彼比丘依

此林住依此林住已或無正念便得

正念其心不定而得定心若不解脫

便得解脫諸漏不盡而得漏盡不得

無上安隱涅槃則得涅槃學道者所

須衣被飲食床檣湯藥諸生活具彼

一切求索易不難得彼比丘應作是

觀我依此林住或無正念便得正念

其心不定而得定心若不解脫便得

解脫諸漏不盡而得漏盡不得無上

安隱涅槃則得涅槃學道者所須衣

被飲食床檣湯藥諸生活具彼一切

求索易不難得彼比丘如是觀已依

此林住乃可終身至其命盡如依林

住塚間村邑依於人住亦復如是佛

訖如是彼諸比丘聞佛所說歡喜奉行

林經第一竟

千一百六十五字

中阿含林品林經第二

第二小土城講

我聞如是一時佛遊舍衛國在勝林
給孤獨園。爾時世尊告諸比丘。比丘
者。依一林住。我依此林住。或所為出
家學道。欲得沙門義。此義於我得學。
道者。所須衣被。飲食。床槍。湯藥。諸生
活具。彼一切求索。易不難得。彼比丘。
依此林住。依此林住。已所為出家學
道。欲得沙門義。此義於我不得學。道
者。所須衣被。飲食。床槍。湯藥。諸生
活具。彼一切求索。易不難得。彼比丘。
應作是觀。我出家學道。不為衣被。故不
為飲食。床槍。湯藥。故亦不為諸生活
具。故然。我依此林住。所為出家學道。
欲得沙門義。此義於我不得學。道者。
所須衣被。飲食。床槍。湯藥。諸生活具。
彼一切求索。易不難得。彼比丘。如是
觀。已可捨此林去。比丘者。依一林住。
我依此林住。或所為出家學道。欲得
沙門義。此義於我得學。道者。所須衣
被。飲食。床槍。湯藥。諸生活具。彼一切
求索。易不難得。彼比丘。依此林住。依
此林住。已所為出家學道。欲得沙門
義。此義於我得學。道者。所須衣被。飲

食床搯湯藥諸生活具彼一切求索甚難可得彼比丘應作是觀我出家學道不為衣被故不為飲食床搯湯藥故亦不為諸生活具故然我依此林住所為出家學道欲得沙門義此義於我得學道者所須衣被飲食床搯湯藥諸可得彼比丘如是觀已可住此林比丘者依一林住我依此林住或所為出家學道欲得沙門義此義於我得生活具彼一切求索易不難得彼比丘依此林住依此林住已所為出家學道欲得沙門義此義於我不得學道者所須衣被飲食床搯湯藥諸生活具彼一切求索甚難可得彼比丘應作是觀我依此林住所為出家學道欲得沙門義此義於我不得學道者所須衣被飲食床搯湯藥諸生活具彼一切求索甚難可得彼比丘如是觀已即捨此林夜半而去莫與彼別比丘者依一林住我依此林住或所為出家學道欲得沙門義此義於

我得學道者所須衣被飲食床檣湯藥諸
藥諸生活具彼一切求索易不難得
彼比丘依此林住依此林住已所為
出家學道欲得沙門義此義於我得
學道者所須衣被飲食床檣湯藥諸
生活具彼一切求索易不難得彼比
丘應作是觀我依此林住所為出家
學道欲得沙門義此義於我得學道
者所須衣被飲食床檣湯藥諸生活
具彼一切求索易不難得彼比丘作
是觀已依此林住乃可終身至其命
盡如依林住塚間村邑依於人住亦
復如是佛說如是彼諸比丘聞佛所
說歡喜奉行

林經第二竟

八百三十一字

中阿含林品自觀心經第三第二土城誦
我聞如是一時佛遊舍衛國在勝林
給孤獨園今時世尊告諸比丘若有
比丘不能善觀於他心者當自善觀
察於已心應學如是云何比丘善自
觀心比丘者若有此觀必多所饒益
我為得內止不得取上慧觀法耶我
為得取上慧觀法不得內止耶我為

不得內止亦不得取上慧觀法耶我
為得內止亦得取上慧觀法耶若比
丘觀已則知我得內止不得取上慧
觀法者彼比丘得內止已當求取上
慧觀法彼於後時得內止亦得取上
慧觀法若比丘觀已則知我得取上
慧觀法不得內止者彼比丘住取上
慧觀法已當求內止彼於後時得取
上慧觀法亦得內止若比丘觀已則
知我不得內止亦不得取上慧觀法
者如是比丘不得此善法為欲得故
便以速求方便學極精勤正念正智
忍不令退猶人為火燒頭燒衣急求
方便殺頭殺衣如是比丘不得此善
法為欲得故便以速求方便學極精
勤正念正智忍不令退彼於後時即
得內止亦得取上慧觀法若比丘觀
已則知我得內止亦得取上慧觀法
彼比丘住此善法已當求漏盡智遍
作證所以者何我說不得畜一切衣
亦說得畜一切衣云何衣我說不得
畜若畜衣便增長惡不善法衰退善
法者如是衣我說不得畜云何衣我

說得畜若畜衣便增長善法衰退惡不善法者如是衣我說得畜如衣飲食床檣村邑亦復如是我說不得狎習一切人亦說得狎習一切人云何人我說不得狎習若狎習人便增長惡不善法衰退善法者如是人我說不得狎習云何人我說得與狎習若狎習人便增長善法衰退惡不善法者如是人我說得與狎習彼可習法知如真不可習法亦知如真彼可習法不可習法知如真已不可習法便不習可習法便習彼不可習不習可習法習已便增長善法衰退惡不善法是謂比丘善自觀心善自知心善取善捨佛說如是彼諸比丘聞佛所說歡喜奉行

自觀心經第三竟

六百三十五字

中阿含林品自觀心經第四 第三上城誨我聞如是一時佛遊舍衛國在勝林給孤獨園尔時世尊告諸比丘若有比丘不能善觀於他心者當自善觀察於已心應學如是云何比丘善自觀心比丘者若有此觀必多所饒益

我為多行增伺為多行無增伺我為
多行瞋恚心為多行無瞋恚心我為
多行睡眠經為多行無睡眠經我為
多行調貢高為多行無調貢高我為
多行疑惑為多行無疑惑我為多行
身譁為多行無身譁我為多行穢汙
心為多行無穢汙心我為多行信為
多行不信我為多行精進為多行懈
怠我為多行念為多行無念我為多
行定為多行無定我為多行惡慧為
多行無惡慧若比丘觀時則知我多
行增伺瞋恚心睡眠經調貢高疑惑
身譁穢汙心不信懈怠無念無定多
行惡慧者彼比丘欲滅此惡不善法
故便以速求方便學極精勤正念正
智忍不令退猶人為火燒頭燒衣急
求方便投頭投衣如是比丘欲滅此
惡不善法故便以速求方便學極精
勤正念正智忍不令退若比丘觀時
則知我多行無增伺無瞋恚心無睡
眠經無調貢高無疑惑無身譁無穢
汙心有信有進有念有定多行無惡
慧者彼比丘住此善法已當求漏盡

習通作證所以者何我說不得畜一
切家亦說得畜一切衣云何衣我說
不得畜若畜衣便增長惡不善法衰
退善法者如是衣我說不得畜云何
衣我說得畜若畜衣便增長善法衰
退惡不善法者如是衣我說得畜如
衣飲食床檣村邑亦復如是我不
得狎習一切人亦說得狎習一切人
云何人我說不得狎習若狎習人便
增長惡不善法衰退善法者如是人
我說不得狎習云何人我說得與狎
習若狎習人便增長善法衰退惡不
善法者如是人我說得與狎習彼可
習法知如真不可習法亦知如真彼
可習法不可習法知如真已不可習
法便不習可習法便習彼不可習法
不習可習法習已便增長善法衰退
惡不善法是謂比丘善自觀心善自
知心善取善捨佛說如是彼諸比丘
聞佛所說歡喜奉行

白觀心經第四竟

六百六十六字

中阿含林品達梵行經第五 第二土城誦
戒聞如是一時佛遊拘樓瘦在劍磨

瑟曇拘樓都邑。余時世尊告諸比丘。我當為汝說法。初妙中妙。竟亦妙。有文有義。具足清淨。顯現梵行。謂名達梵行。能盡諸漏。汝等諦聽。善思念之。時諸比丘受教而聽。世尊告曰。汝等當知漏。知漏所因。生知漏。有報。知漏勝。如知漏。滅盡。知漏。滅道。汝等當知。知覺。知覺所因。生知覺。有報。知覺勝。如知覺。滅盡。知覺。滅道。汝等當知。知想。知想所因。生知想。有報。知想勝。如知想。滅盡。知想。滅道。汝等當知。知欲。知欲所因。生知欲。有報。知欲勝。如知欲。滅盡。知欲。滅道。汝等當知。知業。知業所因。生知業。有報。知業勝。如知業。滅盡。知業。滅道。汝等當知。知苦。知苦所因。生知苦。有報。知苦勝。如知苦。滅盡。知苦。滅道。云何知漏。謂有三漏。欲漏。有漏。無明漏。是謂知漏。云何知漏所因。生謂無明也。因無明。則便有漏。是謂知漏所因。生。云何知漏有報。謂無明。經書為諸漏所漬。彼因此受報。或得善處。或得惡處。是謂知漏有報。云何知漏勝。如謂。或有漏。生。地獄中。或有漏。生。

畜生中或有漏生餓鬼中或有漏生
天上或有漏生人間是謂知漏勝如
云何知漏滅盡謂無明滅漏便滅是
謂知漏滅盡云何知漏滅道謂八支
聖道正見乃至正定為八是謂知漏
滅道若比丘如是知漏知漏所因生
知漏受報知漏勝如知漏滅盡知漏
滅道者是謂達梵行能盡一切漏云
何知覺謂有三覺樂覺苦覺不苦不
樂覺是謂知覺云何知覺所因生謂
更樂也因更樂則便有覺是謂知覺
所因生云何知覺有報謂愛也愛為
覺報是謂知覺有報云何知覺勝如
謂比丘者覺樂覺時便知覺樂覺覺
苦覺時便知覺苦覺覺不苦不樂覺
時便知覺不苦不樂覺樂身苦身不
苦不樂身樂心苦心不苦不樂心樂
食苦食不苦不樂食樂無食苦無食
不苦不樂無食樂欲苦欲不苦不樂
欲樂無欲苦無欲覺不苦不樂無欲
覺時便知覺不苦不樂無欲覺是謂
知覺勝如云何知覺滅盡謂更樂滅
覺便滅是謂知覺滅盡云何知覺滅

道謂八支聖道正見乃至正定為八

是謂知覺滅道若比丘如是知覺知

覺所因生知覺有報知覺勝如知覺

滅盡知覺滅道者是謂達梵行能盡

一切覺云何知想謂有四想比丘者

小想亦知大想亦知無量想亦知无

所有處想亦知是謂知想云何知想

所因生謂更樂也因更樂則便有想

是謂知想所因生云何知想有報謂

說也隨其想便說是謂知想有報云

何知想勝如謂或有想想色或有想

想聲或有想想香或有想想味或有

想想觸是謂知想勝如云何知想滅

盡謂更樂滅想便滅是謂知想滅盡

云何知想滅道謂八支聖道正見乃

至正定為八是謂知想滅道若比丘

如是知想想所因生知想有報知

想勝如知想滅盡知想滅道者是謂

達梵行能盡一切想云何知欲謂有

五欲功德可愛可意美色欲想應其

可樂云何為五眼知色耳知聲鼻知

香舌知味身知觸是謂知欲云何知

欲所因生謂更樂也因更樂則便有

欲是謂知欲所因生云何知欲有報
謂隨欲種受樂著而住彼因此受報
有福德無福德不動處是謂知欲有
報云何知欲勝如謂或有欲欲色或
有欲欲聲或有欲欲香或有欲欲味
或有欲欲觸是謂知欲勝如云何知
欲滅盡謂更樂滅欲便滅是謂知欲
滅盡云何知欲滅道謂八支聖道正
見乃至正定為八是謂知欲滅道若
比丘如是知欲知欲所因生知欲受
報知欲勝如知欲滅盡知欲滅道者
是謂達梵行能盡一切欲云何知業
謂有二業思已思業是謂知業云何
知業所因生謂更樂也因更樂則便
有業是謂知業所因生云何知業有
報謂或有業黑有黑報或有業白有
白報或有業黑白黑白報或有業不
黑不白無報業業盡是謂知業有報
云何知業勝如謂或有業生地獄中
或有業生畜生中或有業生餓鬼中
或有業生天上或有業生人間是謂
知業勝如云何知業滅盡謂更樂滅
業便滅是謂知業滅盡云何知業滅

道謂八支聖道正見乃至正定為八
是謂知業滅道若比丘如是知業知
業所因生知業有報知業勝如知業
滅盡知業滅道者是謂達梵行能盡一
切業云何知苦謂生苦老苦病苦死
苦愁慘苦愛別離苦所求不得苦
略五盛陰苦是謂知苦云何知苦所
因生謂愛也因愛生苦是謂知苦所
因生云何知苦有報謂或有苦微遲
滅或有苦微疾滅或有苦盛遲滅或
有苦盛疾滅苦苦盡是謂知苦有報
云何知苦勝如謂不多聞愚癡凡夫
不遇善知識不御聖法法身生覺極苦
甚重苦命持欲絕出此從外更求於
彼或有沙門梵志持一句呪或二三
四多句呪或持百句呪彼治我苦如
是因求生苦因習生苦苦滅是謂知
苦勝如云何知苦滅盡謂愛滅苦便
滅是謂知苦滅盡云何知苦滅道謂
八支聖道正見乃至正定為八是謂
知苦滅道若比丘如是知苦知苦所
因生知苦有報知苦勝如知苦滅盡
知苦滅道者是謂達梵行能盡一切

苦佛說如是彼諸比丘聞佛所說歡

喜奉行

達梵行經第五竟

一千六百
四十二字

中阿含林品阿奴波經第六 第三土城誦

我聞如是一時佛遊跋耆國在阿奴
波跋耆都邑。爾時世尊則於晡時從
宴坐起堂上來下告曰。阿難。共汝往
至阿夷羅。憍帝河浴。尊者阿難白曰。
唯然。於是世尊將尊者阿難。往至阿
夷羅。憍帝河脫衣岸上。便入水浴。浴
已。還出拭體著衣。爾時尊者阿難執
扇扇佛。於是世尊迴顧告曰。阿難。提
憍達哆。以放逸故墮極苦難。必至惡
處。生地獄中住。至一切不可救濟。阿
難。汝不曾從諸比丘聞。謂我一向記
提憍達哆。必至惡處。生地獄中住。至
一切不可救濟耶。尊者阿難白曰。唯
然。爾時有一比丘語尊者阿難。世尊
以他心智。知提憍達哆心。故一向記
提憍達哆。必至惡處。生地獄中住。至
一切不可救濟耶。世尊告曰。阿難。彼
比丘。或有小。或有中。或有大。或年少
不自知。所以者何。如來口一向記彼

故有疑惑阿難我不見此世天及魔
梵沙門梵志徒人至天謂我一向記
如提想達哆所以者何阿難我一向
記提想達哆必至惡處生地獄中住
至一切不可救濟阿難若我見提想
達哆有白淨法如一毛許我便不一
向記提想達哆必至惡處生地獄中
住至一切不可救濟阿難我以不見
提想達哆有白淨法如一毛許是故
我一向記提想達哆必至惡處生地
獄中住至一切不可救濟阿難猶去
村不遠有大深廁或人墮中沒在其
底若人來為起大慈哀憐念愍傷求
義及饒益求安隱快樂彼人來已旋
轉視之而作是說此人可得一處如
毛髮許糞所不汙令我得捉挽出之
耶彼遍觀視不見此人有一淨處如
毛髮許糞所不汙可得手捉挽出之
也如是阿難若我見提想達哆有白
淨法如一毛者我不一向記提想達
哆必至惡處生地獄中住至一切不
可救濟阿難以我不見提想達哆有
白淨法如一毛許是故我一向記提

想達哆必至惡處生地獄中住至一劫不可投濟於是尊者阿難啼泣以手拭淚白曰世尊甚奇其持謂世尊一向記提想達哆必至惡處生地獄中住至一劫不可投濟世尊告曰如是阿難如是阿難我一向記提想達哆必至惡處生地獄中住至一劫不可投濟阿難若汝從如來聞大人根智分別者必得上信如來而懷歡喜於是尊者阿難叉手向佛白曰世尊今正是時善逝今正是時若世尊為諸比丘說大人根智分別者諸比丘從世尊聞當善喜叉手世尊告曰阿難諦聽善思念之我今為汝說大人根智分別尊者阿難受教而聽世尊告曰阿難如來以他心智觀他人心知此人成就善法亦成就不善法如來後時以他心智復觀此人心知此人滅善法生不善法此人善法已滅不善法已生餘有善根而不斷絕從此善根當復更生善如是此人得清淨法阿難猶如平旦日初出時闇滅明生阿難於意云何日轉昇上至千

食時闇已滅明已生耶尊者阿難白
曰亦也世尊如是阿難如來以他心
智觀他人心知此人成就善法亦成
就不善法如來後時以他心智復觀
此人心知此人滅善法生不善法此
人善法已滅不善法已生餘有善根
而不斷絕從是善根當復更生善如
是此人得清淨法阿難猶如穀種不
壞不破不腐不剝不為風熱所傷秋
時密藏若彼居士善治良田以種灑
中隨時雨溉阿難於意云何此種寧
得轉增長不尊者阿難白曰亦也世
尊如是阿難如來以他心智觀他人
心知此人成就善法亦成就不善法
如來後時以他心智復觀此人心知
此人滅善法生不善法此人善法已
滅不善法已生餘有善根而不斷絕
從是善根當復更生善如是此人得
清淨法阿難是謂如來大人根智如
是如來正知諸法本復次阿難如來
以他心智觀他人心知此人成就善
法亦成就不善法如來後時以他心
智復觀此人心知此人滅善法生不

善法此人善法已滅不善法已生餘
有善根而未斷絕必當斷絕如是此
人得衰退法阿難猶如下瞽目垂沒
時明滅闇生阿難於意云何彼日已
沒明已滅闇已生耶尊者阿難白曰
亦也世尊如是阿難如來以他心智
觀他人心知此人成就善法亦成就
不善法如來後時以他心智復觀此
人心知此人滅善法生不善法此人
善法已滅不善法已生餘有善根而
未斷絕必當斷絕如是此人得衰退
法阿難猶如穀種不壞不破不腐不
剖不為風熱所傷秋時密藏若彼居
士善治良田以種灑中雨不隨時阿
難於意云何此種寧得轉增長耶尊
者阿難白曰不也世尊如是阿難如
來以他心智觀他人心知此人成就
善法亦成就不善法如來後時以他
心智復觀此人心知此人滅善法生
不善法此人善法已滅不善法已生
餘有善根而未斷絕必當斷絕如是
此人得衰退法阿難是謂如來大人
根智如是如來正知諸法本復次阿

難如來以他心智觀他人心我不見
此人 有白淨法如一毛許此人惡不
善法一向充滿穢汙為當來有本煩
熱苦報生老病死因如是此人身壞
命終必至惡處生地獄中阿難猶如
種子腐壞破剖為風熱所傷秋時不
密藏若彼居士非是良田又不善治
便下種子雨不隨時阿難於意云何
此種寧得轉增長耶尊者阿難白曰
不也世尊如是阿難如來以他心智
觀他人心我不見此人 有白淨法如
一毛許此人惡不善法一向充滿穢
汙為當來有本煩熱苦報生老病死
因如是此人身壞命終必至惡處生地
獄中阿難是謂如來大人根智如是
如來正知諸法本於是尊者阿難又
手向佛白曰世尊已說如此三種之
人寧可更說異三種人耶世尊告曰
可說也阿難如來以他心智觀他人
心知此人成就不善法亦成就善法
如來後時以他心智復觀此人心
知此人滅不善法而生善法此人不
善法已滅善法已生餘有不善根而

不斷絕從是不善根當復更生不善如是此人得衰退法阿難猶如燃火始然之時盡然一燬彼或有人益以燎草足以抵木阿難於意云何彼火寧轉增熾盛耶尊者阿難白曰亦也世尊如是阿難如來以他心智觀他人心知此人成就不善法亦成就善法如來後時以他心智復觀此人心知此人滅不善法而生善法此人不善法已滅善法已生餘有不善根而不斷絕從是不善根當復更生不善如是此人得衰退法阿難是謂如來大人根智如是如來正知諸法本復次阿難如來以他心智觀他人心成就不善法亦成就善法如來後時以他心智復觀此人心知此人滅不善法而生善法此人不善法已滅善法已生餘有不善根而不斷絕必當斷絕如是此人得清淨法阿難猶如然火熾然之時盡然一燬彼或有人從此盛火置平淨地或著石上阿難於意云何彼火寧轉增熾盛耶尊者阿難白曰不也世尊如是阿難如來以

他心智觀他人心知此人成就不善
法亦成就善法如來後時以他心智
復觀此人心知此人滅不善法而生
善法此人不善法已滅善法已生餘
有不善根而未斷絕必當斷絕如是
此人得清淨法阿難是謂如來大人
根智如是如來正知諸法今復次阿
難如來以他心智觀他人心我不見
此人有黑業如一毛許此人善法一
向充滿與樂樂報必生樂處而得長
壽如是此人即於現世必得般涅槃
阿難猶如火炭久滅已冷彼或有人
雖益以燥草足以搞木阿難於意云
何彼死火炭寧可復得熾然之耶尊
者阿難白曰不也世尊如是阿難如
來以他心智觀他人心我不見此人
有黑業如一毛許此人善法一向充
滿與樂樂報必生樂處而得長壽如
是此人即於現世必得般涅槃阿難
是謂如來大人根智如是如來正知
諸法今阿難前說三人者第一人得
清淨法第二人得衰退法第三人身
壞命終必至惡處生地獄中後說三

人者第一人得衰退法第二人得清
淨法第三人即於現世得般涅槃阿
難我已為汝說大人根智如尊師所
為弟子起大慈哀憐念慰傷求義及
饒益求安隱快樂我今已作汝等當
復自作至無事處山林樹下空安靜處
宴坐思惟勿得放逸勤加精進莫令
後悔此是我之教勅是我訓誨佛說
如是彼諸比丘聞佛所說歡喜奉行
阿奴波經第六竟 二千六百
四十六字

中阿含經卷第三十七

七千五百
八十二字

癸卯歲高麗國大藏都監奉
勅彫造

中阿含經卷第二十八

凡

東晉劉宋三藏經目云僧伽提婆譯

中阿含林品諸法本經第七 第二小土城誦

我聞如是一時佛遊舍衛國在勝林
給孤獨園尔時世尊告諸比丘若諸
異學來問汝等一切諸法以何為本
汝等應當如是答彼一切諸法以欲
為本彼若復問以何為和當如是答
以更樂為和彼若復問以何為來當
如是答以覺為來彼若復問以何為
有當如是答以思想為有彼若復問
以何為上主當如是答以念為上主
彼若復問以何為前當如是答以定
為前彼若復問以何為上當如是答
以慧為上彼若復問以何為真當如
是答以解脫為真彼若復問以何為
訖當如是答以涅槃為訖是為比丘
欲為諸法本更樂為諸法和覺為諸
法來思想為諸法有念為諸法上主
定為諸法前慧為諸法上解脫為諸
法真涅槃為諸法訖是故比丘當如
是學習出家學道心習無常相習無

常苦想習苦無我想習不淨想習惡
食想習一切世間不可樂想習死想
知世間好惡習如是想心知世間習
有習如是想心知世間習滅味患出
要如真習如是想心若比丘得習出
家學道心者得習無常想得習無常
苦想得習苦無我想得習不淨想得
習惡食想得習一切世間不可樂想
得習死想知世間好惡得習如是想
心知世間習有得習如是想心知世
間習滅味患出要如真得習如是想
心者是謂比丘斷愛除結正知正觀
諸法已使得苦邊佛說如是彼諸比
丘間佛所說歡喜奉行

諸法本經第七竟

四百五十七字

中阿含林品優陀羅經第八 第二示土城誦
我聞如是一時佛遊舍衛國在勝林
給孤獨園尔時世尊告諸比丘優陀
羅羅摩子彼在衆中數如是說於此
生中觀此覺此不知癡本然後具知
癡本優陀羅羅摩子無一切知自稱
一切知實無所覺自稱有覺優陀羅
羅摩子如是見如是說有者是病是

却是判設無想者是愚癡也若有所覺是止息是最妙謂乃至非有想非無想處彼自樂身自受於身自著身已修習乃至非有想非無想處身壞命終生非有想非無想天中彼壽盡已復來此間生於狸中此比丘正說者於此生中觀此覺此不知癱本然後具知癱本云何比丘正觀耶比丘者知六更觸知習知滅知味知患知出要以慧知如真是謂比丘正觀也云何比丘覺比丘者知三覺知習知滅知味知患知出要以慧知如真是謂比丘覺云何比丘不知癱本然後具知癱本止比丘者知有愛滅拔其根本至竟不復生是謂比丘不知癱本然後具知癱本癱者謂此身也色塵四大從父母生飲食長養衣被按摩澡浴強忍是無常法壞法散法是謂癱也癱本者謂三愛也欲愛色愛無色愛是謂癱本癱一切漏者謂六更觸處也眼徧視色耳漏聞聲鼻徧嗅香舌徧嘗味身徧覺觸意徧知諸法是謂癱一切漏比丘我已為汝說癱

說癱本如尊師所為弟子起大慈哀
憐念愍傷求義及饒益求安隱快樂
者我今已作汝等亦當復自作至無
事處山林樹下空安靜處燕坐思惟
勿得放逸勤加精進莫令後悔此是
我之教勅是我訓誨佛說如是彼諸
比丘聞佛所說歡喜奉行

優陀羅經第八竟

五百字
四字

中阿含林品蜜丸喻經第九 第二土城誦
我聞如是一時佛遊釋鞞瘦在迦維
羅衛舍時世尊過夜平旦著衣持鉢
為乞食故入迦維羅衛舍訖中後收
舉衣鉢澡洗手足以尼師壇著於肩
上往詣竹林釋迦寺中入彼大林至
一樹下敷尼師檀結加趺坐於是執
杖釋拄杖而行中後彷徨往詣佛所
共相問訊拄杖立佛前問世尊曰沙
門瞿曇以何為宗本說何等法世尊
荅曰釋若一切世間天及魔梵沙門
梵志從人至天使不聞諍修習離欲
清淨梵志捨離諍曲除悔不著有非
有亦無想是我宗本說亦如是於是
執杖釋聞佛所說不是不非執杖釋

奮頭而去於是世尊執杖釋去後不久則於晡時從燕坐起往詣講堂比丘衆前敷座而坐告諸比丘我今平旦著衣持鉢為乞食故入迦維羅衛食訖中後收舉衣鉢澡洗手足以尼師檀著於肩上往詣竹林釋迦寺中入彼大林至一樹下敷尼師檀結跏趺坐於是執杖釋拄杖而行中後彷彿來詣我所共相問訊拄杖立我前問我曰沙門瞿曇以何為宗本說何等法我荅曰釋若一切世間天及魔梵沙門梵志從人至天使不闍諍修習離欲清淨梵志捨離諂曲除悔不著有非有亦無想是我宗本說亦如是彼執杖釋聞我所說不是不非執杖釋奮頭而去於是有一比丘即從坐起褊袒著衣叉手向佛白曰世尊云何一切世間天及魔梵沙門梵志從人至天使不闍諍云何修習離欲得清淨梵志云何捨離諂曲除悔不著有非有亦無想耶世尊告曰比丘若人所因念出家學道思想修習及過去未來今現在法不愛不樂不著

不住是說苦邊欲使恚使有使慢使
無明使見使疑使鬭諍憎嫉諛諂欺
誑妄言兩舌及無量惡不善之法是
說苦邊佛說如是即從坐起入室燕
坐於是諸比丘便作是念諸賢當知
世尊略說此義不廣分別即從坐起
入室燕坐若人所因念出家學道思
想修習及過去未來今現在法不愛
不樂不著不住是說苦邊欲使恚使
有使慢使無明使見使疑使鬭諍憎
嫉諛諂欺誑妄言兩舌及無量惡不
善之法是說苦邊彼復作是念諸賢
誰能廣分別世尊向所略說義彼復
作是念尊者大迦旃延常為世尊之
所稱譽及諸智梵行人尊者大迦旃
延能廣分別世尊向所略說義諸賢
共往詣尊者大迦旃延所請說此義
若尊者大迦旃延為分別者我等當
善受持於是諸比丘往詣尊者大迦
旃延所共相問訊却坐一面白曰尊
者大迦旃延當知世尊略說此義不
廣分別即從坐起入室燕坐比丘若
人所因念出家學道思想修習及過

去未來今現在法不受不樂不著不住是說苦邊欲使患使有使慢使無明使見使疑使鬪諍憎嫉諛訥欺誑妄言兩舌及無量惡不善之法是說苦邊我等使作是念諸賢誰能廣分別世尊向所略說義我等復作是念尊者大迦旃延常為世尊之所稱譽及諸智梵行人尊者大迦旃延能廣分別世尊向所略說義唯願尊者大迦旃延為慈愍故而廣說之尔時尊者大迦旃延告曰諸賢聽我說喻慧者聞喻則解其義諸賢猶如有人欲得求實為求實故持斧入林彼見大樹成根莖節枝葉華實彼人不觸根莖節實但觸枝葉諸賢所說亦復如是世尊現在捨來就我而問此義所以者何諸賢當知世尊是眼是智是義是法法主法將說真諦義現一切義由彼世尊諸賢應往詣世尊所而問此義世尊此云何此何義如世尊說者諸賢等當善受持時諸比丘白曰唯然尊者大迦旃延世尊是眼是智是義是法法主法將說真諦義見

一切義由彼世尊我等應往詣世尊
所而問此義世尊此云何此何義如
世尊說者我等當善受持然尊者大
迦旃延常為世尊之所稱譽及諸智
梵行人尊者大迦旃延能廣分別世
尊向所略說義唯願尊者大迦旃延
為慈愍故而廣說之尊者大迦旃延
告諸比丘諸賢等共聽我所說諸賢
緣眼及色生眼識三事共會便有更
觸緣更觸便有所覺若所覺便想若
所想便思若所思便念若所念便分
別比丘者因是念出家學道思想修
習此中過去未來今現在法不愛不
樂不著不住是說苦邊欲使恚使有
使慢使無明使見使疑使聞諍憎嫉
諛諂欺誑妄言兩舌及無量惡不善
之法是說苦邊如是耳鼻舌身緣意
及法生意識三事共會便有更觸緣
更觸便有所覺若所覺便想若所想
便思若所思便念若所念便分別比
丘者因是念出家學道思想修習此
中過去未來今現在法不愛不樂不
著不住是說苦邊欲使恚使有使慢

使無明使見使疑使聞諍憎嫉諛諂

欺誑妄言兩舌及無量惡不善之法

是說苦邊諸賢比丘者除眼除色除眼

識有更觸施設更觸者是處不然若

不施設更觸有覺施設覺者是處不

然若不施設覺有施設念出家學道

思想修習者是處不然如是耳鼻舌

身除意除法除意識有更觸施設更

觸者是處不然若不施設更觸有覺

施設覺者是處不然若不施設覺有

施設念出家學道思想修習者是處

不然諸賢比丘者因眼因色因眼識

有更觸施設更觸者必有此處因施

設更觸有覺施設覺者必有此處因

施設覺有施設念出家學道思想修

習者必有此處如是耳鼻舌身因意

因法因意識有更觸施設更觸者必

有此處因施設更觸有覺施設覺者

必有此處因施設覺有施設念出家

學道思想修習者必有此處諸賢謂

世尊略說此義不廣分別即從坐起

入室燕坐比丘若人所因念出家學

道思想修習及過去未來今現在法

不愛不樂不著不住是說苦邊欲使
恚使有使慢使無明使見使疑使聞
諍憎嫉諛諂欺誑妄言兩舌及無量
惡不善之法是說苦邊此世尊略說
不廣分別義我以此句以此文廣說
如是諸賢可往向佛具陳若如世尊
所說義者諸賢等便可受持於是
諸比丘聞尊者大迦旃延所說善受
持誦即從坐起繞尊者大迦旃延三
匝而去往詣佛所稽首作禮却坐一
面白曰世尊向世尊略說此義不廣
分別即從坐起入室宴坐尊者大迦
旃延以此句以此文而廣說之世尊
聞已嘆曰善哉善哉我弟子中有眼
有智有法有義所以者何謂師為弟
子略說此義不廣分別彼弟子以此
句以此文而廣說之如迦旃延比丘
所說汝等應當如是受持所以者何
以說觀義應如是也比丘猶如有人
因行無事處山林樹間忽得蜜丸隨
彼所食而得其味如是族姓子於我
此正法律隨彼所觀而得其味觀眼
得味觀耳鼻舌身觀意得味尔時

尊者阿難執拂侍佛於是尊者阿難
叉手向佛白曰世尊此法名何等我
當云何奉持世尊告曰阿難此法名
為蜜丸喻汝當受持於是世尊告諸
比丘汝等受此蜜丸喻法當調誦讀
所以者何比丘此蜜丸喻有法有義
梵行之本趣通趣覺趣於涅槃若族
姓子剃除鬚髮著袈裟衣至信捨家
無家學道者當善受持此蜜丸喻佛
說如是尊者阿難及諸比丘聞佛所
說歡喜奉行

蜜丸喻經第九竟

二千二百
七十一字

中阿含林品瞿曇經第十 第十去城誦

我聞如是一時佛遊釋鞞瘦在迦維
羅衛尼拘類樹園與大比丘衆俱受
夏坐今時瞿曇彌大愛往詣佛所稽
首佛足却住一面白曰世尊女人可
得第四沙門果耶因此故女人於此
正法律中至信捨家無家學道耶世
尊告曰止止瞿曇彌汝莫作是念女
人於此正法律中至信捨家無家學
道瞿曇彌如是汝剃除頭髮著袈裟
衣盡其形壽淨修梵行於是瞿曇彌

大愛為佛所制稽首佛足繞三匝而
去。爾時諸比丘為佛治衣。世尊不久
於釋羈瘦受夏坐。竟補治衣訖。過三
月。已攝衣持鉢當遊人間。瞿曇彌大
愛聞諸比丘為佛治衣。世尊不久於
釋羈瘦受夏坐。竟補治衣訖。過三月
已攝衣持鉢當遊人間。瞿曇彌大愛
聞已。復詣佛所。稽首佛足。却住一面。
白曰。世尊。女人可得第四沙門果耶。
因此故。女人於此正法律中。至信捨
家。無家學道。耶。世尊亦并告曰。止。止。
瞿曇彌。汝莫作是念。女人於此正法
律中。至信捨家。無家學道。瞿曇彌。如
是。汝剗除頭髮。著袈裟衣。盡其形壽。
淨修梵行。於是瞿曇彌大愛。為佛
所制。稽首佛足。繞三匝而去。彼時世
尊於釋羈瘦受夏坐。竟補治衣訖。過
三月。已攝衣持鉢。遊行人間。瞿曇彌
大愛聞世尊於釋羈瘦受夏坐。竟補
治衣訖。過三月。已攝衣持鉢。遊行人
間。瞿曇彌大愛。即與舍夷諸老母俱。
隨逐佛後。展轉往至。那摩提住。那摩
提。健尼精舍。於是瞿曇彌大愛。復詣

佛所稽首佛足却住一面白曰世尊
女人可得第四沙門果耶因此故女
人於此正法律中至信捨家無家學
道耶世尊至三告曰止止瞿曇弥汝
莫作是念女人於此正法律中至信
捨家無家學道瞿曇弥大愛如是汝
剃除頭髮著袈裟衣盡其形壽淨修
梵行於是瞿曇弥大愛三為世尊所
割稽首佛足繞三匝而去彼時瞿曇
弥大愛塗跣汗足塵土坌體疲極悲
泣住立門外尊者阿難見瞿曇弥大
愛塗跣汗足塵土坌體疲極悲泣住
立門外見已問曰瞿曇弥以何等故
塗跣汗足塵土坌體疲極悲泣住立
門外瞿曇弥大愛答曰尊者阿難女
人不得於此正法律中至信捨家無
家學道尊者阿難語曰瞿曇弥今日
住此我往詣佛白如是事瞿曇弥大
愛白曰唯然尊者阿難於是尊者阿
難往詣佛所稽首佛足叉手向佛白
曰世尊女人可得第四沙門果耶因
此故女人得於此正法律中至信捨
家無家學道耶世尊告曰止止阿難

汝莫作是念女人得於此正法律中

至信捨家無家學道阿難若使女人

得於此正法律中至信捨家無家學

道者令此梵行便不得久住阿難猶

如人家多女少男者此家為得轉興

盛耶尊者阿難白曰不也世尊如是

阿難若使女人得於此正法律中至

信捨家無家學道者令此梵行不得

久住阿難猶如稻田及麥田中有穢

生者必壞彼田如是阿難若使女人

得於此正法律中至信捨家無家學

道者令此梵行不得久住尊者阿難

復白曰世尊瞿曇弥大愛為世尊多

所饒益所以者何世尊母亡後瞿曇

弥大愛鞠養世尊世尊告曰如是阿

難如是阿難瞿曇弥大愛多饒益我

謂母亡後鞠養於我阿難我亦多饒

益於瞿曇弥大愛所以者何阿難瞿

曇弥大愛因我故得歸佛歸法歸比

丘僧不疑三尊及苦習滅道成就於

信奉持禁戒修學博聞成就布施而

得智慧離然斷離不與取斷不與

取離邪嬖斷邪嬖離妄言斷妄言離

酒斷酒阿難若使有人因人故得歸
佛歸法歸比丘僧不疑三尊及苦習
滅道成就於信奉持禁戒修學博聞
成就布施而得智慧離熱斷熱離不
與取斷不與取離邪婬斷邪婬離妄
言斷妄言離酒斷酒阿難設使此人
為供養彼人衣被飲食卧具湯藥諸
生活具至盡形壽不得報恩阿難我
今為女人施設八尊師法謂女人不
當犯女人奉持盡其形壽阿難猶如
魚師及魚師弟子深水作塢為守護
水不令流出如是阿難我今為女人
說八尊師法謂女人不當犯女人奉
持盡其形壽云何為八阿難比丘尼
當從比丘求受具足阿難我為女人
施設此第一尊師法謂女人不當犯
女人奉持盡其形壽阿難比丘尼半
月半月往從比丘受教阿難我為女
人施設此第二尊師法謂女人不當
犯女人奉持盡其形壽阿難若住止
處設無比丘者比丘尼便不得受夏
坐阿難我為女人施設此第三尊師
法謂女人不當犯女人奉持盡其形

壽阿難比丘尼受夏坐訖於兩部衆中當請三事求見聞疑阿難我為女人施設此第四尊師法謂女人不當犯女人奉持盡其形壽阿難若比丘不聽比丘尼問者比丘尼則不得問比丘經律阿毗曇若聽問者比丘尼得問經律阿毗曇阿難我為女人施設此第五尊師法謂女人不當犯女人奉持盡其形壽阿難比丘尼不得說比丘所犯比丘得說比丘尼所犯阿難我為女人施設此第六尊師法謂女人不當犯女人奉持盡其形壽阿難比丘尼若犯僧伽婆尸沙當於兩部衆中十五日行不憚阿難我為女人施設此第七尊師法謂女人不當犯女人奉持盡其形壽阿難比丘尼受具足雖至百歲故當向始受具足比丘極下意稽首作禮恭敬承事叉手問訊阿難我為女人施設此第八尊師法謂女人不當犯女人奉持盡其形壽阿難我為女人施設此八

其形壽阿難若瞿曇弥大愛奉持此

八舍師法者是以正法律中出家學
道得受具足作比丘尼於是尊者阿
難聞佛所說善受善持誓首佛足繞
三帀而去往詣瞿曇彌大愛所語曰
瞿曇彌女人得於此正法律中至信
捨家無家學道瞿曇彌大愛世尊為
女人施設此八尊師法謂女人不當
犯女人奉持盡其形壽云何為八瞿
曇彌比丘尼當從比丘求受具足瞿
曇彌世尊為女人施設此第一尊師
法謂女人不當犯女人奉持盡其形
壽瞿曇彌比丘尼半月半月往從比
丘受教瞿曇彌世尊為女人施設此
第二尊師法謂女人不當犯女人奉
持盡其形壽瞿曇彌若住止處無比
丘者比丘尼不得受夏坐瞿曇彌世
尊為女人施設此第三尊師法謂女
人不當犯女人奉持盡其形壽瞿曇
彌比丘尼受夏坐訖於兩部衆中當
請三事求見聞疑瞿曇彌世尊為女
人施設此第四尊師法謂女人不當
犯女人奉持盡其形壽瞿曇彌若比
丘不聽比丘尼問者比丘尼不得問

比丘經律阿毗曇若聽問者比丘居
 得問經律阿毗曇瞿曇彌世尊為女
 人施設此第五尊師法謂女人不當
 犯女人奉持盡其形壽瞿曇彌比丘
 居不得說比丘所犯比丘得說比丘
 居所犯瞿曇彌世尊為女人施設此
 第六尊師法謂女人不當犯女人奉
 持盡其形壽瞿曇彌比丘居若犯僧
 伽婆尸沙當於兩部眾中十五日行
 不憍瞿曇彌世尊為女人施設此第
 七尊師法謂女人不當犯女人奉持
 盡其形壽瞿曇彌比丘居受具足雖
 至百歲故當向始受具足比丘極下
 意誓首作禮恭敬承事叉手問訊瞿
 曇彌世尊為女人施設此第八尊師
 法謂女人不當犯女人奉持盡其形
 壽瞿曇彌世尊為女人施設此八尊
 師法謂女人不當犯女人奉持盡其形
 壽瞿曇彌世尊如是說若瞿曇彌
 大愛奉持此八尊師法者是此正法
 律中出家學道得受具足作比丘居
 於是瞿曇彌大愛白曰尊者阿難聽
 我說喻智者聞喻則解其義尊者了

難猶利利女梵志居士工師女端正
殊好極淨沐浴以香塗身著明淨衣
種種瓔珞嚴飭其容或復有人為念
彼女求利及饒益求安隱快樂以青
蓮華鬘或瞻蔔華鬘或修摩那華鬘
或婆師華鬘或阿提牟多華鬘持與
彼女彼女歡喜兩手受之以嚴其頭
如是尊者阿難世尊為女人施設此
八尊師法我盡形壽頂受奉持尔時
瞿曇弥大愛於正法律中出家學道
得受具足作比丘尼彼時瞿曇弥大
愛於後轉成大比丘尼衆與諸長老
上尊比丘尼為王者所識久修梵行
共俱往詣尊者阿難所稽首作禮却
住一面白曰尊者阿難當知此諸比
丘尼長老上尊為王者所識久修梵
行彼諸比丘年少新學脫後出家入
此正法律爾不久願令此諸比丘
為諸比丘尼隨其大小稽首作禮恭
敬承事又手問訊於是尊者阿難語
曰瞿曇弥今且住此我往詣佛白如
是事瞿曇弥大愛白曰唯然尊者阿
難於是尊者阿難往詣佛所稽首

足却住一面又手向佛白曰世尊今
日瞿曇祇大愛與諸比丘尼長老上
尊為王者所識久修梵行俱來詣我
所誓首我足却住一面又手語我曰
尊者阿難此諸比丘尼長老上尊為
王者所識久修梵行彼諸比丘年少
新學晚後出家入此正法律甫尔不
久願令此諸比丘為諸比丘尼隨其
大小誓首作禮恭敬承事又手問訊
世尊告曰止止阿難守護此言慎莫
說是阿難若使汝知如我知者不應
說一句况復如是說阿難若使女人
不得於此正法律中至信捨家無家
學道者諸梵志居士當以衣布地而
作是說精進沙門可於上行精進沙
門難行而行令我長衣得利饒益安
隱快樂阿難若女人不得於此正法
律中至信捨家無家學道者諸梵志
居士當以頭髮布施而作是說精進
沙門可於上行精進沙門難行而行
令我長衣得利饒益安隱快樂阿難
若女人不得於此正法律中至信捨
家無家學道者諸梵志居士若見沙

門當以手奉種種飲食住道邊待而作是說諸尊受是食是可持是去隨意所用令我長夜得利饒益安隱快樂阿難若女人不得於此正法律中至信捨家無家學道者諸信梵志見精進沙門歡心扶抱將入於內持種種財物與精進沙門而作是說諸尊受是可持是去隨意所用令我長夜得利饒益安隱快樂阿難若女人不得於此正法律中至信捨家無家學道者此日月有大如意足有大威德有大福祐有大威神然於精進沙門威神之德猶不相及況復死瘦異學耶阿難若女人不得於此正法律中至信捨家無家學道者正法當住千年今失五百歲餘有五百年阿難當知女人不得行五事若女人作如來無所著等正覺及轉輪王天帝釋魔王大梵天者王人梵天者終無是處當知男子得行五事若男子作如來無所著等正覺及轉輪王天帝釋魔王大梵天者必有是處佛說如是尊者阿難及諸比丘聞佛所說歡喜奉行

中阿含經卷第二十八第三十五經

八

此經云彌延經第十卷

二千三百五十六字

中阿含經卷第二十八

六千五百九十九字

中阿含林品第五竟

八千四百一十二字

第三十五經

癸卯歲高麗國大藏都監奉

勅彫造

中阿含經卷第二十九

夙

東晉劉宋三藏瞿曇僧伽提婆譯

大品第一

有二十
五經

第三曰誦名念

有二品含有
二十五經

柔輒龍鳥處無常請瞻波二十億八難
分貧窮欲福田優婆塞怨家教曇弥降魔
賴吒優婆離釋問及善生商人世間福
息止至邊喻

中阿含大品柔輒經第一

我聞如是一時佛遊舍衛國在勝林
給孤獨園今時世尊告諸比丘自我
昔日出家學道為從優遊從容閑樂
極柔輒來我在父王悅頭檀家時為
我造作種種宮殿春殿夏殿及以冬
殿為我好遊戲故去殿不遠復造種
種若干華池青蓮華池紅蓮華池赤
蓮華池白蓮華池於彼池中殖種種
水華青蓮華紅蓮華赤蓮華白蓮華
常水常華使人守護不通一切為我
好遊戲故於其池岸殖種種陸華修
摩那華婆師華瞻蔔華修捷提華摩
頭捷提華阿提牟多華波羅頭華為
我好遊戲故而使四人沐浴於我沐

浴我已赤梅檀香用塗我身香塗身
已著新繒衣上下内外表裏皆新畫
夜常以織蓋覆我莫令太子夜為露
所沾晝為日所炙如常他家麤麴麥
飯豆羹薑菜為第一食如是我父悅
頭檀家寂下使人糴糧饋饌為第一
食復次若有野田禽獸取美禽獸堤
帝邏起吒刼賓闍邏美米何犁泥奢
施羅米如是野田禽獸取美禽獸常
為我設如是之食我憶昔時父悅頭
檀家於夏四月昇正殿上無有男子
唯有女妓而自娛樂初不來下我欲
出至園觀之時三十名騎簡選上乘
鹵簿前後侍從導引况復其餘我有
是如意足此寂柔輒我復憶昔時看
田作人止息田上往詣閭浮樹下結
跏趺坐離欲離惡不善之法有覺有
觀離生喜樂得初禪成就遊我作是
念不多聞愚癡凡夫自有病法不離
於病見他人病憎惡薄賤不愛不喜
不自觀已我復作是念我自有病法
不離於病若我見他病而憎惡薄賤
不愛不喜者我不宜然我亦有是法

故如是觀已因不病起貢高者即便
自滅我復作是念不多聞愚癡凡夫
自有老法不離於老見他人老憎惡
薄賤不受不喜不自觀已我復作是
念我自有老法不離於老若我見他
老而憎惡薄賤不受不喜者我不宜
然我亦有是法故如是觀已若因壽
起貢高者即便自滅不多聞愚癡凡
夫為不病貢高豪貴放逸因欲生癡
不行梵行不多聞愚癡凡夫為少壯
貢高豪貴放逸因欲生癡不行梵行
不多聞愚癡凡夫為壽貢高豪貴放
逸因欲生癡不行梵行於是世尊即
說頌曰

病法老法	及死亡法	如法自有
凡夫見惡	若我憎惡	不度此法
我不宜然	亦有是法	彼如是行
知法離生	無病少壯	為壽貢高
斷諸貢高	見無欲安	彼如是覺
無怖於欲	得無有想	行淨梵行
佛說如是彼諸比丘聞佛所說歡喜		
奉行		

中阿含大品龍為經第二 第三念誦

我聞如是一時佛遊舍衛國在東園鹿子母堂。爾時世尊則於晡時從宴坐起。堂上來下告曰。烏陀夷。共汝往至東河澡浴。尊者烏陀夷白曰。唯然。於是世尊將尊者烏陀夷。往至東河。脫衣岸上。便入水浴。浴已還出。拭體著衣。尔時波斯匿王有龍。為名曰念作。一切妓樂。歷度東河。眾人見已。便作是說。是龍中龍。為大龍王。為是誰耶。尊者烏陀夷叉手向佛。白曰。世尊。為受大身。眾人見已。便作是說。是龍中龍。為大龍王。為是誰耶。烏陀夷馬駱駝牛驢。曾行人樹。生大形。烏陀夷眾人見已。便作是說。是龍中龍。為大龍王。為是誰耶。烏陀夷若有世間天及魔梵沙門梵志。從人至天。不以身口意害者。我說彼是龍。烏陀夷如來於世間天及魔梵沙門梵志。從人至天。不以身口意害。是故我名龍。於是尊者烏陀

夷叉手向佛白曰世尊唯願世尊加我威力善逝加我威力令我在佛前以龍相應頌頌讚世尊世尊告曰隨汝所欲於是尊者烏陀夷在於佛前以龍相應頌讚世尊曰

正覺生人間 自御得正定 修習行梵跡
息意能自樂 人之所敬重 越超一切法
亦為天所敬 無著至真人 越度一切結
於林離林去 捨欲樂無欲 如石出真金
普聞正盡覺 如日昇虛空 一切龍中高
如衆山有嶽 稱說名大龍 而無所傷害
一切龍中龍 真諦無上龍 溫潤無有害
此二是龍足 苦行及梵行 是謂龍所行
大龍信為手 二功德為牙 念頭智慧頭
思惟分別法 受持諸法腹 樂遠離雙臂
住善息出入 內心至善定 龍行止俱定
坐定卧亦定 龍一切時定 是謂龍常法
無穢家受食 有穢則不受 得惡不淨食
捨之如師子 所得供養者 為他慈愛受
龍食他信施 存命無所著 斷除大小結
解脫一切縛 隨彼所遊行 心無有繫著
猶如白蓮花 水生水長養 泥水不能著
妙香曼樂色 如是寂上覺 世上了世間

不為欲所染如華水不著猶如然火熾
不益薪則止無薪火不傳此火謂之滅
慧者說此喻欲令解其義是龍之所知
龍中龍所說遠離婬欲恚斷癡得無漏
龍捨離其身此龍謂之滅

佛說如是尊者烏陀夷聞佛所說歡
喜奉行

龍為經第二竟

七百三十字

中阿含大品說處經第三 第三念誦

我聞如是一時佛遊舍衛國在勝林
給孤獨園今時世尊告諸比丘此有
三說處無四無五若比丘見已因後
故說而說我見聞識知比丘說而說
是我所知云何為三比丘因過去世
說而說如是過去世時有比丘因未
來世說而說如是未來世時有比丘
因現在世說而說如是現在世時有
是謂三說處無四無五若比丘見已
因彼故說而說我見聞識知比丘說
而說是我所知因所說善習得義因
不說不善習得義賢聖弟子兩耳一
心聽法彼兩耳一心聽法已斷一法
修一法一法作證彼斷一法修一法

一法作證已便得正定賢聖弟子心得正定已便斷一切婬怒癡賢聖弟子如是得心解脫解脫已便知解脫我生已盡梵行已立所作已辦不更受有知如真因其所說有四處當以觀人此賢者可共說不可共說若使此賢者一向論不一向答者分別論不分別答者詰論不詰答者止論不止答者如是此賢者不得共說亦不得共論若使此賢者一向論使一向答者分別論分別答者詰論詰答者止論止答者如是此賢者得共說亦得共論復次因其所說更有四處當以觀人此賢者可共說不可共說若使此賢者於處非處不住者所知不住者說喻不住者道跡不住者如是此賢者不可共說亦不可共論若此賢者於處非處住者所知住者說喻住者道跡住者如是此賢者可得共說亦可得共論因所說時止息口行捨已所見捨怨結意捨欲捨恚捨癡捨慢捨不語捨慳嫉不求勝不伏他莫取所失說義說法說義說法已教

復教止自歡喜令彼歡喜如是說義如是說事是聖說義是聖說事謂至竟漏盡於是世尊說此頌曰

若有諍論議難意懷貢高非聖毀世德
各各相求便但求他過失意欲降伏彼
更爭而求勝聖不如是說若欲得論議
慧者當知時有法亦有義諸聖論如是
慧者如是說無諍無貢高意無有厭足
無結無有漏隨順不顛倒正知而為說
善說則然可自終不說惡不以諍論議
亦不受他諍知處及說處是彼之所論
如是聖人說慧者俱得義為現法得樂
亦為後世安當知聰達者非倒非常說
佛說如是彼諸比丘聞佛所說歡喜
奉行

說處經第三竟

七百三十三字

中阿含大品說無常經第四 第三念誦

我聞如是一時佛遊舍衛國在勝林
給孤獨園今時世尊告諸比丘色者
無常無常則苦苦則非神覺亦無常
無常則苦苦則非神想亦無常無常
則苦苦則非神行亦無常無常則苦
苦則非神識亦無常無常則苦苦則

非神是為色無常覺想行識無常無
常則苦苦則非神多聞聖弟子作如
是觀修習七道品无尋正思正念彼如
是知如是見欲漏心解脫有漏無明
漏心解脫解脫已便知解脫我生已
盡梵行已立所作已辦不更受有知
如真若有衆生及九衆生居乃至有
想無想處行餘第一有於其中間是
第一是大是勝是寂是尊是妙謂世
中阿羅訶所以者何世中阿羅訶得
安隱快樂於是世尊說此頌曰

無者第一樂 斷欲無有愛 永捨離我慢
裂壞無明網 彼得不移動 心中无微濁
不染著世間 梵行得無漏 了知於五陰
境界七善法 大雄遊行處 離一切恐怖
成就七覺寶 具學三種學 妙稱上朋友
佛寂上真子 成就十支道 大龍極定心
是世中第一 彼則無有愛 衆事不移動
解脫當來有 斷主老病死 所作辦滅漏
興起無學習 得身最後邊 梵行第一且
彼必不由他 上下及諸方 彼無有喜樂
能為師子吼 世間無上覺
佛說如是彼諸比丘聞佛所說歡喜

說無常經第四竟

四百一十三字

中阿含大品請請經第五

下一請字
皆應并反

第二念三

我聞如是一時佛遊王舍城在竹林
加蘭哆園與大比丘衆五百人俱共
受夏坐今時世尊月十五日說從解
脫相請請時在比丘衆前敷座而坐
告諸比丘我是梵志而得滅訖無上
醫王我今受身寂是後邊我是梵志
得滅訖後無上醫王我今受身寂是
後邊謂汝等輩是我真子從口而生
法法所化謂汝等輩是我真子從口
而生法法所化汝當教化轉相教訶
今時尊者舍利子亦在衆中於是尊
者舍利子即從坐起偏袒著衣叉手
向佛白曰世尊嚮之所說我是梵志
而得滅訖無上醫王我今受身寂是
後邊我是梵志得滅訖後無上醫王
我今受身寂是後邊謂汝等輩是我
真子從口而生法法所化謂汝等輩
是我真子從口而生法法所化汝當
教化轉相教訶世尊諸不調者今得
調御諸不息者今得止息諸不度者

而今得度諸不解脫者令得解脫諸
不滅訖者令得滅訖未得道者令其
得道不施設梵行今施設梵行知道
覺道識道說道世尊弟子於後得法
受教受訶受教訶已隨世尊語即便
趣行得如其意善知正法唯然世尊
不嫌我身口意行耶彼時世尊告曰
舍梨子我不嫌汝身口意行所以者
何舍梨子汝有聰慧大慧速慧捷慧
利慧廣慧深慧出要慧明達慧舍梨
子汝成就實慧舍梨子猶轉輪王而
有太子不越教已則便受拜父王所
傳而能復傳如是舍梨子我所轉法
輪汝復能轉舍梨子是故我不嫌汝
身口意行尊者舍梨子復叉手向
佛白曰唯然世尊不嫌我身口意行
世尊不嫌此五百比丘身口意行耶
世尊告曰舍梨子我亦不嫌此五百
比丘身口意行所以者何舍梨子此
五百比丘盡得无著諸漏已盡梵行
已立所作已辦重擔已捨有結已盡
而得善義正智正解脫唯除一比丘
我亦本已記於現法中得究竟智生

已盡梵行已立所作已辦不更受有
知如真舍梨子是故我不嫌此五百
比丘身口意行尊者令梨子復三叉
手向佛白曰唯然世尊不嫌我身口
意行亦不嫌此五百比丘身口意行
世尊此五百比丘幾比丘得三明達
幾比丘得俱解脫幾比丘得慧解脫
耶世尊告曰舍梨子此五百比丘九
十比丘得三明達九十比丘得俱解
脫餘比丘得慧解脫舍梨子此衆无
枝無葉亦无節戾清淨真實得正住
立尔時尊者傍耆舍亦在衆中於是
尊者傍耆舍即從坐起偏袒著衣叉
手向佛白曰唯然世尊加我威力唯
願善逝加我威力今我在佛及比丘
衆前以如義相應而作讚頌世尊告
曰傍耆舍隨汝所欲於是尊者傍耆
舍在佛及比丘衆前以如義相應而
讚頌曰

今十五請曰 集坐五百衆 斷除諸結縛
無尋有盡仙 清淨光明照 解脫一切有
生老病死盡 漏滅所作辦 調悔及疑結
慢有漏已盡 拔斷愛結刺 上醫無復有

勇猛如師子 一切恐懼除已度於生死
諸漏已滅訖 猶如轉輪王 群臣所圍繞
悉領一切地 乃至於大海 如是勇猛伏
无上商人主 弟子樂恭敬 三遠離死怖
一切是佛子 永除枝葉節 轉無上法輪
稽首第一尊

佛說如是彼諸比丘聞佛所說歡喜
奉行

請請經第五竟

十一
三字

中阿含大品瞻波經第六

第三念誦

我聞如是一時佛遊瞻波在恒伽池
邊今時世尊月十五日說從解脫時
於比丘衆前敷座而坐世尊坐已即
便入定以他心智觀察衆心觀衆心
已至初夜竟嘿然而坐於是有一比
丘即從坐起偏袒著衣叉手向佛白
曰世尊初夜已訖佛及比丘衆集坐
來久唯願世尊說從解脫今時世尊
嘿然不答於是世尊復至中夜嘿然
而坐彼一比丘再從坐起偏袒著衣
叉手向佛白曰世尊初夜已過中夜
將訖佛及比丘衆集坐來久唯願世
尊說從解脫世尊亦再嘿然不答於

是世尊復至後夜嘿然而坐彼一比丘三從坐起偏袒著衣叉手向佛白曰世尊初夜既過中夜復訖後夜垂盡將向欲明明出不久佛及比丘衆集坐極久唯願世尊說從解脫今時世尊告彼比丘於此衆中有一比丘已為不淨彼時尊者大目犍連亦在衆中於是尊者大目犍連便作是念世尊為何比丘而說此衆中有一比丘已為不淨我寧可入如其像定以如其像定他心之智觀察衆心尊者大目犍連即入如其像定以如其像定他心之智觀察衆心尊者大目犍連便知世尊所為比丘說此衆中有一比丘已為不淨於是尊者大目犍連即從定起至彼比丘前牽臂將出開門置外癡人遠去莫於此住不復得與比丘衆會從今已去非是比丘問門下鑰還詣佛所稽首佛足却坐一面白曰世尊所為比丘說此衆中有一比丘已為不淨者我已逐出世尊初夜既過中夜復訖後夜垂盡將向欲明明出不久佛及比丘衆集坐

極久唯願世尊說從解脫世尊告曰
大目捷連彼愚癡人當得大罪觸燒
世尊及比丘衆大目捷連若使如來
在不淨衆說從解脫者彼人則便頭
破七分是故大目捷連汝等從今已
後說從解脫如來不復說從解脫所
以者何如是大目捷連或有癡人正
知出入善觀分別屈伸佝仰儀容庠
序善著僧伽梨及諸衣鉢行住坐卧
眠寤語嘿皆正知之似如真梵行至
諸真梵行所彼或不知大目捷連若諸
梵行知者便作是念是沙門汗是沙
門辱是沙門憎是沙門刺知已便當
共擯棄之所以者何莫令汗涂諸梵
行者大目捷連猶如居士有良稻田
或有麦田生草名穢麦其根相似莖
節葉花皆亦似麦後生實已居士見
之便作是念是麦汗辱是麦憎刺知
已便拔擲棄於外所以者何莫令汗
穢餘真好麦如是大目捷連或有癡
人正知出入善觀分別屈伸佝仰儀
容庠序善著僧伽梨及諸衣鉢行住
坐卧眠寤語嘿皆正知之似如真梵

行至諸真梵行所彼或不知大目犍連若諸梵行知者便作是念是沙門汗是沙門辱是沙門憎是沙門刺知已便當共擯棄之所以者何莫令汗染諸梵行者大目犍連猶如居士秋時揚穀穀聚之中若有成實者揚便止住若不成實及糝糠者便隨風去居士見已即持掃帚掃治令淨所以者何莫令汗雜餘淨好稻如是大目犍連或有癡人正知出入善觀分別屈伸佝仰儀容庠序善著僧伽梨及諸衣諸衣鉢行住坐卧眠寤語嘿皆正知之似如真梵行至諸真梵行所彼或不知大目犍連若諸梵行知者便作是念是沙門汗是沙門辱是沙門憎是沙門刺知已便當共擯棄之所以者何莫令汗染諸梵行者大目犍連猶如居士為過泉水故作通水槽持斧入林扣打諸樹若堅實者其聲便小若空中者其聲便大居士知已便斫治節擬作通水槽如是大目犍連或有癡人正知出入善觀分別屈伸佝仰儀容庠序善著僧伽梨及諸衣

鉢行住坐卧眠寤語嘿皆正知之似
如真梵行至諸真梵行所彼或不知
大目捷連若諸梵行知者便作是念
是沙門汙是沙門辱是沙門憎是沙
門刺知已便當共擯棄之所以者何
莫令汙染諸梵行者於是世尊說此
頌曰

共會集當知惡欲憎嫉恚不語結恨慳
嫉妬諂欺誑在衆詐言息屏處稱沙門
陰作諸惡行惡見不守護欺誑妄語言
如是當知彼往來不與會擯棄不共止
欺詐誑說多非息稱說息知時具淨行
擯棄遠離彼清淨共清淨常當共和合
和合得安隱如是得苦邊

佛說如是彼諸比丘聞佛所說歡喜
奉行

瞻波經第六竟

一千三百
五十一字

中阿含大品沙門二十億經第七 第三念誦

我聞如是一時佛遊舍衛國在勝林
給孤獨園今時尊者沙門二十億亦
遊舍衛國在闍林中前夜後夜學習
不眠精勤正住修習道品於是尊者
沙門二十億安靜獨住宴坐思惟心

作是念若有世尊弟子精勤學習正
法律者我為第一然諸漏心不得解
脫我父母家極大富樂多有錢財我
今寧可捨戒罷道行欲布施修諸福
業耶今時世尊以他心智知尊者沙
門二十億心之所念便告一比丘汝
往至彼呼沙門二十億來於是一比
丘白曰唯然即從坐起稽首礼足遶
三匝而去往至尊者沙門二十億所
而語彼曰世尊呼汝尊者沙門二十
億聞比丘語即詣佛所稽首作礼却
坐一面世尊告曰沙門汝實安靜獨
住宴坐思惟心作是念若有世尊弟
子精勤學習正法律者我為第一然
樂多有錢財我今寧可捨戒罷道行
欲布施修諸福業耶彼時尊者沙門
二十億羞耻慙愧則無無畏世尊知
我心之所念叉手向佛白曰實尔世
尊告曰沙門我今問汝隨所解答於
意云何汝在家時善調彈琴琴隨歌
音歌隨琴音耶尊者沙門二十億白曰
如是世尊世尊復問於意云何若彈琴

絃急為有和音可愛樂耶沙門荅曰
不也世尊世尊復問於意云何若彈
琴絃緩為有和音可愛樂耶沙門荅
曰不也世尊世尊復問於意云何若
彈琴調絃不_以不緩適得其中為有
和音可愛樂耶沙門荅曰如是世尊
世尊告曰如是沙門極大精進令心
調亂不極精進令心懸急是故汝當
分別此時觀察此相莫得放逸今時
尊者沙門二十億聞佛所說善受善
持即從坐起稽首佛足繞三匝而去
受佛彈琴喻教在遠離獨住心无放
逸修行精勤已族姓子所為剝除鬚
髮著袈裟衣至信捨家無家學道者
唯无上梵行託於現法中自知自覺
自作證成就道生已盡梵行已立所
作已辦不更受有知如真尊者沙門
二十億知法已至得阿羅訶彼時尊
者沙門一十億得阿羅訶已而作是
念今正是時我寧可往詣世尊所說
得究竟智耶於是尊者沙門二十億
往詣佛所稽首作礼却坐一面白曰

世尊若有比丘得無所著諸漏已盡
梵行已立所作已辦重擔已捨有結
已解自得善義正智正解脫者彼於
余時樂此六處樂於無欲樂於遠離
樂於天諍樂於愛盡樂於受盡樂心
不移動世尊或有一人而作是念此
賢者以依信故樂於无欲者不應如
是觀但欲盡恚盡癡盡是樂於无
欲世尊或有一人而作是念此賢者
以貪利稱譽求供養故樂於遠離者
不應如是觀但欲盡恚盡癡盡是樂
於遠離世尊或有一人而作是念此
賢者以依戒故樂於无諍者不應如
是觀但欲盡恚盡癡盡是樂於无諍
樂於愛盡樂於受盡樂心不移動世
尊若有比丘得無所著諸漏已盡梵
行已立所作已辦重擔已捨有結已
解自得善義正智正解脫者彼於余
時樂此六處世尊若有比丘學未得
意未願无上安隱涅槃者彼於余時
成就學根及學戒彼於後時諸漏已
盡而得无漏心解脫慧解脫於現法
中自知自覺自作證成就遊生已盡

梵行已立所作已辦不更受有知也
真者彼於今時成就无學根及無學
戒世尊猶幼少童子彼於今時成就
小根及小戒彼於後時具足學根者
彼於今時成就學根及學戒如是世
尊若有比丘學未得意求願无上安
隱涅槃者彼於今時成就學根及學
戒彼於後時諸漏已盡而得无漏心
解脫慧解脫於現法中自知自覺自
作證成就遊生已盡梵行已立所作
已辦不更受有知如真者彼於今時
成就无學根及無學戒彼若有眼所
知色與對眼者不能令失此心解脫
慧解脫心在內住善制守持觀興衰
法若有耳所知聲鼻所知香舌所知
味身所知觸意所知法與對意者不
能令失此心解脫慧解脫心在內住
善制守持觀興衰法世尊猶去村不
遠有大石山不破不缺不脆堅住不
空合一若東方有大風雨來不能令
搖不動轉移亦非東方風移至南方
若南方有大風雨來不能令搖不動
轉移亦非南方風移至西方若西方

有大風雨來不能令搖不動轉移亦
以西方風移至北方若北方有大風
雨來不能令搖不動轉移亦非北方
風移至諸方如是彼若有眼所知色
與對眼者不能令失此心解脫慧解
脫心在內住善制守持觀興衰法若
有耳所知聲鼻所知香舌所知味身
所知觸意所知法與對意者不能令失
此心解脫慧解脫心在內住善制守護
觀興衰法於是尊者沙門二十億說此
頌曰

樂在無欲 心有遠離 意於無諍

受盡欣悅 亦樂受盡 心不移動

得知如真 從是心解 得心解已

比丘息根 作已不觀 无所求作

猶如石山 風不能動 色聲香味

身觸亦然 受不受法 不能動心

尊者沙門二十億於佛前說得究竟

智已即從坐起稽首佛足繞三匝而

去尔時世尊尊者沙門二十億去後

不久告諸比丘諸族姓子應如是來

於我前說得究竟智如沙門二十億

未於我前說得究竟智不自譽口不慢

也說義現法隨諸處也莫令如癡增

上慢所纏來於我前說得究竟智從
不得義但大煩勞沙門二十億來於
我前說得究竟智不自譽不慢他說
義現法隨諸處也佛說如是彼諸比
丘聞佛所說歡喜奉行

沙門二十億經第七竟

一千七百三十九字

中阿含大品八難經第八

第三念誦

我聞如是一時佛遊舍衛國在勝林
給孤獨園尔時世尊告諸比丘人行
梵行而有八難八非時也云何為八
若時如來无所著等正覺明行成為
善逝世間解无上士道法御天人師
号佛眾祐出世說法趣向止息趣向
滅訖趣向覺道為善逝所演彼人尔
時生地獄中是謂人行梵行第一難
第一非時復次若時如來无所著等
正覺明行成為善逝世間解無上士
道法御天人師号佛眾祐出世說法
趣向止息趣向滅訖趣向覺道為善逝
所演彼人尔時生畜生中生餓鬼中
生長壽夭中生在邊國夷狄之中无
信無恩无有反復若無比丘比丘尼
優婆塞優婆夷是謂人行梵行第五

難第五非時復次若時如來无所著
等正覺明行成為善逝世間解无上
士道法御天人師号佛衆祐出世說
法趣向止息趣向滅訖趣向覺道為
善逝所演彼人尔時雖生中國而韻
症如羊鳴常以手語不能知說善惡
之義是謂人行梵行第六難第六非
時復次若時如來无所著等正覺明
行成為善逝世間解无上士道法御
天人師号佛衆祐出世說法趣向止
息趣向滅訖趣向覺道為善逝所演
彼人尔時雖生中國不韻不症不如
羊鳴不以手語又能知說善惡之義
然有邪見及顛倒見如是見如是說
無施无齋无有呪說無善惡業无善
惡業報无此世彼世無父无母世无
真人往至善處善去善向此世彼世
自知自覺自作證成就遊是謂人行
梵行第七難第七非時復次若時如
來无所著等正覺明行成為善逝世
間解无上士道法御天人師号佛衆
祐不出於世亦不說法趣向止息趣
向滅訖趣向覺道為善逝所演彼人

尔時生於中國不韻不症不如羊鳴
不以手語又能知說善惡之義而有
正見不顛倒見如是見如是說有施
有齋亦有呪說有善惡業有善惡
業報有此世彼世有父有母世有真
人往至善處善去善向此世彼世自
知自覺自作證成就遊是謂人行梵
行第八難第八非時人行梵行有一
不難有一是時云何人行梵行有一
不難有一是時若時如來无所著等
正覺明行成為善逝世間解无上士
道法御天人師号佛衆祐出世說法
趣向止息趣向滅訖趣向覺道為善
逝所演彼人尔時生於中國不韻不
症不如羊鳴不以手語又能知說善
惡之義而有正見不顛倒見如是見
如是說有施有齋亦有呪說有善惡
業有善惡業報有此世彼世有父有
母世有真人往至善處善去善向此
世彼世自知自覺自作證成就遊是
謂人行梵行有一不難有一是時於
是世尊說此頌曰

若得人身者說最微妙法若不得果

必不遇其時 多說梵行難 人在於後世
若得遇其時 是世中甚難 欲得復人身
及聞微妙法 當以精勤學 人自哀愍故
談說聞善法 莫令失其時 若失此時者
必憂墮地獄 若不遇其時 不聞說善法
如商人失財 受生死无量 若有得人身
聞說正善法 遵奉世尊教 必遭遇其時
若遭遇此時 堪任正梵行 成就无上眼
日親之所說 彼為常自護 進行離諸使
斷滅一切結 降魔魔眷屬 彼度於世間
謂得盡諸漏
佛說如是彼諸比丘聞佛所說歡喜
奉行

八難經第八竟

一十三
十三字

中阿含大品貧窮經第九 第三念誦

我聞如是一時佛遊舍衛國在勝林
給孤獨園尔時世尊告諸比丘世有
欲人貧窮為大苦耶諸比丘白曰尔
也世尊世尊復告諸比丘曰若有欲
人貧窮舉貸他家財物世中舉貸他
家財物為大苦耶諸比丘白曰尔也
世尊世尊復告諸比丘曰若有欲人
舉貸財物不得時還曰日長息世中

長息為大苦耶諸比丘白曰亦也出
尊世尊復告諸比丘曰若有欲人長
息不還財主責索世中財主責索為
大苦耶諸比丘白曰亦也世尊世尊
復告諸比丘曰若有欲人財主責索
不能得償財主數往至彼求索世中
財主數往至彼求索為大苦耶諸比
丘白曰亦也世尊世尊復告諸比丘
曰若有欲人財主數往至彼求索彼
故不還便為財主之所取縛世中為
財主取縛為大苦耶諸比丘白曰亦
也世尊是為世中有欲人貧窮是大
苦世中有欲人舉貸財物是大苦世
中有欲人舉貸長息是大苦世中有
欲人財主責索是大苦世中有欲人
財主數往至彼求索是大苦世中有
欲人為財主取縛是大苦如是若有
於此聖法之中无信於善法無禁戒
无博聞無布施无智慧於善法彼雖
多有金銀琉璃水精摩尼白珂螺辟
珊瑚琥珀瑪瑙瑠璃車渠碧玉赤石
琰珠然彼故貧窮无有力勢是我聖
法中說不善貧窮也彼身惡行口意

惡行是我聖法中說不善舉貸也彼
欲覆藏身之惡行不自發露不欲道
說不欲今人訶責不順求欲覆藏口
意惡行不自發露不欲道說不欲今
人訶責不順求是我聖法中說不善
長息也彼或行村邑及村邑外諸梵
行者見已便作是說諸賢此人如是
作如是行如是惡如是不淨是村邑
刺彼作是說諸賢我不如是作不如
是行不如是惡不如是不淨亦非村
邑刺是我聖法中說不善責索也彼
或在无事處或在山林樹下或在空
閑居念三不善念欲念恚念害念是
我聖法中說不善數往求索也彼作
身惡行口意惡行彼作身惡行口意
惡行已因此緣此身壞命終必至惡
處生地獄中是我聖法中說不善取
縛也我不見縛更有如是苦如是重
如是處如是不可樂如地獄畜生餓
鬼縛也此三苦縛漏盡阿羅訶比丘
已知滅盡拔其根本永無來生於是
世尊說此頌曰

世間貧窮苦 舉貸他錢財 舉貸錢財已

他責爲苦惱財主往來索因此水繫縛
此縛甚重苦世間樂於欲於聖法亦然
若無有正信無慙及无愧作惡不善行
身作不善行口意俱亦然覆藏不欲說
不樂正教訶若有數數行意念則爲苦
或村或靜處因是必有悔身口習諸行
及意之所念惡業轉增多數數作復作
彼惡業无慧多作不善已隨所生畢訖
必往地獄縛此縛最甚苦雄猛之所離
如法得財利不貪得安隱施與得歡喜
二俱皆獲利如是諸居士因施福增多
如是聖法中若有好誠信具足成慙愧
庶幾无慳貪已捨離五蓋常樂行精進
成就諸禪定滿具常樂已得无食樂
猶如水浴淨不動心解脫一切有結盡
无病爲涅槃謂之無上燈無憂无塵安
是說不移動

佛說如是彼諸比丘聞佛所說歡喜
奉行

貧窮經第九

一十一
十字

中阿含經卷第二十九

八千八
百三字

癸卯歲高麗國大藏都監奉
勅彫造

中阿含經卷第三十

凡

東晉罽賓三藏瞿曇僧伽提婆譯

六品行欲經第十

第三念誦

我聞如是一時佛遊舍衛國在勝林
給孤獨園。爾時給孤獨居士往詣佛
所稽首佛足却坐一面。白曰世尊世
中為有幾人行欲。世尊告曰居士世
中凡有十人行欲。云何為十。居士有
一行欲。人非法無道求索財物。彼非
法無道求財物。已不自養安隱。及父
母妻子奴婢作使。亦不供養沙門梵
志。令界上與樂俱而受樂報。生天長
壽。如是有一行欲人也。復次居士有
一行欲。人非法無道求索財物。彼非
法無道求財物。已能自養安隱。及父
母妻子奴婢作使。而不供養沙門梵
志。令界上與樂俱而受樂報。生天長
壽。如是有一行欲人也。復次居士有
一行欲。人非法無道求索財物。彼非
法無道求財物。已能自養安隱。及父
母妻子奴婢作使。亦供養沙門梵志。
今界上與樂俱而受樂報。生天長壽。

如是有一行欲人也復次居士有一
行欲人法非法求索財物彼法非法
求財物已不自養安隱及父母妻子
奴婢作使亦不供養沙門梵志令鼻上
與樂俱而受樂報生天長壽如是有一
行欲人也復次居士有一行欲人法
非法求索財物彼法非法求財物已
能自養安隱及父母妻子奴婢作使
而不供養沙門梵志令鼻上與樂俱
而受樂報生天長壽如是有一行欲
人也復次居士有一行欲人法非法
求索財物彼法非法求財物已能自養
安隱及父母妻子奴婢作使亦供養
沙門梵志令鼻上與樂俱而受樂報
生天長壽如是有一行欲人也復次
居士有一行欲人如法以道求索財
物彼如法以道求財物已不自養安
隱及父母妻子奴婢作使亦不供養
沙門梵志令鼻上與樂俱而受樂報
居士有一行欲人如法以道求索財
物彼如法以道求財物已能自養安
隱及父母妻子奴婢作使而不供養
沙門梵志令鼻上與樂俱而受樂報

三天長壽如是有一行欲行人也復
次居士有一行欲人如法以道求索
財物彼如法以道求財物已能自養安
隱及父母妻子奴婢作使亦供養沙
門梵志今昇上與樂俱而受樂報生
天長壽得財物已染著縛繳繳已染
者不見灾患不知出要而用如有
一行欲人也復次居士有一行欲人
如法以道求索財物彼如法以道求
財物已能自養安隱及父母妻子奴婢
作使亦供養沙門梵志今昇上與樂
俱而受樂報生天長壽得財物已不
染不著不縛不繳不繳已染著見灾
患知出要而用如有有一行欲人也
居士若有一行欲人非法無道求索
財物彼非法無道求財物已不自養
安隱及父母妻子奴婢作使亦不供
養沙門梵志今昇上與樂俱而受樂
報生天長壽者此行欲人於諸行欲
人為取下也居士若有一行欲人法
非法求索財物彼法非法求財物已
自養安隱及父母妻子奴婢作使亦
供養沙門梵志今昇上與樂俱而受

樂報生天長壽者此行欲人於諸行
欲人為最上也居士若有一行欲人
如法以道求索財物彼如法以道求
財物已自養安隱及父母妻子奴婢
作使亦供養沙門梵志令界上與樂
俱而受樂報生天長壽得財物已不
染不著不縛不繳不繳已染著見灾
患知出要而用者此行欲人於諸行
欲人為最第一最大家最上最勝最尊
為最妙也猶如因牛有乳因乳有酪
因酪有生酥因生酥有熟酥因熟酥
有酥精酥精者為最第一最大家最上
最勝最尊為最妙也如是居士此行
欲人於諸行欲人為最第一最大家
最上最勝最尊為最妙也於是世尊說
此頌曰

若非法求財 及法非法求 不供不自用
亦不施為福 二俱皆有惡 於行欲取下
若如法求財 自身慙所得 供他及自用
亦以施為福 二俱皆有德 於行欲取上
若得出要慧 行欲住在家 見灾患知足
節儉用財物 彼得出欲慧 於行欲取上
佛說如是給孤獨居士及諸比丘聞

中阿含經卷第三
佛所說歡喜奉行

第五張 夙

青

行欲經第十竟

千二百五
十三字

中阿含大品福田經第十一

第三念誦

我聞如是一時佛遊舍衛國在勝林
給孤獨園。爾時給孤獨居士往詣佛
所稽首佛足却坐一面白曰世尊世
中為有幾福田。人世尊告曰居士世
中凡有二種福田。人云何為二。一者
學人二者無學人。學人有十八無學
人有九居士云何十八學人信行法
行信解脫見到身證家家一種向須
陀洹得須陀洹向斯陀含得斯陀含
白阿那含得阿那含中般涅槃生般
涅槃行般涅槃無行般涅槃上滅色
究竟。是謂十八學人。居士云何九無
學人。思法昇進法不動法退法不退
法護法護則不退不護則退。實住法
慧解脫俱解脫。是謂九無學人。於是
世尊說此頌曰

世中學無學可尊可奉敬。彼能正其身
口意亦復然。居士是良田。施彼得大福。
佛說如是給孤獨居士及諸比丘聞
佛所說歡喜奉行。

中阿含大品優婆塞經第十一 第三念誦

我聞如是一時佛遊舍衛國在勝林
給孤獨園。爾時給孤獨居士與大優
婆塞衆五百人俱往詣尊者舍利子
所稽首作禮却坐一面。五百優婆塞
亦為作禮却坐一面。給孤獨居士及
五百優婆塞坐一面。已尊者舍利子
為彼說法勸發渴仰成就歡喜無量
方便。為彼說法勸發渴仰成就歡喜
已。即從座起往詣佛所稽首佛足却
坐一面。尊者舍利子去後不久。給孤
獨居士及五百優婆塞亦詣佛所稽
首佛足。却坐一面。尊者舍利子及衆
坐已。定世尊告曰。舍利子。若汝知白
衣聖弟子善護行五法。及得四增上
心。現法樂居易。不難得。舍利子。汝當
記別聖弟子地獄盡。畜生餓鬼及諸
惡處亦盡。得須陀洹。不墮惡法。定趣
正覺。極受七有。天上人間七往來。已
而得苦邊。舍利子云。何白衣聖弟子
善護行五法。白衣聖弟子者。離然斷
然棄捨刀杖。有慙有愧。有慈悲心。饒

益一切乃至蠃虫彼於煞生淨除其
心白衣聖弟子善護行此第一法復
次舍梨子白衣聖弟子離不與取斷
不與取與而後取樂於與取常好布
施歡喜無恡不望其報不以偷所覆
常自護已彼於不與取淨除其心白
衣聖弟子善護行此第二法復次舍
梨子白衣聖弟子離邪婬斷邪婬彼
或有父所護或母所護或父母所護
或兄弟所護或姊妹所護或婦父母
所護或親親所護或同姓所護或為
他婦女有鞭罰恐怖及有名雇債至
華鬘親不犯如是女彼於邪婬淨除
其心白衣聖弟子善護行此第三法
復次舍梨子白衣聖弟子離妄言斷
妄言真諦言樂真諦住真諦不移動
一切可信不欺世間彼於妄言淨除
其心白衣聖弟子善護行此第四法
復次舍梨子白衣聖弟子離酒斷酒
彼於飲酒淨除其心白衣聖弟子善
護行此第五法舍梨子白衣聖弟子
云何得四增上心現法樂居易不難
得白衣聖弟子念如來彼如來無所

子等正覺明行成為善逝世間解無
上士道法御天人師号佛衆祐如是
念如來已若有惡欲即便得滅心中
有不善穢汙愁苦憂感亦復得滅白
衣聖弟子攀緣如來心靖得喜若有
惡欲即便得滅心中有不善穢汙愁
苦憂感亦復得滅白衣聖弟子得第
一增上心現法樂居易不難得復次
舍梨子白衣聖弟子念法世尊善說
法必至究竟無煩無熱常有不移動
如是觀如是覺如是知如是念法已
若有惡欲即便得滅心中有不善穢
汙愁苦憂感亦復得滅白衣聖弟子
攀緣法心靖得喜若有惡欲即便得
滅心中有不善穢汙愁苦憂感亦復
得滅白衣聖弟子得此第二增上心
復次舍梨子白衣聖弟子念衆如來
聖衆善趣正趣向法次法順行如法
彼衆實有阿羅訶趣阿羅訶有阿那
含趣阿那含有斯陀含趣斯陀含有
須陀洹趣須陀洹是謂四雙八輩謂
如來衆成就尸賴成就三昧成就般
若成就解脫成就解脫知見可敬可

聖可奉可供世良福田彼如是念如
來衆若有惡欲即便得滅心中有不
善穢汙愁苦憂感亦復得滅白衣聖
弟子攀緣如來衆心靖得喜若有惡
欲即便得滅心中有不善穢汙愁苦
憂感亦復得滅白衣聖弟子是謂得
第三增上心現法樂居易不難得復
次舍梨子白衣聖弟子自念尸賴此
尸賴不缺不穿無穢無濁住如地不
虛妄聖所稱譽具善受持彼如是自
念尸賴若有惡欲即便得滅心中有
不善穢汙愁苦憂感亦復得滅白衣
聖弟子攀緣尸賴心靖得喜若有惡
欲即便得滅心中有不善穢汙愁苦
憂感亦復得滅白衣聖弟子是謂得
第四增上心現法樂居易不難得舍
梨子若汝知白衣聖弟子善護行此
五法得此四增上心現法樂居易不
難得者舍梨子汝託別白衣聖弟子
地獄盡畜生餓鬼及諸惡處亦盡得
須臾恒不墮惡法定趣正覺極受七
有天上人間七往來已而得苦邊於
是世尊說此頌曰

慧者住在家見地獄恐怖因受持聖法
除去一切惡不煞害衆生知而能捨離
真諦不妄言不盜他財物自有婦知足
不樂他人妻捨離斷飲酒心亂狂癡本
常當念正覺思惟諸善法念衆觀尸賴
徒是得歡喜欲行其布施當以望其福
先施於息心如是成果報我今說息心
舍梨當善聽若有黑及白赤色之與黃
龙色變樂色牛及諸鵠鳥隨彼所生處
良御牛在前身力成具足善速往來快
取彼之所能莫以色為非如是此人間
若有所生處刹帝釋梵志居士本工師
隨彼所生處長老淨持戒世無著善逝
施彼得大果愚癡無所知無慧無所聞
施彼得果少無光無所照若光有所照
有慧佛弟子信向善逝者根生善堅住
彼是生善處如意往人家最後得涅槃
如是各有緣

佛說如是尊者舍梨子及諸比丘給
孤獨居士五百優婆塞間佛所說歡
喜奉行

優婆塞經第十二竟

下五百四
十九字

中阿含大品然家經第十三

第三念誦

我聞如是一時佛遊舍衛國在勝林
給孤獨園。爾時世尊告諸比丘。有七
怨家法而作怨家。謂男女輩瞋恚時
來云。何為七怨家者。不欲令怨家有
好色。所以者何。怨家者不樂怨家有
好色。人有瞋恚習瞋恚。瞋恚所覆心
不捨瞋恚。彼雖好沐浴。名香塗身。然
色故惡。所以者何。因瞋恚所覆心不
捨瞋恚。故是謂第一怨家法。而作怨
家。謂男女輩瞋恚時來復次。怨家者
不欲令怨家安隱眠。所以者何。怨家
者不樂怨家安隱眠。人有瞋恚習瞋
恚。瞋恚所覆心不捨瞋恚。彼雖卧以
御床。敷以暹毼。氈毼覆以錦綺羅縠。
有觀體被兩頭安枕。加陵伽波。起邏
波遮。恚多羅。邴然。故憂苦眠。所以者
何。因瞋恚所覆心不捨瞋恚。故是謂
第二怨家法。而作怨家。謂男女輩瞋
恚時來復次。怨家者不欲令怨家得
大利。所以者何。怨家者不樂怨家得
大利。人有瞋恚習瞋恚。瞋恚所覆心
不捨瞋恚。彼應得利而不得利。應不
得利而得利。彼此二法更互相違大

得不利所以者何因瞋恚所覆心不
捨瞋恚故是謂第三怨家法而作怨
家謂男女輩瞋恚時來復次怨家者
不欲令怨家有朋友所以者何怨家
者不樂怨家有朋友人有瞋恚習瞋
恚瞋恚所覆心不捨瞋恚彼若有親
朋友捨離避去所以者何因瞋恚所
覆心不捨瞋恚故是謂第四怨家法
而作怨家謂男女輩瞋恚時來復次
怨家者不欲令怨家有稱譽所以者
何怨家者不樂怨家有名稱人有瞋
恚習瞋恚瞋恚所覆心不捨瞋恚彼
惡名醜聲周聞諸方所以者何因瞋
恚所覆心不捨瞋恚故是謂第五怨
家法而作怨家謂男女輩瞋恚時來
復次怨家者不欲令怨家極大富所
以者何怨家者不樂怨家極大富人
有瞋恚習瞋恚瞋恚所覆心不捨瞋
恚彼作如是身口意行使彼大失財
物所以者何因瞋恚所覆心不捨瞋
恚故是謂第六怨家法而作怨家謂
男女輩瞋恚時來復次怨家者不欲
令怨家身壞命終必至善處生於天

上所以者何怨家者不樂怨家往三
善處人有瞋恚習瞋恚瞋恚所覆心
不捨瞋恚身口意惡行彼身口意惡
行已身壞命終必至惡處生地獄中
所以者何因瞋恚所覆心不捨瞋恚
故是謂第七怨家法而作怨家謂男
女輩瞋恚時來此七怨家法而作怨
家謂男女輩瞋恚時來於是世尊說
此頌曰

瞋者得惡色 眼目苦不安 應獲得大財
反更得不利 親親善朋友 遠離瞋恚人
毀毀習瞋恚 惡名流諸方 瞋作身口業
志纏行意業 人為恚所覆 失一切財物
瞋恚生不利 瞋恚生心穢 恐怖生於內
人所不能覺 瞋者不知義 瞋者不曉法
無目盲闇塞 謂樂瞋恚人 恚初發惡色
猶火始起烟 從是生憎嫉 緣是諸人瞋
若瞋者所作 善行及不善 於後瞋恚止
煩熱如火燒 所謂煩熱業 及諸法所纏
彼彼我今說 汝等善心聽 瞋者造害父
及於諸兄弟 亦然姊與妹 瞋者多所殘
所生及長養 得見此世間 因彼得存命
此母瞋亦害 無善無慙愧 瞋纏無所言

人為患所覆口無所不說造作癡罪途
而自戕其命作時不自覺因瞋生恐怖
繫著自己身受樂無極已雖愛念已身
瞋者亦自害以刀而自刺或從巖自投
或以繩自絞及服諸毒藥如是像瞋恚
是死依於恚彼彼一切斷用慧能覺了
小小不善業慧者了能除當堪耐是行
欲令無惡色無恚亦無憂除烟無貢高
謂御斷瞋恚滅訖無有漏
佛說如是彼諸比丘聞佛所說歡喜
奉行

然家經第十三竟

十一百
十五字

中阿含大品教曇弥經第十四 第三念誦

我聞如是一時佛遊舍衛國在勝林
給孤獨園今時尊者曇弥為生地尊
長作佛面主為人所宗凶暴急熒極
為麤惡罵詈責毀於諸比丘因此故
生地諸比丘皆捨離去不樂住此於
是生地諸優婆塞見生地諸比丘皆
捨離去不樂住此便作是念此生地
諸比丘以何意故皆捨離去不樂住
此生地諸優婆塞聞此生地尊者曇
弥生地尊長作佛面主為人所宗凶

衆急熨極為慮惡罵詈責毀於諸比丘因此故生地諸比丘皆捨離去不樂住此生地諸優婆塞聞已即共往詣尊者曇弥所駢逐曇弥令出生地諸寺中去於是尊者曇弥為生地諸優婆塞所駢逐令出生地諸寺中去即攝衣持鉢遊行往詣舍衛國展轉進至舍衛國住勝林給孤獨園於是尊者曇弥往詣佛所稽首佛足却坐一面白曰世尊我於生地諸優婆塞無所汙無所說無所犯然生地諸優婆塞橫駢逐我令出生地諸寺中去彼時世尊告曰止止曇弥何須說此尊者曇弥叉手向佛再白曰世尊我於生地諸優婆塞無所汙無所說無所犯然生地諸優婆塞橫駢逐我令出生地諸寺中去世尊亦再告曰曇弥往昔之時此閻浮洲有諸商人乘船入海持視岸鷹行彼入大海不遠便放視岸鷹若視岸鷹得至大海岸者終不還船若視岸鷹不得至大海岸者便來還船如是曇弥為生地優婆塞所駢逐今出生地諸寺故便還至

我所止止曇弥何須復說此尊者曇
弥復三白曰世尊我於生地諸優婆
塞無所汙無所說無所犯然生地諸
優婆塞橫駈逐我令出生地諸寺中
去世尊亦復三告曰曇弥汝住沙門
法為生地諸優婆塞所駈逐令出生地
諸寺耶於是尊者曇弥即從座起叉
手向佛白曰世尊云何沙門住沙門
法世尊告曰曇弥昔時有人壽八万
歲曇弥人壽八万歲時此閻浮洲極
大富樂多有人民村邑相近如鷄一
飛曇弥人壽八万歲時女年五百歲
乃嫁曇弥人壽八万歲時有如是病
大便小便欲不食老曇弥人壽八万
歲時有王名高羅婆聰明智慧為轉
輪王有四種軍整御天下如法法王
成就七寶彼七寶者輪寶馬寶寶
珠寶女寶居士寶主兵日寶是為七
具足千子顏貌端政勇猛無畏能伏
他衆彼必統領此一切地乃至大海
不以刀杖以法治化令得安隱曇弥
高羅婆王有樹名善住尼拘類王曇
弥善住尼拘類樹王而有五枝第一

枝者王所食及皇后第二枝者太子
食及諸目第三枝者國人民食第四
枝者沙門梵志食第五枝者禽獸所
食曇弥善住尼拘類樹王果大如二
升瓶味如淳蜜丸曇弥善住尼拘類
樹王果無有護者亦無更相偷有一
人來飢渴極羸顏色憔悴欲得食果
往至善住尼拘類樹王所飽噉果已
毀折其枝持果歸去寧令善住尼拘類樹
王有一天依而居之彼作是念閻浮
洲人異哉無思無有反復所以者何
從善住尼拘類樹王飽噉果已毀折
其枝持果歸去寧令善住尼拘類樹
王無果不生果善住尼拘類樹王即
無果亦不生果復有一人來飢渴極
羸顏色憔悴欲得噉果往詣善住尼
拘類樹王所見善住尼拘類樹王無
果亦不生果即便往詣高羅婆王所
白曰天王當知善住尼拘類樹王無
果亦不生果高羅婆王聞已猶如力
士在伸臂頃如是高羅婆王於拘樓
瘦没至三十三天住天帝釋前白曰
羽翼當知善住尼拘類樹王無果亦

不生果於是天帝釋及高羅婆王猶如力士屈伸臂頃如天帝釋及高羅婆王於三十三天中沒至拘樓瘦去善住尼拘類樹王不遠住天帝釋作如其像如意足以如其像如意足化作大水暴風雨作大水暴風雨已善住尼拘類樹王拔根倒堅於是善住尼拘類樹王居止樹天因此故憂苦愁感啼泣垂淚在天帝釋前立天帝釋問曰天汝何意憂苦愁感啼泣垂淚在我前立耶彼天白曰拘翼當知大水暴風雨善住尼拘類樹王拔根倒堅時天帝釋告彼樹天曰天汝樹天住樹天法大水暴風雨善住尼拘類樹王拔根倒堅耶樹天白曰拘翼云何樹天住樹天法耶天帝釋告曰天若使人欲得樹根持樹根去欲得樹莖樹枝樹葉樹華樹果持去者樹天不應瞋恚不應憎嫉心不應恨樹天捨意而住樹天如是樹天住樹天法天復白曰拘翼我樹天不住樹天法從今日始樹天住樹天法願善住尼拘類樹王還復如本於是天帝

釋作如其像如意足作如其像如意足已復化作大水暴風雨化作大水暴風雨已善住尼拘類樹王即復如故如是曇彌若有比丘罵者不罵瞋者不瞋破者不破打者不打如是曇彌沙門住沙門法於是尊者曇彌即從坐起偏袒著衣叉手向佛啼泣垂淚白曰世尊我非沙門住沙門法徒今日始沙門住沙門法世尊告曰曇彌昔有大師名曰善眼為外道仙人之所師宗捨離欲愛得如意足曇彌善眼大師有無量百千弟子曇彌善眼大師為諸弟子說梵世法曇彌若有不具足奉行法者彼命終已或生四王天或生三十三天或生熾磨天或生兜率哆天或生化樂天或生他化樂天曇彌若善眼大師為說梵世法時諸弟子等設有具足奉行法者彼修四梵室捨離於欲彼命終已得生梵天曇彌彼時善眼大師而作是念我不應與弟子等同俱至後世共生一處我今寧可更修增上慈修增

上慈已命終得生晃昱天中曇彌彼
時善眼大師則於後時更修增上慈
修增上慈已命終得生晃昱天中曇
彌善眼大師及諸弟子學道不虛得
大果報如善眼大師如是牟犁破群
鄒阿羅邠遮婆羅門瞿陀梨舍哆害
提婆羅摩納儲提摩麗搗鞞陀邏及
薩哆富樓奚哆曇彌七富樓奚哆師
亦有無量百千弟子曇彌七富樓奚
哆師為諸弟子說梵世法若七富樓
奚哆師為說梵世法時諸弟子等有
不具足奉行法者彼命終已或生四
王天或生三十三天或生燄磨天或
生梵率哆天或生化樂天或生他化
樂天若七富樓奚哆師為說梵世法
時諸弟子等設有具足奉行法者彼
修四梵室捨離於欲彼命終已得生
梵天曇彌七富樓奚哆師而作是念
我不應與弟子等同俱至後世共生
一處我今寧可更修增上慈修增上
慈已命終得生晃昱天中曇彌彼時
七富樓奚哆師則於後時更修增上
慈修增上慈已命終得生晃昱天中

曇彌七富樓美哆師及諸弟子學道
不虛得大果報曇彌若有罵彼七師
及無量百千眷屬打破瞋恚責數者
必受無量罪若有一成就正見佛弟
子比丘得小果罵詈打破瞋恚責數
者此受罪多於彼是故曇彌汝等各
各更迭相護所以者何離此過已更
無有失於是世尊說此偈曰

須涅牟梨破群那 阿邇邇婆羅門
瞿陀梨舍哆 害提婆羅摩納

儲堤摩羅橋鞞陀邇 薩哆富樓美哆

此在過去世七師有名德無愛縛樂悲
欲結盡過去彼有諸弟子無量百千數
彼亦離欲結須臾不究竟若彼外仙人
善護行苦行心中懷憎嫉罵者受罪多
若一得正見佛子住小果罵詈責打破
受罪多於彼是故汝曇彌各各更相護
所以更相護重罪無過是如是甚重苦
亦為聖所惡必得受惡色橫取邪見處
此是取下人聖法之所說謂未離婬欲
得微妙五根信精進念處正定及正觀
如是得此苦前所受其殃自受其殃已
於後便害他若能自護者被為能護外

是故當自護 慧者無央樂

佛說如是尊者曇彌及諸比丘聞佛
所說歡喜奉行

教曇彌經第十四竟

二十四百
二十四字

中阿含大品降魔經第十五 第三念誦

我聞如是一時佛遊婆耆瘦在鼉山
怖林鹿野園中尔時尊者大目犍連
教授為佛而作禪屋露地經行彼時
魔王化作細形入尊者大目犍連腹
中於是尊者大目犍連即作是念我
今腹中猶如食豆我寧可入如其像
定以如其像定自觀其腹是時尊者
大目犍連至經行道頭教尼師檀結
跏趺坐入如其像定以如其像定自
觀其腹尊者大目犍連便知魔王在
其腹中尊者大目犍連即從定寤語
魔王曰汝波旬出汝波旬出莫觸嬖
如來亦莫觸嬖如來弟子莫於長夜
無義無饒益必生惡處受無量苦彼
時魔王便作是念此沙門不見不知
而作是說汝波旬出汝波旬出莫觸
嬖如來亦莫觸嬖如來弟子莫於長
夜無義無饒益必生惡處受無量苦

汝之尊師有大如意足有大威德有大福祐有大威神彼猶不能速知速見况復弟子能知見耶尊者大目犍連復語魔王我復知汝意汝作是念此沙門不知不見而作是說汝波旬出汝波旬出莫觸嬈如來亦莫觸嬈如來弟子莫於長夜無義無饒益必生惡處受無量苦汝之尊師有大如意足有大威德有大福祐有大威神彼猶不能如是速知速見况復弟子能知見耶彼魔波旬復作是念今此沙門知見我故而作是說耳於是魔波旬化作細形從口中出在尊者大目犍連前立尊者大目犍連告曰波旬昔有如來名覺磔拘荀大無所著等正覺我時作魔名曰惡我有妹名黑汝是彼子波旬因此事故汝是我甥甥波旬覺磔拘荀大如來無所著名想波旬以何義故尊者音名音耶波旬尊者音住梵天上以常音聲滿下世界更無有弟子音聲與彼等者相似者勝者波旬以是義故尊者音

之音也波旬復以何義尊者想名想耶波旬尊者想所依遊行村邑過夜平旦著衣持鉢入村乞食善護其身善攝諸根立於正念彼乞食已食訖中後取舉衣鉢澡洗手足以尼師檀著於肩上至無事處或至山林樹下或至閑居靜處敷尼師檀結加趺坐速入想知滅定彼時若有放牛羊人取樵草人或行路人入彼山林見入想知滅定便作是念今此沙門於無事處坐而命終我等寧可以爇樵草拾已積聚覆其身上而耶維之即拾樵草積覆其身以火然之便捨而去彼尊者想過夜平旦從定寤起抖擻衣服所依村邑遊行如常著衣持鉢入村乞食善護其身善攝諸根立於正念彼放牛羊人取樵草人或行路人入彼山林人先見者便作是念今此沙門在無事處坐坐而命終我等昨日拾爇樵草積覆其身以火燒之然已而去然此賢者更復想也波旬以是義故尊者想名想也波旬彼時惡魔便作是念此禿沙門以黑所縛

斷種無子彼學禪伺增伺數數伺猶
若如驢竟日負重繫在轆上不得麥
食為彼麥故伺增伺數數伺如是此
禿沙門為黑所縛斷種無子學禪伺
增伺數數伺猶如猫子在鼠穴邊欲
捕鼠故伺增伺數數伺如是此禿沙
門為黑所縛斷種無子彼學禪伺增
伺數數伺猶如鵠狐在燂蕪積間為
捕鼠故伺增伺數數伺如是此禿沙
門為黑所縛斷種無子學禪伺增伺
數數伺猶如鸛鳥在水岸邊為捕魚
故伺增伺數數伺如是此禿沙門為
黑所縛斷種無子學禪伺增伺數數
伺彼何所伺為何義伺求何等伺彼
調亂狂發敗壞我不知彼何所從來
亦不知彼何所從去亦不知住止不
知死不知生我寧可教勅梵志居士
汝等共來罵詈精進沙門打破責數
所以者何或罵打破責數時儻能起
惡心令我得其便波旬彼時惡魔便
教勅梵志居士彼梵志居士罵詈精
進沙門打破責數彼梵志居士或以
木打或以石擲或以杖撻或傷精進

沙門頭或裂壞衣或破應器今時梵
志居士若有死者因此緣此身壞命
終必至惡處生地獄中彼生已作是
念我應受此苦當復更受極苦過是
所以者何以我等向精進沙門行惡
行故波旬覺磔拘荀大如來無所著
等正覺弟子用傷其頭裂壞其衣
破其應器已往詣覺磔拘荀大如來
無所著等正覺所今時覺磔拘荀大
如來無所著等正覺無量百千眷屬
圍繞而為說法覺磔拘荀大如來無
所著等正覺遙見弟子頭傷衣裂鉢
破而來見已告諸比丘汝等見不惡
魔教勅梵志居士汝等共來罵詈精
進沙門打破磔數所以者何或罵打
破責數時儻能起惡心今我得其便
比丘汝等當以心與慈俱遍滿一方
成就遊如是二三四方四維上下普
周一切心與慈俱無結無怨無恚無
諍極廣甚大無量善修遍滿一切世
間成就遊如是悲喜心與捨俱無結
無怨無恚無諍極廣甚大無量善修
遍滿一切世間成就遊今惡魔永便

不能得便波旬覺磔拘荀大如來無
所著等正覺見以此教教諸弟子彼即
受教心與慈俱遍滿一方成就遊如
是二三四方四維上下普周一切心
與慈俱無結無怨無恚無諍極廣甚
大無量善修遍滿一切世間成就遊
如是悲喜心與捨俱無結無怨無恚
無諍極廣甚大無量善修遍滿一切
世間成就遊以此故彼惡魔求便不
能得便波旬彼時惡魔復作是念我
以此事求精進沙門便而不能得我
寧可教勅梵志居士汝等共來奉敬
供養礼事精進沙門或以奉敬供養
礼事精進沙門儻能起惡心令我得
其便波旬彼梵志居士為惡魔所教
勅已即共奉敬供養礼事精進沙門
以衣敷地而作是說精進沙門可於
上行精進沙門難行而行令我長夜
得利饒益安隱快樂梵志居士以髮
布地而作是說精進沙門可於上行
精進沙門難行而行令我長夜得利
饒益安隱快樂梵志居士以手捧持
種種飲食住道邊待而作是說精進

沙門受是食是可持是去隨意而用
令我長夜得利饒益安隱快樂諸信
梵志居士見精進沙門敬心扶抱將
入於內持種種財物與精進沙門作
如是說受是用是可持是去隨意所
用今時梵志居士若有死者因此緣
此身壞命終必至善處生於天上生
已作是念我應受是樂當復更受極
樂勝是所以者何以我等向精進沙
門行善行故波旬覺磔拘荀大如來
無所著等正覺弟子得奉敬供養
事已往詣覺磔拘荀大如來無所著
等正覺所是時覺磔拘荀大如來無
所著等正覺無量百千眷屬圍繞而
為說法覺磔拘荀大如來無所著等
正覺遙見弟子得奉敬供養礼事而
來見已告諸比丘汝等見不惡魔教
勅梵志居士汝等共來奉敬供養礼
事精進沙門或以奉敬供養礼事精
進沙門僅能起惡心令我得其便比
丘汝等當觀諸行無常觀興衰法觀
無欲觀捨離觀滅觀斷令惡魔求便
而不能得波旬覺磔拘荀大如來無

所著等正覺以此教教諸弟子彼即
受教觀一切行無常觀興衰法觀
無欲觀捨離觀滅觀斷令惡魔求便
而不能得波旬彼時惡魔復作是念
我以此事求精進沙門便而不能得
我寧可化作年少形手執大杖住其
道邊打尊者音頭令破血流汗面波旬
覺磔拘荀大如來無所著等正覺於
後所依村邑遊行彼於平旦著衣持
鉢入村乞食尊者音在後侍從波旬
令時惡魔化作年少形手執大杖住
在道邊擊尊者音頭破血流汗面波旬
尊者音破頭流血已隨從覺磔拘荀
大如來無所著等正覺後猶影不離
波旬覺磔拘荀大如來無所著等正
覺至村邑已極其身力右旋願視猶
如龍視不恐不怖不驚不懼而觀諸
方波旬覺磔拘荀大如來無所著等
正覺見尊者音頭破血流汗面隨佛
後行如影不離便作是說此惡魔兇
暴大有威力此惡魔不知猷足波旬
覺磔拘荀大如來無所著等正覺說
語未訖彼時惡魔便於彼處其身即

墮無缺大地獄波旬此大地獄而有
四名一者無缺二者百釘三者逆刺四
者六更彼大地獄其中有卒往至惡
魔所語惡魔曰汝今當知若釘釘等
共合者當知滿百年於是魔波旬聞
說此已即便心悸恐怖驚懼身毛皆
豎向尊者大目犍連即說頌曰
云何彼地獄 惡魔昔在中 燒害佛梵行
及犯彼比丘

尊者大目犍連即時以偈答魔波
旬曰

地獄名無缺 惡魔曾在中 燒害佛梵行
及犯彼比丘 彼鐵釘有百 一切各逆刺
地獄名無缺 惡魔昔在中 若有不知者
比丘佛弟子 必得如是苦 受黑業之報
若干種園觀 人者在於地 食自然粳米
居止在北洲 大須弥山巖 善修之所熏
修習於解脫 受持取後身 時立在大眾
宮殿住王劫 金色可愛樂 猶火熾晃昱
作諸眾妓樂 往詣帝釋所 本以一屋舍
善覺了為施 若釋在前行 昇毗闍延殿
見釋大歡喜 天女各各儻 若見比丘來
還願有慙愧

若毗闍延殿 見比丘問義 大仙頗能知
愛盡得解脫 比丘即為答 問者如其義
拘翼我能知 愛盡得解脫 聞彼之所答
釋得歡喜樂 比丘多饒益 所說如其義
若毗闍延殿 問帝釋天王 此殿名何等
汝釋攝持城 釋答大仙人 名毗闍延哆
是謂千世界 於千世界中 無有勝此殿
如毗闍延哆 天王天帝釋 自在隨所遊
愛樂那遊哆 化作一行百 毗闍延殿內
釋得自在遊 毗闍延大殿 足拍能震動
天王眼所觀 釋得自在遊 若虛子母堂
築基極深堅 難動不可震 如意足能搖
彼有琉璃地 聖人之所履 滑澤樂更觸
布柔軟綿褥 愛語共和合 天王常歡喜
善能作妓樂 音節善諧和 謂天來會聚
而說湏陀洹 若干無量千 及百諸那衛
至三十三天 慧眼者說法 聞彼所說法
歡喜而奉行 我亦有是法 如仙人所說
謂至梵天上 問彼梵天事 梵故有此見
謂見昔時有 我住有常存 恒有不變易
梵天為答彼 大仙我無見 謂見昔時有
我恒常不變 我見此境界 諸梵皆過去
我今何由說 恒常不變易 我見此世間

正覺之所說隨所因緣生所往而轉還
火無有思念我燒愚癡人火然若愚觸
必自然得燒如是汝波旬觸燒於如來
久作不善行受報亦當久魔汝莫厭佛
莫燒害比丘

一比丘降魔住在於怖林彼鬼愁憂戚
目連之所訶恐怖無智慧即於彼處沒
尊者大目犍連所說如是彼魔波旬
聞尊者大目犍連所說歡喜奉行

降魔經第十五竟

三千二百七十四字

中阿含經卷第三十

九千五百一十五字

癸卯歲高麗國大藏都監奉
勅彫造

中阿含經卷第三十一

興

東晉罽賓三藏瞿曇僧伽提婆譯

大品賴吒和羅經第十六

第三十二誦

我聞如是一時佛遊拘樓瘦與大比丘衆俱往至鉤蘆吒住鉤蘆吒村北尸攝起園中尔時鉤蘆吒梵志居士聞沙門瞿曇釋種子捨釋宗族出家學道遊拘樓瘦與大比丘衆俱來至此鉤蘆吒住鉤蘆吒村北尸攝起園中彼沙門瞿曇有大名稱周聞十方沙門瞿曇如來無所著等正覺明行成為善逝世間解無上士道法御天人師号佛衆祐彼於此世天及魔梵沙門梵志徃人至天自知自覺自作證成就遊彼若說法初妙中妙竟亦妙有義有文具足清淨顯現梵行若見如來無所著等正覺尊重礼拜供養承事者快得善利我等應共徃見沙門瞿曇礼拜供養鉤蘆吒梵志居士聞已各與等類眷属相隨從鉤蘆吒出北行至尸攝起園欲見世尊礼拜供養徃詣佛已彼鉤蘆吒梵志居

七或稽首佛足却坐一面或問訊佛
却坐一面或叉手向佛却坐一面或
遙見佛已默然而坐彼時銷蘆吒梵
志居士各坐已定佛為說法勸發渴
仰成就歡喜無量方便為彼說法勸
發渴仰成就歡喜已默然而住時銷
蘆吒梵志居士佛為說法勸發渴仰
成就歡喜已各從坐起稽首佛足繞
佛三匝而去彼時賴吒惹羅居士子
故坐不起於是賴吒惹羅居士子銷
蘆吒梵志居士去後不久即從坐起
偏袒著衣叉手向佛白曰世尊如我
知佛所說法者若我在家為鏤所鏤
不得盡形壽清淨行梵行世尊願我
得從世尊出家學道而受具足得作
比丘淨修梵行世尊問曰居士子父母
聽汝於正法律中至信捨家无家學
道耶賴吒惹羅居士子白曰世尊父
母未聽我於正法律中至信捨家無
家學道世尊告曰居士子若父母不
聽汝於正法律中至信捨家无家學
道者我不得度汝出家學道亦不得
受具足賴吒惹羅居士子白曰世尊

我當方便從父母求必令聽我於正
法律中至信捨家無家學道世尊告
居士子隨汝所欲於是賴吒𩇑羅
居士子聞佛所說善受善持稽首佛
足繞三匝還歸白曰二尊如我知佛
所說法者若我在家為鏢所鏢不得
盡形壽清淨行梵行唯願二尊聽我
於正法律中至信捨家無家學道賴
吒𩇑羅父母告曰賴吒𩇑羅我今唯
有汝一子極愛憐念意常愛樂見无
厭足若汝命終我尚不欲相棄捨也
況生別離不見汝耶賴吒𩇑羅居士
子復至再三白曰二尊如我知佛所
說法者若我在家為鏢所鏢不得盡
形壽清淨行梵行唯願二尊聽我於
正法律中至信捨家無家學道賴吒
𩇑羅居士子父母亦至再三告曰賴
吒𩇑羅我今唯有汝一子極愛憐念
意常愛樂見無厭足若汝命終我尚
不欲相棄捨也況生別離不見汝耶
於是賴吒𩇑羅居士子即時卧地從
今不起不飲不食乃至父母聽我於
正法律中至信捨家無家學道於是

賴吒𡵓羅居士子一日不食至二三
四多日不食於是賴吒𡵓羅居士子
父母往至子所告曰賴吒𡵓羅汝至
柔軟身體極好常坐卧好床汝今不
知苦耶賴吒𡵓羅汝可速起行欲布
施使修福業所以者何賴吒𡵓羅世
尊境界甚難甚難出家學道亦復甚
難今時賴吒𡵓羅居士子默然不答
於是賴吒𡵓羅居士子父母往至賴
吒𡵓羅親親及諸目所而作是語汝
等共來至賴吒𡵓羅所勸令從地起
賴吒𡵓羅居士子親親及諸目等即
便共至賴吒𡵓羅所語曰賴吒𡵓羅
汝至柔軟身體極好常坐卧好床汝
今不知苦耶賴吒𡵓羅汝可速起行
欲布施使修福業所以者何世尊境
界甚難甚難出家學道亦復甚難彼
時賴吒𡵓羅居士子默然不答於是
賴吒𡵓羅居士子父母至賴吒𡵓羅
居士子善知識同伴同時所作是
語汝等共來至賴吒𡵓羅所勸令從
地起於是賴吒𡵓羅居士子善知識
同伴同時即共往詣賴吒𡵓羅居士

子所而作是語賴吒和羅汝至柔軟
身體極好常坐卧好床汝今不知苦
耶賴吒起羅汝可速起行欲布施使
修福業所以者何賴吒起羅世尊境
界甚難甚難出家學道亦復甚難
彼時賴吒起羅居士子默然不答於
是賴吒起羅居士子善知識同伴同
時往至賴吒起羅居士子父母所作
如是語可聽賴吒起羅於正法律中
至信捨家無家學道若其樂者於此
生中故可相見若不樂者必自來還
歸父母所今若不聽定死無疑當何
所益於是賴吒起羅居士子父母聞
已語賴吒起羅居士子善知識同伴
同時曰我今聽賴吒起羅於正法律
中至信捨家無家學道若學道來還
故可見也賴吒起羅居士子善知識
同伴同時即共往詣賴吒起羅所便
作是語居士子父母聽汝於正法律
中至信捨家無家學道已還
見父母賴吒起羅居士子聞是語已
便大歡喜生愛生樂從地而起漸養
其身身平復已從輸蘆吒出往詣佛

所稽首佛足白曰世尊父母聽我於
正法律中至信捨家無家學道唯願
世尊聽從世尊出家學道而受具足
得作比丘於是世尊度賴吒起羅居
士子出家學道授其具足授具足已
於鋤蘆吒隨住數時於後則便攝衣
持鉢遊行展轉往至舍衛國住勝林
給孤獨園尊者賴吒起羅出家學道
受具足已在遠離獨住心無放逸修
行精懃彼在遠離獨住心无放逸修
行精懃已族姓子所為剃除鬚髮著
袈裟衣至信捨家無家學道者唯无
上梵行託於現法中自知自覺自作證
成就遊生已盡梵行已立所作已辦
不更受有知如真尊者賴吒起羅知
法已至得阿羅訶於是尊者賴吒起
羅得阿羅訶已後或九年十年而作
是念我本已許出家學道還見父母
我今寧可還赴本要於是尊者賴吒
起羅往詣佛所稽首佛足却坐一面
白曰世尊我本有要出家學道已還
見父母世尊我今辭行往見父母赴
之本要今時世尊便作是念此賴吒

起羅族姓子若使捨戒罷道行欲如
本者必無是處世尊知已告曰汝去
未度者度未解脫者令得解脫未滅
訖者令得滅訖賴吒起羅今隨汝意
彼時尊者賴吒起羅聞佛所說善受
善持即從坐起稽首佛足繞三匝而
去至已房中收舉卧具著衣持鉢遊
行展轉往至鋤蘆吒住鋤蘆吒村北
尸搨起圍於是尊者賴吒起羅過夜
平旦著衣持鉢入鋤蘆吒而行乞食
尊者賴吒起羅作如是念世尊稱歎
次第乞食我今寧可於此鋤蘆吒次
第乞食尊者賴吒起羅便於鋤蘆吒
次第乞食展轉至平家彼時尊者賴
吒起羅父在中門住修理鬚髮尊者
賴吒起羅父遇見尊者賴吒起羅來
便作是語此禿沙門為黑所縛斷種
無子破壞我家我有一子極愛憐念
意常忍樂見無厭足彼將去度當莫
與食尊者賴吒起羅自於父家不得
布施但得嘔數此禿沙門為黑所縛
斷種無子破壞我家我有一子極愛
憐念意常愛樂見無厭足彼將去度

當莫與食尊者賴吒起羅知已便速
出去彼時尊者賴吒起羅父家婢使
以箕盛臭爛飲食欲棄著糞聚中尊
者賴吒起羅見父婢使以箕盛臭爛
飲食欲棄著糞聚中便作是語汝妹
若此爛飲食法應棄者可著我鉢中
我當食之彼時尊者賴吒起羅父家
婢使以箕中臭爛飲食瀉著鉢中瀉
著鉢中時取其二相識其音聲及其
手足取二相已即往至尊尊者賴吒起
羅父所而作是語尊今當知尊子賴
吒起羅還來至此鍤蘆吒可往見之
尊者賴吒起羅父聞已大歡喜踊躍
左手攝衣右手摩挲鬚髮疾往詣尊
者賴吒起羅所彼時尊者賴吒起羅
向壁食此臭爛食尊者賴吒起羅父
見尊者賴吒起羅向壁食此臭爛食
作如是說汝賴吒起羅汝至柔軟身
體極好常食好食賴吒起羅汝云何
乃食此臭爛食耶賴吒起羅汝以何
意來此鍤蘆吒而不能還至父母家
耶尊者賴吒起羅白曰居士我入父
家不得布施但得嘖數此充沙門焉

黑所縛斷種無子破壞我家我唯有
一子至愛憐念意常愛樂見无厭足
彼將去度當莫與食我聞此已便速
出去尊者賴吒毖羅父即辭謝曰賴
吒毖羅可忍賴吒毖羅可忍我實不
知賴吒毖羅還入父家於是尊者賴
吒毖羅父敬心扶抱尊者賴吒毖羅
將入於內敷座令坐尊者賴吒毖羅
即便就坐於是其父見尊者賴吒毖
羅坐已往至婦所而作是語卿今當
知賴吒毖羅族姓子今來還家可速
辦飲食尊者賴吒毖羅母聞已大歡
喜踊躍速辦飲食辦飲食已疾輦錢
出著中遮地聚作大積彼大錢積一
面立人一面坐人各不相見作大錢
積已往詣尊者賴吒毖羅所作如是
語賴吒毖羅是汝母分所有錢財汝
父錢財無量百千不可復計今盡付
汝賴吒毖羅汝可捨戒罷道行欲布
施使修福業所以者何世尊境界甚
難甚難出家學道亦復甚難尊者賴
吒毖羅白其母曰我今欲有所說能
見聽不尊者賴吒毖羅母語曰居士

子汝有所說我當聽之尊者賴吒𧄢
羅白其母曰當作新布囊用盛滿錢
以車載之至恒伽江瀉著深處所以
者何因此錢故令人憂苦愁感啼哭
不得快樂於是尊者賴吒𧄢羅母而
作是念以此方便不能令子賴吒𧄢
羅捨戒罷道我寧可至其本婦所作
如是語諸新婦等汝可以先所著瓔
珞嚴饒其身賴吒𧄢羅族姓子本在
家時極所愛念以此瓔珞速嚴身已
汝等共往至賴吒𧄢羅族姓子所各
抱一足而作是說不審賢郎有何天
女勝於我者而今賢郎捨我為彼修
梵行耶於是其母即至尊尊者賴吒𧄢
羅其本婦所作如是語諸新婦等汝
可以先所著瓔珞嚴饒其身賴吒𧄢
羅族姓子本在家時極所愛念以此
瓔珞速嚴身已汝等共往至賴吒𧄢
尊者賢郎有何天女勝於我者而今賢
郎捨我為彼修梵行耶彼時尊者賴
吒𧄢羅其本婦等即各以先所著瓔
珞嚴饒其身尊者賴吒𧄢羅本在家

時極所愛念以此瓔珞嚴飾身已往詣尊者賴吒起羅所各抱一足而作是說不審賢郎有何天女勝於我者而令賢郎捨我為彼修梵行耶尊者賴吒起羅語本婦曰諸妹當知我不為天女故修於梵行所為修梵行者彼義已得佛教所作今已成辦尊者賴吒起羅諸婦等却住一面啼泣垂淚而作是語我非賢郎妹然賢郎愛我為妹於是尊者賴吒起羅迴還願視白父母曰居士若施食者便以時施何為相燒小時父母即從坐起自行澡水以上味鋪饌種種豐饒食噉含消手自斟酌極令飽滿食訖收器行澡水竟取一小床別坐聽法尊者賴吒起羅為父母說法勸發渴仰成就歡喜無量方便為彼說法勸發渴仰成就歡喜已即從坐起立說頌曰觀此嚴飾形珍寶瓔珞等右盤紫其綵紺青眉目此欺愚癡人不誑度彼岸以眾好絲色莊嚴臭穢身此欺愚癡人不誑度彼岸眾香遍塗體雌黃黃其足此欺愚癡人不誑度彼岸身服淨妙衣

莊嚴猶幻化 此欺愚癡人 不誑度彼岸
斷絕塵絃絃 及破壞塵門 我捨離餌去
誰樂於塵縛

尊者賴吒惹羅說此頌已以如意足
乘虛而去至鎬蘆吒林入彼林中於
鞞醯勒樹下敷尼師檀結加趺坐
時拘牢婆王及諸群臣前後圍繞坐
於正殿咨嗟稱歎尊者賴吒惹羅若
我聞賴吒惹羅族姓子來此鎬蘆吒
者我必往見於是拘牢婆王告獨師
曰汝去案行鎬蘆吒林我欲出獨
師受教即便案行鎬蘆吒林於是獨
師案行鎬蘆吒林見尊者賴吒惹羅
在鞞醯勒樹下敷尼師檀結加趺坐
便作是念所為拘牢婆王及諸群臣
共坐正殿咨嗟稱歎者今已在此余
時獨師案行鎬蘆吒林已還詣拘牢
婆王所白曰大王當知我已案行鎬
蘆吒林隨大王意大王本所為與諸
群臣共坐正殿咨嗟稱歎尊者賴吒
惹羅若我聞賴吒惹羅族姓子來此
鎬蘆吒者我必往見尊者賴吒惹羅
族姓子今在鎬蘆吒林中鞞醯勒樹

下敷尼師檀結加趺坐大王欲見者
便可往也拘牢婆王聞已告御者曰
汝速嚴駕我今欲往見賴吒惹羅御
者受教即速嚴駕訖還白曰大王當
知嚴駕已辦隨大王意於是拘牢婆
王即乘車出往至銷蘆吒林遇見尊
者賴吒惹羅即便下車步進往至尊
者賴吒惹羅所尊者賴吒惹羅見拘
牢婆王來而作是說大王今來欲自
坐耶拘牢婆王曰今我雖到自己境
界然我意欲令賴吒惹羅族姓子請
我令坐尊者賴吒惹羅即請拘牢婆
王曰今有別座大王可坐於是拘牢
婆王與尊者賴吒惹羅共相問訊却
坐一面語賴吒惹羅若為家棄故出
家學道耶若為無財物故行學道者
賴吒惹羅拘牢婆王家多有財物我
出財物與賴吒惹羅勸賴吒惹羅捨
戒罷道行欲布施使修福業所以者
何賴吒惹羅師教其難出家學道亦
復甚難尊者賴吒惹羅聞已語曰大
王今以不淨請我非清淨請拘牢婆
王聞已問曰我當云何以清淨請賴

吒起羅非以不淨耶尊者賴吒起羅
語曰大王應如是語賴吒起羅我國
人民安隱快樂無恐怖无闢諍亦無
棘刺无苦使役米穀豐饒无食易得
賴吒起羅住我國中我當護如法大
王如是以淨請我非以不淨拘牢婆
王聞已語曰我今以淨請賴吒起羅
非以不淨我國人民安隱快樂无恐
怖無闢諍亦無棘刺无苦使役米穀
豐饒无食易得賴吒起羅住我國中
我當護如法復次賴吒起羅有四種
衰謂衰衰故剝除鬚髮者袈裟未至
信捨家無家學道云何為四病衰老
衰財衰親衰賴吒起羅云何病衰或
有一人長病疾患極重甚苦彼作是
念我長病疾患極重甚苦我實有欲
不能行欲我今寧可剝除鬚髮著袈
裟衣至信捨家无家學道彼於後時
以病衰故剝除鬚髮者袈裟衣至信
捨家無家學道是為病衰賴吒起羅
云何老衰或有一人年耆根熟壽過
垂訖彼作是念我年耆根熟壽過垂
訖我實有欲不能行欲我今寧可剝

除鬚髮者袈裟衣至信捨家无家學
道彼於後時以老衰故剃除鬚髮者
袈裟衣至信捨家無家學道是謂老
衰賴吒恕羅云何財衰或有一人貧
窮無力彼作是念我貧窮无力我今
寧可剃除鬚髮者袈裟衣至信捨家
無家學道彼於後時以財衰故剃除
鬚髮者袈裟衣至信捨家无家學道
是謂財衰賴吒恕羅云何親衰或有
一人親里斷種死亡沒盡彼作是念
我親里斷種死亡沒盡我今寧可剃
除鬚髮者袈裟衣至信捨家无家學
道彼於後時以親衰故剃除鬚髮者
袈裟衣至信捨家無家學道是謂親
衰賴吒恕羅昔时无病安隱成就平
等食道不冷不熱平正安樂順次不
諍由是之故食敢舍消安隱得化賴
吒恕羅非以病衰故剃除鬚髮者袈
裟衣至信捨家無家學道賴吒恕羅
往昔之時年幼童子髮黑清淨身體
盛壯尔時作倡伎樂極以自娛莊嚴
其身常喜遊戲彼時親屬皆不欲使
令其學道父母啼泣憂戚懊惱亦不

聽汝出家學道然汝剃除鬚髮著袈
裝束至信捨家無家學道賴吒恕羅
不以老衰故剃除鬚髮著袈裝束至
信捨家無家學道賴吒恕羅此鍤蘆
吒第一家取大家取勝家取上家謂
財物也賴吒恕羅不以財衰故剃除
鬚髮著袈裝束至信捨家无家學道
賴吒恕羅此鍤蘆吒林間大豪親族
親皆存在賴吒恕羅不以親衰故剃
除鬚髮著袈裝束至信捨家无家學
道賴吒恕羅此四種衰或有衰者剃
除鬚髮著袈裝束至信捨家无家學
道我見賴吒恕羅都無此衰可使賴
吒恕羅剃除鬚髮著袈裝束至信捨
家无家學道賴吒恕羅知見何等為
間何等剃除鬚髮著袈裝束至信捨
家无家學道尊者賴吒恕羅答曰大
王世尊知見如來無所著等正覺為
說四事我欲忍樂是我知見間是是
故剃除鬚髮著袈裝束至信捨家无
家學道云何為四大王此世無護无
可依恃此世一切趣向老法此世非
常要當捨去此世无滿無有馱足為

愛走使拘牢婆王問曰賴吒起羅向之所說大王此世無護无可依恃賴吒起羅我有兒孫兄弟枝黨象軍車軍馬軍步軍皆能射御嚴毅勇猛王子力士鉉邏騫提摩訶能伽有占相有策慮有計筭有善知書有善談論有君臣有眷屬持呪知呪彼隨諸方有恐怖者能制止之若賴吒起羅所說大王此世無護无可依恃賴吒起羅向所說此有何義耶尊者賴吒起羅答曰大王我今問王隨所解答大王此身頗有病耶拘牢婆王答曰賴吒起羅今我此身常有風病尊者賴吒起羅問曰大王風病發時生極重甚苦者大王今時可得語彼兒孫兄弟象軍馬軍車軍步軍皆能射御嚴毅勇猛王子力士鉉邏騫提摩訶能伽占相策慮計筭知書善能談論君臣眷屬持呪知呪汝等共來暫代我受極重甚苦令我無病得安樂耶拘牢婆王答曰不也所以者何我自作業因業緣業獨受極苦甚重苦也尊者賴吒起羅語曰大王以是故世尊

說此世無護无可依恃我欲忍樂是我知見聞是是故剃除鬚髮著袈裟衣至信捨家無家學道拘牢婆王語曰若賴吒𢇛羅所說大王此世无護无可依恃賴吒𢇛羅我亦欲是忍樂於是所以者何此世真實無護无可依恃拘牢婆王復問曰若賴吒𢇛羅所說大王此世一切趣向老法賴吒𢇛羅向所說此復有何義尊者賴吒𢇛羅答曰大王我今問王隨所解答若大王年或二十四或二十五者於意云何尔時速疾何如於今尔時筋力形體顏色何如於今拘牢婆王答曰賴吒𢇛羅若我時年或二十四或二十五自憶尔時速疾筋力形體顏色無勝我者賴吒𢇛羅我今極老諸根衰熟壽過垂訖年滿八十不復能起尊者賴吒𢇛羅語曰大王以是故世尊說此世一切趣向老法我欲忍樂是我知見聞是是故剃除鬚髮著袈裟衣至信捨家無家學道拘牢婆王語曰若賴吒𢇛羅所說大王此世一切趣向老法我亦欲是忍樂於是所

以者何此世真實一切趣向老法拘
牢婆王復問曰若賴吒毖羅所說大
王此世無常要當捨去賴吒毖羅向
所說此復有何義尊者賴吒毖羅語
曰大王我今問王隨所解答大王有
豐拘樓國及豐後宮豐倉庫耶拘牢
婆王荅曰如是尊者賴吒毖羅復問
曰大王有豐拘樓國及豐後宮豐倉
庫者若時有法來不可依忍樂破壞
一切世無不歸死者尔時豐拘樓國
及豐後宮豐倉庫者可得從此世持
至後世耶拘牢婆王荅曰不也所以
者何我獨无二亦無伴侶從此世至
後世也尊者賴吒毖羅語曰大王以
是故世尊說此世无常要當捨去我
欲忍樂是我知見聞是是故剗除鬚
髮著袈裟衣至信捨家無家學道拘
牢婆王語曰若賴吒毖羅所說大王
此世無常要當捨去者我亦欲是忍
樂於是所以者何此世真實无常要
當捨去拘牢婆王復問曰若賴吒毖
羅所說大王此世無滿无有猷足為
愛走使賴吒毖羅向所說此復有何

王隨所解答大王有豐拘樓國及豐後宮豐倉庫耶拘牢婆王答曰如是尊者賴吒恕羅復問曰大王有豐拘樓國及豐後宮豐倉庫者若於東方有一人來可信可任不欺誑世來語王言我從東方來見彼國土極大富樂多有人民大王可得彼國土極大富物人民力役欲得彼國整御之耶拘牢婆王答曰賴吒恕羅若我知有如是豐國余所財物人民力役得彼人民整御治者我必取之如是南方西方北方從大海彼岸若有人來可信可任不欺誑世來語王言我從大海彼岸來見彼國土極大富樂多有人民大王可得彼國余所財物人民力役欲得彼國整御之耶拘牢婆王答曰賴吒恕羅若我知有如是豐國余所財物人民力役得彼人民整御治者我必取之尊者賴吒恕羅語曰大王以是故世尊說此世無滿无有厭足為愛走使我欲忍樂是我知見聞是是故剝除鬚髮著袈裟衣至信捨

家無家學道拘牢婆王語曰若賴吒

想羅所說大王此世无滿無有厭足

為愛走使我亦欲是忍樂於是所以

者何此世真實无滿無有厭足為愛

走使尊者賴吒想羅語曰大王世尊

知見如來無所著等正覺為我說此

四事我知忍樂是我知見聞是是故

剝除鬚髮著袈裟衣至信捨家无家

學道於是尊者賴吒想羅說此頌曰

我見世間人有財癡不施得財復更求

慳貪積聚物王者得天下整御隨其方

海内无厭足復求於海外王及諸人民

未離欲命盡散髮妻子哭嗚呼苦難伏

衣被而埋藏或積薪火燒緣行至後世

燒已无慧念死後財不隨妻子及奴婢

貧富俱共同愚智亦復然智者不懷憂

唯愚抱悵感是故智慧勝速得正覺道

深著於有有愚癡作惡行於法非法行

以力強奪他少智習効他愚多作惡行

趣胎至後世數數受生死已受出生世

獨作眾惡事如賊他所縛自作惡所害

如是此眾生至到於後世為已所作業

自作惡所害如果熟自墮老少亦如斯

欲狂美愛樂 心趣好惡色 為欲所縛害
因欲恐怖生 王我見此覺 知是沙門妙
尊者賴吒起羅所說如是拘牢婆王
聞尊者賴吒起羅所說歡喜奉行

賴吒起羅經第十六竟

六千七百
七十七字

中阿含經卷第三十一

第三念誦

癸卯歲高麗國大藏都監奉
勅彫造

中阿含經卷第三十二

興

東晉罽賓三藏瞿曇僧伽提婆譯

大品優婆塞經第十七

第三念誦

我聞如是一時佛遊那難陀在波婆離捺林。尔時長苦行尼捷中後。彷彿往詣佛所。共相問訊。却坐一面。於是世尊問曰。苦行尼捷。親子施設幾行。令不行惡業。不作惡業。長苦行尼捷。答曰。瞿曇。我尊師尼捷。親子不為我等施設於行。令不行惡業。不作惡業。但為我等施設於罰。令不行惡業。不作惡業。作惡業。世尊又復問曰。苦行尼捷。親子施設幾罰。令不行惡業。不作惡業。長苦行尼捷。答曰。瞿曇。我尊師尼捷。親子為我等輩施設三罰。令不行惡業。不作惡業。云何為三身罰。口罰及意罰也。世尊又復問曰。苦行云何身罰。異口罰。異意罰。異耶。長苦行尼捷。答曰。瞿曇。我等身罰。異口罰。異意罰。異也。世尊又復問曰。苦行此三罰。如是相似。尼捷親子施設何罰為最重。令不行惡業。不作惡業。為身罰。口罰。

為意罰耶長苦行尼捷答曰瞿曇此

三罰如是相似我尊師尼捷親子施

設身罰為最重令不行惡業不作惡

業口罰不然意罰取下不及身罰極

大甚重世尊又復問曰苦行汝說身

罰為最重耶長苦行尼捷答曰瞿曇

身罰最重世尊復再三問曰苦行汝

說身罰為最重耶長苦行尼捷亦再

三答曰瞿曇身罰最重於是世尊再

三審定長苦行尼捷如此事已便默

然住長苦行尼捷問曰沙門瞿曇施

設幾罰令不行惡業不作惡業亦時

世尊答曰苦行我不施設罰令不行

惡業不作惡業我但施設業令不行

惡業不作惡業長苦行尼捷問曰瞿

曇施設幾業令不行惡業不作惡業

世尊又復答曰苦行我施設三業令

不行惡業不作惡業云何為三身業

口業及意業也長苦行尼捷問曰瞿

曇身業異口業異意業異耶世尊又

復答曰苦行我身業異口業異意業

異也長苦行尼捷問曰瞿曇此三業

如是相似施設何業為最重令不行

惡業不作惡業為身業口業為意業
耶世尊又復荅曰苦行此三業如是
相似我施設意業為最重令不行惡
業不作惡業身業口業則不然也長
苦行尼捷問曰瞿曇施設意業為最
重耶世尊又復荅曰苦行我施設意
業為最重也長苦行尼捷復再三問
曰瞿曇施設意業為最重耶世尊亦
再三荅曰苦行我施設意業為最重
也於是長苦行尼捷再三審定世尊
如此事已即從座起繞世尊三匝而
退還去往詣尼捷親子所尼捷親子
遙見長苦行尼捷來即便問曰苦行
從何處來長苦行尼捷荅曰尊我
從那難陀波婆離捺林沙門瞿曇處
來尼捷親子問曰苦行頗共沙門瞿曇
有所論耶長苦行尼捷荅曰共論尼
捷親子告曰苦行若共沙門瞿曇有
所論者盡為我說我或能知彼之所
論於是長苦行尼捷共世尊有所論
者盡向彼說尼捷親子聞便歎曰善
哉苦行謂汝於師行弟子法所作智
辯聰明決定安隱無畏成就調御逮

大辯才得甘露幢於甘露界自作證

成就遊所以者何謂汝向沙門瞿曇

施設身罰為取重令不行惡業不許

惡業口罰不然意罰取下不及身罰

極大甚重是時優婆離居士與五白

居士俱集在衆中叉手向尼捷親子

於是優婆離居士語長苦行尼捷曰

尊已再三審定沙門瞿曇如此事耶

長苦行尼捷荅曰居士我已再三審

定沙門瞿曇如此事也優婆離居士

語長苦行尼捷曰我亦能至再三審

定沙門瞿曇如此事已隨所牽挽猶

如力士執長髦羊隨所牽挽我亦如

是能至再三審定沙門瞿曇如此事

已隨所牽挽猶如力士手執髦裘抖

擻去塵我亦如是能至再三審定沙

門瞿曇如此事已隨所牽挽猶如沽

酒師沽酒弟子取漉酒囊著深水中

隨意所欲隨所牽挽我亦如是能至

再三審定沙門瞿曇如此事已隨所

牽挽猶龍象王年滿六十而以憍傲

摩訶能加牙足體具筋力熾盛力士

新云以水洗髀洗脊洗脇洗腹洗牙

洗頭及水中戲我亦如是能至再三
審定沙門瞿曇如此事已隨其所洗
我往詣沙門瞿曇所共彼談論降伏
已還尼捷親子語優婆離居士曰我
亦可伏沙門瞿曇汝亦可也長苦行
尼捷亦可也於是長苦行尼捷白尼
捷親子曰我不欲令優婆離居士往
詣沙門瞿曇所以者何沙門瞿曇
知幻化呪能呪化作弟子比丘比丘
尼優婆塞優婆塞私恐優婆離居士受
沙門瞿曇化化作弟子尼捷親子語
曰苦行若優婆離居士受沙門瞿曇
化作弟子者終無是處若沙門瞿曇
受優婆離居士化作弟子者必有是
處優婆離居士再三白尼捷親子曰
我今往詣沙門瞿曇所共彼談論降
伏已還尼捷親子亦再三荅曰汝可
速往我亦可伏沙門瞿曇汝亦可也
長苦行尼捷亦可也長苦行尼捷復
再三白曰我不欲令優婆離居士往
詣沙門瞿曇所以者何沙門瞿曇
知幻化呪能呪化作弟子比丘比丘
尼優婆塞優婆塞私恐優婆離居士受

沙門瞿曇化作弟子尼捷親子語
曰苦行若優婆離居士受沙門瞿曇
化作弟子者終無是處若沙門瞿曇
受優婆離居士化作弟子者必有是
處優婆離居士汝去隨意於是優婆
離居士稽首尼捷親子足繞三匝而
去往詣佛所共相問訊却坐一面問
曰瞿曇今日長苦行尼捷來至此耶
世尊答曰來也居士優婆離居士問
曰瞿曇頗共長苦行尼捷有所論耶
世尊答曰有所論也優婆離居士語
曰瞿曇若共長苦行尼捷有所論者
盡為我說若我聞已或能知之於是
世尊共長苦行尼捷有所論者盡向
彼說今時優婆離居士聞便歎曰善
哉苦行謂於尊師行弟子法所作智
辯聰明決定安隱無畏成就調御達
大辯才得甘露幢於甘露界自作證
成就遊所以者何謂向沙門瞿曇施
設身罰取重令不行惡業不作惡業
已討不然意罰取下不及身罰極大
甚重彼時世尊告曰居士我欲與汝
共論此事汝若住真諦者以真諦答

優婆離居士報曰瞿曇我住真諦以
真諦答沙門瞿曇但當與我共論此
事世尊問曰居士於意云何若有尼
捷來好喜於布施樂行於布施無戲
樂不戲為極清淨極行呪也若彼行
來時多煞大小虫云何居士尼捷親
子於此煞生施設報耶優婆離居士
答曰瞿曇若思者有大罪若無思者
無大罪也世尊問曰居士汝說思為
何等耶優婆離居士答曰瞿曇意業
是也世尊告曰居士汝當思量而後
答也汝之所說前與後違後與前違
則不相應居士汝在此衆自說瞿曇
我住真諦以真諦答沙門瞿曇但當
與我共論此事居士於意云何若有
尼捷來飲湯斷冷水彼無湯時便欲
飲冷水不得冷水彼使命終居士尼
捷親子云何可說彼尼捷所生耶優
婆離居士答曰瞿曇有天名意著彼
尼捷命終若意著死者必生彼處世
尊告曰居士汝當思量而後答也汝
之所說前與後違後與前違則不相
應汝在此衆自說瞿曇我住真諦以

真諦答沙門瞿曇但當與我共論此事居士於意云何若使有人持利刀來彼作是說我於此邨難陀內一切衆生於一日中斫剉斬截剝裂削割作一肉聚作一肉積居士於意云何彼人寧能於此邨難陀內一切衆生於一日中斫剉斬截剝裂削割作一肉聚作一肉積耶優婆離居士答曰不也所以者何此邨難陀內極大富樂多有人民是故彼人於此邨難陀內一切衆生必不能得於一日中斫剉斬截剝裂削割作一肉聚作一肉積瞿曇彼人唐大煩勞居士於意云何若有沙門梵志來有大如意足有大威德有大福祐有大威神心得自在彼作是說我以發一瞋念令此一切邨難陀內燒使成灰居士於意云何彼沙門梵志寧能令此一切邨難陀內燒成灰耶優婆離居士答曰瞿曇何但一邨難陀何但二三四瞿曇彼沙門梵志有大如意足有大威德有大福祐有大威神心得自在若發一瞋念能令一切國一切人民燒使

成凡況一邨難陀耶世尊告曰居士汝當思量而後答也汝之所說前與後違後與前違則不相應汝在此衆白說瞿曇我住真諦以真諦答沙門瞿曇但當與我共論此事世尊問曰居士汝頗曾聞大澤無事騏驎无事麋鹿無事靜寂無事空野无事無事即無事耶優婆離居士答曰瞿曇我聞有也居士於意云何彼為誰大澤無事騏驎无事麋鹿無事靜寂无事空野無事无事即無事耶優婆離居士默然不答世尊告曰居士速答居上速答今非默然時居士在此衆白說瞿曇我住真諦以真諦答沙門瞿曇但當與我共論此事於是優婆離居士須臾默然已語曰瞿曇我不默然我但思惟於此義耳瞿曇彼愚癡尼捷不善曉了不能解知不識良田而不自審長夜欺我為彼所誤謂向沙門瞿曇施設身罰最重令不行惡業不作惡業口罰意罰而不如也如我從沙門瞿曇所說知義仙人發一瞋念能令大澤無事騏驎无事麋鹿無事

寂靜無事空野无事無事即无事世尊我已知善逝我已解我今自歸於佛法及比丘衆唯願世尊受我為優婆塞從今日始終身自歸乃至命盡世尊告曰居士汝默然行勿得宣言如是勝人默然為善優婆離居士白曰世尊我以是故復於世尊重加歡喜所以者何謂世尊作如是說居士汝默然行勿得宣言如是勝人默然為善優婆離弟子者彼等便當持幢幡蓋遍行宣令於邨難陀作如是說優婆離居士為我作弟子優婆離居士為我作弟子然世尊作是說居士汝默然行勿得宣言如是勝人默然為善優婆離居士白曰世尊從今日始不聽諸尼捷入我家門唯聽世尊四衆弟子比丘比丘尼優婆塞優婆私入世尊告曰居士彼尼捷等汝家長夜所共尊敬若其來者汝當隨力供養於彼優婆離白曰世尊我以是故復於世尊倍加歡喜所以者何謂世尊作如是說居士彼尼捷等汝家長夜所共

敬若其來者汝當隨力供養於彼世尊我本聞世尊作如是說當施與我莫施與他當施與我弟子莫施與他弟子若施與我者當得大福若施與他不得大福施與我弟子當得大福施與他弟子不得大福世尊告曰居士我不如是說當施與我莫施與他施與我弟子莫施與他弟子若施與我者當得大福若施與他不得大福施與我弟子當得大福若施與他弟子不得大福居士我說如是施與一切隨心歡喜但施與不精進者不得大福施與精進者當得大福優婆離居士白曰世尊願無為也我自知施與尼捷不施與尼捷世尊我今再自歸佛法及比丘衆唯願世尊受我為優婆塞從今日始終身自歸乃至命盡於是世尊為優婆離居士說法勸發渴仰成就歡喜無量方便為彼說法勸發渴仰成就歡喜已如諸佛法先說端正法聞者歡悅謂說施說戒說生天法毀呾欲為災患生死為穢穢歎無欲為妙道品白淨世尊為彼

說如是法已佛知彼有歡喜心具足
心柔軟心堪耐心昇上心一向心無
疑心無蓋心有能有力堪受正法謂
如諸佛所說正要世尊便為彼說苦
習滅道優婆離居士即於坐中見四
聖諦苦習滅道猶如白素易染為色
如是優婆離居士即於坐中見四聖
諦苦習滅道於是優婆離居士見法
得法覺白淨法斷疑度惑更無餘尊
不復從他无有猶豫已住果證於世
尊法得無所畏即從坐起為佛作礼
世尊我今三自歸佛法及比丘眾唯
願世尊受我為優婆塞從今日始終
身自歸乃至命盡於是優婆離居士
聞佛所說善受善持稽首佛足繞三
匝而歸勅守門者汝等當知我今則
為世尊弟子從今日始諸尼提來莫
聽入門唯聽世尊四眾弟子比丘比
丘尼優婆塞優婆塞私入若尼提來者
當語彼言尊者優婆離居士今受佛
化作弟子則不聽諸尼提入門唯
聽世尊四眾弟子比丘比丘尼優婆
塞優婆私入若須食者便可住此當

出食與於是長苦行尼捷聞優婆離居士受沙門瞿曇化作弟子則不聽諸尼捷入門唯聽沙門瞿曇弟子比丘比丘尼優婆塞優婆私入長苦行尼捷聞已往詣尼捷親子所白曰尊此是我本所說尼捷親子問曰苦行何者是汝本所說耶長苦行尼捷答曰尊我本所說不欲令優婆離居士往詣沙門瞿曇所以者何沙門瞿曇知幻化呪能呪化作弟子比丘比丘尼優婆塞優婆私恐優婆離居士受沙門瞿曇化作弟子尊優婆離居士今已受沙門瞿曇化作弟子離居士已不聽諸尼捷入門唯聽沙門瞿曇弟子比丘比丘尼優婆塞優婆私入尼捷親子語曰苦行若優婆離居士受沙門瞿曇化作弟子終無是處若沙門瞿曇受優婆離居士化作弟子者必有是處長苦行尼捷復白曰尊若不信我所說者尊自可往亦可遣使於是尼捷親子告曰苦行汝可自往詣彼者之為優婆離居士受沙門瞿曇化作弟子耶為沙門瞿曇

受優婆離居士化作弟子耶長苦行
尼捷受尼捷親子教已往詣優婆離
居士家守門人遇見長苦行尼捷來
而作是說尊者優婆離居士今受佛
化化作弟子則不聽諸尼捷入門唯
聽世尊四衆弟子比丘比丘尼優婆
塞優婆私入若欲得食者便可住此
當出食與長苦行尼捷語曰守門人
我不用食長苦行尼捷知此事已奮
頭而去往詣尼捷親子所白曰尊此
是如我本所說尼捷親子問曰苦行
何者是汝本所說耶長苦行尼捷荅
曰尊我本所說不欲令優婆離居士
往詣沙門瞿曇所以者何沙門瞿
曇知幻化呪能呪化作弟子比丘比
丘尼優婆塞優婆私恐優婆離居士
受沙門瞿曇化化作弟子尊優婆離
居士今已受沙門瞿曇化化作弟子
已不聽諸尼捷入門唯聽沙門瞿曇
弟子比丘比丘尼優婆塞優婆私入
尼捷親子告曰苦行若優婆離居士
受沙門瞿曇化化作弟子者終无是處
若沙門瞿曇受優婆離居士化作

子者必有是處長苦行尼捷白曰尊
若不信我所說者願尊自往於是尼
捷親子與大尼捷衆五百人俱往詣
優婆離居士家守門人遙見尼捷親
子與大尼捷衆五百人俱來而作是
說尊者優婆離居士今受佛化化作
弟子則不聽諸尼捷入門唯聽世尊
四衆弟子比丘比丘尼優婆塞優婆
私入若欲得食者便可住此當出食
與尼捷親子語曰守門人我不用食
但欲得見優婆離居士守門人語曰
願尊住此我今入白尊者優婆離居
士彼守門人即入白曰居士當知尼
捷親子與大尼捷衆五百人俱住在
門外作如是語我欲得見優婆離居
士優婆離居士告守門人汝至中門
敷設牀座訖還白我守門人受教往
至中門敷設牀座訖還白曰居士當
知敷牀已訖唯願居士自當知時優
婆離居士將守門人往至中門若有
牀座極高廣大極淨好敷謂優婆離
居士本抱尼捷親子所令坐者優婆
離居士自處其上結加趺坐告守門

人汝出往至尼捷親子所作如是語
尊人優婆離居士言尊人欲入者自
可隨意彼守門人受教即出至尼捷
親子所作如是語尊人優婆離居士
言尊人欲入者自可隨意於是尼捷
親子與大尼捷衆五百人俱入至中
門優婆離居士遇見尼捷親子與大
尼捷衆五百人俱入而作是語尊人
有座欲坐隨意尼捷親子語曰居士
汝應尔耶自上高座結加趺坐與人
共語如出家者學道无異優婆離居
士語曰尊人我自有物欲與便與不
與便不與此座我有是故我言有座
欲坐隨意尼捷親子敷座而坐語曰
居士何以故尔欲降伏沙門瞿曇而
反自降伏来猶如有人求眠入林而
失眠還如是居士欲往降伏沙門瞿
曇反為沙門瞿曇所降伏来猶如有
人以渴入池而反渴還居士亦然欲
往降伏沙門瞿曇而反自降伏還居
士何以故尔優婆離居士語曰尊人
總我說喻喻慧者聞喻則解其義尊人
詳一梵志有年少婦彼婦懷妊語其

夫曰我今懷妊君去至市可為兒買
好戲具來時彼梵志語其婦曰但令
卿得安隱產已何憂無耶若生男者
當為卿買男戲具來若生女者亦當
為買女戲具來婦至再三語其夫曰
我今懷妊君去至市速為兒買好戲
具來梵志亦至再三語其婦曰但令
卿得安隱產已何憂無耶若生男者
當為卿買男戲具來若生女者亦當
為買女戲具來彼梵志者極憐念婦
即便問曰卿欲為兒買何戲具婦報
之曰君去為兒買狝猴子好戲具來
梵志聞已往至市中買狝猴子戲具
持還語其婦曰我已為兒買狝猴子
戲具來還其婦見已嫌色不好即語
夫曰君可持此狝猴戲具往至涂家
涂作黃色令極可愛擣使光生梵志
聞已即時持此狝猴戲具往至涂家
而語之曰為我涂此狝猴戲具作好
黃色令極可愛擣使光生今時涂家
便語梵志狝猴戲具涂作黃色令極
可愛此可尔也然不可擣使光澤生
於是涂家說此頌曰

獼猴忍受色 不能堪忍擣 若擣則命終
終不可推打 此是臭穢囊 獼猴滿不淨
尊人當知尼捷所說亦復如是 是不能
堪忍受他難問 亦不可得思惟觀察
唯但染愚不染慧也 尊人復聽猶如
清淨波羅捺衣 主持往至於彼染家
而語之曰 為染此衣作極好色 令可
愛也 亦為極擣使光澤 生彼時染家
語衣主曰 此衣可染作極好色 令可
愛也 亦可極擣使光澤 生於是染家
說此頌曰
如波羅捺衣 白淨忍受色 擣已則柔軟
光色增益好

尊人當知 諸如來無所著等正覺所
說亦復如是 極能堪忍受他難問 亦
使可得思惟觀察 唯但染慧不染愚
也 尼捷親子語曰 居士為沙門瞿曇
幻呪所化 優婆離居士語曰 尊人善
幻化呪極善 幻化呪尊人彼幻化呪
令我父母長夜得利饒益安隱快樂
及其妻子奴婢作使 邴難陀國王及
一切世間天及魔梵沙門梵志從人至
大令彼長夜得利饒益安隱快樂

捷親子語曰居士舉邨難施知優婆
離居士是尼捷弟子今者竟為誰弟
子耶於是優婆離居士即從座起右
膝著地若方有佛叉手向彼語曰尊
人聽我所說也

雄猛離愚癡 斷穢整降伏 無敵微妙思
學戒禪智慧 安隱無有垢 佛弟子婆離
大聖修習已 得德說自在 善念妙正觀
不高亦不下 不動常自在 佛弟子婆離
無曲常知足 捨離慳得滿 作沙門成覺
後身尊大士 無比无有塵 佛弟子婆離
无疾不可量 甚深得牟尼 常安隱勇猛
住法微妙思 調御常不戲 佛弟子婆離
大龍樂住高 結盡得解脫 應辯才清淨
慧生離憂惑 不還有釋迦 佛弟子婆離
正去禪思惟 無有燒清淨 常笑无有恚
樂離得第一 無畏常專精 佛弟子婆離
七仙无與等 三達速得梵 淨浴如明燈
得息止怨結 勇猛極清淨 佛弟子婆離
得息慧如地 大慧除世貪 可祠无上眼
上士无與等 御者無有恚 佛弟子婆離
斷望無上善 善調无以御 無上常歡喜
无疑有光明 斷慢無上覺 佛弟子婆離

斷愛無比覺無烟无有煥如去為善逝
無比无與等名稱已逮正佛弟子婆離
此是百難佛本未曾思惟優婆離所說
諸天來至彼善助加諸辯如法如其人
尼捷親子問佛十力弟子

尼捷親子問曰居士汝以何意稱歎
沙門瞿曇耶優婆離居士報曰尊人
聽我說喻慧者聞喻則解其義猶善
醵師醵師弟子採種種華以長綖結
作種種醵如是尊人如來無所著等
正覺有無量稱歎我之所尊以故稱
歎說此法時優婆離居士遠塵離垢
諸法法眼生尼捷親子即吐熱血至
波起國以此惡患尋便命終佛說如
是優婆離居士聞佛所說歡喜奉行
優婆離經第十七竟

六千二百
六十三字

中阿含經卷第三十二

癸卯歲高麗國大藏都監奉
勅彫造

中阿含經卷第三十三

興

東晉約三藏異名僧伽提婆譯

大品釋問經第十八

第三念誦

我問如是一時佛遊摩竭陀國在王舍城東柰林村北鞞陀提山因陀羅石室尔時天王釋闍佛遊摩竭陀國在王舍城東柰林村北鞞陀提山因陀羅石室時天王釋告五結樂子我聞世尊遊摩竭陀國在王舍城東柰林村北鞞陀提山因陀羅石室五結汝來共往見佛五結樂子白曰唯然於是五結樂子按琉璃琴從天王釋行三十三天聞天王釋其意至重欲往見佛三十天亦復侍從天王釋行於是天王釋及三十天五結樂子猶如力士屈伸臂頃於三十天忽沒不現已住摩竭陀國王舍城東柰林村北鞞陀提山去石室不遠尔時鞞陀提山光耀極照明如火燦彼山左右居民見之便作是念鞞陀提山火燒普然時天王釋住一處已告曰五結世尊如是住無事處山林樹

下樂居高巖寂無音聲遠離无惡無
有人民隨順燕坐有大威德諸天共
俱樂部遠離燕坐安隱快樂遊行我
等未通不應便前五結汝往先通我
等然後當進五結樂子白曰唯然於
是五結樂子受天王釋教已挾琉璃
琴即先往至因陀羅石室便作是念
知此處離佛不近不遠令佛知我聞
我音聲住彼處已調琉璃琴作欲相
應偈龍相應偈沙門相應偈阿羅訶
相應偈而歌頌曰

賢札汝父母 月及魃浮樓 謂生汝殊妙
令我發歡心 煩熱求涼風 渴欲飲冷水
如是我愛汝 猶羅訶愛法 如取水甚難
著欲亦復然 無量生共會 如施與無者
池水清且涼 底有金粟沙 如龍象熱逼
入此池水浴 猶如鈎牽象 我意為汝伏
所行汝不覺 竊窺未得汝 我意極著汝
煩冤燒我心 是故我不樂 如人入虎口
如釋子思禪 常樂在於一 如牟尼得覺
得汝妙淨然 如牟尼所樂 無上正盡覺
如是我所樂 常求欲得汝 如病欲得藥
如飢欲得食 賢汝止我心 猶如水滅火

若我所作福 供養諸无著 彼是志淨妙
我共汝受報 願我共汝終 不離汝獨活
我寧共汝死 不用相離生 釋為與我願
三十三天尊 汝人無上尊 是我願最堅
是故礼大雄 稽首人取上 斷絕諸愛刺
我礼日之觀

於是世尊從三昧起讚歎五結樂子
曰善哉善哉五結汝歌音與琴聲相
應琴聲與歌音相應歌音不出琴聲
外琴聲不出歌音外五結汝頗憶昔
時歌頌此欲相應偈龍相應偈沙門
相應偈阿羅訶相應偈耶五結樂子
白曰世尊唯大仙人自當知之大仙
人昔時世尊初得覺道遊鬱鞞羅尼
連禪河岸阿闍惹羅尼拘類樹下尔
時耽浮樓樂王女名賢月色有天名
結摩塊麗御車子求欲彼女大仙人
彼當求欲於彼女時我亦復求欲得
彼女然大仙人求彼女時竟不能得
我於尔時住彼女後便歌頌此欲相
應偈龍相應偈沙門相應偈阿羅訶
相應偈大仙人我歌頌此偈時彼女
迴頭怡然含笑而語我曰五結我未

曾見彼佛世尊然我已從三十三天
聞彼世尊如來無所著等正覺明行
成為善逝世間解无上士道法御天
人師号佛衆祐五結若汝能數稱歎
世尊者可與汝共事大仙人我唯一
共會自後不復見於是天王釋而作
是念五結樂子已令世尊從定覺起
已通我於善逝彼時天王釋告曰五
結汝即往彼為我稽首佛足問訊世
尊聖體康強安快無病起居輕便氣
力如常耶作如是語大仙人天王釋
稽首佛足問訊世尊聖體康強安快
無病起居輕便氣力如常耶大仙人
天王釋及三十三天欲見世尊五結
樂子白曰唯然於是五結樂子捨琉
璃琴叉手向佛白曰世尊唯大仙人
天王釋稽首佛足問訊世尊聖體康
強安快無病起居輕便氣力如常耶
大仙人天王釋及三十三天欲見世
尊尔時世尊告曰五結今天王釋安
隱快樂及諸天人阿修羅捷杳惹羅
刹及餘種種身安隱快樂五結天王
釋欲見我者隨其所欲於是五結樂

子聞佛所說善受善持稽首佛足遠
三匝而去往詣天王釋所白曰天王
我已為白世尊世尊今待天王唯願
天王自當知時於是天王釋及三十
三天五結樂子往詣佛所時天王釋
稽首佛足再三自稱名姓言唯大仙
人我是天王釋我是天王釋世尊告
曰如是如是拘翼汝是天王釋時天
王釋再三自稱名姓稽首佛足却住
一面三十三天及五結樂子亦稽首
佛足却注一面時天王釋白曰唯大
仙人我去世尊近遠坐耶世尊告曰
汝近我坐所以者何汝有大天眷屬
於是天王釋稽首佛足却坐一面三
十三天及五結樂子亦稽首佛足却
坐一面尔時因陀羅石室忽然廣大
所以者何佛之威神及諸天威德時
天王釋坐已白曰唯大仙人我於長
夜欲見世尊欲請問法大仙人往昔
一時世尊遊舍衛國住石巖中大仙
人我尔時自為及為三十三天乘工
象車往至鞞沙門大王家尔時鞞沙
門大王家有妾名繫閤那尔時世尊

入定寂然彼妄叉手礼世尊足大仙人我語彼曰妹我今非往見世尊時世尊入定若世尊從定寤者妹便為我稽首佛足問訊世尊聖體康強安快無病起居輕便氣力如常耶作如是說唯大仙人天王釋稽首佛足問訊世尊聖體康強安快無病起居輕便氣力如常耶大仙人彼妹為我稽首佛足問訊世尊世尊為憶不耶世尊告曰拘翼彼妹為汝稽首我足具宣汝意問訊於我我亦憶拘翼當汝去時聞此音聲便從定寤大仙人昔時我聞若如來无所著等正覺明行成為善逝世間解無上士道法御天人師号佛衆祐出於世時增諸天衆咸阿修羅大仙人我自眼見世尊弟子比丘從世尊修習梵行捨欲離欲身壞命終得至善處生於天中大仙人瞿毗釋女是世尊弟子亦從世尊修習梵行憎惡女身受樂男形轉女人身受男子形捨欲離欲身壞命終得生妙處三十三天為我作子彼既生已諸天悉知瞿婆天子有大如意

足有大威德有大福祐有大威神大
仙人我復見有世尊弟子三比丘等
亦從世尊修習梵行不捨離欲身壞
命終生餘下賤伎樂宮中彼既生已
日日来至三十三天供事諸天奉侍
瞿婆天子天子見彼已而說頌曰

與眼優婆私 我字名瞿毗 奉敬佛及法
淨意供養衆 我已蒙佛恩 釋子大祐德
妙生三十三 彼知祐天子 見彼本比丘
受生伎樂神 叉手面前立 瞿婆為說偈
是本瞿曇子 我本為人時 來至到我家
飲食好供養 此本與聖等 行無上梵行
今為他所使 日來奉事天 我本承事汝
聞聖善說法 得信成就戒 妙生三十三
汝本受奉事 行無上梵行 今為他所使
日來奉事天 汝以何為面 受持佛法已
反背不向法 是眼覺善說 我昔見汝等
今生下伎樂 自行非法行 自生於非法
我本在居家 觀我今勝德 轉女成天子
自在五欲樂 彼訶瞿曇等 獸已歎瞿曇
我今當進行 天子真諦說 二於彼慙行
憶瞿曇法律 知欲有災患 即彼捨離欲
彼為欲結縛 即得捨遠離 如象斷羈絆

度三十三天 因陀羅天梵一切皆來集
即彼坐上去 雄猛捨塵欲 帝釋見已猒
勝天天中天 彼本生下賤 度三十三天
猒已妙息言 瞿婆後說曰 人中有佛勝
釋牟尼知欲 彼子中失念 我訶更復得
於三中之二 則生伎樂中 二成等正道
在天定根樂 汝說如是法 弟子無有惑
度漏斷邪疑 礼佛勝伏根 若彼覺諸法
二得昇進處 彼得昇進已 生於梵天中
我等知彼法 大仙來至此
今時世尊便作是念此鬼長夜無有
諛諂亦無欺誑无幻質直若有問者
盡欲知故不欲觸娆彼之所問亦復
如是我寧可說甚深阿毗曇世尊知
已為天王釋說此頌曰
於現法樂故 亦為後世樂 拘翼自恣問
隨意之所樂 彼彼之所問 盡當為決斷
世尊已見聽 日天求見義 在摩竭陀國
賢婆娑婆商

於是天王釋白曰世尊天人阿修羅
捷沓耆羅刹及餘種種身各各有幾
結耶世尊聞已答曰拘翼天人阿修
羅捷沓耆羅刹及餘種種身各各有

二結慳及嫉也彼各各作是念令我無杖无結無怨无恚無諍无鬪無苦安樂遊行彼雖作是念然故有杖有結有怨有恚有諍有鬪有苦無安樂唯然善逝唯然大仙人天人阿修羅捷杳耆羅刹及餘種種身各各有二結彼作是念令我無杖无結無怨无恚无諍無鬪无苦安樂遊行彼雖作是念然故有杖有結有怨有恚有諍有鬪有苦無安樂遊行唯然世尊唯然善逝唯然大仙人如佛所說法我悉知之我斷疑度惑無有猶豫聞佛所說故時天王釋聞佛所說歡喜奉行復問曰大仙人慳嫉者何因何緣為從何生由何而有復何因由無慳嫉耶世尊聞已答曰拘翼慳嫉者因愛不愛緣愛不愛從愛不愛生由愛不愛有若無愛不愛者則无慳嫉也不愛有若無愛不愛者則无慳嫉也唯然世

尊唯然善逝唯然大仙人如佛所說
法我悉知之我斷疑度惑無有猶豫
聞佛所說故時天王釋聞佛所說歡
喜奉行復問曰大仙人愛不愛者何
因何緣為從何生由何而有復何因
由無愛不愛耶世尊聞已答曰拘翼
愛不愛者因欲緣欲從欲而生由欲
故有若無欲者則无愛不愛時天王
釋聞已白曰唯然世尊唯然善逝唯
然大仙人愛不愛者因欲緣欲從欲
而生由欲故有若無欲者則无愛不
愛唯然世尊唯然善逝唯然大仙人
如佛所說法我悉知之我斷疑度惑
無有猶豫聞佛所說故時天王釋聞
佛所說歡喜奉行復問曰大仙人欲
者何因何緣為從何生由何而有復
何因由无有欲耶世尊聞已答曰拘
翼欲者因念緣念從念而生由念故
有若無念者則无有欲時天王釋聞
已白曰唯然世尊唯然善逝唯然大
仙人欲者因念緣念從念而生由念
故有若無念者則無有欲唯然世尊
唯然善逝唯然大仙人如佛所說法

我志知之我斷疑度惑無有猶豫聞
佛所說故時天王釋問佛所說歡喜
奉行復問曰大仙人念者何因何緣
為從何生由何而有復何因由无有
念耶世尊聞已答曰拘翼念者因思
緣思從思而生由思故有若無思者
則無有念由念故有欲由欲故有愛
不愛由愛不愛故有慳嫉由慳嫉故
有刀杖鬪諍憎嫉諛諂欺誑妄言兩
舌心中生無量惡不善之法如是此
純大苦陰生若無思者則无有念若
無念者則无有欲若無欲者則无愛
不愛若無愛不愛者則無慳嫉若无
慳嫉者則无刀杖鬪諍憎嫉諛諂欺
誑妄言兩舌心中不生无量惡不善
之法如是此純大苦陰滅時天王釋
問已白曰唯然世尊唯然善逝唯然
大仙人念者因思緣思從思而生由
思故有若无思者則無有念由念故
有欲由欲故有愛不愛由愛不愛故
有慳嫉由慳嫉故有刀杖鬪諍憎嫉
諛諂欺誑妄言兩舌心中生無量惡
不善之法如是此純大苦陰生若无

思者則無有念若无念者則無有欲
若无欲者則無愛不愛若无愛不愛
者則無慳嫉若无慳嫉者則無刀杖
鬭諍憎嫉諛諂欺誑妄言兩舌心中
不生無量惡不善之法如是此純大
苦陰滅唯然世尊唯然善逝唯然大
仙人如佛所說法我悉知之我斷疑
度惑無有猶豫聞佛所說故時天王
釋聞佛所說歡喜奉行復問曰大仙
人何者滅戲道跡比丘何行趣向滅
戲道跡耶世尊聞已答曰拘翼滅戲
道跡者謂八支聖道正見乃至正定
為八拘翼是謂滅戲道跡比丘者行
此趣向滅戲道跡時天王釋聞已白
曰唯然世尊唯然善逝唯然大仙人
滅戲道跡者謂八支聖道正見乃至
正定為八大仙人是為滅戲道跡比
丘者行此趣向滅戲道跡唯然世尊
唯然善逝唯然大仙人如佛所說法
我悉知之我斷疑度惑無有猶豫聞
佛所說故時天王釋聞佛所說歡喜
奉行復問曰大仙人比丘者趣向滅
戲道跡斷幾法行幾法耶世尊聞已

答曰拘翼比丘者趣向滅戲道跡斷
三法修行三法云何為三一日念二
日言三日求拘翼念者我說有二種
可行不可行若念不可行者我即斷
彼若念可行者我為彼知時有念有
智為成就彼念故言亦如是拘翼求
者我說亦有二種可行不可行若求
不可行者我即斷彼若求可行者我
為彼知時有念有智成就彼求故時
天王釋問已白曰唯然世尊唯然善
逝唯然大仙人比丘者趣向滅戲道
跡斷三法修行三法云何為三一日
念二日言三日求大仙人說念有二
種可行不可行若念增長惡不善法
減損善法者大仙人便斷彼若念減
損惡不善法增長善法者大仙人為
彼知時有念有智成就彼念故言亦
如是大仙人說求亦有二種可行不
可行若求增長惡不善法減損善法
者大仙人便斷彼若求減損惡不善
法增長善法者大仙人為彼知時有
念有智成就彼求故唯然世尊唯然
善逝唯然大仙人如佛所說法我悉

知之我斷疑度惑無有猶豫聞佛所說故時天王釋聞佛所說歡喜奉行復問曰大仙人比丘者趣向滅戲道跡有幾法護從解脫行幾法耶世尊聞已答曰拘翼比丘者趣向滅戲道跡有六法護從解脫行六法也云何為六眼視色耳聞聲鼻嗅香舌嘗味身覺觸意知法拘翼眼視色者我說有二種可行不可行者眼視色不可行者我即斷彼若眼視色可行者我為彼知時有念有智成就彼故如是耳聞聲鼻嗅香舌嘗味身覺觸意知法者我說亦有二種可行不可行者意知法不可行者我即斷彼若意知法可行者我為彼知時有念有智成就彼故時天王釋聞已白曰唯然世尊唯然善逝唯然大仙人比丘者趣向滅戲道跡者有六法護從解脫行六法云何為六眼視色耳聞聲鼻嗅香舌嘗味身覺觸意知法大仙人說眼視色者有二種可行不可行者眼視色增長惡不善法減損善法者大仙人即斷彼若眼視色減損惡不善

法增長善法者大仙人為彼知時有
念有智成就彼故如是耳聞聲鼻嗅
香舌嘗味身覺觸大仙人說意知法
者亦有二種可行不可行若意知法
增長惡不善法減損善法者大仙人
即斷彼若意知法減損惡不善法增
長善法者大仙人為彼知時有念有
智成就彼故唯然世尊唯然善逝唯
然大仙人如佛所說法我悉知之我
斷疑度惑無有猶豫聞佛所說故時
天王釋聞佛所說歡喜奉行復問曰
大仙人比丘者趣向滅戲道跡命存
一時頃復斷幾法行幾法耶世尊聞
已答曰拘翼比丘者趣向滅戲道跡
命存一時頃復斷三法行三法云何
為三一曰喜二曰憂三曰捨拘翼喜
者我說有二種可行不可行若喜不
可行者我即斷彼若喜可行者我為
彼知時有念有智成就彼故憂亦如
是拘翼捨者我說亦有二種可行不
可行若捨不可行者我即斷彼若捨
可行者我為彼知時有念有智成就
彼故時天王釋聞已白曰唯然世尊

唯然善逝唯然大仙人比丘者趣向
滅戲道跡命存一時頃斷三法行三
法云何為三一日喜二曰憂三曰捨
大仙人說喜者有二種可行不可行
若喜增長惡不善法減損善法者大
仙人即斷彼若喜減損惡不善法增
長善法者大仙人為彼知時有念有
智成就彼故憂亦如是大仙人說捨
者亦有二種可行不可行若捨增長
惡不善法減損善法者大仙人即斷
彼若捨減損惡不善法增長善法者
大仙人為彼知時有念有智成就彼
故唯然世尊唯然善逝唯然大仙人
如佛所說法我悉知之我斷疑度惑
無有猶豫聞佛所說故時天王釋問
佛所說歡喜奉行復問曰大仙人一
切沙門梵志同一說一欲一愛一樂
一意耶世尊聞已答曰拘翼一切沙
門梵志不同一說一欲一愛一樂一
意也時天王釋復問曰大仙人一切
沙門梵志以何等故不同一說一欲
一愛一樂一意耶世尊聞已答曰拘
翼此世有若干種界有無量界彼隨

所知界即彼界隨其力隨其方便一向說此為真諦餘者虛妄拘翼是故一切沙門梵志不同一說一欲一愛一樂一意耳時天王釋問已白曰唯然世尊唯然善逝唯然大仙人此世有若干種界有無量界彼隨所知界即彼界隨其力隨其方便一向說此為真諦餘者虛妄大仙人以是故一切沙門梵志不同一說一欲一愛一樂一意耳唯然世尊唯然善逝唯然大仙人如佛所說法我悉知之我斷疑度惑無有猶豫聞佛所說故時天王釋聞佛所說歡喜奉行復問曰大仙人一切沙門梵志得至究竟究竟白淨究竟梵行究竟梵行訖耶世尊聞已答曰拘翼不必一切沙門梵志得至究竟究竟白淨究竟梵行究竟梵行訖耶世尊聞已答曰拘翼若有沙門梵志於無上愛盡不正善心解脫者彼不至究竟不究竟白淨不究竟梵行

不究竟梵行訖拘翼若有沙門梵志於無上愛盡正善心解脫者彼至究竟究竟白淨究竟梵行究竟梵行訖時天王釋問已白曰唯然世尊唯然善逝唯然大仙人若有沙門梵志於無上愛盡不正善心解脫者彼不至究竟不究竟白淨不究竟梵行不究竟梵行訖大仙人若有沙門梵志於無上愛盡正善心解脫者彼至究竟究竟白淨究竟梵行究竟梵行訖唯然世尊唯然善逝唯然大仙人如佛所說法我悉知之我斷疑度惑無有猶豫聞佛所說故時天王釋問佛所說善受善持白曰大仙人我於長夜有疑惑刺世尊今日而拔出之所以者何謂如來無所著等正覺故世尊問曰拘翼汝頗憶昔時曾問餘沙門梵志如此事耶時天王釋答曰世尊唯大仙人自當知之太仙人三十三天集在法堂各懷愁惑數數歎說我等若值如來無所著等正覺者必當往見大仙人然我等不得值如來无所著等正覺已便行具足五欲功德

大仙人我等放逸行放逸已大威德
天子於極妙處即便命終大仙人我
見大威德天子於極妙處即命終時
便生極猷身毛皆豎莫令我於此處
速命終大仙人我因此猷因此憂慙
故若見餘沙門梵志在无事處山林
樹下樂居高巖寂无音聲遠離無惡
无有人民隨順燕坐彼樂遠離燕坐
安隱快樂遊行我見彼已便謂是如
來無所著等正覺即往奉見彼不識
我而問我言汝為是誰我時答彼大
仙人我是天王釋大仙人我是天王
釋彼復問我我曾見釋亦見釋種姓
以何等故名為釋以何等故為釋種
姓我便答彼大仙人若有來問我事
者我便隨所能隨其力而答彼是故
我名為釋彼作是說我等若隨其事
以問釋者釋亦隨其事答我彼問我
事我不問彼彼歸命我我不歸命彼
大仙人從彼沙門梵志竟不得威儀
法教况復得如是問耶時天王釋而
說頌曰

釋往釋往已 釋今作是說 遠離意解念

除疑諸猶豫 久遠行於世 推求索如來
見沙門梵志 在遠離燕坐 謂是正盡覺
往來敬札事 云何得昇進 如是我問彼
問已不能知 聖道及道跡 世尊今為我
若意有所疑 所念及所思 其意之所行
知心隱及現 明者為我說 尊佛尊為師
尊無著上尼 尊斷諸結使 自度度眾生
覺者第一覺 御者最上御 息者尊妙息
大仙自度度 故我礼天尊 稽首人取上
斷絕諸愛刺 我礼口之親

於是世尊問曰拘翼汝頗憶昔時得
如是離得如是歡喜謂於我得法喜
耶時天王釋答曰世尊唯大仙人自
當知之大仙人昔一時天及阿修羅
而共鬥戰大仙人天及阿修羅共鬥
戰時我作是念今天得勝破阿修羅
諸天食及阿修羅食盡令三十三天
食大仙人天及阿修羅共鬥戰時天
復得勝破阿修羅諸天食及阿修羅
食盡令三十三天食大仙人亦時有
解有言雜刀杖結怨鬪諍憎嫉不得
伸進不得覺道不得涅槃大仙人今
以等離得喜不雜刀杖結怨鬪諍憎

嫉得通得覺亦得涅槃世尊問曰拘翼汝何因得離得喜謂於我得法喜耶時天王釋答曰大仙人我作是念我於此命終生於人間彼若有族極大富樂資財無量畜牧產業不可稱計封戶食邑種種具足謂剎利長者族梵志長者族居士長者族及餘族極大富樂資財無量畜牧產業不可稱計封戶食邑種種具足生如是族已成就諸根如來所說法律有得信者得信已剎除鬚髮著袈裟衣至信捨家無家學道學智學智已若得智者便得究竟智得究竟邊學智學智已若得智不得究竟智者若有諸天有大福祐色像巍巍光耀燁燁極有威力安隱快樂長住宮殿生於最上我生彼中於是天王釋而說頌曰捨離於天身來下生人間不愚癡入胎隨我意所樂得身具足已逮質直正道行具足梵行常樂於食

學智學智已若得智者便得究竟智得究竟邊學智學智已若得智不得究竟智者當作最上妙天諸天問名

色究竟天往生彼中大仙人願當得
阿那含大仙人我今定得須陀洹世
尊問曰拘翼汝何因得此極好極高
極廣老降而自稱說得須陀洹耶時
天王釋以偈答曰

不更有餘尊唯世尊境界得取上老降
未曾有此處大仙我此坐即於此天身
我更得增壽如是白眼見

說此法時天王釋遠塵離垢諸法
眼生及八万諸天亦遠塵離垢諸法
法眼生於是天王釋見法得法覺白
淨法斷疑度惑更無餘尊不復從他
無有猶豫已住果證於世尊法得无
所畏即從坐起稽首佛足白曰世尊
我今白歸佛法及比丘衆唯願世尊
受我為優婆塞從今日始終身白歸
乃至命盡於是天王釋稱歎五結樂
子曰善哉善哉汝五結大益於我所
以者何由汝故佛從定寤以汝先使
世尊從定寤故今我等後得見佛五
結我從此歸以就浮樓伎樂王女賢
月色嫁與汝作婦及其父樂王本國
并與汝作伎樂王於是天王釋告三

十三天曰汝等共來若我等本為梵
天王住梵天上再三恭敬礼事者彼
今盡為世尊恭敬礼事所以者何世
尊梵天梵天當造化取尊生衆生衆
生有及當有彼所可知盡知可見盡見
於是天王釋及三十三天五結樂子
若本為梵天住梵天上再三恭敬礼
事者彼盡為世尊恭敬礼事稽首如
來無所著等正覺於是天王釋及三
十三天五結樂子并為世尊恭敬礼
事稽首佛足遶三匝已即於彼處忽
沒不現尔時梵天色像巍巍光耀燁
燁夜將向旦往詣佛所稽首佛足却
住一面即時以偈白世尊曰

為多饒益義 見利義曰天 賢住摩竭國
婆娑婆問事

大仙人說此法時天王釋遠塵離垢
諸法法眼生及八万諸天亦遠塵離
垢諸法法眼生於是世尊告梵天曰
如是如是梵天所說

為多饒益義 見利義曰天 賢住摩竭國
婆娑婆問事

梵天我說法時天王釋遠塵離垢諸

法法眼生及八万諸天亦遠塵離垢
諸法法眼生佛說如是時天王釋及
三十三天五結樂子并大梵天聞佛
所說歡喜奉行

釋問經第十八竟

七千三百六十八字

中阿含大品善生經第十九

第二念誦

我聞如是一時佛遊王舍城在饒銀
陂林尔時善生居士子父臨終時因
六方故遺勅其子善教善訶曰善生
我命終後汝當叉手向六方礼東方
若有衆生者我盡恭敬供養礼事彼
我盡恭敬供養礼事彼已彼亦當恭
敬供養礼事我如是南方西方北方
下方上方若有衆生者我盡恭敬供
養礼事彼我盡恭敬供養礼事彼已
彼亦當恭敬供養礼事我善生居士
子聞父教已白父曰唯當如尊勅於
是善生居士子父命終後平旦沐浴
著新葛磨衣手執生拘舍葉往至水
邊叉手向六方礼東方若有衆生者
我盡恭敬供養礼事彼我盡恭敬供
養礼事彼已彼亦當恭敬供養礼事
我如是南方西方北方下方上方若有

衆生者我盡恭敬供養礼事彼我盡
恭敬供養礼事彼已彼亦當恭敬供
養礼言我彼時世尊過夜平旦著衣
持鉢入王舍城而行乞食世尊入王
舍城乞食時遇見善生居士子平旦
沐浴著新葛磨衣手執生拘舍葉往
至水邊叉手向六方礼東方若有衆
生者我盡恭敬供養礼事彼我盡恭
敬供養礼事彼已彼亦當恭敬供養
礼事我如是南方西方北方下方上
方若有衆生者我盡恭敬供養礼事
彼我盡恭敬供養礼事彼已彼亦當
恭敬供養礼事我世尊見已往至善
生居士子所問曰居士子受何沙門
梵志教教汝恭敬供養礼事平旦沐
浴著新葛磨衣手執生拘舍葉往至
水邊叉手向六方礼東方若有衆生
者我盡恭敬供養礼事彼我盡恭敬
供養礼事彼已彼亦當恭敬供養礼
事我如是南方西方北方下方上方
若有衆生者我盡恭敬供養礼事彼
我盡恭敬供養礼事彼已彼亦當恭
敬供養礼事我耶善生居士子答曰

世尊我不受餘沙門梵志教也世尊
我父臨命終時因六方故遺勅於我
善教善訶曰善生我命終後汝當叉
手向六方礼東方若有衆生者我盡
恭敬供養礼事彼我盡恭敬供養礼
事彼已彼亦當恭敬供養礼事我如
是南方西方北方下方上方若有衆
生者我盡恭敬供養礼事彼我盡恭
敬供養礼事彼已彼亦當恭敬供養
礼事我世尊我受父遺教恭敬供養
礼事故平旦沐浴著新弊磨衣手執
生拘舍葉往至水邊叉手向六方礼
東方若有衆生者我盡恭敬供養礼
事彼我盡恭敬供養礼事彼已彼亦
當恭敬供養礼事我如是南方西方
北方下方上方若有衆生者我盡恭
敬供養礼事彼我盡恭敬供養礼事
彼已彼亦當恭敬供養礼事我世尊
聞已告曰居士子我說有六方不說
無也居士子若有人善別六方離四
方惡不善業垢彼於現法可敬可重
身壞命終必至善處上生天中居士
子衆生有四種業四種穢云何為四

居士子煞生者是衆生業種種不
與取邪淫妄言者是衆生業種種

於是世尊說此頌曰
煞生不與取 邪淫犯他妻 所言不真實
慧者不稱譽

居士子人因四事故便得多罪云何
為四行欲行恚行怖行癡於是世尊
說此頌曰

欲恚怖及癡 行惡非法行 彼必滅名稱
如月向盡沒

居士子人因四事故便得多福云何
為四不行欲不行恚不行怖不行癡
於是世尊說此頌曰

斷欲無恚怖 无癡行法行 彼名稱普聞
如月漸盛滿

居士子求財物者當知有六非道云
何為六一日種種戲求財物者為非
道二曰非時行求財物者為非道三
曰飲酒放逸求財物者為非道四曰
親近惡知識求財物者為非道五曰
常喜妓樂求財物者為非道六曰懶
惰求財物者為非道居士子若人種
種戲者當知有六災患云何為六一

者負則生怨二者失則生耻三者負則眠不安四者令怨家懷喜五者使宗親懷憂六者在衆所說人不信用居士子人博戲者不經營作事作事不營則功業不成未得財物則不能得本有財物便轉消耗居士子人非時行者當知有六灾患云何為六一者不自護二者不護財物三者不護妻子四者為人所疑五者多生苦患六者為人所謗居士子人非時行者不經營作事作事不營則功業不成未得財物則不能得本有財物便轉消耗居士子若人飲酒放逸者當知有六灾患一者現財物失二者多有疾患三者增諸鬭諍四者隱藏發露五者不稱不護六者減慧生癡居士子人飲酒放逸者不經營作事作事不營則功業不成未得財物則不能得本有財物便轉消耗居士子若人親近惡知識者當知有六灾患云何為六一者親近賊二者親近欺誑三者親近狂醉四者親近放恣五者遶會嬉戲六者以此為親友以此為伴

但居士子若人親近惡知識者不經營作事作事不營則功業不成未得財物則不能得本有財物便轉消耗居士子若人怠伎樂者當知有六灾患云何為六一者患聞歌二者意見僻三者怠往作樂四者意見拈鈴五者怠拍兩手六者怠大聚會居士子若人意伎樂者不經營作事作事不營則功業不成未得財物則不能得本有財物便轉消耗居士子若有懶惰者當知有六灾患云何為六一者大早不作業二者大晚不作業三者大寒不作業四者大熱不作業五者大飽不作業六者大飢不作業居士子若人懶惰者不經營作事作事不營則功業不成未得財物則不能得本有財物便轉消耗於是世尊說此頌曰種種戲逐色嗜酒意作樂親近惡知識懶惰不作業放恣不自護此處壞敗人行來不防護邪淫犯他妻心中常結怨求願無有利飲酒念女色此處壞敗人重作不善行很矣不受教罵沙門梵志顛倒有邪見凶暴行黑業此處壞敗人

白之无財物 飲酒失衣被 負債如涌泉
彼必壞門族 數往至酒罇 親近惡朋友
應得財不得 是伴黨為樂 多有惡朋友
常隨不善伴 今世及後世 二俱得敗壞
人習惡轉戒 習善轉興盛 習勝者轉增
是故當習勝 習昇則得昇 常逮智慧昇
轉獲清淨戒 及與微妙上 書則喜眠卧
夜則好遊行 放逸常飲酒 居家不得成
大寒及大熱 謂有懶惰人 至竟不成業
終不獲財利 若寒及大熱 不計猶如草
若人作是業 彼終不失樂
居士子有四不親而似親云何為四
一者知事非親似如親二者面前愛
言非親似如親三者言語非親似如
親四者惡趣伴非親似如親居士子
因四事故知事非親似如親云何為
四一者以知事奪財二者以少取多
三者或以恐怖四者或為利狎習於
是世尊說此頌曰

人以知為事 言語至柔軟 怖為利狎習
知非親如親 常當遠離彼 如道有恐怖
居士子因四事故面前愛言非親似
如親云何為四一者制妙事一者教

作惡三者 面前稱譽 四者背說其惡
於是世尊說此頌曰

若制妙善法 教作惡不善 對面前稱譽
背後說其惡 若知妙及惡 亦復覺二說
是親不可親 知彼人如是 常當遠離彼
如道有恐怖

居士子因四事故言語非親似如親
云何為四 一者認過去事 二者必辯
當來事 三者虛不真說 四者現事必
滅我當作不作認說 於是世尊說此
頌曰

認過及未來 虛論現滅事 當作不作說
知非親如親 常當遠離彼 如道有恐怖
居士子因四事故惡趣伴非親似如
親云何為四 一者教種種戲 二者教
非時行 三者教令飲酒 四者教親近
惡知識 於是世尊說此頌曰

教若干種戲 飲酒犯他妻 習下不習勝
彼滅如月盡 常當遠離彼 如道有恐怖
居士子言親當知有四種云何為四
一者同苦樂 當知是善親 二者慙念
當知是善親 三者求利 當知是善親
四者饒益 當知是善親 居士子因四

事故同苦樂當知是善親云何為四
一者為彼捨己二者為彼捨財三者
為彼捨妻子四者所說堪忍於是世
尊說此頌曰

捨欲財妻子 所說能堪忍 知親同苦樂
慧者當狎習

居士子因四事故慙念當知是善親
云何為四一者教妙法二者制惡法
三者面前稱說四者却怨家於是世
尊說此頌曰

教妙善制惡 面稱却怨家 知善親慙念
慧者當狎習

居士子因四事故求利當知是善親
云何為四一者密事發露二者密不
覆藏三者得利為喜四者不得利不
憂於是世尊說此頌曰

密事露不藏 利喜無不憂 知善親求利
慧者當狎習

居士子因四事故饒益當知是善親
云何為四一者知財物盡二者知財
物盡已便給與物三者見放逸教訶
四者常以慙念於是世尊說此頌曰
知財盡與物 放逸教慙念 知善親饒益

居士子聖法律中有六方東方南方西方北方下方上方居士子如東方者如是子觀父母子當以五事奉敬供養父母云何為五一者增益財物二者備辦衆事三者所欲則奉四者自恣不違五者所有私物盡以奉上子以此五事奉敬供養父母父母亦以五事善念其子云何為五一者愛念兒子二者供給無乏三者令子不負債四者督娶稱可五者父母可意所有財物盡以付子父母以此五事善念其子居士子如是東方二俱分別居士子聖法律中東方者謂子父母也居士子若慈孝父母者必有增益則無衰耗居士子如南方者如是弟子觀師弟子當以五事恭敬供養於師云何為五一者善恭順二者善承事三者速起四者所作業善五者能奉敬師弟子以此五事恭敬供養於師師亦以五事善念弟子云何為五一者教技術二者速教三者盡教所知四者安處善方五者付屬善知

識師以此五事善念弟子居士子如是南方二俱分別居士子聖法律中南方者謂弟子師也居士子若人慈順於師者必有增益則無衰耗居士子如西方者如是夫觀妻子夫當以五事愛敬供給妻子云何為五一者憐念妻子二者不輕慢三者為作瓔珞嚴具四者於家中得自在五者念妻親親夫以此五事愛敬供給妻子妻子當以十三事善敬順夫云何十三一者重愛敬夫二者重供養夫三者善念其夫四者攝持作業五者善攝眷屬六者前以瞻侍七者後以愛行八者言以誠實九者不禁止門十者見來讚善十一者敷設床待十二者施設淨美豐饒飲食十三者供養沙門梵志妻子以此十三事善敬順夫居士子如是西方二俱分別居士子聖法律中西方者謂夫妻子也居士子若人慈愍妻子者必有增益則無衰耗居士子如北方者如是大家觀奴婢使人大家當以五事愍念給恤奴婢使人云何為五一者隨其力而

作業二者隨時食之三者隨時飲之
四者及日休息五者病給湯藥大家
以此五事愍念給恤奴婢使人奴婢
使人當以九事善奉大家云何為九
一者隨時作業二者專心作業三者
一切作業四者前以瞻侍五者後以
愛行六者言以誠實七者急時不遠
離八者行他方時則便讚歎九者稱
大家庶幾奴婢使人以此九事善奉
大家居士子如是北方二俱分別居
士子聖法律中北方者謂大家奴婢
使人也居士子若有人慈愍奴婢使
人者必有增益則无棄耗居士子如
下方者如是親友觀親友臣親友當
以五事愛敬供給親友臣云何為五
一者愛敬二者不輕慢三者不欺誑
四者施與珍寶五者拯念親友臣親
友以此五事愛敬供給親友臣親友
臣亦以五事善念親友云何為五一
者知財物盡二者知財物盡已供給
財物三者見放逸教訶四者愛念五
者急時可歸依親友臣以此五事善
念親友居士子如是下方二俱分別

居士子聖法律中下方者謂親友親友
臣也居士子若人慈愍親友臣者必
有增益則無衰耗居士子如上方者
如是施主觀沙門梵志施主當以五
事尊敬供養沙門梵志云何為五一
者不禁制門二者見來讚善三者敷
設牀待四者施設淨美豐饒飲食五
者擁護如法施主以此五事尊敬供
養沙門梵志沙門梵志亦以五事善
念施主云何為五一者教信行信念
信二者教禁戒三者教博聞四者教
布施五者教慧行慧立慧沙門梵志
以此五事善念施主居士子如是上
方二俱分別居士子聖法律中上方
者謂施主沙門梵志也居士子若人
尊奉沙門梵志者必有增益則無衰
耗居士子有四攝事云何為四一者
惠施二者愛言三者行利四者等利
於是世尊說此頌曰

惠施及愛言 常為他行利 衆生等同利
名稱普遠至 此則攝持世 猶如御車人
若無攝持者 母不因其子 得供養恭敬
父因子亦然 若有此法攝 故得大福祐

照遠猶日光 速利翻捷疾 不憚說聰明
如是得名稱 定獲無功高 速利翻捷疾
成就信尸賴 如是得名稱 常起不懶惰
意施人飲食 將去調御正 如是得名稱
親友臣同恤 愛樂有齊限 謂攝在親中
殊妙如師子 初當學技術 於後求財物
後求財物已 分別作四分 一分作飲食
一分作田業 一分舉藏置 急時赴所須
耕作商人給 一分出息利 第五為取婦
第六作屋宅 家若具六事 不增快得樂
彼必饒錢財 如海中水流 彼如是求財
猶如蜂採花 長夜求錢財 當自受快樂
出財莫令遠 亦勿令普漫 不可以財與
凶暴及豪強 東方為父母 南方為師尊
西方為妻子 北方為奴婢 下方親友臣
上沙門梵志 願礼此諸方 二俱得大稱
礼此諸方已 施主得生天
佛說如是善生居士子聞佛所說歡
喜奉行

善生經第十九竟

四千二百五十五字

中阿含經卷第三十三

万一千六百二十三字

癸卯歲高麗國大藏都監奉
勅彫造

中阿含經卷第三十四

興

東晉時賓三藏瞿曇僧伽提婆譯

六品商人求財經第三十 第三念誦

我聞如是一時佛遊舍衛國在勝林
給孤獨園。尔時世尊告諸比丘。乃往
昔時閻浮洲中諸商人等皆共集會
在賈客堂而作是念。我等寧可乘海
裝船入大海中取財寶來以供家用
復作是念。諸賢入海不可豫知安隱
不安隱。我等寧可各各偕辦浮海之
具。謂殺羊皮囊大瓠。押棧彼於後時
各各偕辦浮海之具。殺羊皮囊大瓠
押棧便入大海。彼在海中為摩竭魚
王破壞其船。彼商人等各各自乘浮
海之具。殺羊皮囊大瓠。押棧浮向諸
方。尔時海東大風卒起。吹諸商人至
海西岸。彼中逢見諸女人。輩極妙端
正。一切嚴具以飭其身。彼女見已。便
作是語。善來。諸賢。使來。諸賢。此間極
樂。寂妙好處。園觀浴池。坐卧處。所林
木。翳鬱多有。錢財金銀。水精琉璃。摩
尼真珠。碧玉白珂。車渠珊瑚。虎珀馬

璫璫璫赤石旋珠盡與諸賢當與我等共相娛樂莫令閻浮洲商人南行乃至於夢彼商人等皆與婦人共相娛樂彼商人等因共婦人合會生男或復生女彼於後時閻浮洲有一智慧商人獨住靜處而作是念以何等故此婦人輩制於我等不令南行耶我寧可伺共居婦人知彼眠已安徐而起當竊南行彼閻浮洲一智慧商人則於後伺共居婦人知彼眠已安徐而起即竊南行彼閻浮洲一智慧商人既南行已遙聞大音高聲喚叫衆多人聲啼哭懊惱喚父呼母呼喚妻子及諸愛念親親朋友好閻浮洲安隱快樂不復得見彼商人聞已極大恐怖身毛皆豎莫令人及非人觸燒我者於是閻浮洲一智慧商人自制恐怖復進南行彼閻浮洲一智慧商人進行南已忽見東邊有大鐵城見已遍觀不見其門乃至可容猫子出處彼閻浮洲一智慧商人見鐵城北有大葉樹即往至彼大葉樹所安徐緣上上已問彼大衆人曰諸賢汝等

何故啼哭懊惱喚父呼母呼喚妻子
及諸愛念親親朋友好閤浮洲安隱
快樂不復得見耶時大眾人便答彼
曰賢者我等是閤浮洲諸商人也皆
共集會在賈客堂而作是念我等寧
可乘海裝舩入大海中取財寶來以
供家用賢者我等復作是念諸賢我
等入海不可豫知安隱不安隱我等
寧可各各備辦浮海之具謂殺羊皮
囊大瓠押棧賢者我於後時各各備
辦浮海之具謂殺羊皮囊大瓠押棧
便入大海賢者我等在海中為摩竭
魚王破壞其舩賢者我等商人各各
自乘浮海之具殺羊皮囊大瓠押棧
浮向諸方尔時海東大風平起吹我
等商人至海西岸彼中逢見諸女人
輩極妙端正一切嚴具以飭其身彼
女見已便作是語善來諸賢快來諸
賢此間極樂取妙好處圍觀浴池坐
卧處所林木蓊鬱多有錢財金銀水
精琉璃摩尼真珠碧玉白珂車渠珊
瑚虎珀馬瑙瑠璃赤石旋珠盡與諸
賢當與我等共相娛樂莫令閤浮洲

商人南行乃至於夢賢者我等與彼
婦人共相娛樂我等因共婦人合會
生男或復生女賢者若彼婦人不聞
閻浮洲餘諸商人在於海中為摩竭
魚王破壞船者則與我等共相娛樂
賢者若彼婦人聞閻浮洲有諸商人
在於海中為摩竭魚王破壞船者便
食我等極遭逼迫若食人時有餘髮
毛及爪齒者彼婦人等盡取食之若
食人時有血滯地彼婦人等便以手
爪掘地深四寸取而食之賢者當知
我等閻浮洲商人本有五百人於中
已取二百五十餘有二百五十今皆
在此大鐵城中賢者汝莫信彼婦人
語彼非真人是羅刹鬼耳於是閻浮
洲一智慧商人於大叢樹安徐下已
復道而還彼婦人所本共居處知彼
婦人故眠未寤即於其夜彼閻浮洲
一智慧商人速往至彼閻浮洲諸商
人所便作是語汝等共來當至靜處
汝各獨往勿將兒去當共在彼密有
所論彼閻浮洲諸商人等共至靜處
各自獨去不將兒息於是閻浮洲一

智慧商人語曰諸商人我則獨住於
安靜處而作是念以何等故此婦人
輩制於我等不令南行耶我寧可伺
共居婦人知彼眠已安徐而起當竊
南行於是我便伺共居婦人知彼眠
已我安徐起即竊南行我南行已遙
聞大音高聲喚叫衆多人聲啼哭懊
惱喚父呼母呼喚妻子及諸愛念親
親朋友好閭浮洲安隱快樂不復得
見我聞是已極大恐怖身毛皆豎莫
令人及非人觸燒我者於是我便自
制恐怖復進南行進南行已忽見東
邊有大鐵城見已遍觀不見其門乃
至可容猫子出處我復見於大鐵城
比有大葉樹即往至彼大葉樹所安
徐緣上上已問彼大衆人曰諸賢汝
等何故啼哭懊惱喚父呼母呼喚妻
子及諸愛念親親朋友好閭浮洲安
隱快樂不復得見耶彼大衆人而答
我曰賢者我等是閭浮洲諸商人皆
共集會在賈客堂而作是念我等寧
可乘海裝船入大海中取財寶來以
供家用賢者我等復作是念諸賢我

等入海不可豫知安隱不安隱我等
寧可各各備辦浮海之具謂殺羊皮
囊大瓠押棧賢者我等後時各各備
辦浮海之具謂殺羊皮囊大瓠押棧
便入大海賢者我等在海中為摩竭
魚王破壞其船賢者我等商人各各
自乘浮海之具殺羊皮囊大瓠押棧
浮向諸方尔時海東大風卒起吹我
等商人至海西岸彼中途見諸女人
輩極妙端正一切嚴具以飭其身彼
女見已便作是語善來諸賢快來諸
賢此間極樂寂妙好處園觀浴池坐
卧處所林木翳鬱多有錢財金銀水
精琉璃摩尼真珠碧玉白珂車藥珊
瑚虎珀馬瑙瑇瑁赤石旋珠盡與諸
賢當與我等共相娛樂莫令閻浮洲
商人南行乃至於夢賢者我等與彼
婦人共相娛樂我等因共婦人合會
生男或復生女賢者若彼婦人不聞
閻浮洲更有商人在於海中為摩竭
魚王破壞船者則與我等共相娛樂
賢者若彼婦人聞閻浮洲更有商人
在於海中為摩竭魚王破壞船者便

食我等極遭逼迫若食人時有餘髮
毛及爪齒者彼婦人等盡取食之若
食人時有血滯地彼婦人等便以手
爪掘地深四寸取而食之賢者當知
我等閻浮洲商人本有五百人於中
已散二百五十餘有二百五十今皆
在此大鐵城中賢者汝莫信彼婦人
語彼非真人是羅刹鬼耳於是閻浮
洲諸商人問彼閻浮洲一智慧商人
曰賢者不問彼大眾人諸賢頗有方
便令我等及汝等從此安隱度至閻
浮洲耶閻浮洲一智慧商人荅曰諸
賢我時脫不如是問也於是閻浮洲
諸商人語曰賢者還去至本共居婦
人處已伺彼眠時安徐而起更竊南
行復往至彼大眾人所問曰諸賢頗
有方便令我等及汝等從此安隱度
至閻浮洲耶於是閻浮洲一智慧商
人為諸商人默然而受是時閻浮洲
一智慧商人還至共居婦人處已伺
彼眠時安徐而起即竊南行復往至
彼大眾人所問曰諸賢頗有方便令
我等及汝等從此安隱度至閻浮洲

耶彼大眾人答曰賢者更無方便令我等從此安隱度至閻浮洲賢者我作是念我等當共破掘此牆還歸本所適發心已此牆轉更倍高於常賢者是謂方便今我等不得從此安隱度至閻浮洲賢者別有方便可令汝等從此安隱度至閻浮洲我等永无方便諸賢我等聞天於空中唱曰閻浮洲諸商人愚癡不定亦不善解所以者何不能令十五日說從解脫時而南行彼有駝馬王食自然粳米安隱快樂充滿諸根再三唱曰誰欲度彼岸誰欲使我脫誰欲使我將從此安隱度至閻浮洲耶汝等可共詣駝馬王而作是語我等欲得渡至彼岸願脫我等願將我等從此安隱度至閻浮洲賢者是謂方便令汝等從此安隱度至閻浮洲商人汝來可往至彼駝馬王所而作是語我等欲得渡至彼岸願脫我等願將我等從此安隱度至閻浮洲於是閻浮洲有一智慧商人語曰諸商人今時往詣駝馬王所而作是語我等欲得渡至彼岸願脫我

等願將我等從此安隱度至閻浮洲
諸商人隨諸天意諸商人若使十五
日說從解脫時駝馬王食自然粳米
安隱快樂充滿諸根再三唱曰誰欲
渡彼岸誰欲從我脫誰欲使我將從
此安隱度至閻浮洲耶我等今時即往
彼所而作是語我等欲得渡至彼岸
願脫我等願將我等從此安隱度至
閻浮洲於是駝馬王後十五日說從
解脫時食自然粳米安隱快樂充滿
諸根再三唱曰誰欲得度彼岸我當
脫彼我當將彼從此安隱度至閻浮
洲時閻浮洲諸商人聞已即便往詣
駝馬王所而作是語我等欲得度至
彼岸願脫我等願將我等從此安隱
度至閻浮洲時駝馬王語曰商人彼
婦人等必當抱兒共相將來而作是
語諸賢善來還此此間極樂寂妙好
處園觀浴池坐卧處所林木蔭鬱多
有錢財金銀水精琉璃摩尼真珠碧
玉白珂車渠珊瑚琥珀馬瑙玳瑁赤
石旋珠盡與諸賢當與我等共相娛
樂設不用我者當憐念兒子若彼商

人而作是念我有男女我有極樂寂

妙好處園觀浴池坐卧處所林木蔭

鬱我多有錢財金銀水精琉璃摩尼

真珠碧玉白珂車渠珊瑚琥珀馬瑙

瑠璃赤石旋珠者彼雖騎我正當背

中彼必顛倒落墮於水便當為彼婦

人所食當遭逼迫若食人時有餘殘

毛及爪齒者彼婦人便當盡取食之

復次若食人時有血滯地彼婦人等

便以手爪掘地深四寸取而食之若

彼商人不作是念我有男女我有極

樂寂妙好處園觀浴池坐卧處所林

木蔭鬱我多有錢財金銀水精琉璃

摩尼真珠碧玉白珂車渠珊瑚琥珀

馬瑙瑠璃赤石旋珠者彼雖持我身

上一駝彼必安隱度至閻浮洲於是

世尊告諸比丘彼婦人等抱兒子來

而作是語諸賢善來還此此間極樂

寂妙好處園觀浴池坐卧處所林木

蔭鬱多有錢財金銀水精琉璃摩尼

真珠碧玉白珂車渠珊瑚琥珀馬瑙

瑠璃赤石旋珠盡與諸賢當與我等

共相娛樂若彼商人而作是念我有

男女我有極樂取妙好處園觀浴池
坐卧處所林木蒨鬱我多有錢財金
銀水精琉璃摩尼真珠碧玉白珂車
梨珊瑚琥珀馬瑙瑠璃赤石旋珠者
彼雖得騎駝馬王脊正當背中彼必
顛倒落墮於水便當為彼婦人所食
當遭逼迫若食人時有餘髮毛及爪
齒者彼婦人等盡取食之復次食彼
人時有血滲地彼婦人等便以手爪
掘地深四寸取而食之若彼商人不
作是念我有男女我有極樂取妙好
處園觀浴池坐卧處所林木蒨鬱我
多有錢財金銀水精琉璃摩尼真珠
碧玉白珂車梨珊瑚琥珀馬瑙瑠璃
赤石旋珠者彼雖持駝馬王一毛者
彼必安隱度至閻浮洲諸比丘我說
此喻欲令知義此說是義我法善說
發露極廣善護无有空缺如橋柂浮
具遍滿流布乃至天人如是我法善
說發露極廣善護無有空缺如橋柂
浮具遍滿流布乃至天人若有比丘
作如是念眼是我我有眼耳鼻舌身
意是我我有意者彼比丘必被害猶

如商人為羅刹所食我法善說發露
極廣善護無有空缺如橋柂浮具迦
滿流布乃至天人如是我法善說發
露極廣善護无有空缺如橋柂浮具
遍滿流布乃至天人若有比丘作如
是念眼非是我我无有眼耳鼻舌身
意非是我我無有意著彼比丘得安
隱去猶如商人乘駝馬王安隱得度
我法善說發露極廣善護无有空缺
如橋柂浮具遍滿流布乃至天人如
是我法善說發露極廣善護無有空
缺如橋柂浮具遍滿流布乃至天人
若有比丘作如是念色是我我有色
聲香味觸法是我我有法者彼比丘
必被害猶如商人為羅刹所食我法
善說發露極廣善護无有空缺如橋
柂浮具遍滿流布乃至天人如是我
法善說發露極廣善護無有空缺如
橋柂浮具遍滿流布乃至天人若有
比丘作如是念色非是我我無有色
聲香味觸法非是我我无有法者彼
比丘得安隱去猶如商人乘駝馬王
安隱得度我法善說發露極廣善護

無有空缺如橋檝浮具遍滿流布乃

至天人如是我法善說發露極廣善

護无有空缺如橋檝浮具遍滿流布

乃至天人若有比丘作如是念色陰

是我我有色陰覺想行識陰是我我

有識陰者彼比丘必被害猶如商人

為羅刹所食我法善說發露極廣善

護無有空缺如橋檝浮具遍滿流布

乃至天人如是我法善說發露極廣

善護无有空缺如橋檝浮具遍滿流

布乃至天人若有比丘作如是念色

陰非是我我無有色陰覺想行識陰

非是我我无有識陰者彼比丘得安

隱去猶如商人乘駝馬王安隱得度我

法善說發露極廣善護无有空缺如

橋檝浮具遍滿流布乃至天人如是

我法善說發露極廣善護無有空缺

如橋檝浮具遍滿流布乃至天人若

有比丘作如是念地是我我有地水

火風空識是我我有識者彼比丘必

被害猶如商人為羅刹所食我法善

說發露極廣善護無有空缺如橋檝

浮具遍滿流布乃至天人如是我法

善說發露極廣善護无有空缺如橋
戔浮具遍滿流布乃至天人若有比
丘作如是念地非是我我无有地水
火風空識非是我我無有識者彼比
丘得安隱去猶如商人乘駝馬王安
隱得度於是世尊說此頌曰

若有不信於佛說正法律 彼人必被害
如為羅刹食 若人有信於佛說正法律
彼得安隱度 如乘駝馬王

佛說如是彼諸比丘聞佛所說歡喜
奉行

商人求財經第二十竟

四十二百
七十三字

中阿含大品世間經第三十一

第三念誦

我聞如是一時佛遊舍衛國在勝林
給孤獨園尔時世尊告諸比丘如來
自覺世間亦為他說如來知世間如
來自覺世間習亦為他說如來斷世
間習如來自覺世間滅亦為他說如
來世間滅作證如來自覺世間道跡
亦為他說如來修世間道跡若有一
切盡普正有彼一切如來知見覺得
所以者何如來從昔夜覺无上正盡
之覺至于今日夜於無餘沮膠界當

取滅訖於其中間若如來口有所
言說有所應對者彼一切是真諦不
虛不離於如亦非顛倒真諦審實若
說師子者當如說如來所以者何如
來在衆有所講說謂師子吼一切世
間天及魔梵沙門梵志從人至天如
來是梵有如來至今有無煩亦无熱
真諦不虚有於是世尊說此頌曰

知一切世間 出一切世間 說一切世間
一切世如真 彼最上尊雄 能解一切縛
得盡一切業 生死悉解脫 是天亦是人
若有歸命佛 稽首礼如來 甚深極大海
知已亦修敬 諸天香音神 彼亦稽首礼
謂隨於死者 稽首礼智士 歸命人之上
無憂離塵妄 无尋諸解脫 是故當樂禪
住遠離極定 當自作燈明 無我必失時
失時有憂憾 謂墮地獄中

佛說如是彼諸比丘聞佛所說歡喜
奉行

世間經第二十一竟

三百九十六字

中阿含大品福經第二十三

第三念誦

我聞如是一時佛遊舍衛國在勝林
給孤獨園介時世尊告諸比丘莫畏

於福愛樂意所念所以者何福者是
說樂畏於福不愛樂意所念所以者
何非福者是說苦何以故我憶往昔
長夜作福長夜受報愛樂意所念我
往昔時七年行惡七返成敗不來此
世世敗壞時生見是天世成立時來
下生空梵宮殿中於彼梵中作大梵
天餘處千返作自在天王三寸六返
作天帝釋復無量返作刹利頂生王
比丘我作刹利頂生王時有八万四
千大象被好乘具衆寶瓔珞白珠瑤
覆于娑賀象王為首比丘我作刹利
頂生王時有八万四千馬被好乘具
衆寶嚴飾金銀交絡駝馬王為首比
丘我作刹利頂生王時有八万四千
車四種琰飾莊以衆好師子虎豹斑
文之皮織成雜色種種琰飾極利疾
名樂聲車為首比丘我作刹利頂生
王時有八万四千大城極大富樂多
有人民拘舍起提王城為首比丘我
作刹利頂生王時有八万四千樓四
種寶樓金銀琉璃及水精正法殿為
首比丘我作刹利頂生王時有八万

四千御座四種寶座金銀琉璃及水
精數以毼毼毼覆以錦綺羅縠有
觀體被兩頭安枕加陵伽波惹羅波
遮志哆羅那比丘我作刹利頂生王
時有八万四千雙衣有初摩衣有錦
繒衣有劫貝衣有加陵伽波惹羅衣
比丘我作刹利頂生王時有八万四
千女身體光澤皦潔明淨美色過人
小不及天恣容端正觀者歡悅衆寶
瓔珞嚴飾具足盡刹利種女餘族无
量比丘我作刹利頂生王時有八万
四千種食晝夜常供為我故設欲令
我食比丘彼八万四千種食中有一
種食極美淨潔无量種味是我常所
食比丘彼八万四千女中有一刹利
女軍端正姝妙常奉侍我比丘彼八
万四千雙衣中有一雙衣或初摩衣
或錦繒衣或劫貝衣或加陵伽波惹
邏衣是我常所著比丘彼八万四千
御座中有一御座或金或銀或琉璃
或水精數以毼毼毼覆以錦綺羅
縠有觀體被兩頭安枕加陵伽波惹
邏波遮志哆羅那是我常所卧比丘

彼八万四千樓觀中有一樓觀或金或銀或琉璃或水精名正法殿是我常所住比丘彼八万四千大城中有一城極大富樂多有人民名拘舍瑟提是我常所居比丘彼八万四千車中而有一車莊以衆好師子虎豹斑文之皮織成雜色種種莊飾極利疾名樂聲車是我常所載至觀望園觀比丘彼八万四千馬中而有一馬體紺青色頭像如烏名駝馬王是我常所騎至觀望園觀比丘彼八万四千大象中而有一象舉體極白七支盡正名千姿賀象王是我常所乘至觀望園觀比丘我作此念是何業果為何業報令我今日有大如意足有大威德有大福祐有大威神比丘我復作此念是三業果為三業報令我今日有大如意足有大威德有大福祐有大威神一者布施二者調御三者守護於是世尊說此頌曰

觀此福之報妙善多饒益比丘我在昔
七年修慈心七反成敗劫不來還此世
世間敗壞時生於是豈天世間轉成時

生於梵天中 在梵為大梵 千生自在天
三十六為釋 無量百頂王 剎利頂生王
為人之最尊 如法非刀杖 政御於天下
如法不加枉 正安樂教授 如法轉相傳
遍一切大地 大富多錢財 生於如是族
財穀具足滿 成就七寶珍 因此大福祐
所生得自在 諸佛御於世 彼佛之所說
知此甚奇特 見神通不少 誰知而不信
如是生於冥 是故當自為 欲求大福祐
當恭敬於法 常念佛法律
佛說如是彼諸比丘聞佛所說歡喜
奉行

福經第二十二竟

一千二百五
十四字

中阿含大品息止道經第二十三

第三念誦

我聞如是一時佛遊舍衛國在勝林
給孤獨園尔時世尊告諸比丘年少
比丘始成就戒當以數數詣息上道
觀相骨相青相腐相食相骨鑠相彼善
受善持此相已還至住處漂洗手足
敷尼師檀在於床上結加趺坐即念
此相骨相青相腐相食相骨鑠相所
以者何若彼比丘修習此相速除心
中欲恚之病於是世尊說此頌曰

若年少比丘覺未得上意當詣息止道
欲除其婬欲心中无患諍慈愍於衆生
遍滿一切方往至觀諸身當觀於青相
及以爛腐壞觀鳥虫所食骨骨節相連
修習如是相還歸至本處澡洗於手足
敷床正基坐當以觀真實內身及外身
盛滿大小便心腎肝肺等若欲分衛食
到人村邑間如將鎧經絡常正念在前
若見色可愛清淨欲相應見已觀如真
正念佛法律此中無骨筋无肉亦無血
无腎心肝肺無有涕唾腦一切地皆空
水種亦復然空一切火種風種亦復空
若所有諸覺清淨欲相應彼一切息止
如慧之所觀如是行精勤常念不淨想
永斷婬怒癡除一切无明興起清淨明
比丘得苦邊
奉行

息止道經第二十三竟

三百上
十二字

中阿含大品至邊經第二十四

第三念誦

我聞如是一時佛遊舍衛國在勝林
給孤獨園尔時世尊告諸比丘於生
活中下極至邊謂行乞食世間大諱

謂為禿頭手擎鉢行彼族姓子為義
故受所以者何以獸患生老病死愁
戚啼哭憂苦懊惱或得此薄具足大
苦陰邊汝等非如是心出家學道耶
時諸比丘白曰如是世尊復告諸比
丘曰彼愚癡人以如是心出家學道
而行伺欲染著至重濁纏心中憎嫉
无信慙怠失正念無正定惡慧心狂
調乱諸根持戒極寬不修沙門不增
廣行猶人以墨浣墨所汙以血除血
以垢除垢以濁除濁以廁除廁但增
其穢從冥入冥從闇入闇我說彼愚
癡人持沙門戒亦復如是謂彼人伺欲
染著至重濁纏心中憎嫉無信慙怠
失正念无正定惡慧心狂調乱諸根
持戒極寬不修沙門不增廣行猶无
事處燒人殘木彼火燼者非無事所
用亦非村邑所用我說彼愚癡人持
沙門戒亦復如是謂彼人行伺欲染著
至重濁纏心中憎嫉無信慙怠失正
念无正定惡慧心狂調乱諸根持戒
極寬不修沙門不增廣行於是世尊
說此頌曰

愚癡失欲樂 復失沙門義 俱忘失二邊
猶燒殘火燼 猶如無事處 燒人殘火燼
无事村不用 人著欲亦然 猶燒殘火燼
俱忘失二邊

佛說如是彼諸比丘聞佛所說歡喜
奉行

至邊經第二十四竟

四百二
十二字

中阿含大品喻經第二十五

第三念誦

我聞如是一時佛遊舍衛國在勝林
給孤獨園尔時世尊告諸比丘若有
無量善法可得彼一切以不放逸為
本不放逸為習因不放逸生不放逸
為首不放逸者於諸善法為取第一
猶作田業彼一切因地依地立地得
作田業如是若有无量善法可得彼
一切以不放逸為本不放逸為習因
不放逸生不放逸為首不放逸者於
諸善法為取第一猶種子村及與鬼
村百穀藥木得生長養彼一切因地
依地立地得生長養如是若有无量
善法可得彼一切以不放逸為本不
放逸為習因不放逸生不放逸為首
不放逸者於諸善法為取第一猶諸

根香沉香為第一猶諸樹香赤梅檀
為第一猶諸水華青蓮華為第一猶
諸陸華須摩那華為第一猶諸獸跡彼
一切悉入象跡中象跡盡攝彼象跡
者為取第一謂廣大故如是若有无
量善法可得彼一切以不放逸為本
不放逸為習因不放逸生不放逸為
首不放逸者於諸善法為取第一猶
諸獸中彼師子王為取第一猶如列
陣共鬪戰時唯要擔為第一猶樓觀
椽彼一切皆依承椽梁立承椽梁承
椽梁皆攝持之承椽梁者為取第一
謂盡攝故如是若有無量善法可得
彼一切以不放逸為本不放逸為習
因不放逸生不放逸為首不放逸者
於諸善法為取第一猶如諸山須弥
山王為第一猶如諸泉大泉攝水大
海為第一猶諸大身阿須羅王為第
一猶諸瞻侍魔王為第一猶諸行欲
頂生王為第一猶如諸小王轉輪王
為第一猶如虛空諸星宿月殿為第
一猶諸綵衣白練為第一猶諸光明
慧光明為第一猶如諸眾如來弟子

衆第一猶如諸法有為及無為愛盡
无欲滅盡涅槃為第一猶諸衆生无
足二足四足多足色無色有想无想
乃至非有想非無想如來於彼為極
第一為大為上為最為勝為尊為妙
猶如因牛有乳因乳有酪因酪有生
酥因生酥有熟酥因熟酥有酥精酥
精為第一為大為上為最為勝為尊
為妙如是若有諸衆生無足二足四
足多足足色無色有想无想乃至非有
想非無想如來於彼為極第一為大
為上為最為勝為尊為妙於是世尊
說此頌曰

若有求財物 極好轉增多 稱譽不放逸
事无事慧說 有不放逸者 必取二俱義
即此世能獲 後世亦復得 雄猛觀諸義
慧者必解脫

佛說如是彼諸比丘聞佛所說歡喜
奉行

喻經第二十五竟

七百七
十一字

中阿含經卷第三十四

七百三
八十八字

雜錄例

中阿含經大品第一竟

五万三
六十九字

癸卯歲高麗國大藏都監奉

勅彫造

中阿含經卷第三十五

四

東晉劉宋三藏聖僧伽提婆譯

梵志品第二

有十一經

第三念誦

雨勢歌羅數 瞿默象跡喻 聞德何苦欲
鬱瘦阿攝愁

中阿含梵志品雨勢經第一

我聞如是一時佛遊王舍城在鷲巖
山中今時摩竭陀王未生怨鞞陀提
子與跋耆相憎常在眷屬數作是談
跋耆國人有大如意足有大威德有
大福祐有大威神我當斷滅跋耆人
種破壞跋耆令跋耆人遭無量厄於
是摩竭陀王未生怨鞞陀提子聞世
尊遊王舍城在鷲巖山中便告大臣
雨勢曰我聞沙門瞿曇遊王舍城在
鷲巖山中雨勢汝往至沙門瞿曇所
汝持我名問訊聖體安快無病氣力
如常耶當作是語瞿曇摩竭陀王未
生怨鞞陀提子問訊聖體安快無病
氣力如常耶瞿曇摩竭陀王未生怨
鞞陀提子與跋耆相憎常在眷屬數
作是談跋耆國人有大如意足有大

威德有大福祐有大威神我當斷滅
跋耆人種破壞跋耆令跋耆人遭無
量三沙門瞿曇當何所說雨勢若沙
門瞿曇有所說者汝善受持所以者
何如是之人終不妄說大臣雨勢受
王教已乘取好乘與五百乘俱出王
舍城即便往詣鷲巖山中登鷲巖山
下車步進往詣佛所便與世尊共相
問訊却坐一面白曰瞿曇摩竭施王
未生怨鞞施提子問訊聖體安快无
病氣力如常耶瞿曇摩竭施王未生
怨鞞施提子與跋耆相憎常在眷屬
數作是說跋耆國人有大如意足有
大威德有大福祐有大威神我當斷
滅跋耆人種破壞跋耆令跋耆人遭
無量厄沙門瞿曇當何所說世尊聞
已告曰雨勢我昔曾述於跋耆國彼
國有寺名遮起邏雨勢尔時我為跋
耆國人說七不棄法跋耆國人則能
受行七不棄法雨勢若跋耆國人行
七不棄法而不犯者跋耆必勝則為不
衰大臣雨勢白世尊曰沙門瞿曇略
說此事不廣分別我等不能得解此

義願沙門瞿曇廣分別說當令我等

得知此義世尊告曰雨勢諦聽善思

念之我當為汝廣說此義大臣雨勢

受教而聽是時尊者阿難執拂侍佛

世尊迴顧問曰阿難頗聞跋耆數數

集會多聚集耶尊者阿難白曰世尊

我聞跋耆數數集會多聚集也世尊

即告大臣雨勢若彼跋耆數數集會

多聚集者跋耆必勝則為不衰世尊

復問尊者阿難頗聞跋耆共俱集會

俱作跋耆事共俱起耶尊者阿難白

曰世尊我聞跋耆共俱集會俱作跋

耆事共俱起也世尊復告大臣雨勢

若彼跋耆共俱集會俱作跋耆事共

俱起者跋耆必勝則為不衰世尊復

問尊者阿難頗聞跋耆未施設者不

更施設本所施設而不改易舊跋耆

法善奉行耶尊者阿難白曰世尊我

聞跋耆未施設者不更施設本所施

設而不改易舊跋耆法善奉行也世

尊復告大臣雨勢若彼跋耆未施設

者不更施設本所施設而不改易舊

跋耆法善奉行者跋耆必勝則為不

衰世尊復問尊者阿難頗聞跋耆不以力勢而犯他婦他童女耶尊者阿難白曰世尊我聞跋耆不以力勢而犯他婦他童女也世尊復告大臣雨勢若彼跋耆不以力勢而犯他婦他童女者跋耆必勝則為不衰世尊復問尊者阿難頗聞跋耆有名德尊重者跋耆悉共宗教則受耶尊者阿難白曰世尊我聞跋耆有名德尊重者跋耆悉共宗教恭奉供養於彼聞教則受世尊復告大臣雨勢若彼跋耆有名德尊重者跋耆悉共宗教恭奉供養於彼聞教則受者跋耆必勝則為不衰世尊復問尊者阿難頗聞跋耆所有舊寺跋耆悉共修飭遵奉供養礼事本之所施常作不廢本之所為不減損耶尊者阿難白曰世尊我聞跋耆所有舊寺跋耆悉共修飭遵奉供養礼事本之所施常作不廢本之所為不減損也世尊復告大臣雨勢若彼跋耆所有舊寺跋耆悉共修飭遵奉供養礼事本之所施常作不廢本之所為不減損

者跋耆必勝則為不棄世尊復問尊者阿難頗聞跋耆悉共擁護諸阿羅訶極大愛敬常願未來阿羅訶者而欲令來既已來者樂恒久住常使不乏衣被飲食牀檣湯藥諸生活具耶尊者阿難白曰世尊我聞跋耆悉共擁護諸阿羅訶極大愛敬常願未來阿羅訶者而欲令來既已來者樂恒久住常使不乏衣被飲食牀檣湯藥諸生活具世尊復告大臣雨勢若彼跋耆悉共擁護諸阿羅訶極大愛敬常願未來阿羅訶者而欲令來既已來者樂恒久住常使不乏衣被飲食牀檣湯藥諸生活具者跋耆必勝則為不棄雨勢跋耆行此七不棄法諸受持此七不棄法者跋耆必勝則為不棄於是大臣雨勢即從坐起偏袒著衣叉手向佛白曰瞿曇設彼跋耆成就一不棄法者摩竭陀王未生怨婢施提子不能伏彼況復具七不棄法耶瞿曇我國事多請退還歸世尊報曰欲去隨意於是大臣雨勢聞佛所說則善受持起繞世尊三匝而去

大臣雨勢去後不久於是世尊迴顧告曰阿難若有比丘依鷲巖山處處住者宣令一切盡集講堂一切集已便來白我尊者阿難即受佛教唯然世尊是時尊者阿難便行宣令若有比丘依鷲巖山處處住者今令一切盡集講堂一切集已還詣佛所稽首作禮却住一面白曰世尊我已宣令若有比丘依鷲巖山處處住者志令一切盡集講堂今皆已集唯願世尊自知其時於是世尊將尊者阿難往詣講堂於比丘衆前敷座而坐告諸比丘今為汝說七不棄法汝等諦聽善思念之時諸比丘白曰唯然佛言云何為七若比丘數數集會多聚集者比丘必勝則法不棄若比丘共齊集會俱作衆事共俱起者比丘必勝則法不棄若比丘未施設事不更施設本所施設而不改易我所說戒善奉行者比丘必勝則法不棄若比丘此未來有愛喜欲共俱愛樂彼彼有起不隨者比丘必勝則法不棄若比丘有長老上尊俱學梵行比丘志共

宗教恭奉供養於彼聞教則受者比

丘必勝則法不衰若比丘有无事處

山林高巖閑居靜處寂無音聲遠離

無惡无有人民隨順宴坐樂住不離

者比丘必勝則法不衰若比丘志共

擁護諸梵行者至重愛敬常願未來

諸梵行者而欲令來既已來者樂恒

久住常使不乏衣被飲食床榻湯藥

諸生活具者比丘必勝則法不衰若

比丘行此七不衰法受持不犯者比

丘必勝則法不衰於是世尊復告諸

比丘曰我為汝等更說七不衰法汝

等諦聽善思念之時諸比丘白曰唯

然佛言云何為七若比丘尊師恭敬

極重供養奉事者比丘必勝則法不

衰若比丘法衆戒不放逸供給定恭

敬極重供養奉事者比丘必勝則法

不衰若比丘行此七不衰法受持不

犯者比丘必勝則法不衰世尊復告

諸比丘曰我為汝等更說七不衰法

汝等諦聽善思念之時諸比丘白曰

唯然佛言云何為七若比丘不行於

業不樂於業不習業者比丘必勝則

法不衰不行譁說不樂譁說不習譁

說者不行聚會不樂聚會不習聚會

者不行雜合不樂雜合不習雜合者

不行睡眠不樂睡眠不習睡眠者不

為利不為譽不為他人行梵行者不

為暫尔不為德勝於其中間捨方便

令德勝者比丘必勝則法不衰若比

丘行此七不衰法受持不犯者比丘

必勝則法不衰世尊復告諸比丘曰

我為汝等更說七不衰法汝等諦聽

善思念之時諸比丘白曰唯然佛言

云何為七若比丘成就信財戒財慙

財愧財博聞財施財成就慧財者比

丘必勝則法不衰若比丘行此七不

衰法受持不犯者比丘必勝則法不

衰世尊復告諸比丘曰我為汝等更

說七不衰法汝等諦聽善思念之時

諸比丘白曰唯然佛言云何為七若

比丘成就信力精進力慙力愧力念

力定力成就慧力者比丘必勝則法

不衰若比丘行此七不衰法受持不

犯者比丘必勝則法不衰世尊復告

諸比丘曰我為汝等更說七不衰法

汝等諦聽善思念之時諸比丘白曰
唯然佛言云何為七若比丘修念覺
又依捨離依無欲依滅盡趣向出要
擇法精進喜息定修捨覺又依捨離
依无欲依滅盡趣向出要者比丘
必勝則法不喪若比丘行此七不喪
法受持不犯者比丘必勝則法不喪
世尊復告諸比丘曰我為汝等更說
七不喪法汝等諦聽善思念之時諸
比丘白曰唯然佛言云何為七若比
丘應與面前律與面前律應與憶律
與憶律應與不癡律與不癡律應與
自發露與自發露應與居與居應與
展轉與展轉眾中起諍當以如棄糞掃
止諍法止之者比丘必勝則法不喪
若比丘行此七不喪法受持不犯者
比丘必勝則法不喪世尊復告諸比
丘曰今為汝等說六慰勞法汝等諦
聽善思念之時諸比丘白曰唯然佛
言云何為六以慈身業向諸梵行是
慰勞法受法樂法令受今重令奉令
敬令修令攝得沙門得一心得精進
得涅槃如是慈口業慈意業若有法

利如法得利自所飯食至在鉢中如是利分布施諸梵行是慰勞法愛法樂法令愛令重令奉令敬令修令攝得沙門得一心得精進得涅槃若有戒不缺不穿無穢无黑如地不隨他聖所稱譽具善受持如是戒分布施諸梵行是慰勞法愛法樂法令愛令重令奉令敬令修令攝得沙門得一心得精進得涅槃若有見是聖出要明了深達能正盡苦如是見分布施諸梵行是慰勞法愛法樂法令愛令重令奉令敬令修令攝得沙門得一心得精進得涅槃我向所言六慰勞法者因此故說佛說如是彼諸比丘聞佛所說歡喜奉行

雨勢經第一竟

三千七百字

中阿含梵志品傷歌邏經第二 第三念誦

我聞如是一時佛遊舍衛國在勝林給孤獨園尔時傷歌邏摩納中後彷彿往詣佛所共相問訊却坐一面向白曰瞿曇我欲有所問聽乃敢陳世尊告曰摩納若有疑者恣汝所問傷歌邏摩納即便問曰瞿曇梵志如法行

乞財物或自作齋或教作齋瞿曇若
自作齋教作齋者彼一切行无量福
跡以因齋故沙門瞿曇弟子隨族剃
除鬚髮著袈裟衣至信捨家无家學
道自調御自息止自滅訖如是沙門
瞿曇弟子隨族行一福跡不行無量
福跡因學道故尔時尊者阿難執拂
侍佛於是尊者阿難問曰摩納此二
道跡何者取上取妙取勝耶傷歌邏
摩納語曰阿難沙門瞿曇及阿難我
俱恭敬尊重奉祠尊者阿難復語曰
摩納我不問汝恭敬尊重奉祠誰我
但問汝此二道跡何者取上取妙取
勝耶尊者阿難至再三問曰摩納此
二道跡何者取上取妙取勝耶傷歌
邏摩納亦再三語曰阿難沙門瞿曇
及阿難我俱恭敬尊重奉祠尊者阿
難復語曰摩納我不問汝恭敬尊重
奉祠誰我但問汝此二道跡何者取
上取妙取勝耶於是世尊便作是念
此傷歌邏摩納為阿難所屈我寧可
教彼世尊知已告曰摩納昔日王及
群臣普集大會共論何事以何事故

共集會耶傷歌邏摩納答曰瞿曇昔

日王及群臣普集大會共論如此事

何因何緣昔沙門瞿曇施設少戒然

諸比丘多得道者何因何緣今沙門

瞿曇施設多戒然諸比丘少得道耶

瞿曇昔日王及群臣普集大會共論

此事以事故共集會耳今時世尊告

曰摩納我今問汝隨所解答於意云

何若使有一沙門梵志自行如是道

如是跡行此道行此跡已諸漏已盡

得無漏心解脫慧解脫自知自覺自

作證成就遊生已盡梵行已立所作

已辦不更受有知如真彼為他說我

自行如是道如是跡行此道行此跡

已諸漏已盡得無漏心解脫慧解脫

自知自覺自作證成就遊生已盡梵

行已立所作已辦不更受有知如真

汝等共來亦自行如是道如是跡行

此道行此跡已諸漏已盡得无漏心

解脫慧解脫自知自覺自作證成就

遊生已盡梵行已立所作已辦不更

受有知如真彼亦自行如是道如是

跡行此道行此跡已諸漏已盡得無

漏心解脫慧解脫自知自覺自作證
成就遊生已盡梵行已立所作已辦
不更受有知如真彼為他說他為他
說如是展轉無量百千於摩納意云
何我弟子隨族剃除鬚髮著袈裟衣
至信捨家无家學道行一福跡不行
無量福跡因學道故耶傷歌邏摩納
答曰瞿曇如我解沙門瞿曇所說義
彼沙門瞿曇弟子隨族剃除鬚髮著
袈裟衣至信捨家無家學道行无量
福跡不行一福跡因學道故世尊復
告傷歌邏曰有三示現如意足示現
占念示現教訓示現摩納云何如意
足示現有一沙門梵志有大如意足
有大威德有大福祐有大威神於如
意足心得自在行无量如意足之功
德謂分一為衆合衆為一一則住一
有知有見不尋石壁猶如行空沒地
如水履水如地結加趺坐上昇虛空
猶如鳥翔今此日月有大如意足有
大威德有大福祐有大威神以手捫
摸身至梵天摩納是謂如意足示現
摩納云何占念示現有一沙門梵志

以他相占他意有是意如是意實有

是意无量占不少占彼一切真諦而

無有虛設不以他相占他意者但以

聞天聲及非人聲而占他意有是意

如是意實有是意無量占不少占彼

一切真諦而无有虛設不以他相占

他意亦不聞天聲及非人聲占他意

者但以他念他思他說聞聲已占他

意有是意如是意實有是意无量占

不少占彼一切真諦而無有虛設不

以他相占他意亦不以聞天聲及非

人聲占他意亦不以他念他思他說

聞聲已占他意者但以見他入無覺

無觀定見已作是念如此賢者不念

不思如意所願彼賢者從此定寤如

是念彼從此定寤即如是如是念彼

亦占過去亦占未來亦占現在久所

作久所說亦占安靜處住安靜處亦

占至心心所有法摩納是謂占念亦

現摩納云何教訓示現有一沙門梵

志自行如是道如是跡行此道行此

跡已諸漏已盡得無漏心解脫慧解

脫自知自覺自作證成就遊生已盡

梵行已立所作已辦不更受有知如
真彼為他說我自行如是道如是跡
行此道行此跡已諸漏已盡得无漏
心解脫慧解脫自知自覺自作證成
就遊生已盡梵行已立所作已辦不
更受有知如真汝等共來亦自行如
是道如是跡行此道行此跡已諸漏
已盡得無漏心解脫慧解脫自知自
覺自作證成就遊生已盡梵行已立
所作已辦不更受有知如真彼亦自
行如是道如是跡行此道行此跡已
諸漏已盡得無漏心解脫慧解脫自
知自覺自作證成就遊生已盡梵行
已立所作已辦不更受有知如真彼
為他說他為他說如是展轉無量百
千摩訶是謂教訓示現此三示現何
者示現取上取妙取勝耶傷歌邏摩
納答曰瞿曇若有沙門梵志有大如
意足有大威德有大福祐有大威神
於如意足心得自在乃至身至梵天
者瞿曇此自作自有自受其報瞿曇
於諸示現此示現大法瞿曇若有沙
門梵志以他相占他意乃至占心心

所有法者瞿曇此亦自作自有自受
其報瞿曇於諸示現此亦示現大法
瞿曇若有沙門梵志自行如是道如
是跡行此道行此跡已諸漏已盡得
無漏心解脫慧解脫自知自覺自作
證成就遊生已盡梵行已立所作已
辦不更受有知如真彼為他說他為
他說如是展轉無量百千者瞿曇於
三示現此示現取上取妙取勝世尊
復問傷歌邏曰於三示現稱歎何示
現傷歌邏摩納荅曰瞿曇於三示現
我稱說沙門瞿曇所以者何沙門瞿
曇有大如意足有大威德有大福祐
有大威神心得自在乃至身至梵天
沙門瞿曇以他相占他意乃至占心
心所有法沙門瞿曇示現如是道如
是跡行此道行此跡已諸漏已盡得
无漏心解脫慧解脫自知自覺自作
證成就遊生已盡梵行已立所作已
辦不更受有知如真沙門瞿曇為他
說他為他說如是展轉无量百千瞿
曇是故於三示現我稱歎沙門瞿曇
於是世尊告曰摩納汝善達此論所以

者何我有大如意足有大威德有大
福祐有大威神於如意足心得自在
乃及身至梵天摩納我以他相占他
意乃至占心心所有法摩納我自行
如是道如是跡行此道行此跡已諸
漏已盡得无漏心解脫慧解脫自知
自覺自作證成就遊生已盡梵行已
立所作已辦不更受有知如真我為
他說他為他說如是展轉無量百千
摩納是故汝善達此論汝當如是善
受善持所以者何此所說義應當如
是於是傷歌邏摩納白曰世尊我已
知善逝我已解世尊我今自歸於佛
法及比丘衆唯願世尊受我為優婆
塞從今日始終身自歸乃至命盡佛
說如是傷歌邏摩納尊者阿難及諸
比丘聞佛所說歡喜奉行

傷歌邏經第二竟

二十二百
五十二字

中阿含梵志翠數目捷連經第三

第三之誦

我聞如是一時佛遊舍衛國在東園
鹿子母堂尔時竿數梵志目捷連中
後彷徨往詣佛所共相問訊却坐二
面白曰瞿曇我欲有所問聽乃敢陳

世尊告曰目捷連恣汝所問莫自疑
難竿數目捷連則便問曰瞿曇此
子母堂漸次第作轉後成訖瞿曇此
鹿子母堂械梯初昇一墜後二三四
瞿曇如是此鹿子母堂漸次第上瞿
曇此御象者亦漸次第調御成訖謂
因鈎故瞿曇此御馬者亦漸次第調
御成訖謂因鞍故瞿曇此剎利亦漸
次第至成就訖謂因捉弓箭故瞿曇
此諸梵志亦漸次第至成就訖謂因
學經書故瞿曇我等學竿數以竿數
存命亦漸次第至成就訖若有弟子
或男或女始教一一數二二三三十
百千万次第至上瞿曇如是我等學
竿數以竿數存命漸次第至成訖沙
門瞿曇此法律中云何漸次第作至
成就訖世尊告曰目捷連若有正說
漸次第作乃至成訖目捷連我法律
中謂正說所以者何目捷連我於此
法律漸次第作至成就訖目捷連
若年少比丘初來學道始入法律者
如來先教比丘汝來身護命清淨口
意護命清淨目捷連若比丘身護命

河淨口意護命清淨者如來復上教
比丘汝來觀內身如身至觀覺心法
如法目捷連若比丘觀內身如身至
觀覺心法如法者如來復上教比丘
汝來觀內身如身莫念欲相應念至
觀覺心法如法莫念非法相應念目
捷連若比丘觀內身如身不念欲相
應念至觀覺心法如法不念非法相
應念者如來復上教比丘汝來守護
諸根常念閉塞念欲明達守護念心
而得成就恒起正知若眼見色然不
受相亦不味色謂念淨故守護眼根
心中不生貪伺憂感惡不善法趣向
彼故守護眼根如是耳鼻舌身若意
知法然不受相亦不味法謂念淨故
守護意根心中不生貪伺憂感惡不
善法趣向彼故守護意根目捷連若
比丘守護諸根常念閉塞念欲明達
守護念心而得成就恒起正知若眼
見色然不受相亦不味色謂念淨故
守護眼根心中不生貪伺憂感惡不
善法趣向彼故守護眼根如是耳鼻
舌身若意知法然不受相亦不味法

謂忿諍故守護意根心中不生貪伺
憂感惡不善法趣向彼故守護意根
者如來復上教比丘汝來正知出入
善觀分別屈伸位仰儀容庠序善著
僧伽梨及諸衣鉢行住坐卧眠寤語
默皆正知之目捷連若比丘正知出
入善觀分別屈伸位仰儀容庠序善
著僧伽梨及諸衣鉢行住坐卧眠寤
語默皆正知者如來復上教比丘汝
來獨住遠離在無事處或至樹下空
安靜處山巖石室露地穰積或至林
中或住在塚間汝已在無事處或至
樹下空安靜處敷尼師檀結加趺坐
正身正願及念不向斷除貪伺心无
有諍見他財物諸生活具莫起貪伺
欲令我得汝於貪伺淨除其心如是
瞋恚睡眠調悔斷疑度惑於諸善法
無有猶豫汝於疑惑淨除其心汝斷
此五蓋心穢慧羸離欲離惡不善之
法至得第四禪成就遊目捷連若比
丘離欲離惡不善之法至得第四禪
成就遊者目捷連如來為諸年少比
丘多有所益謂訓誨教訶目捷連若

有比丘長老上尊舊學梵行如來後
上教謂究竟訖一切漏盡等數目捷
連即復問曰沙門瞿曇一切弟子如
是訓誨如是教訶盡得究竟智必涅槃
耶世尊答曰目捷連不一向得或
有得者或不得者等數目捷連復更
問曰瞿曇此中何因何緣有涅槃有
涅槃道沙門瞿曇現在導師或有比
丘如是訓誨如是教訶得究竟涅槃
或復不得耶世尊告曰目捷連我還
問汝隨所解答目捷連於意云何汝
知王舍城處諸彼道耶等數目捷連
答曰唯然我知王舍城處亦諸彼道
世尊問曰目捷連若有人來欲見彼
王至王舍城其人問汝我欲見王至
王舍城等數目捷連知王舍城處諸
彼道徑可示語我耶汝告彼人曰從
此東行至彼某村從某村去當至某
邑如是展轉至王舍城若王舍城外
有好園林其地平正樓觀浴池若干
華樹俠長流河又有清泉盡見盡知
彼人聞汝語受汝教已從此東行須
臾不久便捨正道從惡道還若王舍

城外有好園林其地平正樓觀浴池
若干花樹狹長流河又有清泉彼盡
不見亦不知也復有人來欲見彼王
至王舍城其人問汝我欲見王至王
舍城等數日捷連知王舍城處詣彼
道徑可示語我耶汝告彼人曰從此
東行至彼某村從某村去當至某邑
如是展轉至王舍城若王舍城外有
好園林其地平正樓觀浴池若干華
樹狹長流河又有清泉盡見盡知彼
人聞汝語受汝教已即從此東行至
彼某村從某村去得至某邑如是展
轉至王舍城若王舍城外有好園林
其地平正樓觀浴池若干華樹狹長
流河又有清泉盡見盡知曰捷連此
中何因何緣有彼王舍城有王舍城
道汝現在導師彼第一人隨受汝教
於後不久捨平正道從惡道還若王
舍城外有好園林其地平正樓觀浴
池若干華樹狹長流河又有清泉彼
盡不見亦不知耶彼第二人隨受汝
教從平正道展轉得至於王舍城若
王舍城外有好園林其地平正樓觀

浴池若干華樹俠長流河又有清泉
彼盡見盡知耶竿數目捷連答曰瞿

曇我都無事有彼王舍城有王舍城

道我現在導師彼第一人不隨我教

捨平正道從惡道還若王舍城外有

好園林其地平正樓觀浴池若干華

樹俠長流河又有清泉彼盡不見亦

不知耶彼第二人隨順我教從平正

道展轉得至於王舍城若王舍城外

有好園林其地平正樓觀浴池若干

華樹俠長流河又有清泉彼盡見盡

知耶世尊告曰如是目捷連我亦无

事有彼沮睺有沮睺道我為道師為

諸比丘如是訓誨如是教訶得究竟

沮睺或有不得目捷連但各自隨比

丘所行尔時世尊便記彼行謂究竟

漏盡耳竿數目捷連白曰瞿曇我已

知瞿曇我已解瞿曇猶如良地有娑

羅林彼中有守娑羅林人明健不解

諸娑羅根以時鋤掘平高填下糞液

溉灌不失其時若其邊有穢惡草生

盡拔棄之若有橫曲不調直者盡以

治之若有極好中直樹者便摧養護

隨時鋤掘糞沃溉灌不失其時如是
良地娑羅樹林轉茂盛好瞿曇如是
有人諛諂欺誑極不廉幾無信懈怠
無念无定惡慧心狂諸根掉乱持戒
寬緩不廣修沙門瞿曇如是之人不
能共事所以者何瞿曇如是人者穢
汙梵行瞿曇若復有人不有諛諂亦
不欺誑度幾有信精進不懈有念有
定亦有智慧極恭敬戒廣修沙門瞿
曇如是之人能共事也所以者何瞿
曇如是人者清淨梵行瞿曇猶諸根
香沉香為第一所以者何瞿曇彼沉
香者於諸根香為最上故瞿曇猶諸
娑羅樹香赤栴檀為第一所以者何
瞿曇赤栴檀者於諸娑羅樹香為最
上故瞿曇猶諸水華青蓮華為第一
所以者何瞿曇青蓮華者於諸水華
為最上故瞿曇猶諸陸華修摩那花
為第一所以者何瞿曇修摩那花者
於諸陸華為最上故瞿曇猶如世中
諸有論士沙門瞿曇為最第一所以
者何沙門瞿曇論士能伏一切外道
異學故世尊我今自歸於佛法及比

丘衆唯願世尊受我為優婆塞從今日始終身自歸乃至命盡佛說如是竿數目捷連及諸比丘聞佛所說歡喜奉行

竿數目捷連經第三竟

二千三百五十四字

中阿含經卷第三十五

七十六百一十三字

第三念誦

癸卯歲高麗國大歲都監奉勅彫造

中阿含經卷第三十六

東晉三藏聖僧伽提婆譯

梵志瞿默目捷連經第四

第三念誦

我聞如是一時佛般涅槃後不久尊者阿難遊王舍城舍時摩竭陀大臣雨勢治王舍城為防跋耆故於是摩竭陀大臣雨勢遣瞿默目捷連田作人往至竹林加蘭多園舍時尊者阿難過夜平旦著衣持鉢為乞食故入王舍城於是尊者阿難作是念且置王舍城乞食我寧可往詣瞿默目捷連田作人所於是尊者阿難往詣瞿默目捷連見尊者阿難來即從坐起偏袒著衣叉手向尊者阿難白曰善來阿難久不來此可坐此座尊者阿難即坐彼座梵志瞿默目捷連與尊者阿難共相問訊却坐一面白曰阿難欲有所問聽我問耶尊者阿難報曰目捷連汝便可問我聞當思則便問曰阿難頗有一比丘與沙門瞿曇等耶尊者阿難與梵志瞿默目捷連共論

此事時尔時摩竭陀大臣雨勢慰勞
田作人往詣梵志瞿默目捷連田作
人所摩竭陀大臣雨勢遙見尊者阿
難坐在梵志瞿默目捷連田作人中
往詣尊者阿難所共相問訊却坐二
面問曰阿難與梵志瞿默目捷連共
論何事以何事故共會此耶尊者阿
難答曰雨勢梵志瞿默目捷連問我
阿難頗有一比丘與沙門瞿曇等耶
摩竭陀大臣雨勢復問曰阿難云何
答彼尊者阿難答曰雨勢都無一比
丘與世尊等等摩竭陀大臣雨勢復
問曰唯然阿難无一比丘與世尊等
等頗有一比丘為沙門瞿曇在時所
立此比丘我般涅槃後為諸比丘所
依謂令汝等今所依耶尊者阿難答
曰雨勢都無一比丘為世尊所知見
如來无所著等正覺在時所立此比
丘我般涅槃後為諸比丘所依謂令
我等今所依者摩竭陀大臣雨勢復
問曰阿難唯然無一比丘與沙門瞿
曇等等亦无一比丘為沙門瞿曇在
時所立此比丘我般涅槃後為諸比

比丘所依謂令汝等今所依者頗有一
比丘與衆共和集拜此比丘世尊般
涅槃後為諸比丘所依謂令汝等今
所依耶尊者阿難答曰雨勢亦無一
比丘與衆共和集拜此比丘世尊般
涅槃後為諸比丘所依謂令我等今
所依者摩竭陀大臣雨勢復問曰阿
難唯然無一比丘與沙門瞿曇等等
亦無一比丘為沙門瞿曇在時所立
此比丘我般涅槃後為諸比丘所依
謂令汝等今所依者亦無一比丘與
衆共和集拜此比丘世尊般涅槃後
為諸比丘所依謂令汝等今所依者
阿難若今者汝等无所依共和合不
諍安隱同一教合一水乳快樂遊
行如沙門瞿曇在時耶尊者阿難告
曰雨勢汝莫作是說言我等无所依
所以者何我等有所依耳摩竭陀大
臣雨勢白曰阿難前後所說何不相
應阿難向如是說無一比丘與世尊
等等亦無一比丘為世尊所知見如
來无所著等正覺在時所立此比丘
我般涅槃後為諸比丘所依謂令我

等今所依者亦無一比丘與衆共和
集拜此比丘世尊般涅槃後為諸比
丘所依謂令我等今所依者阿難何
因何緣今說我有所依耶尊者阿難
答曰雨勢我等不依於人而依於法
雨勢我等若依村邑遊行十五日說
從解脫時集坐一處若有比丘知法
者我等請彼比丘為我等說法若彼
衆清淨者我等一切歡喜奉行彼比
丘所說若彼衆不清淨者隨法所說
我等教作是摩竭陀大臣雨勢白曰
阿難非汝等教作是但法教作是阿
難如是少法多法可得久住者如是
阿難等共和合不諍安隱同一教
合一水乳快樂遊行如沙門瞿曇在
時摩竭陀大臣雨勢復問曰阿難頗
有可尊敬耶尊者阿難答曰雨勢有
可尊敬雨勢白曰阿難前後所說何
不相應阿難向如是說無一比丘與
世尊共等等亦無一比丘為世尊在
時所立此比丘我般涅槃後為諸比
丘所依謂令我等今所依者亦無一
比丘與衆共和集拜此比丘世尊般

涅槃後為諸比丘所依謂今我等今
所依者阿難汝何因何緣今說有可
尊敬耶尊者阿難答曰雨勢世尊知
見如來無所著等正覺說有十法而
可尊敬我等若見比丘有此十法者
則共愛敬尊重供養宗奉礼事於彼
比丘云何為十雨勢比丘修習禁戒
守護從解脫又復善攝威儀礼節見
纖芥罪常懷畏怖受持學戒雨勢我
等若見比丘極行增上戒者則共愛
敬尊重供養宗奉礼事於彼比丘復
次雨勢比丘廣學多聞守持不忘積
聚博聞所謂法者初妙中妙竟亦妙
有義有文具足清淨顯現梵行如是
諸法廣學多聞誦習至千意所推觀
明見深遠雨勢我等若見比丘極多
聞者則共愛敬尊重供養宗奉礼事
於彼比丘復次雨勢比丘作善知識
作善朋友作善伴黨雨勢我等若見
比丘極善知識者則共愛敬尊重供
養宗奉礼事於彼比丘復次雨勢比
丘樂住遠離成就二遠離身及心也
雨勢我等若見比丘極樂住遠離者

則共愛敬尊重供養宗奉礼事於彼
比丘復次雨勢比丘樂於燕坐內行
正止亦不離伺成就於觀增長空行
雨勢我等若見比丘極樂燕坐者則
共愛敬尊重供養宗奉礼事於彼比
丘復次雨勢比丘知足衣取覆形食
取充軀隨所遊至與衣鉢俱行無顧
戀猶如鷹鳥與兩翅俱飛翔空中如
是比丘知足衣取覆形食取充軀隨
所遊至與衣鉢俱行无顧戀雨勢我
等若見比丘極知足者則共愛敬尊
重供養宗奉礼事於彼比丘復次雨
勢比丘常行於念成就正念久所曾
習久所曾聞恒憶不忘雨勢我等若
見比丘極有正念者則共愛敬尊重
供養宗奉礼事於彼比丘復次雨勢
比丘常行精進斷惡不善修諸善法
恒自起意專一堅固為諸善本不捨
方便雨勢我等若見比丘極精勤者
則共愛敬尊重供養宗奉礼事於彼
比丘復次雨勢比丘修行智慧觀興
衰法得如此智聖慧明達分別曉了
以正盡苦雨勢我等若見比丘極行

慧者則共愛敬尊重供養宗奉礼事
於彼比丘復次雨勢比丘諸漏已盡
而得無漏心解脫慧解脫自知自覺
自作證成就遊生已盡梵行已立所
作已辦不更受有知如真雨勢我等
若見比丘諸漏盡者則共愛敬尊重
供養宗奉礼事於彼比丘雨勢世尊
知見如來無所著等正覺說此十法
而可尊敬雨勢我等若見比丘行此
十法者則共愛敬尊重供養宗奉礼
事於彼比丘於是彼大眾放高大音
聲可修直道非不可修若修直道非
不可修者隨世中阿羅訶愛敬尊重
供養礼事若諸尊可修直道而能修
者是故世中阿羅訶愛敬尊重供養
礼事於是摩竭陀大臣雨勢及其眷
屬問曰阿難今遊何處尊者阿難答
曰我今遊行此王舍城竹林加蘭哆
園阿難竹林加蘭哆園至可愛樂政
類可喜晝不喧鬧夜則靜寂无有蚊
蝱亦无蠅蚤不寒不熱阿難樂住竹
林加蘭哆園耶尊者阿難答曰如是
雨勢如是雨勢竹林加蘭哆園至可

愛樂政頻可喜晝不喧鬧夜則靜寂
無有蚊蠅亦無蠅蚩不寒不熱雨勢
我樂住竹林加蘭哆園中所以者何
以世尊擁護故是時婆難大將在彼
衆中婆難大將白曰如是雨勢如是
雨勢竹林加蘭哆園至可愛樂政頻
可喜晝不喧鬧夜則靜寂無有蚊蠅
亦無蠅蚩不寒不熱彼尊者樂住竹
林加蘭哆園所以者何此尊者行伺
樂伺故摩竭陀大臣雨勢聞已語曰
婆難大將沙門瞿曇昔時遊行金鞞
羅樂園中婆難大將余時我數往詣
彼見沙門瞿曇所以者何沙門瞿曇
行伺樂伺稱歎一切伺尊者阿難聞
已告曰雨勢莫作是說沙門瞿曇稱
說一切伺所以者何世尊或稱說伺
或不稱說摩竭陀大臣雨勢復問曰
阿難沙門瞿曇不稱說伺不稱說何
等伺尊者阿難答曰雨勢或有一貪
欲所纏而起貪欲不知出要如真彼
為貪欲所障身故伺增伺而重伺而
勢是謂第一伺世尊不稱說復次而
勢或有一瞋恚所纏而起瞋恚不知

出要如真彼為瞋恚所障導故伺增
伺而重伺雨勢是謂第二伺世尊不
稱說復次雨勢睡眠所纏而起睡眠
不知出要如真彼為睡眠所障導故
伺增伺而重伺雨勢是謂第三伺世
尊不稱說復次雨勢疑惑所纏而起
疑惑不知出要如真彼為疑惑所障
導故伺增伺而重伺雨勢是謂第四
伺世尊不稱說雨勢世尊不稱說此
四伺摩竭施大臣雨勢白曰阿難此
四伺可增可增慶沙門瞿曇不稱說
所以者何正盡覺故摩竭施大臣雨
勢復問曰阿難何等伺沙門瞿曇所
稱說尊者阿難答曰雨勢比丘者離
欲離惡不善之法至得第四禪成就
遊雨勢世尊稱說此四伺摩竭施大
臣雨勢白曰阿難此四伺可稱可稱
慶沙門瞿曇所稱所以者何以正盡
覺故阿難我事煩猥請退還歸尊者
阿難告曰欲還隨意於是摩竭施大
臣雨勢聞尊者阿難所說善受善持
即從坐起繞尊者阿難三匝而去是
時梵志瞿曇目捷連於摩竭施大臣

雨勢去後不久白曰阿難我所問事
都不答耶尊者阿難告曰目捷連我
實不答梵志瞿默目捷連白曰阿難
我更有所問聽我問耶尊者阿難答
曰目捷連汝便可問我聞當思梵志
瞿默目捷連即問曰阿難若如來无
所著等正覺解脫及慧解脫阿羅訶
解脫此三解脫有何差別有何勝如
尊者阿難答曰目捷連若如來无所
著等正覺解脫及慧解脫阿羅訶解
脫此三解脫無有差別亦无勝如梵
志瞿默目捷連白曰阿難可在此食
尊者阿難默然而受梵志瞿默目捷
連知默然受已即從坐起自行澡水
極美淨妙種種曾饒食取含消自手
斟酌極令飽滿食訖舉器行澡水竟
取一小床別坐聽法尊者阿難為彼
說法勸發渴仰成就歡喜無量方便
為彼說法勸發渴仰成就歡喜已尊者
阿難所說如是摩竭陀大臣雨勢眷
屬及梵志瞿默目捷連聞尊者阿難
所說歡喜奉行

中阿含梵志品象跡喻經第五第六誦

我聞如是一時佛遊舍衛國在勝林
給孤獨園今時卑盧異學平旦則從
舍衛國出往詣佛所稽首作禮却坐
一面佛為彼說法勸發渴仰成就歡
喜無量方便為彼說法勸發渴仰成
就歡喜已默然而住卑盧異學佛為
說法勸發渴仰成就歡喜已即從坐
起稽首佛足繞三匝而去今時生聞
梵志乘極好白乘與五百弟子俱以
平旦時從舍衛出至無事處欲教弟
子諷讀經書生聞梵志遇見卑盧異
學來便問婆蹉晨起從何處來卑盧
異學答曰梵志我見世尊礼事供養
來生聞梵志問曰婆蹉頗知沙門瞿
曇空安靜處學智慧耶卑盧異學答
曰梵志何等人可知世尊空安靜處
學智慧耶梵志若知世尊空安靜處
學智慧者亦當如彼但梵志我所讀
書有四句義我因四句義我必信世尊
如來無所著等正覺世尊所說法善
如來弟子聖眾善趣梵志辟善象師
遊無事處於樹林間見大象跡見已

必信彼象極大而有此跡梵志我亦如是。是我所讀書有四句義。因四句義。我必信世尊如來无所著等正覺。世尊所說法善如來弟子聖衆善趣云。何四句義。梵志。智慧利利論士多聞。決定能伏世人無所不知。則以諸見造作文章。行於世間。彼作是念。我往沙門瞿曇所問。如是如是。事若能答者。當復重問。若不能答。便伏捨去。彼聞世尊遊某村邑。便往彼所見世尊。已尚不敢問。况復能伏梵志。我所讀書用得如此。第一句義。我因此義必信世尊如來无所著等正覺。世尊所說法善如來弟子聖衆善趣。如是智慧梵志。智慧居士。智慧沙門。論士多聞。決定能伏世人無所不知。則以諸見造作文章。行於世間。彼作是念。我往沙門瞿曇所問。如是如是。事若能答者。當復重問。若不能答。便伏捨去。彼聞世尊遊某村邑。便往彼所見世尊。已尚不敢問。况復能伏梵志。我所讀書用得如此。第四句義。我因此義必信世尊如來无所著等正覺。世尊

所說法善如來弟子聖衆善趣梵志我
所讀書有此四句義我因此四句義
故必信世尊如來無所著等正覺世
尊所說法善如來弟子聖衆善趣生
聞梵志語曰婆蹉汝大供養沙門瞿
曇所因所緣歡喜奉行卑盧異學答
曰梵志如是如是我極供養於彼世
尊亦極稱譽一切世間亦應供養彼
時生聞梵志聞此義已即從乘下右
膝著地叉手向於勝林給孤獨園垂
三作礼南無如來无所著等正覺如
是至三已還乘極好白乘往詣勝林
給孤獨園到彼乘地即便下乘步進
詣佛共相問諍却坐一面生聞梵志
向與卑盧異學所共論事盡向佛說
世尊聞已告曰梵志卑盧異學說象
跡喻猶不善作亦不具足如象跡喻
善作具足者今為汝說當善聽之梵
志辟善象師遊无事處於樹林間見
大象跡見已必信彼象極大而有此
跡梵志彼善象師或不信者於此林
中復有母象名加梨崑身極高大彼
有此跡即尋此跡復見大象跡見已

必信彼象極大而有此跡梵志彼善象師或復不信於此林中更有母象名加羅梨身極高大彼有此跡即尋此跡復見大象跡見已必信彼象極大而有此跡梵志彼善象師或復不信於此林中更有母象名婆和窻身極高大彼有此跡即尋此跡復見大象跡見已必信彼象跡見已必信彼象極大而有此跡彼尋此跡已見大象跡大象跡方極長極廣周匝遍著正深入地及見彼象或去或來或住或走或立或卧見彼象已便作是念若有此跡必是大象梵志如是若世中出如來无所著等正覺明行成為善逝世間解無上士道法御天人師号佛衆祐彼於此世天及魔梵沙門梵志乃至天人自知自覺自作證成就遊生已盡梵行已立所作已辦不更受有知如真彼說法初妙中妙竟亦妙有義有文具足清淨顯現梵行彼所說法或居士居士子聞已得信於如來正法彼得信已便作是念在家至狹處分之處出家學道發露曠大我今在家

為鐫所鐫不得盡形壽淨修梵行我
寧可捨於少財物及多財物捨少親
族及多親族剃除鬚髮著袈裟衣至
信捨家無家學道彼於後時捨少財
物及多財物捨少親族及多親族剃
除鬚髮著袈裟衣至信捨家無家學
道彼出家已捨親族相受比丘要修
習禁戒守護從解脫又復善攝威儀
札節見纖芥罪常懷畏怖受持學戒
彼離煞斷殺棄捨刀杖有慚有愧有
慈悲心饒益一切乃至蠅虫彼於殺
生淨除其心彼離不與取斷不與取
與而後取樂於與取常好布施歡喜
无怪不望其報彼於不與取淨除其
心彼離非梵行斷非梵行懃修梵行
精懃妙行清淨無穢離欲斷婬彼於
非梵行淨除其心彼離妄言斷妄言
真諦言樂真諦住真諦不移動一切
可信不欺世間彼於妄言淨除其心
彼離兩舌斷於兩舌行不兩舌不破
壞他不聞此語彼欲破壞此不聞彼
語此欲破壞彼離者欲合合者歡喜
不作群黨不樂群黨不稱說群黨事

彼於兩舌淨除其心彼離虛言斷於
麤言若有所言辭氣虛麤惡聲逆耳
衆所不意衆所不愛使他苦惱令不
得定斷如是言若有所言清和柔潤
順耳入心可意可愛使他安隱言聲
具了不使人畏令他得定說如是言
彼於虛言淨除其心彼離綺語斷於
綺語時說真說法說義說止息說樂
止息說事隨時得宜善教善訶彼於
綺語淨除其心彼離治生斷於治生
棄捨稱量及斗斛亦不受貨不縛束
人不望折斗量不以小利侵欺於人
彼於治生淨除其心彼離受寡婦童
女斷受寡婦童女彼於受寡婦童女
淨除其心彼離受奴婢斷受奴婢彼
於受奴婢淨除其心彼離受象馬牛
羊斷受象馬牛羊彼於受象馬牛羊
淨除其心彼離受雞猪斷受雞猪彼
於受雞猪淨除其心彼離受田業店
肆斷受田業店肆彼於受田業店肆
淨除其心彼離受生稻麦豆斷受生
稻麦豆彼於受生稻麦豆淨除其心
彼離酒斷酒彼於飲酒淨除其心彼

離高廣大床斷高廣大床彼於舍向
大床淨除其心彼離華鬘璫塗香
脂粉斷花鬘璫塗香脂粉彼於華
鬘璫塗香脂粉淨除其心彼離歌
舞倡妓及往觀聽斷歌舞倡妓及往
觀聽彼於歌舞倡妓及往觀聽淨除
其心彼離受生色像寶斷受生色像
寶彼於受生色像寶淨除其心彼離
過中食斷過中食一食不夜食學時
食彼於過中食淨除其心彼已成就
此聖戒聚復行極知足衣取覆形食
取充軀隨所遊至與衣鉢俱行無願
戀猶如鷹鳥與兩翅俱飛翔空中彼
已成就此聖戒聚及極知足復守護
諸根常念閉塞念欲明達守護念心
而得成就恒起正知若眼見色然不
受想亦不味色謂念淨故守護眼根
心中不生貪伺憂感惡不善法趣向
彼故守護眼根如是耳鼻舌身若意
知法然不受想亦不味法謂念淨故
守護意根心中不生貪伺憂感惡不
善法趣向彼故守護意根彼已成就
此聖戒聚及極知足守護諸根復正

知出入善觀分別屈伸位仰儀容庠序善著僧伽梨及諸衣鉢行住坐卧眠寤語默皆正知之彼已成就此聖戒聚及極知足守護諸根正知出入復獨住遠離在無事處或至樹下空安靖處山巖石室露地穰積或至林中或在塚間彼已在無事處或至樹下空安靜處敷尼師檀結加趺坐正身正願返念不向斷除貪伺心無有淨見他財物諸生活具不起貪伺欲令我得彼於貪伺淨除其心如足瞋恚睡眠調悔斷疑度惑於諸善法无有猶豫彼於疑惑淨除其心彼斷此五盖心穢慧羸離欲離惡不善之法有覺有觀離生喜樂逮初禪成就遊梵志是謂如來所屈如來所行如來所服然彼不以此為訖世尊如來无所著等正覺世尊所說法善如來弟子聖衆善趣彼覺觀已息内靖一心無覺无觀定生喜樂逮第二禪成就遊梵志是謂如來所屈如來所行如來所服然彼不以此為訖世尊如來无所著等正覺世尊所說法善如來

弟子聖衆善趣彼離喜欲捨元求遊
正念正智而身覺樂謂聖所說聖所
捨念樂住室逮第三禪成就遊梵志
是謂如來所屈如來所行如來所服
然彼不以此為訖世尊如來無所著
等正覺世尊所說法善如來弟子聖
衆善趣彼樂滅苦滅喜憂本已滅不
苦不樂捨念清淨逮第四禪成就遊
梵志是謂如來所屈如來所行如來
所服然彼不以此為訖世尊如來无
所著等正覺世尊所說法善如來弟
子聖衆善趣彼已得如是定心清淨
無穢无煩柔軟善住得不動心趣向
漏盡智通作證彼知此苦如真知此
苦習知此苦滅知此苦滅道如真知
此漏如真知此漏習知此漏滅知此
漏滅道如真彼如是知如是見欲漏
心解脫有漏無明漏心解脫解脫已
便知解脫生已盡梵行已立所作已
辦不更受有知如真梵志是謂如來
所屈如來所行如來所服彼以此為訖
世尊如來無所著等正覺世尊所說
法善如來弟子聖衆善趣梵志於意

云何如是象跡喻善作具足耶生聞
梵志答曰唯然瞿曇如是象跡喻善
作具足生聞梵志白曰世尊我已知
善逝我已解世尊我今自歸於佛法
及比丘衆唯願世尊受我為優婆塞
從今日始終身自歸乃至命盡佛說
如是生聞梵志及卑盧異學問佛所
說歡喜奉行

象跡喻經第五竟

二千九百八十八字

中阿含梵志品閼德經第六 第三念誦

我聞如是一時佛遊舍衛國在勝林
給孤獨園今時生聞梵志中後彷彿
往詣佛所共相問訊却坐一面白曰
瞿曇我欲有所問聽乃敢陳世尊告
曰梵志恣汝所問生聞梵志即便問
曰沙門瞿曇弟子或有在家或有出
家學道以何義故博聞誦習耶世尊
答曰梵志我弟子或有在家或出家
學道所以博聞誦習欲自調御欲自
息止自求滅訖梵志我弟子或有在家
或出家學道以此義故博聞誦習生
聞梵志復問曰瞿曇博聞誦習有老
別耶博聞誦習有功德耶世尊答曰

梵志博聞誦習而有老別博聞誦習
則有功德生聞梵志復問曰瞿曇博
聞誦習有何老別有何德耶世尊答
曰梵志多聞聖弟子晝日作業欲得
其利彼所作業敗壞不成彼所作業
敗壞不成已然不憂感愁煩啼哭不
推身懊惱亦不癡狂梵志若多聞聖
弟子晝日作業欲得其利彼所作業
敗壞不成彼所作業敗壞不成已然
不憂感愁煩啼哭不推身懊惱亦不
癡狂者梵志是謂博聞誦習而有老
別有此功德復次梵志多聞聖弟子
所有愛念異無散解不復相應與別
離已然不憂感愁煩啼哭不推身懊
惱亦不癡狂梵志若多聞聖弟子所
有愛念異無散解不復相應與別離
已然不憂感愁煩啼哭不推身懊惱
亦不癡狂者梵志是謂博聞誦習而
有老別有此功德復次梵志多聞聖
弟子知所有財物皆悉无常念出家
學道梵志若多聞聖弟子知所有財
物皆悉無常念出家學道者梵志是
謂博聞誦習而有老別有此功德復

次梵志多聞聖弟子知所有財物皆
悉無常已剗除鬚髮著袈裟衣至信
捨家无家學道梵志若多聞聖弟子
知所有財物皆悉无常已剗除鬚髮
著袈裟衣至信捨家無家學道者梵
志是謂博聞誦習而有老別有此功
德復次梵志多聞聖弟子能忍飢渴
寒熱蚊蠅蠶風日所逼惡聲捶杖
亦能忍之身遇諸疾極為苦痛至命
欲絕諸不可樂皆能堪耐梵志若多
聞聖弟子能忍飢渴寒熱蚊蠅蠶
風日所逼惡聲捶杖亦能忍之身遇
諸疾極為苦痛至命欲絕諸不可樂
皆能堪耐者梵志是謂博聞誦習而
有老別有此功德復次梵志多聞聖
弟子堪耐不樂生不樂已心終不著
梵志若多聞聖弟子堪耐不樂生不
樂已心終不著者梵志是謂博聞誦
習而有老別有此功德復次梵志多
聞聖弟子堪耐恐怖生恐怖已心終
不著梵志若多聞聖弟子堪耐恐怖
生恐怖已心終不著梵志是謂博聞
誦習而有老別有此功德復次梵志

多聞聖弟子若生三惡不善之念欲
念恚念及害念為此三惡不善念已
心終不著梵志若多聞聖弟子若生
三惡不善之念欲念恚念及害念為
此三惡不善念已心終不著者梵志
是謂博聞誦習而有老別有此功德
復次梵志多聞聖弟子離欲離惡不
善之法至得第四禪成就遊梵志若
多聞聖弟子離欲離惡不善之法至
得第四禪成就遊者梵志是謂博聞
誦習而有老別有此功德復次梵志
多聞聖弟子三結已盡得須陀洹不
墮惡法定趣正覺極受七有天上人
間七往來已則得苦邊梵志若多聞
聖弟子三結已盡得須陀洹不墮惡
法定趣正覺極受七有天上人間七
往來已則得苦邊者梵志是謂博聞
誦習而有老別有此功德復次梵志
多聞聖弟子三結已盡姪怒癡薄得
一往來天上人間一往來已則得苦
邊梵志若多聞聖弟子三結已盡姪
怒癡薄得一往來天上人間一往來
已則得苦邊者梵志是謂博聞誦習

而有老別有此功德復次梵志多聞
聖弟子五下分結盡生彼間已便般
涅槃得不退法不還此世梵志若多
聞聖弟子五下分結盡生彼間已便
般涅槃得不退法不還此世者梵志
是謂博聞誦習而有老別有此功德
復次梵志多聞聖弟子有息解脫離
色得無色如其像定身作證成就遊
慧觀斷漏而知漏梵志若多聞聖弟
子有息解脫離色得无色如其像定
身作證成就遊慧觀斷漏而知漏者
梵志是謂博聞誦習而有老別有此
功德復次梵志多聞聖弟子如意足
天耳他心智宿命智生死智諸漏已
盡得無漏心解脫慧解脫於現法中
自知自覺自作證成就遊生已盡梵
行已立所作已辦不更受有知如真
梵志若多聞聖弟子如意足天耳他
心智宿命智生死智諸漏已盡得无
漏心解脫慧解脫於現法中自知自
覺自作證成就遊生已盡梵行已立
所作已辦不更受有知如真者梵志
是謂博聞誦習而有老別有此功德

生聞梵志復問世尊此博聞誦習有
此老別有此功德頗更有老別更有
功德取上取妙取勝耶世尊答曰梵
志此博聞誦習有此老別有此功德
更无老別更無功德取上取妙取勝
者生聞梵志白曰世尊我已知善逝
我已解世尊我今自歸於佛法及比
丘衆唯願世尊受我為優婆塞從今
日始終身自歸乃至命盡佛說如是
生聞梵志聞佛所說歡喜奉行

聞德經第六竟

一千六百九字

中阿含梵志品何苦經第七

第三念誦

我聞如是一時佛遊舍衛國在勝林
給孤獨園尔時生聞梵志中後徜徉
往詣佛所共相問訊却坐一面白曰
瞿曇我欲有所問聽乃敢陳世尊告
曰梵志恣汝所問生聞梵志即便問
曰瞿曇在家者有何苦出家學道者
有何苦耶世尊答曰梵志在家者以
不自在為苦出家學道者以自在為
苦生聞梵志復問曰瞿曇在家者云
何以不自在為苦出家學道者云何
以自在為苦耶世尊答曰梵志若在

家者錢不增長金銀真珠琉璃水精
悉不增長畜牧穀米及奴婢使亦不
增長今時在家憂苦愁感因此故在
家者多有憂苦多懷愁感梵志若出
家學道者行隨其欲行隨恚癡今時
出家學道憂苦愁感因此故出家學
道者多有憂苦多懷愁感梵志如是
在家者以不自在為苦出家學道者
以自在為苦生聞梵志復問曰瞿曇
在家者有何樂出家學道者有何樂
耶世尊荅曰梵志在家者以自在為
樂出家學道者以不自在為樂生聞
梵志復問曰瞿曇在家者云何以自
在為樂出家學道者云何以不自在
為樂耶世尊荅曰梵志若在家者錢
得增長金銀真珠琉璃水精皆得增
長畜牧穀米及奴婢使亦得增長今
時在家快樂歡喜因此故在家者多
快樂歡喜梵志出家學道者行不隨
欲行不隨恚癡今時出家學道快樂
歡喜因此故出家學道者多快樂歡
喜梵志如是在家者以自在為樂出
家學道者以不自在為樂生聞梵志

復問曰瞿曇以何事故今天及人必無利義以何事故今天及人必有利義世尊答曰梵志若天及人共諍者必无利義若天及人不諍者必有利義生聞梵志復問曰瞿曇云何天及人共諍者必無利義云何天及人不諍者必有利義耶世尊答曰梵志若時天及人聞諍怨憎者余時天及人憂苦愁感因此故天及人多有憂苦多懷愁感梵志若時天及人不聞諍不怨憎者余時天及人快樂歡喜因此故天及人多快樂多歡喜梵志如是天及人共諍者必無利義天及人不諍者必有利義生聞梵志復問曰瞿曇以何事故今天及人必不得饒益必得其苦若天及人必得饒益必得其樂世尊答曰梵志若天及人行於非法及行惡者必不得益必得其苦若天及人能行如法不行惡者必得饒益必得其樂生聞梵志復問曰瞿曇天及人云何行於非法及行惡者必不得益必得其苦天及人云何行如法不行惡者必得饒

益必得其樂世尊答曰梵志天及人身行非法及行惡口意行非法及行惡者今時天及人必當減損阿修羅必當興盛梵志若天及人身行如法守護其身口意行如法守護口意者今時天及人必當興盛阿修羅必當減損梵志如是天及人行於非法及行惡者必得不益必得其苦梵志如是天及人能行如法不行惡者必得饒益必得其樂生聞梵志復問曰瞿曇云何觀惡知識世尊答曰梵志當觀惡知識猶如月也生聞梵志復問曰瞿曇云何當觀惡知識猶如月耶世尊答曰梵志如向盡月日日稍減宮殿亦減光明亦減形色亦減日日盡去梵志有時月乃至於盡都不復見梵志惡知識人於如來正法律亦得其信彼得信已則於後時而不孝順亦不恭敬所行不順不立正智不趣向法次法彼便失信持戒博聞庶幾智慧亦復失之梵志有時此惡知識教滅善法猶如月盡梵志如是當觀惡知識猶如月也生聞梵志復問

日瞿曇云何觀善知識世尊答曰梵志當觀善知識猶如月也生聞梵志復問曰瞿曇云何當觀善知識猶如月耶世尊答曰梵志猶如月初生少壯明淨日日增長梵志或時月十五日其殿豐滿梵志如是善知識於如來正法律得信彼得信已而於後時孝順恭敬所行隨順立於正智趣向法次法彼增長信持戒博聞庶幾智慧亦復增長梵志有時彼善知識善法具足如十五日月梵志如是當觀善知識猶如月也於是世尊說此頌曰譬如月无垢遊於虛空界一切世星宿悉翳其光明如是信博聞庶幾无慳貪世間一切慳悉翳施光明猶如有大龍興起雲雷電雨下擡汚沛充滿一切地如是信博聞庶幾無慳貪施飲食豐足樂勸增廣施如是極雷震如天降時雨彼福雨廣大施主之所雨錢財多名譽得生於善處彼當受於福死已生天上佛說如是生聞梵志聞佛所說歡喜奉行

何古經第七竟

二十一

中阿含經卷第三十六

九千一百六十五字

癸卯歲高麗國大藏都監奉勅彫造

中阿含經卷第三十七

興

東晉劉宋三藏慧覺僧伽提婆譯

梵志品何欲經第八

第三念誦

我聞如是一時佛遊舍衛國在勝林給孤獨園。尔時生聞梵志中後徬徨徃詣佛所。共相問訊。却坐一面。白曰。瞿曇欲有所問。聽乃敢陳。世尊告曰。恣汝所問。梵志即便問曰。瞿曇刹刹何欲。何行。何立。何依。何託。耶世尊答曰。刹刹者欲得財物。行於智慧。立以技術。依於作業。以作業竟。為託生。聞梵志問曰。瞿曇婦人何欲。何行。何立。何依。何託。耶世尊答曰。婦人者欲得男子。行於嚴飾。立以兒子。依於無對。以自在。為託生。聞梵志問曰。瞿曇偷劫何欲。何行。何立。何依。何託。耶世尊答曰。偷劫者欲不與取。行隱藏處。所立以刀。依於闇冥。以不見。為託生。聞梵志問曰。瞿曇梵

志何欲何行何立何依何託耶世尊
答曰梵志者欲得財物行於智慧立
以經書依於齋戒以梵天為託生聞
梵志問曰瞿曇沙門何欲何行何立
何依何託耶世尊答曰沙門者欲得
真諦行於智慧心所立以戒依於無處
以涅槃為託生聞梵志白曰世尊我
已知善逝我已解世尊我今自歸於
佛法及比丘衆唯願世尊受我為優
婆塞從今日始終身自歸乃至命盡
佛說如是生聞梵志聞佛所說歡喜
奉行

何欲經第八竟

一百二十二字

中阿含梵志品藥師經遺經第九第三文諸

我問如是一時佛遊王舍城在竹林
加蘭哆園今時鬱瘦歌邏梵志中後
彷彿往詣佛所共相問評却坐一面
白曰瞿曇欲有所問聽乃敢陳世尊
告曰恣汝所問鬱瘦歌邏梵志即便
問曰瞿曇梵志為四種姓施設四種
奉事為梵志施設奉事為刹利居士
工師施設奉事瞿曇梵志為梵志施
設奉事梵志應奉事梵志刹利居士

工師亦應奉事梵志瞿曇此四種姓
應奉事梵志瞿曇梵志為刹利施設
奉事刹利應奉事刹利居士工師亦
應奉事刹利瞿曇此三種姓應奉事
刹利瞿曇梵志為居士施設奉事居
士應奉事居士工師亦應奉事居士
瞿曇此二種姓應奉事居士瞿曇梵
志為工師施設奉事工師應奉事工
師誰復下賤應施設奉事工師唯工師
奉事工師世尊問曰梵志諸梵志頗自
知為四種姓施設四種奉事為梵志施
設奉事為刹利居士工師施設奉事耶
瞿瘦歌邏梵志答曰不知也瞿曇但
諸梵志自作是說我於此世天及魔
梵沙門梵志從人至天梵志不自知
為四種姓施設四種奉事為梵志施
設奉事為刹利居士工師施設奉事
世尊告曰梵志猶如有人強與他肉
而作是說士夫可食當與我直梵志
汝為諸梵志說亦復如是所以者何
梵志不自知為四種姓施設四種奉
事為梵志施設奉事為刹利居士工
師施設奉事世尊問曰梵志云何奉

事若有奉事故因奉事故有如无勝者
為是奉事耶若有奉事故因奉事故
有勝無如者為是奉事耶梵志若
奉事梵志因奉事故有如无勝者
為是奉事耶奉事刹利居士工師因
奉事故有如無勝者為是奉事耶梵
志若奉事梵志因奉事故有勝无如
者為是奉事耶奉事刹利居士工師
因奉事故有勝無如者為是奉事耶
瞿瘦歌邏梵志答曰瞿曇若我奉事
因奉事故有如無勝者我不應奉事
彼若我奉事因奉事故有勝无如者
我應奉事彼瞿曇若奉事梵志因奉
事故有如無勝者我不應奉事彼奉
事刹利居士工師因奉事故有如無
勝者我不應奉事彼瞿曇若奉事梵
志因奉事故有勝無如者我應奉事
彼奉事刹利居士工師因奉事故有
勝無如者我應奉事彼世尊告曰梵
志若更有梵志來非愚非癡亦非顛
倒心無顛倒自由自在在我問彼梵志
於意云何若有奉事故因奉事故有如
无勝者為是奉事耶若有奉事故因奉

事故有勝無如者為是奉事耶梵志
若奉事梵志因奉事故有如无勝者
為是奉事耶奉事刹利居士工師因
奉事故有如無勝者為是奉事耶梵
志若奉事梵志因奉事故有勝无如
者為是奉事耶奉事刹利居士工師
因奉事故有勝無如者為是奉事耶
梵志彼梵志非愚非癡亦非顛倒心
無顛倒自由自在答我曰瞿曇若我
奉事因奉事故有如无勝者我不應
奉事彼若我奉事因奉事故有勝无
如者我應奉事彼瞿曇若奉事梵志
因奉事故有如無勝者我不應奉事彼
奉事刹利居士工師因奉事故有如
無勝者我不應奉事彼瞿曇若奉事
梵志因奉事故有勝無如者我應奉
事彼奉事刹利居士工師因奉事故
有勝無如者我應奉事彼世尊問曰
梵志於意云何若有奉事因奉事故
失信戒博聞庶幾智慧者為是奉事
耶若有奉事因奉事故增益信戒博
聞庶幾智慧者為是奉事耶梵志若
奉事梵志因奉事故失信戒博聞庶

幾智慧者為是奉事耶奉事剎利居士工師因奉事故失信戒博聞庶幾智慧者為是奉事耶梵志若奉事梵志因奉事故增益信戒博聞庶幾智慧者為是奉事耶奉事剎利居士工師因奉事故增益信戒博聞庶幾智慧者為是奉事耶鬱瘦歌邏梵志荅曰瞿曇若我奉事因奉事故失信戒博聞庶幾智慧者我不應奉事彼若我奉事因奉事故增益信戒博聞庶幾智慧者我應奉事彼瞿曇若奉事梵志因奉事故失信戒博聞庶幾智慧者我不應奉事彼奉事剎利居士工師因奉事故失信戒博聞庶幾智慧者我不應奉事彼瞿曇若奉事梵志因奉事故增益信戒博聞庶幾智慧者我應奉事彼奉事剎利居士工師因奉事故增益信戒博聞庶幾智慧者我應奉事彼世尊告曰梵志若更有梵志來非愚非癡亦非顛倒心無顛倒自由自在在我問彼梵志於意云何若有奉事因奉事故失信戒博聞庶幾智慧者為是奉事耶若有奉

事因奉事故增益信戒博聞庶幾智

慧者為是奉事耶梵志若奉事梵志

因奉事故失信戒博聞庶幾智慧者

為是奉事耶奉事剎利居士工師因

奉事故失信戒傳聞庶幾知慧心者為

是奉事耶梵志若奉事梵志因奉事

故增益信戒博聞庶幾智慧者為是

奉事耶奉事糾利居士二師因奉事

故增益信戒博聞庶幾智者為是

奉事耶梵志彼梵志非愚非癡亦非

顛倒心無顛倒自由自在亦如是。卷三

我曰瞿曇若我奉事因奉事故失信

戒博聞庶幾智慧者我不應奉事彼

若我奉事因奉事故增益信戒博聞

庶幾智慧者我應奉事彼明隹墨者奉

事梵志因奉事故失信戒博聞庶幾

智慧者我不應奉事彼奉事剎利居

士工師因奉事故失信戒傳聞庶幾

智慧者我不應奉事彼瞿曇若奉事

楚志因奉事故增益戒博聞庶幾

智者我應奉事刹利居士

工師因奉事故增益信戒博聞庶幾

智慧者我應奉事彼懨瘦歌邏梵志

白曰瞿曇梵志為四種姓施設四種
自有財物為梵志施設自有財物為
刹利居士工師施設自有財物瞿曇
梵志為梵志施設自有財物者瞿曇
梵志為梵志施設乞求自有財物若
梵志輕慢乞求者則便輕慢自有財
物輕慢自有財物已則便失利猶如
放牛人不能看牛者則便失利如是
瞿曇梵志為梵志施設乞求自有財
物若梵志輕慢乞求者則便輕慢自
有財物輕慢自有財物已則便失利
瞿曇梵志為刹利施設自有財物者
瞿曇梵志為刹利施設弓箭自有財
物若刹利輕慢弓箭者則便輕慢自
有財物輕慢自有財物已則便失利
猶如放牛人不能看牛者則便失利
如是瞿曇梵志為刹利施設弓箭自
有財物若刹利輕慢弓箭者則便輕
慢自有財物輕慢自有財物已則便
失利瞿曇梵志為居士施設自有財
物者瞿曇梵志為居士施設田作自
有財物若居士輕慢田作者則便輕
慢自有財物輕慢自有財物已則便

失利猶如放牛人不能看牛者則便失利如是瞿曇梵志為居士施設田作自有財物若居士輕慢田作者則便輕慢自有財物輕慢自有財物已則便失利瞿曇梵志為工師施設自有財物若工師輕慢麻者則便輕慢自有財物輕慢自有財物已則便失利猶如放牛人不能看牛者則便失利如是瞿曇梵志為工師施設麻自有財物若工師輕慢麻者則便輕慢自有財物輕慢自有財物已則便失利世尊問曰梵志諸梵志頗自知為四種姓施設四種自有財物為梵志施設自有財物為刹利居士二師施設自有財物耶瞿曇歌邏梵志荅曰不知也瞿曇但諸梵志自說我於此世天及魔梵沙門梵志從人至天不自知為四種姓施設四種自有財物為梵志施設自有財物為刹利居士二師施設自有財物世尊告曰梵志猶如有人強與他肉而作是說上夫可食當與我直梵志汝為諸梵志

說亦復如是。所以者何？梵志不自知為四種姓。施設四種自有財物為梵。志施設自有財物為刹利。居士工師施設自有財物如是。梵志我自善解。善知諸法為人施設。息止法滅訖法。覺道法善趣法施設自有財物。世尊問曰。梵志於意云何。頗有梵志於此虛空不著不縛不觸不尋。刹利居士自善解善知諸法為人施設。息止法滅訖法覺道法善趣法施設自有財物。世尊問曰。梵志於意云何。頗有梵志能行慈心無結无怨無恚无諍。刹利居士工師不然。耶鬱瘦歌邏梵志。答曰。瞿曇。梵志能行慈心無結无怨。无恚无諍。刹利居士工師亦然如是。無恚无諍。刹利居士工師亦然如是。梵志我自善解善知諸法為人施設。息止法滅訖法覺道法善趣法施設自有財物。世尊問曰。梵志於意云何。若百種人來或有一人而語彼曰。汝等共來。若有生刹利族梵志族者。唯

彼能持澡豆至水洗浴去垢極淨梵
志於意云何為剎利族梵志族者彼
能持澡豆至水洗浴去垢極淨耶為
居士族工師族者彼不能持澡豆至
水洗浴去垢極淨耶為一切百種人
皆能持澡豆至水洗浴去垢極淨耶
鬱瘦歌邏梵志答曰瞿曇彼一切百
種人皆能持澡豆至水洗浴去垢極
淨如是梵志我自善解善知諸法為
人施設息止法滅訖法覺道法善趣
法施設自有財物世尊問曰梵志於
意云何若百種人來或有一人而語
彼曰汝等共來若生剎利族梵志族
者唯彼能以極燖娑羅及栴檀木用
作火母以鑽鑽之生火長養梵志於
意云何為剎利族梵志族者彼能以
極燖娑羅及栴檀木用作火母以鑽
鑽之生火長養耶為居士族工師族
者彼當以燖睹狗槽伊蘭檀木及餘
弊木用作火母以鑽鑽之生火長養
耶為一切百種人皆能以若干種木
用作火母以鑽鑽之生火長養耶鬱
瘦歌邏梵志答曰瞿曇彼一切百種

人皆能以若干種木用作火母以鑽
鑽之生火長養如是梵志我自善解
善知諸法為人施設息止法滅訖法
覺道法善趣法施設自有財物世尊
問曰梵志於意云何若彼百種人皆
以若干種木用作火母以鑽鑽之生
火長養彼一切火皆有燄有色有熱
有光皆能作火事為彼火獨有燄有
色有熱有光能作火事耶為彼火獨无
燄無色无熱無光不能作火事耶為
彼一切火皆有燄有色有熱有光皆
能作火事耶瞿瘦歌邏梵志荅曰瞿
曇若百種人皆以若干種木用作火
母以鑽鑽之生火長養者彼一切火
皆有燄有色有熱有光皆能作火事
若彼火獨有燄有色有熱有光能為
火事者終無是處若彼火獨无燄無
色無熱无光不能為火事者亦無是
處但瞿曇彼一切火皆有燄有色有
熱有光皆能作火事如是梵志我自
善解善知諸法為人施設息止法滅
訖法覺道法善趣法施設自有財物
世尊問曰梵志於意云何若彼百種

人皆以若干種木用作火母以鑽鑽之生火長養彼或有人以煖草木著其火中生煖生色生熱生烟頗有煖色熱烟煖色熱烟而老別耶鬱瘦歌邏梵志答曰瞿曇若彼百種人皆以若干種木用作火母以鑽鑽之生火長養彼若有人以煖草木著其火中生煖生色生熱生烟我於彼火煖色熱烟煖色熱烟不能施設有老別也世尊告曰梵志如是我所得火所得不放逸能滅放逸及貢高慢我於此火火亦不能施設有老別也鬱瘦歌邏梵志白曰世尊我已知善逝我已解世尊我今自歸於佛法及比丘衆唯願世尊受我為優婆塞從今日始終身白歸乃至命盡佛說如是鬱瘦歌邏梵志聞佛所說歡喜奉行

鬱瘦歌邏經第九竟

三十五百八十五字

中阿含經阿攝起經第十

第三念誦

我聞如是一時佛遊舍衛國在勝林給孤獨園尔時衆多梵志於拘薩羅集在學堂共論此事梵志種勝餘者不如梵志種白餘者皆黑梵志得清

淨非梵志不得清淨梵志梵天子從
彼口生梵梵所化而沙門瞿曇說四
種姓皆悉清淨施設顯示彼作是念
諸賢為誰有力能至沙門瞿曇所則
以此事如法難詰彼復作是念阿攝
憍邏延多邴摩納為父母所舉受生
清淨乃至七世父母不絕種族生生
無惡博聞摠持誦過四典經深達因
緣正文戲五句說阿攝憍邏延多邴
摩納有力能至沙門瞿曇所則以此
事如法難詰諸賢可共詣阿攝憍邏
延多邴摩納所向說此事隨阿攝憍
邏延多邴摩納所說我等當受於是
拘薩羅衆多梵志即詣阿攝憍邏延
多邴摩納所共相問訊却坐一面語
曰摩納我等衆多梵志於拘薩羅集
在學堂共論此事梵志種勝餘者不
如梵志種白餘者皆黑梵志得清淨
非梵志不得清淨梵志梵天子從彼
口生梵梵所化而沙門瞿曇說四種
姓皆悉清淨施設顯示我等作是念
諸賢為誰有力能至沙門瞿曇所則
以此事如法難詰我等復作是念阿

攝想邏延多那摩納為父母所舉受
生清淨乃至七世父母不絕種族生
生無惡博聞持誦過四典經深達
因緣正文戲五句說阿攝想邏延多
那摩納有力能至沙門瞿曇所則以
此事如法難詰阿攝想邏延多那
摩納往詣沙門瞿曇所則以此事如
法難詰阿攝想邏延多那摩納語諸
梵志曰諸賢沙門瞿曇如法說法者
如法說法者不可難詰也拘薩羅衆
多梵志語曰摩納汝未有屈事未可
豫自伏所以者何阿攝想邏延多那
摩納為父母所舉受生清淨乃至七
世父母不絕種族生生無惡博聞持
持誦過四典經深達因緣正文戲五
句說阿攝想邏延多那摩納有力能
至沙門瞿曇所則以此事如法難詰
阿攝想邏延多那摩納往詣沙門
瞿曇所則以此事如法難詰阿攝想
邏延多那摩納為拘薩羅衆多梵志
默然而受於是阿攝想邏延多那摩
納與彼拘薩羅衆多梵志往詣佛所
共相問訊却坐一面白曰瞿曇欲有

所問聽我問耶世尊告曰摩納惣汝
所問阿攝惣邏延多那便問曰瞿曇
諸梵志等作如是說梵志種勝餘者
不如梵志種白餘者皆黑梵志得清
淨非梵志不得清淨梵志梵天子從
彼口生梵梵所化未知沙門瞿曇當
云何說世尊告曰我今問汝隨所解
答摩納頗聞餘尼及劍浮國有二種
姓大家及奴大家作奴奴作大家耶
阿攝惣邏延多那摩納答曰瞿曇我
聞餘尼及劍浮國有二種姓大家及
奴大家作奴奴作大家也如是摩納
梵志若正趣者彼得善解自知如法
剎利居士工師若正趣者亦得善解
自知如法阿攝惣邏延多那摩納白
曰瞿曇甚奇甚特使說此喻但諸梵
志作如是說梵志種勝餘者不如梵
志種白餘者皆黑梵志得清淨非梵
志不得清淨梵志梵天子從彼口生
梵梵所化世尊問曰摩納於意云何
頗獨有梵志於此虛空不著不縛不
觸不尋剎利居士工師為不然耶阿
攝惣邏延多那摩納答曰瞿曇梵志

於此虛空不著不縛不觸不碍剎利居士工師亦然如是摩納梵志若正趣者彼得善解自知如法剎利居士工師若正趣者亦得善解自知如法阿攝起遲延多那摩納白曰瞿曇甚奇甚特快說梵志種勝餘者不如梵志種白餘者皆黑梵志淨梵志梵天子從彼口生梵梵所化世尊問曰摩納於意云何頗獨有梵志能行慈心無結无怨無恚无諍剎利居士工師不然耶阿攝起遲延多那摩納答曰瞿曇梵志能行慈心無結无怨无恚無諍剎利居士工師亦然如是摩納梵志若正趣者彼得善解自知如法剎利居士工師若正趣者亦得善解自知如法阿攝起遲延多那摩納白曰瞿曇甚奇甚特快說此喻但諸梵志作如是說梵志種勝餘者不如梵志種勝餘者不如梵志種白餘者皆黑梵志得清淨非梵志不得清淨梵志梵天子從彼口生梵梵所化世尊問曰摩納於意云何若百種人來或有一人

而語彼曰汝等共來若生剎利族梵
志族者唯彼能持漆豆至水洗浴去
垢極淨摩納於意云何為剎利族梵
志族者彼能持漆豆至水洗浴去垢
極淨耶為居士族工師族者彼不能持
漆豆至水洗浴去垢極淨耶為一切
百種人皆能持漆豆至水洗浴去垢
極淨耶阿攝起邏延多邨摩納答曰
瞿曇彼一切百種人皆能持漆豆至
水洗浴去垢極淨如是摩納梵志若
正趣者彼得善解自知如法剎利居
士工師若正趣者亦得善解自知如
法阿攝起邏延多邨摩納白曰瞿曇
甚奇甚特使說此喻但諸梵志作如
是說梵志種勝餘者不如梵志種白
餘者皆黑梵志得清淨非梵志不得
清淨梵志梵天子從彼口生梵梵所
化世尊問曰摩納於意云何若百種
人來或有一人而語彼曰汝等共來
若生剎利族梵志族者唯彼能以極
燥婆羅及梅檀木用作火母以鑽鑽
之生火長養摩納於意云何為剎利
族梵志族者彼能以極燥婆羅及梅

檀木用作火母以鑽鑽之生火長養
耶為居士族工師族者彼當以燖脂
猶槽及伊蘭檀木及餘弊木用作火
母以鑽鑽之生火長養耶為一切百
種人皆能以若干種木用作火母以
鑽鑽之生火長養耶阿攝起還延多
那摩納答曰瞿曇彼一切百種人皆
能以若干種木用作火母以鑽鑽之
生火長養如是摩納梵志若正趣者
彼得善解自知如法剎利居士工師
若正趣者亦得善解自知如法阿攝
起還延多那摩納白曰瞿曇其奇甚
特快說此喻但諸梵志作如是說梵
志種勝餘者不如梵志種白餘者皆
黑梵志得清淨非梵志不得清淨梵
志梵天子從彼口生梵梵所化世尊
問曰摩納於意云何若彼百種人皆
以若干種木用作火母以鑽鑽之生
火長養彼一切火皆有燖有色有熱
有光皆能作火事為彼火獨有燖有
色有熱有光能作火事耶為彼火獨
無燖无色無熱无光不能作火事耶
為彼一切火皆有燖有色有熱有光

皆能作火事耶阿攝起邏延多那摩
納白曰瞿曇若彼百種人皆以若干
種木用作火母以鑽鑽之生火長養
者彼一切火皆有燠有色有熱有光
皆能作火事若彼火獨有燠有色有
熱有光能為火事者終無是處若彼
火獨無燠无色無熱無光不能為火
事者亦無是處瞿曇但彼一切火皆
有燠有色有熱有光皆能作火事如
是摩納梵志若正趣者彼得善解自
知如法剎利居士工師若正趣者亦
得善解自知如法阿攝起邏延多那
摩納白曰瞿曇其奇其特快說此喻
但諸梵志作如是說梵志種勝餘者
不如梵志種白餘者皆黑梵志得清
淨非梵志不得清淨梵志梵天子從
彼口生梵梵所化世尊告曰摩納若
此身隨所生者即彼之數若生梵志
族者即梵志族數若生剎利居士工
師族者即工師族數摩納猶如火
隨所生者即彼之數若因木生者即
木火數若因草糞薪生者即薪火數
如是摩納此身隨所生者即彼之數

若生梵志族者即梵志族數若生刹

利居士工師族者即工師族數世尊

問曰摩納於意云何若刹利女與梵

志男共合會者彼因合會後便生子

或似父或似母或不似父母汝云何

說彼為刹利為梵志耶阿攝想邏延

多那摩納答曰瞿曇刹利女與梵志

男共合會者彼因合會後便生子或

似父或似母或不似父母我不說彼

刹利亦不說梵志瞿曇我但說彼他

身如是摩納此身隨所生者即彼之

數若生梵志族者即梵志族數若生

刹利居士工師族者即工師族數世

尊問曰摩納若梵志女與刹利男共

合會者彼因合會後便生子或似父

或似母或不似父母汝云何說彼為

梵志為刹利耶阿攝想邏延多那摩

納答曰瞿曇梵志女與刹利男共合

會者彼因合會後便生子或似父或

似母或不似父母我不說彼梵志亦

不說刹利瞿曇我但說彼他身如是

摩納此身隨所生者即彼之數若生

梵志族者即梵志族數若生刹利居

士工師族者即工師族數世尊問曰
摩納於意去何若人有眾多草馬放
一父驢於中一草馬與父驢共合會
彼因合會後便生駒汝云何說彼為
驢為馬耶阿攝起邏延多那摩納答
曰瞿曇若有馬與驢共合會彼因合
會後便生駒我不說彼驢亦不說馬
瞿曇我但說彼驢也如是摩納若此
身隨所生者即彼之數若生梵志族
者即梵志族數若生刹利居士工師
族者即工師族數世尊告曰摩納乃
往昔時有眾多仙人共住無事高處
生如是惡見梵志種勝餘者不如梵
志種白餘者皆黑梵志得清淨非梵
志不得清淨梵志梵天子從彼口生
梵梵所化於是阿私羅仙人提鞞邏
聞眾多仙人共住無事高處生如是
惡見已著袈裟衣以袈裟巾裹頭拄
杖持繖著白衣變不從門入至仙人
住處靜室經行於是共住無事高處
有一仙人見阿私羅仙人提鞞邏著
袈裟衣以袈裟巾裹頭拄杖持繖著
白衣變不從門入至仙人住處靜室

經行見已往詣共住無事高處衆多
仙人所便作是語諸賢今有一人著
袈裟衣以袈裟巾裹頭拄杖持繖著
白衣變不從門入至仙人住處靜室
經行我等寧可共往呪之汝作灰汝
作灰耶於是共住無事高處衆多仙
人即往詣彼阿私羅仙人提鞞邏所
到已共呪汝作灰汝作灰如其呪法
呪之汝作灰汝作灰者如是如是光
顏益好身體悅澤彼衆多仙人便作
是念我等本呪汝作灰汝作灰者彼
即作灰我今呪此人汝作灰汝作灰我
等如其呪法呪此人此人光顏益好
身體悅澤我寧可問即便問之汝為
是誰阿私羅仙人提鞞邏答曰諸賢
汝等頗聞有阿私羅仙人提鞞邏耶
答曰聞有阿私羅仙人提鞞邏復語
曰我即是也彼衆多仙人即共辭謝
阿私羅仙人提鞞邏曰願為忍恕願
為忍恕我等不知尊是阿私羅仙人
提鞞邏耳於是阿私羅仙人提鞞邏
語諸仙人曰我已相恕汝等實生惡
見梵志種勝餘者不如梵志種白餘

者皆黑梵志得清淨非梵志不得清淨梵志梵天子從彼口生梵梵所化彼諸仙人答曰如是阿私羅復問諸仙人曰汝等為自知已父耶彼諸仙人答曰知也彼梵志取梵志婦非非梵志彼父復父乃至七世父彼梵志取梵志婦非非梵志阿私羅復問諸仙人曰汝等為自知已母耶彼諸仙人答曰知也彼梵志取梵志夫非非梵志彼母復母乃至七世母彼梵志取梵志夫非非梵志阿私羅復問諸仙人曰汝等頗自知受胎耶彼諸仙人答曰知也以三事等合會受胎父母合會無滿堪耐香陰已至阿私羅此事等會入於母胎阿私羅復問諸仙人曰頗知受生為男為女知所從來為從剎利族來梵志居士工師族來耶為從東方南方西方北方來耶彼諸仙人答曰不知阿私羅復語彼仙人曰諸賢不見不知此者汝等不知受胎誰從何處來為男為女為從剎利來梵志居士工師來為從東方南方西方北方來然作是說梵志種

勝餘者不如梵志種白餘者皆黑梵志得清淨非梵志不得清淨梵志梵天子從彼口生梵梵所化摩納彼住無事高處衆多仙人為阿私羅仙人提鞞邏如是善教善訶不能施設清淨梵志况汝師徒者皮草衣於是阿攝起邏延多那摩納為世尊面訶詰噴內懷愁戚低頭默然失辯无言於是世尊面訶詰噴阿攝起邏延多那摩納已復令歡悅即便告曰摩納有一梵志作齋行施彼有四兒二好學問二不學問於摩納意云何彼梵志為先施誰第一座第一澡水第一食耶阿攝起邏延多那摩納荅曰瞿曇若彼梵志其有二兒好學問者必先施彼第一座第一澡水第一食也世尊復問曰摩納復有一梵志作齋行施彼有四兒二好學問然不精進喜行惡法二不學問然好精進喜行妙法於摩納意云何彼梵志為先施誰第一座第一澡水第一食耶阿攝起邏延多那摩納荅曰瞿曇若彼梵志其有二兒雖不學問而好精進喜行

妙法者必先施彼第一座第一澡水
第一食也世尊告曰摩納汝先稱歎
學問後稱歎持戒摩納我說四種姓
皆悉清淨施設顯示汝亦說四種姓
皆悉清淨施設顯示於是阿攝起邏
延多那摩納即從坐起欲稽首佛足
今時彼大衆唱高大音聲沙門瞿曇
甚奇甚特有大如意足有大威德有
大福祐有大威神所以者何如沙門
瞿曇說四種姓皆悉清淨施設顯示
令阿攝起邏延多那摩納亦說四種
姓皆悉清淨今時世尊知彼大衆心
之所念告曰止止阿攝起邏延多那
但心喜足可還復坐我當為汝說法
阿攝起邏延多那摩納稽首佛足却
坐一面世尊為彼說法勸發渴仰成
就歡喜無量方便為彼說法勸發渴
仰成就歡喜已默然而住於是阿攝
起邏延多那摩納佛為說法勸發渴
仰成就歡喜已即從坐起稽首佛足
遶三匝而去是時拘薩羅衆多梵志
還去不遠種種言語責數阿攝起邏
延多那欲何等作欲伏沙門瞿曇而

反為沙門瞿曇所降伏還猶如有人
為眼入林中而反失眠還阿攝起邏
延多那汝亦如是欲伏沙門瞿曇而
反為沙門瞿曇所降伏還猶如有人
為飲入池而反渴還阿攝起邏延多
那汝亦如是欲伏沙門瞿曇而反為
沙門瞿曇所降伏還阿攝起邏延多
那欲何等作於是阿攝起邏延多那
摩納語拘薩羅衆多梵志曰諸賢我
前已說沙門瞿曇如法說法若如法
說法者不可難詰也佛說如是阿攝
起邏延多那摩納聞佛所說歡喜奉行
阿攝起經第十竟

四千四百
一十三字

中阿含經卷第三十七

八千四百
二十字

中阿含經梵志品第二竟

二万五千一
百九十八字

癸卯歲高麗國大藏都監奉
勅彫造

中阿含經卷第三十八

與

東晉劉宋三藏聖僧伽提之譯

梵志品第一

有十一經

第四品諸名分別

有三品半合有二十五經

鸚鵡鬚闍提 婆羅婆達堂 須達梵波羅
黃蘆園頭那 阿伽羅訶那 阿園那梵摩
中阿含梵志品鸚鵡經第一 第三念誦

我聞如是一時佛遊王舍城在竹林
加蘭哆園尔時鸚鵡摩納都題子少
有所為往至王舍城寄宿居士家於
是鸚鵡摩納都題子問所寄宿居士
曰頗有沙門梵志宗主衆師統領大
衆為人所尊令我隨時往見奉敬儻
能因此敬奉之時得歡喜耶居士答
曰有也天愛沙門瞿曇釋種子捨釋
宗族剝除鬚髮著袈裟衣至信捨家
無家學道覺無上正盡覺天愛自可
隨時往見詣彼奉敬或能因此奉敬
之時心得歡喜鸚鵡摩納即復問曰
沙門瞿曇今在何處我欲見之居士
答曰沙門瞿曇在此王舍城竹林加
蘭哆園便可往見於是鸚鵡摩納從
所寄宿居士家出往詣竹林加蘭哆

園鸚鵡摩訶遙見世尊在樹林間端
政姝好猶星中月光耀燁燁晃若金
山相好具足威神巍巍諸根寂定無
有蔽碍成就調御息心靜默見已便
前往詣佛所共相問訊却坐一面白
曰瞿曇欲有所問聽乃敢陳世尊告
曰恣汝所問鸚鵡摩訶問曰瞿曇如
我所聞若在家者便得善解則知如
法出家學道者則不然也我問瞿曇
此事云何世尊告曰此事不定鸚鵡
摩訶白曰瞿曇願今為我分別此事
世尊告曰摩訶諦聽善思念之我當
為汝具分別說鸚鵡摩訶受教而聽
佛言摩訶若有在家及出家學道行
邪行者我不稱彼所以者何若有在
家及出家學道行邪行者不得善解
不知如法是故摩訶若有在家及出
家學道行邪行者我不稱彼摩訶若
有在家及出家學道行正行者我稱
說彼所以者何若有在家及出家學
道行正行者必得善解則知如法是
故摩訶若有在家及出家學道行正
行者我稱說彼摩訶我如是說說此

二法如是分別如是顯示若有沙門
梵志有力堅固深入一向專著而說
此為真諦餘者虛妄鸚鵡摩訶白曰
瞿曇如我所聞若在家者便有大利
有大功德出家學道者則不然也我
問瞿曇此事云何世尊告曰此事不
定鸚鵡摩訶白曰瞿曇願復為我分
別此事世尊告曰摩訶諦聽善思念
之我當為汝具分別說鸚鵡摩訶受
教而聽佛言摩訶若在家者有大災
患有大鬪諍有大怨憎行邪行者不
得大果無大功德猶如田作有大災
患有大鬪諍有大怨憎行邪行者不
得大果無大功德如是摩訶若在家
者亦復如是摩訶出家學道少有災
患少有鬪諍少有怨憎行邪行者不
得大果無大功德猶如治生少有災
患少有鬪諍少有怨憎行邪行者不
得大果無大功德如是摩訶出家學
道亦復如是摩訶若在家者有大災
患有大鬪諍有大怨憎行正行者得
大果報有大功德猶如田作有大災
患有大鬪諍有大怨憎行正行者得

大果報有大功德如是摩訶若在家者亦復如是摩訶出家學道少有災患少有鬭諍少有怨憎行正行者得大果報有大功德猶如治生少有災患少有鬭諍少有怨憎行正行者得大果報有大功德如是摩訶出家學道亦復如是摩訶我如是說說此二法如是分別如是顯示若有沙門梵志有力堅固深入一向專著而說此為真諦餘者虛妄鸚鵡摩訶白曰瞿曇彼諸梵志施設五法有大果報有大功德作福得善世尊告曰若諸梵志施設五法有大果報有大功德作福得善汝在此衆今可說耶鸚鵡摩訶納白曰瞿曇我無不可所以者何瞿曇於今現坐此衆世尊告曰汝便可說鸚鵡摩訶納白曰瞿曇善聽瞿曇梵志施設第一真諦法有大果報有大功德作福得善第二誦習第三熱行第四苦行瞿曇梵志施設第五梵行有大果報有大功德作福得善世尊告曰若有梵志施設五法有大果報有大功德作福得善彼梵志中頗有

一梵志作如是說我此五法於現法

中自知自覺自作證已施設果耶鸚

鵝摩納白世尊曰無也瞿曇世尊告

曰頗有師及祖師至七世父母作如

是說我此五法於現法中自知自覺

自作證已施設果耶鸚鵝摩納白世

尊曰無也瞿曇今時世尊問曰摩納

若昔有梵志壽終命過誦持經書流

布經書誦習典經一日夜吒二日婆

摩三日婆摩提婆四日毗奢蜜哆羅

五日夜婆陀捷尼六日應疑羅婆七

日婆私吒八日迦葉九日婆羅婆十

日婆想謂今諸梵志即彼具經誦習

持學彼頗作是說我此五法於現法

中自知自覺自作證已施設果耶鸚

鵝摩納白世尊曰無也瞿曇但諸梵

志因信受持世尊告曰若於諸梵志

無一梵志而作是說我此五法於現

法中自知自覺自作證已施設果報

亦無師及祖師乃至七世父母而作

是說我此五法於現法中自知自覺

自作證已施設果報若昔有梵志壽

終命過誦持經書流布經書誦習典

經一日夜吒二日婆摩三日婆摩提
婆四日毗奢塞多邏五日夜婆陀提
尼六日應疑羅婆七日婆私吒八日
迦葉九日婆羅婆十日婆起謂今諸
梵志即彼具經誦習持學彼無作是
說我此五法於現法中自知自覺自
作證已施設果報摩納彼諸梵志不
以此故於信向中無根本耶鸚鵡摩
納白曰瞿曇實無根本但諸梵志聞
已受持世尊告曰猶衆盲見各相扶
持彼在前者不見於後亦不見中彼
在中者不見於前亦不見後彼在後
者不見於中亦不見前摩納所說諸
梵志輩亦復如是摩納前說信而後
復說聞鸚鵡摩納瞋恚世尊憎嫉不
悅誹謗世尊拍撻世尊罵詈世尊應
誹謗瞿曇應拍瞿曇應隨瞿曇語世
尊曰有一梵志名弗袞沙婆羅姓直
清淨化彼作是說若有沙門梵志於
人上法有知有見現我得者我聞是
已便大笑之意不相可虛妄不真亦
不如法云何人生人中自說得人上
法若於人上法言我知我見者此事

不然於是世尊便作是念鸚鵡摩納都題子瞋恚於我憎嫉不悅誹謗於我拍撻於我罵詈於我應誹謗瞿曇應拍瞿曇應隨瞿曇而語我曰瞿曇有梵志名弗袈沙袈沙羅姓直清淨化彼作是說若有沙門梵志於人上法有知有見現我得者我聞是已便大笑之意不相可虛妄不真亦不如法云何人生人中自說得人上法若於人上法言我知我見者此事不然世尊知已告曰摩納梵志弗袈沙袈沙羅姓直清淨化彼知一切沙門梵志心之所念然後作是說若有沙門梵志於人上法有知有見現我得者我聞是已便大笑之意不相可虛妄不真亦不如法云何人生人中自說得人上法若於人上法言我知我見者此事不然耶鸚鵡摩納答曰瞿曇梵志弗袈沙袈沙羅姓直清淨化自有一婢名曰不尼尚不能知心之所念況復欲知一切沙門梵志心之所念耶若使知者終無是處世尊告曰猶人生盲彼作是說无黑白色亦無見黑白色

者無好惡色亦無見好惡色無長短
色亦無見長短色無近遠色亦無見
近遠色無麤細色亦無見麤細色我
初不見不知是故无色彼生盲人作
如是說為真實耶鵬鵠摩納荅世尊
曰不也瞿曇所以者何有黑白色亦
有見黑白色者有好惡色亦有見好
惡色有長短色亦有見長短色有近
遠色亦有見近遠色有麤細色亦有
見麤細色若言我初不見不知是故
無色彼生盲人作是說者為不真實
摩納梵志弗袞袞沙袞羅姓直清淨化
彼所說者非如生盲無目人耶鵬鵠
摩納荅世尊曰如盲瞿曇世尊告曰
摩納於意云何若昔有梵志壽終命
過誦持經書流布經書誦習典經謂
商伽梵志生聞梵志弗袞袞沙袞羅梵
志及汝父都題若彼所說可不可有
真無真有高有下耶鵬鵠摩納荅世
尊曰若昔有梵志壽終命過誦持經
書流布經書誦習典經謂商伽梵志
生聞梵志弗袞袞沙袞羅梵志及我父
都題彼所說者於我意者欲今可莫

今不可欲令真莫令不真欲令高莫
令下彼時世尊問曰摩納梵志弗袞
袞袞羅姓直清淨化彼所說者非為
不可無有可耶非為不真無有真耶
非為至下無有高耶鸚鵡摩納荅世
尊曰實尔瞿曇復次摩納有五法作
障尋作覆蓋作盲無目能滅智慧唐
自疲勞不得涅槃云何為五摩納欲
第一法作障尋作覆蓋作盲无目能
滅智慧唐自疲勞不得涅槃摩納恚
身見戒取疑第五法作障尋作覆蓋
作盲無目能滅智慧唐自疲勞不得
涅槃摩納於意云何為此五法之所
障尋覆蓋陰纏彼若欲觀自義觀他
義觀俱義及知一切沙門梵志心之
所念者終無是處摩納梵志弗袞袞
袞羅姓直清淨化為欲所染欲所穢
染欲觸欲猗者於欲入於欲中不見
灾患不知出要而行於欲彼為此五
法之所障尋覆蓋陰纏彼若欲觀自
義觀他義觀俱義及知一切沙門梵
志心之所念者終無是處復次摩納
有五欲功德愛念意樂彼有愛色欲

相應甚可於樂云何為五目知色耳知聲鼻知香舌知味身知觸摩納於意云何衆生因此五欲功德故生樂生喜不復是過耶鸚鵡摩納白世尊曰如是瞿曇世尊問曰摩納於意云何若因草木而然火及離草木而然火何者光燄取上取妙取勝耶鸚鵡摩納白曰瞿曇若離草木而然火者終無是處唯有如意足力瞿曇若離草木而然火者彼光燄取上取妙取勝世尊告曰如是如是摩納若離草木而然火者終無是處唯有如意足力若離草木而然火者彼光燄取上取妙取勝我今假說摩納如因草木而然火者如是衆生所生喜樂謂因欲惡不善之法不得捨樂及於止息摩納如離草木而然火者如是衆生所生捨樂謂因離欲從諸善法而得捨樂及於止息世尊告曰摩納於意云何有一梵志作齋行施或從東方有剎利童子來彼作是說我於其中得第一座第一澡水第一飲食彼於其中不得第一座第一澡水第一飲食

食便生怨恨而懷憎嫉或從南方有
梵志童子來彼作是說我於其中得
淨妙食彼於其中不得淨妙食便生
怨恨而懷憎嫉或從西方有居士童
子來彼作是說我於其中得豐饒食
彼於其中不得豐饒食便生怨恨而
懷憎嫉或從北方有工師童子來彼
作是說我於其中得豐足食彼於其
中不得豐足食便生怨恨而懷憎嫉
摩納彼諸梵志行如是施施設何等
報耶鸚鵡摩納白曰瞿曇梵志不如
是心行於布施使他生怨恨而懷憎
嫉瞿曇當知梵志以愍傷心而行於
施以愍傷心而行施已便得大福世
尊告曰摩納梵志非為施設第六法
有大果報有大功德作福得善耶鸚
鵡摩納答世尊曰如是瞿曇世尊問
曰摩納若有梵志施設五法有大果
報有大功德作福得善汝見此法多
在何處為在家耶為出家學道耶鸚
鵡摩納答曰瞿曇若有梵志施設五
法有大果報有大功德作福得善我
見此法多在出家學道非在家也所

以者何在家者多事多有所作多有結恨多有憎諍彼不能得守護誠諦瞿曇出家學道者少事少有所作少有結恨少有憎諍彼必能得守護誠諦瞿曇彼誠諦者我見多在出家學道非在家也所以者何在家者多事多有所作多有結恨多有憎諍彼不得行施不得誦習不得行苦行不得行梵行瞿曇所作少有結恨少有憎諍彼得行施彼得誦習得行苦行得行梵行瞿曇行梵行者我見此法多在出家學道非在家也世尊告曰摩納若有梵志施設五法有大果報有大功德作福得善者我說是從心起云何為心若心無結无怨無恚无諍為修彼故摩納於意云何若有比丘守護誠諦者彼因守護誠諦故得喜得悅摩納若有喜及悅善善相應我說是從心起云何為心若心無結无怨無恚无諍為修彼故如是彼得行施彼得誦習得行苦行得行梵行彼因行梵行故得喜得悅摩納若有喜及悅善善相

應我說是從心起云何為心若心無
結無怨無恚無諍彼心與慈俱遍滿
一方成就遊如是二三方四維上
下普周一切心與慈俱無結無怨無
恚無諍極廣甚大無量善修遍滿一
切世間成就遊如是悲喜心與捨俱
無結無怨無恚無諍極廣甚大無量
善修遍滿一切世間成就遊摩納猶
如有人善吹於螺彼若有方未曾聞者
彼於夜半而登高山極力吹螺出微
妙聲遍滿四方如是比丘心與慈俱
遍滿一方成就遊如是二三方四
維上下普周一切心與慈俱無結無
怨無恚無諍極廣甚大無量善修遍
滿一切世間成就遊如是悲喜心與
捨俱無結無怨無恚無諍極廣甚大
無量善修遍滿一切世間成就遊摩納
於意云何若有求天要求天上故便
行貪伺相應心令我作天及餘天若
有求天要求天上故便無結無怨無
恚無諍無量極廣善修心定意解遍
滿成就遊令我作天及餘天汝觀於
彼誰得作天及餘天耶鵲鵲摩納答

口瞿曇若以求天要求天上故便無結無怨無恚無諍無量極廣善修心定意解遍滿成就遊者我觀於彼必得作天或餘天也世尊問曰摩訶那伽便行貪伺相應心令我作梵天及餘梵天若有求梵天要求梵天上故便無結無怨無恚無諍無量極廣善修心定意解遍滿成就遊令我作梵天及餘梵天汝觀於彼誰得作梵天及求梵天要求梵天上故便無結無怨無恚無諍無量極廣善修心定意解遍滿成就遊者我觀於彼得作梵天或餘梵天鵲摩訶那伽問曰瞿曇知梵道跡耶世尊告曰摩訶那伽我今問汝隨所解答摩訶那伽於意云何那伽歌邏村去此衆不遠耶鵲摩訶那伽答曰不遠世尊告曰摩訶那伽於意云何汝於此衆告一人口汝往至彼那伽歌邏村到便即還彼受汝教速疾往至那伽歌邏村到便即還彼往返已汝問道路謂於那伽歌邏村往返出入事彼人

寧住不能答耶鸚鵡摩訶答世尊曰
不也瞿曇世尊告曰摩訶彼人往返
於那羅歌邏村問道路事乃可得住
而不能答若問如來無所著等正覺
梵道跡者終不暫是住而不能答鸚鵡
摩訶白世尊曰沙門瞿曇無著天祠
此事具足謂問梵道跡能速答故世
尊我已知善逝我已解世尊我今自
歸於佛法及比丘衆唯願世尊受我
為優婆塞從今日始終身自歸乃至
命盡佛說如是鸚鵡摩訶聞佛所說
歡喜奉行

鸚鵡經第一竟

四千五百
六十一字

中阿含梵志品鬚閑提經第二

鬚閑提
第別論

我聞如是一時佛遊拘樓瘦在婆羅
婆第一靜室坐於草座今時世尊過
夜平旦著衣持鉢入銅摩瑟曇次第
乞食食訖中後還舉衣鉢澡洗手足
以尼師檀著於肩上往詣一林至晝
行處今時世尊入於彼林至一樹下
敷尼師檀結加趺坐於是鬚閑提異
學中後彷徨往詣婆羅婆第一靜室
鬚閑提異學遙見婆羅婆第一靜室

有有草座一脇卧處似師子卧似沙
門卧似梵行卧鬚閑提異學見已問
曰婁羅婆第一靜室誰有此草座一
脇卧處似師子卧似沙門卧似梵行
卧婁羅婆梵志答曰鬚閑提有沙門
羅曇釋種子捨釋宗族剗除鬚閑者
采浣衣至信捨家無家學道覺無上
正盡覺彼第一靜室有此草座一脇
卧處似師子卧似沙門卧似梵行卧
鬚閑提異學語曰婁羅婆我今不可
見見不可聞聞謂我見沙門羅曇卧
處所以者何彼沙門羅曇壞敗地壞
敗地者無可用也婁羅婆語曰鬚閑
提汝不應以此事罵彼沙門羅曇所
以者何彼沙門羅曇多有慧刹刹慧
梵志慧居士慧沙門慧若說慧者皆
得聖智鬚閑提我欲以此義向彼沙
門羅曇說為可余不鬚閑提語曰婁
羅婆若欲說者則隨汝意我無所違
婁羅婆若見沙門羅曇者我亦說此
義所以者何彼沙門羅曇敗壞地敗
壞地者無可用也余時世尊在耆行
處以淨大耳出過於人聞婁羅婆梵

志與鬚閑提異學共論此事世尊聞已則於晡時從燕坐起往詣婆羅婆梵志第一靜室於草座上敷尼師檀結加趺坐婆羅婆梵志遙見世尊在樹林間端政姝好猶星中月光耀燁晬晃若金山相好具足威神巍巍諸根寂定無有蔽碍成就調御息心靜默見已進前往詣佛所共相問訊却坐一面世尊問曰婆羅婆與鬚閑提異學共論此草坐處耶婆羅婆梵志荅世尊曰如是瞿曇我亦欲以此事向沙門瞿曇說然沙門瞿曇未說已自知所以者何以如來無所著等正覺故世尊與婆羅婆梵志共論此事鬚閑提異學於後徬徬往詣婆羅婆第一靜室世尊遙見鬚閑提異學來已而作是說鬚閑提不調御眼根不密守護而不修者必受苦報彼於沙門瞿曇善自調御善密守護而善修者必得樂報鬚閑提汝因此故說沙門瞿曇敗壞地敗壞地者无可用耶鬚閑提異學荅世尊曰如是瞿曇鬚閑提如是耳鼻舌身根不調御意根

不密守護而不修者必受苦報彼於沙門瞿曇善自調御善密守護而善修者必得樂報鬚闍提汝因此故說沙門瞿曇敗壞地敗壞地者無可用耶鬚闍提異學答世尊曰如是瞿曇世尊問曰鬚闍提於意云何若人本未出家學道彼眼知色愛念意樂可欲相應彼於後時捨眼知色剗除鬚髮著袈裟衣至信捨家無家學道彼眼知色習滅味患出要見如真內息心遊行彼若見人未離色欲為色愛所食為色熱所熱彼眼知色愛念意樂可欲相應行時見已不稱彼不樂彼鬚闍提於意云何若有此樂因愛因色樂此樂時薄賤故不稱彼薄賤故不樂彼鬚闍提寧可於彼有所說耶答世尊曰不也瞿曇鬚闍提於意云何若人本未出家學道如是耳知聲鼻知香舌知味身知觸愛念意樂可欲相應彼於後時捨身知觸剗除鬚髮著袈裟衣至信捨家無家學道彼身知觸習滅味患出要見如真內息心遊行彼若見人未離觸欲為觸

愛所食為觸熱所熱彼身知觸愛念意
樂可欲相應行時見已不稱彼不樂彼
鬚閉提於意云何若有見此樂因愛因
觸樂此樂時薄賤故不稱彼薄賤故
不樂彼鬚閉提寧可於彼有所說耶
答世尊曰不也瞿曇世尊問曰鬚閉
提於意云何若人本未出家學道五
欲功德愛念意樂可欲相應彼於後
時捨立欲功德剝除鬚鬚著袈裟衣
至信捨家無家學道彼五欲功德習
滅味患出要見如真內息心遊行彼
若見人未離欲為欲愛所食為欲熱
所熱五欲功德愛念意樂可欲相應
行時見已不稱彼不樂彼鬚閉提於
意云何若有此樂因欲因欲愛樂此
樂時薄賤故不稱彼薄賤故不樂彼
鬚閉提寧可於彼有所說耶答世尊
曰不也瞿曇鬚閉提我本未出家學
道時得五欲功德易不難得愛念意
樂可欲相應我於後時捨五欲功德
剝除鬚鬚著袈裟衣至信捨家无家
學道彼五欲功德習滅味患出要見
如真內息心遊行我見人未離欲
為欲愛所食為欲熱所熱五欲功德

愛念意樂可欲相應行時見已我不
稱彼我不樂彼鬚閑提於意云何若
有此樂因欲因欲愛樂此樂時薄賤
故我不稱彼薄賤故我不樂彼鬚閑
提寧可於我有所說耶答世尊曰不
也瞿曇世尊告曰鬚閑提猶如居士
居士子極大富樂資財無量多諸畜
牧封戶食邑諸生沽具種種豐饒彼
得五欲易不難得彼成就身妙行口
意妙行臨死之時不樂捨五欲功德
身壞命終後昇善處得生天上具足
行五欲功德鬚閑提此天及天子寧
當捨天五欲功德樂人間欲歡喜念
耶答世尊曰不也瞿曇所以者何人
間欲者臭處不淨意甚穢惡而不可
向憎諍極苦瞿曇於人間欲天欲取
上取妙取勝若彼天及天子捨於天
上五欲功德樂人間欲歡喜念者終
無是處如是鬚閑提我斷人間欲度
於天欲剃除鬚髮著袈裟衣至信捨
家無家學道彼五欲功德習滅味患
出要見如真內息心遊行我見人未
離欲為欲愛所食為欲熱所熱五欲

功德愛念意樂可欲相應行時見已
我不稱彼我不樂彼鬚閑提於意云
何若有此樂因欲因欲愛樂此樂時
薄賤故我不稱彼薄賤故我不樂彼
鬚閑提寧可於我有所說耶荅世尊
曰不也瞿曇世尊告曰鬚閑提猶人
病癩身體爛熟為重所食爪搯瘡開
臨火坑炙鬚閑提於意云何若病癩
人身體爛熟為重所食爪搯瘡開臨
火坑炙如是寧得除病有力不壞諸根
為脫癩病身體完健平復如故還本
所耶荅世尊曰不也瞿曇所以者何
若病癩人身體爛熟為重所食爪搯
瘡開臨火坑炙如是更生瘡轉增多
本瘡轉大然彼反以癩瘡為樂鬚閑
提如病癩人身體爛熟為重所食爪
搯瘡開臨火坑炙如是更生瘡轉增
多本瘡轉大然彼反以癩瘡為樂鬚
閑提如是衆生未離欲為欲愛所食
為欲熱所熱而行於欲鬚閑提如是
衆生未離欲為欲愛所食為欲熱所
熱而行於欲如是欲轉增多欲愛轉
廣然彼反以欲愛為樂彼若不斷欲

不離欲愛內息心已行當行今行者
終無是處所以者何此非道理斷欲
離欲愛謂行於欲世尊告曰鬚闍提
猶王及大臣得五所欲易不難得彼
若不斷欲不離欲愛內息心已行當
行今行者終無是處所以者何此非
道理斷欲離欲愛謂行於欲如是鬚
闍提衆生未離欲為欲愛所食為欲
熱所熱而行於欲鬚闍提若衆生未
離欲為欲愛所食為欲熱所熱而行
欲者如是欲轉增多欲愛轉廣然彼
反以欲愛為樂彼若不斷欲不離欲
愛內息心已行當行今行者終无是
處所以者何此非道理斷欲離欲愛
謂行於欲鬚闍提猶病癩人身體爛
熟為重所食爪搥瘡開臨火坑炙有
人為彼憐念慰傷求利及饒益求安
隱快樂與如其像好藥與如其像好
藥已除病得力不壞諸根已脫癩病
身體完健平復如故更還本所彼若
見人有癩病者身體爛熟為重所食
以爪搥瘡開臨火坑炙鬚闍提彼人
見已寧復意樂稱譽喜耶答世尊曰

不也瞿曇所以者何有病須藥无病
不須鬚閑提於意云何若彼癩人除
病得力不壞諸根已脫癩病身體完
健平復如故更還本所有二力士強
捉彼人臨火坑炙彼於其中惴惶迴
避身生重熱鬚閑提於意云何此火
坑者於今更熱大苦可患甚於本耶
荅世尊曰不也瞿曇其本病癩身體
爛熟為重所食爪搔瘡開臨火坑炙
彼於苦大樂更樂想其心迷乱有顛
倒想瞿曇彼人於今除病得力不壞
諸根已脫癩病身體完健平復如故
更還本所彼於苦大苦更樂想其心
泰然無顛倒想鬚閑提如病癩人身
體爛熟為重所食爪搔瘡開臨火坑
炙彼於苦大樂更樂想其心迷乱有
顛倒想如是鬚閑提衆生不離欲為
欲愛所食為欲熱所熱而行於欲彼
於苦欲有樂欲想其心迷乱有顛倒
想鬚閑提猶如彼人除病得力不壞
諸根已脫癩病身體完健平復如故
更還本所彼於苦大苦更樂想其心
泰然無顛倒想如是鬚閑提我於苦

欲有苦欲想得如真實無顛倒想所以者何鬚閑提過去時欲不淨臭處意甚穢惡而不可向憎諍苦更觸未來現在欲亦不淨臭處意甚穢惡而不可向憎諍苦更觸鬚閑提如來无所著等正覺說無病第一利涅槃第一樂鬚閑提異學白世尊曰瞿曇我亦曾從耆舊尊德長老久學梵行所聞無病第一利涅槃第一樂鬚閑提若汝曾從耆舊尊德長老久學梵行所聞無病第一利涅槃第一樂鬚閑提何者無病何者涅槃耶於是鬚閑提異學身即是病是癱是箭是蛇是無常是苦是空是非神以兩手按摸而作是說瞿曇此是无病此是涅槃世尊語曰鬚閑提猶如生盲從有目人聞其所說白淨無垢白淨無垢彼聞此已便求白淨有諠誑人而不為彼求利及饒益未安隱使樂則以垢膩不淨之衣持往語曰汝當知之此是白淨無垢之衣汝以兩手敬受被身彼盲子喜即以兩手敬受被身而作是說白淨無垢白淨無

垢鬚閑提彼人為自知說為不知說
為自見說為不見說鬚閑提異學答
曰瞿曇如是說者實不知見世尊語
曰如是鬚閑提如盲無目身即是病
是癱是箭是蛇是無常是苦是空是
非神以兩手技摸而作是說瞿曇此
是無病此是涅槃鬚閑提汝尚不識
於無病何況知見於涅槃耶言知見
者終無是處鬚閑提如來無所著等
正覺說

無病第一利 涅槃第一樂 諸道入正道
住安隱甘露

彼衆多人並共聞之衆多異學聞此
偈已展轉相傳不能知義彼既聞已
而欲求教彼並愚癡還相欺誑彼自
現身四大之種從父母生飲食所長
常覆按摩澡浴強忍破壞磨滅離散
之法然見神受神緣受則有緣有則
生緣生則老死緣老死則愁感啼哭
憂苦懊惱如是此生純大苦陰於是
鬚閑提異學即從坐起偏袒著衣叉
手向佛白曰瞿曇我今極信沙門瞿
曇唯願瞿曇善為說法令我得知此

是無病此是涅脥世尊告曰鬚闍提
若汝聖慧眼未淨者我為汝說无病
涅脥終不能知唐煩勞我鬚闍提猶
生盲人因他往語汝當知之此是青
色黃赤白色鬚闍提彼生盲人頗因
他說知是青色黃赤白色耶答世尊
白不也瞿曇如是鬚闍提若汝聖慧
眼未淨者我為汝說無病涅脥終不
能知唐煩勞我鬚闍提我為汝說如
其像妙藥令未淨聖慧眼而得清淨
鬚闍提若汝聖慧眼得清淨者汝便
自知此是無病此是涅脥鬚闍提猶
生盲人有諸親親為彼慈愍求利及
饒益求安隱快樂故為求眼醫彼眼
醫者與種種治或吐或下或灌於鼻
或復灌下或刺其脉或令淚出鬚闍
提儻有此處得淨兩眼鬚闍提若彼
兩眼得清淨者則便自見此是青色
黃赤白色見彼垢膩不淨之衣便作
是念彼即怨家長夜則以垢膩之衣
欺誑於我便有憎心鬚闍提此人儻
能煞害於彼如是鬚闍提我為汝說
如其像妙藥令未淨聖慧眼而得清

淨驢閑提若汝聖慧眼得淨者汝使
自知此是無病此是涅槃驢閑提有
四種法未淨聖慧眼而得清淨云何
為四親近善知識恭敬承事聞善法
善思惟趣向法次法驢閑提汝當如
是學親近善知識恭敬承事聞善法
善思惟趣向法次法驢閑提當學如
是驢閑提汝親近善知識恭敬承事
已便聞善法聞善法已便善思惟善
思惟已便趣向法次法趣向法次法
已便知此苦如真知此苦習知此苦
滅知此苦滅道如真云何知苦如真
謂生苦老苦病苦死苦怨憎會苦愛
別離苦所求不得苦略五盛陰苦如
是知苦如真云何知苦習如真謂此
愛當受未來有與喜欲俱願彼彼有
如是知苦習如真云何知苦滅如真
謂此愛當受未來有與喜欲俱願彼
彼有滅無餘斷捨吐盡無欲沒息止
如是知苦滅如真云何知苦滅道如
真謂八支聖道正見乃至正定是謂
為八如是知苦滅道如真說此法已
驢閑提異學遠塵離垢諸法眼生

於是鬚闍提異學見法得法覺白淨
法斷疑度惑更無餘尊不復從他無
有猶豫已住果證於世尊法得无所
畏即從座起稽首佛足白曰世尊願
令我得出家學道受具足得比丘世
尊告曰善來比丘修行梵行鬚闍提
異學即是出家學道受具足得比丘
鬚闍提出家學道受具足知法已至
得阿羅訶佛說如是尊者鬚闍提聞
佛所說歡喜奉行

鬚闍提經第二竟

四十一
二十一字

中阿含經卷第三十八

八十六
六十二字

癸卯歲高麗國大藏都監奉
勅彫造

中阿含經卷第三十九

興

東晉時有西域瞿曇僧伽提婆譯

梵志品婆羅波堂經第三

第四分別誦

我聞如是一時佛遊舍衛國在東園
鹿子母堂尔時有二人婆私吒及婆
羅婆梵志族剝除鬚髮著袈裟衣至
信捨家無家學道諸梵志見已極訶
責數其急至苦而語之曰梵志種勝
餘者不如梵志種白餘者皆黑梵志
得清淨非梵志不得清淨梵志梵天
子從彼口生梵梵所化汝等捨勝從
不如捨白從黑彼秃沙門為黑所縛
斷種無子是故汝等所作大惡極犯
大過尔時世尊則於晡時從燕坐起
堂上來下於堂影中露地經行為諸
比丘說甚深微妙法尊者婆私吒遇
見世尊則於晡時從燕坐起堂上來
下於堂影中露地經行為諸比丘說
甚深微妙法尊者婆私吒見已語曰
賢者婆羅波當知世尊則於晡時從
燕坐起堂上來下於堂影中露地經
行為諸比丘說甚深微妙法賢者婆

羅婆可共詣佛或能因此從佛聞法
於是婆私吒及婆羅婆即詣佛所稽
首作禮從後經行世尊迴顧告彼二
人婆私吒汝等二梵志捨梵志族剃
除鬚髮著袈裟衣至信捨家無家學
道諸梵志見已不大責數耶彼即答
曰唯然世尊諸梵志見已極訶責數
甚急至苦世尊問曰婆私吒諸梵志
見已云何極訶責數甚急至苦耶答
曰世尊諸梵志見我等已而作是說
梵志種勝餘者不如梵志種白餘者
皆黑梵志得清淨非梵志不得清淨
梵志梵天子從彼口生梵梵所化汝
等捨勝從不如捨白從黑彼禿沙門
為黑所縛斷種無子是故汝等所作
大惡極犯大過世尊諸梵志見我等
已如是極訶責數甚急至苦世尊告
曰婆私吒彼諸梵志所說至惡極白
無賴所以者何謂彼愚癡不善曉解
不識良田不能自知作如是說我等
梵志是梵天子從彼口生梵梵所化
所以者何婆私吒我此無上明行作
證不說生勝不說種姓不說憍慢彼

可我意不可我意因坐因水所學經
書婆私吒若有婚姻者彼應說生應
說種姓應說憍慢彼可我意不可我
意因坐因水所學經書婆私吒若有
計生計姓計慢者彼極遠離於我无
上明行作證婆私吒說生說姓說慢
彼可我意不可我意因坐因水所學
經書者於我無上明行作證別復次
婆私吒謂有三種令非一切人人共
諍雜善不善法彼則為聖所稱不稱
云何為三刹利種梵志種居士種婆
私吒於意云何刹利煞生不與取行
邪婬妄言乃至邪見居士亦然非梵
志耶答曰世尊刹利亦可煞生不與
取行邪婬妄言乃至邪見梵志居士
亦復如是世尊問曰婆私吒於意云
何梵志離煞斷煞不與取行邪婬妄
言乃至離邪見得正見刹利居士為
不然耶答曰世尊梵志亦可離煞斷
煞不與取行邪婬妄言乃至離邪見
得正見刹利居士亦復如是世尊問
曰婆私吒於意云何若有無量惡不
善法是刹利居士所行非梵志耶若

有無量善法是梵志所行非刹利居士耶答曰世尊若有無量惡不善法彼刹利居士亦可行梵志亦復如是若有無量善法彼梵志亦可行刹利居士亦復如是婆私吒若有無量惡不善法一向刹利居士行非梵志者若有無量善法一向梵志行非刹利居士者彼諸梵志可作是說我等梵志是梵天子從彼口生梵梵所化婆私吒所以者何婆私吒見梵志女始婚姻時婚姻已後見懷妊身時懷妊身已後見產生時或童男或童女婆私吒如是諸梵志亦如世法隨產道生然彼妄言誣謗梵天而作是說我等梵志是梵天子從彼口生梵梵所化婆私吒若族姓子若干種姓若干種名捨若干族剝除鬚髮著袈裟衣至信捨家無家從我學道應作是說我等梵志是梵天子從彼口生梵梵所化所以者何婆私吒彼族姓子入我正法律中受我正法律得至彼岸斷疑度惑無有猶豫於世尊法得無所畏是故彼應作是說我等梵志是梵天子從

彼口生梵梵所化婆私吒彼梵天者
是說如來無所著等正覺梵是如來
冷是如來无煩無熱不離如者是如
來也婆私吒於意云何諸釋下意愛
敬至重供養奉事於波斯匿拘娑羅
王耶彼則答曰如是世尊世尊問曰婆
私吒於意云何若諸釋下意愛敬至
重供養奉事於波斯匿拘娑羅王如
是波斯匿拘娑羅王則於我身下意
愛敬至重供養奉事我耶答世尊曰
諸釋下意愛敬至重供養奉事於波
斯匿拘娑羅王者此無奇特若波斯
匿拘娑羅王下意愛敬至重供養奉
事於世尊者此甚奇特世尊告曰婆
私吒波斯匿拘娑羅王不如是意而
於我身下意愛敬至重供養奉事於
我沙門瞿曇種族極高我種族下沙
門瞿曇財寶甚多我財寶少沙門瞿
曇形色至妙我色不妙沙門瞿曇有
大威神我威神小沙門瞿曇有善智
慧我有惡智婆私吒但波斯匿拘娑
羅王愛敬於法至重供養為奉事故
而於我身下意愛敬至重供養奉事

於我今時世尊告比丘曰婆私吒有
時此世皆悉敗壞此世壞時若有衆
生生是昱天彼於其中妙色意生一
切支節諸根具足以喜為食自身光
明昇於虛空淨色久住婆私吒有時
此大地滿其中水彼大水上以風吹
攪結搗為精合聚和合猶如熟酪以
抨抨乳結搗為精合聚和合如是婆
私吒有時此大地滿其中水彼大水
上以風吹攪結搗為精合聚和合從
是生地味有色香味云何為色猶如
生酥及熟酥色云何為味如蜜丸味
婆私吒有時此世還復成時若有衆
生生是昱天壽盡業盡福盡命終生
此為人生此間已妙色意生一切支
節諸根具足以喜為食自身光明昇
於虛空淨色久住婆私吒今時世中
無有日月亦无星宿無有晝夜无月
半月無时无歲婆私吒當今之時無
父无母无男无女又无大家復无奴
婢唯等衆生於是有一衆生貪養不
廉便作是念云何地味我寧可以指
抄此地味嘗彼時衆生便以指抄此

地味嘗如是衆生既知地味復欲得食彼時衆生復作是念何故以拍食此地味用自疲勞我今寧可以手撮此地味食之彼時衆生便以手撮此地味食於彼衆生中復有衆生見彼衆生各以手撮此地味食便作是念此實為善此實為使我等寧可亦以手撮此地味食時彼衆生即以手撮此地味食若彼衆生以手撮此地味食已如是如是身生轉厚轉重轉堅若彼本時有清淨色於是便滅自然生間婆私吒世間之法自然有是若宿生星宿已便成晝夜成晝夜已便有月半月有時有歲彼食地味住世久遠婆私吒若有衆生食地味多者便生惡色食地味少者便有妙色從是知色有勝有如因色勝如故衆生衆生共相輕慢言我色勝汝色不如因色勝如而生輕慢及惡法故地味便滅地味滅已彼衆生等便共聚集極悲啼泣而作是語奈何地味奈何地味猶如今人含消美物不說本字

雖受持而不知義此說觀義亦復如是婆私吒地味滅後彼衆生生地肥是有色香味云何為色猶如主酥及熟酥色云何為味如蜜丸味彼食此地肥住世久遠婆私吒若有衆生食地肥多者便生惡色食地肥少者便有妙色徒是知色有勝有如因色勝如故衆生衆生共相輕慢言我色勝汝色不如因色勝如而生輕慢及惡法故地肥便滅地肥滅已彼衆生等便共聚集極悲啼泣而作是語奈何地肥奈何地肥猶如今人為他所噴不說卜字雖受持而不知義此說觀義亦復如是婆私吒地肥滅後彼衆生生婆羅有色香味云何為色猶如曇華色云何為味如淳蜜丸味彼食此婆羅住世久遠婆私吒若有衆生食婆羅多者便生惡色食婆羅少者便有妙色徒是知色有勝有如因色勝如故衆生衆生共相輕慢言我色勝汝色不如因色勝如而生輕慢及惡法故婆羅便滅婆羅滅已彼衆生等便共聚集極悲啼泣而作是語奈何

婆羅奈何婆羅猶如今人苦法所觸
不說本字雖受持而不知義此說觀
義亦復如是婆私吒婆羅滅後彼衆
生生自然粳米白淨無皮亦无有麤
粳長四寸朝刈暮生暮刈朝生熟有
鹽味無有生氣衆生食此自然粳米
如彼衆生食此自然粳米已彼衆生
等便生若干形或有衆生而生男形
或有衆生而生女形若彼衆生生男
女形者彼相見已便作是語惡衆生
生惡衆生生婆私吒惡衆生生者謂
說婦人也若彼衆生生於男形及女
形者彼衆生等則更相伺更相伺已
眼更相視更相視已則更相涂更相
涂已便有煩熱有煩熱已便相愛著
相愛著已便行於欲若見行欲時便
以木石或以杖塊而打擲之便作是
語出弊惡衆生作非法事云何衆生
共作是耶猶如今人迎新婦時則以
襍華散或以華湯澆作如是言新婦安
隱新婦安隱本所可憎今所可愛婆
私吒若有衆生惡不淨法憎惡著耻
懷慙愧者彼便離衆一日二日至六七

日半月一月乃至一歲婆私吒若有
衆生欲得行此不淨行者彼便作家
而作是說此中作惡此中作惡婆私
吒是謂初因初緣世中起家法舊第
一智如法非不如法如法人尊於中
有一事懶惰衆生便作是念我今何為
日日常取自然粳米我寧可并取一
日食直耶彼便并取一日食米於是
有一衆生語彼衆生曰衆生汝來共
行取米耶彼則荅曰我已并取汝自
取去彼衆生聞已便作是念此實為
善此實為快我亦寧可并取明日所
食米耶彼便并取明日米來復有一
衆生語彼衆生曰衆生汝來共行取
米耶彼則荅曰我已并取明日米來
汝自取去彼衆生聞已便作是念此
實為善此實為快我今寧可并取七
日食米來耶時彼衆生即便并取七
日米來如彼衆生自然粳米極取積
聚彼宿粳米便生皮麤刈至七日亦
生皮麤隨所刈處即不復生於是彼
衆生便共聚集極悲啼泣作如是語
我等生惡不善之法謂我曹等儲畜

宿米所以者何我等本有妙色意生一切支節諸根具足以喜為食自身光明昇於虛空淨色久住我等生地味有色香味云何為色猶如生酥及熟酥色云何為味如蜜丸味我等食地味住世久遠我等若食地味多者便生惡色食地味少者彼有妙色從是知色有勝有如因色勝如故我等各各共相輕慢言我色勝汝色不如因色勝如而生輕慢及惡法故地味便減地肥味云何為色猶如生酥及熟酥色云何為味如蜜丸味我等食地肥住世久遠我等若食地肥多者便生惡色食地肥少者便有妙色從是知色有勝有如因色勝如故我等各各共相輕慢言我色勝汝色不如因色勝如而生輕慢及惡法故地肥便減地肥色猶如曇華色云何為味如淳蜜丸味我等食婆羅住世久遠我等若食婆羅多者便生惡色食婆羅少者便有妙色從是知色有勝有如因色勝

如故我等各各共相輕慢言我色勝
汝色不如因色勝如而生輕慢及忌
法故婆羅便滅婆羅滅後我等生自
然粳米白淨無皮亦無有麤稟長四
寸朝刈暮生暮刈朝生熟有鹽味无
有生氣我等食彼自然粳米如我等
自然粳米極取積聚彼宿粳米便生
皮麤刈至七日亦生皮麤隨所刈處
即不復生我等寧可造作田植立標
勝耶於是衆生等造作田種豎立標
勝於中有一衆生自有稻穀而入他
田竊取他稻其主見已便作是語咄
咄弊惡衆生云何作是汝自有稻而
入他田竊取他稻汝今可去後莫復
作然彼衆生復至再三竊取他稻其
主亦至再三見已便以拳扠牽詣衆
所語彼衆曰此一衆生自有稻穀而
入我田竊取我稻然彼一衆生亦語
衆曰此一衆生以拳扠我牽來詣衆
於是彼諸衆生共聚集會極悲啼泣
而作是語我等生惡不善之法謂守
田也所以者何因守田故便共爭訟
有失有盡有相道說有拳相扠我等

寧可於其衆中舉一端正形色極妙
取第一者立為田主若可訶者當令
彼訶者可擯者當令彼擯若我曹等
所得稻穀當以如法輸送與彼於是
彼衆生中若有端正形色極妙取第
一者衆便共舉立為田主若可訶者
彼便訶嘖若可擯者彼便擯棄若有
稻者便以如法輸送與彼是田主是
田主謂之刹利也令如法樂衆生守
護行戒是王是王謂之王也婆私吒
是謂初因初緣世中刹利種舊第一
智如法非不如法如法人尊於是彼
異衆生以守為病以守為癰以守為
箭刺便棄捨守依於无事作草葉屋
而學禪也彼從無事朝朝平旦入村
邑王城而行乞食彼多衆生見便施
與恭敬尊重而作是語此異衆生以
守為病以守為癰以守為箭刺便棄
捨守依於无事作草葉屋而學禪也
此諸尊捨害惡不善法是梵志是梵
志謂之梵志也彼衆生學禪不得禪
學苦行不得苦行學遠離不得遠離
學一心不得一心學精進不得精進

便捨無事還村邑王城作四柱屋造
立經書彼多衆生見如是已便不復
施與恭敬尊重而作是語此異衆生
本以守為病以守為癰以守為箭刺
便棄捨守依於無事作草葉屋而學
於禪不能得禪學苦行不得苦行學
遠離不得遠離學一心不得一心學
精進不得精進便捨無事還村邑王
城作四柱屋造立經書此諸尊等更
學博聞不復學禪是博聞是博聞謂
之博聞婆私吒是謂初因初緣世中
有梵志種舊第一智如法非不如法
如法人尊於是彼異衆生各各詣諸
方而作田業是各各諸方而作田業
是各各諸方而作田業謂之轉舍婆
私吒是謂初因初緣世中有轉舍種
舊第一智如法非不如法如法人尊
婆私吒世中起此三種姓已便知有
第四沙門種也云何世中有此三種
姓已便知有第四沙門種耶於刹刹
族族姓之子能自訶嘖惡不善法自
厭憎惡惡不善法剗除鬚髮著袈裟
衣至信捨家無家學道而作是念我

當作沙門行於梵行便作沙門行於
梵行如是梵志種族鞞舍種族族姓
之子亦自訶嘖惡不善法自厭憎惡
惡不善法剝除鬚髮著袈裟衣至信
捨家無家學道亦作是念我當作沙
門行於梵行便作沙門行於梵行婆
私吒如是世中起此三種姓已便知
有第四沙門種也婆私吒我今廣說
此三種姓云何廣有此三種耶剎利
種族族姓之子身行不善法口意行
不善法彼身壞命終一向受苦如是
梵志種族鞞舍種族族姓之子身行
不善法口意行不善法彼身壞命終
一向受苦婆私吒剎利種族族姓之
子身行善法口意行善法彼身壞命
終一向受樂如是梵志種族鞞舍種
族族姓之子身行善法口意行善法
彼身壞命終一向受樂婆私吒剎利
種族族姓之子身行二行及與護行
口意行二行及與護行彼身壞命終
受於苦樂如是梵志種族鞞舍種族
族姓之子身行二行及與護行口意
行二行及與護行彼身壞命終受於

苦樂婆私吒刹利種族族姓之子修
七覺法善思善觀彼如是知如是見
欲漏心解脫有漏無明漏心解脫解
脫已便知解脫生已盡梵行已立所
作已辦不更受有知如真如是梵志
種族輒舍種族族姓之子修七覺法
善思善觀彼如是知如是見欲漏心
解脫有漏無明漏心解脫解脫已便
知解脫生已盡梵行已立所作已辦
不更受有知如真婆私吒如是此三
種廣分別也梵天帝主說此偈曰

刹利二足尊 謂有種族姓 求學明及行
彼為天人稱

婆私吒梵天帝主善說此偈非不善
也善歌諷誦非不善也善詠語言非
不善也謂如是說

刹利二足尊 謂有種族姓 求學明及行
彼為天人稱

所以者何我亦如是說

刹利二足尊 謂有種族姓 求學明及行
彼為天人稱

佛說如是尊者婆私吒婆羅婆等及
諸比丘聞佛所說歡喜奉行

中阿含經品須達多經第四 第三分別諦

我聞如是一時佛遊舍衛國在勝林
給孤獨園介時須達多居士往詣佛
所稽首作禮却坐一面世尊問曰居
士家頗行施耶須達多居士答曰唯
然世尊家行布施但為至處不能好
也糠飯麻蕒羹菜一片世尊告曰居
士若施麤食及施妙食俱得報耳居
士若行盡施不信施不故施不自手
施不自往施不思惟施不由信施不
觀業果報施者當觀如是受報心不
欲得好家不欲得好乘不欲得好衣
被不欲得好飲食不欲得好五欲功
德所以者何以不至心故行施也居
士當知受報如是居士若行盡施信
施故施自手施自往施思惟施由信
施觀業果報施者當觀如是受報心
欲得好家欲得好乘欲得好衣被欲
得好飲食欲得好五欲功德所以者
何以其至心故行施也居士當知受
報如是居士若行妙施不信施不故
施不自手施不自往施不思惟施不

由信施不觀業果報施者當觀如是
受報心不欲得好家不欲得好乘不
欲得好衣被不欲得好飲食不欲得
好五欲功德所以者何以不至心故
行施也居士當知受報如是居士若
行妙施信施故施自手施自往施思
惟施由信施觀業果報施者當觀如
是受報心欲得好家欲得好乘欲得
好衣被欲得好飲食欲得好五欲功
德所以者何以其至心故行施也居
士當知受報如是居士昔過去時有
梵志大長者名曰隨藍極大富樂資
財無量封戶食邑多諸珍寶畜牧產
業不可稱計彼行布施其像如是八
万四千金鉢盛滿碎銀行如是大施
八万四千銀鉢盛滿碎金行如是大
施八万四千金鉢盛滿碎金行如是
大施八万四千銀鉢盛滿碎銀行如
是大施八万四千象莊瓊嚴飭白絡
覆上行如是大施八万四千馬莊嚴
瓊嚴飭白絡金合羣那行如是大施八
万四千牛衣繩衣覆羣之皆得一斛
乳汁行如是大施八万四千女姿容

端正觀者歡悅衆寶瓔珞嚴飭具足
行如是大施况復其餘食取舍消居
士若梵志隨藍行如是大施若復有
施滿閤浮場凡夫食者此於彼施為
寂勝也居士若梵志隨藍行如是大
施及施滿閤浮場凡夫人食若復有
施一須陀洹食者此於彼施寂為勝
也居士若梵志隨藍行如是大施及
施滿閤浮場凡夫人食施百須陀洹
食若復有施一斯陀含食者此於彼
施為寂勝也居士若梵志隨藍行如
是大施及施滿閤浮場凡夫人食
施百須陀洹百斯陀含食若復有施
一阿那含食者此於彼施為寂勝也
居士若梵志隨藍行如是大施及施
滿閤浮場凡夫人食施百須陀洹百
斯陀含百阿那含食若復有施一阿
羅訶食者此於彼施為寂勝也居士
若梵志隨藍行如是大施及施滿閤
浮場凡夫人食施百須陀洹百斯陀
含百阿那含百阿羅訶食若復有施
一辟支佛食者此於彼施為寂勝也
居士若梵志隨藍行如是大施及施

滿閻浮場凡夫人食施百須施洹百
斯陀舍百阿那舍百阿羅訶百辟支
佛食若復有施一如來無所著等正
覺食者此於彼施為最勝也居士若
梵志隨藍行如是大施及施滿閻浮
場凡夫人食施百須施洹百斯陀舍
百阿那舍百阿羅訶百辟支佛食若
有作房舍施四方比丘衆者此於彼
施為最勝也居士若梵志隨藍行如
是大施及施滿閻浮場凡夫人食施
百須施洹百斯陀舍百阿那舍百阿
羅訶百辟支佛食作房舍施四方比
丘衆若有歡喜心歸命三尊佛法比
丘衆及受戒者此於彼施為最勝也
居士若梵志隨藍行如是大施及施
滿閻浮場凡夫人食施百須施洹百
斯陀舍百阿那舍百阿羅訶百辟支
佛食作房舍施四方比丘衆歡喜心
歸命三尊佛法比丘衆及受戒若有
為彼一切衆生行於慈心乃至犍牛
項者此於彼施為最勝也居士若梵
志隨藍行如是大施及施滿閻浮場
凡夫人食施百須施洹百斯陀舍百

阿那含百阿羅訶百辟支佛食作房
舍施四方比丘衆歡喜心歸命三尊
佛法比丘衆及受戒為一切衆生行
於慈心乃至犍牛頃若有能觀一切
諸法無常苦空及非神者此於彼施
為最勝也於居士意云何昔時梵志
大長者名隨藍者謂異人耶莫作斯
念所以者何當知即是我也我昔為
梵志大長者名曰隨藍居士我於今
時為白饒益亦饒益他饒益多人慙
傷世間為天為人求義及饒益求安
隱快樂今時說法不至究竟不究竟
白淨不究竟梵行不究竟梵行訖今
時不離生老病死啼哭憂感亦未能
得脫一切苦居士我今出世如來無
所著等正覺明行成為善逝世間解
無上士道法御天人師号佛衆祐我
今白饒益亦饒益他饒益多人慙傷
世間為天為人求義及饒益求安隱
快樂我今說法得至究竟究竟白淨
究竟梵行究竟梵行訖我今已離生
老病死啼哭憂感我今已得脫一切
苦佛說如是須達哆居士及諸比丘

聞佛所說歡喜奉行

須達哆經第四竟

一千五百八十九字

中阿含梵志品梵波羅延經第五

第四分別誦

我聞如是一時佛遊舍衛國在勝林
給孤獨園今時拘娑羅國衆多梵志
中後彷徨往詣佛所共相問訊却坐
一面白曰瞿曇欲有所問聽我問耶
世尊告曰恣汝所問時諸梵志問曰
瞿曇頗今有梵志學故梵志法為越
故梵志法耶世尊答曰今無梵志學
故梵志法梵志久已越故梵志法時
諸梵志問曰瞿曇云何今無梵志學
故梵志法諸梵志等越故梵志法來
為幾時耶彼時世尊以偈答曰

所謂昔時有 自調御熱行 捨五欲切德
行清淨梵行 梵行及戒行 率至柔軟性
如亮無害心 忍屈護其意 昔時有此法
梵志不護此

梵志不守護

所有錢財穀

誦習錢財穀

梵志守此藏

衣色若干種

屋舍及床榻

豐城及諸國

梵志學如是

此梵志莫害

率守護諸法

往到於他門

無有拘制彼

發家乞求法

隨其食時到

梵志住在家

見考欲為施 滿四十八年 行清淨梵行
求索明行成 昔時梵志行 彼不偷財物
亦無有恐怖 受愛攝相應 當以共和合
不為煩惱故 怨妬相應法 諸有梵志者
無能行如是 若有第一行 梵志極堅求
彼諸聖欲法 不行乃至夢 彼因此梵行
自稱梵我梵 慧者當知彼 床薄衣極單
知彼有此行 慧者當知彼 立齋行布施
食酥乳命存 乞求皆如法 立齋行布施
齋時無異乞 自於已乞求 立齋行施時
彼不有煞牛 如父母兄弟 及餘有親親 人牛亦如是
彼因是生樂 飲食體有力 乘者安隱樂
知有此義理 莫樂煞於牛 柔軟身極大
精色名稱譽 懇懃自求利 昔時梵志行
梵志為自利 專事及非事 彼當來此世
必度脫此世 彼月過於月 見意趣向彼
遊戲於夜中 嚴飾諸婦人 古牛圍繞前
婦女極端正 人間微妙欲 梵志之常願
具足車乘具 善作縫治好 家居及眷姻
梵志之常願 彼造作此縛 我等依彼來
大三舍行施 莫失其財利 饒財物米穀
若有餘錢財 大王相應此 梵志及車乘

象齋及馬齋 馬齋不障門 聚集作齋施
財物施梵志 彼從此得利 受樂惜財物
彼以起為欲 數數增長愛 猶如廣池水
及無量財物 如是人 有牛 於生生活具
彼造作此縛 我等從彼來 大王齋行施
莫失其財利 饒財物米穀 若汝多有牛
大王相應此 梵志及車乘 無量百千牛
因為齋故煞 頭角無所燒 牛猪昔時等
往至捉牛角 持利刀煞牛 噉牛及於父
羅刹名曰香 彼喚呼非法 以刀刺牛時
此法行於齋 越過取在前 無有事而煞
遠離裏退法 昔時有三病 欲不用食者
以憎嫉於牛 起病九十八 如是此增諍
故為智所惡 若人見如是 誰不有憎者
如是此世行 無智取下賤 各各為欲憎
若婦誹謗夫 刹利梵志女 及守護於姓
若犯於生法 自在由於欲
如是梵志今無梵志學故梵志法梵
志越故梵志法來 小許時也 於是拘
婆羅國衆多梵志 白曰世尊我已知
善逝我已解世尊我今自歸於佛法
及比丘衆唯願世尊受我為優婆塞
從今日始終身自歸乃至命盡佛說

如是彼拘娑婆羅國衆多梵志及諸比丘聞佛所說歡喜奉行

梵波羅延經第五竟

九百二十九字

中阿含經卷第三十九

百十六字

第四分別請

癸卯歲高麗國大藏都監奉
勅彫造

中阿含經卷第四十

興

東晉劉賓三藏闍梨曇伽提婆譯

梵志品黃蘆園經第六

第四分別誦 齊

我聞如是一時佛遊鞞蘭若黃蘆園中今時鞞蘭若梵志年老日宿老壽將欲過命垂至盡年百二十拄杖而行中後彷徨往詣佛所共相問評當在佛前倚杖而立白曰瞿曇我聞沙門瞿曇年幼極少新出家學若有名德沙門梵志親自來詣而不禮敬亦不尊重不從坐起不請令坐瞿曇此事大為不可世尊告曰梵志我初不見天及魔梵沙門梵志從人至天謂自來詣能令如來禮敬尊重而從坐起請令坐者梵志若有來詣欲令如來禮敬尊重而從坐起請令坐者彼人必當頭破七分梵志復白瞿曇無味世尊告曰梵志有事令我无味然不如汝言若有色味聲味香味觸味者彼如來斷智絕滅我根終不復生是謂有事令我無味然不如汝言梵志復白瞿曇無恐怖世尊告曰梵

志有事令我無恐怖然不如汝言若
有色恐怖聲香味觸恐怖者彼如來
斷智絕滅拔根終不復生是謂有事
令我無恐怖然不如汝言梵志復白
瞿曇不入胎世尊告曰梵志有事令
我不入胎然不如汝言若有沙門梵
志當來胎床斷智絕滅拔根終不復
生者我說彼不入胎如來當來胎床
斷智絕滅拔根終不復生是故令我
不入胎是謂有事令我不入胎然不
如汝言梵志我於此衆生無明來元
明樂無明覆无明外之所累我先觀
法我於衆生為最第一猶雞生卵或
十或十二隨時念隨時覆隨時暎隨
時擁護彼於其後雞設放逸於中有
雞子或以口嚙或以足爪啄破其卵
安隱自出彼於雞子為最第一我亦
如是於此衆生無明來元明樂無明
覆無明外之所累我先觀法我於衆
生為最第一梵志我持蒿草往詣覺
樹布草樹下敷尼師檀結加趺坐不
破正坐要至漏盡我不破正坐要至
漏盡我正坐已離欲離惡不善之法

有覺有觀離生喜樂逮初禪成就遊
是謂我今時獲第一增上心即於現
法得安樂居易不難得樂住无怖安
隱使樂令昇涅槃復次梵志我覺觀
已息內靜一心無覺无觀定生喜樂
逮第二禪成就遊是謂我今時獲第
二增上心即於現法得安樂居易不
難得樂住無怖安隱快樂令昇涅槃
復次梵志我離於喜欲捨无求遊正
念正智而身覺樂謂聖所說聖所捨
念樂住室逮第三禪成就遊是謂我
今時獲第三增上心即於現法得安
樂居易不難得樂住無怖安隱快樂
令昇涅槃復次梵志我樂滅苦滅喜
憂本已滅不苦不樂捨念清淨逮第
四禪成就遊是謂我今時獲第四增
上心即於現法得安樂居易不難得
樂住無怖安隱快樂令昇涅槃復次
梵志我已得如是定心清淨無穢无
煩柔軟善住得不動心覺憶宿命智
通作證我有行有相貌憶本无量昔
所經歷謂一生二生百生千生成劫
敗劫無量成敗劫彼衆生名其彼昔

更歷我曾生彼如是姓如是字如是
生如是飲食如是受苦樂如是長壽
如是久住如是壽說此死生彼彼死
生此我生在此如是姓如是字如是
生如是飲食如是受苦樂如是長壽
如是久住如是壽說是謂我今時初
夜得此第一明達以本無放逸樂住
遠離修行精勤謂无智滅而智生闇
壞而明成無明滅而明生謂憶宿命
智作證明達復次梵志我已得如是
定心清淨无穢無煩柔軟善住得不
動心學於生死智通作證我以清淨
天眼出過於人見此衆生死時生時
好色惡色妙與不妙往來善處及不
善處隨此衆生之所作業見其如真
若此衆生成就身惡行口意惡行誹
謗聖人邪見成就邪見業彼因緣此
身壞命終必至惡處生地獄中若此
衆生成就身妙行口意妙行不誹謗
聖人正見成就正見業彼因緣此身
壞命終必昇善處上生天中是謂我
今時中夜得此第二明達以本无放
逸樂住遠離修行精勤謂無智滅而

智生闇壞而明成無明滅而明生謂
生死智作證明達復次梵志我已得
如是定心清淨無穢无煩柔軟善住
得不動心學於漏盡智通作證我知
此苦如真知此苦習知此苦滅知此
苦滅道如真知此漏如真知此漏習
知此漏滅知此漏滅道如真我如是
知如是見欲漏心解脫有漏無明漏
心解脫解脫已便知解脫生已盡梵
行已立所作已辦不更受有知如真
是謂我今時後夜得此第三明達以
本無放逸樂住遠離修行精勤謂无
智滅而智生闇壞而明成無明滅而
明生謂漏盡智作證明達復次梵志
若有正說而說不癡法衆生生世一
切衆生取勝不為苦樂所覆當知正
說者即是我也所以者何我說不癡
法衆生生世一切衆生取勝不為苦
樂所覆於是鞞蘭若梵志即便捨杖
稽首佛足白世尊曰世尊為第一世
尊為大世尊為最世尊為勝世尊為
等世尊為不等世尊無與等等世尊
無障世尊无障人世尊我今自歸於

佛法及比丘衆唯賴世尊受我為優
婆塞從今日始終身自歸乃至命盡
佛說如是鞞蘭若梵志及諸比丘聞
佛所說歡喜奉行

黃蘆園經第六竟

千六百
二字

中阿含梵志品頭那經第七 第四分別誦

我聞如是一時佛遊舍衛國在勝林
給孤獨園尔時頭那梵志中後彷彿
徃詣佛所共相問訊却坐一面世尊
問曰頭那若有問汝是梵志耶汝梵
志汝自稱說梵志頭那答曰瞿曇若
有正稱說梵志者為父母所舉受生
清淨乃至七世父母不絕種族生生
無惡博聞捻持誦過四典經深達因
緣正文戲五句說瞿曇正稱說梵志
者即是我也所以者何我為父母所
舉受生清淨乃至七世父母不絕種
族生生無惡博聞捻持誦過四典經
深達因緣正文戲五句說世尊告曰
頭那我今問汝隨所解答頭那於意
云何若昔有梵志壽終命過誦持經
書流布經書誦習典經所謂夜吒婆
摩婆摩提婆毗奢蜜哆邏夜陀捷尼

應疑羅婆娑婆私吒迦葉婆羅婆娑和
謂此施設五種梵志有梵志猶如梵
有梵志似如天有梵志不越界有梵
志越界有梵志旃荼羅第五頭那此
五種梵志汝為似誰頭那白曰瞿曇
略說此義不廣分別我不能知唯願
沙門瞿曇善說令我知義世尊告曰
頭那諦聽善思念之我當為汝廣分
別說頭那白曰唯然瞿曇頭那梵志
受教而聽佛言頭那云何梵志猶如
梵耶若有梵志為父母所舉受生清
淨乃至七世父母不絕種族生生无
惡彼四十八年行童子梵行欲得經
書誦習典經彼得經書誦習典經已
為供養師求乞財物如法非不如法
去何不如法非田作非治生非書非
竿非數非印非手筆非文章非經非
詩非以刀杖非正從事如法求乞求
乞財物供養於師布施財物已心與
慈俱遍滿一方成就遊如是二三四
方四維上下普周一切心與慈俱无
結無怨无恚無諍極廣甚大無量善
修遍滿一切世間成就遊如是悲喜

心與捨俱無結无怨無恚无諍極廣
甚大無量善修遍滿一切世間成就
遊頭那如是梵志猶如梵也頭那云
何梵志似如天耶若有梵志為父母
所舉受生清淨乃至七世父母不絕
種族生生无惡彼四十八年行童子
梵行欲得經書誦習典經彼得經書
誦習典經已為供養師求乞財物如
法非不如法云何不如法非田作非
治生非書非竿非數非印非手筆非
文章非經非詩非以刀杖非王從事
如法求乞求乞財物供養於師布施
財物已行身妙行口意妙行行身妙
行口意妙行已彼因緣此身壞命終
必昇善處上生天中頭那如是梵志
似如天也頭那云何梵志不越界耶
若有梵志為父母所舉受生清淨乃
至七世父母不絕種族生生無惡彼
四十八年行童子梵行欲得經書誦
習典經彼得經書誦習典經已為供
養師求乞財物如法非不如法云何
不如法非田作非治生非書非竿非
數非印非手筆非文章非經非詩非

以刀杖非王從事如法求乞求乞財
物供養於師布施財物已為自求妻
如法非不如法云何不如法梵志不
如是意向梵志女令更相愛相攝合
會彼趣梵志女非不梵志女亦非刹
刹女不懷妊不產生頭那以何等故
梵志非趣懷妊莫令彼男及以女人
名不淨姪是故梵志非趣懷妊頭那
以何等故梵志非趣產生莫令彼男
及以女人名不淨患是故梵志不趣
產生頭那彼所趣向不為財物不為
情敬不為莊嚴不為狡饒但為子故
彼生子已若有故梵志要擔慶所畧
障住彼持彼不越於彼頭那如是梵
志不越界也頭那云何梵志為越界
耶若有梵志為父母所舉受生清淨
乃至七世父母不絕種族生生无惡
彼四十八年行童子梵行欲得經書
誦習典經彼得經書誦習典經已為供
養師求乞財物如法非不如法云何
不如法非田作非治生非書非等非
數非印非手筆非文章非經非詩非
以刀杖非王從事如法求乞求乞時

物供養於師布施財物已為自求
如法非不如法云何不如法梵志不
如是意向梵志女今更相愛相攝合
會彼趣梵志女非不梵志女亦非剎
利女不懷妊不產生頭鄉以何等故
梵志不趣懷妊莫令彼男及以女人
名不淨姪是故梵志不趣懷妊頭鄉
以何等故梵志不趣產生莫令彼男
及以女人名不淨志是故梵志不趣
產生頭鄉彼所趣向不為財物不為
憍傲不為莊嚴不為琰飭但為子故
彼生子已若有故梵志要擔處所界
障不住止彼不受持彼便越於彼頭
鄉如是梵志名越界也頭鄉云何梵
志梵志旃荼羅若有梵志為父母所
舉受生清淨乃至七世父母不絕種
族生生無惡彼四十八年行童子梵
行欲得經書誦習典經彼得經書誦
習典經已為供養師求乞財物如法非
不如法云何不如法非田作非治生
非書非筭非數非印非手筆非文章
非經非詩非以刀杖非王從事如法
求乞求乞財物供養於師布施財物

已為自求妻如法非不如法云何不
如法梵志不如是意向梵志女令更
相愛相攝合會趣彼梵志女非不梵
志女亦不剎利女不懷妊不產生頭
部以何等故梵志不趣懷妊莫令彼
男及以女人名不淨姪是故梵志不
趣懷妊頭部以何等故梵志不趣產
生莫令彼男及以女人名不淨志是
故梵志不趣產生頭部彼所趣向不
為財物不為憍傲不為莊嚴不為狡
鰲但為子故彼生子已作王相應事
賊相應事邪道相應事作如是說梵
志應作一切事梵志不以此染著亦
不穢汙猶若如火淨亦燒不淨亦燒
梵志不應作一切事梵志不以此染
著亦不穢汙頭部如是梵志梵志旃
荼羅頭部此五種梵志汝為似詐頭
部白曰瞿曇說此最後梵志旃荼羅
者我尚不及況復餘耶世尊我已知
善逝我已解世尊我今自歸於佛法
及比丘眾唯願世尊受我為優婆塞
從今日始終身自歸乃至命盡佛說
如是頭部梵志聞佛所說歡喜奉行

頭那經第七竟

十八百五十字

中阿含經梵志品阿伽羅訶那經第八 第界別誦

我聞如是一時佛遊舍衛國在勝林

給孤獨園今時阿伽羅訶那梵志中

後彷徨往詣佛所共相問訊却坐一

面白曰瞿曇欲有所問聽乃敢陳世

尊告曰恣汝所問梵志即便問曰瞿

曇梵志經典何所依住世尊答曰梵

志經典依於人住梵志即復問曰瞿

曇人何所依住世尊答曰人依稻麥

住梵志即復問曰瞿曇稻麥何所依

住世尊答曰稻麥依地住梵志即復

問曰瞿曇地何所依住世尊答曰地

依水住梵志即復問曰瞿曇水何所

依住世尊答曰水依風住梵志即復

問曰瞿曇風何所依住世尊答曰風

依空住梵志即復問曰瞿曇空何所

依住世尊答曰空無所依但因日月

故有虛空梵志即復問曰瞿曇日月

何所依住世尊答曰日月依於四王

天住梵志即復問曰瞿曇四王天何

所依住世尊答曰四王天依三十三

天住梵志即復問曰瞿曇三十三天

何所依住世尊答曰三十三天依憐
摩天住梵志即復問曰瞿曇憐摩天
何所依住世尊答曰憐摩天依兜瑟
多天住梵志即復問曰瞿曇兜瑟哆
天何所依住世尊答曰兜瑟哆天依
化樂天住梵志即復問曰瞿曇化樂
天何所依住世尊答曰化樂天依他
化樂天住梵志即復問曰瞿曇他化
樂天何所依住世尊答曰他化樂天
依梵世住梵志即復問曰瞿曇梵世
何所依住世尊答曰梵世依於大梵
住梵志即復問曰瞿曇大梵何所依
住世尊答曰大梵依於忍辱溫良住
梵志即復問曰瞿曇忍辱溫良何所
依住世尊答曰忍辱溫良依涅槃住
梵志即復問曰瞿曇涅槃何所依住
世尊告曰梵志意欲依無窮事汝今
從我受問無邊然涅槃者无所依住
但涅槃滅訖涅槃為寂梵志以此義故
從我行梵行梵志白曰世尊我已知
善逝我已解世尊我今自歸於佛法
及比丘衆唯願世尊受我為優婆塞
從今日始終身自歸乃至命盡佛說

如是阿伽羅訶那梵志聞佛所說歡

喜奉行

阿伽羅訶那經第八竟

六三
十二字

中阿含梵志品阿蘭那經第九 第四別誦

我聞如是一時佛遊舍衛國在勝林
給孤獨園余時諸比丘於中食後集
坐講堂論如是事諸賢甚奇甚奇人
命極少要至後世應作善事應行梵
行生無不死然今世人於法行於義
行於善行於妙行無為无求彼時世
尊在晝行處以淨天耳出過於人聞
諸比丘於中食後集坐講堂論如是
事諸賢甚奇甚奇人命極少要至後
世應作善事應行梵行生無不死然
今世人於法行於義行於善行於妙
行無為无求世尊聞已則於晡時從
燕坐起往詣講堂在比丘衆前敷座
而坐問諸比丘汝論何事以何等故
集坐講堂時諸比丘白曰世尊我等
衆比丘於中食後集坐講堂論如是
事諸賢甚奇甚奇人命極少要至後
世應作善事應行梵行生無不死然
今世人於法行於義行於善行於妙

行無為无求世尊我等共論此事以
此事故集坐講堂世尊歎曰善哉善
哉比丘謂汝作是說諸賢甚奇甚奇
人命極少要至後世應作善事應行
梵行生無不死然今世人於法行於
義行於善行於妙行無為无求所以
者何我亦如是說甚奇甚奇人命極
少要至後世應作善事應行梵行生
無不死然今世人於法行於義行於
善行於妙行無為无求所以者何乃
過去世時有衆生壽八万歲比丘人
壽八万歲時此閻浮洲極大豐樂饒
財珍寶村邑相近如雞一飛比丘人
壽八万歲時女年五百乃當出嫁比
丘人壽八万歲時唯有如是病謂寒
熱大小便欲不食老更無餘患比丘
人壽八万歲時有王名拘牢婆為轉
輪王聰明智慧有四種軍整御天下
由已自在如法法王成就七寶彼七
寶者輪寶象寶馬寶珠寶寶女寶居
士寶主兵臣寶是謂為七千子具足
顏貌端正勇猛無畏能伏他衆必當
統領此一切地乃至大海不以刀杖

以法教令今得安隱比丘拘牢婆王
有梵志名阿蘭那大長者為父母所
舉受生清淨乃至七世父母不絕種
族生生無惡博聞總持誦過四典經
深達因緣正文戲五句說比丘梵志
阿蘭那有無量百千摩訶磨梵志阿
蘭那為無量百千摩訶磨住一无事
處教學經書尔時梵志阿蘭那獨住
靜處燕坐思惟心作是念甚奇甚奇
人命極少要至後世應作善事應行
梵行生無不死然今世人於法行於
義行於善行於妙行無為无求我寧
可剝除鬚髮著袈裟衣至信捨家無
家學道於是梵志阿蘭那往至若干
國衆多摩訶磨所而語彼曰諸摩訶
磨我獨住靜處燕坐思惟心作是念
甚奇甚奇人命極少要至後世應作
善事應行梵行生無不死然今世人
於法行於義行於善行於妙行無為
無求我今寧可剝除鬚髮著袈裟衣
至信捨家無家學道諸摩訶磨我今
欲剝除鬚髮著袈裟衣至信捨家無
家學道汝等當作何等彼若干國衆

多摩納磨白曰尊師我等所知皆蒙
師恩若尊師剌除鬚髮者袈裟衣至
信捨家無家學道者我等亦當剌除
鬚髮著袈裟衣至信捨家無家從彼
尊師出家學道於是梵志阿蘭那則
於後時剌除鬚髮著袈裟衣至信捨
家無家學道彼若干國衆多摩納磨
亦剌除鬚髮著袈裟衣至信捨家無
家從彼尊師梵志阿蘭那出家學道
是為尊師阿蘭那為尊師阿蘭那
弟子名号生也今時尊師阿蘭那為
弟子說法諸摩納磨甚奇其奇人命
極少要至後世應作善事應行梵行
生無不死然今世人於法行於義行
於善行於妙行无為無求今時尊師
阿蘭那為弟子說法諸摩納磨甚奇
甚奇人命極少要至後世應作善事
應行梵行生無不死然今世人於法
行於義行於善行於妙行無為无求
如是尊師阿蘭那為弟子說法復次
尊師阿蘭那為弟子說法摩納磨猶
如朝露沛在草上日出則消暫有不
久如是摩納磨人命如朝露甚為難

得至少少味大苦灾患灾患甚多如

是尊師阿蘭那為弟子說法復次尊

師阿蘭那為弟子說法摩納磨猶大

雨時滴水成泡或生或滅如是摩納

磨人命如泡甚為難得至少少味大

苦灾患灾患甚多如是尊師阿蘭那

為弟子說法復次尊師阿蘭那為弟

子說法摩納磨猶如以杖投著水中

還出至速如是摩納磨人命如杖投

水出速甚為難得至少少味大苦灾

患灾患甚多如是尊師阿蘭那為弟

子說法復次尊師阿蘭那為弟子說

法摩納磨猶新凡杆投水即出著風

熱中乾燥至速如是摩納磨人命如

新凡杆水漬速燥甚為難得至少少

味大苦灾患灾患甚多如是尊師阿

蘭那為弟子說法復次尊師阿蘭那

為弟子說法摩納磨猶如小段肉著

大釜水中下熾然火速得消盡如是

摩納磨人命如肉消甚為難得至少

少味大苦灾患灾患甚多如是尊師

阿蘭那為弟子說法復次尊師阿蘭

那為弟子說法摩納磨猶縛賊送至

搏下煞隨其舉足步步趣死步步趣
命盡如是摩訶磨人命如賊縛送標下
煞甚為難得至少少味大苦灾患灾
患甚多如是尊師阿蘭那為弟子說
法復次尊師阿蘭那為弟子說法摩
訶磨猶如魯兒牽牛煞之隨其舉足
步步趣死步步趣命盡如是摩訶磨
人命如牽牛煞甚為難得至少少味
大苦灾患灾患甚多如是尊師阿蘭
那為弟子說法復次尊師阿蘭那為
弟子說法摩訶磨猶如機織隨其行
緯近成近訖如是摩訶磨人命如機
織訖甚為難得至少少味大苦灾患
灾患甚多如是尊師阿蘭那為弟子
說法復次尊師阿蘭那為弟子說法
摩訶磨猶如山水瀑漲流疾多有所
漂水流速駛無須臾停如是摩訶磨
人命如駛水流甚為難得至少少味
大苦灾患灾患甚多如是尊師阿蘭
那為弟子說法復次尊師阿蘭那為
弟子說法摩訶磨猶如夜闇以杖投
地或下頭墮地或上頭墮地或復卧

墮或墮淨處或墮不淨處如是摩訶
磨衆生為無明所覆為愛所繫或生
泥犁或生畜生或生餓鬼或生天上
或生人間如是摩訶磨人命如闍杖
投地甚為難得至少少味大苦災患
災患甚多如是尊師阿蘭那為弟子
說法復次尊師阿蘭那為弟子說法
摩訶磨我於世斷除貪伺心無有諍
見他財物諸生活具不起貪伺欲令
我得我於貪伺淨除其心如是瞋恚
睡眠調悔我於世斷疑度惑於諸善
法無有猶豫我於疑惑淨除其心摩
訶磨汝等於世亦當斷除貪伺心無
有諍見他財物諸生活具不起貪伺
欲令我得汝於貪伺淨除其心如是
瞋恚睡眠調悔汝於世斷疑度惑於
諸善法無有猶豫如是尊師阿蘭那
為弟子說法復次尊師阿蘭那為弟
子說法摩訶磨我心與慈俱遍滿一
方成就遊如是二三四方四維上下
普周一切心與慈俱無結无怨無恚
無諍極廣甚大無量善修遍滿一切
世間成就遊如是悲喜心與捨俱无

結無怨无恚無諍極廣甚大無量善
修遍滿一切世間成就遊摩納磨汝
等亦當心與慈俱遍滿一方成就遊
如是二三四方四維上下普周一切
心與慈俱無結无怨無恚无諍極廣
甚大無量善修遍滿一切世間成就
遊如是悲喜心與捨俱無結无怨無
恚無諍極廣甚大無量善修遍滿一
切世間成就遊如是尊師阿蘭那為
弟子說法復次尊師阿蘭那為弟子
說梵世法若尊師阿蘭那為說梵世
法時諸弟子等有不具足奉行法者
彼命終已或生四王天或生三十三
天或生熾摩天或生兜瑟哆天或生
化樂天或生他化樂天若尊師阿蘭
那為說梵世法時諸弟子等設有具
足奉行法者修四梵室捨離於欲彼
命終已得生梵天尔時尊師阿蘭那
而作是念我不應與弟子等同俱至
後世共生一處我今寧可更修增上
慈修增上慈已命終得生晃昱天中
尊師阿蘭那則於後時更修增上慈
修增上慈已命終得生晃昱天中尊

師阿蘭那及諸弟子學道不虛得大果報比丘於意云何昔時尊師阿蘭那者謂異人耶莫作斯念所以者何比丘當知即是我也我於今時名尊師阿蘭那我於今時有無量百千弟子我於今時為諸弟子說梵世法我說梵世法時諸弟子等有不具足奉行法者彼命終已或生四王天或生三十三天或生焰摩天或生兜瑟哆天或生化樂天或生他化樂天我說梵世法時諸弟子等設有具足奉行得生梵天我於今時而作是念我不應與弟子等同俱至後世共生一處我今寧可更修增上慈修增上慈已命終得生是昱天中我於後時更修增上慈修增上慈已命終得生是昱天中我於今時及諸弟子學道不虛得大果報我於今時自饒益亦饒益他饒益多人慰傷世間為天為人求義及饒益求安隱快樂我於今時說法不至究竟不究竟白淨不究竟梵行不究竟梵行訖我於今時不離生

老病死啼哭憂感亦未能得脫一切苦比丘我今出世如來無所著等正覺明行成為善逝世間解无上士道法御天人師号佛眾祐我今自饒益亦饒益他饒益多人愍傷世間為天為人求義及饒益求安隱使樂我今說法得至究竟究竟白淨究竟梵行究竟梵行說我今已離生老病死啼哭憂感我今已得脫一切苦比丘若有正說者人命極少要至後世應行善事應行梵行生無不死比丘今是正說所以者何今若有長壽遠至百歲或復小過者若有長壽者命存二百時春時百夏時百冬時百是命存千二百月春四百夏四百冬四百令存千二百月者命存二千四百半月春八百夏八百冬八百命存二千四百半月者三万六千晝夜春万二千晝夜者七万二千食及障導及母乳於有障導苦不食瞋不食病不食有事不食行來不食至王闍不食齊日不食不得者不食是謂比丘上一百歲

命存百歲數時數歲時數月數半月
數月半月數晝數夜數晝夜數食數
障導數食障導數比丘若有尊師所
為弟子起大慈哀憐念愍傷求義及
饒益求安隱快樂者我今已作汝亦
當復作至無事處山林樹下空安靜
處燕坐思惟勿得放逸慙加精進莫
令後悔此是我之教勅是我訓誨佛
說如是彼諸比丘聞佛所說歡喜奉行
阿蘭那經第九竟

三千二百
九十一字

中阿含經卷第四十

七千三百
七十七字

第四分別誦

癸卯歲高麗國大藏都監奉
勅彫造

中阿含經卷第四十二

濕

東晉高僧三藏瞿曇僧伽提婆譯

梵志品梵摩經第十

第四分別誦

我聞如是一時佛遊鞞陀提國與大
比丘衆俱。爾時彌薩羅有梵志名曰
梵摩。極大富樂。資財無量。畜牧產業
不可稱計。封戶食邑種種具足。食豐
彌薩羅。乃至水草木。謂摩竭陀王未
生怨。鞞陀提子特與梵封。梵志梵摩
有一摩納。名優多羅。為父母所舉。受
生清淨。乃至七世。父母不絕種族。生
生無惡。博聞。摠持。誦過四典。經深達
因緣。正文戲五句。說梵志梵摩。聞有
沙門瞿曇。釋種子。捨釋宗族。剝除鬚
髮。著袈裟。木至信。捨家。無家。學道。遊
鞞陀提國。與大比丘衆俱。彼沙門瞿
曇。有大名稱。周聞十方。彼沙門瞿曇
如來。無所著等。正覺。明行。成為善逝。
世間解。無上士。道法。御天人。師。号佛。
衆祐。彼於此世。天及魔。梵沙門。梵志
徒人。至天。自知。自覺。自作。證成。就遊
彼說法。初妙。中妙。竟亦妙。有義。有文。

具足清淨顯現梵行復次聞彼沙門瞿曇成就三十二大人之相若成就大人相者必有二處真諦不虛若在家人者必為轉輪王聰明智慧有四種軍整御天下由已自在如法法王成就七寶彼七寶者輪寶為寶馬寶珠寶女寶居士寶主兵臣寶是謂為七千子具足顏貌端政勇猛無畏能伏他眾彼必統領此一切地乃至大海不以刀杖以法教令令得安隱若剃除鬚髮著袈裟衣至信捨家無家學道者必得如來無所著等正覺名稱流布周聞十方梵志梵摩聞已告曰優多羅我聞如是彼沙門瞿曇釋種子捨釋宗族剃除鬚髮著袈裟衣至信捨家無家學道遊鞞陀提國與大比丘眾俱優多羅彼沙門瞿曇有大名稱周聞十方彼沙門瞿曇如來無所著等正覺明行成為善逝世間解無上士道法御天人師号佛眾祐彼於此世天及魔梵沙門梵志從人至天自知自覺自作證成就遊彼說法初妙中妙竟亦妙有義有文具足清

淨顯現梵行復次優多羅彼沙門瞿
曇成就三十二大人之相若成就大
人相者必有二處真諦不虛若在家
者必為轉輪王聰明智慧有四種軍
整御天下由已自在如法法王成就
七寶彼七寶者輪寶為寶馬寶珠寶
女寶居士寶主兵臣寶是謂為七千
子具足顏貌端政勇猛無畏能伏他
衆彼必統領此一切地乃至大海不
以刀杖以法教令令得安隱若剷除
鬚鬚著袈裟衣至信捨家無家學道
者必得如來無所著等正覺名稱流
布周聞十方優多羅汝受持諸經有
三十二大人之相若成就大人相者
必有二處真諦不虛若在家者必為
轉輪王聰明智慧有四種軍整御天
下由已自在如法法王成就七寶彼
七寶者輪寶為寶馬寶珠寶女寶居
士寶主兵臣寶是謂為七千子具足
顏貌端政勇猛無畏能伏他衆彼必
統領此一切地乃至大海不以刀杖
以法教令令得安隱若剷除鬚鬚著
袈裟衣至信捨家無家學道者必得

如米無所著等正覺名稱流布周聞
十方優多羅答曰唯然世尊我受持
諸經有三十二大人之相若成就大
人相者必有二處真諦不虛若在家
者必為轉輸王聰明智慧有四種軍
整御天下由已自在如法法王成就
七寶彼七寶者輪寶為寶馬寶珠寶
寶寶居士寶主兵臣寶是謂為七千
子具足顏貌端政勇猛無畏能伏他
衆彼必統領此一切地乃至大海不
以刀杖以法教令令得安隱若剷除
鬚髮著袈裟衣至信捨家無家學道
者必得如來無所著等正覺名稱流
布周聞十方梵志梵摩告曰優多羅
汝往詣彼沙門瞿曇所觀彼沙門瞿
曇為如是為不如是實有三十二大
人相耶優多羅摩納聞已稽首梵志
梵摩足繞三匝而去往詣佛所共相
問訊却坐一面觀世尊身三十二相
彼見世尊身有三十二相於二相疑惑
陰馬藏及廣長舌世尊念口此優多
羅於我身觀三十二相彼口有三十二
相於二相疑惑陰馬藏及廣長舌我

今寧可斷其疑惑世尊知已卽如其像作如意足如其像作如意足已令優多羅摩納見我身陰馬藏及廣長舌於是世尊卽如其像作如意足如其像作如意足已優多羅摩納見世尊身陰馬藏及廣長舌廣長舌者從口出舌盡覆其面優多羅摩納見已而作是念沙門瞿曇成就三十二大人之相若成就大人相者必有二處真諦不虛若在家者必為轉輪王聰明智慧有四種軍整御天下由已自在如法法王成就七寶彼七寶者輪寶烏寶馬寶珠寶寶女寶居士寶主兵臣寶是謂為七千子具足顏貌端政勇猛無畏能伏他衆彼必統領此一切地乃至大海不以刀杖以法教令令得安隱若剷除曠蕪著袈裟衣至信捨家無家學道者必得如來無所著等正覺名稱流布周聞十方優多羅摩納復作是念我寧可極觀威儀禮節及觀遊行所趣於是優多羅摩納尋隨佛行於夏四月觀威儀禮節及觀遊行所趣優多羅摩納過夏四

月悅可世尊威儀禮節及觀遊行所
趣白曰瞿曇我今有事欲還請辭世
尊告曰優多羅汝去隨意優多羅摩
納聞世尊所說善受善持即從坐起
繞三匝而去往詣梵志梵摩所稽首
梵志梵摩足却坐一面梵志梵摩問
曰優多羅實如所聞沙門瞿曇有大
名稱周聞十方為如是為不如是實
有三十二大人相耶優多羅摩納荅
曰唯然尊實如所聞沙門瞿曇有大
名稱周聞十方沙門瞿曇如是非不
如是實有三十二相尊沙門瞿曇足
安平立是謂尊沙門瞿曇大人大人
之相復次尊沙門瞿曇足下生輪輪
有千輻一切具足是謂尊沙門瞿曇
大人大人之相復次尊沙門瞿曇足
指纖長是謂尊沙門瞿曇大人大人
之相復次尊沙門瞿曇足周正直是
謂尊沙門瞿曇大人大人之相復次
尊沙門瞿曇足跟踝後兩邊平滿是
謂尊沙門瞿曇大人大人之相復次
尊沙門瞿曇足兩踝臍是謂尊沙門
瞿曇大人大人之相復次尊沙門瞿

曇身毛上向是謂尊沙門瞿曇大人
大人之相復次尊沙門瞿曇手足網
網猶如鴈王是謂尊沙門瞿曇大人
大人之相復次尊沙門瞿曇手足極
妙柔弱軟軟猶梵羅華是謂尊沙門
瞿曇大人大人之相復次尊沙門瞿
曇肌皮軟細塵水不著是謂尊沙門
瞿曇大人大人之相復次尊沙門瞿
曇一一毛一一毛者身一一孔一毛生
色若紺青如螺右旋是謂尊沙門瞿
曇大人大人之相復次尊沙門瞿曇
處蹲脇猶如鹿王是謂尊沙門瞿曇
大人大人之相復次尊沙門瞿曇陰
馬藏猶良馬王是謂尊沙門瞿曇大
人大人之相復次尊沙門瞿曇身形
圓好猶尼拘類樹上下圓相稱是謂
尊沙門瞿曇大人大人之相復次尊
沙門瞿曇身不阿曲身不曲者平立
伸手以摩其膝是謂尊沙門瞿曇
大人大人之相復次尊沙門瞿曇身
黃金色如紫磨金是謂尊沙門瞿曇
大人大人之相復次尊沙門瞿曇身
七處滿七處滿者兩手兩足兩肩及

頂是謂尊沙門瞿曇大人大人之相
復次尊沙門瞿曇其上身大猶如師
子是謂尊沙門瞿曇大人大人之相
復次尊沙門瞿曇師子類車是謂尊
沙門瞿曇大人大人之相復次尊沙
門瞿曇脊背平直是謂尊沙門瞿曇
大人大人之相復次尊沙門瞿曇兩
肩上連通頸平滿是謂尊沙門瞿曇
大人大人之相復次尊沙門瞿曇四
十齒牙齒不踈齒白齒通味第一味
是謂尊沙門瞿曇大人大人之相復
次尊沙門瞿曇梵音可愛其聲猶如
迦羅毗伽是謂尊沙門瞿曇大人大
人之相復次尊沙門瞿曇廣長舌廣
長舌者舌從口出遍覆其面是謂尊
沙門瞿曇大人大人之相復次尊沙
門瞿曇永浹處滿猶如牛王是謂尊
沙門瞿曇大人大人之相復次尊沙
門瞿曇眼色紺青是謂尊沙門瞿曇
大人大人之相復次尊沙門瞿曇頂
有肉瑤圉圓相稱髮螺右旋是謂尊
沙門瞿曇大人大人之相復次尊沙
門瞿曇眉間生毛潔白右縈是謂尊

沙門瞿曇大人大人之相是謂尊沙門
瞿曇成就三十二大人之相若成就
大人相者必有二處真諦不虛若在
家者必為轉輪王聰明智慧有四種
軍整御天下由已自在如法法王成
就七寶彼七寶者輪寶為寶馬寶珠
寶女寶居士寶主兵臣寶是謂為七
千子具足顏貌端政勇猛無畏能伏
他衆彼必統領此一切地乃至大海
不以刀杖以法教令令得安隱若剃
除鬚髮著袈裟衣至信捨家無家學
道者必得如來無所著等正覺名稱
流布周聞十方復次尊我見沙門瞿
曇著衣已著衣被衣已被衣出房已
出房出園已出園行道至村間入村
已入村在巷入家已入家正牀已正
牀坐已坐澡手已澡手受飲食已受
飲食食已食澡手呪願從坐起出家
已出家在巷出村已出村入園已入
園入房已入房尊沙門瞿曇著衣齊
整不高不下衣不近體風不能令衣
遠離身尊沙門瞿曇被衣齊整不高
不下衣不近體風不能令衣遠離身

尊沙門瞿曇常著新衣隨順於聖以
刀割截染作惡色如是彼聖染作惡
色彼持衣者不為財物不為貢高不
為自饒不為莊嚴但為障蔽蚊蠅風
日之所觸故及為慙愧覆其身故彼
出房時身不佞仰尊沙門瞿曇出房
時終不佞身尊沙門瞿曇若欲行時
先舉右足正舉正下行不擾亂亦無
惡亂行時兩踝終不相振尊沙門瞿
曇行時不為塵土所全所以者何以
本善行故彼出國時身不佞仰尊沙
門瞿曇出國時終不佞身往到村間
身極右旋觀察如龍遍觀而觀不恐
不怖亦不驚懼觀於諸方所以者何
以如來無所著等正覺故彼入村時
身不佞仰尊沙門瞿曇入村時終不
佞身彼在街巷不佞視亦不仰視唯
直正視於中不尋所知所見尊沙門
瞿曇諸根常定所以者何以本善行
故彼入家時身不佞仰尊沙門瞿曇
入家時終不佞身尊沙門瞿曇迴身
右旋正牀而坐彼於牀上不極身力
坐亦不以手案膝坐牀彼坐牀已不

悵悵不煩惱亦復不樂受澡水時不
高不下不多不少彼受飲食不高不
下不多不少尊沙門瞿曇受食平鉢
等羹飲食尊沙門瞿曇搏食齊整徐
著口中搏食未至不豫張口及在口
中三嚼而咽無飯及羹亦不斷碎有
餘在口復內後搏尊沙門瞿曇以三
事清淨食欲得味不欲染味彼食不
為財物不為貢高不為自飭不為莊
嚴但欲存身久住無患用止故亦不
起新病存命無患有力快樂飯食
已訖受洗手水不高不下不多不少
受澡鉢水不高不下不多不少彼洗
手淨已其鉢亦淨洗鉢淨已其手亦
淨拭手已便拭鉢拭鉢已便拭手彼
洗拭鉢已安著一面不近不遠不數
觀鉢亦不為鉢彼不毀咎此食亦不
稱譽彼食但慙默然已為諸居士說
法勸發渴仰成就歡喜無量方便為
彼說法勸發渴仰成就歡喜已即從
坐起便退而還彼出家時身不佞仰
尊沙門瞿曇出家時終不佞身彼在
街巷不佞覲亦不仰覲唯直正覲於中

不導所知所見尊沙門瞿曇諸根常

定所以者何以本善行故彼出村時

身不佞仰尊沙門瞿曇出村時終不

佞身彼入園時身不佞仰尊沙門瞿

曇入園時終不佞身彼中食後叉舉

衣鉢澡洗手足以尼師檀著於肩上

入房宴坐尊沙門瞿曇饒益世間故

入房宴坐尊沙門瞿曇則於晡時從

宴坐起面色光澤所以者何以如來

無所著等正覺故尊沙門瞿曇口出

八種音聲一曰甚深二曰毗摩樓皤

三曰入心四曰可愛五曰極滿六曰法

瞿七曰分了八曰智也多人所愛多

人所樂多人所念令得心定尊沙門

瞿曇隨衆說法聲不出衆外唯在於

衆為彼說法勸發渴仰成就歡喜無

量方便為彼說法勸發渴仰成就歡

喜已即從坐起還歸本所尊沙門瞿

曇其像如是但有殊勝復過於是尊

我欲詣彼沙門瞿曇從學梵行梵志

梵摩告曰隨意於是優多羅摩納稽

首梵志梵摩足繞三匝而去往詣佛

所稽首佛足却坐一面白曰世尊願

從世尊學道受具足成就比丘得從
世尊修行梵行於是世尊度優多羅
摩納令學道受具足已遊行鞞陀提國與
大比丘衆俱展轉進前到彌薩羅住
彌薩羅大天捺林彼彌薩羅梵志居
士聞沙門瞿曇釋種子捨釋宗族出
家學道遊行鞞陀提國與大比丘衆
俱展轉來至此彌薩羅住大天捺林
沙門瞿曇有大名稱周聞十方沙門
瞿曇如來無所著等正覺明行成為
善逝世間解無上士道法御天人師
号佛衆祐彼於此世天及魔梵沙門
梵志從人至天自知自覺自作證成
就遊彼說法初妙中妙竟亦妙有義
有文具足清淨顯現梵行若有見如
來無所著等正覺敬重禮拜供養承
事者快得善利我等寧可共往見彼
沙門瞿曇禮拜供養彼彌薩羅梵志
居士各與等類眷屬相隨從彌薩羅
出北行至大天捺林欲見世尊禮拜
供養往詣佛已或有彌薩羅梵志居
士稽首佛足却坐一面或有與佛共

相問訊却坐一面或有叉手向佛却坐一面或有遇見佛已默然而坐彼彌薩羅梵志居士各各坐已佛為說法勸發渴仰成就歡喜無量方便為彼說法勸發渴仰成就歡喜已默然而住梵志梵摩聞沙門瞿曇釋種子捨釋宗族出家學道遊行鞞陀提國與大比丘衆俱展轉來至此彌薩羅國住大天捺林彼沙門瞿曇有大名稱周聞十方彼沙門瞿曇如來無所著等正覺明行成為善逝世間解無上士道法御天人師号佛衆祐彼於此世天及魔梵沙門梵志從人至天自知自覺自作證成就遊彼說法初妙中妙竟亦妙有義有文具足清淨顯現梵行若有見如來無所著等正覺敬重礼拜供養承事者忝得善利我寧可往見沙門瞿曇礼拜供養梵志梵摩告御者曰汝速嚴駕我今欲往詣沙門瞿曇御者受教即速嚴駕訖還白曰嚴駕已畢尊自知時於是梵摩乘極賢妙車從彌薩羅出北行至大天捺林欲見世尊礼拜供養

尔時世尊在無量衆前後圍繞而為說法梵志梵摩遙見世尊在無量衆前後圍繞而為說法見已恐怖於是梵摩即避在道側至樹下住告一摩納汝往詣彼沙門瞿曇為我問訊聖體康強安快無病起居輕便氣力如常耶作如是語瞿曇我師梵摩問訊聖體康強安快無病起居輕便氣力如常耶瞿曇我師梵摩欲來見沙門瞿曇於是摩納即受教行往詣佛所共相問訊却坐一面白曰瞿曇我師梵摩問訊聖體康強安快無病起居輕便氣力如常耶瞿曇我師梵摩欲來見沙門瞿曇世尊告曰摩納令梵志梵摩安隱快樂今天及人阿修羅捷沓起羅刹及餘種種身安隱快樂摩納梵志梵摩欲來隨意於是摩納聞佛所說善受善持即從坐起繞佛三匝而去還詣梵志梵摩所白曰尊我已通沙門瞿曇彼沙門瞿曇今住待尊唯尊知時梵志梵摩即從車下步詣佛所彼衆遙見梵志梵摩來即從座起開道避之所以者何以有

名德及多識故梵志梵摩告彼衆曰
諸賢各各復坐我欲直往見沙門瞿
曇於是梵摩往詣佛所共相問評却
坐一面尔時梵摩不壞二根眼根及
耳根梵志梵摩坐已諦觀佛身三十
二相彼見三十相於二相有疑陰馬
藏及廣長舌梵志梵摩即時以偈問
世尊曰

如我昔曾所聞 三十二大人相
於中求不見二 尊沙門瞿曇身
為有陰馬藏不 一切人尊深密
云何為人取尊 不現視微妙舌
若尊有廣長舌 唯願令我得見
今實有疑惑心 願調御決我疑
世尊作是念此梵志梵摩求我身三
十二相彼見三十於二有疑陰馬藏
及廣長舌我今寧可除彼疑惑世尊
知已作如其像如意足作如其像如
意足已梵志梵摩見世尊身陰馬藏
及廣長舌於中廣長舌者古從口出
盡覆其面世尊止如意足已為梵志
梵摩說此頌曰

謂汝昔曾所聞 三十二大人相

彼一切在我身

滿具足寂上正

調御斷於我疑 梵志發微妙信

至難得見聞寂上正盡覺 出世為極難

寂上正盡覺梵志我正覺 無上正法王

梵志梵摩問已而作是念此沙門瞿

曇成就三十二大人之相謂成就大

人相者必有二處真諦不虛若在家

者必為轉輪王聰明智慧有四種軍

整御天下如法法王成就七寶彼七

寶者輪寶為寶馬寶珠寶寶女寶居士

寶主兵臣寶是謂為七千子具足顏

貌端政勇猛無畏能伏他眾彼必統

領此一切地乃至大海不以刀杖以

法教令令得安隱若剷除鬚髮著袈

裟衣至信捨家無家學道者必得如

來無所著等正覺名稱流布周聞十

方於是世尊而作是念此梵志梵摩

長夜無諛諂無欺誑所欲所問者一

切欲知非為觸燒彼亦如是我寧可

說彼甚深阿毗曇世尊知已為梵志

梵摩即說頌曰

現世樂法故 饒益為後世 梵志汝問事

隨本意所思 彼彼諸問事 我為汝斷疑

世尊已許問梵志梵摩故便問世尊事
隨本意所思云何為梵志三達有何義
以何說無著何等正盡覺

爾時世尊以頌答曰

滅惡不善法立住擇梵行修習梵志正
以此為梵志明達於過去見樂及惡道
得無明盡說知是立牟尼善知清淨心
盡脫婬怒癡成就於三明以此為三達
遠離不善法正住第一義第一世所敬
以此為無著饒益天及人與眼滅壞謬
普知現覩盡以此正盡覺

於是梵摩即從座起欲稽首佛足彼
時大眾同時俱發高大音聲沙門瞿
曇甚奇甚特有大如意足有大威德
有大福祐有大威神所以者何此彌
薩羅國所有梵志居士者梵志梵
摩於彼取第一謂出生故梵志梵摩
為父母所舉受生清淨乃至七世父
母不絕種族生生無惡彼為沙門瞿
曇極下意尊敬作礼供養奉事沙門
瞿曇甚奇甚特有大如意足有大威
德有大福祐有大威神所以者何此
彌薩羅國所有梵志居士者梵志梵

摩於彼取第一謂學書故梵志梵摩
博聞摠持誦過四典經深達因緣正
文戲五句說彼為沙門瞿曇極下意
尊敬作禮供養奉事沙門瞿曇其奇
甚特有大如意足有大威德有大福
祐有大威神所以者何此彌薩羅國
所有梵志居士者梵志梵摩於彼取
第一謂財物故梵志梵摩極大富樂
資財無量畜牧產業不可稱計封戶
食邑種種具足食豐彌薩羅乃至水
草木謂王摩竭陀末生怨顰陀提子
特與梵封彼為沙門瞿曇極下意尊
敬作禮供養奉事沙門瞿曇其奇甚
特有大如意足有大威德有大福祐
有大威神所以者何此彌薩羅國所
有梵志居士者梵志梵摩於彼取第
一謂壽命故梵志梵摩極大長老壽
命具足年百二十六彼為沙門瞿曇
極下意尊敬作禮供養奉事是時世
尊以他心智知彼大眾心之所念世
尊知已告梵志梵摩止止梵志但心
甚足可還復坐為汝說法梵志梵摩
稽首佛足却坐一面世尊為彼說法

勸發渴仰成就歡喜無量方便為彼
說法勸發渴仰成就歡喜已如諸佛
戒說生天法毀世欲為灾患生死為
穢稱歎無欲為妙道品白淨為說是
已佛知彼有歡喜心具足心柔軟心
堪耐心昇上心一向心無疑心無蓋
心有能有力受佛工法謂如諸佛所
說正要世尊具為彼說苦習滅道梵
志梵摩即於座上見四聖諦苦習滅
道猶如白素易染為色如是梵摩即
於座上見四聖諦苦習滅道於是梵
摩見法得法覺白淨法斷疑度惑更
無餘尊不復由他無有猶豫已住果
證於世尊法得無所畏即從座起稽
首佛足世尊我今自歸於佛法及比
丘眾唯願世尊受我為優婆塞從今
日始終身自歸乃至命盡時梵志梵
摩叉手向佛白曰世尊唯願明日垂
顧受請及比丘眾世尊為梵志梵摩
故默然而受梵志梵摩知世尊默然
受已稽首佛足繞三匝而去還歸其
家即於其夜施設餚饌極妙上味種

種豐饒食散舍消施設已訖平旦敷
牀至時唱曰世尊飯食已辦聖知
時於是世尊過夜平旦著衣持鉢比
丘翼從世尊在前往詣梵志梵摩家
於比丘衆前敷座而坐梵志梵摩知
世尊及比丘衆衆坐已定自行澡水
以上味餽饌種種豐饒食散舍消自
手斟酌令極飽滿食訖收器行澡水
竟取一小牀坐受兜願梵志梵摩坐
已世尊為彼說呪願曰

呪火第一齋 通音諸音本 王為人中尊
海為江河長 月為星中明 明照無過日
上下維諸方 及一切世間 從人乃至天
唯佛寂第一

於是世尊為梵志梵摩說呪願已從
座起去彌薩羅國住經數日攝衣持
鉢則便遊行至舍衛國展轉前進到
舍衛國住勝林給孤獨園於是衆多
比丘舍衛乞食時聞彼彌薩羅梵志
梵摩以偈問佛事彼便命終諸比丘
聞已食訖中後收舉衣鉢澡洗手足
以尼師檀著於肩上往詣佛所稽首
作礼却住一面白曰世尊我等衆多

比丘平旦著衣持鉢入舍衛乞食時
聞彼彌薩羅梵志梵摩以渴問佛事
彼使命終世尊彼至何處為生何許
後世云何世尊答曰比丘梵志梵摩
趣有大利寂後知法為法故不煩勞
我比丘梵志梵摩五下分結盡生彼
得般涅槃得不退法不還此世尔時
世尊記說梵摩得阿耨舍佛說如是
梵志梵摩及諸比丘聞佛所說歡喜
奉行

梵摩經第十竟

六十七字
七十六字

中阿含經卷第四十一

六十七字
七十六字

中阿含梵志品第一竟

三万四
五十四字

癸卯歲高麗國大藏都監奉
勅彫造

中阿含經卷第四十二

溫

東晉阿育三藏經曇無竭加提婆譯

根本分別品第二

有十經

第四分別誦

分別六界處觀法溫泉林釋中禪室尊
阿難說意行拘樓瘦無諍鸚鵡分別業
中阿含根本分別品分別六界經第一
我聞如是一時佛遊摩竭陀國往詣王
舍城宿於是世尊往至陶家語曰陶
師我今欲寄陶屋一宿汝見聽耶陶
師荅曰我無所違然有一比丘先已
住中若彼聽者欲住隨意今時尊者
弗迦邏婆利先已在彼住陶屋中於
是世尊出陶師家入彼陶屋語尊者
弗迦邏婆利曰比丘我今欲寄陶屋
一宿汝見聽耶尊者弗迦邏婆利荅
曰君我無所違且此陶屋草座已敷
君欲住者自可隨意今時世尊從彼
陶屋出外洗足訖還入內於草座上
敷尼師檀結跏趺坐竟夜默然靖坐
定意尊者弗迦邏婆利亦竟夜默然
靖坐定意彼時世尊而作是念此比
丘住止寂靖甚奇甚特我今寧可問

彼比丘汝師是誰依誰出家學道受法世尊念已問曰比丘汝師是誰依誰出家學道受法尊者弗迦邏娑利答曰賢者有沙門瞿曇釋種子捨釋宗族剃除鬚髮著袈裟衣至信捨家無家學道覺無上正盡覺彼是我師依彼出家學道受法世尊即復問曰比丘曾見師耶尊者弗迦邏娑利答曰不見世尊問曰若見師者為識不耶尊者弗迦邏娑利答曰不識然賢者我聞世尊如來無所著等正覺萌行成為善逝世間解無上士道法御天人師号佛眾祐彼是我師依彼出家學道受法彼時世尊復作是念此族姓子依我出家學道受法我今寧可為說法耶世尊念已語尊者弗迦邏娑利曰比丘我為汝說法初善中善竟亦善有義有文具足清淨顯現梵行謂分別六界汝當諦聽善思念之尊者弗迦邏娑利答曰唯然佛告彼曰比丘人有六界聚六觸處十八意行四住處若有住彼不聞憂感事不聞憂感事已意便不憎不憂不勞亦不

恐怖如有教不放逸慧守護真諦
長養惠施比丘當學取上當學至教
分別六界如是比丘人有六界聚此說
何因謂地界水界火界風界空界識
界比丘人有六界聚者因此故說比
丘人有六觸處此說何因謂比丘眼
觸見色耳觸聞聲鼻觸嗅香舌觸嘗
味身觸覺觸意觸知法比丘人有六
觸處者因此故說比丘人有十八意
行此說何因謂比丘眼見色觀色喜
住觀色憂住觀色捨住如是耳鼻舌
身意知法觀法喜住觀法憂住觀法
捨住比丘此六喜觀六憂觀六捨觀
合已十八行比丘人有十八意行者因
此故說比丘人有四住處此說何因
謂真諦住處慧住處施住處息住處
比丘人有四住處者因此故說云何
比丘不放逸慧若有比丘分別身界
令我此身有內地界而受於生此為
云何謂髮毛爪齒急細膚皮肉骨筋
腎心肝肺脾大腸胃糞如斯之比此
身中餘在內內所攝堅堅性住內於生
所受是謂比丘內地界也比丘若有

內地界及外地界者彼一切摠說地界彼一切非我有我非彼有亦非神也如是慧觀知其如真心不染著於此地界是謂比丘不放逸慧復次比丘不放逸慧若有比丘分別身界今我此身有內水界而受於生此為云何謂腦膜眼淚汗涕唾膿血肪髓涎淡小便如斯之比此身中餘在內內所攝水水性潤內於生所受是謂比丘內水界也比丘若有內水界及外水界者彼一切摠說水界彼一切非我有我非彼有亦非神也如是慧觀知其如真心不染著於此水界是謂比丘不放逸慧復次比丘不放逸慧若有比丘分別此身界今我此身有內火界而受於生此為云何謂熱身暖身煩悶身溫在身謂消飲食如斯之比此身中餘在內內所攝火火性熱內於生所受是謂比丘內火界也比丘若有內火界及外火界者彼一切摠說火界彼一切非我有我非彼有亦非神也如是慧觀知其如真心不染著於此火界是謂比丘不放逸

慧復次比丘不放逸慧若有比丘分別身界今我此身有內風界而受於生此為云何謂上風下風脇風掣縮風斂風非道風節節風息出風息入風如斯之比此身中餘在內內所攝風風性動內於生所受是謂比丘內風界也比丘若有內風界及外風界者彼一切摠說風界彼一切非我有我非彼有亦非神也如是慧觀知其如真心不染著於此風界是謂比丘不放逸慧若有比丘分別身界今我此身有內空界而受於生此為云何謂眼空耳空鼻空口空咽喉動搖謂食散含消安徐咽住若下過出如斯之比此身中餘在內內所攝空在空不為肉皮骨筋所覆是謂比丘內空界也比丘若有內空界及外空界者彼一切摠說空界彼一切非我有我非彼有亦非神也如是慧觀知其如真心不染著於此空界是謂比丘不放逸慧比丘若有比丘於此五界知其如真知如真已心不染彼而解脫者唯有餘識此

何等識樂識苦識喜識憂識捨識比丘因樂更樂故生樂覺彼覺樂覺樂覺已即知覺樂覺若有比丘滅此樂更樂滅此樂更樂已若有從樂更樂生樂覺者彼亦滅息止知已冷也比丘因苦更樂故生苦覺彼覺苦覺苦覺已即知覺苦覺若有比丘滅此苦更樂滅此苦更樂已若有從苦更樂生苦覺者彼亦滅息止知已冷也比丘因喜更樂故生喜覺彼覺喜覺喜覺已即知覺喜覺若有比丘滅此喜更樂滅此喜更樂已若有從喜更樂生喜覺者彼亦滅息止知已冷也比丘因憂更樂故生憂覺彼覺憂覺憂覺已即知覺憂覺若有比丘滅此憂更樂滅此憂更樂已若有從憂更樂生憂覺者彼亦滅息止知已冷也比丘因捨更樂故生捨覺彼覺捨覺捨覺已即知覺捨覺若有比丘滅此捨更樂滅此捨更樂已若有從捨更樂生捨覺者彼亦滅息止知已冷也比丘彼彼更樂故生彼彼覺滅彼彼更樂已彼彼覺亦滅彼知此覺

從更樂更樂本更樂習從更樂生以
更樂為首依更樂行比丘猶如火母
因鑽及人方便熱相故而生火也比
丘彼彼衆多林木相離分散若從彼
生火火數熱於生數受彼都滅止息
則冷樵木也如是比丘彼彼更樂故
生彼彼覺滅彼彼更樂故彼彼覺亦
滅彼知此覺從更樂更樂本更樂習
從更樂生以更樂為首依更樂行若
比丘不深此三覺而解脫者彼比丘
唯存於捨極清淨也比丘彼比丘作
是念我此清淨捨移入無量空處修
如是心依彼住彼立彼緣彼繫縛於
彼我此清淨捨移入無量識處無所
有處非有想非無想處修如是心依
彼住彼立彼緣彼繫縛於彼比丘猶
工煉金上妙之師以火燒金鍛令極
薄又以火爇數數足火熟煉令淨極使
柔軟而有光明比丘此金者於金師
以數數足火熟煉令淨極使柔軟而
有光明已彼金師者隨所施設或纏
繒練嚴飭新衣指鐶臂釧環珞寶鬘
遺意所作如是比丘彼比丘作是念

我此清淨捨移入無量空處修如是
心依彼住彼立彼緣彼繫縛於彼我
此清淨捨移入無量識處無所有處
非有想非無想處修如是心依彼住
彼立彼緣彼繫縛於彼彼比丘復
作是念我此清淨捨依無量空處者
故是有為若有為者則是無常若無
常者即是苦也若是苦者便知苦知
苦已彼此捨不復移入無量空處我
此清淨捨依無量識處無所有處非
有想非無想處者故是有為若有為者
則是無常若無常者即是苦也若是
苦者便知苦知苦已彼此捨不復移
入無量識處無所有處非有想非無
想處比丘若有比丘於此四處以慧
觀之知其如真心不成就不移入者
彼於今時不復有為亦無所思謂有
及無彼受身寂後覺則知受身寂後
覺受命寂後覺則知受命寂後覺身
壞命終壽命已訖彼所覺一切滅息
止知至冷也比丘譬如燃燈因油因
炷彼若無人更增益油亦不續炷是
為前已滅訖後下相續無所復受如

是比丘受身取後覺則知受身取後覺受命取後覺則知受命取後覺身壞命終壽命已訖彼所覺一切滅息止知至冷也比丘是謂比丘第一正慧謂至究竟滅訖漏盡比丘成就於彼成就第一正慧處比丘此解脫住真諦得不移動真諦者謂如法也妄言者謂虛妄法比丘成就彼第一真諦處比丘彼比丘施說施若本必有怨家彼於今時放捨吐離解脫滅訖比丘是謂比丘第一正惠施謂捨離一切世盡無欲滅息止比丘成就於彼成就第一惠施處比丘彼比丘心為欲恚癡所穢不得解脫比丘此一切婬怒癡盡無欲滅息止得第一息比丘成就彼者成就第一息處比丘我者是自舉我當有是亦自舉我當非有非無是亦自舉我當色有是亦自舉我當無色有是亦自舉我當非有色非無色是亦自舉我當有想是亦自舉我當無想是亦自舉我當非有想非無想是亦自舉是貢高是憍傲是放逸比丘若無此一切自舉貢高

憍傲放逸者意謂之息比丘若意思者
便不憎不憂不勞不怖所以者何彼
比丘成就法故不復有可說憎者若
不憎則不憂不憂則不愁不愁則不
勞不勞則不怖因不怖便當般涅槃
生已盡梵行已立所作已辦不更受
有知如真說此法已尊者弗迦邏婆
利遠塵離垢諸法眼生於是尊者弗
迦邏婆利見法得法覺白淨法斷疑
度惑更無餘尊不復由他無有猶豫
已住果證於世尊法得無所畏即從
坐起稽首佛足白曰世尊我悔過善
逝我自首如愚如癡如不定如不善
解不識良田不能自知所以者何以
我稱如來無所著等正覺為君也唯
願世尊聽我悔過我悔過已後不
更作世尊告曰比丘汝實愚癡汝
實不定汝不善解謂稱如來無所著
等正覺為君也比丘若汝能自悔過
見已發露護不更作者比丘如是則
於聖法律中益而不損謂能自悔過
見已發露護不更作佛說如是尊者
弗迦邏婆利聞佛所說歡喜奉行

分別六界經第一竟

三千一百三十一字

中阿含根本分別品分別六處經第二

第二分 別誦

我聞如是一時佛遊舍衛國在勝林
給孤獨園尔時世尊告諸比丘我當
為汝說法初妙中妙竟亦妙有義有
文具足清淨顯現梵行謂分別六處
經諦聽諦聽善思念之時詣比丘白
曰世尊唯當受教佛言汝等六處當
知內也六更樂處當知內十八意行
當知內三十六刀當知內於中斷彼成
就是無量說法當知內三意止謂聖
人所習聖人所習已眾可教無上調
御士者謂御七趣一切方是謂分別
六處經事六處當知內者此何因說
謂眼處耳鼻舌身意處六處當知內
者因此故說六更樂處當知內者此
何因說謂眼更樂為見色耳更樂為
聞聲鼻更樂為嗅香舌更樂為嘗味
身更樂為覺觸意更樂為知法六更
樂處當知內者因此故說十八意行
當知內者此何因說比丘者眼見色已
分別色喜住分別色憂住分別色捨
住如是耳鼻舌身意知法已分別法

喜住分別法憂住分別法捨住是謂
分別六喜分別六憂分別六捨捨說
十八意行十八意行當知內者因此
故說三十六刀當知內者此何因說
有六喜依著有六喜依無欲有六憂
依著有六憂依無欲有六捨依著有
六捨依無欲云何六喜依著有云何六
喜依無欲眼見色已生喜當知二種
或依著有或依無欲云何喜依著有眼知
色可喜意念愛色欲相應樂未得者
欲得已得者憶已生喜如是喜是謂
喜依著有云何喜依無欲知色無常變
易盡無欲滅息前及今一切色無常
苦滅法憶已生喜如是喜是謂喜依
無欲如是耳鼻舌身意知法已生喜
當知二種或依著有或依無欲云何喜
依著有意知法可喜意念愛法欲相應
樂未得者欲得已得者憶已生喜如
是喜是謂喜依著有云何喜依無欲知
法無常變易盡無欲滅息前及今一
切法無常苦滅法憶已生喜如是喜
是謂喜依無欲云何六憂依著有云何
六憂依無欲眼見色已生憂當知二

種或依著或依無欲云何憂依著眼
知色可喜意念愛色欲相應樂未得
者不得已得者過去散壞滅變易生
憂如是憂是謂憂依著云何憂依無
欲知色無常變易盡無欲滅息前及
今一切色無常苦滅法憶已作是念
我何時彼處成就遊謂處諸聖人成
就遊是為上具觸願恐怖知苦憂生
憂如是憂是謂憂依無欲如是耳鼻
舌身意知法已生憂當知二種或依
著或依無欲云何憂依著意知法可
喜意念愛法欲相應樂未得者不得
已得者過去散壞滅變易生憂如是
憂是謂憂依著云何憂依無欲知法
無常變易盡無欲滅息前及今一切
法無常苦滅法憶已作是念我何時
彼處成就遊謂處諸聖人成就遊是
為上具觸願恐怖知苦憂生憂如是
憂是謂憂依無欲云何六捨依著云
何六捨依無欲眼見色已生捨當知
二種或依著或依無欲云何捨依著
眼知色生捨彼平等不多聞無智慧
愚癡凡夫為色有捨不離色是謂捨

依著云何捨依無欲知色無常變易
盡無欲滅息前及今一切色無常苦
滅法憶已捨住若有至意修習捨是
謂捨依無欲如是耳鼻舌身意知法
已生捨當知二種或依著或依無欲
云何捨依著意知法生捨平等不多
聞無智慧愚癡凡夫為法有捨不離
法是謂捨依著云何捨依無欲意知
法無常變易盡無欲滅息前及今一
切法無常苦滅法憶已捨住若有至
意修習捨是謂捨依無欲是為六喜
依著六喜依無欲六憂依著六憂依
無欲六捨依著六捨依無欲摠說三
十六刀當知內者因此故說於中斷
彼成就是者此何因說謂此六喜依
無欲取是依是住是也謂此六喜依
著滅彼除彼吐彼如是斷彼也謂此六
憂依無欲取是依是住是也謂此六
憂依著滅彼除彼吐彼如是斷彼也謂
此六捨依無欲取是依是住是也謂
此六捨依著滅彼除彼吐彼如是斷
彼也謂此六憂依無欲取是依是住
是也謂此六喜依無欲滅彼除彼吐

彼如是斷彼也謂此六捨依無欲取
是依是住是也謂此六憂依無欲滅
彼除彼吐彼如是斷彼也有捨無量
更樂若干更樂有捨一更樂不若干
更樂云何有捨無量更樂若干更樂
若捨為色為聲為香為味為觸此捨
無量更樂若干更樂云何捨一更樂
不若干更樂謂捨或依無量空處或
依無量識處或依無所有處或依非
有想非無想處此捨一更樂不若干
更樂謂此捨有一更樂不若干更樂
取是依是住是也謂此捨有無量更
樂若干更樂滅彼除彼吐彼如是斷
彼也取無量依無量住無量謂此捨
有一更樂不若干更樂取是依是住
是也謂此捨有無量更樂若干更樂
滅彼除彼吐彼如是斷彼也於中斷
彼成就是者因此故說無量說法當
知內者此何因說如來有四弟子有
增上行有增上意有增上念有增上
慧有辯才成就第一辯才壽活百歲
如來為彼說法滿百年除飲食時大
小便時睡眠息時及聚會時彼如來

所說法文句法句觀義以慧而速觀
義不復更問於如來法所以者何如
來說法無有極不可盡法文句法句
觀義乃至四弟子命終猶如四種善
射之人挽彊俱發善學善知而有方
便速徹過去如是世尊有四弟子有
增上行有增上意有增上念有增上
慧有辯才成就第一辯才壽活百歲
如來為彼說法滿百年除飲食時大
小便時睡眠息時及聚會時彼如來
所說法文句法句觀義以慧而速觀
義不復更問於如來法所以者何如
來無極不可盡無量說法當知內者
因此故說三意止謂聖人所習聖人
所習已眾可教者此何因說若如來
為弟子說法憐念愍傷求義及饒益
求安隱快樂發慈悲心是為饒益是
為快樂是為饒益樂若彼弟子而不
恭敬亦不順行不立於智其心不趣
向法次法不受正法違世尊教不能
得定者世尊不以此為憂感也但世
尊捨無所為常念常智是謂第一意
止謂聖人所習聖人所習已眾可教

也復次如來為弟子說法憐念慙傷
求義及饒益求安隱快樂發慈悲心
是為饒益是為快樂是為饒益樂若
彼弟子恭敬順行而立於智其心歸
趣向法次法受持正法不違世尊教
能得定者世尊不以此為歡喜也但
世尊捨無所為常念常智是謂第二
意止謂聖人所習聖人所習已衆可
教也復次如來為弟子說法憐念慙
傷求義及饒益求安隱快樂發慈悲
心是為饒益是為快樂是為饒益樂
或有弟子而不恭敬亦不順行不立
於智其心不趣向法次法不受正法
違世尊教不能得定者或有弟子恭
敬順行而立於智其心歸趣向法次
法受持正法不違世尊教能得定者
世尊不以此為憂感亦不歡喜但世
尊捨無所為常念常智是謂第三意
止謂聖人所習聖人所習已衆可教
也三意止謂聖人所習聖人所習已
衆可教者因此故說無上調御士者
調御士趣一切方者此何因說調御
士者此說調御士趣一方或東方或

南方或西方或北方調御鳥者調御

鳥趣一方或東方或南西北方調御

馬者調御馬趣一方或東方或南西

北方調御牛者調御牛趣一方或東

方或南西北方也無上調御士者調

御士趣一切方於中方者色觀色是

謂第一方內無色想外觀色是謂第

二方淨解脫身觸成就遊是謂第三

方度一切色想滅有對想不念若干

想無量空是無量空處成就遊是謂

第四方度一切無量空處無量識是

無量識處成就遊是謂第五方度一

切無量識處無所有是無所有處成

就遊是謂第六方度一切無所有處

非有想非無想是非有想非無想處

成就遊是謂第七方度一切非有想

非無想處想知滅盡身觸成就遊慧

觀漏盡斷智是謂第八方無上調御

士者調御士趣一切方者因此故說

佛說如是彼諸比丘聞佛所說歡喜

奉行

分別六處經第二竟

中阿含根本分別品分別觀法經第三

第四分別

我聞如是一時佛遊舍衛國在勝鉢
給孤獨園。今時世尊告諸比丘。我當
為汝說法。初妙中妙。竟亦妙。有義有
文。具足清淨。顯現梵行。謂分別觀法。
經諦聽。諦聽。善思念之。時諸比丘白
曰。世尊。唯當受教。佛言。比丘。如是如
是。觀如汝觀。已。比丘。心出外。灑散心
不住內。不受而恐怖。比丘。如是如是。
觀如汝觀。已。比丘。心不出外。不灑散
心。住內。不受。不恐怖。如是不復生老
病死。是說苦邊。佛說如是。已。即從坐
起。入室。燕坐。於是諸比丘便作是念。
諸賢當知。世尊略說此義。不廣分別。
即從坐起。入室。燕坐。比丘如是如是。
觀如汝觀。已。比丘。心出外。灑散心不
住內。不受而恐怖。比丘如是如是。觀
如汝觀。已。比丘。心不出外。不灑散心。
住內。不受。不恐怖。如是不復生老病
死。是說苦邊。彼復作是念。諸賢誰能
廣分別世尊向所略說義。彼復作是
念。尊者大迦旃延。常為世尊之所稱
譽。及諸智梵行人。尊者大迦旃延能
廣分別世尊向所略說義。諸賢共往。

詣尊者大迦旃延所請說此義若尊

者大迦旃延為分別者我等當善受

持於是諸比丘往詣尊者大迦旃延

所共相問評却坐一面白曰尊者大

迦旃延當知世尊略說此義不廣分

別即從坐起入室燕坐比丘如是如

是觀如汝觀已比丘心出外灑散心

不住內不受而恐怖比丘如是如是

觀如汝觀已比丘心不出外不灑散

心住內不受不恐怖如是不復生老

病死是說苦邊我等便作是念諸賢

誰能廣分別世尊向所略說義我等

復作是念尊者大迦旃延常為世尊

之所稱譽及諸智梵行人尊者大迦

旃延能廣分別世尊向所略說義唯

願尊者大迦旃延為慈愍故而廣說

之今時尊者大迦旃延告曰諸賢聽

我說喻慧者聞喻則解其義諸賢猶

如有人欲得求實為求實故持斧入

林彼見大樹成根莖節枝葉花實彼

人不觸根莖節實但觸枝葉諸賢所

說亦復如是世尊現在捨來就我而

問此義所以者何諸賢當知世尊是

眼是智是義是法法主法將說真諦
義現一切義由彼世尊諸賢應往詣
世尊所而問此義世尊此云何此何
義如世尊說者諸賢等當善受持時
諸比丘白曰唯然尊者大迦旃延世
尊是眼是智是義是法法主法將說
真諦義現一切義由彼世尊我等應
往詣世尊所而問此義世尊此云何
此何義如世尊說者我等當善受持
然尊者大迦旃延常為世尊之所稱
譽及諸智梵行人尊者大迦旃延能
廣分別世尊向所略說義唯願尊者大
迦旃延為慈愍故而廣說之尊者大
迦旃延告諸比丘諸賢等共聽我所
說諸賢云何比丘心出外灑散諸賢
比丘眼見色識食色相識著色樂相
識縛色樂相彼色相味結縛心出外
灑散如是耳鼻舌身意知法識食法
相識著法樂相識縛法樂相彼法相
味結縛心出外灑散諸賢如是比丘
心出外灑散諸賢云何比丘心不出
外灑散諸賢比丘眼見色識不食色
相識不著色樂相識不縛色樂相彼

色相味不結縛心不出外灑散如是耳
鼻舌身意知法識不食法相識不著
法樂相識不縛法樂相彼法相味不結
縛心不出外灑散諸賢如是比丘心不
出外灑散諸賢云何比丘心不住內
諸賢比丘離欲離惡不善之法有覺
有觀離生喜樂得初禪成就遊彼
識著離味依彼住彼緣彼縛彼識不
住內復次諸賢比丘覺觀已息內靜
一心無覺無觀定生喜樂得第二禪
成就遊彼識著定味依彼住彼緣彼
縛彼識不住內復次諸賢比丘離於
喜欲捨無求遊正念正智而身覺樂
謂聖所說聖所捨念樂住室得第三
禪成就遊彼識著無喜味依彼住彼
緣彼縛彼識不住內復次諸賢比丘
樂滅苦滅喜憂本已滅不苦不樂捨
念清淨得第四禪成就遊彼識著捨
及念清淨味依彼住彼緣彼縛彼識
不住內復次諸賢比丘度一切色想
滅有對想求念若干想無量空是無
量空處成就遊彼識著空智味依彼住
彼緣彼縛彼識不住內復次諸賢比

丘度一切無量空處無量識是無量
識處成就遊彼識者識智味依彼住
彼緣彼縛彼識不住內復次諸賢比
丘度一切無量識處無所有是無所
有處成就遊彼識者無所有智味依
彼住彼緣彼縛彼識不住內復次諸
賢比丘度一切無所有處非有想非
無想是非有想非無想處成就遊彼
識者無想智味依彼住彼緣彼縛彼
識不住內諸賢如是比丘心不住內
諸賢云何比丘心住內諸賢比丘離
欲離惡不善之法有覺有觀離生喜
樂得初禪成就遊彼識不著離味不
依彼不住彼不緣彼不縛彼識住內
也復次諸賢比丘覺觀已息內靜一
心無覺無觀定生喜樂得第二禪成
就遊彼識不著定味不依彼不住彼
不緣彼不縛彼識住內也復次諸賢
比丘離於喜欲捨無求遊正念正智
而身覺樂謂聖所說聖所捨念樂住室
得第三禪成就遊彼識不著無喜味不
依彼不住彼不緣彼不縛彼識住內也
復次諸賢比丘樂滅苦滅喜憂本已滅

不苦不樂捨念清淨得第四禪成就
遊識不著捨及念清淨味不依彼不
住彼不緣彼不縛彼識住內也復次諸
賢比丘度一切色想滅有對想不念
若干想無量空是無量空處成就遊
彼識不著空智味不依彼不住彼不緣
彼不縛彼識住內也復次諸賢比丘
度一切無量空處無量識是無量識
處成就遊彼識不著識智味不依彼
不住彼不緣彼不縛彼識住內也復次
諸賢比丘度一切無量識處無所有
是無所有處成就遊彼識不著無所有
智味不依彼不住彼不緣彼不縛彼
識住內也復次諸賢比丘度一切無所
有處非有想非無想是非有想非無
想處成就遊彼識不著無想智味不
依彼不住彼不緣彼不縛彼識住內
也諸賢如是比丘心住內也諸賢去
何比丘不受而恐怖諸賢比丘不離
色不染不離色欲不離色愛不離色渴諸
賢若有比丘不離色不染不離色欲不離
色愛不離色渴者彼欲得色求色著色
住色色即是我是我有彼欲得色著

色住色色即是我色是我有已識捫
摸色識捫摸色已變易彼色時識轉
於色識轉於色已彼生恐怖法心住
於中因心不知故便怖懼煩勞不受
而恐怖如是覺想行比丘不離識染
不離識欲不離識愛不離識渴諸賢
若有比丘不離識染不離識欲不離
識愛不離識渴者彼欲得識未識著
識住識識即是我識是我有彼欲得
識未識著識住識識即是我識是我
有已識捫摸識識捫摸識已變易彼
識時識轉於識識轉於識已彼生恐
怖法心住於中因心不知故便怖懼
煩勞不受而恐怖諸賢如是比丘不
受恐怖諸賢去問比丘不受不恐怖
諸賢比丘離色染離色欲離色愛離
色渴諸賢若有比丘離色染離色欲
離色愛離色渴者彼不欲得色不求
色不著色不住色色非是我色非我
有彼不欲得色不求色不著色不住
色色非是我色非我有已識不捫摸
色識不捫摸色已變易彼色時識不
轉於色識不轉於色已彼不生恐怖

法心不住中因心知故便不怖懼不
煩勞不受不恐怖如是覺想行比
丘離識染離識欲離識愛離識渴諸
賢者有比丘離識染離識欲離識愛
雖識渴者彼不欲得識不求識不著
識不住識識非是我識非我有彼不
欲得識不求識不著識不住識識非
是我識非我有已識不捫摸識識不
捫摸識已變易彼識時識不轉於識
識不轉於識已彼不生恐怖法心不
住中因心知故便不怖懼不煩勞不受
不恐怖諸賢如之比丘不受不恐怖
諸賢謂世尊略說此義不廣分別即
從坐起入室燕坐比丘如是如是觀如
沒觀已比丘心出外灑散心不住內
不受而恐怖比丘如是如是觀如沒
觀已比丘心不出外不灑散心住內
不受不恐怖如是不復生老病死是
說苦邊此世尊略說不廣分別義我
以此句以此文廣說如是諸賢可住
向佛具陳若如世尊所說義者諸賢
等便可受持於是諸比丘聞尊者大
迦鞠延所說善受持誦即從坐起繞

尊者大迦旃延三匝而去往詣佛所稽
首作禮却坐一面白曰世尊向世尊
略說此義不廣分別即從坐起入室
燕坐尊者大迦旃延以此句以此文
而廣說之世尊聞已歎曰善哉善哉
我弟子中有眼有智有法有義所以
者何謂師為弟子略說此義不廣分
別彼弟子以此句以此文而廣說之
如迦旃延比丘所說汝等應當如是
受持所以者何以說觀義應如是也
佛說如是彼諸比丘聞佛所說歡喜
奉行

分別觀法經第三竟

二千七百
五十一字

中阿含經卷第四十二

八千二百
九十四字

癸卯歲高麗國大藏都監奉

勅彫造

中阿含經卷第四十三

溫

東晉別傳支那僧伽羅婆譯

根本分別品溫泉林天經第四第四分別誦

我聞如是一時佛遊王舍城在竹林
迦蘭哆園尔時尊者三弥提亦遊王
舍城住溫泉林於是尊者三弥提夜
將向旦從房而出往詣溫泉脫衣岸
上入溫泉浴浴已還出拭體著衣尔
時有一天形體極妙色像巍巍夜將
向旦往詣尊者三弥提所稽首作礼
却住一面彼天色像威神極妙光明
普照於溫泉岸彼天却住於一面已
白尊者三弥提曰比丘受持跋地羅
帝偈耶尊者三弥提答彼天曰我不
受持跋地羅帝偈也尋問彼天汝受
持跋地羅帝偈耶彼天答曰我亦不
受持跋地羅帝偈也尊者三弥提復
問彼天誰受持跋地羅帝偈耶彼天
答曰世尊遊此王舍城在竹林迦蘭
哆園彼受持跋地羅帝偈也比丘可
往面從世尊善受持誦跋地羅帝偈
所以者何跋地羅帝偈者有法有義

為梵行本趣智趣覺趣於涅槃族姓
者至信捨家無家學道當以跋地羅
帝偈善受持誦彼天說如是稽首尊
者三弥提足繞三匝已即彼處沒於
是尊者三弥提天沒不久往詣佛所
稽首作禮却坐一面山世尊我於
今日夜將向旦出房往詣彼溫泉所
脫衣岸上入溫泉浴浴已便出住岸
拭身今時有一天形體極妙色像魏
魏夜將向旦來詣我所稽首作禮却
住一面彼天色像威神極妙光明普
照於溫泉岸彼天却住於一面已而
白我曰比丘受持跋地羅帝偈耶我
答彼天不受持跋地羅帝偈也我問
彼天汝受持跋地羅帝偈耶彼天答
曰我亦不受持跋地羅帝偈也我復
問天誰受持跋地羅帝偈耶彼天答
曰世尊遊此王舍城住竹林迦蘭哆
園彼受持跋地羅帝偈也比丘可往
面從世尊善受持誦跋地羅帝偈所
以者何跋地羅帝偈者有義有法為
梵行本趣智趣覺趣於涅槃族姓者
至信捨家無家學道當以跋地羅帝

偈善受持誦彼天說如是稽首我足
繞三匝已即彼處沒世尊問曰三弥
提汝知彼天從何處來彼天名何耶
尊者三弥提荅曰世尊我不知彼天
從何所來亦不知名也世尊告曰三
弥提彼天子名正殿為三十三天軍
將於是尊者三弥提白曰世尊今正
是時善逝今正是時若世尊為諸比
丘說跋地羅帝偈者諸比丘從世尊
聞已當善受持世尊告曰三弥提諦聽
諦聽善思念之我當為汝說尊者三弥
提白曰唯然時諸比丘受教而聽佛言
慎莫念過去 亦勿願未來 過去事已滅
未來復未至 現在所有法 彼亦當為思
念無有堅強 慧者覺如是 若作聖人行
孰知愁於死 我要不會彼 大苦大患終
如是行精勤 晝夜無懈怠 是故常當說
跋地羅帝偈

佛說如是即從座起入室宴坐於是
諸比丘便作是念諸賢當知世尊略
說此教不廣分別即從座起入室宴坐
慎莫念過去 亦勿願未來 過去事已滅
未來復未至 現在所有法 彼亦當為思

念無有堅強 慧者覺如是 若作聖人行
孰知愁於死 我要不會被 大苦災患終
如是行精勤 晝夜無懈怠 是故常當說
跋地羅帝偈

彼復作是念諸賢誰能廣分別世尊
向所略說義彼復作是念尊者大迦
旃延常為世尊之所稱譽及諸智梵
行人尊者大迦旃延能廣分別世尊向
所略說義諸賢共往詣尊者大迦旃
延所請說此義若尊者大迦旃延為
分別者我等當善受持於是讀比丘
往詣尊者大迦旃延所共相問評却
坐一面白曰尊者大迦旃延當知世
尊略說此教不廣分別即從座起入
室宴坐

慎莫念過去 亦勿願未來 過去事已滅
未來復未至 現在所有法 彼亦當為思
念無有堅強 慧者覺如是 若學聖人行
孰知愁於死 我要不會被 大苦災患終
如是行精勤 晝夜無懈怠 是故常當說
跋地羅帝偈

我等便作是念諸賢誰能廣分別世
尊向所略說義我等復作是念尊者

大迦旃延常為世尊之所稱譽及諸
智梵行人尊者大迦旃延能廣分別
世尊向所略說義唯願尊者大迦旃
延為慈愍故而廣說之尊者大迦旃
延告曰諸賢聽我說喻慧者聞喻則
解其義諸賢猶如有人欲得求實為
求實故持斧入林彼見大樹成根莖
節枝葉華實彼人不觸根莖節實但
觸枝葉諸賢所說亦復如是世尊現
在捨來就我而問此義所以者何諸
賢當知世尊是眼是智是義是法法
主法將說真諦義現一切義由彼世
尊諸賢應往詣世尊所而問此義世
尊此云何此何義如世尊說者諸賢
等當善受持時諸比丘白曰唯然尊
者大迦旃延世尊是眼是智是義是
法法主法將說真諦義現一切義由
彼世尊我等往詣世尊所而問此義世
尊此云何此何義如世尊說者我等
當善受持然尊者大迦旃延常為世
尊之所稱譽及諸智梵行人尊者大
迦旃延能廣分別世尊向所略說義
唯願尊者大迦旃延為慈愍故而廣

說之尊者大迦旃延告諸比丘諸賢
等共聽我所說諸賢云何比丘念過
去耶諸賢比丘實有眼知色可喜意
所念愛色欲相應心樂捫摸本本即過
去也彼為過去識欲染著因識欲染
著已則便樂彼因樂彼已便念過去
如是耳鼻舌身實有意知法可喜意
所念愛法欲相應心樂捫摸本本即
過去也彼為過去識欲染著因識欲染
著已則便樂彼因樂彼已便念過去
諸賢如是比丘念過去也諸賢云何
比丘不念過去諸賢比丘實有眼知
色可喜意所念愛色欲相應心樂捫
摸本本即過去也彼為過去識不欲
染著因識不欲染著已則便不樂彼
因不樂彼已便不念過去如是耳鼻
舌身實有意知法可喜意所念愛法
欲相應心樂捫摸本本即過去也彼
為過去識不欲染著因識不欲染著
已則便不樂彼因不樂彼已便不念
過去諸賢如是比丘不念過去也諸
賢云何比丘願未來耶諸賢比丘若
有眼色眼識未來者彼未得欲得已

得心願因心願已則便樂彼因樂彼已
便願未來如是耳鼻舌身若有意法
意識未來者未得欲得已得心願因
心願已則便樂彼因樂彼已便願未
來諸賢如是比丘願未來也諸賢云
何比丘不願未來諸賢比丘若有眼
色眼識未來者未得不欲得已得心
不願因心不願已則便不樂彼因不
樂彼已便不願未來如是耳鼻舌身
若有意法意識未來者未得不欲得
已得心不願因心不願已則便不樂彼
因不樂彼已便不願未來諸賢如是
比丘不願未來也諸賢云何比丘受
現在法諸賢比丘若有眼色眼識現
在者彼於現在識欲染著因識欲染
著已則便樂彼因樂彼已便受現在
法如是耳鼻舌身若有意法意識現
在者彼於現在識欲染著因識欲染
著已則便樂彼因樂彼已便受現在
法諸賢如是比丘受現在法也諸賢
云何比丘不受現在法諸賢比丘若
有眼色眼識現在者彼於現在識不
欲染著因識不欲染著已則便不樂

彼因不樂彼已便不受現在法如是
耳鼻舌身若有意法意識現在者彼
於現在識不欲染著因識不欲染著
已則便不樂彼因不樂彼已便不受
現在法諸賢如是比丘不受現在法
諸賢謂世尊略說此教不廣分別即
從座起入室宴坐

慎莫念過去 亦勿願未來 過去事已滅
未來復未至 現在所有法 彼亦當為思
念無有堅強 慧者覺如是 若學聖人行
孰知愁於死 我輩不會彼 大苦災患終
如是行精勤 晝夜無懈怠 是故常當說
跋地羅帝偈

此世尊略說不廣分別我以此句以此
文廣說如是諸賢可徃向佛具陳若
如世尊所說義者諸賢等便可共受
持於是諸比丘聞尊者大迦旃延所
說善受持誦即從座起繞尊者大迦
旃延三匝而去徃詣佛所稽首作禮
却坐一面白曰世尊向世尊略說此
教不廣分別即從座起入室宴坐尊
者大迦旃延以此句以此文而廣說
之世尊聞已歎曰善哉善哉我弟子

中有眼有智有法有義所以者何謂師
為弟子略說此教不廣分別彼弟子
以此句以此文而廣說之如迦旃延
比丘所說汝等應當如是受持所以
者何以說觀義應如是也佛說如是
彼諸比丘聞佛所說歡喜奉行

溫泉林天經第四竟

二千五百
八十字

中阿含根本分別品釋中禪室尊經第五第眾別
我聞如是一時佛遊舍衛國在勝林給
孤獨園今時尊者盧夷強者遊於釋
中在無事禪室於是尊者盧夷強者夜
將向旦從彼禪室出在露地禪室蔭
中於繩牀上敷尼師檀結跏趺坐今時
有一天形體極妙色像巍巍夜將向
旦往詣尊者盧夷強者所稽首作禮却
住一面彼天色像威神極妙光明普
照於其禪室彼天却住於一面曰白尊
者盧夷強者曰比丘受持跋地羅帝
偈及其義耶尊者盧夷強者答彼天曰
我不受持跋地羅帝偈亦不受義尋
問彼天汝受持跋地羅帝偈及其義耶
彼天答曰我受持跋地羅帝偈然不
受義尊者盧夷強者復問彼天汝何受

持跋地羅帝偈而不受義耶彼天答曰
一時世尊遊王舍城住竹林迦蘭哆
園尔時世尊為諸比丘說跋地羅帝偈
慎莫念過去亦勿願未來過去事已滅
未來復未至現在所有法彼亦當為思
念無有堅強慧者覺如是若學聖人行
孰知愁於死我要不會彼大苦災患終
如是行精勤晝夜無懈怠是故常當說
跋地羅帝偈

比丘我如是受持跋地羅帝偈不受
持義尊者盧夷強者復問彼天誰受
持跋地羅帝偈及其義耶彼天答曰
佛遊舍衛國在勝林給孤獨園彼受
持跋地羅帝偈及其義也比丘可往
面從世尊善受持誦跋地羅帝偈及
其義也所以者何跋地羅帝偈及其
義者有義有法為梵行本趣智趣覺
趣於涅槃族姓者至信捨家無家學
道當以跋地羅帝偈及其義善受持
誦彼天說如是稽首尊者盧夷強者
足繞三匝已即彼處沒天沒不久於是
尊者盧夷強者在釋中受夏坐訖過
三月已補治衣竟攝衣持鉢往詣舍

衛國展轉進前至舍衛國住勝林給
孤獨園今時尊者盧栗強者往詣佛
所稽首作札却坐一面白曰世尊我
一時遊於釋中在無事禪室世尊我
於今時夜將向旦從彼禪室出在露
地禪室蔭中於繩牀上敷尼師檀結
跏趺坐今時有一天形體極妙色像
巍巍夜將向旦來詣我所稽首作札
却住一面彼天色像威神極妙光明
普照於其禪室彼天却住於一面已
而白我曰比丘受持跋地羅帝偈及
其義耶我答彼天不受持跋地羅帝
偈亦不受義尋問彼天汝受持跋地
羅帝偈及其義耶彼天答曰我受持
跋地羅帝偈然不受義我復問天云
何受持跋地羅帝偈而不受義耶天
答我曰一時佛遊王舍城住竹林迦
蘭哆園今時世尊為諸比丘說跋地
羅帝偈

慎莫念過去 亦勿願未來 過去事已滅
未來復未至 現在所有法 彼亦當為思
念無有堅強 慧者覺如是 若學聖人行
孰知愁於死 我要不會披 大苦灾患終

如是行精勤 晝夜不懈怠 是故常當說
跋地羅帝偈

比丘我如是受持跋地羅帝偈不受
持義也我復問天誰受持跋地羅帝
偈及其義耶天答我曰佛遊舍衛國
在勝林給孤獨園彼受持跋地羅帝
偈及其義也比丘可往面從世尊善
受持誦跋地羅帝偈及其義也所以
者何跋地羅帝偈及其義者有義有
法為梵行本趣智趣覺趣於涅槃族
姓者至信捨家無家學道當以跋地
羅帝偈及其義善受持誦彼天說如
是稽首我足繞三匝已即彼處沒於是
世尊問尊者盧夷強耆汝知彼天從
何處來彼天名何耶尊者盧夷強耆
答曰世尊我不知彼天從何處來亦
不知名也世尊告曰強耆彼天子名
般邨為二十三天軍將彼時尊者盧
夷強耆白曰世尊今正是時善逝今
正是時若世尊為諸比丘說跋地羅
帝偈及其義者諸比丘從世尊聞已
當善受持世尊告曰強耆諦聽善思
念之我當為汝廣說其義尊者盧夷

強耆白曰唯然當受教聽佛言

慎莫念過去 亦勿願未來 過去事已滅
未來復未至 現在所有法 彼亦當為思
念無有堅強 慧者覺如是 若作聖人行
孰知愁於死 我要不會彼 大苦災患終
如是行精勤 晝夜無懈怠 是故常當說
跋地羅帝偈

強耆云何比丘念過去耶若比丘樂過
去色欲著住樂過去覺想行識欲著
住如是比丘念過去也強耆云何比
丘不念過去若比丘不樂過去色不
欲不著不住不樂過去覺想行識不
著云何比丘願未來耶若比丘樂未
來色欲著住樂未來覺想行識欲著
住如是比丘願未來也強耆云何比
丘不願未來若比丘不樂未來色不
欲不著不住不樂未來覺想行識不
著云何比丘受現在法若比丘樂現
在色欲著住樂現在覺想行識欲著
住如是比丘受現在法強耆云何比
丘不受現在法若比丘不樂現在色

不欲不著不住不樂現在覺想行識
不欲不著不住如是比丘不受現在
法佛說如是尊者盧夷強耆及諸比
丘聞佛所說歡喜奉行

釋中禪室尊經第五竟

千五百三
丁六字

中阿含根本分別品阿難說經第六第畧別誦

我聞如是一時佛遊舍衛國在勝林
給孤獨園尔時尊者阿難為諸比丘
夜集講堂說跋地羅帝偈及其義也
尔時有一比丘過夜平旦往詣佛所
稽首作礼却坐一面白曰世尊彼尊
者阿難為諸比丘夜集講堂說跋地
羅帝偈及其義也於是世尊告一比
丘汝往至阿難比丘所作如是語阿
難世尊呼汝彼一比丘受世尊教即
從座起稽首佛足繞三匝而去往至
尊者阿難所而語曰世尊呼尊者阿
難尊者阿難即往佛所稽首作礼却
住一面世尊問曰阿難汝實為諸比
丘夜集講堂說跋地羅帝偈及其義
耶尊者阿難荅曰唯然世尊問曰阿
難汝云何為諸比丘說跋地羅帝偈
及其義耶尊者阿難即便說曰

慎莫念過去 亦勿願未來 過去事已滅
未來復未至 現在所有法 彼亦當為思
念無有堅強 慧者覺如是 為作聖人行
孰知愁於死 我要不會彼 大苦大患終
如是行精進 晝夜無懈怠 是故常當說
跋地羅帝偈

世尊即復問曰阿難云何比丘念過去
耶尊者阿難答曰世尊若有比丘樂
過去色欲著住樂過去覺想行識欲
著住如是比丘念過去也世尊即復
問曰阿難云何比丘不念過去尊者
阿難答曰世尊若比丘不樂過去色
不欲不著不住不樂過去覺想行識
不欲不著不住如是比丘不念過去
世尊即復問曰阿難云何比丘願未
來耶尊者阿難答曰世尊若比丘樂
未來色欲著住樂未來覺想行識欲
著住如是比丘願未來也世尊即復
問曰阿難云何比丘不願未來尊者
阿難答曰世尊若比丘不樂未來色
不欲不著不住不樂未來覺想行識
不欲不著不住如是比丘不願未來
世尊即復問曰阿難云何比丘受現

在法尊者阿難答曰世尊若比丘樂現在色欲者住樂現在覺想行識欲者住如是比丘受現在法世尊即復問曰阿難云何比丘不受現在法尊者阿難答曰世尊若比丘不樂現在色不欲不著不住不樂現在覺想行識不欲不著不住如是比丘不受現在法世尊我以如是為諸比丘夜集講堂說跋地羅帝偈及其義也於是世尊告諸比丘善哉善哉我弟子中有眼有智有義有法所以者何謂弟子在師面前如是句如是文廣說此義實如阿難比丘所說汝等應當如是受持所以者何此說觀義應如是也佛說如是尊者阿難及諸比丘聞佛所說歡喜奉行。

阿難說經第六竟

七百七
十二字

中阿含根本分別品意得經第七經分別講

我聞如是一時佛遊舍衛國在勝林給孤獨園。爾時世尊告諸比丘我今為汝說法初妙中妙竟亦妙有義有文具足清淨顯現梵行。謂分別意行經如意行生諦聽諦聽善思念之時。

諸比丘受教而聽佛言云何意行生
若有比丘離欲離惡不善之法有覺
有觀離生喜樂得初禪成就遊彼此
定樂欲住彼此定樂欲住已必有是
處住彼樂彼命終生梵身天中諸梵
身天者生彼住彼受離生喜樂及比
丘住此入初禪受離生喜樂此二離
生喜樂無有老別二俱等等所以者
何先此行定然後生彼彼此定如是
修如是習如是廣布生梵身天中如
是意行生復次比丘覺觀已息內靖
一心無覺無觀定生喜樂得第二禪
成就遊彼此定樂欲住彼此定樂欲
住已必有是處住彼樂彼命終生是
五天中諸晃晃天者生彼住彼受定生
喜樂及比丘住此入第二禪受定生
喜樂此二定生喜樂無有老別二俱
等等所以者何先此行定然後生彼
彼此定如是修如是習如是廣布生
晃晃天中如是意行生復次比丘離
於喜欲捨無求遊正念正智而身覺
樂謂聖所說聖所捨念樂住室得第
三禪成就遊彼此定樂欲住彼此定

樂欲住已必有是處住彼樂彼命終
生遍淨天中諸遍淨天者生彼住彼
受無喜樂及比丘住此入第三禪受
無喜樂此二無喜樂無有老別二俱
等等所以者何先此行定然後生彼
彼此定如是修如是習如是廣布生
遍淨天中如是意行生復次比丘樂
滅苦滅喜憂本已滅不苦不樂捨念
清淨得第四禪成就遊彼此定樂欲
住彼此定樂欲住已必有是處住彼
樂彼命終生果實天中諸果實天者
生彼住彼受捨念清淨樂及比丘住
此入第四禪受捨念清淨樂此二捨
念清淨樂無有老別二俱等等所以
者何先此行定然後生彼彼此定如
是修如是習如是廣布生果實天中
如是意行生復次比丘度一切色想
滅有對想不念若干想無量空是無
量空處成就遊彼此定樂欲住彼此
定樂欲住已必有是處住彼樂彼命
終生無量空處天中諸無量空處天
者生彼住彼受無量空處想及比丘
住此受無量空處想此二無量空處

想無有老別二俱等等所以者何先
此行定然後生彼彼此定如是修如
是習如是廣布生無量空處天中如
是意行生復次比丘度無量空處無
量識是無量識處成就遊彼此定樂
欲住彼此定樂欲住已必有是處住
彼樂彼命終生無量識處天中諸無
量識處天者生彼住彼受無量識
處想及比丘住此受無量識處想此
二無量識處想無有老別二俱等
等所以者何先此行定然後生彼彼
此定如是修如是習如是廣布生無
量識處天中如是意行生復次比丘
度無量識處無所有是無所有處成
就遊彼此定樂欲住彼此定樂欲住
已必有是處住彼樂彼命終生無所
有處天中諸無所有處天者生彼住
彼受無所有處想及比丘住此受無
所有處想此二無所有處想無有老
別二俱等等所以者何先此行定然
後生彼彼此定如是修如是習如是
廣布生無所有處天中如是意行生
復次比丘度一切無所有處想非有

想非無想是非有想非無想處成就
遊彼此定樂欲住彼此定樂欲住已
必有是處住彼樂彼命終生非有想
非無想處天中諸非有想非無想處
天者生彼住彼受非有想非無想處
想及比丘住此受非有想非無想處
想此二想無有老別二俱等等所以
者何先此行定然後生彼彼此定如
是修如是習如是廣布生非有想非
無想處天中如是意行生復次比丘
度一切非有想非無想處想知滅身
觸成就遊慧見諸漏盡斷智彼諸定
中此定說寂第一家大家上寂勝寂
妙猶如因牛有乳因乳有酪因酪有
生酥因生酥有熟酥因熟酥有酥精
酥精者說寂第一家大家上寂勝寂
妙如是彼諸定中此定說寂第一家
大家上寂勝寂妙得此定依此定住
此定已不復受生老病死苦是說苦
邊佛說如是彼諸比丘聞佛所說歡
喜奉行

意行經第七竟

千三百
十九字

中阿含經卷第四十三 第三十張 溫
中阿含經卷第四十三 第三十張 溫
中阿含經卷第四十三 第三十張 溫

我聞如是一時佛遊婆奇瘦劍磨瑟
曇拘樓都邑今時世尊告諸比丘我
當為汝說法初妙中妙竟亦妙有義
有文具足清淨顯現梵行名分別無
諍經諦聽諦聽善思念之時諸比丘受
教而聽佛言莫求欲樂極下賤業為
凡夫行亦莫求自身苦行至苦非聖
行無義相應離此二邊則有中道成
眼成智自在成定趣智趣覺趣於淫
脬有稱有譏有無稱無譏而為說法
決定於齊決定知已所有內樂常求
彼也莫相導說亦莫面前稱譽齊限
說莫求齊限隨國俗法莫是莫非此
分別無諍經事莫求欲樂極下賤業
為凡夫行亦莫求自身苦行至苦非
聖行無義相應者此何因說莫求欲
樂極下賤業為凡夫行是說一邊亦莫
求自身苦行至苦非聖行無義相應
者是說二邊莫求欲樂極下賤業為
凡夫行亦莫求自身苦行至苦非聖
行無義相應者因此故說離此二邊
則有中道成眼成智自在成定趣智
趣覺趣淫脬者此何因說有聖道八

支正見乃至正定是謂為八離此二邊

則有中道成眼成智自在成定趣智

趣覺趣涅槃者因此故說有稱有譏

有無稱無譏而為說法者此何因說云

何為稱云何為譏而不說法若有欲

相應與喜樂俱極下賤業為凡夫行

此法有苦有煩有熱有憂感邪行彼

知此已則便自譏所以者何欲者無

常苦磨滅法彼知欲無常已是故彼

一切有苦有煩有熱有憂感邪行彼

知此已是故便自譏自身苦行至苦

非聖行無義相應此法有苦有煩有

熱有憂感邪行彼知此已則便自譏

所以者何彼沙門梵志所可畏苦則

除鬚髮著袈裟衣至信捨家無家學

道者彼沙門梵志復抱此苦是故彼

一切有苦有煩有熱有憂感邪行彼

知此已是故便自譏有結不盡此法

有苦有煩有熱有憂感邪行彼知此

已則便自譏所以者何若有結不盡

者彼有亦不盡是故彼一切有煩有

熱有憂感邪行彼知此已是故便自譏

也有結盡者此法無苦無煩無熱無

憂感正行彼知此已則便自稱所以
者何若有結盡者彼有亦盡是故彼
一切無苦無煩無熱無憂感正行彼
知此已是故便自稱也不求內樂此
法有苦有煩有熱有憂感邪行彼知
此已則便自譏所以者何若有不求
內樂者彼亦不求內是故彼一切有
苦有煩有熱有憂感邪行彼知此已
是故便自譏也求於內樂此法無苦
無煩無熱無憂感正行彼知此已則
便自稱所以者何若有求內樂者彼
亦求內是故彼一切無苦無煩無熱
無憂感正行彼知此已是故便自稱
如是有稱有譏而不說法也不稱不
譏而為說法亡何不稱不譏而為說
法若欲相應與喜樂俱極下賤業為
凡夫行此法有苦有煩有熱有憂感
邪行彼知此已則便說法所以者何
彼不如是說欲無常苦磨滅法彼知
欲無常已是故彼一切有苦有煩有
熱有憂感邪行不達此法唯有苦法
有煩有熱有憂感邪行彼知此已
是故便說法自身苦行至苦非聖行無

義相應此法有苦有煩有熱有憂感
邪行彼知此已則便說法所以者何
彼不如是說自身苦行至苦非聖行
無義相應此法有苦有煩有熱有憂
感邪行不達此法唯有苦法有煩有
熱有憂感邪行彼知此已是故便說
法也有結不盡此法有苦有煩有熱
有憂感邪行彼知此已則便說法所
以者何彼不如是說若有結不盡者
彼有亦不盡是故彼一切有苦有煩
有熱有憂感邪行不達此法唯有苦
法有煩有熱有憂感邪行彼知此已
是故便說法也有結盡者此法無苦
無煩無熱無憂感正行彼知此已則
便說法所以者何彼不如是說若有
結盡者彼有亦盡是故彼一切無苦無
煩無熱無憂感正行不達此法唯無
苦法無煩無熱無憂感正行彼知此
已是故便說法也不求內樂此法有
苦有煩有熱有憂感邪行彼知此已
則便說法所以者何彼不如是說若
不求內樂者彼亦不求內是故彼一
切有苦有煩有熱有憂感邪行不達

此法唯有苦法有煩有熱有憂感邪
行彼知此已是故便說法也求於內
樂此法無苦無煩無熱無憂感正行
彼知此已則便說法所以者何彼不
如是說若有求內樂者彼亦求內是
故彼一切無苦無煩無熱無憂感正
行不達此法唯無苦法無煩無熱無
憂感正行彼知此已是故便說法知
是不稱不譏而為說法有稱有譏有
無稱無譏而為說法者因此故說也
決定於齊決定知已所有內樂當求
彼者此何因說有樂非聖樂是凡夫
樂病本癰本箭刺之本有食有生死
不可修不可習不可廣布我說於彼
則不可修也有樂是聖樂無欲樂離
樂息樂正覺之樂無食無生死可修
可習可廣布我說於彼則可修也云
何有樂非聖樂是凡夫樂病本癰本
箭刺之本有食有生死不可修不可
習不可廣布我說於彼不可修也彼若
因五欲功德生喜生樂此樂非聖樂
是凡夫樂病本癰本箭刺之本有食
有生死不可修不可習不可廣布我說

於彼則不可修云何有樂是聖樂無
欲樂離樂息樂正覺之樂無食無生
死可修可習可廣布我說於彼則可
修耶若有比丘離欲離惡不善之法
至得第四禪成就遊此樂是聖樂無
欲樂離樂息樂正覺之樂無食無生
死可修可習可廣布我說於彼則可
修也決定於齊決定知己所有內樂
當求彼者因此故說莫相導說亦莫
面前稱譽者此何因說有相導說不
真實虛妄無義相應有相導說真實
不虛妄無義相應有相導說真實不
虛妄與義相應於中若有導說不真
實虛妄無義相應者此終不可說於
中若有導說真實不虛妄無義相應
者彼亦當學不說是也於中若有導
說真實不虛妄義相應者彼為知時
正智正念令成就彼如是面前稱譽
莫相導說亦莫面前稱譽者因此故
說齊限說莫不齊限者此何因說不
齊限說者煩身念慧忘心疲極聲壞
向智者不自在也齊限說者不煩身
念不慧忘心不疲極聲不壞向智者

得自在也齊限說莫不齊限者因此
故說隨國俗法莫是莫非者此何因
說云何隨國俗法是及非耶彼彼方
彼彼人間彼彼事或說甌或說檀或
說杆或說挽或說器如彼彼方彼彼
人間彼彼事或說甌或說檀或說杆
或說挽或說器彼彼事隨其力一向
說此是真諦餘者虛妄如是隨國俗
法是及非也云何隨國俗法不是不
非耶彼彼方彼彼人間彼彼事或說
甌或說檀或說杆或說挽或說器如
彼彼方彼彼人間彼彼事或說甌或
說檀或說杆或說挽或說器彼彼事
不隨其力一向說此是真諦餘者
虛妄如是隨國俗法不是不非也隨
國俗法莫是莫非者因此故說有諍
法無諍法云何有諍法云何無諍法若
欲相應與喜樂俱極下賤業為凡夫
行此法有諍以何等故此法有諍此
法有苦有煩有熱有憂感邪行是故
此法則有諍也若自身苦行至苦非
聖行無義相應此法有諍以何等故
此法有諍此法有苦有煩有熱有憂

感邪行是故此法則有諍也離此二
邊則有中道成眼成智自在成定趣
智趣覺趣於涅槃此法無諍以何等
故此法無諍此法無苦無煩無熱無
憂感正行是故此法則無諍也有結
不盡此法有諍以何等故此法有諍
此法有苦有煩有熱有憂感邪行是
故此法則有諍也有結滅盡此法無
諍以何等故此法無諍此法無苦無
煩無熱無憂感正行是故此法則無
諍也不求內樂此法有諍以何等故
此法有諍此法有苦有煩有熱有憂
感邪行是故此法則有諍也求於內
樂此法無諍以何等故此法無諍此
法無苦無煩無熱無憂感正行是故
此法則無諍也於中若有樂非聖樂
是凡夫樂病本癰本箭刺之本有食
有生死不可修不可習不可廣布我
說於彼則不可修此法有諍以何等
故此法有諍此法有苦有煩有熱有
憂感邪行是故此法則有諍也於中
若有樂是聖樂無欲樂離樂息樂正
覺之樂無食無生死可修可習可廣

布我說於彼則可修也此法無諍以
何等故此法無諍此法無苦無煩無
熱無憂感正行是故此法則無諍也
於中若有導說不真實虛妄無義相
應此法有諍以何等故此法有諍此
法有苦有煩有熱有憂感邪行是故
此法則有諍也於中若有導說真實
不虛妄無義相應此法有諍以何等故
此法有諍此法有苦有煩有熱有憂
感邪行是故此法則有諍也於中若
有導說真實不虛妄與義相應此法
無諍以何等故此法無諍此法無苦
無煩無熱無憂感正行是故此法則
無諍也無有限說者此法有諍以何
等故此法有諍此法有苦有煩有熱
有憂感邪行是故此法則有諍也齊
限說者此法無諍以何等故此法無
諍此法無苦無煩無熱無憂感正行
是故此法則無諍也隨國俗法是及
非此法有諍以何等故此法有諍此
法有苦有煩有熱有憂感邪行是故
此法則有諍也隨國俗法不是不非
此法無諍以何等故此法無諍此法

無苦無煩無熱無憂感正行是故此
法則無諍也是謂諍法汝等當知諍
法及無諍法知諍法及無諍法已棄
捨諍法修習無諍法汝等當學如是頂
菩提族姓子以無諍道於後知法如法
知法如真實須菩提說偈 此行真實空
捨此住止息

佛說如是彼諸比丘聞佛所說歡喜
奉行

拘樓瘦無諍經第八竟

二十一
十六字

中阿含經卷第四十三

九千二百
二十二字 第四分別誦

癸卯歲高麗國大藏都監奉
勅彫造

根本分別品鵲鵲經第九 第四分別誦

東晉劉宋三藏聖德太子傳譯

我聞如是一時佛遊舍衛國在勝林
給孤獨園尔時世尊過夜平旦著衣
持鉢入舍衛乞食於乞食時往詣鵲
鵲摩訶都提子家是時鵲鵲摩訶都
提子少有所為出行不在彼時鵲鵲
摩訶都提子家有白狗在大牀上金
罍中食於是白狗遙見佛來見已便
吠世尊語白狗汝不應尔謂汝從呿
至吠白狗聞已經大瞋恚從牀來下
至木聚邊憂感愁卧鵲鵲摩訶都提
子於後還家見已白狗極大瞋恚從
牀來下至木聚邊憂感愁卧問家人
曰誰觸燒我狗令極大瞋恚從牀來
下至木聚邊憂感愁卧家人荅曰我
等都無觸燒白狗令大瞋恚從牀來
下至木聚邊憂感愁卧鵲鵲當知今
日沙門瞿曇來此乞食白狗見已便
遂吠之沙門瞿曇語白狗曰汝不應
尔謂汝從呿至吠因是摩訶都提令白

狗極大瞋恚從牀來下至木聚邊憂
感愁卧鸚鵡摩納都提子聞已便大
瞋恚欲誣世尊欲謗世尊欲墮世尊
如是誣謗墮沙門瞿曇即從舍衛出
往詣勝林給孤獨園彼時世尊無量
大眾前後圍繞而為說法世尊還見
鸚鵡摩納都提子來告諸比丘汝等
見鸚鵡摩納都提子來耶答曰見也
世尊告曰鸚鵡摩納都提子今令終
者如屈伸臂頃必生地獄所以者何
以彼於我極大瞋恚若有衆生因心
瞋恚故身壞命終必至惡處生地獄
中於是鸚鵡摩納都提子往詣佛所
語世尊曰沙門瞿曇今至我家乞食
來耶世尊答曰我今往至汝家乞食
瞿曇向我白狗說何等事令我白狗
極大瞋恚從牀來下至木聚邊憂感
愁卧世尊答曰我今平旦著衣持鉢
入舍衛乞食展轉往詣汝家乞食於
是白狗遙見我來見已而吠我語白
狗汝不應尔謂汝從卧至吠是故白
狗極大瞋恚從牀來下至木聚邊憂
感愁卧鸚鵡摩納問世尊曰白狗前

世是我何等世尊告曰止止摩納慎
莫問我汝聞此已必不可意鸚鵡摩
納復更再三問世尊曰白狗前世是
我何等世尊亦至再三告曰止止摩
納慎莫問我汝聞此已必不可意世
尊復告於摩納曰汝至再三問我不
止摩納當知彼白狗者於前世時即
是汝父名都提也鸚鵡摩納聞是語
已倍極大恚欲誣世尊欲謗世尊欲
墮世尊如是誣謗墮沙門瞿曇語世
尊曰我父都提大行布施作大齋祠
身壞命終正生梵天何因何緣乃生
於此下賤狗中世尊告曰汝父都提
以此增上慢是故生於下賤狗中
梵志增上慢 此終六處生 雞狗豬及犍
驢五地獄六

鸚鵡摩納若汝不信我所說者汝可
還歸語白狗曰若前世時是我父者
白狗當還在大牀上摩納白狗必還
上牀也若前世時是我父者白狗還
於金脰中食摩納白狗必當還於金
脰中食也若前世時是我父者示我
所奉金銀水精珍寶藏處謂我所不

知摩訶白狗必當示汝已前所舉金銀水精珍寶藏處謂汝所不知於是鸚鵡摩訶聞佛所說善受持誦繞世尊已而還其家語白狗曰若前世時是我父者白狗當還在大牀上白狗即還在大牀上若前世時是我父者白狗還於金脰中食白狗即還金脰中食若前世時是我父者當示於我父今所舉金銀水精珍寶藏處謂我所不知白狗即從牀上來下往至前世所止宿處以口及足搖牀四脚下鸚鵡摩訶便從彼處大得寶物於是鸚鵡摩訶都提子得寶物已極大歡喜以右手摩訶著地叉手向勝林給孤獨園再三舉聲稱譽世尊沙門瞿曇所說不虛沙門瞿曇所說真諦沙門瞿曇所說如實再三稱譽已從舍衛出往詣勝林給孤獨園今時世尊無量大眾前後圍繞而為說法世尊遙見鸚鵡摩訶來告諸比丘汝等見鸚鵡摩訶來耶答曰見也世尊告曰鸚鵡摩訶今命終者如屈伸臂頃必至善處所以者何彼於我極有善心若有

衆生因善心故身壞命終必至善處

生於天中尔時鸚鵡摩訶往詣佛所

共相問訊却坐一面世尊告曰云何

摩訶如我所說白狗者為如是耶不

如是耶鸚鵡摩訶白曰瞿曇實如所

說瞿曇我復欲有所問聽乃敢陳世

尊告曰恣汝所問瞿曇何因何緣彼

衆生者俱受人身而有高下有妙不

妙所以者何瞿曇我見有短壽有長

壽者見有多病有少病者見不端正

有端正者見無威德有威德者見有

昇感族有尊貴族者見無財物有財

物者見有惡智有善智者世尊答曰

彼衆生者因自行業因業得報緣業

依業業處衆生隨其高下處妙不妙

鸚鵡摩訶白世尊曰沙門瞿曇所說

至略不廣分別我不能知願沙門瞿

曇為我廣說令得知義世尊告曰摩

訶諸聽善思念之我當為汝廣分別

說鸚鵡摩訶白曰唯然當受教聽佛

言摩訶何因何緣男子女人壽命極

短若有男子女人熟生凶弊極惡飲

血害意著惡無有慈心於諸衆生乃

至蛄虫彼受此業作具足已身壞命終必至惡處生地獄中來生人間壽命極短所以者何此道受短壽謂男子女人熬生凶弊極惡飲血摩納當知此業有如是報也摩納何因何緣男子女人壽命極長若有男子女人離熬斷熬棄捨刀杖有慙有愧有慈悲心饒益一切乃至蛄虫彼受此業作具足已身壞命終必昇善處生於天中來生人間壽命極長所以者何此道受長壽謂男子女人離熬斷熬摩納當知此業有如是報也摩納何因何緣男子女人多有疾病若有男子女人觸燒衆生彼受此業作石或以刀杖觸燒衆生彼受此業作具足已身壞命終必至惡處生地獄中來生人間多有疾病所以者何此道受多疾病謂男子女人觸燒衆生摩納當知此業有如是報也摩納何因何緣男子女人無有疾病若有男子女人不觸燒衆生彼不以手拳不以木石不以刀杖觸燒衆生彼受此業作具足已身壞命終必昇善處生

於天中來生人間無有疾病所以者何
此道受無疾病謂男子女人不觸燒
衆生摩納當知此業有如是報也摩
納何因何緣男子女人形不端正者
有男子女人急性多惱彼少所聞便
大瞋恚憎嫉生憂廣生諍怒彼受此
業作具足已身壞命終必至惡處生
地獄中來生人間形不端正所以者
何此道受形不端正謂男子女人急
性多惱摩納當知此業有如是報也
摩納何因何緣男子女人形體端正
若有男子女人不急性多惱彼聞柔
軟慈慧強言不大瞋恚不憎嫉生憂
不廣生諍怒彼受此業作具足已身
壞命終必昇善處生於天中來生人
間形體端正所以者何此道受形體
端正謂男子女人不急性多惱摩納
當知此業有如是報也摩納何因何
緣男子女人無有威德若有男子女
人內懷嫉妬彼見他得供養恭敬便
生嫉妬若見他有物欲令我得彼受
此業作具足已身壞命終必至惡處
生地獄中來生人間無有威德所以

者何此道受無威德謂男子女人內
懷嫉妬摩訶當知此業有如是報也
摩訶何因何緣男子女人有大威德
若有男子女人不懷嫉妬彼見他得
供養恭敬不生嫉妬若見他有物不
欲令我得彼受此業作具足已身壞
命終必昇善處生於天中來生人間
有大威德所以者何此道受有威德
謂男子女人不懷嫉妬摩訶當知此
業有如是報也摩訶何因何緣男子
女人昇賤族若有男子女人憍傲
大慢彼可敬不敬可重不重可貴不
貴可奉不奉可供養不供養可與道
不與道可與坐不與坐可又手向禮
拜問訊不又手向禮拜問訊彼受此
業作具足已身壞命終必至惡處生
地獄中來生人間生昇賤族所以者
何此道受生昇賤族謂男子女人憍
傲大慢摩訶當知此業有如是報也
摩訶何因何緣男子女人尊貴族
若有男子女人不憍傲大慢彼可敬
而敬可重而重可貴而貴可奉事而
奉事可供養而供養可與道而與道

可與坐而與坐可叉手向礼拜問評而叉手向礼拜問評
而叉手向礼拜問評彼受此業作具足已身壞命終必昇善處生於天中
來生人間生尊貴族所以者何此道受生尊貴族謂男子女人不憍傲大
慢摩納當知此業有如是報也摩納何因何緣男子女人無有財物若有
男子女人不作施主不行布施彼不施與沙門梵志貧窮孤獨遠來乞者
飲食衣被華鬘塗香屋舍床榻明燈給使彼受此業作具足已身壞命終
必至惡處生地獄中來生人間無有財物所以者何此道受無財物謂男
子女人不作施主不行布施摩納當知此業有如是報也摩納何因何緣
男子女人多有財物若有男子女人作施主行布施彼施與沙門梵志貧
窮孤獨遠來乞者飲食衣被花鬘塗香屋舍床榻明燈給使彼受此業作
具足已身壞命終必昇善處生於天中來生人間多有財物所以者何此
道受多有財物謂男子女人作施主行布施摩納當知此業有如是報也

摩納何因何緣男子女人有惡智慧
若有男子女人不數數往詣彼問事
彼若有名德沙門梵志不往詣彼隨
時問義諸尊何者為善何者不善何
者為罪何者非罪何者為妙何者不
妙何者為白何者為黑白黑從何生
何義現世報何義後世報設問不行
彼受此業作具足已身壞命終必至
惡處生地獄中米生人間有惡智慧
所以者何此道受惡智慧謂男子女
人不數數往詣彼問事摩納當知此
業有如是報也摩納何因何緣男子
女人有善智慧若有男子女人能數
數往詣彼問事彼若有名德沙門梵
志數往詣彼隨時問義諸尊何者為
善何者不善何者為罪何者非罪何
者為妙何者不妙何者為白何者為
黑白黑從何生何義現世報何義後
世報問已能行彼受此業作具足已
身壞命終必昇善處生於天中來生
人間有善智慧所以者何此道受善
智慧謂男子女人能數數往詣彼問
事摩納當知此業有如是報也摩納

當知作短壽相應業必得短壽作長
壽相應業必得長壽作多疾病相應
業必得多疾病作少疾病相應業必
得少疾病作不端正相應業必得不
端正作端正相應業必得端正作無
威德相應業必得無威德作威德相
應業必得威德作昇賤族相應業必
得昇賤族作尊貴族相應業必得尊
貴族作無財物相應業必得無財物
作多財物相應業必得多財物作惡
智慧相應業必得惡智慧作善智慧
相應業必得善智慧摩訶是我前
所說衆生因自行業因業得報緣業
修業業處衆生隨其高下處妙不妙
鸚鵡摩訶都提子白目世尊我知解
善逝我已知世尊我今自歸於佛法
及比丘衆唯願世尊受我為優婆塞
從今日始終身自歸乃至命盡世尊
從今日入都提家如入此舍衛地優
婆塞家令都提家長夜得利義得饒
益安隱快樂佛說如是鸚鵡摩訶都
提子及無量衆聞佛所說歡喜奉行

中阿含根本分別品分別大業經第十

第四分
別說

我聞如是一時佛遊王舍城在竹林
迦蘭哆園今時尊者三弥提亦遊王
舍城住無事禪屋中於是異學哺羅
陀子中後彷彿往詣尊者三弥提所
共相問評却坐一面賢三弥提我欲
有所問聽我問耶尊者三弥提荅曰
賢哺羅陀子欲問便問我聞已當思
異學哺羅陀子便問曰賢三弥提我
面從沙門瞿曇聞面從沙門瞿曇受
身口業虛妄唯意業真諦或有定比
丘入彼定無所覺尊者三弥提告曰
賢哺羅陀子汝莫作是說莫誣謗世
尊誣謗世尊者為不善也世尊不如
是說賢哺羅陀子世尊無量方便說
若故作業作已成者我說無不受報
或現世受或後世受若不故作業作
已成者我不說必受報也異學哺羅
陀子至再三語尊者三弥提曰賢三
弥提我面從沙門瞿曇聞面從沙門
瞿曇受身口業虛妄唯意業真諦或
有定比丘入彼定無所覺尊者三弥
提亦再三告曰賢哺羅陀子汝莫作

是說莫說謗世尊說謗世尊者為不善也世尊不如是說賢哺羅陀子世尊無量方便說若故作業作已成者我說無不受報或現世受或後世受若不故作業作已成者我不說必受報也異學哺羅陀子問尊者三彌提若故作業作已成者當受何報尊者三彌提答曰賢哺羅陀子若故作業作已成者必受苦也異學哺羅陀子復問尊者三彌提曰賢三彌提汝於此法律學道幾時尊者三彌提答曰賢哺羅陀子我於此法律學道未久始三年耳於是異學哺羅陀子便作是念年少比丘尚能護師况復舊學上尊上尊人耶於是異學哺羅陀子聞尊者三彌提所說不是不非即從座起奮頭而去彼時尊者大周鄰去尊者三彌提晝行坐處不遠於是尊者大周鄰謂尊者三彌提與異學哺羅陀子所共論者彼盡誦習善受持已即從座起往詣尊者阿難所共相問評却坐一面謂尊者三彌提與異學哺羅陀子所共論者盡向尊者何

難說之尊者阿難聞已語曰賢者周

那得因此論可往見佛奉獻世尊賢

者周那今共詣佛具向世尊而說此

義或能因是得從世尊聞異法也於

是尊者阿難尊者大周那共往詣佛

尊者大周那稽首佛足却坐一面尊

者阿難稽首佛足却住一面彼時尊

者阿難語曰賢者大周那可說可說

於是世尊問曰阿難周那比丘欲說

何事尊者阿難白曰世尊今自當聞

於是尊者大周那謂尊者三弥提與

異學哺羅陀子所共論者盡向佛說

世尊聞已告曰阿難看三弥提比丘

癡人無道所以者何異學哺羅陀子

問事不定而三弥提比丘癡人一向

答也尊者阿難白曰世尊若三弥提

比丘因此事說所有覺者是苦當何

各耶世尊呵尊者阿難曰看阿難比

丘亦復無道阿難此三弥提癡人彼

異學哺羅陀子盡問三覺樂覺苦覺

不苦不樂覺阿難若三弥提癡人為

異學哺羅陀子所問如是答者賢哺

羅陀子若故作樂業作已成者當受

樂報若故作苦業作已成者當受
苦報若故作不苦不樂業作已成者
當受不苦不樂報阿難若三彌提
人為異學哺羅陀子所問如是答者
異學哺羅陀子眼尚不敢視三彌提
癡人况復能問如是事耶阿難若汝
從世尊問分別大業經者於如來倍
復增上心靖得喜於是尊者阿難叉
手向佛白曰世尊今正是時善逝今
正是時若世尊為諸比丘說分別大
業經者諸比丘聞已當善受持世尊
告曰阿難諦聽善思念之我當為汝
具分別說尊者阿難白曰唯然時諸
比丘受教而聽佛三阿難或有一不
離然不與取邪婬妄言乃至邪見此
不離不護已身壞命終生善處天中
阿難或有一離然不與取邪婬妄言
乃至邪見此離護已身壞命終生惡
處地獄中阿難或有一不離然不與
取邪婬妄言乃至邪見此不離不護
已身壞命終生惡處地獄中阿難或
有一離然不與取邪婬妄言乃至邪
見此離護已身壞命終生善處天中

阿難若有一不離然不與取邪婬妄
言乃至邪見此不離不護已身壞命
終生善處天中者若有沙門梵志得
天眼成就天眼而見彼見已作是念
無身惡行亦無身惡行報無口意惡
行亦無口意惡行報所以者何我見
彼不離然不與取邪婬妄言乃至邪
見此不離不護已身壞命終生善處
天中若更有如是比不離然不與取
邪婬妄言乃至邪見此不離不護者
彼一切身壞命終亦生善處天中如
是見者則為正見異是見者則彼智
趣耶若所見所知極力捫摸一向著
說此是真諦餘皆虛妄阿難若有一
離然不與取邪婬妄言乃至邪見此
離護已身壞命終生惡處地獄中者
若有沙門梵志得天眼成就天眼而
見彼見已作是念無身妙行亦無身
妙行報無口意妙行亦無口意妙行
報所以者何我見彼離然不與取邪
婬妄言乃至邪見此離護已身壞命終
生惡處地獄中若更有如是比離然
不與取邪婬妄言乃至邪見此離護

者彼一切身壞命終亦生惡處地獄

中如是見者則為正見異是見者則

彼智趣耶若所見所知極力捫摸一

向著說此是真諦餘皆虛妄阿難若

有一不離敎不與取邪姪妄言乃至

邪見此不離不護已身壞命終生惡

處地獄中者若有沙門梵志得天眼

成就天眼而見彼見已作是念有身

惡行亦有身惡行報有口意惡行亦

有口意惡行報所以者何我見彼不

離敎不與取邪姪妄言乃至邪見此

不離不護已身壞命終生惡處地獄

中若更有如是比不離敎不與取邪

姪妄言乃至邪見此不離不護者彼

一切身壞命終亦生惡處地獄中如

是見者則為正見異是見者則彼智

趣耶若所見所知極力捫摸一向著

說此是真諦餘皆虛妄阿難若有一

離敎不與取邪姪妄言乃至邪見此

離護已身壞命終生善處天中者若

有沙門梵志得天眼成就天眼而見

彼見已作是念有身妙行亦有身妙

行報有口意妙行亦有口意妙行報

所以者何我見彼離然不與取邪姪
妄言乃至邪見此離護已身壞命終
生善處天中若更有如是比離然不
與取邪姪妄言乃至邪見此離護者
彼一切身壞命終亦生善處天中如
是見者則為正見異是見者則彼智
趣耶若所見所知極力捫摸一向音
說此是真諦餘皆虛妄阿難於中若
有一沙門梵志得天眼成就天眼作
如是說無身惡行亦無身惡行報無
口意惡行亦無口意惡行報者我不
聽彼若作是說我見彼不離然不與
取邪姪妄言乃至邪見此不離不護
已身壞命終生善處天中我聽彼也
若作是說若更有如是比不離然不
與取邪姪妄言乃至邪見此不離不
護者彼一切身壞命終亦生善處天
中者我不聽彼若作是說如是見者
則為正見異是見者則彼智趣邪者
我不聽彼若所見所知極力捫摸一
向著說此是真諦餘皆虛妄者我不
聽彼所以者何阿難如來知彼人異
阿難於中若有一沙門梵志得天眼

成就天眼作如是說無身妙行亦無
身妙行報無口意妙行亦無口意妙行
報我不聽彼若作是說我見彼離殺
不與取邪婬妄言乃至邪見山離護已
身壞命終生惡處地獄中我聽彼也
若作是說若更有如是比離煞不與取
邪婬妄言乃至邪見此離護者彼一
切身壞命終亦生惡處地獄中者我不
聽彼若作是說如是見者則為正見
只是見者則彼智趣邪者我不聽彼若
所見所知極力捫摸一向者說此是
真諦餘皆虛妄者我不聽彼所以者
何阿難如來知彼人異阿難於中若
有一沙門梵志得天眼成就天眼作
如是說有身惡行亦有身惡行報有
口意惡行亦有口意惡行報我聽彼
也若作是說我見彼不離煞不與取
邪婬妄言乃至邪見此不離不護已
身壞命終生惡處地獄中者我聽彼
也若作是說若更有如是比不離煞
不與取邪婬妄言乃至邪見此不離
不護者彼一切身壞命終亦生惡處
地獄中者我不聽彼若作是說如是

見者則為正見異是見者則彼智趣
邪者我不聽彼若所見所知極力捫
摸一向者說此是真諦餘皆虛妄者
我不聽彼所以者何阿難如來知彼
人異阿難於中若有一沙門梵志得
天眼成就天眼作如是說有身妙行
亦有身妙行報有口意妙行亦有口
意妙行報者我聽彼也若作是說我
見彼離然不與取邪婬妄言乃至邪
見此離護已身壞命終生善處天中
者我聽彼也若作是說若更有如是
比離然不與取邪婬妄言乃至邪見
彼一切身壞命終亦生善處天中者
我不聽彼若作是說如是見者則為
正見異是見者則彼智趣邪者我不
聽彼若所見所知極力捫摸一向者
說此是真諦餘皆虛妄者我不聽彼
所以者何阿難如來知彼人異阿難
若有一不離然不與取邪婬妄言乃
至邪見此不離不護已身壞命終生
善處天中者彼若本作不善業作已
成者因不離不護故彼於現法中受
報訖而生於彼或復因後報故彼不以

此因不以此緣身壞命終生善處天
中或復本作善業作已成者因離護
故未盡應受善處報彼因此緣此故
身壞命終生善處天中或復死時生
善心心所有法正見相應彼因此緣
此身壞命終生善處天中阿難如來
知彼人為如是也阿難若有一離煞
不與取邪婬妄言乃至邪見此離護
已身壞命終生惡處地獄中者彼若
本作善業作已成者因離護故彼於
現法中受報訖而生於彼或復因後
報故彼不以此因不以此緣身壞命
終生惡處地獄中或復本作不善業
作已成者因不離不護故未盡應受
地獄報彼因此緣此身壞命終生惡
處地獄中或復死時生不善心心所
有法邪見相應彼因此緣此身壞命
終生惡處地獄中阿難如來知彼人
為如是也阿難若有一不離煞不與
取邪婬妄言乃至邪見此不離不護
已身壞命終生惡處地獄中者彼即
因此緣此身壞命終生惡處地獄中
或復本作不善業作已成者因不離

不護故來盡應受地獄報彼因此緣
此身壞命終生惡處地獄中或復死
時生不善心心所有法邪見相應彼
因此緣此身壞命終生惡處地獄中
阿難如來知彼人為如是也阿難若
有一離然不與取邪婬妄言乃至邪
見此離護已身壞命終生善處天中
者彼即因此緣此身壞命終生善處
天中或復本作善業作已成者因離
護故未盡應受報彼因此緣此身壞
命終生善處天中或復死時生善心
心所有法正見相應彼因此緣此身
壞命終生善處天中阿難如來知彼
人為如是也復次有四種人或有人
無有似有或有似無有或無有似無
有或有似有阿難猶如四種捺或捺
不熟似熟或熟似不熟或不熟似不
熟或熟似熟如是阿難四種捺喻人
或有人無有似有或有似有或無
有似無有或有似有佛說如是尊者
阿難及諸比丘聞佛所說歡喜奉行

分別大業經第十竟

三千五百七字

中阿含經卷第四十四

六千九百六十三字

中阿含經分別品第二竟

三千四百一十五字

癸卯歲高麗國大藏都監奉

勅彫造

中阿含經卷第四十五

溫

東晉罽賓沙門僧伽提婆譯

心品第三

有十經

第四分別誦

心淨受法二 行禪說猶師 五枝財物主
瞿曇祇多界

中阿含心品心經第一

我聞如是一時佛遊舍衛國在勝林
給孤獨園余時有一比丘獨安靖處
宴坐思惟心作是念誰將世間去誰
為染著誰起自在彼時比丘則於晡
時從宴坐起往詣佛所稽首礼足却
坐一面白曰世尊我今獨安靖處宴
坐思惟心作是念誰將世間去誰為
染著誰起自在世尊聞已歎曰善哉
善哉比丘謂有賢道而有賢觀極妙
辯才 有善思惟誰將世間去誰為染
著誰起自在比丘所問為如是耶比
丘答曰如是世尊世尊告曰比丘心
將世間去心為染著心起自在比丘
彼將世間去彼為染著彼起自在
比丘多聞聖弟子非心將去非心染
著非心自在比丘多聞聖弟子不隨

心自在而心隨多聞聖弟子比丘白
曰善哉善哉唯然世尊彼時比丘聞
佛所說歡喜奉行問曰世尊多聞比
丘說多聞比丘世尊云何多聞比丘
云何施設多聞比丘世尊聞已歎曰
善哉善哉比丘謂有賢道而有賢觀
極妙辯才有善思惟世尊多聞比丘
說多聞比丘世尊云何多聞比丘云
何施設多聞比丘比丘所問為如是
耶比丘荅曰如是世尊世尊告曰比
丘我所說甚多謂正經歌詠記說偈他
因緣撰錄本起此說生處廣解未曾
有法及說義比丘若有族姓子我所
說四句偈知義知法趣法向法趣順
梵行比丘說多聞比丘無復過是比
丘如是多聞比丘如來如是施設多
聞比丘比丘白曰善哉善哉唯然世
尊彼時比丘聞佛所說歡喜奉行
問曰世尊多聞比丘明達智慧說多
聞比丘明達智慧世尊云何多聞比
丘明達智慧云何施設多聞比丘明
達智慧世尊聞已歎曰善哉善哉比
丘謂有賢道而有賢觀極妙辯才有

善思惟世尊多聞比丘明達智慧說
多聞比丘明達智慧世尊云何多聞
比丘明達智慧云何施設多聞比丘
明達智慧比丘所問為如是耶比丘
答曰如是世尊世尊告曰比丘若比
丘聞此苦復以慧正見苦如真者聞
苦習苦滅苦滅道復以慧正見苦滅
道如真者比丘如是多聞比丘明達
智慧如來如是施設多聞比丘明達
智慧比丘白曰善哉善哉唯然世尊
彼時比丘聞佛所說歡喜奉行問曰
世尊聰明比丘黠慧廣慧說聰明比
丘黠慧廣慧世尊云何聰明比丘黠
慧廣慧云何施設聰明比丘黠慧廣
慧世尊聞已歎曰善哉善哉比丘謂
有賢道而有賢觀極妙辯才有善思
惟世尊云何聰明比丘黠慧廣慧云
何施設聰明比丘黠慧廣慧比丘所
問為如是耶比丘答曰如是世尊世
尊告曰若比丘不念自言不念害他
亦不念俱害比丘但念自饒益及饒
益他饒益多人慙傷世間為天為人
求義及饒益求安隱快樂比丘如是

聰明比丘點慧廣慧如是如來施設聰
明比丘點慧廣慧比丘白曰善哉善
哉唯然世尊彼時比丘聞佛所說善受
善持善誦習已即從坐起稽首佛足
繞三匝而還彼時比丘聞世尊教在遠
離獨住心無放逸修行精勤彼在遠
離獨住心無放逸修行精勤已娛姓子
所為剝除鬚髮著袈裟衣至信捨家
無家學道者唯無上梵行訖於現法中
自知自覺自作證成就遊生已盡梵
行已立所作已辦不更受有知如真
彼尊者知法已乃至得阿羅訶佛說
如是彼諸比丘聞佛所說歡喜奉行
心經第一竟

十五
四字

中阿含心品淨彌經第二 第四分別誦

我聞如是一時佛遊王舍城在竹林
迦蘭多園今時尊者淨彌亦在王舍
城無事禪室中於是尊者淨彌過夜
平旦著衣持鉢欲入王舍城而行乞
食尊者淨彌復作是念且置入王舍
城乞食我寧可往至王子耆婆先那
童子家於是尊者淨彌便往至王子
耆婆先那童子家王子耆婆先那童

子遙見尊者浮弥來即從座起偏袒
著衣叉手向尊者浮弥作如是說善
來尊者浮弥尊者浮弥久不來此可
坐此床尊者浮弥即便就坐王子耆
婆先那童子稽首尊者浮弥足却坐
一面白曰尊者浮弥我欲有所問聽
我問耶尊者浮弥答曰王童子欲問
便問我聞已當思王童子便問尊者
浮弥或有沙門梵志來詣我所而語
我曰王童子有人作願行正梵行彼
必得果或無願或願無願或非有願
非無願行正梵行彼必得果尊者浮
弥尊者何意云何說尊者浮弥告曰
王童子我不面從世尊聞亦不從諸
梵行聞王童子世尊或如是說或有
作願行正梵行彼必得果或無願
或願無願或非有願非無願行正梵
行彼必得果王童子白曰若尊者浮
弥尊者如是意如是說者此於世間
天及魔梵沙門梵志從人至天眾在
其上尊者浮弥可在此食尊者浮弥
默然而受王童子知尊者浮弥默然
受已即從坐起自行澡水以極美淨

妙種種豐饒食散舍消自手斟酌令
得飽滿食訖收器行澡水已取一小
床別坐聽法尊者浮弥為彼說法勸
發渴仰成就歡喜無量方便為彼說
法勸發渴仰成就歡喜已從坐起去
往詣佛所稽首佛足即坐一面與王
童子所共論者盡向佛說世尊聞已
告曰浮弥何意不為三童子說四喻
耶尊者浮弥問曰世尊何謂四喻世
尊答曰浮弥若有沙門梵志邪見邪
見定彼作願行行邪梵行必不得果
無願願無願非有願非無願行邪梵
行必不得果所以者何以邪求果謂
無道也浮弥猶如有人欲得乳者而
牽牛角必不得乳無願願無願非有
願非無願人欲得乳而牽牛角必不
得乳所以者何以邪求乳謂牽牛角
也如是浮弥若有沙門梵志邪見邪
見定彼作願行行邪梵行必不得果
無願願無願非有願非無願行邪梵
行必不得果所以者何以邪求果謂
無道也浮弥若有沙門梵志正見正
見定彼作願行行正梵行被必得果

無願願無願非有願非無願行正梵
行彼必得果所以者何以正求果謂
有道也浮弥猶如有人欲得乳者飽
飲飼牛而犖牛乳彼必得乳無願願
無願非有願非無願人欲得乳飽飲
飼牛而犖牛乳彼必得乳所以者何
以正求乳謂犖牛乳也如是浮弥若
有沙門梵志正見正見定彼作願行
行正梵行彼必得果無願願無願非
有願非無願行正梵行彼必得果所
以者何以正求果謂有道也浮弥
若有沙門梵志邪見邪見定彼作願
行行邪梵行必不得果無願願無願
非有願非無願行邪梵行必不得果
所以者何以邪求果謂無道也浮弥
猶如有人欲得酥者以器盛水以攄
攄之必不得酥無願願無願非有願
非無願人欲得酥以器盛水以攄攄
之必不得酥所以者何以邪求酥謂
攄水也如是浮弥若有沙門梵志邪
見邪見定彼作願行行邪梵行必不
得果無願願無願非有願非無願行
邪梵行必不得果所以者何以邪求

果謂無道也浮弥若有沙門梵志正見正見定彼作願行行正梵行彼必得果無願願非有願非無願行正梵行彼必得果所以者何以正求果謂無道也浮弥猶如有人欲得油以竿具盛沙以冷水漬而取豎之必不得油無願願非有願非無願人欲得油以竿具盛沙以冷水漬而取豎之必不得油所以者何以邪求油謂豎沙也如是浮弥若有沙門梵志邪見邪見定彼作願行行邪梵行必不得果無願願無願非有願非無願行邪梵行必不得果所以者何以邪求果謂有道也浮弥若有沙門梵志邪見邪見定彼作願行行正梵行彼必得果無願願無願非有願非無願行正梵行彼必得果所以者何以正求果謂有道也如是浮弥若有沙門梵志正見正見定彼作願行行正梵行彼必得果無願願無願非有願非無願人欲得酥以器盛酪以桴桴之彼必得酥所以者何以正求酥謂桴酪也如是浮弥若有沙門梵志正見正見定彼作願行行正梵行彼必得果無願願無願非有願非無願行正梵行彼必得果所以者何以正求果謂有道也浮弥若有沙門梵志正見正見定彼作願行行正梵行彼必得果無願願無願非有願非無願行正梵行彼必得果所以者何以正求

彼作願行行邪梵行必不得果無願
願無願非有願非無願行邪梵行必
不得果所以者何以邪求果謂無道
也浮弥若有沙門梵志正見下見定
彼作願行行正梵行彼必得果無願
願無願非有願非無願行正梵行彼
必得果所以者何以正求果謂有道
也猶如有人欲得油者以笨具盛麻
子以煖湯漬而取堅之彼必得油無
願願無願非有願非無願人欲得油
以笨具盛麻子以煖湯漬而取堅之
彼必得油所以者何以正求油謂堅
麻子也如是浮弥若有沙門梵志正
見正見定彼作願行行正梵行彼必
得果無願願無願非有願非無願行
正梵行彼必得果所以者何以正求
果謂有道也浮弥若有沙門梵志邪
見邪見定彼作願行行邪梵行必不
得果無願願無願非有願非無願行
邪梵行必不得果所以者何以邪求
果謂無道也浮弥猶如有人欲得火
者以濕木作火母以濕鑽鑽必不得
火無願願無願非有願非無願人欲

得火以濕木作火母以濕鑽鑽必不得火所以者何以邪求火謂鑽濕木也如是浮弥若有沙門梵志邪見邪見定彼作願行行邪梵行必不得果無願願無願非有願非無願行邪梵行必不得果所以者何以邪求果謂無道也浮弥若有沙門梵志正見正見定彼作願行行正梵行彼必得果無願願無願非有願非無願行正梵有道也浮弥猶如有人欲得火者以燥木作火母以燥鑽鑽彼必得火無願願無願非有願非無願人欲得火以燥木作火母以燥鑽鑽彼必得火所以者何以正求火謂鑽燥木也如是浮弥若有沙門梵志正見正見定彼作願行行正梵行彼必得果無願願無願非有願非無願行正梵行彼必得果所以者何以正求果謂有道也浮弥若汝為王童子說此四喻者王童子聞已必大歡喜供養於汝盡其形壽謂衣被飲食卧具湯藥及餘種種諸生沽具尊者浮弥白曰世尊

我本未曾聞此四喻何由得說唯今始從世尊聞之佛說如是尊者淨戒及諸比丘聞佛所說歡喜奉行

淨戒經第二竟

三十八
十三字

中阿含心品受法經第三 第四分別論

我聞如是一時佛遊舍衛國在勝林給孤獨園余時世尊告諸比丘世間真實有四種受法云何為四或有受法現樂當來受苦報或有受法現苦當來亦受苦報或有受法現樂當來亦受樂報云何受法現樂當來受苦報或有沙門梵志使莊嚴女共相娛樂作如是說此沙門梵志於欲見當來有何恐怖有何災患而斷於欲施設斷欲此使莊嚴於女身體樂更樂觸彼與此女共相娛樂於中遊戲彼受此法成具足已身壞命終趣至惡處生地獄中方作是念彼沙門梵志於欲見此當來恐怖見此災患故斷於欲施設斷欲我等因欲諍欲緣欲故受如是極苦甚重苦也猶春後月日中極熱有葛藤子曰炎地迸墮一安羅

樹下彼時婆羅樹神因此故而生恐怖於是彼樹神若邊傍種子村神村百穀藥木有親親朋友樹神於種子見當來有恐怖有災患故便往至彼樹神所而慰勞曰樹神勿怖樹神勿怖今此種子或為鹿食或孔雀食或風吹去或村火燒或野火燒或敗壞不成種子如是樹神汝得安隱若此種子非為鹿食非孔雀食非風吹去非村火燒非野火燒亦非敗壞不成種子此種子不缺不穿亦不割拆不為風雨日所中傷得大雨漬便速生也彼樹神而作是念以何等故彼邊傍種子村神村百穀藥木親親朋友樹神於種子見當來有何恐怖有何災患而來慰勞我言樹神勿怖樹神勿怖樹神此種子或為鹿食或孔雀食或風吹去或村火燒或野火燒或敗壞不成種子此種子不缺不穿亦不割拆不為風雨日所中傷得大雨漬便

速生也成莖枝葉柔軟成節觸體喜
悅此莖枝葉柔軟成節觸體喜悅樂
更樂觸此緣樹成大枝節葉纏裹彼
樹覆蓋在上覆蓋在上已彼樹神方
作是念彼邊傍種子村神村百穀藥
木親親朋友樹神於種子見此當來
恐怖見此災患故而來慰勞我言樹
神勿怖樹神勿怖此種子或為鹿食
或孔雀食或風吹去或村火燒或野
火燒或敗壞不成種子如是樹神汝
得安隱若此種子非為鹿食非孔雀
食非風吹去非村火燒非野火燒亦
非敗壞不成種子此種子不敗不穿
亦不剖坼不為風雨日所中傷得大
雨漬便速生也我因種子緣種子故
受此摠苦甚重苦也如是或有沙門
梵志使莊嚴女共相娛樂作如是說
此沙門梵志於欲見當來有何恐怖
有何災患而斷於欲施設斷欲此使
莊嚴於女身體樂更樂觸彼與此女
共相娛樂於中遊戲彼受此法成具
足已身壞命終趣至惡處生地獄中
方作是念彼沙門梵志於欲見此當

來恐怖見山火患故斷於欲施設斷
欲我等曰欲諍欲緣欲故受如是極
苦甚重苦也是謂受法現樂當來受
苦報云何受法現苦當來受樂報或
有一自然重濁欲重濁患重濁癡彼
數隨欲心受苦憂感數隨恚心癡心
受苦憂感彼以苦以憂盡其形壽修
行梵行乃至帝泣墮淚彼受此法成
具足已身壞命終必昇善處生於天
中是謂受法現苦當來受樂報云何
受法現苦當來亦受苦報或有沙門
梵志裸形無衣或以手為衣或以葉
為衣或以珠為衣或不以瓶取水或
不以瓶取水不食刀杖劫抄之食不
食欺妄食不自往不遣信不來尊不
善尊不住尊者有二人食不在中食
不懷妊家食不畜狗家食家有糞蠅
飛來而不食不取魚不食肉不飲酒
不飲惡水或都不飲學無飲行或取
一口以一口為足或二三乃至七
口以七口為足或食一得以一得為
足或二三乃至七得以七得為足或
日一食以一食為足或二三四五六

七日半月一月一食以一食為足或食菜茹或食稗子或食餘米或食雜麴或食頭頭還食或食糜食或至無事處依於無事或食糠或食粿或食自落果或持連合衣或持毛衣或持頭舍衣或持毛頭舍衣或持全皮或持穿皮或持全穿皮或持散髮或持編髮或持散編髮或有剃髮或有剃鬚或剃鬚髮或有拔髮或拔鬚或拔鬚髮或住立斷坐或修蹲行或有卧刺以刺為床或有卧草以草為床或有事水晝夜手行或有事火賣昔燃之或事日月尊祐大德义手向彼如此之比受無量苦學煩熱行彼受此法成具足已身壞命終必至惡處生地獄中是謂受法現苦當來亦受苦報云何受法現樂當來亦受樂報或有一自然不重濁欲不重濁恚不重濁癡彼不數隨欲心受苦憂感不數隨恚心癡心受苦憂感彼以樂以喜盡其形壽修行梵行乃至歡悅心彼受此法成具足已五下分結盡化生於彼而般涅槃得不退法不還此世

是謂受法現樂當來亦受樂報世間
真實有是四種受法者因此故說佛
說如是彼諸比丘聞佛所說歡喜奉行

受法經第三竟

一千五百
八十三字

中阿含心品受法經第四

第四分別誦

我聞如是一時佛遊拘樓瘦劍磨瑟
曇拘樓都邑今時世尊告諸比丘此
世間如是欲如是望如是愛如是樂
如是意令不喜不愛不可法滅喜
愛可法生彼如是欲如是望如是
愛如是樂如是意然不喜不愛不
可法生喜愛可法滅此是癡法我法
甚深難見難覺難達如是我法甚深
難見難覺難達不喜不愛不可法滅
喜愛可法生是不癡法世間真實有
四種受法云何為四或有受法現樂
當來受苦報或有受法現苦當來受
樂報或有受法現苦當來亦受苦報
或有受法現樂當來亦受樂報云何
自喜然生因然生生樂生喜彼自樂
自喜不與取邪姪妄言乃至邪見因
邪見生樂生喜如是身樂心樂不善

從不善生不趣智不趣覺不趣涅槃
是謂受法現樂當來受苦報云何受
法現苦當來受樂報云有一自苦自
憂斷然因斷然生苦生憂彼自苦自
憂斷不與取邪姪妄言乃至斷邪見
由斷邪見生苦生憂如是身苦心苦
善從善生趣智趣覺趣於涅槃是謂
受法現苦當來受樂報云何受法現
苦當來亦受苦報云有一自苦自憂
然生因然生苦生憂彼自苦自憂不
與取邪姪妄言乃至邪見因邪見生
苦生憂如是身苦心苦不善從不善
生不趣智不趣覺不趣涅槃是謂受
法現苦當來亦受苦報云何受法現
樂當來亦受樂報云有一自樂自喜
斷然因斷然生樂生喜彼自樂自喜
斷不與取邪姪妄言乃至斷邪見因
斷邪見生樂生喜如是身樂心樂善
從善生趣智趣覺趣於涅槃是謂受
法現樂當來亦受樂報若有受法現
樂當來受苦報云不知如真此
受法現樂當來受苦報不知如真已
便習行不斷習行不斷已便不喜不

受不可法生喜愛可法滅猶如阿摩
尼藥一分好色香味然雜以毒或有
人為病故服服時好色香味可口而
不傷咽服已在腹便不成藥如是此
受法現樂當來受苦報彼癡者不知
如真此受法現樂當來受苦報不知
如真已便習行不斷習行不斷已便
不喜不愛不可法生喜愛可法滅是
謂癡法若有受法現苦當來受樂報
彼癡者不知如真此受法現苦當來
受樂報不知如真已便不習行而斷
之不習行斷已便不喜不愛不可法
生喜愛可法滅是謂癡法若有受法
現苦當來亦受苦報彼癡者不知如
真此受法現苦當來亦受苦報不知
如真已便習行不斷習行不斷已便
不喜不愛不可法生喜愛可法滅猶
如大小便後雜以毒或有人為病故
服服時惡色臭無味不可口而傷咽
服已在腹便不成藥如是此受法現
苦當來亦受苦報彼癡者不知如真
此受法現苦當來亦受苦報不知如
真已便習行不斷習行不斷已便不

言不愛不可法生喜愛可法滅是謂
癡法若有受法現樂當來亦受樂報
彼癡者不知如真此受法現樂當來
亦受樂報不知如真已便不習行而
斷之不習行斷已便不喜不愛不可
法生喜愛可法滅是謂癡法彼習行
法不知如真不習行法不知如真習
行法不知如真不習行法不知如真
已不習行法習習行法不習不習行
法習習行法不習已便不喜不愛不
可法生喜愛可法滅是謂癡法若有
受法現樂當來受苦報彼慧者知如
真此受法現樂當來受苦報知如真
已便不習行而斷之不習行斷已便
喜愛可法生不喜不愛不可法滅是
謂慧法若有受法現苦當來受樂報
彼慧者知如真此受法現苦當來受
樂報知如真已便習行不斷習行不
斷已便喜愛可法生不喜不愛不可
法滅猶如大小便和若干種藥或有
人為病故服服時惡色臭無味不可
口而傷咽服已在腹便成藥如是此
受法現苦當來受樂報彼慧者知如

具此受法現苦當來受樂報知如真
已便習行不斷習行不斷已便喜愛
可法生不喜不愛不可法滅是謂慧
法若有受法現苦當來亦受苦報彼
慧者知如真此受法現苦當來亦受
苦報知如真已便不習行而斷之不
習行斷已便喜愛可法生不喜不愛
不可法滅是謂慧法若有受法現樂
當來亦受樂報彼慧者知如真此受
法現樂當來亦受樂報知如真已便
習行不斷習行不斷已便喜愛可法
生不喜不愛不可法滅猶如酥蜜和
若干種藥或有人為病故服服時好
色香味可口而不傷咽服已腹便
成藥如是此受法現樂當來亦受樂
報彼慧者知如真此受法現樂當來
亦受樂報知如真已便習行不斷習
行不斷已便喜愛可法生不喜不愛
不可法滅是謂慧法彼習行法知如
真不習行法知如真習行法知如真
不習行法知如真已便習行法習不
習行法不習習行法習不習行法不
習已便喜愛可法生不喜不愛不可

法滅是謂慧法世間真實有是四種
中阿含經卷第四十五 第三十二張 渴 滿
受法者因此故說佛說如是彼諸比
丘聞佛所說歡喜奉行

受法經第四竟

一千五百
六十五字

中阿含經卷第四十五

六千二百
九十五字

癸卯歲高麗國大藏都監奉
勅彫造

中阿含經卷第四十六

溫 纂

東晉劉宋三藏聖德太子世提婆譯

心品行禪經第五

第四分別謂

我聞如是一時佛遊舍衛國在勝林
給孤獨園尔時世尊告諸比丘世間
真實有四種行禪者云何為四或有
行禪者熾盛而謂衰退或有行禪者
衰退而謂熾盛或有行禪者衰退則
知衰退如真或有行禪者熾盛則知
熾盛如真云何行禪者熾盛而謂衰
退彼行禪者離欲離惡不善之法有
覺有觀離生喜樂得初禪成就遊彼
心修習正思則從初禪起第二禪是
勝息寂彼行禪者便作是念我心離
本相更趣餘處失初禪滅定也彼行
禪者不知如真我心修習正思快樂
息寂則從初禪起第二禪是勝息寂彼
不知如真已於如退轉意便失定如
是行禪者熾盛而謂衰退復次行禪
者覺觀已息內靖一心無覺無觀定
生喜樂得第二禪成就遊彼心修習
正思從第二禪起第三禪是勝息寂

彼行禪者便作是念我心離本相更趣餘處失第二禪滅定也彼行禪者不知如真我心修習正思快樂息寂從第二禪趣第三禪是勝息寂彼不知如真已於如退轉意便失定如是行禪者熾盛而謂衰退復次行禪者離於喜欲捨無求遊正念正智而身覺樂謂聖所說聖所捨念樂住室得第三禪成就遊彼心修習正思從第三禪趣第四禪是勝息寂彼行禪者便作是念我心離本相更趣餘處失第三禪滅定也彼行禪者不知如真我心修習正思快樂息寂從第三禪趣第四禪是勝息寂彼不知如真已於如退轉意便失定如是行禪者熾盛而謂衰退復次行禪者樂滅苦滅喜憂本已滅不苦不樂捨念清淨得第四禪成就遊彼心修習正思從第四禪趣無量空處是勝息寂彼行禪者便作是念我心離本相更趣餘處失第四禪滅定也彼行禪者不知如真我心修習正思快樂息寂從第四禪趣無量空處是勝息寂彼不知如

真已於如退轉意便失定如是行禪者熾盛而謂衰退復次行禪者度一切色想滅有對想不念若干想無量空是無量空處成就遊彼心修習正思從無量空處趣無量識處是勝息寂彼行禪者便作是念我心離本相更趣餘處失無量空處滅定也彼行禪者不知如真我心修習正思快樂息寂彼不知如真已於如退轉意便失定如是行禪者熾盛而謂衰退復次行禪者度一切無量空處無量識是無量識處成就遊彼心修習正思從無量識處趣無所有處是勝息寂彼行禪者便作是念我心離本相更趣餘處失無量識處滅定也彼行禪者不知如真我心修習正思快樂息寂從無量識處趣無所有處是勝息寂彼不知如真已於如退轉意便失定如是行禪者熾盛而謂衰退復次行禪者度一切無量識處無所有是無所有處成就遊彼心修習正思從無所有處趣非有想非無想處是勝

息寂彼行禪者便作是念我心離本相更趣餘處失無所有處滅定也彼行禪者不知如真我心修習正思使樂息寂從無所有處趣非有想非無想處是勝息寂彼不知如真已於如退轉意便失定如是行禪者熾盛而謂衰退云何行禪者衰退而謂熾盛彼行禪者離欲離惡不善之法有覺有觀離生喜樂得初禪成就遊彼思餘小想修習第二禪道彼行禪者便作是念我心修習正思使樂息寂則從初禪趣第二禪是勝息寂彼行禪者不知如真寧可思默相應想入初禪不應思餘小想入第二禪彼不知如真已不覺彼心而便失定如是行禪者衰退而謂熾盛復次行禪者覺觀已息內靖一心無覺無觀定生喜樂得第二禪成就遊彼思餘小想修習第三禪道彼行禪者便作是念我心修習正思使樂息寂從第二禪趣第三禪是勝息寂彼行禪者不知如真寧可思默相應想入第二禪不應思餘小想入第三禪彼不知如真已

不覺彼心而便失定如是行禪者裏退而謂熾盛復次行禪者離於喜欲捨無求遊正念正智而身覺樂謂聖所說聖所捨念樂住室得第三禪成就遊彼思餘小想修習第四禪道彼行禪者便作是念我心修習正思快樂息寂從第三禪起第四禪是勝息寂樂息寂從第三禪起第四禪是勝息寂定如是行禪者裏退而謂熾盛復次行禪者樂滅苦滅喜憂本已滅不苦不樂捨念清淨得第四禪成就遊彼思餘小想修習無量空處道彼行禪者便作是念我心修習正思快樂息寂從第四禪起無量空處是勝息寂寂從第四禪起無量空處是勝息寂彼行禪者不知如真寧可思猷相應想入第四禪不應思餘小想入無量空處彼不知如真已不覺彼心而便失定如是行禪者裏退而謂熾盛復次行禪者度一切色想滅有對想不念若干想無量空是無量空處成就遊彼思餘小想修習無量識處道彼行

禪者便作是念我心修習正思快樂
息寂從無量空處趣無量識處是勝
息寂彼行禪者不知如真寧可思歆
相應想入無量空處不應思餘小想
入無量識處彼不知如真已不覺彼
心而便失定如是行禪者衰退而謂
熾盛復次行禪者度一切無量空處
無量識處是無量識處成就遊彼思
餘小想修習無所有處道彼行禪者
便作是念我心修習正思快樂息寂
從無量識處趣至無所有處是勝息
寂彼行禪者不知如真寧可思歆相
應想入無量識處不應思餘小想入
無所有處彼不知如真已不覺彼心
而便失定如是行禪者衰退而謂熾
盛復次行禪者度一切無量識處無
所有是無所有處成就遊彼思餘小
想修習非有想非無想處道彼行禪
者便作是念我心修習正思快樂息
寂從無所有處趣非有想非無想處
是勝息寂彼行禪者不知如真寧可
思歆相應想入無所有處不應思餘
小想入非有想非無想處彼不知如

真已不覺彼心而便失定如是行禪
者衰退而謂熾盛云何行禪者衰退
則知衰退如真彼行禪者所行所相
所標度一切無所有處非有想非無
想是非有想非無想處成就遊彼不
受此行不念此想標唯行無所有處
相應念想本退具彼行禪者便作是
念我心離本相更趣餘處失非有想
非無想處滅定也彼知如真已於如
不退意不失定如是行禪者衰退則
知衰退如真復次行禪者所行所相
所標度一切無量識處無所有是無
所有處成就遊彼不受此行不念此
相標唯行無量識處相應念想本所
行彼行禪者便作是念我心離本相
更趣餘處失無所有處滅定也彼知
如真已於如不退意不失定如是行
禪者衰退則知衰退如真復次行禪
者所行所相所標度一切無量空處
無量識是無量識處成就遊彼不受
此行不念此相標唯行無量空處相
應念想本退具彼行禪者便作是念
我心離本相更趣餘處失無量空處

滅定也彼知如真已於如不退意不失定如是行禪者衰退則知衰退如真復次行禪者所行所相所標度一切色想滅有對想不念若干想無量空是無量空處成就遊彼不受此行不念此相標唯行色樂相應念想本退具彼行禪者便作是我心離本相更趣餘處失無量空處滅定也彼知如真已於如不退意不失定如是行禪者衰退則知衰退如真復次行禪者所行所相所標樂滅苦滅喜憂卒已滅不苦不樂捨念清淨得第四禪成就遊彼不受此行不念此相標唯行第三禪相應念想本退具彼行禪者便作是我心離本相更趣餘處失第四禪滅定也彼知如真已於如不退意不失定如是行禪者衰退則知衰退如真復次行禪者所行所相所標離於喜欲捨無求遊正念正智而身覺樂謂聖所說聖所捨念樂住室得第三禪成就遊彼不受此行不念此相標唯行第二禪相應念想本退具彼行禪者便作是我心離

本相更趣餘處失第三禪滅定也彼知如真已於如不退意不失定如是行禪者衰退則知衰退如真復次行禪者所行所相所標覺觀已息內靖一心無覺無觀定生喜樂得第二禪成就遊彼不受此行不念此相標唯行初禪相應念想本退具彼行禪者便作是念我心離本相更趣餘處失第二禪滅定也彼知如真已於如不退意不失定如是行禪者衰退則知衰退如真復次行禪者所行所相所標離欲離惡不善之法有覺有觀離生喜樂得初禪成就遊彼心修習正思快樂息寂則從初禪趣第二禪是勝息寂彼行禪者便作是念我心修習正思快

樂息寂則從初禪趣第二禪是勝息
寂彼知如真已便覺彼心而不失定
如是行禪者熾盛則知熾盛如真復
次行禪者覺觀已息內靖一心無覺
無觀定生喜樂得第二禪成就遊彼
心修習正思快樂息寂從第二禪趣
第三禪是勝息寂彼行禪者便作是
念我心修習正思快樂息寂從第二
禪趣第三禪是勝息寂彼知如真已
便覺彼心而不失定如是行禪者熾
盛則知熾盛如真復次行禪者離於
喜欲捨無求遊正念正智而身覺樂
謂聖所說聖所捨念樂住室得第三
禪成就遊彼心修習正思快樂息寂
從第三禪趣第四禪是勝息寂彼行
禪者便作是念我心修習正思快樂
息寂從第三禪趣第四禪是勝息寂
彼知如真已便覺彼心而不失定如
是行禪者熾盛則知熾盛如真復次
行禪者樂滅苦滅喜憂本已滅不苦
不樂捨念清淨得第四禪成就遊彼
心修習正思快樂息寂從第四禪趣
無量空處是勝息寂彼行禪者便作

中阿含經卷第六 第十一 誑渴 辛
是念我心修習正思快樂息寂從

第四禪趣無量空處是勝息寂彼知
如真已便覺彼心而不失定如是
行禪者熾盛則知熾盛如真復次行
禪者度一切色想滅有對想不念
若干想無量空是無量空處成就遊
彼心修習正思快樂息寂從無量
空處趣無量識處是勝息寂彼行禪
者便作是念我心修習正思快樂息
寂從無量空處趣無量識處是勝息
寂彼知如真已便覺彼心而不失定
如是行禪者熾盛則知熾盛如真復
次行禪者度一切無量空處無量識
是無量識處成就遊彼心修習正思
快樂息寂從無量識處趣無所有處
是勝息寂彼行禪者便作是念我心
修習正思快樂息寂從無量識處趣
無所有處是勝息寂彼知如真已便
覺彼心而不失定如是行禪者熾盛
則知熾盛如真復次行禪者度一切
無量識處無所有是無所有處成就
遊彼心修習正思快樂息寂從無所
有處趣非有想非無想處是勝息寂

彼行禪者便作是念我心修習正思
快樂息寂從無所有憂趣非有想非
無想處是勝息寂彼知如真已便覺
彼心而不失定如是行禪者熾盛則
知熾盛如真世間實有是四種行禪
者因此故說佛說如是彼諸比丘聞
佛所說歡喜奉行

行禪經第五竟

二千五百
七十七字

中阿含心品說經第六 第四分別誦

我聞如是一時佛遊拘樓瘦餽磨瑟
曇拘樓都邑今時世尊告諸比丘我
今當為汝等說法初妙中妙竟亦妙
有數有文具足清淨顯現梵行名四
種說經如四種說經分別其義諦聽
諦聽善思念之我今當說時諸比丘
受教而聽佛言云何四種說經分別
其義若有比丘所行所相所標離欲
離惡不善之法有覺有觀離生喜樂
得初禪成就遊彼不受此行不念此
相標唯行欲樂相應念想退轉具彼
比丘應當知我生此法不住不進亦
復不歇我生此法而今我退然我此
定不得久住彼比丘應如是知復次

比立所行所相所標離欲離惡不善

之法有覺有觀離生喜樂得初禪成

就遊彼受此行念此相標立念如法

令住一意彼比丘應當知我生此法

不退不進亦復不猷我生此法能令

我住而我此定必得久住彼比丘應

如是知復次比丘所行所相所標離

欲離惡不善之法有覺有觀離生喜

樂得初揮成就遊彼不受此行不念

此相標唯行第二禪相應念想昇進

眞體比立應當知我生此法不退不

往亦復不厭我生此法令我昇進矣

是不久當得第二樺，儼以丘壑如是。

知復次以立所行所相所極

惡不善之法有實有善斷生善樂得

初離成就遊彼不受山行不念山相

標唯行滅息相應念想無欲具彼以

五應當知我生此法不遲不促亦不

再進我生山。汝能令我。如是不久。

當得漏盡彼比丘應如是知復次比

丘所行所相所標覺觀已息

心無覺無觀定生喜樂得第三禪成

就避彼不受此行不念此相標唯

初禪相應念想退轉具彼比丘應當
知我生此法不住不進亦復不猒我
生此法而令我退然我此定不得久
住彼比丘應如是知復次比丘所行
所相所標覺觀已息內靖一心無覺
無觀定生喜樂得第二禪成就遊彼
受此行念此相標立念如法令住一
意彼比丘應當知我生此法不退不
進亦復不猒我生此法能令我住而
我此定必得久住彼比丘應如是知
復次比丘所行所相所標覺觀已息
內靖一心無覺無觀定生喜樂得第
二禪成就遊彼不受此行不念此相
標唯行第三禪相應念想昇進具彼
比丘應當知我生此法不退不住亦
復不猒我生此法令我昇進如是不
久當得第三禪彼比丘應如是知復
次比丘所行所相所標覺觀已息內
靖一心無覺無觀定生喜樂得第二
禪成就遊彼不受此行不念此相標
唯行滅息相應念想無欲具彼比丘
應當知我生此法不退不住亦不昇
進我生此法能令我猒如是不久當

得漏盡彼比丘應如是知復次比丘
所行所相所標離於喜欲捨無求遊
正念正智而身覺樂謂聖所說聖所
捨念樂住室得第三禪成就遊彼不
受此行不念此相標唯行第二禪相
應念想退轉與彼比丘應當知我生
此法不住不進亦復不猒我生此法
而令我退然我此定不得久住彼比
丘應如是知復次比丘所行所相所
標離於喜欲捨無求遊正念正智而
身覺樂謂聖所說聖所捨念樂住室
得第三禪成就遊彼受此行念此相
標立念如法令住一意彼比丘應當
知我生此法不退不進亦復不猒我
生此法能令我住而我此定必得久
住彼比丘應如是知復次比丘所行
所相所標離於喜欲捨無求遊正念
正智而身覺樂謂聖所說聖所捨念
樂住室得第三禪成就遊彼不受此
行不念此相標唯行第四禪相應念
想昇進具彼比丘應當知我生此法
不退不住亦復不猒我生此法令我
昇進如是不久當得第四禪彼比丘

應如是知。復次比丘所行所相所標
離於喜欲捨無求遊正念正智而身
覺樂。謂聖所說聖所捨念樂住室得
第三禪成就遊彼不受此行不念此
相標。唯行滅息相應念想無欲具彼
比丘應當知我生此法不退不住亦
不昇進我生此法能令我猒。如是不
久當得漏盡。彼比丘應如是知。復次
比丘所行所相所標樂滅苦滅喜憂
本已滅不苦不樂捨念清淨得第四
禪成就遊彼不受此行不念此相標
唯符第三禪相應念想退轉具彼比
丘應當知我生此法不住不進亦復
不猒我生此法而令我退。然我此定
不得久住。彼比丘應如是知。復次比
丘所行所相所標樂滅苦滅喜憂本
已滅不苦不樂捨念清淨得第四禪
成就遊彼受此行念此相標立念如
法令住一意。彼比丘應當知我生此
法不退不進亦復不猒我生此法能
令我住而我此定必得久住。彼比丘
應如是知。復次比丘所行所相所標
樂滅苦滅喜憂本已滅不苦不樂捨

念清淨得第四禪成就遊彼不受此
行不念此相標唯行無量空處相應
念想昇進具彼比丘應當知我生此
法不退不住亦復不猒我生此法令
我昇進如是不久當得無量空處彼
比丘應如是知復次比丘所行所相
所標樂滅苦滅喜憂本已滅不苦下
受此行不念此相標唯行滅息相應
念想無欲具彼比丘應當知我生此
法不退不住亦不昇進我生此法能
令我猒如是不久當得漏盡彼比丘
應如是知復次比丘所行所相所標
度一切色想滅有對想不念若干想
無量空是無量空處成就遊彼不受
此行不念此相標唯行色樂相應念
想退轉具彼比丘應當知我生此法
不住不進亦復不猒我生此法而令
我退然我此定不得久住彼比丘應
如是知復次比丘所行所相所標度
一切色想滅有對想不念若干想無
量空是無量空處成就遊彼受此行
念以相標立念如法令住一意彼比

丘應當知我生此法不退不進亦復
不歇我生此法能令我住而我此定
必得久住彼比丘應如是知復次比
丘所行所相所標度一切色想滅有
對想不念若干想無量空是無量空
處成就遊彼不受此行不念此相標
唯行無量識處相應念想界進具彼
比丘應當知我生此法不退不住亦
復不歇我生此法令我昇進如是不
久當得無量識處彼比丘應如是知
復次比丘所行所相所標度一切色
想滅有對想不念若干想無量空是
無量空處成就遊彼不受此行不念
此相標唯行滅息相應念想無欲具
彼比丘應當知我生此法不退不住
亦不昇進我生此法能令我歇如是
不久當得漏盡彼比丘應如是知復
次比丘所行所相所標度一切無量
空處無量識是無量識處成就遊彼
不受此行不念此相標唯行無量空
處相應念想退轉具彼比丘應當知
我生此法不住不進亦復不歇我生
此法而令我退然我此定不得久住

彼比丘應如是知復次比丘所行所相
所標度一切無量空處無量識是無
量識處成就遊彼受此行念此相標
立念如法令住一意彼比丘應當知
我生此法不退不進亦復不歇我生
此法能令我住而我此定必得久住
彼比丘應如是知復次比丘所行所
相所標度一切無量空處無量識是
無量識處成就遊彼不受此行不念
此相標唯行無所有處相應念想界
進具彼比丘應當知我生此法不退
不住亦復不歇我生此法令我界進
如是不久當得無所有處彼比丘應
如是知復次比丘所行所相所標度
一切無量空處無量識是無量識處
成就遊彼不受此行不念此相標唯
行滅息相應念想無欲具彼比丘應
當知我生此法不退不住亦不界進
我生此法能令我歇如是不久當得
漏盡彼比丘應如是知復次比丘所
行所相所標度一切無量識處無所
有是無所有處成就遊彼不受此行
不念此相標唯行無量識處相應念

想退轉具彼比丘應當知我生此法
不住不進亦復不歇我生此法而令
我退然我此定不得久住彼比丘應
如是知復次比丘所行所相所標度
一切無量識處無所有是無所有處
成就遊彼受此行念此相標立念如
法令住一意彼比丘應當知我生此
法不退不進亦復不歇我生此法能
令我住而我此定必得久住彼比丘
應如是知復次比丘所行所相所標
度一切無量識處無所有是無所有
處成就遊彼不受此行不念此相標
唯行非有想非無想處相應念想昇
進具彼比丘應當知我生此法不退
不住亦復不歇我生此法令我昇進
如是不久當得非有想非無想處彼
比丘應如是知復次比丘所行所相
所標度一切無量識處無所有是無
所有處成就遊彼不受此行不念此
相標唯行厭相應念想無欲具彼比
丘應當知我生此法不退不住亦不
昇進我生此法能令我厭如是不久
當得漏盡彼比丘應如是知有想有

知齊是得知乃至非有想非無想處
行餘第一有行禪比丘者從是思當
為彼說佛說如是彼諸比丘聞佛所
說歡喜奉行

說經第六竟

二十八百
二十字

中阿含經卷第四十六

六千三百
九十二字

癸卯歲高麗國大藏部監奉
勅彫造

中阿含經卷第四十七

溫

東晉剡縣三藏聖德僧伽提婆譯

心品獐師經第七

第四分別誦

我聞如是一時佛遊王舍城在竹林
迦蘭哆園余時世尊告諸比丘獐師
飼鹿不如是心令鹿得肥得色得力
得樂長壽獐師飼鹿如是心飼唯欲
近食近食已令憍恣放逸放逸已隨
獐師獐師眷屬獐師飼鹿如是心也
第一羣鹿近食獐師食彼近食已便
憍恣放逸放逸已便隨獐師獐師眷
屬如是彼第一群鹿不脫獐師獐師
眷屬境界第二群鹿而作是念第一
群鹿近食獐師食彼近食已便憍恣
放逸放逸已便隨獐師獐師眷屬如
是第一群鹿不脫獐師獐師眷屬境
界我今寧可不食獐師食離於恐怖
依無事處食草飲水耶第二群鹿作
是念已便捨獐師食離於恐怖依無
事處食草飲水彼眷後月諸草水盡
身體極羸氣力衰退便隨獐師獐師
眷屬如是彼第二群鹿亦復不脫獐

師獨師眷屬境界第三群鹿亦作是
念第一第二群鹿一切不脫獨師獨
師眷屬境界我今寧可離獨師獨師
眷屬依住不遠住不遠已不近食獨師
食不近食已便不憍恣放逸不放逸
已便不隨獨師獨師眷屬第三群鹿
作是念已便離獨師獨師眷屬依住
不遠住不遠已不近食獨師食不近
食已便不憍恣放逸不放逸已便不
隨獨師獨師眷屬彼獨師獨師眷屬
便作是念第三群鹿甚奇諂黠極諂
黠所以者何食我食已而不可得我
今寧可作長圍宜作長圍宜已便得
第三群鹿所依住止獨師獨師眷屬
作是念已便作長圍宜作長圍宜已
便得第三群鹿所依住止如是第三
群鹿亦復不脫獨師獨師眷屬境界
第四群鹿亦作是念第一第二第三
群鹿一切不脫獨師獨師眷屬境界
我今寧可依住獨師獨師眷屬所不
至處依住彼已不近食獨師食不近
食已便不憍恣放逸不放逸已便不
隨獨師獨師眷屬第四群鹿作是念

已便依住獨師獨師眷屬所不至處
依住彼已便不近食獨師食不近食已
便不憍恣放逸不放逸已便不隨獨
師獨師眷屬彼獨師獨師眷屬復作
是念第四群鹿甚奇猛獍第一猛獍
若我逐彼必不能得餘鹿則當恐怖
驚散我今寧可捨置第四群鹿獨師
獨師眷屬作是念已則便捨置如是
第四群鹿便得脫獨師獨師眷屬境
界比丘我說此喻欲令解義我今說
此當觀其義獨師食者當知五欲功
德眼知色耳知聲鼻知香舌知味身
知觸獨師食者當知是五欲功德也
獨師者當知是惡魔王也獨師眷屬
者當知是魔王眷屬也群鹿者當知
是沙門梵志也第一沙門梵志近食
魔王食世間信施食彼近食已便憍
恣放逸放逸已便隨魔王魔王眷屬
如是第一沙門梵志不脫魔王境界
猶如第一群鹿近食獨師食彼近食
已便憍恣放逸放逸已便隨獨師獨
師眷屬如是第一群鹿不脫獨師獨
師眷屬境界當觀彼第一沙門梵志

亦復如是第二沙門梵志亦作是念
第一沙門梵志近食魔王食世間信
施食彼近食已便憍恣放逸放逸已
便隨魔王魔王眷屬如是彼第一沙
門梵志不脫魔王魔王眷屬境界我
今寧可捨世間信施食離於恐怖依
無事處食果及根第二沙門梵志作
是念已便捨世間信施食離於恐怖
依無事處食果及根彼眷後月諸果
根盡身體極羸氣力衰退衰退已便
心解脫慧解脫衰退心解脫慧解脫
衰退已便隨魔王魔王眷屬如是第
二沙門梵志亦不脫魔王魔王眷屬
境界猶如第二群鹿而作是念第一
群鹿近食獵師食彼近食已便憍恣
放逸放逸已便隨獵師獵師眷屬如
是第一群鹿不脫獵師獵師眷屬境
界我今寧可捨獵師食離於恐怖依
無事處食草飲水耶第二群鹿作是
念已便捨獵師食離於恐怖依無事
處食草飲水彼眷後月諸草水盡身
體極羸氣力衰退便隨獵師獵師眷
屬如是第二群鹿亦不脫獵師獵師

眷屬境界當觀彼第二沙門梵志亦復如是第三沙門梵志亦作是念第一第二沙門梵志一切不脫魔王魔王眷屬境界我今寧可離魔王魔王眷屬依住不遠住不遠已不近食世間信施食不近食已便不憍恣放逸不放逸已便不隨魔王魔王眷屬第三沙門梵志作是念已便離魔王魔王眷屬依住不遠住不遠已便不近食世間信施食不近食已便不憍恣放逸不放逸已便不隨魔王魔王眷屬如是第二見故便隨魔王魔王眷屬如是第三沙門梵志亦不脫魔王魔王眷屬境界猶如第三群鹿亦作是念第一第二群鹿一切不脫獵師獵師眷屬境界我今寧可離獵師獵師眷屬依住不遠住不遠已不近食獵師食不近食已便不憍恣放逸不放逸已便不隨獵師獵師眷屬第三群鹿作是念已便離獵師獵師眷屬依住不遠住不遠已不近食獵師食不近食已便不憍恣放逸不放逸已便不隨獵師獵師眷屬

師眷屬彼獼師獼師眷屬便作是念

第三群處其奇論點極論點所以者

何食我食已而不可得我今寧可作

長圍置作長圍置已便得第三群處

所依住止獼師獼師眷屬作是念已

便作長圍置作長圍置已便得第三

群處所依住止如是第三群處亦不

脫獼師獼師眷屬境界所依者當知

有見也住止者當知無見也當觀彼

第三沙門梵志亦復如是第四沙門

梵志亦作是念第一第二第三沙門

梵志一切不脫魔王魔王眷屬境

界我今寧可依住魔王魔王眷屬所

不至處依住彼已不近食世間信施

食不近食已便不憍恣放逸不放逸

已便不隨魔王魔王眷屬第四沙門

梵志作是念已便依住魔王魔王眷

屬所不至處依住彼已不近食世間

信施食不近食已便不憍恣放逸不

放逸已便不隨魔王魔王眷屬如是

第四沙門梵志便脫魔王魔王眷屬

境界猶如第四群處亦作是念第一

第一第三群處一切不脫獼師獼師

眷屬境界我今寧可依住獨師獨師
眷屬所不至處依住彼已不近食獨
師食不近食已便不憍恣放逸不放
逸已便不隨獨師獨師眷屬第四群
鹿作是念已便依住獨師獨師眷屬
所不至處依住彼已不近食獨師食
不近食已便不憍恣放逸不放逸已
便不隨獨師獨師眷屬彼獨師獨師
眷屬復作是念第四群鹿甚奇勇猛
第一勇猛若我逐彼必不能得餘鹿
則當恐怖驚散我今寧可捨置第四
群鹿彼獨師獨師眷屬作是念已則
便捨置如是第四群鹿便脫獨師獨
師眷屬境界當觀彼第四沙門梵志
亦復如是比丘當學如是所依住止
今魔王魔王眷屬所不至處何者魔
王魔王眷屬所不至處謂比丘離欲
離惡不善之法至得第四禪成就遊
是謂魔王魔王眷屬所不至處復次
何者魔王魔王眷屬所不至處謂比
丘心與慈俱遍滿一方成就遊如是
二三四方四維上下普周一切心與
慈俱無結無惑無害無淨極廣其大

無量善修遍滿一切世間成就遊如
是悲喜心與捨俱無結無怨無恚無
諍極廣甚大無量善修遍滿一切世
間成就遊是謂魔王魔王眷屬所不
至處復次何者魔王魔王眷屬所不
至處謂比丘度一切色想至非有想
非無想處成就遊是謂魔王魔王眷
屬所不至處復次何者魔王魔王眷
屬所不至處謂比丘度一切非有想
非無想處想知滅身觸成就遊慧見
諸漏盡斷知是謂魔王魔王眷屬所
不至處比丘如是所依住正命魔王
魔王眷屬所不至處當學如是佛說
如是彼諸比丘聞佛所說歡喜奉行

獨師經第七竟

二千三百九十六字

中阿含心品五支物主經第八 第四分別誦

我聞如是一時佛遊舍衛國在勝林
給孤獨園尔時五支物主平旦出舍
衛國往詣佛所欲見世尊供養禮事
五支物主便作是念且置往見佛世
尊或能宴坐及請尊比丘我今寧可
詣一婆邏末利異學園於是五支物
主便至比道遊戲歡樂近中頭阿梨

往詣一婆邏末利異學園彼時婆邏
末利異學園中有一異學沙門文祁
子在於彼中為大宗主衆人之師衆
所敬重統領大衆五百異學師彼在
擾亂衆發高大音聲其聲喧內說若
千種畜生之論謂論王論賊論閭諍
論飲食論衣被論婦人論童女論姪
女論世間論邪道論海中如是以聚
集論若干種畜生之論異學沙門文
祁子遙見五支物主來便自勅已衆
令默然住汝等默然莫復語言宜自
寂靜此沙門瞿曇弟子五支物主來
若有沙門瞿曇在彼弟子居舍衛國
者無過於五支物主所以者何彼愛
樂默然稱說默然若彼見此衆默然
者或能來前彼時異學沙門文祁子
止已衆已自默然住於是五支物主
往詣異學沙門文祁子所共相問評
却坐一面異學沙門文祁子語曰物
主若有四事我施設彼成就善第一
善無上士得第一義質直沙門云何
為四身不作惡業口不惡言不行邪
命不念惡念物主若有此四事者我

施設彼成就善第一善無上士得第一義質直沙門五支物主聞異學沙門文祁子所說不是不非從坐起去如此所說我自詣佛當問此義便往詣佛稽首作札却坐一面與異學沙門文祁子所共論者盡向佛說世尊聞已告曰物主如異學沙門文祁子所說若當余者嬰孩童子文節柔軟仰向卧眠亦當成就善第一善無上士得第一義質直沙門物主嬰孩童子尚無身想况復作身惡業耶唯能動身物主嬰孩童子尚無口想况復惡言耶唯能得啼物主嬰孩童子尚無命想况復行邪命耶唯有呻吟物主嬰孩童子尚無念想况復惡念耶唯念母乳物主若如異學沙門文祁子說者如是嬰孩童子成就善第一善無上士得第一義質直沙門物主若有四事我施設彼成就善第一善然非無上士不得第一義亦非質直沙門云何為四身不作惡業口不惡言不行邪命不念惡念物主若有此四事我施設彼成就善第一善然非無

上士不得第一義亦非質直沙門物
主身業口業者我施設是戒物主念
者我施設是心所有與心相隨物主
我說當知不善戒當知不善戒從何
而生當知不善戒何處滅無餘何處
敗壞無餘當知賢聖弟子云何行滅
不善戒耶物主我說當知善戒當知
善戒從何而生當知善戒何處滅無
餘何處敗壞無餘當知賢聖弟子云
何行滅善戒耶物主我說當知不善
念當知不善念從何而生當知不善
念何處滅無餘何處敗壞無餘當知
賢聖弟子云何行滅不善念耶物主
我說當知善念當知善念從何而生
當知善念何處滅無餘何處敗壞無
餘當知賢聖弟子云何行滅善念耶
物主云何不善戒耶不善身行不善
口意行是謂不善戒物主此不善戒
從何而生我說彼所從生當知從心
生云何為心若心有欲有患有癡當
知不善戒從是心生物主不善戒何
處滅無餘何處敗壞無餘多聞聖弟
子捨身不善業修身善業捨口意不

善業修口意善業此不善戒滅無餘
敗壞無餘物主賢聖弟子云何行滅
不善戒若多聞聖弟子觀內身如身
至觀覺心法如法賢聖弟子如是行
者滅不善戒也物主云何善戒耶善
身業善口意業是謂善戒物主此善
戒從何而生我說彼所從生當知從
心生云何為心若心無欲無恚無癡
當知善戒從是心生物主善戒何處
滅無餘何處敗壞無餘若多聞聖弟
子行戒不著戒此善戒滅無餘敗壞
無餘物主賢聖弟子云何行滅善戒
若多聞聖弟子觀內身如身至觀覺
心法如法賢聖弟子如是行者滅善
戒也物主云何不善念耶欲念恚念
害念是謂不善念物主不善念從何
而生我說彼所從生當知從想生云
何為想我說想多種無量種若干種
行或欲想或恚想或害想物主衆生
因欲界想故生不善念欲界相應若
有想者因彼想故生不善念欲界相
應物主衆生因恚害界想故生不善
念恚害界相應若有想者因彼想故

生不善念恚害界相應此不善念從
是想生物主不善念何處滅無餘何
處敗壞無餘若多聞聖弟子離欲離
惡不善之法有覺有觀離生喜樂得
初禪成就遊此不善念滅無餘敗壞無
餘物主賢聖弟子云何行滅不善念
若多聞聖弟子觀內身如身至觀覺
心法如法賢聖弟子如是行者滅不
善念也物主云何善念耶無欲念無
恚念無害念是謂善念物主善念從
何而生我說彼所從生當知從想生
云何為想我說想多種無量種若干種
行或無欲想或無恚想或無害想物
主衆生因無欲界想故生善念無欲
界相應若有想者因彼想故生善念
無欲界相應物主衆生因無恚無害
界故生善念無恚無害界相應若有
想者因彼想故生善念無恚無害界
相應此善念從是想生物主善念何
處滅無餘何處敗壞無餘若多聞聖
弟子樂滅苦滅喜憂本已滅不苦不
樂捨念清淨得第四禪成就遊此善
念滅無餘敗壞無餘物主賢聖弟子

云何行滅善念若多聞聖弟子觀內
身如身至觀覺心法如法賢聖弟子
如是行者滅善念也物主若多聞聖
弟子以慧觀不善戒知如真從生不
善戒知如真此不善戒滅無餘敗壞
無餘知如真以慧觀賢聖弟子如是
行者滅不善戒知如真以慧觀善戒
知如真從生善戒知如真此善戒滅
無餘敗壞無餘知如真以慧觀賢聖
弟子如是行者滅善戒知如真以慧
觀不善念知如真從生不善念知如
真此不善念滅無餘敗壞無餘知如
真以慧觀賢聖弟子如是行者滅不
善念知如真以慧觀善念知如真從
生善念知如真此善念滅無餘敗壞
無餘知如真以慧觀賢聖弟子如是
行者滅善念知如真所以者何因正
見故生正志因正志故生正語因正
語故生正業因正業故生正命因正
命故生正方便因正方便故生正念
因正念故生正定賢聖弟子心如是
定已便解脫一切婬怒癡物主賢聖
弟子如是正心解脫已便知一切止

已盡梵行已立所作已辦不更受有
知如真是謂學見跡成就八支漏盡
阿羅訶成就十支物主云何學見跡
成就八支謂學正見至學正定是謂
學見跡成就八支物主云何漏盡阿
羅訶成就十支謂無學正見至無學
正智是謂漏盡阿羅訶成就十支物
主若有十支我施設彼成就善第一
善無上士得第一義質直沙門佛說
如是彼五支物主及諸比丘聞佛所
談歡喜奉行

五支物主經第八竟

二百一十八字

中阿含心品瞿曇經第九 第四分別誦

我聞如是一時佛遊釋迦國在加鞞
羅衛尼拘類樹園今時摩訶跋闍闍
鉢提瞿曇弥持新金縷黃色衣往詣
佛所稽首佛足却住一面白曰世尊
此新金縷黃色衣我自為世尊作慈
愍我故願垂納受世尊告曰瞿曇弥持
此衣施比丘衆施比丘衆已便供養
我亦供養衆大生三瞿曇弥至再三
白曰世尊此新金縷黃色衣我自為
世尊作慈愍我故願垂納受世尊亦

至再三告曰瞿曇弥持此衣施比丘
衆施比丘衆已便供養我亦供養衆
今時尊者阿難立世尊後執拂侍佛
於是尊者阿難白曰世尊此大生主
瞿曇弥於世尊多所饒益世尊母命
終後乳養世尊世尊告曰如是阿難
如是阿難大生主瞿曇弥實於我多
所饒益我母命終後乳養於我阿難
我亦於大生主瞿曇弥多所饒益所
以者何大生主瞿曇弥因我故得自
歸於佛法及比丘衆不疑三尊苦習
滅道成就信戒多聞施慧離煞斷煞
不與取邪婬妄言離酒斷酒阿難若
有人因人故得自歸於佛法及比丘
衆不疑三尊苦習滅道成就信戒多
聞施慧離煞斷煞不與取邪婬妄言
離酒斷酒者此人供養於彼人至盡
形壽以飲食衣被床褥湯藥及若干
種諸生活具不得報恩復次阿難有
七施衆有十四私施得大福得大果
得大功德得大廣報阿難云何七施
衆得大福得大果得大功德得大廣
報信族姓男族姓女佛在世時佛為

首施佛及比丘衆是謂第一施衆得大福得大果得大功德得大廣報信族姓男族姓女世尊般涅槃後不久施二部衆施比丘衆施比丘尼衆入比丘僧園而白衆曰衆中今所比丘來布施彼也入比丘尼僧房而白衆曰衆中今所比丘尼來布施彼也是謂第五施衆得大福得大果得大功德得大廣報阿難當來時有比丘名憍種不精進著袈裟衣彼不精進不精進故施依衆故緣衆故上衆故因衆故我說今時施主得無量不可數不可計福得善得樂況復今比丘成就行事成就除事成就行事除事成就質直成就柔軟成就質直柔軟成就忍成就樂成就忍樂成就相應成就經紀成就相應經紀成就威儀成就行來遊成就威儀行來遊成就信成就戒成就多聞成就施慧耶是謂第七施衆得大福得大果得大功德得大廣報是謂有七施衆得大福得大果得大功德得大廣報阿難去何有十四

經得大福得大果得大功德得大廣
報有信族姓男族姓女布施如來施
緣一覺施阿羅訶施向阿羅訶施阿
耨舍施向阿耨舍施斯陀舍施向斯
陀舍施須陀洹施向須陀洹施離欲外
仙人施精進人施不精進人布施畜
生阿難布施畜生得福百倍施不精
進人得福千倍施精進人得福百千
倍施離欲外仙人得福億百千倍施
向須陀洹無量得須陀洹無量向斯
陀舍無量得斯陀舍無量向阿耨舍
無量得阿耨舍無量向阿羅訶無量
得阿羅訶無量緣一覺無量况復如
來無所著等正覺耶此十四私施得
大福得大果得大功德得大廣報復
次阿難有四種布施三淨施云何為
四或有布施因施主淨非受者或有
布施因受者淨非施主或有布施非
因施主淨亦非受者或有布施因施
主淨受者亦然阿難云何布施因施
主淨非受者耶施主精進行妙法見
來見果如是見如是說有施有施果
受者不精進行惡法不見來不見果

如是見如是說無施無施果是謂布施因施主淨非受者也阿難云何布施因受者淨非施主耶施主不精進行惡法不見來不見果如是見如是說無施無施果受者精進行妙法見來見果如是見如是說有施有施果是謂布施因受者淨非施主也阿難施主不精進行惡法不見來不見果如是見如是說無施無施果受者亦見如是說無施無施果是謂布施非因施主淨亦非受者阿難云何布施因施主淨受者亦然耶施主精進行妙法見來見果如是見如是說有施有施果受者亦精進行妙法見來見果如是見如是說有施有施果是謂布施因施主淨受者亦然於是世尊說此頌曰

精進施不精進 如法得歡喜心
信有業及果報 此施因施主淨
不精進施精進 不如法非喜心
不信業及果報 此施因受者淨

懈怠施不精進 不如法非喜心
不信業及果報 如是施無廣報
精進施於精進 如法得歡喜心
信有業及果報 如是施有廣報
奴婢及貧窮自分施歡喜 信業信果報
此施善人稱正護善身口 舒手以法乞
離欲施離欲是財施第一
佛說如是尊者阿難及諸比丘聞佛
所說歡喜奉行

瞿曇彌經第九竟

二十五
二十字

中阿含心品多界經第十 第界別誦

我聞如是一時佛遊舍衛國在勝林
給孤獨園尔時尊者阿難獨安靖處
宴坐思惟心作是念諸有恐怖彼一
切從愚癡生不從智慧諸有遭事灾
患憂戚彼一切從愚癡生不從智慧
於是尊者阿難則於晡時從宴坐起
往詣佛所稽首佛足却住一面白曰
世尊我今獨安靖處宴坐思惟心作
是念諸有恐怖彼一切從愚癡生不
從智慧諸有遭事灾患憂戚彼一切
從愚癡生不從智慧世尊告曰如是
阿難如是阿難諸有恐怖彼一切從

愚癡生不從智慧諸有遭事灾患憂
感彼一切從愚癡生不從智慧阿難
猶如從葦積草積生火燒樓閣堂屋
阿難如是諸有恐怖從愚癡生不從
智慧諸有遭事灾患憂感彼一切從
愚癡生不從智慧阿難昔過去時若
有恐怖彼一切亦從愚癡生不從智
慧諸有遭事灾患憂感彼一切從愚
癡生不從智慧阿難當來時諸有恐
怖彼一切從愚癡生不從智慧諸有
遭事灾患憂感彼一切從愚癡生不
從智慧阿難今現在諸有恐怖從愚
癡生不從智慧諸有遭事灾患憂感
彼一切從愚癡生不從智慧阿難是
為愚癡有恐怖智慧無恐怖愚癡有
遭事灾患憂感智慧無遭事灾患憂
感阿難諸有恐怖遭事灾患憂感彼
一切從愚癡可得不得從智慧於是尊
者阿難悲泣淚出叉手向佛白曰世
尊云何比丘愚癡非智慧世尊答曰
阿難若有比丘不知界不知處不知
因緣不知是處非處者阿難如是比
丘愚癡非智慧尊者阿難白曰世尊

如是比丘愚癡非智慧世尊云何比
丘智慧非愚癡世尊答曰阿難若有
比丘知界知處知因緣知是處非處
者阿難如是比丘智慧非愚癡尊者
阿難白曰世尊如是比丘智慧非愚
癡世尊云何比丘知界世尊答曰阿
難若有比丘見十八界知如真眼界
色界眼識界耳界聲界耳識界鼻界
香界鼻識界舌界味界舌識界身界
觸界身識界意界法界意識界阿難
見此十八界知如真復次阿難見六界
知如真地界水界火界風界空界識
界阿難見此六界知如真復次阿難
見六界知如真欲界恚界害界無欲
界無恚界無害界阿難見此六界知
如真復次阿難見六界知如真樂界
苦界喜界憂界捨界無明界阿難見
此六界知如真復次阿難見四界知
如真覺界想界行界識界阿難見此
四界知如真復次阿難見三界知如
真欲界色界無色界阿難見此三界
知如真復次阿難見三界知如真色
界無色界滅界阿難見此三界知如

真復次阿難見三界知如真過去界
未來界現在界阿難見此三界知如
真復次阿難見三界知如真妙界不
妙界中界阿難見此三界知如真復
次阿難見三界知如真善界不善界
無記界阿難見此三界知如真復次
阿難見三界知如真學界無學界非
學非無學界阿難見此三界知如真
復次阿難見二界知如真有漏界無
漏界阿難見此二界知如真復次阿
難見二界知如真有為界無為界阿
難見此二界知如真阿難見此六十
二界知如真阿難如是比丘知界尊
者阿難白曰世尊如是比丘知界世
尊云何比丘知處世尊荅曰阿難若
有比丘見十二處知如真眼處色處
耳處聲處鼻處香處舌處味處身處
觸處意處法處阿難見此十二處知
如真阿難如是比丘知處尊者阿難
白曰世尊如是比丘知處云何比丘
知因緣世尊荅曰阿難若有比丘見
因緣及從因緣起知如真因此有彼
無此無彼此生彼生此滅彼滅謂緣

無明有行乃至緣生有老死者無明

滅則行滅乃至生滅則老死滅阿難

如是比丘知因緣尊者阿難白曰世

尊如是比丘知因緣云何比丘知是

處非處世尊答曰阿難若有比丘見

處是處知如真見非處是非處知

如真阿難若世中有二轉輪王並治

者終無是處若世中有一轉輪王治

者必有是處阿難若世中有二如來

者終無是處若世中有一如來者必

有是處阿難若見諦人故害父母煞

阿羅訶破壞聖衆惡心向佛出如來

血者終無是處若凡夫人故害父母

煞阿羅訶破壞聖衆惡心向佛出如

來血者必有是處阿難若見諦人故

犯戒捨戒罷道者終無是處若凡夫

人故犯戒捨戒罷道者必有是處若

見諦人捨離此內從外求尊求福田

者終無是處若凡夫人捨離此內從

外求尊求福田者必有是處阿難若

見諦人從餘沙門梵志作是說諸尊

可見則見可知則知者終無是處若

凡夫人從餘沙門梵志作是說諸尊

可見則見可知則知者必有是處阿
難若見諦人信卜問吉凶者終無是
處若凡夫人信卜問吉凶者必有是
處阿難若見諦人從餘沙門梵志卜
問吉凶相應見有苦有煩見是真者
終無是處若凡夫人從餘沙門梵志
卜問吉凶相應見有苦有煩見是真
者必有是處阿難若見諦人生極苦
甚重苦不可愛不可樂不可思不可
念乃至斷命捨離此內更從外求或
有沙門梵志或持一句呪二句三句
四句多句百千句呪令脫我苦是求
苦習苦趣苦苦盡者終無是處若凡
夫人捨離此內更從外求或有沙門
梵志持一句呪二句三句四句多句
百千句呪令脫我苦是求苦習苦趣
苦苦盡者必有是處阿難若見諦人
受八有者終無是處若凡夫人受八
有者必有是處阿難若身惡行口意
惡行因此緣此身壞命終趣至善處
生於天中者終無是處若身惡行口
意惡行因此緣此身壞命終趣至惡
處生地獄中者必有是處阿難若身

妙行口意妙行因此緣此身壞命終
趣至惡處生地獄中者終無是處若
身妙行口意妙行因此緣此身壞命
終趣至善處生天中者必有是處阿
難若身惡行口意惡行受樂報者終無
是處阿難若身惡行口意惡行受苦報
者必有是處阿難若身妙行口意妙行
受苦報者終無是處若身妙行口意
妙行受樂報者必有是處阿難若不
斷五蓋心穢慧羸心正立四念處者
終無是處若斷五蓋心穢慧羸心正
立四念處者必有是處阿難若不斷
五蓋心穢慧羸心不正立四念處欲
修七覺意者終無是處若斷五蓋心
穢慧羸心正立四念處修七覺意者
必有是處阿難若不斷五蓋心穢慧
羸心不正立四念處不修七覺意欲
得無上正盡覺者終無是處若斷五
蓋心穢慧羸心正立四念處修七覺
意得無上正盡覺者必有是處阿難
若不斷五蓋心穢慧羸心不正立四
念處不修七覺意不得無上正盡覺
盡苦邊者終無是處若斷五蓋心穢

慧羸心正立四念處修七覺意得無
上正盡覺盡苦邊者必有是處阿難
如是比丘知是處非處尊者阿難白
曰世尊如是比丘知是處非處於是
尊者阿難叉手向佛白曰世尊此經
名何云何奉持世尊告曰阿難當受
持此多界法界甘露界多鼓法鼓甘
露鼓法鏡四品是故稱此經名曰多界
佛說如是尊者阿難及諸比丘聞佛
所說歡喜奉行

多界經第十竟

二千二百
三十六字

中阿含經卷第四十七

八千三百
三十字

中阿含心品第三竟

二千一百
二十二字 第四分別說

癸卯歲高麗國大藏都監奉
勅彫造

中阿含經卷第四

四

東晉劉宋三藏聖賢僧伽提婆譯

雙品第四

有五經雙品本有十經分後
五經屬第五誦故曰雙品 第界別誦

馬邑及馬邑牛角娑羅林 牛角娑羅林
求解取在後

中阿含雙品馬邑經第一

我聞如是一時佛遊騫騎國與大比
丘衆俱往至馬邑住馬林寺及比丘
衆舍時世尊告諸比丘人見汝等沙
門是沙門人問汝等沙門汝自稱沙
門耶諸比丘白曰舍也世尊佛復告
曰是以汝等以此要以此沙門當學
如沙門法及如梵志法學如沙門法
及如梵志法已要是真諦沙門不虛
沙門若受衣被飲食床檣湯藥及若
千種諸生活具者彼所供給得大福
得大果得大功德得大廣報汝等當
學如是云何如沙門法及如梵志法
身行清淨仰向發露善護無缺因此
清淨不自舉不下他無穢無濁為諸
智梵行者所共稱譽若汝作是念我
身行清淨我所作已辦不復更學已

成德義無復上作比丘我為汝說莫
令求沙門義失沙門義若欲求上學
者比丘若身清淨當復作何等當學
口行清淨仰向發露善護無缺因此
口行清淨不自舉不下他無穢無濁
為諸智梵行者所共稱譽若汝等作
是念我身口行清淨我所作已辦不
復更學已成德義無復上作比丘我
為汝說莫令求沙門義失沙門義若
欲求上學者比丘若身口清淨當復
作何等當學意行清淨仰向發露善
護無缺因此意行清淨不自舉不下
他無穢無濁為諸智梵行者所共稱
譽若汝等作是念我身口意行清淨
我所作已辦不復更學已成德義無
復上作比丘我為汝說莫令求沙門
義失沙門義若欲求上學者比丘若
身口意行清淨當復作何等當學命
行清淨仰向發露善護無缺因此命
行清淨不自舉不下他無穢無濁為
諸智梵行者所共稱譽若汝等作是念
我身口意命行清淨我所作已辦不
復更學已成德義無復上作比丘我

為汝說莫令求沙門義失沙門義若
欲求上學者比丘身口意命行清淨
當復作何等比丘當學守護諸根常
念閉塞念欲明達守護念心而得成
就恒欲起意若眼見色然不受相亦
不味色謂念諍故守護眼根心中不
生貪伺憂感惡不善法趣向彼故守
護眼根如是耳鼻舌身若意知法然
不受相亦不味法謂念諍故守護意
根心中不生貪伺憂感惡不善法趣
向彼故守護意根若汝等作是念我身
口意命行清淨守護諸根我所作已
辦不復更學已成德義無復上作比
丘我為汝說莫令求沙門義失沙門
義若欲求上學者比丘身口意命行
清淨守護諸根當復作何等比丘當
學正知出入善觀分別屈伸伛仰儀
容庠序善著僧伽梨及諸衣鉢行住
坐卧眠寤語默皆正知之若汝等作
是念我身口意命行清淨守護諸根
正知出入我所作已辦不復更學已
成德義無復上作比丘我為汝說莫令
求沙門義失沙門義若欲求上學者

比丘身口意命行清淨守護諸根正
知出入當復作何等比丘當學獨住
遠離在無事處或至樹下空安靖處
山巖石室露地穰穰或至林中或在
塚間彼已在無事處或至樹下空安
靖處敷足師壇結跏趺坐正身正願
反念不向斷除貪伺心無有諍見他
財物諸生活具不起貪伺欲令我得
彼於貪伺淨除其心如是瞋恚睡眠
掉悔斷疑度惑於諸善法無有猶豫
彼於疑惑淨除其心彼斷此五蓋心
穢慧羸離欲離惡不善之法至得第
四禪成就遊彼已得如是定心清淨
無穢無煩柔軟善住得不動心趣向
漏盡智通作證彼便知此苦如真知
此苦習知此苦滅知此苦滅道如真
亦知此漏如真知此漏習知此漏滅
知此漏滅道如真彼如是知如是見
已則欲漏心解脫有漏無明漏心解
脫解脫已便知解脫生已盡梵行已
立所作已辦不更受有知如真是說
沙門說梵志說聖說淨浴云何沙門
謂息止諸惡不善之法諸漏穢汙為

當來有本煩熱苦報生老病死因是
謂沙門云何梵志謂遠離諸惡不善
之法諸漏穢汙為當來有本煩熱苦
報生老病死因是謂梵志云何為聖
謂遠離諸惡不善之法諸漏穢汙為
當來有本煩熱苦報生老病死因是
謂為聖云何淨浴謂淨浴諸惡不善
之法諸漏穢汙為當來有本煩熱苦
報生老病死因是謂淨浴是謂沙門
是謂梵志是謂為聖是謂淨浴佛說
如是彼諸比丘聞佛所說歡喜奉行
馬邑經第一竟

千三百
四十七

中阿含經馬邑經第二第四分別誦

我聞如是一時佛遊鵞騎國與大比
丘眾俱往至馬邑住馬林寺及比丘
眾今時世尊告諸比丘人見汝等沙
門是沙門人問汝等沙門汝自稱沙
門耶諸比丘白曰亦也世尊佛復告
曰是以汝等以此要以此沙門當學
沙門道跡莫非沙門學沙門道跡已
要是真諦沙門不虛沙門若受衣被
飲食床褥湯藥及若干種諸生活具
者彼所供給得大福得大果得大功

德得大廣報汝等當學如是云何非
沙門道跡非沙門若有貪伺不息貪
伺有恚不息恚有瞋不息瞋有不語
不息不語有結不息結有慳不息慳
有嫉不息嫉有諛諂不息諛諂有欺
誑不息欺誑有無慙不息無慙有無
愧不息無愧有惡欲不息惡欲有邪
見不息邪見此沙門垢沙門諛諂沙
門詐偽沙門曲趣至惡處未盡已學
非沙門道跡非沙門猶如鉞斧新作
極利有頭有刃僧伽梨所裹我說彼
癡學沙門道亦復如是謂有貪伺不
息貪伺有恚不息恚有瞋不息瞋有
不語不息不語有結不息結有慳不
息慳有嫉不息嫉有諛諂不息諛諂
有無慙不息無慙有無愧不息無愧
有惡欲不息惡欲有邪見不息邪見
持僧伽梨我不說是沙門若持僧伽
梨者有貪伺息貪伺有恚息恚有瞋
息瞋有不語息不語有結息結有慳
息慳有嫉息嫉有諛諂息諛諂有無
慙息無慙有無愧息無愧有惡欲息
惡欲有邪見息邪見者彼諸親親明

友往詣而作是說賢人汝當學持僧
伽梨賢汝學持僧伽梨有貪伺息貪
伺有恚息恚有瞋息瞋有不語息不
語有結息結有慳息慳有嫉息嫉有
諛諂息諛諂有無慙息無慙有無愧
息無愧有惡欲息惡欲有邪見息邪
見若以我見持僧伽梨有貪伺恚瞋
不語結慳嫉諛諂無慙無愧惡欲邪
見是以我持僧伽梨我說非是沙門
如是無衣編髮不坐一食常揚水持
水持水者我說非是沙門若持水有
貪伺息貪伺有恚息恚有瞋息瞋有
不語息不語有結息結有慳息慳有
嫉息嫉有諛諂息諛諂有無慙息無
慙有無愧息無愧有惡欲息惡欲有
邪見息邪見彼諸親親朋友往詣而
作是說賢汝當持水持水已有貪伺
息貪伺有恚息恚有瞋息瞋有不語
息不語有結息結有慳息慳有嫉息
嫉有諛諂息諛諂有無慙息無慙有
無愧息無愧有惡欲息惡欲有邪見
息邪見若以我見持水貪伺恚瞋不
語結慳嫉諛諂無慙無愧有惡欲有

邪見是以持水者我說不是沙門是
謂非沙門道跡非是沙門云何沙門
道跡非不沙門若有貪伺息貪伺有
恚息恚有瞋息瞋有不語息不語有
結息結有慳息慳有嫉息嫉有諛諂
息諛諂有無慙息無慙有無愧息無
愧有惡欲息惡欲有邪見息邪見此
沙門嫉沙門諛諂沙門詐偽沙門曲
趣至惡處盡已學沙門道跡非不沙
門是謂沙門道跡非不沙門彼如是
成就戒身清淨口意清淨無有貪伺
心中無恚無有瞋眠無掉擗傲斷疑
度惑正念正智無有惡疑彼心與慈
俱遍滿一方成就遊如是二三四方
四維上下普周一切心與慈俱無結
無怨無恚無諍極廣甚大無量善修
遍滿一切世間成就遊如是悲喜心
與捨俱無結無怨無恚無諍極廣甚
大無量善修遍滿一切世間成就遊
彼作是念有慮有妙有想來上出
要知如真彼如是知如是見已則
欲漏心解脫有漏無明漏心解脫解
脫已便知解脫生已盡梵行已立所

作已辦不更受有知如真猶去村不
遠有好浴池清泉流盈翠草被岸花
樹四周或於東方有一人來飢渴疲
極脫衣岸上入池快浴去垢除熱亦
除渴乏如是南方西方北方有一人
來飢渴疲極脫衣岸上入池快浴去
垢除熱亦除渴乏如是刹利族姓子
剝除鬚髮著袈裟衣至信捨家無家
學道內行止令得內止內止者我說
沙門說梵志說聖說淨浴如是梵志
居士工師族姓子剝除鬚髮著袈裟
衣至信捨家無家學道內行止令得
內止內止者我說沙門說梵志說聖
說淨浴云何沙門謂息止諸惡不善
之法諸漏穢汙為當來有本煩熱苦
報生老病死因是謂沙門云何梵志
謂遠離諸惡不善之法諸漏穢汙為
當來有本煩熱苦報生老病死因是
謂梵志云何為聖謂遠離諸惡不善
之法諸漏穢汙為當來有本煩熱苦
報生老病死因是謂為聖云何淨浴
謂淨浴諸惡不善之法諸漏穢汙為
當來有本煩熱苦報生老病死因是

謂淨浴是謂沙門是謂梵志是謂為聖是謂淨浴佛說如是彼諸比丘聞佛所說歡喜奉行

馬邑經第二竟

千四百六十字

中阿含雙品牛角娑羅林經第三第四分別誦

我聞如是一時佛遊跋耆瘦在牛角娑羅林及諸多知識上尊比丘大弟子等尊者舍利子尊者大目犍連尊者者大迦葉尊者大迦旃延尊者阿邠律陀尊者離越哆尊者阿難如是比丘多知識上尊比丘大弟子等亦遊跋耆瘦在牛角娑羅林並共近佛葉屋邊住於是尊者大目犍連尊者大迦葉尊者大迦旃延尊者阿邠律陀過夜平旦往詣尊者舍利子所尊者阿難遙見彼諸尊往已白曰賢者離越哆當知此尊者大目犍連尊者大迦葉尊者大迦旃延尊者阿邠律陀過夜平旦往詣尊者舍利子所賢者離越哆今可共彼諸尊往詣尊者舍利子所儻能因彼從尊者舍利子少多聞法於是尊者大目犍連尊者大迦葉尊者大迦旃延尊者阿邠律陀尊

者離越哆尊者阿難過夜平旦往詣尊者舍梨子所尊者舍梨子遙見彼諸尊來已尊者舍梨子因彼諸尊故說善來賢者阿難善來阿難善來阿難世尊侍者解世尊意常為世尊之所稱譽及諸智梵行人我今問賢者阿難此牛角娑羅林甚可愛樂夜有明月諸娑羅樹皆敷妙香猶若天花賢者阿難何等比丘起發牛角娑羅林尊者阿難荅曰尊者舍梨子若有比丘廣學多聞守持不忘積聚博聞所謂法者初妙中妙竟亦妙有義有文具足清淨顯現梵行如是諸法廣學多聞翫習至千意所惟觀明見深達彼所說法簡要摠疾與正相應欲斷諸結尊者舍梨子如是比丘起發牛角娑羅林尊者舍梨子復問曰賢者離越哆尊者阿難比丘已說隨所知我今復問賢者離越哆此牛角娑羅林甚可愛樂夜有明月諸娑羅樹皆敷妙香猶若天花賢者離越哆何等比丘起發牛角娑羅林尊者離越哆荅曰尊者舍梨子若有比丘樂於

燕坐內行止不廢坐禪成就於觀常

好閑居意安靖處尊者舍利子如是

比丘起發牛角娑羅林尊者舍利子

復問曰賢者阿那律陀賢者離越哆

比丘已說隨所知我今復問賢者阿

那律陀此牛角娑羅林甚可愛樂夜

有明月諸娑羅樹皆敷妙香猶若天

華賢者阿那律陀何等比丘起發牛

角娑羅林尊者阿那律陀答曰尊者

舍利子若有比丘逮得天眼成就天

眼於千世界彼少方便須臾盡見尊

者舍利子猶有目人住高樓上於下

盡地有千土塹彼少方便須臾盡見

尊者舍利子如是若有比丘逮得天

眼成就天眼於千世界彼少方便須

臾盡見尊者舍利子如是比丘起發

牛角娑羅林尊者舍利子復問曰賢

者迦旃延賢者阿那律陀比丘已說

隨所知我今復問賢者迦旃延此牛

角娑羅林甚可愛樂夜有明月諸娑

羅樹皆敷妙香猶若天花賢者迦旃

延何等比丘起發牛角娑羅林尊者

大迦旃延答曰尊者舍利子猶二比

丘法師共論甚深阿毗曇彼所問事
善解悉知答亦無礙說法辯摠尊者
舍利子如是比丘起發牛角娑羅林
尊者舍利子復問曰尊者大迦葉賢
者迦旃延比丘已說隨所知我今復問
尊者大迦葉此牛角娑羅林甚可愛
樂夜有明月諸娑羅樹皆敷妙香猶
若天華尊者大迦葉何等比丘起發
牛角娑羅林尊者大迦葉答曰賢者
舍利子若有比丘自無事稱說無事
自有少欲稱說少欲自有知足稱說
知足自樂在遠離獨住稱說樂在遠
離獨住自修行精勤稱說修行精勤
自立正念正智稱說立正念正智自
得定稱說得定自有智慧稱說智慧
自諸漏已盡稱說諸漏已盡自勸發
渴仰成就歡喜稱說勸發渴仰成就
歡喜賢者舍利子如是比丘起發牛
角娑羅林尊者舍利子復問曰賢者
目犍連尊者大迦葉已說隨所知我
今復問賢者目犍連此牛角娑羅林
甚可愛樂夜有明月諸娑羅樹皆敷
妙香猶若天華賢者目連何等比丘

起發牛角娑羅林尊者大目犍連告曰
尊者舍利子若有比丘有大如意足
有大威德有大福祐有大威神自在
無量如意足彼行無量如意足變一
為衆合衆為一一則住一有知有見
徹過石壁如空無礙出入於地猶若
如水履水如地而不陷沒上昇虛空
結跏趺坐猶若如鳥今此日月有大
如意足有大威德有大福祐有大威
神以手捫摸身至梵天

尊者舍利子如是比丘起發牛角娑
羅林尊者大目犍連問曰尊者舍利
子我及諸尊已各自說隨其所知我
今問尊者舍利子此牛角娑羅林甚
可愛樂夜有明月諸娑羅樹皆敷妙
香猶若天華尊者舍利子何等比丘
起發牛角娑羅林尊者舍利子答曰
賢者目犍連若有比丘隨用心自在
而不隨心彼若欲得隨所住止中前
遊行即彼住止中前遊行彼若欲得
隨所住止日中晡時遊行即彼住止
日中晡時遊行賢者目犍連猶王王
臣衣服甚多有若干種雜妙色衣彼

若欲得中前著者即取著之彼若欲得日中晡時著者即取著之賢者目捷連如是若有比丘隨用心自在而不隨心彼若欲得隨所住止中前遊行即彼住止中前遊行彼若欲得隨所住止日中晡時遊行即彼住止日中晡時遊行賢者目捷連如是比丘起發牛角娑羅林尊者舍梨子告曰賢者目捷連我及諸賢已各自說隨其所知賢者目捷連我等寧可共彼諸賢往詣佛所向論此事於中知誰取為善說於是尊者舍梨子尊者大目捷連尊者大迦葉尊者大迦旃延尊者阿那律陀尊者離越哆尊者阿難往詣佛所諸尊者等稽首佛足却坐一面尊者阿難亦稽首佛足却住一面尊者舍梨子白曰世尊今日賢者大目捷連尊者大迦葉賢者迦旃延賢者阿那律陀賢者離越哆賢者阿難過夜平旦來詣我所我遙見彼諸賢來已因彼諸賢故說善來賢者阿難善來阿難善來阿難世尊侍者解世尊意常為世尊之所稱譽及諸

智梵行人我今問賢者阿難此牛角
娑羅林甚可愛樂夜有明月諸娑羅
樹皆敷妙香猶若天華賢者阿難何
等比丘起發牛角娑羅林賢者阿難
即答我曰尊者舍利子若有比丘廣
學多聞守持不忘積聚博聞所謂
法者初妙中妙竟亦妙有義有文具
足清淨顯現梵行如是諸法廣學多
聞翫習至千意所惟觀明見深達彼
所說法簡要摠疾與正相應欲斷諸
結尊者舍利子如是比丘起發牛角
娑羅林世尊嘆曰善哉善哉舍利子
實如阿難比丘所說所以者何阿難比
丘成就多聞尊者舍利子白曰世尊
賢者阿難如是說已我復問曰賢者
離越哆賢者阿難比丘已說隨所知
我今復問賢者離越哆此牛角娑羅
林甚可愛樂夜有明月諸娑羅樹皆
敷妙香猶若天華賢者離越哆何等
比丘起發牛角娑羅林賢者離越哆
即答我曰尊者舍利子若有比丘樂
於燕坐內行止不廢坐禪成就於觀
常好閑居喜意安靖處尊者舍利子

如是比丘起發牛角娑羅林世尊時
曰善哉善哉舍利子如離越多比丘
所說所以者何離越多比丘常樂坐
禪尊者舍利子白曰世尊賢者離越
多如是說已我復問曰賢者阿那律
陀賢者離越多比丘已說隨所知我
今復問賢者阿那律陀此牛角娑羅
林甚可愛樂夜有明月諸娑羅樹皆
敷妙香猶若天華賢者阿那律陀何
等比丘起發牛角娑羅林賢者阿那
律陀即答我曰尊者舍利子若有比
丘逮得天眼成就天眼於千世界彼
少方便須臾盡見尊者舍利子猶有
目人住高樓上於下露地有千土壑
彼少有方便須臾盡見尊者舍利子
如是若有比丘逮得天眼成就天眼
於千世界微少方便須臾盡見尊者
舍利子如是比丘起發牛角娑羅林
世尊嘆曰善哉善哉舍利子如阿那
律陀比丘所說所以者何阿那律陀
比丘成就天眼尊者舍利子白曰世
尊賢者阿那律陀如是說已我復問
曰賢者迦旃延賢者阿那律陀比丘

已說隨所知我今復問賢者迦旃延

此牛角娑羅林甚可愛樂夜有明月

諸娑羅樹皆敷妙香猶若天華賢者

迦旃延何等比丘起發牛角娑羅林

賢者迦旃延即答我曰尊者舍利子

猶二比丘法師共論甚深阿毗曇彼

所問事善解悉知答亦無礙說法辯

揔尊者舍利子如是比丘起發牛角娑

羅林世尊嘆曰善哉善哉舍利子如迦

旃延比丘所說所以者何迦旃延比

丘分別法師尊者舍利子白曰世尊

賢者迦旃延如是說已我復問曰尊

者大迦葉賢者迦旃延比丘已說隨

所知我今復問尊者大迦葉此牛角

娑羅林甚可愛樂夜有明月諸娑羅

樹皆敷妙香猶若天華尊者大迦葉

何等比丘起發牛角娑羅林尊者大

迦葉即答我曰賢者舍利子若有比

丘自無事稱說無事自有少欲稱說

少欲自有知足稱說知足自樂在遠

離獨住稱說樂在遠離獨住自修行

精勤稱說修行精勤自立正念正智

稱說立正念正智自得定稱說得定

自有智慧稱說智慧自諸漏已盡稱

說諸漏已盡自勸發渴仰成就歡喜
稱說勸發渴仰成就歡喜賢者舍利
子如是比丘起發牛角娑羅林世尊
歎曰善哉善哉舍利子如迦葉比丘
所說所以者何迦葉比丘常行無事
尊者舍利子白曰世尊尊者大迦葉
如是說已我復問曰賢者目犍連尊
者大迦葉已說隨所知我今復問賢
者目犍連此牛角娑羅林甚可愛樂
夜有明月諸娑羅樹皆敷妙香猶若
天華賢者目犍連何等比丘起發牛
角娑羅林賢者大目犍連即荅我曰
尊者舍利子若有比丘有大如意足
有大威德有大福祐有大威神自在
無量如意足彼行無量如意足變一
為衆合衆為一一則住一有知有見
徹過石壁如空無礙出入於地猶若
如水履水如地而不陷没上昇虛空
結跏趺坐猶若如鳥今此日月有大
如意足有大威德有大福祐有大威
神以手捫摸身至梵天尊者舍利子
如是比丘起發牛角娑羅林世尊歎
曰善哉善哉舍利子如目犍連比丘

所說所以者何目犍連比丘有大如意足於是尊者大目犍連即從坐起徧袒著衣叉手向佛白曰世尊我及諸尊如是說已便白尊者舍利子曰尊者舍利子我及諸尊已各自說隨其所知我今問尊者舍利子此牛角娑羅林甚可愛樂夜有明月諸娑羅樹皆敷妙香猶若天華尊者舍利子何等比丘起發牛角娑羅林尊者舍利子即答我曰賢者目犍連若有比丘隨用心自在而不隨心彼若欲得遊行彼若欲得隨所住止日中晡時遊行即彼住止日中晡時遊行即彼住止日中晡時遊行賢者目犍連猶王王臣衣服甚多有若干種雜妙色衣彼若欲得中前著者即取著之彼若欲得日中晡時著者即取著之賢者目犍連如是若有比丘隨用心自在而不隨心彼若欲得隨所住止中前遊行即彼住止中前遊行彼若欲得隨所住止日中晡時遊行即彼住止日中晡時遊行賢者目犍連如是比丘起發牛角娑羅林世尊

歎曰善哉善哉目犍連如舍梨子比丘所說所以者何舍梨子比丘隨用心自在於是尊者舍梨子即從坐起偏袒著衣叉手向佛白曰世尊我及諸賢如是說已告曰賢者目犍連我及諸賢已各自說隨其所知賢者目犍連我等寧可共彼諸賢往詣佛所向論此事於中知誰寂為善說世尊我等誰為善說耶世尊答曰舍梨子一切惡善所以者何此諸法者盡我所說舍梨子聽我所說如是比丘起發牛角娑羅林舍梨子若有比丘隨所依住城郭村邑彼過夜平旦著衣持鉢入村乞食善守護身善毀諸根善立其念彼乞食已過日中後取舉衣鉢澡洗手足以足師壇著於肩上或至無事處或至樹下或至空安靖處敷足師壇結跏趺坐不解結跏趺坐乃至漏盡彼便不解結跏趺坐乃至漏盡舍梨子如是比丘起發牛角娑羅林佛說如是彼諸比丘聞佛所說歡喜奉行

中阿含雙品牛角娑羅林經第四 第四分別誦

我聞如是一時佛遊那摩提瘦在犍
祁精舍尔時世尊過夜平旦著衣持
鉢入那摩提而行乞食食訖中後往
詣牛角娑羅林尔時牛角娑羅林有
三族姓子共在中住尊者阿那律陀
尊者難提尊者金毗羅彼尊者等所
行如是若彼乞食有前還者便敷床
汲水出洗足器安洗足橙及拭脚巾
水瓶澡罐若所乞食能盡食者便盡
食之若有餘者器盛覆舉食訖收鉢
澡洗手足以足師壇著於肩上入室
燕坐若彼乞食有後還者能盡食者
亦盡食之若不足者取前餘食足而
食之若有餘者便瀉著淨地及無虫
水中取彼食器淨洗拭已舉著一面
收卷床席拾洗足橙收拭脚巾舉洗
足器及水瓶澡罐掃灑食堂熏除淨
已收舉衣鉢澡洗手足以足師壇著
於肩上入室燕坐彼尊者等至於哺
時若有先從燕坐起者見水瓶澡罐
空無有水便持行取若能勝者便舉
持來安著一面若不能勝則便以手

招一比丘兩人共舉持著一面各不相語各不相問彼尊者等五日一集或共說法或聖默然於是守林人遙見世尊來逆呵止曰沙門沙門莫入此林所以者何今此林中有三族姓子尊者阿那律陀尊者難提尊者金毗羅彼若見汝或有不可世尊告曰汝守林人彼若見我必可無不可於是尊者阿那律陀遙見世尊來即呵彼曰汝守林人莫呵世尊汝守林人莫呵善逝所以者何是我尊來我善逝來尊者阿那律陀出迎世尊攝佛衣鉢尊者難提為佛敷床尊者金毗羅為佛取水尔時世尊洗手足已坐彼尊者所敷之座坐已問曰阿那律陀汝常安隱無所乏耶尊者阿那律陀白曰世尊我常安隱無有所乏世尊復問阿那律陀云何安隱無所乏耶尊者阿那律陀白曰世尊我作是念我有善利有大功德謂我與如是梵行共行世尊我常向彼梵行行慈身業見與不見等無有異行慈口業行慈意業見與不見等無有異世尊我

作是念我今寧可自捨已心隨彼諸
賢心我便自捨已心隨彼諸賢心我
未曾有一不可心世尊如是我常安
隱無有所乏問尊者金毗羅曰汝常安隱無所
復問尊者金毗羅曰汝常安隱無所
之耶尊者金毗羅白曰世尊我常安
隱無有所乏問曰金毗羅云何安隱
無所乏耶尊者金毗羅白曰世尊我
作是念我有善利有大功德謂我與
如是梵行共行世尊我常向彼梵行
行慈身業見與不見等無有異行慈
口業行慈意業見與不見等無有異
世尊我作是念我今寧可自捨已心
隨彼諸賢心我便自捨已心隨彼諸
賢心我未曾有一不可心世尊如是
我常安隱無有所乏世尊嘆曰善哉
善哉阿那律陀如是汝等常共和合
安隱無諍一心一師合一水乳頗得
人上之法而有老降安樂住止耶尊
者阿那律陀白曰世尊如是我等常
共和合安隱無諍一心一師合一水乳
得人上之法而有老降安樂住止世
尊我等離欲離惡不善之法至得第

四禪成就遊世尊如是教我等常共和
合安隱無諍一心一師合一水乳得此
人上之法而有耆降安樂住止世尊
嘆曰善哉善哉阿那律陀捨此住止
過此度此頗更有餘得人上之法而
有耆降安樂住止耶尊者阿那律陀
白曰世尊捨此住止過此度此更復
有餘得人上之法而有耆降安樂住
止世尊我心與慈俱遍滿一方成就
遊如是二三四方四維上下普周一
切心與慈俱無結無怨無恚無諍極
廣甚大無量善修遍滿一切世間成
就遊如是悲喜心與捨俱無結無怨
無恚無諍極廣甚大無量善修遍滿
一切世間成就遊世尊捨此住止過
此度此謂更有此餘得人上之法而
有耆降安樂住止世尊嘆曰善哉
善哉阿那律陀捨此住止過此度此
頗更有餘得人上之法而有耆降安
樂住止耶尊者阿那律陀白曰世尊
捨此住止過此度此更復有餘得人
上之法而有耆降安樂住止世尊我
等度一切色想至得非有想非無想

處成就遊世尊捨此生止過此度此
謂更有此餘得人上之法而有耆降
安樂住止世尊嘆曰善哉善哉阿那
律陀捨此住止過此度此頗更有餘
得人上之法而有耆降安樂住止即
尊者阿那律陀白曰世尊捨此住上
過此度此更復有餘得人上之法而
有耆降安樂住止世尊我等得如意
足天耳智他心智宿命智生死智諸
漏已盡得無漏心解脫慧解脫於現
法中自知自覺自作證成就遊生已
盡梵行已立所作已辦不更受有知
如真世尊捨此住止過此度此謂更
有此餘得人上之法而有耆降安樂
住止世尊嘆曰善哉善哉阿那律陀
捨此住止過此度此頗更有餘得人
上之法而有耆降安樂住止耶尊者
阿那律陀白曰世尊捨此住止過此
度此更無有餘得人上之法而有耆
降安樂住止於是世尊便作是念此
族姓子之所遊行安隱快樂我今寧
可為彼說法世尊作是念已即為尊
者阿那律陀尊者難提尊者金毘羅

說法勤發渴仰成就歡喜無量方便
為彼說法勸發渴仰成就歡喜已從
坐起去於是尊者阿那律陀難提金
毗羅送世尊隨其近遠便還所住尊
者難提尊者金毗羅尊者阿那律
陀曰善哉善哉尊者阿那律陀我等
初不聞尊者阿那律陀說如是義我
等如是有大如意足有大威德有大
福祐有大威神然尊者阿那律陀
盡向世尊極稱譽我等尊者阿那律
陀歎尊者難提金毗羅曰善哉善哉
尊者我亦初未曾從諸賢等聞尊者
如是有大如意足有大威德有大福
祐有大威神然我長夜以心知尊者
心尊者有大如意足有大威德有大
福祐有大威神是故我向世尊如是
如是說於是長鬼天形體極妙光明
巍巍夜將向旦往詣佛所稽首佛足
却住一面白世尊曰大仙人諸跋耆
人得大善利謂現有世尊及三族姓
子尊者阿那律陀尊者難提尊者
金毗羅地神從長鬼天聞所說放高
大音聲大仙人諸跋耆人得大善利

謂現有世尊及三族姓子尊者阿那

律陀難提金毗羅從地神聞聲虛空

天四王天三十三天燄摩天兜率哆

天化樂天他化樂天須臾聲徹至于

梵天大仙人諸跋耆人得大善利謂

現有世尊及三族姓子尊者阿那律

陀難提金毗羅世尊告曰如是如是

長鬼天諸跋耆人得大善利謂現有

世尊及三族姓子尊者阿那律陀難

提金毗羅長鬼天地神聞汝聲已便

放高大音聲大仙人諸跋耆人得大

善利謂現有世尊及三族姓子尊者

阿那律陀難提金毗羅從地神聞聲

虛空天四天王天三十三天燄摩天

兜率哆天化樂天他化樂天須臾聲

徹至于梵天大仙人諸跋耆人得大

善利謂現有世尊及三族姓子尊者

阿那律陀難提金毗羅長鬼天若彼

三族家此三族姓子剃除鬚髮著袈

裟衣至信捨家無家學道彼三族家

憶此三族姓子所因所行者彼亦長

夜得大善利安隱快樂若彼村邑及

天魔梵沙門梵志從人至天憶此三

族姓子所因所行者彼亦長夜得利
饒益安隱快樂長鬼天此三族姓子
如是有大如意足有大威德有大福
祐有大威神佛說如是此三族姓子
及長鬼天聞佛所說歡喜奉行

牛角婆羅林經第四竟

二千三百八十八字

中阿含雙品求解經第五 第四分別誦

我聞如是一時佛遊拘樓瘦劍摩瑟
曇拘樓都邑今時世尊告諸比丘緣
於彼意不知他心如真者彼世尊正
盡覺不可知云何求解於如來乎時
諸比丘白世尊曰世尊為法本世尊
為法主法由世尊唯願說之我等聞
已得廣知義佛便告曰比丘諦聽善
思念之我當為汝具分別說時諸比
丘受教而聽世尊告曰緣於彼意不
知他心如真者當以二事求解如來
一者眼知色二者耳聞聲若有微汗
眼耳知法是彼尊者為有為無耶若
求時則知所有微汗眼耳知法彼尊
者無若無此者當復更求若有雜眼
耳知法是彼尊者為有為無耶若求
時則知所有雜眼耳知法彼尊者無

若無此者當復更求若有白淨眼耳
知法是彼尊者為有為無耶若求時
則知所有白淨眼耳知法彼尊者有
若有此者當復更求彼尊者為長夜
行此法為暫行耶若求時則知彼尊
者長夜行此法不暫行也若常行者
當復更求彼尊者為為名譽為為利
義入此禪耶不為名譽不為利義入
此禪耶若求時則知彼尊者非為灾
患故入此禪也若有作是說彼尊者
樂行非恐怖離欲不行欲欲已盡也
便應問彼賢者有何行有何力有何
智令賢者自正觀如是說彼尊者樂
行非恐怖離欲不行欲欲已盡耶彼
若作是答賢者我不知彼心亦非餘
事知然彼尊者或獨住或在衆或在
集會若有善逝若為善逝所化為宗
主因食可見彼賢者我不知我從
彼尊者聞面前誥受我樂行非恐怖
離欲不行欲欲已盡也賢者我有是
行有是力有是智令我自正觀如是
說彼尊者樂行非恐怖離欲不行欲
欲已盡也於中當復問彼如來法若

有穢汙眼耳知法有彼處此法滅盡
無餘若有雜眼耳知法有彼處此法
滅盡無餘若有白淨法有彼處此法
滅盡無餘如來為彼答若有穢汙眼
耳知法有彼處此法滅盡無餘若有
雜眼耳知法有彼處此法滅盡無餘
若有穢汙眼耳知法如來滅斷拔絕
根本終不復生若有雜眼耳知法如
來滅斷拔絕根本終不復生若有白
淨法如是我白淨如是境界如是沙
門我如是成就此正法律有信弟子
往見如來奉侍如來從如來聞法如
來為說法上復上妙復妙善除黑白
如來為說法上復上妙復妙善除黑
白者如是如是聞已知斷一法於諸
法得究竟靖信世尊彼世尊正盡覺
也復應問彼賢者有何行有何力有
何智今賢者知斷一法於諸法得究
竟靖信世尊彼世尊正盡覺耶彼如
是答賢者我不知世尊心亦非餘
事知我因世尊有如是靖信世尊為
我說法上復上妙復妙善除黑白賢
者如如世尊為我說法者如是如是

我聞如來為我說法上復上妙復妙
善除黑白如是如是我聞已知斷一
法於諸法得究竟靖信世尊彼世尊
正盡覺也賢者我有是行有是力有
是智令我知斷一法於諸法得究竟
靖信世尊彼世尊正盡覺也若有此
行有此力深著如來信根已立者是
謂信見本不壞智相應沙門梵志天
及魔梵及餘世間無有能棄如是求
解如來如是正知如來佛說如是彼
諸比丘聞佛所說歡喜奉行

求解經第五竟

八十字

中阿含經卷第四十八

九千九百一十九字

中阿含雙品第四竟

九千九百一十九字

第四分別誦竟

癸卯歲高麗國大藏都監奉
勅彫造

中阿含經卷第四十九

溫

東晉劉宋三藏聖德太子僧伽提婆譯

雙品第一

有品
經 第百誦名後誦 有品半舍
有二十六經

說智阿夷那 拘樓明聖道 東園論小空

大空取在後

中阿含雙品說智經第一

我聞如是一時佛遊舍衛國在勝林
給孤獨園今時世尊告諸比丘若有
比丘來向汝說已所得智我生已盡
梵行已立所作已辦不更受有知如
真者汝等聞之當善然可歡喜奉行
善然可彼歡喜奉行已當復如是問
彼比丘賢者世尊說五盛陰色盛陰
覺想行識盛陰賢者云何知云何見
此五盛陰得知無所受漏盡心解脫
耶漏盡比丘得知梵行已立法者應
如是答諸賢色盛陰非果空虛不可
欲不恒有不可倚變易法我知如是
若於色盛陰有欲有染有著有縛縛
著使者彼盡無欲滅息止得知無所
受漏盡心解脫如是覺想行識盛陰
非果空虛不可欲不恒有不可倚變

易法我知如是若於識盛陰有欲有
染有著有縛縛著使者彼盡無欲滅
息止得知無所受漏盡心解脫諸賢
我如是知如是見此五盛陰得知無
所受漏盡心解脫漏盡比丘得知梵
行已立法者應如是答汝等聞之當
善然可歡喜奉行善然可彼歡喜奉
行已當復如是問彼比丘賢者世尊
說四食衆生以此得存長養云何為
四一日搏食二日更樂三日意
念四日識也賢者云何知云何見此
四食得知無所受漏盡心解脫耶漏
盡比丘得知梵行已立法者應如是
答諸賢我於搏食意不高不下不倚
不縛不染不著得解得脫盡得解脫
心離顛倒生已盡梵行已立所作已
辦不更受有知如真如是更樂意念
識食不高不下不倚不縛不染不著
得解得脫盡得解脫心離顛倒生已
盡梵行已立所作已辦不更受有知
如真諸賢我如是知如是見此四食
得知無所受漏盡心解脫漏盡比丘
得知梵行已立法者應如是答汝等

聞之當善然可歡喜奉行善然可彼
歡喜奉行已當復如是問彼比丘賢
者世尊說四說云何為四一曰見見
說二曰聞聞說三曰識識說四曰知
知說賢者云何知云何見此四說得
知無所受漏盡心解脫耶漏盡比丘
得知梵行已立法者應如是答諸賢我
於見見說不高不下不倚不縛不染
不著得解得脫盡得解脫心離顛倒
生已盡梵行已立所作已辦不更受
有知如真如是聞聞識識知知說不
高不下不倚不縛不染不著得解得
脫盡得解脫心離顛倒生已盡梵行
已立所作已辦不更受有知如真諸
賢我如是知如是見此四說得知無
所受漏盡心解脫漏盡比丘得知梵
行已立法者應如是答汝等聞之當
善然可歡喜奉行善然可彼歡喜奉
行已當復如是問彼比丘賢者世尊
說內六處眼處耳處舌處意處賢者
云何知云何見此內六處得知無所
受漏盡心解脫耶漏盡比丘得知梵
行已立法者應如是答諸賢我於眼

及眼識眼識知法俱知二法知已諸
賢若眼及眼識眼識知法樂已盡彼
盡無欲滅息止得知無所受漏盡心
解脫如是耳鼻舌身意及意識意識
知法俱知二法知已諸賢若意及意
識意識知法樂已盡彼盡無欲滅息
止得知無所受漏盡心解脫諸賢我
如是知如是見此內六處得知無所
受漏盡心解脫漏盡比丘得知梵行
已立法者應如是答汝等聞之當善
然可歡喜奉行善然可彼歡喜奉行
已當復如是問彼比丘賢者世尊說六
界地界水界火界風界空界識界賢
者云何知云何見此六界得知無所
受漏盡心解脫耶漏盡比丘得知梵
行已立法者應如是答諸賢我不見
地界是我所我非地界所地界非是
神然謂三受依地界住識使所著彼
盡無欲滅息止得知無所受漏盡心
解脫如是水火風空識界非是我所
我非識界所識界非是神然謂三受
依識界住識使所著彼盡無欲滅息
止得知無所受漏盡心解脫諸賢我

如是知如是見此六界得知無所受
漏盡心解脫漏盡比丘得知梵行已
立法者應如是答汝等聞之當善然
可歡喜奉行善然可彼歡喜奉行已
當復如是問彼比丘賢者云何知云
何見此內身共有識及外諸相一切
我我作及慢使斷知拔絕根本終不
復生漏盡比丘得知梵行已立法者
應如是答諸賢我本未出家學道時
猷生老病死啼泣困苦愁惑憂悲欲
斷此大苦陰諸賢我猷患已而作是
觀在家至狹塵勞之處出家學道發
露曠大我今在家為鏢所鏢不得盡
形壽淨修梵行我寧可捨少財物及
多財物捨少親族及多親族剝除鬚
髮著袈裟衣至信捨家無家學道諸
賢我於後時捨少財物及多財物捨
少親族及多親族剝除鬚髮著袈裟
衣至信捨家無家學道諸賢我出家
學道捨族相已受比丘要修習禁戒
守護從解脫又復善攝威儀禮節見
織介罪常懷畏怖受持學要諸賢我
離然斷然棄捨刀杖有慙有愧有慈

悲心饒益一切乃至蜚虫我於煞生
淨除其心我離不與取斷不與取與
而後取樂於與取常好布施歡喜無
恹不望其報我於不與取淨除其心
諸賢我離非梵行斷非梵行勤修梵
行精勤妙行清淨無穢離欲斷婬我
於非梵行淨除其心諸賢我離妄言
斷於妄言真諦言樂真諦住真諦不
移動一切可信不欺世間我於妄言
淨除其心諸賢我離兩舌斷於兩舌
行不兩舌不破壞他不此聞語彼欲
破壞此不彼聞語此欲破壞彼離者
欲合合者歡喜不作羣黨不樂羣黨
不稱羣黨我於兩舌淨除其心諸賢
我離麁言斷於麁言若有所言辭氣
麁獷惡聲逆耳衆所不喜衆所不愛
使他苦惱今不得定斷如是言若
所說清和柔潤順耳入心可喜可愛
使他安樂言聲具了不使人畏令他
得定說如是言我於麁言淨除其心
諸賢我離綺語斷綺語時說真說法
說義說止息說樂止息諍事順時得
宜善教善呵我於綺語淨除其心諸

賢我離治生斷於治生棄捨稱量及
斗斛亦不受貨不縛束人不望折耳
量不以小利侵欺於人我於治生淨
除其心諸賢我離受索婦童女斷受
索婦童女我於受索婦童女淨除其
心諸賢我離受奴婢斷受奴婢我於
受奴婢淨除其心諸賢我離受爲馬
牛羊斷受爲馬牛羊我於受爲馬牛
羊淨除其心諸賢我離受雞豚斷受
雞豚我於受雞豚淨除其心諸賢我
離受田業店肆斷受田業店肆我於
受田業店肆淨除其心諸賢我離受
生稻麥豆斷受生稻麥豆我於受生
稻麥豆淨除其心諸賢我離酒斷酒
我於飲酒淨除其心諸賢我離高廣
大床斷高廣大床我於高廣大床淨
除其心諸賢我離華鬘璎珞塗香脂
粉斷華鬘璎珞塗香脂粉我於花鬘
璎珞塗香脂粉淨除其心諸賢我離
歌舞倡伎及往觀聽斷歌舞倡伎及
往觀聽我於歌舞倡伎及往觀聽淨
除其心諸賢我離受生色像寶斷受
生色像寶我於受生色像寶淨除其

心諸賢我離過中食斷過中食一食
不夜食學時食我於過中食淨除其
心諸賢我已成就此聖戒身復行知
足衣取覆形食取充軀我所往處衣
鉢自隨無有顧戀猶如鴈鳥與兩翅
俱飛翔空中我亦如是諸賢我已成
就此聖戒身及極知足復守諸根常
念閉塞念欲明達守護念心而得成
就恒欲起意若眼見色然不受相亦
不味色謂念諍故守護眼根心中不
生貪伺憂感惡不善法趣向彼故守
護眼根如是耳鼻舌身若意知法然
不受相亦不味法謂念諍故守護意
根心中不生貪伺憂感惡不善法趣
向彼故守護意根諸賢我已成就此
聖戒身及極知足聖護諸根正知出
入善觀分別屈伸任仰儀容庠序善
著僧伽梨及諸衣鉢行住坐卧眠寤
語默皆正知之諸賢我已成就此聖
戒身及極知足亦成就聖護諸根得
正知出入獨住遠離在無事處或至
樹下空安靖處山巖石室露地穰穰
或至林中或在塚間諸賢我已無

事處或至樹下空安靖處敷尼師檀
結跏趺坐正身正願及念不向斷除
貪伺心無有諍見他財物諸生活具
不起貪伺欲令我得我於貪伺淨除
其心如是瞋恚睡眠調悔斷疑度惑於
諸善法無有猶豫我於疑惑淨除其
心諸賢我已斷此五蓋心穢慧羸離
欲離惡不善之法至得第四禪成就
遊諸賢我已得如是定心清淨無穢
無煩柔軟善住得不動心趣向漏盡
通智作證諸賢我知此苦如真知此
苦習知此苦滅知此苦滅道如真知
此漏知此漏習知此漏滅知此漏滅
道如真彼如是知如是見欲漏心解
脫有漏無明漏心解脫解脫已便知
解脫生已盡梵行已立所作已辦不
更受有知如真諸賢我如是知如是
見內身有識及外諸相一切我我行
及慢使斷知扶絕根本終不復生漏
盡比丘得知梵行已立法者應如是
答汝等問之當善然可歡喜奉行善
然可彼歡喜奉行已當復如是語彼
比丘賢者勿說我等已可意歡喜然

我等欲從賢者上復上求智慧應答
辯才以是故我等從賢者問復問耳
佛說如是彼諸比丘聞佛所說歡喜
奉行

說智經第一竟

二千八百四十六字

中阿含雙品阿夷那經第二 第五後誦

我聞如是一時佛遊舍衛國在於東
園鹿子母堂尔時世尊則於晡時從
燕坐起堂上來下在堂影中露地經
行為諸比丘廣說甚深微妙之法彼
時異學阿夷那沙門壘頭弟子遙見
世尊從燕坐起堂上來下在堂影中
露地經行為諸比丘廣說甚深微妙
之法異學阿夷那沙門壘頭弟子往
詣佛所共相問訊隨佛經行世尊迴
顧問曰阿夷那沙門壘頭實思五百
思若有異沙門梵志一切知一切見
者自稱我有無餘知無餘見彼有過
自稱有過異學阿夷那沙門壘頭弟
子荅曰瞿曇沙門壘頭實思五百思
若有異沙門梵志一切知一切見者
自稱我有無餘知無餘見彼有過自
稱有過世尊復問曰阿夷那云何沙

門壘頭思五百思若有異沙門梵志一切知一切見者自稱我有無餘知無餘見彼有過自稱有過耶異學阿夷那沙門壘頭弟子荅曰瞿曇沙門壘頭作如是說若行若住若坐若卧若眠若寤或晝或夜常無礙知見或時逢驕鳥逸馬驕車叛兵走男走女或行如是道逢惡鳥惡馬惡牛惡狗或值蛇聚或得出擲或得杖打或墮溝瀆或墮廁中或乘卧牛或墮深坑或入刺中或見村邑問名問道見男見女問姓問名或觀空舍或如是入族彼既入已而問我曰尊從何行我荅彼曰諸賢我趣惡道也瞿曇沙門壘頭如是比丘思五百思若有異沙門梵志一切知一切見者自稱我有無餘知無餘見彼有過也於是世尊離於經行至經行頭敷尼師檀結跏趺坐問諸比丘我所說智慧事汝等受持耶彼諸比丘默然不荅世尊復至再三問曰諸比丘我所說智慧事汝等受持耶諸比丘亦至再三默然不荅彼時有一比丘即從坐起偏袒著衣

又手向佛白曰世尊今正是時善逝今正是時若世尊為諸比丘說智慧事諸比丘從世尊聞當善受持世尊告曰比丘諦聽善思念之我當為汝具分別說時諸比丘白曰唯然當受教聽佛復告曰凡有二衆一曰法衆二曰非法衆何者非法衆或有一行非法說非法彼衆亦行非法說非法彼非法人住非法衆前自己所知而虛妄言不是真實顯示分別施設其行流布次第說法欲斷他意弊惡難詰不可說也於正法律中不可稱立自己所知彼非法人住非法衆前自稱我有智慧普知於中若有如是說智慧事者是謂非法衆何者法衆或有一行法說法彼衆亦行法說法彼法人住法衆前自己所知不虛妄言是真是實顯示分別施設其行流布次第說欲斷他意弊惡難詰則可說也於正法中而可稱立自己所知彼法人住法衆前自稱我有智慧普知於中若有如是說智慧事者是謂法衆是故汝等當知法非法義與非義知法

非法義非義已汝等當學如法如義
佛說如是即從坐起入室燕坐於是
諸比丘便作是念諸賢當知世尊略
說此義不廣分別即從坐起入室燕
坐是故汝等當知法非法義與非義
知法非法義非義已汝等當學如法
如義彼復作是念諸賢誰能廣分別
也尊向所略說義彼復作是念尊者
阿難是佛侍者而知佛意常為世尊
之所稱譽及諸智梵行人尊者阿難
能廣分別世尊向所略說義諸賢共
往詣尊者阿難所請說此義若尊者
阿難為分別者我等當善受持於是
諸比丘往詣尊者阿難所共相問訊
却坐一面白曰尊者阿難當知世尊
略說此義不廣分別即從坐起入室
燕坐汝等當知法非法義與非義知
法非法義非義已汝等當學如法如
義我等便作是念諸賢誰能廣分別
世尊向所略說義我等復作是念尊
者阿難是佛侍者而知佛意常為世
尊之所稱譽及諸智梵行人尊者阿
難能廣分別世尊向所略說義唯願

尊者阿難為慈愍故而廣說之尊者

阿難告曰諸賢聽我說喻慧者聞喻

則解其義諸賢猶如有人欲得求實

為求實故持斧入林彼見大樹成根

莖節枝葉華實彼人不觸根莖節實

但觸枝葉諸賢所說亦復如是世尊

現在捨來就我而問此義所以者何

諸賢當知世尊是眼是智是義是法

法主法將說真諦義現一切義由彼

世尊諸賢應往詣世尊所而問此義

世尊此云何此何義如世尊說者諸

賢等當善受持時諸比丘白曰唯然

尊者阿難世尊是眼是智是義是法

法主法將說真諦義現一切義由彼

世尊然尊者阿難是佛侍者而知佛

意常為世尊之所稱譽及諸智梵行

人尊者阿難能廣分別世尊向所略

說義唯願尊者阿難為慈愍故而廣

說之尊者阿難告諸比丘諸賢等共

聽我所說諸賢邪見非法正見是法

若有因邪見生無量惡不善法者是

謂非義若因正見生無量善法者是

謂是義諸賢乃至邪智非法正智是

法者因邪智生無量惡不善法者是
謂非義若因正智生無量善法者是
謂是義諸賢謂世尊略說此義不廣
分別即從坐起入室燕坐是故汝等
當知法非法義與非義知法非法義
非義已汝等當學如法如義此世尊
略說不廣分別義我以此句以此文
廣說如是諸賢可往向佛具陳若如
世尊所說義者諸賢等便可受持於
是諸比丘聞尊者阿難所說善受持
誦即從坐起繞尊者阿難三匝而去
往詣佛所稽首作礼却坐一面白曰
世尊向世尊略說此義不廣分別即
從坐起入室宴坐尊者阿難以此
句以此文而廣說之世尊聞已歎曰
善哉善哉我弟子中有眼有智有
法有義所以者何謂師為弟子略說
此義不廣分別彼弟子以此句以此
文而廣說之如阿難所說汝等應當
如是受持所以者何以說觀義應如
是也佛說如是彼諸比丘聞佛所說
歡喜奉行

中阿含雙品聖道經第三 第五後誦

我聞如是一時佛遊拘樓瘦劍磨瑟
曇拘樓都邑尔時世尊告諸比丘有
一道令衆生得清淨離愁感啼哭滅
憂苦懊惱便得如法謂聖正定有習
有助亦復有具而有七支於聖正定
說習說助亦復說具云何為七正見
正志正語正業正命正方便正念若
有以此七支習助具善趣向心得一
者是謂聖正定有習有助亦復有具
所以者何正見生正志正志生正語
正語生正業正業生正命正命生正
方便正方便生正念正念生正定賢
聖弟子如是心正定頻盡姪怒癡賢
聖弟子如是正心解脫頻知生已盡
梵行已立所作已辦不更受有知如
真彼中正見寂在其前若見邪見是
邪見者是謂正見若見正見是正見
者亦謂正見云何邪見謂此見無施
無齋無有呪說無善惡業無善惡業
報無此世彼世無父無母世無真人往
至善處善去善向此世彼世自知自覺
自作證成軌遊是謂邪見云何正見

謂此見有施有齋亦有呪說有善惡業有善惡業報有此世彼世有父有母世有真人往至善處善去善向此世彼世自知自覺自作證成就遊是謂正見是為見邪見是邪見者是謂正見見正見是正見者亦謂正見彼如是知已則便求學欲斷邪見成就正見是謂正方便比丘以念斷於邪見成就正見是謂正念此三支隨正見從見方便是故正見取在前也若見邪志是邪志者是謂正志若見正志是正志者亦謂正志云何邪志欲念恚念害念是謂邪志云何正志無欲念無恚念無害念是謂正志是為見邪志是邪志者是謂正志見正志是正志者亦謂正志如是知已則便求學欲斷邪志成就正志是謂正方便比丘以念斷於邪志成就正志是謂正念此三支隨正志從見方便是故正見取在前也若見邪語是邪語者是謂正語若見正語是正語者亦謂正語云何邪語妄言兩舌虛言綺語是謂邪語云何正語離妄

言兩舌麤言綺語是謂正語是為見
邪語是邪語者是謂正語見正語是
正語者亦謂正語彼如是知已則便
求學欲斷邪語成就正語是謂正方
便比丘以念斷於邪語成就正語是
謂正念此三支隨正語從見方便是
故正見取在前也若見邪業是邪業
者是謂正業者若見正業是正業者亦
謂正業云何邪業然生不與取邪婬
是謂邪業云何正業離然不與取邪
婬是謂正業是為見邪業是邪業者
是謂正業見正業是正業者亦謂正
業彼如是知已則便求學欲斷邪業
成就正業是謂正方便比丘以念斷
於邪業成就正業是謂正念此三支
隨正業從見方便是故正見取在前
也若見邪命是邪命者是謂正命若
見正命是正命者亦謂正命云何邪
命若有求無滿意以若干種畜生之
呪邪命存命彼不如法求衣被以非
法也不如法求飲食床檣湯藥諸生
活具以非法也是謂邪命云何正命
若不求無滿意不以若干種畜生之

呪不邪命存命彼如法求衣被則以
法也如法求飲食床檣湯藥諸生活
具則以法也是謂正命是為見邪命
是邪命者是謂正命見正命是正命
者亦謂正命彼如是知已則便求學
欲斷邪命成就正命是謂正方便比
丘以念斷於邪命成就正命是謂正
念此三支隨正命從見方便是故正
見取在前也云何正方便比丘者已
生惡法為斷故發欲求方便精勤舉
心滅未生惡法為不生故發欲求方
便精勤舉心滅未生善法為生故發
欲求方便精勤舉心滅已生善法為
住不忘不退轉增廣布修習滿具故
發欲求方便精勤舉心滅是謂正方
便云何正念比丘者觀內身如身觀
至覺心法如法是謂正念云何正定
比丘者離欲離惡不善之法至得第
四禪成就遊是謂正定云何正解脫
比丘者欲心解脫恚癡心解脫是謂
正解脫云何正智比丘者知欲心解
脫知恚癡心解脫是謂正智也是為
學者成就八支漏盡阿羅訶成就十

支云何學者成就八支學正見至學
正定是為學者成就八支云何漏盡
阿羅訶成就十支無學正見至無學
正智是謂漏盡阿羅訶成就十支所
以者何正見者斷於邪見若因邪見
生無量惡不善法者彼亦斷之若因
正見生無量善法者彼則修習令滿
具足至正智者斷於邪智若因邪智
生無量惡不善法者彼亦斷之若因
正智生無量善法者彼則修習令滿
具足是為二十善品二十不善品是
為說四十大法品轉於梵輪沙門梵
志天及魔梵及餘世間無有能制而
言非者若有沙門梵志者我所說四
十大法品轉於梵輪沙門梵志天及
魔梵及餘世間無有能制而言非者
彼於如法有十詰責云何為十若毀
害正見稱譽邪見若有邪見沙門梵
志若供養彼而稱譽彼若有沙門梵
志者我所說四十大法品轉於梵輪
沙門梵志天及魔梵及餘世間無有
能制而言非者彼於如法是謂一詰
責若毀害至正智稱譽邪智若有邪

智沙門梵志若供養彼而稱譽彼若有沙門梵志我所說四十大法品轉於梵輪沙門梵志天及魔梵及餘世間無有能制而言非者彼於如法是謂第十詰責若有沙門梵志我所說四十大法品轉於梵輪沙門梵志天及魔梵及餘世間無有能制而言非者是謂於如法有十詰責者更有餘沙門梵志躊躇說躊躇無所有說無所有說無因說無作說無業謂彼彼所作善惡施設斷絕破壞彼此我所說四十大法品轉於梵輪沙門梵志天及魔梵及餘世間無有能制而言非者彼亦有詰責愁憂恐怖佛說如是彼諸比丘聞佛所說歡喜奉行

聖道經第三竟

千八百五字

中阿含經品小空經第四 第五又誦

我聞如是一時佛遊舍衛國在於東園鹿子母堂尔時尊者阿難則於曠時從燕坐起往詣佛所稽首佛足却住一面白曰世尊一時遊行釋中城名釋都邑我於尔時從世尊聞說如是義阿難我多行空彼世尊所說我

善知善受為善持耶尔時世尊答曰
阿難彼我所說汝實善知善受善持
所以者何我從尔時及至於今多行
空也阿難如此鹿子母堂空無為馬
牛羊財物穀米奴婢然有不空唯比
丘衆是為阿難若此中無者以此故
我見是空若此有餘者我見真實有
阿難是謂行真實空不顛倒也阿難
比丘若欲多行空者彼比丘莫念村
想莫念人想當數念一無事想彼如
是知空於村想空於人想然有不空
唯一無事想若有疲勞因村想故我
無是也若有疲勞因人想故我亦無
是唯有疲勞因一無事想故若彼中
無者以此故彼見是空若彼有餘者
彼見真實有阿難是謂行真實空不
顛倒也復次阿難比丘若欲多行空
者彼比丘莫念人想莫念無事想當
數念一地想彼比丘若見此地有高
下有地聚有棘刺聚有沙有石山嶮
深河莫念彼也若見此地平正如掌
觀望處好當數念彼阿難猶如牛皮
以百釘張極張掣已無皺無縮若見

此地有高下有地聚有棘刺藂有沙有石山嶮深河莫念彼也若見此地平正如掌觀望處好當數念彼彼如是知空於人想空無事想然有不空唯一地想若有疲勞因人想故我無是也若有疲勞因無事想故我亦無是唯有疲勞因一地想故若彼中無者以此故彼見是空若彼有餘者彼見真實有阿難是謂行真實空不顛倒也復次阿難比丘若欲多行空者彼比丘莫念無事想莫念地想當數念一無量空處想彼如是知空無事想空於地想然有不空唯一無量空處想若有疲勞因無事想故我無是也若有疲勞因地想故我亦無是唯有疲勞因一無量空處想故若彼中無者以此故彼見是空若彼有餘者彼見真實有阿難是謂行真實空不顛倒也復次阿難比丘若欲多行空者彼比丘莫念地想莫念無量空處想當數念一無量識處想彼如是知空於地想空無量空處想然有不空唯一無量識處想若有疲勞因地想

故我無是也若有疲勞因無量空處想故我亦無是唯有疲勞因一無量識處想故若彼中無者以此故彼見是空若彼有餘者彼見真實有阿難是謂行真實空不顛倒也復次阿難比丘若欲多行空者彼比丘莫念無量空處想莫念無量識處想當數念一無所有處想若有疲勞因無量空處想故我無是也若有疲勞因無量識處想故我亦無是唯有疲勞因一無所有處想故若彼中無者以此故彼見是空若彼有餘者彼見真實有阿難是謂行真實空不顛倒也復次阿難無比丘若欲多行空者彼比丘莫念無量識處想莫念無所有處想當數念一無想心定彼如是知空無量識處想空無所有處想然者不空唯一無想心定若有疲勞因無量識處想故我無是也若有疲勞因無所有處想故我亦無是唯有疲勞因一無想心定故若彼中無者以此故彼見是

空若彼有餘者彼見真實有阿難是
謂行真實空不顛倒也彼作是念我
本無想定本所行本所思若本所行
本所思者我不樂彼不求彼不應住
彼如是知如是見欲漏心解脫有漏
無明漏心解脫已便知解脫生
已盡梵行已立所作已辦不更受有
知如真彼如是知空欲漏空有漏空
無明漏然有不空唯此我身六處命
存若有疲勞因欲漏故我無是也若
有疲勞因有漏無明漏故我亦無是
唯有疲勞因此我身六處命存故若
彼中無者以此故彼見是空若彼有
餘者彼見真實有阿難是謂行真實
空不顛倒也謂漏盡無漏無為心解
脫阿難若過去諸如來無所著等正
覺彼一切行此真實空不顛倒謂漏
盡無漏無為心解脫阿難若當來諸
如來無所著等正覺彼一切行此真
實空不顛倒謂漏盡無漏無為心解
脫阿難若今現在我如來無所著等
正覺我亦行此真實空不顛倒謂漏
盡無漏無為心解脫阿難汝當如是

學我亦行此真實空不顛倒調漏盡
無漏無為心解脫是故阿難當學如
是佛說如是尊者阿難及諸比丘聞
佛所說歡喜奉行

小空經第四竟

千四百三十三字

中阿含雙品大空經第五 第五後誦

我聞如是一時佛遊釋中迦維羅衛
在尼拘類園今時世尊過夜平旦著
衣持鉢入迦維羅衛而行乞食食訖
中後往詣伽羅耆摩釋精舍今時伽
羅耆摩釋精舍敷衆多床座衆多比
丘於中住止彼時世尊從伽羅耆摩
釋精舍出往詣伽羅釋精舍今時尊
者阿難與衆多比丘在伽羅釋精舍
中集作衣業尊者阿難遙見佛來見
已出迎取佛衣鉢還敷床座汲水洗
足佛洗足已於伽羅釋精舍坐尊者
阿難所敷之座告曰阿難伽羅耆摩
釋精舍敷衆多床座衆多比丘於中
住止尊者阿難白曰唯然世尊伽羅
耆摩釋精舍敷衆多床座衆多比丘
於中住止所以者何我今作衣業時
世尊復告阿難曰比丘不可欲瞋怒

樂於曄說合會曄說欲衆樂衆合會
於衆不欲離衆不樂獨住遠離之處
若有比丘欲曄說樂於曄說合會曄
說欲衆樂衆合會於衆不欲離衆不
樂獨住遠離處者謂有樂聖樂無欲
之樂離樂息樂正覺之樂無食之樂
非生死樂若得如是樂易才難得者終
無是處阿難若有比丘不欲曄說不
樂曄說不合會曄說不欲於衆不樂
於衆不合會衆欲離於衆常樂獨住
遠離處者謂有樂聖樂無欲之樂離
樂息樂正覺之樂無食之樂非生死
樂若得如是樂易不難得者必有是
處阿難比丘不可欲曄說樂於曄說
合會曄說欲衆樂衆合會於衆不欲
離衆不樂獨住遠離之處若有比丘
欲曄說樂於曄說合會曄說欲衆樂
衆合會於衆不欲離衆不樂獨住遠
離處者得時愛樂心解脫及不時不
移動心解脫者終無是處阿難若有
比丘不欲曄說不樂曄說不合會曄
說不欲於衆不樂於衆不合會衆欲
離於衆常樂獨住遠離處者得時愛

樂心解脫及不時不移動心解脫者
必有是處所以者何我不見有一色
令我欲樂彼色敗壞變易異時生愁
感啼哭憂苦懊惱以是故我此異住
處正覺盡覺謂度一切色想行於外
空阿難我行此住處已生歡悅我此歡
悅一切身覺正念正智生喜生止生
樂生定如我此定一切身覺正念正
智阿難或有比丘比丘尼優婆塞優
婆私共來詣我我便為彼行如是如
是心遠離樂無欲我亦復為彼說法
勸助於彼阿難若比丘欲多行空者
彼比丘當持內心住止令一定彼持
內心住止令一定已當念內空阿難
若比丘作如是說我不持內心住止
不令一定念內空者當知彼比丘大
自疲勞阿難云何以比丘持內心住止
令一定耶比丘者此身離生喜樂漬
盡潤漬普遍充滿離生喜樂無處不
遍阿難猶人沐浴器盛薄豆以水澆
和和令作丸漬盡潤漬普遍充滿內
外周密無處有漏如是阿難比丘此
身離生喜樂漬盡潤漬普遍充滿離

生喜樂無處不遍阿難如是比丘持
內心住止令得一定彼持內心住止令
定已當念內空彼念內空已其心移
動不趣向近不得清澄不住不解於
內空也阿難若比丘觀時則知念內
空其心移動不趣向近不得清澄不
住不解於內空者彼比丘當念外空
彼念外空已其心移動不趣向近不
得清澄不住不解於外空也阿難若
比丘觀時則知念外空其心移動不
趣向近不得清澄不住不解於外空
者彼比丘當念內外空彼念內外空
已其心移動不趣向近不得清澄不
住不解於內外空也阿難若比丘觀
時則知念內外空其心移動不趣向
近不得清澄不住不解於內外空者
彼比丘當念不移動彼念不移動已
其心移動不趣向近不得清澄不住
不解於不移動也阿難若比丘觀時
則知念不移動其心移動不趣向近
不得清澄不住不解於不移動者彼
比丘彼彼心於彼彼定御復御習復
習軟復軟善使柔和攝樂遠離若彼

心於彼彼定御復御習復習軟復軟
善使柔和攝樂遠離已當以內空成
就遊彼內空成就遊已心不移動趣
向於近得清澄住解於內空阿難如
是比丘觀時則知內空成就遊心不
移動趣向於近得清澄住解於內空
者是謂正知阿難比丘當以外空成
就遊彼外空成就遊已心不移動趣
向於近得清澄住解於外空阿難如
是比丘觀時則知外空成就遊心不
移動趣向於近得清澄住解於外空
者是謂正知阿難比丘當以內外空
成就遊彼內外空成就遊已心不移
動趣向於近得清澄住解於內外空
阿難如是比丘觀時則知內外空成
就遊心不移動趣向於近得清澄住
解於內外空者是謂正知阿難當以
不移動成就遊彼不移動成就遊已
心不移動趣向於近得清澄住解於
不移動阿難如是比丘觀時則知不
移動成就遊心不移動趣向於近得
清澄住解於不移動者是謂正知阿
難波比丘行此住處心若欲經行者

彼比丘從禪室出在室影中露地經行諸根在內心不向外後作前想如是經行已心中不生貪伺憂感惡不善法是謂正知阿難彼比丘行此住處心若欲有所念者彼比丘若此三惡不善之念欲念恚念害念莫念此三惡不善之念若此三善念無欲念無已心中不生貪伺憂感惡不善法是謂正知阿難彼比丘行此住處心若欲有所說者彼比丘若此論非聖論無義相應謂論王論賊論闢諍論飲食論衣被論婦人論童女論婬女論世間論邪道論海中論不論如是種種畜生論若論聖論與義相應令心柔和無諸陰蓋謂論施論戒論定論慧論解脫論解脫知見論漸損論不會論少欲論知足論無欲論斷論滅論燕坐論緣起論如是沙門所論

如是論已心中不生貪伺憂感惡不善法是謂正知復次阿難有五欲功德可樂意所念愛色欲相應眼知色耳知聲鼻知香舌知味身知觸若比丘心至到觀此五欲功德隨其欲功德若心中行者所以者何無前無後此五欲功德隨其欲功德心中行者阿難若比丘觀時則知此五欲功德隨其欲功德心中行者彼比丘彼彼欲功德觀無常觀衰耗觀無欲觀斷觀滅觀斷捨離若此五欲功德有欲有染者彼即滅也阿難若如是比丘觀時則知者此五欲功德有欲有染彼已斷也是謂正知復次阿難有五盛陰色盛陰覺想行識盛陰謂比丘如是觀興衰是色是色習是色滅是覺想行識是識是識習是識滅若此五盛陰有我慢者彼即滅也阿難若有比丘如是觀時則知五陰中我慢已滅是謂正知阿難是法一向可一向樂一向意念無漏無受魔所不及惡所不及諸惡不善法穢汙當來有本煩熱苦報生老病死因亦所不及

謂成就此不放逸也。所以者何？因不放逸，諸如來無所著等正覺得覺，因不放逸，根生諸無量善法。若有隨道品阿難，是故汝當如是學，我亦成就於不放逸。當學如是阿難，以何義故？信弟子隨世尊行奉事，至命盡耶？尊者阿難白：世尊曰：世尊為法本，世尊為法主。法由世尊，唯願說之。我今聞已，得廣知義。佛便告曰：阿難，諦聽善。思念之。我當為汝具分別說。尊者阿難受教而聽。佛言：阿難，不其正經歌詠記說故？信弟子隨世尊行奉事，至命盡也。但阿難，或彼長夜數聞此法，誦習至千意，所惟觀明見深達。若此論聖論與義相應，令心柔和，無諸陰蓋。謂論施論戒論定論慧論解脫論。解脫知見論漸損論，不會論少欲論。知足論無欲論，斷論滅論。燕坐論緣起論如是。沙門所論得易，不難得。因此義故。信弟子隨世尊行奉事，至命盡也。阿難如是為煩師為煩弟子為煩梵行阿難云何為煩師？若師出世有策慮思惟往策慮地有思惟觀雜

凡人有辯才彼住無事處山林樹下
或居高巖寂無音聲遠離無惡無有
人民隨順安坐或住彼處學遠離精
勤得增上心現法樂居彼學遠離精
居士村邑國人彼隨弟子還梵志居
上村邑國人已便功高還家如是為
煩師是亦為惡不善法穢汙當來有
本煩熱苦報生老病死因所煩是謂
煩師阿難云何為煩弟子彼師弟子
學彼遠離彼住無事處山林樹下或
居高巖寂無音聲遠離無惡無有人
民隨順安坐或住彼處學遠離精勤
得增上心現法樂居彼學遠離精勤
安隱快樂遊行已隨弟子還梵志居
士村邑國人彼隨弟子還梵志居士
村邑國人已便功高還家如是為煩
弟子是亦為惡不善法穢汙當來有
本煩熱苦報生老病死因所煩是謂
煩弟子阿難云何為煩梵行若如來
出世無所著等正覺明行成為善逝
世間解無上士道法御天人師号佛
衆祐彼住無事處山林樹下或居高

巖寂無音聲遠離無惡無有人民隨
順燕坐阿難如來以何義故住無事
處山林樹下或居高巖寂無音聲遠
離無惡無有人民隨順燕坐耶尊者
阿難白世尊曰世尊為法本世尊為
法主法由世尊唯願說之我今聞已
得廣知義佛便告曰阿難諦聽善思
念之我當為汝具分別說尊者阿難
受教而聽佛言阿難如來非為未得
欲得未獲欲獲未證欲證故住無事
處山林樹下或居高巖寂無音聲遠
離無惡無有人民隨順燕坐阿難如
來但以二義故住無事處山林樹下
或居高巖寂無音聲遠離無惡無有
人民隨順燕坐一者為自現法樂居
故二者慈愍後生人故或有後生人
效如來住無事處山林樹下或居高
巖寂無音聲遠離無惡無有人民隨
順燕坐阿難如來以此義故住無事
處山林樹下或居高巖寂無音聲遠
離無惡無有人民隨順燕坐或住彼
處學遠離精勤安隱快樂遊行已隨
彼學遠離精勤安隱快樂遊行已隨

梵行還比丘比丘尼優婆塞優婆私
彼隨梵行還比丘比丘尼優婆塞優
婆私已便不功高而不還家阿難若
彼不移動心解脫作證我不說彼有
障礙也若彼得四增上心現法樂居
本為精勤無放逸遊行故此或可有
失以弟子多集會故復次阿難彼師
弟子效住無事處山林樹下或居高
巖寂無音聲遠離無惡無有人民隨
順燕坐或住彼處學遠離精勤得增
上心現法樂居彼學遠離精勤安隱
快樂遊行已隨梵行還比丘比丘尼
優婆塞優婆私彼隨梵行還比丘比
丘尼優婆塞優婆私已便功高還家
如是為煩梵行是亦為惡不善法穢
汙當來有本煩熱苦報生老病死因
所煩是謂煩梵行阿難於煩師煩弟
子此煩梵行實為不可不樂不愛家
意不念阿難是故汝等於我行慈事
莫行怨事阿難云何弟子於師行怨
事不行慈事若尊師為弟子說法憐
念愍傷求義及饒益求安隱快樂發
慈悲心是為饒益是為快樂是為饒

益樂若彼弟子而不恭敬亦不順行
不立於智其心不趣向法次法不受
正法違犯師教不能得定者如是弟
子於師行恣事不行慈事阿難云何
弟子於師行慈事不行恣事若尊師
為弟子說法憐念愍傷求義及饒益
求安隱悅樂發慈悲心是為饒益是
為悅樂是為饒益樂若彼弟子恭敬
順行而立於智其心歸趣向法次法
受持正法不違師教能得定者如是
弟子於師行慈事不行恣事阿難是
故汝等於我行慈事莫行恣事所以
者何我不如是說如陶師作瓦阿難
我說嚴急至苦若有真實者必能往
也佛說如是尊者阿難及諸比丘聞
佛所說歡喜奉行

大空第五竟

三千六百
七十八字

中阿含經卷第四十九

萬一千五百
八十字

中阿含經卷第一竟

萬一千五百
八十字

第五後誦

癸卯歲高麗國大藏部監奉
勅彫造

東晉劉宋三藏經卷第五

小品第二

有十經 第三段誦

加樓烏陀夷牟熱破群部跋陀阿濕貝
周那優婆離調御癡慧地阿梨吒紫帝
中阿含小品加樓烏陀夷經第一

我聞如是一時佛遊鵞加國中與大
比丘衆俱往至阿起鄰住捷若精舍
尔時世尊過夜平旦著衣持鉢入阿
起鄰而行乞食食訖中後收舉衣鉢
澡洗手足以尼師檀著於肩上往至
一林欲晝經行尊者烏陀夷亦過夜
平旦著衣持鉢入阿起鄰而行乞食
食訖中後收舉衣鉢澡洗手足以尼
師檀著於肩上隨侍佛後而作是念
若世尊今晝行者我亦至彼晝行於
是世尊入於林中至一樹下敷尼師
檀結跏趺坐尊者烏陀夷亦入彼林
去佛不遠至一樹下敷尼師檀結跏
趺坐尔時尊者烏陀夷獨在靖處燕
坐思惟心作是念世尊為我等多所
饒益善逝為我等多所安隱世尊於

我除衆苦法增益樂法世尊於我除
無量惡不善之法增益無量諸善妙
法尊者烏陀夷則於晡時從燕坐起
往詣佛所稽首佛足却坐一面世尊
告曰烏陀夷無有所乏安隱快樂氣
力如常耶尊者烏陀夷曰唯然世尊
我無所乏安隱快樂氣力如常世尊
復問曰烏陀夷云何汝無所乏安隱
快樂氣力如常耶尊者烏陀夷答曰
世尊我獨在靖慮燕坐思惟心作是
念世尊為我等多所饒益善逝為我
等多所安隱世尊於我除衆苦法增
益樂法世尊於我除無量惡不善之
法增益無量諸善妙法世尊昔時告
諸比丘汝等斷過中食世尊我等聞
已不堪不忍不欲不樂若有信梵志
居士往至衆園廣施作福我等自手
受食而世尊今教我斷是善逝教我
絕是復作是說此大沙門不能消食
然我等於世尊威神妙德敬重不堪
是故我等斷中後食復次昔時世尊
告諸比丘汝等斷夜食世尊我等聞
已不堪不忍不欲不樂於一食中取

上取妙取勝取美者而世尊今教我
斷是善逝教我絕是復作是說此大
沙門不能消食世尊昔時有一居士
多持種種淨妙食飲還歸其家勅內
人曰汝等受此舉著一處我當盡共
集會夜食不為朝中世尊若於諸家
施設極妙取上食者唯有夜食我為
朝中而世尊今教我斷是善逝教我
絕是復作是說此大沙門不能消食
然我等於世尊威神妙德敬重不堪
是故我等斷於夜食世尊我復作是
念若有比丘非時入村而行乞食或
能逢賊作業不作業或逢虎逢鹿或
逢虎鹿或逢豹逢羆或逢豹羆或往
如是處或逢惡鳥惡馬惡牛惡狗或
值蛇聚或得凶擲或得杖打或墮溝
瀆或墮廁中或乘卧牛或墮深坑或
入刺中觀見空家入如是家若彼入
已女人見之或呼共行惡不淨行世
尊昔一比丘夜闇微雨睽睽掣雷而
非時行入他家乞食彼家婦人介時
出外洗蕩食器彼時婦人於電光中
遙見比丘謂為是鬼見已驚怖身毛

皆豎失聲大呼即便墮娠而作是語
尊是鬼尊是鬼時彼比丘語婦人曰
妹我非鬼我是沙門今來乞食尔時
婦人恚罵比丘至苦至惡而作是語
令此沙門命根早斷令此沙門父母
早死令此沙門種族絕滅令此沙門
腹裂破壞禿頭沙門以黑自纏無子
斷種汝寧可持利刀自破其腹不應
非時夜行乞食坐此沙門而墮我娠
世尊我憶彼已便生歡悅世尊我因
此歡悅遍充滿體正念正智生喜止
樂定世尊我因此定遍充滿體正念
正智如是世尊我無所乏安隱快樂
氣力如常世尊嘆曰善哉善哉烏陀
夷汝今不尔如彼癡人彼愚癡人我
為其說汝等斷此彼作是說此是小
事何足斷之而世尊今教我斷此善
逝令我絕此亦如是說此大沙門不
能消食彼不斷此彼但於我生不可
不忍及餘比丘善護持戒者亦復為
彼生不可不忍烏陀夷彼癡人所縛
極堅極牢轉增轉急不可斷絕不得
解脫烏陀夷猶如有蠟為涕唾所縛

彼在其中或苦或死烏陀夷若人作是說彼蠅所縛不堅不牢不轉增急而可斷絕則得解脫者為正說耶尊者烏陀夷白曰不也世尊所以者何蠅為涕唾所縛彼於其中或苦或死是故世尊彼蠅所縛極堅極牢轉增轉急不可斷絕不得解脫烏陀夷彼愚癡人我為其說汝等斷此彼作是說此是小事何足斷之而世尊今教我斷此善逝令我絕此亦如是說此大沙門不能消食彼便斷此彼不於我生不可不忍及餘比丘善護奉戒者亦不為彼生不可不忍烏陀夷彼族姓子所縛不堅不牢不轉增急而可斷絕則得解脫烏陀夷猶如為王年至

六十而以憍傲摩訶能伽牙足體具
筋力熾盛彼所堅縛若怒力轉身彼
堅縛者則便斷絕還歸本所烏陀夷
若人作是說彼大烏王年至六十而
以憍傲摩訶能伽牙足體具筋力熾
盛彼縛極堅極牢轉增轉急不可斷
絕不得解脫者為正說耶尊者烏陀
夷白曰不也世尊所以者何彼大烏
王年至六十而以憍傲摩訶能伽牙
足體具筋力熾盛彼所堅縛若怒力
轉身彼堅縛者則便斷絕還歸本所
世尊是故彼大烏王年至六十而以
憍傲摩訶能伽牙足體具筋力熾盛
彼縛不堅不牢不轉增急而可斷絕
則得解脫如是烏陀夷彼族姓子我
為其說汝等斷此彼不作是說此是
小事何足斷之而世尊今教我斷此
善逝令我絕此亦不如是說此大沙
門不能消食彼便斷此彼不於我生
不可不忍及餘比丘善護持戒者亦
不為彼生不可不忍烏陀夷彼族姓
子所縛不堅不牢不轉增急而可斷
絕則得解脫烏陀夷若有癡人我為

其說汝等斷此彼作是說此是小事
何足斷之而世尊今教我斷此善逝
令我絕此亦如是說此大沙門不能
消食彼不斷此彼但於我生不可不
忍及餘比丘善護持戒者亦復為彼
生不可忍烏陀夷彼癡人所縛極堅
極牢轉增轉急不可斷絕不得解脫
烏陀夷猶貧窮人無有錢財亦無勢
力彼有一婦其眼復瞎醜不可愛唯
有一屋崩壞穿漏烏鳥所栖弊不可
居而有一床復破折壞弊不可卧正
有一瓶缺不可用彼見比丘食訖中
後淨洗手足敷尼師檀坐一樹下清
涼和調修增上心彼見已而作是念
沙門為快樂沙門如涅槃我惡無德
所以者何我有一婦其眼復瞎醜不
可愛不能捨離唯有一屋崩壞穿漏
烏鳥所栖弊不可居不能捨離而有
一床復破折壞弊不可卧不能捨離
正有一瓶缺不可用不能捨離愛樂
比丘剝除鬚鬚著袈裟衣至信捨家
無家學道烏陀夷若人作是說彼貧
窮人無有錢財亦無勢力所縛不堅

不牢不轉增急而可斷絕則得解脫者為正說耶尊者烏陀夷白曰不也世尊所以者何彼貧窮人無有錢財亦無勢力有一瞎婦醜不可愛不能捨離唯有一屋崩塌穿漏烏鳥所栖弊不可居不能捨離而有一牀復破折壞弊不可卧不能捨離正有一瓶缺不可用不能捨離愛樂比丘剷除鬚髮著袈裟衣至信捨家無家學道世尊是故彼貧窮人無有錢財亦無勢力所縛極堅極牢轉增轉急不可斷絕不得解脫如是烏陀夷若有癡人我為其說汝等斷此彼作是說此是小事何足斷之而世尊今教我斷此善逝令我絕此亦如是說此大沙門不能消食彼不斷此彼但於我生不可不忍及餘比丘善護持戒者亦復為彼生不可不忍烏陀夷是故彼癡人所縛極堅極牢轉增轉急不可斷絕不得解脫烏陀夷若族姓子我為其說汝等斷此彼不作是說此是小事何足斷之而世尊今教我斷此善逝令我絕此亦不如是說此大沙

門不能消食彼便斷此彼不於我三
不可不忍及餘比丘善護持戒者亦
不為彼生不可不忍烏陀夷是故彼
族姓子所縛不堅不牢不轉增急而
可斷絕則得解脫烏陀夷猶如居士
居士子撫大富樂多有錢財畜牧產
業不可稱計封戶食邑米穀豐饒及
若干種諸生活具奴婢為馬其數無
量彼見比丘食訖中後淨洗手足敷
左師檀坐一樹下清涼和調修增上
心彼見已而作是念沙門為快樂沙
門如涅槃我寧可捨極大富樂金寶
財穀為馬奴婢愛樂比丘剝除鬚髮
著袈裟衣至信捨家無家學道烏陀
夷若人作是說彼居士居士子所縛
極堅極牢轉增轉急不可斷絕不得
解脫者為正說耶尊者烏陀夷白曰
不也世尊所以者何彼居士居士子
彼能捨離極大富樂金寶財穀為馬
奴婢愛樂比丘剝除鬚髮著袈裟衣
至信捨家無家學道世尊是故彼居
士居士子所縛不堅不牢不轉增急而
可斷絕則得解脫如是烏陀夷若族

姓子我為其說汝等斷此彼不作是
說此是小事何足斷之而世尊今教
我斷此苦道令我絕此亦不如是說
此大沙門不能消食彼便斷此彼不
於我生不可不忍及餘比丘善護持
戒者亦不為彼生不可不忍烏陀夷
是故彼族姓子所縛不堅不牢不轉
增急而可斷絕則得解脫烏陀夷比
丘行捨彼行捨已生欲相應念愛樂
結縛彼樂是不断不住不吐烏陀夷
我說是縛不說解脫所以者何諸結
不善烏陀夷結不善故我說是縛不
說解脫烏陀夷比丘行捨彼行捨已
生欲相應念愛樂結縛彼不樂是斷
住吐烏陀夷我說亦是縛不說解脫
所以者何諸結不善烏陀夷結不善
故我說是縛不說解脫烏陀夷比丘
行捨彼行捨已或時意忘俱有欲相應
念愛樂結縛遲觀速滅烏陀夷猶如
鐵丸鐵犁竟曰火燒或有人著二三
滴水滯遲不續水便速盡烏陀夷如
是比丘行捨彼行捨已或時意忘俱
有欲相應念愛樂結縛遲觀速滅烏

陀夷我說亦是縛不說解脫所以者
何諸結不善烏陀夷結不善故我說
是縛不說解脫烏陀夷俱在苦報逆
行無生死於無上愛盡善心解脫烏
陀夷我說解脫不說是縛所以者何
諸結已盡烏陀夷諸結盡故我說解
脫不說是縛烏陀夷有樂非聖樂是
凡夫樂病本癰本箭刺之本有食有
生死不可修不可習不可廣布我說
於彼則不可修烏陀夷有樂是聖樂
無欲樂離樂息樂正覺之樂無食無
生死可修可習可廣布我說於彼則
可修也烏陀夷去何有樂非聖樂是
凡夫樂病本癰本箭刺之本有食有
生死不可修不可習不可廣布我說
於彼不可修耶若因五欲生樂生善
者是樂非聖樂是凡夫樂病本癰本
箭刺之本有食有生死不可修不可
習不可廣布我說於彼則不可修烏
陀夷去何有樂是聖樂無欲樂離樂
息樂正覺之樂無食無生死可修可
習可廣布我說於彼則可修耶烏陀
夷若比丘離欲離惡不善之法至得

第四禪成就遊者是樂是聖樂無欲
樂離樂息樂正覺之樂無食無生死
可修可習可廣布我說於彼則可修
也烏陀夷比丘離欲離惡不善之法
有覺有觀離生喜樂得初禪成就遊
聖說是移動此中何等聖說移動此
中有覺有觀是聖說移動此中何等
聖說移動烏陀夷比丘覺觀已息內
靖一心無覺無觀定生喜樂得第二
禪成就遊是聖說移動此中何等聖
說移動若此得喜是聖說移動此中
何等聖說移動烏陀夷比丘離於喜
欲捨無求遊正念正智而身覺樂謂
聖所說聖所捨念樂住室得第三禪
成就遊是聖說移動此中何等聖說
移動若此說移動心樂是聖說移動
此中何等聖說不移動烏陀夷比丘
樂滅苦滅喜憂本已滅不苦不樂捨
念清淨得第四禪成就遊是聖說不
移動烏陀夷比丘離欲離惡不善之
法有覺有觀離生喜樂得初禪成就
遊烏陀夷我說此不得無不得斷不
得過度此中何等過度烏陀夷比丘

覺觀已息內靖一心無覺無觀定生
喜樂得第二禪成就遊是謂此中過
度烏陀夷我說此亦不得無不得斷
不得過度此中何等過度烏陀夷比
丘離於喜欲捨無求遊正念正智而
身覺樂謂聖所說聖所捨念樂住室
得第三禪成就遊是謂此中過度烏
陀夷我說此亦不得無不得斷不得
過度此中何等過度烏陀夷比丘樂
滅苦滅喜憂本已滅不苦不樂捨念
清淨得第四禪成就遊是謂此中過
度烏陀夷我說此亦不得無不得斷
不得過度此中何等過度烏陀夷比
丘度一切色想滅有對想不念若干
想無量空是無量空處成就遊是謂
此中過度烏陀夷我說此亦不得無
不得斷不得過度此中何等過度烏
陀夷比丘度一切無量空處無量識
是無量識處成就遊是謂此中過
度烏陀夷我說此亦不得無不得斷
不得過度此中何等過度烏陀夷比
丘度一切無量識處無所有是無所
有處成就遊是謂此中過度烏陀

矣我說此亦不得無不得斷不得過度此中何等過度烏陀夷比丘度一切無所有處非有想非無想是非有想非無想處成就遊是謂此中過度烏陀夷我說至非有想非無想處亦不得無不得斷不得過度烏陀夷頗有一結或多或少久住者我說不得無不得斷不得過度謂我說不斷耶尊者烏陀夷白曰不也世尊世尊歎曰善哉善哉烏陀夷汝不介如彼癡人彼愚癡人我為其說汝等斷此彼作是說此是小事何足斷之而世尊今教我斷此善逝令我絕此亦如是說此大沙門不能消食彼不斷此彼但於我生不可不忍及餘比丘善護持戒者亦復為彼生不可不忍烏陀夷是故彼癡人所縛極堅極牢轉增轉急不可斷絕不得解脫烏陀夷若有族姓子我為其說汝等斷此彼不作是說此是小事何足斷之而今世尊教我斷此善逝令我絕此亦不如是說此大沙門不能消食彼便斷此彼不於我生不可不忍及餘比丘善護

持戒者亦不為彼生不可不忍烏陀夷是故彼族姓子所縛不堅不牢不轉增急而可斷絕則得解脫佛說如是尊者烏陀夷聞佛所說歡喜奉行

加樓烏陀夷經第一竟

四千四百六十七字

中阿含大品牟犁破群那經第二 第五後誦
我聞如是一時佛遊舍衛國在勝林給孤獨園尔時牟犁破群那與比丘尼數共集會若有人向牟犁破群那比丘道說比丘尼者彼聞已便瞋恚憎嫉乃至闍諍若有人向諸比丘尼道說牟犁破群那比丘者諸比丘尼聞已便瞋恚憎嫉乃至闍諍衆多比丘聞已便往詣佛稽首佛足却坐一面白曰世尊牟犁破群那比丘與比丘尼數共集會若有人向牟犁破群那比丘道說比丘尼者彼聞已便瞋恚憎嫉乃至闍諍若有人向諸比丘尼道說牟犁破群那比丘者諸比丘尼聞已便瞋恚憎嫉乃至闍諍世尊丘所而語之曰世尊呼汝一比丘聞已唯然世尊即從坐起稽首佛足繞

三匝而去至牟犁破群那比丘所而語之曰世尊呼汝牟犁破群那聞已來詣佛所為佛作礼却坐一面世尊告曰破群那汝實與比丘尼數共集會若有人向汝道說比丘尼者汝聞已便嗔恚憎嫉乃至鬪諍若有人向諸比丘尼道說汝者諸比丘尼聞已便嗔恚憎嫉乃至鬪諍破群那汝實如是耶破群那荅曰實尔世尊世尊復問曰破群那汝非至信捨家無家學道耶破群那荅曰唯然世尊世尊告曰破群那是以汝至信捨家無家學道者應當學若有欲有念依家斷是若有欲有念依於無欲是習是修是廣布也破群那汝當如是學尔時世尊問諸比丘曰汝等非至信捨家無家學道耶諸比丘荅曰唯然世尊世尊復告諸比丘曰是以汝等至信捨家無家學道者應當學若有欲有念依家斷是若有欲有念依於無欲是習是修是廣布也汝等當如是學昔時我曾告諸比丘汝等若有比丘多所知識若有比丘少所知識彼一

切盡學一坐食學一坐食已無為無
求無有病痛身體輕便氣力康強
安隱快樂彼諸比丘多所知識及少
知識盡學一坐食學一坐食已無為
無求無有病痛身體輕便氣力康強
安隱快樂彼諸比丘可於我心我亦
不多教訶諸比丘因此生念向法次
法猶如馬車御者乘之左手執轡右
手執策隨八道行在意所至如是諸
比丘可於我心我亦不多教訶諸比
丘因此生念向法次法猶如良地有
娑羅樹林彼治林者聰明黠慧而不
懈怠彼隨時治娑羅樹根數數鋤糞
以水溉灌高者掘下下者填滿若邊
生惡草薈除棄之若並生曲戾惡不
直者扶根耆外若枝生橫曲則落治
之若近邊新生調直好者便隨時治
數數鋤糞以水溉灌如是彼良地娑
羅樹林轉轉茂盛如是諸比丘可於
我心我亦不多教訶彼我不說彼善
語恭順謂因衣鉢飲食床檣湯藥諸
生活具故所以者何彼比丘若不得
是還不善語恭順成就不善語恭順

法若有比丘為遠離依遠離住遠離
善語恭順成就善語恭順法者我談
彼善語恭順所以者何或有一善護
善逝行者謂因他無惡語言也若他
不惡語言者便不瞋恚亦不憎嫉不
憂纏住不憎瞋恚不發露惡彼諸比
丘見已便作是念此賢者忍辱溫和
堪耐善制善定善息若他惡語言者
便瞋恚憎嫉而憂纏住憎恚發惡彼
諸比丘見已便作是念此賢者惡性
急弊貪穢不定不制不息所以者何
比丘昔時有居士婦名鞞陀提極大
富樂多有錢財畜牧產業不可稱計
封戶食邑米穀豐饒及若干種諸生
活具尔時居士婦鞞陀提如是有大
名稱流布諸方居士婦鞞陀提忍辱
堪耐溫和善制善定善息尔時居士
婦鞞陀提有婢名黑本侍者有妙善
言少多行善彼黑婢作是念我大家
居士婦鞞陀提如是有大名稱流布
諸方居士婦鞞陀提忍辱堪耐溫和
善制善定善息我今寧可試大家居
士婦鞞陀提為實瞋為實不瞋耶於

是黑婢卧不早起夫人呼曰黑婢何不早起耶黑婢聞已便作是念我大家居士婦鞞陀提實瞋非不瞋也但家居士婦鞞陀提實瞋非不瞋也但因我善能料理家業善經營善持故令我大家居士婦鞞陀提如有極大名稱流布諸方居士婦鞞陀提忍辱堪耐溫和善制善定善息我今寧可復更大試大家居士婦鞞陀提為實瞋為實不瞋耶於是黑婢卧極晚不起夫人呼曰黑婢何以極晚不起耶黑婢聞已作是念我大家居士婦鞞陀提實瞋非不瞋也但因我善能料理家業善經營善持故令我大家居士婦鞞陀提如有極大名稱流布諸方居士婦鞞陀提忍辱堪耐溫和善制善定善息耳我今寧可復更極大試大家居士婦鞞陀提為實瞋為實不瞋耶於是黑婢卧至晡時乃起夫人呼曰黑婢何以乃至晡時起既不自作亦不教作此黑婢不隨我教此黑婢輕慢於我便大瞋恚而生憎嫉額三脉起皺面自往閉戶下關手執大杖以打其頭頭破血流於是黑

婢頭破血流便出語比隣訟聲紛紜
多所道說尊等見是忍辱行人堪耐
溫和善制善定善息行耶罵我曰黑
婢何以乃至晡時起既不自作亦不
教作此黑婢不隨我教此黑婢輕慢
於我便大嗔恚而生憎嫉額三脉起
皺面自來閉戶下關手執大杖以打
我頭頭破血流余時居士婦鞞陀提
如是便有極大惡名流布諸方居士
婦鞞陀提惡性急弊麤獷不定不制
不息如是或有一善護善逝行者謂
因他無惡語言也若他不惡語言者
便不嗔恚亦不憎嫉不憂經住不增
瞋恚不發露惡彼諸比丘見已便作
是念此賢者忍辱溫和堪耐善制善
定善息若他惡語言者便嗔恚憎嫉
而憂經住憎恚發惡彼諸比丘見已
便作是念此賢者惡性急弊麤獷不
定不制不息復次有五言道若他說
者或時或非時或真或非真或軟或
堅或慈或恚或有義或無義汝等此
五言道若他說時或心變易者或口
惡言者我說汝等因此必衰汝等當

學此互言道若他說時心不變易口
無惡言向怨家人緣彼起慈愍心心
與慈俱遍滿一方成就遊如是二三
四方四維上下普周一切心與慈俱
無結無怨無恚無諍慍廣甚大無量
善修遍滿一切世間成就遊如是悲
喜心與捨俱無結無怨無恚無諍慍
廣甚大無量善修遍滿一切世間成
就遊汝等當學如是猶如有人持天
鐮鋤來而作是語我能令此大地使
作非地彼便處處掘復掘墮溺汙之
說惡語言作如是說令大地非地於
意云何彼人以此方便能令此大地
作非地耶諸比丘荅曰不也世尊所
以者何此大地甚深極廣而不可量
是故彼人以此方便不能令此大地
使作非地世尊但使彼人唐自疲勞
也如是此互言道若他說者或時或
非時或真或不真或軟或堅或慈或
恚或有義或無義汝等以此互言道若
他說時或心變易者或口惡言者我說
汝等因此必衰汝等當學此互言道
若他說時心不變易口無惡言向言

說者緣彼起慈愍心心行如地無結
無怨無恚無諍極廣甚大無量善修
遍滿一切世間成就遊汝等當學如
是猶如有人持大草炬作如是語我
以此草炬用熱恒伽水令作沸湯於
意云何彼人以此方便能令恒伽水
熱作沸湯耶諸比丘荅曰不也世尊
所以者何世尊彼恒伽水甚深極廣
不可度量是故彼人以此方便不能
令恒伽水熱使作沸湯世尊但使彼
人唐自疲勞也如是此互言道若他
說者或時或非時或嗔或不嗔或軟
或堅或慈或恚或有義或無義汝等
此互言道若他說時或心變易者或
口惡言者我說汝等因此必衰汝等
當學此互言道若他說時心不變易
口無惡言向言說者緣彼起慈愍心
心行如恒伽水無結無怨無恚無諍
極廣甚大無量善修遍滿一切世間
成就遊汝等當學如是猶如畫師畫
師弟子持種種彩來彼作是說我於
此虛空畫作形像以彩莊染於意云
何彼畫師畫師弟子以此方便寧能

於虛空盡作形像以彩莊染耶諸比
丘答曰不也世尊所以者何世尊此
虛空非色不可見無對是故彼畫師
畫師弟子以此方便不能於虛空盡
作形像以彩莊染世尊但使彼畫師
畫師弟子唐自疲勞也如是此互言
道若他說者或時或非時或真或不
真或軟或堅或慈或恚或有義或無
義汝等此互言道若他說時或心變
易者或口惡言者我說汝等因此必
衰汝等當學此互言道若他說時心
不變易口無惡言向言說者緣彼起
慈愍心心行如虛空無結無恚無恚
無諍極廣甚大無量善修遍滿一切
世間成就遊汝等當學如是猶如猫
皮囊柔治極軟除麁麁聲無麁麁聲
彼或有人以手拳_抄石擲杖打或以
刀斫或搦著地於意云何彼猫皮心
柔治極軟除麁麁聲無麁麁聲彼寧
復有麁麁聲耶諸比丘答曰不也世
尊所以者何世尊彼猫皮囊柔治極
軟除麁麁聲無麁麁聲是故無復
有麁麁聲如是諸比丘若有他人拳_抄

石擲杖打刀斫汝等若為他人拳叔
石擲杖打刀斫時或心變易者或口
惡言者我說汝等因此必衰汝等當
學若為他人拳叔石擲杖打刀斫時
心不變易口不惡言向捶打人緣彼
起慈愍心心行如猫皮囊無結無怨
無恚無諍極廣甚大無量善修遍滿
一切世間成就遊汝等當學如是若
有賊來以利鋸刀節節解截汝等若
有賊來以利鋸刀節節解截時或心
變易者或口惡言者我說汝等因此必
衰汝等當學若有賊來以利鋸刀節
節解截心不變易口無惡言向剖截人
緣彼起慈愍心心與慈俱遍滿一方
成就遊如是二三四方四維上下普
周一切心與慈俱無結無怨無恚無
諍極廣甚大無量善修遍滿一切世
間成就遊如是悲喜心與捨俱無結
無怨無恚無諍極廣甚大無量善修
遍滿一切世間成就遊汝等當學如
是於是世尊嘆諸比丘曰善哉善哉
汝等當數數念利鋸刀喻沙門教汝
等數數念利鋸刀喻沙門教已汝等

頗見他不愛惡語言向我我聞已
不堪耐耶諸比丘答曰不也世尊世
尊復歎諸比丘曰善哉善哉汝等當
數數念利鋸刀喻沙門教汝等數數
念利鋸刀喻沙門教已若汝遊東方
必得安樂無衆苦患若遊南方西方
北方者必得安樂無衆苦患善哉善
哉汝等當數數念利鋸刀喻沙門教
汝等數數念利鋸刀喻沙門教已我
尚不說汝諸善法住况說衰退但當
晝夜增長善法而不衰退善哉善哉
汝等當數數念利鋸刀喻沙門教汝
等數數念利鋸刀喻沙門教已於二
果中必得其一或於現世得究竟智
或復有餘得阿耨含佛說如是彼諸
比丘聞佛所說歡喜奉行

牟犁破群那經第二竟

三千三百五十八字

中阿含經卷第五十

七千八百二十五字

癸卯歲高麗國大藏都監奉
勅彫造

中阿含經卷第五十一

清

東晉剡賓三藏瞿曇僧伽提婆譯

大品跋陀和利經第三

第五後誦

我聞如是一時佛遊舍衛國在勝林
給孤獨園與大比丘衆俱而受夏坐
尔時世尊告諸比丘我一坐食一坐
食已無為无求無有病痛身體輕便
氣力康強安隱快樂汝等亦當學一
坐食一坐食已無為无求无有病痛
身體輕便氣力康強安隱快樂尔時
尊者跋陀和利亦在衆中於是尊者
跋陀和利即從坐起偏袒著衣叉手
向佛白曰世尊我不堪任於一坐食
所以者何若我一坐食者同不了事
懊惱心悔世尊是故我不堪任一坐
食也世尊告曰跋陀和利若我受請
汝亦隨我聽汝請食持去一坐食跋
陀和利若如是者快得生活尊者跋
陀和利又復白曰世尊如是我亦不
堪於一坐食所以者何若我一坐食
者同不了事懊惱心悔世尊是故我
不堪任一坐食也世尊復至再三告

諸比丘我一坐食一坐食已無為无
求无有病痛身體輕便氣力康強安
隱快樂汝等亦當學一坐食一坐食
已无為无求无有病痛身體輕便氣
力康強安隱快樂尊者跋陀和利亦
至再三從坐而起偏袒著衣叉手向
佛白曰世尊我不堪任於一坐食所
以者何若我一坐食者同不了事懊
惱心悔世尊是故我不堪任一坐食
也世尊復至再三告曰跋陀和利若
我受請汝亦隨我聽汝請食持去一
坐食跋陀和利若如是者快得生活
尊者跋陀和利復至再三白曰世尊
如是我亦不堪於一坐食所以者何
若我一坐食者同不了事懊惱心悔
世尊是故我不堪任一坐食也尔時
世尊為比丘衆施設一坐食戒諸比
丘衆皆奉學戒及世尊境界諸微妙
法唯尊者跋陀和利說不堪任從坐
起去所以者何不學具戒及世尊境
界諸微妙法故於是尊者跋陀和利
遂藏一夏不見世尊所以者何以不
學具戒及世尊境界諸微妙法故時

諸比丘為佛作衣世尊於舍衛國受
夏坐訖過三月已補治衣竟攝衣持
鉢當遊人間尊者跋陀和利聞諸比丘
過三月已補治衣竟攝衣持鉢當遊
人間尊者跋陀和利聞已往詣諸比
丘所諸比丘遙見尊者跋陀和利來
便作是語賢者跋陀和利汝當知此
為佛作衣世尊於舍衛國受夏坐訖
過三月已補治衣竟攝衣持鉢當遊
人間跋陀和利汝當彼處善自守護
莫令後時致多煩勞尊者跋陀和利
聞此語已即詣佛所稽首佛足白曰
世尊我實有過我實有過如愚如癡
如不了如不善所以者何世尊為比
丘衆施設一坐食戒諸比丘衆皆奉
學戒及世尊境界諸微妙法唯我說
不堪任從坐起去所以者何以不學
具戒及世尊境界諸微妙法故世尊
告曰跋陀和利汝於今時不知衆多
比丘比丘尼於舍衛國而受夏坐彼
知我見我有比丘名跋陀和利世尊
弟子不學具戒及世尊境界諸微妙

法跋陀和利汝於余時不知如此耶跋陀和利汝於余時不知衆多優婆塞優婆夷居舍衛國彼知我見我有比丘名跋陀和利世尊弟子不學具戒及世尊境界諸微妙法跋陀和利汝於余時不知如此耶跋陀和利汝於余時不知衆多異學沙門梵志於舍衛國而受夏坐彼知我見我有比丘名跋陀和利沙門瞿曇弟子名德不學具戒及世尊境界諸微妙法跋陀和利汝於余時不知如此耶跋陀和利若有比丘俱解脫者我語彼曰汝來入泥跋陀和利於意云何我教彼比丘彼比丘寧當可住而移避耶尊者跋陀和利答曰不也世尊告曰跋陀和利若有比丘設非俱解脫有慧解脫設非慧解脫有身證者設非身證有見到者設非見到有信解脫設非信解脫有法行者設非法行有信行者我語彼曰汝來入泥跋陀和利於意云何我教彼比丘彼比丘寧當可住而移避耶尊者跋陀和利答曰不也世尊告曰跋陀和利於意

云何汝於今時得信行法行信解脫
見到身證慧解脫俱解脫耶尊者跋
陀和利荅曰不也世尊告曰跋陀和
利汝於今時非如空屋耶於是尊者
跋陀和利為世尊面呵責已內懷憂
感低頭默然失辯无言如有所伺於
是世尊面呵責尊者跋陀和利已復
欲令歡喜而告之曰跋陀和利汝當
今時於我无信法靖無愛法靖无靖
法靖所以者何我為比丘衆施設一
坐食戒諸比丘衆皆奉學戒及世尊
境界諸微妙法唯汝說不堪任從坐
起去所以者何以不學具戒及世尊
境界諸微妙法故尊者跋陀和利白
曰實今所以者何世尊為比丘衆施
設一坐食戒諸比丘衆皆奉學戒及
世尊境界諸微妙法唯我說不堪任
從坐起去所以者何以不學具戒及
世尊境界諸微妙法故唯願世尊受
我過失我見過已當自悔過從今護
之不復更作世尊告曰跋陀和利如
是汝實如愚如癡如不了如不善所
以者何我為比丘衆施設一坐食戒

諸比丘衆皆奉學戒及世尊境界諸
微妙法唯汝說不堪任從坐起去所以
者何以汝不學具戒及世尊境界諸
微妙法故跋陀和利若汝有過見已
自悔從今護之不更作者跋陀和利
如是則於聖法律中益而不損若汝
有過見已自悔從今護之不更作者
跋陀和利於意云何若有比丘不學
具戒者彼住無事處山林樹下或居
高巖寂无音聲遠離无惡無有人民
隨順燕坐彼住遠離處修行精勤得
增上心現法樂居彼住遠離處修行
精勤安隱快樂以誣謗世尊戒及誣
謗天諸智梵行者亦誣謗自戒彼誣
誣世尊戒及誣謗天諸智梵行者亦
已便不生喜不生喜已便不止身不
止身已便不覺樂不覺樂已便心不
定跋陀和利賢聖弟子心不定已便
不見如實知如真跋陀和利於意云
何若有比丘學具戒者彼住無事處
山林樹下或居高巖寂无音聲遠
離无惡无有人民隨順燕坐彼住遠

離處修行精勤得增上心現法樂居
彼住遠離處修行精勤安隱快樂已
不誣謗世尊或不誣謗天諸智梵行
者亦不誣謗自我彼不誣謗世尊或
不誣謗天諸智梵行者亦不誣謗自
或已便生歡悅生歡悅已便生喜生
喜已便止身止身已便覺樂覺樂已
便心定跋陀和利賢聖弟子心定已
便見如實知如真見如實知如真已
便離欲離惡不善之法有覺有觀離
生喜樂得初禪成就跋陀和利是
謂彼於今時得第一增上心即於現
法得安樂居易不難得樂住無怖安
隱快樂令昇涅槃彼覺觀已息內靖一
心無覺無觀定止喜樂得第二禪成
就跋陀和利是謂彼於今時得第
二增上心即於現法得安樂居易不
難得樂住無怖安隱快樂令昇涅槃
彼離於喜欲捨無求遊正念正智而
身覺樂謂聖所說聖所捨念樂住空得
第三禪成就跋陀和利是謂彼於
今時得第三增上心即於現法得安
樂居易不難得樂住無怖安隱快樂

今昇理腺彼樂滅苦滅喜憂本已滅
不苦不樂捨念清淨得第四禪成就
遊跋陀和利是謂彼於今時得第四
增上心即於現法得安樂居易不難
得樂住無怖安隱快樂今昇理腺彼如
是得定心清淨無穢无煩柔軟善住
得不動心覺憶宿命智通作證彼有
行有相與憶本无量昔所經歷謂一
生二生百生千生成劫敗劫无量成敗
劫彼衆生名某彼昔更歷我曾生彼
如是姓如是字如是生如是飲食如
是受苦樂如是長壽如是久住如是
壽訖訖此死生彼彼死生此我生在此
如是姓如是字如是生如是飲食如
是受苦樂如是長壽如是久住如是
壽訖訖跋陀和利是謂彼於今時得此
第四明達以本无放逸樂住遠離修
行精勤謂无智滅而智生闇壞而明
成无明滅而明生謂憶宿命智作證
明達彼如是得定心清淨无穢無煩
柔軟善住得不動心學於生死智通
作證彼以清淨天眼出過於人見此
衆生死時生時好色惡色妙與不妙

往來善處及不善處隨此衆生之所
作業見其如真若此衆生成就身惡
行口意惡行誹謗聖人邪見成就邪
見業彼因緣此身壞命終必至惡處
生地獄中若此衆生成就身妙行口
意妙行不誹謗聖人正見成就正見
業彼因緣此身壞命終必昇善處上
生天中跋陀和利是謂彼於今時得
第二明達以本無放逸樂住遠離修
行精勤无智滅而智生闇壞而明成
無明滅而明生謂生死智作證明達
彼如是得定心清淨無穢无煩柔軟
善住得不動心學漏盡智通作證彼
知此苦如真知此苦習知此苦滅知
此苦滅道如真知此漏如真知此漏
習知此漏滅知此漏滅道如真彼如
是知如是見欲漏心解脫有漏无明
漏心解脫解脫已便知解脫生已盡
梵行已立所作已辦不更受有知如
真跋陀和利是謂彼於今時得第三
明達以本无放逸樂住遠離修行精
勤無智滅而智生闇壞而明成無明
滅而明生謂漏盡智作證明達於是

尊者跋陀和利即從坐起偏袒著衣
叉手向佛白曰世尊何因何緣諸比
丘等同犯於戒或有苦治或不苦治
世尊答曰跋陀和利或有比丘數數
犯戒因數數犯戒故為諸梵行訶所
見聞從他疑者彼為諸梵行訶所見
聞從他疑已便說異異論外餘事瞋
恚憎嫉發怒廣惡觸嬈於眾輕慢於
眾作如是說我今當作令眾歡喜而
可意作如是意跋陀和利諸比丘便
作是念然此賢者數數犯戒因數數
犯戒故為諸梵行訶所見聞從他疑
者彼為諸梵行訶所見聞從他疑已
便說異異論外餘事瞋恚憎嫉發怒
廣惡觸嬈於眾輕慢於眾作如是說
我今當作令眾歡喜而可意見已作
是語諸尊當觀令久住跋陀和利諸
比丘如是觀令久住或有比丘數數
犯戒因數數犯戒故為諸梵行訶所
見聞從他疑者彼為諸梵行訶所見
聞從他疑已不說異異論外餘事不
瞋恚憎嫉發怒廣惡不觸嬈眾不輕
慢眾不如是說我今當作令眾歡喜

而可意不作如是意跋陀和利諸比丘便作是念然此賢者數數犯戒或因數數犯戒故為諸梵行訶所見聞從他疑者彼為諸梵行訶所見聞從他疑已不說異異論外餘事不瞋恚憎嫉發怒廣惡不觸嫉眾不輕慢眾不如是說我今當作令眾歡喜而可意見已而作是語諸尊當觀令早滅跋陀和利諸比丘如是觀令早滅輕犯禁戒亦復如是跋陀和利或有比丘有信有愛有靖今此比丘有信有愛有靖若我等苦治於此賢者今此賢者有信有愛有靖因此必斷我等寧可善共將護於此賢者諸比丘便善共將護跋陀和利辟若如人唯有一眼彼諸親屬為憐念慰傷求利及饒益求安隱快樂善共將護莫令此人寒熱飢渴有病有憂有病憂莫塵莫烟莫塵烟所以者何復恐此人失去一眼是故親屬善將護之跋陀和利如是比丘少信少愛少有靖諸比丘等便作是念今此比丘少信少愛少有靖若我等苦治於此賢者今此

賢者少信少愛少有靖因此必斷我等寧可善共將護於此賢者是故諸比丘善共將護猶如親屬護一眼人於是尊者跋陀和利即從坐起偏袒著衣叉手向佛白曰世尊何因何緣昔日少施設戒多有比丘遵奉持者何因何緣世尊今日多施設戒少有比丘遵奉持者世尊答曰跋陀和利若比丘衆不得利者衆便无喜好法若衆得利者衆便生喜好法生喜好法已世尊欲斷此喜好法故便為弟子施設於戒如是稱譽廣大上尊王所識知大有福多學問跋陀和利若衆不多聞者衆便不生喜好法若衆多聞者衆便生喜好法衆生喜好法已世尊欲斷此喜好法故便為弟子施設戒跋陀和利不以斷現世漏故為弟子施設戒我以斷後世漏故為弟子施設戒跋陀和利是故我為弟子斷漏故施設戒至受我教跋陀和利我於昔時為諸比丘說清淨馬喻法此中何所因汝憶不耶尊者跋陀和利白曰世尊此中有所因所以者

何世尊為諸比丘施設一坐食或諸比丘眾皆奉學或及世尊境界諸微妙法唯我說不堪任從坐起去以不學具戒及世尊境界諸微妙法故世尊是謂此中有所因世尊復告曰跋陀和利此中不但因是跋陀和利若我為諸比丘當說清淨馬喻法者汝必不一心不善恭敬不思念聽跋陀和利是謂此中更有因也於是尊者跋陀和利即從坐起偏袒著衣叉手向佛白曰世尊今正是時善逝今正是時若世尊為諸比丘說清淨馬喻法者諸比丘從世尊聞已當善受持世尊告曰跋陀和利猶如知御馬者得清淨良馬彼知御者先治其口治其口已則有不樂於動轉或欲或不欲所以者何以未曾治故跋陀和利若清淨良馬從御者治第一治得成就彼御馬者然復更治勒口絆腳絆脚勒口而令駐行用今上闍堪任王乘无上行无上息治諸支節志御今成則有不樂於動轉或欲或不欲所以者何以數數治故跋陀和利若清淨

良馬彼御馬者數數治時得成就者
彼於今時調善調得無上調得第一
無上調无上行得第一行便中王乘
食於王粟稱說王馬跋陀和利如是
若時賢良智人成就十无學法無學
正見乃至无學正智者彼於今時調
善調得无上調得第一无上調無上
止得第一止除一切曲除一切穢除一
切怖除一切癡除一切諂止一切塵
淨一切垢而無所著可敬可重可奉
可祠一切天人良福田也佛說如是
尊者跋陀和利及諸比丘聞佛所說
歡喜奉行

跋陀和利經第三竟 四百七字

中阿含大品阿濕貝經第四 第五後誦

我聞如是一時佛遊迦尸國興大比
丘衆俱遊在一處告諸比丘我日一
食日一食已無为无求無有病痛身
體輕便氣力康強安隱快樂汝等亦
應日一食日一食已无為無求无有
病痛身體輕便氣力康強安隱快樂
余時世尊為比丘衆施設日一食戒
諸比丘衆皆奉學戒及世尊境界諸

微妙法於是世尊展轉到迦羅賴住
迦羅賴北村尸擲和林尔時迦羅賴
中有二比丘一名阿濕貝二名弗那
婆修舊土地主寺主宗主彼朝食暮
食晝食過中食彼朝食暮食晝食過
中食已無為无求無有病痛身體輕
便氣力康強安隱快樂衆多比丘聞
已往詣阿濕貝及弗那婆修比丘所
而語彼曰阿濕貝弗那婆修世尊遊
迦尸國與大比丘衆俱遊在一處告
諸比丘我日一食日一食已無為无
求無有病痛身體輕便氣力康強安
隱快樂汝等亦應日一食日一食已
無為无求無有病痛身體輕便氣力
康強安隱快樂尔時世尊為比丘衆
施設日一食戒諸比丘衆皆奉學戒
及世尊境界諸微妙法阿濕貝弗那
婆修汝等亦應日一食日一食已無
為无求無有病痛身體輕便氣力康
強安隱快樂汝等莫違世尊及比丘
衆阿濕貝弗那婆修聞已報曰諸賢
我等朝食暮食晝食過中食朝食暮
食晝食過中食已无為无求无有病

痛身體輕便氣力康強安隱快樂我等何緣捨現而須待後如是再三彼衆多比丘不能令阿濕貝及弗那婆修除惡邪見即從坐起捨之而去往詣佛所稽首佛足却住一面白曰世尊此迦羅賴中有二比丘一名阿濕貝二名弗那婆修舊土地主寺主宗主彼朝食暮食晝食過中食彼朝食暮食晝食過中食已无為無求无有病痛身體輕便氣力康強安隱快樂世尊我等聞已便往至阿濕貝及弗那婆修比丘所而語彼曰阿濕貝弗那婆修世尊遊迦尸國與大比丘衆俱遊在一處告諸比丘我日一食日一食已無為无求無有病痛身體輕便氣力康強安隱快樂汝等亦應日一食日一食已無為无求無有病痛身體輕便氣力康強安隱快樂余時世尊為比丘衆施設日一食戒諸比丘衆皆奉學戒及世尊境界諸微妙法阿濕貝弗那婆修汝等亦應日一食日一食已無為无求無有病痛身體輕便氣力康強安隱快樂汝等莫

這世尊及比丘衆阿濕貝弗那婆修
聞已報我等曰諸賢我等朝食暮食
晝食過中食朝食暮食晝食過中食
已無為无求無有病痛身體輕便氣
力康強安隱快樂我等何緣捨現而
須待後如是再三世尊如我等不能
令阿濕貝弗那婆修除惡邪見即從
坐起捨之而去世尊聞已告一比丘
汝往至阿濕貝弗那婆修比丘所語
如是曰阿濕貝弗那婆修世尊呼汝
等一比丘聞已唯然世尊即從坐起
稽首佛足繞三匝而去至阿濕貝及
弗那婆修比丘所語如是曰阿濕貝
弗那婆修世尊呼賢者等阿濕貝
却坐一面世尊問曰阿濕貝弗那婆
修衆多比丘實語汝等阿濕貝弗那婆
修比丘世尊遊迦尸國與大比丘衆
俱遊在一處告諸比丘我曰一食曰一
食已无為無求无有病痛身體輕便
氣力康強安隱快樂汝等亦應曰一
食曰一食已无為無求无有病痛身
體輕便氣力康強安隱快樂

尔時世尊為比丘衆施設曰一食或
諸比丘衆皆奉學戒及世尊境界諸
微妙法阿濕貝弗那婆修汝等亦應
日一食日一食已無為无求無有病
痛身體輕便氣力康強安隱快樂汝
等莫違世尊及比丘衆阿濕貝弗那
婆修汝等聞已語諸比丘曰諸賢我
等朝食暮食晝食過中食朝食暮食
晝食過中食已无為無求无有病痛
身體輕便氣力康強安隱快樂我等
何緣捨現而須待後如是再三阿濕
貝弗那婆修諸比丘不能令汝捨惡
邪見即從坐起捨之而去耶阿濕貝
弗那婆修答曰實尔世尊告曰阿濕
貝弗那婆修汝等知說如是法若有
覺樂覺者彼覺樂覺已惡不善法轉
增善法轉減若有覺苦覺者彼覺苦
覺已惡不善法轉減善法轉增耶阿
濕貝弗那婆修答曰唯然我等如是
知世尊說法若有覺樂覺者彼覺
樂覺已不善法轉增善法轉減若
有與見苦覺者彼覺苦覺已不善法轉
減善法轉增世尊訶阿濕貝弗那婆

法轉增所以者何我亦如是說或有
覺樂覺者惡不善法轉增善法轉減
或有覺樂覺者惡不善法轉減善法
轉增或有覺苦覺者惡不善法轉增
善法轉減或有覺苦覺者惡不善法
轉減善法轉增若我不知如真不見
不解不得不正盡覺者或有樂覺者
不善法轉增善法轉減我不應說斷
樂覺若我不知如真不見不解不得
不正盡覺者或有樂覺者惡不善法
轉減善法轉增我不應說修樂覺若
我不知如真不見不解不得不正盡
覺者或有苦覺者惡不善法轉增善
法轉減我不應說斷苦覺若我不知
如真不見不解不得不正盡覺者或
有苦覺者惡不善法轉減善法轉增
我不應說修苦覺若我知如真見解
得正盡覺者或有樂覺者惡不善法
轉增善法轉減是故我說斷樂覺若
我知如真見解得正盡覺者或有樂
覺惡不善法轉減善法轉增是故我
說修樂覺若我知如真見解得正盡
覺者或有苦覺者惡不善法轉增善

法轉減是故我說斷苦覺若我知如
真見解得正盡覺者或有苦覺者惡
不善法轉減善法轉增是故我說修
苦覺所以者何我不說修一切身樂
亦不說莫修一切身樂我不說修一
切身苦亦不說莫修一切身苦我不
說修一切心樂亦不說莫修一切心
樂我不說修一切心苦亦不說莫修
一切心苦云何身樂我說不修若修
身樂惡不善法轉增善法轉減者如
是身樂我說不修云何身樂我說修
耶若修身樂惡不善法轉減善法轉
增者如是身樂我說修也云何身苦
我說不修若修身苦惡不善法轉增
善法轉減者如是身苦我說不修云
何身苦我說修耶若修身苦惡不善
法轉減善法轉增者如是身苦我說
修也云何心樂我說不修若修心樂
惡不善法轉增善法轉減者如是心
樂我說不修云何心樂我說修耶若
修心樂惡不善法轉減善法轉增者
如是心樂我說修也云何心苦我說
不修若修心苦惡不善法轉增善法

轉減者如是心苦我說不修云何心
苦我說修耶若修心苦惡不善法轉
減善法轉增者如是心苦我說修也
彼可修法知如真不可修法亦知如
真彼可修法知如真不可修法亦知
如真已不可修法便不修可修法便
修不可修法便不修可修法便修已
便惡不善法轉減善法轉增我不說
一切比丘行无放逸亦復不說一切
比丘不行無放逸云何比丘我說不
行无放逸若有比丘俱解脫者云何
比丘有俱解脫若有比丘八解脫身
觸成就遊已慧見諸漏已盡已知如
是比丘有俱解脫此比丘我說不行
无放逸所以者何此賢者本已行无
放逸若此賢者本有放逸者終无是
憂是故我說此比丘不行无放逸若
有比丘非俱解脫有慧解脫者云何
比丘有慧解脫若有比丘八解脫身
不觸成就遊以慧見諸漏已盡已知
如是比丘有慧解脫此比丘我說不
行无放逸所以者何此賢者本已行
无放逸若此賢者本有放逸者終無

是處是故我說此比丘不行无放逸
此二比丘我說不行無放逸云何以
丘我為說行无放逸若有比丘非俱
解脫亦非慧解脫而有身證云何以
丘而有身證若有比丘八解脫身觸
成就遊不以慧見諸漏已盡已知如是
比丘而有身證此比丘我為說行无
放逸我見此比丘行無放逸為有何
果令我為此比丘說行無放逸耶或
此比丘求於諸根習善知識行隨順
住止諸漏已盡得无漏心解脫慧解
脫於現法中自知自覺自作證成就
遊生已盡梵行已立所作已辦不更
受有知如真謂我見此比丘行無放
逸有如是果是故我為此比丘說行
無放逸若有比丘非俱解脫非慧解
脫亦非身證而有見到云何以丘而
有見到若有比丘一向決定信佛法
衆隨所聞法便以慧增上觀增上忍
如是比丘而有見到此比丘我說行
无放逸我見此比丘行无放逸為有
何果令我為此比丘說行無放逸耶
或此比丘求於諸根習善知識行隨

順住止諸漏已盡得無漏心解脫慧
解脫於現法中自知自覺自作證成
就遊生已盡梵行已立所作已辦不
更受有知如真謂我見此比丘行無
放逸有如是果是故我為此比丘說
行无放逸若有比丘非俱解脫非慧
解脫又非身證亦非見到而有信解
脫云何比丘有信解脫若有比丘一
向決定信佛法衆隨所聞法以慧觀
忍不如見到如是比丘有信解脫此
比丘我為說行無放逸我見此比丘
行无放逸為有何果令我為此比丘
說行无放逸耶或此比丘求於諸根
習善知識行隨順住止諸漏已盡得
无漏心解脫慧解脫於現法中自知
自覺自作證成就遊生已盡梵行已
立所作已辦不更受有知如真謂我
見此比丘行无放逸有如是果是故
我為此比丘說行無放逸若有比丘
非俱解脫非慧解脫又非身證復非
見到亦非信解脫而有法行云何比
丘而有法行若有比丘一向決定信
佛法衆隨所聞法便以慧增上觀增

上忍如是比丘而有法行此比丘我
為說行无放逸我見此比丘行無放
逸為有何果令我為此比丘說行无
放逸耶或此比丘求於諸根習善知
識行隨順住止於二果中必得一也
或於現法得究竟智若有餘者得
阿那含謂我見此比丘行无放逸有
如是果是故我為此比丘說行无放
逸若有比丘非俱解脫非慧解脫又
行而有信行去何比丘而有信行若
有比丘一向決定信佛法衆隨所聞
法以慧觀忍不如法行如是比丘而
有信行此比丘我為說行無放逸我
見此比丘行無放逸為有何果令我
為此比丘說行无放逸耶或此比丘
求於諸根習善知識行隨順住止於
二果中必得一也或於現法得究竟
智若有餘者得阿那含謂我見此比
丘行无放逸有如是果是故我為此
比丘說行无放逸此諸比丘我說行
無放逸我不說一切諸比丘得究竟
智亦復不說一切諸比丘初得究竟

智然漸漸習學趣迹受教受訶然後
諸比丘得究竟智此諸比丘所得究
竟智云何漸漸習學趣迹受教受訶
然後諸比丘得究竟智此諸比丘所
得究竟智耶或有信者便往詣往詣
已便奉習奉習已便一心聽法一心
聽法已便持法持法已便思惟思惟
已便平量平量已便觀察賢聖弟子
觀察已身諦作證慧增上觀彼作是念
此諦我未嘗身作證亦非慧增上觀
此諦今身作證以慧增上觀如是漸
漸習學趣迹受教受訶然後諸比丘
得究竟智此諸比丘所得究竟智於
是世尊告曰阿濕貝弗那婆修有法
名四句我欲為汝說汝等欲知耶阿
濕貝及弗那婆修白曰世尊我等是
誰何由知法於是世尊便作是念此
愚癡人越過於我此正法律極大久
遠若有法律師貪著食不離食者彼
弟子不應速行放逸況復我不貪著
食遠離於食信弟子者應如是說世
尊是我師我是世尊弟子世尊為我
說法善逝為我說法令我長夜得義

得饒益安隱快樂彼信弟子於世尊境界多有所作於世尊境界多所饒益於世尊境界多有所行入世尊境界止世尊境界者若遊東方必得安樂无衆苦患若遊南方西方北方者必得安樂无衆苦患若信弟子於世尊境界多有所作於世尊境界多所饒益於世尊境界者我尚不說諸善法住况說衰退但當晝夜增長善法而不衰退若信弟子於世尊境界多有所作於世尊境界多所饒益於世尊境界者於二果中必得一也或於現世得究竟智或復有餘得阿那含佛說如是彼諸比丘聞佛所說歡喜奉行

阿濕貝經第四竟

四千一百九十九字

中阿含經卷第五十一

八千五百六十字

第三後部

癸卯歲高麗國大藏都監奉

勅彫造

中阿含經卷第五十二

清

東晉別貢三藏學士僧伽提婆

譯

大品周那經第五

第五從誦

我聞如是一時佛遊跋耆在舍彌村
余時沙彌周那於彼波和中而受夏
坐彼波和中有一尼捷名曰親子在
彼命終終後不久尼捷親子諸弟子
等各各破壞不共和合各說破壞不
和合事闢訟相縛相憎共諍我知此
法汝不知也汝知何法如我所知我
齊整汝不齊整我相應汝不相應應
說前而說後應說後而說前我勝汝
不如我問汝事汝不能答我已伏汝
當復更問若汝動者我重縛汝更爭
憍傲但求勝說而無訶者尼捷親子
若有在家白衣弟子彼皆默念此尼
捷親子諸弟子等所以者何以其所
說惡法律故非是出要不趣正覺亦
非善逝之所說也崩壞无柱无所依
怙彼所尊師亦非如來无所著等正
覺也於是沙彌周那受夏坐訖過三
月已補治衣竟攝衣持鉢往舍彌村

住舍弥村北尸攝和林沙弥周邨往
詣尊者阿難所到已禮足却坐一面
尊者阿難問曰賢者周邨從何所來
何處夏坐沙弥周邨答曰尊者阿難
我從波和來於波和中而受夏坐尊
者阿難彼波和中有一尼捷名曰親
子在彼命終終後不文尼捷親子諸
弟子等各各破壞不共和合各說破
壞不和合事鬪訟相縛相憎共諍我
知此法汝不知也汝知何法如我所
知我齊整汝不齊整我相應汝不相
應應說前而說後應說後而說前我
勝汝不如我問汝事汝不能答我已
伏汝當復更問若汝動者我重縛汝
更平憍傲但求勝說而無訶者尼捷
親子若有在家白衣弟子彼皆厭患
此尼捷親子諸弟子等所以者何以
其所說惡法律故非是出要不起正
覺亦非善逝之所說也崩壞無柱无
所依怙彼所尊師亦非如來無所著
等正覺也尊者阿難聞已語曰賢者
周邨得因此說可往見佛奉獻世尊
賢者周邨今共詣佛具向世尊而說

此事僕能因此得從世尊聞異法也
於是尊者阿難與沙彌周那俱往詣
佛誓首佛足尊者阿難却住一面沙彌
周那却坐一面尊者阿難白曰世尊
今日沙彌周那來詣我所誓首我足
却坐一面我問曰賢者周那從何所來
何處夏坐沙彌周那即答我曰尊者
阿難我從波和來於波和中而受夏
坐尊者阿難彼波和中有一尼捷名曰
親子在彼命終終後不久尼捷親子
諸弟子等各各破壞不共和合各說
破壞不和合事鬭訟相縛相憎共諍
我知此法汝不知也汝知何法如我
所知我齊整汝不齊整我相應汝不
相應應說前而說後應說後而說前
我勝汝不如我問汝事汝不能答我
已伏汝當復更問若汝動者我重縛
汝更乎憍傲但求勝說而无訶者尼
捷親子若有在家白衣弟子彼皆厭
患此尼捷親子諸弟子等所以者何
以其所說惡法律故非是出要不趣
正覺亦非善逝之所說也崩壞无柱
無所依怙彼所尊師亦非如來无所

著等正覺也世尊我聞此已恐怖驚
懼舉身毛豎莫令有比丘於世尊去
後而在衆中起如是闍諍謂此闍諍
不益多人多人有苦非義非饒益非
安隱快樂乃至天人生極苦患世尊
我見一比丘坐世尊前至心敬重世
尊善護善逝世尊我見此已便作是
念若令此比丘於世尊去後而在衆
中起如是闍諍謂此闍諍不益多人
多人有苦非義非饒益非安隱快樂
乃至天人生極苦患於是世尊問曰
阿難汝見何等衆中有闍諍者謂
此闍諍不益多人多人有苦非義非
饒益非安隱快樂乃至天人生極苦
患耶尊者阿難答曰世尊謂有闍諍
因增上戒增上心增上觀於其衆中
生而生世尊謂此闍諍不益多人多
人有苦非義非饒益非安隱快樂乃
至天人生極苦患世尊告曰阿難此
闍諍甚少謂因增上戒增上心增上
觀阿難若有闍諍因道因道跡於其
衆中生而生者阿難謂此闍諍不益
多人多人有苦非義非饒益非安隱

快樂阿難汝見其中有二比丘各各異意而起鬪諍是法是非法是律是非律是犯是非犯或輕或重可悔不可悔可護不可護有餘无餘起不起阿難於意云何若我法聚自知自覺自作證四念處四正斷四如意足五根五力七覺支八支聖道阿難屈捷親子實非薩云若而自稱薩云若阿難若屈捷親子一切知一切見者彼為弟子施設六諍今謂可聞而止於是尊者阿難又手向佛白曰世尊今正是時善逝今正是時若世尊為諸比丘說六諍今者諸比丘從世尊聞當善受持世尊告曰阿難諦聽善思念之我當為汝具分別說尊者阿難白曰唯然當受教聽佛言阿難或有一人瞋惱者結縛阿難謂人瞋惱者結縛彼不敬師不見法不護戒彼不敬師不見法不護戒已便於眾中起如是諍謂此鬪諍不益多人多人有苦非義非饒益非安隱快樂乃至天人生極苦患阿難如是鬪諍汝於內不見而不盡者為斷此諍故汝當速

求方便學極精勤正念正智忍莫令
退阿難猶人為火燒頭燒衣急求方
便救頭救衣如是闍諍汝於內外見
而不盡者為斷此諍故汝當速求方
便學極精勤正念正智忍莫令退阿
難如是闍諍汝於內外見盡者汝當
重護彼心常无放逸欲止此諍故如
是此諍汝斷根本阿難猶人為火燒
頭燒衣急求方便救頭救衣如是闍
諍汝於內外見盡者汝當重護彼心
常无放逸欲止此諍故如是此諍汝斷
根本如是不語結慳嫉諂誑無慙無愧
惡欲邪見惡性不可制阿難若有一人
惡欲邪見惡性不可制彼不敬師不
見法不護戒彼不敬師不見法不護
戒已便於衆中起如是諍謂此闍諍
不益多人多人有苦非義非饒益非
安隱快樂乃至天人生極苦患阿難
如是闍諍汝於內外見而不盡者為
斷此諍故汝當速求方便學極精勤
正念正智忍莫令退阿難猶人為火
燒頭燒衣急求方便救頭救衣如是
闍諍汝於內外見而不盡者為斷此

諍故汝當速求方便學極精勤正念
正智忍莫令退阿難如是闍諍汝於
內外見盡者汝當重護彼心常无放
逸欲止此諍故如是此諍汝斷根本
阿難猶入為火燒頭燒衣急求方便
救頭救衣如是闍諍汝於內外見盡
者汝當重護彼心常无放逸欲止此
諍故如是此諍汝斷根本復次阿難
有七止諍一者應與面前止諍律二
者應與憶止諍律三者應與不疑止
諍律四者應與自發露止諍律五者
應與君止諍律六者應與展轉止諍
律七者應與如棄糞掃止諍律阿難
云何應與面前止諍律云何斷此諍
謂因面前止諍律也阿難一人者一
教訶護以法律如尊師教面前令歡
喜一人者二人一人者多人一人者衆
教訶護以法律如尊師教面前令歡
喜二人者二人教訶護以法律如尊
師教面前令歡喜二人者多人二人
者衆二人者一人教訶護以法律如
尊師教面前令歡喜多人者多人教
訶護以法律如尊師教面前令歡喜

多人者衆多人者一人多人者二人
教訶護以法律如尊師教面前令歡
喜衆者衆教訶護以法律如尊師教
面前令歡喜衆者一人衆者二人衆
者多人教訶護以法律如尊師教面
前令歡喜阿難是謂應與面前止諍
律如是斷此諍謂因面前止諍律也
阿難云何應與憶止諍律云何斷此
諍謂因憶止諍律也阿難若有一人
犯戒而不憶諸比丘見已便語彼曰
汝曹犯戒而不自憶汝應從衆求於
憶律衆當共與賢者憶律阿難若處
有衆和集會者彼比丘應語徧徃者衣
脫疑入衆稽首礼長老上尊比丘足
長跪叉手白長老上尊比丘諸尊
聽我曾犯戒而不憶我今從衆求於
憶律願衆和合與我憶律阿難為彼
比丘故衆共和集應與憶律以法以
律如尊師教面前令歡喜阿難是謂
應與憶止諍律如是斷此諍謂因憶
止諍律也阿難云何應與不寢止諍
律云何斷此諍謂因不寢止諍律也阿
難若有一人狂發而心顛倒彼狂發

心顛倒已多不淨行非沙門法不順
法行而說違犯彼於後時還得本心
諸比丘見已便語彼曰汝曾狂發而
心顛倒狂發心顛倒已多不淨行非
沙門法不順法行而說違犯賢者於
後還得本心賢者可從衆求不癡律
衆當共與賢者不癡律阿難若處有衆
和集會者彼比丘應詣徧袒著衣脫屣
入衆稽首礼長老上尊比丘足長跪
叉手白長老上尊比丘曰諸尊聽我
曾狂發而心顛倒狂發心顛倒已多
不淨行非沙門法不順法行而說違
犯我於後時還得本心我今從衆求
不癡律願衆和合與我不癡律阿難
為彼比丘故衆共和集應與不癡律
以法以律如尊師教面前令歡喜阿
難是謂應與不癡止諍律如是斷此
諍謂因不癡止諍律也阿難云何應
與自發露止諍律云何斷此諍謂
因自發露止諍律也阿難若有一人
犯戒或有語者或不語者或有憶者
或不憶者阿難若處有衆和集會者
彼比丘應詣徧袒著衣脫屣入衆稽

首札長老上尊比丘足長跪叉手白長老上尊比丘曰諸尊聽我犯某戒我今向長老上尊比丘至心發露自說顯示不敢覆藏更善護持後不復作阿難諸比丘衆當問彼比丘曰賢者白見所犯耶彼應答曰實自見所犯衆當語彼更善護持莫復作也阿難是謂應與自發露止諍律如是斷此諍與君止諍律云何斷此諍謂因與君止諍律也阿難若有一人不知者耻不悔見問從他疑者惡欲彼犯戒已稱一處知稱一處見稱一處知已稱一處見稱一處見已稱一處知在衆中稱一處見稱一處知已稱一處見稱一處見已稱一處知在衆中與君律君無道无理君惡不善所以者何謂君犯戒已稱一處知稱一處見稱一處知已稱一處見稱一處見已稱一處知在衆中稱一處見已稱一處知阿難是謂應

與君止諍律如是斷此諍謂因與君止諍律也阿難云何應與展轉止諍律云何斷此諍謂因展轉止諍律也阿難有二比丘於其中間若干意起諍謂是法非法是律非律是犯非犯或輕或重可說不可說可護不可護有餘无餘可悔不可悔阿難彼比丘狠處止此諍若狠處止者此諍當言止若狠處不止者此諍可白衆若於衆中止者此諍當言止若於衆中不止者阿難相近住者於中若有比丘持經持律持母者此比丘共往至彼說此諍事若在道路止者此諍當言止若道路不止者此諍當復向衆說若在衆止者此諍當言止若在衆不止者阿難若多伴助者持經持律持母者阿難彼比丘應者止此諍以法以律如尊師教面前令歡喜阿難是謂應與展轉止諍律如是斷此諍謂因展轉止諍律也阿難云何應與如棄糞掃止諍律云何斷此諍謂因如棄糞掃止諍律也阿難若有住處諸比丘衆鬪訟憎嫉相憎共諍阿難彼

諸比丘分立二部分立二部已若於一部中有長老上尊者或有次者有宗主者或有次者阿難此比丘語彼比丘曰諸賢聽我等无道無理我等惡不善所以者何我等於此善說法律至信捨家无家學道聞訟憎嫉相憎共諍諸賢因此諍我等犯戒者除偷羅柘除家相應我自為已亦為彼諸賢故今向賢至心發露自說顯示不敢覆藏更善護持後不復作阿難若此部中无一比丘應者阿難此比丘應往至彼第二部到已稽首礼長老上尊比丘足長跪叉手白長老上尊比丘曰諸尊聽我等無道无理我等惡不善所以者何我等於此善說法律至信捨家无家學道聞訟憎嫉相憎共諍諸賢因此諍我等犯戒者除偷羅柘除家相應我自為已亦為彼諸賢故今向長老上尊至心發露自說顯示不敢覆藏更善護持後不復作阿難彼比丘當語此比丘曰賢者汝自見犯戒耶彼應答曰實自見所犯彼當語此更善護持莫復作也第

二部亦復如是阿難是謂應與如棄
糞掃止諍律如是斷此諍謂因如棄
糞掃止諍律也阿難我今令汝說六
慰勞法諦聽諦聽善思念之尊者阿
難白曰唯然當受教聽佛言六何為
六慈身業向諸梵行法是慰勞法愛
法樂法令愛令重令奉令敬令修令
攝得沙門得一心得精進得涅槃慈
口業慈意業若法利如法得自所得
飯食至在鉢中如是利分布施諸梵
行是法慰勞法愛法樂法令愛令重
令奉令敬令修令攝得沙門得一心
得精進得涅槃若有戒不缺不穿无
穢無異如地不隨他聖所稱譽具足
善受持如是戒分布施諸梵行是法
慰勞法愛法樂法令愛令重令奉令
敬令修令攝得沙門得一心得精進
得涅槃若有聖見出要明見深達能
正盡苦如是見分布施諸梵行是法
慰勞法愛法樂法令愛令重令奉令
敬令修令攝得沙門得一心得精進
得涅槃可難我向所說六慰勞法者
因此故說阿難若汝等此六諍本止

絕斷者及此止諍衆中起鬪諍以如
棄糞糞止諍律止者復行此六慰勞
法阿難如是汝於我去後共同和合
歡喜不諍同一心同一教合
一水乳快樂遊行如我在時佛說如
是尊者阿難及諸比丘聞佛所說歡
喜奉行

周那經第五竟 四十二字

中阿含大品優婆塞經第六 第五後誦

我聞如是一時佛遊瞻波在恒伽池
岸尔時尊者優婆塞則於晡時從燕
坐起往詣佛所稽首佛足却坐一面
白曰世尊若比丘衆共和合作異業說
異業者是如法業如律業耶世尊答
曰不也優婆塞尊者優婆塞復問曰
世尊若比丘衆共和合應與面前律
者而與憶律應與憶律者而與面前
律是如法業如律業耶世尊答曰不
也優婆塞離苾芻優婆塞復問曰世尊
若比丘衆共和合應與憶律者而與
不礙律應與不礙律者而與憶律是
如法業如律業耶世尊答曰不也優婆
塞離苾芻者優婆塞復問曰世尊若比丘

衆共和合應與不癡律者而與自發
露律應與自發露律者而與不癡律
是如法業如律業耶世尊答曰不也
優婆離尊者優婆離復問曰世尊若
比丘衆共和合應與自發露律者而
與君律應與君律者而與自發露律
是如法業如律業耶世尊答曰不也
優婆離尊者優婆離復問曰世尊若
比丘衆共和合應與君者而責數應
責數者而與君是如法業如律業耶
世尊答曰不也優婆離尊者優婆離
復問曰世尊若比丘衆共和合應責
數者而下置應下置者而責數是如
法業如律業耶世尊答曰不也優婆
離尊者優婆離復問曰世尊若比丘
衆共和合應下置者而舉應舉者而
下置是如法業如律業耶世尊答曰
不也優婆離尊者優婆離復問曰世
尊若比丘衆共和合應舉者而擯應
擯者而舉是如法業如律業耶世尊
答曰不也優婆離尊者優婆離復問
曰世尊若比丘衆共和合應擯者而
與憶應與憶者而擯是如法業如律

業耶世尊答曰不也優婆離尊者優
婆離復問曰世尊若比丘衆共和合
應與憶者而從根本治應從根本治
者而與憶是如法業如律業耶世尊
答曰不也優婆離尊者優婆離復問
曰世尊若比丘衆共和合應從根本
治者而駭出應駭出者而從根本治
是如法業如律業耶世尊答曰不也
優婆離尊者優婆離復問曰世尊若
比丘衆共和合應駭出者而行不慢
應行不慢者而駭出是如法業如律
業耶世尊答曰不也優婆離尊者優婆
離復問曰世尊若比丘衆共和合應
行不慢者而治應治者而行不慢是
如法業如律業耶世尊答曰不也優
婆離尊者優婆離若比丘衆共和合作異
業說異業者是不如法業不如律業
衆亦有罪優婆離若比丘衆共和合
應與面前律而與憶律應與憶律而
與面前律者是不如法業不如律業
衆亦有罪優婆離若比丘衆共和合
應與憶律而與不處律應與不處律而
與憶律者是不如法業不如律業衆

亦有罪優婆離若比丘衆共和合應與不癡律而與自發露律應與自發露律而與不癡律者是不如法業不共和合應與自發露律而與君律應與君律而與自發露律者是不如法業不如律業衆亦有罪優婆離若比丘衆共和合應與君律而責數應責數而與君律者是不如法業不如律業衆亦有罪優婆離若比丘衆共和合應責數而下置應下置而責數者是不如法業不如律業衆亦有罪優婆離若比丘衆共和合應擧而下置者是不如法業不如律業衆亦有罪優婆離若比丘衆共和合應擧而擯應擧而擯者是不如法業不如律業衆亦有罪優婆離若比丘衆共和合應擧而與憶應與憶而擯者是不如法業不如律業衆亦有罪優婆離若比丘衆共和合應與憶而從根本治應從根本治而與憶者是不如法業不如律業衆亦有罪優婆離若比丘衆共和合應從根本治而駁出應駁出而從根本治者是不如法業不如律

業衆亦有罪優婆離若比丘衆共和

合應駢出而行不慢應行不慢而駢

出者是不如法業不如律業衆亦有

罪優婆離若比丘衆共和合應行不

慢而治應治而行不慢者是不如法

業不如律業衆亦有罪優婆離若比

丘衆共和合隨所作業即說此業者

是如法業如律業衆亦无罪優婆離

若比丘衆共和合應與面前律即與

面前律應與憶律即與憶律應與不

癡律即與不癡律應與自發露律即

與自發露律應與君律即與君律應

責數即責數應下置即下置應舉即

舉應擯即擯應憶即憶應從根本治

即從根本治應駢出即駢出應行不

慢即行不慢應治即治者是如法業

如律業衆亦无罪優婆離汝當學隨

所作業即說此業應與面前律即與

面前律應與憶律即與憶律應與不

癡律即與不癡律應與自發露律即

與自發露律應與君律即與君律應

責數即責數應下置即下置應舉即

舉應擯即擯應憶即憶應從根本治

即從根本治應駢出即駢出應行不

慢即行不慢應治即治者優婆離汝
當如是學佛說如是尊者優婆離及
諸比丘聞佛所說歡喜奉行

優婆離經第六竟

二十五

中阿含大品調御地經第七 第五後誦

我聞如是一時佛遊王舍城在竹林
加蘭陀園今時沙彌阿夷那和提亦
遊王舍城在無事處住禪屋中彼時
王童子耆婆先那中後仿佛至沙彌
阿夷那和提所共相問訊却坐一面語
曰賢者阿奇舍那欲有所問聽我問
耶沙彌阿夷那和提告曰賢王童子
欲問便問我聞當思王童子問曰阿
奇舍那實比丘此法律中不放逸行
精勤得一心耶沙彌答曰賢王童子實
比丘此法律中不放逸行精勤得一
心王童子復問曰賢者阿奇舍那汝
當隨所聞汝隨所誦習者蓋向我說
如此比丘此法律中不放逸行精勤得一
心沙彌答曰賢王童子我不堪任隨
所聞法隨所誦習廣向汝說如此比丘
此法律中不放逸行精勤得一心也
賢王童子若我隨所聞法隨所誦習

向賢王童子說如比丘此法律中不放逸行精勤得一心者或賢王童子不知也如是我唐煩勞王童子語沙弥曰賢者阿奇舍那汝未為他所伏以何意故而自退耶賢者阿奇舍那如隨所聞法隨所誦習可向我說如比丘此法律中不放逸行精勤得一心若我知者為善若我不知者我便不復更問諸法於是沙弥阿夷那和提隨所聞法隨所誦習向王童子耆婆先那說如比丘此法律中不放逸行精勤得一心於是王童子耆婆先那語曰賢者阿奇舍那若比丘此法律中不放逸行精勤得一心者終无是處說无是處已即從坐起不辭而去王童子耆婆先那去後不久於是沙弥阿夷那和提往詣佛所稽首作礼却坐一面與王童子耆婆先那所共論者盡向佛說世尊聞已告沙弥曰阿奇舍那止王童子耆婆先那云何得行欲著欲為欲愛所食為欲所燒若地断欲断欲愛断欲燒熱无欲知無欲見无欲覺此地王童子知者見

者終无是處所以者何阿奇舍那王
童子耆婆先那常行欲也阿奇舍那
猶四調御象調御馬調御牛調御人
調御於中二調御不可調御二調御
可調御阿奇舍那於意云何若此二
調御不可調御此未調未調地未調
御受御事者終無是處若此二調御可
者必有是處如是此阿奇舍那止三
童子耆婆先那云何得行欲耆欲為欲
愛所食為欲所燒若地斷欲斷欲愛
斷欲煩熱無欲知无欲見無欲覺此地
王童子知者見者終无是處所以者
何阿奇舍那王童子耆婆先那常行
欲也阿奇舍那猶去村不遠有大石
山無缺无穿實而不虛堅固不動
都合為一或有二人正欲見者彼中
一人速疾上山第二人者依住山下
石山上人見石山邊有好平地園觀
林木清泉華池長流河水山上人見
已語山下人汝見山邊有好平地園
觀林木清泉華池長流河水耶山下人
答曰若我見山彼邊有好平地園觀

林木清泉華池長流河水者終无是
處於是石山上人疾疾來下擬山下
人速疾將上於石山上到已問曰汝
見山邊有好平地園觀林木清泉華
池長流河水耶彼人答曰今始見也
復問彼人曰汝本言見者終无是處
今復言見為何謂耶彼人答曰我本
為山之所障閼故不見耳如是阿奇
舍鄰止王童子者婆先鄰二何得行
欲著欲為欲愛所食為欲所燒若地斷
欲斷欲愛斷欲煩熱无欲知无欲見
无欲覺此地王童子知者見者終無
是處阿奇舍鄰昔者刹利頂生王有
捕象師王告之曰汝捕象師為我捕
取野象將來得已自我時捕象師受
王教已即乘王象往野林中彼捕象
師在野林中見大野象見已捉繫著
王象項彼時王象將野象出在於露
地彼捕象師還詣刹利頂生王所白
曰天王已得野象繫在露地隨天王
意刹利頂生王聞已告曰善調象師
汝今可速調此野象伏令善調象善
調已還來白我於是善調象師受王

教已持極大杖著右肩上往野象所
以杖著地繫野象頤制樂野意除野
欲念止野疲勞令樂村邑習愛人間
善調象師先與飲食阿奇舍那若彼
野象從調象師初受飲食善調象師
便作是念今此野象必得生活所以
者何此野大象初受飲食若彼野象
從調象師初受飲食者善調象師則
以柔軟可愛言向卧起去來取捨屈
申若彼野象從調象師則以柔軟可
愛言向卧起去來取捨屈申者如是
野象隨調象師教阿奇舍那若彼野
象從調象師隨受教者善調象師
則縛前兩脚後脚兩脰兩脇尾脊頭
頤耳牙及縛其鼻使人捉鈎騎其頭
上令衆多人持刀楯稍鉞戟斧鉞而
在前立善調象師手執鋒鉞在野象
前而作是語我今治汝令不移動治
汝勿動搖若彼野象從調象師治不
移動時不舉前脚亦不動後脚兩脰
兩脅尾脊頭頤耳牙及鼻皆不動搖
如是野象隨調象師住不移動阿奇
舍那若彼野象隨調象師不移動者

彼於尔時忍刀楯稍鋒戟斧鉞喚呼
高聲若嘯吹螺擊鼓椎鍾皆能堪忍
若彼野象能堪忍者彼於尔時調御
善調御得上調御得最上调御上速
疾无上速疾可中王乘受食王廩稱
說王象如是阿奇舍那若時如来出
世无所著等正覺明行成為善逝世
間解無上士道法御天人師号佛衆
祐彼於此世天及魔梵沙門梵志從
人至天自知自覺自作證成就遊彼
說法初妙中妙竟亦妙有義有文具
足清淨顯現梵行彼所說法居士子
聞居士子聞已得信如来所說法彼
得信已剷除鬚髮著袈裟衣至信捨
家无家學道阿奇舍那尔時聖弟子
出在露地猶王野象如是野象貪欲
樂著者謂在林中阿奇舍那如是天
及人貪欲樂著謂在五欲色聲香味
觸如来初始御彼比丘汝當護身及
命清淨當護口意及命清淨若聖弟
子護身及命清淨護口意及命清淨
者如来復調御比丘汝當觀内身如
身乃至觀覺心法如法若聖弟子觀

內身如身乃至觀覺心法如法者此
四念處謂在賢聖弟子心中繫縛其
心制樂家意除家欲念止家疲勞令
樂正法修習聖戒阿奇舍那猶調象
師受刹利項生王教已持極大杖著
右肩上往野象所以杖著地繫野象
頸制樂野意除野欲念止野疲勞令
樂村邑習愛人間如是阿奇舍那此
四念處謂在賢聖弟子心中繫縛其
心制樂家意除家欲念止家疲勞令
樂正法修習聖戒若聖弟子觀內身
如身乃至觀覺心法如法彼如來復
更調御比丘汝當觀內身如身莫念
欲相應念乃至觀覺心法如法莫念
非法相應念若聖弟子觀內身如身
不念欲相應念乃至觀覺心法如法
不念非法相應念者如是聖弟子隨
如來教阿奇舍那猶如野象從調象
師則以柔軟可愛言向卧起去來取
捨屈伸者如是野象隨調象師教如
是阿奇舍那若聖弟子觀內身如身
不念欲相應念乃至觀覺心法如法
不念非法相應念如是聖弟子隨如

來教若聖弟子隨如來教者如來復更調御比丘汝當離欲離惡不善之法至得第四禪成就遊若聖弟子離欲離惡不善之法至得第四禪成就遊者如是聖弟子則隨如來住不移動阿奇舍那猶如野象從調象師治不移動時不舉前脚亦不動後脚兩脰兩脇尾脊頭額耳牙及鼻皆不動搖如是野象隨調象師住不移動如是阿奇舍那若聖弟子離欲離惡不善之法至得第四禪成就遊者如是聖弟子則隨如來住不移動若聖弟子隨如來住不移動者彼於念時則能堪忍飢渴寒熱蚊蠅蚤風日所逼惡聲捶杖亦能忍之身遇諸疾極為苦痛至命欲絕諸不可樂皆能堪耐阿奇舍那猶如野象隨調象師住不移動彼於念時忍刀槍稍鋒戟斧鉞喫呼高聲若嘯吹螺擊鼓椎鐘皆能堪忍如是阿奇舍那若聖弟子隨如來住不移動者彼於念時則能堪忍飢渴寒熱蚊蠅蚤風日所逼惡聲捶杖亦能忍之身遇諸疾極為苦痛至命

欲絕諸不可樂皆能堪耐阿奇舍那
若聖弟子隨如來能堪忍者彼於今
時調御善調御得上調御取上调御
得上息取上息除諸曲惡恐怖愚癡
及諛諂清淨止塵無垢无穢可呼可
請可敬可重實可供養為一切天人
良福田也阿奇舍那猶如野象能堪忍
者彼於今時調御善調御得上調御
得取上调御上速疾无上速疾可中
王乘受食王廩稱說王象如是阿奇
舍那若聖弟子隨如來能堪忍者彼
於今時調御善調御得上調御取上
調御得上息取上息除諸曲惡恐怖
愚癡及諛諂清淨止塵无垢无穢可
呼可請可敬可重實可供養為一切
天人良福田也阿奇舍那少野象不
調御死者說不調御死中老野象不
調御死者說不調御死阿奇舍那少
聖弟子不調御命終者說不調御命
終中老聖弟子不調御命終者說不
調御命終阿奇舍那少野象善調御
死者說善調御死中老野象善調死
者說善調御死阿奇舍那少聖弟子

善調御命終者說善調御命終中老
聖弟子善調御命終者說善調御命
終佛說如是沙彌阿夷那和提及諸
比丘聞佛所說歡喜奉行

調御地經第七竟

二十八百九十二字

中阿含經卷第五十二

八十六百
八十二字

第五後誦

癸卯歲高麗國大藏都監奉
勅彫造

中阿含經卷第五十三

序

東晉劉賓三藏瞿曇僧伽提婆譯

大品癡慧地經第八

第五後誦

我聞如是一時佛遊舍衛國在勝林
給孤獨園今時世尊告諸比丘我今
為汝說愚癡法智慧法諦聽諦聽善
思念之時諸比丘受教而聽佛言云
何愚癡法愚癡人有三相愚癡標愚
癡像謂成就愚癡人說愚癡也云何
為三愚癡人思惡思說惡說作惡作
是以愚癡人說愚癡也若愚癡人不
思惡思不說惡說不作惡作者不應
愚癡人說愚癡也以愚癡人思惡思
說惡說作惡作故是以愚癡人說愚
癡也彼愚癡人於現法中身心則受
三種憂苦云何愚癡人身心則受三
種憂苦耶愚癡人者或有所行或聚
會坐或在道巷或在市中或四衢頭
說愚癡人相應事也愚癡人者殺生
不與取行邪婬妄言乃至邪見及成
就餘无量惡不善之法若成就無量
惡不善法者他人見已便說其惡較

愚癡人聞已便作是念若成就无量惡不善之法他人見已說其惡者我亦有是无量惡不善之法若他知者亦當說我惡是謂愚癡人於現法中心心則受第一憂苦復次彼愚癡人又見王人收捉罪人種種苦治謂截手截足并截手足截耳截鼻并截耳鼻或齧齧割拔鬚拔髮或拔鬚髮或著檻中衣裏火燒或以沙塵草經火燒或內鐵驢腹中或著鐵膽口中或置鐵席口中燒或安銅釜中或著鐵釜中煮或段段截或利刃刺或以鈎鈎或卧鐵牀以沸油澆或坐鐵臼以鐵杵擣或毒龍捶或以鞭鞭或以杖撻或以棒打或活貫標頭或梟其首彼愚癡人見已便作是念若成就无量惡不善法者王知捉已如是考治我亦有是无量惡不善之法若王知者亦當苦治考我如是是謂愚癡人於現法中心心則受第二憂苦復次彼愚癡人行身惡行行口意惡行彼若時疾病受苦或坐卧牀或坐卧搶或坐卧地身生極苦甚苦乃至命

欲斷彼所有身惡行口意惡行彼於
余時懸向在上猶如晡時日下高山
影懸向在地如是彼所有身惡行口
意惡行彼於余時懸向在上彼作是
念此是我身惡行口意惡行懸向在
上我於本時不作福多作惡若有處
作惡者凶暴作无理事不作福不作
善不作恐怖所歸命所依怙我至彼
惡處從是生悔生悔已不賢死不善
命終是謂愚癡人於現法中身心則
受第三憂苦

復次彼愚癡人行身惡行行口意惡
行彼行身惡行行口意惡行已因此
緣此身壞命終必至惡處生地獄中
既生彼已受於苦報一向不可愛不
可樂意不可念若作是說一向不可
愛不可樂意不可念者是說地獄所
以者何彼地獄者一向不可愛不可
樂意不可念余時有一比丘即從坐起
偏袒著衣叉手向佛白曰世尊地獄
苦云何世尊答曰比丘地獄不可盡
說所謂地獄苦比丘但地獄苦唯有
苦比丘復問曰世尊可得以喻現其

義也世尊答曰亦可以喻現其義也
比丘猶如王人收賊送詣剎利頂生
王所白曰天王此賊人有罪願天王
治剎利頂生王告曰汝等將去治此
人罪朝以百矛刺王人受教便將去
治朝以百矛刺彼人故活剎利頂生
王問曰彼人云何王人答曰天王彼
人故活剎利頂生王復告曰汝等去
日中復以百矛刺王人受教日中復
以百矛刺彼人故活剎利頂生王復
問曰彼人云何王人答曰天王彼人
故活剎利頂生王復告曰汝等去日
西復以百矛刺王人受教日西復以
百矛刺彼人故活然彼人身一切穿決
破碎壞盡无一處完至如錢孔剎利
頂生王復問曰彼人云何王人答曰
天王彼人故活然彼身一切穿決破
碎壞盡无一處完至如錢孔比丘於
意云何若彼人一日被三百矛刺彼
人因是身心受惱極憂苦耶比丘答
曰世尊被一矛刺尚受極苦况復一
日受三百矛刺彼人身心豈不受惱
極憂苦也於是世尊手取石子猶如

小豆告曰比丘汝見我手取此石子
如小豆耶比丘答曰見也世尊世尊
復問曰比丘於意云何我取石子猶如
小豆比雪山王何者為大比丘答曰
世尊手取石子猶如小豆比雪山王
百倍千倍百千万倍終不相及不可
數不可筭不可譬喻不可比方但雪
山王極大甚大世尊告曰比丘若我取
石子猶如小豆比雪山王百倍千倍
百千万倍終不相及不可數不可筭
不可譬喻不可比方但雪山王極大
甚大如是比丘若此人一日被三百
矛刺彼因緣此身心受惱極重憂苦
比地獄苦百倍千倍百千万倍終不
相及不可數不可筭不可譬喻不可
比方但地獄中極苦甚苦比丘云何
地獄苦衆生生地獄中既生彼已獄
卒手捉則以鐵斧洞燃俱熾斫治其
身或作八楞或為六楞或為四方或
令團圓或高或下或好或惡彼如是
考治苦痛逼迫歲數甚多乃至百千
受无量苦極重甚苦終不得死要當
至惡不善業盡是謂地獄苦比丘云

何地獄苦衆生生地獄中既生彼已
獄卒手捉則以鐵鉗洞燃俱熾斫治
其身或作八楞或為六楞或為四方或
令團圓或高或下或好或惡彼如是
考治苦痛逼迫歲數甚多乃至百千
受无量苦極重甚苦終不得死要當
至惡不善業盡是謂地獄苦比丘云
何地獄苦衆生生地獄中既生彼已
獄卒手捉則以鐵槍洞燃俱熾強令
坐上便以鐵鉗鉗開其口則以鐵丸
洞燃俱熾著其口中燒屑燒舌燒斷
燒咽燒心燒腠從身下出彼如是考
治苦痛逼迫歲數甚多乃至百千受
无量苦極重甚苦終不得死要當至
惡不善業盡是謂地獄苦比丘云何地
獄苦衆生生地獄中既生彼已獄卒
手捉則以鐵鉗洞燃俱熾令強坐上
便以鐵鉗鉗開其口則以融銅灌其
口中燒屑燒舌燒斷燒咽燒心燒腠
從身下出彼如是考治苦痛逼迫歲
數甚多乃至百千受无量苦極重甚
苦終不得死要當至惡不善業盡是
謂地獄苦比丘云何地獄苦衆生生

地獄中既生彼已獄卒手捉則以鐵地洞燃俱熾令仰向卧挖五縛治兩手兩足以鐵釘釘以一鐵釘別釘其腹彼如是考治苦痛逼迫歲數甚多乃至百千受无量苦極重甚苦終不得死要當至惡不善業盡是謂地獄苦比丘云何地獄苦衆生生地獄中既生彼已獄卒手捉則以鐵地洞燃俱熾令其伏地徙口出舌以百釘張无皺無縮如是衆生生地獄中既生彼已獄卒手捉則以鐵地洞燃俱熾令其伏地徙口出舌以百釘張无皺無縮猶如牛皮以百釘張无皺無縮如是衆生生地獄中既生彼已獄卒手捉則以鐵地洞燃俱熾令其不至百千受无量苦極重甚苦終不得死要當至惡不善業盡是謂地獄苦比丘云何地獄苦衆生生地獄中既生彼已獄卒以手捉其頭皮剥下至足從足剥皮上至其頭則以鐵車洞燃俱熾以縛著車便於鐵地洞燃俱熾牽挽往來彼如是考治苦痛逼迫歲數甚多乃至百千受无量苦極重甚苦終不得死要當至惡不善業盡

是謂地獄苦比丘云何地獄苦衆生
生地獄中既生彼已獄卒以火洞燃
俱熾使揚撲地復使手取自灌其身
彼如是考治苦痛逼迫歲數甚多乃
至百十受无量苦極重甚苦終不得
死要當至惡不善業盡是謂地獄苦比
丘云何地獄苦衆生生地獄中既生
彼已獄卒以火山洞燃俱熾令其上
下彼若下足其皮肉血即便燒盡若
舉足時其皮肉血還生如故彼如是
考治苦痛逼迫歲數甚多乃至百十
受无量苦極重甚苦終不得死要當
至惡不善業盡是謂地獄苦比丘云
何地獄苦衆生生地獄中既生彼已
獄卒手捉以大鐵釜洞燃俱熾倒舉
其身足上頭下以著釜中彼於其中或
上或下或至方維自體沫出還煮其
身猶如大豆小豆蘊豆苦豆芥子著
多水釜中下極燃火彼豆於中或上
或下或至方維自沫經煮如是衆生
生地獄中既生彼已獄卒手捉以大
鐵釜洞燃俱熾倒舉其身足上頭下
以著釜中彼於其中或上或下或至

方維自體沫出還者其身彼如是考
治苦痛逼迫歲數甚多乃至百千受
无量苦極重其苦終不得死要當至
惡不善業盡是謂地獄苦比丘云何
地獄苦彼地獄中有獄名六更樂若
衆生生彼中既生彼已若眼見色不
意不可非是意可意不潤愛非是潤
愛意不善樂非是善樂耳所聞聲鼻
所嗅香舌所嘗味身所覺觸意所知
法不意不可非是喜可意不潤愛非
是潤愛意不善樂非是善樂是謂地
獄苦比丘我為汝等无量方便說彼
地獄說地獄事然此地獄苦不可具
說但地獄唯有苦比丘若愚癡人或
時從地獄出生畜生者畜生亦甚苦
比丘云何畜生苦若衆生生畜生中
謂彼閻冥中生閻冥中長閻冥中死
彼為云何謂地生重愚癡人者以本
時貪著食味行身惡行行口意惡行
彼行身惡行行口意惡行已因此緣
此身壞命終生畜生中謂閻冥中生
閻冥中長閻冥中死是謂畜生苦比
丘云何畜生苦若衆生生畜生中謂

身中生生身中長身中死彼為云何謂
名爲重愚癡人者以本時貪著食味
行身惡行行口意惡行彼行身惡行
行口意惡行已因此緣此身壞命終
生畜生中謂身中生生身中長身中死
是謂畜生苦比丘云何畜生苦若衆
生生畜生中謂水中生水中長水中
死彼為云何謂魚摩竭魚龜鼉婆
留尼提鼻提鼻伽羅提鼻伽羅愚癡
人者以本時貪著食味行身惡行行
口意惡行彼行身惡行行口意惡行
已因此緣此身壞命終生畜生中謂
水中生水中長水中死是謂畜生苦
比丘云何畜生苦若衆生生畜生中
謂齒齒者生草樹木食彼為云何謂
象馬駱駝牛驢鹿水牛及猪愚癡人
者以本時貪著食味行身惡行行口
意惡行彼行身惡行行口意惡行已因
此緣此身壞命終生畜生中謂齒齒
生草樹木食是謂畜生苦比丘云何
畜生苦若衆生生畜生中謂彼聞人
大小便氣即走往趣彼食彼食猶如
男女聞飲食香即便往趣彼如是說

彼食彼食如是比丘若衆生生畜生

中謂彼聞人大小便氣即走往趣彼

食彼食彼為云何謂鷄猪狗豺烏狗

樓羅拘絳伽愚癡人者以本時貪著

食味行身惡行行口意惡行彼行身

惡行行口意惡行已因此緣此身壞

命終生畜生中謂食屎不淨是謂畜

生苦比丘我為汝等无量方便說彼

畜生說畜生事然此畜生苦不可具

說但畜生唯有苦比丘若愚癡人徒

畜生出還生為人極大甚難所以者

何彼畜生中不行仁義不行礼法不

行妙善彼畜生者更相食敢强者食

弱大者食小比丘猶如此地滿其中

水有一瞎龜壽命无量百千之歲彼

水上有小輕木板唯有一孔為風所

吹比丘於意云何彼瞎龜頭寧得入

此小輕木板一孔中耶比丘答曰世

尊或可得入但久久甚難世尊告曰

比丘或時瞎龜過百年已從東方来

而一舉頭彼小木板唯有一孔為東

風吹移至南方或時瞎龜過百年已

從南方来而一舉頭彼一孔板為

風吹移至西方或時暗龜過百年已從西方來而一舉頭彼一孔板為西風吹移至北方或時暗龜從北方來而一舉頭彼一孔板為北風吹隨至諸方比丘於意云何彼暗龜頭寧得入此一孔板耶比丘答曰世尊或可得入但久久甚難比丘如是彼愚癡人從畜生出還生為人亦復甚難所以者何彼畜生中不行仁義不行禮法不行妙善彼畜生者更相食取強者食弱大者食小比丘若愚癡人或時從畜生出還生為人彼若有家小姓下賤弊惡貧窮少有飲食謂得食甚難彼為云何謂獄卒家工師家巧手家陶師家如是比餘下賤家弊惡貧窮少有飲食謂得食甚難生如是家既生彼已或暗或跛或臂肘短或身偻曲或用左手惡色羊面醜陋短壽為他所使彼行身惡行行口意惡行彼行身惡行行口意惡行已因此緣此身壞命終還至惡處生地獄中猶如二人而共博戲彼有一人始取如是行便失奴婢及次第子復取已身

倒懸烟屋中彼作是念我不食不飲
然我始取如是行使失奴婢及失妻
子復取己身倒懸烟屋中比丘此行
甚少失奴婢失妻子復取己身倒懸
烟屋中比丘謂此行所可行行身惡
行行口意惡行彼行身惡行行口意
惡行已因此緣此身壞命終還至惡
處生地獄中比丘此諸行最不可愛
實不可樂非意所念比丘非為具足
說愚癡法耶比丘荅曰唯然世尊為
具足說愚癡法也世尊告曰云何智
慧法彼智慧人有三相智慧標智慧
像謂成就智慧人說智慧也云何為
三智慧人者思善思說善說作善作
是以智慧人說智慧也若智慧人不
思善思不說善說不作善作者不應
智慧人說智慧也以智慧人思善思
說善說作善作故是智慧人說智慧
也智慧人者於現法中身心則受三
種喜樂之何智慧人於現法中身心
則受三種喜樂也智慧人者或有所
行或聚會坐或在道巷或在中或
四衢頭說智慧人相應事也智慧人

者斷殺離殺不與取邪淫妄言乃至
斷邪見得正見及成就餘无量善法
若成就無量善法者他人見已便稱
譽之彼智慧人聞已便作是念若成
就無量善法他人見已稱譽者我亦
有是无量善法若他知者亦當稱譽
我是謂智慧人於現法中身心則受
第一喜樂復次彼智慧人又見王人
種種治賊謂截手截足并截手足截
耳截鼻并截耳鼻或齧齧割拔鬚拔
髮或拔鬚髮或著檻中衣裏火燒或
以沙壅草經火燒或內鐵驢腹中或
著鐵罽口中或置鐵席口中燒或安
銅釜中或著鐵釜中煮或段段截或
利叉刺或以鈎鈎或卧鐵牀以沸油
澆或坐鐵臼以鐵杵擣或毒龍搥或
以鞭鞭或以杖撻或以棒打或活貫
標頭或梟其首彼智慧人見已便作
是念若成就無量惡不善法者王知
捉已如是考治我无是无量惡不善
之法若王知者終不如是苦治於我
是謂智慧人於現法中身心則受第
二喜樂復次彼智慧人行身妙行行

口意妙行彼若時疾病或坐卧牀或坐卧槍或坐卧地或身生極苦甚重苦乃至命欲斷彼所有身妙行口意妙行彼於念時懸向在上猶如晡時日下高山影懸向在地如是彼所有身妙行口意妙行彼於念時懸向在上彼作是念此是我身妙行口意妙行懸向在上我於本時不作惡多作福若有處不作惡者不凶暴不作無理事作福作善作恐怖所歸命所依怙我至彼善處而不生悔不生悔已賢死善命終是謂智慧人於現法中心則受第三意樂復次彼智慧人行身妙行行口意妙行彼行身妙行行口意妙行已因此緣此身壞命終必昇善處上生天中既生彼已受於樂報一向可愛一向可樂而意可念若作是說一向可愛一向可樂而意可念者是說善處所以者何彼善處時有一比丘即從坐起偏袒著衣叉手向佛白曰世尊善處樂去何世尊答曰比丘善處不可盡說所謂善處

樂但善處中阿含經第五卷 第五經 清唯有樂比丘復問曰世尊

可得以喻現其義耶世尊答曰亦可
以喻現其義也猶如轉輪王成就七寶
四種人如意足比丘於意云何彼轉
輪王成就七寶四種人如意足彼因
是身心受極喜樂耶比丘答曰世尊
成就一寶一人如意足尚受極喜樂
况復轉輪王成就七寶四種人如意
足非為受極喜樂耶於是世尊手取
石子猶如小豆告曰比丘汝見我手
取此石子如小豆耶比丘答曰見也
世尊世尊復問曰比丘於意云何我
取石子猶如小豆比雪山王何者為
大比丘答曰世尊手取石子猶如小
豆比雪山王百倍千倍百千万倍終
不相及不可數不可算不可譬喻不
可比方但雪山王極大其大世尊告
曰比丘若我取石子猶如小豆比雪
山王百倍千倍百千万倍終不相及
不可數不可算不可譬喻不可比方
但雪山王極大其大如是比丘若轉
輪王成就七寶四種人如意足彼人
身心受極喜樂比諸天樂百倍千倍

百千万倍終不相及不可數不可算
不可譬喻不可比方所謂善處樂但
善處唯有樂比丘云何善處樂彼有
善處名六更樂若衆生生彼中既生
彼已若眼見色意所喜可彼是喜可
意所潤愛彼是潤愛意所善樂彼是
善樂耳所聞聲鼻所嗅香舌所嘗味
身所覺觸意所知法意所喜可彼是
喜可意所潤愛彼是潤愛意所善樂
彼是善樂是謂善處樂比丘我為汝
等无量方便說彼善處說善處事然
此善處樂不可具說但善處唯有樂
比丘若智慧人或時從善處來下生
人間若有家者極大富樂錢財無量
多諸畜牧封戶食邑米穀豐溢及若
千種諸生活具彼為云何謂剎利大
長者家梵志大長者家居士大長者
家及餘極大富樂錢財無量多諸畜
牧封戶食邑米穀豐溢及若干種諸
生活具生如是家端正可愛衆人敬
順極有名譽有大威德多人所愛多
人所念彼行身妙行行口意妙行彼
行身妙行行口意妙行已因緣此

身壞命終還至善處生於天中猶如
二人而共博戲彼有一人始求取如
是行多得錢財彼作是念我不因作
然我始取如是行多得錢財比丘此
行甚少謂多得錢財比丘謂此所行
行身妙行行口意妙行彼行身妙行
行口意妙行已因此緣此身壞命終
還至善處生於天中比丘諸行是
行寂可愛寂可樂寂可意所念比丘
非為具足說智慧人法耶比丘白曰
唯然世尊為具足說智慧人法世尊
告曰是謂愚癡人法智慧人法汝等
應當知愚癡人法智慧人法知愚癡
人法智慧人法已捨愚癡人法取智
慧人法當如是學佛說如是彼諸比
丘聞佛所說歡喜奉行

癡慧地經第八竟

五千六百三十字

中阿含經卷第五十三

五千六百三十字 第五後誦

癸卯歲高麗國大藏都監奉
勅彫造

中阿含經卷第五十四

清

東晉罽賓三藏瞿曇僧伽提婆譯

小品阿梨吒經第九

第五後誦

我聞如是一時佛遊舍衛國在勝林
給孤獨園。爾時阿梨吒比丘奉伽陀
婆梨生如是惡見。我知世尊如是說
法行欲者无障。導諸比丘聞已。往至
阿梨吒比丘所。問曰。阿梨吒。汝實如
是說。我知世尊如是說法行欲者无
障。尋耶。時阿梨吒答曰。諸賢。我實知
世尊如是說法行欲者无障。導諸比
丘。訶阿梨吒曰。汝莫作是說。莫誣
謗世尊。誣謗世尊者不善。世尊亦不
如是說。阿梨吒欲有障。尋世尊无量
方便說。欲有障。尋阿梨吒汝可速捨
此惡見也。阿梨吒比丘為諸比丘所
訶已。如此惡見。其強力執而一向說
此是真實。餘者虛妄。如是再三衆多
比丘不能令阿梨吒比丘捨此惡見。從
坐起去。往詣佛所。稽首佛足。却坐一
面白曰。世尊。阿梨吒比丘生如是惡
見。我知世尊如是說法行欲者无障。

尋世尊我等聞已往詣阿黎吒比丘
所問曰阿黎吒汝實如是說我知世
尊如是說法行欲者无障尋耶阿黎
吒比丘答我等曰諸賢我實知世尊
如是說法行欲者无障尋世尊我等
訶曰阿黎吒汝莫作是說莫誣謗世
尊誣謗世尊者不善世尊亦不如是
說阿黎吒欲有障尋世尊无量方便
說欲有障尋阿黎吒汝可速捨此惡
見我等訶已如此惡見其強力執而
一向說此是真實餘者虛妄如是無
三世尊如我等不能令阿黎吒比丘
捨此惡見從坐起去世尊聞已告一
比丘汝往阿黎吒比丘所作如是語
世尊呼汝於是一比丘受世尊教即
從坐起稽首佛足遶三匝而去至阿
黎吒比丘所即語彼曰世尊呼汝阿
黎吒比丘即詣佛所稽首佛足却坐
一面世尊問曰阿黎吒實如是說我
知世尊如是說法行欲者无障尋耶
阿黎吒答曰世尊我實知世尊如是
說法行欲者无障尋世尊訶曰阿黎
吒汝云何知我如是說法汝從何口

聞我如是說法汝愚癡人我不一向
說汝一向說耶汝愚癡人聞諸比丘
共訶汝時應如法答我今當問諸比
丘也於是世尊問諸比丘汝等亦如
是知我如是說法行欲者无障導耶
時諸比丘答曰不也世尊問曰汝等
云何知我說法諸比丘答曰我等知
世尊如是說法欲有障導世尊說欲
有障導也欲如骨鑊世尊說欲如骨
鑊也欲如肉齋世尊說欲如肉齋也
欲如把炬世尊說欲如把炬也欲如
火坑世尊說欲如火坑也欲如毒地
世尊說欲如毒地也欲如夢世尊說
欲如夢也欲如假借世尊說欲如假
借也欲如樹果世尊說欲如樹果也
我等知世尊如是說法世尊歎曰善
哉善哉諸比丘汝等知我如是說法
所以者何我亦如是說欲有障導我
說欲有障導欲如骨鑊我說欲如骨
鑊欲如肉齋我說欲如肉齋欲如把
炬我說欲如把炬欲如火坑我說欲
如火坑欲如毒地我說欲如毒地欲
如夢我說欲如夢欲如假借我說欲

如假借欲如樹果我說欲如樹果世尊歎曰善哉善哉汝等知我如是說法然此阿黎吒愚癡之人顛倒受解義及文也彼因自顛倒受解故誣謗於我為自傷害有犯有罪諸智梵行者所不憚也而得大罪汝愚癡人知有此惡不善處也於是阿黎吒比丘為世尊面呵責已內懷憂感低頭默然失辯无言如有所伺於是世尊面訶責數阿黎吒比丘已告諸比丘若我所說法盡具解義者當如是受持若我所說法不盡具解義者便當問我及諸智梵行者所以者何或有癡人顛倒受解義及文也彼因自顛倒受解故如是如是知彼法謂正經歌詠記說偈他因緣撰錄本起此說生處廣解未曾有法及說義彼諍知此義不受解脫知此義彼所為知此法不得此義但受極苦唐自疲勞所以者何彼以顛倒受解法故譬若如人欲得捉地便行求地彼求地時行野林間見極大地便前以手提其腰中地迴舉頭或整手足及餘支節彼人所為

求取捉蛇不得此義但受極苦唐自
疲勞所以者何以不善解取蛇法故
如是或有癡人顛倒受解義及文也
彼因自顛倒受解故如是如是知彼
法謂正經歌詠記說偈他因緣撰錄
本起此說生處廣解未曾有法及談
義彼諍知此義不受解脫知此義彼
所為知此法不得此義但受極苦唐
自疲勞所以者何彼以顛倒受解法
故或有族姓子不顛倒善受解義及
文彼因不顛倒善受解故如是如是
知彼法謂正經歌詠記說偈他因緣
撰錄本起此說生處廣解未曾有法
及說義彼不諍知此義唯受解脫知
此義彼所為知此法得此義不受極
苦亦不疲勞所以者何以不顛倒受
解法故譬若如人欲得捉蛇便行求
蛇彼求蛇時手執鐵杖行野林間見
極大蛇先以鐵杖押彼蛇頂手捉其
頭彼蛇雖反尾迴或纏手足及餘支
節然不能蜇彼人所為求取捉蛇而
得此義不受極苦亦不疲勞所以者
何彼以善解取蛇法故如是或有族

姓子不顛倒善受解義及文彼因不顛倒善受解故如是如是知彼法謂正經歌詠記說偈他因緣撰錄本起此說生處廣解未曾有法及說義彼不諍知此義唯受解脫知此義彼所為知此法得此義不受極苦亦不疲勞所以者何以不顛倒受解法故我為汝等長夜說筏喻法欲令棄捨不欲令受猶如山水喻法欲令棄捨不欲令受猶如山水甚深極廣長流駛疾多有所漂其中无舡亦無橋梁或有人來而於彼岸有事欲度彼求度時而作是念今此山水甚深極廣長流駛疾多有所漂其中无舡亦無橋梁而可度者我於彼岸有事欲度當以何方便令我安隱至彼岸耶復作是念我今寧可於此岸邊收聚草木縛作柁棧乘之而度彼便岸邊收聚草木縛作柁棧乘之而度安隱至彼便作是念今我此棧多有所益乘此棧已令我安隱從彼岸來度至此岸我今寧可以著右肩或頭戴去彼便以棧著右肩上或

頭戴去於意云何彼作如是竟能為
筏有所益耶時諸比丘答曰不也世
尊告曰彼人云何為筏所作能有益
耶彼人作是念今我此筏多有所益
乘此筏已令我安隱從彼岸來度至
此岸我今寧可更以此筏還著水中
或著岸邊而捨去耶彼人便以此筏
還著水中或著岸邊捨之而去於意
云何彼作如是為筏所作能有益耶
時諸比丘答曰益也世尊告曰如是
我為汝等長夜說筏喻法欲令棄捨
不欲令受若汝等知我長夜說筏喻
法者當以捨是法况非法耶

復次有六見處云何為六比丘者所
有色過去未來現在或內或外或精
或麤或妙或不妙或近或遠彼一切
非我有我非彼有亦非是神如是慧
觀知其如真所有覺所有想所有此
見非我有我非彼有我當无我當不有
彼一切非我有我非彼有亦非是神
如是慧觀知其如真所有此見若見
聞識知所得所觀意所思念從此世
至彼世從彼世至此世彼一切非我

有我非彼有亦非是神如是慧觀知其
如真所有此見此是神此是世此是
我我當後世有常不變易恒不磨滅
法彼一切非我有我非彼有亦非是
神如是慧觀知其如真於是有一比
丘從坐而起偏袒著衣叉手向佛白
曰世尊頗有因內有恐怖耶世尊答
曰有也比丘復問曰世尊云何因內
有恐怖耶世尊答曰比丘者如是具
如是說彼或昔時无設有我不得彼
如是見如是說憂感煩勞啼哭椎胸
而發狂癡比丘如是因內有恐怖也
比丘歎世尊已復問曰世尊頗有因
內无恐怖也世尊答曰有也比丘復
問曰世尊云何因內無恐怖也世尊
答曰比丘者不如是見不如是說彼
或昔时无設有我不得彼不如是見
不如是說不憂感不煩勞不啼哭不
椎胸不發狂癡比丘如是因內無恐
怖也比丘歎世尊已復問曰世尊頗
有因外有恐怖也世尊答曰有也
比丘復問曰世尊云何因外有恐怖
也世尊答曰比丘者如是見如是說

此是神此是世此是我我當後世有
 彼如是見如是說或遇如來或遇如
 來弟子聰明智慧而善言語成就智
 慧彼或如來或如來弟子滅一切自
 身故說法捨離一切漏一切我我所
 作滅憊使故說法彼或如來或如來
 弟子滅一切自身故說法捨離一切
 漏一切我我所作滅憊使故說法時
 憂感煩勞啼哭椎胸而發狂癡如是
 說我斷壞不復有所以者何彼比丘
 所謂長夜不可愛不可樂不可意念
 比丘多行彼便無感煩勞啼哭椎胸
 而發狂癡比丘如是因外無恐怖也
 比丘歎世尊已復問曰世尊頗有因
 外无恐怖耶世尊答曰有也比丘復
 問曰世尊云何因外無恐怖耶世尊
 答曰比丘者不如是見不如是說此
 是神此是世此是我我當後世有欲
 不如是見不如是說或遇如來或遇
 如來弟子聰明智慧而善言語成就
 智慧彼或如來或如來弟子滅一切
 自身故說法捨離一切漏一切我我
 所作滅憊使故說法彼或如來或如

來弟子滅一切自身故說法捨離一切漏一切我我所作滅慢使故說法時不憂感不煩勞不啼哭不推曾不發狂癡不如是說我斷壞不復有所以者何彼比丘所謂長夜可愛可樂可意念比丘多行彼便不憂感不煩勞不啼哭不推曾不發狂癡比丘如是因外無恐怖也尔時比丘歎世尊曰善哉善哉歎善哉已聞佛所說善受持誦則便默然於是世尊歎諸比丘曰善哉善哉比丘受如是所可受受已不生憂感不煩勞不啼哭不推曾不發狂癡汝等見所受所可受不生憂感不煩勞不啼哭不推曾不發狂癡耶比丘答曰不也世尊世尊歎曰善哉善哉汝等依如是見所可依見已不生憂感不煩勞不啼哭不推曾不發狂癡汝等見依如是見所可依見已不生憂感不煩勞不啼哭不推曾不發狂癡耶比丘答曰不也世尊世尊歎曰善哉善哉汝等受如是身所有身常住不變易不磨滅法汝等見受如是身所可受身已常住

不變易不磨滅法耶比丘答曰不也
世尊世尊歎曰善哉善哉所謂因神
故有我元神見無我是為神神所有
不可得不可施設及心中有見處結
著諸使亦不可得不可施設比丘非
為具足說見及見所相續猶如阿梨
吒比丘本為伽陀婆利耶比丘答曰
如是世尊為具足說見及見所相續
猶如阿梨吒比丘本為伽陀婆梨後
次有六見處云何為六比丘者所有
色過去未來現在或內或外或精或
麤或妙或不妙或近或遠彼一切非
我有我非彼有亦非是神如是慧觀
知其如真所有覺行有想所有此見
非我有我非彼有彼當無我當不有
彼一切非我有我非彼有亦非是神
如是慧觀知其如真所有此見若見
聞識知所得所觀意所思念從此世
至彼世從彼世至此世彼一切非我
有我非彼有亦非是神如是慧觀知
其如真所有此見此是神此是世此
是我我當後世有常不變易恒不磨
滅法彼一切非我有我非彼有亦非

是神如是慧觀知其如真所有比丘
此六見處不見是神亦不見神所有
彼如是不見已便不受此世不受此
世已便无恐怖因不恐怖已便得般
涅槃生已盡梵行已立所作已辦不
更受有知如真是謂比丘度漚過漚
破墪无門聖智慧鏡云何比丘度漚
耶无明漚已盡已知拔絕根本打破
不復當生如是比丘得度漚也云何
比丘過漚耶有愛已盡已知拔絕根
本打破不復當生如是比丘得過漚
也云何比丘破墪耶無窮生死已盡
已知拔絕根本打破不復當生如是
比丘得破墪也云何比丘無門耶五
下分結已盡已知拔絕根本打破不
復當生如是比丘得無門也云何比
丘聖智慧鏡我慢已盡已知拔絕根
本打破不復當生如是比丘聖智慧
鏡是謂比丘度漚過漚破墪无門聖
智慧鏡如是正解脫如来有因提羅
及天伊沙那有梵及眷屬彼来不能
得如来所依識如来是梵如来是冷
如来不煩熱如来是不異我如是說

諸沙門梵志誣謗我虛妄言不真實
沙門瞿曇御無所施設彼實有衆生
施設斷滅壞若此中無我不說彼如
來於現法中說无憂若有他人罵詈
如來搗打如來瞋恚責數者如來因
彼處不瞋恚不憎嫉終無害心若人
罵詈如來搗打瞋恚責數時如來意
云何如來作是念若我今所作本所
造者因彼致此言然罵詈如來搗打
瞋恚責數者如來作是意若有他人
恭敬如來供養礼事尊重者如來因
此不以為悅不以為歡喜心不以為
樂若他人恭敬如來供養礼事尊重
者如來意云何如來作是念若我今
所知所斷因彼致此若有他人恭敬
如來供養礼事尊重者如來作是意
於是世尊告諸比丘若有他人罵詈
汝等搗打瞋恚責數者若有恭敬供
養礼事尊重者汝等因此亦當莫瞋
恚憎嫉莫起害心亦莫歡悅歡喜亦
莫心樂所以者何我等无神無神所
有猶如今此勝林門外燥草枯木或
有他人持去火燒隨意所用於意云

何彼燥草枯木頗作是念他人持我
去火燒隨意所用耶諸比丘荅曰不
也世尊如是若有他人罵詈汝等搥
打瞋恚責數者若有恭敬供養礼事
尊重者汝因此亦當莫瞋恚憎嫉其起
害心亦莫歡悅歡喜亦莫心樂所以
者何我等无神无神所有有我法善
說發露廣布无有空缺流布宣傳乃
至天人如是我法善說發露廣布無
有空缺流布宣傳乃至天人若正智
慧解脫命終者彼不施設有无穷我
法善說發露廣布無有空缺流布宣
傳乃至天人如是我法善說發露廣
布无有空缺流布宣傳乃至天人若
有五下分結盡而命終者生於彼間
便般涅槃得不退法不還此世我法
善說發露廣布无有空缺流布宣傳
乃至天人如是我法善說發露廣布
無有空缺流布宣傳乃至天人彼三
結已盡嗔怒癡薄得一往來天上人
間一往來已便得苦邊我法善說發
露廣布无有空缺流布宣傳乃至天
人如是我法善說發露廣布無有空

缺流布宣傳乃至天人彼三結已盡
得須施洎不墮惡法定趣正覺極七
往來天上人間七往來已便得苦邊
我法善說發露廣布无有空缺流布
宣傳乃至天人如是我法善說發露
廣布无有空缺流布宣傳乃至天人
若有信樂於我而命終者皆生善處
如上有餘佛說如是彼諸比丘聞佛
所說歡喜奉行

河梨吒經第九竟

四十五百七十字

中阿含大品唎帝經第十 第五後誦

我聞如是一時佛遊舍衛國在勝林
給孤獨園今時唎帝比丘鷄和哆子
生如是惡見我知世尊如是說法今
此識往生不更異諸比丘聞已往至
唎帝比丘所問曰唎帝汝實如是說
我知世尊如是說法今此識往生不
更異耶唎帝比丘荅曰諸賢我實知
世尊如是說法今此識往生不更異
時諸比丘訶唎帝比丘曰汝莫作是
說莫誣謗世尊誣謗世尊者不善世
尊亦不如是說唎帝比丘今此識因
緣故起世尊无量方便說識因緣故

起有緣則生無緣則滅唵帝比丘汝
可速捨此惡見也唵帝比丘為諸比
丘所訶已如此惡見其強力執而一
向說此是真實餘者虛妄如是再三
衆多比丘不能令唵帝比丘捨此惡
見從坐起去往詣佛所稽首佛足却
坐一面白曰世尊唵帝比丘生如是
惡見我知世尊如是說法今此識往
生不更異世尊我等聞已往詣唵帝
比丘所問曰唵帝汝實如是說我知
世尊如是說法今此識往生不更異
也唵帝比丘答我等曰諸賢我實知
世尊如是說法今此識往生不更異
世尊我等訶曰唵帝比丘汝莫作是
說莫誣謗世尊誣謗世尊者不善世
尊亦不如是說唵帝比丘今此識因
緣故起世尊無量方便說識因緣故
起識有緣則生無緣則滅唵帝比丘
汝可速捨此惡見也我等訶已如此
惡見其強力執而一向說此是真實
餘者虛妄如是再三世尊如我等不
能令唵帝比丘捨此惡見從坐起去
世尊聞已告一比丘汝往唵帝比丘

所作如是語世尊呼汝於是一比丘
受世尊教即從坐起稽首佛足繞三
匝而去至唎帝比丘所即語彼曰世
尊呼汝唎帝比丘即詣佛所稽首佛
足却坐一面世尊問曰汝實如是說
我知世尊如是說法今此識往生不
更異也唎帝比丘答曰世尊我實知
世尊如是說法今此識往生不更異
也世尊問曰何者識耶唎帝比丘答
曰世尊謂此識說覺作教作起等起
謂彼作善惡業而受報也世尊訶曰
唎帝汝云何知我如是說法汝從何口
聞我如是說法汝愚癡人我不一向
說汝一向說耶汝愚癡人聞諸比
丘共訶汝時應如法答我今當問
諸比丘也於是世尊問諸比丘汝等
亦如是知我如是說法今此識往生
不更異耶時諸比丘答曰不也世尊
問曰汝等云何知我說法諸比丘答
曰我等知世尊如是說法識因緣故
起世尊說識因緣故起識有緣則生
無緣則滅我等知世尊如是說法世
尊歎曰善哉善哉諸比丘汝等知我

如是說法所以者何我亦如是說識
因緣故起我說識因緣故起識有緣
則生無緣則滅識隨所緣生即彼緣
說緣眼色生識生識已說眼識如是
耳鼻舌身意法生識生識已說意識
猶若如火隨所緣生即彼緣說緣木
生火說木火也緣草糞聚火說草糞
聚火如是識隨所緣生即彼緣說緣眼
色生識生識已說眼識如是耳鼻舌
身緣意法生識生識已說意識世尊
歎曰善哉善哉汝等知我如是說法
然此喑帝比丘愚癡之人顛倒受解
義及文也彼因自顛倒受解故誣謗
於我為自傷害有犯有罪諸智慧行
者所不喜也而得大罪汝愚癡人知
有此惡不善處耶於是喑帝比丘為
世尊面呵責已內懷憂感低頭默然
失辯无言如有所伺於是世尊面呵
喑帝比丘已告諸比丘我當為汝說
法究竟无煩無熱恒有不變諸智慧
觀如是諦聽諦聽善思念之時諸比
丘受教而聽佛言真說見耶比丘答
曰唯然世尊世尊告曰如來真說見

耶比丘答曰唯然世尊世尊告曰如
來滅已所有真彼亦滅法見耶比丘
答曰唯然世尊世尊告曰真說已
見耶比丘答曰唯然世尊世尊告曰
如來真說已見耶比丘答曰唯然世
尊世尊告曰如來滅已所有真彼亦
滅法已見耶比丘答曰唯然世尊世
尊告曰真說無有疑惑耶比丘答曰
不也世尊世尊告曰如來真說無有
疑惑耶比丘答曰不也世尊世尊告
曰如來滅已所有真彼亦滅法無有
疑惑耶比丘答曰不也世尊世尊告
曰真說如是慧見如真所有疑惑
彼滅耶比丘答曰唯然世尊世尊告
曰如來真說如是慧見如真所有疑
惑彼滅耶比丘答曰唯然世尊世尊
告曰如來滅已所有真彼亦滅法如
是慧見如真所有疑惑彼滅耶比丘
答曰唯然世尊世尊告曰真說已无
疑惑耶比丘答曰唯然世尊世尊告
曰如來真說已無疑惑耶比丘答曰
唯然世尊世尊告曰如來已滅所有
真彼亦滅法已无疑惑耶比丘答曰

唯然世尊世尊歎曰善哉善哉若汝等如是知如是見謂我此見如是清淨著彼惜彼守彼不欲令捨者汝等知我長夜說戠喻法知已所塞流開耶比丘答曰不也世尊世尊歎曰善哉善哉若汝等如是知如是見謂我此見如是清淨不著彼不惜彼不守彼欲令捨者汝等知我長夜說戠喻法知已所塞流開耶比丘答曰唯然世尊世尊歎曰善哉善哉若有異學來問汝等賢者汝等若有如是清淨見彼何義何為何功德汝等六何答耶比丘答曰世尊若有異學來問我賢者汝等若有如是清淨見彼何義何為何功德者我等當如是答諸賢為厭義為无欲義為見知如真義故世尊若異學來問我者我等當如是答世尊歎曰善哉善哉若異學來問汝汝等應如是答所以者何此所說觀一日搏食麤細二日更樂三日意念四曰識也此四食何因何習從何而生由何有耶彼四食者因愛習愛從愛而生由愛有也愛何因何習從

何而生由何有耶愛者因覺習覺從覺而生由覺有也覺何因何習從何而生由何有耶覺者因更樂習更樂從更樂生由更樂有也更樂何因何習從何而生由何有耶更樂者因六處習六處從六處生由六處有也六處何因何習從何而生由何有耶六處者因名色習名色從名色生由名色有也名色何因何習從何而生由何有耶名色者因識習識從識而生由識有也識何因何習從何而生由何有耶識者因行習行從行而生由行有也行何因何習從何而生由何有耶行者因无明習無明從无明生由无明有也是為緣無明有行緣行有識緣識有名色緣名色有六處緣六處有更樂緣更樂有覺緣覺有愛緣愛有受緣受有有緣有有生緣生有老死愁戚啼哭憂苦懊惱如是此等大苦陰生緣生有老死此說緣生有老死於汝等意云何比丘答曰世尊緣生有老死我等意如是所以者何緣生有老死也緣有有生此說

緣有有有生於汝等意云何比丘答曰
世尊緣有有生我等意如是所以首
何緣有有生耶緣受有有由此說緣受
有有於汝等意云何比丘答曰世尊
緣受有有我等意如是所以者何緣
受有有也緣愛有受由此說緣愛有受
於汝等意云何比丘答曰世尊緣愛
有受我等意如是所以者何緣愛有
受也緣覺有愛由此說緣覺有愛於汝
等意云何比丘答曰世尊緣覺有愛
我等意如是所以者何緣覺有愛也
緣更樂有覺此說緣更樂有覺於汝
等意云何比丘答曰世尊緣更樂有
覺我等意如是所以者何緣更樂有
覺也緣六處有更樂由此說緣六處有
更樂於汝等意云何比丘答曰世尊
緣六處有更樂我等意如是所以者
何緣六處有更樂也緣名色有六處
此說緣名色有六處於汝等意云何
比丘答曰世尊緣名色有六處我等
意如是所以者何緣名色有六處也
緣識有名色由此說緣識有名色於汝
等意云何比丘答曰世尊緣識有名

色我等意如是所以者何緣識有名色也緣行有識此說緣行有識於汝等意云何比丘答曰世尊緣行有識我等意如是所以者何緣行有識也緣无明有行此說緣无明有行於汝等意云何比丘答曰世尊緣无明有行我等意如是所以者何緣无明有行也是為緣无明有行緣行有識緣識有名色緣名色有六處緣六處有更樂緣更樂緣更樂有覺緣覺有愛緣愛有受緣受有有緣有有緣有有生緣生有老死愁感啼哭憂苦懊惱可得生如是此淳大苦陰生世尊歎曰善哉善哉比丘汝等如是說所以者何我亦如是說緣无明有行緣行有識緣識有名色緣名色有六處緣六處有更樂緣更樂有覺緣覺有愛緣愛有受緣受有有緣有有生緣生有老死愁感啼哭憂苦懊惱可得生如是此淳大苦陰生生滅則老死滅此說生滅則老死滅於汝等意云何比丘答曰世尊生滅則老死滅我等意如是所以者何生滅則老死滅也有滅則生滅此說

有滅則生滅於汝等意云何比丘答
曰世尊有滅則生滅我等意如是所
以者何有滅則生滅也受滅則有滅
也此說受滅則有滅於汝等意云何
比丘答曰世尊受滅則有滅我等意
如是所以者何受滅則有滅也受滅
則受滅此說受滅則受滅於汝等意
云何比丘答曰世尊受滅則受滅我
等意如是所以者何受滅則受滅也
覺滅則受滅此說覺滅則受滅於汝
等意云何比丘答曰世尊覺滅則受
滅我等意如是所以者何覺滅則受
滅也更樂滅則覺滅此說更樂滅則
覺滅於汝等意云何比丘答曰世尊
更樂滅則覺滅我等意如是所以者
何更樂滅則覺滅也六處滅則更樂
滅此說六處滅則更樂滅於汝等意
云何比丘答曰世尊六處滅則更樂
滅我等意如是所以者何六處滅則
更樂滅也名色滅則六處滅此說名色
滅則六處滅於汝等意云何比丘答
曰世尊名色滅則六處滅我等意如
是所以者何名色滅則六處滅也識

滅則名色滅此說識滅則名色滅於
汝等意云何比丘答曰世尊識滅則
名色滅我等意如是所以者何識滅
則名色滅也行滅則識滅此說行滅
則識滅於汝等意云何比丘答曰世
尊行滅則識滅我等意如是所以者
何行滅則識滅也無明滅則行滅此
說無明滅則行滅於汝等意云何比
丘答曰世尊无明滅則行滅我等意
如是所以者何無明滅則行滅也是
為无明滅則行滅行滅則識滅識滅
則名色滅名色滅則六處滅六處滅
則更樂滅更樂滅則覺滅覺滅則愛
滅愛滅則受滅受滅則有滅有滅則
生滅生滅則老死滅愁感啼哭憂苦
懊惱可得滅如是此淳大苦陰滅世
尊歎曰善哉善哉比丘汝等如是說
所以者何我亦如是說无明滅則行
滅行滅則識滅識滅則名色滅名色
滅則六處滅六處滅則更樂滅更樂
滅則覺滅覺滅則愛滅愛滅則受滅
受滅則有滅有滅則生滅生滅則老
死滅愁感啼哭憂苦懊惱可得滅如

是此薄大苦陰滅世尊歎曰善哉善哉若汝等如是知如是見汝等頗於過去作是念我過去時有我過去時无云何過去時有何由過去時有耶比丘答曰不也世尊世尊歎曰善哉善哉若汝等如是知如是見汝等頗於未來作是念我未來當有我未來當无云何未來有何由未來有耶比丘答曰不也世尊世尊歎曰善哉善哉若汝等如是知如是見汝等頗於內有疑惑此云何此何等此衆生從何所來趣至何處何因已有何因當有耶比丘答曰不也世尊世尊歎曰善哉善哉若汝等如是知如是見汝等頗故殺父母害弟子阿羅訶破壞聖衆惡意向佛出如來血耶比丘答曰不也世尊世尊歎曰善哉善哉若汝等如是知如是見汝等頗故犯戒尊歎曰善哉善哉若汝等如是知如是見汝等頗捨此更求外尊求福四耶比丘答曰不也世尊世尊歎曰善哉善哉若汝等如是知如是見汝等

頗作沙門梵志如是說諸尊可知則
知可見則見耶比丘答曰不也世尊
世尊歎曰善哉善哉若汝等如是知
如是見汝等頗吉祥為清淨耶比丘
答曰不也世尊世尊歎曰善哉善哉
若汝等如是知如是見汝等頗為諸
沙門梵志吉祥相應諸見雜苦雜之
雜煩熱雜懊惱彼是真實耶比丘答
曰不也世尊世尊歎曰善哉善哉若
汝等如是知如是見汝等頗身生疥
患生甚重苦乃至命欲斷捨此更求
外頗有彼沙門梵志持一句呪二句
三句四句多句百句持此呪令脫我苦
是謂求苦習苦得苦盡耶比丘答曰
不也世尊世尊歎曰善哉善哉若汝
等如是知如是見汝等頗受八有耶
比丘答曰不也世尊世尊歎曰善哉
善哉若汝等如是知如是見汝等頗
如是說我等恭敬沙門敬重沙門沙
門瞿曇是我尊師耶比丘答曰不也
世尊世尊歎曰善哉善哉若汝等自
知自見自覺得取正覺汝等隨所問
答耶比丘答曰如是世尊世尊歎曰

善哉善哉我正御汝等於畢竟元
煩無熱恒不變易法正智所知正智
所見正智所覺因此故我向者說我
為汝說法畢竟不煩熱恒不變易
法正智所知正智所見正智所覺復
次三事合會入於母胎父母聚集一
處母滿精堪耐香陰已至此三事合
會入於母胎母胎或持九月十月便
生生已以血長養血者於聖法中謂
是母乳也彼於後時諸根轉大根轉
成就食麤飯麤蘇油塗身彼眼見色
樂著好色憎惡惡色不立身念少心
心解脫慧解脫不知如真所生惡不
善法不滅盡無餘不敗壞無餘如是
耳鼻舌身意知法樂著好法憎惡惡
法不立身念少心心解脫慧解脫不
知如真所生惡不善法不滅盡無餘
不敗壞無餘彼如是隨憎不憎所受
覺或樂或苦或不苦不樂彼樂彼覺
求著受彼覺彼樂彼覺求著受彼覺
已若樂覺者是為受彼緣受有有緣
有有緣生有有老死愁感啼哭憂苦
懊惱可得生如是此淳大苦陰生比

丘非為具足愛所繫相續如喙帝比丘
鷄和哆子耶比丘荅曰如是世尊
具足愛所繫相續如喙帝比丘鷄和
哆子也若時如來出世无所著等正
覺明行成為善逝世間解无上士道
法御天人師号佛眾祐彼眼見色於
好色而不樂著於惡色而不憎惡立
身念无量心心解脫慧解脫知如真
所生惡不善法滅盡无餘敗壞無餘
如是耳鼻舌身意知法不著好法不
惡惡法立身念无量心心解脫慧解
脫知如真所生惡不善法滅盡无餘
敗壞無餘彼如是滅憎不憎所受覺
或樂或苦或不苦不樂彼不樂彼覺
不求不著不受覺彼不樂彼覺不求
不著不受覺已若樂覺者彼便滅樂
滅則受滅受滅則有滅有滅則生滅
生滅則老死滅愁感啼哭憂苦懊惱
可得滅如是此淳大苦陰滅比丘非
為具足愛盡解脫耶比丘荅曰如是
世尊具足愛盡解脫也說是法時此
三千大千世界三反震動動盡動戰
盡戰震盡震是故此經稱愛盡解

中阿含經卷第五十四 第三十張 有 七

脫佛說如是彼諸比丘聞佛所說歡
喜奉行

唵帝經第十竟 四十六百九十一字

中阿含經卷第五十四 九千三百六十一字

中阿含大品第二竟 五十九千九百一十二字 第五復訖

癸卯歲高麗國大藏都監奉
勅彫造

中阿含經卷第五十五

注

東晉劉宋藏瞿曇僧伽提婆譯

中阿含經瞿曇利多有十經

第五後誦

持齋瞿曇利多羅摩五下分心藏箭毛二
隨摩那修學法樂比丘尼拘絺羅在後
中阿含經瞿曇利多品持齋經第一

我聞如是一時佛遊舍衛國在於東
園鹿子母堂尔時鹿子母毗舍佉平
旦沐浴著白淨衣將子婦等眷屬圍
繞往詣佛所稽首作礼却住一面世
尊問曰居士婦今沐浴耶答曰世尊
我今持齋善逝我今持齋世尊問
曰居士婦今持何等齋耶齋有三種
云何為三一者放牛兒齋二者尼犍
齋三者聖八支齋居士婦云何名為
放牛兒齋若放牛兒朝放澤中晡收
還村彼還村時作如是念我今日在
此處放牛明日當在彼處放牛我今
日在此處飲牛明日當在彼處飲牛
我牛今在此處宿止明日當在彼處
宿止居士婦如是有人若持齋時作
是思惟我今日食如此之食明日當

食如彼食也我今日飲如斯之飲明日當飲如彼飲也我今舍消如斯舍消明日舍消如彼舍消其人於此晝夜樂著欲過是謂名曰放牛兒齋若如是持齋放牛兒齋者不獲大利不得大果无大功德不得廣布居士婦云何名為尼捷齋耶若有出家學尼捷者彼勸人曰汝於東方過百由延外有衆生者擁護彼故棄捨刀杖如是南方西方北方過百由延外有衆生者擁護彼故棄捨刀杖是為彼勸進人或無想護衆生或無想不護衆生汝當十五日說從解脫時脫衣裸形東向住立作如是說我无父母非父母有我无妻子非妻子有我無奴婢非奴婢生居士婦彼欲勸進於真諦語而反勸進虛妄之言彼人日日見其父母便作此念是我父母父母日日見其兒子亦作此念是我兒子彼見妻子而作此念是我妻子妻子見彼亦作此念是我尊長彼見奴婢復作此念是我奴婢奴婢見彼亦作此念是我大家彼用此欲不興而用

非是與用是謂名曰尼捷齋也若如是持尼捷齋者不獲大利不得大果无大功徳不得廣布居士婦女何名為聖八支齋多聞聖弟子若持齋時作是思惟阿羅訶真人盡形壽離殺斷殺棄捨刀杖有慙有愧有慈悲心饒益一切乃至鯢虫彼於殺生淨除其心我亦盡形壽離殺斷殺棄捨刀杖有慙有愧有慈悲心饒益一切乃至鯢虫我今於殺生淨除其心我以此支於阿羅訶等同无異是故說齋復次居士婦女多聞聖弟子若持齋時作是思惟阿羅訶真人盡形壽離不與取斷不與取與而後取樂於與取常好布施心樂放捨歡喜无恡不望其報不以盜覆心能自制已彼於不與取淨除其心我亦盡形壽離不與取斷不與取與而後取樂於與取常好布施心樂放捨歡喜无恡不望其報不以盜覆心能自制已我於不與取淨除其心我以此支於阿羅訶等同无異是故說齋復次居士婦女多聞聖弟子若持齋時作是思惟阿羅訶

真人盡形壽離非梵行斷非梵行修行梵行至誠心淨行无臭穢離欲斷婬彼於非梵行淨除其心我於此日此夜離非梵行斷非梵行修行梵行至誠心淨行无臭穢離欲斷婬我於非梵行淨除其心我以此支於阿羅訶等同无異是故說齋復次居士婦多聞聖弟子若持齋時作是思惟阿羅訶真人盡形壽離妄言斷妄言真諦言樂真諦住真諦為人所信不欺世間彼於妄言淨除其心我亦盡形壽離妄言斷妄言真諦言樂真諦住真諦為人所信不欺世間我於妄言淨除其心我以此支於阿羅訶等同无異是故說齋復次居士婦多聞聖弟子若持齋時作是思惟阿羅訶真人盡形壽離酒放逸斷酒放逸彼於酒放逸淨除其心我亦盡形壽離酒放逸斷酒放逸我於酒放逸淨除其心我以此支於阿羅訶等同无異是故說齋復次居士婦多聞聖弟子若持齋時作是思惟阿羅訶真人盡形壽離高廣大牀斷高廣大牀樂下坐卧

或牀或敷草彼於高廣大牀淨除其
心我於此日此夜離高廣大牀斷高
廣大牀樂下坐卧或牀或敷草我於
高廣大牀淨除其心我以此支於阿
羅訶等同无異是故說齋復次居士
婦多聞聖弟子若持齋時作是思惟
阿羅訶真人盡形壽離華鬘瓔珞塗
香脂粉歌舞倡伎及往觀聽斷華鬘
瓔珞塗香脂粉歌舞倡伎及往觀聽
離華鬘瓔珞塗香脂粉歌舞倡伎及
往觀聽斷華鬘瓔珞塗香脂粉歌舞
倡伎及往觀聽我於華鬘瓔珞塗香
脂粉歌舞倡伎及往觀聽淨除其心
我以此支於阿羅訶等同无異是故
說齋復次居士婦多聞聖弟子若持
齋時作是思惟阿羅訶真人盡形壽
離非時食斷非時食一食不夜食樂
於時食彼於非時食淨除其心我於
此日此夜離非時食斷非時食一食
不夜食樂於時食我於非時食淨除
其心我以此支於阿羅訶等同无異

是故說齋彼住此聖八支齋已於上
當復修習五法云何為五居士婦多
聞聖弟子若持齋時憶念如來彼世
尊如來之所著等正覺明行成為善
逝世間解無上士道法御天人師号
佛衆祐彼作如是憶念如來已若有
惡伺彼便得滅所有穢汙惡不善法
彼亦得滅居士婦多聞聖弟子緣如
來故心靖得喜若有惡伺彼便得滅
所有穢汙惡不善法彼亦得滅譬若
如人頭有垢膩因膏澤燂湯人力洗
沐故彼便得淨如是多聞聖弟子若
持齋時憶念如來彼世尊如來无所
著等正覺明行成為善逝世間解无
上士道法御天人師号佛衆祐彼作
如是憶念如來已若有惡伺彼便得
滅所有穢汙惡不善法彼亦得滅居
士婦多聞聖弟子緣如來故心靖得
喜若有惡伺彼便得滅所有穢汙惡
不善法彼亦得滅是謂多聞聖弟子
持梵齋梵共會因梵故心靖得喜若
有惡伺彼便得滅所有穢汙惡不善
法彼亦得滅復次居士婦多聞聖弟

子若持齋時憶念於法此法世尊善
說究竟恒不變易正智所知正智所
見正智所覺彼作如是憶念法已若
有惡伺彼便得滅所有穢汙惡不善
法彼亦得滅居士婦多聞聖弟子緣
於法故心靖得喜若有惡伺彼便得
滅所有穢汙惡不善法彼亦得滅猶
人身有垢膩不淨因麤澡豆燖湯人力
極洗浴故身便得淨如是多聞聖弟
子若持齋時憶念於法此法世尊善
說究竟恒不變易正智所知正智所
見正智所覺彼作如是憶念法已若
有惡伺彼便得滅所有穢汙惡不善
法彼亦得滅居士婦多聞聖弟子緣
於法故心靖得喜若有惡伺彼便得
滅所有穢汙惡不善法彼亦得滅居
士婦是謂多聞聖弟子持法齋法共
會因法故心靖得喜若有惡伺彼便
得滅所有穢汙惡不善法彼亦得滅
復次居士婦多聞聖弟子若持齋時
憶念於衆世尊弟子衆善趣向質直
行要行趣如來衆中實有阿羅訶真
人趣阿羅訶果證阿那含趣阿那含

果證斯陀舍趣斯陀舍果證須陀洹
趣須陀洹果證是為四雙八輩聖
士是謂世尊弟子眾成就戒定慧解
脫解脫見智可呼可請可供養可奉
事可敬重則為天人良福之田彼作
如是憶念眾已若有惡伺彼便得滅
所有穢汙惡不善法彼亦得滅居士
婦多聞聖弟子緣於眾故心靖得喜
若有惡伺彼便得滅所有穢汙惡不
善法彼亦得滅猶如人衣有垢膩不
淨因灰皂焚澡豆湯水人力浣故彼
便得淨如是多聞聖弟子若持齋時
憶念於眾世尊弟子眾善趣向質直
行要行趣如來眾中實有阿羅訶真
人趣阿羅訶果證阿那含趣阿那含
果證斯陀舍趣斯陀舍果證須陀洹
趣須陀洹果證是為四雙八輩聖
士是謂世尊弟子眾成就戒定慧解
脫解脫見智可呼可請可供養可奉
事可敬重則為天人良福之田彼作
如是憶念眾已若有惡伺彼便得滅
所有穢汙惡不善法彼亦得滅居士
婦多聞聖弟子緣於眾故心靖得喜

若有惡伺彼便得滅所有穢汙惡不善法彼亦得滅是謂多聞聖弟子持衆齋衆共會因衆故心靖得喜若有惡伺彼便得滅所有穢汙惡不善法彼亦得滅居士婦多聞聖弟子若持齋時憶念自戒不缺不穿无穢无汙極廣極大不望其報智者稱譽善具善趣善受善持彼作如是憶念自戒已若有惡伺彼便得滅所有穢汙惡不善法彼亦得滅居士婦多聞聖弟子緣於戒故心靖得喜若有惡伺彼便得滅所有穢汙惡不善法彼亦得滅居士婦多聞聖弟子緣於戒故心靖得喜若有惡伺彼便得滅所有穢汙惡不善法彼亦得滅居士婦多聞聖弟子持衆齋或共會因戒故心靖得喜若有

惡伺彼便得滅所有穢汙惡不善法
彼亦得滅復次居士婦多聞聖弟子
若持齋時憶念諸天實有四王天彼
天若成就信於此命終得生彼聞我
亦有彼信彼天若成就戒聞施慧於
此命終得生彼聞我亦有彼慧實有
三十三天焰摩天梵率哆天化樂天
他化樂天彼天若成就信於此命終
得生彼聞我亦有彼信彼天若成就
戒聞施慧於此命終得生彼聞我亦
有彼慧彼作如是憶念已及諸天信
戒聞施慧若有惡伺彼便得滅所有
穢汙惡不善法彼亦得滅居士婦多
聞聖弟子緣諸天故心靖得喜若有
惡伺彼便得滅所有穢汙惡不善法
彼亦得滅猶如上色金生垢不淨因
火排鉛推赤土人力磨拭瑩治便得
明淨如是多聞聖弟子若持齋時
憶念諸天實有四王天彼天若成就
信於此命終得生彼聞我亦有彼信
彼天若成就戒聞施慧於此命終得
生彼聞我亦有彼慧實有三十三天
焰摩天梵率多天化樂天他化樂天

彼天若成就信於此命終得生彼間
我亦有彼信彼天若成就或聞施慧
於此命終得生彼間我亦有彼慧彼
作如是憶念已及諸天信或聞施慧
若有惡伺彼便得滅所有穢汙惡不
善法彼亦得滅居士婦若行如是聖
八支齋若有十六大國謂一者鴛迦
二者摩竭陀三者迦尸四者拘薩羅
五者拘樓六者般闍羅七者阿耨貝
八者阿和檀提九者枝提十者跋耆
十一者跋蹉十二跋羅十三蘇摩十
四蘇羅吒十五喻尼十六劍浮此諸
國中所有錢寶金銀摩尼真珠琉璃
瓊伽碧玉珊瑚留邵鞞留鞞勒馬瑤
螭蜃赤石旋珠設使有人於中作王
隨用自在者彼一切比丘持聖八支
齋不直十六分居士婦我因此故說
人王者不如天樂若人五十歲是四
王天一晝一夜如是三十晝夜為一
月十二月為一歲如此五百歲是四
王天壽居士婦必有是處若族姓男
族姓女持聖八支齋身壞命終生四
天王中居士婦我因此故說人王者

不如天樂若人百歲是三十三天一
晝一夜如是三十晝夜為一月十二
月為一歲如此千歲是三十三天壽
居士婦必有是處若族姓男族姓女
持聖八支齋身壞命終生三十三天
中居士婦我因此故說人王者不如
天樂若人二百歲是焰摩天一晝一
夜如是三十晝夜為一月十二月為
一歲如此二千歲是焰摩天壽居士
婦必有是處若族姓男族姓女持聖
八支齋身壞命終生焰摩天中居士
婦我因此故說人王者不如天樂若
人四百歲是梵率陀天一晝一夜如
是三十晝夜為一月十二月為一歲
如此四千歲是梵率陀天壽居士婦
必有是處若族姓男族姓女持聖八
支齋身壞命終生梵率陀天中居士
婦我因此故說人王者不如天樂若
人八百歲是化樂天一晝一夜如是
三十晝夜為一月十二月為一歲如
此八千歲是化樂天壽居士婦必有
是處若族姓男族姓女持聖八支齋
身壞命終生化樂天中居士婦我因

此故說人王者不如天樂若人千六
百歲是他化樂天一晝一夜如是三
十晝夜為一月十二月為一歲如此
万六千歲是他化樂天壽居士婦必
有是處若族姓男族姓女持聖八支
齋身壞命終生他化樂天中於是鹿
子母毗舍佉叉手向佛白曰世尊聖
八支齋甚奇甚特大利大果有大功德
有大廣布世尊我從今始自盡形壽
持聖八支齋隨其事力布施修福於
是鹿子母聞佛所說善持稽首稽首
佛足繞三匝而去佛說如是鹿子母
毗舍佉及諸比丘聞佛所說歡喜
奉行

持齋經第一竟

四千四十九字

中阿含經補利多品補利多經第二第五後誦
我聞如是一時佛遊那難大在波和
利憍園之中今時補利多居士著白
淨衣白巾裹頭拄杖執蓋著世俗屣
從園至園從觀至觀從林至林遍遊
從行彷彿若見諸沙門梵志者便作
是說諸賢當知我離俗斷俗捨諸俗
事彼諸沙門梵志以濡軟柔和語曰

唯然賢瞿利多離俗斷俗捨諸俗事
於是瞿利多居士遍遊行徬徬往詣
佛所共相問評當在佛前拄杖而立
世尊告曰居士有座欲坐便坐瞿利
多居士白曰瞿曇此事不然此事不
可所以者何我離俗斷俗捨諸俗事
而沙門瞿曇喚我為居士耶世尊答
曰汝有相標幟如居士是故我喚汝
居士有座欲坐便坐世尊如是復至
再三告曰居士有座欲坐便坐瞿利
多居士亦至再三白曰瞿曇此事不
然此事不可我離俗斷俗捨諸俗事
而沙門瞿曇喚我為居士耶世尊答
曰汝有相標幟如居士是故我喚汝
居士有座欲坐便坐世尊問曰汝云
何離俗斷俗捨諸俗事耶瞿利多居
士答曰瞿曇我家一切所有財物盡
持施兒我無為无求遊唯往取食存
命而已如是我離俗斷俗捨諸俗事
世尊告曰居士聖法律中不如是斷
絕俗事居士聖法律中有八支斷俗
事也於是瞿利多居士捨杖却蓋及
脫俗屣叉手向佛白曰瞿曇聖法律

中云何八支斷俗事耶世尊答曰居士多聞聖弟子依離殺斷殺依離不與取斷不與取依離邪淫斷邪淫依離妄言斷妄言依无貪著斷貪著依无害恚斷害恚依無憎嫉惱斷憎嫉惱依无增上慢斷增上慢居士多聞聖弟子云何依離殺斷殺耶多聞聖弟子作是思惟殺者必受惡報現世及後世若我殺者便當自害亦誣謗他天及諸智梵行者道說我戒諸方志當聞我惡名身壞命終必至惡處生地獄中如是殺者受此惡報現世及後世我今寧可依離殺斷殺耶便依離殺斷殺如是多聞聖弟子依離殺斷殺也居士多聞聖弟子云何依離不與取斷不與取耶多聞聖弟子作是思惟不與取者必受惡報現世及後世若我不與取者便當自害亦誣謗他天及諸智梵行者道說我戒諸方志當聞我惡名身壞命終必至惡處生地獄中如是不與取者受此惡報現世及後世我今寧可依離不與取斷不與取耶便依離不與取斷不

與取如是多聞聖弟子依離不與取
斷不與取也居士多聞聖弟子云何
依離邪婬斷邪婬多聞聖弟子作是
思惟邪婬者必受惡報現世及後世
若我邪婬者便當自害亦誣謗他天
及諸智梵行者道說我或諸方志當
聞我惡名身壞命終必至惡處生地
獄中如是邪婬者受此惡報現世及
後世我今寧可依離邪婬斷邪婬耶
便依離邪婬斷邪婬如是多聞聖弟
子依離邪婬斷邪婬也居士多聞聖
弟子云何依離妄言斷妄言耶多聞
聖弟子作是思惟妄言者必受惡報
現世及後世若我妄言者便當自害
亦誣謗他天及諸智梵行者道說我
或諸方志當聞我惡名身壞命終必
至惡處生地獄中如是妄言者受此
惡報現世及後世我今寧可依離妄
言斷妄言耶便依離妄言斷妄言如
是多聞聖弟子依離妄言斷妄言也
居士多聞聖弟子云何依无貪著斷
貪著耶多聞聖弟子作是思惟貪著
者必受惡報現世及後世若我貪著

者便當自言亦誣謗他天及諸智梵行者道說我戒諸方志當聞我惡名身壞命終必至惡處生地獄中如是貪著者受此惡報現世及後世我今寧可依無貪著斷貪著耶便依无貪著斷貪著如是多聞聖弟子依无貪著斷貪著也居士多聞聖弟子云何是思惟害患者必受惡報現世及後世若我言患者便當自言亦誣謗他天及諸智梵行者道說我戒諸方志當聞我惡名身壞命終必至惡處生地獄中如是害患者受此惡報現世及後世我今寧可依无害患者斷害患者如是多聞聖弟子依无害患者斷害患者也居士多聞聖弟子云何依无憎嫉惱斷憎嫉惱耶多聞聖弟子作是思惟憎嫉惱者必受惡報現世及後世若我憎嫉惱者便當自言亦誣謗他天及諸智梵行者道說我戒諸方志當聞我惡名身壞命終必至惡處生地獄中如是憎嫉惱者受此惡報現世及後世我今

寧可依无憎嫉惱斷憎嫉惱耶便依
無憎嫉惱斷憎嫉惱如是多聞聖弟
子依无憎嫉惱斷憎嫉惱也居士多
聞聖弟子云何依无增上慢斷增上慢
耶多聞聖弟子作是思惟增上慢者必
受惡報現世及後世若我增上慢者便
當自言亦誣謗他天及諸智梵行者
道說我戒諸方急當聞我惡名身壞
命終必至惡處生地獄中如是增上
慢者受此惡報現世及後世我今寧
可依无增上慢斷增上慢耶便依無
增上慢斷增上慢如是多聞聖弟子
依无增上慢斷增上慢也是謂聖法
律中有八支斷絕俗事居士問曰瞿
曇聖法律中但是斷俗事復更有耶
世尊答曰聖法律中不但有是斷絕
俗事更有八支斷絕俗事得作證也
瞿曇利多居士聞已便脫白巾叉手向
佛白曰瞿曇聖法律中云何更有八
支斷絕俗事得作證耶世尊答曰居
士猶如有狗飢餓羸乏至屠牛處彼
屠牛師屠牛弟子淨摘除肉擲骨與
狗狗得骨已處處咬齧破屑齧齒或
傷咽喉然狗不得以此除飢居士多聞

聖弟子亦復作是思惟欲如骨鏹世尊說欲如骨鏹樂少苦多多有災忘當遠離之若有此捨離欲離惡不善之法謂此一切世間飲食永盡无餘當修習彼居士猶去村不遠有小肉瘠墮在露地或爲鷄持彼肉去餘爲鷄鳥覓而逐之於居士意云何若此爲鷄不遠捨此小肉瘠者致餘爲鷄覓而逐耶居士答曰唯然瞿曇於居士意云何若此爲鷄能遠捨此小肉瘠者餘爲鷄鳥當復覓逐耶居士答曰不也瞿曇居士多聞聖弟子亦復作是思惟欲如肉瘠世尊說欲如肉瘠樂少苦多多有災忘當遠離之若有此捨離欲離惡不善之法謂此一切世間飲食永盡无餘當修習彼居士猶如有人手把火炬向風而行於居士意云何若使此人速捨火炬燒其手餘支體耶居士答曰唯然瞿曇於居士意云何若使此人速捨火炬者當燒其手餘支體耶居士答曰不也瞿曇居士多聞聖弟子亦復作是思惟欲如火炬世尊說欲如火炬樂少

苦多多有災患當遠離之若有此捨
離欲離惡不善之法謂此一切世間
飲食永盡無餘當修習彼居士猶去
村不遠有大火坑滿其中火而无烟
燄若有人來不愚不癡亦不顛倒自
住本心自由自在用樂不用苦甚憎
惡苦用活不用死甚憎惡死於居士
意云何此人寧當入火坑耶居士答
曰不也瞿曇所以者何彼見火坑便作
是思惟若墮火坑必死無疑設不死
者定受極苦彼見火坑便思遠離願
求捨離居士多聞聖弟子亦復作是
思惟欲如火坑世尊說欲如火坑樂
少苦多多有災患當遠離之若有此
捨離欲離惡不善之法謂此一切世
間飲食永盡無餘當修習彼居士猶
去村不遠有大毒地至惡苦毒黑色
可畏若有人來不愚不癡亦不顛倒
自住本心自由自在用樂不用苦甚
憎惡苦用活不用死甚憎惡死於居
士意云何此人寧當以手投與及餘
支體作如是說挫我挫我耶居士答
曰不也瞿曇所以者何彼見毒地便

作是思惟若我以手及餘支體使地
擡者必死无疑設不死者定受極苦
彼見毒地便思遠離願求捨離居士
多聞聖弟子亦復作是思惟欲如毒
地世尊說欲如毒地樂少苦多多有
災患當遠離之若有此捨離欲離惡
不善之法謂此一切世間飲食永盡
无餘當修習彼居士猶如有人夢得
具足五欲自娛彼若悟已都不見一
居士多聞聖弟子亦復作是思惟欲
如夢也世尊說欲如夢也樂少苦多
多有災患當遠離之若有此捨離欲
離惡不善之法謂此一切世間飲食永
盡无餘當修習彼居士猶如有人假
借樂具或宮殿樓閣或園觀浴池或
象馬車乘或綵綿被或指環臂釧或
香瓔珞頸紺或金寶華鬘或名衣上
服多人見已而共歎曰如是為善如
是為快若有財物應作如是極自娛
樂其物主者隨所欲奪或教人奪即
便自奪或教人奪多人見已而共說
曰彼假借者實為欺誑非是假借所
以者何其物主者隨所欲奪或教人

奪即便自奪或教人奪居士多聞聖弟子亦復作是思惟欲如假借世尊說欲如假借樂少苦多多有災患當遠離之若有此捨離欲離惡不善之法謂此一切世間飲食水盡无餘當修習彼居士猶去村不遠有大果樹此樹常多有好美果若有人來飢餓羸乏欲得食果彼作是念此樹常多有好多美果我飢羸乏欲得食果然此樹下无自落果可得飽食及持歸去我能緣樹我今寧可上此樹耶念已便上復有一人來飢餓羸乏欲得食果持極利斧彼作是念此樹常多有好多美果然此樹下无自落果可得飽食及持歸去我不能緣樹我今寧可斫倒此樹耶即便斫倒於居士意云何若樹上人速來下者樹倒地時寧折其臂餘支體耶居士答曰唯然必折其臂餘支體耶居士答曰唯然瞿曇於居士意云何若樹上人速來下者樹倒地時寧折其臂餘支體耶居士答曰不也瞿曇居士多聞聖弟子亦復作是思惟欲如樹果世尊說欲如樹果樂少苦多多有災患當遠

離之若有此捨離欲離惡不善之法
謂此一切世間飲食永盡無餘當修
習彼是謂聖法律中更有此八支斷
絕俗事而得作證居士彼有覺有觀
息內靖一心無覺無觀定生喜樂得
第二禪成就遊彼已離喜欲捨无求
遊正念正智而身覺樂謂聖所說聖
所捨念樂住室得第三禪成就遊彼
樂滅苦滅喜憂本已滅不苦不樂捨
念清淨得第四禪成就遊彼已如是
定心清淨无穢無煩柔軟善住得不
動心修學漏盡智通作證彼知此苦
如真知此苦習知此苦滅知此苦滅
道如真知此漏如真知此漏習知此
漏滅知此漏滅道如真彼如是知如
是見欲漏心解脫有漏无明漏心解
脫解脫已便知解脫生已盡梵行
已立所作已辦不更受有知如真說
此法時瞋利多居士遠塵離垢諸法
法眼生於是瞋利多居士見法得法覺
白淨法斷疑度惑更无餘尊不復由
他无有猶豫已住果證於世尊法得
无所畏猶首佛足白曰世尊我今自

歸於佛法及比丘衆唯願世尊受我
為優婆塞從今日始終身自歸乃至
命盡世尊我本著白淨衣白巾裹頭
拄杖執蓋及著俗屣從園至園從觀
至觀從林至林遍遊行徬徨若見諸
沙門梵志者便作是語諸賢我離俗
斷俗捨諸俗事世尊我於今時彼實无
柔和語我言唯然賢哺利多離俗斷
俗捨諸俗事世尊我於今時彼實无
智安著智處實无智祠又无智食實
无智奉事如智慧人世尊我從今日
諸比丘衆及世尊弟子此實有智安
著智慧處實有智祠又有智食實有
智奉事智慧人也世尊我今每自歸
佛法及比丘衆唯願世尊受我為優
婆塞從今日始終身自歸乃至命盡
世尊我本所信敬重外道沙門梵志
者從今日斷世尊我從今三自歸佛
法及比丘衆唯願世尊受我為優婆
塞從今日始終身自歸乃至命盡佛
說如是哺利多居士及諸比丘聞佛
所說歡喜奉行

哺利多經第二竟

三十四

中阿含經卷第五

第五後誦

癸卯歲高麗國大藏都監奉
勅彫造

中阿含經卷第五十六

忠
情

東晉高僧三藏聖德僧伽提婆譯

哺利多品羅摩經第三 第五後誦

我聞如是一時佛遊舍衛國在於東園鹿子母堂。爾時世尊則於哺時從燕坐起堂上來下告尊者阿難。我今共汝至阿夷羅婆提河浴。尊者阿難白曰。唯然。尊者阿難執持戶鑰遍詣諸屋而徬徬見諸比丘。便作是說。諸賢。可共詣梵志羅摩家。諸比丘聞已。便共往詣梵志羅摩家。世尊將尊者阿難往至阿夷羅婆提河。脫衣岸上。便入水浴。浴已還出。拭體著衣。爾時尊者阿難立世尊後。執扇扇佛。於是尊者阿難叉手向佛。白曰。世尊。梵志羅摩家極好整頓。甚可愛樂。唯願世尊以慈愍故。往至梵志羅摩家。世尊為尊者阿難默然而受。於是世尊將尊者阿難往至梵志羅摩家。爾時梵志羅摩家衆多比丘。集坐說法。佛住門外待諸比丘。說法訖。竟衆多比丘尋說法訖。默然而住。世尊知已。警歎。

敲門諸比丘聞即往開門世尊便入
梵志羅摩家於比丘衆前敷座而坐
問曰諸比丘向說何等以何事故集
坐在此時諸比丘答曰世尊向者說
法以此法事集坐在此世尊歎曰善
哉善哉比丘集坐當行二事一日說
法二曰默然所以者何我亦為汝說
法諦聽諦聽善思念之時諸比丘白曰
唯然當受教聽佛言有二種求一日
聖求二曰非聖求云何非聖求有一
實病法求病法實老法死法愁憂感
法實穢汙法求穢汙法云何實病法
求病法云何病法耶兒子兄弟是病
法也象馬牛羊奴婢錢財珍寶米穀
是病害法衆生於中觸染貪著憍傲
受人不見災患不見出要而取用之
云何老法死法愁憂感法穢汙法耶
兒子兄弟是穢汙法象馬牛羊奴婢
錢財珍寶米穀是穢法害法衆生於
中染觸貪著憍傲受人不見災患不
見出要而取用之彼人欲求無病無
上安隱涅槃得无病無上安隱涅槃
者終无是處求無老无死無愁憂感

无穢汙無上安隱涅槃得無老无死
无愁憂感无穢汙無上安隱涅槃者
終無是處是謂非聖求云何聖求耶
有一作是念我自實病法无辜求病
法我自實老法死法愁憂感法穢汙
法无辜求穢汙法我今寧可求无病無
上安隱涅槃求无老无死无愁憂感
无穢汙法无上安隱涅槃彼人便求
无病無上安隱涅槃得无病無上安
隱涅槃者必有是處求无老無死无
愁憂感无穢汙無上安隱涅槃得無
老无死無愁憂感无穢汙無上安隱
涅槃者必有是處我本未覺无上正盡
覺時亦如是念我自實病法无辜求
病法我自實老法死法愁憂感法穢
汙法无辜求穢汙法我今寧可求無
病无上安隱涅槃求无老無死无愁
憂感无穢汙無上安隱涅槃耶我時
年少童子清淨青駿盛年年二十九
尔時極多樂戲莊飭遊行我於尔時父
母啼哭諸親不樂我剃除鬚髮著袈
裟衣至信捨家无家學道護身命
清淨護口意命清淨我成就此戒身

已欲求无病無上安隱涅槃無老无死無愁憂感无穢汙無上安隱涅槃故便往阿羅羅伽羅摩所問曰阿羅羅我欲於汝法行梵行為可尔不阿羅羅答我曰賢者我无不可汝欲行便行我復問曰阿羅羅云何汝此法自知自覺自作證耶阿羅羅答我曰賢者我度一切識處得无所有處成就遊是故我法自知自覺自作證我復作是念不但阿羅羅獨有此信我亦有此信不但阿羅羅獨有此精進我亦有此精進不但阿羅羅獨有此慧我亦有此慧阿羅羅於此法自知自覺自作證我欲證此法故便獨住遠離空安靖處心无放逸修行精勤我精勤已不久得證彼法證彼法已復往詣阿羅羅伽羅摩所問曰阿羅羅此法自知自覺自作證謂度一切無量識處得无所有處成就遊耶阿羅羅伽羅摩答我曰賢者我是法自知自覺自作證謂度無量識處得无所有處成就遊阿羅羅伽羅摩復語我

曰賢者是為如我此法作證汝亦然
如汝此法作證我亦然賢者汝來共
領此衆是為阿羅羅伽羅摩師處我
與同等衆上恭敬衆上供養衆上歡
喜我復作是念此法不趣智不趣覺
不趣涅槃我今寧可捨此法更求無
病无上安隱涅槃求无老無死無愁
憂感无穢汙无上安隱涅槃我即捨
此法便求无病无上安隱涅槃求無
老无死無愁憂感无穢汙无上安隱
涅槃已往詣鬱陀羅羅摩子所問曰
鬱陀羅我欲於汝法中學為可尔不
鬱陀羅羅摩子答我曰賢者我無不
可汝欲學便學我復問曰鬱陀羅汝
羅摩子自知自覺自作證何等法耶鬱
陀羅羅摩子答我曰賢者度一切無
所有處得非有想非无想處成就遊
賢者我父羅摩自知自覺自作證謂
此法也我復作是念不但羅摩獨有
此信我亦有此信不但羅摩獨有此
精進我亦有此精進不但羅摩獨有
此慧我亦有此慧羅摩自知自覺自
作證此法我何故不得自知自覺自

作證此法耶我欲證此法故便獨住
遠離空安靖處心无放逸修行精勤
我獨住遠離空安靖處心无放逸修
行精勤已不久得證彼法證彼法已
復往鬱陀羅羅摩子所問曰鬱陀羅
汝父羅摩是法自知自覺自作證謂
度一切无所有處得非有想非无想
處成就遊耶鬱陀羅羅摩子荅我曰
賢者我父羅摩是法自知自覺自作
證謂度一切无所有處得非有想非
无想處成就遊鬱陀羅羅復語我曰如
我父羅摩此法作證汝亦然如汝此
法作證我父亦然賢者汝來共領此
衆鬱陀羅羅摩子同師處我亦如師
寂上恭敬寂上供養寂上歡喜我復
作是念此法不趣智不趣覺不趣涅
槃我今寧可捨此法更求无病無上
安隱涅槃求無老无死無愁憂感無
穢汙无上安隱涅槃我即捨此法便
求无病無上安隱涅槃求无老无死
无愁憂感無穢汙无上安隱涅槃已
往象頂山南鬱鞞鞞羅梵志村名曰斯
那於彼中地至可愛樂山林鬱鞞茂尼連

禪河清流盈岸我見彼已便作是念
此地至可愛樂山林鬱茂尼連禪河
清流盈岸若族姓子欲有學者可於
中學我亦當學我今寧可於此中學
即便持草往詣覺樹到已布下敷尼
師檀結跏趺坐要不解坐至得漏盡
我便不解坐至得漏盡我求无病無
上安隱涅槃便得无病無上安隱涅
槃求无老無死无愁憂感无穢汙无
上安隱涅槃便得無老无死無愁憂
感无穢汙无上安隱涅槃生知生見
定道品法生已盡梵行已立所作已辦
不更受有知如真我初覺无上正盡
覺已便作是念我當為誰先說法耶
我復作是念我今寧可為阿羅羅加
摩先說法耶今時有天住虛空中而
語我曰大仙人當知阿羅羅加摩彼
命終來至今七日我亦自知阿羅羅
加摩其命終來得今七日我復作是
念阿羅羅加摩彼人長裘不聞此法
若聞此者速知法次法我初覺無上
正盡覺已作如是念我當為誰先
說法耶我復作是念我今寧可為鬱

施羅羅摩子先說法耶天復住空而
語我曰大仙人當知鬱陀羅羅摩子
命終已來二七日也我亦自知鬱陀
羅羅摩子命終已來二七日也我復
作是念鬱陀羅羅摩子彼人長棄不
聞此法若聞法者速知法次法我初
覺無上正盡覺已作如是念我當為
誰先說法耶我復作是念昔五比丘
為我執勞多所饒益我苦行時彼五
比丘承事於我我今寧可為五比丘
先說法耶我復作是念昔五比丘今在
何處我以清淨天眼出過於人見五
比丘在波羅捺仙人住處廐野園中
我隨住覺樹下攝衣持鉢往波羅捺
加尸都邑今時異學優陀遙見我來
而語我曰賢者瞿曇諸根清淨形色
極妙面光照耀賢者瞿曇師為是誰
從誰學道為信誰法我於今時即為
優陀說偈答曰

我取上取勝不著一切法諸愛盡解脫
自覺誰稱師无等无有勝自覺无上覺
如來天人師普知成就力
優陀問我曰賢者瞿曇自稱勝耶我

復以偈而答彼曰

勝者如有 謂得諸漏盡 我害諸惡法
優施故我勝

優施復問我曰賢者瞿曇欲至何處
我時以偈而答彼曰

我至波羅捺 擊妙甘露鼓 轉無上法輪
世所未曾轉

優施語我曰賢者瞿曇或可有是如
是語已即彼邪道經便還去我自往
至仙人住處鹿野園中時五比丘遙
見我來各相約勑而立制曰諸賢當
知此沙門瞿曇來多欲多求食妙飲
食好粳粳飯及麴酥蜜麻油塗體
今復來至汝等但坐慎莫起迎亦莫
作礼豫留一座莫請令坐到已語曰
卿欲坐者自隨所欲我時往至五比
丘所時五比丘於我不堪極妙威德
即從坐起有持衣鉢者有敷牀者有
取水者欲洗足者我作是念此愚癡
人何无牢固自立制度還違本要我
知彼已坐五比丘所敷之座時五比
丘呼我姓字及卿於我我語彼曰五
比丘我如来无所著正盡覺汝等莫

稱我本姓字亦莫卿我所以者何我
求无病無上安隱涅槃得无病無上
安隱涅槃我求无老無死無愁憂感
無穢汙无上安隱涅槃得无老無死
无愁憂感無穢汙无上安隱涅槃生
知生見定道品法生已盡梵行已立
所作已辦不更受有知如真彼語我
曰卿瞿曇本如是行如是道跡如是
苦行尚不能得人上法老降聖知聖
見况復今日多欲多求食妙飲食好
粳粳飯及麴酥蜜麻油塗體耶我復
語曰五比丘汝等本時見我如是諸
根清淨光明照耀耶時五比丘復答
我曰本不見卿諸根清淨光明照耀
卿瞿曇今諸根清淨形色極妙面光
照耀我於今時即告彼曰五比丘當
知有二邊行諸為道者所不當學一
曰著欲樂下賤業凡人所行二曰自煩
自苦非賢聖求法无義相應五比丘
捨此二邊有取中道成明成智成就
於定而得自在趣智趣覺趣於涅槃
謂八正道正見乃至正定是謂為八
意欲隨順教五比丘教化二人三人乞

食三人持食來足六人食教化三人
二人乞食二人持食來足六人食我
如是教如是化彼求无病無上安隱
涅槃得無病无上安隱涅槃求无老
无死無愁憂感无穢汙无上安隱涅
槃得无老無死无愁憂感無穢汙无
上安隱涅槃生知生見定道品法生
已盡梵行已立所作已辦不更受有
知如真於是世尊復告彼曰五比丘
有五欲功德可愛可樂可意所念善
欲相應云何為五眼知色耳知聲鼻
知香舌知味身知觸五比丘愚癡凡
夫而不多聞不見善友不知聖法不
御聖法彼觸染貪著憍傲受入不見
災患不見出要而取用之當知彼隨
弊魔自作弊魔墮弊魔手為魔網纏
魔羅所羅不脫魔羅五比丘猶如野鹿
為羅所羅當知彼隨獵師自作獵師
墮獵師手為獵師網纏獵師來已不
能得脫如是五比丘愚癡凡夫而不
多聞不見善友不知聖法不御聖法
彼於此五欲功德觸染貪著憍傲受
入不見災患不見出要而取用之當

知彼隨弊魔自作弊魔隨弊魔手為
魔網纏魔網所罾不脫魔網五比丘
多聞聖弟子見善知識而知聖法又
御聖法彼於此五欲功德不觸不染
不貪不著亦不憍傲不受入見災患
見出要而取用之當知彼不隨弊魔
不自作魔不墮魔手不為魔網所纏
不為魔網所罾便解脫魔網五比丘
猶如野鹿得脫於罾當知彼不隨獵
師不自在獵師不墮獵師手不為獵
師網所纏獵師來已則能得脫如是
五比丘多聞聖弟子見善知識而知
聖法又御聖法彼於此五欲功德不
觸不染不貪不著亦不見憍傲不受
入見災患見出要而取用之當知彼
不隨弊魔不自在魔不墮魔手不為
魔網所纏不為魔網所罾便解脫魔
網五比丘若時如來出興于世無所
著等正覺明行成為善逝世間解无
上士道法御天人師号佛衆祐彼斷
乃至五蓋心穢慧羸離欲離惡不善
之法至得第四禪成就遊彼如是定心
清淨无穢無煩柔軟善住得不動心

修學漏盡智通作證彼知此苦如真
知此苦習知此苦滅知此苦滅道如
真知此漏如真知此漏習知此漏滅
知此漏滅道如真彼如是知如是見
欲漏心解脫有漏无明漏心解脫解
脫已便知解脫生已盡梵行已立所
作已辦不更受有知如真彼於今時
自在行自在住自在坐自在卧所以
彼自在行自在住自在坐自在卧五
比丘猶如无事無人民處彼有野鹿
自在行自在住自在伏自在卧所以
者何彼野鹿不在鴉師境界是故自
在行自在住自在伏自在卧如是五
比丘比丘漏盡得无漏心解脫慧解
脫自知自覺自作證成就遊生已盡
梵行已立所作已辦不更受有知如
真彼於今時自在行自在住自在坐
自在卧所以者何彼自見無量惡不
善法盡是故彼自在行自在住自在
坐自在卧五比丘是說無餘解脫是
說無病无上安隱涅槃是說無老无
死無愁憂感无穢汙无上安隱涅槃

佛說如是尊者阿難及諸比丘聞佛所說歡喜奉行

羅摩經第三竟 四千一百二十字

中阿含經補利多品五下分結經第四 第五後誦
我聞如是一時佛遊舍衛國在勝林
給孤獨園今時世尊告諸比丘我曾
說五下分結汝等受持耶諸比丘默
然不荅世尊復再三告諸比丘我曾
說五下分結汝等受持耶諸比丘亦
再三默然不荅今時尊者鵝童子
在彼衆中於是尊者鵝童子即從坐起
偏袒著衣叉手向佛白曰世尊曾說
五下分結我受持之世尊問曰鵝童
子我曾說五下分結汝受持耶尊者
鵝童子荅曰世尊曾說初下分結是
我受持欲恚身見戒取疑世尊說第
五下分結是我受持世尊訶曰鵝童
子汝云何受持我說五下分結鵝童
子汝從何口受持我說五下分結耶
鵝童子非為衆多異學來以嬰孩童
子責數喻詰責汝耶鵝童子嬰孩幼
小柔軟仰眠意无欲想况復欲心纏
住耶然彼性使故說欲使鵝童子嬰

孩幼小柔軟仰眠无衆生想况復恚
心纏住耶然彼性使故說恚使鵠童
子嬰孩幼小柔軟仰眠無自身想况
復身見心纏住耶然彼性使故說身
見使鵠童子嬰孩幼小柔軟仰眠無
有戒想况復戒取心纏住耶然彼性使
故說戒取使鵠童子嬰孩幼小柔軟
仰眠無有法想况復疑心纏住耶然
彼性使故說疑使鵠童子非為衆多
異學來以此嬰孩童子責數喻詰責
汝耶於是尊者鵠童子為世尊面訶
責已內懷憂惑低頭默然失辯無言
如有所伺彼時世尊面前訶責鵠童
子已默然而住尔時尊者阿難立世
尊後執扇扇佛於是尊者阿難叉手
向佛白曰世尊今正是時善逝今正
是時若世尊為諸比丘說五下分結
者諸比丘從世尊聞已善受善持世
尊告曰阿難諦聽善思念之尊者阿
難白曰唯然當受教聽佛言阿難或
有一為欲所纏欲心生已不知捨如
真彼不知捨如真已欲轉熾盛不可
制除是下分結阿難或有一為恚所

纏恚心生已不知捨如真彼不知捨
如真已恚轉熾盛不可制除是下分
結阿難或有一為身見所纏身見心
生已不知捨如真彼不知捨如真已
身見轉盛不可制除是下分結阿難
或有一為戒取所纏戒取心生已不
知捨如真彼不知捨如真已戒取轉
盛不可制除是下分結阿難或有一
為疑所纏疑心生已不知捨如真彼
不知捨如真已疑轉熾盛不可制除
是下分結阿難若依道依跡斷五下
分結彼不依此道不依此跡斷五下
分結者終无是處阿難猶如有人欲
得求實為求實故持斧入林彼人見
樹成就根莖枝葉及實彼人不截根
莖得實歸者終无是處如是阿難若
依道依跡斷五下分結不依此道不
依此跡斷五下分結者終无是處阿
難若依道依跡斷五下分結彼依此道
依此跡斷五下分結者必有是處阿
難猶如有人欲得求實為求實故持
斧入林彼人見樹成就根莖枝葉及實
彼人截根莖得實歸者必有是處如

是阿難若依道依跡斷五下分結依
此道依此跡斷五下分結者必有是
處阿難依何道依何跡斷五下分結
阿難或有一不為欲所纏若生欲纏
即知捨如真彼知捨如真已彼欲纏
便滅阿難或有一不為恚所纏若生
恚纏即知捨如真彼知捨如真已彼
恚纏便滅阿難或有一不為身見所
纏若生身見纏即知捨如真彼知捨
如真已彼身見纏便滅阿難或有一不
為戒取所纏若生戒取纏即知捨如真
彼知捨如真已彼戒取便滅阿難或
有一不為疑所纏若生疑纏即知捨
如真彼知捨如真已彼疑纏便滅阿
難依此道依此跡斷五下分結阿難
猶恒伽河其水溢岸若有人來彼岸
有事欲得度河彼作是念此恒伽河
其水溢岸我於彼岸有事欲度身无
有力令我安隱浮至彼岸阿難當知
彼人无力如是阿難若有人覺滅涅
服其心不向而不清淨不住解脫阿
難當知此人如彼羸人無有力也阿
難猶恒伽河其水溢岸若有人來彼

岸有事欲得度河彼作是念此恒伽河其水溢岸我於彼岸有事欲度身今有力令我安隱浮至彼岸阿難當知彼人有力如是阿難若有人覺滅涅槃心向清淨而住解脫阿難當知此人如彼力人阿難猶如山水甚深極廣長流駛疾多有所漂其中無船亦无橋梁或有人來彼岸有事則便求度彼求度時而作是念今此山水甚深極廣長流駛疾多有所漂其中无船亦無橋梁而可度者我於彼岸有事欲度當以何方便令我安隱至彼岸耶復作是念我今寧可於此岸邊取聚草木縛作楔棧乘之而度彼便岸邊取聚草木縛作楔棧乘之而度安隱至彼如是阿難若有比丘攀緣猷離依於猷離住於猷離止息身惡故心入離定故離欲離惡不善之法有覺有觀離生喜樂得初禪成就遊彼依此處觀覺興衰彼依此處觀覺興衰已住彼必得漏盡設住彼不得漏盡者必當昇進得止息處云何昇進得止息處彼覺觀已息內靖一

心無覺元觀定生喜樂得第二禪成就遊彼依此處觀覺興衰彼依此處觀覺興衰已住彼必得漏盡設住彼不得漏盡者必當昇進得止息處去何昇進得止息處彼離於喜欲往無求遊正念正智而身覺樂謂聖所說聖所捨念樂住室得第三禪成就遊彼依此處觀覺興衰彼依此處觀覺興衰已住彼必得漏盡設住彼不得漏盡者必當昇進得止息處去何昇進得止息處彼樂滅苦滅喜憂本已滅不苦不樂捨念清淨得第四禪成就遊彼依此處觀覺興衰彼依此處觀覺興衰已住彼必得漏盡設住彼不得漏盡者必當昇進得止息處云何昇進得止息處彼度一切色想滅有尋想不念若干想无量空是无量處成就遊彼依此處觀覺興衰彼依此處觀覺興衰已住彼必得漏盡設住彼不得漏盡者必當昇進得止息處云何昇進得止息處彼度一切无量空處无量識是无量識處成就遊彼依此處觀覺興衰彼依此處觀覺

興衰已住彼必得漏盡設住彼不得
漏盡者必當昇進得止息處云何昇
進得止息處彼度一切無量識處無
所有是无所有處成就遊彼若有所
覺或樂或苦或不苦不樂彼觀此覺
無常觀興衰觀无欲觀滅觀斷觀捨
彼如是觀此覺无常觀興衰觀无欲
觀滅觀斷觀捨已便不受此世不受
此世已便不恐怖因不恐怖便般涅
脩生已盡梵行已立所作已辦不更
受有知如真猶去村不遠有大芭蕉
若人持斧破芭蕉樹破作片破為十
分或作百分破為十分或作百分已
便擗葉葉不見彼節况復實耶

阿難如是以丘若有所處或樂或苦
或不苦不樂彼觀此覺无常觀興衰
觀無欲觀滅觀斷觀捨彼如是觀此
覺无常觀興衰觀無欲觀滅觀斷觀
捨已便不受此世不受此世已便不
恐怖因不恐怖已便般涅脩生已盡
梵行已立所作已辦不更受有知如
真於是尊者阿難叉手向佛白曰世
尊甚奇甚特世尊為諸比丘依依立依

說捨離漏說過度漏然諸比丘不速得無上謂畢竟盡世尊告曰如是阿難如是阿難甚奇甚特我為諸比丘依依立依說捨離漏說過度漏然諸比丘不速得无上謂畢竟盡世尊所以者何人有勝如故修道便有精進修道人精進故人便有勝如阿難是故我說人有勝如佛說如是尊者阿難及諸比丘聞佛所說歡喜奉行

五下分結經第四竟 二十三至二十六字

中阿含經補利多品心穢經第五

我聞如是一時佛遊舍衛國在勝林給孤獨園今時世尊告諸比丘若比丘比丘尼不拔心中五穢不解心中五縛者是為比丘比丘尼說必退法云何不拔心中五穢或有一疑世尊猶豫不開意不解意意不靖若有一疑世尊猶豫不開意不解意意不靖如是法戒教若有諸梵行世尊所稱譽言彼便責數輕易觸燒侵害不開意不解意意不靖是謂第五不拔心中五縛謂於梵行也云何不解心中五縛

趣向不靖不住不解自方便斷燕坐
者是謂第四不解心縛謂聚會也復
次少有所得故於其中間住不復求
昇進若有少所得故於其中間住不
復求昇進者彼心不趣向不靖不住
不解自方便斷燕坐若此心不趣向
不靖不住不解自方便斷燕坐者是
謂第五不解心縛謂昇進也若有比
丘比丘尼不拔此心中五穢及不解
此心中五縛者是謂比丘比丘尼必
退法也若有比丘比丘尼善拔心中
五穢善解心中五縛者是謂比丘比
丘尼清淨法云何善拔心中五穢或
有二不梵世尊不猶豫開意意解意靖
若有不梵世尊不猶豫開意意解意
靖者是謂第一善拔心中穢謂於世
尊也如是法戒教若有梵行世尊所
稱譽彼不責數不輕易不觸燒不侵
害開意意解意靖是謂第五善拔心
中穢謂於梵行也云何解心中五縛
或有一身離染離欲離愛離渴若有
身離染離欲離愛離渴者彼心趣向
靖住解自方便斷燕坐若有此心趣

向靖住解自方便斷燕坐者是謂第一解心中縛謂身也復次於欲離染離欲離愛離渴者彼心趣向靖住解自方便斷燕坐若有此心趣向靖住解自方便斷燕坐者是謂第二解心中縛謂說也復次有一所說聖義相應柔軟無疑蓋謂說或說定說慧說解脫說解脫知見說損說不聚會說少欲緣起如是比丘沙門所說者彼心趣向靖住解自方便斷燕坐若有此心趣向靖住解自方便斷燕坐者是謂第三解心中縛謂說也復次不數道俗共會不調亂不憍傲學問若有不數道俗共會不調亂不憍傲學問者彼心趣向靖住解自方便斷燕坐若有此心趣向靖住解自方便斷燕坐者是謂第四解心中縛謂不聚會也復次少有所得故於其中間不住復求昇進若少有少所得故於其中間不住復求昇進者彼心趣向靖住解自方便斷燕坐若此心趣向靖住解自方

便斷燕坐者是謂第五解心中縛謂
昇進也若有比丘比丘尼善拔此心
中五穢及善解此心中五縛者是謂
比丘比丘尼清淨法彼住此十支已
復修習五法云何為五修欲定心成
就斷如意足依離依无欲依滅依捨趣
向非品修精進定心定思惟定成就
斷如意足依離依无欲依滅依捨趣
向非品堪任第五彼成就此堪任等
十五法成就自受者必知必見必正
盡覺至甘露門近住涅槃我說無不
至涅槃猶如雞生十卵或十二隨時
覆蓋隨時溫暖隨時看視雞設有放
逸者彼中或雞子以業以足啄破其
卵自安隱出者彼為第一如是比丘
成就此堪任等十五法自受者必知
必見必正盡覺必至甘露門近住涅
槃我說無不得涅槃佛說如是彼諸
比丘聞佛所說歡喜奉行

中阿含經第五卷 一千三百九十九字

中阿含經卷第五十六 七十八百四十六字 第五後誦

癸卯歲高麗國大藏部監奉
勅彫造

中阿含經卷第五十七

法

東晉劉賓三歲瞿曇僧伽提婆譯
瞿利多品箭毛經第六 第五後誦

我聞如是一時佛遊王舍城在竹林
伽蘭哆園與大比丘衆俱千二百五
十人而受夏坐尔時世尊過夜平旦
著衣持鉢入王舍城而行乞食行乞
食已收舉衣鉢澡洗手足以尼師檀
著於肩上往至孔雀林異學園中尔
時孔雀林異學園中有一異學名曰
箭毛名德宗主衆人所師有大名譽
衆所敬重領大徒衆五百異學之所
尊也彼在大衆喧鬧燒乱放高大音
聲說種種畜生之論謂論王論賊論
閻論食論衣服論婦人論童女論姪
女論世間論空野論海中論國人民
彼共集坐論如是比畜生之論異學
箭毛遙見佛來勅已衆曰汝等默然
住彼沙門瞿曇來彼衆默然常樂默
然稱說默然彼若見此衆默然者或
來相見異學箭毛令衆默然已自默
然住世尊往詣異學箭毛所異學箭

毛即從坐起偏袒著衣叉手向佛白
曰善來沙門瞿曇沙門瞿曇久不來
此願坐此座世尊便坐異學箭毛所
敷之座異學箭毛則與世尊共相問
評却坐一面世尊問曰優陀夷向論
何等以何事故共集坐此異學箭毛
荅曰瞿曇且置此論此論非妙沙門
瞿曇欲聞此論後聞不難世尊如是
再三問曰優陀夷向論何等以何事
故共集坐此異學箭毛亦再三荅曰
瞿曇且置此論此論非妙沙門瞿曇
欲聞此論後聞不難沙門瞿曇若至
再三其欲聞者今當說之瞿曇我等
與拘薩羅國衆多梵志共集坐拘
薩羅學堂說如是論耆伽摩竭陀國
人有大善利耆伽摩竭陀國人得大
善利如此大福田衆在王舍城共受
夏坐謂不蘭迦葉所以者何瞿曇不
蘭迦葉名德宗耆衆人所師有大名
譽衆所敬重領大徒衆五百異學之
所尊也於此王舍城共受夏坐如是
摩息迦利瞿舍利子婆若鞞羅遲子
尼捷親子彼復迦梅阿夷哆難舍劍

婆利瞿曇阿夷哆難舍劍婆利名德
宗主衆人所師有大名譽衆所敬重
領大徒衆五百異學之所尊也於此
王舍城共受夏坐向者亦論沙門瞿
曇山沙門瞿曇名德宗主衆人所師
有大名譽衆所敬重領大比丘衆千
二百五十人之所尊也亦在此王舍
城共受夏坐瞿曇我等復作是念今
此諸尊沙門梵志誰為弟子所恭敬
尊重供養奉事耶非為弟子法罵所
罵亦无弟子難師此一向不可不相
應不等說已便捨而去瞿曇我等復
作是念此不蘭迦葉不為弟子所恭
敬尊重供養奉事為弟子法罵所罵
衆多弟子難師此不可此不相應此
不等說已便捨而去瞿曇昔時不蘭
迦葉數在弟子衆舉示大喚汝等可
住无有人來問汝等事人問我事汝
等不能斷此事我能斷此事而弟子
於其中間更論餘事不待師說事訖
瞿曇我等復作是念如是此不蘭迦
葉不為弟子所恭敬尊重供養奉事
為弟子法罵所罵衆多弟子難師此

不可此不相應此不等說已便捨而
去如是摩息加利瞿舍利子婆若鞞
羅迦子尼捷親子彼復迦旃阿夷哆
雞舍劍婆利瞿曇我等作如是念此
阿夷哆雞舍劍婆利不為弟子所恭
敬尊重供養奉事為弟子法罵所罵
衆多弟子難師此不可此不相應此
不等說已便捨而去瞿曇昔時阿夷
哆雞舍劍婆利數在弟子衆舉手大
喚汝等可住无有人來問汝等事人
問我事汝等不能斷此事我能斷此
事而弟子於其中間更論餘事不待
師說事訖瞿曇我等復作是念如是
此阿夷哆雞舍劍婆利不為弟子所
恭敬尊重供養奉事為弟子法罵所
罵衆多弟子難師此不可此不相應
此不等說已便捨而去瞿曇我等復
作是念此沙門瞿曇為弟子所恭敬
尊重供養奉事不為弟子法罵所罵
亦无弟子難師此不可此不相應此
不等說已便捨而去瞿曇昔時沙門
瞿曇數在大衆无量百千衆圍繞說
法於其中有一人鼾眠作聲又有一

人語彼人曰莫軒眠作聲汝不欲聞
世尊說微妙法如甘露耶彼人即便
默然无言瞿曇我等復作是念如是
此沙門瞿曇為弟子所恭敬尊重供
養奉事不為弟子法罵所罵亦无弟
子難師此不可此不相應此不等說
已便捨而去世尊聞已問異學箭毛
曰優陀夷汝見我有幾法令諸弟子
恭敬尊重供養奉事我常隨不離耶
異學箭毛荅曰瞿曇我見瞿曇有五
法令諸弟子恭敬尊重供養奉事常
隨不離云何為五沙門瞿曇麤衣知
足稱說麤衣知足若沙門瞿曇麤衣
知足稱說麤衣知足者是謂我見沙
門瞿曇有第一法令諸弟子恭敬尊
重供養奉事常隨不離復次沙門瞿
曇麤食知足稱說麤食知足者是
謂我見沙門瞿曇有第二法令諸弟
子恭敬尊重供養奉事常隨不離復
次沙門瞿曇少食稱說少食若沙門
瞿曇少食稱說少食者是謂我見沙
門瞿曇有第三法令諸弟子恭敬尊

重供養奉事常隨不離復次沙門瞿
曇鰲住止牀座知足稱說鰲住止牀座
知足若沙門瞿曇鰲住止牀座知足
稱說鰲住止牀座知足者是謂我見
沙門瞿曇有第四法令諸弟子恭敬
尊重供養奉事常隨不離復次沙門
瞿曇鰲坐稱說鰲坐若沙門瞿曇鰲
坐稱說鰲坐者是謂我見沙門瞿曇
有第五法令諸弟子恭敬尊重供養
奉事常隨不離是謂我見沙門瞿曇
有五法令諸弟子恭敬尊重供養奉
事常隨不離世尊告曰優陀夷我不
以此五法令諸弟子恭敬尊重供養
奉事我常隨不離優陀夷我所持衣
隨聖力割截染汙惡色如是聖衣染
汙惡色優陀夷或我弟子謂盡形壽
衣所棄捨糞掃之衣亦作是說我世
尊鰲衣知足稱說鰲衣知足優陀夷
若我弟子因鰲衣知足故稱說我者
彼因此處故不恭敬尊重供養奉事
我亦不相隨

復次優陀夷我食粳糠成熟無麤無
量雜味復陀夷或我弟子盡其形壽

而行乞食所棄捨食亦作是說我世尊處食知足稱說處食知足優陀夷若我弟子因處食知足故稱說我者彼因此處故不恭敬尊重供養奉事我亦不相隨復次優陀夷我食如一鞞羅食或如半鞞羅優陀夷或我弟子食如一拘拖或如半拘拖亦作是說我世尊少食稱說少食優陀夷若我弟子因少食故稱說我者彼因此處故不恭敬尊重供養奉事我亦不相隨復次優陀夷我或住高樓或住棚閣優陀夷或我弟子彼過九月十月一夜於覆處宿亦作是說我世尊處住止牀座知足稱說處住止牀座知足優陀夷若我弟子因處住止牀座知足故稱說我者彼因此處故不恭敬尊重供養奉事我亦不相隨復次優陀夷我常作闍比丘比丘尼優婆塞優婆夷或我弟子過半月一入衆為法清淨故亦作是說我世尊燕坐稱說燕坐優陀夷若我弟子因燕坐故稱說我者彼因此處故不恭敬尊重供養奉事我亦不相隨優陀夷

我元此五法令諸弟子恭敬尊重供養奉事我常隨不離優陀夷我更有五法令諸弟子恭敬尊重供養奉事我常隨不離去。爲五優陀夷我有弟子謂无上人稱說我世尊行戒大或如所說所作亦然如所作所說亦然優陀夷若我弟子因无上戒稱說我者彼因此處恭敬尊重供養奉事我常隨不離復次優陀夷我有弟子謂无上智慧稱說我世尊行智慧極大智慧若有談論來相對者必能伏之謂於正法律不可說於自所說不可得說優陀夷若我弟子因无上智慧故稱說我者彼因此處恭敬尊重供養奉事我常隨不離復次優陀夷我有弟子謂无上人知見稱說我世尊遊知非不知遊見非不見彼為弟子說法有因非无因有緣非無緣可答非不可答有離非无離優陀夷若我弟子因无上知見故稱說我者彼因此處恭敬尊重供養奉事我常隨不離復次優陀夷我有弟子謂猒愛箭而來問我苦是苦習是習滅是滅

云云道我即答彼苦是苦習是習滅
是滅道是道優陀夷若我弟子而來
問我我答可意令歡喜者彼因此處
恭敬尊重供養奉事我常隨不離復
次優陀夷我為弟子或說宿命智通
作證明達或說漏盡智通作證明達
優陀夷若我弟子於此正法律中得
受得度得至彼岸无疑無惑於善法
中无有猶豫者彼因此處恭敬尊重
供養奉事我常隨不離優陀夷是謂
我更有五法令諸弟子恭敬尊重供
養奉事我常隨不離於是異學箭毛
即從坐起偏袒著衣叉手向佛白曰
瞿曇其奇甚特告說妙事潤澤我體
猶如甘露瞿曇猶如大雨此地高下
普得潤澤如是沙門瞿曇為我等善
說妙事潤澤我體猶如甘露世尊我
已解善逝我已知世尊我今自歸於
佛法及比丘眾唯願世尊受我為優
婆塞從今日始終身自歸乃至命盡
佛說知是異學箭毛聞佛所說歡喜
奉行

我聞如是一時佛遊王舍城在竹林
迦蘭哆園。爾時世尊過夜平旦著衣
持鉢入三舍城而行乞食。行乞食已
收舉衣鉢盥洗手足。以足師檀著於
肩上。往至孔雀林異學園中。爾時孔
雀林異學園中有一異學名曰箭毛。
名德宗王衆人所師。有大名譽。衆所
敬重。領大徒衆五百。異學之所尊也。
彼在大衆喧鬧。燒亂放高大音聲。說
種種畜生之論。謂論王論賊論閭論
食論衣服論婦人論童女論姪女論
世間論空野論海中論國人民。彼共
集坐說如是比畜生之論。異學箭毛
遙見佛來。勅曰。衆曰汝等默然住。彼
沙門瞿曇來。彼衆默然常樂默然。稱
說默然。彼若見此衆默然者。或來相
見。異學箭毛命衆默然。曰。默然。仁
世尊往詣異學箭毛。所異學箭毛即
從坐起。倚袒著衣。叉手向佛。白曰。乞
來。沙門瞿曇。沙門瞿曇。久不來此。願
坐此座。世尊便坐。異學箭毛所敷之
座。異學箭毛便與世尊共相問訊。却

坐一面世尊問曰優陀夷向論何等
以何事故共集坐此異學箭毛答曰
瞿曇且置此論此論非妙沙門瞿曇
欲聞此論後聞不難世尊如是再三
問曰優陀夷向論何等以何事故共
集坐此異學箭毛亦再三答曰瞿曇
且置此論此論非妙沙門瞿曇欲聞
此論後聞不難沙門瞿曇若至再三
其欲聞者今當說之瞿曇我有笨慮
有思惟住笨慮地住思惟地有智慧
有辯才有說實有薩云然一切知一
切見无餘知無餘見我往問事然彼
不知瞿曇我作是念此是何等耶世
尊問曰優陀夷汝有笨慮有思惟住
笨慮地住思惟地有智慧有辯才誰
說實有薩云然一切知一切見無餘
知无餘見汝往問事而彼不知耶異
學箭毛答曰瞿曇謂不蘭迦葉是所
以者何瞿曇不蘭迦葉自說實有薩
云然一切知一切見無餘知无餘見
也我有笨慮有思惟住笨慮地住思
惟地有智慧有辯才我往問事然彼
不知瞿曇是故我作是念此是何等

耶如是摩息迦利瞿舍利子婆若鞞
羅遲子尼捷親子彼復迦旃阿夷哆
鷄舍劍婆利瞿曇阿夷哆鷄舍劍婆
利自說實有薩云然一切知一切見无
餘知无餘見也我有策慮有思惟住
策慮地住思惟地有智慧有辯才
我往問事然彼不知瞿曇是故我作
是念此是何等耶瞿曇我復作是念
若我當往詣沙門瞿曇所問過去事
者沙門瞿曇必能答我過去事也我
當往詣沙門瞿曇所問未來事者沙
門瞿曇必能答我未來事也復次若
我隨所問沙門瞿曇事者沙門瞿曇必
亦答我隨所問事世尊告曰優陀夷
止止汝長夜異見異忍異樂異欲異意
故不得盡知我所說義優陀夷我有
弟子有因有緣憶无量過去本昔所
生謂一生二生百生千生成劫敗劫
无量成敗劫衆生名某我曾生彼如
是姓如是字如是生如是飲食如是
受苦樂如是長壽如是久住如是壽
訖此死生彼彼死生此我生在此如
是姓如是字如是生如是飲食如是

受苦樂如是長壽如是久住如是壽
訖彼來問我過去事我答彼過去事
我亦往問彼過去事彼亦答我過去
事我隨所問彼事彼亦答我隨所問
事復次優陀夷我有弟子謂清淨天
眼出過於人見此衆生死時生時好
色惡色妙與不妙往來善處及不善
處隨此衆生之所作業見其如真若
此衆生成就身惡行成就口意惡行
誣謗聖人邪見成就邪見業彼因緣
此身壞命終必至惡處生地獄中若
此衆生成就身妙行成就口意妙行
不誣謗聖人正見成就正見業彼因
緣此身壞命終必昇善處得生天中
彼來問我未來事我答彼未來事我
亦往問彼未來事彼亦答我未來事
我隨所問彼事彼亦答我隨所問事
異學箭毛白曰瞿曇若如是者我轉
不知我轉不見轉癡墮癡謂沙門瞿
曇如是說優陀夷止止汝長夜異見
異忍異樂異欲異意故不得盡知我
所說義優陀夷我有弟子有因有緣
憶无量過去本昔所生謂一生二生

百生千生成劫敗劫无量成敗劫衆
生名某我曾生彼如是姓如是字如
是生如是飲食如是受苦樂如是長
壽如是久住如是壽訖此死生彼彼
死生此我生在此如是姓如是字如
是生如是飲食如是受苦樂如是長
壽如是久住如是壽訖彼來問我過
去事我答彼過去事我亦往問彼過
去事彼亦答我過去事我隨所問彼
事彼亦答我隨所問事復次優陀夷
我有弟子謂清淨天眼出過於人見
此衆生死時生時好色惡色妙與不
妙往來善處及不善處隨此衆生之
所作業見其如真若此衆生成就身
惡行成就口意惡行誣謗聖人邪見
成就邪見業彼因緣此身壞命終必
至惡處生地獄中若此衆生成就身
妙行成就口意妙行不誣謗聖人正見
成就正見業彼因緣此身壞命終必
昇善處得生天中彼來問我未來事
我答彼未來事我亦往問彼未來事
彼亦答我未來事我隨所問彼事彼
亦答我隨所問事瞿曇我於此生作

本所作得本所得尚不能憶況復能
憶有因有緣無量本昔所生事耶瞿
曇我尚不能見飄風鬼況復清淨天
眼出過於人見此衆生死時生時善
色惡色妙與不妙趣至善處及不善
處隨此衆生之所作業見其如真耶
瞿曇我作是念若沙門瞿曇問我從
師學法者僅能答彼令可意也世尊
問曰優陀夷汝從師學其法云何異
學箭毛荅曰瞿曇彼說色過於色彼
色寂勝彼色寂上世尊問曰優陀夷
何等色耶異學箭毛荅曰瞿曇若色
更无有色寂上寂妙為寂勝也彼色
寂勝彼色寂上世尊告曰優陀夷猶
如有人作如是說若此國中有女寂
妙我欲得彼彼若有人如是問者君
知國中有女寂妙如是姓如是名如
是生耶為長短麤細為白黑為不自
不黑為剎利女為梵志居士工師女
為東方南方西方北方耶彼人荅曰
我不知也復問彼人君不知不見國
中有女寂妙如是姓如是名如是生
長短麤細白黑不自不黑剎利女梵

志居士二師女東方南方西方北方
者而作是說我欲得彼女耶如是優
施夷汝作是說彼說色過於色彼
色最勝彼色最上問曰汝彼色然不
知也吳學箭毛白曰瞿曇猶如紫磨
極妙金精金師善磨瑩治令淨藉以
白練安著日中其色極妙光明照曜
如是瞿曇我說彼色過於色彼色最
勝彼色最上世尊告曰優施夷我今
問汝隨所解答優施夷於意云何謂
紫磨金精藉以白練安著日中其色
極妙光明照曜及瑩火至在夜闇中
光明照曜於中光明何者最上為最
勝耶吳學箭毛答曰瞿曇瑩火光明
於紫磨金精光明最上為最勝也世
尊問曰優施夷於意云何謂瑩火至
在夜闇中光明照曜及燃油燈在夜
闇中光明照曜於中光明何者最上
為最勝耶吳學箭毛答曰瞿曇燃燈
光明於瑩火至光明最上為最勝也
世尊問曰優施夷於意云何謂燃油
燈在夜闇中光明照曜及燃大木積
火在夜闇中光明照曜於中光明何者

取上為取勝耶異學箭毛答曰瞿曇
燃大木積火之光明於燃油燈光明
取上為取勝也世尊問曰優陀夷於
意云何謂燃大木積火在夜闇中光
明照耀及太白星平旦無曠光明照
耀於中光明何者取上為取勝耶異
學箭毛答曰瞿曇太白星光於燃大
木積火光取上為取勝也世尊問曰
優陀夷於意云何謂太白星平旦无
曠光明照耀及月殿光夜半无曠光
明照耀於中光明何者取上為取勝
耶異學箭毛答曰瞿曇月殿光明於
太白星光取上為取勝也世尊問曰
優陀夷於意云何謂月殿光夜半無
曠光明照耀及日殿光秋時向中天
淨无曠光明照耀於中光明何者取
上為取勝耶異學箭毛答曰瞿曇
殿光明於月殿光取上為取勝也世
尊告曰優陀夷多有諸天今此日月
雖有大如意足有大威德有大福祐
有大威神然其光明故不及諸天光
明也我昔曾與諸天共集共彼論事
我之所說可被天意然也 不作是說

彼色過於色彼色取勝彼色取上優
隨夷而汝於螢火重光色取勝彼色取上
說彼色過於色彼色取勝彼色取上
問已不知異學箭毛白曰世尊悔過
此說善逝悔過此說世尊問曰優陀
夷汝何意如是說世尊悔過此說善
逝悔過此說耶異學箭毛答曰瞿曇
我作是說彼色過於色彼色取勝彼
色取上沙門瞿曇今善捨我善教善
訶令我虛妄無所有也瞿曇是故我
如是說世尊悔過此說善逝悔過
此說異學箭毛語曰瞿曇後世一
向樂有一道跡一向作世證世尊問
曰優陀夷云何後世一向樂云何有
一道跡一向作世證耶異學箭毛答
曰瞿曇或有一離殺斷殺不與取邪
淫妄言乃至離邪見得正見瞿曇是
謂後世一向樂是謂有一道跡一向
作世證世尊告曰優陀夷我今問汝
隨所解答優陀夷於意云何若有一
離殺斷殺彼為一向樂為雜苦耶異
學箭毛答曰瞿曇是雜苦也若有一
離不與取邪淫妄言乃至離邪見得

正見彼為一向樂為雜苦耶異學箭
毛荅曰瞿曇是雜苦也世尊問曰優
陀夷非為如是雜苦樂道跡作世證
耶異學箭毛荅曰瞿曇如是雜苦樂
道跡作世證也異學箭毛白曰世尊
悔過此說善逝悔過此說世尊問曰
優陀夷汝何意故作如是說世尊悔
過此說善逝悔過此說耶異學箭毛
荅曰瞿曇我向者說後世一向樂有
一道跡一向作世證沙門瞿曇今善
檢我善教善訶令我虛妄无所有也
瞿曇是故我如是說世尊悔過此說
善逝悔過此說世尊告曰優陀夷世
有一向樂有一道跡一向作世證也
異學箭毛問曰瞿曇云何世一向樂
云何一道跡一向作世證耶世尊荅
曰優陀夷若時如來出世无所著等
正覺明行成為善逝世間解无上上
道法御天人師号佛眾祐彼斷乃至
五蓋心穢慧羸離欲離惡下三之法
有覺見有觀離生喜樂得初禪成就遊
不共彼天戎等心等見等也彼覺觀
已息内靖一心无覺無觀定生喜樂

得第二禪成就遊不共彼天戒等心

中阿含經卷第十七 第二十一

等見等也彼離於喜欲捨无求遊正念正智而身覺樂謂聖所說聖所捨念樂住室得第三禪成就遊不共彼天戒等心等見等也優陀夷是謂世一向樂異學箭毛問曰瞿曇世中一向樂唯極是耶世尊答曰世中一向樂不但極是也優陀夷更有一道跡一向作世證異學箭毛問曰瞿曇云何更有一道跡一向作世證耶世尊答曰優陀夷比丘離欲離惡不善之法有覺有觀離生喜樂得初禪成就遊得共彼天戒等心等見等也彼覺觀已息內靖一心无覺無觀定生喜樂得第二禪成就遊得共彼天戒等心等見等也彼離於喜欲捨无求遊正念正智而身覺樂謂聖所說聖所捨念樂住室得第三禪成就遊得共彼天戒等心等見等也優陀夷是謂一道跡一向作世證異學箭毛問曰瞿曇沙門瞿曇弟子為此世一向樂故一道跡一向作世證故從沙門瞿曇學梵行耶世尊答曰優陀夷我弟子不

為世一向樂故亦不為一道跡一向
作世證故從我學梵行也優陀夷更
有寂上寂妙寂勝為作證故我弟子
從我學梵行也於是彼大眾放高大
音聲彼是寂上寂妙寂勝為作證故
沙門瞿曇弟子從沙門瞿曇學梵行
也於是異學箭毛勅已眾令默然已
白曰瞿曇云何寂上寂妙寂勝為作
證故沙門瞿曇弟子從沙門瞿曇學
梵行耶世尊荅曰優陀夷比丘者樂
滅苦滅喜憂本已滅不苦不樂捨念
清淨得第四禪成就遊優陀夷是謂
寂上寂妙寂勝為作證故我弟子從
我學梵行也於是異學箭毛即從坐
起欲稽首佛足於是異學箭毛諸弟
子異學梵行者白異學箭毛曰尊今
應作師時欲為沙門瞿曇作弟子耶
尊不應作師時為沙門瞿曇作弟子
也是為異學箭毛諸弟子學梵行者
為異學箭毛而作障礙謂從世尊學
梵行也佛說如是異學箭毛聞佛所
說歡喜奉行

中阿含經補利多品鞞摩那修經第八 第五卷

我聞如是一時佛遊舍衛國在勝林

給孤獨園尔時異學鞞摩那修中後

仿佯往詣佛所相問評已問曰瞿曇

取色取色瞿曇取色世尊問曰迦旃

何等色也異學鞞摩那修答曰瞿曇

若色更无有色取上取妙取勝瞿曇

彼色取勝彼色取上世尊告曰迦旃

猶如有人作如是說若此國中有女

取妙我欲得彼彼若有人如是問者

君知國中有女取妙如是姓如是名

如是生耶為長短麤細為白黑為不

白不黑為刹利女為梵志居士工師

女為東方南方西方北方耶彼人答

曰我不知也復問彼人君不知不見

國中有女取妙如是姓如是名如是

生長短麤細白黑不白不黑刹利女

梵志居士工師女東方南方西方北

方者而作是說我欲得彼女耶如是

迦旃汝作是說彼妙色取妙色彼色

取勝彼色取上問汝彼色然不知也

異學鞞摩那修白曰瞿曇猶如紫磨

極妙金精金師善磨瑩治令淨藉以

白練安著日中其色極妙光明照耀
如是瞿曇我說彼妙色寂妙色彼色
寂勝彼色寂上世尊告曰迦旃我今
問汝隨所解答迦旃於意云何謂紫
磨金精藉以白練安著日中其色極
妙光明照耀及螢火垂在夜闇中光
明照耀於中光明何者寂上為寂勝
耶異學鞞摩那修答曰瞿曇螢火光
明於紫磨金精光明寂上為寂勝也
世尊問曰迦旃於意云何謂螢火垂
在夜闇中光明照耀及燃油燈在夜
闇中光明照耀於中光明何者寂上
為寂勝耶異學鞞摩那修答曰瞿曇
燃燈光明於螢火垂光明寂上為寂
勝也世尊問曰迦旃於意云何謂燃
油燈在夜闇中光明照耀及燃大木
積火在夜闇中光明照耀於中光明
何者寂上為寂勝耶異學鞞摩那修
答曰瞿曇燃大木積火之光明於燃
油燈光明寂上為寂勝也世尊問曰
迦旃於意云何謂燃大木積火在夜
闇中光明照耀及太白星平旦无暝
光明照耀於中光明何者寂上為寂

勝耶異學耨摩耨修荅曰瞿曇太白
星光於燃大木積火光寂上為寂勝
也世尊問曰迦旃於意云何謂太白
星平旦无曙光明照耀及月殿光夜
半無曙光明照耀於中光明何者寂
上為寂勝耶異學耨摩耨修荅曰瞿
曇月殿光明於太白星光寂上為寂
勝也世尊問曰迦旃於意云何謂月
殿光夜半无曙光明照耀及日殿光
秋時向中天淨无曙光明照耀於中
光明何者寂上為寂勝耶異學耨摩
耨修荅曰瞿曇日殿光明於月殿光
寂上為寂勝也世尊告曰迦旃多有
諸天今此日月雖有大如意足有大
威德有大福祐有大威神然其光明
故不及諸天光明也我昔曾與諸天
共集共彼論事我之所說可彼天意
然我不作是說彼妙色寂妙色彼色
寂勝彼色寂上迦旃而汝於螢火虫
光色寂弊寂醜說彼妙色寂妙色彼
色寂勝彼色寂上問已不知於是異
學耨摩耨修為世尊面訶責已內懷
憂戚低頭默然失辭无言如有所伺

於是世尊面訶責已復令歡悅告曰
迦旃有五欲功德可喜意令樂欲相
應樂眼知色耳知聲鼻知香舌知味
身知觸迦旃色或有愛者或不愛者
若有一人彼於此色可意稱意樂意
足意滿願意彼於餘色雖取上取勝而
不欲不思不願不求彼於此色取勝
取上迦旃如是聲香味觸迦旃觸或有
愛者或不愛者若有一人彼於此觸
可意稱意樂意足意滿願意彼於餘
觸雖取上取勝而不欲不思不願不
求彼於此觸取勝取上於是異學鞞
摩那修叉手向佛白曰瞿曇甚奇甚
特沙門瞿曇為我无量方便說欲樂
欲樂第一瞿曇猶如因草火燃木火因
木火燃草火如是沙門瞿曇為我无
量方便說欲樂欲樂第一世尊告曰
止止迦旃汝長夜異見異忍異樂異
欲異意故不得盡知我所說義迦旃
謂我弟子初夜後夜常不眠卧正定
正意修習道品生已盡梵行已立所
作已辦不更受有知如真彼盡知我
所說於是異學鞞摩那修向佛瞋

生憎嫉不可欲誣謗世尊欲墮世尊
如是誣謗世尊如是墮世尊語曰瞿
曇有沙門梵志不知世前際不知世
後際不知无窮生死而記說得究竟
智生已盡梵行已立所作已辦不更
受有知如真瞿曇我如是念云何此
沙門梵志不知世前際亦不知世後
際不知无窮生死而記說得究竟智
生已盡梵行已立所作已辦不更受
有知如真耶於是世尊便作是念此
異學鞞摩那修向我瞋恚生憎嫉不
可欲誣謗我欲墮於我如是誣謗我
如是墮我而語我曰瞿曇有一沙門
梵志不知世前際不知世後際不知
无窮生死而記說得究竟智生已盡梵
行已立所作已辦不更受有知如真
瞿曇我作是念云何此沙門梵志不
知世前際不知世後際不知无窮生
死而記說得究竟智生已盡梵行已
立所作已辦不更受有知如真耶世
尊知已告曰迦旃若有沙門梵志不
知世前際不知世後際不知無窮生
死而記說得究竟智生已盡梵行已

立所作已辦不更受有知如真者彼
應如是說置世前際置世後際迦旃
我如是說置世前際置世後際設不
憶一生我弟子比丘來不諛諂无欺
誑質直我教化之若隨我教化如是
行者必得知正法迦旃猶如嬰孩童
子少年柔軟仰向卧父母縛彼手足
彼於後轉大諸根成就父母解彼手
足彼唯憶解縛時不憶縛時也如是
迦旃我如是說置世前際置世後際
設今不憶一生我弟子比丘來不諛
諂不欺誑質直我教化之若隨我教
化如是行者必得知正法迦旃譬若
因油因炷而燃燈也无人益油亦不
易炷者前油已盡後不更益无所受
已自速滅也如是迦旃我如是說置
世前際置世後際設今不憶一生我
弟子比丘來不諛諂不欺誑質直我
教化之若隨我教化如是行者必得
知正法迦旃猶如十木聚二十三十
四十五十六十木聚以火燒之洞燃
俱熾遂見火焰後无有人更益草木
糠糞掃者前薪已盡後不更益无所

受已自速滅也如是迦旃我如是說
置世前際置世後際設令不憶一生
我弟子比丘來不諛諂不欺誑質直
我教化之若隨我教化如是行者必
得知正法說此法時異學鞞摩那
修遠塵離垢諸法法眼生於是異學
鞞摩那修見法得法覺白淨法更無
餘尊不復由他斷疑度惑無有猶豫
已住果證於世尊法得无所畏稽首
佛足白曰世尊願得從佛出家學道
受具足得比丘行梵行世尊告曰善
哉比丘行梵行也異學從佛得出家
學道即受具足得比丘行梵行尊者
鞞摩那修出家學道受具足已知法
見法乃至得阿羅訶佛說如是尊者
鞞摩那修及諸比丘聞佛所說歡喜
奉行

鞞摩那修經第八竟 二千一百四十七字

中阿含經卷第五十七 八千七百八十四字 第五後誦

癸卯歲高麗國大藏都監奉

勅彫造

中阿含經卷第五十八

清

東晉罽賓三藏瞿曇僧伽提婆譯

瞿利多品法樂比丘尼經第九第五後誦
我聞如是一時佛遊舍衛國在勝林
給孤獨園尔時毗舍佉優婆夷往詣
法樂比丘尼所稽首礼足却坐一面
白法樂比丘尼曰賢聖欲有所問聽
我問耶法樂比丘尼答曰毗舍佉欲
問便問我聞已當思毗舍佉優婆夷
便問曰賢聖自身說自身云何為自
身耶法樂比丘尼答曰世尊說五盛
陰自身色盛陰覺想行識盛陰是謂
世尊說五盛陰毗舍佉優婆夷聞已
歎曰善哉善哉賢聖毗舍佉優婆夷
歎已歡喜奉行復問曰賢聖云何為
自身見耶法樂比丘尼答曰不多聞
愚癡凡夫不見善知識不知聖法不
御聖法彼見已見神見神有色見神
中有色見色中有神也見覺想行
識是神見神有識見神中有識見識
中有神也是謂自身見也毗舍佉優
婆夷聞已歎曰善哉善哉賢聖毗舍

佉優婁夷歎已歡喜奉行復問曰賢
聖云何无身見耶法樂比丘尼答曰
多聞聖弟子見善知識知聖法善御
聖法彼不見色是神不見神有色不
見神中有色不見色中有神也不見
覺想行識是神不見神有識不見神
中有識不見識中有神也是謂无身
見也毗舍佉優婆夷聞已歎曰善哉
善哉賢聖毗舍佉優婆夷歎已歡喜
奉行復問曰賢聖云何滅自身耶法
樂比丘尼答曰色盛陰斷無餘捨吐
盡不染滅息沒也覺想行識盛陰斷
無餘捨吐盡不染滅息沒也是謂自
身滅毗舍佉優婆夷聞已歎曰善哉
善哉賢聖毗舍佉優婆夷歎已歡喜
奉行復問曰賢聖陰說陰盛陰說盛
陰陰即是盛陰盛陰即是陰耶為陰
異盛陰異耶法樂比丘尼答曰或陰
即是盛陰或陰非盛陰云何陰即是
盛陰若色有漏有受覺想行識有漏
有受是謂陰即是盛陰云何陰非盛
陰色無漏无受覺想行識无漏無受
是謂陰非盛陰毗舍佉優婆夷聞已

歎曰善哉善哉賢聖毗舍佉優婆夷
歎已歡喜奉行復問曰賢聖云何八
支聖道耶法樂比丘尼答曰八支聖
道者正見乃至正定是謂為八是謂
八支聖道毗舍佉優婆夷聞已歎曰
善哉善哉賢聖毗舍佉優婆夷歎已
歡喜奉行復問曰賢聖八支聖道有
為耶法樂比丘尼答曰如是八支聖
道有為也毗舍佉優婆夷聞已歎曰
善哉善哉賢聖毗舍佉優婆夷歎已
歡喜奉行復問曰賢聖有幾聚耶法
樂比丘尼答曰有三聚或聚定聚慧
聚毗舍佉優婆夷聞已歎曰善哉善
哉賢聖毗舍佉優婆夷歎已歡喜奉
行復問曰賢聖八支聖道攝三聚為
三聚攝八支聖道耶法樂比丘尼答
曰非八支聖道攝三聚三聚攝八支
聖道正語正業正命此三道支聖戒
聚所攝正念正定此二道支聖定聚
所攝正見正志正方便此三道支聖
慧聚所攝是謂非八支聖道攝三聚
三聚攝八支聖道毗舍佉優婆夷聞
已歎曰善哉善哉賢聖毗舍佉優婆

弟歎已歡喜奉行復問曰賢聖滅有對耶法樂比丘尼答曰滅无對也毗舍佉優婆夷聞已歎曰善哉善哉賢聖毗舍佉優婆夷歎已歡喜奉行復問曰賢聖有幾支耶法樂比丘尼答曰初禪有五支毗舍佉優婆夷聞已歎曰善哉善哉賢聖毗舍佉優婆夷歎已歡喜奉行復問曰賢聖云何定云何定相云何定力云何定功云何修定耶法樂比丘尼答曰若善心得一者是謂定也四念處是謂定相也四正斷是謂定力也四如意足是謂定功也若習此諸善法服數數專修精勤者是謂定修也毗舍佉優婆夷聞已歎曰善哉善哉賢聖毗舍佉優婆夷歎已歡喜奉行復問曰賢聖有幾法生身死已身棄冢間如木无情法樂比丘尼答曰有三法生身死已身棄冢間如木无情云何為三者壽二者暖三者識是謂三法生身死已身棄冢間如木无情毗舍佉優婆夷聞已歎曰善哉善哉賢聖毗舍佉優婆

及歎已歡喜奉行復問曰賢聖若死
及入滅盡定者有何差別法樂比丘
尼答曰死者壽命滅訖溫暝已去諸
根敗壞比丘入滅盡定者壽不滅訖
暝亦不去諸根不敗壞若死及入滅
盡定者是謂差別毗舍佉優婆塞聞
已歎曰善哉善哉賢聖毗舍佉優婆
塞歎已歡喜奉行復問曰賢聖若入
滅盡定及入无想定者有何差別法
樂比丘尼答曰比丘入滅盡定者想
及知滅入無想定者想知不滅若入
滅盡定及入无想定者是謂差別毗
舍佉優婆塞聞已歎曰善哉善哉賢
聖毗舍佉優婆塞歎已歡喜奉行復
問曰賢聖若從滅盡定起及從无想
定起者有何差別法樂比丘尼答曰
比丘從滅盡定起時不作是念我從
滅盡定起比丘從无想定起時作如
是念我為有想我為无想若從滅盡
定起及從无想定起者是謂差別毗
舍佉優婆塞聞已歎曰善哉善哉賢
聖毗舍佉優婆塞歎已歡喜奉行復
問曰賢聖比丘入滅盡定時作如是

念我入滅盡定耶法樂比丘尼答曰
比丘入滅盡定時不作是念我入滅
盡定然本如是修習心以是故如是
趣向毗舍佉優婆夷聞已歎曰善哉
善哉賢聖毗舍佉優婆夷歎已歡喜
奉行復問曰賢聖比丘從滅盡定起
作如是念我從滅盡定起耶法樂比
丘尼答曰比丘從滅盡定起時不作
是念我從滅盡定起然因此身及六
處緣命根是故從定起毗舍佉優婆
夷聞已歎曰善哉善哉賢聖毗舍佉
優婆夷歎已歡喜奉行復問曰賢聖
比丘從滅盡定起已心何所樂何所
趣何所順耶法樂比丘尼答曰比丘
從滅盡定起已心樂離趣離順離毗
舍佉優婆夷聞已歎曰善哉善哉賢
聖毗舍佉優婆夷歎已歡喜奉行復
問曰賢聖有幾覺耶法樂比丘尼答
曰有三覺樂覺苦覺不苦不樂覺此
何緣有耶緣更樂有毗舍佉優婆夷
聞已歎曰善哉善哉賢聖毗舍佉優
婆夷歎已歡喜奉行復問曰賢聖云
何樂覺云何苦覺云何不苦不樂覺

耶法樂比丘尼答曰若樂更樂所觸
生身心樂善覺是覺謂樂覺也若苦更
樂所觸生身心苦不善覺是覺謂苦覺
也若不苦不樂更樂所觸生身心不
苦不樂非善非不善覺是覺謂不苦
不樂覺毗舍佉優婆夷問曰善
哉善哉賢聖毗舍佉優婆夷歎已歡
喜奉行復問曰賢聖樂覺者云何樂
云何苦云何无常云何災患云何使
耶苦覺者云何樂云何苦云何无常
云何災患云何使耶不苦不樂覺者
云何樂云何苦云何无常云何災患
云何使耶法樂比丘尼答曰樂覺者
生樂住樂變易苦无常者即是災患
欲使也苦覺者生苦住苦變易樂无
常者即是災患悲使也不苦不樂覺
者不知苦不知樂无常者即是變易
无明使也毗舍佉優婆夷問曰歎曰
善哉善哉賢聖毗舍佉優婆夷歎已
歡喜奉行復問曰賢聖一切樂覺欲
使耶一切苦覺悲使耶一切不苦不
樂覺无明使耶法樂比丘尼答曰非
一切樂覺欲使也非一切苦覺悲使

也非一切不苦不樂覺無明使也云
何樂覺非欲使耶若比丘離欲離惡
不善之法有覺有觀離生喜樂得初
禪成就遊是謂樂覺非欲使也所以
者何此斷欲故云何苦覺非恚使耶
若求上解脫樂求願悵悵生憂苦是謂
苦覺非恚使也所以者何此斷恚故
云何不苦不樂覺非无明使耶樂滅
淨得第四禪成就遊是謂不苦不樂
覺非无明使也所以者何此斷無明
故毗舍佉優婆夷聞已歎曰善哉善
哉賢聖毗舍佉優婆夷歎已歡喜奉
行復問曰賢聖樂覺者有何對耶法
樂比丘尼答曰樂覺者以苦覺為對
毗舍佉優婆夷聞已歎曰善哉善哉
賢聖毗舍佉優婆夷歎已歡喜奉行
復問曰賢聖苦覺者有何對耶法樂
比丘尼答曰苦覺者以樂覺為對毗
舍佉優婆夷聞已歎曰善哉善哉賢
聖毗舍佉優婆夷歎已歡喜奉行復
問曰賢聖樂覺苦覺者有何對耶法
樂比丘尼答曰樂覺苦覺者以不苦

不樂為對毗舍佉優婆夷聞已歎曰
善哉善哉賢聖毗舍佉優婆夷歎已
歡喜奉行復問曰賢聖不苦不樂覺
者有何對耶法樂比丘尼答曰不苦
不樂覺者以无明為對毗舍佉優婆
夷聞已歎曰善哉善哉賢聖毗舍佉
優婆夷歎已歡喜奉行復問曰賢聖
無明者有何對耶法樂比丘尼答曰
无明者以明為對毗舍佉優婆夷聞
已歎曰善哉善哉賢聖毗舍佉優婆
夷歎已歡喜奉行復問曰賢聖明者
有何對耶法樂比丘尼答曰明者以
涅槃為對毗舍佉優婆夷聞已歎曰
善哉善哉賢聖毗舍佉優婆夷歎已
歡喜奉行復問曰賢聖涅槃者有何
對耶法樂比丘尼告曰君欲問无窮
事然君問事不能得窮我邊也涅槃
者无對也涅槃者以无翳過翳翳滅
訖以此義故從世尊行梵行於是毗
舍佉優婆夷聞法樂比丘尼所說善
受善持善誦習已即從坐起稽首礼
法樂比丘尼足繞三匝而去於是法
樂比丘尼見毗舍佉優婆夷去後不

久往詣佛所稽首佛足却坐一面與
毗舍佉優婆夷所共論者盡向佛說
叉手向佛白曰世尊我如是說如是
答非為誣謗世尊耶說真實說如
法說法次法耶於如法中非有相違
有諍有咎耶世尊答曰比丘尼汝如
是說如是答不誣謗我汝說真實說
如法說法次法於如法中而不相違
无諍咎也比丘尼若毗舍佉優婆夷
以此句以此文來問我者我為毗舍
佉優婆夷亦以此義以此句以此文
而答彼也比丘尼此義如汝所說汝
當如是持所以者何此說即是義故
佛說如是法樂比丘尼及諸比丘聞
佛所說歡喜奉行

法樂比丘尼經第九竟

三千四十九字

中阿含經補利多品大拘絺羅經第十 第五後誦
我聞如是一時佛遊王舍城在竹林
迦蘭哆園尔時尊者舍黎子則於晡
時從燕坐起往詣尊者大拘絺羅所
共相問訊却坐一面尊者舍黎子語
曰賢者拘絺羅欲有所問聽我問耶
尊者大拘絺羅白曰尊者舍黎子欲

問便問我聞已當思尊者舍黎子問
曰賢者拘絺羅不善者說不善不善
根者說不善根何者不善何者不善
根耶尊者大拘絺羅答曰身惡行口
意惡行是不善也貪恚癡是不善根
也是謂不善是謂不善根尊者舍黎
子聞已歎曰善哉善哉賢者拘絺羅
尊者舍黎子歎已歡喜奉行復問曰
賢者拘絺羅善者說善善根者說
善根何者為善何者善根耶尊者大
拘絺羅答曰身妙行口意妙行是善
也不貪不恚不癡是善根也是謂為
善是謂善根尊者舍黎子聞已歎曰
善哉善哉賢者拘絺羅尊者舍黎子
歎已歡喜奉行復問曰賢者拘絺羅
智慧者說智慧何者智慧尊者大拘
絺羅答曰知如是故說智慧知何等
耶知此苦如真知此苦習知此苦滅
知此苦滅道如真知如是故說智慧
尊者舍黎子聞已歎曰善哉善哉賢
者拘絺羅尊者舍黎子歎已歡喜奉
行復問曰賢者拘絺羅識者說識何
者識耶尊者大拘絺羅答曰識識是

故說識識何等耶識色識聲香味觸
法識識是故說識尊者舍黎子聞已
歎曰善哉善哉賢者拘締羅尊者舍
黎子歎已歡喜奉行復問曰賢者拘
締羅智慧及識此二法為合為別此
二法可得別施設耶尊者大拘締羅
答曰此二法合不別此二法不可別
施設所以者何智慧所知即是識所
識是故此二法合不別此二法不可
別施設尊者舍黎子聞已歎曰善哉
善哉賢者拘締羅尊者舍黎子歎已
歡喜奉行復問曰賢者拘締羅知者
汝以何等知尊者大拘締羅答曰知
者我以智慧知尊者舍黎子聞已歎
曰善哉善哉賢者拘締羅尊者舍黎
子歎已歡喜奉行復問曰賢者拘締
羅智慧有何義有何勝有何功德尊
者大拘締羅答曰智慧者有厭義無
欲義見如真義尊者舍黎子聞已歎
曰善哉善哉賢者拘締羅尊者舍黎
子歎已歡喜奉行復問曰賢者拘締
羅云何正見尊者大拘締羅答曰知
苦如真知苦習滅道如真者是謂正

見尊者舍黎子聞已歎曰善哉善哉
賢者拘絺羅尊者舍黎子歎已歡喜
奉行復問曰賢者拘絺羅幾因幾
緣生正見耶尊者大拘絺羅答曰二
因二緣而生正見云何為二一者從
他聞二者內自思惟是謂二因二緣
而生正見尊者舍黎子聞已歎曰善
哉善哉賢者拘絺羅尊者舍黎子歎
已歡喜奉行復問曰賢者拘絺羅有
幾支攝正見得心解脫果慧解脫果
得心解脫功德慧解脫功德耶尊者
大拘絺羅答曰有五支攝正見得心
解脫果慧解脫果得心解脫功德慧
解脫功德云何為五一者真諦所攝
二者戒所攝三者博聞所攝四者止
所攝五者觀所攝是謂有五支攝正
見得心解脫果慧解脫果得心解脫
功德慧解脫功德尊者舍黎子聞已
歎曰善哉善哉賢者拘絺羅尊者舍
黎子歎已歡喜奉行復問曰賢者拘
絺羅云何生當來有尊者大拘絺羅
答曰愚癡凡夫无知不多聞无明所覆
愛結所繫不見善知識不知聖法不

御聖法是謂生當來有尊者舍黎子
聞已歎曰善哉善哉賢者拘絺羅尊
者舍黎子歎已歡喜奉行復問曰賢
者拘絺羅云何不生當來有尊者大
必盡苦也是謂不生於當來有尊者
舍黎子聞已歎曰善哉善哉賢者拘
絺羅尊者舍黎子歎已歡喜奉行復
問曰賢者拘絺羅有幾覺耶尊者大
拘絺羅答曰有三覺樂覺苦覺不苦
不樂覺此緣何有耶緣更樂有尊者
舍黎子聞已歎曰善哉善哉賢者拘
絺羅尊者舍黎子歎已歡喜奉行復
問曰賢者拘絺羅覺想思此三法為
合為別此三法可別施設耶尊者大
拘絺羅答曰覺想思此三法合不別
此三法不可別施設所以者何覺所
覺者即是想所想思所思是故此三
法合不別此三法不可別施設尊者
舍黎子聞已歎曰善哉善哉賢者拘
絺羅尊者舍黎子歎已歡喜奉行復
問曰賢者拘絺羅滅者有何對尊者
大拘絺羅答曰滅者無有對尊者合

中阿含經第五十八卷第十五張清 如來

黎子聞已歎曰善哉善哉賢者拘絺

羅尊者舍黎子歎已歡喜奉行復問
曰賢者拘絺羅有五根異行異境界
各各受自境界眼根耳鼻舌身根此
五根異行異境界各各受自境界誰
為彼盡受境界誰為彼依耶尊者大
拘絺羅答曰五根異行異境界各各
自受境界眼根耳鼻舌身根此五根
異行異境界各各受自境界意為彼
盡受境界意為彼依尊者舍黎子聞
已歎曰善哉善哉賢者拘絺羅尊者
舍黎子歎已歡喜奉行復問曰賢者
拘絺羅意者依何住耶尊者大拘絺
羅答曰意者依壽依壽住尊者舍黎
子聞已歎曰善哉善哉賢者拘絺羅
尊者舍黎子歎已歡喜奉行復問曰
賢者拘絺羅壽者依何住耶尊者大
拘絺羅答曰壽者依眼依眼住尊者
舍黎子聞已歎曰善哉善哉賢者拘
絺羅尊者舍黎子歎已歡喜奉行復
問曰賢者拘絺羅壽及眼此二法為
合為別此二法可得別施設耶尊者
大拘絺羅答曰壽及眼此二法合不

別此二法不可別施設所以者何因
壽故有暎因暎故有壽若无壽者則
无暎無暎者則無壽猶如因油因炷
故得燃燈彼中因燠故有光因光故
有燠若无燠者則無光無光者則无
燠如是因壽故有暎因暎故有壽若
無壽者則无暎無暎者則无壽是故
此二法合不別此二法不可別施設
尊者舍黎子聞已歎曰善哉善哉賢
者拘絺羅尊者舍黎子歎已歡喜奉
行復問曰賢者拘絺羅有幾法生身
死已身棄冢間如木无情尊者大拘
絺羅答曰有三法生身死已身棄冢
間如木无情六何為三一者壽二者
暎三者識此三法生身死已身棄冢
間如木无情尊者舍黎子聞已歎曰
善哉善哉賢者拘絺羅尊者舍黎子
歎已歡喜奉行復問曰賢者拘絺羅
若死及入滅盡定者有何差別尊者
大拘絺羅答曰死者壽命滅訖溫暎
已去諸根敗壞比丘入滅盡定者壽
不滅訖暎亦不去諸根不敗壞死及
入滅盡定者是謂差別尊者舍黎子

聞已歎曰善哉善哉賢者拘絺羅尊
者舍黎子歎已歡喜奉行復問曰賢
者拘絺羅若入滅盡定及入無想定
者有何老別尊者大拘絺羅答曰比
丘入滅盡定者想及知滅比丘入無
想定者想知不滅若入滅盡定及入
無想定者是謂老別尊者舍黎子聞
已歎曰善哉善哉賢者拘絺羅尊者
舍黎子歎已歡喜奉行復問曰賢者
拘絺羅若從滅盡定起及從无想定
起者有何老別尊者大拘絺羅答曰
比丘從滅盡定起時不如是念我從
滅盡定起比丘從无想定起時作如
是念我為有想我為無想從滅盡定
起及從無想定起者是謂老別尊者
舍黎子聞已歎曰善哉善哉賢者拘
絺羅尊者舍黎子歎已歡喜奉行復
問曰賢者拘絺羅比丘入滅盡定時
先滅何法為身行為口意行耶尊者
大拘絺羅答曰比丘入滅盡定時先
滅身行次滅口行後滅意行尊者舍
黎子聞已歎曰善哉善哉賢者拘絺
羅尊者舍黎子歎已歡喜奉行復問

曰賢者拘絺羅比丘從滅盡定起時
先生何法為身行口意行耶尊者大
拘絺羅答曰比丘從滅盡定起時先
生意行次生口行後生身行尊者舍
黎子聞已歎曰善哉善哉賢者拘絺
羅尊者舍黎子歎已歡喜奉行復
問曰賢者拘絺羅比丘從滅盡定起
時觸幾觸尊者大拘絺羅答曰比丘
從滅盡定起時觸三觸云何為三一
者不移動觸二者无所有觸三者無
相觸比丘從滅盡定起時觸此三觸
尊者舍黎子聞已歎曰善哉善哉賢
者拘絺羅尊者舍黎子歎已歡喜奉
行復問曰賢者拘絺羅空无願無相
此三法異義異文耶為一義異文耶
尊者大拘絺羅答曰空无願無相此
三法異義異文尊者舍黎子聞已歎
曰善哉善哉賢者拘絺羅尊者舍黎
子歎已歡喜奉行復問曰賢者拘絺
羅有幾因幾緣生不移動定耶尊者
大拘絺羅答曰有四因四緣生不移
動定云何為四若比丘離欲離惡不
善之法至得第四禪成就遊是謂四

因四緣生不移動定尊者舍黎子聞
已歎曰善哉善哉賢者拘絺羅尊者
舍黎子歎曰歡喜奉行復問曰賢者
拘絺羅有幾因幾緣生無所有定耶
尊者大拘絺羅答曰有三因三緣生
无所有定云何為三若比丘度一切
色想至得無所有處成就遊是謂有
三因三緣生无所有定尊者舍黎子
聞已歎曰善哉善哉賢者拘絺羅尊
者舍黎子歎曰歡喜奉行復問曰賢
者拘絺羅有幾因幾緣生无想定尊
者大拘絺羅答曰有二因二緣生無
想定云何為二一者不念一切想二
者念无想界是謂二因二緣生无想
定尊者舍黎子聞已歎曰善哉善哉
賢者拘絺羅尊者舍黎子歎曰歡喜
奉行復問曰賢者拘絺羅有幾因幾
緣生无想定耶尊者大拘絺羅答曰
有二因二緣生无想定云何為二一
者不念一切想二者念無想界是謂
二因二緣生无想定尊者舍黎子聞
已歎曰善哉善哉賢者拘絺羅尊者
舍黎子歎曰歡喜奉行復問曰賢者

拘絺羅有幾因幾緣從无想定起尊者大拘絺羅答曰有三因三緣從无想定起云何為三一者念一切想二者不念無想界三者因此身因六處緣命根是謂三因三緣從无想定起如是彼二尊更相稱歎善哉善哉更乐所說歡喜奉行從坐起去

尊者大拘絺羅經第十竟

三十七字

中阿含經卷第五十八

六十一百
三十四字

中阿含經利多品第三竟

三十四百
四十五字

第五後誦

癸卯歲高麗國大藏都監奉

勅彫造

中阿含經卷第五十九

清

東晉時賓三藏瞿曇僧伽提婆譯

例品第四

有十一經

第五後誦

一切智法嚴鞞訶第一得愛生及八城
阿那律陀二 諸見箭與喻比例家在後
中阿含例品一切智經第一

我聞如是一時佛遊鬱頭隨若在普
棘刺林余時拘薩羅王波斯匿聞沙
門瞿曇遊鬱頭隨若在普棘刺林拘
薩羅王波斯匿聞已告一人曰汝往
詣沙門瞿曇所為我問評聖體康強
安快無病起居輕便氣力如常耶作
如是語拘薩羅王波斯匿問評聖體
康強安快无病起居輕便氣力如常
耶又復語曰拘薩羅王波斯匿欲來
相見彼人受教往詣佛所共相問評
却坐一面白曰瞿曇拘薩羅王波斯
匿問評聖體康強安快無病起居輕
便氣力如常耶拘薩羅王波斯匿欲
來相見世尊答曰今拘薩羅王波斯
匿安隱快樂今天及人阿修羅捷塔
和羅刹及餘若干身安隱快樂拘薩

羅王波斯匿若欲來者自可隨意彼時使人聞佛所說善受持誦即從坐起繞三帀而去尔時尊者阿難住世尊後執拂侍佛使人去後於是世尊迴顧告曰阿難汝來共詣東向大屋開窓閉戶住彼密處今日拘薩羅王波斯匿一心无乱欲聽受法尊者阿難難白曰唯然於是世尊將尊者阿難至彼東向大屋開窓閉戶密處布座敷尼師檀結跏趺坐彼時使人還詣拘薩羅王波斯匿所白曰天王我已通沙門瞿曇沙門瞿曇今待天王唯願天王自當知時拘薩羅王波斯匿告御者曰汝可嚴駕我今欲往見沙門瞿曇御者受教即便嚴駕尔時賢及月姊妹與拘薩羅王波斯匿共坐食時聞今日拘薩羅王波斯匿當往見佛白曰大王若今往見世尊者願為我等稽首世尊問評聖體康強安使无病起居輕便氣力如常耶作如是語賢及月姊妹稽首世尊問評聖體康強安使无病起居輕便氣力如常耶拘薩羅王波斯匿為賢及月姊

妹默然而受彼時御者嚴駕已訖白
曰天王嚴駕已辦隨天王意時王聞
已即便乘車從鬱頭隨若出往至普
棘刺林余時普棘刺林門外衆多比
丘露地經行拘薩羅王波斯匿往詣
諸比丘所問曰諸賢沙門瞿曇今在何
處我欲往見諸比丘荅曰大王彼東
向大屋開窓閉戶世尊在中大王欲
見者可詣彼屋在外住已警歃敲戶
世尊聞者必為開戶拘薩羅王波斯
匿即便下車眷屬圍繞步往至彼東
向大屋到已住外警歃敲戶世尊聞已
即為開戶拘薩羅王波斯匿便入彼
屋前詣佛所白曰瞿曇賢及月姊妹
稽首世尊問訊聖體康強安快无病
起居輕便氣力如常耶世尊問王賢
及月姊妹更无人使耶拘薩羅王波
斯匿白曰瞿曇當知今日賢及月姊
妹我共坐食聞我今當欲往見佛便
白曰大王若往見佛者當為我等稽
首世尊問訊聖體康強安快无病起
居輕便氣力如常耶故如是白世尊
賢及月姊妹稽首世尊問訊聖體康

強安使无病起居輕便氣力如常耶
瞿曇彼賢及月稽首世尊問評聖體
康強安使无病起居輕便氣力如常
耶世尊答曰大王今賢及月姊妹安
隱快樂今天及人阿修羅捷塔和羅
刹及餘若干身安隱快樂於是拘薩
羅王波斯匿與佛共相問評却坐一
面白曰瞿曇我欲有所問聽乃敢陳
世尊告曰大王欲問者恣意所問拘
薩羅王波斯匿便問曰瞿曇我聞沙
門瞿曇作如是說本无當不有今現
亦无若有餘沙門梵志一切知一切
見者瞿曇憶如是說耶世尊答曰大
王我不憶作如是說本无當不有今
現亦無若有餘沙門梵志一切知一
切見者今時鞞留羅大將住在拘薩
羅王波斯匿後執拂拂王於是拘薩
羅王波斯匿迴頭告鞞留羅大將曰
前日王共大眾坐誰寂前說沙門瞿
曇作如是說本无當不有今現亦无
若有餘沙門梵志一切知一切見者
鞞留羅大將答曰天王有想年少吉
祥子前作是說拘薩羅王波斯匿問

已告一人曰汝往至想年少吉祥子
所作如是語拘薩羅王波斯匿呼沙
彼人受教即往想年少吉祥子所作
如是語年少拘薩羅王波斯匿呼汝
彼人去後於是拘薩羅王波斯匿白
世尊曰沙門瞿曇頗有異說異受沙
門瞿曇憶所說耶世尊答曰大王我
憶曾如是說本无當不有今現亦无
若有餘沙門梵志一時知一切一時
見一切大王我憶如是說也拘薩羅
王波斯匿聞已歎曰沙門瞿曇所說
如善師欲更有
所問聽我問耶世尊告曰大王欲問
恣意所問拘薩羅王波斯匿問曰瞿
曇此有四種刹利梵志居士工師為
有勝如有差別耶世尊答曰此有四
種刹利梵志居士工師此有勝如有
差別也刹利梵志種此於人間為最
上德居士工師種此於人間為下德
也此有四種刹利梵志居士工師是謂
勝如是謂差別拘薩羅王波斯匿聞
已歎曰沙門瞿曇所說如善師沙門瞿
曇所說如善師拘薩羅王波斯匿內

曰瞿曇我不但問於現世義亦復欲問於後世義聽我問耶世尊告曰大王欲問恣意所問拘薩羅王波斯匿王師此有勝如有差別於後世耶世尊答曰此有四種刹利梵志居士工師此有勝如有差別謂後世也此有四種刹利梵志居士工師若成就此五斷支必得善師如來無所著正盡覺必得可意无不可意亦於長夜得義我饒益安隱快樂云何為五多聞聖弟子信著如來根生定立无能棄者謂沙門梵志天及魔梵及餘世間是謂第一斷支復次大王多聞聖弟子少病无病成就等食道不熱不冷正樂不諍謂食飲消正安隱消是謂第二斷支復次大王多聞聖弟子无諂無誑質直現如真世尊及諸梵行是謂第三斷支復次大王多聞聖弟子常行精進斷惡不善修諸善法恒自起意專一堅固為諸善本不捨方便是謂第四斷支復次大王多聞聖弟子修行智慧觀興衰法得如此智聖

慧明達分別曉了以正盡苦是謂第五斷支此有四種剎利梵志居士工師彼若成就此五斷支必得善師如意亦於長夜得義饒益安隱快樂此有四種剎利梵志居士工師是謂勝如是謂老別於後世也拘薩羅王波斯匿聞已歎曰沙門瞿曇所說如師沙門瞿曇所說如善師欲更有所問聽我問耶世尊告曰大王欲問恣意所問拘薩羅王波斯匿問曰瞿曇此有四種剎利梵志居士工師此有勝如此有老別於斷行耶世尊答曰此有四種剎利梵志居士工師此有勝如此有老別於斷行也大王於意云何若信者所斷是不信斷者終无是處若少病者所斷是多病斷者終无是處若不誦不誑者所斷是誦誑斷者終无是處若精勤者所斷是懈怠斷者終無是處若智慧者所斷是愚慧斷者終無是處猶如四御象御馬御牛御人御彼中二御不可調不可御二御可調可御大王於意云何若

此二御不可調不可御彼來調地御
地受御事者終无是處若彼二御可
調可御來至調地御地受御事者必
有是處如是大王於意云何若信者
所斷是不信斷耶終无是處若少病
者所斷是多病斷耶終無是處若不
諂不誑者所斷是諂誑斷耶終无是
處若精勤者所斷是懈怠斷耶終无
是處若智慧者所斷是愚慧斷耶終
无是處如是此四種剎利梵志居士
工師是謂勝如是謂耆別於斷行也
拘薩羅王波斯匿聞已歎曰沙門瞿
曇所說如師沙門瞿曇所說如善師
欲更有所問聽我問耶世尊答曰大
王欲問恣意所問拘薩羅王波斯匿
問曰瞿曇此有四種剎利梵志居士
工師此有勝如此有耆別謂斷耶世
尊答曰此有四種剎利梵志居士工
師彼等等斷無有勝如无有耆別於
斷也大王猶如東方剎利童子來彼
取乾娑羅木作火母攢攢生火南方
梵志童子來彼取乾娑羅木作火母
攢攢生火西方居士童子來彼取乾

栴檀木作火母攢攢生火北方工師童子來彼取乾鋒投摩木作火母攢攢生火大王於意云何謂彼若干種人持若干種木作火母攢攢生火彼中或有人著燥草木生烟生焰生色大王於烟烟焰焰色色說何等老別耶拘薩羅王波斯匿答曰瞿曇謂彼若干種人取若干種木作火母攢攢生火彼中或有人著燥草木生烟生焰生色瞿曇我不說烟烟焰焰色色有老別也如是大王此有四種剎利梵志居士工師彼一切等等斷無有勝如无有差別於斷也拘薩羅王波斯匿問已歎曰沙門瞿曇所說如師沙門瞿曇所說如善師欲更有所問聽我問耶世尊告曰大王欲問恣意所問拘薩羅王波斯匿問曰瞿曇有天耶世尊問曰大王何意問有天耶拘薩羅王波斯匿答曰瞿曇若有天有諍樂諍者彼應來此問若有天无諍不樂諍者不應來此問尔時鞞留羅大將住在拘薩羅王波斯匿後執拂拂王鞞留羅大將白曰瞿曇若有天无

淨不樂淨者不來此間且置彼天若
有天淨樂淨來此間者沙門瞿曇必
說彼天福勝梵行勝此天得自在退
彼天遣彼天也是時尊者阿難在世
尊後執拂侍佛於是尊者阿難作是
念此鞞留羅大將是拘薩羅王波斯
匿子我是世尊子今正是時子子共
論於是尊者阿難語鞞留羅大將曰
我欲問汝隨所解答大將於意云何
拘薩羅王波斯匿所有境界教令所
及拘薩羅王波斯匿福勝梵行勝故
寧得自在退去遣去耶鞞留羅大將
答曰沙門若拘薩羅王波斯匿所有
境界教令所及拘薩羅王波斯匿福
勝梵行勝故得自在退去遣去也大
將於意云何若非拘薩羅王波斯匿
境界教令所不及拘薩羅王波斯匿
福勝梵行勝故意得自在退彼遣彼
耶鞞留羅大將答曰沙門若非拘薩
羅王波斯匿境界教令所不及拘薩
羅王波斯匿福勝梵行勝故不得自
在退彼遣彼也尊者阿難復問曰大
將頗聞有三十三天耶鞞留羅大將

答曰我拘薩羅王波斯匿遊戲時聞
有三十三天大將於意去何拘薩羅
王波斯匿福勝梵行勝故寧得自在
退彼三十三天遣彼三十三天耶輒
留羅大將答曰沙門拘薩羅王波斯
匿尚不能得見三十三天况復退遣
耶退遣彼三十三天者終无是處如
是大將若有天无諍不樂諍不來此
間者此天福勝梵行勝若有此天諍
樂諍來此間者此天於彼天尚不能
得見况復天天遣退耶若退遣彼者
終无是處於是拘薩羅王波斯匿問
曰瞿曇此沙門名何等耶世尊答曰
大王此比丘名阿難是我侍者拘薩
羅王波斯匿聞已歎曰阿難所說如
師阿難所說如善師欲更有所問聽
我問耶世尊告曰大王欲問恣意所
問拘薩羅王波斯匿問曰瞿曇頗有
梵耶世尊問曰大王何意問有梵耶
大王若我施設有梵彼梵清淨世尊
與拘薩羅王波斯匿於其中間論此
事時彼使人將想年少吉祥子來還
詣拘薩羅王波斯匿所白曰天王想

年少吉祥子已來在此拘薩羅王波斯匿聞已問想年少吉祥

共大衆會坐誰取前說沙門瞿曇如是說本无當不有今現亦无若有餘沙門梵志一切知一切見耶想年少吉祥子答曰天王鞞留羅大將前說也鞞留羅大將聞已白曰天王此想年少吉祥子前說也如是彼二人更平共諍此論於其中間彼御者即便嚴駕至拘薩羅王波斯匿所白曰天王嚴駕已至天王當知時拘薩羅王波斯匿聞已白世尊曰我問瞿曇一切知事沙門瞿曇答我一切知事我問沙門瞿曇四種清淨沙門瞿曇答我四種清淨我問沙門瞿曇所得沙門瞿曇答我所得我問沙門瞿曇有梵沙門瞿曇答我有梵若我更問餘事者沙門瞿曇必答我餘事瞿曇我今多事欲還請辭世尊答曰大王自當知時拘薩羅王波斯匿聞世尊所說善受持誦即從座起繞世尊三而去佛說如是拘薩羅王波斯匿尊者阿難及一切大衆聞佛所說歡喜

奉行

中阿含經卷第九卷 第三張 清

一切智經第一竟

三千七百六十三字

中阿含例品法莊嚴經第二 第五後調

我聞如是一時佛遊釋中在釋家都
邑名彌婁離余時拘薩羅王波斯匿
與長作共俱有所為故出詣邑名城
拘薩羅王波斯匿至彼園觀見諸樹
下寂无音聲遠離無惡无有人民隨
順燕坐見已憶念世尊拘薩羅王波
斯匿告曰長作今此樹下寂无音聲
遠離无惡无有人民隨順燕坐此處
我數往見佛長作世尊今在何處我
欲往見長作答曰天王我聞世尊遊
釋中在釋家都邑名彌婁離拘薩羅
王波斯匿復問曰長作釋家都邑名
彌婁離去此幾許長作答曰天王去
此三拘婁舍拘薩羅王波斯匿告曰
長作可勒嚴駕我欲詣佛長作受教
即勒嚴駕白曰天王嚴駕已訖隨天
王意拘薩羅王波斯匿即昇乘出城
外往至釋家都邑名彌婁離余時弥
婁離門外衆多比丘露地經行拘薩
羅王波斯匿往詣諸比丘所問曰諸尊

世尊今在何處晝行衆多比丘答曰
大王彼東向大屋開窓開戶世尊今
在彼中晝行大王欲見便往詣彼到
已住外聲效敲戶世尊聞者必為開
戶拘薩羅王波斯匿即便下車若有
王刹利頂來而得人處教令大地有
五儀飭劍蓋華鬘及珠柄拂嚴飭之
履彼盡脫已授與長作長作念曰天
王今者必當獨入我等應共住此待
耳於是拘薩羅王波斯匿眷屬圍遶
步往至彼東向大屋到已住外聲效
敲戶世尊聞已即為開戶拘薩羅王
波斯匿便入彼屋前至佛所稽首礼
足再三自稱姓名我是拘薩羅王波
斯匿我是拘薩羅王波斯匿世尊答
曰如是大王汝是拘薩羅王波斯匿
汝是拘薩羅王波斯匿拘薩羅王波
斯匿再三自稱姓名已稽首佛足却
坐一面世尊問曰大王見我有何等
義而白下意稽首礼足供養承事耶
拘薩羅王波斯匿答曰世尊我於佛
而有法請因此故我作是念如來无
所著正盡覺所說法善世尊第可衆

善趣向也世尊我坐都坐時見母共
子諍子共母諍父子兄弟姊妹親屬
展轉共諍彼闔諍時母說子惡子說
母惡父子兄弟姊妹親屬相更說惡
况復他人我見世尊弟子諸比丘衆
從世尊行梵行或有比丘少多起諍
捨戒罷道不說佛惡不說諸法惡不
說衆惡但自責數我為惡我為无德
所以者何以我不能從世尊自盡形
壽修行梵行是謂我於佛而有法靖
因此故我作是念如來无所著正盡
覺所說法善世尊弟子衆善趣向也
復次世尊我見一沙門梵志或九月
或十月少多學行梵行捨隨本服復
為欲所染染欲著欲為欲所縛憍慢
受入不見災患不見出要而樂行
欲世尊我見世尊弟子諸比丘衆自
盡形壽修行梵行乃至億數我於此
外不見如是清淨梵行如世尊家是
謂我於佛而有法靖因此故我作是
念如來无所著正盡覺所說法善世
尊弟子衆善趣向也復次世尊我見
一沙門梵志羸瘦憔悴形色極惡身

生白炮人不意見我作是念此諸尊

何以羸瘦憔悴形色極惡身生白炮

人不意見此諸尊必不樂行梵行或

身有患或屏處作惡以是故諸尊羸

瘦憔悴形色極惡身生白炮人不意

見我往問彼諸尊何故羸瘦憔悴形

色極惡身生白炮人不意見諸尊不

樂行梵行耶為身有患耶為屏處作

惡耶是故諸尊羸瘦憔悴形色極惡

身生白炮人不意見彼答我曰大王

是白病大王是白病世尊我見世尊

弟子諸比丘眾樂行端正面色悅澤

形體淨潔无為無求護他妻食如鹿

自盡形壽修行梵行我見已作是念

此諸尊何故樂行端正面色悅澤形

體淨潔无為無求護他妻食如鹿自

盡形壽修行梵行此諸尊或得離欲

或得增上心現法樂居易不難得是

故此諸尊樂行端正面目悅澤形體

淨潔无為無求護他妻食如鹿自盡

形壽修行梵行若行欲樂行端正者

我應樂行端正何以故我得五欲功

德易不難得若此諸尊得離欲得增

上心於現法樂居易不難得是故此
諸尊樂行端正面色悅澤形體淨潔
尤為無求護他妻食如鹿自盡形壽
修行梵行是謂我於佛而有法靖因
此故我作是念如來无所著正盡覺
所說法善世尊弟子衆善趣向也復
次世尊我見一沙門梵志聰明智慧
自稱聰明智慧博聞決定諸識諸經
制伏強敵談論覺了名德流布一切
世間无不聞知所遊至處壞諸見宗
輒自立論而作是說我等往至沙門
瞿曇所問如是如是事若能答者當
難詰彼若不能答亦難詰已捨之而
去彼聞世尊遊某村邑往至佛所尚
不敢問於世尊事况復欲難詰耶是
謂我於佛而有法靖因此故我作是
念如來无所著正盡覺所說法善世
尊弟子衆善趣向也復次世尊我見
一沙門梵志聰明智慧自稱聰明智
慧博聞決定諸識諸經制伏強敵談
論覺了名德流布一切世間无不聞
知所遊至處壞諸見宗輒自立論而
作是說我等往至沙門瞿曇所問如

是如是事若能答者當難詰彼若不
能答亦難詰已捨之而去彼聞世尊
遊某村邑往至佛所問世尊事世尊
為答彼聞答已便得歡喜稽首佛足
繞三匝而去是謂我於佛而有法請
因此故我作是念如來无所著正盡
覺所說法善世尊弟子衆善趣向也
復次世尊我見一沙門梵志聰明智
慧自稱聰明智慧博聞決定諸識諸
經制伏強敵談論覺了名德流布一
切世間无不聞知所遊至處壞諸見
宗輒自立論而作是說我等往至沙
門瞿曇所問如是如是事若能答者
當難詰彼若不能答亦難詰已捨之
而去彼聞世尊遊某村邑往至佛所
問世尊事世尊為答彼聞答已便得
歡喜即自歸佛法及比丘衆世尊受
彼為優婆塞終身自歸乃至命盡是
謂我於佛而有法請因此故我作是
念如來无所著正盡覺所說法善世
尊弟子衆善趣向也復次世尊我見
一沙門梵志聰明智慧自稱聰明智
慧博聞決定諸識諸經制伏強敵談

論覺了名德流布一切世間無不聞知所遊至處壞諸見宗輒自立論而作是說我等往至沙門瞿曇所問如能如是事若能答者當難詰彼若不遊某村邑往至佛所問世尊事世尊為答彼聞答已便得歡喜即從世尊求出家學而受具足得比丘法佛便度彼而授具足得比丘法若彼諸尊出家學道而受具足得比丘法已獨住遠離心无放逸修行精勤彼獨住遠離心無放逸修行精勤已若族姓子所為剝除鬚髮著袈裟衣至信捨家无家學道者唯无上梵行訖於現法中自知自覺自作證成就遊生已盡梵行已立所作已辦不更受有知如真若彼諸尊知法已乃至得阿羅訶得阿羅訶已便作是念諸賢我本幾了幾失所以者何我本非沙門稱沙門非梵行稱梵行非阿羅訶稱阿羅訶訶我等今是沙門是梵行是阿羅訶是謂我於佛而有法靖因此故我作是念如來无所著正盡覺所說法善

世尊弟子衆善趣向也復次世尊我自若居國无過者令殺有過者令殺然在都坐我故不得作如是說卿等並住無人問卿事人問我事卿等不能斷此事我能斷此事於其中間竟論餘事不待前論訖我數見世尊大衆圍繞說法彼中一人鼾眠作聲有人語彼君莫鼾眠作聲君不用聞世尊說法如甘露耶彼人聞已即便默然我作是念如來無所著正盡覺衆調御士甚奇其特所以者何以無刀杖皆自如法安隱快樂是謂我於佛而有法靖因此故我作是念如來無所著正盡覺所說法善世尊弟子衆善趣向也復次世尊我於仙餘及宿舊二臣出錢財賜亦常稱譽彼命由我然不能令彼仙餘及宿舊二臣下意恭敬尊重供養奉事於我如為世尊於佛而有法靖因此故我作是念如來无所著正盡覺所說法善世尊弟子衆善趣向也復次世尊我昔出仙宿一小屋中欲試仙餘宿舊二臣知

彼頭向何處眠耶為向我為向世尊
於是仙餘宿舊二臣則於初夜結跏
趺默然燕坐至中夜聞世尊在某方
處便以頭向彼以足向我我見已作
是念此仙餘及宿舊二臣不在現勝
事是故彼不下意恭敬尊重供養奉
事於我如為世尊下意恭敬尊重供
養奉事也是謂我於佛而有法靖因
此故我作是念如來無所著正盡覺
所說法善世尊弟子衆善趣向也
復次世尊我亦國王世尊亦法王我
亦刹利世尊亦刹利我亦拘薩羅世
尊亦拘薩羅我年八十世尊亦八十
世尊以是事故我堪耐為世尊盡形
壽下意恭敬尊重供養奉事世尊我
今多事欲還請辭世尊告曰大王自
知時於是拘薩羅王波斯匿聞佛所
說善受持誦即從坐起稽首佛足繞
三匝而去

尔時尊者阿難住世尊後執拂侍佛
於是世尊迴顧告曰阿難若有比丘
依弥婁離林住者令彼一切集在講
堂於是尊者阿難受佛教已若諸比

丘依彌婁離林住者今彼一切集在講堂還詣佛所白曰世尊若有比丘依弥婁離林住者彼一切已集講堂唯願世尊自當知時於是世尊將尊者阿難往至講堂比丘衆前敷座而坐告曰比丘今拘薩羅王波斯匿在我前說此法莊嚴經已即從座起稽自我足繞三匝而去比丘汝等當受持此法莊嚴經善誦善習所以者何比丘此法莊嚴經如義如法為梵行本趣智趣覺趣至涅槃若族姓子至信捨家无家學道者亦當受持當誦當習此法莊嚴經佛說如是彼諸比丘聞佛所說歡喜奉行

法莊嚴經第二竟 三十三字

中阿含例品鞞訶提經第三 第五後誦

我聞如是一時佛遊舍衛國在勝林給孤獨園今時尊者阿難住舍衛國於東園鹿子母堂為小事故彼時尊者阿難將一比丘從舍衛出往至東園鹿子母堂所為事訖將彼比丘還往至勝林給孤獨園今時拘薩羅王波斯匿乘一奔陀利象與尸利阿荼

大臣俱出舍衛國尊者阿難遙見拘
薩羅王波斯匿來已問伴比丘彼是
拘薩羅王波斯匿耶答曰是也尊者
阿難便下道避至一樹下拘薩羅王
波斯匿遙見尊者阿難在於樹間問
曰尸利阿茶彼是沙門阿難耶尸利
阿茶答曰是也拘薩羅王波斯匿告
尸利阿茶大目曰汝御此象令至沙
門阿難所尸利阿茶受王教已即御
此象令至尊者阿難所於是拘薩羅
王波斯匿問曰阿難從何處來欲至
何處尊者阿難答曰大王我從東園
鹿子母堂來欲至勝林給孤獨園拘
薩羅王波斯匿語曰阿難若於勝林
無急事者可共往至阿夷羅婆提河
為慈愍故尊者阿難為拘薩羅王波
斯匿默然而受於是拘薩羅王波斯
匿令尊者阿難在前共至阿夷羅婆
提河到已下乘取彼象薦四疊敷地
請尊者阿難阿難可坐此座尊者阿
難答曰止止大王但心靖足拘薩羅
王波斯匿再三請尊者阿難阿難可
坐此座尊者阿難亦再三語止止大

王但心靖足我自有尼師檀我今當
坐於是尊者阿難敷尼師檀結跏趺
坐拘薩羅王波斯匿與尊者阿難共
相問評却坐一面語曰阿難欲有所
問聽我問耶尊者阿難答曰大王欲
問便問我問已當思拘薩羅王波斯
匿問曰阿難如來頗行如是身行謂
此身行為沙門梵志所憎惡耶尊者
阿難答曰大王如來不行如是身行
謂此身行為沙門梵志聰明智慧及
餘世間所憎惡也拘薩羅王波斯匿
聞已歎曰善哉善哉阿難我所不及
若聰明智慧及餘世間者而阿難及
之阿難若有不善相恚而毀訾稱譽
者我等不見彼真實也阿難若有善
相恚而毀訾稱譽者我見彼真實也
阿難如來頗行如是身行謂此身行
為沙門梵志聰明智慧及餘世間所
憎惡耶尊者阿難答曰大王如來終
不行如是身行謂此身行為沙門梵
志聰明智慧及餘世間所憎惡也拘
薩羅王波斯匿問曰阿難云何為身
行耶尊者阿難答曰大王不善身行

也拘薩羅王波斯匿問曰阿難云何

不善身行耶尊者阿難答曰大王謂

身行有罪拘薩羅王波斯匿問曰阿

難云何身行有罪耶尊者阿難答曰

大王謂行身行智者所憎惡拘薩羅

王波斯匿問曰阿難云何智者所憎

惡耶尊者阿難答曰大王謂行身行

自言害彼俱害滅智慧惡相助不得

涅槃不趣智不趣覺不趣涅槃彼可

行法不知如真不可行法亦不知如

真可行法不知如真不可行法亦不

知如真已可受法不知如真不可受

法亦不知如真可受法不知如真不

可受法亦不知如真已可斷法不知

如真不可斷法亦不知如真可斷法

不知如真不可斷法亦不知如真已

可成就法不知如真不可成就法亦

不知如真可成就法不知如真不可

成就法亦不知如真已可行法便不

行不可行法而行可行法便不行不

可行法而行已可受法便不受不可

受法而受可受法便不受不可受法

而受已可斷法便不斷不可斷法而

斷可斷法便不斷不可斷法而斷已
可成就法便不成就不可成就法而
成就可成就法便不成就不可成就
法而成就已不善法轉增善法轉減
是故如來終不行此法拘薩羅王波
斯匿問曰阿難如來何故終不行此
法耶尊者阿難答曰大王離欲欲已
盡離恚恚已盡離癡癡已盡如來斷
一切不善之法成就一切善法教師
妙師善順師將御順御善語妙語善順
語是故如來終不行此法拘薩羅王
波斯匿歎曰善哉善哉阿難如來不
可行法終不行所以者何以如來无
所著正盡覺故阿難汝彼師弟子學
道欲得無上安隱涅槃汝尚不行此
法况復如來行此法耶拘薩羅王波
斯匿問曰阿難如來頗行如是身行
謂此身行不為沙門梵志聰明智慧
及餘世間所憎惡耶尊者阿難答曰
大王如來必行如是身行謂此身行
不為沙門梵志聰明智慧及餘世間
所憎惡也拘薩羅王波斯匿問曰阿
難云何為身行耶尊者阿難答曰大

王謂善身行也拘薩羅王波斯匿問
曰阿難云何善身行耶尊者阿難答
曰大王謂身行無罪拘薩羅王波斯
匿問曰阿難云何身行無罪耶尊者
阿難答曰大王謂行身行智者所不
憎惡拘薩羅王波斯匿問曰阿難云
何智者所不憎惡尊者阿難答曰大
王謂行身行不自害不害彼不俱害
覺慧不惡相助得涅槃趣智趣覺趣
至涅槃彼可行法知如真不可行法
亦知如真可行法知如真不可行法
亦知如真已可受法知如真不可受
法亦知如真已可斷法知如真不可
斷法亦知如真已可成就法知如真
不可成就法亦知如真可成就法知
如真不可成就法亦知如真已可行
法而行不可行法便不行可行法而
行不可行法便不行已可受法而受
不可受法便不受可受法而受不可
受法便不受已可斷法而斷不可斷
法便不斷可斷法而斷不可斷法便

不斷已可成就法而成就不可成就
法便不成就可成就法而成就不可
成就法便不成就已不善法轉減善
法轉增是故如來必行此法拘薩羅
王波斯匿問曰阿難如來何故必行
此法耶尊者阿難答曰大王離欲欲
已盡離恚恚已盡離癡癡已盡如來
成就一切善法斷一切不善之法教
師妙師善順師將御順御善語妙語
善順語是故如來必行此法拘薩羅
王波斯匿歎曰善哉善哉阿難如來
可行法必行所以者何以如來無所
著正盡覺故阿難汝彼師弟子學道
欲得无上安隱涅槃汝尚行此法况
復如來不行此法耶阿難善說我今
歡喜阿難快說我極歡喜若村輸租
阿難法應受者我村輸租為法布施
阿難若象馬牛羊阿難法應受者我
象馬牛羊為法布施阿難若婦女及
童女阿難法應受者我婦女及童女
為法布施阿難若生色寶阿難法應
受者我生色寶為法布施阿難如此
之事阿難皆不應受我拘薩羅家有

一衣名鞞訶提彼第一三以織枓孔
中盛送來為信阿難若拘薩羅家劫
貝諸衣者此鞞訶提於諸衣中取為
第一所以者何此鞞訶提衣長十六
肘廣八肘我此鞞訶提衣今為法故
布施阿難阿難當作三衣持令彼拘
薩羅家長夜增益福尊者阿難答曰
止止大王但心靖足自有三衣謂我
所受拘薩羅王波斯匿白曰阿難聽
我說喻慧者聞喻則解其義猶如大
雨時此阿夷羅婆提河水滿兩岸溢
則源出阿難見耶尊者阿難答曰見
也拘薩羅王波斯匿白曰如是阿難
若有三衣當與比丘比丘尼漸學舍
羅舍羅磨尼離阿難以此鞞訶提作
三衣受持令彼拘薩羅家長夜增益
福尊者阿難為拘薩羅王波斯匿默
然而受於是拘薩羅王波斯匿知尊
者阿難默然受已鞞訶提衣為法布
施尊者阿難即從座起繞三匝而去
去後不久尊者阿難持鞞訶提衣往
詣佛所稽首佛足却住一面白曰世
尊此鞞訶提衣今日拘薩羅王波斯

匿為法布施我願世尊以兩足著鞞訶提衣上令拘薩羅家長夜得增益福於是世尊以兩足著鞞訶提衣上告曰阿難若汝與拘薩羅王波斯匿所共論者今志向我而廣說之於是尊者阿難與拘薩羅王波斯匿所共論者盡向佛說又手白曰我如是說不誣謗世尊耶真說如法說法次法不於如法有過失耶世尊答曰汝如是說不誣謗我真說如法說法次法亦不於如法有過失也阿難若拘薩羅王波斯匿以此義以此句以此文答彼也阿難采問我者我亦為拘薩羅王波斯匿以此義以此句以此文答彼也阿難此義如汝所說汝當如是受持所以者何此說即是其義佛說如是尊者阿難及諸比丘聞佛所說歡喜奉行鞞訶提經第三竟

二千五百九十一字

中阿含例品第一得經第四 第五後誦

我聞如是一時佛遊舍衛國在勝林給孤獨園尔時世尊告諸比丘若拘薩羅王波斯匿所有境界教令所及彼中拘薩羅王波斯匿取為第一拘

薩羅王波斯匿者變易有異多聞聖
弟子如是觀則厭彼厭彼已尚不欲
第一况復下賤所謂日月境界光明
所照所照諸方謂千世界此千世界
有千日千月千弗于逮千閻浮洲千
拘陀尼洲千鬱單越洲千須弥山千
四大王天千四天王子千三十三天
千釋天因陀羅千焰摩天千須焰摩
天子千毘率哆天千毘率哆天子千
化樂天千善化樂天子千他化樂天
千自在天子千梵世界及千別梵彼
中有一梵大梵富祐作化尊造衆生
父已有當有彼大梵者變易有異多
聞聖弟子如是觀則厭彼厭彼已尚
不欲第一况復下賤後時此世敗壞
此世敗壞時衆生生是昱天中彼中
有色乘意生具足一切支節不減諸
根不壞以喜為食形色清淨自身光
照飛乘虛空住彼久遠晃昱天者變
易有異多聞聖弟子如是觀則厭彼
厭彼已尚不欲第一况復下賤復次
有四想有比丘想小想大想无量想
无所有衆生如是樂想意解者變易

有異多聞聖弟子如是觀則厭彼厭
彼已尚不欲第一况復下賤復次有
八除處云何為八比丘內有色想外
觀色少善色惡色彼色除已知除
已見作如是想是謂第一除處復次
比丘內有色想外觀色无量善色惡
色彼色除已知除已見作如是想是
謂第二除處復次比丘內无色想外
觀色少善色惡色彼色除已知除已
見作如是想是謂第三除處復次比
丘內无色想外觀色无量善色惡色
彼色除已知除已見作如是想是謂
第四除處復次比丘內无色想外觀
色青青色青見青光猶如青水華青
青色青見青光猶如成就波羅捺衣
熟擣磨碾光色悅澤青青色青見青
光如是比丘內无色想外觀色青青
色青見青光無量无量淨意潤意樂
不憎惡彼色除已知除已見作如是
想是謂第五除處復次比丘內无色
想外觀色黃黃色黃見黃光猶如頻
頭歌羅華黃黃色黃見黃光猶如成
就波羅捺衣熟擣磨碾光色悅澤黃

黃色黃見黃光如是比丘内无色想
外觀色黃黃色黃見黃光無量无量
淨意潤意樂不憎惡彼色除已知除
已見作如是想是謂第六除處復次
比丘内無色想外觀色赤赤色赤見
赤光猶如加尼歌羅華赤赤色赤見
赤光猶如成就波羅捺衣熟擣磨礪
光色悅澤赤赤色赤見赤光如是比
丘内无色想外觀色赤赤色赤見赤
光无量無量淨意潤意樂不憎惡彼
色除已知除已見作如是想是謂第
七除處復次比丘内无色想外觀色
白白色白見白光猶如太白白色白
見白光猶如成就波羅捺衣熟擣磨
礪光色悅澤白白色白見白光如是
比丘内无色想外觀色白白色白見
白光无量無量淨意潤意樂不憎惡
彼色除已知除已見作如是想是謂
第八除處衆生如是樂除處意解者
變易有異多聞聖弟子如是觀則厭
彼厭彼已尚不欲第一况復下賤復
次有十一切處云何為十有比丘無
量地處修一思惟上下諸方不二無

量水處無量火處無量風處無量青
處無量黃處無量赤處無量白處無
量空處無量識處第十修一思惟上
下諸方不二衆生如是樂一切處意
解者變易有異多聞聖弟子如是觀
則厭彼厭彼已尚不欲第一况復下
賤是謂第一清淨說施設寂第一謂
我无我不有及為彼證故施設於道
是謂第一外依見處寂依見處謂度
一切色想乃至得非有想非無想處
成就遊是謂於現法中第一求趣至
涅槃於現法中寂施設涅槃謂六更
樂處生滅味離慧見如真及為彼證
故施設於道復次有四斷云何為四
有斷樂邊有斷樂速有斷苦邊有斷
苦速於中若有斷樂邊者是樂邊故
說下賤於中若有斷樂欲若有人習
此法初无厭足若復有人習飲酒者
初无厭足若復有人修習睡眠初無
厭足是謂比丘若人有習此三法者
初无厭足亦復不能至滅盡處是故
諸比丘常當捨離此三法不親近之
如是諸比丘當作是學今時諸比丘

中阿含經第五十九卷 第三十五張 清 讚
聞佛所說歡喜奉行

供養三善根 三痛三覆露 相法三不覺
愛敬无厭足

第二得經第四竟 六百七十一字

中阿含經卷第五十九 二万七千七百一十二字 第五後誦

癸卯歲高麗國大藏都監奉
勅彫造

中阿含經卷第六十

清

例品愛生經第五

第五後誦

東晉劉賓三藏譯經僧伽提婆譯

我聞如是一時佛遊舍衛國在勝林
給孤獨園今時有一梵志唯有一兒
心極愛念忍意溫潤視之無狀忽便
命終命終之後梵志愁憂不能飲食
不著衣裳亦不塗香但至冢哭憶兒
卧處於是梵志周遍徬徬往詣佛所
共相問訊却坐一面世尊問曰梵志
今汝諸根不似自心住耶梵志答曰
今我諸根何由當得自心住耶所以
者何唯有一兒心極愛念忍意溫潤
視之無狀忽便命終彼命終已我便
愁憂不能飲食不著衣裳亦不塗香
但至冢哭憶兒卧處於是世尊告曰如是
梵志如是梵志若愛生時便生愁感
啼哭憂苦煩惱憊惱梵志語曰瞿曇
何言若愛生時便生愁感啼哭憂苦
煩惱憊惱耶瞿曇當知若愛生時生
喜心樂世尊如是至再三告曰如是
梵志如是梵志若愛生時便生愁感

啼哭憂苦煩惱懊惱梵志亦至再三

語曰瞿曇何言若愛生時便生愁感

啼哭憂苦煩惱懊惱耶瞿曇當知若

愛生時生喜心樂時彼梵志聞佛所說

不說言是但說非已即從坐起奮頭

而去今時勝林於其門前有衆多市

郭兒而共博戲梵志遙見已便作是

念世中若有聰明智慧者无過博戲

人我今寧可往彼若與瞿曇所共論

者盡向彼說於是梵志往至衆多市

郭兒共博戲所若與世尊所共論者

盡向彼說衆多市郭博戲兒聞已語

曰梵志何言若愛生時便生愁感啼

哭憂苦煩惱懊惱耶梵志當知若愛

生時生喜心樂梵志聞已便作是念

博戲兒所說正與我同領頭而去於

是山論晨轉廣布乃入王宮拘薩羅

王波斯匿聞沙門瞿曇作如是說若

愛生時便生愁感啼哭憂苦煩惱

惱語不利皇后曰我聞瞿曇作如是

說若愛生時便生愁感啼哭憂苦煩

惱懊惱不利皇后聞已白曰如是大

王如是大王若愛生時便生愁感啼

天憂苦煩惱懊惱拘薩羅王波斯匿
語末利皇后曰聞師宗說弟子必同
沙門瞿曇是汝師故作如是說汝是
彼弟子故作如是說若愛生時便生
愁感啼哭憂苦煩惱懊惱末利皇后
白曰大王若不信者可自往問亦可
遣使於是拘薩羅王波斯匿即告那
利鶩伽梵志曰汝往沙門瞿曇所為
我問許沙門瞿曇聖體康強安快无
病起居輕便氣力如常耶作如是語
拘薩羅王波斯匿問許聖體康強安
快无病起居輕便氣力如常耶沙門
瞿曇實如是說若愛生時便生愁感
啼哭憂苦煩惱懊惱那利鶩伽若
沙門瞿曇有所說者汝當善受持誦
所以者何如是之人終不妄言那利
鶩伽實志受王教已即詣佛所共相
問許却坐一面白曰瞿曇拘薩羅王
波斯匿問許聖體康強安快无病起
居輕便氣力如常耶沙門瞿曇實如
是說若愛生時便生愁感啼哭憂苦
煩惱懊惱耶世尊告曰那利鶩伽我
今問汝隨所解答那利鶩伽於意云

何若使有人母命終者被人發狂心
大錯亂脫衣裸形隨路遍走作如是
說諸賢見我母耶諸賢見我母耶那
利鶩伽以此事故可知若愛生時便
生愁感啼哭憂苦煩惱慙惱如是父
兄弟妹也兒婦命終被人發狂心大
錯亂脫衣裸形隨路遍走作如是說
諸賢見我兒婦耶諸賢見我兒婦耶
那利鶩伽以此事故可知若愛生時
便生愁感啼哭憂苦煩惱慙惱那利
鶩伽昔有一人婦暫歸家彼諸親族
欲奪更嫁彼女聞之即便速疾還至
夫家語其夫曰君今當知我親族強
欲奪君婦嫁與他人欲作何計於是
彼人即執婦解將入屋中作如是語
俱至後世俱至後世便以利刀斫殺
其婦并自宮已那利鶩伽以此事故
可知若愛生時便生愁感啼哭憂苦
煩惱慙惱那利鶩伽梵志聞佛所說
善受持誦即從坐起繞三匝而去還
至拘薩羅王波斯匿所白曰天王沙門
瞿曇實如是說若愛生時便生愁感
啼哭憂苦煩惱慙惱拘薩羅王波斯

匿聞已語末利皇后曰沙門瞿曇實

如是說若愛生時便生愁感啼哭憂

苦煩惱懊惱末利皇后白曰大王我

問大王隨所解答於意云何王愛鞞

留羅大將耶荅曰實愛末利復問若

鞞留羅大將變易異者王當云何荅

曰末利若鞞留羅大將變易異者我

必生愁感啼哭憂苦煩惱懊惱末利

白曰以此事故知愛生時便生愁感

啼哭憂苦煩惱懊惱末利復問王愛

戶利阿荼大臣愛一奔陀利象愛婆

弟利童女愛兩日蓋愛加尸及拘薩

羅國耶荅曰實愛末利復問若加尸

及拘薩羅國變易異者王當云何荅

曰末利我所具足五欲功德自娛樂者由

彼二國若加尸及拘薩羅國當變易

異者我乃至无命况復不生愁感啼

哭憂苦煩惱懊惱耶末利白曰以此

事故知愛生時便生愁感啼哭憂苦

煩惱懊惱末利問王於意云何為愛

我耶王復荅曰我實愛汝末利復問

若我一旦變易異者王當云何荅曰

末利若汝一旦變易異者我必生愁

感啼哭憂苦煩惋懊惱末利白曰以
此事故知愛生時便生愁感啼哭憂
苦煩惋懊惱拘薩羅王波斯匿語曰
末利從今日去沙門瞿曇因此事是
我師我是彼弟子末利我今自歸於
佛法及比丘衆唯願世尊受我為優
婆塞從今日始終身自歸乃至命盡
佛說如是拘薩羅王波斯匿及末利
皇后聞佛所說歡喜奉行

愛生經第五竟

一千六百七十九字

中阿含例品八城經第六

第三後誦

我聞如是一時佛般涅槃後不久衆
多上尊名德比丘遊波羅利子城住
在雞園是時第十居士八城持多妙
貨往至波羅利子城治生販賣於是
第十居士八城彼多妙貨貨賣速集
大得財利歡喜踊躍出波羅利子城
往詣雞園衆多上尊名德比丘所稽
首礼足却坐一面時諸上尊名德比
丘為彼說法勸發渴仰成就歡喜无
量方便為彼說法勸發渴仰成就歡
喜已默然而住時諸上尊比丘為彼
說法勸發渴仰成就歡喜已於是第

十居士八城白曰上尊尊者阿難今在何處我欲往見諸上尊比丘答曰居士尊者阿難今在鞞舍離獼猴江邊高樓臺觀若欲見者可往至彼尔時第十居士八城即從坐起稽首諸上尊比丘足繞三匝而去往詣尊者阿難所稽首礼足却坐一面白曰尊者阿難欲有所問聽我問耶尊者阿難告曰居士欲問便問我聞已當思居上問曰尊者阿難世尊如來无所著正盡覺成就慧眼見第一義頗說一法若聖弟子住漏盡无餘得心解脫耶尊者阿難答曰如是居士問曰尊者阿難世尊如來无所著正盡覺成就慧眼見第一義云何說有一法若聖弟子住漏盡无餘得心解脫耶尊者阿難答曰居士多聞聖弟子離欲離惡不善之法至得第四禪成就遊彼依此處觀法如法彼依此處觀法如法住彼得漏盡者或有是處若住彼不得漏盡者或因此法欲法愛法樂法靖法愛樂歡喜斷五下分結盡化生於彼而般涅槃得不退法終

不還此復次居士多聞聖弟子心與
慈俱遍滿一方成就遊如是二三四
方四維上下普周一切心與慈俱無
結无怨無恚无諍極廣其大無量善
修遍滿一切世間成就遊如是悲喜
心與捨俱無結无怨无恚無諍極廣
甚大无量善修遍滿一切世間成就
遊彼依此處觀法如法彼依此處觀
法如法住彼得漏盡者或有是處若
住彼不得漏盡者或因此法欲法愛
法樂法靖法愛樂歡喜斷五下分結
盡化生於彼而般涅槃得不退法終
不還此是謂如來无所著正盡覺成
就慧眼見第一義說有一法若聖弟
子住漏盡无餘得心解脫復次居士
多聞聖弟子度一切色想乃至非有
想非无想處成就遊彼於此處觀法
如法彼於此處觀法如法住彼得漏
盡者或有是處若住彼不得漏盡者
或因此法欲法愛法樂法靖法愛樂
歡喜斷五下分結盡化生於彼而般
涅槃得不退法終不還此是謂如來
无所著正盡覺成就慧眼見第一義

說有一法若聖弟子住漏盡無餘得心解脫於是第十居士八城即從坐起偏袒著衣叉手白曰尊者阿難甚奇甚特我問尊者阿難一甘露門而尊者阿難一時為我說於十二甘露法門今此十二甘露法門必隨所依得安隱出尊者阿難猶去村不遠有大屋舍開十二戶若人所為故入彼屋中復一人來不為彼人求義及饒益不求安隱而燒彼屋尊者阿難彼人必得於此十二戶隨所依出得自安隱如是我問尊者阿難一甘露門而尊者阿難一時為我說於十二甘露法門今此十二甘露法門必隨所依得安隱出尊者阿難梵志法律中說不善法律尚供養師况復我不供養大師尊者阿難耶於是第十居士八城即於夜中施設極妙淨美豐饒食散含消施設食已平旦敷座請雞園衆及鞞舍離衆皆集一處自行澡水則以極妙淨美豐饒食散含消手自斟酌令得飽滿食訖收器行澡水竟持五百種物買屋別施尊者阿難

尊者阿難受已施與招提僧尊者阿難所說如是第十居士八城聞尊者阿難所說歡喜奉行

八城經第六竟 一千二百七十五字

中阿含例品阿那律陀經第七 第五後誦

我聞如是一時佛遊舍衛國在勝林給孤獨園尔時諸比丘則於晡時從燕坐起往詣尊者阿那律陀所稽首礼足却坐一面白曰我等欲有所問聽乃敢陳尊者阿那律陀答曰諸賢欲問便問我聞已當思時諸比丘即便問曰云何比丘賢死賢命終耶尊者阿那律陀答曰諸賢若比丘離欲離惡不善之法至得第四禪成就遊者是謂比丘賢死賢命終也時諸比丘又復問曰比丘極是賢死賢命終耶尊者阿那律陀答曰諸賢比丘不極是賢死賢命終也復次諸賢若比丘得如意足天耳他心智宿命智生死智漏盡得无漏心解脫慧解脫於現法中自知自覺自作證成就遊生已盡梵行已立所作已辦不更受有知如真是謂比丘賢死賢命終也時

諸比丘又復問曰比丘極是賢死賢命終耶尊者阿那律陀答曰諸賢比丘極是賢死賢命終也於是諸比丘聞尊者阿那律陀所說善受持誦已即從坐起稽首尊者阿那律陀足繞三匝而去尊者阿那律陀所說如是彼諸比丘聞尊者阿那律陀所說歡喜奉行

阿那律陀經第七竟

三百五十三

中阿含經品阿那律陀經第八 第五後誦

我聞如是一時佛遊舍衛國在勝林給孤獨園今時諸比丘則於晡時從燕坐起往詣尊者阿那律陀所稽首禮足却坐一面白曰我等欲有所問聽乃敢陳尊者阿那律陀答曰諸賢欲問便問我聞已當思時諸比丘即便問曰云何比丘不煩熱死不煩熱命終耶尊者阿那律陀答曰諸賢若比丘見質直及得聖愛或者者是謂比丘不煩熱死不煩熱命終時諸比丘又復問曰比丘極是不煩熱死不煩熱命終耶尊者阿那律陀答曰諸賢比丘不極是不煩熱死不煩熱命終

復次諸賢若比丘觀內身如身乃至
觀覺心法如法是謂比丘不煩熱死
不煩熱命終時諸比丘又復問曰比
丘極是不煩熱死不煩熱命終耶尊
者阿那律陀荅曰諸賢比丘不極是
不煩熱死不煩熱命終復次諸賢若
比丘心與慈俱遍滿一方成就遊如
是二三四方四維上下普周一切心
與慈俱無結无怨无恚无諍極廣甚
大无量善修遍滿一切世間成就遊
如是悲喜心與捨俱无結无怨无恚
无諍極廣甚大無量善修遍滿一切
世間成就遊是謂比丘不煩熱死不
煩熱命終時諸比丘又復問曰比丘
極是不煩熱死不煩熱命終耶尊者
阿那律陀荅曰諸賢比丘不極是不
煩熱死不煩熱命終復次諸賢若比
丘度一切色想乃至非有想非无想
處成就遊是謂比丘不煩熱死不煩
熱命終時諸比丘又復問曰比丘極
是不煩熱死不煩熱命終耶尊者阿
那律陀荅曰諸賢比丘不極是不煩
熱死不煩熱命終復次諸賢若有比

丘度一切非有想非無想處想知滅
身觸成就遊及慧觀諸漏已盡者是
謂比丘不煩熱死不煩熱命終時諸
比丘又復問曰比丘極是不煩熱死
不煩熱命終耶尊者阿那律陀荅曰
諸賢比丘極是不煩熱死不煩熱命
終時諸比丘聞尊者阿那律陀所說
善受持誦即從坐起稽首尊者阿那
律陀足繞三匝而去尊者阿那律陀
所說如是彼諸比丘聞尊者阿那律

陀所說歡喜奉行

阿那律陀經第八竟

六百五十二字

中阿含例品見經第九

第五後誦

我聞如是一時佛般涅槃後不久尊
者阿難遊王舍城在竹林迦蘭多園
於是有一異學梵志是尊者阿難未
出家時友中後徬徬往詣尊者阿難
所共相問訊却坐一面語尊者阿難
欲有所問聽我問耶尊者阿難荅曰
梵志欲問便問我聞已當思異學梵
志即便問曰所謂此見捨置除却不
盡通說謂世有常世元有常世有底
世无底命即是身為命異身異如來

終如來不終如來終不終如來亦非
終亦非不終耶沙門瞿曇知此諸見
如應知耶尊者阿難答曰梵志所謂
此見世尊如來无所著正盡覺捨置
除却不盡通說謂世有常世无有常
世有底世無底命即是身為命異身
異如來終如來不終如來終不終如
來亦非終亦非不終耶世尊如來无
所著正盡覺知此諸見如應也異學
梵志又復問曰所謂此見沙門瞿曇
捨置除却不盡通說謂世有常世无
有常世有底世无底命即是身為命異
身異如來終如來不終如來終不終
如來亦非終亦非不終耶沙門瞿曇
云何知此諸見如應耶尊者阿難答
曰梵志所謂此見世尊如來无所著
正盡覺捨置除却不盡通說謂世有
常世无有常世有底世无底命即是
身為命異身異如來終如來不終如
來終不終如來亦非終亦非不終耶
異學梵志如是具如是受如是趣如
是生如是至後世所謂此是世尊如
來无所著正盡覺捨置除却不盡通

說謂世有常世无有常世有底世無底命即是身為命異身異如來終如來不終如來終不終如來亦非終亦非不終耶如是知此諸見此諸見應如是知異學梵志白曰我今自歸於阿難尊者阿難告曰梵志汝莫自歸於我如我自歸於佛汝亦應自歸異學梵志白曰阿難我今自歸於佛法及比丘衆唯願世尊受我為優婆塞從今日始終身自歸乃至命盡尊者阿難所說如是彼異學梵志聞尊者阿難所說歡喜奉行

見經第九竟

六百五十五

中阿含例品箭喻經第十 第五後誦

我聞如是一時佛遊舍衛國在勝林給孤獨園今時尊者鵝童子獨安靖處燕坐思惟心作是念所謂此見世尊捨置除却不盡通說謂世有常世無有常世有底世无底命即是身為命異身異如來終如來不終如來終不終如來亦非終亦非不終耶我不欲此我不忍此我不可此若世尊為我一向說世有常者我從彼學梵行

若世尊不為我一向說世有常者我
當難詰彼捨之而去如是世無有常
世有底世无底命即是身為命異身
異如來終如來不終如來終不終如來
亦非終亦非不終耶若世尊為我一
向說此是真諦餘皆虛妄言者我從
彼學梵行若世尊不為我一向說此
是真諦餘皆虛妄言者我當難詰彼
捨之而去於是尊者鵝童子則於晡
時從燕坐起往詣佛所稽首作礼却
坐一面白曰世尊我今獨安靖處燕
坐思惟心作是念所謂此見世尊捨
置除却不盡通說謂世有常世無有
常世有底世无底命即是身為命異
身異如來終如來不終如來終不終
如來亦非終亦非不終耶我不欲此
我不忍此我不可此若世尊一向知
世有常者世尊當為我說若世尊不
一向知世有常者當直言不知也如
是世无有常世有底世无底命即是
身為命異身異如來終如來不終如
來終不終如來亦非終亦非不終耶
若世尊一向知此是真諦餘皆虛妄

言者世尊當為我說若世尊不一向
知此是真諦餘皆虛妄言者當直言
不知也世尊問曰鵝童子我本頗為
汝如是說世有常汝來從我學梵行
耶鵝童子答曰不也世尊如是世無
有常世有底世无底命即是身為命
異身異如來終如來不終如來終不
終如來亦非終亦非不終耶我本頗
為汝如是說此是真諦餘皆虛妄言
汝來從我學梵行耶鵝童子答曰不
也世尊鵝童子汝本頗向我說若世
尊為我一向說世有常者我當從世
尊學梵行耶鵝童子答曰不也世尊
如是世无有常世有底世无底命即
是身為命異身異如來終如來不終
如來終不終如來亦非終亦非不終
耶鵝童子汝本頗向我說若世尊為
我一向說此是真諦餘皆虛妄言者
我當從世尊學梵行耶鵝童子答曰
不也世尊世尊告曰鵝童子我本不
向汝有所說汝本亦不向我有所說
汝愚癡人何故虛妄誣謗我耶於是
尊者鵝童子為世尊面訶責數內懷

憂感伍頭默然失辯无言如有所伺
於是世尊面訶鵝童子已告諸比丘
若有愚癡人作如是念若世尊不為
我一向說世有常者我不從世尊學
梵行彼愚癡人竟不得知於其中間
而命終也如是世无有常世有底世
无底命即是身為命異身異如来終
如來不終如来終不終如来亦非終
亦非不終耶若有愚癡人作如是念
若世尊不為我一向說此是真諦餘
皆虛妄言者我不從世尊學梵行
彼愚癡人竟不得知於其中間而命終
也猶如有人身被毒箭因毒箭故受
極重苦彼見親族憐念慰傷為求利
義饒益安隱便求箭醫然彼人者方
作是念未可拔箭我應先知彼人如
是姓如是名如是生為長短麤細為
黑白不黑不白為刹利族梵志居士
工師族為東方南方西方北方耶未
可拔箭我應先知彼弓為柁為乘為
規為角耶未可拔箭我應先知弓扎
彼為是牛筋為麀鹿筋為是絲耶
未可拔箭我應先知弓色為黑為白

為赤為黃耶未可拔箭我應先知弓
弦為筋為絲為紆為麻耶未可拔箭
我應先知箭幹為木為竹耶未可拔
箭我應先知箭纏為是牛筋為麀鹿
筋為是絲耶未可拔箭我應先知箭
羽為飄鵬毛為鵠鷺毛為鷓鴣毛為
鶴毛耶未可拔箭我應先知箭鏹為
鏹為矛為鉞刀耶未可拔箭我應先知
作箭鏹師如是姓如是名如是生為
長短麋細為黑白不黑不白為東方
西方南方北方耶彼人竟不得知於
其中間而命終也若有愚癡人作如
是念若世尊不為我一向說世有常者
我不從世尊學梵行彼愚癡人竟不
得知於其中間而命終也如是世無
有常世有底世无底命即是身為命
異身異如来終如来不終如来終不
終如来亦非終亦非不終耶若有愚
癡人作如是念若世尊不為我一向
說此是真諦餘皆虛妄言者我不從
世尊學梵行彼愚癡人竟不得知於
其中間而命終也世有常因此見故
從我學梵行者此事不然如是世無

有常世有底世无底命即是身為命
異身異如来終如来不終如来終不
終如来亦非終亦非不終耶因此見
故從我學梵行者此事不然世有常
有山見故不從我學梵行者此事不
然如是世无有常世有底世无底命
即是身為命異身異如来終如来不
終如来終不終如来亦非終亦非不
終耶有山見故不從我學梵行者此
事不然世有常无山見故從我學梵
行者此事不然如是世無有常世有
底世无底命即是身為命異身異如
來終如来不終如来終不終如来亦
非終亦非不終耶无山見故從我學
梵行者此事不然世有常无山見故
從我學梵行者此事不然如是世无
有常世有底世无底命即是身為命
異身異如来終如来不終如来終不
終如来亦非終亦非不終耶无山見
故不從我學梵行者此事不然世有
常者有生有老有病有死愁感啼哭
憂苦懊惱如是山淳大苦陰生如是
世無常世有底世無底命即是身為

命異身異如來終如來不終如來終
不終如來亦非終亦非不終者有生
有老有病有死愁感啼哭憂苦懊惱
如是此淳大苦陰生世有常我不一
向說此以何等故我不一向說此此
非義相應非法相應非梵行本不趣
智不趣覺不趣涅槃是故我不一向
說此如是世无常世有底世无底命
即是身為命異身異如來終如來不
終如來終不終如來亦非終亦非不
終我不一向說此以何等故我不一向
說此此非義相應非法相應非梵行
本不趣智不趣覺不趣涅槃是故我
不一向說此也何等法我一向說耶此
義我一向說苦苦習苦滅苦滅道跡
我一向說以何等故我一向說此此
是義相應是法相應是梵行本趣智
趣覺趣於涅槃是故我一向說此是
為不可說者則不說可說者則說當
如是持當如是學佛說如是彼諸比
丘聞佛所說歡喜奉行

箭喻經第十竟

二十字

中阿含例品例經第十一 第五後讀

我聞如是一時佛遊舍衛國在勝林
給孤獨園今時世尊告諸比丘若欲
斷無明者當修四念處云何欲斷無
明者當修四念處若時如來出世無
所著等正覺明行成為善逝世間解
无上士道法御天人師号佛眾祐彼
斷乃至五蓋心穢慧羸觀內身如身
至觀覺心法如法是謂欲斷無明者
當修四念處如是數斷解脫過度拔
絕滅止摠知別知欲別知無明者當
修四念處云何欲別知無明者當修
四念處若時如來出世无所著等正
覺明行成為善逝世間解无上士道
法御天人師号佛眾祐彼斷乃至五
蓋心穢慧羸觀內身如身至觀覺心
法如法是謂欲別知無明者當修四
念處欲斷無明者當修四正斷云何
欲斷無明者當修四正斷若時如來
出世无所著等正覺明行成為善逝
世間解无上士道法御天人師号佛
眾祐彼斷乃至五蓋心穢慧羸已生
惡不善法為斷故發欲求方便精勤
舉心斷未生惡不善法為不生故發

欲求方便精勤舉心斷未生善法為
生故發欲求方便精勤舉心斷已生
善法為久住不忘不退增長廣大修
習具足故發欲求方便精勤舉心斷
是謂欲斷无明者當修四正斷如是
數斷解脫過度拔絕滅止摠知別知
欲別知無明者當修四正斷云何欲
別知无明者當修四正斷若時如來
出世无所著等正覺明行成為善逝
世間解无上士道法御天人師号佛
衆祐彼斷乃至五蓋心穢慧羸已生
惡不善法為斷故發欲求方便精勤
舉心斷未生惡不善法為不生故發
欲求方便精勤舉心斷未生善法為
生故發欲求方便精勤舉心斷已生
善法為久住不忘不退增長廣大修
習具足故發欲求方便精勤舉心斷
是謂欲別知无明者當修四正斷欲
斷无明者當修四如意足云何欲斷
無明者當修四如意足若時如來出
世无所著等正覺明行成為善逝世
間解无上士道法御天人師号佛衆
祐彼斷乃至五蓋心穢慧羸修欲定

如意足成就斷行依離依无欲依滅
趣非品如是修精進定心定也修思惟
定如意足成就斷行依離依无欲依
滅趣非品是謂欲斷无明者當修四
如意足如是數斷解脫過度拔絕滅
止惣知別知欲別知无明者當修四
如意足云何欲別知無明者當修四
如意足若時如來出世无所著等正
覺明行成為善逝世間解无上士道
法御天人師号佛衆祐彼斷乃至五
蓋心穢慧羸修欲定如意足成就
斷行依離依无欲依滅趣非品如是
修精進定心定也修思惟定如意足
成就斷行依離依无欲依滅趣非品
是謂欲別知无明者當修四如意足
欲斷无明者當修四禪云何欲斷無
明者當修四禪若時如來出世無所
著等正覺明行成為善逝世間解无
上士道法御天人師号佛衆祐彼斷
乃至五蓋心穢慧羸離欲離惡不善
之法至得第四禪成就遊是謂欲斷
无明者當修四禪如是數斷解脫過
度拔絕滅止惣知別知欲別知無明者

當修四禪云何欲別知無明者當修
四禪若時如來出世无所著等正覺
明行成為善逝世間解無上士道法
御天人師号佛衆祐彼断乃至五盖
心穢慧羸離欲離惡不善之法至得
第四禪成就遊是謂欲別知無明者
當修四禪欲断无明者當修五根云
何欲断无明者當修五根若時如來
出世无所著等正覺明行成為善逝
世間解無上士道法御天人師号佛
衆祐彼断乃至五盖心穢慧羸修信
根精進念定慧根是謂欲断无明者
當修五根如是發断解脫過度拔絕
滅止惣知別知欲別知無明者當修
五根六何欲別知無明者當修五根
若時如來出世无所著等正覺明行
成為善逝世間解無上士道法御天
人師号佛衆祐彼断乃至五盖心穢
慧羸修信根精進念定慧根是謂欲
别知無明者當修五根欲断無明者
當修五力云何欲断無明者當修五
力若時如來出世无所著等正覺明
行成為善逝世間解無上士道法御

天人師号佛衆祐彼断乃至五盖心
穢慧羸修信力精進念定慧力是謂
欲断无明者當修五力如是數断解
脫過度拔絕滅止摠知别知欲别知
無明者當修五力云何欲别知無明
者當修五力若時如來出世无所著
等正覺明行成為善逝世間解無上
士道法御天人師号佛衆祐彼断乃
至五盖心穢慧羸修信力精進念定
慧力是謂欲别知无明者當修五力
欲断無明者當修七覺支云何欲断
无明者當修七覺支若時如來出世
無所著等正覺明行成為善逝世間
解無上士道法御天人師号佛衆祐
彼断乃至五盖心穢慧羸修念覺支
依離依无欲依滅趣非品如是修法
精進喜息定也修捨覺支依離依无
欲依滅趣非品是謂欲断无明者當
修七覺支如是數断解脫過度拔絕
滅止摠知别知欲别知無明者當修
七覺支云何欲别知无明者當修七
覺支若時如來出世无所著等正覺
明行成為善逝世間解无上士道法

御天人師号佛衆祐彼断乃至五盖
心穢慧羸修念覺支依離依无欲依
滅趣非品如是修法精進喜息定也
修捨覺支依離依無欲依滅趣非品
是謂欲别知无明者當修七覺支欲
断无明者當修八支聖道云何欲断
無明者當修八支聖道若時如来出
世无所著等正覺明行成為善逝世
間解无上士道法御天人師号佛衆
祐彼断乃至五盖心穢慧羸修正見
乃至修正定為八是謂欲断无明者
當修八支聖道如是數断解脫過度
拔絕滅止惣知别知欲别知无明者
當修八支聖道云何欲别知无明者
當修八支聖道若時如来出世无所
著等正覺明行成為善逝世間解无
上士道法御天人師号佛衆祐彼断
乃至五盖心穢慧羸修正見乃至修
正定為八是謂欲别知無明者當修
八支聖道欲断无明者當修十一切
處云何欲断無明者當修十一切處
若時如来出世无所著等正覺明行
成為善逝世間解无上士道法御天

人師号佛衆祐彼断乃至五盖心穢
慧羸修第一地一切處四維上下不
二無量如是修水一切處火一切處
風一切處青一切處黃一切處赤一
切處白一切處無量空處一切處修第
十无量識處一切處四維上下不二
无量是謂欲断無明者當修十一切
處如是數断解脫過度拔絕滅止認
知别知欲别知无明者當修十一切
處云何欲别知无明者當修十一切
處若時如来出世无所著等正覺明
行成為善逝世間解无上士道法御
天人師号佛衆祐彼断乃至五盖心
穢慧羸修第一地一切處四維上下
不二無量如是修水一切處火一切
處風一切處青一切處黃一切處赤
一切處白一切處无量空處一切處
修第十无量識處一切處四維上下
不二无量是謂欲别知無明者當修
十一切處欲断无明者當修十无學
法云何欲断無明者當修十无學法
若時如来出世无所著等正覺明行
成為善逝世間解无上士道法御天

人師号佛衆祐彼断乃至五盖心穢
慧羸修无學正見乃至修无學正智
是謂欲断无明者當修十无學法如
是數断解脫過度拔絕滅止摠知別
知欲別知無明者當修十无學法云
何欲別知无明者當修十无學法
若時如來出世無所著等正覺即行
成為善逝世間解无上士道法御天
人師号佛衆祐彼断乃至五盖心穢
慧羸修无學正見乃至修无學正智
是謂欲別知无明者當修十无學法
如无明行亦如是如行識亦如是如
識名色亦如是如名色六處亦如是
如六處更樂亦如是如更樂覺亦如
是如覺愛亦如是如愛受亦如是如
受有亦如是如有生亦如是欲断老
死者當修四念處云何欲断老死者
當修四念處若時如來出世无所著
等正覺明行成為善逝世間解无上
士道法御天人師号佛衆祐彼断乃
至五盖心穢慧羸觀内身如身至觀
覺心法如法是謂欲断老死者當修
四念處如是數断解脫過度拔絕滅

止惣知別知欲別知老死者當修四
念處云何欲別知老死者當修四念
處若時如來出世無所著等正覺明
行成為善逝世間解无上士道法御
天人師号佛眾祐彼斷乃至五蓋心
穢慧羸觀內身如身乃至觀覺心法
如法是謂欲別知老死者當修四念
處欲斷老死者當修四正斷云何欲
斷老死者當修四正斷若時如來出
世无所著等正覺明行成為善逝世
間解无上士道法御天人師号佛眾
祐彼斷乃至五蓋心穢慧羸已生惡
不善法為斷故發欲求方便精勤舉
心斷未生惡不善法為不生故發欲求
方便精勤舉心斷未生善法為生故
發欲求方便精勤舉心斷已生善法
為久住不忘不退增長廣大修習具
足故發欲求方便精勤舉心斷是謂
欲斷老死者當修四正斷如是數斷解
脫過度拔絕滅止惣知別知欲別知
老死者當修四正斷云何欲別知老
死者當修四正斷若時如來出世無
所著等正覺明行成為善逝世間解

无上上道法御天人師号佛衆祐彼
断乃至五蓋心穢慧羸已生惡不善
法為断故發欲求方便精勤舉心断
未生惡不善法為不生故發欲求方
便精勤舉心断未生善法為生故發
欲求方便精勤舉心断已生善法為
久住不忘不退增長廣大修習具足
故發欲求方便精勤舉心断是謂欲
别知老死者當修四正断欲断老死
者當修四如意足云何欲断老死者
當修四如意足若時如来出世无所
著等正覺明行成為善逝世間解無
上士道法御天人師号佛衆祐彼断
乃至五蓋心穢慧羸修欲定如意足
成就断行依離依无欲依滅趣非品
如是修精進定心定也修思惟定如
意足成就断行依離依无欲依滅趣
非品是謂欲断老死者當修四如意
足如是數断解脫過度拔絕滅止揔
知别知欲别知老死者當修四如意
足云何欲别知老死者當修四如意
足若時如来出世无所著等正覺明
行成為善逝世間解无上士道法御

天人師号佛衆祐彼断乃至五盖心
穢慧羸離欲定如意足成就断行依
離依无欲依滅趣非品如是修精進
定心定也修思惟定如意足成就断行
依離依无欲依滅趣非品是謂欲别知
老死者當修四如意足欲断老死者當
修四禪云何欲断老死者當修四禪
若時如來出世無所著等正覺明行
成為善逝世間解無上士道法御天
人師号佛衆祐彼断乃至五盖心穢
慧羸離欲離惡不善之法至得第四
禪成就逝是謂欲断老死者當修四
禪如是數断解脫過度拔絕滅止摠
知别知欲别知老死者當修四禪云
何欲别知老死者當修四禪若時如
來出世无所著等正覺明行成為善
逝世間解無上士道法御天人師号
佛衆祐彼断乃至五盖心穢慧羸離
欲離惡不善之法至得第四禪成就
逝是謂欲别知老死者當修四禪欲
断老死者當修五根云何欲断老死
者當修五根若時如來出世无所著
等正覺明行成為善逝世間解無上

士道法御天人師号佛衆祐彼断乃至五盖心穢慧羸修信根精進念定慧根是謂欲断老死者當修五根如是數断解脫過度拔絕摠知別知欲別知老死者當修五根云何欲別知老死者當修五根若時如來出世无所著等正覺明行成為善逝世間解无上士道法御天人師号佛衆祐彼断乃至五盖心穢慧羸修信根精進念定慧根是謂欲別知老死者當修五根欲断老死者當修五力若時如來出世无所著等正覺明行成為善逝世間解无上士道法御天人師号佛衆祐彼断乃至五盖心穢慧羸修信力精進念定慧力是謂欲断老死者當修五力如是數断解脫過度拔絕滅止摠知別知欲別知老死者當修五力云何欲別知老死者當修五力若時如來出世无所著等正覺明行成為善逝世間解无上士道法御天人師号佛衆祐彼断乃至五盖心穢慧羸修信力精進念定慧力是謂欲

別知老死者當修五力欲斷老死者
當修七覺支云何欲斷老死者當修
七覺支若時如來出世无所著等正
覺明行成為善逝世間解无上士道
法御天人師号佛衆祐彼斷乃至五
蓋心穢慧羸修念覺支依離依无欲
依滅趣非品如是修法精進喜息定
也修捨覺支依離依無欲依滅趣非
品是謂欲斷老死者當修七覺支如
是數斷解脫過度拔絕滅止惣知別
知欲別知老死者當修七覺支云何
欲別知老死者當修七覺支若時如
來出世无所著等正覺明行成為善
逝世間解无上士道法御天人師号
佛衆祐彼斷乃至五蓋心穢慧羸修
念覺支依離依无欲依滅趣非品如
是修法精進喜息定也修捨覺支依
離依无欲依滅趣非品是謂欲別知
老死者當修七覺支欲斷老死者當
修八支云何道云何欲斷老死者當修
八支聖道若時如來出世无所著等
正覺明行成為善逝世間解无上士
道法御天人師号佛衆祐彼斷乃至

五蓋心穢慧羸修正見乃至修正定
為八是謂欲斷老死者當修八支聖
道如是數斷解脫過度拔絕滅止摠
知別知欲別知老死者當修八支聖
道云何欲別知老死者當修八支聖
道若時如來出世无所著等正覺明
行成為善逝世間解無上士道法御
天人師号佛衆祐彼斷乃至五蓋心
穢慧羸修正見乃至修正定為八是
謂欲別知老死者當修八支聖道欲
斷老死者當修十一切處云何欲斷
老死者當修十一切處若時如來出
世无所著等正覺明行成為善逝世
間解無上士道法御天人師号佛衆
祐彼斷乃至五蓋心穢慧羸修第一
地一切處四維上下不二無量如是
修水一切處火一切處風一切處青
一切處黃一切處赤一切處白一切
處无量空處一切處修第十无量識
處一切處四維上下不二無量是謂欲
斷老死者當修十一切處如是數斷
解脫過度拔絕滅止摠知別知欲別
知老死者當修十一切處云何欲別

知老死者當修十一一切處若時如來
出世无所著等正覺明行成為善逝
世間解无上士道法御天人師号佛眾
祐彼斷乃至五盖心穢慧羸修第一
地一切處四維上下不二無量如是
修水一切處火一切處風一切處青
一切處黃一切處赤一切處白一切
處无量空處一切處修第十无量識
處一切處四維上下不二無量是謂
欲別知老死者當修十一一切處欲斷
老死者當修十无學法云何欲斷老
死者當修十无學法若時如來出世
无所著等正覺明行成為善逝世間
解无上士道法御天人師号佛眾祐
彼斷乃至五盖心穢慧羸修無學正
見乃至修无學正智是謂欲斷老死
者當修十无學法如是數斷解脫過
度拔絕滅止摠知別知欲別知老死者
當修十无學法云何欲別知老死者
當修十無學法若時如來出世無所
著等正覺明行成為善逝世間解无
上士道法御天人師号佛眾祐彼斷
乃至五盖心穢慧羸修无學正見乃

至修元學正智是謂欲別知老死者
當修十元學法佛說如是彼諸比丘
聞佛所說歡喜奉行

例經第十一竟

四十八卷
六十五卷

中阿含經卷第六十

三十二卷
四十二卷

中阿含例品第四竟

三十二卷
四十二卷

後出中阿含經記

昔釋法師於長安出中阿含增壹阿
毗曇廣說僧伽羅叉阿毗曇心婆須
蜜三法度二衆從解脫從解脫緣此
諸經律凡百餘方言並違本失言名
不當實依佈屬辭句味亦差良由譯
人造次未善晉言故使余耳會燕秦
交戰關中大亂於是良匠皆世故以
弗獲改正乃經數年至關東小清冀
州道人釋法和刻賓沙門僧伽提和
招集門徒俱遊洛邑四五年中研講
遂精其人漸曉漢語然後乃知先之
失也於是和乃追恨先失即從提和
更出阿毗曇及廣說也自是之後此
諸經律漸皆譯正唯中阿含僧伽羅
叉婆須蜜從解脫緣未更出耳會僧
伽提和進遊京師應運流化法施江

左于時晉國大長者尚書令衛將軍東亭侯優婆塞王元琳常護持正法以為已任即檀越也為出經故造立精舍延請有道釋慧持等義學沙門四十餘人施諸所安四事无乏又豫請經師僧伽羅叉長供數年然後乃以晉隆安元年丁酉之歲十一月十日於揚州丹陽郡建康縣界在其精舍更出此中阿含請剎賓沙門僧伽羅叉令誦胡本請僧伽提和轉胡為晉豫州沙門道慈筆受吳國李寶康化共書至來二年戊戌之歲六月二十五日草本始訖此中阿含凡有五誦都十八品有二百二十二經合五十一万四千八百二十五字分為六十卷時遇國大難未即正書乃至五年辛丑之歲方得正寫校定流傳其人傳譯准之先出大有不同於此三百二十二經中若委靡順從則懼失聖旨若從本制名類多異舊則逆忤先習不怙衆情是以其人不得自專時有改本從舊名耳然五部異同孰知其正而道慈愚意怏怏於違本故

諸改名者皆抄出注下新舊兩存別
為一卷與目錄相連以示於後將來
諸賢令知同異得更採訪脫遇高明
外國善晉胡方言者訪其得失刊之
從正

癸卯歲高麗國大藏都監奉
勅彫造

增壹阿含經卷第一

東晉時僧人慧遠等譯

序品第一

自歸能仁第七仙	演說賢聖無上軌
永在生死長流河	世尊今為度黎庶
尊長迦葉及衆僧	賢哲阿難元量聞
善逝泥日供舍利	從拘夷國至摩竭
迦葉端思行四等	此衆生類墜五道
正覺演道今去世	憶尊巧訓懷悲泣
迦葉思惟正法平	云何流布久在世
寂尊種種吐言教	捻持懷抱不漏失
誰有此力集衆法	在在處處因緣本
今此衆中智慧士	阿難賢善无量聞
即擊捷椎集四部	比丘八萬四千衆
盡得羅漢心解脫	以脫縛著處福田
迦葉哀愍於世故	加憶尊恩過去報
世尊授法付阿難	願布演法長存世
云何次第不失緒	三阿僧祇集法寶
便後四部得聞法	已聞便得離衆苦
阿難便辭吾不堪	諸法甚深若干種
豈敢分別如來教	佛法功德無量智
今尊迦葉能堪任	世雄以法付耆舊

大迦葉今為衆人 如來在世請半坐
迦葉報言雖有是 年衰朽老多忘失
汝今提持智慧業 能使法本恒在世
我今有三清淨眼 亦復能知他心智
一切衆生種種類 無有能勝尊阿難
梵天下降及帝釋 護世四王及諸天
弥勒堯術尋來集 菩薩數億不可計
弥勒梵釋及四王 皆悉叉手而啓白
一切諸法佛所印 阿難是我法之器
若使不欲法存者 便為壞敗如來教
願存本要為衆生 得濟危厄度衆難
釋師出世壽極短 肉體雖逝法身在
當令法本不斷絕 阿難勿諍時說法
迦葉寂尊及聖衆 弥勒梵釋及四王
哀請阿難時發言 使如來教不滅盡
阿難仁和四等具 意轉入微師子吼
願眄四部瞻虛空 悲泣揮淚不自勝
便奮光明和顏色 普照衆生如日初
弥勒觀光及釋梵 取拾遲聞无上法
四部寂靜專一心 欲得聞法意不乱
尊長迦葉及聖衆 直視觀顏目不眴
時阿難說經無量 誰能備具為一聚
我今當為作三分 造立十經為一偈

契經一分律二分

阿毗曇經復三分

過去三佛皆三分

契經律法為三歲

契經今當分四段

次名增一二名中

三名曰長多瓔珞

雜經在後為四分

尊者阿難作是念

如來法身不敗壞

永存於世不斷絕

天人得聞成道果

或有一法義亦深

難持難誦不可憶

我今當集一法義

一一相從不失緒

亦有二法還就二

三法就三如連珠

四法就四五亦然

五法次六六次七

八法義廣九次第

十法從十至十一

如是法寶終不忘

亦恒處世久存在

於大眾中集此法

即時阿難昇乎座

弥勒稱善快哉說

諸法義合宜配之

更有諸法宜分部

世尊所說各各異

菩薩發意趣大乘

如來說此種種別

人尊說六度無極

布施持戒忍精進

禪智慧力如月初

還度无極觀諸法

諸有勇猛施頭目

身體血肉無所惜

妻妾國財及男女

此名檀度不應弃

戒度无極如金剛

不毀不犯无漏失

持心護戒如坏瓶

此名戒度不應弃

或有人來截手足

不起瞋恚忍力強

如海含容無增減

此名思度不應弃

諸有造作善惡行

身口意三無厭足

妨人諸行不至道

此名進度不應弃

諸有坐禪出入息

心意堅固無乱念

正使地動身不傾

此名禪度不應弃

以智慧力知塵數

劫數兆載不可稱

書疏數業意不乱

此名智度不應弃

諸法甚深論空理

難明難了不可觀

將來後進懷疑

此菩薩德不應弃

阿難自陳有是念

菩薩之行愚不信

除諸羅漢信解脫

今乃有信无猶豫

四部之衆發道意

及諸一切衆生類

彼有牢信不狐疑

集此諸法為一分

弥勒稱善快哉說

發趣大乘意其廣

或有諸法断結使

或有諸法成道果

阿難說曰此云何

我見如来演此法

亦有不從如来聞

此法豈非當有疑

設我言見此義非

於將來衆便有虛

今稱諸經聞如是

佛處所在城國土

波羅捺國初說法

摩竭國降三迦葉

釋迦拘薩迦尸國

瞻波句留毗舍離

天宮龍宮阿須倫

軋耆和等拘尸城

正使不得說經處

當稱原本在舍衛

吾所從聞一時事 佛在舍衛及弟子
祇桓精舍修善業 孤獨長者所施園
時佛在中告比丘 當修一法專一心
思惟一法無放逸 云何一法謂念佛
法念僧念及戒念 施念去相次天念
息念安般及身念 死念除乱謂十念
此名十念更有十 次後當稱尊弟子
初化拘隣真佛子 寂後小者名須拔
以此方便了一法 二從二法三從三
四五六七八九十 十一之法無不了
從一增一至諸法 義豐慧廣不可盡
一一契經義亦深 是故名曰增壹舍
今尋一法難明了 難持難曉不可明
比丘自稱功德業 今當稱之尊第一
猶如陶家所造器 隨意所作無狐疑
如是阿含增一法 三乘教化無差別
佛經微妙極甚深 能除結使如流河
然此增一取在上 能淨三眼除三垢
其有專心持增一 便為摠持如來藏
正使今身不盡結 後生便得高才智
若有書寫經卷者 繒絲花蓋持供養
此福無量不可計 以此法寶難遇故
說此語時地大動 雨天華香至于勝

諸天在空歎善哉

上尊所說盡順宜

契經一藏律二藏

阿毘曇經為三藏

方等大乘義玄邃

及諸契經為雜藏

安處佛語終不異

因緣本末皆隨順

弥勒諸天皆稱善

釋迦文經得久存

弥勒尋起手執華

歡喜持用散阿難

此經真實如來說

使阿難尋道果成

是時尊者阿難及梵天將諸梵迦夷

天皆來會集化自在天將諸營從皆

來會聚他化自在天將諸營從皆悉

來會兜術天王將諸天之衆皆來會

聚豔天將諸營從悉來會聚釋提桓

因將諸三十三天衆悉來集會提頭賴

吒天王將軋杳和等悉來會聚毗留勒

叉天王將諸馱鬼悉來會聚毗留跋叉

天王將諸龍衆悉來會聚毗沙門天王

將閼叉羅刹衆悉來會聚是時弥勒大

士告賢劫中諸菩薩等卿等勸勵諸族

姓子族姓女諷誦受持增一尊法廣演

流布使天人奉行說是語時諸天世

人軋杳和阿須倫伽留羅摩毗勒甄

陀羅等各各白言我等盡共擁護是

善男子善女人諷誦受持增一尊法

廣演流布終不中絕時尊者阿難告
優多羅曰我今以此增一阿含囑累於
汝善誦誦讀莫令漏減所以者何其
有輕慢此尊經者便為墮落為凡夫
行何以故此優多羅增一阿含出三
十七道品之教及諸法皆由此生時
大迦葉問阿難曰云何阿難增一阿
含乃能出生三十七道品之教及諸
法皆由此生阿難報言如是如是尊
者迦葉增一阿含出生三十七品及
諸法皆由此生且置增一阿含一偈
之中便出生三十七品及諸法迦葉
問言何等偈中出生三十七品及諸
法時尊者阿難便說此偈

諸惡莫作 諸善奉行 自淨其意
是諸佛教

所以然者諸惡莫作是諸法本便出
生一切善法以生善法心意清淨是
故迦葉諸佛世尊身口意行常修清
淨迦葉問曰云何阿難增一阿含獨
出生三十七品及諸法餘四阿含亦
復出生乎阿難報言且置迦葉四阿
含義一偈之中盡具足諸佛之教及

辟支佛聲聞之教所以然者諸惡莫作戒具之禁清白之行諸善奉行心意清淨自淨其意除邪顛倒是諸佛教去愚惑想去何迦葉戒清淨者意豈不淨乎意清淨者則不顛倒以無顛倒愚惑想滅諸三十七道品果便得成就以成道果豈非諸法乎迦葉問曰云何阿難以此增一付授優多羅不囑累餘比丘一切諸法乎阿難報言增一阿含則是諸法諸法則是增一阿含一無有二迦葉問曰以何等故以此增一阿含囑累優多羅不囑累餘比丘乎阿難報曰迦葉當知昔者九十一劫毗婆尸如來至真等正覺出現於世今時此優多羅比丘名曰伊俱優多羅今時彼佛以增一之法囑累此人使諷誦讀自此以後三十一劫次復有佛名式詰如來至真等正覺今時此優多羅比丘名目伽優多羅式詰如來復以此法囑累其人使諷誦讀即彼三十一劫中毗舍婆如來至真等正覺復出於世今時此優多羅比丘名龍優多羅復以

此法囑累其人使誦誦讀迦葉當知
此賢劫中有拘留孫如來至真等正
覺出現於世今時優多羅比丘名雷
電優多羅復以此法囑累其人使誦
誦讀此賢劫中次復有佛名拘鄰舍
如來至真等正覺出現於世今時優
多羅比丘名天優多羅復以此法囑
累其人使誦誦讀此賢劫中次復有
佛名迦葉如來至真等正覺出現於
世今時優多羅比丘名梵優多羅復
以此法囑累其人使誦誦讀迦葉當
知今釋迦文如來至真等正覺出現
於世今此比丘名優多羅釋迦文佛
雖般涅槃比丘阿難猶存於世世尊
以法盡以囑累我我今復以此法授
與優多羅所以者何當觀其器察知
原本然後授法何以故過去時於此
賢劫中拘留孫如來至真等正覺明
行成為善逝世間解無上士道法御
天人師號佛衆祐出現於世今時有
王名摩訶提婆以法治化未曾阿曲
壽命極長端正無雙又世之希有八万
四千歲中於童子身而自遊戲八万

四千歲中以太子身以法治化八万四千歲中復以王法治化天下迦葉當知今時世尊遊甘梨園中食後如昔常法中庭經行我及侍者今時世尊便笑口出五色光我見已前長跪白世尊曰佛不妄笑願聞本末如來至真等正覺終不妄笑今時迦葉佛告我言過去世時於此賢劫中有如來名拘留孫至真等正覺出現於世復於此處為諸弟子而廣說法復次於此賢劫中復有拘那含如來至真等正覺出現於世今時彼佛亦於此處而廣說法次復此賢劫中迦葉如來至真等正覺出現於世迦葉如來亦於此處而廣說法今時迦葉我於佛前長跪白佛言願今後釋迦文佛亦於此處與諸弟子具足說法此處便為四如來金剛之座恒不斷絕今時迦葉釋迦文佛於彼坐便告我言阿難昔者此坐賢劫之中有王出世名摩訶提婆乃至八万四千歲以王法教化訓之以德經歷年歲便告劫比言若見我首有白髮者便時告吾今時彼人

聞王教令復經數年見王首上有白髮生便前長跪白大王曰大王當知首上已生白髮時王少彼人言捉取金鐺拔吾白髮著吾手中今時彼人受王教令便執金鐺前拔白髮今時大王見白髮已便說此偈

於今我首上已生衰耗毛 天使已來至
宜當時出家

我今已食人中之福宜當自勉昇天之德剝除鬚髮著三法衣以信堅固出家學道離於衆苦今時王摩訶提婆便告第一太子名曰長壽卿今知不吾首已生白髮意欲剝除鬚髮著三法衣以信堅固出家學道離於衆苦汝紹吾位以法治化勿令有失違吾言教造凡夫行所以然者若有斯人違吾言者便為凡夫之行凡夫者長處三塗八難之中今時王摩訶提婆以王之位授太子已復以財寶賜與却比便於彼處剝除鬚髮著三法衣以信堅固出家學道離於衆苦於八万四千歲善修梵行行四等心慈悲喜護身逝命終生梵天上時長壽

王憶父王教未曾暫捨以法治化無有阿曲未經旬日便復得作轉輪聖王七寶具足所謂七寶者輪寶為寶馬寶珠寶寶玉女寶典藏寶典兵寶是謂七寶復有千子勇猛智慧能除衆苦統領四方時長壽王以前王法如上作偈

敬法奉所尊不忘本恩報後能崇三業智者之所貴

我觀此義已以此增一阿含授與優多羅比丘何以故一切諸法皆有所由時尊者阿難告優多羅曰汝前作轉輪聖王時不失王教今復以此法而相囑累不失正教莫作凡夫之行汝今當知若有違失如來善教者便墮凡夫地中何以故時王摩訶提婆不至究竟解脫之地未得解脫至安隱處雖受梵天福報猶不至究竟如來善業乃名究竟安隱之處快樂無極天人所敬必得涅槃以是之故優多羅當奉持此法諷誦讀念莫令缺漏今時阿難便說偈曰

於法當念故如來由是生法興成正覺

辟支羅漢道法能除衆苦亦能成果實
念法不離心今報後亦受若欲成佛者
猶如釋迦文受持三藏法句逗不錯亂
三藏雖難持義理不可窮當誦四阿含
便斷天人迺阿含雖難誦經義不可盡
戒律勿令失此是如來寶禁律亦難持
阿含亦復然牢持阿毗曇便降外道術
宣暢阿毗曇其義亦難持當誦三阿含
不失經句逗契經阿毗曇戒律流布世
天人得奉行便生安隱處設无契經法
亦復無戒律如盲投於冥何時當見明
以是囑累汝并及四部衆當持勿輕慢
於釋迦文尼

尊者阿難說是語時天地六反震動
諸尊神天在虛空中手執天華而散
尊者阿難上及散四部之衆一切天
龍鬼神軋沓和阿須倫加留羅甄陀
羅摩休勒等皆懷歡喜而悉歎曰善
哉善哉尊者阿難上中下言悉无不
善於法當衆敬誠如所說諸天世人
無不從法而得成就若有行惡便墮
地獄餓鬼畜生今時尊者阿難於四
部衆中而師子吼勸一切人奉行此

法尔時座上三万天人得法眼淨尔時四部之衆諸天世人聞尊者所說歡喜奉行

增壹阿含經十念品第二

聞如是一時佛在舍衛國祇樹給孤獨園尔時世尊告諸比丘當修行一法當廣布一法便成神通去衆乱想暹沙門果自致涅槃是故諸比丘當修行一法當廣布一法如是諸比丘當作是學尔時諸比丘聞佛所說歡喜奉行

聞如是一時佛在舍衛國祇樹給孤獨園尔時世尊告諸比丘當修行一法當廣布一法便成神通去衆乱想暹沙門果自致涅槃是故諸比丘當修行一法當廣布一法如是諸比丘當作是學尔時諸比丘聞佛所說歡喜奉行

聞如是一時佛在舍衛國祇樹給孤

獨園今時世尊告諸比丘當修行一法當廣布一法便成神通去衆亂想獲沙門果自致涅槃云何為一法所謂念衆當善修行當廣演布便成神通除衆亂想邏沙門果自致涅槃是故諸比丘當修行一法當廣演布一法如是諸比丘當作是學今時諸比丘聞佛所說歡喜奉行

聞如是一時佛在舍衛國祇樹給孤獨園今時世尊告諸比丘當修行一法當廣布一法便成神通除衆亂想邏沙門果自致涅槃云何為一法所謂念戒當善修行當廣演布便成神通除去衆想邏沙門果自致涅槃是故諸比丘當修行一法當廣布一法如是諸比丘當作是學是時諸比丘聞佛所說歡喜奉行

聞如是一時佛在舍衛國祇樹給孤獨園今時世尊告諸比丘當修行一法當廣布一法便成神通去衆亂想邏沙門果自致涅槃云何為一法所謂念施當善修行當廣演布便成神通除衆亂想邏沙門果自致涅槃云

是諸比丘當修行一法當廣布一法
如是諸比丘當作是學今時諸比丘
聞佛所說歡喜奉行

聞如是一時佛在舍衛國祇樹給孤
獨園今時世尊告諸比丘當修行一
法當廣布一法便成神通除諸亂想
獲沙門果自致涅槃云何為一法所
謂念天當善修行當廣演布便成神
通除去諸想獲沙門果自致涅槃是
故諸比丘當修行一法當廣布一法
如是諸比丘當作是學今時諸比丘
聞佛所說歡喜奉行

聞如是一時佛在舍衛國祇樹給孤
獨園今時世尊告諸比丘當修行一法
當廣布一法便成神通除諸亂想獲
沙門果自致涅槃云何為一法所謂
念休息當善修行當廣演布便成神
通去諸亂想獲沙門果自致涅槃是
故諸比丘當修行一法當廣布一法
如是諸比丘當作是學今時諸比丘
聞佛所說歡喜奉行

聞如是一時佛在舍衛國祇樹給孤
獨園今時世尊告諸比丘當修行一

法當廣布一法便成神通除諸亂想
獲沙門果自致涅槃云何為一法所
謂念安般當善修行當廣演布便成
神通去諸亂想獲沙門果自致涅槃
是故諸比丘當修行一法當廣布一
法如是諸比丘當作是學今時諸比
丘聞佛所說歡喜奉行

聞如是一時佛在舍衛國祇樹給孤
獨園今時世尊告諸比丘當修行一
法當廣布一法便成神通除諸亂想
獲沙門果自致涅槃云何為一法所
謂念身非常當善修行當廣演布便
成神通去衆亂想得沙門果自致涅
槃是故諸比丘當修行一法當廣布
一法如是諸比丘當作是學今時諸
比丘聞佛所說歡喜奉行

聞如是一時佛在舍衛國祇樹給孤
獨園今時世尊告諸比丘當修行一
法當廣布一法便成神通除諸亂想
獲沙門果自致涅槃云何為一法所
謂念死當善修行當廣演布便成神
通去衆亂想得沙門果自致涅槃是
故諸比丘當修行一法當廣布一法如

是諸比丘當作是學。余時諸比丘聞

佛所說歡喜奉行。

佛法聖衆念戒施及天念休息安般念
身死念在後。

增壹阿含經卷第一

癸卯歲高麗國大藏都監奉

勅彫造

增壹阿含經卷第二

廣演品第三

東晉罽賓三藏瞿曇僧伽提婆譯

聞如是一時佛在舍衛國祇樹給孤獨園。尔時世尊告諸比丘。當修行一法。當廣布一法。已修行一法。便有名譽。成大果報。諸善普至。得甘露味。至無為處。便成神通。除諸亂想。邏沙門果。自致涅槃。尔時諸比丘。白世尊曰。佛告諸比丘。云何修行念佛。便有名譽。成大果報。諸善普至。得甘露味。至無為處。便成神通。除諸亂想。獲沙門果。自致涅槃。尔時諸比丘。白世尊曰。諸法之本。如來所說。唯願世尊為諸比丘。說此妙義。諸比丘。從如來聞已。便當受持。尔時世尊告諸比丘。諦聽。諦聽。善思念之。吾當為汝廣分別之。答曰。如是。世尊。諸比丘。前受教已。世尊告曰。若有比丘。正身正意。結跏趺坐。繫念在前。無有他想。專精念佛。觀如來形。未曾離目。已不離目。便念如來功德。如來體者。金剛所成。十力具

足四無所畏在衆勇健如來顏貌端正無雙視之無厭戒德成就猶如金剛而不可毀清淨無瑕亦如琉璃如來三昧未始有減已息永寂而无他念憍慢彊梁諸情憺怕欲意志想愚惑之心猶豫網結皆忘除盡如來慧身智無崖成無所罣碍如來身者解脫成就諸趣已盡無復生分言我當更墮於生死如來身者度知見城知他人相應度不度此死生彼周旋往來生死之際有解脫者無解脫者皆具知之是謂修行念佛便有名譽成大果報諸善普至得甘露味至無為處便成神通除諸亂想獲沙門果自致涅槃是故諸比丘常當思惟不離佛念便當獲此諸善功德如是諸比丘當作是學今時諸比丘聞佛所說歡喜奉行

聞如是一時佛在舍衛國祇樹給孤獨園今時世尊告諸比丘當修行一法當廣布一法修行廣布一法已便有名譽成大果報諸善普至得甘露味至無為處便成神通除諸亂想

沙門果自致涅槃云何為一法所謂
念法佛告諸比丘云何修行念法便
有名譽成大果報諸善普至得甘露
味至無為處便成神通除諸妄想獲
沙門果自致涅槃今時諸比丘白世
尊曰諸法之本如來所說唯願世尊
為諸比丘說此妙義諸比丘從如來
聞已便當受持今時世尊告諸比丘
諦聽諦聽善思念之吾當為汝廣分
別說對曰如是世尊諸比丘前受教
已佛告之曰若有比丘正身正意結
跏趺坐繫念在前無有他想專精念
法除諸欲愛無有塵勞渴愛之心永
不復興夫正法者於欲至無欲離諸
結縛諸蓋之病此法猶如衆香之氣
无有瑕疵妄想之念是謂比丘修行
念法者便有名譽成大果報諸善普
至得甘露味至无為處便成神通除
諸妄想運沙門果自致涅槃是故諸
比丘常當思惟不離法念便當獲此
諸善功德如是諸比丘當作是學今
時諸比丘聞佛所說歡喜奉行
聞如是一時佛在舍衛國祇樹給孤

獨園介時世尊告諸比丘當修行一
法當廣布一法修行一法已便有名
譽成大功德諸善普至得甘露味至
無為處便成神通除諸亂想還沙門
果自致涅槃云何為一法所謂念僧
佛告諸比丘云何修行念僧便有名
譽成大果報諸善普至得甘露味至
無為處便成神通除諸亂想獲沙門
果自致涅槃今時諸比丘白世尊曰
諸法之本如來所說唯願世尊為諸
比丘說此妙義諸比丘從如來聞已
便當受持今時世尊告諸比丘諦聽
諦聽善思念之吾當為汝廣分別說
對曰如是世尊諸比丘前受教已世
尊告曰若有比丘正身正意結跏趺
坐繫念在前無有他想專精念眾如
來聖眾善業成就皆直順義无有邪
業上下和穆法法成就如來聖眾戒
成就三昧成就智慧成就解脫成就
度知見成就聖眾者所謂四雙八輩
是謂如來聖眾應當恭敬承事礼順
所以然者是世福田故於此眾中皆
同一器亦以自度復度他人至三乘

道如此之業名曰聖衆是謂諸比丘
若念僧者便有名譽成大果報諸善
普至得甘露味至无為處便成神通
除諸乱想邏沙門果自致涅槃是故
諸比丘常當思惟不離僧念便當獲
此諸善功德如是諸比丘當作是學
尔時諸比丘聞佛所說歡喜奉行
聞如是一時佛在舍衛國祇樹給孤
獨園尔時世尊告諸比丘當修行一
法當廣布一法修行一法已便有名
譽成大果報諸善普至得甘露味至
无為處便成神通除諸乱想邏沙門
果自致涅槃云何為一法所謂念戒
佛告諸比丘云何修行念戒便有名
譽成大果報諸善普至得甘露味至
無為處便成神通除諸乱想獲沙門
果自致涅槃尔時諸比丘白世尊曰
諸法之本如來所說唯願世尊為諸
比丘說此妙義諸比丘從如來聞已
便當受持尔時世尊告諸比丘諦聽
諦聽善思念之吾當為汝廣分別說
諸比丘對曰如是世尊諸比丘前受
教已世尊告曰若有比丘正身正意

結跏趺坐繫念在前无有他想專精
念戒所謂戒者息諸惡故戒能成道
令人歡喜戒纓絡身現衆好故夫禁
戒者猶吉祥瓶所願便剋諸道品法
皆由戒成如是比丘行禁戒者成大果
報諸善普至得甘露味至无為處便
成神通除諸乱想獲沙門果自致涅
脩是故諸比丘常當思惟不離戒念
便當獲此諸善功德如是諸比丘當
作是學今時諸比丘聞佛所說歡喜
奉行

聞如是一時佛在舍衛國祇樹給孫
獨園舍時世尊告諸比丘當修行一
法當廣布一法修行一法已便有名
譽成大果報諸善普至得甘露味至
無為處便成神通除諸乱想獲沙門
果自致涅脩云何為一法所謂念施
佛告諸比丘云何修行念施便有名
譽成大果報諸善普至得甘露味至
無為處便成神通除諸乱想獲沙門
果自致涅脩今時諸比丘白世尊曰
諸法之本如來所說唯願世尊為諸
比丘說此妙義諸比丘從如來聞已

便當受持。爾時世尊告諸比丘。諦聽。諦聽。善思念之。吾當為汝廣分別說。諸比丘對曰。如是。世尊。諸比丘前受教已。世尊告曰。若有比丘正身正意。結跏趺坐。繫念在前。無有他想。專精念施。我今所施。施中之上。永無悔心。無返報。想快得善利。若人罵我。我終不報。設人害我。手撻相加。刀杖相向。瓦石相擲。當起慈心。不興瞋恚。我所施者。施意不絕。是謂比丘名曰大施。便成大果報。諸善普至。得甘露味。至無為處。便成神通。除諸妄想。獲沙門果。自致涅槃。是故諸比丘常當思惟。不離施念。便當獲此諸善功德。如是諸比丘當作是學。爾時諸比丘聞佛所說歡喜奉行。

聞如是一時。佛在舍衛國祇樹給孤獨園。爾時世尊告諸比丘。當修行一法。當廣布一法。修行一法已。便有名譽。成大果報。諸善普至。得甘露法。至無為處。便成神通。除諸妄想。還沙門果。自致涅槃。云何為一法。所謂念天。佛告諸比丘。云何修行念天。便有名

譽成大果報諸善普至得甘露味至
無為處便成神通除諸妄想獲沙門
果自致涅槃今時諸比丘白世尊曰
諸法之本如來所說唯願世尊為諸
比丘說此妙義諸比丘從如來聞已
便當受持今時世尊告諸比丘諦聽
諦聽善思念之吾當為汝廣分別說
諸比丘對曰如是世尊諸比丘前受
教已世尊告曰若有比丘正身正意
結跏趺坐繫念在前無有他想專精
念天身口意淨不造穢行行戒成身
身放光明無所不照成彼天身善果
報成彼天身衆行具足乃成天身如
是諸比丘名曰念天便得具足成大
果報諸善普至得甘露味至无為處
便成神通除諸妄想獲沙門果自致
涅槃是故諸比丘常當思惟不離天
念便當獲此諸善功德如是諸比丘
當作是學今時諸比丘聞佛所說歡
喜奉行

聞如是一時佛在舍衛國祇樹給孤
獨園今時世尊告諸比丘當修行一
法當廣布一法修行一法已便有名

譽成大果報諸善普至得甘露味至
無為處便成神通除諸亂想還沙門
果自致涅槃云何為一法所謂念休
息佛告諸比丘云何修行念休息便
有名譽成大果報衆善普至得甘露
味至無為處便成神通除諸亂想獲
沙門果自致涅槃今時諸比丘白世
尊曰諸法之本如來所說唯願世尊
為諸比丘說此妙義諸比丘從如
來聞已便當受持今時世尊告諸比
丘諦聽諦聽善思念之吾當為汝廣
分別說諸比丘對曰如是世尊諸比
丘前受教已世尊告曰若有比丘正
身正意結跏趺坐繫念在前无有他
想專精念休息所謂休息者心意想
息志性詳諦亦无卒暴恒專一心意
樂閑居常求方便入三昧定常念不
貪勝光上達如是諸比丘名曰念休
息便得具足成大果報諸善普至得
甘露味至無為處便成神通除諸亂
想獲沙門果自致涅槃是故諸比丘
常當思惟不離休息念便當獲此諸
善功德如是諸比丘當作是學今時

諸比丘聞佛所說歡喜奉行

聞如是一時佛在舍衛國祇樹給孤獨園。今時世尊告諸比丘：當修行一法，當廣布一法，修行一法已，便有名譽，成大果報。諸善普具，得甘露味，至無為處，便成神通。除諸亂想，還沙門果，自致涅槃。云何為一法？所謂念安般。佛告諸比丘：云何修行念安般？便有名譽，成大果報。眾善普具，得甘露味，至無為處，便成神通。除諸亂想，獲沙門果，自致涅槃。今時諸比丘，自世尊曰：諸法之本，如來所宣，唯願世尊為諸比丘說此妙義。諸比丘從如來聞已，便當受持。今時世尊告諸比丘：諦聽，諦聽，善思，念之。吾當為汝廣分別說。諸比丘對曰：如是。世尊。諸比丘前受教已，世尊告曰：若有比丘正身正意，結跏趺坐，繫念在前，无有他想，專精念安般。所謂安般者，若息長時，亦當觀知我今息長；若復息短，亦當觀知我今息短；若息極冷，亦當觀知我今息冷；若復息熱，亦當觀知我今息熱。具觀身體從頭至足，皆當觀知。

若復息有長短亦當觀息有長有短用心持身知息長短皆悉知之尋息出入分別曉了若心持身知息長短亦復知之數息長短分別曉了如是諸比丘名曰念安般使得具足成大果報諸善普至得甘露味至无為處便成神通除諸亂想獲沙門果自致涅槃是故諸比丘常當思惟不離安般念便當獲此諸善功德如是諸比丘當作是學尔時諸比丘聞佛所說歡喜奉行

聞如是一時佛在舍衛國祇樹給孤獨園尔時世尊告諸比丘當修一法當廣布一法修行一法已便有名譽成大果報諸善普至得甘露味至無為道便成神通除諸亂想獲沙門果自致涅槃云何為一法所謂念身佛告諸比丘云何修行念身便有名譽成大果報諸善普至得甘露味至無為處便成神通除諸亂想獲沙門果自致涅槃尔時諸比丘白世尊曰諸法之本如來所宣唯願世尊為諸比丘說此妙法諸比丘從如來聞法

已便當受持。今時世尊告諸比丘。諸
聽師聽。志念之。吾當為汝廣分別。
說諸比丘。對曰。如是。世尊。諸比丘。前
受教已。世尊告曰。若有比丘。正身正
意。結跏趺坐。繫念在前。无有他想。專
精念身。所謂念身者。髮毛爪齒皮肉
筋骨。膽肝肺心。脾腎大腸小腸。白肱
膀胱。屎尿。百業。滄蕩。脾泡。溺淚。唾
涕。膿血。肪脂。痰。髓。體。何者是身。為
地種是也。水種是也。火種是也。耶風種
是也。為父種。母種。所造耶。從何處來。
為誰所造。眼耳鼻口身心。此終當生
何處。如是。諸比丘。名曰念身。便得具
足。成大果報。諸善普至。得甘露味。至
無為處。便成神通。除諸妄想。獲沙門
果。白致。涅槃。是故。諸比丘。常當思惟。
不離身念。便當獲此諸善功德。如是
諸比丘。當作是學。今時諸比丘。聞佛
所說歡喜奉行。

聞如是一時。佛在舍衛國祇樹給孤
獨園。今時世尊告諸比丘。當修行一
法。當廣布一法。修行一法。已便有名。
廣成大果報。諸善普至。得甘露味。至

無為處便成神通除諸亂想還沙門
果自致涅槃云何為一法所謂念死
佛告諸比丘云何修行念死便有名
譽成大果報諸善普至得甘露味至
無為處便成神通除諸亂想獲沙門
果自致涅槃余時諸比丘白世尊曰
諸法之本如來所宣唯願世尊為諸
比丘說此妙法諸比丘從如來聞法
已便當受持今時世尊告諸比丘諦
聽諦聽善思念之吾當為汝廣分別
說諸比丘對曰如是世尊諸比丘前
受教已世尊告曰若有比丘正身正
意結跏趺坐繫念在前無有他想專
精念死所謂死者此沒生彼往來諸
趣命逝不停諸根散壞如腐敗木命
根斷絕宗族分離無形無響亦无相
貌如是諸比丘名曰念死便得具足
成大果報諸善普至得甘露味至無
為處便成神通除諸亂想獲沙門果
自致涅槃是故諸比丘常當思惟不
離死念便當獲此諸善功德如是諸
比丘當作是學今時諸比丘聞佛所
說歡喜奉行

佛法及聖眾乃至竟死念雖與上同名
其義各別異

增壹阿含經卷第二

癸卯歲高麗國大藏都監奉

勅彫造

增壹阿含經卷第三

八

弟子品第四

東晉劉宋三藏聖賢三僧共提婆譯

聞如是一時佛在舍衛國祇樹給孤獨園。今時世尊告諸比丘。我聲聞中第一比丘。寬仁博識。善能勸化。將養聖衆。不失威儀。所謂阿若拘隣比丘。是初受法。味思惟四諦。亦是阿若拘隣比丘。善能勸導。福度人民。所謂優陀夷比丘。是速成神通。中不有誨。所謂摩訶男比丘。是恒飛虛空。足不蹈地。善財比丘。是乘虛教化。意无榮臭。所謂婆破比丘。是居樂天上。不處人中。所謂牛跡比丘。是恒觀惡露。不淨之想。善勝比丘。是將養聖衆。四事供養。所謂優留毗迦葉比丘。是心意寂然。降伏諸結。所謂江迦葉比丘。是觀了諸法。都无所著。所謂象迦葉比丘。是拘隣陀夷男。善財婆第五。牛跡及善勝迦葉三兄弟。

我聲聞中第一比丘。威容端正。行步庠序。所謂馬師比丘。是智慧无窮。決

了諸疑所謂舍利弗比丘是神足輕
舉飛到十方所謂大目捷連比丘是
勇猛精進堪任苦行所謂二十億耳
比丘是十二頭陀難得之行所謂大
迦葉比丘是天眼第一見十方域所
謂阿邠律比丘是坐禪入定心不錯
亂所謂離日比丘是能廣勸率施立
齋講陀羅婆摩羅比丘是安造房舍
興招提僧所謂小陀羅婆摩羅比丘
是貴豪種族出家學道所謂羅吒婆
羅比丘是善分別義敷演道教所謂
大迦旃延比丘是

馬師舍利弗拘律耳迦葉 阿邠律離日
摩羅吒旃延

我聲聞中第一比丘堪任受等不違
禁法所謂軍頭波漠比丘是降伏外
道履行正法所謂賓頭盧比丘是瞻
視疾病供給醫藥所謂識比丘是四
事供養衣被飲食亦是識比丘能造
偈頌嘆如來德鵝耆舍比丘是言論
辯了而無疑滯亦是鵝耆舍比丘得
四辯才觸難答對所謂摩訶拘絺羅
比丘是清淨閑居不樂人中所謂堅

牢比丘是乞食耐辱不避寒暑所謂
難提比丘是獨處靜坐專意念道所
謂今毗羅比丘是一坐一食不移乎
處所謂施羅比丘是守持三衣不離
食息所謂浮彌比丘是

軍頭賓頭盧識鵝拘絺羅善年及難提
今毗施羅弥

我聲聞中第一比丘樹下坐禪意不
移轉所謂狐疑離曰比丘是苦身露
坐不避風雨所謂婆蹉比丘是獨樂
空閑專意思惟所謂施素比丘是著
五納衣不著榮飭所謂尼婆比丘是
常樂塚間不處人中所謂優多羅比
丘是恒坐草蓐曰福度人所謂盧離
審比丘是不與人語視地而行所謂
優紺摩左江比丘是坐起行步常入
三昧所謂刪提比丘是好遊遠國教
授人民所謂曇摩留支比丘是喜集
聖衆論說法味所謂迦浹比丘是
狐疑婆蹉離陀蘇婆優多盧離優迦摩
息曇摩留浹

我聲聞中第一比丘壽命極長終不
中天所謂婆拘羅比丘是常樂閑居

不處衆中所謂婆拘羅比丘是能廣說法分別義理所謂滿願子比丘是奉持戒律無所觸犯優波離比丘是得信解脫意無猶豫所謂婆迦利比丘是天體端正與世殊異所謂難陀比丘是諸根寂靜心不變易亦是難陀比丘辯才卒發解人疑滯所謂婆斯尼比丘是喜著好衣行本清淨所謂天須菩提比丘是常好教授諸後學者難陀迦比丘是善誨禁戒比丘尼僧所謂須摩那比丘是婆拘滿波離 婆迦利難陀 陀丘須菩提 難陀須摩那

我聲聞中第一比丘功德威滿所適無短所謂尸婆羅比丘是具足衆行道品之法所謂優波先迦蘭陀子比丘是所說和悅不傷人意所謂婆陀先比丘是修行安般思惟惡露所謂摩訶迦延那比丘是計我無常心無有想所謂優頭勝比丘是能雜種論暢悅心識所謂拘摩羅迦葉比丘是著弊惡衣無所著耻所謂面王比丘

是不毀禁戒誦讀不懈所謂羅雲比丘是以神足力能自隱瞠所謂般兔比丘是能化形體作若干變所謂周利般兔比丘是

尸婆優波先婆陀迦延那優頭王迦葉羅雲二般兔

我聲聞中第一比丘豪族富貴天性柔和所謂釋王比丘是乞食無厭足教化無窮所謂婆提婆羅比丘是氣力強盛无所畏難亦是婆提婆羅比丘是音響清徹聲至梵天所謂羅婆那婆提比丘是身體香潔熏乎四方鶖迦闍比丘是我聲聞中第一比丘知時明物所至無疑所憶不忘多聞廣遠堪任奉上所謂阿難比丘是莊嚴服飭行步顧影所謂迦持利比丘是諸王敬待群目所宗所謂月光比丘是天人所奉恒朝侍省所謂輸提比丘是以捨人形像天之貌亦是輸提比丘諸天師導首授正法所謂天比丘是自憶宿命無數劫事所謂葉衣比丘是

釋王婆提波羅婆鶖迦闍阿難迦月光

我聲聞中第一比丘體性利根智慧
淵遠所謂鵞掘魔比丘是能降伏魔
外道邪業所謂僧迦摩比丘是入水
三昧不以為難所謂質多舍利弗比
丘是廣有所識人所敬念亦是質多
舍利弗比丘是入火三昧普照十方
所謂善來比丘是能降伏龍使奉三
尊所謂毘羅施比丘是降伏鬼神改
惡修善所謂鬼施比丘是降軋沓和
懃行善行所謂毗盧遮比丘是恒樂
空定分別空義所謂須菩提比丘是
志在空寂微妙德業亦是須菩提比
丘行無想定除去諸念所謂耆利摩
難比丘是入無願定意不起亂所謂
炎盛比丘是

鵞掘僧迦摩質多婆那羅閱叉浮盧遮
善業及摩難

我聲聞中第一比丘入慈三昧心無
恚怒梵摩達比丘是入悲三昧成就
本業所謂須深比丘是得喜行德无
若干想所謂娑弥施比丘是常守護
心意不捨離所謂躍波迦比丘是行

炎盛三昧終不解脫所謂曇彌比丘
是言語麁獷不避尊貴所謂比利陀
婆遮比丘是入金剛三昧亦是比利
陀婆遮比丘入金剛三昧不可沮壞所
謂無畏比丘是所說決了不懷怯弱所
謂須泥多比丘是恒樂靜寂意不處
亂所謂陳塵比丘是義不可勝終不
可伏所謂須羅陀比丘是

梵達須深摩娑彌躍曇彌毗利陀无畏
須泥陀須羅

我聲聞中第一比丘曉了星宿豫知
吉凶所謂那伽波羅比丘是恒喜三
昧禪悅為食所謂婆私吒比丘是常
以喜為食所謂須夜奢比丘是恒行
忍辱對至不起所謂滿願盛明比丘
是修習日光三昧所謂彌奚比丘是
明算術法無有差錯所謂尼拘留比
丘是分別等智恒不忘失所謂鹿頭
比丘是得雷電三昧者不懷恐怖所
謂地比丘是觀了身本所謂頭那比
丘是取證得漏盡通所謂須拔
比丘是

那迦吒舍那 彌奚尼拘留 鹿頭地頭那

須救取在後

此百賢聖志應廣演

增壹阿含經比丘尼品第五

我聲聞中第一比丘尼久出家學國
王所敬所謂大愛道瞿曇彌比丘尼
是智慧聰明所謂識摩比丘尼是神足
第一感致諸神所謂優鉢華色比丘
尼是行頭陀法十一限尋所謂機梨
舍瞿曇彌比丘尼是天眼第一所照
無尋所謂奢拘梨比丘尼是坐禪入
定意不散所謂奢摩比丘尼是分
別義趣廣演道教所謂波頭蘭闍那
比丘尼是奉持律教無所加犯所謂
波羅遮那比丘尼是得信解脫不復
退還所謂迦旃延比丘尼是得四辯
才不懷怯弱所謂取勝比丘尼是
大愛及識摩 優鉢機曇彌拘利奢蘭闍
那羅迦旃勝

我聲聞中第一比丘尼自誡宿命无
數劫事所謂拔施迦毗離比丘尼是
顏色端正人所敬愛所謂醯摩闍比
丘尼是降伏外道立以正教所謂輸
鄰比丘尼是分別義趣廣說分部所

謂曇摩提那比丘尼是身著鹿衣不
以為愧所謂優多羅比丘尼是諸根
寂靜恒若一心所謂光明比丘尼是
衣服齊整常如法教所謂禪頭比丘
尼是能雜種論亦無疑滯所謂檀多
比丘尼是堪任造偈讚如來德所謂
天與比丘尼是多聞博知恩慧接下
所謂瞿卑比丘尼是

拔陀闍輸那曇摩那優多光明禪檀多
天與及瞿卑

我聲聞中第一比丘尼恒處閑靜不
居人間所謂無畏比丘尼是苦體乞
食不擇貴賤所謂毗舍佉比丘尼是
一處一坐終不移易所謂拔陀婆羅
比丘尼是遍行乞求廣度人民所謂
摩怒呵利比丘尼是速成道果中間
不滯所謂陀摩比丘尼是執持三衣
終不捨離所謂須陀座比丘尼是恒
坐樹下意不改易所謂瑒須那比丘
尼是恒居露地不念覆蓋所謂奢陀
比丘尼是樂空閑處不在人間所謂
優迦羅比丘尼是長坐草蓐不著服
飾所謂離那比丘尼是著五納衣以

次分越

增壹阿含經第五卷第十張

似

世

青

無畏多毗舍婆陀阿奴波檀須檀耆多
優迦離阿奴

我聲聞中第一比丘尼樂空塚間所
謂優迦摩比丘尼是多遊於慈愍念
生類所謂清明比丘尼是悲泣衆生
不及道者所謂素摩比丘尼是喜得
道者願及一切所謂摩陀利比丘尼
是護守諸行意不遠離所謂迦羅伽
比丘尼是守空執虛了之無有所謂
提婆修比丘尼是心樂無想除去諸
著所謂日光比丘尼是修習無願心
恒廣濟所謂末那婆比丘尼是諸法
無疑度人無限所謂毗摩達比丘尼
是能廣說義分別深法所謂普照比
丘尼是

優迦明素摩 摩陀迦提婆 日光摩那婆
毗摩達普照

我聲聞中第一比丘尼心懷忍辱如
地容受所謂曇摩提比丘尼是能教
化人使立檀會所謂須夜摩比丘尼
是辦具牀座亦是須夜摩比丘尼是
心已永息不興亂想所謂因陀闍比

比丘尼是觀了諸法而無厭足所謂龍
比丘尼是意強勇猛无所染者所謂
拘鄰羅比丘尼是入水三昧普潤一
切所謂婆須比丘尼是入焰光三昧
悉照萌類所謂降提比丘尼是觀惡
露不淨分別緣起所謂遮波羅比丘
尼是育養衆人施與所乏守迦比丘
尼是我聲聞中寂後第一比丘尼拔
施軍陀羅拘夷國比丘尼是
曇摩須夜摩因提龍拘鄰婆須降遮波
守迦拔施羅

此五十比丘尼當廣說如上

增壹阿含經清信士品第六

我弟子中初聞法藥成賢聖證三果
商客是第一智慧質多長者是神德
第一所謂捷提阿藍是降伏外道所
謂拙多長者是能說深法所謂優波
拙長者是恒坐禪思呵侈阿羅婆是
降伏魔宮所謂勇健長者是福德威
滿闍利長者是大檀越主所謂須達
長者是門族成就泯兔長者是

三果質軋提拙波及羅婆 勇闍利須達
泯兔是謂十

我弟子中第一優婆塞好問義趣所謂生漏婆羅門是利根通明所謂梵摩俞是諸佛信使御馬摩納是計身無我喜聞答婆羅門是論不可勝毗裘婆羅門是能造誦偈優婆離長者是言語速疾亦是優婆離長者喜施好寶不有恚心所謂殊提長者是建立善本所謂優迦毗舍離是能說妙法所謂取上無畏優婆塞是所說无畏善察人根所謂頭摩大將領毗舍離是

生漏梵摩俞 御馬及聞答毗裘優婆離殊提優畏摩

我弟子中第一優婆塞好喜惠施所謂毗沙王是所施狹少光明王是建立善本王波斯匿是得無根善信起歡喜心所謂王阿闍世是至心向佛意不變易所謂優填王是承事正法所謂月光王子是供奉聖眾意恒平等所謂造祇洹王子是常喜濟彼不自為已師子王子是善恭奉人无有高下無畏王子是顏貌端正與人殊勝所謂維頭王子是

毗沙王光明 波斯匿闍王 月祇桓優填
師子畏雞頭

我弟子中第一優婆塞恒行慈心所
謂不足長者是心恒悲念一切之類
所謂摩訶訶納釋種是常行喜心所謂
拔施釋種是恒行護心不失善行所
謂毗闍先優婆塞是堪任行忍所謂
師子大將是能難種論所謂毗舍御
優婆塞是賢聖默然難提婆婆羅優
婆塞是勤修善行無有休息所謂優多
羅優婆塞是諸根寂靜所謂天摩優
婆塞是我弟子中最後受證所謂拘
夷邨摩羅是

不居摩訶訶拔施優多羅 師子毗舍離
優多天摩羅

四十優婆塞盡當廣說如上

增壹阿含經清信女品第七

我弟子中第一優婆斯初受道證所
謂難陀難陀婆羅優婆斯是智慧
第一又壽多羅優婆斯是恒喜坐禪
須毗耶女優婆斯是慧根了了毗浮
優婆斯是堪能說法驚動闍優婆斯
是善須經戒踐陀婆羅須始摩婆

斯是降伏外道婆修陀優婆斯是音響清徹無優優婆斯是能種種論婆羅陀優婆斯是勇猛精進所謂須頭優婆斯是

難陀陀久壽須臾鴛鴦闍須焰及无優婆羅陀須頭

我弟子中第一優婆斯供養如來所謂摩利夫人是承事正法所謂須賴婆夫人是供養聖衆捨弥夫人是瞻視當來過去賢士所謂月光夫人是檀越第一雷電夫人是恒行慈三昧所謂摩訶光優婆斯是行悲衆愍毗提優婆斯是喜心不絕拔提優婆斯是行守護業難陀母優婆斯是得信解脫照曜優婆斯是

摩利須賴婆捨弥光月雷大光毗提陀難陀及照曜

我弟子中第一恒行忍辱所謂无優優婆斯是行空三昧所謂毗鮮先優婆斯是行無想三昧所謂優那陀優婆斯是行無願三昧無垢優婆斯是好教授彼尸利夫人優婆斯是善能持戒鴛鴦摩優婆斯是形貌端正需

焰優婆斯是諸根寂靜寂勝優婆斯
是多聞博知泥羅優婆斯是能造頌
偈脩摩迦提須達女優婆斯是无所
怯弱亦是須達女優婆斯是我聲聞
中最後取證優婆斯者所謂藍優
婆斯是

無優毗鄰先 優鄰无垢尸 鴛鴦雷焰勝
泥脩藍摩女

此三十優婆斯廣說如上

增壹阿含經阿須倫品第八

聞如是一時佛在舍衛國祇樹給孤
獨園尔時世尊告諸比丘受形大者
莫過阿須倫王比丘當知阿須倫形
廣長八萬四千由延口縱廣千由旬
比丘當知或有是時阿須倫王欲觸
犯日時倍復化身十六萬八千由旬
往日月前日月王見已各懷恐怖不
寧本處所以然者阿須倫形甚可畏
故彼日月王以懷恐懼不復有光明
然阿須倫不敢前捉日月何以故日
月威德有大神力壽命極長顏色端
正受樂無窮欲知壽命長短者住壽
一劫復是此間衆生福祐令日月王

不為阿須倫所見觸惱。尔時阿須倫便懷愁憂。即於彼沒。如是諸比丘。弊魔波旬恒在汝後。求其方便。壞敗善根。波旬便化極妙奇異色聲香味細滑之法。欲迷亂諸比丘。意波旬作是念。我當會遇得比丘。眼便亦當得耳。鼻口身意之便。尔時比丘雖見極妙六情之法。心不染著。尔時弊魔波旬便懷愁憂。即退而去。所以然者。多薩阿竭阿羅呵威力所致。何以故。諸比丘不近色聲香味細滑法。尔時比丘恒作是學。受人信施。極為甚難。不可消化。墮墜五趣。不得至無上正真之道。要當專意未獲者。獲未得者。得未度者。度未得證者。教令成證。是故諸比丘未有信施。不起想念。以有信施便能消化。不起染著。如是諸比丘當作是學。尔時諸比丘聞佛所說歡喜奉行。

聞如是一時。佛在舍衛國祇樹給孤獨園。尔時世尊告諸比丘。若有一人出現於世。多饒益人。安隱衆生。愍世群萌。欲使天人獲其福祐。云何為一

人所謂多薩阿竭阿羅呵三耶三佛
是謂一人出現於世多饒益人安隱
衆生愍世群萌欲使天人獲其福祐
是故諸比丘常興恭敬於如來所是
故諸比丘當作是學今時諸比丘聞
佛所說歡喜奉行

聞如是一時佛在舍衛國祇樹給孤
獨園今時世尊告諸比丘若有一人
出現於世便有一人入道在於世間
亦有二諦三解脫門四諦真法五根
六邪見滅七覺意賢聖八道品九衆
生居如來十力十一慈心解脫便出
現於世云何為一人所謂多薩阿竭
阿羅呵三耶三佛是謂一人出現於
世便有一人入道在於世間亦有二
諦三解脫門四諦真法五根六邪見
滅七覺意賢聖八道品九衆生居如
來十力十一慈心解脫便出現於世
是故諸比丘常興恭敬於如來所亦
當作是學今時諸比丘聞佛所說歡
喜奉行

聞如是一時佛在舍衛國祇樹給孤
獨園今時世尊告諸比丘若有一人

出現於世便有智慧光明出現於世
云何為一人所謂多薩阿竭阿羅呵
三耶三佛是謂一人出現於世便有
有智慧光明出現於世是故諸比丘
當信心向佛無有傾邪如是諸比丘
當作是學今時諸比丘聞佛所說歡
喜奉行

聞如是一時佛在舍衛國祇樹給孤
獨園今時世尊告諸比丘若有一人
出現於世無明大冥便自消滅今時
凡愚之士為此無明所見纏結生死
所趣如實不知周旋往來今世後世
從劫至劫無有解已若多薩阿竭阿
羅呵三耶三佛出現世時无明大闇
便自消滅是故諸比丘當念承事諸
佛如是諸比丘當作是學今時諸比
丘聞佛所說歡喜奉行

聞如是一時佛在舍衛國祇樹給孤
獨園今時世尊告諸比丘若有一人
出現於世便有三十七品出現於世
云何三十七品道所謂四意止四意
斷四神足五根五力七覺意八真行
便出現於世云何為一人所謂多薩

阿竭阿羅呵三耶三佛是故諸比丘
常當承事於佛亦當作是學今時諸
比丘聞佛所說歡喜奉行

聞如是一時佛在舍衛國祇樹給孤
獨園今時世尊告諸比丘若有一人
沒盡於世人民之類多懷愁憂天及
人民普失廕覆去何為一人所謂多
薩阿竭阿羅呵三耶三佛是謂一人
沒盡於世人民之類多懷愁憂天及
人民普失廕覆所以然者若多薩阿
竭於世滅盡三十七品亦復滅盡是
故諸比丘常當恭敬於佛如是諸比
丘當作是學今時諸比丘聞佛所說
歡喜奉行

聞如是一時佛在舍衛國祇樹給孤
獨園今時世尊告諸比丘若有一人
出現於世今時天及人民便蒙光澤
便有信心於戒聞施智慧猶如秋時
月光盛滿而無塵穢普有所照此亦
如是若多薩阿竭阿羅呵三耶三佛
出現世間天及人民便蒙光澤有信
心於戒聞施智慧如月盛滿普照一
切是故諸比丘興恭敬心於如來所

如是諸比丘當作是學。今時諸比丘聞佛所說歡喜奉行。

聞如是一時佛在舍衛國祇樹給孤獨園。今時世尊告諸比丘。若有一人出現於世。今時天及人民皆悉熾盛。三惡衆生便自減少。猶如國界聖王治化時。彼城中人民熾盛。隣國力弱。此亦如是。若多薩阿竭出現世時。三惡趣道便自減少。如是諸比丘當信向佛。是故諸比丘當作是學。今時諸比丘聞佛所說歡喜奉行。

聞如是一時佛在舍衛國祇樹給孤獨園。今時世尊告諸比丘。若有一人出現於世。無與等者。不可摸則獨步。無侶無有儔。及諸天人民无能及者。信戒聞施智慧。無能及者。云何為一人所謂多薩阿竭阿羅呵三耶三佛。是謂一人出現於世。無與等者。不可摸則獨步。無伴无有儔。及諸天人民無能及者。信戒聞施智慧。皆自悉足。是故諸比丘當信敬於佛。如是諸比丘當作是學。今時諸比丘聞佛所說歡喜奉行。

須倫益一道 光明及闇冥 道品沒盡信
熾盛无與等

增壹阿含經卷第三

癸卯歲高麗國大藏都監奉
勅彫造

增壹阿含經卷第四

一子品第九

東晉劉宋三藏聖僧錄

聞如是一時佛在舍衛國祇樹給孤獨園。尔時世尊告諸比丘。猶如母人心懷篤信。唯有一子。恒作是念云。何當教使成為人。尔時諸比丘白世尊曰。我等世尊不解此義。世尊是諸法之本。如來所陳。靡不承受。唯願世尊與諸比丘說此深法。聞已奉行。尔時世尊告諸比丘。諦聽。諦聽。善思念之。吾當為汝分別其義。諸比丘對曰。如是。世尊。尔時諸比丘從佛受教。世尊告曰。猶彼優婆塞。心懷篤信。作是教訓。汝今在家。當如質多長者。亦如為童子。所以然者。此是其限。此是其量。世尊受證弟子。所謂質多長者。為童子也。若童子意欲剝除鬚髮。著三法衣。出家學道。當如舍利弗目犍連比丘。所以然者。此是其限。此是其量。所謂舍利弗目犍連比丘。好學正法。莫作邪業。興起非法。設汝生此染著之想。

似當墜墮三惡趣中善念專心不得者得不獲者獲未得證者今當受證所以然者諸比丘信施之重實不可消令人不得至道是故諸比丘莫生染著之意已生當滅如是諸比丘當作是學今時諸比丘聞佛所說歡喜奉行

聞如是一時佛在舍衛國祇樹給孤獨園今時世尊告諸比丘篤信優婆斯唯有一女彼當云何教訓成就今時諸比丘白世尊曰我等世尊不解此義世尊是諸法之本如來所陳靡不承受唯願世尊與諸比丘說此深法聞已奉行今時世尊告諸比丘諦聽諦聽善思念之吾當為汝分別其義諸比丘對曰如是今時諸比丘從佛受教世尊告曰猶彼篤信優婆斯教訓女曰汝今在家者當如拘憊多羅優婆斯難陀母所以然者此是其限此是其量世尊受證弟子所謂拘憊多羅優婆斯難陀母是若女意欲剷除鬚髮著三法衣出家學道者當如識摩比丘尼優鉢花色比丘尼所

以然者此是其量此是其限所謂識
摩比丘尼優鉢華色比丘尼好學正
法莫作邪業興起非法設汝生此染
著之想便當墜墮三惡趣中善念專
心不果者果不獲者獲未得證者今
當受證所以然者諸比丘信施之重實
不可消令人不得至道之趣是故諸
比丘莫生染著之想已生當滅如是
諸比丘當作是學今時諸比丘聞佛
所說歡喜奉行

聞如是一時佛在舍衛國祇樹給孤
獨園今時世尊告諸比丘我不見一
法疾於心者無辭可喻猶如獼猴捨
一取一心不專定心亦如是前想後
想所不同者以方便法不可摸則心
迴轉疾是故諸比丘凡夫之人不能觀
察心意是故諸比丘常當降伏心意
令趣善道亦當作是學今時諸比丘
聞佛所說歡喜奉行

聞如是一時佛在舍衛國祇樹給孤
獨園今時世尊告諸比丘我不見一
法疾於心者無譬可喻猶如獼猴捨
一取一心不專定心亦如是前想後
想所念不同是故諸比丘凡夫之人

不能觀察心意所由是故諸比丘常當降伏心意得趣善道是故諸比丘當作是學今時諸比丘聞佛所說歡喜奉行

聞如是一時佛在舍衛國祇樹給孤獨園今時世尊告諸比丘我恒觀見一人心中所念之事此人如屈伸臂頃墮泥梨中所以然者由惡心故心之生病墜墮地獄今時世尊便說偈言
猶如有一人心懷瞋恚想 今告諸比丘
廣演其義趣今正是其時 設有命終者
假令入地獄由心穢行故
是故諸比丘當降伏心勿生穢行如
是諸比丘當作是學今時諸比丘聞
佛所說歡喜奉行

聞如是一時佛在舍衛國祇樹給孤獨園今時世尊告諸比丘我恒觀見一人心中所念之事如屈伸臂頃而生天上所以然者由善心故已生善心便生天上今時世尊便說偈言
設復有一人而生善妙心 今告諸比丘
廣演其義趣今正是其時 設有命終者
便得生天上由心善行故
是故諸比丘當發淨意勿生穢行如

是諸比丘當作是學。今時諸比丘聞佛所說歡喜奉行。

聞如是一時佛在舍衛國祇樹給孤獨園。今時世尊告諸比丘：我於此衆中不見一法，寂縛著牢獄，無有解已。所謂男子見女色已，便起想著，意甚愛敬，令人不至永寂縛著牢獄，無有解已。意不捨離，周旋往來。今世後世迴轉五道，動歷劫數。今時世尊便說偈曰：

梵音柔軟聲，如來說難見，或復有時見，繫念在目前，亦莫與女人往來，與言語恒羅伺捕人，不得至無為。

是故諸比丘，當除諸色，莫起想著。如是諸比丘，當作是學。今時諸比丘聞佛所說歡喜奉行。

聞如是一時佛在舍衛國祇樹給孤獨園。今時世尊告諸比丘：我於此衆中不見一法，寂縛著牢獄，無有解已。所謂女生永寂縛著牢獄，無有解已。所謂女見男子色已，便起想著，意甚愛敬，令人不至永寂縛著牢獄，無有解已。意不捨離，周旋往來。今世後世迴轉五

道動歷劫數今時世尊便說偈曰

若生顛倒想興念恩愛心 除念意染著
便無此諸穢

是故諸比丘當除諸色莫起想著如
是諸比丘當作是學今時諸比丘聞
佛所說歡喜奉行

聞如是一時佛在舍衛國祇樹給孤
獨園今時世尊告諸比丘我於此衆
中不見一法無欲想便起欲想已起
欲想便增益無瞋恚想便起瞋恚已
起瞋恚便增多無睡眠想便起睡眠
已起睡眠便增多無調戲想便起調
戲已起調戲便增多無疑想便起疑
想已起疑想便增多亦當觀惡露不淨
想設作亂想無欲想便有欲想已有
欲想便增多瞋恚睡眠本無疑想便
起疑想疑想已起便增多是故諸比
丘莫作亂想常當專意如是諸比
丘當作是學今時諸比丘聞佛所說
歡喜奉行

聞如是一時佛在舍衛國祇樹給孤
獨園今時世尊告諸比丘我於此法
中不見一法未有欲想便不生欲想

已生欲想便能滅之未生瞋恚想便
不生已生瞋恚想便能滅之未生瞋
眠想便不生已生瞋眠想便能滅之
未生調戲想便不生已生調戲想便
能滅之未生疑想便不生已生疑想
便能滅之亦當觀惡露不淨已觀惡
露不淨未生欲想便不生已生便能
滅之未生瞋恚便不生已生瞋恚便
能滅之乃至疑未生疑想便不生已
生疑想便能滅之是故諸比丘常當
專意觀不淨想如是諸比丘當作是
學今時諸比丘聞佛所說歡喜奉行
二斯及二心一隋二生天 男女想受樂
二欲想在後

增壹阿含經護心品第十

聞如是一時佛在舍衛國祇樹給孤
獨園今時世尊告諸比丘當修行一
法當廣布一法修行一法廣布一法
已便得神通諸行寂靜得沙門果至
泥洹界云何為一法所謂無放逸行
云何為無放逸行所謂護心也云何
護心於是比丘常守護心有漏有漏
法當彼守護心有漏有漏法於有漏
法便得悅豫亦有信樂住不移易恒

專其意自力勸勉如是比丘彼無放逸行恒自謹慎未生欲漏便不生已生有漏便能使滅未生無明漏便不生已生無明漏便能使滅比丘於彼無放逸行閑靜一處恒自覺知而自遊戲欲漏心便得解脫有漏心無明漏心便得解脫已得解脫便得解脫智生死已盡梵行已立所作已辦更不復受有如實知之今時世尊便說斯偈

無憍甘露跡放逸是死徑無慢則不死慢者即是死

是故諸比丘當念修行無放逸行如是諸比丘當作是學今時諸比丘聞佛所說歡喜奉行

聞如是一時佛在舍衛國祇樹給孤獨園今時世尊告諸比丘當修行一法當廣布一法修行一法廣布一法已便得神通諸行寂靜得沙門果至泥洹處六何為一法謂無放逸行於諸善法云何無放逸行所謂不觸燒一切衆生不害一切衆生不惱一切

衆生是謂無放逸行彼云何名善法
所謂賢聖八道品等見等方便等語
等行等命等治等念等定是謂善
法尔時世尊便說偈曰

施一切衆生不如法施人 雖施衆生福
一人法施勝

是故諸比丘當修行善法如是諸比
丘當作是學尔時諸比丘聞佛所說
歡喜奉行

聞如是一時佛在舍衛國祇樹給孤
獨園尔時世尊告諸比丘當云何觀
檀越施主尔時諸比丘白世尊曰世
尊是諸法之王唯願世尊與諸比丘
而說此義聞已盡當奉持尔時世尊
告諸比丘諦聽諦聽善思念之我當
與汝分別其義對曰如是世尊尔時
諸比丘從佛受教世尊告曰檀越施
主當恭敬如子孝順父母養之侍之
長益五陰於閻浮利地現種種義觀
檀越主能成人戒聞三昧智慧諸比
丘多所饒益於三寶中無所罣碍能
施卿等衣被飲食牀褥卧具病瘦醫
藥是故諸比丘當有慈心於檀越所

小恩常不忘況復大者恒以慈心向
彼檀越說身口意清淨之行不可稱
量亦無有限身行慈口行慈意行慈
使彼檀越所施之物終不唐捐獲其
大果成大福祐有大名稱流聞世間
甘露法味如是諸比丘當作是學余
時世尊便說偈曰

施以成大財 所願亦成就 王及諸賊盜
不能侵彼物 施以得王位 紹繼轉輪處
七寶具足成 本施之所致 布施成天身
首著雜寶冠 與諸妓女遊 本施之果報
施得天帝釋 天王威力威 千眼莊嚴形
本施之果報 布施成佛道 二十二相具
轉無上法輪 本施之果報

尔時諸比丘聞佛所說歡喜奉行
聞如是一時佛在舍衛國祇樹給孤
獨園尔時世尊告諸比丘檀越施主
當云何承事供養精進持戒諸賢聖
人尔時諸比丘白世尊曰世尊是諸法
之王唯願世尊與諸比丘而說此義
盡當奉持尔時世尊告諸比丘諦聽
諦聽善思念之我當與汝分別其義
對曰如是世尊尔時諸比丘從佛受
教世尊告曰檀越施主承事供養精

進持戒諸多聞者猶如與迷者指亦
其路糧食乏短而給施食恐怖之人
令無憂惱驚畏者教令其懼无所歸
者與作覆護盲者作眼目與病作醫
王猶如田家農夫修治田業除去穢
草便能成就穀食比丘常當除棄五
盛陰病求入無畏泥洹城中如是諸
比丘檀越施主承事供養精進持戒
諸多聞者當施尔時阿邠那持長者
集在彼衆尔時長者阿邠那持白世
尊曰如是世尊如是如來一切施主
及與受者猶吉祥瓶諸受施人如毗
沙王勸人行施如親父母受施之人
是後世良祐一切施主及與受者猶
如居士世尊告曰如是長者如汝所
言阿邠那持長者白世尊曰自今已
後門不安守亦不排逆比丘比丘尼
優婆塞優婆斯及諸行路乏糧食者
尔時阿邠那持長者白世尊曰唯願
世尊及比丘衆受弟子請尔時世尊
默然受長者請尔時長者見世尊默
然受請即礼佛三匝還歸所在到舍
已即其夜辦具甘饌種種飯食廣敷

坐具自白時到食具已辦唯願世尊
願時臨願尔時世尊將諸比丘眾著衣
持鉢詣舍衛城至長者家到已各自就
座諸比丘僧亦各隨次坐尔時長者
見佛比丘眾坐定手自斟酌行種種
飲食以行種種飲食各收鉢坐更取
卑座在如來前欲聽聞法尔時長者
白世尊言善哉如來聽諸比丘隨所
須物三衣鉢盂鉢筒屣師壇衣帶法
澡罐及餘一切沙門雜物盡聽弟子
家取之尔時世尊告諸比丘汝等若
須衣裳鉢器及屣師壇法澡罐及餘
一切沙門雜物聽使此取勿足疑難
起想著心尔時世尊與長者阿邨邨
持說微妙之法說妙法已便從坐起
而去當於尔時阿邨邨持復於四城
門而廣惠施第五市中第六在家須
食與食須漿與漿須車乘妓樂香熏
瓔珞悉皆與之尔時世尊聞長者阿
邨邨持於四城門中廣作惠施復於大
市布施貧乏復於家內布施无量尔
時世尊告諸比丘我弟子中第一優
婆塞好喜布施所謂須達長者是尔

時諸比丘聞佛所說歡喜奉行

聞如是一時佛在舍衛國祇樹給孤獨園。爾時阿那邠持長者便往至世尊所。頭面禮世尊。足在一面坐。世尊告曰。云何長者。貴家恒布施貧乏耶。長者對曰。如是。世尊恒布施貧乏。於四城門而廣布施。復在家中給與所須。世尊我或時作是念。并欲布施野飛鳥猪狗之屬。我亦無是念。此應與此不應與。亦復無是念。此應與多。此應與少。我恒有是念。一切衆生皆由食而存。其命有食便存。無食便喪。世尊告曰。善哉善哉。長者汝乃以菩薩心專精一意而廣惠施。然此衆生由食得濟。無食便喪。長者汝當獲大果。得大名。稱有大果報。聲徹十方。得甘露法味。所以然者。菩薩之處恒以平等心。而以惠施。專精一意。念衆生類由食而存有。食便濟。無食便喪。是謂長者。菩薩心所安處。而廣惠施。爾時世尊便說偈曰。

盡當普惠施。終無慍悔心。必當遇良友。得濟到彼岸。

是故長者當平等意而廣惠施如是
長者當作是學歡喜奉行今時長者聞佛所說

聞如是一時佛在舍衛國祇樹給孤
獨園今時世尊告諸比丘如我今日
審知衆生根原所趣亦知布施之報
最後一搏之餘已不自食惠施他人
今時不起憎嫉之心如毛髮許以此
衆生不知施之果報如我皆悉知之
施之果報平等之報心無有異是故
衆生不能平等施而自墮落恒有
慳嫉之心纏累心意今時世尊便說
偈曰

衆生不自覺如來之言教 常當普惠施
專向真人所志性以清淨 所獲福倍多
等共分其福後得大果報 所施今善哉
心向廣福田 於此人間逝 必生於天上
以到彼善處 快樂自娛樂 吉祥甚歡悅
一切無乏短 以天威德業 玉女為營從
平等之施報 故獲此福祐

今時諸比丘聞佛所說歡喜奉行
聞如是一時佛在舍衛國祇樹給孤
獨園今時世尊告諸比丘汝等莫畏

福報所以然者此是受樂之應甚可愛敬所以名為福者有此大報汝等當畏無福所以然者此名苦之原本愁憂苦惱不可稱記無有愛樂此名無福比丘昔我自念七年行慈心復過七劫不來此世復於七劫中生光音天復於七劫生空梵天處為大梵天無與等者統百千世界三十六反為天帝釋形無數世為轉輪王是故諸比丘作福莫憊所以然者此名受樂之應甚可愛敬是謂名為福汝等當畏無福所以然者苦之原本愁憂苦惱不可稱記此名無福尔時世尊便說此偈

使哉福報 所願者得 速至滅盡
到無為處 正使億數 天魔波旬
亦不能燒 為福業者 彼恒自求
賢聖之道 便盡除苦 後無有憂
是故諸比丘為福莫厭是故諸比丘
當作是學尔時諸比丘聞佛所說歡
喜奉行

聞如是一時佛在舍衛國祇樹給孤獨園尔時世尊告諸比丘若有承順

一法不離一法魔波旬不能得其便亦不能來觸燒人云何為一法謂功德福業所以然者自憶往昔在道樹下與諸菩薩集在一處弊魔波旬將諸兵衆數千万億種種形貌獸頭人身不可稱計天龍鬼神阿須倫迦留羅魔休勒等皆來運集時魔波旬而語我言沙門速投于地佛以福德大力降伏魔怨諸塵垢消無有諸穢便成無上正真道諸比丘當觀此義其有比丘功德具足者弊魔波旬不能得其便壞其功德尔時世尊便說此偈

有福快樂 無福者苦 今世後世 為福受樂

是故諸比丘為福莫憚尔時諸比丘聞佛所說歡喜奉行

聞如是一時佛在舍衛國祇樹給孤獨園尔時世尊告諸比丘若有比丘修行一法便不能壞敗惡趣一為趣善一為趣泥洹云何修行一法不能壞敗惡趣所謂心無篤信是謂修此一法不壞敗惡趣云何修行一法趣善處者所謂心行篤信是謂修此一

法得趣善處云何修行一法得至泥洹所謂恒專心念是謂修行此法得至泥洹是故謂諸比丘專精心意念諸善本如是諸比丘當作是學今時諸比丘聞佛所說歡喜奉行

聞如是一時佛在舍衛國祇樹給孤獨園今時世尊告諸比丘若有一人出現於世此衆生類便增壽益竿顏色光潤氣力熾盛快樂無極音聲和雅云何為一人所謂如來至真等正覺此謂一人出現於世此衆生類便增壽益竿顏色光潤氣力熾盛快樂無極音聲和雅是故諸比丘常當專精一心念佛如是諸比丘當作是學今時諸比丘聞佛所說歡喜奉行無慢二念增二施堅無猷施福應波旬惡趣及一人

增壹阿含經卷第四

癸卯歲高麗國大藏都監奉勅彫造

增壹阿含經卷第五

似

東晉別有義疏羅漢僧伽提婆譯

不還品第十一

問如是一時佛在舍衛國祇樹給孤獨園。爾時世尊告諸比丘當滅一法。我證卿等成阿那含。云何為一法。所謂貪欲。諸比丘當滅貪欲。我證卿等得阿那含。爾時世尊便說此偈。貪婬之所染。衆生墮惡趣。當懃捨貪欲。便成阿那含。

尔時諸比丘聞佛所說歡喜奉行。聞如是一時佛在舍衛國祇樹給孤獨園。尔時世尊告諸比丘當滅一法。我證汝等成阿那含。云何為一法。所謂瞋恚。是諸比丘當滅瞋恚。我證汝等得阿那含。尔時世尊便說此偈。瞋恚之所染。衆生墮惡趣。當懃捨瞋恚。便成阿那含。

尔時諸比丘聞佛所說歡喜奉行。聞如是一時佛在舍衛國祇樹給孤獨園。尔時世尊告諸比丘當滅一法。捨離一法。我證汝等成阿那含。云何

為一法所謂愚癡是故諸比丘當滅
愚癡我與卿等證阿邠舍今時世尊
便說此偈

愚癡之所染 衆生墮愚趣 當勤捨愚癡
便成阿邠舍

今時諸比丘聞佛所說歡喜奉行
聞如是一時佛在舍衛國祇樹給孤
獨園今時世尊告諸比丘當滅一法
捨離一法我證汝等成阿邠舍云何
為一法所謂慳貪是故諸比丘當滅
慳貪我證汝等阿邠舍今時世尊便
說此偈

慳貪之所染 衆生墮愚趣 當勤捨慳貪
便成阿邠舍

今時諸比丘聞佛所說歡喜奉行
聞如是一時佛在舍衛國祇樹給孤
獨園今時世尊告諸比丘我於此衆
初不見一法不可降伏難得時宜受
諸苦報所謂心是諸比丘此心不可
降伏難得時宜受諸苦報是故諸比
丘當分別心當思惟心善念諸善本
如是諸比丘當作是學今時諸比丘
聞佛所說歡喜奉行

聞如是一時佛在舍衛國祇樹給孤

獨園尔時世尊告諸比丘我於此衆
初不見一法易降伏者易得時宜受
諸善報所謂心是諸比丘當分別心
善念諸善本如是諸比丘當作是學
尔時諸比丘聞佛所說歡喜奉行
聞如是一時佛在舍衛國祇樹給孤
獨園尔時世尊告諸比丘於此衆中
若有一人而作是念我恚知之後
此人不以飲食在大衆中而虛妄語
我或復於異時觀見此人生染著心
念於財物便於大衆中而作妄語所
以然者諸比丘財物染著甚為難捨
令人墜墮三惡道中不得至無為之
處是故諸比丘已生此心便當捨離
誤未生者勿復興心染著財物如是
諸比丘當作是學尔時諸比丘聞佛
所說歡喜奉行

聞如是一時佛在舍衛國祇樹給孤
獨園尔時世尊告諸比丘於此衆中
而作是念正使命斷不於衆中而作
妄語我或復於異時觀見此人生染
著心念於財物便於大衆中而作妄
語所以然者諸比丘財物染著甚為

難捨令人墮三惡道中不得至無為之處是故諸比丘已生此心便當捨離若未生者勿復興心染著財物如是諸比丘當作是學今時諸比丘聞佛所說歡喜奉行

聞如是一時佛在羅閱城迦蘭陀竹園所與大比丘衆五百人俱今時世尊告諸比丘云何諸比丘頗有見提婆達兜清白之法乎然復提婆達兜為惡深重受罪經劫不可療治於我法中不見毫釐之善可稱記者以是之故我今說提婆達兜諸罪之原首不可療治猶如有人而墮深廁形體沒溺無有一淨處有人欲來濟拔其命安置淨處遍觀廁側及彼人身頗有淨處吾欲手捉拔濟出之彼人熟視無一淨處而可捉者便捨而去如是諸比丘我觀提婆達兜愚癡之人不見毫釐之法而可記者受罪經劫不可療治所以然者提婆達兜愚癡專意偏著利養作五逆罪已身壞命終生惡趣中如是諸比丘利養深重令人不得至安隱之處是故諸比丘

以生利養心便當捨離若未生者勿興染心如是諸比丘當作是學尔時諸比丘聞佛所說歡喜奉行

聞如是一時佛在羅閱城迦蘭陀竹園所與大比丘衆五百人俱尔時有一比丘聞如來記別調達受罪一劫不可療治時彼比丘便至尊者阿難所共相問評已在一面坐尔時彼比丘問阿難曰云何阿難如來盡觀提婆達兜原本已然後記別受罪一劫不可療治乎頗有所由可得而記耶時阿難告曰如來所說終不虛設身口所行而無有異如來真實記提婆達兜別受罪深重當經一劫不可療治尔時尊者阿難即從坐起至世尊所頭面礼足在一面住尔時阿難白世尊曰有一比丘來至我所而作是說云何阿難如來盡觀提婆達兜原本已然後記別受罪一劫不可療治乎頗有因緣可得記別耶作是語已各自捨去世尊告曰彼比丘者必晚暮學出家未久方來至我法中耳如來所說終不虛妄云何於中復起猶

豫尔時世尊告阿難曰汝往至彼語
比丘言如來呼卿阿難對曰如是世
尊是時阿難受世尊教便往至彼比
丘所到已語彼比丘曰如來呼卿彼比
丘對曰如是尊者尔時彼比丘便嚴
衣服共阿難至世尊所到已礼世尊
足在一面坐尔時世尊告彼比丘云
何愚人汝不信如來所說乎如來所
教無有虛妄汝今乃欲求如來虛妄
時彼比丘白世尊曰提婆達兜比丘
者有大神力有大威勢云何世尊記
彼一劫受罪重耶佛告比丘曰護汝
口語勿於長夜受苦無量尔時世尊
便說此偈

遊憚世俗通至音無解脫不造滅盡跡
復還墮地獄

若使我當見提婆達兜身有毫釐之
善法者我終不記彼提婆達兜受罪
一劫不可療治是故愚人我不見提
婆達兜有毫釐之善法以是故記彼
提婆達兜受罪一劫不可療治所以
然者提婆達兜愚癡貪著利養起染
著心作五逆惡身壞命終入地獄中

所以然者利養心重敗人善本令人
不到安隱之處是故諸比丘設有
利養心起便當求滅若不有心勿興想
著如是諸比丘當作是學爾時彼比
丘從坐起整衣服札世尊足白世尊
曰今自悔過唯願垂恕愚癡所致造
不善行如來所說無有二言然我愚
癡起猶豫想唯願世尊受我悔過改
往修來乃至再三世尊告曰善哉比
丘悔汝所念恕汝不及莫於如來與
猶豫想今受汝悔過後更莫作乃至
三四爾時世尊便說此偈
設有作重罪悔過更不犯此人應禁戒
拔其罪根原

爾時彼比丘及四部衆聞佛所說歡
喜奉行

四種阿耨含 二心及二食 婆達二契經
智者當覺知

增壹阿含經壹入道品第十二

聞如是一時佛在舍衛國祇樹給孤
獨園爾時世尊告諸比丘有一入道
淨衆生行除去愁憂無有諸惱得大
智慧成泥洹證所謂當滅五蓋思惟

四意止去何名為一入所謂專一心
是謂一入去何為道所謂賢聖八品
道一名正見二名正治三名正業四
名正命五名正方便六名正語七名
正念八名正定是謂名道是謂一入
道去何當滅五蓋所謂貪欲蓋瞋恚
蓋調戲蓋眠睡蓋疑蓋是謂當滅五
蓋去何思惟四意止於是比丘內自
觀身除去惡念無有愁憂外自觀身
除去惡念無有愁憂內觀痛痛而自娛樂
外觀痛痛內外觀痛痛而自娛樂
娛樂外觀心內外觀心內觀法外觀
法內外觀法而自娛樂去何比丘內
觀身而自娛樂於是比丘觀此身隨
其性行從頭至足從足至頭觀此身
中皆悉不淨無有可貪復觀此身有毛
髮爪齒皮肉筋骨髓腦脂膏腸胃心
肝脾腎之屬皆悉觀知屎尿生熟二藏
目淚唾涕血脉肪膽皆當觀知无可
貪者如是諸比丘當觀身自娛樂除
去惡念無有愁憂復次比丘還觀此
身有地種耶水火風種耶如是比丘

觀此身復次比丘觀此身分別諸界
此身有四種猶如巧能屠牛之士若
屠牛弟子解牛節解而自觀見此是
脚此是心此是節此是頭如是彼比
丘分別此界而自觀察此身有地水
火風種如是比丘觀身而自娛樂復
次比丘觀此身有諸孔漏出不淨猶
如彼人觀竹園若觀葦聚如是比丘
觀此身有諸孔漏出諸不淨復次比
丘觀死屍或死一宿或二宿或三宿
四宿或五宿六宿七宿身體腫脹臭
處不淨復自觀身與彼無異吾身不
免此患若復比丘觀死屍烏鵲鴉鳥
所見敗食或為虎狼狗犬虫獸之屬
所見敗食復自觀身與彼无異吾身
不離此患是謂比丘觀身而自娛樂
復次比丘觀死屍或敗半散落在地
臭處不淨復自觀身與彼無異吾身
不離此法復次觀死屍肉已盡唯有
骨在血所塗染復以此身觀彼身亦
無有異如是比丘觀此身復次比丘
觀死屍筋經束薪復自觀身與彼无
異如是比丘觀此身復次比丘觀死

屍骨節分散散在異處或手骨脚骨各在一處或膊骨或腰骨或尻骨或髀骨或肩骨或脇骨或脊骨或項骨或髑髏復以此身與彼無異吾不免此法吾身亦當壞敗如是比丘觀身而自娛樂復次比丘觀死屍白色白珂色復自觀身與彼無異吾不離此法是謂比丘自觀身復次比丘若見死屍骨青瘵想无可貪者或與灰土同色不可分別如是比丘自觀身除去惡念無有愁憂此身無常為分散法如是比丘內自觀身外觀身內外觀身解無所有云何比丘內觀痛痛於是比丘得樂痛時即自覺知我得樂痛得苦痛時即自覺知我得苦痛得不苦不樂痛時即自覺知我得苦不樂痛若得食樂痛時便自覺知我得食樂痛若得食苦痛時便自覺知我得食苦痛若得食不苦不樂痛時亦自覺知我食不苦不樂痛若得不食樂痛時便自覺知我得不得不食樂痛若得苦痛時亦自覺知我不食苦痛若得不食不苦不樂痛時亦自

覺知我得_{增壹阿含經第五卷}不食不苦不樂痛如是比丘
內自觀痛復次若復比丘得樂痛時
今時不得苦痛今時自覺知我受樂
痛若得苦痛時今時不得樂痛自覺
知我受苦痛若得不苦不樂痛時今
時無苦無樂自覺知我受不苦不樂
痛被習法而自娛樂亦觀盡法復觀
習盡之法或復有痛而現在前可知
可見思惟原本無所依倚而自娛樂
不起世間想於其中亦不驚怖以不
驚怖便得泥洹生死已盡梵行已立
所作已辦更不復受有如真實知如
是比丘內自觀痛除去_{增壹阿含經第五卷}亂念無有愁
憂外自觀痛內外觀痛除去亂念無
有愁憂如是比丘內外觀痛云何比
丘觀心心法而自娛樂於是比丘有
愛欲心便自覺知有愛欲心無愛欲
心亦自覺知無愛欲心有瞋恚心便
自覺知有瞋恚心無瞋恚心亦自覺
知無瞋恚心有愚癡心便自覺知有
愚癡心無愚癡心便自覺知无愚癡
心有愛念心便自覺知有愛念心无
愛念心便自覺知無愛念心有受人

心便自覺知有受入心無受入心便
自覺知無受入心有乱念心便自覺
知有乱心無乱心便自覺知無乱心
有散落心亦自覺知有散落心無散
落心便自覺知無散落心有普遍心
便自覺知有普遍心無普遍心便自
覺知無普遍心有大心便自覺知有
大心無大心便自覺知無大心有無
量心便自覺知有無量心無無量心
便自覺知無無量心有三昧心便自
覺知有三昧心無三昧心便自覺知
無三昧心未解脫心便自覺知未解
脫心已解脫心便自覺知已解脫心
如是以比丘心相觀意止觀習法觀盡
法并觀習盡之法思惟法觀而自娛
樂可知可見可思惟不可思惟無所
倚不起世間想已不起想便無畏怖
已無畏怖便無餘已無餘便涅槃生
死已盡梵行已立所作已辦更不復
受有如實知之如是比丘內自觀心
心意止除去乱念無有憂愁外觀心
外觀心心意止如是比丘心心相觀
意止云何比丘法法相觀意止於是

比丘修念覺意依觀依無欲依滅盡
捨諸惡法修法覺意修精進覺意修
念覺意修猗覺意修三昧覺意修護
覺意依觀依無欲依滅盡捨諸惡法
如是比丘法法相觀意止復次比丘
於愛欲解脫除惡不善法有覺有觀
有猗念樂於初禪而自娛樂如是比
丘法法相觀意止復次比丘捨有覺
有觀內發歡喜專其一意成無覺无
觀念猗喜安遊二禪而自娛樂如是
比丘法法相觀意止復次比丘捨於
念修於護恒自覺知身覺樂諸賢聖
所求護念清淨行於三禪如是比丘
法法相觀意止復次比丘捨苦樂心
無復憂喜無苦无樂護念清淨樂於
四禪如是比丘法法相觀意止彼行
習法行盡法并行習盡之法而自娛
樂便得法意止而現在前可知可見
除去亂想無所依猗不起世間想已
不起想便無畏怖已無畏怖生死便
盡梵行已立所作已辦更不復受有
如實知之諸比丘依一入道衆生得
清淨遠愁憂無復喜想便還智慧得

涅槃證所謂滅五蓋修四意止也今時諸比丘聞佛所說歡喜奉行

聞如是一時佛在舍衛國祇樹給孤獨園今時世尊告諸比丘我於是中不見一法速磨滅者憎嫉梵行是故諸比丘當修行慈忍身行慈口行慈意行慈如是諸比丘當作是學今時諸比丘聞佛所說歡喜奉行

聞如是一時佛在舍衛國祇樹給孤獨園今時世尊告諸比丘若有一人出現世時諸天人民魔及魔天沙門婆羅門最尊最上無與等者福田第一可事可敬云何為一人所謂多薩阿竭阿羅呵三耶三佛是謂一人出現世時過諸天人民阿湏倫魔及魔天沙門婆羅門上最尊最上無與等者福田第一可事可敬如是諸比丘常當供養如來如是諸比丘當作是學今時諸比丘聞佛所說歡喜奉行聞如是一時佛在舍衛國祇樹給孤獨園今時世尊告諸比丘其有瞻視病者則為瞻視我已看看病者則為看我已所以然者我今躬欲看視疾

病諸比丘我不見一人於諸天世間沙明婆羅門施中取上無過是施其行是施尔乃為施獲大果報得大功德名稱普至得甘露法味所謂如來至真等正覺知施中取上無過是施其行是施尔乃為施獲大果報得大功德我今因此因緣而作是說瞻視病者則為瞻視我已而無有異汝等長夜獲大福祐如是諸比丘當作是學尔時諸比丘聞佛所說歡喜奉行聞如是一時佛在舍衛國祇樹給孤獨園尔時世尊告諸比丘其有嘆譽阿練若者則為嘆譽我已所以然者我今恒自嘆譽阿練若行其有誹謗阿練若者則為誹謗我已其有嘆說乞食則為嘆譽我已所以然者我恒歎說能乞食者其有謗毀乞食則為毀我已其有嘆說獨坐者則為嘆說我已所以然者我恒嘆說能獨坐者其有毀獨坐者則為毀我已其有嘆譽一坐一食者則為嘆譽我已所以然者我恒嘆譽一坐一食者其有毀者則為毀我已若有嘆說坐樹下者則為

嘆說我身無異所以然者我恒嘆譽
在樹下者若有毀彼在樹下者則為
毀我已其有嘆說露坐者則為嘆說
我已所以者何我恒嘆說露坐者其
有毀辱露坐者則毀辱我已其有嘆
說空閑處者則為嘆說我已所以者
何我恒嘆說空閑處者其有毀辱空
閑處者則為毀辱我已其有嘆說著
五納衣者則為嘆說我已所以者何
我恒嘆說著五納衣者其有毀辱著
五納衣者則為毀辱我已其有嘆說
持三衣者則為嘆說我已何以故我
恒嘆說持三衣者其有毀辱持三衣
者則為毀辱我已其有嘆說在塚間
坐者則為嘆說我已何以故我恒嘆
說在塚間坐者其有毀辱在塚間坐
者則為毀辱我已其有嘆一食者則
為嘆說我已何以故我恒嘆說一食
者其有毀辱一食者則為毀辱我已其
有嘆說曰正中食者則為嘆說我已
何以故我恒嘆說正中食者其有毀
辱正中食者則為毀辱我已其有嘆
說諸頭陀行者則為嘆說我已所以

然者我恒嘆說諸頭陀行其有毀辱諸頭陀行者則為毀辱我已我今教諸比丘當如大迦葉所行無有漏失者所以然者迦葉比丘有此諸行是故諸比丘所學常當如大迦葉如是比丘當作是學今時諸比丘聞佛所說歡喜奉行

聞如是一時佛在羅閱城迦蘭陀竹園所與大比丘衆五百人俱今時尊者大迦葉住阿練若到時乞食不擇貧富一處一坐終不移易樹下露坐或空閑處著五納衣或持三衣或在塚間或時一食或正中食或行頭陀年高長大今時尊者大迦葉食後便詣一樹下禪定禪定已從坐起整衣服往至世尊所是時世尊遙見迦葉來世尊告曰善來迦葉時迦葉便至世尊所頭面礼足在一面坐世尊告曰迦葉汝今年高長大志衰朽弊汝今可捨乞食乃至諸頭陀行亦可受諸長者請并受衣裳迦葉對曰我今不從如來教所以然者若當如來不成無上正真道者我則成辟支佛然

彼辟支佛盡行阿練若到時乞食不擇貧富一處一坐終不移易樹下露坐或空閑處著五納衣或持三衣或在塚間或時一食或正中食或行頭陀如今不敢捨本所習更學餘行世尊告曰善哉善哉迦葉多所饒益度人無量廣及一切天人得度所以然者若迦葉此頭陀行在世者我法亦當久在於世設法在世益增天道三惡道便減亦成須陀洹斯陀含阿那含三乘之道皆存於世諸比丘所學皆當如迦葉所習如是諸比丘當作是學今時諸比丘聞佛所說歡喜奉行聞如是一時佛在舍衛國祇樹給孤獨園今時世尊告諸比丘利養甚重令人不得至無上正真之道所以然者諸比丘彼提婆達兜愚人取彼王子婆羅留支五百金食供養設彼不與者提婆達兜愚人終不作此惡以婆羅留支王子五百金食日來供養是故提婆達兜起五逆惡身壞命終生摩訶阿鼻地獄中以此方便當知利養甚重令人不得至無上正真之

道若未生利養心不應生已生當滅之如是諸比丘當作是學今時諸比丘聞佛所說歡喜奉行

聞如是一時佛在羅閱城耆闍崛山中與大比丘衆五百人俱今時提婆達兜壞亂衆僧壞如來之教阿闍世取父王煞復煞羅漢比丘尼在大衆中而作是說何處有惡惡從何生誰作此惡當受其報我亦不作此惡而受其報今時有衆多比丘入羅閱城乞食而聞此語提婆達兜愚人在大衆中而作是說何處有惡惡從何生誰作此惡而受其報今時衆多比丘食後擲取衣鉢以尼師壇著右肩上便徃至世尊所頭面礼足在一面坐今時衆多比丘白世尊曰提婆達兜愚人在大衆中而作是說云何為惡無殃作福無報無有受善惡之報今時世尊告諸比丘有惡有罪善惡之行皆有報應若彼提婆達兜愚人知有善惡報者便當枯竭愁憂不樂滿血便從面孔出以彼提婆達兜不知善惡之報是故在大衆中而作是說

無善惡之報為惡無殃作善元福余
時世尊便說此偈

愚者審目明為惡為有福我今豫了知
善惡之報應

如是諸比丘當遠離惡為福莫倦諸
比丘當作是學余時諸比丘問佛所
說歡喜奉行

聞如是一時佛在舍衛國祇樹給孫
獨園余時世尊告諸比丘受人利養
甚重不易令人不得至無為之處所
以然者利養之報斷入人皮以斷皮
便斷肉以斷肉便斷骨以斷骨便徹
髓諸比丘當以此方便知利養甚重
若未生利養心便不生已生求令滅
之如是諸比丘當作是學余時諸比
丘聞佛所說歡喜奉行

聞如是一時佛在舍衛國祇樹給孫
獨園余時世尊告諸比丘受人利養
甚為不易令人不得至無為之處所
以然者若彼師利羅比丘不貪利養
者不作余許無量煞生身壞命終生
地獄中余時世尊便說此偈
受人利養重壞人清白行是故當制心

莫貪著於味 師利以得定 乃至天帝宮
便於神通退 墮於屠鯨中

諸比丘當以此方便知受人利養甚
為不易如是比丘當作是學未生利
養心制令不生已生此心求方便令
滅如是諸比丘當作是學今時諸比
丘聞佛所說歡喜奉行

增壹阿含經卷第五

癸卯歲高麗國大藏都監
功彫造

增壹阿含經卷第六

似

利養品第十三

東晉劉宋藏經畧僧伽提婆譯

聞如是一時佛在舍衛國祇樹給孤獨園。尔時世尊告諸比丘。受人利養。其為不易。令人不得至無為之處。所以然者。若修羅施比丘。不貪利養者。終不於法中捨三法衣。而作居家。修羅施比丘。大作阿練若。行到時。乞食一處。一坐。或正中食樹下。露坐樂閑居之處。著五納衣。或持三衣。或樂塚間。勤身苦行。行此頭陀。是時修羅施比丘。常受蒲呼國王供養。以百味之食。日來給與。尔時彼比丘。意染此食。漸捨阿練若。行到時。乞食一處。一坐。正中食樹下。露坐閑居之處。著五納衣。或持三衣。或樂塚間。勤身苦體。盡捨此已去三法衣。還為白衣。屠牛。然生不可稱計。身壞命終。生地獄中。諸比丘。以此方便。知利養甚重。令人不得至無上正真之道。若未生利養。制令不生。已生求方便。使滅。如是諸比

丘當作是學。今時諸比丘聞佛所說
歡喜奉行。

聞如是一時佛在舍衛國祇樹給孤
獨園。今時世尊告諸比丘。當滅一法。
我證汝等成果。神通諸漏得盡。云何
為一法。所謂味欲。是故諸比丘。當滅
此味。欲我證汝等成神通果。諸漏得
盡。今時世尊便說此偈。
衆生著此味。死隨惡趣中。今當捨此欲。
便成阿羅漢。

是故諸比丘。常當捨此味著之想。如
是諸比丘。當作是學。今時諸比丘聞
佛所說。歡喜奉行。

聞如是一時佛在舍衛國祇樹給孤
獨園。今時於舍衛城內有一長者。適
喪一子。甚愛敬念。未曾能捨。彼見子
死。便生狂惑。周旋往來不停一處。若
見人時。便作是語。頗有見我兒乎。今
時彼人漸漸往至祇洹精舍。到世尊
所。在一面住。今時彼人白世尊曰。瞿
曇沙門。頗見我兒乎。世尊告長者曰。
何故頗賴不悅。諸根錯亂。今時長者
報瞿曇曰。焉得不。今所以然者。我今

唯有一子捨我無常其甚愛敬念未曾
離目前哀愍彼子故令我生狂我今
問沙門見我兒耶世尊告曰如是長
者如汝所問生老病死世之常法恩
愛離苦然憎會苦子捨汝无常豈得
不念乎尔時彼人聞世尊所說不久
其懷便捨而退去前行見人復作是
語沙門瞿曇說言曰恩愛分別便有
快樂如沙門所說為審尔不前人對
曰恩愛別離有何樂哉當於尔時去
舍衛城不遠有衆多人而共博戲尔
時彼人便作是念此諸男子聰明智
慧無事不知我今當以此義問彼諸
人尔時即詣博戲所問衆人曰沙門
瞿曇向我說曰恩愛別離苦然憎會
苦此者快樂諸人等今於意云何是
時諸博戲者報斯人曰恩愛別離有
何樂哉言快樂者此義不然是時彼
人便作是念審如來言終不虛妄云
何恩愛別離當有樂耶此義不然尔
時彼人入舍衛城至宮門外稱沙門
瞿曇而作是教恩愛別離然憎之會
此者快樂尔時舍衛城及中宮內普

傳此語靡不周遍當於尔時大王波斯匿及摩利夫人共在高樓之上相娛樂戲尔時王波斯匿告摩利夫人曰沙門瞿曇審有斯語恩愛離別怨憎之會此皆快樂夫人報曰吾不從如來聞此言教設當如來有此教者事亦不虛王波斯匿告曰猶如師教弟子為是捨是弟子報言如是大師汝今摩利亦復如是彼瞿曇沙門雖作是說汝應作是言如是不異無有虛妄然卿速去不須在吾前立尔時摩利夫人語竹膊婆羅門曰汝今往詣祇洹精舍到如來所持我名字跪如來足復以此義具白世尊云舍衛城內及中宮人有此言論沙門瞿曇言恩愛別離怨憎合會此皆快樂不審世尊有此教耶若世尊所有說者汝善承受還向我說是時竹膊婆羅門受夫人教勅尋往至祇洹精舍到世尊所共相問訊共相問訊已在一面坐時彼梵志白世尊曰摩利夫人礼世尊足問訊如來興居輕利遊步康強乎訓化盲冥得无勞耶復作是

語此舍衛城內普傳此言沙門瞿曇而作是教恩愛別離怨憎之會此樂使哉不審世尊有是言教耶今時世尊告竹膊婆羅門曰於此舍衛城內有一長者喪失一子彼念此子狂惑失性東西馳走見人便問誰見我子然婆羅門恩愛別離苦怨憎會苦此皆無有歡樂昔日此舍衛城中復有一老母無常亦復狂惑不識東西復有一老父無常亦復有兄弟姊妹皆悉無常彼見此無常之變生狂失性不識東西婆羅門昔日此舍衛城中有一人新迎婦端正無雙今時彼人未經幾時便自令其窮時彼婦父母見此人貧便生此念吾當奪女更嫁與餘人彼人竊聞婦家父母欲奪吾婦更嫁與餘家今時彼人求裏帶利刀便往至婦家當於今時彼婦在牆外紡作是時彼人往至婦父母家問曰我婦今為所在婦母報言卿婦在牆外陰中紡作今時彼人便往至婦所到已問婦曰云卿父母欲奪汝更餘嫁耶婦報言信有此語然我不樂聞此言

耶余時彼人即拔利劍取婦刺煞復
取利劍自刺其腹並復作是語我二
人俱取死婆羅門當以此方便知恩
愛別離怨憎會苦此皆愁憂實不可
言余時竹膊婆羅門白世尊曰如是
世尊有此諸惱實苦不樂所以然者
昔我有一子捨我無常晝夜追憶不
離心懷時我念兒心意狂惑馳走東
西見人便問誰見我兒沙門瞿曇今
所說者誠如所言國事煩多欲還所
止世尊告曰今正是時竹膊婆羅門
即從坐起遶佛三匝而去往來至摩
刹夫人所以此因緣具白夫人時摩刹
夫人復至波斯匿王所到已白大王
曰今欲有所問唯願大王事事見報
云何大王為念琉璃王子不王報言
甚念愛戀不去心首夫人問曰若當
王子有遷變者大王為有憂也王復
報言如是夫人如汝所言夫人問曰
大王當知恩愛別離皆興愁想云何
大王為念伊羅王子乎王報言我甚
愛敬夫人問曰大王若當王子有遷
變者有愁憂耶王報言甚有愁憂夫

人報言當以此方便知恩愛別離无
有歡樂云何大王念薩羅陀刹利種
不王報言其愛敬念夫人言云何大
王若使薩羅陀夫人有變易者大王為
有憂耶王報言吾有愁憂夫人言大
王當知恩愛別離此皆是苦夫人言
王念我不王言我愛念汝夫人言設
當我身有變易者大王有愁憂乎王
言設汝身有變易便有愁憂大王當
以此方便知恩愛別離然憎合會無
歡樂心夫人言云何大王念迦尸拘
薩羅人民乎王言我甚愛念迦尸拘
薩羅人民夫人言迦尸拘薩羅人民
設當變易者大王有愁憂乎王言迦
尸拘薩羅人民當有變易者我命不
存况言愁憂乎所以然者我因迦尸
拘薩羅國人民力當得自存以此方
便知命尚不存何况不生愁憂乎夫
人言以此知之恩愛別離皆有此苦
無有歡樂尔時王波斯匿右膝著地
叉手合掌而向世尊作是說甚奇甚
奇彼世尊而說此法若當彼沙門瞿
曇來者尔乃可得共言論復語夫人

自今以後當更看汝勝於常日所著
服飭與吾無異尔時世尊聞摩利夫
人與大王立此論本告諸比丘摩利
夫人甚大聰明設當王波斯匿問我
此語者我亦當以此義向彼王說之
如夫人向王所說而無有異又告諸
比丘我聲聞中第一得證優婆塞篤
信牢固所謂摩利夫人是尔時諸比
丘聞佛所說歡喜奉行

間如是一時佛在拔祇國尸牧摩羅
山鬼林鹿園中尔時鄒憂羅公長者
往至世尊所頭面礼足在一面坐須
臾退坐白世尊曰我今年朽加復抱
病多諸憂惱唯願世尊隨時教訓使
衆生類長夜獲安隱尔時世尊告長
者曰如汝所言身多畏痛何可恃怙
但以薄皮而覆其上長者當知其有
依憑此身者正可須臾之樂此是愚
心非智慧者所責是故長者雖心有
病令心無病如是長者當作是學尔
時長者聞說斯言從坐起礼世尊足
便退而去尔時長者復作是念我今
可往三尊者舍利弗所問斯義舍利

弗去彼不遠在樹下坐是時卽優羅
公往至舍利弗所頭面礼足在一面
坐是時舍利弗問長者顏貌和悅諸
根寂靜必有所因長者故當從佛聞
法耶時長者白舍利弗言云何尊者
舍利弗顏貌焉得不和悅乎所以然
者向者世尊以甘露之法溉灌曾懷
舍利弗言云何長者以甘露之法溉
灌曾懷長者報言於是舍利弗我至
世尊所頭面礼足在一面坐今時我
白世尊曰年朽長大恒抱疾病多諸
苦痛不可稱計唯願世尊分別此身
普使衆生獲此安隱今時世尊便告
我言如是長者此身多諸衰苦但以
薄皮而覆其上長者當知其有恃怙
此身者正可有斯須之樂不知長夜
受苦無量是故長者此身雖有患當
使心無患如是長者當作是學世尊
以此甘露之法而見溉灌舍利弗言
云何長者更不重問如來此義乎云
何身有患心無患云何身有病心無
病長者白舍利弗言實无此辯重問
世尊身有患心有患身有患心無患

尊者舍利弗必有此辯願具分別舍利弗言諦聽諦聽善思念之吾當與汝廣演其義對曰如是舍利弗從彼受教舍利弗告長者曰於是長者凡夫之人不見聖人不受聖教不順其訓亦不見善知識不與善知識從事彼計色為我色是我所我是色所色中有我我中有色彼色我色合會一處彼色我色以集一處色便敗壞遷移不停於中復起愁憂苦惱痛想行識皆觀我有識識中有我我中有識彼識我識合會一處彼識我識以會一處識便敗壞遷移不停於中復起愁憂苦惱如是長者身亦有患心亦有患長者問舍利弗曰云何身有患心無患耶舍利弗言於是長者賢聖弟子承事聖賢修行禁法與善知識從事親近善知識彼亦不觀我有色不見色中有我我中有色不見色是我所我是色所彼色遷轉不住彼色以移易不生愁憂苦惱憂色之患亦復不見痛想行識不見識中有我我中有識亦不見識我亦不見我所

識彼識我識以會一處識便敗壞於
中不起愁憂苦惱如是長者身有患
而心無患是故長者當作是習遺身
去心亦無染著長者當作是學余時
部夏羅公聞舍利弗所說歡喜奉行
聞如是一時佛在舍衛國祇樹給孤
獨園余時世尊與數千万衆前後圍
遶而為說法余時江側婆羅門身負
重擔便至世尊所到已捨擔一面在
世尊所默然而住余時彼婆羅門作
是思惟今日沙門瞿曇與數千万衆
前後圍遶而為說法我今清淨與沙
門瞿曇等無有異所以然者沙門瞿
曇食好糧糧種種餽饌今我食菓蔬
以自濟命余時世尊以知婆羅門心
中所念告諸比丘其有衆生以二十
一結染著心者當觀彼人必墮惡趣
不生善處云何為二十一結瞋心結
害害心結瞞眠心結調戲心結疑是
心結怒為心結忌為心結惱為心結
疾為心結憎為心結無慚心結無愧
心結幻為心結好為心結偽為心結
諍為心結憍為心結慢為心結妬為

心結增上慢為心結貪為心結諸比丘若有人有此二十一結染著心者當觀其人必墮惡趣不生善處猶如白疊新衣久久朽故多諸塵垢意欲染成其色青黃赤黑終不得成何以故以有塵垢故如是比丘若有人以此二十一結染著心者當觀其人必墮惡趣不生善處設復有人無此二十一結染著心者當知斯人必生天上不墮地獄中猶如新淨白疊隨意欲作何色青黃赤黑必成其色終不敗壞所以然者以其淨故此亦如是其有無此二十一結染著心者當觀其人必生天上不墮惡趣若彼賢聖弟子起瞋恚心結觀已便能息之起恚害心結起睡眠心結起調戲心結起疑心結起怒心結起忌心結起惱心結起疾心結起憎心結起無慚心結起無愧心結起幻心結起妒心結起偽心結起諍心結起憍心結起慢心結起妬心結起增上慢心結起貪心結若彼賢聖弟子無瞋無恚无有愚惑心意和悅以慈心普滿一方而

自娛樂二方三方四方亦余四維上
下於一切中一切亦一切一切世間
以無限無量不可稱計心無恚怒而
自遊戲以此慈心遍滿其中得歡喜
已心意便正復以悲心普滿一方而
自娛樂二方三方四方亦余四維上
下於一切中一切亦一切一切世間
以無量無限不可稱計心無恚怒而
自遊戲以此悲心遍滿其中得歡喜
已心意便正復以喜心普滿一方而
自娛樂二方三方四方亦余四維上
下於一切中一切亦一切一切世間
以無量無限不可稱計心無恚怒而
自遊戲以此喜心遍滿其中得歡喜
已心意便正復以護心普滿一方而
自娛樂二方三方四方亦余四維上
下於一切中一切亦一切一切世間
以無量無限不可稱計心無恚怒
而自遊戲以此護心遍滿其中得歡
喜已心意便正便於如來所成於信
根根本不移堅高顯幢不可移動諸
天龍神阿須倫沙門婆羅門或世人
民於中得歡喜心意便正此是如來

至真等正覺明行足為善述世間解
無上士道法御天人師号佛眾祐於
中得歡喜心意便正亦復成就於法
如來法者甚為清淨不可移動人所
愛敬如是智者當作是觀便於中而
得歡喜亦復成就於眾如來聖眾甚
為清淨性行純和法法成就或成就
三昧成就智慧成就解脫成就解脫
見慧成就聖眾者四雙八輩此是如
來聖眾可愛可貴實可承事於中得
歡喜心意便正彼復以此三昧心清
淨無瑕穢諸結便盡亦無沾汙性行
柔軟遷於神通便得自識無量宿命
事所從來處靡不知之若一生二生
三生四生五生十生二十生三十生
四十生五十生百生千生百千生成
敗劫不成敗劫成敗不成敗劫無數
成敗劫無數不成敗劫我曾往彼字
其名某姓某如是生如是食受如是
苦樂受命長短從彼終生彼間從彼
終生此間如是自識無數宿命事復
以此三昧心清淨無瑕穢知眾生心
所念之事彼復以天眼觀眾生頭有

生者有終者善色醜色善趣惡趣若
好若醜隨衆生行所作果報皆悉知
之或有衆生身行惡口行惡心行惡
誹謗賢聖邪見造邪見行身壞命終
生三惡道趣泥犁中或復有衆生身
行善口行善意行善不誹謗賢聖正
見無有邪見身壞命終生天上善處
是謂清淨天眼觀衆生類有生者有
終者善色醜色善趣惡趣若好若醜
隨衆生行所作果報皆悉知之彼復
以此三昧心清淨無瑕穢無有結使
心性柔軟羅於神通復以漏盡通而
自娛樂彼觀此苦如實知之復觀苦
習復觀苦盡復觀苦出要如實知之
彼作是觀已欲漏心得解脫有漏心
無明漏心得解脫已得解脫便得解
脫智生死已盡梵行已立所作已辦
更不復受有如實知之如是比丘賢
聖弟子心得解脫雖復食粳糧善美種
種餽餽搏若須弥終無有罪所以然
者以無欲盡愛故以無瞋盡恚故以無
愚癡盡愚癡故是謂比丘中比丘則
內極沐浴已今時江側婆羅門白世

尊曰瞿曇沙門可往至孫陀羅江側沐浴世尊告曰云何婆羅門名之為孫陀羅江水婆羅門曰孫陀羅江水是福之深淵世之光明其有人物在彼河水浴者一切諸惡皆忘除盡尔時世尊便說此偈

此身無數劫經歷彼河浴及諸小陂池靡不志周遍愚者常樂彼闇行不清淨宿罪內充軀彼河焉能救淨者常快樂禁戒清亦快清者作清行彼願必果成設護不與取行慈不煞生守誠不妄語心等無增減汝今於此浴必獲安隱處彼河何所至猶盲投乎冥

尔時婆羅門白世尊曰止止瞿曇猶如艘者得伸闇者見明迷者求道於闇室然明無目者為作眼目如是沙門瞿曇無數方便說此妙法願聽為道尔時江側婆羅門即得作道受具足戒所以族姓子出家學道修無上梵行生死已盡梵行已立所作已辦更不復受有如實知之是時尊者孫陀羅諦利即成阿羅漢尔時尊者孫陀羅諦利聞佛所說歡喜奉行

聞如是一時佛在羅閱城耆闍崛山中與大比丘五百人俱。爾時釋提桓因日時已過，向暮，便往至世尊所，頭面禮足，在一面坐。爾時釋提桓因即以偈頌問如來義。

能說能宣布，渡流成無漏，以渡生死淵。
今問瞿曇義，我觀此衆生，所作福祐業，
造行若干種，施誰福最尊，尊今靈鷲山，
唯願演此義，知釋意所趣，亦為施者宣。
四趣造福無，四果具足成，諸學得跡人，
宜信奉其法，無欲亦無恚，愚盡成無漏，
盡度一切淵，施彼成大果，諸此衆生類，
所作福德業，造行若干種，施僧獲福多，
此衆度無量，猶海出珍寶，聖衆亦如是，
演慧光明法，瞿曇彼善處，能施衆僧者，
獲福不可計，取勝之所說。
爾時釋提桓因聞佛所說，已即禮佛，
足便於彼退而去。爾時釋提桓因聞佛所說歡喜奉行。

聞如是一時佛在羅閱城耆闍崛山中，與大比丘五百人俱。爾時尊者須菩提亦在王舍城耆闍崛山側，別作屋廬而自禪思。爾時尊者須菩提身

得苦患甚為沉重便作是念我此苦
痛為從何生復從何滅為至何所
時尊者須菩提便於露地而敷坐具
直身正意專精一心結跏趺坐思惟
諸入欲害苦痛

尔時釋提桓因知尊者須菩提所念
便以偈勅波遮旬曰

善業脫諸縛 居在靈鷲山 今得極重患
樂空諸根定 速來往問疾 觀省尊上顏
既得獲大福 種德莫過是

時波遮旬對曰如是尊者尔時釋提
桓因將五百天人及波遮旬辭如士
夫屈伸臂頃便從三十三天沒來至
靈鷲鳥山中離尊者須菩提不遠復以
此偈語波遮旬曰

汝今覺善業 樂禪三昧定 柔和清淨音
今使從禪坐

波遮旬對曰如是尔時波遮旬從釋
提桓因問語已便調琉璃之琴前至
須菩提所便以此偈歎須菩提曰

結盡永無餘 諸念不錯亂 諸塵垢悉盡
願速從禪覺 心息渡有河 降魔度諸結
功德如大海 願速從定起 眼淨如蓮花

諸穢永不著無歸與作歸空定速時起
渡四流無為善解无老病以脫有為災
唯尊時定覺五百天在上釋種躬自来
欲觀聖尊顏解空速時起

尔時尊者須菩提即從坐起復歎波
遮旬曰善哉波旬汝今音與琴合琴
與音合而無有異然琴音不離歌音
歌音不離琴音二事共合乃成妙聲
尔時釋提桓因便往至尊者須菩提
所頭面礼足在一面坐尔時釋提桓
因白須菩提言云何善業所抱患苦
有增損乎今此身病為從何生身生
耶意生乎尔時尊者須菩提語釋提
桓因言善哉拘翼法法自生法法自
滅法法相動法法自息猶如拘翼有
毒藥復有害毒藥天帝釋此亦如是
法法相乱法法自息法能生法黑法
用白法治白法用黑法治天帝釋貪
欲病者用不淨治瞋恚病者用慈心
治愚癡病者用智慧治如是釋提桓
因一切所有皆歸於空無我無人無
壽無命無士無夫無形無像无男無
女猶如釋提桓因風壞大樹枝葉彫

落雷雹壞苗華菓初茂無才自萎天
降時雨生苗得存如是天帝釋法法
相亂法法自定我本所患疼痛苦惱
今日已除無復患苦是時釋提桓因
白須菩提言我亦有愁憂苦惱今聞
此法無復有愁憂衆事猥多欲還天
上已亦有事及諸天事皆患猥多時
須菩提言今正是時宜可時去是時
釋提桓因即從坐起前礼須菩提足
遶三匝而去是時尊者須菩提便說
此偈

能仁說此語根本念具足 智者獲安隱
聞法息諸病

尔時釋提桓因聞尊者須菩提所說
歡喜奉行

調達及二經皮乃利師羅竹膊孫陀利
善業釋提桓

增壹阿含經卷第六

癸卯歲高麗國大藏都監奉
勅周造

增壹阿含經卷第七

似

東晉別傳藏經卷第七增壹阿含經

五戒品第十四

聞如是一時佛在舍衛國祇樹給孤獨園。爾時世尊告諸比丘：於是衆中我不見一法修已多修已成地獄行。成畜生行，成餓鬼行。若生人中受命極短，所謂煞生者也。諸比丘，若有人意好煞生，便墮地獄餓鬼畜生。若生人中受命極短，所以然者，以斷他命。故是故當學莫煞生。如是諸比丘當作是學。爾時諸比丘聞佛所說歡喜奉行。獨園。爾時世尊告諸比丘：於此衆中我不見一法修行已多修行已受人中福，受天上福，得泥洹證。所謂不煞生也。佛告諸比丘：若有人不行煞生，亦不念煞，受命極長。所以然者，以彼不燒亂。故是故諸比丘當學不煞生。如是諸比丘當作是學。爾時諸比丘聞佛所說歡喜奉行。

聞如是一時佛在舍衛國祇樹給孤

獨園今時世尊告諸比丘於此衆中我不見一法修行已多修行已成地獄行餓鬼畜生行若生人中極為貧匱衣不蓋形食不充口所謂劫盜也諸比丘若有人意好劫盜取他財物便墮餓鬼畜生中若生人中極為貧匱所以然者以斷他生業故是故諸比丘當學遠離不與取如是諸比丘當作是學今時諸比丘聞佛所說歡喜奉行聞如是一時佛在舍衛國祇樹給孤獨園今時世尊告諸比丘於此衆中我不見一法修行已多修行已受人中福受天上福得泥洹證所謂廣施也佛告諸比丘若有人廣行布施於現世中得色得力衆得具足天上人中食福無量是故諸比丘當行布施勿有慳心如是諸比丘當作是學今時諸比丘聞佛所說歡喜奉行聞如是一時佛在舍衛國祇樹給孤獨園今時世尊告諸比丘於此衆中我不見一法修行已多修行已成地獄行餓鬼畜生行若生人中居家姦姪無有淨行為人所譏常被誹謗云何一法所謂邪姪也佛告諸比丘若有人

娼妓無度好犯他妻便墮地獄餓鬼畜生中若生人中閨門姪亂是故諸比丘常當正意莫興姪想煩莫他姪如是諸比丘當作是學今時諸比丘聞佛所說歡喜奉行

聞如是一時佛在舍衛國祇樹給孤獨園今時佛告諸比丘於此衆中我不見一法修行已多修行已受人中福受天上福得泥洹證所謂不他姪身體香潔亦無邪想佛告諸比丘若有人貞潔不姪便受天上人中之福是故諸比丘莫行邪姪以興姪意如是諸比丘當作是學今時諸比丘聞佛所說歡喜奉行

聞如是一時佛在舍衛國祇樹給孤獨園今時世尊告諸比丘於此衆中我不見一法修行已多修行已成地獄行餓鬼畜生行若生人中口氣臭惡為人所憎所謂妄語諸比丘若有入妄言綺語闢亂是非便墮畜生餓鬼中所以者何以其妄語故也是故當至誠莫得妄語是故諸比丘當作是學今時諸比丘聞佛所說歡喜奉行聞如是一時佛在舍衛國祇樹給孤

獨園亦時世尊告諸比丘於此衆中我不見一法修行已多修行已受人中福受天上福得泥洹證云何為一法所謂不妄語也諸比丘其不妄語者口氣香芬名德遠聞是故諸比丘當行莫妄語如是諸比丘當作是學亦時諸比丘聞佛所說歡喜奉行聞如是一時佛在舍衛國祇樹給孤獨園亦時世尊告諸比丘於此衆中我不見一法修行已多修行已受畜生餓鬼地獄罪若生人中狂愚癡惑不識真偽所謂飲酒也諸比丘若有入心好飲酒所生之處無有智慧常懷愚癡如是諸比丘慎莫飲酒如是諸比丘當作是學亦時諸比丘聞佛所說歡喜奉行

聞如是一時佛在舍衛國祇樹給孤獨園亦時世尊告諸比丘於此衆中無有一法勝此法者若修行已多修行已受人中福受天上福得泥洹證云何為一法所謂不飲酒也諸比丘若有人不飲酒生便聰明無有愚惑博知經籍意不錯亂如是諸比丘當作是學亦時諸比丘聞佛所說歡喜奉行

第五地獄經 此名不善行 五者天及人
令知次第數

增壹阿含經有無品第十五

聞如是一時佛在舍衛國祇樹給孤
獨園今時世尊告諸比丘當知有此
二見云何為二所謂有見無見諸有
沙門婆羅門於此二見習已誦已終
不從其法如實而不知此則非沙門
婆羅門於沙門則犯沙門法於婆羅
門則犯婆羅門法此沙門終不以身
作證而自遊戲諸有沙門婆羅門於
此二見誦讀諷念知捨如實而知此
則沙門持沙門行婆羅門知婆羅門
行自身取證而自遊戲生死已盡梵
行已立更不復受有如真知之是故
諸比丘於此二見不應習行不應諷
誦盡當捨離如是諸比丘當作是學
今時諸比丘聞佛所說歡喜奉行
聞如是一時佛在舍衛國祇樹給孤
獨園今時世尊告諸比丘有此二見
云何為二見所謂有見無見彼云何
為有見所謂欲有見色有見無色有
見彼云何為欲有見所謂五欲是也

云何為五欲所謂眼見色甚愛敬念
未曾捨離世人宗奉若耳聞聲鼻嗅
香口知味身知細滑意了諸法是謂
有見彼云何名為無見所謂有常見
無常見有斷滅見無斷滅見有邊見
無邊見有身見無身見有命見無命
見異身見異命見此六十二見名曰
無見亦非真見是謂名為无見是故
諸比丘當捨此二見如是諸比丘當作
是學今時諸比丘聞佛所說歡喜奉行
聞如是一時佛在舍衛國祇樹給孤
獨園今時世尊告諸比丘有此二施
云何為二所謂法施財施諸比丘施
中之上者不過法施是故諸比丘常
當學法施如是諸比丘當作是學今
時諸比丘聞佛所說歡喜奉行
聞如是一時佛在舍衛國祇樹給孤
獨園今時世尊告諸比丘有此二業
云何為二業有法業有財業業中之
上者不過法業是故諸比丘當學法
業不學財業如是諸比丘當作是學
今時諸比丘聞佛所說歡喜奉行
聞如是一時佛在舍衛國祇樹給孤

獨園今時世尊告諸比丘有此二恩
云何為二所謂法恩財恩恩中之上
者所謂不過法恩也是故諸比丘當
修行法恩如是諸比丘當作是學今
時諸比丘聞佛所說歡喜奉行

聞如是一時佛在舍衛國祇樹給孤
獨園今時世尊告諸比丘愚者有此
二相像貌云何為二於是愚者所不
能辦者而辦之垂辦之事厭而捨之
是謂諸比丘愚者有此二相像貌復
次比丘智者有二相像貌云何為二
於是智者所不能辦事亦不成辦垂
辦之事亦不厭捨是故諸比丘愚者
二相像貌當捨離之當念修行智者
二相如是諸比丘當作是學今時諸
比丘聞佛所說歡喜奉行

聞如是一時佛在舍衛國祇樹給孤
獨園今時世尊告諸比丘有此二法
內自思惟專精一意當札如來云何
為二法一為智慧二為滅盡是謂比
丘內自思惟專精一意當札如來如
是諸比丘當作是學今時諸比丘聞
佛所說歡喜奉行

聞如是一時佛在舍衛國祇樹給孤
獨園。尔時世尊告諸比丘。有此二法。
內自思惟。專精一意。當礼法寶。亦礼
如來神廟。云何二法。有力有無畏。是
謂比丘。有此二法。內自思惟。專精一
意。當礼法寶。及如來神廟。如是諸比
丘。當作是學。尔時諸比丘。聞佛所說
歡喜奉行。

聞如是一時佛在舍衛國祇樹給孤
獨園。尔時世尊告諸比丘。有此二法。
內自思惟。專精一意。礼如來寺。云何為
二法。如來與世間人民無與等者。如
來有大慈大悲。矜念十方。是謂比丘。
有此二法。內自思惟。專精一意。礼如
來寺。如是諸比丘。當作是學。尔時諸
比丘。聞佛所說歡喜奉行。

聞如是一時佛在舍衛國祇樹給孤
獨園。尔時世尊告諸比丘。有二因。二
緣。起於正見。云何為二。受法教化。內
思止觀。是謂比丘。有此二因。二緣。起
於正見。如是諸比丘。當作是學。尔時
諸比丘。聞佛所說歡喜奉行。

二見及二施。愚者有二相。礼法如來廟。

正見取在後

增壹阿含經火滅品第十六

聞如是一時佛在舍衛國祇樹給孤獨園。爾時尊者難陀在舍衛城象華園中。是時尊者難陀在閑靜處。便生是念。如來出世甚為難遇。億劫乃出。實不可見。如來久遠長夜時乃出耳。猶如優曇鉢花時乃出現。此亦如是。如來出世甚為難遇。億劫乃出。實不可見。此處亦難遇。一切諸行志休息止。愛盡無餘。亦無染污滅盡。泥洹。爾時有一魔行天子。知尊者難陀心中所念。便往至難陀。利釋種女所飛在虛空。以頌而嗟歎曰。

汝今發歡喜嚴服作五樂。難陀今捨服當來相娛樂。

爾時難陀利釋種女聞天語已歡喜踊躍。不能自勝。便自莊嚴修飾房舍。敷好坐具。作倡伎樂。如難陀在家無異。爾時王波斯匿集在普會講堂。聞難陀比丘還捨法服。習于家業。所以然者。有天在空中告其妻曰。是時王波斯匿聞是語已。便懷愁憂。即乘駕。

白象往至彼園到已便入華象池中
遙見尊者難陀便前至難陀所頭面
礼足在一面坐尔時尊者難陀告波
斯匿曰大王何故來至此聞顏色變
異復有何事來至吾所波斯匿報曰
尊者當知向在普集講堂聞尊者捨
法服還作白衣聞此語已故來至此
不審尊者何所勅告是時難陀含笑
徐告王曰不見不聞大王何故作此
語耶大王豈不從如來邊聞我諸結
已除生死已盡梵行已立所作已辦
更不復受胞胎如實而知今成阿羅
漢心得解脫波斯匿曰我不從如來
聞難陀比丘生死已盡得阿羅漢心
得解脫所以然者有天來告孫陀利
釋種女曰是時孫陀利夫人聞此語
已便作倡伎樂修治服飭敷諸坐具
我聞此語已便來至尊尊者所難陀告
曰王不知不聞何故大王而作是語
諸有沙門婆羅門無不樂此休息樂
善逝樂沙門樂涅槃樂而不自觀
此煙火之坑復當就者此事不然骨
猶如鎖肉如聚石猶塗塗刀坐貪小

利不慮後患亦如菓繁折枝亦如假借不久當還猶如劍樹之藪亦如毒害藥亦如毒藥如毒華菓觀此煙欲亦復如是意染著者此事不然從火坑之欲乃至毒菓不觀此事欲得度欲流有流見流无明流者此事不然以不度欲流有流見流無明流而欲得入無餘泥洹界而般泥洹者此事不然大王當知諸有沙門婆羅門觀察此休息樂善逝樂沙門樂涅槃樂此事不然彼以作是觀察解了煙坑之火猶如骨鑊肉聚蜜塗利刀菓繁折枝假借不久亦如劍樹毒樹如毒害藥患觀了知此則有慶已解了知煙火所興便能得渡欲流有流見流無明流此事必然彼已渡欲流有流見流無明流此事必然云何大王以何見何知而作是說今我大王已成羅漢生死已盡梵行已立所作已辦更不復受母胞胎心得解脫今時王波斯匿心懷歡喜善心生焉白尊者難陀曰我今無狐疑如毛驢許方知尊者成阿羅漢今請辭還國事衆多

難陀對曰宜知是時尔時王波斯匿
即從坐起頭面札足便退而去波斯
匿王去未幾時時彼魔天來至尊者
難陀所住虛空中復以此偈向難陀曰
夫人面如月 金銀瓔珞身 憶彼安客類
五樂恒自娛 彈琴鼓絃歌 音響甚柔軟
能除諸愁憂 樂此林間為
是時尊者難陀便作是念此是魔行
天人覺知此已復以偈報曰

我昔有此心 婬泆無厭足 為欲所纏累
不覺老病死 我度愛欲淵 無汚无所染
榮位患是苦 獨樂真如法 我今無諸結
婬怒癡患盡 更不習此法 愚者當覺知
尔時彼魔行天人聞此語便懷愁憂
即於彼沒不現尔時衆多比丘以此
因緣具白世尊尔時世尊告諸比丘
端正比丘者無有勝難陀比丘諸根
澹泊亦難陀比丘是無有欲心亦是
難陀比丘無有瞋恚亦是難陀比丘
無有愚癡亦是難陀比丘成阿羅漢
亦是難陀比丘所以然者難陀比丘
端正諸根寂靜尔時世尊告諸比丘
我聲聞中弟子端正者難陀比丘是

諸根寂靜是亦難比比丘今時諸比丘聞佛所說歡喜奉行

聞如是一時佛在舍衛國祇樹給孤獨園今時世尊告諸比丘有此二法涅槃界云何為二有餘涅槃界無餘涅槃界彼云何名為有餘涅槃界於是比丘盡還來此世是謂名為有餘涅槃界彼云何名為無餘涅槃界於是比丘盡有漏成無漏意解脫智慧解脫自身作證而自遊戲生死已盡梵行已立更不受有如實知之是謂為無餘涅槃界此二涅槃界當求方便至無餘涅槃界如是諸比丘當作是學今時諸比丘聞佛所說歡喜奉行聞如是一時佛在舍衛國祇樹給孤獨園今時世尊告諸比丘我今當說烏喻亦當說猪喻善思念之吾當演說對曰如是世尊是時諸比丘從佛受教世尊告曰彼云何名為人喻如烏猶如有人在寂靜處恒習婬欲作諸惡行後便著耻便自悔過向人演說陳所作事所以然者或為諸梵行

人所見譏彈此人習欲作諸惡行彼作諸惡行已向人悔過自知著耻猶如彼鳥恒患苦飢便食不淨尋即拭喙恐有餘鳥見言此鳥食不淨此亦如是若有一人在閑靜處習於婬欲作不善行後便著耻而自悔過向人演說陳所作事所以然者或為諸梵行人所見記識此人習欲作諸惡行是謂名為人猶如鳥彼云何名為人如猪若有一人在閑靜處長習婬欲作諸惡行亦不著耻復非悔過向人自譽貢高自用我能得五欲自娛此諸人等不能得五欲彼作惡已不著耻此人喻如猪恒食不淨卧於不淨便自跼踉向於餘猪此亦如是若有二人習於婬欲作諸惡行亦不著耻復非悔過向人自譽貢高自用我能得五欲自娛此諸人不能得五欲自娛是名為人如猪是故諸比丘當捨遠離如是諸比丘當作是學尔時諸比丘聞佛所說歡喜奉行

聞如是一時佛在舍衛國祇樹給孤獨園尔時世尊告諸比丘我今當說

人有似驢者有似牛者諦聽諦聽善思念之諸比丘對曰如是世尊是時諸比丘從佛受教世尊告曰彼云何名人像驢者若有一人剃除鬚髮著三法衣以信牢固出家學道今時彼人諸根不定若眼見色隨起色想流馳萬端今時眼根則非清淨生諸亂想不能制持衆惡普至亦復不能護於眼根耳聞聲鼻嗅香舌知味身知細滑意知法隨起識病流馳萬端今時意根則非清淨生諸亂想不能制持衆惡普至亦復不能護於意根無有威儀札節之宜行步進止屈伸伛仰執持衣鉢都違禁戒便為梵行人所見譏彈咄此愚人像如沙門便取彈舉設是沙門者宜不應今彼作是說我亦是比丘我亦是比丘猶如驢入牛群之中而自稱曰我亦是牛我亦是牛然觀其兩耳復不似牛角亦不似尾亦不似音聲各異今時群牛或以角觝或以脚踰或以口啣者今此比丘亦復如是諸根不定若眼見色隨起色想流馳萬端今時眼根則

非清淨生諸亂想不能制持衆惡普
至亦復不能護於眼根耳聞聲鼻嗅
香舌知味身了細滑意知法隨起識
病流馳葛端今時意根則非清淨生
諸亂想不能制持衆惡普至亦復不
能護念意根無有威儀禮節之宜行
步進止屈伸仰仰執持禁戒便為梵
行人所見譏彈咄此愚人像如沙門
便見彈舉設是沙門者宜不應尔尔
時彼作是說我是沙門猶如驢入
於牛群是謂人像驢者也彼人云何
像牛者耶若有一人剝除鬚鬣著三
法衣以信牢固出家學道今時彼人
諸根寂定飲食知節竟日經行未曾
捨離意遊三十七道品之法若眼見
色不起色想亦無流馳之念尔時眼
根則應清淨生諸善想亦能制持元
復諸惡常擁護於眼根耳聲鼻香舌
味身細滑意法不起識病尔時意根
則得清淨彼人便到諸梵行人所諸
梵行人遠以見來各自揚聲善來同
學隨時供養不使有短猶如良牛入
牛衆中而自稱說我今是牛然其毛

尾耳角音聲都悉是牛諸牛見已各來
舐體此亦如是剝除鬚髮著三法衣以
信牢固出家學道今時彼人諸根寂
定飲食知節竟日經行未曾捨離意
遊三十七道品之法若眼見色不起
色想亦無流馳之念今時眼根則得
清淨生諸善想亦能制持無復諸惡
常擁護於眼根耳聲鼻香口味身細滑
意注不起識病今時意根則得具足
是謂此人像牛者也如是諸比丘當
學如牛莫像如驢也如是諸比丘當
作是學今時諸比丘聞佛所說歡喜
奉行

聞如是一時佛在舍衛國祇樹給孤
獨園今時世尊告諸比丘我今當說
善不善行諦聽諦聽善思念之諸比
丘對曰如是世尊世尊告彼云何名
為不善云何名為善所謂煞生為不
善不煞為善不與取為不善與取為
善姪洑為不善不姪為善妄語為不
善不妄語為善綺語為不善不綺語
為善兩舌為不善不兩舌為善聞乱
彼此為不善不聞乱彼此為善貪他

為不善不貪他為善起恚為不善不起
恚為善邪見為不善正見為善如是
比丘行此惡已墮畜生餓鬼地獄中
設行善者便生人中天上及諸善趣
阿須倫中是故當遠離惡行修習善
行如是諸比丘當作是學今時諸比
丘聞佛所說歡喜奉行

聞如是一時佛在舍衛國祇樹給孤
獨園今時世尊告諸比丘我當與汝
等說微妙法初善中善至竟亦善有
義有味得修具足梵行之法所謂二
法也諦聽諦聽善思念之吾當與汝
具足說之諸比丘對曰如是世尊是
時諸比丘從佛受教世尊告曰彼云
何為二法所謂邪見正見邪治正治
邪語正語邪業正業邪命正命邪方
便正方便邪念正念邪三昧正三昧
是謂比丘名為二法我今已與汝說
此二法如來所應為者今已周訖善
念觀誦勿有懈倦今不行者後悔無
及今時諸比丘聞佛所說歡喜奉行
聞如是一時佛在舍衛國祇樹給孤
獨園今時世尊告諸比丘我今當說

燭明之法亦當說由燭趣道之業諦
聽諦聽善思念之諸比丘對曰如是
世尊今時世尊告諸比丘彼云何名
燭明者所謂貪婬瞋恚愚癡盡彼云
何名為由燭趣道之業所謂正見正
治正語正業正命正方便正念正三
昧是謂由燭趣道之業我由此已
說燭明亦說由燭趣道之業如來所
應為者今已周訖善念諷誦勿有懈
怠今不行者後悔無及今時諸比丘
聞佛所說歡喜奉行

聞如是一時佛在舍衛國祇樹給孤
獨園今時世尊告諸比丘有此二力
云何為二力所謂忍力思惟力設吾
無此二力者終不成無上正真等正
覺又無此二力者終不於優留毗處
六年苦行亦復不能降伏魔怨成無
上正真之道坐於道場以我有忍力
思惟力故便能降伏魔眾成無上正
真之道坐於道場是故諸比丘當求
方便修此二力忍力思惟力便成須
陀洹道斯陀舍道阿那含道阿羅漢
道於無餘涅槃界而般涅槃如是諸

比丘當作是學。爾時諸比丘聞佛所說歡喜奉行。

聞如是一時佛在舍衛國祇樹給孤獨園。爾時尊者阿那律在拘尸那竭國本所生處。爾時釋梵四天王及五百天人并二十八大神王便往至尊者阿那律所到已。頭面礼足。在一面住。復以此偈歎阿那律曰：

歸命人中上。衆人所敬奉。我等今不知為依何等禪。

爾時有梵志名曰闍拔吒。是梵摩喻弟子。復至尊者阿那律所。頭面礼足。在一面坐。爾時彼梵志問阿那律曰：我昔在王宮生。未曾聞此自然之香。為有何人來至此間。為是天龍鬼神人非人乎。爾時阿那律報梵志曰：向者釋梵四天王及五百天人并二十八大神王來至我所。頭面礼足。在一面住。復以此偈而歎我曰：

自歸人中上。衆人所敬奉。我等今不知為依何等禪。

梵志問曰：以何等故。我今不見其形。釋梵四天王為何所在。阿那律報曰：

以汝無有天眼故也是故不見釋梵
四天王及五百天人及二十八鬼
神王梵志問曰設我能得天眼者見
此釋梵四天王及二十八鬼神王
耶阿那律報曰設當得天眼者便能見
釋梵四天王及五百天人并二十八
大鬼神王然復梵志此天眼者何足
為奇有梵天名曰千眼彼見此千世
界如有眼之士自手掌中觀其實冠
此梵天亦是見此千世界無有罣
碍然此梵天不自見身所著衣服梵
志問曰何以故千眼梵天不自見形
所著服飾阿那律曰以其彼天無有
無上智慧眼故故不自見己身所著
服飾梵志問曰設我得無上智慧眼
者見此身所著服飾不耶阿那律曰
若能得無上智慧眼者則能見己形
所著服飾梵志問曰願尊與我說極
妙之法使得無上智慧之眼阿那律
曰汝有戒耶梵志問曰去何名之為
戒阿那律曰不作衆惡不犯非法梵
志報曰如此戒者我堪奉持如此之
戒阿那律曰汝今梵志當持禁戒无

失毫釐亦當除去憍慢之結莫計吾
我染著之想時梵志復問阿那律曰
何者是吾何者是我何者是憍慢結
阿那律曰吾者是神識也我者是形
體之具也於中起識生吾我者是名
為憍慢結也是故梵志當求方便除
此諸結如是梵志當作是學梵志即
從坐起礼阿那律足遶三匝而去未
至所在於中道思惟此義諸塵垢盡
得法眼淨余時有天昔與此梵志親
友知識梵志心中所得諸塵垢盡得法
眼淨余時彼天復往至尊者阿那律
所頭面礼足在一面住即以此偈歎
阿那律曰

梵志未至家中道得道跡
始盡法眼淨
無疑无猶豫

余時尊者阿那律復以偈告天曰
我先觀彼心中間應道跡
彼人迦葉佛
曾聞此法教

余時尊者阿那律即其時離彼處在
人間遊漸漸至舍衛國到世尊所頭
面礼足在一面住余時世尊具以法
語告阿那律阿那律受佛教已便從

坐起頭面礼足便退而去尔時世尊告諸比丘我聲聞中弟子得天眼第一者所謂阿那律比丘是尔時諸比丘聞佛所說歡喜奉行

聞如是一時佛在舍衛國祇樹給孤獨園尔時尊者羅雲奉修禁戒無所觸犯小罪尚避况復大者然不得有漏心解脫尔時眾多比丘便至世尊所頭面礼足在一面坐尔時眾多比丘白世尊曰羅雲比丘奉修禁戒無所觸犯然故有漏心不解脫尔時世尊便說此偈

具足禁戒法 諸根亦成就 漸漸當還得 一切結使盡

是故諸比丘常當念修治正法無有漏失如是諸比丘當作是學尔時諸比丘聞佛所說歡喜奉行

難陀涅槃鳥 驢不善有二 燭及忍思惟 梵志及羅雲

增壹阿含經安般品第十七之一

聞如是一時佛在舍衛國祇樹給孤獨園尔時世尊到時著衣持鉢將羅雲入舍衛城分衛尔時世尊右旋願

謂羅雲汝今當觀色為無常羅雲對曰如是世尊色為無常世尊告曰羅雲痛想行識皆志無常羅雲對曰如是世尊痛想行識皆為無常是時尊者羅雲復作是念此有何因緣今方向城分衛又在道路何故世尊而面告誨我今宜當還歸所在不應入城乞食尔時尊者羅雲即中道還到祇桓精舍持衣鉢詣一樹下正身正意結跏趺坐專精一心念色無常念痛想行識無常尔時世尊於舍衛城乞食已食後在祇桓精舍而自經行漸漸至羅雲所到已告羅雲曰汝當修行安般之法修行此法所有熱惱憂之想皆當除盡汝今復當修行惡露不淨想所有貪欲盡當除滅汝今羅雲當修行慈心已行慈心所有瞋恚皆當除盡汝今羅雲當行悲心已行悲心所有害心恚當除盡汝今羅雲當行喜心已行喜心所有嫉心皆當除盡汝今羅雲當行護心已行護心所有憍慢恚當除盡尔時世尊向羅雲便說此偈

莫數起者想恒當自順法如此智之士
名稱則流布與人執炬明壞於大闇冥
天龍戴奉敬敬奉師長尊

是時羅雲比丘復以此偈報世尊曰
我不起者想恒復順於法如此智之士
則能奉師長

今時世尊作是教勅已便捨而去還
詣靜室是時尊者羅雲復作是念今
云何修行安般除去愁憂無有諸想
是時羅雲即從坐起便往世尊所到
已頭面礼足在一面坐須臾退坐白
世尊曰云何修行安般除去愁憂無
有諸想獲大果報得甘露味世尊告
曰善哉善哉羅雲汝乃能於如來前
而師子吼問如此義云何修行安般
除去愁憂無有諸想獲大果報得甘
露味汝今羅雲諦聽諦聽善思念之
吾當為汝具分別說對曰如是世尊
今時尊者羅雲從世尊受教世尊告
曰於是羅雲若有比丘樂於閑靜无
人之處便正身正意結跏趺坐無他
異念繫意鼻頭出息長知息長入息
長亦知息長出息短亦知息短入息

短亦知息短出息冷亦知息冷入息
令亦知息冷出息暖亦知息暖入息
暖亦知息暖盡觀身體入息出息皆
患知之時有息亦復知有又時無
息亦復知無若息從心出亦復知從
心出若息從心入亦復知從心入如是
羅雲能修行安般者則無愁憂惱亂
之想獲大果報得甘露味

今時世尊具足與羅雲說微妙法已
羅雲即從坐起礼佛足遶三匝而去
往詣安陀園在一樹下正身正意
結跏趺坐無他餘念繫心鼻頭出
息長亦知息長入息長亦知息長
出息短亦知息短入息短亦知息
短出息冷亦知息冷入息冷亦知
息冷出息暖亦知息暖入息暖亦知
息暖盡觀身體入息出息皆患知之
有時有息亦復知有有時無息亦復
知無若息從心出亦復知從心出若
息從心入亦復知從心入今時羅雲
作如是思惟欲心便得解脫無復衆
惡有覺有觀念持喜安遊於初禪有
覺有觀息內自歡喜專其一心無覺
無觀三昧念喜遊於二禪無復喜念

自守覺知身樂諸賢聖常所未護
喜念遊於三禪彼苦樂已滅無復愁
憂無苦無樂護念清淨遊於四禪彼
以此三昧心清淨無塵穢身體柔軟
知所從來憶本所作自識宿命無數
劫事亦知一生二生三生四生五生十
生二十生三十生四十生五十生百
生千生万生數十万生成劫敗劫無
數成劫無數敗劫億載不可計我曾
生彼名某姓某食如此食受如此苦
樂壽命長短彼終生此此終生彼彼
以此三昧心清淨無瑕穢亦無諸結
亦知衆生所起之心彼復以天眼清
淨無瑕穢觀衆生類生者逝者善色
惡色善趣惡趣若好若醜所行所造
如實知之或有衆生身行惡口行惡
意行惡誹謗賢聖行邪見造邪見行
身壞命終入地獄中或復衆生身行善
口行善意行善不誹謗賢聖恒行正
見造正見行身壞命終生善處天上
是謂天眼清淨無瑕穢觀衆生類生
者逝者善色惡色善趣惡趣若好若
醜所行所造如實知之復更施意成
盡漏心彼觀此苦如實知之復觀苦

習亦知苦盡亦知苦出要如實知之
彼以作是觀欲漏心得解脫有漏無
明漏心得解脫已得解脫便得解脫
智生死已盡梵行已立所作已辦更
不復受有如實知之是時尊者羅雲
便成阿羅漢是時尊者羅雲已成羅
漢便從坐起更整衣服往至世尊所
頭面札足在一面住白世尊曰所求
已得諸漏除盡今時世尊告諸比丘
諸得阿羅漢者無有與羅雲等也論
有漏盡亦是羅雲比丘論持禁戒者
亦是羅雲比丘所以然者諸過去如
來等正覺亦有此羅雲比丘欲言佛
子亦是羅雲比丘親從佛生法之上
者今時世尊告諸比丘我聲聞中第
一弟子能持禁戒所謂羅雲比丘是
今時世尊便說此偈
具足禁戒法諸根亦成就漸漸當逮得
一切結使盡
今時諸比丘聞佛所說歡喜奉行
增壹阿含經卷第七

癸卯歲高麗國大藏都監奉
勅彫造

增壹阿含經卷第八

似

安般品之二

東晉別當三藏聖賢僧伽提婆譯

聞如是一時佛在舍衛國祇樹給孤獨園今時世尊告諸比丘二人出現於世甚為難得云何為二人所謂如來至真等正覺出現於世甚為難得轉輪聖王出現於世甚為難得此二人出現於世間甚為難得今時諸比丘聞佛所說歡喜奉行

聞如是一時佛在舍衛國祇樹給孤獨園今時世尊告諸比丘二人出現於世甚為難得云何為二人所謂辟支佛出現世間甚為難得如來弟子漏盡阿羅漢出現世間甚為難得是謂比丘此二人者出現於世甚為難得今時諸比丘聞佛所說歡喜奉行聞如是一時佛在舍衛國祇樹給孤獨園今時世尊告諸比丘有此二法在於世間甚為煩惱云何為二法所謂作衆惡本起諸怨嫌復不造善行諸德之本是謂比丘二法甚為煩惱

是故諸比丘當覺知此煩惱法亦當覺
知不煩惱法諸煩惱之法當念斷除不
煩惱之法當念修行如是諸比丘當作
是學今時諸比丘聞佛所說歡喜奉行
聞如是一時佛在舍衛國祇樹給孤
獨園今時世尊告諸比丘邪見衆生
所念所趣及餘諸行一切無可貴者
世間人民所不貪樂所以然者以其
邪見不善故也猶如有諸苦菓之子
所謂苦菓苦蓼子葶藶子畢地膠
持子及諸餘苦子便於良地種此諸
子然後生苗猶復故苦所以然者以
其子本苦故此邪見衆生亦復如是
所作身行口行意行所趣所念及諸
惡行一切無可貴者世間人民所不
貪樂所以然者以其邪見惡不善故
是故諸比丘當除邪見習行正見如
是諸比丘當作是學今時諸比丘聞
佛所說歡喜奉行

聞如是一時佛在舍衛國祇樹給孤
獨園今時世尊告諸比丘正見衆生
所念所趣及諸餘行一切盡可貴敬
世間人民所可貪樂所以者何以其

正見妙故猶如有諸甜菓若甘蔗若蒲棗菓及諸一切甘美之菓有人修治良地而取種之然後生子皆悉甘美人所貪樂所以然者以其菓子本甘美故此正見衆生亦復如是所念所趣及諸餘行一切皆可貪樂世間人民無不喜者所以者何以其正見妙故是故諸比丘當習行正見如是諸比丘當作是學今時諸比丘聞佛所說歡喜奉行

聞如是一時佛在舍衛國祇樹給孤獨園今時尊者阿難在閑靜之處獨自思惟便生是念諸有生民興愛欲想便生欲愛晝夜習之無有厭足今時尊者阿難向暮即從坐起著衣正服便往至世尊所到已頭面礼足在一面坐今時尊者阿難白世尊曰向在靜閑之處便坐此念諸有衆生興欲愛想便生欲愛長夜習之無有厭足世尊告曰如是阿難如汝所言諸有人民興欲愛想便增欲想長夜習之無有厭足所以者何昔者阿難過去世時有轉輪聖王名曰頂生以法

治化無有虧罔七寶成就所謂七寶者輪寶象寶馬寶珠寶寶玉女寶居士寶典兵寶是謂七寶復有千子勇猛強壯能降伏諸惡統領四天下不加刀杖阿難當知今時頂生聖王便生此念我今有此閻浮提地人民熾盛多諸珍寶我亦曾從耆年長老邊聞西有瞿耶尼土人民熾盛多諸珍寶我今當往統彼國土今時阿難頂生適生斯念將四部兵從此閻浮地沒便往至瞿耶尼土今時彼土人民見聖王來皆悉前迎禮跪問訊善來大王今此瞿耶尼國人民熾盛唯願聖王當於此治化諸人民使從法教今時阿難聖王頂生即於瞿耶尼統領人民乃經數百千年是時聖王頂生復於餘時便生此念我有閻浮提人民熾盛多諸珍寶亦雨七寶乃至子孫今亦復有此瞿耶尼人民熾盛多諸珍寶我亦曾從長年許聞復有弗于逮人民熾盛多諸珍寶我今當往統彼國土以法治化今時阿難頂生聖王適生斯念將四部兵從瞿耶尼沒便往至

弗于逮尔時彼土人民見聖王來皆
悉前迎礼跪問訊異口同響而作是
語善來大王今此弗于逮人民熾盛
多諸珍寶唯願大王當於此治化諸
人民使從法教尔時阿難頂生聖王
即於弗于逮統領人民乃經百千万
歲是時聖王頂生復於餘時便生此
念我於閻浮提人民熾盛多諸珍寶
亦雨七寶乃至于膝今亦復有此瞿
耶尼人民熾盛多諸珍寶今亦復有
此弗于逮國人民熾盛多諸珍寶我亦
曾從耆年長老邊聞復有鬱單越人
民熾盛多諸珍寶所為自由無固守
者壽不中夭正壽千歲在彼壽終必
生天上不墮餘趣耆劫波育衣食自
然粳米我今當往統領彼國土以法
治化尔時阿難頂生聖王適生斯念
將四部兵從弗于逮沒便往至鬱單
越遙見彼土鬱然青色見已便問左
右目曰汝等普見此土鬱然青色不
乎對曰唯然見之王告群目曰此是
柔軟之草軟若天衣而無有異此等
諸賢當於斯坐小復前行遙見彼土

晃然黃色便告諸臣曰汝等普見此
土晃然黃色不乎對曰皆悉見之大王
曰此名自然粳米此等諸賢恒食此
食如今卿等亦當食此粳米今時聖
王小復前行復見彼土普悉平正遙
見高臺顯望殊特復告諸臣汝等頗
見此土普地平正乎對曰如是皆悉
見之大王報曰此名劫波育樹衣汝
等亦復當著此樹衣今時阿難彼土
人民見大王來皆起前迎禮跪問訊
異音同響而作是說善來聖王此鬱
單越人民熾盛多諸珍寶唯願大王
當於此治化諸人民使從法教今時
阿難頂生聖王即於鬱單越統領人
民乃經百千万歲是時頂生聖王復
於餘時便生此念我今有閻浮地人
民熾盛多諸珍寶亦爾七寶乃至子
孫今亦復有此瞿耶尼弗于逮及此
鬱單越人民熾盛多諸珍寶我亦曾從
耆年長老邊聞有三十三天快樂無
比壽命極長衣食自然玉女營從不
可稱計我今當往領彼天宮以法治化
今時阿難頂生聖王適生斯念將四部

兵從鬱單越沒便往至三十三天上
尔時天帝釋遙見頂生聖王來便作
是說善來大王可就此坐尔時阿難
頂生聖王即共釋提桓因一處坐二
人共坐不可分別顏貌舉動言語聲
響一而不異尔時阿難頂生聖王在
彼乃經數千百歲已便生此念我今
有此閻浮地人民熾盛多諸珍寶亦雨
七寶乃至于膝亦有瞿耶尼亦復有
弗于逮亦復有鬱單越人民熾盛多
諸珍寶我今至此三十三天我今宜
可害此天帝釋便於此間獨王諸天
尔時阿難頂生聖王適生此念即於
座上而自退墮至閻浮里地及四部
兵皆悉落墮尔時亦失輪寶莫知所
在為寶馬寶同時命終珠寶自滅玉
女寶居士寶典兵寶斯皆命終尔時
頂生聖王身得重病諸宗族親屬普
悉運集問訊王病云何大王若使大
王命終之後有人來問此義頂生大
王臨命終時有何言教設有此問當
何以報之頂生聖王報曰若使我命
終命終之後有人問者以此報之頂

生王者領此四天下而無厭足復至三十三天在彼經數百千歲意猶生貪欲害天帝便自墮落即取命終汝今阿難勿懷狐疑今時頂生王者豈異人乎莫作是觀所以然者時頂生王者即我身是今時我領此四天下及至三十三天於五欲中無有厭足阿難當以此方便證知所趣興貪欲心倍增其想於愛欲中而無厭足欲求厭足當從聖賢智慧中求今時世尊於大衆中便說此偈

貪婬如時雨於欲無厭足樂少而苦多智者所昇棄正使受天欲五樂而自娛不如斷愛心正覺之弟子貪欲延億劫福盡還入獄受樂訖幾時輒受地獄痛是故阿難當以此方便知於欲而去欲永不興其想當作是學今時阿難聞佛所說歡喜奉行

聞如是一時佛在舍衛國祇樹給孤獨園今時生漏婆羅門便往至世尊所共相問訊在一面坐是時生漏婆羅門白世尊曰當云何觀惡知識人止尊告曰當觀如觀月婆羅門曰當

云何觀善知識世尊告曰當觀如觀月婆羅門白沙門瞿曇今所說者略說其要未解者解世尊告曰婆羅門諦聽諦聽善思念之吾當與汝廣演其義婆羅門對曰如是瞿曇生漏婆羅門從佛受教世尊告曰猶如婆羅門月末之月晝夜周旋但有其損未有其盈彼以減損或復有時而月不現無有見者此亦如是婆羅門若惡知識經歷晝夜漸無有信無有戒无有聞無有施無有智慧彼以無有信戒聞施智慧是時彼惡知識身壞命終入地獄中是故婆羅門我今說是惡知識者猶如月末之月猶如婆羅門月初生時隨所經過日夜光明漸增稍稍盛滿便於十五日具足盛滿一切衆生靡不見者如是婆羅門若善知識經歷日夜增益信戒聞施智慧彼以增益信戒聞施智慧今時善知識身壞命終生天上善處是故婆羅門我今說此善知識所趣猶月盛滿今時世尊便說此偈

若人有貪欲瞋恚癡不盡於善漸有減
猶如月向盡若人無貪欲瞋恚癡亦盡
於善漸有增猶如月盛滿

是故婆羅門當學如月初尔時生漏
婆羅門白世尊曰善哉瞿曇猶如屈
者得伸冥者見明迷者見路於闇冥
然明此亦如是沙門瞿曇無數方便
為我說法我今自歸世尊及法眾僧
自今以往聽我為優婆塞盡形壽不
煞生尔時生漏聞佛所說歡喜奉行
聞如是一時佛在舍衛國祇樹給孤
獨園尔時世尊告諸比丘我今當說
善知識法亦當說惡知識法諦聽諦
聽善思念之諸比丘對曰如是世尊
尔時諸比丘從佛受教世尊告曰彼
云何名為惡知識法於是比丘惡知
識人便生此念我於豪族出家學道餘
比丘者卑賤家出家依已姓望毀譽
餘人是謂名為惡知識法復次惡知
識人便生此念我極精進奉諸正法
餘比丘者不精進持戒復以此義毀
訾他人而自貢高是謂為惡知識法
復次惡知識者復作是念我三昧成

就餘比丘者無有三昧心意錯亂而
不一定彼依此三昧常自貢高毀訾
他人是謂名為惡知識法復次惡知
識復作是念我智慧第一此餘比丘
無有智慧彼依此智慧而自貢高毀
訾他人是謂名為惡知識法復次惡
知識人復作是念我今常得飲食然
褥卧具病瘦醫藥此餘比丘不能得此
供養之具彼依此利養之物而自貢
高毀訾他人是謂名為惡知識法是
謂比丘惡知識人行此邪業彼云何
為善知識之法於是比丘善知識人
不作是念我豪族家生此餘比丘不
是豪族家已身與彼而無有異是謂
名為善知識法復次善知識人不作
是念我今持戒此餘比丘不持戒行
已身與彼無有增減彼依此戒不自
貢高不毀他人是謂比丘名為善知
識法復次比丘善知識人復不作是
念我三昧成就此餘比丘意亂不定
已身與彼亦無增減彼依此三昧不
自貢高亦不毀訾他人是謂比丘名
為善知識法復次比丘善知識人不

作是念我智慧成就此餘比丘無有智慧己身與彼亦無增減彼依此智慧不自貢高亦不毀他人是謂比丘名為善知識法復次比丘善知識人不作是念我能得衣被飯食牀褥卧具疾病醫藥此餘比丘不能得衣被飯食牀褥卧具疾病醫藥己身與彼亦無增減彼依此利養不自貢高亦不毀他人是謂比丘名為善知識法今時世尊告諸比丘我今與汝分別惡知識法亦復與汝說善知識法是故諸比丘惡知識法當共遠離善知識法念共修行如是諸比丘當作是學今時諸比丘聞佛所說歡喜奉行

聞如是一時佛在釋翅尼拘留園與大比丘衆五百人俱今時國中豪貴諸大釋種五百餘人欲有所論集普義講堂今時世典婆羅門便往詣彼釋種所語彼釋種言云何諸君此中頗有沙門婆羅門及世俗人能與吾共論議乎今時衆多釋報世典婆羅門曰此中今有二人高才博學居在迦毗羅越國云何為二人一名同利縣

特比丘二名瞿曇釋種如來至真等

正覺衆中少知無聞亦無智慧言語
醜陋不別去就如此脍特之比又此
迦維羅越一國之中無知無聞亦無
點慧為人醜陋多諸穢惡如此瞿曇
之比汝今可與彼論議設婆羅門能
與彼二人論議得勝者我等五百餘
人便當供養隨時所須亦當相惠千
鎰純金余時婆羅門便生此心此迦
毗羅越釋種悉皆聰明多諸技術斷
究虛偽無有正行設吾與彼二人論
議而得勝者何足為奇或復彼人得
吾便者便為愚者所伏思此二理吾
不堪與彼論議也作是語已便退而
去是時周利脍特到時持鉢入迦毗
羅越乞食時世典婆羅門遙見周利
脍特來便作是念我今當往問彼人
義時世典婆羅門便往至比丘所語
周利脍特曰沙門為字何等周利脍
特曰止婆羅門何須問字所以來此
欲問義者時可問之婆羅門言沙門
能與吾共論議乎周利脍特言我今
尚能與梵天論議何況與汝言無已

人乎婆羅門言盲者即非無目人乎
無目則非盲耶此是一義豈非煩重
是時周利脤特便騰逝空中作十八
變令時婆羅門便作是念此沙門止
有神足不解論議設當與吾解此義
者身便當與作弟子是時尊者舍利
弗以天耳聽聞有是語周利脤特與
世典婆羅門作此論議是時尊者舍
利弗即變身作脤特形隱脤特形使
不復現語婆羅門曰汝婆羅門若作
是念此沙門止有神足不堪論議者
汝今諦聽吾當說之報汝向議依此
論本當更引喻汝今婆羅門名字何
等婆羅門曰吾名梵天周利脤特問
曰汝是丈夫乎婆羅門曰吾是丈夫
復問是人乎婆羅門報曰是人周利
脤特問曰云何婆羅門丈夫亦是人
人亦是丈夫此亦是一義豈非煩重
乎然婆羅門盲與無目此義不同婆
羅門曰云何沙門名之為盲周利脤
特曰猶如不見今世後世生者滅者
善色惡色若好若醜衆生所造善惡
之行如實而不知永無所覩故稱之

為盲婆羅門曰云何為無眼者乎周
利勝特曰眼者無上智慧之眼彼人
無此智慧之眼故稱之為無目也婆
羅門言止止沙門捨此雜論我今欲
問深義云何沙門頗不依法得涅槃
乎周利報曰不依五盛陰而得涅槃
婆羅門曰云何沙門此五盛陰有緣
生耶無緣生乎周利勝特對曰此五
盛陰有緣生非無緣也婆羅門曰何
等是五盛陰緣比丘曰愛是緣也婆
羅門曰何者是愛比丘報曰生者是
也婆羅門曰何者名為生比丘曰即
愛是也婆羅門曰愛有何道沙門曰
賢聖八品道是所謂正見正業正語
正命正行正方便正念正定是謂名為
賢聖八品道今時周利勝特廣為說法
已婆羅門從比丘聞如此教已諸塵
垢盡得法眼淨即於其處身中刀風
起而命終是時尊者舍利弗還復其
形飛在空中還詣所止是時尊者周
利勝特比丘往至普集講堂衆多釋
種所到已語彼釋言汝等速辦蘇油
薪柴往耶維世與婆羅門是時釋種

即辦蘇油往耶維世與婆羅門於四
道頭起鋪簟各各相率便往至尊尊者
周利脬特比丘所到已頭面礼足在
一面坐時諸釋種以此偈向尊者周
利脬特說曰
耶維起鋪簟不違尊者教我等獲大利
得遇此福祐

是時尊者周利脬特便以此偈而報
釋曰

今轉尊法輪降伏諸外道 智慧如大海
以來降梵志所作善惡行 去來今現在
億劫不忘失是故當作福

是時尊者周利脬特廣與彼諸釋種
說法已諸釋白周利脬特言若尊者
須衣被飲食牀褥卧具病瘦醫藥我等
盡當事事供給唯願受請勿拒微情
時尊者周利脬特默然可之尔時諸
釋種聞尊者周利脬特所說歡喜奉行
聞如是一時佛在羅閱城迦蘭陀竹
園所與大比丘五百人俱尔時提婆
達兜惡人便往至婆羅留支王子所
告王子言昔者民氓壽命極長如今
人壽不過百年王子當知人命無常
倘不登位中命終者不亦痛哉王子

時可斷父王命統領國人我今當然
沙門瞿曇作無上至真等正覺於摩
竭國界新王新佛不亦使我如日貫
雲靡所不照如月雲消衆星中明余
時婆羅留支王子即叔父王著鐵牢
中更立臣佐統領人民余時有衆多
比丘入羅閱城乞食便聞提婆達光
教王子叔父王著鐵牢中更立臣佐
是時衆多比丘乞食還歸所在攝舉
衣鉢往至世尊所頭面礼足白世尊
曰朝入城乞食聞提婆達兜愚人教
王子使叔父王閉著牢獄更立臣佐
復勅王子言汝煞父王我害如來於
此摩竭國界新王新佛不亦使我余
時臣佐亦行非法臣佐已行非法余
時王太子亦行非法太子已行非法
余時群臣長吏亦行非法群臣長吏
已行非法余時國界人民亦行非法
國界人民已行非法余時人衆兵馬
亦行非法兵衆已行非法余時日月
倒錯運度失時日月已失時便無年
歲已無年歲日差月錯無復精光日
月已無精光余時星宿現恠星宿已
現變恠便有暴風起已有暴風起神
祇瞋恚神祇已瞋恚余時風雨不時

尔時穀子在地者便不長大人民之類瑣飛蠕動顏色改變壽命極短若復有時王法治正尔時群臣亦行正法群臣已行正法時王太子亦行正法王太子已行正法尔時長吏亦行正法長吏已行正法國界人民亦行正法日月順常風雨以時災恠不現神祇歡喜五穀熾盛君臣和穆相視如兄如弟終無增損有形之類顏色光潤食自消化無有災害壽命極長人所愛敬尔時世尊便說此偈

猶如牛渡水導者而不正一切皆不正斯由本導故衆生亦如是衆中必有導導者行非法况復下細人萌類盡受苦由王法不正以知非法行一切民亦然猶如牛渡水導者而行正從者亦皆正斯由本導故衆生亦如是衆中必有導導者行正法况復下庶人萌類盡受樂由王法教正以知正法行一切民亦然

是故諸比丘當捨非法而行正法如是諸比丘當作是學尔時諸比丘聞佛所說歡喜奉行

增壹阿含經卷第八

癸卯歲高麗國大藏都監
勅彫造

增壹阿含經卷第九

似

東晉時沙門慧遠法師集經加提婆譯

慚愧品第十八

聞如是一時佛在舍衛國祇樹給孤獨園。尔時世尊告諸比丘。有二妙法。擁護世間。云何為二法。所謂有慚有愧也。諸比丘。若無此二法。世間則不別有父有母。有兄有弟。有妻子。知識尊長。大小便當與豬雞狗牛羊六畜之類而同一等。以其世間有此二法。擁護世間。則別有父母兄弟妻子尊長。大小亦不與六畜共同。是故諸比丘。當習有慚有愧。如是諸比丘。當作是學。尔時諸比丘聞佛所說歡喜奉行。聞如是一時佛在舍衛國祇樹給孤獨園。尔時世尊告諸比丘。世有二人。無有馱足而取命。終云何為二人。所謂得財物。恒藏舉之。復有得物而喜。與人。是謂二人。無有馱足而取命。終尔時有比丘白世尊曰。我等世尊不解此略說之義。云何得物藏舉。云何得物與人。唯願世尊廣演其義。世尊

告曰諦聽諦聽善思念之吾當為汝
分別其義對曰如是今時佛告諸比
丘於是有族姓子學諸技術或習田
作或習書疏或習計筭或習天文或
習地理或習卜相或學遠使或作王
佐不避寒暑飢寒勤苦而自營已彼
作是功力而獲財物彼人不能食噉
亦不與妻子亦不與奴婢親親之屬
皆恚不與彼所得財物或王劫奪或
復被賊或火燒水漂分散異處不獲
其利即於家中有人分散此物不得
停住是謂比丘得財藏舉者也彼云
何得財分布有族姓子學諸技術或
習田作或習書疏或習計筭或習天
文地理或習卜相或學遠使或作王
佐不避寒暑飢寒勤苦而自營已彼
作是功力而獲財物彼人慧施衆生
給與父母奴婢妻子亦復廣及沙門
婆羅門造諸功德種天上之福是謂
比丘得而慧施是謂比丘二人無厭
足如前一人得財物而舉者當念捨
離第二人得而廣布當學此業如是
諸比丘當作是學今時諸比丘聞佛

所說歡喜奉行

聞如是一時佛在舍衛國祇樹給孤獨園。爾時世尊告諸比丘。常當法施。勿習食施。所以然者。汝等今有果報之祐。使我弟子恭敬於法。不貪利養。設貪利養者。則有大過於如來所。何以故。謂衆生類。不分別法。毀世尊教。已毀世尊教。後不復得至涅槃道。我便有耻。所以然者。謂如來弟子貪著利養。不行於法。不分別法。毀世尊教。不順正法。已毀世尊教。後不至涅槃道。汝今比丘。當念法施。勿思欲施。便得稱譽。多聞四遠恭敬於法。不貪財物。此則無有羞耻。所以然者。如來弟子以好法施。不貪思欲之施。是謂比丘。當念法施。勿學財施。汝等比丘。吾說此義。為因何義。而說此緣乎。爾時諸比丘白世尊曰。唯願世尊。事事分別。爾時世尊告諸比丘。昔有一人。請吾供養。然吾爾時有遺餘法。而可除棄。有二比丘。從遠方來。形體困憊。顏色變易。爾時我便語彼比丘。作是語。有遺餘法。而可除棄。隨時須者。便可

取之而自營已時一比丘便作是念
世尊今日有遺餘法而可除棄隨時
湏者便可取之設復我等不取食者
便當以此食捨于淨地若著水中然
今我等宜取此食以充虛乏加得氣
力今時彼比丘復作是學佛亦作是
說當行法施莫行思欲之施所以然
者施中之上無過財施然復法施於
中最尊我今堪任竟日不食猶得白
濟不湏受彼信施之福今時彼比丘
便自息意不取彼施形體困篤不自
顧命彼時第二比丘復作是念世尊
亦有遺餘之法而可除者設我等不取
食者便當困篤今以此食用充虛乏加
得氣力晝夜安寧今時彼比丘便取食
之晝夜安隱氣力充足佛告諸比丘
彼比丘雖復取彼供養除去虛乏氣
力充足不如先前比丘可敬可貴其
可尊重彼比丘長夜名稱遠聞於律
知足易充易滿諸比丘當學法施勿
學思欲之施我前所說者由此因緣
今時世尊說此語已便從坐起而去
是時衆多比丘復作是念向者世尊

略說其要竟不廣普便從坐起入寂靜室今此衆中誰能堪任於此略義而廣普演其義者也是時衆多比丘復作是念今尊者舍利弗世尊所譽我當盡共詣彼舍利弗所是時衆多比丘便往至尊者舍利弗所共相禮拜在一面坐在一面坐已是時衆多比丘所可從世尊聞事盡向舍利弗說之是時尊者舍利弗告諸比丘云何世尊弟子貪著利養不修行法云時衆多比丘白舍利弗曰我等乃從遠來請問其義得修行之尊者舍利弗堪任者便與我等廣演其義舍利弗告曰諦聽諦聽善思念之吾當與汝廣演其義尔時衆多比丘對曰如是舍利弗告曰世尊弟子所學寂靜念安聲聞弟子不如是學世尊吐教所應滅法而諸比丘亦不滅之於中懈怠起諸亂想所應為者而不肯行所不應為者便修行之尔時諸賢長老比丘於三處便有著耻云何為三世尊常樂寂靜之處尔時聲聞不作

是學長老比丘便有著耻世尊教人
當滅此法然比丘不滅此法長老比
丘便有著耻於中起乱想之念意不
專一長老比丘便有著耻諸賢當知
中比丘於三處便有著耻云何為三
世尊常樂寂靜之處尔時聲聞不作
是學中比丘便有著耻世尊教人當
滅此法然彼比丘不滅此法中比丘
便有著耻於中起乱想之念意不專
一中比丘便有著耻諸賢當知年少
比丘於三處便有著耻云何為三世
尊弟子常樂寂靜之處尔時聲聞不
作是學年少比丘便有著耻世尊教
人當滅此法然彼比丘不滅此法年
少比丘便有著耻於中復起乱想之
念意不專一年少比丘便有著耻是
謂諸賢貪著於財不著於法諸比丘
白舍利弗曰云何比丘貪著於法不
著於財舍利弗曰於是比丘世尊樂
寂靜之處聲聞亦學如來樂寂靜之
處世尊所說當滅此法諸比丘便滅
此法不懈怠亦不乱所應行者便修
行之所不應行者便不行之諸賢當

知長老比丘於二處便有名稱云何
為三世尊樂寂靜之處聲聞亦樂寂
靜之處長老比丘便有名稱世尊教
人當滅此法今時比丘便滅此法長
老比丘便有名稱於中不起亂想之
念意常專一長老比丘便有名稱諸
賢當知中比丘於三處便有名稱云
何為三世尊樂寂靜之處聲聞亦樂
寂靜之處中比丘便有名稱世尊教
人當滅此法今時比丘便滅此法中
比丘便有名稱於中不起亂想之念
意常專一中比丘便得名稱諸賢當
知年少比丘於三處便有名稱云何
為三於是比丘世尊樂寂靜之處年
少比丘亦樂寂靜之處年少比丘便
有名稱世尊教人當滅此法今時比
丘便滅此法年少比丘便有名稱於
中不起亂想之念意常專一年少比
丘便有名稱諸賢當知貪之為病甚
大災患瞋恚亦然貪瞋恚滅者便
得處中之道眼生智生諸縛休息得
至涅槃慳疾為病亦復極重煩惱燒
煮憍慢亦深幻偽不真無慚無愧不

能捨離婬欲敗正慢增上慢亦復不
捨此二慢滅使得處中之道眼生智
生諸縛休息得至涅槃比丘白曰云
何尊者舍利弗處中之道眼生智生
諸縛休息得至涅槃舍利弗言諸賢
當知所謂賢聖八品道是所謂正見
正治正語正行正命正方便正念正
三昧是謂諸賢處中之道眼生智生
諸縛休息得至涅槃今時衆多比丘
聞尊者舍利弗所說歡喜奉行

聞如是一時佛在羅閱城迦蘭陀竹
園所與大比丘衆五百人俱今時世
尊到時著衣持鉢入羅閱城乞食在
一街巷今時彼巷有一梵志婦欲飯
食婆羅門即出門遙見世尊便往至
世尊所問世尊曰頗見婆羅門不今
時尊者大迦葉先在其巷世尊便舉
手指示曰此是婆羅門是時梵志婦
熟視如來面默然不語今時世尊便
說此偈

無欲無患者去愚無有癡漏盡阿羅漢
是謂名梵志無欲無患者去愚无有癡
以捨結使聚是謂名梵志无欲無患者

去愚无有癡以斷吾我慢是謂名梵志
若欲知法者三佛之所說至誠自歸彼
最尊无有上

今時世尊告大迦葉曰汝可往為此
梵志婦便現身得免宿罪是時迦葉
從佛受教往至梵志婦舍已就座而
坐是時彼婆羅門婦便供辦饍饌種
種飲食以奉迦葉是時迦葉即受食
飲欲度人故而為彼人說此達觀

祠祀火為上衆書頌為最王為人中尊
衆流海為上衆星月為首照明日為先
四維及上下於諸方域境天與世間人
佛為最尊上欲求其福者當歸於三佛
是時彼梵志婦聞此語已即歡喜踊
躍不能自勝前白大迦葉曰唯願梵
志恒受我請在此舍食是時大迦葉
即受彼請在彼處受彼食是時婆羅
門婦見迦葉食訖更取一卑座在迦
葉前坐是時迦葉以次與說微妙之
法所謂論者施論戒論生天之論欲
為不淨斷漏為上出家為要尊者大
迦葉已知彼梵志婦心開意解甚懷
歡喜諸佛所可常說法者苦習盡

道是時尊者大迦葉志為梵志婦說之時梵志婦即於座上諸塵垢盡得法眼淨猶如新淨白縠无有塵垢易染為色時梵志婦亦復如是即於座上得法眼淨彼已得法見法分別其法無有狐疑已逮無畏自歸三尊佛法聖眾受持五戒是時尊者大迦葉重為梵志婦說微妙法已即從坐起而去迦葉去未久時婦夫晉來至家婆羅門見婦顏色甚悅非復常人時婆羅門即問其婦婦即以此因緣具向夫晉說之時婆羅門聞是語已便將其婦共詣精舍往至世尊所時婆羅門與世尊共相問訊在一面坐婆羅門婦頭面礼世尊足在一面坐時婆羅門白世尊曰向有婆羅門來至我家今為所在今時尊者大迦葉去世尊不遠結跏趺坐正身正意思惟妙法今時世尊遙指示大迦葉曰此是尊長婆羅門也婆羅門曰云何瞿曇沙門即是婆羅門耶沙門與婆羅門豈不異乎世尊告曰欲言沙門者即我身是所以然者我即是沙門諸有

奉持沙門戒律我皆已得如今欲論
婆羅門者亦我身是所以然者我即
是婆羅門也諸過去婆羅門所持法
行吾已悉知欲論沙門者即大迦葉
是所以然者諸有沙門律迦葉比丘
皆悉包攬欲論婆羅門者亦是迦葉
比丘所以然者諸有婆羅門奉持禁
戒迦葉比丘皆悉了知今時世尊便
說此偈

我不說梵志 能知呪術者 唱言生梵天
此則不離縛 无縛無生趣 能脫一切結
不復稱天福 即沙門梵志

今時婆羅門白世尊曰言結縛者何
等名為結乎世尊告曰欲愛是結瞋
恚是結愚癡是結如來者無此欲愛
永滅無餘瞋恚愚癡亦復如是如來
無復此結婆羅門曰唯願世尊說深
妙法無復有此諸結縛者是時世尊
漸與彼婆羅門說微妙之論所謂論
者施論戒論生天之論欲為不淨斷
漏為上出家為要今時世尊知彼婆
羅門心開意解甚懷歡喜古昔諸
佛常所說法苦習盡道今時世尊盡

為婆羅門說之時婆羅門即於座上
諸塵垢盡得法眼淨猶如新淨白縠
無有塵垢易染為色時婆羅門亦復
如是即於座上得法眼淨彼已得法
見法分別其法無有狐疑已遠無畏
自歸三尊佛法聖眾受持五戒為如
來真子無復退還今時彼婆羅門夫
婦聞佛所說歡喜奉行

聞如是一時佛在羅閱城迦蘭陀竹
園所與大比丘眾五百人俱今時王
阿闍世有為名都羅祇梨極為凶暴
暴虐勇健能降外怨緣彼為力使摩
竭一國無不靡伏今時提婆達兜便
往至王阿闍世所到已而作是說大
王當知今此為惡能降伏眾怨可以醇
酒飲彼為醉清旦沙門瞿曇必來入
城乞食當放此醉為踰躑躅之時王
阿闍世聞提婆達兜教即告令國中
明日清旦當放醉為勿令人民在里
巷遊行是時提婆達兜告王阿闍世
曰若彼沙門瞿曇有一切智知當來
事者明日必不入城乞食王阿闍世
曰亦如尊教設有一切智者明日清

且不入城乞食今時羅閱城內男女
大小事佛之者聞王阿闍世清旦當
放醉爲害於如來聞已各懷愁憂便
往至世尊所頭面礼足在一面位白
世尊曰明日清旦願世尊勿復入城
所以然者王阿闍世今有教令勅語
城內人民之類明日勿復在里巷行
來吾欲放醉爲害沙門瞿曇設沙門
有一切智明日清旦不入城乞食唯
願世尊勿復入城傷害如來世人喪
目無復救護世尊告曰止止諸優婆
塞勿懷愁惱所以然者如來之身非
俗數身然不為他人所害終無此事
諸優婆塞當知閻浮里地東西廣七
千由旬南北長二千一百由旬瞿耶
尼縱廣八千由旬如半月形弗于逮
縱廣九千由旬土地方正鬱單越縱
廣十千由旬土地圓如滿月正使此
四天下醉爲滿其中如似稻麻蘗林
其數如是猶不能得動如來毫毛况
復得害於如來終無此事則捨四天
下復有如千天下千日月千須弥山
千四海水千閻浮提千瞿耶尼千弗

于逮千鬱單越千四天王千三十三
天千兜術天千嚧天千化自在天千
他化自在天此名千世界乃至三千
世界此名中千世界乃至三千世界
此名三千大千世界滿其中伊羅鉢
龍王猶不能動如來一毛况復此為
欲害如來哉終無是處所以然者如
來神力不可思議如來出世終不為
人所傷害也汝等各歸所在如來自
當知此變趣今時世尊與四部眾廣
為說微妙之法時優婆塞優婆塞聞
正法已各從坐起頭面礼足便退而
去今時世尊清旦著衣持鉢欲入羅
閱城乞食是時提頭賴吒天王將軋
沓耆等從東方來侍從世尊是時毗留
勒王將拘睢荼眾侍從如來西方毗
留波叉將諸龍眾侍從如來北方天
王拘毗羅將羅刹鬼眾侍從如來是
時釋提桓因將諸天人數千万眾從
兜術天沒來至世尊所時梵天王將
諸梵天數千万眾從梵天上来至世
尊所釋梵四天王及二十八天大鬼
神王各各相謂言我等今日當觀二

神龍爲共闔誰者勝負時羅閱城四部之衆遙見世尊將諸比丘入城乞食時城內人民皆舉聲嘆曰王阿闍世復聞此聲問左右曰此是何等聲響乃徹此聞侍臣對曰此是如來入城乞食人民見已故有此聲阿闍世曰沙門瞿曇亦無聖道不知人心來變之驗王阿闍世即勅爲師汝速將爲飲以醇酒身帶利劍即放使走余時世尊將諸比丘詣城門適舉足入門時天地大動諸神尊天在虛空中散種種之華時五百比丘見醉爲來各各馳走莫知所如時彼暴爲遙見如來便走趣向侍者阿難見醉爲來在世尊後不自安處白世尊曰此爲暴惡將恐相害宜可遠之世尊告曰勿懼阿難吾今當以如來神手降伏此爲如來觀察暴爲不近不遠便化左右作諸師子王於彼爲後作大火坑時彼暴爲見左右師子王及見火坑即失尿放糞無走突處便前進向如來尔時世尊便說此偈

汝莫害於龍 龍現甚難遇 不由害龍已

今時最爲聞世尊說此偈如被火燃
即自解劒向如來跪雙膝投地以鼻
哉如來足時世尊伸右手摩爲頭而
作是說

瞋恚生地獄 亦作弛軋形 是故當捨恚
更莫受此身

今時神尊諸天在虛空中以若干百
千種花散如來上是時世尊與四部
之衆天龍鬼神說微妙法今時見降爲
男女六萬餘人諸塵垢盡得法眼淨
八萬天人亦得法眼淨時彼醉爲身
中乃風起身壞命終生四天王宮今
時比丘比丘尼諸優婆塞優婆夷及
天龍鬼神聞世尊所說歡喜奉行
聞如是一時佛在舍衛國祇樹給孤
獨園今時尊者難陀著極妙之衣色
曜人目著金廁履屣復收餘兩目手
執鉢器欲入舍衛城今時衆多比丘
遙見尊者難陀著極妙之衣入舍衛
城乞食今時衆多比丘便往至世尊
所頭面禮足在於一面坐須臾退坐
白世尊日向者難陀比丘著極妙之

衣色曜人目入舍衛城乞食余時世尊告一比丘汝速往至難陀比丘所如來呼卿對曰如是世尊時彼比丘受世尊教頭面礼足而去往至難陀比丘所到已語難陀曰世尊呼卿是時難陀聞比丘語即來至世尊所到已頭面礼足在一面坐是時世尊告難陀曰汝今何故著此極妙之衣又則著履屣入舍衛城乞食時尊者難陀默然不語世尊復重告曰云何難陀汝豈不以信牢固出家學道乎難陀對曰如是世尊世尊告曰汝今族姓子不應律行以信牢固出家學道何由復著極妙之衣摩治形服欲入舍衛城乞食與彼白衣有何差別今時世尊便說此偈

何日見難陀能治阿練行心樂沙門法
頭陀度无極

汝今難陀更莫造此如是之行余時尊者難陀及四部衆聞佛所說歡喜奉行

聞如是一時佛在舍衛國祇樹給孤獨園余時尊者難陀不堪行梵行欲

脫法衣習白衣行。今時衆多比丘往
至世尊所。頭面禮足。在一面坐。今時
衆多比丘白世尊曰。難陀比丘不堪
行梵行。欲脫法服。習居家行。今時世
尊告一比丘。汝往至難陀所。云如來
喚卿對曰。如是世尊時。彼比丘受世
尊教。即從坐起。札世尊足。便退而去。
至彼難陀比丘所。云世尊喚難陀對
曰。如是。余時難陀比丘尋隨此比丘
至世尊所。頭面禮足。在一面坐。是時
世尊告難陀曰。云何難陀。不樂修梵
行。欲脫法衣。修白衣行乎。難陀對曰。
如是。世尊。世尊告曰。何以故難陀。難
陀對曰。欲心熾然。不能自禁。世尊告
曰。云何難陀。汝非族姓子。出家學道
乎。難陀對曰。如是。世尊。我是族姓子。
以信牢固。出家學道。世尊告曰。汝族
姓子。此非其宜。以捨家學道。修清淨
行。云何捨於正法。欲習穢汙難陀。當
知有二法。無厭足。若有人習此法者。
終無厭足。云何為二法。所謂婬欲及
飲酒。是謂二法。無厭足。若有人習此
二法。終無厭足。緣此行果。亦不能得。

無為之處是故難陀當念捨此二法
後必成無漏之報汝今難陀善修梵
行趣道之果靡不由之今時世尊便
說此偈

蓋屋不密 天雨則漏 人不惟行
漏婬怒癡 蓋屋善密 天雨不漏
人能惟行 無婬怒癡

今時世尊復作是念此族姓子欲意
極多我今宜可以火滅火是時世尊
即以神力手執難陀猶如力人屈伸
臂頃將難陀至香山上今時山上
有一巖穴復有一瞎獼猴在彼住止
是時世尊右手執難陀而告之曰汝
難陀頗見此瞎獼猴不對曰如是世
尊世尊告曰何者為妙為孫陀利釋
種妙耶為此瞎獼猴妙乎難陀對曰
猶如有人傷極惡犬鼻復加毒塗彼
犬倍惡此亦如是孫陀利釋女今以
此瞎獼猴相比不可為喻猶如大火
藉焚燒山野加益以乾薪火轉熾然
此亦如是我念彼釋女不去心懷余
時世尊如屈伸臂頃徙彼山不現便
至三十三天今時三十三天上諸天

普集善法講堂去善法講堂不遠復
有宮殿五百玉女自相娛樂純有女人
無有男子余時難陀遙見五百天女
作倡伎樂自相娛樂見已問世尊曰
此是何等五百天女作倡伎樂自相
娛樂世尊告曰汝難陀自往問之是
時尊者難陀便往至五百天女所見
彼宮舍敷好坐具若干百種純是女
人無有男子是時尊者難陀問彼天
女曰汝等是何天女各相娛樂快樂
如是天女報曰我等有五百人志皆
清淨無有夫主我等間有世尊弟子
名曰難陀是佛姨母兒彼於如來所
清淨修梵行命終之後當生此間與
我等作夫主共相娛樂是時尊者難
陀甚懷喜悅不能自勝便作是念我
今是世尊弟子且又復是姨母兒此
諸天女皆當為我作婦是時難陀便
退而去至世尊所世尊告曰云何難
陀彼玉女何所言說難陀報曰彼玉
女各作是說我等各無夫主聞有世
尊弟子善修梵行命終之後當來生
此世尊告曰難陀汝意云何難陀汝

意云何難陀報曰尔時即自生念我是世尊弟子又且復是佛姨母兒此諸天女盡當與我作妻世尊告曰快哉難陀善修梵行我當與汝作證使此五百女人皆為給使世尊復告云何難陀孫陀利釋女妙耶為是五百天女妙乎難陀報曰猶如山頂瞎猕猴在孫陀利前無有光澤亦無有色此亦如是孫陀利在他天女前亦復如是無有光澤世尊告曰汝善修梵行我當證汝得此五百天人尔時世尊便作是念我今當以火滅難陀火猶如力人屈伸臂頃世尊右手執難陀臂將至地獄中尔時地獄衆生受若干苦惱尔時彼地獄中有一大鑊空無有人見已便生恐懼衣毛皆豎前白世尊曰此諸衆生皆受苦痛唯有此釜而獨空無人世尊告曰此者名為阿毗地獄尔時難陀倍復恐怖衣毛皆豎白世尊曰此是阿毗地獄而獨自空亦無罪人世尊告曰汝難陀自往問之是時尊者難陀便自問曰云何獄卒此是何獄此是何獄空

無有人獄卒報曰比丘當知釋迦文
佛弟子名曰難陀彼於如來所淨修
梵行身壞命終生善處天上於彼壽
千歲快自娛樂復於彼終生此阿毘
獄中此空鎗者即是其室時尊者難
陀聞此語已便懷怖慄衣毛皆豎即
生此念此之空釜正為我耳來至世
尊所頭面札足白世尊曰願受懺悔
我白罪緣不修梵行觸燒如來今時
尊者難陀便說此偈

唯有涅槃樂

今時世尊告難陀曰善哉善哉如汝
所言涅槃者取是快樂難陀聽汝懺
悔汝懺汝癡自知有咎於如來所今
受汝悔過後更莫犯今時世尊屈伸
臂項手執難陀從地獄不現便至舍
衛城祇樹給孤獨園今時世尊告難
陀曰汝今難陀當修二法云何為二
法所謂止與觀也復當更修二法云
何為二法生死不可樂知涅槃為樂
是謂二法復當更修二法云何為二
法所謂智與辯也今時世尊以此種

種法向難陀說是時尊者難陀從世尊受教已從坐起礼世尊足便退而去至安陀園到已在一樹下結加趺坐正身正意繫念在前思惟如來如此言教是時尊者在閑靜處恒思惟如來教不去須臾所以族姓子以信牢固出家學道修無上梵行生死已盡梵行已立所作已辦更不復受有如實知之是時尊者難陀便成阿羅漢已成阿羅漢即從坐起整衣服至世尊所頭面礼足在一面坐是時尊者難陀白世尊曰世尊前許證弟子五百天女者今盡捨之世尊告曰汝今生死已盡梵行已立吾即捨之尔時便說偈曰

我今見難陀 修行沙門法 諸惡皆以息 頭陀無有失

尔時世尊告諸比丘言得阿羅漢者今難陀比丘是無婬怒癡亦是難陀比丘尔時諸比丘聞佛所說歡喜奉行

聞如是一時佛在釋翅瘦迦跋羅越尼拘留園中與大比丘五百人俱尔時

大愛道瞿曇彌便往至世尊所頭面
禮足白世尊曰願世尊長化愚冥恒
護生命世尊告曰瞿曇彌不應向如
來作是言如來延壽無窮恒護其命
是時大愛道瞿曇彌即說此偈
云何礼寂勝世間无與等能斷一切疑
由是說此語

尔時世尊復以偈報瞿曇彌曰
精進意難缺恒有勇猛心平等親聲聞
此則礼如來

是時大愛道白世尊曰自今以後當
礼世尊如來今勅礼一切衆生意無
增減天上人中及阿須倫如來為寂
上是時世尊可大愛道所說即從坐
起頭面礼足便退而去尔時世尊告
諸比丘我聲聞中第一弟子廣識多
知所謂大愛道是是時諸比丘聞佛
所說歡喜奉行

聞如是一時佛在舍衛國祇樹給孤
獨園尔時世尊告諸比丘有此二人
於如來衆而興誹謗云何為二人謂
非法言是法謂法是非法是謂二人
誹謗如來復有二人不誹謗如來云
同為二所謂非法即是非法真法即

是真法。是謂二人不誹謗。如來是故諸比丘。非法當言非法。真法當言真法。如是諸比丘。當作是學。今時諸比丘。聞佛所說歡喜奉行。

聞如是一時。佛在舍衛國祇樹給孤獨園。今時世尊告諸比丘。有此二人。獲福無量。云何為二。所謂應稱譽者。便嘆譽之。不應稱者。亦不稱歎之。是謂二人。獲福無量。復有二人。受罪無量。何等為二。所謂可稱嘆。反更誹謗。不應稱嘆者。而更稱嘆。諸比丘。莫作是學。今時諸比丘。聞佛所說歡喜奉行。

增壹阿含經卷第九

癸卯歲高麗國大藏都監奉

勅彫造

增壹阿含經卷第十

東晉劉宋藏經卷第十

勸請品第十九

聞如是一時佛在摩竭國道場樹下
今時世尊得道未久便生是念我今
甚深之法難曉難了難可覺知不可
思惟休息微妙智者所覺知能分別
義理習之不厭即得歡喜設吾與人
說妙法者人不信受亦不奉行者唐
有其勞則有所損我今宜可默然何
須說法今時梵天在梵天上遙知如
來所念猶如士夫屈伸臂頃從梵天
上沒不現來至世尊所頭面礼足在
一面住今時梵天白世尊曰此閻浮
提必當壞敗三界喪日如來至真等
正覺出現於世應演法實然今復不
暢演法味唯願如來普為衆生廣說
深法又此衆生根原易度若不聞者
未失法眼此應為法之遺子猶如優
鉢蓮華拘牟頭華分陀利華雖出於
地未出水上亦未開敷是時彼華漸
漸欲生故未出水或時此華以出水
上或時此華不為水所著此衆生類

亦復如是為生老病死所見逼促諸
相應熟然不聞法而便喪者不亦苦
哉今正是時唯願世尊當為說法今
時世尊知梵天心中所念又慈悲一
切衆生故說此偈曰

梵天今來勸如來開法門聞者得篤信
分別深法要猶在高山頂普觀衆生類
我今有此法昇堂現法眼

今時梵天便作是念如來必為衆生
說深妙法歡喜踊躍不能自勝頭面
礼足已即還天上今時梵天聞佛所
說歡喜奉行

聞如是一時佛在波羅捺國仙人鹿
苑中今時世尊告諸比丘有此二事
學道者不應親近云何為二事所謂
著欲及樂之法此是下卑凡賤之法
又此諸苦衆惱百端是謂二事學道
者不應親近如是捨此二事已我自
有至要之道得成正覺眼生智生意
得休息得諸神通成沙門果至於
涅槃云何為至要之道得成正覺眼
生智生意得休息得諸神通成沙門
果至於涅槃所謂此賢聖八品道是

所謂等見等治等語等業等命等不
便等念等定此名至要之道今我得成
正覺眼生智生意得休息得諸神通
成沙門果至於涅槃如是諸比丘當
學捨上二事習於至要之道如是諸
比丘當作是學今時諸比丘聞佛所
說歡喜奉行

羅去迦葉龍二難大愛道誹謗非法
二事寔在後

聞如是一時佛在舍衛國祇樹給孤
獨園今時釋提桓因至世尊所到已
頭面礼足在一面住白世尊曰云何
比丘斷於愛欲心得解脫乃至究竟
安隱之處無有諸患天人所敬今時
世尊告釋提桓因曰於是拘翼若是
比丘聞此空法解無所有則得解了
一切諸法如實知之身所覺知苦樂
之法若不苦不樂之法即於此身觀
悉無常皆歸於空彼已觀此不苦不
樂之變亦不起想以無有想則無恐
怖以無恐怖則般涅槃生死已盡梵
行已立所作已辦更不復受有如實
知之是謂釋提桓因比丘斷於愛欲

心得解脫乃至究竟安隱之處無有
災患天人所敬今時釋提桓因礼世
尊足已繞三匝而退當於今時尊者
大目犍連去世尊不遠結跏趺坐正
身正意繫念在前今時尊者大目犍
連便作是念向者帝釋得道跡而問
事耶為不得道跡而問義耶我今當
試之今時尊者大目犍連即以神足
如屈伸臂頃便至三十三天今時釋
提桓因遙見大目犍連遠來即起奉
迎並作是語善來尊者大目犍連尊
自不至此亦大久矣願欲與尊論說
法義願在此處坐是時目犍連問釋
提桓因曰世尊與汝說斷愛欲之法
我欲聞之今正是時可與我說之釋
提桓因白言我今諸天事很多或自
有事或復有諸天事我所聞者即時
而忘昔者目連與諸阿須倫共鬪當
鬪之日諸天得勝阿須倫退今時我
身躬往自戰尋復領諸天還上天宮
坐軍勝講堂因鬪勝故故名為軍勝
講堂階巷成行陌陌相值一一階頭
七百樓閣一一樓閣上各七玉女一

一玉女各有七使人願尊目連在彼

觀看尔時釋提桓因及毗沙門天王

在尊者目連後往至寂勝講堂所是

時釋提桓因及毗沙門天王自大目

犍連曰此是寂勝講堂悉可遊看目

犍連曰天王此處極為微妙皆由前

身所作福祐故致此自然寶堂猶如

人間小有樂處各自慶賀如天宮無

異皆由前身作福所致尔時釋提桓

因左右玉女各各馳走莫知所如猶

如人間有所禁忌皆懷慚愧是時釋

提桓因所將玉女亦復如是遙見大

目犍連來各各馳走莫知所湊時大

目犍連便作是念此釋提桓因意甚放

逸我今宜可使懷恐怖是時尊者大

目犍連即以右脚指案地彼宮殿六

變震動是時釋提桓因及毗沙門天

王皆懷恐怖衣毛皆豎而作是念此

大目犍連有大神足乃能使此宮殿

六返震動甚奇甚特未曾有是是時

大目犍連便作是念今此釋身以懷

恐怖我今宜可問其深義云何拘翼

如來所說除愛欲經者今正是時唯

願與我等說釋提桓因報言目連我
前至世尊所頭面礼足在一面住是
時我即白世尊曰云何比丘斷於愛
欲心得解脫乃至究竟至無為處無
有患苦天人所敬尔時世尊便告我
言於是拘翼諸比丘聞法已都無所
著亦不著色盡解一切諸法了无所
有以知一切諸法已若苦若樂若不
苦不樂觀了無常滅盡无餘亦無斷
壞彼以觀此已都無所著已不起世
間想復無恐怖以無恐怖便般涅槃
生死已盡梵行已立所作已辦更不
復受有如實知之是謂釋提桓因比
丘斷欲心得解脫乃至究竟無為之
處無有患苦天人所敬尔時我聞此
語已便礼世尊足遶三匝即退而去
還歸天上是時尊者大目犍連以深
法之語向釋提桓因及向毗沙門具
分別之尔時目犍連具說法已猶如
士夫屈伸臂頃從三十三天没不現
便來至舍衛城祇樹給孤獨園至世
尊所頭面礼足在一面坐尔時目犍
連即於座上白世尊曰如來前與釋

提桓因說除欲之法唯願世尊當與
我說之。尔時世尊告目犍連曰。汝當
知之。釋提桓因來至我所。頭面礼足。
在一面立。尔時釋提桓因問我此義。
云何世尊。比丘。斷愛欲心得解脫。尔
時我告釋提桓因曰。拘翼。若有比丘
解知一切諸法空無所有。亦無所著。
盡解一切諸法了無所有。以知一切
諸法無常滅盡無餘。亦無斷壞。彼已
觀此已。都無所著。已不起世間想。復
無恐怖。已無恐怖。便般涅槃。生死已
盡。梵行已立。所作已辦。更不復受有。
如實知之。是謂釋提桓因。比丘。斷欲
心得解脫。尔時釋提桓因即從坐起。
頭面礼我足。便退而去。還歸天上。尔
時大目犍連聞佛所說歡喜奉行。
聞如是一時。佛在舍衛國祇樹給孤
獨園。尔時世尊告諸比丘。世間有此
二人。若見雷電霹靂。無有恐怖。云何
為二人。獸王師子。漏盡阿羅漢。是謂
比丘。有此二人在於世間。若見雷電
霹靂。不懷恐怖。是故諸比丘。當學漏
盡阿羅漢。如是諸比丘。當作是學。尔

時諸比丘聞佛所說歡喜奉行

聞如是一時佛在舍衛國祇樹給孤獨園。爾時世尊告諸比丘。有此二法。令人無有智慧。云何為二法。不喜問。勝人。但貪睡眠。無精進意。是謂比丘。有此二法。令人無有智慧。復有二法。令人成大智慧。云何為二法。好問他。義。不貪睡眠。有精進意。是謂比丘。有此二法。令人有智慧。當學遠離惡法。如是諸比丘。當作是學。爾時諸比丘。聞佛所說歡喜奉行。

聞如是一時佛在舍衛國祇樹給孤獨園。爾時世尊告諸比丘。有此二法。令人貪賤。無有財貨。云何為二法。若見他施時。便禁制之。又自不肯布施。是謂比丘。有此二法。令人貪賤。無有財寶。比丘復有二法。令人富貴。云何為二法。若見人與他物時。助其歡喜。已好布施。是謂比丘。有此二法。令人富貴。如是諸比丘。當學惠施。勿有貪心。爾時諸比丘。聞佛所說歡喜奉行。

聞如是一時佛在舍衛國祇樹給孤獨園。爾時世尊告諸比丘。有此二法。

令人生貧賤家去何為二法不孝父母諸尊師長亦不承事勝己者是謂比丘有此二法令人生貧賤家諸比丘復有二法生豪族家去何為二恭敬父母兄弟宗族將至已家惠施所有是謂比丘有此二法生豪族家如是諸比丘當作是學余時諸比丘聞佛所說歡喜奉行

聞如是一時佛在舍衛國祇樹給孤獨園余時梵志女名湏深往至尊者大拘絺羅所到已頭面札足在一面坐余時彼梵志女湏深白拘絺羅曰優踰藍弗羅勒迦藍此深法中竟不受化各取命終世尊記此二人曰一人生不用慮一人生有想無想處此二人盡其壽命各復命終一人當為邊地國王傷害人民不可稱計一人當為著翅惡狸飛行走獸無得脫者命終之後各生地獄中然復世尊不記彼人何時當盡苦際何故世尊不記彼人當盡苦際余時尊者拘絺羅語湏深女人曰所以世尊不說者皆由無人問此義故是故世尊不記彼

人何時當盡苦際須深女人曰於是
如來以取涅槃是故不得問之若當
在世者往問其義如今尊者拘絺羅
與我說之彼人何時當盡苦際今時
尊者拘絺羅便說此偈

種種果不同 衆生趣亦然 自覺覺人者
我無此辯說 禪智解脫辯 憶本天眼通
能盡苦原本 我無此辯說
今時須深女人便說此偈

善逝有此智 質直無取微 勇猛有所伏
求於大乘行

是時尊者拘絺羅復說此偈

是意甚難得 能獲異法要 難為能辦之
向於奇特事

今時尊者與彼須深女人具說法要
便發喜心時彼女人即從坐起頭面
礼足便退而去時須深女人聞尊者
拘絺羅所說歡喜奉行

聞如是一時尊者摩訶迦延延遊
婆伽國深池水側與大比丘衆五百
人俱今時尊者迦延延有此名聞流
聞四遠尊者長老好茶婆羅門在此
遊化今時婆羅門聞尊者迦延延在

此池側遊化將五百比丘尊者長老
功德具足我今可往問說彼人是時
上色婆羅門將五百弟子往至尊者
迦遮延所共相問說在一面坐尔時
彼婆羅門問尊者迦遮延曰如迦遮
延所行此非法律年少比丘不向我
等諸高德婆羅門作礼迦遮延曰婆
羅門當知彼如来至真等正覺說此
二地去何為二地一名老地二名壯地
婆羅門問曰何者為老地何者為壯
地迦遮延曰正使婆羅門年在八十
九十彼人不止姪欲作諸惡行是謂
婆羅門雖可言老今在壯地婆羅門
曰何者年壯住在老地迦遮延曰婆
羅門若有比丘年在二十或三十四
十五十彼亦不習姪欲亦不作惡行
是謂婆羅門年壯在老地婆羅門曰
此大衆中頗有一比丘不行姪法不
作惡行乎迦遮延曰我大衆中無有
一比丘曾欲作惡者時婆羅門即從
坐起礼諸比丘足並作是語汝今年
少住於老地我今年老住於少地尔
時彼婆羅門復往至迦遮延所頭面

礼足而自陳說我今自歸迦遮延及
比丘僧盡形壽不煞迦遮延曰汝今
莫自歸我我所自歸者汝可趣向之
婆羅門曰尊者迦遮延為自歸誰時
尊者迦遮延便長跪向如來所般涅
槃處有釋種子出家學道我恒自歸
彼然彼人即是我師婆羅門曰此沙
門瞿曇為在何處我今欲見之迦遮
延曰彼如來已取涅槃婆羅門言若
如來在世者我乃可百千由旬往問
訊之彼如來雖取涅槃我今重自歸
作礼及佛法衆盡其形壽不復煞生
今時上色婆羅門聞尊者迦遮延所
說歡喜奉行

聞如是一時佛在舍衛國祇樹給孤
獨園今時世尊告諸比丘有二人出
現世間甚難得遇士何為二人能說
法人出現於世甚難得值能聞法人
受持奉行甚難得值是謂比丘有此
二人出現世間甚難得遇是故諸比
丘當學說法當學聞法如是諸比丘
當作是學今時諸比丘聞佛所說歡
喜奉行

聞如是一時佛遊摩竭國界漸來至毗舍離城。爾時在毗舍離北閭婆婆婆利園中。與大比丘衆五百人俱。爾時閭婆婆婆利女聞世尊來在園中。與大比丘五百人俱。爾時彼女駕乘羽寶之車。便往出毗舍離城。至狹道口。即到世尊所。自下車往至世尊所。爾時世尊還見彼女來。便告諸比丘。皆悉專精。勿起邪想。是時女人至世尊所。頭面礼足。在一面坐。爾時世尊說極妙之法。說極妙之法。已。女白佛言。唯然。世尊。當受我請。及比丘僧。爾時世尊默然受女請。女見世尊默然受請。已。即從坐起。頭面礼足。復道而歸。爾時毗舍離城男女大小。聞世尊在閭婆婆婆利園中。與大比丘衆五百人俱。時城中有五百億童子。乘種種羽寶之車。其中或乘白車。白馬衣。蓋幢幡。侍從皆白。其中或乘赤車。赤馬衣。蓋幢幡。侍從皆赤。或乘青車。青馬衣。蓋幢幡。侍從皆青。或乘黃車。黃馬衣。蓋幢幡。侍從皆黃。威容嚴飭。如諸王法。出毗舍離城。往至世尊所未到之頃。

道逢彼女走打車牛馳向城內是時
諸童子問女曰汝是女人應當著屨
何以打牛走車馳向城內時女報曰
諸賢當知我明日請佛及比丘僧是
故走車耳童子報曰我亦欲飯佛及
比丘僧今與汝千兩純金可限明日
使我等飯時女報曰止止族姓子我
不聽許童子復報與汝二千兩三千
四千五千乃至百千兩金是非聽許
明日使我等飯佛及比丘僧女報言
我不聽許所以然者世尊恒說有二
希望世人不能捨離云何為二利望
命望誰能保我至明日者我以先請
如來今當辦具時諸童子各振其手
我等今許人不如女人也作是語已
各自別去時諸童子往至世尊所頭
面作禮在一面住今時世尊見童子
來告諸比丘汝等比丘觀諸童子威
容服飭如天帝釋出遊觀時等无差
別尔時世尊告童子曰世間有二事
最不可得云何為二有及復之人作
小恩常不忘况復大者是謂諸童子
有此二事最不可得童子當知念有

反復亦識使小恩不忘况復大者尔
時世尊便說此偈

知恩識反復恒念教授人 智者所敬侍
名聞天世人

如是諸童子當知作是學尔時世尊
具與諸童子說微妙法聞已各從坐
起頭面礼足便退而去是時女人即
其夜辦種種甘饌飲食數諸坐具清
旦便白時到今正是時唯願世尊臨
顧鄙舍尔時世尊著衣持鉢將諸比
丘前後圍遶往至毗舍離城到女舍
是時女見世尊坐定手自擎食上佛
及比丘僧飯佛及比丘僧已行清淨
水已更取小金鏤座在佛前坐尔時
女白世尊曰此閭婆婆利園用奉上
如來及比丘僧使當來過去現在眾
僧得止住中願世尊受此園尔時世
尊為彼女故便受此園世尊便說此
呪願

園果施清涼橋樑渡人民 近道作園廁
人民得休息晝夜獲安隱 其福不可計
諸法成成就死必生天上

尔時世尊說此記已即起而去尔時

女聞佛所說歡喜奉行

斷愛及師子無智少於財家貧須深女
迦旃法說女

增壹阿含經卷第十

癸卯歲高麗國大歲都監
勅彫造

增壹阿含經卷第十一

蘭

東晉劉宋三藏聖王僧伽提婆譯

善知識品第二十

聞如是一時佛在舍衛國祇樹給孤獨園。今時世尊告諸比丘。當親近善知識。莫習惡行。信於惡業。所以然者。諸比丘。親近善知識。已信便增益聞。施智慧。普悉增益。若比丘親近善知識。莫習惡行。所以然者。若近惡知識。便無信戒聞。施智慧。是故諸比丘。當親近善知識。莫近惡知識。如是諸比丘。當作是學。今時諸比丘。聞佛所說。歡喜奉行。

聞如是一時佛在羅閱城迦羅陀竹園。所與大比丘五百人俱。前後圍遶。帝為說法。今時提婆達兜將五百比丘。去如來不遠。而經過世尊遙見。提婆達兜自將門徒。便說此偈。

莫親惡知識。亦莫愚從事。當近善知識。人中。最勝者。人本無有惡。習近惡知識。後必種惡根。永在閻冥中。

是時提婆達兜。五百弟子。聞世尊說。

此偈已便來至世尊所頭面禮足在
一面坐斯須退坐向世尊悔過我等
慙惑無所識知唯願世尊受我等懺
悔今時世尊受彼五百比丘懺悔便
與說法令得信根今時五百比丘在
閑靜之處思惟深法所以然者族姓
子出家學道以信堅固修無上梵行
今時彼五百比丘便成阿羅漢生死
已盡所作已辦梵行已立更不復受
胎有如實知之今時五百人成阿羅
漢諸比丘聞佛所說歡喜奉行
聞如是一時佛在舍衛國祇樹給孤
獨園今時世尊與無央數之衆圍遶
說法是時曇摩留支在靜室中獨自
思惟入禪三昧觀見前身在大海中
作魚身長七百由旬即從靜室起猶
如力士屈申臂須便往至大海中故
死屍上而經行今時曇摩留支便說
此偈

生死元數劫流轉不可計各各求所安
數數受苦惱設復見身已意欲造舍宅
一切支節壞形體不得全心已離諸行
愛著永無餘更不受此形長樂涅槃中

今時尊者曇摩留支說此偈已即從彼沒來至舍衛祇洹精舍往至世尊所今時世尊見曇摩留支來作是告曰善哉曇摩留支久來此間曇摩留支白世尊曰如是世尊久來此間今時上坐及諸比丘各生斯念此曇摩留支恒在世尊左右然今世尊告曰善哉曇摩留支久來此間今時世尊知諸比丘心中所念欲斷狐疑故便告諸比丘非為曇摩留支久來此間故我言此義所以然者昔者過去無數劫時有定光如來至真等正覺明行成為善逝世間解無上士道法御天人師為佛衆祐出現於世治在鉢摩大國與大比丘衆十四萬八千人俱今時四部之衆不可稱計國王臣吏人民之類皆來供養給其所須今時有梵志名耶若達在雪山側住看諸秘識天文地理靡不貫博書疏文字亦悉了知諷誦一句五百言大人之相亦復了知事諸火神日月星宿教五百弟子宿夜不倦耶若達梵志有弟子名曰雲雷顏貌端政世之希

有嚴紺青色雲雷梵志聰明博見靡
事不通恒為耶若達所見愛敬不去
須臾是時婆羅門所行呪術盡皆備
舉今時雲雷梵志便作是念我今所
應學者悉皆備已然後自念書籍所
載諸有學梵志行術過者當報師恩
又我今日所應學者皆復知之我今
且可報於師恩然後分其遺空无所有可
用供養師者宜當往詣國界求所須
者今時雲雷梵志便往至師所而白
師曰梵志所學技術之法今悉知已
然復書籍所載諸有學術過者當報
師恩然後貧乏无有金銀珍寶可用
供養者今欲詣國界求索財物用供
養師今時耶若達婆羅門便作是念
此雲雷梵志我之所愛不去心首設
吾死者尚不能別離何況今日欲捨
吾去我今當作何方宜使留得住耶
是時耶若達梵志即告雲雷曰汝梵
志今故有婆羅門所應學者卿尚不
知是時雲雷梵志便前白師唯願見
教何者未誦是時耶若達梵志便思
惟造五百言誦告雲雷曰今有此書

名五百言誦汝可受之雲雷自言願
師見授欲得諷誦比丘當知今時耶
若達便授弟子此五百言誦未逕幾
日悉皆流利是時耶若達婆羅門告
五百弟子曰此雲雷梵志技術悉備
無事不通即以立名名曰超術此起
術梵志極為高才天文地理靡不觀
博書疏文字亦悉了知今時超術梵
志復經數日復白師曰梵志所學技
術之法今悉知已然復書籍所載諸
有學術過者當報師恩加復貧乏無
有金銀珍寶可用供養師者今欲詣
國界求索財物用供養師唯願聽許
今時耶若達梵志告曰汝知是時超
術梵志前札師足便退而去今時鉢
摩大國去城不遠有衆梵志普集一
處欲共大祠亦欲講論時有八万四
千梵志共集第一上坐亦復諷誦外
道書疏莫不練知天文地理星宿變
恠皆悉了知各欲散時便以五百兩
金及金杖一枚金澡罐一枚牛千頭
用奉上師與第一上坐今時超術梵
志聞去鉢摩大國不遠有諸梵志八

萬四千集在一處其有試術過者便與五百兩金及金杖一枚金澡罐一枚大牛千頭是時起術梵志自念我今何故家家乞求不如詣彼大眾共誦技術是時起術梵志便往至大眾所尔時衆多梵志遙見起術梵志各各高聲喚曰善哉祠主今獲大利乃使梵天躬自下降時八万四千諸梵志等各起共迎異口同音而作是語善來大梵神天時起術梵志便生此念此諸梵志謂呼吾是梵天然復吾亦非梵天是時起術梵志語諸婆羅門曰止止諸賢勿呼吾是梵天也汝等豈不聞乎雪山北有大梵志衆師名耶若達天文地理靡不貫練諸梵志曰吾等聞之但不見耳起術梵志曰我是其弟子名曰起術是時起術梵志便向彼衆第一上坐而告之曰設知技術者向吾說之尔時彼衆第一上坐即向起術梵志誦三藏技術無有漏失時起術婆羅門復語彼上坐曰一句五百言今可說之是時彼上坐曰我不解此義何等是一句五

百言者時超術梵志告曰諸賢默然
聽說一句五百言大人之相比丘當
知尔時超術梵志便誦三截之術及
一句五百言大人之相尔時八万四
千梵志數未曾有其甚奇甚特我等初
不聞一句五百言大人之相今尊者
宜在上頭第一上坐尔時超術梵志
移彼上坐已便在第一上頭坐尔時
彼衆上坐極懷瞋恚發此誓願今此
人移我坐處自補其處我今所誦經
籍持戒苦行設當有福者盡持用作
擔此人所生之處所欲作事我恒當
壞敗其功是時彼施之主即出五百
兩金及金杖一枚金澡罐一枚牛千
頭好女一人持用與上坐使咒願尔
時上坐告主人曰我今受此五百兩
金及金杖金澡罐當用供養師此女
人及牛千頭還施主人所以然者吾
不習欲亦不積財是時超術梵志受
此金杖澡罐已便往詣鉢摩大國其
王名曰光明時彼國王請定光如來
及比丘衆衣食供養時彼國王告令
城内其有人民有香華盡不得賣若

有賣者當重罰之吾自出買不須轉
賣復勅人民掃灑令淨勿使有土沙
穢惡懸繒幡蓋香汁塗地作倡妓樂
不可攝計余時彼梵志見已便問行
道人曰今是何日掃灑道路除治不
淨懸繒幡蓋不可攝計將非國主太
子有所妨娶彼行道入報曰梵志不
知耶鉢摩大國王今請定光如來至
真等正覺衣食供養故平治道路懸
繒幡蓋耳然梵志秘記亦有此語如
來出世甚難得遇時時乃出實不可
見猶如優曇鉢華時時乃出此亦如
是如來出現於世甚不可值又梵志
書亦有語有二人出世甚難得值云
何二人如來及轉輪聖王此二人出
現甚難得值余時彼復作是念我今
可急速報佛恩今且以此五百兩金
奉上定光如來復作是念書記所載
如來不受金銀珍寶我可持此五百兩
金用買華香散如來上是時梵志即
入城內求買華香余時城中行人報
曰梵志不知耶國王有教令其有香
華賣者當重罰之時彼起術梵志

便作是念是我薄祐求華不獲將知如何便還出城在門外立尔時有婆羅門女名曰善味持水瓶行取水手執五枚華梵志見已語彼女人曰大妹我今須華願妹見賣與我梵志女曰我何時是汝妹為識我父母不時起術梵志復生此念此女人性行寬博意在戲笑即復語言賢女我當與價是非見惠此華梵志女曰豈不聞大王有嚴教不得賣華乎梵志曰賢女此事無苦王不奈汝何我今急須此五枚華我得此華汝得貴價梵志女曰汝急須華欲作何等梵志報曰我今見有良地欲種此華梵志女曰此華以離其根終不可生云何方言我欲種之梵志報曰如我今日所見良田種死灰尚生何況此華梵志女曰何者是良田種死灰乃生乎梵志報曰賢女有定光佛如來至真等正覺出現於世梵志女曰定光如來為何等類梵志即報彼女曰定光如來者有如是之德有如是之戒成諸功德梵志女曰設有功德者欲求何等

福梵志報曰願我後生當如定光如
來至真等正覺禁戒功德亦當如是
梵志女曰設汝許我世世作夫婦我
便與汝華梵志曰我今所行意不著
欲梵志女曰如我今身不求為汝作
妻使我將來世與汝作妻超術梵志
曰菩薩所行無有愛惜設與我作妻
者必壞我心梵志女曰我終不壞汝
施意正使持我身施與人者終不壞
施心是時便持五百金錢用買五枚
華與彼女人共作誓願各自別去是
時定光如來至真等正覺時到著衣
持鉢與比丘僧前後圍繞入鉢摩大
國時超術梵志遙見定光如來顏貌
端政見莫不歡諸根寂靜行不錯亂
有三十二相八十種好猶如澄水無
有穢濁光明徹照无所罣碍亦如寶
山出諸山上見已便發歡喜心於如
來所持此五莖華至定光如來所到
已在一面住時超術梵志白定光佛
言願見採受設世尊今不授決者便
當於此處斷其命根不願此生今時
世尊告曰梵志不可以此五莖華授

無上等正覺梵志白言願世尊與我
說菩薩所行法定光佛告曰菩薩所
行無所愛惜今時梵志便說偈言
不敢以父母持施與外人諸佛真人長
亦復不敢施日月周行世此二不可施
餘者盡可施意決無有難

今時定光佛復以此偈報梵志曰
如汝所說施亦不如來言當忍億劫苦
施頭身耳目妻子國財寶車馬僕從人
設能堪與者今當授汝決

今時摩訶復說此偈
大山熾如火億劫堪頂戴不能壞道意
唯願時授決

今時定光如來默然不語時彼梵志
手執五莖華右膝著地敬定光如來
並作是說持是福祐使將來世當如
定光如來至真等正覺而無有異即
自散髮在于淤泥若如來授我決者
便當以足蹈我髮上過比丘當知今
時定光如來觀察梵志心中所念便
告梵志曰汝將來世當作釋迦文佛
如來至真等正覺時起術梵志有同
學名曇摩留支在如來邊見定光佛

授超術梵志決又足蹈髮上見已便
作是說此禿頭沙門何忍乃舉足蹈
此清淨梵志髮上此非人行佛告諸
比丘今時耶若達梵志者豈異人乎
莫作是觀所以然者今時耶若達者
今白淨王是今時八万四千梵志上
坐者今提婆達兜身是也時超術梵
志者即我身是也是時梵志女賣華
者今瞿夷是也今時祠主者今執杖
梵志是也今時曇摩留支口所造行
吐不善響今曇摩留支是也然復曇
摩留支無數劫中恒作畜生取後受
身在大海作魚身長七百由旬從彼
命終來生此間與善知識從事恒親
近在善知識習諸善法根門通利以
此因緣故我言久來此間曇摩留支
亦復自陳如是世尊久來此間是故
諸比丘常當修習身口意行如是諸
比丘當作是學今時諸比丘聞佛所
說歡喜奉行

聞如是一時佛在舍衛國祇樹給孤
獨園今時世尊告諸比丘我今當說
有人似師子者有似羊者汝等諦聽

善思念之諸比丘對曰如是世尊
時諸比丘從佛受教世尊告曰彼人
云何似師子者於是比丘或有人得
供養衣被飲食牀卧具病瘦醫藥彼
得已便自食噉不起染著之心亦無
有欲意不起諸想都无此念自知出
要之法設使不得利養不起乱念無
增減心猶師子王食噉小畜尔時彼
獸王亦不作是念此者好此者不好
不起染著之心亦無欲意不起諸想
此人亦復如是若得供養衣被飯食
牀卧具病瘦醫藥彼得已便自食噉
不起想著之意設使不得亦無諸念
猶如盲人受人供養衣被飯食牀卧
具病瘦醫藥得已便自食噉起染著
之心生愛欲意不知出要之道設使
不得恒生此想念彼人得供養已向
諸比丘而自貢高毀蔑他人我所能
得衣被飯食牀卧具病瘦醫藥此諸
比丘不能得之猶如大群羊中有一
羊出群已詣大糞聚此羊飽食屎已
還至羊群中便自貢高我能得好食
此諸羊不能得食此亦如是若有一

人得利養衣被牀卧具病瘦醫藥起
諸亂想生染著心便向諸比丘而自
貢高我能得供養此諸比丘不能得
供養是故諸比丘當學如師子王莫
如羊也如是諸比丘當作是學今時
諸比丘聞佛所說歡喜奉行

聞如是一時佛在舍衛國祇樹給孤
獨園今時世尊告諸比丘若有衆生
知反復者此人可敬小恩尚不忘何
况大恩設使離此間千由旬百千由
旬故不為遠猶近我不異所以然者
比丘當知我恒歎譽知返復者諸有
衆生不知反復者大恩尚不憶何況
小者彼非近我我不近彼正使著僧
伽梨在吾左右此人猶遠所以然者
我恒不說無反復者是故諸比丘當
念反復莫學無反復如是諸比丘當
作是學今時諸比丘聞佛所說歡喜
奉行

聞如是一時佛在舍衛國祇樹給孤
獨園今時世尊告諸比丘若有人懈
惰種不善行於事有損若能不懈惰
精進者此者最妙於諸善法便有增

益所以然者弥勒菩薩經三十劫應當作佛至真等正覺我以精進力勇猛之心使弥勒在後過去恒沙多薩阿竭阿羅訶三耶三佛皆由勇猛而得成佛以此方便當知懈怠為苦作諸惡行於事有損若能精進勇猛心強諸善功德便有增益是故諸比丘當念精進勿有懈怠如是諸比丘當作是學余時諸比丘聞佛所說歡喜奉行

聞如是一時佛在舍衛國祇樹給孤獨園余時世尊告諸比丘阿練比丘當修行二法云何二法所謂止與觀也若阿練比丘得休息止則戒律成就就不失威儀不犯禁行作諸功德若復阿練比丘得觀已便觀此苦如實知之觀苦習觀苦盡觀苦出要如實知之彼如是觀已欲漏心解脫有漏心无明漏心得解脫便得解脫智生死已盡梵行已立所作已辦更亦不復受有如實知之過去諸多薩阿竭阿羅訶三耶三佛皆由此二法而得成就所以然者猶如菩薩坐樹王下時

先思惟此法止與觀也若菩薩摩訶
薩得止已便能降伏魔怨若復菩薩
得觀已尋成三達智成无上至真等
正覺是故諸比丘阿練比丘當求方
便行此二法如是諸比丘當作是
學今時諸比丘聞佛所說歡喜奉行
聞如是一時佛在舍衛國祇樹給孤
獨園今時世尊告諸比丘若有阿練
比丘在閑靜處不在衆中恒當恭敬
發歡喜心若復阿練比丘在閑靜處
无有恭敬不發歡喜心正使在大衆
中為人所論不知阿練之法云此阿
練比丘無恭敬心不發歡喜復次比
丘阿練比丘在閑靜處不在衆中常
當精進莫有懈怠志當解了諸法之
要若復阿練比丘在閑靜之處有懈
慢心作諸惡行彼在衆中為人所論
此阿練比丘懈怠无有精進是故比
丘阿練比丘在閑靜處不在衆中常
當下意發歡喜心莫有懈怠无有恭
敬念行精進意不移轉於諸善法悉
當具足如是諸比丘當作是學今時
諸比丘聞佛所說歡喜奉行

聞如是一時佛在舍衛國祇樹給孤
獨園。今時世尊告諸比丘。有二人不
能善說法。語云。何為二人無信之人。
與說信法。此事甚難。慳貪之人。為說
施法。此亦甚難。若復比丘無信之人。
與說信法。便興瞋恚。起傷害心。猶如
狗惡。加復傷鼻。倍更瞋恚。諸比丘。此
亦如是。無信之人。與說信法。便起瞋
恚。生傷害心。若復比丘慳貪之人。與
說施法。便生瞋恚。起傷害心。猶如癰
瘡。未熟。復加刀割。痛不可忍。此亦如
是。慳貪之人。與說施法。倍復瞋恚。起
傷害心。是謂比丘。此二人難為說法。
復次比丘。有二人。易為說法。云何為
二。有信之人。與說信法。不慳貪。人與
說施法。若比丘有信之人。與說信法。
便得歡喜。意不變悔。猶如有病之人。
與說除病之藥。便得平復。此亦如是。
有信之人。與說信法。便得歡喜。心不
改變。若復无貪之人。與說施法。即得
歡喜。无有悔心。猶如有男女。端政自
喜。沐浴手面。復有人來。持好華。奉上
倍有顏色。復以好衣服。飭奉上其人。

彼人得已益懷歡喜此亦如是无慳
貪之人與說施法便得歡喜无有悔
心是謂比丘此二人易為說法是故
諸比丘當學有信亦當學布施莫有
慳貪如是諸比丘當作是學今時諸
比丘聞佛所說歡喜奉行

聞如是一時佛在舍衛國祇樹給孤
獨園尔時世尊告諸比丘有二法與
凡夫人得大功德成大果報得甘露
味至無為處云何為二法供養父母
是謂二人獲大功德成大果報若復
供養一生補處菩薩獲大功德得大
果報是謂比丘施此二人獲大功德
受大果報得甘露味至無為處是故
諸比丘常念孝順供養父母如是諸
比丘當作是學尔時諸比丘聞佛所
說歡喜奉行

聞如是一時佛在舍衛國祇樹給孤
獨園尔時世尊告諸比丘教二人作
善不可得報恩云何為二所謂父母
也若復比丘有人以父著左肩上以
母著右肩上至千萬歲不被飯食牀
蓐卧具病瘦醫藥即於肩上放於屎

溺猶不能得報恩比丘當知父母恩
重抱之育之隨時將護不失時節得
見日月以此方便知此恩難報是故
諸比丘當供養父母常當孝順不失
時節如是諸比丘當作是學今時諸
比丘聞佛所說歡喜奉行

聞如是一時佛在舍衛國祇樹給孤
獨園今時尊者睒特告弟朱利睒特
曰若不能持戒者還作白衣是時朱
利睒特聞此語已便詣祇洹精舍門
外立而墮淚今時世尊以天眼清淨
觀是朱利睒特比丘在門外立而悲
泣不能自勝時世尊從靜室起如似
經行至祇洹精舍門外告朱利睒特
曰比丘何故在此悲泣朱利睒特報
曰世尊兄見驅逐若不能持戒者還
作白衣不須住此是故悲泣耳世尊
告曰比丘勿懷畏怖我成無上等正
覺不由卿兄睒特得道今時世尊手
執朱利睒特詣靜室教使就坐世尊
復教使執掃摴汝誦此字為字何等
是時朱利睒特誦得掃復忘摴若誦得
掃復忘掃今時尊者朱利睒特誦此掃

搗乃經數日然此掃搗復名除垢朱
利脬特復作是念何者是除何者是
垢垢者灰土瓦石除者清淨也復作
是念世尊何故以此教悔我我今當
思惟此義以思惟此義復作是念今
我身上亦有塵垢我自作喻何者是
除何者是垢彼復作是念縛結是垢
智慧是除我今可以智慧之搗掃此
結縛尔時尊者朱利脬特思惟五盛
陰成者敗者所謂此色色習色滅是
謂痛想行識成者敗者尔時思惟此
五盛陰已欲漏心得解脫有漏心無
明漏心得解脫已得解脫便得解脫
智生死已盡梵行已立所作已辦更
不復受胎有如實知之尊者朱利脬
特便成阿羅漢已成阿羅漢即從坐
起詣世尊頭面礼足在一面坐白
世尊曰今已有智今已有慧今已解
掃搗世尊告曰比丘云何解之朱利
脬特報曰除者謂之慧垢者謂之結
世尊告曰善哉比丘如汝所言除者
是慧垢者是結尔時尊者朱利脬特
向世尊而說此偈

今誦此已足始尊之所說智慧能除結不由其餘行

世尊告曰比丘如汝所言以智慧非由其餘余時尊者聞世尊所說歡喜奉行

聞如是一時佛在舍衛國祇樹給孤獨園余時世尊告諸比丘有此二法不可敬待亦不足愛著世人所捐棄亦不足愛著世人所捐棄思愛別離不可敬待亦不足愛著世人所捐棄是謂比丘有此二法世人所不喜不可敬待比丘復有二法世人所不棄云何為二法怨憎別離世人之所喜思愛集一處甚可愛敬世人之所喜是謂比丘有此二法世人所喜我今說此怨憎共會思愛別離復說怨憎別離思愛共會有何義有何緣比丘報曰世尊諸法之王唯願世尊與我等說諸比丘聞已當共奉行世尊告曰諦聽善思念之吾當為汝分別說之諸比丘此二法由愛興由愛生由愛成由愛起當學除其愛不令使生如是諸比丘

增壹阿舍經卷第十二 第五十五 蘭

當作是學念時諸比丘聞佛所說歡

喜奉行

增壹阿舍經卷第十二

癸卯歲高麗國大藏都監奉
勅彫造

增壹阿含經卷第十二

東晉謝靈運藏曜寺僧伽提婆譯

三寶品第二十

聞如是一時佛在舍衛國祇樹給孤獨園。尔時世尊告諸比丘：有三自歸之德。云何為三？所謂歸佛、第一之德、歸法、第二之德、歸僧、第三之德。彼云：何名為歸佛之德？諸有衆生，二足、四足、衆多足者，有色、無色、有想、無想，至是維先天上如來於中寂尊，寂上無能及者，由牛得乳，由乳得酪，由酪得酥，由酥得醍醐，然後醍醐於中寂尊，寂上無能及者，此亦如是。諸有衆生，二足、四足、衆多足者，有色、無色、有想、無想，至是維先天上如來於中寂尊，寂上無能及者，諸有衆生承事佛者，是謂承事第一之德，以獲第一之德，便受天上人中之福。此名第一之德。云何名為自歸法者？所謂諸法有漏、無漏，有為、無為，无欲、無染、滅盡、涅槃，然涅槃法於諸法中寂尊，寂上无能及者，由牛得乳，由乳得酪，由酪得酥，由

酥得醍醐然復醍醐於中取尊取上無能及者此亦如是所謂諸法有漏无漏有為無為无欲無染滅盡涅槃然涅槃法於諸法中取尊取上无能及者諸有衆生承事法者是謂承事第一之德以獲第一之德便受天上人中之福此名第一之德云何名為自歸聖衆所謂聖衆者大衆大聚有形之類衆生之中如來衆僧於此衆中取尊取上無能及者由牛得乳由乳得酪由酪得酥由酥得醍醐然復醍醐於中取尊取上無能及者此亦如是所謂聖衆者大衆大聚者有形之類衆生之中如來衆僧於此衆中取尊取上无能及者是謂承事第一之德以獲第一之德便受天上人中之福此名第一之德今時世尊便說此偈

第一承事佛取尊无有上次復承事法無欲无所著敬奉賢聖衆取是良福田
彼人第一智受福取在前若在天人中
處衆為正導亦得取妙座自然食甘露
身著上寶衣為人之所敬戒具取完全

諸根不缺漏亦獲智慧海漸至涅槃界
有此三^上品者趣道亦不難

余時諸比丘聞佛所說歡喜奉行
聞如是一時佛在舍衛國祇樹給孤
獨園余時世尊告諸比丘有此三福
之業云何為三施為福業平等為福
業思惟為福業彼云何名施為福業
若有一人開心布施沙門婆羅門極
貧窮者孤獨者无所趣向者須食與
食須漿給漿衣被飯食牀卧之具病
瘦醫藥香花宿止隨身所便無所愛
惜此名曰施福之業云何名平等為福
業若有一人不煞不盜恒知慙愧不
興惡想亦不盜竊好惠施人无貪恡
心語言和雅不傷人心亦不他淫自
修梵行已色自足亦不妄語恒念至
誠不欺誑言世人所敬無有增損亦
不飲酒恒知避亂復以慈心遍滿一
方二方三方四方亦余八方上下遍
滿其中无量無限不可限不可稱計
以此慈心普覆一切令得安隱復以
悲喜護心普滿一方二方三方四方
亦余八方上下悉滿其中无量無限

不可稱計以此悲喜護心悉滿其中
是謂名為平等為福之業彼法云何
名思惟為福業於是比丘修行念覺
意依无欲依無觀依滅盡依出要修
法覺意修念覺意修將覺意修定覺
意修護覺意依無欲依无觀依滅盡
依出要是謂名為思惟為福業如是比
丘有山三福之業尔時世尊便說此偈
布施及平等慈心護思惟有此三處所
智者所親近此間受其報天上亦復然
緣有此三處生天必不疑
是故諸比丘當求方便索此三處如
是諸比丘當作如是學尔時諸比丘
聞佛所說歡喜奉行

聞如是一時佛在舍衛國祇樹給孤
獨園尔時世尊告諸比丘有三因緣
識來受胎云何為三於是比丘母有
欲意父母共集一處與共止宿然復
外識未應來趣便不成胎若復欲識
來趣父母不集則非成胎若復母人
無欲父母共集一處尔時父欲意咸
母不大慈慤則非成胎若復父母集
在一處母欲熾盛父不大慈慤則非

成胎若復父母集在一處父有風病
母有冷病則不成胎若復父母集在
一處母有風病父有冷病則非成胎
若復有時父母集在一處父身水氣
偏多母無此患則非成胎若復有時
父母集在一處父相有子母相無子
則不成胎若有時父母集在一處母
相有子父相無子則不成胎若復有
時父母俱相无子則非成胎若復有
時識神趣胎父行不在則非成胎若
復有時父母應集一處然母遠行不
在則不成胎若復有時父母應集一
處然父身遇重患時識神來趣則非
成胎若復有時父母應集一處識神
來趣然母身得重患則非成胎若復
有時父母應集一處識神來趣然復
父母身俱得疾病則非成胎若復比
丘父母集在一處父母無患識神來
趣然復父母俱相有兒此則成胎是
謂有此三因緣而來受胎是故比丘
當求方便斷三因緣如是諸比丘當
作是學念時諸比丘聞佛所說歡喜
奉行

聞如是一時佛在舍衛國祇樹給孤獨園。今時世尊告諸比丘。若有衆生欲起慈心。有篤信意。承受奉事父母兄弟宗族室家朋友。知識當安三處。令不移動。云何為三。當發歡喜於如來。所心不移動。彼如來至真等正覺。明行成為善逝。世閒解。無上士道法。御天人師。号佛世尊。復當發意於正法中。如來法者。善說无導。極為微妙。由此成果。如是智者當學。知之亦當發意於聖衆。所如來聖衆。悉皆和合。無有錯乱。法法成就。戒成就。三昧成就。智慧成就。解脫成就。解脫見慧成就。所謂聖衆者。四雙八輩。十二賢聖。此是如來聖衆。可敬可貴。此是世閒无上福田。諸有比丘。學此三處。則成大果報。如是諸比丘。當作是學。今時諸比丘。聞佛所說歡喜奉行。

聞如是一時佛在舍衛國祇樹給孤獨園。今時瞿波離比丘。至世尊所。頭面礼足。在一面坐。今時彼比丘白世尊曰。此舍利弗。目捷連。比丘所行甚惡。造諸惡行。世尊告曰。勿作是語。汝

發歡喜心於如來所舍利弗目犍連
比丘所行純善无有諸惡是時瞿波
離比丘每三白世尊曰如來所說誠
無虛妄然舍利弗目犍連比丘所行
甚惡無有善本世尊告曰汝是愚人
不信如來之所說乎方言舍利弗目
犍連比丘所行甚惡汝今造此惡行
後受報不久尔時彼比丘即於坐上
身生惡瘡大如芥子轉如大豆漸如
阿摩勒果稍如胡桃遂如合掌膿而
流逸身壞命終生蓮華地獄中是時
尊者大目犍連聞瞿波離命終便至
世尊所頭面礼足在一面坐斯須退
坐白世尊曰瞿波離比丘為生何處
世尊告曰彼命終者生蓮華地獄中
是時目犍連白世尊曰我今欲往至彼
地獄教化彼人尔時世尊亦默然
往彼目犍連復重白世尊曰欲往至彼
地獄中教化彼人尔時世尊亦默然
不對是時尊者大目犍連如力士屈
申臂頃從舍衛沒不現便至蓮華大
地獄中當尔時瞿波離比丘身體火
然又有百頭牛以犁其舌尔時尊者

大目犍連在虛空中結跏趺坐彈指
告彼比丘彼比丘即仰問曰汝是何
人目犍連報曰瞿波離我是釋迦文佛
弟子字目犍連姓拘利陀是時比丘
見目連已吐此惡言我今墮此惡趣
猶不免汝前乎說此語訖即其時以
有千頭牛以犁其舌目連見已倍增
愁悵生變悔心即於彼沒還至舍衛
國至世尊所頭面禮足在一面住
時目連以此因緣具白世尊世尊告
曰我前語汝不須至彼見此惡人
時世尊便說此偈

夫士之生 舌在口中

所以斬身

由其惡言

彼息我息

此二俱善

已造惡行

斯墮惡趣

此為最惡

有盡無盡

向如來惡

此者最重

壹萬三千

六壹灰獄

謗聖墮彼

身口所造

今時世尊告諸比丘當學三法成就
其行云何為三身行善口行善意行
善如是比丘當作是學今時諸比丘
聞佛所說歡喜奉行

聞如是一時佛在舍衛國祇樹給孤

獨園介時世尊告諸比丘若有比丘
成就三法於現法中善得快樂勇猛
精進得盡有漏云何為三於是比丘
諸根寂靜飲食知節不失經行云何
比丘諸根寂靜於是比丘若眼見色
不起想著無有識念於眼根而得清
淨因彼求於解脫恒護眼根若耳聞
聲鼻嗅香舌知味身知細滑意知法
不起想著無有識念於意根而得清
淨因彼求於解脫恒護意根如是比
丘諸根寂靜云何比丘飲食知節於
是比丘思惟飲食所從來處不求肥
白趣欲支形得全四大我今當除故
痛使新者不生令身有力得修行道
使梵行不絕猶如男女身生惡瘡或
用脂膏塗瘡所以塗瘡者欲使時愈
故此亦如是諸比丘飲食知節於是
比丘思惟飲食所從來處不求肥白
趣欲支形得全四大我今當除故痛
使新者不生令身有力得修行道使
梵行不絕猶如重載之車所以膏潤
者欲致重有所至比丘亦如是飲食
知節思惟所從來處不求肥白趣欲

支形得全四大我今當除故痛使新
者不生令身有力得修行道使梵行
不絕如是比丘飲食知節云何比丘
不失經行於是比丘前夜後夜恒念
經行不失時節常念繫意在道品之
中若在晝日若行者坐思惟妙法除去
陰蓋復於初夜若行者坐思惟妙法除
去陰蓋復於中夜右脇卧思惟繫意
在明彼復於後夜起行思惟深法除
去陰蓋如是比丘不失經行若有比
丘諸根寂靜飲食知節不失經行常
念繫意在道品之中此比丘便成二
果於現法中得阿耨舍猶如善御之
士在平正道中御四馬之車無有凝
滯所欲到處必果不疑此比丘亦復
如是若諸根寂靜飲食知節不失經
行常念繫意在道品之中此比丘便
成二果於現法中漏盡得阿耨舍尔
時諸比丘聞佛所說歡喜奉行
聞如是一時佛在舍衛國祇樹給孤
獨園尔時世尊告諸比丘有三大患
云何為三所謂風為大患痰為大患
冷為大患是謂比丘有山三大患然

復此三大患有三良藥云何為三若
風患者酥為良藥及酥所作飯食若
痰患者蜜為良藥及蜜所作飯食若
冷患者油為良藥及油所作飯食是
謂比丘此三大患有此三藥如是比
丘亦有此三大患云何為三所謂貪
欲瞋恚愚癡是謂比丘有此三大患
然復此三大患有三良藥云何為三
若貪欲起時以不淨往治及思惟不
淨道瞋恚大患者以慈心往治及思
惟慈心道愚癡大患者以智慧往治
及因緣所起道是謂比丘此三患有
此三藥是故比丘當求方便索此三
藥如是比丘當作是學今時諸比丘
聞佛所說歡喜奉行

聞如是一時佛在舍衛國祇樹給孤
獨園今時世尊告諸比丘有三惡行
云何為三所謂身惡行口惡行意惡
行是謂比丘有三惡行當求方便修
三善行云何為三身惡行者當修身
善行口惡行者當修口善行意惡行
者當修意善行今時世尊便說此偈
當護身惡行修習身善行念捨身惡行

當學身善行當護口惡行修習口善行
念捨口惡行當學口善行當護意惡行
修習意善行念捨意惡行當學意善行
身行為善哉口行亦復然意行為善哉
一切亦如是護口意清淨身不為惡行
淨此三行跡至仙無為處

如是諸比丘當捨三惡行修三善行
如是比丘當作如是學今時諸比丘
聞佛所說歡喜奉行

聞如是一時佛在舍衛國祇樹給孤
獨園介時有衆多比丘到時著衣持
鉢入城乞食是時衆多比丘便生此
念我等入城乞食日時猶早今可相
率至外道梵志所介時衆多比丘便
往至異學梵志所到已共相問訊在
一面坐是時梵志問沙門曰瞿曇道
士恒說欲論色論痛論想論如此諸
論有何差別我等所論亦是沙門所
說沙門所說亦是我等所論說法同
我說法教誨同我教誨是時衆多比
丘聞彼語已亦不言善復非言惡即
從坐起而去並作是念我等當以此
義往問世尊介時衆多比丘食後便

至世尊所到已頭面礼足右一面坐
是時衆多比丘從梵志所問事因緣
本末盡白世尊今時世尊告諸比丘
設彼梵志作是問者汝等當以此義
酬彼來問欲有何味復有何過當捨
離欲色有何味復有何過當捨離色
痛有何味復有何過當捨離痛汝等
設以此語酬彼來問者彼諸梵志默
然不對設有有所說者亦不能解此深
義遂增愚惑墮於邊際所以然者非
彼境界然復比丘魔及魔天釋梵四
天王沙門婆羅門人及非人能解此
深義者除如来等正覺及如来聖衆
受吾教者此即不論欲有何味所謂
五欲者是云何為五眼見色為起眼
識甚愛敬念世人所喜若耳聞聲鼻
嗅香舌知味身知細滑甚愛敬念世
人所喜若復於此五欲之中起苦樂
心是謂欲味云何欲有何過者若有
一族姓子學諸伎術而自營已或學
田作或學書疏或學傭作或學算數
或學搆詐或學剋鏤或學通信至彼
來此或學承事王身不避寒暑記累

慙苦不自由已作此辛苦而獲財業
是為欲為大過現世苦惱由此恩受
皆由貪欲然復彼族姓子作此慙勞
不獲財寶彼便懷愁憂苦惱不可稱
記便自思惟我作此功勞施諸方計
不得財貨如此之比者當念捨離是
為當捨離欲復次彼族姓子或時作
此方計而獲財貨以獲財貨廣施方
宜恒自憚護恐王勅奪為賊偷竊為
水所漂為火所燒復作是念正欲藏
害恐後云失正欲出利復恐不剋或
家生惡子費散吾財是為欲為大患
皆緣欲本致此災變復次族姓子恒
生此心欲憚護財貨後猶復為國王
所奪為賊所劫為水所漂為火所燒
所藏害者亦復不剋正使出利亦復
不獲居家生惡子費散財貨萬不獲
一便懷愁憂苦惱推曾嘆呼我本所
得財貨今盡悉失遂成愚惑心意錯
亂是謂欲為大患緣此欲本不至無
為復次緣此欲本著鎧執仗共相攻
伐以相攻伐或在為衆前或在馬衆
前或在步兵前或在車衆前見馬共

馬闔見爲共爲闔見車共車闔見步
兵共步兵闔或相斫射以稍相斫刺
如此之比欲爲大患緣欲爲卒致此
突變復次緣此欲本著鎧執仗或在
城門或在城上共相斫射或以稍刺
或以鐵輪而轢其頭或消鐵相灑受
此苦惱死者衆多復次欲者亦無有
常皆代謝變易不停不解此欲變易
无常者此謂欲爲大患云何當捨離
欲若能修行除貪欲者是謂捨欲謂
諸有沙門婆羅門不知欲之大患亦復
不知捨欲之原如實不知沙門沙門
威儀不知婆羅門婆羅門威儀此非
沙門婆羅門亦復不能舉身作證而
自遊戲謂諸沙門婆羅門審知欲爲
大患能捨離欲如實不虛知沙門有
沙門威儀知婆羅門有婆羅門威儀
已身作證而自遊戲是爲捨離於欲
云何色味設有見剎利女種婆羅門
女種長者女種年十四五十六不
長不短不肥不瘦不白不黑端正無
雙世之希有故家初見彼顏色起喜
樂想是謂色味云何爲色大患復次

若後見彼女人年八十九十乃至百

歲顏色變異年過少壯牙齒缺落頭

髮皓白身體垢壞皮緩面皺脊偻呻

吟身如故車形體戰掉扶杖而行云

何比丘初見妙色後復變易豈非是

大患乎諸比丘對曰如是世尊世尊

告諸比丘是謂色為大患復次此若

見彼女人身抱重患卧於床褥失大

小便不能起止云何比丘本見妙色

今致此患豈非大患乎諸比丘對曰

如是世尊世尊告曰諸比丘是謂色

為大患復次比丘若見彼女人身壞

命終將詣莊闍云何比丘本見妙色

今以變敗於中見起苦樂想豈非大

患乎諸比丘對曰如是世尊世尊告

曰是謂色為大患復次若見彼女人

死經一日二日三日四日五日乃至

七日身體腫脹爛鼻散落一處云何

比丘本有妙色今致此變豈非大患

乎諸比丘對曰如是世尊世尊告曰

是謂色為大患復次若見彼女人為

鵲鴝鷄來食瞰或為狐狗狼羆所

見食瞰或為蝮蛇毒蟲動掘細蠕虫而

見食噉云何比丘彼本有妙色今致此變於中起苦樂想豈非大患乎諸比丘對曰如是世尊世尊告曰是謂色為大患復次若見彼女人身五鳥以食其半腸胃空血汙穢不淨云何比丘彼本有妙色今致此變於中起苦樂想此非大患乎諸比丘對曰如是世尊世尊告曰是謂色為大患復次若見彼女人身五空以連去何比丘彼本有妙色今致此變於中起苦樂想此豈非大患乎諸比丘對曰如是世尊世尊告曰是謂色為大患復次若見彼女人身五空以盡唯有筋經束新云何比丘本有妙色今致此變於中起苦樂想此非大患乎諸比丘對曰如是世尊世尊告曰是謂色為大患復次若復見彼女人身骸骨散落各在一處或腳骨一處或膊骨一處或胫骨一處或腕骨一處或肋一處或肩臂骨一處或頸骨一處或髑髏一處云何諸比丘本有妙色今致此變於中起苦樂想此豈非大患乎諸比丘對曰如是世

尊世尊告曰是謂色為大患復次若見彼女人身骨皓白色或似鵠色云何比丘本有妙色今致此變於中起苦樂想豈非大患乎諸比丘對曰如是世尊世尊告曰是謂色為大患復次若見彼女人骸骨經無數歲或有腐爛壞敗與土同色云何比丘彼本有妙色今致此變於中起苦樂想豈非大患乎諸比丘對曰如是世尊世尊告曰是謂色為大患復次此色無常變易不得久停無有老幼是謂色為大患云何色為出要若能捨離於色除諸亂想是謂捨離於色謂諸沙門婆羅門於色著色不知大患亦不捨離如實而不知此非沙門婆羅門於沙門不知沙門威儀於婆羅門不知婆羅門威儀不能已身作證而自遊戲謂諸有沙門婆羅門於色不著色深知為大患能知捨離是謂於沙門知沙門威儀於婆羅門知婆羅門威儀已身作證而自遊戲是謂捨離於色云何為名痛味於是比丘得樂痛時便知我得樂痛得苦痛時便知我

得苦痛若得不苦不樂痛時便知我
得不苦不樂痛若得食樂痛時便知我
得食樂痛若得食苦痛時便知我得食
苦痛若得食不苦不樂痛時便知我得
不苦不樂痛不食苦痛時便自知我
不食苦痛若不食樂痛時便自知我
不食樂痛若不食不苦不樂痛時便
自知我不食不苦不樂痛復次比丘
若得樂痛今時不得苦痛亦復无不
苦不樂痛今時我唯有樂痛若得苦
痛時今時無有樂痛亦無不苦不樂
痛唯有苦痛若復比丘得不苦不樂
痛時今時无有樂痛苦痛唯有不苦
不樂痛復次痛者無常變易之法以
知痛无常變易法者是謂痛為大患
云何痛為出要若能於痛捨離於痛
除諸亂想是謂捨離於痛諸有沙門
婆羅門於痛著痛不知大患亦不捨
離如實而不知此非沙門婆羅門於
沙門不知沙門威儀於婆羅門不知
婆羅門威儀不能以身作證而自遊
戲諸有沙門婆羅門於痛不著痛深
知為大患能知捨離是謂於沙門知

沙門威儀於婆羅門知婆羅門威儀
以身作證而自遊戲是謂捨離於痛
復次比丘若有沙門婆羅門不知苦
痛樂痛不苦不樂痛如實而不知復
教化人使行者此非其宜若有沙門
婆羅門能捨離痛如實而知復勸教
人使遠離之此正其宜是謂捨離於痛
我今比丘以說著欲味欲欲為大患復
能捨者亦說著色味色色為大患能
捨離色以說著痛味痛痛為大患能
捨離痛諸如來所應行者所謂施設
者我今周訖常當念在樹下空閑之
處坐禪思惟莫有懈怠是謂我之教
勅尔時諸比丘聞佛所說歡喜奉行
聞如是一時佛在舍衛國祇樹給孤
獨園尔時世尊告諸比丘有三不牢
要云何為三身不牢要命不牢要財
不牢要是謂比丘有此三不牢要於
此比丘三不牢要中當求方便成三
牢要云何為三不牢要身求於牢要
不牢要命求於牢要不牢要財求於
牢要云何不牢要身求於牢要所謂
讓敬禮拜隨時問訊是謂不牢要身

求於牢要云何不牢要命求於牢要
於是若有善男子善女人盡形壽不
煞生不加刀杖常知慚愧有慈悲心
普念一切衆生盡形壽不盜恒念惠
施心無怯相盡形壽不淫亦不他淫
盡形壽不妄語常念至誠不欺世人
盡形壽不飲酒意不錯亂持佛禁戒
是謂命不牢要求於牢要云何財不
牢要求於牢要若有善男子善女人
常念惠施與沙門婆羅門諸貧賤者
須食者與食須漿與漿衣被飲食牀
敷卧具病瘦醫藥舍宅城郭所須之
具悉皆與之如是財不牢要求於牢
要是謂比丘以此三不牢要求此三
牢要今時世尊便說此偈

知身不牢要命亦不牢固財貨衰耗法
當求牢要者人身甚難得命亦不久停
財貨磨滅法歡喜念惠施

今時諸比丘聞佛所說歡喜奉行
第一德福業三因三安瞿三衣病惡行
苦除不牢要

增壹阿含經三供養品第三十二

聞如是一時佛在舍衛國祇樹給孤

獨園尔時世尊告諸比丘有三人世人所應供養云何為三如來至真等正覺世人所應供養如來弟子漏盡阿羅漢世人所應供養轉輪聖王世人所應供養有何因緣如來世人所應供養乎夫如來者不伏者伏不降者降不度者度未得解脫者令得解脫未般涅槃者使成涅槃無救護者與作救護盲者與作眼目病者與作救護寂尊第一魔若魔天天及人民於中取尊福田可敬可貴與人作導令知正路未知道者與說導教以此因緣如來世人所應供養復有何因緣如來弟子漏盡阿羅漢世人所應供養乎比丘當知漏盡阿羅漢以度生死源更不復受有以得无上法淫怒癡盡永不得全是世福田以此因緣今末使漏盡阿羅漢世人所應供養復以何因緣轉輪聖王世人所應供養比丘當知轉輪聖王以法治化終不煞生復教化人使不煞生自不盜竊亦復教他人使不偷盜自不淫泆復教他人不行淫泆自不妄語亦

復教人使不妄語自不兩舌鬪亂彼
此亦復教他人使不兩舌自不嫉妬
患癡亦復教他人不習此法自行正
見復教他人使不邪見以此因緣以
此本末使轉輪聖王世人所應供養
今時諸比丘聞佛所說歡喜奉行

聞如是一時佛在舍衛國祇樹給孤
獨園今時世尊告阿難有三善根不
可窮盡漸至涅槃界云何為三所謂
於如來所而種功德此善根不可窮
盡於正法而種功德此善根不可窮
盡於聖衆而種功德此善根不可窮
盡是謂阿難此三善根不可窮盡得
至涅槃界是故阿難當求方便獲此
不可窮盡之福如是阿難當作是學
今時阿難聞佛所說歡喜奉行

聞如是一時佛在舍衛國祇樹給孤
獨園今時世尊告諸比丘有此三痛
云何為三所謂樂痛苦痛不苦不樂
痛諸比丘當知彼樂痛苦老欲愛使也
彼苦痛者瞋恚使也不苦不樂痛者
是癡使也是故諸比丘當學方便求
滅此使所以然者當自熾然當自修

行法得无比法諸比丘當知我滅度後其有比丘念自熾然修其行法得無比法此則是第一聲聞云何比丘當自熾然當自修行得修行法獲无比法於是比丘內自觀身外自觀身內外自觀身而自遊戲內觀痛外觀意內觀法外觀法而自遊戲如是比丘當自熾然盛修行其法得无比法諸比丘行此法者於聲聞中第一弟子如是比丘當作是學今時諸比丘聞佛所說歡喜奉行

聞如是一時佛在舍衛國祇樹給孤獨園今時世尊告諸比丘有三事覆則妙露則不妙云何為三一者女人則妙露則不妙二者邪見之業覆則妙露則不妙是謂比丘有此三事覆則妙露則不妙復有三事露則妙覆則不妙云何為三日月露則妙覆則不妙如來法語露則妙覆則不妙是謂比丘有此三事露則妙覆則不妙今時世尊便說此偈

女人及呪術邪見不善行此是世三法
愛怠而最妙日月廣所照如來正法語
此是三世法露則第一妙

是故諸比丘當露現如來法勿使覆
隱如是比丘當作是學尔時諸比丘
聞佛所說歡喜奉行

聞如是一時佛在舍衛國祇樹給孤
獨園尔時世尊告諸比丘此三有為
有為相云何為三知所從起知當遷
變知當滅盡彼云何知所從起所謂
生長大成五陰形得諸持入是謂所
從起彼云何為滅盡所謂死命過不
住無常諸陰散壞宗族別離命根斷
絕是謂為滅盡彼云何變易齒落髮
白氣力竭盡年遂衰微身體解散是
謂為變易法是为比丘三有為有為
相當知此三有為相善分別之如是
諸比丘當作是學尔時諸比丘聞佛
所說歡喜奉行

聞如是一時佛在舍衛國祇樹給孤
獨園尔時世尊告諸比丘愚人有三
相三法不可恃怙云何為三於是愚
者不可思惟而思惟之不可論說而

論說之不可行者而修習之云何愚者不可思惟而思念之於是愚者意三行便思憶之云何為三於是愚者起嫉心於他財物及於女色心念惡言恚興嫉心彼之所有願是我許如是愚者不可思惟而思惟之云何愚者不可論說而論說之於是愚者造口四過云何為四於是愚者恒喜妄言綺語惡口鬪亂彼此如是愚者造口四過云何愚者造於惡行於是愚者造身惡行常念煞生竊盜淫泆如是愚者造於惡行如是比丘愚者有此三行愚癡之人習此三事復次比丘智者有三事當念修行云何為三於是智者應思惟者便思惟之應論說者便論說之應行善者便修行善彼云何智者應思惟事便思惟之於是智者思惟意三行云何為三於是智者不嫉妬恚癡常行正見見他財貨不生想念如是智者應思惟者便思惟之云何智者應論說之於是智者成就口四行云何為四於是智者不行妄語亦不教人妄語見人妄語

者意不喜樂是謂智者而護其口復次智者不行綺語惡口鬪亂彼此亦不教人使行綺語惡口鬪亂如是智者成就口四行云何智者成就身三行於是智者思惟身行无所觸犯然後智者自不煞生亦不教人煞生見人煞者心不喜樂自不偷竊不教人盜見人盜者心不喜樂亦不淫泆見他女人色心不起想亦不教人使行淫泆設見老母視之如已親中者如姉小者如妹意無高下如是智者身成就三行是謂智者所行如是比丘有此三有為之相是故諸比丘愚者三相常當捨離此三智者所行不發斯須如是諸比丘當作是學今時諸比丘聞佛所說歡喜奉行

聞如是一時佛在舍衛國祇樹給孤獨園今時世尊告諸比丘有此三法不可覺知不見不聞經歷生死未曾瞻觀我及今等曾不見聞云何為三所謂賢聖戒不可覺知不見不聞經歷生死未曾瞻觀我及今等曾不見聞賢聖三昧賢聖智慧不可覺知不見不聞

如今我身并及汝等皆悉覺知賢聖禁
戒賢聖三昧賢聖智慧皆悉成就不
復受有已斷生死根原是故諸比丘當
念修行此三法如是諸比丘當作是
學尔時諸比丘聞佛所說歡喜奉行
聞如是一時佛在舍衛國祇樹給孤
獨園尔時世尊告諸比丘有三法甚
可敬愛世人所貪云何為三所謂少
壯甚可愛敬世人所貪無病甚可愛
敬世人所貪壽命甚可愛敬世人所
貪是謂比丘有此三法甚可愛敬世
人所貪復次比丘雖有此三法甚可
愛敬世人所貪然更有三法不可愛
敬世人所不貪云何為三雖有少壯
然必當老不可愛敬世人所不貪比
丘當知雖有無病然必當病不可愛
敬世人所不貪比丘當知雖有壽命
然必當死不可愛敬世人所不貪是
故諸比丘設有少壯當求不老至涅
槃界雖有無病當求方便使不有病
雖有壽命當求方便使不命終如是
諸比丘當作是學尔時諸比丘聞佛
所說歡喜奉行

聞如是一時佛在舍衛國祇樹給孤
獨園。尔時世尊告諸比丘：猶如春時
天雨大雹，設如來不出世，衆生入地
獄亦復如是。是時女人入地獄多於
男子，所以然者？比丘當知，以三事故。
衆生之類，身壞命終，入三惡趣。云何
為三？所謂貪欲、睡眠、調戲。有此三事，
纏著心意，身壞命終，入三惡趣。女人
竟日習翫三法，而自娛樂。云何為三？
晨朝以嫉妬心而自纏縛，若至日中，
復以睡眠結而自纏裹，向暮以貪欲
心而自纏縛。以此因緣，使彼女人身壞
命終，生三惡趣。是故諸比丘當念離
此三法。尔時世尊便說此偈：

嫉妬睡眠調貪欲，是惡法牽人至地獄。
至竟无解脫，是以當捨離。嫉妬及睡眠，
亦當捨於欲，莫造彼惡行。

是故諸比丘當念去離嫉妬，無慳陞
心，常行惠施，不著睡眠，當行不染不
著貪欲。如是諸比丘當作是學。尔時
諸比丘聞佛所說歡喜奉行。

聞如是一時佛在舍衛國祇樹給孤
獨園。尔時世尊告諸比丘：有此三法

習之翫之不知厭足亦復不能至休息處云何為三所謂貪欲若有人習此法初無厭足若復有人習飲酒者初無厭足若復有人修習睡眠初無厭足是謂比丘若有人習此三法者初無厭足亦復不能至滅盡之處是故諸比丘常當捨離此三法不親近之如是諸比丘當作是學今時諸比丘聞佛所說歡喜奉行

供養三善根三痛三覆露相法三不覺愛敬奉元足

增壹阿含經卷第十三

癸卯歲葛農國大藏都監奉
勅彫造

增壹阿含經卷第十三

蘭

地王品第二十三

東晉別傳三藏聖賢僧伽提婆譯

聞如是一時佛在舍衛國祇樹給孤獨園。爾時王波斯匿告諸群臣曰：汝等催嚴羽寶之車，吾欲往詣世尊所。禮拜問訊。是時左右受王教，令尋嚴駕羽寶之車。即白王曰：嚴駕已辦。今正是時。爾時王波斯匿即乘寶羽之車，步騎數千前後圍繞，出舍衛國，至祇洹精舍，往詣世尊所。如諸王法，除去五銖，所謂蓋、天冠、劍、履屣及金拂、捨著一面。至世尊所，頭面禮足，在一面坐。爾時世尊與說深法，勸樂令喜。是時王波斯匿聞說法已，白世尊曰：唯願世尊受我三月請。及比丘僧莫在餘處。是時世尊默然受。波斯匿請時，王波斯匿見世尊默然受請，即從坐起，頭面禮足，便退而去。還至舍衛城，勅諸群臣曰：吾欲飯佛及比丘僧。三月供養，給所須物、衣被、飯食、牀卧具。病瘦醫藥、汝等亦當發歡喜心。諸

臣對曰如是時王波斯匿即於宮門外作大講堂極為殊妙懸繒幃蓋作倡妓樂不可稱計施諸浴池辦諸油燈辦種種飯食味有百種是時王波斯匿即白時到唯願世尊臨顧此處亦時世尊以見時到著衣持鉢將諸比丘僧前後圍遶入舍衛城至彼講堂所到已就座而坐及比丘僧各隨次而坐是時王波斯匿將諸宮人季自行食供給所須乃至三月無所短乏給與衣被飯食牀卧具病瘦醫藥見世尊食訖持種種華散世尊及比丘僧上更取小座於如來前坐白世尊曰我曾從佛聞以因緣本末施畜生食者獲福百倍與犯戒人食者獲福千倍施持戒人食者獲福萬倍施斷欲仙人食者獲福億倍與向須陀洹乎食者獲福不可計况復成須陀洹乎况向斯陀含得斯陀含道况向阿那含得阿那含道况向阿羅漢得阿羅漢道况向辟支佛得辟支佛况向如來至真等正覺况成佛及比丘僧其福功德不可稱計我今所作功德今

日已辨世尊告曰大王勿作是語作福无厭今日何故說所作已辨所以然者生死長遠不可稱記過去久遠有王名曰地主統領此閻浮里地彼王有臣名曰善明少小與王周旋無所畏難是時彼王分閻浮地半與彼臣使治是時善明小王自造城郭東西十二由旬廣七由旬土地豐熟人民衆多今時彼城名曰遠照善明王主第一夫人名曰月光不長不短不肥不瘦不白不黑顏貌端政世之希有口出優鉢華香身作栴檀香未經幾日身便懷妊彼夫人即往白王我今有娠王聞此語歡喜踊躍不能自勝便勅左右更施設座具快樂无比夫人懷妊日數遂滿生一男兒當生之時閻浮里內晃然金色顏貌端政三十二相身體金色善明大王見此太子歡喜踊躍慶賀无量便召諸師婆羅門道士躬抱太子使彼瞻相我今以生此子卿等與吾瞻相便立名字時諸相師受王教令各共抱瞻觀察形貌咸共白王聖王太子端政無雙

諸根不缺有三十二相今此王子當
有兩趣若當在家者便為轉輪聖王
七寶具足所謂七寶者輪寶為寶馬
寶珠寶寶王女寶居士寶典兵寶是為
七當有千子勇悍剋強能却衆敵於
此四海之內不加刀杖自然靡伏若
此王子出家學道者成無上正覺名
德遠布彌滿世界生此王子當此之
日光明遠照今字王子名曰燈光時
諸相師以立名字各退坐而去時王
竟日抱此太子未常離目時王為此
王子立三講堂秋冬夏節隨適所宜
宮人嫖女充滿宮裏使吾太子於此
遊戲時王太子年二十九以信堅固
出家學道即日出家即夜成佛今時
閻浮里地悉共聞知彼王太子出家
學道即日成佛父王清旦聞王太子
出家學道即夜成佛時父王便作是
念昨夜吾聞諸天在空中皆共稱善此
必善應非有惡響我今可往而共相
見時王將四十億衆男女圍繞便詣
燈光如來所到已頭面礼足在一面
坐及四十億衆各共礼足在一面坐

是時如來與父王及四十億衆漸說
妙論所謂論者施論戒論生天之論
欲為穢汙漏不淨行出家為要獲清
淨報今時如來觀衆生意心性柔和
諸佛如來常所說法苦習盡道盡與
彼四十億衆廣說其義即於坐上諸
塵垢盡得法眼淨時四十億衆白燈
光如來曰我等意願剃除鬚髮出家
學道大王當知今時四十億衆盡得
出家學道即以其日成阿羅漢今時
燈光如來將四十億衆皆是無著遊
彼國界國土人民四事供養衣被飲
食牀卧具病瘦醫藥无所渴乏是時
地主大王聞子燈光成無上正真等
正覺將四十億衆皆是無著遊彼國
界我今當遣信往請如來在此遊化
若使來者充我本願若不来者我躬
自當往拜跪問訊即勅一臣汝往至
彼問訊如來持我名字頭面礼足與
居輕利遊步康強云王地主問訊如
來興居輕利遊步康強唯願世尊臨
顧此土今時彼人受王教勅便往至
彼國界到已頭面礼足在一面立便

作是說大王地主札如來足問訊札
竟興居輕利遊步康強唯願世尊臨
顧彼國今時世尊默然受彼請時燈
光如來將諸大眾以漸人間遊行與
大比丘四十億衆俱在在處處靡不
恭敬者衣被飯食牀卧具病瘦醫藥
皆悉貢獻漸至地主國界時地主大
王聞燈光如來至此國界在北婆羅
國中將大比丘衆四十億人我今可
躬自往迎時地主大王復將四十億
衆往詣燈光如來所到已頭面札足
在一面坐及四十億衆札足已在一面
坐今時燈光如來漸與彼王及四十
億衆而說妙論所謂論者施論戒論
生天之論欲為穢汙漏不淨行出家
為要獲清淨報今時如來觀衆生意
心性柔和諸佛如來常所說法苦習
盡道盡與彼四十億衆廣說其義即
於坐上諸塵垢盡得法眼淨時四十
億衆白燈光如來曰我等意願剃除
鬚髮出家學道大王當知今時四十
億衆盡得出家學道即以其日成阿
羅漢道時地主國王即從坐起頭面

礼足便退而去時燈光如來將八十意
衆皆是阿羅漢遊彼國界國土人民
四事供養衣被飯食牀卧具病瘦醫
藥事事供給无所乏短是時地主國
王復於餘時將諸群臣至彼如來所
頭面礼足在一面坐是時燈光如來
與彼國王說微妙法地主大王白如
來曰唯願世尊盡我形壽受我供養
及比丘僧當供給衣被飯食牀卧具
病瘦醫藥悉當供給今時燈光如來
默然受彼王請時王見佛默然受請
重白世尊我今從世尊求願唯見聽
許世尊告曰如來法者以過此願王
白世尊我今求願者極為淨妙世尊
告曰所求之願云何淨妙王白世尊
如我意中今日衆僧在一器食明日
復用餘器食今日衆僧著一種服明
日復更易服今日衆僧坐一種座明
日復更坐餘座今日使人與衆僧使
明日復更易使人我所求願者正謂
此耳燈光如來告曰隨汝所願今正
是時地主大王歡喜踊躍不能自勝
即從坐起頭面礼足便退而去還至

宮中到已告諸群臣我今意欲盡其形壽供養燈光如來至真等正覺及比丘衆衣被飯食牀卧具病瘦醫藥汝等亦當勸發佐吾供辦諸臣對曰如大王教去城不遠一由旬內造立堂舍雕文刻鏤五色玄黃懸繒幡蓋作倡伎樂香汁灑地修治浴池辦具燈明及甘饌飲食施設坐具便白時到今正是時願尊屈顧時燈光如來以知時至著衣持鉢將比丘衆前後圍遶便往至講堂所各各就座而坐時地主大王見佛比丘僧坐訖將宮人婢女及諸大臣手自斟酌行種種飲食味各百種大王當知今時地主國王七萬歲中供養燈光如來及八十億衆諸阿羅漢未曾懈廢時彼如來教化周訖便於无餘涅槃界而般涅槃時地主大王以若干百種香花供養於四衢道路起四廟寺各用七寶金銀琉璃水精懸繒幡蓋及八十億衆各各以漸於无餘涅槃界而般涅槃時大王取八十億衆取其舍利各各興起神寺皆懸繒幡蓋香華供

養大王當知今時地主大王復供養
燈光如來寺及八十億羅漢寺復經
七萬歲隨時供養然燈散華懸繒幡
蓋大王當知燈光如來遺法滅盡然
後彼王方取滅度今時地主大王者豈
是異人乎莫作是觀所以然者今時
地主大王者即我身是我於今時七
萬歲中以衣被飯食牀卧具病瘦醫
藥供養彼佛令不減少般涅槃後復
於七萬歲中供養形像舍利燒香然
燈懸繒幡蓋無所涓乏我於今時以
此功德求在生死獲此福祐不求解
脫大王當知今時所有福德今有遺
餘耶莫作是觀如我今日觀彼富有
无有毫釐如毛髮許所以然者生死
長遠不可稱記於中悉食福盡无有
毫釐許在是故大王莫作是說言我
所作福祐今日已辦大王當作是說
我今身口意所作衆行盡求解脫不
求在生死福業便於長夜安隱無量
余時王波斯匿便懷恐懼衣毛皆豎
悲泣交集以手扞淚頭面礼世尊足
自陳過狀如愚如騃無所覺知唯願

世尊受我悔過今五體投地改已往之失更不造此言教唯願世尊受我悔過如是無三世尊告曰善哉善哉大王今於如來前悔其非法改往修來我今要受汝悔過更莫復造今時於大眾中有一比丘名迦旃延即從坐起頭面禮足白世尊曰今世尊所說甚為微妙又世尊告波斯匿王作是語大王當知身口意所作衆行盡求解脫莫求在生死食其福業更於長夜獲安隱無量所以然者我自憶三十一劫餓死時如來至真等正覺出現於世明行成為善逝世間解无上士道法御天人師号佛衆祐遊在野馬世界今時彼佛到時著衣持鉢入野馬城乞食是時城內有一使人名曰純黑時彼使人見如來執鉢入城乞食見已便作是念今如來入城必須飲食即入家出食施與如來興發此願持此功德莫墮三惡趣中使我當來之世亦當值如此聖尊亦當使彼聖尊為我說法時得解脫世尊并波斯匿王咸共知之當今時純黑

使人者豈異人乎莫作是觀所以然者今時純黑使人者即我身是我於今時飯式詰如來作此捨願使將來之世值如此聖尊與我說法時得解脫我於三十一劫不墮三惡趣中生天人中取後今日受此身分適值聖尊得出家學道盡諸有漏成阿羅漢若世尊所說極為微妙語波斯匿王身口意所作衆行盡求解脫莫在生死食此福業我若見比丘比丘尼優婆塞優婆塞斯歡喜心意向如來者我便生此念此諸賢士用意猶不愛敬供奉如來設我見四部之衆即往告曰汝等諸賢為須何物衣鉢耶尼師檀耶針筒耶澡罐耶及餘沙門什物我盡當供給我已許之便在處處乞求若我得者是其大幸若使不得便往至鬱單越耶尼弗于逮求索來與所以然者皆由此四部之衆得涅槃道今時世尊觀察迦旃延比丘尼心便告諸比丘汝等願見如此之比丘信心解脫如迦旃延比丘尼乎諸比丘對曰不見也世尊世尊告曰我聲聞中第

一比丘尼得信解脫者所謂迦旃延比丘尼是也。今時迦旃延比丘尼及波斯匿王四部之衆聞佛所說歡喜奉行。聞如是一時佛在羅閱城耆闍崛山中。與大比丘衆五百人俱。今時尊者婆拘盧在一山曲補納故衣。是時釋提桓因遙見尊者婆拘盧在一山曲補納故衣。見已便作是念：此尊者婆拘盧已成阿羅漢諸縛已解，長壽無量。恒自降伏思惟：非常苦空，非身不著，世事亦復不與他人說法。寂默自修，如外道異學，不審此尊能與他說法為不堪任乎？我今當與試之。今時天帝釋便從三十三天沒不現來，至耆闍崛山，在尊者婆拘盧前住頭面禮足，在一面立。今時釋提桓因便說此偈：

智者所歎說，何故不說法？
壞結成聖行，何為寂然住？

今時尊者婆拘盧復以此偈報釋提桓因曰：

有佛舍利弗，阿難拘頭睺，亦及諸尊長，善能說妙法。

今時釋提桓因白尊者婆拘盧曰衆生之根有若干種然尊當知世尊亦說衆生種類多於地土何故尊者婆拘盧不與他人說法婆拘盧報曰衆生之類難可覺知世界若干國土不同皆著我所非我所今觀察此義已故不與人說法釋提桓因曰願尊與我說我所非我所之義尊者婆拘盧曰我人壽命若男若女士夫之類盡依此命而得存在然復拘翼世尊亦說比丘當知當自熾然無起邪法亦當賢聖默然我觀此義已故默然耳是時釋提桓因遙向世尊叉手便說此偈

歸命十力尊圓光無塵翳普為一切人此者甚奇特

尊者婆拘盧報曰何故帝釋而作是說此者甚奇特釋提桓因報言自念我昔至世尊所到已礼世尊足而問此義天人之類有何想念今時世尊告我曰此世界若干種各各殊異根原不同我聞此語已尋對曰如是世尊所說世界若干種各各不同設與

彼衆生說法咸共受持有成果者我
以此故說此者甚奇特然尊者婆拘
盧所說亦復如是世界若干種各各
不同是時釋提桓因便作是念此尊
堪任與人說法非為不能是時釋提
桓因即從坐起而去尔時釋提桓因
聞尊者婆拘盧所說歡喜奉行

聞如是一時佛在占波國雷聲池側
是時尊者二十億耳在一靜處自修
法本不捨頭陀十二法行晝夜經行
不離三十七道品之教若坐若行常
修正法初夜中夜竟夜恒自剋勵不
捨斯須然復不能於欲漏法心得解
脫是時尊者二十億耳所經行處脚
壞血流盈滿路側猶如屠牛之處烏
鵲食血然復不能於欲漏心得解脫
是時尊者二十億耳便作是念釋迦
文佛苦行精進弟子中我為第一然
我今日漏心不得解脫又我家業多
財饒寶宜可捨服還作白衣持財物
廣惠施然今作沙門甚難不易尔時
世尊遙知二十億耳心之所念便騰
遊虛空至彼經行處敷坐具而坐是

時尊者二十億耳前至佛所頭面礼足在一面坐。尔時世尊問二十億耳曰：汝向何故作是念釋迦文尼佛精進苦行弟子中，我為第一？然我今日漏心不得解脫。又我家業饒財多寶，宜可捨服，還作白衣，持財物廣施。然今作沙門，甚難不易。二十億耳對曰：如是。世尊告曰：我今還問汝。隨汝報我云何？二十億耳曰：汝本在家時，善彈琴乎？二十億耳對曰：如是。世尊我本在家時，善能彈琴。世尊告曰：云何二十億耳？若彈絃極急，嚮不齊等。尔時琴音可聽，採不二十億耳對曰：不也。世尊告曰：云何二十億耳？若琴絃復緩，尔時琴音可聽，採不二十億耳對曰：不也。世尊告曰：云何二十億耳？若琴絃不急，不緩，尔時琴音可聽，採不二十億耳對曰：如是。世尊若琴絃不緩不急，尔時琴音便可聽，採世尊告曰：此亦是極精進者，猶如調戲。若懈怠者，此墮邪見。若能在中者，此則上行。如是不久當成。無漏人。尔時世尊與二十億耳比丘。

說微妙法已還雷音池側。今時尊者二十億耳思惟世尊教勅。不捨須臾。在閑靜處修行其法。所以族姓子出家學道。剷除鬚髮。修无上梵行。生死已盡。梵行已立。所作已辦。更不復受。有如實知之尊者二十億耳。便成阿羅漢。今時世尊告諸比丘。我聲聞中第一弟子。精勤苦行。所謂二十億耳。比丘。是今時諸比丘聞佛所說歡喜奉行。

聞如是一時。佛在舍衛國祇樹給孤獨園。今時舍衛城中婆提長者遇病命終。然彼長者无有子息。所有財寶盡没入官。今時王波斯匿塵土坩身來至世尊所。頭面礼足。在一面坐。是時世尊問王曰。大王何故塵土坩身來至我所。波斯匿王白世尊曰。此舍衛城内有長者名婆提。今日命終。彼无子。姓躬往收攝財寶。理使入官。純金八万斤。况復餘雜物乎。然彼長者存在之日。所食如此之食。極為弊惡。不食精細。所著衣服垢坩不淨。所乘車騎。極為瘦弱。世尊告曰。如是大王如

王來言夫慳貪之人得此財貨不能食噉不與父母妻子僕從奴婢亦復不與朋友知識亦復不與沙門婆羅門諸尊長者若有智之士得此財寶便能惠施廣濟一切无所愛惜供給沙門婆羅門諸高德者時王波斯匿說曰此婆提長者命終為生何處世尊告曰此婆提長者命終生涕哭大地獄中所以然者此斷善根之人身壞命終生涕哭地獄中波斯匿王曰婆提長者斷善根耶世尊告曰如是大王如王所說彼長者斷於善根然彼長者故福已盡更不造新王波斯匿曰彼長者頗有遺餘福乎世尊告者如彼田家公但取不種後便窮困漸以命終所以然者但食故業更不造新此長者亦復如是但食故福更不造新福此長者今夜當在涕哭地獄中尔時波斯匿王便懷恐怖取淚而曰此長者昔日作何功德福業生在富家復作何不善根本不得食此極富之貨不樂五樂之中尔時世尊

告波斯匿王曰過去久遠迦葉佛時此長者在此舍衛城中為田家子。今時佛去世後有辟支佛出世往詣此長者家。今時此長者見辟支佛在門外見已便生是念如此尊者出世甚難我今可以飲食往施此人。今時長者便施彼辟支佛食。辟支佛得食已便飛在虛空而去。時彼長者見辟支佛作神足作是擔願持此善本之願使世世所生之處不墮三惡趣。常多財寶後有悔心。我向所有食應與奴僕不與此禿頭道人使食。今時田家長者豈異人乎。莫作是觀。所以然者。今時田家長者今此婆提長者是是時施已發此擔願持此功德。所生之處不墮惡趣。恒多財饒寶生富貴之家。无所渴乏。既復施已後生悔心。我寧與奴僕使食不與此禿頭道人使食。以此因緣。今末不得食。此極有之貨亦復不樂。五樂之中不自供養。復不與父母兄弟妻子僕從朋友知識不施沙門婆羅門諸尊長者。但食故業不造新者。是故大王若有智之士得此

財貨當廣布施莫有所惜復當得无
極之財如是大王當作是學今時波
斯匿王曰世尊曰自今以後當廣布
施沙門婆羅門四部之衆諸外道
異學來乞求者我不堪與世尊告曰
大王莫作是念所以然者一切衆生
皆由食得存无食便亡今時世尊便
說此偈

念當廣惠施終莫斷施心必當值賢聖
度此生死源

今時波斯匿王曰世尊曰我今倍復歡
喜向於如來所以然者一切衆生皆由
食得存无食不存今時波斯匿王曰
自今以後當廣惠施无所吝惜是時
世尊與王說微妙之法時王即從坐
起頭面礼足便退而去今時王波斯
匿聞佛所說歡喜奉行

聞如是一時佛在舍衛國祇樹給孤
獨園今時尊者阿難在閑靜處便生
此念世間頗有此香亦逆風香亦順
風香亦逆順風香乎今時尊者阿難
便從坐起往詣世尊所頭面礼足在
一面坐今時尊者阿難曰世尊曰我

於閑靜之處便生此念世間頗有此
香亦逆風香亦順風香亦逆順風香
乎今時世尊告阿難曰有此妙香亦
逆風香亦順風香亦逆順風香是時
阿難白世尊曰此是何者香亦逆風香
亦順風香亦逆順風香世尊告曰有
此之香然此香氣力亦逆風香亦順
風香亦逆順風香阿難白佛言此何
等香亦逆風香亦順風香亦逆順風
香世尊告曰此三種香亦逆風香亦
順風香亦逆順風香阿難言何等為
三世尊告曰或香聞香施香是謂阿
難有此香種然後此逆風香亦順風
香亦逆順風香諸世間所有之香此
三種香最勝最上无與等者無能及
者猶如由牛有酪由酪有酥由酥有
醍醐然此醍醐最勝最上無與等者
亦不能及此亦如是諸所有世間諸
香此三種香最勝最上無能及者今
時世尊便說此偈

木蜜及栴檀 優鉢及諸香 亦諸種種香
戒香最為勝 此戒以成就 无欲無所染
等智而解脫 遊處魔不知 此香雖為妙

及諸檀蜜香戒香之為妙十方悉聞之
栴檀雖有香優鉢及餘香此諸衆香中
聞香最第一栴檀雖有香優鉢及餘香
此諸衆香中施香最第一
是謂此三種香亦逆風香亦順風香
亦逆順風香是故阿難當求方便成
此三香如是阿難當作是學今時可
難聞佛所說歡喜奉行

聞如是一時佛在羅閱城迦蘭陀竹
園所與大比丘衆五百人俱今時世
尊到時著衣持鉢入羅閱城乞食今
時提婆達兒亦入城乞食時提婆達
兒所入巷中佛亦往至彼然佛遙見提
婆達兒來便欲退而去是時阿難白
世尊曰何故欲遠此巷世尊告曰提婆
達兒今在此巷是以避之阿難白佛
言世尊豈畏提婆達兒乎世尊告曰
我不畏提婆達兒也但此惡人不應
與相見阿難曰然世尊可使此提婆
達兒乃可使在他方今時世尊復說
此偈言
我終無此心使彼在他方彼自當造行
便自在他所

阿難白世尊曰然提婆達兜有過於
如來所世尊告曰愚惑之人不應與
相見是時世尊向阿難而說此偈
不應見愚人莫與愚從事亦莫與言論
說於是非事

是時阿難復以此偈報世尊曰

愚者何所能愚者有何過正使共言說
竟有何等失

尔時世尊復以此偈報阿難曰

愚者自造行所作者非法正見反常律
邪見日以滋

是故阿難莫與愚知識從事所以然
者與愚人從事無信无戒無聞无智
與善知識從事便增益諸功德戒具
成就如是阿難當作是學尔時阿難
聞佛所說歡喜奉行

聞如是一時佛在羅閱城迦蘭陀竹
園所與五百人俱尔時王阿闍世恒
以五百金食給與提婆達兜彼時提
婆達兜名聞四遠戒德具足名稱悉
徧乃能使王日來供養是時提婆達
兜得此利養已諸比丘聞之白世尊
曰國中人民歎說提婆達兜名稱遠

布乃使王阿闍世恒來供養。今時世尊告諸比丘。汝等比丘莫施此心貪提婆達兜利養。所以然者。提婆達兜愚人。造此三事。身口意行終無驚懼。亦不恐怖。如今提婆達兜愚人當復盡此諸善功德。如取惡狗鼻壞之信。復因惡提婆達兜愚人亦復如是。受此利養。遂起貢高。是故諸比丘亦莫興意著於利養。設有比丘著於利養而不獲三法。云何為三。所謂賢聖戒。賢聖三昧。賢聖智慧。戒賢聖三昧。賢聖智慧。而不成就。若有比丘不著利養。便獲三法。云何為三。所謂賢聖戒。賢聖三昧。賢聖智慧。若欲成此三法。當發善心。不著利養。如是諸比丘當作是學。今時諸比丘聞佛所說歡喜奉行。

聞如是一時佛在舍衛國祇樹給孤獨園。今時世尊告諸比丘。有此三不善根。云何為三。貪不善根。恚不善根。癡不善根。若比丘有此三不善根者。墮三惡趣。云何為三。所謂地獄。餓鬼。畜生。如是比丘若有此三不善根者。便有三惡趣。比丘當知。有此三善根。

云何為三不貪善根不恚善根不癡善根是謂比丘有此三善根者便有三善處涅槃為三云何二趣所謂人天是也是謂比丘有此三善者則生此善處是故諸比丘當離三不善根修三善根如是諸比丘當作是學今時諸比丘聞佛所說歡喜奉行

聞如是一時佛在舍衛國祇樹給孤獨園今時世尊告諸比丘有此三聚云何為三所謂等聚邪聚不定聚彼云何為等聚所謂等見等治等語等業等命等方便等念等定是謂等聚彼云何名為邪聚所謂邪見邪治邪語邪業邪命邪方便邪念邪定是謂邪聚彼云何名為不定聚所謂不知苦不知習不知盡不知道不知等聚不知邪聚是謂名為不定聚諸比丘當知復有三聚云何為三所謂善聚等聚定聚彼云何名善聚所謂三善根何等善根所謂不貪善根不恚善根不癡善根是謂善聚云何名為等聚所謂賢聖八品道等見等治等語

等業等命等方便等念等三昧是謂
等聚彼云何名為定聚所謂知苦知
習知盡知道知善聚知惡趣知定聚
是謂名為定聚是故諸比丘此三聚
中邪聚不定聚當遠之此正聚者當
奉行如是諸比丘當作是學尔時諸
比丘聞佛所說歡喜奉行

聞如是一時佛在舍衛國祇樹給孤
獨園尔時世尊告諸比丘有此三觀
想云何為三所謂觀欲想瞋恚想煞
害想是謂比丘有此三想比丘當知
若有觀欲想命終時便墮地獄中若
觀瞋恚想命終時生畜牛中所謂雞
狗之屬地坑之類而生其中若觀害
想亦命終者生餓鬼中形體燒然苦
痛難陳是謂比丘有此三想生地獄
中餓鬼畜生復有三想云何為三所
謂出要想不害想不恚想若有人有
出要想者命終之時生人中若有人
不害想者命終時自然天上若有人
不煞心者命終時斷五結便於彼處
而般涅槃是謂比丘有此三想常念
修行此三惡想當遠離之如是諸比

增壹阿含經卷第十三 第三十頌

丘當作是學于今時諸比丘聞佛所說
歡喜奉行

地主婆拘耳婆提逆順香愚世三不善
三聚觀在後

增壹阿含經卷第十三

矣卯歲高麗國大藏都監奉
勅彫造

增壹阿含經卷第十四

蘭

高幢品第二十四之一

東晉劉宋三藏聖賢僧伽提婆譯

聞如是一時佛在舍衛國祇樹給孤獨園。今時世尊告諸比丘。昔者天帝釋告三十三天卿等。若入大戰中時。設有恐怖畏懼之心者。汝等還顧視我。高廣之幢。設見我幢者。便無畏怖。若不憶我幢者。當憶伊沙天王幢。以憶彼幢者。所有畏怖。便自消滅。若不憶我幢。及不憶伊沙幢者。今時當憶婆留那天王幢。以憶彼幢。所有恐怖。便自消滅。我今亦復告汝等。設有比丘比丘。居優婆塞。優婆夷。若有畏怖。衣毛豎者。今時當念我身。此是如來至真等正覺。明行。成為善逝。世間解。无上士。道法。御天人師。号佛。衆祐。出現於世。設有恐怖。衣毛豎者。便自消滅。若復不念我者。今時當念於法。如來法者。甚為微妙。智者所學。以念法者。所有恐怖。便自消滅。設不念我。復不念法。今時當念聖衆。如來聖衆。極。

為和順法法成就戒成就三昧成就
智慧成就解脫成就解脫見慧成就
所謂四雙八輩此是如來聖眾可敬
可事世間福田是謂如來聖眾今時
若念僧已所有恐怖便自消滅比丘
當知釋提桓因猶有淫怒癡然三十
三天念其主即無恐怖况復如來无
有欲怒癡心當念有恐怖乎若有比丘
有恐怖者便自消滅是故諸比丘當
念三尊佛法聖眾如是諸比丘當作
是學今時諸比丘聞佛所說歡喜奉行
聞如是一時佛在舍衛國祇樹給孤
獨園今時拔祇國界有鬼名為毗沙
在彼國界極為兇暴煞民无量恒日
煞一人或日煞二人三人四人五人
十人二十人三十人四十人五十人
今時諸鬼神羅刹充滿彼國是時拔
祇人民皆共集聚而作是說我等可得
避此國至他國界不須住此是時毗沙
惡鬼知彼人民心之所念便語彼人民
曰汝等莫離此處至他邦土所以然
者終不免吾手卿等日日持一人祠
吾吾要不觸擾汝是時拔祇人民曰

取一人祠彼惡鬼是時彼鬼食彼
人已取骸骨擲著他方山中然彼山
中骨滿溪谷今時有長者名善覺在
彼住止饒財多寶積財千億驃驢駱
駝不可稱計金銀珍寶車乘馬璫真
珠席珀亦不可稱今時彼長者有兒
名那優羅唯有一子甚愛敬念未曾
離目前今時有此限制那優羅小兒
次應祠鬼是時那優羅父母沐浴此
小兒與著好衣將至塚間至彼鬼所
到已啼哭喚呼不可稱計並作是說
諸神地神皆共證明我等唯有此一
子願諸神明當證明此及二十八天
鬼神王當共護此無令有之及四天
王咸共歸命願擁護此兒使得免濟
及釋提桓因亦向歸命願濟此兒命
及梵天王亦復歸命願脫此命諸有
鬼神護世者亦向歸命使脫此厄諸
如來弟子漏盡阿羅漢我今亦復歸
命使脫此厄諸辟支佛無師自覺亦
復自歸使脫此厄彼如來今亦自歸
不降者降不度者度不獲者獲不脫
者脫下般涅槃者使般涅槃無救者

與作救護盲者作眼目病者作大醫
王若天龍鬼神一切人民魔及魔天
或尊或上無能及者可敬可貴為人
作良祐福田有出如來上者然如
來當證察之願如來當照此至心是
時那優羅父母即以此兒付鬼已便
退而去今時世尊以天眼清淨復以
天耳徹聽聞有此言那優羅父母啼
哭不可稱計今時世尊以神足力至
彼山中惡鬼住處時彼惡鬼集在雪
山北鬼神之處是時世尊入鬼住處
而坐正身正意結跏趺坐是時那優
羅小兒漸以至彼惡鬼住處是時那
優羅小兒遙見如來在惡鬼住處光
色炳然正身正意繫念在前顏色端
政與世有奇諸根寂靜得諸功德降
伏諸魔如此諸德不可稱計有三十
二相八十種好在嚴其身如須弥山
出諸山頂面如日月亦如金山光有
遠照見已便起歡喜心向於如來便
生此念此必不是眈眈惡鬼所以然
者我今見之極有歡喜之心設嘗是
惡鬼者隨意食之是時世尊告曰那

優羅如汝所言我今是如來至真等
正覺故來救汝及降此惡鬼是時鄰
俱羅聞此語已歡喜踊躍不能自勝便
來至世尊所頭面礼足在一面坐是
時世尊與說妙義所謂論者施論戒
論生天之論欲為穢惡漏不淨行出
家為要去諸乱想尔時世尊以見鄰
優羅小兒心意歡喜意性柔軟諸佛
世尊常所說法苦習盡道是時世尊
見與彼說彼即於坐上諸塵垢盡得
法眼淨彼以見法得法成就諸法承
受諸法元有狐疑解如來教歸佛法
聖衆而受五戒是時毘沙惡鬼還來
到本住處尔時惡鬼遙見世尊端坐思
惟身不傾動見以便興恚怒兩雷電
霹靂向如來所或雨刀劍末墮地之
頃便化優鉢蓮華是時彼鬼倍復瞋
恚兩諸山河石壁末墮地之頃化作
種種飲命是時彼鬼復化作大烏吼
喚向如來所尔時世尊復化作師子
王是時彼鬼倍化作師子形向如來
所尔時世尊化作大火聚是時彼鬼
倍復瞋恚化作大龍而有七舌尔時

世尊化作大金翅鳥是時彼鬼便生
與念我今所有神力今以現之然與
沙門衣毛不動我今當往問其深義
是時彼鬼問世尊曰我今欲沙欲問
深義設不能報我者當持汝兩腳擲
著海南世尊告曰惡鬼當知我自觀
察无天及人民沙門婆羅門若人非
人能持我兩腳擲海南者但今欲問
義者便可問之是時惡鬼問曰沙門
何等是故行何等是新行何等是行
滅世尊告曰惡鬼當知眼是故行髮
時所造緣痛成行耳鼻口身意此是
故行曩時所造緣痛成行是謂惡鬼
此是故行毗沙鬼曰沙門何等是新
行世尊告曰今身所造身三口四意
三是謂惡鬼此是新行時惡鬼曰何
等是行滅世尊告曰惡鬼當知故行
滅盡更不興起復不造行能取此行
永以不生永盡無餘是謂行滅是時
彼鬼白世尊曰我今極飢何故奪我
食此小兒是我所食沙門可歸我此
小兒世尊告曰昔我未成道時曾為
菩薩有鵠授我我尚不惜身命救彼

鵝厄況我今日已成如來能捨此小
兒今汝食噉汝今惡鬼盡其神力吾
終不與汝此小兒云何惡鬼汝曾迦
葉佛時曾作沙門修持梵行後復犯
戒生此惡鬼今時惡鬼承佛威神便
憶曩昔所造諸行今時惡鬼至世尊
所頭面禮足並作是說我今愚惑不
別真偽乃生此心向於如來唯願世
尊受我懺悔如是三四世尊告曰聽
汝悔過勿復更犯今時世尊與毗沙
鬼說微妙法勸令歡喜時彼惡鬼手
擎數千兩金奉上世尊白世尊曰我
今以此山谷招提僧唯願世尊與
我受之及此數千兩金如是再三
時世尊即受此山谷便說此偈
園果施清涼及作木槁樑設能造大船
及諸養生具晝夜無懈怠獲福不可量
法義我成就終後生天上
是時彼鬼白世尊曰不審世尊更有
何教世尊告曰汝今捨汝本形著三
衣作沙門入拔秣城在在處處作此
教令諸賢當知如來出世不降者降
不度者度不解脫者令知解脫無救

者與作授護盲者作眼目諸天世人
天龍鬼神魔若魔天若人非人軍尊
軍上无與等者可敬可貴為人作良
祐福田今日度那優羅小兒及降毗
沙惡鬼汝等可往至彼受化對曰如
是世尊今時毗沙鬼作沙門披服著
三法衣入諸里巷作此教令今日世尊
度那優羅小兒及降伏毗沙惡鬼汝
等可往受彼教誨當於今時拔祇國
界人民熾盛是長者善覺聞此語已
歡喜踊躍不能自勝將八万四千人
民衆生至彼世尊所到已頭面礼足
在一面坐今時拔祇人民或有礼足
者或有擎手者今時八万四千之衆
已在一面坐是時世尊漸與說微妙
之法所謂論者施論戒論生天之論
欲不淨想漏為大患今時世尊觀察
彼八萬四千衆心意歡悅諸佛世尊
常所說法苦習盡道普與彼八萬四
千衆而說此法各於座上諸塵垢盡
得法眼淨猶如白淨之衣易染為色
此八萬四千衆亦復如是諸塵垢盡
得法眼淨得法見法分別諸法無有

狐疑得无所畏自歸三尊佛法聖衆
而受五戒尔時那優羅父長者白世
尊曰唯願世尊當受我請尔時世尊
默然受請時彼長者以見世尊默然
受已即從坐起頭面礼足退還所在辦
種種飲食味若干種清且白白時到
尔時世尊到時著衣持鉢入拔祇城
至長者家就座而坐是時長者以見
世尊坐定自手斟酌行種種飲食以
見世尊食訖行清淨水已便取一座
在如來前坐白世尊曰善哉世尊若
四部之衆須衣被飲食牀卧具病瘦
醫藥盡使在我家取之世尊告曰如
是長者如汝所言世尊即與長者說
微妙之法以說法竟便從坐起而去
尔時世尊如屈申臂須從拔祇不現
還來至舍衛祇洹精舍尔時世尊告
諸比丘若四部之衆須衣被飲食牀
卧具病瘦醫藥者當從那優羅父舍
取之尔時世尊復告比丘如我今日
優婆塞中第一弟子无所愛惜所謂
那優羅父是尔時諸比丘聞佛所說
歡喜奉行

聞如是一時佛在釋翅足拘留園中
與大比丘衆五百人俱今時釋種諸
豪姓者數千人衆往詣世尊所到已
頭面礼足在一面坐

今時諸釋白世尊曰今日當作王治
領此國界我等種姓便為不朽無令
轉輪聖王位於汝斷滅若當世尊不
出家者當於天下作轉輪聖王統四
天下千子具足我等種姓名稱遠布
轉輪聖王出於釋姓以是故世尊當
作王治无令王種斷絕世尊告曰我
今正是王身名曰法王所以然者我
今問汝云何諸釋言轉輪聖王七寶
具足千子勇猛我今於三千大千刹
土中取尊卑上元祇及者成就七覺
意寶無數千聲聞之子以為營從今
時世尊便說此偈

今用此位為得已後復失此位取為勝
無終无有始以勝無能奪此勝取為勝
然佛無量行无跡誰跡將

是故諸瞿曇當求方便正法王治如
是諸釋當作是學今時諸釋聞佛所
說歡喜奉行

聞如是一時佛在舍衛國祇樹給孤
獨園。尔時有一比丘至世尊所。頭面
礼足。在一面坐。尔時彼比丘白世尊
曰。頗有此色恒在不變易耶。久在於
世亦不移動。頗有痛想行識恒在不
變易耶。久存於世亦不移動耶。世尊
告曰。比丘。无有此色恒在不變易。久
存於世者。亦復无痛想行識恒在不
變易。久存於世者。若復比丘當有此
色恒在不變易。久存於世者。則梵行
之人不可分別。若痛想行識久存於世
不變易者。梵行之人不可分別。是故比
丘。以色不可分別。不久存於世。故是
故梵行之人。乃能分別。盡於苦本。亦
无痛想行識。不久存於世。是故梵行
乃可分別。盡於苦本。尔時世尊取少
許土著爪上。語彼比丘曰。云何比丘。
見此爪上土。不比丘對曰。唯然。見已。世
尊佛告比丘。設當有尔許色恒在於
世者。則梵行之人不可分別。得盡苦
際。以是比丘以無尔許色在。便得行
梵行。得盡苦本。所以然者。比丘當知。
我昔曾為大王。領四天下。以法治化。

統領人民七寶具足 所謂七寶者輪
寶爲寶馬寶珠寶寶玉女寶居士寶典
兵寶比丘當知我於今時作此轉輪聖
王領四天下有八万四千神鳥爲名菩
呼復有八万四千羽寶之車或用師
子皮覆或用狼狗皮覆者盡懸幢高
蓋復有八万四千高廣之臺猶如天
帝所居之處復有八万四千講堂如
法講堂之比復有八万四千玉女之
衆像如天女復有八万四千高廣之
座皆用金銀七寶廁間復有八万四
千衣被服飾皆是文繡柔軟復有八
万四千飲食之具味若干種比丘當
知我今時乘一大鳥色極白好口有
六牙金銀交具身能飛行亦能隱形
或大或小鳥名菩呼我今時乘一神
馬毛尾朱色行不身動金銀交飾身
能飛行亦能隱形或大或小馬名毛
王我於今時八万四千高廣之臺住
一臺中其臺名須臾摩純金所作今時
我在一講堂中止有講堂名法說純
金所造我於今時乘一寶羽之車車
名最勝純金所造我於今時將一玉

女左右使令亦如姊妹我於今時於
八万四千高廣之座在一座上金銀
瓔珞不可稱計我於今時著一妙服
像如天衣所食之食味如甘露當於
今時我作轉輪聖王時八万四千神
爲朝朝來至門外多有傷害不可稱
計我於今時便作是念此八万四千神
爲朝朝來至門外多有傷害不可稱
計我今意中欲使分爲二分四万二千
朝朝來賀今時比丘我作是念昔作
何福復作何德今得此威力乃至於
是復作是念由三事因緣故使我獲
此福祐云何爲三所謂惠施慈仁自
守比丘當觀今時諸行永滅無餘今
時遊於欲意无有厭足所謂厭足於
賢聖戒律乃爲厭足云何比丘此色
有常耶無常耶比丘對曰无常也世
尊若復無常爲變易法汝可得生此
心此是我許我是彼所乎對曰不也世
尊痛想行識是常也是無常耶比丘
對曰无常也世尊設使無常爲變易
法汝可得生此心此是我許我是彼
所對曰不也世尊是故比丘諸所有色

過去當來今現在者若大若小若好若醜若遠若近此色亦非我所我亦非彼所此是智者之所學也諸所有痛過去當來今現在若遠若近此痛亦非我所我亦非彼所如是智者之所覺知比丘當作是觀若聲聞之人厭患於眼厭患於色厭患眼識若緣眼生苦樂亦復厭患亦厭患於耳厭於聲厭於耳識若依耳識生苦樂者亦復厭患鼻舌身意法亦復厭患若依意生苦樂者亦復厭患已厭患便解脫已解脫便得解脫之智生死已盡梵行已立所作已辦更不復受有如實知之今時彼比丘得世尊如是之教在閑靜之處思惟自修所以族姓子剷除鬚髮著三法衣離家修無上梵行生死已盡梵行已立所作已辦更不復受有如實知之是彼比丘便成阿羅漢今時彼比丘聞佛所說歡喜奉行聞如是一時佛在摩竭國道場樹下初始得佛今時世尊便作是念我今以得此甚深之法難解難了難曉難知極微極妙智所覺知我今當先與

誰說法使解吾法者是誰。尔時世尊
便作是念。羅勒迦藍諸根純熟。應先
得度。又且待我有法作此念。已虛空
中有天白世尊曰。羅勒迦藍死已七
日。是時世尊復作念曰。何其苦哉。不
聞吾法而取命。終設當聞吾法者。即
得解脫。是時世尊復作是念。我今先
與誰說法。使得解脫。今鬱頭藍弗先
應得度。當與說之。聞吾法已。先得解
脫。世尊作是念。虛空中有天語言。昨
日夜半。以取命。終是時世尊便作是
念。鬱頭藍弗何其苦哉。不聞吾法而
取命。過設得聞吾法者。即得解脫。尔
時世尊復作是念。誰先聞法而得解
脫。是時世尊重更思惟。五比丘多所
饒益。我初生時。追隨吾後。是時世尊
復作是念。今五比丘竟為所在。即以
天眼觀。五比丘乃在波羅捺仙人處
園所止之處。我今當往。先與五比丘
說法。聞吾法已。當得解脫。尔時世尊
七日之中。熟視道樹。目未曾瞬。尔時
世尊便說此偈。

我今此坐處。經歷生死苦。執御智慧斧。

永斷根元我 天王來至此 及諸魔怨屬
復以方便降 令著解脫冠 今於此樹下
坐於金剛牀 以獲一切智 還元所尋慧
我坐此樹下 見生死之苦 已却死元本
老病永無餘

今時世尊說此偈已便從坐起而去
欲向波羅捺國是時優毗伽梵志遙
見世尊光色炳然翳日月明見已白
世尊曰瞿曇師主今為所在為依何
人出家學道恒喜說何法教為從何
來為欲所至今時世尊向彼梵志而
說此偈

我成阿羅漢 世間軍無比 天及世間人
我今寂為上 我亦無師保 亦復无與等
獨尊元過者 冷而無復溫 今當轉法輪
往詣加尸那 今以甘露藥 開彼盲冥者
波羅捺國界 加尸國王土 五比丘住處
欲說微妙法 使彼早成道 及得漏盡通
以除惡法元 是故寂為勝

時彼梵志嘆吒儼頭叉手彈指含笑
引道而去時世尊往詣波羅捺是時
五比丘遙見世尊來見已各共論議
此是沙門瞿曇從遠而來情性錯亂

心不專精我等勿復共語亦莫起迎亦莫請坐

此人不應敬亦莫共親視勿復稱善來亦莫請使坐

尔時五人說此偈已皆共默然尔時世尊至五比丘所漸漸欲至時五比丘漸起来迎或與敷座者或與取水者尔時世尊即前就坐作是思惟此是愚癡之人竟不能全其本限尔時五比丘稱世尊為卿是時世尊告五比丘曰汝等莫卿無上至真等正覺所以然者我今已成無上至真等正覺已獲甘露善自專念聽吾法語尔時五比丘白世尊曰瞿曇本苦行時尚不能得上人之法况復今日意情錯乱言得道乎世尊告曰云何五人汝等曾聞吾言要語乎五比丘曰不也瞿曇世尊告曰如來等正覺已得甘露汝等悉共專心聽吾說法是時世尊便復作是念我今堪任降此五人是時世尊告五比丘汝等當知有此四諦云何為四苦諦苦習諦苦盡諦苦出要諦彼云何名為苦諦所謂生苦

老苦病苦死苦憂悲惱苦愁憂苦痛
不可稱記怨憎會苦思愛別苦所欲
不得亦復是苦取要言之五盛陰苦
是謂苦諦云何苦習諦所謂受愛之
分習之不憊意常貪著是謂苦習諦
彼云何苦盡諦能使彼愛滅盡無餘
亦不更生是謂苦盡諦彼云何名為
苦出要諦所謂賢聖八品道所謂等
見等治等語等業等命等方便等念
等定是謂名為四諦之法然復五比丘
此四諦之法苦諦者眼生智生明生覺
生光生慧生本未聞法復次苦諦者實
定不虛不妄終不有異世尊之所說
故名為苦諦苦習諦者本未聞法眼
生智生明生覺生光生慧生復次苦
習諦者實定不虛不妄終不有異世
尊之所說故名為苦習諦苦盡諦者
本未聞法眼生智生明生覺生慧生
光生復次苦盡諦者實定不虛不妄
終不有異世尊之所說故名為苦盡
諦苦出要諦者本未聞法眼生智生
明生覺生光生慧生復次苦出要諦
者實定不虛不妄終不有異世尊之

所說故名爲苦出要諦五比丘當知
此四諦者三轉十二行如實不知者
則不成無上正真等正覺以我分別
此四諦三轉十二行如實知之是故
成無上至真等正覺今時說此法時
阿若拘隣諸塵垢盡得法眼淨是時
世尊告拘隣曰汝今以還法得法拘
隣報曰如是世尊以得法還法是時
地神聞此語已作是唱今如來在波
羅捺國轉法輪諸天世人魔若魔天人
及非人所不能轉者今日如來轉此
法輪阿若拘隣已得甘露之法是時
四天王從地神聞唱令聲復傳告曰
阿若拘隣以得甘露之法是時三十
三天復從四天王聞艷天從三十三
天聞乃至兜術天展轉聞聲乃至梵
天亦復聞聲如來在波羅捺轉法輪
諸天世人魔若魔天人及非人所不
轉者今日如來轉此法輪今時便名
爲阿若拘隣今時世尊告五比丘汝
等二人住受教誨三人乞食三人所
得食者六人當共食之三人住受教
誨二人往乞食二人所得食者六人

當取食之。今時教誨。此時成无生涅
槃法。亦成無生无病无老无死。是時
五比丘盡成阿羅漢。是時三千大千
刹土有五阿羅漢。佛為第六。今時世
尊告五比丘。汝等盡共入間乞食。慎
莫獨行。然復衆生之類。諸根純熟。應
得度者。我今當往。優留毗村聚。在彼
說法。今時世尊便往。至優留毗村聚
所。今時連若河側有迦葉。在彼止住。
知天文地理。靡不貫博。竿數樹葉。皆
悉了知。將五百弟子。日日教化。去迦
葉不遠。有石室於石室中。有毒龍在。
彼止住。今時世尊至迦葉所。到已。語
迦葉言。吾欲寄在石室中一宿。若見
聽者。當往止住。迦葉報曰。我不愛惜。
但彼有毒龍。恐相傷害耳。世尊告曰。
迦葉。无苦龍不害吾。但見聽許止住。
一宿。迦葉報曰。若欲住者。隨意往住。
今時世尊即往石室敷座而宿。結跏
趺坐。正身正意。繫念在前。是時毒龍
見世尊坐。便吐火毒。今時世尊入慈
三昧。從慈三昧起。入焰光三昧。今時
龍火佛光一時俱作。今時迦葉夜起。

瞻視星宿見石室中有大火光見已
便告弟子曰此瞿曇沙門容貌端政
今為龍所害甚可憐愍我先亦有此
言彼有惡龍不可止宿是時迦葉告
五百弟子汝持水瓶及舉高梯往救
彼火使彼沙門得濟此難今時迦葉
將五百弟子往詣石室而救此火或
持水灑者或施梯者而不能使火時
滅皆是如來威神所致今時世尊入
慈三昧漸使彼龍無復瞋恚時彼惡龍
心懷恐怖東西馳走欲得出石室然
不能得出石室是時彼惡龍來向如
來入世尊鉢中位是時世尊以右手
摩惡龍身便說此偈

龍出甚為難 龍與龍共集 龍勿起害心
龍出甚為難 過去恒沙數 諸佛般涅槃
汝竟不遭遇 皆由瞋恚火 善心向如來
速捨此恚毒 已除瞋恚毒 便得生天上
增壹阿含經卷第十四

癸卯歲高麗國大藏都監奉

勅彫造

高幢品第二十四之二

東晉劉宋時譯經僧鳩摩羅伽提婆譯

尔時彼惡龍吐舌舐如來手熟視如
來面是時世尊明日清旦手擎此惡
龍往詣迦葉語迦葉曰此是惡龍極
為兇暴今以降之尔時迦葉見惡龍
已便懷恐怖白世尊曰止止沙門勿
復來前龍俗相害世尊告曰迦葉勿
懼我今已降之終不相害所以然者
此龍已受教化是時迦葉及五百弟
子歎未曾有甚奇甚特此瞿曇沙門
極大威神能降此惡龍使不作惡雖
尔故不如我得道真尔時迦葉白世
尊曰大沙門當受我九十日請所須
衣被飯食悉卧具病瘦醫藥盡當供
給尔時世尊默然受迦葉請時世尊
以此神龍著大海中而彼惡龍隨壽
長短命終之後生四天王天上是時
如來還止石室迦葉供辦種種飯食
已往白世尊飯食已辦可往就食世
尊告曰迦葉在前吾王亦當往迦葉

去後便往至閻浮提界上閻浮樹下
取閻浮果還先至迦葉石室中坐是
時迦葉見世尊在石室中白世尊曰
沙門為從何道來至石室佛告迦葉
汝去之後吾至閻浮提界上取閻浮
果還來至此坐迦葉當知此果甚為
香美可取食之迦葉對曰我不須是
沙門自取食之是時迦葉復作是念
此沙門極有神足有大威力乃能至
閻浮界上取此美果雖尔故不如我
道真是時世尊食已還在彼止宿迦
葉清朝至世尊所到已白世尊曰食
時以至可往就食佛告迦葉汝並在
前吾後當往迦葉去後便至閻浮界
上取阿摩勒果還先至迦葉石室中
坐迦葉白世尊曰沙門為從何道來
至此聞世尊告曰汝去之後至閻浮
界上取此果來極為香美若須者便
取食之迦葉對曰吾不須是沙門自
取食之是時迦葉復作是念此沙門
極有神力有大威神吾去之後取此
果來雖尔故不如我我已得道是時
世尊食已還彼止宿明日迦葉至世尊

所而作是說食時已至可往就食佛
告迦葉汝並在前吾後當往迦葉去
後世尊至北鬱單曰取自然粳米來
還至迦葉石室迦葉問佛沙門為從
何道來至此坐世尊告曰迦葉當知
汝去之後吾至鬱單曰取自然粳米
極為香好迦葉須者便取食之迦葉
對曰吾不須是沙門自取食之迦葉
復作是念此沙門極有神足有大神
力雖今故不如我得道真是時世尊
食已還彼止宿明日迦葉至世尊所
而作是說食時已至可往就食佛告
迦葉汝並在前吾後當往迦葉去後
世尊至瞿耶尼取呵梨勒果先至迦
葉石室中坐迦葉問佛沙門為從何
道來至此坐佛告迦葉汝去之後吾
至瞿耶尼取此果來極為香美迦葉
須者可取食之迦葉對曰不須是沙
門自取食之迦葉復作是念此沙門
極有神力有大威神雖今故不如我
得道真是時世尊食已還彼止宿明
日迦葉至世尊所而白時至可往就
食佛告迦葉汝並在前吾後當往迦

葉去後世尊至弗于逮取毗醯勒果
 先至迦葉石室中坐迦葉問佛沙門
 為從何道來至此坐佛告迦葉汝去
 之後吾至弗于逮取此果來極為香
 好迦葉須者可取食之迦葉對曰吾
 不須是沙門自取食之迦葉復作是
 念此沙門極有神力有大神足雖尔
 故不如我得道真是時世尊食已還彼
 止宿是時迦葉時欲大祠五百弟子
 執斧破薪手擎斧而斧不下是時迦
 葉復作是念此必沙門所為是時迦
 葉問世尊曰今欲破薪斧何故不下
 也世尊告曰欲得斧下耶曰欲使下
 斧尋時下是時彼斧既下復不得舉
 迦葉復白佛言斧何故不舉世尊告
 曰欲使斧舉耶曰欲使舉斧尋得舉
 尔時迦葉弟子意欲然火火不得然
 是時迦葉復作是念此必沙門瞿曇
 所為迦葉白佛火何故不然佛告迦
 葉欲使火然耶曰欲使然火尋時然
 尔時意欲滅火火復不滅迦葉白佛
 火何故不滅佛告迦葉欲使火滅耶
 曰欲使滅火尋時滅迦葉便作是念

此沙門瞿曇面目端政世之希有吾
明日欲大祠國王人民盡當來集設
當見此沙門者吾不復得供養此沙
門明日不來者便為大幸是時世尊
知迦葉心中所念明日清旦至鬱單
曰取自然粳米瞿耶尼取乳汁往至
阿耨達泉而食竟日在彼住向暮還
至石室止宿迦葉明日至世尊所問
曰沙門昨日何故不來佛告迦葉汝
昨日作是念此瞿曇極為端政世之
希有吾明日大祠若國王人民見者
便斷吾供養設不來者便是大幸我
尋知汝心之所念乃至鬱單口取自
然粳米瞿耶尼取乳汁往阿耨達泉
上食竟日在彼向暮還至石室中止
宿是時迦葉復作是念此大沙門極
有神足實有威神雖今故不如我得
道真是時世尊食已還石室止宿即
夜四天王至世尊所而聽經法四天
王亦有光明佛亦大放光照彼山野
洞然一色時彼迦葉夜見光明明日
清旦至世尊所到已白世尊曰昨夜
是何光明照此山野世尊告曰昨夜

四天王來至我所而聽法是彼四天王之光明是時迦葉復作是念此沙門極有神力乃能使四天王來聽經法雖有此力由不如我得道真

是時世尊食已還在彼宿夜半釋提桓因來至世尊所而聽法天帝光明復照彼山時彼迦葉夜起瞻星見此光明明日清旦迦葉至世尊所問曰瞿曇昨夜光明極為殊特有何因緣至此聽經故有此光明耳時迦葉復作是念此沙門瞿曇極有神力有大威神乃能使天帝釋來聽經法雖余故不如我得道真是時世尊食已還在彼宿夜半梵天王放大光明照彼山中至世尊所而聽經法時迦葉夜起見光明明日至世尊所而問曰昨夜光明倍有所照勝於日月光明有何等因緣致此光明世尊告曰迦葉當知昨夜大梵天王來至我所而聽經法是時迦葉復作是念此沙門瞿曇極有神力乃能使我祖父來至此沙門所而聽經法雖余故不如我得

道真今時世尊得弊壞五納衣意欲浣濯便作是念我當於何處而浣此衣是時釋提桓因知世尊心中所念即化作浴池白世尊曰可在此浣衣是時世尊復作是念吾當於何處躡浣此衣時四天王知世尊心中所念便舉大方石著水側白世尊曰可在此而躡衣是時世尊復作是念吾何處而曝此衣時樹神知世尊心中所念便垂樹枝白世尊曰唯願在此曝衣明日清旦迦葉至世尊所問世尊以今無此池今有此池今元此樹今有此樹今元此石今有此石有何因緣而有此變世尊告曰此是昨夜天帝釋知吾欲浣衣故作此浴池吾復作是念當於何處躡浣此衣時四天王知吾心中所念便持此石來吾復作是念當於何處而曝此衣時樹神知我心中所念便垂此樹枝耳是時迦葉復作是念此沙門瞿曇雖神故不如我得道真是時世尊食已還於彼宿是時夜半有大黑雲起而作大雨連若大河極為瀑溢是時迦葉復作是

念此河瀑溢沙門必當為水所漂我
今看之是時迦葉及五百弟子往至
河所今時世尊在水上行脚不為水
所漬是時迦葉遙見世尊在水上行
是時迦葉便作是念甚奇其特沙門
瞿曇乃能在水上行我亦能在水上
行但不能使脚不汙耳此沙門雖神
故不如我得道真是時世尊語迦葉
言汝亦非阿羅漢復不知阿羅漢道
汝尚不識阿羅漢名况得道乎汝是
盲人目无所覩如來現今許變化故
言不如我得道真汝方作是語吾能
在水上行今正是時可共在水上行
耶汝今可捨邪見之心无令長夜受
此苦惱是時迦葉聞世尊語已便前
頭面礼足我今悔過深知非法乃觸
如來唯願受悔如是再三世尊告曰
聽汝敗過乃能自知觸擾如來是時
迦葉告五百弟子曰汝等各隨所
我今自歸沙門瞿曇是時五百弟子
白迦葉言我等先亦有心於沙門瞿
曇當降龍時尋欲歸命若師自歸瞿
曇者我等五百弟子盡自歸於瞿曇

所迦葉報言今正是時然復我心執
此愚癡見尔許變化意由不解故自
稱言我道真正是時迦葉將五百弟
子前後圍繞至世尊所頭面礼足在
一面立白世尊曰唯願世尊聽我等
得作沙門修清淨行諸佛常法若稱
善來比丘便成沙門是時世尊告迦
葉曰善來比丘此法微妙善修梵行
是時迦葉及五百弟子所著衣裳盡
變作袈裟頭髮自落如似剃髮以經
七日是時迦葉學術之具及於呪術
盡投水中時五百弟子白世尊曰唯
願世尊聽我等得作沙門世尊告曰
善來比丘時五百弟子即成沙門袈
裟著身頭髮自落尔時順水下流有
梵志名江迦葉在水側住是時江迦
葉見呪術之具盡為水所漂便作是
念出哉我大兄為水所溺是時江迦葉
將三百弟子順水上流求兄屍骸遙
見世尊在一樹下坐及大迦葉五百
弟子前後圍繞而為說法見已便前
至迦葉所而作是語此事為好耶本
為人師今為弟子大兄何故與沙門

作弟子乎迦葉對曰此處為妙无過
此處是時優毗迦葉向江迦葉而說
此偈

此師人天貴我今師事之諸佛興出世
甚為難得遇

是時江迦葉聞佛名号甚懷歡喜踊
躍不能自勝前白世尊願聽為道世
尊告曰善來比丘善修梵行盡於苦
際是時江迦葉及三百弟子即成沙
門袈裟著身頭髮自落是時江迦葉
及三百弟子呪術之具盡投水中尔
時順水下頭有梵志名伽夷迦葉在
水側住遙見呪術之具為水所漂便
作是念我有二兄在上學道今呪術
之具盡為水所漂二大迦葉必為水
所害即將二百弟子順水上流乃至
學術之處遙見二兄而作沙門便作
是語此處好耶本為人尊今為沙門
弟子迦葉報曰此處寂妙无過此處
是時伽夷迦葉便作是念今我二兄
多知博學此處必是善地使我二兄
在中學道我今亦可在中學道是時
伽夷迦葉前白世尊唯願世尊聽作

沙門世尊告曰善來比丘善修梵行
盡於苦際是時伽夷迦葉即成沙門
袈裟著身頭髮自落如似剃頭以經
七日是時世尊在彼河側住屈拘類
樹下成佛未久將千弟子是皆耆舊
宿長是時世尊以三事教化云何為
三所謂神足教化言教教化訓誨教
化彼云何名為神足教化余時世尊或
作若干形還合為一或不現或現石
壁皆過無所罣碍或出地或入地猶
如流水無所觸碍或結跏趺坐滿虛
空中如鳥飛空元有罣碍亦如火
山烟出無量此日月有大神力不可
限量以手往捉身乃至梵天如是世
尊現神足彼云何名為言教教化余
時世尊教諸比丘當捨是置是當近
是遠是當念是去是當觀是不觀是
彼云何當修是不修是者當修七覺
意滅三結彼云何當觀當不觀者當
觀三結沙門善所謂出要樂无恚樂
無怒樂彼云何不觀所謂三沙門苦
云何為三所謂欲觀恚觀怒觀彼云
何念云何不念今時當念苦諦當念

習諦當念盡諦當念道諦莫念邪諦
有常見無常見有邊見無邊見彼命
彼身非命非身如來命終如來不命
終有終有不終亦不有終亦不無終
莫作是念彼云何名為訓誨教化復
次當作是去不應作是去作是來不
應作是來默然作是言說當持如是
衣不應持如是衣應如是入村不應
如是入村是謂名為訓誨教化是時
世尊以此三事教化千比丘是時彼
比丘受佛教已千比丘盡成阿羅漢
是時世尊以見千比丘得羅漢時
闍浮里地有千阿羅漢及五百佛
為六師迦坐向迦毗羅衛是時優毗
迦葉便作是念世尊何故向迦毗羅
衛坐是時優毗迦葉即前長跪白世
尊曰不審如來何故向迦毗羅衛坐
耶世尊告曰如來在世間應行五事
云何為五一者當轉法輪二者當與
父說法三者當與母說法四者當導
凡夫人立菩薩行五者當授菩薩別
是謂迦葉如來出世當行此五法是
時優毗迦葉復作是念如來故念親

族本邦故向彼坐耳是時五比丘漸
來至互連水側到世尊所頭面礼足
在一面坐是時尊者優陀耶遙見世
尊向迦毗羅衛坐見已便作是念世
尊必當欲往至迦毗羅衛見諸親里
是時優陀耶即前長跪白世尊曰我
今堪任欲有所問唯願敷演世尊告
曰欲所問者便問之優陀耶白世尊
曰觀如來意欲向迦毗羅衛世尊告
曰如是如汝所言優陀耶當知先至
白淨王所吾以後當往所以然者刹
利之種先當遣使令知然後如來當往
汝到語王却後七日如來當來見王優
陀耶對曰如是世尊是時優陀耶即
從坐起整衣服礼世尊足於世尊前
不現往至迦毗羅衛到真淨王所到
已在王前立尔時真淨王在大殿上
坐及諸姊妹是時優陀耶飛在空中
時真淨王見優陀耶手執鉢持杖而
在前立見已便懷恐怖而作是說此
是何人人耶非人耶天耶鬼耶閼叉
羅刹天龍鬼神耶時真淨王問優陀
耶曰汝是何人又以此偈向優陀耶說

為天為是鬼軋杳想等乎汝今名為誰
我今欲知之

是時優陀耶復以此偈報王曰

我亦非是天非是軋杳想於是迦毗國
大王邦土人昔壞十八億弊魔波旬眾

我師釋迦文是彼真弟子

時真淨王復以此偈向優陀耶說

誰壞十八億弊魔波旬眾誰字釋迦文
汝今歎說之

是時優陀耶復說此偈

如來初生時天地普大動誓願志成辦
今日号志達彼降十八億弊魔波旬眾
彼名釋迦文今日成佛道彼人釋師子
瞿曇次弟子今日作沙門本字優陀耶
是時真淨王聞此語已便懷歡喜不
能自勝語優陀耶曰云何優陀耶志
達太子今故在耶優陀耶報言釋迦
文佛今日現在時王問言今已成佛
耶優陀耶報言今已成佛王復問言
今日如來竟為所在優陀耶報言如
來今在摩竭國界尼拘類樹下時王
報言翼從弟子斯是何人優陀耶報
曰諸天億數及千比丘四天王恒在

左右時王問言所著衣服為像何類
優陀耶報言如來所著衣裳名曰袈
裟時王問言食何等食優陀耶報言
如來身者以法為食王復問曰云何
優陀耶如來可得見不優陀耶報言
王勿愁悵却後七日如來當來入城
是時王極歡喜不能自勝手自斟酌
供養優陀耶是時真淨王擊大鳴鼓
勅國界人民平治道路除去不淨以
香汁灑地懸繒幡蓋作倡伎樂不可
稱計復勅國中諸有齷齪瘡癰者盡
使不現却後七日悉達當來入城是
時真淨王聞佛當來入城七日之中
亦不睡眠是時世尊以至七日便作
是念我今宜可以神足力往詣迦毗
羅衛國是時世尊即將諸比丘前後圍
遶往詣迦毗羅衛國到已便詣城北
薩盧園中是時真淨王聞世尊已達
迦毗羅衛城北薩盧園中是時真淨
王將諸釋衆往詣世尊所是時世尊
復作是念若真淨王躬自来者此非
我宜我今當往與共相見所以然者
父母恩重育養情甚是時世尊將諸

比丘衆往詣城門飛在虛空去地七
仞是時真淨王見世尊端政無比世
之希有諸根寂靜元衆多念身有三
十二相八十種好而自在身發歡喜
之心即便頭面札足而作是說我是
刹利王種名曰真淨王世尊告曰今
大王享壽無窮是故大王當以正法
治化勿用邪法天王當知諸有用正
法治化者身懷命終生善處天上是
時世尊即空中行至真淨王宮中到
已就座而坐時王見世尊坐定手自
斟酌行種種飲食見世尊食竟行淨
水更取一小座而聽經今時世尊與
真淨王漸說妙義所謂論者施論戒
論生天之論欲不淨行出要為樂今
時世尊見王心開意解諸佛世尊常
所說法苦習盡道盡向王說是時真
淨王即於座上諸塵垢盡得法眼淨
是時世尊與王說法已即從座起而
去是時真淨王普集釋衆而作是說
諸沙門等顏貌極醜刹利之種將諸
梵志衆此非其宜刹利釋種還得刹
利衆此乃為妙諸釋報言如是大王

如大王教剎利還得剎利衆此乃為
妙是時王告國中諸有兄弟二人當
取一人作道其不尔者當重謫罰待
諸釋衆聞王教令諸有兄弟二人當
取一人為道其不從教當重謫罰是
時提婆達兜釋種語阿難釋言真淨
王今日有教諸有兄弟二人當分一
人作道汝今出家學道我當在家修
治家業是時阿難釋歡喜踊躍報言
如兄來教是時難陀釋語阿那律釋
言真淨王有教其有兄弟二人者當
分一人作道其不尔者當重謫罰汝
今出家我當在家是時阿那律釋聞
此語已歡喜踊躍不能自勝報曰如
是如兄來教是時真淨王將斛淨叔
淨釋甘露釋至世尊所尔時駕四馬
之車白車白蓋白馬駕之第二釋乘
青車青蓋青馬駕之第三釋乘黃車
黃蓋黃馬駕之第四釋乘赤車赤蓋
赤馬駕之是時諸釋有乘烏者有乘
馬者皆悉來集是時世尊遙見真淨
王將諸釋衆而來告諸比丘汝等觀
此釋衆并觀真淨王衆比丘當知三

十三天出園觀時亦如此法無有異
是時阿難乘大白爲白衣白蓋見已
告諸比丘汝等見此阿難釋乘白爲
白衣不乎諸比丘對曰唯然世尊我
等見之佛告比丘此人當出家學道
第一多聞堪侍左右汝等見此阿那
律不乎諸比丘對曰唯然見之佛告
比丘此人當出家學道天眼第一是
時真淨王及兄弟四人并難陀阿難
皆步進前除去五好至世尊所頭面
札足在一面坐尔時真淨王白佛言
昨日夜生此念剎剎之衆不應將梵
志衆還將剎剎衆此是其宜我便告
令國中諸有兄弟二人者便取一人
使出家學道唯願世尊聽出家學道
世尊告曰善哉大王多所饒益天人
得安所以然者此善知識良祐福田
我亦緣善知識得脫此生老病死是
時諸釋衆便得爲道是時真淨王白
世尊曰唯願世尊教誨此新比丘當
如教誨優陀耶所以然者此優陀耶
比丘極有神力願優陀耶比丘恒在
宮中教化使衆生之類長夜獲安隱

所以然者此比丘極有神力我初見
優陀耶比丘便發歡喜之心我便作
此念弟子尚有神力況彼如來而無
此神力乎世尊告曰如是大王如大
王教此優陀耶比丘極有神力有大
威德余時世尊告諸比丘第一弟子
博識多知國王所念所謂阿若拘隣
比丘是能勸化人民優陀耶比丘是
有速疾智所謂摩訶男比丘是恒喜
飛行所謂須婆休比丘是空中往來
所謂婆破比丘是多諸弟子所謂優
毗迦葉比丘是意得觀空所謂江迦
葉比丘是意得止觀所謂烏迦葉比
丘是余時世尊廣與真淨王說微妙
之法余時王聞法已即從坐起頭面
礼足便退而去余時諸比丘及真淨
王聞佛所說歡喜奉行

增壹阿含經卷第十五

癸卯歲高麗國大藏都監奉
勅彫造

增壹阿含經卷第十六

蘭

高幢品第二十四之三

東晉時高僧慧遠撰要僧伽提婆譯

聞如是一時佛在舍衛國祇樹給孤獨園。今時世尊告諸比丘。十五日中。有三齋法。云何為三。八日。十四日。十五日。比丘當知。或有是時。八日齋日。四天王遣諸輔臣。觀察世間。誰有作善惡者。何等衆生有慈孝父母沙門。婆羅門及尊長者。頗有衆生好喜布施修戒忍辱精進。三昧演散經義。持八關齋者。具分別之說。无衆生孝順父母沙門。婆羅門及尊長者。是時輔臣白四天王。今此世間。無有衆生孝順父母沙門。道士行四等心。慈愍衆生。時四天王聞已。便懷愁憂。慘然不悅。是時四王即往忉利天上。集善法讚堂。以此因緣。具白帝釋天帝。當知今此世間。無有衆生孝順父母沙門。婆羅門及尊長者。是時帝釋三十三天間。斯語已。皆懷愁憂。慘然不悅。減諸天衆。增益阿須倫衆。設復有時。若

世間衆生之類有孝順父母沙門婆
羅門及尊長者持八開齋修德清淨
不犯禁戒大如毛髮亦時使者歡喜
踴躍不能自勝即白四王今此世間
多有衆生孝順父母沙門婆羅門及
諸尊長天王聞已甚懷喜悅即往釋
提桓因所以此因緣具白帝釋天帝
當知今此世間多有衆生孝順父母
沙門婆羅門及諸尊長時帝釋三上
三天皆懷歡喜不能自勝增益諸天
衆咸損阿須倫衆地獄拷掠自然休
息毒痛不行若十四日齋日之時遣
太子下察行天下伺察人民施行善
惡頗有衆生信佛信法信比丘僧孝
順父母沙門婆羅門及尊長者好喜
布施持八開齋閉塞六情防制五欲
設無衆生修五法者孝順父母沙門
婆羅門亦時太子白四天王四天王
聞已便懷愁憂慘然不悅往至釋提
桓因所以此因緣具白天帝大王當
知今此世間无有衆生孝順父母沙
門婆羅門及尊長者時天帝三十
三天皆懷愁憂慘然不悅減諸天衆

增壹阿須倫衆設復衆生有孝順父母沙門婆羅門及尊長者持八關齋
今時太子歡喜踊躍不能自勝即往
白四天王大王當知今此世間多有
衆生孝順父母沙門婆羅門及諸尊
長是時四天王聞此語已甚懷喜悅
即往詣釋提桓因所以此因緣具白
天帝聖王當知今此世間多有衆生
孝順父母沙門婆羅門及諸尊長受
三自歸慈心諫諍誠信不欺時天帝
四王及三十三天皆懷歡喜不能自
勝增益諸天衆減損阿須倫衆比丘
當知十五日說戒之時四天王躬自
來下案行天下伺察人民何等衆生
孝順父母沙門婆羅門及尊長者好
喜布施持八關齋如來齋法設无衆
生孝順父母沙門婆羅門及尊長者
時四天王便懷愁悵慘然不悅往至
帝釋所以此因緣具白天帝大王當
知今此世間无有衆生孝順父母沙
門婆羅門及諸尊長者是時釋提桓
因三十三天皆懷愁憂慘然不悅減
諸天衆增益阿須倫衆設復是時衆

生之類有孝順父母沙門婆羅門及諸尊長持八關齋今時四天王便懷歡喜踊躍不能自勝即往帝釋所以此因緣具白天帝大王當知今此世間多有衆生孝順父母沙門婆羅門及諸尊長是時釋提桓因三十三天及四天王皆懷歡喜踊躍不能自勝增益諸天衆減損阿須倫衆今時世尊告諸比丘云何十五日持八關齋法是時諸比丘白世尊曰如來是諸法之王諸法之印唯願世尊當為諸比丘布演此義諸比丘聞已當奉行于世尊告曰諦聽諦聽善思念之吾當為汝具分別說於是比丘若有善男子善女人於月十四十五日說戒持齋時到四部衆中當作是語我今齋日欲持八關齋法唯願尊者當與我說之是時四部之衆當教與說八關齋法先教作是語善男子當自稱名字彼已稱名字便當與說八關齋法是時教授者當教前人作是語我今奉持如來齋法至明日清旦修清淨戒除去惡法若身惡行口吐惡語

意生惡念身三口四意三諸有惡行
已作當作或能以貪欲故所造或能
以瞋恚所造或能以愚癡所造或能
能今身後身無數身或能不識佛不
識法或能闕比丘僧或能煞害父母
諸尊師長我今自懺悔不自覆藏依
戒依法成其戒行受八閔如來齋法
云何為八閔齋法持心如真人盡形
壽不煞無有害心於衆生有慈心之
念我今字某持齋至明日清旦不煞
無有害心有慈心於一切衆生如阿
羅漢无有邪念盡形壽不盜好喜布
施我今字某盡形壽不盜自今至明
日持心如是真人我今盡形壽不淫
泆无有邪念恒修梵行身體香潔今
日持不淫之戒亦不念已妻復不念
他女人想至明日清旦无所觸犯如
阿羅漢盡形壽不妄語恒知至誠不
欺他人自今至明日不妄語我自今
以後不復妄語如阿羅漢不飲酒心
意不乱持佛禁戒无所觸犯我今亦
當如是自今日至明日不復飲酒持

佛禁戒無所觸犯如阿羅漢盡形壽
不壞齋法恒以時食少食知足不著
於味我今亦如是盡形壽不壞齋法
恒以時食少食知足不著於味從今
日至明旦如阿羅漢恒不在高廣之
牀上坐所謂高廣之牀金銀爲牙之
牀或角牀佛座辟支佛座阿羅漢座
諸尊師座是時阿羅漢不在此八種
座我亦上坐不犯此坐如阿羅漢不著
香華脂粉之飭我今亦當如是盡形壽
不著香華脂粉之好我今字某離此
八事奉持八閼齋法不墮三惡趣持
是功德不入地獄餓鬼畜生八難
之中恒得善知識莫與惡知識從事
恒得好父母家生莫生邊地無佛法
處莫生長壽天上莫與人作奴婢莫
作梵天莫作釋身亦莫作轉輪聖王
恒生佛前自見佛自聞法使諸根不
亂若我誓願向三乘行速成道果比
丘當知若有優婆塞優婆夷持此八
閼齋法彼善男子善女人當趣三道
或生人中或生天上或般涅槃今時
世尊便說此偈

不煞亦不盜 不淫不妄語 避酒遠香花
著味犯齋者 歌舞作倡伎 學捨如羅漢
今持八關齋 晝夜不怠失 不有生死苦
无有周旋期 莫與恩愛集 亦莫怨憎會
願滅五陰苦 諸痛生死惱 涅槃无諸患
我今自歸之

是故諸比丘若有善男子善女人欲
持八關齋離諸苦者得善處者欲得
盡諸漏入涅槃城者當求方便成此
八關齋法所以然者人中榮位不足
為貴天上快樂不可稱計若善男子
善女人欲求無上之福者當求方便
成此齋法我今重告勅汝若有善男
子善女人成八關齋者欲求生四天
王上亦獲此願持戒之人所願者得
我以是故而說此義耳人中榮位不
足為貴若善男子善女人持八關齋
者身壞命終生善處天上亦生艷天
梵術天化自在天他化自在天終不
有虛所以然者以其持戒之人所願
者得諸比丘我今重告汝若有男子
女人持八關齋者生欲天者生色天
者亦成其願何以故余以其持戒之

人所願者得若復善男子善女人持
八關齋欲得生无色天者亦果其願
比丘當知若善男子善女人持八關
齋者欲生四姓家者亦復得生又善
男子善女人持八關齋人欲求作一
方天子二方三方四方天子亦獲其
願欲求作轉輪聖王者亦獲其願所
以然者以其持戒之人所願者得若
善男子善女人欲求作聲聞緣覺佛
乘者志成其願吾今成佛由其持戒
五戒十善无願不獲諸比丘若欲成
其道者當作是學尔時諸比丘聞佛
所說歡喜奉行

聞如是一時佛在舍衛國祇樹給孤
獨園尔時世尊告諸比丘有三事現
在前尔時善男子善女人獲福无量
云何為三信現在前善男子善女人獲
福無量若財現在前尔時善男子善
女人獲福无量若復持梵行現在前
尔時善男子善女人獲福无量是謂
比丘有此三事現在前獲福無量尔
時世尊便說此偈

信財梵難得受者持戒人覺此三事已

智者隨時施長夜獲安隱諸天恒扶將
在彼自娛樂五欲無厭足

以是諸比丘若善男子善女人當求
方便成此三法如是諸比丘當作是
學今時諸比丘聞佛所說歡喜奉行
聞如是一時佛在拘深城瞿師羅園
中今時拘深比丘恒好鬪訟犯諸惡
行面相談說或時刀杖相加今時世
尊清旦往詣彼比丘所到已世尊告
彼比丘汝等比丘慎莫鬪訟莫相是
非諸比丘當共和合共一師侶同一
水乳何為鬪訟今時拘深比丘白世
尊曰唯願世尊勿憂此事我當自慮
此理如此過狀自識其罪世尊告曰
汝等云何為王種作道為畏恐故作
道為以世儉故作道耶諸比丘對曰
非也世尊世尊告曰云何比丘汝等
豈非欲離生死求無為道故作道乎
然五陰之身實不可保諸比丘對曰如
是世尊如世尊教我等族姓子所以
出家學道者以求無為道滅五陰身
是以學道世尊告曰諸比丘不應作
道而復鬪諍手拳相加面相是非惡

聲相向汝等當應成就此行共同一法共一師受亦當行此六種之法亦當行此身口意行亦當行此供養諸梵行者諸比丘對曰此是我等事世尊勿足慮此事今時世尊重告拘深比丘云何愚人汝等不信如來語乎方語如來勿慮此事然汝等自當受此邪見之報今時世尊重告彼比丘曰過去久遠此舍衛城中有王名曰長壽王聰明黠慧无事不知然善明刀劍之法又乏寶物諸歲無充財貨減少四部之兵亦復不多臣佐之屬亦復減少當於今時婆羅捺國有王名梵摩達勇猛剛健靡不降伏錢財七寶悉皆滿藏四部之兵亦復不乏臣佐具足今時梵摩達王便作是念此長壽王无有臣佐又乏財貨無有珍寶我今可往攻罰其國人時梵摩達王即便興兵往罰其國今時長壽王聞興兵攻罰其國即設方計我今雖無七寶之財臣佐之屬四部之兵彼王雖復多諸兵衆如我今日一夫之力足能壞彼百千之衆煞害衆生不

可稱計不可以一世之榮作永世之罪我今可出此城更在他國使無聞諍尔時長壽王不語臣佐將第一夫人及將一人出舍衛城入深山中是時舍衛城中臣佐人民以不見長壽王便遣信使往詣梵摩達王所作是說唯願大王來至此土今長壽王莫知所在是時梵摩達王來至迦尸國中而自治化然長壽王有二夫人皆懷妊臨欲在產是時夫人自夢在都市中生又日初出四部之兵手執五尺刀各共圍遶而獨自產元有佐者見已便自驚覺以此因緣白長壽王王告夫人曰我今在此深山之中何緣乃當在舍衛城內在都市中產乎汝今欲生者當如庶生是時夫人曰設我不得如此產者正尔取死是時長壽王聞此語已即於其夜更改衣服不將人來入舍衛城時長壽王有一大臣名曰善華甚相愛念有小事緣出城而見長壽王入城時彼善華大臣熟視王已便捨而去嘆息墮淚復道而行時長壽王便逐彼大臣

將屏屏處而語言慎莫出口大臣對
曰如大王教不審明王有何教勅長
壽王曰憶我舊恩便有反復時臣對
曰大王有教令我當辦之長壽王曰
我夫人者昨夜夢在市中產又有四
部之兵而見圍遶生一男兒極自端
正若不如夢產者七日之中當取命
終大臣報曰我今堪辦此事如王來
勅作此語已各捨而去是時大臣便
往至梵摩達王所到已而作是說七
日之中意欲觀看大王軍衆烏兵馬
兵車兵步兵兵竟為多少是時梵摩達勅
左右日時催上兵衆如善華語是時善
華大臣七日之中即集兵衆在舍衛都
市中是時彼夫人七日之中來在都
市中時善華大臣遙見夫人來便作
是說善來賢女今正是時尔時夫人
見四部兵衆已便懷歡喜勅左右人
施張大幔時夫人曰初出時便生男
兒端政无雙世之希有時夫人抱兒
還詣山中時長壽王遙見夫人抱兒
而來便作是語使兒老壽受命无極
夫人白三願王當與立字時王即以立

字名曰長生時長生太子年向八歲
父王長壽有小因緣入舍衛城介時長
壽王昔臣劫比見王入城從頭至足
而熟觀視見已便往至梵摩達王所
到已而作是說大王極為放逸長壽
王者今在此城時王瞋恚勅左右人
催奴捕長壽王是時左右大臣將此
劫比東西求索時劫比遙見長壽王
便目示語大臣曰此是長壽王即前
收捕至梵摩達王所到已白言大王
長壽王者此人身是國中人民悉皆
聞知捉得長壽王身時夫人亦復
聞長壽王為梵摩達所捉得聞已便
作是念我今復用活為寧共大王一
時同命是時夫人即將太子入舍衛
城夫人語太子曰汝今更求活處時
長生太子聞已默然不語時夫人徑
往至梵摩達王所王遙見來歡喜踊
躍不能自勝即勅大臣將此夫人及
長壽王至四衢道頭分作四分時諸
大臣受王教令將長壽王及夫人身
皆取返縛遶舍衛城使萬民見介時
人民之類莫不痛心時長生太子在

大衆中見將父母詣市取斂顏色不變時長壽王還願告長生日汝莫見長亦莫見短今時便說此偈

怨怨不休息自古有此法無怨能勝怨此法終不朽

是時諸臣自相謂曰此長壽王極為愚惑長生太子竟是何人在我等前而說此偈時長壽王告諸臣曰我不愚惑但其中智者乃明吾語耳諸臣當知以我一夫之力足能壞此百萬之衆然我復作是念此衆生類死者難數不可以我一身之故歷世受罪怨怨不休息自古有此法無怨能勝怨此法終不朽時彼諸臣將長壽王及夫人身到四衢道頭分作四分即而捨去各還所在時長生太子向暮收拾薪草耶維父母而去余時梵摩達王在高樓上遙見有小兒耶維長壽王及夫人身見已勅左右曰此必是長壽王親里汝催收捉來時諸臣民即往詣彼未到之頃兒已走去時長生太子便作是念此梵摩達王煞我父母又住我國中我今當報父母之怨是

時長生太子便往至彈琴師所到已
便作是說我今欲學彈琴時琴師問
曰今汝姓誰父母為所在小兒對曰
我无父母我本住此舍衛城中父母
早死琴師報曰欲學者便學之比丘
當知尔時長生太子便學彈琴歌曲
時長生太子素自聰明未經數日便
能彈琴歌曲无事不知是時長生太
子抱琴詣梵摩達王所在為廐中非
人之時而獨彈琴並復清歌尔時梵
摩達王在高樓上聞彈琴歌曲之聲
便問勅左右人曰此何人在為廐中
而獨彈琴歌戲臣佐報曰此舍衛城
中有小兒而獨彈琴歌戲時王告侍
者曰可約勅使此小兒來在此戲吾欲
見之時彼使人喚此小兒來至王所
是時梵摩達王問小兒汝昨夜在為
廐中彈琴乎對曰如是大王梵摩達
曰汝今可在吾側彈琴歌儼我當供
給衣被飯食比丘當知尔時長生太
子在梵摩達王前彈琴歌儼極為精妙
時梵摩達王聞此琴音極懷歡喜便
告長生太子當與吾守藏珍寶時長

生太子受王教勅未曾有失恒隨王
意先笑後語恒謔王意今時梵摩達
王復告勅曰善哉善哉汝今作人極
為聰明今復勅汝宮內可否汝斯知
之是時長生太子在內宮中以此琴
音教諸妓女亦復使樂為馬妓術无
事不知是時梵摩達意欲出遊園館共
相娛樂即勅長生催駕寶羽之車時長
生太子即受王教令尋駕寶羽之車被
為金銀鞞勒還來白王嚴駕已辦王知
是時梵摩達王乘寶羽之車使長生御
之及將四部兵衆時長生太子御車引
導恒離大衆時梵摩達王問長生太
子曰今日軍衆斯為所在長生對曰
臣亦不知軍衆所在時王告曰可小
停住吾體疲極欲小止息時長生太
子即自停住使王懈怠比頃軍衆未
至比丘當知今時梵摩達王即就太
子長生膝上睡眠時長生太子以見
王眠便作是念此王於我極是大怨
又取我父母煞之加住我國界今不
報怨者何時當報怨我今斷其命根
時長生太子右手自拔劍左手摸王

駿然復作是念我父臨欲命終時而告我言長生當知亦莫見長亦莫見短加說此偈

怨怨不休息 自古有此法 無怨能勝怨 此法終不朽

我今捨此怨即還內劍如是再三復作是念此王於我極是大怨又取我父母殺之加住我界今不報怨者何日當尅我今正念斷此命根乃名為報怨是時復作憶念汝長生亦莫見長亦莫見短父王有是教勅怨怨不休息自古有此法無怨能勝怨此法終不朽我今可捨此怨即還內劍是時王梵摩達夢見長壽王兒長生太子欲取我殺即便恐懼尋時得覺時長生太子曰大王何故驚起乃至於斯梵摩達曰向者睡眠夢見長壽王兒長生太子拔劍欲取吾殺是故驚耳是時長生太子便作是念今此王已知我是長生太子即右手拔劍左手捉髮而語王曰我今正是長壽王兒長生太子然王是我大怨又取我父母殺加住我國界今不報怨何日當尅時梵

摩達王即向長生而作是說我公命在汝手願垂原捨得全生命長生報曰我可活王然王不全我命王報長生唯願垂濟吾終不取汝殺是時長生太子與王共作言誓俱共相濟命者終不相害比上當知公時長生太子即活王命是時梵摩達王語長生太子言願太子還與我嚴駕寶羽之車還詣國界是時太子即嚴駕寶羽之車二人共乘徑來至舍衛城時王梵摩達即集群臣而作是說設卿等見長壽王見欲取何為其中或有大臣而作是說當斷手足或有言當分身三段或有言當取殺之是時長生太子在王側坐正身正意思惟來言時梵摩達王躬自手提長生太子語諸人言此是長壽王兄長生太子此人身是卿等勿得復有語敢有所說所以然者長生太子見活吾命吾亦活此人命時諸群臣聞此語已歎未曾有此王太子甚奇甚特及能於怨而不報怨時梵摩達王問長生日汝應報我殺何故見放復不殺之將有

何因緣今願聞之長生對曰大王善聽父王臨欲命終之時而作是說汝今亦莫見長亦莫見短又作是語怨怨不休息自古有此法無怨能勝怨此法終不朽是時群臣聞父王此語皆相謂言此狂惑多有所說長生者竟是何人長壽王對曰卿等當知其中有智之人乃明此語耳憶父王此語已是故全王命報耳梵摩達王聞此語已甚奇所作歎未曾有乃能守正父教勅不有所墮時梵摩達王語太子曰汝今所說之義吾猶不解今可與吾說其義使得意解時長生太子對曰大王善聽我當說之梵摩達王取極有親者亦當取王殺之設復梵摩達王所有臣伏復當取長壽王臣伏殺之是謂怨怨終不斷絕欲使怨斷者唯有元報人我今觀此義已是故不害主也是時梵摩達王聞此語已甚懷踊躍不能自勝此王太子極為聰明乃能廣演其義時王梵摩達即向懺悔是我罪過而取長壽王沒

之即自脫天冠與長生使著復加女
女還付舍衛國土人民尋付長生使
領王還波羅捺治比丘當知然古昔
諸王有與常法雖有此諍國之法猶
相堪忍不相傷害況汝等比丘以信
堅固出家學道捨貪欲瞋恚愚癡心
今復諍競不相和順各不相忍而不
懺改諸比丘當以此因緣知闢非其
宜然同一師侶共一水乳勿共鬬訟
尔時世尊便說此偈

无闢无有諍慈心慈一切無恚於一切
諸佛所歡譽

是故諸比丘當修行忍辱如是諸比
丘當作是學是時拘深比丘白世尊曰
唯願世尊勿慮此事我等自當分明
此法世尊雖有此語其事不然是時
世尊便捨而去詣跋耆國尔時跋耆
國中有三族姓子阿那律難提金毗
羅然彼族姓子共作制限其有出乞
食者後住者便掃灑地使淨事事不
乏其得食來者分與使食足者則善不
足者隨意所如有遺餘者瀉著器中
便捨而去若復窺後乞食來者足者

[illegible]

[illegible]

安隱大將當知若縣邑城郭有此三族
姓子者彼城郭之中人民之類長夜
獲安隱此三族姓子所生之家亦獲
大利乃能生此上尊之人彼父母五
種親族若當憶此三人者亦獲大利
若復天龍鬼神憶此三族姓子者亦
獲大利若有人歎說阿羅漢者亦當
歎說此三人若有人歎說无貪欲無
愚癡无瞋恚者亦當歎說此三人若有
人歎說此福田者亦當歎說此三人
如我於三阿僧祇劫所行勤苦成無
上道使此三人成此法義是故大將
當於此三族姓子起歡喜心如是大
將當作是學今時大將聞世尊所說
歡喜奉行

聞如是一時佛在舍衛國祇樹給孤
獨園今時世尊告諸比丘有三結使
繫縛衆生不能從此岸至彼岸云何
為三所謂身邪戒盜疑彼云何名為
身邪所謂計身有我生吾我之想有
衆生想有命有壽有人有士夫有緣
有著是謂名為身邪之結云何名為
疑結所謂有我耶无我耶有生耶無

生耶有我人壽命耶无我人壽命耶
有父母耶無父母耶有今世後世耶無
今世後世耶有沙門婆羅門耶无沙
門婆羅門耶世有阿羅漢耶世无阿
羅漢耶有得證者耶无得證者耶是
謂名為疑結彼云何名為戒盜結所
謂戒盜者我當以此戒生大姓家生長
者家生婆羅門家若生天上及諸神中
是謂名為戒盜結是謂比丘有此三結
繫縛衆生不能從此岸至彼岸猶如
兩牛同一轆終不相離此衆生類亦
復如是三結所繫不能離得從此岸至
彼岸云何此岸云何彼岸所謂此岸
者身邪是彼岸者所謂身邪滅是是謂
比丘三結繫縛衆生不能從此岸至
彼岸是故諸比丘當求方便滅此三
結如是諸比丘當作是學今時諸比
丘聞佛所說歡喜奉行

聞如是一時佛在舍衛國祇樹給孤
獨園今時世尊告諸比丘此三三昧
云何為三空三昧無願三昧无想三
昧彼云何名為空三昧所謂空者觀
一切諸法皆悉空虛是謂名為空三

昧彼云何名為无想三昧所謂无想者於一切諸法都无想念亦不可見是謂名為无想三昧云何名為無願三昧所謂無願者於一切諸法亦不願求是謂名為無願三昧如是比丘有不得此三三昧久在生死不能自覺寤如是諸比丘當求方便得此三三昧如是諸比丘當作是學余時諸比丘聞佛所說歡喜奉行

幢毗沙法王瞿默神足化齋戒現在前長壽結三昧

增壹阿含經卷第十六

癸卯歲高麗國大藏都監奉
勅彫造

增壹阿含經卷第十七

蘭

東晉別貢三藏聖賢僧伽提婆譯

四諦品第二十五

聞如是一時佛在舍衛國祇樹給孤獨園今時世尊告諸比丘當修行四諦之法云何為四所謂初苦諦義不可盡義不可窮說法無盡第二者苦習諦義不可盡義不可窮說法無盡第三者苦盡諦義不可盡義不可窮說法無盡第四者苦出要諦義不可盡義不可窮說法無盡彼云何名為苦諦所謂苦諦者生苦老苦病苦死苦憂悲惱苦怨憎會苦思愛別離苦所欲不得苦取要言之五盛陰苦是謂名為苦諦彼云何名為苦習諦所謂習諦者愛與欲相應心恒染著是謂名為苦習諦彼云何名為苦盡諦所謂盡諦者欲愛永盡无餘不復更造是謂名為苦盡諦彼云何名為苦出要諦所謂苦出要諦者謂賢聖八品道所謂正見正治正語正行正命正方便正念正三昧是謂名為苦出要諦如是比丘有此四諦實有不虛世尊之所說故

名為諦諸有衆生二足三足四足欲者色者無色者有想无想者如來寔上然成此四諦故名為四諦是謂比丘有此四諦然不覺知長處生死輪轉五道我今以得此四諦從此岸至彼岸成就此義斷生死根本更不復受有如實知之今時世尊便說此得今有四諦法如實而不知輪轉生死中終不有解脫如今有四諦以覺以曉了以斷生死根更亦不受有

若有四部之衆不得此諦不覺不知便隨五道是故諸比丘當作方便成此四諦如是諸比丘當作是學今時諸比丘聞佛所說歡喜奉行

聞如是一時佛在舍衛國祇樹給孤獨園今時世尊告諸比丘有此四法多饒益人云何為四第一法者當親近善知識第二者當聞法第三者當知法第四者當法法相明是謂比丘有此四法多饒益人是故諸比丘當求方便成此四法如是諸比丘當作是學今時諸比丘聞佛所說歡喜奉行聞如是一時佛在舍衛國祇樹給孤

獨園介時世尊告阿難曰若如來出現於世時便有四未曾有法出現於世云何為四此衆生類多有所著若說不染著法時亦復承受念修行之心不遠離若如來出現於世時有此四未曾有法出現於世是謂初未曾有法出現於世復次阿難輪轉不住恒在五道正使欲說法時亦復承受心不遠離若如來出現世時有此二未曾有法出現於世復次阿難此衆生類恒懷憍慢不去心首若使說法亦復承受心不遠離然復阿難此衆生類恒懷憍慢不去須臾設復說法時亦復承受是謂第三未曾有法出現於世復次阿難此衆生類無明所覆設復說有明法時亦復承受而不忘失若復阿難說此有明无明法時而心意柔和恒喜修行是謂阿難若如來出現世時便有此四未曾有法出現於世若有多薩阿竭現在時便有此四未曾有法出現於世是故阿難當發喜心向如來所如是阿難當作是學介時阿難聞佛所說歡喜奉行

聞如是一時佛在舍衛國祇樹給孤
獨園今時世尊告諸比丘我今當說
擔亦當說持擔人亦當說擔因緣亦
當說捨擔汝等比丘諦聽諦聽善思念
之我今當說諸比丘對曰如是世尊是
時諸比丘從佛受教世尊告曰彼云
何名為擔所謂五盛陰是云何為五
所謂色痛想行識陰是謂名為擔彼
云何名為持擔人所謂持擔人者人
身是也字義名義如是生食如是食
受如是苦樂受如是長短是謂名義持
擔人彼云何名為擔因緣所謂擔因緣
者愛著因緣是義欲於欲中不離緣
是謂名為擔因緣彼云何為捨擔
擔擔有擔者受欲受不離欲已捨
已捨是謂比丘捨擔擔如是比丘
我今已說擔已說擔因緣已說持擔
人已說捨擔然諸如來阿羅漢者
今已擔擔下世尊告諸比丘汝等
當行欲受今時捨擔樂欲樂
當舍樂樂受樂樂樂樂樂樂樂
樂樂樂樂樂樂樂樂樂樂樂樂樂
樂樂樂樂樂樂樂樂樂樂樂樂樂
樂樂樂樂樂樂樂樂樂樂樂樂樂

是故諸比丘當作方便捨離於擔如
是諸比丘當作是學今時諸比丘聞
佛所說歡喜奉行

聞如是一時佛在舍衛國祇樹給孤
獨園今時世尊告諸比丘有此四生
云何為四所謂卵生胎生濕生化生
彼云何名為卵生所謂卵生者雞雀
烏鵲孔雀鰕魚鰲子之屬皆是卵生
是謂名為卵生從何處為胎生所
謂人及畜生五二是處是謂名為胎
生從云何名為濕生所謂腐肉中
生蟲中無如尸中無如土之屬皆是
為因緣生從何處為化生所謂諸
天大地獄餓鬼人畜畜生是謂名
為化生是謂化生者四生諸比丘
捨離此四生當作方便成四諸法如
是六以六事修集善法得阿羅漢
佛所說歡喜奉行
聞如是一時世尊告諸比丘修四法
總修四法成四善法四善法者何
一修念法以正智聞思修四法者何
二修戒法以正智聞思修四法者何
三修定法以正智聞思修四法者何
四修慧法以正智聞思修四法者何

內有結如實知之或有一人不與結
相隨然內無結如實而不知或有一
人不與結相隨然內無結如實知之
諸賢當知第一人者與結相隨然內
有結而不知此二有結人中此人最
為下賤所謂彼第二人與結相隨內
有結如實知之此人極為妙彼第三
人不與結相隨內无結如實而不知
此人於二無結人中此人最為下賤
所謂彼第四人不與結相隨內無結
如實知之此人於無結人中最為第
一諸賢當知世間有此四人是時舉
者目連問舍利弗今日有何因緣有結
相隨一人下賤一人最妙復有何
因緣此二無結人相隨一人下賤一
人最妙舍利弗對曰彼無結相隨內
者結如實不知後人作無念我當作
無念我思無作淨相當作淨相作
無念心以無欲心已便可令此無
念心相續然今時不次心便滅已
次心便有緣造造緣起心亦已
盡矣然如有入於此界中而
無緣起為不得彼人不從心緣

不隨時淨沈然彼銅器信更生垢極
為不淨此第一人亦復如是與垢相
隨內有結如實不知彼便作是念我
當思惟淨想已思惟淨想便生欲心
已生欲心則有貪欲瞋恚愚癡而命
終不求方便滅此欲心彼第二人與
結相隨內有結如實知我今可捨淨
想思惟不淨想彼已捨淨想思惟不
淨想彼以思惟不淨想便不生欲心
求方便不得者得不獲者獲不及者
及便無貪欲瞋恚愚癡亦復无結而
命終猶如有人從市中買得銅器塵
垢所染彼人隨時修治洗蕩使淨此
人亦復如是與結相隨內有結如實
知之彼人便捨淨想思惟不淨想彼
思惟不淨想更求方便不得者得不
獲者獲不作證者教今得證已無欲
心无瞋恚愚癡而命終是謂目連有
此二人與結相隨一人下賤一人家
妙目連曰復以何因緣使此二人不
與結相隨一人下賤一人家妙舍利
弗曰彼第三人不與結相隨內無結

如實而不知彼便作是思惟我不求方便思惟不得者得不獲者獲不作證者而作證彼人有欲心瞋恚愚癡所縛而命終猶如有人詣市買銅器塵垢所染然不隨時洗治亦不隨時修治此第三人亦復如是不與結相隨內无結如實不知亦不作是學我當求方便滅此諸結而有貪欲瞋恚愚癡之心而命終彼第四人不與結俱內無結如實知之彼便作是思惟求方便不得者得不獲者獲不作證者今作證彼以无此結而命終猶如有人詣市得好銅器極淨潔復加隨時修治磨洗其器今時彼器倍復淨好此第四人亦復如是不與結相隨內无結如實知之彼便作是思惟求方便不獲者獲不得者得不作證者而作證彼便無結使貪欲瞋恚愚癡身壞命終是謂目連有此二人不與結相隨內無結如實知之一人為上一人下賤是時尊者目連問舍利弗曰何以故名曰結舍利弗曰目連當知惡不善法起諸邪見故名為結或復有人而作是念

如來問我義已然後與諸比丘說法
不問餘比丘義而如來與比丘說法
或復有是時世尊語餘比丘而說法
然不語彼比丘如來說法如來不語
我與比丘說法或有不善或有貪欲
既有不善又有貪欲此二俱不善或
復有時比丘作是念我恒在諸比丘
前而入村乞食不使餘比丘在比丘
前而入村乞食或有是時餘比丘在
前而入村乞食我不在比丘前而入
村乞食既有不善又有貪欲此二俱
不善目連當知或復有是時比丘作是
念我當在比丘前坐先前受水先前
得食不使餘比丘先比丘坐先前受
水先前得食或復有時餘比丘在比丘
前坐先前受水先前得食不使彼比
丘在比丘前坐先前受水先前得食
我不在比丘前坐先前受水先前得
食既有不善又有貪欲此二俱不善
或復有時比丘作是念我食已與檀
越說法不使餘比丘食訖與檀越說
法或復有時餘比丘食竟與檀越說

法不使彼比丘食竟與檀越說法不
使我食竟與檀越說法既有不善
又有貪欲此二俱不善或復有時
比丘作是念我當至園中與長者
婆羅門說法不使餘比丘至園中與
長者婆羅門說法或復有時餘比丘
至園中與長者婆羅門說法不使餘
比丘至園中與長者婆羅門說法不
使我至園中與長者婆羅門說法既
有不善又有貪欲此二俱不善或復
有時比丘作是念我今犯戒使諸比
丘不知我犯戒或復有時彼比丘犯
戒諸比丘知此比丘犯戒既有不善
又有貪欲此二俱不善或復有時比
丘作是念我今犯戒不使餘比丘語
我言犯戒或復有時彼比丘犯戒餘
比丘語言犯戒既有不善又有貪欲
此二俱不善或復有時彼比丘作是
念我今犯戒使清淨比丘告我不使
不清淨比丘告我或復有時不清淨
比丘告彼比丘言彼比丘犯戒既有
不善又有貪欲此二俱不善或復有
時比丘作是念我今犯戒若有比丘
告我者當在屏處不在大眾之中或

復有時彼比丘犯戒在大眾中告語不在屏處比丘復作是念此諸比丘在大眾中告我不在屏處既有不善又有貪欲此二俱不善目連當知此諸法之本興起此行者名為結使目連復知諸有四部之眾犯此行者皆共聞知雖言我行阿練若在閑靜之處正使著五納衣恒行乞食不擇貧富行不平等暴往來住止坐起動靜言語默然彼比丘作是念使比丘比丘居優婆塞優婆夷斯諸梵行者恒來供養我彼比丘雖有是念然四部眾亦不隨時供養所以然者以彼比丘惡不善行未除故見聞念知猶如有人一銅器極為清淨復以不淨盛著銅器中復以餘器蓋其上持行詣國界眾人見已問彼人曰君所持者是何物乎我等欲得觀見是時眾人素既飢餒謂呼是好飲食尋發器蓋然是不淨皆共得見此比丘亦復如是雖有阿練若行隨時乞食著五納衣正身正意繫念在前彼雖生此念欲使諸梵行者隨時來供養然後諸梵行

人不隨時供養所以然者以彼比丘
惡不善法結使未盡故目連當知諸
有比丘无此惡不善法結使已盡見
聞念知雖在城傍行猶是持法之人
或受人請或受長者供養彼比丘無
此貪欲之想是時四部之衆及諸梵
行者皆來供養所以然者以彼比丘
行清淨故皆見聞念知猶如有人有
好銅器盛好飲食氣味極香復以物
蓋其上持行詣國界衆人見已問彼
人曰此是何物我等欲得觀見時尋
發看見是飲食皆共取食此亦如是
比丘見聞念知雖在城傍行受長者
供養彼不作是念使諸梵行者來供
養我然復諸梵行者皆來供養之所以
然者以彼比丘惡不善行以除盡故
是故目連以此諸行故名爲結使是
時尊者大目犍連歎曰善哉善哉舍
利弗所以然者我昔遊此羅閱城迦
蘭陀竹園所到時著衣持鉢入羅閱
城乞食至彼車師舍在門外默然而
立是時彼工師手執斧而斫材是時
更有長老工師有少事緣來至此工

師舍是時彼工師修治材板是時彼
老工師而生此念此小工師斫材如我
意不我今當觀之是時彼工師所嫌
之處彼工師盡取斫之是時彼老工師
甚懷歡喜而作是念善哉善哉卿所
斫材盡如我意此亦如是諸有比丘
心不柔和捨沙門行心懷妬偽不從
沙門之法性行履踈不知慙愧強顏
耐辱為卑賤行無有勇猛或喜多忘
失不憶所行心意不定所作錯亂諸
根不定然今尊者舍利弗觀察性行
已而修治之諸有族姓子以信堅固出
家學道甚恭敬戒不捨沙門賢聖之
法无有幻偽不行忤暴心意柔和言
常含笑不傷人意心恒一定無有是
非諸根不乱彼聞尊者舍利弗語已
便自承受亦不怠失猶如若男若女
端正无雙極自沐浴著好新衣用香塗
身若復有人復加以優鉢華持用奉
上彼人得已即著頭上歡喜踊躍不
能自勝此亦如是若有族姓子以信
堅固出家學道恭敬於戒不失沙門
之法無有幻偽不行忤暴心意柔和

言常含笑不傷人意心恒一定無有
是非諸根不乱彼從尊者舍利弗聞
是語已甚懷歡喜不能自勝而受其
教如此諸族姓子說此法教今時諸
賢各各聞其所說歡喜奉行

聞如是一時佛在舍衛國祇樹給孤
獨園今時世尊告諸比丘有此四果
云何為四或有果生而似熟或有果
熟而似生或有果熟而似熟或有果
生而似生是謂比丘世間有此四果
世間有此四人亦復如是云何為四
或有人熟而像生或有人生而像熟
或有人生而似生或有人熟而似熟
何等人生而似熟或有人往來行步
不行本暴眼目視瞻恒隨法教著衣
持鉢亦復隨法行步視地不左右顧
望然復犯戒不隨正行實非沙門而
似沙門不行梵行而自言行梵行盡
壞敗正法根敗之種是謂此人生而
像熟彼人云何熟而像生或有比丘
性行似踈視瞻不端亦不隨法行喜
左右顧視然後精進多聞修行善法
恒持戒律不失威儀見少非法便遠

恐懼是謂此人熟而像生彼云何人
生而像生或有比丘不持禁戒不知
行步札節亦復不知出入行來亦復
不知著衣持鉢諸根錯亂心著色聲
香味細滑之法彼犯禁戒不行正法不
是沙門而似沙門不行梵行而似梵
行根敗之人不可修饒是謂此人生
而似生彼云何有人熟而似熟或有
比丘持戒禁限出入行步不失時節
看視不失威儀然極精進修行善法
威儀札節皆悉成就見小非法便懷
恐怖况復大者是謂此人熟而似熟
是謂比丘世間有此四果之人當學
熟果之人如是諸比丘當作是學今
時諸比丘聞佛所說歡喜奉行

聞如是一時佛在舍衛國祇樹給孤
獨園今時世尊告諸比丘今日空中
有隨嵐風設復有飛鳥至彼者若鳥
鵲鴻鵠值彼風者頭腦羽翼各在一
處此間一比丘亦復如是捨禁戒已
作白衣行是時三衣鉢器鍼簪六物
之屬各在一處猶隨嵐之風吹煞彼
鳥是故諸比丘當修行梵行如是諸

比丘當作是學。今時諸比丘聞佛所說歡喜奉行。

聞如是一時佛在舍衛國祇樹給孤獨園。今時世尊告諸比丘。比丘當知。有此四鳥。云何為四。或有鳥聲好而形醜。或有鳥形好而聲醜。或有鳥聲好而形醜。或有鳥形好而聲醜。所謂鷲鳥是也。是謂此鳥形好而聲醜。彼云何鳥聲醜形亦醜。所謂兔鳥是也。是謂此鳥聲醜形亦醜。復有何鳥聲好形亦好。所謂孔雀鳥是也。是謂此鳥聲好形亦好。是謂比丘。有此四鳥。當共覺知。此亦如是。世間亦有四人。似鳥。當共覺知。云何為四。於是或有比丘。顏貌端正。出入行來著衣持鉢。屈申俯仰。威儀成就。亦復不能有所諷誦。諸所有法。初善中善。竟善不能承法之教。亦復不能善諷誦讀。是謂此人形好而聲不好。復有何等人聲好而形醜。或有一比丘。出入行來。屈申俯仰。著衣持鉢。威儀不成就。

恒好廣說然復彼人精進持戒聞法
能知所學多聞諸所有法初善中善
竟善義理深遠具足修梵行然復彼
法善持善誦是謂此人聲好而形醜
彼復有何等人聲醜形亦醜或有一
人犯戒不精進不多聞所聞便失彼
於此法應具足行梵行然不肯承受
是謂此人聲亦醜形亦醜彼何等人
聲亦好形亦好或有比丘顏貌端正
出入行來著衣持鉢不左右顧視然
復精進修行善法然戒律具足見小
非法尚懷恐懼何況大者亦復多聞
所受不忘諸所有法初善中善竟善
修其善行如此之法善誦誦讀是謂
此人聲好形亦好是謂世間有此四
人在世間者當共覺知是故諸比丘
當學聲好形亦好如是諸比丘當作
是學今時諸比丘聞佛所說歡喜奉行
聞如是一時佛在舍衛國祇樹給孤
獨園今時世尊告諸比丘有四種雲
云何為四或有雲雷而不雨或有雲
雨而不雷或有雲亦雨亦雷或有雲
亦不雨亦不雷是謂四種雲世間四

種人而像雲何等四人或有比丘雷而不雨或有比丘雨而不雷或有比丘亦不雨亦不雷或有比丘雷而亦不雷彼云何比丘雷而不雨或有比丘高聲誦習所謂契經祇夜受次偈本末因緣已說生經頌方等未曾有法譬喻如是諸法善觀誦讀不失其義不廣與人說法是謂此人雷而不雨彼云何人雨而不雷或比丘有顏色端政出入行來進止之宜皆悉具知修諸善法元毫釐之失然不多聞亦不高聲誦習復不修行契經本末授次偈因緣譬喻生經方等未曾有法然從他承受亦不忘失好與善知識相隨亦好與他說法是謂此人雨而不雷彼何等人亦不雨亦復不雷或有一人顏色不端政出入行來進止之宜皆悉不具不修諸善法然不多聞亦不高聲誦習讀復不修行契經至方等亦復不與他說法是謂此人亦不雨亦不雷復有何等人亦雨亦雷或有一人顏色端政出入行來進止之宜亦悉具知好喜學問所受不失亦

好與他說法勸進他人令使承受是
謂此人亦雷亦雨是謂比丘世間有
此四人是故比丘當作是學亦時諸
比丘聞佛所說歡喜奉行

諦饒益阿難重搭四生結四果隨嵐風
四鳥雷在後

增壹阿含經卷第十七

癸卯歲高麗國大藏都監奉
勅彫造

增壹阿含經卷第十八

蘭

東晉劉宋三藏聖王曇摩什提婆譯

四意斷品第二十六之一

聞如是一時佛在舍衛國祇樹給孤獨園。尔時世尊告諸比丘。猶如山河石壁百草五穀皆依於地而得長大。然復此地取尊取上。此亦如是。諸善道品之法。住不放逸之地。使諸善法而得長大。无放逸比丘修四意斷多。修四意斷云何為四。於是比丘未生。弊惡法求方便。令不生。心不遠離。恒欲令滅。已生弊惡法求方便。令不生。心不遠離。恒欲令滅。未生善法求方便。令生。已生善法求方便。令增多。不。忘失。具足修行。心意不忘。如是比丘修四意斷。是故諸比丘當作是學。尔時諸比丘聞佛所說歡喜奉行。

聞如是一時佛在舍衛國祇樹給孤獨園。尔時世尊告諸比丘。比丘當知。諸有粟散國王及諸大王皆來附近於轉輪王。轉輪王於彼取尊取上。此

亦如是諸善三十七道品之法無放逸之法取為第一无放逸比丘修四意斷於是比丘未生弊惡法求方便令不生心不遠離恒欲令減已生弊惡法求方便令不生心不遠離恒欲令減未生善法求方便令生已生善法重令增多終不忘失具足修行心意不忘如是諸比丘修四意斷如是諸比丘當作是學今時諸比丘聞佛所說歡喜奉行

聞如是一時佛在舍衛國祇樹給孤獨園今時世尊告諸比丘諸有星宿之光月光取為第一此亦是諸善功德三十七品之法無放逸行取為第一取尊取貴无放逸比丘修四意斷云何為四於是比丘若未生弊惡法求方便令不生若已生弊惡法求方便令減若未生善法求方便令生若已生善法求方便重令增多終不忘失具足修行心意不忘如是比丘修四意斷是故諸比丘當求方便修四意斷如是諸比丘當作是學今時諸比丘聞佛所說歡喜奉行

聞如是一時佛在舍衛國祇樹給孤
獨園。爾時世尊告諸比丘。諸有華之
屬瞻蔔之華。須摩邨華。天上人中。婆
師華。寔為第一。此亦如是。諸善功德
三十七道品之法。无放逸行為第一。
若無放逸。比丘修四意斷。云何為四。
於是比丘。若未生弊惡法。求方便令
不生。已生弊惡法。求方便令滅。若未
生善法。求方便令生。已生善法。求方
便令增多。終不忘失。具足修行。心意不
忘。如是比丘。修四意斷。是故諸比丘。當
求方便。修四意斷。是故諸比丘。當作是
學。爾時諸比丘。聞佛所說歡喜奉行。
聞如是一時佛在舍衛國祇樹給孤
獨園。爾時王波斯匿乘寶羽之車。出
舍衛城。至祇洹精舍。欲覲世尊。諸王
常法有五威容。捨耆一面前。至世尊
所。頭面礼足。在一面坐。爾時世尊告
大王曰。大王當知。世間有四種人。出
現於世。云何為四。或有一人。先闇而
後明。或有一人。先明而後闇。或有一
人。先闇而後闇。或有一人。先明而後
明。彼人云。何先闇而後明。於是或有

一人生卑賤家或旃陀羅種或噉人種或工師種或婬泆家生或無目或无手足或時僇跣或諸根錯乱然後身口行善法意念善法彼若見沙門婆羅門諸尊長者恒念礼拜不失時節迎來起送先笑後語隨時供給若復有時見乞兒者若沙門婆羅門若路行者若貧匱者若有錢財便持施與設無財貨者便往至長者家乞求施與若復見彼施者便還歡喜踊躍不能自勝身行善法口修善法意念善法身壞命終生善處天上猶如有人從地至牀從牀乘馬從馬乘鳥從鳥乘講堂由是故我今說此人先聞而後明如是大王此人名曰先聞而後明彼人云何先明而後聞於是或有一人在大家生若剎利種若長者種若婆羅門種饒財多寶金銀珍寶車乘馬璫水精琉璃僕從奴婢不可稱計爲馬脂羊皆悉具足然後此人顏貌端正如挑華色彼人恒懷邪見邊見相應彼便有此見無施无受亦無前人何所施物亦无善惡之行亦無

今世後世亦无得道者世无阿羅漢
可承敬者於今世後世可作證者彼
若見沙門婆羅門便起瞋恚无恭敬
心若見人惠施者心不喜樂身口意
所作行而不平均以行非法之行身
壞命終生地獄中猶如有人從講堂
至烏徒烏至馬從馬至牀從牀至地
由是故我今說此人如是大王所謂
此人先明而後闇彼云何有人從闇
至闇若復有人生卑賤家或旃陀羅家
或毘舍人家或極下窮家此人必生此
中或復有時諸根不具顏色麁惡然
復彼人恒懷邪見彼便有此見無今
世後世无沙門婆羅門亦无得道者
亦無阿羅漢可承敬者亦無今世後
世可作證者彼若見沙門婆羅門便
起瞋恚无恭敬心若見人來惠施者
心不喜樂身口意所作行而不平等
誹謗聖人毀辱三尊彼既自不施又
見他施甚懷瞋恚以行瞋恚身壞命
終生地獄中猶如有人從闇至闇從
火焰至火焰捨智就愚由是而言此
人可謂先闇而後闇大王當知故名

此人從閻至閻彼名何等人從明至明或有一人生豪族家或剎利種或國王家或大臣家饒財多寶不可稱計然復彼人顏色端正如桃華色彼人恒有正見心無錯亂彼有此正見有施有福有受者有善惡之報有今世後世有沙門婆羅門設復彼人若見沙門婆羅門起恭敬心和顏悅色已身恒喜布施亦復勸人使行布施之設布施之日心懷踊躍不能自勝彼身行善口行善意行善身壞命終生善處猶如有人從講堂至講堂從宮至宮由是而言我今說此人從明至明是為大王世間有此四人亦時世尊便說此偈

王當知貧人有信好布施見沙門婆羅及諸可施者能復起迎逆而教於正見施時極歡喜所求不逆人彼人是良友終不為惡行恒喜行正見常念求善法大王如彼人死時有所適必生兜術天光閻而後明如人極為富不信好喜恚慳貪心怯弱邪見而不改見沙門梵志及諸乞求者恒喜呵罵罵邪見言無有

見施起瞋恚不令有施人彼人行極弊
造諸惡尤本如是彼人者臨欲命終時
當生地獄中先明而後闇如有貧賤人
無信好瞋恚造諸不善行邪見不信正
設見沙門士及諸可事者而取輕毀之
慳貪无有信施時而不喜見他施亦然
彼人所造行所適元安處如此彼之人
必當早命終當生地獄中先闇而後闇
如人極有財有信好布施正見不他念
恒喜求善法設見諸道士及諸可施者
起恭迎敬之而學於正見與時極和悅
常念於平均惠施無恡惜不逆於人心
彼人受命決不造諸非法當知彼之人
臨欲命終時必生好善處先明而後明
是故大王當學先明而後明莫學先
明而後闇如是大王當作是學余時
波斯匿王聞佛所說歡喜奉行
聞如是一時佛在舍衛國祇樹給孤
獨園余時尊者阿難至世尊所頭面
禮足在一面住斯須復以兩手摩如
來足已復以口鳴如來足上而作是
說天尊之體何故乃尔身極細尔如
來之身不如尔故世尊告曰如是可

難如汝所言今如來身皮肉已緩今日之體不如今故所以然者夫受形體為病所逼若應病衆生為病所逼應死衆生為死所逼今日如來年已衰微年過八十是時阿難聞此語已悲泣哽噎不能自勝並作是語咄嗟老至乃至於斯是時世尊到時著衣持鉢入舍衛城乞食是時世尊漸漸乞食至王波斯匿舍當於尔時波斯匿門前有故壞車數十乘捨在一面是時尊者阿難以見車棄在一面見已白世尊曰此車王波斯匿車昔日作時極為精妙如今日觀之與凡石同色世尊告曰如是阿難如汝所言如今觀所有車昔日之時極為精妙金銀所造今日壞敗不可復用如是外物尚壞敗况復內者尔時世尊便說此偈

咄此老病死 壞人極盛色 初時甚悅意
今為死使逼 雖當壽百歲 皆當歸於死
元免此患苦 盡當歸此道 如內身所有
為死之所驅 外諸四大者 悉趣於本無
是故求元死 唯有涅槃耳 彼無死無生

都無此諸行

今時世尊即就波斯匿王坐是時王波斯匿與世尊辨種種飲食觀世尊食竟王更取一小座在如來前坐白世尊曰云何世尊諸佛形體皆金剛數亦當有老病死乎世尊告曰如是大王如大王語如來亦當有此生老病死我今亦是人數父名真淨母名摩耶出轉輪聖王種今時世尊便說此偈

諸佛出於人父名曰真淨母名極清妙豪族刹利種死徑為極困都不觀尊卑諸佛尚不免況復餘凡俗

今時世尊與波斯匿王而說此偈

祠祀火為上詩書頌為尊人中王為貴衆流海為首衆星月為上光明日為先八方上下中世界之所載天及世人民如來寧為尊其欲求福祿當供養三佛是時世尊說此偈已便從座起而去還祇洹精舍就座而坐今時世尊告諸比丘有四法在世間人所愛敬云何為四少壯之年世間人民之所愛敬无有病痛人所愛敬壽命人所愛

敬恩愛集聚人所愛敬是謂比丘有此
四法世間人民之所愛敬復次比丘復
有四法世間人民所不愛敬云何為四
比丘當知少壯之年若時老病世人所
不喜若無病者後便得病世人所不喜
若有得壽命後便命終世人所不喜
恩愛得集後復別離是世人所不喜
是謂比丘有此四法與世迴轉諸天
世人乃至轉輪聖王諸佛世尊共有
此法是為比丘世間有此四法與
世迴轉若不覺此四法時便流轉生
死周旋五道云何為四聖賢戒賢聖
三昧賢聖智慧賢聖解脫是為比丘
有此四法而不覺知者則受上四法
我今及汝等以覺知此賢聖四法斷
生死根不復受有如今如來形體衰
老當受此衰耗之報是故諸比丘當
求此永寂涅槃不生不老不病不死思
愛別離常念無常之變如是比丘當作
是念今時諸比丘聞佛所說歡喜奉行
聞如是一時佛在舍衛國祇樹給孤
獨園今時王波斯匿即勅臣佐嚴寶
日之車欲出舍衛城觀地講堂當於

尔時波斯匿王母命過年極衰老垂
向百歲王甚尊敬念未曾離目是時波
斯匿王邊有大臣名不奈塞高才盖
世世人尊重時大臣便作是念此波
斯匿王母年向百歲今日命終設當
聞者王甚愁憂不能飲食而得重病
我今當設方便使王不愁憂亦使不
病是時大臣即嚴駕五百白馬亦嚴
駕五百匹馬復嚴五百步兵復嚴駕
五百妓女復嚴駕五百老母復嚴駕
五百婆羅門復有五百沙門復嚴駕
五百衣裳復嚴駕三百珍寶與之者
作好大棺彩畫極令使妙懸繒幡盖
作倡妓樂不可稱計出舍衛城是時
波斯匿王還來入城是時王波斯匿
有少事是時王遙見三者問左右曰
此是何人供養乃至於斯時不吝嗇
曰此舍衛城中有長者母無常是彼
之具時王復告曰此諸為馬車乘復
用為大臣報曰此五百老母者用奉
上閼羅王持用贖命時王便笑而作是
說此是愚人之法命也難保有何可
尅如有人墮摩竭魚口欲求出者實

復難得此亦如是墮閻羅王邊欲求
出實難可得此五百妓女亦用贖命王
報曰此亦難得時大臣曰若此妓女
不可得者當用餘者贖之王曰此亦
難得大臣曰若此不可得者當用五
百珍寶贖之王報曰此亦難得大臣
曰此不可得者用五百衣裳贖之王
曰此亦難得臣曰若此衣裳不可得
者當用此五百梵志呪術呪術取之
王曰此亦難得大臣曰若此五百梵
志不可得者復當持此沙門高才說
法持用贖之王曰此不可得大臣曰
若說法不可得者當集兵衆共大戰
鬪而取之時波斯匿王大笑而曰此
是愚人之法以墮摩竭魚口終不得
出時王曰汝當知之頗有生而不死
乎時大臣曰此實不可得也時大王
報曰實不可得諸佛亦作是說夫生
有死命亦難得是時不奢蜜跪白王
曰是故大王其甚憂一切衆生皆
歸於死時王問曰我何故愁憂時臣
白王王當知之大王母者今日已死
是時波斯匿王聞此語已八九歎息

而語大臣曰善哉如汝所言乃能知
善獲方便是時王波斯匿還入城辦
種種香華供養三母供養三母已便
還駕乘至世尊所到已頭面礼足在
一面坐是時世尊問曰大王何故塵
土全身王白世尊天母命終向送至
城外今來詣世尊所問其所由然天
母在時持戒精進恒修善法年向百
歲今日已命終故來至世尊所耳若
當我持烏贖命可得者亦當用烏贖
之若當馬贖命可得者當用馬贖之
若當車乘贖命可得者便當用車乘
贖之若當金銀珠寶贖命可得者當
用金銀珠寶贖之若當以奴婢僕從
城郭國界贖命可得者當以城郭國
界贖命若以加尸國界人民贖命可
得者當以加尸人民贖之莫令我天
母命終世尊告曰是故大王甚莫愁
憂一切衆生皆歸於死一切變易之
法欲令不變易者終不有此事大王
當知人身之法猶如雪揣要當歸壞
亦如土坏同亦歸壞不可久保亦如
野馬幻化虛偽不真亦如空拳以証

小兒是故大王莫懷愁憂恃怙此身
大王當知有此四大恐怖來至此身
不可障護亦不可以言語呪術藥草
符書所可除去云何為四一者名為
老壞敗少壯使无顏色二者名病盡
壞敗無病三者名為死盡壞敗命根
四者有常之物歸於無常是謂大王
有此四法不可障護非力所能伏也
大王當知猶如四方有四大山從四
方來使壓衆生非力所却是故大王
非牢固物不可恃怙是故大王當以法
治化莫以非法王亦不久當至生死
之海王亦當知諸以法治化者身壞
命終生善處天上若復以非法治化
者身壞命終生地獄中是故大王當
以法治化莫以非法如是大王當作
是學余時波斯匿王白世尊曰此法
名何等當云何奉行世尊告曰此法
名除愁憂之刺王白佛言實令世尊
所以然者我聞此法已所有愁憂之
刺今日已除然世尊國界事猥欲還
所在世尊告曰宜知是時波斯匿王
即從坐起頭面礼足便退而去余時

波斯匿王聞佛所說歡喜奉行

聞如是一時佛在舍衛國祇樹給孤
獨園今時世尊告諸比丘我今非獨
在比丘比丘居清信士清信女中為
尊乃至世間人民中獨尊今有四法
本末我躬自知之而作證於四部之
衆天上人中云何為四一者一切諸
行皆悉無常我今知之於四部之衆
天上人中而作證二者一切諸行苦
三者一切諸行無我四者涅槃休息
我今知之於四部之衆於天上人中
而作證是謂比丘四法之今是故於
天上人中而獨得尊今時諸比丘聞
佛所說歡喜奉行

聞如是一時佛在舍衛國祇樹給孤
獨園今時世尊與大比丘衆五百人
俱今時世尊欲詣羅閱城夏坐然舍利
弗亦欲詣羅閱城夏坐千二百五十
弟子皆欲詣羅閱城夏坐然舍利弗
目捷連夏坐竟當取涅槃今時世尊
將諸比丘舍利弗目捷連等遊羅閱
城迦蘭陀竹園受夏坐已今時世尊
告舍利弗今千二百五十弟子為汝

等在此夏坐然舍利弗目提連比丘
當取減度云何舍利弗堪任與諸比
丘說妙法乎我今脊痛欲小止息舍
利弗對曰如是世尊今時世尊躬屢
僧迦利右脇著地脚脚相累計意在
明今時尊者舍利弗告諸比丘我初
受戒時以經半月得四辯才而作證
義理具足我今當說之分別其義使
汝等知布現分別之諦聽善思念之
諸比丘對曰如是是時諸比丘從舍
利弗受教舍利弗告曰何等是四辯
才我得證者所謂義辯我由此得證
所謂法辯我由此得證所謂應辯我
由此得證所謂自辯我今當廣分別
其義若當四部之衆有狐疑者我今
現在可問其義若復諸賢於四禪有
狐疑者若復諸賢於四等心有狐疑
者可問我今當說之設復諸賢於四
意斷有狐疑者可問我義我今當說
四神足四意止四諦有狐疑者便來
問我義我今當說之今不問者後悔
无益我今唯有世尊无所著等正覺
所有深法所行衆事亦問我義我當

說之後勿有悔是時尊者大目犍連到時著衣持鉢欲入羅閱城乞食是時執杖梵志遙見目連來各各相詣謂曰此是沙門瞿曇弟子中元有出此人上我等蓋共圖已而取打煞是時彼梵志便共圖捉各以瓦石打煞而便捨去身體無處不遍骨肉爛盡酷痛苦惱不可稱計是時大目犍連而作是念此諸梵志圖我取打骨肉爛盡捨我而去我今身體无處不痛極患疼痛又無氣力可還至國我今可以神足還至精舍是時目連即以神足還至精舍到舍利弗所在一面坐是時尊者大目犍連語舍利弗言此執杖梵志圖我取打骨肉爛盡身體疼痛實不可堪我今欲取般涅槃故來辭汝時舍利弗言世尊弟子之中神足第一有大威力何故不以神足而避乎目連報言我本所造行極為深重要索受報終不可避非是空中而受此報然我今日身極患疼痛故來辭汝取般涅槃舍利弗言諸有比丘比丘尼修四神足多廣演其義若彼人

意中欲住劫過劫乃至不滅度何以不住而滅度乎目連報言如是舍利弗如來言若比丘比丘尼修四神足欲住壽經劫者亦可得耳但如來住劫住者我亦住耳但今日世尊不久當取般涅槃衆生之類壽命極短又我不忍見世尊取般涅槃然我身體極為疼痛欲取般涅槃今時舍利弗語目連言汝今小停我當先取滅度是時目連默然不對是時舍利弗往至世尊所頭面礼足在一面坐時舍利弗白世尊言我今欲取滅度唯願聽許是時世尊默然不對時舍利弗再三白世尊言我今正是時欲取般涅槃是時世尊告舍利弗汝今何故不住一劫乃過一劫舍利弗白世尊言我躬從世尊聞躬自承受衆生之類受命極短極壽不過百歲以衆生命短故如來壽亦短若當如來住壽一劫者我當亦住壽一劫世尊告曰如舍利弗言以衆生命短故如來壽亦短然復此事亦不可論所以然者過去久遠阿僧祇劫有佛名善念誓願如來至真等正

覺出現於世當於今時人壽八萬歲
元有中夭者彼善念誓願如來當成
佛時即其日便化作無量佛立無量
衆生在三乘行有在不退轉地住者
復立無量衆生在四姓家復立無量
衆生在四天王宮艷天兜術天化自
在天他化自在天梵迦夷天欲天色
天無色天亦於其日於无餘涅槃界
而般涅槃而今舍利弗言以衆生壽
短故如來壽命亦短云何舍利弗而
作是說如來當住一劫至一劫我亦
當住一劫至一劫然復衆生不能知
如來壽命長短舍利弗當知如來有
四不可思議事非小乘所能知云何
為四世不可思議衆生不可思議龍
不可思議佛土境界不可思議是謂
舍利弗有四不可思議舍利弗言如
是世尊有四不可思議世界衆生龍
宮佛土實不可思議然長夜恒有此
念釋迦文佛終不住一劫又復諸天
來至我所而語我言釋迦文佛不久
在世年向八十然今世尊不久當取
涅槃我今不堪見世尊取般涅槃又

我躬從如來聞此語諸過去當來今
現在諸佛上足弟子先取般涅槃然
後佛取般涅槃又寂後弟子亦先取
般涅槃然後世尊不久當取滅度唯
願世尊聽取滅度世尊告曰今正是
時舍利弗即住如來前坐正身正意
繫念在前而入初禪從初禪起入二
禪從二禪起復入三禪從三禪起復
入四禪從四禪起復入空處識處不用
處有想无想處從有想無想起入滅盡
定從滅盡定起入有想無想處從有想
无想起入不用處識處空處從空處起
入第四禪從第四禪起入三禪從第
三禪起入第二禪從第二禪起入初
禪從初禪起入第二禪從第二禪起
入第三禪從第三禪起入第四禪時
尊者舍利弗從四禪起已告諸比丘
此名師子奮迅三昧是時諸比丘歎
未曾有其甚奇其特尊者舍利弗入三
昧速疾乃尔尔時舍利弗即從坐起
頭面礼世尊足便退而去當於尔時
衆多比丘從舍利弗後時舍利弗還
願語諸賢各欲所至衆多比丘報曰

我等欲得供養尊者舍利舍利弗言
止止諸賢此則為供養已吾自有沙
彌足得供養我耳汝等各還所在思
惟道化善修梵行盡於苦際如來出
世甚難可遇時時乃出猶優曇鉢華
時時乃出如來亦復如是億劫乃出
人身亦復難覓有信成就亦復難得
欲求出家學如來法亦復難得一切
諸行欲使不滅盡此亦難得滅於愛欲
永盡無餘滅盡涅槃今有四法本末
如來之所說云何為四一切諸行無
常是謂初法本末如來之所說一切
諸行苦是謂第二法本末如來之所
說一切諸行無我是謂第三法本末
如來之所說涅槃為永寂是謂第四
法本末如來之所說是謂諸賢四法
本末如來之所說今時諸比丘咸共
墮淚今舍利弗滅度何遠乃今今時
尊者舍利弗告諸比丘止止諸賢慎
莫愁憂變易之法欲使不變易者此
事不然須彌山王尚有无常之變况
復芥子之體舍利弗比丘而免此患
乎如來金剛之身不久亦當取般涅

臊何況我身然汝等各修其法行得盡苦際是時尊者舍利弗往詣精舍到已收攝衣鉢出於竹園往詣本生住處是時尊者舍利弗漸漸乞食至摩瘦國小時尊者舍利弗遊於摩瘦本生之處身遇疾病極為苦痛時唯有均頭沙弥供養目下除去不淨供給清淨是時釋提桓因知舍利弗心中所念辟如力士屈申辟須臾三十三天沒不現來至舍利弗精舍中至已頭面礼足復以兩手摩舍利弗足自稱姓名而作是說我是天王帝釋舍利弗言快哉天帝受命無窮釋提桓因報言我今欲供養尊者舍利時舍利弗報言止止天帝此則為供養已諸天清淨阿湏輪龍鬼及一切天之衆我今自有沙弥足堪使令時釋提桓因再三白舍利弗言我今欲作福業莫見違願今欲供養尊者舍利是時舍利弗默然不對時釋提桓因躬自除糞不辭譙苦是時尊者舍利弗即以其衣而垢涅臊是時此地六變震動有大音聲雨諸天華作倡伎樂

諸天側塞虛空神妙諸天亦散拘牟
頭華或以栴檀雜碎之香而散其上
時舍利弗已取滅度諸天皆在空中
悲號啼哭不能自勝虛空之中欲天
色天無色天悉共墮淚亦如春月細
雨和暢尔時亦復如是今尊者舍利
弗取般涅槃何其速哉是時釋提桓
因集一切衆香而耶維尊者舍利弗
身種種供養已而収舍利及衣鉢而
付均頭沙弥又告之曰此是汝師舍利
及衣鉢往奉世尊到已以此因緣具
白世尊若有所說者便奉行之是時
均頭報言如是拘翼是時均頭沙弥
捉衣持鉢及舍利往至阿難所白阿
難曰我師已取滅度今持舍利衣鉢
來用上世尊時阿難見已即墮淚而
作是語汝亦來共至世尊所以此因
緣共白世尊若世尊有所說我等常
奉行之均頭報言如是尊者是時阿
難將均頭沙弥至世尊所頭面礼足
白世尊曰此均頭沙弥來至我所白
我言我師已滅度今持衣鉢來奉上
如來我今日心意煩惱志性迷惑莫
知東西聞尊者舍利弗取般涅槃

然傷心世尊告曰云何阿難舍利弗
以立用戒身般涅槃乎阿難對曰非
也世尊世尊告曰云何阿難用定身
慧身解脫所見身而取滅度乎阿難
曰佛言舍利弗比丘不用戒身定身
慧身解脫身解脫所見身而取滅度但
舍利弗比丘恒喜教化說法無厭足與
諸比丘教誡亦元厭足我今憶此舍利
弗深思過多是以愁悵耳世尊告曰
止止阿難莫懷愁憂不常之物欲使
恒在者此事不然夫生有死云何阿
難過去諸佛盡非滅度乎譬如燈炷油
盡即滅如從寶藏定光至今七佛及
弟子衆盡非般涅槃乎如是辟支佛
審諦高稱遠聞足嗟優足般嗟伽羅
優般伽羅亦許辟支佛盡非滅度乎
賢劫之初大國聖王名曰善悅摩訶
提婆如是轉輪聖王今為所在豈非
盡非般涅槃乎今時世尊便說此偈
一切行無常生者當有死不生不復滅
此滅取第一

增壹阿含經卷第十八

癸卯歲高麗國大布都監奉
勅彫造

增壹阿含經卷第十九

蘭

東晉剎舍三藏聖賢僧伽提婆譯

四意斷品第二十六之餘

世尊告阿難曰汝今授舍利弗舍利
來阿難對曰如是世尊是時阿難即
授舍利在世尊手今時世尊手執舍
利已告諸比丘今此是舍利弗比丘
舍利智慧聰明高才之智若干種智智
不可窮智无涯底智有速疾之智有輕
便之智有利機之智有其深之智有
審諦之智少欲知足樂閑靜之處有
猛勇意所為不乱无怯弱心能有所
忍除去惡法體性柔和不好鬪訟恒
修精進行三昧習智慧念解脫修行
解脫所知見身比丘當知猶如大樹而
無其枝然今日比丘僧如來是大樹
舍利弗比丘而取滅度似樹無枝若
舍利弗所遊之方彼方便遇大幸云
比丘能與外道異學共議論无不降
伏者是時大目犍連聞舍利弗滅度
即以神足至世尊所頭面礼足在一

面住。今時大目犍連白世尊曰。舍利弗。比丘今已滅度。我今辭世尊。欲取滅度。今時世尊默然不對。如是再三。白世尊曰。我欲取滅度。今時世尊亦復默然不報。今時目連以見世尊默然不報。即札世尊足。便退而去。還詣精舍。收攝衣鉢。出羅閱城。自往本生處。今時有衆多比丘。從尊者目連後。是時衆多比丘共目連到摩瘦村。在彼遊化身。抱重患。是時目連躬自露地敷座而坐。而入初禪。從初禪起。入第二禪。從第二禪起。入第三禪。從第三禪起。入第四禪。從第四禪起。入空處。從空處起。入識處。從識處起。入不用處。從不用處起。入有想無想處。從有想無想處起。入火光三昧。從火光三昧起。入水光三昧。從水光三昧起。入滅盡定。從滅盡定起。入水光三昧。從水光三昧起。入火光三昧。從火光三昧起。入昧起。入有想無想定。從有想無想定起。入不用處。從不用處起。入識處。空處。四禪三禪二禪初禪。從初禪起。飛在空中。坐卧經行。身上出火。身下出水。或

身下出火身上出水作十八變神足
變化是時尊者大目犍連還下就座
結跏趺坐正身正意繫念在前復入
初禪從初禪起入第二禪從第二禪
起入第三禪從第三禪起入第四禪
從第四禪起入空處從空處起入識
處從識處起入不用處從不用處
起入有想無想處從有想無想處
起入火光三昧從火光三昧起入
水光三昧從水光三昧起入滅盡
定從滅盡定起還入水光火光有
想無想處不用處識處空處四禪三
禪二禪初禪復從初禪起入第二禪
從第二禪起入第三禪從第三禪起
入第四禪從第四禪起尋時取滅度
余時大目犍連已取滅度是時此地
極大震動諸天各各相告示下省觀
大目犍連持用供養尊德或以種種
香華來供養者諸天在空中作倡伎
樂彈琴歌僊用供養尊者目犍連上
余時尊者大目犍連已取滅度是時
鄒羅陀村中一由旬內諸天側滿其
中余時復有衆多比丘持種種香華
散尊者目犍連尸上余時世尊從羅

閼城漸漸乞食將五百比丘人中遊
化往詣鄒羅陁村五百比丘俱舍時
舍利弗目連取滅度未久尔時世尊
在露地而坐默然察諸比丘已默然
觀諸比丘已告諸比丘我今觀此眾
人中大有損減所以然者今此眾中
無有舍利弗目連比丘若舍利弗
目連遊所遊之方彼方便為不空聞舍
利弗目連連今在此一方所以然者舍
利弗目連連比丘堪任降此外道尔
時世尊告諸比丘諸佛所造甚奇甚
特有此二智慧神足弟子取般涅槃然
如來無有愁憂正使過去恒沙如來亦
復有此智慧神足弟子正使當來諸
佛出世亦當有此智慧神足弟子比
丘當知世間有二施業云何為二所
謂財施法施比丘當知若論財施者
當從舍利弗目連比丘求若欲求法
施者當從我家之所以然者我今如
來无有財施汝等今日可供養舍利
弗目連連比丘舍利尔時阿難白佛
言云何得供養舍利弗目連連舍利
世尊告曰當集種種香華於四衢道

頭起四寺偷婆所以然者若有起寺此
人有四種應起偷婆云何為四轉輪聖
王應起偷婆漏盡阿羅漢應起偷婆辟
支佛應起偷婆如來應起偷婆是時阿
難白世尊云有何因緣如來應起偷婆
復有何因緣辟支佛漏盡阿羅漢轉輪
聖王應起偷婆世尊告曰汝今當知轉
輪聖王加行十善修十功德亦復教
人行十善功德云何為十已身不煞
生復教他人使不煞生已身不盜復
教他人使不盜已身不婬復教他人使
不婬已身不妄語復教他人使不妄
語已身不綺語復教他人使不綺語
已身不嫉妬復教他人使不嫉妬已
身不聞訟復教他人使不聞訟已身
意正復教他人使不乱意身自正見
復教他人使行正見比丘當知轉輪
聖王有此十功德是故應與起偷婆
是時阿難白世尊曰復以何因緣如
來弟子應與起偷婆世尊告曰阿難
當知漏盡阿羅漢以更不復受有淨
如天金三毒五使永不復現以此因
緣如來弟子應與起偷婆阿難白佛

以何因緣辟支佛應與起偷婆世尊
告曰有辟支佛无師自悟去諸結使
更不受胎是故應與起偷婆是時
阿難白世尊曰復以何因緣如來應
與起偷婆世尊告曰於是阿難如來
有十力四無所畏不降者降不度者
度不得道者令得道不般涅槃者令
般涅槃衆人見已極懷歡喜是謂阿
難如來應與起偷婆是謂如來應與
起偷婆今時阿難聞世尊所說歡喜
奉行

聞如是一時佛在舍衛國祇樹給祇
獨園今時尊者婆迦梨身得重患卧
在大小便上意欲自刀然無此勢可
自坐起是時尊者婆迦梨告侍者汝
今可持刀來吾欲自然所以然者如
今日釋迦文佛弟子之中信解脫者
无出我上然我今日有漏心不解脫
所以然者然如來弟子遇苦惱時亦
復求刀自然我今用此命為不能從
此岸至彼岸是時婆迦梨弟子出家
未久未知今世後世不知從此岸至
彼岸亦復不知死此生彼便授刀與

之時婆迦梨手執刀已以信堅固持
刀自刺是時婆迦梨以刀自刺而
作是念釋迦波佛弟子之中所作
非法得惡利不得善利於如來法
中不得受證而取命終是時尊者
婆迦梨便思惟是五盛陰是謂此色
是謂色習是謂色滅盡是謂痛想
行識是謂痛想行識集是謂痛想
行識滅盡彼於此五盛陰熟思惟之
諸有生法皆是死法知此已便於有
漏心得解脫尔時尊者婆迦梨於無
餘涅槃界而般涅槃尔時世尊以天
耳聽聞尊者婆迦梨求刀自煞尔時
世尊告阿難諸比丘在舍衛城者盡
集一處吾欲所勅是時尊者阿難受
世尊教即集諸比丘在普集講堂還
白世尊曰今日比丘已集一處是時
世尊將比丘僧前後圍遶三彼婆迦梨
比丘精舍當於尔時弊魔波旬欲得
知尊者婆迦梨神識所在為在何處
為在人耶為非人耶天龍鬼神軋沓
忽阿須倫迦留羅摩佉勒閼叉今此
神識竟為所在在何處生遊不見東
西南北四維上下皆悉周遍而不知

神識之處是時魔波旬身體疲極莫
知所在今時世尊將比丘僧前後圍
遶至彼精舍今時世尊觀魔波旬欲
得知神識所在世尊告諸比丘汝等
頗聞此精舍之中有大聲乎又有光
惟諸比丘對曰如是世尊我等已見
世尊告曰此弊魔波旬欲得知婆迦
梨神識所在是時尊者阿難白世尊
曰唯願世尊說婆迦梨比丘神識為何
所在世尊告曰婆迦梨比丘神識永
無所著彼族姓子以般涅脛當作如
是持是時尊者阿難白世尊曰此婆
迦梨比丘何日得此四諦世尊告曰
今日之中得此四諦阿難白佛此比
丘抱病經久今是凡人世尊告曰如
是阿難如汝所言但彼比丘譴苦甚
久諸有釋迦文佛弟子之中信解脫
者此人最勝然有漏心未得解脫我
今可求刀自刺是時彼比丘臨自刺
時即思惟如來功德捨壽之日思惟
五盛陰是謂此色習此色滅盡今時
彼比丘思惟此已諸有習之法皆悉
滅盡此比丘已般涅脛今時阿難聞

佛所說歡喜奉行

四意斷之法 四闇老耄法 阿夷法 本末
舍利婆迦梨

增壹阿含經等趣四諦品第二十七

聞如是一時佛在舍衛國祇樹給孤
獨園今時世尊告諸比丘是謂比丘
我等常所說法所謂四諦以無數方
便而觀察此法分別其義廣與人演
云何為四所謂苦諦之法以無數方
便而觀察此法分別其義廣與人演
以無數方便說習盡道諦而觀察此
法分別其義廣與人演汝等比丘當
親近舍利弗比丘承事供養所以然
者彼舍利弗比丘以無數方便說此
四諦廣與人演當舍利弗比丘與諸
衆生及四部衆分別其義廣與人演
時不可計衆生諸塵垢盡得法眼淨
汝等比丘當親近舍利弗目犍連比
丘承事供養所以然者舍利弗比丘
衆生之父母以生已長養令大者目
犍連比丘所以然者舍利弗比丘與
人說法要成四諦目犍連比丘與人
說法要成第一義成無漏行汝等當

親近舍利弗目犍連比丘世尊作是語已還入靜室世尊去未久今時舍利弗告諸比丘其有能得四諦法者彼人快得善利云何為四所謂苦諦以無數方便廣演其義云何為苦諦所謂生苦老苦病苦死苦憂悲惱苦怨憎會苦愚愛別苦所求不得苦取要言之五盛陰苦是謂苦諦云何苦習諦所謂愛結是也云何為盡諦所謂盡諦者受欲結永盡无餘是謂盡諦云何為道諦所謂賢聖八品道是正見正治正語正方便正命正業正念正定是謂道諦也彼衆生快得善利乃能聞此四諦之法今時尊者舍利弗當說此法无量不可計衆生聞此法時諸塵垢盡得法眼淨我等亦快得善利世尊與我說法安處福地是故四部之衆求於方便行此四諦如是諸比丘當作是學今時諸比丘聞佛所說歡喜奉行

聞如是一時佛在舍衛國祇樹給孤獨園今時衆多比丘入舍衛城時衆多比丘便作是念然我等乞食日猶

故早我等可往至外道異學村與共
論義是時衆多比丘便往至外道村
中到已共相問訊在一面坐已在一
面坐介時異學問道人口沙門瞿曇
與諸弟子而說此法汝等比丘盡當
學此法悉當了知以了知已當共奉
行我等亦與諸弟子而說此法汝等
盡當而學此法悉當了知以了知已
當共奉行沙門瞿曇與我等有何等
異有何增減所謂彼說法我亦說法
彼教誨我亦教誨介時衆多比丘聞
此語已亦不言是復不言非即從坐
起而去介時衆多比丘自相謂曰我
等當以此義往白世尊介時衆多以
丘入舍衛城乞食食已取攝衣鉢以居
師檀著左肩上往詣世尊所頭面礼
足在一面坐介時衆多比丘以此因
緣具白世尊介時世尊告諸比丘若
彼外道作此問者汝等當以此語報
彼曰為一究竟為衆多究竟乎或能
彼梵志平等說者應作是說是一究
竟非衆多究竟彼究竟者為是有欲
究竟為无欲究竟所謂彼究竟者謂

无欲究竟云何彼究竟者有患究竟
為無患究竟所謂彼究竟者無患究
竟非有患究竟云何有癡究竟无癡
究竟所謂彼究竟者無癡究竟云何
彼究竟者為是有愛究竟為无愛究
竟所謂彼究竟者無愛究竟云何彼
究竟者有受究竟為无受究竟所謂彼
究竟者無受究竟云何彼究竟者為
是智者為非智者所謂智者所究竟
此究竟者為是怒者所究竟為非怒
者所究竟所謂此究竟彼當作是說
非怒者所究竟比丘有此二見云何
為二見所謂有見無見諸有沙門婆
羅門不知此二見之本末彼便有欲
心有瞋恚心有愚癡心有愛心有受
心彼是无知彼有怒心不與行相應
彼人不脫生老病死愁憂苦惱辛酸
万端不脫於苦諸有沙門婆羅門如
實而知之彼便無愚癡瞋恚之心恒
與行相應便得脫生老病死今說苦
之元本如是比丘有此妙法斯名平
等之法諸不行平等法者則墮五見
今當說四受云何為四受所謂欲受

見受戒受我受是謂四受若有沙門
婆羅門盡知欲受之名彼雖知欲受
之名復不相應者彼盡分別諸受之
名先分別欲受之名而不分別見受
戒受我受之名所以然者以彼沙門
婆羅門不能分別此三受之名是故
或有沙門婆羅門盡分別此諸受彼
便分別欲受見受不分別戒受我受
所以然者以彼沙門婆羅門不能分
別二受若使沙門婆羅門盡能分別
諸受或復有不具者彼便能分別欲
受見受戒受不分別我受所以然者
以彼沙門婆羅門不能分別我受故
是故復有沙門婆羅門盡分別諸受
然復有不具者此名四受有何等義
云何分別所謂四受者由愛而生如
是比丘有是妙法所應分別若有不
行此諸受此不名為平等所以然者
諸法之義難了難解如此非法之義
者非三耶三佛之所說也比丘當知
如來盡能分別一切諸受以能分別
一切諸受則與相應則能分別欲受
見受我受戒受是故如來盡分別諸

受則與法共相應無有相違此四受
由何而生然此四受由愛而生由愛
而長成就此受彼便不能起於諸受
以不起諸受則不恐懼以不恐懼便
般涅槃生死已盡梵行已立所造已
辦更不復受有如實知之如是比丘
有此妙法如實而知之具足諸法法
行之本所以然者以其此法極微妙
故諸佛之所說則於諸行無有缺漏
於是比丘有初沙門第二沙門第三
沙門第四沙門更無復有沙門出此
上者能勝此者作如是師子之吼諸
比丘聞佛所說歡喜奉行

聞如是一時佛在舍衛國祇樹給孤
獨園今時阿那邠邸長者往至世尊
所頭面禮足在一面坐今時世尊問長
者曰云何長者汝家中恒布施耶長
者白佛貧家恒行布施又飲食麁弊
不與常同世尊告曰若布施之時若
好若醜若多若少然不用心意復不
發願復無信心由此行報所生之處
不得好食意不貪樂意亦復不樂著
於好衣裳亦復不樂著好田業心亦

不著五欲之中正使有僕從奴婢亦復不受其教所以然者正由其中不用心故故受其報若長者布施之時若好若醜若多若少當至誠用心勿有增損廢後世橋梁彼若所生之處飲食自然七財具足心恒樂五欲之中正使有奴婢使人恒受其教所以然者由於中發歡喜心故長者當知過去久遠有梵志名毗羅摩饒財多寶真珠帝珀碑渠瑪瑙水精琉璃好喜布施今時布施之時用八万四千銀鉢盛滿碎金復有八万四千金鉢盛滿碎銀作如是施復以八萬四千金銀澡罐施復以八萬四千牛皆以金銀覆角皆作如是布施復以八萬四千玉女布施衣裳自覆復以八萬四千卧具皆用氍毹文繡氍毹自覆復以八萬四千衣裳布施復以八萬四千龍為布施皆用金銀校餽復以八萬四千匹馬布施皆用金銀蜜勒自副復以八萬四千車布施作如是大施復以八万四千房舍布施於四城門中布施須食與食須衣與衣

被飲食牀卧具病瘦醫藥皆悉與之
長者當知彼毗羅摩雖作是布施不
如作一房舍持用布施招提僧此福不
可計量正使彼作如是施及作房舍持
用施招提僧不如受三自歸佛法聖眾
此福不可稱計正使彼人作如是施
及作房舍又受三自歸雖有此福猶不
如受持五戒正使彼人作如是施及
作房舍受三自歸受持五戒雖有此
福故不如彈指之頃慈愍眾生此福
功德不可稱計正使彼人作如是施
作僧房舍受三自歸奉持五戒及彈指
之頃慈愍眾生雖有此福故不如須
臾之間起於世間不可樂想此福功
德不可稱量然彼所作功德我盡證
明作僧房舍我亦知此福受三自歸
我亦知此福受持五戒我亦知此福
彈指之頃慈愍眾生我亦知此福須
臾之間起於世間不可樂想我亦知
此福今時彼婆羅門作如是大施者
豈是異人乎莫作是觀也所以然者
今時施主者即我身是也長者當知
過去久遠所作功德信心不斷不起

著想是故長者若欲布施之時若多若少若好若醜歡喜惠施勿起想著手自布施莫使他人發願求報後求受福長者當獲无窮之福如是長者當作是學今時長者聞佛所說歡喜奉行

聞如是一時佛在舍衛國祇樹給孤獨園今時世尊告諸比丘若日初出之時人民之類普共田作百鳥悲鳴嫵姪哀喚我今比丘當知此是譬喻當解其義此義云何當解若日初出之時此譬如來出世人民之類普共田作此譬如檀越施主隨時供給衣被飯食牀卧具病瘦醫藥百鳥悲鳴者此高德法師之喻能與四部之衆說微妙之法嫵姪喚呼者此弊魔波旬之喻是故諸比丘如日初出如來出世除去闇冥靡不照明如是諸比丘當作是學今時諸比丘聞佛所說歡喜奉行

聞如是一時佛在舍衛國祇樹給孤獨園今時弥勒菩薩至如來所頭面礼足在一面坐今時弥勒菩薩白世

尊言菩薩摩訶薩成就幾法而行檀
波羅蜜具足六波羅蜜疾成無上正
真之道佛告弥勒若菩薩摩訶薩行
四法今具足六波羅蜜疾成無上正
真等正覺云何為四於是菩薩惠施
佛辟支佛下及凡人皆悉平均不選
擇人恒作斯念一切由食而存無食
則亡是謂菩薩成就此初法具足六
度復次菩薩若惠施之時頭目髓腦
國財妻子歡喜惠施不生著想由如
應死之人臨時還活歡喜踊躍不能
自勝尔時菩薩發心喜悅亦復如是
布施捨願不生想著復次弥勒菩薩
布施之時普及一切不自為已使成
无上正真之道是謂成就此三法具
足六度復次弥勒菩薩摩訶薩布施
之時作是思惟諸有衆生之類菩薩
最為上首具足六度了諸法本何以
故食已諸根寂靜思惟禁戒不興瞋
恚修行慈心勇猛精進增其善法除
不善法恒若一心意不錯乱具足辯
才法門終不越次使此諸施具足六
度成就檀波羅蜜若菩薩摩訶薩行

此四法疾成無上正真等正覺是故
彌勒若菩薩摩訶薩欲施之時當發
此誓願具足諸行如是彌勒當作是
學今時彌勒聞佛所說歡喜奉行
聞如是一時佛在舍衛國祇樹給孤
獨園今時世尊告諸比丘如來出世
有四無所畏如來得此四無所畏便
於世間无所著在大衆中而師子吼
轉於梵輪云何為四我今已辦此法
正使沙門婆羅門魔若魔天翕飛孺
動之類在大衆中言我不成此法此
事不然於中得无所畏是為第一無
所畏如我今日諸漏已盡更不受胎
若有沙門婆羅門衆生之類在大衆
中言我諸漏未盡者此事不然是謂
第二無所畏我今已離愚闇法欲使
還就愚闇之法者終无此處若復沙
門婆羅門魔若魔天衆生之類在大
衆中言我還就愚闇之法者此事不
然是謂如來三无所畏諸賢聖出要
之法盡於苦際欲使不出要者終無
此處若有沙門婆羅門魔若魔天衆
生之類在大衆中言如來不盡苦際

者此事不然是謂如來四無所畏如
是比丘如來四無所畏在大衆之中
能師子吼轉於梵輪如是比丘當求
方便成四无所畏如是諸比丘當作
是學今時諸比丘聞佛所說歡喜奉行
聞如是一時佛在舍衛國祇樹給孤
獨園今時世尊告諸比丘今有四人
聰明勇悍博古明今法法成就云何
為四比丘多聞博古明今在大衆中
取為第一比丘尼多聞博古明今在
大衆中取為第一優婆塞多聞博古
明今在大衆中取為第一優婆塞多
聞博古明今在大衆中取為第一是
謂比丘有此四人在大衆中取為第
一今時世尊便說此偈
勇悍无所畏多聞能說法在衆為師子
能除怯弱法比丘戒成就比丘尼多聞
優婆塞有信優婆塞亦今在衆為第一
若能和順衆欲知此義者如日初出時
是故諸比丘當學博古明今法法成
就如如是諸比丘當作是學今時諸比
丘聞佛所說歡喜奉行
聞如是一時佛在舍衛國祇樹給孤

獨園今時世尊告諸比丘有四種金翅鳥云何為四有卵生金翅鳥有胎生金翅鳥有濕生金翅鳥有化生金翅鳥如是比丘有四種龍云何為四有卵生龍有胎生龍有濕生龍有化生龍是謂比丘有四種龍比丘當知若彼卵生金翅鳥欲食龍時上鐵叉樹上自投于海而彼海水縱廣二十八万里下有四種龍宮有卵種龍有胎種龍有濕種龍有化種龍是時卵種金翅鳥以大翅搏水兩向取卵種龍食之設當向胎種龍者金翅鳥身即當匿亡尔時金翅鳥搏水取龍水猶未合還上鐵叉樹上比丘當知若胎生金翅鳥欲食龍時上鐵叉樹上自投于海然彼海水縱廣二十八万里搏水下至值胎種龍若值卵生龍者亦能捉之銜出海若值濕生龍者鳥身即死比丘當知若濕生金翅鳥欲食龍時上鐵叉樹上自投于海彼若得卵生龍胎生龍濕生龍皆能捉之設值化生龍者鳥身即死若比丘化生金翅鳥

欲食龍時上鐵叉樹上自投于海然後海水縱廣二十八万里搏水下至值卽種龍胎種龍濕種龍化種龍皆能捉之海水未合之頃還上鐵叉樹上比丘當知若使龍王身事佛者是時金翅鳥不能食噉所以然者如來恒行四等之心以是故鳥不能食龍云何為四等如來恒行慈心恒行悲心恒行喜心恒行護心是謂比丘如來恒有此四等心有大筋力有大勇猛不可沮壞以是之故金翅之鳥不能食龍是故諸比丘當行四等之心如是諸比丘當作是學今時諸比丘聞佛所說歡喜奉行

聞如是一時佛在舍衛國祇樹給孤獨園今時世尊告諸比丘若善知識惠施之時有四事功德云何為四知時而施非不知時自手惠施不使他入布施常淨潔非不淨潔施極微妙不有穢濁善知識惠施之時有此四功德是故諸比丘善男子善女人布施之時當具此四功德以具此功德獲大福業得甘露滅然此福德不可

稱量言當有尔許福業虚空所不能
容受猶如海水不可計量言一斛半
斛一合半合稱數之名但其福業不
可具陳如是善男子善女人所作功
德不可稱計獲大福業得甘露滅言
當有尔許福德是故比丘善男子善
女人當具此四功德如是諸比丘當
作是學尔時諸比丘問佛所說歡喜
奉行

聞如是一時佛在舍衛國祇樹給孤
獨園尔時世尊告諸比丘今有四種
之人可敬可貴世之福田云何為四
所謂持信奉法身證見到彼云何名
為持信人或有一人受人教誡有篤
信心意不疑難有信於如來至真等
正覺明行成為善逝世間解无上士
道法御天人師号佛世尊亦信如來
語亦信梵志語恒信他語不任已智
是謂名為持信人彼云何名為奉法
人於是有人分別於法不信他人觀
察於法有耶無耶實耶虛耶彼便作
是念此是如來語此是梵志語以是
知如來諸法者便奉持之諸有外道

語者而遠離之是謂名為奉法人彼云何為身證人於是有人身自作證亦不信他人亦不信如來語諸尊所說言教亦復不信但任己性而遊是謂名為身證人彼云何名為見到人於是有人斷三結成須陀洹不退轉法彼有此見便有惠施有受者有善惡之報有今世後世有父有母有阿羅漢等受教者身信作證而自遊化是謂名為見到人是謂比丘有此四人當念除上三人念修身證之法如是諸比丘當作是學今時諸比丘明佛所說歡喜奉行

增壹阿含經卷第十九

癸卯歲高麗國大藏都監奉
勅彫造

增壹阿含經卷第二十

蘭

聲聞品第二十八

東晉時沙門支遁譯

聞如是一時佛在羅閱城迦蘭陀竹園所與大比丘衆五百人俱是時四大聲聞集在一處而作是說我等共觀此羅閱城中誰有不供奉佛法衆作功德者由來無信者當勸令信如來法僧尊者大目犍連尊者迦葉尊者阿那律尊者賓頭盧今時有長者名跋提饒財多寶不可稱計金銀珍寶碑渠瑪瑙真珠席魄烏馬車乘奴婢僕從皆悉備具又復慳貪不肯布施於佛法衆元有毫釐之善無有焉信故福已盡更不造新恒懷邪見元施無福亦無受者亦無今世後世善惡之報亦無父母及得阿羅漢者亦復元有而取證者彼長者有七重門門門有守人不得使乞者詣門復以鐵籠絡覆中庭中恐有飛鳥來至庭中長者有婦名難陀亦復慳貪不肯惠施不種功德之本故者已滅更不造新亦懷邪見

無施无福亦無受者亦無今世後世
善惡之報亦無父母得阿羅漢亦復
無有而取證者難陀門戶亦有七重
亦有守門人不令有來乞者亦復
以鐵籠覆上不使飛鳥來入家中我
等今日可使難陀母為信佛法衆
亦時拔提長者清旦食餅是時尊者
阿那律到時耆衣持鉢便從長者
舍地中踊出舒鉢向長者是時長者
極懷愁憂即授少許餅與阿那律
是時阿那律得餅已還詣所在是時
長者便興瞋恚語守門人言我有教
勅無令有人入門內何故使人來入
時守門者報曰門閤牢固不知此道
士為從何來亦時長者默然不言時
長者已食餅竟次食魚肉尊者大迦
葉耆衣持鉢詣長者家從地中踊出
舒鉢向長者時長者甚懷愁憂授少
許魚肉與之是時迦葉得肉便於彼
沒還歸所在是時長者倍復瞋恚語
守門者言我先有教令不使人入家
中何故復使二沙門入家乞食時守
門人報曰我等不見此沙門為從何

未入長者報曰此禿頭沙門善於幻術狂惑世人無有正行今時長者婦去長者不遠而坐觀之然此長者婦是實多長者妹從摩師山中取之時婦語長者言可自護口勿作是語言沙門學於幻術所以然者此諸沙門有大威神所以來至長者家者多所饒益長者竟識先前比丘者乎長者報曰我不識之時婦報言長者頗聞迦毗羅衛國斛淨王子名阿那律當生之時此地六變震動遠舍一由旬內伏藏自出長者報言我聞有阿那律然不見之耳時婦語長者言此豪族之子捨居家已出家學道修於梵行得阿羅漢道天眼第一無有出者然如來亦說我弟子中天眼第一所謂阿那律比丘是次第二比丘來入乞者為識不乎長者報言我不識之其婦語言長者頗聞此羅閱城內大梵志名迦毗羅饒財多寶不可稱計有九百九十九頭耕牛田作長者報言我躬自見此梵志身其婦報言長者頗聞彼梵志息名曰比波羅耶檀那

身作金色婦名婆陀女中殊勝者設
舉紫磨金在前猶黑比白長者報言
我聞此梵志有子名曰比波羅耶檀
那然復不見其婦報言向者後來比
丘即是其身捨此王女之寶出家學
道今得阿羅漢恒行頭陀諸有頭陀
之行具足法者無有出尊迦葉上也
世尊亦說我弟子中第一比丘頭陀
行者所謂大迦葉是今長者快得善
利乃使賢聖之人來至此間乞食我
觀此義已故作是言善自護口莫誹
謗賢聖之人言作幻化此釋迦弟子
皆有神德當說此語時尊者大目犍
連著衣持鉢飛騰虛空詣長者家破
此鐵籠落在虛空中結跏趺坐是時
跋提長者見目犍連在虛空中坐便
懷恐怖而作是說汝是天耶目連報
言我非天也長者問言汝是乾沓耆
耶目連報言我非乾沓耆長者問言
汝是鬼耶目連報言我非鬼也長者
問言汝是羅刹耶人鬼耶目連報言
我亦非羅刹耶人鬼也是時跋提長
者便說此偈

為天司白雲想羅刹鬼神耶又言非是天
羅刹鬼神者不似乳畜起方域所遊行
汝今名何等我今欲得知

尔時目連復以偈報曰

非天乳畜起非鬼羅刹種三世得解脫
今我是人身所可降伏魔成於無上道
師名釋迦文我名大目連

是時跋提長者語目連言比丘何所
教勅目連報言我今欲與汝說法善
思念之時長者復作是念此諸道士
長夜著於飲食然今欲論者正當論
飲食耳若當從我索食者我當言无
也然復作是念我今少多聽此人所
說尔時目連知長者心中所念便說
此偈

如來說二施法施及財施今當說法施
專心一意聽

是時長者聞當說法施便懷歡喜語
目連言願時演說聞當知之目連報
言長者當知如來說五事大施盡形壽
當念修行時長者復作是念目連向
者欲說法施行今復言有五大施是
時目連知長者心中所念復告長者

言如來說有三大施所謂法施財施
我今當說法施不說財施長者報言
何者是五大施目連報言一者不得
煞生此名為大施長者當盡形壽修
行之二者不盜名為大施當盡形壽
修行不婬不妄語不飲酒當盡形壽
而修行之是謂長者有此五大施當
念修行是時跋提長者聞此語已極
懷歡喜而作是念釋迦文佛所說甚
妙今所演說者乃不用寶物如我今
日不堪煞生此可得奉行又我家中
饒財多寶終不偷盜此亦是我之所
行又我家中有上妙之女終不婬他
是我之所行又我不好妄語之人何况
自當妄語此亦是我之所行如今日
意不念酒何況自當此亦是我之所
行是時長者語目連言此五施者我
能奉行是時長者心中作是念我今
可飯此目連長者仰頭語目連言可
屈神下頤就此而坐是時目連尋聲
下坐是時跋提長者躬自辦種種飲
食與目連目連食訖行淨水長者作
是念可持一端甕奉上目連是時入

藏內而選取白氎欲取不好者便得
好者尋復捨之而更取氎又故尔好
捨之復更取之是時目連知長者心
中所念便說此偈

施與心闢諍此福賢所棄施時非闢時
可時隨心施

尔時長者便作是念今日連知我心
中所念便持白氎奉上目連是時目
連即與咒願觀察施第一知有賢聖
人施中取為上良田生果實時目連
咒願已受此白氎使長者受福無窮
是時長者便在一面坐目連漸與說
法妙論所謂論者施論戒論生天之
論欲不淨想出要為樂諸佛世尊所
說之法苦習盡道時目連盡與說之
即於座上得法眼淨如極淨之衣易
染為色此跋提長者亦復如是即於
座上得法眼淨以得法見法無有狐
疑而受五戒自歸佛法聖衆時目連
以見長者得法眼淨便說此偈
如來所說經根原悉備具眼淨無瑕穢
无疑無猶豫
是時跋提長者白目連曰自今已後

恒受我請及四部衆當供給衣被飯
食牀卧具病瘦醫藥无所愛惜是時
目連與長者說法已便從坐起而去
餘大聲聞尊者大迦葉尊者阿那律
語尊者賓頭盧言我等已度跋提長
者汝今可往降彼老母難陀賓頭盧
報曰此事大佳尔時老母難陀躬作
酥餅尔時尊者賓頭盧到時著衣持
鉢入羅閱城乞食漸漸至老母難陀
舍從地中踊出舒手持鉢從老母難陀
乞食是時老母見賓頭盧已極懷瞋
恚並作是惡言比丘當知設汝眼脫
者我終不乞汝食也是時賓頭盧即
入三昧使雙眼脫出是時母難陀倍
復瞋恚復作惡言正使沙門空中倒
懸者終不與汝食是時尊者賓頭盧
復以三昧力在空中倒懸時母難陀
倍復瞋恚而作惡言正使沙門舉身
烟出者我終不與汝食是時賓頭盧
復以三昧力舉身出烟是時老母見
已倍復恚怒而作是語正使沙門舉
身燃者我終不與汝食也是時賓頭
盧即以三昧使身體盡燃老母見已

復作是語正使沙門舉身出水者我終不與汝食也時賓頭盧復以三昧力便舉身皆出水老母見已復作是語正使沙門在我前死者我終不與汝食也是時尊者賓頭盧即入滅盡三昧無出入息在老母前死時老母以不見出入息即懷恐怖衣毛皆豎而作是語此沙門釋種子多所識知國王所敬設聞在我家死者必遭官事恐不免濟並作是語沙門還活者我當與沙門食是時賓頭盧即從三昧起時母難陀復作是念此餅極大當更作小者與之時老母取少許麴作餅餅遂長大老母見已復作是念此餅極大當更作小者然餅遂大當取先前作者持與之便前取之然復諸餅皆共相連時母難陀語賓頭盧曰比丘須食者便自取何故相燒乃余賓頭盧報曰大姊當知我不須食但須母欲有所說耳母難陀報曰比丘何所戒勅賓頭盧曰老母今當知今持此餅往詣世尊所若世尊有所誡勅者我等當共奉行老母報曰此

事甚快是時老母躬負此餅從尊者
賓頭盧後往至世尊所到已頭面礼
足在一面立念時賓頭盧白世尊曰
此母難陀是跋提長者好慳貪獨念
不肯施人唯願世尊為說為信之法
使得開解念時世尊告母難陀汝今
持餅施與如來及與比丘僧是時母
難陀即以奉上如來及餘比丘僧故
有遺餘餅在母難陀白世尊言故有殘
餅世尊曰更飯佛比丘僧母難陀受佛
教令復持此餅飯佛及比丘僧然後復
故有餅在是時世尊告母難陀汝今當
持此餅與比丘尼衆優婆塞優婆夷
衆然故有餅在世尊告曰可持此餅
施與諸貧窮者然故有餅在世尊告
曰可持此餅棄于淨地若著極清淨
水中所以然者我終不見沙門婆羅
門天及人民能消此餅除如來至真
等正覺對曰如是世尊是時母難陀
即以此餅捨著淨水中即時火焰起
母難陀見已尋懷恐懼往至世尊所
頭面礼足在一面坐是時世尊漸與
說法所謂論者施論戒論生天之論

欲不淨想漏為穢汙出家為要。今時世尊以見母難。隨心意開解諸佛世尊常所說法。苦習盡道。今時世尊盡與母難。隨說之。是時老母於座上得法眼淨。猶如白晝。易染為色。此亦如是。時母難隨諸塵垢。盡得法眼淨。彼以得法成法。無有於疑。已度猶豫。得無所畏。而承事三尊。受持五戒。今時世尊重與說法。使發歡喜。今時難隨白世尊曰。自今已後。使四部之眾在我家取施。自今已去。恒常布施修諸功德。奉諸賢聖。即從坐起。頭面禮足。便退而去。是時跋提長者及母難。隨有弟名曰優婆迦。居是阿闍世王少小同好。極相愛念。今時優婆迦居長者經營田作。聞兄跋提及姊難隨受如來法化。聞已歡喜踊躍。不能自勝。七日之中不復睡眠。亦不飲食。是時長者辦田作已。還詣羅閱城中。道復作是念。我今先至世尊所。然後到家。今時長者往至世尊所。頭面禮足。在一面坐。今時長者白世尊曰。我兄跋提及姊難隨受如來法化。乎世尊告曰。如是長者

今跋提難陀以見四諦修諸善法今
時優婆迦尼長者白世尊曰我等居
門極獲大利世尊告曰如是長者如
汝所言汝今父母極獲大利種種後世
之福余時世尊與長者說微妙之法
長者聞法已即從坐起頭面礼足便
退而去往詣王阿闍世所在一面坐
余時王問長者曰汝兄及姊受如來化
耶對曰如是大王王聞此語歡喜踊
躍不能自勝即擊鐘鳴鼓告勅城內自
今已後無令事佛之家有所貴輪亦
使事佛之人來迎去送所以然者此
皆是我道法兄弟余時三阿闍世出
種種飲食持與長者時長者便作是
念我竟不聞世尊說夫優婆塞之法
為應食何等食應飲何等漿我今先
往至世尊所問此義然後當食余時
長者告左右一人曰汝往至世尊所
到已頭面礼足持我聲而白世尊云
優婆迦尼長者白世尊曰夫賢者之
法當持幾戒又犯幾戒非清信士當
應食何等食飲何等漿余時彼人受
長者教往至世尊所頭面礼足白一

面立今時彼人持長者名白世尊曰
夫清信士之法應持幾戒犯幾戒非
優婆塞又應食何等食飲何等漿世
尊告曰汝今當知食有二種有可親
近有不可親近之何為二若親近食
時起不善法善法有損此食不可親
近若得食時善法增益不善法損此
食可親近漿亦有二事若得漿時起
不善法善法有損此不可親近若得
漿時不善法損善法有益此可親近
夫清信士之法限戒有五其中能持
一戒二戒三戒四戒乃至五戒皆當
持之當辨三問能持者使持之若清
信士犯一戒已身壞命終生地獄中
若復清信士奉持一戒生善處天上
何況二三四五是時彼人從佛受教
已頭面禮足便退而去彼人去不遠
是時世尊告諸比丘自今已後聽授
優婆塞五戒及三自歸若比丘欲授
清信士女戒時教使露臂叉手合掌
教稱姓名歸佛法眾再三教稱姓名
歸佛法眾復更自稱我今已歸佛歸
法歸比丘僧如釋迦文佛最初五百

賈客受三自歸盡形壽不然不盜不
姪不欺不飲酒若持一戒餘封四戒
若受二戒餘封三戒若受三戒餘封
二戒若受四戒餘封一戒若受五戒
當具足持之今時諸比丘聞佛所說
歡喜奉行

聞如是一時佛在舍衛國祇樹給孤
獨園今時世尊告諸比丘今日月有
四重翳使不得放光明何等為四一
者雲也二者風塵三者烟四者阿須
倫使覆日月不得放光明是謂比丘
日月有此四翳使日月不得放大光
明此亦如是比丘有四結覆蔽人心
不得開解云何為四一者欲結覆蔽
人心不得開解二者瞋恚三者愚癡
四者利養覆蔽人心不得開解是謂
比丘有此四結覆蔽人心不得開解
當求方便滅此四結如是諸比丘當
作是學今時諸比丘聞佛所說歡喜
奉行

聞如是一時佛在阿羅毗祠側今時
極為茂盛樹木凋落今時手阿羅婆
長者一出彼城中在外經行漸來至

世尊所到已頭面礼足在一面坐尔
時彼長者子白世尊言不啻宿昔之
中得善眠乎世尊告曰如是童子快
善眠也時長者子白佛今感寒日萬
物凋落然復世尊坐用草蓐所著衣
裳極爲單薄去何世尊作是說我快
得善眠世尊告曰童子諦聽我今還
問汝隨所報之猶如長者家牢治屋
舍無有風塵然彼屋中有牀蓐氎氎
氎事事俱具有四玉女顏貌端政
面如桃李世之希有視無厭足然好
明燈然彼長者快得善眠乎長者子
報曰如是世尊有好牀卧快得善眠
世尊告曰云何長者子若彼人快得
善眠時有欲意起緣此欲意不得眠
乎長者子對曰如是世尊若彼人欲
意起者便不得眠也世尊告曰如彼
欲意盛者今如來永盡无餘無復根
本更不復興云何長者子設有瞋恚
愚癡心起者豈得善眠乎童子報言
不得善眠也所以然者由有三毒心
故世尊告曰如來今日無復此心永
盡無餘亦无根本童子當知我今當

說四種之坐云何為四有卑坐有天
坐有梵坐有佛坐童子當知卑坐者
是轉輪聖王坐也天坐者釋提桓因
坐也梵坐者梵天王之坐也佛坐者是
四諦之坐也卑坐者向須陀洹坐也
天坐者得須陀洹坐也梵坐者向斯
陀含坐也佛坐者四意止之坐也卑
坐者得斯陀含之坐也天坐者向阿
那含之坐也梵坐者得阿那含果坐也
佛坐者四等之坐也卑坐者欲界之
坐也天坐者色界之坐也梵坐者無
色界之坐也佛坐者四神足之坐也
是故童子如來以坐四神足坐快得
善眠於中不起婬怒癡以不起此三
毒之心便於無餘涅槃界而般涅槃
生死已盡梵行已立所作已辦更不
復受有如實知之是故長者子我觀
此義已是以故說如來快得善眠今時
長者子便說此偈

相見日極久梵志般涅槃以逮如來力
明眼取滅度卑坐及天坐梵坐及佛坐
如來悉分別是故得善眠自歸人中尊
亦歸人中上我今未能知為依何等禪

長者子作是語已世尊然可之是時
長者子便作是念世尊以然可我極
懷歡喜不能自勝即從坐起頭面礼
足便退而去今時彼童子聞佛所說
歡喜奉行

聞如是一時佛在羅閱城耆闍崛山
中與大比丘衆五百人俱今時世尊
從靜室起下靈鷲山及將鹿頭梵志
而漸遊行到大毘舍離城今時世尊取
瓦人髑髏授與梵志作是說汝今梵
志明於星宿又兼醫藥能療治衆病
皆解諸趣亦復能知人死因緣我今
問汝此是何人髑髏為是男耶為是
女乎復由何病而取命終是時梵志
即取髑髏反覆觀察又復以手而取
擊之白世尊曰此是男子髑髏非女
人也世尊告曰如是梵志如汝所言
此是男子非女人也世尊問曰由何
命終梵志復手捉擊之白世尊言此
衆病集湊百節酸疼故致命終世尊
告曰當以何方治之鹿頭梵志白佛
言當取呵梨勒果并取蜜和之然後
服之此病得愈世尊告曰善哉如汝

所言設此人得此藥者亦不命終此人今日命終為生何處時梵志聞已復捉鬴腰擊之白世尊言此人命終生三惡趣不生善處世尊告曰如是梵志如汝所言生三惡趣不生善處是時世尊復更捉一鬴體授與梵志問梵志曰此是何人男耶女耶是時梵志復以手擊之白世尊言此鬴體女人身也世尊告曰由何病致此命終是時鹿頭梵志復以手擊之白世尊言此女人懷妊故致命終世尊告曰此女人者由何命終梵志白佛此女人者產月未滿復以產兒故致命終世尊告曰善哉善哉梵志如汝所言又彼懷妊以何方治梵志白佛如此病者當須好酥醍醐服之則差世尊告曰如是如是如汝所言今此女人以取命終為生何處梵志白佛此女人以取命終生畜生中世尊告曰善哉善哉梵志如汝所言是時世尊復更捉一鬴體授與梵志問梵志曰男耶女耶是時梵志復以手擊之白世尊言此鬴體者男子之身世尊告曰

善哉善哉如汝所言由何疾病致此
命終梵志復以手擊之白世尊言此
人命終飲食過差又遇暴下故致命
佛三日之中絕糧不食便得除愈世
尊告曰善哉善哉如汝所言此人命
終為生何處是時梵志復以手擊之
白世尊言此人命終生餓鬼中所以
然者意思想著水故世尊告曰善哉善
哉如汝所言今時世尊復更捉一觸
體授與梵志問梵志曰男耶女耶是
時梵志復以手擊之白世尊言此觸
體者女人之身世尊告曰善哉善哉
如汝所言此人命終由何疾病梵志
復以手擊之白世尊言當產之時以
取命終世尊告曰云何當產之時以
取命終梵志復以手擊之白世尊言
此女人身氣力虛竭又復飢餓以致
命終世尊告曰此人命終為生何處
是時梵志復以手擊之白世尊言此
人命終生於人道世尊告曰夫餓死
之人欲生善處者此事不然生三惡
趣者可有此理是時梵志復以手擊

之白世尊言此女人者持戒完具而取命終世尊告曰善哉善哉如汝所言彼女人身持戒完具致此命終所以然者夫有男子女人禁戒完具者設命終時當隨二趣若天上人中亦時世尊復捉一髑髏授與梵志問曰男耶女耶是時梵志復以手擊之白世尊言此髑髏者男子之身世尊告曰善哉善哉如汝所言者此人由何疾病致此命終梵志復以手擊之白世尊言此人無病為人所言故致命終世尊告曰善哉善哉如汝所言為人所害故致命終世尊告曰此人命終為生何處是時梵志復以手擊之白世尊言此人命終生善處天上世尊告曰如汝所言前論後論而不相應梵志白佛以何緣太而不相應世尊告曰諸有男女之類為人所害而取命終盡生三惡趣汝云何言生善處天上乎梵志復以手擊之白世尊言此人奉持五戒兼行十善故致命終生善處天上世尊告曰善哉善哉如汝所言持戒之人無所觸犯生善

處天上世尊復重告曰此人為持幾
戒而取命終是時梵志復專精一意
無他異想以手擊之白世尊言持一
戒耶非耶二三四五耶非耶然此人持
八閔齋法而取命終世尊告曰善哉
善哉如汝所言持八閔齋而取命終
今時東方境界普香山南有優陀延
比牟於無餘涅槃界而取般涅槃今
時世尊屈申臂頃往取彼髑髏來授
與梵志問梵志曰男耶女耶是時梵
志復以手擊之白世尊言我觀此髑
髏元本亦復非男又復非女所以然
者我觀此髑髏亦不見生亦不見斷
亦不見周旋往來所以然者觀八方
上下都無音響我今世尊未審此人
是誰髑髏世尊告曰止止梵志汝竟
不識是誰髑髏汝當知之此髑髏者
無終元始亦無生死亦無八方上下
所可適處此是東方境界普香山南
優陀延比丘於無餘涅槃界取般涅槃
是阿羅漢之髑髏也今時梵志聞此
語已歎未曾有即白佛言我今觀此
蟻子之至所從來處皆悉知之鳥獸

音響即能別知此是雄此是雌然我觀此阿羅漢永无所見亦不見來處亦不見去處如來正法甚為奇特所以然者諸法之本出於如來神口然阿羅漢出於經法之本世尊告曰如是梵志如汝所言諸法之本出如來口正使諸天世人魔若魔天終不能知羅漢所趣尔時梵志頭面礼足白世尊言我能盡知九十六種道所趣向者皆悉知之如來之法所趣向者不能分別唯願世尊得在道次世尊告曰善哉梵志快修梵行亦无有人知汝所趣向處尔時梵志即得出家學道在閑靜之處思惟道術所謂族姓子剝除鬚髮著三法衣生死已盡梵行已立所作已辦更不復受胎如實知之是時梵志即成阿羅漢尔時尊者鹿頭白世尊言我今以知阿羅漢行所修之法世尊告曰汝云何知阿羅漢之行鹿頭白佛今有四種之界云何為四地界水界火界風界是謂如來有此四界彼時人命終地即自屬地水即自屬水火即自屬火風

即自屬風世尊告曰云何比丘今有
幾界應頭白佛其實四界義有八界
世尊告曰云何四界義有八界應頭
白佛今有四界云何四界地水火風
是謂四界彼云何義有八界地界有
二種或內地或外地彼云何名為內
地種髮毛爪齒身體皮膚筋骨髓腦
腸胃肝膽脾腎是謂名為內地種云
何為外地種諸有堅牢者此名為外
地種此名為二地種彼云何為水種
水種有二或內水種或外水種內水
種者涎唾淚尿五臟是謂名為內水
種諸外軟溺物者此名為外水種是名
二水種彼云何名為火種然火種有二
或內火或外火彼云何名為內火所食
之物皆悉消化無有遺餘此名為內火
云何名為外火諸外物熱盛物此名為
外火種云何名為風種又風種有二
或有內風或有外風所謂脣內之風
眼風頭風出息風入息風一切支節
之間風此名為內風彼云何名為外
風所謂輕颺動搖速疾之物此名為
外風是謂世尊有二種其實有四種

有八如是世尊我觀此義人若命終時四種各歸其本世尊告曰無常之法亦不與有常并所以然者地種有三或內或外亦時內地種是無常法變易之法外地種者恒住不變易是謂地有二種不與有常无常相應餘三大者亦復如是不與有常無常共相應是故底頭雖有八種其實有四如是底頭當作是學亦時底頭聞佛所說歡喜奉行

聞如是一時佛在舍衛國祇樹給孤獨園亦時世尊告諸比丘今有四大廣演之義云何為四所謂契經律阿毗曇戒是謂為四比丘當知若有比丘從東方來誦經持法奉行禁戒彼便作是語我能誦經持法奉行禁戒博學多聞正使彼比丘有所說者不應承受不足為信當取彼比丘而共論議案法共論云何案法共論所謂案法論者此四大廣演之論是謂契經律阿毗曇戒當向彼比丘說契經布現律分別法正使說契經時布現律分別法時若彼布現所謂與契經

相應律法相應者便受持之說不與
契經律阿毗曇相應者當報彼人作
是語卿當知之此非如來所說然卿
所說者非正經之本所以然者我今
說契經律阿毗曇都不與相應以不
相應當問戒行設不與戒行相應者
當語彼人此非如來之藏也即當發
遣使去此名初演大義之本復次比
丘若有比丘從南方來而作是語我
能誦經持法奉行禁戒博學多聞正
使比丘有所說不應承受不足為信
當取彼比丘而共論議正使比丘有
所說不與義相應者當發遣之設與
義相應者當報彼人曰此是義說非
正經本今時當取彼義勿受經本所
以然者義者解經之源是謂第二演大
義之本復次比丘若有比丘從西方來
誦經持法奉行禁戒博學多聞當問
彼比丘說契經律阿毗曇然彼比丘
正解味不解義當語彼比丘作是語
我等不明此語為是如來所說也為
非也正使說契經律阿毗曇時解味
不解義雖問彼比丘所說亦不足與

善亦不足言惡復以戒行而問之設
與相應者念承受之所以然者戒行
與味相應義不可明故是謂第三演
義也復次比丘若有比丘從北方來
誦經持法奉行禁戒諸賢有疑難者
便來問義我當與汝說之設彼比丘
有所說者不足承受不足諷誦然當
向彼比丘問契經律阿毗曇戒共相
應者便當問義若復與義相應便當
歎譽彼比丘善哉善哉賢士此真是
如來所說義不錯亂盡與契經律阿
毗曇戒共相應當以法供養得彼比
丘所以然者如來恭敬法故其有供
養法者則恭敬我已其觀法者則觀
我已有了法則有我已有了法則有比丘
僧有法則有四部之衆有法則有四
姓在世所以然者由法在世則賢劫
中有大威王出世從是已來便有四
姓在世若法在世便有四姓在世刹
利婆羅門工師居士種若法在世者
便有轉輪聖王位不絕若法在世者
便有四天王種兜術天艷天化自在
天他化自在天便在於世若法在世

者便有欲界天色界天無色界天在於世間若法在世者便有須陀洹果斯陀含果阿那含果阿羅漢果辟支佛果佛乘便現於世是故比丘當善恭敬於法彼比丘隨時供養給其所須當語彼比丘作是語善哉善哉如汝所言今日所說者真是如來所說是謂比丘有此四大廣演說之義是故諸比丘當持心執意行此四事勿有漏脫如是諸比丘當作是學今時諸比丘聞佛所說歡喜奉行

聞如是一時佛在舍衛國祇樹給孤獨園今時王波斯匿清旦集四種兵乘寶羽之車往至世尊所頭面禮足在一面坐今時世尊問大王曰大王為從何來又塵土全體集四種兵有何事緣波斯匿王曰世尊曰今此國界有大賊起昨夜半興兵擒獲然身軀疲倦欲還詣宮然中道復作是念我應先至如來所然後入宮以此事緣寤寐不安今以壞賊功勞有在歡喜踊躍不能自勝故來至拜跪覲省設我昨夜不即興兵者則不獲賊今

時世尊告曰如是大王如王所說王當知此有四事緣本先苦而後樂云何為四清旦早起先苦而後樂設服油酥先苦而後樂若服藥時先苦而後樂家業娉娶先苦而後樂是謂大主有此四事緣本先苦而後樂今時波斯匿王曰世尊言世尊所說誠得其宜有此四事緣本先苦而後樂所以然者如我今日觀此四事如掌觀珠皆是先苦而後樂義今時世尊與波斯匿王說微妙之法發歡喜心王聞法已曰世尊言國事很多欲還歸所在世尊告曰宜知是時時波斯匿王即從坐起頭面礼足繞佛三匝便退而去王去未久是時世尊告諸比丘今有此四事緣本先苦後樂云何為四修習梵行先苦而後樂誦習經文先苦而後樂坐禪念定先苦而後樂數出入息先苦而後樂是謂比丘行此四事者先苦而後樂也其有比丘行此先苦而後樂之法必應沙門後得果報之樂云何為四若有比丘勤於此法無欲惡法念持喜安遊心初禪得

沙門之樂復次有覺有觀息內有喜
心專精一意无覺無觀念持喜安
遊於二禪是謂得第二沙門之樂
復次无念遊心於護恒自覺知覺身
有樂諸賢聖所喜聖者護念樂遊心
三禪是謂獲第三沙門之樂復次苦
樂已盡先無有憂戚之患無苦无樂
護念清淨遊心四禪是謂有此四沙
門之樂復次比丘若有比丘行此先
苦後獲沙門四樂之報斷三結網成
須陀洹不退轉法必至滅度復次比
丘若斷此三結淫怒癡薄成斯陀含
來至此世必盡苦際復次比丘若有
比丘斷五下分結成阿那含於彼般
涅槃不來此世復次比丘若有比丘
有漏盡成无漏心解脫智慧解脫於
現法中身作證而自遊戲生死已盡
梵行已立所作已辦更不復受胎如
實知之是彼比丘修此先苦之法後
獲沙門四果之樂是故諸比丘當求
方便成此先苦而後樂如是諸比丘
當作是學尔時諸比丘聞佛所說歡
喜奉行

聞如是一時佛在舍衛國祇樹給孤獨園。今時世尊告諸比丘：有四種之人出現於世。云何為四？有似黃藍花沙門、有似邠陀利華沙門、有似柔軟沙門、有似柔軟中柔軟沙門。彼云：何名為似黃藍花沙門？或有一人斷三結，使成須陀洹，不退轉法，必至涅槃，極遲經七死七生，或復家家一種，猶如黃藍之花，朝取暮長，此比丘亦復如是。三結使盡，成須陀洹，不退轉法，必至涅槃，極遲至七死七生，若求方便，勇猛意者，家家一種，便成道跡，是謂名為黃藍花沙門。彼云：何名為邠陀利花沙門？或有一人三結使盡，婬怒癡薄，成斯陀含，來至此世，盡於苦際。若小遲者，來至此世，盡於苦際。若勇猛者，即於此間盡於苦際，猶如邠陀利花。晨朝剖花，向暮萎死，是謂邠陀利花沙門。彼云：何柔軟沙門？或有一人斷五下分結，成阿那含，即於彼般涅槃，不來此世，是謂柔軟沙門。彼云：何柔軟中柔軟沙門？或有一人有漏盡，成無漏心，解脫智惠，解脫於現法。

中自身作證而自遊戲生死已盡梵
行已立所作已辦更不復受胎如實
知之是謂柔軟中柔軟沙門是謂比
丘有此四人出現於世是故諸比丘
當求方便於柔軟中作柔軟沙門如
是諸比丘當作是學今時諸比丘聞
佛所說歡喜奉行

修隨修摩均 賓頭盧臂手 鹿頭廣演義
後樂柔軟經

增壹阿含經卷第二十

癸卯歲高麗國大藏都監奉
勅彫造

增壹阿含經卷第二十二

斯

苦樂品第二十九

東晉劉宋三藏法師鳩摩羅什譯

聞如是一時佛在舍衛國祇樹給孤獨園尔時世尊告諸比丘今有四人出現於世云何為四或有人先苦而後樂或有人先樂而後苦或有人先苦而後苦或有人先樂而後樂云何人先苦而後樂或有一人生卑賤家或殺人種或工師種或邪道家生及餘貧匱之家衣食不充彼人便生彼家然復彼人無有邪見彼便有此見有施有受者有今世有後世有沙門婆羅門有父有母世有阿羅漢等受教者亦有善惡果報若彼有極富之家以知昔日施德之報不放逸報彼若復見無衣食家者知此人等不作施德恒值貧賤我今復值貧賤無有衣食皆由曩口不造福故誑惑世人行放逸法緣此惡行之報今值貧賤衣食不充若復見沙門婆羅門修善法者便伺懺悔改往所作若復所有之

遺餘與人等分彼身壞命終生善處
若生人中多財饒寶無所乏短是謂
此人先苦而後樂何等人先樂而後
苦於是或有一人生豪族家或剎利
種或長者種或大姓家及諸富貴之
家衣食充足便生彼家然彼人恒懷
邪見與邊見共相應彼便有此見無
施無受者亦無今世後世之報亦無父
母世無阿羅漢亦無有得證者亦復無
有善惡之報彼人有此邪見若復見
有富貴之家而作是念此人久有此
財寶耳男者久是男者女者久是女畜
生者久是畜生不好布施不持戒律
若彼見沙門婆羅門奉持戒者起瞋
恚心此人虛偽何處當有福報之應彼
人身壞命終之後生地獄中若得作
人在貧窮家生無有衣食身體暴露
衣食不充是謂此人先樂而後苦何
等人先苦而後苦於是有人生貧賤
家或殺人種或工師種及諸下劣之
家無有衣食而此人生彼家然復彼
人身抱邪見與邊見共相應彼人便
有此見無施無有受者亦無今世後

世善惡之報亦無父母世無阿羅漢
不好布施不奉持戒若復見沙門婆
羅門即興瞋恚向賢聖人彼人見貧
者言久來有是見富者言久來有是
見父者昔者是父見母者昔者是母
彼若身壞命終生地獄中若生人中
極為貧賤衣食不充是謂此人先苦
而後苦彼云何人先樂而後樂彼或
有一人生富貴家或刹利種或梵志
種或主國王種或長者種生及諸饒
財多寶家生所生之處無有乏短彼
人便生此家然後彼人有正見無有
邪見彼便有此見有施有受者有今
世後世有沙門婆羅門亦有善惡之
報有父有母世有阿羅漢彼人若復
見富貴之家饒財多寶者便作是念
此人昔日布施之所致若復見貧賤
之家此人昔者皆由不布施故故我
今可隨時布施莫後更生貧賤之家
然常好喜施惠於人彼人若見沙門
道士者隨時問訊可否之宜供給衣
被飲食牀卧具病瘦醫藥盡惠施之
若復命終之後生善處天上若人中

增壹阿含經卷第三 第四品 斯 一
生富貴之家饒財多寶是謂以人先
樂而後樂是時有一比丘白世尊曰
我觀今世衆生先苦而後樂或有衆
生於今世先樂而後苦或有衆生於
今世先苦而後苦或有衆生先樂而
後樂尔時世尊告彼比丘有此因緣
使衆生之類先苦而後樂亦復有此
衆生先樂而後苦亦復有此衆生先
苦而後苦亦復有衆生先樂而後樂
比丘白佛復以何因緣先樂而後苦
復以何因緣先苦而後樂復以何
因緣先苦而後苦復以何因緣先
樂而後樂世尊告曰比丘當知若
人壽百歲正可十十耳若使壽終
冬夏春秋若復比丘百歲之中作諸
功德百歲之中造諸惡業作諸邪見
彼於異時或冬受樂夏受苦若百歲
之中功德具足未曾有短若復在中
百歲之內在諸邪見造不善行先受
其罪後受其福若復少時作福長時
作罪後生之時少時受福長時受罪
若復少時作罪長復作罪彼人後生
之時先苦而後苦若復於少時作諸
功德分檀布施彼於後生先樂而後

樂是謂比丘以此因緣先苦而後樂
亦由此因緣先樂而後苦亦由此因
緣先苦而後苦亦由此因緣先樂而
後樂比丘白佛言唯願世尊若有衆
生欲先樂而後樂當行布施求此先
樂而後樂世尊告曰如是比丘如汝
所言若有衆生欲成涅槃及阿羅漢
道乃至佛道當於中行布施作諸功
德如是諸比丘當作是學今時諸比
丘聞佛所說歡喜奉行

聞如是一時佛在舍衛國祇樹給孤
獨園今時世尊告諸比丘有四人出
現於世云何為四或有人身樂心不
樂或有人心樂身不樂或有人心亦
不樂身亦不樂或有人身亦樂心亦
樂彼何等人身樂心不樂於是作福
凡夫人於四事供養衣被飲食牀卧
具病瘦醫藥無所短乏但不免餓鬼
畜生地獄道亦復不免惡趣中是謂
此人身樂心不樂彼何等人心樂身
不樂所謂阿羅漢不作功德於是四
事供養之中不能自辦終不能得但
免地獄餓鬼畜生之道猶如羅漢唯

喻比丘是謂此人心樂身不樂彼何等人身亦不樂心亦不樂所謂凡夫之人不作功德不能得四事供養衣被飲食牀卧具病瘦醫藥恒不免地獄餓鬼畜生道是謂此人身亦不樂心亦不樂彼何等人身亦樂心亦樂所謂作功德阿羅漢四事供養無所短乏衣被飲食牀卧具病瘦醫藥復免地獄餓鬼畜生道所謂尸波羅比丘是是謂比丘世間有此四人是故比丘當求方便當如尸波羅比丘如是諸比丘當作是學今時諸比丘聞佛所說歡喜奉行

聞如是一時佛在舍衛國祇樹給孤獨園今時世尊告諸比丘今當說四梵之福云何為四若有信善男子善女人未曾起偷婆處於中能起偷婆者是謂初梵之福也復次信善男子善女人補治故寺者是謂第二受梵之福也復次信善男子善女人和合聖眾者是謂第三受梵之福復次若多陸阿竭初轉法輪時諸天世人勸請轉法輪是謂第四受梵之福是謂

四受梵之福。尔時有異比丘白世尊言。梵天之福。竟為多少。世尊告曰。諦聽。諦聽。善思念之。吾今當說。諸比丘。對曰。如是。世尊。告曰。閻浮里地東西七千由旬。南北二万一千由旬。地形像車。其中衆生所有功德。正可與一輪王功德等。瞿耶尼縱廣三十二万里。地形如半月。比丘當知。閻浮地人民及一輪王之德。比彼人者。與彼一人德等。復次。比丘。弗于逮里地縱廣三十六万里。地形方正。計閻浮里地及瞿耶尼二方之福。故不如彼弗于逮一人之福。比丘當知。鬱單曰。如四天王之德。計四天下人民之福。及四天王故。不如三十三天之福。計四天下及四天王三十三天故。不如釋提桓因一人之福。計四天下及四天王及三十三天及釋提桓因故。不如一豔天之福。計四天下及四天王三十三天。釋提桓因及豔天故。不如一兜術天福。計從四天下至兜術天之福。故不

如一化自在天之福計從四天下至
化自在天之福故不如一他化自
在天之福計從四天下至他化自在
天之福故不如一梵天王之福比丘
當知此是梵天之福若有善男子善
女人求其福者此是其量也是故比
丘欲求梵天福者當求方便成其功
德如是比丘當作是學今時諸比丘
聞佛所說歡喜奉行

聞如是一時佛在舍衛國祇樹給孤
獨園今時世尊告諸比丘衆生之類
有四種食長養衆生何等為四所謂
搏食或大或小更樂食念食識食是
謂四食彼云何名為搏食彼搏食者
如今人中所食諸入口之物可食取
者是謂名為搏食云何名更樂食所
謂更樂食者衣裳繖蓋雜香華熏火
及香油與婦人集聚諸餘身體所更
樂者是謂名為更樂之食彼云何名
為念食諸意中所念想所思惟者或
以口說或以體觸及諸所持之法是
謂名為念食彼云何為識食所念識
者意之所知梵天為首乃至有想無

想天以識為食是謂名為識食是謂
比丘有此四食衆生之類以此四食
流轉生死從今世至後世是故諸比
丘當共捨離此四食如是諸比丘當
作是學今時諸比丘聞佛所說歡喜
奉行

聞如是一時佛在舍衛國祇樹給孤
獨園今時世尊告諸比丘有四辯云
何為四所謂義辯法辯辭辯應辯彼
云何名為義辯所謂義辯者彼彼之
所說若天龍鬼神之所說皆能分別
其義是謂名為義辯也彼云何名為
法辯十二部經如來所說所謂契經
祇夜本末偈因緣授決已說造頌生
經方等合集未曾有及諸有為法無
為法有漏法無漏法諸法之實不可
沮壞所可捻持者是謂名為法辯彼云
何名為辭辯若前衆生長短之語男
語女語佛語梵志天龍鬼神之語阿
須倫迦留羅甄陀羅彼之所說隨彼
根原與其說法是謂名為辭辯彼云
何名為應辯當說法時無有怯弱無
有畏懼能和悅四部之衆是謂名為

應辯我今當教勅汝當如摩訶拘締羅
所以然者拘締羅有此四辯能與四
部之衆廣分別說如我今日觀諸衆
中得四辯才無有出拘締羅若此四
辯如來之所有是故當求方便成四
辯才如是諸比丘當作是學今時諸
比丘聞佛所說歡喜奉行

聞如是一時佛在舍衛國祇樹給孤
獨園今時世尊告諸比丘有四事終
不可思惟去何為四衆生不可思議
世界不可思議龍國不可思議佛國
境界不可思議所以然者不由此處
得至滅盡涅槃云何衆生不可思議
此衆生為從何來為從何去復從何
起從此終當從何生如是衆生不可
思議云何世界不可思議諸有邪見
之人世界斷滅世界不斷滅世界有
邊世界無邊是命是身非命非身梵
天之所造諸大鬼神作此世界耶今
時世尊便說此偈
梵天造人民世間鬼所造或能諸鬼作
此語誰當定欲悉之所經三者俱共等
心不得自在世俗有災變

如是比丘世間不可思議云何龍界
不可思議云何此雨為從龍口出耶
所以然者雨滂不從龍口出也為從
眼耳鼻出耶此亦不可思議所以然
者雨滂不從眼耳鼻出但龍意之所
念若念惡亦雨若念善亦雨亦由行
本而作此雨所以然者今須弥山腹
有天名曰大力知衆生心之所念亦
能作雨然雨不從彼天口出眼耳鼻
出也皆由彼天有神力故而能作雨如
是比丘龍境界不可思議云何佛國
境界不可思議如來身者為是父母
所造耶此亦不可思議所以然者如
來身者清淨無穢受諸天氣為是人
過人行如來身者為是大身此亦不
可思議所以然者如來身者不可造
作非諸天所及如來壽為短耶此亦
不可思議所以然者如來有四神足
如來為長壽耶此亦不可思議所以
然者然復如來故興世間周旋與善權
方便相應如來身者不可摸則不可
言長言短音聲亦不可法則如來梵

音如來智慧辯才不可思議非世間
人民之所能及如是佛境界不可思
議如是比丘有此四處不可思議非
是常人之所思議然此四事無善根
本亦不由此得修梵行不至休息之
處乃至不到涅槃之處但令人狂惑
心意錯亂起諸疑結所以然者比丘
當知過去久遠此舍衛城中有一凡
人便作是念我今當思議世界是時
彼人出舍衛城在一華池水側結跏
趺坐思惟世界此世界云何成云何
敗誰造此世界此衆生類為從何來
為從何出為何時生是時彼人思議
此時便見池水中有四種兵出入是
時彼人復作是念我今狂惑心意錯
亂世間無者我今見之時彼人還入
舍衛城在里巷之中作是說諸賢當
知世界無者我今見之是時衆多人
報彼人曰云何世間無者汝今見之
時此人報衆多人曰我向者作是思
惟世界為從何生便出舍衛城在華
池側作是思議世界為從何來誰造
此世界此衆生類從何而來為誰所生

若命終者當生何處我當思議此時
便見池水中有四種兵出入世界無
者我今見之是時衆多人報彼人曰
如汝實狂愚池水之中卽得四種兵
諸世界狂愚之中汝取為上是故比丘
我觀此義已故告汝等耳所以然者
此非善本功德不得修梵行亦復不
得至涅槃處然思議此者則令人狂
心意錯亂然比丘當知彼人實見四
種之兵所以然者昔日諸天與阿須
倫共鬪當共鬪時諸天得勝阿須倫
不如是時阿須倫便懷恐怖化形極
使小從藕根孔中過佛眼之所見非
餘者所及是故諸比丘當思議四諦
所以然者此四諦者有義有理得修
梵行行沙門法得至涅槃是故諸比
丘捨離此世界之法當求方便思議
四諦知是諸比丘當作是學尔時諸
比丘聞佛所說歡喜奉行
聞如是一時佛在舍衛國祇樹給孤
獨園尔時世尊告諸比丘有四神足
云何為四自在三昧行盡神足心三
昧行盡神足精進三昧行盡神足誠

三昧行盡神足彼云何為自在三昧
行盡神足所謂諸有三昧自在意所欲
心所樂使身體輕便能隱形極細是謂
第一神足彼云何心三昧行盡神足
所謂心所知法遍滿十方石壁皆過
無所罣碍是謂名為心三昧行盡神
足彼云何名為精進三昧行盡神足
所謂此三昧無有懈倦亦無所畏有
勇猛意是謂名為精進三昧行盡神
足彼云何名為誠三昧行盡神足諸
有三昧知衆生心中所念生時滅時
皆悉知之有欲心無欲心有瞋恚心
無瞋恚心有愚癡心無愚癡心有疾
心無疾心有亂心無亂心有少心無
少心有大心無大心有量心無量心
有定心無定心有解脫心無解脫心
一切了知是謂名為誠三昧行盡神
足如是比丘有此四神足欲知一切
衆生心中所念者當修行此四神足
如是諸比丘當作是學尔時諸比丘
聞佛所說歡喜奉行

聞如是一時佛在舍衛國祇樹給孤
獨園尔時世尊告諸比丘有四愛起

之法若比丘愛起時便起云何為四
比丘緣衣服故便起愛由乞食故便
起愛由牀坐故便起愛由醫藥故比
丘便起愛是謂比丘有此四起愛之
法有所染著其有比丘著衣裳者我
不說此人所以然者彼未得衣時便
起瞋恚興想著念其有比丘著是食
者我不說此人所以然者彼未得乞
食時便興瞋恚興想著念其有比丘
牀座者不說此人所以然者彼未得
牀座時便起瞋恚興想著念其有比
丘著醫藥者我不說此人所以然者
彼未得醫藥時便興瞋恚起想著念
比丘當知我今當說衣裳二事亦當
親近亦當不親近云何親近云何不
親近若得衣裳極愛著衣者起不善
法此不可親近若復得衣裳起善法
心不愛著此可親近若乞食時起不
善法此不可親近若乞食時起善法
此可親近若得牀座時起不善法此
不可親近若得牀座時起善法此
可親近醫藥亦亦是故諸比丘當親
近善法除去惡法如是諸比丘當作

是學欲使檀越施主獲其功德受福無窮得甘露滅余時世尊便說此偈衣裳用布施飲食牀卧具於中莫起愛不生諸世界

余時諸比丘聞佛所說歡喜奉行聞如是一時佛在舍衛國祇樹給孤獨園余時世尊告諸比丘今有四大河水從阿耨達泉出云何為四所謂恒伽新頭婆叉私陀彼恒伽水牛頭口出向東流新頭南流師子口出私陀西流象口中出婆叉北流從馬口中出是時四大河水繞阿耨達泉已恒伽入東海新頭入南海婆叉入西海私陀入北海余時四大河入海已無復本名字但名為海此亦如有四姓云何為四刹利婆羅門長者居士種於如來所剎除驢騾著三法衣出家學道無復本姓但言沙門釋迦子所以然者如來來者止猶大海四歸其相四大河除去結使入於無畏涅槃城是故諸比丘諸有四姓剎除驢騾以信堅固出家學道者彼當滅本名字自稱釋迦弟子所以然者我今正是

釋迦子從釋種中出家學道比丘當
知欲論生子之義者當名沙門釋種
子是所以者何生皆由我生從法起
從法成是故比丘當求方便得作釋
種子如是諸比丘當作是學今時諸
比丘聞佛所說歡喜奉行

聞如是一時佛在舍衛國祇樹給孤
獨園今時世尊告諸比丘有四等心
云何為四慈悲喜護以何等故名為
梵堂比丘當知有梵大梵名千無與
等者無過上者統十國界是彼之堂
故名為梵堂比丘此四梵堂所有力勢
能觀此十國界是故名為梵堂是故
諸比丘若有比丘欲度欲界之天處
無欲之地者彼四部之衆當求方便
成此四梵堂如是諸比丘當作是學
今時諸比丘聞佛所說歡喜奉行
增壹阿含經卷第二十一

癸卯歲高麗國大哉部監奉
勅周造

東晉高僧三藏法師鳩摩羅什譯

須陀品第三十

聞如是一時佛在摩竭國波沙山中
與大比丘衆五百人俱。爾時世尊清
旦從靜室起在外經行。是時須陀沙
彌在世尊後而經行。爾時世尊還顧
謂沙彌曰。我今欲問卿義諦。聽善思
念之。須陀沙彌對曰。如是。世尊。是時
世尊告曰。有常色及無常色。為是
一義。為有若干之貌。須陀沙彌白
佛言。有常色及與無常色者。此義
若干。非一義也。所以然者。有常色者
是內無常色者。是外。以是之故。義有
若干。非有一也。世尊告曰。善哉。善哉。
須陀。如汝所言。快說此義。有常色無
常色。此義若干。非一義也。云何。須陀。
有漏義無漏義。為是一義。為若干義。
乎。須陀。沙彌對曰。有漏義無漏義。是
若干。非一義也。所以然者。有漏義足
生死結。使無漏義者是涅槃之法。以
是之故。義有若干。非一義也。世尊告

曰善哉善哉須陀如汝所言有漏是生死無漏是涅槃世尊告曰聚法散法為是一義為是若干義乎須陀沙彌白佛言聚法之色散法之色此義若干非一義也所以然者聚法之色者四大形也散法之色者苦盡諦也以是言之義有若干非一義也世尊告曰善哉善哉須陀如汝所言聚法之色散法之色義有若干非一義也云何須陀受義陰義為是一義為有若干乎須陀沙彌白佛言受與陰義有若干非一義也所以然者受者無形不可見陰者有色可見以是之故義有若干非一義也世尊告曰善哉善哉須陀如汝所言受義事有若干非一義也世尊告曰有字無字義有若干為是一義沙彌白佛言有字無字義有若干非一義也所以然者有字者是生死結無字者是涅槃也以是言之義有若干非一義也世尊告曰善哉善哉須陀如汝所言有字者是生死無字者是涅槃世尊

告曰云何須陀何以故名有字是生
死無字是涅槃沙彌白佛言有字者
有生有死有終有始無字者無生無
死無終無始世尊告曰善哉善哉須
陀如汝所言有字者是生死之法無
字者是涅槃之法尔時世尊告沙彌
曰快說此言今即聽汝為大比丘尔
時世尊還詣普集講堂告諸比丘摩
竭國界快得善利使須陀沙彌遊此
境界其有以衣被飲食牀卧具病瘦
醫藥持供養者亦得善利彼所生父
母亦得善利乃得生此須陀比丘若
須陀比丘所生之家彼家便為獲其
大幸我今告諸比丘當學如須陀比
丘所以者何此須陀比丘極為聰明
說法無滯碍亦無怯弱是故諸比丘
當學如須陀比丘是諸比丘當作是
學尔時諸比丘聞佛所說歡喜奉行
聞如是一時佛在羅閱城迦蘭陀竹
園所與大比丘衆五百人俱尔時世
尊與無央數之衆前後圍遶而為說
法尔時有長老比丘在彼衆中向世
尊舒脚而睡尔時修摩那沙彌年向

八歲去世尊不遠結加趺坐計念在前今時世尊遇見長老比丘舒脚而眠復見沙弥端坐思惟世尊見已便說此偈

所謂長老者未必剃髮鬚雖復年齒長不免於愚行若有見諦法無害於群萌捨諸穢惡行此名為長老我今謂長老未必先出家修其善本業分別於正行設有年幼少諸根無漏缺此謂名長老分別正法行

今時世尊告諸比丘汝等頗見此長老舒脚而睡乎諸比丘對曰如是世尊我等悉見世尊告曰此長老比丘五百世中恒為龍身今設當命終者當生龍中所以然者無有恭敬之心於佛法衆若有衆生無恭敬之心於佛法衆者身壞命終皆當生龍中汝等頗見修摩那沙弥年向八歲去我不遠端坐思惟諸比丘對曰如是世尊是時世尊告諸比丘此沙弥却後七日當得四神足及得四諦之法於四禪而得自在善修四意斷所以然者此修摩那沙弥有恭敬之心向佛

法衆以是之故諸比丘恒當勤加恭敬佛法之衆如是諸比丘當作是學
余時諸比丘聞佛所說歡喜奉行
聞如是一時佛在舍衛國祇樹給孤
獨園余時世尊與大比丘衆千二百
五十人俱余時有長者名阿那邠邟
饒財多寶金銀珍寶車乘馬瑙真珠
虎魄水精琉璃象馬牛羊奴婢僮使
不可稱計余時滿富城中有長者名
滿財亦饒財多寶車乘馬瑙真珠虎
魄水精琉璃象馬牛羊奴婢僮使不
可稱量復是阿那邠邟長者少小善
好共相愛敬未曾忘捨然復阿那邠
邟長者恒有數千萬珍寶財貨在彼
滿富城中販賣使滿財長者經紀將
護然滿財長者亦有數千萬珍寶財
貨在舍衛城中販賣使阿那邠邟長
者經紀將護是時阿那邠邟有女名
修摩提顏貌端正如挑華色世之希
有余時滿財長者有少事緣到舍衛
城往至阿那邠邟長者家到已就座
而坐是時修摩提女從靜室出先拜
跪父母後拜跪滿財長者還入靜室

今時滿財長者見修摩提女顏貌端正如梵華色世之希有見已問阿邠邠邠長者曰此是誰家女阿邠邠邠報曰向者女者是我所生滿財長者曰我有小息未有誓對可得適貧家不是時阿邠邠邠長者報曰事不宜尔滿財長者曰以何等故事不宜尔為以姓望為以財貨耶阿邠邠邠長者報曰種姓財貨足相訓匹但所事神祠與我不同此女事佛釋迦弟子汝等事外道異學以是之故不走来意時滿財長者曰我等所事自當別祀此女所事別自供養阿邠邠邠長者曰我女設當適汝家者所出財寶不可稱計長者亦當出財寶不可稱計滿財長者曰汝今責幾許財寶阿邠邠邠長者曰我今須六万兩金是時長者即與六万兩金時阿邠邠邠長者復作是念我以方便前却猶不能使止語彼長者曰設我嫁女當往問佛若世尊有所教勅當奉行是時阿邠邠邠長者假設事務如似小行即出門往至世尊所頭面礼足在一面

立尔時阿邠邠邠長者白世尊曰修
摩提女為滿富城中滿財長者所求
為可與為不可與乎世尊告曰若當
修摩提女適彼國者多所饒益度脫
人民不可稱量是時阿邠邠邠長者
復作是念世尊以方便智應適彼土
是時長者頭面礼足遶佛三匝便退
而去還至家中供辦種種甘饌飲食
與滿財長者滿財長者曰我用此食
為但嫁女與我不也阿邠邠邠曰意
欲尔者便可相從却後十五日使兒
至此作此語已便退而去是時滿財
長者輿具所須乘寶羽之車從八十
由延内來阿邠邠邠長者復莊嚴已
女沐浴香熏乘寶羽之車將此女往
迎滿財長者男中道相遇時滿財長
者得女便將至滿富城中尔時滿富
城中人民之類各作制限若此城中
有女出適他國者當重刑罰若復他
國取婦將入國者亦重刑罰尔時彼國
有六千梵志國人所奉制限有言設
犯制者當飯六千梵志尔時長者自
知犯制即飯六千梵志然梵志所食

均食猪肉及猪肉羹重釀之酒又持
志所著衣服或被白氎或披毳衣然
彼梵志之法入國之時以衣偏著右
肩半身露見余時長者即白時到飲
食已具是時六千梵志皆偏著衣裳
半身露見入長者家時長者見梵志
來膝行前迎恭敬作礼寂大梵志舉
手稱善前抱長者項徃詣坐所餘梵
志者各隨次而坐余時六千梵志坐
已定訖時長者語修摩提女曰汝自
莊嚴向我等師作礼修摩提女報曰
止止大家我不堪任向保人礼長者
曰此非保人非不有慙但所著衣者
是其法服修摩提女曰此無慙愧之
人皆共露形體在外有何法服之用
長者願聽世尊亦說有二事因緣世
人所貴所謂有慙有愧若當無此二
事者則父母兄弟宗族五親尊卑高
下則不可分別如今有鷄犬猪羊驢
騾之属皆共同類無有尊卑以有此
二法在世故則知有尊卑之異然此
等之人離此二法似雞犬猪羊驢騾
同群實不堪任向作礼拜時修摩提

夫語其婦曰汝今可起向我等師作
礼此諸人皆是我所事之天修摩提
女報曰且止族姓子我不堪任向此
無慙愧保人作礼我今是人向驢犬
作礼夫復語曰止止貴女勿作是言
自護汝口勿有所犯此亦非驢復非
誑惑但所著之衣正是法衣是時修
摩提女涕零悲泣顏色變異並作是
說我父母五親寧形毀五刻斷其命
根終不墮此邪見之中時六千梵志
各共高聲而作是說止止長者何故
使此婢罵詈乃尔若見請者時供辦
飲食是時長者及修摩提夫即辦膳
肉脯肉羹大重釀之酒食六千梵志皆
使充足諸梵志食已少多論議便起
而去是時滿財長者在高樓上煩冤
愁惋獨坐思惟我今取此來便為破
家無異辱我門戶是時有梵志名修
跋得五通亦得諸禪然滿財長者所
見貴重時修跋梵志而作是念我與
長者別來日久今可往相見是時梵
志入滿富城往詣長者家問守門者
曰長者今為所在守門人報曰長者

在樓上極為愁憂大不可言時梵志
徑上樓上與長者相見梵志問長者
曰何故愁憂乃至於斯無縣官盜賊
水火災變所侵枉乎又非家中不和
順耶長者報曰無有縣官盜賊之變
但小家中事緣不遂梵志問曰須聞
其狀有何事緣長者報曰昨日為兒
娶婦又犯國限五親被辱請諸師在
舍將兒婦往礼拜而不從命梵志修
跋報曰此女家者為在何國近遠好
娶長者曰此女舍衛城中阿那邠邠
女時彼梵志修跋聞此語已愕然驚
恠兩手掩耳而作是說咄咄長者甚
奇甚持此女乃能故在又不自殺不
投樓下甚是大幸所以然者此女所
事之師皆是梵行之人今日現在甚
奇甚特長者曰我聞汝語復欲嗤笑
所以然者汝為外道異學何故歎譽
沙門釋種子行此女所事之師有何
威德有何神變梵志報言長者欲問
此女師神德乎我今粗說其原長者
曰願聞其說梵志報曰我昔日詣雪
山北人間乞食得食已飛來詣阿耨

達泉時彼天龍鬼神遇見我來皆護
持刀劍而來向我並語我言修跋仙
士莫來止此泉邊莫汙辱此泉設不
隨我語者正令命根斷壞我聞此語
即離彼泉不遠而食長者當知此女
所事之師寂小弟子名均頭沙弥然
此沙弥亦至雪山北乞食飛來詣阿
釋達泉又手執塚間死人之衣血垢
汙染是時阿釋達大神天龍鬼神皆
起前迎恭敬問訊善來人師可就此
坐時均頭沙弥往至泉水之處又復
長者當泉水中央有純金之案令時
沙弥以此死人之衣漬著水中却後
坐食食竟盪鉢在金案上結加趺坐
正身正意繫念在前便入初禪從初
禪起入第二禪從第二禪起入第三
禪從第三禪起入第四禪從第四禪
起入空處從空處起入識處從識處
起入不用處從不用處起入有想無
想處從有想無想處起入滅盡三昧
從滅盡三昧起入炎光三昧從炎光
三昧起入水氣三昧從水氣三昧起
入炎光三昧次復入滅盡三昧次復

入有想無想三昧次復入不用處三
昧次復入識處三昧次復入空處三
昧次復入四禪次復入三禪次復入
二禪次復入初禪從初禪起而浣死
人之衣是時天龍鬼神或與踰衣者
或以洗者或取水而飲者今時浣衣
已舉著空中而曝之今時彼沙彌叔
攝衣已便飛在空中還歸所在長者
當知我今時遙見而不得近此女所
事之師寂小弟子有此神力况復寂
大弟子有何可及乎何况彼師如來
至真等正覺而可及乎觀此義已而
作是說甚奇甚特此女乃能而不自
殺不斷命根是時長者語梵志曰我
等可得見此女所事師乎梵志報曰
可還問此女是時長者問須摩提女
曰吾今欲得見汝所事師能使來不
平時女聞已歡喜踊躍不能自勝而
作是說願時辦具飲食明日如來當
來至此及比丘僧長者報曰汝今自
請吾不解法是時長者女沐浴身體
手執香爐上高樓上叉手向如來而
作是說唯願世尊當善觀察無能見

頂者然世尊無事不知無事不察女
今在此困厄唯願世尊當善觀察又
以此得而歎曰

觀世靡不周 佛眼之所察 降鬼諸神王
及降鬼子母 如彼欺人鬼 取人指作驕
後復欲害母 然佛取降之 又在羅闍城
暴象欲來害 且如自歸命 諸天歎善哉
復至馬提國 復值惡龍王 見密迹力士
而龍自歸命 諸變不可計 皆使立正道
我今復值厄 唯願尊屈神 今時香如雲
玄在虛空中 遍滿祇洹舍 住在如來前
諸釋虛空中 歡喜而作禮 又見香在前
須摩提所請 雨諸種種花 而不可計量
悉滿祇洹林 如來笑放光

今時阿難見祇洹中有此妙香見已
至世尊所到已頭面禮足在一面立
今時阿難白世尊言唯願世尊此是
何等香遍滿祇洹精舍中世尊告曰
此香是佛使滿富城中須摩提女所
請汝今呼諸比丘盡集一處而行籌
作是告勅諸比丘有漏盡阿羅漢得
神足者便取舍羅明日當詣滿富城
中受須摩提請阿難白佛如是世尊

是時阿難受佛教已即集諸比丘在
音會誦堂而作是念諸有得道羅漢
者便取舍羅當於今時衆僧上坐名
君頭波漢得須陀洹結使未盡不得
神足是時上坐而作是念我今大衆
之中寂是上坐又結使未盡未得神
足我明日不能得至滿富城中食然
如來衆中寂下坐者名均頭沙弥此
有神足有大威力得至彼受請我今
亦當往受彼請今時上坐以心清淨
居在學地而受舍羅今時世尊以天
眼清淨見君頭波漢居學地而受舍
羅即得無學今時世尊告諸比丘我弟
子中第一受舍羅者君頭波漢比丘
是也今時世尊告諸神足比丘大目
連大迦葉阿那律離越須菩提優毗
迦葉摩訶迦匹都尊者羅云均利般
持均頭沙弥汝等以神足先往至彼
城中諸比丘對曰如是世尊是時衆
僧使人名曰軋荼明日清旦躬負大
釜飛在空中往至彼城是時彼長者
及諸人民上高樓上欲觀世尊遙見
使人負釜而來時長者與女便說此偈

白衣而長髮露身如疾風又復負大釜
此是汝師耶

是時女人復以偈報曰

此非尊弟子如來之使人三道具五通
此人名乳茶

今時乳茶使人遠城三匝往詣長者
家是時均頭沙弥化作五百華樹色
若干種皆悉敷茂其色甚好優鉢蓮
華如是之華不可計限往至彼城是
時長者遙見沙弥來復以此偈問曰
此華若干種盡在虛空中又有神足人
為是汝師乎

是時女復以偈報曰

須臾前所說衆上沙弥者師名舍利弗
是彼之弟子

是時均頭沙弥遠城三匝往詣長者
家是時尊者般特化作五百頭牛衣
毛皆青在牛上結加趺坐往詣彼城
是時長者遙見復以此偈問女曰

此諸大群牛衣毛皆青色在上而獨坐
此是汝師耶

女復以偈報曰

能化千比丘在耆域園中心神極為閑

此名為般特

今時尊者周利般特遠彼城三匝已
往詣長者家今時羅云復化作五百
孔雀色若干種在上結加趺坐往詣
彼城長者見已復以此偈問女曰

此五百孔雀 其色甚為妙 如彼軍大將
此是汝師耶

時女復以此偈報曰

如來說禁戒一切無所犯 於戒能護戒
佛子羅云者

是時羅云遠城三匝往詣長者家是
時尊者迦匹鄰化作五百金翅鳥極
為勇猛在上結加趺坐往詣彼城時
長者遙見已復以此偈問女曰

五百金翅鳥 極為盛勇猛 在上無所畏
此是汝師耶

時女以偈報曰

能行出入息 迴轉心善行 慧力極勇盛
此名迦匹鄰

時尊者迦匹鄰遠城三匝往詣長者
家今時優毗迦葉化作五百龍皆有
七頭在上結加趺坐往詣彼城長者
遙見已復以偈問女曰

今此七頭龍威顯甚可畏來者不可計
此是汝師耶

時女報曰

恒有千弟子神足化毗沙優毗迦葉者
可謂此人是

時優毗迦葉遶城三匝往詣長者家
是時尊者須菩提化作琉璃山入中
結加趺坐往詣彼城今時長者遙見
已以偈問女曰

此山為極妙盡作琉璃色今在窟中坐
此是汝師耶

時女復以此偈報曰

由本布施報今獲此功德以成良福田
解空須菩提

今時須菩提遶城三匝往詣長者家
時尊者大迦旃延復化作五百鵠色
皆純白往詣彼城是時長者遙見已
以此偈問女曰

今此五百鵠諸色皆純白盡滿虛空中
此是汝師耶

時女復以此偈報曰

佛經之所說分別其義句又演結使聚
此名迦旃延

是時尊者大迦旃延遶彼城三匝往
詣長者家是時離越化作五百虎在
上坐而往詣彼城長者見已以此偈
問女曰

今此五百虎衣毛甚悅澤又在上坐者
此是汝師耶

時女以偈報曰

皆在祇洹寺六年不移動坐禪寂第一
此名離越者

是時尊者離越遶城三匝詣長者家
是時尊者阿耨律化作五百師子極
為勇猛在上坐往詣彼城是時長者
見已以偈問女曰

此五百師子勇猛甚可畏在上而坐者
此是汝師耶

時女以偈報曰

生時天地動珍寶出於地清淨眼無垢
佛弟阿耨律

是時阿耨律遶城三匝往詣長者家
是時尊者大迦旃化作五百疋馬皆
朱毛尾金銀校飾在上而坐並雨天
華往詣彼城長者遙見以偈問女曰
金馬朱毛尾其數有五百為是轉輪王

為是汝師耶

女復以偈報曰

頭陀行第一恒愍貧窮者如來與半坐
最上迦葉是

是時大迦葉遠城三匝往詣長者家
是時尊者大目犍連化作五百白象
皆有六牙七歲平整金銀校飭在上
坐而來放大光明悉滿世界詣城在
虛空之中作倡伎樂不可稱計兩種
種雜華又虛空之中懸繒幡蓋極為
奇妙今時長者遙見已以偈問女曰
白象有六牙在上如天王今聞伎樂音
是釋迦文耶
時女以偈報曰

在彼大山上降伏難陀龍神足第一者
名曰大目連我師故未來此是弟子眾
聖師今當來光明靡不照

是時尊者大目犍連遠城三匝往詣
長者家是時世尊以知時到被僧伽
梨在虛空中去地七仞是時尊者阿
若拘隣在如來右舍利弗在如來左
今時阿難承佛威神在如來後而手
執拂子二百弟子前後圍遶如來最

在中央及諸神足弟子阿若拘隣化作月天子舍利弗化作日天子諸餘梵天者或有化作提頭賴吒毗留勒形者毗留博叉或作毗沙門形者領諸鬼神或有作轉輪聖王形者或有入火光三昧或有入水精三昧或有放光者或有放烟者作種種神足是時梵天王在如來右釋提桓因在如來左手執拂密迹金剛力士在如來後卞執金剛杵毗沙門天王手執七寶之蓋處虛空中在如來上恐有塵土妨如來身是時般遮旬手執琉璃琴歎如來功德及諸天神志在虛空之中作倡伎樂數千萬種雨天雜華散如來上是波斯匿三阿那邠邠長者及舍衛城內人民之類皆見如來在虛空中去地七仞見已皆懷歡喜踊躍不能自勝是時阿那邠邠邠長者便說此偈

如來實神妙 愛民如赤子 快哉須摩提 當受如來法

尔時波斯匿王及阿那邠邠邠長者散

種種名香雜華是時世尊將諸比丘
衆前後圍遶及諸神天不可稱計如
似鳳凰王在虛空中往詣彼城是時般
遶旬以偈歎佛

諸生結永盡 意念不錯亂 以無塵垢昇
入彼舊邦土 心性極清淨 斷魔邪惡念
功德如大海 今入彼邦土 顏貌甚殊特
諸使水不起 為彼不自處 今入彼邦土
以渡四流剎 脫於生老死 以斷有根原
今入彼邦土

是時滿財長者遙見世尊從遠來諸
根懷怕世之希有淨如天金有三十
二相八十種好莊嚴其身猶須彌山
出衆山上亦如金聚放大光明是時
長者以偈問須摩提曰

此是日光耶 未曾見此容 數千万億光
未敢能熟視

是時須摩提女長跪叉手向如來以
此偈報長者曰

非日非不日 而放千種光 為一切衆生
亦復是我師 皆共歎如來 如前之所說
今當獲大果 勤加供養之

是時滿財長者右膝著地復以偈歎

如來曰

自歸十力尊 圓光金色體 天人所歎敬
今日自歸命 尊今是日王 如月星中明
以度不度者 今日自歸命 尊如天帝像
如梵行慈心 自脫脫衆生 今日自歸命
天世人中尊 諸鬼神王上 降伏諸外道
今日自歸命

是時須摩提女長跪叉手歎世尊曰
自降能降他 自正能正人 以度度人民
已解復脫人 度垢使度垢 自照照群萌
靡不有度者 除闇無闇訟 極自淨潔住
心意不傾動 十力哀愍世 重白頂礼敬
有慈悲喜護之心 具空無相願於欲
界中最尊第一天中之上七財具足
諸天人自然梵生亦無與等亦不可
像貌我今自歸命 是時六千梵志見
世尊作如此神變 各各自相謂言我
等可離此國更適他土 此沙門瞿曇
以降此國中人民 是六千梵志尋出
國去更不復入國 猶如師子獸王出
於山谷而觀四方 復三鳴吼方行所
求 諸有獸王之類 各奔所趣 莫知所
如 飛逝沉伏 若復有力 神象聞師子

聲各奔所趣不能自安所以然者由師子獸王極有威神故此亦如是彼六千梵志聞世尊音響之聲各各馳走不得自寧所以然者由沙門瞿曇有大威力故是時世尊還捨神足如常法則入滿富城中是時世尊足蹈門闕上是時天地大動諸尊神天散華供養是時人民見世尊容貌諸根寂靜有三十二相八十種好而自在嚴人民之類便說此偈

二足尊極妙梵志不敢當無故事梵志失此人中尊

是時世尊往詣長者家就座而坐尔時彼國人民極為熾盛時長者家有八万四千人民之類皆悉運集欲壞長者房舍見世尊及比丘僧尔時世尊便作是念此人民之類必有所損可作神力使舉國人民盡見我身及比丘僧尔時世尊化長者屋舍作琉璃色内外相視如似觀掌中珠尔時須摩提女前至世尊所頭面礼足悲喜交集便說此偈

一切智慧具盡度一切法復斷欲愛結

我今而自歸 寧使我父母 而毀我雙目
不來適此間 邪見五逆中 宿作何惡緣
得來至此處 如鳥入羅網 願斷此疑結
余時世尊復以偈報女曰

汝今快勿慮 快怕自開意 亦莫起想著
如來今當演 汝本無罪緣 得來至此間
願誓之果報 欲度此眾生 今當拔根原
不墮三惡趣 數千眾生類 汝前當得度
今日當淨除 使得智慧明 使天人民類
見汝如觀球

是時須摩提女聞此語已歡喜踴躍
不能自勝是時長者將已僕從供給
飲食種種甘饌見世尊食已訖行清
淨水更取一小座在如來前坐及諸
營從及八万四千衆各各次第坐或
有自稱姓名而坐余時世尊漸與彼
長者及八万四千人民之類說於妙
論所謂論者戒論施論生天之論欲
不淨想漏為穢惡出家為要余時世
尊以見長者及須摩提女八万四千
人民之類心開意解諸佛世尊常所
說法苦習盡道普與此衆生說之彼
各於坐上諸塵垢盡得法眼淨猶如

極淨白疊易染為色此亦如是滿財長者須摩提女及八万四千人民之類諸塵垢盡得法眼淨無復狐疑得無所畏皆自歸三尊受持五戒是時須摩提女即於佛前而說此偈

如來耳清徹 聞我遇此苦 降神至此已 諸人得法眼

尔時世尊以說法訖即從坐起還詣所在是時諸比丘白佛言須摩提女本作何因緣生富貴家復作何因緣墮此邪見之家復作何善功德今得法眼淨復作何功德使八万四千人皆得法眼淨尔時世尊告諸比丘過去久遠此賢劫中有迦葉佛明行成為善逝世間解無上士道法御天人師号佛衆祐在波羅捺國界於中遊化與大比丘衆二万人俱尔時有王名曰哀愍有女名須摩那_{是時此女}極有敬心向迦葉如來奉持禁戒恒好布施又四事供養云何為四一者施二者愛敬三者利人四者等利於迦葉如來所而誦法句在高樓上高聲誦習普作此願恒有此四受之法又於如來前而誦法句其中設有毫

釐之福者所生之處不墮三惡趣亦
莫墮貧家當來之世亦當復值如此
之尊使我莫轉女人身得法眼淨是
時城中人民之類聞王女作如此誓
願皆共聚集至王女所而作是說王
女今日極為篤信作諸功德四事不
乏布施兼愛利人等利復作誓願使
當來之世值如此之尊若為我說法
尋得法眼淨今日王女以作願誓并
及我等國土人民同時得度今時王
女報曰我持此功德并施汝等設值
如來說法者同時得度汝等比丘豈
有疑乎莫作是觀今時哀愍王今須
達長者今時王女者今須摩提女
是也今時國土人民之類今八万四
千衆是由彼誓願今值我身聞法得
道及彼人民之類盡得法眼淨此是
其義當念奉行所以然者此四事者
寂是福田若有比丘親近四事者便
獲四諦當求方便成四事法如是諸
比丘當作是學今時諸比丘聞佛所
說歡喜奉行

增壹阿含經卷第三十一

癸卯歲高麗國大藏都監奉
勅彫造

增壹阿含經卷第二十三

斯

東晉高僧支遁撰集經傳卷之三

增上品第三十一

聞如是一時佛在舍衛國祇樹給孤獨園。今時生漏婆羅門往至世尊所共相問訊。在一面坐。今時婆羅門白。世尊曰。在閑居穴處甚為苦哉。獨處隻步用心甚難。世尊告曰。如是梵志。如汝所言。閑居穴處甚為苦哉。獨處隻步用心甚難。所以然者。我曩昔未成佛道時。為菩薩行。恒作是念。在閑靜穴處甚為苦哉。獨處隻步用心甚難。婆羅門白。佛言。若有族姓子。以信堅固。出家學道。今沙門瞿曇。取為上首。多所饒益。為彼萌類而作獎導。世尊告曰。如是婆羅門。如汝所言。諸有族姓子。以信堅固。出家學道。我取為上首。多所饒益。與彼萌類而作獎導。設彼見我。皆起慙愧。詣山澤之中。閑靜穴處。我今時便作是念。諸有沙門。婆羅門。身行不淨。唐勞其功。不是真行。畏

惡不善法然我今日身行非為不淨
親近閑靜之處諸有身行不淨親近
閑靜之處者此非我之所有所以然
者我今身行清淨諸阿羅漢身行清
淨者樂閑居穴處我取為上首如是
婆羅門我白觀身所行清淨樂閑居之
處倍復喜悅我今時便作是念諸有
沙門婆羅門意行不清淨命不清淨
親近閑居無人之處彼雖有此行猶
不真正惡不善法彼皆悉備具此非
我有所以然者我今所行身口意命
清淨有沙門婆羅門身口意命清淨
樂在閑居清淨之處彼則我所有所
以然者我今所行身口意命清淨諸
有阿羅漢身口意命清淨者樂在閑
靜之處我取為上首如是婆羅門當
我身口意命清淨在閑靜之處時信
增喜悅今時我便作是念是謂沙門
婆羅門多所畏懼處在閑靜之處今
時便畏懼惡不善法然我今日永無
所畏在無人閑靜之處謂諸沙門婆
羅門有畏懼之心在閑靜處謂彼非
我有所以然者我今永無畏懼在閑

靜之處而自遊戲諸有畏懼之心在
閑居者此非我也所以然者我今以
離苦患不與此同也如是婆羅門我
觀此義已無有恐怖增於喜悅諸有
沙門婆羅門毀彼自譽雖在閑居之
處猶有不淨之想然我梵志亦非毀
他復非自譽諸有自歎復毀他者此
非我有所以然者我今無有慢故諸
賢聖無有慢者我取為上首我觀此
義已倍復喜悅諸有沙門求於利養
不能自休然我今日無有利養之求
所以然者我今無求於人亦同知足
然我知足之中我取為上首我觀此
義已倍復歡喜諸有沙門婆羅門心
懷懈怠不勤精進親近閑靜之處彼
非我有所以然者我今有勇猛之心
故中不懈倦諸有賢聖勇猛之心者
我取為上首也我自觀此義已倍增
歡喜我今時復作是念諸有沙門婆
羅門多諸忘失居在閑處雖有此行
猶有惡不善法然我今日無有諸忘
失設復梵志有忘失之人者彼非我
有諸有賢聖之人不忘失者我取為

上首我今觀此義已在閑居處倍增
歡喜尔時我復作是念諸有沙門婆
羅門意亂不定彼便有惡不善法與
惡行共并然我今日意終不亂恒若
一心諸有亂意心不定者彼非我有
所以然者我恒一心設有賢聖心一
定者我輩為上首我今觀此已雖居
閑靜之處倍增歡喜我尔時復作是
念諸有沙門婆羅門愚癡闇冥亦如
群羊彼人便有惡不善法彼非我有
然我今日恒有智慧無有愚癡處在
閑居設有如此行者彼是我有我今智
慧成就諸有賢聖智慧成就者我輩
為上首我今觀此義已雖在閑居倍
增歡喜我當在閑居之中時設使樹
木摧折鳥獸馳走尔時我作是念此
是大畏之林尔時復作是念設使畏
怖來者當求方便不復使來若我經
行有畏怖來者尔時我亦不坐卧要
除畏怖然後乃坐設我住時有畏怖
來者尔時我亦非經行亦復不坐要
使除其畏怖然後乃坐設我坐時有
畏怖來者我不經行要除畏怖然後

乃坐若我卧時有畏怖來者尔時我亦非經行亦復不坐要使除其畏怖然後乃卧梵志當知諸有沙門婆羅門日夜之中不解道法我今說彼人極為愚惑然我梵志日夜之中解於道法加有勇猛之心亦不虛妄意不錯乱恒若一心無貪欲想有覺有觀念持喜樂遊於初禪是謂梵志是我初心於現法中而自娛樂若除有覺有觀內有歡喜焦有一心無覺無觀定念喜遊於二禪是謂梵志第二之心於現法中而得歡樂我自觀知內無念欲覺身快樂諸賢聖所希望護念歡樂遊於三禪是謂梵志第三之心若復苦樂已除無復憂喜無苦無樂護念清淨遊於四禪是謂梵志第四增上之心而自覺知遊於心意當我在閑居之時有此四增上之心我以此三昧之心清淨無瑕穢亦無結使得無所畏自識宿命無數劫事尔時我憶宿命之事一生二生三生四生五生十生二十三十四十五十百生千生成

敗之劫皆悉分別我曾生彼字某名
某食如是之食受如是苦樂從彼終
而此間生死此生彼因緣本末皆悉
明了梵志當知我初夜時而得初明
除其無明無復闇冥心樂閑居而自
覺知復以三昧心無瑕穢亦無結使
心意在定得無所畏復知衆生生者
死者我復以天眼觀衆生類生者死
者善色惡色善趣惡趣若好若醜隨
行善惡皆悉分別諸有衆生身行惡
口行惡意行惡誹謗賢聖恒懷邪見
與邪見相應身壞命終生地獄中諸
有衆生身行善行口修善行意修善
行不誹謗賢聖恒修正見與正見相
應身壞命終生善處天上復以天眼
清淨無瑕穢觀衆生類生者死者善
色惡色善趣惡趣若好若醜隨其行
本皆悉知之梵志當知若中夜時得
第二明無復闇冥而自覺知樂於閑
居我復以三昧心清淨無瑕穢亦無
結使心意得定得无所畏得盡漏心
亦知此苦如實不虛當我今時得此

心時欲漏有漏無明漏心得解脫以
得解脫便得解脫智生死已盡梵行
已立所作已辦更不復受胎如實知
之是謂梵志我後夜時得第三明無
復闇冥云何梵志頗有此心如來有
欲心瞋恚心愚心未盡在閑居之處
梵志莫作是觀所以然者如來今日
諸漏永除恒樂閑居不在人間然我
今日觀此義已樂閑居之處云何
為二又自遊閑居之處無度衆生不
可稱計今時生漏梵志白佛言以為
衆生愍度一切梵志復白佛言上止
世尊所說過多猶如傳者得申迷者
得道盲者得眼目在闇見明如是沙
門瞿曇無數方便而為說法我今歸
佛法衆自今以後受持五戒不復殺
生為優婆塞今時生漏梵志聞佛所
說歡喜奉行

聞如是一時佛在拘深瞿師園中過
去四佛所居之處今時王優填及五
百女人舍弥夫人等欲詣園觀遊戲
當於今時舍衛城中有一比丘便作

是念與世尊別久欲往礼敬承受問
訊今時彼比丘到時著衣持鉢入舍
衛城乞食食後除去衣鉢坐具又以
神足飛在虛空往詣拘深園中今時
彼比丘還捨神足往詣林中的一閑
靜之處結加趺坐正身正意繫念在
前今時舍弥夫人將五百女人等往
到此林是時舍弥夫人遙見比丘以
道神足在樹下坐見已往至比丘前
頭面礼足在前叉手而住及五百夫
人皆悉頭面礼足亦復叉手而圍遶
之今時優填王遙見五百女人叉手
遶此比丘而住見已便作是念此中
必當有群鹿若當有雜獸必然不疑
今時王乘馬急走往詣女人聚中是
時舍弥夫人遙見王來便作是念此
優填王極為凶惡備能取此比丘害
之是時夫人舉右手白王曰大王當
知此是比丘勿復驚怖是時王即下
馬捨弓來至比丘所謂比丘言比丘
與我說法是時彼比丘即舉眼仰觀
王默然不語今時王復語比丘曰速
與我說法今時比丘復與眼仰觀王

已默然不語是時王復作是念我今
可問禪中間事若當與我說者當供
養之盡其形壽施與衣被飲食牀敷
卧具病瘦醫藥設不與我說者當取
殺之今時王復語比丘言比丘與我
說法今時彼比丘亦默然不對今時
樹神即知其心便遙化作鹿群欲亂
王耳目使起異想是時王遙見鹿已
便作是念今且捨此沙門沙門竟當
何所至湊即乘鳥徃射群鹿是時夫
人白道人曰比丘今為所誚比丘曰
欲至四佛住處徃覲世尊夫人自言
比丘今正是時速徃所在勿復住此
為王所害者罪王甚重是時彼比丘
即從坐起收攝衣鉢飛在虛空遠逝
而去是時夫人見道人在虛空中高
飛而去便遙語王曰唯願大王觀此
比丘有大神足今在虛空踊沒自在
今此比丘尚有此力何況釋迦文佛
而可及乎是時彼比丘到瞿師園中
還捨神足以常凡法至世尊所頭面
禮足在一面坐今時世尊問比丘曰
云何比丘在舍衛城勞於夏坐乎遠

時之食不亦倦耶比丘曰我在舍衛城實無所倦佛語比丘今日何故來至此間比丘白佛故來觀尊問訊起居世尊告曰汝今見我及見此四佛住處耶汝今得脫王手甚為大奇汝何為不與王說法又復優填王作是言比丘今當為我說法汝今何故不為我說法若當比丘與王說法者優填王極懷歡喜已有歡喜盡其形壽供養衣被飲食牀敷卧具病瘦醫藥是時比丘白佛言時王欲問禪中間事是故不報此義耳世尊告曰汝比丘何故不與王說禪中間事比丘報曰優填王用此禪為本懷凶暴無有慈心殺害衆生不可稱計與欲相應三毒熾盛沒在深淵不覩正法習惑無知諸惡普集行於憍慢依王力勢貪著財寶輕慢世人盲無有眼此人復用禪為夫禪定法諸法中妙難可覺知無有形相非心所測此非常人所及乃是智者所知以是之故不與王說法是時世尊告曰若有朽故之衣要須浣之乃淨慍盛欲心要當觀不

淨之想然後乃除若瞋恚盛者以慈
心除之愚癡之闇以十二緣法然後
除盡比丘何故不與優填王說法設
當與說法者王極歡喜正使極盛之
火猶可滅之何況人哉今時彼比丘
默然不語今時佛告比丘如來處世
甚奇其特設天龍鬼神乾沓耆問如
來義者吾當與說之若使國王大臣
人民之類問如來義者亦當與說之
若刹利四姓來問義者亦當與說之
所以然者今日如來得四無所畏說
法無有怯弱亦得四禪於中自在兼
得四神足不可稱計行四等心是故
如來說法無有怯弱非羅漢辟支佛
所能及也是故如來說法亦無有難
沒今諸比丘當求方便行四等心慈
悲喜護如是諸比丘當作是學所以
然者若比丘所為衆生善知識遇及
一切父母知親盡當以四事教今知
法云何為四一者當恭敬於佛是時
如來者至真等正覺明行成為善逝
世間解無上士道法御天人師号佛
衆祐度人無量當求於法修行正真

之法除穢惡之行此是智者之所修
行復當方便供養衆僧如來衆者恒
共和合無有諍訟法成就戒成就三
昧成就智慧成就解脫成就解脫知
見成就所謂四雙八輩十二賢士此
是如來聖衆可尊可貴世間無上福
田復當勸助使行賢聖法律無染無
汙寂靜無為若有比丘欲行道者普
共行此四事之法所以然者法之供
養三尊寂尊寂上無能及者如是諸
比丘當作是學今時諸比丘聞佛所
說歡喜奉行

聞如是一時佛在舍衛國祇樹給孤
獨園今時世尊告諸比丘有四事行
跡云何為四有樂行跡所行愚惑此
名初行跡復有樂行跡所行速疾復
有苦行跡所行愚惑復有苦行跡所
行速疾彼云何名為樂行跡所行愚
惑或有一人貪欲熾盛瞋恚愚癡熾
盛所行其苦不與行本相應彼人五
根愚闇亦不捷疾云何為五所謂信
根精進根念根慧根定根若以愚意
求三昧盡有漏者是謂名為樂行跡

鈍根得道者也彼云何名為樂根行
跡速疾或有一人無欲無婬然於貪
欲恒自偏少不慙慙為瞋恚愚癡極
為減少五根捷疾無有放逸云何為
五所謂信根精進根念根定根慧根
是謂五根然得五根成於三昧盡有
漏成無漏是謂名為利根行於道跡
也彼云何名為苦行跡行於愚惑或
有一人婬意偏多瞋恚愚癡熾盛彼
以此法而自娛樂盡有漏成無漏是
謂名為苦行跡鈍根者也云何苦行
跡行於速疾於是或有一人少欲少
婬無有瞋恚亦不起想行此三法亦
時有此五根無有缺漏云何為五所
謂信根精進根念根定根慧根是謂
為五彼以此法得三昧盡有漏成無
漏是謂苦行跡利根者也是謂比丘
有此四行跡當求方便捨前三行跡
後一行者當共奉行所以然者苦行
跡三昧者難得以得便成道久存於
世所以然者不可以樂求樂由苦然
後成道是故諸比丘恒以方便成此
行跡如是諸比丘當作是學亦時諸

聞如是一時佛在羅閱城迦蘭陀竹園所與大比丘衆五百人俱。爾時四梵志皆得五通修行善法普集一處。作是論議。此伺命來時不避豪強。各共隱藏。使伺命不知來處。爾時一梵志飛在空中。欲得免死。然不免其死。即在空中。而命終。第二梵志復入大海水底。欲得免死。即於彼命終。彼第三梵志欲得免死。入須彌山腹中。復於中死。彼第四梵志入地。至金剛際。欲得免死。復即彼而命終。爾時世尊以天眼觀見四梵志各各避死。普共命終。爾時世尊便說此偈。

非空非海中 非入山石間 無有地方所
脫止不受死

爾時世尊告諸比丘。於是比丘有梵志四人。集在一處。欲得免死。各歸所奔。故不免死。一人在空。一人入海水。一人入山腹中。一人入地。皆共同死。是故諸比丘。欲得免死者。當思惟四法。本云何為四。一切行無常。是謂初法。本當念修行一切行苦。是謂第二

法本當共思惟一切法無我此第三
法本當共思惟滅盡為涅槃是謂第
四法本當共思惟如是諸比丘當共
思惟此四法本所以然者便脫生老
病死愁憂苦惱此是苦之元本是故
諸比丘當求方便成此四法如是諸
比丘當作是學尔時諸比丘聞佛所
說歡喜奉行

聞如是一時佛在舍衛國祇樹給孤
獨園尔時世尊告諸比丘三十三天
有四園觀諸天於中而自娛樂五樂
自娛云何為四難檀祿那園觀應法
園觀晝夜園觀難檀園觀然四園之
內有四浴池極冷浴池香味浴池輕
便浴池清徹浴池云何為四一者難
陀浴池二者難陀頂浴池三名蘇摩
浴池四名歡悅浴池比丘當知四園
之內有此四浴池令人身體香潔無
有塵垢何以故名為難檀祿那園若
三十三天入難檀祿那園已心性喜
悅不能自勝於中而自娛樂故名為
難檀祿那園復以何故名為應法園
觀若三十三天入此園中已身體極

魚猶如冬時以香塗身身體極魚此
亦如是若三十三天入此園中已身
體極魚不與常同以是之故名為魚
湍園觀復以何故名為晝夜之園若
使三十三天入此園中已亦時諸天
顏色各異作若干種形體猶如婦女
著種種衣裳不與本形同此亦如是
若三十三天入此園中已作若干種
色不與本同以是故名為晝夜之園
復以何故名為雜種之園今時最尊
之天及中天下天入此園已皆同一
類設復寂下之天大不得入餘三園
中猶如轉輪聖王所入之園餘王不
復得入園中浴洗人民之類正可得
遙見耳此亦如是若最尊神天所入
園中浴洗餘小天不復得入是故名
為雜種浴池復以何故名為難陀浴
池若三十三天入此池中已極懷歡
悅是故名為難陀浴池復以何故名
為難陀頂浴池若三十三天入此池
中已兩兩捉手摩其頂而浴洗正使
天女亦復如是以是之故名為難陀
頂浴池復以何故名為蘇摩浴池三

十三天入此池中已。爾時諸天顏貌盡同人色。無有若干。是故名為蘇摩浴池。復以何故名為歡悅浴池。若三十三天入此池中。已盡無憍慢。上下之想。望意偏少。爾時盡同一心而浴。洗故名為歡悅浴池。是謂比丘有此因緣。便有此之名。今如來正法之中。亦復如是。有四園之名。云何為四。一者慈園。二者悲園。三者喜園。四者護園。是謂比丘如來正法之中。有此四園。復以何故名為慈園。比丘當知。由此慈園。生梵天上。從梵天終。當生豪尊之家。饒財多寶。恒有五樂自娛。未曾離日。以是之故名為慈園。復以何故名為悲園。比丘當知。若能親近悲解脫。心生梵光音天。若來生人中。生豪族家。無有瞋恚。亦饒財多寶。故名為悲園。復以何故名為喜園。若能親近喜園者。生光音天。若來生人間國王。家生恒懷歡喜。故名為喜園。復以何故名為護園。若有人親近護者。生無想天。壽八万四千劫。若復來生人中。當生中國家。亦無瞋恚。恒護一切非法。

之行以是故名為護園比丘當知如來正法之中有此四園使諸聲聞得遊戲其中然如來此四園之中有四浴池使我聲聞於中洗浴而自遊戲盡有漏成無漏無復塵垢云何為四一名有覺有觀浴池二名無覺無觀浴池三名護念浴池四名無苦無樂浴池以何等故名為有覺有觀浴池若有比丘得初禪已於諸法中恒有覺觀思惟諸法除去結縛永無有餘以是之故名為有覺有觀復以何故名為無覺無觀浴池若有比丘得二禪已滅有覺有觀以禪為食以是故名之為無覺無觀復以何故名為護念浴池若比丘得三禪已滅有覺有觀無覺無觀恒護念三禪以是之故名為護念浴池復以何故名為不苦不樂浴池若有比丘得四禪已亦不念樂復非念苦亦不念過去當來之法但用心於現在法中以是之故名為不苦不樂浴池是故諸比丘如來正法之中有此四浴池使我聲聞於中洗浴滅二十一結度生死海入涅槃

城是諸比丘若欲度此生死海者當求方便滅二十一結入涅槃城如是諸比丘當作是學余時諸比丘聞佛所說歡喜奉行

聞如是一時佛在舍衛國祇樹給孤獨園余時世尊告諸比丘猶如四大毒蛇極為凶暴舉著一函中若有人從四方來欲令活不求死欲求樂不求苦不愚不闇心意不乱無所繫屬是時若王若王大臣喚此人而告之曰今有四大毒蛇極為凶暴汝今當隨時將養沐浴令淨隨時飲食無令使之今正是時可往施行是時彼人心懷恐懼不敢直前便捨馳走莫知所湊深復重告彼人作是語今使五人皆持刀劍而隨汝後其有獲汝者當斷其命不足稽遲是時彼人畏四大毒蛇復畏五人捉持刀劍者馳走東西不知如何復告彼人曰今復使六怨家使隨汝後其有得者當斷其命欲所為者可時辨之是時彼人畏四大毒蛇復畏五人持刀杖者復畏六怨家便馳走東西彼人若見空墟

之中欲入中藏若值空舍若破牆開
無堅牢處若見空器盡無所有若復
有人與此人親友欲令免濟便告之
曰此閒空閑之處多諸賊竅欲所為
者今可隨意是時彼人復畏四大毒
蛇復畏五人持刀杖者復畏六怨家
復畏空墟村中便馳走東西被人前
行若見大水極深且廣亦無人民及
橋梁可度得至彼岸然復彼人所立
之處多諸惡賊是時彼人作是思惟
此水極為深廣饒諸賊竅當云何得
度彼岸我今可集聚材木草叢作棧
依此棧從此岸得至彼岸是時彼人
便集薪草作棧已即得至彼岸志
不移動諸比丘當知我今作喻當念
解之說此義時為有何義言四毒蛇
者即四大是也云何為四大所謂地
種水種火種風種是謂四大五人持
刀劍者此是五盛陰也云何為五所
謂色陰痛陰想陰行陰識陰是也六
怨家者欲愛是也空村者內六入是
也云何為六所謂六入者眼入耳入
鼻入口入身入意入若有智慧者而

觀眼時盡空無所有亦不牢固若復
觀耳鼻口身意時盡空無所有皆虛
皆寂亦不牢固云水者四流是也云
何為四所謂欲流有流無明流見流
大抵者賢聖八品道是也云何為八
正見正治正語正方便正業正命正
念正定是謂賢聖八品道也水中求
度者善權方便精進之力也此岸者
身邪也彼岸者滅身邪也此岸者阿
闍世國界也彼岸者毗沙王國界也
此岸者波旬國界也彼岸者如來之
境界也是時諸比丘聞佛所說歡喜
奉行

聞如是一時佛在舍衛國祇樹給孤
獨園尔時世尊與大比丘衆五百人
俱尔時舍衛城中有一優婆塞而命
終還生舍衛城中大長者家取大夫
人妊身尔時世尊以天眼觀清淨無
瑕穢見此優婆塞生舍衛城中最富
長者家即於其口復有梵志身壞命
終生地獄中尔時世尊亦以天眼觀
復即以其日阿那邠邠長者命終生
善處天上是時世尊亦以天眼觀即

其日有一比丘而取滅度世尊亦以天眼觀見今時世尊見此四事已便說斯偈

若人受胞胎 惡行入地獄 善者生天上
無漏入涅槃 賢者今受胎 梵志入地獄
須達生天上 比丘取滅度

是時世尊從靜室起詣普集講堂而就坐今時世尊告諸比丘今有四事若人能修行者身壞命終得生人中云何為四所謂身口意命清淨無瑕穢者若命終時得生人中若復比丘更有四法有人習行者入地獄中云何為四所謂身口意命不清淨是謂比丘有此四法若有人親近者身壞命終生地獄中復次比丘復有四法習修行者生善處天上云何為四惠施仁愛利人等利是謂比丘有人行此法者身壞命終生善處天上復次比丘更有四法若有人修行者身壞命終盡有漏成無漏心解脫智慧解脫生死已盡梵行已立所作已辦更不復受胎如實知之云何為四有覺有觀禪無覺無觀禪護念禪苦樂滅

禪是謂比丘有四事法若有人習行者盡有漏成無漏心解脫智慧解脫生死已盡梵行已立所作已辦更不復受胎如實知之是故諸比丘若有族姓子四部之衆欲生人中者當求方便行身口意命清淨若得生天上者亦當求方便行四思若得盡有漏成無漏心解脫智慧解脫亦當求方便行四禪如是諸比丘當作是學今時諸比丘聞佛所說歡喜奉行

聞如是一時佛在毗舍離城外林中時余時世尊告諸比丘我昔未成佛道時余時依彼大畏山而住是時彼山其有欲心無欲心入中者衣毛皆豎若復極盛熱時野馬縱橫露其形體而坐夜便入深林中若復極寒之日風雨交流晝便入林中夜便露坐我今時正能誦一偈昔所未聞昔所未見也

澹淡夜安 大畏山中 露其形體 是我誓願

若我至塚間取彼死人之衣而覆形體今時若案吒村人來取木支著我

耳中或者鼻中或有嚙者或有溺者或以土坩其身上然我今時終不起意向彼人民今時有此護心今時有牯牛之處設見犢子戾便取食之若無犢子戾者便取大牛戾食之今時食此之食我復作是念今用食為乃可終日不食時我以生此念諸天便來到我所而作是言汝今勿復斷食若當斷食者我當以甘露精氣相益使存其命今時我復作是念今以斷食何緣復使諸天送甘露與我今身將有虛詐是時我復作是念今可食麻米之餘今時日食一麻一米形體劣弱骸骨相連頂上生瘡皮肉自墮猶如敗壞鄒盧亦不成就我頭今時亦復如是頂上生瘡皮肉自墮皆由不食故也亦如深水之中星宿現中今時我眼亦復如是皆由不食故猶如故車敗壞我身亦復如是皆悉敗毀不可承順亦如駱駝腳跡兩戾亦復如是若我以手按摩腹時便值脊骨若按脊時復值腹皮身體羸弱者皆由不食故我今時復以一麻一米以

此為食竟無所益亦復不得上尊之法若我意中欲大小便者即便倒地不能自起居是時諸天見已便作是說此沙門瞿曇以取滅度或復有諸天而作是說此沙門未命終今必命終或復有諸天而作是說此沙門亦非命終此沙門實是阿羅漢夫羅漢之法有此苦行我今時猶有神識知外來撻趣時我復作是念今可入無息禪中便入無息禪中數出入息我今以數出入息覺知有氣從耳中出是時風聲如似雷鳴今時復作是念我今閉口塞耳使息不出息以不出是時內氣便從手脚中出正使氣不得從耳鼻口出今時內聲如似雷吼我今時亦復如是是時神識猶隨身迴是時復作是念我宜更入無息禪中是時盡塞諸孔之息我以塞諸出入息是時便患頭額痛如似有人以鑽鑽頭我亦如是極苦頭痛今時我故有神識今時我復作是念我今更可坐禪息氣不得出入今時我便塞出入息是時諸息盡集腹中今時息

轉時極為少類猶如屠牛之家以刀
殺牛我亦如是極患苦痛亦如雨健
人共執一劣人於火上炙極患疼痛不
可堪忍我亦如是此苦疼痛不可具
陳今時我猶有神識存當我今時坐
禪之日形體不作人色其中有人見
已而作是說此沙門顏色極黑有人
見已而作是說此沙門顏色似終比
丘當知我六年之中作此苦行不得
上尊之法今時我作是念今日可食
一果今時我便食一果當我食一果
之日身形萎弱不能自起居如年百
二十骨節離散不能扶持比丘當知
今時一果者如似今日小藥耳今時
我復作是念非我成道之本故當更
有餘道今時我復作是念我自憶昔
日在父王樹下無姪無欲除去惡不
善法遊於初禪無覺無觀遊於二禪
念清淨無有衆想遊於三禪無復苦
樂意念清淨遊於四禪此或能是道
我今當求此道我六年之中勤苦求
道而不尅獲或卧荆棘之上或卧板
木鐵釘之上或懸鳥身體遠地兩脚

在上而頭首向地或交脚踣踞或養
長鬚髮未曾撚除或日暴火炙或感
冬坐冰身體沒水或寂寞不語或
時一食或時二食或時三食四食乃
至七食或食菜果或食稻麻或食
草根或食木實或食花香或食種
種果蕊或時裸形或時著弊壞之
衣或著莎草之衣或著毛毳之衣
或時以人髮覆形或時養髮或時取
他髮益戴如是比丘吾昔苦行乃至
於斯然不獲四法之本云何為四所
謂賢聖戒律難曉難知賢聖智慧難
曉難知賢聖解脫難曉難知賢聖三
昧難曉難知是謂比丘有此四法吾
昔苦行不獲此要今時我復作是念
吾今要當求無上之道何者是無上
之道所謂向四法是也賢聖戒律賢
聖三昧賢聖智慧賢聖解脫今時我復
作是念不可以此羸劣之體求於上尊
之道多少食精微之氣長育身體氣
力熾盛然後得修行適當食精微之
氣時五比丘捨我還退此沙門瞿曇
性行錯亂以捨真法而就邪業當我

余時即從坐起東向經行是時我復作是念過去久遠恒沙諸佛成道之處為在何處是時虛空神天住在上而語我曰賢士當知過去恒沙諸佛世尊坐於道樹清涼蔭下而得成佛時我復作是念為坐何處得成佛道坐耶立耶是時諸天復來告我而作是說過去恒沙諸佛世尊坐於草蓐然後成佛是時去我不遠有吉祥梵志在側刈草即往至彼問汝是何人為名何等為有姓耶梵志報曰我名吉祥其姓弗星我余時語彼人曰善哉善哉如是姓字世之希有姓名不虛必成其号當使現世吉無不利生老病死永使除盡汝姓弗星與我共同吾今欲所求見惠少草吉祥問曰瞿曇今日用斯草為余時我報吉祥曰吾欲敷樹王下求於四法云何為四所謂賢聖戒律賢聖三昧賢聖智慧賢聖解脫比丘當知余時吉祥躬自執草詣樹王所吾即坐其上正身正意結加趺坐計念在前余時貪欲意解除諸惡法有覺有觀遊志初禪

有覺有觀除盡遊志二三禪護念清淨憂喜除盡遊志四禪我今時以清淨之心除諸結使得無所畏自識宿命無數來變我便自憶無數世事或一生二生三四五生十生二十三十四十五十百生千生百千生成劫敗劫無數成劫無數敗劫無數成敗之劫我曾死此生彼從彼命終而來生此無其本末因緣所從憶如此無數世事我復以天眼清淨無瑕穢觀衆生類生者終者善趣善色惡趣惡色若好若醜隨其行本皆悉知之或有衆生身修惡行口修惡行意修惡行誹謗賢聖造邪業本與邪見相應身壞命終生地獄中或有衆生之類身口意行善不誹謗賢聖與正見相應身身壞命終生於人間是謂此衆生身口意行無有邪業我以三昧之心清淨無瑕穢有漏盡成無漏心解脫智慧解脫生死已盡梵行已立所作已辦更不復受胎如實知之即成無上正真之道若使比丘或有沙門婆羅門明了諸趣然此趣無本吾昔未始不

行除一淨居天上不來此世或復沙
門婆羅門當可所生之處然我不生
者則非其宜已生淨居天不復來此
世間卿等以得賢聖戒律我亦得之
賢聖三昧卿等亦得我亦得之賢聖
智慧卿等亦得我亦得之賢聖解脫卿
等亦得我亦得之賢聖解脫知見卿等
亦得我亦得之以斷胞胎之根生死永
盡更不復受胞胎是故諸比丘當求
方便成就四法所以然者若比丘得
此四法者成道不難如我今日成無
上正真之道皆由四法而得成果如
是諸比丘當作是學今時諸比丘聞
佛所說歡喜奉行

聞如是一時佛在舍衛國祇樹給孤
獨園今時世尊告諸比丘過去久遠
三十三天釋提桓因及將諸玉女詣
難檀槃那園遊是時有一天人便說
此偈
不見難檀園則不知有樂諸天之所居
無有過是者

是時有天語彼天言汝今無智不能
分別正理憂苦之物及言是樂無牢

之物而言是牢無常之物反言是常
不堅要之物復言堅要所以然者汝
竟不聞如來說偈乎

一切行無常生者必有死不生必不死
此滅寂為樂

彼有此義又有此偈云何方言此處
寂為樂耶汝今當知如來亦說有四
流法若一切衆生沒在此流者終不
得道云何為四所謂欲流有流見流
無明流云何名為欲流所謂五欲是
也云何為五所謂若眼見色起眼色
想若耳聞聲起識想若鼻嗅香起識
想若舌知味起識想若身知細滑起識
想是謂名為欲流云何名為有流所謂
有者三有是也云何為三所謂欲有色
有無色有是謂名為有流也云何名為
見流所謂見流者世有常無常世有邊
見無邊見彼身彼命非身非命有如來
死無如來死若有如來死無如來死亦
非有如來死亦非無如來死是謂名為
見流彼云何無明流所謂無明者無
知無信無見心意貪欲恒有希望及
其五蓋貪欲蓋瞋恚蓋睡眠蓋調戲

蓋疑蓋若復不知若不知習不知盡
不知道是謂名為無明流天子當知
如來說此四流若有人沒在此者亦
不能得道是時彼天閻此語已猶如
力士屈申臂項徙三十三天沒來至
我所頭面礼足在一面立尔時彼天
而白我言善哉世尊快說此語如來
乃說四流若凡夫之人不聞此四流
者則不獲四樂云何為四所謂休息
樂正覺樂沙門樂涅槃樂若凡夫之
人不知此四流者不獲此四樂作是
語已我復告曰如是天子如汝所言
若不覺此四流則不覺此四樂我時
與彼天人漸漸共論所謂論者施論
戒論生天之論欲不淨想漏為大患
出要為樂尔時天人以發歡喜之心
是時我便廣演說四流之法及說四
樂尔時彼天專心一意思惟此法已
諸塵垢盡得法眼淨我今亦說此四
法四樂便得四諦之法如是諸比丘
當作是學尔時諸比丘聞佛所說歡
喜奉行

聞如是一時佛在舍衛國祇樹給孤

獨園今時世尊告諸比丘當修無常
想當廣布無常想已修無常想廣布
無常想斷欲界愛色愛無色愛盡斷無
明盡斷憍慢猶如燎燒草木皆悉除盡
此亦如是若修無常想盡除斷一切
諸結所以然者往昔久遠有一天子
將五百玉女前後導從出遊難檀縣
鄒園中戲廬轉詣迦尼樹下五欲自娛
樂時彼天子登樹遊戲心意錯亂並復
採華即便墮樹而命終生此舍衛城
中大長者家是時五百玉女推曾喚
呼不能自勝我今時以天眼觀見天
子而命終生舍衛城中大長者家經
八九月便生男兒端正無雙如挑華
色是時長者子漸漸長大父母便求
婦處取婦未久便復命終生大海中
作龍地形是時彼長者居門大小追
慕號哭痛毒傷心是時彼龍復為金
翅鳥所食身壞命終生地獄中是時諸
龍女追慕情切實不可言今時世尊
便說此偈

彼天採華時心意亂不寧猶水飄村落
悉沒不得濟是時玉女衆圍遶而啼哭

顏貌極端正愛華而命終人中亦啼哭
失我窮腸子尋復取命終無常之所壞
龍女隨後追諸龍皆共集七頭極勇猛
金翅之所害諸天亦愁憂人中亦復尔
龍女亦愁憂地獄受苦痛四諦之妙法
如實而不知有生亦有死不脫長流海
是故當起想修諸清淨法必當離苦惱
更不受有患

是故諸比丘常當修行無常想廣布
無常想便斷色愛無色愛亦斷憍慢
無明永盡無餘如是諸比丘當作是
學尔時諸比丘聞佛所說歡喜奉行
聞如是一時佛在舍衛國祇樹給孤
獨園尔時目連弟子阿難弟子二人
共談我等二人同聲經唄誰者為勝
是時眾多比丘聞此二人各各共論
聞已便往至世尊所頭面礼足在一
面坐尔時眾多比丘白世尊言今有
二人共論我等二人共誦經唄何者
為妙尔時世尊告一比丘汝往呼此
二比丘使來比丘對曰如是世尊比
丘從佛受教即往至彼二人所語彼
二人曰世尊喚卿是時二人聞比丘

語已即至世尊所頭面礼足在一面
住今時世尊告二人曰汝等愚人實
有此語我等共誦經唄何者為妙二
人對曰如是世尊世尊告曰汝等頗
聞我說此法共竟諍乎如此之法何
異梵志諸比丘對曰不聞如來而說
此法世尊告曰我由來不與諸比丘
而說此法當諍勝負耶然我今日所
說法欲有降伏有所教化若有比丘
受法之時當念思惟四緣之法意與
契經阿毗曇律共相應不設共相應
者當念奉行今時世尊便說此偈
多誦無益事 此法非為妙猶竿牛頭數
非此沙門要 若少多誦習 於法而行法
此法極為上 可謂沙門法
雖誦千章 不義何益 不如一句
聞可得道 雖誦千言 不義何益
不如一義 聞可得道 千年為敵
一夫勝之 未若自勝 已忍者上
是故諸比丘自今以後未復諍訟有
勝負心所以然者念當降伏一切人
民若復比丘有勝負心共諍訟心而
共競者即以法律治彼比丘以是之

故當自修行是故二比丘聞佛此語
已即從坐起札世尊足而求悔過自
今已後更不復為唯願世尊受其悔
過世尊告曰大法之中快得敗過自
知有諍竟之心聽汝悔過諸比丘更
莫復念如是諸比丘當作是學今時
諸比丘聞佛所說歡喜奉行

增上坐行跡無常園觀池無漏無息禪
四樂無諍訟

增壹阿含經卷第二十三

癸卯歲高麗國大藏都監奉
勅彫造

增壹阿含經卷第二十四

巖

東晉河東三藏法師鳩摩羅什提婆譯

善聚品第三十二

聞如是一時佛在舍衛國祇樹給孤獨園。尔時世尊告諸比丘。我今當說善聚。汝等善思念之。諸比丘對曰。如是。世尊。諸比丘從佛受教。世尊告曰。彼云何名為善聚。所謂五根是也。云何為五。所謂信根、精進根、念根、定根、慧根。是謂比丘有此五根。若有比丘修行五根者。便成須陀洹。得不退轉。法必成。至道轉進。其行成。斯陀含。而來此世。盡其苦際。轉進其道。成阿那含。不復來此世。即復取般涅槃。轉進其行。有漏盡。成無漏。心解脫。智慧解脫。自身作證。而自遊戲。生死已盡。梵行已立。所作已辦。更不復受胎。如實知之言。善聚者。即五根是也。所以然者。此最。大聚。衆聚中。妙若不行此法者。則不成。須陀洹。斯陀含。阿那含。阿羅漢。辟支佛。及如來。至真等正覺也。若得此五根者。便有四果三乘之道。

言善聚者此五根為上是故諸比丘當求方便行此五根如是諸比丘當作是學今時諸比丘聞佛所說歡喜奉行

聞如是一時佛在舍衛國祇樹給孤獨園今時世尊告諸比丘我今當說不善之聚汝等當善思念之諸比丘對曰如是世尊今時諸比丘從佛受教世尊告曰彼云何名為不善聚所謂五蓋云何為五貪欲蓋瞋恚蓋睡眠蓋調戲蓋疑蓋是謂名為五蓋欲知不善聚者此名為五蓋所以然者比丘當知若有此五蓋便有畜生餓鬼地獄之分諸不善法皆由此起是故諸比丘當求方便滅貪欲蓋瞋恚蓋睡眠蓋調戲蓋疑蓋如是諸比丘當作是學今時諸比丘聞佛所說歡喜奉行

聞如是一時佛在舍衛國祇樹給孤獨園今時世尊告諸比丘承事禮佛有五事功德云何為五一者端正二者好聲三者多財饒寶四者生長者家五者身壞命終生善處天上所以

然者如來無與等也如來有信有戒有
聞有慧有善色成就是故成就五功德
復以何因緣禮佛而得端正以見佛形
像已發歡喜心以此因緣而得端正
復以何因緣得好音聲以見如來形
像已三自稱号南無如來至真等正
覺以此因緣得好音聲復以何因緣
多財饒寶緣彼見如來而作大施散華
然燈及餘所施之物以此因緣獲大
財寶復以何因緣生長者家若見如
來形已心無深著右膝著地長跪叉
手至心禮佛以此因緣生長者家復
以何因緣身壞命終生善處天上諸
佛世尊常法諸有衆生以五事因緣
禮如來者便生善處天上是謂比丘
有此五因緣禮佛功德是故諸比丘
若有善男子善女人欲禮佛者當求
方便成此五功德如是諸比丘當作
是學尔時諸比丘聞佛所說歡喜
奉行

聞如是一時佛在舍衛國祇樹給孤
獨園尔時世尊告諸比丘猶如屋舍
有兩門相對有人在中住復有人在

上住觀其下出入行來皆悉知見我亦如是以天眼觀衆生之類生者終者善趣惡趣善色惡色若好若醜隨行所種皆悉知之若復有衆生身行善口行善意行善不誹謗賢聖行正見法與等見相應身壞命終生善處天上是謂名衆生行善若復有衆生行此善法不造惡行身壞命終來生人中若復有衆生身口意行惡造不善行命終之後生餓鬼中或復有衆生身口意行惡造不善行誹謗賢聖命終之後生地獄中是時獄卒將此罪人示閻羅王並作是說大王當知此人前世身意行惡作諸惡行已生此地獄中大王當觀此人以何罪治是時閻羅王漸與彼人私問其罪告彼人曰云何男子汝本前世為人身時不見人有生者得作人身處胎之時極為困厄痛實難處及其長大將養乳哺沐浴身體耶是時罪人報曰實見大王閻羅王曰云何男子汝自不知

生法之要行耶身口意法修諸善趣
罪人報曰如是大王如大王教但為
愚惑不別善行閻羅王曰如卿所說
其事不異亦復知卿不作身口意行
但為今日當究汝放逸罪行非父母
為亦非國王大臣之所為也本自作
罪今自受報是時閻羅王先問其罪
却勅治之次復第二天使問彼人曰
汝本為人時不見老人形體極劣行
步苦竭衣裳垢全進止戰掉氣息呻
吟無復少壯之心是時罪人報曰如
是大王我已見之閻羅王報曰汝當
自知我今亦有此形老之法為老所
厭當修其善行罪人報曰如是大王
余時實不信之閻羅王報曰我實知
之汝不作身口意行今當治汝罪使
後不犯汝所作惡非父母為亦非國
王大臣人民所造汝今自造其罪當
自受報是時閻羅王以此第二天使
約勅已復以第三天使告彼人曰汝
前身作人時不見有病人乎卧在屎
尿之上不能自起居罪人報曰如是
大王我實見之閻羅王曰云何男子

汝不自知我亦當有此病不免此患
罪人報曰實尔大王我實不見之閻
羅王曰我亦知之愚惑不解我今當
處汝罪使後不犯此之罪行非父非
母為亦非國王大臣之所造作是時
閻羅王以此教勅已復以第四天使
告彼人曰云何男子身如枯木風去
火歇而無情想五親圍遶而號哭罪
人報曰如是大王我已見之閻羅王
曰汝何故不作是念我亦當不免此
死罪人報曰實尔大王我實不覺閻
羅王曰我亦信汝不覺此法今當治
汝使後不犯此不善之罪非父非母
為亦非國王大臣人民所造汝本自
作今自受罪是時閻羅王復以第五
天使告彼人曰汝本為人時不見有
賊穿牆破舍取他財寶或以火燒或
道路隱截設當為國王所擒得者或
截手足或取殺之或閉著牢獄或反
縛詣市或使負沙石或取倒懸或橫
箭射或以融銅而灌其身或以火灸
或剝其皮還使食之或開其腹以草
塞之或以湯中煮之或以刀斫輪轉

其頭或以象腳踏殺或者標頭乃至
於死罪人報曰我實見之問羅王
曰汝何故私盜他物情知有事何
為犯之如是大王我實愚惑問羅
王曰我亦信汝所言今當治汝罪
使後不犯此之罪者非父母為亦
非國王大臣人民所為自作其罪
還自受報是時閻羅王以問罪已便
勅獄卒速將此人往著獄中是時獄
卒受王教令將此罪人往著獄中地
獄左側極為火然鐵城鐵郭地亦鐵
作有四城門極為臭處如似屎尿所
見染汙刀山劍樹圍遶四面復以鐵
跡籠而覆其上亦時世尊便說此偈
四壁四城門廣長實為牢鐵籠之所覆
求出無有期彼時鐵地上火然極為熾
鉅方百由旬洞然一種色中央有四柱
觀之實恐畏及其劍樹上鐵嘴鳥所止
臭處實難居觀之本毛豎種種之畏器
隔子有十六
比丘當知是時獄卒以若干苦痛死打
此人若彼罪人舉脚著獄中時血肉
斯盡唯有骨在是時獄卒將此罪人
復以利斧斫其形體苦痛難計求死

不得要當罪滅之後尔乃得脫彼於人間所作罪業要使除盡後乃得出是時彼獄卒將此罪人緣刀劍樹或上或下是時罪人以在樹上便為此鐵嘴鳥所食或啄其頭取腦食之或取手脚打骨取髓然罪未畢若罪畢者然後乃出是時獄卒取彼罪人使抱熱銅柱坐前世時喜煙火故致此罪為罪所迫終不得脫是時獄卒從脚跟拔筋乃至項中而前挽之或使車載或進或退不得自在其中受苦不可稱計要當使罪滅然後乃出是時獄卒取彼罪人著火山上驅使上下是時極為爛盡然後乃出是時罪人由此因緣求死不得要當使罪除盡然後乃出是時獄卒復取罪人拔其舌擲著背後於中受苦不可稱計求死不得是時獄卒復取罪人著刀山上或斷其脚或斷其頭或斷其手要當使罪滅然後乃出是時獄卒復以熱大鐵葉覆罪人身如生時著衣當時苦痛毒為難處皆由貪欲之故故致斯罪是時獄卒復使罪人互

種作役駝令偃卧取其鐵釘釘其手足復以一釘而釘其心於中受斯苦痛實不可言要當使罪滅然後乃出是時獄卒復取罪人顛倒其身舉著鑊中時身至下皆悉爛盡若還至上亦復爛盡若至四邊亦復爛盡酸楚毒痛不可稱計現亦爛不現亦爛猶如大釜而煮小豆或上或下今此罪人亦復如是現亦爛不現亦爛於中受苦不可稱計要當受罪畢然後乃出比丘當知或復有時彼地獄中經歷數年東門乃開是時罪人復往趣門門自然閉是時彼人皆悉倒地於中受苦不可具稱或時各各自稱怨債我由汝等不得出門余時世尊便說此偈

愚者常喜悅亦如光音天智者常懷憂如似獄中囚

是時大地獄中經歷百千万歲北門復開是時罪人復向北門門便復開要當使罪滅然後乃出是時彼罪人復經數百万歲乃復得出人中所作罪要當使畢是時獄卒復取罪人以

織斧斫罪人身經介許之罪使令更之要當使罪苦畢盡然後乃出比丘當知或復有時彼東門復更一開是時彼衆生復詣東門門復自閉而不得出設復得出外復有大山而往趣之彼入山中為兩山所壓猶如壓麻油於中受苦不可稱計要當苦盡然後乃出介時彼罪人轉得前進復值熱灰地獄縱廣數千由旬於中受苦不可稱計要當畢其罪原然後乃出轉復前進次有刀刺地獄是時罪人復入此刀刺地獄中便有大風起壞此罪人身體筋骨於中受苦不可稱計要當罪滅然後乃出次復有大熱灰地獄是時罪人復入此大熱灰地獄中形體融爛受苦無量要當使罪滅然後乃出是時罪人雖得出此熱灰地獄復值刀劍地獄縱廣數千萬里是時罪人入此刀劍地獄中於中受苦不可稱計要當使罪滅然後乃出次復有沸屎地獄中有細虫入骨徹髓食此人雖得出此地獄前值獄卒是時獄卒問罪人曰卿等欲何

所至爲從何來罪人報曰我等不知
所從來處亦復不知當何所至但我
等今日極爲飢困意欲須食獄卒報
曰我等當相供給是時獄卒取罪人
仰卧取大熱鐵丸使罪人吞之然罪
人受苦不可稱計是時熱鐵丸從口
下過腸胃爛盡受苦難量更當使罪
滅然後乃出然彼罪人不堪受此苦
痛還復入熱屎地獄刀劍地獄大熱
灰地獄還來經余許地獄是時彼衆
生不堪受苦還迴頭至熱屎地獄中
是時獄卒語彼衆生曰卿等欲何所
至爲從何來罪人報曰我等不能自
知爲從何所來今復不知當何所至
獄卒問曰今須何物罪人報曰我等
極渴欲瀕水飲是時獄卒取罪人仰
卧置銅灌口使令下過於中受罪不
可具計要當使罪滅然後乃出是時
彼人不堪受此苦還入沸屎地獄劍
樹地獄熱灰地獄還入大地獄中此
丘當知余時罪人苦痛難可稱計設
彼罪人眼見色者心不受樂設復聞
馨馥香知味身更細滑意知法皆起瞋

志所以然者由本不作善行之報恒
作惡業故致斯罪是時閻羅王勅彼
罪人曰卿等不得善利昔在人中受
人中福身口意行不與相應亦不惠
施仁愛利人等利以是之故今受此
苦此之惡行非父母為亦非國王大
臣之所為也諸有衆生身口意清淨
無有沾汙如似光音天諸有衆生作
諸惡行如似地獄中卿等身口意不
淨故致斯罪比丘當知閻羅王便作
是說我當何口脫此苦難於人中生
已得人身便得出家剝除鬚髮著三
法衣出家學道閻羅王尚作是念何
況汝等今得人身得作沙門是故諸
比丘當當念行身口意行無令有戮
當減五結修行五根如是諸比丘當
作是學余時諸比丘聞佛所說歡喜
奉行

聞如是一時佛在舍衛國東苑庵摩
園中與大比丘衆五百人俱是時世
尊七月十五日於露野地教座比丘
偕前後圍遶佛告阿難曰汝今於露
地遶學健推所以然者今七月十五

日是受歲之日是時尊者阿難右膝著地長跪叉手便說此偈

淨眼無與等無事而不練智慧無染著何等名受歲

今時世尊復以偈報阿難曰

受歲三業淨身口意所作兩兩比丘對自陳所作短還自稱名字今日衆受歲我亦淨意受唯願原其過

今時阿難復以偈問其義曰

過去恒沙佛辟支及聲聞盡是諸佛法獨是釋迦文

今時佛復以偈報阿難曰

恒沙過去佛弟子清淨心皆是諸佛法非今釋迦文辟支無此法無歲無弟子獨逝無伴侶不與他說法當來佛世尊恒沙不可計彼亦受此歲如今瞿曇法是時尊者阿難聞此語已歡喜踴躍不能自勝即昇講堂手執捷椎並作是說我今擊此如來信鼓諸有如來弟子衆者盡當普集今時復說此偈降伏魔力怨除結無有餘露地擊捷椎比丘聞當集諸欲聞法人度流生死海聞此妙響音盡當運集此

今時尊者阿難已擊捷推至世尊所
頭面禮足在一面住白世尊言今正
是時唯願世尊何所勅使是時世尊
告阿難曰汝隨次坐如來自當知時
是時世尊坐于草座告諸比丘汝等
盡當坐于草座諸比丘對曰如是世
尊時諸比丘各坐草座是時世尊默
然觀諸比丘已便勅諸比丘我今欲
受歲我無過各於眾人乎又不犯身
口意如來說此語已諸比丘默然不
對是時復再三告諸比丘我今欲受
歲然我無過於眾人乎是時尊者舍
利弗即徙坐起長跪叉手白世尊言
諸比丘眾觀察如來無身口意過所
以然者世尊今日不度者度不脫者
脫不般涅槃者今般涅槃無救者為
作救護盲者作眼目為病者作大醫
王三界獨尊無能及者最尊最上未
起道意者使發道意眾人未寤尊今
寤之未聞法者使今聞之為迷者作
徑路恒以正法以此事緣如來無咎
於眾人亦無身口意過是時舍利弗
白世尊言我今向如來自陳然無咎

於如來及比丘僧中世尊告曰汝今
舍利弗都無身口意所作非行所以
然者汝今智慧無能及者種種智慧
無量智慧無邊之智無與等智疾智
捷智甚深之智平等之智少欲知足
樂靜之處多諸方便念不錯亂摠持
三昧根原具足戒成就三昧成就智
慧成就解脫成就解脫見慧成就勇悍
能忍所說無惡不為非法心性庠序不
行卒暴猶如轉輪聖王太子當紹
王位轉於法輪舍利弗亦是轉於無
上法輪諸天世人及龍鬼魔若魔天
本所不轉汝今所說常如法義未曾
違理是時舍利弗白佛言此五百比
丘盡當受歲此五百人盡無吝於知
來乎世尊告曰亦不責此五百比丘
身口意行所以然者此舍利弗大眾
之中極為清淨無有瑕穢今此眾中寂
小下坐得須陀洹道必當上及不退
轉法以是之故我不怨責此眾今時
多者奢者在此眾中即從坐起前至世
尊所頭面禮足白世尊言我今堪任
欲有所論世尊告曰欲有所說今正

是時多耆耆即於佛前歎佛及比丘僧而說此偈

十五清淨日 五百比丘集 諸結縛悉解
無愛更不生 轉輪大聖王 群臣所圍繞
普遍諸世界 天上及世間 大將人中尊
為人作導師 弟子樂從從 三達六通徹
皆是真佛子 無有塵垢者 能斷欲愛刺
今日自歸命

尔時世尊可多耆耆所說是時多耆耆
奢作是念如來今日可我所說歡喜
踊躍不能自勝即從坐起礼佛却退
還就本位尔時世尊告諸比丘我聲
聞中第一造偈弟子所謂多耆耆比
丘是所說無疑難亦是多耆耆比丘
是也尔時諸比丘聞佛所說歡喜
奉行

聞如是一時佛在羅閱城迦蘭陀竹
園所與大比丘衆五百人俱尔時三
十三天有一天子身形有五死瑞應
云何為五一者華冠自萎二者衣裳
垢分三者腋下流汗四者不樂本位
五者玉女違叛尔時彼天子愁憂苦
惱捷暫歎息時釋提桓因聞此天子

愁憂苦惱提督歎息便勅一天子此何等音聲乃徹此間彼天子報言天子當知今有一天子命將欲終有五死瑞應一者華冠自萎二者衣裳垢扮三者腋下流汗四者不樂本位五者玉女違叛余時釋提桓因徃至彼欲終天子所語彼天子言汝今何故愁憂苦惱乃至於斯天子報言尊者因提桓得不愁憂苦惱命將欲終有五死恠華萎衣裳垢膩腋下流汗不樂本處玉女違叛今此十寶宮殿悉當忘失及五百玉女亦當星散我所食甘露者今無氣味是時釋提桓因語彼天子言汝豈不聞如來說偈乎一切行無常生者必有死不生則不死此滅為寂樂

汝今何故愁憂乃至於斯一切行無常之物欲使有常者此事不然天子報言云何天帝我邴得不愁憂我今天身清淨無瑕穢光喻日月靡所不照捨此身已當生羅閱城中睹腹中生生恒食屎死時為刀所割是時釋提桓因語彼天子言汝今可自歸佛

法衆若當尔時便不墮三惡趣是時天子報言豈當以歸三尊不墮三惡趣乎釋提桓因曰如是天子其有自歸三尊者終不墮三惡趣也如來亦說此偈

諸有自歸佛不墮三惡趣盡漏處天人便當至涅槃

尔時彼天問釋提桓因今如來竟為所在釋提桓因曰今如來在摩竭國羅閱城中迦蘭陀竹園所與大比丘衆五百人俱天子報言我今無有此力可得至彼覲省如來釋提桓因報言天子當知右膝著地長跪叉手向下方界而作是說唯願世尊善觀察之今在垂窮之地願矜愍之今自歸三尊如來無所著是時彼天子隨釋提桓因言即便長跪向下方自稱姓名自歸佛法衆盡其形壽為真佛子非用天子如是至三說此語已不復處諸胎乃當更生長者家是時彼天見此緣已即向釋提桓因而說此偈善緣非惡緣為法非為財導引以正道此者尊所歎蒙尊不墮惡諸胎甚難因

自察生長者 因彼當見佛

是時天子隨時壽長短生羅閱城中
大長者家是時長者婦自知有娠十
月欲滿生一男兒端正無雙世之希
有是時釋提桓因以知此兒向十歲
數數往告汝可憶本所作緣本自言
我當因彼見佛今正是時可見世尊
若不往者後必有悔是時尊者舍利
弗到時著衣持鉢入羅閱城乞食漸
漸往至彼長者家在門外靜然而住
尔時長者子見舍利弗著衣持鉢容
貌殊特見已便往至舍利弗前而作
是說汝今是誰為誰弟子為行何法
舍利弗言我師出釋種於中出家學
道師名如來至真等正覺恒從彼受
法是時小兒即向舍利弗而說此偈
尊今靜然立持鉢容貌整 今欲求何等
與誰在此住

是時舍利弗復以偈報曰

我今不求財 非食非服飾故來為汝故
善察聽我語 憶汝本所說天上言誓時
人中當見佛 故來相告耳諸佛出興難
說法亦復然 人身不可獲亦如優曇花

汝今隨我來 俱覲如來客 必當為汝說
至要之善趣

是時長者子聞舍利弗語已即往至
父母所頭面禮足在一面立是時長
者子白父母言唯願聽許至世尊所
承事禮敬問訊康強父母報曰今正
是時長者子即集香花及好白氎共
尊者舍利弗相隨往至世尊所頭面
禮足在一面住尔時舍利弗白世尊
言此長者子居此羅閱城中不識三
尊唯願世尊善與說法令得度脫
是時長者子遙見世尊威容端正諸
根寂靜有三十二相八十種好在嚴
其身亦如須弥山王面如日月視之
無厭前進禮足在一面住尔時長者
子即以香華散如來上復以新白氎
奉上如來頭面禮足在一面住是時
世尊漸與說法所謂論者施論戒論
生天之論欲不淨漏為是大患出家
為要是時世尊以知小兒心開意解
諸佛世尊常所說法苦習盡道是時
世尊盡與彼長者子說是時長者子
即於坐上諸塵垢盡得法眼淨無復

瑕穢是時長者子即從坐起頭面礼足白世尊言唯願世尊聽使出家得作沙門世尊告曰夫為道者不辭父母不得作沙門是時長者子白世尊言要當使父母聽許世尊告曰今正是時今時長者子即從坐起頭面礼足便退而去還至所在白父母言唯願聽許得作沙門父母報言我等今日唯有一子然家中生業饒財多寶行沙門法甚為不易長者子報言如來出世億劫乃有甚不可遇時時乃出耳亦如優曇鉢華時時乃有耳如來亦復如是億劫乃出耳是時長者子父母各共嘆息而作是言今正是時隨汝所宜是時長者子頭面礼足便辭而去往至世尊所頭面礼足在一面立今時彼長者子白世尊言父母見聽唯願世尊聽使作道今時世尊告舍利弗汝今度此長者子使作沙門舍利弗對曰如是世尊今時舍利弗從佛受教度作沙彌日日教誨是時彼沙彌在閑靜處而自剋修所以族姓子出家學道剋除驕驕修無

上梵行者欲得離苦是時沙彌即成
阿羅漢往至世尊所頭面礼足白世
尊言我今已見佛聞法都無有疑世
尊告曰汝今云何見佛聞法而無狐
疑沙彌白佛言色者無常無常者即
是苦苦者是無我無我者即是空空
者非有非不有亦復無我如是智者
所覺知痛想行識無常無常者是苦
苦者無我無我者是空空者非有非
不有此智者所覺知此盛陰無常苦
空無我非有多諸苦惱不可療治恒
臭處不可久保志觀無有我今日觀
察此法便為見如來已世尊告曰善
哉善哉沙彌即聽汝為大沙門尔時
彼沙彌聞佛所說歡喜奉行

聞如是一時尊者那羅陀在波羅梨
國長者竹林中尔時文茶王第一夫
人而取命終王甚愛敬念未曾去懷是
時有一人至王所而白王言大王當
知第一夫人今已命終是時王聞夫
人無常即懷愁憂告來人曰汝速舉
夫人死屍著麻油中使我見之是時
彼人受王教命即持夫人身著麻

油中尔時王聞夫人逝喪極懷愁惱
不食不飲復不持法不理王事是時
左右有一人名曰善念恒與大王執
劍白大王曰大王當知此國界中有
沙門名鄒羅陀得阿羅漢有大神足
博識多知無事不練辯才勇慧語常
含笑願王當往至彼聽其說法若王
聞法無復愁憂苦惱王報之曰善哉
善哉善說此語汝今善念先往語彼
沙門所以然者夫轉輪聖王欲有所
至先當遣人不先遣信而至者此事不
然時善念報曰如大王教即受王教往
至長者竹園中至鄒羅陀所頭面礼
足在一面立尔時善念白尊者鄒羅
陀言尊當知之大王夫人今已命終
緣此苦惱不食不飲亦復不治王法
國事今欲來覲省尊顏唯願善與說
法使王無復愁苦鄒羅陀報言欲來
者今正是時是時善念已聞教令即
頭面礼足便退而去往至王所而白
王言已語沙門王宜知之是時即勅
善念汝速嚴駕寶羽之車吾今欲往
與沙門相見是時善念即嚴駕寶羽

之車前白王言嚴駕已辦王知是時是時王乘寶羽之車出城詣耨羅陀所步入長者竹園中夫人王法除五威容捨著一面至耨羅陀所頭面礼足在一面坐是時耨羅陀告王曰大王當知夢幻之法起於愁憂泡沫之法及以重揣而起愁憂亦復不可以華法之想起於愁憂所以然者今有五事寂不可得是如來之所說也云何為五夫物應盡欲使不盡者此不可得夫物應滅欲使不滅者此不可得夫老之法欲使不老者此不可得復次病法欲使不病者此不可得復次死法欲使不死者此不可得是謂大王此有五事寂不可得是如來之所說今時耨羅陀便說此偈

不以愁憂惱而獲其福祐設有懷愁憂外境得其便若使有智者終不思惟是外敵便有愁而不得其便威儀礼節具好施無恡心當求此方便使獲其大利設使不可得我及彼眾人無愁便無患行報知如何

又大王當知應失之物便失之已失便

愁憂苦惱痛不可言我所愛者今日已失是謂失物便失之於中起愁憂苦惱痛不可言是謂大王第一愁刺漆著心意凡夫之人有此法不知生老病死之所來處又復聞賢聖弟子所應失物便失之是時彼人不起愁憂苦惱當作是學我今所失非獨一已餘人亦有此法設我於中起愁憂者此非其宜或能使親族起愁憂怨家歡喜食不消化即當成病身體煩熱由此緣本便致命終今時便能除去憂畏之刺便脫生老病死無復災害苦惱之法復次大王應滅之物便滅之已滅便愁憂苦惱痛不可言我所愛者今日已滅是謂滅物便滅之於中起愁憂苦惱痛不可言是謂大王第二愁刺漆著心意凡夫之人有此法不知生老病死之所來處又復聞賢聖弟子所應滅物便滅之是時彼人不起愁憂苦惱當作是學我今所滅非獨一已餘人亦有此法設我於中起愁憂者此非其宜或能使親族起憂怨家歡喜食不消化即當成病

身體煩熱由此緣本便致命終今時
便能除去憂畏之刺便脫生老病死
無復災患苦惱之法復次大王應老
之物便老已老便愁憂苦惱痛不可
言我所愛者今日已老是謂老物便
老於中起憂愁苦惱痛不可言是謂
大王第三愁憂之刺染著心意凡夫
之人有此法不知生老病死之所來
處又復聞賢聖弟子所應老物便老
是時彼人不起愁憂苦惱當作是學
我今所老非獨一已餘人亦有此法
設我於中起愁者此非其宜或能親
族起憂怨家歡喜食不消化即當成
病身體煩熱由此緣本便致命終今
時便能除去憂畏之刺脫生老病死
無復災患苦惱之法次復大王應病
之物便病已病便愁憂苦惱痛不可
言我所愛者今日以病是謂病物
便病於中起愁憂苦惱痛不可言是
謂大王第四愁憂之刺染著心意凡
夫之人有此法不知生老病死之所
來處又復聞賢聖弟子所應病物便
病是謂彼人不起愁憂苦惱當作是

學我今所病非獨一已餘人亦有此法設我於中起愁憂者此非其宜或能使親族起憂怨家歡喜食不消化即當成病身體煩熱由此緣本便致命終今時便能除去愁畏之刺脫生老病死無復次患苦惱之法復次大王應死之物便死已死是謂死物於中起愁憂苦惱痛不可言是謂大王第五愁憂之刺染著心意凡夫之人有此法不知生老病死之所來處又復聞賢聖弟子所應死者便死是時彼人不起憂愁苦惱當作是學我今死者非獨一已餘人亦有此法我設於中起愁憂者此非其宜或能使親族起憂怨家歡喜食不消化即當成病身體煩熱由此緣本便致命終今時便能除去愁畏之刺脫生老病死無復次患苦惱之法是時大王白尊者鄰羅陀曰此名何法當云何奉行鄰羅陀言此經名曰除憂之患當念奉行時王報言實如所說除去愁憂所以然者我聞此法已所有愁苦今日永除若尊者有所教勅者數至宮中當

相供給使國土人民長受福無窮唯
願尊者廣演此法永存於世使四部
之家長夜安隱我今自歸尊者鄒羅
陀那羅陀曰大王莫自歸我當自歸
於佛時王問曰今佛在何處鄒羅陀曰
大王當知迦毗羅衛大國轉輪聖王
種出於釋姓彼王有子名曰悉達出
家學道今自致成佛号釋迦文當自
歸彼大王復問今在何方去此幾所
鄒羅陀曰如來已取涅槃大王曰如
來取滅度何其速疾若當在世者經
數千万由旬當往觀省是時即從坐
起長跪叉手而作是說我自歸如來
法及比丘僧盡形壽聽為優婆塞不
復殺生國事很多今欲還宮鄒羅陀
曰今正是時是時王從坐起礼足遶
三匝而去尔時文茶王聞鄒羅陀所
說歡喜奉行

聞如是一時佛在舍衛國祇樹給孤
獨園尔時世尊告諸比丘疾病之人
成就五法不得時老恒在床褥云何
為五於時病人不擇飲食不隨時而
食不親近醫藥多憂喜瞋不起慈心

向瞻病人是謂比丘疾病之人成就此五法不得時老若復病人成就五法便得時老云何為五於是病人選擇而食隨時而食親近醫藥不懷愁憂成起慈心向瞻病人是謂比丘病人成就此五法便得時老如是比丘前五法者當念捨離後五法者當共奉行如是比丘當作是學尔時諸比丘聞佛所說歡喜奉行

聞如是一時佛在舍衛國祇樹給孤獨園尔時世尊告諸比丘若瞻病人成就五法不得時老恒在床褥云何為五於是瞻病之人不別良藥懈怠無勇猛心常喜瞋恚亦好睡眠但貪食故瞻視病人不以法供養故亦不與病人語談往返是謂比丘若瞻病之人成就此五法者不得時老若復比丘瞻病之人成就五法便得時老不著鉢褥云何為五於是瞻病之人分別良醫亦不懈怠先起後卧恒喜言談少於睡眠以法供養不貪飲食堪任與病人說法是謂比丘瞻病之人成就此五法者便得時老是故比

丘若瞻病人時當捨前五法就後五法如是諸比丘當作是學今時諸比丘聞佛所說歡喜奉行

聞如是一時佛在毗舍離獼猴林中與大比丘衆五百人俱今時師子大將便往至世尊所頭面禮足在一面坐今時佛告師子大何師子家中恒布施乎師子白佛言常於四城門外及都市隨時布施不令有缺須食給食衣裳香華車馬坐具隨彼所須皆令給與佛告師子善哉善哉乃能惠施不懷恚想施主檀越隨時惠施有五功德云何為五於是檀越施主名聞四遠衆人歎譽某甲村落有檀越施主恒喜接納沙門婆羅門隨所給與不令有乏是謂師子檀越施主獲此第一之德復次師子檀越施主若至沙門刹利婆羅門長者衆中不懷慙愧亦無所畏猶如師子獸王在群鹿中亦無畏難是謂師子檀越施主獲此第二之德復次師子檀越施主衆人敬仰見者歡悅如子見父瞻視無狀是謂師子檀越施主獲此第三

之德復次師子檀越施主命終之後
當生二處或生天上或生人中在天
為天所敬在人為人尊貴是謂師子
檀越施主獲此第四之德復次師子
檀越施主智慧遠出衆人上現身盡
漏不經後世是謂師子檀越施主獲
此第五之德夫人惠施有五德恒隨
已身今時世尊便說斯偈

心常喜惠施 功德具足成 在衆無疑難
亦復無所畏 智者當惠施 初無變悔心
在三十三天 王女而圍遶

所以今者師子當知檀越施主生二
善處現身盡漏至無為處今時世尊
便說此偈

施為後世糧 要至究竟處 善神常將護
亦復致歡喜

所以然者師子當知布施之時恒懷
歡悅身意牢固諸善功德皆悉具足
得三昧意亦不錯亂如實而知之云
何如實而知苦集苦盡苦出要如實
而知是故師子當求方便隨時惠施
若欲得聲聞道辟支佛道皆悉如意
如是師子當作是學今時師子聞佛

增壹阿含經卷第二十四 第三十二張所
所說歡喜奉行

聞如是一時佛在舍衛國祇樹給孤
獨園尔時世尊告諸比丘若檀越施主
惠施之日得五事功德云何為五一
者施命二者施色三者施安四者施
力五者施辯是謂為五復次檀越施
主施命之時欲得長壽施色之時欲
得端正施安之時欲得無病施力之
時欲令無能勝施辯之時欲得無上
正真之辯比丘當知檀越施主惠施
之日有此五功德尔時世尊便說
此偈

施命色及安力辯為第五五功德已備
後受無窮福智者當念施除去貪欲心
今身有名譽生天亦復然

若有善男子善女人欲得五功德者
當行此五事如是諸比丘當作是學
尔時諸比丘聞佛所說歡喜奉行

聞如是一時佛在舍衛國祇樹給孤
獨園尔時世尊告諸比丘應時之施
有五事云何為五一者施遠來人二
者施遠去人三者施病人四者儉時
施五者若初得新菓藏若穀食先與

持戒精進人然後自食是謂比丘應時之施有此五事今時世尊便說此偈

智者應時施信心不斷絕於此快受樂
生天眾德備隨時念惠施受福如響應
永已無短乏所生常富貴施為眾行具
得至無上位億施不起想歡喜遂增益
心中生此念亂意永無餘覺知身安樂
心便得解脫是故有智人不問男與女
當行此五施無失方便宜

是故諸比丘若善男子善女人欲行
此五事者當念隨時施如是諸比丘
當作是學今時諸比丘聞佛所說歡
喜奉行

善不善礼佛天使歲五瑞文茶親瞻病
五施隨時施

增壹阿含經卷第二十四

癸卯歲高麗國大藏都監奉
勅彫造

三三品第三十三

東晉劉宋時譯經僧伽跋摩譯

聞如是一時佛在舍衛國祇樹給孤
獨園小樹五大國王波斯匿王為首集
在園觀之中各作此論云何為五王
所謂波斯匿王毗沙王優填王惡生
王優陀延王今時五王集在一處各
作此論諸賢當知如來說此五欲云
何為五若眼見色甚愛敬念世人所
希望若耳聞聲鼻嗅香舌知味身知
細滑如來說此五欲此五欲中何者
最妙為眼見色妙耶為耳聞聲妙耶
為鼻嗅香妙耶為舌知味妙耶為身
知細滑妙耶此五事何者為最妙其
中或有國王而作是說色最妙或有
有是論聲最妙或有作是論香
最為勝或有作是論味最為妙或有
作是論細滑為最勝是時言色妙者
優陀延王之所說也言聲妙者優填
王之所論也言香妙者惡生王之所
論也言味妙者波斯匿王之所論也

言細滑妙者毗沙王之所論也是時
五王各相謂言我等共論此五欲然
復不知何者為妙是時波斯匿王語
四王曰今如來近在舍衛國祇樹給
孤獨園我等盡共至世尊所問斯義
若世尊有所教勅當共奉行是時諸
王聞波斯匿王語已便共相將至世
尊所頭面禮足在一面坐是時波斯
匿王以所共論五欲者具白如來今時
世尊告諸五王曰諸王所論各隨時
宜所以然者夫人性行深著色者觀
無厭足此人於色取妙取上無復過
者今時彼人不著聲香味細滑之法
五欲之中色為取妙若復有人性行
著聲彼聞聲已極懷歡喜而無厭足
此人於聲取妙取上五欲之中聲取
為妙若復有人性行著香彼聞香已
極懷歡喜而無厭足此人於香取妙
取上五欲之中香取為妙若復有人
性行著味彼知味已極懷歡喜而無
厭足此人於味取妙取上五欲之中
味取為妙若復有人性行著細滑彼
得細滑已極懷歡喜而無厭足此人

於細滑取上取妙五欲之中細滑取
為妙若復彼人心以著色尔時彼人不
著聲香味細滑之法若復彼人性行著
聲尔時彼人不著色香味細滑之法
若復彼人性行著香尔時彼人不著
色聲味細滑之法若復彼人性行著
味尔時彼人不著色聲香細滑之法若
復彼人性行著細滑尔時彼人不著
色聲香味之法是時世尊便說此偈
欲意熾盛時 所欲必可克 得已倍歡喜
所願無有疑 彼以得此欲 貪欲意不解
以此為歡喜 緣之取為妙 若復聽聲時
所欲必可克 聞已倍歡喜 所願無有疑
彼以得此聲 貪之意不解 以此為歡喜
從之取為妙 若復嗅香時 所欲必可克
嗅已倍歡喜 所欲無有疑 彼以得此香
貪之意不解 以此為歡喜 從之取為妙
若復得味時 所欲必可克 得已倍歡喜
所欲無有疑 彼以得此味 貪之意不解
以此為歡喜 從之取為妙 若得細滑時
所欲必可克 得已倍歡喜 所欲無疑難
彼以得細滑 貪之意不解 以此為歡喜
從之取為妙

是故大王者言色妙者當平等論之
所以然者於色有氣味若色無味者
衆生終不染著以其有味故五欲之
中色為最妙然色有過失若當色無
過失衆生則無厭患以其有過失故衆
生厭患之然色有出要若當色無出
要者此衆生類不得出生死之海以
其出要故衆生得至無畏涅槃城中
五欲之中色為最妙然復大王者言
聲妙者當平等論之所以然者於聲
有氣味故若聲無味者衆生終不染
著以其有味故五欲之中聲為最妙
然聲有過失若當聲無過失衆生則
無厭患以其有過失故衆生厭患之
然聲有出要若當聲無出要者此衆
生類不得出生死之海以其出要故
衆生得至無畏涅槃城中五欲之中
聲為最妙大王者當知若言香妙者當
平等論之所以然者於香有氣味故
若香無氣味者衆生之類終不染著
以其有味故五欲之中香為最妙然
香有過失若香無過失者衆生則不
厭患以其有過失故衆生厭患之然

香有出要若當香無出要者此衆生
類不得出生死之海以其出要故衆
生得至無畏涅槃城中五欲之中香
為最妙然復大王若言味妙者當平
等論之所以然者於味有氣味故若
味無氣味者衆生之類終不染著以
其有氣味故五欲之中味為最妙然
味有過失若當味無過失者衆生則
不厭患以其有過失故衆生厭患之
然味有出要若當味無出要者此衆
生類不得出生死之海以其出要故
衆生得至無畏涅槃城中味為最妙
然復大王當知言細滑妙者當平等
論之所以然者於細滑無氣味者衆
生終不染著以其有味故五欲之中細
滑為最妙然細滑有過失若細滑無過
失者衆生之類則不厭患之以其有過
失故衆生厭患之然細滑有出要若當
細滑無出要者此衆生類不得出生死
之海以其出要故衆生得至無畏涅槃
城中五欲之中細滑為最妙是故大
王所樂之慶心即染著如是大王當作
是知今時五王聞佛所說歡喜奉行

聞如是一時佛在舍衛國祇樹給孤
獨園。尔時舍衛城中有月光長者。饒
財多寶。象馬七珍。皆悉備具。金銀珍
寶不可稱計。然月光長者無有兒息。
尔時長者以無兒故。求禱天神。請求
日月天神。地神。鬼子母。四天王。二十
八大神鬼。王釋及梵天。山神。樹神。五
道之神。樹木藥草。靡處不周。皆悉歸
命。見賜一男兒。尔時月光長者婦。經
數日中。便自懷妊。即語長者。我自懷
妊。即語長者。我自覺有娠。長者聞已。
歡喜踊躍。不能自勝。即與夫人。敷好
牀座。食好甘食。著好衣裳。是時夫人
經八九月。便生男兒。顏色端正。世之
希有。如桃李色。是時此兒兩手執無
價摩尼珠。即時便說此偈。

此家頗有財。寶物及饌食。我今欲惠施。
使貧無有乏。若此無物者。財寶及饌食。
今有無價珠。常用惠施人。

是時父母及家中人。聞此語已。各各
馳走云。何乃生此鬼魅種。唯有父母
哀愍兒故。不東西馳走。即時母向兒
說此偈。

為天乳香和鬼魅及羅刹是誰姓字何我今欲知之

是時小兒復以偈報母曰

非天乳香和非鬼魅羅刹我今父母生是人不足疑

是時夫人聞此語已歡喜踊躍不能自勝以此因緣盡向月光長者說是語時長者便作是念此將是何緣我今當以此事向尼犍子說即抱此兒詣尼犍子所頭面禮足在一面坐是時月光長者以此因緣具向尼犍子說時尼犍子聞此語已告長者此兒薄福之人無益於身當取殺之若不殺者門戶衰耗皆當死盡是時月光長者作是思惟我前後來無有兒息由此因緣請求天地無處不遍乃經歷今許年歲方生此兒我今不堪取此兒殺當更問餘沙門婆羅門令斷我疑今時如來成佛未久衆人稱名大沙門是時月光長者便作是念我可以因緣具向大沙門說之是時長者即從座起抱此兒往詣世尊所中道復作是念今有長老魏志年過

耆父聰明黠慧衆人所敬待彼尚不知不見況此沙門瞿曇年少學道未久豈能知此事乎將恐不解吾疑我今宜可中道還家是時有天神昔與長者知舊知長者心中所念在虛空中而告之曰長者當知小可前進必當獲利得大果報亦當至甘露之處如來出世甚為難遇如來降甘露雨時時乃有又復長者有四事取小不可輕云何為四國王雖小取不可輕火雖小亦不可輕龍雖小復不可輕學道之人雖復年幼亦不可輕是謂長者有此四事取不可輕是時天神便說此偈

國王雖復小 斬害由其法 小火雖未熾
焚燒山草木 神龍雖現小 降雨隨時宜
學者年幼稚 度人無有量

尔時月光長者心開意解歡喜踊躍不能自勝即前進至世尊所頭面礼足在一面坐以此因緣具白世尊尔時世尊告長者曰今此小兒極有大福此小兒若當大者當將五百徒衆來至我所而出家學道得阿羅漢我

聲聞中福德第一無能及者是時長
者聞此語已歡喜踊躍不能自勝白
世尊言如世尊教非如尼捷子語是
時月光長者重白世尊唯願受請及
比丘僧并愍此小兒今時世尊默然
受請時長者以見默然受請即從座
起頭面礼足便退而去還至家中供
辦種種甘饌飲食敷好坐具清旦自
白時到唯願降神是時世尊以知時
到將諸比丘前後圍遶入舍衛城至
長者家即就于座是時長者見佛比
丘僧坐已定即辦種種飲食自手斟
酌歡喜不亂以見食竟除去鉢器行
清淨水更取小座如來前坐欲得聞
佛所說妙法是時月光長者白世尊
言我今持居家田業盡與此兒唯願
世尊當與立名世尊告曰此兒生時
人皆馳走東西云是尸婆羅鬼今即
立字尸婆羅今時世尊漸與長者及
長者婦而說妙論所謂論者施論戒
論生天之論欲不淨想漏為大患出
要為妙今時世尊以見長者及長者
婦心開意解無復狐疑諸佛世尊常

所說法苦習盡道是時世尊盡與長者說之令發歡喜之心長者夫婦即於座上諸塵垢盡得法眼淨猶如新白氎易染為色是時長者夫婦亦復如是即於座上得法眼淨彼以見法分別諸法以度猶豫無復狐疑得無所畏解如來深奧之法即受五戒尔時世尊便說此偈

祠祀火為上 諸論頌為首 王為人中尊
海為衆流源 月為星中明 日為衆明最
八方及上下 所生万品物 欲求其福者
三佛取為尊

尔時世尊說此偈已即從座起而去是時長者求五百童子使侍衛尸婆羅是時尸婆羅年向二十往至父母所白父母言唯願二尊許使出家學道尔時二親即便聽許所以然者世尊先以記之當將五百童子至世尊所求作沙門是時尸婆羅及五百人礼父母足便退而去至世尊所頭面礼足在一面立尔時尸婆羅白世尊言唯願聽許得在道次是時世尊即便聽許使作沙門未經幾日便成阿

羅漢六通清徹具八解脫是時五百童子前白佛言唯願世尊聽作沙門世尊默然可之出家未經幾日便成羅漢今時尊者尸婆羅還在舍衛國本邦之處衆人敬仰得四事供養衣被飲食牀褥卧具病瘦醫藥是時尊者尸婆羅便作是念我今在此本邦之中極為煩悶今可在人間遊化是時尊者尸婆羅到時著衣持鉢入舍衛城乞食乞食已還詣所止收攝坐具著衣持鉢出祇桓精舍將五百比丘前後圍遶在人間遊化所至到處無不供養者皆供給衣被飲食牀褥卧具病瘦醫藥復有諸天告諸村落今有尊者尸婆羅得阿羅漢福德第一將五百比丘在人間遊化諸賢可往供養今不去者後悔無益是時尊者尸婆羅便作是念今甚厭患此供養當何處避之令人不知吾處是時即入深山之中諸天復在村落間各各告曰今尊者尸婆羅在此山中可往供養今不為者後悔無益是時人民聞天語已即負飲食往詣尊者尸

婆羅所唯願尊住為我等故是時尸
婆羅漸漸人中遊化來至羅閱城迦
蘭陀竹園所與大比丘五百人俱亦
得供養衣被飲食牀褥卧具病瘦醫藥
時尸婆羅復作是念我今向在何處
夏坐令人不知吾處復重作念當在
耆闍山東廣普山西於中夏坐即將
五百比丘在彼山中而受夏坐是時釋
提桓因知尸婆羅心中所念即於山
中化作浮齒園果樹木皆悉備具周
匝有浴池化作五百高臺復化作五
百牀座復化作五百小牀座復化作
五百繩牀以天甘露而食之是時尊
者尸婆羅便作是念我今已夏坐訖
不見如來甚久今可往親覲世尊即
將五百比丘往舍衛城今時盛熱比
丘衆皆悉汗出汗染身體是時尊者
尸婆羅作是念今日比丘衆身體極
熱得少許雲在上及細雨者甚是佳
事值小浴池及得少漿以生此念即
空中有大雲及作細雨亦有浴池有
四非人負好甘漿毗沙門王所遣唯
願尊者受此甘漿及施比丘僧今時

受此漿已與比丘僧使飲之。尔時尸婆羅復作是念：我今可在此間止宿。是時釋提桓因知尸婆羅心中所念，即於道側化作五百房舍，牀卧備具。是時諸天奉上飲食。尸婆羅食訖，即從坐起而去。尔時尊者尸婆羅叔父在舍衛城內住，饒財多寶，無所短乏。然復慳貪，不肯布施，不信佛法。衆人造功德，是時詣親族語此人曰：長者用此財貨為然，復不作後世遺糧。尔時彼長者聞此語，已一日之中，以百千兩金布施與外道梵志，不向三尊。是時尊者尸婆羅聞叔父以百千兩金施與外道異學，不布施與三尊。是時尊者尸婆羅往詣祇洹精舍，至世尊所，頭面礼足，在一面坐。尔時世尊與尸婆羅說微妙之法。是時尊者尸婆羅從如來聞法已，即從坐起，礼世尊足，右繞三匝，便退而去。是時尊者尸婆羅即其日著衣持鉢，入舍衛城乞食。漸漸往詣叔父家，到已在門外默然立。是時長者見尊者尸婆羅在門外乞食，即語之曰：汝昨日何故不來？

我昨日以百千兩金惠施我可以一
張疊持用施卿尸婆羅對曰我今不
用疊為今日來者故乞食耳長者對
曰我昨日以用百千兩金惠施更不
能復惠施是時尊者尸婆羅欲得度
長者故便飛在空中身出水火坐卧
經行隨意所造是時長者見此變化
已便作是說可還來下就坐今當相
施是時尊者尸婆羅即捨神足尋來
就坐是時彼長者以弊惡飲食極為
麁醜與尊者尸婆羅使食之是時尊
者尸婆羅生長豪家飲食自恣但以
彼長者故而受此食便取食之是時
尊者尸婆羅食訖還詣所在即其夜
虛空神天來語長者曰
善施極大施乃與尸婆羅無欲以解脫
愛斷以無疑

夜半清旦二時說此偈

善施極大施乃與尸婆羅無欲以解脫
愛斷以無疑

是時長者聞天人語便作是念我昨
日以百千兩金施與外道乃無此應
我今日以弊惡食施與尸婆羅乃致此

應何時當曉自當以百千兩金施尸
婆羅是時長者即其曰檢校家中有
直百千兩金者即持詣尸婆羅所到
已頭面礼足在一面住今時長者以
百千兩金奉上尸婆羅並作是語唯
願受此百千兩金是時尊者尸婆羅
報曰當使長者受福無窮長壽自然
然復如來不許比丘受百千兩金是
時長者便往至世尊所到已頭面礼
足在一面坐今時彼長者白世尊言
唯願世尊使尸婆羅比丘受此百千
兩金使我蒙其福今時世尊告一比
丘汝往至尸婆羅比丘所云吾喚卿
比丘對曰如是世尊是時彼比丘從
佛受教即往至彼尸婆羅所以如來
語而告之是時尊者尸婆羅承彼比
丘語即往至世尊所頭面礼足在一
面坐今時世尊告尸婆羅曰汝今可
受此長者百千兩金使蒙其福此是
宿緣之業可受其報尸婆羅對曰如
是世尊是時尊者尸婆羅即時而
說達親

施衣及餘物欲求其福德往至天世人

五樂自娛樂 從天至人中 度有無疑難
涅槃無為處 諸佛之所樂 施惠無難者
蒙此獲福祐 當起慈惠心 作福無有懈
是時尊者尸婆羅語長者言可持此
百千兩金著我房中 今時長者承受
其教持此百千兩金 尊者尸婆羅
房中便退而去 是時尸婆羅告諸比
丘諸有所乏者來至此而取之 若復
須衣被飲食牀敷卧具病瘦醫藥皆
來取之 勿在餘處而求之也 展轉相
告令知之 是時衆多比丘白世尊言
此尸婆羅昔作何福 生長者家端正
無雙如毗華色 復作何福 兩手持珠
出母胎中 復作何福 將五百人詣如
來所出家學道 值如來世 復作何福
所至到處衣食自然 無所短乏 餘比
丘無能及者 今時世尊告諸比丘 過
去久遠九十一劫 有佛号毗婆尸如
來至真等正覺 明行成為善逝 世間
出現於世 遊在槃頭國界 與六十万
八千衆俱 四事供養 衣被飲食牀敷
卧具 病瘦醫藥 今時有梵志名曰耶

若達住彼土界饒財多寶金銀珍寶
車渠馬瑙真珠琥珀不可稱計是時
耶若達出彼國界往至毗婆尸如來
所到已共相問訊在一面坐是時毗
婆尸如來漸與說法便發歡喜之心
是時耶若達白毗婆尸如來唯願當
受我請欲飯佛及比丘僧是時如來
默然受請耶若達梵志以見世尊默
然受請即從座起遠佛三匝而去至家
中辦種種甘饌飲食是時耶若達夜
半便作是念我今已辦種種飲食唯
乏無酪明日清旦當往城門中其有
賣酪者盡當買之是時耶若達清旦
敷好坐具尋復詣城門中求酪當於
今時有放牛人持酪名尸婆羅欲往
祠祀是時耶若達梵志語放牛人曰
卿酪賣者吾當與價尸婆羅報曰我今
欲祠祀婆羅門報曰汝今祀天為何
所求但賣與我當重願價放牛人報曰
梵志今用酪為梵志報曰我今請毗
婆尸如來及比丘僧然飲食盡辦唯
無有酪是時尸婆羅問梵志曰毗婆
尸如來者為何等相貌梵志報曰如

來者無與等戒具清淨慧定三昧不可及天上人中無能及者是時耶若達梵志歎說如來之德尸婆羅聞已心開意解是時尸婆羅語梵志曰我今躬持此酪往施如來復用祀天為是時耶若達梵志將此放牛人往至家中即白時到今正是時唯尊屈顧時如來以知時到著衣持鉢將諸比丘前後圍遶至耶若達梵志家各次第坐是時放牛人見如來容貌世之希有諸根憐怕有三十二相八十種好莊嚴其身亦如日月猶如須彌山出衆山上光明遠照靡不蒙潤見已歡喜便前進世尊所而作是說設當如來功德如梵志所論者使此一鉢酪盡充衆僧今時尸婆羅白世尊言願受此酪是時如來即舒鉢受酪亦復與比丘僧猶故有酪今時放牛人白世尊言今故有餘酪時如來告曰汝今更持此酪施佛及比丘衆時放牛人對曰如是世尊是時放牛人更重行酪猶故遺餘酪在放牛人復白佛言今故有遺餘酪在是時如來告

此人曰可持此酪與比丘尼衆優婆塞優婆夷衆使得充飽故有遺餘酪在。余時佛語放牛人汝今持此酪與檀越主人對曰如是尋復與檀越主人故有遺餘酪在。復施與乞人貧匱者亦有遺餘酪在。來白佛言故有遺餘酪在。時佛告曰今持此酪瀉著淨地若著水中所以然者我不見有人天及世能消此酪者。唯除如來放牛人即受佛教持此酪而著水中。尋時水中大火炎出高數十仞。是時放牛人見此變恠已歎未曾有。還至世尊所頭面禮足叉手而住。復作此誓願。今持此酪施與四部之衆。設當有福德者緣此福祐莫墮八難之處。莫生貧匱之家。所生之處六情完具。面目端正。亦莫在家使將來之世亦值如此聖尊。比丘當知三十一劫復有佛名式詰如來出現於世。是時式詰如來遊化於野馬世界。與大比丘十萬人俱。是時式詰如來到時著衣持鉢入城乞食。時彼城中有大商客名曰善財。遇見式詰如來。諸想寂靜容貌

端正有三十二相八十種好莊嚴其身面如日月見已便發歡喜之心前至世尊所頭面礼足在一面坐。尔時賈人以好寶珠散如來上現其微心。普作誓願持此功德所生之處饒財多寶無所乏短無令手中有空缺。時乃至母胞胎中亦使不空於此劫中復有毗舍羅婆如來至真等正覺明行成為善逝世間解無上士道法御天人師号佛世尊。尔時有長者名善覺饒財多寶復請毗舍羅婆如來至真等正覺及比丘僧時彼長者少於使人是時長者躬自辦種種甘饌飲食飯彼如來作是誓願我持功德所生之處常值三尊無所短乏恒多使人令將來之世值如來如今日也。今此賢劫中有佛名拘屢孫如來至真等正覺出現於世。尔時有長者名多財復請拘屢孫如來七日之中飯佛及比丘僧供養衣被飲食牀敷卧具病瘦醫藥所生之處常饒財多寶莫生貧賤之家使我所生之處恒得四事供養為四部之衆國王人民所見。

宗敬天龍鬼神人若非人所見接觸
諸比丘當知余時耶若達梵志豈異
人乎莫作是觀所以然者今月光長
者今身是也余時放牛人名尸婆羅
以酪供養佛者今比丘尸婆羅是也
余時善財賈人豈異人乎莫作是觀
今尸婆羅比丘是也余時善覺長者
豈異人乎莫作是觀今尸婆羅比丘
是余時多財長者豈異人乎莫作是
觀今日尸婆羅比丘作此誓願使我所生
之處恒端正無雙常在富貴家生使
將來之世值遇世尊設為我說者即
得解脫得出家作沙門緣此功德今
尸婆羅比丘得生富貴家端正無雙
今遭值我即得阿羅漢然比丘當知
復以寶珠散如來上持是功德今處
母胎手執雙珠出母胎中價直閻浮
提當生之日便作是說復請拘屢孫
如來求多使人今將五百徒衆至我
所出家學道得阿羅漢復於七日之中
供養拘屢孫如來求得四事供養今
日不乏衣被飲食牀敷卧具病瘦醫

藥緣此功德餘比丘所不及釋提桓
因身來供養給其所須又且諸天轉
告村落使四部之衆知有尸婆羅此
其義也我弟子中第一福德者尸婆
羅比丘是也今時諸比丘聞佛所說
歡喜奉行

聞如是一時佛在舍衛國祇樹給孤
獨園今時世尊告諸比丘五健丈夫
堪任戰鬪出現於世云何為五於是有
人著鎧持仗入軍戰鬪遙見風塵便懷
恐怖是謂第一戰鬪人也復次第二戰
鬪人著鎧持仗欲入軍戰若見風塵
不懷恐怖但見高幢便懷恐怖不堪
前鬪是謂第二人復次第三戰鬪人
著鎧持仗欲入軍戰鬪彼若見風塵
若見高幢不懷恐怖若見弓箭便懷
恐怖不堪戰鬪是謂第三人也復次
第四戰鬪人著鎧持仗入軍共鬪彼
若見風塵若見高幢若見箭不懷恐
懼但入陣時便為他所捉或斷命根
是謂第四戰鬪人也復次第五戰鬪
人著鎧持仗欲入陣鬪彼若見風塵
若見高幢若見箭若為他所捉乃至

於死不懷恐怖能壞他軍境界無外
而領人民是謂第五戰鬪人也如是
比丘世間有此五種人出現於世云何為
五或有一比丘遊他村落彼聞村中
有婦人端正無雙面如桃李色彼聞
已到時著衣持鉢入村乞食即見此
女人顏貌無雙便起欲想除去三衣
還佛禁戒而作居家猶如彼聞人小
見風塵以懷恐怖似此比丘也復次
有比丘聞有女人在村落中住端正
無比到時著衣持鉢入村乞食彼若
見女人不起欲想但與彼女女人共相
調戲言語往來因此調戲便捨法服
還為白衣如彼第二人見風塵不怖
但見高幢便懷恐怖此比丘亦復如
是復次有一比丘聞村落中有女人
容貌端正世之希有如桃李色到時
著衣持鉢入村乞食若見女人不起
欲想設共女人共調戲亦復不起欲
意之想但與彼女人手拳相加或相
捻挫於中便起欲想捨三法衣還為
白衣習於家業如彼第三人入陣時

見風塵見高幢不恐怖見弓箭便懷恐怖復次有一比丘聞村落中有女人面容端正世之希有到時著衣持鉢入村乞食彼若見女人不起欲想設共言語亦復不起欲想設彼女入共相捻捏便起欲想然不捨法服習於家業如彼第四人入軍為他所獲或喪命根而不得出復次有一比丘依村落而住彼聞村中有女人然比丘到時著衣持鉢入村乞食彼若見女人不起欲想設共言笑亦不起欲想設復共相捻捏亦復不起欲想是時比丘觀此身中三十六物惡穢不淨誰著此者由何起欲此欲為止何所為從頭耶形體出耶觀此諸物了無所有從頭至足亦復如是五歲所屬無有想像亦無來處彼觀緣本不知所從來處彼復作是念我觀此欲從因緣生彼比丘觀此已欲漏心得解脫有漏心得解脫無明漏心得解脫便得解脫智生死已盡梵行已立所作已辦更不復受胎如實知之如彼第五戰鬪之人不難衆敵而自遊

化由是故我今說此人捨於愛欲入於無畏之處得至涅槃城是謂比丘有此五種之人出現於世今時世尊便說此偈

欲我知汝本意以思想生非我思想生且汝而不有

是故諸比丘當觀惡穢垢不淨行除去色欲如是諸比丘當作是學今時諸比丘聞佛所說歡喜奉行

聞如是一時佛在舍衛國祇樹給孤獨園今時世尊告諸比丘有五戰鬪之人出現於世云何為五或有一人著鎧持仗入軍戰鬪彼見風塵便懷恐怖不敢入彼大陣之中是謂第一之人復次第二戰鬪之人著鎧持仗入軍戰鬪彼見風塵不生畏懼但聞擊鼓之音便懷恐怖是謂第二之人復次第三之人著鎧持仗入軍戰鬪彼見風塵不生畏懼設聞鼓角之聲不起畏懼彼若見高幢便懷恐怖不堪戰鬪是謂第三之人復次第四戰鬪之人著鎧持仗入軍戰鬪中若見風塵不起畏懼若聞鼓角之音復非

恐懼若見高幢亦非怖畏設為他所捉或斷命根是謂第四之人復次第五有人著鎧持仗入軍共鬪彼盡能有所壞廣按國界是謂第五之人出現於世比丘當知今比丘亦有五種之人出現於世間云何為五或有一比丘住村落中彼聞有女人端正無雙如桃華色彼比丘到時著衣持鉢入村乞食不守根門不護身口意法彼若見女人便起欲意還捨禁戒習白衣法如彼初人間揚塵之聲不堪戰鬪便懷恐怖我由是故而說此人復次有比丘住在村落彼聞村中有女人端正無比面如桃華色而便捨戒習白衣法如彼第二鬪人但聞鼓角之聲不堪戰鬪此亦是復次有比丘住在村落聞有女人在彼村落彼聞已便起欲意若見女人不起欲想但共女人共相調戲於中便捨禁戒習白衣法如彼第三人遙見幢已便懷恐怖不堪戰鬪由是故今說此人是謂第三鬪鬪之人復次有比丘住在村落彼比丘聞村中有女人聞已著

衣持鉢入村乞食不守護身口意彼見女人端正無雙於中便起欲意或與女人共相捻捏或手拳相加便捨禁戒還為白衣如彼第四戰鬪之人在大軍中為他所捉喪失命根由是之故今說此人復次有比丘聞村落中有女人世之希有彼雖聞此不起欲想彼比丘到時著衣持鉢入村乞食而守護身口意彼雖見女人不起欲想無有邪念設共女言語往返亦不起欲想亦無邪念設共女人共相捻捏手拳相加今時便起欲想身口意便熾盛欲意已熾盛還詣園中至長老比丘所以此因緣向長老比丘說之諸賢當知我今欲意熾盛不能自禁制唯願說法使脫欲之惡露不淨是時長老比丘告曰汝今當觀此欲為從何生復從何滅如來所說夫去欲者以不淨觀除之及修行不淨觀之道是時長老比丘便說此偈言設知顛倒者加心而熾盛當去諸熾心欲意止休息

諸賢知之欲從想生以興想念更生

欲意或能自害復害他人起若干災
患之變於現法中受其苦患復於後
世受苦無量欲意以除亦不自害不
害他人於現法報不受其苦是故今
當除想念以無想念便無欲心以無
欲心便無亂想今時彼比丘受如此
教勅即思惟不淨之相以思惟不淨
之想今時有漏心得解脫至無為處
如彼第五人著鎧持仗入軍戰鬪彼
見衆敵無有恐懼設有來害者心不
移動能破外寇居他界中由是故今
說此人能破魔衆去諸亂想至無為
處是謂第五人出現於世比丘當知
世間有此五人出現世間是故諸比
丘當念修行欲不淨想如是諸比丘
當作是學今時諸比丘聞佛所說歡
喜奉行

聞如是一時佛在舍衛國祇樹給孤
獨園今時世尊告諸比丘夫掃地之
人有五事不得功德云何為五於是
掃地之人不知逆風不知順風復不
作聚復不除糞然掃地之處復非淨
潔是謂比丘掃地之人雖有五事不

成大功德復次比丘掃地之人成五功德云何為五於是掃地之人知道風順風之理亦知作聚亦能除之不留遺餘極令淨好是謂比丘有此五事成大功德是故諸比丘當除前五事修後五法如是諸比丘當作是學今時諸比丘聞佛所說歡喜奉行

聞如是一時佛在舍衛國祇樹給孤獨園今時世尊告諸比丘若有人掃偷婆不得五功德云何為五於是有入掃偷婆不以水灑地不除去瓦石不平整其地不端意掃地不除去穢惡是謂比丘掃地之人不成五功德比丘當知掃地之人成五功德云何為五於是掃偷婆之人以水灑地去瓦石平整其地端意掃地除去穢惡是謂比丘有五事令人得功德是故諸比丘欲求其功德者當行此五事如是諸比丘當作是學今時諸比丘聞佛所說歡喜奉行

聞如是一時佛在舍衛國祇樹給孤獨園今時世尊告諸比丘長遊行之人有五艱難云何為五於是恒遊行

人不誦法教所誦之教而忘失之不得定意以得三昧復忘失之聞法不能持是謂比丘多遊行人有此五難比丘當知不多遊行人有五功德云何為五未曾得法而得法已得不復忘失多聞能有所持能得定意以得三昧不復失之是謂比丘不多遊行人有此五功德是故諸比丘莫多遊行如是諸比丘當作是學尔時諸比丘聞佛所說歡喜奉行

聞如是一時佛在舍衛國祇樹給孤獨園尔時世尊告諸比丘若有比丘恒一處止有五非法云何為五於是比丘一處住者意著屋舍畏恐人棄或意著財產復恐人奪或多集物猶如白衣貪著親親不欲使人至親親家恒共白衣而相往來是謂比丘一處住人有此五非法是故諸比丘當求方便勿一處住如是諸比丘當作是學尔時諸比丘聞佛所說歡喜奉行

聞如是一時佛在舍衛國祇樹給孤獨園尔時世尊告諸比丘不一處住

人有五功德云何為五不貪屋不貪
器物不多集財物不著親族不與白
衣共相往來是謂比丘不住一處人
有此五功德是故諸比丘當求方便
行此五事如是諸比丘當作是學尔
時諸比丘聞佛所說歡喜奉行

聞如是一時佛在摩竭國光明池側
尔時世尊與大比丘眾五百人俱在
人間遊化尔時世尊遙見大樹為火
所燒見已如來更詣一樹下到已就
樹下坐尔時世尊告諸比丘云何比
丘寧持身投此火中為寧與端正女
人而共交遊尔時諸比丘白佛言寧
與女人共相交遊不投身入此火中
所以然者此火毒熱不可稱計斷其
命根受苦無量世尊告曰我今告汝
等非沙門行言是沙門非梵行人言
是梵行不聞正法言我聞法無清白
法如是之人寧投入此火中不與女
人共相交遊所以然者彼人寧受此
苦痛不以此罪入地獄中受苦無量
云何比丘寧受人礼拜恭敬為寧使
人取利劍斷其手足諸比丘對曰寧

受恭敬禮拜不使人以劍斷其手足
所以然者斷其手足痛不可稱計世
尊告曰我今告汝等非沙門行言是
沙門非梵行人言是梵行不聞正法
言聞正法無清白行斷善根如是之
人寧投身受此利劍不以無戒受他
恭敬所以然者此痛斯須間耳地獄
苦痛不可稱計云何比丘寧受人衣
裳為寧以熱鐵鏹用繩裹身諸比丘
對曰寧以受人衣裳不受此苦痛所
以然者此毒痛不可稱計世尊告曰
我今重告汝無戒之人寧以熱鐵
鏹纏裹其身不受人衣裳所以然者
此痛須臾間耳地獄苦痛不可稱計
云何比丘寧受人信施之食為寧以
吞熱鐵丸乎諸比丘對曰寧受人信
施之食不吞熱鐵丸所以然者此痛
不可堪處世尊告曰我今語汝寧吞
熱鐵丸不以無戒受人信施所以然
者吞熱鐵丸痛斯須間不以無戒受
他信施云何比丘寧受人牀敷之具
為寧卧熱鐵牀上諸比丘對曰我等
世尊寧受人牀卧之具不卧鐵牀上

所以然者此之毒痛不可稱計世尊
言曰彼愚癡之人無有戒行非沙門
卧鐵牀上不以無戒受他信施何以
故卧鐵牀上痛斯須間不以無戒受
他信施比丘當知如我今日觀無戒
之人所趣向處設彼人聞者形體抽
悴涕泣從面孔出便取命終不與安
人共相交遊不受人礼敬之德不受
人衣被飲食牀敷卧具病瘦醫藥以其
無戒之人不觀後世前世之罪不願
命雖受此苦痛無戒之人當生三惡
趣中所以然者以其造惡行之所致
也如來今日觀察善行人之所趣向
正使中毒為刀所傷自斷命根何以
故欲捨此身受天之福當生善處皆
由前世受善行報之所致也是故比
丘當念修行戒身定身慧身解脫身
解脫所見身欲使今世獲其果報得
甘露道正使受人衣被飲食牀敷卧具
病瘦醫藥而無過失又使檀越受福
無窮如是諸比丘當作是學余時說
此法時六十比丘漏盡意解六十比

丘還捨法服而作白衣。爾時諸比丘聞佛所說歡喜奉行。

五王及月光尸婆二種闍二掃二行法去住有二種。枯樹取在後。

增壹阿含經卷第二十五

癸卯歲高麗國大藏都監奉
勅彫造

增壹阿含經卷第二十六

斯

等見品第三十四

東晉別傳三藏聖賢僧伽提婆譯

聞如是一時尊者舍利弗在舍衛城祇樹給孤獨園與大比丘衆五百人俱。尔時衆多比丘到舍利弗所共相問訊。在一面坐。尔時衆多比丘白舍利弗言。戒成就比丘當思惟何等法。舍利弗報言。戒成就比丘當思惟五盛陰無常為苦為惱為多痛畏。亦當思惟苦空無我。云何為五。所謂色陰痛陰想陰行陰識陰。尔時戒成就比丘立思惟此五盛陰。便成須陀洹道。比丘白舍利弗言。須陀洹比丘當思惟何等法。舍利弗報言。須陀洹比丘亦當思惟此五盛陰為苦為惱為多痛畏。亦當思惟苦空無我。諸賢當知。若須陀洹比丘思惟此五盛陰時。便成斯陀含果。諸比丘問曰。斯陀含比丘當思惟何等法。舍利弗報言。斯陀含比丘亦當思惟此五盛陰為苦為惱為多痛畏。亦當思惟苦空無我。尔時斯陀

舍比丘當思惟此五盛陰時便成阿
那含果諸比丘問曰阿那含比丘當思
惟何等法舍利弗報言阿那含比丘亦
當思惟此五盛陰為苦為惱為多痛
畏亦當思惟此五盛陰時便成阿羅
漢諸比丘問曰阿羅漢比丘當思惟
何等法舍利弗報言汝等所問何其
過乎羅漢比丘所作以過更不造行
有漏心得解脫不向五趣生死之海
更不受有有所造作是故諸賢持戒
比丘須陀洹斯陀含阿那含當思惟
此五盛陰如是諸比丘當作是學今
時諸比丘聞舍利弗所說歡喜奉行
聞如是一時佛在波羅捺仙人鹿野
苑中今時如來成道未久世人稱之
為大沙門今時波斯匿王新紹王位
是時波斯匿王便作是念我今新紹
王位先應取釋家女設與我者乃適
我心若不見與我今當以力往逼之
今時波斯匿王即告一臣曰往至迦
毗羅衛至釋種家持我名字告彼釋
種云波斯匿王問訊起居輕利致問
無量又語彼釋吾欲取釋種女設與

我者抱德永已若見違者當以力相逼今時大臣受王教勅往至迦毗羅國尔時迦毗羅衛釋種五百人集在一處是時大臣即往至五百釋種所持波斯匿王名字語彼釋種言波斯匿王問訊慇懃起居輕利致意無量吾欲取釋種之女設與吾者是其大幸若不與者當以力相逼時諸釋種聞此語已極懷瞋恚吾等大姓何緣當與婢子結親其衆中或言當與或言不可與尔時有釋集彼衆中名摩呵男語衆人言諸賢勿共瞋恚所以然者波斯匿王為人暴惡設當波斯匿王來者壞我國界我今躬自當往與波斯匿王相見說此事情時摩呵男家中婢生一女面貌端正世之希有時摩呵男沐浴此女與著好衣載寶羽車送與波斯匿王又白王言此是我女可共成親時波斯匿王得此女極懷歡喜即立此女為第一夫人未經數日而身懷妊復經八九月生一男兒端正無雙世所殊特時波斯匿王集諸相師與此太子立字時諸

相師聞王語已即白王言大王當知
求夫人時諸釋共諍或言當與或言
不可與使彼此流離今當立名名曰
毗流勒相師立号已各從坐起而去
時波斯匿王愛此流離太子未曾離
目前然流離太子年向八歲王告之曰
汝今已大可詣迦毗羅衛學諸射術
是時波斯匿王給諸使人使乘大象
往詣釋種家至摩呵男舍語摩呵男
言波斯匿王使我至此學諸射術唯
願祖父母事事教授時摩呵男報曰
欲學術者善可習之是時摩呵男釋
種集五百童子使共學術時流離太
子與五百童子共學射術余時迦毗
羅衛城中新起一講堂天及人民魔
若魔天在此講堂中住時諸釋種各
各自相謂言今此講堂成來未久盡
彩已竟猶如天宮而無有異我等先
應請如來於中供養及比丘僧令我
等受福無窮是時釋種即於堂上敷
種種坐具懸繒幡蓋香汁灑地燒衆
名香復儲好水燃諸明燈是時流離
太子將五百童子往至講堂所即昇

師子之座時諸釋種見之極懷瞋恚
即前捉臂逐出門外各共罵之此是
婢子諸天世人未有居中者此婢生
物敢入中坐復捉流離太子撲之著
地是時流離太子即從地起長歎息
而視後是時有梵志子名好苦是時
流離太子語好苦梵志子曰此釋種
取我毀辱乃至於斯設我後紹王位
時汝當告我此事是時好苦梵志子
報曰如太子教時彼梵志子曰三時
白太子曰憶釋所辱便說此偈
一切歸於盡果熟亦當墮合集必當散
有生必有死

是時波斯匿王隨壽在世後取命終
便立流離太子為王是時好苦梵志
至王所而作是說王當憶本釋所毀
辱是時流離王報曰善哉善哉善憶
本事是時流離王便起瞋恚告群臣
曰今人民主者為何人群臣報曰
大王今日之所統領流離王時曰汝
等速嚴駕集四部兵吾欲往征釋種
諸臣對曰如是大王是時群臣受王
教令即運集四種之兵是時流離王

將四部之兵往至迦毗羅越。尔時衆多比丘聞流離王往征釋種。至世尊所。頭面礼足。在一面立。以此因緣。具白世尊。是時世尊聞此語已。即往逆流離王。便在一枯樹下。無有枝葉。於中結加趺坐。是時流離王遥見世尊。在樹下坐。即下車。至世尊所。頭面礼足。在一面立。尔時流離王白世尊言。更有好樹。枝葉繁茂。尼拘留之。等何故。此枯樹下坐。世尊告曰。親族之愴。故勝外人。是時流離王便作是念。今日世尊故為親族。然我今日應還本國。不應往征迦毗羅越。是時流離王即辭還退。是時好苦梵志復白王言。當憶本為釋所辱。是時流離王聞此語已。復興瞋恚。汝等速嚴駕集四部兵。吾欲往征迦毗羅越。是時群臣即集四部之兵。出舍衛城。往詣迦毗羅越。征伐釋種。是時衆多比丘聞已。往白世尊。今流離王興兵。衆往攻釋種。尔時世尊聞此語已。即以神足往在道側。在一樹下坐。時流離王遥見世尊。在樹下坐。即下車。至世尊所。頭面礼

足在一面立。今時流離王白世尊言：「更有好樹，不在彼坐。世尊，今日何故在此枯樹下坐？」世尊告曰：「親族之蔭，勝外人。也是時，世尊便說此偈。」

親族之蔭涼，
釋種出於佛，
盡是我枝葉，
故坐斯樹下。

是時，流離王復作是念：「世尊，今日出於釋種，吾不應往征，宜可齊此還歸本土。」是時，流離王即還舍衛城。是時，好苦梵志復語王曰：「王當憶本釋種所辱。是時，流離王聞此語，已復集四種兵，出舍衛城，詣迦毗羅越。是時，大目犍連聞流離王往征，釋種聞已，至世尊所，頭面礼足，在一面立。余時，目連、白世尊言：『今日，流離王集四種兵，往攻釋種。我今堪任使流離王及四部兵擲著他方。』世界世尊告曰：『汝豈能取釋種宿緣著他方？』世界乎？」時，目連白佛言：「實不堪任使宿命緣著他方。」世界。余時，世尊語目連曰：『汝還就坐。目連復白佛言：『我今堪任移此迦毗羅越著虛空中。』世尊告曰：『汝今堪能移釋種宿緣著虛空中乎？』目連報曰：

不也世尊佛告目連汝今還就本位
今時目連復白佛言唯願聽許以鐵
籠䟽覆迦毗羅越城上世尊告曰云
何目連能以鐵籠䟽覆宿緣乎目連
白佛不也世尊佛告目連汝今還就
本位釋種今日宿緣已熟今當受報
今時世尊便說此偈

欲使空為地復使地為空本緣之所繫
此緣不腐敗

是時流離王往詣迦毗羅越時諸釋
種聞流離王將四部之兵來攻我等
復集四部之衆一由旬中往逆流離
王是時諸釋一由旬內遙射流離王
或射耳孔不傷其耳或射頭髻不傷
其頭或射弓壞或射弓弦不害其人
或射鎧器不傷其人或射牀座不害
其人或射車輪壞不傷其人或壞幢
麾不害其人是時流離王見此事已
便懷恐怖告群臣曰汝等觀此箭為
從何來群臣報曰此諸釋種去此一
由旬中射箭使來流離王報言彼設
發心欲害我者普當死盡宜可於中
還歸舍衛是時好苦梵志前白王言

大王勿懼此諸釋種皆持戒重尚不害況害人乎今宜前進必壞釋種是時流離王漸漸前進向彼釋種是時諸釋退入城中時流離王在城外而告之曰汝等速開城門若不令者盡當取汝殺之今時迦毗羅越城有釋童子年向十五名曰奢摩童子多殺害今在門外即著鎧持仗至城上獨與流離王共鬪是時奢摩童子多殺害兵衆各各馳散並作是說此是何人為是天也為是鬼神也遙見如似小兒是時流離王便懷恐怖即入地孔中而避之時釋種聞壞流離王衆是時諸釋即呼奢摩童子而告之曰汝年幼小何故辱我等門戶豈不知諸釋修行善法乎我等尚不能害重況復人命乎我等能壞此軍衆一人敵萬人然我等復作是念然殺害衆生不可稱計世尊亦作是說夫人殺人命死入地獄若生人中壽命極短汝速去不復住此是時奢摩童子即出國去更不入迦毗羅越是時流離王復至門中語彼人曰速開城門不須

稽留是時諸釋自相謂言可與開門
為不可乎今時弊魔波旬在釋衆中
作一釋形告諸釋言汝等速開城門
勿共受困於今日是時諸釋即與開
城門是時流離王即告群臣曰今此
釋衆人民極多非刀劍所能害盡盡
取埋脚地中然後使暴象蹈殺今時
群臣受王教勅即以象蹈殺之時流
離王勅群臣曰汝等速還面手釋女
五百人時諸臣受王教令即選五百
端正女人將詣王所是時摩呵男釋
至流離王所而作是說當從我願流
離王言欲何等願摩呵男曰我今沒
在水底隨我遲疾使諸釋種並得逃
走若我出水隨意殺之流離王曰此
事大佳是時摩呵男釋即入水底以
頭繫繫樹根而取命終是時迦毗羅
越城中諸釋從東門出復從南門入或
從南門出還從北門入或從西門出
而從北門入是時流離王告群臣曰
摩呵男父何故隱在水中如今不出
今時諸臣聞王教令即入水中出摩
呵男已取命終今時流離王以見摩

呵男命終時王方生悔心我今祖父
已取命終皆由愛親族故我先不知
當取命終設當知者終不來攻伐此
釋是時流離王殺九千九百九十万
人流血成河燒邊毗羅越城往詣尼
拘留園中是時流離王語五百釋女
言汝等慎莫愁憂我是汝夫汝是我
婦要當猶接是時流離王便舒手捉
一釋女而欲弄之時女問曰大王欲
何所為時王報言欲與汝情通女報
王曰我今何故與婢生種情通是時
流離王甚懷瞋恚勅群臣曰速取此
女兀其手足著深坑中諸臣受王教
令兀其手足鄭著坑中及五百女人
皆罵王言誰持此身與婢生種共交
通時王瞋恚盡取五百釋女兀其手
足著深坑中是時流離王患壞邊毗
羅越已還詣舍衛城令時祇陀太子
在深宮中與諸妓女共相娛樂是時
流離王聞作倡伎聲即便問之此是
何音聲乃至於斯群臣報王言此是
祇陀太子在深宮中作倡伎樂而自
娛樂時流離王即勅御者汝迴此象

詣祇陀王子所是時守門人遙見王
來而曰言王小徐行祇陀王子今在
宮中五樂自娛勿相觸嬈是時流離
王即時拔劍取守門人殺之是時祇
陀王子聞流離王在門外住竟不辭
諸妓女便出在外與王相見善來大
王可入小停駕時流離王報言豈不
知吾與諸釋共鬪乎祇陀對曰聞之
流離王報言汝今何故與妓女遊戲
而不佐我也祇陀王子報言我不堪
任殺害衆生之命是時流離王極懷
瞋恚即復拔劍斫殺祇陀王子是時
祇陀王子命終之後生三十三天中
與五百天女共相娛樂今時世尊以
天眼觀祇陀王子以取命終生三十
三天即使說此偈

人天中受福祇陀王子德為善後受報
皆由現報故此憂彼亦憂流離二處憂
為惡後受惡皆由現報故當依福祐功
前作後亦然或獨而為者或復人不知
作惡有知惡前作後亦然或獨而為者
或復人不知人天中受福二處俱受福
為善後受報皆由現報故此憂彼亦憂

為惡二處憂為惡後受報皆由現報故
是時五百釋女自歸稱喚如來名号
如來於此亦從此間出家學道而後
成佛然佛今日永不見憶遭此苦惱
受此毒痛世尊何故而不見憶今時
世尊以天耳清徹聞諸釋女稱怨向
佛今時世尊告諸比丘汝等盡來共
觀迦毗羅越及看諸親命終比丘對
曰如是世尊今時世尊將諸比丘出
舍衛城往至迦毗羅越時五百釋女
遙見世尊將諸比丘來見已皆懷慙
愧今時釋提桓因及毗沙門王在世
尊後而扇今時世尊還顧語釋提桓
因言此諸釋女皆懷慙愧釋提桓因
報言如是世尊是時釋提桓因即以
天衣覆此五百女身體上今時世尊
告毗沙門王曰此諸女人飢渴日久
當作何方宜毗沙門王白佛言如是
世尊是毗沙門天王即辦自然天食
與諸釋女皆悉充足是時世尊漸與
諸女說微妙法所謂諸法皆當離散
會有別離諸女當知此五盛陰皆當
受此苦痛諸惱隨五趣中夫受五盛陰

之身必當受此行報以有行報便當
受胎已受胎分復當受苦樂之報設
當無五感陰者便不復受形若不受形
則無有生以無有生則無有老以無有
老則無有病以無有病則無有死以無
有死則無合會別離之惱是故諸女
當念此五陰成敗之變所以然者以
知五陰則知五欲以知五欲則知愛
法以知愛法則知染著之法知此衆
事已則不復受胎以不受胎則無生
老病死今時世尊與衆釋女漸說此
法所謂論者施論戒論生天之論欲
不淨想出要為樂今時世尊觀此諸
女心開意解諸佛世尊常所說法苦習
盡道今時世尊盡與彼說之今時諸
女諸塵垢盡得法眼淨各於其所而
取命終皆生天上今時世尊詣城東
門見城中烟火洞然即時而說此偈
一切行無常生者必有死 不生則不死
此滅為寂樂

今時世尊告諸比丘汝等盡來往詣
尼拘留園中就座而坐今時世尊告諸
比丘此是尼拘留園我昔在中與諸比

丘廣說其法如今空虛無有人民昔
日之時數千万衆於中得道使法眼
淨自今以後如來更不復至此間今
時世尊與諸比丘說法已各從坐起
而去往舍衛祇樹給孤獨園今時世
尊告諸比丘今流離王及此兵衆不
久在世却後七日盡當磨滅是時流
離王聞世尊所記流離王及諸兵衆
却後七日盡當消滅聞已恐怖告群
臣曰如來今以記之云流離王不久
在世却後七日及兵衆盡當沒滅汝
等觀外境無有盜賊水火災變來侵
國者何以故諸佛如來語無有二所
言終不異今時好苦梵志白王言王
勿恐懼今外境無有盜賊畏難亦無
水火災變今日大王快自娛樂流離
王言梵志當知諸佛世尊言無有異
時流離王使人數日至七日頭大王
歡喜踊躍不能自勝將諸兵衆及諸
姝女往阿朥羅河側而自娛樂即於
彼宿是時夜半有非時雲起暴風疾
雨是時流離王及兵衆盡為水所漂
皆悉消滅身壞命終入阿鼻地獄中

復有天火燒內宮殿。今時世尊以天眼觀見流離王及四種兵為水所漂。皆志命終入地獄中。今時世尊便說此偈。

作惡極為甚。皆由身口行。今身亦受惱。壽命亦短促。設在家中時。為火之所燒。若其命終時。必生地獄中。

今時眾中多比丘。白世尊言。流離王及四部兵。今已命絕。為生何處。世尊告曰。流離王者。今入阿鼻地獄中。諸比丘。白世尊言。今此諸釋。昔日作何因緣。今為流離王所害。今時世尊告諸比丘。昔日之時。此羅閱城中有捕魚村。時世極飢。儉人食草根。一升金買一升米。時彼村中有大池。水又復饒。魚時羅閱城中人民之類。往至池中而捕魚。食之。當於今時。水中有二種魚。一名拘璫。二名兩舌。是時二魚各相謂言。我等於此。眾人先無過失。我是水性之虫。不處平地。此人民之類。皆來食取我等。設前世時。少多有福德者。其當用報怨。今時村中有小兒。年向八歲。亦不捕魚。復非害命。然

復彼魚在岸上者皆悉命終小兒見已極懷歡喜比丘當知汝等莫作是觀今時羅閱城中人民之類豈異人乎今釋種是也今時拘琿魚者今流離王是也今時兩舌魚者今好苦梵志是也今時小兒見魚在埤上而笑者今我身是也今時釋種坐取魚食由此因緣無數劫中入地獄中今受此對我今時坐見而笑之今患頭痛如似石押猶如以頭戴須弥山所以然者如來更不受形以捨衆行度諸厄難是謂比丘由此因緣今受此報諸比丘當護身口意行當念恭敬承事梵行人如是諸比丘當作是學今時諸比丘聞佛所說歡喜奉行聞如是一時佛在舍衛國祇樹給孤獨園今時世尊告諸比丘當天子欲命終時有五未曾有瑞應而現在前云何為五一者華萎二者衣裳垢汚三者身體汗臭四者不樂本座五者天女星散是謂天子當命終時有此五瑞應今時天子極懷愁憂椎胸嘆叫今時諸天子來至此天子所語此

天子言汝今來可生善處快得善
處快得善利以得善利當念安處善
業余時諸天而教授之余時有一比
丘白世尊言三十三天云何得生善
處云何快得善利云何安處善業世
尊告曰人聞於天則是善處得善處
得善利者生正見家與善知識從事
於如來法中得信根是謂名為快得
善利彼云何名為安處善業於如來
法中而得信根剝除顛駭以信堅固
出家學道彼以學道戒性具足諸根
不缺飯食知足恒念經行得三達明
是謂名為安處善業余時世尊便說
此偈
人為天善處 良友為善利 出家為善業
有漏盡無漏

比丘當知三十三天者於五欲彼以
人聞為善趣於如來得出家為善利
而得三達所以然者佛世尊皆出人
間非由天而得也是故比丘於此命
終當生天上余時彼比丘白世尊云
何比丘當生善趣世尊告曰涅槃者
即是比丘善趣汝今比丘當求方便

得三退賺如是比丘當作是惡今時
諸比丘聞佛所說歡喜奉行

譬如是一時佛在舍衛國祇樹給孤
獨園今時世尊告諸比丘沙門出家
有五毀辱之法云何為五一者頭髮
長二者爪長三者衣裳垢圻四者不
知時宜五者多有所論所以然者多
有論說比丘復有五事云何為五一
者人不信言二者不受其教三者人
所不喜見四者妄言五者鬪亂彼此
是謂多論說之人有此五事比丘當
除此五而無邪想如是諸比丘當作
是學今時諸比丘聞佛所說歡喜
奉行

聞如是一時佛在舍衛國祇樹給孤
獨園今時世尊與諸比丘五百人俱
今時頻毗娑羅王勅諸群臣速嚴駕
寶羽之車吾至舍衛城親觀世尊是
時群臣聞王教勅即駕寶羽之車前
白王言嚴駕已訖王知是時今時頻
毗娑羅王乘寶羽之車出羅閱城往
詣舍衛城漸至祇洹精舍欲入祇洹
精舍夫水灌頭王法有五威容志捨

之一面至世尊所頭面礼足在一面
坐。尔時世尊漸與說微妙之法。尔時
王聞法已。白世尊言。唯願如來當在
羅閱城。夏坐。亦當供給衣被飯食牀
敷卧具病瘦醫藥。尔時世尊默然受
頻毗娑羅王請。是王以見世尊默然
受請。即從坐起。頭面礼足。繞三匝。便
退而去。還詣羅閱城。入於宮中。尔時
頻毗娑羅王在閑靜處。便生此念。我
亦堪任供養如來。及比丘僧。盡其形
壽。未被飲食牀敷卧具病瘦醫藥。但
當愍其下劣。是時頻毗娑羅王尋其
日。告群臣曰。我昨日而生此念。我能
盡形壽供養如來。及比丘僧衣被飲
食牀敷卧具病瘦醫藥。亦復當愍諸
下劣。汝等各各相率。次第飯如來。諸
賢長夜受福無窮。尔時摩竭國王即
於宮門前起大講堂。復辦種種食具。
尔時世尊出舍衛國。及將五百比丘。
漸漸人間遊化。至羅閱城迦蘭陀竹
園所。是時頻毗娑羅王聞世尊來至
迦蘭陀竹園中。尋時乘羽寶之車。至
世尊所。頭面礼足在一面。坐。尔時頻

毗婆羅王白世尊言我在閑靜之處
便生此念如我今日能供辦衣被飯
食牀卧敷具病瘦醫藥便念下劣之
家即告群臣汝等各各供辦飲食之
具次第飯佛云何世尊此是其宜為
非其宜世尊告曰善哉善哉大王多
所饒益為天世人而作福田余時頻
毗婆羅王白世尊言唯願世尊明日
就宮中食余時頻毗婆羅王以見世
尊默然受請時王尋起頭面礼足便
退而去余時世尊明日清旦著衣持鉢
入城至王宮中各次第坐余時王給
以百味食手自斟酌歡喜不亂余時
頻毗婆羅王見世尊食訖除云鉢器
便取一罍座在如來前坐余時世尊
漸與王說微妙之法令發歡喜之心
余時世尊與諸大王及群臣之類說
微妙之法所謂論者施論戒論生天
之論欲不淨想淫為穢惡出要為樂
余時世尊以知彼衆生心開意解無
復狐疑諸佛世尊常所說法普習盡
道余時世尊盡與說之當於坐上六
十餘人諸塵垢盡得法眼淨六十大

臣及五百天人諸座垢盡得法眼淨
今時世尊即與頻毗娑羅王及諸人
民說此頌偈

祠祀火為上 書中頌為最 王為人中尊
衆流海為源 星中可照明 光明日為上
上下下及四方 諸所有万物 天及世人民
佛為最尊上 欲求其福者 當供養於佛
今時世尊說此偈已便從坐起而去
從家多少飯佛及比丘僧今時世尊
在迦蘭陀竹園中住國界人民靡不
供養者今時羅閱城中諸梵志等次
應作食是時彼梵志集在一處各作
是論吾等各各出三兩金錢以供食
具今時羅閱城中有梵志名曰鷄頭
極為貧賤趣自存活無金錢可輸便
為諸梵志所駭逐使出衆中是時鷄
頭梵志還至家中而告其婦卿今當
知諸梵志等所見駭逐不聽在衆所
以然者由無金錢故時婦報言還入
城中隨人舉債必當得之又語其主
七日之後當相報償設不償者我身
及婦沒為奴婢是時梵志隨其婦言

即入城中處處求索了不能得還至婦所而告之曰吾所在求索了不能得當如之何時婦報曰羅閱城東有大長者名不奢蜜多羅饒財多實可往至彼而求債之見與三兩金錢七日之後自當相還設不還者我身及婦沒為奴婢是時梵志從婦受語往詣不奢蜜多羅徒求金錢不過七日自當相還若不相還者我與婦沒身為奴婢是時不奢蜜多羅即與金錢是時鷄頭梵志持此金錢還至婦所而告之曰以得金錢當何方宜時婦報言可持此錢衆中輸之時彼梵志此梵志曰我等辨具已訖可持此金錢還歸所在不須住此衆中時彼梵志即還到舍以此因緣向婦說之其婦報言我等二人共至世尊所自宣微意尔時梵志即將其婦至世尊所共相問訊在一面坐又復其婦礼如來足在一面坐尔時梵志以此因緣具白世尊尔時世尊告梵志曰如今可為如來及比丘僧辨其飲食尔時

梵志還熟視其婦時婦報曰但隨佛
教不足疑難尔時梵志即從坐起前
白佛言唯願世尊及比丘衆當受我
請是時世尊默然受梵志請尔時釋
提桓因在世尊後又手侍焉尔時世
尊迴顧謂釋提桓因汝可佐此梵志
共辦食具釋提桓因白佛言如是世
尊尔時毗沙門天王去如來不遠將
諸鬼神衆不可稱計遥扇世尊是時
釋提桓因語毗沙門天王曰汝亦可
佐此梵志辦此食具毗沙門報曰甚
善天王是時毗沙門天王前至佛所
頭面礼足遶佛三匝自隱其形化作
人像領五百鬼神共辦食具是時毗
沙門天王勅諸鬼神汝等速往至梅
檀林中而取梅檀鐵厨中有五百鬼
神於中作食是時釋提桓因告自在
天子曰毗沙門今日以造鐵厨與佛
比丘僧作飯食汝今可化作講堂使
佛比丘僧於中得飯食自在天子報曰
此事甚佳是時自在天子聞釋提桓
因語去羅閱城不遠化作七寶講堂
所謂七寶者金銀水精琉璃瑪瑙赤

珠車衆復化作四梯陞金銀水精琉璃金梯陞上化作銀樹銀梯陞上化作金樹金根銀莖銀枝銀葉若復金梯陞上化作銀葉銀枝木精梯上化作琉璃樹亦各雜種不可稱計復以雜寶而廁其間復以七寶而覆其上周圍四面懸好金鈴然彼鈴聲皆出八種之音復化作好牀座敷以好褥懸綯幡蓋世所希有今時以牛頭旃檀然火作食羅閱城側十二由旬香熏遍滿其中是時摩竭國王告諸群臣我生長深宮初不聞此香羅閱城側何緣聞此好香群臣曰王此是鷄頭梵志在食厨中然天旃樹香是其瑞應是時頻毗娑羅王勅諸群臣速嚴駕羽寶之車吾欲往至世尊所問訊此緣是時諸臣報王如是大王頻毗娑羅王即往至世尊所頭面禮足在一面立今時國王見此鐵厨中有五百人作食見已便作是語此是何人所作飲食時諸鬼神以人形報曰鷄頭梵志請佛及比丘僧而供養之是時諸國王復遙見高廣講堂問侍人曰此

是何人所造講堂昔所未有為誰所造群臣報曰不知此緣是時頻毗婆羅王作是念我今至世尊所而問此義然佛世尊無事不知無事不見是時摩竭國頻毗婆羅王往至世尊所頭面礼足在一面坐尔時頻毗婆羅王白世尊言昔日不見此高廣講堂今日見之昔日不見此鐵厨今日見之將是何物為是誰變世尊告曰大王當知此毗沙門天王所造及自在天子造此講堂是時摩竭國王即於坐上悲泣交集不能自勝世尊告曰大王何故悲泣乃至於斯時頻毗婆羅王白佛言不敢悲泣但念後生人民不覩聖興當來之人慳著財物無有威德尚不聞此奇寶之名何況見乎今蒙如來有奇特之變出現於世是故悲泣世尊告曰當來之世國王人民實不覩此變尔時世尊即與國王說法使發歡喜之心王聞法已即從坐而去是時毗沙門天王即其日語鷄頭梵志曰汝舒右手是時鷄頭即舒右手毗沙門天王即授與金鉉

又告之曰自以此金鉗投于地上是時
梵志即投于地上乃成百千兩金毗
沙門天王報曰汝持此金鉗入城中
買種種飲食持來此間是時梵志受
天王教即持此金入城買種種飲食
持來厨所是時毗沙門天王沐浴梵
志與著種種衣裳手執香火教白時
到今正是時願尊屈願是時梵志即
受其教手執香爐而白時到唯願屈
願今時世尊以知時至著衣持鉢將
諸比丘衆往至講堂所各次第坐及
比丘衆亦次第坐是時鷄頭梵志見
飲食極多然衆僧復少前白世尊言
今日食飲極為豐多然比丘僧少不
審云何世尊告曰汝今梵志手執香
爐上高臺上向東南西北並作是說
諸釋迦文佛弟子得六神通漏盡阿
羅漢者盡集此講堂梵志白言如是
世尊是時梵志從佛受教即上樓上
請諸漏盡阿羅漢是時東方有二十
一千阿羅漢從東方來詣此講堂南
方二十一千西方二十一千北方二
十一千阿羅漢集此講堂今時講堂

上有八万四千阿羅漢集在一處是時頻毗婆羅王將諸群臣至世尊所頭面礼足及礼比丘僧是時鷄頭梵志見比丘僧已歡喜踊躍不能自勝以飯食之具飯佛及比丘僧手自斟酌歡喜不辭然故有遺餘之食是時鷄頭梵志前白佛言今飯佛及比丘僧故有遺餘飯食在世尊告曰汝今可請佛及比丘僧七日供養梵志對曰如是瞿曇是時鷄頭梵志即前長跪白世尊言今請佛及比丘僧七日供養自當供給衣被飯食牀敷卧具病瘦醫藥今時世尊默然受請今時大眾之中有比丘尼名舍鳩利是時比丘尼白世尊言我今心中生念頗有釋迦文佛弟子渴盡阿羅漢不集此乎又以天眼觀東方界南方西方北方皆悉觀之靡不來者皆悉運集今此大會純是羅漢真人運集世尊告曰如是舍鳩利如汝所言此之大會純是真人東西南北無不集者今時世尊以此因緣告諸比丘汝等頗見比丘尼中天眼徹觀如此比丘尼等

乎諸比丘對曰不見也世尊今時世尊告諸比丘我聲聞中第一弟子天眼第一者所謂舍利弗是時鷄頭梵志七日之中供養聖衆衣被飯食牀敷卧具病瘦醫藥復以華香散如末上是時此華在虛空中化作七寶交露臺是時梵志見交露臺已歡喜踊躍不能自勝前白佛言唯願世尊聽在道次得作沙門今時鷄頭梵志即得為道諸根寂靜自修其志除去睡眠設眼見色亦不起想念其眼根亦無思想流馳諸念而護眼根若耳聞聲鼻嗅香舌知味身知細滑不起細滑之想意知法亦是時便滅五結蓋覆蔽人心者令人無智慧亦無殺害之意而淨其心不殺不念殺不教人殺手不執刀杖起仁慈之心向一切衆生除去不與取不起盜心而淨其意恒有施心於一切衆生亦使不盜已不婬嫉亦復教人使不婬恒修梵行清淨無瑕穢於梵行中而淨其心亦不妄語亦不教人使行妄語恒念至誠無有虛詐誑惑世人

於中而淨其心復非兩舌亦不教人
使兩舌若此聞語不傳至彼設彼聞
語不傳至此於中而淨其意於食知
足不著氣味不著榮色不著肥白但
欲支其形體使全其命欲除故痛使
新者不生得修行道長處無為之地
猶如有男女以脂膏塗瘡者但欲除
愈故也此亦如是所以於食知足者
欲使故痛除愈新者不生或復是時
達曉行道不失時即不失三十七道
品之行或坐或行除去睡眠之蓋或
初夜時或坐或行除去睡眠之蓋或
中夜時右脇著地脚相累繫意在
明彼復以後夜時或坐或經行而淨
其意是時飲食知足經行不失時節
除去欲不淨想無諸惡行而遊初禪
有覺有觀息念猗歡樂而遊二禪無有
樂護念清淨自知身有樂諸賢所求
護念清淨者而遊三禪彼苦樂已滅
無有愁憂無苦無樂護念清淨遊於
四禪彼以三昧心清淨無瑕穢亦得
無所畏復得三昧自憶無數世事彼
便憶過去之事若一生二生三生四

生五生十生二十生三十生四十生
五十生百生千生万生數千万生成
劫敗劫成敗之劫我曾生彼處姓某
字某食如此之食受如是苦樂壽命
長短彼死此生死此生彼因緣本末
皆悉知之彼復以三昧心清淨無瑕
穢得無所畏觀衆生類生者死者彼
復以天眼觀衆生類生者死者善趣
惡趣善色惡色若好若醜隨行所種
皆悉知之或有衆生類身口意行惡
誹謗賢聖造邪業本身壞命終生地
獄中或復有衆生身口行善不誹謗
賢聖身壞命終生善處天上復以清
淨天眼觀衆生類若好若醜善趣惡
趣善色惡色皆悉知之得無所畏復
施心盡漏後觀此苦以實知之此是
苦此是苦習苦盡苦出要如實知之
彼作是觀已欲漏心有漏心無明漏
心得解脫已得解脫便得解脫智生
死已盡梵行已立所作已辦更不復
受胎如實知之是時鷄頭梵志便成
阿羅漢今時尊者鷄頭聞佛所說歡
喜奉行

聞如是一時佛在舍衛國祇樹給孤
獨園尔時世尊告諸比丘世間五事
寂不可得云何為五應喪之物欲使
不喪者此不可得滅盡之法欲使不
盡者此不可得夫老之法欲使不
老者此不可得夫病之法欲使不病者
此不可得也夫死之法欲使不死者
此不可得是謂比丘有此五事寂不
可得若如來出世若如來不出此法
界恒住如故而不朽敗有喪滅之聲
生老病死若生若逝皆歸於本是謂
比丘此五難得之物當求方便修行
五根云何為五所謂信根精進根念
根定根慧根是謂比丘行此五根已
便成須陀洹家家一種轉進成斯陀
含轉進滅五結使成阿那含於彼般
涅槃不来此世轉進有漏盡成無漏
心解脫智慧解脫自身作證而自遊
化更不復受胎如實知之當求方便
除前五事修後五根如是比丘當作
是學尔時諸比丘聞佛所說歡喜
奉行

聞如是一時佛在舍衛國祇樹給孤

獨園舍時世尊告諸比丘今有五人
不可療治云何為五一者諛諂之人
不可療治奸邪之人不可療治惡口
之人不可療治嫉妬之人不可療治
無反復之人不可療治是謂比丘有此
五人不可療治今時世尊便說此偈
奸邪惡口人嫉妬無反復此人不可療
智者之所棄

是故諸比丘常當學正意除去嫉妬
修行威儀所說如法當知反復識
其思養小思尚不忘何況大者勿懷
慳貪又不自譽復不毀他人如是比
丘當作是學今時諸比丘聞佛所說
歡喜奉行

聞如是一時佛在舍衛國祇樹給孤
獨園舍時世尊告諸比丘昔者釋提
桓因告三十三天曰若諸賢與阿須
倫共鬪時設阿須倫不如諸天得勝
者汝等捉毗摩質多羅阿須倫將來
至此身為五繫是時毗摩質多羅阿
須倫復告諸阿須倫曰卿等今日與
諸天共鬪設得勝者便捉釋提桓因
縛送此間比丘當知今時二家共鬪

諸天得勝阿須倫不如是時三十三
天躬捉毗摩質多羅阿須倫王束縛
其身將詣釋提桓因所善中門外自
觀彼五繫是時毗摩質多羅阿須倫王
便作是念此諸天法整阿須倫所行
非法我今不樂阿須倫便當即住此
諸天宮是時以生此念言諸天法整
阿須倫非法我欲住此間作此念已
是時毗摩質多羅阿須倫王便自覺
知身無縛繫三欲而自娛樂設毗摩
質多羅阿須倫王生此念已言諸天
非法阿須倫法整我不因此三十三
天還欲詣阿須倫宮是時阿須倫王
身被五繫五欲娛樂自然消滅比丘
當知纏縛之急莫過此事魔之所縛
復甚於斯設與結使魔以被縛動魔
被縛不動魔不被縛是故諸比丘當
求方便使心不被縛樂閑靜之處而
以然者此諸結便是魔境界若有比
丘在魔境界者終不脫生老病死不
脫愁憂苦惱我今說此苦際若復比
丘心不移動不善結使便脫生老病
死愁憂苦惱我今說此苦際是故諸

比丘當作是學無有結使越出魔界
如具比丘當作是學今時諸比丘問
佛所說歡喜奉行

聞如是一時佛在舍衛國祇樹給孤
獨園今時尊者阿難至世尊所頭面
礼足在一面立是時阿難白世尊言
夫言盡者名何等法言盡乎世尊告
曰阿難色者無為因緣而有此名無
欲無為名滅盡法彼盡者名曰滅盡
痛想行識無為無作皆是磨滅之法
當知五盛陰無欲無作為磨滅法彼
滅盡者名為滅盡此五盛陰永以滅
盡更不復生故名滅盡是時尊者阿
難聞佛所說歡喜奉行

聞如是一時佛在舍衛國祇樹給孤
獨園今時生漏梵志往至世尊所頭
面礼足在一面坐是時生漏梵志白
世尊言云何瞿曇有何因緣有何宿
行使此人民之類有盡有滅有減少
者本為城郭今日已壞本有人民今
日丘荒世尊告曰梵志欲知由此人
民所行非法故使本有城郭今日磨

滅本有人民今日丘荒皆由生民悞
貪結縛習行愛欲之所致故使風雨不
時所以不時所種根栽不得長大其
中人民死者盈路梵志嘗知由此因
緣使國毀壞民不熾盛復次梵志人
民之類所行非法便有雷電霹靂自
然之應天降雷雨壞敗生苗尔時人
民死者難計復次梵志人民之類所
行非法共相諍鬪或以手拳相加瓦
石相擲各各自喪其命復次梵志彼
人民之類已共諍鬪不安其所國主
不寧各興兵衆共相攻伐至大衆死
者難計或有被刀者或有被箭死者
如是梵志由此因緣使民減少不復
熾盛復次梵志人民之類所行非法
故使神祇不祐而得其便或遭困厄
疾病著牀除降者少疫死者多是謂
梵志由此因緣使民減少不復熾盛
是時生漏梵志自世尊言瞿曇所說
甚為快哉說此人本減少之義實如來
教本有城郭今日磬城本有人民今
日丘荒所以然者以有非法使生慳
疾以生慳疾便生邪業以生邪業故

恒天雨不時五穀不熟人民不熾故
使非法流行天降災變壞敗生苦彼
以行非法著貪慳疾是時國主不寧
各興兵衆共相攻伐死者恒計故使
國土流荒人民迸散今日世尊所說
甚善快哉由非法故致此災患正使
為他所捉便斷其命由非法故便生
盜心以生盜心後為王殺以生邪業
非人得其便由此因緣便取命終人
民減少故使無有城郭之所居處瞿
曇今日所出以自過多猶如僂者得
中盲者得眼目冥中得明無目者為
作眼目今沙門瞿曇無數方便而說
法我今重自歸佛法衆願聽為優婆塞
盡形壽不敢復殺若沙門瞿曇見我若
乘象騎馬我当恭敬所以然者我為
王波斯匿頻毗娑羅王優填王惡生
王優陀延王受梵之福我恐失此之
德誤我偏露右肩時唯願世尊受我
礼拜設我步行時見瞿曇來我當去
履唯願世尊受我等礼今時世尊微
頭可之是時生漏梵志歡喜踊躍不
能自勝前白佛言我今重自歸沙門

瞿曇唯願世尊聽為優婆塞。爾時世尊漸具說法。使發歡喜之心。梵志聞法。已即從坐起。便退而去。爾時生漏梵志聞佛所說歡喜奉行。

增壹阿含經卷第三十六

癸卯歲高麗國大藏部監奉
勅彫造

增壹阿含經卷第二十七

斯

東晉高僧慧遠法師撰述

邪聚品第三十五

聞如是一時佛在舍衛國祇樹給孤
獨園。尔時世尊告諸比丘。若有人在
邪見聚者。有何相像。有何相貌。尔時
諸比丘白。世尊言。如來是諸法之王。
諸法之尊。善哉。世尊。當與諸比丘而
說此義。我等聞已。當奉行之。世尊告
曰。汝善思念之。吾當為汝分別其義。
諸比丘對曰。如是。世尊。尔時諸比丘
從佛受教。世尊告曰。在邪聚之人。當
以五事知之以見。五事則知此人為
住邪聚。云何為五。應笑而不笑。應歡
喜時而不歡喜。應起慈心而不起慈
心。作惡而不耻聞其善語而不著意。
當知此人必住邪聚。若有衆生住邪
聚者。當以此五事知之。後次有衆生
有住正聚者。有何相貌。有何因緣。尔
時諸比丘白。佛言。如來是諸法之王。
諸法之尊。唯願世尊。當與諸比丘而
說此義。我等聞已。當奉行之。世尊告

曰汝等善思念之吾當為汝分別其義諸比丘對曰如是世尊今時諸比丘從佛受教世尊告曰在正聚之人當以五事知之以見五事則知此人為住正聚云何為五應笑則笑應歡喜則歡喜應起慈心則起慈心可恥則耻聞善著意當知此人已住正聚是故諸比丘當除邪聚住於正聚如是諸比丘當作是學今時諸比丘聞佛所說歡喜奉行

聞如是一時佛在舍衛國祇樹給孤獨園今時世尊告諸比丘如來出現世時必當為五事云何為五一者當轉法輪二者當度父母三者無信之人立於信地四者不發菩薩意使發菩薩心五者當授將來佛次若如來出現世時當為此五事是故諸比丘當起慈心向於如來如是比丘當作是學今時諸比丘聞佛所說歡喜奉行

聞如是一時佛在舍衛國祇樹給孤獨園今時世尊告諸比丘有五惠施不得其福云何為五一者以刀施人二者

以毒施人三者以野牛施人四者姪女施人五者造作神祠是謂比丘有此五施不得其福比丘當知復有五施令得大福云何為五一者造作園觀二者造作林樹三者造作橋梁四者造作大船五者與當來過去造作房舍住處是謂比丘有此五事令得其福今時世尊便說此偈

園觀施清涼 及作好橋梁 河津渡人民 并作好房舍 彼人日夜中 恒當受其福 戒定以成就 此人必生天

是故諸比丘當念修行此五德施如是諸比丘當作是學今時諸比丘聞佛所說歡喜奉行

聞如是一時佛在舍衛國祇樹給孤獨園今時世尊告諸比丘女人有五力輕慢夫主云何為五一者色力二者親族之力三者田業之力四者兒子力五者自守力是謂女人有此五力比丘當知女人依此五力已便輕慢夫主設復夫以一力盡覆蔽彼女人云何為一力所謂富貴力也夫人以貴色力不如親族田業兒子自守盡不

如也皆由一力勝尔許力也今弊魔波旬亦有五力云何為五所謂色力聲力香力味力細滑力夫愚癡之人著色聲香味細滑之法者不能得度波旬境界若聖弟子成就一力勝尔許力云何為一力所謂無放逸力設賢聖弟子成就無放逸者則不為色聲香味細滑之所拘繫以不為五欲所繫則能分別生老病死之法勝魔五力不墮魔境界度諸畏難至無恙之處尔時世尊便說此偈

戒為甘露道放逸為死徑
不貪則不死失道為自喪

佛告諸比丘當念修行而不放逸如是諸比丘當作是學尔時諸比丘聞佛所說歡喜奉行

聞如是一時佛在舍衛國祇樹給孤獨園尔時世尊告諸比丘女人有五欲想云何為五欲想一者生豪貴之家二者嫁適富貴之家三者使我夫主言從語用四者多有兒息五者在家獨得由己是謂比丘女人有此五事可欲之想如是比丘我比丘亦有五

事可欲之想云何為五所謂禁戒多聞三昧成就智慧智慧解脫是謂比丘有此五事可欲之法今時世尊便說此偈

我生豪族種亦適當貴家能役使夫主非福不剋獲使我饒兒息
善華自嚴飾雖有此想念非福不剋獲信戒而成就
三昧不移動智慧亦成就懈怠而不剋尋欲得道果不由生死判願欲至涅槃
懈怠而不剋

如是諸比丘當求方便行於善法除去不善法漸當前進無有中悔之心如是諸比丘當作是學今時諸比丘聞佛所說歡喜奉行

聞如是一時佛在舍衛國祇樹給孤獨園今時世尊告諸比丘有五時不應向人礼云何為五若在大眾中不應向礼在大眾中不應向礼病痛著林不應向礼若飲食時不應向礼是謂比丘有此五事不應向礼復有五事知時之礼云何為五不在偷婆中不在大眾中不在道路亦不病痛復非飲食此應向

禮是故諸比丘當作方便知時之行
余時諸比丘聞佛所說歡喜奉行
爾如是一時佛在羅閱城迦蘭陀
園所與大比丘衆五百人俱余時世
尊告優頭牒汝今入羅閱城求少溫
湯所以然者如我今日脊患風痛優
頭牒白佛如是世尊是時優頭牒受
佛教已到時著衣持鉢入羅閱城求
湯余時尊者優頭牒便作是念世尊
有何因緣使我求湯必來諸結已盡
諸善普會然如來復作是語我今患
風又復世尊不授姓名當至誰家
時尊者優頭牒以天眼觀羅閱城男
子之類必應度者是時見羅閱城中
有長者名毗舍羅先不種善根無
無信邪見於佛法衆與邊見共相應
彼便有此見無施無與無有受者亦
復無有善惡果報無今世後世無父
無母世無沙門婆羅門等成就者於
今世後世自身作證而自遊化壽命
極短餘五日之後當取命終又事五
道大神是時優頭牒便作是念如來
之欲度以長者所以然者此是壽命

終之後當生啼哭地獄中是時優頭
臊便笑五道大神遙見笑即隱其形
而作人像來至優頭臊所而給使令
是時尊者優頭臊將此使人徃至長
者門外佳默然不語是時長者遙見
有道人在門外立即時便說此偈
汝今默然佳 剃頭者袈裟 為欲求何等
因由何故來

是時優頭臊復以此偈報曰

如來無著尊 今日患風發 設有溫湯者
如來欲洗浴

是時長者默然不報是時五道大神
告毗舍羅先曰長者可以湯相惠必
當獲福無量當得甘露之報是時長
者報曰我自有五道大神用此沙門
為能加益何等事是時五道大神便
說此偈

如來當生時 天帝來下侍 更誰出是者
能與共儔正 用五道神為 不能有所濟
寧供養釋師 便獲大果報

尔時五道大神復重語長者曰汝好
自守護身口意行汝不知五道大神
之威力乎是時五道大神即化作大

鬼神形右手執劍語長者曰今我身
者是五道大神速與此沙門湯勿足
稽留是時長者便作是念甚奇甚特
五道大神乃供養此沙門即以香湯
授與道人復以石蜜授與沙門是時
五道大神自執此香湯共優頭睺至
世尊所以此香湯奉上如來今時世
尊以此香湯沐浴身體風尋時老更
不增劇是時長者後五日便取命終
生四天王中是時尊者優頭睺聞長
者命終即往至世尊所頭面禮足在
一面坐是時優頭睺白如來言此長
者命終為生何處世尊告曰此長者
命終生四天王中優頭睺白佛言此
長者於彼命終當生何處世尊告曰
於彼命終當生四天王中三十三天
乃至生他化自在天於彼命終復來
生四天王中此長者身六十劫中不
墮惡趣最後得作人身剎除驢騾者
三法衣出家學道成辟支佛所以然
者湯施之德其福乃今是故優頭睺
恒念浴眾僧聞說道教如是優頭睺
當作是學今時尊者優頭睺聞佛所

聞如是一時佛在舍衛國祇樹給孤
獨園舍時有異比丘不樂修梵行欲
捨禁戒還為白衣是時彼比丘往至
世尊所頭面礼足在一面坐舍時彼
比丘白世尊言我今不樂修於梵行
欲捨禁戒還為白衣世尊告曰汝今
何故不樂修梵行欲捨禁戒還為白
衣比丘報曰我今心意熾盛身中火
然若我見女人時端正無雙我舍時
便作是念使此女人與我共交又復
作是念此非正法設我從此心者則
非正理我舍時復作是念此是惡利
非為善利此是惡法非為善法我今
欲捨禁戒還為白衣沙門禁戒實不
可犯我於俗人中可分檀布施世尊
告曰夫為女人有五種惡云何為五
一者穢惡二者兩舌三者嫉妬四者瞋
恚五者無反復舍時世尊便說此偈
非喜由財義現善內懷毒壞人趣道善
如鷹捨汙池

是故比丘當除不淨之想思惟淨觀
比丘思惟淨觀已盡斷欲愛色愛無

色受盡斷无明憍慢汝今比丘欲從何生為從疑生然疑惡露不淨皆由幻化誑惑世人手爪齒形體之屬乃無淨處何者是真何者是實從頭至足皆患如是肝膽五藏有形之物無一可貪何者是真汝今比丘欲從何生汝今善修梵行如來正法必當盡苦人命極短不久存世雖復極壽不過百歲所出無幾比丘當知如來出世甚為難值聞法亦難受四大形亦復難得諸根具足亦復難得得生中國亦復難值與善知識相遭亦復難得聞法亦難分別義理亦復難得法法成就此事亦難汝今比丘設與善知識從事者便能分別諸法亦當與人廣演其義設當聞法已則能分別能分別法已則能說其義無有欲想瞋恚愚癡之想以離三毒便脫生老病死我今粗說其義余時彼比丘從佛受教便從坐起礼世尊足便退而去是時彼比丘在閑靜之處思惟其法所以族姓之子剃除鬚髮出家學道欲修無上梵行生死已盡梵行

已立所作已辦更不復受胎如實知之今時彼比丘便成阿羅漢今時彼比丘聞佛所說歡喜奉行

聞如是一時佛在羅閱城迦蘭陀竹園所與大比丘衆五百人俱今時阿難多耆耆時到耆衣持鉢入城乞食是時多耆耆在一巷中見一女人極為端正與世奇特見已心意錯亂不與常同是時多耆耆即以偈向阿難說

欲火之所燒心意極熾然願說滅此義多有所饒益

是時阿難復以此偈報曰

知欲顛倒法心意極熾然當除想像念欲意便自休

是時多耆耆復以偈報曰

心為形之本眼為候之原睡卧見扶接形如亂草萎

是時尊者阿難即前進以右手摩多耆耆頭今時即說此偈

念佛無貪欲度彼欲難陀觀天現地獄創意離五趣

是時多耆耆聞尊者阿難語已便作

是說止止阿難俱乞食訖還至世尊
所是時彼女人遇見多耆耆奢便笑時
多耆耆奢遙見女人笑便生此想念汝
今形體骨立皮纏亦如畫餅內盛不
淨誑惑世人令發亂想尔時尊者多
耆耆奢觀彼女人從頭至足此形體中
有何可貪三十六物皆悉不淨今此
諸物為從何生是時尊者多耆耆奢復作
是念我今觀他形為不如自觀身中
此欲為從何生為從地種生耶水火
風種生耶設從地種生地種堅強不可
沮壞設從水種生水種極濡不可獲
持設從火種生火種不可獲持設從
風種生風種無形而不可獲持是時
尊者便作是念此欲者但從思想生
尔時便說此偈

上文火種類應
少二字本同未詳

欲我知汝本 但以思想生 非我思想汝
則汝而不有

尔時尊者多耆耆奢又說此偈如思惟
不淨之想即於彼處有漏心得解脫
時阿難及多耆耆奢出羅闍城至世尊
所頭面礼足在一面坐是時多耆耆
白世尊言我今快得善利以有所覺

世尊告曰汝今云何自覺多耆耆白
佛言色者無牢亦不堅固不可觀見
幻為不真痛者無牢亦不堅固亦如
水上泡幻為不真相者無牢亦不堅
固幻為不真亦如野馬行亦無牢亦
不堅固亦如芭蕉之樹而無有實識
者無牢亦不堅固幻為不真重白佛
言此五盛陰無牢亦不堅固幻為不
真是時尊者多耆耆便說此偈

色如聚沫 痛如浮泡 想如野馬
行如芭蕉 識為幻法 取勝所說
思惟此已 盡觀諸行 皆悉空寂
無有真正 皆由此身 善逝所說
當滅三法 見色不淨 此身如是
幻為不真 此名害法 五陰不牢
已解不真 今還上跡

如是世尊我今所覺正謂此耳世尊
告曰善哉多耆耆善能觀察此五盛
陰本汝今當知夫為行人當觀察此
五陰之本皆不牢固所以然者當觀
此五盛陰時在道樹下成無上等正覺
亦如卿今日所觀今時說此法時坐
上六十比丘漏盡意解今時尊者多

耆耆闍佛所說歡喜奉行

聞如是一時佛在舍衛國祇樹給孤獨園。尔時僧迦摩長者子往至世尊所。頭面礼足。在一面坐。是時長者子白佛言。唯願世尊聽在道次。是時長者子即得為道。在閑靜之處。剋已修行。成其法果。所以族姓子。剋除疑。出家學道。生死已盡。梵行已立。所作已辦。更不復受胎。如實知之。是時僧迦摩便成阿羅漢。是時在閑靜之處。便生此念。如來出現。甚為難遇。多薩阿竭時。時乃出。亦如優曇鉢花時。時乃出。此亦如是。如來出現於世時。時乃有一切行滅。亦復難遇。出要亦難。愛盡無欲。涅槃此乃為要。尔時僧迦摩婦母聞女智作道人。不復著欲。捨於家累。又捐我女。如棄聚唾。尔時此母往至女所。而語女曰。汝智實作道乎。其女報曰。女亦不詳為作道。不耶。其老母曰。汝今可自莊嚴著好衣裳。抱此男女。往至僧迦摩所。尔時母及女共相將至。僧迦摩所。尔時尊者僧迦摩在一樹下結加趺坐。是時婦母

二人在前默然而立是時老母及女
觀僧迦摩從頭至足而語僧迦摩曰
汝今何故不與我女共語乎今此兒
女由汝而生汝今所為實為非理人
所不許汝今所思惟者非是人行是
時尊者僧迦摩即時便說此偈
此外更無善此外更無妙此外更無是
善念無過是

是時婦母語僧迦摩曰我女今有何
罪有何非法今何故捨之出家學道
是時僧迦摩便說此偈
臭處不淨行瞋恚好妄語嫉妬心不正
如來之所說

是時老母語僧迦摩曰非獨我女而
有此事一切女人皆同此耳舍衛城
中人民之類見我女者悉皆意亂欲
與交通如渴欲飲覩無厭足皆起想
著汝今云何捨之學道方更謗毀設
汝今日不用我女者汝所生男女還
自錄之今時僧迦摩復說此偈
我亦無男女田業及財寶亦復無奴婢
眷屬及營從獨步無有侶樂於閑靜處
行作沙門法求於正佛道有男有女者

愚者所習行我常無我身豈有男女哉
是時婦母男女聞說此偈已各作是
念如我今日觀察此意必不還家復
更觀察從頭至足長歎息已前自長
跪而作是語設身口意所造非法者
盡共忍之即遶三面而退所在是時
尊者阿難到時著衣持鉢入舍衛城
乞食遙見老母及女而問之曰向者
頗見僧迦摩乎其老母報曰雖見亦
不為見阿難報曰頗共言語乎老母
報曰雖共言語不入我意是時尊者
阿難便說此偈

欲使火生水復使水生火空法欲使有
無欲欲使欲

是時尊者阿難乞食已還詣祇樹給
孤獨園往至僧迦摩所在一面坐語
僧迦摩曰已知如真法乎僧迦摩報
曰我已覺知如真法也阿難報曰云
何覺知如真法乎僧迦摩報曰色者
無常此無常義即是苦苦者即無
我無我者即是空也痛想行識皆悉
無常此無常義即是苦苦即無我
無我者即是空也此五盛陰是無常

義無常義我者即是苦義我非彼有彼非我有是時僧迦摩便說此偈

苦苦還相生 度苦亦如是 賢聖八品道 乃至滅盡處 更不還此生 流轉天人間 當盡苦原本 永息無移動 我今見空跡 如佛之所說 今得阿羅漢 更不受胞胎 是時尊者阿難歎曰善哉如真之法 善能決了是時阿難便說此偈

善守梵行跡 亦能善修道 斷諸一切結 真佛之弟子

余時阿難說此偈已即從坐起而去 往至世尊所頭面禮足在一面立 余時阿難以此因緣具白世尊 余時世尊告諸比丘欲平等論阿羅漢當言 僧迦摩比丘是也能降伏魔官屬者 亦是僧迦摩比丘所以然者僧迦摩比丘七變往降魔今方成道自今已後聽七變作道過此限者則為非法 余時世尊告諸比丘我聲聞中第一比丘能降伏魔今方成道者所謂僧迦摩比丘是 余時諸比丘聞佛所說歡喜奉行

增壹阿含經卷第二十七

癸卯歲高麗國大藏都監奉勅彫造

增壹阿含經卷第二十八

斯

聽法品第三十六

東晉高僧道安法師撰集經傳加提婆譯

聞如是一時佛在舍衛國祇樹給孤獨園。尔時世尊告諸比丘：「隨時聽法，有五功德。隨時承受，不失次第。云何？為五。未曾聞者，便得聞之，以得聞者，重諷誦之，見不邪傾，無有狐疑，即解甚深之義。隨時聽法，有五功德。是故諸比丘，當求方便，隨時聽法。如是，諸比丘，當作是學。尔時，諸比丘聞佛所說歡喜奉行。」

聞如是一時佛在舍衛國祇樹給孤獨園。尔時世尊告諸比丘：「造作浴室，有五功德。云何？為五。一者，除風；二者，病得差；三者，除去塵垢；四者，身體輕便；五者，得肥白。是謂比丘造作浴室。有此五功德，是故諸比丘若有四部之衆，欲求此五功德者，當求方便，造立浴室。如是，諸比丘當作是學。尔時，諸比丘聞佛所說歡喜奉行。」

聞如是一時佛在舍衛國祇樹給孤

獨園今時世尊告諸比丘施人楊枝
有五功德云何為五一者除風二者
除涎唾三者生藏得消四者口中不
臭五者眼得清淨是謂比丘施人楊
枝有五功德若善男子善女人求此
五功德當念以楊枝用惠施如是比
丘當作是學今時諸比丘聞佛所說
歡喜奉行

聞如是一時佛在舍衛國祇樹給孤
獨園今時世尊告諸比丘汝等頗見
屠牛之人以此財業後得乘車馬大
象乎諸比丘對曰非也世尊世尊告
曰善哉諸比丘我亦不見不聞屠牛
之人殺害牛已得乘車馬大象所以
然者我亦不見屠牛之人得乘車馬
大象終無此理云何比丘汝等頗見
屠羊殺猪或獵捕鹿如此之人作此
惡已得此財業後得乘車馬大象乎
諸比丘對曰非也世尊世尊告曰善
哉諸比丘我亦不見不聞屠牛之人
殺害生類已得乘車馬大象終無此
理汝等比丘若見殺牛之人乘車馬
者此是前世之德非今世福也皆是

前世宿行所致也汝等若見殺羊之人得乘車馬者當知此人前世宿福之所種也所以然者皆由殺心不除故也何以故若有人親近惡人好喜殺生種地獄之罪若來人中壽命極短若復有人好喜偷盜種地獄罪如彼屠牛之人賤取貴賣誑惑世人不按正法屠牛之人亦復如是由殺心故致此罪咎不得乘車馬大象是故諸比丘當起慈心於一切衆生如是諸比丘當作是學今時諸比丘聞佛所說歡喜奉行

聞如是一時佛在舍衛國祇樹給孤獨園今時世尊與大比丘衆五百人俱今時釋提桓因如屈申臂頃來至世尊所頭面礼足在一面坐今時釋提桓因白世尊言如來亦說夫如來出世必當為五事云何為五當轉法輪當度父母無信之人立於信地未發菩薩心今發菩薩意於其中間當受佛決此五因緣如來出現必當為之今如來母在三十三天欲得聞法今如來在閻浮里內四部圍遶國王

人民皆來運集善哉世尊可至三十
三天與母說法是時世尊默然受之
今時難陀優旃難陀龍王便作是念
此諸禿沙門在我上飛當作方便使
不陵易是時龍王便興瞋恚放大火
風使閻浮里內洞然火燃是時阿難
白佛言此閻浮里內何故有此烟火
世尊告曰此二龍王便生此念禿頭
沙門恒在我上飛我等當共制之令
不陵虛便興瞋恚放此烟火由此因
緣故致此變是時大迦葉即從坐起
白世尊言我今欲往與彼共戰世尊
告曰此二龍王極為兇惡難可受化
卿還就坐是時尊者阿那律即從坐
起白世尊言我今欲往降彼惡龍世
尊告曰此二惡龍極為兇暴難可受
化卿還就坐是時離越尊者迦旃延
尊者須菩提尊者優陀夷尊者婆竭
各從坐起白世尊言我今欲往降伏
惡龍世尊告曰此二龍王極為兇惡
難可受化卿還就坐今時尊者大目
犍連即從坐起偏露右肩長跪叉手
白佛言欲往詣彼降伏惡龍世尊告

曰此二龍王極為兇惡難可降化卿
今云何化彼龍王目連白佛言我先
至彼化形極大恐怯彼龍後復化形
極為微小然後以常法則而降伏之
世尊告曰善哉目連汝能堪任降伏
惡龍然今日連堅持心意勿興亂想
所以然者彼龍兇惡備觸燒汝是時
目連即礼佛足屈申臂頌於彼沒不
現往至須彌山上尔時難陀優旃難
陀龍王遶須彌山七匝極興瞋恚放
大烟火是時目連自隱本形化作大
龍王有十四頭遶須彌山十四匝放
大火烟火當在二龍王上住是時難陀
優旃難陀龍王見大龍王有十四頭
便懷恐怖自相謂言我等今日當試
此龍王威力為審勝吾不乎尔時難
陀優旃難陀龍王以尾擲大海中以水
灑三十三天亦不著目連身是時尊
者大目連復以尾著大海水中水乃至
到梵迦夷天并復灑二龍王身上是
時二龍王自相謂言我等盡其力勢
以水灑三十三天然此大龍王復過
我上去我等正有七頭今此龍王十

四頭我等遶須彌山七匝今此龍王
遶須彌山十四匝我今二龍王當共
并力與共戰鬪是時二龍王極懷瞋
恚雷電霹靂放大火炎是時尊者大
目連便作是念凡龍戰鬪以火霹靂
設我以火霹靂共戰鬪者鬪浮里內
人民之類及三十三天皆當被害我
今化形極小當與戰鬪是時目連即
化形使小便入龍口中從鼻中出或
從鼻入從耳中出或入耳中從眼中
出以出眼中在眉上行余時二龍王
極懷恐懼即作是念此大龍王極有
威力乃能從口中入鼻中出從鼻入
眼中出我等今日實為不如我等龍
種今有四生卵生胎生濕生化生然
無有出我等者今此龍王威力乃今
不堪共鬪我等性命死在斯須皆懷
恐懼未毛皆豎是時目連以見龍王
心懷恐懼還隱其形作常形容在眼瞋
上行是時二龍王見大目連自相謂
言此是目連沙門亦非龍王其奇甚
特有大威力乃能與我等共鬪是時
二龍王白目連言尊者何為瞞燒我

乃余欲何所誠勅目連報曰汝等昨日而作是念云何禿頭沙門恒在我上飛今當制御之龍王報曰如是目連目連告曰龍王當知此須弥山者是諸天道路非汝所居之處龍王報曰唯願恕之不見重責自今以後更不敢觸燒興惡乱想唯願聽為弟子目連報曰汝等莫自歸我身我所自歸者汝等便自歸之龍王白目連我等今日自歸如來目連告曰汝等不可依此須弥山自歸世尊今可共我至舍衛城乃得自歸是時目連將二龍王如坐中辭須弥山上至舍衛城余時世尊與無央數之衆而為說法是時目連告二龍王曰汝等當知今日世尊與無央數之衆而為說法不可作汝形至世尊所龍王報曰如是目連是時龍王還隱龍形化作人形不長不短容貌端正如桃華色是時目連至世尊所頭面礼足在一面坐是時目連語龍王曰今正是時宜可前進是時龍王聞目連語即從坐起長跪叉手白世尊言我等二族

姓子一名難陀二名優睺難陀自歸
如來受持五戒唯願世尊聽為優婆
塞盡形壽不復殺生今時世尊彈指
可之時二龍王還復故坐欲得聞法
今時波斯匿王便作是念有何因緣
使此閻浮利內烟火乃尔是時王波
斯匿乘寶羽之車出舍衛城至世尊
所尔時人民之類遙見王來咸共起
迎善來大王可就此坐時二龍王默
然不起是時波斯匿王礼世尊足在
一面坐是時大王白世尊言我今欲
有所問唯願世尊事事敷演世尊告
曰欲有所問今正是時波斯匿王白
佛言有何因緣令此閻浮里內烟火
乃尔世尊告曰難陀優睺難陀龍王
之所造然今大王勿懷恐懼今日更
無烟火之變是時波斯匿王便作是
念我今是國之大王人民宗教名聞
四遠今此二人為從何來見吾至此
亦不起迎設住吾境界者當取閉之
設他界來者當取殺之是時龍王知
波斯匿心中所念便興瞋恚今時龍
王便作是念我等無過於此王所更

欲反害吾身要當取此國王及迦夷國人盡取殺之是時龍王即從坐起禮世尊足即便而去離欲迥不遠便不復現是時波斯匿王見此人去未久白世尊言國事猥多欲還宮中世尊告曰宜知是時是時波斯匿王即從坐起便退而去告群臣曰向者二人為從何道去逮捕取之是時諸臣聞王教令即馳走求之而不知家便還宮中是時難陀優摩難陀龍王各生此念我等無過於彼王所方欲取我等害之我等當共害彼人民使無遺餘是時龍王復作是念國中人民有何過失當取舍衛城人民言之復重作是念舍衛國人有何過失於我等當取王宮官屬盡取殺之今時世尊以知龍王心中所念告目連曰汝今當救波斯匿王無令為難陀優摩難陀龍王所害目連對曰如是世尊是時目連受佛教誡禮世尊足便退而去在王宮上結加趺坐令身不現是時二龍王雷吼霹靂暴風疾雨在王宮上或雨瓦石或雨刀劍未墮地之

須便為優鉢蓮華在虛空中是時龍王倍復瞋恚兩大高山於宮殿上是時目連復化使作種種飲食是時龍三倍復瞋恚熾盛兩諸刀劍是時目連復化使作極好衣裳是時龍王倍復瞋恚復兩大沙礫石在波斯匿宮上未墮地之頃便化作七寶是時波斯匿王見宮殿中雨種種七寶歡喜踊躍不能自勝便作是念閻浮里內有德之人無復過我唯除如來所以然者我家中種粳米一根上生取拾得一斛米飯以甘蔗之漿極為香美今復於宮殿上雨七寶我便能作轉輪聖王乎是時波斯匿王領諸姝女取攝七寶是時二龍王自相謂言今將有何意我等來時欲害波斯匿王今日變化乃至於斯所有力勢今日盡現猶不能動波斯匿王毫毫之分是時龍王見大目犍連在宮殿上結加趺坐正身正意形不傾斜見已便作是念此必是大目連之所為也是時二龍王以見目連便退而去是時目連見龍去還捨神足至世尊前頭面

足在一面坐時波斯匿王便作是
念今此種種飲食不應先食當先奉
上如來然後自食是時波斯匿王即
車載珍寶及種種飲食往至世尊所
昨日天雨七寶及此飲食唯願納受
尔時大目犍連去如來不遠佛告王
曰汝今可持七寶飲食之具與大目
連所以然者蒙目連思得受生聖賢
之地波斯匿王白佛言有何因緣言
我更生世尊告曰汝朝不至我所欲
得聽法乎尔時有二人亦來聽法王
生此念我於此國界不為豪尊衆人
所敬然此二人為從何來見我不起
承迎時王白佛言然世尊世尊告曰
此亦非人乃是難陀優旃難陀龍王
彼知王意自相謂言我等無過於此
人王何故及來宮我要當方宜滅此
國界我等尋知龍王心中所念即執
目連今可救波斯匿王無令為龍所
害也即受我教在宮殿上隱形不現
作此變化是時龍王極懷瞋恚兩沙
磧石於宮殿上未墮地之頃化作七
寶衣裝飲食之具由此因緣大王今

日便為更生是時波斯匿王便懷恐
怖衣毛皆豎前跪膝行至如來前而
白佛言唯願世尊恩垂過厚得濟生
命復礼目連足頭面礼敬蒙尊之恩
得濟生命今時國王便說此偈

唯尊壽無窮長夜護其命度脫苦窮厄
蒙尊得脫難

是時波斯匿王以天香華散如來身
便作是說我今持此七寶奉上三尊
唯願納受頭面礼足遶佛三匝便退
而去是時世尊便作是念此四部之
衆多有懈怠者不聽法亦不求方便
使身作證亦不復求未獲者獲未得
者得我今宜可使四部之衆渴仰於
法今時世尊不告四部之衆復不將
侍者如屈申辭頌從祇桓不現往至
三十三天今時釋提桓因遙見世尊
未將諸天衆前迎世尊頭面礼足請
令就坐並作是說善來世尊久違觀
省是時世尊便作是念我今當以神
足之力自隱形體使衆人不見我為
所在今時世尊復作是念我今於三
十三天化身極使廣大今時天上善

法講堂有金石縱廣一由旬。爾時世尊石上結加趺坐。遍滿石上。爾時如來母摩耶將諸天女至世尊所。頭面禮足。在一面坐。並作是說。違奉甚久。今來至此。實蒙大幸。渴仰思見佛。今日方來。是時母摩耶頭面禮足。已在一面坐。釋提桓因亦禮如來。足在一面坐。三十三天。禮如來。足在一面坐。是時諸天之衆。見如來在彼增益天衆。減損阿須倫。爾時世尊漸與彼諸天之衆。說於妙論。所謂論者。施論戒論。生天之論。欲不淨想。疑為穢惡。出要為樂。爾時世尊以見諸來大衆及諸天人心開意解。諸佛世尊常所說法。苦習盡。道普與。諸天說之。各於坐上。諸塵垢盡。得法眼淨。復有十八億天女之衆。而見道跡。三万六千天衆得法眼淨。是時如來母即從坐起。禮如來足。還入宮中。

尔時釋提桓因白佛言。我今當以何食飯如來乎。為用人間之食。為用自然天食。世尊告曰。可用人間之食用。食如來所以然者。我身生於人間。長

於人間於人間得佛釋提桓因白佛
言如是世尊是時釋提桓因復白佛
言為用天上時節為用人間時節世
尊言曰用人間時節對曰如是世尊
是時釋提桓因即以人間之食復以
人間時節飯食如來今時三十三天
各各自相謂言我等今見如來竟日
飯食是時世尊便作是念我今當入
如是三昧欲使諸天進便進欲使諸
天退便退是時世尊以入此三昧進
却諸天隨其時宜是時人間四部之
衆不見如來久往至阿難所白阿難
言如來今為所在渴仰欲見阿難報
曰我等亦復不知如來所在是時波
斯匿王優填王至阿難所問阿難曰
如來今日竟為所在阿難報曰大王
我亦不知如來所在是時二王思覩
如來遂得苦患今時群臣至優填王
所白優填王曰今為所在患時王報曰
我今以愁憂成患群臣白王云何以
愁憂成患其王報曰由不見如來故
也設我不見如來者便當命終是時
群臣便作是念當以何方便使優填

王不令命終我等宜作如來形像是
時群臣白王言我等欲作形像亦可
恭敬承事作禮時王聞此語已歡喜
踊躍不能自勝告群臣曰善哉卿等
所說至妙群臣白王當以何寶作如
來形像是時王即勅國界之內諸奇
巧師匠而告之曰我今欲作形像巧
匠對曰如是大王是時優填王即以
牛頭栴檀作如來形像高五尺是時
波斯匿王聞優填王作如來形像高
五尺而供養是時波斯匿王復召國
中巧匠而告之曰我今欲造如來形
像汝等當時辦之時波斯匿王而生
此念當用何寶作如來形像耶斯須
復作是念如來形體黃如天金今當
以金作如來形像是時波斯匿王純
以紫磨金作如來像高五尺余時閻
浮里內始有此二如來形像是時四
部之衆往至阿難所白阿難曰我等
渴仰於如來所思欲覲尊如來今日
竟為所在阿難報曰我等亦復不知
如來所在但今共至阿那律所而問
此義所以然者尊者阿那律天眼第

一清淨無瑕穢彼以天眼見千世界
二千世界三千大千世界彼能知見
是時四部之衆共阿難往至阿那律
所白阿那律曰今此四部之衆來至
我所而問我曰今日如來竟為所在
唯願尊者以天眼觀如來今為所在
是時尊者阿那律報曰汝等且止吾
今欲觀如來竟為所在是時阿那律
正身正意繫念在前以天眼觀閻浮
里內而不見之復以天眼觀拘耶尼
弗于逮鬱單曰而不見之復觀四天
王三十三天豔天梵術天化自在天
他化自在天乃至觀梵天而不見之
復觀千閻浮地千瞿耶尼千鬱單曰
千弗于逮千四天王千豔天千梵術
天千化自在天千他化自在天千梵
天而不見如來復觀三千大千剎土
而復不見即從坐起語阿難曰我今
已觀三千大千剎土而不見之是時
阿難及四部之衆默然而止阿難作
是念如來將不般涅槃乎是時三十
三天各各自相謂言我等快得善利
唯願七佛常現於世天及世人多所

潤益或有天而作是語且置七佛但使有六佛者此亦甚善或有天子言但使有五佛或言四佛或言三佛或言二佛出現世者多所潤益時釋提桓因告諸天曰且置七佛乃至二佛但使今日釋迦文佛久住世者則多所饒益尔時如來意欲使諸天來諸天便來意欲使諸天去諸天便去是時三十三天各各自相謂言如來何故竟日而食是時釋提桓因告三十三天曰如來今日食以人間時節不用天上時節是時世尊以經三月便作是念閻浮里人四部之衆不見吾久甚有虛渴之想我今當捨神足使諸聲聞知如來在三十三天是時世尊即捨神足時阿難往阿耨律所白阿耨律言今四部之衆甚有虛渴欲見如來然今如來不取減度乎是時阿耨律語阿難曰昨夜有天來至我所云如來在三十三天善法講堂汝今且止吾今欲觀如來所在是時尊者阿耨律即結加趺坐正身正意心不移動以天眼觀三十三天見世尊

在壁方一由旬石上坐是時阿那律
即從三昧起語阿難曰如來今在三
十三天與母說法是時阿難及四部
之衆歡喜踊躍不能自勝是時阿難
問四部衆曰誰能堪任至三十三天
問訊如來阿那律曰今尊者目連神
足第一願屈神力往問訊佛是時四
部之衆白目連曰今日如來在三十三
天唯願尊者持四部姓名問訊如
來又持此義往白如來世尊在閻浮
里內世間得道唯屈威神還至世間
目連報曰甚善諸賢是時目連受四
部之教屈申辭頌往至三十三天到
如來所是時釋提桓因及三十三天
遙見目連來諸天各生此念正是僧
使若當是諸王之使是時諸天皆起
往迎善來尊者是時目連遙見世尊
與無央數之衆而為說法見已生此
念世尊在此天中亦復煩勞目連往
至世尊所頭面礼足在一面立尔時
目連白佛言世尊四部之衆問訊如
來起居輕利遊步康強又白此事如
來生長閻浮里內於世間得道唯願

世尊還來至世間四部虛渴欲見世尊世尊告曰使四部之衆進業無倦云何目連四部之衆遊化勞乎無聞訟耶外道異學無觸燒乎目連報曰四部之衆行道無倦但目連汝向者作是念言如來在此亦煩更此事不然所以然者我說法時亦不經久設我作是念欲使諸天來便來欲使諸天不來諸天則不來目連汝還世間却後七日如來當往僧迦尸國大池水側是時目連屈申臂頃還詣舍衛城祇樹給孤獨園往詣四部衆而告之曰諸賢當知却後七日如來當來下至閻浮里地僧迦尸大池水側尔時四部衆聞此語已歡喜踊躍不能自勝是時波斯匿王優填王惡生王優陀延王頻毗娑羅王聞如來却後七日當至僧迦尸國大池水側極懷歡喜不能自勝是時毗舍離人民之衆迦毗羅越釋種拘夷羅越人民之衆聞如來當來至閻浮里地聞已歡喜踊躍不能自勝尔時波斯匿王種之兵詣池水側欲見世尊是時五

王皆集兵衆往世尊所欲得覲省如
來及人民之衆迦毗羅越釋皆悉往
世尊所及四部之衆皆悉往世尊所
欲得見如來尔時臨七日頭釋提桓
因告自在天子曰汝今從須彌山頂
至僧迦尸池水作三道路觀如來不
用神足至閻浮地自在天子報曰此
事甚佳正尔時辨尔時自在天子即
化作三道金銀水精是時金道當在
中央俠水精道側銀道側化作金樹
當於尔時諸神妙尊天七日之中皆
來聽法尔時世尊與數千萬衆前後
圍遶而為說法說五盛陰苦云何為
五所謂色痛想行識云何為色陰所
謂此四大身是四大所造色是謂名
為色陰也彼云何名為痛陰所謂苦
痛樂痛不苦不樂痛是謂名為痛陰
彼云何名想陰所謂三世共會是謂
名為想陰彼云何名為行陰所謂身
行口行意行此名行陰彼云何名為
識陰所謂眼耳鼻口身意此名識陰
彼云何名為色所謂色者寒亦是色
熱亦是色飢亦是色渴亦是色云何

名為痛所謂痛者痛者名覺為覺何
物覺苦覺樂覺不苦不樂故名為
覺也云何名為想所謂想者想亦是
知知青黃白黑知苦樂故名為知云
何名為行所謂行者能有所成故名
為行為成何等或成惡行或成善行
故名為行云何名為識所謂識識別
是非亦識諸味此名為識也諸天子
當知此五盛陰知三惡道天道人道
此五盛陰滅便知有涅槃之道余時
說此法時有六万天人得法眼淨余
時世尊與諸天人說法已即從坐起
詣須彌山頂說此偈

汝等當勤學於佛法聖眾當滅死運路
如人鈎調象若能於此法而無懈怠者
便當盡生死無有苦原本

余時世尊說此偈已便詣中道是
時梵天在如來右處銀道側釋提桓
因在水精道側及諸天人在虛空中
散華燒香作倡伎樂娛樂如來是時優
鉢華色比丘尼聞如來今日當至閻
浮提僧迦尸池水側聞已便生此念
四部之衆國王大臣國中人民靡不

往者設我當以常法往者此非其宜
我今當作轉輪聖王形容往見世尊
是時優鉢華色比丘尼還隱其形作
轉輪聖王形七寶具足所謂七寶者
輪寶象寶馬寶珠寶玉女寶典兵寶
典藏寶是謂七寶尔時尊者須菩提
在羅閱城耆闍崛山中在一山側縫
衣裳是時須菩提問世尊今日當來
至閻浮里地四部之衆靡不見者我
今者宜可時往問訊礼拜如來尔時
尊者須菩提便捨縫衣之業從坐起
右脚著地是時彼復作是念此如來
形何者是世尊為是眼耳鼻口身意
乎往見者復是地水火風種乎一切
諸法皆悉空寂無造無作如世尊所
說偈言

若欲礼佛者及諸取勝者陰持入諸種
皆悉觀無常曩昔過去佛及以當來者
如今現在佛此皆悉無常若欲礼佛者
過去及當來說於現在中當觀於空法
若欲礼佛者過去及當來現在及諸佛
當計於無我

此中無我無命無人無造作亦無形

容有教有授者諸法皆忘空寂何者
是我我者無主我今歸命真法之聚
尔時尊者須菩提還坐縫衣是時優
鉢華色比丘尼作轉輪聖王形七寶
導從至世尊所是時五國王遙見轉
輪聖王來歡喜踊躍不能自勝自相
謂言甚奇甚特世間出二珍寶如來
轉輪聖王尔時世尊將數万天人從
須弥山頂來至池水側是時世尊舉
足蹈地此三千大千世界六變震動
是時化轉輪聖王漸漸至世尊所諸
小國王及人民之類各各避之是時
化聖王覺知以近世尊還復本形作
比丘尼礼世尊足五王見已各自稱
怨自相謂言我等今日極有所失我
等先應見如來然今此比丘尼先見
之是時比丘尼至世尊所頭面礼足
而白佛言我今礼寂勝尊今日先得
覲省我優鉢花色比丘尼是如來弟
子尔時世尊與彼比丘尼而說偈言
善業以先礼寂初無過者空無解脫門
此是礼佛義若欲礼佛者當來及過去
當觀空無法此名礼佛義

是時五王及人民之衆不可稱計往至世尊所各自稱名我是迦尸國王波斯匿我是拔嗟國王名曰優填我是五都人民之主名曰惡生我是南海之主名優陀延我是摩竭國頻毗娑羅王尔時十一那術人民運集及四部之衆取尊長者千二百五十人往至世尊所頭面礼足在一面立尔時優填王手執牛頭栴檀像并以偈向如來說

我今欲所問慈悲護一切作佛形像者為得何等福

尔時世尊復以偈報曰

大王今聽之少多演其義作佛形像者今當粗說之眼根初不壞後得天眼視白黑而分明作佛形像德形體當完具意正不迷惑勢力信常人造佛形像者終不墮惡趣終轉生天上於彼作天王造佛形像福餘福不可計其福不思議名聞遍四遠造佛形像福

善哉善哉大王多所饒益天人蒙祐尔時優填王極懷歡悅不能自勝尔時世尊與四部衆及與五王演說妙

論所謂論者施論戒論生天之論欲

不淨想漏為大患出要為妙今時世

尊以知四部之衆心開意解諸佛世

尊常所說法苦習盡道盡與彼說之今

時坐上天及人民六万餘人諸塵垢

盡得法眼淨今時五王白世尊言此

處福妙寂是神地如來始從兜術天

來下至此說法今欲建立此處使永

存不朽世尊告曰汝等五王於此處

造立神寺長夜受福終不朽敗諸王

報曰當云何造立神寺今時世尊申

右手從地中出迦葉如來寺視五王

而告之曰欲作神寺者當以此為法

今時五王即於彼處起大神寺今時

世尊告諸比丘諸過去恒沙如來翼

從多少亦如今日而無有異正使當

來諸佛世尊翼從多少亦如今日而

無有異今此經名遊天法本如是諸

比丘當作是學今時四部之衆及五

國王聞佛所說歡喜奉行

增壹阿含經卷第二十八

癸卯歲高麗國大藏都監奉

勅彫造

增壹阿舍經卷第二十九

斯

六重品第三十七之一

東晉月蜜三藏瞿曇僧伽提婆譯

聞如是一時佛在舍衛國祇樹給孤獨園。今時世尊告諸比丘。汝當思念六重之法。若之重之執在心懷。無令忘失。云何為六。於是比丘身行念慈。如鏡視其形。可敬可貴。無令忘失。復次口行念慈。意行念慈。可敬可貴。無令忘失。復次得法利之具。能與諸梵行者共之。亦無恡想。此法可敬可貴。無令忘失。復次諸有禁戒。不朽不敗。極為完具。而無缺漏。智者之所貴。復欲使此戒分布與人。使同其味。此法可敬可貴。無令忘失。復次正見賢聖。得出要如是之見。欲與諸梵行者共同。此法亦可敬可貴。無令忘失。是謂比丘有此六重之法。可敬可貴。無令忘失。是故諸比丘常當修行。身口意行。設得利養之具。當念分布。莫起貪想。如是諸比丘當作是學。今時諸比丘聞佛所說歡喜奉行。

聞如是一時佛在阿耨達泉與大比丘衆五百人俱斯是羅漢三達六通神足自在心無所畏唯除一比丘阿難是也今時世尊坐金蓮華七寶為莖及五百比丘各各坐寶蓮華今時阿耨達龍王至世尊所頭面礼足在一面住今時龍王遍觀聖衆已白世尊曰我今觀此衆中空缺不具無尊者舍利弗惟願世尊遣一比丘喚舍利弗使來今時舍利弗在祇洹精舍補納故衣今時世尊告曰連曰汝至舍利弗所語舍利弗云阿耨達龍王欲得相見目連報曰如是世尊是時尊者大目連如人屈伸臂頃往至祇洹精舍舍利弗所語舍利弗言如來有教云阿耨達龍王欲得相見舍利弗報曰汝並在前吾後當往日連報曰一切聖衆及阿耨達龍王遙想尊顏欲得相見唯願時起勿輕時節舍利弗報曰汝先至彼吾後當往是時目連復重語曰云何舍利弗神足之中能勝吾乎然今先遣使在前耶若舍利弗不時起者吾當提臂將詣彼

泉是時舍利弗便作是念曰目連方便試持吾耳余時尊者舍利弗躬解竭支帶語目連曰設汝神足第一者今舉此帶使離於地然後捉吾臂將詣阿耨達泉是時目連作是念今舍利弗復輕拈我將欲相試乎

今解帶在地云能舉者然後捉吾臂將詣泉所是時目連復作是想此必有因事不苦余即時申手而取帶舉然不能使帶移動如毫髮許是時目連盡其力勢移此帶不能使動是時舍利弗取此帶繫著閻浮樹枝是時尊者目連盡其神力欲舉此帶終不能移當舉此帶時此閻浮地大振動今時舍利弗便作是念目連比丘尚能使此閻浮地動何況此帶我今當持此帶繫著二天下今時目連亦復舉之繫著三天下四天下亦能舉之如舉輕衣是時舍利弗復作是念目連比丘堪任舉四天下而不足言我今持此帶繫著須弥山腹是時目連復能動此須弥山及四天王宮三十三天宮皆悉動搖是時舍利弗復以

此帶繫千世界是時目連亦能使動
時舍利弗復以此帶繫二千世界三
千世界亦復能動是時天地大動唯
有如來坐阿耨達泉而不移動猶如
力士持於樹葉而無疑難是時阿耨
達龍王白世尊言今此天地何故振
動尔時世尊具與龍王說此本緣龍
王白佛此二人神力何者最勝世尊
告曰舍利弗比丘神力最勝龍王白
佛言世尊前記言目連比丘神足第
一無過是者世尊告曰龍王當知有
四神足云何為四自在三昧神力精
進三昧神力心三昧神力試三昧神
力是謂龍王有此四神足之力若有
比丘比丘尼有此四神力者親近修
行而不放捨者此則神力第一阿耨
達龍王白佛目連比丘不得此四神
足乎世尊告曰目連比丘亦得此四
神足之力親近修行初不放捨然目
連比丘欲住壽至劫亦復能轉然舍
利弗所入三昧目連比丘不知名字
是時尊者舍利弗復作是念三千大
千刹土目連皆能移轉蠕虫死者不

可稱計然我躬自聞如來座者不可
移動我今可以此帶繫著如來座所
是時目連復以神足而舉此帶然不
能動時目連生此念非我於神足退
乎今舉此帶而不能動我今往詣世
尊所而問此義余時目連捨此帶已
即以神足至世尊所遙見舍利弗在
如來前坐見已目連復作是念世尊
弟子神足第一無出我者然我不如
舍利弗乎余時目連白佛言我將不
於神足退乎所以然者我先發祇洹
精舍然後舍利弗發今舍利弗比丘
先在如來前坐佛言汝不於神足有
退但舍利弗所入神足三昧之法汝
所不解所以然者舍利弗比丘智慧
無有量心得自在不如舍利弗從心
也舍利弗心神足得自在若舍利弗
比丘心所念法即得自在大目連即
時默然是時阿釋達龍王歡喜踊躍
不能自勝今舍利弗比丘極有神力
不可思議所入三昧目連比丘而不
知名字今時世尊與阿釋達龍王說
微妙之法勸令歡喜即於彼說戒清

且將諸比丘僧還詣舍衛國祇樹給
孤獨園。爾時諸比丘自相謂言：世尊
口自記我聲聞中神足第一者。目連
比丘是也。然今日不如舍利弗。爾時
諸比丘起輕慢想於目連。爾是時世
尊便作是念：此諸比丘生輕慢之想。
向目連受罪難計。告目連曰：現汝神
力使此衆見無令大衆起懈怠想。目
連對曰：如是。世尊。是時目連禮世尊
足。即於如來前沒不現。往詣東方七
恒河沙佛土。有佛名奇光如來。至真
等正覺出現。彼土是時目連以凡常
之眼往詣彼土。在鉢盂緣上行。又彼
土人民形體極大。是時諸比丘見目
連已。自相謂言：汝等觀此。重正似沙
門。是時諸比丘復持示彼佛。唯然。世
尊。今有一重正似沙門。爾時奇光如
來告諸比丘曰：西方去此七恒河沙
彼土世界佛名釋迦文如來。至真等
正覺出現於世。是彼弟子神足第一
。爾時彼佛告目連曰：此諸比丘起輕
慢意。現汝神足使大衆見之。目連對
曰：如是。世尊。是時目連聞佛教已。以

鉢盂絡威彼五百比丘至梵天上是
時目連以左脚登須彌山以右脚著
梵天上今時便說此偈

常當念勤加修行於佛法 降伏魔衆怨
知鈎調於衆 若能於此法 能行不放逸
當盡苦原際 無復有衆惱

是時目連以此音響遍滿祇洹精舍
諸比丘聞已往白世尊目連為住何
處而說此偈世尊告曰此目連比丘
去此佛土七恒河沙正在東方以繩
絡威彼五百比丘左脚登須彌山右
脚著梵天上而說此偈今時諸比丘
歎未曾有甚奇甚特目連比丘有大
神足我等起於懈慢於目連所唯願
世尊使目連比丘將此五百比丘來
至此間是時世尊遙現道力使目連
知意是時目連將五百比丘來至舍
衛城祇樹給孤獨園今時世尊與數
千萬衆而為說法時大目連將五百
比丘至世尊所然釋迦文佛弟子仰
觀彼比丘是時東方世界比丘礼世
尊足在一面坐今時世尊告彼比丘
汝等比丘為從何來是誰弟子道路

為經幾時彼五百比丘白釋迦文佛我等世界今在東方佛名奇光如來是彼弟子然我等今日亦復不知為從何來為經幾日世尊告曰汝等知佛世界乎諸比丘對曰不也世尊汝等今日欲詣彼土乎諸比丘對曰唯然世尊欲還詣彼土今時世尊告彼比丘今當與汝說六界法善思念之諸比丘對曰如是世尊今時諸比丘從佛受教世尊告曰彼云何名為六界之法比丘當知六界之人稟父母精氣而生云何為六所謂地界水界火界風界空界識界是謂比丘有此六界人身稟此精氣而生六入云何為六所謂眼入耳入鼻入舌入身入意入是謂比丘有此六入由父母而得有以依六入便有六識身云何為六若依眼識則有眼識身耳識鼻識舌識身識意識是謂比丘此名六識身若有比丘解此六界六入六識者能度六天而更受形設於彼壽終來生此間聰明高才於現身上盡於結使得至涅槃今時世尊告目連曰汝

今還將此比丘詣彼佛土目連報曰
如是世尊是時目連復以絡盛五百
比丘遶佛三匝便退而去如屈伸臂
頃以至彼佛土是時目連捨此比丘
已礼彼佛足已還來詣此忍界是時
彼土比丘聞此六界已諸塵垢盡得
法眼淨尔時世尊告諸比丘我弟子
中第一聲聞神足難及所謂大目軋
連比丘是也尔時諸比丘聞佛所說
歡喜奉行

聞如是一時佛在拔耆國師子園中
諸神足高德比丘賢者舍利弗賢者
大目軋連賢者迦葉賢者離越賢者
阿難等五百人俱是時大目軋連大
迦葉阿難律晨旦至舍利弗所然阿
難遙見三大聲聞詣舍利弗所語離
越言三大聲聞往至舍利弗我等二
人亦可往至舍利弗所所以然者備
聞舍利弗說奇妙之法離越報曰此
事可然是時離越阿難往至舍利弗
所是時舍利弗言善來諸賢就此處
坐是時舍利弗語阿難曰我今欲有
所問此牛師子園極為快樂自然天

香流布四遠云何當使此園快樂阿
難報曰若有比丘多有所聞不忘撻
持諸法義味具足修行梵行如此諸
法皆悉具足亦不漏脫與四部之衆
而為說法不失次第亦不卒暴無
有亂想如是比丘在此牛師子園快
樂是時舍利弗語離越言阿難今日
以演說之我今復欲問汝義牛師子
園快樂如是汝今次說義復云何離
越報曰於是比丘樂閑靜之處思惟坐
禪與正觀相應如是比丘樂牛師子
園中是時尊者舍利弗語阿那律曰
汝今當說悅樂之義阿那律報曰若
有比丘天眼徹視觀衆生類死者生
者善色惡色善趣惡趣若好若醜皆
悉知之或有衆生身口意行惡誹謗
賢聖身壞命終生地獄中或復有衆
生身口意行善不誹謗賢聖猶如士
夫觀空中靡不備悉有天眼比丘亦
復如是觀世界無有疑難如是比丘
在牛師子園中快樂如是也是時舍
利弗語迦葉曰我今語汝如是諸賢
以說快樂之義汝今次應說之迦葉

報曰若有比丘行阿練若行復教他人使行阿練若歎說閑靜之德已身著補納之衣復教他人使行頭陀身自知足在閑居之處復教他人使修其行已身戒德具足三昧成就智慧成就解脫成就解脫見慧成就復教他人使行其法歎說其法已能勸化復教他人使行其法教訓無厭足如是比丘在牛師子園中快樂無比余時尊者舍利弗語大目連曰諸賢聖以說快樂之義汝今次說快樂之義牛師子園中快樂無雙汝今欲云何說之目連報曰於是比丘有大神足於神足而得自在彼能變化無數千事而無疑難亦能分一身作無數身或復還合為一石壁皆過踊沒自在亦如駛河猶如飛鳥在空中無跡壁如暴火熾燒山野亦如日月靡所不照亦能舉手摩挲日月亦能化身至梵天上如此比丘宜牛師子園中是時目連語舍利弗曰我等各隨其辯而說之我等今問舍利弗義牛師子園極為快樂何等比丘宜在其中舍利弗言

若有比丘能降心然彼心不能降比丘設彼比丘欲得三昧即時彼比丘能得三昧隨意遠近成三昧者即能成辦之猶如長者家有好衣威著箱篋今時彼長者隨意欲取何等衣隨意取之而無疑難亦能隨意入三昧中此亦如是心能使比丘非比丘能使心隨意入三昧亦無疑難如是比丘能使心非心使比丘如是之人豈在牛師子園中是時舍利弗告諸賢曰我等隨其辯而說各隨方宜善說以義今各相將往問世尊云何以丘得樂此牛師子園若世尊有所說我等當奉行諸比丘報曰如是舍利弗是時大聲聞等各各相將往至如來所到已頭面禮足在一面坐今時大聲聞以此因緣具白佛今時世尊告曰善哉如阿難所說所以然者阿難比丘聞法能持撝攝諸法具足修行梵行如此之法善聞不忘亦無邪見與四部之衆而說法言不錯亂亦不卒暴離越比丘所說亦復快哉所以然者樂閑靜之處不處人間常念坐

得無有諍訟與止觀相應閑居寂寞
阿那律比丘亦復快哉所以然者阿
那律比丘天眼第一彼以天眼觀三
千世界猶如有眼之人掌中觀珠阿
三千大千世界而無疑難今迦葉比
丘亦復快哉所以然者迦葉比丘已
身是阿練若行復能歎說閑居之行
身能乞食復能歎譽乞食之德身著
補納衣復能歎說補納衣之德已身
知足復能歎說知足之德已身處巖
穴復歎說巖穴之德已身戒成就三
昧成就智慧成就解脫成就解脫見
慧成就復能教人成此五分法身身
能教化復能教人使行其法善哉善
哉如目連所說所以然者目連比丘
有大威力神足第一心得自在彼意欲
所為則能辦之或化一身分為萬億或
還合為一石壁皆過無有罣碍踊沒
自在亦如駛水亦無觸碍如空中之
鳥亦無足跡猶如日月靡所不照能
化身乃至梵天善哉如舍利弗之所
說所以然者舍利弗能降伏心非心

能降伏舍利弗若欲入三昧時則能
成辦無有疑難猶如長者好衣裳隨
意取之而無疑難舍利弗比丘亦復
如是能降伏心非心能降伏舍利弗
隨意入三昧皆悉在前善哉善哉諸
比丘汝等所說各隨方便但今復聽
我所說云何比丘樂牛師子園中若
有比丘依村落住彼到時著衣持鉢
入村乞食彼已乞食已還歸所在洗
手面在一樹下正身正意結加趺坐
繫念在前彼比丘便作是念我今不
壞于坐要當盡有漏成無漏今時彼
比丘即有漏心得解脫如是比丘宜
在牛師子園中如是比丘恒勤精進
莫有懈怠所在之處靡不宗奉者如
是比丘當作是學今時諸比丘聞佛
所說歡喜奉行

聞如是一時佛在舍衛國祇樹給孤
獨園今時世尊告諸比丘我今當說
况願有六德汝等諦聽善思念之諸
比丘對曰如是世尊今時諸比丘從
佛受教世尊告曰彼云何名為六德
於是施主檀越成就三法云何檀越

施主成就三法於是檀越施主信根成就戒德成就聞成就是謂檀越施主成就此三法施物之法復成三法云何為三然彼物色成就味成就香成就有此三法是謂比丘有此六事獲大功德名德遠聞獲甘露之報是故諸比丘若欲成就此六事者當念惠施如是比丘當作是學今時諸比丘聞佛所說歡喜奉行

聞如是一時佛在舍衛國祇樹給孤獨園今時世尊與無央數之衆而為說法今時坐上有一比丘便生此念願如來告我有所論說今時世尊知比丘心中所念告諸比丘若有比丘生此念如來躬教訓我彼比丘戒具清淨無有瑕穢修行止觀樂閑靜之處若比丘意欲求衣被飲食牀敷卧具病瘦醫藥者亦當戒德成就在空閑處而自修行與止觀共相應若復比丘欲求知足者當念戒德具足在閑靜處而自修行與止觀共相應若彼比丘欲求使四部之衆國王人民有形之類所見識知彼當念戒德具

足若復比丘意欲求四禪中無悔心
亦不變易當念戒德成就若復比丘
意欲求四神足彼亦當戒德具足若
復比丘意欲求八解脫門而無罣碍
彼當念戒德具足若復比丘意欲求
天耳徹聽聞天人聞聲當念戒德具
足若復比丘意欲求知他人心中所
念諸根缺漏彼亦當念戒德具足若
復比丘意欲求知衆生心意有欲心
無欲心有瞋恚心無瞋恚心有愚癡
心無愚癡心如實知之有愛心無愛
心有受心無受心如實知之有亂心
無亂心有疾心無疾心有少心無少
心有量心無量心有痛心無痛心有
三昧心無三昧心有解脫心無解脫
心如實知之欲如是者當念戒德具
足若復比丘意欲得無量神足分一
身作無數復還合為一踊沒自在化
身乃至梵天彼當念戒德具足若復
比丘意欲求自憶宿世無數劫事或
一生二生乃至千生百千億生成劫
敗劫成敗之劫不可稱計我曾死此
生彼名某字某或從彼終來生此間

自憶如此無數劫事當念戒德具足而無他念若復比丘意欲求天眼徹視觀衆生類善趣惡趣善色惡色若好若醜如實知之或復有衆生身口意行惡誹謗賢聖身壞命終生地獄中或復有衆生身口意行善不誹謗賢聖心意正見身壞命終生善處天上意欲如是者當念戒德具足若復比丘意欲求盡有漏成無漏心解脫智慧解脫生死已盡梵行已立所作已辦更不復受胎如實知之彼當念戒德具足內自思惟無有亂想居在閑處諸比丘當念戒德具足無他餘念威儀成就具足少過常恐何況大者若有比丘意欲使如來共論者常念戒德具足已戒德具足當念聞具足聞已具足當念施具足施已具足當念智慧具足解脫知見皆悉具足若比丘戒身定慧身解脫身解脫知見身具足者便為天龍鬼神所見供養可敬可貴天人所奉是故諸比丘當念五分法身具足者是世福田無能過者如是諸比丘當作是學今時諸比丘聞佛所

增壹阿含經卷第三十九 第三十

說歡喜奉行

增壹阿含經卷第三十九

癸卯歲高麗國大藏都監奉
勅彫造

增壹阿含經卷第三十

斯

六重品第三十七之二

東晉劉宋三藏聖賢僧伽提婆譯

聞如是一時佛在舍衛國祇樹給孤獨園。爾時尊者舍利弗往詣世尊所。頭面禮足。在一面坐。爾時舍利弗白世尊言。我今以在舍衛城夏坐。意欲人間遊化。世尊告曰。今正是時。時舍利弗即從坐起。頭面禮足。便退而去。時舍利弗去未久。有一比丘懷誹謗意。白世尊言。舍利弗與諸比丘共誶竟。不懺悔。今遊行人間。爾時世尊告一比丘。汝速往持吾聲喚舍利弗比丘。對曰。如是。世尊佛勅。目連阿難。汝等使諸房中召諸比丘。詣世尊所。所以然者。舍利弗所入三昧。今當在如來前作師子吼。是時諸比丘聞佛教。已各集。世尊所。頭面禮足。在一面坐。是時彼比丘受世尊教。即往至舍利弗所。語舍利弗言。如來欲得相見。爾時舍利弗往至佛所。頭面禮足。在一面坐。是時佛告舍利弗言。卿向者去。

未久有穢行比丘來至我所而白我
言云舍利弗比丘與諸比丘共諍亦
不悔過在人間遊化審實尔乎舍利
弗白佛言如来自當知之世尊告曰
我自知耳但今大眾各懷狐疑汝今
於大眾中可以已辯而自明淨舍利
弗白佛言自出母胎年向八十每自
思惟未曾殺生亦不妄語正使於調
盛之中亦不妄語亦復未曾鬪亂彼
此設不專意之時或能有此行耳我
今世尊心意清淨豈當與梵行人共
鬪諍乎亦如此地亦受淨亦受不淨
屎尿穢惡皆悉受之膿血涕唾終不
逆之然此地亦不言惡亦不言善我
亦如是世尊心不移轉何得與梵行
人共諍而遠遊行心不專者能有此
耳我今心正何得與梵行人共諍而
遠遊乎亦如水亦能使好物淨亦能
使不好物淨彼水不作是念我淨是
置是此亦如是無有異想心何得與梵行
人共鬪而遠遊乎猶如熾火焚燒山
野不擇好醜終無想念我亦如是豈
當有意與梵行人共諍乎亦如掃灑

不擇好醜皆能除之終無想念猶如
牛無其雙角極自良善亦不殆暴善
可將御隨意所至終無疑難唯然世
尊我心如是亦不與想有所傷害豈
當與梵行人共諍而遠遊乎亦如旃
施羅女著弊壞衣在人間乞食亦無
禁忌我亦如是世尊亦無想念當與
諍訟而遠遊也亦如脂釜處處漏壞
有目之人皆悉觀見處處漏出我亦
如是世尊九孔之中漏出不淨豈當
與梵行人共諍猶如女人年少端正
復以死尸繫彼女頸而厭患之世尊
我亦如是厭患此身如彼無異豈當
與梵行人共諍而遠遊乎此事不然
世尊自當知之彼比丘亦當知之設
當有是者願彼比丘受我懺悔尔時
世尊告彼比丘汝今可自悔過所以
然者若不悔者頭便破為七分是時
彼比丘心懷恐怖衣毛皆豎即從坐
起礼如來足白世尊言我今自知犯
舍利弗唯願世尊受我懺悔世尊告
曰汝比丘自向舍利弗懺悔若不尔
者頭便為七分是時彼比丘即向舍

利弗頭面礼足白舍利弗言唯願受
我懺悔愚不別真尔時世尊告舍利
弗汝今可受此比丘悔過又以手摩
頭所以然者若當不受此比丘懺悔
者頭破為七分尔時舍利弗以手摩
頭語比丘曰聽汝懺悔如愚如惑此
佛法中極為曠大能隨時悔過者善
哉今受汝懺悔後更莫犯如是再三
是時舍利弗告彼比丘曰汝更莫犯
所以然者有六法入地獄六法生天
六法至涅槃處云何為六欲害他人
我以起此害心便歡喜踊躍不能自
勝我當教人使害他於中起害心以
得害人於中起歡喜我當得此不瞿
之問來起此事便快愁憂是謂有此
六法今人墮惡趣云何有六令人至
善處所謂身戒具足口戒具足意戒
具足命根清淨不殺害心無妬嫉心
是謂有此六法生於善處云何修六
法至於涅槃所謂六思念法云何為
六所謂身行慈無瑕穢口行慈無瑕
穢意行慈無瑕穢若得利養之具能
與人等共分之而無怯想奉持禁戒

無瑕疵智者所貴如是之戒能具足
諸有邪見正見賢聖出要能得盡苦本
如是諸見皆悉分明是謂六法得至涅槃
汝今比丘當求方便行此六法如
是比丘當作是學今時彼比丘重從
坐起礼舍利弗足我今重自懺如愚
如惑而不別真唯願舍利弗受我悔
過後不復犯舍利弗曰聽汝悔過賢
聖法中極為曠大能自改往修來莫
復更犯今時彼比丘聞舍利弗所說
歡喜奉行

聞如是一時佛在舍衛國祇樹給孤
獨園今時世尊告諸比丘我今當說
第一寂空法汝等善思念之諸比丘
對曰如是世尊今時諸比丘從佛受
教世尊告曰彼云何為名第一寂空
之法若眼起時則起亦不見來處滅
時則滅亦不見滅處除假号法因緣
法云何假号因緣所謂是有則有此生
則生無明緣行行緣識識緣名色名
色緣六入六入緣更樂更樂緣痛痛緣
愛愛緣受受緣有有緣生生緣死死緣
愁憂苦惱不可稱計如是苦陰成此

因緣無是則無此滅則滅無明滅則
行滅行滅則識滅識滅則名色滅名色
滅則六入滅六入滅則更樂滅更樂滅
則痛滅痛滅則愛滅愛滅則受滅受
滅則有滅有滅則生滅生滅則死滅
死滅則愁憂苦惱皆悉滅盡除假号
之法耳鼻舌身意法亦復如是起時
則起亦不知來處滅時則滅亦不知
滅處除其假号之法彼假号法者此
起則起此滅則滅此六入亦無人造
作亦名色六入法六入亦無人造作
由父母而有胎者亦無因緣而有此
亦假号要前有對然後乃有猶如鑽
木求火以前有對然後火生火亦不
從木出亦不離木若復有人劈木求
火亦不能得皆由因緣合會然後有
火此六情起病亦復如是皆由緣會
於中起病此六入起時則起亦不見來
滅時則滅亦不見滅除其假号之法
因由父母合會而有尔時世尊便說
此偈

先當受胞胎漸漸如凍酥遂復如息肉
後轉如像形先生頭項頸轉生手足指

支節各各生髮毛爪齒成若母飲食時種種若干饌精氣用活命受胎之原本形體以成滿諸根不缺漏由母得出生受胎苦如是

比丘當知因緣合會乃有此身耳又復比丘一人身中骨有三百六十毛孔九万九千脉有五百筋有五百重八万户比丘當知六入之身有如是災變比丘當念思惟如是之患誰作此骨誰合此筋脉誰造此八万户重今時彼比丘作是念思惟便獲二果阿毘舍若阿羅漢今時世尊便說此偈三百六十骨在此人身中古佛之所演我今亦說之筋有五百枚脉數亦如是重有八万種九万九千毛當觀身如是比丘勤精進速得羅漢道往至涅槃界此法皆空寂愚者之所貪智者心歡悅聞此空法本

是謂比丘此名第一取空之法與汝等說如來之所說行之法我今以為起慈哀心我今以辨常當念修行其法在閑居之處坐禪思惟勿有懈怠今不修行後悔無益此是我之教訓

如是諸比丘當作是學。今時諸比丘聞佛所說歡喜奉行。

聞如是一時佛在舍衛國祇樹給孤獨園。今時生漏梵志往至世尊所共相問訊。在一面坐。今時生漏梵志白。世尊言瞿曇刹利。今日意欲何求。有何行業為著。何教為究竟。何事婆羅門。意欲何求。有何行業為著。何教究竟。何事國王。今日意欲何求。有何行業為著。何教為究竟。何事盜賊。今日意欲何求。有何行業為著。何教為究竟。何事女人。今日意欲何求。有何行業為著。何教為究竟。何事。今時世尊告梵志曰。刹利種者常好鬪訟。多諸技術。好喜作務。所要究竟終不中休。梵志問曰。梵志意何所求。世尊告曰。梵志意好呪術。要作居家樂閑靜之處。意欲在梵天。又問曰。國王意何所求。世尊告曰。梵志當知。王意所欲得國。政意在兵仗。貪著財寶。盜賊意何所求。世尊告曰。賊意盜竊。心在奸邪。欲使人類不知所作。女人意何所求。世尊告曰。女人意在男子貪著財寶。心

繫男女心欲自由。今時梵志白世尊言甚奇甚特盡知。今許之變如實不虛。今日比丘意何所求。世尊告曰戒德具足。心遊道法。意在四諦。欲至涅槃。此是比丘之所求也。是時生漏梵志白世尊言如是。世尊比丘所行意不可移轉。其義實。今瞿曇涅槃者。極為快樂。如來所說。乃為過多。猶如盲者得視。聾者得聽。在闇者見明。今日如來所說。亦復如是。而無有異。我今國事很多。欲還所止。世尊告曰。宜知是時。是時生漏梵志即從坐起。繞佛三匝。便退而去。今時生漏梵志聞佛所說歡喜奉行。

聞如是一時。佛在舍衛國祇樹給孤獨園。今時生漏梵志往至世尊所。頭面禮足。在一面坐。今時梵志白世尊言。此中頗有比丘云。何得修梵行。無有缺漏。清淨修梵行。世尊告曰。若有人戒律具足。而無所犯。此名清淨修得梵行。復次梵志。若有眼見色。不起想著。不起識念。除惡想去。不善法得全眼根。是謂此人清淨修梵行。若可聞

聲鼻嗅香舌知味身知細滑意知法都無識想不起想念清淨得修梵行全其意想如此之人得修梵行無有缺漏婆羅門白佛言何等之人不修梵行不具足清淨行世尊告曰若有人俱會者此名非梵行婆羅門白佛言何等之人漏不具足世尊告曰若有人與女人交接或手足相觸或在心懷而不忘失是謂梵志行不具足漏諸婬泆與婬怒癡共相應復次梵志或與女人共相調戲言語相加是謂梵志此人行不全具漏婬怒癡梵行不具足修清淨行復次梵志若有人惡眼相視而不移轉於中便起婬怒癡想生諸亂念是謂梵志此人梵行不淨不修梵行復次梵志若復有人遠聞或聞哭聲或聞笑聲於中起婬怒癡起諸亂想是謂梵志此人不清淨修梵行與婬怒癡共相應行不全具復次梵志若有人曾見女人後更生想憶其頭目於中生想在屏閑之處生婬怒癡與惡行相應是謂梵志此人不修梵行是時生漏梵志白世尊言甚奇甚特此沙門瞿曇亦知梵行亦

知不梵行亦知漏行亦知不漏行所以然者我今亦生此念諸有人民女人手足相加起諸亂想我時便生此念此人行不清淨與嫖怒癡共相應第一更樂者女人是也第一可欲者所謂眼眼相視然彼女人或語或笑繫綴男子或共言語而繫綴男子是時我便生此念此六人盡行不清淨行如來今日所說甚過猶如盲者得目迷者見路愚者聞道有目之人見色如來說法亦復如是是我今自歸佛法衆自今之後不復殺生唯願受為優婆塞今時生漏梵志聞佛所說歡喜奉行

聞如是一時佛在毗舍離城外林中與大比丘衆五百人俱今時尊者馬師到時著衣持鉢入城乞食是時薩遮尼健子遇見馬師來即往語馬師曰汝師說何等義有何教訓以何教誠向弟子說法乎馬師報曰梵志色者無常無常者即是苦苦者即是無我無我者即是空也空者彼不我有我非彼有如是者智人之所學也痛

想行識無常此五盛陰無常者即是
苦苦者即是無我無我者即是空空
者彼非我有我非彼有卿欲知者我
師教誡其義如是與諸弟子說如是
義是時尼健子以兩手掩耳而作是
言止止馬師我不樂聞此語設瞿曇
沙門有此教者我實不樂聞所以然
者如我義者色者是常沙門義者無
常何日當見沙門瞿曇與共論議當
除沙門瞿曇顛倒之心尔時毗舍離
城五百童子集在一處欲有所論是
時尼健子往至五百童子所語童子
曰汝等皆來共至沙門瞿曇所所以
然者意欲與彼沙門瞿曇共論使彼
沙門得見正諦之道沙門所說者色者
無常如我義者色者是常猶如力士
手執長毛之羊隨意將東西亦無疑
難我今亦復如是與彼沙門瞿曇論
議隨我捉捨而無疑難猶如猛象凶
暴而有六牙在深山中戲亦無所難
我今亦復如是與彼論議亦無疑難
猶如兩健丈夫而提一劣者在火上
炙隨意轉側亦無疑難我今與彼論

義亦無疑難我論議中尚能害象何
況人乎亦能使象東西南北豈不如
人乎今此講堂樑柱無情之物尚能
使移轉何況與人共論能勝我使彼
血從面孔出而命終其中或有童子
而作是言尼健子終不能與沙門論
議但恐沙門瞿曇與尼健子論議耳
或有作是說沙門不與尼健子論議
尼健子能與沙門共論議是時尼健
子便作是念設令沙門瞿曇所說如
馬師比丘者足得相疇若有義者聞
已當知是時尼健子將五百童子前
後圍繞往至世尊所共相問訊在一
面坐是時尼健子白世尊言云何瞿
曇有何教誡以何教誡訓諸弟子佛
告尼健子我之所說色者無常無常
即是苦苦者即是無我無我者即是
空空者彼非我有我非彼有痛想行
識及五盛陰皆悉無常無常即是苦
苦者無我無我者是空空者彼非我
有我非彼有我之教誡其義如是尼
健子報曰我不樂聞此義所以然者
如我所解義色者是常世尊告曰汝

今且專心意思惟妙理然後說之尼
健子報曰我今所說色者是常此五
百童子其義亦尔世尊告曰汝今所
說色者是常此五百童子其義亦尔
世尊告曰汝今以已之辯說之何為
引彼五百人乎尼健子報曰我今說
色是常沙門欲何等言論世尊告曰
我今說色者無常亦復無我權詐合
數有此色者亦無真實無固無牢亦
如雪搏是等磨滅之法是變易之法汝
今方說色者是常我還問汝隨意報
我云何尼健子轉輪聖王還於已國
得自在不乎又彼大王不應脫者而
脫之不應繫者而繫之可得尔乎尼
健子報曰此聖王有此自在之力不
應殺者能殺之不應繫者能繫之世
尊告曰云何尼健子轉輪聖王當復
老乎頭白面皺衣裳垢分是時尼健
子默然不報世尊再三問之彼亦再
三默然不報是時密跡金剛力士手執
金剛之杵在虛空中而告之曰汝今
不報論者於如來前破汝頭作七分
尔時世尊告尼健子曰汝今觀虛空

中是時尼健子仰觀空中見密跡金剛力士又聞空中語設汝不報如來論者當破汝頭作七分見已驚恐衣毛皆豎白世尊言唯願瞿曇當見救濟今更問論當時對世尊告曰云何尼健子轉輪聖王當復老乎亦當頭白齒落皮緩面皺耶尼健子報曰沙門瞿曇雖有此語如我義者色者是常世尊告曰汝善思惟而後報之前之與後義不相應但具論聖王當復老乎亦當頭白齒落皮緩面皺耶尼健子報曰轉輪聖王許使老世尊告曰轉輪聖王常能於已國得自由何以故不能却老却病却死我不用老病死我是常之應欲使然者其義可乎是時尼健子默然不對愁憂不樂寂然不語是時尼健子身體汗出汗汗衣囊亦徹坐處乃至於地世尊告曰尼健子汝在大象中而師子吼汝等童子共我至瞿曇所與共論議當降伏如捉長毛之羊隨意東西而無疑難亦如大象入深水中隨意自遊亦無所畏亦如兩健丈夫捉一劣者

在火上炙隨意轉側又復汝說我常
能論害大象如此標柱草木斯皆無
情與共論議能使屈申任仰亦能使
腋下流汗尔時世尊舉三法表示尼
健子曰汝觀如來腋無流汗然汝今
日返更有汗乃微乎地是時尼健子
復默然不對尔時有童子名頭摩侯
在彼衆是時頭摩童子白世尊言我
今堪任有所施行亦欲所說世尊告
曰隨意說之頭摩童子白佛言猶如
去村落不遠有好浴池然彼浴池有
虫饒脚然村落人民男女大小往至
浴池所而出此虫各各以瓦石取此
虫打之傷破手脚彼虫意欲還入水
者終無此事此尼健子亦復如是初
意猛盛與如來共論心懷妬意兼抱
憍慢如來盡以除之永無有餘此尼
健子更終不能重至如來所而共論
議是時尼健子語頭摩童子曰汝今
愚惑不別真偽亦不與汝共論乃與
沙門瞿曇共論是時尼健子白佛言
唯問義理當更說之世尊告曰云何
尼健子轉輪聖王欲使老病死不至

可得尔乎彼聖大王果此願耶尼健
子報曰不果此願也欲使有此色欲
使無此色可果乎尼健子報曰不果
也瞿曇世尊告曰云何尼健子色者
是常為是無常尼健子報曰色者無
常設復無常為變易法汝復見此是
我許我是彼有乎對曰不也瞿曇痛
想行識為是常為是非常對曰無常
世尊告曰設復無常為變易之法汝
頗見有乎對曰無也世尊告曰此五
盛陰是常無常也尼健子報曰無常
也佛言設復無常為變易法汝頗見
有乎對曰無也云何尼健子汝言是
常此理不與義相違乎是時尼健子
白世尊言我今愚癡不別真諦乃興
此懷與瞿曇共論言色是常猶如猛
獸師子遙見人來有恐怖心乎終無
此事今日如來亦復如是無有毫釐
我今狂惑未明深義乃敢觸疑沙門
瞿曇所說過多猶如盲者得眼聾者
徹聽迷者見路無目見色沙門瞿曇
亦復如是無數方便而為說法我今
自歸沙門瞿曇法比丘僧自今以後

盡形壽聽為優婆塞不復殺生唯願
瞿曇及比丘僧當受我請欲飯佛及
比丘僧今時世尊默然受請是時尼
健子見世尊默然受請即從坐起繞
佛三帀頭面礼足而去往詣毗舍離
童子所到已語童子曰汝等所應供
養我具以當時給我莫以非時我今
請沙門瞿曇及比丘僧明當飯之是
時諸童子各辦飲食之具持用與之
是時尼健子即以其夜辦種種甘饌
飲食敷好坐具而白時到今正是時
唯願屈神是時世尊到時著衣持鉢
將諸比丘僧入毗舍離往至尼健子
家到已就坐及比丘僧各次第坐是
時尼健子以見佛比丘僧坐定自手
斟酌行種種飲食見佛比丘僧食訖
行清淨水便取一小座在如來前坐
欲得聞法今時世尊漸與說妙論所
謂論者施論戒論生天之論欲為穢
惡婬不淨行出要為樂今時世尊以
見尼健子心開意解諸佛世尊常所
說法苦習盡道盡與彼尼健子說之
是時尼健子即於坐上諸塵垢盡得

法眼淨是時世尊便說此偈

祠祀火為上 詩書頌為首 人中王為最
衆流海為源 星中月為明 光明日取勝
上下及四方 諸地所出物 天及人民類
佛為無上尊 欲求其德者 三佛為最上
今時世尊說此偈已 即從坐起而去
是時尼健子五百弟子聞師受佛教
化聞已各各自相謂言 我等大師云
何師宗瞿曇是時諸弟子出毗舍離
城在中道立是時尼健子欲至佛所
聽法是時世尊與尼健子說法助令
歡喜尼健子聞法已即從坐起頭面
禮足便退而去是時尼健子弟子遙
見師來各各自相謂言 此沙門瞿曇
弟子今著道來各各取瓦石而打殺
之時諸童子聞尼健子為弟子所殺
往至世尊所頭面禮足在一面坐今時
諸童子白世尊言 如來所可教化尼
健子者今為弟子所殺今以命終為
生何處世尊告曰 彼是有德之人四
諦具足三結使滅成須陀洹必盡苦
際今日命終生三十三天彼見弥勒
佛已當盡苦際此是其義當念修行

今時諸童子白世尊言甚奇甚特此
尼健子至世尊所捕論議還以已論
而自縛來受如來化夫見如來者終
無虛妄猶如有人入海取寶必有所
剋獲終不空還此亦如是其有衆生
至如來所者要得法寶終不空還尔
時世尊與諸童子說微妙法使令歡
喜尔時諸童子從佛聞法已即從坐
起繞佛三匝頭面礼足便退而去尔
時諸童子聞佛所說歡喜奉行

增壹阿含經卷第三十

癸卯歲高麗國大藏都監奉
勅彫造

增壹阿含經卷第三十一

繫

力品第三十八之二

東晉剎舍主義聖雲僧伽提婆譯

聞如是一時佛在舍衛國祇樹給孤獨園。尔時世尊告諸比丘。有六凡常之力。云何為六。小兒以啼為力。欲有所說。要當先啼。女人以瞋恚為力。依瞋恚已。然後所說。沙門婆羅門。以忍為力。常念下下於人。然後自陳國王。以憍傲為力。以此豪勢。而自陳說。然阿羅漢。以專精為力。而自陳說。諸佛世尊。成大慈悲。以大悲為力。利益眾生。是謂比丘。有此六凡常之力。是故比丘。當作是學。尔時諸比丘。聞佛所說。歡喜奉行。

聞如是一時佛在舍衛國祇樹給孤獨園。尔時世尊告諸比丘。汝等當思惟。無常想。廣布。無常想已。思惟廣布。無常想。盡。斷欲界愛。色界無色界愛。亦斷。無明憍慢。猶如以火燒焚草木。永盡無餘。亦无遺跡。此亦如是。若修

無常想盡斷欲愛色愛无色愛無明
憍慢永无有餘所以然者比丘當修
无常想時而无欲心彼以無欲心便能
分別法思惟其義无有愁憂苦惱彼
以思惟法義則無愚惑錯誤修行者
見有闢諍者彼便作是念此諸賢士
不修無常想不廣布无常想故致此
闢訟耳彼以闢諍不觀其義以不觀
其義則有迷惑之心彼以執此愚惑
而命終入三惡道餓鬼畜生地獄中
是故諸比丘當修無常想廣布无常
想便無瞋恚愚惑之想亦能觀法亦
觀其義若命終之後生三善處生天上
人中涅槃之道如是諸比丘當作是
學今時諸比丘聞佛所說歡喜奉行
聞如是一時佛在摩竭國憂迦支江
水側今時世尊詣一樹下躬自敷座
而坐正身正意繫念在前今時有一
梵志往至彼處是時梵志見世尊腳跡
為妙見已便生此念是何人之跡為
是天龍鬼神軋杳和阿道倫人若非
人為我先祖梵天耶是時梵志即逐
跡前進遙見世尊在一樹下坐正身

正意繫念在前見已作是語為是天
耶世尊告曰我非是天為軋沓和耶
世尊告曰我非軋沓和也為是龍子
乎對曰我非是龍也為闍叉也佛報
梵志我非闍叉為是祖父也佛報曰
我非祖父是時婆羅門問世尊曰汝
今是誰世尊告曰有愛者則有受有
受則有愛因緣合會然後各各相生
如此如此五苦盛陰無有斷絕時以
知愛已則知五欲亦知外六塵內六
入即知此盛陰之本末尔時世尊便
說此偈

世間有五欲意為第六生以知內外六
當念盡苦際

是故當求方便滅內外六事如是梵
志當作是學尔時彼梵志聞佛如是
教思惟翫習不去心懷即於坐上諸
塵垢盡得法眼淨尔時彼梵志聞佛
所說歡喜奉行

間如是一時佛在舍衛國祇樹給孤
獨園尔時世尊告諸比丘我本為菩
薩時未成佛道中有此念此世間極為
勤苦有生有老有病有死然此五盛陰

不得盡本原是時我復作是念由何因緣有生老病死復由何因緣致此災患當思惟此時復生此念有生則有老病死今時當思惟是時復更生念由何因緣有生此由有而生復生此念有者何由而有當思惟是時便生此念此有由受而有復念此受何由而有今時以智觀之由愛而有受復更思惟此愛何由而生重觀察之由痛而有愛復更思惟此痛何由而生當作是觀察時由更樂而有此痛復重思惟此更樂何由而有我生此念時緣六入而有此更樂時我重思惟此六入何由而有觀察是時由名色而有六入時我復作是念名色何由而有觀察是時復由識而有名色此識何由而有觀察是時由行生識時我復作是念行何由而生觀察是時行由癡而生無明緣行行緣識識緣名色名色緣六入六入緣更樂更樂緣痛痛緣愛愛緣受受緣有有緣生生緣死死緣愁憂苦惱不可稱計如是名為苦盛陰所習我今時復作

是念由何因緣滅生老病死我觀察
是時生滅老病死滅時復生此念由
何而無生觀此生原有滅生則滅復
念由何而無有時生此念无受則無
有時我生此念由何滅受觀察是時愛
滅受則滅復生此念由何而滅愛重
更觀察痛滅愛則滅復思惟由何而
滅痛觀察是時更樂滅則痛滅復思
惟更樂何由而滅觀察是時六入滅
則更樂滅復觀此六入何由而滅當
觀察時名色滅則六入滅復觀名色
何由而滅識滅則名色滅復觀察此
識何由而滅行滅則識滅復觀此行
何由而滅癡滅則行滅則識滅
識滅則名色滅名色滅則六入滅六
入滅則更樂滅更樂滅則痛滅痛滅
則愛滅愛滅則受滅受滅則有滅有
滅則生滅生滅則老病滅老病滅
則死滅是謂名為五盛陰滅時我
復生此念此識取為原首令人致此
生老病死然不能知此生老病死生
之原本猶如有人在山林中行逐小
但道小復前行見舊大道古昔諸人

在中行處是時彼人便復此道小復
前進見舊城郭園觀浴池皆悉茂盛
但彼城中無有居民此人見已還歸
本國前白王言昨遊山林見好城郭
樹木繁茂但彼城中無有人民大王
可使人民在彼城止住是時國王聞
此人語即居止人民然此城郭還復
如故人民熾盛快樂無比諸比丘當知
我昔未成菩薩時在山中學道見古
昔諸佛所遊行處便從彼道即知生
老病死所起原本有生有滅皆悉分
別知生苦生習生盡生道皆悉了知
有受愛痛更樂六入名色識行癡亦
復如是無明起則行起行所造者復
由於識我今以明於識今與四部之
衆而說此本皆當知此原本所起知
苦知習知盡知道念使分明以知六入
則知生老病死六入滅則生老病死滅
是故比丘當求方便滅於六入如是
諸比丘當作是學今時諸比丘聞佛
所說歡喜奉行

聞如是一時佛在舍衛國祇樹給孤
獨園今時世尊與無央數百千萬衆

而為說法。今時阿那律在彼坐上。是時阿那律在衆中睡眠。尔時佛見阿那律睡眠。便說此偈。

受法快睡眠。意無有錯亂。賢聖所說法。智者之所樂。猶如深淵水。澄清无瑕穢。如是聞法人。清淨心樂受。亦如大方石。風所不能動。如是得毀譽。心無有傾動。是時世尊告阿那律。汝畏王法及畏盜賊。而作道乎。阿那律報曰。不也。世尊。佛告阿那律。汝何故出家學道。阿那律白佛言。欲患此老病死愁憂苦惱。為苦所惱。故欲捨之。是故出家學道。世尊告曰。汝今族姓子。信心堅固。出家學道。世尊今日躬自說法。去何於中睡眠。是時尊者阿那律即從座起。偏露右肩。叉手白世尊言。自今已後。形骸體爛。終不在如來前坐睡。尔時尊者阿那律連曉不眠。然不能除去睡眠。眼根遂損。尔時世尊告阿那律曰。勤加精進者。與調戲。蓋相應。設復懈怠。與結相應。汝今所行。當處其中。阿那律白佛前。已在如來前。誓今不能復還。本要。是時世尊告耆域。

曰療治阿那律眼根者域報曰若阿
那律小睡眠者我當治目世尊告阿
那律曰汝可寢寐所以然者一切諸
法由食而存非食不存眼者以眠為
食耳者以聲為食鼻者以香為食舌
者以味為食身者以細滑為食意者
以法為食我今亦說涅槃有食阿那
律曰佛言涅槃者以何等為食佛告
阿那律涅槃者以無放逸為食乘无
放逸得至於無為阿那律曰佛言世
尊雖言眼者以眠為食然我不堪睡
眠今時阿那律縫故衣裳是時眼遂
敗壞而得天眼無有瑕穢是時阿那
律以凡常之法而縫衣裳不能得使
縷通針孔中是時阿那律便作是念
諸世間得道羅漢當與我貫針是時
世尊以天耳清淨聞此音聲諸世間
得道阿羅漢者當與我貫針今時世
尊至阿那律所而告之曰汝持針來
吾與貫之阿那律曰佛言向所稱說
者謂諸世間欲求其福者與我貫針
世尊告曰世間求福之人無復過我
如來於六法無有厭足云何為六一

者施二者教誡三者忍四者法說義
說五者將護衆生六者求無上正真
之道是謂阿耨律如來於此六法無
有厭足阿耨律曰如來身者真法之
身復欲更求何法如來已度生死之
海又脫愛著然今日故求為福之首
世尊告曰如是阿耨律如汝所說如
來亦知此六法為無厭足若當衆生
知罪惡之原身口意所行者終不墮
三惡趣以其衆生不知罪惡之原故
墜墮三惡趣中今時世尊便說此偈
世間所有力遊在天人中福力取為勝
由福成佛道

是故阿耨律當求方便得此六法如
是諸比丘當作是學今時諸比丘聞
佛所說歡喜奉行

聞如是一時佛在舍衛國祇樹給孤
獨園今時有衆多比丘入舍衛城乞
食聞王波斯匿宮門外有衆多人民
於中舉手喚呼皆稱怨國界有賊名
鴛掘魔極為兇暴煞害生類不可稱
計無慈悲於一切衆生國界人民無
不歡患曰取人煞以指為驢故名為

指鬘唯願大王當往共戰是時衆多
比丘乞食已還詣祇洹精舍收攝衣
鉢以尼師檀著肩上往至世尊所頭
面礼足在一面坐尔時衆多比丘白
世尊言我等衆多比丘入舍衛城乞
食見衆多人民在王宮門外稱怨訴
諍今王國界有賊名鷲掘魔為人兒
暴無有慈心然於一切衆生人亡國虛
皆由此人又取人指以為華鬘尔時
世尊聞彼比丘語已即從座起默然
而行是時世尊尋到彼所諸有取薪
負草刈牛作之人及牧牛羊者見世尊
詣彼道各自佛言沙門沙門勿從彼
道所以然者此路側有賊名鷲掘魔
於中止住諸有人民欲就此道者要
集十人或二十人或三十四十五十
人猶不得過盡為鷲掘魔所擒獲然沙
門瞿曇獨無有侶為鷲掘魔所觸燒
者於事不省世尊雖聞此語故進下
住尔時鷲掘魔母持食詣鷲掘魔所
是時鷲掘魔便作是念吾指鬘為充
數不乎是時即數指未充數復更重
數唯少一人指是時鷲掘魔左右頤

視求覓生人欲取煞之然四遠願望
亦不見人便作是念我師有教若能
害母者必當生天我今母躬來在此
即可取煞之得指充數生於天上是
時鵞掘魔左手捉母頭右手拔劍而
語母言小住阿母是時世尊便作是
念此鵞掘魔當為五逆即放眉間相
光明普照彼山林是時鵞掘魔見光
明已復語母言此是何光明照此山
林將非國王集諸兵衆攻伐我身乎
是時母告曰汝今當知此非日月火
光亦非釋梵天王光明尔時其母便
說此偈

此非火光明非日月釋梵鳥狩不驚怖
和鳴殊於常此光極清淨使人悅無量
必是尊嚴勝十力至此聞於天世人中
天眼觀世界故欲度汝身世尊來至此
是時鵞掘魔聞佛音響歡喜踊躍不
能自勝便作是語我師亦有教誡而
勑我曰設汝能害母并煞沙門瞿曇
者必生梵天上是時鵞掘魔語母曰
母今且住我先取沙門瞿曇煞然後
當食是時鵞掘魔即放母而往逐世

尊遙見世尊來亦如金聚靡所不照
見已並笑而說是語今此沙門定在
我手必然不疑其有人民欲行此道
者皆集大衆而行此道然此沙門獨
無伴侶我今當取煞之是時鷲掘魔
即拔寶劍往逆世尊是時世尊尋還
復道徐而行步而鷲掘魔奔馳而逐
亦不能及如來是時鷲掘魔白世尊
言住住沙門世尊告曰我自住耳汝
自不住是時彼鷲掘魔並走遙說
此偈

去而復言住語我言不住與我說此義
彼住我不住

余時世尊以偈報曰

世尊言已住不害於一切汝今有煞心
不離於惡原我住慈心地慈護一切人
汝種地獄若不離於惡原

是時鷲掘魔聞此偈已便作是念我
今審為惡耶又師語我言此是大祠
獲大果報能取千人煞以拍作變者
果其所願如此之人命終之後生善
處天上設取所生母及沙門瞿曇煞
者當生梵天上是時佛作威神神識

憚寤諸梵志書籍亦有此言如來出世甚為難遇時時億劫乃出彼出世時不度者令度不解脫者令得解脫彼說滅六見之法去何為六言有我見者即說滅六見之法無有我者亦與說滅无有我見之法言有我見無有我見亦與說有我見無我見之法復自觀察說觀察之法自說无我之法亦非我說亦非我不說之法若如來出世說此滅六見之法又我奔走之時能及象馬車乘亦及人民然此沙門行不暴疾然今日不能及此必當是如來是時鵞掘魔便說此偈

尊今為我故而說微妙偈
惡者今識真皆由尊威神
即時捨利劍投于深坑中
今礼沙門跡即求作沙門

是時鵞掘魔即前白佛言世尊唯願聽作沙門世尊告曰善來比丘即時鵞掘魔便成沙門者三法衣余時世尊便說此偈

汝今以剃頭除結亦當余結滅成大果
無復愁苦惱

是時鵞掘魔聞此語已即時諸塵垢

盡得法眼淨。今時世尊將鴛掘魔比
丘還詣舍衛城祇洹精舍。是時王波
斯匿集四部之衆欲往攻伐賊鴛掘
魔。是時王便作是念。我今可往至世
尊。所以此因緣具白世尊。若世尊有
所說者當奉行之。今時王波斯匿即
集四部之兵往世尊所。頭面礼足在
一面坐。今時世尊問王曰。大王今日
欲何所至。塵汙身體。乃至於斯波斯
匿王白佛言。我今國界有賊名鴛掘
魔。極為兇暴。無有慈心於一切衆生。
使國丘荒。人民流迸。皆由此賊。彼今
取人煞之以指為駿。此是惡鬼。非為
人也。我今欲誅伐此人。世尊告曰。若當
大王見鴛掘魔信心堅固。出家學道
者。王當奈之。何。王白佛言。知復如何。
但當承事供養。隨時礼拜。然後世尊
彼是惡人。無毫釐之善。恒煞害。能有
此心出家學道乎。終無此理。是時鴛
掘魔去世。尊不遠結跏趺坐。正身正
意。繫念在前。今時世尊伸右手指示
王曰。此是賊鴛掘魔王。聞此語便懷
恐怖。衣毛皆豎。世尊告王勿懷恐怖。

可往至前自當悟王意耳是時王聞
佛語即至鵞掘魔前語鵞掘魔曰汝
今姓誰鵞掘魔曰我姓伽伽母名滿
足是時王礼足已在一面坐今時王
問曰善樂此正法之中勿有懈怠修清
淨梵行得盡苦際我當盡形壽供養
衣被飲食牀卧具病瘦醫藥是時鵞
掘魔默然不對王即從座起頭面礼
足還詣世尊所頭面礼足在一面坐
是時王復白佛言不降者使降不伏
者使伏甚奇其特曾所不有乃能降
伏極惡之人唯願大尊受命無窮長
養生民蒙世尊恩得免此難國事猥
多欲還城池世尊告曰王知是時今
時國王即從座起頭面礼足便退而
去今時鵞掘魔作阿練若著五納衣
到時持鉢家家乞食周而復始著補
納弊壞之衣極為麤醜亦復露坐不
覆形體是時鵞掘魔在閑靜之處自
修其行所以族姓子出家學道者欲
修無上梵行生死已盡梵行已立所
作已辦更不復受胎如實知之時鵞
掘魔便成羅漢六通清徹無有塵垢

已成阿羅漢到時著衣持鉢入舍衛城乞食是時有婦女臨產甚難見已便作是念衆生類極爲苦痛受胎無限是時鵞掘魔食後收攝衣鉢以尼師檀著肩上往至世尊所頭面禮足在一面坐尔時鵞掘魔白世尊言我向著衣持鉢入舍衛城乞食見一婦人身體重姪是時我便作是念衆生受苦何至於斯世尊告曰汝今往彼婦人所而作是說我從賢聖生已來未曾煞生持此至誠之言使此母人胎得無他鵞掘魔對曰如是世尊是時鵞掘魔即其日著衣持鉢入舍衛城往至彼母人所語彼母人曰我從賢聖生已來更不煞生持此至誠之言使胎得解脫是時母人胎即得解脫是時鵞掘魔城中乞食諸男女大小見之各各自相謂言此名鵞掘魔煞害衆生不可稱計今復在城中乞食是時城中人民各各以瓦石打者或有以刀斫者傷壞頭目衣裳裂盡流血汗體即出舍衛城至如來所是時世尊遙見鵞掘魔頭目傷破流血汗衣

而來見已便作是說汝今忍之所以
然者此罪乃應永劫受之是時鷲拈
魔至世尊前頭面礼足在一面坐
時鷲拈魔在如來前便說此偈
堅固聽法句 堅固行佛法 堅固親善友
便成滅盡處 我本為大賊 名曰鷲拈魔
為流之所澍 蒙尊拔濟之 今觀自歸業
亦當觀法本 今以逮三明 成就佛行業
我本名無害 煞害不可計 今名真諦實
不害於一切 設復身口意 都無害心識
此名無煞害 何況起思想 弓師能調角
水人能調水 巧匠調其木 智者自調身
或以鞭杖伏 或以言語屈 竟不加刀杖
今我自降伏 人前為過惡 後止不復犯
是照於世間 如雲消月現 人前為過惡
後止不復犯 是照於世間 如雲消日現
比丘老少壯 修行佛法行 是照於世間
如彼月雲消 比丘老少壯 修行佛法者
是照此世間 如彼日雲消 我今受痛少
飲食自知足 盡脫一切苦 本緣今已盡
更不受死跡 亦復不樂生 今正待時節
歡喜而不亂

是時如來可鷲拈魔所說是時鷲拈

魔以見如來然可之即從座起礼世尊足便退而去是時諸比丘白世尊言驚振魔本作何功德今日聰明智慧面目端政世之希有復作何不善行於今身上煞害生類不可稱計復作何功德於今值如來得阿羅漢道今時世尊告諸比丘昔者過去久遠於此賢劫之中有佛名迦葉如來至真等正覺出現於世迦葉如來去世之後有王名大果統領國界與閻浮提今時彼王有八万四千宮人姝女各無兒息今時大果王向諸樹神山神日月星宿靡所不周欲求男女今時王第一夫人身即懷妊經八九月便生男兒顏貌端政世之希有是時彼王便生是念我本無有兒息經今許時今方生兒宜當立字於五欲之中而自娛樂是時王占諸群臣能瞻相者而告之曰我今以生此兒各與立字是時群臣聞王教已即白王言今此太子極為奇妙端政無比面如桃華色必當有大力勢今當立字名曰大力是時相師與太子立字已各

從座起而去是時國王愛慾此太子未曾去目前是時太子年向八歲將諸臣佐往父所朝賀問訊父王復作是念今此太子極自奇特即告之曰吾今與汝取婦何如乎太子白王子今年幼何須婚娶是時父王權停不與取婦復經二十歲王復告曰吾欲與汝取婦太子白王不須取婦是時父王告群臣人民曰我本無兒息經歷久遠方生一子今不肯取婦清淨無瑕余時王太子轉字名曰清淨是時清淨太子年向三十王復勅群臣曰吾今年已衰微更無兒息今唯有清淨太子今王高位應授與太子然太子不樂五欲之中當云何理國事群臣報曰當為方便使樂五欲是時父王即椎鐘鳴鼓勅國中入其能使清淨太子樂五欲者吾當賜與千金及諸寶物余時有女人名曰婬種盡明六十四變彼女人聞王有教令其能使王太子習五欲者當賜與金千斤及諸寶物即往至父王所而告之曰見與千金及諸寶物能使王太子習

於五欲父王報曰審能念者當重相
賜不負言信時姪女白王太子為宿
宿何處王報曰在東堂上無有女人
唯有一男兒在彼侍衛女人白曰惟
願大王勅內宮中勿見限遮隨意出
入是時姪女即其夜鼓二時在太子
門側佯舉聲哭是時太子聞女人哭
聲慙勅侍人曰此是何人於斯而哭
侍人報曰此是女人在門側哭太子
告曰汝速往問所由哭耶時彼侍臣往
而問之所由哭耶姪女報曰夫主見
棄是故哭耳侍臣還白太子此女人
為夫主所棄又畏盜賊是故哭耳太
子告曰將此女人著象廐中到彼復
哭復將至馬廐中復哭太子復語侍
臣將來在此即將入堂復於中哭太
子躬自問曰何為復哭姪女報曰太
子女人單弱極懷恐怖是故哭耳太
子告曰上吾牀上可得無畏時女人
默然不語而復不哭是時女人即脫
衣裳前捉太子手舉著已臂上即時
驚覺漸漸起欲想以起欲心便身就
之是時清淨太子明日清旦往父王

所是時父王遙見太子顏色殊於常日見已便作是說汝今所欲者事果乎太子報曰如大王所言是時父王歡喜踊躍不能自勝並作是說欲求何願吾當與之太子報曰所賜願者勿復中悔當求其願時王報曰如汝所言終不中悔欲求何願太子白王大王今日統領閭潯提內皆悉自由閭潯提里內諸未嫁女者先適我家然後使嫁是時王曰隨汝所言王即勅國內人民之類曰諸有女未出門者先使詣清淨太子然後嫁之今時彼城中有女名須壘次應至王所是時須壘長者女露形裸跣在衆人中行亦無羞耻衆人見已各相對談此是長者女名稱遠聞云何露形在人中行如驢何異女報衆人曰我非為驢汝等衆人斯是驢耳汝等頗見女人還見女人有相耻乎城中生類盡是女人唯有清淨太子是男子矣若我至清淨太子門者當著衣裳是時城中人民自相謂言此女所說誠入我意我等實是女非男也唯有清淨太子

乃是男也我等今日當行男子之法是時城中人民各辦戰具著鎧持杖往至父王所白父王曰欲求二願唯見聽許王報之曰何等二願人民白王王欲存者當煞清淨太子子欲存者今當煞王我等不堪任承事清淨太子辱國常法是時父王便說此偈為家忘一人為村忘一家為國忘一村為身忘世間

是時父王說此偈已告人民曰今正是時隨汝等意是時諸人將清淨太子取兩手縛之將詣城外各相謂言我等咸共以瓦石打煞何須一人煞乎是時清淨太子臨欲死時而作是說又作誓願諸人民取吾在煞然父王自與我願我今受死亦不敢辭使我將來之世當報此怨又使值真人羅漢速得解脫是時人民取太子煞已各自散去諸比丘莫作是觀尔時大果王者豈異人乎今驚掘魔師是也尔時姪女者今師婦是也尔時人民者今八万人民死者是也尔時清淨太子今驚掘魔比丘是也臨欲死

時作是誓願今還報怨無免手者緣
此因緣煞害無限後作誓願願欲值
佛今得解脫成阿羅漢此是其義當
念奉行今時世尊告諸比丘我弟子
中第一聰明捷疾智者所謂耆掘魔
比丘是也今時諸比丘聞佛所說歡
喜奉行

增壹阿含經卷第三

癸卯歲高麗國大藏都監奉
勅彫造

增壹阿含經卷第三十二

聲

力品第三十八之二

東晉時三藏聖王增伽提婆譯

聞如是一時佛在羅閱城耆闍崛山中與大比丘衆五百人俱。尔時世尊告諸比丘。汝等見此靈鷲山乎。諸比丘對曰。唯然。見之。卿等當知過去久遠。世時此山更有異名。汝等復見此廣普山乎。諸比丘對曰。唯然。見之。汝等當知過去久遠。此山更有異名。不與今同。汝等見白善山乎。諸比丘對曰。唯然。見之。過去久遠。此山更有異名。不與今同。汝等頗見此負重山乎。諸比丘對曰。唯然。見之。汝等頗見此仙人掘山乎。諸比丘對曰。唯然。見之。此山過去久遠。亦同。此名更無異名。所以然者。此仙人山恒有神通菩薩。得道羅漢。諸仙人所居之處。又辟支佛亦在中遊戲。我今當說辟支佛名。号汝等諦聽。善思念之。有辟支佛名阿利吒婆利吒。審諦重辟支佛善觀。辟支佛究竟。辟支佛聰明。辟支佛無。

垢辟支佛帝奢念觀辟支佛元減無形勝寂勝極大極雷電光明辟支佛此比丘諸辟支佛若如來不出世時余時此山中有此五百辟支佛居此仙人山中如來在與術天上欲來生時淨居天子自來在此相告普勅世間當淨佛土却後二歲如來當出現於世是諸辟支佛聞天人語已皆騰在虛空而說此偈

諸佛未出時此處賢聖居自悟辟支佛恒居此山中此名仙人山辟支佛所居仙人及羅漢終無空馱時

是時諸辟支佛即於空中燒身取般涅槃所以然者世無二佛之号故取滅度耳一商客中終無二導師一國之中亦无二王一佛境界無二尊号所以然者過去久遠此羅閱城中有王名喜益彼恒念地獄苦痛亦念餓鬼畜生之痛余時彼王便作是念我今恒憶地獄畜生餓鬼之苦痛我今不宜更入此三惡道中今宜盡捨國王正位妻子僕從以信堅固出家學道余時大王喜益厭此酸苦即捨王位剝除鬚髮

著三法衣出家學道在空閑之處而自冠已觀五盛陰觀了無常所謂此色此色習此色盡痛想行識亦復如是皆悉無常當觀此五盛陰時諸可習法盡是滅法觀此法已然後成辟支佛道是時喜益辟支佛已成道果便說此偈

我憶地獄苦 畜生五道中 捨之今學道 獨逝而元憂

是時此辟支佛在彼仙人山中比丘當知以此方便知此山中恒有神通菩薩得道真人學仙道者而居其中是故名曰仙人之山更無異名若如來不出現於世時此仙人山中諸天恒來恭敬所以然者斯山中純是真入無有雜錯者若弥勒佛降神世時此諸山名各各別異此仙人山更无異名此賢劫之中此山名亦不異汝等比丘當親近此山承事恭敬便當增益諸功德如是比丘當作是學余時諸比丘聞佛所說歡喜奉行聞如是一時佛在舍衛國祇樹給孤獨園尔時世尊告諸比丘汝等專念

而自修已云何當專念於是比丘可行
知行舉動進止屈申俯仰著衣法則
睡眠覺寤或語或默皆悉知時若復
比丘心意專正彼比丘欲漏未生便不
生已生便滅之未生有漏使不生已生
令滅之未生無明漏使不生已生令滅
之若專念分別六入終不墮惡道云何
六入為惡道眼觀此色若好若醜見好
則喜見惡不喜若耳聞聲若好若醜聞
好則喜聞不好則不喜鼻口身意亦復
如是猶如有六種之虫性行各異所行
不同若有人取繩纏縛之取狗野狐獐
猴鱣魚玩地飛鳥皆悉縛之共繫一
處而放之今時六種之虫各有性行今
時狗意中欲赴趣村中野狐意中欲
趣赴塚間鱣魚意中欲趣水中獐猴意
中欲向山林之間毒蛇意中欲入穴中
飛鳥意中欲飛在空中今時六種之虫
各各有性行而不共同設復有人取
此六種之虫繫著一處而不得東西
南北是時六種之虫雖復動轉亦不離
故處此內六情亦復如是各各有所
主其事不同所觀別異若好若醜今

時比丘繫此六情而著一處是故諸比丘當念專精意不錯亂是時弊魔波旬終不得其便諸善功德皆悉成就如是諸比丘當念具足眼根便得一果於現法中得阿那含果若得阿羅漢果如是諸比丘當作是學今時諸比丘聞佛所說歡喜奉行

聞如是一時佛在波羅捺鹿野園中與大比丘衆五百人俱今時世尊告諸比丘當思惟無常想廣布无常想以思惟無常想廣布无常想便斷欲愛色愛無色愛盡斷憍慢无明何以故昔者過去久遠世時有辟支佛名善目顏貌端政面如桃華色視瞻矚諦口作優鉢華香身作栴檀香是時善目辟支佛到時著衣持鉢入波羅捺城乞食漸漸至大長者家在門外默然而立是時長者女遙見有道士在門外立端政無雙顏貌殊特世之希有口作優鉢華香體作栴檀香便起欲心向彼比丘所便作是說汝今端政面如桃華色世之希有我今雖處女入亦復端政可共合會然我家

中饒多珍寶資財無量然作沙門甚
為不易是時辟支佛問曰大妹今為
漆者何處長者女報曰我今正著眼
色又復口中作優鉢華香身作栴檀香
是時辟支佛舒左手以右手挑眼著
掌中而告之曰所愛眼者此之謂也
大妹今日為著何處猶如癰瘡無一
可貪然此眼中亦漏不淨大妹當知
眼如浮泡亦不牢固幻為非真誑惑
世人眼耳鼻口身意皆不牢固欺詐
不真口是唾器出不淨之物純含白
滑身為苦器為磨滅之法恒盛臭處
諸重所擾亦如盡瓶內盛不淨大妹
今日為著何處是故大妹當專其心
思惟此法幻為不真如妹思惟眼色
無常所有著欲之想自消滅耳鼻口
身意皆悉無常思惟此已所有欲意
自當消除思惟六入便無欲想是時
長者女便懷恐懼即前礼辟支佛足
白辟支佛言自今已去改過修善更
不興欲想唯願受悔過如是再三修
行辟支佛報曰止止大妹此非汝咎
是我宿罪受此形故使人見起欲情

意當熟觀眼此眼非我我亦非彼有亦非我造亦非彼為乃從無有中而生已有使自壞敗亦非往世今世後世皆由合會因緣所謂合會因緣者緣是有是此起則起此無則无此滅則滅眼耳鼻口身意亦復如是皆悉空寂是故大妹莫著眼色以不著色便至安隱之處無復情欲如是大妹當作是學今時辟支佛與彼女人說四非常之法已昇在虛空現十八變還歸所正今時彼女人觀眼耳鼻舌身意了無所有便在閑靜之處思惟此法彼女人復更思惟六情無主得四等心身壞命終生梵天上比丘當知若思惟無常想廣布无常想盡斷欲色無色愛憍慢無明皆悉除盡是故比丘當作是學今時諸比丘聞佛所說歡喜奉行

聞如是一時佛在舍衛國祇樹給孤獨園今時波斯匿王告御車人曰汝今辦羽寶之車吾欲出外遊觀是時彼人受王教勅即辦羽寶之車前白王曰已嚴駕羽寶之車王且知是時波斯匿王將此人便出舍衛城至彼園觀諸樹木皆無聲響亦无人民

寂然空虛見已便憶如來說諸法之
本是時彼人在王後執扇而扇王此
園果樹木皆無聲響亦无人民寂然
空虛我今欲請如來至真等正覺在
此遊化然不知如來今為所在我欲
往觀侍人報曰釋種有村名曰鹿堂
如來在彼遊化波斯匿王告曰此鹿
堂去此近遠侍人曰王如來住處去
此不遠計其道里有三由旬是時波
斯匿王告白速辦羽寶之車我今欲
見如來是時彼人受王教已即辦駕
車前白王曰卑今已駕王知是時王
即乘車往詣彼村尔時衆比丘輩於
露地而經行是時王下車至衆多比
丘所到已頭面礼足在一面住是時
王白比丘曰如來為所在吾欲見之
衆多比丘報曰世尊在此講堂中住
可往見之勿以為難王欲去時徐舉
其足無令有聲是時波斯匿王還顧
視彼侍人是時侍人便作是念王今
獨與世尊相見我應住此是時王獨
往至世尊所尔時世尊以天眼觀見
波斯匿王在門外立是時世尊即從

座起與王開門王見世尊頭面礼足
自稱姓名我是波斯匿王三自稱
世尊告曰汝今是王我今釋種出家
學道時王白佛唯願世尊延壽無窮
使天人得安世尊告曰使大王當延
壽無窮以法治化莫以非法諸有以
法治者皆生天上善處正使命終之
後名稱不朽世人所傳云昔有國王
以法治化未曾有枉設有人民住此
王境界歎王功德思憶不忘者王身
在天上增六事功德云何為六一者
天壽二者天色三者天樂四者天神
足五者天豪六者天光是故大王當
以法治莫以非法我今日身中有此
功德應受人恭敬礼拜王白佛言如
來功德應受人拜世尊告曰汝今云
何言如來應受人礼拜王白佛言如
來有六功德應得受人礼拜云何為
六如來正法甚為和雅智者所修行
是謂如來初功德可事可敬復次如
來聖衆極為和順法法成就戒成就
智慧成就解脫成就解脫見慧成就
所謂聖衆者四雙八輩此是如來聖

衆可敬可貴世間之大福田是謂如
來第二功德復次如來有四部之衆
所施行法皆習行之更不重受觸擾如
來是謂如來第三功德復次世尊我
見刹刹之姓婆羅門居士沙門高才
蓋世皆來集論議我等當以此論往問
如來設彼沙門瞿曇不報此論者則
有缺也設當能報者我等當稱其善
是時四姓采至世尊所而問此論或
有默然者尔時世尊與彼說法彼聞
法已更不復問事况復欲論皆師事
如來是第四功德復次諸六十二見欺
誑世人不解正法由此致愚然如來
能除此諸邪見業修其正見是謂第
五如來功德復次衆生身口意行惡
彼若命終憶如來功德離三惡趣得
生天上正使極惡之人得生天上是
謂第六如來功德其有衆生見如來
者皆起恭敬之心而供養之世尊告
曰善哉善哉大王乃能如來前作師
子吼演如來功德是故大王常當興
心向於如來如是大王當作是學尔時
世尊與王波斯匿說微妙之法使令

歡喜是時大王聞佛說法已即從座起礼世尊足便退而去未久佛告比丘汝等當持此法供養善惡誦念所以然者此波斯匿王之所說也汝等亦當與四部衆廣演其義如是諸比丘當作是學尔時諸比丘聞佛所說歡喜奉行

聞如是一時佛在羅閱城加蘭陀竹園所與大比丘衆五百人俱尔時阿闍世王告群臣曰汝等速駕羽寶之車吾欲往見世尊是時群臣受王教勅即駕羽寶之車前白王言嚴駕已辦王宜知時時王乘寶羽之車往至世尊所頭面礼足在一面坐尔時阿闍世王白世尊言唯願世尊受我請在羅閱城九十日夏坐尔時世尊默然受王請是時王見世尊默然受請即從座起頭面礼足便退而去是時阿闍世王隨時供養衣被飲食牀卧具病瘦醫藥尔時毗舍離城鬼神興盛人民死亡不可稱計一日之中死者百數鬼神羅剎充滿其中面目黃色或經三四日而死者是時毗舍離人

民恐懼皆集一處而共論議此大城中極為熾盛土人豐熟富樂無限如彼天宮釋所住處然今日為此鬼神所害盡當死亡丘荒猶如山野誰能有此神德却此災患是時人民各自相謂曰我等聞有沙門瞿曇所至到處衆邪惡鬼不得燒近若當如來來至此者此諸鬼神各自馳散但今日世尊在此羅閱城住為阿闍世所供養將恐不來此間遊化或復有作是說如來有大慈悲愍念衆生遍觀一切未度者使令得度不捨一切衆生如母愛子設當有人請者如來便來阿闍世王終不留住誰能堪往至阿闍世王界而白世尊云我等城中今遭此困厄唯願世尊慈悲屈顧今時有大長者名曰寂大集在彼衆是時諸人語長者曰我等聞沙門瞿曇所至到處諸邪惡鬼無能害者若當如來至此間者便能除此災患汝可往世尊所具白此意使此城郭永得存在是時長者默然從衆人語即從座起往至家中到已辦道路行具將諸

人使往至世尊所頭面礼足在一面
坐尔時長者白世尊言毗舍離城中
人民遇此災患人民之類死亡者多
計彼城中一日之內連車載尸動有
百數唯願世尊垂慈接度使餘人拔
擇安處令得無為又聞世尊所至到
處天龍鬼神不敢燒近願垂屈願至
彼城中度彼人民安處無為世尊告
曰我今已受羅閱城阿闍世王請諸
佛世尊言無有二若當阿闍世王見
聽者如來當往寂大長者白佛言此
事甚難阿闍世王終不放如來使至
彼國所以然者阿闍世王於我國土
無有毫釐之善長夜求方便欲害彼
民設當阿闍世王見我者即取我煞
况復得陳此事若當聞彼國人民為
鬼神所害者歡喜無量世尊告曰勿
懷恐懼汝今往至上所而白此事言
如來記前王身終無虛妄所言無二
父王無咎而取害之當生阿鼻地獄
中經歷一切然今日以離此罪改其
過罪於如來法中信根成就緣此德
卒得滅此罪永無有餘於今身命終

當生拍毬地獄中於彼命終當生四天王上於彼命終生禮天上於禮天上命終生兜術天化自在天他化自在天復還以次來至四天王中大王當知二十劫中不墮惡趣恒在人中生最後受身以信堅固剷除驕驕著三法衣出家學道名曰除惡辟支佛彼王聞此語便當歡喜踊躍不能自勝亦當告汝作是語隨汝所求要願吾不違之是時長者白世尊言我今當持世尊威神至彼王所即從座起頭面礼足往彼王所今時阿闍世王與諸群臣在高殿上有所講論是時大長者往至王前王遙見來語群臣曰若當此人今至此所汝等欲取何為或有作是說我等當取五乞之或言當梟其首阿闍世王言汝等催取煞之不須見吾是時長者聞此語已極懷恐懼尋時高聲而作是語我是佛之所使王聞佛音已即下坐右膝著地向如來所問彼長者曰如來何所教勅長者報曰世尊記前聖王而無虛妄所吐言教終无有二如來

言王取父王害之緣此罪本當入阿鼻地獄中經歷一切然後尋時改過於如來所今當生拍毬地獄中於彼命終當生四天王中展轉生他化自在天中還復次來生四王天中二十劫中不墮三惡趣流轉天人之中寂後受身以信堅固出家學道名曰除惡辟支佛出現於世王聞此語已歡喜踊躍不能自勝即告大長者曰汝今欲求何願吾當與之長者曰王所求願者王勿見違阿闍世王告曰汝今但說欲求何願吾不違之長者曰王毗舍離城人民遇災為鬼神所害不可稱計如今羅刹鬼神極為暴虐唯願大王聽放世尊至彼世界令彼鬼神各各馳散所以然者我等曾聞若如來所至到處天龍鬼神不得其便唯願大王聽許世尊至彼國界王聞此語已便長歎息告長者曰此願極大非常人之所及汝若當隨吾來城郭村落國財妻子吾不怪之我不慮汝當屈願世尊然我先以許所求之願今隨汝意是時長者極懷歡喜即

從座起辭退而去。性至世尊所。言阿闍世王以許放世尊。詣彼國界。世尊告曰。汝並在前。如來自當知時。是時長者頭面。礼足繞佛三匝。便退而去。是時世尊清旦。將諸比丘。衆前後圍遶。出迦蘭陀竹園。所往詣毗舍離城。今時阿闍世王在高樓上。及將持蓋一人。今時王遙見世尊。向彼國界。便自歎息。告左右曰。我等為此長者所欺。我今復用活為。乃使如來出此國界。是時阿闍世王持五百蓋。往送世尊。恐有塵垢。身羅闍城中。復有五百寶蓋。從如來後。是時釋提桓因。知世尊心中所念。復以五百寶蓋。在虛空中。恐有塵土。垢如來身。及諸河神。復持五百寶蓋。在虛空中。是時毗舍離城人民之類。聞世尊今當入城。復持五百寶蓋。前迎世尊。今時有二十五寶蓋。懸在空中。今時世尊見此蓋。已即時便笑。此是諸佛世尊常法。設如來笑時。口中便有五色光。出青黃白黑赤。侍者阿難見此光明。作此思惟。此是何緣。設世尊笑。必有因緣。事不唐尔。

是時阿難長跪叉手白世尊言如來終不妄笑必當有緣世尊告曰汝今見此二千五百寶蓋供養如來乎阿難白佛唯然見之世尊告曰若如來不出家學道者當二千五百世作轉輪聖王治化人民以如來出家學道更不受此寶蓋阿難當知過去久遠有王名善化治在靈結羅國以法治化接納有方統此閻浮里地靡不從令者今時彼王有八万四千夫人嫁女皆是刹利種姓第一夫人名曰日光亦無兒息繼嗣者是時彼王便作是念我今統此閻浮里地然今无有兒息便向諸山神樹神天地神明求有兒息又未經數日之中夫人懷妊是時日光夫人白王言大王當知我今覺知有娠宜自將護復經八九月生一男兒顏貌端政面如桃華色夫人見已極懷歡喜往視大王王見歡喜踊躍不能自勝及八万四千夫人見生太子亦各歡喜是時國王召諸群臣國師道士使瞻相之又與立字使世稱傳今時相師前白王言今

生太子極為端政與世有異其有見者莫不愛念今當立名愛念自己立字竟各還所在是時國王愛念太子未曾離目即與太子起三時講堂復以嫁女充滿其中與王太子共相娛樂余時太子便作是念此中嫁女頗有常存不離世間亦不變易然觀彼衆中盡皆無常无有常存於世者悉是幻為無有真實使人民之類染著愛樂皆不知遠離之我今復用此為可捨而學道是時愛念太子即以其日剝除鬚髮著三法衣出家學道尋即其夜斷諸結縛思惟有習之法皆是磨滅成辟支佛成佛已便說此偈欲者無常法變易无實定知此為大患獨遊不與俱

是時辟支佛說此偈已即飛在虛空遶彼蜜結羅城三匝是時國王在高殿上及諸官人共相娛樂見辟支佛遶城二匝極懷歡喜不能自勝我今太子騰在虛空如彼飛鳥又不知成辟支佛而告之曰兒今來下至此殿上與吾共相娛樂是時阿難彼辟支

佛尋下殿上欲度父母故時王語曰
太子今日何為著此姝女衣又剃鬚
髮與人有異辟支佛報曰子今所著
甚為奇雅非常人之所習時王報曰
何緣更不至宮中辟支佛言自今已
後不復習欲亦不樂此五欲之中時
王語言設不樂此五欲中者在吾後
園中住尔時國王即自至園中造立
屋舍是時辟支佛欲度父母故便住
彼園館中受王供養經歷數時便於
無餘涅槃界而般涅槃王取舍利而
耶維之於彼處立大神祠是王復以餘
日往至園中觀看見彼神寺彫落壞
敗見已便作是念此是我兒神寺今
以彫壞是時國王即以已蓋覆彼神
寺上皆由愛心未盡是故阿難莫作
是觀尔時善化王者即我身是時以
兒故以一蓋覆寺上緣此德本流轉
天人之間數百千變為轉輪聖王或
為帝釋梵天我尔時不知是辟支佛
設我知是辟支佛者其德不可稱量
若如來不成無上正真道者更二千
五百變作轉輪聖王治化天下以成

道故今有此二千五百蓋自然應現
是謂阿難緣此因緣如來笑耳承事
諸佛功德乃亦不可稱計是故阿難
當求方便供養諸佛世尊如是阿難
當作是學是時世尊將諸比丘衆往
詣毗舍離城住城門中便說此偈
今以成如來世間寂第一持此至誠語
毗舍離無他復以至誠法得至涅槃界
持此至誠語毗舍離無他復以至誠僧
賢聖衆第一持此至誠語毗舍離無他
二足獲安隱四足亦復然行道亦吉祥
來者亦復然晝夜獲安隱無有觸燒者
持此至誠語使毗舍無他
如來說此語已是時羅刹鬼神各自
馳走不安其所更不復入毗舍離城
諸有疾病之人各得除愈尔時世尊
遊在狝猴池側國土人民承事供養
衣被飯食牀卧具病瘦醫藥隨其貴
賤各來殷佛及比丘僧亦受八關齋
不失時節是時毗舍離城內有六師
在彼遊化所謂六師者又蘭迦葉阿
夷耑瞿耶樓波休迦梅先比盧持尼
捷子等是時六師集在一處而作是

說此沙門瞿曇住此毗舍離城為人
民所供養然我等不為人民所供養
我等可往與彼論議何者得勝何者
不如不蘭迦葉曰諸有沙門婆羅門
不受他語方便致詰此非沙門婆羅
門之法然此瞿曇沙門不受他語方
便致難我等那得與彼論議阿夷耑
言無施无受亦無與者亦无今世後
世衆生之類亦無善惡之報瞿耶樓
說曰在恒水側煞害人民不可稱計
積肉成山在恒水左作諸功德緣此
都無善惡之報彼休迦梅言正使在
恒水左布施持戒隨時供給不令有
乏亦復無此福報先以盧持言无有
言語亦無言語之報唯默然使樂尼
捷子曰有言語亦有言語之報沙門
瞿曇亦是人我亦是人瞿曇有所知
我等亦有所知沙門瞿曇有神足我
亦有神足若彼沙門現一神足我等
當現二神足彼現二神足我現四神
足彼現四我現八彼現八我現十六
彼現十六我現三十二恒使增多終
不為彼屈足得與角力設彼不受我

等論者即是彼之各人民聞已不復
供養我等便得供養是時有比丘尼
聞此語去六師集在一處生此論本
沙門瞿曇不受人論我等足得勝是
時輸盧尼比丘尼飛在虛空向彼六
師而說此偈

我師無等倫最尊无過者是彼尊弟子
名曰輸盧尼汝設有境界便與我論議
我當事事報如師子掩鹿且捨我尊師
本無如來者我今比丘尼足能降外道
是比丘尼說此語已六師尚不能仰
視顏色况與論議是時毗舍離城人
民之類遙見比丘尼在虛空中共六
師而論議然六師不能報之各各稱
慶歡喜無量六師今日屈折於彼是
時六師極懷愁憂出毗舍離城而去
更不入城是時衆多比丘聞輸盧尼
比丘尼與六師共論而得勝聞已至世
尊所頭面礼足以此因緣具白世尊
世尊告諸比丘輸盧尼比丘尼有大神
足有大威神智慧多聞我長夜恒生
此念更無有能與六師共論唯有如
來及此比丘尼今時世尊告諸比丘

汝等頗見餘比丘尼能降伏外道如此比丘尼乎諸比丘對曰不也世尊世尊告曰諸比丘我聲聞中第一比丘尼能降伏外道所謂輸盧比丘尼是今時諸比丘聞佛所說歡喜奉行聞如是一時佛在舍衛國祇樹給孤獨園今時世尊告諸比丘有六細滑更樂入云何為六所謂眼耳鼻舌身意入是謂六入凡夫之人若眼見色便起染著之心不能捨離彼以見色極起愛著流轉生死無有解時六情亦復如是起染著想意不能捨離由是流轉無有解時若世尊賢聖弟子眼見色已不起染著无有汙心即能分別此眼是無常之法苦空非身之法六情亦復如是不起染汙心分別此六情無常苦空非身之法當思惟此時便獲二果於現法中得阿那含若阿羅漢猶如有人極飢欲修治穀麥揚治令淨而取食之除去飢渴賢聖弟子亦復如是於此六情思惟汙露不淨即成道跡入無餘涅槃界是故比丘當求方便滅此六情如是諸

增壹阿含經卷第三十二 第三十四 經 卷 三

比丘當作是學念時諸比丘聞佛所
說歡喜奉行

增壹阿含經卷第三十二

癸卯歲高麗國大藏都監奉

勅彫造

等法品第三十九

東晉劉宋三藏法師鳩摩羅什譯

聞如是一時佛在舍衛國祇樹給孤獨園尔時世尊告諸比丘若有比丘成就七法者於現法中受樂無窮欲得盡漏便能獲之云何為七法於是比丘知法知義知時又能自知復能知足亦復知入衆中觀察衆人是謂七法云何比丘知法於是比丘知法所謂契經祇夜偈因緣譬喻本末廣演方等未曾有廣普授比丘生經若有比丘不知法者不知十二部經此非比丘也以其比丘能解了法故名為知法如是比丘解了於法云何比丘解了於義於是比丘知如來機趣解了深義無所疑難若有比丘不解了義者此非比丘也以其比丘能知深義故名為解義也如是比丘能分別義云何比丘知其時宜於是比丘知其時節可修觀時便修觀可修止時便修止可默知默可行知行可誦知

誦可授前人便授前人可語知語若
有比丘不知此者不知止觀進止之
宜此非比丘若復比丘知其時節不
失時宜此名為隨其方宜如是比丘
知其時宜云何比丘自能修已於是
比丘能自知已我今有此見聞念知
有如是智慧行步進止恒隨正法若
有比丘不能自知智慧之宜出入行
來此非比丘也以其比丘能自修已
進止之宜此名為自修已行是謂比丘
能自知已云何比丘自知止足於是
比丘能自籌量睡眠覺寤坐卧經行
進止之宜皆能知止足若有比丘不
能知是者則非比丘也以其比丘能
解了此故名為知足如是比丘名為
知足云何比丘知入大眾於是比丘分
別大眾此是刹利種此是婆羅門衆
此是長者衆此是沙門衆我當以此
法宜則適彼衆中可語可默皆悉知
之若有比丘不知入衆此非比丘以
其比丘知入大眾故名為知入衆也
是謂比丘知入大眾也云何比丘知
衆人根元比丘當知有二人云何

為二彼或有一人欲往至園中親觀
比丘彼第二人不喜至彼觀見比丘
彼人欲至園中親觀比丘者此人寂
為上比丘復有二人云何為二彼一
人雖至比丘所然不問其宜彼第二
人亦不往至寺中見比丘彼至寺人
寂為第一比丘復有二人云何為二
彼一人至比丘所問訊時宜彼第二
人不至比丘所問訊時宜彼人至寺
者寂尊第一出彼人上比丘復有二
人云何為二彼一人至比丘所至心
聽法彼第二人不至比丘所不至心
聽法彼至心聽法者於彼人寂為第
一比丘復有二人云何為二彼有一人
能觀察法受持諷誦彼第二人不
能受持諷誦彼人受持諷誦者於此
人上寂為第一比丘復有二人云何為
二彼有一人聞法解其義彼第二人
聞法不解其義彼人聞法解義者於
此人寂尊第一比丘復有二人云何
為二彼有一人聞法法成就彼第二
人不聞法法不成就彼人法法成就
者於此人第一比丘復有二人云何

為二彼一人聞法能堪忍修行分別護持正法第二人不能堪忍修行其法彼能修行法者於此諸人最尊第一猶如牛有酪由酪有酥由酥有醍醐最為第一無能及者此亦是若有人能修行者此人最為第一无能及者是謂比丘觀察人根若有人不了此者則非比丘也以其比丘聞法分別其義者此為最上如是比丘觀察人根若有比丘成就七法者於現法中快樂無為意欲斷漏亦无有疑是故比丘當求方便成此七法如是比丘當作是學今時諸比丘聞佛所說歡喜奉行

聞如是一時佛在舍衛國祇樹給孤獨園今時世尊告諸比丘三十三天晝度樹本縱廣五十由旬高百由旬東西南北陰覆五十由旬三十三天在彼四月自相娛樂比丘當知或有是時彼晝度樹華葉周落萎黃在地今時諸天見此瑞應普懷歡喜欣情內發此樹不久當更生華實比丘當知或有是時彼樹華實皆悉凋落捐

棄在地是時三十三天倍復歡喜自相謂言此樹不久當作灰色比丘當知復經歷數時彼樹便作灰色是時三十三天已見此樹而作灰色甚懷喜悅自相謂言而今此樹已作灰色不久當生羅網是時三十三天見此晝度樹已生羅網不久當生電節尔時三十三天見已復懷歡喜此樹今日已生電節不久當復開敷比丘當知三十三天已見此樹漸漸開敷各懷歡喜此樹不久漸漸開敷不久當盡著華比丘當知或有是時彼樹普悉開敷皆懷歡喜此樹今日皆悉著華尔時此香逆風百由旬內無不聞香者尔時諸天四月之中於彼自相娛樂樂不可計此亦如是若賢聖弟子意欲出家學道時如似彼樹始欲凋落復次賢聖弟子捐棄妻財以信堅固出家學道剷除鬚髮如似彼樹葉落在地比丘當知若賢聖弟子無貪欲想除不善法念持歡喜遊志一禪似彼晝度樹而作灰色復次賢聖弟子有覺有觀息內有歡喜專其一

心無覺无觀遊心二禪如似彼樹而
生羅網復次賢聖弟子念而有護自
覺身有樂諸賢聖所護念具足遊在
三禪如似彼樹而生電節復次賢聖
弟子苦樂已盡无愁憂无苦無樂
護念清淨遊志四禪如似彼樹漸漸
開敷復次賢聖弟子盡有漏成无漏
心解脫智慧解脫現法中而自娛樂
生死已盡梵行已立所作已辦更不
復受胎如實知之如似彼樹皆悉敷
花是時賢聖弟子戒德之香遍聞四
遠無不稱譽者四月之中而自娛樂
遊心四禪具足行本是故諸比丘當
求方便成戒德之香如是比丘當作
是學今時諸比丘聞佛所說歡喜
奉行

聞如是一時佛在舍衛國祇樹給孤
獨園今時世尊告諸比丘我今當說
七事水喻人亦如是諦聽諦聽善思
念之諸比丘對曰如是世尊世尊告
曰彼云何七事水喻而似人猶如有
人沒在水底如復有人暫出水還沒
如復有人出水觀看如復有人出頭

而住如復有人於水中行如復有人
出水而欲到彼岸如復有人已到彼
岸是謂比丘七事水喻出現於世彼
云何人沒在水底而不得出於是或
有一人不善之法遍滿其體當經歷
劫數不可療治是謂此人沒在水底
彼何等人出水還沒或有一人信根
漸薄雖有善法而不牢固彼身口意
行善後復身口意行不善法身壞命
終生地獄中是謂此人出水還沒彼
何等人出水觀看於是或有人有信
善根身口意行更不增益其法自守
而住彼身壞命終生阿須倫中是謂
此人出水而觀彼何等人出水住者
於是或有人有信精進斷三結使更
不退轉必至究竟成無上道是謂此
人出水而住彼何等人欲渡水者於
是或有人信根精進恒懷慚愧斷三
結使煙怒癡薄來至此世而斷苦際
是謂此人欲渡水者彼何等人欲至
彼岸或有人信根精進斷下五結成
阿那含即彼般涅槃更不来此世是
謂此人欲至彼岸者也何等人已至

彼岸者於是或有一人信根精進而
懷慚愧盡有漏成無漏於現法中而
自娛樂生死已盡梵行已立所作已
辦更不復受胎如寶知之於此无餘
涅槃界而般涅槃是謂此人已渡彼
岸者也是謂比丘有此人水喻向
汝等說諸佛世尊所應修行接度人
民今已施行當在閑居靜處若在樹
下當念坐禪勿起懈怠此是我之教
誨余時諸比丘聞佛所說歡喜奉行
聞如是一時佛在舍衛國祇樹給孤
獨園余時世尊告諸比丘聖王在遠
國治化七法成就不為怨家盜賊所
擒獲云何為七然彼城郭極為高峻
修治齊整是謂彼王先成就第一之
法復次彼城門戶牢固是謂彼城成
就第二法復次彼城外塹極深且廣
是謂此城成就第三之法復次彼城
內多諸穀米倉庫盈滿是謂彼城成
就第四之法復次彼城饒諸薪草是
謂彼城成就第五之法復次彼城多
諸器械備諸戰具是謂彼城成就六
法復次彼城主極聰明高才豫知人

情可鞭則鞭可治則治是謂彼城成就七法外境不能來侵是謂比丘彼城國主成就此七法外人不得燒近此比丘亦復如是若成就七法弊魔波旬不得其便去何為七於是比丘戒律成就威儀具足犯小律尚畏何況大者是謂比丘成就此第一之法弊魔不得其便猶如彼城高廣極峻不可沮壞復次比丘若眼見色不起想著亦不興念具足眼根無所缺漏而護眼根耳聲鼻香舌味身觸意法亦復如是亦不起想著具足意根而無亂想具足擁護意根是謂比丘成就此第二法弊魔波旬不得其便如彼城郭門戶牢固復次比丘多聞不忘恒念思惟正法道教昔所經歷皆悉備知是謂比丘成就此第三法弊魔波旬不得其便如彼城郭外塹極深且廣復次比丘多諸方便所有諸法初善中善竟善具足清淨得修梵行是謂比丘成就此第四法如彼城郭多諸榮米外穀不敢來侵復次比丘思惟四增上心之法亦不脫漏是謂比丘

成就此第五之法弊魔波旬不得其
便如彼城郭多諸薪草外人不能來
觸燒復次比丘得四神足所為無難
是謂比丘成就此第六之法弊魔波
旬不得其便如彼城內器械備具復
次比丘具能分別陰入界亦復分別
十二因緣所起之法是謂比丘成就此
七法弊魔波旬不得其便如彼城郭
之主聰明高才可收則收可捨則捨
今此比丘亦復如是具知分別陰持
入諸病若有比丘成就此七法者弊
魔波旬終不得其便是故諸比丘當
求方宜分別陰持入及十二因緣不
失次第便度魔界不處其中如是比
丘當作是學今時諸比丘聞佛所說
歡喜奉行

聞如是一時佛在舍衛國祇樹給孤
獨園余時世尊告諸比丘我今當說
七神止處汝等諦聽善思念之諸比
丘對曰如是世尊是時世尊告諸比
丘彼云何名為七神識住處所謂衆
生若干種身想所謂人及天也又復
衆生若干種身而有一想所謂梵迦

夷天也初出現世又復衆生一身若干想所謂光音天也又復衆生一身一想所謂遍淨天也又復衆生无量空空處天也又復衆生無量識識處天也又復衆生无有處無有處天也是謂比丘七識住處我今已說七識處諸佛世尊所可施行接度人民今日已辦當在閑居樹下善修其行勿有懈怠此是我之教誨尔時諸比丘聞佛所說歡喜奉行

聞如是一時佛在舍衛國祇樹給孤獨園當於尔時尊者均頭身抱重患卧在牀褥不能自起居是時均頭便念如來世尊今日不見垂愍又遭重患命在不久醫藥不接又聞世尊言一人不度吾終不捨然今獨見遺棄將何苦哉尔時世尊以天耳聞均頭比丘作是稱怨是時世尊告諸比丘汝等皆集至均頭比丘所問其所疾諸比丘對曰如是世尊世尊將衆多比丘漸漸至均頭比丘房是時均頭遙見如來來即自投地尔時世尊告均頭曰汝今抱患極為篤重不須下

牀吾自有坐。尔時世尊告均頭曰：汝所患為增為損，不增損乎？有能堪任受吾教也。是時均頭比丘白佛言：弟子今日所患極篤，但有增無損也。所服藥草靡不周遍。世尊問曰：視瞻病者，竟為是誰？均頭白言：諸梵行來見瞻視。尔時世尊告均頭曰：汝今堪與吾說。七覺意乎？均頭是時三自稱說七覺意名。我今堪任於如來前說七覺意法。世尊告曰：若能堪任，向如來說。今便說之。是時均頭白佛言：七覺意者，何等為七？所謂念覺意、如來之所說法覺意、精進覺意、喜覺意、猗覺意、定覺意、護覺意。是謂世尊有此七覺意者，正謂此耳。尔時尊者均頭說此語已，所有疾患皆悉除愈，無有衆惱。是時均頭白世尊言：藥中之盛，所謂此七覺意之法是也。欲言藥中之盛者，不過此七覺意。今思惟此七覺意，所有衆病皆悉除愈。尔時世尊告諸比丘：汝等受持此七覺意法，善念諷誦，勿有狐疑於佛法。衆者彼衆生類，所有疾患皆悉除愈。所以然者，此七覺意

甚難曉了一切諸法皆忘了知照明一切諸法亦如良藥療治一切衆病猶如甘露食無厭足若不得此七覺意者衆生之類流轉生死諸比丘當求方便修七覺意如是諸比丘當作是學今時諸比丘聞佛所說歡喜奉行

聞如是一時佛在舍衛國祇樹給孤獨園今時世尊告諸比丘若轉輪聖王出現世間時便有七寶出現世間所謂輪寶象寶馬寶珠寶玉女寶居士寶典兵寶是為七寶是謂轉輪聖王出現世時便有此七寶流布世間若如來出現世間時便有七覺意寶出現世間云何為七所謂念覺意法覺意精進覺意喜覺意猗覺意定覺意護覺意出現於世若如來出現世間時便有此七覺意寶出現世間是故諸比丘當求方便修此七覺意如是諸比丘當作是學今時諸比丘聞佛所說歡喜奉行

聞如是一時佛在舍衛國祇樹給孤獨園今時世尊告諸比丘若轉輪聖

王出現世間。爾時便選擇好地而起城郭。東西十二由旬。南北七由旬。土地豐熟。快樂不可言。爾時彼城外郭七重圍繞。七寶廁其間。所謂七寶者。金銀水精琉璃琥珀瑪瑙琰珠。是謂七寶。復有七寶塹。遶彼七重。極為深廣。人所難踰。其間皆有金沙。復有七寶樹。兼生其間。然彼樹復有七種色。金銀水精琉璃琰珠瑪瑙琥珀。然彼城中。周匝有七重門。皆悉牢固。亦七寶所造。銀門以金開。施其間。金門以銀開。錯其間。水精門以琉璃開。錯其間。琉璃門以水精開。錯其間。瑪瑙門以琥珀開。錯其間。甚為快樂。實不可言。然彼城中。四面有四浴池。一一浴池縱廣一由旬。自然有水。金銀水精所造。銀水池凍。便成銀寶。金池水凍。便成金寶。然轉輪聖王。以此為用。爾時彼地城中。有七種音聲。去何為七。所謂貝聲。鼓聲。小鼓聲。鍾聲。細腰鼓聲。篳聲。歌聲。是謂七種聲。爾時人民以此恒相娛樂。然彼衆生。無有寒溫。亦无飢渴。亦無疾病。然轉輪聖王在世。

遊化成就此七寶及四神足無有缺
減終无亡失轉輪聖王云何成就七
寶所謂輪寶象寶馬寶珠寶玉女寶
居士寶典兵寶復有千子極為勇猛
能降伏外殺此閻浮里地不以刀杖
化彼國尔時有一比丘白世尊言轉
輪聖王云何成就輪寶世尊告曰是
時轉輪聖王十五日清旦沐浴洗頭
在大殿上玉女圍遶是時輪寶千輻
具足從東方來而在殿前光曜煌煌
非人所造去地七刃漸漸至王前住
轉輪聖王見已便作是說吾從舊人
邊聞轉輪王十五日沐浴頭手在殿
上坐是時輪寶自然從東方來在王
前住吾今當試此輪寶是時轉輪王
以右手執輪寶而作是說汝今以法
迴轉莫以非法是時輪寶自然迴轉
又在空中住轉輪聖王復將四部兵
亦在虛空中是時輪寶迴向東方轉
輪聖王亦從寶輪而去若輪寶住時
是時轉輪聖王所將之衆亦在中住
是時東方粟散王及人民之類遙見王
來皆悉起迎又以金鉢盛碎銀銀鉢

盛碎金奉上轉輪聖王而白王言善
來聖王今此方域人民熾盛快樂不
可稱計唯願大王當於中治化是時
轉輪聖王告彼民曰汝等當以法治
化莫以非法亦莫煞生竊盜姪佚慎
莫非法治化是時輪寶復移至南方
西方北方普綏化人民還來至王治
處去地七升而住如是比丘轉輪聖
王成就此輪寶也是時比丘白世尊
言轉輪聖王云何成就象寶世尊告
曰比丘當知轉輪聖王於十五日中
沐浴澡洗在大殿上是時象寶從南
方來而有六牙毛極白七處齊整
皆以金銀珍寶而校飾之能飛行虛
空亦時轉輪聖王見已便作是念今
此象寶極為殊妙世之希有體性柔
和不行亦暴我今當試此象寶是時
轉輪聖王清旦日欲初出乘此象寶
遊四海外治化人民如是轉輪聖王
成就象寶是時比丘白世尊言轉輪
聖王云何成就馬寶世尊告曰轉輪
聖王出現世時是時馬寶從西方來
毛衣極青尾毛朱光行不移動能飛

在虛空無所罣碍見已極懷喜悅此
馬寶寶為殊妙今當役之又體性良
善無有暴疾吾今當試此馬寶是時
轉輪聖王即乘此馬經四天下治化
人民還來至王治處如是比丘轉輪
聖王成就馬寶比丘白佛言復以何
緣成就珠寶乎世尊告曰於是比丘
轉輪聖王出現世時是時珠寶從東
方來而有八角四面有火光長一尺
六寸轉輪聖王見已便作是念此珠
寶極為殊妙吾今當試之是時轉輪
聖王夜半悉集四部之兵以此摩尼
寶舉著高幢頭是時光明照彼國界
十二由旬尔時城中人民之類見此
光已各各自相謂言曰今已出可理
家事是時轉輪聖王在殿上普見人
民已還入宮中是時轉輪聖王持此
摩尼舉著宮內內外悉明靡不周遍
如是比丘轉輪聖王成就此珠寶也
尔時比丘白佛言轉輪聖王云何成
就王女寶世尊告曰比丘當知若轉
輪聖王出現世時自然有此王女寶
現願自端政面如桃華色不長不短

不白不黑體性柔和不行本暴口氣
作憂鋒華者身作拈檀香恒侍從聖
王左右不六時常以和顏悅色視
王顏貌如是比丘轉輪聖王成就此
王女之寶是時比丘白佛言轉輪王
云何成就居士寶世尊告曰於是比
丘轉輪聖王出現世時便有此居士
寶出現世間不長不短身體紅色高
才智達無事不聞又得天眼通是時
居士來至王所而白王言唯願聖王
延壽無窮若王欲須金銀珍寶者盡
當供給是時居士以天眼觀有寶藏
者無寶藏者皆悉見之王有所須寶
隨時給施是時轉輪聖王欲試彼居
士時便將此居士度水未至彼岸便
語居士言我今欲須金銀珍寶正亦
便辦長者報曰前至岸上當供給轉
輪聖王言我今此間須寶不須至岸
上是時居士即前長跪叉手向水尋
時水中七寶踊出是時轉輪聖王語
彼長者止止居士更不須寶如是比
丘轉輪聖王成就此居士寶也是時
比丘白佛言轉輪聖王云何成就典

與之寶世尊告曰於是比丘轉輪聖王出現世時便有此寶自然來應聰明蓋世豫知人情身體好色來至轉輪聖王所白聖王言唯願聖王快自娛樂若聖王欲須兵衆正令給辦進止之宜不失時節是時典兵寶隨王所念運集兵衆在王左右是時轉輪聖王欲試典兵寶是時便作是念使我兵衆正令運集尋時兵衆在王門外若轉輪聖王意欲使兵衆住便住進便進如是比丘轉輪聖王成就此典兵之寶比丘當知轉輪聖王成就此七寶是時彼比丘白世尊言轉輪聖王云何成就四神足快得善利佛告比丘於是轉輪聖王顏貌端政世之希有出過世人猶彼天子無能及者是謂轉輪聖王成就此第一神足復次轉輪聖王聰明蓋世無事不練人中之雄猛令時智慧之豐无過此轉輪聖王是謂成就此第二神足復次比丘轉輪聖王無復疾病身體康強所可飲食自然消化無便利之患是謂比丘轉輪聖王成就此第三之

神足復次比丘轉輪聖王受命極長
壽不可計余時人之命無過轉輪聖
王之壽是謂比丘轉輪聖王成就此
第四神足是謂比丘轉輪聖王有此
四神足余時彼比丘白佛言若轉輪
聖王命終之後為生何處世尊告曰
轉輪聖王命終之後生三十三天受
命千歲所以然者轉輪聖王自不煞
生復教他人使不煞生自不竊盜復
教他人使不偷盜自不婬泆復教他
人使不行婬自不妄語復教他人使
不妄語自行十善之法復教他人使
行十善比丘當知轉輪聖王緣此功
德命終之後生三十三天余時彼比
丘便作是念轉輪聖王其可貪慕欲
言是人復非是人然其實非天又施
行天事受諸妙樂不墮三惡趣若我
今日持戒勇猛所有之福使將來之
世得作轉輪聖王者不亦快哉余時
世尊知彼比丘心中所念告彼比丘
曰今在如來前勿作是念所以然者
轉輪聖王雖成就七寶有四神足无
能及者猶不免三惡之趣地獄畜生

餓鬼之道所以然者轉輪聖王不得
四禪四神足不得四諦由此因緣復
墮三惡趣人身甚為難得遭值八難
求出甚難生正國中亦復不易求善
良友亦復不易欲與善知識相遇亦
復不易欲從如來法中學道者亦復
難遇如來出現甚不可遭所演法教
亦復如是解脫四諦及四非常實不
可得聞轉輪聖王於此四法亦不得
究竟若比丘如來出現世時便有此
七寶出現世間如來七覺意實至
邊究竟天人所譽比丘今日善修梵
行於此現身得盡苦際用此轉輪聖
王七寶乎尔時彼比丘聞如來如是
之教在閑靜之處思惟道教所以族
姓子剝除鬚髮出家學道欲修無上
正業生死已盡梵行已立所作已辦
更不復受有如實知之尔時彼比丘
便成羅漢尔時彼比丘聞佛所說歡
喜奉行

聞如是一時尊者童真迦葉在舍衛
國晝闍園中是時迦葉夜半而經行
尔時有天來至迦葉所在虛空中語

迦葉言比丘當知此舍夜便有烟晝
日火然婆羅門語智者曰汝今持刀
鑿山當鑿山時必當見有負物當拔
濟之汝當鑿山當鑿山時必當見山汝
今當捨山汝今當鑿山當鑿山時必
見蝦蟇今當捨蝦蟇汝今當鑿山當
鑿山時當見肉聚已見肉聚當捨離
之汝今當鑿山當鑿山時當見枷已
見枷便捨離之汝今當鑿山已鑿山
當見二道已見二道當捨離之汝今
當鑿山已鑿山當見樹枝已見樹枝
當捨離之汝今當鑿山已鑿山見龍
已見龍勿共語當自歸命暮今得所
比丘當善思念此義設不解者便往
至舍衛城到世尊所而問此義若如
來有所說者善念行之所以然者我
今亦不見有人沙門婆羅門魔若魔
天能解此義者除如來及如來弟子
若從我聞是時迦葉報天曰此事甚
佳尔時迦葉清旦至世尊所到已頭
面礼足在一面坐以此因緣具白世
尊尔時迦葉問世尊曰今當問如來
義天之所說何所趣向何以故舍夜有

烟畫便火然何以故名為婆羅門何以故名為智者又言鑿山者其義何所趣向言刀者亦所不解何以故名為負物又言山者其義云何何以故復言蝦蟇何以故復言肉聚何以故復言枷何以故復言二道樹枝義其義云何何以故名龍世尊告曰舍者即是形體也四大色所造受父母血脉漸漸長大恒當養食不令有乏是分散法夜有烟者衆生之類心之所念是盡口火然者身口意所造行是也婆羅門者是阿羅漢也智者是學人也鑿山者精進之心是也刀者智慧是也負物者是五結也山者是憍慢也蝦蟇者瞋恚心是也肉聚者貪欲是也枷者五欲是也二道者疑是也樹枝者是無明也龍者是如來至真等正覺是彼天所說其義如是汝今當熟思惟不久當盡有漏今時迦葉受如來如是之教在閑靜之處而自修行所以族姓子剝除鬚髮出家學道者欲修梵行生死已盡梵行已立所作已辦更不復受胎如實知之今時迦葉便成阿羅

漢今時迦葉聞佛所說歡喜奉行

聞如是一時佛在羅閱城迦蘭陀竹園所與大比丘衆五百人俱滿願子亦將五百比丘遊本生處今時世尊於羅閱城九十日夏坐已漸漸在人間遊化來至舍衛城中祇樹給孤獨園今時衆多比丘各散在人間亦來至世尊所到已頭面礼足在一面坐今時世尊問諸比丘汝等為在何處夏坐諸比丘對曰在本所生處而受夏坐世尊告曰汝等所生之處比丘之中能自行阿練若復能稱譽阿練若自行乞食復教他人使行乞食不失時宜自著補納衣復教他人使者補納衣自修知足亦復歎譽知足之行自行少欲亦復歎說少欲之行自樂閑靜之處復教他人使在閑靜之處自守其行復教他人使守其行已身戒具清淨復教他人使修其戒已身三昧成就復教他人使行三昧已身智慧成就復教他人使行智慧已身解脫成就復教他人使行解脫已身解脫見慧成就復教他人使行此法身

能教化不有厭足說法無懈倦。爾時諸比丘白世尊言。比丘滿願子。於此諸比丘中。堪任教化。已身修阿練若。行亦復歎譽阿練若。行已身著補納衣。少欲知足。精進勇猛。乞食樂閑靜之處。戒三昧智慧解脫。解脫見慧成。就復教他人使行此法。自能教化。說法無厭足。爾時世尊與諸比丘說微妙法。是時諸比丘聞佛說法已。小停左右。便從坐起。遶佛三匝。便退而去。爾時舍利弗。去世尊不遠。結跏趺坐。正身正意。繫念在前。爾時舍利弗。便作是念。今滿願子。快得善利。所以然者。諸梵行比丘。歎譽其德。然後世尊稱可其語。亦不逆之。我當何日與彼人得共相見。與其談論。是時滿願子於本生處。教化周訖。漸漸人間教化。來至世尊所。頭面礼足。在一面坐。爾時世尊漸與說法。是時滿願子聞說法已。即從坐起。頭面礼足。便退而去。以尼師檀著右肩上。往詣晝闍園中。尔時有一比丘。遙見滿願子。以尼師檀著右肩上。至彼園中。見已。即往至。

舍利弗所白舍利弗言世尊常所歎
滿願子方至如來所從佛聞法今詣
園中尊者宜知是時是時舍利弗問比
丘語即從坐起以尼師檀著右肩上
往至彼園中是時滿願子在一樹下
結跏趺坐舍利弗亦復在一樹下端
坐思惟是時舍利弗便從坐起往至
滿願子所到已共相問訊在一面坐
尔時舍利弗問滿願子曰云何滿願
子為由世尊得修梵行為弟子乎滿
願子報曰如是如是時舍利弗復問
曰復因世尊得修清淨戒乎滿願子
言非也舍利弗言為由心清淨於如
來所而修梵行乎滿願子報曰非也
舍利弗言為見清淨於如來所得修
梵行乎滿願子報曰非也舍利弗言
云何為無猶豫得修梵行乎滿願子
報曰非也舍利弗曰為由行跡清淨
得修梵行乎滿願子報曰非也舍利
弗言云何於道之中智修清淨得修
梵行乎滿願子報曰非也舍利弗言
云何知見清淨得修梵行乎滿願子
報曰非也舍利弗言我今所問於如

來所得修梵行乎汝復報吾言如是
吾復問智慧心清淨道知見清淨得
修梵行耶汝復言非也汝今云何於
如來所得修梵行耶滿願子報曰戒清
淨義者能使心清淨心清淨義者能
使見清淨見清淨義者能使無猶豫
清淨无猶豫清淨義者能使行跡清
淨行跡清淨義者能使道清淨道清
淨義者能使知見清淨知見清淨義
者能使入涅槃義是謂於如來所得
修梵行舍利弗言汝今所說義何所
趣向滿願子言我今當引譬喻解此
義智者以譬喻解此義智者自寤猶
如今日波斯匿王從舍衛城至婆祇
園兩國中聞布七乘車是時波斯匿
王出城先乘一車至第二車即乘第
二車復捨第一車小復前行乘第三
車而捨第二車小復前行乘第四車
而捨第三車小復前行乘第五車而
捨第四車又復前行乘第六車而捨
第五車又復前行乘第七車而捨第
六車入婆祇園是時波斯匿王以至
宮中設有人問大王今日為乘何等

車來至此宮彼王欲何報舍利弗報
言設當有人問者當如是報曰吾出
舍衛城先乘第一車至第二車復捨
第二車乘第三車復捨第三車乘第
四車復捨第四車乘第五車復捨第
五車乘第六車復捨第六車乘第七
車至婆祇國所以然者皆由前車至第
二車展轉相因得至彼國設有人問
者應當作是報之滿願子報曰戒清
淨義亦復如是由心清淨得見清淨
由見清淨得至除猶豫清淨由無猶
豫義得至行跡清淨由行跡清淨義
得至道清淨由道清淨義得至知見
清淨由知見清淨義得至涅槃義於
如來所得修梵行所以然者戒清淨
義者是受入之貌然如來說使除受
入心清淨義亦是受入之貌然如來
說除受入乃至知見之義亦是受入
如來說除受入乃至涅槃如來所得
修梵行若當戒清淨於如來所得修
梵行者凡夫之人亦當取滅度所以
然者凡夫之人亦有此戒法世尊所
說者以次成道得至涅槃界非獨戒

清淨得至滅度猶如有欲上七重樓
上要當以次而至戒清淨義亦復如
是漸漸至心由心至見由見至無猶
豫由无猶豫淨至於行跡由淨行跡
得至於道由於淨道得至知見由淨
知見得至涅槃是時舍利弗即稱善
哉善哉快說此義汝今為名何等諸
比丘梵行之人稱汝何等号滿願子
言我今名為滿願子母姓弥多鄰尼
舍利弗言善哉善哉滿願子賢聖法
中實無等倫懷抱甘露演布无窮我
今所問甚深之義汝蓋演說設當諸
梵行人以首戴行世間猶不能得報
其恩其有未親近問訊者彼人快得
善利我今亦得其善利承受其教滿
願子報曰善哉善哉如汝所言汝今
為名何等諸比丘為何等号舍利弗
報曰我名憂波提舍母名舍利諸比
丘号善為舍利弗滿願子言我今與
大人共論先亦不知法之大主來至
此間設當知尊者舍利弗來至此者
亦無此辯共相酬答然尊問此甚深
之義尋時發遣善哉舍利弗佛弟子

中寂為上首恒以甘露法味而自娛
樂設當諸梵行人以首戴尊者舍利
弗行世間從歲至歲猶不能報斯須
之恩其有衆生來問訊尊者親近者
彼人快得善利我等亦快得善利尔
時二賢在彼園共如是論議是時二
人各聞所說歡喜奉行

等法及晝度水及城郭喻識均頭二輪
波蜜及七車

增壹阿含經卷第三十三

癸卯歲高麗國大藏都監奉
勅彫造

增壹阿含經卷第三十四

馨

七日品第四十一之一

東晉劉宋義熙中僧伽提婆譯

聞如是一時佛在舍衛國祇樹給孤獨園。爾時衆多比丘食後皆集普會講堂。作如是論議。此須弥山極為廣大。非衆山之所及。甚奇甚特。高廣極峻。如是不久當復壞敗。無有遺餘。依須弥山更有大山。亦復壞敗。爾時世尊以天耳聞衆多比丘而作是論。即從座起。往至彼講堂。所即就坐。爾時世尊告諸比丘。汝等在此為何等論。欲何所施行。諸比丘對曰。諸人集此論其法事。向所論說。皆自如法。世尊告曰。善哉。比丘。汝等出家正應法論。亦復不捨賢聖默然。所以然者。若比丘集聚一處。當施行二事。去何為二。一者當共法論。二者當賢聖默然。汝等論此二事。終獲安隱。不失時宜。汝等向者作何等如法之義。諸比丘對曰。今衆多比丘來集此堂。作如是論。議其奇甚。特此須弥山極高廣大。然此

須彌山如是不久當復敗壞及諸四面鐵圍山亦當如是壞敗向者集此作如法論也世尊告曰汝等欲聞此世間境界壞敗之變乎諸比丘白佛言今正是時唯願世尊以時演說使衆生之類心得解脫世尊告諸比丘曰汝等善思念之藏在心懷諸比丘對曰如是世尊今時諸比丘從佛受教世尊告曰須彌山者極為廣大非衆山所及若比丘欲知須彌山出水上高八万四千由旬入水亦深八万四千由旬然須彌山四種寶所造金銀水精琉璃又有四角亦四種所造金銀水精琉璃金城銀郭銀城金郭水精城琉璃郭琉璃城水精郭然須彌山上有五種天在彼居止皆由宿緣而住彼間云何為五所謂彼銀城中有細脚天在彼居止彼金城中有尸利沙天在彼居止水精城中有歡悅天在彼居止琉璃城中有力盛天在彼居止金銀城中閼毗沙門天王在彼居住將諸閼毗不可稱計金城水精城中間有毗留博叉天王將諸龍神

在彼居止水精城琉璃城中間有毗
留勒叉天王在彼居止琉璃城銀城
中間有提頭賴吒天王在彼居止比
丘當知須弥山下有阿須倫居止若
阿須倫欲與三十三天共闘時先與
細脚天共闘設得勝復至金城與尸
利沙天共闘已勝尸利沙天復至水
精城與歡悅天共闘已勝彼復至琉
璃城已勝彼天便共三十三天共闘
比丘當知須弥山頂三十三天在彼
居止晝夜照明光自相照故致此耳
依須弥山日月流行日天子城郭縱
廣五十一由旬月天子城郭縱廣三
十九由旬眾大星縱廣一由旬眾小
星縱廣二百步須弥山頂東西南北
縱廣八万四千由旬近須弥山南有
大鐵圍山長八万四千里高八万里又
此山表有尼弥陀山圍彼山去尼弥陀
山復有山名佉羅山去此山復更有
山名毘沙山去此山復更有山名馬頭
山復更有山名毗鄰耶山次毗鄰耶
有山名鐵圍大鐵圍山鐵圍中間有
八大地獄二地獄有十六闍子然

彼鐵圍山於閼浮里地多所饒益閼
浮里地設無鐵圍山者此間恒當臭
處鐵圍山表有香積山香積山側有八
万四千白象王止住彼間各有六牙
金銀校飾彼香山中有一万四千密
諸象在彼居止皆金銀水精琉璃所
造最上象者釋提桓因躬自乘之寂
下者轉輪聖王乘之香積山側有摩
陀池水皆生優鉢蓮華拘牟頭華然
彼諸象掘根而食摩陀池水側復有
山名優闍伽羅然彼山皆生若干種
草木鳥狩虫豢悉在彼間依彼山皆
有神通得道之人而往彼間次復有
山名般荼婆次復有山名耆闍崛山
此是閼浮里地所依之處比丘當知
或有是時若此世間欲壞敗時然天
不降雨所種生苗不復長大諸有小
河泉源皆悉枯竭一切諸行皆歸無
常不得久住比丘當知或有是時此
四大駸河所謂恒伽私頭死陀婆叉
亦復枯竭而無遺餘如是比丘元常
百變正謂此耳比丘或有是時若此
世間有二日出時是時百草樹木皆

悉凋落如是比丘無常變易不得久
傳是時諸泉源小水皆悉枯竭比丘
當知若二日出時今時四大海水百
由旬內皆悉枯竭漸漸至七百由
旬水自然竭比丘當知若世間三日
出現時四大海水千由旬內水自然
竭漸漸乃至七千由旬水自然竭比
丘當知若四日出現時四大海水
深千由旬在如是比丘一切諸行皆
悉無常不得久住比丘當知或有是
時若世間有五日出時是時四大海
水餘有七百由旬水漸漸至百由旬
比丘當知若五日出時是時海水一
由旬在漸漸水竭而无遺餘若五日
出時餘正有七尺水在五日出時
海水盡竭無有遺餘比丘當知一切
行无常不得久住比丘當知或有是
時六日出時此地厚六万八千由旬
皆悉烟出須弥山亦漸漸融壞若六
日出時此三千大千國土皆悉融壞
猶如陶家燒瓦器也是時三千大千
剎土亦復如是洞然火出靡不周遍
比丘當知若六日出時八大地獄亦

復消滅人民命終依須弥山五種之
天亦復命終三十三天豔天乃至他
化自在天亦復命終宮殿皆空若六
日出時是時須弥山及三千大千刹
土皆悉洞然而無遺餘如是比丘一
切行无常不得久住比丘當知或有是
時若七日出是時此地雖厚六万八
千由旬及三千大千刹土皆悉火起
若復七日出時此須弥山漸漸融壞
百千由旬自然崩落永無有餘亦復
不見塵烟之分况見灰乎是時三十
三天乃至他化自在天宮殿皆悉火
然此間火炎乃至梵天上新生天子
在彼天宮者由來不見劫燒見此炎
光普懷恐懼畏為火所燒然彼舊生
天子等曾見劫燒便來慰勞後生天
子汝等勿懷恐懼此火終不來至此
間比丘當知七日出時從此間至六
天乃至三千大千刹土悉為灰土亦
無形質之兆如是比丘一切行无常
不可久保皆歸於盡今時人民命終
盡生他方刹土若生天上設復地獄
中衆生宿罪已畢生天上若他方刹

土設彼地獄衆生罪未畢者復移至
他方剎土比丘當知若七日出時无
復日月光明星宿之兆是時日月已
滅無復晝夜是謂比丘由緣報故致
此壞敗比丘復當知劫還成就時或
有是時火還自滅虛空之中有大雲
起漸漸降雨是時此三千大千剎土
水遍滿其中水乃至梵天上比丘當知
是時此水漸漸停住而自消滅復有
風起名曰隨嵐吹此水聚著一處是
時彼風起于須弥山于祇弥陀山于
尼弥陀山于佉羅山于伊沙山于毗
耶山于鐵圍山于大鐵圍山復生八
千地獄復生千馬頭山千香積山千
般荼婆山千優闍伽山千閻浮提千
瞿耶尼千弗于逮千壽單曰復生千
海水復生于四天王宮千三十三天
于豔天千兜術天千化自在天千他
化自在天比丘當知或有是時水滅
地復還生是時地上自然有地肥極
為香美勝於甘露欲知彼地肥氣未
猶如甜蒲桃酒比丘當知或有此時
光音天自相謂言我等欲至閻浮提

觀看彼地形還復之時光音天子求
下世間見地上有此地肥便以拍嘗
著口中而取食之是時天子食地肥
多者轉無威神又无光明身體遂重
而生骨肉即失神足不復能飛又彼
天子食地肥少身體不重亦復不失
神足亦能在虛空中飛行是時天子
失神足者皆共呼哭自相謂言我等
今日極為窮厄復失神足即住世間
不能復還天上遂食此地肥各各相
視顏色彼時天子欲意多者便成女
人遂行情欲共相娛樂是謂比丘初
世成時有此婬法流布世間是舊常
之法女人必出於世亦復舊法非適
今也是時餘光音天見此天子以墮
落皆來呵罵而告之曰汝等何為行
此不淨之行是時衆生復作是念
我等當作方便宜共止宿使人不見
轉轉作屋舍自覆形體是謂比丘有
此因緣今有屋舍比丘當知或有是
時地肥自然入地後轉生粳米極為
鮮淨亦無皮表極為香好令人肥白
朝收暮坐暮收朝生是謂比丘余時

始有此粳米之名生比丘或有是時
人民懈怠不勤生活彼人便作是念
我今何為日日取此粳米應當二日
一取是時彼人二日一取粳米尔時
人民展轉懷妊由此轉有生分復有
衆生語彼衆生言我等共取粳米是
時彼人報曰吾以取二日食糧此人
聞已復生此念我當儲四日食糧即
時辦四日食糧復有衆生語彼衆生
可共相將外取粳米此人報曰吾以
取四日食糧彼人聞已便生此念吾
當辦八日食糧即辦八日食儲尔時
彼粳米更不復生是時衆生各生此
念世間有大災患今此粳米遂不如
本今當分此粳米即時分粳米尔時
衆生復生此念我今可自藏粳米當
盜他粳米是時彼衆生自藏粳米便
盜他粳米彼主見盜粳米語彼人曰汝
何故取吾粳米今捨汝罪後莫更犯
尔時世間初有此盜心是時復有衆
生聞此語復自生念我今可藏此已
粳米當盜他粳米是時彼衆生便捨
已物而取他物彼主見已語彼人曰

汝今何為取我粳米乎然彼人默然不對是時物主即時手拳相加自今已後更莫相侵是時衆多人民聞衆生相盜各共運集自相謂言世間有此非法各共相盜今當立守田人使守護田其有衆生聰明高才者當立為守田主是時即選擇田主而語之曰汝等當知世間有此非法竊盜汝今守田當雇其直諸人民來取他粳米者即懲其罪尔時即安田主比丘當知尔時其守田者号为刹利種皆是舊法非為非法尔時世尊便說此偈
始有刹利種姓中之上者 聰明高才人
天人所敬待

尔時其有人民侵他物者是時刹利取懲罰之然後彼人不改其愆故復犯之是時刹利之主勅作刀杖取彼人而梟其首尔時世間初有此煞生是時衆多人民聞此教令其有竊盜粳米者刹利主即取煞之皆懷恐懼衣毛皆豎各作草蘆於中坐禪修其梵行而一其心捨離家業妻子兒婦獨靜其志修於梵行因此已來而有

婆羅門之名姓是時便有此二種姓
出現世間比丘當知彼時由盜故便
有煞生由煞故便有刀杖是時刹刹
主告人民曰其有端政高才者當使
統此人民又告之曰其有人民竊盜
者使懲其罪今時便有此毗舍種姓
出現於世今時多有衆生便生此念
今日衆生之類各共煞生皆由業之
所致也今可來往周旋以自生活今
時便有首陀羅種姓出現世間今時
世尊便說此偈

初有刹刹種次有婆羅門第三名毗舍
次復首陀姓有此四種姓漸漸而相生
皆是天身來而同為一色

比丘當知今時有此煞盜心無復有
此自然粳米今時便有五種粳子一
者根子二者莖子三者枝子四者華
子五者果子及餘所生之種子是謂
五種之子皆是他方刹土風吹使來
取用作種以此自濟如是比丘世間
有此瑞應便有生老病死致使今日有
五盛陰身不得盡於苦際此名為劫
成敗時之變易也吾與汝說諸佛世

尊常所應行今盡與汝說之當樂開
居靜處當念坐禪勿起懈怠今不精
誠後悔無益此是我之教誨也尔時
諸比丘聞佛所說歡喜奉行

聞如是一時佛在羅閱城迦蘭陀竹
園所與大比丘衆五百人俱是時摩
竭國王阿闍世在群臣中而作是說
此拔祇國極為熾盛人民衆多吾當
攻伐攝彼邦土是時阿闍世王告婆
利迦婆羅門曰汝今往至世尊所持
吾姓名往問訊世尊禮敬承事云王
阿闍世白世尊言意欲攻伐拔祇國
為可尔不設如來有所說者汝善思
惟來向吾說所以然者如來語終不
有二是時婆羅門受王教勅往至世
尊所共相問訊在一面坐是時婆羅
門白佛言王阿闍世禮敬世尊承事
問訊又復重白意欲往攻伐拔祇大
國先来問佛為可尔不尔時彼婆羅
門以衣覆頭脚著象牙屐腰帶利劍
不應說法是時世尊告阿難曰若拔
祇人民修七法者終不為外殺所壞
云何為七若當拔祇國人民盡集一

處而不散者便不為他國所壞是謂
初法不為外殺所敗復次阿難拔祇
國人上下和順拔祇人民不為外人
所擒是謂阿難第二之法不為外殺
所壞復次阿難若拔祇國人亦不姪
他著他女人色是謂第三之法不為
外殺所壞復次阿難若拔祇國不從
此聞而傳至彼亦復不從彼聞傳來
至此是謂第四之法不為外殺所壞
復次阿難若拔祇國人供養沙門婆
羅門承事禮敬梵行人者是謂第五
之法是時便不為外殺所獲復次阿
難若拔祇國人民不貪著他財寶者
是謂第六法不為外殺所壞復次阿
難若拔祇國人民皆同一心不向袖
寺專精其意便不為外殺所壞也是
謂第七之法不為外殺所壞是謂阿
難彼拔祇人修此七法者終不為外
人所壞是時梵志白佛言設當彼人
成就一法猶不可壞何況七法而可
壞乎止止世尊國事猥多欲還所止
尔時梵志即從座起而去彼梵志不
遠尔時世尊告諸比丘我今當說七

不退轉法汝等諦聽善思念之諸比丘
白佛言唯然世尊今時諸比丘從佛
受教世尊告曰云何為七不退轉之法
比丘當知若比丘共集一處皆共和
順上下相奉轉進於上修諸善法而
不退轉亦不為魔所得便是謂初法
不退轉復次衆僧和合順從其教轉
進於上而不退轉不為魔王所壞是
謂第二之法不退轉也復次比丘不
著事務不修世榮轉進於上不為魔
天所得其便是謂第三不退轉之法
也復次比丘不諷誦雜書終日策役其
情意轉進於上不為魔王得其便是
謂第四不退轉之法也復次比丘勤
修其法除去睡眠恒自警寤轉進於
上不為弊魔而得其便是謂第五不
退轉之法復次比丘不學筆術亦不
使人習之樂閑靜之處修習其法轉
進於上不為弊魔得其便是謂
第六不退轉之法復次比丘起一
切世間不可樂想習於禪行忍諸
法教轉進於上不為魔所得其便
是謂七不退轉法也若有比丘成

就此七法共和順者便不為魔得其便也今時世尊說此偈言

除去於事業又非思惟亂設不行此者亦不得三昧能樂於法者分別其法義比丘樂此行便致三昧定

是故比丘當求方便成此七法如是諸比丘當作是學今時諸比丘聞佛所說歡喜奉行

聞如是一時佛在舍衛國祇樹給孤獨園今時世尊告諸比丘我今當說七使汝等善思念之諸比丘對曰如是世尊是時諸比丘從佛受教世尊告曰云何為七一者貪欲使二者瞋恚使三者憍慢使四者癡使五者疑使六者見使七者欲世間使是謂比丘有此七使使衆生之類永處幽闇纏結其身流轉世間無有休息亦不能知生死根原猶如彼二牛一黑一白共同一轆共相牽引不得相遠此衆生類亦復如是為此貪欲使無明使所纏結不得相離其餘五使亦復追從五使適從七使亦然若凡夫之人為此七使所縛流轉生死不得解

脫不能知苦之元本比丘當知由此
七使便有三惡趣地獄畜生餓鬼由
此七使不能得度弊魔境界然此七
使之法復有七藥云何為七貪欲使
者念覺意治之瞋恚使者法覺意治
之邪見使者精進覺意治之欲世間
使者喜覺意治之憍慢使者猗覺意
治之疑使者定覺意治之無明使者
護覺意治之是謂比丘此七使用七覺
意治之比丘當知我本未成佛道為
菩薩行坐道樹下便生斯念欲界衆
生為何等所繫復作是念此衆生類
為七使流轉生死永不得解我今亦
為此七使所繫不得解脫余時復作
是念此七使為用何治之復重思惟
此七使者當用七覺意治之我當思
惟七覺意思惟七覺意時有漏心盡
便得解脫後成無上正真之道七日
之中結跏趺坐重思惟此七覺意是
故諸比丘若欲捨七使者當念修行
七覺意法如是諸比丘當作是學余
時諸比丘聞佛所說歡喜奉行
聞如是一時佛在舍衛國祇樹給孤

獨園舍時世尊告諸比丘有七種之人可事可敬是世間無上福田云何為七種人所謂七人者一者行慈二者行悲三者行喜四者行護五者行空六者行无想七者行無願是謂七種之人可事可敬是世間无上福田所以然者其有衆生行此七法者於現法中獲其果報舍時阿難白世尊言何以故不說須隨洹斯隨舍阿那合阿羅漢辟支佛佛乃說此七事乎世尊告曰行慈七人其行與須隨洹乃至佛其事不同雖供養須隨洹乃至佛不現得報然供養此七人者於現世得報是故阿難當勤加勇猛成辦七法如是阿難當作是學舍時阿難聞佛所說歡喜奉行

聞如是一時佛在毗舍離獼猴池側與大比丘衆五百人俱是時世尊到時著衣持鉢及將阿難入毗舍離乞食舍時毗舍離城內有大長者名毗羅先饒財多寶不可稱計然復慳貪無惠施之心唯食宿福更不造新舍時彼長者將諸姝女在後宮作倡伎

樂自相娛樂。今時世尊往詣彼巷。知而問阿難曰。今聞作倡伎樂。為是何家。阿難白佛。是毗羅先長者家。佛告阿難。此長者却後七日。命終當生涕哭地獄中。所以然者。此是常法。若斷善根之人。命終之時。皆生涕哭地獄中。今此長者宿福已盡。更不造新。阿難白佛言。頗有因緣。使此長者七日不命終乎。佛告阿難。無此因緣。得不命終乎。昔所種行。今日已盡。此不可免。阿難白佛。頗有方便。令此長者不生涕哭地獄乎。佛告阿難。有此方便。可使長者不入地獄耳。阿難白佛言。何等因緣。使長者不入地獄。佛告阿難。設此長者剝除鬚髮。著三法衣。出家學道。者便得免此罪也。阿難白佛言。今我能使此長者出家學道。今時阿難辭世尊已往。至彼長者家在門外立。是時長者遙見阿難來。即出奉迎。便請使坐。時阿難語長者曰。今我是一切智人。邊聞然如來。今記汝身却後七日。當身壞命終。生涕哭地獄中。長者聞已。即懷恐懼。衣毛皆豎。白阿難。

曰頗有此因緣使七日之中不命終乎阿難告曰無此因緣今七日中得免命終長者復自言頗有因緣我今命終不生涕哭地獄中乎阿難告曰世尊亦有此教若當長者剗除鬚髮者三法衣出家學道者便不入地獄中汝今可宜出家學道得到彼岸長者白言阿難並在前去我正余當往是時阿難便捨而去長者便作是念言七日者猶常為速吾今宜可五欲自娛樂然後當出家學道是時阿難明日復至長者家語長者曰一日已過餘有六日在可時出家長者白言阿難並在前正余當尋從然彼長者猶故不去是時阿難二日三日乃至六日至長者家語長者曰可時出家後悔無及設不出家者今日命終當生涕哭地獄中長者白阿難曰尊者並在前正余當隨後阿難告曰長者今日以何神足至彼聞方言先遣吾耶但今欲共一時俱往是時阿難將此長者往至世尊所到已頭面礼足白佛言今此長者欲得出家學道唯願如

來當與剃除鬚髮使得學道佛告阿
難汝今躬可度此長者是時阿難受
佛教勅即時與長者剃除鬚髮教令者
三法衣使學正法是時阿難教彼比
丘曰汝當念修行念佛念法念比丘
僧念戒念施念天念休自念安般念身
念死當修行如是之法是謂比丘行
此十念者便獲大果報得甘露法味是
時毗羅先修行如是法已即其日命終
生四天王中是時阿難即闍維彼身還
至世尊所頭面礼足在一面立尔時
阿難白世尊言向者比丘毗羅先者
今已命終為生何處世尊告曰今此
比丘命終生四天王阿難白佛言於
彼命終當生何處世尊告曰於彼命
終當生三十三天展轉生豔天兜術
天化自在天他化自在天從彼命終
復還來生乃至四天王中是謂阿難
毗羅先比丘七變周旋天人之中寧
後得人身出家學道當盡苦際所以
然者斯於如來有信心故阿難當知
此閻浮提地南北二万一千由旬東西
七千由旬設有人供養閻浮里地人

其福為多不阿難白佛言甚多甚多
世尊佛告阿難若有衆生如犍牛須
信心不絕修行十念者其福不可量
無有能量者如是阿難當求方便修
行十念如是阿難當作是學尔時阿
難聞佛所說歡喜奉行

聞如是一時佛在舍衛國祇樹給孤
獨園尔時世尊告諸比丘我當說極
妙之法初中竟善義理深邃具足得
修梵行此經名為淨諸漏法汝等善
思念之比丘對曰如是世尊是時諸
比丘從佛受教世尊告曰彼云何名
為淨諸漏法或有有漏緣見得斷或
有有漏親近得斷或有有漏遠離得
斷或有有漏娛樂得斷或有有漏威
儀得斷或有有漏思惟得斷彼云何
有漏由見得斷於是凡夫之人不覩
聖人不順從如來之法不能擁護賢
聖之法不親近善知識不與善知識
從事其聞法所應思惟法者亦不分
別不應思惟者而思惟之未生欲漏
而生已生欲漏便增多未生有漏而
生已生有漏便增多未生無明漏而

生已生无明漏便增多此法不應思惟而思惟之彼云何法應思惟然不思惟此法所言思惟法者未生欲漏使不生已生欲漏而滅之未生有漏令不生已生有漏而滅之未生无明漏令不生已生无明漏而滅之是謂此法應可思惟而不思惟所不應思惟者便思惟之應思惟者復不思惟之未生欲漏而生已生欲漏而增多未生有漏而生已生有漏而增多未生无明漏而生已生无明漏而增多彼人作如是思惟云何有過去久遠我今當有過去久遠或復思惟無過去久遠云何當有過去久遠為誰有過去久遠云何復有當來久遠我今當有將來久遠或復言無將來久遠云何當有將來久遠為誰有將來久遠云何有此衆生久遠此衆生久遠為從何來從此命終當生何處彼人起此不祥之念便興六見展轉生耶想有我見審育此見無有我見審興此見有我見无我見於中起審見又復自觀身復興此見於已而不見已復

與此見於無我而不見无我於中起
此見尔時彼人復生此邪見我者即
是今世亦是後世常存於世而不朽
敗亦不變易復不移動是謂名為邪
見之聚邪見災患憂悲苦惱皆由此
生而不可療治亦復不能捨遂增苦
本由是不為沙門之行涅槃之道又
復比丘賢聖弟子修其法不失次叙
善能擁護與善知識共從事彼能分
別不可思惟法亦能知所可思惟法
亦能知之彼所不應思惟法亦不思
惟之所應思惟法而思惟之彼云何
不應思惟法而不思惟之於是諸法
未生欲漏而生已生欲漏而增多未
生有漏而生已生有漏而增多未生
無明漏而生已生无明漏而增多是
謂此法不應思惟之彼何等法應思
惟者而思惟之於是諸法未生欲漏
而不生已生欲漏而滅之未生有漏
而不生已生有漏而滅之未生無明
漏而不生已生无明漏而滅之是謂
此法應可思惟之彼不應思惟者亦
不思惟之可思惟者便思惟之彼作

如是思惟便滅三法云何為三身耶
戒盜疑設不知見則增有漏之行設
見聞念知者則不增有漏之行已知
已見有漏便不生是謂此漏見所斷
也彼云何漏恭敬所斷於是比丘堪
忍飢寒勤苦風雨晡室惡言罵辱身
生痛惱極為煩疼命垂欲斷便能忍
之若不介者便起苦惱設復能堪忍
者如是不生是謂此漏恭敬所斷彼
云何漏親近所斷於是比丘持心受
衣不興榮飾但欲支其形體欲除寒
熱欲令風雨不加其身又覆形體不
令外露又持心隨時乞食不起染著
之心但欲趣支形體使故痛得差新
者不生守護衆行无所觸犯長夜安
隱而修梵行久存於世復持心意親
近牀座亦不著榮華服飾但欲除飢
寒風雨晡室之類趣支其形得行道
法又復持心親近醫藥不生染著之
心於彼醫藥但欲使疾病除愈故身
體得安隱設不親近者則生有漏之
患若親近則無有漏之患是謂此漏
親近所斷彼云何有漏遠離所斷於

是比丘除去妄想猶如惡象駱駝牛
爲虎狼狗蛇耽深坑危岸柘棘峻崖
濕泥皆當遠離之莫與惡知識從事
亦復不與惡人相近能熟思惟不去
心首設不將護者則生有漏設將護
者則不生有漏是謂有漏遠離所斷
彼云何有漏娛樂所斷於是比丘生
欲想而不捨離設起瞋恚想亦不捨
離設復起嫉想亦不捨離設不捨離
者則生有漏能捨離者便能不起有
漏是謂此漏娛樂所斷云何有漏威
儀所斷於此比丘若眼見色不起色
想亦不起染汙之心具足眼根亦無
缺漏而護眼根若耳聞聲鼻嗅香舌
知味身知細滑意知法都不起染汙
之心亦不起想著而護意根若不攝
其威儀則生有漏若攝其威儀者則
無有漏之患是謂此漏威儀所斷彼
何等有漏思惟所斷於是比丘修念
覺意依無欲依无汙依滅盡而求出
要修法覺意精進覺意喜覺意倚
覺意定覺意護覺意依無欲依无汙
依滅盡而求出要若不修此者則生

有漏之患設能修者則不生有漏之患是謂此漏思惟所斷若復比丘於比丘中諸所有漏見斷者便見斷之恭敬斷者便恭敬斷之親近斷者親近斷之遠離斷者遠離斷之威儀斷者威儀斷之思惟斷者思惟斷之是謂比丘具足一切威儀能斷結去愛度於四流漸漸越苦是謂比丘除有漏之法諸佛世尊常所施行慈念一切有形之類今日施行汝等常樂閑居樹下勤加精進勿有懈怠今不勤加者後悔無益此是我之訓教今時比丘聞佛所說歡喜奉行

增壹阿含經卷第三十四

癸卯歲高麗國大藏都監奉
勅彫造

增壹阿含經卷第三十五

卷

七日品之餘

東晉時僧人慧遠撰集增壹阿含經

聞如是一時佛在阿踰闍江水邊與
大比丘衆五百人俱時大均頭在閑
靜之處而作是念頗有此義恒益功
德為無此理是時均頭即從座起往
至世尊所頭面礼足在一面坐尔時均
頭白佛言世尊向者在閑靜之處而
作是念頗有此理所行衆事得益切
德耶我今問世尊唯願說之世尊告
曰可得增益功德均頭白佛言云何
得增益功德世尊告曰增益有七事其
福不可稱量亦復無人能竿計此者
云何為七於是族姓子若族姓女未
曾起僧伽藍處於中興立者此福不
可計復次均頭若善男子善女人能
持牀座施彼僧伽藍者及與比丘僧
是謂均頭第二之福不可稱計復次
均頭若善男子善女人以食施彼比
丘僧是謂均頭第三之福不可稱計
復次均頭若善男子善女人以遮雨

衣給施比丘僧者是謂均頭第四功德其福不可量復次均頭若族姓子女若以藥施比丘僧者是謂第五之福不可稱計復次均頭若善男子善女人曠野作好井者是謂均頭第六之功德也不可稱計復次均頭善男子善女人近道作舍使當來過去得止宿者是謂均頭第七功德不可稱計是謂均頭七功德之法其福不可量若行若坐正使命終其福隨後如影隨形其德不可稱計言當有舍許之福亦如大海水不可外斗量之言當有舍許之水此七功德亦復如是其人當求方便成辦七功德如是均頭當作是學今時均頭聞佛所說歡喜奉行

聞如是一時佛在舍衛國祇樹給孤獨園今時世尊告諸比丘汝等當修行死想思惟死想時彼座上有一比丘白世尊言我常修行思惟死想世尊告曰汝云何思惟修行死想比丘白佛言思惟死想時意欲存七日思

惟七覺意於如來法中多所饒益死
後無恨如是世尊我思惟死想世尊
告曰止止比丘此非行死想之行此
名為放逸之法復有一比丘白世尊
言我能堪任修行死想世尊告曰汝
云何修行思惟死想比丘白佛言我
今作是念意欲存在六日思惟如來
正法已便取命終此則有所增益如
是思惟死想世尊告曰止止比丘汝
亦是放逸之法非思惟死想也復有
比丘白佛言欲存在五日或言四日
或言三日二日一日者余時世尊告
諸比丘止止比丘此亦是放逸之法
非為思惟死想余時復有一比丘白
世尊言我能堪忍修行死想比丘白
佛言我到時著衣持鉢入舍衛城乞
食已還出舍衛城歸所在入靜室中
思惟七覺意而取命終此則思惟死
想世尊告曰止止比丘此亦非思惟
修行死想汝等諸比丘所說者皆是
放逸之行非是修行死想之法是時
世尊重告比丘其能如婆迦利比丘
者此則名為思惟死想彼比丘者善

能思惟死想厭患此身思露不淨若
比丘思惟死想繫意在前心不移動
念出入息往還之數於其中間思惟
七覺意則於如來法多所饒益所以
然者一切諸行皆空皆寂起者滅者皆
是幻化無有真實是故比丘當於出
入息中思惟死想便脫生老病死愁
憂苦惱如是比丘當知作如是學今
時諸比丘聞佛所說歡喜奉行

聞如是一時佛在舍衛國祇樹給孤
獨園今時波斯匿王即勅群臣速嚴
寶羽之車吾欲往世尊所禮拜問訊
是時大王即出城至世尊所頭面礼
足在一面坐今時如來與無央數之
衆圍遶說法是時七尼健子復有七
僇形人復有七黑梵志復有七僇形
婆羅門去世尊不遠而過是時波斯
匿王見此諸人去世尊不遠而過即
白佛言觀此諸人經過不住皆是少
欲知足無有家業今此世間阿羅漢
者此人家為上首所以然者於衆人
中極為苦行不貪利養世尊告曰大
王竟未識真人羅漢不以僇形露體

名為阿羅漢大王當知此皆非真實之行當念觀察久遠來變又復當觀可親知親可近知近所以然者過去久遠世時有七梵志在一處學年極衰弊以草為衣裳食以菓蔬起諸邪見各生此念我等持此苦行之法使後作大國王或求釋梵四天王今時有阿私陀天師是諸婆羅門祖父知彼梵志心中所念即從梵天上沒來至七婆羅門所是時阿私陀天師去天服飾作婆羅門形在露地經行是時七梵志遙見阿私陀經行各懷瞋恚而作是語此是何等著欲之人在我等梵行人前行今當呪灰滅之是七梵志即手掬水灑彼梵志呪曰汝今速為灰土然婆羅門遂懷瞋恚天師顏色倍更端政所以然者慈能滅瞋是時七梵志便作是念我等將不為禁戒退轉乎我等正起瞋恚彼人便自端政今時七人與天師便說此偈為天乳眷和羅刹鬼神乎是時名何等我等欲知之

是時阿私陀師即時報偈曰

非天軋脊和非鬼羅刹神天師阿私陀
今我身是也

我今知汝心中所念故從梵天上来
下耳梵天去此極爲玄遠彼帝釋身
亦復如是轉輪聖王亦不可得不可
以此苦行作釋梵四天王是時天師
阿私陀便說此偈

心內若干念外服而鹿獐但勤修正見
遠離於惡道心戒清淨行口行亦復然
遠離於惡念必當生天上

是時七梵志白天師曰審是天師乎
報曰是也但今梵志不以保形得生
天上未必修此苦行得生梵天之處
又非露暴形體作若干苦行得生彼
處能攝心意使不移動便生天上不
可以卿等所習得生彼處大王觀審
此義不以保形名為阿羅漢其凡夫
之人欲知真人者此事不然然復真人
能分別所習凡夫之行又復凡夫之
人不能知凡夫之行真人便能知凡
夫之行但大王知之當方便知久遠
已來非適今也當以觀之如是大王
當以方便學之今時波斯匿王白世

尊言如來所說甚為快哉非世人所能曉了然國事猥多欲還所止佛告王曰王且知時尔時王即從坐起礼世尊足便退而去尔時波斯匿王聞佛所說歡喜奉行

聞如是一時佛在釋翅迦毗羅衛國尼拘屢園與大比丘衆五百人俱尔時世尊食後從尼拘屢園往至毗羅耶致聚中在一樹下坐是時執杖釋種出迦毗羅越至世尊所在前默然而住尔時執杖釋種問世尊言沙門作何勑教為何等論世尊告曰梵志當知我之所論非天龍鬼神所能及也亦非著世復非住世我之所論正謂斯耳是時執杖釋種儼頭嘆吒已便退而去尔時如來即從座起還詣所止尔時世尊告諸比丘向者在彼園中坐有執杖釋種來至我所而問我言沙門為作何等論吾報之曰我之所論非天世人所能及也亦非著世復非住世我之所論正謂斯耳是時執杖釋種聞此語已便退而去尔時有一比丘白世尊言云何亦不著

世復非住世世尊告曰如我所論者都不著世如今於欲而得解脫斷於釋種狐疑無有衆想我之所論者正謂此耳世尊作此語已即起入室是時諸比丘各相謂言世尊向所論者略說其義誰能堪任廣說此義乎是時諸比丘自相謂言世尊恒嘆譽尊者大迦梅延今唯有迦梅延能說此義耳是時衆多比丘語迦梅延曰向者如來略說其義唯願尊者當廣演說之事事分別使諸人得解迦梅延報曰猶如聚落有人出於彼村欲求真實之物彼若見大樹便取斫然取其枝葉而捨之去然今汝等亦復如是捨如來已來從枝求實然彼如來皆觀見之靡不周遍照明世間為天人導如來者是法之真主汝等亦當有此時節自然當遇如來說此義時諸比丘對曰如來雖是法之真主廣演其義然尊者為世尊記堪任廣說其義迦梅延報曰汝等諦聽善思念之吾當演說分別其義諸比丘對曰甚善是時諸比丘即受其教迦梅

延告曰今如來所言我之所論非天
龍鬼神之所能及亦非著世復非住
世然我於彼而得解脫斷諸狐疑无
復猶豫如今衆生之徒好喜鬪訟起
諸乱想又如來言我不於中起染著
心此是貪欲使瞋恚邪見欲世間使憍
慢使疑使無明使或遇刀杖苦痛之
報與人鬪訟起若干不善之行起諸
乱想興不善行若眼見色而起識想
三事相因便有更樂以有更樂便
有痛以有痛便有所覺以有覺便有
想以有想便稱量之起若干種想著
之念耳聞聲鼻嗅香舌嘗味身更細
滑意知法而起識想三事相因便有
更樂以有更樂便有痛以有痛便有
覺以有覺便有想以有想便稱量之
於中起若干種想著之念此是貪欲
之使瞋恚使邪見使憍慢使欲世間
使癡使疑使皆起刀杖之變興若干
種之變不可稱計若有人作是說亦
無眼亦无色而有更樂此事不然設
復言無更樂有痛者此亦不然設言
无痛而有想著者此事不然設復有

人言無耳无聲無鼻无香無舌无味
无身無細滑无意無法而言有識者
終无此理也設言无識而有更樂者
此事不然設無更樂而言有痛者此
事不然設言無痛而有想者者此事
不然若復人言有眼有色於中起識
此是必然若言耳聲鼻香舌味身細
滑意法於中起識者此事必然諸賢
當知由此因緣世尊說曰我之所論
天及世人魔若魔天不能及者亦不
著世復不住世然我於欲而得解脫
斷於狐疑無復猶豫世尊因此緣略
說其義耳汝等心不解者更至如來
所重問此義設如來有所說者好念
奉持是時衆多比丘聞迦梅延所說
亦不言善復不言非即從座起而去
自相謂言我等當持此義往問如來
設世尊有所說者當奉行之是時衆
多比丘往至世尊所頭面礼足在一
面坐尔時衆多比丘以此緣本具白
世尊尔時如來告比丘曰迦梅延比
丘聰明辯才廣演其義設汝等至吾
所問此義我亦當以此與汝說之尔

時阿難在如來後是時阿難白佛言
此經義理極為甚深猶如有人行路
而遇甘露取而食之極為香美食无
厭足此亦如是其善男子善女人所
至到處聞此法而無厭足重白世尊
此經名何等當云何奉行佛告阿難
此經名曰甘露法味當念奉行余時
阿難聞佛所說歡喜奉行

增壹阿含經莫畏品第四十二

聞如是一時佛在釋迦迦毗羅衛尼
拘婁園中是時摩呵男釋往至世尊
所頭面礼足在一面坐尔時摩呵男
釋白世尊言躬從如來受此言教諸
有善男子善女人斷三結使成須陀
洹名不退轉必成道果更不求諸外
道異學亦復不觀察餘人所說設當
尔者此事不然我若見暴牛馬駱駝
即時恐懼衣毛皆豎復作是念設我
今日懷此恐懼當取命終者為生何
處世尊告摩呵男勿起恐畏之心設
當取命終不墮三惡趣所以然者今
有三消滅之義云何為三如有著於
婬欲而起惱乱復起害心向他人已

無此欲則不起煞害之心於現法中
不起苦惱諸有惡不善法欲自害已
設无此者則無擾乱便无愁憂是謂
摩呵男此三義諸惡不善法便墮在
下諸善之法便在於上亦如酥瓶在
水中壞是時瓦石便沉在下酥便浮
在上此亦如是諸惡不善之法便在
於下諸善之法便浮在上摩呵男當
知我昔日未成佛道在優留毗六年
勤苦不食美味身體羸瘦如似百年
之人皆由不食之所致若我欲起時
便自墮地時我復作是念設我於中
命終者當生何處時我復作是念我
今命終者必不生惡道中然復義趣
不可從樂至樂要當由苦然後至樂
我今時復遊在仙人窟中今時有多
尼捷子在彼學道是時尼捷子舉手
拍日曝體學道或復有蹲而學道我
今時往至彼所語尼捷子汝等何故
離坐舉手翹足乎彼尼捷子曰瞿曇
當知昔我先師作不善行今所以苦
者欲滅其罪今雖露形體有所辱分
亦有損減此事瞿曇當知行盡苦亦

盡苦盡行亦盡苦行已盡便至涅槃
我亦時復語尼捷子曰此事不然亦
無由行盡苦亦盡亦不由苦盡行亦
盡得至涅槃但今苦行盡得至涅槃者
此事然矣但不可從樂至樂尼捷子
曰頻毗娑羅王從樂至樂有何苦哉
我亦時復語尼捷子曰頻毗娑羅王
樂何如我樂尼捷子報我言頻毗娑
羅王樂勝汝樂也我亦時復語尼捷
子曰頻毗娑羅王能使我七日七夜
結跏趺坐形體不移動乎正使六五
四三二乃至一日結跏趺坐乎尼捷
子報曰不也瞿曇世尊告曰我能堪
任結跏趺坐形不移動云何尼捷子
誰者為樂頻毗娑羅王樂耶為我樂
耶尼捷子曰瞿曇沙門樂如是摩呵
男當作此方便知不可從樂至樂要
當從苦至樂猶如摩呵男大村左右
有大池水縱廣一由旬水滿其中若
復有人來取彼一滴水云何摩呵男
水何者為多一滴水多為池水多乎
摩呵男曰池水多非一滴水多也世
尊告曰此亦如是賢聖弟子諸苦已

盡永無復有餘存在者如一涸水耳
如我果中寂下道者不過七死七生
而盡苦際若復勇猛精進便為家家
即得道跡余時世尊重與摩呵男說
微妙之法彼聞法已即從座起而去
余時摩呵男聞佛所說歡喜奉行
聞如是一時尊者那伽波羅在廐野
城中是時有一婆羅門年垂朽邁昔
與尊者那伽波羅少小舊款是時婆
羅門往至那伽波羅所共相問訊在
一面坐余時梵志語那伽波羅曰汝
今於樂之中寂為快樂那伽波羅曰
汝觀何等義而作是說於樂之中寂
為快樂婆羅門報曰我頻七日中七
男兒死皆勇猛高才智慧難及近六
日之中十二作使人無常能堪作使
无有懈怠近五日已來四兄弟无常
多諸妓術無事不閑近四日已來父
母命終年向百歲捨我去世近三日
已來二婦復死顏貌端政世之希有
又復家中有八窖珍寶昨日求之而
不知處如我今日遭此苦惱不可稱
計然尊者今日永離波患无復愁憂

正以道法而自娛樂我觀此義已故作是說於樂之中取為快樂是時尊者那伽婆羅告彼梵志曰汝何為不作方便使彼允許之人而不命終乎梵志對曰我亦多作方便欲令不死又不失財亦復隨時布施作諸功德祠祀諸天供養諸長老梵志擁護諸神誦諸呪術亦能瞻視星宿亦復能和合藥草亦以甘饌飲食施彼窮厄如此之比不可稱也然復不能濟彼命根是時尊者那伽婆羅便說此偈藥草諸呪術衣被飲食具雖施而無益猶抱身苦行正使祭神祠香花及沐浴計按此原本無能療治者假使施諸物是時梵志問曰當行何法使無此苦惱之患是時尊者那伽婆羅便說此偈恩愛無明本興諸苦惱患彼滅而无餘便無復有苦

是時彼梵志正聞語已即時便說此偈雖老不極老所行如弟子願聽出家學使得離此灾

是時尊者那伽婆羅即授彼三衣使

出家學又告之曰汝今比丘當觀此
身從頭至足此髮毛爪齒為從何來
形體皮肉骨髓腸胃悉從何來設從
此去當至何所是故比丘勿多憂念
世間苦惱又當觀此毛孔之中求方
便成四諦是時尊者那伽婆羅便說
此偈

除想勿多憂不久成法眼無常行如電
不遇此大幸二觀毛孔生者滅者原
无常行如電施心向涅槃

是時彼長老比丘受如是言教在閑
靜之處思惟此業所以然族姓子刺
除驢騾以信堅固出家學道者欲修
無上梵行生死已盡梵行已立所作
已辦更不復受胎如實知之是時彼
比丘便成阿羅漢是時有天是彼比
丘舊知識見彼比丘成阿羅漢已便
往至那伽婆羅所在虛空中而說此偈
以得具足戒在彼閑靜處得道心無著
除諸原惡本

是時彼天復以天華散尊者上即於
空中沒不現尔時彼比丘及天聞尊
者那伽婆羅所說歡喜奉行

聞如是一時佛在舍衛國祇樹給孤
獨園。爾時世尊告諸比丘。當觀七處
之善。又察四法。於此現法之中。名為
上人。云何比丘。觀七處之善。於是比
丘以慈心遍滿一方。二方。三方。四方。
四維。上下。亦復如是。盡於世間。以慈
心遍滿。其中悲喜護心。空無相願。亦
復如是。諸根具足。飲食自量。恒自覺
悟。如是比丘。觀七處。云何比丘。察四
處之法。於是比丘。內自觀身。除去愁
憂。身意止。外復觀身。身意止。內外觀身。
身意止。內自觀痛。痛意止。外自觀痛。
痛意止。內外觀痛。痛意止。內觀心。心
意止。外觀心。心意止。內外觀心。心意
止。除去愁憂。無復苦患。內觀法。法意
止。外觀法。法意止。內外觀法。法意止。
如是比丘。觀四法之善。若復比丘。如
是七處善。及察四法。於此現法中。為
上人是。故比丘。當求方便。辨七處之
善。及觀四法。如是比丘。當作是學。尔
時諸比丘聞佛所說歡喜奉行。
聞如是一時佛在舍衛國祇樹給孤
獨園。爾時世尊告諸比丘。當觀七處
之善。又察四法。於此現法之中。名為
上人。云何比丘。觀七處之善。於是比
丘以慈心遍滿一方。二方。三方。四方。
四維。上下。亦復如是。盡於世間。以慈
心遍滿。其中悲喜護心。空無相願。亦
復如是。諸根具足。飲食自量。恒自覺
悟。如是比丘。觀七處。云何比丘。察四
處之法。於是比丘。內自觀身。除去愁
憂。身意止。外復觀身。身意止。內外觀身。
身意止。內自觀痛。痛意止。外自觀痛。
痛意止。內外觀痛。痛意止。內觀心。心
意止。外觀心。心意止。內外觀心。心意
止。除去愁憂。無復苦患。內觀法。法意
止。外觀法。法意止。內外觀法。法意止。
如是比丘。觀四法之善。若復比丘。如
是七處善。及察四法。於此現法中。為
上人是。故比丘。當求方便。辨七處之
善。及觀四法。如是比丘。當作是學。尔
時諸比丘聞佛所說歡喜奉行。

時衆多以丘徃至世尊所頭面礼足
在一面坐尔時衆多以丘白世尊言
我等欲詣北方遊化世尊告曰宜知
是時世尊復告比丘曰汝等為辭舍
利弗比丘乎諸比丘對曰不也世尊
尔時世尊告諸比丘汝等徃辭舍利
弗比丘所以然者舍利弗比丘恒與
諸梵行人教誡其法說法無厭足尔
時世尊與諸比丘說微妙之法諸比
丘聞法已即從座起礼世尊足遶佛
三匝便退而去尔時舍利弗在釋翅
神寺中遊尔時衆多以丘徃至舍利
弗所共相問訊在一面坐是時衆多
比丘白舍利弗言我等欲詣北方人
間遊化今以辭世尊舍利弗言卿等
當知北方人民沙門婆羅門皆悉聰
明智慧難及復有人民意來相試若
當來問卿諸賢師作何等論設當作
是問者欲去何報之諸比丘報曰設
當有人來問者我當以此義報之色
者無常其无常者即是苦也苦者无
我無我者空以空无我彼空如是智
者之所觀也痛想行識亦復無常苦

空無我其實空者彼无我空如是智
者之所學也此五盛陰皆空皆寂因
緣合會皆歸於磨滅不得久住八種
之道將從有七我師所說正謂此耳
若刹利婆羅門人民之類來問我義
者我等當以此義報之是時舍利弗
語衆多比丘曰汝等堅持心意勿為
輕舉是時舍利弗具足與諸比丘說
微妙之法即從座起而去是時衆多
比丘去不遠舍利弗告比丘當云何
行八種之通及七種之法是時衆多
比丘白舍利弗言我等乃從遠來欲
聞其義唯願說之舍利弗報曰汝等
諦聽諦聽善思念之吾今當說是時
比丘而受其教舍利弗告曰若一心
念正見者念覺意不乱也等治者念
一心一切諸法法覺意也等語者身
意精進精進覺意也等業者一切諸
法得生喜覺意也等命者知足於賢
聖之財悉捨家財安其形體倚覺意
也等方便者得賢聖四諦盡除去諸
結定覺意也等念者觀四意止身无
牢固皆空無我護覺意也等三昧者

不獲者獲不度者度不得證者使得證也設當有人來問此義云何修八種道及七法汝等當如是報之所以然者八種道及七法其有比丘修此者有漏心便得解脫我今重告汝其有比丘修行思惟八種道及七法者彼比丘便成二果而無狐疑得阿羅漢且捨此事若不能多一日之中行此八種道及七法者其福不可稱計得阿那含若阿羅漢是故諸賢當求方便行此八種道及七法者於取道無有狐疑今時諸比丘聞舍利弗所說歡喜奉行

聞如是一時佛在舍衛國祇樹給孤獨園今時世尊語迦葉曰汝今年已朽邁無少壯之意宜可受諸長者衣裳及其飲食大迦葉白佛言我不堪任受彼衣食今此納衣隨時乞食使樂無比所以然者將來當有比丘形體柔軟心貪好衣食便於禪退轉不復能行苦業又當作是語過去佛時諸比丘等亦受人請受人衣食我等何為不法古時聖人乎坐貪著衣食

故便當捨服為白衣使諸聖賢無復
威神四部之衆漸漸減少聖衆已減
少如來神寺復當毀壞如來神寺已
毀壞故經法復當凋落是時衆生无
復精光以無精光壽命遂短是時彼
衆生命終已皆墮三惡趣猶如今日
衆生之類為福多者皆生天上當來
之世為罪多者盡入地獄世尊告曰
善哉善哉迦葉多所饒益為世人民
作良友福田迦葉當知吾般涅槃後
千歲餘當有比丘於禪退轉不復行
頭陀之法亦無乞食者補納衣貪受
長者請其衣食亦復不在樹下閑居
之處好喜莊飾房舍亦不用大小便
為藥但者餘藥草極甘美者或於其
中貪著財貨慳惜房舍恒共鬭諍今
時檀越施主篤信佛法好喜惠施不
惜財物是時檀越施主命終之後盡生
天上比丘懈怠者死入地獄中如是
迦葉一切諸行皆悉無常不得久保
又迦葉當知將來之世當有比丘剃
鬚髮而習家業左抱男右抱女又執
箏簫在街巷乞食今時檀越施主受

福無窮况復今日至誠乞食者如是
迦葉一切行无常不可久停迦葉當
知將來之世若有沙門比丘當捨八
種道及七種之法如我今日於三阿
僧祇劫所集法寶將來諸比丘以為
歌曲在衆人中乞食以自濟命然後
檀越施主飯彼比丘衆猶獲其福
况復今日而不得其福乎我今持此
法付授迦葉及阿難比丘所以然者
吾今年老以向八十然如來不久當
取滅度今持法寶付囑二人善念誦
持使不斷絕流布世間其有遇絕聖
人言教者便為墮邊際是故今日囑
累汝經法無令脫失是時大迦葉及
阿難即從座起長跪叉手白世尊言
以何等故以此經法付授二人不囑
累餘人乎又復如來衆中神通第一
不可稱計然不囑累世尊告迦葉曰
我於天上人中終不見此人能受持此
法寶如迦葉阿難之比然聲聞中亦
復不出二人上者過去諸佛亦復有
此二人受持經法如今迦葉阿難比
丘之比極為殊妙所以然者過去諸

佛頭陀行比丘法存則存法沒則沒然我今日迦葉比丘留住在世弥勒佛出世然後取滅度由此因緣今迦葉比丘勝過去時比丘之衆又阿難比丘云何得勝過去侍者過去時諸佛侍者聞他所說然後乃解然今日阿難比丘如來未發語便解如來不復語是皆悉知之由此因緣阿難比丘勝過去時諸佛侍者是故迦葉阿難吾今付授汝囑累汝此法寶无令缺減余時世尊便說偈言

一切行無常起者必有滅无生則無死此滅寂為樂

是時大迦葉及阿難聞佛所說歡喜奉行

增壹阿含經卷第三十五

癸卯歲高麗國大截都監奉勅彫造

增壹阿含經卷第三十六

聲言

東晉劉宋藏經卷第三十六

八難品第四十二之一

聞如是一時佛在舍衛國祇樹給孤獨園。尔時世尊告諸比丘。凡夫之人。不聞不知說法時節。比丘當知。有八不聞時節。人不得修行云。何為八。若如來出現世時。廣演法教。得至涅槃。如來之所行然。此衆生在地獄中。不聞不覩。是謂初一難也。若復如來出現世時。廣演法教。然此衆生在畜生中。不聞不覩。是謂第二之難。復次如來出現世時。廣說法教。然此衆生在餓鬼中。不聞不覩。是謂第三之難也。復次如來出現世時。廣演法教。然此衆生在長壽天上。不聞不覩。是謂第四之難也。復次如來出現世時。廣演法教。然此衆生在邊地。生誹謗賢聖。造諸邪業。是謂第五之難。復次如來出現世時。廣演法教。得至涅槃。然此衆生生於中國。又且六情不完。具亦復下。別善惡之法。是謂第六之難也。若

復如來出現世時廣演法教得至涅槃然此衆生在於中國雖復六情完具無所缺漏然彼衆生心識邪見无入無施亦无受者亦無善惡之報无今世後世亦無父母世无沙門婆羅門等成就得阿羅漢者自身作證而自遊樂是謂第七之難也復次如來不出現世亦復不說法使至涅槃者又此衆生生在中國六情完具堪任受法聰明高才聞法則解修行正見便有物有施有受者有善惡之報有今世後世世有沙門婆羅門等修正見取證得阿羅漢者是謂第八之難非梵行所修行是謂比丘有此八難非梵行所修行於是比丘有一時節法梵行人所修行云何為一於是如來出現世時廣演法教得至涅槃然此人生在中國世智辯聰觸物皆明修行正見亦能分別善惡之法有今世後世世有沙門婆羅門等修正見取證得阿羅漢者是謂梵行人修行一法得至涅槃余時世尊便說此偈八難非一類令人不得道如今現在前

世間不可遇亦當學正法亦莫失是處
追憶過去等便生地獄中於是斷无欲
思惟於正法久存於世間而無斷滅時
於是斷无欲思惟於正法永斷生死原
久存於世間以得於人身分別正真法
諸不得果者必遊八難處今說有八難
佛法之要行一難猶尚劇如板浮大海
雖當離一難然可有此理設離一四諦
永離於正道是故當專心思惟於妙理
至誠聽正法便得無為處

是故比丘當求方便遠離八難之處
莫願其中如是諸比丘當作是學今
時諸比丘聞佛所說歡喜奉行

聞如是一時佛在舍衛國祇樹給孤
獨園今時世尊告諸比丘有八大地
獄云何為八一者還活地獄二者黑
繩地獄三者等害地獄四者涕哭地
獄五者大涕哭地獄六者阿鼻地獄
七者炎地獄八者大炎地獄如是比
丘八大地獄今時世尊便說此偈
還活及黑繩等害二涕哭五逆阿鼻獄
炎大炎地獄此名八地獄其中不可處
皆由惡行今十六隔子圍然彼鐵獄上

為火之所燒過一由旬內熾火極熱盛
四城四門戶其間甚平整又以鐵作城
鐵板覆其上

斯由衆生罪報之緣今彼衆生受苦
無量冥血消盡唯有骨存以何等故
名為還活地獄復有彼衆生形體挺
直亦不動搖為苦所逼不能移轉形
體以無冥血是時衆生自相謂言衆
生還活還活是時彼衆生便自還活
以此因緣故名為還活地獄復以何
因名為黑繩地獄然彼衆生形體筋
脉皆化為繩以鋸鋸身故名為黑繩
地獄復以何因緣名等害地獄是時
彼衆生集在一處而梟其首尋復還
生由此因緣名為等害地獄復以何
因緣名為涕哭地獄然彼衆生善本斷
滅無毛髮遺餘在在彼地獄中受惱
无量於中稱怨嗟呼聲不斷絕由此
因緣名為涕哭地獄復以何因緣名
為大涕哭地獄然彼衆生在地獄中
受無量苦痛不可稱計於中嗟呼雅
骨自擱同聲唱哭由此因緣名為大
涕哭地獄復以何因緣名為阿鼻地

獄然衆生之類煞害父母壞佛偷婆
鬪亂衆僧習邪倒見與邪見共相應
一切不可療治以是之故名為阿鼻
地獄復以何因緣名為炎地獄然衆
生之類在彼獄中形體烟出皆融爛
故名為炎地獄復以何因緣名為大
炎地獄然彼衆生在此獄中都不見
罪人之遺餘是謂比丘由此因緣名
為八大地獄一一地獄有十六闍子
其名優鉢地獄鉢頭地獄拘手頭地獄
分陀利地獄未曾有地獄永無地獄愚
惑地獄縮聚地獄刀山地獄湯火地獄
火山地獄灰河地獄荊棘地獄沸屎
地獄劍樹地獄熱鐵丸地獄如是比
十六闍子不可稱量使彼衆生生地
獄中彼或有衆生毀正見者誹謗正
法而遠離之命終之後皆生還活地
獄中諸有衆生好喜煞生便生黑繩
地獄中其有衆生屠煞牛羊及種種
類命終之後生等害地獄中其有衆
生不與取竊他物者便生涕哭地獄
中其有衆生常喜姪洩有復妄語命
終之後生大涕哭地獄中其有衆生

煞害父母破壞神寺闖亂聖衆誹謗
聖人習倒邪見命終之後生阿鼻地
獄中其有衆生此間聞語復傳來至
彼設彼聞聞復傳來至此求人方便
彼人命終之後生炎地獄中其有衆
生闖亂彼此貪著他物興起慳疾意
懷猶豫命終之後生大炎地獄中其
有衆生造諸雜業命終之後生十六
瞞子中是時獄卒役彼衆生苦痛難
量或斷手或斷脚或斷手脚或截鼻
或斷耳或斷耳鼻或取材木押之或
以草著其腹或取髮懸之或剥其皮
剖其肉或分為二分或還縫合之或
取五刑之或取火側炙之或融鐵灑
之或五磔之或長其身或以利斧而
梟其首尋復還生要當人中罪畢然
後乃生是時獄卒取彼衆生大椎碎
其形體或取脊脉剥之復駢逐使
上劍樹復駢使使下是時有鐵弩
烏尋復食之復取五繫之不得動轉
尋復舉著大鑊湯中加以鐵叉而
害其身風吹其身復還生如故是
時獄卒復使衆生上刀山火山不
令停住其中受苦不可稱計要當

人中所作罪畢然後乃出是時罪人
不堪受此苦痛復求入熱灰地獄中
受苦無量復從中出入逆刺地獄其
中風吹痛不可計復從中出入熱屎
地獄中是時熱屎地獄中有濕細虫
咬彼骨突是時衆生不堪受苦痛復
移至劍樹地獄傷壞形體痛不可忍
是時獄卒語彼衆生日汝等為從何
來是時罪人報曰我曾亦復不知為
從何來又問為從何去報曰亦復不
知當何所至又問今欲求何等報曰
吾等極患飢渴是時獄卒以熱鐵丸
著彼罪人口中燒爛身體痛不可堪
要當畢其罪本然後乃命終是時罪
人復還歷經余許地獄於中受苦數
千萬歲然後乃出比丘當知閻羅王
便作是念諸有衆生身口意行惡盡
當受如此之罪諸有衆生身口意行
善者如是之比皆當生光音天是時
世尊便說此偈

愚者常歡喜 如彼光音天
智者常懷懼 猶如處地獄

是時比丘聞閻羅王作是教令我今

何日當滅昔所作罪於此命終得受人形生中國之中與善知識共會父母篤信佛法於如來衆中得出家學道於現法中得盡有漏成無漏我今重苦汝勤加用意去離八難處得生中國與善知識相遇得修梵行所願成果不失本誓是故比丘若善男子善女人欲離八大地獄及十六隔子者當求方便修八正道如是比丘當作是學今時諸比丘聞佛所說歡喜奉行

聞如是一時佛在毗舍離捺祇園中與大比丘衆五百人俱漸漸復在人中遊化是時世尊還願觀毗舍離城尋時便說此偈

今觀毗舍離更後不復覩亦復更不入於是當別去

是時毗舍離城中人民聞說此偈普懷愁憂從世尊後各各墮淚自相謂曰如來滅度將在不久世間當失光明世尊告曰止止諸人勿懷愁憂應壞之物欲使不壞者終無此理吾先以有四事之教由此得作證亦復以

四部之衆說此四事之教云何為四
一切行無常是謂一法一切行苦是
謂二法一切行无我是謂三法涅槃
為滅盡是謂第四法之本如是不久
如來當取滅度汝等當知四法之本
普與一切衆生而說其義今時世尊
欲使毗舍離城人民還歸即化作大
堽如來將諸比丘衆在彼岸國土人
民而在此岸是時世尊即擲已鉢在
虛空中與彼人民又告之曰汝等好
供養此鉢亦當供養高才法師長夜
之中獲福無量是時世尊與彼鉢已
即時詣拘尸那竭國是時拘尸那竭
國人民五百餘力士集在一處各作此
論我同共造奇特之事使後命終之
時名稱遠布子孫共傳昔日拘尸那
竭力士勢力及斯須復作是念當造立
何功德今時去拘尸那竭國不遠有
大方石長百二十步廣六十步我等
當共堅之盡其筋力欲得堅立而不
尅獲亦不動搖何況能舉乎是時世
尊便往至彼所而告之曰諸童子欲
何所施為時諸童子白佛言我向者

各作此論欲移此石使世世稱傳其名施功已來乃經七日然不能令此石移轉佛告諸童子卿等欲使如來堅此石乎童子報言今正是時唯願世尊當安此石是時世尊以右手摩按此石舉著左手中擲著虛空中是時彼石乃至梵天上是時拘尸那竭力士不見此石而白世尊曰此石今何所至我等今日咸共不見世尊告曰此石今乃至梵天上童子白佛言此石何時當來閻浮利地上世尊告曰我今當引譬喻智者以譬喻自解說復有人往梵天上取此石投閻浮地者十二年乃到然今如來威神所感正今當還如來說此語已是時彼石尋時還來虛空之中雨諸天華若千百種是時彼童子五百餘人遙見石來各各馳散不安本處佛告童子勿懷恐懼如來自當知時今時世尊舒左手遙接彼石著右手中而堅之是時三千大千剎土六變震動虛空之中神妙之天散種種憂鉢蓮華是時五百童子皆嘆未曾有其奇甚

特如來威神實不可及此石今長百二十步廣六十步然以一手而安處之是時五百童子白佛言如來以何力移動此石為袖足之力為用智慧之力安處此石乎佛告童子曰吾亦不用神足之力亦復不用智慧之力吾今用父母之力安處此石諸童子白佛不審如來用父母之力其事云何世尊告曰吾今當與汝引譬智者以譬喻自解童子當知十駱駝之力不如一凡象力又復十駱駝及一凡象之力不如一迦羅勒象力又復十駱駝及一凡象力并迦羅勒象力不如一鳩陀延象力也正使十駱駝一凡象力乃至鳩陀延象力不如一婆摩那象力也復計此象之力不如一迦泥留象力也復計諸象之力復不如一優鉢象力也復計余許象之力復不如一鉢頭摩象力也復計校余許象力復不如一拘牟陀象力也復取計校之復不如一分陀利象力也復取計校復不如一香象之力復取計校之復不如一摩呵那極之力復

計校之復不如一那羅延之力復取
計校之復不如一轉輪聖王之力復
取計校之不如一阿維越致之力復
取計校之不如一補處菩薩之力復
取計校之復不如一道樹下坐菩薩
之力復取計校之復不如一如來父
母遺體之力吾今以父母之力安處
此石今時五百童子復白世尊言如
來神足力者其事云何世尊告曰吾
昔有弟子名目捷連神足之中軍為
第一今時共遊在毗羅若竹園村中
今時國土至儉人民相食白骨盈路
然出家學士乞求難得聖衆羸瘦氣
力虛竭又復村中生民之類皆懷飢
色無復聊賴是時大目捷連來至我
所而白我言今此毗羅若極為飢餓
乞求無處生民困悴无復生路我亦
躬從如來受此言教今此地下有自
然地肥極為香美唯願世尊聽許弟
子反此地肥令在上使此人民得食敢
之又使聖衆得充氣力我今時告目
連曰諸地中蠕動之虫欲安處何所
目連白言當化一手似此地形又以一

手反此地肥使蠕動之虫各安其所
我今時復告目連曰汝當有何心識
欲反此地目連白言我今反此地形
猶如力人反一樹葉而無疑難也我
今時復語目連曰止止目連不須反
此地肥所以然者衆生觀此當懷恐
怖衣毛皆豎諸佛神寺亦當毀壞是
時目連前白佛言唯願世尊聽許聖
衆詣鬱單曰乞食佛告目連此大衆
中無神足者當云何詣彼乞食目連
白佛言其無神足者我當接詣彼土
佛告目連止止目連何須聖衆詣彼
乞食所以然者將來之世亦當如是
飢餓乞求難得人無顏色今時諸長
者婆羅門當語比丘立言汝等何不詣
鬱單越乞食昔日釋種弟子有大神
足遇此飢餓皆共詣鬱單曰乞食而
自存濟今日釋迦弟子無有神足亦
無威神沙門之行便輕易比丘使彼
長者居士普懷憐愍之心受罪無量
目連當知以此因緣詣比丘衆不宜
盡往詣彼乞食諸童子當知目連神
足其德如是計目連神足之力遍三

千大千刹土無空缺處不如世尊神足之力百倍千倍巨億万倍不可以譬喻為比如來神足其德不可量也諸童子白佛言如來智慧力者何者是乎世尊告曰我昔亦有弟子名舍利弗智慧之中家為第一如大海水縱橫八万四千由旬水滿其中又須弥山高八万四千由旬入水亦如是然閻浮里地南北二万一千由旬東西七千由旬今取較之以四大海水為墨以須弥山為樹皮現閻浮地草木作筆復使三千大千刹土人民盡能書欲寫舍利弗比丘智慧之業然童子當知四大海水墨筆人之漸漸命終不能使舍利弗比丘智慧竭盡如是童子我弟子之中智慧第一不出舍利弗智慧之上計此舍利弗比丘遍滿三千大千刹土無空缺處欲比如來之智慧百倍千倍巨億万倍不可以譬喻為比如來智慧力者其事如是是時童子復白佛言頗更有出此力者乎世尊告曰亦有此力出諸力之上何者是所謂無常力是

今日如來夜半在雙樹間為無常力
所牽當取滅度亦時諸童子咸共墮
淚如來取滅度何其速哉世尊眼目
亦時君荼羅繫頭比丘尼是婆羅陀
長者女此比丘尼便作是念吾聞世
尊取滅度不久然日數已盡今宜可
往至世尊所親覲問訊是時彼比丘
尼即出毗舍離城往至世尊所遙見
如來徑將諸比丘衆及五百童子欲
詣雙樹間亦時比丘尼至世尊所頭
面礼足白世尊言我聞世尊取滅度
將在不久世尊告曰如來取滅度正
在今日夜半耳是時比丘尼白佛言
我今所以出家學道又不果所願然
世尊捨我滅度唯願說微妙之法使
果其願世尊告曰汝今當思惟苦之
原本比丘尼復白佛言實苦世尊實
苦如來世尊告曰汝觀何等義而言
苦乎比丘尼白佛言生苦老苦病苦
死苦憂悲惱苦愁憎會苦恩愛別離
苦取要言之五盛陰苦如是世尊我
觀此義已故言謂苦是時比丘尼思
惟義已即於座上得三達智是時比

比丘尼自佛言我不堪見世尊取滅度唯願聽許先取滅度是時世尊默然可之是時比丘尼即從座起禮世尊足尋於佛前身飛虛空作十八變或行或坐或復經行身放烟火踊沒自由無所觸尋或出水火遍滿空中是時比丘尼作無央數之變已即於无餘涅槃界而取滅度是時當取滅度之日八万天子得法眼清淨尔時世尊告諸比丘我聲聞中第一比丘尼智慧捷疾者所謂君荼羅比丘尼是也是時世尊告阿難曰汝往雙樹間與如來敷座使頭北首對曰如是世尊即受佛教往雙樹間與如來敷座還至世尊所頭面禮足白世尊曰敷座已訖使頭北首宜知是時即時世尊往彼樹間就所敷座是時尊者阿難白世尊言有何因緣如來敷座言頭北向佛告阿難吾滅度後佛法當在北天竺以此因緣故使敷座北向是時世尊分別三衣尔時阿難白佛以何等故如來今日分別三衣佛告阿難我以當來之世檀越施主故分別此衣耳欲

使彼人受其福故分別衣亦是時世尊須臾之頃口出五色光遍照方域
尔時阿難復白佛言復以何因緣如
來今日口出五色光世尊告曰我向
作是念本未成道時長處地獄吞熱
鐵丸或食草木長此四大或作驢驢
駱駝象馬猪羊或作餓鬼長四大形
有受胎之厄或受天福食自然甘露
我今以成如來以根力覺道成如來
身由此因緣故口出五色光亦是時
須臾之間口出微妙之光勝於前光是
時阿難白世尊言復以何因緣如來重
出光勝於前者世尊告曰我向者作是
念過去諸佛世尊取滅度遺法不久
存於世我復重思惟以何方便使我
法得久存在世如來身者金剛之數
意欲碎此身如芥子許流布世間使
將來之世信樂擅越不見如來形像
者取供養之因緣是福祐當生四姓
家四天王家三十三天豔天兜術天
化日在天他化自在天因此福祐當
生欲界色界無色界或復有得須陀
洹道斯陀舍道阿那含道阿羅漢道
辟支佛道若成佛道由此因緣故出

斯光明。余是時世尊躬自變僧伽梨。
四疊右臂者地。脚脚相累。是時尊者
阿難悲泣涕零。不能自勝。又自考責。
既未成道。為結所縛。然今世尊捨我。
滅度。當何恃怙。是時世尊知而告諸
比丘曰。阿難。比丘。今為所在。諸比丘
對曰。阿難。比丘。今在如來牀後。悲號
墮淚。不能自勝。又自考責。既不成道。
又不斷結。使然。今世尊捨我。涅槃。余
時世尊告阿難曰。止。止。阿難。無為愁
憂。夫物處世。應當壞敗。欲使不變易。
者。此事不然。勤加精進。念修正法。如
是不久。亦當盡苦際。成無漏。行過去。
世時多薩阿竭阿羅呵三耶三佛。亦
有如此侍者。正使將來恒沙諸佛。亦
當有此侍者。如阿難。比轉輪聖王有
四未曾有法。云何為四。於是轉輪聖
王欲出國界時。人民見者。莫不喜悅。
余時轉輪聖王有所言教。其有聞者。
靡不喜悅。聞其言教。乃無厭足。余時
轉輪聖王默然。正使人民見王默然。
亦復歡喜。是謂比丘轉輪聖王有此四
未曾有之法。比丘當知。阿難。今日亦

有四未曾有法云何為四正使阿難
比丘默然至大眾中其有見者莫不
喜悅正使阿難比丘有所說者其聞
語者皆共歡喜假使默然亦復如是
正使阿難比丘至四部眾中刹利婆
羅門眾中八國王居士眾中皆悉歡
悅興恭敬心視無厭足正使阿難比
丘有所說者其聞法教受無厭足是
謂比丘有此四未曾有之法是時阿
難白世尊曰當云何與女人從事然
今比丘到時著衣持鉢家家乞食福
度眾生佛告阿難莫與相見設相見
莫與共語設共語者當專心意亦時
世尊便說此偈

莫與女交通 亦莫共言語 有能遠離者
則離於八難

增壹阿含經卷第三十六

癸卯歲高麗國大藏都監奉
勅彫造

增壹阿含經卷第三十七

般若

吳郡劉宋三藏法師鳩摩羅什譯

八難品第四十二之三

當云何與車那比丘從事世尊告曰
當以梵法罰之阿難白佛云何梵法
罰之世尊告曰不應與車那比丘有
所說亦莫言善復莫言惡然此比丘
亦復不向汝當有所說阿難白佛言
設不究事者此則犯罪不重于世尊
告曰但不與語即是梵法之罰然由
不改者當將詣衆中諸人共彈使出
莫與說戒亦莫與法會從事余時世
尊便說此偈

欲與彼怨家 而報其怨者 恒念莫與語
此惡無過者

是時拘尸那竭人民聞如來當取滅
度剋在夜半是時國土人民往至雙
樹間到已頭面礼足在一面坐余時
人民白世尊言今聞如來當取滅度
我等當云何興敬是時世尊顧視阿
難是時阿難即作是念如來今日身
體疲倦欲使我盲授彼義是時阿難

右膝著地長跪叉手白世尊言今有二種之姓一名婆阿施二名須拔施今來自歸如來聖衆唯願世尊聽為優婆塞自今已後不復煞生復有名帝奢二名優波帝奢復有名佛舍二名難頭如是之比皆來歸如來唯願世尊聽為優婆塞自今之後不復煞生奉持五戒是時世尊廣為說法發遣使歸是時五百摩羅衆即從座起繞佛三匝便退而去尔時世尊告阿難曰吾取後受證弟子所謂拘尸那竭五百摩羅是也尔時須拔梵志從彼國來至拘尸那竭國遙見五百人來即問之曰汝等為從何來五百人報曰須拔當知如來今日當取滅度在雙樹間是時須拔便作是念如來出現於世甚為難遇如來出世時時乃有如優曇鉢華億劫乃出我今少多有疑不解諸法唯彼瞿曇沙門能解我狐疑我今可往至彼瞿曇所而問此義是時須拔梵志至雙樹間到阿難所白阿難曰吾聞世尊今日當取滅度為審尔不阿難報曰審有其

事須拔白言然我今日猶有狐疑唯願聽許白世尊此言餘人不解六師所說為得見沙門瞿曇所說乎阿難白言止止須拔勿燒如來如是無三復白阿難曰如來出世甚不可遇如優曇鉢華時時乃有如來亦復如是時時乃出然我今觀如來足能解我狐疑我今所問義者蓋不足言又今阿難不與我往白世尊又聞如來却觀無窮前觀无極然今白獨不見接納是時世尊以天耳遇聞須拔向阿難作如是論尔時世尊告阿難曰止止阿難勿遮須拔梵志所以然者此來問義多所饒益若我說法者即得度脫是時阿難語須拔言善哉善哉如來今聽在內問汝是時須拔聞此語已歡喜踊躍不能自勝又復須拔往至世尊所頭面礼足在一面坐尔時須拔白世尊言我今欲有所問唯願聽許是時世尊告須拔曰今正是時宜可時問是時須拔白佛言諸異沙門瞿曇知諸學術多所過度所謂下蘭迦葉阿夷耑瞿耶樓脰休迦旃先

毗盧持尼捷子等如此之比知三世
事乎為不解耶其六師之中復有勝
如來乎余時世尊告曰止止須拔勿
問此義何煩問此勝如來乎然我今
日在此座上當與汝說法善思念之
須拔白佛言今當為問深義唯願世
尊以時說之余時世尊告曰我初學
道時年二十九欲度人民故三十五
年在外道中學自是已來更不見沙
門婆羅門其大衆中無八賢聖道者則
無沙門四果是謂須拔世間空虛更
無真人得道者也以其賢聖法中有
賢聖法者則有沙門四果之報所以
然者因有沙門四果之報皆由賢聖
八品道也若須拔若我不得無上正
真之道皆由不得賢聖八品道以其
得賢聖八品道故成佛道是故須拔
當求方便成賢聖道然須拔復白佛
言我亦樂聞賢聖八品道唯願演說
世尊告曰所謂八道者等見等治等
語等命等業等方便等念等三昧是
謂須拔賢聖八品道是時須拔即於
座上得法眼淨余時須拔語阿難言

尔我今快得善利唯願世尊聽為沙
門阿難報言汝今自往至世尊所求
作沙門是時須拔往至世尊所頭面
礼足白世尊言唯願世尊聽作沙門
尔時須拔即成沙門身著三法衣時
須拔仰觀世尊顏即於座上有漏心
得解脫尔時世尊告阿難曰我取後
弟子之中所謂須拔是也尔時須拔
白佛言我今聞世尊夜半當取般涅
胝唯願世尊先聽我取涅胝我不堪
見如來先取滅度尔時世尊默然可
之所以然者過去洹沙諸佛世尊寂
後取證弟子先取般涅胝如來後取
滅度此是諸佛世尊常法非適今日
也是時須拔見世尊已可之即在如
來前正身正意繫念在前於無餘涅
胝界而取滅度是時此地六變振動
尔時世尊便說此偈

一切行無常生者必有死 不生則不死
此滅為寂樂

是時世尊告阿難曰自今已後勅諸
比丘不得卿僕相向大稱尊小稱賢
相視當如兄弟自今已後不得稱父

母所作字是時阿難白世尊言如今
諸比丘當云何自稱名号世尊告曰
若小比丘向大比丘稱長老比丘
向小比丘稱姓字又諸比丘欲立字
者當依三尊此是我之教誡是時阿
難聞世尊所說歡喜奉行

聞如是一時佛在舍衛國鹿野苑中
與大比丘衆五百人俱是時波呵羅
阿須倫及牟提輪天子非時至世尊
所頭面礼足在一面坐是時如來問
阿須倫曰汝等甚樂大海中乎阿須
倫白佛言實樂非為不樂世尊告曰
大海之中有何奇特之法汝等見已
於中娛樂阿須倫白佛言大海之中
有八未曾有之法諸阿須倫娛樂其
中云何為八於是大海之中極深且
廣是謂初未曾有之法復次大海有
此神德四大江河一一河者將從五
百以投大海便失本名字是謂第二
之法也復次大海皆同一味是謂第
三之法也復次大海以時朝賀不失
時節是謂第四未曾有之法復次大
海鬼神所居有形之類無不在大海

中者是謂第五未曾有之法復次大海之中皆容極大之形百由旬形乃至七千由旬形亦不逼迤是謂第六未曾有之法復次大海之中出若干種珍寶碑渠瑪瑙真珠璠珀水精琉璃是謂第七未曾有之法復次大海之中下有金沙又有須弥山四寶所成是謂第八未曾有之法此名八未曾有之法使諸阿須倫娛樂其中是時阿須倫白世尊如來法中有何奇特使諸比丘見已娛樂其中佛告阿須倫曰有八未曾有之法使諸比丘娛樂其中云何為八又我法中戒律具足無放逸行是謂初未曾有之法諸比丘見已娛樂其中如彼大海極深且廣復次我法中有四種姓於我法中作沙門不錄前名更作餘字猶如彼海四大江河皆投于海而同一味更無餘名是謂第二未曾有之法復次我法中施設禁戒相隨亦不越叙是謂第三未曾有之法復次我法中皆同一味所謂賢聖八品道味是謂第四未曾有之法

也如彼大海悉同一味復次我法中種種法充滿其中所謂四意斷四神足五根五力七覺意八真直行諸比丘見已娛樂其中如彼大海諸神居其中是謂第五未曾有之法復次我法中有種種珍寶所謂念覺意寶法覺意寶精進覺意寶喜覺意寶捨覺意寶定覺意寶護覺意寶是謂第六未曾有之法諸比丘見已娛樂其中如彼大海出種種珍寶復次我法中諸有衆生類剎除驕跋耆三法衣出家學道於無餘涅槃界而取滅度然我法中無有增減如彼大海諸河投之無有增減是謂第七未曾有之法諸比丘見已娛樂其中復次我法中有金剛三昧有滅盡三昧一切光明三昧得起三昧種種三昧不可稱計諸比丘見已娛樂如彼大海下有金沙是謂第八未曾有之法諸比丘見已娛樂其中於我法中有此八未曾有之法諸比丘甚自娛樂是時阿須倫白世尊曰如來法中使有一未曾有法者勝彼海中八未曾有之法百倍千倍不可為比肝謂賢聖八

道是也善哉世尊快說斯言今時世
尊暫與說法所謂施論戒論生天之
論欲不淨想漏為大患出要為妙今
時以見彼心開意解諸佛世尊常所
說法苦習盡道盡與說之今時阿須
倫便作是念應有五諦今世尊但說
四諦與諸天說五諦是時天子即於
座上得法眼淨阿須倫白世尊言善
哉世尊快說斯言今欲還所在世尊
告曰宜知是時即從座起頭面礼足
復道而去時天子語阿須倫曰汝今
所念極為不善云如來與諸天說五
諦與我說四諦所以然者諸佛世尊
終無二言諸佛終不捨衆生說法亦
無懈倦說法亦復无盡亦復不選擇
人與說法平等心而說法有四諦苦
習盡道汝今莫作是念而譬如來言
有五諦是時阿須倫報曰我今所造
不善自當懺悔要當至如來所便問
此義今時阿須倫及天子聞佛所說
歡喜奉行

聞如是一時佛在舍衛國祇樹給孤

獨園。爾時世尊告諸比丘：「天地大動，有八因緣。云何為八？比丘當知：此閻浮里地，南北二万一千由旬，東西七千由旬，厚六万八千由旬；水，厚八万四千由旬；火，厚八万四千由旬；風，厚六万八千由旬。風下際有金剛輪，過去諸佛世尊舍利盡在彼間。比丘當知：或有是時，大風正動，火亦動，火已動，水便動，水已動，地便動。是謂第一因緣，使地大動。復次，菩薩從兜術天降神來下，在母胎中，是時地亦大動。是謂第二因緣，使地大動。復次，菩薩降神出母胎時，天地大動。是謂第三因緣，使地大動。復次，菩薩出家學道，成無上正真等正覺，是時天地大動。是謂第四因緣，使地大動。復次，若如來入無餘涅槃界而取滅度，是時天地大動。是謂第五因緣，使地大動。復次，有大神足比丘，心得自在，隨意欲行，無數變化，或分身為百千之數，復還為一，飛行虛空，石壁皆過，踊沒自由，觀地無地，想了悉空，无是時地為大動。是謂第六因緣，地為大動。復

次諸天大神是神德無量

還生彼間由宿福行具足諸德捨本
天形得作帝釋若梵天王時地為大
動是謂第七因緣地為大動復次若衆
生命終福盡是時諸國王不樂本邦
各各相攻伐或飢餓死者或刀刃死
者是時天地大動是謂第八因緣使
地大動如是比丘有八因緣使天地
大動今時諸比丘聞佛所說歡喜奉行
聞如是一時尊者阿那律遊在四佛
所居之處是時阿那律在閑靜之處
便作是念諸釋迦文佛弟子之中戒
德智慧成就者皆依戒律於此正法中
而得長養諸聲聞之中不具足戒律
者斯等之類皆離正法不與戒律相
應如今此二法戒與聞何者為勝我
今可以此因緣之本往問如來是事
如何阿那律復作是念此法知足者
之所行非無厭者之所行少欲者之
所行非為多欲者之所行此法應問
居者之所行非在情肉之所行此法
持戒人之所行非犯戒者之所行三

昧者之所行非亂者之所行智慧者之所行非愚者之所行多聞者之所行非少聞者之所行是時阿那律思惟此八大人念今我可往至世尊所而問此義尔時世尊在舍衛城祇樹給孤獨園是時王波斯匿請如來及比丘僧夏坐九十日是時阿那律漸漸人聞將五百比丘遊化轉至舍衛國到如來所頭面礼足在一面坐時阿那律白世尊言我在閑靜之處思惟此義戒與聞此二法何者最勝乎是時世尊與阿那律便說此偈戒勝聞勝耶汝今起狐疑戒勝於聞者於中何狐疑所以然者阿那律當知若比丘戒成就者便得定意已得定意便獲智慧已得智慧便得多聞已得多聞便得解脫已得解脫於無餘涅槃而取滅度以此明之戒為最勝是時阿那律向世尊說此八大人念佛告阿那律曰善哉善哉阿那律汝今所念者正是大人之所思惟也少欲知足在閑居之處戒成就三昧成就智慧成就解脫成就多聞成就汝今阿那律當建是意思惟八大人念云何為八出法精

進者之所行非懈怠者之所行所以然
者弥勒菩薩應三十劫當成無上正
真等正覺我以精進之力超越成佛
阿那律知之諸佛世尊皆同一類同
其戒律解脫智慧而無有異亦復同
空無相願有三十二相八十種好而莊
嚴其身視無厭足无能見頂者皆悉
不異唯有精進不同於過去當來諸
佛世尊精進者吾取為勝是故阿那
律此第八大人之念此為取為上為尊
為貴為無有喻猶如由乳有酪由酪
有酥由酥有醍醐然復醍醐於中取
上為無有比此亦如是精進之念於
八大人念中取上實無有比是故阿
那律當奉八大人念亦當與四部衆
分別其義設當八大人念流布在世
者令我弟子皆當成須陀洹道斯陀
含道阿那含道阿羅漢道所以然者
我法少欲者之所行非多欲者所行
也我法知足者之所行非無厭者之
所行也我法閑居者之所行非衆中
者之所行也我法持戒者之所行非犯
戒者之所行也我法定者之所行非

乱者所行也我法智者之所行非愚者之所行也我法多聞者之所行非少聞者所行也我法精進者之所行非懈怠者所行也是故阿耨律四部之衆當求方便行此八大人念如是阿耨律當作是學今時阿耨律聞佛所說歡喜奉行

聞如是一時佛在舍衛國祇樹給孤獨園今時世尊告諸比丘有八部之衆汝等當知云何為八所謂刹利衆婆羅門衆長者衆沙門衆四天王衆三十三天衆魔衆梵天衆比丘當知我曩昔已來至刹利衆中共相問訊言談講論亦復無人與我等者獨步無侶亦无儔正少欲知足念不錯乱戒成就三昧成就智慧成就解脫成就多聞成就精進成就復自憶念至婆羅門衆中長者衆中沙門衆中四天王衆中三十三天衆中魔王衆中梵天王衆中共相問訊言談講論獨步無侶亦无儔正於中取尊亦無等倫少欲知足意不錯乱戒成就三昧成就智慧成就解脫成就

多聞成就精進成就我當尔時在八部衆中獨步無侶與尔許衆主作大覆蓋是時八部之衆無能見頂亦不敢瞻顏何況當共論議乎所以然者我亦不見天上人中魔若魔天沙門婆羅門衆中有能成就此八法者除如來存不論之是故比丘當求方便行此八法如是諸比丘當作是學尔時諸比丘聞佛所說歡喜奉行聞如是一時佛在舍衛國祇樹給孤獨園今時阿邨邨邨長者往至世尊所頭面礼足在一面坐是時世尊告長者曰長者家中廣施不乎長者白佛貧家惠施晝夜不斷四城門中及大市中家中行路及佛比丘僧是為八處惠施如是世尊其有所須須衣惠衣須食與食國中珍寶終不違逆衣被飲食牀卧具病瘦醫藥悉給施之亦有諸天來至我所在虛空中而告我曰分別尊卑此者持戒此者犯戒與此獲福與彼無報然我心正无有彼此不起增減之心普等慈心於一切衆生有其衆生依命根存形有

食則存非食命不濟施惠一切衆生
其報無量受其果報无有增減佛告長
者善哉善哉長者平等施者福第一
尊然衆生之心復有勝如施持戒人
勝犯戒者是時虛空神天稱慶无量
即時而說此偈

佛說擇施尊 愚衆有增減 求其良福田
何過如來衆

然今世尊所說極為快哉施持戒人
勝犯戒者今時世尊告阿那邠邠長
者今當與汝說賢聖之衆善思念之
抱在心懷或施少獲福多或施多獲
福多阿那邠邠長者白佛言唯願世
尊敷演其義云何施少獲福多云何
施多獲福多佛告長者向阿羅漢得
阿羅漢向阿那含得阿那含向斯陀
含得斯陀含向須陀洹得須陀洹是
謂長者賢聖之衆施少獲福多施多
獲福多今時世尊便說此偈

四向成就人 四者成果實 此名賢聖衆
惠施獲福廣

過去久遠諸佛世尊亦復有此賢聖
之衆如我今日無異正使當來諸佛

世尊出現於世者亦得如此聖賢之
衆是故長者歡喜悅心供養聖衆是
時世尊與彼長者說微妙法立不退
轉之地長者聞法已喜慶無量即從
坐起頭面礼足繞佛三匝便退而去
是時阿那邠那長者聞佛所說歡喜

奉行

聞如是一時佛在舍衛國祇樹給孤
獨園今時世尊告諸比丘若善男子
善女人以財物惠施獲八功德云何
為八一者隨時惠施非為非時二者
鮮潔惠施非為穢濁三者手自斟酌
不使他人四者誓願惠施無憍恣心
五者解脫惠施不望其報六者惠施
求滅不求生天七者施求良田不施
荒地八者然持此功德惠施衆生不自
為已如是比丘善男子善女人以財
物惠施獲八功德今時世尊便說斯偈
智者隨時施無有慳貪心所作功德已
盡用惠施人此施為最勝諸佛所加歎
現身受其果逝則受天福
是故比丘欲求其果報者當行此八
事其報無量不可勝計獲甘露之寶
漸至滅度如是諸比丘當作是學尔

時諸比丘聞佛所說歡喜奉行

聞如是一時佛在舍衛國祇樹給孤獨園。爾時世尊告諸比丘。我今當說趣泥犁之路。向涅槃之道。善思念之。無令漏失。諸比丘白佛言。如是世尊。諸比丘從佛受教。佛告比丘。彼云何趣泥犁之路。向涅槃之道。邪見趣泥犁路。正見向涅槃之道。邪治趣泥犁之路。正治向涅槃之道。邪語趣泥犁之路。正語向涅槃之道。邪業趣泥犁之路。正業向涅槃之道。邪命趣泥犁之路。正命向涅槃之道。邪方便趣泥犁之路。正方便向涅槃之道。邪念趣泥犁之路。正念向涅槃之道。邪定趣泥犁之路。正定向涅槃之道。是謂比丘趣泥犁之路。向涅槃之道。諸佛世尊常所應說法。今已果矣。汝等樂在閑居處樹下。露坐念行善法。無起懈慢。今不勤行。後悔無及。爾時諸比丘聞佛所說歡喜奉行。

非時泥犁之道。須倫天地動。大人八念衆善男子施道。

增壹阿含經卷第三十七

癸卯歲高麗國大藏都監奉
勅彫造

增壹阿含經卷第三十八

聲

東晉時高僧鳩摩羅什譯

馬血天子問八政品第四十三

聞如是一時佛在舍衛國祇樹給孤獨園馬血天子非人之時至世尊所頭面礼足在一面立尔時天子白世尊言向者生此念在地步度可盡此世界不乎我今問世尊可以步盡世界不耶世尊告曰汝今以何義理而作此問天子白佛言我昔日一時至婆伽梵天所是時梵天遙見我来而語我言善來馬血天子此處無為之境無生无老無病无死無終无始亦无愁憂苦惱當我尔時復作是念此是涅槃道耶何以故涅槃之中無生老病死愁憂苦惱此是世界之極邊耶設當是世界邊際者是為世間可步度耶世尊告曰汝今神足為何等類天子白佛言猶如力士善於射術箭去無礙我今神足其德如是无所望身世尊告曰我今問汝隨所樂報之猶如有四男子善於射術然彼四

人各向四方射設有入來意欲盡插
四面之箭使不墮地云何天子此人
極為捷疾不耶乃能使箭不墮于地
天子當知上日月前有捷步天子行
來進止復踰斯人之捷疾然日月宮
殿行甚於斯計彼入天子及日月宮
殿之疾故不如三十三天之速疾也
計三十三天之疾不如艷天之疾如
是諸天所有神足各各不相及假使
汝今有此神德如彼諸天從劫至劫
乃至百劫猶不能盡世境界所以然
者地界方域不可稱計天子當知我
過去文遠世時曾作仙人名為馬血
與汝同字欲愛已盡飛行虛空無所
觸導我尔時神足與人有異彈指之
頃以能攝此四方箭使不墮落時我
以有此神足便作是念我今能以此
神足可盡境地邊際乎即涉世界而
不能盡其方域命終之後進德修業
而成佛道坐樹王下端坐思惟往昔經
歷所施為事本為仙人以此神德猶
不能盡其方面當以何神力而得究
其邊際乎時我復作是念要當乘聖

賢八品之徑路然後乃得盡生死邊際
彼云何名為乘賢聖八品之徑路所
謂正見正治正語正業正命正方便
正念正三昧天子又知斯名賢聖八
品道得盡世界之邊際諸過去恒沙
諸佛得盡世界者盡用此賢聖八品
道而究世界正使將來諸佛世尊出
現世者當以此賢聖之道得盡邊際
余時世尊便說此偈

步步無究竟得盡世界者地種不可攝
非神足所及凡夫施設意於中起迷惑
不別真正法流轉五道中賢聖八品道
以此為舟舫諸佛之所行而究世界邊
正使當來佛弥勒之等類亦用八種道
得盡於世界是故有智士修此聖賢道
晝夜習行之便至無為處

是時馬血天子從如來聞說賢聖八
品道即於座上諸塵垢盡得法眼淨
余時天子即以頭面礼足遶佛三匝
便退而去是時彼天子即其日以天
種種好華散如來上即時便說斯偈
流轉生死久欲涉度世界賢聖八品道
不知又不見今我以見諦又聞八品道

使得盡邊際諸佛所到處

今時世尊可彼天子所說時彼天子以見佛可之即礼世尊足便退而去今時彼天子聞佛所說歡喜奉行聞如是一時佛在舍衛國祇樹給孤獨園今時世尊告諸比丘我今當說賢聖八關齋法汝等善思念之隨喜奉行今時諸比丘從佛受教世尊告曰彼云何名為八關齋法一者不煞生二者不與不取三者不婬四者不妄語五者不飲酒六者不過時食七者不處高廣之牀八者遠離作倡伎樂香華塗身是謂比丘名為賢聖八關齋法是時彼優波離白佛言云何修行八關齋法世尊告曰於是優波離若善男子善女人於八日十四日十五日往詣沙門若長老比丘所自稱名字從朝至暮如羅漢持心不移不動刀杖不加群生普慈於一切我今受齋法一無所犯不起煞心習彼真人之教不盜不婬不妄語不飲酒不過時食不在高廣之座不習作倡伎樂香華塗身設有智慧者當作

是說假令無智者當教彼如此之教
又彼比丘當一一指授無令失次亦
莫超越復當教使發誓願優波離白
佛言云何當發願世尊告曰彼發願
時我今以此八關齋法莫墮地獄餓
鬼畜生亦莫墮八難之處莫處邊境
莫墮死弊之處莫與惡知識從事父
母專正無習邪見生中國中間其善
法分別思惟法法成就持此齋法功
德攝取一切衆生之善以此功德惠
施彼人使成無上正真之道持此誓
願之福施成三乘使不中退復持此
八關齋法用學佛道辟支佛道阿羅
漢道諸世界學正法者亦習此業正
使將來弥勒佛出現世時如來至真
等正覺值遇彼會使得時度弥勒出
現世時聲聞三會初會之時九十六
億比丘之衆第二之會九十四億比
丘之衆第三會九十二億比丘之衆
皆是阿羅漢諸漏已盡亦值彼王及
國土教授師作如是之教無令缺漏
是時優波離白世尊言設彼善男子
善女人雖持八關齋於中不發誓願

者豈不得大功德乎世尊告曰雖獲其福福不足言所以然者我今當說過去世時有王名寶岳以法治化無有阿由領此閻浮提境界尔時有佛名曰寶藏如來至真等正覺明行成爲善逝世間解無上士道法御天人師号佛衆祐出現於世彼王有女名曰牟尼顏貌殊特面如桃李色皆由前世供養諸佛之所致也尔時彼佛亦復三會聲聞初會之時一億六万八千之衆第二之會一億六万之衆第三之會一億三万之衆皆是阿羅漢諸漏已盡是時彼佛與諸弟子說如此之法諸比丘當念坐禪勿有懈怠復求方便誦習經戒彼佛侍者名曰滿願多聞第一如我今日阿難比丘多聞寂勝時彼滿願比丘白寶藏佛言諸有比丘諸根闇鈍亦不精進於禪定法又不誦習今日世尊欲安此人者何聚中寶藏佛告曰設有比丘諸根闇鈍不堪任行禪法者當修三上人法業云何為三所謂坐禪誦經佐勸衆事如是彼佛與諸弟子說如

此微妙之法。尔時有長老比丘。亦不堪任修行禪法。時彼比丘。便作是念。我今年衰長大。亦不能修其禪法。今當求願行勸助之法。是時彼長老比丘。入野馬城中。求燭火麻油。日來供養寶藏。如來使明不斷。是時王女牟尼見此長老比丘。里巷乞求。即問彼比丘曰。比丘。今日為何所求。比丘報曰。聖女。當知我年衰邁。不堪行禪法。故求乞脂油。用供養佛。續尊光明。是時彼女聞佛名号。歡喜踊躍。不能自勝。白彼長老比丘曰。汝今比丘。勿在餘處乞求。我自相供給麻油燈炷。盡相惠施。是時長老比丘受彼女施。日來取油供養寶藏。如來持此功德福業。施與無上正真之道。口自演說。年既衰大。又復鈍根。無有智慧。得行禪法。持此功德之業。所生之處。莫墮惡趣。使將來之世。值遇聖尊。如今寶藏如來。無異亦遇聖衆。如今聖衆而無有異。說法亦當如今無異。是時寶藏如來知彼比丘心中所念。即時便笑。口出五色光而告之曰。汝今比丘。將來無

數阿僧祇劫當作佛号曰燈光如來
至真等正覺是時長老比丘歡喜踊
躍不能自勝身心堅固意不退轉顏
色特勝不與常同時彼牟尼女入見
彼比丘顏色殊常即前問曰比丘今
日顏色極為殊妙不與常同得何意故
比丘報曰王女當知向者如來以甘露
見灌牟尼女問曰云何如來以甘露
見灌比丘報曰我為寶藏如來所授
決言將來無數阿僧祇劫當得作佛
号曰燈光如來至真等正覺身心牢
固意不退轉如是王女為彼如來之
所授決也王女問曰彼佛頗授我決
乎長老比丘報曰我亦不知為授沒
刺不是時王女聞比丘說已即垂羽
寶之車往至寶藏如來所頭面礼足
在一面坐尔時王女白佛言我今見
檀越施主所須脂油恒相供給然今
世尊授彼比丘決獨不見授我寶藏
如來告曰發心求願其福難量何況
以財惠施乎牟尼女報曰設當如來
不授我刺者當自斷其命根寶藏如
來報曰夫處女人之身求作轉輪聖

王者終不獲也求作帝釋者亦不可獲也求作梵天王者亦不可得也求作魔王者亦不可得也求作如來者亦不可得也女曰我定不能得成無上道乎寶藏佛報曰能也牟尼女成無上正真道也然王女當知將來無數阿僧祇劫有佛出世是汝善知識彼佛當授汝決是時王女白彼佛言受者清淨施主穢濁乎寶藏佛告曰吾今所說者心意清淨發願牢固是時王女語已即從座起頭面礼足遠佛三匝便退而去優波離當知無量阿僧祇劫燈光佛乃出現於世治在鉢頭摩大國與大比丘衆十六万八千衆俱國主人民悉來承事是時彼國有王名提波延那以法治化領此閻浮境界是時彼王請佛及比丘僧而飲食之是時燈光如來清旦著衣持鉢將諸比丘衆入城尔時有梵志子名曰弥勒顏貍端政衆中獨出像如梵天通諸經藏靡不貫練諸書呪術皆悉明了天文地理靡不了知是時彼梵志遙見燈光佛來顏貍殊特

世之奇異諸根寂定三十二相八十種好莊嚴其身見已便發喜豫之意善心生焉書籍所載如來出現甚為難遇時時乃出猶如優鉢華時乃出耳我今當往試之是時梵志手執五華往至世尊所復作是念其有三十二相者名曰成佛即以五根華散如來上又求三十二相唯見三十相而不見二相即興狐疑今觀世尊不見廣長舌及陰馬藏即時說此偈

聞有三十二大人之相貌今不見二相相好為具不頗有陰馬藏貞潔不婬乎豈有廣長舌舐耳覆面乎為我現其相斷諸狐疑結陰馬及舌相唯願欲見之是時燈光佛即入三昧定使彼梵志見其二相是時燈光佛復出廣長舌左右舐耳放大光明還從頂上入是時梵志見如來有三十二相具足見已歡喜踊躍不能自勝普作是說唯願世尊當見觀察我今持五華奉上如來又持此身供養聖尊發此誓願時彼五花在空中化成寶臺極為殊妙四柱四門彼時見交靈臺已歡喜

踊躍不能自勝發此誓願使我將來
之世作佛當如燈光佛弟子翼從悉
皆如是是時燈光知彼梵志心中所
念即時便笑佛世尊常法若授決時
世尊笑者口出五色光明遍照三千
大千世界是時光明已照三千大千
世界日月無復光明還從頂上入設
如來授決之時光從頂上入設授辟
支佛決時光從口出還入耳中若授
聲聞翦者光從肩上入若授生天之
決者是時光明從臂中入若翦生人
中者是時光明從兩脅入若授生餓
鬼決者是時光明從腋入若授生畜
生決者光明從膝入若授生地獄決
者是時光明從脚底入是時梵志見光
從頂上入歡喜踊躍不能自勝即布
髮在地並作是說設如來不授我決
者即於此處自斷壞不成諸根是時
燈光佛知梵志心中所念即告之曰
汝速還起將來之世當或作佛乎釋
迦文如來至真等正覺是時摩訶闍佛
授決已心懷踊躍不能自勝即於彼
處得遍現三昧踊在虛空去地七刃

叉手向燈光如來汝優波離莫作異
觀今時寶藏如來時長老比丘豈是
異人乎今時燈光如來是也今時王
女牟尼今我是也時寶藏如來立我
名号字釋迦文我今以此因緣故說
此八關齋法當發誓願無願不果所
以然者若彼女人作是誓願即於彼
劫成其所願也若長老比丘不發誓
願者終不成佛道誓願之福不可稱
記得至甘露滅盡之處如是優波離
當作是學今時優波離聞佛所說歡
喜奉行

聞如是一時佛在摩竭國界與大比
丘衆五百人俱漸至江水側今時世
尊見江水中有大材木為水所漂即
坐水側一樹下坐今時世尊告諸比
丘汝等頗見木為水所漂乎諸比丘
白佛言唯然見之世尊告曰設當此
木不著此岸不著彼岸又不中沒復非
在岸上不為人所捉復非為非人所捉
者復非為木所迴轉復非腐敗者便當
漸漸至海所以然者海諸江之原本汝
等比丘亦如是設不著此岸不著彼岸

又不中沒復非在岸上不為人非人所
捉亦不為水所迴轉亦不腐敗便當漸
漸至涅槃處所以然者涅槃者正見
正治正語正業正命正方便正念正
定是涅槃之原本今時有牧牛人名
曰難陀憑杖而立是時彼牧牛人遙
聞如有所說漸來至世尊所而立今
時牧牛人白世尊言我今亦不著此岸
不在彼岸又非中沒復非在岸上不為
人捉復非為非人所捉不為水所迴轉
亦非腐敗漸當至涅槃之處唯願世
尊聽在道次得作沙門世尊告曰沒
今還主牛已然後乃得作沙門耳牧
牛人難陀報曰斯牛哀念犢故自當
還家唯願世尊聽在道次世尊告曰
此牛雖當還家故須汝往付授之是
時牧牛人即受其教往付牛已還至
佛所白世尊言今已付牛唯願世尊
聽作沙門是時如來即聽作沙門受
具足戒有一異比丘白世尊言云何
為此岸云何為彼岸云何為中沒云
何在岸上云何不為人所捉云何不
為非人所捉云何不為水所迴轉云

何不腐敗佛告比丘曰此岸者身也
彼岸者身滅耶中沒者欲愛耶在岸
上者五欲也為人所捉者如有族姓
子發此誓願持此功德福祐作大國
王若作大臣非人所捉者如有比丘
有此誓願生四天王中行梵行今
持功德生諸天之中是謂名為非人
所捉為水所迴轉者此是邪疑也腐
敗者邪見邪治邪語邪業邪命邪方
便邪念邪定此是腐敗也是時難陀
比丘在閑靜之處而自修剋所以族
姓之子剝除鬚髮出家學道者修無
上梵行生死已盡梵行已立所作已
辦更不復受即於座上成阿羅漢今
時難陀聞佛所說歡喜奉行

聞如是一時佛在羅閱城迦蘭陀竹
園所與大比丘眾五百人俱今時提
婆達兜以失神足阿闍世太子曰遣
五百金食而供養之是時眾多比丘
聞提婆達兜以失神足又為阿闍世
所供養共相將詣佛所頭面礼足在
一面坐是時眾多比丘白佛言提婆
達兜者極大威力今為阿闍世王所

供養日遣五百金食令時世尊聞此語已告諸比丘汝等莫興此意貪提婆達兜比丘利養彼愚人由此利養自當滅亡所以然者於是比丘提婆達兜所以出家學者不果其願比丘當知猶如有人出其村落手執利斧往詣大樹先意所望欲望大樹及其到樹持枝葉而還今此比丘亦復如是貪著利養由此利養向他自譽毀訾他人比丘所行宜則不果其願彼由此利養故不求方便起勇猛心如彼人求寶不得為智者所棄設有比丘得利養已亦不自譽復不毀他人或時復向他人自稱說我是持戒之人彼是犯戒之士比丘所願者而不果獲如人捨根持枝還家智者見已此人雖持枝還家然不識根此中比丘亦復如是以得利養奉持戒律并修梵行好修三昧彼以此三昧心向他自譽我今得定餘人無定比丘所應行法亦不果獲猶如有人其求實木往至大樹望其實捨其枝葉取其根持還智者見已便作是說此人別其根

今此比丘亦復如是興起利養奉持
戒律亦不自譽復非毀他人修行三
昧亦復如是漸行智慧夫智慧者於
此法中實為第一提婆達兜比丘於
此法中竟不獲智慧三昧亦復不具
戒律之法有一比丘白世尊言彼提
婆達兜者云何不解戒律之法彼有
神德成就諸行有此智慧云何不解
戒律之法有智慧則有三昧有三昧
則有戒律世尊告曰戒律之法者世
俗常數三昧成就者亦是世俗常數
神足飛行者亦是世俗常數智慧成
就者此是第一之義是時世尊便說
此偈

由禪得神足 至上不究竟 不獲無為際
還墮五欲中 智慧最為上 无憂无所慮
久畢獲等見 斷於生死有

比丘當知以此方便知提婆達兜不
解戒律之法亦復不解智慧三昧之
行汝等比丘莫如提婆達兜貪著利
養夫利養者墮人惡處不至善趣若
著利養便習邪見離於正見習於邪
治離於正治習於邪語離於正語習

於邪業離於正業習於邪命離於正
命習邪方便離正方便習於邪念離
於正念習於邪定離於正定是故比
丘勿起利養之心制令不起已起利
養之心求方便而滅之如是比丘當
作是學當說此微妙之法六十餘比
丘捨除法服習白衣行復有六十餘
比丘漏盡意解諸塵垢盡得法眼淨
余時諸比丘聞佛所說歡喜奉行
聞如是一時佛在舍衛國祇樹給孤
獨園余時世尊告諸比丘我今當說
船筏譬喻汝等善思念之哉在心懷
諸比丘對曰如是世尊諸比丘從佛
受教世尊告曰彼云何名為船筏譬
喻若汝等行路為賊所擒當執心意
無起惡情當起護心遍滿諸方所無
量无限不可稱計持心當如地猶如
此地亦受於淨亦受於不淨屎尿穢
惡皆悉受之然地不起增減之心不
言此好此醜汝今所行亦當如是設
為賊所擒獲莫生惡念起增減心亦
如地水火風亦受於惡亦受於好都
無增減之心起慈悲喜護之心向一切

衆生所以然者行善之法猶可捨之何況惡法而可翫習如有人遭忍難之處欲度難處至安隱之處隨意馳走求其安處彼見大河極為深廣亦無船橋而可得渡至彼岸者然所立之處極為忍難彼岸元為余時彼人思惟方計此河水極深且廣今可收拾材木草葉縛筏求渡依此筏已從此岸得至彼岸余時彼人即收拾材木草葉縛筏而渡從此岸至彼岸彼人已渡岸復作是念此筏於我多所饒益由此筏得濟厄難從有忍之地得至無為之處我今不捨此筏持用自隨云何比丘彼人所至到處能用此筏自隨乎為不能耶諸比丘對曰不也世尊彼人所願今已果獲復用筏自隨乎佛告比丘善法猶可捨何況非法余時有一比丘白世尊言云何當捨於法而况非法我等豈非由法學道乎世尊告曰依憍慢滅憍慢慢慢慢增上慢慢邪見慢慢中慢慢增上慢慢以無慢滅慢慢滅無慢正慢慢滅邪慢慢上之慢慢盡滅四慢慢我昔未成佛道

坐樹王下時便生此念欲界之中誰
最豪貴我當降伏此欲界之中天及
人民皆悉靡伏時我復重作是念聞
有弊魔波旬今當與彼戰以降波旬
一切憍慢豪貴之天一切靡伏時我
比丘於座上笑使魔波旬境界皆悉
震動虛空之中聞說偈聲

捨真淨王法出家學甘露設剋廣願者
空此三惡趣我今集兵衆瞻彼沙門顏
設不用我計執脚擲海表

增壹阿含經卷第三十八

癸卯歲高麗國大藏都監奉
勅彫造

馬血天子品第四十三之三

是時弊魔波旬瞋恚熾盛即告師子大將曰速集四部之衆欲往攻伐沙門又當觀察為有何力勢堪任與我共戰鬪耶我亦時復更思惟與凡人交戰猶不默然何況欲界豪貴者乎要當與彼少多爭競時我比丘著仁慈之鎧手執三昧之弓智慧之箭俟彼大衆是時弊魔大將兵衆十八億數顏貌各異獠猴師子來至我所亦時羅刹之衆或一身若干頭或有數十身而共一頭或兩肩有三頭當心有口或有一手或有兩手者或復四手或兩手擎頭口銜死蛇或頭上火然口出火光或兩手擘口欲前取之或披腹相向手執刀劍搏持戈矛或執春杵或擔山負石擔持大樹者或兩腳在上頭在下或乘象師子虎狼毒蛇或步來者或空中飛是時弊魔將余許之衆圍繞道樹時魔波旬在我左側

而語我曰沙門速起時我比丘默然
不對如是再三魔語我曰沙門畏我
不乎我告之曰我今執心無所畏懼
時波旬曰沙門頗見我四部之衆耶
然汝一已無有器械兵刃禿頭露形
著此三衣復言吾无所畏尔時我向
波旬便說此偈

仁鎧三昧弓 手執智慧箭 福業為兵衆
今當壞汝軍

時魔波旬復語我曰我於沙門多所
饒益設不從我語者正尔取汝灰滅
其形又復沙門顏貌端政年壯可美
出處剎利轉輪王種速起此處習於
五樂我當將和使汝得作轉輪聖王
時我復報波旬曰汝所說者无常變
易不得久住亦當捨離非吾所貪時
弊魔波旬復語我曰沙門今日為何
所求志願何物時我報曰吾所願者
无憂畏處安隱恬泊涅槃城中使此
衆生流浪生死沉翳苦惱者導引正路
魔報我曰設今沙門不速起乎坐者
當執汝脚擲著海表時我報波旬曰
我自觀察天上人中魔若魔天人若

非人及汝四部之衆不能使吾一毛
動魔報我曰沙門今日欲與吾戰乎
我報之曰思得交戰魔報我曰汝怨
是誰我復報曰憍慢者是增上慢自
慢邪慢慢中慢增上慢魔語我曰汝
以何義滅此諸慢時我報曰波旬當
知有慈仁三昧悲三昧喜三昧護三
昧空三昧無願三昧无相三昧由慈
三昧辨悲三昧緣悲三昧得喜三昧
緣喜三昧得護三昧由空三昧得無
願三昧因无願三昧得无相三昧以
此三三昧之力與汝共戰行盡則苦
盡苦盡則結盡結盡則至涅槃魔語
我曰沙門頗以法滅法乎時我報曰
可以法滅法魔問我言云何以法滅
法時我告曰以正見滅邪見以邪見滅
正見正治滅邪治邪治滅正治正語滅
邪語邪語滅正語正業滅邪業邪業滅
正業正命滅邪命邪命滅正命正方便
滅邪方便邪方便滅正方便正念滅
邪念邪念滅正念正定滅邪定邪定
滅正定魔語我曰沙門今日雖有斯
語此處難剋也汝今速起无令吾擲

著海表時我復語波旬曰汝作福唯有一施今得作欲界魔王我昔所造功德無能稱計汝今所說方言甚難耶波旬報曰今所作福汝今證知汝自稱說造無數福誰為證知時我比丘即伸右手以指案地語波旬我所造功德地證知之我當說此語是時地神從地湧出叉手白言世尊我當證知地神語適訖時魔波旬愁憂苦惱即退不現比丘當以此方便知之法猶尚滅何況非法我長夜與汝說一覺喻經不錄其文況解其義所以然者此法玄邃聲聞辟支佛所修此法者摧大功德得甘露无為之慶彼云何名為棄筏之喻所謂依慢滅慢慢已滅盡無復諸惱乱想之念猶如野狸之皮極修治之以手拳加之亦無聲響无堅韌處此亦如是若比丘慢盡都无增減是故我今告汝等曰設為賊所擒獲者勿興惡念當以慈心遍滿諸方猶如彼極柔之皮長夜便獲無為之處如是比丘當作是念當說此法時於彼坐上三千天子諸

塵垢盡得法眼淨六十餘比丘還捨
法服習白衣行六十餘比丘漏盡意
解得法眼淨亦時諸比丘聞佛所說
歡喜奉行

聞如是一時佛在摩竭國神祇恒水
側與大比丘衆五百人俱亦時世尊
告諸比丘猶如摩竭牧牛人愚惑少
智慧意欲從恒水此岸渡牛至彼岸
亦復不觀彼此之岸深淺之處便駢
牛入水先渡瘦者又犢尚小在水中
央極為羸劣不能得至彼岸復次渡
中流之牛不肥不瘦亦不得渡於中
受其苦惱次復渡極有力者亦在水
中受其困厄今我衆中比丘亦復如
是心意闇鈍無有慧明不別生死位
不別魔之橋舩意欲渡生死之流不
習於禁戒之法便為波旬得其便也
從邪道求於涅槃望得滅度終不果
獲自造罪業復墮他人者罪中猶摩
竭牧牛人慧多智意欲渡牛至彼
此之岸先觀察深淺之處前渡極感
力牛到彼岸次渡中流之牛不肥不瘦
亦得渡至彼岸次渡極羸者亦渡無他

小犢尋從其後而濟渡無為比立如來亦復如是善察今世後世觀生死之海魔之徑路自以八正道度生死之難復以此道度不度者猶如道牛之正一正餘者悉從我弟子亦復如是盡有漏成天漏心解脫智慧解脫於現法中以身作證而自遊化度魔境界至無為處亦如彼有力之牛渡彼恒水得至彼岸我聲聞亦復如是斷五下結成阿那含於彼般涅槃不還來此間度魔境界至无為處如彼中流之牛不肥不瘦得渡恒水而無疑難我弟子亦復如是斷三結使婬怒癡薄成斯陀含來至此世盡於苦際斷魔境界至無為之處如彼瘦牛將諸小犢得渡彼恒水我弟子亦復如是斷結使成須陀洹必至得度度魔境界度生死之難如彼小犢從母得渡我弟子亦復如是持信奉法斷魔諸縛至无為處亦時世尊便說斯偈魔王所應獲不究生死邊如來今究竟世間現慧明諸佛所覺了梵志不明曉猶涉生死岸兼度未度者今此五種人

及餘不可計欲度生死難盡佛威神力
是故比丘當專其心無放逸行亦求
方便成賢聖八品之道依賢聖道已
便能自度生死之海所以然者猶如
彼愚牧牛之人外道梵志是也自溺
生死之流復墮他人著罪中彼恒水
者即是生死之海也彼黠慧牧牛者
如來是也度生死之難由聖八品道
是故比丘當求方便成八聖道如是
諸比丘當作是學今時諸比丘聞佛
所說歡喜奉行

閻如是一時佛在羅閱城耆婆伽梨
園中與千二百五十弟子俱盡是阿
羅漢諸漏已盡六通清徹唯除一人
阿難比丘也今時王阿闍世七月十
五日受歲時夜半明星出現告月光
夫人曰今十五日月盛滿極為清明
當應施行何事夫人報曰今十五日
說戒之日應當作倡伎樂五欲自娛
樂時王聞此語已不入其懷王復告
優陀耶太子曰今夜極清明應作何
事優陀耶太子白王言如今夜半極
清明應集四種之兵諸外敵異國不

靡伏者當往攻伐是時王阿闍世聞此語已亦復不入其意復語无畏太子曰如今極清明之夜應何所施行無畏王子報曰今不蘭迦葉明諸竿數兼知天文地理衆人所宗仰可往至彼問此疑難彼人當與尊說極妙之理永無留滯時王聞此語已亦不入其意復語須尼摩大臣曰如今之夜極為清明應何所施行須尼摩白王言如今夜半極為清明然阿夷耑近在不久多所曉了唯願大王往問其宜王聞此語已亦復不入其意復告婆沙婆羅門曰如今夜半極為清明應何所施行婆羅門報曰如今十五日極為清明然有瞿耶樓近在不遠唯願大王往問其義時王聞此語已復不合其意復語摩特梵志曰如今夜半極為清明應作何事梵志報曰大王當知彼伽旃旃近在不遠唯願大王往問其情王聞此語已復不合其意復告索摩典兵師曰如今夜半極為清明應何所施行索摩報曰先畢盧持近在不遠明諸竿術可往

問其義王聞此言已亦不合其意復告寂勝大臣曰如今十五日極為清明應何所施行寂勝白王言今有尼捷子博覽諸經師中寂上唯願大王往問其義王聞此語已不合其意復作是思惟此諸人等斯是愚惑不別真偽無有巧便尔時耆婆伽王子在王左側王願語耆婆伽曰如今夜半極為清明應何所施行是時耆婆伽即前長跪而白王言今如來近在不遠遊貧聚園中將千二百五十弟子唯願大王往問其義然彼如來為明為光亦無疑滯知三世事靡不貫博自當與王演說其事王所有狐疑燿然自悟是時王阿闍世聞耆婆伽語已歡喜踊躍善心生焉即歎耆婆伽曰善哉善哉王子使說斯言所以然者我今身心極為熾然又復無故取父王然我恒長夜作是念誰堪任悟我心意者今耆婆伽向所說者正入我意甚奇甚特聞如來音響燿然大悟時王向耆婆伽便說此偈

今日極清明心意不得悟汝等人人說

應往問誰義不蘭阿夷耑尼捷梵弟子
斯等不可依不能有所濟今日極清明
月滿無瑕穢今問耆婆伽應往問誰義
是時耆婆伽復以偈報王曰
聞其柔軟音得脫摩竭魚唯願時詣佛
永處無畏境

時王復以偈報曰

我昔所施行於佛無益事害彼真佛子
名曰頻婆娑今極懷羞耻无顏見世尊
沒今云何說使吾往見之

是時耆婆伽復以偈報王曰

諸佛無彼此諸結永已除平等无二心
此是佛法義設以栴檀香以塗右手者
執刀斷左手心不起增減如憍羅云子
一息更無二持心向提婆然親无有異
唯願大王屈往覲如來顏當斷其狐疑
勿足有留滯

是時王阿闍世告耆婆伽王子曰汝
今速嚴駕五百牙象五百牝象然五
百燈耆婆伽對曰如是大王是時耆
婆伽王子即時嚴駕千象及然五百
燈前白王言嚴駕已辦王知是時亦
時王阿闍世將諸營從往詣梨園中

中路便懷恐怖衣毛皆豎還顧謂耆
婆伽王子曰吾今將非為汝所誤乎
將非持吾與怨家耶耆婆伽白王實
無此理唯願大王小復前進今如來
去此不遠時王阿闍世意猶懷恐重
告耆婆伽曰將非為汝所惑又聞如
來將千二百五十弟子今不聞其聲
耆婆伽報曰如來弟子恒入三昧无
有乱想唯願大王小復前進阿闍世
王即下車步入門至講堂前默然而
立觀察諸聖衆還顧謂耆婆伽曰如
來今在何處尔時一切聖衆盡入三
昧光三昧照彼講堂靡不周遍是時耆
婆伽即時長跪伸右手指示如來言
此是如來寂在中央如日披雲是時
王阿闍世語耆婆伽曰甚奇甚特今
此聖衆心定乃尔復以何緣有此光
明耆婆伽白王三昧之力故放光明
耳王復告曰如我今日觀察聖衆極
為寂然使我優陀耶太子亦當如是
寂然無為時王阿闍世叉手自稱說
曰唯願世尊當見觀察世尊告曰善
來大王王聞如來音響極懷歡喜如

來乃見稱說王号時王阿闍世即
至佛所五體投地以兩手著如來足
上而自稱說唯願世尊當見垂憐受
其悔過父王無罪而取害之唯願受
悔後更不犯自以往修來世尊告曰
今正是時宜時悔過无令有失夫人處
世有過能自改者斯名上人於我法
中極為廣大宜時懺悔是時王礼如
來足已住一面坐時王白佛言唯願
欲有所問如來聽者乃敢問耳佛告
王曰有疑難者宜時問之王白佛言
於現世造福得受現報不乎佛告王
曰古昔已來頗以此義曾問人乎王
白佛言我昔曾以此義而問他人
不蘭迦葉云何不蘭迦葉現世作
福得受現報乎不蘭迦葉報我言无
福無施无今世後世善惡之報世无
阿羅漢等成就者當我尔時問此受
果之報彼報曰無也如有人問以瓜
義報以榛理今此迦葉亦復如是時
我作是念此梵志已不解義豪族王
種所問之義此人方便引餘事報我
世尊我即欲斷其頭即不受其語時

發遣之時我復至阿夷耑而問此
義阿夷耑報我言若於江左煞害衆
生作罪无量亦無有罪亦无惡果之
報時我世尊復作是念我今問現世
受報之義此人乃持煞害報吾猶如
有人問梨之義以榛報之即捨之去
復至瞿耶樓所而問此義彼人報我
曰於江右邊造諸功德不可稱計於
中亦無善之報我今時復作是念吾
今所問義者竟不報其理復捨之去
復往至彼佉迦耑所而問斯義彼人
報曰唯有一人出世一人死一人往
返受其苦樂時我復作是念我今所
問現世之報乃將生死來相答復捨
之去往問先歐盧持如此之義彼人
報我言過去者以滅更不復生當來
未至亦復不有現在不住住者即變
易時我復作是念我今所問現世之
報乃持三世相酬此非正理即復捨
去至尼捷子所而問此義云何尼捷
子頗有現世作福得受現世報也彼
報我言無因无緣衆生結縛亦无有
因亦无有緣衆生著結縛無因无緣

衆生清淨時我復作是念此梵志等
斯是愚惑不別真爲猶盲无目所問
之義竟不相報如似弄轉輪聖王種
尋復捨之去今我世尊故問其義現
世作福現受報也唯願世尊演說其
義余時世尊告曰大王我今問汝義隨
所樂報之大王頗有典酒厨宰賞護
物左右使人乎王白佛言唯然有之
設彼使人執勞經久復當賞遺不乎
王白佛言隨切叙用不令有怨佛告
王曰以此方便知現世作福得受現
報云何大王旣處高位恤民以礼嘗
復賞遺不乎王白佛言唯然世尊食
共同甘并命不恨佛告王曰當以此
方便知昔日出處極卑漸漸積功與
王同歡以是之故現世作福得受現
報佛告王曰彼有勞之人經歷年歲
來白王言我等功勞已立王所明知
欲從王求意所願王當以與不乎王
白佛言隨彼所願而不違之佛告王
曰彼有勞之人欲得辭王剗除鬚髮
著三法衣出家學道修清淨行王聽
不乎王白佛言唯然聽之佛告王曰

設王見彼剝除鬚髮出家學道在我
左右王欲何所施為王白佛言承事
供養隨時禮拜佛告王曰以此方便
知現作福得受現報設彼有勞之人
持戒完具無有所犯王欲何所施行
王白佛言盡其形壽供給衣被飲食
牀敷卧具病瘦醫藥不使缺減佛告
王曰以此方便知現身作福得受現
報設復彼人已作沙門盡有漏成无
漏心解脫智慧解脫已身作證而自
遊化生死已盡梵行已立所作已辦
更不復受有如實知之王欲何為王
白佛言我當盡形壽承事供養衣被
飲食牀卧具病瘦醫藥不令有乏佛
告王曰當以此方便知現世作福得
受現報設復彼人盡其形壽於无餘
涅槃界而般涅槃者王欲何所施設
王白佛言當於四道頭起大佛寺兼
以香華供養懸繒幡蓋平事恭敬所
以然者彼是天身非為人身佛告王
曰當以此方便知現世作福得受現
報王白佛言我今以此譬喻於中受
解今日世尊重演其義自今已後信

受其義唯願世尊受為弟子自歸於
佛法比丘僧今復懺悔如愚如惑父
王無過而取害之今以身命自歸唯
願世尊除其罪愆演其妙法長夜無
為如我自知所作罪報无有善本佛
告王曰世有二種人無罪而命終如屈
伸辟須得生天上云何為二一者不
造罪本而修其善二者為罪改其所
造是謂二人而取命終生於天上亦
无流滯今時世尊便說此偈
人作極惡行悔過轉微薄日悔无懈怠
罪根永已拔

是故大王當以法治化莫以非法夫
以法治化者身壞命終生善處天上
彼以命終名譽速布周聞四方後人
共傳昔日有三正法治化無有阿曲
人以稱傳彼人所生之處增壽益年
無有中夭是故大王當發歡喜之心
向三尊佛法聖衆如是大王當作是
學今時阿闍世王即從座起頭面禮
佛足便退而去王去不遠佛告諸比
丘今此阿闍世王不取父王善者今
日應得初沙門果證在四雙八輩之

中亦復得賢聖八品道除去八愛越八難雖尔今猶獲大幸得无根之信是故比丘為罪之人當求方便成無根之信我優婆塞中得无根信者所謂阿闍世是也尔時諸比丘聞佛所說歡喜奉行

聞如是一時佛在舍衛國祇樹給孤獨園尔時世尊告諸比丘有世八法隨世迴轉云何為八一者利二者衰三者毀四者譽五者稱六者譏七者苦八者樂是謂比丘有此八法隨世迴轉諸比丘當求方便除此八法如是諸比丘當作是學尔時諸比丘聞佛所說歡喜奉行

聞如是一時佛在舍衛國祇樹給孤獨園尔時世尊告諸比丘如来出現世間又於世界成佛道然不著世間八法猶與周旋猶如淤泥出生蓮華極為鮮潔不著塵水諸天所愛敬見者心歡如来亦復如是由胞胎生於中長養得成佛身亦如琉璃之寶淨水之珍不為塵垢所染如来亦復如是亦生於世間不為世間八法所染著

是故比丘當勤精進修行八法如是
比丘當作是學今時諸比丘聞佛所
說歡喜奉行

聞如是一時佛在舍衛國祇樹給孤
獨園今時世尊告諸比丘有八種之
入流轉生死不住生死去何為八趣
須陀洹得須陀洹趣斯陀舍得斯陀
舍趣阿那含得阿那含趣阿羅漢得
阿羅漢是謂比丘有此八人流轉生
死不住生死是故比丘求其方便度
生死之難勿住生死如是比丘當作
是學今時諸比丘聞佛所說歡喜奉行
馬血齊難陀提婆達船筏牧牛無根信
世法善八人

增壹阿含經卷第三十九

癸卯歲高麗國大藏都監奉
勅彫造

增壹阿含經卷第四十

般若

東晉剡縣三藏聖曇僧伽提婆譯

九衆生居品第四十四

聞如是一時佛在舍衛國祇樹給孤獨園。爾時世尊告諸比丘。有九衆生居處是衆生所居之處。云何為九。或有衆生若干種身。若干種想。所謂天及人也。或有衆生若干種身。一想所謂梵迦夷天。取初出現也。或有衆生一身若干想。所謂光音天也。或有衆生一身一想。所謂遍淨天也。或有衆生無量識識處。天也。或有衆生不用處。所謂不用處。天也。或有衆生有想無想處。天也。諸所生之處。名為九也。是謂比丘。九衆生居處。群萌之類。曾居已居。當居是故。比丘。當求方便。離此九處。如是。諸比丘。當作是學。爾時諸比丘。聞佛所說。歡喜奉行。聞如是一時佛在舍衛國祇樹給孤獨園。爾時世尊告諸比丘。當說。觀願有九種之德。汝等善思念之。吾今當

敷演其義是時諸比丘受佛教誡佛告比丘彼云何名為覲願九種之德比丘當知檀越施主成就三法所施之物亦成就三法受物之人亦成就三法彼檀越施主云何成就三法於是檀越施主信成就誓願成就亦不煞生是謂檀越施主成就此三法所施之物云何成就此三法於是施物色成就香成就味成就就是謂施物三事成就云何受物之人成就三事於是受物之人戒成就智慧成就三昧成就是謂受施之人成就三法如是達觀成就此九法獲大果報至甘露滅盡之處夫為施主欲求其福者當求方便成就此九法如是比丘當作是學今時諸比丘聞佛所說歡喜奉行聞如是一時佛在舍衛國祇樹給孤獨園今時世尊告諸比丘為成就九法云何為九強顏耐辱貪心慳者心念不捨離健忘少睡隱匿姪洩亦无返復為九是謂比丘為成就此九法惡比丘亦復成就九法云何為九於是惡比丘強顏耐辱貪心慳者健忘

少睡姪洸靜匿亦無返復念不捨離
為九云何惡比丘強顏於是惡比丘
不應求者而求之違沙門之行如是
比丘名為強顏云可惡比丘耐辱於
是惡比丘在諸賢善比丘所自稱歎
說毀訾他人如是比丘名為耐辱云
何比丘生貪心於是比丘見他財物
皆生貪心此名為貪也云何比丘慳
著於是比丘所得衣鉢不與人共恒
自藏舉如是名為慳著云何比丘健
忘於是惡比丘恒多漏失妙善之言
亦不思惟方便論說國事兵戰之法
如是惡比丘成就此健忘云何惡比
丘少於睡眠於是惡比丘所應思惟
法而不思惟如是惡比丘少於睡眠
云何惡比丘匿處姪洸於是惡比丘
所為隱匿不向人說我今行姪勿令
人知如是比丘所隱匿姪洸云何惡
比丘無返復於是惡比丘无恭敬之
心不奉事師長尊貴重之人如是惡
比丘無有返復若惡比丘成就此九
法念不捨離者終不成道果是故比
丘諸惡之法念當捨之如是比丘當

作是學今時諸比丘聞佛所說歡喜奉行

聞如是一時佛在舍衛國祇樹給孤獨園今時世尊告諸比丘孔雀鳥成就九法云何為九於是孔雀鳥顏貌端政音響清徹行步庠序知時而行飲食知節常念知足念不散少於睡眠亦復少欲知於返復是謂比丘孔雀之鳥成就此九法賢善比丘亦復成就九法云何為九於是賢善比丘顏貌端政音響清徹行步庠序知時而行飲食知節常念知足念不散少於睡眠亦復少欲知於返復云何賢善比丘顏貌端政所謂彼比丘出入行來進止之宜終不失叙如是賢善比丘顏貌端政云何比丘音響清徹於是比丘善別義理終不錯亂如是以比丘音響清徹云何比丘行步庠序於是比丘知時而行不失次叙又知可誦知誦可習知習可默知默可起知起如是比丘知於時節云何比丘知時而行於是

比丘應往即往應住即住隨節聽法
如是比丘知時而行云何比丘飲食
知節於是比丘所得遺餘與人共分
不惜所有如是比丘飲食知節云何
比丘少睡眠於是比丘初夜時習於
警寤習三十七品無有漏脫恒以經
行卧覺而淨其意復於中夜思惟深
與至後夜時右脇著地脚脚相累思
惟計明之想復起經行而淨其意如
是比丘少於睡眠云何比丘少欲知
於返復於是比丘承事三尊恭敬師
長如是比丘少欲知於返復如是賢
善比丘成就九法今此九法當念奉
行如是比丘當作是學余時諸比丘
聞佛所說歡喜奉行

聞如是一時佛在舍衛國祇樹給孤
獨園余時世尊告諸比丘女人成就
九法繫縛男子云何為九所謂歌舞
伎樂笑啼常求方便自以幻術顏色
形體計余許事中唯有更樂縛人最
急百倍千倍終不相比如我今日觀
察諸義更樂縛人最急無出是者隨
彼男子繫之牢固也是故諸比丘當

念捨此九法如是比丘當作是學
時諸比丘聞佛所說歡喜奉行

聞如是一時佛在優迦羅竹園中與
大比丘衆五百人俱
爾時世尊告諸
比丘我今與汝當說妙法初善中善
竟善義理深遠清淨修行梵行此經
名曰一切諸法之本
汝等善思念之
諸比丘對曰如是世尊是時諸比丘
從佛受教佛告之曰彼云何名為一
切諸法之本於是比丘凡夫之人不
觀賢聖之教亦不掌護
如來言教不
親近善知識不受善知識言教
彼觀
此地如實知之
此是地如審是地如
實是地亦復是水亦復是火亦復是
風四事合以為人愚者之所娛樂
天
自知為天樂於天中天梵天自知為
梵天大梵自知為大梵無能出者
光音天還自相知由光音天來遍淨天
自知為遍淨天果實天自知為果實
天而不錯亂
阿毗耶陀天自知為阿
毗耶陀天空處天自知為空處天識
處天自知為識處天不用處天自知
為不用處天有想无想處天自知為

有想無想處天見者自知為見聞者
自知為聞欲者自知為欲智者自知
為智一類自知為一類若干類自知
為若干類志具足自知為志具足涅槃
自知為涅槃於中而自娛樂所以然
者非智者之所說也若聖弟子往觀
聖人承受其法與善知識從事恒親
近善知識觀此地種皆悉分明知所來
處亦不著於地無有汙染之心水火風
亦復如是人天梵王光音遍淨果實阿
毗耶陀天空處識處不用處有想无
想處見聞念知一種若干種乃至於
涅槃亦不著於涅槃不起涅槃之想
所以然者皆由善分別善觀察若彼
比丘漏盡阿羅漢所作已辦捨於重
擔盡生死原本平等解脫彼能分別
地種都不起想著地種人天梵王乃
至有想無想處亦復如是至於涅槃
不著涅槃不起涅槃之想所以然者
皆由壞婬慾癡之所致也比丘當知
如來至真等正覺善能分別於地亦
不著於地種不起地種之想所以然
者皆由破愛網之所致因有有生因

生有老死皆悉除盡是故如來成
最正覺佛說此語時是時諸比丘不
受其教所以然者由魔波旬閉塞心
意故此經名曰一切諸法之本我今
具足說之諸佛世尊所應修行我今
已具足施行汝等當念閑居樹下端
意坐禪思惟妙義今不為者後悔無
益此是我之教誡也今時諸比丘聞
佛所說歡喜奉行

聞如是一時佛在羅閱城迦蘭陀竹
園所與大比丘衆五百人俱今時羅
閱城中有一比丘身遇疾病至為困
悴卧大小便不能自起止亦無比丘
往瞻視者晝夜稱佛名号云何世尊
獨不見愍是時如來以天耳聞彼比
丘稱怨嗟呼投歸如來今時世尊告
諸比丘吾與汝等悉案行諸房觀諸
住處諸比丘對曰如是世尊是時世
尊與比丘僧前後圍繞諸房間案行今
時病比丘遙見世尊來即欲從座起
而不能自轉搖是時如來到彼比丘
所而告之曰止止比丘勿自動轉吾
自有坐具足得坐耳是時毗沙門天

王知如來所念從野馬世界沒來至
佛所頭面礼足在一面立是時釋提
桓因知如來心中所念即來至佛所
梵天王亦復知如來心中所念從梵
天沒來至佛所頭面礼足在一面坐
時四天王知如來心中所念來至佛
所頭面礼足在一面立是時佛告病
比丘曰汝今患苦遂增不損極為少
立對曰弟子患苦遂增不損極為少
賴佛告比丘瞻病人今為所在何人
來相瞻視比丘白佛言今遇此病無
人相瞻視也佛告比丘汝昔日未病
之時頗往問訊病人乎比丘白佛言
不往問訊諸病人佛告比丘汝今无
有善利於正法中所以然者皆由不
往瞻視病故也汝今比丘勿懷恐懼
當躬供養令不有乏如我今日天上
人中獨步無侶亦能瞻視一切病人
无殺護者與作殺護盲者與作眼目
殺諸疾人是時世尊自除不淨更與
敷坐具是時毗沙門天王及釋提桓
因白佛言我等自當瞻此病比丘如
來勿復執勞佛告諸天曰汝等且止

如來自當知時如我自憶昔日未成佛道修菩薩行由一鵠故自投命根何況今日以成佛道當捨此比丘乎終無此處又釋提桓因先不瞻此病比丘毗沙門天王護世之主亦不相瞻視是時釋提桓因及毗沙門天王皆默然不對尔時如來手執掃箒除去汙泥更施設坐具復與浣衣裳三法視之扶病比丘令坐淨水沐浴有諸天在上以香水灌之是時世尊以沐浴比丘已還坐牀上手自授食尔時世尊見比丘食訖除去鉢噐告彼比丘曰汝今當捨三世之病所以然者比丘當知生有處胎之厄因生有老夫為老者形羸氣竭因老有病夫為病者坐卧呻吟四百四病一時俱臻因病有死夫為死者形神分離往趣善惡設罪多者當入地獄刀山劍樹火車爐炭吞飲融銅或為畜生為人所使食以芻草受苦無量復於不可稱計無數劫中作餓鬼形身長數十由旬咽細如針復以融銅而灌其口經歷無數劫中得作人身拷掠

不可稱計復於無數劫中得生天上
亦經恩愛合會又遇恩愛別離欲无
厭足得賢聖道今乃離苦今有九種
之人離於苦患云何為九所謂向阿
羅漢得阿羅漢向阿那含得阿那含
向斯陀含得斯陀含向須陀洹得須
陀洹種性人為九是謂比丘如來出
現世間甚為難值人身難得生正國
中亦復難遭與善知識相遇亦復如
是聞說法言亦不可遇法法相生時
時乃有比丘當知如來今日現在世
間得聞正法諸根不缺堪任聞其正
法今不慙勤後悔無及此是我之教
誡今時彼比丘聞如來教已熟視尊
顏即於座上得三明漏盡意解佛告
比丘汝以解病之原本去離此生老病死
我以解病之原本去離此生老病死
皆是如來神力所加以四等之心覆
護一切無量无限不可稱計身口意
淨是時世尊具足說法已即從座起
而去今時世尊告阿難曰汝今速打
捷椎諸有比丘在羅閱城者盡集晉
會講堂是時阿難從佛受教即集諸

比丘在普會講堂前白佛言比丘已集唯願世尊宜知是時今時世尊往至講堂所就座而坐今時世尊告諸比丘汝等學道為畏國王盜賊而出家乎比丘信堅固修無上梵行欲得捨生老病死憂悲苦惱亦欲離十二牽連諸比丘對曰如是世尊佛告諸比丘汝等所以出家者共一師同一水乳然各不相瞻視自今已往當展轉相瞻視設病比丘無弟子者當於衆中老次使看病人所以然者離此已更不見所為之處福勝視病之人者其瞻病者瞻我无異今時世尊便說斯偈設有供養我及過去諸佛施我之福德瞻病而無異

今時世尊說此教已告阿難曰自今已後諸比丘各各相瞻視若復比丘知而不為者當索法律此是我之教誠今時諸比丘聞佛所說歡喜奉行聞如是一時佛在舍衛國祇樹給孤獨園今時世尊告諸比丘有九種之人可敬可貴供之得福云何為九所謂向阿羅漢得阿羅漢向阿那含得

阿那含向斯陀舍得斯陀舍向須陀洹得須陀洹向種性人為九是謂比丘九種之人供之得福終無耗減余時諸比丘聞佛所說歡喜奉行

聞如是一時佛在羅閱城迦蘭陀竹園所與大比丘衆五百人俱是時滿呼王子至世尊所頭面礼足在一面坐是時滿呼王子白世尊言我曾聞朱利睒特比丘與盧迦延梵志共論然此比丘不能答對我又曾聞如來弟子衆中諸根闇鈍無有慧明無出此比丘上者如來優婆塞中在居家者迦毗羅衛城中瞿曇釋種諸根闇鈍情意閉塞佛告王子曰朱利睒特比丘有神足之力得上人之法不習世閒談論之宜又王子當知此比丘者極有妙義是時滿呼王子白世尊言佛所說雖余然我意中猶生此念云何有大神力而不能與彼外道異學而共論議我今請佛及比丘僧除朱利睒特一人是時世尊默然受請是時王子已見世尊受請已即從座起頭面礼世尊足右遶三匝便退而去

即其夜辦種種甘饌飲食敷好坐具而
白時到今正是時尔時世尊以鉢使朱
利縣持比丘捉在後住將諸比丘衆
前後圍遶入羅閱城至彼王子所各
次第坐尔時王子白世尊言唯願如
來手授我鉢我今躬欲自飭如來佛
告王子曰今鉢在朱利縣持比丘所
竟不持來王子白佛言願世尊遣一
比丘往取鉢來佛告王子汝今自往
取如來鉢來尔時朱利縣持比丘化
作五百華樹其樹下皆有朱利縣持
比丘坐尔時王子聞佛教已往取鉢
遙見五百樹下皆有朱利縣持比丘
於樹下坐禪繫念在前無有分散見
已便作是念何者是朱利縣持比丘
是滿呼王子即還來世尊所而白佛
言往彼園中均是朱利縣持比丘不
知何者是朱利縣持比丘佛告王子
曰還至園中眾在中央住而彈指作
是說其實是朱利縣持比丘者唯願
從座起是時滿呼王子受教已復至
園中在中央立而作是說其實是朱
利縣持比丘者便從座起王子正作

是語已其餘五百化比丘自然消滅
唯有一朱利睒特比丘在是時滿呼
王子共朱利睒特比丘至世尊所頭
面礼足在一面立尔時滿呼王子白
佛言唯願世尊今自悔責不信如來
言教此比丘有神足大威力佛告王
子曰聽汝懺悔如來所說終無有二
又此世間有九種人周旋往來云何
為九一者豫知人情二者聞已便知
三者觀相然後乃知四者觀察義理
然後乃知五者知味然後乃知六者
知義知味然後乃知七者不知義不
知味八者學於思惟神足之力九者
所受義妙是謂王子九種之人出現
世間如是王子彼觀相之人於八人
中寂為第一無過是者今此朱利睒
特比丘習於神足不學餘法此比丘
恒以神足與人說法我今阿難比丘
觀相便知豫知人情知如來須是不
用是亦知如來應當說是離是皆令
分明如今無有出阿難比丘上者博
覽諸經義靡不周遍又此朱利睒特
比丘能化一形作若干形復還合為一

此比丘後曰當於虛空中取滅度吾
更不見餘人取滅度如阿難比丘朱
利睒特比丘之比也是時佛復告諸
比丘曰我聲聞中第一比丘變化身
形能大能小無有如朱利睒特比丘
之比是時滿呼王子手自斟酌供養
衆僧除去鉢器更取小座在如來前
叉手白世尊言唯願世尊聽朱利睒
特比丘恒至我家隨其所須衣被雜
物沙門之法盡在我家取之當盡形
壽供給所須佛告王子汝今王子還
向朱利睒特比丘懺悔躬自請之所
以然者非智之人欲別智者此事難
遇欲言智者能別有智之人可有此
理耳是時滿呼王子即時向朱利睒
特比丘礼自稱姓名求其懺悔大神
足比丘生意輕慢自今之後更不敢
犯唯願受懺悔更不敢犯朱利睒特
比丘報曰聽汝悔過後莫復犯亦莫
復誹謗賢聖王子當知其有衆生誹謗
聖人者必當墮三惡趣生地獄中如
是王子當作是學亦時佛與滿呼王
子說極妙之法勸發令喜即於座上

得演此呪願

法華經卷第四十

第十七

讚

祠祀火為上經書頌為取人中王為尊
衆流海為首星中月為先光明曰第一
上下及四方諸所有形物天及世間人
佛者最為尊欲求其福者供養三佛業
余時世尊說此偈已即從座起是時
滿呼王子聞佛所說歡喜奉行

聞如是一時佛在舍衛國祇樹給孤
獨園余時阿難白世尊言所謂善知
識者即是半梵行之人也將引善道
以至無為佛告阿難勿作是言言善
知識者即是半梵行之人所以然者夫
善知識之人即是全梵行之人與其
從事將視好道我亦由善知識成無
上正真等正覺以成道果度脫衆生不
可稱計皆悉免生老病死以此方便
知夫善知識之人全梵行之人也復
次阿難若善男子善女人與善知識
共從事者信根增益聞施慧德皆悉
脩具猶如月欲盛滿光明漸增倍於
常時此亦如是若有善男子善女人
親近善知識信聞念施慧皆悉增益
以此方便知其善知識者即是全梵

行之人也若我昔日不與善知識從事終不為燈光佛所見授決也以與善知識從事故得為與提和竭羅佛所見授決以此方便知其善知識者即是全梵行之人也若當阿難世間無善知識者則无有尊卑之叙父母師長兄弟宗親則與彼猪犬之屬與共一類造諸惡緣種地獄罪緣有善知識故便別有父母師長兄弟宗親是時世尊便說此偈

善知識非惡惡親法非為食將導於善路此親軍尊說

是故阿難勿復更說言善知識者是半梵行之人也今時阿難從佛受教聞佛所說歡喜奉行

聞如是一時佛在羅閱城耆闍崛山中與大比丘之衆五百人俱是時釋提洹因從三十三天沒來至佛所頭面礼足在一面立白世尊言天及人民有何想念意何所求佛告之曰世間流浪其性不同所趣各異想念非一天帝當知昔我無數阿僧祇劫亦生此念天及衆生之類意何所趣向

為求何願從彼劫至今日不見一人
心共同者釋提洹因當知世間衆生
起顛倒之想無常計常之想无樂計
樂之想無我有我之想不淨有淨之
想正路有邪路之想惡有福想福有
惡想以此方便知衆生之類其根難
量性行各異若當衆生盡同一想无
若干想者九衆生居處則不可知亦難
分別九衆生居神識所止亦復難明
亦復不知有八大地獄畜生所趣亦
復難知不別有地獄之苦不知有四
姓之豪貴不知有阿須倫所趣之道
亦復不知三十三天設當盡共同一
心者當如光音天以衆生若干種想
念亦若干種是故知有九衆生居處
九神所止處知有八大地獄三惡道
至三十三天亦復如是以此方便知
衆生類其性不同所行各異是時釋
提桓因白世尊言如來所說甚為奇
雅衆生之性其行不同想念各異以
其衆生所行不同故致有青黃白黑長
短不均又且世尊諸天事猥欲還天
上佛告釋提洹因曰宜知是時是時

釋提洹因即從座起頭面礼足便退
而去尔時釋提洹因聞佛所說歡喜
奉行

九止觀孔雀繫縛法之本病供養昧特
梵行若干想

增壹阿含經卷第四十

癸卯歲高麗國大藏都監奉
勅彫造

增壹阿含經卷第四十一

如

馬王品第四十三

東晉別當三藏羅曇曇僧伽提婆譯

聞如是一時佛在羅閱城迦蘭陀竹園所與大比丘衆五百人俱。今時彼城中有婆羅門名曰摩醯提利善明。外道經術天文地術靡不貫練。世間所可周旋之法悉皆明了。彼婆羅門女名曰意愛。極為聰朗。顏貌端正。世之希有。是時婆羅門經籍有是語。有二人出世。甚為難遇。實不可值。云何為王。若轉輪聖王出世之時。便有七寶自然響應。我今有此女。寶顏貌殊妙。玉女中取第一。如今无有轉輪聖王。又我聞真淨王子名曰悉達。出家學道。有三十二大人之相。八十種好。彼若當在家者。便當為轉輪聖王。若出家學道者。便成佛道。我今可將此女與彼沙門。是時婆羅門即將此女至世尊所。前白佛言。唯願沙門受此玉女。佛告婆羅門曰。止。止。梵志。吾不須此。

著欲之人時婆羅門復再三白佛言
沙門受此王女方比世界此女無比
佛告梵志已受汝意但吾已離家不
復習欲今時有長老比丘在如來後
執扇扇佛是時長老比丘白世尊言
唯願如來受此女人若如來不須者
給我等使令是時世尊告長老比丘
汝為愚惑乃能在如來前吐此惡意
汝云何轉繫意在此女人所夫為女
人有九惡法云何為九一者女人鼻
穢不淨二者女人惡口三者女人無
反復四者女人嫉妬五者女人慳嫉
六者女人多喜遊行七者女人多瞋
恚八者女人多妄語九者女人所言
輕舉是諸比丘女人有此九法弊惡
之行今時世尊便說此偈
常喜笑啼哭現親實不親常求他方便
汝勿興亂念

是時長老比丘白世尊言女人雖有
此九弊惡之法然我今日觀察此女
无有瑕疵佛告比丘汝今愚人不信
如來神口所說乎吾今當說過去久
遠婆羅捺城中有商客名曰普富將

五百商人入海採寶然彼大海側有羅刹所居之處恒食噉人民是時海中風起吹此船筏墮彼羅刹部中是時羅刹遙見商客來歡喜无量即隱羅刹之形化作女人端正無比語諸商人曰善來諸賢此寶渚之上與彼天宮不異多諸珍寶數千百種饒諸飯食又有好女皆無夫主可與我等共相娛樂比丘當知彼商客衆中其愚惑者見女人已便起想著之念是時普富商主便作是念此大海之中非人所居之處那得有此女人止住此必是羅刹勿足狐疑是時商主語女人言止止諸妹我等不貪女色是時月八日十四日十五日馬王在虛空周旋作此告勅誰欲渡大海之難我能負度比丘當知當尔之時彼商主上高樹上遙見馬王聞音響之聲歡喜踊躍不能自勝往趣馬王所到已語馬王曰我等五百商人為風所吹今來墮此極難之處欲得渡海唯願渡之是時馬王語彼商人曰汝等志來吾當渡至海際是時普富長者語

衆商人曰今馬王近在志末就彼共渡海難是時人衆報曰止止大主我等且在此間自相娛樂所以在閻浮提勤苦者欲求於快樂之處珍奇寶物及於玉女此間志備便可此間五欲自娛樂後日漸漸合集財貨當共度難時彼大商主告諸人曰止止愚人此間无有女人大海之中云何有人居處諸商人報曰且止大主我等不能捨此而去是時普富商主便說偈言

我等墮此難無男无女想 斯是羅刹種
漸當食我等

設當汝等不與我共去者各自將護設我身口意所犯者志皆原捨莫經心意是時諸商人與說共別之偈

與我問訊彼閻浮親里輩在此而娛樂
不得時還家

是時商主復以偈報曰

汝等實遭厄惑此不肯歸如此不復久
盡為鬼所食

說此偈已便捨而去往至馬王所頭面礼足即乘而去是時諸人遙見其

主已乘馬王其中或有笑呼或復有不稱怨者是時寂大羅刹之主復向諸羅刹而說此偈

已墮師子口 出外甚為難 何況入我渚 欲出實為難

是時羅刹之主即化作女人之形極為端正又以兩手指臂說曰設不食汝等終不為羅刹也是時馬王即負商主度至海岸奉余餘五百商人盡受其困今時波羅捺城中有王名梵摩達治化人民是時羅刹尋從大商主後咄失我夫主是時賈主即還詣家是時羅刹化抱男兒至梵摩達王所前白王言世間極有灾恠盡當滅壞耶羅之曰世間有何灾恠盡當滅壞耶羅刹白王為夫所棄有我无過於夫主是時梵摩達王見此女人極為殊妙興起想著語女人曰汝夫主者乃无人義而捨汝去是時梵摩達王遣人呼其夫曰汝實棄此好婦乎商主報曰此是羅刹非女人也羅刹女復白王言此人無夫主之義今日見棄復罵我言云是羅刹王問之曰汝實不用

者吾當攝之商主白王此是羅刹墮
王聖意是時梵摩達王即將此女內
著深宮隨時接納不令有怨是時羅
刹非人時取王食噉唯有骨存便捨
而去比丘勿作斯觀尔時商主者舍
利弗比丘是也尔時羅刹者今此女
人是也尔時梵摩達王者今長老比
丘是也是時馬王者今我身是尔時
五百商人者今五百比丘是以此方
便知欲為不淨想今故興意起於想
著乎尔時彼比丘即礼佛足白佛世
尊言唯願受悔恕其重過自今已後
更不復犯是時彼比丘受如來教已
即在閑靜之處剋己自修所以族姓
子勤修梵行者欲得修無上梵行是
時彼比丘便成阿羅漢尔時諸比丘
聞佛所說歡喜奉行

聞如是一時佛在釋翅閭婆梨果園
與大比丘衆五百人俱是時尊者舍
利弗尊者目軋連於彼夏坐已將五
百比丘在人間遊化漸漸來至釋翅村
中尔時行來比丘及住比丘各各自
相謂言共相問訊又且聲音高大众

時世尊聞諸比丘音響音高大即告阿難曰今此園中是誰音響音聲大乃舍如似破木石之聲阿難白佛言今舍利弗及目連將五百比丘來在此行來比丘久住比丘共相問訊故有此聲耳佛告阿難曰汝速遣舍利弗目連比丘不須住此是時阿難受教已即往至舍利弗目連比丘所即語之曰世尊有教速離此去不須住此舍利弗報曰唯然受教尔時舍利弗目連即出彼園中將五百比丘涉道而去尔時諸釋聞舍利弗目連比丘為世尊所遣即往至舍利弗目連比丘所頭面礼足白舍利弗曰諸賢欲何所趣向舍利弗報曰我等為如来所遣各求安處是時諸釋白舍利弗言諸賢小留意我等當向如来懺悔是時諸釋即往至世尊所頭面礼足在一面坐白世尊言唯願世尊原捨遠來比丘過各唯願世尊以時教誨其中遠來比丘初學道者新來入法中未覲尊顏備有變悔之心猶如茂苗不遇潤澤便不成就今

此比丘亦復如是不覩如來而去者
恐能有變悔之心是時梵天王知如
來心中所念猶如力士屈伸臂頃從
梵天沒來至如來所頭面禮足在一
面立今時梵天王白世尊言唯願世尊
原捨遠來比丘所作慳過以時教誨其
中或有比丘未究竟者便懷變悔之
心彼人不覩如來顏像便有變意還
就本業亦如新生犢子生失其母憂
愁不食此亦如是若新學比丘不得
覩如來者便當遠離此正法今時世
尊便受釋種之諫及梵天王犢子之
喻是時世尊願盼阿難便生斯念如
來以受諸人民及天人之諫是時阿
難即往至舍利弗目軋連比丘所而
語之曰如來欲得與衆僧相見天及
人民皆陳啓此理今時舍利弗告諸
比丘曰汝等各收攝衣鉢共往世尊
所然如來已受我等懺悔是時舍利
弗目捷連將五百比丘至世尊所頭
面禮足在一面坐是時佛問舍利弗
曰吾向者遣諸比丘僧於汝意云何
舍利弗言向者如來遣諸衆僧我

作是念如來好遊閑靜獨處无為不
樂在內是故遣諸聖眾耳佛告舍利
弗曰汝後復生何念聖眾是時誰之
累舍利弗白佛言時我世尊復生此
念我亦當在閑靜獨遊不處市內中
佛告舍利弗曰勿作是語亦莫生此
念云我當在閑靜之處也如今聖眾
之累豈非依舍利弗曰軋連比丘乎
余時世尊告大目軋連曰我遣諸眾
僧汝有何念目軋連白佛言如來遣
眾僧我使生斯念如來欲得獨處无
為故遣聖眾耳佛告目軋連汝後復
生何念目軋連白佛言然今如來遣
諸聖眾我等宜還收集之今不分散
佛告目軋連善哉目連如汝所說眾
中之標首唯吾與汝二人耳自今已往
目軋連當教誨諸後學比丘使長夜之
中永處安隱之處无令中退墮落生
死者有比丘成就九法者於現法中
不得長大云何為九與惡知識從事
親近非事恒喜遊行恒抱長患好畜
財貨貪著衣鉢多虛軋妄亂意非定
无有慧明不解義趣不隨時受誨是

謂目連若比丘成就此九者於現法中不得長大有所潤及設有比丘能成就九者便有所成辦云何為九與善知識從事修行正法不著邪業恒遊獨處不樂人間少病无患亦復不多畜諸財寶不貪著衣鉢勤行精進无有乱心聞義便解更不中受隨時聽法无有厭足是謂目連若比丘成就此九法者於現法中多所饒益是故目連當念勤加往誨諸比丘使長夜之中致无為之處今時世尊便說此偈

常念自覺悟勿著於非法
所修應正行得度生死難作是而獲是
作此獲此福衆生流浪久
斷於老病死以辦更不習
復更造非行如此放逸人
成於有漏行設有勤加心
恒在心首者長轉相教誡
便成无漏人

是故目連連當與諸比丘而作是誨當念作是學是時世尊與諸比丘說極妙之法令發歡喜之心是時諸比丘聞法已於彼衆中六十餘比丘漏盡意解今時諸比丘聞佛所說歡喜

奉行

聞如是一時佛在舍衛國祇樹給孤獨園。尔時世尊告諸比丘。若有比丘依村落住。善法消滅。惡法遂增。彼比丘當作是學。我今在村落止。惡法遂增。善法漸減。念不專一。不得盡有。漏不至无。為安隱之處。我所得衣被。飲食牀卧具。病瘦醫藥勞苦。乃獲彼比丘當作是學。吾今住此村落之中。惡法遂增。善法消滅。我亦不以衣被。飲食牀卧具。醫藥故來作沙門。吾所求願者。今不獲果。又彼比丘當遠離村落去。若復有比丘依村落住。善法增益。惡法消滅。所得衣裳。飲食牀卧具。勤勞乃獲。彼比丘當作是學。我今依此村落住。善法增益。惡法消滅。所得供養之具。勤勞乃得。有我不以衣被。故出家學道。修於梵行。我所學道。求願者。必成其法。應當盡形壽承事供養。尔時世尊便說偈曰。

衣被及飲食牀卧及所安。不應貪著想。亦冀來此世。不以衣被故。出家而學道。所以學道者。必果其所願。比丘尋應時。

盡形住彼村於彼般涅槃盡其命根本
是時彼比丘若在人間靜處所遊之
村善法增益惡法自減彼比丘盡形
壽住彼村中不應遠遊是時阿難白
世尊言如來常不說四大依食得存
亦依於心所念法諸善之法依心而
生又彼比丘依村落住勞苦精神乃
求衣食彼云何生善法住彼村落而
不遠遊佛告阿難衣被飯食牀卧具
病瘦醫藥有三種若復比丘專念四
事供養所欲不果此依是苦若復興
知足之心不起想著諸天人民代其
歡喜又比丘當作是學我由此故而
說此義是故阿難比丘當念少欲知
足如是阿難聞佛所說歡喜奉行
聞如是一時佛在婆羅園中尔時世
尊時到著衣持鉢入婆羅村乞食是
時弊魔波旬便作是念今此沙門欲
入村乞食我今當以方便教諸男女
不令與食是時弊魔波旬尋告國界
人民之類无令施彼沙門瞿曇之食
尔時世尊入村乞食人民之類皆不
與如來共言談者亦无有來承事供

養者如來乞食竟不得便還出村是時弊魔波旬至如來所問佛言沙門乞食竟不得乎世尊告曰由魔所為使吾不得食汝亦不久當受其報魔今聽吾說賢劫之中有佛名拘樓孫如來至真等正覺明行成為善逝世間解无上士道法御天人師号佛衆祐出現於世是時彼亦依此村居止將四十万衆尔時弊魔波旬便作是念吾今求此沙門方便終不果獲時魔復作是念吾今當約勑婆羅村中人民之類使不施沙門之食是時諸聖衆著衣持鉢入村乞食尔時諸比丘竟不得食即還出村尔時彼佛告諸比丘說如此妙法夫觀食有九事四種人間食五種出人間食云何四種是人間食一者搗食二者更樂食三者念食四者識食是謂世間有四種之食彼云何名為五種之食出世間之表一者禪食二者願食三者念食四者八解脫食五者喜食是謂名為五種之食如是比丘九種之食出世間之表當共專念捨除四種之食求於

方便辦五種之食如是比丘當作是學今時諸比丘受彼佛教已即自剋已成辦五種之食是時彼魔波旬不能得其便是時波旬便作是念吾今不能得此沙門方便今當求眼耳鼻口身意之便吾今當住村中教諸人民使沙門衆等求得利養使令得之以辦利養倍增多也使彼比丘貪著利養不能暫捨復欲從眼耳鼻口身意得方便乎是時彼佛聲聞到時著衣持鉢入村乞食是時婆羅門村人民供給比丘衣被飯食牀卧具病瘦醫藥不令有乏皆前想僧伽梨以物強施是時彼佛與衆聲聞說如此之法夫利養者墮人惡趣不令至无為之處汝等比丘莫起想著之心向於利養當念捨離其有比丘著利養者不成五分法身不具戒德是故比丘未生利養之心當使不生已生利養之心時速滅之如是比丘當作是學時魔波旬即隱形去今時諸比丘聞佛所說歡喜奉行

聞如是一時佛在舍衛國祇樹給孤

獨園念時世尊告諸比丘當行慈心
廣布慈心以行慈心所有瞋恚之心
自當消除所以然者比丘當知昔日
有鬼極為弊暴來在釋提桓因座上
而坐是時三十三天極為瞋恚云何
此鬼在我主牀上坐乎是時諸天適
與恚心彼鬼遂轉端正顏貌殊常
時釋提桓因在普集講堂上坐與王
女共相娛樂是時有天子往至釋提
桓因所白帝釋言瞿翼當知今有惡
鬼在尊座上坐今三十三天極懷恚
怒諸天適興恚怒彼鬼遂轉端正顏
貌勝常是時釋提桓因便作是念此
鬼必是神妙之鬼是時釋提桓因往
至彼鬼所相去不遠自稱姓名吾是
釋提桓因諸天之主時釋提桓因自
稱姓名時彼惡鬼轉成醜形顏貌可
惡是彼惡鬼即時消滅比丘當以此
方便知其行慈心而不捨離其德如
是又且比丘吾昔日時七歲之中恒
修慈心經歷七歲劫敗劫不往來生
死劫欲壞時便生光音天劫欲成時
便生无想天上或作梵天統領諸天

領十千世界又復三十七變為釋提
桓因又無數變為轉輪聖王比丘以
此方便知其行慈心其德如是復次
行慈心者身壞命終生梵天上離三
惡道去離八難復次其行慈者生中
正之國復次行慈者顏貌端正諸根
不缺形體完具復次其行慈心者躬
自見如來承事諸佛不樂在家欲得
出家學道者著三法衣剃除鬚髮修
沙門之法修无上梵行比丘當知猶
如金剛人取食之終不消化要當下
過其行慈心之人亦復如是若如來
出世要當作道修无上梵行生死已
盡梵行已立所作已辦更不復受有
如實知之是時尊者阿難白佛言世
尊設如來不出世時彼善男子不樂在
家當何所趣向佛告阿難曰若如來
不出時然善男子不樂在家自剃鬚
髮在閑靜之處剋已自修即於彼處
盡諸有漏成无漏行是時阿難白佛
言云何世尊彼人自修梵行三乘之
行彼人何所趣向佛告阿難如汝所
言吾恒說三乘之行過去將來三世

諸佛盡當說三乘之法阿難當知或有是時衆生之類顏貌壽命轉轉減少形器瘦弱无復威神多諸瞋怒嫉妬恚癡奸偽幻惑所行不真或復有利根捷疾展轉諍竟共相鬭訟或以手拳瓦石刀杖共相傷害是時衆生之類執草便成刀劍斷斯命根其中衆生行慈心者无有瞋怒見此變恠皆懷恐懼恚共馳走離此惡處在山野之中自然剷除鬚髮著三法衣修无上梵行剋已自修盡有漏心而得解脫便入无漏境各各自相謂言我等已勝怨家阿難當知彼名為寂勝是時阿難復白佛言彼人為在何部聲聞部辟支部為佛部耶佛告阿難彼人當名正在辟支部所以然者此人皆由造諸功德行衆善本修清淨四諦分別諸法夫行善法者即慈心是也所以然者履仁行慈此德廣大吾昔著此慈仁之鎧降伏魔官屬坐樹王下成无上道以此方便知慈寂第一慈者寂勝之法也阿難當知故名為寂勝行慈心者其德如是不可稱

計當求方便修行慈心如是阿難當作是學余時阿難聞佛所說歡喜奉行

聞如是一時佛在舍衛國祇樹給孤獨園余時尊者舍利弗清旦從靜室起至世尊所頭面禮足在一面坐余時佛告舍利弗曰汝今諸根清淨顏貌與人異汝今遊何三昧舍利弗白佛言唯然世尊我恒遊空三昧佛告舍利弗言善哉善哉舍利弗乃能遊於空三昧所以然者諸虛空三昧者寧為第一其有比丘遊虛空三昧計无吾我人壽命亦不見有衆生亦復不見諸行本末已不見亦不造行本已无行更不受有已无受有不復受苦樂之報舍利弗當知我昔未成佛道坐樹王下便作是念此衆生類為不剋獲何法流轉生死不得解脫時我復作是念無有空三昧者便流浪生死不得至竟解脫有此空三昧但衆生未剋使衆生起想著之念以起世間之想便受生死之分若得是空三昧亦无所願便得无願三昧以得無願

三昧不求死此生彼都无想念時彼行者復有无想三昧可得娛樂此衆生類皆由不得三昧故流浪生死觀察諸法已便得空三昧已得空三昧便成阿耨多羅三藐三菩提當我尔時以得空三昧七日七夜觀視道樹目未曾眴舍利弗以此方便知空三昧者於諸三昧寔為第一三昧王三昧者空三昧是也是故舍利弗當求方便辦空三昧如是舍利弗當作是學尔時舍利弗聞佛所說歡喜奉行聞如是一時佛在羅閱城迦蘭陀竹園所與大比丘衆千二百五十人俱尔時羅閱城中有長者名曰尸利掘饒財多寶金銀珍寶車渠馬牯不可稱計又且踈薄佛法但事外道星軋子國王大目皆志識知是時外道梵志及星軋子在家出家者自誹謗言有我言有我身并六師輩皆志運集共作此論今沙門瞿曇靡事不知有一切智然我等不得利養今此沙門多得利養要當作方便使不得利養我等當往至尸利掘舍教彼長者而

作權宜是時外道梵志屋乳子及彼
六師往至尸利掘長者家語長者曰
大姓當知汝是梵天所生是梵天子
多所饒益汝今可往至沙門瞿曇所
愍我等故請沙門及比丘衆來在家
祠之又勅屋中作大火坑極燃熾火
食皆著毒請使來食若沙門瞿曇有
一切智知三世事者則不受請設无
一切智便當受請將諸弟子盡為大
所燒天人得安無有火害是時尸利
掘默然隨六師語即出城至世尊所
頭面礼足持雜毒之心白如來言唯
願世尊及比丘僧當受我請尔時世
尊知彼心中所念默然受請是時尸
利掘以見如來默然受請便從坐起
頭面礼足便退而去中道便作是念
今我六師所說審諦然沙門不知我
心中所念必當為大火所燒是時尸
利掘即還家勅作大坑燃大燒火復
約勅辦種種飯食皆悉著毒復於門
外作大火坑燃大火又於火上施設
數牀皆以惡毒著食中而白時至尔
時世尊以知時至著衣持鉢將諸比

丘衆前後圍繞往至彼家又勅諸比丘僧諸人皆不得先吾前行亦不得先吾前坐亦復不得先吾前食是時羅閱城中人民之類聞尸利掘作大火坑又作毒食請佛及比丘僧四部之衆悉皆涕泣將非害如來及比丘僧乎或復有至世尊所頭面礼足白佛言願世尊莫至彼長者家又彼人作大火坑兼作毒食佛告之曰諸人勿懷恐怖如來終不為他所害正使閻浮里內火至梵天猶不能燒吾何況此小火欲害如來終無此理優婆塞知吾无復害心今時世尊比丘僧前後圍繞入羅閱城至長者家今時世尊告諸比丘汝等勿先入長者家亦莫先食要須如來食然後乃食今時世尊適舉足門闕上今時火坑自然化作浴池極為清涼衆華滿其中亦生蓮花大如車輪七寶為莖亦生餘蓮華蜜蜂王遊戲其中今時釋提桓因梵天王及四天王及乾沓和阿頭輪及諸閼叉鬼神等見火坑中生此蓮華各各稱慶異音同聲各各說

曰便為如來勝中第一。今時彼長者家有種種外道異學集在其家。今時優婆塞優婆夷見如來變化已歡喜踊躍不能自勝。外道異學見如來變化已甚懷愁憂。上虛空中諸尊神天散種種名華於如來身上。今時世尊履虛去地四寸至長者家。如來舉足之處便生蓮華大如車輪。今時世尊右迴告諸比丘汝等志皆蹈此蓮花。上時諸聲聞皆從蓮華上至長者家。今時世尊便說古昔之喻說我過去來供養恒沙諸佛承事禮敬未失堅意持。是至誠之誓。使此諸坐皆志牢固。今時世尊告諸比丘我今聽諸比丘先以手拂座然後乃坐。此是我之教也。今時世尊及諸比丘僧皆志就座。是座下皆生蓮華極為芬香。是時尸利掘見如來如斯變化。便生斯念。吾為外道異學所誤失我人中之行。永失天路。心意憤然如飲雜毒。必當趣此三惡道中。實是如來出世難遇。覺知此已。即時涕零頭面。禮足白佛言。唯願如來聽我悔過。改往修來自

知有罪觸燒如來唯願世尊受我悔
過更不犯之佛告言長者改過捐捨本
意乃能自知觸犯如來賢聖法中甚
為曠大聽汝改過隨法而捨我今受
汝改悔後更莫犯如是再三時阿
闍世王聞尸利掘長者施大火坑及
雜毒食欲害如來聞已瞋恚熾盛告
群臣曰要當消滅閻浮里地與此人
同尸利掘名字者又復阿闍世憶如
來功德已悲泣涕零脫天冠已告群
臣曰吾今復用活為乃使如來為火
所燒及比丘僧皆當被燒汝等速來
至長者家觀視如來今時耆婆伽王
子白阿闍世王大王勿懷愁憂亦莫
興惡想所以然者如來終不為他所
害今日尸利掘長者當為如來弟子
唯願大王當往觀變化時阿闍世為
耆婆伽所誨喻乘雪山大為尋時至
尸利掘長者家下為即至尸利掘舍
內今時眾人皆集門外有八万四千
歡喜踊躍不能自勝並作是說使如
來恒勝眾魔告耆婆伽王子曰善哉

丘僧今時尸利掘長者見如來食訖
除去鉢器更取小座在如來前坐
今時世尊與長者及八万四千衆說微
妙之論所謂論者施論戒論生天之
論欲不淨想淫泆大患出要為樂如
來觀彼長者心意及八万四千衆心
開意解无復塵垢諸佛世尊常所說
法苦習盡道盡與八万四千衆說廣
分別其行今時衆人即於座上諸塵
垢盡得法眼淨猶如新衣易染為色
今時底人亦復如是各於坐上以見
道跡以見法得法分別諸法度諸狐
疑得无所畏更不事餘師自歸佛法
僧而受五戒今時尸利掘長者自知
得道跡前白佛言寧施如來毒獲大
果報不與餘外道異學甘露更受其
罪所以然者我今以毒食請佛及比
丘僧於現法中得此證驗長夜為此
外道所惑乃興斯心於如來所其有
事外道異學者皆墮邊際佛告長者
如汝所言而無有異皆為他所誑今
時尸利掘白佛言自今已後不復信
此外道異學不聽諸四部之衆在家

供養佛告長者勿作是說所以然者
汝今恒供養斯諸外士施諸畜生其
福難量況復人乎若有外道異學問
曰尸利掘是誰弟子汝等云何報之
今時尸利掘即從坐起長跪叉手白
世尊言勇猛而解脫今受此人身是
第七仙人是釋迦文弟子世尊告曰善
哉長者乃能說此微妙之歎今時世
尊重與長者說甚深之法即時便說
斯觀

祠祀火為上詩書頌為寂人中玉為尊
衆流海為原星中月為明光明日為上
上下下及四方一切有形類諸天及世間
佛為寂第一欲求其福者當供養三佛
今時世尊說此偈已即從坐起今時
尸利掘及諸來會聞佛所說歡喜
奉行

增壹阿含經卷第四上

癸卯歲高麗國大藏都監奉
勅彫造

增壹阿含經卷第四十一

如

東晉比丘慧持譯

結禁品第四十四

聞如是一時佛在舍衛國祇樹給孤獨園。爾時世尊告諸比丘。有十事。功德如來與諸比丘說禁戒云。何為十。所謂承事聖衆和合。將順安隱聖衆。降伏惡人。使諸慙愧。比丘不令有惱。不信之人。使立信根。已有信者。倍令增益。於現法中得盡。有漏亦令後世諸漏之病皆悉除盡。復令正法得久住。世常念思。惟當何方便。正法久存。是謂比丘十法功德。如來與諸比丘而說禁戒。是故比丘當求方便成就禁戒。勿令有失。如是比丘當作是學。爾時諸比丘聞佛所說歡喜奉行。聞如是一時佛在舍衛國祇樹給孤獨園。爾時世尊告諸比丘。聖所居之處。有十事。三世諸聖常處其中。云何為十。於是比丘五事已除。成就六事。恒護一事。將護四部衆。觀諸劣弱平等親近。正向无漏。依倚身行心善解。

脫智慧解脫云何比丘五事已除於是比丘五結已斷如是五事已除云何比丘成就六事於是比丘承六重之法如是比丘成就六事云何比丘恒護一事於是比丘恒護於心有漏无漏有為無為至涅槃門如是比丘恒護一事云何比丘將護四部之衆於是比丘成就四神足如是便為將護四部之衆云何比丘觀於劣弱於是比丘生死衆行已盡如是比丘平等親近於是比丘三結已盡是謂比丘平等親近云何比丘正向无漏於是比丘除去憍慢如是比丘正向无漏云何比丘依倚身行於是比丘無明已除如是比丘依倚身行云何比丘心善得解脫於是比丘愛已除盡如是比丘心善得解脫云何比丘智慧解脫於是比丘觀苦諦習盡道諦如實知之如是比丘智慧解脫是謂比丘聖賢十事所居之處昔日賢聖亦居此處以居方居是故比丘念除五事成就六法守護一法將護四部之衆觀察劣弱平等

親近正向無漏依猗身行心得解脫
智慧解脫如是比丘當作是學今時
諸比丘聞佛所說歡喜奉行

聞如是一時佛在舍衛國祇樹給孤
獨園尔時世尊告諸比丘如來成就
十力自知為无著在大眾中能師子
吼轉於无上梵輪而度眾生所謂此
色此色習此色盡此色出要觀此痛
想行識識習識盡識出要因是有是
此生則生无明緣行行緣識識緣名
色名色緣六入六入緣更樂更樂緣
痛痛緣愛愛緣受受緣有有緣死死
緣愁憂苦惱不可稱計因此五陰之
身有此習法此滅則滅此无則無无
明盡行盡行盡識盡識盡名色盡名色
盡六入盡六入盡更樂盡更樂盡痛盡
痛盡愛盡愛盡受盡受盡有盡有盡
死盡死盡愁憂苦惱皆悉除盡比丘
當知我法甚為廣大无崖之底斷諸
狐疑安隱處正法若善男子善女人
勤用心不令有缺正使身體枯壞終
不捨精進之行繫意不怠修行苦法
甚為不易樂閑居之處靜寂思惟莫

捨頭陀之行如今如來現在善修梵行是故比丘若自觀察時思惟微妙之法又當察二義无放逸行使成果寶至甘露滅盡之處若當受他供養衣被飲食牀卧具病瘦醫藥不唐其勞亦使父母得其果報承事諸佛礼敬供養如是比丘當如是學尔時諸比丘聞佛所說歡喜奉行

聞如是一時佛在舍衛國祇樹給孤獨園尔時世尊告諸比丘如來成十種力得四无所畏在大衆中能師子吼云何為十力於是如來是處如實知之非處如實知之復次如來處所知他衆生因緣處所受其果報復次如來知若干種界若干種持若干種入如實知之復次如來若干種解脫無量解脫如實知之復次如來知他衆生智慧多少如實知之復次如來知他衆生心中所念如實知之有欲心知有欲心無欲心知无欲心有瞋恚心知有瞋恚心無瞋恚心知无瞋恚心有愚癡心知有愚癡心無愚癡心知無愚癡心有愛心知有愛心無

愛心知無愛心有受心知有受心無
受心知無受心乱心知有乱心无乱
心知無乱心散心知有散心無散心
知無散心少心知有少心無少心知
无少心廣心知有廣心无廣心知無
廣心無量心知無量心有量心知有
量心如實知之定心知有定心無定
心知無定心解脫心知解脫心無解
脫心知無解脫心復次如來盡知一
切所趣心之道或一二生三生四生
五生十生五十生百生千生億百千
生無量生成劫敗劫無數成敗劫中
我昔生彼處名是字是食如此之食
受其苦樂壽命長短死此生彼彼死
生此自憶如是無數宿命之事復次
如來知衆生生死之趣以天眼觀衆
生之類善色惡色善趣惡趣隨行所
種皆志知之或復衆生身口意行惡
誹謗賢聖造邪見業身壞命終生地
獄中或復衆生身口意行善不誹謗
賢聖恒行正見身壞命終生善處天
上是謂名為天眼清淨觀衆生類所
趣之行復次如來有漏盡成无漏心

解脫智慧解脫生死已盡梵行已立
所作已辦更不復受有如實知之是
謂如來有此十力名為无著得四无
所畏在大衆中作師子吼轉於梵輪
云何如來得四無所畏欲言如來成
等正覺若有衆生欲言知者则无此
處若復有沙門婆羅門欲來誹謗佛
不成等正覺者則無此處以无此處
則獲安隱然我今日欲言已盡有漏
設復有沙門婆羅門天若魔天來欲
言未盡有漏者则无此處以無此處
則獲安隱復次我所說法賢聖得出
要者如實盡於苦際設有沙門婆羅
門天若魔天來欲言未盡苦際者无
此處以无此處則獲安隱復次我所
說内法者墮惡趣者設復有沙門婆
羅門來欲言非者则无此處是謂比
丘如來有四无所畏設有外道異學
言彼沙門瞿曇有何等之力有何无
畏自稱无著最尊汝等當持此十力
往報之設復外道異學重作是說我
等亦成就十力汝等比丘復當問曰
汝有何十力是時外道異學則不能

報也遂增其惑所以然者我終不見沙門婆羅門自稱言得四无所畏除如來者是故比丘當求方便成十力四无所畏如是比丘當作是學今時諸比丘聞佛所說歡喜奉行

問如是一時佛在舍衛國祇樹給孤獨園尔時世尊告諸比丘親近國家有十非法云何為十於是國家起謀害心欲煞國王緣此陰謀王致命終彼人民類便作是念此沙門道士數來往返此必是沙門所為是謂初非法親國之難復次大臣叛逆為王所殺皆取害之是時人民便作是念此沙門道士數來往返此必是沙門所為是謂第二非法入國之難復次國家亡失財寶時奴隸人復生此念今此寶物我恒守護更无餘人來入此者必沙門取之是謂沙門第三非法入國之難復次國王女年在盛時猶未出適身便懷妊是時人民作是念此中更无餘人往返必沙門所為是謂第四非法親國之難復次國王身抱重患中他人藥是時人民復作是念其中更无

餘人此必是沙門所為是謂第五非法親國之難復次國王大目各共覓諍共相傷害是時人民便作是念此諸大日本共和合今共覓諍此非餘人所為必是沙門道士是謂第六非法親國之難復次二國共聞各爭勝餘人民便作是念此沙門道士數來在內必是沙門所為是謂第七非法親國之難復次國王本好惠施與民分財後便慘悔不肯惠施是時人民各生斯念我等國主本喜惠施今復慳貪无惠施心此必沙門所為是謂第八非法親國之難復次國王恒以正法取民財物後復非法取民財實是時人民各生斯念我等國主本以法取民財實今復以非法取民財實此必沙門所為是謂第九非法親國之難復次國土人民普得疫病皆由宿緣是時人民各生斯念我等皆日无復疾病今各得患死者盈路必是沙門呪術所致是謂第十非法親國之難是謂比丘十非法八國之難是故比丘莫復生心親近國家如是

比丘當作是學。今時諸比丘聞佛所說歡喜奉行。

聞如是一時佛在舍衛國祇樹給孤獨園。今時世尊告諸比丘。若國王成就十法者。不得久存。多諸盜賊。云何爲十。於時國王慳貪。以小輕事。便興瞋恚。不觀義理。若王成就初法。則不得久存。國饒盜賊。復次。彼王貪著財物。不肯庶幾。是謂國王成就此二法。則不得久存。復次。彼王不受人諫。爲人暴虐。无有慈心。是謂第三法。不得久存。復次。彼王枉諸人民。橫取繫閉。在牢獄中。无有出期。是謂第四法。不得久存。復次。國王非法相佐。不案正行。是謂五法。不得久存。復次。彼王貪著他色。遠離已妻。是謂彼王成就六法。不得久存。復次。國王好喜嗜酒。不理官事。是謂成就七法。不得久存。復次。國王恒抱長患。无有强健之日。是謂第九之法。不得久存。復次。國王不信忠孝之臣。翅羽少。无有强佐。是謂國王成就

此十法不得久存今比丘衆亦復如是若成就十法不增善本功德身壞命終入地獄中何謂十法於是比丘不持禁戒亦无恭敬之心是謂比丘成就初法不得究竟有所至到復次比丘不承事佛不信真言是謂比丘成就第二之法不得久住復次比丘不承事法漏諸戒律是謂比丘成就第三之法不得久住復次比丘承事聖衆恒自卑意不信彼受是謂比丘成就第四之法不得久住復次比丘貪著利養養心不放捨是謂比丘成就第五之法不得久住復次比丘不多學問不勤加誦讀耽習是謂比丘成就六法不得久存復次比丘不與善知識從事恒與惡知識從事是謂比丘第七之法不得久存復次比丘恒喜事役不念坐禪是謂第八之法不得久存復次比丘復著竿數返道就俗不習正法是謂比丘第九之法不得久存復次比丘不樂修梵行貪著不淨是謂比丘第十之法不得久存是謂比丘成就此十法者必墮二處

趣不生善處若國王成就十法便得
久住於世云何為十於是國王不著
財物不興瞋恚亦復不以小事起怒
害心是謂第一之法便得久存復次
國王受群臣諫不逆其辭是謂成就
第二之法便得久存復次國王常好
惠施與民同歡是謂第三以法取物
不以非法是謂第四之法便得久存
復次彼王不著他色恒自守護其妻
是謂成就第五之法便得久存復次
國王亦不飲酒心不荒亂是謂成就
第六之法便得久存復次國王亦不
戲笑降伏外敵是謂成就第七之法
便得久存復次國王崇法治化終无
阿曲是謂成就第八之法便得久存
復次國王與群臣和睦无有竟爭是
謂成就第九之法便得久存復次國王
无有病患氣力强盛是謂第十之法
便得久存若國王成就此十法者便
得久存无柰之何比丘衆亦復如是
若成就十法者如屈伸臂頃便生天
上云何為十於是比丘奉持禁戒戒
德具足不犯正法是謂比丘成就此

初法身壞命終生善處天上復次比丘於如來所有恭敬之心是謂比丘成就此第二法得生善處復次比丘順從法教一元所犯是謂比丘成就第三之法得生善處復次比丘恭奉聖衆无有憊情之心是謂成就第四之法得生天上復次比丘少欲知足不著利養是謂比丘第五之法得生天上復次比丘不自用意恒隨戒法是謂成就第六之法生於善處復次比丘不著事務常喜坐禪是謂成就第七之法得生天上復次比丘樂閑靜之處不在人間是謂成就第八之法生於善處復次比丘不與惡知識從事常與善知識從事是謂成就第九之法得生善處復次比丘常修梵行離於惡法多聞學義不失次第如是比丘成就十法者如屈臂臂頭生善處天上是謂比丘非法之行入地獄者當念捨離十正法之行當共奉修如是比丘當作是學余時諸比丘聞佛所說歡喜奉行

聞如是一時佛在羅閱城迦蘭陀

園所與大比丘衆五百人俱是時衆多比丘時到著衣持鉢入羅閱城乞食是時衆多比丘便作是念我等入城乞食日猶故早我等可至外道異學與共論議是時衆多比丘便至外道異學所時諸外道遙見諸沙門來各各自謂言各各寂寞勿有高聲語言沙門瞿曇弟子今來此間然沙門之法稱譽寂寞之人令知我等正法不乱有乱今時衆多比丘便至外道異學所共相問訊在一面坐今時外道問諸比丘汝等沙門瞿曇與諸弟子說此妙法是諸比丘盡能一切諸法而自遊戲不干我等亦復與諸弟子說此妙法而自遊戲我之所說與汝有何等異有何差別說法戒教一類无異是時衆多比丘聞外道異學所說亦不稱善復非言惡即從坐起各退而去是時衆多比丘自相謂言我等當持此義往白世尊若如來有所說者我當念奉行今時衆多比丘入羅閱城乞食已還至房中收攝衣鉢往至世尊所頭面礼足住在一面

尔時眾多比丘以此緣本盡向如來說之。尔時世尊告諸比丘：彼外道異學問此義已，汝等應持此語報之。一論一義，一演乃至十論十義，十演說此語時，有何等義？設汝持此語往問者，彼人則不能報之。彼外道異學遂增愚惑，所以然者，非彼所有境界。是故比丘，我不見天及人民、魔若魔天、釋梵天王能報此語者。除如來及如來弟子從吾聞者，此則不論一論一義。一演我雖說此義，由何故而說乎？一切眾生由食而存，无食則死。彼比丘平等厭患平等、解脫平等、觀察平等、分別其義平等、盡苦際同一義，而不二我所說者，正謂此耳。一義一論一演，乃至十論十義，十演我雖說此義，由何說乎？名與色，彼何等謂名？所謂痛、想、念、更思、惟是，謂名也。彼云何名為色？耶四大及四大所造色，是謂名為色。以此緣本，故名為色也。二論二義，二演者，由此因緣，故我今說之。若比丘平等厭患平等、解脫平等、觀察平等、分別其義平等、盡其苦際三

論三義三演由何等故而說此義乎
所謂三痛云何為三所謂苦痛樂痛
不苦不樂痛彼云何名為樂痛所謂
心中樂想亦不分散是謂名為樂痛
彼云何名為苦痛所謂心中憤亂而
不定一思惟若干想是謂名為苦痛彼
云何名為不苦不樂痛所謂心中无
苦无樂想復非一定復非亂想亦不
思惟法與非法恒自寂默心无有記
是故名為不苦不樂痛是謂三痛若
比丘平等厭患平等解脫平等觀察
平等分別其義平等盡其苦際我所
說三論三義三演者正謂此耳四義
四論四演由何等故復說此義乎所
謂四諦云何為四所謂苦習盡道聖
諦彼云何為苦諦所謂生苦老苦病
苦死苦憂悲惱苦愁憎會苦恩愛別
苦所欲不得苦彼云何名為習諦所
謂愛本與欲相應者是謂名為習諦
彼云何名為苦盡諦所謂彼愛永盡
无餘更不復生是謂名為苦盡諦彼云
何名為苦要諦所謂賢聖八品道正
見正治正語正命正業正方便正念

正三昧是名為八品之道也若比丘
平等厭患平等解脫平等分別其義
平等觀察平等盡其苦際是謂四論
四義四演我所說者正謂此耳五論
五義五演我今所說由何等故說所
謂五根云何為五信根精進根念根
定根慧根云何名為信根所謂賢聖
弟子信如來道法彼如來至真等正
覺明行成為善逝世間解无上士道
法御天人師号佛衆祐出現於世是
謂名為信根彼云何名為精進根所
謂身心意并勤勞不倦滅不善法使
善增益順心執持是謂名為精進根
彼云何名為念根所謂念根者所謂不
忘恒在心懷抱持不失有為無漏之
法終不忘失是謂名為念根彼云何
名為定根所謂定根者心中无錯亂
無若干想恒專精一意是謂名為三
昧根彼云何名智慧根所謂知苦知
習知盡知道是謂名智慧之根此名
五根也比丘於中平等解脫平等分
別其義平等盡其苦際五論五義五
演我所說者正謂此耳六論六義六

演我所說者由何等故乎所謂六重之法也云何為六於是比丘恒身行慈心若在閑淨室中常若一心可尊可貴恒與和合是謂比丘第一重法復次口行慈心終无虛妄可敬可貴是謂第二重法復次意行慈不起憎嫉可敬可貴是謂第三重法復次若得法利之養鉢中遺餘與諸梵行之人等心施與是謂第四重法可敬可貴復次奉持禁戒无所脫失賢人之所貴是謂第五重法可敬可貴復次正見賢聖得出要得盡苦際意不錯亂與諸梵行之人等修其行是謂第六之法可敬可貴今時比丘平等厭患平等解脫平等分別其義平等盡於苦際六論六義六演我所說者正謂此耳七論七義七演由何等故而說此乎所謂七神識止處云何為七或有衆生若干想若干種身所謂天及人也或有衆生若干種身一想所謂梵迦夷天寂初出時或有衆生一想一身所謂光音天是也或有衆生一身若干想所謂遍淨天是也或有

衆生空處无量所謂空處天是也或有衆生識處无量所謂識處天是也或有衆生无所有處無量所謂不用處天是也或有衆生有想无想處无量所謂有想無想天是也是謂比丘七神止處於是比丘平等解脫乃至平等盡於苦際七義七演我所說者正謂此耳八論八義八演我所說者由何等故而說此乎所謂世間八法是隨世迴轉云何為八利衰毀譽稱譏苦樂是謂世間八法隨世迴轉若比丘於中平等解脫乃至盡於苦際八論八義八演我所說者正謂此耳九論九義九演我所說者由何故而說此乎所謂九衆生居處云何為九若有衆生若干種身所謂天及人或有人衆生若干種身一想謂梵迦夷天取初出時是也或有衆生一想一身所謂光音天是也或有衆生一身若干想所謂遍淨天也或有衆生空處无量所謂空處天是也或有衆生識處无量所謂識天也或有衆生無有處無量所謂不用處天是也或有

衆生有想无想處無量所謂有想无想天是也無想衆生及諸所生之類為九神止處於是比丘平等解脫乃至盡於苦際九論九義九演我所說者正謂此耳十論十義十演由何等說乎所謂十念念佛念法念比丘僧念戒念施念天念休息念安般念身念死是謂十念若比丘平等解脫乃至盡於苦際十論十義十演如是比丘從一至十比丘當知若外道異學聞此語者猶不能熟視顏色况欲報之其有比丘解此義者於現法中寧尊第一之人若復比丘比丘思惟此義乃至十歲必成二果若阿羅漢若阿那含比丘且捨十歲若一年之中思惟此義者必成二果終无中退比丘且捨一年其四部之衆十月若至一月思惟此義者必成二果亦不中退且捨一月若四部之衆七日之中思惟此義必成二果終不有疑尔時阿難在世尊後執扇扇佛尔時阿難白佛言世尊此法極為甚深若所在方面有此法者當知便遇如来唯然世

尊此法名何等當云何奉行佛告阿
難此經名為十法之義當念奉行今
時阿難及諸比丘聞佛所說歡喜
奉行

聞如是一時佛在舍衛國祇樹給孤
獨園今時世尊告諸比丘其有修行
十想者便盡有漏獲通作證漸至涅
脥云何為十所謂白骨想青瘀想脹
脹想食不消想血想散想有常無常
想貪食想死想一切世間不可樂想
是謂比丘修此十想者得盡有漏得
至涅脥界又是比丘十想之中一切
世間不可樂想寧為第一所以然者
其有修行不可樂想持信奉法此二
人必越次取證是故比丘若駐樹下
靜處露坐當思惟此十想是故比丘當
作是學今時諸比丘聞佛所說歡喜
奉行

聞如是一時佛在舍衛國祇樹給孤
獨園今時有一比丘至世尊所頭面
禮足在一面坐今時彼比丘白世尊
言如來今日與諸比丘說十想之法
其能修者斷諸有漏成無漏行如我

世尊不堪任行此想所以然者欲心
多故身意熾盛不得寧息今時世尊
言彼比丘汝今當捨淨想想惟不淨
想想捨有常想想惟无常想想捨有我想
思惟无我想捨可樂想想惟不可樂
想所以然者若比丘思惟淨想欲心
便熾盛若思惟不淨想便无欲心比
丘當知欲為不淨如彼屎聚欲如鵲
鴿饒諸音響欲无返復如彼毒虵欲如
幻化如日消雪當念捨欲如棄塚間
欲還自害如蛇懷毒欲无厭患如飲
鹹水欲難可滿如海吞流欲多可畏
如羅刹村欲猶怨家恒當遠離欲猶
少味如蜜塗刀欲不可愛如路白骨
欲現外形如廁生華欲為不真如彼
毒瓶內盛膿物外見殊特欲无牢固
亦如聚沫是故比丘當念遠離貪欲
之想想惟不淨之想想汝今比丘當憶
昔迦葉佛所奉行十想今當重思惟
十想有漏心便解脫今時彼比丘悲
泣墮淚不能自止即時頭面礼佛白
世尊言唯世尊愚惑積久如來躬自
說十想方欲遠離今自懺悔後更不

犯唯願如來受其重過原恕不及佛
吉比丘聽汝放過勿復更犯又如來
與汝說十想而不肯奉持是時彼比丘
聞世尊教誡已在閑靜之處剋己思
惟所以族姓子剷除鬚髮著三法衣
修无上梵行者欲昇其所願生死已
盡梵行已立所作已辦更不復受胎
如實知之今時彼比丘變成阿羅漢
今時諸比丘聞佛所說歡喜奉行
結繫聖賢居二力及十念親國王聖
十論想觀想

增壹阿含經卷第四十二

癸卯歲高麗國大藏都監奉
持彫造

增壹阿含經卷第四十三

如

東晉時高僧釋迦牟尼佛說

善惡品第四十五

聞如是一時佛在舍衛國祇樹給孤獨園。爾時世尊告諸比丘。若有衆生奉行十法。便生天上。又行十法。便生惡趣。又行十法。入涅槃界。云何修行十法。生惡趣中。於是有人。煞生盜劫。淫泆妄言。綺語惡口。兩舌鬪亂。彼此嫉妬。嗔恚興起。邪見是謂十法。其有衆生行此十法。入惡趣中。云何修行十法。得生天上。於是有人。不煞不盜。不淫不妄言。綺語惡口。不兩舌鬪亂。彼此嫉妬。嗔恚興起。邪見。若有人行此十法。者。便生天上。云何修行十法。得至涅槃。所謂十念。念佛念法。念比丘。念僧。念天。念戒。念施。念休息。念安般。念身。念死。是謂修行十法。得至涅槃。比丘當知其生天及惡趣者。當念遠離其十法。得至涅槃。者。善修奉行如是。比丘當作是學。爾時諸比丘聞佛所說歡喜奉行。

聞如是一時佛在舍衛國祇樹給孤獨園。今時世尊告諸比丘：由十惡之本外物衰耗，何況內法？云何為十？所謂煞盜淫妄言綺語、惡口、兩舌、鬪亂。彼此嫉妬、恚害、心懷邪見、由煞生報，故衆生壽命極短；由不與取，故衆生生便貧賤；由淫泆，報故衆生門不貞良；由妄語，故衆生口氣醜弊，致不鮮潔；由綺語，故致土地不平整；由兩舌，報故土地生荆棘；由惡口，報故語有若干種；由嫉妬，故以致穀不豐熟；由恚言，報故多諸穢惡之物；由邪見，報故自然生八大地獄。因此十惡，報故使諸外物衰耗。何況內物？是謂比丘當念捨離十惡之法，修行十善法。如是比丘當作是學。今時諸比丘聞佛所說歡喜奉行。

聞如是一時佛在舍衛國祇樹給孤獨園。今時波斯匿王往至世尊所，頭面禮足，在一面坐。今時波斯匿王往白世尊言：「如來審有是語，施我獲福多餘者，獲福少施我弟子，勿施餘人。設有人作是語者，豈非毀如來法乎？」

佛告王曰我无此語獨應施我勿施
餘人大王當知我恒有此語若比丘
鉢中遺餘擲著水中軟虫食之猶得
其福何況施人而不獲福乎但大王
我有是語施持戒人其福益多勝於
犯戒之人尔時波斯匿王前白佛言
唯然世尊施持戒人其福倍多於犯
戒之人者上王復白佛言尼捷子來
語我言沙門瞿曇知於幻術能迴轉
世人世尊此語為審乎為非耶佛告
王曰如是大王如向來言我有幻法
能迴轉世人王白佛言何者名為迴
轉幻法佛告王曰其然生者其罪難
量其不然者受福无量其不與取者
獲罪无量其不盜者獲福无量夫淫
泆者受罪无量其不淫者受福无量
其邪見者受罪无量其正見者獲福
無量我所解幻法者正謂此耳是時
波斯匿王白世尊言若當世間人民
魔若魔天有形之類不解此幻術者
則獲大幸自今已後不復聽外道異
學入我國界聽四部之眾恒在我宮
常當供養隨其所須佛告大王勿作

是語所以然者施畜生之類猶獲其福及施犯戒之人亦獲其福施持戒之人福亦難量施外仙道之人獲一億之福施須陀洹斯陀舍阿那舍阿羅漢辟支佛及佛其福不可量是故大王當興發意供給當來過去諸佛聲聞弟子如是大王當作是學今時波斯匿王聞佛所說歡喜奉行

聞如是一時佛在舍衛國祇樹給孤獨園今時衆多比丘食後皆集普會講堂咸共論說此義所謂論者衣裳服飾飲食之論隣國賊殺戰鬪之論飲酒淫佚五樂之論歌舞戲笑娛樂之論如此非要不可稱計今時世尊以天耳聽聞諸比丘各作是論即往至普會講堂所問諸比丘汝等集此欲何所論說是時諸比丘白世尊言我等集此共論此不要事是時佛告諸比丘曰止止比丘勿作此論所以然者此論非義亦无善法之趣不由此論得修梵行不得滅盡涅槃之慶不得沙門平等之道此皆俗論非正趣之論汝等已離俗修道不應思惟

敗行之論汝等設欲論者當論十事
功德之論云何為十若精勤比丘少
欲知足有勇猛心多聞能與人說法
無畏无恐戒律具足三昧成就智慧
成就解脫成就解脫見慧成就汝等
設欲論者當論此十事所以然者潤
及一切多所饒益得修梵行得至滅
盡无為之處涅槃之要也汝今族姓
子已出家學道應當思惟此十事此
論者正法之論去離惡趣如是比丘
當作是學今時諸比丘聞佛所說歡
喜奉行

聞如是一時佛在舍衛國祇樹給孤
獨園今時衆多比丘皆集普會講堂
各生此論今舍衛城穀米勇貴乞求
難果世尊又說依於飲食人身得存
四大依倚心所念法法依善趣之本
我等今日便當差次立人乞求使乞
求之人得見好妙色得極妙更樂得
衣裳飲食牀卧具病瘦醫藥不亦善
耶今時世尊清淨无瑕穢以天耳遙
聞諸比丘各生此論今時世尊即往
至普會講堂所在衆中坐告諸比丘

汝等集此為何論義比丘對曰我等
所論今舍衛城乞求難得欲共差次
一人次第乞食隨時得見好色妙服
及衣被飲食牀卧具病瘦醫藥我等
所論正論此耳佛告比丘若乞求比
丘四事供養衣被飲食牀卧具病瘦
醫藥復用見色聲香味細滑法乎我恒
教勅乞食求有二事可親不可親設
得衣被飲食牀卧具病瘦醫藥增益
惡法无有善法此不可親若得乞求
衣被飲食牀卧具病瘦醫藥增益善
法不增惡法此便可親汝等比丘於
此法中欲作何等之論汝等所論者
非正法論當捨此法更莫思惟不由
此得至休息滅盡涅槃之處設欲論
者當論此十法云何為十若精勤比
丘少欲知足有勇猛心多聞能與人
說法无畏無恐戒律具足三昧成就
智慧成就解脫成就解脫見慧成就
汝等設欲論者當論此十事所以然
者潤及一切多所饒益得修梵行得
至滅盡之處无為涅槃界此論者沙
門之義當念思惟勿去離心如是比

丘當作是學。今時諸比丘聞佛所說
歡喜奉行。

聞如是一時佛在舍衛國祇樹給孤
獨園。今時衆多比丘各集普會講堂
作是異論。今舍衛城乞食難得。非比
丘所安之處。我等可立一人次第乞
食。此乞比丘能辦衣被飲食牀卧具
病瘦醫藥无所乏短。今時衆中有一
比丘白諸人曰。我等不堪住在此乞
求。各共詣摩竭國於彼乞求。又且穀
米豐賤。飲食極饒。更復有比丘說曰。
我等不宜在彼國乞食。所以然者。阿
闍世王在彼治化。主行非法。又煞父
王與提婆達兜為友。以此因緣故。不
宜在彼乞求。復有比丘說曰。今此拘
留沙國土人民熾盛。饒財多寶。宜在
彼土乞求。復有比丘作是說。我等不
宜在彼土乞食。所以然者。惡生王於
彼土治化。極為兇弊。无有慈仁。人民
麤暴。好喜鬪訟。以此因緣故。不應在
彼乞食。復有比丘說曰。我等宜在拘
深婆羅捺城優填王所治之處。篤信
佛法。意不移動。我等宜在彼土乞食。

所願无違。尔時世尊以天耳聞諸比丘各生此論。即嚴整衣服。至諸比丘所在中央。坐問諸比丘曰。汝等集此欲何等論。為說何事。是時比丘白佛言。我等集此各興此論。今舍衛城穀米勇貴。乞求叵得。各當共詣摩竭國界。於彼乞求。又彼國土饒財多寶。所索易得。其中或有比丘說曰。我等不宜彼國。乞食所以然者。阿闍世王在彼。治化主行非法。又煞父王與提婆達兜為友。以此因緣。故不宜在彼。乞求其中復有比丘說曰。今拘留沙國人民熾盛。饒財多寶。宜在彼國。乞食復有比丘作是說。我等不宜在彼。乞食所以然者。惡生王於彼治化為人。兇惡無有慈仁。好喜鬪訟。以此因緣。故不宜在彼。乞食復有比丘說曰。我等宜在拘深婆羅捺城。優填王所治之處。篤信佛法。意不移動。宜在彼乞食。所願无違。在此所論。正謂此耳。尔時佛告諸比丘。汝等莫稱譏王治國家界。亦莫論王有勝劣。尔時世尊便說此偈。

夫人作善惡行本有所因彼彼獲其報終不有毀敗夫人作善惡行本有所因為善受善報惡受惡果報

是故比丘勿興斯意論國事緣不由此論得至滅盡涅槃之處亦不得沙門正行之法設欲作是論非是正業汝等應當學十事論云何為十若精勤比丘少欲知足有勇猛心多聞能與人說法无畏無恐戒律具足三昧成就智慧成就解脫成就解脫見慧成就汝設欲論者當論此十事所以然者普潤一切得修梵行得至滅盡涅槃之處汝等已出家學道離於世俗當勤思惟勿去離心如是比丘當作是學今時諸比丘聞佛所說歡喜奉行

聞如是一時佛在舍衛國祇樹給孤獨園今時衆多比丘集普會講堂各與此論今波斯匿王主行非法犯聖律教讖比丘尼得阿羅漢道十二年中間在宮內與共交通又不事佛法比丘僧无篤信之心向阿羅漢則无信心於佛法聖衆我等宜應遠離勿

止此土所以然者王行非法時王大臣亦行非法大臣以行非法左右吏位亦行非法吏佐已行非法諸庶人類亦行非法我今宜在遠國乞求不止此邦又可觀彼風俗之化已見風俗之化則見殊異之處亦時世尊以天耳聽聞諸比丘各興此論即往至諸比丘所在中央坐念時佛告諸比丘汝等集此為何論說衆多比丘白世尊言我等在此論波斯匿王主行非法犯聖律教十二年中間識比丘及在深宮內接待以色又得道之人行過三界然王亦不事佛法及衆僧無篤信之心向阿羅漢已無此心則無此心於三尊我等宜遠遊不須住此所以然者王行非法時臣佐人民亦復行惡又觀世間風化之法亦時世尊告曰汝等勿論國界之事當自剋已思惟內省校計分別言此論者不合至理亦復不令人得修梵行滅盡無爲涅槃之處當自修已熾然法行自歸寂尊若比丘能自修已興隆法樂者此人之類便為我躬自所生云何

比丘能自熾然興隆法樂无有虛妄
自歸寂尊於是比丘內自觀身身意
止自攝其心除去亂想無有憂愁外
自觀身身意止自攝其心除去亂想
無有愁憂有復內外觀身身意止內
觀痛外觀痛內外觀痛內觀心外觀
心內外觀心內觀法外觀法內外觀
法法意止自攝其心除去亂想無有愁
憂如是比丘能自熾然其行興隆法
樂自歸寂尊諸有將來現在比丘能
自熾然不失信奉便為我之所生是
故比丘若欲有所論當論於十事云
何為十所謂精勤比丘少欲知足有
勇猛心多聞能與人說法无畏無恐戒
律具足三昧成就智慧成就解脫成就
解脫見慧成就汝等設欲論者當論此
十事所以然者潤及一切多所饒益得
修梵行至滅盡之處無為涅槃界此
論者沙門之義當念思惟勿去離心
如是比丘當作是學今時諸比丘聞
佛所說歡喜奉行

聞如是一時佛在舍衛國祇樹給孤
獨園今時舍衛國城中有一長者與

羅云作坐禪屋。尔時羅云隨其口數止彼屋中。後使人問遊化時。彼長者竊生此心。我當往覲尊者。羅云。尔時長者見羅云房中寂寞。不見人住。見已語諸比丘曰。尊者羅云。今為所在。比丘報曰。羅云在人間遊化。長者報曰。唯願諸賢。差次人在吾房中住。世尊亦說。造立園果及作橋舡。近道作園。廁持用惠施。長夜獲其福。戒法成就死必生天上。以是之故。我與羅云作屋耳。今羅云不樂我房。唯願諸賢。差次人住我房中。諸比丘對曰。如長者教。尔時諸比丘即差次一比丘住房中。是時尊者羅云便作是念。我離世尊積久。今可往問訊。是時尊者羅云即往至世尊所。頭面禮足。在一面坐。須臾之間。即從座起。還詣房中。見有異比丘在屋中住。見已語彼比丘曰。誰持我房。與卿使住。比丘報曰。衆僧差次。令我住此房中。是時羅云還至世尊所。因此緣。本具白世尊。不審如來衆僧差次。我房使道人在此止住。佛告羅云。汝往至長者家。語

長者曰我所行法无有身口意行有過乎又非身三口四意三過乎長者先持房施我後復持與聖衆是時羅云受佛教已即往長者家語長者曰我非有身三口四意三過乎長者報曰我亦不見羅云身口意過也羅云語長者曰何故奪我房舍持與聖衆長者報曰我見房空是故持施聖衆時我復作是念尊者羅云必不樂我房中故持惠施耳是時羅云聞長者語已即還至世尊所以此因緣具白如來是時世尊即告阿難速打捷推諸有比丘在祇洹精舍者盡集普會講堂時阿難即受佛教召諸比丘在普會講堂今時世尊告諸比丘我今當說惠施清淨汝等善思念之今時諸比丘從佛受教世尊告曰彼云何名為惠施清淨於是比丘若有人以物惠施後復還奪更與餘人此名為施不均整非平等施若復有人奪彼人物持施聖衆若復有人還奪聖衆持用與人此非為平等之施亦非清淨之施轉輸聖王自於境界猶得自在

比丘於已衣鉢亦得自在若復彼人口不見許而取他人物與人者此非平等之施我今告諸比丘施主見與受主不見與者此非平等之施若復彼比丘會遇命終當持此一房在衆中結羯磨傳告唱令某甲比丘命終今持此房在衆分處欲安處何人隨聖衆教諸賢任使其甲比丘住者各共忍之若不聽者今便說再三亦當作是說之若衆僧一人不聽而與者則非平等之施則為雜濁之物今還與羅云房清淨受之今時諸比丘聞佛所說歡喜奉行

聞如是一時佛在羅閱城迦蘭陀竹園所與大比丘衆五百人俱時尊者大均頭在靜寂之處興此念想諸前後中央之見云何得知今時大均頭到時著衣持鉢到世尊所頭面礼足在一面坐今時均頭白世尊言今此諸見前後相應云何得滅此見又使餘者不生世尊告曰於是均頭此見所出與所滅之處皆是無常苦空均頭知之當達此意夫見之法六十二種

要當住十善之地除去此見云何為
十於是均頭他好煞生我等應當不
煞他好盜我不盜他犯梵行我行梵
行他妄語我不行妄語他行兩舌鬪
亂彼此綺語惡口嫉妬恚邪見我行
正見均頭當知如從惡道得值正道
如從邪見得至正見迴邪就正猶如
有人自己沒溺復欲渡人者終无此
理已未滅度欲使他人滅度者此事
不然如有人自不沒溺便能渡人可
有此理今亦如是自般涅槃復使他
人取滅度者可有此理是故均頭當
念離煞不煞滅度離盜不盜滅度離
淫不淫滅度離妄語不妄語滅度離
綺語不綺語滅度離麤言不麤言滅
度離鬪亂彼此不鬪亂彼此滅度離
嫉妬不嫉妬滅度離恚不恚滅度離
邪見得正見滅度均頭當知若凡夫之
人便生此念為有我耶為无我耶
有我无我耶世有常耶世無常耶世
有邊耶世无邊耶命是身耶為命異
身異耶如来死耶如来不死耶為有
死耶為无死耶為誰造此世生諸邪

見為是梵天造此世為是地主施設
此世又梵天此衆生地主造此世間
衆生本無今有已有便滅凡夫之人無
聞無見便生此念命時世尊便說
此偈

自然有梵天此是梵志語此見不真正
如彼之所見我主生蓮華梵天於中出
地主生梵天自生不相應地主剎利種
梵志之父母云何剎利子梵志還相生
尋其所生處諸天之所說此是歎譽言
還自著羈難梵天生人民地主造世間
或言餘者造此語誰者審患欲之所惑
三事共合集心不得自在自稱我世勝
天神造世間亦非梵天生設復梵天造
此非虛妄耶尋跡遂復多審諦方言虛
其行各各異此行不審實

均頭當知衆生之類所見不同其念
各異此諸見者皆是無常其有懷抱
此見則是无常變易之法若他人煞
生我等當離煞生設他盜者當遠離之
不習其行專其心意不使錯亂思惟
校計邪見所興乃至十惡之法皆當
去離不習其行若他瞋恚我等學於

忍辱他人懷嫉妬我當捨離他興憍
慢我念捨離若他自稱毀餘人我等
不自稱不毀他人他不少欲我等當
學少欲他人犯戒我修其戒他人有
懈怠我當精進他人不行三昧我行
三昧當作是學他人愚惑我行智慧
其能觀察分別其法者邪見消滅餘
者不生是時均頭受如來教已在閑
靜之處思惟校計所以族姓子出家
學道著三法衣修无上梵行生死已
盡梵行已立所造已辦更不復受有
如實知之是時均頭便成阿羅漢今
時均頭聞佛所說歡喜奉行
聞如是一時佛在舍衛國祇樹給孤
獨園今時世尊告諸比丘地獄衆生
受其罪報極至一切或有其中間天
者受畜生罪報極至一切其間有中
天者受餓鬼報極至一切其間有中
天者比丘當知鬱單曰人壽千歲无
有中天者所以然者彼土人民無所
係屬設於彼命終生善處天上无有
墮落者弗于逮人民壽五百歲亦有
中天者瞿耶尼人民壽二百五十歲

亦有中天者閭閻提人民極壽百歲
亦有中天者多正使人壽命極至十
十人民之兆以壽十十其行不同性
分各異初十幼小無所識知第二十少
多有知猶不貫了第三十欲意熾盛
貪著於色第四十多諸伎術所行无
端第五十解義明了所習不忘第六
十慳著財物意不決了第七十慇怠
意眠體性遲緩第八十无有少壯之
心亦无榮飾第九十多諸病痛皮緩
面皺第十十諸根衰耗骨節相連多
忘意錯比丘知之設人壽百歲當經
歷介許之難設人壽百歲當經三百
冬夏春秋計其壽命盡不足言若人壽
百歲當食三万六千食其間或有不
食時瞋不食不與不食病不食計彼
食與不食及飲母乳取要言之三万六
千食比丘若人壽百歲其限歲數飲
食之法其狀如是比丘當知閻浮地
人民或壽極長與无量壽等過去久
遠不可計世有王名療衆病壽命極
長顏色端正受樂无量介時无疾病
老死之患時有夫婦二人生一子子

便命終是時父母抱舉令坐又持食與然彼子不飲不食亦不起坐何以故余以命終故是時彼父母便生此念我子今日何為瞋恚不肯食飲亦不言語所以然者由彼人民不聞死亡音響之所致也余時彼父母便復念曰我子今已經七日不飲不食亦復不知何由默然我今可以此因緣往白療病大王使知是時父母往至王所以此因緣具白大王是時大王便作是念今日已聞死亡音響王告之曰汝等可持此小兒到吾所余時父母即抱小兒至國王所王見已告父母曰此兒已命終時父母白王言云何名為命終王告曰此兒更不起言對談說飲食戲樂身體正直无所復為故名為命終是時夫婦復白王言如此之變當經幾時王告之曰此兒不久身體爛壞脰脹臭處无所復任余時父母不信王語復抱死兒還至家中未經幾時身體盡壞極為臭穢是時父母方信王語云此兒不久身體脰脹盡當壞敗是時夫婦復

抱此眩暈小兒至國王所而白王言
唯然大王今持此兒奉貢大王時父
母亦不啼哭所以然者由不聞死亡
之音故是時大王剝取其皮而作大
鼓復勅作七重樓閣持此鼓安處其
上即勅一人汝當知之令守護此鼓
百歲一擊无令失時受王教誡百歲
一擊時諸人民聞此鼓音恠未曾有
語諸人曰何者音響為是誰聲乃徵
於斯王告之曰此是死人皮之響眾
生聞已各異念曰奇哉乃聞此聲汝
等比丘今時王者豈異人乎莫作是
觀所以然者今時王者即我身是也
以此知之昔日閻浮地壽命極長如
今閻浮地人民極為短命滅者難限
所以然者由煞害多故致命極短華
色失乎由此因緣故致變恠比丘當
知閻浮地五十歲四天王中一日一
夜計彼日夜之數三十日為一月十
二月為一歲四天王壽命五百歲或
復有中夭者計人中之壽十八億歲
還活地獄一日一夜計彼一日一夜
之數三十日為一月十二月為一歲

還活地獄極壽千歲復有中天者計
人中之壽三十六億歲計人中百歲
三十三天一日一夜計彼日月年歲
之數三十三天壽千歲其間或有中
天者計人中之壽三十六億歲阿鼻
地獄中一日一夜復計彼日月之數
三十日為一月十二月為一歲計彼
日夜之數壽二万歲計人中之壽壽
一拘利如是比丘計此之壽轉轉增
倍除無想天無想天壽八万四千劫
除淨居天不來此世是故比丘勿懷
放逸於現身上得盡有漏如是比丘
當作是學尔時諸比丘聞佛所說
歡喜奉行

增壹阿含經卷第四十三

癸卯歲高麗國大藏都監奉
勅彫造

增壹阿含經卷第四

如

十不善品第四十六

東晉劉宋三藏法師鳩摩提譯

聞如是一時佛在舍衛國祇樹給孤獨園。爾時世尊告諸比丘。其有衆生修行煞生。廣布煞生。種地獄罪。餓鬼畜生。行若生人中。壽命極短。所以然者。由害他命。若有衆生盜他物者。種三惡道之罪。若生人中。恒遭貧匱。食不充口。衣不蓋形。皆由盜故。劫奪物者。即斷他命根。若有衆生好喜貪洩。種三惡道。若生人中。門不閉。良竊盜淫佚。若有衆生妄語者。種地獄罪。若生人中。為人所輕。言不信。受為人所賤。所以然者。皆由前世妄語所致。若有衆生兩舌者。種三惡道之罪。設生人中心。恒不定。常懷愁憂。所以然者。由彼人兩頭傳虛言。故若有衆生。虛言者。種三惡道之罪。若生人中。為人醜弊。常喜罵呼。所以然者。由彼人言不專正之所致也。若有衆生。鬪亂彼此。種三惡道之罪。設生人中。多諸忿憎。

親親離散所以然者皆由前世鬪亂之所致也若有衆生嫉妬者種三惡道若生人中乏諸衣裳所以然者由彼人起貪嫉故若有衆生起害意種三惡道設生人中恒多虛妄不解至理心亂不定所以然者皆由前世恚怒所致也无有慈仁若有衆生行邪見者種三惡道若生人中乃在邊地不生中國不覩三尊道法之義或復聾盲瘡痂身形不正不解善法惡法之趣所以然者皆由前世無信根故亦不信沙門婆羅門父母兄弟比丘知之由此十惡之報致此殃墮是故比丘當離十惡修行正見如是比丘當作是學今時諸比丘聞佛所說歡喜奉行

聞如是一時佛在舍衛國祇樹給孤獨園今時世尊十五日說戒時將諸比丘前後圍遶往詣普會講堂今時世尊默然觀察諸聖衆寂實不語是時阿難白佛言今日聖衆盡集講堂唯然世尊當興諸比丘說禁戒今時世尊亦復默然不語是時阿難須臾

復白佛言今正是時宜說禁戒初夜
欲盡尔時世尊復默不語尔時阿難
須臾復白佛言中夜欲竟衆僧勞頓
唯願世尊以時說戒尔時世尊復默
然不語是時阿難須臾復白佛言後
夜欲盡唯願世尊以時說戒佛告阿
難衆中不淨者故不說戒今聽上座
使說禁戒若僧上座不堪任說戒者
聽持律說禁戒若无持律者其能誦戒
通利者當唱之使說戒自今已後如
來更不說戒衆中不淨如來於中說
戒彼人頭破為七分如彼酬羅果老
異是時阿難悲泣交集並作是說聖
衆今日便為孤窮如來正法去何速
疾不淨之人出何速疾是時大目犍
連便作是念此衆中何等毀法之人
在此衆中乃令如來不說禁戒是時
大目犍連入二昧定遍觀聖衆心中
瑕穢尔時目連見馬師滿宿二比丘
在衆會中是時目連即從座起至彼
比丘所而告之曰汝等速起離此座
中如來見譏由卿等故如來不說禁
戒尔時二比丘默然不語是時目連

復再三告曰汝等速起不須住此是時彼比丘默然不對是時目連即前捉手將至門外還取門閉前白佛言不淨比丘已將在外唯然世尊時說禁戒佛告目連止止目連如來更不與比丘說戒如來所說言不有二還詣座所是時目連復白佛言今此衆中已生瑕穢我不堪任行維那法唯願世尊更差餘人尔時世尊默然可之是時目連頭面礼世尊足還就本座是時阿難白世尊言毗婆尸如來出現世時聖衆多少為經幾時乃生瑕穢乃至迦葉弟子多少云何說戒佛告阿難九十一劫有佛出世名毗婆尸如來至真等正覺出現世間尔時三會聖衆初一會時比丘有百千六万八千聖衆第二會時十六万聖衆第三會時十万聖衆皆是阿羅漢彼佛壽八万四千歲百歲之中聖衆清淨彼佛恒以一偈為禁戒忍辱為第一佛說无為取不以剃鬚髮害他為沙門

是時彼佛以此一偈百歲之中而為

禁戒已生瑕穢便立禁戒復於三十
一劫中有佛名試詰如來至真等正
覺出現於世尔時亦復三會聖衆初
一會時有十六萬聖衆第二會時十
四萬聖衆第三會時十萬聖衆彼佛
尔時八十年中清淨无瑕穢亦說
一偈

若眼見非邪慧者護不著棄捐於衆惡
在世為黠慧

尔時彼佛八十年中說此一偈後有
瑕穢更立禁戒尔時試詰佛壽七萬
歲於彼劫中復有佛出現世間名曰
毗舍羅婆亦三會聖衆初會之時十
萬聖衆盡是羅漢第二會時八萬羅
漢第三會時七萬羅漢諸漏已盡毗
舍羅婆如來七十年中无瑕穢尔時
復以一偈半為禁戒

不害亦不非奉行於大戒於食知止足
牀座亦復然執志為專一是則諸佛教
七十年中以此一偈為禁戒後有
瑕穢更立禁戒毗舍羅婆如來壽
七萬歲於此賢劫中有佛出世名
曰拘樓孫如來出現世間尔時二

會聖衆初會之時七万聖衆皆是阿
羅漢第二會時六万阿羅漢彼佛
時六十年中無有瑕穢彼佛
時以二偈以為禁戒

譬如蜂採華其蜜甚香繫以味惠施他
道士遊聚落不誹謗於人亦不觀是非
但自觀身行諦觀正不正

六十年中說此二偈以為禁戒自
此已來以有瑕穢便立禁戒彼佛
壽六万歲於此賢劫中有佛出世名
曰拘那含牟尼如來至真等正覺
時二會聖衆初會之時六十万聖衆
皆是阿羅漢第二會時四十万聖衆
皆是阿羅漢
時彼佛四十年中无
有瑕穢以一偈為禁戒

執志莫輕戲當學尊寂道賢者无愁憂
常滅志所念

四十年中說此一偈以為禁戒自此已
來便有瑕穢更立禁戒彼佛壽四万歲
於此賢劫有佛名為迦葉出現世間
余時彼佛亦二會聖衆初會之時四
十万衆第二會時三十万衆皆是阿
羅漢二十年中无有瑕穢恒以一偈

以為禁戒

一切惡莫作 當奉行其善自淨其志意
是則諸佛教

二十年中說此一偈以為禁戒犯
禁之後更立制限今時迦葉佛壽
二万歲我今如來出現於世一會聖
衆千二百五十人十二年中無有瑕
穢亦以一偈為禁戒

護口意清淨身行亦清淨淨此三行跡
修行仙人道

十二年中說此一偈以為禁戒以
生犯律之人轉有二百五十戒自
今已後衆僧集會啓白如律諸賢咸
聽今十五日說戒今僧忍者衆僧和
合說禁戒以啓此已設有比丘有所
說者不應說戒各共默然若无語者
應為說戒乃至說戒序後復當問諸
賢誰不清淨如是再三誰不清淨清
淨者默然持之然今人壽命極短盡
壽不過百年是故阿難善受持之今
時阿難白世尊言過去久遠諸佛世
尊壽命極長犯律者少无有瑕穢然
今人民壽命為短少不過十十過去諸

佛滅度之後有遺法住世為經幾時
佛告阿難過去諸佛滅度之後法不
久存阿難白佛言設如來滅度之後
正法存世當經幾時佛告阿難曰我
滅度之後法當久存迦葉佛滅度後
遺法住七日中汝今阿難如來弟子
為少莫作是觀東方弟子無數億千
南方弟子無數億千是故阿難當建
此意我釋迦文佛壽命極長所以然
者肉身雖取滅度法身存在此是其
義當念奉行今時阿難及諸比丘聞
佛所說歡喜奉行

聞如是一時佛在舍衛國祇樹給孤
獨園與大比丘眾五百人俱今時阿
難偏露右肩右膝著地白世尊言如
來玄鑒無事不察當來過去現在三
世皆志明了諸過去諸佛姓字名号
弟子菩薩翼從多少皆悉知之一切
百劫若无數劫志觀察知亦復知國王
大目人民姓字斯能分別如今現在
國界若干亦復明了將來久遠弥勒
出現至真等正覺欲聞其變弟子翼
從佛境豐樂為經幾時佛告阿難汝

還就座聽我所說弥勒出現國土豐樂弟子多少善思念之執在心懷是時阿難從佛受教即還就座今時世尊告阿難曰將來久遠於此國界當有城郭名曰雞頭東西十二由旬南北七由旬土地豐熟人民熾盛街巷成行今時城中有龍王名曰水光夜雨澤香晝則清和是時雞頭城中有羅刹鬼名曰葉華所行順法不違正教伺人民寢寐之後除去穢惡諸不淨者又以香汁而灑其地極為香淨阿難當知今時閻浮地東西南北十萬由旬諸山河石壁皆自消滅四大海水各據一方時閻浮地極為平整如鏡清明舉閻浮地內穀食豐賤人民熾盛多諸珍寶諸村落相近雞鳴相接是時弊花果樹枯竭穢惡亦自消滅其餘甘美果樹香氣殊好者皆生乎地今時時氣和適四時順節人身之中无有百八之患貪欲瞋恚愚癡不大殷勤人心平均皆同一意相見歡悅善言相向言辭一類无有差別如彼鬱單曰人而無有異是時閻

淨地內人民大小皆同一嚮无若干之差別也彼時男女之類意欲大小便地自然開事訖之後地復還合尔時閻淨地內自然生粳米亦无皮裹極為香美食無患苦所謂金銀珍寶車渠瑪瑙真珠虎珀各散在地无人省錄是時人民手執此寶自相謂言昔者之人由此寶故各相傷害繫閉牢獄更无数苦惱如今此寶與瓦石同亦無人守護尔時法王出現名曰鑲佉正法治化七寶成就所謂七寶者輪寶為寶馬寶珠寶寶玉女寶曲兵寶守藏之寶是謂七寶領此閻淨地內不以刁杖自然靡伏如今阿難四珎之藏軋陀越國伊羅鉢寶藏多諸珎琦異物不可稱計第二弥梯羅國般網大藏亦多珎寶第三須賴吒大國有寶藏亦多珎寶第四婆羅標鑊佉有大藏多諸珎寶不可稱計此四大藏自然應現諸守藏人各来自王唯願大王以此寶藏之物惠施貧窮尔時鑲佉大王得此寶已亦復不省錄之意无財物之想時閻淨地內自

然樹上生衣極細柔軟人取著之如
今鬱單曰人自然樹上生衣而无有
異尔時彼王有大臣名曰修梵摩是
王少小同好王甚愛敬又且顏貌端
正不長不短不肥不瘦不白不黑不
老不少是時修梵摩有妻名曰梵摩
越玉女中取極為殊妙如天帝妃口
作優鉢蓮花香身作栴檀香諸婦人
八十四態永无復有亦无疾病乱想
之念尔時弥勒菩薩於兜率天觀察
父母不老不少便降神下應從右脅
生如我今日右脅生无異弥勒菩薩
亦復如是兜率諸天各各唱令弥勒
菩薩已降神下是時修梵摩即與子
立字名曰弥勒有三十二相八十種
好莊嚴其身身黃金色尔時人壽極
長无有諸患皆壽八万四千歲女人
年五百歲然後出適尔時弥勒在家
未經幾時便當出家學道尔時去雞
頭城不遠有道樹名曰龍華高一由
旬廣五百步時弥勒菩薩坐彼樹下
成无上道尔時當其夜半弥勒出家即
其父成无上道時三千大千世界六

變震動地神各各相告曰今弥勒已成佛轉至閻四天王宮弥勒已成佛道轉轉聞徹三十三天焰天兜率天化自在天他化自在天聲展轉乃至梵天弥勒已成佛道今時魔王大將以法治化聞如來名教音響之聲歡喜踊躍不能自勝七日七夜不眠不寐是時魔王將欲界無數天人至弥勒佛所恭敬禮拜弥勒聖尊與諸天漸漸說法微妙之論所謂論者施論戒論生天之論欲不淨想出要為妙今時弥勒見諸人民已發心歡喜諸佛世尊常所說法苦習盡道悉與諸天人廣分別其義今時座上八万四千天子諸塵垢盡得法眼淨今時大將魔王告彼界人民之類曰汝等速出家所以然者弥勒今日已度彼岸亦當度汝等使至彼岸今時雞頭城中長者名曰善財聞魔王教今又聞佛音響將八万四千衆至弥勒佛前頭面礼足在一面坐今時弥勒漸與說法微妙之論所謂論者施論戒論生天之論欲不淨想出要為妙今時

彌勒見諸人民心開意解如諸佛世尊常所說法苦習盡道與諸人民廣分別義。爾時座上八万四千人諸塵垢盡得法眼淨。是時善財與八万四千人等即前白佛求索出家善修梵行。盡成阿羅漢。道。爾時彌勒初會八万四千阿羅漢。是時鑲佉王聞彌勒已成佛道。便往至佛所欲得聞法。時彌勒與說法。初善中善。竟善。義理深遠。爾時大王復於異時立太子。賜剃頭師珍寶。復以雜寶與諸梵志。將八万四千衆生往至佛所。求作沙門。盡成道果。得阿羅漢。是時修梵摩大長者聞彌勒已成佛道。將八万四千梵志之衆往至佛所。求作沙門。得阿羅漢。唯修梵摩一人斷三結。使必盡苦際。是時佛母梵摩越復將八万四千姝女之衆往至佛所。求作沙門。是時諸女人盡得羅漢。唯有梵摩越一人斷三結。使成須陀洹。爾時諸刹利婦聞彌勒如來出現世間。咸等正覺。數千万衆往至佛所。頭面禮足。在一面坐。各各生心求作沙門。出家學道。

或有越次取證或有不取證者今時
阿難其不越次取證者盡是奉法之
人惡厭一切世間不可樂想今時彌
勒當說三乘之教如我今日弟子之
中大迦葉者行十二頭陀過去諸佛
所善修梵行此人常佐弥勒勸化人
民今時迦葉去如來不遠結加趺坐
正身正意繫念在前今時世尊告迦
葉曰吾今年已衰耗年向八十餘然
今如來有四大聲聞堪任遊化智慧
无盡衆德具足云何為四所謂大迦
葉比丘君屠鉞漢比丘賓頭盧比丘
羅云比丘汝等四大聲聞要不般涅
槃須吾法沒盡然後乃當般涅槃大
迦葉亦不應般涅槃要須弥勒出現
世間所以然者弥勒所化弟子盡是
釋迦文佛弟子由我遺化得盡有漏
摩竭國界毗提村中大迦葉於彼山
中住又弥勒如來將無數千人衆前
後圍遶往至此山中遂蒙佛恩諸
鬼神當與開門使得見迦葉禪窟是
時弥勒伸右手指示迦葉告諸人民
過去久遠釋迦文佛弟子名曰迦葉

今日現在頭陀苦行寂為第一是時諸人民見已歎未曾有無數百千衆生諸塵垢盡得法眼淨或復有衆生見迦葉身已此名為取初之會九十六億人皆得阿羅漢斯等之人皆是。我弟子所以然者悉由受我教訓之所致也亦由四事因緣惠施仁愛利人等利今時阿難弥勒如來當取迦葉僧伽梨著之是時迦葉身體奄然星散是時弥勒復取種種香華供養迦葉所以然者諸佛世尊有恭敬心於正法故弥勒亦由我所受正法化得成无上正真之道阿難當知弥勒佛第二會時有九十四億人皆是啊羅漢亦復是我遺教弟子行四事供養之所致也又弥勒第三之會九十二億人皆是阿羅漢亦復是我遺教弟子今時比丘姓号皆名慈氏弟子如我今日諸聲聞皆稱釋迦弟子今時弥勒與諸弟子說法汝等比丘當思惟无常之想樂有苦想計我无我想實有空想色變之想青瘀之想腹脹之想食不消想血想一切世間不

可樂想所以然者比丘當知此十想者皆是過去釋迦文佛與汝等說今得盡有漏心得解脫者復此衆中釋迦文佛弟子過去時修於梵行來至我所或於釋迦文佛所奉持其法來至我所或復於釋迦文佛所供養三寶來至我所或於釋迦文佛所彈拍之項修於善本來至此間或於釋迦文佛所行四等心來至此者或於釋迦文佛所受持五戒三自歸來至我所或於釋迦文佛所起神寺廟來至我所或於釋迦文佛所補治故寺來至我所或於釋迦文佛所受八關齋法來至我所或於釋迦文佛所香花供養來至此者或復於彼聞佛法悲泣墮淚來至我所或復於釋迦文佛專意聽法來至我所復盡形壽善修梵行來至我所或復書讀誦誦來至我所者承事供養來至我所者是時彌勒便說此偈

增益戒聞德禪及思惟業善修於梵行而來至我所勸施發歡心修行心原本意无若干想皆來至我所或發平等心

承事於諸佛 飯食於聖衆 皆來至我所
或誦戒契經 善習與人說 熾然於法本
今來至我所 釋種善能化 供養諸舍利
承事法供養 今來至我所 若有書寫經
頒宣於素上 其有供養經 皆來至我所
繒絲及衆物 供養於神寺 自稱南无佛
皆來至我所 供養於現在 諸佛過去者
禪定正平等 亦无有增減 是故於佛法
承事於聖衆 專心事三寶 必至无為處
阿難當知 弥勒如來在彼衆中 當說
此偈

今時衆中 諸天人民 思惟此十想十
一妖人 諸塵垢盡 得法眼淨 弥勒如
來千歲之中 衆僧无有瑕穢 今時恒
以一偈 以為禁戒

口意不行惡 身亦无所犯 當除此三行
速脫生死樹

過千歲之後 當有犯戒之人 遂復立
戒 弥勒如來 當壽八万四千歲 般涅
槃後 遺法當存八万四千歲 所以然
者 今時衆生 皆是利根 其有善男子
善女人 欲得見 弥勒佛及三會聲聞衆
及雞頭城 及見 瓊佉王并四大藏珍

實者欲食自然粳米并著自然衣裳
身壞命終生天上者彼善男子善女
人當勤加精進无生懈怠亦當供養
諸法師承事名華搗香種種供養无
令有失如是阿難當作是學今時阿
難及諸大會聞佛所說歡喜奉行

增壹阿含經卷第四十四

癸卯歲高麗國大藏都監奉
勅彫造

增壹阿含經卷第四十五

如

不善品第四十六人前品中

東晉高僧慧遠居士等撰 僧伽提婆譯

聞如是一時佛在舍衛國祇樹給孤獨園。爾時衆多比丘集普會講堂。各生此念。今如來甚奇甚特。過去取般涅槃者。亦復知彼姓名。種族持戒。智慧身壽。有長短。皆悉知之。云何諸賢。為是如來。分別法處。極為清淨。知彼諸佛姓字所出之處乎。為是諸天來至佛所。而告此耶。爾時世尊以天耳徹聞衆多比丘各興此論。便往至諸比丘所。在中央坐。爾時世尊告諸比丘。汝等集此為何等論。欲說何法。諸比丘白佛言。我等集此論。正法之要。諸人各興此論議。如來甚奇甚特。乃能知過去諸佛世尊名字姓。智慧多少。靡不貫博。甚可奇雅。云何諸賢。為是如來。分別法界。極為清淨。知彼諸佛姓字所出之處乎。為是諸天來至佛所。而告此耶。爾時世尊告諸比

丘汝等欲得聞過去諸佛神智之力
乎姓字名号壽命長短耶諸比丘對
曰今正是時唯願世尊敷演其義佛
告諸比丘汝等善思念之吾當與汝
廣演其義今時衆多比丘從佛受教
世尊告曰比丘當知過去九十一劫有
佛出世号毗婆尸如來至真等正覺
復次三十一劫有佛出世名式詰如
來至真等正覺復於彼三十一劫內
有佛名毗舍羅婆如來出世於此賢
劫中有佛出世名拘婁孫如來復於
賢劫中有佛出世名拘鄰含牟尼如
來至真等正覺復於賢劫中有佛出
世名曰迦葉復於賢劫中我出現世
釋迦文如來至真等正覺今時世尊
便說此偈

九十一劫中有佛毗婆尸三十一劫中
式詰如來出復於彼劫中毗舍如來現
今日賢劫中四佛復出世拘孫鄰迦葉
如日照世間欲知名字者其号悉如是
毗婆尸如來者出刹利種式詰如來
亦出刹利種毗舍羅婆如來亦出刹
利種拘婁孫如來出婆羅門種拘鄰

舍牟尼如來出婆羅門種迦葉如來
出婆羅門種如我今出剎剎種今時
世尊便說此偈

前佛有現者皆出剎剎種拘孫至迦葉
出於婆羅門寂尊无能及我今天人師
諸根而淡泊出於剎剎姓
毗婆尸如來姓瞿曇式詰如來亦出
瞿曇比舍羅婆亦出瞿曇迦葉如來
出迦葉姓拘樓孫拘鄰舍牟尼亦出
迦葉姓同上而无異我今如來姓瞿
曇今時世尊便說此偈

如初諸三佛出於瞿曇種後三至迦葉
出於迦葉姓如我今現在天人所奉敬
諸根而淡泊出於瞿曇姓
比丘當知毗婆尸如來姓拘隣若式
詰如來亦出拘隣若毗舍羅婆如來亦
出拘隣若拘樓孫如來出婆羅墮拘
鄰舍牟尼如來亦出婆羅墮迦葉如來
亦出婆羅墮如我今如來至真等正覺
出於拘隣若今時世尊便說此偈
如初諸三佛出於拘隣若後三至迦葉
出於婆羅墮如我今現在天人所奉敬
諸根而淡泊出於拘隣若

毗婆尸如來坐波羅利華樹下而成
佛道式詰如來坐分陀利樹下而成佛
道毗舍羅婆如來坐波羅樹下而成佛
道拘婁孫如來坐尸利沙樹下而成
佛道拘那含牟尼如來坐優頭跋羅
樹下而成佛道迦葉如來坐尸拘留
樹下而成道果如我今日如來坐吉
祥樹下而成佛道今時世尊便說
此偈

初一成佛道波羅利樹下式坐分陀利
毗舍坐波羅拘孫坐尸利拘那跋羅下
迦葉拘留樹吉祥我成道七佛天中天
照明於世間因緣坐諸樹各成其道果
毗婆尸如來弟子有十六萬八千之
衆式詰如來弟子之衆有十六萬毗
舍羅婆如來弟子之衆十萬拘婁孫
如來弟子之衆有八萬人拘那含牟
尼如來弟子之衆有七萬人迦葉如
來弟子之衆有六萬衆如我今日弟
子之衆有千二百五十人皆是阿羅
漢諸漏永盡無復諸縛今時世尊便
說此偈

百千六萬八毗婆尸弟子百千及六萬

式詰弟子衆百千比丘衆

毗舍婆弟子

拘孫八万衆拘那含七万

迦葉六万衆

皆是阿羅漢我今釋迦文

千二百五十

皆是真人行布現於法教

遺法餘弟子

其數不可計

毗婆尸如來侍者名曰大導師式詰

如來侍者名曰善覺毗舍羅婆如來

侍者名曰勝衆拘婁孫如來侍者名

曰吉祥拘那含牟尼如來侍者名曰

毗羅先迦葉如來侍者名曰導師我

今侍者名曰阿難今時世尊便說

此偈

大道及善覺勝衆與吉祥毗羅先導師

阿難第七侍此人供養聖无有不得時

諷誦又受持不失其義理

毗婆尸如來壽八万四千歲式詰如

來壽七万歲毗舍羅婆如來壽六万

歲拘婁孫如來壽五万歲拘那含如

來壽四万歲迦葉如來壽二万歲如

我今日壽極減少極壽不過百歲今

時世尊便說斯偈

初佛八万四次佛七万歲毗舍婆六万

拘婁壽五万一万二万年是拘那含壽

迦葉壽二万唯我壽百年

如是諸比丘如來觀知諸佛姓名号
字皆悉分明種類出處靡不貫練持
戒智慧禪定解脫皆悉了知今時阿
難白世尊言如來亦說過去恒沙諸
佛取滅度者如來亦知當來恒沙諸
佛方當來者如來亦知如來何故不
記今許佛所造今但說七佛本末佛
告阿難皆有因緣本末故如來說七
佛之本末過去恒沙諸佛亦說七佛
本末將來弥勒出現世時亦當記七
佛之本末若師子應如來出時亦當
記七佛之本末若承柔順佛出世時
亦當記七佛之本末若光焰佛出現世
時亦當記七佛之名号若無垢佛出
現世時亦當記迦葉之本末若寶光
佛出現世時亦當記釋迦文之本末
今時世尊便說此偈

師子柔順光无垢及寶光 弥勒之次第
皆當成佛道 弥勒記忒佛 師子記毗舍
柔順記拘孫 光焰記牟尼 无垢記迦葉
皆說曩所緣 寶光成三佛 亦當記我号
過去諸三佛 及以將來者 皆當記七佛

由此因緣故如來記七佛名号耳余
時阿難白世尊言此經名何等當云
何奉行佛告阿難此經名曰記佛名
号當念奉行今時阿難及諸比丘聞
佛所說歡喜奉行

聞如是一時佛在羅閱城迦蘭陀竹
園時是時師子長者往至舍利弗所
頭面礼足在一面坐今時師子長者
白舍利弗言唯願尊者當受我請是
時舍利弗默然受請是時長者見尊
者默然受請便從坐起礼足而還復
至大目犍連離越大迦葉阿鄒律迦
旃延滿願子優婆離須菩提羅云均
頭沙弥如此上三首者請五百人是時
師子長者即還辦具種種極妙飲食
敷好坐具又白時到諸真人羅漢摩
訶不監今食具已辦唯願屈顧臨覆
下舍今時諸大聲聞各著三衣持鉢
入城至長者家時長者見諸最尊坐
已定手自斟酌行種種飲食見諸聖
衆食已訖行清淨水人施一白氎前
受呪願是時尊者舍利弗與長者說

極妙之法便從坐起而去還詣靜室

尔時羅云至世尊所頭面礼足在一
面坐尔時世尊問曰汝今為從何來
羅云報云師子長者今日來見請佛
告之曰云何羅云飲食為妙為不妙
為細耶為麤耶羅云報曰飲食極妙
又且豐多今此白甕從彼得之佛告
羅云衆僧斯有幾人上坐是誰羅云
白佛言和上舍利弗寧為上首及諸
神德弟子有五百人佛告羅云云何
羅云彼長者獲福為多乎羅云白佛
言唯然世尊彼長者得福之報不可
稱計施一羅漢其福難限何況大神
妙天人所敬奉今五百人均是真入
其福有何可量佛告羅云今施五百
羅漢之功德若從衆中僧次請一沙門
請已供養計此衆中善人之福及與五
百羅漢之福百倍千倍巨億万倍不
可以譬喻為比所以然者衆中善其
福難限獲甘露滅盡之慶羅云當知
猶如有人自擔說曰吾要當飲此江
河諸水彼人為堪任不乎羅云白佛
言不也世尊所以然者此閻浮地極

為廣大此閻浮地有四大河一者恒
伽二者新頭三者私陀四者博叉一一
河者從有五百然此人終不能飲水使
盡但勞其功事終不成也彼人復作是
說我自有方便因緣可得飲諸水使盡
云何有因緣得飲諸水余時彼人便作
是念我當飲海水所以然者一切諸流
皆歸投乎海云何羅去彼人能得飲
諸水乎羅去白佛言如此方便可得
飲水使盡所以然者一切諸流皆歸
乎海由此因緣故彼人得飲水盡佛
告之曰如是羅去一切私施猶如彼
流或獲福或不獲福眾僧者如彼大
海所以然者流河決水以入于海便
滅本名但有大海之名耳羅去此亦
如是今此十人皆從眾中出非眾不
成云何為十所謂向須陀洹得須陀
洹向斯陀含得斯陀含向阿那含得
阿那含向阿羅漢得阿羅漢辟支佛
佛是謂十人皆由眾中非獨自立羅
去當以此方便知其眾中差者其福
不可限量是故羅去善男子善女人
欲求其福不可稱計當供養聖眾羅

云當知猶如有人以酥投水凝不得
廣普若以油投水則遍滿其上是故
羅云當念供養聖衆比丘僧如是羅
云當作是學尔時師子長者聞如來
歎說施衆之福不歎說餘福尔時長
者以餘時往至世尊所頭面礼足在
一面坐尔時師子長者白世尊言適
聞如來而歎說施衆之福不歎別請
人之福自今已後常當供養聖衆佛
告之曰我不作尔說當供養聖衆不
供養餘人今施畜生猶獲其福何況
餘人但我所說者福有多少所以然
者如來聖衆可敬可貴是世間无上
福田今此衆中有四向四得及聲聞
垂辟支佛乘佛乘其有善男子善女
人欲得三乘之道者當從衆中求之
所以然者三乘之道皆出乎衆長者
我觀此因緣義故而說此語耳亦不
教人應施聖衆不應施餘人尔時長
者白世尊言如是如尊教勅自今
已後若作福業盡當供養聖衆不選
擇人施尔時世尊與彼長者說微妙
之法令發歡悅之心長者聞法已即

從座起頭面礼足便退而去尔時師
子長者意欲施立福業

尔時諸天來告之曰此是向須陀洹
之人此是得須陀洹施此得福多施
此得福少尔時天人即歎頌曰

如來歎擇施與此諸德士施此獲福多
如良田生苗

尔時師子長者默然不對尔時天人
復語長者此是持戒人此是犯戒人
此向須陀洹人此是得須陀洹人此
向斯陀含人此是得斯陀含人此向
阿那含此得阿那含此向阿羅漢此
得阿羅漢此是聲聞乘此是辟支佛
乘此是佛乘施此得福少施此得福
多尔時師子長者默然不對何以故
尔但憶如來教誠不選擇而施尔時
師子長者復以餘時至世尊所頭面
礼足在一面坐我自憶念請聖衆飯
之有天來告我言此是持戒此是犯
戒此人向須陀洹此人得須陀洹乃
至三乘皆悉分別又說此偈
如來歎擇施與此諸德士施此獲福多
如良田生苗

時我復作是念如來教誡不可違戾
豈當生心選擇施乎終無是非之心
高下之意也時我復作是念我當盡
施一切衆生之類汝自持戒受福无
窮若使犯戒自受其殃但愍衆生非
食不濟命佛告長者善哉善哉長者
行過引捨菩薩所施心恒平等長者
當知若菩薩惠施之口諸天來告之
族姓子當知此是持戒人此是犯戒
人施此得福多施此得福少今時菩
薩終無此心此應施此不應施然菩
薩執意而无是非亦不言此持戒亦
不言此犯戒是故長者當念平等惠
施長夜之中獲福无量是時師子長
者憶如來教誡熟視世尊意不移動
即於座上得法眼淨是時師子長者
即從座起頭面礼足便退而去今時
長者去未久佛告諸比丘曰此師子
長者憶平等施故又覩如來從頭至
足即於座上得法眼淨今時世尊告
諸比丘我優婆塞中第一弟子平等
施者所謂師子長者是今時諸比丘
聞佛所說歡喜奉行

聞如是一時佛在羅閱城迦蘭陀竹園所與大比丘衆五百人俱。今時尊者舍利弗在耆闍崛山中昇猥之處補納故衣。今時有十千梵迦夷天從梵天沒來至舍利弗所頭而礼足。各圍繞侍焉。又以此偈而歎頌曰

歸命人中上 歸命人中尊 我等今不得為依何等禪

是時十千梵迦夷天說此語已。舍利弗默然可之。今時諸天以見舍利弗默然可已。即礼足退去。諸天去未遠。舍利弗即入金剛三昧。是時有二鬼一名伽羅二名優婆伽羅。毗沙門天王使遣至毗留勒天王所欲論人。天之事。是時二鬼從彼虛空而過。遙見舍利弗結加趺坐。繫念在前。意寂然定。伽羅鬼謂彼鬼言。我今堪任以拳打此沙門頭。優婆伽羅鬼語第二鬼曰。汝勿興此意。打沙門頭。所以然者。此沙門極有神德。有大威力。此尊名舍利弗。世尊弟子中聰明高才。無復過是智慧。弟子中最為第一。備於長夜受苦。無量。是時彼鬼再三曰。我

能堪任打此沙門頭優波伽羅鬼報
曰汝今不隨我語者汝便住此吾欲
捨汝去此惡鬼曰汝畏此沙門乎優
波伽羅鬼曰我實畏之設汝以手打
此沙門者此地當分為二分正今當
暴風疾雨地亦振動諸天驚動地已
振動四天王亦當驚怖四天王已知
於我等不安其所是時惡鬼曰我今
堪任辱此沙門善鬼聞已便捨而去
時彼惡鬼即以手打舍利弗頭是時
天地大動四面有暴風疾雨尋時來
至地即分為二分此惡鬼即以全身
墮地獄中今時尊者舍利弗即從三
昧起整衣服下耆闍崛山往詣竹園
至世尊所頭面禮足在一面坐今時
佛告舍利弗曰汝今身體无有疾病
乎舍利弗言體素无患唯苦頭痛世
尊告曰伽羅鬼以手打汝頭若當彼
鬼以手打須弥山者即時須弥山便
為二分所以然者彼鬼有大力故今
此鬼受其罪報故全身入阿鼻地獄
中今時世尊告諸比丘甚奇甚特金
剛三昧力乃至於斯由此三昧力故

無所傷害正使湏弥山打其頭者終不能動其毫毛所以然者比丘聽之於此賢劫中有佛名拘婁孫如來至真等正覺彼佛有三大聲聞一名等壽二名大智比丘等壽神足第一比丘大智智慧第一如我今日舍利弗智慧第一目軋連神足第一今時等壽大智二比丘俱得金剛三昧當於一時等壽比丘在閑靜之處入金剛三昧時諸牧牛人牧羊人取薪草人見此比丘坐禪各各自相謂言此沙門今日以取無常是時牧牛人及取薪人集諸草木積比丘身上以火燒已而捨之去是時等壽比丘即從三昧起正衣服便退而去是時比丘即以其日著衣持鉢入村乞食時諸取薪草人見此比丘村中乞食各各自相謂言此比丘昨日以取命終我等以火焚燒今日復還活今當立字字曰還活若有比丘得金剛三昧者火所不燒刀所不入水所不漂不為他所中傷如是比丘金剛三昧威德如是今舍利弗得此三昧舍利弗比丘多遊二處空三昧金剛三昧是故諸比

丘當求方便行金剛三昧如是比丘當作是學

尔時世尊告諸比丘我當教汝如舍利弗比丘比丘智慧大智分別廣智無邊智捷疾之智普遊智利智甚深智斷智少欲知足閑靜勇猛念不散戒成就三昧成就智慧解脫見慧成就柔和无爭去惡辯了忍諸言語歎說離惡常念去離慙念生萌然熾正法與人說法无有厭足尔時世尊便說此偈

十千諸天人盡是梵迦夷自歸舍利弗於靈鷲山頂歸命人中上歸命人中尊我今不能知為依何等禪如是弟子花莊嚴佛道樹如天盡度園快樂无有比弟子華者即是舍利弗比丘是所以然者此人則能莊嚴佛樹道樹者即如來是也如來能覆蓋一切衆生是故比丘當念勤加勇猛精進如舍利弗比丘如是比丘當作是學尔時諸比丘聞佛所說歡喜奉行

增壹阿含經卷第四十五

癸卯歲高麗國大藏都監奉
勅周造

增壹阿含經卷第四十六

女

東晉別集三藏聖賢僧伽提婆譯

放牛品第四十七第四分別誦

聞如是一時佛在舍衛國祇樹給孤獨園。尔時世尊告諸比丘。若放牛兒。成就十一法。牛群終不長益。亦復不能將護其牛。去何為十一。於是放牛人。亦不別其色。不解其相應。摩刷而不摩刷。不覆護瘡。痍。不隨時放烟。不知良田茂草處。不知安隱之處。亦復不知渡牛處。所不知時。宜若聲牛時。不留遺餘。盡取聲之。是時諸大牛。可任用者。不隨時將護。是謂比丘。若牧牛人。成就此十一法。終不能長養其牛。將護其身。今此衆中。比丘亦復如是。終不能有所長益。云何為十一。於是比丘。不別其色。不曉其相應。摩刷而不摩刷。不覆護瘡。痍。不隨時放烟。不知良田茂草處。不知渡處。亦復不知安隱之處。不知時。宜食。不知留遺餘。諸長老。比丘亦不敬待云。何比丘。不知色。於是比丘有四大及四大所

造色皆悉不知如是比丘不別其色
云何比丘不別其相於是比丘不知
行愚亦不知行智如實而不知如是
比丘不別其相云何比丘應摩刷而
不摩刷於是比丘若眼見色便起色
想有諸亂念又且不守護眼根以不
善攝念造衆殃豎不守護眼根如是
比丘若耳聞聲鼻嗅香舌知味身知
細滑意知法起諸亂想亦不守護意
根不改其行如是比丘應摩刷而不
摩刷云何比丘不覆護瘡於是比丘
起欲想而不捨離亦不除去其念若
起瞋想煞害想起諸惡不善想終不
捨之如是比丘不覆護瘡云何比丘
不隨時起烟於是比丘所諷誦法不
隨時向人說如是比丘不隨時放烟
云何比丘不知良田茂草於是比丘
不知四意止如實而不知如是比丘
不知良田茂草處云何比丘不知渡
處於是比丘不別賢聖八品道如是
比丘不知渡處云何比丘不知所愛
於是比丘於十二部契經祇夜授決
得因緣本末方等譬喻生經說廣普

未曾有法如是比丘不知所愛云何
比丘不知時宜於是比丘便往輕賤
家博戲家如是比丘不知時宜云何
比丘不留遺餘於是比丘有信梵志
優婆塞往而請之然諸比丘貪著飲
食不知止足如是比丘不留遺餘云
何比丘不敬長老諸高德比丘於是
比丘不起恭敬之心向諸有德人如
是比丘多有所犯是謂比丘不敬長
老若有比丘成就十一法終不能於
此法中多所饒益若復牧牛人成就
十一法者能擁護其牛終不失時有
所饒益云何為十一於是牧牛人知
其色別其相應摩刷而摩刷覆護瘡
癢隨時而起烟知良田茂草處知渡
要處愛其牛分別時宜亦知性行若
牽牛時知留遺餘亦復知隨時將護
可任用者如是牧牛人將護牛如是
比丘若牧牛人成就此十一法不失
時節者終不可沮壞如是比丘若成
就十一法者於此現法中多所饒益
云何十一法於是比丘知色知相知
摩刷知覆護瘡知起烟知良田茂草處

知所愛知擇道行知渡處知食止足
知敬奉長老比丘隨時禮拜云何比
丘而知色於是比丘知四大色亦知
四大所造色是謂比丘知色云何比
丘知相於是比丘知愚相知智相如
實而知之如是比丘知相云何比丘
知摩訶於是比丘若欲想起念知捨
離亦不殷勤永无欲想若恚想想
及諸惡不善想起念知捨離亦不殷
勤永无恚想想如是比丘為知摩訶云何
比丘知覆護瘡於是比丘若眼見色
不起色想亦不染著而淨眼根除去
愁憂惡不善法心不貪樂於中而護
眼根如是比丘若耳聞聲鼻嗅香舌
知味身知細滑意知法不起識想亦
不染著而淨意根如是比丘知覆護
瘡云何比丘知起烟於是比丘所從
聞法廣與人說如是比丘為知起烟
云何比丘知良田茂草處於是比丘賢
聖八品道如寶知之是謂比丘知良
田茂草處云何比丘知所愛於是比丘
若聞如來所說法寶心便愛樂如是
比丘為知所愛云何比丘擇道行於

是比丘於十二部經擇而行之所謂
契經祇夜授決偈因緣本末方等譬
喻生經說廣普未曾有法如是比丘
知擇道行云何比丘知渡處於是比
丘知四意止是謂比丘知渡處云何
比丘知食止足於是比丘有信梵志
優婆塞來請者不貪飲食能自止足
如是比丘為知止足云何比丘隨時
恭奉長老比丘於是比丘恒以身口
意善行向諸長老比丘如是比丘隨
法者於現法中多所饒益余時世尊
便說此偈

牧牛不放逸其主獲其福 六年六年中
展轉六十牛比丘戒成就於禪得自在
六根而寂然 六年成六通

如是比丘若有人能離此惡法成後
十一法者於現法中多所饒益如是
比丘當作是學余時諸比丘聞佛所
說歡喜奉行

聞如是一時佛在舍衛國祇樹給孤
獨園余時世尊告諸比丘若比丘成
就十一法者必能有所成長云何為

十一於是比丘戒成就三昧成就智慧成就解脫成就解脫見慧成就諸根寂靜飲食知止足恒修行共法亦知其方便分別其義不著利養如是比丘若成就此十一法者堪任長養所以然者一切諸行正有十一法介時阿難白世尊言何以故正有十一法無有出者云何為十一所謂阿練若乞食一處坐一時食正中食不擇家食守三衣坐樹下露坐閑靜之處著補納衣若在冢間是謂比丘有人成就此十一法便能有所至我今復重告汝若有人十一年中學此法即於現身成阿那含轉身便成阿羅漢諸比丘且捨十一年若九八七六五四三二一年學此法者便成三果若阿那含若阿羅漢且捨十二月若能一月之中修行其法彼比丘必成二果若阿那含若阿羅漢所以然者十死愁憂苦惱我今教諸比丘當如迦葉比丘之比設有人行譙苦之法此行難及所以然者迦葉比丘成就此

十一法當知過去多薩阿竭成等正覺亦成就此十一苦法今迦葉比丘皆慙念一切衆生若供養過去諸聲聞後身方當乃得受報設供養迦葉者現身便受其報設我不成無上等正覺後當由迦葉成等正覺由此因緣故迦葉比丘勝過去諸聲聞其能如迦葉比丘者此則上行如是比丘當作是學今時諸比丘聞佛所說歡喜奉行聞如是一時佛在舍衛國祇樹給孤獨園今時佛與無數衆生前後圍繞而為說法今時舍利弗將衆多比丘而經行大目犍連及大迦葉阿那律離越迦旃延滿願子優波離須菩提羅去阿難比丘各各將衆多比丘自相娛樂提婆達兜亦復將衆多比丘而自經行今時世尊見諸神足弟子各將其衆而自經行今時世尊告諸比丘人根情性各各相似善者與善共并惡者與惡共并猶如乳與乳相應酥與酥相應糞除屎溺各自相應此亦如是衆生根源所行法則各自相應善者與善相應惡者與惡相應

沒等頗見舍利弗比丘將諸比丘經
行乎諸比丘白佛言唯然見之佛告
比丘如此諸人皆智慧之士又告比
丘沒等頗見目連比丘將諸比丘經
行乎諸比丘白佛言唯然見之佛告
之曰此諸比丘皆是神足之士又問
沒等見迦葉將諸比丘而經行乎諸
比丘對曰唯然見之佛告之曰此諸
上士皆是十一頭陀行法之人也又
問沒等見阿邠律比丘不平諸比丘對
曰唯然見之佛告之曰此諸賢士皆
天眼第一又問頗見離越比丘不平
諸比丘對曰唯然見之佛告比丘此
諸人皆是入定之士又問沒等頗見
迦旃延比丘不平諸比丘對曰唯然
見之佛告之曰此諸上士皆是分別
義理之人又問沒等頗見滿願子比
丘不平諸比丘對曰唯然見之佛告
比丘此諸賢士皆是說法之人又問
沒等頗見優波離將諸比丘而經行
乎諸比丘對曰唯然見之佛告之曰
此諸人皆是持禁律之人又問沒等
頗見須菩提比丘不平諸比丘對曰

唯然見之佛告之曰此諸上人皆是解空第一又問汝等頗見羅云比丘不乎諸比丘白佛言唯然見之佛告汝等頗見阿難比丘不乎諸比丘白佛言唯然見之佛告比丘此諸賢士皆是多聞第一所受不忘又問汝等頗見提婆達堯比丘將諸人而經行乎諸比丘對曰唯然見之佛告之曰此諸人為惡之首無有善本尔時世尊便說斯頌

莫與惡知識與愚共從事當與善知識智者而交通若人本无惡親近於惡人後必成惡因惡名遍天下

尔時提婆達堯弟子三十餘人聞世尊說此偈已便捨提婆達堯來至佛所頭面礼足求改重罪又白世尊我等愚惑不識真偽捨善知識近惡知識唯願世尊當見原恕後更不犯佛告比丘聽汝悔過改往修來勿復更犯尔時提婆達堯弟子承世尊教誠在閑靜之處思惟妙義剋已行法所以族姓子剝除鬚髮出家學道者

欲修無上梵行。今時諸比丘皆得阿羅漢。比丘當知。衆生根源皆自相類。惡者與惡相從。善者與善相從。過去將來衆生根源亦復如是。以類相從。猶如以淨與淨相應。不淨者與不淨相應。是故比丘當學與淨相應。淨去離不淨。如是比丘當作是學。今時諸比丘聞佛所說歡喜奉行。

聞如是一時。佛在拘留沙法行城中。與大比丘衆五百人俱。今時爲舍利弗還捨法服。習白衣行。今時阿難著衣持鉢入城乞食。漸漸至爲舍利弗家。今時爲舍利弗。馮兩女人肩。上阿難遙見已。便懷愁憂。不歡之想。爲舍利弗見阿難已。極懷慙愧。獨處而坐。今時阿難乞食周訖。還出城至世尊所。頭面札足。在一面坐。今時阿難白佛言。向入城乞食。漸漸至爲舍利弗家。見扶兩婦人肩。上當見之時。甚懷愁憂。世尊告曰。汝見已。爲生何意。阿難白佛言。我念爲舍利弗精進多聞。性行柔和。長與諸梵行之人說法。元獻足云。何如今還捨法服。習白衣行。

時我見已甚懷愁憂然此爲舍利弗
有大神力威德无量自念我昔曾見
與釋提桓因共論云何今日習欲爲
惡世尊告曰如是阿難如汝所言但
非阿羅漢夫阿羅漢者終不還捨法
服習白衣行但今阿難勿懷愁悵爲
舍利弗却後七日當來至此間盡有
漏成无漏行然此爲舍利弗宿行所
牽故致此耳今行具滿當盡有漏今
時爲舍利弗却後七日至世尊所頭
面礼足在一面坐須臾退坐白佛言
唯然世尊聽在末行修沙門行今時
爲舍利弗比丘即得作沙門尋於坐
上得阿羅漢今時爲舍利弗著衣持
鉢入城乞食時有梵志便生斯念此
諸釋種子无處不有无處不遍又過
絕我等所行呪術吾今當向城中人
民說此沙門瑕憊今時此梵志語城
中人民曰汝等諸人頗見爲舍利弗
乎昔日自稱言是阿羅漢中還捨法
服習白衣行與五欲相娛樂今復更
作沙門家家乞食伴現真廉觀諸婦
人興欲情想還至園中思惟女色不

去心首亦如乏驢不任負馱寂然卧
住此釋種子亦復如是伴現乞食觀
諸女色思惟校計今時為舍利弗聞
此梵志有惡聲響便生此念此人極
為愚癡興嫉妬心見他得利養起慳
嫉心若已得利養便懷歡喜至白衣
家主行誹謗吾今當制令不為惡无令
此人受罪无量今時為舍利弗飛在
空中告梵志曰
無眼無巧便興意謗梵行自造无益事
久受地獄苦

今時為舍利弗說此尚已便自退還
還歸所在是時城中人民聞梵志誹
謗又聞為舍利弗說偈各生斯念若
當如梵志語者然後現神足難及又
我等見還捨法服習白衣行是時眾
多人民各各相將至為舍利弗所頭
礼足下在一面坐今時眾多人民問
為舍利弗曰頗有阿羅漢還捨法服
習白衣行為舍利弗報曰无有阿羅
漢還捨法服習白衣行是時諸人民
白為舍利弗言阿羅漢頗由本緣而
犯戒乎為舍利弗報言以得阿羅漢

終不犯戒諸人民復白言在學地之人
由本緣故而犯戒乎爲舍利弗報言
有若住學地之人由本緣故而犯禁
戒時諸人民復言尊者先以是阿羅
漢復捨法服習白衣行於五欲自相
娛樂今復出家學道本先有神足今
何故乃尔今時爲舍利弗便說此偈
遊於世俗穢至竟不解脫不得滅盡跡
復習於五欲无薪火不燃无根枝不生
石女無有胎羅漢不受漏

尔時諸人民復問爲舍利弗曰尊先
非羅漢乎爲舍利弗報曰我先非羅
漢也諸居士當知五通與六通各各
差別今當說十一通夫五通仙人欲
愛已盡若生上界復來墮欲界六通
阿羅漢如來弟子者得漏盡通即於
无餘涅槃界而般涅槃時諸人民復
白言我等觀察舍利弗所說世間无
有阿羅漢捨法服習白衣行時爲舍
利弗報曰如是如汝所言无有阿羅
漢還捨法服習白衣行者有十一法
阿羅漢所不習者云何爲十一漏盡
阿羅漢終不捨法服習白衣行漏盡

阿羅漢終不習不淨行漏盡阿羅漢
終不煞生漏盡阿羅漢終不盜漏盡
阿羅漢食終不留遺餘漏盡阿羅漢
終不妄語漏盡阿羅漢終不群類相
佐漏盡阿羅漢終不吐惡言漏盡阿
羅漢終不有狐疑漏盡阿羅漢終不
恐懼漏盡阿羅漢終不受餘師又不
更受胞胎是謂諸賢士漏盡阿羅漢
終不處十一之地今時諸人民白為
舍利弗言我等聞尊者所說觀外道
異學如觀空瓶而无所存今察內法
如似蜜瓶靡不甘美今如來正法亦
復如是今彼梵志受罪无量今時為
舍利弗飛在虛空結加趺坐便說
此偈

不解彼此要習於外道術彼此而鬪亂
智者所不行

尔時拘留沙人民白為舍利弗言所
說過多實為難及猶盲者得眼耳聾
者得聽今尊者所說亦復如是无數方
便而說法教我等今日自歸如來法及
比丘僧唯願尊者聽為優婆塞盡形
壽不復歸生今時為舍利弗與諸人

民說微妙之法令發歡喜之心各從
坐起禮足而去今時尊者阿難聞梵
志謗為舍利弗然无所至尚不能熟
辨為舍利弗况與共論即徃世尊所
以此因緣具白如來今時世尊告阿
難曰夫論平等阿羅漢當說為舍利
弗是也所以然者今為舍利弗已成
阿羅漢昔所傳羅漢名者今日已獲
世俗五通非真實行後必還失六通
者是真實行所以然者此為舍利弗
先有五通今獲六通汝亦當學及為
舍利弗此是其義當念奉行今時阿
難聞佛所說歡喜奉行

聞如是一時佛在舍衛國祇樹給孤
獨園今時世尊告諸比丘今當說因
緣之法善思念之修習其行諸比丘
白佛言唯然世尊今時諸比丘從佛
受教世尊告曰彼云何名為因緣之
法所謂无明緣行行緣識識緣名色
名色緣六入六入緣更樂更樂緣痛
痛緣受受緣受緣有有緣生生緣
死死緣憂悲苦惱不可稱計如是成
此五陰之身彼云何名為无明所謂

不知苦不知習不知盡不知道此名
為无明彼云何名為行所謂行者有
三種云何為三所謂身行口行意行
是謂為行彼云何名為識所謂六識
身是也云何為六所謂眼耳鼻舌身
意識是謂為識云何名為名所謂名者
痛想念更樂思惟是為名彼云何為
色所謂四大身及四大身所造色是
謂名為色色異名異故曰名色彼云
何六入内六入云何為六所謂眼耳
鼻舌身意入是謂六入彼云何名為
更樂所謂六更樂身云何為六所謂
眼耳鼻舌身意更樂是謂名為更樂
彼云何為痛所謂三痛云何為三所
謂樂痛苦痛不苦不樂痛是謂名為
痛彼云何名為愛所謂三愛身是也
欲愛有愛无有愛云何為愛所謂四
愛是云何為四所謂欲受見受戒受
我受是謂四受彼云何為有所謂三
有云何為三欲有色有無色有是名
為有彼云何為生所謂生者等具出
家受諸有得五陰受諸入是謂為生
彼云何為老所謂彼彼衆生於此身

分齒落髮白氣力劣竭諸根純熟壽
命日衰元復本識是謂為老云何為
死所謂彼彼衆生長轉受形身體无
炁無常變易五親分張捨五陰身命
根斷壞是謂為死比丘當知故名為
老病死此名為因緣之法廣分別其
義諸佛如來所應施行起大慈哀吾
今已辦當念在樹下露坐若在塚間
當念坐禪勿懷恐難今不精勤後悔
无益余時阿難白世尊言如來與諸
比丘說甚深緣本然我觀察元甚深
之義世尊告曰止止阿難勿興此意
所以然者十二因緣者極為甚深非
是常人所能明曉我昔未覺此因緣
法時流浪生死无有出期又復阿難
不但今日汝言因緣不甚深昔日已
來言不甚深也所以然者乃昔過去
世時有須焰阿須倫王竊生此念欲
捉日月出大海水化身極大海水齊
腰尔時彼阿須倫王有兒名拘那羅
自白其父我今欲於海水沐浴須焰阿
須倫報曰莫樂海水中浴所以然者
海水極深且廣終不堪任海水中浴

時拘那羅白言我今觀水齊大王腰何以故復言甚深是時阿須倫王即取兒著大海水中尔時阿須倫兒足不至水底極懷恐怖尔時須焰告其子曰我先勅汝海水甚深汝言无苦唯我能在大海水洗浴非汝所能欲洗尔時須焰阿須倫者豈異人乎莫作是觀所以然者須焰者即我身是也尔時阿須倫兒即汝身是也尔時海水甚深汝言无苦今復言十二因緣甚深之法汝復言无是甚深其有衆生不解十二緣法流轉生死无有出期皆迷惑惑不識行本於今世至後世從後世至今世永在五惱之中求出甚難我初成佛道思惟十二因緣降伏魔官屬以除无明而得慧明諸闇永除无塵垢又我阿難三轉十二說此緣本時即成覺道以此方便知十二緣法極為甚深非常人所能宣暢如是阿難當念甚深奉持此十二因緣之法當念作是學尔時阿難聞佛所說歡喜奉行

聞如是一時佛在羅閱城迦蘭陀竹

園所與大比丘衆五百人俱。爾時羅閱城中有梵志名曰施羅備知諸術。外道異學經籍所記天文地理靡不貫練。又復教授五百梵志童子。又彼城中有異學之士名曰翅弄多。有所知為頻毗娑羅王所見愛敬。隨時供養。給與梵志所須之施。爾時如來名稱遠布如來至真等正覺。明行成。為善逝世間解。無上上道法。御天人師。號佛衆祐度人。无量出現世間。是時翅弄梵志興此念。如來名号甚為難聞。今我欲往問評親近。禮敬。是時翅弄梵志便往佛所。頭面禮足。在一面坐。爾時梵志白世尊言。沙門瞿曇。為姓何等。佛告梵志。吾姓刹利。梵志問曰。諸婆羅門各有此論。吾姓寂豪。無有出者。或言姓白。或言姓黑。婆羅門自稱言。梵天所生。今沙門瞿曇欲何等論說。佛告之曰。梵志當知其有。譬如嫁娶便當求豪貴之姓。然我正法之中。無有高下是非之名。姓也。梵志復白言。云何瞿曇。生處清淨。然後法得清淨。佛告梵志。汝用法清淨。生

處清淨為平梵志又曰諸婆羅門各
與此論吾姓家蒙元有出者或言姓
白或言姓黑婆羅門自稱言梵天所
生佛告梵志若當刹利女適婆羅門
家設生男兒者當從何姓梵志報曰
彼當言婆羅門種所以然者由父形
故得有此兒佛告梵志若復婆羅門
女出適刹利家生男兒者彼當從何
姓梵志報曰彼人當是刹利種所以
然者由父遺形故得有此兒佛告梵
志熟自思惟然後報吾汝今所說前
與後皆不相應云何梵志設驢徒馬
後生駒者當言是馬為是驢也梵志
報曰如此之類當言驢馬所以然者
由驢遺形故得此駒也佛告梵志汝
熟思惟然後報吾汝今所說前後不
相應汝前所說刹利女出適婆羅門
家若生兒者便言婆羅門種今驢逐
馬生駒者便言驢馬將不違前語乎
設復梵志若馬逐驢生駒者名之云
何梵志報曰當名為馬驢為言之曰
云何梵志馬驢驢馬豈復有異乎若
後有人言寶一斛復有人言一斛寶

此二義豈有異乎梵志報曰此是一義所以然者寶一一寶此義不異也佛告梵志云何馬驢驘馬此非一義乎梵志報言今沙門瞿曇雖有斯言然婆羅門自稱言吾姓取豪元有出者佛告梵志汝先稱譽其母後復歎說其父若復父亦是婆羅門種母亦是婆羅門種後生二兒彼時其中一兒多諸技術无事不覽第二子者了无所知是時父母為敬待何者為當敬待有智者為當敬待无所知者梵志報曰其父母應當敬待高德聰明者不應敬待无有智者所以然者今此一子无事不了无事不閑正應敬待此子不應敬待无智之子佛告梵志若彼二子一聰明者便復興意作煞盜淫泆十惡之法彼一子不聰明者守護身口意行十善之法一无所犯彼父母應當敬待何者梵志報曰彼父母應當敬待行十善之子彼行不善之人復敬待為佛告梵志汝先歎其多聞後歎其戒云何梵志若復有二子一子父專正母不專

正一子父不專正母專正彼子若母
正父不正者元事不關博知經術第
二子父正母不正者既不博學但持
十善然其父母應敬待何者為當敬
待母淨父不淨者為當敬待父淨母
不淨者梵志報曰應當敬待母淨之
子所以然者由知經書博諸伎術故
所謂第二子父淨母不淨雖復持戒
而無智慧竟何所至有聞則有戒佛
告梵志汝前歎說父淨不歎說母淨
今復歎說母淨不歎說父淨先歎聞
德後歎禁戒復歎說戒後方說聞云
何梵志若彼二梵志子其中一子多
聞博學兼持十善其第二子既有智
慧兼行十惡彼父母應當敬待何者
梵志報曰應當敬父淨母不淨之子
所以然者由其博覽諸經曉諸伎術
由父淨生得此子兼行十善无所觸
犯一切具足諸德本故佛告之曰汝
本說其姓後說其聞不說其姓後復
說戒不說聞後復說其聞不說其戒
汝今歎說父母聞戒豈不違前言乎
梵志白佛言沙門瞿曇雖有斯言然婆

羅門自稱言我姓寂豪貴元有出者
世尊告曰諸有嫁娶之處則論姓然
我法中无有此義汝頗聞邊國遠邦
及餘邊地人乎梵志報曰唯然聞之
有此諸人世尊告曰彼土人民有二
種之姓云何為二一者人二者奴此
二姓亦復不定又問云何不定世尊
告曰或作人後作奴或作奴後作人
然衆生之類盡同一類而无若干若
復梵志天地敗毀世間皆空是時山
河石壁草木之徒皆焦燒盡人亦命
終若天地還欲成時未有日月年歲
之限今時光音天來至此間是時光
音天福德稍盡无復精光展轉相親
興起欲想欲意偏多者便成女人欲
意少者成男子展轉交接便成胞胎
由此因緣故寂初有人轉生四姓派
布天下當以此方便知人民盡出於
刹利種今時梵志曰世尊言止瞿曇
如儂者得申盲者得眼目冥者得見
明沙門瞿曇亦復如是无数方便與
我說法我今自歸沙門瞿曇唯願與
我說法聽為優婆塞今時梵志復白

世尊唯願如來當受我請將諸比丘
衆當至我家今時世尊默然受請是
時梵志見佛默然受請即從坐起頭
面礼足便退而去還至家中辦具飲
食敷諸坐具香汁灑地普自吐言如
來當於此坐今時施羅梵志將五百
弟子至翅窳梵志家遙見彼家敷好
坐具見已問翅窳梵志汝今欲與男
女嫁娶為欲請摩竭國頻毗娑羅王
乎翅窳梵志報曰我亦不請頻毗娑
羅王亦無嫁娶之事我今欲施設大
福業施羅梵志問曰願聞其意欲施
何福業今時梵志偏露右肩長跪叉
手白世尊自陳姓名施羅當知有釋
種子出家學道成无上至真等正覺
我今請佛及比丘僧是故辦具種種
坐具耳是時施羅梵志語翅窳梵志
汝今言佛乎報曰吾今言佛又問甚
奇甚特今乃聞佛音響如來竟為所
在吾欲見之翅窳報曰今在羅閱城
外竹園中住將五百弟子自相娛樂欲
往見者宜知是時此梵志即將五百弟
子往至佛所到已共相問訊在一面

坐今時施羅梵志便生此念沙門瞿
曇為端正身作黃金色我等經籍亦
有斯言如來出世之時實不可遇猶
如優曇鉢花時時乃現若成就三十
二相八種好當趣二處若在家者
當作轉輪聖王七寶具足若出家學
道者必成无上道為三界世祐我今
欲觀佛三十二相今時梵志唯見三
十相而不覩二相起狐疑猶豫不見
廣長舌陰馬藏今時施羅梵志即以
偈問曰

吾聞三十二大人之相好今不見二相
竟為在何所貞潔陰馬藏其相甚難喻
頗有廣長舌舐耳覆面不顯出廣長舌
使我無狐疑又使我見之永無疑結網
增壹阿含經卷第四十六

癸卯歲高麗國大藏都監奉
勅彫造

增壹阿含經卷第四十七

如

東晉剡縣三藏聖賢曇無讖加提婆譯

放牛品第四十七今分品

尔時世尊即吐舌左右舐耳還復縮之尔時世尊即入三昧使彼梵志見陰馬藏時梵志見佛三十二相八十種好歡喜踴躍不能自勝尔時施羅梵志白佛言我今婆羅門沙門剎利種然沙門婆羅門皆同一道求一解脫唯沙門聽我等有得同一道乎佛告梵志汝有此見梵志報曰我有斯見佛告梵志汝當興意向一解脫所謂正見是也梵志白佛言正見即是一解脫復更有解脫乎世尊告曰梵志更有解脫得涅槃界其事有八所謂正見正治正語正業正命正方便正念正定是謂梵志八種之道得至涅槃尔時梵志白佛言頗有此衆生知此八種道乎世尊告曰非一二百千萬梵志當知無數百千衆生知此八種之道梵志白佛言頗復有此衆生不解此八種之道乎世尊告曰有此衆生其

不解者非一人也梵志白佛言頗復有衆生不得此法乎佛告之曰有此衆生不得道如此之人十一種云何為十一所謂斯偽惡語難諫无反復好憎性害父母煞阿羅漢斷善根善事反為惡計有我起惡念向如來是謂梵志十一之人不能得此八種之道當說此八種道時時彼梵志諸魔垢盡得法眼淨尔時施羅梵志告五百弟子曰汝等各所好者各自誦習吾欲於如來所善修梵行諸弟子白曰我等亦復欲出家學道尔時梵志及五百弟子各各長跪白世尊言唯願世尊聽出家學道佛告諸梵志善來比丘於如來所善修梵行漸盡苦原如來說此語時五百梵志即成沙門尔時世尊漸與五百說微妙之論所謂論者施論戒論生天之論欲不淨想出要為樂如諸佛世尊常所說法苦習盡道尔時世尊廣與諸人說之時五百人諸漏永盡得上人法尔時翅霖梵志又白時到唯願屈神尔時世尊告施羅等五百比丘汝等久

著衣持鉢千比丘圍遶至城中梵志
所就座而坐。爾時翅寧梵志見五百
婆羅門皆作沙門。即語之曰。善哉。諸
人。趣道之要莫復是過。爾時施羅比
丘為翅寧說此偈曰。

此外更元法能勝此要者。如此之比像
善者無過是。

爾時翅寧梵志白世尊言。唯願世尊
小留神待時。正令更辨飲食。世尊告
曰。所辨飲食。但時貢之。勿懼不足。是
時翅寧梵志歡喜。无量躬自行食。供
養佛及比丘僧。爾時世尊飯食已訖。
除去食器。以若干種花散佛比丘僧
上。前白佛言。唯願世尊。男女大小盡
求作優婆塞。爾時梵志婦懷妊。婦人
白佛言。我有娠。亦不知是男是女。耶
亦復自歸如來聽。為優婆夷。爾時如
來與諸大眾說微妙之法。即於座上
而說此偈。

快哉斯福報。所願必得果。漸至安隱處。
永無憂厄患。死得生天上。設使諸魔天。
亦復不能使。為福者墮罪。彼亦求方便。
賢聖之智慧。當盡於苦本。長離去八難。

尔時世尊說此偈已便從坐起而去
尔時翅窰梵志聞佛所說歡喜奉行
聞如是一時佛在舍衛國祇樹給孤
獨園尔時世尊告諸比丘我恒一坐
而食身體輕便氣力强盛汝等比丘
亦當一食身體輕便氣力强盛得修
梵行尔時跋提婆羅白世尊言我不
堪任而一食所以然者氣力弱劣佛
告之曰若汝至檀越家一分食之一
分持還家跋提婆羅白佛言我亦不
堪行此法世尊告曰聽汝壞齋通曰
而食跋提婆羅白佛言我亦不堪任
施行此法尔時世尊默然不報尔時
迦留隨夷向暮日入著衣持鉢入城
乞食尔時控為閤冥時優陀夷漸漸
至長者家又彼長者婦懷妊聞沙門
在外乞食即自持飯出意施之然優
陀夷顏色極黑又彼時天欲降雨家
處批雷尔時長者婦出門見沙門顏
色極黑即時驚怖乃呼是鬼自便稱
喚咄哉見鬼即時傷胎兒尋命終是
時迦留隨夷尋還精舍愁憂不歡坐
自思惟悔無所及尔時舍衛城中有

如此之惡聲沙門釋種子呪墮他子
其中男女各相謂言今諸沙門行无
節度食不知時如在家白衣有何等
異尔時衆多比丘聞諸人民各論此
理沙門釋種子不知節度行来无忌
其中持戒比丘戒完具者亦自然責
實非我等之宜食无禁限行無時節
實是我等之非也各共相將至佛所
頭面礼足以此因緣具白世尊尔時
佛告一比丘汝往喚迦留陀夷使来
是時彼比丘受佛教已即往喚優陀
夷時憂陀夷聞佛見呼即来至世尊
所頭面礼足在一面坐尔時世尊問
優陀夷曰汝審昨日暮入城乞食至
長者家使長者婦胎墮乎優陀夷白
佛言唯然世尊佛告優陀夷汝何故
不別時節又復欲雨而入城乞食此
非汝宜然是族姓子出家學道而貪
著於食尔時優陀夷即從坐起白世
尊言自今之後不敢復犯唯願世尊
聽受懺悔尔時世尊告阿難口遠打
捷推集諸比丘在普會講堂阿難受
佛教已即集諸比丘集在講堂前白

佛言諸比丘已集世尊宜知是時尔時世尊即往講堂在中央坐告諸比丘過去久遠諸佛世尊皆一坐而食諸聲聞等亦一坐而食正使將來諸佛及弟子衆亦當一坐而食所以然者此是行道之要法應當一坐而食若能一坐而食身體輕便心得開解心已得解得諸善根已得善根便得三昧已得三昧如實而知之云何如實而知之所謂苦諦如實而知之苦習諦如實而知之苦盡諦如實而知之苦出要諦如實而知之汝等族姓子已出家學道捨世八業而不知時節如彼貪欲之人有何差別梵志別有梵志之法外道別有外道之法是時優波離白世尊言過去如來將來諸佛皆一坐而食唯願世尊當與諸比丘限時而食世尊告曰如來亦有此智但未犯者要眼前有罪乃當制限耳尔時世尊告諸比丘我專一坐而食汝等亦當一坐而食今汝日中而食不得過時汝等亦當學乞食之法云何比丘學乞食之法於是比丘

趣以支命得亦不喜不得亦不憂設
得食時思惟而食无有貪著之心但
欲使此身趣得存形除去舊痛更不
造新使氣力充足如是比丘名為乞
食汝等比丘應當一坐而食云何比
丘一坐而食起則犯食更不應食如
是比丘名為一坐而食汝等比丘亦
當應得食而食之云何比丘得而食
之於是比丘以得食已更復有為齊
此于以食更得者不應復食如是比
丘得食而食之汝等比丘亦當應著
三衣應坐樹下坐閑靜處應露坐苦
行應善補納衣應在塚間應著弊惡
之衣所以然者歎說少欲之人我今
教汝等當如迦葉比丘所以然者迦
葉比丘自行頭陀十一法亦復教人
行此要法我今教誡汝等當如面王
比丘所以然者面王比丘著弊壞之
衣不善校飾是謂比丘我之教誡當
念修習如是比丘當作是學今時跋
提波羅及經三月不至世尊所今時
阿難臨三月初至跋提婆羅比丘所
而告之曰今諸衆僧皆補納衣裳如

是如來當人間遊行今不往者後悔
無益是時阿難將跋提婆羅至世尊
所頭面禮足並復白佛言唯然世尊
聽我懺悔自今已後更不犯之如來
制禁戒然我不受之唯願垂恕如是
再三時佛告曰聽汝悔過後莫復
犯所以然者我自念生死無數或作
驢騾駱駝爲馬睹羊以草養此四大
形或在地獄中以熱鐵丸噉之或作
餓鬼恒食膿血或作人形食此五穀
或作天形食自然甘露無數劫中形
命共竟初无厭足優波離當知如火
獲薪初无厭足如大海水吞流无足
今凡夫之人亦復如是貪食無厭足
尔時世尊便說此偈

愚者之所習

是故跋提婆羅當念少欲知足無起
貪想興諸乱念如是優波離當作是
學尔時跋提婆羅聞如來教誠已在
閑靜之處而自剋責所以族姓子出
家學道者修无上梵行生死已盡
梵行已立所作已辦更不復受有如

實而知尔時跋提婆羅即成阿羅漢

尔時世尊告諸比丘我弟子中第一聲

聞多飲食者所謂吉護比丘是也尔時諸比丘聞佛所說歡喜奉行

聞如是一時佛在耆舊村中與大比丘衆五百人俱尔時世尊告諸比丘諸人民皆稱汝等為沙門設復問汝等是沙門乎汝等亦言是沙門吾今告汝沙門之行婆羅門之行汝等當念修習後必成果如實不異所以然者有二種沙門有習行沙門有誓願沙門彼云何名為習行沙門於是比丘行來進止視瞻容貌著衣持鉢皆悉如法不著貪欲瞋恚愚癡但持戒精進不犯非法等學諸戒是謂名為習行沙門彼云何名誓願沙門於是或有比丘威儀戒律出入進止行步容貌視瞻舉動皆悉如法盡有漏成无漏於現法中身得證而自遊化生死已盡梵行已立所作已辦更不復受有如實知之是謂名誓願沙門是謂比丘二種沙門尔時阿難白世尊言彼云何名為沙門法行婆羅門法行

佛告阿難於是比丘飲食知足晝夜經行不失時節行諸道品云何比丘諸根寂靜於是比丘若眼見色不起想著與諸乱念於中眼根而得清淨除諸惡念不念不善之法若耳聞聲鼻臭香古知味身知細滑意知法不起想著與諸乱念於意根而得清淨如是比丘根得清淨云何比丘飲食知足於是比丘量腹而食不求肥白但欲使此身趣存而已除去故痛新者不生得修梵行猶如男女身生瘡癢隨時以膏塗瘡常欲使瘡愈故今此比丘亦復如是量腹而食所以以膏膏車者欲致遠故比丘量腹而食者欲趣存命故也如是比丘飲食知足云何比丘恒知景寤於是比丘初夜後夜恒知景寤思惟三十七道之法若晝日經行除去惡念諸結之想復於初夜後夜經行除去惡結不善之想復於中夜右脇著地以脚相累唯向明之想復於後夜出入經行除去不善之念如是比丘知時景寤如是阿難此是沙門要行彼云何名婆羅門要行於

是比丘苦諦如實知之苦習苦盡苦
出要如實而知之後以解此欲漏心
有漏心无明漏心而得解脫已得解
脫便得解脫智生死已盡梵行已立
所作已辦更不復受胎如實知之此
名為婆羅門要行之法阿難當知此
名為要行之義也今時世尊便說
此偈

沙門名息心 諸惡永已盡 梵志名清淨
除去諸乱想

是故阿難沙門法行婆羅門法行當
念修行其有衆生行此諸法然後乃
稱為沙門復以何故名為沙門諸結
永息故名為沙門復以何故名為婆
羅門盡除愚惑之法故名為梵志亦
名為刹利復以何故名刹利以其斷
淫恚癡故名為刹利亦名為沐浴以
何故名為沐浴以其洗二十一結故
名為沐浴亦名為覺以何故名為覺
以其覺了愚法慧法故名為覺亦名
為彼岸以何等故名為彼岸以其從
此岸至彼岸故名為彼岸阿難能行
此法者然後乃名為沙門婆羅門此

是其義當念奉行。今時阿難聞佛所說歡喜奉行。

聞如是一時佛在釋翅迦毗羅越尼拘留園中與大比丘衆五百人俱。今時提婆達兜王子往至世尊所頭面孔足在一面坐。是時提婆達兜白佛言。唯然世尊。聽我道次得作沙門。佛告提婆達兜。汝宜在家分檀惠施。夫為沙門實為不易。是時提婆達兜復再三白佛言。唯然世尊。聽在末行。佛復言曰。汝宜在家不耳。出家修沙門行。今時提婆達兜便生此念。此沙門懷嫉妬心。我今宜自剃頭。善修梵行。何用是沙門為。是時提婆達兜即自退歸。自剃鬚髮。著袈裟。自稱言。我是釋種子。今時有一比丘名修羅陀。頭隨行乞食。著補納衣。五通清徹。是時提婆達兜往至彼比丘所。頭面孔足前言。唯願尊者當與我說教。使長夜而獲安隱。是時修羅陀比丘即與說威儀禮節。思惟此法。捨此就彼。是時提婆達兜如彼比丘教而不漏失。是時提婆達兜比丘言。唯願尊者當與我

說神足道我能堪任修行此道尔
時比丘復與說神足之道汝今當
學心意輕重已知心意輕重復當
分別四大地水火風之輕重已得
知四大輕重便當修行自在三昧
已行自在三昧復當修勇猛三昧
已行勇猛三昧復當修行心意三昧
已行心意三昧復當行自戒三昧已
修行自戒三昧如是不久便當成神
足道尔時提婆達兜受師教已自知
心意輕重復知四大輕重盡修諸三
昧无所漏失尔時不久便成神足之
道如是元數方便作變元量尔時提
婆達兜名聲流布四遠是時提婆達
兜以神足力乃至三十三天採取種
種優鉢蓮花拘牟頭華奉上阿闍世
太子又告之曰此花是三十三天所
出釋提桓因遣來奉上太子尔時王
太子見提婆達兜神足如是便隨時
供養給其所須太子復作是念提婆
達兜神足極為難及時提婆達兜復
自隱形作小兒身在王太子膝上時
諸婢女各作斯念此是何人為是鬼

耶為是天耶語言未竟便復化身還
復如故是時王太子及諸宮人皆稱
言此是提婆達堯即給與所須又傳
此言提婆達堯名德不可具記今時
衆多比丘聞已往至世尊所頭面礼
足白佛言提婆達堯者極大神足能
得衣裳飲食牀卧具病瘦醫藥佛告
比丘汝等勿興此意著提婆達堯利
養又莫欽羨彼神足之力彼人即當
以此神足墮墜墜三惡道提婆達堯所
獲利養及其神足當復耗盡所以然
者提婆達堯自當造身口意行今時
復興此念沙門瞿曇有神足我亦有
神足沙門瞿曇有所知我亦有所知
沙門瞿曇姓貴我亦姓貴若沙門瞿
曇現一神是我當現二沙門現二我
當現四彼八我十六彼十六我三十
二隨其沙門所現變化我當轉倍今
時衆多比丘聞提婆達堯有此語五
百餘比丘至提婆達堯所及五百比
丘受太子供養時舍利弗目犍連自
相謂言我等共到提婆達堯所聽彼
說法為何論說即共相將至提婆達

兜所尔時提婆達兜遙見舍利弗目
軋連來即告諸比丘此二人是恚達
弟子甚懷歡悅到已共相問訊在一
面坐尔時諸比丘各興此念釋迦文
佛弟子今盡來向提婆達兜尔時提
婆達兜語舍利弗言汝今堪任與諸
比丘說法乎吾欲小息又恚脊痛是
時提婆達兜以脚相累右脇卧以其
歡喜心故便睡眠尔時舍利弗目軋
連見提婆達兜眠即以神足接諸比
丘飛在空中而去是時提婆達兜覺
寤不見諸比丘極懷瞋恚並吐斯言
吾若不報怨者終不名為提婆達兜
也此是提婆達兜寢初犯五逆惡提
婆達兜適生此念即時失神足尔時
衆多比丘白世尊言提婆達兜比丘
極有神足乃能壞聖衆尔時世尊告
諸比丘提婆達兜不但今壞聖衆乃
過去世時恒壞聖衆所以然者乃往
過去時亦壞聖衆復興惡念我要取
沙門瞿曇煞之於三界作佛獨尊无
侶是時提婆達兜語阿闍世王古昔
諸人壽命極長如今遂短備王太子

一旦命終者則唐生於世間何不取
父王害之紹聖王位我當取如來害
之當得作佛新王新佛不亦快哉今時
阿闍世王即便差守門人取父王閉
在牢獄自立為王治化人民時諸群
庶各相謂言此子未生則是怨家之
子因以為名阿闍世王今時提婆達
堯見阿闍世王檢父王已復興此念
吾要當取沙門瞿曇害之今時世尊
在耆闍崛山一小山側今時提婆達
堯到耆闍崛山手擎大石長二十肘廣
十五肘而擲世尊是時山神金毗羅
鬼恒住彼山見提婆達堯抱石打佛
即時伸手接著餘處今時石碎一小
片石著如來足即時出血今時世尊
見已語提婆達堯曰汝今復興意欲
害如來此是第二五逆之罪今時提
婆達堯復自思惟我今竟不得害此
沙門瞿曇當更求方便捨而去至阿
闍世所咎白王曰可飲黑為使醉使
害沙門所以然者此為凶暴必能害
此沙門瞿曇若當沙門有一切智者
明日必不來入城乞食若无一切智

者明日入城乞食必當為此惡為所
害也。今時阿闍世王即以醇酒飲魚
使醉，告令國中人民曰：「其欲自安惜
已命者，明日勿復城中行來。」今時世
尊到時，著衣持鉢入羅閱城乞食。國
中男女大小四部之衆聞阿闍世王
以酒飲魚欲害如來，皆共相將至世
尊所，頭面禮足。白佛言：「唯願世尊莫
入羅閱城乞食，何以故？」王阿闍世飲
魚使醉，欲害如來。佛告諸優婆塞夫
等：「正覺終不為他人所害也。」今時世
尊雖聞斯言，猶故入城。今時惡鳥遙
見世尊來，瞋恚熾盛，奔趣如來，欲得
害之。然佛見鳥來，即說斯偈：

鳥莫害於龍，龍為出現難，不以害龍故，
得生於善處。

今時彼鳥聞如來說此偈已，即前長
跪，舐如來足。今時彼鳥即以悔過心，
不自寧，即便命終。生三十三天。今時
王阿闍世及提婆達堯見鳥已死，慘
然不悅。提婆達堯語王曰：「沙門瞿曇
已取鳥煞，王報之曰：此沙門瞿曇有
大神力，多諸伎術，乃能呪此龍鳥煞。」

之時王阿闍世復作是說此沙門必
威德具足竟不為惡為所害提婆達
堯報言沙門瞿曇有幻惑之咒能使
外道異學皆患靡伏何況畜生之類
是時提婆達堯復作是念我今觀察阿
闍世王意欲變悔今時提婆達堯愁憂
不樂出羅閱城今時法施比丘尼遙見
提婆達堯未語提婆達堯口汝今所
造極為過差今悔猶易恐後將難時
提婆達堯聞此語已倍復瞋恚尋報
之曰禿婢有何過差今易後難耶法
施比丘尼報曰汝今與惡共并造衆
不善之本

今時提婆達堯滅火洞然即以手打
比丘尼煞今時提婆達堯以害真人
往至已房告諸弟子汝等當知我今
以興意向沙門瞿曇然其義理不應
以羅漢復興惡意還向羅漢吾今宜可
向彼懺悔是時提婆達堯以此愁憂
不樂尋得重病提婆達堯告諸弟子
我無此力得往見沙門瞿曇汝等當
扶我至沙門所今時提婆達堯以毒
塗十指爪甲語諸弟子汝等與我到
彼沙門所今時諸弟子即與將至世

尊所。爾時阿難遙見提婆達兜遠來。即白世尊言。提婆達兜。今來必有悔心。欲向如來求改悔過。佛告阿難。提婆達兜終不得至。世尊所。爾時阿難。再三復白佛言。今此提婆達兜已欲來至。求其悔過。佛告阿難。此惡人終不得至。如來所。此人今日命根已熟。今時提婆達兜來至。世尊所。語諸弟子。我今不宜卧見如來。宜當下牀。乃見耳。提婆達兜適下足在地。爾時地中有大火風起。生遶提婆達兜身。余時提婆達兜為火所燒。便發悔心。於如來所。正欲稱南無佛。然不究竟。這得稱南元。便入地獄。爾時阿難以見提婆達兜入地獄中。白世尊言。提婆達兜今日以取命終。入地獄中。耶。佛告之曰。提婆達兜不為滅盡。至究竟處。今此提婆達兜興起惡心。向如來身。身壞命終。入阿鼻地獄中。爾時阿難悲泣涕淚。不能自勝。佛告阿難。汝何為悲泣。乃爾阿難白佛言。我今欲愛心未盡。未能斷欲。故悲泣耳。爾時世尊便說斯偈。

如人自造行還自觀察本善者受善報
惡者受其殃世人為惡行死受地獄苦
設復為善行轉身受天祿彼自招惡行
自致入地獄此非佛怨苦汝今何為悲
今時阿難白世尊言提婆達堯身壞
命終為生何處佛告阿難今此提婆
達堯身壞命終入阿鼻地獄中所以
然者由其造五逆惡故致斯報今時
阿難復重白佛如是世尊如聖尊教
也已身為惡現身入地獄所以我今
悲泣涕淚者由其提婆達堯不惜名
号姓族故亦復不為父母尊長辱諸
釋種毀我等門戶然提婆達堯現身
入地獄誠非其宜所以然者我等門
族出轉輪聖王位然提婆達堯身出
於王種不應現身入地獄中提婆達
堯應當現身盡有漏成无漏心解脫
慧解脫於此現身得受證果生死已
盡梵行已立所作已辦更不復受胎
如實知之習真人跡得阿羅漢於无
餘涅槃果而般涅槃何啻持此現身
入地獄中提婆達堯在時有大威神
極有神德乃能往至三十三天變化

自由豈得斯人復入地獄乎不審世尊提婆達兜在地獄中為經歷幾許年歲佛告阿難此人在地獄中經歷一切是時阿難復重白佛言然劫有兩種有大劫小劫此人為應何劫佛告阿難斯人當經歷大劫所謂大劫者即賢劫是盡劫數行盡命終還復人身阿難白佛提婆達兜盡喪人根遂復成就所以然者劫數長遠夫大劫者不過賢劫今時阿難倍復悲泣哽噎不樂復重白佛提婆達兜從阿鼻地獄出當生何處佛告阿難提婆達兜於彼命終當生四天王上阿難復問於彼命終當生何處佛告阿難於彼命終展轉當生二十三天焰天兜率天化自在天他化自在天阿難復問於彼命終當生何處佛告阿難於是提婆達兜從地獄終生善處天上經歷六十劫中不墮三惡趣往來天人取後受身當剷除鬚髮著三法衣以信堅固出家學道成辟支佛名曰南無今時阿難前白佛言如是世尊提婆達兜由其惡報致地獄罪為造

何德六十劫經歷生死不受苦惱後復成辟支佛号名曰南無佛告阿難彈指之頃善意其福難喻何況得婆達堯博古明今多所誦習持持諸法所聞不忘計彼提婆達堯昔所怨讎起煞害心向於如來復由曩昔緣報故有喜悅心向於如來由此因緣報故六十劫中不墜墮三惡趣復由提婆達堯害後命終之時起和悅心稱南無故後作辟支佛号名曰南無尔時阿難即前礼佛重自陳說唯然世尊如神所教是時大目犍連前白佛言我今欲至阿鼻地獄中與提婆達堯說要行慰勞慶賀佛告目連汝宜知之勿復率暴專心正意无興乱想所以然者極惡行衆生難彫難成然後乃墮阿鼻地獄中又彼罪人不解人間音響言語往來尔時目連復白佛言我今所解六十四音言語開通我當以此音響往語彼人佛告目連汝宜知是時是時阿難聞斯語歡喜踊躍不能自勝時大目連前礼佛足繞佛三匝即於佛前猶如力

士屈伸臂頂即往至阿鼻地獄而尔
時大目連當在阿鼻地獄上虛空中
彈指覺曰提婆達兜尔時提婆達兜
默然不應時諸獄卒語曰連曰汝今
為喚何者提婆達兜獄卒復白此間
亦有拘模孫佛時提婆達兜拘那含
牟尼佛時提婆達兜迦葉佛時提婆
達兜亦有在家提婆達兜出家提婆
達兜汝今比丘正命何者提婆達兜
目連報口吾今所命釋迦文佛叔父
兒提婆達兜故欲相見是時獄卒手
執鐵叉或執火焰燒炙彼身使令覺
寤尔時提婆達兜身體火焰熾然高
三十肘諸獄卒告曰汝今愚人何為
眠寐尔時提婆達兜衆苦所逼而報
之曰汝等今日何所教勅獄卒復語
汝今仰觀空中尋隨彼語仰觀虛空
見大目連結加趺坐坐寶蓮華如日
披雲提婆達兜見已便說斯偈
是誰現天光如日披雲出猶如金山聚
永元塵穢汙

尔時目連復以偈報

我是釋師子瞿曇之族末是彼次聲聞

今時提婆達兜語目連曰尊者目連何由故屈此間此間衆生造惡无量難可開化不作善根命終之後來生此間目連報曰我是佛使故來適此欲相慰念拔苦无本今時提婆達兜聞佛音響歡喜踊躍不能自勝並吐此言唯願尊者以時敷演如來世尊有何言教更不記說惡趣之无乎目連報曰提婆達兜勿懷恐怖地獄極苦无過斯處彼釋迦文佛如來至真等正覺慈念一切蚡飛蠢動如母愛子心无差別以時演義終不失叙亦不違類所演過量今神口所記汝本興起惡念欲害世尊復教將餘人使趣无由由此緣報入阿鼻地獄中當經歷一劫終无出期盡其劫數行盡命終當生四天王上展轉當生三十三天焰天兜率天化自在天他化自在天六十劫中不趣惡道周流人天之間寂後受身還復人形剝除鬚髮著三法衣以信堅固出家學道當成辟支佛号名曰南无所以然者由汝初死

臨斷命時稱南无故致斯号今彼如
來觀此善言南无故說名号六十
劫中作辟支佛尔時提婆達兜聞斯
語已歡喜踊躍善心生焉復白目連
如來所說言教必然不疑愍念群生
所濟无量大悲大慈兼化愚惑設我
今日以右脅卧阿鼻地獄中經歷一
劫心意專正終无禁倦尔時目連復
告提婆達兜曰汝今云何苦痛叵有
增損乎提婆達兜報曰我身苦痛遂
增无損今聞如來見授名号痛猶小
損盖不足言目連問曰汝今所患苦
痛之原為像何類提婆達兜報曰以
熱鐵輪轉我身壞復以鐵杵咬咀我
形有黑黑為踰蹈我身復有火山來鎮
我面昔日袈裟化為銅絲極為熾然
來著我體苦痛之原其状如斯目連
報曰汝頗自知罪過元本受斯苦惱
不乎吾今一二分別卿欲聞耶提婆
此偈

汝本取勝所壞乱比丘僧今以熱鐵杵
咬擣汝形體然彼之大眾第一聲聞者

闍闍比丘僧今以熱輪轉汝本教王放
酌酒飲黑鳥今以群黑鳥蹢躅汝形體
汝本以大石逐擲如來足今以火山報
燒汝无遺餘汝本以手拳然彼比丘屋
今被熱銅索捲燠不得申行報終不敗
亦復不住空是故當勸勉離此諸惡元
汝本提婆達兜所造元本正謂斯耳
當自專意向佛如來長夜之中獲福
无量今時提婆達兜復白目連今寄
目連頭面礼世尊足與居輕利遊步
康強亦復礼拜尊者阿難今時尊者
大目犍連放大神足使阿鼻地獄苦
痛休息今時復說斯偈
皆稱南无佛釋師取勝者彼能施安隱
除去諸苦惱

今時地獄衆生聞目連說此偈已六
万餘人行盡罪畢即彼命終生四天
王上今時目連即攝神足還至所在
到世尊所頭面礼足在一面立今時
目連白世尊目提婆達兜問評敬奉
無量與居輕利遊步康強亦復問評
阿難並作是說如來見記六十劫中
成辟支佛号名曰南无設我以右脅

卧阿鼻地獄中終不辭勞今時世尊
告曰善哉善哉目連多所饒益多所
潤及愍念群盲天人得安使諸如來
聲聞漸至滅盡涅槃之處是故目連
常當勤加成就三法所以然者若當
提婆達兜修行善法身三口四意三
者彼人終身不貪利養亦復不造五
逆罪入阿鼻地獄中所以然者夫人
貪利養者亦有恭敬之心向於三寶
亦復不奉持禁戒不具足身口意行
當貪專意身口意行如是目連當作
是學今時目連聞佛所說歡喜奉行
聞如是一時佛在舍衛國祇樹給孤
獨園今時世尊告諸比丘若有衆生
修行慈心解脫廣布其義與人演說
當獲此十一果報云何為十一卧安
覺安不見惡夢天護人愛不毒不兵
水火盜賊終不侵枉若身壞命終生
梵天上是謂比丘能行慈心獲此十
一之福今時世尊便說斯偈

若有行慈心亦无放逸行諸結漸漸薄
轉見於道跡以能行此慈當生梵天上
速疾得滅度永至无為處不煞无言心

亦无勝負意行慈普一切終无怨恨心
是故比丘當求方便行於慈心庶有
其義如是比丘當作是學今時諸比
丘聞佛所說歡喜奉行

增壹阿含經卷第四

癸卯歲高麗國大藏都監奉

勅彫造

增二阿舍經卷第四十八

如

禮三寶品第四十八

東晉罽賓三藏法師鳩摩羅什

聞如是一時佛在舍衛國祇樹給孤
獨園尔時世尊告諸比丘若善男子
善女人欲禮拜如來神寺者當行十
一法禮如來寺云何為十一興勇猛
意有所堪故意不錯亂恒一心故當
念專意諸止觀故諸念永息入三昧
故意及无量由智慧故意難觀察由
其形故意淡然靜由威儀故意无流
馳以名稱故意无想像由其色故梵
音難及由柔軟響故諸比丘若善男
子善女人欲拜如來寺當具此十一
法禮如來神寺長夜之中獲德无量
如是比丘當作是學尔時比丘聞佛
所說歡喜奉行

聞如是一時佛在舍衛國祇樹給孤
獨園尔時世尊告諸比丘若善男子
善女人欲行禮法當念十一事然後
禮法云何名為十一有慢當除慢夫
正法者於欲而除渴愛想夫正法者

於欲而除欲夫正法能斷生死剎源夫
行正法獲平等法然此正法斷諸惡
趣尋此正法得至善處夫正法者能
斷愛網行正法者從有至无行正法
者明靡不照夫正法者至涅槃界若
善男子善女人欲行禮法當思惟此
十一法然後便獲福无量長夜之中
受福无限如是比丘當作是學今時
諸比丘聞佛所說歡喜奉行

聞如是一時佛在舍衛國祇樹給孤
獨園今時世尊告諸比丘若善男子
善女人修禮僧者當專十一法然後
乃當禮僧云何為十一如來衆者正
法成就如來聖衆上下和合如來僧
者法法成就如來聖衆戒成就三昧
成就智慧成就解脫成就解脫見慧
成就如來聖衆能掌護三寶如來聖
衆能降伏外道異學如來聖衆是一
切衆生良友福田若善男子善女人
欲禮僧者當思惟此十一法長夜之
中獲福無量如是比丘當作是學今
時諸比丘天龍鬼神乾沓和阿須倫
迦留羅甄陀羅摩休勒天及人民聞

佛所說歡喜奉行

聞如是一時婆伽婆在摩竭國蜜唎
土利及羅城東大天園中止與大比丘
僧千二百五十人俱今時世尊食後
起與阿難共於樹園中經行佛便笑
阿難心念如來無所著等正覺不著
笑今何以笑必當有意我當問之阿難
整衣服石膝著地叉手問佛如來无
所著等正覺不著笑今何以笑必當
有意願聞笑意佛語阿難我當為汝
說過去賢劫初於此中間有轉輪聖
王主四天下名曰大天長壽無病端
正勇猛治以正法不枉人民有自然
七寶何等為七一者輪寶二者鳥寶
三者馬寶四者珠寶五者女寶六者
主藏寶七者典兵寶佛語阿難此大
天王為童子時八万四千歲作太子
時八万四千歲登聖王位八万四千
歲阿難問佛云何為輪寶佛語阿難
月十五日月盛滿時王沐浴清淨與姝
女上東樓上東向視有千輻金輪輪
高七仞為一多羅多羅者獨挺樹以
樹為限高大多羅純以紫磨金為輪

王見輪已心念此輪好輪願得提之
耶念已輪即就王左手便舉移右手
中王語此輪曰諸不伏者為我伏之
非我地者為我取之如法非不如法
語竟輪還住空輞東向轂北向王勅
左右具四種兵具兵已即將兵眾逐
輪立空隨輪東引巡行盡東界暮則
王與兵眾宿於輪下東界諸小王皆
來朝觀所貢皆以金鉢盛銀粟銀鉢
盛金粟善來大王此東界土地珍寶
人民盡是王有願當停駕住此我等
當秉承天教大天王答諸小王曰汝
等欲承我教者各還本國以十善教
民勿行枉橫誠勅已訖輪即於海上
迴轉赤雲而行海中自然開道廣一
由延王與四種兵隨輪如前巡行南
界南界諸小王亦來朝觀皆以金鉢
盛銀粟銀鉢盛金粟貢上曰善來天
王此南界土地珍寶人民盡是王有
願停駕住此我等當秉承天命大天
王答諸王曰汝等欲承我命者各還本
土以十善教民勿行枉橫誠勅已訖
輪則西迴案行西界西界諸王貢獻

勸請如南方比訖輪復北迴巡行北界
北界諸王亦皆朝覲貢獻勸請盡如前
法周遊四日遍閭浮提四海還本蜜
唎羅城於宮門前虛空中住高七多
羅剎東向王便入宮佛語阿難大天
得輪寶如此阿難復問佛大天得為
寶復云何佛語阿難大天以後十五
日月盛滿時沐浴清淨從諸婢女上
東樓上東向觀見空中有白鳥王名
滿呼乘虛而來七肢平時口有六牙頭
上金冠金為瓔珞以真珠交絡其體左
右佩金鈴鳥有神力變形自在大天
見之心自念曰我得此鳥可耶當使
有所為念訖鳥便立空中於王前王
即教以五事王復念曰當試此鳥為
能以不至明日日出王乘此鳥須臾
之間周遍四海還到本處於宮門東
東向立阿難大天所得鳥寶如此阿
難復問佛大天所得鳥寶復云何佛
語阿難大天到後十五日月盛滿時
沐浴清淨從諸婢女上西樓上西向
視見有紺馬王名婆羅舍秦言騾鳥
朱騾尾乘空而來行不動身頭上金

新寶為瓔珞披珠交絡左右垂鈴馬
有神力變形自在大天見之自念言
得此乘之可也念訖至王前王便乘欲
試之至明日日出王乘東行須臾之
頃周遍四海還至本國住宮門西西
向而立阿難大天所得馬寶如此阿
難問佛大天所得珠寶復云何佛語
阿難大天至後十五日月盛滿時沐浴
清淨將諸姝女上東樓上東向視
見有神珠珠長一尺六寸有八楞作
紺琉璃色乘空而來高七多羅大天
見之心念曰得此珠觀之可也如念
獲之王欲試之至夜半合四種兵以
珠懸於幢頭出城而遊珠照辟方十
二由延兵衆相見如晝無異珠光所
及人民驚起皆言天明王即還宮以
幢堅之宮內內外常明與晝不異阿
難大天所得珠寶如此阿難問佛大
天至十五日月盛滿時沐浴清淨從
諸姝女上東樓上東向視見有剎帝
利女寶名曼那呵利秦言率端端正
無比姝妙嚴淨不長不短不麤不細

不白不黑冬則溫煖夏則清涼身毛
孔中出梅檀香口出曼鉢蓮花香亦
无女人象惡姿態情性調和先意奉
旨乘虛而來逕至王所阿難大天所
獲王女寶如是阿難問佛大天所得
主藏寶者復六何佛語阿難大天至
十五日月盛滿時沐浴清淨將諸姝
女上北樓上北向觀見主藏臣名阿
羅咆吱泰言所禮端正姝妙不長不
短不肥不瘦身黃金色髮紺青色眼
白黑分明又能視見地伏藏七寶有
主者為護之无主者取共王用聰明智
慧善有方謀乘虛而來逕詣王前而
謂王曰自今已往王快可自樂勿復
憂愁我當給王寶不令有乏王便試
藏臣與之乘船獨共入海王謂藏臣
者言吾欲得金銀財寶藏臣者白王
還至岸邊當給財寶王曰吾欲得水
中寶不用岸上者主藏臣者便從坐起
整衣服跪右膝叉手礼水水中即自然
出金頂大如車轂須臾滿船王曰可
止勿復上金船將欲沒阿難大天所
獲典寶臣如此阿難復問佛大天所

得與兵將軍者復云何佛語阿難大
天至十五日月盛滿時沐浴清淨將
諸姝女上南樓上南向觀見南方有
大將軍比毗鄰奉言羅刹端正姝好
髮如真珠色身猶綠色不長不短不
肥不瘦眼能徹視知他人心念軍榮
變謀進退知時乘虛而來逕詣王所
謂王曰願王自恣快樂莫憂天下征
伐四方臣自辨之王欲試之半夜思
惟欲合四種兵念訖四兵盡集王復
念欲使東引軍即東引王在中央將
軍在前四兵圍繞王念欲往即往王
念欲還即還阿難大天所獲與兵將
軍實如此佛語阿難大天所獲七寶
如此佛語阿難大天王治天下遂久
便語梳頭侍者名劫比若有白髮者
便拔示我劫比視髮遂久見有一白
髮便白王曰前所勅者今已白見王
曰拔來示我劫比即以金鐸拔取白
髮置王手中王捉白髮便說斯偈
我身首上生此毀莊身使來召
入道時到

王心念曰我已極人五欲今當出家

下鬚髮被法服召太子長生告曰童子吾頭已有白髮出世間五欲吾已厭之今欲求天所欲我今欲剃鬚髮著法服出家為道汝當領國政立長為太子好養劫比使伺白髮白髮出者以國付太子如我出家下鬚髮被法服王告太子我今以此聖位懇懇累汝當使聖位世世相紹莫使種斷種斷者便為邊地人也若斷善行者便生無法處大天王誡勅已便以國付太子長生給劫比田紫佛語阿難大天王於此城於此園於此地下鬚髮著法服入道於此處八万四千歲行四梵行慈悲喜護於是壽終得生梵天大天出家七日後女寶命終長生登位已至十五日月威滿時將諸姪女上東樓上東向視見有玉女端正如前乘虛而來長生還服七寶王長生已領國政統四天下長生復語劫比從今而去為我梳頭時見白髮輒來白我登聖王位遂經八万四千歲白髮復生劫比白王素髮已生王曰拔來者吾掌中劫比即以金鑷拔置王手中

正執白髮即說偈曰

法華經卷第八

第十張如

我身首上生此毀莊身使來召
入道時到

王心念曰我已極人五欲今當出家
下頰被法服即召太子冠髻告曰童
子吾已頭白世間五欲吾已厭之當
求天欲我今欲出家為道剃除頰髮
被著法服汝當領國政立長為太子
好養劫北使伺白髮白髮出者以國
付太子如我出家下頰髮被法服王
告太子我今以此聖王位懇懇累汝
當使聖王位世世相紹莫使種斷種
斷者便為邊地人也若斷善行者便
生無法處長生王誠勅已即以國付
太子冠髻給劫北田業佛語阿難長
生王亦於此城此園此地下頰髮著
法服入道於此處八万四千歲行四
梵行慈悲喜護也於是壽終得生梵
天佛語阿難王長生出家之後七日
之中七寶自然化去冠髻王憂愁不
樂諸臣見王不悅便問王曰天王何
以不悅王答諸臣曰以七寶化去故
也諸臣白王王勿以為憂王曰何得

不憂也。臣等啓曰：父王梵行近在園中，可往諮承。必當誨王致寶之法。王即勅嚴駕，諸臣便嚴駕訖，訖便白王王與群臣乘七寶車，以五物為幟寶冠。羽蓋劍肩寶履，左右臣從進詣園所。到則下車廢却五物，步入園門前至父王稽首禮足，却住一面叉手白言：王所有七寶，今皆化去。父先定坐間，所啓白仰頭答曰：童子夫聖王法，不恃父之所有也。汝自行法承之。王復問曰：轉輪聖王以何法化？父便答曰：敬法重法，念法養法，長法熾法。大法行此七法者，便應聖王治也。可以致寶也。王復問曰：云何敬法？乃至大法也。父答曰：當學給賜貧窮，教民孝養二親。四時八節，以時祭祠，誨以忍辱除婬嫉癡行。此七法者，乃應聖王法也。王即受教，辭退却禮。遶七匝已，便引還。歸於是王輒承父命，奉行七法。宣令遠近，祇崇王教。王便開藏，給賜貧窮侍養孤老。四方之民莫不奉承。於是王以十五日月盛滿時，沐浴清淨，將諸姝女上東樓上，東向覲見，有千輻。

此磨金輪輪高七多羅去地亦七多
羅乘虛而來住於空中王心念曰願
得此輪可乎輪即下至王左手復移
之於右手王語此輪諸不伏者為我
伏之非我地者為我取之如法非不
如法王便以手投輪還之虛空於宮
門東輞東向轂北向而住空中輪後
次有白鳥次有紺馬次有神珠次有
玉女次有主藏次有將軍此七寶出
如大天王比試亦如是逕八萬四千
歲竟王賜劫比并勅太子及付國事
出家入道皆如前王法佛語阿難此
冠髻王於此城園地下鬚髮被法服
八萬四千歲修四梵行慈悲喜護於
是壽盡亦生梵天佛告阿難大王子
孫相紹乃至八萬四千歲轉輪聖王位
善種不斷最後聖王名在音之治以
正法為人聰明審諦不忘相有三十
二色猶紅蓮花好喜布施供養沙門
婆羅門侍養孤老賑給貧窮於四城門
及城中央置設庫藏金銀雜寶為馬
車乘衣服牀褥病瘦醫藥香華飲食
諸孤獨者皆給妻婦種種惠施隨人

所欲王於六齊之日具勅內外皆持
八關於斯之日首陀會天當念來下
受其八戒帝釋三十三天皆歎其國
人民快哉善利乃值斯法王耶種種
惠施恣民所欲又能清淨齋戒無關
天帝釋告諸天子欲得見在王不成
言欲見可使來至此釋提桓因即勅
窮鼻居

窮鼻居者言極也

天女汝詣

塞嘍羅城告在王曰卿大得善利也
此間諸天皆歎卿功德巍巍為吾致
問慇懃此諸天子其思相見暫可屈
意來至於此窮鼻居受教便下如人
屈伸辭頃忽然而在王殿前虛空中立
王侍一姝女於殿上坐思念世間欲
使一切皆得安隱无衆苦患窮鼻居
於空中彈指覺之王舉頭見殿上光
明聞其聲曰我是釋提桓因侍者故
遣我詣王王答曰不審天帝何所約
勅天女答曰天帝致意慇懃此諸天
子讚卿功德預思相見可暫屈意王
默然許之天女便還白天帝曰已達
宣命許當馳詣天帝即勅侍御嚴駕
七寶飛行馬車下到塞嘍羅城迎於

在王侍御受教即駕馬車忽然便下
王與群臣會於都坐車當王前於空
中止御者告曰天帝令遣車相迎諸
天子儼然相待便可上車勿復顧戀
諸臣大小聞王當去僉然不悅皆起
而立叉手白言王去之後臣等何所
承命王荅曰卿等勿憂吾去之後施
惠濟戒養民治國如吾在時我比還
不久王誠勅託車即下地王便上車
侍御問王當從何道王曰此言何謂
侍御荅曰夫行有兩道一者惡道二
者善道行惡者從惡道到苦處修善
者遊善道至樂處王曰今日行道善
惡皆欲從之御者聞之久乃寤曰甚
善大王御者便引在兩道之中善惡
悉覩逕詣三十三天天帝及諸天子
遇見王來釋提桓因曰善來大王命
令共坐佛詔阿難王便就天帝坐王
與帝釋親相被服音聲一揆諸天子
心中念言何者帝釋何者為王又復
念曰人法當眇而俱不眇各懷惛然
無以別之天帝見諸天有疑心復念
言我當留王使住然後乃寤耳帝釋

謂諸天子卿等欲使我留三位此不
諸天子曰實欲使住天帝謂往大王
可住此不我當供給五欲因是諸天
乃識人王白天帝曰正余便為給賜
已願諸天子壽命无極賓主請讓如
是至三帝釋謂王何以不住王荅曰
我當出家修道今在天上无緣學道
天帝曰胡為作道王曰被父王遺令
若白髮生法當出家釋聞遺令入道
默然不對王於天上須臾之間五欲
自恣方之世間已十二年王將欲別
與諸天子說審諦法釋勅侍御送
往王還於本國侍御受教即嚴駕駕
訖白王曰王可上車於是王便與帝
釋及諸天子話別即上車循本道而
歸到蜜提羅宮侍御即還入王下數
日復勅劫北若見白髮便白我數日
之中頭上白髮劫北以金鐮拔白髮
置王手中王見已便說偈曰
我身頭上生此毀莊身使來召
入道時到

王心念我已極人五欲今當出家剃
頭髮被法服王即召太子善盡告曰
吾白髮已出世間五欲吾已厭之當

求天欲當下鬚髮被法服出家入道
童子今以國事付汝好養劫北若白
裁出者以國付太子出家入道童子
今以此聖王位累汝莫使種斷種斷
者便為邊地人也佛語阿難在王即
付太子國政給劫北田業已於此城
園地下鬚髮被法服出家修道修道
之後於七日中輪珠化去為馬王女
長者將軍皆悉无常王於園中八万
四千歲行四梵行慈悲喜護命終生
梵天其後善盡王不承父業正法替
廢由是七實不復來應善行不繼五
減遂至人民短命薄色少力多病无
智五減以至轉復貧困困窮竊盜相
糾詣王啓曰此人不與取王即勅外
行刑國人聞不與取王輒驚之皆咸
其惡各興利刀刀自此始造由是煞
生從此起便有兩惡出次復姪犯他
妻夫主共諍自言我不便成四惡兩
舌違闕是為五惡闕則相罵是為六
惡言不至誠是為七惡嫉他和合是
為八惡含忿色變是為九惡心懷疑

亂是為十惡十惡已具五減轉增佛
語阿難欲知今時大天王在賢劫初
興者不則我是也阿難欲知今時八
万四千年王名荏治政无枉者則汝
是也欲知今時取後名善盡王暴逆
不道新聖王種者調達是也阿難汝
於往時承繼大天轉輪聖王之善嗣
使其紹立不絕者汝之功也如法非
不如法阿難我今是无上法王今我
遺无上善法懇勸囑累汝汝是釋種子
莫作邊地人莫為斷種行阿難問佛
何以故當作斷種行佛語阿難大天
王雖行善法未得漏盡出世間未得
度未得斷欲未得破二十億結六十
二見未除三垢未淨未得神通未得
解脫真道不得涅槃大天所行善法
不過生梵天阿難我明法究竟无為
我法得到實際天人之上我法無漏
無欲減沒度通解脫真沙門至涅槃
阿難我今以是无上道法懇勸囑累汝
莫增減我法莫作邊地人也若有現
行聲聞阿難設有斷此法者便為邊
地人也若能興此法者便為佛長子

即為眷屬成就阿難汝當成就眷屬
莫作滅族行阿難我前後所說法盡
屬累汝汝當學是佛說是已阿難歡
喜奉行

聞如是一時佛在舍衛國祇樹給孤
獨園今時世尊告諸比丘有四大泥
梨之人云何為四所謂末伽梨罪人
帝舍比丘是大罪人提婆達兜是大
罪人瞿波離比丘是大罪人末伽梨
罪人者身出火光長六十肘帝舍罪
人者身出火光長四十肘提婆達兜
罪人者身出火光長三十肘瞿波離
罪人者身出火光長二十肘比丘當
知末伽梨教無數衆生使行邪見顛
倒之想計有無之想帝舍愚人者斷
諸聖衆應器遺餘提婆達兜愚人者
闖亂衆僧然阿羅漢比丘尼起害意
向於如來瞿波離罪人方誹謗舍利
弗目軋連又復比丘末伽梨罪人教
無數衆生使行邪見身壞命終墮熾
光涅槃黎中帝舍罪人斷聖衆應器遺
餘身壞命終墮等害地獄中提婆達
兜罪人者起謀害心向於如來身壞

命終墮阿鼻地獄中瞿波離罪人者
由其誹謗舍利弗目犍連身壞命終
墮鉢投摩地獄中末佉離罪人者是
時獄卒生拔其舌背脊上所以然
者由其曩昔教無數衆生使行邪見
帝舍大罪人者是時獄卒生擗其身
鎔銅灌壞其心又以熱鐵丸使令吞
之所以然者由其斷應器遺餘故提
婆達兜罪人者以熱鐵輪轆壞其身
又以鐵杵吹咀其體群暴惡爲踰跢
其身又復大熱鐵山鎮押面上舉身
爲熱銅茶所裹所以然者由其曩昔
鬪亂聖衆壞和合僧故致鐵輪轆斷
其頭又此提婆達兜愚人教彼太子
使害父王由是果報故使鐵杵破壞
其身又彼提婆達兜愚癡之人飲爲
使醉往害如來由是果報群鳥踰跢
其體又彼提婆達兜惡人上耆闍崛
山顛執石擲佛由斯果報故使熱
鐵山鎮押其面然彼提婆達兜愚人
然阿羅漢比丘及由斯果報故使熱
銅鐵茶纏裹其身比丘當知瞿波離
罪人者在彼蓮花地獄中千具犁牛

以犁其舌所以然者由其誹謗舍利弗
目連故由此因緣果報使千具犁牛
而壞其舌又復比丘末佉離罪人者
身出火光長六十肘若有衆生興起
此念當拔濟饒益此人取四大海水高
四十肘澆灌其身然彼海水尋時消
盡焰不增減由是熱鐵業火燒四日
有人來以四滂水澆然水尋時消盡
此亦如是若有人來以四大海水澆彼
人身欲令無為終不可果所以然者
由彼罪過極深重故然彼帝舍罪人
身出火光長四十肘設有衆生愍念
此人以三大海水澆灌其身然彼海
水尋時消盡火焰不減其猶有人以三
滂水著熱鐵上水尋消滅不得久停
此亦如是若以三大海水澆帝舍身
上水尋時滅火終不增減提婆達兜
罪人身出火光長三十肘若有衆生
興起愛念之心欲使提婆達兜身永
處无為以三大海水澆灌其身水尋
時盡火終不滅猶如以二滂水著熱
鐵上終无增減提婆達兜愚人亦如是
以二大海水澆灌其身水尋時盡火

終不滅提婆達現身體苦痛如斯瞿
波離罪人身出火光長二十肘設有
衆生愍念斯人取一大海水澆灌其
身然彼海水尋時消盡火終不滅猶
如一滴水著熱鐵上尋時消盡不得
久停瞿波離比丘亦復如是罪報所牽
故受斯罪是謂比丘此四種人受罪
極重當自盡意遠離斯患承諸賢聖
等修梵行者如是仁者當作斯學今時
諸比丘聞佛所說歡喜奉行

聞如是一時佛在舍衛國祇樹給孤
獨園今時世尊告諸比丘我今明曉
地獄亦知趣地獄之徑亦復知彼地
獄衆生之本設復衆生造諸惡不善
之行身壞命終入地獄中我亦知之
又復比丘我亦知明曉畜生亦知趣
畜生之道亦復知畜生之本作諸惡
元生彼者亦悉曉了我今亦知餓鬼
之道其有作惡根元者生餓鬼中我
亦知之我今亦知人道向人之趣其
有衆生得人身者我亦知之我亦知
趣天之道其有衆生作諸德本生彼
天上我亦知之我亦知涅槃之趣其

有衆生有漏盡成无漏心解脫智慧
解脫於現法中而取證果我亦知之
比丘當知我知地獄之趣以何因緣
而說斯言乎佛告諸比丘我今觀察
衆生心意所謂此人身壞命終應入
地獄中然後時觀此人以入地獄中
受苦酸酷考掠無數愁憂苦惱不可
稱記猶如一大火坑無有塵烟設有
人來逗趣斯處又且有目之士觀此
人所趣必當墜火終不虛也然復後
時觀此人以墜火坑吾所謂人者以
墜火坑今觀察衆生心意所念必入
地獄不疑如我後時觀察此人以定
入地獄受苦酸酷不可稱記云何斯
人以入地獄是謂我觀趣地獄衆生
作諸惡行不善之業身壞命終入
地獄中我悉知之吾所說者正謂此
耳我知畜生之道亦知趣畜生者以
何緣本而說此乎於是比丘我觀察
衆生心中所念此人身壞命終生畜
生中有我後時觀察此人以生畜生
中愁憂苦惱不可稱計云何斯人以
墜畜生中乎猶如村落有大圓廁屎

滿其中設有斯人徑趣斯處有目之士見斯人來徑趣斯處此人不久徑墮于廁然後時觀此人已墮于廁受厄窮困不可稱記云何斯人已墮于廁我今觀衆生類亦復如是斯人命終應生畜生中又復時觀已生畜生中受苦元量我今觀畜生衆生皆悉明了我所說者正謂此耳我亦知餓鬼衆生餓鬼之道其身壞命終生餓鬼者我亦知之其有衆生身壞命終趣餓鬼之道我悉知之我復於後時觀見此衆生以入餓鬼受苦痛樂痛苦何斯人以入餓鬼中乎猶如大村落側有一大樹生危嶮之處枝葉凋落設有人來往趣斯處有目之士遙觀此人必趣樹不疑復後時觀此人或坐或卧受其苦樂之報云何斯人以至樹下坐卧乎今我觀衆生之類亦復如是身壞命終必趣餓鬼不疑受其苦樂之報不可稱記我知餓鬼趣餓鬼之道皆悉分明我所說者正謂此耳我知人道亦知趣人道其有造行身壞命終生人中者我亦知之

於是比丘我觀衆生類心中所念此人必當身壞命終應生人中我復於後時觀此人已生人中云何斯人已生人中猶如村落側有一大樹在平正處多諸陰涼若有人自從一道來有目之士見已便知之斯人所趣向定至此樹不疑我復於後時觀此人已至此樹受樂无量云何斯人得至斯處此亦如是我觀衆生心意所念亦如是身壞命終必生人中不疑我復於後時觀此人已生人中受樂无量我知人趣亦知趣人之道今生人中者我亦知之我所說者正謂此耳我亦知天亦知趣天之道其有衆生作諸切業生天者我亦知之以何因緣而說此乎我今觀衆生之類心中所念此人必當身壞命終生善處天上然後時觀此人身壞命終生善處天上於彼受自然之福快樂無比是謂斯人已生天上於彼受自然之福快樂無比猶如村落側有好高廣講堂彫文刻鏤懸繒幡蓋香汁灑地敷好坐具毘氎遶遶文繡純純若有人有

從一道來有目之士直從一道來此人所趣向定至高廣講堂必不疑復於後時觀見此人已到講堂上或坐或卧於中受福快樂無比此亦如是吾今觀衆生類身壞命終應生善處天上於彼受樂快不可計云何斯人以生善處天上乎我知天道趣天之路乎我所說者正謂此耳我今知涅槃亦知涅槃之道亦知衆生應般涅槃者或有衆生盡有漏成无漏心解脫智慧解脫現身取證而自遊化我志知之由何因緣而說此乎於是比丘我觀衆生類心中所念此人盡有漏成无漏心解脫智慧解脫是謂斯人以盡有漏成无漏猶如去村落不遠有大池水極清徹若有人直從一道來有目之士遙見斯人來知此人必至池水不疑又後時觀此人已至池水沐浴澡洗除諸穢汙去諸垢汙在側而坐亦不與人共相諍競我今觀衆生類亦復如是盡有漏成无漏心解脫智慧解脫生死已盡梵行已立所作已辦名色知如真是謂斯人

已至此處我知涅槃之道亦知衆生
般涅槃者皆悉知之如來至真等正
覺有此之智无畏力具皆悉成就如
來智无有量如來能觀過去无限無
量不可計事皆悉知之將來現在无
限無量皆悉分別是故比丘當求方
便具足十力無畏如是比丘當作是
學今時諸比丘聞佛所說歡喜奉行
聞如是一時佛在舍衛國祇樹給孤
獨園今時世尊告諸比丘依雪山上
有大高廣之樹五事長大云何為五
根不移動皮極厚大枝節遠蔭靡所
不覆葉極茂盛是謂比丘依雪山上
有此大樹極為後好今善男子善女
人亦復如是依豪族之處五事長益
云何為五所謂信長益戒長益聞長
益施長益慧長益是謂比丘信善男
子善女人依豪族家成就此五事是
故比丘當求方便成就信戒聞施智
慧今時世尊便說斯偈

猶如雪山樹五事功德成根皮枝節廣
陰葉極茂盛有信善男子五事功德成
信戒聞惠施智慧遂增益

如是比丘當作是學。今時諸比丘聞佛所說歡喜奉行。

聞如是一時佛在舍衛國祇樹給孤獨園。今時茂羅破群比丘與諸比丘共相遊處。然諸比丘亦復好樂共相遊處。其有人民稱譏茂羅破群比丘者。是時諸比丘屈極懷瞋恚。憂不悅。是時破群比丘亦復愁憂不悅。是時多衆比丘告破群比丘曰。汝今云何親近諸比丘。屈諸比丘亦復與汝交接。破群報曰。我今解如來所說教。誠其有犯姪者。罪不足言。衆多比丘復告曰。止止比丘。勿作斯言。莫誹謗如來言教。其誹謗如來言教者。罪咎不少。又復世尊無數方便說姪之職。其有習姪使无罪者。終無此理。汝今可捨此惡見。備於長夜受苦。云何然此破群比丘故與交通而不改其行。今時衆多比丘往至世尊所。頭面禮足而白。世尊言。舍衛城中有一比丘名曰破群。與諸比丘屈共相交接。然諸比丘屈亦與破群比丘交接。生來

我等往彼勸喻使改其行然彼二人
遂更增益亦不捨此顛倒之見亦不
順正法之業尔時世尊告一比丘汝
往至彼破群比丘所云如來喚尔時
比丘受如來教即往到破群比丘所
汝當知之如來喚卿破群比丘聞彼
比丘語即往到世尊所頭面礼足在
一面坐尔時世尊問彼比丘曰汝審
親近諸比丘耶彼比丘對曰如是
世尊佛告比丘汝為比丘云何與比
丘尼共相交接汝今是族姓子剃除
鬚髮著三法衣以信堅固出家學道
破群比丘白佛言唯然世尊我是族
姓子以信堅固出家學道佛告比丘
非汝之法云何與比丘尼共相交接破
群比丘白佛言我聞如來所說其習
姪者其罪蓋不足言佛告比丘汝愚
人云何說如來習姪无罪我無數方
便說姪之穢汙汝今云何作是語如
來說姪无罪汝好守護口過無令長夜
恒受其罪佛告之曰汝今且止須吾
更問諸比丘尔時世尊告諸比丘曰
汝等頗聞吾與諸比丘說姪无罪乎

諸比丘對曰唯然世尊不聞如來說
姓無罪所以然者如來無數方便說
姓之穢汙設言無罪此義不然佛告
諸比丘善哉善哉諸比丘如汝所言
我無數方便說姓之穢汙今時世尊
重告諸比丘曰汝等當知若有愚人
習於法行所謂契經祇夜偈授決因緣
本末譬喻生方等未曾有說廣普雖
誦斯法不解其義以不觀察其義亦
不順從其法所應順法終不從其行所
以誦斯法者徒欲與人共競諍意計
勝負亦不自為已有所濟及彼誦法
已則犯制限猶如有人出彼村落欲
求惡馳彼若見極大之馳到已以左
手摩按其尾然彼馳迴頭整整其手
由此緣報便致命終此亦如是若有
愚人既習其法十二部經靡不斟酌
亦不觀察其義所以然者由不究竟
正法義故於是若有善男子將護
習其法契經祇夜偈授決因緣本末譬
喻生方等未曾有說廣普彼人誦此
法已深解其義以解彼深義之法順
從其教元所遺失所以誦法者不以

勝負之心與彼覺淨所以誦習法者
欲自慕修有察及所以誦法者果有
所願由此因緣漸至涅槃猶如有人
出彼村落求覓惡蛇彼見蛇已手執
鐵鉗先鑷其頭後便捉項不令動搖
設彼惡蛇迴尾欲害彼人終無所至
所以然者比丘由其捉項故此善界
子亦復如是誦習誦讀靡不因緣觀察
其義順從其法終无違失漸漸由此
因緣得至涅槃所以然者由其執正
法故是故諸比丘其有解吾義者當
念奉行其不解者重來問我如來方
今現在後悔無益今時佛告諸比丘設
有比丘在大眾中而作是說如來所
說禁戒我悉解了其習姪者罪蓋不
足言彼比丘當語斯比丘止止莫作
斯言莫誹謗如來言說斯語如來終
不說此言若此比丘改其所犯者善
若不改其行者復當再三諫之設當
改者善設不改者墮若復比丘隱匿其
事不使露現者諸人皆墮是謂比丘
我之禁戒今時諸比丘聞佛所說歡
喜奉行

聞如是一時佛在舍衛國祇樹給孤
獨園今時生漏梵志往至世尊所共
相問許在一面坐今時生漏梵志白
世尊曰為有幾劫過去佛告梵志過
去諸劫不可稱計梵志白佛為可計
數不平沙門瞿曇恒說三世云何為
三所謂過去將來現在沙門瞿曇亦
知過去當來現在之世唯賴沙門演
說劫數之義佛告梵志若當我說因
此劫復次此劫我既滅度汝取命終
不知劫數之義我所以然者如今人壽
短促極壽不過百年計百年中數劫
者我取滅度汝既命終終不知劫數
之義梵志當知如來亦有此知具足
分別劫數衆生壽命長短受其苦樂
皆悉分明今當與汝引譬智者以譬
喻得解猶如恒沙之數亦无有限無
有量不可計筭過去劫者其數如是
不可稱計不可等量梵志白佛當來
劫頗有幾數佛告梵志亦恒沙之數
无有齊畔不可稱計非筭所及梵志
復問佛頗有現在劫成敗劫乎佛告
梵志有此成劫敗劫非一劫百劫猶

如器皿在危地終不安住設當住者
要當顛倒諸世界方域亦復如是或
有劫成或有劫敗此數亦復叵計為
幾劫成為幾劫敗所以然者生死長
遠无有邊際衆生以无明結覆蓋漂
浪流滯從今世至後世從後世至今
世長夜受苦惱當可厭患去離此惱
是故梵志當作是學今時生漏梵志
白世尊言沙門瞿曇甚奇甚特知過
去當來劫數之義我今重複自歸沙
門瞿曇唯願沙門瞿曇聽為優婆
塞盡其形壽不敢後然乃至飲酒今
時生漏梵志聞佛所說歡喜奉行
聞如是一時佛在羅閱城耆闍崛山
中與大比丘衆五百人俱今時有一
異比丘白世尊言劫頗有邊際乎佛
告比丘方便引譬然劫數無窮盡過去
久遠於此賢劫中有佛出号曰俱樓
孫至真等正覺今時此耆闍崛山更
有姓号今時羅閱城人民之類上此耆
闍崛山中四日四夜行乃徹頂又復比
丘拘那含牟尼佛時此耆闍崛山更有
姓号今時羅閱城人民之類三日三

夜行乃至此山頂迦葉如來出現於
世此耆闍崛山更有姓号時羅闍城
人民之類二日二夜行乃至此山頂
如我今日釋迦文佛出現於世此山
名耆闍崛山須臾之頃乃到此山頂
若弥勒如來出現於世此山亦名耆
闍崛山所以然者諸佛神力咸使出
此山在此丘當以方便知劫有衰盡
不可稱計然劫有二種大劫小劫若
於劫中無佛出世余時復有辟支佛
出世此名為小劫若如來於劫中出世
余時彼劫中元有辟支佛出現於世
此名為大劫比丘當以此方便知劫
數長遠不可稱計是故比丘當憶此
劫數之義余時異比丘聞佛所說歡
喜奉行

增壹阿含經卷第四十八

癸卯歲高麗國大藏都監奉
勅彫造

增壹阿含經卷第四十九

如

東晉高僧慧遠法師譯

非常品第四十九

聞如是一時佛在舍衛國祇樹給孤
獨園。爾時世尊告諸比丘云：「何比丘
汝等流轉生死經歷苦惱於中悲號
涕泣淚出為多耶？為恒水多乎？」爾時
比丘前白佛言：「我等觀察如來所說
義經歷生死涕泣之淚多於恒水。佛
告比丘：善哉善哉！諸比丘，如汝所說
無有異。汝等在生死淚多於恒水，所
以然者，於生死中亦更父母終亡於
中，墮淚不可稱計。長夜之中，父兄姊
妹妻子五親及諸恩愛，追慕悲泣不可
稱計。是故比丘當默思生死去離此
法，如是比丘當作此學，當說此法時
六十餘比丘漏盡意解。爾時諸比丘
聞佛所說歡喜奉行。」

聞如是一時佛在舍衛國祇樹給孤
獨園。爾時世尊告諸比丘云：「何比丘
汝等在生死中身體毀壞流血多耶？
為恒水多乎？」爾時諸比丘白佛言：「如我

等觀察如來所說者沉血多於恒水
佛告諸比丘善哉善哉比丘如汝所
言沉血多於恒水所以然者在生死
中或作牛羊猪犬鹿馬鳥獸及餘無
數所經歷苦惱害可厭患當念捨離
如是比丘當作是學今時世尊說是
法時六十餘比丘渴盡意解今時諸
比丘聞佛所說歡喜奉行

聞如是一時佛在舍衛國祇樹給孤
獨園今時世尊告諸比丘當思惟無
常想廣布无常想以思惟廣布无常
想盡斷欲愛色受无色受無明憍慢
皆悉除盡猶如以火焚燒草木永盡
無餘比丘當知若思惟無常想廣布
无常想盡斷三界愛著昔有國王名
曰清淨音響統領閭浮地有八万四
千城郭有八万四千大臣有八万四
千宮人姝女一一姝女各有四侍人今
時音響音聖王无有子息時彼大王便
作是念吾今領此國界以法治化无
有枉理然我今日亦无繼嗣設我終
後門族斷滅時彼國王以息因緣故
自歸諸天龍神日月星辰自歸釋梵

以天王山神樹神下及藥草草木等
求福使我生息尔時三十三天有一
天子名曰須菩提命將欲終有五應
瑞自然逼已云何為五又此諸天華
終不萎此天子花冠自萎是時諸天
衣無垢玢尔時此天子衣生垢玢且
三十三天身體香潔光明徹照尔時
彼天子身體臭處不可親近又且三
十三天恒有玉女前後圍繞作倡伎
樂五欲自恣尔時彼天子命將欲終
玉女離散又且三十三天有自然之
座四尺入地設天子起座離地四尺
然此天子命將欲終不樂本座是謂
五瑞應自然逼已時須菩提天子以
有此瑞應尔時釋提桓因告一天子
曰汝今往至閻浮地語音響言王曰釋提
桓因致敬無量興居輕利遊步康強
問浮地无有德之人與王作息但今
三十三天有天子名曰須菩提今有
五瑞應自然逼已必當降神與王作
息雖尔年壯盛時必當出家學道修
无上梵行諸天對曰如是天王受天
王教猶如力士屈申臂頃從三十三

天沒來至閻浮地。尔時音響大王在
高樓上及持蓋一人。是時彼天在樓
上虛空中。告王曰。釋提桓因。致敬无
量。遊步康強。興居輕利。閻浮地无有
德之人。與王作息。今三十三天有天子
名須菩提。今有五瑞應。以逼於已。當降
神下。應與王作息。但年壯盛時。必當
出家學道。修无上梵行。時音響王聞
此語。已歡喜踊躍。不能自勝。即報天
曰。今來所告。甚過大幸。但降神與我
作息。欲求出家。終不違逆。是時彼天還
至。釋提桓因所。即白天王音響王者。
甚愛所白音響王言。但使降神欲出
家者。終不違逆。時釋提桓因便往。至
須菩提天子所。語須菩提天子言。汝
今發誓願生音響人王宮中。所以然
者。音響人王无有子息。恒以正法治
化。汝昔有福造衆功德。今應降神生
彼宮中。須菩提天子曰。止。止。天王。我
不樂願生人王宮中。意欲出家學道。
在王宮者。學道甚難。釋提桓因告曰。
汝但發願生彼王宮中。我當將護。令
汝出家學道。比丘當知。尔時須菩提

天子即發誓願生王宮中是時音響人王與第一夫人共相交接覺身懷妊是時夫人白音響王曰大王當知我今覺身懷妊時王聞已踊躍歡喜不能自勝更以殊特布好坐具食以甘美如王無異是時夫人經八九月生一男兒極為端正顏貌奇特世之希有時音響王曰諸外道梵志群臣使令占相以此因緣本末具向諸相師說諸婆羅門報曰唯願大王當察此理今生太子世之殊特昔為天子名須菩提今尋前号名須菩提時諸相師立姓号已各從座起而去時王子須菩提為王所敬重未曾離目前是時音響王便作是念我昔日已來無有子息緣子息故禱謝諸天使有一子經歷今許時今方生子然天帝所記當出家學道我今要設巧便使不出家學道是時音響王為太子故設三時宮殿寒時設溫殿熱時設涼殿不寒不熱時設適時宮殿與設四種宮女居處第一宮有六万妹女第二有六万妹女第三有六万妹女第

四有六万姝女各有侍從四人作轉關坐具令彼太子於上而卧若須菩提王子意欲在前遊戲是時諸姝女輒在前立是時彼座具隨身迴轉前有六万姝女及侍者有四若彼意欲在後遊戲是時座牀輒隨身迴轉若復欲與諸姝女共相娛樂是時座具隨身迴轉使王子須菩提意在五欲不樂出家是時釋提桓因夜半非人之時便往至王子須菩提所在虛空中告須菩提王子曰王子昔日豈不作是念乎若我在家年壯盛時當出家學道今日何故在五欲中而自娛樂意不復願出家學道乎然我亦有斯言勸樂王子使出家學道今正是時設不出家學道者後悔无益釋提桓因說斯語已便退而去時王子須菩提在宮人中便生此念音響王者已與我作愛欲羅網因緣此愛欲羅網故不得出家學道我今可斷此羅網不與穢濁所拘牽以信堅固出家學道在空靜之處勤學經業使今日新是時王子須菩提重作是念音響父

王有此六万姝女前後圍遶我今當
觀察頗有斯理在世永存乎尔時王
子須菩提遍觀宮裏无有女人久存
世者時須菩提復作是念我今何故
觀於外物當觀身内因緣所起今此
身中頗有髮毛爪齒骨髓之屬久存
於世乎從頭至足觀三十六物汙露
不淨然自觀察无一可貪亦无真實
幻偽非真皆歸於空不久存於世是
時王子須菩提復作是念我今當斷
此羅網出家學道是時須菩提觀此
五受陰身所謂此色苦此色習此色
滅此色出要痛想行識苦識習識滅
識出要尔時觀此五陰身已所謂習
法皆是盡法即於座上得辟支佛時
須菩提辟支佛以覺成佛便說斯偈
欲我知汝本意以思想生我不思想汝
則汝而不有

是時辟支佛說此偈已飛在虛空而
去在一山中獨在樹下於无餘涅槃
界而般涅槃尔時音響王告傍臣曰
汝往觀須菩提宮内王子為寤寐安
隱乎尔時大臣受王教令即往至王

于宮內然所寢內室門戶牢固時彼
六臣還至王所前白王言王子寤寐
安隱門戶牢固時王垂三問汝往看
王子為喜眠乎尔時彼臣復至宮門
然門戶牢固復往白王王子在宮眠
寐不覺門戶牢固至今不開時音響
三復作是念我息王子少時猶不眠
寐何況今日年壯盛時有眠寐乎宜
自往看知子吉凶我子將不得疾病
也是時音響王即往至須菩提宮內
至門外立告一人曰汝今施梯踰牆
入內與吾開門彼人受王教勅即施
梯踰牆入內與王開門時王入內觀
內宮中卧床空不見王子不見已
告婢女曰王子須菩提今為所在諸
婢女曰我等亦不知王子所在時音
響王聞斯語已自投乎地良久乃甦
是時音響王告群臣曰我息小時猶
生斯念設我長大當剗除鬚髮著三
法衣以信堅固出家學道然今王子
必當捨我出家學道汝等各各四面求
索王子竟為所在即時群臣乘駕派馳
處處求索尔時有臣巡往至彼山中中

道復作是念。若王子須菩提。提出家學。道者必當在此學道。今時大臣遙見王子須菩提。在一樹下結加趺坐。時臣便生斯念。此是王子須菩提。熟視察之。還詣王所。前白王言。王子須菩提。提近在山中樹下結加趺坐。時音響王聞斯語。已即往至彼山中。遙見須菩提。在山樹下結加趺坐。復自投于地。我息。昔日自誓願曰。設我向二十當出家學道。今將不誤。又且天告我言。汝子必當學道。時音響王直前語須菩提曰。汝今何故捨我出家學道。時辟支佛默然不對。王復告曰。汝母極懷愁憂。須見汝。乃食時起詣宮。時辟支佛不言不語。默然而住。時音響王即前捉手。亦不動搖。王復告群臣曰。王子今日已取命。終釋提桓因。先來告我。汝應得息。但當出家學道。然今王子已出家學道。今鑒此舍利詣王國界。當馳旬之時。彼山中諸神祇現半身白。王曰。此是辟支佛。非是王子。馳旬舍利法。不如王子法。所以然者。我是過去諸佛弟子。諸佛亦有此教。

世有四人應與起偷婆云何為四如
來至真等正覺應起偷婆辟支佛應
起偷婆如來弟子漏盡阿羅漢應起
偷婆當鈍句轉輪聖王身時鈍句如
來辟支佛身亦復如是今時音響王
復語天曰當云何供養鈍句轉輪王
身樹神報曰轉輪聖王與作鐵擲盛
滿香油沐浴轉輪聖王身以白淨劫
波育衣纏裹其身復以彩畫之衣而
覆其上而著柳中復以鐵蓋而蓋其
上處處施釘復以百張白疊而裹其
柳以種種雜香積在平地以鐵柳安
著其中七日七夜之中華香供養懸
繒幡蓋作倡伎樂過七日後復取王
身而鈍句之以取舍利鈍句復經七
日七夜不絕於四衢道中而起偷婆
復以香華幡蓋種種供養大王當知
供養轉輪聖王舍利其事如是諸佛
如來辟支佛阿羅漢亦復如是時音
響王語彼天曰以何因緣供養轉輪
聖王身以何因緣供養佛辟支佛阿
羅漢身天報王曰轉輪聖王以法王
治自不煞生復教他人使不行煞自

不與不取復教他人使不竊盜已不
姪妹復教他人不犯他妻已不妄言
綺語惡口兩舌鬪亂彼此嫉妬忘癡
已意尊正恒行正見亦使他人習其
正見是謂大王由此因緣轉輪聖王
應起偷婆王問天曰復以何因緣漏
盡阿羅漢應起偷婆天報王曰漏盡
阿羅漢比丘欲愛已盡瞋恚愚癡已
除已度有至無為是世間良祐福田
由此因緣漏盡阿羅漢應起偷婆王
復問曰以何因緣辟支佛應起偷婆
天報王曰辟支佛者无師自覺出世
甚難得現法報脫於惡趣令人生天
上由此因緣辟支佛應起偷婆王復
問曰以何因緣如來應起偷婆天報
王曰如來十力具足此十力者非聲
聞辟支佛所能及遠轉輪聖王所
不能及世間群萌所不能及也如來口
無所畏在大衆中能師子吼轉於梵
輪如來不度者度不脫者脫不般涅
槃者令般涅槃无救護者與作覆蔭
盲者作眼目與諸疾病作大醫王天
及世人魔若魔天靡不宗奉可敬可

貴迴於惡趣令至善處是謂大王由
此因緣如來應起偷婆是謂大王由
此因緣本末四種之人應起偷婆尔
時音響王語彼天曰善哉善哉神天
我今受汝教令供養此舍利當如供
養辟支佛尔時音響王告諸人曰汝
等各舉須菩提辟支佛舍利往王國
界群臣聞王教已卧著金牀舉詣國
界是時音響王即勅使作鐵櫛盛滿
香油沐浴辟支佛身以劫波育衣纏
裹其身復以雜絲好衣而覆其上安
處鐵櫛中復以鐵蓋而蓋其上處處
安釘極令牢固以百張白疊而覆其
上取種種好香以辟支佛身而著其
中七日七夜香華供養過七日後地
旬辟支佛舍利復供養七日作倡伎
樂於四衢道頭起一偷婆後以香華
繒練幡蓋作倡伎樂而供養之比丘
當知其有衆生恭敬供養辟支佛舍
利者命終之後即生三十三天上其
有衆生思惟无常之想迴三惡趣生
天人中諸比丘汝等莫作斯觀尔時
音響王者豈異人乎則我身是其思

惟无常想者多所饒益我今觀此義
已告諸比丘當思惟无常想廣布无
常想以思惟无常之想便欲愛色愛
无色愛盡斷无明憍慢永无遺餘猶
如以火焚燒草木高好講堂窓牖門
間比丘思惟无常想亦復如是盡斷
欲愛色愛无色愛永无遺餘是故比
丘當盡心意無令違失當說斯法時
於彼座上六十餘比丘漏盡意解尔
時諸比丘聞佛所說歡喜奉行

聞如是一時佛在舍衛國祇樹給孤
獨園尔時世尊告諸比丘若比丘比
丘居心五弊而不斷不除心五結彼
比丘比丘居日夜於善法減而无增
益云何心五弊而不斷於是比丘有
狐疑心於如来所亦不解脫亦不入
其正法彼人心不在諷誦是謂斯比
丘心弊不斷復次比丘有疑心於正
法亦不解脫亦不入其正法彼人亦不
諷誦是謂斯人心弊不斷復次比丘
有疑心於聖衆亦不解脫亦不施意
向和合衆亦復不在道品法中是謂
斯比丘心弊不斷復次比丘犯於禁

戒不自悔過彼比丘已犯禁戒不自
改悔亦不施心在道品之中是謂斯
比丘心弊不斷復次比丘心意不定
而修梵行我以此梵行之德生於天
上若諸神祇然彼比丘以此心行修
於梵行心不專在道品之中心已不
在道品之中是謂心弊不斷如是比
丘心五弊不斷云何比丘五結不斷
於是比丘懈怠不求方便彼比丘已
有懈怠不求方便是謂斯比丘心結
不斷復次比丘恒喜多妄貪在眠寐
彼比丘以喜多妄貪在眠寐是謂斯
比丘第二心結不斷復次比丘意不
定恒喜多乱彼比丘心已乱不定是
謂比丘第三心結不斷復次比丘根
門不定彼比丘已根門不定是謂比丘
第四心結不斷復次比丘恒喜在市不
在靜處是謂比丘第五心結不斷若比
丘比丘已有此五心弊五心結不斷
彼比丘比丘昼晝夜之中善法斷絕
無有增益猶如雞子若八若十二不
隨時覆蔭不隨旣不隨時將護彼雞
雖生以念使我雞子得全无他然此

雞子終不安隱所以然者皆由不隨時將護之所致後復斷壞不成其子此亦如是若比丘比丘尼五心結不斷五心弊不除晝夜之中於善法減无有增益若復比丘比丘尼五心結不斷五心弊除晝夜之中善法增益无有損減猶如雞子若八若十二隨時將護隨時育養隨時陰覆彼雞雖生斯念使我雞子全不成就然彼雞子自然成就安隱无為所以然者隨時長養令得无為時諸雞子尋得出外此亦如是若比丘比丘尼五心弊斷五心結除彼比丘比丘尼於長夜之中善法增益無有損減是故比丘若比丘尼當施設心無有猶豫狐疑於佛猶預狐疑於眾具足於戒律心意專正無有錯亂亦不興意希望餘法亦不僥倖修梵行我當以此行法作天人身神妙尊豪若復有比丘比丘尼无有狐疑猶預於佛法聖眾亦无犯戒無所漏失我今告汝重囑累汝彼比丘當趣二處若生天上若在人中猶如人處極熱之中兼復飢渴遇

得陰涼之處得冷泉水飲彼人雖生
斯念我雖遇陰涼冷水飲之猶不斷
飢渴但彼人暑熱已盡飢渴已除此
亦如是若比丘比丘尼無狐疑猶豫
於如來所者彼比丘便趣二處若生
天上若處人中若比丘比丘尼當求
方便斷心五弊除心五結如是諸比
丘當作是學今時諸比丘聞佛所說
歡喜奉行

聞如是一時佛在舍衛國祇樹給孤
獨園今時世尊告諸比丘或有是時
王威不普盜賊竟興賊已竟興村家
城郭人民之類皆悉敗亡或遭遇飢
饉取命終者設彼衆生於飢饉取命
終者皆墮三惡趣今此精進比丘亦復
如是若持戒減少今時惡比丘竟起惡
比丘已竟起惡正法漸衰增益非法
非法已增益其中衆生皆墮三惡趣
若復是時王威遠接賊便隱藏王已
遠接城郭村落人民熾盛今此精進
比丘亦復如是若持戒完具今時犯
戒比丘漸衰耗正法興隆非法衰
耗其中衆生命終之後皆生天上人

中是故比丘當念具足威律威儀礼節無令缺減如是比丘當作是學尔時諸比丘聞佛所說歡喜奉行

聞如是一時佛在舍衛國祇樹給孤獨園尔時世尊告諸比丘寧常眠寐不於覺寤之中思惟乱想身壞命終生於惡趣寧以火燒鐵錘而烙于眼不以視色興起乱想興想比丘為識所敗比丘已為識所敗必當趣三惡道地獄畜生餓鬼今我所以說者何彼人寧當睡眠不於覺寤之中思惟乱想寧以利錐刺壞其耳不以聽聲興起乱想興想比丘為識所敗寧恒睡眠不於覺寤起於乱想寧熱鉗壞其鼻根不以聞香興起乱想興想比丘為識所敗已為識所敗便墮三惡趣地獄畜生餓鬼我所說者正謂此耳寧以利劍截斷其舌不以惡言喪語墮三惡趣地獄畜生餓鬼寧常睡眠不於覺寤興起乱想寧以熱銅菜纏裹其身不共長者居士婆羅門女共相交接設與交接言語往返者必墮三惡趣地獄畜生餓鬼我所說者

正謂此耳寧恒睡眠不以覺寤意有所念欲壞聖衆已壞聖衆墮五逆罪億千諸佛終不療救夫聞乱衆者必當墮不救之罪是故我今說寧常睡眠不於覺寤意有所念欲壞聖衆受无救之罪是故比丘當將護六情无令漏失如是比丘當作是學今時諸比丘聞佛所說歡喜奉行

聞如是一時佛在舍衛國祇樹給孤獨園今時阿那邠那長者有四兒不事佛法聖衆亦復不自歸命佛法聖衆是時阿那邠那長者告四兒曰汝等各各自歸佛法聖衆長夜之中獲福无量諸兒白父我等諸子不堪自歸佛法聖衆阿那邠那長者告曰我今各賜卿等純金千兩隨我教勅自歸命佛法聖衆諸子白言我不堪任自歸佛法聖衆父復告曰加賜汝二千三千四千五千兩純金宜當自歸佛法聖衆長夜之中獲福无量今時諸子聞斯語已默然受之是時諸子自阿那邠那長者曰我等當云何自歸佛法聖衆阿那邠那長者報曰汝

等盡來隨吾至世尊所若世尊有所說者汝等當念奉行諸子白父如來今為所在去此遠近其父報曰今如來至真等正覺近在舍衛國止吾園中時阿那邠祁將四兒往至世尊所到已頭面礼足在一面立尔時長者白世尊言我今四子不自歸佛法聖眾近昨各賜五千兩金勸令事佛法聖眾唯願世尊各與說法使長夜之中受福无量尔時世尊與長者四子漸漸說法勸令歡喜長者諸子聞說法踊躍歡喜不能自勝前自長跪白世尊言我等各各自歸世尊正法聖眾自今已後不復熱生乃至不飲酒如是再三時阿那邠祁長者白世尊言若使有人出物雇人使事佛者其福云何世尊告曰善哉善哉長者乃致斯問天人得安乃能問如來斯義善思念之吾當為汝說時長者從佛受教世尊告曰有四大藏云何為四有伊羅鉢龍在乾陀衛此名一藏無數珍寶積滿其宮復有斑稠大藏在蜜締羅國珍寶積聚不可稱計復有賓伽羅大藏在須

賴吒國瓊寶積聚不可稱計復有瓊
佐大藏在婆羅捺國瓊寶積聚不可
稱計設問淨地男女大小各各採抱
四年四月四日取伊羅鉢藏者終不
減少斑稠藏四年四月四日各來取
者不知減少寶伽羅藏四年四月四
日各各取者不知減少瓊佐大藏在
婆羅捺國四年四月四日取者不知
減少是謂長者四大寶藏若闍浮地
男女大小各各採抱經四年四月四
日不知減少將來之世有佛名彌勒
出現於世今時國界名雞頭王所治
處東西十二由延南北七由延人民
熾盛穀米豐登雞頭王治處繞城七
匝有池水各縱廣一由延金沙在下
優鉢蓮華拘勿頭花分陀利華各生
其中外像金色銀色水精色琉璃色
設銀水凝凍化為銀若金水凍化
成為金若琉璃水凍化為琉璃若水
精凍化為水精長者當知今時有四
大城門銀池水中金作門闍金池中
銀作門闍琉璃池中水精作門闍水
精池中琉璃作門闍長者當知今時

雞頭城中周匝懸鈴是時鈴聲聞皆
出五樂之音今時城中恒有七種之
聲云何為七貝聲鼓聲琴聲小鼓聲
負鼓聲鞀鼓聲歌舞聲為七今時雞
頭城中生自然粳米皆長三寸極為
香美出眾味上尋取尋生皆不見所
取之處今時有王名蟻佉以法化七
寶具足長者當知今時典藏人名為
善寶高德智慧天眼第一皆能知寶
藏處所有主之藏自然擁護无主之
藏便奉上王今時伊羅鉢龍王般稠
龍王賓伽羅龍王蟻佉龍王是時四
龍王主典藏皆往至善寶典藏所
而語之曰欲所須者我等相給時四
龍王唯願奉上四藏之寶以自營已
時善寶典主即取四藏之寶奉上蟻
佉王金寶羽車今時世尊便說斯偈
伊羅在軋陀蜜締在般稠賓伽須賴國
蟻佉婆羅國此是四寶藏種種藏充滿
今時常出現功德之所至奉上彼聖王
金銀寶羽車諸神皆擁護長者受其福
今時有佛出世名為弥勒至真等
正覺明行成為善逝世間解天上士

道法御天人師号佛衆祐教化人民
長者當知今時善寶典藏者豈異人
乎莫作是觀所以然者今時藏主者
今長者是也時鑾佉王以金車廣作
福德將八万四千大目前後圍遶往
至弥勒所出家學道今時典藏亦復廣
作福德亦當出家學道盡於苦際皆
由長者將道四子使自歸於佛法比
丘僧緣是功德不墮三惡趣復緣此
德得四大藏亦緣此報與鑾佉作典
藏主即於彼世盡於苦際所以然者
歸佛法僧其德不可量其有自歸佛
法衆者其福如是是故長者當慈愍
有形之類求其方便向佛法衆如是
長者當作是學今時阿那邠那長者
歡喜踊躍不能自勝即從坐起繞佛
三匝作礼而去及其四子亦復如是
余時阿那邠那長者及四子聞佛所
說歡喜奉行

聞如是一時佛在舍衛國祇樹給孤
獨園今時阿那邠那長者身抱重患
時舍利弗以天眼觀清淨无瑕穢見
阿那邠那長者身抱重患尋告阿難

曰汝來共至阿那邠那長者所問評
時阿難報曰宜知是時今時阿難到
時持鉢入舍衛城乞食以次漸漸至
阿那邠那長者家即便就座時舍利弗
即於座上語阿那邠那長者曰汝今
所疾有增有損乎覺知苦痛漸漸除
不至增劇耶長者報曰我今所患極
為少賴覺增不覺減舍利弗報曰如
今長者當憶佛是謂如來至真等正
覺明行成為善逝世間解无上士道
法御天人師号佛衆祐亦當追憶念
法如來法者極為甚深可尊可貴无
與等者賢聖之所修行亦當念僧如
來衆者上下和順无有諍訟法法成就
聖衆者戒成就三昧成就智慧成就
解脫成就見慧成就所謂僧者四雙
八輩此名如來聖衆可尊可貴是世
間无上福田長者若修行念佛念法
念比丘僧者其德不可稱計獲甘露
滅盡之處若善男子善女人念三尊
已佛法聖衆墮三惡趣者終无此事
若彼善男子善女人修念三尊必至善
處天上人中然後長者不起於色亦

不依色而起於識不起於聲不依聲而起於識不起香不依香而起於識不起於味不依味而起於識不起細滑不依細滑而起於識不起意不依意而起於識不起今世後世不依今世後世而起於識不起於愛莫依愛而起於識所以然者緣愛有受緣受有有緣有有生死愁憂苦惱不可稱計是謂有此五苦感陰无有我人壽命士夫萌兆有形之類若眼起時亦不知來處若眼滅時則滅亦不知去處无有而眼生已有而眼滅皆由合會諸法因緣所謂因緣法者緣是有是无是則無所謂無明緣行行緣識識緣名色色緣六入六入緣更樂更樂緣痛痛緣愛愛緣受受緣有有緣生生緣死死緣愁憂苦惱不可稱計耳鼻舌身意亦復如是无有而生已有而滅亦復不知來處亦不知去處皆由合會諸法因緣是謂長者名為空行第一之法是時阿邠邠邠長者悲泣涕零不能自止時舍利弗語阿邠邠邠曰以何因緣悲感乃尔乎

長者報曰我不悲感所以然者我昔
日來數承事佛亦復尊敬諸長老比
丘亦不聞如斯尊重之法如舍利弗
之所演說是時阿難語阿那邠祁曰
長者當知世間有二種之人如來之
所說云何為二者知樂二者知苦彼
習樂之人所謂尊者耶輸提族姓子
是彼習苦之人婆伽梨比丘是又復
長者耶輸提比丘解空第一信解脫者
婆伽梨比丘又復長者知苦之人知
樂之人二人心俱解脫二俱如來弟
子無與等者由其不沒不生二人勤
受佛教亦无慳廢但心有增減故人
有知者有不知者如長者之所說我
昔已來承事諸佛恭敬長老比丘初
不聞如斯尊重之法如舍利弗之所
說耶輸提比丘視於地而心得解脫
婆伽梨比丘觀視於刀即時心得解
脫是故長者當作如婆伽梨比丘之
比是時舍利弗廣與說法勸令歡喜
使發无上之心即從坐起而去舍利
弗阿難去未久須臾之頃阿那邠祁
長者命終便生三十三天尔時阿那

邠邠天子有五事功德勝彼諸天去
何為五所謂天壽天色天樂天威神
天光明今時阿邠邠天子便作是
念我今獲此天身皆由如來之恩今
我不宜於五欲自娛樂先應至世尊
所拜跪問訊時阿邠邠天子將諸
天人前後圍繞持諸天花散如來身
上時如來在舍衛祇樹給孤獨園時
彼天子在虛空中又乎向世尊便說
斯偈

此是祇洹界仙人衆娛戲法王所治處
當發歡悅心

今時阿邠邠天子說斯偈已如來
默然可之時彼天子即生此念如來
已然可我即捨神足在一面立時阿
邠邠邠天子白世尊言我是須達又
名阿邠邠邠人所明了亦是如來弟
子受聖尊教今取命終生三十三天
世尊告曰汝由何恩今獲此天身天
子白佛蒙世尊之力得受天身時阿
邠邠邠天子復以天華散如來身上
亦散阿難及舍利弗身上遍遶祇洹
七匝還沒不現是時世尊告阿難曰

昨夜有天子來至我所便說斯偈

此是祇樹界仙人衆娛戲法王所治處
當發歡悅心

是時彼天子遠祇洹七匝便退而去
汝今阿難汝頗識彼天子乎阿難白
佛言必當是阿那邠那邠那長者也佛告
阿難如汝所言善哉乃能以未知智
而識彼天子所以然者彼是阿那邠
那天子阿難白佛言阿那邠那今生
天上為名何等世尊告曰即名阿那
邠那所以然者彼天即生之日諸天
各各有此言此天子在人中時是如
來弟子恒等心普施一切周窮濟乏
作此功德已此是三十三天今故續
名阿那邠那邠那今時世尊告諸比丘有
大功德智慧成就阿難比丘今在學
地智慧無與等者所以然者阿羅漢所
應知者阿難便知之過去諸佛世尊
所應學者阿難皆明了知過去時亦
有斯人聞便了知如我今日阿難比
丘瞻望方知之如來須是如來不須
是過去諸佛弟子入三昧方知未然
之事如我今日阿難比丘覩便曉了

尔時世尊告諸比丘我聲聞中博有所知有勇猛精進念不錯乱多聞第一堪任執事所謂阿難比丘是時諸比丘聞佛所說歡喜奉行

聞如是一時佛在舍衛國祇樹給孤獨園尔時阿那邠那長者有兒婦名曰善生顏貌端正面如桃華色王波斯匿大臣之女憑其姓望恃其豪族亦不恭敬姑嫜及其夫智亦不事佛法及比丘僧亦不敬奉三尊是時阿那邠那長者便往至世尊所頭面礼足在一面坐尔時長者白世尊言近與兒取婦是波斯匿王第一大臣之女自恃其姓望不承事三尊長老尊卑唯願世尊當與說法使發歡喜心開意解尔時如來默然許可長者所說時長者復白佛言唯願世尊當受我請及比丘僧尔時長者以見如來默然受請即從座起礼佛三匝而去還至家中辦具種種飲食敷好坐具尋白時至唯願世尊當受我請飲食已具尔時世尊將諸比丘衆前後圍遶至長者家就座而坐尔時長者更

取小座在如來前坐。爾時世尊告善
生女人曰：長者女當知，夫為婦人有
四事：云何為四？有婦如似母、有婦似
親、有婦似賊、有婦似婢。汝今當知：婦
似母者，隨時瞻視，夫主不令有乏承
事供養；爾時諸天便復將護。若人非
人，不得其便，死便生天，是謂長者。此
名婦人似母者也。彼云何有婦似親？
親於是長者婦見夫已，无有增減之
心，同其苦樂，是謂其人似親親者也。
彼云何名為婦如似賊？於是女人若
見夫已，便懷瞋恚憎疾，夫主亦不承
事恭敬禮拜，見輒欲害，心在他所，夫
天不擁護，惡鬼侵害，身壞命終入地獄
中，是謂斯人如似賊也。彼云何名婦
人如似婢也？於是賢良之婦見夫主
隨時瞻視，忍其言語，終不還報，忍其
寒苦，恒有慈心於三尊所，亦生斯念。
此存我在此，衰我耗，以此之事，諸天
擁護。若人非人，皆悉愛念，身壞命終
生善處天上，是謂長者女有此四婦。
汝今為在何條？時彼女人問世尊說。

此語已前禮佛足白世尊言唯願世尊我今改往修來更不敢為自今已後常行禮法如似婢也是時善生女人還至夫所頭面禮足唯願瞻視當如婢也是時善生女人復至世尊所頭面禮足在一面坐今時世尊漸與說法所謂論者施論戒論生天之論欲為不淨想姪為大穢是時世尊已知女人心開意解諸佛世尊常所說法苦習盡道今時世尊盡與女人說之即於座上得法眼淨猶如新衣易染為色此亦如是分別諸法善解深妙之義白歸三尊而受五戒今時善生女人聞佛所說歡喜奉行

聞如是一時佛在舍衛國祇樹給孤獨園今時尊者舍利弗便往至世尊所頭面禮足在一面坐須臾退坐白世尊言尊恒稱譽豪尊高位不說卑賤然我世尊不歎豪尊不說卑賤處中而說使得出家學道佛告舍利弗汝等自稱言不歎豪尊不說卑賤處中而說得出家學道然我今日亦不說上中下及受生分所以然者夫生

其苦不足願樂如彼糞除少尚極臭
何況積多今受生分亦復如是一生
二生猶尚苦難何況流轉終始而可
甘處由有有生由生有老由老有病有
死愁憂苦惱何可貪樂便成五盛陰
身吾今觀此義已而作是說一生二
生猶尚苦難何況流轉終始而可甘
處若當舍利弗意欲生者便當發願
生豪貴家不生卑賤所以然者舍利
弗衆生長夜為心所縛不為豪族所
縛然我舍利弗處豪貴家是刹利種
出轉輪聖王設我不出家學道者應
為轉輪聖王今捨轉輪聖王位出家
學道成无上道夫生卑賤家者不得
出家學道及墮惡趣是故舍利弗當
求方便降伏於心如是舍利弗當作
是學今時舍利弗聞佛所說歡喜
奉行

增壹阿含經卷第四十九

癸卯歲高麗國大藏都監奉
勅彫造

增宣阿含經卷第五十

如

大愛道般涅槃品第五十

東晉時高僧譯經僧伽跋闍譯

聞如是一時佛在毗舍離普會講堂
所與大比丘衆五百人俱今時大愛
道遊於毗舍離城高臺寺中與大比
丘居衆五百人俱皆是羅漢諸漏已
盡今時大愛道聞諸比丘說如來不
久當取滅度不過三月當在拘夷那
竭娑羅雙樹間今時大愛道便作是
念我不堪任見如來取滅度亦復不
堪任見阿難取滅度我今宜可先取
滅度今時大愛道便往至世尊所頭
面禮足在一面坐今時大愛道前白
佛言我聞世尊不久當取滅度却後
不過三月在拘夷那竭娑羅雙樹間
我今不堪見世尊及阿難取滅度也
唯願世尊聽我先取滅度今時世尊
默然可之今時大愛道重白佛言自
今已後唯願世尊與諸比丘居說戒
佛告之曰我今聽比丘居還與比丘
居說禁戒如我本所施行禁戒无令

差錯今時大愛道前礼佛足在佛前
立今時大愛道復白佛言我今更不
見如來顏色亦不見將來諸佛不受
胞胎永處无為今日遠離聖顏永更
不親時大愛道繞佛七匝亦復繞阿
難七匝盡繞諸比丘眾却退而去還
諸比丘居眾中告諸比丘居曰我今
欲入無為涅槃界所以然者如來不
久當取滅度汝等各宜隨所行今時
差摩比丘居優鉢色比丘居基利施
比丘居舍伏梨比丘居奢摩比丘居
鉢陀闍柘比丘居婆羅柘羅比丘居
迦旃延比丘居闍耶比丘居及五百
比丘居往至世尊所在一面立今時
五百比丘居差摩比丘居寂為上首
而白佛言我等諸人聞如來不久當
取滅度我等不忍見世尊及阿難先
取滅度唯願世尊聽我等先取滅度
我等今取涅槃正是其宜今時世尊
默然可之時差摩比丘居及五百比
丘居見世尊默然可之前礼佛足繞
三匝便退而去還詣本房時大愛道
開講堂門擊皀雜於露地敷坐具騰

在虛空於虛空中坐卧經行或出火
焰身下出烟身上出火身下出水身上
出烟舉身放焰舉身放烟左脇出水
右脅出火右脅出水左脅出烟前出
火後出水前出水後出火舉身出火
舉身出水念時大愛道作若干變化
還在本座結加趺坐正身正意繫念
在前而入初禪從初禪起而入二禪
從第二禪起而入第三禪從三禪起
入第四禪從第四禪起入空處從空處
起入識處從識處起入不用處從不
用處起入有想无想處從有想无想
處起入想知滅從想知滅起還入有
想无想處從有想无想起入不用處
從不用處起還入識處從識處起還
入空處從空處起還入第四禪從第
四禪起還入三禪從三禪起入二禪
中從二禪起還入初禪從初禪起入
二禪從二禪起還入三禪從三禪起
還入四禪已入四禪便取滅度念時
天地大動東踊西沒西踊東沒四邊
都踊中央沒又四面涼風起諸天在
空作倡伎樂歡界諸天涕零悲泣猶

如春月天降甘雨神妙之天雜碎優鉢華香又雜碎栴檀而散其上。爾時差摩比丘尼優鉢色比丘尼基梨施瞿曇彌比丘尼舍瞿離比丘尼奢摩比丘尼波陀蘭遮羅比丘尼迦旃延比丘尼闍耶比丘尼如此上首五百比丘尼等各各於露地敷坐飛在虛空於虛空之中坐卧經行作十八變乃至入想知滅各取滅度。爾時毗舍離城內有大將名曰耶輸提將五百童子集普會講堂有所講說時耶輸提及五百童子遙見五百比丘尼作十八變見已歡喜踊躍無量各共叉手而向彼所。爾時世尊而告阿難曰汝往至耶輸提大將所而告之曰速辦五百牀具五百坐具五百瓶酥五百瓶油五百鬘花五百裏香五百車薪。爾時阿難前白佛言不審世尊欲何施為。佛告之曰大愛道已取滅度及五百比丘尼望迺我等欲供養舍利。爾時阿難悲泣交集不能自勝。大愛道取滅度何其速哉。爾時阿難以手揮淚便往至耶輸提大將所。爾時耶

輸提遙見阿難來皆起前迎立作是
說善來阿難欲何告勅又行非常今
時阿難報曰我是佛使欲有所告勅
時大將咸共問曰欲何所告勅阿難
報曰世尊告大將曰當辦五百牀五
百坐具五百瓶酥五百瓶油五百鬘
花五百裹香五百車薪大愛道及五
百比丘尼皆取減度我等往供養舍
利今時大將悲泣交集而作是說大
愛道取減度何其速哉及五百比丘
尼取減度甚為速哉誰當教授我等
教化分檀布施今時耶輸提大將即
辦五百牀五百坐具五百瓶油酥薪
及諸耶維之具往至世尊所頭面礼
足在一面立今時耶輸提大將白世
尊言如來所約勅供養之具今日已
辦佛告曰汝今各取大愛道身及五
百比丘尼身出毗舍離到曠野之處
吾欲於彼供養舍利耶輸提大將白
佛言唯然世尊是時長者即往至大
愛道等所告一人曰汝今施梯登牆
入內徐開門无令有聲是時彼人如
彼教勅即入開門復勅五百人各舉

舍利著于牀上。尔時有二沙弥。居在一
名難。隨二名優般難。隨是時。二沙弥。居
語大將曰。止止。大將勿觸擾諸師耶。
輸提大將報曰。汝師不為睡眠。皆取
滅度。尔時。二沙弥聞諸師皆取滅度。
心懷恐怖。即自思惟。觀有習之法。皆
是盡法。即於坐處。得三明六通。尔時
二沙弥。即飛在虛空中。先至曠野
之中。作十八變。坐卧經行。身出水火
變化無量。即於无餘涅槃界而取般
涅槃。尔時。世尊將諸比丘僧前後圍
遶。往至大愛道比丘居寺中。尔時。世
尊告阿難。難。隨羅云。汝等舉大愛道身。
我當躬自供養。是時。釋提桓因知世
尊心中所念。即從三十三天上。譬如
力士屈伸臂。頃來至毗舍離。到世尊
所。頭面礼足。在一面立。其中漏盡比
丘。皆見釋提桓因。及三十三天。其不
漏盡。有欲比丘。及比丘尼。優婆塞。
優婆夷。未漏盡者。亦不見釋提桓
因。及三十三天。尔時。梵天王遙知如
來心中所念。將諸梵天。從梵天上。沒
來。至世尊所。頭面礼足。在一面立。尔

時毗沙門天王知世尊心中所念將闕
又鬼神到如來所頭面礼足在一面
立尔時提地賴吒天王將諸乾沓和
從東方來至如來所頭面礼足在一
面立毗婁勒叉天王將諸无數拘胝
荼從南方來至世尊所頭面礼足在
一面立毗婁波叉天王將諸龍神來
至如來所頭面礼足在一面立及欲
界色界无色界諸天各各知如來心
中所念來至世尊所頭面礼足在一
面立尔時釋提桓因毗沙門天王前
白佛言唯願世尊勿自勞神我等自
當供養舍利佛告諸天止止天王如
來自當知時此是如來所應修行非是
天龍鬼神所及也所以然者父母生
子多有所益長養恩重乳哺懷抱要
當報恩不得不報恩然諸天當知過
去諸佛世尊所生母先取滅度然後諸
佛世尊皆自供養地句舍利正使將
來諸佛世尊所生之母先取滅度然後
諸佛皆自供養以此方便知如來應自
供養非天龍鬼神所及也尔時毗沙門
天王告五百鬼曰汝等徃至栴檀林中

取香薪來當供養鈍句時五百鬼聞
天王語已即往至栴檀林中取栴檀
薪來至曠野之間是時世尊躬自舉
牀一脚難陀舉一脚羅云舉一脚阿
難舉一脚飛在虛空往至彼塚間其
中四部之衆比丘比丘尼優婆塞優
婆夷舉五百比丘尼舍利至於塚間
余時世尊告耶輸提大將曰汝今更
辦二牀二坐具二車薪香花供養二
沙彌尼身耶輸提大將白佛言唯然
世尊尋時即辦供養之具余時世尊
以栴檀木各傳與諸天是時世尊復
告大將曰汝今各取五百舍利各分別
而供養之二沙彌亦復使然時大將
受佛教已各各分別而取供養即取
鈍句余時世尊復以栴檀木著大愛
道身上余時世尊便說斯偈
一切行无常 生者必有盡 不生則不死
此滅為寂樂

余時諸天人民皆悉雲集在於塚間
天人大衆十億姪鄰術時大將火滅
已復取舍利而起偷婆婆佛告大將曰
汝今取五百比丘尼舍利興起偷

婆長夜之中受福無量所以然者
世間有四人起於偷婆云何為四
若有人與如來至真等正覺起於
偷婆轉輪聖王與聲聞辟支佛起
偷婆者受福无量今時世尊與諸天
人民說微妙之法勸令歡喜今時天
與人有一億諸塵垢盡得法眼淨今
時諸天人民乳杏和阿須輪四部之
衆聞佛所說歡喜奉行

聞如是一時佛在舍衛國祇樹給孤
獨園與大比丘衆五百人俱今時舍
衛城內有比丘名曰婆施將五百
比丘在於彼遊化時婆施比丘在
閑靜之處而自思惟結加趺坐繫念
在前自憶無數宿命之事復自笑有
比丘遙見婆施比丘笑見已便
往至比丘所今婆施比丘獨在
樹下而笑將有何緣時五百比丘
即相將至婆施比丘所頭面禮足
今時五百比丘白婆施曰有何因
緣獨坐樹下而笑耶今時婆施比丘
告五百比丘曰我向者在此樹
下自憶無數宿命之事復見昔日所

經歷身死此生彼皆忘觀見時五百比丘尼復白言唯願當說曩昔之緣時婆陀比丘尼告五百比丘尼曰過去久遠九十一劫有佛出世名曰毗婆尸如來至真等正覺明行成為善逝世間解无上士道法御天人師號佛衆祐出現於世今時世界名臊頭摩人民熾盛不可稱計今時如來遊彼國界將十六万八千比丘衆前後圍遶而為說法時佛名号流布四遠毗婆尸佛者衆相具足是一切人良祐福田今時彼國界中有童子名曰梵天顏貌端正世之希有時彼童子手執寶蓋而行諸街巷中時有居士婦亦復端正亦從此道行衆人皆共觀看時童子便作是念我今亦復端正手執寶蓋衆人皆不觀視我身此諸人民皆共觀此女人我今要當作方便使人觀視我時彼童子即出彼城往至毗婆尸佛所手執寶華供養七日七夜亦作擔願設當毗婆尸佛有此神足有此神力是世間天上福田持此功德使我將來之世作女人

身人民見之莫不喜踊。今時彼童子
七日七夜供養彼佛。已隨命長短。後
便生三十三天。於彼作女人身。極為
端正。玉女中第一。以五事功德勝彼
天女。云何為五。所謂天壽。天色。天樂。
天威。福。天自在。時三十三天見已。各
自說曰。此天女者。極為殊妙。無與等
者。其中或有天子。作是說。此天女我
應得以為天后。各相競爭。時大天王
說曰。汝等勿共鬪訟。其中能說極妙
法者。便以此天女與之作婦。今時有
一天子。便說斯偈。

若起若復坐。寤寐無有歡。設我眠睡時。
然後乃無欲。

今時復有天子而說斯偈。

汝今故為樂。於眠無念想。我今興欲念。
如似打戰鼓。

今時復有天子而說斯偈。

設復打戰鼓。猶有休息時。我欲馳遠疾。
如水流不停。

今時復有天子而說斯偈。

如水漂大木。猶有休息時。我恒思想欲。
如鯢魚不啣。

今時諸天中取尊天子與諸天人而說斯偈

汝等猶閑暇各能說斯偈我今不自知為存為亡乎

今時諸天人白彼天子曰善哉天子所說偈者極為清妙今日此天女奉貢天王今時天女即入天王宮汝等諸天勿有猶豫所以然者今時童子供養佛上寶蓋者豈異人乎莫作是觀今時童子身者即我身是也過去三十一劫有式詰如來出現於世遊化於野馬世界與大比丘眾十六萬人俱今時彼天女後便命終而生人中受女人身極為端正世之希有時式詰如來到時著衣持鉢入野馬城七食時彼天女人復為長者婦以好飲食奉式詰如來普作信願持此功德之業所生之處莫墮三惡趣顏貌端正與人殊異今時彼女人後便命終生三十三天於彼復作女人身極為端正有五事功德勝彼諸天今時天女豈異人乎莫作是觀所以然者彼女人者則我身是即於彼劫毗舍羅

婆如來出現於世。今時天女隨壽長
短命終之後。來生人中。受女人身。顏
貌端正。世之希有。復與長者居士作
婦。今時長者婦。復以妙衣好服。奉上
如來。發此誓願。使我將來之世。得作
女身。時彼婦女命終之後。生三十三天
類。貌端正。勝彼天女。今時彼女人者
豈異人乎。莫作斯觀。所以然者。今時
女人者。則我身是。時彼女人。隨壽長
短命終之後。來生人中。在波羅捺大
城。與月光長者作婦。婢顏貌麤醜。人
所惡見。自毗舍羅婆去世。更无佛。今
時各佛遊化時。月光長者婦。告其婢
曰。汝在外遊行求覓沙門。顏貌端正
入吾意者。將來在家。吾欲供養。今時
彼婢即出家中。在外求覓沙門。遇見
各佛城內遊乞。然顏貌麤惡。姿色醜
弊。時彼婢使語各佛曰。大家欲見願
屈至家。即入白。主沙門已至。可往相
見。時長者婦見沙門。已心不歡樂。即
語其婢。此還發遣。吾不布施。所以然者
由其顏貌麤弊。故今時其婢語夫人曰。
誤。夫人不惠施沙門者。我今日所應食。

分盡用惠施時彼夫人即出食分細
麤一升時彼婢便授與沙門各佛受
此食已飛在虛空作十八變時長者
婢復作誓願持此功德所生之慶莫
墮三惡趣使我將來之世得作女人
極為端正時彼各佛手擎鉢飯繞城
三匝月光長者將五百商人集普會
講堂時彼城中男女大小見各佛擎
鉢飯飛在虛空見已相謂言斯是何
人功德乃尔乎遇此各佛飯食惠施
時長者婢語夫人日出觀向沙門神
德飛在虛空作十八變神德无量時
長者婦告其婢曰今所惠施沙門之
食設獲福者盡持與我我當與汝三
日食直其婢報曰不堪任以福相與
夫人告曰與汝四日食直乃至十日
食直其婢報曰我不堪任以福相與
夫人告曰我今與汝百枚金錢其婢
報曰我不須夫人復告與汝二百乃
至千枚金錢其婢報曰我亦不須夫
人告曰我免汝身使不作婢婢報曰
我亦不須求為良人夫人復告汝作
夫人我為婢使其婢報曰我亦不須

求為夫人夫人告曰我今當取汝搗打
毀耳鼻截汝手足當斷汝頭其婢
報曰如斯之痛盡堪任受終不以福
而相惠施身屬大家心善各異今時
長者婦即搗其婢時五百商人各作
斯論此神人者今來乞食必當是我
家施與時月光長者發遣諸人還來
入家見夫人取婢鞭打即問之曰以
何因緣而鞭此婢時婢便以斯因緣
具白時月光長者歡喜踊躍不能自
勝即攝夫人以為婢使使其婢代夫人
處今時波羅捺城有王治化名梵摩
達時彼大王聞月光長者飯辟支佛
甚懷喜悅乃遇真人隨時惠施梵摩
達王即遣人召月光長者而告之曰
汝實飯神仙真人乎長者白王實遇
真人以食惠施時梵摩達王尋時賞
賜更增職位時長者婢隨壽長短命
終之後生三十三天顏貌殊妙世之
希有五事功德勝彼諸天諸妹莫作
是觀今時長者婢即我身是也於此
賢劫中有佛出世名拘樓孫如來時
彼天女隨壽長短命終之後生於人

中今時耶若達梵志作女時此女人
復飯如來發誓願求作女人身後命
終生三十三天顏貌端正勝諸天女
復從彼命終生於人中今時拘那含
牟尼佛出現於世時彼天女為長者
女復以金華供養拘那含牟尼佛持
此功德所生之處莫墮三惡趣使我
後身得作女人身時此女人隨壽長
短命終之後生三十三天於彼端正
出眾天女上有五事功德而不可及
今時長者女供養拘那含牟尼佛豈
異人乎莫作斯觀今時長者女人則
我身是時彼天女隨壽長短來生人
中復與長者作婦顏貌殊特世間希
有今時迦葉如來出現於世時長者
婦七日七夜供養迦葉佛發誓願言
使我將來世得作女人身時長者婦
隨壽長短命終之後生三十三天有
五事功德勝彼天女今時長者婦供
養迦葉佛者豈異人乎莫作斯觀今
時長者婦則我身是於此賢劫釋迦
文出現於世時彼天女命終之後生
羅閼城中與劫毗羅婆羅門作女顏

顏端正出諸女人表劫毗婆羅門女
正以紫磨金像至彼女人所點如似
墨意不貪五欲諸妹莫作斯觀此女
人身豈異人乎尔時婆羅門女者則
我身是也諸妹當知緣昔日功報與
比鉢羅摩納作婦所謂摩訶迦葉是
尊大迦葉先自出家後曰我方出家
自憶昔日所經歷女人之身是以今
故自笑耳我以無智自蔽供養六如
來求作女人身以此因緣故笑昔日
所經歷尔時衆多比丘聞婆陀比丘
及自憶宿命無數世時事即往世尊
所頭面礼足在一面坐以此因緣具
白如來尔時世尊告諸比丘汝等頗
見聲聞之中比丘及自憶無數世事
如斯人乎比丘白佛不見世尊佛告
諸比丘我聲聞中第一弟子自憶宿
命無數世事却毗羅比丘及是尔時
諸比丘聞佛所說歡喜奉行
聞如是一時佛在舍衛國祇樹給孤
獨園尔時有一比丘往至世尊所頭
面礼足在一面坐須臾退坐前白佛
言劫為長短為有限乎佛告比丘劫

極長遠我今與汝引辭專意聽之吾
今當說尔時比丘從佛受教世尊告
曰比丘當知猶如鐵城縱廣一由旬
芥子滿其中无空缺處設有人來百
歲取一芥子其鐵城芥子猶有減盡
然後乃至為一劫不可稱計所以然
者生死長遠无有邊際衆生恩愛縛
著派轉生死死此生彼无有窮已我
於其中厭患生死如是比丘當求巧
便免此愛著之想今時諸比丘聞佛
所說歡喜奉行

增壹阿含經卷第五十

癸卯歲高麗國大藏都監奉
勅彫造

增壹阿含經卷第五十一

如

東晉劉宋義熙中僧伽提婆譯

大愛道般涅槃分品第五十

聞如是一時佛在舍衛國祇樹給孤
獨園今時有一比丘至世尊所頭面
禮足在一面坐今時彼比丘白佛言
世尊劫為長遠佛告比丘劫極遠不
可以竿籌量我今當與汝引譬喻善
思念之吾今當為汝說今時彼比丘
從佛受教世尊告曰猶如大石山縱
廣一由旬高一由旬設有人來手執
天衣百歲一拂石猶磨滅劫數難限
所以然者劫數長遠無有邊際如此
非一劫百劫所以然者生死長遠不
可限量无有邊際衆生之類無明所
弊流浪生死無有出期死此生彼无
有窮已我於其中厭患生死如是比
丘當求巧便免此愛著之想今時諸
比丘聞佛所說歡喜奉行

聞如是一時佛在舍衛國祇樹給孤
獨園今時世尊告諸比丘隨時聞法
有五功德恒不失時云何為五未曾

聞法便聞之已聞便持除去狐疑亦
无邪見解甚深之法是謂比丘隨時
聞法有此五功德是故比丘當念常
聽甚深之法此是我之教誡如是比
丘當作是學今時諸比丘聞佛所說
歡喜奉行

聞如是一時佛在毗舍離摩訶婆那
園中與大比丘衆五百人俱今時師
子大將便往至世尊所頭面礼足在
一面坐今時如來告大將曰施主檀
越有五功德云何為五於是施主名
聞遠布某甲村中有此好施之人周
窮濟乏无有愛惜是謂師子大將第
一功德施主所致復次師子大將施
主檀越若至刹利衆婆羅門衆沙門
衆中皆无所畏亦无疑難是謂師子
第二功德復次施主檀越多為人所
愛念普來宗仰如子愛母其心不相
離施主亦復如是多為人所愛復次
師子施主檀越布施之時發歡喜心
以有歡喜則有悅豫意性堅固是時
便自覺有樂有苦亦變悔如實而自
知云何自知知有苦諦苦習苦盡出要

諦如實知之。今時世尊便說斯偈。
施為眾福具。而還第一義。其能憶施者。
便發歡喜心。

復次師子長者施主檀越布施之時。
身壞命終。生三十三天。又有五事。勝
彼諸天。云何為五。一者顏貌豪貴。威
神光明。二者所欲自在。无事不果。三
者若檀越施主。生人中者。值富貴家。
四者饒財多寶。五者言從語用。是謂
師子檀越有此五功德。引入善道。今
時師子大將聞佛所說歡喜踊躍。不
能自勝。前白佛言。唯願世尊及比丘
僧當受我請。今時世尊默然受請。時
師子大將以見世尊默然受請。即從
坐起。頭面禮足。便退而去。還至家中。
辦具種種飲食。敷好坐具。即白時至。
今正是時。唯願大聖垂愍。臨顧。今時
世尊到時。著衣持鉢。將諸比丘眾前。
後圍繞。至大將家。各次第坐。今時師子
將軍見佛及比丘僧已。次第坐。手自斟酌。
行種種飲食。今時大將行食之時。
諸天在虛空中而告之曰。此是阿羅
漢斯人。向阿羅漢施。此得福多。施此

得福少此是阿那含此人向阿那含此人是斯陀含斯人向斯陀含道此人向須陀洹斯人向須陀洹道是人七生往還此人一生是持信此人奉法此是利根此是鉅根此人下界此人精進持戒此人犯戒施此人得福多施此人得福少今時師子大將聞諸天語已亦不經懷見如來食已訖除去鉢器更取小座如來前坐今時師子大將白世尊言我向者有諸天來至我所而告之曰從羅漢至犯戒皆具白如來雖聞斯言亦不經懷亦不生此念我當捨此施彼捨彼施此然我復生斯念應施一切衆生有衆之類由食而存无食則喪我躬自從如來聞說斯偈恒在心懷而不忘失云何名為偈

施當普平等終不有所逆必當遇聖賢緣斯而得度

是謂世尊斯偈所說我躬從如來聞之恒念奉行佛告大將善哉斯名菩薩之心平等惠施若菩薩布施之時亦不生此念我當與此置此恒有平

等而惠施亦復有此念一切衆生有食則存无食則亡菩薩行施之時亦復思惟此業便說斯偈

夫人修其行行惡及其善彼彼自受報行終不衰耗如人尋其行即受其果報為善獲其善作惡受惡報為惡及其善隨人之所習如似種五穀各獲其果實師子大將當以此方便知善惡各有其行所以然者從初發意至于成道心无增减不選擇人亦不觀其地是故師子若欲惠施之時恒念平等勿興是非之心如是師子當作是學今時世尊復說觀曰

施歡人所愛衆人所稱歎所至无疑難亦无嫉妬心是故智者施除去諸惡想長夜至善處諸天所嘉歎

今時世尊說斯語已便從坐起而去今時師子聞佛所說歡喜奉行

聞如是一時佛在舍衛國祇樹給孤獨園今時波斯匿王往至世尊所頭面礼足在一面坐是時波斯匿王白世尊言夫施之家當施何處世尊告王隨心所歡便於彼施王復白佛為

施何處得大功德佛告王曰汝所問
當施何處今復問獲福功德王白佛
言我今問如來為施何處獲其功德
佛告王曰吾今還問王隨所樂還報
吾云何大王若有剎利子末婆羅門
子來然愚惑无所知心意錯亂恒不
一定來至王所而問王言我等當恭
奉聖王隨時所須云何大王須此人
在左右乎王白佛言不須也世尊所
以然者由彼人无有黠慧心識不定
不堪候外敵之所致也佛告王曰云
何大王若剎利婆羅門種多諸方便
无有恐難亦不畏懼能除外敵來至
王所而白王言我等隨時瞻奉聖王
唯願恩垂當見納受云何大王當受
斯人不王白佛言唯然世尊我等當
納受斯人所以然者由彼人堪任候
外敵无有畏難亦不畏懼佛告王曰
今比丘亦復如是諸根完具捨五成
六護一降四施此之人獲福最多王白
佛言云何比丘捨五成六護一降四
佛告王曰於是比丘捨貪欲蓋瞋恚蓋
睡眠調疑如是比丘名為捨五云何

比丘成就六王當知之若比丘見色已不起色想緣此護眼根除去惡不善念而護眼根若耳鼻口身意不起意識而護意根如是比丘成就六云何比丘而護一於是比丘繫念在前如是比丘降身魔欲魔死魔天魔皆於是比丘降身魔欲魔死魔天魔皆悉降伏如是比丘降伏於四如是大王捨五就六護一降四施如此之人獲福難量大王邪見與邊見相應如斯之人施蓋無益時王白佛言如是世尊施斯之人其福難量若比丘成就一法福尚難量何況餘者云何為一法所謂身念是也所以然者且軋子恒計身行意行不計口行佛告王曰且軋子者愚惑意常錯亂心識不定是彼師法故致斯言耳彼受身行之報蓋不足言意行无形而不可見王白佛言此三行中何者最重身行耶口行耶意行佛告王曰此三行中意行最重口行身行蓋不足言王白佛言復何因緣故說念意取為第一佛告王曰夫人所行先意念然後口發口已發便身行然

盜姪舌根不定亦無端緒正使彼人命終身根舌根在大王彼人何以故身口不有所設耶王白佛言彼人以無意根故致斯變耳佛告王曰當以此方便知意根取為重餘二者輕今時世尊便說斯偈

心為法本 心尊心使 心之念惡 即行即施 於彼受苦 輪轉于轍 心為法本 心尊心使 中心念善 即行即為 受其善報 如影隨形 今時波斯匿王白世尊言如是如來為惡之人身行惡隨行隨惡起佛告王言汝為觀何等義而來問我慈施何人獲福益多王白佛言我昔至屋軋子所問屋軋子曰當於何處惠施屋軋子聞我所問已更論餘事亦不見報時屋軋子語我言沙門瞿曇作是說施我得福多餘者无福當施我弟子不應施餘人其有人民施我弟子者其福不可量也佛告王曰今時為云何報之王白佛言時我便作是念或有斯理惠施如來其福難量今故問佛為與何處其福難量然今世

尊不自稱譽亦不毀人佛告王曰我口
不作是說施我得福多餘者不得福
但我今日所說鉢中遺餘持與人者
其福難量以清淨之心著淨水中普
生斯念斯中有形之類蒙祐无量何
况人形但大王我今所說施持戒人
其福難量與犯戒人者蓋不足言大
王當知如田家子善治其地除去穢
惡以好穀子著良田中於中穫子无
有限量亦如彼田家子不修治地亦
不除去穢惡而下穀子所收蓋不足
言今比丘亦復如是若比丘捨五就
六護一降四如斯之人其施惠者其
福无量與邪見之人蓋不足言猶如
大王剎利種婆羅門種意无疑難能
降外敵當觀亦如羅漢之人彼婆羅
門種意不專定者觀當如邪見之人
時波斯匿王白世尊言施持戒之人其
福難量自今已後其有來求索者終
不違逆若復四部之衆有所求索者
亦不逆之隨時給與衣被飲食牀卧
具亦復施與諸梵行者佛告之曰勿
作是說所以然者施畜生之類其福

難量況復人身乎但我今日所說者
施持戒人難計非犯戒人波斯匿王
白佛言我今重複自歸然世尊慙慙
乃至於斯外道異學傳誹世尊又且
世尊恒歎譽彼人外道異學貪善利
養又復如來不貪利養國事多猥欲
還所止佛告王曰宜知是時今時波
斯匿王聞佛所說歡喜奉行

聞如是一時佛在舍衛國祇樹給孤
獨園今時波斯匿王煞庶母百子即
懷變悔我造惡源極為甚多復用此
為由王位故煞此百人誰能堪任除
我愁憂波斯匿王復作是念唯有世
尊能去我憂耳時復作斯念我今
不宜懷此愁憂默然至世尊所當駕
王威至世尊所時波斯匿王告羣臣
曰汝等催駕寶羽之車如前王法欲
出舍衛城親近如來群臣聞王教已
即時嚴駕羽寶之車即來白王言嚴
駕已訖王知是時時波斯匿王即乘
羽寶車推鍾鳴鼓懸繒幡蓋人從皆
著鎧器諸日圍遶出舍衛城往至祇
洹步入祇洹精舍如前王法除五威

儀蓋天冠拂劍履屣盡捨之至世尊
所頭面布地復以手摩如來足普自
陳啓我今悔過改往修來愚惑不別
真偽煞庶母百子王威力故今來自
悔唯願納受佛告王曰善哉大王還
就本位今當說法波斯匿王即從坐
起礼世尊足還詣本位佛告王曰命
極危脆極壽不過百年所出无幾人
壽百年計三十三天一日一夜計彼
日夜三十日為一月十二月為一歲
彼三十三天正壽千歲計人中壽壽
十萬歲復計還活地獄中一日一夜
復計彼日夜三十日為一月十二月
為一歲還活地獄中五千歲或壽半
劫或壽一劫隨人所作行或有中天
者計人中之壽百億之歲智者恒念普
修此行復用此惡為樂少苦多其殃
難計是故大王莫由己身父母妻子
國土人民施行罪業亦莫為王身故
而作罪本猶如石蜜為初甜後苦此
亦如是於短壽之中何為作惡大王
當知有四大畏恒逼人身終不可制
約亦復不可呪術戰鬪藥草所能抑

折生老病死亦如四大山從四方來
各各相就摧壞樹木皆悉磨滅此四
事者亦復如是大王當知若生來時
使父母懷憂愁苦惱不可稱計若生
來至无復少壯壞敗形貌支節漸緩
若病來至丁壯之年无復氣力轉轉
命促若死來至斷於命根恩愛別離
五陰各散是謂大王有此四大皆不
得自在若復有人親近煞生受諸惡
原若生人中壽命極短若人習盜後
生貧困衣不蓋形食不充口所以然
者皆由取他財物故致斯變若生
人中受苦無量若人姪他後生人中
妻不貞良若人妄語後生人中言不
信用為人輕慢皆由前世詐稱虛偽
故若人惡言受地獄罪若生人中顏
色醜陋皆由前世惡言故致斯報若人
誇語受地獄罪若生人中家中不和恒
被鬪乱所以然者皆由前身所造之報
若人兩舌鬪乱彼此受地獄罪若生人
家中不和恒有誹訟所以然者皆由前
世鬪乱彼此之所致也若人憊憎嫉他
受地獄罪若生人中為人所憎皆由前

世行本之所致也若人興謀害之心受地獄罪若生人中意不專定所以然者皆由前世興斯心故若復有人習於邪見受地獄罪若生人中瞽盲瘖瘂人所惡見所由介者皆因前世行本所致也是謂大王由此十惡之報致斯殃豐受无量苦況復外者乎是故大王當以法治化莫以非法以理治民亦莫非理大王諸以正法治民者命終之後皆生天上正使大王命終之後人民追憶終不忘失名稱遠布大王當知諸以非法治化人民死後皆生地獄中是時獄卒以五縛繫之其中受苦不可稱量或鞭或縛或捶或解諸支節或取火炙或以鑊銅灌其身或剝其皮或以草著腹或拔其舌或刺其體或鋸解其身或鐵臼中擣或輪壞其形使走刀山劍樹不令停息抱熱銅柱或挑其眼或壞耳根截手足耳鼻已截復生復舉身形著六鑊中復以鐵叉擾動其身不令息住復從鑊中出生拔脊筋持用治車復使入熱炙地獄中復入熱屎地獄中復入

刺地獄中復入灰地獄中復入刀樹地獄中復令仰卧以熱鐵丸使食之腸脂五藏皆悉爛盡從下而過復以鏑銅而灌其口從下而過於中受苦惱要當罪畢然後乃出如是大王衆生入地獄其事如是皆由前世治法不整之所致也尔時世尊便說斯偈
百年習放逸後故入地獄斯竟何足貪
受罪難稱計

大王以法治自濟其身父母妻子奴婢親族將護國事是故大王常當以法治化勿以非法人命極短在世須臾間耳生死長遠多諸畏難若死來至於中時哭骨節離解身體煩疼尔時无有救者非有父母妻子奴婢僕從國土人民所能救也有此之難誰堪代者唯有布施持戒語常和悅不傷人意作衆功德行諸善本尔時世尊便說斯偈

智者當惠施諸佛所嘉歎是故清淨心勿有憊懣意為死之所逼受大極苦惱至彼惡趣中无有休息時若復欲來時極受於苦惱諸根自然壞由惡无休息

若醫治來時合集諸藥草不遍其身體
由惡无休息若復親族來問其財貨本
耳亦不聞聲由惡无休息若復移在地
病人卧其上形如枯樹根由惡无休息
若復已命終身命識已離形如墻壁土
由惡无休息若復彼死死親族舉冢問
彼无可持者唯福可怙耳
是故大王當求方便施行福業今不
為者後悔无益今時世尊便說斯偈
如來由福力降伏魔官屬今已還佛力
是故福力尊

是故大王當念作福為惡尋當悔更
莫復犯今時世尊便說斯偈

雖為極惡原悔過漸復薄是時於世間
根本皆消滅

是故大王莫由已身修行其惡莫為
父母妻子沙門婆羅門施行於惡
習其惡行如是大王當作是學今時
世尊便說斯偈

非父母兄弟亦非諸親族能免此惡者
皆捨歸於死

是故大王自今已後當以法治化莫
以非法如是大王當作是學今時波

斯匿王聞佛所說歡喜奉行

聞如是一時佛在舍衛國祇樹給孤獨園今時國王波斯匿夜夢見十事王即覺悟大用愁怖懼畏亡國及身妻子明日即召公卿大臣明智道士婆羅門能解夢相者悉來集會王即為說夜夢十事誰能解者婆羅門言我能解之恐王聞之即當不樂王言便說之婆羅門言當亡國王及王太子王妻王言云何諸人寧可攘厭不耶婆羅門言斯事可攘厭之當煞太子及王所重大夫人邊傍侍者僕從奴婢并所貴大臣以用祠天王所有卧具珍琦寶物皆當火燒以祠於天如是王身及國可盡无他王聞婆羅門言大用愁憂不樂却入齋室思念此事王有夫人名曰摩利就到王所問王意故何以愁憂不樂妾身將有過於王耶王言卿无過於我但莫問是事卿儻聞之令汝愁怖夫人答王不敢愁怖王言不須問也聞者卿怖夫人言我是王身之半有急緩當煞妾一人王安隱不以為怖王說之

王即為夫人說昨夜夢見十事一者見三金羅兩邊金滿中金空兩邊金沸氣相交往不入中央空金中二者夢見馬口亦食屍亦食三者夢見大樹生華四者夢見小樹生果五者夢見一人索繩然後有羊羊主食繩六者夢見狐坐金牀上食以金器七者夢見大牛還從犢子嗽乳八者夢見黑牛羣從四面吼鳴來相趣欲聞當合未合不知牛處九者夢見大陂池水中央濁四邊清十者夢見大溪水波流正赤夢見已即寤大用惶怖恐亡國及身妻子人民今白公卿大臣道人婆羅門能解夢者時有一婆羅門言當然王太子所重夫人大臣奴婢以祠於天以故致愁耳夫人報言大王莫愁夢如人行買金又以火燒燕石上磨好惡自現今佛近在祇洹精舍可往問佛佛解說者可隨佛說去何信此狂癡婆羅門語以自愁苦乃至於斯王方喜寤即召左右傍臣連轂駕車騎王乘高蓋之車乘騎侍從數十万人出舍衛城到祇洹精舍

下步到佛所頭面礼足長跪叉手前
白佛言昨夜夢見十事願佛哀我事
事解說佛告王曰善哉大王王所夢
者乃為將來後世現瑞應耳後世人
民不畏禁法普當淫泆貪有妻息放
情姪嫗无有厭足妬忌愚癡不知慚
不知愧貞潔見棄佞諂乱國王夢見
三金羅雨邊金滿中央金空兩邊金
沸氣相交往不入中央空金中者後
世人民皆當不給足養親貧窮同生
不親近反親他人富貴相從共相饋
遺王夢見一事正為此耳王夢見馬
口亦食屎亦食後世人民大臣百官
長吏公卿廩食於官復食於民賦斂
不息下吏作奸民不得寧不安舊土
王夢見二事正為此耳王夢見大樹
生華後世人民多逢驅役心焦意惱
常有愁怖年滿三十頭髮皓白王夢
見二事正為此耳王夢見小樹生果
後世女人年未滿十五便行求嫁抱
兒來歸不知慚愧王夢見四事正為
是耳王夢見一人索繩後有羊羊主
食繩末後世人夫贅行賈或入軍征

遊洋街里朋黨交戲不肖之妻在家
與男子私通拙宿食飲夫財怏情恣
欲元有愧陋夫亦知之効人佯愚王
夢見五事正為是耳王夢見孤上金床
食用金器後世人賤者當貴在金床
上坐食飲重味貴族大姓當給走使
良人作奴婢奴婢為良人王夢見六
事正謂此耳王夢見大牛還從犢子
下嗽乳後世人母當為女作媒將他
男子與房室母住守門從得財物持
用自給活父亦同情佯聾耳不知王夢
見七事正謂是耳王夢見黑牛從四
面群來相趨鳴吼欲聞當合未合不知
牛處後世人國王大臣長吏人民皆當
不畏大禁貪姪嗜欲畜財貯產妻子
大小皆不廉潔姪姪饕餮元有厭極
嫖妬愚癡不知慚愧忠孝不行佞諂
破國不畏上下雨不時節氣不和適
風塵暴起飛沙折木蝗虫噉稼使茲
不熟帝王人民施行如此故天使然又
現四邊起雲帝王人民皆喜各言雲
以四合今必當雨須臾之間雲各自
散故現此恠欲使萬民改行守善持
戒畏懼天地不入惡道貞廉自守一

妻一婦慈心不怒王夢見八事王謂此耳王夢見大陂水中與濁四邊清後世人在閻浮地內日當不忠子當不孝不敬長老不信佛道不敬明經道士臣貪官賜子貪父財无有反復不顧義理邊國當忠孝尊敬長老信樂佛道給施明經道士念報反復王夢見九事正謂此耳王夢見大溪水流波正赤後世人諸帝王國王當不厭其國興師共鬪當得車兵馬兵當相攻伐還相煞害流似正赤王夢見十事正謂是耳盡皆為後世人之事耳後世人若能心存佛道奉事明經道人者死皆生天上若作惡行更共相殘者死入三惡道不可復陳王即長跪叉手受佛教心中歡喜得定慧无復恐怖王便瞞盲作礼頭面著佛足還宮重賜夫人拜為正后多給財寶資令施人國遂豐樂皆奉諸公卿大臣婆羅門俸禄悉逐出國下復信用一村人民皆發天上正真之道王及夫人礼佛而去尔時波斯匿王聞佛所說歡喜奉行

增定阿含經卷第五十一

癸卯歲高麗國大藏部監奉
勅彫造

雜阿含經卷第一

松

宋天竺三藏求那跋陀羅譯

如是我聞一時佛住舍衛國祇樹給
孤獨園。爾時世尊告諸比丘。當觀色
無常。如是觀者。則為正觀。正觀者。則
生厭離。厭離者。捨貪。貪盡。捨貪盡者。說
心解脫。如是觀受。想行識。無常。如是
觀者。則為正觀。正觀者。則生厭離。厭
離者。捨貪。貪盡。捨貪盡者。說心解脫。如
是比丘。心解脫者。若欲自證。則能自
證。我生已盡。梵行已立。所作已作。自
知不受。後有如觀。無常。苦。空。非我。亦
復如是。是時諸比丘聞佛所說。歡喜奉行。
如是我聞。一時佛住舍衛國祇樹給
孤獨園。爾時世尊告諸比丘。於色當
正思惟。色無常。如實知。所以者何。比
丘於色。正思惟。觀色無常。如實知者。於
色欲貪。斷欲貪。斷者。說心解脫。如是受
想行識。當正思惟。觀識無常。如實知
所以者何。於識。正思惟。觀識無常者。
則於識欲貪。斷欲貪。斷者。說心解脫。
如是心解脫者。若欲自證。則能自證。

我生已盡梵行已立所作已作自知
不受後有如是正思惟无常苦空非
我亦復如是時諸比丘聞佛所說歡
喜奉行

如是我聞一時佛住舍衛國祇樹給
孤獨園尔時世尊告諸比丘於色不
知不明不斷不離欲則不能斷苦如
是受想行識不知不明不斷不離欲
則不能斷苦諸比丘於色若知若明
若斷若離欲則能斷苦如是受想行
識若知若明若斷若離欲則能堪任
斷苦時諸比丘聞佛所說歡喜奉行
如是我聞一時佛住舍衛國祇樹給
孤獨園尔時世尊告諸比丘於色不
知不明不斷不離欲心不解脫者則
不能越生老病死怖如是受想行識
不知不明不斷不離欲貪心不解脫
者則不能越生老病死怖比丘於色
若知若明若斷若離欲則能越生老
病死怖諸比丘若知若明若離欲貪
心解脫者則能越生老病死怖如是
受想行識若知若明若斷若離欲貪
心解脫者則能越生老病死怖時諸

比丘聞佛所說歡喜奉行

如是我聞一時佛住舍衛國祇樹給
孤獨園尔時世尊告諸比丘於色愛
喜者則於苦愛喜於苦愛喜者則於
苦不得解脫不明不離欲如是受想
行識愛喜者則愛喜苦愛喜苦者則
於苦不得解脫諸比丘於色不愛喜
者則不喜於苦不喜於苦者則於苦
得解脫如是受想行識不愛喜者則
不喜於苦不喜於苦者則於苦得解
脫諸比丘於色不知不明不離欲貪
心不解脫貪心不解脫者則不能斷
苦如是受想行識不知不明不離欲
貪心不解脫者則不能斷苦於色若
知若明若離欲貪心得解脫者則能
斷苦如是受想行識若知若明若離
欲貪心得解脫者則能斷苦時諸比
丘聞佛所說歡喜奉行

如是我聞一時佛住舍衛國祇樹給
孤獨園尔時世尊告諸比丘於色不
知不明不離欲貪心不解脫者則不
能越生老病死怖如是受想行識不
知不明不離欲貪心不解脫者則不

能越生老病死怖諸比丘於色若知
若明若離欲貪心解脫者則能越生
老病死怖如是受想行識若知若明
若離欲貪心解脫者則能越生老病
死怖時諸比丘聞佛所說歡喜奉行
如是我聞一時佛住舍衛國祇樹給
孤獨園余時世尊告諸比丘於色愛
喜者則於苦愛喜於苦愛喜者則於
苦不得解脫如是受想行識愛喜者
則愛喜苦愛喜苦者則於苦不得解
脫諸比丘於色不愛喜者則不喜於
苦不喜於苦者則於苦得解脫如是
受想行識不受喜者則不喜於苦不
喜於苦者則於苦得解脫時諸比丘
聞佛所說歡喜奉行

無常及苦空非我正思惟元知等四種
及於色喜樂

如是我聞一時佛住舍衛國祇樹給
孤獨園余時世尊告諸比丘過去未
來色無常況現在色聖弟子如是觀
者不願過去色不欲未來色於現在
色厭離欲正向滅盡如是過去未來
受想行識無常況現在識聖弟子如

是觀者不願過去識不欣未來識於
現在識厭離欲正向滅盡如元常苦
空非我亦復如是時諸比丘聞佛所
說歡喜奉行

如是我聞一時佛住舍衛國祇樹給
孤獨園尔時世尊告諸比丘色元常
無常即苦苦即非我非我者亦非我
所如是觀者名真實正觀如是受
想行識无常無常即苦苦即非我
非我者亦非我所如是觀者名真
實觀聖弟子如是觀者厭於色厭受
想行識厭故不樂不樂故得解脫解
脫者真實智生我生已盡梵行已立
所作已作自知不受後有時諸比丘
聞佛所說歡喜奉行

如是我聞一時佛住舍衛國祇樹給
孤獨園尔時世尊告諸比丘色元常
無常即苦苦即非我非我者亦非我
所如是觀者名真實觀如是受想行
識無常無常即苦苦即非我非我者
即非我所如是觀者名真實觀聖弟
子如是觀者於色解脫於受想行識

解脫我說是等解脫於生老病死真
悲苦惱時諸比丘聞佛所說歡喜奉行
如是我聞一時佛住舍衛國祇樹給
孤獨園尔時世尊告諸比丘色无常
若因若緣生諸色者彼亦無常无常
因無常緣所生諸色云何有常如是
受想行識無常若因若緣生諸識者
彼亦無常无常因無常緣所生諸識
云何有常如是諸比丘色無常受想
行識無常无常者則是苦苦者則非
我非我者則非我所聖弟子如是觀
者厭於色厭於受想行識厭者不樂
不樂則解脫解脫知見我生已盡梵
行已立所作已作自知不受後有時
諸比丘聞佛所說歡喜奉行

如是我聞一時佛住舍衛國祇樹給
孤獨園尔時世尊告諸比丘色无常
若因若緣生諸色者彼亦無常无常
因無常緣所生諸色云何有常受想
行識無常若因若緣生諸識者彼亦
无常無常因无常緣所生諸識云何
有常如是比丘色無常受想行識无
常無常者則是苦苦者則非我非我

者則非我所如是觀者名真實觀聖
弟子如是觀者於色解脫於受想行
識解脫我說是等為解脫生老病死
憂悲苦惱時諸比丘聞佛所說歡喜
奉行

如是我聞一時佛住舍衛國祇樹給孤
獨園今時世尊告諸比丘若衆生於
色不味者則不染於色以衆生於色
味故則有染著如是衆生於受想行
識不味者彼衆生則不染於識以衆
生味受想行識故彼衆生染著於識
諸比丘若色於衆生不為患者彼諸
衆生不應厭色以色為衆生患故彼
諸衆生則厭於色如是受想行識不
為患者彼諸衆生不應厭識以受想
行識為衆生患故彼諸衆生則厭於
識諸比丘若色於衆生無出離者彼
諸衆生不應出離於色以色於衆生
有出離故彼諸衆生出離於色如是
受想行識於衆生無出離者彼諸衆
生不應出離於識以受想行識於衆
生有出離故彼諸衆生出離於識諸
比丘若我於此五受陰不如實知味

是味患是患離是離者我於諸天若
魔若梵沙門婆羅門天人衆中不脫
不出不離永住顛倒亦不能自證得
阿耨多羅三藐三菩提諸比丘我以
如實知此五受陰味是味患是患離
是離故我於諸天若魔若梵沙門婆
羅門天人衆中自證得脫得出得離
得解脫結縛永不住顛倒亦能自證
得阿耨多羅三藐三菩提時諸比丘
聞佛所說歡喜奉行

如是我聞一時佛住舍衛國祇樹給
孤獨園余時世尊告諸比丘我昔於
色味有求有行若於色味隨順覺則
於色味以智慧如實見如是於受想
行識味有求有行若於受想行識味隨
順覺則於識味以智慧如實見諸比
丘我於色患_{有求有行}若於色患隨
順覺則於色患以智慧如實見如是
受想行識患_{有求有行}若於識患隨順
覺則於識患以智慧如實見諸比丘
我於色離_{有求有行}若於色隨順覺
則於色離以智慧如實見如是受想
行識離_{有求有行}若於受想行識離

隨順覺則於受想行識離以智慧如
實見諸比丘我於五受陰不如實知
味是味患是患離是離者我於諸天
若魔若梵沙門婆羅門天人衆中不
脫不離不出永住顛倒不能自證得
阿耨多羅三藐三菩提諸比丘我以
如實知五受陰味是味患是患離是
離我於諸天人若魔若梵沙門婆羅
門天人衆中以脫以離以出永不住顛
倒能自證得阿耨多羅三藐三菩提
時諸比丘聞佛所說歡喜奉行
過去四種說厭離及解脫二種說因緣
味亦復二種

如是我聞一時佛住舍衛國祇樹給
孤獨園尔時有異比丘來詣佛所稽
首佛足却住一面白佛言善哉世尊
今當為我略說法要我聞法已當獨
一靜處修不放逸修不放逸已當復
思惟所以善男子出家剷除顛駁身
著法服信家非家出家為究竟无上
梵行現法作證我生已盡梵行已立
所作已作自知不受後有余時世尊
告彼比丘善哉善哉比丘快說此言

云當為我略說法要我聞法已獨一
靜處修不放逸乃至自知不受後有
如是說耶比丘白佛如是世尊佛告
比丘諦聽諦聽善思念之當為汝說
比丘若隨使使者即隨使死者隨死
者為取所縛比丘若不隨使使則不
隨使死不隨使死者則於取解脫比
丘白佛知己世尊知己善逝佛告比
丘汝云何於我略說法中廣解其義
死隨使使隨使死者則為取所縛如
是受想行識隨使使隨使死隨使使
隨使死者為取所縛世尊若色不隨
使使不隨使死不隨使使不隨使死
者則於取解脫如是受想行識不隨
者則於取解脫如是世尊略說法中廣
解其義佛告比丘善哉善哉比丘於
我略說法中廣解其義所以者何色
隨使使隨使死隨使使隨使死者則
為取所縛如是受想行識隨使使隨
使死隨使使隨使死者則為取所縛
比丘色不隨使使不隨使死不隨使

使不隨使死者則於取解脫如是受想行識不隨使使不隨使死不隨使使不隨使死者則於取解脫時彼比丘聞佛所說心大歡喜礼佛而退獨在靜處精勤修習住不放逸精勤修習住不放逸已思惟所以善男子出家剃除鬚髮身著法服信家非家出家乃至自知不受後有時彼比丘即成羅漢心得解脫

如是我聞一時佛住舍衛國祇樹給孤獨園尔時有異比丘來詣佛所所問如上老別者隨使使隨使死者則增諸數若不隨使使不隨使死者則不增諸數佛告比丘汝云何於我略說法中廣解其義時彼比丘白佛言世尊若色隨使使隨使死隨使使隨使死者則增諸數如是受想行識隨使使隨使死隨使使死者則增諸數世尊若色不隨使使不隨使死諸數世尊若色不隨使使不隨使死不隨使使不隨使死者則不增諸數如是受想行識不隨使使不隨使死不隨使使不隨使死者則不增諸數如是世尊我於略說法中廣解其義

如是乃至得阿羅漢心得解脫

如是我聞一時佛住舍衛國祇樹給
孤獨園有異比丘從坐起偏袒右肩
合掌白佛言善哉世尊為我略說法
要我聞法已當獨一靜處專精思惟
住不放逸所以善男子出家剷除顛
駁身著法服信家非家學道為
究竟無上梵行現法身作證我生已
盡梵行已立所作已作自知不受後
有今時世尊告彼比丘善哉善哉汝
作是說世尊為我略說法要我於略
說法中廣解其義當獨一靜處專精
思惟住不放逸乃至自知不受後有
汝如是說耶比丘白佛如是世尊佛
告比丘諦聽諦聽善思念之當為汝
說比丘非汝所應之法宜速斷除斷
彼法者以義饒益長夜安樂時彼比
丘白佛言知已世尊知已善逝佛告
比丘云何於我略說法中廣解其義
比丘白佛言世尊色非我所應宜速
斷除受想行識非我所應宜速斷除
以義饒益長夜安樂是故世尊我於
世尊略說法中廣解其義佛言善哉

善哉比丘汝於我略說法中廣解其義所以者何色者非汝所應宜速斷除如是受想行識非汝所應宜速斷除斷除已以義饒益長夜安樂時彼比丘聞佛所說心大歡喜礼佛而退獨一靜處精勤修習住不放逸精勤修習住不放逸已思惟所以善男子出家剗除鬚髮身著法服正信非家出家乃至自知不受後有時彼比丘成阿羅漢心得解脫

如是我聞一時佛住舍衛國祇樹給孤獨園今時有異比丘徙坐起偏袒右肩為佛作礼却住一面而白佛言善哉世尊為我略說法要我聞法已當獨一靜處專精思惟不放逸住乃至自知不受後有佛告比丘善哉善哉汝作如是說世尊為我略說法要我聞法已當獨一靜處專精思惟不放逸住乃至自知不受後有耶時彼比丘白佛言如是世尊佛告比丘諦聽諦聽善思念之當為汝說若非汝所應亦非餘人所應此法宜速除斷斷彼法已以義饒益長夜安樂時彼

比丘白佛言知已世尊知已善逝佛
告比丘云何於我略說法中廣解其
義比丘白佛言世尊色非我非我所
應亦非餘人所應是法宜速除斷斷
彼法已以義饒益長夜安樂如是受
想行識非我非我所應亦非餘人所
應宜速除斷斷彼法已以義饒益長
夜安樂是故我於如來略說法中廣
解其義佛告比丘善哉善哉汝云何
於我略說法中廣解其義所以者何
比丘色非我非我所應亦非餘人所
應是法宜速除斷斷彼法已以義饒
益長夜安樂如是受想行識非我非
我所應亦非餘人所應是法宜速除
斷斷彼法已以義饒益長夜安樂時
彼比丘聞佛所說心大歡喜礼佛而
退獨一靜處精勤修習不放逸住乃
至自知不受後有時彼比丘心得解
脫成阿羅漢

如是我聞一時佛住舍衛國祇樹給
孤獨園介時有異比丘從坐起為佛
作礼而白佛言世尊為我略說法要
我聞法已當獨一靜處專精思惟不

放逸住不放逸住已思惟所以善男
子正信家非家出家乃至自知不受
後有尔時世尊告彼比丘善哉善哉
汝今作是說善哉世尊為我略說法
要我聞法已當獨一靜處專精思惟
不放逸住乃至自知不受後有耶比
丘白佛言如是世尊佛告比丘諦聽
諦聽善思念之當為汝說比丘結所
繫法宜速除断断彼法已以義饒益
長夜安樂時彼比丘白佛言知已世
尊知已善逝佛告比丘汝云何於我
略說法中廣解其義比丘白佛言世
尊色是結所繫法是結所繫法宜速
除断断彼法已以義饒益長夜安樂
如是受想行識結所繫法是結所繫
法宜速除断断彼法已以義饒益長
夜安樂是故我於世尊略說法中廣
解其義佛告比丘善哉善哉汝於我
略說法中廣解其義所以者何色是
結所繫法此法宜速除断断彼法已
以義饒益長夜安樂如是受想行識
是結所繫法此法宜速除断断彼法
已以義饒益長夜安樂時彼比丘聞

佛所說心大歡喜礼佛而退獨一靜
處專精思惟不放逸住乃至心得解
脫成阿羅漢

深經亦如是說

如是我聞一時佛住舍衛國祇樹給
孤獨園舍時有異比丘從坐起為佛
作礼而白佛言世尊為我略說法要
我聞法已當獨一靜處專精思惟不
放逸住不放逸住已思惟所以善男
子正信非家出家乃至自知不受後
有舍時世尊告彼比丘善哉善哉汝
今作是說善哉世尊為我略說法要
我聞法已當獨一靜處專精思惟不
放逸住乃至自知不受後有耶比丘
白佛言如是世尊佛告比丘諦聽諦
聽善思念之當為汝說比丘動搖時
則為魔所縛若不動者則解脫波旬
比丘白佛言知已世尊知已善逝佛
告比丘汝云何於我略說法中廣解
其義比丘白佛言世尊色動搖時則
為魔所縛若不動者則解脫波旬如
是受想行識動搖時則為魔所縛若
不動者則解脫波旬是故我於世尊

略說法中廣解其義佛告比丘善哉
善哉汝於我略說法中廣解其義所
以者何若色動搖時則為魔所縛若
不動者則解脫波旬如是受想行識
動搖時則為魔所縛若不動者則解
脫波旬乃至自知不受後有心得解
脫成阿羅漢

如是我聞一時佛住舍衛國祇樹給
孤獨園尔時有比丘名刼波來詣佛
所頭面礼足却住一面白佛言如世
尊說比丘心得善解脫世尊云何比
丘心得善解脫尔時世尊告刼波曰
善哉善哉能問如來心善解脫善哉
刼波諦聽諦聽善思念之當為汝說
刼波當觀知諸所有色若過去若未
來若現在若內若外若麤若細若好
若醜若遠若近彼一切悉皆無常正
觀无常已色愛即除色愛除已心善
解脫如是觀受想行識若過去若未
來若現在若內若外若麤若細若好
若醜若遠若近彼一切悉皆無常正
觀無常已識愛即除識愛除已我說
心善解脫刼波如是比丘心善解脫

有如來說名心善解脫所以者何愛
欲斷故愛欲斷者如來說名心善解
脫時却波比丘聞佛所說心大歡喜
禮佛而退

余時却波比丘受佛教已獨一靜處
專精思惟不放逸住乃至自知不受
後有心善解脫成阿羅漢

如是我聞一時佛住王舍城迦蘭陀
竹園尔時尊者羅睺羅往詣佛所
頭面禮足却住一面白佛言世尊云
何知云何見我此識身及外境界一
切相能令無有我我所見我憊使繫
著佛告羅睺羅善哉善哉能問如來
云何知云何見我此識身及外境界
一切相令無有我我所見我憊使繫
著耶羅睺羅白佛言如是世尊佛告
羅睺羅善哉諦聽諦聽善思念之當
為汝說羅睺羅當觀若所有諸色若
過去若未來若現在若內若外若麤
若細若好若醜若遠若近彼一切悉
皆非我不異我不相在如是平等慧
正觀如是受想行識若過去若未來
若現在若內若外若麤若細若好若

毗若遠若近彼一切非我不異我不
相在如是平等慧如實觀如是羅睺
羅比丘如是知如是見如是知如是
見者於此識身及外境界一切相无
自我我所見我慢使繫著者羅睺羅比
丘若如是於此識身及外境界一切相
无有我我所見我慢使繫著者比丘
是名斷愛欲轉去諸結正无間等究
竟苦邊時羅睺羅聞佛所說歡喜奉行
如是我聞一時佛住王舍城伽蘭陀
竹園舍時世尊告羅睺羅比丘云何
知云何見我此識身及外境界一切
相无有我我所見我慢使繫著者羅睺
羅白佛言世尊為法主為導為覆善
哉世尊當為諸比丘演說此義諸比
丘從佛聞已當受持奉行佛告羅睺
羅諦聽諦聽善思念之當為汝說羅
睺羅白佛唯然受教佛告羅睺羅當
觀諸所有色若過去若未來若現在
若內若外若麁若細若好若醜若遠
若近彼一切非我不異我不相在如
是平等慧如實觀如是受想行識若
過去若未來若現在若內若外若麁

若細若好若醜若遠若近彼一切非
我不異我不相在如是平等慧如實
觀比丘如是知如是見我此識身及
外境界一切相無有我我所見我慢
使繫著羣睡羅比丘如是識身及外
境界一切相無有我我所見我慢使
繫著者超越疑心遠離諸相寂靜解
脫是名比丘斷除愛欲轉去諸結正
無間等究竟苦邊時羣睡羅聞佛所
說歡喜奉行

復增諸數 非我非彼 結繫動搖
劫波所問 亦羣睡羅 所問二經
如是我聞一時佛住舍衛國祇樹給
孤獨園時有異比丘來詣佛所為佛
作禮却住一面白佛言如世尊說多
聞云何為多聞佛告比丘善哉善哉
汝今問我多聞義耶比丘白佛唯然
世尊佛告比丘諦聽善思當為汝說
比丘當知若聞色是生厭離欲滅盡
寂靜法是名多聞如是聞受想行識
是生厭離欲滅盡寂靜法是名多聞
比丘是名如來所說多聞時彼比丘
聞佛所說踊躍歡喜作禮而去

如是我聞一時佛住舍衛國祇樹給
孤獨園。爾時有異比丘來詣佛所。頭
面禮足却住。一面白佛言。如世尊所
說法師云何。名為法師。佛告比丘。善
哉。善哉。汝今欲知如來所說法師義
耶。比丘白佛。唯然。世尊。佛告比丘。諦
聽。善思。當為汝說。佛告比丘。若於色
說。是生厭離。欲滅盡寂靜法者。是名
法師。若於受想行識說。是生厭離。欲
滅盡寂靜法者。是名法師。是名如來
所說法師。時彼比丘聞佛所說。踊躍
歡喜。作禮而去。

如是我聞一時佛住舍衛國祇樹給
孤獨園。爾時有異比丘來詣佛所。頭
面作禮却住。一面白佛言。如世尊說
法次法。向云何法。次法。向佛告比丘。
善哉。善哉。汝今欲知法次法。向耶。比
丘白佛。唯然。世尊。佛告比丘。諦聽。善
思。當為汝說。比丘於色。向厭離。欲滅
盡。是名法次法。向如是受想行識。於
識。向厭離。欲滅盡。是名法次法。向時
彼比丘聞佛所說。踊躍歡喜。作禮而去。
如是我聞一時佛住舍衛國祇樹給

孤獨園尔時有異比丘來詣佛所頭
面礼足却住一面白佛言世尊如世
尊所說得見法涅槃云何比丘得見
法涅槃佛告比丘善哉善哉汝今欲
知見法涅槃耶比丘白佛唯然世尊
佛告比丘諦聽善思當為汝說佛告
比丘於色生厭離欲滅盡不起諸漏
心正解脫是名比丘見法涅槃如是
受想行識於識生厭離欲滅盡不起
諸漏心正解脫是名比丘見法涅槃
時彼比丘聞佛所說踊躍歡喜作礼
而去
如是我聞一時佛住舍衛國祇樹給
孤獨園尔時有異比丘名三塞離提
來詣佛所頭面礼足却住一面白佛
言如世尊說說法師云何名為說法
師佛告比丘汝今欲知說法師義耶
比丘白佛唯然世尊佛告比丘諦聽
善思當為汝說若比丘於色說厭離
欲滅盡是名說法師如是於受想行
識於識說厭離欲滅盡是名說法師
時彼比丘聞佛所說踊躍歡喜作礼
而去

多聞善說法向法及沮脰三塞離提問
云何說法師

如是我聞一時佛住王舍城迦蘭陀
竹園今時尊者舍利弗在耆闍崛山
中時有長者子名輸屢那日日遊行
到耆闍崛山詣尊者舍利弗問評起
居已却坐一面語舍利弗言若諸沙
門婆羅門於無常色變易不安隱色
言我勝我等我劣何故沙門婆羅門
作如是想而不見真實若沙門婆羅
門於無常變易不安隱受想行識而
言我勝我等我劣何故沙門婆羅門
作如是想而不見真實若沙門婆羅
門於無常色不安隱色變易言我勝
我等我劣何所計而不見真實於无
常變易不安隱受想行識言我勝我
等我劣何所計而不見真實輸屢那
於汝意云何色為常為無常耶答言
無常輸屢那若无常為是苦耶答言
是苦輸屢那若無常苦是變易法於
意云何聖弟子於中見色是我異我
相在不答言不也輸屢那於意云何
受想行識為常為無常答言無常苦

无常是苦耶答言是苦輸屢那識若無常苦是變易法於意云何聖弟子於中見識是我異我相在不答言不也輸屢那當知色若過去若未來若現在若內若外若麤若細若好若醜若遠若近彼一切色不是我異我不相在是名如實知如是受想行識若過去若未來若現在若內若外若麤若細若好若醜若遠若近彼一切識不是我異我不相在是名如實知輸屢那如是於色受想行識生歇已立所作已作自知不受後有時舍利弗說是經已長者子輸屢那遠塵離垢得法眼淨時長者子輸屢那見法得法不由於他於正法中得无所畏從坐起偏袒右肩胡跪合掌白舍利弗言我今已度我從今日歸依佛歸依法歸依僧為優婆塞我從今日已盡壽命清淨歸依三寶時長者子輸屢那聞舍利弗所說歡喜踊躍作禮而去如是我聞一時佛住王舍城迦蘭陀竹園今時尊者舍利弗在耆闍崛山

時有長者子名輸屢那日日遊行到
耆闍崛山詣舍利弗所頭面礼足却
坐一面時舍利弗謂輸屢那若沙門
婆羅門於色不如實知色集不如實
知色滅不如實知色滅道跡不如實
知故輸屢那當知此沙門婆羅門不
堪能斷色如是沙門婆羅門於受想
行識不如實知識集不如實知識滅
不如實知識滅道跡不如實知故不
堪能斷識輸屢那若沙門婆羅門於
色如實知色集如實知色滅如實知
色滅道跡如實知故輸屢那當知此
沙門婆羅門堪能斷色如是輸屢那
若沙門婆羅門於受想行識如實知
識集如實知識滅如實知識滅道跡
如實知故輸屢那當知此沙門婆羅
門堪能斷識輸屢那於意云何色為
常為無常耶答言無常又問若无常
者是苦耶答言是苦舍利弗言若色
無常苦者是變易法聖弟子寧於中
見色是我異我相在不答言不也輸
屢那如是受想行識為常為無常耶
答言無常又問若无常者是苦耶答

言是苦又問若無常苦者是變易法
聖弟子寧於中見識是我異我相在
不答曰不也輸屢那當知色若過去
若未來若現在若內若外若麤若細
若好若醜若遠若近於一切色不是
我不異我不相在是名如實知輸屢
那聖弟子於色生厭離欲解脫解脫
生老病死憂悲苦惱如是受想行識
若過去若未來若現在若內若外若
麤若細若好若醜若遠若近彼一切
識不是我我不異我不相在是名如實
知輸屢那聖弟子於識生厭離欲解
脫解脫生老病死憂悲苦惱時輸屢
那聞舍利弗所說歡喜踊躍作禮已去
如是我聞一時佛住王舍城迦蘭陀
竹園今時尊者舍利弗在耆闍崛山時
有長者子名輸屢那日日遊行到耆
闍崛山詣舍利弗所頭面禮足却坐
一面時舍利弗告輸屢那若沙門婆
羅門於色不如實知色集不如實知
色滅不如實知色味不如實知色患
不如實知色離不如實知故不堪能
超越色若沙門婆羅門於受想行識

不如實知識集不如實知識滅不如實知識味不如實知識患不如實知識離不如實知識故此沙門婆羅門於色色
堪能超越識若沙門婆羅門於色色
集色滅色味色患色離如實知識此沙
門婆羅門堪能超越色若沙門婆羅
門於受想行識識集識滅識味識患
識離如實知識此沙門婆羅門堪能超
越識輸屢鄒於汝意云何色為常為
無常耶答言無常无常者為苦耶答
言是苦輸屢鄒若色無常苦是變易
法聖弟子於中寧有是我異我相在
不答言不也輸屢鄒於汝意云何如
是受想行識為常為無常答言无常
若無常者是苦耶答言是苦輸屢鄒
若无常苦是變易法聖弟子於中寧
有是我異我相在不答言不也輸屢
鄒當知色若過去若未來若現在若內
若外若麤若細若好若醜若遠若近
於一切色不是我異我不相在是
名如實知識輸屢鄒受想行識若過去
若未來若現在若內若外若麤若細
若好若醜若遠若近於一切識不是

我不異我不相在是名如實知輸屢
那聖弟子於此五受陰正觀非我非
我所如是正觀於諸世間无所攝受
無攝受者則无所著无所著者自得
涅槃我生已盡梵行已立所作已作
自知不受後有時長者子輸屢那聞
舍利弗所說歡喜踊躍作禮而去

雜阿含經卷第一

甲辰歲高麗國大藏都監奉
勅刪造

雜阿含經卷第二

松

宋天生三藏求那跋陀羅譯

如是我聞一時佛住舍衛國祇樹給
孤獨園今時世尊告諸比丘色非是
我若色是我者不應於色病苦生亦
不應於色欲令如是不令如是以色
無我故於色有病有苦生亦得於色
欲令如是不令如是受想行識亦復
如是比丘於意云何色為是常為無
常耶比丘白佛無常世尊比丘若无
常者是苦不比丘白佛是苦世尊若無
常苦是變易法多聞聖弟子於中寧
見有我異我相在不比丘白佛不也
世尊受想行識亦復如是是故比丘
諸所有色若過去若未來若現在若
內若外若麤若細若好若醜若遠若
近彼一切非我不異我不相在如是
觀察受想行識亦復如是比丘多聞
聖弟子於此五受陰非我非我所如
實觀察如實觀察已於諸世間都无
所取無所取故无所著無所著故自
覺涅槃我生已盡梵行已立所作已

作自知不受後有佛說此經已諸比丘聞佛所說歡喜奉行

如是我聞一時佛住波羅捺國仙人住處鹿野苑中尔時世尊告餘五比丘色非有我若色有我者於色不應病苦生亦不得於色欲令如是不令如是以色無我故於色有病有苦生亦得於色欲令如是不令如是受想行識亦復如是比丘於意云何色為是常為無常耶比丘白佛無常世尊比丘若元常者是苦耶比丘白佛是苦世尊比丘若元常苦是變易法多聞聖弟子寧於中見是我異我相在不比丘白佛不也世尊受想行識亦復如是是故比丘諸所有色若過去若未來若現在若內若外若麤若細若好若醜若遠若近彼一切非我非我所如實觀察受想行識亦復如是比丘多聞聖弟子於此三受陰見非我非我所如是觀察於諸世間都无所取無所取故無所著無所著故自覺涅槃我生已盡梵行已立所作已作自知不受後有佛說此經已餘五比

丘不起諸漏心得解脫佛說此經已
諸比丘聞佛所說歡喜奉行

如是我聞一時佛住支提竹園精舍
余時有三正士出家未久所謂尊者
向覺律陀尊者難提尊者耆金毗羅
余時世尊知彼心中所念而為教誡
比丘此心此意此識當思惟此莫思
惟此斷此欲斷此色身作證具足住
比丘寧有色若常不變易正住不比
丘白佛不也世尊佛告比丘善哉善
哉色是無常變易正住不比丘白佛
不也世尊佛告比丘善哉善哉色是
無常變易之法猷離欲滅寂沒如是
色從本以來一切元常苦變易法如
是知已緣彼色生諸漏害熾然憂惱
皆悉斷滅斷滅已無所著无所著已
安樂住安樂住已得般涅槃受想行
識亦復如是佛說此經時三正士不
起諸漏心得解脫佛說此經已諸比
丘聞佛所說歡喜奉行

如是我聞一時佛住摩偷羅國跋提
河側拿蓋菴羅樹園余時世尊告諸
比丘住於自洲住於自依住於法洲

住於法依不異洲不異依比丘當正
觀察住自洲自依法洲法依不異洲
不異依何因生憂悲惱苦云何有四
何故何繫著云何自觀察未生憂悲
惱苦而生已生憂悲惱苦生長增廣諸
比丘白佛世尊法根法眼法依唯願為
說諸比丘聞已當如說奉行佛告比
丘諦聽善思當為汝說比丘有色因
色繫著色自觀察未生憂悲惱苦而
生已生而復增長廣大受想行識亦
復如是比丘頗有色常恒不變易正
住耶答言不也世尊佛告比丘善哉
善哉比丘色是無常若善男子知色
是無常已變易離欲滅寂靜沒徒本
以來一切色無常苦變易法知已若
色因緣生憂悲惱苦斷彼斷已無所
著不著故安隱樂住安隱樂住已名
為涅槃受想行識亦復如是佛說此
經時十六比丘不生諸漏心得解脫
佛說此經已諸比丘聞佛所說歡喜
奉行

竹園毗舍離清淨正觀察元常苦非我
五三與十六

如是我聞一時佛住舍衛國祇樹給
孤獨園尔時世尊告諸比丘我不與
世間諍世間與我諍所以者何比丘
若如法語者不與世間諍世間智者
言有我亦言有云何為世間智者言
有我亦言有比丘色無常苦變易法
世間智者言有我亦言有如是受想
行識無常苦變易法世間智者言有
我亦言有世間智者言无我亦言无
謂色是常恒不變易正住者世間智
者言無我亦言無受想行識常恒不
變易正住者世間智者言無我亦言
無是名世間智者言无我亦言無比
丘有世間世間法我亦自知自覺為
人分別演說顯示世間盲无目者不
知不見非我各也諸比丘云何為世
間世間法我自知我自覺為人演說
分別顯示盲無目者不知不見是比
丘色無常苦變易法是名世間世間
法如是受想行識無常苦是世間世
間法比丘此是世間世間法我自知
自覺為人分別演說顯示盲无目者
不知不見我於彼盲無目不知不見

者其如之何佛說此經已諸比丘聞
佛所說歡喜奉行

如是我聞一時佛住舍衛國祇樹給
孤獨園尔時世尊告諸比丘世人為
卑下業種種求財活命而得巨富世
人皆知如世人之所知我亦如是說
所以者何莫令我異於世人諸比丘
譬如一器有一處人名為棲茨有名
鉢有名匕匕羅有名遮留有名毗志
多有名婆闍那有名薩牢如彼所知
我亦如是說所以者何莫令我異於
世人故如是比丘有世間法我自知
自覺為人分別演說顯示知見而談
世間盲無目者不知不見世間盲無
目者不知不見我其如之何比丘云
何世間世間法我自知自覺乃至不
知不見色無常苦變易法是為世間世
間法受想行識无常苦變易法是世界
間世間法比丘是名世間世間法我
自知自見乃至盲無目者不知不見
其如之何佛說此經已諸比丘聞佛
所說歡喜奉行

如是我聞一時佛住舍衛國祇樹給

孤獨園今時世尊告諸比丘有五種
種子何等為五謂根種子莖種子節
種子自落種子實種子此五種子不
斷不壞不腐不中風新熟堅實有地
界而無水界彼種子不生長增廣若
彼種新熟堅實不斷不壞不中風有
水界而無地界彼種子亦不生長增
廣若彼種子新熟堅實不斷不壞不
腐不中風有也水界彼種子生長增
廣比丘彼五種子者譬取陰俱識地
界者譬四識住水界者譬貪喜四取
攀緣識住何等為四於色中識住攀
緣色喜貪潤澤生長增廣於受想行
中識住攀緣受想行貪喜潤澤生長
增廣比丘識於中若來若去若住若
沒若生長增廣比丘若離色受想行
識有若來若去若住若生者彼但有
言數問已不知增益生癡以非境界
故色界離貪離貪已於色封滯意生
縛斷於色封滯意生縛斷已攀緣斷
攀緣斷已識無住處不復生長增廣
受想行界離貪離貪已於行封滯意
生觸斷於行封滯意生觸斷已攀緣

斷攀緣斷已彼識無所住不復生長
增廣不生長故不作行不作行已住
住已知足知足已解脫解脫已於諸
世間都無所取無所著无所取無所
著已自覺涅槃我生已盡梵行已立
所作已作自知不受後有我說彼識
不至東西南北四維上下無所至趣
唯見法欲入涅槃寂滅清涼清淨真
實佛說此經已諸比丘聞佛所說歡
喜奉行

如是我聞一時佛住舍衛國祇樹給
孤獨園尔時世尊告諸比丘封滯者
不解脫不封滯則解脫云何封滯不
解脫比丘攀緣四取陰識住云何為
四色封滯識住受想行封滯識住乃
至非境界故是名封滯故不解脫云
何不封滯則解脫於色界離貪受想
行識離貪乃至清淨真實是則不封
滯則解脫佛說此經已諸比丘聞佛
所說歡喜奉行

如是我聞一時佛住舍衛國祇樹給
孤獨園尔時世尊告諸比丘有五受
陰色受陰受想行識受陰我於此五

受陰五種如實知色如實知色集色
味色患色離如實知如是受想行識
亦實知識集識味識患識離如實知
云何色如實知諸所有色一切四大
及四大造色是名色如是色如實知
云何色集如實知於色喜愛是名色
集如是色集如實知云何色味如實
知謂色因緣生喜樂是名色味如是
色味如實知云何色患如實知若色
無常苦變易法是名色患如是色患
如實知云何色離如實知若於色調
伏欲貪斷欲貪越欲貪是名色離如
是色離如實知云何受如實知有六
受身眼觸生受耳鼻舌身意觸生受
是名受如是受如實知云何受集如
實知觸集是受集如是受集如實知云
何受味如實知緣六受生喜樂是名
受味如是受味如實知云何受患如
實知若受無常苦變易法是名受患
如是受患如實知云何受離如實知
於受調伏欲貪斷欲貪越欲貪是名
受離如是受離如實知云何想如實
知謂六想身云何為六謂眼觸生想

耳鼻舌身意識觸生想是名想如是
想如實知云何想集如實知謂觸集
是想集如是想集如實知云何想味
如實知想因緣生喜樂是名想味如
是想味如實知云何想患如實知謂
患如實知云何想離如實知若於想
調伏欲貪斷欲貪越欲貪是名想離
如是想離如實知云何行如實知謂
六思身眼觸生思耳鼻舌身意識觸生
思是名為行如是行如實知云何行
集如實知觸集是行集如是行集如
實知云何行味如實知謂行因緣生
喜樂是名行味如是行味如實知云
何行患如實知若行无常苦變易法
是名行患如是行患如實知云何行
離如實知若行調伏欲貪斷欲貪越
欲貪是名行離如是行離如實知云
何識如實知謂六識身眼識身耳鼻
舌身意識身是名為識身如是識身
如實知云何識集如實知謂名色集
是名識集如是識集如實知云何識
味如實知識因緣生喜樂是名識味

如是識味如實知云何識患如實知
若識無常苦變易法是名識患如是
識患如實知云何識離如實知謂於
識調伏欲貪斷欲貪越欲貪是名識
離如是識離如實知比丘若沙門婆
羅門於色如是知如是見如是知如
是見離欲向是名正向若正向者我
說彼入受想行識亦復如是若沙門
婆羅門於色如實知如實見於色生
厭離欲不起諸漏心得解脫若心得
解脫者則為純一純一者則梵行立
梵行立者離他自在是名苦邊受想
行識亦復如是佛說此經已諸比丘
聞佛所說歡喜奉行

如是我聞一時佛住舍衛國祇樹給
孤獨園尔時世尊告諸比丘有七處
善三種觀義盡於此法得漏盡得无
漏心解脫慧解脫現法自知身作證
具足住我生已盡梵行已立所作已
作自知不受後有云何比丘七處善
比丘如實知色色集色滅色滅道跡
色味色患色離如實知如是受想行
識識集識滅識滅道跡識味識患識

離如實知云何色如實知諸所有色
一切四大及四大造色是名為色如
是色如實知云何色集如實知愛喜
是名色集如是色集如實知云何色
減如實知愛喜減是名色減如是色
減如實知云何色減道跡如實知謂
八聖道正見正志正語正業正命正
方便正念正定是名色減道跡如是
色減道跡如實知云何色味如實知
謂色因緣生喜樂是名色味如是色
味如實知云何色患如實知若色无
常苦變易法是名色患如是色患如
實知云何色離如實知謂於色調伏
欲貪斷欲貪越欲貪是名色離如是
色離如實知云何受如實知謂六受
眼觸生受耳鼻舌身意觸生受是名
受如是受如實知云何受集如實知
觸集是受集如是受集如實知云何
受減如實知觸減是受減如是受減
如實知云何受減道跡如實知謂八
聖道正見乃至正定是名受減道跡
如是受減道跡如實知云何受味如
實知受因緣生喜樂是名受味如是

受味如實知云何受惠如實知若元
常苦變易法是名受惠如是受惠如
實知云何受離如實知若於受調伏
欲貪斷欲貪越欲貪是名受離如是
受離如實知云何想如實知謂六想
眼觸生想耳鼻舌身意觸生想是名
為想如是想如實知云何想集如實
知觸集是想集如是想集如實知云
何想滅如實知觸滅是想滅如是想
滅如實知云何想滅道跡如實知謂
八聖道正見乃至正定是名想滅道
跡如是想滅道跡如實知云何想味
如實知想因緣生喜樂是名想味如
是想味如實知云何想患如實知若
想無常苦變易法是名想患如是想
患如實知云何想離如實知若於想
調伏欲貪斷欲貪越欲貪是名想離
如是想離如實知云何行如實知謂
六思身眼觸生思耳鼻舌身意觸生
思是名為行如是行如實知云何行
集如實知觸集是行集如是行集如
實知云何行滅如實知觸滅是行滅
如是行滅如實知云何行滅道跡如

實知謂八聖道正見乃至正定是名
行滅道跡如是行滅道跡如實知云
何行味如實知行因緣生喜樂是名
行味如是行味如實知云何行患如
實知若行無常苦變易法是名行患
如是行患如實知云何行離如實知
若於行調伏欲貪斷欲貪越欲貪是
名行離如是行離如實知云何識如
實知謂六識身眼識耳鼻舌身意識
身是名為識如是識如實知云何識
集如實知名色集是識集如是識集
如實知云何識滅如實知名色滅是
識滅如是識滅如實知云何識滅道跡
如實知謂八聖道正見乃至正定是名
識滅道跡如是識滅道跡如實知云何
識味如實知識因緣生喜樂是名識味
如是識味如實知云何識患如實知
若識無常苦變易法是名識患如是
識患如實知云何識離如實知若微
調伏欲貪斷欲貪越欲貪是名識離
如實知比丘是名七處善云何二種
觀義比丘若於空閑樹下露地觀察
心界入正方便思惟其義是名比丘

隨轉心不隨轉故不生取著攝受心
住不攝受住故則不生恐怖障尋心
亂不取著故如是受想行識不見我
異我相在不見我我所而取彼識若
變若異心不隨轉心不隨轉故不取
著攝受心住不攝受心住故心不恐
怖障尋心亂以不取著故是名不取
著是名取著不取著佛說此經已諸
比丘聞佛所說歡喜奉行

如是我聞一時佛住舍衛國祇樹給
孤獨園今時世尊告諸比丘若生則
繫著不生則不繫著諦聽善思當為
汝說云何若生則繫著愚癡元聞凡
夫於色集色滅色味色患色離不如
實知故於色愛喜讚歎取著於色是
我我所而取取已彼色若變若異心隨
變異心隨變異故則攝受心住攝受
心住故則生恐怖障尋願念以生繫
著故受想行識亦復如是是名生繫
著云何不生不繫著多聞聖弟子色
集色滅色味色患色離如實知如實
知故不愛喜讚歎取著不繫我我所
而取以不取故彼色若變若異心不

隨其心不隨受異故心不繫著攝
受心住不攝受心住故心不恐怖障
碍願念以不生不著故受想行識亦
復如是是名不生不繫著佛說此經
已諸比丘聞佛所說歡喜奉行

如是我聞一時佛住舍衛國祇樹給
孤獨園尔時世尊告諸比丘有五受
陰云何為五色受陰受想行識受陰
若諸沙門婆羅門見有我者一切皆
於此五受陰見我諸沙門婆羅門見
色是我色異我我在色色在我見受
想行識是我識異我我在識識在我
愚癡無聞凡夫以無明故見色是我異
我相在言我真實不捨以不捨故諸
根增長諸根長已增諸觸六觸入處
所觸故愚癡無聞凡夫起苦樂覺從
觸入處起何等為六謂眼觸入處耳
鼻舌身意觸入處如是比丘有意界
法界無明界愚癡無聞凡夫无明觸
故起有覺無覺有无覺我勝覺我等
覺我卑覺我知我見覺如是知如是
見覺皆由六觸入故多聞聖弟子於
此六觸入處捨離無明而生明不生

有覺無覺有无覺勝覺等覺卑覺我知我見覺如是知如是見已先所起无明觸滅後明觸覺起佛說此經已諸比丘聞佛所說歡喜奉行

如是我聞一時佛住舍衛國祇樹給孤獨園今時世尊告諸比丘有五受陰六何為五色受想行識受陰若沙門婆羅門以宿命智自識種種宿命已識當識今識皆於此五受陰已識當識今識我過去所經如是色如是受如是想如是行如是識若可閱可分是名色受陰指所閱若手若石若杖若刀若冷若暖若渴若飢若蚊蚋諸毒虫風雨觸是名觸閱是故閱是色受陰復以此色受陰无常苦變易諸覺相是受受陰何所覺覺苦覺樂覺不苦不樂是故名覺相是受受陰復以此受受陰是無常苦變易諸想是想受陰何所想少想多想无量想都无所有作無所有想是故名想受陰復以此想受陰是无常苦變易法為作相是行受陰何所為作於色為作於受想行識為作是故為作相是

行受陰復以此行受陰是無常苦變
易法別知相是識受陰何所識識色
識聲香味觸法是故名識受陰復以
此識受陰是無常苦變易法諸比丘
彼多聞聖弟子於此色受陰作如是
學我今為現在色所食過去世已曾
為彼色所食如今現在復作是念我
今為現在色所食我若復樂著未來
色者當復為彼色所食如今現在作如
是知已不願過去色不樂著未來色
於現在色生厭離欲滅患向滅多聞
聖弟子於此受想行識受陰學我今
現在為現在識所食於過去世已曾
為識所食如今現在我今已為現在
識所食者復樂著未來識者亦當復為
彼識所食如今現在如是知已不願
過去識不樂未來識於現在識生厭
離欲滅患向滅滅而不增退而不進滅
而不起捨而不取於何滅而不增色
滅而不增受想行識滅而不增於何
退而不進色退而不進受想行識退
而不進於何滅而不起色滅而不起
受想行識滅而不起於何捨而不取

色捨而不取受想行識捨而不取滅而不增寂滅而住退而不進寂退而住滅而不起寂滅而住捨而不取不生繫著不繫著已自覺涅槃我生已盡梵行已立所作已作自知不受後有佛說此經時衆多比丘不起諸漏心得解脫佛說此經已諸比丘聞佛所說歡喜奉行

我界下種子封滯五轉十二繫著及覺三世陰世食

如是我聞一時佛住舍衛國祇樹給孤獨園今時世尊告諸比丘信心善男子應作是念我應隨順法我當於色多修猒離住於受想行識多修猒離住於受想行識多修猒離住於受想行識多修猒離住於受想行識多修猒離住於受想行識多修猒離得猒於受想行識得猒猒已離欲解脫解脫知見我生已盡梵行已立所作已作自知不受後有佛說此經已諸比丘聞佛所說歡喜奉行

如是我聞一時佛住舍衛國祇樹給孤獨園今時世尊告諸比丘信心善男子三信非家出家自念我應隨順

法於色當多修猷住於受想行識多
修猷住信心善男子正信非家出家
於世多修猷住於受想行識多修猷
住已於色得離於受想行識得離我
說是等志離一切生老病死憂愁
苦佛說此經已諸比丘聞佛所說歡
喜奉行

如是我聞一時佛住舍衛國祇樹給
孤獨園今時世尊告尊者阿難曰若
信心長者長者子來問汝言於何等
法知其生滅汝當云何荅乎阿難白
佛世尊若有長者長者子來問我
者我當荅言知色是生滅法知受想行
識是生滅法世尊者長者長者子如
是問者我當如是荅佛告阿難善哉
善哉應如是荅所以者何色是生滅
法受想行識是生滅法知色是生滅
法者名為知色知受想行識是生滅
法者名為知識佛說此經已諸比丘
聞佛所說歡喜奉行

如是我聞一時佛住舍衛國祇樹給
孤獨園今時世尊告尊者阿難曰若
有諸外道出家來問汝言阿難世尊

何故教人修諸梵行如是問者云何
答云阿難白佛世尊若外道出家來
問我言阿難世尊何故教人修諸梵
行者我當答言為於色修猒離欲滅
盡解脫不生故世尊教人修諸梵行
為於受想行識修猒離欲滅盡解脫
不生故教人修諸梵行世尊若有外
道出家作如是問者我當作如是答
佛告阿難善哉善哉應如是答所以
者何我實為於色修猒離欲滅盡解
脫不生故教人修諸梵行於受想行
識修猒離欲滅盡解脫不生故教人
修諸梵行佛說此經已尊者阿難聞
佛所說歡喜奉行

如是我聞一時佛住舍衛國祇樹給
孤獨園尔時世尊告諸比丘我今為
汝說壞不壞法諦聽善思當為汝說
諸比丘色是壞法彼色滅涅槃是不
壞法受想行識是壞法彼識滅涅槃
是不壞法佛說此經已諸比丘聞佛
所說歡喜奉行

爾時住迦維多羅如增一阿含經四法中說
如是我聞一時佛在拘薩羅國人問

遊行於菴羅聚落村北申恕林中住
尔時聚落主大姓婆羅門聞沙門釋
種子於釋迦大姓剎除鬚髮著袈裟
衣正信非家出家學道成无上等正
覺於此拘薩羅國人間遊行到婆羅
聚落村北申恕林中住又彼沙門瞿
曇如是色貌名稱真實功德天人讚
歎聞于八方為如來應等正覺明行
足善逝世間解無上士調御丈夫天
人師佛世尊於諸世間諸天魔梵沙
門婆羅門中大智能自證知我生已
盡梵行已立所作已作自知不受後
有為世說法初中後善善義善味純
一滿淨梵行清白演說妙法善哉應
見善哉應往善應敬事作是念已即
便嚴駕多將翼從執持金瓶杖枝傘
蓋往詣佛所恭敬奉事到於林口
下車步進至世尊所問許安不却坐
一面白世尊曰沙門瞿曇何論何說
佛告婆羅門我論因說因又白佛言
云何論因云何說因佛告婆羅門有
因有緣集世間有因有緣世間集有
因有緣滅世間有因有緣世間滅婆

羅門白佛言世尊云何為有因有緣
集世間有因有緣世間集佛告婆羅
門愚癡無聞凡夫色集色滅色味色
患色離不如實知不如實知故愛樂
於色譏歎於色染著心住彼於色愛
樂故取取緣有有緣生生緣老死憂
悲惱苦是則大苦聚集受想行識亦
復如是婆羅門是名有因有緣集世
間有因有緣世間集婆羅門白佛言
云何為有因有緣滅世間有因有緣
世間滅佛告婆羅門多聞聖弟子於
色集色滅色味色患色離如實知如
實知已於彼色不受樂不留住故色愛則
著不留住不受樂不留住故色愛則
滅受滅則取滅取滅則有滅有滅則
生滅生滅則老死憂悲惱苦滅受想
行識亦復如是婆羅門是名有因有
緣滅世間是名有因有緣世間滅婆
羅門是名論因是名說因婆羅門白
佛言瞿曇如是論因如是說因世間
多事今請辭還佛告婆羅門宜知是
時佛說此經已諸婆羅門聞佛所說
歡喜隨喜礼足而去

如是我聞一時佛住波羅捺國仙人
住處鹿野苑中彼時毗迦多魯迦聚
落有婆羅門來詣佛所恭敬問訊却
坐一面白佛言瞿曇我有年少弟子
知天文族姓為諸大眾占相吉凶言
有必有言無必無言成必成言壞必
壞瞿曇於意云何佛告婆羅門且置
汝年少弟子知天文族姓我今問汝
隨汝意答婆羅門於意云何色本無
種耶答曰如是世尊受想行識本无
種耶答曰如是世尊佛告婆羅門汝
言我年少弟子知天文族姓為諸大
衆作如是說言有必有言無必无知
見非不實耶婆羅門白佛如是世尊
佛告婆羅門於意云何頗有色常住
百歲耶為異生異滅耶受想行識常
住百歲耶異生異滅耶答曰如是世
尊佛告婆羅門於意云何汝年少弟
子知天文族姓為大眾說成者不壞
知見非不異耶答曰如是世尊佛告
婆羅門於意云何此法彼法此說彼
說何者為勝婆羅門白佛言世尊此
知法說如佛所說顯現開發辟如有

人溺水能救獲彼能救迷方示路閻
慧明燈世尊今日善說勝法亦復如
是顯現開發佛說此經已毗迦多魯
迦婆羅門聞佛所說歡喜隨喜即從
坐起札足而去
如是我聞一時佛在波羅捺國仙人
住處鹿野苑中尔時世尊告諸比丘
我今當說陰及受陰云何為陰若所
有諸色若過去若未來若現在若內
若外若麤若細若好若醜若遠若近
彼一切摠說色陰隨諸所有受想行
識亦復如是彼一切摠說受想行識
陰是名為陰云何為受陰若色是有
漏是取若彼色過去未來現在生貪
欲瞋恚愚癡及餘種種上煩惱心法
受想行識亦復如是是名受陰佛說
此經已諸比丘聞佛所說歡喜奉行
如是我聞一時佛住波羅捺國仙人
住處鹿野苑中尔時世尊告諸比丘
我今當說有漏無漏法若色有漏是
取彼色能生愛恚如是受想行識有
漏是取彼識能生愛恚是名有漏法云
何無漏法諸所有色無漏非受彼色
若過去未來現在彼色不生愛恚如是

受想行識無漏非受彼識若過去未來現在不生貪恚是名無漏法佛說此經已諸比丘聞佛所說歡喜奉行二信二阿難壞法鬱陀迦婆羅及世間除漏無漏法

如是我聞一時佛住舍衛國祇樹給孤獨園。爾時世尊著衣持鉢入舍衛城乞食。還持衣鉢不語衆。不告侍者。獨一無二於西方國土人間遊行時。安施林中。有一比丘遙見世尊不語衆。不告侍者。獨一無二見已進詣尊者阿難。所白阿難言。尊者當知世尊不語衆。不告侍者。獨一無二而出遊行。行今時阿難語彼比丘。若使世尊不語衆。不告侍者。獨一無二而出遊行。不應隨從。所以者何。今日世尊欲住寂滅減少事故。爾時世尊遊行北至半闍國波陀聚落。於人所守護林中。佳一跋陀薩羅樹下。時有衆多比丘詣阿難。所語阿難言。今聞世尊住在何所。阿難答曰。我聞世尊北至半闍國波陀聚落。人所守護林中。跋陀薩羅樹下。時諸比丘語阿難曰。尊者知

我等不見世尊已久若不憚勞者可
共往詣世尊哀愍故阿難知時默然
而許尔時尊者阿難與衆多比丘夜
過晨朝著衣持鉢入舍衛城乞食乞
食已還精舍舉卧具持衣鉢出至西
方人間遊行北至半闍國波陀聚落
人守護林中時尊者阿難與衆多比
丘置衣鉢洗足已詣世尊所頭面礼
說法示教利喜尔時座中有一比丘
作是念云何知云何見疾得漏盡尔
時世尊知彼比丘心之所念告諸比
丘若有比丘於此座中作是念云何
知云何見疾得漏盡者我已說法言
當善觀察諸陰所謂四念處四正勤
四如意足五根五力七覺分八聖道
分我已說如是法觀察諸陰而今猶
有善男子不勤欲作不勤樂不勤念
不勤信而自慢惰不能增進得盡諸
漏若復善男子於我所說法觀察諸
陰勤欲勤樂勤念勤信彼能疾得盡
諸漏愚癡無聞凡夫於色見是我若
見我者是名為行彼行何因何集何

生何轉無明觸生愛緣愛起彼行彼
愛何因何集何生何轉彼愛受因受
集受生受轉彼受何因何集何生何
轉彼受觸因觸集觸生觸轉彼觸何因
何集何生何轉謂彼觸六入處因六入
處集六入處生六入處轉彼六入處无
常有為心緣起法彼觸受行受亦無
常有為心緣起法如是觀者而見色是
我不見色是我而見色是我所不見
而見我在色不見我在色而見受是
我不見受是我而見受是我所不見
受是我所而見受在我不見受在我
而見我在受不見我在受而見想是
我不見想是我而見想是我所不見
想是我所而見想在我不見想在我
而見我在想不見我在想而見行是
我不見行是我而見行是我所不見
行是我所而見行在我不見行在我
而見我在行不見我在行而見識是
我不見識是我而見識是我所不見
識是我所而見識在我不見識在我
而見我在識不見我在識復作斷見

壞有見不作斷見壞有見而不離我
得離我慢者而復見我見我者即
是行欲行何因何集何生何轉如前
所說乃至我慢作如是知如是見者
疾得漏盡佛說經已諸比丘聞佛所
說歡喜奉行

如是我聞一時佛住舍衛國東園鹿
母講堂今時世尊於晡時從禪覺於
諸比丘前敷座而坐告諸比丘有五
受陰云何為五謂色受陰受想行識
受陰時有一比丘從坐起整衣服偏
袒右肩右膝著地合掌白佛言世尊
此五受陰色受陰受想行識受陰耶佛
告比丘還坐而問當為汝說時彼比
丘為佛作禮還復本坐白佛言世尊
此五受陰以何為根以何集以何生
以何觸佛告比丘此五受陰欲為根
欲集欲生欲觸時彼比丘聞佛所說
歡喜隨喜而白佛言世尊為說五陰
即受善哉所說今當更問世尊陰即
受為五陰異受耶佛告比丘非五陰
即受亦非五陰異受能於彼有欲貪
者是五受陰比丘白佛善哉世尊歡

喜隨喜今復更問世尊有二陰相聞
耶佛告比丘如是如是猶若有一人如
是思惟我於未來得如是色如是受
如是想如是行如是識是名比丘陰
陰相聞也比丘白佛善哉所說歡喜
隨喜更有所問世尊云何名陰佛告
比丘諸所有色若過去若未來若現
在若內若外若麤若細若好若醜若
遠若近彼一切總說陰是名為陰受
想行識亦復如是如是比丘是名為
陰比丘白佛善哉所說歡喜隨喜更
有所問世尊何因何緣名為色陰何
因何緣名受想行識陰佛告比丘四
大因四大緣是名色陰所以者何諸
所有色陰彼一切悉皆四大緣四大
造故觸因觸緣生受想行是故名受
想行陰所以者何若所有受想行彼
一切觸緣故名色因名色緣是故名
為識陰所以者何若所有識彼一切
名色緣故比丘白佛善哉所說歡喜
隨喜更有所問云何色味云何色患
云何色離云何受想行識味云何識
患云何識離佛告比丘緣色生喜樂

是名色味若色無常苦變易法故名色患若於色調伏欲貪斷欲貪越欲貪是名色離若緣受想行識生喜樂是名識味受想行識無常苦變易法是名識患於受想行識調伏欲貪斷欲貪越欲貪是名識離比丘白佛善哉所說歡喜隨喜更有所問世尊云何生我慢佛告比丘愚癡無聞凡夫於色見我異我相在於受想行識見我異我相在於此生我慢比丘白佛善哉所說歡喜隨喜更有所問世尊云何得無我慢佛告比丘多聞聖弟子不於色見我異我相在不於受想行識見我異我相在比丘白佛善哉所說更有所問何所見盡得漏盡佛告比丘諸所有色若過去若未來若現在若內若外若麤若細若好若醜若遠若近彼一切非我不異我不相在受想行識亦復如是比丘如是知如是見疾得漏盡尔時會中復有異比丘鈍根無知在無明殼起惡邪見而作是念若無我者作无我業於未來世誰當受報尔時世尊如

彼比丘心之所念告諸比丘於此衆
中若有愚癡人無智明而作是念若
色無我受想行識無我作無我業誰
當受報如是所疑先以解釋彼云何
比丘色為常耶為非常耶答言无常
世尊若無常者是苦耶答言是苦世
尊若無常苦是變易法多聞聖弟子
於中寧見是我異我相在不答言不
也世尊受想行識亦復如是是故比
丘若所有色若過去若未來若現在
若內若外若麤若細若好若醜若遠
若近彼一切非我非我所如是見者
是為正見受想行識亦復如是多聞
聖弟子如是觀者便修厭厭已離欲
離欲已解脫解脫知見我生已盡梵
行已立所作已作自知不受後有佛
說此經時衆多比丘不起諸漏心得
解脫佛說此經已諸比丘聞佛所說
歡喜奉行

陰振陰即受二陰共相閑 名字四二家
我憊疾漏盡

雜阿含經卷第二

甲辰歲高麗國大藏都監奉
勅刪造

維摩經卷第三

三

宋天竺三藏求那跋陀羅譯

如是我聞一時佛住舍衛國祇樹給
孤獨園今時世尊告諸比丘有五受
陰云何為五色受陰受想行識受陰
觀此五受陰是生滅法所謂此色此
色集此色滅此受想行識此識集此
識滅云何色集云何色滅云何受想
行識集云何受想行識滅愛喜集是
色集愛喜滅是色滅觸集是受想行
集觸滅是受想行滅名色集是識集
名色滅是識滅比丘如是色集色滅
是為色集色滅如是受想行識集受
想行識滅是為受想行識集受想行
識滅佛說此經已時諸比丘聞佛所
說歡喜奉行

如是我聞一時佛住舍衛國祇樹給
孤獨園今時世尊告諸比丘有五受
陰何等為五所謂色受陰受想行識
受陰善哉比丘不樂於色不讚歎色
不取於色不著於色善哉比丘不樂
於受想行識不讚歎識不取於識不

於識所以者何若比丘不樂於色
不讚歎色不取於色不著於色則於
色不樂心得解脫如是受想行識不
樂於識不讚歎識不取於識不著於
識則於識不樂心得解脫若比丘不
樂於色心得解脫不滅不生平捨住正
念正智彼比丘如是知如是見者前
際俱見永盡無餘前際俱見永盡元
餘已後際俱見亦永盡無餘後際俱
見永盡無餘已前後際俱見永盡無
餘無所封著無所封著者於諸世間
都無所取無所取者亦無所求無所
求者自覺涅槃我生已盡梵行已立
所作已作自知不受後有佛說此經
已時諸比丘聞佛所說歡喜奉行
如是我聞一時佛住舍衛國祇樹給
孤獨園尔時世尊告諸比丘有五受
陰何等為五謂色受陰受想行識受
陰云何色受陰所有色彼一切四大
及四大所造色是名為色受陰復次
彼色是無常苦變易之法若彼色受
陰永劫無餘究竟捨離滅盡離欲寂

次餘色受陰更不相續不起不出是
名為妙是名寂靜是名捨離一切有
餘受盡無欲滅盡涅槃云何受受陰
六受身何等為六謂眼觸生受耳
鼻舌身意觸生受是名受受陰復次
涅槃云何想受陰謂六想身何等為
六謂眼觸生想乃至意識生想是名
想受陰復次彼想受陰無常苦變易
之法乃至滅盡涅槃云何行受陰謂
六思身何等為六謂眼觸生思乃至
意識生思是名行受陰復次彼行受
陰無常苦變易之法乃至滅盡涅槃
云何識受陰謂六識身何等為六謂
眼識身乃至意識身是名識受陰復
次彼識受陰是無常苦變易之法乃
至滅盡涅槃比丘若於此法以智慧
思惟觀察分別思是名隨信行超果
離生超凡夫地未得須陀洹果中間
不死必得須陀洹果比丘若於此法
增上智慧思惟觀察忍是名隨法行
超果離生超凡夫地未得須陀洹果
中間不死必得須陀洹果比丘於此

六如實正慧等見三結盡斷知調身
見成取疑比丘是名須陀洹果不墮
惡道必定正趣三菩提七有天人往
生然後究竟苦邊比丘若於此法如
實正慧等見不起心漏名阿羅漢諸
漏已盡所作已作捨難重擔逮得已
利盡諸有結正智心得解脫佛說此
經已諸比丘聞佛所說歡喜奉行
如是我聞一時佛住舍衛國祇樹給
孤獨園余時世尊告諸比丘有五受
陰謂色受陰受想行識受陰愚癡无
聞凡夫無慧無明於五受陰生我見
繫著使心繫著而生貪欲比丘多聞
聖弟子有慧有明於此五受陰不為
見我繫著使心結縛而起貪欲云何
愚癡無聞凡夫無慧無明於五受陰
見我繫著使心結縛而生貪欲比丘
愚癡無聞凡夫無慧無明見色是我
異我相在如是受想行識是我異我
相在如是愚癡無聞凡夫無慧無明
於五受陰說我繫著使心結縛而生
貪欲比丘云何聖弟子有慧有明不
說我繫著使結縛心而生貪欲聖弟

乎不見色是我異我相在如是受想
行識不見是我異我相在如是多聞
聖弟子有慧有明於五受陰不見我
繫著使結縛心而生貪欲若所有色
若過去若未來若現在若內若外若
麁若細若好若醜若遠若近彼一切
正觀皆忘無常如是受想行識若過
去若未來若現在若內若外若魚若
細若好若醜若遠若近彼一切正觀
皆忘無常佛說此經已諸比丘聞佛
所說歡喜奉行

如是我聞一時佛住舍衛國祇樹給
孤獨園尔時世尊告諸比丘有五受
陰謂色受陰受想行識受陰比丘若
沙門婆羅門計有我一切皆於此五
受陰計有我何等為五諸沙門婆羅
門於色見是我異我相在如是受想
行識見是我異我相在如是愚癡无
聞凡夫計我無明分別如是觀不唯
我所不離我所者入於諸根入於諸
根已而生於觸六觸入所觸愚癡无
聞凡夫生苦樂從是生此等及餘謂
六觸身云何為六謂眼觸入處耳鼻

舌身意觸入處比丘有意界法界無明界無明觸所觸愚癡無間凡夫言有言無言有无言非有非无言我寂勝言我相似我知我見復次比丘多聞聖弟子住六觸入處而能猒離无明能生於明彼於無明離欲而生於明不有不無非有無非不有無非有我勝非有我劣非有我相似我知我見作如是知如是見已所起前無明觸滅後明觸集起佛說是經已諸比丘聞佛所說歡喜奉行

如是我聞一時佛住舍衛國東園鹿子母講堂尔時世尊晡時從禪起出講堂於堂陰中大衆前敷座而坐尔時世尊歎優陀伽

法無有吾我亦復無我所我既非當有我何由生比丘解脫此則断下分結時有一比丘從座起偏袒右肩右膝著地合掌白佛言世尊云何無吾我亦無有我所我既非當有我所何由生比丘解脫此則断下分結佛告比丘愚癡無間凡夫計色是我異我相在受想行識是我異我相在多聞聖

弟子不見色是我異我相在不見受
想行識是我異我相在亦非知者亦
非見者此色是無常受想行識是无
常色是苦受想行識是苦色是无我
受想行識是无我此色非當有受想
行識非當有此色壞有受想行識壞
有故非我非我所我我所非當有如
是解脫者則斷五下分結時彼比丘
白佛言世尊斷五下分結已云何漏
盡無漏心解脫慧解脫現法自知作
證具足住我生已盡梵行已立所作
已作自知不受後有佛告比丘愚癡
凡夫無聞衆生於無畏處而生恐懼
愚癡凡夫無聞衆生怖畏

無我無我所二俱非當生

攀緣四識住何等為四謂色識住色
攀緣色愛樂增進廣大生長於受想
行識住攀緣愛樂增進廣大生長比
丘識於此處若來若去若住若起若
滅增進廣大生長若作是說更有異
法識若來若去若住若起若滅若增
進廣大生長者但有言說問已不知
增益生癡以非境界故所以者何比

止離色界貪已於色意生縛亦斷於
色意生縛斷已識攀緣亦斷識不復
住無復增進廣大生長受想行界
離貪已於受想行意生縛亦斷受想
行意生縛斷已攀緣亦斷識無所住
無復增進廣大生長識無所住故不
增長不增長故無所為作無所為作
故則住住故知足知足故解脫解脫
故於諸世間都無所取無所取故无
所著無所著故自覺涅槃我生已盡
梵行已立所作已作自知不受後有
比丘我說識不住東方南西北方四
維上下除欲見法涅槃滅盡寂靜清
涼佛說此經已諸比丘聞佛所說歡
喜奉行

生滅以不樂及三種分別 貪著等觀察
是名優陀邨

如是我聞一時佛住舍衛國祇樹給
孤獨園今時世尊告諸比丘常當修
習方便禪思內寂其心所以者何比
丘常當修習方便禪思內寂其心如
實觀察云何如實觀察此是色此是
色集此是色滅此是受想行識此是

識集此是識滅云何色集受想行識
集愚癡無聞凡夫於苦樂不苦不樂
受不如實觀察此受集受滅受味受
患受離不如實觀察故於受樂著生
取取緣有有緣生生緣老病死憂悲
惱苦如是純大苦聚從集而生是名
色集是名受想行識集云何色滅受
想行識滅多聞聖弟子受諸苦樂不
苦不樂受如實觀察受集受滅受味
受患受離如實觀察故於受樂著滅
著滅故取滅取滅故有滅有滅故生滅
生滅故老病死憂悲惱苦滅如是純
大苦聚皆悉得滅是名色滅受想行
識滅是故比丘常當修習方便禪思
內寂其心比丘禪思住內寂其心精
勤方便如實觀察佛說此經已諸比
丘聞佛所說歡喜奉行
如觀察心分別種種分別知廣知
種種知親近親近修習入觸證二經
亦如是廣說

如是我聞一時佛住舍衛國祇樹給
孤獨園今時世尊告諸比丘常當修
習方便禪思內寂其心所以者何修

習方便禪思內寂其心已如實觀察
云何如實觀察如實觀察此色此色
集此色滅此受想行識此識集此識
滅云何色集云何受想行識集比丘
愚癡無聞凡夫不如實觀察色集色
味色患色離故樂彼色讚歎受著於
未來世色復生受忍行識亦如是廣
說彼色生受想行識生已不解脫於
色不解脫於受想行識我說彼不解
脫生老病死憂悲惱苦純大苦聚是
名色集受想行識集云何色滅受想
行識滅多聞聖弟子如實觀察色集
色滅色味色患色離如實知如實知
故不樂於色不讚歎色不樂著色亦
不生未來色受想行識亦如是廣說
色不生受想行識不生故於色得解
脫於受想行識得解脫我說彼解脫
生老病死憂悲惱苦聚是名色滅
受想行識滅是故比丘常當修習方
便禪思內寂其心精勤方便如實觀
察佛說此經已諸比丘聞佛所說歡
喜奉行

如觀察如是乃至作證十二經亦應

廣說

如是我聞一時佛住舍衛國祇樹給
孤獨園今時世尊告諸比丘常當修
習方便禪思內寂其心所以者何比
丘修習方便禪思內寂其心已如實
觀察云何如實觀察如實知此色此
色集此色滅此受想行識此識集此
識滅云何色集受想行識集愚癡無
聞凡夫不如實知色集色滅色味色
患色離不如實知故樂著彼色讚歎
於色樂著於色讚歎色故取取緣有
有緣生生緣老死憂悲惱苦如是純
大苦聚生是名色集受想行識集云
何色滅受想行識滅多聞聖弟子如
實知色集色滅色味色患色離如實
知故不樂著色不讚歎色不樂著讚
歎色故愛樂滅愛樂滅故取滅取滅
故有滅有滅故生滅生滅故老病死
憂悲惱苦滅如是純大苦聚滅云何
多聞聖弟子如實知受想行識識集
識滅識味識患識離如實知知彼
故不樂著彼識不讚歎於識不樂著
讚歎識故樂愛滅樂愛滅故取滅取

滅故有滅有滅故生滅生滅故老病死憂悲惱苦滅如是純大苦聚滅皆患得滅比丘是名色滅受想行識滅比丘常當修習方便禪思內寂其心佛說此經已諸比丘聞佛所說歡喜奉行

如觀察乃至作證十二經亦如是廣說如是我聞一時佛住舍衛國祇樹給孤獨園今時世尊告諸比丘常當修習方便禪思內寂其心如實觀察云何如實觀察如實知此色此色集此色滅此受想行識此識集此識滅云何色集受想行識集緣眼及色眼識生三事和合生觸緣觸生受緣受生愛乃至純大苦聚生是名色集受想行識事和合生觸緣觸生受緣受生愛如是乃至純大苦聚生是名色集受想行識集云何色滅受想行識滅緣眼乃至色眼識生三事和合生觸觸滅則受滅乃至純大苦聚滅如是耳鼻舌身意緣意及法意識生三事和合生觸觸滅則受滅愛滅乃至純大苦聚滅

是名色滅受想行識滅是故比丘當
當修習方便禪思內寂其心佛說此
經已諸比丘聞佛所說歡喜奉行
如觀察乃至作證十二經亦如是廣說
受與生及樂亦說六入處一一十二種
禪定三昧經

如是我聞一時佛住舍衛國祇樹給
孤獨園今時世尊告諸比丘我今當
說有身集趣道及有身集滅道云何
有身集趣道愚癡無聞凡夫見不知
實知色集色滅色味色患色離不如
實知故樂色歎色著色住色樂色歎
色著色住色故愛樂取緣取有緣有
生緣生老病死憂悲苦惱如是純大
苦聚生如是受想行識廣說是名有身
集趣道比丘有身集趣道當知即是
苦集趣道云何有身集滅道多聞聖弟
子如實知色色集色滅色味色患色
離如實知故於色不樂不歎不著不
住不樂不歎不著不住故彼色愛樂
戚受樂滅則取滅取滅則有滅有滅
則生滅生滅則老病死憂悲苦惱純大
苦聚滅滅如色受想行識亦如是是名

有身滅道跡有身滅道跡則是苦滅
道跡是故說有身滅道跡佛說此經
已諸比丘聞佛所說歡喜奉行

如當說有及當知亦如是說

如是我聞一時佛住舍衛國祇樹給
孤獨園舍時世尊告諸比丘我今當
說有身邊有身集邊有身滅邊諦聽
善思念之當為汝說云何有身邊謂
五受陰云何為五色受陰受想行識
受陰是名有身邊云何有身集邊謂
受當來有愛貪喜俱彼彼樂著是名
有身集邊云何有身滅邊即此受當來
有愛貪喜俱彼彼樂著無餘斷吐盡離
欲滅寂沒是名有身滅邊是故當說
有身邊有身集邊有身滅邊佛說是
經已諸比丘聞佛所說歡喜奉行
如當說有及當知亦如是說
如是我聞一時佛住舍衛國祇樹給
孤獨園舍時世尊告諸比丘我今當
說有身有身集有身滅有身滅道跡
諦聽善思念當為汝說云何有身謂五
受陰云何為五色受陰受想行識受
陰是名有身云何有身集當來有愛

貪喜俱彼染著是名有身集云何
有身滅當來有愛貪喜俱彼樂著
無餘斷吐盡離欲滅是名有身滅云
何有身滅道跡謂八聖道正見正志
正語正業正命正方便正念正定是
名有身滅道跡是名當說有身有身
集有身滅有身滅道跡佛說是經已
諸比丘聞佛所說歡喜奉行
餘如是說老別者當知有身當知斷
有身集當知證有身滅當知修斷有
身道跡佛說此經已諸比丘聞佛所
說歡喜奉行

如當說有及當知亦如是說
又復老別者比丘知有身斷有身集
證有身滅修斷有身道是名比丘斷
愛欲縛諸結等法修無間等究竟苦
邊又復老別者是名比丘究竟邊際
究竟離垢究竟梵行純淨上士又復
老別者是名比丘阿羅漢盡諸有漏
所作已作已捨重擔遠得已利盡諸
有結正智心解脫又復老別者是名
比丘斷閼度塵超越境界脫諸防遏
建聖法幢又復老別者云何斷閼謂

於五下分結云何度壘謂度無明深
漸云何超越境界謂究竟無始生死
云何脫諸防邏謂有愛盡云何建聖
法幢謂我慢盡又復老別者是名比
丘斷五枝成六枝守護一依四種棄
捨諸諦離諸求淨諸欲身行息心善
解脫慧善解脫純一立梵行無上上
其道有三種實覺亦三種有身四種
說羅漢有六種

如是我聞一時佛住舍衛國祇樹給
孤獨園尔時世尊告諸比丘當說所
知法智及智者諦聽善思當為汝說
云何所知法謂五受陰何等為五色
受陰受想行識受陰是名所知法云
何為智調伏貪欲斷貪欲越貪欲是
名為智云何智者阿羅漢是阿羅漢
者非有他世死非無他世死非有元
他世死非非有無他世死廣說无量
諸數永滅是名說所知法智及智者
佛說此經已諸比丘聞佛所說歡喜
奉行

如是我聞一時佛住舍衛國祇樹給
孤獨園尔時世尊告諸比丘我今當

說重擔取擔捨擔者諦聽善思當
為汝說云何重擔謂五受陰何等為
五色受陰受想行識受陰云何取擔
當來有愛貪喜俱彼彼樂者云何捨
擔者當來有愛貪喜俱彼彼樂者永
斷無餘已滅已吐盡離欲滅沒云何
擔者謂士夫是士夫者如是名如是
生如是姓族如是食如是受苦樂如
是長壽如是久住如是壽命齊限是
名為重擔取擔捨擔捨者余時世尊
而說偈言

已捨於重擔 不復應更取 重任為大苦
捨任為大樂 皆斷一切愛 則盡一切行
曉了有餘境 不復轉還者

佛說此經已諸比丘聞佛所說歡喜
奉行

如是我聞一時佛住舍衛國祇樹給
孤獨園余時世尊告諸比丘有五受
陰何等為五色受陰受想行識受陰
是處無別凡夫不如實知色色集色
減色味色患色離不如實知故於色
所樂讚歎繫著住色縛所縛內縛所
縛不知根本不知邊際不知出離是

名愚癡無聞凡夫以縛生以縛死以縛從此世至他世於彼亦復以縛生以縛死是名愚癡無聞凡夫隨魔自在入魔網中隨魔所化魔縛所縛為魔所牽受想行識亦復如是多聞聖弟子如實知色色集色滅色味色患色離如實知故不貪喜色不讚歎不繫著住非色縛所縛非內縛所縛知根本知津濟知出離是名多聞聖弟子不隨縛生不隨縛死不隨魔手不隨魔所作非魔所縛解脫魔縛離魔所牽受想行識亦復如是佛說此經已諸比丘聞佛所說歡喜奉行

如是我聞一時佛住舍衛國祇樹給孤獨園今時世尊告諸比丘有五受陰何等為五謂色受陰比丘於色厭離欲滅不起解脫是名如來應等正覺如是受想行識厭離欲滅不起解脫是名如來應等正覺比丘亦於色厭離欲滅名阿羅漢慧解脫如是受想行識厭離欲滅名阿羅漢慧解脫比丘如來應等正覺阿羅漢慧解脫

有何老別比丘白佛如來為法根為法眼為法依唯願世尊為諸比丘廣說此義諸比丘聞已當受奉行

佛告比丘諦聽善思當為汝說如來應等正覺未曾聞法能自覺法通達無上菩提於未來世聞覺聲聞而為說法謂四念處四正勤四如意足五根五力七覺八道比丘是名如來應等正覺未得而得未利而利知道分別道說道通道復能成就諸聲聞教授教誡如是說正順欣樂善法是名如來羅漢老別佛說此經已諸比丘聞佛所說歡喜奉行

如是我聞一時佛住舍衛國祇樹給孤獨園今時世尊告諸比丘有五受陰何等為五色受陰受想行識受陰汝等比丘當觀察於色觀察色已見有我異我相在不諸比丘白佛言不也世尊佛告比丘善哉善哉色無我无我者則無常無常者則是苦若苦者彼一切非我不異我不相在當作是觀受想行識亦復如是多聞聖弟子於此五受陰觀察非我非我所如

是觀察已於世間都無所取無所取者則無所著無所著者自覺涅槃我生已盡梵行已立所作已作自知不受後有佛說此經已諸比丘聞佛所說歡喜奉行

如是我聞一時佛住舍衛國祇樹給孤獨園今時世尊告諸比丘當斷色欲貪欲貪斷已則色斷色斷已得斷知得斷知已則根本斷如截多羅樹頭未來不復更生如是受想行識欲貪斷乃至未來世不復更生佛說此經已諸比丘聞佛所說歡喜奉行如是我聞一時佛住舍衛國祇樹給孤獨園今時世尊告諸比丘若色起住出則苦於此起病於此住老死於此出受想行識亦如是說比丘若色滅息沒苦於此滅病於此息老死於此沒受想行識亦復如是佛說此經已諸比丘聞佛所說歡喜奉行如是我聞一時佛住舍衛國祇樹給孤獨園今時世尊告諸比丘過去未來色尚無常況復現在色多聞聖弟子如是觀察已不願過去色不欣未

來色於現在色狀離欲滅寂靜受想
行識亦復如是比丘若無過去色者
多聞聖弟子無不願過去色以有過
去色故多聞聖弟子不願過去色若
無未來色者多聞聖弟子無不欣未
來色以有未來色故多聞聖弟子不
欣未來色若無現在色者多聞聖弟
子不於現在色生狀離欲滅盡向以
欲現在色故多聞聖弟子於現在色
生狀離欲滅盡向受想行識亦如是
說佛說此經已諸比丘聞佛所說歡
喜奉行

如無常苦空非我三經亦如是說
如是我聞一時佛住舍衛國祇樹給
孤獨園今時世尊告諸比丘當說聖
法印及是清淨諦聽善思若有比丘
作是說我於空三昧未有所得而起
無相無所有離慢知見者莫作是說
所以者何若於空未得者而言我得
無相無所有離慢知見者元有是處
若有比丘作是說我得空能起無相
無所有離慢知見者此則善說所以
者何若得空已能起無相無所有離

慢知見者斯有是處云何為聖弟子
及見清淨比丘白佛佛為法根法眼
法依唯願為說諸比丘聞說法已如
說奉行

佛告比丘若比丘於空閑處樹下坐
善觀色無常磨滅離欲之法如是觀
察受想行識無常磨滅離欲之法觀
察彼陰無常磨滅不堅固變易法心
不能離慢知見清淨復有正思惟三
昧觀色相斷聲香味觸法相斷是名
無相如是觀者猶未離慢知見清淨
復有正思惟三昧觀察貪相斷瞋恚
癡相斷是名無所有如是觀者猶未
離慢知見清淨復有正思惟三昧觀
察我所從何而生復有正思惟三昧
觀察我我所從若見若聞若嗅若嘗
若觸若識而生復作是觀察若因若
緣而生識者彼識因緣為常為無常
復作是思惟若因若緣而生識者彼
因彼緣皆悉無常復次彼因彼緣皆
悉無常彼所生識云何有常無常者
是有為行從緣起是患法滅法離欲

法斷知法是名聖法印知見清淨是名比丘當說聖法印知見清淨如是廣說佛說此經已諸比丘聞佛所說歡喜奉行

如是我聞一時佛住毗耶離狝猴池側重閣講堂尔時有離車名摩訶男日日遊行往詣佛所時彼離車作是念若我早詣世尊所者世尊及我知識比丘皆悉禪思我今當詣七菴羅樹阿耆毗外道所即往詣彼富蘭那迦葉住處時富蘭那迦葉外道衆主與五百外道前後圍遶高聲嬉戲論說俗事時富蘭那迦葉遙見離車摩訶男來告其眷属令寂靜住汝等默然是離車摩訶男是沙門瞿曇弟子此為上首常樂靜寂讚歎寂靜彼所之詣寂靜之衆是故汝等應當寂靜時摩訶男詣彼衆富蘭那所與富蘭那共相問訊相慰勞已却坐一面時摩訶男語富蘭那言我聞富蘭那為諸弟子說法無因無緣衆生有垢无因無緣衆生清淨世有此論汝為審有

此為是外人相毀之言世人所撰為
是法為非法頗有世人共論難問嫌
責以不留蘭部迦葉言實有此論非
世妄傳我立此論是如法論我說此
法皆是順法無有世人來共難問而
呵責者所以者何摩訶男我如是見
如是說無因無緣衆生有垢无因無
緣衆生清淨時摩訶男聞留蘭部所
說心不喜樂呵罵已從坐起去向世
尊所頭面礼足却坐一面以向留
蘭部所論事向佛廣說佛告離車摩
訶男彼留蘭部為出意語不足記也
如是留蘭部愚癡不辨不善非因而
作是說無因無緣衆生有垢無因無
緣衆生清淨所以者何有因有緣衆
生有垢有因有緣衆生清淨摩訶男
何因何緣衆生有垢何因何緣衆生
清淨摩訶男若色非一向是苦非樂
非隨樂非樂長養離樂者衆生不
應因此而生樂著摩訶男以色非一
向是苦非樂隨樂樂所長養不離樂
是故衆生於色染著染著故繫繫故
有惱摩訶男若受想行識非一向是

苦非樂非隨樂非樂長養離樂者
衆生不應因此而生樂者摩訶男以
識非一向是苦非樂隨樂樂所長養
不離樂是故衆生於識染著染著故
樂樂故生惱摩訶男是名有因有緣
衆生有垢摩訶男何因何緣衆生清
淨摩訶男若色一向是樂非苦非隨
苦非憂苦長養離苦者衆生不應因
色而生厭離摩訶男以色非一向樂
是苦隨苦憂苦長養不離苦是故衆
生厭離於色厭故不樂不樂故解脫
摩訶男若受想行識一向是樂非苦
非隨苦非憂苦長養離苦者衆生不
應因識而生厭離摩訶男以受想行
識非一向樂是苦隨苦憂苦長養不
離苦是故衆生厭離於識厭故不樂
不樂故解脫摩訶男是名有因有緣
衆生清淨時摩訶男聞佛所說歡喜
隨喜禮佛而退

法印藏闡解

如是我聞一時佛住支提竹園精舍
今時世尊告諸比丘多聞聖弟子於

何所而見無常苦諸比丘白佛言此
尊為法眼法依唯願為說諸比
丘聞已當如說奉行佛告比丘諦聽
善思當為汝說多聞聖弟子於色見
無常苦於受想行識見無常苦比丘
色為是常無常耶比丘白佛無常世
尊比丘無常者是苦耶比丘白佛是
苦世尊比丘若無常苦是變易法多
聞聖弟子寧於中見我異我相在不
比丘白佛不也世尊受想行識亦復
如是是故比丘所有諸色若過去若
未來若現在若內若外若麤若細若
好若醜若遠若近彼一切皆非我非
異我不相在受想行識亦復如是多
聞聖弟子如是觀察於色受想
行識厭故不樂不樂故解脫解脫故
我生已盡梵行已立所作已作自知
不受後有時諸比丘聞佛所說歡喜
奉行

如是我聞一時佛住毗耶離祇洹池
側重閣講堂尔時世尊告諸比丘多
聞聖弟子於何所見非我不異我不
相在如是平等正觀如實知見比丘

白佛世尊為法根法眼法依唯願為
說諸比丘聞已如說奉行佛告比丘
諦聽善思當為汝說多聞聖弟子於
色見非我不異我不相在是名如實正
觀受想行識亦復如是佛告諸比丘
色為是常為無常耶比丘白佛无常
世尊又告比丘若無常者是苦不比
丘白佛是苦世尊比丘若無常苦是
變易法多聞聖弟子於中寧見有我
異我相在不比丘白佛不也世尊受
想行識亦復如是是故比丘所有諸
色若過去若未來若現在若內若外
若麤若細若好若醜若遠若近彼一
切皆非我不異我不相在是名如實
正觀受想行識亦復如是多聞聖弟
子如是觀察於色得解脫於受想行
識得解脫我說彼解脫生老病死憂
悲惱苦純大苦聚佛說此經時諸比
丘聞佛所說歡喜奉行

如是我出一時佛住舍衛國祇樹給
孤獨園今時世尊告諸比丘色是无
常无常則苦苦則非我非我者彼一
切非我不異我不相在如實知是名

正觀受想行識亦復如是多聞聖弟子於此五受陰非我所觀察如是觀察於諸世間都無所取元所取故無所著無所著故自覺涅槃我生已盡梵行已立所作已作自知不受後有佛說此經已諸比丘聞佛所說歡喜奉行

如是我聞一時佛住舍衛國祇樹給孤獨園今時世尊告諸比丘比丘於何所不見我異我相在比丘白佛世尊為法根法眼法依唯願為說諸比丘聞已如說奉行

佛告比丘諦聽善思當為汝說若色不見有我異我相在不於受想行識亦復如是比丘色為是常無常耶比丘白佛無常世尊佛言比丘若元常者是苦不比丘白佛是苦世尊比丘若無常苦是變易法多聞聖弟子寧於中見我異我相在不比丘白佛不也世尊受想行識亦復如是是故比丘諸所有色若過去若未來若現在若內若外若麤若細若好若醜若遠若近彼一切非我不異我不相在受

想行識亦復如是比丘多聞聖弟子
觀察五受陰非我非我所如是觀察
者於諸世間都無所取无所取者無
所著無所著故自覺涅槃我生已盡
梵行已立所作已作自知不受後有
佛說此經已誦比丘聞佛所說歡喜
奉行
如是我聞一時佛住舍衛國祇樹給
孤獨園今時世尊告諸比丘若無常
色有常者彼色不應有病有苦亦不
應於色有所求欲令如是不令如是
以色無常故於色有病有苦生亦得
不欲令如是不令如是受想行識亦
復如是比丘於意云何色為常為无
常耶比丘白佛無常世尊比丘無常
為是苦不比丘白佛是苦世尊比丘
若無常苦是變易法多聞聖弟子於
中寧見是我異我相在不比丘白佛
不也世尊受想行識亦復如是是故
比丘諸所有色若過去若未來若現
在若內若外若廣若細若好若醜若
遠若近彼一切非我非我所如實知
受想行識亦復如是多聞聖弟子正觀

於色正觀已於色生厭離欲不樂解
脫更想行識生厭離欲不樂解脫我
生已盡梵行已立所作已作自知不
受後有佛說此經已諸比丘聞佛所
說歡喜奉行

如是我聞一時佛住舍衛國祇樹給
孤獨園今時世尊告諸比丘色是苦
若色非是苦者不應於色有病有苦
生亦不欲令如是亦不令不如是以
色是苦以色是苦故於色病生亦得
於色欲令如是不令如是受想行識
亦復如是比丘色為常無常耶比丘
白佛無常世尊比丘無常者是苦不
比丘白佛是苦世尊比丘若無常苦
是變易法多聞聖弟子寧於中見我
異我相在不比丘白佛不也世尊受
想行識亦復如是是故比丘諸所有
色若過去若未來若現在若內若外
若急若細若好若醜若遠若近彼一
切非我不異我不相在如實觀察受
想行識亦復如是多聞聖弟子於色
得解脫於受想行識得解脫我說彼
解脫生老病死憂悲惱苦純大苦聚

佛說此經已諸比丘聞佛所說歡喜
奉行

雜阿含經卷第三

甲辰歲高麗國大藏都監奉

勅剛造

雜阿含經第三卷 第三十二張 松

雜阿含經卷第四

松

宋天竺三藏求那跋陀羅譯

如是我聞一時佛住舍衛國祇樹給
孤獨園時有年少婆羅門名鬱多羅
來詣佛所與世尊面相問訊慰勞已
退坐一面白佛言世尊我常如法行
乞持用供養父母令得樂離苦世尊
我作如是為多福不佛告鬱多羅實
有多福所以者何若有如法乞求供
養父母令其安樂除苦惱者實有大
福今時世尊即說偈言

如汝於父母 恭敬修供養 現世名稱流
命終生天上

佛說此經已年少鬱多羅歡喜隨喜
作札而去

如是我聞一時佛住舍衛國祇樹給
孤獨園時有年少婆羅門名優波迦
來詣佛所與世尊面相問訊慰勞已
退坐一面白佛言瞿曇諸婆羅門常
稱歎邪盛大會沙門瞿曇亦復稱歎
邪盛大會不佛告優波迦我不一向
稱歎或有邪盛大會可稱歎或有邪
盛大會不可稱歎優波迦白佛何等

邪盛大會可稱歎何等邪盛大會不可稱歎佛告優婆塞若邪盛大會繫羣少特牛水特水掙及諸羊犢小小衆生悉皆傷殺逼迫苦切僕使作人鞭笞恐但悲泣號呼不喜不樂衆苦作役如是等邪盛大會我不稱歎以造大難故若復大會不繫縛羣牛乃至不令衆生辛苦作役者如是邪盛大會我所稱歎以不造大難故尔時世尊即說偈言

馬祀等大會

造諸大難事

如是等邪盛

大仙不稱歎

繫縛諸衆生

殺害微細虫

是非為正會

大仙不隨順

若不害衆生

造作衆難者

是等名正會

大仙隨稱歎

惠施修供養

為應法邪盛

施者清淨心

梵行良福田

如是大會者

是則羅漢會

是會得大果

諸天皆歡喜

自行恭敬請

自手而施與

彼我悉清淨

是施得大果

慧者如是施

信心應解脫

無罪樂世間

智者往生彼

佛說此經已優婆塞羅門聞佛所

說歡喜隨喜作禮而去

如是我聞一時佛住舍衛國祇樹給

孤獨園廣說如上差別者謂隨說異
偈言

無為無諸難 邪盛時清淨 如法隨順行

攝護諸梵行 馨香歸世界 超過諸凡鄙

佛於邪盛善 稱歎此邪盛 惠施修供養

邪盛隨所應 淨信平等施 梵行良福田

彼作如是施 是施羅漢田 如是廣大施

諸天所稱歎 自行恭敬請 自手而供養

等攝自他故 邪盛得大果 慧者如是施

淨信心解脫 於無罪世界 智者往生彼

佛說此經已 優婆迦婆羅門聞佛所說

歡喜作禮而去

如是我聞一時佛住舍衛國祇樹給

孤獨園時有年少婆羅門名鬱闍迦

來詣佛所誓首佛足退坐一面白佛

言世尊俗人在家當行幾法得現法

安及現法樂佛告婆羅門有四法俗

人在家得現法安現法樂何等為四

謂方便具足守護具足善知識具足

正命具足何等為方便具足謂善男

子種植工巧業處以自營生謂種田

商賈或以王事或以書疏筆畫於彼

役工巧業處精勤修行是名方便具

足何等為守護具足謂善男子所有錢穀方便所得自手執作如法而得能極守護不令王賊水火劫奪漂沒令失不善守護者亡失不變念者輒取及諸災患所壞是名善男子善守護何等為善知識具足若有善男子不落度不放逸不虛妄不凶險如是知識能善安慰未生憂苦能令不生已生憂苦能令開覺未生喜樂能令速生已生喜樂護令不失是名善男子善知識具足云何為正命具足謂善男子所有錢財出內稱量周圍掌護不令多入少出也多出少入也如執秤者少則增之多則減之知平而捨如是善男子稱量財物等入等出莫令入多出少出多入少若善男子無有錢財而廣散用以此生活人皆名為優曇鉢果無有種子愚癡貪欲不顧其後或有善男子財物豐多不能食用傍人皆言是愚癡人如餓死狗是故善男子所有錢財能自稱量等入等出是名正命具足如是婆羅門四法成就現法安現法樂婆羅門

白佛言世尊在家之人有幾法能令
後世安後世樂佛告婆羅門在家之
人有四法能令後世安後世樂何等
為四謂信具足戒具足施具足慧具
足何等為信具足謂善男子於如來
所得信敬心建立信本非諸天魔梵
及餘世人同法所壞是名善男子信
具足何等戒具足謂善男子不殺生
不偷盜不邪婬不妄語不飲酒是名
戒具足云何施具足謂善男子離慳
垢心在於居家行解脫施常自手與
樂修行捨等心行施是名善男子施
具足云何為慧具足謂善男子苦聖
諦如實知習滅道聖諦如實知是名
善男子慧具足若善男子在家行此
四法者能得後世安後世樂尔時世
尊復說偈言

方便建諸業 積集能守護 知識善男子

正命以自活 淨信戒具足 惠施離慳垢

淨除於遠道 得後世安樂 若處於居家

成就於八法 審諦尊所說 等正覺所知

現法得安隱 現法喜樂住 後世喜樂住

佛說此經已 鬱闍迦聞佛所說歡喜

隨喜作禮而去

如是我聞一時佛在拘薩羅人間遊行至舍衛國祇樹給孤獨園尔時舍衛國有憍慢婆羅門止住父母種姓俱淨無瑕點能說者七世相承悉皆清淨為婆羅門師言論通達諸論記典悉了萬名解法優劣分明諸句句記說容貌端正或生志高族姓志高容色志高聰明志高財富志高不敬父母諸尊師長間沙門瞿曇在拘薩羅國人間遊行至舍衛國祇樹給孤獨園聞已作是念我當往彼沙門瞿曇所若有所說我當共論無所說者默然而還時憍慢婆羅門乘白馬車諸年少婆羅門前後導從持金柄傘蓋手執金瓶往見世尊至於園門下車步進尔時世尊與諸大眾圍繞說法不時顧念憍慢婆羅門時憍慢婆羅門作是念沙門瞿曇不顧念我且當還去尔時世尊知憍慢婆羅門心念而說偈言

憍慢既來此 不善更增慢 向以義故求 應轉增其義

時憍慢婆羅門作是念沙門瞿曇已知我心欲修敬禮今時世尊告憍慢婆羅門止止不須作禮心淨已足時諸大衆咸各高聲唱言奇哉世尊大德大力今此憍慢婆羅門恃生憍慢族姓憍慢容色憍慢聰明憍慢財富憍慢不敬父母諸尊師長今於沙門瞿曇所謙卑下下欲接足禮時憍慢婆羅門於大衆前唱令靜默而說偈言

云何不起慢 云何起恭敬 云何善慰諭
云何善供養

今時世尊說偈答言

父母及長兄 和尚諸師長 及諸尊重者
所不應生慢 應當善恭敬 謙下而問評
盡心而奉事 兼設諸供養 離貪恚癡心
漏盡阿羅漢 正智善解脫 伏諸憍慢心
於此賢聖等 合掌瞽首禮

今時世尊為憍慢婆羅門種種說法示教照喜如佛世尊次第說法說布施持戒生天功德愛欲味患煩惱清淨出要遠離諸清淨分如是廣說如白淨衣無諸黑惡速受染色憍慢婆

羅門即於座上解四聖諦苦習滅道
得無門等時憍慢婆羅門見法得法
知法入於度諸疑惑不由他度於正
法中得無所畏即從座起整衣服為
佛作禮合掌白佛我今可得於正法
中出家受具足不佛告憍慢婆羅門
汝今可得於正法中出家受具足彼
即出家獨正思惟所以善男子剝除
鬚髮著袈裟衣正信非家出家學道
得阿羅漢心善解脫
如是我聞一時佛在拘薩羅人間遊
行至舍衛國祇樹給孤獨園時有長
身婆羅門作如是邪盛大會以七百
特牛行列繫柱特掙水牛及諸羊犢
種種小虫悉皆繫縛辦諸飲食廣行
布施種種外道從諸國國皆悉來集
邪盛大會所時長身婆羅門聞沙門瞿
曇從拘薩羅人間遊行至舍衛國祇
樹給孤獨園作是念我今辦邪盛大
會所以七百特牛行列繫柱乃至小
小諸虫皆悉繫縛為邪盛大會故種
種異道從諸國國來至會所我今當
往沙門瞿曇所問邪盛法莫令我作

邪盛大會分數中有所短少作是念
已乘白馬車諸年少婆羅門前後導
從持金瓶金蓋執金澡瓶出舍衛城
詣世尊所恭敬承事至精舍門下車
少進至於佛前面相問許慰勞已退
生一面白佛言瞿曇我今欲作邪盛
大會以七百特牛行列繫柱乃至小
小諸虫皆悉繫縛為邪盛大會故種
種異道從諸國國皆悉來至邪盛會
所又聞瞿曇從拘薩羅人間遊行至
舍衛國祇樹給孤獨園我今故來請
問瞿曇邪盛大會法諸物分數莫令
我所作邪盛大會諸分數之中有所
短少佛告婆羅門或有一邪盛大會
主行施作福而生於罪為三刀劍之
所刻削得不善果報何等三謂身刀
劍口刀劍意刀劍何等為意刀劍生
諸苦報如一會主造作大會作是思
惟我作邪盛大會當殺尔所少壯特
牛尔所水特水特尔所羊犢及種種
諸虫是名意刀劍生諸苦報如是施
主雖念作種種布施種種供養實生
於罪云何為口刀劍生諸苦報有一

會主造作大會作如是教我今作那
成大會汝等當殺尔所少壯特牛乃
至殺害尔所微細虫是名口刀劍生
諸苦報大會主雖作是布施供養實
生於罪云何為身刀劍生諸苦報謂
有一大會主造作大會自手傷殺尔
所特牛乃至殺害種種細虫是名身
刀劍生諸苦報彼大會主雖作是念
種種布施種種供養實生於罪然婆
羅門當勤供養三火隨時恭敬禮拜
奉事施其安樂何等為三一者根本
二者居家三者福田何者為根本火
隨時恭敬奉事供養施其安樂謂善
男子方便得財手足勤苦如法所得
供養父母令得安樂是名根本火何
故名為根本若善男子從彼而生所
謂父母故名根本善男子以崇本故
隨時恭敬奉事供養施以安樂何等
為居家火善男子隨時育養施以安
樂謂善男子方便得財手足勤苦如
法所得供給妻子宗親眷屬僕使傭
客隨時給與恭敬施安是名家火何
故名名家其善男子處於居家樂則同

樂苦則同苦在所為作皆如順我故名為家是故善男子隨時供給施與安樂何等名田火善男子隨時恭敬尊重供養施其安樂謂善男子方便得財手足勤勞如法所得奉事供養諸沙門婆羅門善能調伏貪恚癡者如是等沙門婆羅門建立福田崇向增進樂分樂報未來生天是名田火何故名田為福田謂為應供是故名田是善男子隨時恭敬奉事供養施其安樂今時世尊復說偈言

根本及居家 應供福田火 是火增供養
充足安隱樂 無罪樂世間 慧者往生彼
如法財復會 供養所應養 供養應養故
生天得名稱

然婆羅門今善男子先所供養三火應斷令滅何等為三謂貪欲火瞋恚火愚癡火所以者何若貪火不斷不滅者自害害他自他俱害現法得罪後世得罪現法後世得罪緣彼而生心法憂苦恚火癡火亦復如是婆羅門若善男子事積薪火隨時辛苦隨行然以時滅火因緣受苦今時長身

婆羅門默然而住時有婆羅門子名
鬱多羅於會中坐長身婆羅門須臾
默然思惟已告鬱多羅汝能往至邪
亡會所放彼繫柱特牛及諸衆生受
繫縛者悉皆放不而告之言長身婆
羅門語汝隨意自在山澤曠野食不
斷草飲淨流水四方風中受諸快樂
鬱多羅白言隨大師教即往彼邪盛
會所放諸衆生而告之言長身婆羅
門語汝隨其所樂山澤曠野飲水食
草四風自適今時世尊知鬱多羅知
已為長身婆羅門種種說法示教照
喜如律世尊說法先後說戒說施及
生天功德愛欲味患出要清淨煩惱
清淨開示現顯譬如鮮淨白氎易受
染色長身婆羅門亦復如是即於座
上見四真諦得無間等時長身婆羅
門見法得法知法入法度諸疑惑不
由他度於正法中得無所畏即從座
起整衣服偏袒右肩合掌白佛已度
世尊我從今日盡其壽命歸佛歸法
歸比丘僧為優婆塞證知我唯願世
尊與諸大衆受我飯食今時世尊默

然而許時長身婆羅門知佛受請已
為佛作禮右繞三匝而去長身婆羅
門還邪盛處所諸供辦淨美好者布
置牀座遣使請佛自言時到惟聖知
時今時世尊著衣持鉢大眾同繞往
到長身婆羅門會所大眾前坐時長
身婆羅門知世尊坐定已手自供養
種種飲食令已澡漱洗鉢畢別敷單
牀於大眾前端坐聽法今時世尊為
長身婆羅門說種種法示教照喜已
從座起而去

如是我聞一時佛住舍衛國祇樹給
孤獨園時有年少婆羅門名僧迦羅
來詣佛所與世尊面相問許慰勞已
退坐一面白佛言瞿曇不善男子云
何可知佛告婆羅門譬猶如月婆羅
門復問善男子云何可知佛告婆羅
門譬猶如月婆羅門白佛云何不善
男子如月佛告婆羅門如月黑分光
明亦失色亦失所係亦失日夜消滅
乃至不現如是有人於如來所得信
家心受持淨戒善學多聞損已布施
正見真實於如來所淨信持戒惠施

多聞正見真直已然後退失於戒聞
施正見悉皆忘失日夜消滅乃至須
臾一切忘失復次婆羅門若善男子
不習近善知識不數聞法不正思惟
身行惡行口行惡行意行惡行行惡
因緣故身壞命終墮趣泥梨中如
是婆羅門不善男子其譬如月婆羅
門白佛云何善男子其譬如月佛告
婆羅門譬如明月淨分光明色澤日
夜增明乃至月滿一切圓滿如是善
男子於如來法律得淨信心乃至正
見真淨增明戒增施增聞增慧增日
夜增長復於餘時親近善知識聞說
正法內正思惟行身善行行口善行
行意善行故以是因緣身壞命終化
生天上婆羅門是故善男子譬如月
今時世尊而說偈言

譬如月無垢 周行於虛空 一切小星中
其光最盛明 淨信亦如是 戒聞離惡施
於諸堅世間 其施特明顯

佛說此經已僧迦羅婆羅門聞佛所
說歡喜隨喜從座起而去
如是我聞一時佛住舍衛國祇樹給

孤獨園時有生聞婆羅門來詣佛所
與世尊面相問評慰勞已退坐一面
白佛言瞿曇我聞瞿曇說言唯應施
我不應施餘人施我得大果非施餘
人而得大果應施我弟子不應施餘
弟子施我弟子得大果報非施餘弟
子得大果報云何瞿曇作是語者為
實說耶非為謗毀瞿曇乎為如說說
如法說耶法次法說不為餘人以同
法來訶責耶佛告婆羅門彼如是說
者謗毀我耳非如說說如法說法次
法說不致他人來以同法呵責所以
者何我不如是說應施於我不應施
餘施我得大果報非施餘人得大果
報應施我弟子施我弟子得大果報
非施餘弟子得大果報然婆羅門我
作如是說者作二種障障施者施障
受者利婆羅門乃至士夫以洗器餘
食著於淨地令彼處衆生即得利樂
我說斯等亦入福門況復施人婆羅
門然我復說施持戒者得果報不同
犯戒生聞婆羅門白佛言如是瞿曇
我亦如是說施持戒者得大果報非

施犯戒今時世尊復說偈言

若黑若有白

若赤若有色

犂雜及金色

純黃及鴿色

如是等牝牛

生犢妹好者

丁壯力具足

調善行捷疾

但使堪運重

不問本生色

人亦復如是

各隨彼彼生

利利婆羅門

毗舍首陀羅

旃陀羅下賤

所生悉不同

但使持淨戒

離重擔煩惱

純一修梵行

漏盡阿羅漢

於世間善逝

施彼得大果

愚者無智慧

未嘗聞正法

施彼無大果

不近善友故

若習善知識

如來及聲聞

清淨信善逝

根生堅固力

所住之善趣

及生大姓家

究竟般涅槃

大仙如是說

佛說此經已生聞婆羅門聞佛所說

歡喜隨喜作禮而去

如是我聞一時佛住舍衛國祇樹給

孤獨園今時世尊晨朝著衣持鉢入

舍衛城乞食時有異婆羅門年耆根

熟執杖持鉢家家乞食今時世尊告

婆羅門汝今云何年耆根熟拄杖持

鉢家家乞食婆羅門白佛瞿曇我家

中所有財物悉付其子為子娶妻然

後捨家是故拄杖持鉢家家乞食佛

告婆羅門汝能於我所受誦一偈還
歸於衆中為兒說耶婆羅門白佛能
受瞿曇今時世尊即說偈言

生子心歡喜	為子聚財物	亦為妨其妻
而自捨出家	邊鄙田舍兒	違負於其父
人形羅刹心	棄捨於尊老	老馬無復用
則奪其黷妻	兒少而父老	家家行乞食
曲杖為最勝	非子為恩愛	為我防惡牛
免險地得安	能却回暴狗	扶我闇處行
避深坑空井	草木棘刺林	憑杖威力故
峙立不墮落		

時婆羅門從世尊受斯偈已還歸婆
羅門大衆中為子而說先白大衆聽
我所說然後誦偈如上廣說其子愧
怖即抱其父還將入家摩身洗浴覆
以青衣被立為家主時婆羅門作是
念我今得勝族姓是沙門瞿曇恩我
經所說為師者如師供養為和尚者
如和尚供養我今所得皆沙門瞿曇
力即是我師我今當以上妙好衣以
奉瞿曇時婆羅門持上妙衣至世尊
所面前問評慰勞已退坐一面向佛
言瞿曇我今居家成就是瞿曇力我

經記說為師者以師供養為和尚者以和尚供養今日瞿曇即為我師願受此衣哀愍故世尊即受為哀愍故今時世尊為婆羅門說種種法示教照喜時婆羅門聞佛所說歡喜隨喜作禮而去

如是我聞一時佛住舍衛國祇樹給孤獨園今時世尊晨朝著衣持鉢入舍衛城乞食時有異婆羅門年耆根熟攝杖持鉢家家乞食彼婆羅門遙見世尊而作是念沙門瞿曇攝杖持鉢家家乞食我亦攝杖持鉢家家乞食我與瞿曇俱是比丘今時世尊說偈答曰

所謂比丘者非但以乞食受持在家法是何名比丘於功德過惡俱離修正行其心無所畏是則名比丘

佛說是經已彼婆羅門聞佛所說歡喜隨喜作禮而去

如是我聞一時佛在拘薩羅人閒遊行至一那羅聚落住一那羅林中今時世尊著衣持鉢入一陀羅聚落乞食而作是念今日大早今且可過耕

田婆羅豆婆遮婆羅門作飲食處今
時耕田婆羅豆婆遮婆羅門五百具
犁耕田為作飲食時耕田婆羅豆婆
遮婆羅門遙見世尊白言瞿曇我今
耕田下種以供飲食沙門瞿曇亦應
耕田下種以供飲食佛告婆羅門我
亦耕田下種以供飲食婆羅門白佛
我都不見沙門瞿曇若犁若軋若耨
若磨若鑿若鞭而今瞿曇說言我亦
耕田下種以供飲食今時耕田婆羅
豆婆遮婆羅門即說偈言

自說耕田者 而不見其耕 為我說耕田
令我知耕法

今時世尊說偈答言

信心為種子 苦行為時雨 智慧為時軋
慚愧心為轡 正念自守護 是則善御者
包藏身口業 知食處內藏 真實為真乘
樂住為懈怠 精進為廢荒 安隱而速進
直往不轉還 得到無憂處 如是耕田者
速得甘露果 如是耕田者 不還受諸有
時耕田婆羅豆婆遮婆羅門白佛言
善耕田瞿曇極善耕田瞿曇於是耕
田婆羅豆婆遮婆羅門聞世尊說偈

心轉增信以備鉢香美飲食以奉世
尊世尊不受以因說偈得故即說偈

不可說法故 受彼食而食

如是廣說如前為火與婆羅門廣說
時耕田婆羅豆婆遮婆羅門白佛言
畢曇今以此食安著何處佛告婆羅
門我不見諸天菴梵沙門婆羅門天
神世人堪食此食而得安身婆羅門
汝持此食著無虫水中及少生草地
時婆羅門即持此食著無虫水中水
即煙起涌沸𦵏𦵏作聲如熱丸投於
冷水𦵏𦵏作聲如是彼食投著無虫
水中煙起涌沸𦵏𦵏作聲時婆羅門
作是念沙門瞿曇寶為奇特大德大
力乃令飲食神變如是時彼婆羅門
見食瑞應信心轉增白佛言瞿曇我
今可得於正法中出家受具足不佛
告婆羅門汝今可得於正法中出家
受具足得比丘分彼即出家已獨靜
思惟所以族姓子剷除驕慢著袈裟
衣正信非家出家學道乃至得阿羅
漢心善解脫

如是我聞一時佛住王舍城時有尊者名曰淨天在鞞提訶國人間遊行至彌締羅城菴羅園中時尊者淨天晨朝著衣持鉢入彌締羅城乞食次第七食到自本家時淨天母年老在中堂持食祀火求生梵天不覺尊者淨天在門外立時毗沙門天王於尊者淨天所極生敬信時毗沙門天王諸夜叉導從乘虛而行見尊者淨天在門外立又見其母手擎飲食在中堂上供養祀火不見其子在外門立見已從空中下至淨天母前而說偈言

此婆羅門尼	梵天極遼遠	為求彼生故
於此祠祀火	此非梵天道	何為徒祀此
汝婆羅門尼	淨天住門外	垢穢永無餘
是則天中天	清然無所有	獨一不兼資
為乞食入舍	所應供養者	淨天善修身
人天良福田	遠離一切惡	不為深所染
德同於梵天	形在人間住	不著一切法
如彼淳熟龍	比丘正念住	其心善解脫
應奉以初佛	是則上福田	應以正信心
及時速施與	當願建立刹	令未來安樂

汝觀此牟尼 已獲苦海流 是故當信心
及時速施與 當預建立例 今未來安樂

毗沙門天王 開發彼今捨

時尊者淨天即為其母種種說法示
教照喜已復道而去

如是我門一時佛住舍衛國祇樹給
孤獨園時有異婆羅門來詣佛所面
前問許相慰勞已退坐一面白佛言
瞿曇所謂佛者云何為佛為是父母
制名為是婆羅門制名時婆羅門即
說偈言

佛者是世間 超度之勝名 為是父母制
名之為佛耶

余時世尊說偈答言

佛見過去世 如是見未來 亦見現在世
一切行起滅 明智所了知 所應修已修

應斷悉已斷 是故名為佛 歷劫求選擇
純苦無暫樂 生者悉磨滅 遠離息塵垢

拔諸便利本 等覺故名佛

佛說偈已彼婆羅門聞佛所說歡喜
隨喜從座起去

如是我聞一時佛在拘薩羅人間遊
行有從迦帝聚落薩鳩羅聚落二村

中間一樹下坐入盡正受時有豆磨
種姓婆羅門隨彼道行尋佛後來見
佛將跡千輻輪相印文顯現齊輻圓
相衆好滿足見已作是念我未曾見
人間有如是足跡今當隨跡以求其
人即尋腳跡至於佛所來見世尊坐
一樹下入盡正受嚴容絕世諸根澄
靜其心寂定第一調伏正觀成就光
相巍巍猶若金山見已白言為是天
耶佛告婆羅門我非天也為龍夜叉
羅伽人非人等佛告婆羅門我非龍
乃至人非人也婆羅門白佛若言非
天非龍乃至非人非非人為是何等
今時世尊說偈答言

大龍乾闥婆 緊那羅夜叉 無善阿修羅
諸摩睺羅伽 人與非人等 悉由煩惱生
如是煩惱渴 一切我已捨 已破已磨滅
如芥隨利生 雖生於水中 而未嘗著水
我雖生世間 不為世間著 歷劫常選擇
純苦無暫樂 一切有為行 悉皆生滅故
離垢不傾動 已拔諸劍刺 究竟生死除
故名為佛也

佛說此經已。豆摩種婆羅門聞。併所
說歡喜。隨喜從路而去。
如是我聞。一時佛住王舍城迦蘭陀
竹園。介時世尊晨朝著衣持鉢入王
舍城乞食。次第乞食至婆羅豆婆遮
婆羅門舍。時婆羅門手執木杓盛諸
飲食供養火具。住於門邊遙見佛來
見已。白佛作是言。住住。領羣特慎勿
近我門。佛告婆羅門。汝知領羣特。領
羣特法耶。婆羅門言。我不知領羣特。
亦不知領羣特法。沙門瞿曇知領羣
特。及領羣特法。不佛言。我善知是領
羣特。及領羣特法。是時婆羅門即放
事火具。疾敷牀座。請佛令坐。白言。瞿
曇。為我說領羣特。及領羣特法。佛即
就座。為說偈言。

瞋恚心懷恨	隱覆諸過惡	犯戒起惡見
虛偽不真實	如是等士夫	當知領羣特
慳暴貪恡惜	思欲慳謫偽	無慚無愧心
當知領羣特	一生一生者	一切皆殺害
無有慈愍心	是為領羣特	若殺縛打
聚落及城邑	無道以切責	當知領羣特
住止及行路	為衆之導首	苦切諸羣下

恐阻相迫情	取利以供已	當知領羣特
聚落及空地	有主無主物	掠護為已有
當知領羣特	自并簿其妻	又不入媼舍
侵陵他所愛	當知領羣特	內外諸親屬
口心善知識	侵掠彼所受	當知領羣特
妄語欺誑人	詐取無證財	他索而不還
當知領羣特	為已亦為他	舉責及財與
或復順他語	妄語為他證	如是妄語者
當知領羣特	作惡不善業	無有人知者
隱諱覆藏惡	當知領羣特	若人問其義
而答以非義	顛倒欺誑人	當知領羣特
實空無所有	而輕毀智者	愚癡為利故
當知領羣特	高慢自稱舉	毀壞於他人
是極卑鄙慢	當知領羣特	自造諸過惡
移過誣他人	妄語誇清白	當知領羣特
前受他利養	他人來詣已	無有敬報心
當知領羣特	沙門婆羅門	如法來乞求
呵責而不與	當知領羣特	若父母年老
少壯氣已謝	不勤加奉養	當知領羣特
父母諸尊長	兄弟親眷屬	實非阿羅漢
自顯羅漢德	世間之大賊	當知領羣特
初上種姓生	習婆羅門典	而於其中間
引行諸惡業	不以勝生故	障呵責惡道

現法受呵責 後世墮惡道 生旃陀羅

此稱須陀夷 名聞徧天下 旃陀羅所無

婆羅門利利 大姓所供養 棄於淨天道

平等正直住 不以生處障 今不生梵天

現法善名譽 後世生善趣 二生汝當知

如我所顯示 不以所生故 名為領羣特

不以所生故 名為婆羅門 業為領羣特

業為婆羅門

婆羅門白佛言

如是大精進 如是大牟尼 不以所生故

名為領羣特 不以所生故 名為婆羅門

業故領羣特 業故婆羅門

時事火婆羅豆婆遮婆羅門轉得信

心以滿鉢好食奉 upper 世尊 upper 世尊不受

以說偈得故偈如上說時事火婆羅

豆婆遮婆羅門見食瑞應已增其信

心白佛言世尊我今可得為正法律

出家受具足不佛告婆羅門汝今可

得於正法律出家受具足戒即得出

家獨靜思惟如前說乃至得阿羅漢

二善解脫時婆羅豆婆遮婆羅門得

阿羅漢心善解脫自覺喜樂即說偈

言

非道求清淨 供養祠祀火 不識清淨道
猶如生盲者 今已得安樂 出家受具足
逮得於三明 佛所教已作 先婆羅門難
今為婆羅門 沐浴離塵垢 度諸天彼岸

雜阿含經卷第四

此經此卷國宋二本文第全同皆有
十九經惣二十五紙丹本有十五經
若依宋藏或寫之可成二十七紙又
其文義與國宋二本全別未知去取
今檢國宋本經則下流函中此經第
四十二卷耳宋藏錯將彼卷重刊于
此為初四卷國亦仍之者錯也故今
去彼取此丹本經焉

甲辰歲高麗國大藏都監奉
勅雕造

雜阿含經卷第五

松

宋天生三藏求那跋陀羅譯

如是我聞一時有衆多上座比丘住拘舍弥國瞿師羅園時有老摩比丘住拘舍弥國跋陀梨園身得重病時有施婆比丘為瞻病者時施婆比丘詣諸上座比丘礼諸上座比丘足於一面住諸上座比丘告施婆比丘言汝往詣老摩比丘所語言諸上座問汝身小老安隱苦患不增劇耶時施婆比丘受諸上座比丘教至老摩比丘所語老摩比丘言諸上座比丘問許汝苦患漸老不衆苦不至增耶老摩比丘語施婆比丘言我病不老不安隱身諸苦轉增無救譬如多力士夫取龜劣人以繩縊頭兩手急絞極大苦痛我今苦痛有過於彼譬如屠牛以利刀生割其腹取其內藏其牛腹痛當何可堪我今腹痛甚於彼牛如二力士捉一劣夫懸著火上燒其兩足我今兩足熱過於彼時施婆比丘還至諸上座所以老摩比丘所說

病狀具白諸上座時諸上座還遣施
婆比丘至老摩比丘所語老摩比丘
言世尊所說有五受陰何等為五色
受陰受想行識受陰汝老摩能少觀
察此五受陰非我所耶時施婆
比丘受諸上座比丘教已往語老摩
比丘言諸上座語汝世尊說五受陰
汝少能觀察非我所耶老摩比
丘語施婆言我於彼五受陰能觀察
非我非我所施婆比丘還白諸上座
老摩比丘言我於五受陰能觀察非
我非我所諸上座比丘復遣施婆比
丘語老摩比丘言汝能於五受陰觀
察非我非我所如漏盡阿羅漢耶時
施婆比丘受諸上座比丘教往詣老
摩比丘所語老摩言比丘能如是觀
五受陰者如漏盡阿羅漢耶老摩比
丘語施婆比丘言我觀五受陰非我
非我所非漏盡阿羅漢也時施婆比
丘還至諸上座所白諸上座老摩比
丘言我觀五受陰非我所而非
漏盡阿羅漢也時諸上座語施婆比
丘汝復還語老摩比丘汝言我觀五

受陰非我所而非漏盡阿羅漢
前後相違陀婆比丘受諸上座比丘
教往語耆摩比丘汝言我觀五受陰
非我非我所而非漏盡阿羅漢前後
相違耆摩比丘語陀婆比丘言我於
五受陰觀察非我所而非阿羅
漢者我於我慢我欲我使未斷未知
未離未吐陀婆比丘還至諸上座所
白諸上座耆摩比丘言我於五受陰
觀察非我所而非漏盡阿羅漢
者於五受陰我慢我欲我使未斷未
知未離未吐諸上座復遣陀婆比丘
語耆摩比丘言汝言有我於何所有
我為色是我為我異色受想行識是
我為我異識耶耆摩比丘語陀婆比
丘言我不言色是我我異色受想行
識是我我異識然於五受陰我慢我
欲我使未斷未知未離未吐耆摩比
丘語陀婆比丘言何煩令汝駈駈往
及汝取杖來我自扶杖詣彼上座願
授以杖耆摩比丘即自扶杖詣諸上
座時諸上座遙見耆摩比丘扶杖而
來自為敷座安停脚机自往迎接為

持衣鉢命令就座共相慰勞慰勞已
語老摩比丘言汝言我慢何所見我
色是我耶我異色耶受想行識是我
耶我異識耶老摩比丘白言非色是
我非我異色非受想行識是我非我
異識能於五受陰我慢我欲我使未
斷未知未離未吐辟如優鉢羅鉢曇
摩拘牟頭分陀利華香為即根香耶
為香異根耶為莖葉鬚精麁香耶
為香異精麁耶為等說不諸上座荅
言不也老摩比丘非優鉢羅鉢曇摩
拘牟頭分陀利根即是香非香異根
亦非莖葉鬚精麁是香亦非香異精
麁也老摩比丘復問彼何等香上座
荅言是華香老摩比丘復言我亦如
是非色即我我不離色非受想行識
即我我不離識然我於五受陰見非
我非我所而於我慢我欲我使未斷
未知未離未吐諸上座聽我說辟凡
智者因辟類得解辟如乳母衣付浣
衣者以種種灰湯浣濯塵垢猶有餘
氣要以種種雜香薰令消滅如是多
聞聖弟子離於五受陰正觀非我非

我所能於五受陰我慢我欲我使未
斷未知未離未吐然後於五受陰增
進思惟觀察生滅此色此色集此色
滅此受想行識此識集此識滅於五
受陰如是觀生滅已我慢我欲我使
一切悉除是名真實正觀老摩比丘
說此法時彼諸上座遠塵離垢得法
眼淨老摩比丘不起諸漏心得解脫
法喜利故身病悉除時諸上座比丘
語老摩比丘言我聞仁者初所說已
解已樂况復重聞所以問者欲發仁
者微妙辯才非為矯乱汝便堪能廣
說如來應等正覺法時諸上座聞老
摩比丘所說歡喜奉行

如是我聞一時佛住舍衛國祇樹給
孤獨園尔時有比丘名焰摩迦起惡
邪見作如是言如我解佛所說法漏
盡阿羅漢身壞命終更無所有時有
衆多比丘聞彼所說往詣其所語焰
摩迦比丘言汝實作是說如我解佛
所說法漏盡阿羅漢身壞命終更无
所有耶荅言實尔諸尊時諸比丘語
焰摩迦勿謗世尊謗世尊者不善世

尊不作是說汝當盡捨此惡邪見諸
比丘說此語時焰摩迦比丘猶執惡
邪見作如是言諸尊唯此真實異則
虛妄如是三說時諸比丘不能調伏
焰摩迦比丘即便捨去往詣尊者舍
利弗所語尊者舍利弗言尊者當知
彼焰摩迦比丘起如是惡邪見言我
解知佛所說法漏盡阿羅漢身壞命
終更無所有我等聞彼所說已故往
問焰摩迦比丘汝實作如是知見耶
彼荅我言諸尊實尔異則愚說我即
語言汝勿謗世尊世尊不作此語汝
當捨此惡邪見再三諫彼猶不捨惡
邪見是故我今詣尊者所唯願尊者
當令焰摩迦比丘息惡邪見憐愍彼
故舍利弗言如是我當令彼息惡邪
見時衆多比丘聞舍利弗語歡喜隨
喜而還本處

尔時尊者舍利弗晨朝著衣持鉢入
舍衛城乞食食已出城還精舍舉衣
鉢已往詣焰摩迦比丘所時焰摩迦
比丘遙見尊者舍利弗來即為敷座
洗足安停脚机奉迎為執衣鉢請令

就座尊者舍利弗就座洗足已語焰
摩迦比丘汝實作如是語我解知世
尊所說法漏盡阿羅漢身壞命終无
所有耶焰摩迦比丘白舍利弗言實
尔尊者舍利弗舍利弗言我今問汝
隨意答我云何焰摩迦色為常耶為
非常耶答言尊者舍利弗無常復問
若無常者是苦不答言是苦復問若
無常苦是變易法多聞聖弟子寧於
中見我異我相在不答言不也尊者
舍利弗受想行識亦復如是復問云
何焰摩迦色是如來耶答言不也尊
者舍利弗受想行識是如來耶答言
不也尊者舍利弗復問云何焰摩迦
異色有如來耶異受想行識有如來
耶答言不也尊者舍利弗復問色中
有如來耶受想行識中有如來耶答
言不也尊者舍利弗復問如來中有
色耶如來中有受想行識耶答言不
也尊者舍利弗復問非色受想行識
有如來耶答言不也尊者舍利弗如
是焰摩迦如來見法真實如住無所
得無所施設汝云何言我解知世尊

所說漏盡阿羅漢身壞命終無所有
為時說耶答言不也尊者舍利弗復
問焰摩迦先言我解知世尊所說漏
盡阿羅漢身壞命終無所有云何今
復言非耶焰摩迦比丘言尊者舍利
弗我先不解無明故作如是惡邪見說
聞尊者舍利弗說已不解无明一切
悉斷復問焰摩迦若復問比丘如先
遠離汝當云何答焰摩迦答言尊者
舍利弗若有來問者我當如是答漏
盡阿羅漢色無常無常者是苦苦者
寂靜清涼永沒受想行識亦復如是
有來問者作如是答舍利弗言善哉
善哉焰摩迦比丘汝應如是答所以
者何漏盡阿羅漢色無常無常者是
苦若無常苦者是生滅法受想行識
亦復如是尊者舍利弗說是法時焰
摩迦比丘遠塵離垢得法眼淨尊者
舍利弗語焰摩迦比丘今當說譬夫
智者以譬得解如長者子長者子大
富多財廣求僕從善守護財物時有
怨家惡人詐來親附為作僕從常伺

其便晚眠早起侍息左右謹敬其事
遜其言辭令主意悅作親友想子想
極信不疑不自防護然後手執利刀
以斷其命焰摩迦比丘於意云何彼
惡怨家為長者親友非為初始方便
害心常伺其便至其終耶而彼長者
不能覺知至今受害荅言實余尊者
舍利弗語焰摩迦比丘於意云何彼
長者本知彼人詐親欲害善自防護
不受害耶荅言如是尊者舍利弗如
是焰摩迦比丘愚癡無聞凡夫於五
受陰作常想安隱想不病想我想我
所想於此五受陰保持護惜終為此
五受陰怨家所害如彼長者為詐親
怨家所害而不覺知焰摩迦多聞聖
弟子於此五受陰觀察如病如癰如
刺如煞無常苦空非我非我所於此
五受陰不著不受不受故不著不著
故自覺涅槃我生已盡梵行已立所
作已作自知不受後有尊者舍利弗
說是法時焰摩迦比丘不起諸漏心
得解脫尊者舍利弗為焰摩迦比丘
說法示教照喜已從座起去

如是我聞一時佛住王舍城迦蘭陀
竹園舍時有外道出家名仙尼來詣
佛所恭敬問訊於一面坐白佛言世
尊先一日時若沙門若婆羅門若
遮羅迦若出家集於希有講堂如是
義稱富蘭那迦葉為大衆主五百弟
子前後圍遶其中有極聰慧者有鈍
根者及其命終志不記說其所往生
處復有未迦梨瞿舍利子為大衆主
五百弟子前後圍遶其諸弟子有聰
慧者有鈍根者及其命終志不記說
所往生處如是先闍鄰毗羅胘子阿
耆多翅舍欽婆羅迦羅拘陀迦拏迤
尼捷陀若提子等各與五百弟子前
後圍遶亦如前者沙門瞿曇舍時亦
諸弟子有命終者即記說言某生彼
處某生此處我先生疑云何沙門瞿
曇得如此法佛告仙尼汝莫生疑以
有惑故彼則生疑仙尼當知有三種
師何等為三有一師見現在世真實
是我如所知說而無能知命終後事
是名第一師出於世間復次仙尼有

一師見現在世真實是我命終之後亦見是我如所知說復次先尼有一師不見現在世真實是我亦復不見見現在世真實是我如所知說者名曰斷見彼第二師見今世後世真實是我如所知說者則是常見彼第三師不見現在世真實是我命終之後亦不見我是則如來應等正覺說現法愛斷離欲滅盡涅槃仙尼白佛言世尊我聞世尊所說遂更增疑佛告仙尼正應增疑所以者何此甚深處難見難知應須甚深照微妙至到聰慧所了凡衆生類未能辯知所以者何衆生長夜異見異忍異求異欲故仙尼白佛言世尊我於世尊所心得淨信唯願世尊為我說法令我即於此座慧眼清淨佛告仙尼今當為汝隨所樂說佛告仙尼色是常耶為无常耶答言無常世尊復問仙尼若無常者是苦耶答言是苦世尊復問仙尼若无常苦是變易法多聞聖弟子寧於中見我異我相在不答言不也

世尊受想行識亦復如是復問云何
仙尼色是如來耶荅言不也世尊受
想行識是如來耶荅言不也世尊復
問仙尼異色有如來耶異受想行識
有如來耶荅言不也世尊復問仙尼
色中有如來耶受想行識中有如來
耶荅言不也世尊復問仙尼如來中
有色耶如來中有受想行識耶荅言
不也世尊復問仙尼非色非受想行
識有如來耶荅言不也世尊佛告仙
尼我諸弟子聞我所說不悉解義而
起慢無聞等非無聞等故慢則不斷
慢不斷故捨此陰已與陰相續生是
故仙尼我則記說是諸弟子身壞命
終生彼彼處所以者何以彼有餘慢
故仙尼我諸弟子於我所說能解義
者彼於諸慢得无聞等得無聞等故
諸慢則斷諸慢斷故身壞命終更不
相續仙尼如是弟子我不說彼捨此
陰已生彼彼處所以者何無因緣可
記說故欲令我記說者當記說彼斷
諸愛欲永離有結正意解脫究竟苦
邊我從昔來及今現在常說慢過慢

集慢生慢起若於慢無間等觀衆苦
不生佛說此法時仙尼出家遠塵離
垢得法眼淨尔時仙尼出家見法
得法斷諸疑惑不由他知不由他度
於正法中心得無畏從座起合掌白
佛言世尊我得於正法中出家修梵
行不佛告仙尼汝於正法得出家受
具足戒得比丘分尔時仙尼得出家
已獨一靜處修不放逸住如是思惟
所以族姓子剝除鬚髮正信非家出
家學道修行梵行見法自知得證我
生已盡梵行已立所作已作自知不
受後有得阿羅漢聞佛所說歡喜奉行
如是我聞一時佛住王舍城迦蘭陀
竹園尔時有比丘名阿小鬼羅度住者
闍崛山時有衆多外道出家往詣阿
菟羅度所共相問評共相問評已於
一面住白阿小鬼羅度言欲有所問寧
有閑暇為解釋不阿小鬼羅度語諸外
道言隨所欲問知者當答諸外道復
問云何尊者如來死後為有耶阿小鬼
羅度言如世尊說此是無記又問如
來死後為無耶阿小鬼羅度言如世尊說
此亦無記又問如來死後有无耶非有

非無耶阿菟羅度言如世尊說此亦無
記復問阿菟羅度言云何尊者如來死
後有耶說言無記死後無耶說言无記
死後有無耶非有非無耶說言無記云
何尊者沙門瞿曇為不知不見耶阿
菟羅度言世尊非不知非不見時
諸外道於阿菟羅度所說心不喜悅
呵罵已從座起去時阿菟羅度知諸
外道去已往詣佛所稽首佛足於一
面住以諸外道所問向佛廣說白佛
言世尊彼如是問我如是答為順諸
法說耶得無謗世尊耶為順法耶為
違法耶無令他來難詰墮呵責處耶
佛告阿菟羅度言我今問汝隨所問
答阿菟羅度色為常耶為無常耶答
言無常受想行識為常無常耶答言
無常世尊如焰摩迦契經廣說乃至
識是如來耶答曰不也佛告阿菟羅
度作如是說者隨順諸記不謗如來非
為越次如如來說諸次法說無有能
米難詰訶責者所以者何我於色如
實知色集色滅色滅道跡如實知阿
菟羅度若捨如來所作无知無見說

者此非等說佛說此經已阿菟羅度
聞佛所說歡喜奉行

如是我聞一時佛住婆伽國設首婆
羅山鹿野深林中今時有那拘羅長
者百二十歲年耆根熟羸劣苦病而
欲覲見世尊及先所宗重知識比丘
來詣佛所稽首佛足退坐一面白佛
言世尊我年衰老羸劣苦病自力勉
勵覲見世尊及先所宗重知識比丘
唯願世尊為我說法令我長夜安樂
今時世尊告那拘羅長者善哉長者
汝實年老根熟羸劣苦患而能自力
覲見如來并餘宗重知識比丘長者
當知於苦患身常當修學不苦患身
今時世尊為那拘羅長者示教照喜
默然而住那拘羅長者聞佛所說歡
喜隨喜礼佛而去時尊者舍利弗去
世尊不遠坐一樹下那拘羅長者往
詣尊者舍利弗所稽首礼足退坐一
面時尊者舍利弗問長者言汝今諸
根和悅貌色鮮明於世尊所得聞深
法耶那拘羅長者白舍利弗今日世
尊為我說法示教照喜以甘露法灌

我身心是故我今諸根和悅顏貌鮮明尊者舍利弗問長者言世尊為汝說何等法示教照喜甘露潤澤那拘羅長者白舍利弗我向詣世尊所白世尊言我年衰老羸劣苦患自力而來覲見世尊及所宗重知識比丘佛告我言善哉長者汝實衰老羸劣苦患而能自力詣我及見我所宗重比丘汝今於此苦患之身常當修學不苦患身世尊為我說如是法示教照喜甘露潤澤尊者舍利弗問長者言汝向何不重問世尊云何苦患身苦患心云何苦患身不苦患心長者荅言我以是義故來詣尊者唯願為我略說法要尊者舍利弗語長者言善哉長者汝今諦聽當為汝說愚癡无闻凡夫於色集色滅色患色味色離不如實知不如實知故愛樂於色言色是我是我所而取攝受彼色若壞若異心識隨轉惱苦生惱苦生已恐怖障闕願念憂苦結戀於受想行識亦復如是是名身心苦患云何身苦患心不苦患多聞聖弟子於色集色

滅色味色患色離如實知如實知已
不生愛樂見色是我是我所彼色若
變若異心不隨轉惱苦生心不隨轉
惱苦生已得不恐怖障尋願念結戀
受想行識亦復如是是名身苦患心
不苦患尊者舍利弗說是法時那拘
羅長者得法眼淨尔時那拘羅長者
見法得法知法入法度諸狐疑不由
於他於正法中心得無畏從座起整
衣服恭敬合掌白尊者舍利弗我已
超已度我今歸依佛法僧寶為優婆
塞證知我我今盡壽歸依三寶尔時
那拘羅長者聞尊者舍利弗所說歡
喜隨喜作禮而去

如是我聞一時佛住釋氏天現聚落
尔時有西方衆多比丘欲還西方安
居詣世尊所稽首佛足退坐一面尔
時世尊為其說法示教照喜種種示
教照喜已時西方衆多比丘從座起
合掌白佛言世尊我西方衆多比丘
欲還西方安居今請奉辭佛告西方
諸比丘汝辭舍利弗未答言未辭佛
告西方諸比丘舍利弗淳修梵行汝

當奉辭能令汝等以義饒益長夜安樂時西方諸比丘辭退欲去時尊者舍利弗去佛不遠坐一堅固樹下西方諸比丘往詣尊者舍利弗所稽首禮足退坐一面向尊者舍利弗言我等欲還西方安居故來奉辭舍利弗言汝等辭世尊未答言已辭舍利弗言汝等還西方處處異國種種異衆必當問汝汝等今於世尊所聞善說法當善受善持善觀善入足能為彼具足宣說不毀佛耶不令彼衆難問詰責墮負處耶彼諸比丘白舍利弗我等為聞法故來詣尊者唯願尊者具為我說哀愍故尊者舍利弗告諸比丘問淨提人聰明利根若剎利若婆羅門若長者若沙門必當問汝汝彼大師云何說法以何教教汝當答言大師唯說調伏欲貪以此教教當復問汝於何法中調伏欲貪當復答言大師唯說於彼色陰調伏欲貪於受想行識陰調伏欲貪我大師如是說法彼當復問欲貪有何過患故大師說於色調伏欲貪受想行識調伏

欲貪汝復應答言若於色欲不斷貪不斷愛不斷念不斷渴不斷者彼色若變若異則生憂悲惱苦受想行識亦復如是見欲貪有如是過故於色調伏欲貪於受想行識調伏欲貪彼復當問見斷欲貪有何福利故大師說於色調伏欲貪於受想行識調伏欲貪當復答言若於色斷欲斷貪斷念斷愛斷渴彼色若變若異不起憂悲惱苦受想行識亦復如是諸尊若受諸不善法因緣故今得現法樂住不苦不尋不惱不熱身壞命終生於善處者世尊終不說言當斷諸不善法亦不教人於佛法中修諸梵行得盡苦邊以受諸不善法因緣故今現法苦住障尋熱惱身壞命終墮惡道中是故世尊說言當斷不善法於佛法中修諸梵行平等盡苦究竟苦邊若受諸善法因緣現法苦住障尋熱惱身壞命終墮惡道中者世尊終不說受持善法於佛法中修諸梵行平等盡苦究竟苦邊受持善法現法樂住不苦不尋不惱不熱身壞命終生

於善處是故世尊讚歎教人受諸善法於佛法中修諸梵行平等盡苦究竟苦邊尊者舍利弗說是法時西方諸比丘不起諸漏心得解脫尊者舍利弗說是法時諸比丘歡喜隨喜作禮而去

如是我聞一時佛住舍衛國祇樹給孤獨園尔時世尊告諸比丘譬如池水方五十由旬深亦如是其水盈滿復有士夫以毛以草或以指爪以涕彼水諸比丘於意云何彼士夫水涕為多池水為多比丘白佛彼士夫以毛以草或以指爪所涕之水少少不足言池水甚多百千万倍不可為比如是諸比丘見諦者所斷衆苦如彼池水於未來世永不復生尔時世尊說是法已入室坐禪時尊者舍利弗於衆中坐世尊入室去後告諸比丘未曾所聞世尊今日善說池譬所以者何聖弟子具足見諦得无間等果若凡俗邪見身見根本身見集身見生身見起謂憂戚隱覆慶吉保惜說我說衆生說奇特矜舉如是衆邪恚

皆除滅斷除根本如折多羅樹於未來世更不復生諸比丘何等為見諦聖弟子斷上界邪於未來世永不復起愚癡無聞凡夫見色是我異我我在色色在我見受想行識是我異我在識識在我云何見色是我得地一切入處正受觀已作是念地即是我我即是地我及地唯一元二不異不別如是水火風青黃赤白一切入處正受觀已作是念行即是我我即是行唯一無二不異不別如是於一切入處一一討我是名色即是我云何見色異我若彼見受是我見受是我已見色是我所或見想行識即是我見色是我所云何見我中色謂見受是我色在我中又見想行識即是我是我色在我中云何見色中我謂見受即是我於色中住入於色周遍其四體見想行識是我於色中住周遍其四體是名色中我云何見受即是我謂六受身眼觸生受耳鼻舌身意觸生受此六受身一一見是我我是受是名受即是我云何見受異我謂見色是

我受是我所謂想行識是我受是我
所是名受異我去何見我中受謂色
是我受在其中想行識是我受在其
中大何見受中我謂色是我於受
中住周遍其四體想行識是我於受
中住周遍其四體是名受中我去何
見想即是我謂六想身眼觸生想耳
鼻舌身意觸生想此六想身一一見
是我是名想即是我去何見想異我
謂見色是我想是我所識是我想是
我所是名想異我去何見我中想謂
色是我想在中住受行識是我想在
中住去何見想中我謂色是我於想
中住周遍其四體是名想中我去何
見行是我謂六思身眼觸生思耳鼻
舌身意觸生思於此六思身二見是
我是名行即是我去何見行異我謂
色是我行是我所受想識是我行是
我所是名行異我去何見我中行謂
色是我行在中住受想行識是我行
在中住是謂我中行去何見行中我
謂色是我於行中住周遍其四體謂
受想識是我於行中住周遍其四體

是名行中我云何見識即是我謂六
識身眼識耳鼻舌身意識身於此六
識身一一見是我我是名識即是我云
何見識異我見色是我識是我所見
受想行是我識是我所是名識異我
云何是我中識謂色是我識在中住
受想行是我識在中住是名我中識
云何識中我謂色是我於識中住周
遍其四體受想行是我於識中住周
遍其四體是名識中我如是聖弟子
見四真諦得無間等果斷諸邪見於
未來世永不復起所有諸色若過去
若未來若現在若內若外若麤若細
若好若醜若遠若近一向積聚作如
是觀一切元常一切苦一切空一切
非我不應愛樂攝受保持受想行識
亦復如是不應愛樂攝受保持如是
觀善繫心住不愚於法復觀精進離
諸懈怠心得喜樂身心荷息寂靜捨
住具諸道品修行滿足永離諸惡非
不消煬非不寂滅滅而不起滅而不
增斷而不生不生不取不著自覺涅
槃我生已盡梵行已立所作已作自

知不受後有舍利弗說是法時六十
比丘不受諸漏心得解脫佛說此經
已諸比丘聞佛所說歡喜奉行
如是我聞一時佛住毗舍離狝猴池
側毗舍離國有尼捷子聰慧明哲善
解諸論有聰明慢所廣集諸論妙智
入微為衆說法超諸論師每作是念
諸沙門婆羅門無敵我者乃至如來
亦能共論諸論師輩聞我名者頭額
津腋下汗毛孔孔流水我論議風能僵
草折樹摧破金石伏諸龍爲何況人
間諸論師輩能當我者時有比丘名
阿濕波耆最朝著衣持鉢威儀詳序
端視平涉入城乞食余時薩遮尼捷
子有少緣事詣諸聚落從城門出遙
見比丘阿濕波耆即詣其所問言沙
門瞿曇爲諸弟子云何說法以何等
法教諸弟子令其修習阿濕波耆言
火種居士世尊如是說法教諸弟子
令隨修學言諸比丘於色當觀無我
受想行識當觀無我此五受陰勤方
便觀如病如癰如刺如煞無常苦空
非我薩遮尼捷子聞此語心不喜作

是言阿濕波擔汝必誤聽沙門瞿曇
終不作是說若沙門瞿曇作是說者
則是邪見我當詣彼難詰令止今時薩
遮尼犍子往詣聚落諸離車等集會
之處語諸離車言我今日見沙門瞿
曇第一弟子名阿濕波擔薄共論議
若如其所說者我當詣彼沙門瞿曇
與共論議進却迴轉必隨我意譬如
士夫刈拔草手執其茎空中抖擻
除諸亂穢我亦如是與沙門瞿曇論
議難詰執其要領進却迴轉隨其所
欲去其邪說如沽酒家執其酒囊壓
取清醇去其糟滓我亦如是詣沙門
瞿曇論議難詰進却迴轉取其清真
去諸邪說如織席師以席盛諸穢物
欲市賣時以水洗濯去諸臭穢我亦
如是詣沙門瞿曇所與共論議進却
迴轉執其綱領去諸穢說譬如王家
調烏之師牽大醉烏入深水中洗其
身體四支耳鼻周遍沐浴去諸塵穢
我亦如是詣沙門瞿曇所論議難詰
進却迴轉隨意自在執其要領去諸
穢說汝諸離車亦應共往觀其得失

中有離車作如是言若薩遮尼犍子
能與沙門瞿曇共論議者無有是處
復有說言薩遮尼犍子聰慧利根能
共論議時有五百離車與薩遮尼犍子
共詣佛所為論議故今時世尊於大
林中坐一樹下住於天住時有衆多
比丘出房外林中經行遙見薩遮尼
犍子來漸漸詣諸比丘所問諸比丘
言沙門瞿曇住在何所比丘答言在大
林中依一樹下住於天住薩遮尼犍
子即詣佛所恭敬問訊於一面坐諸
離車長者亦詣佛所有恭敬者有合
掌問訊者問訊已於一面住時薩遮
尼犍子白佛言我聞瞿曇作如是說
法作如是教授諸弟子教諸弟子於
色觀察無我受想行識觀察无我此
五受陰勤方便觀察如病如癰如刺
如煞無常苦空非我為是瞿曇有
如是教為是傳者毀瞿曇耶如說說
耶不如說說耶如法說耶法次法說
耶無有異忍來相難詰今時世尊處耶
佛告薩遮尼犍子如汝所問彼如說說
如法說法次法說非為謗毀亦无碍

問令瞿曇負處所以者何我實為諸弟子如是說法我實常教諸弟子令隨順法教令觀色無我受想行識無我觀此五受陰如病如癰如刺如熱無常苦空非我薩遮尼犍子白佛言瞿曇我今當說辟佛告薩遮尼犍子可知是時辟如世間一切所作皆依於地如是色是我人善惡從生受想行識是我人善惡從生又復辟如人界神界藥草樹木皆依於地而得生長如是色是我人受想行識是我人佛告火種居士汝言色是我人受想行識是我人耶答言如是瞿曇色是我人受想行識是我人此等諸衆悉作是說佛告火種居士且立汝論本用引衆人為薩遮尼犍子白佛言色實是我人佛告火種居士我今問汝隨意答我辟如國王於自國土有罪過者若然若縛若擯若鞭斷絕手足若有功者賜其為馬車乘城邑財寶悉能示不答言能示瞿曇佛告火種居士凡是主者悉得自在不答言如是瞿曇佛告火種居士汝言色是我受想

行識即是我得隨意自在今彼如是不令如是耶時薩遮尼犍子默然而住佛告火種居士速說速說何故默然如是無三薩遮尼犍子猶故默然時有金剛力鬼神持金剛杵猛火熾然在虛空中臨薩遮尼犍子頭上作是言世尊再三問汝何故不答我當以金剛杵碎破汝頭令作七分佛神力故唯令薩遮尼犍子見金剛神餘衆不見薩遮尼犍子得大恐怖白佛言不尔瞿曇佛告薩遮尼犍子徐徐思惟然後解說汝先於衆中說色是我受想行識是我而今言不前後相違汝先常說言色是我受想行識是我火種居士我今問汝色為常耶為无常耶答言無常瞿曇復問無常者是苦耶答言是苦瞿曇復問无常苦者是變易法多聞聖弟子寧於中見我異我相在不答曰不也瞿曇受想行識亦如是說佛告火種居士汝好思而後說復問火種居士若於色未離貪未離欲未離念未離愛未離渴彼色若變若異當生憂悲惱苦不答曰如是瞿曇受

想行識亦如是說復問火種居士於色離貪離欲離念離愛離渴彼色若變若異則不生憂悲惱苦耶答曰如是瞿曇如實无異受想行識亦如是說火種居士辟如士夫身嬰衆苦常與苦俱彼苦不斷不捨當得樂不答言不也瞿曇如是火種居士身嬰衆苦常與苦俱彼苦不斷不捨不得樂也火種居士辟如士夫持斧入山求堅實材見芭蕉樹洪大臚直即斷其根葉剝剥其皮乃至窮盡都無堅實火種居士汝亦如是自立論端我今善求真實之義都無堅實如芭蕉樹也而於此衆中敢有所說我不見沙門婆羅門中所知所見能與如來應等正覺所知所見共論議不摧伏者而便自說我論議風偃草折樹能破金石調伏龍爲要能令彼額津腋汗毛孔水流汝今自論已義而不自立先所誇說能伏彼相今盡自取而不能動如來一毛尔時世尊於大衆中被鬱多羅僧現曾而示汝等試看能動如來一毛以不尔時陸遮尼犍子默然

但頭慙愧失色。尔時衆中有一離車名突目佉。從座起。整衣服。合掌白佛言。世尊。聽我說。譬佛告突目佉。宜知是時。突目佉白佛言。世尊。譬如有入執持斗斛於大聚穀中。取二三斛。今此薩遮尼犍子亦復如是。世尊。譬如長者巨富。多財。忽有罪過。一切財物悉入王家。薩遮尼犍子亦復如是。所有才辯。悉為如來之所攝受。譬如城邑聚落。邊有大水。男女大小。悉入水戲。取水中蟹。截斷其足。置於陸地。以无足。故不能還復。入於大水。薩遮尼犍子亦復如是。諸有才辯。悉為如來之所斷截。終不復敢重詣如來。命敵論議。尔時薩遮尼犍子。忿怒熾盛。罵唾突目佉。離車言。汝意疎物不審。諦何為其鳴。吾自與沙門瞿曇論。何豫汝事。薩遮尼犍子呵罵突目佉。已復白佛言。置彼凡輩鄙賤之說。我今別有所問。佛告薩遮尼犍子。恣汝所問。當隨問答。云何。瞿曇為弟子說法。令離疑惑。佛告火種居士。我為諸弟子說。諸所有色。若過去。若未來。若現在。若內。

若外若麤若細若好若醜若遠若近
彼一切如實觀察非我非異我不相
在受想行識亦復如是彼學必見跡
不斷壞堪任成就猷離知見守甘露
門雖非一切悉得究竟且向涅槃如
是弟子從我教法得離疑惑復問瞿
曇復云何教諸弟子於佛法得盡諸
漏無漏心解脫慧解脫現法自知作
證我生已盡梵行已立所作已作自
知不受後有佛告火種居士正以此
法諸所有色若過去若未來若現在
若內若外若麤若細若好若醜若遠
若近彼一切如實知非我非異我不
相在受想行識亦復如是彼於今時
成就三種无上智無上解脫無上解
脫知見無上成就三種無上已於大
師所恭敬尊重供養如佛世尊覺一
切法即以此法調伏弟子令得安隱
令得無畏調伏寂靜究竟涅槃世尊
為涅槃故為弟子說法火種居士我
諸弟子於此法中得盡諸漏得心解
脫得慧解脫於現法中自知作證我
生已盡梵行已立所作已作自知不

受後有薩遮尼犍子白佛言瞿曇猶如
壯夫鋒刃乱下猶可得免瞿曇論手
難可得脫如威毒地猶可得避曠澤
猛火猶可得避兇惡醉鳥亦可得免
狂飢師子恚可得免沙門瞿曇論議于
于難可得脫非我凡品輕躁鄙夫論具
不脩以論議故來詣瞿曇沙門瞿曇此
毗舍離豐樂國土有遮波梨支提漆菴
羅樹支提多子支提瞿曇在拘樓陀
支提婆羅受持支提捨重擔支提力
士寶冠支提世尊當安樂於此毗舍
離國諸天魔梵沙門婆羅門及諸世
間於世尊所常得恭敬奉事供養令
此諸天魔梵沙門婆羅門長夜安樂
唯願止此明朝與諸大衆受我薄食
今時世尊默然而許時薩遮尼犍子
知佛世尊默然受請已歡喜隨喜從
座起去今時薩遮尼犍子於彼道中
語諸離車我已請沙門瞿曇及諸大
衆供設飯食汝等人各辦一釜食送
至我所諸離車各還其家星夜供辦
晨朝送至薩遮尼犍子所薩遮尼犍
子晨朝灑掃敷座供辦淨水遣使詣

佛自言時到今時世尊與諸大眾著
衣持鉢往薩遮尼犍子所大眾前坐
薩遮尼犍子自手奉施清淨飲食充
足大眾食已洗鉢竟薩遮尼犍子知
佛食竟洗鉢已取一畀床於佛前坐今
時世尊為薩遮尼犍子說隨喜偈言
於諸大會中 奉火為甚取 闍陀經典中
婆毗諦為取 人中王為取 諸河海為取
諸星月為取 諸明日為取 十方天人中
等正覺為取

今時世尊為薩遮尼犍子種種說法示
教照喜已還歸本處時諸比丘於彼
道中衆共論議五百離車各為薩遮
尼犍子供辦飲食彼諸離車於何得
福薩遮尼犍子於何得福今時諸比
丘還自住處舉衣鉢洗足已至世尊
所頭面礼足退坐一面白佛言世尊
我等向於路中自共論議五百離車
為薩遮尼犍子供辦飲食供養世
尊諸大眾彼諸離車於何得福薩
遮尼犍子於何得福佛告諸比丘彼
諸離車供辦飲食為薩遮尼犍子
於薩遮尼犍子所因緣得福薩遮

尼犍子得福佛功德彼諸離車得
施有貪恚癡因緣果報薩遮尼犍子
得施无貪恚癡因緣果報

彼多羅十問老摩竭仙尼阿菟羅長者
西毛端薩遮

雜阿含經卷第五

甲辰歲高麗國大藏都監奉

勅刪造

雜阿含經第五卷 第三十四卷 終

雜阿含經卷第六

松

宋天生三藏求那跋陀羅譯

如是我聞一時佛住摩拘羅山時有侍者比丘名曰羅陀晡時從禪覺往詣佛所禮佛足退坐一面白佛言如世尊說有流云何名有流云何名有流滅佛告羅陀善哉所問當為汝說所謂有流者愚癡無聞凡夫於色集色滅色味色患色離不如實知不如實知故於色愛樂讀歎攝受染著緣愛樂色故取緣取故有緣有故生緣生故老病死憂悲惱苦增如是純大苦聚斯集起受想行識亦復如是是名有流多聞聖弟子於色集色滅色味色患色離如實知如實知故於彼色不起愛樂讀歎攝受染著不愛樂讀歎攝受染著故色愛則滅愛滅則取滅取滅則有滅有滅則生滅生滅則老病死憂悲苦惱如是純大苦聚滅受想行識亦復如是是名如來所說有流有流滅佛說此經已羅陀比丘聞佛所說歡喜奉行

如是我聞一時佛住摩拘羅山時有侍者比丘名羅陀晡時從禪覺往詣佛所禮佛足退坐一面白佛言世尊如世尊說色斷知受想行識斷知世尊云何色斷知受想行識斷知佛告羅陀善哉所問當為汝說於色憂悲苦惱盡離欲滅息沒是名色斷知於受想行識憂悲惱苦盡離欲滅息沒是名受想行識斷知佛說此經已羅陀比丘聞佛所說歡喜奉行

如是我聞一時佛住在摩拘羅山侍者比丘名曰羅陀時有眾多外道出家詣尊者羅陀所共相問評已退坐一面問尊者羅陀言汝何故於沙門瞿曇所出家修梵行尊者羅陀答言我為斷苦故於世尊所出家修梵行復問汝為斷何等苦故於沙門瞿曇所出家修梵行羅陀答言為斷色苦故於世尊所出家修梵行斷受想行識苦故於世尊所出家修梵行時諸外道出家問尊者羅陀所說心不喜從坐起呵罵而去尔時尊者羅陀知諸外道出家去已作是念我向如是

謗將不毀謗世尊耶如說說耶如法
說法次法說耶將不為他難問詰責
墮負處耶余時尊者羅陀瞋時從禪
竟往詣佛所稽首佛足却住一面以
其上事具白佛言世尊我向所說得
無過耶將不毀謗世尊耶不為他人
難問詰責墮負處耶如說說耶如法
說法次法說耶佛告羅陀汝成實說
不毀如來如說說如法說法次法說
所以者何羅陀色苦為斷彼苦故出
家修梵行受想行識苦為斷彼苦故
出家修梵行佛說此經已羅陀比丘
聞佛所說歡喜奉行

如是我聞一時佛住摩拘羅山侍者
比丘名曰羅陀時有衆多外道出家
至尊者羅陀所共相問訟已退坐一
面問羅陀言汝為何等故於沙門瞿
曇所出家修梵行羅陀答言我為知
苦故於世尊所出家修梵行時諸外
道問羅陀所說心不喜從坐起呵罵
而去余時羅陀瞋時從禪覺往詣佛
所稽首佛足退坐一面以其上事具
白佛言世尊我向所說得无毀謗世

尊耶將不令他難問詰責墮負處耶
不如說說非如法說非法次法說耶
佛告羅陀汝真實說不毀如來不令
他人難問詰責墮負處也是如說說
如法說法次法說所以者何色是苦
為知彼苦故於如來所出家修梵行
受想行識是苦為知彼苦故於如來
所出家修梵行佛說此經已羅陀比
丘聞佛所說歡喜奉行

如是我聞一時佛住摩拘羅山時有
侍者比丘名曰羅陀時有衆多外道
出家至尊者羅陀所共相問評已退
坐一面問羅陀言汝為何等故於沙
門瞿曇所出家修梵行羅陀答言為
於色憂悲惱苦盡離欲滅寂沒故於
如來所出家修梵行為於受想行識
憂悲惱苦盡離欲滅寂沒故於如來
所出家修梵行今時衆多外道出家
間是已心不喜從坐起呵罵而去今
時羅陀晡時從禪覺往詣佛所稽首
礼足退坐一面以其上事具白佛言
世尊我得無謗世尊耶不令他人來
難問詰責墮負處耶不如說說非如

法說非法次法說耶佛告羅陀汝真實說不謗如來不令他人難問詰責墮負處也如說說如法說法次法說所以者何羅陀色憂悲惱苦為斷彼故於如來所出家修梵行受想行識所說歡喜奉行

如是我聞一時佛住摩拘羅山時有侍者比丘名曰羅陀時有衆多外道出家至羅陀所共相問評已退坐二面問羅陀言汝何故於沙門瞿曇所出家修梵行羅陀答言於色見我我所我憊使繫著彼若盡離欲滅寂沒於受想行識見我我所我憊使繫著彼若盡離欲滅寂沒故於世尊所出家修梵行諸外道出家聞是語心不喜從坐起呵罵而去羅陀比丘晡時從禪覺往詣佛所稽首礼足退坐一面以其上事具白佛言世尊我之所說得無毀謗世尊耶不令他人難問詰責墮負處耶不如說說不如法說非法次法說耶佛告羅陀汝真實說

不謗如來不令他人難問詰責墮負
處也是如說說如法說法次法說所以
者何於色見我我所我慢使繫著彼
若盡離欲滅寂沒故受想行識見我
我所我慢使繫著彼若盡離欲滅寂
沒故於如來所出家修梵行佛說此
經已羅陀比丘聞佛所說歡喜奉行
如是我聞一時佛住摩拘羅山時有
侍者比丘名曰羅陀時有衆多外道
出家至羅陀所共相問評已退坐一
面問羅陀言汝何故於沙門瞿曇所
出家修梵行羅陀荅言於色有漏障
閼熱惱憂悲彼若盡離欲滅寂沒受
想行識有漏障閼熱惱憂悲彼若盡
離欲滅寂沒故於如來所出家修梵
行時衆多外道出家問是已心不喜
從坐起呵罵而去尔時羅陀晡時從
禪覺往詣佛所稽首佛足退坐一面
以其上事具白佛言世尊我之所說
將無謗世尊耶不令他人難問詰責
墮負處耶不如說說不如法說非法
次法說耶佛告羅陀汝真實說不謗
如來所以者何色有漏有障閼熱惱

憂悲彼若盡離欲滅寂沒受想行識
有漏障閼熱惱憂悲彼若盡離欲滅
寂沒故於如來所出家修梵行佛說
此經已羅陀比丘聞佛所說歡喜奉行
如是我聞一時佛住摩拘羅山時有
侍者比丘名曰羅陀時有外道出家
至羅陀所共相問評已退坐一面問
羅陀言汝何故於沙門瞿曇所出家
修梵行羅陀荅言於色貪恚癡彼若
盡離欲滅寂沒於受想行識貪恚癡
彼若盡離欲滅寂沒於如來所出家
修梵行諸外道聞是語已心不喜從
坐起呵責而去羅陀比丘晡時從櫛
覺往詣佛所稽首佛足退坐一面以
其上事具白佛言世尊我之所說將
無謗世尊耶不令他人難問詰責墮
負處耶不如說說不如法說非法次
法說耶佛告羅陀安止默說不謗如
來不令他人難問詰責墮負處也如
說說如法說法次法說所以者何於
色貪恚癡彼若盡離欲滅寂沒於受
想行識貪恚癡彼若盡離欲滅寂沒
故於如來所出家修梵行佛說此經

已羅陀比丘聞佛所說歡喜奉行
如是我聞一時佛住摩拘羅山時有
侍者比丘名曰羅陀時有衆多外道
出家至羅陀所共相問評已退坐一
面問羅陀言汝何故於沙門瞿曇所
出家修梵行羅陀答言於色欲愛喜
彼若盡離欲滅寂沒於受想行識欲
愛喜彼若盡離欲滅寂沒故於如來
所出家修梵行時諸外道聞是語已
心不喜從坐起呵罵而去羅陀比丘
晡時從禪覺詣佛所稽首佛足退坐
一面以其上說具白佛言世尊我之
所說不謗如來耶不令他人難問詰
責墮負處耶不如說說不如法說非
法次法說耶佛告羅陀汝真實說不
謗如來不令他人難問呵責墮負處
也如說說如法說如法次法說所以者
何於色欲愛喜彼若盡離欲滅寂沒
於受想行識欲愛喜彼若盡離欲滅
寂沒故於如來所出家修梵行佛說
此經已羅陀比丘聞佛所說歡喜奉行
如是我聞一時佛住摩拘羅山時有
侍者比丘名曰羅陀亦時世尊告羅

陀言諸所有色若過去若未來若現在若內若外若虛若細若好若醜若遠若近彼一切當觀皆是魔所作諸所有受想行識若過去若未來若現在若內若外若虛若細若好若醜若遠若近彼一切當觀皆是魔所作佛告羅陀色為常耶為無常耶答曰无常世尊復問若无常者是苦耶答曰是苦世尊受想行識亦復如是復問羅陀若無常苦者是變易法多聞聖弟子寧於中見色是我異我相在不答曰不也世尊佛告羅陀若多聞聖弟子於此五受陰不見是我是我所故於諸世間都無所取无所取故無所著無所著故自覺涅槃我生已盡梵行已立所作已作自知不受後有佛說此經已羅陀比丘聞佛所說歡喜奉行

如是我聞一時佛住摩拘羅山時有侍者比丘名曰羅陀尔時世尊告羅陀比丘言諸所有色若過去若未來若現在若內若外若虛若細若好若醜若遠若近彼一切皆是死法所

有受想行識若過去若未來若現在
若內若外若應若細若好若醜若遠
若近彼一切皆是死法佛告羅陀色
為常耶為無常耶答曰无常世尊復
問若無常者是苦耶答曰是苦世尊
受想行識為常為無常耶答曰无常
世尊復問若無常者是苦耶答曰是
苦世尊復問若无常苦者是變易法
多聞聖弟子寧於中見是我異我相
在不答曰不也世尊佛告羅陀若多
聞聖弟子於此五受陰如實觀察非
我非我所者於諸世間都无所取無
所取者無所著無所著故自覺涅槃
我生已盡梵行已立所作已作自知
不受後有佛說此經已羅陀比丘聞
佛所說歡喜奉行

如是我聞一時佛住摩拘羅山時有
侍者比丘名曰羅陀白佛言世尊所
謂衆生者云何名為衆生佛告羅陀
於色染著纏綿名曰衆生於受想行
識染著纏綿名曰衆生佛告羅陀我
說於色境界當散壞消滅於受想行
識境界當散壞消滅斷除愛欲愛盡則

苦盡苦盡者我說作苦邊譬如聚落
中諸小男小女嬉戲聚土作城郭宅
舍心愛樂著愛未盡欲未盡念未盡
渴未盡心常愛樂守護言我城郭我
舍宅若於彼土聚愛盡欲盡念盡渴
盡則以手撥足蹴令其消散如是羅陀
於色散壞消滅愛盡愛盡故苦盡苦
盡故我說作苦邊佛說此經已羅陀
比丘聞佛所說歡喜奉行

如是我聞一時佛住摩拘羅山時有
侍者比丘名曰羅陀往詣佛所稽首
禮足退坐一面白佛言善哉世尊為
我略說法要我聞法已我當獨一靜
處專心思惟不放逸住所以族姓子
剝除鬚髮身著染衣正信非家出家
學道增加精進修諸梵行見法自知
作證我生已盡梵行已立所作已作
自知不受後有今時世尊告羅陀曰
善哉羅陀能於佛前問如是義諦聽
善思當為汝說羅陀當知有身有身
集有身滅有身滅道跡何等為有身
謂五受陰色受陰受想行識受陰云
何有身集謂當來有愛貪喜俱於彼

彼愛樂是名有身集云何有身滅謂
當有愛喜貪俱彼彼愛樂元餘斷捨
吐盡離欲寂沒是名有身盡云何有
身滅道跡謂八正道正見正志正語
正業正命正方便正念正定是名有
身滅道跡有身當知有身集當斷有
身滅當證有身滅道跡當修羅陀若
多聞聖弟子於有身若知若斷有身
集若知若斷有身滅若知若證有身
滅道跡若知若修已羅陀名斷愛離
愛轉結止憍元聞等究竟苦邊羅陀
比丘聞佛所說歡喜奉行從坐起作
禮而去世尊如是教授已羅陀比丘
獨一靜處專精思惟所以善男子剝
除鬚髮著染色衣正信非家出家學
道增益精進修諸梵行見法自知作
證我生已盡梵行已立所作已作自
知不受後有成阿羅漢心善解脫佛
說此經已羅陀比丘聞佛所說歡喜
奉行

如是我聞一時佛住摩拘羅山時有
侍者比丘名曰羅陀尔時世尊告羅
陀比丘言諸比丘有色若過去若未

來若現在若內若外若麤若細若好
若醜若遠若近彼一切當觀皆是魔
受想行識若過去若未來若現在若
內若外若麤若細若好若醜若遠若
近彼一切當觀皆是魔羅陀於意云
何色為常耶為無常耶答曰無常世
尊若無常者是苦耶答曰是苦世尊
若無常苦者是變易法多聞聖弟子
寧於中見我不答曰不也世尊受想行
識亦復如是是故羅陀多聞聖弟子
於色生厭於受想行識生厭故不樂
不樂故解脫解脫知見我生已盡梵行
已立所作已作自知不受後有佛說此
經已羅陀比丘聞佛所說歡喜奉行
如是我聞一時佛住摩拘羅山時有
侍者比丘名曰羅陀於時世尊告羅
陀比丘言諸所有色若過去若未來
若現在若內若外若麤若細若好若
醜若遠若近彼一切皆是魔所作受
想行識亦復如是佛告羅陀於意云
何色是常耶為非常耶答曰無常世
尊復問若無常者是苦耶答曰是苦
世尊復問受想行識為是常耶為无

常耶答曰無常世尊復問者無常者
是苦耶答曰是苦世尊佛告羅陀若
無常苦者是變易法多聞聖弟子寧
於中見我異我相在不答曰不也世
尊是故羅陀多聞聖弟子於色生厭
厭故不樂不樂故解脫解脫知見我
生已盡梵行已立所作已作自知不
受後有佛說此經已羅陀比丘聞佛
所說歡喜奉行

第三經亦如是所異者佛告羅陀多
聞聖弟子於此五受陰陰觀察非
我非我所觀察已於諸世間都无所
取不取故不著不著故自覺涅槃我
生已盡梵行已立所作已作自知不
受後有佛說此經已羅陀比丘聞佛
所說歡喜奉行

如是我聞一時佛住摩拘羅山時有
侍者比丘名曰羅陀令時世尊告羅
陀言諸所有色若過去若未來若現
在若內若外若麤若細若好若醜若
遠若近當觀彼一切皆是死法受想
行識亦復如是餘如前說

如是我聞一時佛住摩拘羅山時有

侍者比丘名曰羅陀。今時世尊告羅陀言：諸所有色，若過去、若未來、若現在、若內、若外、若麤、若細、若好、若醜、若遠、若近，彼一切當觀，皆是斷法。受、想、行、識亦復如是。多聞聖弟子如是觀者，於色生厭，於受、想、行、識生厭，厭故不樂，不樂故解脫。解脫，知見自知，我生已盡，梵行已立，所作已作，自知不受。後有佛說此經，已羅陀比丘聞佛所說，歡喜奉行。

如是我觀察斷法，如是觀察滅法。觀察棄捨法，觀察無常法，觀察苦法，觀察空法，觀察非我法。觀察病法，觀察癉法，觀察刺法，觀察熱法，觀察根本法。如是諸經皆如上說。如是我聞。一時佛住摩拘羅山，時有侍者比丘名曰羅陀。今時世尊告羅陀言：諸所有色，若過去、若未來、若現在、若內、若外、若麤、若細、若好、若醜、若遠、若近，彼一切當觀，皆是斷法。觀察已於色欲貪斷，色貪斷已，我說心善解脫。受、想、行、識亦復如是。佛說此經。

已羅陀比丘聞佛所說歡喜奉行
如是比丘十四經亦如上說

如是我聞一時佛住摩拘羅山時有
侍者比丘名曰羅陀今時世尊告羅
陀言諸所有色若過去若未來若現
在若內若外若麤若細若好若醜若
遠若近彼一切當觀皆是斷法觀察
斷法已於色欲貪斷我說心善解脫
受想行識亦復如是佛說此經已羅
陀比丘聞佛所說歡喜奉行

如是我聞一時佛住舍衛國祇樹給
孤獨園今時世尊告諸比丘欲斷五
受陰者當求大師何等為五謂色受
陰受想行識受陰欲斷此五受陰當
求大師佛說此經已諸比丘聞佛所
說歡喜奉行

如當斷如是當知當吐當息當捨亦
復如是如求大師如是勝師者順次
師者教誡者勝教誡者順次教誡者
通者廣通者圓通者導者廣導者究
竟導者說者廣說者順次說者正者
伴者真知識者親者慰者悲者崇義
者安慰者崇樂者崇觸者崇安慰者

欲者精進者方便者勤者勇猛者固
者強者堪能者專者心不退者堅執
持者常習者不放逸者和合者思量
者憶念者覺者知者明者慧者受者
思惟者梵行者念處者正勤者如意
足者根者力者覺分者道分者止者
觀者念身者正憶念者亦復如是
如是我聞一時佛住舍衛國祇樹給孤
獨園今時世尊告諸比丘若沙門婆
羅門習於色者隨魔自在入於魔手
隨魔所欲為魔所縛不脫魔繫受想
行識亦復如是若沙門婆羅門不習
色如是沙門婆羅門不隨魔自在不
入魔手不隨魔所欲解脫魔縛解脫
魔繫佛說是經已諸比丘聞佛所說
歡喜奉行

如是習近者習者者味者決定著者
止者使者往者撰擇者不捨者不吐
者如是等沙門婆羅門隨魔自在如
上說

如是我聞一時佛住舍衛國祇樹給
孤獨園今時世尊告諸比丘若沙門
婆羅門於色不習近者不隨魔自在

不入魔手不隨魔所欲非魔縛所縛
解脫魔繫不習受想行識亦復如是
佛說此經已諸比丘聞佛所說歡喜
奉行乃至吐色亦復如是

如是我聞一時佛住舍衛國祇樹給
孤獨園今時世尊告諸比丘何所有
故何所起何所繫著何所見我令衆
生無明所蓋愛繫其首長道駸馳生
死輪迴生死流轉不去本際諸比丘
白佛言世尊是法根法眼法依善哉
世尊唯願哀愍廣說其義諸比丘聞
已當受奉行

佛告比丘諦聽善思當為汝說諸比
丘色有故色事起色繫著色見我令
衆生無明所蓋愛繫其首長道駸馳
生死輪迴生死流轉受想行識亦復
如是諸比丘色為常耶為非常耶答
曰无常世尊復問若无常者是苦耶
答曰是苦世尊如是比丘若无常者
是苦是苦有故是事起繫著者見我令
衆生無明所蓋愛繫其頭長道駸馳
生死輪迴生死流轉受想行識亦復
如是是故諸比丘諸所有色若過去

若未來若現在若內若外若虛若細
若好若醜若遠若近彼一切非我非
異我不相在是名正慧受想行識亦
復如是如是見聞覺識求得隨憶隨
覺隨觀彼一切非我非異我不相在是
名正慧若有見言有我有世間有此
世常恒不變易法彼一切非我非異
我不相在是名正慧若復有見非此
我非此我所非當來我非當來我所
彼一切非我非異我不相在是名正
慧若多聞聖弟子於此六見處觀察
非我非我所如是觀者於佛所狐疑
斷於法於僧狐疑斷是名比丘多聞
聖弟子不復堪任作身口意業趣三
惡道正使放逸聖弟子決定向三菩
提七有天人往來作苦邊佛說此經
已諸比丘聞佛所說歡喜奉行

如是我聞一時佛住舍衛國祇樹給
孤獨園尔時世尊告諸比丘如上說
差別者多聞聖弟子於此六見處觀
察非我非我所如是觀者於苦狐疑
斷於習滅道狐疑斷是名比丘多聞
聖弟子不復堪任作身口意業趣三

惡道如是廣說乃至作苦邊佛說此經已諸比丘聞佛所說歡喜奉行如是是我聞一時佛住舍衛國祇樹給孤獨園今時世尊告諸比丘廣說如上差別者若多聞聖弟子於此六見處觀察非我非我所如是觀者於佛狐疑斷於法僧苦集滅道狐疑斷如是廣說乃至作苦邊佛說此經已諸比丘聞佛所說歡喜奉行

如是我聞一時佛住舍衛國祇樹給孤獨園今時世尊告諸比丘於何所是事有故何所起何所繫著何所見我諸比丘令彼衆生无明所蓋愛繫其首長道駝馳生死輪迴生死流轉不知本際諸比丘白佛世尊是法根法眼法像善哉世尊唯願哀愍廣說其義諸比丘聞已當受奉行

佛告諸比丘諦聽善思當為汝說諸比丘色有故是色事起於色繫著於色見我令衆生无明所蓋愛繫其首長道駝馳生死輪迴生死流轉受想行識亦復如是諸比丘色是常耶為非常耶答曰无常世尊復問若無常

者是苦耶。答曰：是苦世尊如是。比丘：若無常者是苦，是苦有故，是事起。繫著見我，令彼衆生无明所蓋，愛繫其首，長道駘馳，生死輪迴，生死流轉，受想行識亦復如是。是故諸比丘，諸所有色若過去若未來若現在，若內若外，若麤若細，若好若醜，若遠若近，彼一切非我，非異，我不相在。如是觀者是名正慧。受想行識亦復如是。如是見聞覺識求得，隨憶隨覺隨觀，彼一切非我，非異，我不相在。是名正慧。若有見言：『我有此世，有他世，有常有，有恒，不變易。』彼一切非我，非異，我不相在。是名正慧。若復有見：『非此我，非此我，』所非當來我，非當來我所，彼一切非我，非異，我不相在。是名正慧。若多聞聖弟子於此六見處觀察，非我，非我所，如是觀者，於佛狐疑斷於法，僧狐疑斷。是名比丘不復堪任作身口意業，趣三惡道。正使放逸，諸聖弟子皆悉不從向於三菩提。七有天人往生作苦後邊，佛說此經已，諸比丘聞佛所說歡喜奉行。

第二經亦如是差別者於苦集滅道
狐疑斷第三經亦如是差別者於佛
法僧狐疑斷於苦集滅道狐疑斷

雜阿含經卷第六

乙巳歲高麗國大藏都監奉

勅雕造

雜阿含經第六卷 第三十二張 松

雜阿含經卷第七

松

宋天生三歲求那跋陀羅譯

如是我聞一時佛住舍衛國祇樹給
孤獨園尔時世尊告諸比丘何所有
故何听起何所繫何所著何所見我
若未起憂悲惱苦令起已起憂悲惱
苦重令增廣諸比丘白佛言世尊是
法根法眼法依唯願廣說諸比丘聞
已當受奉行

佛告諸比丘色有故色起色繫著故
於色見我未起憂悲惱苦令起已起
憂悲惱苦重令增廣受想行識亦復
如是諸比丘於意去何色為常耶為
非常耶答曰無常世尊復問若元常
者是苦耶答曰是苦世尊如是比丘
若無常者是苦是苦有故是事起繫
著見我若未起憂悲惱苦令起已起
憂悲惱苦重令增廣受想行識亦復
如是是故諸比丘諸所有色若過去
若未來若現在若內若外若麤若細
若好若醜若遠若近彼一切非我非
異我不相在是名正慧受想行識亦

復如是若復見聞覺識起來憶隨覺
隨觀彼一切非我非異我不相在是
名正慧若見有我有世間有此世有
他世常恒不變易彼一切非我非異
我不相在是名正慧若復有見非此
世我非此世我所非當來我非當來
我所彼一切非我不異我不相在是
名正慧若多聞聖弟子於此六見處
觀察非我非我所如是觀者於佛狐
疑斷於法僧狐疑斷是名比丘多聞
聖弟子不復堪任作身口意業趣三
惡道正使放逸聖弟子決定向三菩
提七有天人往來作苦邊佛說此經
已諸比丘聞佛所說歡喜奉行
次經亦如是差別者苦集滅道狐疑斷
次經亦如是差別者佛法僧苦集滅
道狐疑斷

如是我聞一時佛住舍衛國祇樹給
孤獨園尔時世尊告諸比丘何所有
故何所起何所繫著何所見我未起
我我所我慢繫著使起已起我我所
我慢繫著使重今增廣諸比丘白佛
世尊是法根法眼法依如是廣說乃

至佛說此經已諸比丘聞佛所說歡
喜奉行

第二第三經亦復如上

如是我聞一時佛住舍衛國祇樹給孤
獨園尔時世尊告諸比丘何所有故
何所起何所繫著何所見我若未起
有漏障身燒然憂悲惱苦生已起有
漏障身燒然憂悲惱苦重令增廣諸
比丘白佛世尊是法根法眼法依如
是廣說次第如上三經

如是我聞一時佛住舍衛國祇樹給
孤獨園尔時世尊告諸比丘何所有
故何所起何所繫著何所見我若三
受形世間轉諸比丘白佛言世尊是
法根法眼法依如是廣說次第如上
三經

如是我聞一時佛住舍衛國祇樹給
孤獨園尔時世尊告諸比丘何所有
故何所起何所繫著何所見我令三
苦世間轉諸比丘白佛世尊是法根
法眼法依如是廣說次第如上三經
如是我聞一時佛住舍衛國祇樹給
孤獨園尔時世尊告諸比丘何所有

故何所起何所繫著何所見我令世
八法世間轉諸比丘白佛言世尊是
法根法眼法依如是廣說次第如上
三經

如是我聞一時佛住舍衛國祇樹給
孤獨園尔時世尊告諸比丘何所有
故何所起何所繫著何所見我令諸
衆生作如是見如是說我勝我等我
卑諸比丘白佛言世尊是法根法眼
法依如是廣說次第如上三經

如是我聞一時佛住舍衛國祇樹給
孤獨園尔時世尊告諸比丘何所有
故何所起何所繫著何所見我令諸
衆生作如是見如是說有勝我者有
等我者有卑我者諸比丘白佛言世
尊是法根法眼法依如是廣說次第
如上三經

如是我聞一時佛住舍衛國祇樹給
孤獨園尔時世尊告諸比丘何所有
故何所起何所繫著何所見我令諸
衆生作如是見如是說無勝我者無
等我者無卑我者諸比丘白佛言世
尊是法根法眼法依如是廣說次第

如上三經

如是我聞一時佛住舍衛國祇樹給
孤獨園今時世尊告諸比丘何所有
故何所起何所繫著何所見我令諸
衆生作如是見如是說有我有此世
有他世常恒不變易法如令安住諸
比丘白佛世尊是法根法眼法依如
是廣說次第如上三經

如是我聞一時佛住舍衛國祇樹給
孤獨園今時世尊告諸比丘何所有
故何所起何所繫著何所見我令諸
衆生作如是見如是說如是我彼一
切不二不異不減諸比丘白佛世尊
是法根法眼法依如是廣說次第如
上三經

如是我聞一時佛住舍衛國祇樹給
孤獨園今時世尊告諸比丘何所有
故何所起何所繫著何所見我令諸
衆生作如是見如是說无施無會无
說無善趣惡趣業報無此世他世無
母无父無衆生无世間阿羅漢正
到正趣若此世他世見法自知身作
證具足住我生已盡梵行已立所作

已作自知不受後有諸比丘白佛世尊是法根法眼法依如是廣說次第如上三經

如是我問一時佛住舍衛國祇樹給孤獨園今時世尊告諸比丘何所有故何所起何所繫著何所見我令諸衆生作如是見如是說無力无精進无力精進無士夫方便无士夫精勤無上夫方便精勤无自作無他作无自他作一切人一切衆生一切神無方便無力无勢無精進无堪能定分相續轉變受苦樂六趣諸比丘白佛言世尊是法根法眼法依如是廣說次第如上三經

如是我問一時佛住舍衛國祇樹給孤獨園今時世尊告諸比丘何所有故何所起何所繫著何所見我令諸衆生作如是見如是說諸衆生此世活死後斷壞無所有四大和合士夫身命終時地歸地水歸水火歸火風歸風根隨空轉舉床第五四人持死人徃塚間乃至未燒可知燒然已骨白鵲色立高慢者知施黠慧者知受若

說有者彼一切虛誑妄說若愚若智
死後他世俱斷壞無所有諸比丘白
佛世尊是法根法眼法依如是廣說
次第如上三經

如是我聞一時佛住舍衛國祇樹給
孤獨園今時世尊告諸比丘何所有
故何所起何所繫著何所見我今諸
衆生作如是見如是說衆生煩惱無
因無緣諸比丘白佛世尊是法根法
眼法依如是廣說次第如上三經

如是我聞一時佛住舍衛國祇樹給
孤獨園今時世尊告諸比丘何所有
故何所起何所繫著何所見我今諸
衆生作如是見如是說衆生清淨無
因無緣諸比丘白佛世尊是法根法
眼法依如是廣說次第如上三經

如是我聞一時佛住舍衛國祇樹給
孤獨園今時世尊告諸比丘何所有
故何所起何所繫著何所見我今諸
衆生作如是見如是說衆生无知無
見無因無緣時諸比丘白佛世尊是
法根法眼法依如是廣說次第如上
三經

如是我聞一時佛住舍衛國祇樹給
孤獨園。爾時世尊告諸比丘。何所有
故。何所起。何所繫著。何所見。我令諸
衆生作如是見。如是說時。諸比丘白
佛。世尊是法。根法。眼法。依如是廣說
次第如上三經。

如是我聞一時佛住舍衛國祇樹給
孤獨園。爾時世尊告諸比丘。何所有
故。何所起。何所繫著。何所見。我令諸
衆生作如是見。如是說。謂七身非作
非作。所作非化。非化所化。不煞不動
堅實。何等為七。所謂地身。水身。火身
風身。樂苦命。此七種身。非作非作。所
作非化。非化所化。不煞不動。堅實不
轉。不變。不相逼迫。若福若惡。若福惡
若苦若樂。若苦樂。若士。若士首。亦不
逼迫。世間若命。若身。七身。間。間。容。力
往返。亦不言命。於彼无煞。无煞者。无
繫。无繫者。無念。无念者。無教。无教者
諸比丘。白佛。世尊是法。根法。眼法。依
如是廣說。次第如上三經。

如是我聞一時佛住舍衛國祇樹給
孤獨園。爾時世尊告諸比丘。何所有

故何所起何所繫著何所見我令諸
衆生作如是見如是說作教作斷教
斷貴教者然教然害衆生盜他財行
邪婬知言妄語飲酒穿牆斷鑠偷棄
復道害村害城害人民以極利劍輪
鉏割斫截作大害衆作如是學彼非
惡因緣亦非招惡於恒水南然害而
去恒水北作大會而來彼非因緣福
惡亦非招福惡惠施調伏護持行利
同利於此所作亦非作福諸比丘白
佛世尊是法根法眼法依如是廣說
次第如上三經

如是我聞一時佛住舍衛國祇樹給
孤獨園今時世尊告諸比丘何所有
故何所起何所繫著何所見我令諸
衆生作如是見如是說於此十四百
千生門六十千六百五業三業二業
一業半業六十二道跡六十二內劫
百二十泥梨百三十根三十六貪界
四十九千龍家四十九千金翅鳥家
四十九千邪命外道四十九千外道
出家七想劫七無想劫七阿修羅七
毗舍遮七天人七一日海七夢七百

夢七嶮七百嶮七覺七百覺六生十
增進八大士地於此八万四千大劫
若愚若智往來經歷究竟苦邊彼無
有沙門婆羅門作如是說我常持戒
受諸苦行修諸梵行不熟業者令熟
已熟業者棄捨進退不可知此苦樂
常住生死定量譬如縷丸擲著空中
漸漸來下至地自住如是八万四千
大劫生死定量亦復如是諸比丘白
佛世尊是法根法眼法依如是廣說
次第如上三經

如是我問一時佛住舍衛國祇樹給
孤獨園尔時世尊告諸比丘何所有
故何所起何所繫著何所見我令諸
衆生作如是見如是說風不吹火不
燃水不流箭不射懷妊不產乳不構
日月若出若沒若明若闇不可知諸
比丘白佛世尊是法根法眼法依如
是廣說次第如上三經

如是我問一時佛住舍衛國祇樹給
孤獨園尔時世尊告諸比丘何所有
故何所起何所繫著何所見我令諸
衆生作如是見如是說此大梵自在

這作自然為衆生父諸比丘白佛言
世尊是法根法眼法依如是廣說次
第如上三經

如是我聞一時佛住舍衛國祇樹給
孤獨園今時世尊告諸比丘何所有
故何所起何所繫著何所見我令諸
衆生作如是見如是說色是我餘則
虛名無色是我餘則虛名色非色是
我餘則虛名非色非無色是我餘則
虛名我有邊餘則虛名我無邊餘
則虛名我有邊無邊餘則虛名我非
有邊非無邊餘則虛名一想種種想
多想無量想我一向樂一向苦若苦
樂不苦不樂餘則虛名諸比丘白佛
言世尊是法根法眼法依廣說次第
如上三經

如是我聞一時佛住舍衛國祇樹給
孤獨園今時世尊告諸比丘何所有
故何所起何所繫著何所見我令諸
衆生作如是見如是說色是我餘則
妄想非色非非色是我餘則妄想我
有邊餘則妄想我無邊餘則妄想我
非有邊非無邊餘則妄想我一想種

種想少想無量想我一向樂一向苦
若苦樂不苦不樂諸比丘白佛言世
尊是法根法眼法依如是廣說次第
如上三經

如是我聞一時佛住舍衛國祇樹給
孤獨園介時世尊告諸比丘何所有
故何所起何所繫著何所見我令諸
衆生作如是見如是說我世間常世
間無常世間常無常世間非常非無
常世有邊世無邊世有邊無邊世非有
邊非無邊命即是身命異身異如來
死後有如來死後無如來死後有無
如來死後非有非無諸比丘白佛世
尊是法根法眼法依如是廣說次第
如上三經

如是我聞一時佛住舍衛國祇樹給
孤獨園介時世尊告諸比丘何所有
故何所起何所繫著何所見我令諸
衆生作如是見如是說世間我常世
間我無常世間我常無常世間我非
常非無常我苦常我苦無常我苦常
無常我苦非常非無常世間我自作
世間我他作世間我自作他作世間

我非自作非他作非自非他無因作
世間我苦自作世間我苦他作世間
我苦自他作世間我苦非自非他無
因作諸比丘白佛世尊是法根法眼
法依如是廣說次第如上三經

如是我聞一時佛住舍衛國祇樹給
孤獨園今時世尊告諸比丘何所有
故何所起何所繫著何所見我今諸
衆生作如是見如是說若無五欲娛
樂是則見法般涅槃若離惡不善法
有覺有觀離生喜樂入初禪乃至第
四禪是第一義般涅槃諸比丘白佛
世尊是法根法眼法依如是廣說次
第如上三經

如是我聞一時佛住舍衛國祇樹給
孤獨園今時世尊告諸比丘何所有
故何所起何所繫著何所見我今諸
衆生作如是見如是說若離四大色
斷壞無所有是名我正斷若復我欲
界斷壞死後無所有是名我正斷若
復我色界死後斷壞無所有是名我
正斷若得空入處識入處無所有入
處非想非非想入處我死後斷壞無

所有是名我正斷諸比丘白佛世尊
是法根法眼法依如是廣說次第如
上三經

如是我聞一時佛住舍衛國祇樹給
孤獨園今時世尊告諸比丘若法無
常者當斷斷彼法已以義饒益長夜
安樂何法無常色無常受想行識無
常佛說此經已諸比丘聞佛所說歡
喜奉行

如是我聞一時佛住舍衛國祇樹給
孤獨園今時世尊告諸比丘若過去
無常法當斷斷彼法已以義饒益長
夜安樂云何過去無常法過去色是
無常法過去欲是無常法彼法當斷
斷彼法已以義饒益長夜安樂受想
行識亦復如是佛說此經已諸比丘
聞佛所說歡喜奉行

如是未來現在過去未來現在
過去未來過去未來現在

如是我聞一時佛住舍衛國祇樹給
孤獨園今時世尊告諸比丘為斷無
常法故當求大師云何是無常法謂
色是無常法為斷彼法當求大師受

想行識亦復如是佛說是經已諸比丘聞佛所說歡喜奉行

如是過去未來現在過去未來現在當求大師八種經如是種種教隨順安廣安周普安導廣導究竟導說廣說隨順說第二伴真知識同意愍悲崇義崇安慰樂崇觸崇安隱欲精進方便廣方便堪能方便堅固強健勇猛身心勇猛難伏攝受常學不放逸修思惟念覺知明慧辯思量梵行如意念處正懃根力覺道止觀念身正憶念一一八經亦如上說如斷義如是知義盡義吐義止義捨義亦如是如是我聞一時佛住舍衛國祇樹給孤獨園尔時世尊告諸比丘猶如有入火燒頭衣當云何救比丘白佛言世尊當起增上欲懃懃方便時救令滅佛告比丘頭衣燒然尚可暫忘無常盛火應盡除斷滅為斷無常火故勤求大師斷何等無常故勤求大師謂斷色無常故勤求大師斷受想行識無常故勤求大師佛說此經已諸比丘聞佛所說歡喜奉行

如斷無常如是過去無常未來無常
現在無常過去未來無常過去現在
無常未來現在無常過去未來現在
無常如是八種救頭然辟經如上廣
說如求大師如是求種種教隨順教
如上廣說如斷義如是知義盡義吐
義止義捨義滅義沒義亦復如是
如是我聞一時佛住舍衛國祇樹給
孤獨園今時世尊告諸比丘為斷無
常故當隨修內身身觀住何等法無
常謂色無常為斷彼故當隨修內身
身觀住如是受想行識無常為斷彼
故當隨修內身身觀住佛說此經已
諸比丘聞佛所說歡喜奉行
如無常如是過去色無常未來色現
在色過去未來色過去現在色未來
現在色過去未來現在色無常斷彼
故當隨修身身觀住受想行識亦復
如是如隨修內身身觀住八種如是
外身身觀內外身身觀內受受觀外
受受觀內外受受觀內心心觀外心
心觀內外心心觀內法法觀外法法
觀內外法法觀住一一八經亦如上

說如斷無常義修四念處如是知義
盡義吐義止義捨義滅義沒義故隨
修四念處亦如上說

如是我聞一時佛住舍衛國祇樹給
孤獨園介時世尊告諸比丘猶如有
人火燒頭衣當云何救比丘白佛言
世尊當起增上欲慙懃方便時救令
滅佛告比丘頭衣燒然尚可暫忘無
常盛火應盡斷為斷无常火故隨修
內身身觀住云何為斷無常火故隨
修內身身觀住謂色無常為斷彼故
隨修內身身觀住受想行識無常為
斷彼故隨修內身身觀住廣說乃至
佛說此經已諸比丘聞佛所說歡喜
奉行
如無常如是過去無常未來無常現
在無常過去未來無常過去現在無
常未來現在無常過去未來現在無
常如內身身觀住八經如是外身身
觀八經內外身身觀八經如上說如
身念處二十四經如是受念處心念
處法念處二十四經如上說如當斷
無常九十六經如是當知當吐當盡

當上當捨當滅當沒一一九十六經亦如上說

如是我聞一時佛住舍衛國祇樹給孤獨園尔時世尊告諸比丘猶如有人火燒頭衣當云何救比丘白佛言世尊起增上欲慙慙方便時救令滅佛告比丘頭衣燒然尚可暫忘無常盛火應盡斷為斷無常火故已生惡不善法當斷起欲精勤攝心令增長斷何等無常法故已生惡不善法為斷故起欲方便攝心增進謂色無常故受想行識無常當斷故已生惡不善法令斷起欲方便攝心增進廣說乃至佛說此經已諸比丘聞佛所說歡喜奉行

如無常經如是過去無常未來無常現在無常過去未來無常過去現在無常未來現在無常過去未來現在無常八經亦如上說

如已生惡不善法當斷故如是未生惡不善法令不生未生善法令生已生善法令增廣故起欲方便攝心增進八經亦如上說如當斷無常三十

二經如是當知當吐當盡當止當捨
當滅當沒一一三十二經廣說如上

如是我聞一時佛住舍衛國祇樹給
孤獨園今時世尊告諸比丘猶如有
人火燒頭衣當云何救比丘白佛言
世尊當起增上欲懇懃方便時救令
滅佛告比丘頭衣燒燃尚可暫忘無
常盛火當盡斷為斷無常火故當修
欲定斷行成就如意足當斷何等法
無常謂當斷色無常當斷受想行識
無常故修欲定斷行成就如意足如
經廣說乃至佛說此經已諸比丘聞
佛所說歡喜奉行

如無常如是過去無常未來無常現
在無常過去未來無常過去現在無
常未來現在無常過去未來現在無
常八經亦如上說

如修欲定如是精進定意定思惟定
亦如是如當斷三十二經如是當知
當吐當盡當止當捨當滅當沒一一
三十二經亦如上說

如是我聞一時佛住舍衛國祇樹給
孤獨園今時世尊告諸比丘猶如有
人火燒頭衣當云何救比丘白佛言

世尊當起增上欲慙懃方便時救令滅佛告比丘頭衣燒然尚可暫忘無常盛火當盡斷為斷無常火故當修信根斷何等無常法謂當斷色無常當斷受想行識無常故修信根如是廣說乃至佛說此經已諸比丘聞佛所說歡喜奉行

如無常如是過去無常未來無常現在無常過去未來無常過去現在無常未來現在無常過去未來現在無常亦如上說

如信根八經如是修精進根念根定根慧根八經亦如上說

如當斷四十經如是當知當吐當盡當止當捨當滅當沒四十經亦如上說如是是我聞一時佛住舍衛國祇樹給孤獨園余時世尊告諸比丘猶如有人火燒頭衣當云何救比丘白佛言世尊當起增上欲慙懃方便時救令滅佛告比丘頭衣燒然尚可暫忘無常盛火當盡斷為斷無常火故當修信力斷何等無常故當修信力謂斷色無常故當修信力斷受想行識無

常故當修信力如是廣說乃至佛說
此經已諸比丘聞佛所說歡喜奉行
如無常如是過去無常未來無常現
在無常過去未來無常過去現在無
常未來現在無常過去未來現在無
常八經亦如上說

如信力如是精進力念力定力慧力
八經亦如上說如當斷四十經如是
當知當吐當盡當止當捨當滅當沒
二四十經亦如上說

如是我聞一時佛住舍衛國祇樹給
孤獨園尔時世尊告諸比丘猶如有
人火燒頭衣當云何救比丘白佛言
世尊當起增上欲慙懃方便時救令
滅佛告比丘頭衣燒然尚可暫忘無
常盛火當盡斷為斷無常火故修念
覺分斷何等法無常故修念覺分謂
斷色無常修念覺分當斷受想行識
無常修念覺分如是廣說乃至佛說
此經已諸比丘聞佛所說歡喜奉行
如無常如是過去無常未來無常現
在無常過去未來無常過去現在無
常未來現在無常過去未來現在無

常八經如上說

如念覺分八經如是擇法覺分精進覺分喜覺分除覺分捨覺分定覺分二八經亦如上說

如當斷五十六經如是當知當吐當盡當止當捨當滅當沒一一五十六經如上說

如是我聞一時佛住舍衛國祇樹給孤獨園尔時世尊告諸比丘猶如有人火燒頭衣當云何救比丘白佛言世尊當起增上欲慇懃方便時教令滅佛告比丘頭衣燒然尚可暫忘無常盛火當盡斷為斷無常火故當修正見斷何等無常法火故當修正見斷色無常故當修正見斷受想行識無常故當修正見如是廣說乃至佛說此經已諸比丘聞佛所說歡喜奉行如無常如是過去無常未來無常現在無常過去未來無常過去現在無常未來現在無常過去未來現在無常亦如上說如正見八經如是正志正語正業正命正方便正念正定一一八經亦如

上說

如當斷六十四經如是當知當吐當
盡當止當捨當滅當沒一一六十四
經亦如上說

如是我聞一時佛住舍衛國祇樹給
孤獨園尔時世尊告諸比丘猶如有
人火燒頭衣當云何救比丘白佛言
世尊當起增上欲懇懃方便時救令
滅佛告比丘頭衣燒然尚可暫忘無
常盛火當盡斷無餘為斷無常火故
當修苦習盡道斷何等無常法故當
修苦習盡道謂斷色無常故當修苦
習盡道斷受想行識無常故當修苦
習盡道如是廣說乃至佛說此經已
諸比丘聞佛所說歡喜奉行

如無常如是過去無常未來無常現
在無常過去未來無常過去現在無
常未來現在無常過去未來現在無
常亦如上說

如苦習盡道八經如是苦盡道樂非
盡道樂盡道一一八經亦如上說

如當斷三十二經如是當知當吐當
盡當止當捨當滅當沒一一三十二經

亦如上說

如是我聞一時佛住舍衛國祇樹給
孤獨園。爾時世尊告諸比丘。猶如有
人火燒頭衣。當云何救。比丘白。佛言。
世尊當起。增上欲。慙懃。方便時救。令
滅。佛告比丘。頭衣燒然。尚可暫忘。無
常盛火。當盡斷。無餘為斷。無常火故。
當修無貪法。句斷何等法。無常故。當
修無貪法。句斷。受想行識。無常故。修無貪
法。句如是。廣說。乃至佛說此經已。諸
比丘聞佛所說。歡喜奉行。

如無常如是過去無常未來無常現
在無常過去未來無常過去現在無
常未來現在無常過去未來現在無
常亦如上說

如當修無貪法。句八經如是。無恚無
癡。諸句正。句法。句二。一八經如上說。
如當斷二十四經如是。當知當吐當
盡當止當捨當滅當沒。二二十四
經亦如上說。

如是我聞一時佛住舍衛國祇樹給
孤獨園。爾時世尊告諸比丘。猶如有

人火燒頭衣當云何救比丘白佛言
世尊當起增上欲慙懃方便時救令
滅佛告比丘頭衣燒然尚可暫忘無
常盛火當盡斷為斷無常火故當修
止斷何等法無常故當修止謂斷色
無常故當修止斷受想行識無常故
當修止如是廣說乃至佛說此經已
諸比丘聞佛所說歡喜奉行
如無常如是過去無常未來無常現
在無常過去未來無常過去現在無
常未來現在無常過去未來現在無
常亦如上說
如修止八經如是修觀八經亦如上說
如當斷十六經如是當知當吐當盡
當止當捨當滅當沒一一十六經亦
如上說

諸所有色若過去若未來若現在若
內若外若麤若細若好若醜若遠若
近彼一切非我非異我不相在如實
知受想行識亦如是多聞聖弟子如
是正觀者於色生厭受想行識生厭
厭已不著不樂故解脫解脫知見我
生已盡梵行已立所作已作自知不

受後有佛說此經已諸比丘聞佛所
說歡喜奉行

如無常如是動搖旋轉瓦瘠破壞飄
疾朽敗危頻不恒不安變易惱苦災
患魔邪魔勢魔器如沫如泡如芭蕉
如幻微劣貪嗜煞操刁劍疾妬相殘
損減衰耗繫縛撻打惡瘡癰疽利刺
煩惱譴罰陰益過患憂愁感惡知識
苦空非我非我所怨家連鎖非義非
安慰熱惱無蔭無洲無覆無依無護
生法老法病法死法憂悲法惱苦法
無力法羸劣法不可欲法誘引法將
養法有苦法有煞法有惱法有熱法
有相法有吹法有取法深險法難溢
法不正法兇暴法有貪法有恚法有
癡法不住法燒然法罣闕法災法集
法滅法骨聚法肉段法執事法火坑
法如毒蛇如夢債借如樹果如屠牛
身如毒華如毒果煩惱動如是比丘乃
至斷過去未來現在無常乃至滅沒
當修止觀斷何等法過去未來現在

無常乃至滅沒修止觀謂斷色過去
未來現在無常乃至滅沒故修止觀
受想行識亦復如是是故諸所有色
若過去若未來若現在若內若外若
麤若細若好若醜若遠若近彼一切
非我非異我不相在如實知受想行
識亦復如是多聞聖弟子如是觀者
於色生厭於受想行識生厭厭故不
樂不樂故解脫解脫知見我生已盡
梵行已立所作已作自知不受後有
佛說此經已諸比丘聞佛所說歡喜
奉行

如是我聞一時佛住舍衛國祇樹給
孤獨園今時世尊告諸比丘以成就
一法故不復堪任知色無常知受想
行識無常何等為一法成就謂貪欲
一法成就不堪能知色無常知受想
行識無常何等一法成就謂無貪欲
成就無貪欲法者堪能知色無常堪
能知受想行識無常佛說此經已諸
比丘聞佛所說歡喜奉行

如成就不成就如是知不知親不親
明不明識不識察不察量不量覆不

覆種不種掩不掩映翳不翳亦如是如是知如是識解受求辯獨證亦復如是如貪如是恚癡瞋恨些執嫉慳幻諂無慙無愧慢慢慢慢增慢慢我慢慢增上慢慢卑慢慢放逸矜高曲為相規利誘利惡欲多欲常欲不敬惡口惡知識不忍貪嗜不貪惡貪身見邊見邪見見取戒取欲愛瞋恚睡眠掉悔疑憎悴踰躔最負懶乱想不正憶身濁不直不軟不異欲覺恚覺言覺親覺國土覺輕易覺愛他家覺愁憂惱苦於此等一法乃至映翳不堪任滅色作證何等為一法所謂惱苦以惱苦映翳故不堪任於色滅盡作證不堪任於受想行識滅盡作證堪任於受想行識不映翳故堪任於色滅盡作證堪任於受想行識滅盡作證何等一法謂惱苦此一法不映翳故堪任於色滅盡作證堪任於受想行識滅盡作證佛說此經已諸比丘聞佛所說歡喜奉行

雜阿含經卷第七

乙巳歲高麗國大藏都監奉

勅雕造

雜阿含經卷第八

初

宋天竺三藏求那跋陀羅譯

如是我聞一時佛住舍衛國祇樹給
孤獨園今時世尊告諸比丘當正觀
察眼無常如是觀者是名正見正觀
故生厭生厭故離喜離貪離喜貪故
我說心正解脫如是耳鼻舌身意離
喜離貪離喜貪故比丘我說心正解脫
心正解脫者能自記說我生已盡梵
行已立所作已作自知不受後有佛
說此經已諸比丘聞佛所說歡喜奉行
如無常如是苦空非我亦是說

如是我聞一時佛住舍衛國祇樹給
孤獨園今時世尊告諸比丘於眼當
正思惟觀察無常所以者何於眼正
思惟觀察無常故於眼欲貪斷欲貪
斷故我說心正解脫耳鼻舌身意正
思惟觀察故欲貪斷欲貪斷者我說
心正解脫如是比丘心正解脫者能自
記說我生已盡梵行已立所作已作
自知不受後有佛說此經已諸比丘
聞佛所說歡喜奉行

如是我聞一時佛住舍衛國祇樹給
孤獨園今時世尊告諸比丘若於眼
不識不知不斷不離欲者不堪任正
盡苦可鼻舌身意亦復如是諸比丘
於眼若識若知若斷若離欲者堪任
正盡苦於耳鼻舌身意若識若知若
斷若離欲者堪任正盡苦佛說此經
已諸比丘聞佛所說歡喜奉行

如是我聞一時佛住舍衛國祇樹給
孤獨園今時世尊告諸比丘於眼若
不識不知不斷不離欲者不堪任越
生老病死苦可鼻舌身意不識不知
不斷不離欲者不堪任越生老病死
苦諸比丘於色若識若知若斷若離
欲者堪任越生老病死苦於耳鼻舌
身意若識若知若斷若離欲堪任越
生老病死苦佛說此經已諸比丘聞
佛所說歡喜奉行

如是我聞一時佛住舍衛國祇樹給
孤獨園今時世尊告諸比丘若於眼
不離欲心不解脫者不堪任正盡苦
於耳鼻舌身意不離欲心不解脫者
不堪任正盡苦諸比丘若於眼色離

欲心解脫者彼堪任正盡苦於耳鼻
舌身意離欲心解脫者堪任正盡苦
佛說此經已諸比丘聞佛所說歡喜
奉行

如是我聞一時佛住舍衛國祇樹給
孤獨園尔時世尊告諸比丘若於眼
色不離欲心不解脫者不堪任越生
老病死苦於耳鼻舌身意不離欲心
不解脫者不堪任越生老病死苦諸
比丘若於眼色離欲心解脫者堪任
越生老病死苦於耳鼻舌身意離欲
心解脫者堪任越生老病死苦佛說
此經已諸比丘聞佛所說歡喜奉行
如是我聞一時佛住舍衛國祇樹給
孤獨園尔時世尊告諸比丘若於眼
生喜者則於苦生喜若於苦生喜者
我說彼不解脫於苦於耳鼻舌身意
生喜者則於苦生喜於苦生喜者我
說彼不解脫於苦諸比丘若於眼不
生喜者則於苦不生喜於苦不生喜
者我說彼解脫於苦於耳鼻舌身意
不生喜者則於苦不生喜於苦不生
喜者我說彼解脫於苦佛說此經已

諸比丘聞佛所說歡喜奉行

如是我聞一時佛住舍衛國祇樹給
孤獨園尔時世尊告諸比丘一切無
常云何一切無常謂眼無常若色眼
識眼觸若眼觸因緣生受苦覺樂覺
不苦不樂覺彼亦無常耳鼻舌身意
亦復如是多聞聖弟子如是觀者於
眼生厭若色眼識眼觸眼觸因緣生
受苦覺樂覺不苦不樂覺於彼生厭
耳鼻舌身意聲香味觸法意識意觸
意觸因緣生受苦覺樂覺不苦不樂
覺彼亦生厭故不樂不樂故解脫
解脫知見我生已盡梵行已立所作
已作自知不受後有佛說此經已諸
比丘聞佛所說歡喜奉行

如無常經如是苦空無我亦是說
如是我聞一時佛住舍衛國祇樹給
孤獨園尔時世尊告諸比丘一切無
常云何一切謂眼無常若色眼識眼
觸眼觸因緣生受苦若苦若樂不苦不
樂彼亦無常如是耳鼻舌身意識若
法意識意觸意觸因緣生受苦若苦若
樂不苦不樂彼亦無常多聞聖弟子

如是觀者於眼解脫若色眼識眼觸
眼觸因緣生受若苦若樂不苦不樂
彼亦解脫如是耳鼻舌身意法意識
意觸意觸因緣生受若苦若樂不苦
不樂彼亦解脫我說彼生老病死憂
悲惱苦佛說此經已諸比丘聞佛所
說歡喜奉行

如說一切無常如是一切苦一切空
一切非我一切虛棄法一切破壞法
一切生法一切老法一切病法一切
死法一切愁憂法一切煩惱法一切
集法一切滅法一切知法一切識法
一切斷法一切覺法一切作證一切
魔一切魔勢一切魔器一切然一切
熾然一切燒皆如上三經廣說

如是我聞一時佛住伽閼尸利沙支
提與千比丘俱皆是舊紫綵婆羅門
亦時世尊為千比丘作三種示現教
化云何為三神足變化示現他心示
現教誡示現神足示現青世尊隨
其所應而示現入禪定正受陵虛至
東方作四威儀行住坐卧入火三昧
出種種火光青黃赤白紅頗梨色水

火俱現或身下出火身上出水身上出火身下出水周圍四方亦復如是
今時世尊作種種神變已於衆中坐
是名神足示現他心示現者如彼心
如彼意如彼識彼應作如是念不應
作如是念彼應作如是捨彼應作如
是身證住是名他心示現教誡示現
者如世尊說諸比丘一切燒然云何
一切燒然謂眼燒然若色眼識眼觸
眼觸因緣生受若苦若樂不苦不樂
彼亦燒然如是耳鼻舌身意燒然若
法意識意觸意觸因緣生受若苦若
樂不苦不樂彼亦燒然以何燒然貪
火燒然恚火燒然癡火燒然生老病
死憂悲惱苦火燒然今時千比丘聞
佛所說不起諸漏心得解脫佛說此
經已諸比丘聞佛所說歡喜奉行
如是我聞一時佛住王舍城耆闍崛
山今時尊者羅睺羅往詣佛所稽首
佛足退住一面白佛言世尊云何知
云何見我內識身及外一切相今我
我所我慢使繫著不生今時世尊告
羅睺羅善哉羅睺羅能問如來甚深

之義佛告羅睺羅眼若過去若未來
若現在若內若外若塵若細若好若
醜若遠若近彼一切非我非異我不
相在如實知耳鼻舌身意亦復如是
羅睺羅作如是知如是見我此識身
及外一切相令我我所我慢使繫著
不生羅睺羅如是我我所我慢使繫
著不生者羅睺羅是名斷愛渴見正
無間等究竟苦邊佛說此經已尊者
羅睺羅聞佛所說歡喜奉行

如內入處如是外入處色聲香味觸
法眼識耳鼻舌身意識眼觸耳鼻舌
身意觸眼觸生受耳鼻舌身意觸生
受眼觸生想耳鼻舌身意觸生想眼
觸生思耳鼻舌身意觸生思眼觸生
愛耳鼻舌身意觸生愛亦如上說
如是我聞一時佛住王舍城迦蘭陀
竹園今時世尊告羅睺羅云何知云
何見於此識身及外一切相無有我
我所我慢使繫著羅睺羅白佛言世
尊是法根法眼法依善哉世尊當為
諸比丘廣說此義諸比丘聞已當受
奉行佛告羅睺羅善哉諦聽當為汝

說諸所有眼若過去若未來若現在
若內若外若處若細若好若醜若遠
若近彼一切非我非異我不相在如
實正觀羅睺羅耳鼻舌身意亦復
如是羅睺羅如是知如是見我此識
身及外一切相我我所我慢使繫著
不生羅睺羅如是比丘越於二離諸
相寂滅解脫羅睺羅如是比丘斷諸
愛欲轉去諸結究竟苦邊佛說此經
已畢睺羅聞佛所說歡喜奉行
如內入如是外入乃至意觸因緣生
受亦如是廣說

如是我聞一時佛住舍衛國祇樹給
孤獨園尔時尊者羅睺羅往詣佛所
稽首佛足退坐一面白佛言善哉世
尊為我說法我聞法已獨一靜處專
精思惟不放逸住獨一靜處專精思
惟不放逸住已如是思惟所以族姓
子剎除翳翳正信非家出家學道修
持梵行見法自知作證我生已盡梵
行已立所作已作自知不受後有尔
時世尊觀察羅睺羅心解脫慧未熟
未堪任受增上法問羅睺羅言汝以

授人五受陰未羅睺羅白佛未也世
尊佛告羅睺羅汝當為人演說五受
陰今時羅睺羅受佛教已於異時為
人演說五受陰說已還詣佛所稽首
佛足退住一面白佛言世尊我口為
人說五受陰唯願世尊為我說法我
聞法已獨一靜處專精思惟不放逸
住乃至自知不受後有今時世尊復
觀察羅睺羅心解脫智未熟不堪任
受增上法問羅睺羅言汝為人說六
入處未羅睺羅白佛未也世尊佛告
羅睺羅汝當為人演說六入處今時
羅睺羅於異時為人演說六入處說
六入處已來詣佛所稽首礼足退住
一面白佛言世尊我已為人演說六
入處唯願世尊為我說法我聞法已
當獨一靜處專精思惟不放逸住乃
至自知不受後有今時世尊觀察羅
睺羅心解脫智未熟不堪任受增上
法問羅睺羅言汝已為人說尼陀那
法未羅睺羅白佛言未也世尊佛告
羅睺羅汝當為人演說尼陀那法今
時羅睺羅於異時為人廣說尼陀那

法已來詣佛所稽首礼足退住一面
白佛言世尊為我說法我聞法已獨
一靜處專精思惟不放逸住乃至自
知不受後有今時世尊復觀察羅睺
羅心解脫智未熟廣說乃至告羅睺
羅言汝當於上所說諸法獨於一靜
處專精思惟觀察其義今時羅睺羅
受佛教勅如上所聞法所說法思惟
稱量觀察其義作是念此諸法一切
皆順趣涅槃流注涅槃後住涅槃今
時羅睺羅往詣佛所稽首礼足退住
一面白佛言世尊我已於如上所聞
法所說法獨一靜處思惟稱量觀察
其義知此諸法皆順趣涅槃流注涅
槃後住涅槃今時世尊觀察羅睺羅
心解脫智熟堪任受增上法告羅睺
羅言羅睺羅一切無常何等法無常
謂眼無常若色眼識眼觸如上無常
廣說今時羅睺羅聞佛所說歡喜隨
喜礼佛而退

今時羅睺羅受佛教已獨一靜處專
精思惟不放逸住所以族姓子剝除
頭髮著袈裟衣正信非家出家學道

純修梵行乃至見法自知作證我生已盡梵行已立所作已作自知不受後有成阿羅漢心善解脫佛說此經已羅睺羅聞佛所說歡喜奉行

如是我聞一時佛住舍衛國祇樹給孤獨園時有異比丘來詣佛所稽首佛足退住一面白佛言世尊云何知云何見次第疾得漏盡尔時世尊告彼比丘當正觀無常何等法無常謂眼無常若色眼識眼觸眼觸因緣生受若苦若樂不苦不樂當觀無常耳鼻舌身意當觀無常若法意識意觸意觸因緣生受若苦若樂不苦不樂彼亦無常比丘如是知如是見次第盡有漏時彼比丘聞佛所說歡喜作禮而去如是比丘所說經若耆別者云何知云何見次第盡一切結斷一切縛斷一切使斷一切上煩惱斷一切結斷諸流斷諸軛斷諸取斷諸觸斷諸蓋斷諸纏斷諸垢斷諸受斷諸意斷邪見生正見斷無明生明比丘如是觀眼無常乃至如是知如是見次第無明斷明生時彼比丘聞佛所說歡喜

歡喜已作禮而去

如是我聞一時佛住舍衛國祇樹給
孤獨園時有異比丘往詣佛所稽首
佛足白佛言世尊云何知云何見次
第我見斷無我見生佛告彼比丘於
眼正觀無常若色眼識眼觸眼觸因
緣生受若苦若樂不苦不樂彼亦正
觀無我如是乃至意觸因緣生受若
苦若樂不苦不樂彼亦正觀無我以
丘如是知如是見次第我見斷無我
見生時彼比丘聞佛所說歡喜歡喜
已作禮而去

如是我聞一時佛住毗舍離耆婆拘
摩羅藥師菴羅園尔時世尊告諸比
丘若有比丘能斷一法者則得正智
能自記說我生已盡梵行已立所作
已作自知不受後有諸比丘白佛言
世尊是法根法眼法依唯願演說諸
比丘聞已當受奉行佛告諸比丘諦
聽善思當為汝說諸比丘云何一法
斷故乃至不受後有所謂無明離欲
明生得正智能自記說我生已盡梵
行已立所作已作自知不受後有時

有異比丘從坐起整衣服偏袒右肩
為佛作禮右膝著地合掌白佛言世
尊云何知云何見無明離欲明生佛
告比丘當正觀察眼無常若色眼識
眼觸眼觸因緣生受若苦若樂不苦
不樂彼亦正觀無常耳鼻舌身意亦
復如是比丘如是知如是見無明離
欲明生佛說此經已諸比丘聞佛所
說歡喜奉行

如是我聞一時佛住毗舍離耆婆拘
摩羅樂師巷羅園今時世尊告尊者
阿難於眼當如實知如實見若眼眼
色眼識眼觸眼觸因緣生受若苦若
樂不苦不樂彼亦如實知如實見耳
鼻舌身意亦復如是彼如實知如實
見已於眼生厭若色眼識眼觸眼觸
因緣生受若苦若樂不苦不樂彼亦
生厭耳鼻舌身意亦復如是厭已不
樂不樂已解脫解脫知見我生已盡
梵行已立所作已作自知不受後有
佛說此經已諸比丘聞佛所說歡喜
奉行

如是我聞一時佛住毗舍離耆婆拘

摩羅樂師菴羅園今時世尊說一切
優陀那偈已告尊者阿難眼無常苦
變易異分法若色眼識眼觸眼觸因
緣生受若苦若樂不苦不樂彼亦無
常苦變易異分法耳鼻舌身意亦
復如是多聞聖弟子如是觀者於眼
得解脫若色眼識眼觸眼觸因緣生
受彼亦解脫耳鼻舌身意法意識意
觸意觸因緣生受若苦若樂不苦不
樂彼解脫我說彼解脫生老病死憂
悲惱苦佛說此經已尊者阿難聞佛
所說歡喜奉行

如是我聞一時佛住毗舍離城耆婆
拘座羅樂師菴羅園今時世尊告諸
比丘當勤方便禪思內寂其心所以
者何比丘方便禪思內寂其心如是
如實知顯現於何如實知顯現於眼
如實知顯現若色眼識眼觸眼觸因
緣生受若苦若樂不苦不樂彼亦如
實知顯現耳鼻舌身意亦復如是此
諸法無常有為亦如是如實知顯現
佛說此經已諸比丘聞佛所說歡喜
奉行

如是我聞一時佛住毗舍離耆婆拘
摩羅藥師菴羅園尔時世尊告諸比
丘當修無量三摩提精勤繫念所以
者何修無量三摩提精勤繫念已則
如實顯現於何如實顯現於眼如實
顯現如是廣說乃至此諸法無常有
為此如實顯現佛說此經已諸比丘
聞佛所說歡喜奉行

如是我聞一時佛住毗舍離耆婆拘
摩羅藥師菴羅園尔時世尊告諸比
丘過去未來眼無常况現在眼多聞
聖弟子如是觀者不願過去眼不欣
未來眼於現在眼歎不樂離欲向歎
耳鼻舌身意亦復如是佛說此經已
諸比丘聞佛所說歡喜奉行

如無常苦空無我亦如是說
如內入處四經如是外入處色聲香
味觸法四經內外入處四經亦是說
如是我聞一時佛住毗舍離耆婆拘
摩羅藥師菴羅園尔時世尊告諸比
丘有六觸入處云何為六眼觸入處
耳鼻舌身意觸入處沙門婆羅門於
此六觸入處集滅味患離不如實知

當知是沙門婆羅門去我法律遠如
虛空與地時有異比丘從坐起整衣
服為佛作礼合掌白佛言我具足如
實知此六觸入處集滅味患離佛告
比丘我今問汝汝隨問答我比丘汝
見眼觸入處是我異我相在不答言
不也世尊佛告比丘善哉善哉於此
眼觸入處非我非異我不相在如實
知見者不起諸漏心不染著心得解
脫是名初觸入處已斷已知斷其根
本如截多羅樹頭於未來法永不復
起所謂眼識及色汝見耳鼻舌身意
觸入處是我異我相在不答言不也
世尊佛告比丘善哉善哉於耳鼻舌
身意觸入處非我非異我不相在作
如是如實知見者不起諸漏心不染
著以得解脫是名比丘六觸入處已
斷已知斷其根本如截多羅樹頭於
未來世欲不復生謂意識法佛說此
經已諸比丘聞佛所說歡喜奉行
如是我聞一時佛住毗舍離耆婆拘
摩羅樂師菴羅園尔時世尊告諸比
丘莫樂莫苦所以者何有六觸入處

地獄衆生生彼地獄中者眼所見不
可愛色不見可愛色見不可念色不
見可念色見不善色不見善色以是
因緣故一向受憂苦耳聲鼻香舌味
身觸意識法見不可愛不見可愛見
不可念不見可念見不善法不見善
法以是因緣故長受憂苦諸比丘有
六觸入處其有衆生生彼處者眼見
可愛不見不可愛見可念色非不可
念色見善色非不善色以是因緣故
一向長受喜樂耳聲鼻香舌味身觸
意識所識法可愛非不可愛可念非不
可念見善非不善佛說此經已諸比
丘聞佛所說歡喜奉行

如是我聞一時佛住毗舍離耆婆拘
摩羅樂師菴羅園尔時世尊告諸比
丘我昔未成正覺時獨一靜處禪思
思惟自心多向何處觀察自心多逐
過去五欲功德少逐現在五欲功德
逐未來世轉復微少我觀多逐過去
五欲心已極生方便精勤自護不復
今隨過去五欲功德我以是精勤自
護故漸漸近阿耨多羅三藐三菩提

汝等諸比丘亦復多逐過去五欲功德現在未來亦復微少汝今亦當以心多逐過去五欲功德故增加自護亦當不久得盡諸漏無漏心解脫慧解脫現法自知作證我生已盡梵行已立所作已作自知不受後有所以者何眼見色因緣生內受若苦若樂不苦不樂耳鼻舌身意法因緣生內受若苦若樂不苦不樂是故比丘於彼入處當覺知若眼滅色想則離耳鼻舌身意滅法想則離佛說當覺六入處言已入室坐禪時有衆多比丘世尊去後作此論議世尊為我等略說法要不廣分別而入室坐禪世尊說言當覺六入處若彼眼滅色想則離耳鼻舌身意滅法想則離我等今日於世尊略說法中猶故不解今此界中誰有慧力能為我等於世尊略說法中廣為我等演說其義復作是念唯有尊者阿難常侍世尊常為大師之所讚歎聰慧梵行唯有尊者阿難堪能為我等於世尊略說法中演說其義我等今日皆共往詣尊者阿難所

問其要義如阿難所說悉當奉持尔
時衆多比丘往詣尊者阿難所共相
問評已於一面坐白尊者阿難言尊
者當知世尊為我等略說法要如上
所說具問阿難當為我等廣說其義
尊者阿難語諸比丘諦聽善思於世
尊略說法中當為汝等廣說其義世
尊略說者即是滅六入處有餘當說
故言眼處滅色想則離耳鼻舌身意
入處滅法想則離世尊略說此法已
入室坐禪我今已為汝等分別說義
尊者阿難說此義已諸比丘聞其所
說歡喜奉行

如是我聞一時佛住舍衛國祇樹給
孤獨園尔時世尊告諸比丘我不為
一切比丘說不放逸行亦非不為一切
比丘說不放逸行不向何等像類比
丘說不放逸行若比丘得阿羅漢盡
諸有漏離諸重擔逮得已利盡諸有
結心正解脫如是像類比丘我不為說
不放逸行所以者何彼諸比丘已作
不放逸故不復堪能作放逸事我今
見彼諸尊者得不放逸果是故不為彼

說不放逸行為何等像類比丘說不放逸行若諸比丘在學地者未得心意增上安隱向涅槃住如是像類比丘我為其說不放逸行所以者何以彼比丘習學諸根心樂隨順資生之具親近善友不久當得盡諸有漏無漏心解脫慧解脫現法自知作證我生已盡梵行已立所作已作自知不受後有所以者何彼眼識所可愛樂染著之色彼比丘見已不喜不讚歎不染不繫著住以不喜不讚歎不染不著住故身精勝進身心止息心安極住不忘常定一心無量法喜但遠得第一三昧正受終不退減隨於眼色於耳鼻舌身意識法亦復如是佛說此經已諸比丘聞佛所說歡喜奉行如是教聞一時佛住舍衛國祇樹給孫獨園尔時世尊告諸比丘當為汝等演說二法諦聽善思何等為二眼色為二耳聲鼻香舌味身觸意法為二是名一法若有沙門婆羅門作如是說是非二者沙門瞿曇所說二法此非為二彼自以意說二法者但有言

說聞已不知增其疑惑以非其境界
故所以者何緣眼色眼識生三事和
合緣觸觸生受若苦若樂不苦不樂
若於此受集受滅受味受患受離不
如實知者種貪欲身觸種瞋恚身觸
種戒取身觸種我見身觸亦種殖增
長諸惡不善法如是純大苦集皆從
集生如是耳鼻舌身意法緣生意識
三事和合觸廣說如上復次眼緣色
生眼識三事和合觸觸緣受若苦若
樂不苦不樂於此諸受集滅味患離
如是知如是知已不種貪欲身觸不
種瞋恚身觸不種戒取身觸不種我
見身觸不種諸惡不善法如是諸惡
不善法滅純大苦聚滅耳鼻舌身意
法亦復如是佛說此經已諸比丘聞
佛所說歡喜奉行

如是我聞一時佛住舍衛國祇樹給
孤獨園舍時世尊告諸比丘有二因
緣生識何等為二謂眼色耳聲鼻香
舌味身觸意法如是廣說乃至非其
境界故所以者何眼色因緣生眼識
彼無常有為心緣生色若眼識無常

有為心緣生此三法和合觸觸已受
受已思思已想此等諸法無常有為
心緣生所謂觸想思可鼻舌身意亦
復如是佛說此經已諸比丘聞佛所
說歡喜奉行

如是我聞一時佛住舍衛國祇樹給
孤獨園尔時尊者富留那比丘往詣
佛所稽首佛足退住一面白佛言世
尊說現法說滅熾然說不待時說正
向說即此見說緣自覺世尊云何為
現法乃至緣自覺佛告富留那善哉
富留那能作此問富留那諦聽善思
當為汝說富留那比丘眼見色已覺
知色覺知色貪我此內有眼識色貪
我此內有眼識色貪如實知富留那
若眼見色已覺知色覺知色貪我此
內有眼識色貪如實知者是名現見
法云何滅熾然云何不待時云何正
向云何即此見云何緣自覺富留那
比丘眼見色已覺知色不起色貪覺
我有內眼識色貪不起色貪覺如實
知若富留那比丘眼見色已覺知已
不起色貪覺如實知色不起色貪覺

如實知是名滅熾然不待時正向即此見緣自覺耳鼻舌身意亦復如是佛說此經已富留那比丘聞佛所說歡喜奉行

如是我問一時佛在舍衛國祇樹給孤獨園尔時世尊告諸比丘言大海者愚夫所說非聖所說此大小水耳云何聖所說海謂眼識色已愛念深著貪樂身口意業是名為海一切世間阿修羅衆乃至天人志於其中貪樂沉沒如狗肚藏如乱草蘊此世他世絞結纏鎖亦復如是耳識聲鼻識香舌識味身識觸此世他世絞結纏鎖亦復如是佛說此經已諸比丘聞佛所說歡喜奉行

如身口意業如是貪恚癡老病死亦如是說如五根三經六根三經亦是如是說

如是我問一時佛住舍衛國祇樹給孤獨園尔時世尊告諸比丘所謂海水耳眼是人大海彼色為濤波若能堪色濤波者得度眼大海竟於濤波

迴復諸水惡虫羅刹女鬼耳鼻舌身
意是人大海聲香味觸法為濤波若
堪忍彼法濤波得度於意海竟於濤
波迴復惡虫羅刹女鬼今時世尊以
偈頌曰
大海巨濤波 惡虫羅刹怖難度而能度
集離永無餘 能斷一切苦不復受餘有
永之般涅槃 不復還放逸

佛說此經已諸比丘聞佛所說歡喜
奉行

如是我聞一時佛住舍衛國祇樹給
孤獨園今時世尊告諸比丘我今當
為汝等說苦集道跡苦滅道跡諦聽
善思當為汝說云何苦集道跡緣眼
色生眼識三事和合觸緣觸受緣受
愛緣愛取緣取有緣有生緣生老病
死憂悲惱苦集如是耳鼻舌身意亦
復如是是名苦集道跡云何苦滅道
跡緣眼色生眼識三事和合觸觸滅
則受滅受滅則愛滅愛滅則取滅取
滅則有滅有滅則生滅生滅則老病
死憂悲惱苦滅如是純大苦聚滅耳
鼻舌身意亦如是說是名苦滅道跡

佛說此經已諸比丘聞佛所說歡喜奉行

如是我聞一時佛住舍衛國祇樹給
孤獨園尔時世尊告諸比丘我今當
說涅槃道跡云何為涅槃道跡謂觀
察眼無常若色眼識眼觸因緣生受
內覺若苦若樂不苦不樂彼亦無常
耳鼻舌身意亦復如是是名涅槃道
跡佛說此經已諸比丘聞佛所說歡
喜奉行

如是我聞一時佛住舍衛國祇樹給
孤獨園尔時世尊告諸比丘有似趣
涅槃道跡云何為似趣涅槃道跡觀
察眼非我若色眼識眼觸因緣生受
若內覺若苦若樂不苦不樂彼亦觀
察無常耳鼻舌身意亦復如是是名
似趣涅槃道跡佛說此經已諸比丘
聞佛所說歡喜奉行

如是我聞一時佛住舍衛國祇樹給
孤獨園尔時世尊告諸比丘有趣一
切取道跡云何為趣一切取道跡緣
眼色生眼識三事和合觸觸緣受受
緣愛愛緣取取所取故耳鼻舌身意

亦復如是取所取故是名趣一切取道跡云何斷一切取道跡緣眼色生眼識三事和合觸觸滅則受滅受滅則愛滅愛滅則取滅如是知耳鼻舌身意亦復如是佛說此經已諸比丘聞佛所說歡喜奉行

如是我聞一時佛住舍衛國祇樹給孤獨園今時世尊告諸比丘當知一切知法一切識法諦聽善思當為汝說云何一切知法一切識法諸比丘眼是知法識法若色眼識眼觸眼觸因緣生受內覺若苦若樂不苦不樂彼一切是知法識法耳鼻舌身意亦復如是佛說此經已諸比丘聞佛所說歡喜奉行

如是我聞一時佛住舍衛國祇樹給孤獨園今時世尊告諸比丘我不說一法不知不識而得究竟苦邊云何不說一法不知不識而得究竟苦邊謂不說於眼不知不識而得究竟苦邊邊若色眼識眼觸眼觸因緣生受內覺若苦若樂不苦不樂亦復不說不知不見而得究竟苦邊耳鼻舌身意

亦復如是佛說此經已諸比丘聞佛所說歡喜奉行

如是我聞一時佛住舍衛國祇樹給孤獨園今時世尊告諸比丘一切欲法應當斷云何一切欲法應當斷謂眼是一切欲法應當斷若色眼識眼觸眼觸因緣生受內覺若苦若樂不苦不樂彼一切欲法應當斷耳鼻舌身意亦復如是佛說此經已諸比丘聞佛所說歡喜奉行

如是我聞一時佛住舍衛國祇樹給孤獨園今時世尊告諸比丘我不說一法不知不斷而究竟苦邊云何不說一法不知不斷而究竟苦邊謂不說眼不知不斷而究竟苦邊若色眼識眼觸眼觸因緣生受內覺若苦若樂不苦不樂彼一切不說不知不斷而究竟苦邊耳鼻舌身意亦復如是佛說此經已諸比丘聞佛所說歡喜奉行

如是我聞一時佛住舍衛國祇樹給孤獨園今時世尊告諸比丘我今當說斷一切計諦聽善思當為汝說云

何不計謂不計我見色不計眼我所
不計相屬若色眼識眼觸眼觸因緣
生受內覺若苦若樂不苦不樂彼亦
不計樂我我所不計樂相樂不計耳
鼻舌身意亦復如是如是不計者於
諸世間常無所取無所取故無所著
無所著故自覺涅槃我生已盡梵行
已立所作已作自知不受後有佛說
此經已諸比丘聞佛所說歡喜奉行
如上所說眼等不計一切事不計
亦如是

如是我聞一時佛住舍衛國祇樹給
孫獨園尔時世尊告諸比丘計者是
病計者是癱計者是刺如來以不計
住故離病離癱離刺是故比丘欲求
不計住離病離癱離刺者彼比丘莫
計眼我我所莫計眼相屬莫計色眼
識眼觸眼觸因緣生受內覺若苦若
樂不苦不樂彼亦莫計是我我所相
在耳鼻舌身意亦復如是比丘如是
不計者則無所取無所取故無所著
無所著故自覺涅槃我生已盡梵行
已立所作已作自知不受後有佛說

此經已諸比丘聞佛所說歡喜奉行
如眼等所說餘一事亦如是

如是我聞一時佛住舍衛國祇樹給
孤獨園今時世尊告諸比丘我今當
說增長法滅法云何增長法謂緣眼
色生眼識三事和合觸觸緣受廣說
乃至純大苦聚集是名增長法耳鼻
舌身意亦復如是是名增長法云何
滅法緣眼色生眼識三事和合觸觸
滅則受滅廣說乃至純大苦聚滅耳
鼻舌身意亦復如是是名損減法佛
說此經已諸比丘聞佛所說歡喜奉行
如增長損減如是起法處變易法集
法滅法亦如上說

如是我聞一時佛住舍衛國祇樹給
孤獨園今時世尊告諸比丘我今當
說有漏無漏法云何有漏法謂眼色
眼識眼觸眼觸因緣生受內覺若苦
若樂不苦不樂耳鼻舌身意法意識
意觸意觸因緣生受內覺若苦若樂
不苦不樂世俗者是名有漏法云何
無漏法謂出世間意若法若意識意
觸意觸因緣生受內覺若苦若樂不

苦不樂出世間者是名無漏法佛說
此經已諸比丘聞佛所說歡喜奉行

雜阿含經卷第八

甲辰歲高麗國大藏都監奉

勅雕造

雜阿含經第八卷 第二十張 松

雜阿含經卷第九

松

宋天生三藏求那跋陀羅譯

如是我聞一時佛住舍衛國祇樹給
孤獨園時有比丘名三彌離提往詣
佛所稽首佛足退坐一面白佛言世
尊所謂世間者云何名世間佛告三
彌離提謂眼色眼識眼觸眼觸因緣
生受內覺若苦若樂不苦不樂耳鼻
舌身意法意識意觸意觸因緣生受
內覺若苦若樂不苦不樂是名世間
所以者何六入處集則觸集如是乃
至純大苦聚集三彌離提若無彼眼
無色無眼識無眼觸無眼觸因緣生
受內覺若苦若樂不苦不樂無耳鼻
舌身意法意識意觸意觸因緣生受
內覺若苦若樂若苦不苦不樂者則無
世間亦不施設世間所以者何六入
處滅則觸滅如是乃至純大苦聚滅
故佛說此經已諸比丘聞佛所說歡
喜奉行

如世間如是衆生如是魔亦如是說
如是我聞一時佛住舍衛國祇樹給

孤獨園時有比丘名三弥離提往詣
佛所稽首佛足退坐二面白佛言世
尊所謂世間者云何名世間佛告三
弥離提危脆敗壞是名世間云何危
脆敗壞三弥離提眼是危脆敗壞法
若色眼識眼觸眼觸因緣生受內覺
若苦若樂不苦不樂彼一切亦是危
脆敗壞耳鼻舌身意亦復如是是說
危脆敗壞法名為世間佛說此經已
三弥離提比丘聞佛所說歡喜奉行
如是我聞一時佛住舍衛國祇樹給
孤獨園今時世尊告諸比丘我今當

說世間世間集世間滅世間滅道跡諦
聽善思云何為世間謂六內入處云何
六眼內入處耳鼻舌身意內入處云
何世間集謂當來有愛喜貪俱彼彼
集著云何世間滅謂當來有愛喜貪
俱彼彼集著無餘斷已捨已吐已盡
離欲滅止沒云何世間滅道跡謂八
聖道正見正志正語正業正命正方
便正念正定佛說此經已諸比丘聞
佛所說歡喜奉行

如是我聞一時佛住舍衛國祇樹給
孤獨園舍時世尊告諸比丘我不說
有人行到世界邊者我亦不說不行
到世界邊而究竟苦邊者如是說已
入室坐禪時衆多比丘世尊去後即
共議言世尊向者略說法言我不說
有人行到世界邊者我亦不說不行到
世界邊而得究竟苦邊者如是說已
入室坐禪我等今於世尊略說法中
未解其義是中諸尊誰有堪能於世
尊略說法中廣為我等說其義者復
作是言唯有尊者阿難聰慧穩持而
常給侍世尊左右世尊讚歎多聞梵

行堪為我等於世尊略說法中廣說
其義今當往詣尊者阿難所請求令
說時衆多比丘往詣尊者阿難所共
相問評已於一面坐具以上事廣問阿
難令時阿難告諸比丘諦聽善思今
當為說若世間世間名世間覺世間
言辭世間語說此等皆入世間數諸
尊謂眼是世間世間名世間覺世間
言辭世間語說是等悉入世間數耳
鼻舌身意亦復如是多聞聖弟子於
六入處集滅味患離如實知是名聖
弟子到世界邊知世間世間所重度
世間令時尊者阿難復說偈言

非是遊步者能到世界邊不到世界邊
不能免衆苦是故牟尼尊名知世間者
能到世界邊諸梵行已立世界邊唯有
正智能諦了覺慧達世間故說度彼岸
如是諸尊向者世尊略說法已入室
坐禪我今為汝分別廣說尊者阿難
說是法已衆多比丘聞其所說歡喜
奉行

如是我聞一時佛住舍衛國祇樹給
孤獨園令時世尊告諸比丘有師有

近住弟子則苦獨住無師無近住弟子則樂獨住云何有師有近住弟子則苦獨住緣眼色生惡不善覺貪恚癡俱若彼比丘行此法者是名有師若於此邊住者是名近住弟子耳鼻舌身意亦復如是如有師有近住弟子常苦獨住云何無師無近住弟子常樂獨住緣眼色生惡不善覺貪恚癡俱彼比丘不行是名無師不依彼住是名無近住弟子是名無師無近住弟子常樂獨住若彼比丘無師無近住弟子者我說彼得梵行福所以者何無師无近住弟子比丘於我建立梵行能正盡苦究竟苦集佛說此經已諸比丘聞佛所說歡喜奉行如是我聞一時佛住舍衛國祇樹給孤獨園尔時尊者舍利弗晨朝著衣持鉢入舍衛城乞食乞食已還精舍舉衣鉢洗足已持尼師檀入林中晝日坐禪時舍利弗從禪覺詣世尊所稽首礼足退坐一面尔時佛告舍利弗汝從何來舍利弗答言世尊從林中晝日坐禪來佛告舍利弗今入何

等禪住舍利弗白佛言世尊我今於
林中入空三昧禪住佛告舍利弗善
哉善哉舍利弗汝今入上座禪住而
坐禪若諸比丘欲入上座禪者當如
是學若入城時若行乞食時若出城
時當作是思惟我今眼見色頭起欲
思愛愛念著不舍舍利弗比丘作如是
觀時若眼識於色有愛念染著者彼
比丘為斷惡不善故當勤欲方便堪
能繫念修學譬如有人火燒頭衣為
盡滅故當起增上方便勤教令滅彼
比丘亦復如是當起增上勤欲方便
繫念修學若比丘觀察時若於道路
若聚落中行乞食若出聚落於其中
間眼識於色無有愛念染著者彼比
丘願以此喜樂善根日夜精勤繫念
修習是名比丘於行住坐卧淨除乞
食是故此經名清淨乞食住佛說此
經已尊者舍利弗聞佛所說歡喜奉行
如是我聞一時佛住毗舍離獼猴池
側重閣講堂時有長者名郁瞿婁往
詣佛所稽首佛足退坐一面白佛言
世尊何故有一比丘見法般涅槃何

故比丘不得見法般涅槃佛告長者
若有比丘眼識於色愛念染著以愛
念染著故常依於識為彼縛故若彼
取故不得見法般涅槃耳鼻舌身意
識法亦復如是若比丘眼識於色不
愛樂染著不愛樂染著者不依於識
不觸不著不取故此諸比丘得見法
般涅槃耳鼻舌身意識法亦復如是
是故長者有比丘得見法般涅槃者
有不得見法般涅槃者如長者所問
經如是阿難所問經及佛自為諸比
丘所說經亦如上說

如是我聞一時佛住毗舍離祇桓池
側重閣講堂時有異比丘往詣佛所
稽首佛足退坐一面白佛言世尊何
因何緣眼識生何因何緣耳鼻舌身
意識生佛告比丘眼因緣色眼識生
所以者何若眼識生一切眼色因緣
故耳聲因緣鼻香因緣舌味因緣意
法因緣意識生所以者何諸所有意
識彼一切皆意法因緣生故是名比
丘眼識因緣生乃至意識因緣生時
彼比丘聞佛所說歡喜隨喜作禮而去

如是我聞一時佛住毗舍離狝猴池
側重閣講堂尔時世尊告諸比丘我
今當說結所繫法及結法云何結所
繫法眼色耳聲鼻香舌味身觸意法
是名結所繫法云何結法謂欲貪是
名結法佛說此經已諸比丘聞佛所
說歡喜奉行

如是我聞一時佛住毗舍離狝猴池
側重閣講堂尔時世尊告諸比丘我
今當說所取法及取法云何所取法
眼色耳聲鼻香舌味身觸意法是名
所取法云何取法謂欲貪是名取法
佛說此經已諸比丘聞佛所說歡喜
奉行

如是我聞一時佛住毗舍離狝猴池
側重閣講堂尔時世尊告諸比丘愚
癡無聞凡夫比丘寧以火燒熱銅等
以燒其目令其熾然不以眼識取於
色相取隨形好所以者何取於色相
取隨形好故墮愚趣中如沉鐵丸愚
癡無聞凡夫寧燒鐵錐以鑽其耳不
以耳識取其聲相取隨聲好所以者
何耳識取聲相取隨聲好者身壞命

終墮惡趣中如沉鐵丸愚癡無聞凡
夫寧以利刀斷截其鼻不以鼻識取
於香相取隨香好所以者何以取香
相取隨香好故身壞命終墮惡趣中
如沉鐵丸愚癡無聞凡夫寧以利刀
斷截其舌不以舌識取於味相取隨
味好所以者何以取味相隨味好故
身壞命終墮惡趣中如沉鐵丸愚癡
無聞凡夫寧以剛鐵利槍以刺其身
不以身識取於觸相及隨觸好所以
者何以取觸相及隨觸好故身壞命
終墮惡趣中如沉鐵丸諸比丘睡眠
者是愚癡活是癡命無利無福然
諸比丘寧當睡眠不於彼色而起覺
想若起覺想者必生纏縛諍訟能令
多衆起於非義不能饒益安樂天人
彼多聞聖弟子作如是學我今宣以
熾然鐵槍以貫其目不以眼識取於
色相墮三惡趣長夜受苦我從今日
當正思惟觀眼無常有為心緣生法
若色眼識眼觸眼觸因緣生受內覺
若苦若樂不苦不樂彼亦無常有為
心緣生法耳鼻舌身入處當如是學

字以錢捨貫其身體不以身識取於
觸相及隨觸好故墮三惡道我從今
日當正思惟觀身無常有為心緣生
法若觸身識身觸身觸因緣生受內
覺若苦若樂不苦不樂彼亦無常有
為心緣生法多聞聖弟子作如是學
睡眠者是愚癡活癡命無果無利無
福我當不眠亦不起覺想起想者生
於纏縛諍訟令多人非義饒益不得
安樂多聞聖弟子如是觀者於眼生
獸若色眼識眼觸眼觸因緣生受內
覺若苦若樂不苦不樂彼亦生獸獸
故不樂不樂故解脫解脫知見我生
已盡梵行已立所作已作自知不受
後有耳鼻舌身意亦復如是佛說此
經已諸比丘聞佛所說歡喜奉行
如是我聞一時佛住毗舍離狢猴池
側重閣講堂令時世尊告諸比丘若
眼不知不識不斷不離欲不堪能正
盡苦於眼若知若識若斷若離欲堪
能正盡苦佛說此經已諸比丘聞佛
所說歡喜奉行
如眼四經如是乃至意二十四經如

上說

如是我聞一時佛住毗舍離狝猴池側重閣講堂尔時世尊告諸比丘若諸比丘於眼味者當知是沙門婆羅門不得自在脫於魔手魔縛所縛入於魔繫耳鼻舌身意亦復如是若沙門婆羅門於眼不味者當知是沙門婆羅門不隨於魔脫於魔手不入魔繫佛說此經已諸比丘聞佛所說歡喜奉行

如味如是歡喜讚歎染著堅住愛樂憎嫉亦如是說

如內入處七經外入處七經亦是說如是我聞一時佛住毗舍離狝猴池側重閣講堂尔時世尊告諸比丘有六魔鈎去何為六眼味著色是則魔鈎耳味著聲是則魔鈎鼻味著香是則魔鈎舌味著味是則魔鈎身味著觸是則魔鈎意味著法是則魔鈎若沙門婆羅門眼味著色者當知是沙門婆羅門魔鈎鈎其咽於魔不得自在穢說淨說廣說如上

如是我聞一時佛住拘留搜調伏駁

牛聚落尔時世尊告諸比丘我今當
為汝等說法初語亦善中語亦善後
語亦善善義善味純一滿淨清白梵
行謂四品法經諦聽善思當為汝說
何等為四品法經有眼識色可愛可
念可樂可著比丘見已歡喜讚歎樂
著堅住有眼識色不可愛不可念不
可樂著苦猷比丘見已瞋恚嫌薄如
脫魔繫耳鼻舌身意亦復如是有眼
識色可愛可念可樂可著比丘見已
知喜不讚歎不樂著堅實有眼識色
不可愛念樂著比丘見已不瞋恚嫌
薄如是比丘不隨魔自在乃至解脫
魔繫耳鼻舌身意亦復如是是名比
丘四品法經

如是我聞一時佛住王舍城耆闍崛
山尔時世尊晨朝著衣持鉢入王舍
城乞食尔時天魔波旬作是念沙門
瞿曇晨朝著衣持鉢入王舍城乞食
我今當往亂其道意時魔波旬化作
御車象類執杖覓牛著弊衣蓬頭乱
髮手脚剥裂手執牛杖至世尊前問

言瞿曇見我牛不世尊作是念此是
惡魔欲來亂我即告魔言惡魔何處
有牛何用牛為魔作是念沙門瞿曇
知我是魔而白佛言瞿曇眼觸入處
是我所乘耳鼻舌身意觸入處是我
所乘復問瞿曇欲何所之佛告惡魔
沒有眼觸入處耳鼻舌身意觸入處
若彼無眼觸入處無耳鼻舌身意觸
入處汝所不到我往到彼今時天魔
波旬即說偈言

若常有我者彼悉是我所一切志屬我
瞿曇何所之

今時世尊說偈答言

若言有我者彼說我則非是故知波旬
即自墮負處

魔復說偈言

若說言知道安隱向涅槃汝自獨遊往
何煩教他為

世尊復說偈答言

若有離魔者問度彼岸道為彼平等說
真實永無餘時習不放逸永離魔自在
魔復說偈言

有石似段肉餓鳥來欲食彼作軟美想

欲以補飢虛竟不得其味折喙而騰虛
我今猶如烏瞿曇如石生不入愧而去
猶烏陵虛述內心懷愁毒即彼沒不現
如是我聞一時佛住王舍城耆闍崛
山今時世尊告諸比丘若沙門婆羅
門眼習近於色則隨魔所自在乃至
不得解脫魔繫耳鼻舌身意亦復如
是若沙門婆羅門眼不習近於色不
隨魔自在乃至得解脫魔繫耳鼻舌
身意亦復如是佛說此經已諸比丘
聞佛所說歡喜奉行

如習近如是繫著如是味如是隣聚
若使受持繫著我所求欲淳濃不捨
亦如上說

如是我聞一時佛住波吒利弗多羅
國鷄林園今時尊者阿難往詣尊者
大純陀所共相問評已於一面坐今
時尊者阿難語尊者純陀言欲有所
問寧有閑暇見答與不尊者純陀語
尊者阿難言隨仁所問知者當答尊
者阿難問尊者純陀如世尊如來應
等正覺所知所見說四大造色施設
顯露此四大色非我如來應等正覺

所知所見亦復說識非我耶尊者純
陀語尊者阿難言仁者寧為多聞我
徒遠來詣尊者所為問此法故今日
尊者唯願為說此義尊者阿難語純
陀言我今問尊者隨意見答尊者純
陀為有眼有色有眼識不答言有尊
者阿難復問為緣眼及色生眼識不
答言如是尊者阿難復問若眼及色
生眼識彼因彼緣為常為無常答言
無常尊者阿難又問彼因彼緣生眼
識彼因彼緣無常變易時彼識住耶
答曰不也尊者阿難尊者阿難復問
於意云何彼法若生若滅可知多聞
聖弟子於中寧見是我異我相在不
答曰不也尊者阿難可鼻舌身意法
於意云何有意有法有意識不答曰
有尊者阿難復問為緣意及法生意
識不答曰如是尊者阿難復問若意
緣法生意識彼因彼緣為常為無常
答曰無常尊者阿難復問若因若緣
生意識彼因彼緣無常變易時意識
住耶答曰不也尊者阿難復問於意
云何彼法若生若滅可知多聞聖弟

子寧於中見我異我相在不答言不
也尊者阿難尊者阿難語純陀言是
故尊者而如來應等正覺所知所見
說識亦無常譬如士夫持斧入山見
芭蕉樹謂堪材用斫根截斫葉葉剝
皮才其堅實剝至於盡都無堅處如
是多聞聖弟子正觀眼識耳鼻舌身
意識當正觀時都無可取無可取故
無所著無所著故自覺涅槃我生已
盡梵行已立所作已作自知不受後
有彼二正士說是法時展轉隨喜各
還其所

如是我聞一時佛住舍衛國祇樹給
孤獨園今時尊者阿難詣尊者舍利
弗所語尊者舍利弗欲有所問寧有
閑暇為解說不舍利弗言隨仁所問
知者當答尊者阿難問尊者舍利弗
六觸入處盡離欲滅息沒已更有餘
不尊者舍利弗語阿難言莫作此問
六觸入處盡離欲滅息沒已更有餘
不阿難又問尊者舍利弗六觸入處
盡離欲滅息沒已無有餘耶尊者舍
利弗答阿難言亦復不應作如是問

六觸入處盡離欲滅息沒已無有餘
耶阿難復問尊者舍利弗六觸入處
盡離欲滅息沒已無有餘非有餘
亦不應作如此問六觸入處盡離欲滅
息沒已有餘無餘非有餘非無餘耶
尊者阿難又問舍利弗如尊者所說
六觸入處盡離欲滅息沒已有亦不
應說無亦不應說有無亦不應說非
有非無亦不應說此語有何義尊者
舍利弗語尊者阿難六觸入處盡離
欲滅息沒已有餘耶此則虛言無餘
耶此則虛言有餘無餘耶此則虛言
非有餘非無餘耶此則虛言若言六
觸入處盡離欲滅息沒已離諸虛偽
得般涅槃此則佛說時二正士展轉
隨喜各還本處

如是我聞一時佛住王舍城迦蘭陀
竹園時尊者舍利弗尊者摩訶拘絺羅
羅俱在耆闍崛山尊者摩訶拘絺羅
晡時從禪覺詣尊者舍利弗所共相
問訊已退坐一面語舍利弗言欲有
所問寧有閑暇見答已不尊者舍利

弗語摩訶拘締羅隨仁所問知者當
答尊者摩訶拘締羅問尊者舍利弗
言云何尊者舍利弗眼繫色耶色繫
眼耶耳聲鼻香舌味身觸意法意繫
法耶法繫意耶尊者舍利弗答尊者
摩訶拘締羅言非眼繫色非色繫眼
乃至非意繫法非法繫意尊者摩訶
拘締羅於其中間若彼欲貪是其繫
也尊者摩訶拘締羅辟如二牛一黑
一白共一軛轡縛繫人問言為黑牛
繫白牛為白牛繫黑牛為等問不
答言不也尊者舍利弗非黑牛繫白
牛亦非白牛繫黑牛然於中間若軛
若繫轡者是彼繫縛如是尊者摩訶
拘締羅非眼繫色非色繫眼乃至非
意繫法非法繫意中間欲貪是其繫
也尊者摩訶拘締羅若眼繫色若色
繫眼乃至若意繫法若法繫意世尊
不教人建立梵行得盡苦邊以非眼
繫色非色繫眼乃至非意繫法非法
繫意故世尊教人建立梵行得盡苦
邊尊者摩訶拘締羅世尊眼見色若
好若惡不起欲貪其餘衆生眼若見

色若好若惡則起欲貪是故世尊說
當斷欲貪則心解脫乃至意法亦復
如是時二正士展轉隨喜各還本處
如是我聞一時佛住王舍城迦蘭陀
竹園尔時尊者舍利弗尊者摩訶拘
絺羅俱在耆闍崛山中尊者摩訶拘
絺羅晡時從禪覺詣尊者舍利弗所
共相問評已退坐一面語尊者舍利弗
欲有所問寧有閑暇見答已舍利弗
弗言隨仁所問知者當答尊者摩訶
拘絺羅問尊者舍利弗言謂無明者
云何為無明尊者舍利弗言所謂無
知無知者是為無明云何無知謂眼
無常不如實知是名無知眼生滅法
不如實知是名無知耳鼻舌身意亦
復如是如是尊者摩訶拘絺羅於此
六觸入處如實不知不見不無間等
愚闇無明大冥是名無明尊者摩訶
拘絺羅又問尊者舍利弗所謂明者
云何為明舍利弗言所謂為知知者
是明為何所知謂眼無常眼無常如
實知眼生滅法眼生滅法如實知耳
鼻舌身意亦復如是尊者摩訶拘絺

羅於此六觸入處如實知見明覺悟
慧無間等是名為明時二正士各聞
所說展轉隨喜各還其所

如是我聞一時佛住王舍城迦蘭陀
竹園時有比丘名優波先那住王舍
城寒林中塚間地頭巖下迦陵伽行
處時尊者優波先那獨一於內坐禪
時有惡毒蛇長尺許於上石間墮優
波先那身上優波先那喚舍利弗語
諸比丘毒蛇墮我身上我身中毒汝
等駛來扶持我身出置於外莫令於
內身壞碎如糠糲聚時尊者舍利弗
於近處住一樹下聞優波先那語即
詣優波先那所語優波先那言我今
觀汝色貌諸根不異於常而言中毒
持我身出莫令散壞如糠糲聚竟為
云何優波先那語舍利弗言若當有
言我眼是我我所耳鼻舌身意耳鼻
舌身意是我我所色聲香味觸法色
聲香味觸法是我我所地界地界是我
我所水火風空識界水火風空識界是
我我所色陰色陰是我我所受想行
識陰受想行識陰是我我所者面色

諸根應有變異我今不介眼非我我所乃至識陰非我我所是故面色諸根無有變異舍利弗言如是優波先那汝若長夜離我我所我慢繫著使斷其根本如截多羅樹頭於未來世永不復起云何面色諸根當有變異時舍利弗即周匝扶持優波先那身出於窟外優波先那身中毒碎壞如聚糠糴時舍利弗即說偈言

久殖諸梵行善修八聖道歡喜而捨壽
猶如棄毒鋒久殖諸梵行善修八聖道
歡喜而捨壽如人重病愈久殖諸梵行
善修八聖道如出火燒宅臨死無憂悔
久殖諸梵行善修八聖道以慧觀世間
猶如穢草木不復更求餘餘亦不相續
時尊者舍利弗供養優波先那尸已
往詣佛所稽首禮足退坐一面向佛
言世尊尊者優波先那有小惡毒蛇
如治眼等隨其身上其身即壞如聚
糠糴佛告舍利弗若優波先那誦此
偈者則不中毒身亦不壞如聚糠糴
舍利弗白佛言世尊誦何等偈何等
辭句佛即為舍利弗而說偈言

常慈念於彼堅固賴吒羅慈伊羅睺那
尸婆弗多羅欽婆羅上馬亦慈迦拘吒
及彼黑瞿曇難徒跋難陀慈悲於無足
及以二足者四足與多足亦慈起慈悲
慈悲於諸龍依於水陸者慈一切衆生
有量及無量安樂於一切亦離煩惱生
欲令一切賢一切莫生惡常住地頭巖
衆惡不來集凶害惡毒地能害衆生命
如此真諦言無上大師說我今誦習此
大師真實語一切諸惡毒無能害我身
貪欲瞋恚癡世間之三毒如此三毒惡
永除名佛寶法寶滅衆毒僧寶亦無餘
破壞凶惡毒攝受護善人佛破一切毒
汝地毒今破

故說是呪術章句所謂

鳩躡婆隸 躡婆隸 航陸 波羅航陸
捺諦 肅捺諦 枳跋諦 文部移
三摩移 檀諦 尼羅枳施 婆羅拘
閉鳩隸 鳩娛隸 志波呵

舍利弗優波先那善男子今時說此
偈說此章句者地毒不能中其身身
亦不壞如糠糲聚舍利弗白佛言世
尊優婆先那未曾聞此偈未曾聞此

咒術章句世尊今日說此正為當來
世耳尊者舍利弗聞佛所說歡喜作
禮而去

如是我聞一時尊者優陀夷往拘薩
羅國人間遊行至拘磐荼聚落到毗
紐迦旃延氏婆羅門尼菴羅園中住
時毗紐迦旃延氏婆羅門尼有諸年
少弟子遊行採樵至菴羅園中見
尊者優陀夷坐一樹下容貌端正諸
根寂靜心意安諦成就第一調伏見
已往詣其所共相問訊已退坐一面
時優陀夷為諸年少種種說法勸勵
已默然而住彼諸年少聞尊者優陀
夷所說歡喜隨喜從坐起去時諸年
少搭持束薪還至毗紐迦旃延氏婆
羅門尼所置薪束於地詣毗紐迦旃
延氏婆羅門尼所白言我和上尼當
知菴羅園中有沙門優陀夷姓瞿曇
氏依於彼住極善說法毗紐迦旃延
氏婆羅門尼語諸年少言汝可往請
沙門優陀夷瞿曇氏明日於此飯食
時諸年少弟子受毗紐迦旃延氏婆
羅門尼教已往詣尊者優陀夷所白

優陀夷言尊者當知我和上毗紐迦
旃延氏婆羅門尼請尊者優陀夷明
旦飯食時優陀夷默然受請時彼諸
年少知優陀夷受請已還歸和上毗
紐迦旃延氏婆羅門尼所自言和上
尼我以和上尼語請尊者優陀夷尊
者優陀夷默然受請和上尼自知時
余時尊者優陀夷夜過晨朝著衣持
鉢往詣毗紐迦旃延氏婆羅門尼舍
時毗紐迦旃延氏婆羅門尼遙見尊
者優陀夷來疾敷牀座請令就坐設
種種飲食自手供養豐美滿足食已
澤嗽洗鉢訖還就本座時毗紐迦旃
延氏婆羅門尼知食已訖著好草屣
以衣覆頭別施高牀現起輕相敬憐
而坐語優陀夷言欲有所問寧有閑
暇見答與不優陀夷答言姉妹今是
非時作此語已從坐起去如是明日
諸弟子復至耆婆羅園持糲聽法還
復白和上尼和上尼復遣詣請食如
前三返乃至請法答言非時不為說
法諸年少弟子復白和上尼耆婆羅園
中沙門優陀夷極善說法和上尼答

言我亦知彼極善說法再三請來設
食問法常言非時不說而去諸弟子
言和上尼著好草屣以衣覆頭不恭
敬坐彼云何說所以者何彼尊者優
陀夷以敬法故不說而去和上尼答
言若如是者更為我請彼諸弟子受
教更請供養如前時和上尼知食訖
已脫草屣整衣服更坐卑牀恭敬白
言欲有所問寧有閑暇見答與不優
陀夷答言汝今宜問當為汝說彼即問
言有沙門婆羅門說苦樂自作復有說
言苦樂他作復有說言苦樂自他作復
有說言苦樂非自非他作尊者復云
何尊者優陀夷答言姊妹阿羅訶說
苦樂異生非如是說婆羅門尼復問
其義云何優陀夷答言阿羅訶說從
其因緣生諸苦樂優陀夷復語婆羅
門尼言我今問汝隨意答我於意云
何有眼不答言有有色不答言有有
眼識眼觸眼觸因緣生受內覺若苦若
樂不苦不樂不答言如是尊者優陀
夷復施那復問有耳鼻舌身意意觸
因緣生受內覺若苦若樂不苦不樂
不答言如是尊者優陀夷復陀夷言

此是阿羅訶說從其因緣生於苦樂
婆羅門尼言尊者優陀夷如是阿羅
訶說從其因緣生苦樂耶優陀夷答
言如是婆羅門尼婆羅門尼後問沙
門云何阿羅訶說因緣生苦樂不苦
不樂滅優陀夷答言我今問汝隨意
答我婆羅門尼一切眼一切時滅無
餘猶有眼觸因緣生受內覺若苦若
樂不苦不樂耶答言無也沙門如是
耳鼻舌身意一切時滅永盡無餘猶
有意觸因緣生受內覺若苦若樂不
苦不樂耶答言無也沙門如是婆羅
門尼是為阿羅訶說因緣生苦樂不
苦不樂滅尊者優陀夷說是法時毗
紐迦旃延次婆羅門尼遠塵離垢得
法眼淨尔時毗紐迦旃延次婆羅門
尼見法得法知法入法度疑惑不由
於他入佛教法於法得無所畏從坐
起整衣服恭敬合掌白尊者優陀夷
我今日起入決定我從今日歸依佛
歸依法歸依僧我從今日盡壽歸依
三寶尔時優陀夷為婆羅門尼說法
示教照喜已從坐起去

如是我聞一時佛住王舍城迦蘭陀
竹園今時尊者二十億耳住者聞崛
山常精勤修習菩提分法時尊者二
十億耳獨靜禪思而作是念於世尊
弟子精勤聲聞中我在其數然我今
日未盡諸漏我是名族姓子多饒財
寶我今寧可還受五欲廣行施作福
今時世尊知二十億耳心之所念告
一比丘汝等今往二十億耳所告言
世尊呼汝是一比丘受佛教已往詣
二十億耳所語言世尊呼汝二十億
耳聞彼比丘稱大師命即詣世尊所
稽首禮足退住一面今時世尊告二
十億耳汝實獨靜禪思作是念世尊
精勤修學聲聞中我在其數而今未
得漏盡解脫我是名族姓子又多錢
財我寧可還俗受五欲樂廣施作福
耶時二十億耳作是念世尊已知我
心驚怖毛豎白佛言實尔世尊佛告
二十億耳我今問汝隨意答我二十
億耳汝在俗時善彈琴不答言如是
世尊復問於意云何汝彈琴時若急
其絃得作微妙和雅音不答言不也

世尊復問云何若緩其紋字發微妙
知華者不答言不也世尊復問云何
善調琴絃不緩不急然後發妙和雅
音不答言如是世尊佛告二十億耳
請進太急增其掉悔精進太緩令人
懈怠是故汝當平等修習攝受莫著
莫放逸莫取相時尊者二十億耳聞
佛所說歡喜隨喜作禮而去

時尊者二十億耳常念世尊說彈琴
譬獨靜禪思如上所說乃至漏盡心
得解脫成阿羅漢今時尊者二十億
耳得阿羅漢內覺解脫喜樂作是念
我今應住問評世尊今時尊者二十
億耳往詣佛所稽首禮足退坐一面
白佛言世尊於世尊法中得阿羅漢
盡諸有漏所作已作捨離重擔逮得
已利盡諸有結正智心解脫當於今
時解脫六塵云何為六離欲解脫離
志解脫遠離解脫愛盡解脫諸取解
脫心不忘念解脫世尊若有依少信
心而言辭欲解脫此非所應貪恚癡
這是名真言真離欲解脫若復有人依
少持戒而言我得離恚解脫此亦不

應貪恚癡盡是名真實解脫若復有
人依於修習利養遠離而言遠離解
脫是亦不應貪恚癡盡是真實遠離
解脫貪恚癡盡亦名離愛亦名離取
亦名離忘念解脫如是世尊若諸比
丘未得羅漢未盡諸漏於此六處不
得解脫若復比丘在於學地未得增
上樂涅槃習向心住今時成就學戒
成就學根後時當得漏盡無漏心解
脫乃至自知不受後有當於今時得
無學戒得無學諸根譬如嬰童愚小
仰臥今時成就童子諸根彼於後時
漸漸增長諸根成就當於今時成就
長者諸根在學地者亦復如是未得
增上安樂乃至成就無學戒無學諸
根若眼常識色終不能妨心解脫慧
解脫意堅住故內修無量善解脫觀
察生滅乃至無常耳識聲鼻識香舌
識味身識觸意識法不能妨心解脫
慧解脫意堅住故內修無量善解脫
觀察生滅譬如村邑近大石山不斷
不壞不穿一向厚密假使四方風吹
不能動搖不能穿過彼無學者亦復

如是眼常識色乃至意識法不能
妨心解脫慧解脫意堅住故內修無
量善解脫觀察生滅今時二十億耳
重說偈言

離欲心解脫無恚脫亦然遠離心解脫
貪愛永無餘諸取心解脫及意不思念
曉了八處生於彼心解脫彼心解脫者
比丘意止息諸所作已作更不作所作
猶如大石山四風不能動色聲香味觸
及法之好惡六入處常對不能動其心
心常住堅固諦觀法生滅

尊者二十億耳說是法時大師心悅
諸多聞梵行者聞尊者二十億耳所
說皆大歡喜今時尊者二十億耳聞
佛說法歡喜隨喜作禮而去

余時世尊知二十億耳去不久告諸
比丘善心解脫者應如是記說如二
十億耳以智記說亦不自舉亦不下
他正說其義非如增上慢者不得其
義而自稱歎得過人法自取損減
如是我聞一時尊者摩訶迦旃延住
阿若提國濕摩陁江側獼猴室阿練
若窟有曾醯遮婆羅門恭敬承事如

羅漢法尔時尊者摩訶迦旃延晨朝
著衣持鉢入獼猴室聚落次行乞食
乞食還舉衣鉢洗足已入室坐禪時
曾醢遮婆羅門有諸年少弟子遊行採
薪至尊者摩訶迦旃延窟邊共戲笑
言此中剃髮沙門住是黑闇人非世
勝人而曾醢遮婆羅門尊重供養如
羅漢法時尊者摩訶迦旃延語諸年
少言年少年少莫作聲諸年少言終不
敢復言如是哥三語猶不止於是尊者
摩訶迦旃延出戶外語諸年少言年
少年少汝等莫語我今當為汝等說
法汝等且聽諸年少言諾唯願說法
我當聽受尔時尊者摩訶迦旃延即
說偈言

古昔婆羅門修習勝妙戒得生宿命智
娛樂真諦禪常住於慈悲閑閑諸寂門
調伏於口過古昔行如是捨本真實行
而有虛偽事守族姓放逸從諸根六境
自餓居塚間三洛誦三典不守護根門
猶如夢得寶編髮衣反褐戒盜及全身
虛承以英形執杖持水瓶假形婆羅門
以求於利養善攝護其身澄淨離塵垢

不惱於衆生是道婆羅門

今時諸年少婆羅門瞋恚不喜語尊
者摩訶迦旃延謗我經典毀壞所說
罵辱婆羅門執持新束還嘗醯遞婆
羅門所語嘗醯遞婆羅門言和上知
不彼摩訶迦旃延誹謗經典毀呿言
說罵辱婆羅門嘗醯遞婆羅門語諸
年少諸年少莫作是語所以者何摩
訶迦旃延宿重戒德不應謗毀經典
毀呿言說罵辱婆羅門諸年少言和上
不信我言當自往看時嘗醯遞婆羅
門不信諸年少語往詣摩訶迦旃延
共相問訊慰勞已退坐一面語摩訶
迦旃延言我諸年少弟子來到此不
答言到此少多與共言語不答云與
共言語嘗醯遞婆羅門言汝與諸年
少共語今可爲我盡說是摩訶迦旃
延即爲廣說時嘗醯遞婆羅門亦復
瞋恚心得不喜語摩訶迦旃延我先
不信諸年少語今摩訶迦旃延真實
誹謗經典毀呿而說罵辱婆羅門作
此語已小默然住須臾復語摩訶迦
旃延仁者所說門何等爲門摩訶迦

辯近言善哉善哉婆羅門所問如法
我今當為汝說門婆羅門眼是門以
見色故耳鼻舌身意是門以識法故
婆羅門言奇哉摩訶迦旃延我問其
門即說其門如摩訶迦旃延所說不
守護門云何不守護門摩訶迦旃延
言善哉善哉婆羅門問不守護門是
如法問今當為汝說不守護門婆羅
門愚癡無聞凡夫眼見色已於可念
色而起緣著不可念色而起瞋恚不
住身念虜故於心解脫慧解脫無如
實知於彼起種種惡不善法不得無
餘滅盡於心解脫慧解脫妨礙不得
滿足心解脫慧解脫不滿故身滿惡
行不得休息心不寂靜以不寂靜故
於其根門則不調伏不守護不修習
如眼色耳聲鼻香舌味身觸意法亦
復如是善哉善哉婆羅門言奇哉
摩訶迦旃延我問不守護門即為我
說不守護門摩訶迦旃延云何復名
善守護門摩訶迦旃延語婆羅門言
善哉善哉汝能問我善守護門義諦
善哉善哉當為汝說守護門義多聞聖

弟子眼見色已於可念色不起緣者
不可念色不起瞋恚常攝其心住身
念處無量心解脫慧解脫如寶知於
彼所起惡不善法寂滅無餘於心解
脫慧解脫而得滿足解脫滿足已身
離惡行處得休息心得正念是名初
門善調伏守護修習如眼及色耳聲
鼻香舌味身觸意法亦復如是覺瞋
遮婆羅門言守戒應訶迦旃延我問
守護門義即為我說守護門義譬如
士夫求毒藥草反得甘露今我如是
瞋恚而來至此座坐而摩訶迦旃延以
大法雨雨我身中如雨甘露摩訶迦
旃延家中多事今請還家摩訶迦旃
延言婆羅門宜知是時時當聽遮婆
羅門闍摩訶迦旃延所說歡喜隨喜
徒坐起去

雜阿含經卷第九

乙巳歲高麗國大藏部監奉
勅刪造

宋天生三藏求那跋陀羅譯

如是我聞一時佛住王舍城迦蘭陀
竹園尔時尊者舍利弗尊者摩訶拘
絺羅在耆闍崛山時尊者拘絺羅晡
時從禪起詣尊者舍利弗所共相問
訊種種相娛樂已却坐一面時尊者
摩訶拘絺羅語舍利弗言欲有所問
寧有閑暇為我說不舍利弗言隨仁
所問知者當說摩訶拘絺羅問舍利
弗言所謂無明云何是無明誰有此
無明舍利弗答言無明者謂不知不
知者是无明何所不知謂色無常色
無常如實不知色空滅法色磨滅法
如實不知色生滅法色生滅法如實
不知受想行識受想行識無常如實
不知識磨滅法識磨滅法如實不知
識生滅法識生滅法如實不知摩訶
拘絺羅於此五受陰如實不知不見
無無間等是問不明是名無明成就
以者名有無明又問舍利弗所謂明
者云何為明誰有此明舍利弗言摩

訶拘絺羅所謂明者是知知者是名
為明又問何所知謂知色無常知色
無常如實知色磨滅法色磨滅法如
實知色生滅法色生滅法如實知受
想行識受想行識無常如實知識磨
滅法識磨滅法如實知識生滅法識
生滅法如實知拘絺羅於此五受陰
如實知見明覺慧無間等是名為明
成就此法者是名有明是二正士各
聞所說展轉隨喜從坐而起各還本處
如是我聞一時佛住王舍城迦蘭陀
竹園時尊者舍利弗尊者摩訶拘絺
羅在者閼崛山時摩訶拘絺羅晡時
從禪起詣尊者舍利弗所共相問評
種種相娛悅已却坐一面時尊者摩
訶拘絺羅語舍利弗言欲有所問寧
有少暇為我說不舍利弗言仁者且
問知者當說摩訶拘絺羅問舍利弗
言所謂無明復云何為無明誰有此
無明舍利弗答言無明者謂不知不
知者是无明何所不知謂色不如實
知色集色滅色滅道跡不如實知受
想行識不如實知識集識滅識滅道

跡不如實知摩訶拘絺羅於此五受
陰不如實知不知不見不無間等愚
闇不明是名無明成就此者名有無
明又問舍利弗云何為明誰有此明
舍利弗言所謂明者是知知者是明
又問何所知舍利弗言色如實知色
集色滅色滅道跡如實知受想行識
如實知識集識滅識滅道跡如實知
拘絺羅於此五受陰如實知見明覺
慧無間等是名為明成就此法者是
名有明是二正法各聞所說展轉隨
喜從坐而起各還本家

如是我聞一時佛住二舍城迦蘭陀
竹園舍時尊者舍利弗尊者摩訶拘
絺羅在耆闍崛山時摩訶拘絺羅瞿
時從摩訶訶舍利弗所共相問于相
疑悅已却坐一園時摩訶拘絺羅語
舍利弗欲言所問仁者吾等有聞數見
答以不合於佛言仁者吾等有聞
舍時摩訶拘絺羅語舍利弗言所謂
無明無明者為何謂耶誰有此無明
舍利弗言不知是無明不知何等謂
色不如實知色集色滅色味色患色

離不如實知受想行識識集識滅識
味識患識離不如實知摩訶拘締羅
於此五受陰不如實知不如實見不
無間等若闇若愚是名無明成就此
法者名有無明又問明者云何為明
誰有此明舍利弗言知者是明為何
所知舍利弗言色如實知色集色滅
色味色患色離如實知如是受想行
識如實知識識集識滅識味識患識離
如實知摩訶拘締羅於此五受陰如
實知如實見明覺慧無間等是名為
明成就此者名為有明時二正士各
聞所說歡喜而去

如是我聞一時佛住王舍城迦蘭陀
竹園今時尊者舍利弗共摩訶拘締
羅在耆闍崛山摩訶拘締羅晡時從
禪起詣舍利弗所共相問評相娛悅
已却坐一面時摩訶拘締羅語舍利
弗欲有所問仁者寧有閑暇見答以
不舍利弗言仁者且問知者當答時
摩訶拘締羅問舍利弗言若比丘未
得無間等法欲求無間等法云何方
便求思惟何等法舍利弗言若比丘

未得無間等法欲求無間等法精勤
思惟五受陰為病為癱為刺為煞無常
苦空非我所以者何是所應處故若比
丘於此五受陰精勤思惟得須陀洹
果證又問舍利弗得須陀洹果證已
欲得斯陀含果證者當思惟何等法
舍利弗言拘絺羅已得須陀洹果證
已欲得斯陀含果證者亦當精勤思
惟此五受陰法為病為癱為刺為煞
無常苦空非我所以者何是所應處
故若比丘於此五受陰精勤思惟得
斯陀含果證摩訶拘絺羅又問舍利
弗言得斯陀含果證已欲得阿那含
果證者當思惟何等法舍利弗言拘
絺羅得斯陀含果證已欲得阿那含
果證者當復精勤思惟此五受陰法
為病為癱為刺為煞無常苦空非我
所以者何是所應處故若比丘於此
五受陰精勤思惟得阿那含果證摩訶
拘絺羅又問舍利弗言得阿那含果
證已欲得阿羅漢果證者當思惟何
等法舍利弗言拘絺羅得阿那含果
證已欲得阿羅漢果證者當復精勤

思惟此五受陰法為病為癱為刺為
煞無常苦空非我所以者何是所應
處故若比丘於此五受陰法精勤思
惟得阿羅漢果證摩訶拘絺羅又問舍
利弗得阿羅漢果證已復思惟何等
法舍利弗言摩訶拘絺羅阿羅漢亦
復思惟此五受陰法為病為癱為刺
為煞無常苦空非我所以者何為得
未得故證未證故見法樂住故時二
正士各聞所說歡喜而去

如是我聞一時佛住舍衛國祇樹給
孤獨園余時尊者舍利弗詣尊者阿
難所共相問評已却坐一面時尊者
舍利弗問尊者阿難言欲有所問仁
者寧有閑暇見答以不阿難言仁者
且問知者當答舍利弗言阿難所謂
滅者云何為滅誰有此滅阿難言舍
利弗五受陰是本行所作本所思願
是無常滅法彼法滅故是名為滅云
何為五所謂色受陰是本行所作本
所思願是無常滅法彼法滅故是名
為滅如是受想行識是本行所作本
所思願是無常滅法彼法滅故是名

為滅舍利弗言如是如是阿難如汝
所說此五受陰是本行所作本所思
願是無常滅法彼法滅故是名為滅
云何為五所謂色受陰是本行所作
本所思願是無常滅法彼法滅故是
名為滅如是受想行識是本行所作
本所思願是無常滅法彼法滅故是
名為滅阿難此五受陰若非本行所
作本所思願者云何可滅阿難以五
受陰是本行所作本所思願是無常
滅法彼法滅故是名為滅時二正士
各聞所說歡喜而去

如是我聞一時尊者阿難住拘睺弥
國瞿師羅園時尊者阿難告諸比丘
尊者富留那弥多羅尼子年少初出
家時常說深法作如是言阿難生法
計是我非不生阿難云何於生法計
是我非不生色生生是我非不生受
想行識生生是我非不生譬如士夫
手執明鏡及淨水鏡自見面生生故
見非不生是故阿難色生生故計是
我非不生如是受想行識生生故計
是我非不生云何阿難色是常耶為

無常耶答曰無常又問無常者是苦耶答曰是苦又問若無常苦者是變易法聖弟子於中復計我異我相在不答曰不也如是受想行識為是常耶為無常耶答曰無常若無常是苦耶答曰是苦又問若無常苦者是變易法多聞聖弟子於中寧復計我異我相在不答曰不也阿難是故色若過去若未來若現在若內若外若麤若細若好若醜若遠若近彼一切非我不異我不相在如實知如實觀察不如是觀者聖弟子於色生厭離欲解脫我生已盡梵行已立所作已作自知不受後有如是受想行識生厭離欲解脫我生已盡梵行已立所作已作自知不受後有諸比丘當知彼尊者於我有大饒益我從彼尊者所聞法已遠塵離垢得法眼淨我從是來常以此法為四衆說非餘外道沙門婆羅門出家者說

如是我聞一時有衆多上座比丘住
波羅捺國仙人住處鹿野苑中佛般
泥洹未久時長老闍陀晨朝著衣持
鉢入波羅捺城乞食食已還攝衣鉢
洗足已持戶鉤從林至林從房至房
從經行處至經行處處處請諸比丘
言當教授我為我說法令我知法見
法我當如法知如法觀時諸比丘語
闍陀言色無常受想行識無常一切
行無常一切法無我涅槃寂滅闍陀
語諸比丘言我已知色無常受想行
識無常一切行無常一切法無我涅
槃寂滅闍陀復言然我不喜聞一切
諸行空寂不可得愛盡離欲涅槃此
中云何有我而言如是知如是見是
名見法第二第三亦是說闍陀復
言是中誰復有力堪能為我說法令
我知法見法復作是念尊者阿難今
在拘鞞那國瞿師羅園曾供養親覲
世尊佛所讚歎諸梵行者皆志識知
彼必堪能為我說法令我知法見法
時闍陀過此夜已晨朝著衣持鉢入
波羅捺城乞食食已還攝舉即具攝

具已持衣鉢詣拘睢彌國漸漸遊行
到拘睢彌國攝舉衣鉢洗足已詣尊
者阿難所共相問訊已却坐一面時
闍維語尊者阿難言一時諸上座比
丘住波羅捺國仙人住處鹿野苑中
時我晨朝著衣持鉢入波羅捺城乞
食食已還攝衣鉢洗足已持戶鉤從
林至林從房至房從經行處至經行
處處處處見諸比丘而請之言當教授
我為我說法令我知法見法時諸比
丘為我說法言色無常受想行識無
常一切行無常一切法無我涅槃寂
滅我今時語諸比丘言我已知色無
常受想行識無常一切行無常一切
法無我涅槃寂滅然我不喜聞一切
諸行空寂不可得愛盡離欲涅槃此
中云何有我而言如是知如是見是
名見法我今時作是念是中誰復有
力堪能為我說法令我知法見法我
時復作是念尊者阿難今在拘睢彌
國瞿師羅園曾供養親覲世尊佛所
讚歎諸梵行者皆悉知識彼必堪能
為我說法令我知法見法善哉尊者

阿難今當為我說法令我知法見法
時尊者阿難語闍陀言善哉闍陀我
意大喜我慶仁者能於梵行人前無
所覆藏破虛偽刺闍陀愚癡凡夫所
不能解色無常受想行識無常一切
諸行無常一切法無我涅槃寂滅汝
今堪受勝妙法汝今諦聽當為汝說
時闍陀作是念我今歡喜得勝妙心
得踊悅心我今堪能受勝妙法今時
阿難語闍陀言我親從佛聞教摩訶
迦旃延言世人顛倒依於二邊若有若
無世人取諸境界心便計著迦旃延
若不受不取不住不計於我此苦生
時生滅時滅迦旃延於此不疑不惑
不由於他而能自知是名正見如來
所說所以者何迦旃延如實正觀世
間集者則不生世間無見如實正觀
世間滅則不生世間有見迦旃延如
來離於二邊說於中道所謂此有故
彼有此生故彼生謂緣無明有行乃
至生老病死憂悲惱苦集所謂此無
故彼無此滅故彼滅謂無明滅則行
滅乃至生老病死憂悲惱苦滅尊者

阿難說是法時闍陀比丘遠塵離垢
得法眼淨爾時闍陀比丘見法得法
知法起法超越狐疑不由於他於大
師教法得無所畏恭敬合掌白尊者
阿難言正應如是如是智慧梵行善
知識教授教誡說法我今從尊者阿
難所聞如是法於一切行皆空皆悉
寂不可得愛盡離欲滅盡涅槃心樂正
住解脫不復轉還不復見我唯見正
法時阿難語闍陀言汝今得大善利
於甚深佛法中得聖慧眼時二正士
展轉隨喜從坐而起各還本處
輸屢那三種無明亦有二無聞等及滅
富留那闍陀

如是我聞一時佛住拘留國華色牧
牛聚落爾時佛告諸比丘我以知見
故得諸漏盡非不知見云何以知見
故得諸漏盡非不知見謂此色此色
集此色滅此受想行識此識集此識
滅不修方便隨順成就而用心求今
我諸漏盡心得解脫當知彼比丘終
不能得漏盡解脫所以者何不修習
故不修習何等謂不修習念處正勤

如意足根力覺道辟如伏鷄生子衆多不能隨時蔭餌消息冷暖而欲令子以雉以爪啄卵自生安隱出聲當知彼子無有自力堪能方便以雉以爪安隱出聲所以者何以彼鷄母不能隨時蔭餌冷暖長養子故如是比丘不勤修習隨順成就而欲令得漏盡解脫無有是處所以者何不修習故不修何等謂不修念處正勤如意足根力覺道若比丘修習隨順成就者雖不欲令漏盡解脫而彼比丘自然漏盡心得解脫所以者何以修習故何所修習謂修念處正勤如意足根力覺道如彼伏鷄善養其子隨時蔭餌冷暖得所正復不欲令子方便自啄卵出然其諸子自能方便安隱出聲所以者何以彼伏鷄隨時蔭餌冷暖得所故如是比丘善修方便正復不欲漏盡解脫而彼比丘自然漏盡心得解脫所以者何以勤修習故何所修習謂修念處正勤如意足根力覺道辟如巧師巧師弟子手執斧柯捉之不已漸漸微盡手指處現然彼

不覺芥柯微盡而盡處現如是比丘
精勤修習隨順成就不自知見今日
尔所漏盡明日尔所漏盡然彼比丘
修習謂修習念處正勤如意足根力
覺道譬如大船在於海邊經夏六月
風飄日暴藤綴漸漸如是比丘精勤
修習隨順成就一切結縛使煩惱經
漸得解脫所以者何善修習故何所
修習謂修習念處正勤如意足根力
覺道說是法時六十比丘不起諸漏
心得解脫佛說此經已諸比丘聞佛
所說歡喜奉行

如是我聞一時佛住舍衛國祇樹給
孤獨園尔時有異比丘於禪中思惟
作是念頗有色常恒不變易正住耶
如是受想行識常恒不變易正住耶
是比丘晡時從禪起往詣佛所頭面
礼足却住一面白佛言世尊我於禪
中思惟作是念頗有色常恒不變易
正住耶如是受想行識常恒不變易
正住耶今日世尊頗有色常恒不變
易正住耶頗有受想行識常恒不變

易正住耶尔時世尊手執小土搏告
彼比丘言汝見我手中土搏不比丘
白佛已見世尊比丘如是少土我不
可得若我可得者則是常恒不變易
正住法佛告比丘我自憶宿命長夜
修福得諸勝妙可愛果報之事曾於
七年中修習慈心經七劫成壞不還
此世七劫壞時生光音天七劫成時
還生梵世空宮殿中作大梵王無勝
無上領千世界從是已後復三十六
反作天帝釋復百千反作轉輪聖王
領四天下正法治化七寶具足所謂
輪寶爲寶馬寶摩尼寶玉女寶主
藏臣寶主兵臣寶千子具足皆志勇
健於四海內其地平正無諸毒刺不
威不迫以法調伏灌頂王法有八万四
千龍爲首以衆寶莊嚴而收餽之寶
網覆上建立寶幢布薩爲王軍爲導
首朝輔二時白會殿前我時念言是
大羣鳥日日番反往來蹈然衆生無
數願令四万二千爲百年一來即如
所願八万四千爲中四万二千爲百
年一至灌頂王法復有八万四千匹

馬亦以純金為諸乘具金網覆上婆
羅馬王為其導首灌頂王法有八万
四千口蓋寶車所謂金車銀車琉璃
車頗梨車師子席豹皮雜色欽婆羅
以為覆稅跋求毗闍耶難提音聲之
車為其導首灌頂王法領八万四千
城安隱豐樂人民熾盛拘舍婆提王
而為上首灌頂王法有八万四千四
種宮殿所謂金銀琉璃頗梨摩尼琉
璃由訶而為上首比丘灌頂王法有
八万四千四種寶床所謂金銀琉璃
頗梨種種繒褥毼氍毹迦陵伽卧
具以敷其上安置丹枕復次比丘灌
頂王法復有八万四千四種衣服所
謂迦尸細衣毼摩衣頭鳩羅衣拘沾
婆衣復次比丘灌頂王法有八万四
千五女所謂剌剌女似剌剌女况復
餘女復次比丘灌頂王法有八万四
千飲食眾味具足比丘八万四千五
女中唯以一人以為給侍八万四千
寶衣著一衣八万四千寶牀唯卧
一牀八万四千宮殿唯處一殿八万
四千城唯居一城名拘舍婆提八万

四千寶車唯乘一車名毗闍耶難提
瞿沙出城遊觀八万四千寶馬唯乘
一馬名婆羅訶毛尾紺色八万四千
龍爲唯乘一爲名布薩陀出城遊觀
比丘此是何等業報得如是威德自
在耶此是三種業報云何爲三一者
布施二者調伏三者修道比丘當知
凡夫染習五欲無有厭足聖人智慧
成滿而常知足比丘一切諸行過去
盡滅過去變易彼自然衆具及以名
稱皆悉磨滅是故比丘永息諸行厭
離斷欲解脫比丘色爲常無常比丘
白佛言無常世尊若無常者是苦耶
比丘白佛言是苦世尊比丘若無常
若是變易法聖弟子寧復於中計我
異哉相在不比丘白佛不也世尊如
是受想行識爲常爲無常比丘白佛
言無常世尊若無常者是苦耶比丘
白佛言是苦世尊比丘若無常若是
變易法聖弟子寧復於中計我異我
相在不比丘白佛不也世尊佛告比
丘諸所有色若過去若未來若現在
若內若外若麤若細若好若醜若遠

若近彼一切非我不異我不相在如是受想行識若過去若未來若現在若內若外若麤若細若好若醜若遠若近彼一切非我不異我不相在比丘於色當坐默離默離欲解脫解脫如是於受想行識當坐默離默離欲解脫解脫知見我生已盡梵行已立所作已作自知不受後有時彼比丘聞佛所說踊躍歡喜作禮而去常念上得辟教授獨一靜處精勤思惟不放逸住不放逸住已所以善男子剃除鬚髮正信非家出家學道為究竟無上梵行見法自知身作證我生已盡梵行已立所作已作自知不受後有時彼尊者亦自知法心得解脫成阿羅漢如是我聞一時佛住阿毗陀處恒河側尔時世尊告諸比丘譬如恒河大水暴起隨流乘沫明目士夫諦觀分別諦觀分別時無所有無牢無實無有堅固所以者何彼聚沫中無堅實故如是諸所有色若過去若未來若現在若內若外若麤若細若好若醜若遠若近比丘諦觀思惟分別無所

有無牢無實無有堅固如病如癰如
刺如煞無常苦空非我所以者何色
無堅實故諸比丘譬如大雨水泡一
起一滅明目士夫諦觀思惟分別諦
觀思惟分別時無所有無牢無實無
有堅固所以者何以彼水泡無堅實
故如是比丘諸所有受若過去若未
來若現在若內若外若麤若細若好
若醜若遠若近比丘諦觀思惟分別
諦觀思惟分別時無所有無牢無實
無有堅固如病如癰如刺如煞無常
苦空非我所以者何以受無堅實故
諸比丘譬如春末夏初無雲無雨日
盛中時野馬流動明目士夫諦觀思
惟分別諦觀思惟分別時無所有無
牢無實無有堅固所以者何以彼野
馬無堅實故如是比丘諸所有想若
過去若未來若現在若內若外若麤
若細若好若醜若遠若近比丘諦觀
思惟分別諦觀思惟分別時無所有
無牢無實無有堅固如病如癰如刺
如煞無常苦空非我所以者何以想
無堅實故諸比丘譬如明目士夫求

堅固材執持利斧入於山林見大芭蕉樹臍直長大即伐其根斬截其拳華葉次剝都無堅實諦觀思惟分別諦觀思惟分別時無所有無牢無實無有堅固所以者何以彼芭蕉無堅實故如是比丘諸所有行若過去若未來若現在若內若外若麤若細若好若醜若遠若近比丘諦觀思惟分別諦觀思惟分別時無所有無牢無實無有堅固如病如癰如刺如熱無常苦空非我所以者何以彼諸行無堅實故諸比丘譬如幻師若幻師弟子於四衢道頭幻作爲兵馬兵車兵步兵有智明目士夫諦觀思惟分別諦觀思惟分別時無所有無牢無實無有堅固所以者何以彼幻無堅實故如是比丘諸所有識若過去若未來若現在若內若外若麤若細若好若醜若遠若近比丘諦觀思惟分別諦觀思惟分別時無所有無牢無實無有堅固如病如癰如刺如熱無常苦空非我所以者何以識無堅實故

觀色如聚沙受如水上泡想如春時燄
諸行如芭蕉諸識法如幻日種姓尊說
周而歸思惟正念善觀察無實不堅固
無有我我所於此苦陰身大智分別說
離於三法者身爲成棄物壽暖及諸識
離此餘身分永棄丘冢間如小無識想
此身常如是幻爲誘愚夫如煞如毒刺
無有堅固者

比丘勤修習觀察此陰身晝夜常專精
正智繫念住有爲行長息永得清涼處
時諸比丘聞佛所說歡喜奉行

如是我聞一時佛住舍衛國祇樹給
孤獨園尔時佛告諸比丘於無始生
死無明所蓋愛結所繫長夜輪迴不
知苦之本際有時長久不雨地之所
生百穀草木皆悉枯乾諸比丘若無
明所蓋愛結所繫衆生生死輪迴愛
結不斷不盡苦邊諸比丘有時長夜
不雨大海水悉皆枯竭諸比丘無明
所蓋愛結所繫衆生生死輪迴愛結
不斷不盡苦邊諸比丘有時長夜須
弥山王皆悉崩落無明所蓋愛結所
繫衆生長夜生死輪迴愛結不斷不

盡苦邊諸比丘有時長夜此大地志
皆敗壞而衆生無明所蓋愛結所繫
衆生長夜生死輪迴受結不斷不盡
苦邊比丘譬如狗子繫柱彼繫不斷
長夜繞柱輪迴而轉如是比丘愚夫
衆生不如實知色色集色滅色味色
患色離長夜輪迴順色而轉如是不
如實知受想行識識集識滅識味識
患識離長夜輪迴順識而轉諸比丘
隨色轉隨受轉隨想轉隨行轉隨識
轉隨色轉故不脫於色隨受想行識
轉故不脫於識以不脫故不脫生老
病死憂悲惱苦多聞聖弟子如實知
色色集色滅色味色患色離如實知
受想行識識集識滅識味識患識離
故不隨識轉不隨轉故脫於色脫於
受想行識我說脫於生老病死憂悲
惱苦佛說此經已時諸比丘聞佛所
說歡喜奉行

如是我聞一時佛住舍衛國祇樹給
孤獨園尔時世尊告諸比丘衆生於
無始生死無明所蓋愛結所繫長夜
輪迴生死不知苦際諸比丘譬如狗

繩繫著柱結繫不斷故順柱而轉若
住若卧不離於柱如是凡愚衆生於
色不離貪欲不離愛不離念不離渴
輪迴於色隨色轉若住若卧不離於
色如是受想行識隨受想行識轉若
住若卧不離於識諸比丘當善思惟
觀察於心所以者何長夜心為貪欲
使染瞋恚愚癡使染故比丘心惱故
衆生惱心淨故衆生淨比丘我不見
一色種種如斑色鳥心復過是所以
者何彼畜生心種種故色種種是故
比丘當善思惟觀察於心諸比丘長
夜心貪欲所染瞋恚愚癡所染心惱
故衆生惱心淨故衆生淨比丘當知
汝見嗟蘭那鳥種種雜色不荅言曾
見世尊佛告比丘如嗟蘭那鳥種種
雜色我說彼心種種雜亦復如是所
以者何彼嗟蘭那鳥心種種故其色
種種是故當善觀察思惟於心長夜
種種貪欲瞋恚愚癡種種心惱故衆
生惱心淨故衆生淨譬如畫師畫師
弟子善治素地具衆彩色隨意圖畫
種種像類如是比丘凡愚衆生不如

實知色色集色滅色味色患色離於色不如實知故樂著於色樂著色故復生未來諸色如是凡愚不如實知受想行識識集識滅識味識患識離不如實知故樂著於識樂著識故復生未來諸識當生未來色受想行識故於色不解脫受想行識不解脫我說彼不解脫生老病死憂悲惱苦有多聞聖弟子如實知色色集色滅色味色患色離如實知故不樂著於色以不樂著故不生未來色如實知受想行識識集識滅識味識患識離如實知故不染著於識不樂著故不生未來諸識不樂著於色受想行識故於色得解脫受想行識得解脫我說彼等解脫生老病死憂悲惱苦佛說此經已時諸比丘聞佛所說歡喜奉行如是我聞一時佛在舍衛國祇樹給孤獨園尔時世尊告諸比丘譬如河水從山澗出彼水深駛其流激注多所漂沒其河兩岸生雜草木大水所偃順靡水邊衆人涉渡多為水所漂隨流沒溺遇浪近岸手援草木草木

復斷還隨水漂如是比丘若凡愚衆
生不如實知色色集色滅色味色患
色離不如實知故樂著於色言色是
我彼色隨斷如是不如實知受想行
識識集識滅識味識患識離不如實
知故樂著於識言識是我識復隨斷
若多聞聖弟子如實知色色集色滅
色味色患色離如實知故不樂著於
色如實知受想行識識集識滅識味
識患識離如實知故不樂著識不樂
著故如是自知得般涅槃我生已盡
梵行已立所作已作自知不受後有
佛說此經已時諸比丘聞佛所說歡
喜奉行

如是我聞一時佛住舍衛國祇樹給
孤獨園今時世尊告諸比丘非汝所
應法當盡捨離捨彼法已長夜安樂
比丘何等法非汝所應當速捨離如
是色受想行識非汝所應當盡捨離
斷彼法已長夜安樂譬如祇桓林中
樹木有人斫伐枝條擔持而去汝等
亦不憂感所以者何以彼樹木非我
非我所如是比丘非汝所應者當盡

於離捨離已長夜安樂何等非汝所
應色非汝所應當盡捨離捨離已長
夜安樂如是受想行識非汝所應當
速捨離捨彼法已長夜安樂諸比丘
色為常耶為無常耶諸比丘白佛言
無常世尊比丘無常者是苦耶答
言是苦世尊佛告比丘若無常苦是
變易法多聞聖弟子寧於中見有我
異我相在不答言不也世尊如是受
想行識為是常耶無常耶答言無常
世尊比丘若無常者是苦耶答言是
苦世尊佛告比丘若無常苦是變易
法多聞聖弟子寧於中見有我異我
相在不答言不也世尊比丘是故諸
所有色若過去若未來若現在若內
若外若麤若細若好若醜若遠若近
彼一切非我不異我不相在如是受
想行識若過去若未來若現在若內
若外若麤若細若好若醜若遠若近
彼一切非我不異我不相在聖弟子
觀此五受陰非我我所如是觀時於
諸世間無所取著無所取著者自得涅
槃我生已盡梵行已立所作已作自

知不受後有佛說此經已時諸比丘問佛所說歡喜奉行

如是我聞一時佛住舍衛國祇樹給孤獨園今時世尊告諸比丘無常想修習多修習能斷一切欲愛色愛無色愛掉慢無明譬如田夫於夏末秋初深耕其地發芟斷草如是比丘無常想修習多修習能斷一切欲愛色愛無色愛掉慢無明譬如人刈草手攬其端舉而抖擻萎枯志落取其長者如是比丘無常想修習多修習能斷一切欲愛色愛無色愛掉慢無明譬如薺羅果著樹猛風搖條果無明譬如薺羅果著樹猛風搖條果志墮落如是無常想修習多修習能斷一切欲愛色愛無色愛掉慢無明譬如樓閣中心堅固衆材所依攝受不散如是無常想修習多修習能斷一切欲愛色愛無色愛掉慢無明譬如一切衆生跡爲跡爲大能攝受故如是一切衆生跡爲跡爲大能攝受故如是無常想修習多修習能斷一切欲愛色愛無色愛掉慢無明譬如閻浮提一切諸河志赴大海其大海者取爲第一志攝受故如是無常想修

習多修習能斷一切欲愛色愛無色
愛掉慢無明譬如日出能除一切世
間闇冥如是無常想修習多修習能
斷一切欲愛色愛無色愛掉慢無明
譬如轉輪聖王於諸小王取上取勝
如是無常想修習多修習能斷一切
欲愛色愛無色愛掉慢無明諸比丘
云何修無常想修習多修習能斷一
切欲愛色愛無色愛掉慢無明若比
丘於空露地若林樹間善正思惟觀
察色無常受想行識無常如是思惟
斷一切欲愛色愛無色愛掉慢無明
所以者何無常想者能建立無我想
聖弟子住無我想心離我慢順得涅槃
佛說是經已時諸比丘聞佛所說
歡喜奉行

如是我聞一時佛住舍衛國祇樹給
孤獨園尔時有比丘名曰佉舍與衆
多比丘集於食堂語諸比丘言諸尊
我不分別於法不樂修梵行多樂睡
眠疑惑於法尔時衆中有一比丘往
詣佛所礼佛足却住一面白佛言世
尊佉舍比丘以衆多比丘集於食堂

作如是說唱言我不能分別於法不
樂修梵行多樂睡眠疑惑於法佛告
比丘是比丘言比丘是愚癡人不守根
門飲食不知量初夜後夜心不覺悟
懈怠嬾惰不勤精進不善觀察思惟
善法彼於分別法心樂修梵行離諸
睡眠於正法中離諸疑惑無有是處
若當比丘守護根門飲食知量初夜
後夜覺悟精進觀察善法樂分別法
樂修梵行離於睡眠心不疑法斯有
是處尔時世尊告一比丘汝往語伍
舍比丘言大師呼汝比丘白佛唯然
受教前礼佛足詣伍舍所而作是言
長老伍舍世尊呼汝伍舍聞命詣世
尊所稽首礼足却住一面尔時世尊
語伍舍比丘言汝伍舍實與衆多比
丘集於食堂作是唱言諸長老我不
能分別於法不樂梵行多樂睡眠疑
惑於法耶伍舍白佛實尔世尊佛問
伍舍我今問汝隨汝意答於意云何
若於色不離貪不離欲不離愛不離
念不離渴彼色若變若異於汝意云
何當起憂悲惱苦為不耶伍舍白佛

如是世尊者於色不離貪不離欲不離愛不離念不離渴彼色若變若異實起憂悲惱苦世尊實亦不異佛告但舍善哉善哉但舍正應如是不離貪欲說法但舍於受想行識不離貪不離欲不離愛不離念不離渴彼識若變若異於汝意云何當起憂悲惱苦為不耶但舍白佛如是世尊於識不離貪不離欲不離愛不離念不離渴彼識若變若異實起憂悲惱苦世尊實亦不異佛告但舍善哉善哉正應如是識不離貪欲說法佛告但舍於意云何若於色離貪離欲離愛離念離渴彼色若變若異時當生憂悲惱苦耶但舍白佛不也世尊如是不異於意云何受想行識離貪離欲離愛離念離渴彼識若變若異當生憂悲惱苦耶但舍告曰不也世尊如是不異佛告但舍善哉善哉但舍今當說譬大智慧者以譬得解如一士夫其伴行一路一善知路一不知路其不知者語知路者作如是言我欲詣某城某村某聚落當示我路時知路

者即示彼路語言士夫從此道去前見二道捨左從右前行復有坑澗渠流復當捨左從右復有叢林復當捨左從右汝當如是漸漸前行得至某城佛告佉舍其辭如是不知路者譬愚癡凡夫其知路者譬如來應等正覺前二路者謂衆生狐疑左路者三不善法貪恚害覺其右路者謂三善覺出要離欲覺不瞋覺不害覺前行左路者謂邪見邪志邪語邪業邪命邪方便邪念邪定前行右路者謂正見正志正語正業正命正方便正念正定坑澗渠流者謂瞋恚覆障憂悲叢林者謂五欲功德也城者謂般涅槃佛告佉舍佛為大師為諸聲聞所作已作如今當作哀愍悲念以義安樂皆悉已作汝等今日當作所作當於樹下或空露地山巖窟宅敷草為座善思正念修不放逸莫令久後心有悔恨我今教汝今時佉舍聞佛所說歡喜奉行

如是我聞一時佛住舍衛國祇樹給孤獨園今時衆中有少淨事世尊責

諸比丘故晨朝著衣持鉢入城乞食
食已出攝舉衣鉢洗足入安陀林坐
一樹下獨靜思惟作是念衆中有少
淨事我責諸比丘然彼衆中多年少
比丘出家未久不見大師或起悔心
愁憂不樂我已長夜於諸比丘生哀
愍心今當復還攝取彼衆以哀愍故
時大梵王知佛心念如力士屈伸臂
頃從梵天沒住於佛前而白佛言如
是世尊如是善逝責諸比丘以少淨
事故於彼衆中多有年少比丘出家
未久不見大師或起悔心愁憂不樂
世尊長夜哀愍攝受衆僧善哉世尊
願今當還攝諸比丘今時世尊心已
垂愍梵天故默然而許時大梵天知
佛世尊默然已許為佛作礼右遶三
匝忽然不現尔時世尊大梵天王還
去未久即還祇樹給孤獨園敷尼師
檀般身正坐表現微相令諸比丘敢
來奉見時諸比丘來詣佛所懷慚愧
色前礼佛足却坐一面尔時世尊告
諸比丘出家之人卑下活命剃髮持
鉢家家乞食如被嚙呪所以然者為

求勝義故為度生老病死憂悲惱苦
究竟苦邊故諸善男子汝不為王賊
所使非有負債人不為恐怖不為失命
而出家正為解脫生老病死憂悲惱
苦汝等不為此而出家耶比丘白佛
實尔世尊佛告比丘汝等比丘為如
是勝義而出家云何於中猶復有一
愚癡凡夫而起貪欲極生染著瞋恚
兒暴憊急下劣失念不定諸根迷亂
僻如士夫從閭而入閭從冥入冥從
糞廁出復墮糞廁以血洗血捨離諸
惡還復取惡我說此僻凡愚比丘亦
復如是又復僻如焚尸火捺捐棄塚
間不為熱伐之所採拾我說此僻愚
癡凡夫比丘而起貪欲極生染著瞋
恚兒暴憊急下劣失念不定諸根散
亂亦復如是比丘有三不善覺法何
等為三貪覺恚覺害覺此三覺由想
而起云何想想有無量種種貪想恚
想害想諸不善覺從此而生比丘貪
想想想想貪覺恚覺害覺及無量
種種不善云何究竟滅盡於四念處
繫心住無相三昧修習多修習惡不

善法從是而滅無餘永盡正以此法
善男子善女人信樂出家修習無相
三昧修習多修習已住甘露門乃至
究竟甘露涅槃我不說此甘露涅槃
依三見者何等為三有一種見如是
如是說命則是身復有如是見命異
身異又作是說色是我無二無異長
存不變多聞聖弟子作是思惟世間
頗有一法可取而無罪過者思惟已
都不見一法可取而無罪過者我若
取色即有罪過若取受想行識則有
罪過作是知已於諸世間則無所取
無所取者自覺涅槃我生已盡梵行
已立所作已作自知不受後有佛說此
經已時諸比丘聞佛所說歡喜奉行
應說小土搏泡沫二無知河泥被林樹
伍舍責諸想

雜阿含經卷第十

乙巳藏高麗國大藏都監奉

勅雕造

雜阿含經卷第十一

之

宋天竺三藏求那跋陀羅譯

如是我聞一時佛住舍衛國祇樹給
孤獨園時有異比丘獨靜思惟云何
為我我何所為何等是我我何所住
從禪覺已往詣佛所稽首礼足退住
一面白佛言世尊我獨一靜處作是
思惟云何為我我何所為何法是我
我於何往佛告比丘今當為汝說於
二法諦聽善思云何為二眼色為二
耳聲鼻香舌味身觸意法為二是名
二法比丘若有說言沙門瞿曇所說
二法此非為二我今捨此更立二法
彼但有言數問已不知增其疑惑以
非境界故所以者何緣眼色生眼識
比丘彼眼者是肉形是內是因緣是
堅是受是名眼肉形內地界比丘若
眼肉形若內若因緣津澤是受是名
眼肉形內水界比丘若彼眼肉形若
內若因緣明暖是受是名眼肉形內
火界比丘若彼眼肉形若內若因緣
輕飄動搖是受是名眼肉形內風界

比丘譬如兩手和合相對作聲如是緣眼色生眼識三事和合觸觸俱生受想思此等諸法非我非常是无常之我非恒非安隱變易之我所以者何比丘謂生老死沒受生之法比丘諸行如幻如炎剎那時頃盡朽不實來實去是故比丘於空諸行當知當喜當念空諸行常恒住不變易法空无我我所譬如明目士夫手執明燈入於空室彼空室觀察如是比丘於一切空行空心觀察歡喜於空法行常恒住不變易法空我我所如眼耳鼻舌身意法因緣生意識三事和合觸觸俱生受想思此諸法无我无常乃至空我我所比丘於意云何眼是常為非常耶荅言非常世尊復問若无常者是苦耶荅言是苦世尊復問若無常苦是變易法多聞聖弟子寧於中見我異我相在不荅言不也世尊耳鼻舌身意亦復如是如是多聞聖弟子於眼生厭厭故不樂不樂故解脫解脫知見我生已盡梵行已立所作已作自知不受後有耳鼻舌身

意亦復如是時彼比丘聞世尊說合
手聲辟經教已獨一靜處專精思惟
不放逸住乃至自知不受後有成阿
羅漢

如是我聞一時佛住舍衛國祇樹給
孤獨園尔時世尊告諸比丘非汝有
者當棄捨捨彼法已長夜安樂諸比
丘於意云何於此祇桓中諸草木枝
葉有人持去汝等頗有念言此諸物
是我所彼人何故輒持去答言不也
世尊所以者何彼亦非我非我所故
汝諸比丘亦復如是於非所有物當
盡棄捨棄捨彼法已長夜安樂何等
為非汝所有謂眼眼非汝所有彼應
棄捨捨彼法已長夜安樂耳鼻舌身
意亦復如是云何比丘眼是常耶為
非常耶答言无常世尊復問若无常
者是苦耶答言是苦世尊復問若无
常苦者是變易法多聞聖弟子寧於
中見我異我相在不答言不也世尊
耳鼻舌身意亦復如是多聞聖弟子
於此六入處觀察非我非我所觀察
已於諸世間都無所取無所取故无

所著無所著故自覺涅槃我生已盡
梵行已立所作已作自知不受後有
佛說此經已諸比丘聞佛所說歡喜
奉行

如是我聞一時佛住舍衛國祇樹給
孤獨園尔時世尊告諸比丘其有說
言大力者其唯難陀此是正說其有
說言寧端政者其唯難陀是則正說
其有說言愛欲重者其唯難陀是則
正說諸比丘而今難陀閑閑根門飲
食知量初夜後夜精勤修習正智成
就堪能盡壽純一滿淨梵行清白彼
難陀比丘閑閑根門故若眼見色不
取色相不取隨形好若諸眼根增不
律儀无明闇障世間貪愛惡不善法
不漏其心生諸律儀防護於眼耳鼻
舌身意根生諸律儀是名難陀比丘
閑閑根門飲食知量者難陀比丘於
食繫數不自高不放逸不著色不著
莊嚴支身而已任其所得為止飢渴
修梵行故故起苦覺令息滅未起苦
覺令不起故成其崇向故氣力安樂
無間獨住故如人乘車塗以膏油不

為自高乃至莊嚴為載運故又如塗
磨不貪其味為息苦故如是善男子
難陀知量而食乃至無聞獨住是名
難陀知量而食彼善男子難陀初夜
後夜精勤修業者彼難陀晝則經行
坐禪除去陰障以淨其身於初夜時
經行坐禪除去陰障以淨其身於中
夜時房外洗足入於室中右脇而卧
屈膝累足係念明想作起覺想於後夜
時徐覺徐起經行坐禪是名善男子
難陀初夜後夜精勤修集彼善男子
難陀勝念正知者是善男子難陀觀
察東方一心正念安住觀察觀察南
西北方亦復如是一心正念安住觀
察如是觀者世間貪愛惡不善法不
漏其心彼善男子難陀覺諸受起覺
諸受住覺諸受滅正念而住不令散
乱覺諸想起覺諸想住覺諸想滅覺
諸覺起覺諸覺住覺諸覺滅正念心
住不令散乱是名善男子難陀正念
正智成就是故諸比丘當作是學閉
閉根門如善男子難陀飲食知量如
善男子難陀初夜後夜精勤修業如

善男子難陀正念正智成就如善男
子難陀如教授難陀法亦當持是為
其餘人說時有異比丘而說偈言
專閉閉根門 正念攝心住 飲食知節量
覺知諸心相 善男子難陀 世尊之所歎
佛說此經已諸比丘聞佛所說歡喜
奉行
如是我聞一時佛住舍衛國祇樹給
孤獨園今時有如是像類大聲聞尼
衆住舍衛國王園中比丘尼衆其名
曰純陀比丘尼氏陀比丘尼摩羅婆
比丘尼波羅遮羅比丘尼陀羅毗迦
比丘尼老摩比丘尼難摩比丘尼吉
難舍瞿曇彌比丘尼優鉢羅色比丘
尼摩訶波闍波提比丘尼此等及餘
比丘尼住王園中今時摩訶波闍波
提比丘尼與五百比丘尼前後圍遶
來詣佛所稽首礼足退坐一面今時
世尊為摩訶波闍波提比丘尼說法
示教照喜種種說法示教照喜已發
遣令還言比丘尼應時宜去摩訶波
闍波提比丘尼聞佛所說歡喜隨喜
作礼而去

尔時世尊知摩訶波闍波提比丘尼
去已告諸比丘我年已老邁不復堪
能為諸比丘尼說法汝等諸比丘僧
今日諸宿德上座當教授諸比丘尼
時諸比丘受世尊教次第教授比丘
尼次至難陀尔時難陀次第應至而
不欲教授尔時摩訶波闍波提比丘
尼與五百比丘尼前後圍遶詣世尊
所稽首礼足乃至問法歡喜隨喜作
礼而去尔時世尊知摩訶波闍波提
比丘尼去已問尊者阿難誰應次至
教授諸比丘尼尊者阿難白佛言世
尊諸上座次第教授比丘尼次至難
陀而難陀不欲教授尔時世尊告難
陀言汝當教授諸比丘尼為諸比丘
尼說法所以者何我自教授比丘尼
汝亦應尔我為比丘尼說法汝亦應
尔尔時難陀默然受教時難陀夜過
晨朝著衣持鉢入舍衛城乞食尔已
還精舍舉衣鉢洗足已入室坐禪從
禪覺著僧伽梨將一比丘往詣王園
諸比丘尼遙見尊者難陀來疾敷牀
座請令就坐尊者難陀坐已諸比丘

尼稽首敬札退坐一面尊者難陀語
諸比丘尼諸姊妹汝等當問我今當
為汝等說法汝等解者當說言解若
不解者當說不解於我所說義若當
解者當善受持若不解者汝當更問
當為汝說諸比丘尼白尊者難陀言
我等今日聞尊者教令我等問告我
等言汝等若未解者今急當問已解
者當言解未解者當言不解於我所
說義已解者當奉持未解者當復更
問我等聞此心大歡喜未解義者今
日當問今時尊者難陀告諸比丘尼
云何姊妹於眼內入處觀察是我異
我相在不答言不也尊者難陀耳鼻
舌身意內入處觀察是我異我相在
不答言不也尊者難陀所以者何尊
者難陀我等已曾於此法如實知見
於六內入處觀察无我我等已曾作
如是意解六內入處無我尊者難陀
告諸比丘尼善哉善哉姊妹應如是
解六內入處觀察无我諸比丘尼色
外入處是我異我相在不答言不也
尊者難陀聲香味觸法外入處是我

異我相在不答言不也尊者難陀所以者何尊者難陀我已曾於六外入處如實觀察无我我常作此意解六外入處如實无我尊者難陀讚諸比丘尼善哉善哉汝於此義應如是觀六外入處無我若緣眼色生眼識彼眼識是我異我相在不答言不也尊者難陀耳鼻舌身意法緣生意識彼意識是我異我相在不答言不也尊者難陀所以者何我已曾於此六識身如實觀察无我我亦常作是意解六識身如實無我

尊者難陀告諸比丘尼善哉善哉姊妹汝於此義應如是觀察六識身如實无我緣眼色生眼識三事和合生觸彼觸是我異我相在不答言不也尊者難陀耳鼻舌身意法緣生意識三事和合生觸彼觸是我異我相在不答言不也尊者難陀所以者何我已曾於此六觸觀察如實无我我亦常如是意解六觸如實無我尊者難陀告諸比丘尼善哉善哉當如實觀察於六觸身如實无我緣眼色生眼

觸三事和合觸觸緣受彼觸緣受是我異我相在不荅言不也尊者難陀
耳鼻舌身意法緣生意識三事和合
觸觸緣受彼受是我異我相在不荅
言不也尊者難陀所以者何我等曾
於此六受身如實觀察无我我亦常
作此意解六受身如實無我尊者難
陀告諸比丘尼善哉善哉汝於此義
應如是觀察此六受身如實無我緣
眼色生眼識三事和合生觸觸緣想
彼想是我異我相在不荅言不也尊
者難陀耳鼻舌身意法緣生意識三
事和合生觸觸緣想彼想是我異我
相在不荅言不也尊者難陀所以者
何我曾於此六想身如實觀察无我
我亦常作此意解六想身如實无我
尊者難陀告諸比丘尼善哉善哉比
丘尼汝於此義應如是觀察此六想
身如實无我緣眼色生眼識三事和
合觸觸緣想彼想是我異我相在不
荅言不也尊者難陀耳鼻舌身意法
緣生意識三事和合觸觸緣想彼想
是我異我相在不荅言不也尊者難

陀所以者何我曾於此六思身如實
觀察无我我常作此意解此六思身
如實无我尊者難陀告諸比丘尼善
哉善哉比丘尼汝於此義應如是觀
察此六思身如實无我緣眼色生眼
識三事和合觸觸緣愛彼愛是我異
我相在不答言不也尊者難陀耳鼻
舌身意法緣生意識三事和合觸觸
緣愛彼愛是我異我相在不答言不
也尊者難陀所以者何我曾於此六
愛身如實觀察无我我常作此意解
此六愛身如實無我尊者難陀告諸
比丘尼汝於此義應如是觀察此六
愛身如實无我姉妹譬因膏油因炷
燈明得然彼油无常炷亦无常火亦
无常器亦无常若有作是言无油无
炷無火無器而所依起燈光常恒住
不變易作是說者為等說不答言不
也尊者難陀所以者何緣油炷器然
燈彼油炷器悉无常若无油无炷無
器所依燈光亦復隨滅息沒清涼真
實如是姉妹此六內入處无常若有
說言此六內入處因緣生喜樂常恒

住不變易安隱是為等說不荅言不
也尊者難陀所以者何我等曾如實
觀察彼彼法緣生彼彼法彼彼緣法
滅彼彼生法亦復隨滅息沒清涼真
實尊者難陀告諸比丘尼善哉善哉
比丘尼汝於此義應如是觀察彼彼
法緣生彼彼法彼彼法緣滅彼彼生
法亦復隨滅息沒寂靜清涼真實諸
姊妹譬如大樹根莖枝葉根亦无常
莖枝葉皆悉無常若有說言无彼樹根
莖枝葉唯有其影常恒住不變易安
隱者為等說不荅言不也尊者難陀
所以者何如彼大樹根莖枝葉彼根
亦无常莖枝葉亦復無常無根无莖
無枝無葉所依樹影一切悉无諸姊
妹若緣外六入處無常若言外六入處
因緣生喜樂恒住不變易安隱者此
為等說不荅言不也尊者難陀所以
者何我曾於此義如實觀察彼彼法
緣生彼彼法彼彼法緣滅彼彼生法
亦復隨滅息沒寂靜清涼真實尊者
難陀告諸比丘尼善哉善哉姊妹汝
於此義當如實觀察彼彼法緣生彼

彼法彼彼法緣滅彼彼生法亦復隨滅息沒寂滅清涼真實諸姊妹聽我說譬夫智者因譬得解譬如善屠牛師屠牛弟子手執利刀解剥其牛乘間而剥不傷內肉不傷外皮解其枝節筋骨然後還以皮覆其上若有人言此牛皮肉全而不離為等說不答言不也尊者難陀所以者何彼善屠牛師屠牛弟子手執利刀乘間而剥不傷皮肉枝節筋骨悉皆斷截還以皮覆上皮肉已離非不離也姊妹我說所譬今當說義牛者譬人身麤色如篋毒地經廣說內者謂內六入處外皮者謂外六入處屠牛者謂學見跡皮肉中間筋骨者謂貪喜俱利刀者謂利智慧多聞聖弟子以智慧利刀斷截一切結縛使煩惱上煩惱纏是故諸姊妹當如是學於所可樂法心不應著斷除貪故所可瞋法不應生瞋斷除瞋故所可癡法不應生癡斷除癡故於五受陰當觀生滅於六觸入處當觀集滅於四念處當善繫心住七覺分修七覺分已於其欲漏心

不緣著心得解脫於其有漏心不緣著心得解脫於无明漏心不緣著心得解脫諸姊妹當如是學今時尊者難陀為諸比丘尼說法示教照喜示教照喜已從座起去時摩訶波闍波提比丘尼與五百比丘尼眷屬圍遶往詣佛所稽首札足退住一面乃至為佛作札而去今時世尊知摩訶波闍波提比丘尼去已告諸比丘辟如明月十四日夜多衆觀月為是滿耶為未滿耶當知彼月未究竟滿如是善男子難陀為五百比丘尼正教授正說法於其解脫猶未究竟然此等比丘尼命終之時不見一結不斷能使彼還生於此世今時世尊復告難陀更為諸比丘尼說法今時尊者難陀默然奉教夜過晨朝持鉢入城乞食食已乃至往詣王園就座而坐為諸比丘尼說法示教照喜示教照喜已從座起去摩訶波闍波提比丘尼復於異時與五百比丘尼前後圍遶往詣佛所稽首札足乃至作札而去今時世尊知摩訶波闍波提比丘尼

去已告諸比丘譬如明月十五日夜
无有人疑月滿不滿者然其彼月究
竟圓滿如是善男子難陀為諸比丘
尼說如是正教授究竟解脫若命終
時無有說彼道路所趣此當知即是
苦邊是為世尊為五百比丘尼受第
一果記佛說此經已諸比丘聞佛所
說歡喜奉行

如是我聞一時佛住舍衛國祇樹給
孤獨園尔時世尊告諸比丘有不律
儀律儀諦聽善思當為汝說云何不
緣著故以生苦受苦受故不一其心
不一心故不得如實知見不得如實
知見故不離疑惑不離疑惑故由他
所誤而常苦住耳鼻舌身意亦復如
是是名不律儀云何律儀眼根律儀
所攝護眼識識色心不染著心不染
著已常樂更住心樂住已常一其心
一其心已如實知見如實知見已離
諸疑或離諸疑惑已不由他誤常安
樂住耳鼻舌身意亦復如是是名律
儀佛說此經已諸比丘聞佛所說歡

喜奉行

如是我聞一時佛住舍衛國祇樹給
孤獨園今時世尊告諸比丘有退不
退法六觸入處諦聽善思當為汝說
云何退法謂眼識色生欲覺彼比丘
歡喜讚歎執取繫著隨順彼法迴轉
當知是比丘退諸善法世尊所說是
名退法耳鼻舌身意亦復如是云何
名不退法眼識色緣不生欲覺結彼
比丘不喜不讚歎不執取不繫著於
彼法不隨順迴轉當知是比丘不退
轉諸善法世尊說是不退法耳鼻舌
身意亦復如是云何六勝入處眼識
色緣不生欲覺結染著當知是比丘
勝彼入處勝彼入處是世尊所說耳
鼻舌身意亦復如是若彼比丘於六
勝入處勝已貪欲結斷瞋恚愚癡結
斷譬如王者摧敵勝怨名曰勝王斷
除衆結名勝婆羅門佛說此經已諸
比丘聞佛所說歡喜奉行

如是我聞一時佛住舍衛國祇樹給
孤獨園今時世尊告諸比丘於此六
根不調伏不關閉不守護不執持不

修習於未來世必受苦報何等為六
根眼根不調伏不閑閉不守護不修
習不執持於未來世必受苦報耳鼻
舌身意根亦復如是愚癡无聞凡夫
眼根見色執受相執受隨形好任彼
眼根趣向不律儀執受住世間貪愛
惡不善法以漏其心此等不能執持
律儀防護眼根耳鼻舌身意根亦復如
是如是於六根不調伏不閑閉不守
護不執持不修習於未來世必受苦
報云何六根善調伏善閑閉善守護
善執持善修習於未來世必受樂報
多聞聖弟子眼見色不取色相不取
隨形好任其眼根之所趣向常住律
儀世間貪愛惡不善法不漏其心能
生律儀善護眼根耳鼻舌身意根亦
復如是如是六根善調伏善閑閉善
守護善執持善修習於未來世必受
樂報即說偈言

於六觸入處住於不律儀是等諸比丘
長夜受大苦斯等於律儀常當勤修習
正信心不二諸漏不漏心眼見於彼色
可意不可意可意不生欲不可不憎惡

耳聞彼諸聲 亦有念不念 於念不樂著
不念不起惡 鼻根之所嗅 若香若臭物
等心於香臭 无欲亦无違 所食於衆味
彼亦有美惡 美味不起貪 惡味亦不擇
樂觸以觸身 不生於放逸 為苦觸所觸
不生過惡想 平等捨苦樂 不減者令減
心意所觀察 彼種彼種相 虛偽而分別
欲貪轉增廣 覺悟彼諸惡 安住離欲心
善攝此六根 六境觸不動 摧伏衆魔怨
度生死彼岸

佛說此經已 諸比丘聞佛所說歡喜
奉行

如是我聞一時世尊在拘薩羅國人
間遊行到頻頭城北申恕林中 今時
頻頭城中婆羅門長者皆聞世尊於
拘薩羅國人間遊行住頻頭城中 恕
林中聞已悉共出城至申恕林詣世
尊所稽首礼足退坐一面 今時世尊
告頻頭城婆羅門長者若人問汝言
何等像類沙門婆羅門不應恭敬尊
重礼事供養汝當荅言若沙門婆羅
門眼見色未離貪未離欲未離愛未
離渴未離念內心不寂靜所行非法

所行踈濫行耳鼻舌身意法亦復如是如是像類比丘不應恭敬尊重札事供養作是說已當復問言何故如此像類沙門婆羅門不應恭敬尊重離欲不離愛不離渴不離念內心不寂靜耳鼻舌身意法亦復如是彼沙門婆羅門眼見色亦不離貪不離欲不離愛不離渴不離念內心不寂靜行非法行踈濫行耳鼻舌身意法亦復如是是我於斯等求其老別不見老別之行是故我於斯等像類沙門婆羅門不應恭敬尊重札事供養若復問言何等像類沙門婆羅門所應恭敬尊重札事供養汝應答言若彼眼見色離貪離欲離愛離渴離念內心寂靜不行非法行行等行不踈濫行耳鼻舌身意法亦復如是如是像類沙門婆羅門所應恭敬尊重札事供養若復問言何故於此像類沙門婆羅門恭敬尊重札事供養汝應答言我等眼見色不離貪不離欲不離愛不離渴不離念內心不寂靜行非法行

行踈澁行耳鼻舌身意法亦復如是
斯等像類沙門婆羅門離貪離欲離
渴離念內心寂靜行如法行不行踈
澁行耳鼻舌身意法亦復如是我等
於彼求其老別見老別故於彼像類
沙門婆羅門所應恭敬尊重札事供
養如是說已若復問言彼沙門婆羅
門有何行有何形貌有何相汝等
知是沙門婆羅門離貪向調伏貪離
恚向調伏恚離癡向調伏癡汝應答
言我見彼沙門婆羅門有如是像類
在空閑處林中樹下卑牀草蓐修行
遠離離諸女人近樂獨人同禪思者
若於彼處无眼見色可生樂著无耳
聲鼻香舌味身觸可生樂著若彼沙
門婆羅門有如是行如是形貌如是
相令我等知是沙門婆羅門離貪向
調伏貪離恚向調伏恚離癡向調伏
癡時諸沙門婆羅門長者白佛言奇
哉世尊不自譽不毀他正說其義各
各自於諸入處分別染汙清淨廣說
緣起如如來應等正覺說譬如士夫
溺者能救閑者能開迷者示路闇處

然燈世尊亦復如是不自譽不毀他
正說其義乃至如如來應等正覺說
余時頻頭城婆羅門長者聞佛所說
歡喜作禮而去

如是我聞一時佛住王舍城迦蘭陀
竹園時有縈綫目捷連出家來詣佛
所共相問訊問訊已退坐一面余時
世尊告縈綫目捷連汝從何來縈綫
目捷連白佛言我從彼衆多種種異
道沙門婆羅門遮羅迦出家集會未
曾講堂聽法從彼林來佛告縈綫目
捷連汝為何等福力故從彼衆多種
種異道沙門婆羅門遮羅迦出家所
聽其說法縈綫目捷連言我試聽其
竟勝論義福利聽其相違反論議福
利故佛告目捷連長夜久遠種種異
道沙門婆羅門遮羅迦出家竟勝論
議相違反論議福利迭相破壞縈綫
目捷連白佛言瞿曇為諸弟子說何
等法福利令彼轉為人說不謗如來
不增不減誠說法說法次法說无有
餘人能來比較難詰訶責佛告目連
明解脫果報福利為人轉說者不謗

如來不乖其理法次法說无有能來
比校難詰嫌責繫疑目捷連白佛言
瞿曇諸弟子有法修習多修習令明
解脫福利滿足者不佛告繫疑目捷
連有七覺分修習多修習明解脫福
利滿足繫疑目捷連白佛言有法修
習能令七覺分滿足不佛告繫疑目
捷連有四念處修習多修習能令七
修習多修習令四念處滿足不佛告
繫疑目捷連有三妙行修習多修習
能令四念處滿足繫疑目捷連白佛
言復有法修習多修習令三妙行滿
足不佛告目捷連有六觸入處律儀
修習多修習令三妙行滿足繫疑目
捷連白佛言云何六觸入處律儀修
習多修習令三妙行滿足佛告目捷
連若眼見適意可愛念能長養欲樂
令人緣著之色彼比丘見已不喜不
讚歎不緣不著不住若眼見不適意
不可愛念順於苦覺之色諸比丘見
已不畏不惡不嫌不恚於彼好色起
眼見已永不緣著不好色起眼見已永

不緣著內心安住不動善修解脫心
不懈勸耳鼻舌身意識法亦復如是
如是於六觸入修習多修習滿足三
妙行云何修三妙行滿足四念處多
聞聖弟子於空閑處林中樹下作如
是學如是思惟此身惡行現世後世
必得惡報我若行身惡行者必當自
生厭悔他亦嫌薄大師亦責諸梵行
者亦復以法而嫌我惡名流布遍於
諸方身壞命終當墮地獄於身惡行
見現世後世如是果報是故除身惡
行修身妙行口意惡行亦復如是是
名修習三妙行已得四念處清淨滿
足云何修四念處得七覺分滿足目
捷連比丘如是順身身觀住彼順身
身觀住時攝念安住不忘余時方便
修習念覺分方便修習念覺分已得
念覺分滿足於彼心念選擇於法覺
想思量余時方便修習擇法覺分方
便修習擇法覺分已速得擇法覺分
滿足選擇彼法覺想思量方便修習
精進覺分方便修習精進覺分已速
得精進覺分滿足勤精進已生歡喜

心念時修習方便歡喜覺分修習歡
喜覺分已逮得歡喜覺分滿足心歡
喜已身心止息念時修習猗息覺分
修習猗息覺分已逮得猗息覺分滿
足身心息已得三摩提念時修習定
覺分修習定覺分已定覺分滿足謂
一其心貪憂滅息內心行捨方便修
習捨覺分方便修習捨覺分已逮得
捨覺分清淨滿足受心法念處亦如
是說如是修習四念處七覺分滿足
云何修習七覺分明解脫滿足目捷
連若比丘修念覺分依遠離依離欲
依滅捨於進趣修念覺分逮得明解
脫清淨滿足乃至修習捨覺分亦如
是說是名修習七覺分已明解脫清
淨滿足如是目捷連法法相律從此
岸而到彼岸說是法時紫駿目捷連
遠塵離垢得法眼淨時紫駿目捷連
見法得法知法入法度諸疑惑不由
於他於諸法律得无所畏從座起整
衣服為佛作礼合掌白佛言我今寧
得於正法律出家得具足比丘分不
佛告目捷連汝今已得於正法律出

家具足得比丘分得出家已專精思
惟不放逸住乃至成阿羅漢

如是我聞一時佛住迦微伽羅牟真
隣陀林中時有年少名鬱多羅是波
羅奢那弟子來詣佛所恭敬問訊已
退坐一面今時世尊告鬱多羅汝師
波羅奢那為汝等說修諸根不鬱多
羅言說已瞿曇佛告鬱多羅汝師波
羅奢那云何說修諸根鬱多羅白佛
言我師波羅奢那說眼不見色耳不
聽聲是名修根佛告鬱多羅若如汝
波羅奢那說盲者是修根不所以者
何如唯盲者眼不見色今時尊者阿
難在世尊後執扇扇佛尊者阿難語
鬱多言如波羅奢那所說瞽者是修
根不所以者何如唯瞽者耳不聞聲
今時世尊告尊者阿難異於賢聖法
律无上修諸根阿難白佛言唯願世
尊為諸比丘說賢聖法律无上修根
諸比丘聞已當受奉行

佛告阿難諦聽善思當為汝說緣眼
色生眼識見可意色欲修如來猗離
正念正智眼色緣生眼識不可意故

修如來不猒離正念正智眼色緣生
眼識可意不可意欲修如來猒離不
猒離正念正智眼色緣生眼識不可
意可意欲修如來不猒離猒離正念
正智眼色緣生眼識可意不可意可
不可意欲修如來猒不猒俱離捨心
住正念正智如是阿難若有於此五
句心善調伏善閑閑善守護善攝持
善修習是則於眼色无上修根耳鼻
舌身意法亦是如是說阿難是名賢聖
法律无上修根尊者阿難白佛言世
尊云何賢聖法律為賢聖修根佛告
阿難眼色緣生眼識生可意生不可
意生可意不可意彼聖弟子如是如
實知我眼色緣生眼識生可意生不
可意生可意不可意以此則寂滅此則
勝妙所謂俱捨得彼捨已離猒不猒
譬如力士頃如是眼色緣生眼識生
可意生不可意生可意不可意俄尔
盡滅得離猒不猒捨如是耳聲緣生
耳識生可意生不可意生可意不可
意聖弟子如是如實知我耳識聞聲
生可意生不可意生可意不可意此

則寂滅勝妙所謂為捨得捨已離猒
不猒譬如大力士夫彈指發聲即滅
如是耳聲緣生耳識生可意生不可
意生可意不可意生已盡滅是則為
捨得彼捨已離猒不猒鼻香緣生鼻
識生可意生不可意生可意不可意
聖弟子如是如實知鼻香緣生鼻識
生可意生不可意生可意不可意此
則寂滅此則勝妙所謂為捨得彼捨
已離猒不猒譬如蓮荷水所不染如
是鼻香緣生鼻識生可意生不可意
生可意不可意生已盡滅所謂為捨
得彼捨已離猒不猒舌味緣生舌識
生可意生不可意生可意不可意彼
聖弟子如是如實知舌味緣生舌識
生可意生不可意生可意不可意生
已盡滅寂滅勝妙所謂為捨得彼捨
已離猒不猒譬如力士舌端唾沫盡
唾令滅如是舌味緣生舌識生可意
生不可意生可意不可意生已盡滅
所謂為捨得彼捨已離猒不猒身觸
緣生身識生可意生不可意生可意
不可意生已盡滅聖弟子如是如實

知身觸緣生身識生可意生不可意
生可意不可意生已盡滅寂滅勝妙
所謂為捨得彼捨已離猒不猒譬如
鐵丸燒令極熱小滴水灑尋即消滅
如是身觸緣生身識生可意生不可
意生可意不可意生已盡滅所謂為
捨得彼捨已離猒不猒意法緣生意
識生可意生不可意生可意不可意
生已速滅聖弟子如是如實知意法
緣生意識生可意生不可意生可意
不可意生已盡滅是則寂滅是則勝
妙所謂為捨得彼捨已離猒不猒譬
如力士斷多羅樹頭如是意法緣生
意識生可意生不可意生可意不可
意生已盡滅所謂為捨得彼捨已離
猒不猒阿難是為賢聖法律為聖弟
子修諸根云何為聖法律覺見跡佛
告阿難眼色緣生眼識生可意生不
可意生可意不可意彼聖弟子慙耻
猒惡耳鼻舌身意法緣生意識生可
意生不可意生可意不可意彼聖弟
子慙耻猒惡阿難是名賢聖法律覺
見跡阿難是名賢聖法律无上修諸

根已說賢聖修諸根已說覺見跡阿
難我為諸聲聞所作所作已作汝等
當作所作廣說如篋毒地經佛說此
經已尊者阿難聞佛所說歡喜奉行

雜阿含經卷第十一

癸卯歲高麗國大藏都監奉

勅雕造

雜阿含經卷第十一

第三十九張

之

雜阿含經卷第十二

之

六天竺三藏跋耆跋陀羅譯

如是我聞一時佛住舍衛國祇樹給
孤獨園。爾時世尊告諸比丘。若於結
所繫法。隨生味著。願念心縛。則愛生。
愛緣取。取緣有。有緣生生。緣老病死。
憂悲惱苦。如是如是。純大苦聚集。如
人種樹。初小。災弱。愛護。令安。壅以糞。
土。隨時溉灌。冷暖調適。以是因緣。然
後彼樹得增長大。如是比丘。結所繫
法。味著。將養。則生恩愛。愛緣取。取緣
有。有緣生生。緣老病死。憂悲惱苦。如
是如是。純大苦聚集。若於結所繫法。
隨順。無常觀。住生滅觀。無欲觀。滅觀。
捨觀。不生願念心。不縛著。則愛滅。愛
滅。則取滅。取滅。則有滅。有滅。則生滅。
生滅。則老病死。憂悲惱苦滅。如是如
是。純大苦聚集滅。猶如種樹。初小。軟弱。
不愛護。不令安隱。不壅糞土。不隨時
溉灌。冷暖不適。不得增長。若復斷根。
截枝段段。斬截。分分解析。風飄日炙。
以火焚燒。燒以成糞。或颺以疾風。或

投之流水比丘於意云何非為彼樹
斷截其根乃至焚燒令其磨滅於未來
世成不生法耶答言如是世尊如是
比丘於結所繫法隨順无常觀住生
滅觀无欲觀滅觀捨觀不生顧念心
不縛著則愛滅愛滅則取滅取滅則
有滅有滅則生滅生滅則老病死憂
悲惱苦滅如是如是純大苦聚集滅佛
說此經已諸比丘聞佛所說歡喜奉行
如是我聞一時佛住舍衛國祇樹給
孤獨園今時世尊告諸比丘若於所
取法隨生味著顧念縛心其心驅馳
追逐名色名色緣六入處六入處緣
觸觸緣受受緣受愛緣取取緣有有
緣生生緣老病死憂悲惱苦如是如
是純大苦聚集譬大樹根幹枝條柯
葉華果下根深固墮以糞土溉灌以
水彼樹堅固永世不朽如是比丘於
所取法隨生味著顧念心縛其心驅
馳追逐名色名色緣六入處六入處
緣觸觸緣受受緣受愛緣取取緣有
有緣生生緣老病死憂悲惱苦如是
如是純大苦聚集若於所取法隨順

无常觀住生滅觀無欲觀滅觀厭觀
心不顧念無所縛著識則不駢馳追
逐名色則名色滅名色滅則六入處
滅六入處滅則觸滅觸滅則受滅受
滅則愛滅愛滅則取滅取滅則有滅
有滅則生滅生滅則老病死憂悲惱
苦滅如是如是則純大苦聚滅猶如
種樹不隨時愛護令其安隱不壅糞
土不隨時溉灌冷暖不適不得增長
若復斷根截枝段段斬截分分解析
風飄日炙以火焚燒燒以成糞或颺
以疾風或投之流水比丘於意云何
非為彼樹斷截其根乃至焚燒令其
磨滅於未來世成不生法耶答言如
是世尊如是比丘於所取法隨順无
常觀住生滅觀无欲觀滅觀捨觀不
生顧念心不縛著識不駢馳追逐名
色則名色滅名色滅則六入處滅六
入處滅則觸滅觸滅則受滅受滅則
愛滅愛滅則取滅取滅則有滅有滅
則生滅生滅則老病死憂悲惱苦滅
如是純大苦聚滅佛說此經已諸比
丘聞佛所說歡喜奉行

如是我聞一時佛住舍衛國祇樹給
孤獨園念時世尊告諸比丘我憶宿
命未成正覺時獨一靜處專精禪思
生如是念世間難入所謂若生若老
若病若死若遷若受生然諸衆生生
老死上及所依不如實知我作是念
何法有故生有何法緣故生有即正
思惟起无間等知有有故生有有緣
故生有復思惟何法有故有有何法
緣故有有即正思惟如實无間等起
知取有故有有取緣故有有又作是
念取復何緣何法有故取有何法緣
故取有即正思惟如實无間等起知
取法味著願念心縛愛欲增長彼愛
有故取有愛故緣取取緣有有緣生
生緣老病死憂悲惱苦如是如是純
大苦聚集諸比丘於意云何譬如緣
膏油及炷燈明得燒數增油炷彼燈
明得久住不荅言如是世尊如是諸
比丘於色取味著願念愛縛增長愛
緣故取取緣有有緣生生緣老病死
憂悲惱苦如是如是純大苦聚集我
時復作是念何法无故无此老病死

何法滅故老病死滅即正思惟起如
實無間等無生則无老病死生滅故
則老病死滅復作是念何法无故無
生何法滅故生滅即正思惟起如實
无間等有無故生無有滅故生滅又
復思惟何法无故有无何法滅故有
滅即正思惟生如實無間等觀取无
故有无取滅故有滅又作是念何法
无故取无何法滅故取滅即正思惟
生如實無間等觀所取法无常生滅
離欲滅盡捨離心不顧念心不縛著
愛則滅彼愛滅故取滅取滅故有滅
有滅故生滅生滅故老病死憂悲惱
苦滅如是如是純大苦聚滅諸比丘
於意云何譬如油炷然燈若不增油
治炷非彼燈明未來不生盡磨滅耶
比丘白佛如是世尊如是諸比丘於
所取法觀察无常生滅離欲滅盡捨
離心不顧念心不縛著愛則滅愛滅
則取滅乃至純大苦聚滅佛說此經
已諸比丘聞佛所說歡喜奉行
如是我聞一時佛住舍衛國祇樹給
孤獨園尔時世尊告諸比丘我憶宿

命未成正覺時獨一靜處專精禪思
如上廣說老別者譬如載樵十束二
十束三十束四十束五十束百束千
束百千束積聚燒然作大火聚若復
有人增其乾草樵薪諸比丘於意云
何此火相續長夜熾然不比丘白佛
言如是世尊如是諸比丘於所取法味
著顧念心縛著增其愛緣取取緣有乃
至純大苦聚集諸比丘若彼火聚熾
然不增樵草諸比丘於意云何彼火
當滅不答言如是世尊如是諸比丘
於所取法觀察无常生滅離欲滅盡
捨離心不顧念縛著愛則滅愛滅則
取滅如是廣說乃至純大苦聚滅佛
說此經已諸比丘聞佛所說歡喜奉行
如是我聞一時佛住舍衛國祇樹給
孤獨園今時世尊告諸比丘我憶宿
命未成正覺時獨一靜處專精禪思
作是念何法有故老死有何法緣故
老死有即正思惟生如實无間等生
有故老死有生緣故老死有如有
取愛受觸六入處名色何法有故名
色有何法緣故名色有即正思惟如

實无門等生識有故名色有識緣故
有多色有我作是思惟時齊識而還
不能過彼謂緣識名色緣名色六入
處緣六入處觸緣觸受緣受愛緣愛
取緣取有緣有生緣生老病死憂悲
惱苦如是如是純大苦聚集我時作
是念何法无故則老死无何法滅故
老死滅卽正思惟生如實無間等生
无故老死無生滅故老死滅如是生
有取愛受觸六入處名色識行廣說
我復作是思惟何法无故行无何法
滅故行滅卽正思惟如實无間等无
明無故行無無明滅故行滅行滅故
識滅識滅故名色滅名色滅故六入
處滅六入處滅故觸滅觸滅故受滅
受滅故愛滅愛滅故取滅取滅故有
滅有滅故生滅生滅故老病死憂悲
惱苦滅如是如是純大苦聚集滅我時
作是念我得古仙人道古仙人遙古
仙人道跡古仙人從此跡去我今隨
去譬如有人遊於曠野披荒覓路忽
遇故道古人行處彼則隨行漸漸前
進見故城邑故王宮殿園觀浴池林

木清淨彼作是念我今當往白三令
知即往白王大王當知我遊曠野披
荒求路忽見故道古人行處我即隨
行我隨行已見故城邑故王宮殿園
觀浴池林流清淨大王可往居止其
中王即往彼止住其中豐樂安隱人
民熾盛今我如是得古仙人道古仙
人遙古仙人跡古仙人去處我得隨
去謂八聖道正見正志正語正業正
命正方便正念正定我從彼道見老
病死老病死集老病死滅老病死滅
道跡見生有取愛受觸六入處名色
識行行集行滅行滅道跡我於此法
自知自覺成等正覺為比丘比丘尼
優婆塞優婆夷及餘外道沙門婆羅
門在家出家彼諸四衆聞法正向信
樂知法善梵行增廣多所饒益開示
顯發佛說此經已諸比丘聞佛所說
歡喜奉行

如是我聞一時佛住王舍城迦蘭陀
竹園尔時尊者舍利弗尊者摩訶拘
絺羅在耆闍崛山尔時尊者舍利弗
爾時從禪覺詣尊者摩訶拘絺羅共

相問訊慶慰已於一面坐語尊者
摩訶拘締羅欲有所問寧有閑暇見
答與不尊者摩訶拘締羅語尊者舍
利弗言仁者且問知者當答尊者舍
利弗問尊者摩訶拘締羅云何尊者
摩訶拘締羅有老不答言有尊者舍
利弗復問有死不答言有復問云何
老死自作耶為他作耶為自作耶
為非自作非他无因作耶答言尊者舍
利弗老死非自作非他作非自作
亦非非自作他作无因作然彼生緣
故有老死如是生有取愛受觸六
入處名色為自作為他作為自作
為非自作他无因作答言尊者舍利弗
名色非自作非他作非自作非非
自作无因作然彼名色緣識生復
問彼識為自作為他作為自作為
非自作非他无因作答言尊者舍利弗
彼識非自作非他作非自作非非
自作无因作然彼識增名色生尊
者舍利弗復問尊者摩訶拘締羅先
言名色非自作非他作非自作非
非自作无因作然彼名色緣識生

而今復言名色緣識此義云何尊者
摩訶拘締羅答言今當說譬如智者
因譬得解譬如三蘆立於空地展轉
相依而得堅立若去其一二亦不立
若去其二一亦不立展轉相依而得
堅立識緣名色亦復如是展轉相依
而得生長尊者舍利弗言善哉善哉
尊者摩訶拘締羅世尊聲聞中智慧
明達善調無畏見甘露法以甘露法
具足身作證者謂尊者摩訶拘締羅
乃有如是甚深義辯種種難問皆悉
能答如无價寶珠世所頂戴我今頂
戴尊者摩訶拘締羅亦復如是我今
於汝所快得善利諸餘梵行數詣其
所亦得善利以彼尊者善說法故我
今以此尊者摩訶拘締羅所說法故
當以三十一種讚歎稱揚隨喜尊者摩
訶拘締羅說老死獸患離欲滅盡是
名法師說生有取愛受觸六入處名
色識獸患離欲滅盡是名法師若比
丘於老死獸患離欲滅盡向是名法
師乃至識獸患離欲滅盡向是名法
師若比丘於老死獸患離欲滅盡不

起諸漏心善解脫是名法師乃至識
獸患離欲滅盡不起諸漏心善解脫
是名法師尊者摩訶拘絺羅語尊者
舍利弗言善哉善哉於世尊聲聞中
智慧明達善調无畏見甘露法以甘
露法具足身作證者謂尊者舍利弗
能作如是種種甚深正智之問猶如
世間无價寶珠人皆頂戴汝今如是
普為一切諸梵行者之所頂戴恭敬
奉事我於今日快得善利得與尊者
共論妙義時二正士更相隨喜各還
所住

如是我聞一時佛住王舍城迦蘭陀
竹園今時世尊告諸比丘愚癡无闻
凡夫於四大身獸患離欲背捨而非
識所以者何見四大身有增有減有
取有捨而於心意識愚癡无闻凡夫
不能生獸離欲解脫所以者何彼長
夜於此保惜繫我若得若取言是我
我所相在是故愚癡无闻凡夫不能
於彼生獸離欲背捨愚癡无闻凡夫
寧於四大身繫我我所不可於識繫
我我所所以者何四大色身或見十

年住二十三乃至百年若善消息
或復小過彼心意識日夜時尅須臾
轉變異生異滅猶如猕猴遊林樹間
須臾處處攀捉枝條放一取一彼心
意識亦復如是異生異滅多聞聖弟
子於諸緣起善思惟觀察所謂樂觸
緣生樂受樂受覺時如實知樂受覺
彼樂觸滅樂觸因緣生受亦滅止清
涼息沒如樂受苦觸喜觸憂觸捨觸
因緣生捨受捨受覺時如實知捨受
覺彼捨觸滅彼捨觸因緣生捨受亦
滅止清涼息沒彼如是思惟此受觸
生觸樂觸縛彼彼觸樂故彼彼受樂
彼彼觸樂滅彼彼受樂亦滅止清涼
息沒如是多聞聖弟子於色生厭於
受想行識生厭故不樂不樂故解
脫解脫知見我生已盡梵行已立所
作已作自知不受後有佛說此經已
諸比丘聞佛所說歡喜奉行

如是我聞一時佛住王舍城迦蘭陀
竹園尔時世尊告諸比丘愚癡无闻
凡夫於四大色身生厭離欲背捨但
非識所以者何四大色身現有增減

有取有捨若心若意若識彼愚癡元聞凡夫不能於識生厭離欲習捨長夜保惜繫我若得若取言是我我所相在是故愚癡無聞凡夫不能於彼生厭離欲習捨愚癡元聞凡夫寧於四大色身繫我我所不可於識繫我我所所以者何四大色身或見十年住二十三十乃至百年若善消息或復少過彼心意識日夜時尅須臾不停種種轉變異生異滅譬如獼猴遊林樹間須臾處處攀捉枝條放一取一彼心意識亦復如是種種變易異生異滅多聞聖弟子於諸緣起思惟觀察所謂樂觸緣生樂受樂受覺時如實知樂受覺彼樂觸滅樂因緣生樂受亦滅止清涼息沒如樂受苦觸喜觸憂觸捨觸因緣生捨受捨受覺時如實知捨受覺彼捨觸滅捨觸因緣生捨受亦滅止清涼息沒譬如兩木相磨和合生火若兩木離散火亦隨滅如是諸受緣觸集觸生觸集若彼彼觸集故彼彼受亦集彼彼觸集滅故彼彼受集亦滅止清涼息沒多聞

聖弟子如是觀者於色解脫於受想
行識解脫於生老病死憂悲惱苦解
脫我說彼於苦得解脫佛說此經已
諸比丘聞佛所說歡喜奉行

如是我聞一時佛住王舍城迦蘭陀
竹園今時世尊告諸比丘我說內觸
法汝等為取不時有異比丘從座起
整衣服稽首禮足合掌白佛言世尊
所說內觸法我已取也時彼比丘於
佛前如是如是自記說如是如是世
尊不悅今時尊者阿難在佛後執扇
扇佛佛告阿難如聖法律內觸法異
於此比丘所說阿難白佛今正是時
唯願世尊為諸比丘說賢聖法律內
觸法諸比丘聞已當受奉行

佛告阿難善哉諦聽當為汝說此諸
比丘取內觸法應如是思惟若衆生
所有種種衆苦生此苦何因何集何
生何觸作如是取時當知此苦億波
提因億波提集億波提生億波提轉
復次比丘內觸法又億波提何因何
集何生何觸彼取時當復知億波提
受因愛集愛生愛觸復次比丘取內

觸法當復知愛何因何集何生何觸
如是取時當知世間所念諦正之色
於彼愛生而生繫而繫住而住若諸
沙門婆羅門於世間所念諦正之色
作常想恒想安隱想无病想我想我
所想而見則於此色愛增長愛增長
已億波提增長億波提增長已苦增
長苦增長已則不解脫生老病死憂
悲惱苦我說彼不解脫苦譬如路側
清涼池水香味具足有人以毒著中
陽春之月諸行路者風熱渴逼覓來
欲飲有人語言士夫此是清涼色香
味具足然中有毒汝等勿飲若當飲
者或令汝死或近死苦而彼渴者不
信而飲雖得美味湏臾或死或近死
苦如是沙門婆羅門見世間可念端
政之色作常見恒見安隱见无病見
我我所見乃至不得解脫生老病死
憂悲惱苦若諸沙門婆羅門於世間
可念端政之色觀察如病如癰如刺
如煞无常苦空非我彼愛則離愛離
故億波提離億波提離故則苦離苦
離故則生老病死憂悲惱苦離譬如

路側清涼池水香味具足有人以毒
著中渴泰之月諸行路者風熱渴逼
竟來欲飲有人語言此水有毒汝等
勿飲若當飲者或令汝死或近死苦
彼則念言此水有毒若當飲者或令
我死或近死苦我且忍渴食乾麩飯
不取水飲如是沙門婆羅門於世間
可念之色觀察如病如癰如刺如煞
无常苦空非我乃至解脫生老病死
憂悲惱苦是故阿難於此法如是見
如是聞如是覺如是知於過去未來
亦如此道如是觀察佛說此經已諸
比丘聞佛所說歡喜奉行

如是我聞一時佛住王舍城迦蘭陀
竹園余時世尊告諸比丘云何思量
觀察正盡苦究竟苦邊時思量衆生
所有衆苦種種差別此諸苦何因何
集何生何觸思量取因取集取生取
觸若彼取滅无餘衆苦則滅彼所乘苦
滅道跡如實知修行彼向次法是名
比丘向正盡苦究竟苦邊所謂取滅
復次比丘思量觀察正盡苦究竟苦
邊時思量彼取何因何集何生何觸

思量彼取愛因愛集受生愛觸彼受
永滅無餘取亦隨滅彼所乘取滅道
跡如實知修習彼向次法是名比丘
向正盡苦究竟苦邊所謂愛滅復次
比丘思量觀察正盡苦究竟苦邊則
思量彼受何因何集何生何觸知彼
受受因受集受生受觸彼受永滅无
餘則愛滅彼所乘愛滅道跡如實知
修習彼向次法是名比丘向正盡苦
究竟苦邊所謂受滅復次比丘思量
觀察正盡苦究竟苦邊時思量彼受
何因何集何生何觸知彼受觸因觸
集觸生觸緣彼觸永滅无餘則受滅
彼所乘觸滅道跡如實知修習彼向
次法是名比丘向正盡苦究竟苦邊
復次比丘思量觀察正盡苦究竟苦
邊時思量彼觸何因何集何生何觸
當知彼觸六入處因六入處集六入
處生六入處觸彼六入處欲滅无餘
則觸滅彼所乘六入處滅道跡如實知
修習彼向次法是名比丘向正盡苦
究竟苦邊復次比丘思量觀察正盡
苦究竟苦邊時思量彼六入處何因

何集何生何觸知彼六入處名色因
名色集名色生名色觸名色永滅无
餘則六入處滅彼所乘名色滅道跡
如實知修習彼向次法是名比丘向
正盡苦究竟苦邊所謂名色滅復次
比丘思量正盡苦究竟苦邊時思量
名色何因何集何生何觸知彼名色
識因識集識生識觸彼識欲滅无餘
則名色滅彼所乘識滅道跡如實知
修習彼向次法是名比丘向正盡苦
究竟苦邊所謂識滅復次比丘思量觀
察正盡苦究竟苦邊時思量彼識何
因何集何生何觸知彼識行因行集
行生行觸作諸福行善識生作諸不
福不善行不善識生作無所有行无
所有識生是為彼識行因行集行生
行觸彼行欲滅無餘則識滅彼所乘
行滅道跡如實知修習彼向次法是
名比丘向正盡苦究竟苦邊所謂行
滅復次比丘思量觀察正盡苦究竟
苦邊時思量彼行何因何集何生何
觸知彼行无明因无明集無明生无
明觸彼福行無明緣非福行亦无明

緣非福不福行亦无明緣

是故當知彼行无明因無明集无明
生無明觸彼無明永滅無餘則行滅
彼所乘无明滅道跡如實知修習彼
向次法是名比丘向正盡苦究竟苦
邊所謂无明滅佛告比丘於意云何
若不樂無明而生明復緣彼无明作
福行非福行無所有行不比丘白佛
不也世尊所以者何多聞聖弟子不
樂無明而生明无明滅則行滅行滅
則識滅如是乃至生老病死憂悲惱
苦滅如是如是純大苦聚滅佛言善
哉善哉比丘我亦如是說汝亦知此於
彼彼法起彼彼法生彼彼法滅彼彼
法滅止清涼息沒若多聞聖弟子无
明離欲而生明身分齊受所覺身分
齊受所覺時如實知若壽分齊受所
覺壽分齊受所覺時如實知身壞時
壽命欲盡於此諸受一切所覺滅盡
無餘譬如力士取新熟瓦器乘熱置
地須臾散壞熱勢悉滅如是比丘無
明離欲而生明身分齊受所覺如實
知壽分齊受所覺如實知身壞命終

一切受所覺悉滅无餘佛說此經已
諸比丘聞佛所說歡喜奉行

如是復聞一時佛住王舍城迦蘭陀
竹林園舍時世尊告昇以上我已度疑
離於猶豫拔邪見判不復退轉心无
所著故何處有我為彼比丘說法為
彼比丘說賢聖出世空相應緣起
隨順法所謂有是故是事有是事有
故是事起所謂緣無明行緣行識緣
識名色緣名色六入處緣六入處觸
緣觸受緣受愛緣愛取緣取有緣有
生緣生老死憂悲惱苦如是如是純
大苦聚集乃至如是純大苦聚滅如
是說法而彼比丘猶有疑惑猶豫先
不得得想不獲獲想不證證想今聞
法已心生憂苦悔恨矇沒障導所以
者何此甚深處所謂緣起倍復甚深
難見所謂一切取離愛盡无欲寂滅
涅槃如此二法謂有為无為有為者
若生若住若異若滅無為者不生不
住不異不滅是名比丘諸行苦寂滅
涅槃因集故苦集因滅故苦滅斷諸
迤路滅於相續相續滅滅是名苦邊

比丘彼何所滅謂有餘苦彼若滅止
清涼息沒所謂一切取滅愛盡无欲
滅滅涅槃佛說此經已諸比丘聞佛
所說歡喜奉行

如是我聞一時佛住王舍城迦蘭陀
竹園今時世尊告諸比丘愚癡无闻
凡夫无明覆愛緣繫得此識身内有
此識身外有名色此二因緣生觸此
六觸入所觸愚癡无聞凡夫苦樂受
覺因起種種云何為六眼觸入處耳
鼻舌身意觸入處若點慧者无明覆
愛緣繫得此識身如是内有識身外
有名色此二緣生六觸入處六觸所
觸故智者生苦樂受覺因起種種何
等為六眼觸入處耳鼻舌身意觸入
處愚夫點慧彼於我所修諸梵者有
何差別比丘白佛言世尊是法根法
眼法依善哉世尊唯願演說諸比丘
聞已當受奉行

今時世尊告諸比丘諦聽善思當為
汝說諸比丘彼愚癡无闻凡夫无明
所覆愛緣所繫得此識身彼无明不
斷愛緣不盡身壞命終還復受身還

受身故不得解脫生老病死憂悲惱
苦所以者何此愚癡凡夫本不修梵
行向正盡苦究竟苦邊故是故身壞
命終還復受身還受身故不得解脫
生老病死憂悲惱苦若黠慧者無明
所覆愛緣所繫得此識身彼無明斷愛
緣盡無明斷愛緣盡故身壞命終更
不復受不更受故得解脫生老病死
憂悲惱苦所以者何彼先修梵行正
向盡苦究竟苦邊故是故彼身壞命
終更不復受更不受故得解脫生老
病死憂悲惱苦是名凡夫及黠慧者
復於我所修諸梵行種種差別佛說
此經已諸比丘聞佛所說歡喜奉行
如是我聞一時佛住王舍城迦蘭陀
竹園舍時世尊告諸比丘此身非汝
所有亦非餘人所有謂六觸入處本
修行願受得此身云何為六眼觸入
處耳鼻舌身意觸入處彼多聞聖弟
子於諸緣起善正思惟觀察有此六
識身六觸身六受身六想身六思身
所謂此有故有當來生老病死憂悲
惱苦如是如是純大苦聚集是名有

因有緣世間集謂此无故六識身无
六觸身六受身六想身六思身无謂
此無故无有當來生老病死憂悲惱
苦如是如是純大苦聚滅若多聞聖
弟子於世間集世間滅如實正知善
見善覺善入是名聖弟子招此善法
得此善法知此善法入此善法覺知
覺見世間生滅成就賢聖出離實寂
正盡苦究竟苦邊所以者何謂多聞
聖弟子世間集滅如實知善見善覺
善入故佛說此經已諸比丘聞佛所
說歡喜奉行

如是我聞一時佛住王舍城迦蘭陀
竹園尔時世尊告諸比丘我今當說
因緣法及緣生法云何為因緣法謂
此有故彼有謂緣無明行緣行識乃至
如是如是純大苦聚集云何緣生法
謂无明行若佛出世若未出世此法
常住法住法界彼如來自所覺知成
等正覺為人演說開示顯發謂緣无
明有行乃至緣生有老死若佛出世
若未出世此法常住法住法界彼如
來自覺知成等正覺為人演說開示

顯發謂緣生故有老病死憂悲惱苦
此等諸法法住法空法如法尔法不
離如法不異如審諦真實不顛倒如
是隨順緣起是名緣生法謂无明行
識名色六入處觸受愛取有生老病
死憂悲惱苦是名緣生法多聞聖弟
子於此因緣法緣生法正知善見不
求前際言我過去世若有若无我過
去世何等類我過去世何如不求後
際我於當來世為有為无云何類何
如内不猶豫此是何等云何有此為
前誰終當云何之此衆生從何來於
此沒當何之若沙門婆羅門起凡俗
見所繫謂說我見所繫說衆生見所
繫說壽命見所繫忌諱吉慶見所繫
尔時志斷恙知斷其根本如截多羅
樹頭於未來世成不生法是名多聞
聖弟子於因緣法緣生法如實正知
善見善覺善修善入佛說此經已諸
比丘聞佛所說歡喜奉行

如是我聞一時佛住拘留搜調牛聚
落尔時世尊告諸比丘我當為汝等
說法初中後善善義善味純一清淨

梵行清白所謂大空法經諦聽善思
當為汝說云何為大空法經所謂此
有故彼有此起故彼起謂緣无明行
緣行識乃至純大苦聚集緣生老死
者若有問言彼誰老死老死屬誰彼
則答言我即老死今老死屬我老死
是我所言命即是身或言命異身異
此則一義而說有種種若見言命即
是身彼梵行者所无有若復見言命
異身異梵行者所无有於此二邊心
所不隨正向中道賢聖出世如實不
顛倒正見謂緣生老死如是生有取
愛受觸六入處名色識行緣无明故
有行若復問言誰是行行屬誰彼則
答言行則是我行是我所彼如是命
即是身或言命異身異彼見命即是
身者梵行者無有或言命異身異者
梵行者亦無有離此二邊正向中道
賢聖出世如實不顛倒正見所知所
謂緣无明行諸比丘若无明離欲而
生明彼誰老死老死屬誰者老死則
斷則知斷其根本如截多羅樹頭於
未來世成不生法若比丘无明離欲

而生明彼誰生生屬誰乃至誰是行
行屬誰者行則斷則知斷其根本如
截多羅樹頭於未來世成不生法若
比丘無明離欲而生明彼无明滅則
行滅乃至純大苦聚滅是名大空法
經佛說此經已諸比丘聞佛所說歡
喜奉行

如是我聞一時佛住拘留搜調牛聚
落尔時世尊告諸比丘我今當說緣
起法法說義說諦聽善思當為汝說
云何緣起法法說謂此有故彼有此
起故彼起謂緣無明行乃至純大苦
聚集是名緣起法法說云何義說謂
緣无明行者彼云何无明若不知前
際不知後際不知前後際不知於內
不知於外不知內外不知業不知報
不知業報不知佛不知法不知僧不
知苦不知集不知滅不知道不知因
不知因所起法不知善不善有罪无
罪習不習若劣若勝染污清淨分別
緣起皆悉不知於六觸入處不如實
覺知於彼彼不知不見无无聞等癡
闇无明大冥是名無明緣無明行者

云何為行行有三種身行口行意行
緣行識者云何為識謂六識身眼識
身耳識身鼻識身舌識身身識身意
識身緣識名色者云何名謂四元色
陰受陰想陰行陰識陰云何色謂四
大四大所造色是名為色此色及前
所說名是為名色緣名色六入處者
云何為六入處謂六內入處眼入處
耳入處鼻入處舌入處身入處意入
處緣六入處觸者云何為觸謂六觸
身眼觸身耳觸身鼻觸身舌觸身身
觸身意觸身緣觸受者云何為受謂
三受苦受樂受不苦不樂受緣受愛
者彼云何為愛謂三愛欲愛色愛無
色愛緣愛取者云何為取四取欲取
見取戒取我取緣取有者云何為有
三有欲有色有无色有緣有生者云
何為生若彼彼衆生彼彼身種類一
生超越和合出生得陰得界得入處得
命根是名為生緣生老死者云何為
老若髮白露頂皮緩根熟支弱背僂
垂頭呻吟短氣前輸拄杖而行身體
羸黑四體斑駁間銑齒熟造行艱難

羸劣是名為老云何為死彼彼衆生
彼彼種類沒遷移身壞壽盡火離命
滅捨陰時到是名為死此死及前說
老是名老死是名緣起義說佛說此
經已諸比丘聞佛所說歡喜奉行
如是我聞一時佛住拘留搜調牛聚
落時有異比丘來詣佛所稽首禮足
退坐一面白佛言世尊謂緣起法為
世尊作為餘人作耶佛告比丘緣起
法者非我所作亦非餘人作然彼如
來出世及未出世法界常住彼如來
自覺此法成等正覺為諸衆生分別
演說開發顯示所謂此有故彼有此
起故彼起謂緣无明行乃至純大苦
聚集无明滅故行滅乃至純大苦聚
滅佛說此經已時彼比丘聞佛所說
歡喜奉行

如是我聞一時佛住拘留搜調牛聚
落時有異婆羅門來詣佛所與世尊
面相慶慰慶慰已退坐一面白佛言
云何瞿曇為自作自覺耶佛告婆羅
門我說此是无記自作自覺此是无
記云何瞿曇云他作他覺耶佛告婆羅

門他作他覺此是无記婆羅門白佛云何我問自作自覺說言无記他作他覺說言無記此義云何佛告婆羅門自作自覺則墮常見他作他覺則墮斷見義說法說難此二邊處於中道而說法所謂此有故彼有此起故彼起緣无明行乃至純大苦聚集无明滅則行滅乃至純大苦聚滅佛說此經已彼婆羅門歡喜隨喜從座起去如是我聞一時佛住那梨聚落深林中待賓舍念時尊者踰陀迦旃延詣佛所稽首佛足退住一面白佛言世尊如世尊說正見云何正見云何世尊施設正見佛告踰陀迦旃延世間有二種依若有若无為取所觸取所觸故或依有或依无若無此取者心境繫著使不取不住不計我苦生而生苦滅而滅於彼不疑不惑不由於他而自知是名正見是名如來所施設正見所以者何世間集如實正知見若世間无者不有世間滅如實正知見若世間有者無有是名離於二邊說於中道所謂此有故彼有此起

故彼起謂緣无明行乃至純大苦聚
集无明滅故行滅乃至純大苦聚滅
佛說此經已尊者跋陀迦旃延聞佛
所說不起諸漏心得解脫成阿羅漢
如是我聞一時佛住王舍城耆闍崛
山今時世尊晨朝著衣持鉢出耆闍
崛山入王舍城乞食時有阿支羅迦
葉為營小事出王舍城向耆闍崛山
還見世尊見已詣佛所白佛言瞿曇
欲有所問寧有閑暇見答與不佛告
迦葉今非論時我今入城乞食來還
則是其時當為汝說第二亦如是說
第三復問瞿曇何為我作留難瞿曇
云何有異我今欲有所問為我解說
佛告阿支羅迦葉隨汝所問阿支羅
迦葉白佛言云何瞿曇苦自作耶佛
告迦葉苦自作者此是无記迦葉復
問云何瞿曇苦他作耶佛告迦葉苦
他作者此亦無記迦葉復問苦自他
作耶佛告迦葉苦自他作此亦无記
迦葉復問云何瞿曇苦非自非他无
因作耶佛告迦葉苦非自非他此亦
无記迦葉復問云何无因作者瞿曇

所問苦自作耶答言无記他作耶自
他作耶非自非他無因作耶答言无
記今無此苦耶佛告迦葉非無此苦
然有此苦迦葉白佛言善哉瞿曇說
有此苦為我說法令我知苦見苦佛
告迦葉若受即自受者我應說苦自
作若他受他即受者是則他作若受
自受他受復與苦者如是者自他作
我亦不說若不因自他无因而生苦
者我亦不說離此諸邊說其中道如
來說法此有故彼有此起故彼起謂
緣无明行乃至純大苦聚集无明滅
則行滅乃至純大苦聚滅佛說此經
已阿支羅迦葉遠塵離垢得法眼淨
時阿支羅迦葉見法得法知法入法
度諸狐疑不由他知不因他度於正
法律心得无畏合掌白佛言世尊我
今已度我從今日歸依佛歸依法歸
依僧盡壽作優婆塞證知我阿支羅
迦葉聞佛所說歡喜隨喜作礼而去
時阿支羅迦葉辭世尊去不久為護
犢犢牛所觸煞於命終時諸松清淨
顏色鮮白尔時世尊入城乞食時有

衆多比丘亦入王舍城乞食聞有傳
說阿支羅迦葉從世尊聞法辭去不
久為牛所觸煞於命終時諸根清淨
顏色鮮白諸比丘乞食已還出舉衣
鉢洗足詣世尊所稽首札足退坐一
面白佛言世尊我今晨朝衆多比丘
入城乞食聞阿支羅迦葉從世尊聞
法律辭去不久為護犢牛所觸煞於
命終時諸根清淨顏色鮮白世尊彼
生何趣何處受生彼何所得佛告諸
比丘彼已見法知法次法不受於法
已般涅槃汝等當往供養其身今時
世尊為阿支羅迦葉受第一記

如是我聞一時佛住王舍城耆闍崛
山中介時世尊晨朝著衣持鉢入王
舍城乞食於路見玷牟留外道出家
少有所營至耆闍崛山遊行遙見世
尊往詣其所共相慶慰共相慶慰已
於一面住白佛言瞿曇欲有所問寧
有閑暇為解說不佛告玷牟留外道
出家今非論時須入城乞食來還當
為汝說第二說亦如是第二復請沙
門瞿曇將於我所作留難不欲有所

問為我解說佛告玷牟留外道出家
隨汝意問當為汝說玷牟留外道出
家即問沙門瞿曇苦樂自作耶佛告
玷牟留外道出家說苦樂自作者此
是无記復問沙門瞿曇苦樂他作耶
佛告玷牟留外道出家說苦樂他作
者此是无記復問瞿曇苦樂為自他
作耶佛告玷牟留外道出家說苦樂
自他作者此是无記復問瞿曇苦樂
非自非他無因作耶佛告玷牟留外
道出家說苦樂非自非他無因作者
此是无記廣說如上阿支羅迦葉經
乃至世尊為玷牟留外道出家受第
一記

雜阿含經卷第十二

三

癸卯歲高麗國大藏都監奉
勅雕造

華阿含經卷第十三



宋天生三藏求部跋陀羅淨

如是我聞一時佛住拘留搜調牛聚落尔時世尊告諸比丘我今當為汝等說法初中後善善義善味純一滿淨梵行清白諦聽善思有六六法何等為六六法謂六內入處六外入處六識身六觸身六受身六愛身何等為六內入處謂眼入處耳入處鼻入處舌入處身入處意入處何等为六外入處色入處聲入處香入處味入處觸入處法入處云何六識身謂眼識身耳識身鼻識身舌識身身意識身云何六觸身謂眼觸耳觸鼻觸舌觸身觸意觸云何六受身受身觸生受耳觸生受鼻觸生受舌觸生受身觸生受耳觸生受鼻觸生受身觸生受耳觸生受意觸生受云何六愛舌觸生受身觸生受意觸生受若有所說言眼是我是則不然所以者何眼生滅故若眼是我者我應受生死是故說眼是我者是則不然如是若色

若眼識眼觸眼觸生受若是我者是則不然所以者何眼觸生受是生滅法若眼觸生受是我者我復應受生死是故說眼觸生受是我者是則不然

是故眼觸生受非我如是耳鼻舌身意觸生受非我所以者何意觸生受是生滅法若是我者我復應受生死是故說意觸生受是我者是則不然

是故意觸生受非我如是當如實知眼所作智所作寂滅所作開發神通正向涅槃云何如實知見眼所作乃至正向涅槃如是比丘眼非我若色眼識眼觸眼觸因緣生受內覺若苦若樂不苦不樂彼亦觀察非我耳鼻舌身意亦如是說是名如實知見眼所作乃至正向涅槃是名六六法經佛說此經已諸比丘聞佛所說歡喜奉行

如是我聞一時佛住拘留搜調牛聚落舍時世尊告諸比丘我今當為汝等說法初中後善善義善味純一滿淨梵行清白所謂六分別六入處經諦聽善思當為汝說何等為六分別

六入處經謂於眼入處不如實知見者色眼識眼觸眼觸因緣生受內覺若苦若樂不苦不樂不如實知見不如實知見故於眼染著若色眼識眼觸眼觸因緣生受內覺若苦若樂不苦不樂皆生染著如是耳鼻舌身意若法意識意觸意觸因緣生受內覺若苦若樂不苦不樂不如實知見不如實知見故於意不染著若法意識意

觸意觸因緣生受內覺若苦若樂不
苦不樂不染不染著故不相雜不愚
闇不顧念不繫縛損減五受陰當來
有愛貪喜彼彼染著悉皆消滅身不
疲苦心不疲苦身不燒心不燒身不
熾然心不熾然身覺樂心覺樂身心
覺樂故於未來世生老病死憂悲惱
苦悉皆消滅如是純大苦聚陰滅作如
是知如是見者名為正見修習滿足
正志正方便正念正定前說正語正
業正命清淨修習滿足是名修習八
聖道清淨滿足八聖道修習滿足已
四念處修習滿足四正勤四如意足
五根五力七覺分修習滿足若法應
知應了者悉知悉了若法應知應斷
者悉知悉斷若法應知應作證者悉
皆作證若法應知應修習者悉已修
習何等法應知應了悉知悉了所謂
名色何等法應知應斷所謂无明及
有愛何等法應知應證所謂眼解脫
何等法應知應修所謂正觀若比丘
於此法應知應了悉知悉了若法應
知應斷者悉知悉斷若法應知應作

證者悉知悉證若法應知應修者悉知悉修是名比丘斷愛結縛正元間等究竟苦邊諸比丘是名六分別六入處經佛說此經已詣比丘聞佛所說歡喜奉行

如是我聞一時佛住舍衛國祇樹給孤獨園時有異比丘獨一靜處專精思惟作是念比丘云何知云何見而得見法作是思惟已從禪起往詣佛所稽首叉足退坐一面白佛言世尊我獨一靜處專精思惟作是念比丘云何知云何見而得見法今時世尊告彼比丘諦聽善思當為汝說有二法何等為二眼色為二如是廣說乃至非其境界故所以者何眼色緣生眼識三事和合觸觸俱生受想思此四无色陰眼色此等法名為人於斯等法作人想衆生部羅摩菟闍摩鄰婆士其福伽羅耆婆禪頭又如說我眼見色我耳聞聲我鼻嗅香我舌嘗味我身覺觸我意識法彼施設又如言說是尊者如是名如是生如是姓如是食如是受苦樂如是長壽

如是久住如是壽分齊比丘是則為
想是則為誌是則言說此諸法皆悉
无常有為思願緣生若无常有為思
願緣生者彼則是苦又復彼苦生亦
苦住亦苦滅亦苦數數出生一切皆
苦若復彼苦無餘斷吐盡離欲滅息
沒餘苦更不相續不出生是則寂滅
是則勝妙所謂捨一切有餘一切愛
盡无欲滅盡涅槃耳鼻舌身觸緣生
身識三事和合觸觸俱生受想思此
四是无色陰身根是色陰此名為人
如上說乃至滅盡涅槃緣意法生意
識三事和合觸觸俱生受想思此四
無色陰四大士夫所依此等法名為
人如上廣說乃至滅盡涅槃若有於
此諸法心隨入住解脫不退轉於彼
所起繫著无有我比丘如是知如是
見則為見法佛說此經已諸比丘聞
佛所說歡喜奉行

如是我聞一時佛住舍衛國祇樹給
孤獨園時有異比丘獨一靜處專精
思惟作是念云何知云何見名為見
法思惟已從禪起往詣佛所稽首礼

足退坐一面白佛言世尊我獨一靜
處專精思惟作是念比丘云何知云
何見名為見法今問世尊唯願解說
佛告比丘諦聽善思當為汝說有二
法眼色緣生眼識如上廣說尊者如
所說偈

眼色二種緣 生於心心法 識觸及俱生
受想等有因 非我非我所 亦非福伽羅
亦非摩菟闍 亦非摩都婆 是則為生滅
苦陰變易法 於斯等作想 施設於衆生
都羅摩菟闍 及與摩都婆 亦餘衆多想
皆因苦陰生 諸業愛无明 因積他世陰
餘沙門異道 異說二法者 彼但有言說
聞已增癡惑 貪愛息无餘 无明没永滅
愛盡衆苦息 無上佛眼說

佛說此經已諸比丘聞佛所說歡喜
奉行

如是我聞一時佛住舍衛國祇樹給
孤獨園今時世尊告諸比丘諸天世
人於色染著愛樂住彼色若无常變
易滅盡彼諸天人則生大苦於聲香
味觸法染著愛樂住彼法變易无常
滅盡彼諸天人得大苦住如來於色

色集色滅色味色患色離如實知如實知已於色不復染著愛樂住彼色變易无常滅盡則生樂住於聲香味觸法集滅味患離如實知如實知已不復染著愛樂住彼色變易无常滅盡則生樂住所以者何眼色緣生眼識三事和合觸觸緣受若苦若樂不苦不樂此三受集此受滅此受患此受離如實知於彼色因緣生既尋既尋盡已名无上安隱涅槃耳鼻舌身意法緣生意識三事和合觸觸緣受若苦若樂不苦不樂彼受集受滅受味受患受離如實知如實知已彼法因緣生既尋既尋盡已名无上安隱涅槃尔時世尊而說偈言

於色聲香味觸法六境界一向生喜悅
愛染深樂著諸天及世人唯以此為樂
變易滅盡時彼則生大苦唯有諸賢聖
見其滅為樂世間之所樂觀察悉為怨
賢聖見苦著世間以為樂世間之所苦
於聖則為樂甚深難解法世間疑惑生
大闇所昏沒盲冥无所見唯有智慧者
發矇開大明如是甚深句非聖孰能知

不遷受身者深達諦明了

佛說此經已諸比丘聞佛所說歡喜奉行

如是我聞一時佛住瞻婆國揭伽池側尔時尊者底細來詣佛所稽首礼足退坐一面白佛言世尊如世尊說有第二住有一二住彼云何第二住云何一一住佛告底細善哉善哉底細能問如來如是之義佛告底細若眼識色可愛樂念可意長養於欲彼比丘見已喜樂讚歎繫著住愛樂讚歎繫著住已心轉歡喜歡喜已深樂深樂已貪愛貪愛已阨号歡喜深樂貪愛阨号者是名第二住耳鼻舌身意亦如是說底細有如是像類比丘正使空閑獨處猶名第二住所以者何愛喜不斷不滅故愛欲不斷不知者諸佛如來說第二住若有比丘於可愛樂念可意長養於欲色彼比丘見已不喜樂不讚歎不繫著住不喜樂不讚歎不繫著住已不歡喜不歡喜故不深樂不深樂故不貪愛不貪愛故不阨号不歡喜深樂貪愛阨号

者是名為二住耳鼻舌身意亦如是說
鹿細如是像類比丘正使處於高樓重閣猶是一住者所以者何
貪愛已盡已知故貪愛已盡已知者諸佛如來說名一一住
今時尊者鹿細聞佛所說歡喜隨喜作禮而去
如是我聞一時佛住瞻婆國揭伽池側
今時尊者鹿細來詣佛所稽首禮足退坐
一面白佛言善哉世尊為我說法我聞法已當獨一靜處專精思惟不放逸住
乃至自知不受後有佛告鹿細善哉善哉
鹿細能問如來如是之義諦聽善思當為汝說
佛告鹿細若眼見可愛樂可意可念長養於欲之色見已
彼說讚歎繫著欣悅讚歎繫著已則歡喜集歡喜集已則苦集耳鼻舌身意亦如是說
鹿細若比丘眼見可愛樂可念可意長養於欲之色見已
不欣悅不讚歎不繫著不欣悅不讚歎不繫著故不歡喜集不歡喜集故則苦滅耳鼻舌身意法亦如是說
今時尊者鹿細聞佛所說歡喜隨喜作禮而去

余時尊者應細聞佛說法教誡已獨
一靜處專精思惟不放逸住乃至得
阿羅漢心善解脫

如是我聞一時佛住舍衛國祇樹給
孤獨園余時尊者富樓那來詣佛所
稽首礼足退住一面白佛言善哉世
尊為我說法我坐獨一靜處專精思
惟不放逸住乃至自知不受後有佛
告富樓那善哉善哉能問如來如是
之義諦聽善思當為汝說若有比丘
眼見可愛可樂可念可意長養欲之
色見已欣悅讚歎繫著欣悅讚歎繫
著已歡喜歡喜已樂著樂著已貪愛
貪愛已阨尋歡喜樂著貪愛阨尋故
去涅槃遠耳鼻舌身意亦如是說富
樓那若比丘眼見可愛樂可念可意
長養欲之色見已不欣悅不讚歎不
繫著不欣悅不讚歎不繫著故不
歡喜不歡喜故不深樂不深樂故不
貪愛不貪愛故不阨尋不歡喜不深
樂不貪愛不阨尋故漸近涅槃耳鼻
舌身意亦如是說佛告富樓那我已
略說法教汝欲何所住富樓那白佛

言世尊我已蒙世尊略說教誡我欲
於西方輸盧部人間遊行佛告富樓
部西方輸盧部人兇惡輕躁弊暴好
罵富樓部汝若聞彼兇惡輕躁弊暴
好罵毀辱者當如之何富樓部白佛
言世尊若彼西方輸盧部國人面前
兇惡訶罵毀辱者我作是念彼西方
輸盧部人賢善智慧雖於我前兇惡
弊暴罵毀辱我猶尚不以手石而見
打擲佛告富樓部彼西方輸盧部人
但兇惡輕躁弊暴罵辱於汝則可脫
復當以手石打擲者當如之何富樓
部白佛言世尊西方輸盧部人脫以
手石加於我者我當念言輸盧部人
賢善智慧雖以手石加我而不用刀
杖佛告富樓部若當彼人脫以刀杖
而加汝者復當云何富樓部白佛言
世尊若當彼人脫以刀杖而加我者
當作是念彼輸盧部人賢善智慧雖
以刀杖而加於我而不見煞佛告富
樓部假使彼人脫煞汝者當如之何
富樓部白佛言世尊若西方輸盧部
人脫煞我者當作是念有諸世尊弟

子當厭患身或以刀自煞或服毒藥或以繩自繫或投深坑彼西方輸盧部人賢善智慧於我朽敗之身以少作方便便得解脫佛言善哉富樓那汝善學忍辱汝今堪能於輸盧部人間住止汝今宜去度於未度安於未安未涅槃者令得涅槃爾時富樓那聞佛所說歡喜隨喜作禮而去

爾時尊者富樓那夜過晨朝著衣持鉢入舍衛城乞食食已還出付囑卧具持衣鉢去至西方輸盧部人間遊行到已夏安居為五百優婆塞說法建立五百僧伽藍繩牀卧褥供養泉具悉皆備足三月過已具足三明即於彼處入無餘涅槃

如是我聞一時佛住舍衛國祇樹給孤獨園爾時摩羅迦舅來詣佛所稽首礼足退坐一面白佛言善哉世尊為我說法我聞法已獨一靜處專精思惟不放逸住乃至不受後有尔時世尊告摩羅迦舅言諸年少聰明利根於我法律出家未久於我法律尚无懈怠而况汝今日年耆根熟而欲

聞我略說教誡摩羅迦舅白佛言世
尊我雖年耆根熟而尚欲得聞世尊
略說教誡唯願世尊為我略說教誡
我聞法已當獨一靜處專精思惟乃
至自知不受後有第二第三亦如是
請佛告摩羅迦舅汝今且止如是再
三亦不為說尔時世尊告摩羅迦舅
我今問汝隨意答我佛告摩羅迦舅
若眼未曾見色汝當欲見於彼色起
欲起愛起念起染著不答言不也世
尊耳聲鼻香舌味身觸意法亦如是
說佛告摩羅迦舅善哉善哉摩羅迦
舅見以見為量聞以聞為量覺以覺
為量識以識為量而說偈言
若汝非於彼彼亦復非此亦非兩中間
是則為苦邊

摩羅迦舅白佛言已知世尊已知善
逝佛告摩羅迦舅汝云何於我略說
法中廣解其義尔時摩羅迦舅說偈
白佛言

若眼已見色而失於正念則於所見色
而取愛念相取愛樂相者心則常繫著
起於種種愛无量色集生貪欲恚害覺

令其心退減長養於衆苦永離於涅槃
見色不取相其心隨正念不染惡心愛
亦不生繫著不起於諸愛无量色集生
貪欲恚害覺不能壞其心小長養衆苦
漸次近涅槃日種尊所說離愛般涅槃
若耳聞諸聲心失於正念而取諸聲相
執持而不捨鼻香舌嘗味身觸意念法
忘失於正念取相亦復然其心一愛樂
繫著堅固住起種種諸愛无量法集生
貪欲恚害覺退減壞其心長養衆苦衆
永離於涅槃不染於諸法正智正念住
其心不染汙亦復不樂著不起於諸愛
无量法集生貪瞋恚害覺不退減其心
衆苦隨損滅漸近般涅槃愛盡般涅槃
世尊之所說

是名世尊略說法中廣解其義佛告
摩羅迦男汝真於我略說法中廣解
其義所以者何如汝所說偈

若眼見衆色忘失於正念則於所見色
而取愛念相

如前廣說今時尊者摩羅迦男聞佛
所說歡喜隨喜作禮而去

今時尊者摩羅迦男於世尊略說法

中廣解其義已於獨一靜處專精思惟不放逸住乃至成阿羅漢心得解脫如是我聞一時佛住舍衛國祇樹給孫獨園尔時世尊告諸比丘有經法諸比丘崇向而於經法異信異欲異聞異行思惟異見審諦忍正知而說我生已盡梵行已立所作已作自知不受後有諸比丘白佛言世尊是法根法眼法依善哉世尊唯願廣說諸比丘聞已當受奉行佛告諸比丘諦聽善思當為汝說比丘眼見色已覺知色而不覺色貪我先眼識於色有貪而今眼識於色无貪如實知若比丘眼見於色已覺知色而不起色貪覺我先眼識有貪而言今眼識於色無貪如實知者諸比丘於意云何彼於此為有信有欲有聞有行思惟有審諦忍不答言如是世尊歸於此法如實正知所知見不答言如是世尊耳鼻舌身意法亦如是說諸比丘是名有經法比丘於此經法崇向異信異欲異聞異行思惟異見審諦忍正知而說我生已盡梵行已立所作

已作自知不受後有佛說此經已諸
比丘聞佛所說歡喜奉行

如是我聞一時佛住舍衛國祇樹給
孤獨園今時世尊告諸比丘當斷欲
斷眼欲已眼則已斷已知斷其根本
如截多羅樹頭於未來世永不復生
耳鼻舌身意亦如是說佛說此經已
諸比丘聞佛所說歡喜奉行

如是我聞一時佛住舍衛國祇樹給
孤獨園今時世尊告諸比丘若眼生
住轉出則苦生病住老死出耳鼻舌
身意亦如是說若眼滅息沒苦生則
滅病則息死則沒耳鼻舌身意亦如
是說佛說此經已諸比丘聞佛所說
歡喜奉行

如是我聞一時佛住舍衛國祇樹給
孤獨園今時世尊告諸比丘眼无常
若眼是常者則不應受逼迫苦亦應
說於眼欲令如是不令如是以眼无
常故是故眼受逼迫苦生是故不得
於眼欲令如是不令如是耳鼻舌身
意亦如是說佛說此經已諸比丘聞
佛所說歡喜奉行

如是我聞一時佛住舍衛國祇樹給
孤獨園今時世尊告諸比丘眼苦若
眼是樂者不應受逼迫苦應得於眼
欲令如是不令如是以眼是苦故受
逼迫苦不得於眼欲令如是不令如
是耳鼻舌身意亦如是說佛說此經
已諸比丘聞佛所說歡喜奉行

如是我聞一時佛住舍衛國祇樹給
孤獨園今時世尊告諸比丘眼非我
若眼是我者不應受逼迫苦應得於
眼欲令如是不令如是以眼非我故
受逼迫苦不得於眼欲令如是不令
如是耳鼻舌身意亦如是說佛說此
經已諸比丘聞佛所說歡喜奉行
如內六入處三經外六入處三經亦
如是說

如是我聞一時佛住舍衛國祇樹給
孤獨園時有坐聞婆羅門往詣佛所
共相問訊問說已退坐一面白佛言
瞿曇耶謂一切者云何名一切佛告
婆羅門一切者謂十二入處眼色耳
聲鼻香舌味身觸意法是名一切若
復說言此非一切沙門瞿曇耶說一

切我今捨別立餘一切者彼但有言
說問已不知增其疑惑所以者何非
其境界故時生聞婆羅門聞佛所說
歡喜隨喜奉行

如是我聞一時佛住舍衛國祇樹給
孤獨園時有生聞婆羅門往詣佛所
面相問訊已退坐一面白佛言瞿曇
所謂一切有云何一切有佛告生聞
婆羅門我今問汝隨意答我婆羅門
於意云何眼是有不答言是有沙門
瞿曇色是有不答言是有沙門瞿曇
婆羅門有色有眼識有眼觸有眼觸
因緣生受若苦若樂不苦不樂不答
言有沙門瞿曇耳鼻舌身意亦如是
說如是廣說乃至非其境界故佛談
此經已生聞婆羅門聞佛所說歡喜
隨喜從坐起去

如是我聞一時佛住舍衛國祇樹給
孤獨園時有生聞婆羅門往詣佛所
共相問訊已退坐一面白佛言沙門
瞿曇所謂一切法云何為一切法佛
告婆羅門眼及色眼識眼觸眼觸因
緣生受若苦若樂不苦不樂耳鼻舌

身意法意識意觸意觸因緣生受若
苦若樂不苦不樂是名為一切法若
復有言此非一切法沙門瞿曇所說
一切法我今捨更立一切法者此但
有言數問已不知增其癡惑所以者
何非其境界故佛說此經已生聞婆
羅門聞佛說已歡喜隨喜從坐起去
如生聞婆羅門所問三經有異比丘
所問三經尊者阿難所問三經世尊
法眼法根法依三經亦如上說
如是我聞一時佛住舍衛國祇樹給
孤獨園時有異比丘往詣佛所稽首
佛足退坐一面白佛言世尊如世尊
說眼是內入處世尊略說不廣分別
云何眼是內入處佛告彼比丘眼是
內入處四大所造淨色不可見有對
耳鼻舌身內入處亦如是說復白佛
言世尊如世尊說意是內入處不廣
分別云何意是內入處佛告比丘意
內入處者若心意識非色不可見無
對是名意內入處復問如世尊說色
外入處世尊略說不廣分別云何世
尊色外入處佛告比丘色外入處若

色四大造可見有對是名色是外入
處復白佛言世尊說聲是外入處不
廣分別云何聲是外入處佛告比丘
若聲四大造不可見有對如聲香味
亦如是復問世尊說觸外入處不廣
分別云何觸外入處佛告比丘觸外
入處者謂四大及四大造色不可見
有對是名觸外入處復問世尊說法
外入處不廣分別佛告比丘法外入
處者十一入所不攝不可見无對是
名法外入處佛說此經已諸比丘聞
佛所說歡喜奉行

如是我聞一時佛住舍衛國祇樹給
孤獨園今時世尊告諸比丘有六內
入處謂眼內入處耳鼻舌身意內入
處佛說此經已諸比丘聞佛所說歡
喜奉行

如是我聞一時佛住舍衛國祇樹給
孤獨園今時世尊告諸比丘有六外
入處云何為六謂色是外入處聲香
味觸法是外入處是名六外入處佛
說此經已諸比丘聞佛所說歡喜
奉行

如是我聞一時佛住舍衛國祇樹給
孤獨園今時世尊告諸比丘有六識
身云何為六謂眼識身耳識身鼻識
身舌識身身識身意識身是名六識
身佛說此經已諸比丘聞佛所說歡
喜奉行

如是我聞一時佛住舍衛國祇樹給
孤獨園今時世尊告諸比丘有六觸
身云何為六觸身謂眼觸身耳觸身
鼻觸身舌觸身身觸身意觸身是名
六觸身佛說此經已諸比丘聞佛所
說歡喜奉行

如是我聞一時佛住舍衛國祇樹給
孤獨園今時世尊告諸比丘有六受
身云何為六眼觸生受耳鼻舌身意
觸生受是名六受身佛說此經已諸
比丘聞佛所說歡喜奉行

如是我聞一時佛住舍衛國祇樹給
孤獨園今時世尊告諸比丘有六想
身云何為六謂眼觸生想耳鼻舌身
意觸生想是名六想身佛說此經已
諸比丘聞佛所說歡喜奉行

如是我聞一時佛住舍衛國祇樹給

孤獨園今時世尊告諸比丘有六思
身云何為六謂眼觸生思耳鼻舌身
意觸生思是名六思身佛說此經已
諸比丘聞佛所說歡喜奉行

如是我聞一時佛住舍衛國祇樹給
孤獨園今時世尊告諸比丘有六愛
身云何為六愛身謂眼觸生愛耳鼻
舌身意觸生愛是名六愛身佛說此
經已諸比丘聞佛所說歡喜奉行

如是我聞一時佛住舍衛國祇樹給
孤獨園今時世尊告諸比丘有六願
念云何為六謂色願念聲願念香願
念味願念觸願念法願念是名六願
念佛說此經已諸比丘聞佛所說歡
喜奉行

如是我聞一時佛住舍衛國祇樹給
孤獨園今時世尊告諸比丘有六覆
云何為六謂色有漏是取心覆藏聲
香味觸法有漏是取心覆藏是名六
覆佛說此經已諸比丘聞佛所說歡
喜奉行

如是我聞一時佛住舍衛國祇樹給
孤獨園今時世尊告諸比丘過去未

癡求欲名為愛愛所作名為業如是
比丘不正思惟因无明為愛元明因
受愛因為業業因為眼耳鼻舌身意
亦如是說是名有因緣有縛法經佛
說此經已諸比丘聞佛所說歡喜
奉行

如是我聞一時佛住拘留搜調牛聚
落尔時世尊告諸比丘我今當為汝
等說法初中後善善義善味純一滿
淨梵行清白所謂第一義空經諦聽
善思當為汝說云何為第一義空經
諸比丘眼生時无有來處滅時无有
去處如是眼不實而生生已盡滅有
業報而無作者此陰滅已異陰相續
除俗數法耳鼻舌身意亦是說除
俗數法俗數法者謂此有故彼有此
起故彼起如無明緣行行緣識廣說
乃至純大苦聚集起又復此无故彼
無此滅故彼滅无明滅故行滅行滅
故識滅如是廣說乃至純大苦聚集
比丘是名第一義空法經佛說此經
已諸比丘聞佛所說歡喜奉行
如是我聞一時佛住舍衛國祇樹給

孤獨園余時世尊告諸比丘有六喜
行六何為六如是比丘若眼見色喜
於彼色處行耳聲鼻香舌味身觸意
識法喜於彼法處行諸比丘是名六
喜行佛說此經已諸比丘聞佛所說
歡喜奉行

如是我聞一時佛住舍衛國祇樹給
孤獨園余時世尊告諸比丘有六憂
行六何為六諸比丘若眼見色憂於
彼色處行耳聲鼻香舌味身觸意識
法憂於彼法處行諸比丘是名六憂
行佛說此經已諸比丘聞佛所說歡
喜奉行

如是我聞一時佛住舍衛國祇樹給
孤獨園余時世尊告諸比丘有六捨
行六何為六諸比丘謂眼見色捨於
彼色處行耳聲鼻香舌味身觸意識
法捨於彼法處行是名比丘六捨行
佛說此經已諸比丘聞佛所說歡喜
奉行

如是我聞一時佛住舍衛國祇樹給
孤獨園余時世尊告諸比丘有六常
行云何為六若比丘眼見色不苦不樂

正念正智捨心住耳聲鼻香舌味身
觸意識法不苦不樂捨心住正念正
智是名比丘六常行佛說是經已諸
比丘聞佛所說歡喜奉行

如是我聞一時佛住舍衛國祇樹給
孤獨園介時世尊告諸比丘有六常
行云何為六若比丘眼見色不苦不
樂捨心住正念正智耳聲鼻香舌味
身觸意識法不苦不樂捨心住正念
正智若比丘成就此六常行者世間
難得佛說此經已諸比丘聞佛所說
歡喜奉行

如是我聞一時佛住舍衛國祇樹給
孤獨園介時世尊告諸比丘有六常
行云何為六若比丘眼見色不苦不
樂捨心住正念正智耳聲鼻香舌味
身觸意識法不苦不樂捨心住正念
正智若比丘成就此六常行者世間
難得所應承事恭敬供養則為世間
无上福田佛說此經已諸比丘聞佛
所說歡喜奉行

如是我聞一時佛住舍衛國祇樹給
孤獨園介時世尊告諸比丘有六常

行六何為六若比丘眼見色不苦不
樂捨心住正念正智耳聲鼻香舌味
身觸意識法不苦不樂捨心住正念
正智若比丘成就此六常行者當知
是舍利弗等舍利弗比丘眼見色已
不苦不樂捨心住正念正智耳聲鼻
香舌味身觸意識法不苦不樂捨心
住正念正智舍利弗比丘成就此六
常行故世間難得所應承事恭敬供
養則為世間無上福田佛說此經已
諸比丘聞佛所說歡喜奉行

雜阿含經卷第十三

癸卯歲高麗國大藏都監奉
勅雕造

雜阿含經卷第十四



宗天竺三藏求那跋陀羅譯

如是我聞一時佛住王舍城迦蘭陀竹園尔時尊者浮弥比丘住耆闍崛山時有衆多外道出家詣尊者浮弥所共相問訊慶慰共相問訊慶慰已退坐一面語尊者浮弥言欲有所問寧有閑暇見答與不尊者浮弥語諸外道出家隨汝所問當為汝說時諸外道出家問尊者浮弥苦樂自作耶尊者浮弥荅言諸外道出家說苦樂自作者世尊說言此是无記復問苦樂他作耶荅言苦樂自他作者世尊說言此是无記復問苦樂自作耶荅言苦樂非自非他无因作者世尊說言此是无記諸外道出家復問云何尊者浮弥苦樂自作耶說言無記苦樂他作耶說言無記苦樂自作耶說言无記苦樂非自非他無因作耶說言无記今沙門瞿曇說苦樂云何生

尊者浮弥答言諸外道出家世尊說
苦樂從緣起生時諸外道出家聞尊
者浮弥所說心不歡喜呵責而去
尔時尊者舍利弗去尊者浮弥不遠
坐一樹下尔時尊者浮弥知諸外道
出家去已往詣尊者舍利弗所到已
與舍利弗面相慶慰慶慰已以彼諸
外道出家所問事具白尊者舍利弗
我作此答得不謗毀世尊如說說不
如法說不為是隨順法行法得无為
餘因法論者來難詰呵責不尊者舍
利弗言尊者浮弥汝之所說實如佛
說不謗如来如說說如法說法行法
說不為餘因論義者來難詰呵責所
以者何世尊說苦樂從緣起生故尊
者浮弥彼諸沙門婆羅門所問苦樂
自作者彼亦從因起生言不從緣起
生者无有是處苦樂他作自他作非
自非他無因作說者彼亦從緣起生
若言不從緣生者无有是處尊者浮
弥彼沙門婆羅門所說苦樂自作者
亦緣觸生若言不從觸生者无有是
處苦樂他作自他作非自非他无因

作者彼亦緣觸生若言不緣觸生者
無有是處尔時尊者阿難去舍利弗
不遠坐一樹下聞尊者舍利弗與尊
者淨彌所論說事聞已從座起往詣
佛所稽首佛足退住一面以尊者淨
彌與尊者舍利弗共論說一一具白
世尊佛告阿難善哉善哉阿難尊者
舍利弗有來問者能隨時答善哉舍
利弗有應時智故有來問者能隨時
答若我聲聞有隨時問者應隨時答
如舍利弗所說阿難我昔時住王舍
城山中仙人住處有諸外道出家以
如是義如是句如是味來問於我我
為斯等以如是義如是句如是味而
為記說如尊者舍利弗所說阿難若
諸沙門婆羅門苦樂自作我即往彼
問言汝實作是說苦樂自作耶彼答
我言如是我即問言汝能堅執持此
義言是真實餘則愚者我所不許所
以者何我說苦樂所起異於此彼若
問我云何瞿曇所說苦樂所起異者
我當答言從其緣起而生苦樂如是
說苦他作自他作非自非他无因作

者我亦往彼所說如上阿難白佛如
世尊所說義我已解知有生故有
老死非緣餘有生故有老死乃至无
明故有行非緣餘有無明故有行无
明滅則行滅乃至生滅則老病死憂
悲惱苦滅如是純大苦聚滅佛說此
經已尊者阿難聞佛所說歡喜隨喜
作禮而去

如是我聞一時佛住王舍城迦蘭陀
竹園今時尊者舍利弗尊者摩訶拘
締羅住耆闍崛山時尊者摩訶拘締
羅晡時從禪定起詣舍利弗所共相慶
慰共相慶慰已退坐一面語尊者舍
利弗欲有所問寧有閑暇見答與不
尊者舍利弗語尊者摩訶拘締羅仁
者但問知者當答尊者摩訶拘締羅
語尊者舍利弗言多聞聖弟子於此
法律成就何法名為見具足直見成
就成就於佛不壞淨來入正法得此
正法悟此正法尊者舍利弗語尊者
摩訶拘締羅多聞聖弟子於不善法
如實知不善根如實知善法如實知
善根如實知云何不善法如實知不

善身業口業意業是名不善法如是不善法如實知云何不善根如實知三不善根貪不善根恚不善根癡不善根是名不善根如是不善根如實知云何善法如實知善身業口業意業是名善法如是善法如實知云何善根如實知謂三善根无貪无恚无癡是名三善根如是善根如實知尊者摩訶拘絺羅如是多聞聖弟子不善法如實知不善根如實知善法如實知善根如實知故於此法律正見具足直見成就於佛不壞淨成就未入正法得此正法悟此正法尊者摩訶拘絺羅語尊者舍利弗正有此等更有餘耶尊者舍利弗言有若多聞聖弟子於食如實知食集食滅食滅道跡如實知云何於食如實知謂四食何等為四一者塵搏食二者細觸食三者意思食四者識食是名為食如是食如實知云何食集如實知謂當來有愛喜貪俱彼彼樂著是名食集如是食集如實知云何食滅如實知若當來有愛喜貪俱彼彼樂著无

餘斷捨吐盡離欲滅息沒是名食滅
如是食滅如實知云何食滅道跡如
實知謂八聖道正見正志正語正業
正命正方便正念正定是名食滅道
跡如是食滅道跡如實知若多聞聖
弟子於此食如實知食集如實知食
滅如實知食滅道跡如實知是故多
聞聖弟子於正法律正見具足直見
成就於佛不壞淨成就來入正法得
此正法悟此正法尊者摩訶拘締羅
復問尊者舍利弗正有此等更有餘
耶尊者舍利弗言尊者摩訶拘締羅
復更有餘多聞聖弟子於病如實知
病集如實知病滅如實知病滅道跡如
實知云何有病如實知謂三病欲病
有病无明病是名病如是病如實知
云何病集如實知无明集是病集是
名病集如實知云何病滅如實知无
明滅是病滅如是病滅如實知云何
病滅道跡如實知謂八正道如前說
如是病滅道跡如實知若多聞聖弟
子於病如實知病集如實知病滅如
實知病滅道跡如實知故多聞聖弟

子於此法律正見具足乃至悟此正
法尊者摩訶拘締羅問尊者舍利弗
正有此等更有餘耶尊者舍利弗語
尊者摩訶拘締羅亦更有餘多聞聖
弟子於苦如實知苦集如實知苦滅如
實知苦滅道跡如實知云何苦如實
知謂生苦老苦病苦死苦恩愛別苦
怨憎會苦所欲不得苦如是略說五
受陰苦是名為苦如是苦如實知云
何苦集如實知當未有愛喜貪俱彼
彼集著是名苦集如是苦集如實知
云何苦滅如實知若當未有愛喜貪
俱彼彼漆著无餘斷乃至息沒是名
苦滅如是苦滅如實知云何苦滅道
跡如實知謂八聖道如上說是名苦
滅道跡如是苦滅道跡如實知多聞
聖弟子如是苦如實知苦集苦滅苦
滅道跡如實知如是聖弟子於我法
律具足正見直見成就於佛不壞淨
成就來入正道得此正法悟此正法
復問尊者舍利弗正有此法復有餘
耶尊者舍利弗答言更有餘謂多
聞聖弟子老死如實知老死集如

實知老死滅如實知老死滅道跡如
實知如前分別經說云何老死集如
實知生集是老死集生滅是老死滅
老死滅道跡謂八正道如前說多聞
聖弟子於此老死如實知乃至老死
滅道跡如實知如是聖弟子於我法
律正見具足直見成就於佛不壞淨
成就來入正法得此正法悟此正法
如是生有取愛受觸六入處名色識
行聖弟子於行如實知行集行滅行
滅道跡如實知云何行如實知行有
三種身行口行意行如是行如實知
云何行集如實知云何行滅如實知
無是行集如實知云何行滅如實知無
明滅是行滅如是行滅如實知云何
行滅道跡如實知謂八聖道如前說
摩訶拘締羅是名聖弟子行如實知
行集行滅行滅道跡如實知於我法
律正見具足直見成就於佛不壞淨
成就來入正法得此正法悟此正法
摩訶拘締羅復問尊者舍利弗唯有
此法更有餘耶舍利弗答言摩訶拘
締羅汝何為逐汝終不能究竟諸論

得其邊際若聖弟子斷除元明而生
明何須更求時二正士共論義已各
還本處

如是我聞一時佛住王舍城迦蘭陀
竹園尔時世尊告尊者舍利弗如我
所說波羅延耶阿逸多所問

若得諸法教若復種種學具威儀及行
為我分別說

舍利弗何等為學何等為法數時尊
者舍利弗默然不荅第二第三亦復
默然佛言真實舍利弗舍利弗白佛
言真實世尊世尊比丘真實者獸離
欲滅盡向食集生彼比丘以食故生
獸離欲滅盡向彼食滅是真實滅覺
知已彼比丘獸離欲滅盡向是名為
學復次真實舍利弗舍利弗白佛言
真實世尊世尊若比丘真實者獸離
欲滅盡不起諸漏心善解脫彼從食
集生若真實即是滅盡覺知此已比
丘於滅生獸離欲滅盡不起諸漏心
善解脫是數法佛告舍利弗如是如
是如汝所說比丘於真實生獸離欲
滅盡是名法數如是說已世尊即起

入室坐禪。今時尊者舍利弗知世尊去已不久。語諸比丘。諸尊我不能辯。世尊初問是故我默念住。世尊須臾復為作發喜問。我即開解。如此之義。正使世尊一日一夜乃至七夜異句異味。問斯義者。我亦恚能。乃至七夜。以異句異味而解說之時。有異比丘。往詣佛所。稽首。礼足。退住。一面白佛言。世尊尊者舍利弗作奇特未曾有說於大眾中。一向師子吼言。我於世尊初問都不能辯。乃至三問默然无答。世尊尋復作發喜問。我即開解。正使世尊一日一夜乃至七夜異句異味。問斯義者。我亦恚能。乃至七夜異句異味而解說之。佛告比丘。彼舍利弗比丘實能於我一日一夜乃至異句異味。七夜所問義中恚能。乃至七夜異句異味而解說之。所以者何。舍利弗比丘善入法界。故佛說此經已。彼比丘聞佛所說歡喜奉行。如是我聞。一時佛住王舍城迦蘭陀竹園。今時世尊告諸比丘有三法世間所不愛不念不可意。何等為三。謂

老病死世間若無此三法不可愛不可念不可意者如來應等正覺不出於世間世間亦不知有如來應等正覺知見說正法律以世間有老病死三法不可愛不可念不可意故是故如來應等正覺出於世間世間知有如來應等正覺所知所見說正法律以三法不斷故不堪能離老病死何等為三謂貪患癡復有三法不斷故不堪能離貪患癡何等為三謂身見戒取疑復有三法不斷故不堪能離身見戒取疑何等為三謂不正思惟習近邪道及懈怠心復有三法不斷故不堪能離失念不正知亂心何等為三謂掉不律儀不學戒復有三法不斷故不堪能離掉不律儀不學戒何等為三謂不信難教懈怠復有三法不斷故不堪能離不信難教懈怠何等為三謂不欲見聖不欲聞法常求人短復有三法不斷故不堪能離不欲見聖不欲聞法

常求人短何等為三謂不恭敬戾語
習惡知識復有三法不斷故不堪能
離不恭敬戾語習惡知識何等為三
謂无慙无愧放逸此三法不斷故不
堪能離不恭敬戾語習惡知識所以
者何以无慙无愧故放逸放逸故不
恭敬不恭敬故習惡知識習惡知識
故不欲見聖不欲聞法常求人短求
人短故不信難教戾語嬾墮嬾墮故
掉不律儀不學戒不學戒故失念不
正知乱心乱心故不正思惟習近邪
道懈怠心懈怠心故身見戒取疑疑
故不離貪恚癡不離貪恚癡故不堪
能離老病死断三法故堪能離老病
死云何三謂貪恚癡此三法断已堪
能離老病死復三法断故堪能離貪
恚癡云何三謂身見戒取疑此三法
断故堪能離貪恚癡復三法断故
堪能離身見戒取疑云何為三謂不
正思惟習近邪道起懈怠心此三法
断故堪能離身見戒取疑復三法断
故堪能離不正思惟習近邪道及懈
怠心云何為三謂失念心不正知乱心

此三法斷故堪能離不正思惟習近
邪道及心懈怠復三法斷故堪能離
失念心不正知亂心何等為三謂掉
不律儀犯戒此三法斷故堪能離失
念心不正知亂心復有三法斷故堪
能離掉不律儀犯戒云何三謂不信
難教嬾墮此三法斷故堪能離掉不
律儀犯戒復有三法斷故堪能離不
信難教嬾墮云何為三謂不欲見聖
不樂聞法好求人短此三法斷故堪
能離不信難教嬾墮復三法斷故堪
能離不欲見聖不欲聞法好求人短
云何為三謂不恭敬戾語習惡知識
此三法斷故離不欲見聖不欲聞法
好求人短復有三法斷故堪能離不
恭敬戾語習惡知識云何三謂无慙
無愧放逸所以者何以慙愧故不放
逸不放逸故恭敬順語為善知識為
吾知識故樂見賢聖樂聞正法不求
人短不求人短故生信順語精進精
進故不掉住律儀學戒學戒故不失
念正知住不乱心不乱心故正思惟
習近正道心不懈怠心不懈怠故不

著身見不著戒取度疑惑不疑故不起貪恚癡離貪恚癡故堪能斷老病死佛說此經已諸比丘聞佛所說歡喜奉行

如是我聞一時佛住王舍城迦蘭陀竹園若王大臣婆羅門長者居士及餘世人所共恭敬尊重供養佛及諸聲聞衆大得利養衣被飲食卧具湯藥都不恭敬尊重供養衆邪異道衣被飲食卧具湯藥今時衆多異道聚會未曾講堂作如是論我等昔來常為國王大臣長者居士及餘一切之所奉事恭敬供養衣被飲食卧具湯藥今恚斷絕但恭敬供養沙門瞿曇聲聞大衆衣被飲食卧具湯藥今此衆中誰有智慧大力堪能密往詣彼沙門瞿曇衆中出家聞彼法已來還廣說我等當復用彼聞法化諸國王大臣長者居士令其信樂可得還復供養如前時有人言有一年少名曰須深聰明黠慧堪能密往沙門瞿曇衆中出家聽彼法已來還宣說時諸外道詣須深所而作是言我今日大

衆聚集未曾講堂作如是論我等先
來為諸國王大臣長者居士及諸世
人之所恭敬奉事供養衣被飲食卧
具湯藥今悉斷絕國王大臣長者居
士及諸世間悉共奉事沙門瞿曇聲
聞大衆我此衆中誰有聰明黠慧堪
能密往瞿曇法中出家學道聞
彼法已來還宣說化諸國王大臣長
者居士令我此衆還得恭敬尊重供
養其中有言唯有須深聰明黠慧堪
能密往瞿曇法中出家學道聞彼說
法悉能受持來還宣說是故我等故
來相請仁者當行時彼須深默然受
請詣王舍城迦蘭陀竹園時衆多比
丘出房舍外露地經行今時須深詣
衆多比丘而作是言諸尊我今可得
於正法中出家受具足修梵行不時
衆多比丘將彼須深詣世尊所稽首
禮足退住一面白佛言世尊今此外
道須深欲求於正法中出家受具足
修梵行今時世尊知外道須深心之
所念告諸比丘汝等當度彼外道須
深今得出家時諸比丘願度須深出

家已經半月有一比丘語須深言須
深當知我等生死已盡梵行已立所
作已作自知不受後有時彼須深語
比丘言尊者云何學離欲惡不善法
有覺有觀離生喜樂具足初禪不起
諸漏心善解脫耶比丘荅言不也須
深復問云何離有覺有觀內淨一心
无覺无觀定生喜樂具足第二禪不
起諸漏心善解脫耶比丘荅言不也
須深復問云何尊者離喜捨心住正
念正智身心受樂聖說及捨具足第
三禪不起諸漏心善解脫耶荅言不
也須深復問云何尊者離苦息樂憂
喜先斷不苦不樂捨淨念一心具足
第四禪不起諸漏心善解脫耶荅言
不也須深復問若復寂靜解脫起色
无色身作證具足住不起諸漏心善
解脫耶荅言不也須深須深復問云
何尊者所說不同前後相違云何不
得禪定而復記說比丘荅言我是慧
解脫也作是說已衆多比丘各從座
起而去今時須深知衆多比丘去已
作是思惟此諸尊者所說不同前後

和違言不得正受而復記說自知作
證作是思惟已往詣佛所稽首礼足
退住一面白佛言世尊彼衆多比丘
於我面前記說我生已盡梵行已立
所作已作自知不受後有我即問彼
尊者得離欲惡不善法乃至身作證
不起諸漏心善解脫耶彼荅我言不
也須深我即問言所說不同前後相
違言不入正受而復記說自知作證
彼荅我言得慧解脫作此說已各從
座起而去我今問世尊云何彼所說
不同前後相違不得正受而復說言
自知作證佛告須深彼先知法住後
知涅槃彼諸善男子獨一靜處專精
思惟不放逸法離於我見不起諸漏
心善解脫須深白佛我今不知先知
法住後知涅槃彼諸善男子獨一靜
處專精思惟不放逸法離於我見不
起諸漏心善解脫佛告須深不問汝
知不知且自先知法住後知涅槃彼
諸善男子獨一靜處專精思惟不放
逸法離於我見心善解脫須深白佛
唯願世尊為我說法令我得知法住

智得見法住智佛告須深我今問汝
隨意答我須深於意云何有生故有
老死不離生有老死耶須深答曰如
是世尊有生故有老死不離生有老
死如是生有取愛受觸六入處名色
識行无明有无明故有行不離無明
而有行耶須深白佛如是世尊有无
明故有行不離無明而有行佛告須
深无生故无老死不離生滅而老死
滅耶須深白佛言如是世尊无生故
無老死不離生滅而老死滅如是乃
至无无明故無行不離無明滅而行
滅耶須深白佛如是世尊无无明故
无行不離無明滅而行滅佛告須深
作如是知如是見者為有離欲惡不
善法乃至身作證具足住不須深白
佛不也世尊佛告須深是名先知法
住後知涅槃彼諸善男子獨一靜處
專精思惟不放逸住離於我見不起
諸漏心善解脫佛說此經已尊者須
深遠塵離垢得法眼淨尔時須深見
法得法覺法度疑不由他信不由他
受於正法中心得無畏稽首佛足白

佛言世尊我今悔過我於正法中盜
密出家是故悔過佛告須深云何於
正法中盜密出家須深白佛言世尊
有衆多外道來詣我所語我言須深
當知我等先為國王大臣長者居士
及餘世人恭敬供養而今斷絕志共
供養沙門瞿曇聲聞衆中出家受法得彼
沙門瞿曇聲聞衆中出家受法得彼
法已還來宣說我等當以彼聞法教
化世間令彼恭敬供養如初是故世
尊我於正法律中盜密出家今日悔
過唯願世尊聽我悔過以哀愍故佛
告須深受汝悔過汝當具說我昔愚
癡不善无智於正法律盜密出家今
日悔過自見罪自知罪於當來世律
儀成就功德增長終不退減所以者
何凡人有罪自見自知而悔過者於
當來世律儀成就功德增長終不退
減佛告須深今當說譬其智慧者以
辭得解譬如國王有防邏者捉捕盜
賊縛送王所白言大王此人劫盜願
王處罪王言將罪人去反縛兩手惡
賢宣令周遍國中然後將出城外刑

罪人處遍身四體剗以百矛彼與刑者受王教令送彼罪人反縛兩手惡聲宣唱周遍城邑將出城外刑罪人處遍身四體剗以百矛日中王問罪人活耶臣白言活王復勅臣復剗百矛至日晡時復剗百矛彼猶不死佛告須深彼王治罪剗以三百矛彼罪人身寧有完處如手掌不須深白佛无也世尊復問須深時彼罪人剗以三百矛因緣受苦極苦劇不須深白常極苦世尊若剗以一矛苦痛難堪況三百矛當可堪忍佛告須深此尚可耳若於正法律盜密出家盜受持法為人宣說當受苦痛倍過於彼佛說是法時外道須深漏盡意解佛說此經已尊者須深聞佛所說歡喜奉行

如是我聞一時佛住王舍城迦蘭陀竹園余時世尊告諸比丘如來成就十種力得四無畏知先佛住處能轉梵輪於大衆中震師子吼言此有故彼有此起故彼起謂緣无明行廣說乃至純大苦聚集純大苦聚集滅諸比

丘此是真實教法顯現斷生死流乃
至其人志善顯現如是真實教法顯
現斷生死流足令善男子正信出家
方便修習不放逸住於正法律精勤
苦行皮筋骨立血肉枯竭若其未得
所當得者不捨慙懃精進方便堅固
堪能所以者何懈怠苦住能生種種
惡不善法當來有結熾然增長於未
來世生老病死退其大義故精進樂
獨住者不生種種惡不善法當來有
結熾然苦報不於未來世增長生老
病死大義滿足得成第一教法之場
所謂大師面前親承說法寂滅涅槃
菩提正向善逝正覺是故比丘當觀
自利利他自他俱利精勤修學我今出
家不愚不惑有果有樂諸所供養衣服
飲食卧具湯藥者志得大果大福大
利當如是學佛說是經已諸比丘聞
佛所說歡喜奉行

如是我聞一時佛住王舍城迦蘭陀
竹園余時世尊告諸比丘善來比丘
善出家善得已利曠世時時得生聖
處諸根具足不愚不癡不須手語好

說惡說堪能解義我今於此世作佛
如來應等正覺明行足善逝世間解
无上士調御丈夫天人師佛世尊說
法寂滅涅槃菩提正向善逝等正覺
所謂此有故彼有此起故彼起謂緣
無明行緣行識乃至純大苦聚集无
明滅則行滅乃至純大苦聚集諸比
丘難得之處已得生於聖處諸根具
足乃至純大苦聚集純大苦滅是故
比丘當如是學自利利他自他俱利
如是出家不愚不癡有果有樂有樂
果報供養衣服飲食卧具湯藥者志
得大果大福大利是故比丘當如是
學佛說此經已諸比丘聞佛所說歡
喜奉行

如是我聞一時佛住王舍城迦蘭陀
竹園尔時世尊告諸比丘多聞聖弟
子不作是念何所有故此有何所起
故此起何所无故此无何所滅故此
滅然彼多聞聖弟子知所謂此有故
彼有此起故彼起謂緣无明行乃至
純大苦聚集无明滅故行滅乃至純
大苦聚集滅佛說是經已諸比丘聞佛

所說歡喜奉行

如是我聞一時尊者耨羅尊者茂師
羅尊者殊勝尊者阿難住舍衛國象
耳池側今時尊者耨羅語尊者茂師
羅言有異信異欲異聞異行覺想異
見審諦忍有如是正自覺知見生所
謂生故有老死不離生有老死耶尊
者茂師羅言有異信異欲異聞異行
覺想異見審諦忍有如是正自覺知
見生所謂有生故有老死不異生有
老死如是說有尊者茂師羅有異信
乃至異忍得自覺知見生所謂有滅
寂滅涅槃耶尊者茂師羅答言有異
信乃至異忍得自覺知見生所謂有
滅寂滅涅槃復問尊者茂師羅有滅
則寂滅涅槃說者汝今便是阿羅漢
諸漏盡耶尊者茂師羅默然不答第
二第三問亦默然不答今時尊者殊
勝語尊者茂師羅汝今且止我當為
汝答尊者耨羅尊者茂師羅言我今
且止汝為我答今時尊者殊勝語尊
者耨羅有異信乃至異忍得自覺知
見生所謂有滅則寂滅涅槃時尊者

邨羅問尊者殊勝言有異信乃至異
忍得自覺知見生所謂有滅則寂滅
涅槃者汝今便是漏盡阿羅漢耶尊
者殊勝言我說有滅則寂滅涅槃而
非漏盡阿羅漢也尊者邨羅言所說
不同前後相違如尊者所說有滅則
寂滅涅槃而復言非漏盡阿羅漢耶
尊者殊勝語尊者邨羅言今當說譬
夫智者以譬得解如曠野路邊有井
无繩无罐得取其水時有行人熱渴
所逼繞井求覓无繩无罐諦觀井水
如實知見而不觸身如是我說有滅
則寂滅涅槃而自不得漏盡阿羅漢
余時尊者阿難語尊者邨羅言彼尊
者殊勝所說汝復云何尊者邨羅語
尊者阿難言尊者殊勝善說真實知
復何言時彼正士各各說已從座
起去

如是我聞一時佛住舍衛國祇樹給
孤獨園余時世尊告諸比丘若諸沙
門婆羅門於法不如實知法集法滅
法滅道跡不如實知彼非沙門沙門
數非婆羅門婆羅門數彼亦非沙門

義婆羅門義見法自知作證我生已
盡梵行已立所作已作自知不受後
有云何法不如實知云何法集不如
實知云何法滅不如實知云何法滅
道跡不如實知謂於老死法不如實
知老死集老死滅老死滅道跡不如
實知如是生有取愛受觸六入處不
如實知六入處集六入處滅六入處
滅道跡不如實知如是諸法不如實
知法集法滅法滅道跡不如實知若
諸沙門婆羅門於法如實知法集法
滅法滅道跡如實知當知是沙門婆
羅門沙門之沙門數婆羅門之婆羅
門數彼以沙門義婆羅門義見法自
知作證我生已盡梵行已立所作已
作自知不受後有何等法如實知何
等法集法滅法滅道跡如實知謂老
死法如實知老死集老死滅老死滅
道跡如實知如是生有取愛受觸六
入處如實知六入處集六入處滅六
入處滅道跡如實知如是諸法如實
知法集法滅法滅道跡如實知佛說
是經已諸比丘聞佛所說歡喜奉行

如是我聞一時佛住舍衛國祇樹給
孤獨園今時世尊告諸比丘若沙門
婆羅門於法不如實知法集法滅法
滅道跡不如實知當知是沙門婆羅
門非沙門之沙門數非婆羅門之婆
羅門數彼亦非沙門義非婆羅門義
見法自知作證我生已盡梵行已立
所作已作自知不受後有何等法不
如實知何等法集法滅法滅道跡不
如實知謂六入處法不如實知六入
處集六入處滅六入處滅道跡不如
實知而於觸如實知者无有是處觸
集觸滅觸滅道跡如實知者无有是
處如是受愛取有生老死如實知者
無有是處若沙門婆羅門於六入處
如實知六入處集六入處滅六入處
滅道跡如實知者於觸如實知斯有
是處如是受愛取有生老死如實知
者斯有是處佛說是經已諸比丘聞
佛所說歡喜奉行

如是我聞一時佛住舍衛國祇樹給
孤獨園今時世尊告諸比丘如上說
若別者若諸沙門婆羅門於六入處

不如實知而欲超度觸者无有是處
觸集觸滅觸滅道跡超度者无有是
處如是超度受愛取有生老死者無
有是處超度老死集老死滅老死滅
道跡者無有是處若沙門婆羅門於
六入處如實知六入處集六入處滅
六入處滅道跡如實知而超度觸者
斯有是處如是超度受愛取有生老
死者斯有是處乃至超度老死滅道
跡者斯有是處佛說是經已諸比丘
聞佛所說歡喜奉行

如老死乃至六入處三經

如是老死乃至行三經亦是說
如是我聞一時佛住舍衛國祇樹給
孤獨園尔時世尊告諸比丘當覺知
老死覺知老死集老死滅老死滅道
跡如是乃至當覺知行行集行滅行
滅道跡云何當覺知老死覺知緣生
故有老死如是老死覺知云何老死
集生集是老死集如是老死集覺知
云何老死滅覺知謂生滅是老死滅
如是老死滅覺知云何老死滅道跡
覺知謂八聖道是老死滅道跡如是

老死滅道跡覺知乃至云何行覺知
謂三行身行口行意行如是行覺知
云何行集覺知謂无明集是行集如
是行集覺知云何行滅覺知無明滅
是行滅如是行滅覺知云何行滅道
跡覺知謂八聖道是行滅道跡如是
行滅道跡覺知佛說是經已諸比丘
聞佛所說歡喜奉行

如是我聞一時佛住舍衛國祇樹給
孤獨園尔時世尊告諸比丘有四十
四種智諦聽善思當為汝說何等為
死滅智老死滅道跡智如是生有取
愛受觸六入處名色識行智行集智
行滅智行滅道跡智是名四十四種
智佛說此經已諸比丘聞佛所說歡
喜奉行

如是我聞一時佛住舍衛國祇樹給
孤獨園尔時世尊告諸比丘有七十
七種智諦聽善思當為汝說云何七
十七種智生緣老死智非餘生緣老
死智過去生緣老死智非餘過去生
緣老死智未來生緣老死智非餘未

來生緣老死智及法住智无常有為
心所緣生盡法變易法離欲法滅法
斷知智如是生有取愛受觸六入處
名色識行无明緣行智非餘无明緣
行智過去无明緣行智非餘過去无
明緣行智未來无明緣行智非餘未
來无明緣行智及法住智無常有為
心所緣生盡法變易法无欲法滅法
斷智是名七十七種智佛說此經已
諸比丘聞佛所說歡喜盡心

如是我聞一時佛住舍衛國祇樹給
孫獨園尔時世尊告諸比丘有增法
減法諦聽善思當為汝說云何增法
所謂此有故彼有此起故彼起謂緣
无明行緣行識乃至純大苦聚集是
名增法云何減法謂此无故彼無此
滅故彼滅所謂無明滅則行滅乃至
純大苦聚滅是名減法佛說此經已
諸比丘聞佛所說歡喜奉行

如增法減法如是生法變易法集法
滅法如上說

如當說三經有應當知三經如上說
如是我聞一時佛住舍衛國祇樹給

孤獨園今時世尊告諸比丘若思量
若妄想生彼使攀緣識住有攀緣識
住故有未來世生老病死憂悲惱苦
如是純大苦聚集若不思量不妄想
无使無攀緣識住無攀緣識住故於
未來世生老病死憂悲惱苦滅如是
純大苦聚滅佛說此經已諸比丘聞
佛所說歡喜奉行

如是我聞一時佛住舍衛國祇樹給
孤獨園今時世尊告諸比丘若思量
若妄想者則有使攀緣識住有攀緣
識住故入於名色入名色故有未來
世生老病死憂悲惱苦如是純大苦
聚集若不思量无妄想无使無攀緣識
住無攀緣識住故不入名色不入名
色故生老病死憂悲惱苦滅如是純
大苦聚滅佛說此經已諸比丘聞佛
所說歡喜奉行

如是我聞一時佛住舍衛國祇樹給
孤獨園今時世尊告諸比丘若有思
量有妄想則有使攀緣識住有攀緣
識住故入於名色入名色故則有往
來有往來故則有生死有生死故則

有未來世生老病死憂悲惱苦如是
純大苦聚集若不思量无妄想无使
无攀緣識住無攀緣識住故不入名
色不入名色故則無往來无往來故
則無生死无生死故於未來世生老
病死憂悲惱苦滅如是純大苦聚滅
佛說此經已諸比丘聞佛所說歡喜
奉行

如是我聞一時佛住舍衛國祇樹給
孤獨園尔時世尊告諸比丘有多聞
比丘云何如來施設多聞比丘諸比
丘白佛世尊是法根法眼法依唯願
為說多聞比丘諸比丘聞已當受奉
行佛告比丘諦聽善思當為汝說諸
比丘若有比丘聞老病死生厭離欲
滅盡法是名多聞比丘如是生有取
愛受觸六入處名色識行生厭離欲
滅盡法是名多聞比丘是名如來所
施設多聞比丘佛說此經已諸比丘
聞佛所說歡喜奉行

如是我聞一時佛住舍衛國祇樹給
孤獨園尔時世尊告諸比丘所謂說
法比丘云何說法比丘云何如來施

設說法比丘諸比丘白佛世尊是法
根法眼法依唯願為說說法比丘諸
比丘聞已當受奉行佛告諸比丘若
有比丘說老病死厭離欲滅盡法
是名說法比丘如是說生有取愛受
觸六入處名色識行是生厭離欲滅
盡法是名說法比丘諸比丘是名如
來施設說法比丘佛說此經已諸比
丘聞佛所說歡喜奉行

如是我聞一時佛住舍衛國祇樹給
孤獨園余時世尊告諸比丘謂法次
法向諸比丘云何名為法次法向諸
比丘白佛世尊是法根法眼法依善
哉世尊唯願為說諸比丘聞已當受
奉行

佛告諸比丘若比丘於老病死生厭
離欲滅盡向是名法次法向如是生
乃至行生厭離欲滅盡向是名法次
法向諸比丘是名如來施設法次法
向佛說此經已諸比丘聞佛所說歡
喜奉行

雜阿含經卷第十四

莊德

癸卯歲高麗國大藏都監奉

勅雕造

雜阿含經卷第十五

之

守天生三歲求却跋陀譯

如是我聞一時佛住舍衛國祇樹給
孤獨園尔時世尊告諸比丘謂見法
般涅槃云何如來說見法般涅槃諸
比丘白佛世尊是法根法眼法依善
哉世尊唯願為說見法般涅槃諸比
丘聞已當受奉行云何比丘得見法
般涅槃佛告比丘諦聽善思當為汝
說若有比丘於老病死厭離欲滅盡
不起諸漏心善解脫是名比丘得見
法般涅槃佛說此經已諸比丘聞佛
所說歡喜奉行

如是我聞一時佛住舍衛國祇樹給
孤獨園尔時世尊告諸比丘毗婆尸
佛未成正覺時獨一靜處專精禪思
作如是念一切世間皆入生死自生
自熟自滅自沒而彼衆生於老死之
上出世間道不如實知即自觀察何
緣有此老死如是正思惟觀察得如
實元間等起知有生故有此老死緣
生故有老死復正思惟何緣故有此

生尋復正思惟无間等起知緣有故
有生尋復正思惟何緣故有有尋復正
思惟如實无間等起知有取故有有
尋復正思惟何緣故有取尋復正思
惟如實無間等起觀察取法味著願
念緣觸愛所增長當知緣愛取緣取
有緣有生緣生老病死憂悲惱苦如
是純大苦聚集譬如緣油炷而然燈
彼時時增油治炷彼燈常明熾然不
息如前來歎譬滅譬廣說佛說是經
已諸比丘聞佛所說歡喜奉行

如毗婆尸佛如是尸棄佛毗濕波浮
佛迦摩迦孫提佛迦鄰迦牟尼佛迦
葉佛皆如是說

如是我聞一時佛住舍衛國祇樹給
孤獨園今時世尊告諸比丘當勤方
便修習禪思內寂其心所以者何比
丘禪思內寂其心精勤方便者如是
如實顯現云何如實顯現老死如實
顯現老死集老死滅老死滅道跡如
實顯現生有取愛受觸六入處名色
識行如實顯現行集行滅行滅道跡
如實顯現此諸法无常有為有漏如

實顯現佛說此經已諸比丘聞佛所說歡喜奉行

如是我聞一時佛住舍衛國祇樹給孤獨園尔時世尊告諸比丘當修無量三摩提專精繫念修無量三摩提專精繫念已如是如實顯現云何如實顯現謂老死如實顯現乃至行如實顯現此諸法无常有為有漏如是如實顯現佛說此經已諸比丘聞佛所說歡喜奉行

如是我聞一時佛住舍衛國祇樹給孤獨園尔時世尊告諸比丘昔者毗婆尸佛未成正覺時住菩提所不久成佛詣菩提樹下敷草為座結跏趺坐端坐正念一坐七日於十二緣起逆順觀察所謂此有故彼有此起故彼起緣无明行乃至緣生有老死及純大苦聚集純大苦聚滅彼毗婆尸佛正坐七日已從三昧覺說此偈言

如此諸法生 梵志勤思禪 永離諸疑惑
知因緣生法 若知因生苦 知諸受滅盡
知因緣法盡 則知有漏盡 如此諸法生

梵志勤思禪 永離諸疑惑 知有因生苦
如此諸法生 梵志勤思禪 永離諸疑惑
知諸受滅盡 如此諸法生 梵志勤思禪
永離諸疑惑 知因緣法盡 如此諸法生
梵志勤思禪 永離諸疑惑 知盡諸有漏
如此諸法生 梵志勤思禪 普照諸世間
如日往虛空 破壞諸魔軍 覺諸結解脫
佛說此經已 諸比丘聞佛所說歡喜
奉行

如毗婆尸佛如是尸棄佛毗濕波浮
佛迦羅迦孫提佛迦那迦牟尼佛迦
葉佛亦如是說

如是我聞一時佛住鬱毗羅尼連禪
河側大菩提所不久當成正覺往詣
菩提樹下敷草為座結跏趺坐正身
正念如前廣說

如是我聞一時佛住舍衛國祇樹給
孤獨園今時世尊告諸比丘有四食
資益衆生今得住世攝受長養何等
為四謂一塵搏食二細觸食三意思
食四識食此四食何因何集何生何
觸謂此諸食愛因愛集愛生愛觸此
愛何因何集何生何觸謂愛受因受

集受生受觸此受何因何集何生何
觸謂受觸因觸集觸生觸觸此觸何
因何集何生何觸謂觸六入處因六
入處集六入處生六入處觸六入處
集是觸集觸集是受集受集是受集
受集是食集食集故未來世生老病
死憂悲惱苦集如是純大苦聚集如
是六入處滅則觸滅觸滅則受滅受
滅則愛滅愛滅則食滅食滅故於未
來世生老病死憂悲惱苦滅如是純
大苦聚滅佛說此經已諸比丘聞佛
所說歡喜奉行

如是我聞一時佛住舍衛國祇樹給
孤獨園今時世尊告諸比丘有四食
資益衆生令得住世攝受長養何等
為四一塵搏食二細觸食三意思食
四識食時有比丘名曰頗求那住佛
後扇佛白佛言世尊誰食此識佛告
頗求那我不言有食識者我若言有
食識者汝應作是問我說識是食汝
應問言何因緣故有識食我則荅言
能招未來有令相續生有有故有六
入處六入處緣觸頗求那復問為誰

觸佛告頗求邨我不言有觸者我若
言有觸者汝應作是問為誰觸汝應
如是問何因緣故生觸我應如是答
六入處緣觸觸緣受復問為誰受佛
告頗求邨我不說有受者我若言有
受者汝應問為誰受汝應問言何因
緣故有受我應如是答觸緣故有受
受緣受復問世尊為誰愛佛告頗求
邨我不說有愛者我若說言有愛者
汝應作是問為誰愛汝應問言何緣
故有愛我應如是答緣受故有愛愛
緣取復問世尊為誰取佛告頗求邨
我不說言有取者我若說言有取者
汝應問言為誰取汝應問言何緣故
有取我應答言受緣故有取取緣有
復問世尊為誰有佛告頗求邨我不
說有有者我若說有有者汝應問言
為誰有汝今應問何緣故有有我應
答言緣取故有有能招當來有觸生
是名有有六入處六入處緣觸觸緣
受受緣受愛緣取取緣有有緣生生
緣老病死憂悲惱苦如是純大苦聚
集謂六入處滅則觸滅觸滅則受滅

受滅則愛滅愛滅則取滅取滅則有
滅有滅則生滅生滅則老病死憂悲
惱苦滅如是純大苦聚集滅佛說此
經已諸比丘聞佛所說歡喜奉行
如是我聞一時佛住舍衛國祇樹給
孤獨園尔時世尊告諸比丘有四食
資益衆生令得住世攝受長養云何
為四謂一塵搏食二細觸食三意思
食四識食云何比丘觀察搏食譬如
有夫婦二人唯有一子愛念將養欲
度曠野嶮道難處糧食乏盡飢餓困
極計无濟理作是議言正有一子極
所愛念若食其肉可得度難莫令在
此三人俱死作是計已即煞其子含
悲垂淚强食其肉得度曠野云何比
丘彼人夫婦共食子肉寧取其味貪
嗜美樂與不荅曰不也世尊復問比
丘彼强食其肉為度曠野嶮道與不
荅言如是世尊佛告比丘凡食搏食
當如是觀如是觀者搏食斷知搏食
斷知已於五欲功德貪愛則斷五欲
功德貪愛斷者我不見彼多聞聖弟
子於五欲功德上有一結使而不斷

者有一結繫故則還生此世云何比丘觀察觸食譬如有牛生剥其皮在在處處諸虫咬食沙土全塵草木針刺若依於地地虫所食若依於水水虫所食若依空中飛虫所食卧起常有苦毒此身如是比丘於彼觸食當如是觀如是觀者觸食斷知觸食斷知者三受則斷三受斷者多聞聖弟子於上无所復作所作已作故云何比丘觀察意思食譬如聚落城邑邊有火起无烟无炎時有士夫聰明黠慧背苦向樂歎死樂生作如是念彼有大火无烟無炎行來常避莫令墮中必死無疑作是思惟常生思願捨遠而去觀意思食亦復如是如是觀者意思食斷意思食斷者三愛則斷三愛斷者彼多聞聖弟子於上更無所作所作已作故諸比丘云何觀察識食譬如國王有防邏者捉捕劫盜縛送王所如前須深經廣說以彼因緣受三百矛苦覺晝夜苦痛觀察識食亦復如是如是觀者識食斷知識食斷知者名色斷知名色斷知者多

聞聖弟子於上更无所作所作已作
故佛說此經已諸比丘聞佛所說歡
喜奉行

如是我聞一時佛住舍衛國祇樹給
孤獨園尔時世尊告諸比丘有四食
資益衆生令得住世攝受長養何等
為四一者搏食二者觸食三意思食
四者識食若比丘於此四食有喜有
貪則識住增長識住增長故入於名
色入名色故諸行增長行增長故當
來有增長當來有增長故生老病死
憂悲惱苦集如是純大苦聚集若於
四食无貪無喜無貪无喜故識不住
不增長識不住不增長故不入名色
不入名色故行不增長行不增長故
當來有不生不長當來有不生長故
於未來世生老病死憂悲惱苦不起
如是純大苦聚滅佛說此經已諸比
丘聞佛所說歡喜奉行

如是我聞一時佛住舍衛國祇樹給
孤獨園尔時世尊告諸比丘有四食
資益衆生令得住世攝受長養何等
為四一者搏食二者觸食三意思食

比丘盡師若盡師弟子集種種彩欲粧盡於色作種種像諸比丘於意云何彼盡師盡師弟子寧能粧於色不比丘白佛如是世尊能粧盡色佛告比丘於此四食有貪有喜識住增長乃至如是純大苦聚集諸比丘若於四食無貪無喜无有識住增長乃至如是純大苦聚集比丘譬如盡師盡師弟子集種種彩欲離於色有所粧盡作種種像寧能盡不比丘白佛不能世尊如是比丘若於四食无貪无喜無有識住增長乃至如是純大苦聚集減佛說此經已諸比丘聞佛所說歡喜奉行

如是我聞一時佛住波羅捺處野苑中仙人住處尔時世尊告五比丘此苦聖諦本所未曾聞法當正思惟時生眼智明覺此苦集此苦滅此苦滅道跡聖諦本所未曾聞法當正思惟時生眼智明覺復次苦聖諦智當復知本所未聞法當正思惟時生眼智明覺苦集聖諦已知當斷本所未曾聞法當正思惟時生眼智明覺復次

四者識食諸比丘於此四食有貪有喜則有憂悲有塵垢若於四食无貪无喜則无憂悲亦無塵垢佛說此經已諸比丘聞佛所說歡喜奉行

如是我聞一時佛住舍衛國祇樹給孤獨園尔時世尊告諸比丘有四食資益衆生令得住世攝受長養何等為四一者搏食二者觸食三意思食四者識食諸比丘於此四食有貪有喜識住增長乃至純大苦聚集譬如樓閣宮殿北西長廣東西牕牖日出東方光照西壁如是比丘於此四食有貪有喜如前廣說乃至純大苦聚集若於四食无貪无喜如前廣說乃至純大苦聚滅譬如比丘樓閣宮殿北西長廣東西牕牖日出東方應照何所比丘白佛言應照西壁佛告比丘若元西壁應何所照比丘白佛言應照虚空无所攀緣如是比丘於此四食无貪无喜識无所住乃至如是純大苦聚滅佛說此經已諸比丘聞佛所說歡喜奉行

如是我聞一時佛住舍衛國祇樹給

孤獨園尔時世尊告諸比丘有四食
資益衆生令得住世攝受長養何等
為四一者搏食二者觸食三意思食
四者識食諸比丘於此四食有貪有
喜識住增長乃至純大苦聚集譬如
比丘棲閣宮殿北西長廣東西牕牖
日出東方應照何所比丘白佛言應
照西壁佛告比丘如是四食有貪有
喜識住增長乃至如是大苦聚集若
於四食无貪无喜亦无識住增長乃
至如是純大苦聚滅譬如比丘畫師
畫師弟子集種種彩色欲粧盡虛空
寧能盡不比丘白佛不能世尊所以
者何彼虛空者非色無對不可見如
是比丘於此四食無貪无喜亦無識
住增長乃至如是純大苦聚滅佛說
此經已諸比丘聞佛所說歡喜奉行
如是我聞一時佛住舍衛國祇樹給
孤獨園尔時世尊告諸比丘有四食
資益衆生令得住世攝受長養何等
為四一者搏食二者觸食三意思食
四者識食諸比丘於此四食有貪有
喜識住增長乃至純大苦聚集譬如

苦集滅此苦滅聖諦已知當知作證今所未聞法當正思惟時生眼智明覺復次此苦滅道跡聖諦已知當修本所未聞法當正思惟時生眼智明覺復次此苦集聖諦已知已斷出所未聞法當正思惟時生眼智明覺復次苦滅聖諦已知已作證出所未聞法當正思惟時生眼智明覺復次苦滅道跡聖諦已知已修出所未聞法當正思惟時生眼智明覺諸比丘我於此四聖諦三轉十二行不生眼智明覺者我終不得於諸天魔梵沙門婆羅門聞法衆中為解脫為出為離亦不自證得阿耨多羅三藐三菩提我已於四聖諦三轉十二行生眼智明覺故於諸天魔梵沙門婆羅門聞法衆中得出得脫自證得成阿耨多羅三藐三菩提今時世尊說是法時尊者憍陳如及八萬諸天遠塵離垢得法眼淨今時世尊告尊者憍陳如知法未憍陳如白佛已知世尊復告

尊者憍陳如知法未拘隣自佛已知
善逝尊者拘隣已知法故是故名阿
若拘隣尊者阿若拘隣知法已地神
舉聲唱言諸仁者世尊於波羅捺國
仙人住處鹿野苑中三轉十二行法
輪諸沙門婆羅門諸天魔梵所未曾
轉多所饒益多所安樂哀愍世間以
義饒益利安天人增益諸天衆減損
阿修羅衆地神唱已聞虛空神天四
天王天三十三天炎魔天兜率陀天
化樂天他化自在天展轉傳唱須臾
之間聞于梵天身梵天衆聲唱言諸
仁者世尊於波羅捺國仙人住處鹿
野苑中三轉十二行法輪諸沙門婆
羅門諸天魔梵及世間聞法未所曾
轉多所饒益多所安樂以義饒益諸
天世人增益諸天衆減損阿修羅衆
世尊於波羅捺國仙人住處鹿野苑
中轉法輪是故此經名轉法輪經佛
說此經已諸比丘聞佛所說歡喜
奉行

如是我聞一時佛住波羅捺國仙人住
處鹿野苑中尔時世尊告諸比丘有

四聖諦何等為四謂苦聖諦苦集聖
諦苦滅聖諦苦滅道跡聖諦佛說此
經已諸比丘聞佛所說歡喜奉行
如是我聞一時佛住波羅捺仙人住
處鹿野苑中今時世尊告諸比丘有
四聖諦何等為四謂苦聖諦苦集聖
諦苦滅聖諦苦滅道跡聖諦若比丘
於此四聖諦未无問等者當修无問
等起增上欲方便堪能正念正知應
當覺佛說此經已諸比丘聞佛所說
歡喜奉行

如是我聞一時佛住波羅捺仙人住
處鹿野苑中今時世尊告諸比丘有
四聖諦何等為四謂苦聖諦苦集聖
諦苦滅聖諦苦滅道跡聖諦若比丘
於苦聖諦當知當解於集聖諦當知
當斷於苦滅聖諦當知當證於苦滅
道跡聖諦當知當修佛說此經已諸
比丘聞佛所說歡喜奉行

如是我聞一時佛住波羅捺仙人住
處鹿野苑中今時世尊告諸比丘有
四聖諦何等為四謂苦聖諦苦集聖
諦苦滅聖諦苦滅道跡聖諦若比丘

於苦聖諦已知已解於苦集聖諦已知已斷於苦滅聖諦已知已證於苦滅道跡聖諦已知已修如是比丘則斷愛欲轉去諸結於慢无明等究竟苦邊佛說此經已諸比丘聞佛所說歡喜奉行

如是我聞一時佛住波羅捺仙人住處鹿野苑中尔時世尊告諸比丘有四聖諦何等為四謂苦聖諦苦集聖諦苦滅聖諦苦滅道跡聖諦若比丘於苦聖諦已知已解於苦集聖諦已知已斷於苦滅聖諦已知已修如是比丘名阿羅漢諸漏已盡所作已作離諸重擔逮得已利盡諸有結正智善解脫佛說此經已諸比丘聞佛所說歡喜奉行

如是我聞一時佛住波羅捺國仙人住處鹿野苑中尔時世尊告諸比丘有四聖諦何等為四謂苦聖諦苦集聖諦苦滅聖諦苦滅道跡聖諦若比丘於苦聖諦已知已解於苦集聖諦已知已斷於苦滅聖諦已知已證於

苦滅道跡聖諦已知已修如是比丘
邊際究竟邊際離垢邊際梵行已終
純一清白名為上士佛說此經已諸
比丘聞佛所說歡喜奉行

如是我聞一時佛住波羅捺國仙人
住處處野苑中尔時世尊告諸比丘
有四聖諦何等為四謂苦聖諦苦集
聖諦苦滅聖諦苦滅道跡聖諦若比
丘於苦聖諦已知已解於苦集聖諦
已知已斷於苦滅聖諦已知已證於
苦滅道跡聖諦已知已修如是比丘
无有關鍵平治城壑度諸嶮難解脫
結縛名為賢聖建立聖幢佛說此經
已諸比丘聞佛所說歡喜奉行

如是我聞一時佛住波羅捺仙人住
處處野苑中尔時世尊告諸比丘有
四聖諦何等為四謂苦聖諦苦集聖
諦苦滅聖諦苦滅道跡聖諦若比丘
於苦聖諦已知已解於苦集聖諦已
知已斷於苦滅聖諦已知已證於苦
滅道跡聖諦已知已修如是比丘无
有關鍵平治城壑度諸嶮難名為賢
聖建立聖幢諸比丘云何无有關鍵

謂五下分結已斷已知是名離閤鍵
云何平治城塹无明謂之深塹彼得
斷知是名平治城塹云何度諸嶮難
謂无際生死究竟苦邊是名度諸嶮
難云何解脫結縛謂愛已斷已知云
何建立聖幢謂我慢已斷已知是名
建立聖幢佛說此經已諸比丘聞佛
所說歡喜奉行

如是我聞一時佛住波羅捺國仙人
住處鹿野苑中尔時世尊告諸比丘
有四聖諦何等為四謂苦聖諦苦集
聖諦苦滅聖諦苦滅道跡聖諦若比
丘於苦聖諦已知已解於苦集聖諦
已知已斷於苦滅聖諦已知已證於
苦滅道跡聖諦已知已修是名比丘
斷五支成六分守護於一依倚於四
捨除諸諦離四衢證諸覺想自身所
作心善解脫慧善解脫純一清白名
為上士佛說此經已諸比丘聞佛所
說歡喜奉行

如是我聞一時佛住波羅捺國仙人
住處鹿野苑中尔時世尊告諸比丘
有四法成就名曰大醫王者所應王

之具王之分何等為四一者善知病二者善知病源三者善知病對治四者善知治病已當來更不動發云何名良醫善知病謂良醫善知如是如是種種病是名良醫善知病云何良醫善知病源謂良醫善知此病因風起瘳陰起涎唾起衆冷起因現事起時節起是名良醫善知病源云何良醫善知病對治謂良醫善知種種病應塗藥應吐應下應灌鼻應熏應取汗如是比種種對治是名良醫善知對治云何良醫善知治病已於未來世永不動發謂良醫善治種種病令究竟除於未來世永不復起是名良醫善知治病更不動發如來應等正覺為大醫王成就四德療衆生病亦復如是云何為四謂如來知此是苦聖諦如實知此是苦集聖諦如實知此是苦滅聖諦如實知此是苦滅道跡聖諦如實知諸比丘彼世間良醫於生根本對治不如實知老病死憂悲惱苦根本對治不如實知如來應等正覺為大醫王於生根本知對治

如實知於老病死憂悲惱苦根本對
治如實知是故如來應等正覺名大
醫王佛說此經已諸比丘聞佛所說
歡喜奉行

如是我聞一時佛住波羅捺國仙人
住處鹿野苑中今時世尊告諸比丘
若諸沙門婆羅門於此苦聖諦不如
實知此苦集聖諦不如實知此苦滅
聖諦不如實知此苦滅道跡聖諦不
如實知此非沙門之沙門非婆羅門
之婆羅門彼亦不於沙門義婆羅門
義見法自知作證我生已盡梵行已
立所作已作自知不受後有若沙門
婆羅門於此苦聖諦如實知此苦集
聖諦如實知此苦滅聖諦如實知此
苦滅道跡聖諦如實知當知是沙門
婆羅門沙門之沙門婆羅門之婆羅
門於沙門義婆羅門義見法自知作
證我生已盡梵行已立所作已作自
知不受後有是故比丘於四聖諦无
間等當起增上欲精勤堪能方便修
學何等為四謂苦聖諦苦集聖諦苦
滅聖諦苦滅道跡聖諦佛說此經已

諸比丘聞佛所說歡喜奉行

如是我聞一時佛住波羅捺國仙人
住處鹿野苑中廣說如上老別者於
四聖諦不如實知當知是沙門婆羅
門非沙門數非婆羅門數於四聖諦
如實知者是沙門數是婆羅門數乃
至佛說此經已諸比丘聞佛所說歡
喜奉行

如是我聞一時佛住波羅捺國仙人
住處鹿野苑中亦時世尊告諸比丘
若沙門婆羅門於苦聖諦不如實知
苦集聖諦不如實知苦滅聖諦不如
實知苦滅道跡聖諦不如實知當知
是沙門婆羅門不得脫苦若沙門婆
羅門於苦聖諦如實知於苦集聖諦
如實知於苦滅聖諦如實知於苦滅
道跡聖諦如實知當知是沙門婆羅
門解脫於苦佛說此經已諸比丘聞
佛所說歡喜奉行

如於苦不解脫解脫

如是捨惡趣不解脫解脫

堪能捨戒退減不捨戒退減

能自說得過人法自證不能自說得

過人法作證

能於此外求良福田不能於此外求良福田

能於此外求大師不能於此外求大師不能越苦堪能越苦

不堪能脫苦堪能脫苦

如是上諸經重說悉繼以偈

若不知苦者及彼衆苦因一切諸苦法寂滅永無餘若不知道跡能思一切苦心解脫於苦慧解脫亦然不能越衆苦令苦究竟脫

若如實知苦亦知衆苦因及一切諸苦永滅盡無餘若復如實知息苦之道跡意解脫具足慧解脫亦然堪能越衆苦究竟得解脫

佛說此經已諸比丘聞佛所說歡喜奉行

如是我聞一時佛住波羅捺國仙人住處鹿野苑中尔時世尊告諸比丘若善男子正信非家出家學道彼一切所應當知四聖諦法何等為四謂知苦聖諦知苦集聖諦知苦滅聖諦知苦滅道跡聖諦是故比丘於四聖

諦末无間等者當勤方便修无間等
如此章句一切四聖諦經應當具說
佛說此經已諸比丘聞佛所說歡喜
奉行

如是知如是見如是无間等悉應當
說又三結盡得須陀洹一切當知四
聖諦何等為四謂知苦聖諦知苦集
聖諦知苦滅聖諦知苦滅道跡聖諦
如是當知如是當見無間等佛說此
經已諸比丘聞佛所說歡喜奉行
若三結盡貪恚癡薄得斯陀含彼一
切皆於四聖諦如實知故何等為四
謂知苦聖諦知苦集聖諦知苦滅聖
諦知苦滅道跡聖諦如是當知如是
當見如是无間等亦是說五下分
結盡生般涅槃阿那含不還此世彼
一切知四聖諦何等為四知苦聖諦
知苦集聖諦知苦滅聖諦知苦滅道
跡聖諦如是知如是見如是无間等
亦是說

若一切漏盡无漏心解脫慧解脫見
法自知作證我生已盡梵行已立所
作已作自知不受後有彼一切悉知

四聖諦何等為四謂知苦聖諦知苦
集聖諦知苦滅聖諦知苦滅道跡聖
諦如是知如是見如是无間等亦如
是說若得辟支佛道證彼一切知四
聖諦故何等為四謂知苦聖諦知苦
集聖諦知苦滅聖諦知苦滅道跡聖
諦如是知如是見如是无間等亦如
是說若得無上等正覺彼一切知四
聖諦故何等為四謂知苦聖諦知苦
集聖諦知苦滅聖諦知苦滅道跡聖
諦如是知如是見如是无間等亦如
是說佛說此經已諸比丘聞佛所說
歡喜奉行

如是我聞一時佛住波羅捺國仙人
住處鹿野苑中尔時世尊告諸比丘
譬如日出明相先起如是正盡苦亦
有前相起謂知四聖諦何等為四知
苦聖諦知苦集聖諦知苦滅聖諦知
苦滅道跡聖諦佛說此經已諸比丘
聞佛所說歡喜奉行

如是知如是見如是無間等亦如
是說

如是我聞一時佛住波羅捺國仙人

住處鹿野苑中今時世尊告諸比丘
若日月不出世間者一切衆星亦不
出於世間晝夜半月一月時節歲數
尅數須臾皆悉不現世間常冥无有
明照唯有長夜純大闇苦現於世間
若如來應供等正覺不出世間時不
說苦聖諦苦集聖諦苦滅聖諦苦滅
道跡聖諦現於世間世間盲冥无有
明照如是長夜純大闇冥現於世間
若日月出於世間衆星亦現晝夜半
月一月時節歲數尅數須臾悉現世
間長夜明照出於世間如是如來應
等正覺出於世間說苦聖諦現於世
間苦集聖諦苦滅聖諦苦滅道跡聖
諦現於世間不復闇冥長夜照明純
一智慧現於世間佛說此經已諸比
丘聞佛所說歡喜奉行

如是我聞一時佛住波羅捺國仙人
住處鹿野苑中今時世尊告諸比丘
譬如日出周行空中壞諸闇冥光明
顯照如是聖弟子所有集法一切滅
已離諸塵垢得法眼生與元問等俱
三結斷所謂身見戒取疑此三結盡

名須陀洹不墮惡趣法必定正覺趣
七有天人往生作苦邊彼聖弟子中
間雖起憂苦聽彼聖弟子離欲惡不
善法有覺有觀離生喜樂初禪具足
住不見彼聖弟子有一法不斷能令
還生此世者此則聖弟子得法眼之
大義是故比丘於此四聖諦末无間
等者當勤方便起增上欲精進修學
佛說是經已諸比丘聞佛所說歡喜
奉行

如是我聞一時佛住波羅捺國仙人
住處鹿野苑中尔時世尊告諸比丘
當作是說我於苦聖諦末无間等苦
集聖諦苦滅聖諦末无間等而言我
當得苦滅道跡聖諦无間等者此說
不應所以者何无是處故若苦聖諦
苦集聖諦苦滅聖諦末无間等而欲
苦滅道跡聖諦無間等者无有是處
譬如有人言我欲取佉提羅葉合集
作器盛水持行者無有是處所以者
何无是處故如是言我於苦聖諦苦
集聖諦苦滅聖諦末无間等而欲得
苦滅道跡聖諦无間等者無有是處

若復有言我當於苦聖諦苦集聖諦
苦滅聖諦元間等已得復得苦滅道
跡聖諦者斯則善說所以者何有是
處故若苦聖諦苦集聖諦苦滅聖諦
無間等已而欲苦滅道跡聖諦元間
等者斯有是處譬如有言我以純曇
摩菴摩樓迦菴合集盛水持行者此
則善說所以者何有是處故如是若
言我於苦聖諦苦集聖諦苦滅聖諦
無間等已而欲苦滅道跡聖諦元間
等者斯則善說所以者何有是處故
若於苦聖諦苦集聖諦苦滅聖諦元
間等已而欲苦滅道跡聖諦無間等
者斯有是處故佛說是經已諸比丘
聞佛所說歡喜奉行

如是我聞一時佛住波羅捺國仙人
住處鹿野苑中尔時世尊告諸比丘
如小綿丸小劫貝華丸置四衢道頭
四方風吹則隨風去向於一方如是
若沙門婆羅門於苦聖諦不如實知
於苦集聖諦於苦滅聖諦苦滅道跡
聖諦不如實知當知彼沙門婆羅門
常觀他面常隨他說以不如實知故

聞彼所說趣說而受當知此人不宿
修習智慧故譬如因陀羅柱銅鐵作
之於深入地中四方猛風不能令動
如是沙門婆羅門於苦聖諦如實知
苦集聖諦苦滅聖諦苦滅道跡聖諦
如實知者當知是沙門婆羅門不視
他面不隨他語是沙門婆羅門智慧
堅固本隨習故不隨他語是故比丘
於四聖諦當勤方便起增上欲精進
修學佛說是經已諸比丘聞佛所說
歡喜奉行

如是我聞一時佛住波羅捺國仙人
住處鹿野苑中尔時世尊告諸比丘
譬如石柱長十六肘八肘入地四方
風吹不能令動如是沙門婆羅門於
苦聖諦如實知於苦集聖諦苦滅聖
諦苦滅道跡聖諦如實知斯等沙門
婆羅門至諸論處无能屈其心解脫
慧解脫者能使餘沙門婆羅門反生
憂苦如是如實知如實見皆是先世
宿習故使智慧不可傾動是故比丘
於四聖諦當勤方便起增上欲精進
修學佛說是經已諸比丘聞佛所說

歡喜奉行

如是我聞一時佛住波羅捺國仙人
住處鹿野苑中今時世尊告諸比丘
譬如有入火燒頭衣當起增上欲急
投令滅佛告比丘莫作是說當置頭
衣於四聖諦起增上欲勤加方便修
无間等何等四謂苦聖諦苦集聖諦
苦滅聖諦苦滅道跡聖諦末无間等
當勤方便修無間等所以者何比丘
長夜熾然地獄畜生餓鬼諸比丘不
見極苦如苦聖諦苦集聖諦苦滅聖
諦苦滅道跡聖諦末无間等者是比
丘當忍苦樂憂悲於四聖諦勤加精
進方便修習无間等應當學佛說是
經已諸比丘聞佛所說歡喜奉行
如是我聞一時佛住波羅捺國仙人
住處鹿野苑中今時世尊告諸比丘
譬如士夫年壽百歲有人語言士夫
若欲聞法當日日三時受苦晨朝時
受百槍苦日中晡時亦復如是於一
日中受三百槍苦如是日日至於百
歲然後聞法得无間等汝寧能不時
彼士夫為聞法故悉堪能受所以者

何人生於世長夜受苦有時地獄有時畜生有時餓鬼於三惡道空受衆苦亦不聞法是故我今為无間等故不以終身受三百槍為大苦也是故比丘於四聖諦未得无間等者當勤方便起增上欲學无間等佛說此經已諸比丘聞佛所說歡喜奉行

如是我聞一時佛住波羅捺國仙人住處鹿野苑中今時世尊告諸比丘於四聖諦平等正覺名為如來應等正覺何等為四所謂苦聖諦苦集聖諦苦滅聖諦苦滅道跡聖諦於此四聖諦平等正覺名為如來應等正覺是故諸比丘於四聖諦未无間者當勤方便起增上欲學无間等佛說此經已諸比丘聞佛所說歡喜奉行

如是我聞一時佛在摩竭國人間遊行於王舍城波羅利弗是中間竹林聚落國王於中造福德舍今時世尊與諸大衆於中宿止今時世尊告諸比丘我與汝等於四聖諦无知无見無隨順覺無隨順受者應當長夜駢馳生死何等為四謂苦聖諦苦集聖諦

苦滅聖諦苦滅道跡聖諦我與汝等
於四聖諦无知無見無隨順覺无隨
順受者應當長夜駢馳生死以我及
汝於此苦聖諦順知順入斷諸有流
盡諸生死不受後有於苦集聖諦苦
滅聖諦苦滅道跡聖諦順知順入斷
諸有流盡諸生死不受後有是故比
丘於四聖諦未无間等者當勤方便
起增上欲修无間等今時世尊即說
偈言

我常與汝等 長夜涉生死 不見聖諦故
大苦日增長 若見四聖諦 斷有大流海
生死永已除 不復受後生

佛說此經已諸比丘聞佛所說歡喜
奉行

如是我聞一時佛在摩竭國人間遊
行王舍城波羅利弗是中閻竹林聚
落大王於中作福德舍今時世尊與
諸大衆於中止宿今時世尊告諸比
丘汝等當行共至申恕林坐樹下今時世
尊與諸大衆到申恕林坐樹下今時世
尊手把樹葉告諸比丘此手中葉為
多耶大林樹葉為多比丘白佛世尊

手中樹葉甚少彼大林中樹葉无量
百千億万倍乃至竿數譬類不可為比
如是諸比丘我成等正覺自所見法為
人定說者如手中樹葉所以者何彼
法義饒益法饒益梵行饒益明慧正
覺向於涅槃如大林樹葉如我成等正
覺自知正法所不說者亦復如是所
以者何彼法非義饒益非法饒益非
梵行饒益明慧正覺正向涅槃故是故
諸比丘於四聖諦末无間等者當勤
方便起增上欲學無間等佛說此經
已諸比丘聞佛所說歡喜奉行

如是我聞一時佛住毗舍離獼猴池
側重閣講堂尔時尊者阿難晨朝著
衣持鉢入毗舍離城乞食時有衆多
離車童子晨朝從城内出至精舍門
持弓箭覓射精舍門孔箭箭皆入門
孔尊者阿難見已以為奇特彼諸離
車童子能作如是難事入城乞食還
舉衣鉢洗足已往詣佛所稽首佛足
退住一面白佛言世尊我今晨朝著
衣持鉢入毗舍離城乞食見有衆多
離車童子從城内出至精舍門覓射

門孔箭箭皆入我作是念此甚奇特
諸離車童子能為難事佛告阿難於
意云何離車童子覓射門孔箭箭皆
入此為難耶破一毛為百分而射一
毛分箭箭悉中此為難耶阿難白佛
破一毛百分射一分之毛箭箭悉中
此則為難佛告阿難未若於苦聖諦
生如實知此則甚難如是苦集聖諦
苦滅聖諦苦滅道跡聖諦如實知見
此則甚難今時世尊而說偈言
一毛為百分 射一分甚難 觀二苦陰
非我難亦然

佛說此經已諸比丘聞佛所說歡喜
奉行

如是我聞一時佛住獼猴池側重閣
講堂今時世尊告諸比丘譬如大地
悉成大海有一盲龜壽元量劫百年
一出其頭海中有浮木止有一孔漂
流海浪隨風東西盲龜百年一出其
頭當得遇此孔不阿難白佛不能世
尊所以者何此盲龜若至海東浮木
隨風或至海西南北四維圍遶亦不
不必相得佛告阿難盲龜浮木非復

老遠或復相得愚癡凡夫漂流五趣
暫復人身甚難於彼所以者何彼諸
衆生不行其義不行法不行善不行
真實展轉煞害强者陵弱造无量惡
故是故比丘於四聖諦當未元聞等
者當勤方便起增上欲學無間等佛
說此經已諸比丘聞佛所說歡喜
奉行

雜阿含經卷第十五

癸卯歲高麗國大藏都監奉
彩雕造

雜阿含經卷第十六

之

雜因誦第三品之四

宋天竺三藏求那跋陀羅譯

如是我聞一時佛住王舍城迦蘭陀
竹園時有衆多比丘集於食堂思惟
世間而思惟尔時世尊知諸比丘心
之所念徃詣食堂敷座而坐告諸比
丘汝等比丘慎莫思惟世間思惟所
以者何世間思惟非義饒益非法饒
益非梵行饒益非智非覺不順涅槃
汝等當正思惟此苦聖諦此苦集聖
諦此苦滅聖諦此苦滅道跡聖諦所
以者何如此思惟則義饒益法饒益
梵行饒益正智正覺正向涅槃過去
世時有一士夫出王舍城於拘締羅
池側正坐思惟世間思惟當思惟時
見四種軍象軍馬軍車軍步軍无量
無數皆悉入於一藕孔中見已作是
念我狂失性世間所无而今見之尔
時去池不遠更有大衆一處聚集時
彼士夫詣大衆所語言諸人我今發
狂我今失性世間所无而我今見如

上廣說時彼大衆皆謂士夫狂發失性世間所無而彼見之佛告比丘然彼士夫非狂失性所見真實所以者何今時去拘締羅池不遠有諸天阿修羅興四種軍戰於空中時諸天得勝阿修羅軍敗退入彼池一藕孔中是故比丘汝等慎莫思惟世間所以者何世間思惟非義饒益非法饒益非梵行饒益非智非覺非正向涅槃當思惟四聖諦何等為四苦聖諦苦集聖諦苦滅聖諦苦滅道跡聖諦佛說此經已詣比丘聞佛所說歡喜奉行

如是我聞一時佛住王舍城迦蘭陀竹園時有衆多比丘集於食堂作如是論或謂世間有常或謂世間无常世間有常无常世間非有常非無常世間有邊世間無邊世間有邊无边世間非有邊非無邊是命是身命異身異如來死後有如來死後无如來死後有無如來死後非有非無今時世尊一處坐禪以天耳聞諸比丘集於食堂論議之聲聞已往詣食堂於

大衆前敷座而坐告諸比丘汝等比丘衆多聚集何所言說時諸比丘白佛言世尊我等衆多比丘集此食堂作如是論或說有常或說无常如上廣說佛告比丘汝等莫作如是論議所以者何如此論者非義饒益非法饒益非梵行饒益非智非正覺非正向涅槃汝等比丘應如是論議此苦聖諦此苦集聖諦此苦滅聖諦此苦滅道跡聖諦所以者何如是論議是義饒益法饒益梵行饒益正智正覺正向涅槃是故比丘於四聖諦未无间等當勤方便起增上欲學无间等佛說此經已諸比丘聞佛所說歡喜奉行

如是我聞一時佛住王舍城迦蘭陀竹園今時有衆多比丘集於食堂或有貪覺覺者或瞋覺覺者或害覺覺者今時世尊知諸比丘心之所念往詣食堂敷坐具於衆前坐告諸比丘汝等莫起貪覺覺莫起恚覺覺莫起害覺覺所以者何此諸覺非義饒益非法饒益非梵行饒益非智非正覺

不向涅槃汝等當起苦聖諦覺苦集
聖諦覺苦滅聖諦覺苦滅道跡聖諦
覺所以者何此四聖諦覺義饒益法
饒益梵行饒益正智正覺向於涅槃
是故諸比丘於四聖諦當勤方便起
增上欲正智正念精進修學佛說此
經已諸比丘聞佛所說歡喜奉行
如是我聞一時如上廣說耆別者起
親里覺國土人民覺不死覺乃至聞
佛所說歡喜奉行

如是我聞一時佛住王舍城迦蘭陀
竹園時有衆多比丘集於食堂作如
是論或論王事賊事閭戰事錢財事
衣被事飲食事男女事世間言語事
事業事說諸海中事尔時世尊於禪
定中以天耳聞諸比丘論說之聲即
從座起往詣食堂敷坐具於衆前坐
告諸比丘汝等比丘衆多聚集為何
所說諸比丘白佛言世尊我等於此
聚集或論說王事如上廣說佛告比
丘汝等莫作是論論說王事乃是不
向涅槃若論說者應當論說此苦
聖諦苦集聖諦苦滅聖諦苦滅道跡

聖諦所以者何此四聖諦以義饒益
法饒益梵行饒益正智正覺正向涅槃
佛說此經已諸比丘聞佛所說歡
喜奉行

如是我聞一時佛住王舍城迦蘭陀
竹林時有衆多比丘集於食堂作如
是說我知法律汝等不知我所說成
就我等所說與理合汝等所說不成
就不與理合應前說者則在後說應
後說者則在前說而共諍論言我論
是汝等不如能答者當答今時世尊
於禪定中以天耳聞諸比丘諍論之
聲如是廣說乃至於四聖諦無間等
者當勸起方便起增上欲學無間等
佛說是經已諸比丘聞佛所說歡喜
奉行

如是我聞一時佛住王舍城迦蘭陀
竹林時有衆多比丘集於食堂作如
是論波斯匿王頻婆娑羅王何者大
力何者大富今時世尊於禪定中以
天耳聞諸比丘論說之聲即從座起
往詣食堂敷坐具於衆前坐問諸比
丘汝等何所論說將諸比丘即以上

事具白世尊佛告比丘汝等用說諸
王大力大富為汝等比丘莫作是論
所以考何此非義饒益非法饒益非
梵行饒益非智非正覺不向涅槃汝
等當說此苦聖諦苦集聖諦苦滅聖
諦苦滅道跡聖諦所以者何此四聖
諦是義饒益法饒益梵行饒益正智
正覺正向涅槃是故比丘於四聖諦
未聞等者當勤方便起增上欲學
尤聞等佛說此經已諸比丘聞佛所
說歡喜奉行

如是我聞一時佛住王舍城迦蘭陀
竹園時有衆多比丘集於食堂作如
是論汝等宿命作何等業為何工巧
以何自活尔時世尊於禪定中以天
耳聞諸比丘論說之聲即從座起往
詣食堂敷坐具於衆前坐問諸比丘
汝說何等時諸比丘以上所說具白
世尊佛告比丘汝等比丘莫作是說
宿命所作所以者何此非義饒益
非法饒益非梵行饒益非智非正覺
不向涅槃汝等比丘當共論說此苦
聖諦苦集聖諦苦滅聖諦苦滅道跡

聖諦所以者何此義饒益法饒益梵
行饒益正智正覺正向涅槃是故比
丘依於四聖諦末无間等者當勤方
便起增上欲學无間等佛說此經已
諸比丘聞佛所說歡喜奉行

如是我聞一時佛住王舍城迦蘭陀
竹園時有衆多比丘集於食堂作如
是說論某甲檀越作魚䟽食我等食
已无味無力我等不如捨彼魚食而
行乞食所以者何比丘乞食時得好
食又見好色時聞好聲多人所識亦
得衣被卧具醫藥今時世尊於禪定
中以天耳聞諸比丘論說之聲即詣
食堂如是廣說乃至正向涅槃佛說
此經已諸比丘聞佛所說歡喜奉行
如是我聞一時佛住王舍城迦蘭陀
竹園今時世尊告諸比丘汝等持我
所說四聖諦不時有異比丘從座起
正衣服為佛作礼合掌白佛唯然世
尊所說四聖諦我悉受持佛告比丘
汝云何受持四聖諦比丘白佛言世
尊說言此是苦聖諦我即受持此苦
集聖諦此苦滅聖諦此苦滅道跡聖

諦如是世尊說四聖諦我即受持佛
告比丘善哉善哉我說苦聖諦汝真
實受持我說苦集聖諦苦滅聖諦苦
滅道跡聖諦汝真實受持佛說此經
已諸比丘聞佛所說歡喜奉行

如是我聞一時佛住王舍城迦蘭陀
竹園尔時世尊告諸比丘汝等持我
所說四聖諦不時有比丘從座起整
衣服偏袒右肩為佛作札合掌白佛
唯然世尊所說四聖諦我悉受持佛
告比丘汝云何持我所說四聖諦比
丘白佛言世尊說苦聖諦我悉受持
如如不離如不異如真實審諦不顛
倒是聖所諦是名苦聖諦世尊說苦
集聖諦苦滅聖諦苦滅道跡聖諦如
如不離如不異如真實審諦不顛倒
是聖所諦是為世尊說四聖諦我悉
受持佛告比丘善哉善哉汝真實持
我所說四聖諦如如不離如不異如
真實審諦不顛倒是名比丘真實持
我四聖諦佛說此經已諸比丘聞佛
所說歡喜奉行

如是我聞一時佛住王舍城迦蘭陀

竹園今時世尊告諸比丘汝持我所說四聖諦不時有異比丘從座起整衣服為佛作札合掌白佛言唯然世尊所說四聖諦我悉持之云何四諦世尊說苦聖諦我悉持之苦集聖諦苦滅聖諦苦滅道跡聖諦我悉持之佛告彼比丘善哉善哉如我所說四聖諦汝悉持之諸比丘若沙門婆羅門作如是說如沙門瞿曇所說苦聖諦我當捨更立苦聖諦者但有言數問已不知增其疑惑以非其境界故苦集聖諦苦滅聖諦苦滅道跡聖諦我今當捨更立餘四聖諦者彼但有言數問已不知增其疑惑以非其境界故是故比丘於四聖諦未無間等者當勸方便起增上欲學無間等佛說此經已諸比丘聞佛所說歡喜奉行

如是我聞一時佛住王舍城迦蘭陀竹園今時世尊告諸比丘若比丘於佛有疑者則於苦聖諦有疑苦集聖諦苦滅聖諦苦滅道跡聖諦則有疑惑若於法僧有疑者則於苦聖諦疑

或苦集聖諦苦滅聖諦苦滅道跡聖諦疑惑者於佛不疑惑者則於苦聖諦不疑惑苦集聖諦苦滅聖諦苦滅道跡聖諦不疑惑若於法僧不疑惑者則於苦聖諦不疑惑苦集聖諦不疑惑若於法僧無疑惑佛說此經已諸比丘聞佛所說歡喜奉行

如是我聞一時佛住王舍城迦蘭陀羅門於苦聖諦有疑者則於佛有疑於法僧有疑若苦集滅道疑者則於佛有疑於法僧有疑若苦聖諦無疑者則於佛無疑於法僧無疑於集滅道聖諦無疑者則於佛無疑於法僧無疑佛說此經已諸比丘聞佛所說歡喜奉行

如是我聞一時佛住王舍城迦蘭陀竹園尔時世尊告諸比丘汝等共行至深嶮巖諸比丘白佛唯然世尊尔時世尊與諸大眾至深嶮巖敷座而坐周匝觀察深嶮巖已告諸比丘此巖極大深嶮時有異比丘從座起整衣服為佛作礼合掌白佛言世尊此

極深嶮然復有一極深嶮極嶮於此甚可怖畏者不佛知其意即告言如是比丘此極深嶮然復有大深嶮於此者甚可怖畏謂諸沙門婆羅門於苦聖諦不如實知苦集聖諦苦滅聖諦苦滅道跡聖諦不如實知彼於生本諸行樂著於老病死憂悲惱苦生本諸行樂著而作是行老病死憂悲惱苦行轉增長故墮於生深嶮之處墮於老病死憂悲惱苦深嶮之處如是比丘此則大深嶮於此者是故比丘於四聖諦未无聞等者當勤方便起增上欲學無間等佛說此經已諸比丘聞佛所說歡喜奉行

如是我聞一時佛住王舍城迦蘭陀竹園尔時世尊告諸比丘有大熱地獄若衆生生於彼中一向與炯然時有異比丘從座起整衣服為佛作礼合掌白佛言如世尊說此則大熱世尊唯此大熱復有大熱過於此者甚可怖畏无有過上如是大熱過於此者甚可怖畏无有過上何等為更有大熱甚可怖

畏過於此者謂沙門婆羅門此苦聖諦不如實知苦集聖諦苦滅聖諦苦滅道跡聖諦不如實知如是乃至生老病死憂悲惱苦大熱熾然是名比丘大熱燒然甚可怖畏无有過者是故比丘於四聖諦未無聞等者當勤方便起增上欲學无聞等佛說此經已諸比丘聞佛所說歡喜奉行

如是我聞一時佛住王舍城迦蘭陀竹園尔時世尊告諸比丘有大闇地獄彼諸衆生生彼中者不見自身分時有異比丘從座起整衣服為佛作礼合掌白佛言世尊此則大闇唯此大闇復更有餘大闇甚可怖畏過於此不沸告比丘如是更有大闇甚可怖畏過於此者謂沙門婆羅門於四聖諦不如實知乃至墮於生老病死憂悲惱苦大闇之中是故比丘於四聖諦未无聞等者當勤方便起增上欲學无聞等佛說此經已諸比丘聞佛所說歡喜奉行

如是我聞一時佛住王舍城迦蘭陀竹園尔時世尊告諸比丘如日遊行

照諸世界乃至千日千月照千世界
千須弥山千弗婆提千閻浮提千拘
耶尼千鬱單越千四天王千三十三
天千炎魔天千梵率天千化樂天千
他化自在天千梵天是名小千世界
此千世界中閻闍冥日月光照有大
德力而彼不見其有衆生生彼中者
不見自身分時有異比丘從座起整
衣服為佛作礼合掌白佛言世尊如
世尊說是大閻闍冥復更有餘大閻闍冥
處過於此耶佛告比丘有大閻闍冥過
於此者謂沙門婆羅門於苦聖諦不
如實知乃至墮於生老病死憂悲惱
苦大閻闍冥中是名比丘有大閻闍冥過
於世界中閻闍冥是故比丘於四聖
諦末无聞等者當勤方便起增上欲
學無聞等佛說此經已時諸比丘聞
佛所說歡喜奉行

如是我聞一時佛住王舍城迦蘭陀
竹園尔時世尊告諸比丘從小千世
界數滿至千是名中千世界於是中
千世界中閻闍冥如前所說乃至於
四聖諦末无聞等者當勤方便起增

上欲學无聞等佛說此經已諸比丘
聞佛所說歡喜奉行

如是我聞一時佛住王舍城迦蘭陀
竹園尔時世尊告諸比丘從中千世
界數滿至千是名三千大千世界世
界中間闇冥之處日月遊行普照世
界而彼不見乃至墮於生老病死憂
悲惱苦大闇冥中是故諸比丘於四
聖諦末无聞等者當勤方便起增上
欲學无聞等佛說此經已諸比丘聞
佛所說歡喜奉行

如是我聞一時佛住王舍城迦蘭陀
竹園尔時世尊告諸比丘我今當說
四聖諦諦聽諦聽善思念之何等為
四謂苦聖諦苦集聖諦苦滅聖諦苦
滅道跡聖諦是名四聖諦佛說此經
已諸比丘聞佛所說歡喜奉行

如當說如是有如是當知亦如上說
如是我聞一時佛住王舍城迦蘭陀
竹園尔時世尊告諸比丘當勤禪思
正方便起内寂其心所以者何比丘
禪思内寂其心成就已如實顯現云
何如實顯現謂此苦聖諦如實顯現

此苦集聖諦苦滅聖諦苦滅道跡聖
諦如實顯現佛說此經已諸比丘聞
佛所說歡喜奉行

如是我聞一時佛住王舍城迦蘭陀
竹園今時世尊告諸比丘當修无量
三摩提專心正念所以者何修无量
三摩提專心正念已如是如實顯現
云何如實顯現謂此苦聖諦如實顯
現苦集聖諦苦滅聖諦苦滅道跡聖
諦如實顯現佛說此經已諸比丘聞
佛所說歡喜奉行

如是我聞一時佛住王舍城迦蘭陀
竹園今時佛告諸比丘如人擲杖於
虛空中尋即還墮或根著地或腹著
地或頭著地如是沙門婆羅門於此
苦聖諦不如實知苦集聖諦苦滅聖
諦苦滅道跡聖諦不如實知當知是
沙門婆羅門或墮地獄或墮畜生或
墮餓鬼是故比丘於四聖諦未無聞
等者當勤方便學无聞等佛說此經
已諸比丘聞佛所說歡喜奉行

如是我聞一時佛住王舍城迦蘭陀
竹園今時世尊告諸比丘如人擲杖

置虛空中其必還墮或墮淨地或墮不淨地如是沙門婆羅門於苦聖諦不如實知於苦集聖諦苦滅聖諦苦滅道跡聖諦不如實知以不如實知故或生善趣或生惡趣是故諸比丘於四聖諦未无間等者當勤方便起增上欲學无間等佛說此經已諸比丘聞佛所說歡喜奉行

如是我聞一時佛住王舍城迦蘭陀竹園今時佛告諸比丘譬如五節相續輪大力士夫令速旋轉如是沙門婆羅門於此苦聖諦不如實知此苦集聖諦苦滅聖諦苦滅道跡聖諦不如實知輪迴五趣而速旋轉或墮地獄或墮畜生或墮餓鬼或人或天還墮惡道長夜輪轉是故比丘於四聖諦未无間等者當勤方便起增上欲學无間等佛說此經已諸比丘聞佛所說歡喜奉行

如是我聞一時佛住王舍城迦蘭陀竹園今時世尊告諸比丘如來應等正覺增上說法謂四聖諦開示施設建立分別散說顯現表露何等為四

謂苦聖諦苦集聖諦苦滅聖諦苦滅
道跡聖諦是故比丘於四聖諦未元
聞等者當勤方便起增上欲學元聞
等佛說此經已諸比丘聞佛所說歡
喜奉行

如是我聞一時佛住王舍城迦蘭陀
竹園今時世尊告諸比丘何等為默
慧為此苦聖諦如實知此苦集聖諦
苦滅聖諦苦滅道跡聖諦如實知為
不知耶諸比丘白佛如我解世尊所
說於四聖諦如實知者此為默慧佛
告比丘善哉善哉於苦聖諦苦集聖
諦苦滅聖諦苦滅道跡聖諦如實知
者是則默慧是故諸比丘於四聖諦
未元聞等者當勤方便起增上欲學
元聞等佛說是經已諸比丘聞佛所
說歡喜奉行

如是我聞一時佛住舍衛國祇樹給
孤獨園時須達長者往詣佛所稽首
佛足於一面坐白佛言世尊此四聖
諦為漸次元聞等為一頓元聞等佛
告長者此四聖諦漸次元聞非頓無
聞等佛告長者若有說言於苦聖諦

本无間等而於彼苦集聖諦苦滅聖
諦苦滅道跡聖諦无間等者此說不
應所以者何若於苦聖諦未无間等
而欲於苦集聖諦苦滅聖諦苦滅道
跡聖諦无間等者无有是處猶如有
人兩細樹葉連合為器盛水持行无
有是處如是於苦聖諦未无間等而
欲於苦集聖諦苦滅聖諦苦滅道跡
聖諦无間等者無有是處譬如有人
取蓮華葉連合為器盛水遊行斯有
是處如是長者於苦聖諦无間等已
而欲於苦集聖諦苦滅聖諦苦滅道
跡聖諦无間等者斯有是處是故長
者於四聖諦未无間等者當勤方便
起增上欲學无間等佛說此經已諸
比丘聞佛所說歡喜奉行

如須達長者所問有異比丘問亦如
是說唯辟有差別如有四登階道昇
於殿堂若有說言不登初階而登第
二第三第四階昇堂殿者无有是處
所以者何要由初階然後次登第二第
三第四階得昇殿堂如是比丘於苦
聖諦未无間等而欲於苦集聖諦苦

滅聖諦苦滅道跡聖諦无間等者无
有是處譬如比丘若有人言以四階
道昇於殿堂要由初階然後次登第
二第三第四階得昇殿堂應作是說
所以者何要由初階然後次登第二
第三第四階昇於殿堂有是處故如
是比丘若言於苦聖諦无間等已然
後次第於苦集聖諦苦滅聖諦苦滅
道跡聖諦无間等者應作是說所以
者何若於苦聖諦无間等已然後次
第於苦集聖諦苦滅聖諦苦滅道跡
聖諦无間等者有是處故佛說此經
已諸比丘聞佛所說歡喜奉行

如異比丘問阿難所問亦如是說唯
譬老別佛告阿難譬如四階梯昇於
殿堂若有說言不由初階而登第二
第三第四階昇殿堂者无有是處如
是阿難若於苦聖諦末无間等而欲
苦集聖諦苦滅聖諦苦滅道跡聖諦
无間等者此不應說所以者何若於
苦聖諦末無間等而於苦集聖諦苦
滅聖諦苦滅道跡聖諦无間等者无
有是處譬如阿難由四階梯昇於殿

堂若有人言要由初證然後次登第二第三第四證昇殿堂者此所應說所以者何要由初證然後次登第二第三第四證昇殿堂者有是處故如是阿難於苦聖諦无間等已然後次第苦集聖諦苦滅聖諦苦滅道跡聖諦无間等者斯有是處佛說是經已諸比丘聞佛所說歡喜奉行

如是我聞一時佛住舍衛國祇樹給孤獨園今時世尊告諸比丘譬如大地草木悉取為鏹貫大海中一切水虫悉能貫不比丘自佛不能世尊所以者何大海諸虫種種形類或於細不可貫或極大不可貫佛告比丘如是如是衆生界无数无量是故比丘於四聖諦未無間等者當勤方便起增上欲學無間等佛說是經已諸比丘聞佛所說歡喜奉行

如是我聞一時佛住王舍城迦蘭陀竹園今時世尊手執土石問諸比丘於意云何此手中土石為多彼大雪山土石為多比丘白佛言世尊手中土石甚少耳雪山土石甚多無量

百千巨億筭數譬類不可為比佛告
比丘其諸衆生於苦聖諦如實知者
告集聖諦苦滅聖諦苦滅道跡聖諦
不如實知者如我手中所執土石其諸
衆生於苦聖諦不如實知於苦集聖
諦苦滅聖諦苦滅道跡聖諦不如實
知者如彼雪山土石其數無量是故
比丘於四聖諦未聞等者當勤方
便起增上欲學無間等佛說是經已
諸比丘聞佛所說歡喜奉行

如是我聞一時佛住王舍城迦蘭陀
竹園尔時世尊告諸比丘譬如湖池
深廣五十由旬其水盈滿若有士夫
以髮以毛或以指端漚彼湖水乃至
再三云何以比丘如彼士夫所漚水多
湖池水多比丘白佛如彼士夫毛髮
指端再三漚水甚少耳彼湖大水
其量無數乃至筭數譬類不可為比
佛告比丘如大湖水甚多无量如是
多聞聖弟子具足見諦得聖道果斷
諸苦本如截多羅樹頭於未來世成
不生法餘不盡者如彼士夫髮毛指
端所漚之水是故比丘於四聖諦未

无間等者當勤方便起增上欲學无
間等佛說是經已諸比丘聞佛所說
歡喜奉行

如大湖水譬如是薩羅多吒迦恒伽
耶符鄒薩羅遊伊羅跋提摩醯及四
大海其譬亦如上說

如是我聞一時佛住舍衛國祇樹給
孤獨園介時世尊手捉團土大如梨
果告諸比丘云何比丘我手中此團
土為多大雪山中土石為多諸比丘
白佛言世尊手中團土少少耳彼雪
山王其土石甚多百千億那由他乃
至竿數譬類不得為比佛告諸比丘
如我所捉團土如是衆生於苦聖諦
如實知於苦集聖諦苦滅聖諦苦滅
道跡聖諦如實知者亦復如是如大
雪山王土石者如是衆生於苦聖諦
不如實知於苦集聖諦苦滅聖諦苦
滅道跡聖諦不如實知者亦復如是
是故比丘於四聖諦末无間等者當
勤方便起增上欲學無間等佛說是
經已諸比丘聞佛所說歡喜奉行
如雪山王如是尼民施羅山毗那多

迦山馬耳山善見山佉提羅迦山伊沙陀羅山由捷陀羅山須弥山王及大地土石亦復如是如梨果如是阿摩勒迦果跋陀羅果迦羅迦果五果乃至蒜子等亦復如是

如是我聞一時佛住舍衛國祇樹給孤獨園今時世尊以爪甲擎土已告諸比丘於意云何我爪甲上土為多此大地土多諸比丘白佛言世尊甲上土甚少耳此大地土甚多无量乃至竿數等類不可為比佛告比丘如甲上土者若諸衆生形可見者亦復如是其形微細不可見者如大地土是故比丘於四聖諦未无聞等者當勤方便學无聞等佛說是經已諸比丘聞佛所說歡喜奉行

如陸地如是水性亦尔

如甲上土如是衆生人道者亦復如是

如大地土如是非人亦尔

如甲上土如是生中國者亦尔

如大地土如是生邊地者亦尔

如甲上土如是成就聖慧眼者亦復

如是如大地土如是不成就聖慧眼者亦尔

如甲上土如是衆生知此法律者亦後如是如大地土如是衆生不知法律者亦尔如知如是等知普知正想正覺正解法无間等亦如是如甲上土如是衆生知有父母亦尔如大地土如是衆生不知有父母亦尔如甲上土如是知有沙門婆羅門家之尊長作所應作作福此世他世畏罪行施受齋持戒亦尔如大地土不知有沙門婆羅門家之尊長作所應作作福此世他世畏罪行施受齋持戒亦如是說如甲上土如是衆生不煞不盜不邪淫不妄語不兩舌不惡口不綺語亦尔如大地土如是衆生不持諸戒者亦尔如是離貪恚邪見及不離貪恚邪見亦如是說如甲上土如是不煞不盜不邪淫不妄語不飲酒如大地土如是不持五戒者亦尔如甲上土如是衆生持八戒者亦如是如大地土如是衆生不持八戒者亦尔如甲上土如是衆生持十善者亦如

是如大地土如是衆生不持十善者
亦如是如甲上土如是衆生從地獄
命終生人中者亦如是如大地土如
是衆生從地獄命終還生地獄者亦
如是如地獄如是畜生餓鬼亦尔如
甲上土如是衆生從地獄命終生天
上者亦如是

如大地土如是衆生從地獄命終還
生地獄者亦如是如地獄如是畜生
餓鬼亦尔

如甲上土如是衆生人道中沒還生
人道中者亦如是

如大地土其諸衆生從人道中沒生
地獄中者亦如是如地獄如是畜生
餓鬼亦尔

如甲上土其諸衆生從天命終還生
天上者亦如是

如大地土其諸衆生天上沒生地獄
中者亦如是如地獄畜生餓鬼亦
如是

如是我聞一時佛住舍衛國祇樹給
孤獨園尔時世尊告諸比丘我本未
聞法時得正思惟此苦聖諦正見已

生此苦集聖諦此苦滅聖諦苦滅道
跡聖諦正見已生佛說此經已諸比
丘聞佛所說歡喜奉行

如已生如是今生當生

如生如是起習近修多修觸作證亦
如是

如是我聞一時佛住舍衛國祇樹給
孤獨園今時世尊告諸比丘譬如眼
藥丸深廣一由旬若有士夫取此藥
丸界界安置能速令盡於彼界界不
得其邊當知諸界其數无量是故比
丘當善界學善種種界當如是學佛
說此經已諸比丘聞佛所說歡喜
奉行

如是我聞一時佛住舍衛國祇樹給
孤獨園今時世尊告諸比丘衆生常
與界俱與界和合云何衆生常與界
俱謂衆生行不善心時與不善界俱
善心時與善界俱勝心時與勝界俱
鄙心時與鄙界俱是故諸比丘當作
是學善種種界佛說是經已諸比丘
聞佛所說歡喜奉行

如是我聞一時佛住舍衛國祇樹給

於獨園今時世尊告諸比丘廣說如
上差別者即說偈言

常會故常生相離生則斷如人執小木
而入於巨海人木則俱沒懈怠俱亦然
當離於懈怠卑劣之精進賢聖不懈怠
安住於遠離慇懃精進禪超度生死流
眼漂得其素火得風熾然珂乳則同色
眾生與界俱相似共和合增長亦復然
如是我聞一時佛住王舍城迦蘭陀
竹園今時世尊告諸比丘眾生常與
界俱與界和合云何與界俱謂眾生
不善心時與不善界俱善心時與善
界俱鄙心時與鄙界俱勝心時與勝
界俱時尊者憍陳如與衆多比丘於
近處經行一切皆是上座多聞大德
出家已久具修梵行復有尊者大迦
葉與衆多比丘於近處經行一切皆
是少欲知足頭陀苦行不畜遺餘尊
者舍利弗與衆多比丘於近處經行
一切皆是大智辯才時尊者大目犍
連與衆多比丘於近處經行一切皆
是神通大力時阿那律陀與衆多比
丘於近處經行一切皆是天眼明徹

時尊者二十億耳與衆多比丘於近
處經行一切皆是勇猛精進專勤修
行者時尊者陀驃與衆多比丘於近
處經行一切皆是能為大衆修供具
者時尊者優波離與衆多比丘於近
處經行一切皆是通達律行時尊者
富樓那與衆多比丘於近處經行皆
是辯才善說法者時尊者迦旃延與
衆多比丘於近處經行一切皆能分
別諸經盡說法相時尊者阿難與衆
多比丘於近處經行一切皆是多聞
慈持時尊者羅睺羅與衆多比丘於
近處經行一切皆是善持律行時提
婆達多與衆多比丘於近處經行一
切皆是習衆惡行是名比丘常與界
俱與界和合是故請比丘當善分別
種種諸界佛說是經時諸比丘聞佛
所說歡喜奉行

如是我聞一時佛住王舍城迦蘭陁
竹園如上廣說已即說偈言

常會故常生 相離生則斷 如人執小木
而入於巨海 人木則俱沒 懈怠俱亦然
當離於懈怠 卑劣之精進 賢聖不懈怠

安住於遠離 慤慤精進禪 起度生死流
膠漆得其素 火得風熾然 珂乳則同色
衆生與界俱 相似共和合 增長亦復然
如是我聞一時佛住舍衛國祇樹給
孤獨園介時世尊告諸比丘衆生常
與界俱與界和合如是廣說乃至勝
心生時與勝界俱鄙心生時與鄙界
俱煞生時與煞界俱盜婬妄語飲酒
心時與飲酒界俱不煞生時與不煞
界俱不盜不婬不妄語不飲酒與不
飲酒界俱是故諸比丘當善分別種
種界佛說是經已諸比丘聞佛所說
歡喜奉行

如是我聞一時佛住舍衛國祇樹給
孤獨園介時世尊告諸比丘衆生常
與界俱與界和合不信時與不信界
俱犯戒時與犯戒界俱無慙無愧時
與無慙無愧界俱信心時與信界俱
持戒時與持戒界俱慙愧心時與慙
愧界俱是故諸比丘當善分別種種
諸界佛說是經已諸比丘聞佛所說
歡喜奉行

如信不信如是精進不精進失念不

失念正受不正受多聞少聞慳者施者愚慧善慧難養易養難滿易滿多欲少欲知足不知足攝受不攝受界俱如上經如是廣說

如是我聞一時佛住舍衛國祇樹給孤獨園今時世尊告諸比丘我今當說種種諸界諦聽善思當為汝說云何為種種界謂眼界色界眼識界耳界聲界耳識界鼻界香界鼻識界舌界味界舌識界身界觸界身識界意界法界意識界是名種種界佛說是經已諸比丘聞佛所說歡喜奉行如是我聞一時佛住舍衛國祇樹給孤獨園今時世尊告諸比丘緣種種界生種種觸緣種種觸生種種受緣種種受生種種觸乃至云何緣種種受生種種愛謂緣眼界生眼觸緣眼觸生眼觸生受緣眼觸生受生眼觸生愛耳鼻舌身意識界緣生意識觸緣意識觸生意識觸生受緣意識觸生受生意識觸生愛諸

比丘非緣種種受生種種受非緣種
種受生種種觸非緣種種觸生種種
界要緣種種界生種種觸緣種種觸
生種種受緣種種受生種種受是名
比丘緣種種界生種種觸緣種種觸
生種種受緣種種受生種種受佛說
此經已諸比丘聞佛所說歡喜奉行
如是我聞一時佛住舍衛國祇樹給
孤獨園余時世尊告諸比丘緣種種
界生種種觸緣種種觸生種種受緣
種種受生種種受云何種種界謂十
八界眼界色界眼識界乃至意界法
界意識界是名種種界云何緣種種
界生種種觸緣種種觸生種種受緣
種種受生種種受謂緣眼界生眼觸
非緣眼觸生眼界但緣眼界生眼觸
緣眼觸生眼受非緣眼受生眼觸但
緣眼觸生眼受緣眼受生眼愛非緣
眼愛生眼受但緣眼受生眼愛如是
耳鼻舌身意思界緣生意觸非緣意
觸生生意界但緣意思生意觸緣意
觸生意受非緣意受生意觸但緣意
觸生意受緣意受生意受非緣意受
生意

受但緣意受生意愛是故比丘非緣
種種受生種種受非緣種種受生種
種觸非緣種種觸生種種界但緣種
種界生種種觸緣種種觸生種種受
緣種種受生種種受是名比丘當善
分別種種界佛說是經已諸比丘聞
佛所說歡喜奉行

如是我聞一時佛住舍衛國祇樹給
孤獨園尔時世尊告諸比丘緣種種
界生種種觸緣種種觸生種種受緣
種種受生種種想緣種種想生種種
欲緣種種欲生種種覺緣種種覺生
種種熱緣種種熱生種種求六何種
種界謂十八界眼界乃至法界六何
緣種種界生種種觸乃至緣種種熱
生種種求謂緣眼界生眼觸緣眼觸
生眼受緣眼受生眼想緣眼想生眼
欲緣眼欲生眼覺緣眼覺生眼熱緣
眼熱生眼求如是耳鼻舌身意界緣
生意觸緣意觸生意受緣意受生意
想緣意想想生意覺緣意覺生意熱緣
意熱生意求名比丘緣種種界故
生種種觸乃至緣種種熱生種種求

比丘非緣種種求生種種熱非緣種
種熱生種種覺非緣種種覺生種種
想非緣種種想生種種受非緣種種
受生種種觸非緣種種觸生種種界
但緣種種界生種種觸乃至緣種種
熱生種種求佛說是經已諸比丘聞
佛所說歡喜奉行

卐

雜阿含經卷第十六

癸卯歲高麗國大藏都監奉
勅雕造

雜阿含經卷第十六

第三十三段

七

雜阿含經卷第十七

之

宋天竺三藏求那跋陀羅譯

雜因誦第三品之五

如是我聞一時佛住舍衛國祇樹給
孤獨園。爾時世尊告諸比丘。有光界
淨界。无量空入處界。無量識入處界。
無所有入處界。非想非非想入處界。
有滅界。時有異比丘從座起整衣服
稽首。札足合掌。白佛言。世尊。彼光界
淨界。无量空入處界。無量識入處界。
無所有入處界。非想非非想入處界。
滅界。如此諸界。何因緣可知。佛告比
丘。彼光界者。緣闇。故可知。淨界。緣不
淨。故可知。无量空入處界者。緣色。故
可知。无量識入處界者。緣內。故可知。
無所有入處界者。緣所有。可知。非想
非非想入處界者。緣有。第一。故可知。
滅界者。緣有身。可知。諸比丘。白佛言。
世尊。彼光界。乃至滅界。以何正受而
得。佛告比丘。彼光界。淨界。无量空入
處界。无量識入處界。無所有入處界。
此諸界。於自行正受而得。非想非非

想入處界於第一有正受而得滅界者
於有身滅正受而得佛說此經已詣
比丘聞佛所說歡喜奉行

如是我聞一時佛住舍衛國東園鹿
子母講堂今時世尊晡時從禪覺於
講堂陰中敷座於大眾前坐說優檀
鄒句告諸比丘緣界故生說非不界
緣界故生見非不界緣界故生想非
不界緣下界我說生下說下見下想
下思下欲下願下士夫下所作下施
設下建立下部分下顯示下受生如
是中如是勝界緣勝界我說彼生勝
說勝見勝想勝思勝願勝士夫勝所
作勝施設勝建立勝部分勝顯示勝受
生勝時有婆迦利比丘在佛後執扇扇
佛白佛言世尊若於三藐三佛陀起
非三藐三佛陀見彼見亦緣界而生
耶佛告比丘於三藐三佛陀起非三
藐三佛陀見亦緣界而生非不界所
以者何凡夫界者是无明界如我先
說緣下界生下說下見乃至下受生
中勝界生勝說勝見乃至勝受生佛
說此經已詣比丘聞佛所說歡喜

奉行

如是我聞一時佛住舍衛國祇樹給
孫獨園舍時世尊告諸比丘有因生
欲想非无因有因生恚想害想非无
因云何因生欲想謂緣欲界也緣欲
界故生欲想欲欲覺欲熱欲求愚
癡凡夫起欲求已此衆生起三處邪
謂身口心如是邪因緣故現法苦住
有苦有尋有惱有熱身壞命終生惡
趣中是名因緣生欲想云何因緣生
恚想害想謂害界也緣害界生害想
害欲害覺害熱害求愚癡凡夫起害
求已此衆生起三處邪謂身口心起
三處邪因緣已現法苦住有苦有尋
有惱有熱身壞命終生惡趣中是名
因緣生害想諸比丘若諸沙門婆羅
門如是安於生生危險想不求捨離
不覺不吐彼則現法苦住有苦有尋
有惱有熱身壞命終生惡趣中譬如
城邑聚落不遠有曠野大火卒起彼
無有力能滅火者當知彼諸野中衆
生恚被火害如是諸沙門婆羅門安
於生生危險想身壞命終生惡趣中

諸比丘有因生出要想非无因云何
有因生出要想謂出要界緣出要界
生出要想出要欲出要覺出要熱出
要求謂彼慧者出要求時衆生三處
生正謂身口心彼如是生正因緣已
現法樂住不苦不尋不惱不熱身壞
命終生善趣中是名因緣生出要想
云何因緣生不恚不害想謂不害界
也不害界因緣生不害想不害欲不
害覺不害熱不害求彼慧者不害求
時衆生三處正謂身口心彼正因緣
生已現法樂住不苦不尋不惱不熱
身壞命終生善趣中是名因緣生不
害想若諸沙門婆羅門安於生生不
害想不捨離不覺不吐現法樂住不
苦不尋不惱不熱身壞命終生善趣
中譬如城邑聚落邊有曠野大火卒
起有人堪能手足滅火當知彼諸衆
生依草木者恚不被害如是諸沙門
婆羅門安於生生正想不捨不覺不
吐現法樂住不苦不尋不惱不熱身
壞命終生善趣中佛說此經已諸比
丘聞佛所說歡喜奉行

如是我聞一時佛住舍衛國祇樹給
孫獨園時有婆羅門來詣佛所與世
尊面相慰勞已於一面住白佛言衆
生非自作非他作佛告婆羅門如是
論者我不與相見汝今自來而言我
非自作非他作婆羅門言云何瞿曇
衆生為自作為他作耶佛告婆羅門
我今問汝隨意答我婆羅門於意云
何有衆生方便界今諸衆生知作方
便耶婆羅門言瞿曇有衆生方便界
今諸衆生知作方便也佛告婆羅門
若有方便界令諸衆生知有方便者
是則衆生自作是則他作婆羅門於
意云何有衆生安住界堅固界出界
造作界令彼衆生知有造作耶婆羅
門白佛有衆生安住界堅固界出界
造作界令諸衆生知有造作佛告婆
羅門若彼安住界堅固界出界造作
界令諸衆生知有造作者是則衆生
自作是則他作婆羅門白佛有衆生
自作有他作瞿曇世間多事今當請
譬佛告婆羅門世間多事宜知是時
時彼婆羅門聞佛所說歡喜隨喜從

座起去

如是我聞一時佛住拘睺彌國瞿師
羅園今時瞿師羅長者詣尊者阿難
所礼尊者阿難足退坐一面白尊者
阿難所說種種界云何為種種界時
尊者阿難告瞿師羅長者眼界異色
界異喜處二因緣生識三事和合生
觸又喜觸因緣生樂受如是耳鼻舌
身意法亦如是說復次長者有異眼
界異色界憂處二因緣生識三事和
合生苦觸彼苦觸因緣生苦受如是
耳鼻舌身意法亦如是說復次長者
異眼界異色界捨處二因緣生識三
事和合生不苦不樂觸不苦不樂觸
因緣生不苦不樂受如是耳鼻舌身
意法亦如是說今時瞿師羅長者聞
尊者阿難所說歡喜隨喜礼足而去
如是我聞一時佛住拘睺彌國瞿師
羅園今時瞿師羅長者詣尊者阿難
所稽首礼足於一面坐白尊者阿難
所說種種界云何為種種界尊者阿
難告瞿師羅長者有三界云何三謂
欲界色界元色界今時尊者阿難即

說偈言

曉了於欲界 色界亦復然 捨一切有餘
得天餘寂滅 於身和合界 永盡無餘證
三耶三佛說 无變離垢句

尊者阿難說是經已 瞿師羅長者歡
喜隨喜作禮而去

如是我聞一時佛住拘睺彌國瞿師
羅園 尔時瞿師羅長者詣尊者阿難
所稽首礼足退坐一面白尊者阿難
所說種種界云何名為種種界尊者
阿難告瞿師羅長者有三界色界无
色界滅界是名三界即說偈言

若色界衆生 及住无色界 不識滅界者
還復受諸有 若断於色界 不住无色界
滅界心解脫 永離於生死

尊者阿難說是經已 瞿師羅長者歡
喜隨喜作禮而去

如是我聞一時佛住拘睺彌國瞿師
羅園 尔時瞿師羅長者詣尊者阿難
所稽首礼足退坐一面白尊者阿難
所說種種界云何為種種界尊者阿
難答瞿師羅長者謂三種出界云何
三謂從欲界出至色界色界出至无

色界一切諸行一切思想滅界是名
三出界卽說偈言

知從欲界出 超踰於色界 一切行寂滅
勤修正方便 斷除一切愛 一切行滅盡
知一切有餘 不復轉還有

尊者阿難說是經已瞿師羅長者歡
喜隨喜作禮而去

如是我聞一時佛住拘睺彌國瞿師
羅園尔時尊者阿難往詣上座上座
名者所詣已恭敬問訊問訊已退坐
一面問上座上座名者言若比丘於
空處樹下閑房思惟當以何法專精
思惟上座答言尊者阿難於空處樹
下閑房思惟者當以二法專精思惟
所謂止觀尊者阿難復問上座修習
於止多修習已當何所成修習於觀
多修習已當何所成上座答言尊者
阿難修習於止終成於觀修習觀已
亦成於止謂聖弟子止觀俱修得諸
解脫界阿難復問上座云何諸解脫
界上座答言尊者阿難若斷界无欲
界滅界是名諸解脫界尊者阿難復
問上座云何斷界乃至滅界上座答

言尊者阿難斷一切行是名斷界斷
除愛欲是无欲界一切行滅是名滅
界時尊者阿難問上座所說歡喜隨
喜往詣五百比丘所恭敬問訖退坐
一面白五百比丘言若比丘於空處
樹下閑房思惟時當以何法專精思
惟時五百比丘答尊者阿難當以二
法專精思惟乃至滅界如上座所說
時尊者阿難聞五百比丘所說歡喜
隨喜往詣佛所稽首佛足退坐一面
白佛言世尊若比丘空處樹下閑房
思惟當以何法專精思惟佛告阿難
若比丘空處樹下閑房思惟當以二
法專精思惟乃至滅界如五百比丘
所說時尊者阿難白佛言奇哉世尊
大師及諸弟子皆悉同法同句同義
同味我今詣上座名上座者問如此
義亦以此義此句此味答我如今世
尊所說我復詣五百比丘所亦以此
義此句此味而問彼五百比丘亦以
義此句此味答如今世尊所說是故當
知師及弟子一切同法同義同句同味
佛告阿難汝知彼上座為何如比丘問

難白佛不知世尊佛告阿難上座者是阿羅漢諸漏已盡已捨重擔正智心善解脫彼五百比丘亦皆如是佛說此經已尊者阿難聞佛所說歡喜奉行

如是我聞一時佛住王舍城迦蘭陀竹園尔時尊者羅睺羅詣世尊所稽首礼足退坐一面白佛言世尊云何知云何見我此識身及外境界一切相得无有我我所見我慢繫著使佛告羅睺羅諦聽善思當為汝說羅睺羅若比丘於所有地界若過去若未來若現在若内若外若麤若細若好若醜若遠若近彼一切非我不異我不相在如實知水界火界風界空界識界亦復如是羅睺羅比丘如是知如是見於我此識身及外境界一切相无有我我所見我慢繫著使羅睺羅若比丘於此識身及外境界一切相无有我我所見我慢繫著使是名斷愛縛諸結斷諸愛正慢无間等究竟苦邊佛說此經已尊者羅睺羅聞涕所說歡喜奉行

如是我聞一時佛住王舍城迦蘭陀
竹園。尔時尊者羅睺羅往詣佛所。稽
首。礼足。退坐一面。白佛言。世尊云何
知云何是我。此識身及外境界一切
相得无有我。我所見我。慢繫著。使佛
告羅睺羅。有三受。苦受。樂受。不苦不
樂受。此三受。何因何集。何生何轉。謂
此三受。觸因。觸集。觸生。觸轉。彼彼觸
因。彼彼受生。若彼彼觸滅。彼彼受亦
滅。止清涼沒。如是知如是見。我此識
及外境界一切相得无有我。我所見
我。慢繫著。使佛說此經已。尊者羅睺
羅聞佛所說歡喜奉行。

如是我聞一時佛住王舍城迦蘭陀
竹園。尔時尊者羅睺羅往詣佛所。稽
首。礼足。退住一面。白佛言。世尊云何
知云何是我。此識身及外境界一切
相得无有我。我所見我。慢繫著。使佛
告羅睺羅。有三受。苦受。樂受。不苦不
樂受。觀於樂受而作苦想。觀於苦受
作樂想。觀於不苦不樂受作无常想。
若彼比丘。觀於樂受而作苦想。觀於
苦受作樂想。觀於不苦不樂受作无

常滅想者是名正見今時世尊即說偈言

觀樂作苦想 苦受同劍刺 於不苦不樂
修无常滅想 是則為比丘 正見成就者
寂滅安樂道 住於寂後邊 永離諸煩惱
摧伏衆魔軍

佛說此經已尊者羅睺羅聞佛所說
歡喜奉行

如是我聞一時佛住三舍城迦蘭陀
竹園今時尊者羅睺羅往詣佛所稽
首佛足退坐一面白佛言世尊云何
知云何見我此識身及外境界一切
相得无有我我所見我慢繫著使佛
告羅睺羅有三受苦受樂受不苦不
樂受觀於樂受為斷樂受貪使故於
我所修梵行斷苦受瞋恚使故於我
所修梵行斷不苦不樂受癡使故於
我所修梵行羅睺羅若比丘樂受貪
使已斷已知苦受恚使已斷已知不
苦不樂受癡使已斷已知者是名比
丘斷除愛欲縛去諸結慢无間等究
竟苦邊今時世尊即說偈言
樂受所受時 則不知樂受 貪使之而使

不見出要道 苦受所受時 則不知苦受
瞋恚使所使 不見出要道 不苦不樂受
正覺之所說 不善觀察者 終不度彼岸
比丘勤精進 正知不動轉 如此一切受
慧者能覺知 覺知諸受者 現法盡諸漏
明智者命終 不墮於衆數 衆數既已斷
永處般涅槃
佛說此經已 尊者羅睺羅聞佛所說
歡喜奉行

如是我聞一時佛住王舍城迦蘭陀
竹園舍時世尊告諸比丘大海深嶮
者此世間愚夫所說深嶮非賢聖法
律所說深嶮世間所說者是大水積
聚數耳若從身生諸受衆苦逼迫或
惱或死憂悲稱怨啼哭號呼心亂發
狂長淪沒溺无止息處多聞聖弟子
於身生諸受苦痛逼迫或惱或死不
生憂悲疎^尖號呼心生狂亂不洽生
死得止息處舍時世尊即說偈言
身生諸苦受 逼迫乃至死 憂悲不息忍
嗔呼發狂亂 心自生障罣 招集衆苦增

永淪生死海 莫知休息處 能捨身受
身所生苦惱 切迫乃至死 不起憂悲想
不啼哭號呼 能自忍衆苦 心不生瞋等
招集衆苦增 不淪沒生死 永得安隱處
佛說此經已 諸比丘聞佛所說歡喜
奉行

如是我聞一時佛住王舍城迦蘭陀
竹園 尔時世尊告諸比丘 愚癡無聞
凡夫生苦樂受不苦不樂受多聞聖
弟子亦生苦樂受不苦不樂受諸比
丘 凡夫聖人有何差別 諸比丘 白佛
世尊是法根法眼法依善哉世尊唯
願廣說 諸比丘聞已當受奉行 佛告
諸比丘 愚癡無聞凡夫身觸生諸受
苦痛逼迫乃至奪命憂愁啼哭稱怨
號呼

佛告諸比丘 諦聽善思當為汝說 諸
比丘 愚癡無聞凡夫身觸生諸受增
諸苦痛乃至奪命憂愁啼哭號
呼 心生狂亂當尔時增長二受若
身受若心受譬如士夫身被雙毒蛇
咬生苦痛愚癡無聞凡夫亦復如是
增長二受身受心受 生苦痛所以

者何以彼愚癡無聞凡夫不了知故
於諸五欲生樂受觸受五欲樂受五
欲樂故為貪使所使苦受觸故則生
瞋恚生瞋恚故為恚使所使於此二
受若集若滅若味若患若離不如實
知不如實知故生不苦不樂受為癡
使所使為樂受所繫終不離苦受所
繫終不離不苦不樂受所繫終不離
云何繫謂為貪恚癡所繫為生老病
死憂悲惱苦所繫多聞聖弟子身觸
生苦受大苦逼迫乃至奪命不起憂
悲稱怨啼哭號呼心亂發狂當於今
時唯生一受所謂身受不生心受譬
如士夫被一毒箭不被第二毒箭當
於今時唯生一受所謂身受不生心
受為樂受觸不染欲樂不染欲樂故
於彼樂受貪使不使於苦觸受不生
瞋恚不生瞋恚故恚使不使於彼二
使集成味患離如實知如實知故不
苦不樂受處使不使於彼樂受解脫
不繫苦受不苦不樂受解脫不繫於
何不繫謂貪恚癡不繫生老病死憂
悲惱苦不繫今時世尊即說偈言

多問於苦樂 非不受覺知 彼於凡夫人
其實大有聞 樂受不放逸 苦觸不增憂
苦樂二俱捨 不順亦不違 比丘勤方便
正智不傾動 於此一切受 點慧能了知
了知諸受故 現法盡諸漏 身死不墮數
永處般涅槃

佛說此經已 諸比丘聞佛所說歡喜
奉行

如是我聞一時佛住王舍城迦蘭陀
竹園余時世尊告諸比丘譬如空中
狂風卒起從四方來有塵土風無塵
土風毗濕波風鞞嵐婆風薄風厚風
乃至風輪起風身中受風亦復如是
種種受起樂受苦受不苦不樂受樂
身受苦身受不苦不樂身受樂心受
苦心受不苦不樂心受樂食受苦食
受不苦不樂食受樂无食苦无食不
苦不樂無食受樂貪受苦貪受不苦
不樂貪受樂出要受苦出要受不樂
不苦出要受余時世尊即說偈言
譬如虛空中 種種狂風起 東西南北風
四維亦如是 有塵及无塵 乃至風輪起
如是此身中 諸受起亦然 若樂若苦受

及不苦不樂有食與无食貪者不貪
比丘勤方便正智不傾動於此一切受
點慧能了知了知諸受故現法盡諸漏
身死不墮數永處般涅槃

佛說此經已諸比丘聞佛所說歡喜
奉行

如是我聞一時佛住王舍城迦蘭陀
竹園尔時世尊告諸比丘譬如客舍
種種人住若刹利婆羅門長者居士
野人獨師持戒犯戒在家出家志於
中住此身亦復如是種種受生苦受
樂受不苦不樂受樂身受苦身受不
苦不樂身受樂心受苦心受不苦不
樂心受樂食受苦食受不苦不樂食
受樂无食受苦無食受不苦不樂无
食受樂貪著受苦貪著受不苦不樂
貪著受樂出要受苦出要受不苦不
樂出要受尔時世尊即說偈言

譬如客舍中種種人住止刹利婆羅門
長者居士等旃陀羅野人持戒犯戒者
在家出家人如是等種種此身亦如是
種種諸受生若樂若苦受及不苦不樂
有食與无食貪著不貪著比丘當知

正智不傾動於此一切受 點慧能了知
了知諸受故 現法盡諸漏 身死不墮數
永處般涅槃

佛說此經已 諸比丘聞佛所說歡喜
奉行

如是我聞一時佛住王舍城迦蘭陀
竹園時有異比丘獨一靜處禪思念
言世尊說三受樂受苦受不苦不樂
受又說諸所有受悉皆是苦此有何
義是比丘作是念已從禪起往詣佛
所稽首叉足退住一面白佛言世尊
我於靜處禪思念言世尊說三受樂
受苦受不苦不樂受又說諸所有受
悉皆是苦此有何義佛告比丘我以
一切行无常故一切諸行變易法故
說諸所有受悉皆是苦今時世尊即
說偈言

知諸行无常 皆是變易法 故說受悉苦
正覺之所知 比丘勤方便 正智不傾動
於諸一切受 點慧能了知 悉知諸受已
現法盡諸漏 身死不墮數 永處般涅槃
佛說是經已 諸比丘聞佛所說歡喜
奉行

如是我聞一時佛住王舍城迦蘭陀
竹園舍時尊者阿難獨一靜處禪思
念言世尊說三受樂受苦受不苦不
樂受又復說諸所有受苦皆是苦此
有何義作是念已從禪起詣世尊所
稽首札足退住一面白佛言世尊我
獨一靜處禪思念言如世尊說三受
樂受苦受不苦不樂受又說一切諸
受苦皆是苦此有何義佛告阿難我
以一切行无常故一切行變易法故
說諸所有受苦皆是苦又復阿難我
以諸行漸次寂滅故說以諸行漸次
止息故說一切諸受苦皆是苦阿難
白佛言云何世尊以諸受漸次寂滅
故說佛告阿難初禪正受時言語寂
滅第二禪正受時覺觀寂滅第三禪
正受時喜心寂滅第四禪正受時出
入息寂滅空入處正受時色想寂滅
識入處正受時空入處想寂滅无所
有入處正受時識入處想寂滅非想
非非想入處正受時无所有入處想
寂滅想受滅正受時想受寂滅是名
漸次諸行寂滅阿難白佛言世尊云

何漸次諸行止息佛告阿難初禪正受時言語止息二禪正受時覺觀止息三禪正受時喜心止息四禪正受時出入息止息空入處正受時色想止息識入處正受時空入處想止息无所有入處正受時識入處想止息非想非非想入處正受時无所有入處想止息想受滅正受時想受止息是名漸次諸行止息阿難白佛世尊是名漸次諸行止息佛告阿難復有勝止息奇特止息上止息无上止息如是止息於餘止息无過上者阿難白佛何等為勝止息奇特止息上止息无上止息諸餘止息無過上者佛告阿難於貪欲心不樂解脫恚癡心不樂解脫是名勝止息奇特止息上止息无上止息諸餘止息無過上者佛說此經已尊者阿難聞佛所說歡喜奉行

如是我聞一時佛住王舍城迦蘭陀竹園尔時世尊告諸比丘毗婆尸如來未成佛時獨一靜處禪思思惟作如是觀觀察諸受云何為受云何受

集云何受滅云何受集道跡云何受滅道跡云何受味云何受患云何受離如是觀察有三受樂受苦受不苦不樂受觸集是受集觸滅是受滅若於受受集讚歎染著堅住是名受集道跡若於受不受樂讚歎染著堅住是名受滅道跡若受因緣生樂喜是名受味若受无常變易法是名受患若於受斷欲貪越欲貪是名受離佛說此經已諸比丘聞佛所說歡喜奉行

如毗婆尸佛如是式耒佛毗濕波浮佛迦羅迦孫提佛迦那迦牟尼佛迦葉佛及我釋迦文佛未成佛時思惟觀察諸受亦復如是如是我聞一時佛住王舍城迦蘭陀竹園尔時有異比丘獨一靜處禪思如是觀察諸受云何受云何受集云何受滅云何受集道跡云何受滅道跡云何受味云何受患云何受離時彼比丘從禪覺已詣世尊所稽首禮足退住一面白佛言世尊我獨一靜處禪思觀察諸受云何為受云何受集云何受滅云何受集道跡云

何受滅道跡云何受味云何受惠云
何受離佛告比丘有三受樂受苦受
不苦不樂受觸集是受集觸滅是受
滅若於受愛樂讚歎凍著堅住是名
受集道跡若於受不愛樂讚歎凍著
堅住是名受滅道跡若受因緣生樂
喜是名受味若受无常變易法是名
受惠若於受斷欲貪越欲貪是名受
離佛說此經已諸比丘聞佛所說歡
喜奉行

如異比丘問經尊者阿難所問經亦
如是

如是我聞一時佛住王舍城迦蘭陀
竹園尔時世尊告諸比丘云何為受
云何受集云何受滅云何受集道跡
云何受滅道跡諸比丘白佛言世尊是
法根法眼法依善哉世尊唯願廣說
諸比丘聞已當受奉行佛告諸比丘
諦聽善思當為汝說佛告比丘有三
受樂受苦受不苦不樂受觸集是受
集觸滅是受滅若於受愛樂讚歎凍
著堅住是名受集道跡若於受不愛
樂讚歎凍著堅住是名受滅道跡若

受因緣生樂喜是名受味若受无常
變易是名受患若於受斷欲貪越欲
貪是名受離佛說此經已諸比丘聞
佛所說歡喜奉行

如是我聞一時佛住王舍城迦蘭陀
竹園尔時世尊告諸比丘若我於諸
受不如實知受集受滅受集道跡受
滅道跡受味受患受離不如實知我
於諸天世間魔梵沙門婆羅門天人
衆中不得解脫出離脫諸顛倒亦非
阿耨多羅三藐三菩提以我於諸受
受集受滅受集道跡受滅道跡受味
受患受離如實知故於諸天世間魔
梵沙門婆羅門天人衆中為脫為出
為脫諸顛倒得阿耨多羅三藐三菩
提佛說此經已諸比丘聞佛所說歡
喜奉行

如是我聞一時佛住王舍城迦蘭陀
竹園尔時世尊告諸比丘若沙門婆
羅門於諸受不如實知受集受滅受
集道跡受滅道跡受味受患受離不
如實知者非沙門非婆羅門不同沙
門不同婆羅門非沙門義非婆羅

門義現法自知作證我生已盡梵行已
立所作已作自知不受後有若沙門
婆羅門於諸受如實知受集受滅受
集道跡受滅道跡受味受患受離如
實知者彼是沙門之沙門婆羅門之
婆羅門同沙門同婆羅門沙門義婆
羅門義現法自知作證我生已盡梵
行已立所作已作自知不受後有佛說
此經已諸比丘聞佛所說歡喜奉行
如沙門非沙門如是沙門數非沙門
數亦如是

如是我聞一時佛住壹奢能伽羅國
壹奢能伽羅林中尔時世尊告諸比
丘我欲於此中半月坐禪諸比丘勿
復遊行唯除乞食及布薩即便坐禪
不復遊行唯除乞食及布薩尔時世
尊半月過已敷坐具於衆前坐告諸
比丘我以初成佛時所思惟禪法少
許禪分於今半月思惟作是念諸有
衆生生受皆有因緣非无因緣云何
因緣欲是因緣覺是因緣觸是因緣
諸比丘於欲不寂滅覺不寂滅觸不
寂滅彼因緣故衆生生受以不寂滅

因緣故衆生生受彼欲寂滅覺不寂
滅觸不寂滅以彼因緣故衆生生受
以不寂滅因緣故衆生生受彼欲寂
滅覺寂滅觸不寂滅以彼因緣故衆
生生受以不寂滅因緣故衆生生受
彼欲寂滅覺寂滅觸寂滅以彼因緣
故衆生生受以彼寂滅因緣故衆生
生受邪見因緣故衆生生受邪見不
寂滅因緣故衆生生受邪志邪語邪
業邪命邪方便邪念邪定邪解脫邪
智因緣故衆生生受邪智不寂滅因
緣故衆生生受正見因緣故衆生生
受正見寂滅因緣故衆生生受正志
正語正業正命正方便正念正定正
解脫正智因緣故衆生生受正智寂
滅因緣故衆生生受若彼欲不得者
得不獲者獲不證者證生以彼因緣
故衆生生受以彼寂滅因緣故衆生
生受是名不寂滅因緣衆生生受寂
滅因緣衆生生受若沙門婆羅門如
是緣緣緣緣集緣緣滅緣緣集道跡
緣緣滅道跡不如實知者彼非沙門
之沙門非婆羅門之婆羅門不同沙

門之沙門不同婆羅門之婆羅門非
沙門義非婆羅門義現法自知作證我
生已盡梵行已立所作已作自知不
受後有若沙門婆羅門於此緣緣緣
緣集緣緣滅緣緣集道跡緣緣滅道
跡如實知者當知是沙門之沙門婆
羅門之婆羅門同沙門同婆羅門以
沙門義婆羅門義現法自知作證我
生已盡梵行已立所作已作自知不
受後有佛說此經已諸比丘聞佛所
說歡喜奉行

如是我聞一時佛住舍衛國祇樹給
孤獨園夏安居時今時給孤獨長者
來詣佛所稽首礼足却坐一面佛為
說法示教照喜說種種法示教照喜
已從座起整衣服為佛作礼合掌白
佛言唯願世尊與諸大眾受我三月
請衣或飲食應病湯藥今時世尊默
然而許時給孤獨長者知佛默然受
請已從座起去還歸自家過三月已
來詣佛所稽首礼足退坐一面佛告
給孤獨長者善哉長者三月供養衣
被飲食應病湯藥汝以莊嚴淨治上

道於未來世當獲安樂果報然汝今
莫得默然樂受此法汝當精勤時時
學遠離喜樂具足身作證時給孤獨
長者聞佛所說歡喜隨喜從座起而
去今時尊者舍利弗於衆中坐知給
孤獨長者去已白佛言奇哉世尊善
為給孤獨長者說法善勸勵給孤獨
長者言汝已三月具足供養如來大
衆中淨治上道於未來世當受樂報汝
莫默然樂著此福汝當時時學遠離
喜樂具足身作證世尊若使聖弟子
學遠離喜樂具足身作證得遠離五
法修滿五法云何遠離五法謂斷欲
所長養喜斷欲所長養憂斷欲所長
養捨斷不善所長養喜斷不善所長
養憂是名五法遠離云何修滿五法
謂隨喜歡喜猗息樂一心佛告舍利
弗如是如是若聖弟子修學遠離喜樂
具足身作證遠離五法修滿五法佛
說此經已諸比丘聞佛所說歡喜
奉行

如是我聞一時佛住舍衛國祇樹給
孤獨園尔時世尊告諸比丘有食念

者有无食念者有无食無食念者有
食樂者無食樂者有无食無食樂者
有食捨者有无食捨者有无食无食
捨者有食解脫者云何食念謂五欲因緣
生念云何無食念謂比丘離欲離惡
不善法有覺有觀離生喜樂初禪具
足住是名无食念云何无食無食念
謂比丘有覺有觀息内淨一心无覺无
觀定生喜樂第二禪具足住是名無
食无食念云何有食樂謂五欲因緣
生樂生喜是名有食樂云何无食樂
謂息有覺有觀内淨一心无覺无觀
定生喜樂是名無食樂云何無食无
食樂謂比丘離喜貪捨心住正念正
知安樂住彼聖說捨是名无食無食
樂云何有食捨謂五欲因緣生捨是
名有食捨云何無食捨謂彼比丘離
喜貪捨心住正念正知安樂住彼聖
說捨第三禪具足住是名无食捨云
何無食無食捨謂比丘離苦息樂憂
喜先已離不苦不樂捨淨念一心第
四禪具足住是名無食无食捨云何

有食解脫謂色俱行云何无食解脫
謂無色俱行云何無食无食解脫謂
彼比丘貪欲不染解脫瞋恚愚癡心
不染解脫是名无食無食解脫佛說
此經已諸比丘聞佛所說歡喜奉行
如是我聞一時佛住舍衛國祇樹給
孤獨園尔時尊者跋陀羅比丘及尊
者阿難俱住祇樹給孤獨園尔時尊
者阿難往詣尊者跋陀羅所共相問
訊慰勞已於一面住時尊者阿難問
尊者跋陀羅比丘言云何名為見第
一云何聞第一云何樂第一云何想
第一云何有第一尊者跋陀羅語尊
者阿難言有梵天自在造作化如意
為世之父若見彼梵天者名曰見第
一阿難有衆生離生喜樂處處潤澤
處處敷悅舉身充滿无不滿處所謂
離生喜樂彼從三昧起舉聲唱說遍
告大衆極寂靜者離生喜樂極樂者
離生喜樂諸有聞彼聲者是名聞第
一復次阿難有衆生於此身離喜之
樂潤澤處處潤澤敷悅充滿舉身充
滿无不滿處所謂離喜之樂是名樂

第一云何想第一阿難有衆生度一切識入妄元所有無所有入處具足住若起彼想者是名想第一云何有第一復次阿難有衆生度一切无所入處非想非非想入處具足住若起彼有者是名有第一尊者阿難語尊者跋陀羅比丘言多有人作如是見如是說汝亦同彼有何差別我作方便問汝汝當諦聽當為汝說如其所觀次第盡諸漏是為見第一如其所問次第盡諸漏是名聞第一如所生樂次第盡諸漏者是名樂第一如其所想次第盡諸漏者是名想第一如實觀察次第盡諸漏是名有第一時二正士共論說已從座起去

如是我聞一時佛住王舍城迦蘭陀竹園今時瓶沙王詣尊者優陀夷所稽首作礼退坐一面時瓶沙王白尊者優陀夷言云何世尊所說諸受優陀夷言大王世尊說三受樂受苦受不苦不樂受瓶沙王白尊者優陀夷莫作是言世尊說三受樂受苦受不苦不樂受苦受不苦不樂受苦受不苦不

樂受是則寂滅如是三說優陀夷不能為王立三受王亦不能立三受俱共詣佛所稽首礼足退住一面時尊者優陀夷以先所說廣白世尊我亦不能立三受王亦不能立二受今故共來具問世尊如是之義定有幾受佛告優陀夷我有時說一受或時說二受或說三四五六十八三十六乃至百八受或時說无量受云何我說一受如說所有受皆悉是苦是名我說一受云何說二受說身受心受是名二受云何三受樂受苦受不苦不樂受云何四受謂欲界繫受色界繫受无色界繫受及不繫受云何說五受謂樂根喜根苦根憂根捨根是名說五受云何說六受謂眼觸生受耳鼻舌身意觸生受云何說十八受謂隨六善行隨六憂行隨六捨行受是名六善行隨六憂行隨六捨行受是名喜依六離貪著喜依六貪著憂依六離貪著憂依六貪著捨依六離貪著捨是名說三十六受云何說百八受謂三十六受過去三十六未來三十

六現在三十六是名說百八受云何
說无量受如說此受彼受等比如是
无量名說是名說無量受優陀夷我
如是種種說受如實義世間不解故
而共諍論共相違反終竟不得我法
律中真實之義我自止息優陀夷若
於我此所說種種受義如實解知者
不起諍論共相違反起未起諍能以
法律止令休息然優陀夷有二受欲
受離欲受云何欲受五欲功德因緣
生受是名欲受云何離欲受謂比丘
離欲惡不善法有覺有觀離生喜樂
初禪具足住是名離欲受若有說言
衆生依此初禪唯是為樂非餘者
此則不然所以者何更有勝樂過於
此故何者是謂比丘離有覺有觀內
淨定生喜樂第二禪具足住是名勝
樂如是乃至非想非非想入處轉轉
勝說若有說言唯有此處乃至非想
非非想極樂非餘亦復不然所以者
何更有勝樂過於此故何者是謂比
丘度一切非想非非想入處想受滅
身作證具足住是名勝樂過於彼者

若有異學出家作是說言沙門釋種
子唯說想受滅名為至樂此所不應
所以者何應當語言此非世尊所說
受樂數世尊說受樂數者如說優陀
夷有四種樂何等為四謂離欲樂遠
離樂寂滅樂菩提樂佛說此經已尊
者優陀夷及瓶沙王聞佛所說歡喜
奉行

如是我聞一時佛住王舍城迦蘭陀
竹園余時世尊告諸比丘若於一法
生正厭離不樂背捨得盡諸漏所謂
一切衆生由食而存復有二法名及色
復有三法謂二受復有四法謂四食
復有五法謂五受陰復有六法謂六
內外入處復有七法謂七識住復有
八法謂世八法復有九法謂九衆生
居復有十法謂十業跡於此十法生
厭不樂背捨得盡諸漏佛說此經已
諸比丘聞佛所說歡喜奉行
如是我聞一時佛住王舍城迦蘭陀
竹園余時世尊告諸比丘若於一法
生正厭離不樂背捨究竟苦邊解脫
若苦謂一切衆生由食而存復有二法

名及色復有三法謂三受復有四法
謂四食復有五法謂五受陰復有六
法謂六內外入處復有七法謂七識
住復有八法謂世八法復有九法謂
九衆生居復有十法謂十業跡六此
十法生正厭離不樂背捨究竟苦邊
解脫於苦佛說此經已諸比丘問佛
所說歡喜奉行

如是我聞一時佛住王舍城迦蘭陀
竹園尔時世尊告諸比丘若於一法
觀察无常觀察變易觀察離欲觀察
減觀察捨離得盡諸漏謂一切衆生
由食而存復有二法名及色復有三法
謂三受復有四法謂四食復有五法
謂五受陰復有六法謂六內外入處
復有七法謂七識住復有八法謂世
八法復有九法謂九衆生居復有十
法謂十業跡於此十法正觀无常觀
察變易觀察離欲觀察減觀察捨離
得盡諸漏佛說此經已諸比丘聞佛
所說歡喜奉行

如是我聞一時佛住王舍城迦蘭陀
竹園尔時世尊告諸比丘若於一法

觀察元常觀察變易觀察離欲觀察
滅觀察捨離究竟苦邊解脫於苦謂
一切衆生由食存復有二法名及色
復有三法謂三受復有四法謂四食
復有五法謂五受陰復有六法謂六內
外入處復有七法謂七識住復有八
法謂世八法復有九法謂九衆生居
復有十法謂十業跡於此十業跡觀
察元常觀察變易觀察離欲觀察滅
觀察捨離究竟苦邊解脫於苦佛說
此經已諸比丘聞佛所說歡喜奉行

雜阿含經卷第十七

甲辰歲高麗國大藏都監奉
勅雕造

雜阿含經卷第十八

宋天生三藏求那跋陀羅譯

弟子所說誦第四品

如是我聞一時佛住摩竭提國部羅聚落亦時尊者舍利弗亦在摩竭提國部羅聚落時有外道出家名閻浮車是舍利弗舊善知識來詣舍利弗問訊共相慰勞已退坐一面問舍利弗言賢聖法律中有何難事舍利弗告閻浮車唯出家難云何出家難荅言愛樂者難云何愛樂難荅言樂常言愛樂者難云何愛樂難荅言樂常修善法難復問舍利弗有道有向修習多修習常修善法增長耶荅言有謂八正道謂正見正志正語正業正命正方便正念正定閻浮車言舍利弗此則善道此則善向修習多修習於諸善法常修習增長舍利弗出家常修習此道不久疾得盡諸有漏時二正士共論議已各從座起而去如是比閻浮車所問序四十經閻浮車問舍利弗云何名善說法者為世間正向云何名為世間善逝舍利弗

言若說法調伏欲貪調伏瞋恚調伏
愚癡是名世間說法者若向調伏欲
貪向調伏瞋恚向調伏愚癡是名正
向若貪欲已盡无餘斷知瞋恚愚癡
已盡無餘斷知是名善斷復問舍利
弗有道有向修習多修習能起善斷
舍利弗言有謂八正道正見乃至正
定時二正士共論議已各從座起
而去

閻浮車問舍利弗謂涅槃者云何為
涅槃舍利弗言涅槃者貪欲永盡瞋
恚永盡愚癡永盡一切諸煩惱永盡
是名涅槃復問舍利弗有道有向修
習多修習得涅槃耶舍利弗言有謂
八正道正見乃至正定時二正士共
論議已各從座起而去

閻浮車問舍利弗何故於沙門瞿曇
所出家修梵行舍利弗言為斷貪欲
故斷瞋恚故斷愚癡故於沙門瞿曇
所出家修梵行復問舍利弗有道有
向修習多修習得斷貪欲瞋恚愚癡
耶舍利弗言有謂八正道正見乃至
正定時二正士共論議已各從座起

而去

閻浮車問舍利弗謂有漏盡云何名
為有漏盡舍利弗言有漏者三有漏
謂欲有漏有有漏无明有漏此三有漏
欲盡无餘名有漏盡復問舍利弗有
道有向修習多修習得漏盡耶舍利
弗荅言有謂八正道正見乃至正定
時二正士共論議已各從座起而去

閻浮車問舍利弗所謂阿羅漢者云
何名阿羅漢舍利弗言貪欲已斷无
餘瞋恚愚癡已斷無餘是名阿羅漢
復問舍利弗有道有向修習多修習
得阿羅漢耶舍利弗言有謂八正道
正見乃至正定時二正士共論議已
各從座起而去

閻浮車問舍利弗所謂阿羅漢者云
何名阿羅漢者舍利弗言貪欲永盡
无餘瞋恚愚癡永盡无餘是名阿羅
漢者復問有道有向修習多修習得
阿羅漢者耶舍利弗言有謂八正道
正見乃至正定時二正士共論議已
各從座起而去

閻浮車問舍利弗所謂无明者云何

為无明舍利弗言所謂無明者於前際无知後際無知前後中際无知佛法僧寶無知苦集滅道无知善不善无記无知内無知外無知若於彼彼事无知闇障是名无明闇浮車語舍利弗此是大闇積聚復問舍利弗有道有向修習多修習断无明耶舍利弗言有謂八正道正見乃至正定時二正士共論議已各從座起而去

闇浮車復問尊者舍利弗所謂有漏云何有漏如前說

闇浮車問舍利弗所謂有云何為有舍利弗言有謂三有欲有色有无色有復問舍利弗有道有向修習多修習断此有耶舍利弗言有謂八正道正見乃至正定時二正士共論議已各從座起而去

闇浮車問舍利弗所謂有身云何有身舍利弗言有身者五受陰云何五受陰謂色受陰受想行識受陰復問舍利弗有道有向断此有身耶舍利弗言有謂八正道正見乃至正定時二正士共論議已各從座起而去

閻浮車問舍利弗所謂苦者云何為苦舍利弗言苦者謂生苦老苦病苦死苦恩愛別離苦怨憎會苦所求不得苦略說五受陰苦是名為苦復問舍利弗有道有向斷此苦耶舍利弗言有謂八正道正見乃至正定時二正士共論議已各從座起而去

閻浮車問舍利弗所謂流者云何為流舍利弗言流者謂欲流有流見流无明流復問舍利弗有道有向修習多修習斷此流耶舍利弗言有謂八正道正見乃至正定時二正士共論議已各從座起而去

閻浮車問舍利弗所謂扼者云何為扼扼如流說

閻浮車問舍利弗所謂取者云何為取舍利弗言取者四取謂欲取我取見取戒取復問舍利弗有道有向修習多修習斷此取耶舍利弗言有謂八正道正見乃至正定時二正士共論議已各從座起而去

閻浮車問舍利弗所謂縛者云何為縛舍利弗言縛者四縛謂貪欲縛瞋

志縛戒取縛我見縛復問舍利弗有道有向修習多修習斷此縛耶舍利弗言有謂八正道正見乃至正定時二正士共論議已各從座起而去閻浮車問舍利弗所謂結者云何為結舍利弗言結者九結謂愛結恚結慢結无明結見結他取結疑結嫉結慳結復問舍利弗有道有向修習多修習斷此結耶舍利弗言有謂八正道正見乃至正定時二正士共論議已各從座起而去

閻浮車問舍利弗所謂使者云何為使舍利弗言使者七使謂貪欲使瞋恚使有愛使慢使无明使見使疑使復問舍利弗有道有向修習多修習斷此使耶舍利弗言有謂八正道正見乃至正定時二正士共論議已各從座起而去

閻浮車問舍利弗所謂欲者云何為欲舍利弗言欲者謂眼所識色可愛樂念染著色耳聲鼻香舌味身所識觸可愛樂念染著觸閻浮車此功德非欲但覺想思惟者是時舍利弗即

說偈言

非彼愛欲使世間種種色唯有覺想者
是則士夫欲彼諸種種色常在於世間
調伏愛欲心是則黠慧者

復問舍利弗有道有向修習多修習
斷此欲耶舍利弗答言有謂八正道
正見乃至正定時二正士共論議已
各從座起而去

閻浮車問舍利弗言所謂養者云何
為養舍利弗言養者有五養謂貪欲
養瞋恚養睡眠養掉悔養疑養復問
舍利弗有道有向修習多修習斷此
五養耶舍利弗答言有謂八正道正
見乃至正定時二正士共論議已各
從座起而去

閻浮車問舍利弗謂蘇息者云何為
蘇息舍利弗言蘇息者謂斷三結復
問舍利弗有道有向修習多修習斷
三結耶舍利弗答言有謂八正道正
見乃至正定時二正士共論議已各
從座起而去

閻浮車問舍利弗謂得蘇息者云何
為得蘇息者舍利弗言得蘇息者謂

三結已盡已知復問有道有向斷此
結耶舍利弗答言有謂八正道正見
乃至正定時二正士共論議已各從
座起而去

閻浮車問舍利弗謂得上穌息云何
為得上穌息舍利弗言得上穌息者
謂貪欲永盡瞋恚愚癡永盡是名得
上穌息復問舍利弗有道有向修習
多修習得上穌息耶舍利弗答言有
謂八正道正見乃至正定時二正士
共論議已各從座起而去

閻浮車問舍利弗謂得上穌息處云
何為得上穌息處舍利弗言得上穌
息處者謂貪欲已斷已知永盡無餘
瞋恚愚癡已斷已知永盡無餘是為
得上穌息處復問舍利弗有道有向
修習多修習得上穌息處耶舍利弗
答言有謂八正道正見乃至正定時
二正士共論議已各從座起而去
閻浮車問舍利弗所謂清涼云何為
清涼舍利弗言清涼者五下分結盡
謂身見戒取疑貪欲瞋恚復問有道
有向修習多修習斷此五下分結得

清涼耶舍利弗言有謂八正道正見乃至正定時二正士共論議已各從座起而去

閻浮車問舍利弗謂得清涼云何為得清涼舍利弗言五下分已盡已知是名得清涼復問舍利弗有道有向修習多修習得清涼耶舍利弗言有謂八正道正見乃至正定時二正士共論議已各從座起而去

閻浮車問舍利弗所謂上清涼者云何為上清涼舍利弗言上清涼者謂貪欲永盡无餘瞋恚愚癡永盡无餘一切煩惱永盡無餘是名上清涼復問有道有向得此上清涼耶舍利弗言有謂八正道正見乃至正定時二正士共論議已各從座起而去

閻浮車問舍利弗所謂得上清涼云何名得上清涼舍利弗言得上清涼者謂貪欲永盡无餘已斷已知瞋恚愚癡永盡无餘已斷已知是名得上清涼復問舍利弗有道有向得此上清涼耶舍利弗言有謂八正道正見乃至正定時二正士共論議已各從

座起而去

閻浮車問舍利弗所謂愛云何為愛
舍利弗言有三愛謂欲愛色愛元色
受復問有道有向斷此三愛耶舍利
弗言有謂八正道正見乃至正定時
二正士共論議已各從座起而去

閻浮車問舍利弗謂業跡云何為業
跡舍利弗言業跡者十不善業跡謂
煞生偷盜邪婬妄語兩舌惡口綺語
貪欲瞋恚邪見復問舍利弗有道有
向斷此十業跡耶舍利弗言有謂八
正道正見乃至正定時二正士共論
議已各從座起而去

閻浮車問舍利弗所謂穢者云何為
穢舍利弗言穢者謂三穢貪欲穢瞋
恚穢愚癡復問舍利弗有道有向
斷此三穢耶舍利弗言有謂八正道
正見乃至正定時二正士共論議已
各從座起而去

如穢如是垢膩刺癭縛亦尔

如閻浮車所問經沙門出家所問亦

如是

如是我同一時佛住王舍城迦蘭陀

竹園亦時尊者舍利弗亦在彼住時
尊者舍利弗語諸比丘若有比丘得
元量三昧身作證具足住於有身滅
涅槃心不樂著願念有身譬如士夫
膠著於手以執樹枝手即著樹不能
得離所以者何膠著手故比丘元量
三摩提身作證心不樂著有身滅涅
槃願念有身終不得離不得現法隨
順法教乃至命終亦无所得還復來
生此界終不能得破於癡冥譬如聚
落傍有泥池泥極深濶久旱不雨池
水乾消其地破裂如是比丘不得見
法隨順法教乃至命終亦无所得來
生當復還墮此界若有比丘得无量
三昧身作證具足住於有身滅涅槃
心生信樂不念有身譬如士夫以乾
淨手執持樹枝手不著樹所以者何
以手淨故如是比丘得無量三昧身
作證具足住於有識滅涅槃心生信
樂不念有身現法隨順法教乃至命
終不復來還生於此界是故比丘當
勤方便破壞无明譬如聚落傍有泥
池四方流水及數天雨水常入池其

水盈溢穢惡流出其池清淨如是皆得現法隨順法教乃至命終不復還生此界是故比丘當勤方便破壞无明尊者舍利弗說此經已諸比丘聞其所說歡喜奉行

如是我聞一時佛住王舍城迦蘭陀竹園時尊者舍利弗告諸比丘若阿練若比丘或於空地林中樹下當作是學內自觀察思惟心中自覺有欲想不若不覺者當於境界或於淨相若愛欲起違於遠離譬如士夫用力乘船逆流而上身小疲怠船則倒還順流而下如是比丘思惟淨想還生愛欲違於遠離是比丘學時修下方便不得淳淨是故還為愛欲所漂不得法力心不寂靜不一其心於彼淨相隨生愛欲流注後輪違於遠離當知是比丘不敢自記於五欲功德離欲解脫若比丘或於空地林中樹下作是思惟我內心中為離欲不是比丘當於境界或取淨相若覺其心於彼遠離順趣後注譬如鳥翔入火則卷不可舒展如是比丘或取淨相即

順遠離流注後輸比丘當如是知於
方便行心不懈怠得法寂靜寂止息
樂淳淨一心謂我思惟已於淨相順
於遠離隨順修道則能堪任自記於
五欲功德離欲解脫尊者舍利弗說
是經已諸比丘聞其所說歡喜奉行
如是我聞一時佛住王舍城迦蘭陀
竹園尊者舍利弗在耆闍崛山中介
時尊者舍利弗晨朝著衣持鉢出耆
闍崛山入王舍城乞食於路邊見一
大枯樹即於樹下敷坐具鍛身正坐
語諸比丘若有比丘修習禪思得神
通力心得自在欲令此枯樹成地即
時為地所以者何謂此枯樹中有地
界是故比丘得神通力心作地解即
成地不異若有比丘得神通力自在
如意欲令此樹為水火風金銀等物
悉皆成就就不異所以者何謂此枯樹
有水界故是故比丘禪思得神通力
自在如意欲令枯樹成金即時成金
不異及餘種種諸物悉成不異所以
者何以彼枯樹有種種界故是故比
丘禪思得神通力自在如意為種種

物志成不異比丘當知比丘禪思神通境界不可思議是故比丘當勤禪思學諸神通舍利弗說是經已諸比丘聞其所說歡喜奉行

如是我聞一時佛住王舍城迦蘭陀竹園時尊者舍利弗在耆闍崛山中
今時尊者舍利弗告諸比丘其犯戒者以破戒故所依退減心不樂住不樂住已失喜息樂寂靜三昧如實知見厭離離欲解脫已永不能得无餘涅槃如樹根壞枝葉華果悉不成就犯戒比丘亦復如是功德退減心不樂住不信樂已失喜息樂寂靜三昧如實知見厭離離欲解脫已永不能得无餘涅槃持戒比丘根本具足所依具足心得信樂得信樂已心得歡喜息樂寂靜三昧如實知見厭離離欲解脫得解脫已悉能疾得无餘涅槃譬如樹根不壞枝葉華果悉得成就持戒比丘亦復如是根本具足所依成就心得信樂得信樂已歡喜息樂寂靜三昧如實知見厭離離欲解脫疾得无餘涅槃尊者舍利弗

說是經已諸比丘聞其所說歡喜奉行

如是我聞一時佛住舍衛國祇樹給
孤獨園今時舍利弗告諸比丘若諸
比丘諍起相言有犯罪比丘舉罪比
丘彼若不依正思惟自省察者當知
彼比丘長夜強梁諍訟轉增共相違
反結恨弥深於所起之罪不能以正
法律止令休息若比丘有此已起諍
訟若犯罪比丘若舉罪比丘俱依正
思惟自省察尅責當知彼比丘不長
夜強梁共相違反結恨轉增於所起
之罪能以法律止令休息云何比丘
正思惟自省察比丘應如是思惟我
不是不類不應作罪令彼見我若我
不為此罪彼則不見以彼見我罪不
喜嫌責故舉之耳餘比丘聞者亦當
嫌責是故長夜諍訟強梁轉增諍訟
相言於所起之罪不能以正法律止
令休息我今自知如已輸稅是名比
丘於所起罪能自觀察云何舉罪比
丘能自省察舉罪比丘應如是念彼
長老比丘作不類罪令我見之若彼

不作此不類罪者我則不見我見其
罪不喜故舉餘比丘見亦當不喜故
舉之長夜諍訟轉增不息不能以正
法律止所起罪令其休息我從今日
當自去之如已輸稅如是舉罪比丘
善能依正思惟內自觀察是故諸比
丘有罪及舉罪者當依正思惟而自
觀察不令長夜強梁增長諸比丘得
不諍訟所起之諍能以法律止令休
息尊者舍利弗說是經已諸比丘聞
已歡喜奉行

如是我聞一時佛住舍衛國祇樹給
孤獨園今時尊者舍利弗詣佛所稽
首佛足退坐一面白佛言世尊若舉
罪比丘欲舉他罪者令心安住幾法
得舉他罪佛告舍利弗若比丘令心
安住五法得舉他罪云何為五實非
不實時不非時義饒益非非義饒益
柔軟不麤澁慈心不瞋恚舍利弗舉
罪比丘具此五法得舉他罪舍利弗
白佛言世尊被舉比丘復以幾法自
安其心佛告舍利弗被舉比丘當以
五法令安其心念言彼何處得為實

莫令不實令時莫令非時令是義饒
益莫令非義饒益柔軟莫令麤澁慈
心莫令瞋恚舍利弗被舉比丘當具
此五法自安其心舍利弗白佛言世
尊我見舉他罪者不實非實非時非
是時非義饒益非為義饒益麤澁不
柔軟瞋恚非慈心世尊於不實舉他
罪比丘當以幾法饒益令其改悔佛
告舍利弗不實舉罪比丘當以五法
饒益令其改悔當語之言長老汝今
舉罪不實非是實當改悔不時非是
時非義饒益非是義饒益麤澁非柔
軟瞋恚非慈心汝當改悔舍利弗不
實舉他罪比丘當以此五法饒益令
其改悔亦令當來世比丘不為不實
舉他罪舍利弗白佛言世尊被不實
舉罪比丘復以幾法令不變悔佛告
舍利弗彼不實舉罪比丘當以五法
不自變悔彼應作是念彼比丘不實
舉罪非是實非時非是時非義饒益
非是義饒益麤澁非柔軟瞋恚非慈
心我真是變悔被不實舉罪比丘當
以此五法自安其心不自變悔舍利

弗白佛言世尊有比丘舉罪實非不
實時不非時義饒益不非義饒益柔
軟非急澁慈心非瞋恚實舉罪比丘
當以幾法饒益令不改變佛告舍利
弗實舉罪比丘當以五法饒益令不
變悔當作是言長老汝實舉罪非不
實時不非時義饒益不非義柔軟非
急澁慈心非瞋恚舍利弗實舉罪比
丘當以此五法義饒益令不變悔亦
令來世實舉罪比丘而不變悔舍利
弗白佛言世尊被實舉罪比丘當以
幾法饒益令不變悔佛告舍利弗被
舉罪比丘當以五法饒益令不變悔
當作是言彼比丘實舉罪非不實汝
莫變悔時不非時義饒益不非義饒
益柔軟非急澁慈心非瞋恚汝莫變
悔舍利弗白佛言世尊我見被實舉
罪比丘有瞋恚者世尊被實舉罪瞋
恚比丘當以幾法令於瞋恨而自開
覺佛告舍利弗被實舉罪瞋恚比丘
當以五法令自開覺當語彼言長老
彼比丘實舉汝罪非不實汝莫瞋恨
乃至慈心非瞋恚汝莫瞋恨舍利弗

被實舉罪瞋恚比丘當以此五法令
於恚恨而得開覺舍利弗白佛言世
尊有實不實舉我罪者於彼二人我
當自安其心若彼實者我當自知若
不實者當自開解言此則不實我今
自知无此法也世尊我當如是如世
尊所說解材譬經說教諸沙門若有
賊來執汝以鋸解身汝等於賊起惡
念惡言者自生障導是故比丘若以
鋸解汝身汝當於彼勿起惡心變易
及起惡言自作障導於彼人所當生
慈心无怨无恨於四方境界慈心正
受具足住應當學是故世尊我當如
是如世尊所說解身之苦當自安忍
況復小苦小謗而不安忍沙門利沙
門欲欲斷不善法欲修善法於此不
善法當斷善法當修精勤方便善自
防護繫念思惟不放逸行應當學舍
利弗白佛言世尊我若舉他比丘罪
實非不實時非不時義饒益非非義饒
益柔軟非麤澁慈心不瞋恚然彼被
舉比丘有懷瞋恚者佛問舍利弗何
等像類比丘聞舉其罪而生瞋恚舍

利弗白佛言世尊若彼比丘諂曲幻
偽欺誑不信无慙无愧懈怠失念不
定惡慧慢緩違於遠離不敬戒律不
顧沙門不勤修學不自省察為命出
家不求涅槃如是等人聞我舉罪則
生瞋恚佛問舍利弗何等像類比丘
聞汝舉罪而不瞋恨舍利弗白佛言
世尊若有比丘不諂曲不幻偽不欺誑
有信慙愧精勤正念正定智慧不慢
緩不捨遠離深敬戒律顧沙門行尊
崇涅槃為法出家不為性命如是比
丘聞我舉罪歡喜頂受如飲甘露辟
如刹利婆羅門女沐浴清淨得好妙
華愛樂頂戴以冠其首如是比丘不
諂曲不幻偽不欺誑正信慙愧精勤
正念正定智慧不慢緩心存遠離深
敬戒律顧沙門行勤修自省為法出
家志求涅槃如是比丘聞我舉罪歡
喜頂受如飲甘露佛告舍利弗若彼
比丘諂曲幻偽欺誑不信无慙无愧
懈怠失念不定惡慧慢緩違於遠離
不敬戒律不顧沙門行不求涅槃為
命出家如是比丘不應教授與共言

語所以者何此等比丘破梵行故若
彼比丘不諂曲不幻偽不欺誑信心
慙愧精勤正念正定智慧不慢緩心
存遠離深敬戒律願沙門行志崇涅
槃為法出家如是比丘應當教授所
以者何如是比丘能修梵行能自建
立故佛說此經已尊者舍利弗聞佛
所說歡喜奉行

如是我聞一時佛住鄢羅捷陀賣衣
者菴羅園今時舍利弗詣世尊所稽
首札足退坐一面白佛言世尊我深
信世尊過去當來今現在諸沙門婆
羅門所有智慧无有與世尊菩提等
者况復過上佛告舍利弗善哉善哉
舍利弗善哉所說第一之說能於衆
中作師子吼自言深信世尊言過去
當來今現在沙門婆羅門所有智慧
无有與佛菩提等者况復過上佛問
舍利弗汝能審知過去三藐三佛陀
所有增上戒舍利弗白佛言不知世
尊復問舍利弗知如是法如是慧如
是明如是解脫如是佳不舍利弗白
佛言不知世尊佛告舍利弗汝復知

未來三藐三佛陀所有增上戒如是
法如是慧如是明如是解脫如是住
不合利弗白佛言不知世尊佛告舍
利弗汝復能知今現在佛所有增上
戒如是法如是慧如是明如是解脫
如是住不合利弗白佛言不知世尊
佛告舍利弗汝若不知過去未來今
現在諸佛世尊心中所有諸法云何如
是讚歎於大衆中作師子吼說言我
深信世尊過去當來諸沙門婆羅門
所有智慧无有與世尊菩提等者况
復過上舍利弗白佛言世尊我不能
知過去當來今現在諸佛世尊心之
分齊然我能知諸佛世尊法之分齊
我聞世尊說法轉轉深轉轉勝轉轉
上轉轉妙我聞世尊說法知一法即
斷一法知一法即證一法知一法即
修習一法究竟於法於大師所得淨
信心得淨世尊是等正覺世尊譬如
國王有邊城城周匝方直牢固堅密
唯有一門無第二門立守門者人民
入出皆從此門若入若出其守門者
雖復不知人數多少要知人民唯從

此門更无他處。如是我知過去諸佛如來應等正覺。悉斷五蓋。惱心。今慧力羸。墮障導品。不向涅槃者。住四念處。修七覺分。得阿耨多羅三藐三菩提。當來世諸佛世尊。亦斷五蓋。惱心。今慧力羸。墮障導品。不向涅槃者。住四念處。修七覺分。得阿耨多羅三藐三菩提。佛告舍利弗。如是如是。舍利弗。過去未來。今現在佛。悉斷五蓋。惱心。慧力羸。墮障導品。不向涅槃者。住四念處。修七覺分。得阿耨多羅三藐三菩提。佛說是經已。尊者舍利弗。聞佛所說歡喜奉行。

如是我聞。一時佛住王舍城迦蘭陀竹園。於時尊者舍利弗。在耆闍崛山中。時有月子比丘。是提婆達多弟子。詣尊者舍利弗。共相問訊慰勞已。退住一面。退住一面已。尊者舍利弗問月子比丘。言提婆達多比丘。為諸比

丘說法不月子比丘答言說法尊者
舍利弗問月子比丘言提婆達多云
何說法月子比丘語尊者舍利弗言
彼提婆達多如是說法言比丘心法
修心是比丘能自記說我已離欲解
脫五欲功德舍利弗語月子比丘言
汝提婆達多何以不說法言比丘心
法善修心離欲心離瞋恚心離愚癡
心得无貪法无恚法無癡法不轉還
欲有色有无色有法彼比丘能自記
說言我生已盡梵行已立所作已作
自知不受後有耶月子比丘言彼不
能也尊者舍利弗尔時尊者舍利弗
語月子比丘言若有比丘心法善修
心者能離貪欲心瞋恚愚癡心得无
貪法无恚法無癡法是比丘能自記說
我生已盡梵行已立所作已作自知
不受後有譬如村邑近有大石山不
斷不壞不穿厚密正使東方風來不
能令動亦復不能過至西方如是南
西北方四維風來不能傾動亦不能
過如是比丘心法善修心者離貪欲
心離瞋恚心離愚癡心得无貪法无

憲法無癡法是比丘能自記說我生
已盡梵行已立所作已作自知不受
後有譬如因陀銅鐵及銅柱深入地
中築令堅密四方風吹不能傾動如
是比丘心法善修心已離貪欲心離
瞋恚心離愚癡心得无貪法無恚法
無癡法是比丘能自記說我生已盡
梵行已立所作已作自知不受後有
譬如石柱長十六肘八肘入地四方
風吹不能傾動如是比丘心法善修
心已離貪欲心離瞋恚心離愚癡
心得无貪法無恚法无癡法能自記
說我生已盡梵行已立所作已作自
知不受後有譬如火燒未燒者燒已
不復更燒如是比丘心法修心已離
貪欲心離瞋恚心離愚癡心得无貪
法无恚法無癡法能自記說我生已
盡梵行已立所作已作自知不受後
有舍利弗說此經已諸比丘聞其所
說歡喜奉行

如是我聞一時佛住王舍城迦蘭陀
竹園時尊者舍利弗亦住王舍城迦
蘭陀竹園尔時尊者舍利弗晨朝著

衣持鉢入王舍城乞食乞食已於一樹下食時有淨口外道出家尼從王舍城出少有所營見尊者舍利弗坐一樹下食見已問言沙門食耶尊者舍利弗答言不也姊妹復問仰口食耶答言不也姊妹復問云何方口食耶答言不也姊妹復問四維口食耶答言不也姊妹復問我問沙門食耶答我言食我問仰口耶答我言不下口食耶答我言不方口食耶答我言不四維口食耶答我言不如此所說有何等義尊者舍利弗言姊妹諸所有沙門婆羅門明於事者明於擯法邪命求食者如是沙門婆羅門下口食也若諸沙門婆羅門仰觀星曆邪命求食者如是沙門婆羅門則為仰口食也若諸沙門婆羅門為他使命邪命求食者如是沙門婆羅門則為方口食也若有沙門婆羅門為諸醫方種種治病邪命求食者如是沙門婆羅門則為四維口食也姊妹我不墮此四種邪命而求食也然我姊妹但以

法求食而自活也是故我說不為四
種食也時淨口外道出家尼聞尊者
舍利弗所說歡喜隨喜而去時淨口
外道出家尼於王舍城里巷四衢處
讚歎言沙門釋子淨命自活極淨命
自活諸有欲為施者應施沙門釋種
子若欲為福者應於沙門釋子所作
福時有諸外道出家聞淨口外道出
家尼讚歎沙門釋子聲以嫉妬心害
彼淨口外道出家尼命終之後生兜
率天以於尊者舍利弗所生信心
故也

如是我聞一時佛住王舍城迦蘭陀
竹園今時尊者大目犍連在王舍城
耆闍崛山中今時尊者大目犍連告
諸比丘一時世尊住王舍城迦蘭陀
竹園我於此耆闍崛山中住我獨一
靜處作如是念云何為聖默然復作
是念若有比丘息有覺有觀內淨一
心无覺无觀三昧生喜樂第二禪具
足住是名聖默然復作是念我今亦
當聖默然息有覺有觀內淨一心无
覺无觀三昧生喜樂具足住多住多

住已復有覺有觀心起今時世尊知我心念於竹園精舍沒於耆闍崛山中現於我前語我言目捷連汝當聖默然莫生放逸我聞世尊說已即復離有覺有觀內淨一心无覺無觀三昧生喜樂第二禪具足住如是再三佛亦再三教我汝當聖默然莫放逸我即復息有覺有觀內淨一心无覺無觀三昧生喜樂第三禪具足住若正說佛子從佛口生從法化生得佛法分者則我身是也所以者何我是佛子從佛口生從法化生得佛法分以少方便得禪解脫三昧正受譬如轉輪聖王長太子雖未灌頂已得王法不勤方便能得五欲功德我亦如是為佛之子不勤方便得禪解脫三昧正受於一日中世尊以神通力三至我所三教授我以大人處所建立於我尊者大目捷連說此經已諸比丘聞其所說歡喜奉行

如是我聞一時佛住王舍城迦蘭陀竹園今時尊者大目捷連在王舍城耆闍崛山中今時尊者大目捷連告

諸比丘一時世尊住王舍城我住耆
闍崛山中我獨一靜處作如是念云
何名為聖住復作是念若有比丘不
念一切相无相心正受身作證具足
住是名聖住我作是念我當於此聖
住不念一切相无相心正受身作證
具足住多住多住已取相心生念時
世尊知我心念如力士屈申臂頃以
神通力於竹園精舍沒於耆闍崛山
中現於我前語我言目捷連汝當住
於聖住莫生放逸我聞世尊教已即
離一切相无相心正受身作證具足
住如是至三世尊亦三來教我汝當
住於聖住莫生放逸我聞教已離一
切相無相心正受身作證具足住諸
大德若正說佛子者則我身是從佛
口生從法化生得佛法分所以者何
我是佛子從佛口生從法化生得佛
法分以少方便得禪解脫三昧正受
譬如轉輪聖王太子雖未灌頂已得
王法不勤方便能得五欲功德我亦
如是為佛之子不勤方便得禪解脫
三昧正受於一日中世尊以神通力

三至我所三教授我以大人處建立
於我尊者大目捷連說此經已諸比
丘聞其所說歡喜奉行

如是我聞一時佛住舍衛國祇樹給
孤獨園今時尊者舍利弗尊者大目
捷連尊者阿難在王舍城迦蘭陀竹
園於一房共住時尊者舍利弗於後
夜時告尊者目捷連奇哉尊者目捷
連汝於今夜住寂滅正受尊者目捷
連聞尊者舍利弗語尊者目捷連言
我都不聞汝喘息之聲尊者目捷連
言此非寂滅正受應正受住耳尊者
舍利弗我於今夜與世尊共語尊者
舍利弗言目捷連世尊住舍衛國祇
樹給孤獨園去此極遠云何共語汝
今在竹園云何共語汝以神通力至
世尊所為是世尊神通力來至汝所
尊者目捷連語尊者舍利弗我不以
神通力詣世尊所世尊不以神通力
來至我所然我於舍衛國王舍城中
聞世尊及我俱得天眼天耳故我能
問世尊所謂慇懃精進云何名為慇
懃精進世尊答我言目捷連若此比

丘晝則經行若坐以不障尋法自淨
其心初夜若坐經行以不障尋法自
淨其心於中夜時出房外洗足還入
房右脅而卧足足相累係念明相正
念正知作起思惟於後夜時徐覺徐
起若坐亦經行以不障尋法自淨其
心目捷連是名比丘慙慙精進尊者
舍利弗語尊者目捷連言汝大目捷
連真為大神通力大功德力安坐而
坐我亦大力得與汝俱目捷連辟如
大山有人持一小石投之大山色味
悉同我亦如是得與尊者苦大力大德
同座而坐辟如世間鮮淨好物人皆
頂戴如是尊者目捷連大德大力諸
梵行者皆應頂戴諸有得遇尊者目
捷連交遊往來恭敬供養者大得善
利今亦得與尊者大目捷連交遊往
來亦得善利時尊者大目捷連語尊
者舍利弗我今得與大智大德尊者
舍利弗同座而坐如以小石投之大
山得同其色我亦如是得與尊者大
智舍利弗同座而坐為第二伴時二
正士共論議已各從座起而去

雜阿含經卷第十八

癸卯歲高麗國大藏都監奉
勅雕造

雜阿含經卷第十八 第三張

雜阿含經卷第十九

之

宋天生三藏宋都跋陀羅譯

如是我聞一時佛住王舍城迦蘭陀
竹園舍時尊者大目犍連在耆闍崛
山時釋提桓因有上妙堂觀於夜來
諸尊者大目犍連所稽首礼足退坐
一面時釋提桓因光明普照耆闍崛
山周匝大明舍時釋提桓因坐已即
說偈言

能伏於慳垢 大德隨時施 是名施中賢
來世見殊勝

時大目犍連問帝釋言憍尸迦云何
為調伏慳垢見於殊勝而汝說言
能調伏慳垢 大德隨時施 是則施中賢
來世見殊勝

時天帝釋答言尊者大目犍連勝婆
羅門大姓勝刹刹大姓勝長者大姓
勝四王天勝三十三天猪首敬礼故尊
者大目犍連我為勝婆羅門大姓勝
刹刹大姓勝長者大姓勝四王天勝
三十三天恭敬作礼見斯果報故說
此偈復次尊者大目犍連乃至日所

同行照於諸方至千世界千月千日
千須弥山王千弗婆提舍千鬱多羅
提舍千瞿陀尼迦千閻浮提千四天
三千三十三天炎摩天兜率陀天化
樂天他化自在天千梵天名為小千
世界此小千世界中无有堂觀與毗
閻延堂觀等者毗閻延有百一樓觀
觀有七重重有七房房有七天后后
各七侍女尊者大目捷連於小千世
界无有如是堂觀端嚴如毗閻延者
我見是調伏怪故有此妙果故說斯
偈大目捷連語帝釋言善哉善哉憍
尸迦汝能見此勝妙果報而說斯偈
時天帝釋聞尊者大目捷連所說歡
喜隨喜忽然不現

如是我聞一時佛住王舍城時尊者
大目捷連在耆闍崛山中今時尊者
大目捷連獨一靜處禪思作是念昔
有時釋提桓因於界隔山石窟中問
世尊受盡解脫之義世尊為說聞已
隨喜似欲更有所問義我今當往問
其喜意作是念已如力士屈申臂頃
於耆闍崛山沒至三十三天去一分

陀利池不遠而住時天帝釋與五百
娑女遊戲浴池有諸天女音聲美妙
余時帝釋遙見尊者大目犍連語諸
天女言莫歌莫歌時諸天女即便默
然天帝釋即詣尊者大目犍連所稽
首礼足退住一面尊者大目犍連問
帝釋言汝先於界闌山中問世尊愛
盡解脫義聞已隨喜汝意云何為聞
說隨喜為更欲有所問故隨喜耶天
帝釋語尊者大目犍連我三十三天
多著放逸樂或憶先事或時不憶世
尊今在王舍城迦蘭陀竹園尊者欲
知我先界闌山中所問事者今可往
問世尊如世尊說汝當受持然我此
處有好堂觀新成未久可入觀看時
尊者大目犍連默然受請即與天帝
釋共入堂觀彼諸天女遙見帝釋來
皆作天樂或歌或舞諸天女輩著身
瓔珞莊嚴之具出妙音聲合於五樂如
善作樂音聲不異諸天女輩既見尊
者大目犍連志皆慙愧入室藏隱時
天帝釋語尊者大目犍連觀此堂觀
地好乎正其壁柱梁重閣牕闥羅網

摩降急皆嚴好尊者大目捷連語帝
釋言憍尸迦先修善法福德因緣成
此妙果如是帝釋三自稱歎問尊者
大目捷連尊者大目捷連亦再三答
時尊者大目捷連作是念今此帝釋
極自放逸者界神住歎此堂觀我當
令彼心生厭離即入三昧以神通力
以一足指撒其堂觀悉令震動時尊
者大目捷連即沒不現諸天女衆見
此堂觀震掉動揺顛沛恐怖東西馳
走白帝釋言此是憍尸迦大師有此
大功德力耶時天帝釋語諸天女此
非我師是大師弟子大目捷連梵行
清淨大德大力者諸天女言善哉憍
尸迦乃有如此梵行大德大力同學
大師德力當復如何

如是我聞一時佛住三十三天懸色
虛軟石上去波梨耶多羅拘毗陀羅
香樹不遠夏安居為母及三十三天
說法今時尊者大目捷連在舍衛國
祇樹給孤獨園安居時諸四衆諸尊
者大目捷連所稽首礼足退坐一面
白尊者大目捷連知世尊夏安居處

不尊者大目捷連答言我聞世尊在三十三天懸色虛軟石上去波梨耶多羅拘毗陀羅香樹不遠夏安居為母及三十三天說法時諸四眾聞尊者大目捷連所說歡喜隨喜各從座起作禮而去

時諸四眾過三月安居已復詣尊者大目捷連所稽首禮足退坐一面時尊者大目捷連為諸四眾種種說法示教照喜示教照喜已默然而住時諸四眾從座而起稽首作禮白尊者大目捷連尊者大目捷連當知我等不見世尊已久來甚虛渴欲見世尊尊者大目捷連若不憚勞者願為我等往詣三十三天普為我等問說世尊少病少惱起居輕利安樂住不又白世尊闍浮提四眾願見世尊而元神力昇三十三天禮敬世尊三十三天自有神力來下人中唯願世尊還闍浮提以哀愍故時尊者大目捷連默然而許時諸四眾知尊者大目捷連默然許已各從座起作禮而去

今時尊者大目捷連知四眾去已即

入三昧如其正受如大力士屈伸臂
頃從舍衛國沒於三十三天懸色虛
軟石上去波梨耶多羅拘毗陀羅香
樹不遠而現今時世尊與三十三天衆
无量眷屬圍繞說法時尊者大目犍
連遙見世尊踊躍歡喜作是念今日
世尊諸天大衆圍繞說法與閻浮提
衆會不異今時世尊知尊者大目犍
連心之所念語尊者大目犍連言大
目犍連非為自力我欲為諸天說法
彼即來集欲令其去彼即還去彼隨
心來隨心去也今時尊者大目犍連
稽首佛足退坐一面白世尊言種種
諸天大衆雲集彼天衆中有曾從佛
世尊聞所說法得不壞淨身壞命終
來生於此佛告尊者大目犍連如是
如是此中種種諸天來雲集者有從
宿命聞法得佛不壞淨法僧不壞淨
聖戒成就身壞命終來生於此時天
帝釋見世尊與尊者大目犍連歎說
諸天衆共語已語尊者大目犍連如
是如是尊者大目犍連此中種種衆
會皆是宿命曾聞正法得於佛不壞

淨法僧不壞淨聖戒成就身壞命終
來生於此時有異比丘見世尊與尊
者大目犍連及天帝釋語言善相述
可已語尊者大目犍連如是如是尊
者大目犍連是中種種諸天來會此
者皆是宿命曾聞正法得於佛不壞
淨法僧不壞淨聖戒成就身壞命終
而來生此時有一天子從座起整衣
服偏袒右肩合掌白佛世尊我亦成
就於佛不壞淨故來生此復有天子
言我得法不壞淨有言得僧不壞淨
有言聖戒成就故來生此如是諸天
无量千數於世尊前各自記說得須
陀洹法急於佛前即沒不現時尊者
大目犍連知諸天來去不久從座起
整衣服偏袒右肩白佛言世尊闍浮
提四衆稽首敬礼世尊足問訊世尊
少病少惱起居輕利安樂住不四衆
思慕願見世尊又白世尊我等人間
无有神力昇三十三天礼覲世尊然
彼諸天有大德力悉能來下至闍浮
提唯願世尊還闍浮提愍四衆故佛
告目犍連汝可還彼語闍浮提人却

後七日世尊當從三十三天還閻浮
提僧迦舍城於外門外優曇鉢樹下
尊者大目犍連受世尊教即入三昧
譬如力士屈伸臂頃從三十三天沒
至閻浮提告諸四衆諸人當知世尊
却後七日從三十三天還閻浮提僧
迦舍城於外門外優曇鉢樹下如期
七日世尊從三十三天下閻浮提僧
迦舍城優曇鉢樹下天龍鬼神乃至
梵天悉從來下即於此時名此會名
天下處

如是我聞一時佛住王舍城迦蘭陀
竹園時有四十天子來詣尊者大目
犍連所稽首作札退坐一面時尊者
大目犍連語諸天子言善哉諸天子
於佛不壞淨成就法僧不壞淨成就
時四十天子從座起整衣服偏袒右
肩合掌白尊者大目犍連我得於佛
不壞淨於法僧不壞淨聖戒成就故
生天上有一天言得於佛不壞淨有
言得法不壞淨有言得僧不壞淨有
言聖戒成就身壞命終得生天上時
四十天子於尊者大目犍連前各自

記說得須陀洹果即沒不現如四十六天子如是四百八百十千天子亦如是說如是我聞一時佛住王舍城迦蘭陀竹園時尊者大目犍連與尊者勒叉那比丘共在耆闍崛山中尊者勒叉那晨朝詣尊者大目犍連所語尊者大目犍連共出耆闍崛山入王舍城乞食時尊者大目犍連默然而許即共出耆闍崛山入王舍城乞食行至一處尊者大目犍連心有所念欣然微笑尊者勒叉那見微笑已即問尊者大目犍連言若佛及佛弟子欣然微笑非无因緣尊者今日何因何緣而發微笑尊者大目犍連言所問非時且入王舍城乞食還於世尊前當問是事是應時問當為汝說時尊者大目犍連與尊者勒叉那入王舍城乞食而還洗足舉衣鉢俱詣佛所稽首佛足退坐一面尊者勒叉那問尊者大目犍連我今晨朝與汝共出耆闍崛山乞食汝於一處欣然微笑我即問汝微笑因緣汝答我言所問非時今復問汝何因何緣欣然微笑尊

者大目犍連語尊者勒叉邨我路中
見一衆生身如樓閣啼哭號呼憂悲
苦痛乘虛而行我見是已作是思惟
如是衆生受如此身而有如是憂悲
大苦故發微笑尔時世尊告諸比丘
善哉善哉我聲聞中住實眼實智實義
實法決定通達見是衆生我亦見此
衆生而不說者恐人不信所以者何
如來所說有不信者是愚癡人長夜
受苦佛告諸比丘過去世時彼大身
衆生在此王舍城為屠牛兒以屠牛
因緣故於百千歲墮地獄中從地獄
出有屠牛餘罪得如是身常受如是
憂悲惱苦如是諸比丘如尊者大目
犍連所見不異汝等受持佛說此經
已諸比丘聞佛所說歡喜奉行

如是我聞一時佛住王舍城迦蘭陀
竹林尔時尊者大目犍連與尊者勒
叉邨在耆闍崛山尊者勒叉邨於晨
朝時詣尊者大目犍連所語尊者大
目犍連共出耆闍崛山入王舍城乞
食尊者大目犍連默然而許即共出
耆闍崛山入王舍城乞食行至一處

尊者大目捷連心有所念欣然微笑
尊者勒叉都見尊者大目捷連微笑
即問言尊者若佛及佛聲聞弟子欣
然微笑非无因緣尊者今日何因何
緣而發微笑尊者大目捷連言所問
非時且乞食還於世尊前當問是事
是應時問尊者大目捷連與尊者勒
叉都共入城乞食食已還洗足舉衣
鉢俱詣佛所稽首佛足退坐一面尊
者勒叉都問尊者大目捷連我今晨
朝與汝共入王舍城乞食汝於一處
欣然微笑我即問汝何因緣笑汝答
我言所問非時我今問汝何因何緣
欣然微笑尊者大目捷連語尊者勒
叉都我於路中見一衆生筋骨相連
舉身不淨臭穢可厭烏鴉鷲鷲野干
餓狗隨而攫食或從脅肋探其內藏
而取食之極大苦痛啼哭號呼我見
是心則念言如是衆生得如是身
而足如是不饒益苦今時世尊告諸
比丘善哉比丘我聲聞中住實眼實
智實義實法決定通達見如是衆
生我亦見是衆生而不說者恐不信

故所以者何如來所說有不信者是
愚癡人長夜當受不饒益苦諸比丘
是衆生者過去世時於此王舍城為
屠牛弟子緣屠牛罪故已百千歲墮
地獄中受无量苦彼屠牛惡行餘罪
緣故今得此身續受如是不饒益苦
諸比丘如大目犍連所見真實不異
汝等受持佛說此經已諸比丘聞佛
所說歡喜奉行

如是我聞一時佛住王舍城迦蘭陀
竹園尊者大目犍連與尊者勒叉鄰
在耆闍崛山中尊者勒叉鄰於晨朝
時詣尊者大目犍連所語尊者大目
犍連共出耆闍崛山入王舍城乞食
尊者大目犍連默然而許即共出耆
闍崛山入王舍城乞食行至一處尊
者大目犍連心有所念欣然微笑尊
者勒叉鄰見尊者大目犍連微笑即
問言尊者若佛及佛聲聞弟子欣然
微笑非无因緣尊者今日何因何緣
而發微笑尊者大目犍連言所問非
時且乞食還於世尊前當問是事是
應時問尊者大目犍連與尊者勒叉

邨共入城乞食已還洗足舉衣鉢俱詣佛所稽首佛足退坐一面尊者勸又邨問尊者大目犍連我今晨朝共入王舍城乞食汝於一處欣然微笑我即問汝微笑因緣汝答我言所問非時我今問汝何因何緣欣然微笑尊者大目犍連語勸又邨我於路中見一大衆生舉身无皮純一肉段采空而行烏鵲鷦鷯野干餓狗隨而獲食或從脅肋探其內藏而取食之苦痛切迫啼哭號呼我即思惟如是衆生得如是身乃受如是不饒益苦佛告諸比丘善哉比丘我聲聞中住實眼實智實義實法決定速達見是衆生我亦見是衆生而不說者恐不信故所以者何如來所說有不信者是愚癡人長夜當受不饒益苦諸比丘是衆生者過去世時於此王舍城為屠羊者結斯罪故已百千歲墮地獄中受无量苦今得此身餘罪緣故續受斯苦諸比丘如大目犍連所見真實无異汝等受持佛說此經已若比丘聞佛所說歡喜奉行。

如是我聞一時佛住王舍城乃至尊者大目犍連於路中見一大身衆生舉體无皮形如脯腊衆虛而行乃至佛告諸比丘此衆生者過去世時於此王舍城為屠羊弟子屠羊罪故已百千歲墮地獄中受無量苦今得此身續受斯罪諸比丘如大目犍連所見真實無異當受持之佛說此經已諸比丘聞佛所說歡喜奉行

如是我聞一時佛住王舍城乃至路中見一大身衆生舉體无皮形如肉段衆虛而行乃至佛告諸比丘此衆生者過去世時於此王舍城自墮其胎緣斯罪故墮地獄中已百千歲受无量苦以餘罪故今得此身續受斯苦諸比丘如大目犍連所見真實无異當受持之佛說此經已諸比丘聞佛所說歡喜奉行

如是我聞一時佛住王舍城乃至尊者大目犍連於路中見一大衆生舉體生毛毛如大針針皆火然還燒其體痛徹骨髓乃至佛告諸比丘此衆生者過去世時於此王舍城為鬻象

士緣斯罪故已百千歲墮地獄中受
无量苦地獄餘罪今得此身續受斯
苦諸比丘如大目犍連所見真實不
異當受持之佛說此經已諸比丘聞
佛所說歡喜奉行

如調象士如是調馬士調牛士好讒
人者及諸種種苦切人者亦復如是
如是我聞一時佛住王舍城乃至尊
者大目犍連於路中見一大身衆生
舉身生毛毛利如刀其毛火然還割
其體痛徹骨髓乃至佛告諸比丘此
衆生者過去世時於此王舍城好樂
戰諍刀劍傷人已百千歲墮地獄中
受无量苦地獄餘罪今得此身續受
斯苦諸比丘如大目犍連所見真實不
異當受持之佛說此經已諸比丘聞
佛所說歡喜奉行

如是我聞一時佛住王舍城乃至尊
者大目犍連於路中見一大身衆生
遍身生毛其毛似箭皆悉火然還燒
其身痛徹骨髓乃至佛告諸比丘此
衆生者過去世時於此王舍城曾為
獍師射諸禽獸緣斯罪故已百千歲

墮地獄中受无量苦地獄餘罪今得
此身續受斯苦諸比丘如大目犍連
所見真實不異當受持之佛說此經
已諸比丘聞佛所說歡喜奉行

如是我聞一時佛住王舍城乃至我
於路中見一大身衆生舉體生毛毛
如積鈔毛志火然還燒其身痛徹骨
髓乃至佛告諸比丘此衆生者過去
世時於此王舍城為屠猪人積煞群
猪緣斯罪故已百千歲墮地獄中受
无量苦地獄餘罪今得此身續受斯
苦諸比丘如大目犍連所見真實不
異當受持之佛說此經已諸比丘聞
佛所說歡喜奉行

如是我聞一時佛住王舍城乃至我
於路中見一大身无頭衆生兩邊生
目胷前生口身常流血諸虫咬食痛
徹骨髓乃至佛告諸比丘此衆生者
過去世時於此王舍城好斷人頭緣
斯罪故已百千歲墮地獄中受无量
苦今得此身續受斯苦諸比丘如大
目犍連所見真實不異當受持之佛
說此經已諸比丘聞佛所說歡喜

奉行

如斷人頭捉頭亦如是

如是我聞一時佛住王舍城乃至我於路中見一衆生陰郊如覓坐則踞上行則肩擔乃至佛告諸比丘此衆生者過去世時於王舍城作鍛銅師偽器欺人緣斯罪故已地獄中受无量苦地獄餘罪今得此身續受斯苦諸比丘如大目犍連所見真實不異當受持之佛說此經已諸比丘聞佛所說歡喜奉行

如鍛銅師如是斗秤欺人村主市監亦復如是

如是我聞一時佛住王舍城乃至路中見一衆生以銅鐵羅網自纏其身火常熾然還燒其體痛徹骨髓乘虛而行佛告諸比丘此衆生者過去世時於此王舍城為捕魚師緣斯罪故已地獄中受无量苦地獄餘罪今受此身續受斯苦諸比丘如大目犍連所見真實不異當受持之佛說此經已諸比丘聞佛所說歡喜奉行如捕魚師捕鳥網免亦復如是

如是我聞一時佛住王舍城乃至路
中見一衆生頂有鐵磨盛火熾然轉
磨其頂乘虛而行受无量苦乃至佛
告諸比丘此衆生者過去世時於此
王舍城爲卜占女人轉式卜占欺妄
惑人以求財物緣斯罪故已地獄中
受无量苦地獄餘罪今得此身續受
斯苦諸比丘如大目犍連所見真實
不異當受持之佛說此經已諸比丘
聞佛所說歡喜奉行

如是我聞一時佛住王舍城乃至路中
見一衆生其身獨轉猶若旋風乘虛而
行乃至佛告諸比丘此衆生者過去世
時於此王舍城爲卜占師誤惑多人以
求財物緣斯罪故已地獄中受无量
苦地獄餘罪今得此身續受斯苦諸
比丘如大目犍連所見真實不異當
受持之佛說此經已諸比丘聞佛所
說歡喜奉行

如是我聞一時佛住王舍城乃至路
中見一衆生偃身藏行狀如恐怖舉
體被服恚皆火然還燒其身乘虛而
行佛告諸比丘此衆生者過去世時

於此王舍城好行他婬緣斯罪故已
地獄中受无量苦地獄餘罪今得此
身續受斯苦諸比丘如大目犍連所
見真實不異當受持之佛說此經已
諸比丘聞佛所說歡喜奉行

如是我聞一時佛住波羅捺因仙人住
處陂野苑中時尊者大目犍連尊者
勒叉邨比丘晨朝共入波羅捺城乞
食於路中尊者大目犍連思惟願念
欣然微笑時尊者勒叉邨白尊者大
目犍連言世尊及世尊弟子欣然微
笑必有因緣何緣尊者今日欣然微
笑尊者大目犍連語尊者勒叉邨此
非時問且乞食還詣世尊前當問此
事時俱入城乞食還洗足舉衣鉢俱
詣世尊稽首札足退坐一面時尊者
勒叉邨問尊者大目犍連晨朝路中
何因何緣欣然微笑尊者大目犍連
語尊者勒叉邨我於路中見一大身
衆生舉體膿壞臭穢不淨乘虛而行
烏鷄鵲鴟鴞野干餓狗隨逐攫食啼哭
號呼我念衆生得如是身受如是苦
一何痛哉佛告諸比丘我亦見此衆

生而不說者恐不信故所以者何如
來所說有不信者是愚癡人長夜受
苦此衆生者過去世時於此波羅捺
城為女人賣色自活時有比丘於迦
葉佛所出家彼女人以不清淨心請
彼比丘比丘直心受請不解其意女
人瞋恚以不淨水灑比丘身緣斯罪
故已地獄中受无量苦地獄餘罪今
得此身續受斯苦諸比丘如大目捷
連所見真實不異當受持之佛說是
經已諸比丘聞佛所說歡喜奉行
如是我聞一時佛住波羅捺國仙人
住處鹿野苑中乃至我於路中見一
大身衆生舉體火然乘虛而行啼哭
號呼受諸苦痛乃至佛告諸比丘此
衆生者過去世時於此波羅捺城為
自在王第一夫人與王共宿起瞋恚
心以然燈油灑王身上緣斯罪故已
地獄中受无量苦地獄餘罪今得此
身續受斯苦諸比丘如大目捷連所
見真實不異當受持之佛說是經已
諸比丘聞佛所說歡喜奉行
如是我聞一時佛住波羅捺國仙人

住處鹿野苑中乃至尊者大目犍連
言我於路中見一衆生舉體糞穢以
塗其身亦食糞穢乘虛而行臭穢苦
惱啼哭號呼乃至佛告諸比丘此衆
生者過去世時於此波羅捺城為自
在王師婆羅門以憎嫉心請迦葉佛
聲聞僧以糞著飯下誠惱衆僧緣斯
罪故已地獄中受无量苦地獄餘罪
今得此身續受斯苦諸比丘如大目
犍連所見真實不異當受持之佛說
此經已諸比丘聞佛所說歡喜奉行
如是我聞一時佛住舍衛國祇樹給
孤獨園乃至尊者大目犍連言我於
路中見一大身衆生頭上有大銅鑊
熾然滿中群銅流灌身體乘虛而行
啼哭號呼乃至佛告諸比丘此衆生
者過去世時於此舍衛國迦葉佛所
出家為知事比丘有檀越送油應付
諸比丘時有衆多客比丘知事比丘
不時分油待客比丘去然後乃分緣
斯罪故已地獄中受无量苦地獄餘
罪今得此身續受斯苦諸比丘如大
目犍連所見真實不異佛說此經已

諸比丘聞佛所說歡喜奉行

如是我聞一時佛住舍衛國祇樹給
孤獨園乃至尊者大目犍連言我於
路中見一大身衆生有熾熱鐵丸從
身出入乘虛而行苦痛切迫啼哭號
呼乃至佛告諸比丘此衆生者過去
世時於此舍衛國迦葉佛法中出家
作沙彌次守衆僧果園盜取七果持
奉和上緣斯罪故已地獄中受无量
苦地獄餘罪今得此身續受斯苦諸
比丘如大目犍連所見真實不異當
受持之佛說此經已諸比丘聞佛所
說歡喜奉行

如是我聞一時佛住舍衛國乃至尊
者大目犍連言我於路中見一大身
衆生其舌廣長見有利鉞炎火熾然
以斫其舌乘虛而行啼哭號呼乃至
佛告諸比丘此衆生者過去世時於
此舍衛國迦葉佛法中出家作沙彌
以斧破石室供養衆僧著斧刃者盜
取食之緣斯罪故入地獄中受无量
苦地獄餘罪今得此身續受斯苦諸
比丘如大目犍連所見真實不異當

受持之佛說此經已諸比丘聞佛所
說歡喜奉行

如是我聞一時佛住舍衛國乃至尊
者大目犍連言我於路中見是大身
衆生有鐵輪在兩脅下熾然旋轉
還燒其身乘虛而行啼哭號呼乃至
佛告諸比丘此衆生者過去世時於
此舍衛國迦葉佛法中出家作沙彌
持石墜毆供養衆僧盜取三匙著於掖
下緣斯罪故已地獄中受无量苦地
獄餘罪今得此身續受斯苦諸比丘
如大目犍連所見真實不異當受持
之佛說此經已諸比丘聞佛所說歡
喜奉行

如是我聞一時佛住舍衛國乃至尊
者大目犍連言我於路中見一大身
衆生以熾然鐵葉以纏其身衣被牀
卧悉皆熱熾炎火熾然食熱鐵丸乘
虛而行啼哭號呼乃至佛告諸比丘
此衆生者過去世時於此舍衛國迦
葉佛法中出家作比丘為衆僧乞衣
食供僧之餘輒自受用緣斯罪故已
地獄中受无量苦地獄餘罪今得此

身續受斯苦諸比丘如大目捷連所見真實不異當受持之佛說此經已諸比丘聞佛所說歡喜奉行如比丘如是比丘尼式叉摩那沙弥沙弥尼優婆塞優婆夷亦復如是如是我聞一時佛住舍衛國乃至尊者大目捷連言我於路中見一大身衆生熾然鐵車而駕其頸松其頸筋及連四脚筋以勒其頸行熱鐵地乘虛而去啼哭號呼乃至佛告諸比丘此衆生者過去世時於此舍衛國駕乘牛車以自生活緣斯罪故於地獄中受無量苦地獄餘罪今得此身續受斯苦諸比丘如大目捷連所見真實不異當受持之佛說此經已諸比丘聞佛所說歡喜奉行

如是我聞一時佛住舍衛國乃至尊者大目捷連言我於路中見一大身衆生其舌長廣熾然鐵釘以釘其舌乘虛而行啼哭號呼乃至佛告諸比丘此衆生者過去世時於此舍衛國迦葉佛法中出家作比丘為摩摩帝呵責諸比丘言諸長老汝等可去此

處儉薄不能相供各隨意去求豐樂
處饒衣食所衣食牀卧應病湯藥可
得不乏先住比丘悉皆捨去客僧聞
之亦復不來緣斯罪故已地獄中受
无量苦地獄餘罪今得此身續受斯
苦諸比丘如大目犍連所見真實不
異當受持之佛說此經已諸比丘聞
佛所說歡喜奉行

如是我聞一時佛住舍衛國乃至尊
者大目犍連言我於路中見一大身
衆生比丘之像皆著鐵葉以為衣服
舉體火然亦以鐵鉢盛熱鐵丸而食
之乃至佛告諸比丘此衆生者過去
世時於此舍衛國迦葉佛法中出家
作比丘作摩摩帝惡口形名諸比丘
或言此是惡禿此惡風法此惡衣服
以彼惡口故先住者去未來不來緣
斯罪故已地獄中受无量苦地獄餘
罪今得此身續受斯苦諸比丘如大
目犍連所見真實不異當受持之佛
說此經已諸比丘聞佛所說歡喜
奉行

如是是我聞一時佛住舍衛國乃至佛

告諸比丘此衆生者過去世時於此
舍衛國迦葉佛法中出家作比丘好
起諍訟鬪亂衆僧作諸口舌令不和
合先住比丘獸惡捨去未來者不來
緣斯罪故已地獄中受无量苦地獄
餘罪今得此身續受斯苦諸比丘如
大目犍連所見真實不異當受持之
佛說此經已諸比丘聞佛所說歡喜
奉行

如是我聞一時佛住舍衛國祇樹給
孤獨園余時尊者阿邠律住松林精
舍時尊者大目犍連住跋祇聚落矢
叔摩羅山恐怖稠林禽獸之處時尊
者阿邠律獨一靜處禪思思惟作是
念有一乘道淨衆生離憂悲惱苦得
真如法所謂四念處何等為四身身
觀念處受心法法觀念處若於四念
處遠離者於賢聖法遠離於賢聖法
遠離者於聖道遠離聖道遠離者於
甘露法遠離甘露法遠離者則不能
脫生老病死憂悲惱苦若於四念處
信樂者於聖法信樂聖法信樂者於
聖道信樂聖道信樂者於甘露法信

樂甘露法信樂者得脫生老病死憂
悲惱苦今時尊者大目犍連知尊者
阿那律心之所念如力士屈伸解頰
以神通力於跋耆聚落失取摩羅山
恐怖稠林禽獸之處沒至舍衛城松
林精舍尊者阿那律前現語阿那律
言汝獨一靜處禪思思惟作是念有
一乘道令衆生清淨離生老病死憂
悲惱苦得真如法所謂四念處何等
為四身身觀念處受心法法觀念處
若於四念處不樂者於賢聖法不樂
聖法不樂者於聖道不樂不樂聖道
者於甘露法亦不樂不樂甘露法者
則不能脫生老病死憂悲惱苦若於
四念處信樂者樂賢聖法樂賢聖法
者樂於聖道樂聖道者得甘露法得
甘露法者得脫生老病死憂悲惱苦
耶尊者阿那律語尊者大目犍連言
如是如是尊者大目犍連語尊者阿
那律言云何名為樂四念處尊者大
目犍連若比丘身身觀念處心緣
身正念住調伏止息寂靜一心增
進如是受心法念處正念住調伏止

息寂靜一心增進尊者大目捷連是名比丘樂四念處時尊者大目捷連即如其像三昧正受從舍衛國松林精舍門還至跋祇聚落失叔摩羅山恐怖稠林禽獸之處

如是我聞一時佛住舍衛國祇樹給孤獨園乃至尊者大目捷連問尊者阿鄒律云何名為四念處修習多修習尊者阿鄒律語尊者大目捷連言若比丘於內身起獸離想於內身起不獸離想獸離不獸離俱捨想正念正知如內身如是外身內外身內受外受內外受內心外心內外心內法外法內外法作獸離想不獸離想獸離不獸離俱捨想住正念正知如是尊者大目捷連是名四念處修習多修習時尊者大目捷連即入三昧從舍衛國松林精舍入三昧神通力如力士屈伸臂頃還到跋祇聚落失叔摩羅山恐怖稠林禽獸住處

雜阿含經卷第十九

癸卯歲高麗國大藏都監奉
勅雕造

雜阿含經卷第二十

之

亦天生三藏末部跋陀羅譯

如是我聞一時佛住舍衛國祇樹給
孤獨園小時尊者大目犍連尊者阿
那律住舍衛國手成浴池側尊者舍
利弗詣尊者阿那律所共相問訊慰
勞已於一面坐尊者舍利弗語尊者
阿那律言奇哉阿那律有大德神力
於何功德修習多修習而能至此尊
者阿那律語尊者舍利弗言於四念
處修習多修習成此大德神力何等
為四念處內身身觀念處精勤方便
正念正知調伏世間貪憂如是外身
內外身內受外受內外受內心外心
內外心內法外法內外法觀念處精
勤方便正念正知如是調伏世間貪
憂尊者舍利弗是名四念處修習多
修習成此大德神力尊者舍利弗我
於四念處善修習故於小千世界少
作方便能遍觀察如明目士夫於樓
觀上觀下平地種種之物我少作方
便觀察小千世界亦復如是如是我

於四念處修習多修習成此大德神
力時二正士共論議已各從座起而去
如是我聞一時佛住舍衛國祇樹給
孫獨園尊者舍利弗尊者大目犍連
尊者阿難尊者阿都律住舍衛國介
時尊者大目犍連詣尊者阿都律所
共相問說慰勞已於一面坐時尊者
大目犍連問尊者阿都律於何功德
修習多修習成此大德神力尊者阿
都律語尊者大目犍連我於四念處
修習多修習成此大德神力何等為
四內身身觀繫心住精勤方便正念
正知除世間貪憂外身內外身內受
外受內外受內心外心內外心內法
外法內外法觀繫心住精進方便除
世間貪憂是名四念處修習多修習
成此大德神力於千須弥山以少方
便悉能觀察如明目士夫登高山頂
觀下千多羅樹林如是我於四念處
修習多修習成此大德神力以少方
便見千須弥山如是尊者大目犍連
我於四念處修習多修習成此大德
神力時二正士共論議已各從座起

而去

如是我聞一時佛住舍衛國祇樹給
孤獨園尊者舍利弗尊者大目犍連
尊者阿難尊者阿那律住舍衛國手
成浴池側尔時尊者阿難往苾芻者阿
那律所共相問訊慰勞已於一面坐
尊者阿難問尊者阿那律於何功德
修習多修習成就如是大德大力大
神通尊者阿那律語尊者阿難我於
四念處修習多修習成此大德大力
何等為四內身身觀念處繫心住精
勤方便正念正知除世間貪憂如是
外身內外身內受外受內外受內心
外心內外心內法外法內外法觀念
處繫心住精勤方便除世間貪憂如
是尊者阿難我於此四念處修習多
修習少方便以淨天眼過天人眼見
諸衆生死時生時好色惡色上色下
色善趣惡趣隨業受生皆如實見此
諸衆生生身惡行口意惡行誹謗賢聖
邪見因緣身壞命終生地獄中如是
衆生身善行口意善行不謗賢聖正
見成就以是因緣身壞命終得生天

上譬如明目士夫住四衢道見諸人民若來若去若坐若卧我亦如是於四念處修習多修習成此大德大力神通見諸衆生生死時生時善趣惡趣如是衆生身惡行口意惡行誹謗賢聖邪見因緣生地獄中如是衆生身善行口意善行不謗賢聖正見因緣身壞命終得生天上如是尊者阿難我於四念處修習多修習成此大德大力神通時二正士共論議已各從座起而去

如是我聞一時佛住舍衛國祇樹給孤獨園尔時尊者阿那律在舍衛國松林精舍身遭病苦時有衆多比丘詣尊者阿那律所問說慰勞已於一面住語尊者阿那律言尊者阿那律所患增損可安忍不病勢漸損不轉增耶尊者阿那律言我病不安難可安忍身諸苦痛轉增无損即說三種譬如上又摩經說然我身已遭此苦痛且當安忍正念正知諸比丘問尊者阿那律心住何所而能安忍如是大苦正念正知尊者阿那律語諸比

止言住四念處我於所起身諸苦痛能自安忍正念正知何等為四念處謂內身身觀念處乃至受心法觀念處是名住於四念處身諸苦痛能自安忍正念正知時諸正士共論議已歡喜隨喜各從座起而去

如是我聞一時佛住舍衛國祇樹給孤獨園時尊者阿邠律在舍衛國松林精舍病老未久時有衆多比丘往詣阿邠律所問訊慰勞已於一面坐問尊者阿邠律安隱樂住不阿邠律言安隱樂住身諸苦痛漸已休息諸苦痛得安隱尊者阿邠律言住四念處身諸苦痛漸得安隱何等為四謂內身身觀念處乃至法法觀念處是名四念處住此四念處故身諸苦痛漸得休息時諸正士共論議已歡喜隨喜各從座起而去

如是我聞一時佛住舍衛國祇樹給孤獨園時尊者阿邠律在舍衛國松林精舍時有衆多比丘詣尊者阿邠律所共相問訊慰勞已於一面坐問

尊者阿耨律若比丘在於學地上求
安隱涅槃住聖弟子云何修習多修
習於此法律得盡諸漏无漏心解脫
慧解脫現法自知作證我生已盡梵
行已立所作已作自知不受後有尊
者阿耨律語諸比丘言若比丘在於
學地上求安隱涅槃心住聖弟子云
何修習多修習於此法律得盡諸漏
无漏心解脫慧解脫現法自知作證
我生已盡梵行已立所作已作自知
不受後有者當住四念處何等為四
謂內身身觀念處乃至法法觀念處
如是四念處修習多修習於此法律
得盡諸漏无漏心解脫慧解脫現法
自知作證我生已盡梵行已立所作
已作自知不受後有時諸比丘共聞
尊者阿耨律所說歡喜隨喜各從座
起而去

如是我聞一時佛住舍衛國祇樹給
孤獨園時尊者阿耨律在舍衛國松
林精舍住時有衆多比丘詣尊者阿
耨律所與尊者阿耨律共相問訊慰
勞已於一面坐語尊者阿耨律言若

阿羅漢比丘諸漏已盡所作已作捨
離重擔離諸有結正智心善解脫亦
修四念處耶尊者阿邠律語比丘言
若比丘諸漏已盡所作已作捨離重
擔離諸有結正智心善解脫彼亦修
四念處也所以者何不得者得不證
者證為現法樂住故所以者何我亦
離諸有漏得阿羅漢所作已作心善
解脫亦修四念處故不得者得不到
者到不證者證乃至現法安樂住時
諸正士共論議已歡喜隨喜各從座
起而去

如是我聞一時佛住舍衛國祇樹給
孤獨園時尊者阿邠律在舍衛國松
林精舍時有衆多外道出家詣尊者
阿邠律所共相問說慰勞已於一面
坐語尊者阿邠律尊者何故於沙門
瞿曇法中出家尊者阿邠律言為修
習故復問何所修習荅言謂修諸根
修諸力修諸覺分修諸念處汝欲聞
何等修復問根力覺分我不知其名
字况復問義然我欲聞念處尊者阿
邠律言諦聽善思當為汝說若比丘

內身身觀念處乃至法法觀念處時
衆多外道出家聞尊者阿邨律所說
歡喜隨喜各從座起而去

如是我聞一時佛住舍衛國祇樹給
孤獨園今時尊者阿邨律在舍衛國
住松林精舍時尊者阿邨律語諸比
丘譬如大樹生而順下隨浚隨輸若
伐其根樹必當倒隨所而順下是比
丘修四念處長夜順趣浚輸向於遠
離順趣浚輸向於出要順趣浚輸向
於涅槃尊者阿邨律說此經已諸比
丘聞其所說歡喜奉行

如是我聞一時佛住舍衛國祇樹給
孤獨園今時尊者摩訶迦旃延在跋
蘭伽聚落烏泥池側時有執澡灌杖
梵志詣摩訶迦旃延所共相問訊慰
勞已於一面坐問摩訶迦旃延言何
因何緣王王共諍婆羅門居士婆羅
門居士共諍摩訶迦旃延答梵志言
貪欲繫著因緣故王王共諍婆羅門
居士婆羅門居士共諍梵志復問何
因何緣出家出家而復共諍摩訶迦
旃延答言以見欲繫著故出家出家

而復共諍梵志復問摩訶迦旃延頗有能離貪欲繫著及離此見欲繫著不尊者摩訶迦旃延答言梵志有我大師如來應等正覺明行足善逝世間解无上士調御丈夫天人師佛世尊能離此貪欲繫著及見欲繫著梵志復問佛世尊今在何所答言佛世尊今在婆羅耆人中拘薩羅國舍衛城祇樹給孤獨園今時梵志從座起整衣服偏袒右肩右膝著地向佛所住處合掌讚歎

南無南無佛世尊如來應供等正覺能離欲貪諸繫著悉能遠離貪欲縛及諸見欲淨根本時持澡濯杖梵志聞尊者摩訶迦旃延所說歡喜隨喜從座起去

如是我聞一時佛住舍衛國祇樹給孤獨園尊者摩訶迦旃延在婆羅耆烏泥池側與衆多比丘集於食堂為持衣事時有執杖梵志年耆根熟詣食堂所於一面拄杖而坐須臾默然已語諸比丘諸長老汝等何故見老宿士不共語問訊恭敬命坐時尊者

摩訶迦旃延亦在衆中坐時尊者摩訶迦旃延語梵志言我法有宿老來皆共語問訊恭敬礼拜命之令坐梵志言我見此衆中无有老於我者不恭敬礼拜命坐汝云何言我法見有宿老恭敬礼拜命其令坐摩訶迦旃延言梵志若有耆年八十九十髮白齒落成就年少法者此非宿士雖復年少年二十五色白髮黑威壯美滿而彼成就者年法者為宿士歟梵志問言云何名為八十九十髮白齒落成復成就年少之法年二十五膚白髮黑威壯美色為宿士歟尊者摩訶迦旃延語梵志言有五欲功德不離識色愛樂念耳識聲鼻識香舌識味身識觸愛樂念於此五欲功德不離令不離欲不離愛不離念不離濁梵志若如是者雖復八十九十髮白齒落是名成就年少之法雖年二十五膚白髮黑威壯美色於五欲功德離貪離欲離愛離念離濁若如是者雖復年少年二十五膚白髮黑威壯美色成就老人法為宿士歟今時梵志

語尊者摩訶迦旃延如尊者所說義
我自省察雖老則少汝等雖少成者
年法世間多事今便請還尊者摩訶
迦旃延言梵志汝自知時今時梵志
聞尊者摩訶迦旃延所說歡喜隨喜
還其本處

如是我聞一時佛住舍衛國祇樹給
孤獨園尊者摩訶迦旃延在稠林中
住時摩偷羅國王是西方王子詣尊
者摩訶迦旃延所札摩訶迦旃延足
退坐一面問尊者摩訶迦旃延婆羅
門自言我第一他人卑劣我白餘人
黑婆羅門清淨非非婆羅門是婆羅
門子從口生婆羅門所化是婆羅門
所有尊者摩訶迦旃延此教云何尊
者摩訶迦旃延語摩偷羅王言大王
此是世間言說耳世間言說言婆羅
門第一餘人卑劣婆羅門白餘人黑
婆羅門清淨非非婆羅門婆羅門從
婆羅門生生從口生婆羅門所化是
婆羅門所有大王當知業真實者是
依業者王語尊者摩訶迦旃延此則
略說我所不解願重分別尊者摩訶

迦旃延言今當問汝隨問答我即問
言大王汝為婆羅門王於自國土諸
婆羅門剎利居士長者此四種人悉
皆召來以財以力使其侍衛先起後
卧及諸使令悉如意不答言如意復
問大王剎利為王居士為王長者為
王於自國土所有四姓悉皆召來以
財以力令其侍衛先起後卧及諸使
令皆如意不答言如意復問大王如
是四姓悉皆平等有何老別當知大
王四種姓者皆悉平等无有勝如老
別之異摩偷羅王白尊者摩訶迦旃
延實余尊者四姓皆等无有種種勝
如老別是故大王當知四姓世間言
說為老別耳乃至依業真實无老別
也復次大王此國土中有婆羅門有
偷盜者當如之何王白尊者摩訶迦
旃延婆羅門中有偷盜者或鞭或縛
或駈出國或罰其金或截手足耳鼻
罪重則然及其盜者然婆羅門則名
為賊復問大王若剎利居士長者中
有偷盜者當復如何王白尊者摩訶
迦旃延亦鞭亦縛亦駈出國亦罰其

金亦復斷截手足耳鼻罪重則煞如
是大王豈非四姓悉平等耶為有種
種差別異不王自尊者摩訶迦旃延
如是義者實无種種勝如老別尊者
摩訶迦旃延復語王言當知大王四
種姓者世間言說言婆羅門第一餘
悉卑劣婆羅門白餘人悉黑婆羅門
清淨非非婆羅門當依業真實業依
耶復問大王婆羅門煞主偷盜邪婬
妄言惡口兩舌綺語貪恚都是作十
不善業跡已為生惡趣耶善趣耶於
阿羅呵所為何所聞王自尊者摩訶
迦旃延婆羅門作十不善業跡當墮
惡趣阿羅呵所作如是聞刹刹居士
長者亦如是說復問大王若婆羅門
行十善業跡離煞生乃至正見當生
何所為何所聞王自尊者摩訶迦旃延
所為何所聞王自尊者摩訶迦旃延
若婆羅門行十善業跡者當生善趣
阿羅呵所作如是聞如是刹刹居士
長者亦如是說復問云何大王如是
四姓為平等不為有種種勝如老別
王自尊者摩訶迦旃延如是義者則

為平等无有種種勝如老別是故大王當知四姓悉平等无有種種勝如老列世間言說故有婆羅門第一婆羅門白餘者悉黑婆羅門清淨非非婆羅門婆羅門生生從口生婆羅門作婆羅門化婆羅門所有當知業真實業依王白尊者摩訶迦旃延實如所說皆是世間言說故有婆羅門勝餘者卑劣婆羅門白餘者悉黑婆羅門清淨非非婆羅門婆羅門生生從口生婆羅門化婆羅門所有皆是業真實業依於業尔時摩偷羅王聞尊者摩訶迦旃延所說歡喜隨喜作礼而去

如是我聞一時佛住舍衛國祇樹給孤獨園尔時尊者摩訶迦旃延住阿睺提國拘羅羅陀精舍尊者摩訶迦旃延晨朝著衣持鉢入拘羅羅陀精舍次第乞食至迦梨迦優婆夷舍時優婆夷見尊者摩訶迦旃延即敷牀坐請令就坐前礼尊者摩訶迦旃延足退住一面白尊者摩訶迦旃延如世尊所說答僧者多童女所問如世

尊說僧耆多童女所問偈

實義存於心寂滅而不乱降伏諸勇猛
可愛端正色一心獨靜思服食妙禪樂
是則為遠離世間之伴黨世間諸伴黨
无習近我者

尊者摩訶迦旃延世尊此偈其義云
何尊者摩訶迦旃延語優婆夷言姉
妹有一沙門婆羅門言地一切入處
正受此則无上為求此果姉妹若沙
門婆羅門於地一切入處正受清淨
鮮白者則見其本見患見滅見滅道
跡以見本見患見滅見滅道跡故得
真實義存於心寂滅而不乱姉妹如
是水一切入處火一切入處風一切
入處青一切入處黃一切入處赤一
切入處白一切入處空一切入處識
一切入處為无上者為求此果姉妹
若有沙門婆羅門乃至於識處一切
入處正受清淨鮮白者見本見患見
滅見滅道跡以見本見患見滅見滅
道跡故是則實義存於心寂滅而不
乱善見善入是故世尊答僧耆多童
女所問偈

實義存於心寂滅而不亂降伏諸勇猛
可愛端正色一心獨靜思服食妙禪樂
是則為遠離世間之伴黨世間諸伴黨
尤習近我者

如是姊妹我解世尊以如是義故說
如是偈優婆夷言善哉尊者說真實
義唯願尊者受我請食時尊者摩訶
迦旃延默然受請時迦梨迦優婆夷
知尊者摩訶迦旃延受請已即辦種
種淨美飲食恭敬尊重自手奉食時
優婆夷知尊者摩訶迦旃延食已洗
鉢澡嗽訖敷一卑坐於尊者摩訶迦
旃延前恭敬聽法尊者摩訶迦旃延
為迦梨迦優婆夷種種說法示教照
喜示教照喜已從座起而去

如是我聞一時佛住舍衛國祇樹給
孤獨園舍時尊者摩訶迦旃延在舍
衛國祇樹給孤獨園尊者摩訶迦旃
延語諸比丘佛世尊如來應等正覺
所知所見說於法於苦處昇於勝處
說一乘道淨諸衆生離諸惱苦憂悲
急滅得真如法何等為六謂聖弟子
念如來應等正覺所行法淨如來應

等正覺明行足善逝世間解无上士
調御丈夫天人師佛世尊聖弟子念
如來應所行法故離貪欲覺離瞋恚
覺離害覺如是聖弟子出染著心何
等為染著心謂五欲功德於此五欲
功德離貪恚癡安住正念正智乘於
直道修習念佛正向涅槃是名如來
應等正覺所知所見說第一出苦處
昇於勝處一乘道淨於衆生離苦惱滅
憂悲得如實法復次聖弟子念於正
法念於世尊現法律離諸熱惱非時
通達即於現法緣自覺悟今時聖弟
子念此正法時不起欲覺瞋恚害覺
如是聖弟子出染著心何等為染著
心謂五欲功德於此五欲功德離貪恚
癡安住正念正知乘於直道修習念
法正向涅槃是名如來應等正覺所
知所見說第二出苦處昇於勝處一
乘道淨於衆生離苦惱滅憂悲得如
實法復次聖弟子念於僧法善向正
向直向等向修隨順行謂向須陀洹
得須陀洹果向斯陀含得斯陀含向
可那含得阿那含向阿羅漢得阿羅

漢如是四雙八士是名世尊弟子僧
戒具足定具足慧具足解脫具足解
脫知見具足供養恭敬禮拜處世間
无上福田聖弟子如是念佛時念時
聖弟子不起欲覺瞋恚害覺如是聖
弟子出染著心何等為染著心謂五
欲功德於此五欲功德離貪恚癡安
住正念正知乘於直道修戒念正向
涅槃是名如來應等正覺所知所見
說第三出苦處昇於勝處一乘道淨
於衆生離苦惱滅憂悲得如實法復
次聖弟子念於戒德念不缺戒不斷
戒純厚戒不離戒非盜取戒善究竟
戒可讚歎戒梵行不憎惡戒若聖弟
子念此戒時自念身中所成就戒當
於念時不起欲覺瞋恚害覺如是聖
弟子出染著心何等為染著心謂五
欲功德於此五欲功德離貪恚癡安
住正念正知乘於直道修戒念正向
涅槃是名如來應等正覺所知所見
說第四出苦處昇於勝處一乘道淨
於衆生離苦惱滅憂悲得如實法復
次聖弟子自念施法心自欣慶我今

離慳貪垢障往居家解脫心施常施
捨施樂施具足施平等施若聖弟子
念於自所施法時不起欲覺瞋恚害
覺如是聖弟子出染著心於何染著
謂五欲功德於此五欲功德離貪恚
癡安住正念正知來於直道修施念
正向涅槃是名如來應等正覺所知
所見說第五出苦處昇於勝處一乘
道淨於衆生離苦惱滅憂悲得如實
法復次聖弟子念於天德念四王天
三十三天炎摩天梵率陀天化樂天
他化自在天清淨信心於此命終生
彼諸天我亦如是信戒施聞慧於此
命終生彼天中如是聖弟子念天功
德時不起欲覺瞋恚害覺如是聖弟
子出染著心於何染著謂五欲功德
於此五欲功德離貪恚癡安住正念
正知來於直道修天念正向涅槃是
名如來應等正覺所知所見說第六
出苦處昇於勝處一乘道淨於衆生
離苦惱滅憂悲得如實法尊者摩訶
迦旃延說此經已諸比丘聞其所說
歡喜奉行

如是我聞一時佛住舍衛國祇樹給
孤獨園舍時尊者摩訶迦旃延住釋
氏訶梨聚落精舍時訶梨聚落長者
詣尊者摩訶迦旃延所稽首礼足退
坐一面白尊者摩訶迦旃延如世尊
義品各摩捷提所問偈

斷一切流亦塞其流源 衆落相習近
牟尼下無歎 虛空於五欲 水以不還滿
世間證言訟 畢竟不復爲

尊者摩訶迦旃延此偈有何義尊者
摩訶迦旃延答長者言眼流者眼識
起貪依眼界貪欲流出故名爲流耳
鼻舌身意流者謂意識起貪依意界
貪識流出故名爲流長者復問尊者
摩訶迦旃延云何名爲不流尊者迦
旃延語長者言謂眼識眼識所識色
依生愛喜彼若盡无欲滅息沒是名
不流耳鼻舌身意識意識所識法
依生貪欲彼若盡无欲滅息沒是名
不流復問云何尊者摩訶迦旃延答
言謂終眼及色生眼識三事和合生觸
緣觸生受樂受苦受不苦不樂受依
此流著流耳鼻舌身意識意識法

三事和合生觸緣觸生受樂受苦受
不苦不樂受依此受生愛喜流之也
流源云何亦塞其流源謂眼界取心
法境界繫著使彼若盡心欲滅息沒
是名塞流源耳鼻舌身意取心法境
界繫著使彼若盡心欲滅息沒是名
亦塞其流源復問云何名習近相讚
歎尊者摩訶迦旃延答言在家出家
共相習近同喜同愛同樂同苦凡所
為作患皆共同是名習近相讚歎復
問云何不讚歎在家出家不相習近
不同喜不同愛不同苦不同樂凡所
為作患不相悅可是名不相讚歎云
何不空欲謂五欲功德眼識色愛樂
念長養愛欲深染著耳聲鼻香舌味
身觸愛樂念長養愛欲深染著於此
五欲不離貪不離愛不離念不離渴
是名不空欲云何名空欲謂於此五
欲功德離貪離欲離愛離念離渴是
名空欲說我繫著使是名心法之後
滿彼阿羅漢比丘諸漏已盡斷其根
本如截多羅樹頭於未來世更不復
生云何當復與他諍訟是故世尊說

義品答摩捷提所問偈

若斷一切流 亦塞其流源 聚落相習近
半尼不穉歎 虛空於諸欲 水已不還滿
不復與世間 共言語諍訟

是名如來所說偈義分別也。爾時訶
梨聚落長者聞尊者摩訶迦旃延所
說歡喜隨喜作禮而去。

如是我聞。一時佛住舍衛國祇樹給
孤獨園。今時尊者摩訶迦旃延住釋
氏訶梨聚落精舍。時訶梨聚落主長
者詣尊者摩訶迦旃延。所稽首。禮足
退坐一面。白尊者摩訶迦旃延。如世
尊於界隔山天帝釋石蜜說言。憍尸
迦若沙門婆羅門。无上愛盡解脫心
正善解脫。究竟邊際。究竟無垢。究竟
梵行。畢竟清淨。云何於此法律。究竟
邊際。究竟無垢。究竟梵行。畢竟清淨。
尊者摩訶迦旃延。語長者言。謂眼眼
識眼識所識色。相依生喜。彼若盡无
欲滅息。沒於此法律。究竟邊際。究竟
无垢。究竟梵行。畢竟清淨耳。鼻舌身
意意識意識所識法。相依生喜。彼若
盡滅息。沒於此法律。究竟无垢。

究竟梵行畢竟清淨時訶梨聚落主
長者聞尊者摩訶迦旃延所說歡喜
隨喜作禮而去

如是我聞一時佛住舍衛國祇樹給
孤獨園今時尊者摩訶迦旃延在釋
氏訶梨聚落聚落主長者詣尊者摩
訶迦旃延所稽首禮足退坐一面問
尊者摩訶迦旃延如世尊界隔山石
窟中為天帝釋說言憍尸迦若沙門
婆羅門无上愛盡解脫心善解脫邊
際究竟究竟無垢究竟梵行畢竟清
淨云何於此法律究竟邊際究竟無
垢究竟梵行畢竟清淨尊者迦旃延
語長者言若比丘眼界取心法境界
繫著使彼若盡无欲息沒於此法律
究竟邊際究竟无垢究竟梵行究竟
清淨耳鼻舌身意境界取心法境界
繫著使若盡離滅息沒於此法律究
竟邊際究竟無垢究竟梵行畢竟清
淨時訶梨聚落主長者聞尊者摩訶
迦旃延所說歡喜隨喜作禮而去
如是我聞一時佛住舍衛國祇樹給
孤獨園今時尊者摩訶迦旃延住釋

氏訶梨聚落時訶梨聚落主長者身
遭病苦尊者摩訶迦旃延問訶梨聚
落主長者身遭病苦聞已晨朝著衣
持鉢入訶梨聚落乞食次第入訶梨
聚落主長者舍訶梨聚落主長者過
見尊者摩訶迦旃延從座欲起尊者
摩訶迦旃延見長者欲起即告之言
長者莫起幸有餘座我自可坐於餘
座語長者言云何長者病可忍不身
諸苦痛漸老愈不得无增耶長者答
言尊者我病難忍身諸苦痛轉增無
損即說三種辭如前又摩比丘經說
尊者摩訶迦旃延語長者言是故汝
當修佛不壞淨法不壞淨僧不壞淨
聖戒成就當如是學長者答言如佛
所說四不壞淨我悉成就我今成就
佛不壞淨法不壞淨僧不壞淨聖戒
成就尊者摩訶迦旃延語長者言汝
當依此四不壞淨修習六念長者當
念佛功德此如來應等正覺明行足
善逝世間解无上士調御丈夫天人
師佛世尊念法功德於世尊正法律
現法離諸熱惱非時通達緣目覺悟

念僧功德善向正向直向等向修隨
順行謂向須陀洹得須陀洹向斯陀
含得斯陀含向阿那含得阿那含向
阿羅漢得阿羅漢如是四雙八士是
名世尊弟子僧具足戒定慧解脫解
脫知見供養恭敬尊重之處堪為世
間无上福田念戒功德自持正戒
不毀不缺不斷不壞非盜取戒究竟
戒可讚歎戒梵行戒不憎惡戒念施
功德自念布施心自欣慶捨除慳貪
雖在居家解脫心施常施樂施具足
施平等施念天功德念四王天三十
三天炎摩天梵率陀天化樂天他化
自在天清淨信戒於此命終生彼天
中我亦如是清淨信戒施聞慧生彼
天中長者如是覺依四不壞淨增六
念處長者白尊者摩訶迦旃延世尊
說依四不壞淨增六念處我悉成就
我當修習念佛功德念法念僧念戒
念施念天尊者摩訶迦旃延語長者
言善哉長者能自記說得阿那含是
時長者白尊者摩訶迦旃延願於此
食尊者摩訶迦旃延默然受請訶梨

聚落主長者知尊者摩訶迦旃延受請已具種種淨美食自手供養飯食訖澡鉢洗嗽畢為長者種種說法示教照喜示教照喜已從座起去如是我聞一時佛住舍衛國祇樹給孤獨園尔時尊者摩訶迦旃延於釋民訶梨聚落住時有八城長者名曰陀施身遭病苦者摩訶迦旃延聞陀施長者身遭苦患晨朝著衣持鉢入八城乞食次到陀施長者舍如訶梨長者經廣說

如是我聞一時佛住娑祇城安禪林中尔時衆多比丘尼詣佛所稽首礼足退住一面尔時世尊為衆多比丘尼種種說法示教照喜示教照喜已默然住時諸比丘尼白佛言世尊若無相心三昧不勇不沒解脫已住住已解脫此无相心三昧世尊說是何果何功德佛告諸比丘尼若無相心三昧不勇不沒解脫已住住已解脫此无相心三昧智果智功德時諸比丘尼聞世尊所說歡喜隨喜作礼而去時衆多比丘尼往詣尊者阿難所

稽首礼足退坐一面白尊者阿難若
无相心三昧不勇不沒解脫已住住
已解脫此三昧說是何果何功德尊
者阿難語諸比丘尼姊妹若无相心
三昧不勇不沒解脫已住住已解脫
世尊說是智果智功德諸比丘尼言
奇哉尊者阿難大師及弟子同句同
味同義所謂第一句義今諸比丘尼
詣世尊所以如是句如是味如是義
問世尊世尊亦已如是句如是味如
是義為我等說如尊者阿難所說不
異是故奇特大師及弟子同句同味
同義時諸比丘尼聞尊者阿難所說
歡喜隨喜作礼而去

如是我聞一時佛住拘睺弥國瞿師
羅園尔時尊者阿難亦在彼住時有
闍知羅比丘尼詣尊者阿難所稽首
礼足退坐一面問尊者阿難若无相
心三昧不勇不沒解脫已住住已解
脫尊者阿難世尊說此何果何功德
尊者阿難語闍知羅比丘尼若无相
心三昧不勇不沒解脫已住住已解
脫世尊說是智果智功德闍知羅比

比丘言奇哉尊者阿難大師及弟子
同句同味同義尊者阿難昔於一時
佛在婆祇城安禪林中時有衆多比
丘尼往詣佛所問如此義今時世尊
以如是句如是味如是義為諸比丘
尼說是故當知奇特大師弟子所說
同句同味同義所謂第一句義時闍
知羅比丘尼聞尊者阿難所說歡喜
隨喜作礼而去

如闍知羅比丘尼迦羅跋比丘尼
亦令

如是我聞一時佛住俱睺彌國瞿師
羅園今時尊者阿難亦住俱睺彌國
瞿師羅園時有異比丘得无相心三
昧作是念我若詣尊者阿難所問尊
者阿難若比丘得無相心三昧不勇
不沒解脫已住住已解脫此无相心
三昧何果世尊說此何功德尊者阿
難若問我言比丘汝得此无相心三
昧耶我未曾有實問異答我當隨逐
尊者阿難脫有餘人問此義者因而
得聞彼比丘即隨尊者阿難經六年
中无有餘人問此義者即自問尊者

阿難若比丘問無相心三昧不勇不
沒解脫已住住已解脫世尊說此是
何果何功德尊者阿難問彼比丘言
比丘汝得此三昧彼比丘默然住尊
者阿難語彼比丘言若比丘得无相
心三昧不勇不沒解脫已住住已解
脫世尊說此是智果智功德尊者阿
難說此法時異比丘聞其所說歡喜
奉行

雜阿含經卷第三十

癸卯歲高麗國大藏都監奉
勅雕造

雜阿含經卷第二十一

威

宋天竺三藏求那跋陀羅譯

如是我聞一時佛住波羅利弗妬路國尊者阿難及尊者迦摩亦在波羅利弗妬路鷄林精舍時尊者迦摩詣尊者阿難所共相問訊慰勞已於一面坐語尊者阿難奇哉尊者阿難有眼有色有耳有聲有鼻有香有舌有味有身有觸有意有法而有比丘有是等法能不覺知云何尊者阿難彼比丘為有想不覺知為無想故不覺知尊者阿難語迦摩比丘言有想者亦不覺知況復無想復問尊者阿難何等為有想於有而不覺知尊者阿難語迦摩比丘言若比丘離欲惡不善法有覺有觀離生喜樂初禪具足住如是有想比丘有法而不覺知如是第二第三第四禪空入處識入處無所有入處具足住如是有想比丘有法而不覺知云何無想有法而不覺知如是比丘一切想不憶念無想心三昧身作證具足住是名比丘无

想於有法而不覺知尊者迦摩比丘
復問尊者阿難若比丘無想心三昧
不涌不沒解脫已住住已解脫世尊
說此是何果何功德尊者阿難語迦
摩比丘言若比丘無想心三昧不涌
不沒解脫已住住已解脫世尊說此
是智果智功德時二正士共論議已
歡喜隨喜各從坐起去

如是我聞一時佛住俱睺彌國瞿師
羅園今時尊者阿難亦在彼住時尊
者阿難告諸比丘若比丘比丘居於
我前自記說我當善哉慰勞問評或
求以四道何等為四若比丘比丘居
坐作如是住心善住心居住心調伏
心止觀一心等受分別於法量度修
習多修習已得斷諸使若有比丘比
丘居於我前自記說我則如是善哉
慰喻或求名說初道復次比丘比
丘居正坐思惟於法選擇思量住心
善住居住調伏止觀一心等受如是
正向多住得離諸使若有比丘比丘
居於我前自記說我當如是善哉慰
喻或求名第二說道復次比丘比

比丘居為掉亂所持以調伏心坐正坐
住心善住心局住心調伏止觀一心
等受化如是正向多住已則斷諸使
若有比丘比丘居於我前自記說我
則如是善哉慰喻或求是名第三說
道復次比丘比丘居止觀和合俱行
作如是正向多住則斷諸使若比丘
比丘居於我前自記說者我則如是
善哉慰喻教誡或求是名第四說道
時諸比丘問尊者阿難所說歡喜奉行
如是我聞一時佛住俱睺彌國瞿師
羅園尊者阿難亦在彼住時有異婆
羅門詣尊者阿難所共相問評慰勞
已於一面坐問尊者阿難何故於沙
門瞿曇所修梵行尊者阿難語婆羅
門為斷故復問尊者何所斷答言斷
愛復問尊者阿難何所依而得斷愛
答言婆羅門依於欲而斷愛復問尊
者阿難豈非無邊際答言婆羅門非
無邊際如有邊際非無邊際復問
尊者阿難云何有邊際非無邊際答
言婆羅門我今問汝隨意答我婆羅
門於意云何汝先有欲來詣精舍不

婆羅門答言如是阿難如是婆羅門
來至精舍已彼欲息不答言如是尊
者阿難彼精進方便籌量來詣精
舍復問至精舍已彼精進方便籌量
息不答言如是尊者阿難復語婆羅
門如是婆羅門如來應等正覺所知
所見說四如意足以一乘道淨衆生
滅苦惱斷憂悲何等為四欲定斷行
成就如意足精進定心定思惟定斷
行成就如意足如是聖弟子修欲定
斷行成就如意足依離依無欲依出
要依滅向於捨乃至斷愛愛斷已彼
欲亦息修精進定心定思惟定斷行
成就依離依無欲依出要依滅向於
捨乃至愛盡愛盡已思惟則息婆羅
門於意云何此非邊際耶婆羅門言
尊者阿難此是邊際非不邊際今時
婆羅門聞尊者阿難所說歡喜隨喜
從座起去

如是我聞一時佛住拘睺彌國瞿師
羅園尊者阿難亦在彼住今時瞿
師羅長者詣尊者阿難所稽首礼足
退坐一面白尊者阿難云何名為世

聞說法者云何名世間善向云何名
世間善到尊者阿難語瞿師羅長者
我今問汝隨意答我長者於意云何
若有說法調伏貪欲調伏瞋恚調伏
愚癡得名世間說法者不長者答言
尊者阿難若有說法能調伏貪欲瞋
恚愚癡是則名為世間說法復問長
者於意云何若世間向調伏貪欲調
伏瞋恚調伏愚癡是名世間善向若
世間已調伏貪欲瞋恚愚癡是名善
到耶為非耶長者答言尊者阿難若
調伏貪欲已斷無餘瞋恚愚癡已斷
無餘是名善到尊者阿難答言長者
我試問汝汝便真實答我其義如此
當受持之瞿師羅長者聞尊者阿難
所說歡喜隨喜作禮而去

如是我聞一時佛住毗舍離祇桓池
側重閣講堂尊者阿難亦在彼住介
時無畏離車是足捷弟子聰明童子
離車是阿耨毗弟子俱往尊者阿難
所共相問評慰勞已於一面坐時無
畏離車語尊者阿難我師足捷子滅
熾然法清淨超出為諸弟子說如是道

宿命之業行苦行故志能吐之身業
不作斷截橋梁於未來世無復諸漏
諸業永盡業永盡故衆苦永盡苦永
盡故究竟苦邊尊者阿難此義云何
尊者阿難語離車言如來應等正覺
所知所見說三種離熾然清淨超出
道以一乘道淨衆生離憂悲越苦惱
得真如法何等為三如是聖弟子住
於淨戒受波羅提木叉威儀具足信
於諸罪過生怖畏想受持如是具足
淨戒宿業漸吐得現法離熾然不待
時節能得正法通達現見觀察智慧
自覺離車長者名如來應等正覺
說所知所見說離熾然清淨超出以
一乘道淨衆生滅苦惱越憂悲得真
如法復次離車如是淨戒具足離欲
惡不善法乃至第四禪具足住足名
如來應等正覺說離熾然乃至得如
實法復有三昧正受於此苦聖諦如
實知此苦集聖諦苦滅聖諦苦滅道
跡聖諦如實知具足如是智慧心業
更不造宿業漸已斷得現正法離諸
熾然不待時節通達現見生自覺智

離車是名如來應等正覺所知所見
說第三離熾然清淨超出以一乘道
淨衆生離苦惱滅憂悲得如實法今
時左捷弟子離車無畏默然住今時
阿耨毗弟子離車聰慧重語離車無
畏言恠我無畏何默然住於如來應
等正覺所說所知所見善說法聞不
隨喜耶離車無畏答言我思惟其義
故默然住耳誰聞世尊沙門瞿曇所
說法不隨喜者若有聞沙門瞿曇說
非義不饒益苦時左捷弟子離車無
畏阿耨毗弟子聰慧重聞佛所說法
尊者阿難隨所說歡喜隨喜從座
起去

如是祇園一時佛住舍衛國祇樹給
孤獨園尊者阿難亦在彼住時有異
比丘左於尊者阿難所起深著心遣
使白尊者阿難我身遇病苦唯願尊
者哀愍見看尊者阿難晨朝著衣持
鉢往彼比丘左所彼比丘左遙見尊
者阿難來露身體卧牀上尊者阿難
遙見彼比丘左身即自攝斂諸根

迴身背住彼比丘尼見尊者阿難攝
毀諸根迴身背住即自慙愧起著衣
服敷坐具出迎尊者阿難請令就座
稽首礼足退住一面時尊者阿難為
說法言姊妹如此身者穢食長養憍
慢長養愛所長養婬欲長養姊妹依
穢食者當斷穢食依於慢者當斷憍
慢依於愛者當斷愛欲姊妹云何名
依於穢食當斷穢食謂聖弟子於食
計數思惟而食無著樂想無憍慢想
無摩拭想無莊嚴想為持身故為養
活故治飢渴病故攝受梵行故宿諸
受今滅新諸受不生崇習長養若力
若樂若觸當如是住譬如商客以酥
油膏以膏其車無涂著想無憍慢想
無摩拭想無莊嚴想為運載故如病
瘡者塗以酥油無著樂想無憍慢想
無摩拭想無莊嚴想為瘡愈故如是
聖弟子計數而食無涂著想無憍慢
想無摩拭想無莊嚴想為養活故治
飢渴故攝受梵行故宿諸受離新諸
受不起若力若樂若無罪觸安隱住
姊妹是名依食斷食依慢斷慢者云

何依慢斷慢謂弟子聞某尊者某尊者弟子盡諸有漏無漏心解脫慧解脫現法自知作證我生已盡梵行已立所作已作自知不受後有聞已作是念彼聖弟子盡諸有漏乃至自知不受後有我今何故不盡諸有漏何故不自知不受後有當於今時則能斷諸有漏乃至自知不受後有姊妹是名依慢斷慢姊妹云何依愛斷愛謂聖弟子聞某尊者某尊者弟子盡諸有漏乃至自知不受後有我等何不盡諸有漏乃至自知不受後有彼於今時能斷諸有漏乃至自知不受後有姊妹是名依愛斷愛姊妹無所行者斷截婬欲和合槁梁尊者阿難說是法時彼比丘丘遠塵離垢得法眼淨彼比丘丘見法得法覺法入法度狐疑不由於他於正法律心得无畏礼尊者阿難足白尊者阿難我今發露悔過愚癡不善脫作如是不流類事今於尊者阿難所自見過自知過發露懺悔哀愍故尊者阿難語比丘尼汝今真實自見罪自知罪愚癡

不善汝自知作不類之罪汝今自知
自見而悔過於未來世得具足戒我
今受汝悔過哀愍故令汝善法增長
終不退減所以者何若有自見罪自
知罪能悔過者於未來世得具足戒
善法增長終不退減尊者阿難為彼
比丘且種種說法示教照喜已從座
起去

如是我聞一時佛在橋池人間遊行
與尊者阿難俱至婆頭聚落國北身
怒林中介時婆頭聚落諸童子聞尊
者阿難橋池人間遊行住婆頭聚落
國北身怒林中間已相呼聚集往詣
尊者阿難所稽首礼尊者阿難足退
坐一面時尊者阿難語諸童子言帝
種如來應等正覺說四種清淨戒清
淨心清淨見清淨解脫清淨云何為
戒清淨謂聖弟子住於戒波羅提木
叉戒增長威儀具足於微細罪能生
恐怖受持學戒戒身不滿者能令滿
足已滿者隨順執持欲精進方便超
出精勤勇猛堪能諸身心法常能攝
受是名戒淨斷苦種云何名為心淨

斷謂聖弟子離欲惡不善法乃至第四禪具足住定身未滿者令滿已滿者隨順執受欲精進乃至常執受是名心淨斷苦種云何名為見淨斷謂聖弟子聞大師說法如是如是說法則如是如是入如實正觀如是如是得歡喜得隨喜得從於佛復次聖弟子不聞大師說法然從餘明智尊重梵行者說聞尊重梵行者如是如是說則如是如是入如實觀察如是如是是觀察於彼法得歡喜隨喜信於正法復次聖弟子不聞大師說法亦復不聞明智尊重梵行者說隨先所聞受持者重誦習隨先所聞受持者如是如是重誦已如是如是得入彼法乃至信於正法復次聖弟子不聞大師說法不聞明智尊重梵行者說又復不能先所受持重誦習然先所聞法為人廣說先所聞法如是如是為人廣說如是如是得入於法正智觀察乃至信於正法復次聖弟子不聞大師說法復不聞明智尊重梵行者說又復不能先所受持重誦習亦復

不以先所聞法為人廣說然於先所
聞法獨一靜處思惟觀察如是如是
思惟觀察如是如是得入正法乃至
信於正法如是從他聞內正思惟是
名未起正見今起已起正見今增廣
是名未滿戒身今滿已滿者隨順攝
受欲精進方便乃至常攝受是名見
淨斷苦種云何為解脫清淨斷謂聖
弟子貪心無欲解脫恚癡心無欲解脫
如是解脫未滿者令滿已滿者隨順
攝受欲精進乃至常攝受是名解脫
淨斷苦種尊者阿難說是法時婆頭
聚落諸童子聞尊者阿難所說歡
喜隨喜作禮而去

如是我聞一時佛住菴羅聚落菴羅
林中與衆上座比丘俱時有質多羅
長者詣諸上座比丘稽首禮足退坐
一面時諸上座比丘為質多羅長者
種種說法示教照喜種種說法示教
照喜已默然住時質多羅長者稽首
禮諸上座比丘足往詣那伽達多比
丘房稽首禮那伽達多比丘足退坐
一面時那伽達多比丘問質多羅長

者如所說

枝青以白覆一輻轉之車 離結觀察來
斷派不復縛

長者此偈有何義質多羅長者言尊
者那伽達多世尊說此偈耶荅言如
是質多羅長者語尊者那伽達多言
尊者須臾默然我當思惟此義須臾
默然思惟已語尊者那伽達多言青
者謂戒也白覆謂解脫也一輻者身
念也轉者轉出也車者止觀也離結
者有三種結謂貪恚癡彼阿羅漢諸
漏已盡已滅已知已斷根本如截多
羅樹頭更不復生未來世滅不起法
觀察者謂見也來者人也斷派者愛
派於生死彼羅漢比丘諸漏已盡已
知斷其根本如截多羅樹頭不復生
於未來世成不起法不縛者謂三縛貪
欲縛瞋恚縛愚癡縛彼阿羅漢比丘
諸漏已盡已斷已知斷其根本如截
多羅樹頭更不復生於未來世成不
起法是故尊者那伽達多世尊說此偈
枝青以白覆一輻轉之車 離結觀察來
斷派不復縛

此世尊所說偈我已分別也尊者那伽達多問質多羅長者言此義汝先聞耶答言不聞尊者那伽達多言長者汝得善利於此甚深佛法賢聖慧眼得入時質多羅長者聞尊者那伽達多所說歡喜隨喜作禮而去

如是我聞一時佛住菴羅聚落菴羅林精舍與衆多上座比丘俱時有質多羅長者詣諸上座比丘所稽首禮足退坐一面時諸上座比丘為質多羅長者種種說法示教照喜示教照喜已默然住時質多羅長者詣尊者那伽達多比丘所稽首禮足退坐一面尊者那伽達多告質多羅長者有無量心三昧無相心三昧無所有心三昧空心三昧云何長者此法為種種義故種種名為一義有種種名質多羅長者問尊者那伽達多此諸三昧為世尊所說為尊者自意說耶尊者那伽達多答言此世尊所說質多羅長者語尊者那伽達多聽我小思惟此義然後當答須臾思惟已語尊者那伽達多有法種種義種種句種

種種味有法一義種種味復問長者云
何有法種種義種種句種種味長者
答言無量三昧者謂聖弟子心與慈
俱無怨無憎無恚寬弘重心无量修
習普緣一方充滿如是二方三方四
方上下一切世間心與慈俱無怨无
憎無恚寬弘重心无量修習充滿諸
方一切世間普緣住是名無量三昧
云何為無相三昧謂聖弟子於一切
相不念無相心三昧身作證是名無
相心三昧云何無所有心三昧謂聖
弟子度一切無量識入處無所有无
所有心住是名無所有心三昧云何空
三昧謂聖弟子世間空世間空如實
觀察常住不變易非我所是名
空心三昧是名為法種種義種種句
種種味復問長者云何法一義種種
味答言尊者謂貪是有量若無諍者第
一無量謂貪者是有相恚癡者是有
相無諍者是無相貪者是所有恚癡
者是所有無諍者是無所有復次無
諍者空於貪空於恚癡空常住不變
易空非我所是名法一義種種

味尊者那伽達多問言云何長者此
義汝先所聞耶答言尊者不聞復告
長者汝得大利於甚深佛法現賢聖
慧眼得入質多羅長者聞尊者那伽
達多所說歡喜隨喜作札而去

如是我聞一時佛住菴羅聚落菴羅
林中與諸上座比丘俱時有質多羅
長者詣諸上座比丘所札諸上座已
詣尊者伽摩比丘所稽首礼足退坐
一面白尊者伽摩比丘所謂行者云
何名行伽摩比丘言行者謂三行身
行口行意行復問云何身行云何口
行云何意行答言長者出息入息名
為身行有覺有觀名為口行想思名
為意行復問何故出息入息名為身
行有覺有觀名為口行想思名為意
行答長者出息入息是身法依於身
屬於身依身轉是故出息入息名為
身行有覺有觀故則口語是故有覺
有觀是口行想思是意行依於心屬
於心依心轉是故想思是意行復問
尊者覺觀已發口語是覺觀名為口
行想思是心數法依於心屬於心想

轉是故想忍名為意行復問尊者有幾法

若人捨身時彼身死卧地棄於丘塚間無心如木石

答言長者

壽暖及與識捨身時俱捨彼身棄塚間無心如木石

復問尊者若死者入滅盡正受有差別不答捨於壽暖諸根悉壞身命分離是名為死滅盡定者身口意行滅不捨壽命不離於暖諸根不壞身命相屬此則命終入滅正受差別之相復問尊者云何入滅正受答言長者入滅正受不言我入滅正受我當入滅正受然先作如是漸息方便如先方便向入正受復問尊者入滅正受時先滅何法為身行為口行為意行耶答言長者入滅正受者先滅口行次身行次意行復問尊者云何為出滅正受答言長者出滅正受者亦不念言我今出正受我當出正受然先已作方便心如其先心而起復問尊者起滅正受者何法先起為身行為

口行為意行耶答言長者從滅正受起者意行先起次身行後口行復問尊者入滅正受者云何順趣流注浚輸答言長者入滅正受者順趣於離流注於離浚輸於離順趣於出流注於出浚輸於出順趣涅槃流注涅槃觸幾觸答言長者觸不動觸无相觸無所有復問尊者入滅正受時為作幾法答言長者此應先問何故今問然當為浚說比丘入滅正受者作於二法止以觀時質多羅長者聞尊者迦摩所說歡喜隨喜作礼而去

如是我聞一時佛住菴羅聚落菴羅林中與衆多上座比丘俱時質多羅長者詣諸上座比丘所稽首礼足於一面坐諸上座比丘為質多羅長者種種說法示教照喜示教照喜已默然住時質多羅長者從座起偏袒右肩右膝著地合十拍掌請諸上座言唯願諸尊受我薄食時諸上座默然受請時彼長者知諸上座默然受請已礼足而去還歸自家辦種種飲食

敷牀座晨朝遣使白時到時諸上座
著木持鉢至長者舍就座而坐長者
稽首礼諸上座足於一面坐白諸上
座所謂種種界云何為種種界時諸
上座默然而住如是再三小時尊者
梨羣達多衆中下坐白諸上座比丘
言諸尊我欲答彼長者所問諸上座
答言可長者質多羅即問言尊者所
謂種種界何等種種界梨羣達多答
言長者眼界異色界異眼識界異耳
界異聲界異耳識界異鼻界異香界
異鼻識界異舌界異味界異舌識界
異身界異觸界異身識界異意界
異法界異意識界異如是長者是名
種種界今時質多羅長者下種種淨
美飲食供養衆僧食已澡嗽洗鉢訖
質多羅長者敷一卑牀於上座前坐
聽法今時上座為長者種種說法示
教照喜已從座起去時諸上座於路
中語梨羣達多善哉善哉梨羣達多
比丘汝真辯樵知事而說若於餘時
汝應常如此應時諸上座聞梨羣達
多所說歡喜奉行

如是我聞一時佛住菴羅聚落菴羅
林中與衆多上座比丘俱時質多羅
長者詣諸上座所稽首礼足退坐一
面白諸上座言諸世間所見或說有
我或說衆生或說壽命或說世間吉
凶云何尊者此諸異見何本何集何
生何轉時諸上座默然不答如是三
問亦三默然時有一下座比丘名梨
犀達多白諸上座言我欲答彼長者
所問諸上座言善能答者答時長者
即問梨犀達多尊者凡世間所見何
本何集何生何轉尊者梨犀達多答
言長者凡世間所見或言有我或說
衆生或說壽命或說世間吉凶斯等
諸見一切皆以身見為本身見集身
見生身見轉復問尊者云何為身見
答言長者愚癡無聞凡夫見色是我
色異我色中我我中色受想行識見
是我識異我我中識識中我長者是名
身見復問尊者云何得無此身見答
言長者謂多聞聖弟子不見色是我
不見色異我不見我中色色中我不見
受想行識是我我不見識異我不見我

中識識中我是名得無身見復問尊者其父何名於何所生答言長者我生於後方長者家質多羅長者語尊者梨摩達多我及尊者二父本是善知識梨摩達多答言如是長者質多羅長者語梨摩達多言尊者若能住此菴羅林中我盡形壽供養衣服飲食隨病湯藥尊者梨摩達多默然受請時尊者梨摩達多受質多羅長者請供養障身故久不詣世尊所時諸上座比丘為質多羅長者種種說法示教照喜示教照喜已質多羅長者歡喜隨喜作礼而去

如是我聞一時佛住菴羅聚落菴羅林中與衆多上座比丘俱時有質多羅長者詣諸上座所稽首礼足還坐一面白諸上座比丘言唯願諸尊於坐牧中受我請食時諸上座默然受請質多羅長者知諸上座默然受請已即自還家星夜備具種種飲食晨朝敷座遣使白諸上座時到諸上座著衣持鉢至牛牧中質多羅長者合就座而坐時質多羅長者自手供養

種種飲食已洗鉢澡漱畢質多羅長者敷一卑牀於上座前坐聽法時諸上座為長者說種種法示教照喜示教照喜已從座起去質多羅長者亦隨後去諸上座食諸酥酪蜜飽滿於春後月熱時行路悶極尔時有一下座比丘名摩訶迦白諸上座今日大熱我欲起雲雨微風可尔不諸上座荅言汝能尔者佳時摩訶迦即入三昧如其正受應時雲起細雨微下涼風疊疊從四方來至精舍門尊者摩訶迦語諸上座言所作可止荅言可止時尊者摩訶迦即止神通還於自房時質多羅長者作是念最下座比丘而能有此大神通力况復中座及與上座即礼諸上座比丘足隨摩訶迦比丘至所住房礼尊者摩訶迦足退坐一面白言尊者我欲得見尊者過人法神足現化尊者摩訶迦言長者勿見恐怖如是三請亦三不許長者由復重請願見尊者神通變化尊者摩訶迦語長者言汝且出外取乾草木積聚已以一張氍毹覆上質多

羅長者即如其教出外聚薪成積米
白尊者摩訶迦新積已成以甕覆上
時尊者摩訶迦即入火光三昧於戶
鈎孔中出火焰光燒其積薪都盡唯
白甕不然語長者言汝今見不答言
已見尊者實為奇特尊者摩訶迦語
長者言當知此者皆以不放逸為本
不放逸集不放逸生不放逸轉不放
逸故得阿耨多羅三藐三菩提是故
長者此及餘功德一切皆以不放逸
為本不放逸集不放逸生不放逸轉
不放逸故得阿耨多羅三藐三菩提
及餘道品法質多羅長者白尊者摩
訶迦願常住此林中我當盡壽衣被
緣故不受其請質多羅長者聞說法
已歡喜隨喜起座起作札而去
尊者摩訶迦不欲令供養利障罪故
即從座起去遂不復還

如是我聞一時佛住菴羅林中與衆
多上座比丘俱舍時衆多上座比丘
集於食堂作如是論議諸尊於意云
何謂眼繫色耶色繫眼耶如是耳聲

鼻香舌味身觸意法為意繫法耶法
繫意耶時質多羅長者行有所營便
過精舍見諸上座比丘集於食堂即
便前礼諸上座足礼足已問言尊者
集於食堂論說何法諸上座荅言長
者我等今日集此食堂作如此論為
眼繫色耶色繫眼耶如是耳聲鼻香
舌味身觸意法為意繫法耶為法繫
意耶長者問言諸尊者於此義云何
記說諸上座言於長者意云何長者
荅諸上座言如我意謂非眼繫色非
色繫眼乃至非意繫法非法繫意然
中間有欲貪者隨彼繫也譬如二牛
一黑一白駕以輓轅有人問言為黑
牛繫白牛為白牛繫黑牛為等問不
荅言長者非等問也所以者何非黑
牛繫白牛亦非白牛繫黑牛然彼輓
轅是其繫也如是尊者非眼繫色非
色繫眼乃至非意繫法非法繫意然
其中間欲貪是其繫也時質多羅長
者聞諸上座所說歡喜隨喜作礼
而去

如是我聞一時佛住菴羅林中時有

阿耨耨外道是質多羅長者先人親
厚來詣質多羅長者所共相問評慰
勞已於一面住質多羅長者問阿耨
耨外道汝出家幾時答言長者我出
家已來二十餘年質多羅長者問言
汝出家來過二十年為得過人法究
竟知見安樂住不答言長者雖出家
過二十年不得過人法究竟知見安
樂住唯有躰形拔黷乞食人間遊行
卧於土中質多羅長者言此非名稱
法律此是惡知非出要道非曰等覺
非讚歎處不可依止唐名出家過二十
年躰形拔黷乞食人間遊行卧灰土
中阿耨耨問質多羅長者汝為沙門
瞿曇作弟子於今幾時質多羅長者
答言我為世尊弟子過二十年復問
質多羅長者汝為沙門瞿曇弟子過
二十年復得過人法勝究竟知見不
質多羅長者答言汝今當知質多羅
長者要不復經由胞胎而受生不復
增於丘塚不復起於血氣如世尊所
說五下分結不見一結而不斷者若
一結不斷當復還生此世如是說時

阿耆毗迦悲歎涕淚以衣拭面謂質
多羅長者言我今當作何計質多羅
長者答言汝若能於正法律出家者
我當給汝衣鉢供身之具阿耆毗迦
須臾思惟已語質多羅長者言我今
隨喜示我所作時質多羅長者將彼
阿耆毗迦往詣諸上座所礼諸上座
足於一面坐白諸上座比丘言尊者
此阿耆毗迦是我先人親厚今求出
家作比丘願諸上座度令出家我當
供給衣鉢衆具諸上座即令出家剃
除鬚髮著袈裟衣出家已思惟所以

喜男子剃除鬚髮著袈裟衣出家增
進學道淨修梵行得阿羅漢

如是我聞一時佛住菴羅聚落菴羅
林中與諸上座比丘俱時有居士捷若
提子與五百眷屬詣菴羅林中欲誘
質多羅長者以為弟子質多羅長者
聞居士捷若提子將五百眷屬來詣菴
羅林中欲誘我為弟子聞已即往詣
其所共相問評畢各於一面坐時居
捷若提子語質多羅長者言汝信沙
門翟曇得無覺無觀三昧耶質多羅

長者答言我不以信故來也阿耨毗
言長者汝不諂不幻質直質直所生
長者若能息有覺有觀者亦能以繩
繫縛於風若能息有覺有觀者亦可
以一把土斷恒水流我於行住坐卧
智見常生質多羅長者問居士捷若提
子為信在前耶為智在前耶信之與
智何者為先何者為勝居士捷若提子
答言信應在前然後有智信智相比
智則為勝質多羅長者語居士捷若提
子我已求得息有覺有觀內淨一心
無覺無觀三昧生喜樂第二禪具足
住或晝亦住此三昧夜亦住此三昧
終夜常住此三昧有如是智何用信
世尊為居士捷若提子言汝諂曲幻偽
不直不直所生質多羅長者言汝先
言我不諂曲不幻質直質直所生今
云何言諂曲幻偽不直不直所生耶
若汝前實者後則虛後實者前則虛
汝先言我於行住坐卧智見常生汝
於前後小事不知云何知過人法若
知若見安樂住事長者復問居士捷若
提子有於一問一說一記論乃至十

問十說十記論汝有此不若元一問一
說一記論乃至十問十說十記論云
何能誘於我而來至此菴羅林中欲
誘誑我於是屈捷若提子息閑掉頭
反拱而出不復還顧

如是我聞一時佛住菴羅聚落菴羅
林中與衆多上座比丘俱尔時質多
羅長者病苦諸親圍遶有衆多諸天
來詣長者所語質多羅長者言長者
汝當發願得作轉輪王質多羅長者
語諸天言若作轉輪王彼亦無常苦
空無我時長者親屬語長者汝當繫
念汝當繫念質多羅長者語親屬何
故汝等教我繫念繫念彼親屬言汝
作是言無常苦空無我是故教汝繫
念繫念也長者語諸親屬有諸天人
來至我所語我言汝當發願得作轉
輪聖王隨願得果我即答言彼轉輪
王亦復無常苦空非我彼諸親屬語
質多羅長者轉輪王有何而彼諸天
教汝願求長者答言轉輪王者以正
法治化是故諸天見如是福利故而
來教我為發願求諸親屬言汝今用

心當如之何長者答言諸親屬我今
作心唯不復見胞胎受生不增丘塚
不受血氣如世尊說五下分結我不
見有我不自見一結不斷若結不斷
則還生此世於是長者即從牀起結
加趺坐正念在前而說偈言

服食積所積廣度於衆難施上進福田
殖斯五種力以斯義所欲俗人處於家
我志得此利已免於衆難世間所聞習
遠離衆難事生樂和稍難隨順等正覺
供養持戒者善修諸梵行漏盡阿羅漢
及聲聞牟尼如是超越見於上諸勝處
常行士夫施剋終獲大果習行衆多施
施諸良福田於此世命終化生於天上
五欲具足滿無量心悅樂獲斯妙果報
以無慳慳故在所處受生未曾不歡喜
質多羅長者說此偈已尋即命終生
於不煩熱天尔時質多羅天子作是
念我不應傳此當往閻浮提禮拜諸
上座比丘如力士屈伸臂頃以天神力
至菴羅林中放身天光遍照菴羅林
時有異比丘夜起出房露地經行見
勝光明普照樹林即說偈言

是誰妙天色 住於虛空中 譬如純金山
問浮檀淨光

質多羅天子說偈答言

我是天人王 瞿曇名稱子是 菴羅林中
質多羅長者以淨戒具足 繫念自寂靜
解脫身具足 智慧身亦然 我和法故來
仁者應當知 當於彼涅槃 此法法如是
質多羅天子說此偈已 即沒不現

雜阿含經卷第二十一

甲辰歲高麗國大藏都監奉
勅雕造

雜阿含經卷第二十二

威

宋天竺三藏求那跋陀羅譯

如是我聞一時佛在舍衛國祇樹給
孤獨園時有一天子容色絕妙於後
夜時來詣佛所稽首佛足退坐一面
身諸光明遍照祇樹給孤獨園時彼
天子說偈白佛

不處難陀林終不得快樂
忉利天宮中得天帝名稱

今時世尊說偈答言

童蒙汝何知阿羅漢所說一切行無常
是則生滅法生者既復滅俱寂滅為樂
時彼天子復說偈言

久見婆羅門逮得般涅槃一切怖已過
永超世恩愛

時彼天子聞佛所說歡喜隨喜稽首
佛足即沒不現

如是我聞一時佛住舍衛國祇樹給
孤獨園時有一天子容色絕妙於後
夜時來詣佛所稽首佛足退坐一面
身諸光明遍照祇樹給孤獨園時彼
天子即說偈言

斷一切鈎鎖 牢住無有家 沙門者教化
我不說善哉

尔時世尊說偈答言

一切衆生類 悉共相纏縛 其有智慧者
孰能不慙傷 善逝哀愍故 常教授衆生

哀愍衆生者是法之所應

時彼天子復說偈言

久見婆羅門 遠得般涅槃 一切怖已過
永超世恩愛

時彼天子聞佛 所說歡喜隨喜即沒
不現

如是我聞一時佛在舍衛國祇樹給
孤獨園時有天子容色絕妙於後夜
時來詣佛所稽首佛足身諸光明遍
照祇樹給孤獨園時彼天子而說偈言
常習慙愧心 此人時時有 能遠離諸惡
如願樂良馬

尔時世尊說偈答言

常習慙愧心 此人實希有 能遠離諸惡
如願樂良馬

時彼天子復說偈言

久見婆羅門 遠得般涅槃 一切怖畏過
永超世恩愛

時彼天子聞佛所說歡喜隨乎法而
佛足即沒不現

如是我聞一時佛在舍衛國祇樹給
孤獨園時有天子容色絕妙於後夜
時來詣佛所稽首佛足身諸光明遍
照祇樹給孤獨園時彼天子說偈
問佛

不習近正法樂著諸邪見睡眠不自覺
長劫心能悟

余時世尊說偈答言

專修於正法遠離不善業是漏盡羅漢
嶮惡世平等

時彼天子復說偈言

久見婆羅門逮得般涅槃一切怖惡過
永超世思愛

時彼天子聞佛所說歡喜隨喜稽首
佛足即沒不現

如是我聞一時佛在舍衛國祇樹給
孤獨園時有天子容色絕妙於後夜
時來詣佛所稽首佛足身諸光明遍
照祇樹給孤獨園時彼天子而說偈言
以法言調伏不隨於諸見雖復片時眠

則常隨時悟

余時世尊說偈答言

若以法調伏不隨餘異見無知已究竟
能度世恩愛

時彼天子復說偈言

久見婆羅門逮得般涅槃一切怖已過
永超世恩愛

時彼天子聞佛所說歡喜隨喜稽首
佛足即沒不現

如是我聞一時佛在舍衛國祇樹給
孤獨園時有天子容色絕妙於後夜
時來詣佛所稽首佛足身諸光明遍
照祇樹給孤獨園時彼天子說偈問佛
若羅漢比丘自所作已作一切諸漏盡
持此後邊身記說言有我及說我所不
余時世尊即說偈答

若羅漢比丘自所作已作一切諸漏盡
持此後邊身正復說有我我所亦無咎
時彼天子復說偈言

若羅漢比丘自所作已作一切漏已盡
持此最後身心依於我慢而說言有我
及說於我所如有如是說不

余時世尊說偈答言

已離於我慢無復我慢心超越我我所

我說為漏盡於彼我我所心已永不著
善解世名字平等假名說

時彼天子復說偈言

久見婆羅門遠得般涅槃一切怖已過
永超世恩愛

時彼天子聞佛所說歡喜隨喜稽首
佛足即沒不現

如是我聞一時佛在舍衛國祇樹給
孤獨園時有天子容色絕妙於後夜
時來詣佛所稽首佛足身諸光明遍
照祇樹給孤獨園時彼天子說偈白佛
若羅漢比丘漏盡持後身頗說言有我
及說我所不

亦時世尊說偈答言

若羅漢比丘漏盡持後身亦說言有我
及說有所

時彼天子復說偈言

若羅漢比丘自所作已作已盡諸有漏
唯持最後身何言說有所說何是我所
亦時世尊說偈答言

若羅漢比丘自所作已作一切諸漏盡
唯持最後身說我漏已盡亦不著我所
善解世名字平等假名說

時彼天子聞佛所說歡喜隨喜終首
佛足即沒不現

如是我聞一時佛住舍衛國祇樹給
孤獨園。爾時羅睺羅阿修羅王障月
天子時諸月天子悉皆恐怖來詣佛
所稽首佛足退住一面說偈歎佛
今礼最勝覺能脫一切障我今遭苦惱
是故來歸依我等月天子歸依於善逝
佛哀愍世間願解阿修羅
余時世尊說偈答言

破壞諸闇冥光明照虛空今毗盧遮那
清淨光明顯羅睺避虛空速放飛兔像
羅睺阿修羅即捨月而還舉體悲流汗
戰怖不自安神昏志迷亂猶如重病人
時有阿修羅名曰婆稚見羅睺羅阿
修羅疾捨月還便說偈言

羅睺阿修羅捨月一何速神體志源汗
猶如重病人

羅睺阿修羅說偈答言

瞿曇說呪得速捨月者或頭破七分
受諸隣死苦

婆稚阿修羅復說偈言

佛其本曾有安隱於世間說呪得能令

羅睺羅捨月

佛說此經已時月天子聞佛所說歡喜隨喜作禮而去

如是我聞一時佛住舍衛國祇樹給孤獨園時有一天子容色絕妙於後夜時來詣佛所稽首佛足退坐一面身諸光明遍照祇樹給孤獨園時彼天子說偈問佛

為有族本不有轉生族耶有俱相屬無去何解於縛

余時世尊說偈答言

我無有族本亦無轉生族俱相屬永斷解脫一切縛

時彼天子復說偈言

何名為族本云何轉生族云何俱相續何名為堅縛

余時世尊說偈答言

母為世族本妻名轉生族子俱是相屬愛欲為堅縛我無此族本亦無轉生族俱相屬亦無是名脫堅縛

時彼天子復說偈言

善哉無族本無生族亦善善哉無相屬善哉縛解脫久見婆羅門逮得脫此

一切怨恙過永超世恩愛

時彼天子聞佛所說歡喜隨喜稽首
佛足即沒不現

如是我聞一時佛住釋氏優羅提那
塔所今時世尊新剃鬚髮於後夜時
結加趺坐直身正意繫念在前以衣
覆頭時優羅提那塔邊有天神往放
身光明遍照精舍白佛言沙門憂耶
佛告天神何所忘失天神復問沙門
為歡喜耶佛告天神為何所得天神
復問沙門不憂不喜耶佛告天神如
是如是今時天神即說偈言

為離諸煩惱 為無有歡喜 云何獨一住
非不樂所壞

余時世尊說偈答言

我無惱解脫 亦無有歡喜 不樂不能壞
故獨一而住

時彼天神復說偈言

云何得無惱 云何無歡喜 云何獨一住
非不樂所壞

余時世尊說偈答言

煩惱生歡喜 喜亦生煩惱 無惱亦無喜
天樂喜難持

時彼天神復說偈言

善哉無煩惱 善哉無歡喜 善哉獨一住
不為不喜壞 久見婆羅門 遠得般涅槃
一切怖已過 永超世恩愛

時彼天神聞佛所說歡喜隨喜稽首
佛足即沒不現

如是我聞一時佛住舍衛國祇樹給
孤獨園時有一天子容色妙絕於後
夜時來詣佛所稽首佛足身諸光明
遍照祇樹給孤獨園時彼天子而說
偈言

猶如利劍害 亦如頭火燃 斷除貪欲火
正念求遠離

今時世尊說偈答言

譬如利劍害 亦如頭火燃 斷除於後身
正念求遠離

時彼天子復說偈言

久見婆羅門 遠得般涅槃 一切怖已過
永超世恩愛

時彼天子聞佛所說歡喜隨喜稽首
佛足即沒不現

如是我聞一時佛住舍衛國祇樹給
孤獨園時有一天子容色絕妙於後

夜時來詣佛所稽首佛足身諸光明
遍照祇樹給孤獨園時彼天子而說
偈言

天女衆圍遶如毗舍脂衆癡惑繫林中
何由而得出

尔時世尊說偈答言

正直平等道離恐怖之方乘寂默之車
法想為密覆慙愧為長席正念為羈絆
智慧善御士正見為前導如是之妙乘
男女之所乘出生死繫林逮得安樂處
時彼天子復說偈言

久見婆羅門遠得般涅槃一切怖已過
永超世恩愛

時彼天子聞佛所說歡喜隨喜稽首
佛足即沒不見

如是我聞一時佛住舍衛國祇樹給
孤獨園時有一天子客色絕妙於後
夜時來詣佛所稽首佛足身諸光明
遍照祇樹給孤獨園時彼天子說偈
問佛

有四轉九門充滿貪欲住深溺烏泥中
大烏土何出

尔時世尊說偈答言

斷愛喜長縻貪欲等諸惡拔愛欲根本
正向於彼處

時彼天子復說偈言

久見婆羅門速得般涅槃一切怖已過
永超世恩愛

時彼天子聞佛所說歡喜隨喜稽首
佛足即沒不現

如是我聞一時佛住舍衛國祇樹給
孤獨園時有一天子容色絕妙於後
夜時來詣佛所稽首佛足退坐一面
身諸光明遍照祇樹給孤獨園時彼
天子說偈問佛

賴吒膝提國有諸商賈客大富足財寶
各各覓求富方便欲財利猶如然熾火
如是覓勝心欲貪常馳騁去何當斷貪
息世間勤求

尔時世尊說偈答言

捨俗出非家妻子及財寶貪恣癡癡欲
羅漢盡諸漏正智心解脫愛盡息方便
時彼天子復說偈言

久見婆羅門速得般涅槃一切怖已過
永超世恩愛

時彼天子聞佛所說歡喜隨喜稽首

佛足即沒不現

如是我聞一時佛住舍衛國祇樹給
孤獨園。爾時世尊告諸比丘。過去世
時拘薩羅國有諸商人五百乘車共
行。治生至曠野中。曠野有五百群賊
在後隨逐。伺便欲作劫盜。時曠野中
有一天神止住路側。時彼天神作是
念。當往詣彼拘薩羅國諸商人所。問
其義理。若彼商人喜我所問。時解說
者。我當方便令其安隱。得脫賊難。若
不喜我所問者。當放捨之。如餘天神
時。彼天神作是念。已。即放身光遍照
商人車營。而說偈言。

誰於覺睡眠 誰復睡眠覺 誰有解此義
誰能為我說

尔時商人中有一優婆塞信佛信法
信比丘僧。一心向佛法。僧。歸依佛法
僧。於佛離疑。於法僧離疑。於苦集滅
道離疑。見四聖諦。得第一無間等果。
在商人中與諸商人共為行侶。彼優婆
塞於後夜時端坐思惟。繫念在前。於
十二因緣逆順觀察。所謂是事有故
是事有是。是事起。故是事起。謂緣無明

行緣行識緣識名色緣名色六入處緣六入處觸緣觸受緣受愛緣愛取緣取有緣有生緣生老死憂悲惱苦如是純大苦聚集如是無明滅則行滅行滅則識滅識滅則名色滅名色滅則受滅受滅則愛滅愛滅則取滅取滅則有滅有滅則生滅生滅則老死憂悲惱苦滅如是如是純大苦聚集滅時彼優婆塞如是思惟已而說偈言

我於覺睡眠我於睡眠覺我解知此義能為人記說

時彼天神問優婆塞云何覺睡眠云何睡眠覺云何能解知云何能記說時優婆塞說偈答言

貪欲及瞋恚愚癡得離欲漏盡阿羅漢正智心解脫彼則為覺悟我於彼睡眠不知因生苦及苦因緣集於此一切苦得無餘滅盡又不知正道等趣息苦處斯等為常眠我於彼則覺如是覺睡眠如是睡眠覺如是善知義如是能記說時彼天神復說偈言

善哉覺睡眠 善哉眠中覺 善哉解知義
善哉能記說 久遠乃今見 諸兄弟而來
緣汝恩力故 令諸商人衆 得免於劫賊
隨道安樂去

如是諸比丘彼拘薩羅澤中諸商人
衆皆得安隱從曠野出佛說此經已
諸比丘聞佛所說歡喜奉行

如是我聞一時佛住舍衛國祇樹給
孤獨園舍時世尊告諸比丘過去世
時海洲上優婆塞至他優婆塞舍會
坐極毀此欲言此欲者虛妄不實欺
誑之法猶如幻化誑於嬰兒還自己
舍恣於五欲是優婆塞舍有天神止
住時彼天神作是念是優婆塞不勝
不類於餘優婆塞舍會坐聚中極毀
毀欲言如是欲者虛偽不實欺誑之
法如誑嬰兒還已舍已自恣五欲我
今寧可發令覺悟而說偈言

於大聚會中 毀欲欲無常 自沒於愛欲
如牛溺深泥 我觀彼會中 諸優婆塞等
多聞明解法 奉持於淨戒 汝見彼樂法
而說欲無常 如何自恣欲 不斷於貪愛
何故樂世間 畜妻子眷屬

時彼天神如是如是開覺彼優婆塞
已如是如是彼優婆塞覺悟已剃除
鬚髮著袈裟衣正信非家出家學道
精勤修習盡諸有漏得阿羅漢佛說
此經已諸比丘聞佛所說歡喜奉行
如是我聞一時佛住王舍城寒林中
丘塚間時給孤獨長者有小因緣至
王舍城止宿長者舍夜見長者告其
妻子僕使作人言汝等皆起破甕然
火炊飯作麴調和果味莊嚴堂舍給
孤獨長者見已作是念今此長者何
所為作為嫁女娶婦耶為請賓客國
王大臣耶念已即問長者汝何所作
為嫁女娶婦為請賓客國王大臣耶
時彼長者答給孤獨長者言我不嫁
女娶婦亦不請呼國王大臣唯欲請
佛及比丘僧設供養耳時給孤獨長
者聞未曾聞佛名字已心大歡喜身
諸毛孔皆悉怡悅問彼長者言何名
為佛長者答言有沙門瞿曇是釋種
子於釋種中剃除鬚髮著袈裟衣正
信非家出家學道得阿耨多羅三藐
三菩提是名為佛給孤獨長者言六

何名僧彼長者言若婆羅門種剝除
鬚髮著袈裟衣信家非家而隨佛出
家或剝利種毗舍種首陀羅種善男
子等剝除鬚髮著袈裟衣正信非家
彼佛出家而隨出家是名為僧今日
請佛及現前僧設諸供養給孤獨長
者問彼長者言我今可得往見世尊
不彼長者答言汝且住此我請世尊
來至我舍於此得見時給孤獨長者
即於其夜至心念佛因得睡眠天猶
未明忽見明相謂天已曉欲出其舍
行向城門至城門下夜始二更城門
未開王家常法待遠使命來往至初
夜盡城門乃閉中夜已盡輒復開門
欲令行人早得往來余時給孤獨長
者見城門開而作是念定是夜過天
曉門開乘明相出於城門出城門已
明相即滅輒還閭冥給孤獨長者心
即恐怖身毛為豎得無為人及非人
或斯姦人恐怖哉耶即便欲還余時
城門側有天神憐時彼天神即放身
光從其城門至窠林丘塚間光明普
照告給孤獨長者言汝且前進可得

勝利慎勿退還時彼天神即說偈言
善良馬百疋黃金滿百斤騾車及馬車
各各有百乘種種諸珍奇重寶載其上
宿命種善根得如此福報若人宗重心
向佛行一步十六分之一過前福之上
是故長者汝當前進慎勿退還即復
說偈

雪山大龍鳥純金為莊飾巨身長大牙
以此為施人不及向佛福十六分之一
是故長者當速前進得其大利非退
還也復說偈言

金善闍國女其數有百人種種聚妙寶
瓔珞具莊嚴以是持施與不及行向佛
一步之功德十六分之一

是故長者當速前進得其勝利非退
還也時給孤獨長者問天神言賢者
汝是何人天神答言我是摩頭息捷
大摩鄰婆先是長者善知識於尊者
舍利弗大目犍連所起信敬心緣斯
功德今得生天與此城門是故告長
者但當進前慎莫退還前進得利非
退還也時給孤獨長者作是念佛興
於世非為小事得聞正法亦非小事

是故天神勸我令進往見世尊時給
孤獨長者尋其光明逕至寒林丘塚
間。爾時世尊出房露地經行給孤獨
長者遙見佛已即至其前以俗人禮
法恭敬問訊。云何世尊安隱卧不。爾
時世尊說偈答言。

婆羅門涅槃是則常安樂。愛欲所不染
解脫永無餘。斷一切希望調伏心熾燃
心得寂止息。止息安隱眠。

爾時世尊將給孤獨長者往入房中
就座而坐。端身繫念。爾時世尊為其
說法。示教照喜。已世尊說諸法無常。宜
布施福事。持戒福事。生天福事。欲味
欲患。欲出遠離之福。給孤獨長者聞
法見法得法。入法解法。度諸疑惑。不
由他信。不由他度。入正法律。心得無
畏。即從座起。正衣服。為佛作禮。右膝
著地。合掌白佛言。已度世尊。已度善
逝。我從今日盡其壽命。歸佛歸法。歸
比丘僧。為優婆塞。證知我。爾時世尊
問給孤獨長者。汝名何等。長者白佛。
名須達。多以常給孤貧。辛苦故。時人
名我為給孤獨。世尊復問。汝居何處。長

者白佛言世尊在拘薩羅人間城名
舍衛唯願世尊來舍衛國我當盡壽
供養衣被飲食房舍牀卧隨病湯藥
佛問長者舍衛國有精舍不長者白
佛無也世尊佛告長者汝可於彼建
立精舍今諸比丘往來宿止長者白
佛但使世尊來舍衛國我當造作精
舍僧房今諸比丘往來止住今時世
尊默然受請時長者知佛世尊默然
受請已從座起稽首佛足而去
如是我聞一時佛住舍衛國祇樹給
孤獨園時給孤獨長者疾病命終生
變率天為變率天子作是念我不應
久住於此當往見世尊作是念已如
力士屈中臂頭於變率天沒現於佛
前稽首佛足退坐一面時給孤獨天
子身放光明遍照祇樹給孤獨園時
給孤獨天子而說偈言
於此祇桓林仙人僧住止 諸王亦住此
增我歡喜心 深信淨戒慧 智慧為勝壽
以此淨眾生 非族姓財物 大智舍利弗
正念常寂默 閑居修遠離 初建業良友
說此偈已即沒不現

尔時世尊其夜過已入於僧中敷居
師壇於眾前坐告諸比丘今此夜中
有一天子容色絕妙來詣我所稽首
我足退坐一面而說偈言

於此祇桓林 仙人僧住止 諸王亦住此
增我歡喜心 深信淨戒業 智慧為勝壽
以此淨衆生 非族姓財物 大智舍利弗
正念常寂默 閑居修遠離 初建業良友
尔時尊者阿難白佛言世尊如我解
世尊所說給孤獨長者生彼天上来
見世尊然彼給孤獨長者於尊者舍
利弗極相敬重佛告阿難如是如是
阿難給孤獨長者生彼天上来見於
我尔時世尊以尊者舍利弗故而說
偈言

一切世間智 唯除於如来 比舍利弗智
十六不及一 如舍利弗智 天人悉同等
比於如来智 十六不及一
佛說此經已 諸比丘聞佛所說歡喜
奉行

如是我聞一時佛住曠野精舍時有
曠野長者疾病命終生無熱天生彼
天已即作是念我今不應久於此住

不見世尊作是念已如力士屈申臂
頂從無熱天沒現於佛前時彼天子
天身委地不能自立猶如酥油委地
不能自立如是彼天子天身細軟不
自持立今時世尊告彼天子汝當變
化作此麤身而立於地時彼天子即
自化形作此麤身而立於地於是天
子前礼佛足退坐一面今時世尊告
手天子汝手天子本於此間為人身
時所受經法今故憶念不忘忘耶手
天子白佛言世尊本所受持今忘不
忘本人間時有所聞法不盡得者今
亦憶念如世尊善說世尊說言若人
安樂處能憶持法非為苦處此說真
實如世尊在闍浮提種種雜類四衆
圍遶而為說法彼諸四衆聞佛所說
皆悉奉行

我亦如是於無熱天上為諸天人大
會說法彼諸天衆悉受修學佛告手
天子汝於此人間時於幾法無厭足
故而得生彼無熱天中乎天子白佛
世尊我於三法無厭足故身壞命終
生無熱天何等三法我於見佛無厭

故身壞命終生無熱天我於佛法無
厭足故生無熱天供養衆僧無厭足
故身壞命終生無熱天時于天子即
說偈言

見佛無厭足聞法亦無厭供養於衆僧
亦未曾知足受持賢聖法調伏慳著垢
三法不知足故生無熱天
時于天子聞佛所說歡喜隨喜即沒
不現

如是我聞一時佛住舍衛國祇樹給
孤獨園時有無煩天子容色絕妙來
詣佛所稽首佛足退坐一面其身光
明遍照祇樹給孤獨園時彼天子而
說偈言

生彼無煩天解脫七比丘貪瞋恚已盡
超世度惡愛誰度於諸流難度死魔軍
誰斷死魔縻永超煩惱軌
余時世尊說偈答言

尊者優婆塞及波羅提茶弗迦羅婆梨
跋提提陀豐亦婆休難提及波毗瘦索
如是等一切悉皆度諸流斷絕死魔縻
度彼難度者斷諸死魔縻超越諸天軌
說甚微妙法覺悟難知者巧便問深義

汝今為是誰

時彼天子說偈白佛

我是阿那含 生彼無煩天 故能知斯等
解脫七比丘 盡貪欲瞋恚 永超世恩愛
尔時世尊復說偈言

眼耳鼻舌身 第六意入處 若彼名及色
得無餘滅盡 能知此諸法 解脫七比丘
貪有患已盡 永超世恩愛
時彼天子復說偈言

鞞跋楞伽村 我於彼中住 名難提婆羅
造作諸瓦器 迦葉佛弟子 持優婆塞法
供養於父母 離欲修梵行 世世為我友
我亦彼知識 如是等大士 宿命共和合
善修於身心 持此後邊身
尔時世尊復說偈言

如是汝賢士 如汝之所說 鞞跋楞伽村
名難提婆羅 迦葉佛弟子 受優婆塞法
供養於父母 離欲修梵行 昔是汝知識
汝亦彼良友 如是諸正士 宿命共和合
善修其身心 持此後邊身

佛說此經已時彼天子聞佛所說歡
喜隨喜即沒不現

如是我聞一時佛住舍衛國祇樹給

孤獨園時有一天子容色絕妙於後
夜時來詣佛所稽首佛足退坐一面
身諸光明遍照祇樹給孤獨園時彼
天子說偈問佛

此世多恐怖 衆生常惛亂 已起者亦苦
未起亦當苦 頗有離恐處 唯願慧眼說
余時世尊說偈答言

無有異苦行 无異伏諸根 無異一切捨
而得見解脫

時彼天子復說偈言

久見婆羅門 逮得般涅槃 一切怖已過
永超世恩愛

時彼天子聞佛所說歡喜隨喜稽首
佛足即沒不現

知是我聞一時佛住舍衛國祇樹給
孤獨園時有一天子容色絕妙於後
夜時來詣佛所稽首佛足退坐一面
身諸光明遍照祇樹給孤獨園時彼
天子說偈問佛

云何諸衆生 受身得妙色 云何修方便
而得棄出道 衆生住何法 為何所修習
為何等衆生 諸天所供養
余時世尊說偈答言

持戒明智慧 自修習正受 正直心繫念
熾然憂悉滅 得平等智慧 其心善解脫
斯等因緣故 受身得妙色 成就乘出道
心住於中學 如是德備者 為諸天供養
時彼天子復說偈言

久見婆羅門 逮得般涅槃 一切怖已過
永超世恩愛

時彼天子聞佛所說歡喜隨喜稽首
佛足即沒不現

如是我聞一時佛住舍衛國祇樹給
孤獨園時有一天子容色絕妙於後
夜時來詣佛所稽首佛足退坐一面
身諸光明遍照祇樹給孤獨園時彼
天子而說偈言

沉沒於睡眠 欠味不欣樂 飽食心憤悶
懈怠不精勤 斯十覆衆生 聖道不顯現
今時世尊說偈答言

心沒於睡眠 欠味不欣樂 飽食心憤悶
懈怠不精勤 精勤修習者 能開發聖道
時彼天子復說偈言

久見婆羅門 逮得般涅槃 一切怖已過
永超世恩愛

時彼天子聞佛所說歡喜隨喜稽首

佛足即沒不現

如是我聞一時佛住舍衛國祇樹給
孤獨園時有一天子容色絕妙於後夜
時來詣佛所稽首佛足退坐一面身
諸光明遍照祇樹給孤獨園時彼天
子而說偈言

外纏結非纏 內纏纏衆生 今問於瞿曇
誰於纏離纏

今時世尊說偈答言

智者建立戒 內心修智慧 比丘勤修習
於纏能解纏

時彼天子復說偈言

之見婆羅門 逮得般涅縣 一切怖已過
永超世惡愛

時彼天子聞佛所說歡喜隨喜稽首
佛足即沒不現

如是我聞一時佛住舍衛國祇樹給
孤獨園時有一天子容色絕妙於後
夜時來詣佛所稽首佛足退坐一面
身諸光明遍照祇樹給孤獨園時彼
天子而說偈言

難度難可忍 沙門無知故 多起諸難難
重鈍溺沉沒 心隨覺自在 數數溺沉沒

沙門云何行善攝護其心

尔時世尊說偈答言

如龜善方便以殼自藏六比丘習禪思

善攝諸覺想其心無所依他莫能現瞞

是則自隱密無能誹謗者

時彼天子復說偈言

久見婆羅門逮得般涅槃一切怖已過

永超世恩愛

時彼天子聞佛所說歡喜隨喜稽首

佛足即沒不現

如是我聞一時佛住舍衛國祇樹給

孤獨園時有天子容色絕妙於後夜

時來詣佛所稽首佛足身諸光明遍

照祇樹給孤獨園時彼天子說偈問佛

薩羅小流注當於何反流生死之徑路

於何而不轉世間諸苦樂何由滅無餘

尔時世尊說偈答言

眼耳鼻舌身及彼意入處名色滅無餘

薩羅小流流生死道不轉苦樂滅無餘

時彼天子復說偈言

久見婆羅門逮得般涅槃一切怖已過

永超世恩愛

時彼天子聞佛所說歡喜隨喜稽首

佛足即沒不現

如是我聞一時佛住在舍衛國祇樹給孤獨園時有天子容色絕妙於後夜時來詣佛所稽首佛足身諸光明遍照祇樹給孤獨園時彼天子說偈問佛

伊尼耶鹿躡仙人中之尊少食不嗜味
禪思樂山林我今敬稽首而問於瞿曇
云何出離苦云何苦解脫我今問解脫
於何而滅盡

余時世尊說偈答言

世間五欲德心法說第六於彼欲無欲
解脫一切苦如是於苦出如是苦解脫
汝所問解脫於彼而滅盡
時彼天子復說偈言

久見婆羅門遠得般涅槃一切怖已過
永超世恩愛

時彼天子聞佛所說歡喜隨喜稽首
佛足即沒不現

如是我聞一時佛住在舍衛國祇樹給
孤獨園時有天子容色絕妙於後夜
時來詣佛所稽首佛足退坐一面身
諸光明遍照祇樹給孤獨園時彼天

子說偈問佛

云何度諸流云何度大海云何能捨苦
云何得清淨

尔時世尊即說偈言

信能度諸流不放逸度海精進能除苦
智慧得清淨

時彼天子復說偈言

久見婆羅門逮得般涅槃一切怖已過
永超世恩愛

時彼天子聞佛所說歡喜隨喜稽首
佛足即沒不現

雜阿含經卷第三十二

癸卯歲高麗國大藏都監奉
勅雕造

雜阿含經卷第二十三

威

宋天竺三藏求那跋陀羅譯

如是我聞一時佛住王舍城迦蘭陀
竹園尔時世尊晨朝著衣持鉢共諸
比丘僧入城乞食如偈所說

身色如金山端嚴甚微妙行步如鵝王
面如淨滿月世尊與衆俱

時世尊以足踐城門限地作六種震
動如偈所說

大海及大地城郭并諸山平足足所踐
動搖如浪舟

佛變現如是神力時諸民人高聲唱
言奇特未嘗有法變現神力如佛世
尊入城示現如是種種未曾有法如
偈所說

地下即成平高地反為下由佛威神故
荆棘諸瓦礫皆悉不復見聾盲及瘖瘂
即得是聞語城郭諸樂器不擊美妙音出
時彼世尊光相普照如十日之焰如
偈所說

世尊身光明普照城邑中民人蒙佛光
涼若栴檀塗

時世尊順邑而行時彼有兩童子一者上姓二者次姓共在沙中嬉戲一名闍耶二名毗闍耶遙見世尊來三十二大人相莊嚴其體時闍耶童子心念言我當以麦麴仍手捧細沙著世尊鉢中時毗闍耶合掌隨喜如偈所說

見大悲世尊通身一尋光勇顏觀世尊心生大敬信捧沙即奉施得離生老際時彼童子而發願言以惠施善根功德令得一天下一繖蓋王即於此生得供養諸佛如偈所說

牟尼知彼心及彼意所願受果增善根及福田力故即以大悲心受其奉施沙時闍耶以此善根當得為王王闍浮提乃至得成無上正覺故世尊發微笑亦時阿難見世尊發微笑即便合掌向佛而白佛言世尊諸佛世尊阿羅訶三藐三佛隨非無因緣而能發微笑今佛世尊以何因緣而發微笑如偈所說

世尊離調笑無上世中尊齒白如珂玉最勝今發笑勇猛勤精進無師而自覺

妙言今樂聞無上柔軟音而記彼童子
梵音遠清徹無上兩足尊記彼施沙果
今時世尊告阿難曰如是如是如汝
所說諸佛無有因緣亦不發笑我今
笑者其有因緣阿難當知於我滅度
百年之後此童子於已遠弗邑統領
一方為轉輪王姓孔雀名阿育正法
治化又復廣布我舍利當造八万四
千法王之塔安樂無量衆生如得
所說

於我滅度後是人當作王孔雀姓名育
譬如頂生王於此閻浮提獨王世所尊
阿難取此鉢中所施之沙捨著如來
經行處當行彼處阿難受教即取鉢
沙捨經行處阿難當知於已遠弗邑有
王名日月護彼王當生子名曰頻頭
娑羅當治彼國彼復有子名曰修師
摩時彼瞻婆國有一婆羅門女極為
端正令人樂見為國所珍諸相師輩
見彼女相即記彼女當為王妃又生
二子一當領一天下一當出家學道
當成聖跡時彼婆羅門聞彼相師所
說歡喜無量即持其女詣已遠弗邑

種種症嚴莊嚴其體欲嫁與修師摩
王子相師去應嫁與頻頭婆羅王彼
女當生福德子子當紹王基婆羅門
即以其女嫁與此王王見其女端正
有德即為夫人前夫人及諸妹女見
是夫人來作是念言此女極為端正
國中所珍王若與彼相娛樂者棄捨
我等乃至目所不視諸女輩即使學
習剃毛師業彼志學已為王料理鬚
髮料理之時王大歡喜即問彼女汝
何所求欲女啓王言唯願王心愛念
我耳如是三啓時王言我是剃利灌
頂王汝是剃毛師云何得愛念汝彼
女白王言我非是下姓生乃是高族
婆羅門之女相師語我父云此女應
嫁與國王是故來至此耳王言若然
者誰令汝習下劣之業女啓王言是
舊夫人及妹女令我學此王即勅言
自今勿復習下業王即立為第一夫
人王恒與彼自相娛樂仍復懷體月
滿生子生時安隱母無憂惱過七日
後立字無憂又復生子名曰離憂無
憂者身體瘦溢又王不大附從情所

不念又王欲試二子呼賓伽羅阿時
婆羅門言和上觀我諸子於我滅後
誰當作王婆羅門言將此諸子出城
金殿園館中於彼當觀其相乃至出
往彼園時阿育王母語阿育言承王
出金殿園館中觀諸王子於我滅後
誰當作王汝今云何不去阿育啓言
王既不念我亦復不樂見我母復言
但往彼所阿育復啓母復勅令往今
便往去願母當送飲食母言如是當
出城去時出門逢一大臣名曰阿菟
羅毗此臣問阿育言王子今至何所
阿育答言聞大王出在金殿園館觀
諸王子於我滅後誰當作王今往詣
彼王先勅大臣若阿育來者當使其
乘老銚象來又復老人為耆舊時阿
育乘是老象乃至園館中於諸王子
中地坐時諸王子各下飲食阿育母
以及器盛酪飯送與阿育如是諸王
子各食飲食時父王問師言此中誰
有王相當紹我位時彼相師視諸王
子是阿育具有王相當得紹位又作
是念此阿育王所不應我若語言當

作王者王必愁憂不樂即語言我今
慙記王報言如師所教師言此中若
有乘好乘者是人當作王時諸王子
聞彼所說各念言我乘好乘時阿育
言我乘老宿象我得作王時王又復
語師言願更為觀授記師復答言此
中有第一座者彼當作王諸王子各
相謂言我坐第一座阿育言我今坐
地是我勝座我當作王復語師更為
重觀師又報言此中上器上食此當
得王乃至阿育念言我有勝乘勝座
勝食時王觀子相畢便即還宮時阿
育母問阿育言誰當作王婆羅門復
記誰耶阿育啓言上乘上座上器上
食當作王子自見當作王老象為乘
以地為坐素器盛食粳米雜酪飯時
彼婆羅門知阿育當作王數修敬其
母其母亦重餉婆羅門即便問言大
王崩後誰當作王師答言此不可說
也如是乃至三問師言吾當語汝慎
勿使人知汝生此子名曰阿育是其人
也夫人白言我聞此語歡喜踴躍若
王聞者於師所不生敬信師今可還

本位處若子作王者師當一切得吉
利盡形供養時頻頭羅王邊國德叉
尸羅反時王語阿育汝將四兵衆平
伐彼國王子去時都不與兵甲時從
者白王子言今往伐彼國無有軍仗
云何得平阿育言我若為王善根果
報者兵甲自然來應發是語時尋聲
地開兵甲從地而出即將四兵往伐
彼國時彼諸國民人聞阿育來即平
治道路莊嚴城郭執持吉瓶之水及
種種供養奉迎王子而作是言我等
不及大王及阿育王子然諸臣輩不
利我等我等是故背違聖化即以種
種供養王子請入城邑平此國已又
使至伐佉沙國時彼二大力士為王
平治道路推諸山石又復諸天宣令
此國阿育當王此天下汝等勿興逆
意彼國王即便降伏如是乃至平此
天下至於海際時餘師摩王子出外
遊戲又復遇逢一大臣臣不修禮法
王子即使人打拍其身大臣念言此
王子未得王位用性如是若得王者
不可而當又聞阿育得天下得壞五

百大臣我等相與立阿育為王領此天下又德叉尸羅國反諸臣共議令修師摩王子去王亦應可即使往彼國不能降伏時父王復得重疾王語諸臣吾今欲立修師摩為王令阿育往至彼國時諸臣欲令阿育作王以黃物塗阿育體及面手脚已諸臣白王言阿育王子今得重疾諸臣即使莊嚴阿育將至王所今且立此子為王我等後徐徐當立修師摩為王時王聞此語甚以不喜憂愁不樂默然不對時阿育心念口言我應正得王位者諸天自然來以水灌我頂素縵繫首尋聲諸天即以水灌阿育頂素縵繫首時王見此相貌極生愁惱即便命終阿育王如札法殯葬父王已即立阿菟樓陀為大臣時修師摩王子聞父崩背今立阿育為王心生不忍即集諸兵而來伐阿育阿育王西門中二門安二力士第三門安大臣自守東門時阿菟樓陀大臣機關木象又作阿育王像像即騎象安置東門外又作無烟火坑聚以物覆之修

師摩既來到時阿菟樓陀大臣語修
師摩王子欲作王者阿育在東門可
往伐之能得此三者自然得作王時
彼王子即趣東門即墮火坑便即
死亡

今時有一大力士名曰跋陀羅由陀
聞修師摩終亡厭世將無量眷屬於
佛法中出家學道加勤精進逮得漏
盡成阿羅漢道阿育王正法治化時
諸臣輩我等共立阿育為王故輕慢
於王不行君臣之礼王亦自知諸臣
輕慢於我時三語諸臣曰汝等可伐
花果之樹植於荆棘諸臣答曰未嘗
見聞却除花果而植荆棘而見除伐
荆棘而植果實乃至王三勅令伐彼
亦不從今時國王念諸大臣即持利
劍殺五百大臣又時王將姝女眷屬
出外國中遊戲見一無憂樹花極敷
盛王見已此花樹與我同名心懷歡
喜王形體醜陋皮膚麤濫諸姝女輩
心亦愛王惜惡王故以手毀折無憂
花樹王從眠覺見無憂樹花狼藉在
地心生忿怒繫諸姝女以火燒殺王

行暴惡故曰暴惡阿育王時阿菟樓
陀大臣白王言王不應為是法云何以
手自殺人諸臣嫁女王今當立屠殺
之人應有所殺以付彼人王即宣教
立屠殺者彼有一山名曰耆梨中有
一織師家織師有一子亦名耆梨兒
惡搥打繫縛小男小女及擄水陸之
生乃至拒逆父母是故世人傳云兒
惡耆梨子時王諸使語彼汝能為王
斬諸兒人不彼荅曰一切閻浮提有
罪者我能淨除况復此一方時諸使
輩還啓王言彼人已得兒惡耆王言
覓將來也諸使呼彼彼荅言小忍先
奉辭父母具說上事父母言子不應
行是事如是三勅彼生不仁之心即
便殺父母已然後乃至諸使問曰何
以經久不速來也時彼兒惡具說上
事諸使者以是事具啓王王即勅
彼我所有罪人事應至死汝當知之
彼啓王言為我作舍王乃至為其作
舍屋室極為端嚴唯開一門門亦極
精嚴於其中間作治罪之法羅列狀
如地獄彼獄極為勝好時彼兒人啓

王言今從王乞願若人來入此中者
不復得出王答言如汝所啓乞願當
以與汝時彼屠主往詣寺中聽諸比
丘說地獄事時有比丘講地獄經有衆
生生地獄者地獄即執彼罪人以熱鐵
鉗鉗開其口以熱鐵丸著其口中次置
銅灌口次復鐵斧斬截其體次復扭
械枷鎖檢繫其身次復火車鑪炭次
復鐵鑊次復灰河次復刀山劍樹具
如天五使經所說彼屠主具聞比丘
說是諸事聞其住處所作治罪之法
如彼所說案此法而治罪人

又一時商主將其婦入於大海入海
時婦便生子名曰為海如是在海十
有餘年抹諸重寶還到本鄉道中值
五百賊殺於商主棄彼寶物余時而
主之子見父傷死及失寶物感世間
苦故於如來法中出家學道還其本
土遊行諸國次至巴連弗邑過此夜
已晨朝著未持鉢入城次第乞食誤
入屠殺會中時彼比丘遙見舍裏見
火車鑪炭等治諸衆生如地獄中尋
生恐怖本毛皆豎便欲出門時見惡

即往執彼比丘言人此中者無有得
出汝今於此而死比丘聞其所說心
生悲毒泣淚滿目兇主問曰汝云何
如小兒啼今時比丘以偈答曰

我不忍畏死 志願求解脫 所求不成果
是故我啼泣 人身極難得 出家亦復然
遇釋師子王 自今不重觀

今時兇主語比丘曰汝今必死何所
憂惱比丘復以哀言答云我少時
生命可至一月彼兒不聽如是日數
漸減止於七日彼即聽許時此比丘
知將死不久勇猛精進坐禪息心終
不能得道至於七日時王宮內人有
事至死送付兇惡之人令治其罪兇
主將是女人著曰中以杵擣之令成
碎末時比丘見是事極厭惡此身嗚呼
呼苦哉我不久亦當如是而說偈言
嗚呼大悲師演說正妙法 此身如聚沫
於義无有實 向者美女色 今將何所在
生死極可捨 愚人而貪著 係心緣彼處
今當脫鐵木 令度三有海 畢竟不復生
如是勤方便 專精修佛法 斷除一切結
得成阿羅漢

時彼兇惡人語此比丘期限已盡以
丘問曰我不解尔之所說彼兇答曰
先期七日今既已滿比丘以偈答曰
我心得解脫無明大黑闇 斷除諸有益
以殺煩惱賊 慧日今已出 鑒察心意識
明了見生死 今者愍人時 隨順修聖法
我今此身散 任尔之所為 無復有悵惜
尔時彼兇主執彼比丘著鐵鑊油中
足與薪火火終不然假使然者或復
不熱兇主見火不然打拍使者而自
然火火即猛盛久久開鐵鑊蓋見彼
比丘鐵鑊中蓮華上坐生希有心即
啓國王王即便嚴駕將無量衆來看
比丘時彼比丘調伏時至即身昇虛
空猶如鴈王示種種變化如偈所說
王見是比丘身昇在虛空 心懷大歡喜
合掌觀彼聖 我今有所白 意中所不解
形體無異人 神通未曾有 為我分別說
修習何等法 今汝得清淨 為我廣敷演
今得勝妙法 我了法相已 為汝作弟子
畢竟無有悔

時彼比丘而作是念我今伏是王多
有所導攝持佛法當廣分布如來舍

利安樂無量衆生於此閻浮提盡令
信三寶以是因緣故自顯其德而向
王說偈言

我是佛弟子速得諸漏盡又復是佛子
不著一切有我今已調伏無上兩足尊
息心得寂靜生死大恐怖我今悉得脫
有離三有縛如來聖法中獲得如是利
時阿育王聞彼比丘所說於佛所生
大敬信又白比丘言佛未滅度時何
所記說比丘答言佛記大王於我滅
後過百歲之時於巴連弗邑有三億
家彼國有王名曰阿育嘗王此閻浮
提為轉輪王正法治化又復宣布我
舍利於閻浮提立八万四千塔佛如
是記大王然大王今造此大地獄殺
害無量民人王今宜應慈念一切衆
生施其無畏令得安隱佛之所記大
王者王當如法修行而說偈言
當行哀愍心莫惱諸群生當修習佛法
廣布佛舍利
時彼阿育王於佛所極生敬信合掌
向比丘作礼我得大罪今向比丘懺
悔我之所作甚為不可願為佛子受

我懺悔捨心勿復責我愚人今復歸
命而說偈言

我今歸依佛無上勝妙法比丘諸衆尊
我今盡命歸我今當勇猛奉受世尊勅
於此閻浮提普立諸佛塔種種諸供養
懸繒及幡幢莊嚴世尊塔妙麗世希有
時彼比丘度阿育王已乘空而化時
王從彼地獄出覓主白王言王不復
得去王曰汝今欲殺我耶彼曰如是
王曰誰先入此中答曰我是王曰若
然者汝先應取死王即勅人將此覓
主著作毘舍裏以火燒之又勅壞此
地獄施衆生無畏時王欲建舍利塔
將四兵衆至王舍城取阿闍世王佛
塔中舍利還復修治此塔與本無
異如是取七佛塔中舍利至羅摩村
中時諸罷王將是王入罷宮中王從
罷索舍利供養罷即與之王從彼而
出如偈所說

羅摩羅村中所有諸佛塔罷王所奉事
守護而供養王從罷索分諸罷開懷與
即持此舍利漸進於餘方

時王作八万四千金銀琉璃頗梨

盛佛舍利又作八万四千四寶瓶以
盛此篋又作無量百千幡幢繖蓋使
諸鬼神各持舍利供養之具勅諸鬼
神言於閻浮提至於海際城邑聚落
滿一億家者為世尊立舍利塔時有
國名著又尸羅三十六億家彼國人
語鬼神言三十六篋舍利與我等起
立佛塔王作方便國中人士少者令分
與彼令滿家數而立為塔時已連弗
邑有上座名曰耶舍王詣彼所白上
座曰我欲一日之中立八万四千佛
塔遍此閻浮提意願如是如偈讚曰
大王名阿育於造八塔中各取其舍利
於此閻浮提建立諸佛塔八万及四千
縱廣殊妙勝一日都使畢

時彼上座白王言善哉大王剋後十
五日月食時令此閻浮提起諸佛塔
如是乃至一日之中立八万四千塔
世間民人興慶無量共号名曰法阿
育王如偈讚曰

王聖種孔雀安樂世間人於此閻浮提
建立勝妙塔本名為惡王今造勝妙素
共号名法王相傳至於後

王已達八万四千塔歡喜踊躍將諸
群臣往詣鷄雀精舍白耶會上座曰
更有比丘佛所授記當作佛事不我
當往詣彼所供養恭敬上座答曰佛
臨般涅槃時降伏阿波羅龍王陶師
旃陀羅瞿波梨龍詣摩偷羅國告阿
難曰於我般涅槃後百世之中當有
長者名瞿多其子名曰優波崛多當
出家學道無相佛教授於人最為第
一當作佛事佛告阿難曰遙見彼山
不阿難白佛見也世尊佛告阿難此
山名優留曇茶是阿蘭若處名都茶
婆位隨順寂靜而偈讚曰
優波崛比丘 教授最第一名聞振四方
最勝之所託 於我滅度後 當得作佛事
度諸衆生類 其數無有限

時王問上座曰尊者優波崛今已出
世不上座答曰已出世出家學道降
伏煩惱是阿羅漢共諸無量比丘眷
屬一万八千住在優留曇茶山中阿
蘭若處哀愍衆生如佛說淨妙法度
無量諸天及人令人甘露城王聞已
歡喜踊躍即勅群臣速辦嚴駕村無

量眷屬往詣彼所修敬供養優波崛
多時臣白王言彼聖既在王國宜當
遣信奉迎之彼自當來王荅臣曰不
宜遣信至彼所應當自往彼不宜來
也而說偈曰

汝得金剛舌 那能不斷壞 諫我莫往彼
親近田舍人

王即遣信往彼尊者所言某日常來
尊所時尊者思惟若王來者無量將
從受諸大苦逼殺害微虫聚落人民
作是念已荅使者曰我當自往詣王
所時王聞尊者自來歡喜踊躍從摩
倫羅至巴連弗邑於其中間開安舟
航於航懸諸幢蓋時尊者優波崛愍
念王故將一万八千阿羅漢衆隨於
水道徑至王國時國中入啓王言尊
者優波崛將一万八千比丘衆來至
王聞大歡喜踊躍即脫瓔珞價直十
万而授與之王將諸大臣眷屬即出
往尊者所即為下食五體投地向彼
作礼長跪合掌而作是言我今領此
閻浮提受於王位不以為喜今觀尊
者踊躍無量如來弟子乃能如是如

觀於佛而說偈言

寂滅已度世汝今作佛事世間愚癡滅
如日照佛世為世作導師說法中第一
衆生可依怙我今大歡喜

時王勅使者宣令國界尊者優波崛
比丘今來此國如是唱言

欲得富貴者遠離貧窮苦常處天上樂
解脫涅槃者當值優波崛修敬今供養
未見諸佛者今觀優波崛

時王嚴飾國界平治道路懸繒幡蓋
燒香散華及諸伎樂舉國人民皆出
奉迎尊者優波崛供養恭敬令時尊
者優波崛白王言大王當以正法治
化哀愍衆生三寶難遇於三寶中常
以供養恭敬修念讚歎廣為人說所
以者何如來應供等正覺知人見人
常為記說我之正法寄在國王及我
比丘僧等而說偈曰

世雄人中尊正勝妙大法寄付於大王
及我比丘僧

時王自優波崛曰我已建正法而說
偈曰

我已造諸塔莊嚴諸國界種種興供養

幡幢及諸寶廣布佛舍利遍於閻浮提
我興如是福意願悉已滿自身及妻兒
珍寶及此地今已悉捨施供養賢聖塔
時尊者優波崛讚王言善哉善哉大
王應行如是法而說偈言

捨身及財命世世無所憂受福無有窮
必得無上覺

時王請尊者優波崛入城設種種座
請尊者就座衆僧令往鷄雀精舍白
尊者曰尊者顏貌端正身體柔軟而
我形體醜陋肌膚麤澁尊者說偈曰
我行布施時淨心好財物不如王行施
以沙施於佛

時王以偈報曰

我於童子時布施於沙土今獲果如是
何況餘妙施

尊者復以偈讚曰

快哉善大王布施諸沙土無上福田中
植果無窮盡

時阿育王告諸大臣我以沙布施於
佛獲其果報如是夫何而不修敬於
世尊王復白優波崛言尊者示我佛
所說法遊行處所當往供養禮拜為

諸後世衆生攝受善根而說偈言
示我佛說法諸國及住處供養當修敬
為後衆生故

尊者言善哉善哉大王能發妙願我
當示王處所為後衆生時王將四兵
軍衆及持種種供養香華幡幢及諸
伎樂使將尊者發去尊者隆頻林此
是如來生處而說偈言

如來初生處生時行七步顧視諸四方
舉手指天上我今最後生當得無上道
天上及於人我為無上尊

時王五體投地供養礼拜即立佛塔
尊者白王言大王欲見諸天見佛生
時行七步處不王白言願樂欲見時
尊者舉手指摩耶夫人所攀樹枝而
告彼樹神曰樹神今現今王見之生
大歡喜尋聲即見住尊者邊而作是
言何所教勅我當奉行尊者語王言
此神見佛生時王以偈問神曰

汝見嚴飾身生時青蓮華足行於七步
口中有所說

神以偈答曰

我見相好身生時二足尊舉足行七步

口中有所說於諸天人中我為無上尊
時王問神言佛生有何瑞應神答言
我不能宣說妙勝諸事今略說少分
光明能徹照身體具相好令人喜樂見
感動於天地

時王聞神所說歡喜施十萬兩珍寶
而去

又將王入城裏語言此處菩薩現三
十二相八十種好在嚴其體紫磨金
色時王向此處作札興種種供養又
將王至天寺中語王言太子生時令
向彼神札時諸神悉札菩薩時諸民
人為菩薩立名今是天中天時王復
以種種供養又將示處語王言此處
父王以菩薩示諸婆羅門瞻其相德
王復種種供養又示此處菩薩學堂
此處學衆象此處學衆馬衆車弓弩
如是學一切伎術處此處是菩薩治
身此處菩薩六万夫人遊戲處此處
菩薩見老病死入此處菩薩坐閻浮
提樹下坐禪得離欲樹影不離身又
王向其作札此處菩薩將百千天神
出城而去此處菩薩脫瓔珞與車匿

遺馬還國而說偈曰

菩薩於此處脫璽絡及冠投與於車匿
遣馬還於國獨行無有侶便入學道山
又此處菩薩從獵師易袈裟衣被此
衣已而為出家此處是仙人所稽請
處此處瓶沙王與菩薩半國處此處
問優藍弗仙人此處菩薩六年苦行
如偈所說

苦行於六年極受諸苦惱知此非真道
棄捨所習行

此處二女奉菩薩乳糜如偈所說
大聖於此中受二女乳糜從此而起去
往詣菩提樹

此處迦梨龍讚歎諸菩薩如偈所說
此處迦梨龍讚歎諸菩薩當隨古時道
證無上妙果

時王向尊者而說偈曰

我今欲見龍彼龍見佛者從此趣菩提
證得勝妙果

時尊者以手指龍宮語曰迦梨龍王
汝以見佛今當現身時龍王尋聲即
出住在尊前合掌白言何所教勅時
尊者語王曰此龍王見佛讚歎如來

時王合掌向龍而說偈曰

汝見金剛身我師無疇匹面如淨滿月
為我說彼德十力之功德往詣道場時
時龍王以偈答曰

我今當演說足踐於地時大地六種動
光耀倍於日遍照三千界而趣菩提樹
時王如是等處處種種供養及立塔
廟時尊者將王至道樹下語王曰此
樹菩薩摩訶薩以慈悲三昧力破魔
兵衆得阿耨多羅三藐三菩提而說
偈言

牟尼牛王尊於此菩提樹降伏惡魔軍
得勝甚長累天人中特尊無能與等者
時王捨無量珍寶種種供養及起大
塔廟此處四天王各持一鉢奉上於
佛合為一鉢此處於賈客兄弟所受
諸飯食此處如來詣波羅奈國時阿
時婆外道問佛此處仙人園鹿野苑
如來於中為五比丘三轉十二行法
輪而說偈言

此處鹿野苑如來轉法輪三轉十二行
五人得道跡

時王於是處興種種供養及立塔廟

此處如來度優樓頻螺迦葉等仙人
為道此處如來為瓶沙王說法王得
見諦及無量民人諸天得道此處如
來為天帝釋說法帝釋及八万諸天
得道此處如來示大神力種種變化
此處如來至天上為母說法將無量
天衆下於人間王復種種供養及立
塔廟

時尊者語阿育王至鳩尸那竭國言
此處如來具足作佛事畢於無餘般
涅槃而般涅槃而說偈言
度脫諸天人 脩羅龍夜叉 建立無盡法
佛事既已終 於有得寂滅 大悲入涅槃
如薪盡火滅 畢竟得常住

時王聞是語憂惱迷悶擗地時諸臣
輩以水洗心面良久得穌啼泣涕零
如是乃至興種種供養立大塔廟
時王復白尊者曰我意願欲得見佛
諸大弟子佛之所記者欲供養彼舍
利願為示之時尊者白王言善哉善
哉大王能發如是妙心時尊者將王
至舍衛國入祇桓精舍以手指塔此
是尊者舍利弗塔王當供養王曰彼

有何功德尊者曰是第二法王隨轉法輪而說偈言

一切衆生智比於舍利弗十六之一分以除如來智如來轉法輪是則能隨轉彼有無量德誰復能宣說

時王生大歡喜捨十萬兩瓊寶供養其塔而說偈言

我札舍利弗解脫諸恐怖名稱普於世智慧無有等

次復示大目犍連塔王應供養此塔王復問曰彼有何功德尊者答曰是神足第一以足拍踐地地即震動至於天宮降伏難陀跋難陀龍王而說偈曰

以足拍動地至於帝釋宮神足無與等誰能盡宣說二龍王見暴見者莫不怖彼於神足力降伏息瞋恚

時王捨十萬兩瓊寶供養此塔以偈讚曰

神足中第一離於老病死有如是功德今礼目犍連

次復示摩訶迦葉塔語王言此是摩訶迦葉塔應當供養王問曰彼有何

切德答曰彼少欲知足頭陀第一如
來施以半座及僧伽梨衣愍念衆生
興立正法即說偈曰

功德田第一愍念貧窮類者佛僧伽梨
能建於正法彼有如是德誰能具宣說
時王捨十万兩珍寶供養是塔以偈
讚曰

常樂於寂靜依止林藪間少欲知足富
今入迦葉

次復示尊者薄拘羅塔此是薄拘羅
塔應當供養王問曰彼有何切德尊
者答曰彼無病第一乃至不為人說
一句法寂然無言王曰以一錢供養
諸臣白王切德既等何故於此供養
一錢王告之曰聽吾所說

雖除無明癡智慧能鑒察雖有薄拘名
於世何所益
時彼一錢還來至王所時大臣輩見
是希有事異口同音讚彼嗚呼尊者
少欲知足乃至不須一錢

復示阿難塔語王言此是阿難塔應
當供養王曰彼有何切德答曰此人
是侍佛者多聞第一撰集佛經而說

偈曰

奉持半足鉢 念至能決斷 多聞之大海
辯才柔軟音 能悅天人眾 善知三佛心
一切悉明了 功德之寶篋 最勝所稱歎
降伏煩惱諍 如是等功德 應當修供養
王即捨百億兩珍寶而供養其塔時
諸臣白王言何故於此布施供養皆
志勝前王曰聽吾所說心中所以
如來之體身 法身性清淨 彼悉能奉持
是故供養勝 法燈常存世 滅此愚癡冥
皆由從彼來 是故供養勝 如大海之水
牛跡所不容 如是佛智海 餘人不能持
唯有向難尊 一聞志受持 終無忘失時
是故供養勝

余時王如是種種供養向尊者合掌
而作是言

我今受此形 不復資此身 修無量功德
今為人中主 我今取堅實 造立諸塔廟
莊嚴在於世 如星莊嚴日 奉佛弟子法
應行諸禮節 我今志已作 稽首尊者足
蒙尊者恩力 今見勝妙事 快獲大善利
從是分別法

余時王供養上種種事恒偏至菩提

道場樹此樹下如來得阿耨多羅三藐三菩提世間希有珍寶供養之事供養菩提樹時王夫人名曰伍舍羅締多夫人作是念王極愛念於我我亦念王王今捨我去持諸珍寶至菩提樹間我今當作方便殺是菩提樹樹既枯死葉便凋落王當不復往彼可與我常相娛樂即喚呪師語呪師言汝能殺菩提樹不彼荅曰能與我千兩金時夫人即與千兩金錢呪師往菩提樹間以呪呪樹以繩繫樹時樹漸漸枯死葉即萎落未即枯死其葉凋落白夫人曰復應以熱乳澆樹乃可令枯夫人白王我今欲以乳供養菩提樹王曰隨卿意耶如是乃至以熱乳澆之樹即枯燥時諸夫人白王言菩提樹忽然枯死葉萎落而說偈言

如來所依樹名曰菩提者於是得正覺具足一切智大王今當知是樹今枯死葉色亦變異不知何以故

時王聞是語即迷悶擗地諸人輩以水澆王心面良久而穌即便泣淚言

我見菩提樹 便見於如來 今聞彼樹死
我今亦隨沒

時彼夫人見王憂愁不樂而白王言
主勿憂惱我當喜悅王心王曰若無
彼樹我命亦無如來於彼樹得阿耨
多羅三藐三菩提彼樹既無我何用
活耶夫人聞王決定語還復以冷乳
灌菩提樹下彼樹尋復更生王聞以
乳澆灌樹還得生日日送乳澆
灌其本樹還復如先諸夫人輩白王
言菩提樹今復如先無復有異時王
聞已即生歡喜詣菩提樹下觀於菩
提樹目不暫捨而說偈言

諸王所未作 瓶沙持國者 我今應供養
我今浴菩提 諸乳及香水 華香及塗香
當復供養僧 賢聖五部衆

時王各辦四寶瓦金銀琉璃頗梨盛
諸香乳及諸香湯持種種飲食幡幢
寶蓋各有千種及種種花香伎樂受
持八支齋布薩著白淨衣服執持香
鑪在於殿上向四方作札心念口言
如來賢聖弟子在諸方者憐愍我故
受我供養而說偈言

如來賢聖子 正順寂諦根 離諸三界欲
諸天應供養 今當悉來集 受我微心愿
哀愍副我意 今當種增長 常樂於寂止
解脫諸所著 如來之真子 從法而化生
諸天所供養 哀愍於我故 今當悉來集
副我之微意 諸聖在處處 須臾多波婆
大林離波多 阿耨大池邊 江河山數間
如是一切處 諸聖在中者 今當悉來集
哀愍於我故 副我之微意 又在於天上
尸梨沙宮殿 香山石室中 神通具足者
今當悉來集 哀愍於我故

時王如是語時三十万比丘悉來集
彼大衆中十万是阿羅漢二十万是
學人及凡夫比丘上座之座無人生
時王問諸比丘上座之座去何而無
人坐時彼大衆中有一比丘名曰耶
舍是大阿羅漢具足六通白王言此
座上座之座餘者豈敢於中而坐王
復問曰於尊者所更有上座耶尊者
答曰更有上座大王佛之所說名曰
賓頭盧是上座應坐此處王大歡喜
而作是言於中有比丘見佛者不尊
者答曰有也大王賓頭盧者猶敎在

世王復白曰可得見彼比丘不尊者
曰大王不久當見尋當來至時王生
大歡喜而說偈言

我今快得利攝受於我故今我自目見
尊者賓頭盧

時尊者賓頭盧將無量阿羅漢次第
相隨譬如鷹王乘虛而來在於上座
處坐諸比丘僧各修禮敬次第而坐
時王見尊者賓頭盧頭皓白辟支
佛體頭面乳足長跪合掌觀尊者顏
貌而說偈言

我今之王位統領閻浮提不以為歡喜
今得見尊者我今見尊者便是見生佛
心懷大踊躍勝見於王位

復白尊者曰尊者見世尊耶三界所
尊仰時尊者賓頭盧以手舉眉毛現
王而言

我見於如來於世無雙類身作寶金色
三十二相好面如淨滿月梵音聲柔軟
伏諸煩惱諍常處於寂滅

王復問曰尊者何處見佛尊者曰如
來將五百阿羅漢俱初在王舍城安
居我今時亦復在中而說偈言

大牟尼世尊離欲相圍遠在於王舍城
結於夏三月我時在彼眾恒住如來邊
大王今當知我目見真佛

又復佛住舍衛國時如來大作神力
種種變化作諸佛形滿在諸方乃至
阿迦尼吒天我亦時亦在於中見如
來種種變化神通之相而說偈曰
如來神通力降伏諸外道佛遊於十方
我親見彼相

又復如來在天上與母說法時我亦
在於中與母說法竟將諸天眾從天
上來下僧迦奢國時我見此二事天
人受福樂優波羅比丘尼化作轉輪
聖王將無量眷屬乘空而來詣世尊
所我亦見此而說偈言

如來在天上於彼結夏坐我亦在於中
牟尼之眷屬

又復世尊住舍衛國五百阿羅漢俱
時給孤獨長者女適在於宮樓鄰跋
陀那國時彼女請佛及比丘僧時諸
比丘各乘空而往彼我亦時以神力
合大山往彼受請時世尊責我汝那
得現神足如是我今罰汝常在於世

不得取涅槃護持我正法勿令滅也而說偈曰

世尊受彼請五百比丘俱時我以神力挑大山而去世尊責罰我住世未滅度護持我正法勿令法沒盡

又復如來將諸比丘僧入城乞食時王共二童子沙土中戲逢見佛來捧於塵沙奉上於佛時世尊記彼童子於我滅度百歲之後此童子於巴連弗邑當受王位領閭浮提名曰阿育當廣布我舍利一日之中當造八万四千万塔今王身是也我今時亦在於中而說偈曰

王於童子時以沙奉上佛佛記於王時我亦親在中

時王白尊者曰尊者今住在何處尊者答王曰在於北山山名提陀摩羅共諸同梵行僧王復問曰有幾眷屬尊者答云六万阿羅漢比丘尊者曰王何須多問今當施設供養於僧食竟使王歡喜王言如是尊者然我今先當供養佛念所覺菩提之樹然後香美飲食施設於僧勅諸群臣唱令國

界王今捨十萬兩金布施衆僧十萬
香湯溉灌菩提樹集諸五衆時王子
名曰拘那羅在王右邊舉二拍而不
言說意欲二倍供養大衆見之皆盡
發笑王亦發笑而語言嗚呼王子乃
有增益功德供養王復言我復以三
十萬兩金供養衆僧復加十萬香湯
洗浴菩提樹時王子復舉四拍意在
四倍時王瞋恚語臣曰誰教王子作
是事與我興覓臣啓王言誰敢與王
興覓然王子聰慧利根增益功德故
作是事耳時王右顧視王子白上座
曰除我庫藏之物餘一切物閻浮提
夫人姝女諸臣眷屬及我拘那羅子
皆悉布施賢聖衆僧令國界集諸
五衆而說偈曰

除王庫藏物 夫人及姝女 臣民一切衆
布施賢聖僧 我身及王子 亦復悉捨與
時王上座及比丘僧以炷香湯洗浴
菩提樹時菩提樹倍復嚴好增長茂
盛以偈頌曰

王浴菩提樹 無上之所覺 樹增長茂盛
柯條葉葉軟

時王及諸群臣生大歡喜時王洗浴
菩提樹已次復供養衆僧時彼上座
耶舍語王言大王今大有比丘僧集
當發導信心供養時王從上至下自
手供養時彼有二沙弥得食已各以
麩團歡喜九更手相擲王見即笑
而言此沙弥作小兒戲供養訖已王
還上座前立上座語王言王莫生不
信敬心王答上座無有不敬心然見
二沙弥作小兒戲如世間小兒以土
團更手相擲如是二沙弥以麩團以
歡喜九更手相擲上座白王言彼二
沙弥是俱解脫阿羅漢更相奉食王
聞是已增其信心而作是念此二沙
弥能展轉相施我今亦當於一切僧
人施餽初具時二沙弥知王心所念
二沙弥共相謂言令王倍增敬信一
沙弥持鉢授與王一沙弥授以漆草
王問彼沙弥用作何等二沙弥白王
言王因我故施與衆僧餽及初具我
欲令大王染成其色施與衆僧時王
作是念我雖心念口未發言此二達
士得他心智而知我心王即稽首敬

禮衆僧而說偈言

孔雀之族姓 內外親眷屬 因此惠施故
悉皆獲大利 遭值良福田 歡喜應時施
時王語沙彌言 我因汝等施僧衣施
僧衣已復以三衣并四億万兩珍寶
觀五部衆親願已復以四十億万兩
珍寶贖取閻浮提宮人姝女及太子
群臣阿育王所作功德無量如是

雜阿含經卷第二十三

癸卯歲高麗國大藏都監奉
勅雕造

雜阿含經卷第二十四

盛

宋天竺三藏法師跋陀羅譯

第五誦道品第一

如是我聞一時佛住舍衛國祇樹給
孤獨園。爾時世尊告諸比丘有四念
處何等為四。謂身身觀念處。受心法
法觀念處。佛說此經已。諸比丘聞佛
所說歡喜奉行。

如是我聞一時佛住舍衛國祇樹給
孤獨園。爾時世尊告諸比丘有四念
處何等為四。謂身身觀念處。受心法
法觀念處。如是比丘於此四念處修
習滿足精勤方便正念正知應當學
佛說此經已。諸比丘聞佛所說歡喜
奉行。

如是我聞一時佛住舍衛國祇樹給
孤獨園。爾時世尊告諸比丘有一乘
道淨諸衆生令越憂悲滅惱苦得如
寶法。所謂四念處。何等為四。身身觀
念處。受心法法觀念處。佛說此經已
諸比丘聞佛所說歡喜奉行。

如是我聞一時佛住舍衛國祇樹給

孤獨園亦時世尊告諸比丘若比丘
離四念處者則離如實聖法離如實
聖法者則離聖道離聖道者則離甘
露法離甘露法者不得脫生老病死
憂悲惱苦我說彼於苦不得解脫者
比丘不離四念處者得不離聖如實
法不離聖如實者則不離聖道不離
聖道者則不離甘露法不離甘露法者
得脫生老病死憂悲惱苦我說彼人
解脫衆苦佛說此經已諸比丘聞佛
所說歡喜奉行

如是我聞一時佛住舍衛國祇樹給
孤獨園亦時世尊告諸比丘我今當
說四念處集四念處沒諦聽善思何
等為四念處集四念處沒食集則身
集食滅則身沒如是隨身集觀住隨
身滅觀住隨身集滅觀住則無所依
住於諸世間未無所取如是觸集則
受集觸滅則受沒如是隨集法觀受
住隨滅法觀受住隨集滅法觀受住
則無所依住於諸世間都無所取名
色集則心集名色滅則心沒隨集法
觀心住隨滅法觀心住隨集滅法觀

心住則無所依住於諸世間則無所
取憶念集則法集憶念滅則法沒隨
集法觀法住隨滅法觀法住隨集滅
法觀法住則無所依住於諸世間則
無所取是名四念處集四念處沒佛
說此經已諸比丘聞佛所說歡喜
奉行

如是我聞一時佛住舍衛國祇樹給
孤獨園介時世尊告諸比丘我當說
修四念處諦聽善思云何修四念處
謂內身身觀念住精勤方便正智正
念調伏世間憂悲外身內外身觀住
精勤方便正念正知調伏世間憂悲
如是受心法內法外法內外法觀念
住精勤方便正念正知調伏世間憂
悲是名比丘修四念處佛說此經已
諸比丘聞佛所說歡喜奉行

過去未來修四念處亦如是說
如是我聞一時佛住舍衛國祇樹給
孤獨園介時世尊告諸比丘有善法
聚不善法聚云何善法聚所謂四念
處是為正說所以者何純一滿淨聚
者所謂四念處云何為四謂身身觀

念處受心法法觀念處云何不善聚
不善聚者所謂五蓋是為正說所以
者何統一逸滿不善聚者所謂五蓋
何等為五謂貪欲蓋瞋恚蓋睡眠蓋
掉悔蓋疑蓋佛說此經已諸比丘聞
佛所說歡喜奉行

如是我聞一時佛住舍衛國祇樹給
孤獨園舍時世尊告諸比丘如人執
持四種強弓大力方便射多羅樹影
疾過無閑如是如來四種聲聞增上
方便利根智慧盡百年壽於如來所
百年說法教授唯除食息補寫睡眠
中間常說常聽智慧明利於如來所
說盡底受持無諸障闕於如來所不
加番問如來說法無有終極聽法盡
壽百歲命終如來說法猶不能盡當
知如來所說無量無邊名句味身亦
復無量無有終極所謂四念處何等
為四謂身念處受心法念處佛說此
經已諸比丘聞佛所說歡喜奉行
一切四念處經皆以此摠句所謂是
故比丘於四念處修習起增上欲精
勤方便正念正智應當學

如是我聞一時佛住舍衛國祇樹給
孤獨園舍時世尊告諸比丘有不善
聚善聚何等為不善聚謂三不善根
是名正說所以者何純不善積聚者
謂三不善根云何為三謂貪不善根
恚不善根癡不善根云何為善聚謂
四念處所以者何純善滿具者謂四
念處是名善說云何為四謂身念處
受心法念處佛說此經已諸比丘聞
佛所說歡喜奉行

如三不善根如是三惡行身惡行口
惡行意惡行三想欲想恚想想害想三
覺欲覺恚覺害覺三界欲界恚界害
界佛說此經已諸比丘聞佛所說歡
喜奉行

如是我聞一時佛住舍衛國祇樹給
孤獨園時有異比丘來詣佛所稽首
佛足退坐一面白佛言世尊如所說
大丈夫云何名大丈夫非大丈夫佛
告比丘善哉善哉比丘能問如來大
丈夫義諦聽善思當為汝說若比丘
身身觀念住彼身身觀念住已心不
離欲不得解脫盡諸有漏我說彼非

為大丈夫所以者何心不解脫故若
比丘受心法法觀念住心不離欲不
得解脫盡諸有漏我不說彼為大丈
夫所以者何心不解脫故若比丘身
身觀念住心得離欲心得解脫盡諸
有漏我說彼為大丈夫也所以者何
心解脫故若受心法法觀念住受心
法法觀念住已心離貪欲心得解脫
盡諸有漏我說彼為大丈夫也所以
者何心解脫故是名比丘大丈夫及
非大丈夫佛說此經已諸比丘聞佛
所說歡喜隨喜礼足而去

如是我聞一時佛住舍衛國祇樹給
孫獨園舍時尊者阿難晨朝著衣持
鉢入舍衛城乞食於路中思惟我今
先至比丘尼寺即往比丘尼寺諸比
丘尼遙見尊者阿難來疾敷牀座請
令就座時諸比丘尼礼尊者阿難足
退坐一面白尊者阿難我等諸比丘
尼修四念處繫心住自知前後昇降
尊者阿難告諸比丘尼善哉善哉如
妹當如汝等所說而學凡修習四念
處善繫心住者應如是知前後昇降

時尊者阿難為諸比丘呈種種說法
種種說法已從座起去尔時尊者阿
難於舍衛城中乞食還舉衣鉢洗足
已詣世尊所稽首佛足退坐一面以
比丘呈所說具白世尊佛告阿難善
哉善哉應如是學四念處善繫心住
知前後昇降所以者何心於外求然
後制令求其心散亂心不解脫皆如
實知若比丘於身身觀念住於彼身
身觀念住已若身耽睡心法懈怠彼
比丘當起淨信取於淨相起淨信心
憶念淨相已其心則悅悅已生喜其
心喜已身則猗息身猗息已則受身
樂受身樂已其心則定心定者聖弟
子當作是學我於此義外散之心攝
令休息不起覺想及已觀想無覺無
觀捨念樂住樂住已如實知受心法
念亦如是說佛說此經已尊者阿難
聞佛所說歡喜奉行

如是或聞一時佛住舍衛國祇樹給
孤獨園尔時世尊告諸比丘當取白
心相莫令外散所以者何若彼比丘
愚癡不辨不善不取自心相而取外

相然後退減自生障闕辟如廚士愚
癡不辨不善巧便調和衆味奉養尊
主酸醎酢淡不適其意不能善取尊
主所嗜酸醎酢淡衆味之和不能親
侍尊主左右司其所須聽其所欲善
取其心而自用意調和衆味以奉尊
主若不適其意尊主不悅不悅故不
蒙爵賞亦不受念愚癡比丘亦復如
是不辨不善於身身觀住不能除斷
上煩惱不能攝取其心亦復不得內
心寂靜不得勝妙正念正知亦復不得
四種增上心法現法樂住今所未得
安隱涅槃是名比丘愚癡不辨不善
不能善攝內心之相而取外相自生
障闕若有比丘黠慧才辯善巧方便
取內心已然後取於外相彼於後時
終不退減自生障闕辟如廚士黠慧
聰辯善巧方便供養尊主能調衆味
酸醎酢淡善取尊主所嗜之相而和衆
味以應其心聽其尊主所欲之味數
以奉之尊主悅已必得爵祿愛念倍
重如是黠慧廚士善取尊主之心比
丘亦復如是身身觀念住斷上煩惱

善攝其心內心寂止正念正知得四增心法現法樂住得所未得安隱涅槃是名比丘點慧辯才善巧方便取內心相攝持外相終無退減自生障閼受心法觀亦復如是佛說此經已諸比丘聞佛所說歡喜奉行

如是我聞一時佛住舍衛國祇樹給孤獨園今時世尊告諸比丘過去世時有一鳥名曰羅婆為鷹所捉飛騰虛空於空鳴喚言我不自覺忽遭此難我坐捨離父母境界而遊他處故遭此難如何今日為他所困不得自在鷹語羅婆汝當何處自有境界而得自在羅婆答言我於田耕壠中自有境界足免諸難是為我家父母境界鷹於羅婆起憍慢言汝今去還耕壠中能得脫以不於是羅婆得脫鷹爪還到耕壠大壠之下安住止處然後於壠上欲與鷹鬪鷹則大怒彼是小鳥敢與我鬪瞋恚極盛駿飛直搏於是羅婆入於壠下鷹鳥飛勢瞋衝堅塊碎身即死時羅婆鳥深伏壠下仰說偈言

鷹鳥用力來羅網依自界乘順猛盛力
致禍碎其身我具足通達依於自境界
伏怨心隨喜自觀欣其力設汝有見惠
百千龍象力不如我智慧十六分之一
觀我智殊勝摧滅於蒼鷹

如是比丘如彼鷹鳥愚癡自捨所親
父母境界遊於他處致斯灾患汝等
比丘亦應如是於自境界所行之處
應善守持離他境界應當學比丘他
處他境界者謂五欲境界眼見可意
受念妙色欲心染著耳識聲鼻識香
舌識味身識觸可意受念妙觸欲心
染著是名比丘他處他境界比丘自處
父母境界者謂四念處云何為四謂
身身觀念處受心法法觀念處是故
比丘於自行處父母境界而自遊行
遠離他處他境界應當學佛說此經
已諸比丘聞佛所說歡喜奉行

如是我聞一時佛住舍衛國祇樹給
孤獨園尔時世尊告諸比丘於四念
處多修習當得四果四種福利云何
為四謂須陀洹果斯陀含果阿那含
果阿羅漢果佛說此經已諸比丘聞

佛所說歡喜奉行

如是我聞一時佛在拘薩羅人間遊行於私伽陀聚落北身如林中今時世尊告諸比丘過去世時有緣憶伎師有上豎幢語弟子言汝等於幢上下向護我我亦護汝送相護持遊行嬉戲多得財利時伎弟子語伎師言不如所言但當各各自愛護遊行嬉戲多得財利身得無為安隱而下伎師答言如汝所言各自愛護然其此義亦如我說已自護時即是護他他自護時亦是護已心自親近修習隨護作證是名自護護他去何護他自護不恐怖他不違他不害他慈心哀彼是名護他自護是故比丘當如是學自護者修四念處護他者亦修四念處佛說此經已諸比丘聞佛所說歡喜奉行

如是我聞一時佛住王舍城迦蘭陀竹園今時世尊告諸比丘大雪山中寒氷嶮峻尚無獼猴况復有人或復有山有山獼猴所居而無有人或復有山人獸共居於獼猴行處獵師以糲膠塗

其草上有黠獲猴遠避而去愚癡獲猴不能遠避以手小觸即膠其手復以一手欲解求脫即膠二手以足求解復膠其足以口嚙草輒復膠口五處同膠聯接卧地獵師既至即以杖貫擔負而去比丘當知愚癡獲猴捨自境界父母居處遊他境界致斯苦惱如是比丘愚癡凡夫依眾落住晨朝著衣持鉢入村乞食不善護身不守根門眼見色已則生染著耳聲鼻香舌味身觸皆生染著愚癡比丘內根外境被五縛已隨魔所惑是故比丘當如是學於自所行處父母境界依止而住莫隨他處他境界行去何比丘自所行處父母境界謂四念處身身觀念住受心法法觀念住佛說此經已諸比丘聞佛所說歡喜奉行如是我聞一時佛住舍衛國祇樹給孤獨園時尊者阿難與眾多比丘詣世尊所稽首礼足退坐一面尊者阿難白佛言世尊此諸年少比丘當云何教授云何為其說法佛告阿難此諸年少比丘當以四念處教令修習

云何為四謂身身觀念住精勤方便不放逸行正智正念寂定於心乃至知身受心法法觀念住精勤方便不放逸行正念正智寂靜於心乃至知法所以者何若比丘住學地者未得進上志求安隱涅槃時身身觀念住精勤方便不放逸行正念正智寂靜於心受心法法觀念住精勤方便不放逸行正念正智寂靜於心乃至於法遠離若阿羅漢諸漏已盡所作已作捨諸重擔盡諸有結正知善解脫當於彼時亦修身身觀念住精勤方便不放逸行正念正智寂靜於心受心法法觀念住乃至於法得遠離時尊者阿難歡喜隨喜作禮而去

如是我聞一時佛在跋祇人間遊行到鞞舍離國菴羅園中住尔時菴羅女聞世尊跋祇人間遊行至菴羅園中住即自莊嚴乘車出鞞舍離城詣世尊所恭敬供養詣菴羅園門下車步進遙見世尊與諸大眾圍遶說法世尊遙見菴羅女來語諸比丘汝等比丘勤攝心住正念正智今菴羅女

來是故誠汝云何為比丘勤攝心住
若比丘已生惡不善法當斷生欲方
便精進攝心未生惡不善法不令起
未生善法令生已生善法令住不忘
修習增滿生欲方便精勤攝心是名
比丘勤攝心住云何名比丘正智若
比丘去來威儀常隨正智迴顧視瞻
屈伸俯仰執持衣鉢行住坐卧眠覺
語默皆隨正智住是正智云何正念
若比丘內身身觀念住精勤方便正
智正念調伏世間貪憂如是受心法
法觀念住精勤方便正智正念調伏
世間貪憂是名比丘正念是故汝等
勤攝其心正智正念今菴羅女來是
故誠汝時菴羅女詣世尊所稽首礼
足却住一面尔時世尊為菴羅女種
種說法示教照喜示教照喜已默然
而住尔時菴羅女整衣服為佛作礼
合掌白佛唯願世尊與諸大眾明日
受我請中食尔時世尊默然受請菴
羅女知世尊默然受請已稽首礼足
還歸自家設種種食布置牀座晨朝
遣使白佛時到尔時世尊與諸大眾

詣菴羅女舍就座而坐時菴羅女手
自供養種種飲食食訖澡漱洗鉢竟
時菴羅女持一小鉢坐於佛前聽佛
說法尔時世尊為菴羅女說隨喜偈
施者人愛念 多衆所隨從 名稱日增高
遠近皆悉聞 慶衆常和雅 離慳無所畏
是故智慧施 斷慳永無餘 上生忉利天
長夜受快樂 盡壽常修德 娛樂難施國
百種諸天樂 五欲悅其心 彼於此人間
聞佛所說法 為善逝弟子 樂彼受化生
尔時世尊為菴羅女種種說法示教
照喜示教照喜已從座起而去

如是我聞一時佛住波羅奈仙人住
處鹿野苑中尔時世尊告諸比丘世
間言美色世間美色者能令多人集
聚觀者者不諸比丘白佛如是世尊
佛告比丘若世間美色世間美色者
又能種種歌舞伎樂復極令多衆聚
集者不比丘白佛如是世尊佛告比
丘若有世間美色世間美色者在於
一處作種種歌舞伎樂戲笑復有大
衆雲集一處若有士夫不愚不癡樂
樂皆苦貪生畏死有人語言士夫汝

當持滿油鉢於世間美色者所及大
衆中過使一能殺人者拔刀隨汝若
失一涕油者輒當斬汝命云何以丘
彼持油鉢士夫能不念油鉢不念殺
人者觀彼伎女及大衆不比丘自佛
不也世尊所以者何世尊彼士夫自
見其後有拔刀者常作是念我若落
油一涕彼拔刀者當截我頭唯一其
心繫念油鉢於世間美色及大衆中
徐步而過不敢顧眄如是比丘若有
沙門婆羅門正身自重一其心念不
願聲色喜攝一切心法住身念處
者則是我弟子隨我教者云何為比
丘正身自重一其心念不願聲色攝
持一切心法住身念處如是比丘身
身觀念精勤方便正智正念調伏世
間貪憂受心法法觀念住亦復如是
是名比丘正身自重一其心念不願
聲色喜攝心法住四念處永時世尊
即說偈言

專心正念 護持油鉢 自心隨護
未曾至方 甚難得過 勝妙微細
諸佛所說 言教利鈍 當一其心

專精護持 非彼凡人 放逸之事
能入如是 不放逸教

佛說此經已諸比丘聞佛所說歡喜
奉行

如是我聞一時佛住舍衛國祇樹給
孤獨園余時尊者鬱伽伽來詣佛所
稽首佛足退坐一面白佛言善哉世
尊為我說法我聞法已當獨一靜處
專精思惟不放逸住思惟所以善男
子剷除疑疑正信非家出家學道如
上廣說乃至不受後有佛告鬱伽伽
如是如是如汝所說但於我所說法
不悅我心彼所事業亦不成就雖隨
我後而不得利反生障闕鬱伽伽白
佛世尊所說我則能令世尊心悅自
業成就不生障闕唯願世尊為我說
法我當獨一靜處專精思惟不放逸
住如上廣說乃至不受後有如是第
二第三請余時世尊告鬱伽伽汝當
先淨其初業然後修習梵行鬱伽伽
白佛我今云何淨其初業修習梵行
佛告鬱伽伽汝當先淨其戒直其見
具足三業然後修四念處何等為四

內身身觀念住專精方便正智正念
調伏世間貪憂如是外身內外身身
觀念住受心法法觀念住亦如是廣
說時鬱伽迦問佛所說歡喜隨喜從
座起而去時鬱伽迦問佛教授已獨
一靜處專精思惟不放逸住思惟所
以善男子剗除麤疑著袈裟衣正信
非家出家學道乃至不受後有
如鬱伽迦所問如是吳比丘所問亦
如上說

如是我聞一時佛住舍衛國祇樹給
孤獨園時有異比丘名婆蹉迦來詣
佛所稽首礼足退坐一面白佛言世
尊善哉世尊為我說法如前鬱伽迦
偈多羅廣說差別者如是婆蹉迦比
丘初業清淨身身觀念住者超越諸
魔受心法法觀念住者超越諸魔時
婆蹉迦比丘問佛說法教誡已歡喜隨
喜作礼而去獨一靜處專精思惟不
放逸住乃至不受後有第二經亦如
上說差別者如是比丘超越生死
如是我聞一時佛住舍衛國祇樹給
孤獨園今時尊者阿都律陀詣佛所

稽首礼足退坐一面白佛言世尊者
有比丘住於學地未得上進安隱涅
槃而方便求足聖弟子當云何於正
法律修習多修習得盡諸漏乃至自
知不受後有佛告阿那律若聖弟子
住於學地未得上進安隱涅槃而方
便求彼於今時當內身身觀念住精
勤方便正智正念調伏世間貪憂如
是受心法法觀念住精勤方便正智
正念調伏世間貪憂如是聖弟子多
修習已得盡諸漏乃至自知不受後
有今時尊者阿那律陀聞佛所說歡
喜隨喜作礼而去

如是我聞一時佛住巴連弗邑鷄林
精舍時尊者優陀夷尊者阿難陀亦
住巴連弗邑鷄林精舍今時尊者優陀
夷詣尊者阿難陀共相問訊慰勞已
退坐一面語尊者阿難陀如來應供等
正覺所知所見為諸比丘說聖戒令
不斷不缺不擇不離不戒取善究竟
善持智者所歎所不惜惡何故如來
應等正覺所知所見為諸比丘說聖戒不
斷不缺乃至智者所歎所不惜惡尊

者阿難語優陀夷為修四念處故何等為四謂身身觀念住受心法法觀念住時二正士共論議已各還本處如是是我聞一時佛住巴連弗邑鷄林精舍尔時尊者阿難尊者跋陀羅亦在彼住時尊者跋陀羅問尊者阿難言頗有法修習多修習得不退轉耶尊者阿難語尊者跋陀羅有法修習多修習能令行者得不退轉謂四念處何等為四身身觀念住受心法法觀念住時二正士共論說已各還本處如是是我聞一時佛住巴連弗邑鷄林精舍尔時尊者阿難尊者跋陀羅亦在彼住時尊者尊者跋陀羅問尊者阿難頗有法修習多修習令不淨衆生而得清淨轉增光澤耶尊者阿難語尊者跋陀羅有法修習多修習能令不淨衆生而得清淨轉增光澤謂四念處身身觀念住受心法法觀念住時二正士共論議已各還本處如是是我聞一時佛住巴連弗邑鷄林精舍尔時尊者阿難尊者跋陀羅亦在彼住時尊者尊者跋陀羅問尊者阿難

頗有法修習多修習能令未度彼岸
衆生得度彼岸尊者阿難語尊者跋
陀羅有法修習多修習能令未度彼
岸衆生得度彼岸謂四念處何等為
四謂身身觀念住受心法法觀念住
時二正士共論議已各還本處
如是我聞一時佛住巴連弗邑鷄林
精舍尔時尊者阿難尊者跋陀羅亦
在彼住尊者跋陀羅問尊者阿難頗
有法修習多修習得阿羅漢尊者阿
難語尊者跋陀羅有法修習多修習
而得阿羅漢謂四念處何等為四謂
身身觀念住受心法法觀念住時二
正士共論議已各還本處
如是我聞一時佛住巴連弗邑鷄林
精舍尔時世尊告諸比丘所說一切
法一切法者謂四念處是名正說何
等為四謂身身觀念住受心法法觀
念住佛說此經已諸比丘聞佛所說
歡喜奉行

如是我聞一時佛住巴連弗邑鷄林
精舍尔時世尊告諸比丘若比丘於
四念處修習多修習名賢聖出離何

等為四謂身身觀念住受心法法觀念住佛說此經已諸比丘聞佛所說歡喜奉行

如出離如是正盡苦究竟苦邊得大果得大福利得甘露法究竟甘露甘露法作證如上廣說

如是我聞一時佛住巴連弗邑鷄林精舍尔時世尊告諸比丘若比丘於四念處修習多修習未淨衆生令得清淨已淨衆生令增光澤何等為四謂身身觀念住受心法法觀念住佛說此經已諸比丘聞佛所說歡喜奉行如淨衆生如是來度彼岸者令度得阿羅漢得辟支佛得阿耨多羅三藐三菩提亦如上說

如是我聞一時佛住巴連弗邑鷄林精舍尔時世尊告諸比丘當為汝說修四念處何等為修四念處若比丘如來應等正覺明行足善逝世間解無上士調御丈夫天人師佛世尊出興于世演說正法上語亦善中語亦善下語亦善善義善味純一滿淨梵行顯示若族姓子族姓女從佛聞法

得淨信心如是修學見在家和合欲
樂之過煩惱結縛樂居空閑出家學
道不樂在家家於非家欲一向清淨
盡其形壽純一滿淨鮮白梵行我當
剷除麤故著袈裟衣正信非家出家
學道作是思惟已即便放捨錢財親
屬剷除麤故著袈裟衣正信非家出
家學道正其身行護口四過正命清
淨習賢聖戒守諸根門護心正念眼
見色時不取形相若於眼根住不律
儀世間貪憂惡不善法常漏於心而
今於眼起正律儀耳鼻舌身意起正
律儀亦復如是披以賢聖戒律成就
善攝根門來往周旋顧視屈伸坐卧
臥覺語默住智正智彼成就如此聖
戒守護根門正智正念寂靜遠離空
處樹下閑房獨坐正身正念繫心安
住斷世貪憂離貪欲淨除貪欲斷世
瞋恚瞋瞋掉悔疑蓋離瞋恚瞋瞋掉
悔疑蓋淨除瞋恚瞋瞋掉悔疑蓋斷除
五蓋惱心慧力贏諸障闕分不起涅
槃者是故內身身觀念住精勤方便
正智正念調伏世間貪憂如是外身

內外身受心法法觀念住亦如是說
是名比丘修四念處佛說此經已諸
比丘聞佛所說歡喜奉行

如是我聞一時佛住舍衛國祇樹給
孤獨園今時世尊告諸比丘當修四
念處如上廣說差別者乃至如是出
家已住於靜處攝受波羅提木叉律
儀行處具足於細微罪生大怖畏受
持學戒離殺斷殺不樂殺生乃至一
切業跡如前說衣鉢隨身如鳥兩翼
如是學戒成就修四念處佛說此經
已諸比丘聞佛所說歡喜奉行
如是我聞一時佛在王舍城迦蘭陀
竹園今時尊者舍利弗住摩竭提那
羅聚落疾病涅槃純陀沙彌瞻視供
養今時尊者舍利弗因病涅槃時純
陀沙彌供養尊者舍利弗已取餘舍
利擔持衣鉢到王舍城舉衣鉢洗足
已詣尊者阿難所礼尊者阿難足已
却住一面白尊者阿難尊者當知我
和上尊者舍利弗已涅槃我持舍利
及衣鉢來於是尊者阿難聞純陀沙
彌語已往詣佛所白佛言世尊我今

舉體離解四方易韻持辯閉塞純陀
沙弥來語我言如上舍利弗已涅槃
持餘舍利及衣鉢來佛言云何阿難
彼舍利弗持所受戒身涅槃耶定身
慧身解脫身解脫知見身涅槃耶阿
難白佛言不也世尊佛告阿難若法
我自知成等正覺所說謂四念處四
正斷四如意足五根五力七覺支八
道支涅槃耶阿難白佛不也世尊雖
不持所受戒身乃至道品法而涅槃
然尊者舍利弗持戒多聞少欲知足
常行遠離精勤方便攝念安住一心
正受持戒智慧深利智慧超出智慧
分別智慧大智慧廣智慧甚深智慧
無等智慧智慧寶成就現能教能照
能喜善能讚歎為衆說法是故世尊
我為法故為受法者故愁憂苦惱佛
告阿難汝莫愁憂苦惱所以者何若
坐者起者作有為敗壞之法何得不
壞欲令不壞者無有是處我先已說
一切所愛念種種諸物適意之事一
切皆是乖離之法不可常保譬如大
樹根莖枝葉華果茂盛大枝先折如

大寶山大巖先崩如是如來大衆
屬其大聲聞先般涅槃若彼方有舍利
弗住者於彼方我則無事然其彼方
我則不空以有舍利弗故我先已說
故汝今阿難如我先說所可受念種
種適意之事皆是別離之法是故汝
今莫大愁毒阿難當知如來不久亦當
過去是故阿難當作自洲而自依當
作法洲而法依當作不異洲不異依
阿難自佛世尊云何自洲以自依云
何法洲以法依云何不異洲不異依
佛告阿難若比丘身身觀念處精勤
方便正智正念調伏世間貪憂如是
外身内外身受心法法觀念處亦如
是說阿難是名自洲以自依法洲以
法依不異洲不異洲依佛說此經已
諸比丘聞佛所說歡喜奉行

如是我聞一時佛住摩偷羅國跋陀
羅河側傘蓋菴羅樹林中尊者舍利
弗目犍連涅槃未久尔時世尊月十
五日布薩時於大衆前敷座而坐尔
時世尊觀察衆會已告諸比丘我觀
大衆見已虛空以舍利弗大目犍連

般涅槃故我聲聞唯此二人善能說
法教誡教授辯說滿足有二種財錢
財及法財錢財者從世人求法財者從
舍利弗大目犍連求如來已離施財
及法財汝等莫以舍利弗目犍連涅
槃故愁憂苦惱譬如大樹根莖枝葉
華果茂盛大枝先折亦如寶山大巖
先崩如是如來大衆之中舍利弗目
犍連二大聲聞先般涅槃是故比丘
汝等勿生愁憂苦惱何有生法起法
作法為法壞敗之法而不磨滅欲令
不壞無有是憂我先已說一切可愛
之物皆歸離散我今不久亦當過去
是故汝等當知自洲以自依法洲以
法依不異洲不異依謂內身身觀念
住精勤方便正智正念調伏世間貪
憂如是外身內外身受心法法觀念
住精勤方便正智正念調伏世間貪
憂是名自洲以自依法洲以法依不
異洲不異依佛說此經已諸比丘聞
佛所說歡喜奉行

雜阿含經卷第二十四

癸卯歲高麗國大藏都監奉

勅雕造

雜阿含經卷第二十五

威

宋天竺三藏求那跋陀羅譯

爾時世尊告尊者阿難此摩偷羅國
將來世當有商人子名曰掘多掘多
有子名優波掘多我滅度後百歲當
作佛事於教授師中最為第一阿難
汝遙見彼青色叢林不阿難白佛唯
然已見世尊阿難是處名為優留曼
荼山如來滅後百歲此山當有那吒
跋置迦阿蘭若處此處隨順寂默最
為第一爾時世尊作是念我若以教
法付囑人者恐我教法不得久住若
付囑天者恐我教法亦不得久住世
間人民則無有受法者我今當以正
法付囑人天諸天世人共攝受法者
我之教法則千歲不動爾時世尊起
世俗心時天帝釋及四大天王知佛
心念來詣佛所稽首礼足退坐一面
爾時世尊告天帝釋及四大天王如
來不久當於無餘涅槃而般涅槃我
般涅槃後汝等當護持正法爾時世
尊復告東方天王汝當於東方護持

正法次告南方西方北方天王汝當
於北方護持正法過十歲後我教法
滅時當有非法出於世間十善悉壞
閻浮提中惡風暴起水雨不時世多
飢饉雨則災雹江河消滅華果不成
人無光澤虫村鬼村悉皆磨滅飲食
失味珍寶沉沒人民服食麤澁草木
時有釋迦王耶睺那王鉢羅婆王兜
沙羅王衆多眷屬如來頂骨佛牙佛
鉢安置東方西方有王名鉢羅婆百
千眷屬破壞塔寺殺害比丘北方有
王名耶睺那百千眷屬破壞塔寺殺
害比丘南方有王名釋迦百千眷屬
破壞塔寺殺害比丘東方有王名兜
沙羅百千眷屬破壞塔寺殺害比丘
四方盡亂諸比丘未集中國時拘睢
彌國有王名摩因陀羅西鄰其王生
子手似血塗身似甲冑有大勇力其
生之日五百大臣生五百子皆類王
子血手冑身時拘睢彌國一日雨血
拘睢彌王見此惡相即大恐怖請問
相師相師白王王今生子當王閻浮
提多殺害人生子七日字曰難當年

漸長大時四惡王從四方來殺人民
摩因陀羅西部王聞則恐怖時有天
神告言大王且立難當為王足能降
伏彼四惡王時摩因陀羅西部王受
天神教即捨位與子以璽中明珠冠
其子首集諸大臣香水灌頂召五百
大臣同日生子身被甲冑從王出征與
四惡王大衆戰勝殺害都盡王閻浮
提治在拘睢彌鞞國

尔時世尊告四大天王巴連弗國於
彼國當有婆羅門名曰阿耆尼達多
通達比陀經論彼婆羅門當納妻彼
時中陰衆生當來與其作子入母胎
中時彼母欲與人論議彼婆羅門即
問諸相師相師答云是胎中衆生當
了達一切論故令母生如是論議之
心欲將人論議如是日月滿足出生
母胎以為童子了達一切經論恒以
經論教授五百婆羅門子及餘諸論
教授餘人以醫方教醫方者如有
衆多弟子有衆多弟子故名曰弟子
次當從父母求出家學道乃至父母
聽其出家彼即於我法中出家學道

通達三藏善能說法辯才巧妙言語
談說攝多眷屬

又復世尊告四大天王曰此巴連卑
邑國中當有大商主名曰須陀那中
陰衆生來入母胎彼衆生入母胎時
令母質直柔和無諸邪想諸根寂靜
時彼商主即問相師相師答曰胎中
衆生極為良善故令母如是乃至諸
根寂靜至月滿足便生童子名曰修
羅他年紀漸長乃至啓白父母求出
家學道父母即聽於我法中出家學
道勤行精進修習道業便得漏盡證
阿羅漢果然寡聞少欲知足及少知舊
居在山藪林間山名捷陀摩羅時彼
聖人恒來為難當王說法彼父王當
無常無常之日難當見父過世兩手
抱父屍悲號啼哭憂惱傷心時彼三
藏將多眷屬來詣王所為王說法王
聞法已憂惱即止於佛法中生大敬
信而發聲唱言自今以後我施諸比
丘無忍畏適意為樂而問比丘前四
忘王毀滅佛法有幾年歲諸比丘答
云經十二年王心念口言作師子吼

我當十二年中當供養五衆乃至耕
諸供具即便行施行施之日天當降
香澤之雨遍閭浮提一切實種皆得
增長諸方人衆皆持供養來詣拘蹉
彌國供養衆僧時諸比丘大得供養
諸比丘莖食人信施而不讀誦經書
不灌闍為人受經戲論過日眠卧終
夜貪著利養好自嚴飾身著妙服離
諸出要寂靜出家三菩提樂形類比丘
離沙門功德是法中之大賊助作末
世壞正法幢建惡魔幢滅正法炬鑿
煩惱火壞正法鼓毀正法輪消正法
海壞正法山破正法城拔正法樹毀
禪定智慧斷戒瓔珞汙染正道時彼
天龍鬼神夜叉乾闥婆等於諸比丘
所生惡意毀善言諸比丘厭惡遠離不
復相親異口同音嗚呼如是惡比丘
不應於如來法中而說偈言

非吉行惡行行諸邪見法此諸愚癡人
打壞正法山行諸惡戒法棄諸如法行
捨諸勝妙法拔除今佛法不信不調伏
樂行諸惡行誣偽誑世間打破半足法
毀形習諸惡兇暴及千行依法誑世人

忿恨自貢高貪著求名利無惡業不脩
如佛所說法法沒有是相今者悉已見
智者所輕賤此法今出已半足正法海
不久當枯竭正法今少在惡人復來滅
毀壞我正法

時彼諸天龍神等皆生不歡喜心不
復當護諸比丘而同聲唱言佛法却
後七日滅盡號咷悲泣共相謂言至
比丘說戒日共相闢諍如來正法於
中而滅如是諸天悲惱啼泣時拘睭
弥城中有五百優婆塞聞諸天之言
共詣諸比丘衆中諫諸比丘闢諍而
說偈言

嗚呼苦劇哉愁念群生生其法今便滅
釋師子王法惡輪壞法輪如是盡金剛
乃能不即壞安隱時已滅危險法已起
明智人已過今見如是相當知不復久
半足法漸滅世間無復明離垢寂滅口
半足日今沒世人失伏藏善惡無差別
善惡無差已誰能得正覺法燈今在世
及時行諸善無量諸福田此法今當滅
是故我等輩知財不堅牢及時取堅實
至十五日說戒時法當沒今日五百

優婆塞一日之中造五百佛塔時諸
優婆塞各有餘務不復來往衆僧衆
中尔時住捷隨摩羅山修羅他阿羅
漢觀闍浮提今日何處有衆僧說戒
見有拘睺弥國如來弟子說戒為布
薩即詣拘睺弥時彼僧衆乃有百千
人中唯有一阿羅漢名曰修羅他又
復有一三藏名曰弟子此是如來最
後大衆集尔時縛耨行沙羅壽白三
藏上座言衆僧已集有百千人今為
說波羅提木叉時彼上座答言闍浮
提如來弟子皆來集此數有百千如
是衆中我為上首了達三藏尚不學
戒律况復餘者而有所學今當為誰
而說戒律而說偈言

今是十五日 夜靜月清明 如是諸比丘
今集聽說戒 一切闍浮提 衆僧最後集
我是衆中上 不學戒律法 况復餘僧衆
而有所學習 何能牟足法 釋迦師子王
彼戒誰有持 是人乃能說

尔時彼阿羅漢修羅他立上座前合
掌白上座言上座但說波羅提木叉
如佛在世時舍利弗目捷連等大比

在衆所學法我今已悉學如來雖滅
度於今已千歲彼所制律儀我悉已
備足而說偈言

上座聽我說我名修羅他漏盡阿羅漢
僧中師子吼今是真弟子信佛諸鬼神
聞彼聖所說悲哀泣流淚恆頭念法滅
從今去已後無有說法者毗尼別解脫
不復在於世法槁今已壞法水不復流
法海已枯竭法山已崩頽法會從今絕
法幢不復見法足不復行律儀戒永沒
法燈不復照法輪不復轉閉塞甘露門
法師不在世善人說妙道衆生不識善
不異於野獸

今時佛母摩訶摩耶夫人天上来下
詣諸衆僧所號咷啼泣嗚呼苦哉是
我之子經塵阿僧祇劫修諸苦行不
願勞體積德成佛今者忽然消滅而
說偈言

我是佛親母我子積苦行經塵無數劫
究竟成真道悲泣不自勝今法忽磨滅
嗚呼智慧人今今何所在持法捨諍訟
從佛口所生諸王無上尊真寶佛弟子
頭陀修妙行宿止林數間如是真佛子

今為何所在 今者於世間 無有諸威德
曠野山林間 諸神寂无言 施戒愍群生
信戒自莊嚴 忍辱質直行 觀察諸善惡
如是諸勝法 今忽都已盡

余時彼上座弟子作是念言彼修羅
他比丘自言如來所制戒律我悉備
持余時上座有弟子名曰安伽陀起
不忍之心極生忿恨從座起罵辱彼
聖汝是下座比丘愚癡無智而毀辱
我和上即將利刀殺彼聖人而說
偈言

我名安伽陀 失沙之弟子 利劍殺汝身
自謂我有德

余時有一鬼名曰大提木佉作是念
言世間唯有此一阿羅漢而為惡比
丘弟子所害執持金剛利杵杵頭火
然以此打破彼頭即便命終而說偈言
我是惡鬼神 名大提木佉 以此金剛杵
破汝頭七分

余時阿羅漢弟子見彼弟子殺害其
師忿恨不忍即殺三藏余時諸天世
人悲哀啼泣嗚呼苦哉如來正法今
便都盡尋即此大地六種震動無量

衆生號咷啼泣極為愁惱嗚呼今日
正法不復現世作是語已各各離散
尔時拘睢弥國五百優婆塞聞已往
詣寺中舉手拍頭高聲大哭嗚呼如
來愍念世間濟諸群生無有巨細誰
當為我說法義今者人天解脫不復
可得衆生今日猶在闇冥無有引導
長習諸惡以此為歡如諸野獸不聞
牟尼妙法身壞命終墮在三塗譬如
流星世人從今已後無復念慧寂靜
三昧十力妙法尔時拘睢弥王聞諸
比丘殺真人阿羅漢及三藏法師心
生悲惱惋慨而坐尔時諸邪見輩諍
覓打破塔廟及害比丘從是佛法索
然頓滅

尔時世尊語釋提桓因四大天王諸
天世人於我滅度之後法盡之相如上
所說是故汝等今者不可不以勤力
加於精進護持正法久令在世尔時
諸天世人聞佛所說各各悲顏以手
揮淚頂礼佛足各自退去

阿育王施半阿摩勒果因緣經

阿育王於如來法中得大敬信時王

問諸比丘言誰於如來法中行大布施諸比丘白王言給孤獨長者最行大施王復問曰彼施幾許寶物比丘荅曰以億千金王聞已如是思惟彼長者尚能捨億千金我今為王何緣復以億千金施當以億百千金施時王起八万四千佛塔於彼諸塔中復施百千金復作五歲大會會有三千比丘用三百億金供養於彼僧衆中第一分是阿羅漢第二分是學人第三分是真實凡夫除私庫藏此閻浮提夫人嫫女太子大臣施與聖僧四十億金還復贖取如是計費用九十六億千金乃至王得重病時王自知命欲終盡時有大臣名羅陀崛多時王宿命是施佛土時同伴小兒時彼大臣羅陀崛多見王重病命垂欲盡稽首以偈問王

頗頻常辭澤百千嫫女遠
密蜂當聚集今觀聖王頌
無有諸鮮澤
王即以偈荅

我今無所憂失財及王位
此身及餘親
及諸種種寶我今所愁者
不復覩賢聖

四事以供養我今唯念此顏色有變異
心意無所寧

又復我常所願欲以滿億百千金作
功德今願不得滿足便就後世時計
我前後所施金銀珍寶唯減四億未
滿王即辦諸珍寶送與鷄雀寺中法
益之子名三波提為太子諸臣等皆
太子言大王將終不久今以此珍寶
送與寺舍中今庫藏財寶已竭諸王
法以物為尊太子今宜斷之勿使大
王用盡也時太子即勅典藏者勿復出
與大王用之時大王自知索諸物不
復能得所食金器送與寺中時太子
令斷金器給以銀器王食已復送與
寺中又斷銀器給以銅器王亦以此
送與寺中又斷銅器給以瓦器時大
王手中有半阿摩勒果悲淚告諸大
臣今誰為地主時諸臣皆白大王王
為地主時王即說偈答曰

汝等護我心何假虛妄語我今坐王位
不復得自在阿摩勒半果今在於我手
此即是我物於是得自由嗚呼尊富貴
可厭可棄捨先領閻浮提今一旦自至

如恒河駛流一逝而不返 富貴亦復然
逝者不復還

又復如佛偈所說

凡盛必有衰 以衰為究竟 如來神口說
真實無有異 先時所教令 速疾無有閑
今有所求索 無復從我教 如風閑於山
如水閑於岸 我今所教令 於今已永絕
將從無量衆 擊鼓吹貝螺 常作諸伎樂
受諸五欲樂 姝女數百衆 日夜自娛樂
今者都永盡 如樹無花實 顏貌轉枯盡
色力亦復然 如花轉萎悴 我今亦復尔
時阿育王呼侍者言 汝今憶我恩養
汝持此半阿摩勒果 送鷄雀寺中作
我意 礼拜諸比丘僧足 白言阿育王
問諸諸大聖衆 我是阿育王 領此閻
浮提閻浮提 是我所有 今者頻盡無
有 財寶布施衆僧 於一切財而不得
自在 今唯此半阿摩勒果 我得自由
此是最後布施 檀波羅蜜 哀愍我故
納受此施 令我得供養僧福 而說
偈言

半阿摩勒果 是我之所有 於我得自在
今捨於大衆 緣心在於聖 更無濟我者

憐愍於我故納受阿摩勒為我食此施
因是福無量世世受妙樂用之無有盡
時彼使者受王勅已即持此半阿摩
勒果至鷄雀寺中至上座前五體著
地作礼長跪合掌向上座而說偈曰
領於閻浮提一繖繫一鼓遊行無所尋
如日照於世業行報已至在世不復久
無有王威德如日雲所翳号曰阿育王
稽首礼僧足送此布施物謂半阿摩勒
願求來世福哀愍彼王故聖眾愍彼故
受是半果施

時彼上座告諸大眾誰聞是語而不
厭世間我等聞是事不可不生厭離
如佛經所說見他衰事應生厭離若
有識類衆生者聞是事豈得不捨世
間而說偈曰

人王世中最阿育孔雀姓閻浮提自在
阿摩勒為主太子及諸臣共棄大王施
送半阿摩勒降伏憍財者使彼生厭心
愚夫不識施因果受妙樂示送半摩勒
時彼上座作是念言云何今此半阿
摩勒一切衆僧得其分食即教令研
磨著石榴羹美中行已衆僧一切皆得

周遍時王復問傍臣曰誰是閻浮提
王臣啓王言大王是也時王從卧起
而坐顧望四方合掌作礼念諸佛德
心念口言我今復以此閻浮提施與
三寶隨意用之而說偈曰

今此閻浮提多有珍寶飾施與良福田
果報自然得以此施功德不求天帝釋
梵王及人主世界諸妙樂如是等果報
我悉不用受以是施功德疾得成佛道
為世所尊仰成得一切智世間作善友
導師最第一

時王以此語盡書紙上而封緘之以
齒印印之作如是事畢便即就盡
余時太子及諸臣宮人嫫女國界人
民興種種供養葬送如王之法而閻
維之

余時諸臣欲立太子紹王位中有一
大臣名曰阿菟羅隨語諸臣曰不得
立太子為王所以者何大王阿育在
時本捨願滿十萬億金作諸功德唯
減四億不滿十萬以是故今捨閻浮
提施與三寶欲令滿足今是大地屬
於三寶云何而立為王時諸臣聞已

即送四億諸金送與寺中即便立法
益之子為王名三波提次復太子名
毗梨訶波佉為紹王位毗梨訶波佉
太子名曰毗梨訶西邨次紹王位毗
梨訶西邨太子名曰沸沙須摩次紹
王位沸沙須摩太子名曰沸沙蜜多
羅次紹王位時沸沙蜜多羅問諸臣
曰我當作何等事令我名德久存於
世時賢善諸臣信樂三寶者啓王言
阿育大王是王之前種姓彼王在世
造立八万四千如來塔復興種種供
養此之名德相傳至今王欲求此名
者當造立八万四千塔及諸供養王
言大王阿育有大威德能辦此事我
不能作更思餘事中有惡臣不信向
者啓王言世間二種法傳世不滅一
者作善二者作惡大王阿育作諸善
行王今當行惡行打壞八万四千塔
時王用佞臣語即興四兵衆往詣寺
舍壞諸塔寺王先往鷄雀寺中寺門
前有石師子即作師子吼王聞之即
大驚怖非生獸之類而能吼鳴還入
城中如是再三欲壞彼寺

時王呼諸比丘來問諸比丘使我壞
塔為善壞僧房為善比丘答曰二不
應行王其欲壞者寧壞僧房勿壞佛
塔時王殺害比丘及壞塔寺如是漸
漸至婆伽羅國又復唱令若有人能
得沙門釋子頭來者賞之千金余時
彼國中有一阿羅漢化作衆多比丘
頭與諸百姓令送至於王所令王庫
藏財寶竭盡時彼王聞阿羅漢作如
是事倍復瞋恚欲殺彼阿羅漢時彼
羅漢入滅盡正受王作無量方便殺
彼聖人終不能得入滅盡三昧力故
不傷其體如是漸進至佛塔門邊彼
所塔中有一鬼神止住其中守護佛
塔名曰牙齒彼鬼神作是念我是佛
弟子受持禁戒不殺害衆生我今不
能殺害於王又復作念有一神名曰
為王行諸惡行兇暴勇健來索我女
我不與之今者為護正法故當嫁與
彼令其守護佛法即呼彼神語言我
今嫁女與汝然共立約指汝要當降
伏此王勿使與諸惡行壞滅正法時
王所有一大鬼神名曰烏荼威德具

足故彼神不奈王何時牙齒神作方便今日王威勢自然由此鬼神我今誘誑共作親厚如是與彼神作知識極作知識已即將此神至於南方大海中時彼至神排攔大山推迫王上及四兵衆無不死盡衆人唱言快哉快我是世人相傳名為快我彼王終亡孔雀苗囊於此永終是故世間富樂不足為貪阿育大王有智之人覺世無常身命難保五家財物亦如幻化覺了彼法勤行精進作諸功德乃至臨終係心三寶念念不絕無所悵惜唯願盡成阿耨多羅三藐三菩提

華嚴合經卷第三十五

華嚴高麗國大藏都監奉
勅雕造

雜阿含經卷第二十六

盛

宋失竺三藏求那跋陀羅譯

如是我聞一時佛住舍衛國祇樹給
孤獨園今時世尊告諸比丘有三根
未知當知根知根無知根今時世尊
即說偈言

覺知學地時隨順直道進精進勤方便
善自護其心如自知生盡無尋道已知
以知解脫已最後得無知不動意解脫
一切有能盡諸根悉具足樂於根寂靜
持於最後身降伏衆魔恣

佛說此經已諸比丘聞佛所說歡喜
奉行

如是我聞一時佛在舍衛國祇樹給
孤獨園今時世尊告諸比丘有五根
何謂為五謂信根精進根念根定根
慧根佛說此經已諸比丘聞佛所說
歡喜奉行

如是我聞一時佛住舍衛國祇樹給
孤獨園今時世尊告諸比丘有五根
何等為五謂信根精進根念根定根
慧根若比丘於此五根如實善觀察

如實善觀察者於三結斷知謂身見
戒取疑是名須陀洹不墮惡趣法決
定正向於正覺大有天人往生究竟
苦邊佛說此經已諸比丘聞佛所說
歡喜奉行

如是我聞一時佛住舍衛國祇樹給
孤獨園今時世尊告諸比丘於此五
根如實觀察者不起諸漏心得離欲
解脫是名阿羅漢諸漏已盡所作已
作離諸重擔逮得已利盡諸有結正
智心善解脫佛說此經已諸比丘聞
佛所說歡喜奉行

如是我聞一時佛住舍衛國祇樹給
孤獨園今時世尊告諸比丘有五根
何等為五謂信根精進根念根定根
慧根信根者當知是四不壞淨精進根
者當知是四正斷念根者當知是四
念處定根者當知是四禪慧根者當
知是四聖諦佛說此經已諸比丘聞
佛所說歡喜奉行

如是我聞一時佛住舍衛國祇樹給
孤獨園今時世尊告諸比丘有五根
何等為五謂信根精進根念根定根

慧根何等為信根若比丘於如來所
起淨信心根本堅固餘沙門婆羅門
諸天魔梵沙門婆羅門及餘世間無
能沮壞其心者是名信根何等為精
進根已生惡不善法令斷生欲方便攝
心增進未生惡不善法不起生欲方
便攝心增進未生善法令起生欲方
便攝心增進已生善法住不忘修習
增廣生欲方便攝心增進是名精進
根何等為念根若比丘內身身觀住
慇懃方便正念正智調伏世間貪憂
外身內外身受心法法觀念住亦如
是說是名念根何等為定根若比丘
離欲惡不善法有覺有觀離生喜樂
乃至第四禪具足住是名定根何等
為慧根若比丘苦聖諦如實知苦集
聖諦苦滅聖諦苦滅道跡聖諦如實
知是名慧根佛說此經已諸比丘聞
佛所說歡喜奉行

如是我聞一時佛住舍衛國祇樹給
孤獨園今時世尊告諸比丘如上說
差別者若比丘於此五根如實觀察
已於三結斷知何等為三謂身見戒

取疑是名須隨洹不墮惡趣決定正
向三菩提七有天人往生究竟苦邊
佛說此經已諸比丘聞佛所說歡喜
奉行

如是我聞一時佛住舍衛國祇樹給
孤獨園今時世尊告諸比丘如上說
差別者若比丘於此五根如實觀察
已得盡諸漏離欲解脫是名阿羅漢
諸漏已盡所作已作離諸重擔速得
已利盡諸有結正智心得解脫佛說
此經已諸比丘聞佛所說歡喜奉行
如是我聞一時佛住舍衛國祇樹給
孤獨園今時世尊告諸比丘如上說
差別者諸比丘若我於此信根信根
集信根滅信根滅道跡不如實知者我
終不得於諸天魔梵沙門婆羅門中
為出為離心離顛倒亦不得成阿耨
多羅三藐三菩提如信根精進根念
根定根慧根亦如是說諸比丘我於
此信根正智如實觀察故信根集信
根滅信根滅道跡正智如實觀察故
我於諸天魔梵沙門婆羅門衆中為
出為離心離顛倒成阿耨多羅三藐

三菩提如信根精進念定慧根亦如是說佛說此經已諸比丘聞佛所說歡喜奉行

如是我聞一時佛住舍衛國祇樹給孤獨園今時世尊告諸比丘如上說差別者諸比丘我此信根集信根沒信根味信根患信根離不如實知者我不得於諸天魔梵沙門婆羅門衆中為解脫為出為離心離顛倒成阿耨多羅三藐三菩提如是精進根念根定根慧根亦如是說諸比丘我於信根信根集信根沒信根味信根患信根離如實知故於諸天魔梵沙門婆羅門衆中為解脫為出為離心離顛倒成阿耨多羅三藐三菩提如是說佛說此經已諸比丘聞佛所說歡喜奉行

如是我聞一時佛住舍衛國祇樹給孤獨園今時世尊告諸比丘如上說差別者若比丘於此五根若利若滿足得阿羅漢若軟若劣得阿那含若軟若劣得斯陀含若軟若劣得須陀洹滿足者成滿足事不滿足者成不

滿足事於此五根不空無果若於此
五根一切無者我說彼為外道凡夫
之數佛說此經已諸比丘聞佛所說
歡喜奉行

如是我聞一時佛住舍衛國祇樹給
孤獨園今時世尊告諸比丘如上說
差別者若比丘於彼五根增上明利
滿足者得阿羅漢俱分解脫若軟若
劣者得身證於彼若軟若劣得見到
於彼若軟若劣得信解脫於彼若軟
若劣得一種於彼若軟若劣得斯陀
含於彼若軟若劣得家家於彼若軟
若劣得七有於彼若軟若劣得法行
於彼若軟若劣得信行是名比丘根
波羅蜜因緣知果波羅蜜果波羅蜜
因緣知人波羅蜜如是滿足者作滿
足事減少者作減少事彼諸根則不
空無果若無此諸根者我說彼為作
凡夫數佛說此經已諸比丘聞佛所
說歡喜奉行

如是我聞一時佛住舍衛國祇樹給
孤獨園今時世尊告諸比丘有五根
何等為五謂信根精進根念根定根

慧根此五根一切皆為慧根所攝受
譬如堂閣衆材棟為其首皆依於棟
以攝持故如是五根慧為其首以攝
持故佛說此經已諸比丘聞佛所說
歡喜奉行

如是我聞一時佛住舍衛國祇樹給
孤獨園今時世尊告諸比丘有五根
何等為五謂信根精進根念根定根
慧根信根者當知是四不壞淨精進
根者當知是四正斷念根者當知是
四念處定根者當知是四禪慧根者
當知是四聖諦此諸功德一切皆是
慧為其首以攝持故乃至佛說此經
已諸比丘聞佛所說歡喜奉行

如是我聞一時佛住舍衛國祇樹給
孤獨園今時世尊告諸比丘有五根
何等為五信根精進根念根定根慧
根若聖弟子成就慧根者能修信根
依離依無欲依滅向於捨是名信根
成就信根成就即是慧根如信根如
是精進根念根定根慧根亦如是說
是故就以此五根慧根為其首以攝持
故譬如堂閣棟為其首衆材所依以

攝持故如是五根慧為其首以攝持
故佛說此經已諸比丘聞佛所說歡
喜奉行

如是我聞一時佛住舍衛國祇樹給
孤獨園今時世尊告諸比丘有五根
何等為五信根精進根念根定根慧
根若聖弟子成就信根者作如是學
聖弟子無始生死無明所著愛所繫
衆生長夜生死往來流馳不知本際
有因故有生死因永盡者則無生死
無明大闇聚障暈誰般淫暎唯苦滅
苦息清涼沒如信根如是精進根念
根定根慧根亦如是說此五根慧為
首慧所攝持譬如堂閣棟為首棟所
攝持佛說此經已諸比丘聞佛所說
歡喜奉行

如是我聞一時佛住舍衛國祇樹給
孤獨園今時世尊告諸比丘有五根
信根精進根念根定根慧根何等為
信根謂聖弟子於如來所起信心根
本堅固諸天魔梵沙門婆羅門及諸
世間法所不能壞是名信根何等為
精進根謂四正斷何等為念根謂四

念處何等為定根謂四禪何等為慧根謂四聖諦此諸功德皆以慧為首譬如堂閣棟為其首佛說此經已諸比丘聞佛所說歡喜奉行

如是我聞一時佛住舍衛國祇樹給孤獨園今時世尊告諸比丘有五根何等為五謂信根精進根念根定根慧根何等為信根若聖弟子於如來發菩提心所得淨信心是名信根何等為精進根於如來發菩提心所起精進方便是名精進根何等念根於如來初發菩提心所起念根何等為定根於如來初發菩提心所起三昧是名定根何等為慧根於如來初發菩提心所起智慧是名慧根所餘堂閣譬如上說佛說此經已諸比丘聞佛所說歡喜奉行

如是我聞一時佛住舍衛國祇樹給孤獨園今時世尊告諸比丘有五根何等為五謂信根精進根念根定根慧根於此五根修習多修習過去未來現在一切苦斷佛說此經已諸比丘聞佛所說歡喜奉行

如苦斷如是究竟苦邊苦盡苦息苦
沒度苦流於縛得解害諸色過去未
來現在一切漏盡亦如是說

如是我聞一時佛住舍衛國祇樹給
孤獨園今時世尊告諸比丘有二種
力何等為二謂數力及修力何等為
數力謂聖弟子空閑林中樹下作如
是思惟身惡行現法後世受於惡報
我若行身惡行者我當自悔教他亦
悔我大師亦當悔我大德梵行亦當
悔我以法責我惡名流布身壞命終
當生惡趣泥犁中如是現法後報身
惡行斷修身善行如身惡行口意惡
行亦如是說是名數力何等為修力
若比丘學於數力聖弟子數力成就
已隨得修力得修力已修力滿足佛
說此經已諸比丘聞佛所說歡喜
奉行

如是我聞一時佛住舍衛國祇樹給
孤獨園今時世尊告諸比丘如上說
差別者聖弟子學數力成就已貪恚
癡若節若盡如是聖弟子依於數力
盡立數力隨得修力得修力已修力

滿足佛說此經已諸比丘聞佛所說
歡喜奉行

如是我聞一時佛住舍衛國祇樹給
孤獨園余時世尊告諸比丘如上說
差別者何等為修力謂修四念處佛
說此經已諸比丘聞佛所說歡喜奉行
如四念處如是修四正斷四如意足
五根五力七覺分八聖道分四道四
法句止觀亦如是說

如是我聞一時佛住舍衛國祇樹給
孤獨園余時世尊告諸比丘有三種
力何等為三謂信力精進力慧力復
次三力何等為三謂信力念力慧力
復次三力何等為三謂信力定力慧
力佛說此經已諸比丘聞佛所說歡
喜奉行

如是我聞一時佛住舍衛國祇樹給
孤獨園余時世尊告諸比丘有三力
謂信力精進力慧力如是比丘當作
是學我當成就信力精進力慧力佛
說此經已諸比丘聞佛所說歡喜
奉行

如精進力念力定力亦如是說

如是我聞一時佛住舍衛國祇樹給
孤獨園余時世尊告諸比丘有三力
信力念力慧力何等為信力謂聖弟
子於如來所入於淨信根本堅固諸
天魔梵沙門婆羅門及諸同法所不
能壞是名信力何等為精進力謂修
四正斷何等為慧力謂四聖諦佛說
此經已諸比丘聞佛所說歡喜奉行
餘二力如上說

如是我聞一時佛住舍衛國祇樹給
孤獨園余時世尊告諸比丘有四力
何等為四謂信力精進力念力慧力
復次四力信力念力定力慧力復次
四力覺力精進力無罪力攝力此諸
經如上三力說差別者何等為覺力於
善不善法如實知有罪無罪習近不
習近卑法勝法黑法白法有分別法
無分別法緣起法非緣起法如實知
是名覺力何等為精進力謂四正斷
如前廣說何等為無罪力謂無罪身
口意是名無罪力何等為攝力謂四
攝事惠施愛語行利同利佛說此經
已諸比丘聞佛所說歡喜奉行

如是我聞一時佛住舍衛國祇樹給
孤獨園今時世尊告諸比丘如上說
差別者若最勝施者謂法施最勝愛
語者謂善男子樂聞應時說法行利
最勝者諸不信者能令入信建立於
信立戒者以淨戒慳者以施慳智者
以正智令入建立同利最勝者謂阿
羅漢以阿羅漢阿那含以阿那含斯
陀舍以斯陀舍須陀洹以須陀洹淨
戒者以淨而投於彼佛說此經已諸
比丘聞佛所說歡喜奉行

如是我聞一時佛住舍衛國祇樹給
孤獨園今時世尊告諸比丘如上說
差別者若所有法是衆之所取一切
皆是四攝事或有一取施者或一取
愛語者或一取行利者或一取同利
者過去世時過去世衆以有所取者
亦是四攝事未來世衆當有所取者
亦是四攝事或一取施者或一取愛
語或一取行利者或一取同利今時
世尊即說偈言

布施及愛語或有行利行同利諸行生
各隨其所應以此攝世間猶車因鈺運

世無四攝事母恩子養忘亦無父等尊
謙下之奉事以有四攝事隨順之法故
是故有大士德被於世間

佛說此經已諸比丘聞佛所說歡喜
奉行

如是我聞一時佛住舍衛國祇樹給
孤獨園今時世尊告諸比丘有四力
何等為四謂覺力精進力無罪力攝
力如上說若比丘成就此四力者得
離五恐怖何等五謂不活恐怖惡名
恐怖衆中恐怖死恐怖惡趣恐怖是
名五恐怖佛說此經已諸比丘聞佛
所說歡喜奉行

如是我聞一時佛住舍衛國祇樹給
孤獨園今時世尊告諸比丘如上說
差別者聖弟子成就此四力者當作
是學我不畏不活我何緣畏不活若
身行不淨行口不淨行意不淨行作
諸邪貪不信懈怠不精進失念不定
惡慧慳不攝者彼應畏不活我有四
力謂覺力精進力無罪力攝力有此
四力成就故不應畏如不活畏如是
惡名畏衆中畏死畏惡趣畏亦如上

說佛說此經已諸比丘聞佛所說歡
喜奉行

如是我聞一時佛住舍衛國祇樹給
孤獨園今時世尊告諸比丘有四力
覺力精進力無罪力攝力何等為覺
力謂慧大慧深慧難勝慧是名覺力
何等為精進力若於不善法不善數
黑黑數有罪有罪數不應親近不應
親近數離此諸法已若諸餘善善數
白白數無罪無罪數應親近應親近
數如此等修習增上精勤欲方便堪
能正念正知而學是名精進力無罪
力攝力如上修多羅說佛說此經已
諸比丘聞佛所說歡喜奉行

如是我聞一時佛住舍衛國祇樹給
孤獨園今時世尊告諸比丘有五力
何等為五信力精進力念力定力慧
力佛說是經已諸比丘聞佛所說歡
喜奉行

如是我聞一時佛住舍衛國祇樹給
孤獨園今時世尊告諸比丘如上說
差別者諸比丘當作是學我當勤加

精進成就信力精進力念力定力慧
力佛說此經已諸比丘聞佛所說歡
喜奉行

如是我聞一時佛住舍衛國祇樹給
孤獨園今時世尊告諸比丘如上說
差別者彼信力當知是四不壞淨精
進力者當知是四正斷念力者當知
四念處定力者當知是四禪慧力者
當知是四聖諦佛說此經已諸比丘
聞佛所說歡喜奉行

如是我聞一時佛住舍衛國祇樹給
孤獨園今時世尊告諸比丘如上說
差別者是故諸比丘當作是學我成
就信力精進力念力定力慧力佛說
此經已諸比丘聞佛所說歡喜奉行
如是我聞一時佛住舍衛國祇樹給
孤獨園今時世尊告諸比丘有五學
力何等為五謂信力是學力精進力
是學力慚力是學力愧力是學力慧
力是學力佛說此經已諸比丘聞佛
所說歡喜奉行

如是我聞一時佛住舍衛國祇樹給
孤獨園今時世尊告諸比丘如上說

差別者諸比丘當作是學我當成就
信力是學力成就精進力是學力成
就慙力是學力成就愧力是學力成
就慧力是學力佛說此經已諸比丘
聞佛所說歡喜奉行

如是我聞一時佛住舍衛國祇樹給
孤獨園舍時世尊告諸比丘如上說
差別者何等信力是學力於如來所
善入於信根本堅固諸天魔梵沙門
婆羅門及餘同法所不能壞何等為
精進力是學力謂四正斷如前廣說
何等為慙力是學力謂著耻耻於起
惡不善法諸煩惱數受諸有熾然苦
報於未來世生老病死憂悲苦惱是
名慙力是學力何等為愧力是學力
謂諸可愧事而愧愧起諸惡不善法
煩惱數受諸有熾然苦報於未來世
生老病死憂悲苦惱是名愧力是學
力何等為慧力是學力謂聖弟子住
於智慧成就世間生滅智慧賢聖出
戲離決定正盡苦是名慧力是學力
佛說此經已諸比丘聞佛所說歡喜
奉行

如是我聞一時佛住舍衛國祇樹給
孤獨園今時世尊告諸比丘如上所
說差別者是故諸比丘當作是學我
當成就信力是學力精進力慇力愧
力慧力是學力佛說此經已諸比丘
聞佛所說歡喜奉行

如是我聞一時佛住舍衛國祇樹給
孤獨園今時世尊告諸比丘若比丘
於善法若變若退若不久住者他人
譽以五種白法來呵責汝何等為五
言汝不以信入於善法若依信者能
離不善法修諸善法汝無精進無慇
無愧無慧入於善法故若依慧者能
離諸不善法修諸善法若比丘於正
法不變不退久住者他人當以五種
白法來慶慰汝何等為五正信入於
善法若依信者離不善法修諸善法
精進慇愧慧入於善法若依慧者離
不善法信諸善法佛說此經已諸比
丘聞佛所說歡喜奉行

如是我聞一時佛住舍衛國祇樹給
孤獨園今時世尊告諸比丘若比丘
還戒者退戒者他人當以五種白法

來呵責汝何等為五若比丘不以信入於善法若依信者離不善法修諸善法不以精進慙愧慧入於善法若依慧者離不善法修諸善法若比丘盡其壽命純一滿淨梵行清白者他人當以五種白法來慶慰汝如上說佛說此經已諸比丘聞佛所說歡喜奉行

如是我聞一時佛住舍衛國祇樹給孤獨園今時世尊告諸比丘若比丘若不欲令惡不善法生者唯有信善法若信退減者不信永住諸不善法則生乃至欲令惡不善法不生者唯有精進慙愧慧若精進慙愧慧力退減惡慧永住者惡不善法則生若比丘依於信者則離不善法修諸善法依精進慙愧慧者則離不善法修諸善法佛說此經已諸比丘聞佛所說歡喜奉行

如是我聞一時佛住舍衛國祇樹給孤獨園今時世尊告諸比丘若比丘於色生欲離欲滅盡不起解脫是名阿羅訶三藐三佛陀受想行識亦如

是說若復比丘於色生厭離欲不起
解脫者是名阿羅漢慧解脫受想行
識亦如是說諸比丘如來應等正覺
阿羅漢慧解脫有何種種別異諸比
丘白佛世尊是法根法眼法依唯願
為說諸比丘聞已當受奉行佛告比
丘諦聽善思當為汝說如來應等正
覺者先未聞法能自覺知現法自知
得三菩提於未來世能說正法覺諸
聲聞所謂四念處四正斷四如意足
五根五力七覺分八聖道分是名如
來應等正覺所未得法能得未制梵
行能制能善知道善說道為衆將導
然後聲聞成就隨法隨道樂奉大師
教誡教授善於正法是名如來應等
正覺阿羅漢慧解脫種種別異復次
五學力如來十力何等為學力謂信
力精進力念力定力慧力何等為如
來十力謂如來處非處如實知是名
如來初力若成就此力者如來應等
正覺得先佛最勝處智轉於梵輪於
大衆中能師子吼而吼復次如來於
過去未來現在業法受因事報如實

知是名第二如來力如來應等正覺
成就此力得先佛最勝處能轉梵輪
於大衆中作師子吼而吼復次如來
應等正覺禪解脫三昧正受深惡清
淨處淨如實知是名如來第三力若
此力成就如來應等正覺得先佛最
勝處智能轉梵輪於大衆中師子吼
而吼復次如來知衆生種種諸根差
別如實知是名如來第四力若成就
此力如來應等正覺得先佛最勝處
智能轉梵輪於大衆中師子吼而吼
復次如來悉知衆生種種意解如實
知是名第五如來力若此力成就如
來應等正覺得先佛最勝處智能轉
梵輪於大衆中師子吼而吼復次如
來悉知世間衆生種種諸界如實知
是名第六如來力若於此力成就如
來應等正覺得先佛最勝處智能轉
梵輪於大衆中師子吼而吼復次如
來於一切至處道如實知是名第七
如來力若此力成就如來應等正覺
得先佛最勝處智能轉梵輪於大衆
中師子吼而吼復次如來於過去宿

命種種事憶念從一生至百千生從一劫至百千劫我今時於彼生如是族如是姓如是名如是食如是苦樂覺如是長壽如是久住如是壽分齊我於彼處死此處生彼處生此處死如是行如是因如是方宿命所更悉如實知是名第八如來力若此力成就如來應等正覺得先佛最勝處智能轉梵輪於大衆中師子吼而吼復次如來以天眼淨過於人眼見衆生死時生時妙色惡色下色上色向於惡趣向於善趣隨業法受悉如實知此衆生身惡業成就口意惡業成就謗毀賢聖受邪見業以是因緣身壞命終墮惡趣生地獄中此衆生身善行口意善行不謗賢聖正見業法受彼因彼緣身壞命終生善趣天上悉如實知是名第九如來力若此力成就如來應等正覺得先佛最勝處智能轉梵輪於大衆中師子吼而吼復次如來諸漏已盡無漏心解脫慧解脫現法自知身作證我生已盡梵行已立所作已作自知不受後有是名

第十如來力若此力成就如來應等
正覺得先佛最勝處智能轉梵輪於
大衆中師子吼而吼如此十力唯如
來成就是名如來與聲聞種種差別
佛說此經已諸比丘聞佛所說歡喜
奉行

如是我聞一時佛住舍衛國祇樹給
孤獨園介時世尊告諸比丘譬如嬰
兒父母生已付其乳母隨時摩拭隨
時沐浴隨時乳哺隨時消息若乳母
不謹慎者兒或以草以土諸不淨物
著其口中乳母當即教令除去能時
除却者善兒不能自却者乳母當以
左手持其頭右手探其哽嬰兒當時
雖苦乳母要當苦探其哽為欲令其
子長夜安樂故佛告諸比丘若嬰兒
長大有所識別復持草土諸不淨物
著口中不比丘白佛不也世尊嬰兒
長大有所別知尚不以脚觸諸不淨
物况著口中佛告比丘嬰兒小時乳
母隨時料理消息及其長大智慧成
就乳母放捨不勤消息以其長大不
自放逸故如是比丘若諸聲聞始學

智慧未足如來以法隨時教授而消
息之苦久學智慧深固如來放捨不
復隨時慇懃教授以其智慧成就不
放逸故是故聲聞五種學力如來成
就十種智力如上廣說佛說此經已
諸比丘聞佛所說歡喜奉行

如是我聞一時佛住舍衛國祇樹給
孫獨園舍時世尊告諸比丘如來有
六種力若六種力成就如來應等正
覺得先佛最勝處智能轉梵輪於大
衆中師子吼而吼謂處非處如實知
如來初力復次過去未來現在心樂
法受如實知如上廣說是名第二如來
力復次如來禪解脫三昧正受如實
知如上廣說是名如來第三力復次
如來過去種種宿命之事如實知如
上廣說是名如來第四力復次如來
天眼淨過於人眼見諸衆生死此生
彼如上廣說是名如來第五力復次
如來結漏已盡無漏心解脫慧解脫
如上廣說乃至於衆中師子吼而吼
是名如來第六力佛說此經已諸比
丘聞佛所說歡喜奉行

如是我聞一時佛住舍衛國祇樹給
孤獨園舍時世尊告諸比丘如上說
差別者若有來問我如來受非受力
如如來受非受智力所知見覺成等
正覺為彼記說若復來問如來自以
樂受智力如如來自以樂受智力所
知見覺成等正覺為彼記說是名第
二如來智力若有來問如來禪定解
脫三昧正受智力如如來禪定解脫
三昧正受為彼記說若有來問宿命
所更智力如如來宿命所更所知見
覺為彼記說若有來問如來天眼智
力如如來天眼所見為彼記說若有
來問如來漏盡智力如如來漏盡智
力所知見覺為彼記說佛說此經已
諸比丘聞佛所說歡喜奉行

如是我聞一時佛住舍衛國祇樹給
孤獨園舍時世尊告諸比丘有七力
何等為七信力精進力慍力愧力念
力定力慧力舍時世尊即說偈言
信力精進力慍力及愧力正念定慧力
是說名七力成就七力者得盡諸有漏
佛說此經已諸比丘聞佛所說歡喜

奉行

如是我聞一時佛住舍衛國祇樹給
孤獨園今時世尊告諸比丘有七力
如上說差別者是故比丘當如是學
我當成就信力如是精進力慙力愧
力念力定力慧力亦當學佛說此經
已諸比丘聞佛所說歡喜奉行

如是我聞一時佛住舍衛國祇樹給
孤獨園今時世尊告諸比丘有七力
如上說差別者今時世尊即說偈言
信力精進力及說慙愧力念力定力
慧力是名為七力七力成就者疾斷諸有漏
佛說此經已諸比丘聞佛所說歡喜
奉行

如是我聞一時佛住舍衛國祇樹給
孤獨園今時世尊告諸比丘有七力
何等為七信力精進力慙力愧力念
力定力慧力何等為信力於如來所
起信心深入堅固諸天魔梵沙門婆
羅門及餘同法所不能壞是名信力
何等為精進力謂四正斷如上廣說
何等為慙力謂耻惡不善法如上說
何等為愧力於可愧事愧愧起惡不

喜法如上說何等為念力謂四念處
如上說何等為定力謂四禪如上說
何等為慧力謂四聖諦如上說佛說
此經已諸比丘聞佛所說歡喜奉行
如是我聞一時佛住舍衛國祇樹給
孤獨園今時世尊告諸比丘有八力
何等為八謂自在王者力斷事大臣
力結恨女人力啼泣嬰兒力毀訾愚
人力審諦黠慧力忍辱出家力計數
多聞力佛說此經已諸比丘聞佛所
說歡喜奉行

如是我聞一時佛住舍衛國祇樹給
孤獨園今時世尊告諸比丘如上說
差別者謂自在王者現自在
威力斷事大臣力者大臣現斷事之
力結恨女人力者女人之法現結恨
力啼泣嬰兒力者嬰兒之法現啼泣
力毀訾愚人力者愚人之法觸事毀
訾審諦黠慧力者智慧之人常現審
諦忍辱出家力者出家之人常現忍
辱計數多聞力者多聞之人常現思
惟計數佛說此經已諸比丘聞佛所
說歡喜奉行

如是我聞一時佛住舍衛國祇樹給
孤獨園今時尊者舍利弗詣世尊所
稽首礼足退坐一面白佛言世尊漏
盡比丘有幾力佛告舍利弗漏盡比
丘有八力何等為八謂漏盡比丘心
順趣於離流注於離沒輸於離順趣
於出流注於出沒輸於出順趣涅槃
流注涅槃沒輸涅槃若見五欲猶見
火坑如是見已於欲念欲受欲著
心不永住修四念處四正斷四如意
足五根五力七覺分八聖道分佛說
此經已尊者舍利弗聞佛所說歡
喜奉行

如尊者舍利弗問經如是異比丘問
佛問諸比丘經亦如上說

如是我聞一時佛住舍衛國祇樹給
孤獨園今時世尊告諸比丘有九力
何等為九力謂信力精進力慙力愧
力念力定力慧力數力修力佛說此
經已諸比丘聞佛所說歡喜奉行
如是我聞一時佛住舍衛國祇樹給
孤獨園今時世尊告諸比丘有九力
何等為九謂信力精進力慙力愧力

念力定力慧力數力修力何等為信
力於如來所起正信心深入堅固如
上說何等為精進力謂四正斷如上
說何等為慇力如上說何等為愧力
如上說何等為念力謂內身身觀住
如上說何等為定力謂四禪何等為
慧力謂四聖諦何等為數力謂聖弟
子若於閑房樹下作如是學身口惡
行者於現法後世當受惡報如上廣
說何等為修力謂修四念處如前說
佛說此經已讚比丘聞佛所說歡喜
奉行

如是我聞一時佛住舍衛國祇樹給
孤獨園今時世尊告諸比丘有十力
何等為十自在王者力斷事大臣力
機關工巧力刀劍賊盜力忿恨女人
力啼泣嬰兒力毀譽惡人力審諦黠
慧力忍辱出家力計數多聞為佛說
此經已諸比丘聞佛所說歡喜奉行
如是我聞一時佛住舍衛國祇樹給
孤獨園今時世尊告諸比丘如上說
差別者謂自在王者王者現自在
威力斷事大臣力者大臣現斷事之

切力機關工巧力造機關者現其工
巧力刀劍盜賊力盜賊必現刀劍力
計數多聞力者凡思惟計數現多聞
之力佛說此經已諸比丘聞佛所說
歡喜奉行

如是我聞一時佛住舍衛國祇樹給
孤獨園今時世尊告諸比丘有十種
如來力若此力成就如來應等正覺
得先佛最勝處能轉梵輪於大衆中
師子吼而吼何等為十謂如來處非
處如實知是名初力乃至漏盡如上
說佛說此經已諸比丘聞佛所說歡
喜奉行

如是我聞一時佛住舍衛國祇樹給
孤獨園今時世尊告諸比丘如上說
差別者若有來問如來處非處智力
如如來處非處智力所知所見所覺
成等正覺為彼記說如是乃至漏盡
智力廣說如上佛說此經已諸比丘
聞佛所說歡喜奉行

如是我聞一時佛住舍衛國祇樹給
孤獨園今時世尊告諸比丘若所有
法彼彼意解作證悉皆如來無畏智

所生者比丘來為我聲聞不誑不偽質
直心生我則教誡教授為其說法晨
朝為彼教誡教授說法至日中時得
勝進處若日暮時為彼教誡教授說
法至晨朝時得勝進處如是教授已
彼生正直心實則知實不實知不實
上則知上無上則知無上當知當見
當得當覺者皆悉了知斯有是處謂
五學力十種如來力何等為五學力
謂信力精進力念力定力慧力如來
十種力何等為十謂是處如實知非
處如上十力廣說若有來問處非處
智力者如如來處非處智等正覺所
知所見所覺為彼記說乃至漏盡智
力亦如是說諸比丘處非處智力者
我說是定非不定乃至漏盡智者我
說是定非不定定者正道非定者邪
道佛說此經已諸比丘聞佛所說歡
喜奉行

如是我聞一時佛住舍衛國祇樹給
孫獨園余時世尊告諸比丘若不正
思惟者未起貪欲蓋則起已起貪欲
蓋重生今增廣未起瞋恚瞋眠掉悔

疑蓋則起已起瞋恚睡眠掉悔疑蓋
重生今增廣未起念覺支不起已起
念覺支則退未起擇法精進猗喜定
捨覺支則退若比丘正思惟者未起貪
欲蓋不起已起貪欲蓋令滅未起瞋恚
睡眠掉悔疑蓋不起已起瞋恚睡眠
掉悔疑蓋則斷未起念覺支則起已
起者重生今增廣未起擇法精進猗
喜定捨覺支則起已起者重生今增
廣佛說此經已諸比丘聞佛所說歡
喜奉行

如是我聞一時佛住舍衛國祇樹給
孤獨園今時世尊告諸比丘有五退
法何等為五謂貪欲瞋恚睡眠掉悔
疑蓋是則退法若修習七覺支多修
習令增廣是則不退法何等為七謂
念覺支擇法覺支精進覺支猗覺支
喜覺支定覺支捨覺支是名不退法
佛說此經已諸比丘聞佛所說歡喜
奉行

如是我聞一時佛住舍衛國祇樹給
孤獨園今時世尊告諸比丘有五法

能為黑闇能為無目能為無智能羸
智慧非明非等覺不轉趣涅槃何等
為五謂貪欲瞋恚睡眠掉悔疑如此
五法能為黑闇能為無目能為無智
非明非正覺不轉趣涅槃若有七覺
支能作大明能為目增長智慧為明
為正覺轉趣涅槃何等為七謂念覺
支擇法覺支精進覺支猗覺支喜覺
支定覺支捨覺支為明為目增長智
慧為明為正覺轉趣涅槃佛說此經
已諸比丘聞佛所說歡喜奉行

如是我聞一時佛住舍衛國祇樹給
孤獨園尔時世尊告諸比丘有五障
五蓋煩惱於心貪瞋羸智慧障闇之分
非明非正覺不轉趣涅槃何等為五
謂貪欲蓋瞋恚蓋睡眠蓋掉悔蓋疑
蓋如此五蓋為覆為蓋煩惱於心令智
慧羸為障闇分非明非等覺不轉趣
涅槃若有七覺支非覆非蓋不惱於心
增長智慧為明為正覺轉趣涅槃何
等為七謂念覺支等如上說乃至捨
覺支如此七覺支非翳非蓋不惱於
心增長智慧為明為正覺轉趣涅槃

今時世尊即說偈曰

貪欲瞋恚蓋 睡眠掉悔疑 如此五種蓋
增長諸煩惱 此五覆世間 深者難可度
障蔽於衆生 令不見正道 若得七覺支
則能為照明 唯此真諦言 等正覺所說
念覺支為首 擇法正思惟 精進喜覺
三昧捨覺支 如此七覺支 半足之正道
隨順大仙人 脫生死怖畏

佛說此經已 諸比丘聞佛所說歡喜
奉行

如是我聞一時佛住舍衛國祇樹給
孤獨園今時世尊告諸比丘若族姓
子捨諸世務出家學道剷除驢駘著
袈裟正信非家出家學道如是出家
而於其中有愚癡士夫依止聚落城
邑晨朝著衣持鉢入村乞食不善護
身不守根門不攝其念觀察女人少
壯好色而生染著不正思惟心馳取
相起色欲想為欲心熾盛燒心燒身
返俗還戒而自退沒猷離俗務出家
學道而反染著增諸罪業而自破壞
沉翳沒溺有五種大樹其種至微而
樹生長巨大而能映障衆雜小樹蔭

翳毒株不得生長何等五謂捷遮耶
樹迦擇多羅樹阿濕波他樹優曇鉢
羅樹屈拘留他樹如是五種心樹種
子至微而漸漸長大蔭覆諸節節能令
諸節蔭覆墮卧何等為五謂貪欲蓋漸
漸增長瞋眠掉悔疑蓋漸漸增長以增
長故令善心蔭覆墮卧若修習七覺
支多修習已轉成不退何等為七謂
念覺支擇法精進猗喜定捨覺支如
是七覺支修習多修習已轉成不退
轉佛說此經已諸比丘聞佛所說歡
喜奉行

如是我聞一時佛住舍衛國祇樹給
孤獨園若比丘專一其心側聽正法
能斷五法修習七法令其轉進滿足
何等為斷五法謂貪欲蓋瞋恚蓋
眠蓋掉悔蓋疑蓋是名五法斷何等
修習七法謂念覺支擇法覺支精進
覺支猗喜覺支喜覺支定覺支捨覺支
修此七法轉進滿足佛說此經已諸
比丘聞佛所說歡喜奉行

如是我聞一時佛住舍衛國祇樹給
孤獨園今時世尊告諸比丘聖弟子
清淨信心專精聽法者能斷五法修

習七法令其滿足何等為五謂貪欲
蓋瞋恚瞋眠掉悔疑此蓋則斷何等
七法謂念覺支擇法精進猗喜定捨
覺支此七法修習滿足淨信者謂心
解脫智者謂慧解脫貪欲染心者不
得不樂無明染心者慧不清淨是故
比丘離貪欲者心解脫離無明者慧
解脫若彼比丘離貪欲心解脫得身
作證離無明慧解脫是名比丘斷愛
縛結慢無間等究竟苦邊佛說此經
已諸比丘聞佛所說歡喜奉行

如是我聞一時佛住王舍城耆闍崛
山中時有無畏王子日日步涉仿佯
遊行來詣佛所與世尊面相問訊慰
勞已退坐一面白佛言世尊有沙門
婆羅門作如是見作如是說無因無
緣衆生煩惱無因無緣衆生清淨世
尊復云何佛告無畏沙門婆羅門為
其說不思而說愚癡不辯不善非知
思不知量作如是說無因無緣衆生
煩惱無因無緣衆生清淨所以者何
有因有緣衆生煩惱有因有緣衆生
清淨故何因何緣衆生煩惱何因何

緣衆生清淨謂衆生貪欲增上於他財物他衆具而起貪言此物於我有者好不離愛樂於他衆生而起恨心見心計校欲打欲縛欲伏加諸不道為造衆難不捨瞋恚身睡眠心懈怠心掉動內不寂靜心常疑惑過去疑未來疑現在疑無畏如是因如是緣衆生煩惱如是因如是緣衆生清淨無畏白佛瞿曇一分之益足煩惱心況復一切無畏白佛瞿曇何因何緣衆生清淨佛告無畏若婆羅門有一勝念決定成就久時所作久時所說能隨憶念當於今時習念覺支修念覺已念覺滿足念覺滿足已則於選擇分別思惟今時擇法覺支修習信擇法覺支已擇法覺支滿足故選擇分別思量法已則精進方便精進覺支於此修習修精進覺支已精進覺支滿足彼精進方便已則歡喜生離諸食想修喜覺支修喜覺支已則喜覺支滿足喜覺支滿足已身心猗息則修精覺支修精覺支已猗覺滿足身猗息已則愛樂愛樂已心定則修

定覺支修定覺支已定覺滿足定覺
滿足已貪憂滅則捨心生修捨覺支
修捨覺支已捨覺支滿足如是無畏
此因此緣衆生清淨無畏白瞿曇若
一分滿足今衆生清淨况復一切無
畏白佛瞿曇當何名此經云何奉持
佛告無畏王子當名此為覺支經無
畏白佛瞿曇此為最勝覺分瞿曇我
是王子安樂亦常求安樂而希出入
今來上山四體疲極得聞瞿曇說覺
支經悲忘疲勞佛說此已王子無畏
聞佛所說歡喜隨喜從座起稽首禮
佛足而去

雜阿含經卷第二十六

七

癸卯歲高麗國大藏部監奉
勅雕造

雜阿含經卷第二十六 第七 成

雜阿含經卷第二十七

盛

宋天竺三藏求那跋陀羅譯

如是我聞一時佛住王舍城耆闍崛山如上說差別者有沙門婆羅門作如是見如是說無因無緣衆生無智無見無因無緣衆生智見如是廣說乃至無畏王子聞佛所說歡喜隨喜礼佛足而去

如是我聞一時佛住舍衛國祇樹給孤獨園時有衆多比丘晨朝著衣持鉢入舍衛城乞食時衆多比丘作是念今日太早乞食時未至我等且過諸外道精舍衆多比丘即入外道精舍與諸外道共相問評慰勞問評慰勞已於一面坐已諸外道問比丘言沙門瞿曇為諸弟子說法斷五蓋覆心慧力羸為障導分不轉趣沮脍住四念處修七覺意我等亦復為諸弟子說斷五蓋覆心慧力羸善住四念處修七覺分我等與彼沙門瞿曇有何等異俱能說法時衆多比丘聞外道所說心不喜悅反呵罵從座起去入

舍衛城七食已還精舍舉衣鉢洗足
已往詣佛所稽首佛足退坐一面以
諸外道所說具白世尊尔時世尊告
衆多比丘彼外道說是語時汝等應
反問言諸外道五蓋者種應有十七
覺者種應有十四何等為五蓋之十
七覺之十四如是問者彼諸外道則
自駭散說諸外道法瞋恚憍慢毀譽
嫌恨不忍心生或默然低頭失辯潛
思所以者何我不見諸天魔梵沙門
婆羅門天人衆中聞我所說歡喜隨
順者唯除如來及聲聞衆於此聞者
諸比丘何等為五蓋之十謂有內貪
欲有外貪欲彼內貪欲者即是蓋非
智非等覺不轉趣涅槃緣彼外貪欲即
是蓋非智非等覺不轉趣涅槃謂瞋
恚有瞋恚相若瞋恚及瞋恚相即是
蓋非智非等覺不轉趣涅槃緣有瞋有
眠彼瞋彼眠即是蓋非智非等覺不
轉趣涅槃緣有掉有悔彼掉彼悔即是
蓋非智非等覺不轉趣涅槃緣有疑善
法有疑不善法彼善法疑不善法疑
即是蓋非智非等覺不轉趣涅槃是

名五蓋說十何等為七覺分說十四
有內法心念住有外法心念住彼內
法念住即是念覺分是智是等覺能
轉趣涅槃彼外法念住即是念覺分
是智是等覺能轉趣涅槃有擇善法
擇不善法彼善法擇即是擇法覺分
是智是等覺能轉趣涅槃彼不善法
擇即是擇法覺分是智是等覺能轉
趣涅槃有精進斷不善法有精進長
養善法彼斷不善法精進即是精
進覺分是智是等覺能轉趣涅槃
彼長養善法精進即是精進覺分
是智是等覺能轉趣涅槃有喜有喜
慶彼喜即是喜覺分是智是等覺能
轉趣涅槃彼喜慶亦即是喜覺分是
智是等覺能轉趣涅槃有身憍怠有
心憍怠彼身憍怠即是憍覺分是智
是等覺能轉趣涅槃彼心憍怠即是
憍覺分是智是等覺能轉趣涅槃有
定有定相彼定即是定覺分是智是
等覺能轉趣涅槃彼定相即是定覺
分是智是等覺能轉趣涅槃有捨善

法有捨不善法彼善法捨即是捨覺分是智是等覺能轉趣涅槃彼不善法捨即是捨覺分是智是等覺能轉趣涅槃是名七覺分說為十四佛說此經已衆多比丘聞佛所說歡喜奉行

如是我聞一時佛住舍衛國祇樹給孤獨園時有衆多比丘如上說差別者有諸外道出家作如是說者當復問言若心微劣猶豫者尔時應修何等覺分何等為非修時若復掉心者掉心猶豫者尔時復修何等覺分何等為非時如是問者彼諸外道心則駁散說諸異法心生念恚憍慢毀訾嫌恨不忍或默然低頭失辯潛思所以者何我不見諸天魔梵沙門婆羅門天人衆中聞我所說歡喜隨喜者唯除如來及聲聞衆於此聞者諸比丘若尔時其心微劣其心猶豫者不應修荷覺分定覺分捨覺分所以者何微劣心生微劣猶豫以此諸法增其微劣故譬如小火欲令其燃增以煤炭云何比丘非為增炭令火滅耶比

丘白佛如是世尊如是比丘微劣猶豫若修猗覺分定覺分捨覺分者此則非時增懈怠故若掉心起若掉心猶豫今時不應修擇法覺分精進覺分喜覺分所以者何掉心起掉心猶分喜覺分所以者何掉心起掉心猶豫以此諸法能令其增辟如熾火欲令其滅足其乾薪於意云何豈不令火增熾然耶比丘白佛如是世尊佛告比丘如是掉心生掉心猶豫修擇法覺分精進覺分喜覺分增其掉心諸比丘若微劣心生微劣猶豫是時應修擇法覺分精進覺分喜覺分所以者何微劣心生微劣猶豫以此諸法示教照喜辟如小火欲令其燃足其乾薪云何比丘此火寧熾然不比丘白佛如是世尊佛告比丘如是微劣心生微劣猶豫當於今時修擇法覺分精進覺分喜覺分示教照喜若掉心生掉心猶豫修猗覺分定覺分捨覺分所以者何掉心生掉心猶豫此等諸法能令內住一心攝持辟如熾火欲令其滅足其熾炭彼火則滅如是比丘掉心猶豫修擇法覺分精

進喜則非時修猗定捨覺分自此則
非時此等諸法內住一心攝持念覺
分者一切兼助佛說此經已諸比丘
聞佛所說歡喜奉行

如是我聞一時佛住舍衛國祇樹給
孤獨園今時世尊告諸比丘有五蓋
七覺分有食無食我今當說諦聽善
思當為汝說譬如身依食而立非不
食如是五蓋依於食而立非不食貪
欲蓋以何為食謂觸相於彼不正思
惟未起貪欲令起已起貪欲能令增
廣是名欲愛蓋之食何等為瞋恚蓋
食謂瞋辱相於彼不正思惟未起瞋
恚蓋令起已起瞋恚蓋能令增廣是
名瞋恚蓋食何等為睡眠蓋食有五
法何等為五微弱不樂欠味多食懈
怠於彼不正思惟未起睡眠蓋令起
已起睡眠蓋能令增廣是名睡眠蓋
食何等為掉悔蓋食有四法何等為
四謂親屬覺人衆覺天覺本所經娛
樂覺自憶念他人令憶念而生覺於
彼起不正思惟未起掉悔令起已起
掉悔令其增廣是名掉悔蓋食何等

為疑蓋食有三世何等為三謂過去
世未來世現在世於過去世猶豫未
來世猶豫現在世猶豫於彼起不正
思惟未起疑蓋今起已起疑蓋能令
增廣是名疑蓋食辭如身依於食而
得長養非不食如是七覺分依食而
住依食長養非不食何等為念覺分
不食謂四念處不思惟未起念覺分
不起已起念覺分今退是名念覺分
不食何等為擇法覺分不食謂於善
法撰擇於不善法撰擇於彼不思惟
未起擇法覺分今不起已起擇法覺
分今退是名擇法覺分不食何等為
精進覺分不食謂四正斷於彼不思
惟未起精進覺分今不起已起精進
覺分今退是名精進覺分不食何等
為喜覺分不食有喜有喜處法於彼
不思惟未起喜覺分不起已起喜覺
分今退是名喜覺分不食何等為猗
覺分不食有身猗息及心猗息於彼
不思惟未生猗覺分不起已生猗覺
分今退是名猗覺分不食何等為定
覺分不食有四禪於彼不思惟未起

定覺分不起已起定覺分令退是名
定覺分不食何等為捨覺分不食有
三界謂斷界無欲界滅界於彼不思
惟未起捨覺分不起已起捨覺分令
退是名捨覺分不食何等為貪欲蓋不
食謂不淨觀於彼思惟未起貪欲蓋
不起已起貪欲蓋令斷是名貪欲蓋
不食何等為瞋恚蓋不食彼慈心思
惟未生瞋恚蓋不起已生瞋恚蓋令
滅是名瞋恚蓋不食何等為睡眠蓋
不食彼明照思惟未生睡眠蓋不起
已生睡眠蓋令滅是名睡眠蓋不食
何等為掉悔蓋不食彼寂止思惟未
生掉悔蓋不起已生掉悔蓋令滅是
名掉悔蓋不食何等為疑蓋不食彼
緣起法思惟未生疑蓋不起已生疑
蓋令滅是名疑蓋不食譬如身依食
而住依食而立如是七覺分依食而住
依食而立何等為念覺分食謂四念
處思惟已未生念覺分令起已生念
覺分轉生令增廣是名念覺分食何
等為擇法覺分食有擇善法有擇不
善法彼思惟已未生擇法覺分令起

已生擇法覺分重生令增廣是名擇
法覺分食何等為精進覺分食彼四
正斷思惟未生精進覺分令起已生
精進覺分重生令增廣是名精進覺
分食何等為喜覺分食有喜有喜處
彼思惟未生喜覺分令起已生喜覺
分重生令增廣是名喜覺分食何等
為猗覺分食有身猗息心猗息思惟
未生猗覺分令起已生猗覺分重生
令增廣是名猗覺分食何等為定覺
分食謂有四禪思惟未生定覺分令
生起已生定覺分重生令增廣是名
定覺分食何等為捨覺分食有三界
何等三謂斷界無欲界滅界彼思惟
未生捨覺分令起已生捨覺分重生
令增廣是名捨覺分食佛說此經已
諸比丘聞佛所說歡喜奉行

如是我聞一時佛住舍衛國祇樹給
孤獨園今時世尊告諸比丘於內法
中我不見一法未生惡不善法令生
已生惡不善法令增廣未生善
法不生已生則退所謂不正思惟諸
比丘不正思惟者未生貪欲蓋令生

已生者重生令增廣未生瞋恚睡眠
掉悔疑蓋令生已生者重生令增廣
未生念覺分不生已生者令退未生
擇法精進喜猗定捨覺分令生已生
者重生令增廣我不見一法能令未
生惡不善法不生已生者令斷未生
善法令生已生者重生令增廣正思
惟比丘正思惟者未生貪欲蓋令不
生已生者令斷未生瞋恚睡眠掉悔
疑蓋令不生已生者令斷未生念覺
分令生已生者重生令增廣未生擇
法精進喜猗定捨覺分令生已生者
重生令增廣佛說此經已諸比丘聞
佛所說歡喜奉行

如是我聞一時佛住舍衛國祇樹給
孤獨園介時世尊告諸比丘於外法
中我不見一法未生惡不善法令生
已生者重生令增廣未生善法令不
生已生者令退如惡知識惡伴黨惡
知識惡伴黨者未生貪欲蓋令生已
生者重生令增廣未生瞋恚睡眠掉
悔疑蓋令生已生者重生令增廣未
生念覺分令不生已生者令退未生

擇法精進喜猗定捨覺分令不生已
生者令退諸比丘我不見一法未生
惡不善法令不生已生者令斷未生
善法令生已生者重生令增廣所謂
善知識善伴黨善隨從者若善知識
善伴黨善隨從者未生貪欲蓋令不
生已生者令斷未生瞋恚睡眠掉悔
疑蓋令不生已生者令斷未生念覺
分令生已生者重生令增廣未生擇
法精進喜猗定捨覺分令生已生者
重生令增廣佛說此經已諸比丘聞
佛所說歡喜奉行

如是我聞一時佛住舍衛國祇樹給
孤獨園今時尊者舍利弗告諸比丘
有七覺分何等為七謂念覺分擇法
覺分精進覺分喜覺分猗覺分定覺
分捨覺分此七覺分決定而得不勤
而得我隨所欲覺分正受若晨朝時
日中時日暮時若欲正受隨其所欲
多入正受譬如王大臣有種種衣服
置箱篋中隨其所須日中所須日暮
所須隨欲自在如是比丘此七覺分
決定而得不勤而得隨意正受我此念

覺分清淨純白起時知起滅時知滅沒
時知沒已起知已起已滅知已滅如
是擇法精進喜猗定捨覺分亦如是
說尊者舍利弗說此經已諸比丘聞
其所說歡喜奉行

如是我聞一時佛住巴連弗邑余時
尊者優波摩尊者阿提目多住巴連
弗邑鵝林精舍余時尊者阿提目多
晡時從禪覺詣尊者優波摩所共相
問評慰勞已退坐一面問尊者優波
摩尊者若能知七覺分方便如是樂住
正受如是苦住正受優波摩答言尊
者阿提目多比丘善知方便修七覺
分如是樂住正受如是苦住正受復
問云何比丘善知方便修七覺分優
波摩答言比丘方便修念覺分時知
思惟彼心不善解脫不害睡眠不善
調伏掉悔不害睡眠如我念覺處法
思惟精進方便不得平等如是擇法
精進喜猗定捨覺分亦如是說若比
丘念覺分方便時先思惟心善解脫
正害睡眠調伏掉悔如我於此念覺
處法思惟已不勤方便而得平等如

是阿提目多比丘知方便修七覺分
如是樂住正受如是不樂住正受時
二正士共論義已各從座起而去
如是我問一時佛住舍衛國祇樹給
孤獨園尔時尊者阿那律亦住舍衛
國松林精舍時有衆多比丘詣阿那
律所共相問評慰勞問評慰勞已退
坐一面語尊者阿那律尊者知方便
修七覺分時生樂住不尊者阿那律
語諸比丘言我知比丘方便修七覺
分時生樂住諸比丘問尊者阿那律
云何知比丘方便修七覺分時生樂
住尊者阿那律語諸比丘比丘方便
修念覺分善知思惟我心善解脫善
安睡眠善調伏掉悔如此念覺分處
法思惟已精勤方便心不懈怠身荷
息不動亂繫心令住不起亂念一心
正受如是擇法精進荷定捨覺分亦
如是說是名知比丘方便修七覺分
時生樂住時衆多比丘聞尊者阿那
律所說歡喜隨喜從座起而去

如是我聞一時佛住舍衛國祇樹給
孤獨園尔時世尊告諸比丘轉輪聖

王出世之時有七寶現於世間金輪
寶象寶馬寶神珠寶玉女寶主藏臣
寶主兵臣寶如是如來出世亦有七
寶分寶現齊戒處樓觀上大臣圍遶
有金輪寶從東方出輪有千輻齊轂
圓輞輪相具足有此吉瑞必是轉輪
聖王我今決定為轉輪王即以兩手
承金輪寶著左手中右手旋轉而說
是言若是轉輪聖王金輪寶者當復
轉輪聖王古道而去於是輪寶即發
王著前隨而於東方乘虛而逝向於
東方遊古聖王正直之道王隨輪寶
四兵亦從若所至方輪寶住者王於
彼住四兵亦住東方諸國處處小王
見聖王來悉皆歸伏如來出興於世
有七覺分現於世間所謂念覺分擇
法覺分精進覺分喜覺分猗覺分定
覺分捨覺分佛說此經已諸比丘聞
佛所說歡喜奉行

如是我聞一時佛住舍衛國祇樹給
孤獨園今時世尊告諸比丘轉輪聖
王出於世時有七寶現於世間云何
轉輪聖王出於世時金輪寶現有時

刹刹灌頂聖王月十五日沐浴清淨
受持齋戒於樓閣上大臣圍遶有金
輪寶從東方出輪有千輻齊轂圓輞
灌頂大王月十五日布薩時沐浴清淨
受持福善善來大王此是王國此國安
隱人民豐樂願於中止教化國人我則
隨從聖王咨言諸聚落主汝今但當
善化國人有不順者當來白我當如
法化莫作非法亦令國人善化非法
若如是者則從我化於是聖王從東
海度乘古聖王道至于南海至於南
海道度於南海至西海乘於古昔聖王
之道度於西海至於北海南西北方
諸小國王奉迎啓請亦如東方廣說
於是金輪寶聖王隨從度於北海還
至王宮正治殿上住虛空中是為轉
輪聖王出興于世金輪寶現於世間
云何為轉輪聖王出興于世白象寶
現於世間若刹刹灌頂大王純色之
象其色鮮好七支拄地聖王見已心
則欣悅今此寶象來應於我告善調
象師令速調此寶象調已送來象師

受命不盈一日象即調伏一切調伏
相悉皆具足猶如餘象經年調者今
此象寶一日調伏亦復如是調已送
詣王所上白大王此象已調唯王自
知時今時聖王觀察此象調相已備
即棄寶象於晨旦時周行四海至日
中時還歸王宮是名轉輪聖王出興
于世如此象寶現於世間何等為轉
輪聖王出興于世馬寶現於世間轉
輪聖王所有馬寶純一青色烏頭渾
尾聖王見馬心生欣悅今此神馬來
應我故付調馬師令速調之調已送
來馬師奉教不盈一日其馬即調猶
如餘馬經年調者馬寶調伏亦復如
是知馬調已還送奉王白言大王此
馬已調今時聖王觀察寶馬調相已
備於晨旦時乘此寶馬周行四海至
日中時還歸王宮是名轉輪聖王出
興于世馬寶現於世間何等為轉輪
聖王出興于世摩尼珠寶現於世間
若轉輪聖王所有寶珠其形八楞光
澤明照無諸顚隳於王宮內常為燈
明轉輪聖王察試寶珠陰雨之夜將

四種兵入於園林持珠前導光明照
耀面一由旬是為轉輪聖王出興于
世摩呂寶珠現於世間何等為轉輪
聖王出興于世賢王女實現於世間
轉輪聖王所有玉女不黑不白不長
不短不麤不細不肥不瘦支體端正
寒時體暖熱時體涼身體柔軟如迦
陵伽衣身諸毛孔出栴檀香口鼻出
息作優鉢羅香後卧先起瞻王意色
隨宜奉事軟言愛語端心正念發王
道意心無邊越况復身口是為轉輪
聖王寶女云何為轉輪聖王主藏臣
寶現於世間謂轉輪聖王主藏大臣
本行施故生得天眼能見伏藏有主
無主若水若陸若遠若近悉能見之
轉輪聖王須珎寶即便告勅隨王所
須輒以奉上於是聖王有時試彼大
臣觀其所能乘船遊海告彼大臣我
須寶物臣白王言小住岸邊當以奉
上王告彼臣我今不須岸邊之寶且
盡與我於是大臣即於水中出四金
瓮金寶滿中以奉聖王王所須即取
用之若取足已餘則還歸水中聖王

出世則有如此主藏之臣現於世間
云何聖王出興於世有主兵之臣現
於世間謂有主兵臣聰明智辯譬如
世間善思量成就者聖王所宜彼則
患從宜去宜住宜出宜入聖王四種兵
行道里頻止不令疲勸悉知聖王宜所
應作現法後世功德之事以白聖王
轉輪聖王出興于世有如是主兵之
臣如是如來應等正覺出興於世有
七覺分現於世間何等為七謂念覺
分擇法覺分精進覺分喜覺分猗覺
分定覺分捨覺分佛說此經已諸比
丘聞佛所說歡喜奉行

如是我聞一時佛住舍衛國祇樹給
孤獨園尔時世尊告諸比丘善哉比
丘僧人聞法諸年少比丘供養奉事
諸尊長老所以者何年少比丘供養
奉事長老比丘者時時得聞深妙之
法聞深法已二正事成就身正及心
正尔時修念覺分修念覺分已念覺
分滿足念覺滿足已於法選擇分別
於法思量於法尔時方便修擇法覺
分乃至捨覺分修習滿足佛說此經

已諸比丘聞佛所說歡喜奉行

如是我聞一時佛住舍衛國祇樹給
孤獨園尔時世尊告諸比丘若比丘
持戒修德慙愧成真實法見此人者
多得果報若復聞者若隨憶念者隨
出家者多得功德况復親近恭敬奉
事所以者何親近奉事如是人者時
時得聞深妙之法得聞深法已成就
二正身正及心正方便修習定覺分
修習已修習滿足乃至捨覺分修習
滿足佛說此經已諸比丘聞佛所說
歡喜奉行

如是我聞一時佛住舍衛國祇樹給
孤獨園尔時世尊告諸比丘說不善
積聚者所謂五蓋是為正說所以者
何純一不善聚者謂五蓋故何等為
五謂貪欲蓋瞋恚蓋睡眠蓋掉悔蓋
疑蓋說善積聚者謂七覺分是為正
說所以者何純一滿淨者是七覺分
故何等為七謂念覺分擇法覺分精
進覺分喜覺分猗覺分定覺分捨覺
分佛說此經已諸比丘聞佛所說歡
喜奉行

如是我聞一時佛住王舍城夾谷精舍
舍尔時尊者阿難亦在彼住時尊者
阿難獨一靜處禪思思惟作如是念
半梵行者所謂善知識善伴黨善隨
從非惡知識惡伴黨惡隨從時尊者
阿難從禪覺往詣佛所稽首礼足退
坐一面白佛言世尊我獨一靜處禪
思思惟作是念半梵行者所謂善知
識善伴黨善隨從非惡知識惡伴黨
惡隨從佛告阿難莫作是言半梵行
者謂善知識善伴黨善隨從非惡知
識惡伴黨惡隨從所以者何純一滿
靜梵行清白所謂善知識善伴黨善
隨從非惡知識惡伴黨惡隨從我為
善知識故有衆生於我所取念覺分
依遠離依無欲依滅向於捨如是擇
法覺分精進喜禪定捨覺分依遠離
依無欲依滅向於捨以是故當知阿
難純一滿靜梵行清白謂善知識善
伴黨善隨從非惡知識非惡伴黨非
惡隨從佛說此經已諸比丘聞佛所
說歡喜奉行

如是我聞一時佛在力士聚落人間

遊行於拘夷那竭城希連河中聞住
於聚落側告尊者阿難令四重襪疊
敷世尊薺多羅僧我今背疾欲小卧
息尊者阿難即受教勅四重襪疊敷
薺多羅僧已白佛言世尊已四重襪
疊敷薺多羅僧唯世尊知時亦時世
尊厚襪僧伽梨枕頭右脇而卧足足
相累繫念明相正念正智作起覺想
告尊者阿難汝說七覺分時尊者阿
難即白佛言世尊所謂念覺分世尊
自覺成等正覺說依遠離依無欲依
滅向於捨擇法精進喜猗定捨覺分
世尊自覺成等正覺說依遠離依無
欲依滅向於捨佛告阿難汝說精進
耶阿難白佛我說精進世尊說精進
善逝佛告阿難唯精進修習多修習
得阿耨多羅三藐三菩提說是語已
正坐端身繫念時有異比丘即說
偈言

樂聞美妙法 忍疾告人說 比丘即說法
轉於七覺分 善哉尊阿難 明解巧便說
有勝白淨法 離垢微妙說 念擇法精進
喜猗定捨覺 此則七覺分 微妙之善說

聞說七覺分深達正覺味身嬰大苦患
忍疾端坐聽觀為正法王常為人演說
猶樂聞所說況餘未聞者第一大智慧
十力所礼者彼亦應疾疾來聽說正法
諸多聞通達契經阿毗曇善通法律者
應聽況餘者聞說如實法專心默慧聽
於佛所說法得離欲歡喜歡喜身荷息
心自樂亦然心樂得正受正觀有事行
厭惡三趣者離欲心解脫厭惡諸有趣
不集於人天無餘猶燈滅究竟般涅槃
聞法多福利最勝之所說是故當專思
聽大師所說

異比丘說此偈已從座起而去

如是我聞一時佛住舍衛國祇樹給
孤獨園今時世尊告諸比丘有七覺
分何等為七謂念覺分乃至捨覺分
佛說此經已諸比丘聞佛所說歡喜
奉行

如是我聞一時佛住舍衛國祇樹給
孤獨園今時世尊告諸比丘當修七
覺分何等為修七覺分謂念覺分乃
至捨覺分若比丘修念覺分依遠離
依無欲依滅向於捨如是修擇法精

進喜猶定捨覺分依遠離依無欲依滅向於捨佛說此經已諸比丘聞佛所說歡喜奉行

如是我聞一時佛住舍衛國祇樹給孤獨園尔時世尊告諸比丘如上說差別者諸比丘過去已如是修七覺分未來亦當如是修七覺分佛說此經已諸比丘聞佛所說歡喜奉行如是我聞一時佛住舍衛國祇樹給孤獨園尔時世尊告諸比丘若比丘念覺分清淨鮮白無有支節離諸煩惱未起不起除佛調伏教授乃至捨覺分亦如是說諸比丘念覺分清淨鮮白無有支節離諸煩惱未起而起佛所調伏教授非餘乃至捨覺分亦如是說佛說此經已諸比丘聞佛所說歡喜奉行

如是我聞一時佛住舍衛國祇樹給孤獨園尔時世尊告諸比丘如上說差別者未起不起除善逝調伏教授未起而起是則善逝調伏教授非餘佛說此經已諸比丘聞佛所說歡喜奉行

如是我聞一時佛住舍衛國祇樹給
孤獨園時有異比丘來詣佛所稽首
禮足退坐一面白佛言世尊謂覺分
世尊云何為覺分佛告比丘所謂覺
分者謂七道品法然諸比丘七覺分
漸次而起修習滿足異比丘白佛世
尊云何覺分漸次而起修習滿足佛
告比丘若比丘內身身觀住彼內身
身觀住時攝心繫念不忘彼當念時
念覺分方便修習方便修習念覺分
已修習滿足滿足念覺分已於法選
擇分別思量當於念時修擇法覺分
方便修方便已修習滿足如是乃至
捨覺分修習滿足如內身身觀念住
如是外身內外身受心法法觀念住
當於念時專心繫念不忘乃至捨覺
分亦如是說如是住者漸次覺分起
漸次起已修習滿足佛說此經已諸
比丘聞佛所說歡喜奉行

如是我聞一時佛住舍衛國祇樹給
孤獨園念時世尊告彼比丘如上差
別者若比丘如是修習七覺分已當
得二種果現法得漏盡無餘涅槃或

得阿那含果佛說此經已諸比丘聞
佛所說歡喜奉行

如是我聞一時佛住舍衛國祇樹給
孤獨園如上說差別者如是比丘修
習七覺分已多修習已得四種果四
種福利何等為四謂須陀洹果斯陀
含果阿那含果阿羅漢果佛說此經
已異比丘聞佛所說歡喜奉行

如是我聞一時佛住舍衛國祇樹給
孤獨園如上說差別者若比丘修習
七覺分多修習已當得七種果七種
福利何等為七是比丘得現法智證
樂若命終時若不得現法智證樂及
命終時而得正下分結盡中般涅槃
若不得中般涅槃而得生般涅槃若
不得生般涅槃而得無行般涅槃若
不得無行般涅槃而得有行般涅槃
若不得有行般涅槃而得上流般涅
槃佛說此經已異比丘聞佛所說歡
喜奉行

如是我聞一時佛住舍衛國祇樹給
孤獨園今時世尊告諸比丘所謂覺
分何等為覺分諸比丘白佛世尊是

法相法眼法依唯願為說諸比丘聞
已當受奉行佛告諸比丘比丘尼七
覺分者謂七道品法諸比丘此七覺
分漸次起漸次起已修習滿足諸比
丘白佛云何七覺分漸次起漸次起
已修習滿足若比丘身身觀念住彼
身身觀念住已身心繫念不忘當於
余時方便修念覺分方便修念覺分
已修習滿足謂修念覺分已於法選
擇當於余時修擇法覺分方便修擇
法覺分方便已修習滿足如是精進
喜荷定捨覺分亦如是說如內身如
是外身內外身受心法法觀念住專
心繫念不忘當於余時方便修念覺
分方便修念覺分已修習滿足乃
至捨覺分亦如是說是名比丘七覺
分漸次起漸次起已修習滿足佛說
此經已諸比丘聞佛所說歡喜奉行
如是我聞一時佛住舍衛國祇樹給
孤獨園余時世尊告諸比丘如上說
差別者此七覺分修習多修習當得
二果得現法智有餘涅槃及阿那含
果佛說此經已諸比丘聞佛所說

歡喜奉行

如是我聞一時佛住舍衛國祇樹給
孤獨園。爾時世尊告諸比丘。如上說
差別者。若比丘修習七覺分。多修習
已。當得四果。何等為四。謂須陀洹果。
斯陀含果。阿那含果。阿羅漢果。佛說
此經已。諸比丘聞佛所說歡喜奉行。
如是我聞一時佛住舍衛國祇樹給
孤獨園。如上說差別者。若比丘修習
此七覺分。多修習已。當得七果。何等
為七。謂現法智。有餘涅槃。及命終時
若不介者。得生般涅槃。若不介者。得
無行般涅槃。若不介者。得有行般涅槃。
若不介者。得上流般涅槃。佛說此
經已。諸比丘聞佛所說歡喜奉行。
如是我聞一時佛住舍衛國祇樹給
孤獨園。爾時世尊告諸比丘。當修不
淨觀。多修習已。當得大果。大福利。云
何。修不淨觀。多修習已。得大果。大福
利。是比丘不淨觀。俱念覺分。依遠離
依無欲。依滅。向於捨。修擇法。精進。喜
猗定。捨覺分。依遠離。依無欲。依滅。向

於捨佛說此經已諸比丘聞佛所說
歡喜奉行

如是我聞一時佛住舍衛國祇樹給
孤獨園尔時世尊告諸比丘若比丘
修習隨死念多修習已得大果大福
利云何比丘修習隨死念多修習已
得大果大福利是比丘修隨死念
俱念覺分依遠離依無欲依滅向於
捨乃至捨覺分亦如是說佛說此經
已諸比丘聞佛所說歡喜奉行

如是我聞一時佛住釋氏黃栢邑時
衆多比丘晨朝著衣持鉢入黃栢邑
乞食時衆多比丘作是念今日太早
乞食時未至我等可過外道精舍尔
時衆多比丘即入外道精舍與諸外
道出家共相問訊慰勞已於一面坐
諸外道出家言沙門瞿曇為諸弟子
說如是法不斷五蓋惱心慧力羸為
障導分不趣涅槃盡攝其心住四念
處心與慈俱無怨無嫉亦無瞋恚廣
大無量善修充滿四方四維上下一
切世間心與慈俱無怨無嫉亦無瞋
恚廣大無量善修習充滿如是修習

悲喜捨心俱亦如是說我等亦復為
諸弟子作如是說我等與彼沙門瞿
曇有何等異所謂俱能說法時衆多
比丘聞諸外道出家所說心不喜悅
默然不呵從座起去入黃枕邑乞食
已還精舍舉衣鉢洗足已詣佛所稽
首禮足退坐一面以彼外道出家所
說廣白世尊今時世尊告諸比丘如
彼外道出家所說汝等應問修習慈
心為何所勝修習悲喜捨心為何所
勝如是問時彼諸外道出家心則駭
散或說外異事成瞋慢毀訾違背不
忍或默然萎熟低頭失辯思惟而住
所以者何我不見諸天魔梵沙門婆
羅門天人衆中聞我所說隨順樂者
唯除如來及聲聞衆者比丘心與慈
俱多修習於淨最勝悲心修習多修
習空入處最勝喜心修習多修習識
入處最勝捨心修習多修習無所有
入處最勝佛說此經已諸比丘聞佛
所說歡喜奉行

如是我聞一時佛住舍衛國祇樹給
孤獨園今時世尊告諸比丘若比丘

修習慈心多修習已得大果大福利
云何比丘修習慈心得大果大福利
是以立心與慈俱修念覺分依遠離
依無欲依滅向於捨乃至修習捨覺
分依遠離依無欲依滅向於捨佛說
此經已諸比丘聞佛所說歡喜奉行
如是我聞一時佛住舍衛國祇樹給
孤獨園今時世尊告諸比丘若比丘
修空入處多修習已得大果大福利
云何比丘修空入處多修習已得大
果大福利是比丘心與空入處俱修
念覺分依遠離依無欲依滅向於捨
乃至修捨覺分依遠離依無欲依滅
向於捨佛說此經已諸比丘聞佛所
說歡喜奉行

如修空入處如是識入處無所有入
處非想非非想入處三經亦如上說
如是我聞一時佛住舍衛國祇樹給
孤獨園今時世尊告諸比丘若比丘
修習安那般那念多修習已得大果
大福利云何修習安那般那念多修
習已得大果大福利是比丘心與安
那般那念俱修念覺分依遠離依無

欲依滅向於捨乃至修捨覺分依遠離依無欲依滅向於捨佛說此經已諸比丘聞佛所說歡喜奉行

如是我聞一時佛住舍衛國祇樹給孤獨園尔時世尊告諸比丘若比丘修無常想多修習已得大果大福利云何比丘修無常想多修習已得大果大福利是比丘心口與無常想俱修念覺分依遠離依無欲依滅向於捨乃至得捨覺分依遠離依無欲依滅向於捨佛說此經已諸比丘聞佛所說歡喜奉行

如無常想如是無常苦想苦無我想觀食想一切世間不可樂想盡想斷想無欲想滅想患想不淨想青瘀想膿清想腫脹想壞想食不盡想血想分離想骨想空想二經如上說

雜阿含經卷第二十七

癸卯歲高麗國大藏都監奉
勅雕造

雜阿含經卷第二十八

威

宋天竺三藏求那跋陀羅譯

如是我聞一時佛住舍衛國祇樹給
孤獨園今時世尊告諸比丘如日出
前相謂明相初光如是比丘正盡告
邊究竟苦邊前相者所謂正見彼正
見者能起正志正語正業正命正方
便正念正定起定正受故聖弟子心
正解脫貪欲瞋恚愚癡如是心善解
脫聖弟子得正知見我生已盡梵行
已立所作已作自知不受後有佛說
此經已諸比丘聞佛所說歡喜奉行
如是我聞一時佛住舍衛國祇樹給
孤獨園今時世尊告諸比丘若無明
為前相故生諸惡不善法時隨生無
慙無愧無慙無愧生已隨生邪見邪
見生已能起邪志邪語邪業邪命邪
方便邪念邪定若起明為前相生諸
善法時慙愧隨生慙愧生已能生正
見正見生已起正志正語正業正命
正方便正念正定次第而起正定起
已聖弟子得正解脫貪欲瞋恚愚癡

如是聖弟子得正解脫已得正知見
我生已盡梵行已立所作已作自知
不受後有佛說此經已諸比丘聞佛
所說歡喜奉行

如是我聞一時佛住舍衛國祇樹給
孤獨園尔時世尊告諸比丘若比丘
諸惡不善法比丘一切皆以無明為
根本無明集無明生無明起所以者
何無明者無知於善不善法不如實
知有罪無罪下法上法染汙不染汙
分別不分別緣起非緣起不如實知
不如實知故起於邪見起於邪見已
能起邪志邪語邪業邪命邪方便邪
念邪定若諸善法生一切皆明為根
本明集明生明起明於善不善法如
實知者罪無罪親近不親近學法勝
法穢汙白淨有分別無分別緣起非
緣起悉如實知如實知者是則正見
正見者然起正志正語正業正命正
方便正念正定正起已聖弟子得
正解脫貪志癡貪志癡解脫已是聖
弟子得正智見我生已盡梵行已立
所作已作自知不受後有佛說此經

已諸比丘聞佛所說歡喜奉行

如是我聞一時佛住舍衛國祇樹給
孤獨園今時世尊告諸比丘若在家
若出家而起邪事者我所不說所以
者何若在家出家而起邪事者則不
樂正法何等為邪事謂邪見乃至邪
定若在家出家而起正事我所讚歎
所以者何起正事者則樂正法善於
正法何等為正事謂正見乃至正定
今時世尊即說偈言

在家及出家而起邪事者彼則終不樂
無上之正法 在家及出家而起正事者
彼則常心樂無上之正法

佛說此經已諸比丘聞佛所說歡喜
奉行

如是我聞一時佛住舍衛國祇樹給
孤獨園今時迦摩比丘詣佛所稽首
佛足退坐一面白佛言世尊所謂欲
者為何為欲佛告迦摩欲謂五欲功
德何等為五謂眼識明色可愛可意
可愛可意可念長養欲樂是名為欲
可念長養欲樂如是耳鼻舌身咸觸
緣彼非欲於彼貪著者是名為欲

時世尊即說偈言

世間雜五色 彼非為愛欲 貪欲覺想者
是則士夫欲 衆色常住世 行者斷心欲
迦摩比丘白佛言世尊寧有遺有耶
斷此愛欲不佛告比丘有八正道能
斷愛欲謂正見正志正語正業正命
正方便正念正定佛說此經已迦摩
比丘聞佛所說歡喜奉行

如是我聞一時佛住舍衛國祇樹給
孤獨園時有比丘名阿梨瑟吒詣佛
所稽首佛足退坐一面白佛言世尊
所謂甘露者云何名為甘露佛告阿
梨瑟吒甘露者衆名說然我為有漏
盡者現說此名阿梨瑟吒比丘白佛
言世尊有遺有跡修習多修習得甘
露法不佛告比丘有所謂八聖道分
謂正見乃至正定佛說此經已諸大
比丘聞佛所說歡喜奉行

如是我聞一時佛住舍衛國祇樹給
孤獨園今時尊者舍利弗詣佛所稽
首佛足退坐一面白佛言世尊所謂
賢聖等三昧根本衆具云何為賢聖
等三昧根本衆具佛告舍利弗謂六

三正分爲三賢聖等三昧爲根本爲衆
興何等爲七謂正見正志正語正業
正命正方便正念舍利弗於此七道
分爲三業者已得一其心是名賢聖等
三昧根本衆具佛說此經已諸比丘
聞佛所說歡喜奉行

如上三經如是佛問諸比丘三經亦
如是說

如是我聞一時佛住舍衛國祇樹給
孤獨園舍時世尊告諸比丘無母子
要有母子畏愚癡無聞凡夫所說而
不能知無母子要有母子畏諸比丘
有三種無母子畏愚癡無聞凡夫所
說何等爲三諸比丘有時兵兒亂起
殘害國土隨流波送子失其母母失
其子是名第一無母子畏愚癡無聞
凡夫所說復次比丘有時大火卒起
焚燒城邑聚落人民馳走母子相失
是名第二無母子畏愚癡無聞凡夫
所說復次比丘有時山中大雨洪水
流出漂沒聚落人民馳走母子相失是
名第三無母子畏愚癡無聞凡夫所
說然此等畏是有母子畏愚癡無聞

凡夫說名無母子畏彼有時安樂亂
起殘害國土隨流波迸母子相失或
時於彼母子相見是名第一有母子
畏愚癡無聞凡夫說名無母子畏復
次大火卒起焚燒城邑聚落人民馳
走母子相失或復相見是名第二有
母子畏愚癡無聞凡夫說名無母子
畏復次山中大雨洪水流出漂沒聚
落此人馳走母子相失或尋相見是
名第三有母子畏愚癡無聞凡夫說
名無母子畏比丘有三種無母子畏
是我自覺成三菩提之所記說何等
為三若比丘子若老時無母能語子
汝莫老我當代汝其母老時亦無子
語母令莫老我代之老是名第一無
母子畏我自覺成三菩提之所記說
復次比丘有時子病母不能語子令莫
病我當代汝母病之時子亦不能語
母莫病我當代母是名第二無母子
畏我自覺成三菩提之所記說復次
子若死時無母能語子令莫死我今
代汝母若死時無子能語母令莫死
我當代母是名第三無母子畏我自

覺成三菩提之所記說諸比丘白佛
有道有跡修習多修習斷時三種有
母子長斷後三種無母子是不佛告
比丘有道有跡斷彼三畏何等為道
何等為跡修習多修習斷時三種有
母子長斷後三種無母子是謂八聖
道分正見正志正語正業正命正方
便正念正定佛說此經已諸比丘聞
佛所說歡喜奉行

如是我聞一時佛住舍衛國祇樹給
孤獨園忉時世尊告諸比丘有三受
無常有為心所緣生何等為三謂樂
受苦受不苦不樂受諸比丘白佛世
尊有道有跡修習多修習斷此三受
不佛告比丘有道有跡修習多修習
斷此三受何等為道何等為跡修習
多修習斷此三受佛告比丘謂八聖
道正見正志正語正業正命正方便
正念正定佛說此經已諸比丘聞佛
所說歡喜奉行

如是我聞一時佛住舍衛國祇樹給
孤獨園忉時世尊告諸比丘世有三
法不可喜不可愛不可念何等為三

謂老病死此三法不可喜不可愛不可念世間若無此三法不可喜不可愛不可念者無有如來應等正覺出於世間世間亦不知有如來說法教誠教授以世間有此三法不可喜不可愛不可念故如來應等正覺出於世間世間知有如來說法教誠教授諸比丘白佛有道有跡斷此三法不可喜不可愛不可念者不佛告比丘有道有跡修習多修習斷此三法不可喜不可愛不可念謂八聖道正見正志正語正業正命正方便正念正定佛說此經已諸比丘聞佛所說歡喜奉行

如是我聞一時佛住舍衛國祇樹給孤獨園尔時世尊告諸比丘我當說學及無學諦聽善思念之何等為學謂學正見成就學正志正語正業正命正方便正念正定成就是名為學何等為無學謂無學正見成就無學正志正語正業正命正方便正念正

定成就是名無學佛說此經已諸比丘聞佛所說歡喜奉行

如學無學如是正士如是大士亦如是說

如是我聞一時佛住舍衛國祇樹給孤獨園今時世尊告諸比丘我當說聖漏盡云何為聖漏盡謂無學正見成就乃至無學正定成就是名聖漏盡佛說此經已諸比丘聞佛所說歡喜奉行

如是我聞一時佛住舍衛國祇樹給孤獨園今時世尊告諸比丘我今當說八聖道分何等為八謂正見正志正語正業正命正方便正念正定佛說此經已諸比丘聞佛所說歡喜奉行

如是我聞一時佛住舍衛國祇樹給孤獨園今時世尊告諸比丘我今當說修八聖道諦聽善思何等為修八聖道是以比丘修正見依遠離依無欲依滅向於捨修正志正語正業正命正方便正念正定依遠離依無欲依滅向於捨是名修八聖道佛說此經

已諸比丘聞佛所說歡喜奉行
如是我聞一時佛住舍衛國祇樹給
孤獨園尔時世尊告諸比丘我今當
說比丘過去已修八聖道未來當修
八聖道乃至諸比丘聞佛所說歡喜
奉行

如是我聞一時佛住舍衛國祇樹給
孤獨園尔時世尊告諸比丘若比丘
正見清淨鮮白無諸過患離諸煩惱
未起不起唯除佛所調伏乃至正定
亦如是說若正見清淨鮮白無諸過
患離諸煩惱未起能起乃至正定亦
如是說佛說此經已諸比丘聞佛所
說歡喜奉行

如除佛所說除善逝所說亦如上說
如是我聞一時佛住舍衛國祇樹給
孤獨園尔時世尊告諸比丘說不善
聚者謂五蓋是為正說所以者何純
一不善聚者所謂五蓋何等為五謂
貪欲蓋瞋恚睡眠掉悔疑蓋說善法
聚者所謂八聖道是名正說所以者
何純一滿淨善聚者謂八聖道何等
為八謂正見正志正語正業正命正

方便正念正定佛說此經已諸比丘
聞佛所說歡喜奉行

如是我聞一時佛住王舍城山谷精
舍時尊者阿難獨一靜處作如是念
半梵行者謂善知識善伴黨善隨從
乃至佛告阿難純一滿淨具梵行者
謂善知識所以者何我為善知識故
令諸衆生修習正見依遠離依無欲
依滅向於捨乃至修正定依遠離依
無欲依滅向於捨佛說此經已尊者
阿難聞佛所說歡喜奉行

如是我聞一時佛住舍衛國祇樹給
孤獨園今時尊者阿難晨朝著衣持
鉢入舍衛城乞食時有生聞婆羅門
乘白馬車衆多年少翼從白馬白車白
控白鞭頭著白帽白傘蓋手執白拂
著白衣服白璎珞白香塗身翼從皆
白出舍衛城欲至林中教授讀誦衆
人見之咸言善乘善乘謂婆羅門乘
時尊者阿難見婆羅門眷屬衆具一
切皆白見已入城乞食還精舍舉衣
鉢洗足已往詣佛所稽首礼足退坐
一面白佛言世尊今日晨朝著衣持

鉢入舍衛城乞食見生聞婆羅門乘
白馬車眷屬眾具一切皆白衆人唱
言善乘善乘謂婆羅門乘云何世尊
於正法律為是世人乘為是婆羅門
乘佛告阿難是世人乘非我法律婆
羅門乘也阿難我正法律乘天乘婆
羅門乘大乘能調伏煩惱軍者諦聽
善思當為汝說阿難何等為正法律
乘天乘婆羅門乘大乘能調伏煩惱
軍者謂八正道正見乃至正定阿難
是名正法律乘天乘梵乘大乘能調
伏煩惱軍者今時世尊即說偈言
信戒為法軌 慙愧為長縻 正念善護持
以為善御者 捨三昧為轡 智慧精進輪
無著忍辱鎧 安隱如法行 直進不退還
永之無憂處 智士乘戰車 摧伏無智怨
如是我聞一時佛住舍衛國祇樹給
孤獨園今時世尊告諸比丘應離邪
見應斷邪見者邪見不可斷者我終
不說應離斷邪見以邪見可斷故我
說比丘當離邪見若不離邪見者邪
見當作非義不饒益苦是故我說當
離邪見如是邪志邪語邪業邪命邪

方便邪念邪定亦如是說諸比丘離邪見已當修正見若不得修正見者我終不說修習正見以得修正見故我說比丘應修正見若不修正見者當作非義不饒益苦以不修正見作非義不饒益苦故是我說當修正見以義饒益常得安樂是故比丘當修正見如是正志正語正業正命正方便正念正定亦如是說佛說此經已諸比丘聞佛所說歡喜奉行

如是我聞一時佛住舍衛國祇樹給孤獨園時有生聞婆羅門來詣佛所與世尊面相問訊慰勞問訊慰勞已退坐一面白佛言瞿曇謂非彼岸及彼岸瞿曇云何非彼岸云何彼岸佛告婆羅門邪見者非彼岸正見者是彼岸邪志邪語邪業邪命邪方便邪念邪定非彼岸正見是彼岸正志正語正業正命正方便正念正定是彼岸今時世尊即說偈言

希有諸人民能度於彼岸一切諸世間徘徊遊此岸於此正法律能善隨順者斯等能度彼生死難度岸

時生聞婆羅門闍佛所說歡喜隨喜
從座起去

如是異比丘問尊者阿難闍佛問諸
比丘此三經亦如上說

如是我聞一時佛住舍衛國祇樹給
孤獨園今時世尊告諸比丘於內法
中我不見一法能令未生惡不善法
生已生者重生令增廣如說不正思
惟者諸比丘不正思惟者未起邪見
今起已起重生令增廣如是邪志邪
語邪業邪命邪方便邪念邪定亦如
是說諸比丘於內法中我不見一法
能令未生惡不善法不生已生惡不善
法今滅如說正思惟者諸比丘正思
惟者未生邪見今不生已生者今滅
如邪見邪志邪語邪業邪命邪方便
邪念邪定亦如是說佛說此經已諸
比丘聞佛所說歡喜奉行

如是我聞一時佛住舍衛國祇樹給
孤獨園今時世尊告諸比丘於內法
中我不見一法能令未生善法不生已生
善法今滅如說不正思惟者諸比丘
不正思惟者未生正見今不生已生

正見今退如是未生正志正語正業
正命正方便正念正定今不生已生
者今退諸比丘於內法中我不見一
法令未生善法令生已生善法重生
今增廣如說正思惟者諸比丘正思
惟者未生正見今生已生正見重生
今增廣如是未生正志正語正業正
命正方便正念正定今生已生者重
生今增廣佛說此經已諸比丘聞佛
所說歡喜奉行

如是我聞一時佛在舍衛國祇樹給
祇園舍時世尊告諸比丘於內法
中我不見一法令未生惡不善法生
已生惡不善法重生今增廣未生善
法不生已生者今退所謂不正思惟
諸比丘不正思惟者未生邪見今生
已生者重生今增廣未生正見不生已
生者今退如是未生邪志邪語邪業
邪命邪方便邪念邪定今生已生者
重生今增廣未生正志正語正業正
命正方便正念正定不生已生者今
退諸比丘我於內法中不見一法未
生惡不善法令不生已生惡不善法

令滅未生善法令生已生善法重生
令增廣如說正思惟諸比丘正思惟
者令未生邪見不生已生邪見令滅
未生正見令生已生正見重生令增
廣如是未生邪志邪語邪業邪命邪
方便邪念邪定令不生已生者令滅
未生正志正語正業正命正方便正
念正定令生已生者重生令增廣佛
說此經已諸比丘聞佛所說歡喜
奉行

如是我聞一時佛住舍衛國祇樹給
孤獨園尔時世尊告諸比丘於外法
中我不見一法令未生惡不善法生
已生惡不善法重生令增廣如說惡
知識惡伴黨惡隨從者能令未生邪見令
生已生邪見重生令增廣如是未生
邪志邪語邪業邪命邪方便邪念邪
定令生已生者重生令增廣諸比丘外
法中我不見一法令未生惡不善法
不生已生惡不善法令滅如說善知
識善伴黨善隨從諸比丘善知識善
伴黨善隨從能令未生邪見不生已

生邪見今滅未生邪志邪語邪業邪
命邪方便邪念邪定不生已生者令
滅佛說此經已諸比丘聞佛所說歡
喜奉行

如是我聞一時佛住舍衛國祇樹給
孤獨園今時世尊告諸比丘於外法
中我不見一法能令未生善法生已
生善法重生令增廣如說善知識善
伴黨善隨從者諸比丘善知識善伴黨
善隨從者能令未生正見生已生正
見重生令增廣如是未生正志正語
正業正命正方便正念正定令生已
生者重生令增廣佛說此經已諸比
丘聞佛所說歡喜奉行

如是我聞一時佛住舍衛國祇樹給
孤獨園今時世尊告諸比丘於外法
中我不見一法能令未生惡不善法
生已生惡不善法重生令增廣未生
善法不生已生善法令滅如說惡知
識惡伴黨惡隨從者諸比丘惡知識惡
伴黨惡隨從者能令未生邪見令生
已生邪見者重生令增廣未生正見
不生已生正見令退如是未生邪志

邪語邪業邪命邪方便邪念邪定令
生已生者重生令增廣未生正志正
語正業正命正方便正念正定令不
生已生者令退諸比丘於外法中我
不見一法能令未生惡不善法生已
生惡不善法令滅未生善法令生已
生善法重生令增廣如說善知識善
伴黨善隨從諸比丘善知識善伴黨
善隨從能令未生邪見不生已生邪
見令滅未生正見令生已生正見重
生令增廣如是未生邪志邪語邪業
邪命邪方便邪念邪定令不生已生
者令滅未生正志正語正業正命正
方便正念正定令生已生者重生令
增廣佛說此經已諸比丘聞佛所說
歡喜奉行

如是我聞一時佛住舍衛國祇樹給
孤獨園舍時世尊告諸比丘於內法
中我不見一法能令未生惡不善法
生已生者重生令增廣未生善法不
生已生者令退如說不正思惟諸比
丘不正思惟者能令未生邪見生已
生邪見令重生增廣未生正見不生

已生正見今退諸比丘於內法中我不見一法能令未生惡不善法不生已生惡不善法令滅未生善法令生已生善法重生令增廣如說正思惟諸比丘正思惟者能令未生邪見不生已生者令滅來生正見今生已生者重生令增廣佛說此經已諸比丘聞佛所說歡喜奉行

如說邪見正見如是邪志正志邪語正語邪業正業邪命正命邪方便正方便邪念正念邪定正定七經如上說如內法八經如是外法八經亦是如是說

如是我聞一時佛住舍衛國祇樹給孤獨園今時世尊告諸比丘有非法是法諦聽善思當為汝說何等為非法是法謂邪見非法正見是法乃至邪定非法正定是法佛說此經已諸比丘聞佛所說歡喜奉行

如非法是法如是非律正律非聖是聖不善法善法非習法習法非善哉法善哉法黑法白法非義正義卑法勝法有罪法無罪法應去法不去法

二經皆如上說

如是我聞一時佛住拘睺那國瞿師
羅園今時尊者阿難亦在彼住有異
婆羅門來詣尊者阿難所與尊者阿
難共相問訊慰勞問訊慰勞已退坐
一面白尊者阿難欲有所問寧有閑
暇為記說不阿難答言隨汝所問知
者當答婆羅門問尊者阿難何故於
沙門瞿曇所出家修梵行阿難答言
婆羅門為斷故復問斷何等答言貪
欲斷瞋恚愚癡斷又問阿難有道有
跡能斷貪欲瞋恚愚癡耶阿難答言
有謂八聖道正見正志正語正業正
命正方便正念正定婆羅門言阿難
賢哉之道賢哉之跡修習多修習能
斷斯等貪欲恚癡尊者阿難說是法
時彼婆羅門聞其所說歡喜隨喜從
座起去

如斷貪志癡如是調伏貪恚癡及得
涅槃及欲離及不起涅槃及沙門義
及婆羅門義及解脫及苦斷及究竟
苦邊及正盡苦二經皆如上說

如是說聞一時佛住舍衛國祇樹給

孤獨園今時世尊告諸比丘有邪有正諦聽善思當為汝說何等為邪謂邪見乃至邪定何等為正謂正見乃至正定何等為正見謂說有施有說有齋有善行有惡行有善惡行果報有此世有他世有父母有衆生生有阿羅漢善到善向有此世他世自知作證具足住我生已盡梵行已立所作已作自知不受後有何等為正志謂出要志無恚志不害志何等為正語謂離妄語離兩舌離惡口離綺語何等為正業謂離殺盜婬何等為正命謂如法求衣服飲食卧具湯藥非不如法何等為正方便謂欲精進方便出離勤覺甚能常行不退何等為正念謂念隨順念不妄不虛何等為正定謂住心不亂堅固攝持寂止三昧一心佛說此經已諸比丘聞佛所說歡喜奉行

如是我聞一時佛住舍衛國祇樹給孤獨園於時世尊告諸比丘如上說差別者何等為正見謂正見有二種有正見是世俗有漏有取轉向善趣

有正見是聖出世間無漏無取正盡
苦轉向苦邊何等為正見有漏有取
向於善趣若彼見有施有說乃至知
世間有阿羅漢不受後有是名世間
正見世俗有漏有取向於善趣何等
為正見是聖出世間無漏不取正盡
苦轉向苦邊謂聖弟子苦苦思惟集
滅道道思惟無漏思惟相應於法選
擇分別推求覺知照慧開覺觀察是
名正見是聖出世間無漏不取正盡
苦轉向苦邊何等為正志謂正志二
種有正志世俗有漏有取向於善趣
有正志是聖出世間無漏不取正盡
苦轉向苦邊何等為正志有世俗有
漏有取向於善趣謂正志出要覺無
恚覺不害覺是名正志世俗有漏有
取向於善趣何等為正志是聖出世
間無漏不取正盡苦轉向苦邊謂聖
弟子苦苦思惟集滅道道思惟無漏
思惟相應心法分別自決意解計數
立意是名正志是聖出世間無漏不
取正盡苦轉向苦邊何等為正語正
語有二種有正語世俗有漏有取向

於善趣有正語是聖出世間無漏不
取正盡苦轉向苦邊何等為正語世
俗有漏有取向於善趣謂正語離妄
語兩舌惡口綺語是名正語世俗有
漏有取向於善趣何等正語是聖出
世間無漏不取正盡苦轉向苦邊謂
聖弟子苦苦思惟集滅道道思惟除
邪命念口四惡行諸餘口惡行離於
彼無漏遠離不著固守攝持不犯不
度時節不越限防是名正語是聖出
世間無漏不取正盡苦轉向苦邊何
等為正業正業有二種有正業世俗
有漏有取向於善趣有正業是聖出
世間無漏不取正盡苦轉向苦邊何
等為正業世俗有漏有取向善趣
謂離殺盜婬是名正業世俗有漏有
取向善趣何等為正業是聖出世
間無漏不取正盡苦轉向苦邊謂聖
弟子苦苦思惟集滅道道思惟除邪
命念身三惡行諸餘身惡行數無漏
心不樂著固守執持不犯不度時節
不越限防是名正業是聖出世間無
漏不取正盡苦轉向苦邊何等為正

命正命有二種有正命是世俗有漏有取轉向善趣有正命是聖出世間無漏不取正盡苦轉向苦邊何等為正命世俗有漏有取轉向善趣謂如法求衣食卧具隨病湯藥非不如法是名正命世俗有漏有取轉向善趣何等為正命是聖出世間無漏不取正盡苦轉向苦邊謂聖弟子苦苦思惟集滅道道忍惟無漏憶念相應心法欲精進方便勤踊超出建立堅固堪

能這作精進心法攝受常不休息是名正方便是聖出世間無漏不取正盡苦轉向苦邊何等為正念正念有二種世俗有漏有取轉向善趣有正念是聖出世間無漏不取正盡苦轉向苦邊何等為正念世俗有漏有取正向善趣何等為正念是聖出世間無漏不取轉向苦邊謂聖弟子苦苦思惟集滅道道思惟無漏思惟相應若念隨念重念憶念不妄不虛是名正念隨念重念憶念不妄不虛是名正念是聖出世間無漏不取轉向苦邊何等為正定正定有二種有正定世俗有漏有取轉向善趣有正定是聖出世間無漏不取正盡苦轉向苦邊何等為正定世俗有漏有取轉向善趣若心住不亂不動攝受寂止三昧一心是名正定世俗有漏有取轉向善趣何等為正定是聖出世間無漏不取正盡苦轉向苦邊謂聖弟子苦苦思惟集滅道道思惟無漏思惟相應心法住不亂不散攝受寂止三昧一心

是名正定是聖出世間無漏不取正盡苦轉向苦邊佛說此經已諸比丘聞佛所說歡喜奉行

如是我聞一時佛住舍衛國祇樹給孤獨園今時世尊告諸比丘若比丘心向邪者違背於法不樂於法若向正者心樂於法不違於法何等為邪謂邪見乃至邪定何等為正謂正見乃至正定佛說此經已諸比丘聞佛所說歡喜奉行

如是我聞一時佛住舍衛國祇樹給孤獨園今時世尊告諸比丘向邪者違於法不樂於法向正者樂於法不違於法何等為向邪者違於法不樂於法謂邪見人身業如所見口業如所見若思若欲若願若為彼皆隨順一切得不愛果不念不可意果所以者何以見惡故謂邪見邪見者起邪志邪語邪業邪命邪方便邪念邪定是向邪者違於法不樂於法何等為向正者樂於法不違於法謂正見人若身業隨所見若口業若思若欲若願若為志皆隨順得可愛可念可意

果所以者何以見正故謂正見正見者能起正志正語正業正命正方便正念正定是名向正者樂於法不違於法佛說是經已諸比丘聞佛所說歡喜奉行

如是我聞一時佛住舍衛國祇樹給孤獨園舍時世尊告諸比丘向邪者違於法不樂於法向正者樂於法不違於法何等為向邪者違於法不樂於法若邪見人身業如所見口業如所見若思若欲若願若為彼皆隨順一切得不愛果不念不可意果所以者何惡見謂邪見邪見者起邪志邪語邪業邪命邪方便邪念邪定譬如苦果種著地中隨時溉灌彼得地味水味火味風味一切悲苦所以者何以種苦故如是邪見人身業如所見口業如所見若思若欲若願若為悲皆隨順彼一切得不愛不念不可意果所以者何惡見者謂邪見邪見者能起邪志乃至邪定是名向邪者違於法不樂於法何等為向正者樂於法不違於法若正見人身業如所見口

業如將見若思若欲若為恚皆隨順
彼一切得可愛可念可意果所以者
何善見謂正見正見者能起正志乃
至正定譬如甘蔗稻麥蒲桃種著地
中隨時既灌彼得地味水味火味風
味彼一切味悉甜美所以者何以種
子甜故如是正見人身業如所見口
業如所見若思若欲若願若為恚皆
隨順彼一切得可愛可念可意果所
以者何善見者謂正見正見者能起
正志乃至正定是名向正者樂於法
不違於法佛說此經已諸比丘聞佛
所說歡喜奉行

世間出世間亦如是說
如上三經亦皆說偈言

鄙法不應近 放逸不應行 不應習邪見
增長於世間 假使有世間 正見增上者
雖復百千生 終不墮惡趣

佛說此經已諸比丘聞佛所說歡喜
奉行

如是我聞一時佛住舍衛國祇樹給
孤獨園時有生聞婆羅門來詣佛所
稽首佛足與世尊面相問訊慰勞已

退生一面白佛言瞿曇所謂正見者
何等為正見佛告婆羅門正見有二
種有正見世俗有漏有取轉向善趣
有正見是聖出世間無漏不取正盡
苦轉向苦邊何等為正見世俗有漏
有取轉向善趣謂正見有施有說有
齋乃至自知不受後有婆羅門是名
正見世俗有漏有取向於善趣婆羅
門何等為正見是聖出世間無漏不
取正盡苦轉向苦邊謂聖弟子苦苦
思惟集滅道道思惟無漏思惟相應
於法選擇分別求覺巧便黠慧觀察
是名正見是聖出世間無漏不取正
盡苦轉向苦邊佛說此經已生聞婆
羅門聞佛所說歡喜隨喜從座起去
如正見如是正志正語正業正命正
方便正念正定二經如上說

如是我聞一時佛住舍衛國祇樹給
孤獨園今時世尊告諸比丘有邪及
邪道有正及正道諦聽善思當為沒
說何等為邪謂地獄畜生餓鬼何等
為邪道謂邪見乃至邪定何等為正
謂人天涅槃何等為正道謂正見乃

至正定佛說此經已諸比丘聞佛所說歡喜奉行

如是我聞一時佛住舍衛國祇樹給孤獨園尔時世尊告諸比丘有邪有邪道有正有正道諦聽善思當為汝說何等為邪謂地獄畜生餓鬼何等為邪道謂殺盜邪婬妄語兩舌惡口綺語貪恚邪見何等為正謂人天涅槃何等為正道謂不殺不盜不邪婬不妄語不兩舌不惡口不綺語無貪無恚正見佛說此經已諸比丘聞佛所說歡喜奉行

如是我聞一時佛住舍衛國祇樹給孤獨園尔時世尊告諸比丘如上說差別者何等為惡趣道謂殺父殺母殺阿羅漢破僧惡心出佛身血餘如上說佛說此經已諸比丘聞佛所說歡喜奉行

如是我聞一時佛住舍衛國祇樹給孤獨園尔時世尊告諸比丘有順流道有逆流道諦聽善思當為汝說何等為順流道謂邪見乃至邪定何等為逆流道謂正見乃至正定佛說此

紐已諸比丘聞佛所說歡喜奉行
如順流逐流如是退道勝道下道上
道及三經道跡亦如上說

如是我聞一時佛住舍衛國祇樹給
孤獨園今時世尊告諸比丘有沙門
及沙門法諦聽善思當為汝說何等
為沙門法謂八聖道正見乃至正定
何等為沙門若成就此法者是名沙
門佛說此經已諸比丘聞佛所說歡
喜奉行

如是我聞一時佛住舍衛國祇樹給
孤獨園今時世尊告諸比丘有沙門
法沙門義何等為沙門法謂八聖道
正見乃至正定何等為沙門義謂貪
欲永盡瞋恚愚癡永盡一切煩惱永
盡是名沙門義佛說此經已諸比丘
聞佛所說歡喜奉行

如是我聞一時佛住舍衛國祇樹給
孤獨園今時世尊告諸比丘有沙門
法及沙門果諦聽善思當為汝說何
等為沙門法謂八聖道正見乃至正
定何等為沙門果謂須陀洹果斯陀
含果阿那含果阿羅漢果佛說此經

已諸比丘聞佛所說歡喜奉行

雜阿含經卷第二十八

癸卯歲高麗國大藏都監奉
勅雕造

雜阿含經卷第二十八 第三十二張 願

雜阿含經卷第二十九

威

宋天竺三藏求那跋陀羅譯

如是我聞一時佛住舍衛國祇樹給
孤獨園今時世尊告諸比丘有沙門
法及沙門果諦聽善思當為汝說何
等為沙門法謂八聖道正見乃至正
定何等為沙門果謂須陀洹果斯陀
含果阿那含果阿羅漢果何等為須
陀洹果謂三結斷何等為斯陀含果
謂三結斷貪恚癡薄何等為阿那含
果謂五下分結盡何等為阿羅漢果
謂貪恚癡永盡一切煩惱永盡佛說
此經已諸比丘聞佛所說歡喜奉行
如是我聞一時佛住舍衛國祇樹給
孤獨園今時世尊告諸比丘有沙門
法沙門沙門義諦聽善思當為汝說
何等為沙門法謂八聖道正見乃至
正定何等為沙門謂成就此法者何
等為沙門義謂貪欲永斷瞋恚永
斷一切煩惱永斷佛說此經已諸比
丘聞佛所說歡喜奉行

如是我聞一時佛住舍衛國祇樹給

孤獨園今時世尊告諸比丘如上說
差別者有沙門果何等為沙門果謂
須陀洹果斯陀含果阿那含果阿羅
漢果佛說此經已諸比丘聞佛所說
歡喜奉行

如是婆羅門法婆羅門婆羅門義婆
羅門果梵行法梵行者梵行義梵行
果亦如上說

如是我聞一時佛住舍衛國祇樹給
孤獨園今時世尊告諸比丘有五法
多所饒益修安那般念何等為五
住於淨戒波羅提木又律儀威儀行
處具足於微細罪能生怖畏受持學
戒是名第一多所饒益修安那般
念復次比丘少欲少事少務是名
二法多所饒益修安那般念復
次比丘飲食知量多少得中不為飲
食起求欲想精勤思惟是名三法多
所饒益修安那般念復次比丘初
夜後夜不著睡眠精勤思惟是名四
法多所饒益修安那般念復次比
丘空閑林中離諸愆鬧是名五法多
種饒益修安那般念佛說此經

已諸比丘聞佛所說歡喜奉行

如是我聞一時佛住舍衛國祇樹給
孤獨園今時世尊告諸比丘當修安
那般那念若比丘修習安那般那念
多修習者得身止息及心止息有覺
有觀寂滅純一明分想修習滿足佛
說此經已諸比丘聞佛所說歡喜
奉行

如是我聞一時佛住舍衛國祇樹給
孤獨園今時世尊告諸比丘修習安
那般那念若比丘修習安那般那念
多修習者得身心止息有覺有觀寂
滅純一明分想修習滿足何等為修習
安那般那念多修習已身心止息有
覺有觀寂滅純一明分想修習滿足
是比丘若依聚落城邑止住晨朝著
衣持鉢入村乞食善護其身守諸根
門善繫心住乞食已還住浣舉衣鉢
洗足已或入林中閑房樹下或空露
地端身正坐繫念面前斷世貪愛離
欲清淨瞋恚睡眠掉悔疑斷度諸疑
滅諸善法心得決定遠離五蓋順
於於心令慧力藏為障導分不趣定

勝念於內息繫念善學念於外息繫
念善學息長息短覺知一切身入息
於一切身入息善學覺知一切身出
息於一切身出息善學覺知一切身行
息入息於一切身行息入息善學覺
知一切身行息出息於一切身行息
出息善學覺知喜覺知樂覺知心行
覺知心行息入息於覺知心行息入
息善學覺知心行息出息於覺知心行
息出息善學覺知心覺知心悅覺知
心定覺知心解脫入息於覺知心解
脫入息善學覺知心解脫出息於覺
知心解脫出息善學觀察無常觀察
斷觀察無欲觀察滅入息於觀察滅
入息善學觀察滅出息於觀察滅出
息善學是名修安那般那念身止息
心止息有覺有觀寂滅純一明分想
修習滿足佛說此經已諸比丘聞佛
所說歡喜奉行

如是我聞一時佛住舍衛國祇樹給
孤獨園今時世尊告諸比丘當修安
那般那念安那般那念修習多修習
當勤著覺想云何安那般那念修習

多修習斷諸覺想若比丘依止聚落城邑住如上廣說乃至於出息滅善學是名安那般那念修習多修習斷諸覺想佛說此經已諸比丘聞佛所說歡喜奉行

如漸覺想如是不動搖得大果大福利如是得甘露究竟甘露得二果四果七果二經亦如上說

如是我聞一時佛住舍衛國祇樹給孤獨園尔時世尊告諸比丘如我所說安那般那念汝等修習不時有比丘名阿梨瑟吒於衆中坐即從座起整衣服為佛作礼右膝著地合掌白佛言世尊世尊所說安那般那念我已修習佛告阿梨瑟吒比丘汝云何修習我所說安那般那念比丘白佛世尊我於過去諸行不顧念未來諸行不生欣樂於現在諸行不生染著於內外對尋想善正除滅我已如是修世尊所說安那般那念佛告阿梨瑟吒比丘汝實修及所說安那般那念非不修然其比丘於汝所修安那般那念所更有勝妙過其上者何等

是勝妙過阿梨瑟吒所修安那般般那
念者是比丘依止城邑聚落如前廣
說乃至於滅出息觀察善學是名阿
梨瑟吒比丘勝妙過汝所修安那般
那念者佛說此經已諸比丘聞佛所
說歡喜奉行

如是我聞一時佛住舍衛國祇樹給
孤獨園今時世尊於晨朝時著衣持
鉢入舍衛城乞食食已還精舍舉衣
鉢洗足已持屣師檀入安陀林坐一
樹下晝日禪思時尊者須賓那亦晨
朝時著衣持鉢入舍衛城乞食還舉
衣鉢洗足已持屣師檀入安陀林於
樹下坐禪去佛不遠正身不動身心
正直勝妙思惟今時眾多比丘晡時
從禪覺往詣佛所稽首礼佛足退坐
一面佛語諸比丘汝等見尊者須賓
那不去我不遠正身端坐身心不動
住勝妙住諸比丘白佛世尊我等數
見彼尊者正身端坐善攝其身不傾
不動專心勝妙佛告諸比丘若比丘
修習三昧身心安住不傾不動住勝
妙住者此比丘得此三昧不勤方便

隨欲即得諸比丘白佛何等三昧比
丘得此三昧身心不動住勝妙住佛
告諸比丘若比丘依止聚落晨朝著
衣持鉢入村乞食已還精舍舉衣鉢
洗足已入林中若閑房露坐思惟繫
念乃至息滅觀察善惡是名三昧若
比丘端坐思惟身心不動住勝妙住
佛說此經已諸比丘聞佛所說歡喜
奉行

如是我聞一時佛住一奢能伽羅林
中尔時世尊告諸比丘我欲二月坐
禪諸比丘勿復往來唯除送食比丘
及布薩時尔時世尊作是語已即二
月坐禪無一比丘敢往來者唯除送
食及布薩時尔時世尊坐禪二月過
已從禪覺於比丘僧前坐告諸比丘
若諸外道出家來問汝等沙門瞿曇
於二月中云何坐禪汝應答言如來
二月以安那般般那念坐禪思惟住所
以者何我於此二月念安那般那多
住思惟入息時念入息如實知出息
時念出息如實知若長若短一切身
覺入息念如實知一切身覺出息念

如實知身行休息入息念如實知乃至滅出息念如實知我悉知已我時作是念此則廢思惟住我今於此思惟止息已當更修餘微細修住而住今時我息止廢思惟已即更入微細思惟多住而住時有三天子極上妙色過夜來至我所一天子作是言沙門瞿曇時到復有一天子言此非時到是時向至第三天子言非為時到亦非時向至此則修住是阿羅訶寂滅耳佛告諸比丘若有正說聖住天住梵住學住無學住如來住學人所不得當得不到當到不證當證無學人現法樂住者謂安那般般念此則正說所以者何安那般般念者是聖住天住梵住乃至無學現法樂住佛說此經已諸比丘聞佛所說歡喜奉行

如是我聞一時佛住迦毘羅越王拘律樹園中今時釋氏摩訶男詣尊者迦磨比丘所礼迦磨比丘足已退坐一面語迦磨比丘言云何尊者迦磨學住者為即是如來住耶為學住異

如來住異迦磨比丘答言摩訶男與
住異如來住異摩訶男學住者斷五
蓋多住如來住者於五蓋已斷已知
斷其根本如截多羅樹頭更不生長
於未來世成不生法一時世尊住一
奢能伽羅林中念時世尊告諸比丘
我欲於此一奢能伽羅林中二月坐
禪汝諸比丘勿使往來唯除送食比
丘及布薩時廣說如前乃至無學現
法樂住以是故知摩訶男學住異如
來住異釋氏摩訶男聞迦磨比丘所
說歡喜從座起去

如是我聞一時佛住金剛聚落跋耆
摩河側薩羅梨林中念時世尊為諸
比丘說不淨觀讚歎不淨觀言諸比
丘修不淨觀多修習者得大果大福
利時諸比丘修不淨觀已起臥思身
或以刀自殺或服毒藥或繩自絞投
巖自殺或令餘比丘殺有異比丘經
生惡患惡露不淨至鹿林梵志子所
語鹿林梵志子言賢首汝能殺我者
衣鉢屬汝時鹿林梵志子即殺彼比
丘持刀至跋耆摩河邊洗刀時有魔

天住於空中讚鹿林梵志子言善哉
善哉賢首汝得無量功德能令諸沙
門釋子持戒有德未度者度未脫者
脫未懃息者令得懃息未涅槃者令
得涅槃諸長利衣鉢雜物悉皆屬汝
時鹿林梵志子聞讚歎已增惡邪見
作是念我今真實大作福德令沙門
釋子持戒功德者未度者度未脫者
脫未懃息者令得懃息未涅槃者令
得涅槃衣鉢雜物悉皆屬我於是手
執剃刀徧諸房舍諸經行處別房禪
房見諸比丘作如是言何等沙門持
戒有德未度者我能令度未脫者令
脫未懃息者令得懃息未涅槃者令
涅槃時有諸比丘猷患身者皆出房
舍語鹿林梵志子言我未得度汝當
度我我未得脫汝當脫我我未得懃
息汝當令我得懃息我未得涅槃汝
當令我得涅槃時鹿林梵志子即以
剃刀殺彼比丘次第乃至殺六十人
今時世尊至十五日說戒時於眾僧
前坐告尊者阿難何因何緣諸比丘
轉少轉減轉盡阿難白佛言世尊為

諸比丘說修不淨觀讚歎不淨觀諸
比丘修不淨觀已極厭患身廣說乃
至殺六十比丘世尊以是因緣故令
諸比丘轉少轉減轉盡唯願世尊更
說餘法令諸比丘聞已勤修智慧樂
受正法樂住正法佛告阿難是故我
今次第說住微細住隨順開覺已起
未起惡不善法速令休息如天大雨
起未起塵能令休息如是比丘修微
細住諸起未起惡不善法能令休息
阿難何等為微細住多修習隨順開
覺已起未起惡不善法能令休息謂
安那般那念住阿難白佛云何修習
安那般那念住隨順開覺已起未起
惡不善法能令休息佛告阿難若比
丘依止聚落如前廣說乃至如滅出
息念而學佛說此經已尊者阿難聞
佛所說歡喜奉行

如是我聞一時佛住金剛跋求摩河
側薩羅梨林中今時尊者阿難獨一
靜處思惟禪思作如是念頗有一法
修習多修習今四法滿足四法滿足
已七法滿足七法滿足已二法滿足

時尊者阿難從禪覺已往詣佛所稽
首礼足退坐一面白佛言世尊我從
一靜受思惟禪思作是念頗有一法
多修習已今四法滿足乃至二法滿
是我今問世尊寧有一法多修習已
能令乃至二法滿足耶佛告阿難有
一法多修習已乃至能令二法滿足
何等為一法謂安那般般念多修習
已能令四念處滿足四念處滿足已七
覺分滿足七覺分滿足已明解脫滿
足云何修安那般般念四念處滿足
是比丘依止聚落乃至如滅出息念
學阿難如是聖弟子入息念時如入
息念學出息念時如出息念學若長
若短一切身行覺知入息念時如入
息念學出息念時如出息念學身行
休息入息念時如身行休息入息念
學身行休息出息念時如身行休息
出息念學聖弟子亦時身身觀念住
異於身者彼亦如是隨身比思惟若
有時聖弟子喜覺知樂覺知心行覺
知心行息覺知入息念時如心行息
入息念學心行息出息念時如心行

息出息念學是聖弟子今時受受觀
念住若復異受者彼亦受隨身比思
惟有時聖弟子心覺知心悅心定心
解脫覺知入息念時如入息念學心
解脫出息念時如出息念學
是聖弟子今時心心觀念住若有界
心者彼亦隨心比思惟若聖弟子有
時觀無常斷無欲滅如無常斷無欲
滅觀住學是聖弟子今時法法觀念
住異於法者亦隨法比思惟是名修
安那般那念滿足四念處阿難白佛
如是修習安那般那念今四念處滿
足云何修四念處今上覺念滿足佛
告阿難若比丘自身身觀念住念住已
繫念住不忘今時方便修念覺分修
念覺分已念覺分滿足念覺滿足已
於法選擇思量今時方便修擇法覺
分修擇法覺分已擇法覺分滿足於
法選擇分別思量已得精勤方便今
時方便修習精進覺分進精進覺分
已精進覺分滿足方便精進已則心
歡喜今時方便修喜覺分修喜覺分
已喜覺分滿足歡喜已身心猗息今

時方便修捨覺分修捨覺分已捨覺分滿足身心樂已得三昧。今時修定覺分修定覺分已定覺分滿足定覺分滿足已貪憂則滅得平等捨。今時方便修捨覺分修捨覺分已捨覺分滿足受心法法念處亦如是說是名修四念處滿足七覺分阿難白佛是名修四念處滿足七覺分云何修七覺分滿足明解脫佛告阿難善比丘修念覺分依遠離依無欲依滅向於捨修念覺分已滿足明解脫乃至修捨覺分依遠離依無欲依滅向於捨如是修捨覺分已明解脫滿足阿難是名法法相類法法相潤如是十三法一法為增上一法為門次第增進修習滿足佛說此經已尊者阿難同佛所說歡喜奉行

如是異比丘所問佛問諸比丘亦如上說

如是我聞一時佛住金毗羅聚落金毗林中。今時世尊告尊者金毗羅我今當說精勤修習四念處諦聽善哉當為汝說。今時尊者金毗羅默然住。

如是再三念時尊者阿難語尊者金
毗羅今大師告汝如是三說尊者金
毗羅語尊者阿難我已知尊者阿難
我已知尊者瞿曇念時尊者阿難白
佛言世尊是時世尊是時善逝唯願
為諸比丘說精勤修四念處諸比丘
聞已當受奉行

佛告阿難諦聽善思當為汝說者比
丘入息念時如入息學乃至滅出息
時如滅出息學念時聖弟子念入息
時如念入息學乃至身行止息出息
時如身行止息出息學念時聖弟子
身身觀念住念時聖弟子身身觀念
住已如是知善內思惟佛告阿難譬如
有人乘車輦從東方顛沛而來當於
念時踐踏諸土堆墮不阿難白佛如
是世尊佛告阿難如是聖弟子念入
息時如入息念學如是乃至善內思
惟若念時聖弟子覺知喜乃至覺知
意行息學聖弟子受受觀念住聖弟
子受受觀念已如是知善內思惟譬
如有人乘車輦從南方顛沛而來云
何阿難當踐踏土堆墮不阿難白佛

如是世尊佛告阿難如是聖弟子受
受觀念住知善內思惟若聖弟子覺
知心欣悅心定心解脫心入息如解
脫心入息學解脫心出息如解脫心
出息學今時聖弟子心心觀念住如
是聖弟子心心觀念住已知善內思
惟譬如有人乘車輦從西方來彼當
踐踏土堆壠不阿難白佛如是世尊
佛告阿難如是聖弟子覺知心乃至
心解脫出息如心解脫出息學如是
聖弟子今時心心觀念住知善內思
惟善於身受心貪憂滅捨今時聖弟
子法法觀念住如是聖弟子法法觀
念住已知善內思惟阿難譬如四衢
道有土堆壠有人乘車輦從北方顛
沛而來當踐踏土堆壠不阿難白佛
如是世尊佛告阿難如是聖弟子法
法觀念住知善內思惟阿難是名比
丘精勤方便修四念處佛說此經已
尊者阿難聞佛所說歡喜奉行

如是我聞一時佛住舍衛國祇樹給
孤獨園今時世尊告諸比丘當修安那
般那念修安那般那念多修習已身

不疲勸眼亦不患樂隨順觀住樂覺
知不染著樂云何修安那般般那念身
不疲勸眼亦不患樂隨觀住樂覺知
不染著樂是比丘依止聚落乃至觀
滅出息時如滅出息學是名修安那
般那念身不疲勸眼亦不患樂隨觀
住樂覺知不染著樂如是修安那般
那念者得大果大福利是比丘欲求
離欲惡不善法有覺有觀離生喜樂
初禪具足住是比丘當修安那般那
念如是修安那般那念得大果大福
利是比丘欲求第二第三第四禪慈
悲喜捨空入象識入處無所有入處
非想非非想入處具足三結盡得須
陀洹果三結盡貪恚癡薄得斯陀含
果五下分結盡得阿那含果得無量
種神通力天耳他心智宿命智生死
智漏盡智者如是比丘當修安那般
那念如是安那般那念得大果大福
利佛說此經已諸比丘聞佛所說歡
喜奉行

如是我聞一時佛住舍衛國祇樹給
孤獨園夏安居今時衆多上座聲聞

於世尊左右樹下窟中安居時有衆
多年少比丘詣佛所稽首佛足退坐
一面佛為諸年少比丘種種說法示
教照喜示教照喜已默然住諸年少
比丘聞佛所說歡喜隨喜從座起作
礼而去

諸年少比丘往詣上座比丘所礼諸
上座足已於一面坐時諸上座比丘
作是念我等當攝受此諸年少比丘
或一人受一人或一人受二三多人
作是念已即便攝受或一人受一人
或受二三多人或有上座乃至受六
十人余時世尊十五日布薩時於大
衆前敷座而坐余時世尊觀察諸比
丘已告比丘善哉善哉我今喜諸比
丘行諸正事是故比丘當勤精進於
此舍衛國滿迦恆月諸處人間比丘
聞世尊於舍衛國安居滿迦恆月滿
已作衣竟持衣鉢於舍衛國人間遊
行漸至舍衛國舉衣鉢洗足已詣世
尊所稽首礼足已退坐一面余時世
尊為人間比丘種種說法示教照喜
已默然住余時人間比丘聞佛說法

歡喜隨喜從座起作札而去往詣上座比丘所稽首礼足退坐一面時諸上座作是念我等當受此人間比丘或一人受一人或二乃至多人即便受之或一人受一人或二三乃至有受六十人者彼上座比丘受諸人間比丘教誡教授善知先後次第余時世尊月十五日布薩時於大眾前敷座而坐觀察諸比丘衆告諸比丘善哉善哉諸比丘我欣汝等所行正事樂汝等所行正事諸比丘過去諸佛亦有比丘衆所行正事如今此衆未來諸佛所有諸衆亦當如是所行正事如今此衆所以者何今此衆中諸長老比丘有得初禪第二禪第三禪第四禪慈悲喜捨空入處識入處無所有入處非想非非想處具足住有比丘三結盡得須陀洹不墮惡趣法決定正向三菩提七有天人往生究竟苦邊有比丘三結盡貪恚癡薄得斯陀含舍有比丘五下分結盡得阿那含生般涅槃不復還生此世有比丘得無量神通境界天耳他心智宿命

智生死智渴盡智有比丘修不淨觀
斷貪欲修慈心斷瞋恚修無常想斷
我慢修安那般那念斷覺想云何比
丘修安那般那念斷覺想是比丘依
止聚落乃至觀滅出息如觀滅出息
學是名修安那般那念斷覺想佛說
此經已諸比丘聞佛所說歡喜奉行
如是我聞一時佛住舍衛國祇樹給
孤獨園今時世尊告諸比丘有三學
何等為三謂增上戒學增上定學
增上慧學今時世尊即說偈言

三學具足者 是比丘正行 增上戒心慧
三法勤精進 勇猛堅固城 常守護諸根
如晝如其夜 如夜亦如晝 如前如其後
如後亦如前 如上如其下 如下亦如上
無量諸三昧 映一切諸方 是說為覺跡
第一清涼集 捨離無明諍 其心善解脫
我為世間覺 明行志具足 正念不忘住
其心得解脫 身壞而命終 如燈盡火滅
佛說此經已諸比丘聞佛所說歡喜
奉行

如是我聞一時佛住舍衛國祇樹給
孤獨園今時世尊告諸比丘亦復有

三學何等為三謂增上戒學增上慧
學增上慧學何等為增上戒學若比
丘住於戒波羅提木又律儀威儀行
處具足見微細罪則生怖畏受持學
戒何等為增上慧學若比丘離欲惡
不善法乃至第四禪具足住何等為
增上慧學是比丘此苦聖諦如實知
集滅道聖諦如實知是名增上慧學
尔時世尊即說偈如上所說佛說此
經已諸比丘聞佛所說歡喜奉行
如是我聞一時佛住舍衛國祇樹給
孤獨園尔時世尊告諸比丘有比丘
增上戒學非增上慧學有增
增上戒學非增上慧學聖弟子
增上慧方便隨順成就住者增上戒
增上慧方便隨順成就住者無上慧壽而
活佛說此經已諸比丘聞佛所說歡
喜奉行

如是我聞一時佛住舍衛國祇樹給
孤獨園尔時世尊告諸比丘過二百
五十戒隨次半月來說波羅提木又
修多羅令彼自求學者而學說三學

能攝諸戒何等為三謂增上戒學增上慧學增上慧學佛說此經已諸比丘聞佛所說歡喜奉行

如是我聞一時佛住舍衛國祇樹給孤獨園今時世尊告諸比丘如上說差別者何等為增上戒學謂比丘重於戒戒增上不重於定定不增上不重於慧慧不增上於彼彼分細微戒犯則隨悔所以者何我不說彼不堪能若彼戒隨順梵行饒益梵行久住梵行如是比丘戒堅固戒師常住戒常隨順生受持而學如是知如是見斷三結謂身見戒取疑斷此三結得須陀洹不墮惡趣法決定正趣三菩提七有天人往生究竟苦邊是名學增上戒何等為增上慧學是比丘重於戒戒增上重於定定增上不重於慧慧不增上於彼彼分細微戒乃至受持學戒如是知如是見斷於五下分結謂身見戒取疑貪欲瞋恚斷此五下分結受生般涅槃阿那含不還此世是名增上慧學何等為增上慧學是比丘重於戒戒增上重於定定增

上重於慧慧增上彼如是知如是見
欲有漏心解脫解脫有有漏心解脫無明
有漏心解脫解脫知見我生已盡梵
行已立所作已作自知不受後有是
名增上慧學佛說此經已諸比丘聞
佛所說歡喜奉行

如是我聞一時佛住舍衛國祇樹給
孤獨園介時世尊告諸比丘過二百
五十戒隨次半月來說波羅提木叉
脩多羅若彼善男子自隨意所欲而
學者我為說三學若學此三學則攝
受一切學戒何等為三謂增上戒學
增上意學增上慧學何等為增上
戒學是比丘重於戒戒增上不重於
定定不增上不重於慧慧不增上於
彼彼分細微戒乃至受持學戒如是
知如是見斷三結謂身見戒取疑貪
恚癡薄成一種子道彼地未等覺
者名斯陀含彼地未等覺者名家家
彼地未等覺者名七有彼地未等覺
者名隨法行彼地未等覺者名隨信
行是名增上戒學何等為增上意學
是名比丘重於戒戒增上重於定定

如是不重於慧慧不增上於彼彼分
細微戒學乃至受持學戒如是知如
之見一五下分結謂身見戒取疑貪
欲瞋恚斷此五下分能得中般涅槃
彼地未了覺者得生般涅槃彼地未
了覺者得無行般涅槃彼地未等覺
者得有行般涅槃彼地未等覺者得
上流般涅槃是名增上意學何等為
增上慧學是比丘重於戒戒增上重
於定定增上重於慧慧增上如是知
如是見欲有漏心解脫有有漏心解
脫無明有漏心解脫解脫知見我生
已盡梵行已立所作已作自知不受
後有是名增上慧學佛說此經已
諸比丘聞佛所說歡喜奉行
如是我聞一時佛住舍衛國祇樹給
孤獨園舍衛世尊告諸比丘若比丘
具足戒住者善攝持波羅提木又具
足威儀行處見細微罪能生怖畏比
丘具足戒住善攝持波羅提木又具
足威儀行處見細微罪能生怖畏等
受學戒今三學修習滿足何等為三
增上戒學增上意學增上慧學何等

為增上戒學是比丘戒為滿足少定
小慧於彼彼分細微戒乃至受持戒
學彼如是知如是見斷三結謂身見
戒取活斷此三結得須臾不墮惡
趣決定正趣三菩提七有天人往生
究竟苦邊何等為增上意學是比
丘定滿足三昧滿足少於慧彼彼分
細微戒犯則隨悔乃至受持學戒如
是知如是見斷五下分結謂身見戒
取疑貪欲瞋恚斷此五下分結得生
般涅槃阿耨含不復還生此世是多
增上意學何等為增上慧學是比丘
學戒滿足定滿足慧滿足如是知如
是見欲有漏心解脫有有漏心解脫
無明有漏心解脫解脫知見我生已
盡梵行已立所作已作自知不受
後有是名增上慧學佛說此經已諸
比丘聞佛所說歡喜奉行

如是我聞一時佛住舍衛國祇樹給
孤獨園尔時世尊告諸比丘若比丘
具足戒住善攝波羅提木叉具足威
儀行處見微細罪能生怖畏受持學
戒住滿足三學何等為三謂增上戒

六上慧學上慧學名增上慧學
五戒滿足以靜少慧於彼彼分細微戒
乃至受持學戒如是知如是見斷三
結貪恚癡薄得一種子道若彼地未等
覺者得斯脫舍彼地未等覺者名家
家彼地未等覺者得須陀洹彼地未
等覺者得隨法行彼地未等覺者得
隨信行是名增上戒學何等為增上
慧學是比丘戒滿足定滿足少於慧
於彼彼分細微戒乃至受持學戒如
是知如是見斷五下分結謂身見戒
取疑貪欲瞋恚斷此五下分結得中
般涅槃於彼未等覺者得生般涅槃
於彼未等覺者得無行般涅槃於彼
未等覺者得有行般涅槃於彼未等
覺者得上流般涅槃是名增上慧學
何等為增上慧學是比丘學戒滿足
定滿足慧滿足如是知如是見欲有
通心解脫有有漏心解脫無明漏心
解脫解脫知見我生已盡凡行是立
所作已作自知不受後有是名增上
慧學佛說此經已請比丘開佛所
說再奉行

此是我聞一時佛住舍衛國祇樹林
孤獨園今時世尊告諸比丘有一學
何等為二謂上威儀學上波羅提木
叉學今時世尊即說偈言

學者學戒時直道隨順行專審勤方便
善自護其身得初漏盡智次究竟無知
得無知解脫知見志已度成不動解脫
諸有結滅盡彼諸根具足諸根寂靜樂
持此後邊身摧伏衆魔恣

佛說此經已諸比丘聞佛所說歡喜
奉行

如是我聞一時佛住舍衛國祇樹林
孤獨園今時世尊告諸比丘學戒多
福利住智慧為上解脫堅固念為增
上若比丘學戒福利智慧為上解脫
堅固念增上已今三學滿足何等為
三謂增上戒學增上慧學增上慧學
今時世尊即說偈言

學戒隨福利專思三昧禪智慧為最上
現生之最後牟尼持後邊降魔度彼岸
佛說此經已諸比丘聞佛所說歡喜
奉行

如是我聞一時佛住舍衛國祇樹林

於彼國今時世尊告諸比丘如上說
多別者諸比丘何等為學戒通福利
大師為諸聲聞制戒所謂相續
攝僧不信者信信者增其信信已
人慙愧者得樂住現法防護有漏未
來得正對治令梵行久住如大師已
為聲聞制戒謂攝僧乃至梵行久住
如是如是學戒者行堅固戒恒戒常
行戒受持學戒是名比丘戒福利何
等智慧為上謂大師為聲聞說法大
悲哀慙以我饒益安慰安樂若
安慰安樂如是如是大師為諸聲聞
說法大悲哀慙以我饒益安慰安樂
如是如是於彼彼法彼彼處智慧觀
察是名比丘智慧為上何等為解脫
堅固謂大師為諸聲聞說法大悲哀
慙以我饒益安慰安樂如是如是該
彼彼法如是彼處如是彼處得解脫
樂是名比丘堅固解脫何等為比丘
念增上未滿足戒身者專心繫念安
住未觀察者於彼彼處智慧繫念安
住已觀察者於彼彼處智慧念安住未
觸法者於彼彼處解脫念安住已觸法

者於彼彼處解脫念安住是名比丘
正念增上今時世尊即說偈言

學戒隨福利專思三昧禪智慧為最上
現生最後邊卒居於後邊降魔度彼岸
佛說是經已諸比丘聞佛所說歡喜
奉行尸婆迦修多羅如後佛當說
如是阿難隨比丘及異比丘所問佛
問諸比丘三經亦如上說

如是我聞一時佛住舍衛國祇樹給
孤獨園今時世尊告諸比丘譬如田夫
有三種作田隨時善作何等為三謂
彼田夫隨時耕磨隨時溉灌隨時下
種彼田夫隨時耕磨溉灌下種已不
作是念欲令今日生長今日果實今
日成熟若明日後日也諸比丘然彼
長者耕田溉灌下種已不作是念今
日生長果實成熟若明日若復後日
而彼種子已入地中則自隨時生長
果實成熟如是比丘於此三學隨時
善學謂善戒學善意學善慧學已
不作是念欲令我今日得不起諸漏
心善解脫若明日若後日不作是念
曰然神力能令今日若明日後日不

起諸漏心善解脫彼已隨時增上戒
學增上意學增上慧學已隨彼時節
自得起諸漏心善解脫譬如比丘
伏鷄生卵若十乃至十二隨時消息
冷暖愛護彼伏鷄不作是念我今日
若明日後日當以口啄若以爪刮令
其兒安隱得生然其伏鷄善伏其子
愛護隨時其子自然安隱得生如是
比丘善學三學隨其時節自得起
諸漏心善解脫佛說此經已諸比丘
聞佛所說歡喜奉行

如是我聞一時佛住舍衛國祇樹給
孤獨園舍時世尊告諸比丘譬如驢
隨群牛而行而作是念我作牛聲然
其彼形亦不似牛色亦不似牛聲出不
似隨大群牛謂已足是牛而作牛鳴而
去牛實遠如是有一愚癡男子違律
犯戒隨逐大眾言我是比丘我是比
丘而不學習勝欲增上戒學增上意
學增上慧學隨逐大眾自言我是比
丘我是比丘其實去比丘大遠余時
世尊即說偈言

同蹄無角獸四足具聲口隨逐大群牛

常以為等侶形亦非牛類不能作牛聲如是愚癡人不隨繫心念於善逝教誡無欲勤方便懈怠心輕慢不獲無上道如驢在群牛去牛常自遠彼雖隨大眾內行常自乖

佛說此經已諸比丘聞佛所說歡喜奉行

如是我聞一時佛住跋耆聚落尊者跋耆子侍佛左右今時尊者跋耆子詣佛所稽首札足退住一面白佛言世尊佛說過二百五十戒令族姓子隨次半月來說波羅提木叉修多羅令諸族姓子隨欲而學然今世尊我不堪能隨學而學佛告跋耆子汝堪能隨時學三學不跋耆子白佛言堪能世尊佛告跋耆子汝當隨時增上戒學增上意學增上慧學隨時精勤增上戒學增上意學增上慧學已不久當得盡諸有漏無漏心解脫慧解脫現法自知作證我生已盡梵行已立所作已作自知不受後有今時尊者跋耆子聞佛所說歡喜隨喜作札而去

余時尊者跋耆子受佛教誡教授已
獨一靜處專精思惟如上說乃至心
善解脫得阿羅漢

雜阿含經卷第三十九

癸卯歲高麗國大藏都監奉
勅雕造

雜阿含經卷第三十九 第三十張 終

雜阿含經卷第三十

威

宋天竺三藏求那跋陀羅譯

如是我聞一時佛住崩伽闍崩伽耆
林中今時世尊為諸比丘說戒相應
法讚歎制戒法今時尊者迦葉氏於
崩伽聚落住聞世尊說戒相應法讚
歎是戒極心不忍不喜言此沙門極
讚歎是戒極制是戒今時世尊於崩
伽聚落隨所樂住已向舍衛國去次
第遊行至舍衛國祇樹給孤獨園時
尊者迦葉氏世尊去後不久心即生
悔我今失利得大不利於世尊所說
戒相應法讚歎制戒時於世尊所心
不忍不喜心不歡喜而作是言沙門
極制是戒極讚歎是戒時尊者迦葉
氏夜過晨朝著衣持鉢入崩伽聚落
乞食食已還精舍付囑卧具自持衣
鉢向舍衛城次第遊行至舍衛國舉
衣鉢洗足已詣世尊稽首礼足白佛
言悔過世尊悔過善逝我愚我癡不
善不辨我聞世尊為諸比丘說戒相
應法讚歎制戒時於世尊所不忍不

喜心不欣樂而作是言是沙門極制
是戒讚歎是戒佛告迦葉氏汝何時
於我所心不忍不喜不生欣樂而作
是言此沙門極制是戒讚歎是戒迦
葉氏白佛言時世尊於崩伽闍聚落
崩伽耆林中為諸比丘說戒相應法
讚歎是戒我今時於世尊所心得不
忍不歡喜心不欣樂而作是言是沙門
極制是戒讚歎是戒世尊我今日自
知罪悔自見罪悔唯願世尊受我悔
過哀愍故佛告迦葉氏汝自知悔愚
癡不善不辨聞我為諸比丘說戒相
應法讚歎制戒而於我所不忍不喜
心不欣樂而作是言是沙門極制是
戒讚歎是戒汝今迦葉自知悔自見
悔已於未來世得儀戒生戒今授汝
哀愍故迦葉氏如是悔者善法增長
終不退減所以者何若有自知罪自
見罪而悔過者於未來世得儀戒生
善法增長不退減故正使迦葉為上
座者不欲學戒不重於戒不歎制戒
如是比丘我不讚歎所以者何若大
師所讚歎者餘人則復興相習近恭

敬親重若餘人與相習近親重者則與同見同彼所作同彼所作者長夜當得不饒益若是故我於彼長老初不讚歎以其初始不樂學戒故如長老中年少年亦如是若是上座長老初始重於戒學讚歎制戒如是長老我所讚歎以其初始樂戒學故大師所讚歎者餘人亦當與相習近親重同其所見同其所見故於未來世彼當長夜以義饒益是故於彼長老比丘常當讚歎以初始樂學戒故中年少年亦復如是佛說此經已諸比丘聞佛所說歡喜奉行

如是我聞一時佛住舍衛國祇樹給孤獨園余時世尊告諸比丘若諸上座長老比丘初始不樂學戒不重於戒見餘比丘初樂學戒重於戒讚歎制戒者彼亦不隨時讚歎我於此等比丘所亦不讚歎以其初始不樂學戒故所以者何若大師讚歎彼者餘人當復習近親重同其所見以同其所見故長夜當受不饒益若是故我於彼長老中年少年亦復如是樂

學戒者如前說佛說此經已諸比丘聞佛所說歡喜奉行

如是我聞一時佛住舍衛國祇樹給孤獨園尔時世尊告諸比丘有三學何等為三謂增上戒學增上意學增上慧學何等為增上戒學若比丘住於戒波羅提木又具足威儀行處見微細罪則生怖畏受持學戒是名增上戒學何等為增上意學若比丘離諸惡不善法有覺有觀離生喜樂初禪具足住乃至第四禪具足住是名增上意學何等為增上慧學若比丘此苦聖諦如實知此苦集聖諦此苦滅聖諦此苦滅道跡聖諦如實知是名增上慧學佛說此經已諸比丘聞佛所說歡喜奉行

三學餘經如前念處說

如禪如是無量無色如四聖諦如是四念處四正斷四如意足五根五力七覺分八聖道四道四法句止觀修習亦如是說

如是我聞一時佛住毗舍離國狝猴池側重閣講堂時有善調象師離車

名曰難陀來詣佛所稽首佛足退坐
一面。爾時世尊告難陀。難陀。若聖
弟子成就四不壞淨者。欲求壽命。即
得壽命。求好色。力樂。辯自在。即得。
等。為四。謂佛不壞淨。成就法。僧不壞
淨。聖戒。成就。我見是聖弟子於此命
終。生於天上。於天上得十種法。何等
為十。得天壽。天色。天名稱。天樂。天自
在天。色聲香味觸。若聖弟子於天上
命終。來生人中者。我見彼十事具足。
何等為十。人聞壽命。人好色。名稱樂。
日在色聲香味觸。我說彼多聞聖弟
子。不由他信。不由他欲。不從他聞。不
取他意。不因他思。我說彼有如實正
慧。知見。爾時難陀有從者白難陀言。
浴時已到。今可去。難陀答言。我今
不須。人間洗浴。我今於此勝妙法。以
自沐浴。所謂於世尊所得清淨信樂。
爾時離車調象師難陀聞佛所說。歡
喜隨喜。從座起作禮而去。

如是我聞。一時佛住毗舍離國祿代
迦側重閣講堂。爾時世尊告諸比丘。
若聖弟子成就四不壞淨者。不於人

中貪活而活不寒乞自然富足何等
為四謂於佛不壞淨成就法僧聖戒
不壞淨成就是故比丘當如是學我
當成就於佛不壞淨法僧不壞淨聖
戒成就佛說此經已諸比丘聞佛所
說歡喜奉行

如是我聞一時佛住舍衛國祇樹給
孤獨園今時世尊告諸比丘轉輪王
七寶具足成就人中四種神力王四
天下身壞命終生於天上雖復轉輪
聖王七寶具足成就人間神力王四
天下身壞命終得生天上然猶未斷
地獄畜生餓鬼惡趣之苦所以者何
以轉輪王不得於佛不壞淨法僧不
壞淨聖戒不成就故多聞聖弟子持
糞掃衣家家乞食草蓐卧具而彼多
聞聖弟子解脫地獄畜生餓鬼惡趣
之苦所以者何以彼多聞聖弟子於
佛不壞淨法僧不壞淨聖戒成就是
故諸比丘當作是學於佛不壞淨法
僧不壞淨聖戒成就佛說此經已諸
比丘聞佛所說歡喜奉行

如是我聞一時佛住舍衛國祇樹給

孤獨園今時世尊告諸比丘汝等當
起哀愍心慈悲心若有人於汝等所
說樂聞樂受者汝當為說四不壞淨
令入令住何等為四於佛不壞淨於
法不壞淨於僧不壞淨於聖戒成就
所以者何若四大地水火風有變易
增損此四不壞淨未嘗增損變異彼
無增損變異者謂多聞聖弟子於佛
不壞淨成就若墮地獄畜生餓鬼者
無有是處是故諸比丘當作是學我
當成就於佛不壞淨法僧不壞淨聖
戒成就亦當建立餘人令成就佛說
此經已諸比丘聞佛所說歡喜奉行
如是我聞一時佛住舍衛國祇樹給
孤獨園今時世尊告諸比丘若信人
者生五種過患彼人或時犯戒違律
為衆所棄恭敬其人者當作是念此
是我師我所重敬衆僧棄薄我今何
緣入彼塔寺不入塔寺已不敬衆僧
不敬僧已不得聞法不聞法已退失
善法不得久住於正法中是名信敬人
生初過患復次敬信人者所敬之人
犯戒違律衆僧為作不見舉敬信彼

人者當作是念此是我師我所敬重
而今衆僧作不見舉我今何緣復入
塔寺不入塔寺已不敬衆僧不敬衆
僧已不得聞法不聞法已退失善法
不得久住於正法中是名敬信人故
生第二過患復次彼人若持衣鉢餘
方遊行敬彼人者而作是念我所敬
人著衣持鉢人間遊行我今何緣入
彼塔寺不入塔寺已不得恭敬衆僧
不敬衆僧已不得聞法不聞法已退
失善法不得久住於正法中是名敬
信人故生第三過患復次彼所信敬
人捨戒還俗敬信彼人者而作是念
彼是我師我所敬重捨戒還俗我今
不應入彼塔寺不入寺已不敬衆僧
不敬僧已不得聞法不聞法已退失
善法不得久住於正法中是名敬信
人故生第四過患復次彼所信敬人
身壞命終敬信彼人者而作是念彼
是我師我所敬重今已命終我今何
緣入彼塔寺不入寺故不得敬僧不
敬僧已不得聞法不聞法故退失善
法不得久住於正法中是名敬信人

故生第五過患是故諸比丘當如是學我當成就於佛不壞淨於法僧不壞淨聖戒成就佛說此經已諸比丘聞佛所說歡喜奉行

如是我聞一時佛住舍衛國祇樹林孤獨園今時世尊告諸比丘有四種食長養衆生四大增長攝受何等為四謂搏食觸食意思食識食如是福德潤澤為安樂食何等為四謂於佛不壞淨於法僧不壞淨聖戒成就故諸比丘當作是學我當成就於佛不壞淨於法僧不壞淨聖戒成就佛說此經已諸比丘聞佛所說歡喜奉行

如是我聞一時佛住舍衛國祇樹林孤獨園今時世尊告諸比丘如上說差別者於佛不壞淨成就者為聞法衆僧所念聖戒成就佛說此經已諸比丘聞佛所說歡喜奉行

次經亦如上說差別者若於佛不壞淨成就者法僧慳垢纏衆生離慳垢心在家而住解脫心施常行樂施常樂於捨行平等施聖戒成就佛說此

經已諸比丘聞佛所說歡喜奉行
次經亦如上說差別者如是聖弟子
四種福德潤澤善法潤澤攝受稱量
功德不可稱量今所果福今所果今
所福果集然彼得衆多福利是大功
德聚數譬如五河合流謂恒河耶菩
那薩羅由伊羅跋提摩醯於彼諸水
無能度量百瓶千瓶百千万瓶者然
彼水多是大水聚數如是聖弟子成
就四功德潤澤者無能度量其福多
少然彼多福是大功德聚數是故諸
比丘當作是學我當成就於佛不壞
淨於法僧不壞淨聖戒成就今時世
尊即說偈言

衆吉之巨海自淨能淨彼汪洋而平流
實諸百川長一切諸江河群生之所依
悉歸於大海此身亦復然施戒修功德
百福流所歸

如是我聞一時佛住舍衛國祇樹給
孤獨園今時世尊告諸比丘婆羅門
者說虛偽道愚癡惡邪不正趣向非
智等覺向於涅槃彼作如是化諸弟
子於十五日以胡麻屑菴羅摩羅屑

沐浴身體者新初貝頭垂長縷牛屎
塗地而卧於上言善男子晨朝早起
脫衣舉著一屢裸其形體向東方馳
走正使道路逢兇象惡馬狂牛獠狗
棘刺叢林坑澗深水直前莫避遇害
死者必生梵天是名外道愚癡邪見
非智等覺向於涅槃我為弟子說平
正路非愚癡向智慧等覺向於涅槃
謂八聖道正見乃至正定佛說此經
已諸比丘聞佛所說歡喜奉行

如是我聞一時佛住舍衛國祇樹給
孤獨園今時世尊告尊者舍利弗所
謂流者何等為流舍利弗白佛言世
尊所說流者謂八聖道復問舍利弗
謂入流分何等為入流分舍利弗白
佛言世尊有四種入流分何等為四
謂親近善男子聽正法內正思惟法
次法向復問舍利弗入流者成就幾
法舍利弗白佛言有四分成就入流
者何等為四謂於佛不壞淨於法不
壞淨於僧不壞淨聖戒成就佛告舍
利弗如汝所說流者謂八聖道入流
分者有四種謂親近善男子聽正法

向正思惟法次法向入流者成就四
法謂於佛不壞淨於法不壞淨於僧
不壞淨聖戒成就佛說此經已尊者
舍利弗聞佛所說歡喜奉行

如是我聞一時佛住舍衛國祇樹給
孤獨園尔時尊者舍利弗詣尊者阿
難所問評慰勞已退住一面尊者舍
利弗語尊者阿難欲有所問寧有閑
暇為記說不尊者阿難語舍利弗隨
意所問知者當答舍利弗問尊者阿
難為斷幾法如來應等正覺所知所
見記說彼人得須陀洹不墮惡趣法
決定向正覺七有天人往生究竟苦
邊尊者阿難語尊者舍利弗斷四法
成就四法如來應等正覺記說彼人
得須陀洹不墮惡趣法決定向三菩
提七有天人往生究竟苦邊何等為
四謂聖弟子於佛不信住則已斷已
知成就於佛不壞淨於法僧不信惡
戒彼則已斷已知成就法僧不壞淨
及聖戒成就如是四法斷四法成就
如來應等正覺所知所見記說彼人
得須陀洹不墮惡趣法決定正向三

菩提七有天人往生究竟苦邊尊者
阿難尊者舍利弗如是如是四法斷
四法成就如來應等正覺所知所見
記說彼人得須陀洹決定正向三菩
提七有天人往生究竟苦邊時二正
士共論議已展轉隨喜從座起去
如是我問一時佛住舍衛國祇樹給
孤獨園今時世尊告諸比丘若比丘
於五恐怖怨對休息三事決定不生
疑惑如實知見賢聖正道彼聖弟子
能自記說地獄畜生餓鬼惡趣已盡
得須陀洹不墮惡趣決定正向三
菩提七有天人往生究竟苦邊何等
為五恐怖怨對休息若殺生因緣罪
怨對恐怖生若雜殺生者彼殺生罪
怨對因緣生恐怖休息若偷盜邪淫
妄語飲酒罪怨對因緣生恐怖彼若
離偷盜邪淫妄語飲酒罪怨對者因
緣恐怖休息是名罪怨對因緣生五
恐怖休息何等為三事決定不生疑
惑謂於佛決定離於疑惑於法僧決
定離疑惑是名三法決定離疑惑何
等名為聖道如實知見謂此苦聖諦

如實知此苦集聖諦此苦滅聖諦此苦滅道跡聖諦如實知是名聖道如實知見若於此五恐怖罪怨對休息於三法決定離疑惑於聖意如實知見是聖弟子能自記說我地獄盡畜生餓鬼惡趣盡得須陀洹不墮惡趣法決定正趣三菩提七有天人往生究竟苦邊佛說此經已諸比丘聞佛所說歡喜奉行

如是我聞一時佛住舍衛國祇樹給孤獨園今時世尊告諸比丘如上說差別者何等為聖道如實知見謂八聖道正見乃至正定次經亦如是說差別者何等為聖道如實知見謂十支緣起如實知見如所說是事有故是事有是事起故是事起如緣無明行緣行識緣識名色緣名色六入緣緣六入觸緣觸受緣受愛緣愛取緣取有緣有生緣生老病死憂悲苦惱是名聖弟子如實知見佛說此經已諸比丘聞佛所說歡喜奉行如是我聞一時佛住舍衛國祇樹給孤獨園今時世尊告諸比丘有四種

諸天天道未淨衆生令淨已淨者重
令淨何等為四謂聖弟子於佛不壞
淨於法僧不壞淨聖戒成就是名四
種諸天天道未淨衆生令淨已淨者
重令淨佛說此經已諸比丘聞佛所
說歡喜奉行

如是我聞一時佛住舍衛國祇樹給
孤獨園今時世尊告諸比丘有四種
諸天天道何等為四謂聖弟子念如
來事如是如來應等正覺明行足善
逝世間解無上士調御丈夫天人師
佛世尊於此如來事生隨喜心隨喜
已心歡悅心歡悅已身荷息身荷息
已覺受樂覺受樂已三昧定三昧定已
聖弟子作如是學何等為諸天天道
復作是念我聞無志為上諸天天道
作是念我從今日於世間若怖若安
不起瞋恚我但當自受純一滿淨諸
天天道是名第一諸天天道未淨衆
生令淨已淨者重令淨復次比丘聖
弟子念於法事謂如來說正法律現
法離諸熾然不待時節通達涅槃即
身觀察緣自覺知如是知法事已心

生隨喜隨喜已身猗息身猗息已覺
受樂覺受樂已三昧定三昧定已聖
弟子作如是學何等為諸天天道復
作是念我聞無恚為上諸天天道我
從今日於此世間若怖若安不起瞋
恚我當受持純一滿淨諸天天道是
名第二諸天天道復次比丘若於僧
事起於正念謂世尊弟子僧正直等
向所應恭敬尊重供養無上福田彼
如是於諸僧事正憶念已心生隨喜
心隨喜已得歡悅歡悅已身猗息身
猗息已覺受樂覺受樂已三昧定三
昧定已彼聖弟子作如是學何等諸
天天道復作是念我聞諸天無恚為
上諸天天道我從今日於諸世間若
怖若安不起瞋恚我但當受持純一
滿淨諸天天道是名第三諸天天道
復次比丘謂聖弟子自念所有戒事
隨憶念言我於此不缺戒不汙戒不
雜戒明智所歎戒智者不猷戒於如
是等戒事正憶念已心生隨喜隨喜
已歡悅歡悅已身猗息身猗息已覺受
樂覺受樂已三昧定三昧定已聖弟子

作是念何等為諸天天道復作是念
我聞諸天無志為上我從今日於諸
世間若怖若安不起瞋恚我當受持
純一滿淨諸天天道是名第四諸天
天道未淨衆生令淨已淨者重令淨
佛說此經已諸比丘聞佛所說歡喜
奉行

如是我聞一時佛住舍衛國祇樹給
孤獨園介時世尊告諸比丘有四種
諸天天道未淨衆生令淨已淨者增
其淨何等為四謂聖弟子念如來事
如是如來應等正覺明行足善逝世
間解無上士調御丈夫天人師佛世
尊彼如是念如來事已則斷惡貪及
斷心惡不善過念如來故心生隨喜
心隨喜已則歡悅歡悅已身猗息身
猗息已覺受樂覺受樂已三昧定三
昧定已聖弟子作如是學何等為諸
天天道復作是念我聞無志為上諸
天天道我從今日於諸世間若怖若
安不起瞋恚但當受持純一滿淨諸
天天道如是法僧聖戒成就亦如是
說佛說此經已諸比丘聞佛所說歡

喜奉行

如是我聞一時佛住舍衛國祇樹給
孤獨園。尔時世尊告諸比丘。有四種
諸天天道未淨。衆生令淨。已淨者增
其淨。何等為四。謂聖弟子念如來事。
如是如來應等正覺。明行足。善逝。世
間解。無上士。調御丈夫。天人師。佛。世
尊。彼聖弟子念如來事。已心貪欲。經
瞋恚。愚癡。纏其心。正直念如來事。是
聖弟子得法。流水得義。流水得念。如
來。饒益。隨喜。隨喜。已生歡悅。歡悅。已
身猗息。身猗息。已覺受樂。覺受樂。已
三昧定。三昧定。已。是聖弟子作如是
學。何等為諸天天道。復作是念。我聞無
恚。為上。諸天天道。我從今日。於諸世
間。不起瞋恚。純一滿淨。諸天天道。如
是。法僧聖戒成就。亦如是說。佛說此
經。已。諸比丘。聞佛所說。歡喜奉行。
如是我聞。一時佛住舍衛國祇樹給
孤獨園。尔時世尊告諸比丘。我今當
說法。鏡經諦聽。善思。當為汝說。何等
為法。鏡經。謂聖弟子於佛不壞淨。於
法僧不壞淨。聖戒成就。是名法。鏡經。

佛說此經已諸比丘聞佛所說歡喜
奉行

如是我聞一時佛住舍衛國祇樹給
孤獨園時有衆多比丘著衣持鉢入
舍衛城乞食乞食時聞難屠比丘命
終難陀比丘尼命終善生優婆塞命
終善生優婆夷命終乞食已還精舍
舉衣鉢洗足已詣佛所稽首礼足退
坐一面白佛言世尊我今晨朝入舍
衛城乞食聞難屠比丘難陀比丘尼
善生優婆塞善生優婆夷命終世尊
彼四人命終應生何處佛告諸比丘
彼難屠比丘難陀比丘尼諸漏已盡
無漏心解脫慧解脫現法自知作證
我生已盡梵行已立所作已作自知
不受後有善生優婆塞善生優婆夷
五下分結盡得阿那含生於天上而
般涅槃不復還生此世今時世尊告
諸比丘我今當為汝說法鏡經於佛
不壞淨乃至聖戒成就是名法鏡經
佛說此經已諸比丘聞佛所說歡喜
奉行

如是我聞一時佛住舍衛國祇樹給

孤獨園如上廣說差別者有異比丘
異比丘居異優婆塞異優婆夷命終
亦如上說

如是我聞一時佛住那梨迦聚落繁
耆迦精舍尔時那梨迦聚落多人命
終時有衆多比丘者衣持鉢入那梨
迦聚落乞食聞那梨迦聚落刹迦舍
優婆塞命終居迦吒佉楞伽羅迦多
梨沙婆闍露優婆闍露梨色吒阿梨
色吒跋陀羅須跋陀羅耶舍耶輸陀
耶舍釁多羅悉皆命終聞已還精舍
舉衣鉢洗足已詣佛所稽首佛足退
坐一面白佛言世尊我等衆多比丘
晨朝入那梨迦聚落乞食聞刹迦舍
優婆塞等命終世尊彼等命終當生
何處佛告諸比丘彼刹迦舍等已斷
五下分結得阿那含於天上般涅槃
不復還生此世諸比丘白佛世尊復
有過二百五十優婆塞命終復有五
百優婆塞於此那梨迦聚落命終皆
五下分結盡得阿那含於彼天上般
涅槃不復還生此世復有過二百五
十優婆塞命終皆三結盡貪恚癡薄

得斯胎舍當受一生究竟苦邊此那
梨迦聚落復有五百優婆塞於此那
梨迦聚落命終二結盡得須陀洹不
墮惡趣法決定正向三菩提七有天
人往生究竟苦邊佛告諸比丘汝等
隨彼命終彼命終而問者徒勞耳非
是如來所樂答者夫生者有死何足
為奇如來出世及不出世法性常住
彼如來自知成等正覺顯現演說分
別開示所謂是事有故是事有是事
起故是事起緣無明有行乃至緣生
有老病死憂悲惱苦如是苦陰集無
明滅則行滅乃至生滅則老病死憂
悲惱苦滅如是苦陰滅今當為汝說
法鏡經諦聽善思當為汝說何等為
法鏡經謂聖弟子於佛不壞淨於法
僧不壞淨聖戒成就佛說此經已諸
比丘聞佛所說歡喜奉行

如是我聞一時佛住舍衛國祇樹給
孤獨園時有難提優婆塞來詣佛所
稽首佛足退坐一面白佛言世尊若
聖弟子於此五根一切時不成就者
為放逸為不放逸佛告難提若於此

五根一切時不成就者我說此等為
凡夫數若聖弟子不成就者為放逸
為不放逸難提若聖弟子於佛不壞
淨成就而不上求不於空閑林中若
露地坐晝夜禪思精勤修習勝妙出
離饒益隨喜彼不隨喜已歡喜不生
歡喜不生已身不猗息身不猗息已
苦覺則生苦覺生已心不得定心不
得定者是聖弟子名為放逸於法僧
不壞淨聖戒成就亦是說如是難
提若聖弟子成就於佛不壞淨其心
不起知足想於空閑林中樹下露地
晝夜禪思精勤方便能起勝妙出離
隨喜隨喜已生歡喜生歡喜已身猗
息身猗息已覺受樂覺受樂已心則
定若聖弟子心定者名不放逸法僧
不壞淨聖戒成就亦是說佛說此
經已難提優婆塞聞佛所說歡喜隨
喜從座起禮佛足而去

如是我聞一時佛住舍衛國祇樹給
孤獨園時有釋氏難提來詣佛所稽
首佛足退坐一面白佛言世尊若聖
弟子於四不壞淨一切時不成就者是

聖弟子為是放逸為不放逸佛告釋
氏難提若於四不壞淨一切時不成
就者我說是等為外凡夫數釋氏難
提若聖弟子放逸不放逸今當說廣
說如上佛說此經已釋氏難提聞佛
所說歡喜隨喜從座起作礼而去
如是我聞一時佛住舍衛國祇樹給
孤獨園前三月夏安居竟有衆多比
丘集於食堂為佛縫衣如來不久作
衣竟當著衣持鉢出精舍人間遊行
時釋氏難提聞衆多比丘集於食堂
為佛縫衣如來不久作衣竟著衣持
鉢人間遊行釋氏難提聞已來詣佛
所稽首礼足退坐一面白佛言世尊
我今四體支解四方易韻先所聞法
今悉迷忘聞衆多比丘集於食堂為
世尊縫衣言如來不久作衣竟著衣
持鉢人間遊行是故我今心生大苦
何時當復得見世尊及所知識比丘
佛告釋氏難提汝見佛若不見佛若
見知識比丘若不見汝當隨時修習
五種歡喜之處何等為五汝當隨時
念如來事如來應等正覺明行足善

逝世間解無上士調御丈夫天人師
佛世尊法事僧事自持戒事自行世
事隨時憶念我得已利我於慳垢衆
生所當多修習離慳垢住修解脫施
捨施常熾然施樂於捨平等惠施常
懷施心如是釋氏難提此五支定若
住若行若坐若卧乃至妻子俱常當
繫心此三昧念佛說此經已釋氏難
提聞佛所說歡喜隨喜作禮而去
如是我聞一時佛住舍衛國祇樹給
孤獨園前三月夏安居時有釋氏難
提聞佛於舍衛國祇樹給孤獨園前
三月結夏安居聞已作是念我當往
彼并復於彼造作供養衆事供給如
來及比丘僧即到彼三月竟時衆多
比丘集於食堂為世尊縫衣而作是
言如來不久作衣竟著衣待鉢人間
遊行時釋氏難提聞衆多比丘集於
食堂言如來不久作衣竟著衣待鉢
人間遊行聞已來詣佛所稽首禮足
退住一面白佛言世尊我今四體支
解四方易韻先所受法今悉迷忘
我聞世尊人間遊行我何時當復

更見世尊及諸知識比丘佛告釋氏
難提若見如來若不見若見知識比
丘若不見汝當隨時修於六念何等
為六當念如來法僧事自所持戒自
所行施及念諸天佛說此經已釋氏
難提聞佛所說歡喜隨喜作禮而去
如是我聞一時佛住舍衛國祇樹給
孤獨園前三月結夏安居如前說差
別者時有長者名梨師達多及富蘭
鄰兄弟二人聞衆多比丘集於食堂
為世尊縫衣如上難提修多羅廣說
佛說此經已梨師達多長者及富蘭
鄰聞佛所說歡喜隨喜從座起作禮
而去

如是我聞一時佛住舍衛國祇樹給
孤獨園前三月結夏安居竟衆多比
丘集於食堂為世尊縫衣時有長者
梨師達多及富蘭鄰兄弟二人於鹿
徑澤中修治田業聞衆多比丘在於
食堂為世尊縫衣言如來不久作衣
竟者未持鉢人間遊行聞已語一士
夫言汝今當往詣世尊可瞻視世尊
若必去者速來語我時彼士夫即受

教勅往到一處見世尊出即速來還
白梨師達多及富蘭那世尊已來及
諸大衆時梨師達多及富蘭那往迎
世尊世尊遇見梨師達多及富蘭那
隨路而來即出路邊敷座師增正身
端坐梨師達多及富蘭那稽首佛足
退坐一面白佛言世尊我今四體支
解四方易韻所憶念事今悉迷忘何
時當復得見世尊及諸知識比丘世
尊今出至拘薩羅從拘薩羅至伽尸
從伽尸至摩羅從摩羅至摩竭陀從
摩竭陀至殃伽從殃伽至修摩從修
摩至分陀羅從分陀羅至迦陵伽是
故我今極生憂苦何時當復得見世
尊及諸知識比丘佛告梨師達多及
富蘭那汝見如來及不見如來見諸知
識比丘及不見汝且隨時修習六念
何等為六汝當念如來事廣說乃至
出家空閑難可俗人處於非家一向
鮮潔純一滿淨梵行清白長者白佛
奇哉世尊善說此法在家憤內在家
染著出家空閑難可俗人處於非家

一向鮮潔純一滿淨梵行清白我是波斯匿王大臣波斯匿王欲入園觀令我乘於大象載王第一宮女一在我前一在我後我坐其中象下坂時前者抱我項後者攀我背象上坂時後者抱我頸前者攀我衿彼諸婢女為娛樂王故衣繒綵衣著衆妙香璫珞莊嚴我與同遊常護三事一者御象恐失正道二自護心恐生染著三自護持恐其顛墜世尊我於今時於王妹女無一剎那不正思惟佛告長者善哉善哉我能善護心長者白佛我在家中所有財物常與世尊及諸比丘比丘尼優婆塞優婆夷等共受用不計我所佛告長者善哉善哉汝拘薩羅國錢財巨富無有與汝等者而能於財不計我所今時世尊為彼長者種種說法示教照喜示教照喜已從座而去

雜阿含經卷第三十

大正藏高麗國大藏都監奉
勅雕造

雜阿含經卷第三十一

川

宋天竺三藏求那跋陀羅譯

如是我聞一時佛住舍衛國祇樹給
孤獨園尔時世尊告諸比丘人間四
百歲是兜率陀天上一日一夜如是
三十日一月十二月一歲兜率陀天
壽四千歲愚癡無聞凡夫於彼命終
生地獄畜生餓鬼中多聞聖弟子於
彼命終不生地獄畜生餓鬼中佛說
此經已諸比丘聞佛所說歡喜奉行
如是我聞一時佛住舍衛國祇樹給
孤獨園尔時世尊告諸比丘人間八
百歲是化樂天上一日一夜如是三
十日一月十二月一歲化樂天壽八
千歲愚癡無聞凡夫於彼命終生地
獄畜生餓鬼中多聞聖弟子於彼命
終不生地獄畜生餓鬼中佛說此經
已諸比丘聞佛所說歡喜奉行

如是我聞一時佛住舍衛國祇樹給
孤獨園尔時世尊告諸比丘人間千
六百歲是他化自在天上一日一夜如
是三十日一月十二月一歲他化自

在天壽一萬六千歲愚癡無聞凡夫
於彼命終生地獄畜生餓鬼中多聞
聖弟子於彼命終不生地獄畜生餓
鬼中佛說此經已諸比丘聞佛所說
歡喜奉行

如佛說六經如是具比丘問六經佛
問諸比丘六經亦如是說
如是我聞一時佛住舍衛國祇樹給
孤獨園余時世尊告諸比丘若比丘
若行若形若相離欲惡不善法有覺
有觀離生喜樂初種具足住彼不憶
念如是行如是形如是相然於彼色
受想行識法作如病如癰如刺如焦
無常苦空非我思惟於彼法生厭怖
畏防護生厭怖畏防護已以甘露門
而自饒益如是寂靜如是勝妙所謂
捨離餘愛盡無欲滅盡涅槃佛說此
經已諸比丘聞佛所說歡喜奉行
如是我聞一時佛住舍衛國祇樹給
孤獨園余時世尊告諸比丘如上說
差別者如是知如是見已欲有漏心
解脫有有漏心解脫無明漏心解脫
解脫知見我生已盡梵行已立所作

已作自知不受後有佛說此經已諸
比丘聞佛所說歡喜奉行

如是我聞一時佛住舍衛國祇樹給
孤獨園今時世尊告諸比丘如上說
差別者若不得解脫以欲法念法樂
法故取中般涅槃若不如是或生般
涅槃若不如是或有行般涅槃若不
如是或無行般涅槃若不如是或上
流般涅槃若不如是或復即以此欲
法念法樂法功德生大梵天中或生
梵輔天中或生梵身天中佛說此經
已諸比丘聞佛所說歡喜奉行

如是我聞一時佛住舍衛國祇樹給
孤獨園今時世尊告諸比丘若比丘
如是行如是形如是相息有覺有觀
內淨一心無覺無觀定生喜樂第二
禪具足住若不如是行如是形如是
相憶念而於色受想行識法思惟如
病如癰如刺如熱無常苦空非我於
此等法心生厭離怖畏防護厭離防
護已於甘露法界以自饒益此則寂
靜此則勝妙所謂捨離一切有餘愛
盡無欲滅盡涅槃佛說此經已諸比

丘聞佛所說歡喜奉行

如是我聞一時佛住舍衛國祇樹給
孤獨園。尔時世尊告諸比丘。如上說
差別者。彼如是知。如是見。欲有漏心
解脫。有有漏心解脫。無明漏心解脫。
已作自知不受。後有若不解脫。而以
彼法欲法。念法。樂法。取中般涅槃。若不
尔者。取生般涅槃。若不尔者。取有行
般涅槃。若不尔者。取無行般涅槃。若不
尔者。取上流般涅槃。若不尔者。彼以
欲法。念法。樂法。生自性光音天。若不
尔者。生无量光天。若不尔者。生少光
天。佛說此經已。諸比丘聞佛所說歡
喜奉行。

如是我聞一時佛住舍衛國祇樹給
孤獨園。尔時世尊告諸比丘。若比丘
如是行。如是知。如是相離貪喜捨。住
正念正智覺身樂。聖人能說能捨念
樂住。第三禪具足住。若不尔者。以如
是行。如是知。如是相。於受想行識法
思惟。如病如癰。如刺如熱。乃至上流
若不尔者。以彼法欲法。念法。樂法。生遊

淨天若不忖者生无量淨天若不忖者生少淨天佛說此經已諸比丘聞佛所說歡喜奉行

如是我聞一時佛住舍衛國祇樹給孤獨園尔時世尊告諸比丘若比丘如是行如是形如是相離苦息樂前憂喜已滅不苦不樂捨淨念一心第四禪具足住若不如是憶念而於色受想行識思惟如病如癰如刺如煞乃至上流般涅槃若不忖者或生因性果實天若不忖者生福生天若不忖者生少福天佛說此經已諸比丘聞佛所說歡喜奉行

如四禪如是四無色定亦是說如是我聞一時佛住舍衛國祇樹給孤獨園尔時世尊告諸比丘有風雲天作是念我今欲以神力遊戲如是念時風雲則起如風雲天如是焰電天雷震天雨天晴天寒天熱天亦如是說佛說此經已諸比丘聞佛所說歡喜奉行

說如是異比丘問佛佛問諸比丘亦如是說

如是我聞一時佛住舍衛國祇樹給
孤獨園。爾時世尊於夜闍中天時小
雨電光焰照。佛告阿難。汝可以傘蓋
覆燈。持出尊者阿難。即受教。以傘蓋
覆燈。隨佛後行。至一處。世尊微笑。尊
者阿難白佛言。世尊不以無因緣而
笑。不審世尊今日何因何緣而發微
笑。佛告阿難。如是如是。如來不以無
因緣而笑。汝今持傘蓋覆燈。隨我而
行。我見梵天亦復如是。持傘蓋覆燈。
隨拘隣比丘後行。釋提桓因亦復持
傘蓋覆燈。隨摩訶迦葉後行。鉢栗帝
羅色吒羅天王亦持傘蓋覆燈。隨舍
利弗後行。毗樓勒迦天王亦持傘蓋
覆燈。隨大目犍連後行。毗樓訶叉天
王亦持傘蓋覆燈。隨摩訶拘絺羅後
行。毗沙門天王亦持傘蓋覆燈。隨摩
訶刳賓那後行。佛說此經已。尊者阿
難聞佛所說。歡喜奉行。

如是我問一時佛住舍衛國祇樹給
孤獨園。爾時世尊告諸比丘。有四種
善好調伏。衆何等為四。謂比丘調伏
比丘。是調伏優婆塞。調伏優婆塞。調

代是名四衆。今時世尊即說偈言。
若才辯無畏。多聞通達。法行法次。法向。
是則為善衆。比丘持淨戒。比丘居多聞。
優婆塞淨信。優婆夷亦然。是名為善衆。
如日光自照。如則善好僧。是則僧中好。
是法令僧好。如日光自照。
佛說此經已。諸比丘聞佛所說歡喜。
奉行。

如調伏如是辯。柔和無畏。多聞通達。
法說法次。法向。隨順法行。亦如是說。
如是我聞。一時佛住舍衛國祇樹給。
孤獨園。今時世尊告諸比丘。有三種。
子何等為三。有隨生子。有勝生子。有。
下生子。何等為隨生子。謂子父母不。
煞。不盜。不婬。不妄語。不飲酒。子亦隨。
學。不煞。不盜。不婬。不妄語。不飲酒。是。
名隨生子。何等為勝生子。若子父母。
不受。不煞。不盜。不婬。不妄語。不飲酒。
戒。子則能受。不煞。不盜。不婬。不妄語。
不飲酒。戒。是名勝生子。云何下生子。
若子父母受。不煞。不盜。不婬。不妄語。
不飲酒。戒。子不能受。不煞。不盜。不婬。
不妄語。不飲酒。戒。是名下生子。子亦。

時世尊即說偈言

生隨及生上智父之所欲生下非所須
以不紹繼故為人法之子當作優婆塞
於佛法僧寶勤修清淨心雲除月光顯
光榮眷屬衆

佛說此經已諸比丘聞佛所說歡喜
奉行

如五戒如是信戒施聞慧經亦是說
如是我聞一時佛住舍衛國祇樹給
孤獨園余時世尊告諸比丘有四正
斷何等為四一者斷斷二者律儀斷
三者隨護斷四者修斷佛說此經已
諸比丘聞佛所說歡喜奉行

如是我聞一時佛住舍衛國祇樹給
孤獨園余時世尊告諸比丘有四正
斷何等為四一者斷斷二者律儀斷
二者隨護斷四者修斷余時世尊即
說偈言

斷斷及律儀隨護與修習如此四正斷
諸佛之所說

佛說此經已諸比丘聞佛所說歡喜
奉行

如是我聞一時佛住舍衛國祇樹給

孤獨園余時世尊告諸比丘有四正
斷何等為四一者斷斷二者律儀斷
三者隨護斷四者修斷六何為斷斷
謂比丘亦已起惡不善法斷生欲方
便精勤心攝受是為斷斷云何律儀
斷未起惡不善法不起生欲方便精
勤攝受是名律儀斷云何隨護斷未
起善法令起生欲方便精勤攝受是
名隨護斷云何修斷已起善法增益
修習生欲方便精勤攝受是為修斷
佛說此經已諸比丘聞佛所說歡喜
奉行

如是我聞一時佛住舍衛國祇樹給
孤獨園余時世尊告諸比丘有四正
斷何等為四一者斷斷二者律儀斷
三者隨護斷四者修斷六何為斷斷
謂比丘已起惡不善法斷生欲方便
精勤心攝受是為斷斷云何律儀斷
未起惡不善法不起生欲方便精勤
攝受是名律儀斷云何隨護斷未起
善法令起生欲方便精勤攝受是名
隨護斷云何修斷已起善法增益修
習生欲方便精勤攝受是名修斷余

正受捨善有禪正受捨善非三昧捨
善有禪三昧捨善亦正受捨善有禪
非三昧捨善亦非正受捨善佛說此
經已諸比丘聞佛所說歡喜奉行
如是我聞一時佛住舍衛國祇樹給
孤獨園尔時世尊告諸比丘有無學
三明何等為三無學宿命智證通無
學生死智證通無學漏盡智證通尔
時世尊即說偈言

觀察知宿命 見天惡趣生 生死諸漏盡
是則牟尼明 其心得解脫 一切諸貪愛
三夜悉通達 故說為三明

佛說此經已諸比丘聞佛所說歡喜
奉行

如是我聞一時佛住舍衛國祇樹給
孤獨園尔時世尊告諸比丘有無學
三明何等為三謂無學宿命智證通
無學生死智證通無學漏盡智證通
云何無學宿命智證通謂聖弟子知
種種宿命事從一生至百千万億生
乃至劫數成壞我及衆生宿命所更
如是名如是生如是性如是食如是
受苦樂如是長壽如是久住如是受

正覺之所說比丘勤方便得盡於諸漏
佛說此經已諸比丘聞佛所說歡喜
奉行

如四念處如是四正斷四如意足五
根五力七覺支八道支四道四法句
正觀修習亦如是說

如是我聞一時佛住舍衛國祇樹給
孤獨園尔時世尊告諸比丘譬如有
人作世間建立彼一切皆依於地如
是比丘修習禪法一切皆依不放逸
為根本不放逸集不放逸生不放逸
轉比丘不放逸者能修四禪佛說此
經已諸比丘聞佛所說歡喜奉行

如是我聞一時佛住舍衛國祇樹給
孤獨園尔時世尊告諸比丘如上說
差別者如是比丘能斷貪欲瞋恚愚
癡佛說此經已諸比丘聞佛所說歡
喜奉行

如斷貪欲瞋恚愚癡如是謂伏貪欲
瞋恚愚癡貪欲究竟瞋恚愚癡究竟
出要遠離涅槃亦如是說

如是我聞一時佛住舍衛國祇樹給
孤獨園尔時世尊告諸比丘譬如有

草藥木皆依於地而得生長如是種種善法皆依不放逸為本如上說乃至涅槃譬如黑沉水香是衆香之上如是種種善法不放逸最為其上譬切善法一切皆不放逸為根本如是乃至涅槃譬如水陸諸華優鉢羅華為第一如是一切善法皆不放逸為根本乃至涅槃譬如陸地生華摩利沙華為第一如是一切善法不放逸為其根本乃至涅槃譬如比丘一切畜生跡中為跡為上如是一切諸善法不放逸最為根本如上說乃至涅槃譬如一切畜生師子為第一所謂畜生主如是一切善法不放逸為其根本如上說乃至涅槃譬如一切屋舍堂閣以棟為第一如是一切善法不放逸為其根本譬如一切閻浮果唯得閻浮名者果實為第一如是一切善法不放逸為其根本

如是一切俱毗陀羅樹薩婆耶言羅俱毗陀羅樹為第一如是一切善法不放逸為根本如上說乃至涅槃譬

如諸山以須弥山王為第一如是一切善法不放逸為其根本如上說乃至涅槃辟如一切金以閻浮提金為第一如是一切善法不放逸為其根本如上說乃至涅槃辟如一切衣中伽尸細氎為第一如是一切善法不放逸為其根本如上說乃至涅槃辟如一切色中以白色為第一如是一切善法不放逸為其根本如上說乃至涅槃辟如衆鳥以金翅鳥為第一如是一切善法不放逸為其根本如上說乃至涅槃辟如諸王轉輪聖王為第一如是一切善法不放逸為其根本如上說乃至涅槃辟如一切天王四大天王為第一如是一切善法不放逸為其根本如上說乃至涅槃辟如一切三十三天以帝釋為第一如是一切善法不放逸為其根本如上說乃至涅槃辟如焰摩天中以宿焰摩天王為第一如是一切善法不放逸為其根本如上說乃至涅槃辟如兜率陀天以兜率天王為第一如是一切善法不放逸為其根本如

上說乃至涅槃譬如化樂天以善化
樂天王為第一如是一切善法不放
逸為其根本如上說乃至涅槃譬如
他化自在天以善他化自在天子為
第一如是一切善法不放逸為其根
本如上說乃至涅槃譬如梵天大梵
王為第一如是一切善法不放逸為
其根本如上說乃至涅槃譬如閻浮
提一切衆流皆順趣大海其大海者
寂為第一以容受故如是一切善法
皆順不放逸如上說乃至涅槃譬如
一切雨澤皆歸大海如是一切善法
皆順趣不放逸如上說乃至涅槃
譬如一切薩羅阿耨大薩羅為第一
如是一切善法不放逸為第一如上
說乃至涅槃譬如閻浮提一切河四
大河為第一謂恒河新頭搏叉司陀
如是一切善法不放逸為第一如上
說乃至涅槃譬如衆星光明月為第
一如是一切善法不放逸為第一如
上說乃至涅槃譬如諸大身衆生羅
睺羅阿修羅寂為第一如是一切善
法不放逸為其根本如上說乃至涅

厭辟如諸受五欲者頂生王為第一
如是一切善法不放逸為其根本如
上說乃至涅槃辟如欲界諸神力天
魔波旬為第一如是一切善法不放
逸為其根本如上說乃至涅槃辟如
一切衆生無足兩足四足多足色無
色想無想非想非無想如來為第一
如是一切善法不放逸為其根本如
上說乃至涅槃辟如所有諸法有為
無為離貪欲為第一如是一切善法
不放逸為其根本如上說乃至涅槃
辟如一切諸法衆如來衆為第一如
是一切善法不放逸為其根本如上
說乃至涅槃辟如一切所有諸界苦
不放逸為其根本如上說乃至涅槃
佛說此經已諸比丘聞佛所說歡喜
奉行

如是我聞一時佛住舍衛國祇樹給
孤獨園尔時世尊告諸比丘有四種
禪有禪三昧善非正受善有禪正受
善非三昧善有禪三昧善亦正受善
有禪非三昧善非正受善復次四種

禪有禪住三昧善非住正受善有禪
住正受善非住三昧善有禪住三昧
善亦住正受善有禪非住三昧善亦
非住正受善復次四種禪有禪三昧
起善非正受起善有禪正受起善非
三昧起善有禪三昧起善亦正受起
善有禪非三昧起善亦非正受起善
復次四種禪有禪三昧時善非正受
時善有禪正受時善非三昧時善有
禪三昧時善亦正受時善有禪非三
昧時善亦非正受時善復次四種禪
有禪三昧處善非正受處善有禪正
受處善非三昧處善有禪三昧處善
亦正受處善有禪非三昧處善亦非
正受處善復次四種禪有禪三昧迎
善非正受迎善有禪正受迎善非三
昧迎善有禪三昧迎善亦正受迎善
有禪非三昧迎善亦非正受迎善復
次四種禪有禪三昧念善非正受念
善有禪正受念善非三昧念善有禪
三昧念善亦正受念善有禪非三昧
念善亦非正受念善復次四種禪有
三昧念善不念善非正受念不念善

有禪正受念不念善非三昧念不念
善有禪三昧念不念善亦正受念不
念善有禪非三昧念不念善亦非正
受念不念善復次四種禪有禪三昧
來善非正受來善有禪正受來善非
三昧來善有禪三昧來善亦正受來
善有禪非三昧來善亦非正受來善
復次四種禪有禪三昧惡善非正受
惡善有禪正受惡善非三昧惡善有
禪三昧惡善亦正受惡善有禪非三
昧惡善亦非正受惡善復次四種禪
有禪三昧方便善非正受方便善有
禪正受方便善非三昧方便善有禪
三昧方便善亦正受方便善有禪非
三昧方便善亦非正受方便善復次
四種禪有禪三昧止善非正受止善
有禪正受止善非三昧止善有禪三
昧止善亦正受止善有禪非三昧止
善亦非正受止善復次四種禪有禪
三昧舉善非正受舉善有禪正受舉
善非三昧舉善有禪三昧舉善亦正
受舉善有禪非三昧舉善亦非正受
舉善復次四種禪有禪三昧捨善非

正受捨善有禪正受捨善非三昧捨
善有禪三昧捨善亦正受捨善有禪
非三昧捨善亦非正受捨善佛說此
經已諸比丘聞佛所說歡喜奉行
如是我聞一時佛住舍衛國祇樹給
孤獨園今時世尊告諸比丘有無學
三明何等為三無學宿命智證通無
學生死智證通無學漏盡智證通今
時世尊即說偈言

觀察知宿命 見天惡趣生 生死諸漏盡
是則牟尼明 其心得解脫 一切諸貪愛
三夜志通達 故說為三明
佛說此經已諸比丘聞佛所說歡喜
奉行

如是我聞一時佛住舍衛國祇樹給
孤獨園今時世尊告諸比丘有無學
三明何等為三謂無學宿命智證通
無學生死智證通無學漏盡智證通
云何無學宿命智證通謂聖弟子知
種種宿命事從一生至百千万億生
乃至劫數成壞我及衆生宿命所更
如是名如是生如是性如是食如是
受苦樂如是長壽如是久住如是受

於淨戒及衆生於此處死餘處生於
熱處死此處生有如是行如是因如
是信受種種宿命事皆悉了知是名
宿命智證明云何生死智證明謂聖
弟子天眼淨過於人眼見諸衆生死
時生時善色惡色上色下色向於惡
趣隨業受生如實知如此衆生身惡
行成就口惡行成就意惡行成就謗
聖人邪見受邪法因緣故身壞命終
生惡趣泥犁中此衆生身善行口善
行意善行不謗毀聖人正見成就身壞
命終生於善趣天人中是名生死智
證明云何漏盡智證明謂聖弟子此
苦如實知此苦集此苦滅此苦滅道
跡如實知彼如是知如是見欲有漏
心解脫有有漏心解脫無明漏心解
脫解脫知見我生已盡梵行已立可
作已作自知不受後有是名漏盡智
證明今特世尊即說偈言
觀察知宿命 見天惡趣生 生死諸漏盡
是則今已明 知心得解脫 一切諸貪愛
三憂悉通達 故說為三明
佛說是經已諸比丘聞佛所說歡喜

奉行

如是我聞一時佛住舍衛國祇樹給
孤獨園時有異婆羅門來詣佛所與
世尊面相慰勞慰勞已退坐一面而
作是說此則婆羅門三明此則婆羅
門三明今時世尊告婆羅門言云何
名為婆羅門三明婆羅門白佛言瞿
曇婆羅門父母具相無諸瑕穢父母
七世相承無諸譏論世世相承常為
師長辯才具足誦諸經典物類名字
万物差品字類分合歷世本末此五
種記志皆通達容色端正名瞿曇
婆羅門三明佛告婆羅門我不以名
字言說為三明也賢聖法間說真要
實三明謂賢聖知見賢聖法律真實
三明婆羅門白佛云何瞿曇賢聖知
見賢聖法律所說三明佛告婆羅門
有三種無學三明何等為三謂無學
宿今智證明無學生死智證明無學
漏盡智證明如上經廣說
今時世尊即說偈言

一切法元常 持戒寂靜禪 知一切宿今
已生天惡趣 得斷生漏盡 是為牟尼通

悉知心解脫一切貪恚癡我說是三明
非言語所說

婆羅門是為聖法律所說三明婆羅
門白佛瞿曇是真三明今時婆羅門
聞佛所說歡喜隨喜從坐起而去

如是我聞一時佛住舍衛國祇樹給
孤獨園時有異婆羅門來詣佛所與
世尊面相慰勞慰勞已退坐一面白
佛瞿曇我名信佛告婆羅門所謂信
者信增上戒施聞捨慧是則為信非
名字是信也時婆羅門聞佛所說歡
喜隨喜從坐起而去

如是我聞一時佛住舍衛國祇樹給
孤獨園時有異婆羅門來詣佛所面
相慰勞慰勞已退坐一面白佛言瞿
曇我名增益佛告婆羅門所謂增益
者信增上戒聞捨慧增益是為增益
非名字為增益也時婆羅門聞佛所
說歡喜隨喜從坐起而去

如是我聞一時佛住舍衛國祇樹給
孤獨園時有異婆羅門來詣佛所問
詳安否問詳已退坐一面白佛言世
尊我名等起佛告婆羅門夫等起者

謂起於信起戒聞捨慧是為等起非
名字為等起也今時婆羅門聞佛所
說歡喜隨喜從坐起而去

如是我聞一時佛住舍衛國祇樹給
孤獨園今時世尊告諸比丘當為汝
說無為法及無為道跡諦聽善思云
何無為法謂貪欲永盡瞋恚癡永
盡一切煩惱永盡是無為法云何為
無為道跡謂八聖道分正見正智正
語正業正命正方便正念正定是名
無為道跡佛說此經已諸比丘聞佛
所說歡喜奉行

如無為如是難見不動不屈不死無
漏覆蔭洲渚濟渡依止擁護不流轉
離熾焰難燒然流通清涼微妙安隱
無病無所有涅槃亦如是說

如是我聞一時佛住舍衛國祇樹給
孤獨園今時世尊告諸比丘譬如湖
池廣長三十由旬深亦如是若有士
夫以一毛端滂彼湖水云何比丘彼
湖水為多為士夫毛端一滴水多比
丘白佛世尊士夫毛端數少耳湖水
元量千萬億倍不得為比佛告比丘

具足見真諦正見具足世尊弟子見
真諦果正無間等彼於余時已斷已
知斷其根本如截多羅樹頭更不復
生所斷諸苦甚多无量如大湖水所
餘之苦如毛端滴水佛說此經已諸
比丘聞佛所說歡喜奉行
如毛端滴水如是草等之端滴水亦
如是如湖池水如是薩羅多吒伽恒
水耶扶那薩羅波伊羅跋提摩醯大
海亦如是說佛說此經已諸比丘聞
佛所說歡喜奉行

如是我聞一時佛住舍衛國祇樹給
孤獨園余時世尊告諸比丘有四六
入處六何為六謂眼內入處耳鼻舌
身意內入處於此六法觀察忍名為
信行超昇離生就凡夫地未得須陀
洹果乃至未命終要得須陀洹果若
此諸法增上觀察忍名為法行超昇
離生離凡夫地未得須陀洹果乃至
未終要得須陀洹果若此諸法如實
正智觀察三結已盡已知謂身見六
取疑是名須陀洹不墮決定惡智之
趣三等提士有天人往生究竟樂之

此等諸法正智觀察不起諸渴弊欲
解脫名阿羅漢諸漏已盡所作已作
離諸重擔逮得已利盡諸有結正智
心善解脫佛說此經已諸比丘聞佛
所說歡喜奉行

如內六入處如是外六入處六識身
六觸身六受身六想身六思身六愛
身六界身五陰亦如上說

如是我聞一時佛住舍衛國祇樹給
孤獨園尔時世尊告諸比丘有五種
種子生何等為五謂根種子莖種子
節種子壞種子種種子此諸種子不
斷不破不腐不傷不穿堅新得地界
不得水界不得地界被諸種子不得生
長增廣要得地界水界彼諸種子得
生長增廣如是業煩惱有愛見慢无
明而生行若有業而无煩惱愛見無
明者行則滅佛說此經已諸比丘聞
佛所說歡喜奉行

若行如是識名色六入處觸受受取
若生若死亦如是說

如是我聞一時佛住舍衛國祇樹給

孤獨園舍時世尊告諸比丘於我世
間於世間及世間集不如是知者我
終不得於諸天魔梵沙門婆羅門及
諸世間為解脫為出為離顛倒想
亦不名阿耨多羅三藐三菩提以我
於世間及世間集如實知故是故我
於諸天世人魔梵沙門婆羅門及餘
衆生為得解脫為出為離心離顛倒
具足住得成阿耨多羅三藐三菩提
佛說此經已諸比丘聞佛所說歡喜
奉行

如是世間世間集世間滅世間集世
間出世間集世間滅世間味世間患
世間出世間集世間滅世間出世間
集世間滅世間集世間滅世間
集道跡世間滅道跡世間集世間滅
世間味世間患世間出世間集世間
滅世間集道跡世間滅道跡世間味
世間患世間出世佛說此經已諸比丘
聞佛所說歡喜奉行

如是我聞一時佛住舍衛國祇樹給
孤獨園舍時世尊告諸比丘有三受
何等為三謂欲愛色愛無色愛為斷

此三受故當求大師佛說此經已諸
比丘聞佛所說歡喜奉行

如求大師如是次師教師廣導師度
師廣度師說師廣說師隨說師阿闍
梨同伴真知識之善友哀愍慈悲欲
義欲安欲樂欲觸欲通欲者精進者方
便者出者堅固者勇猛者堪能者攝
者常者學者不放逸者修者思惟者
憶念者覺想者思量者梵行者神力
者智者識者慧者分別者念處正勤
根力覺道止觀念身正思惟求亦如
是說

如是我聞一時佛住舍衛國祇樹給
孤獨園舍時世尊告諸比丘有三有
漏何等為三謂欲有漏有有漏無明
有漏為斯此三有漏故當求大師佛
說此經已諸比丘聞佛所說歡喜奉行
如求大師如是乃至求正思惟亦如
是說

如是我聞一時佛住王舍城迦蘭陀
竹園時尊者羅睺羅來詣佛所稽首
禮足退坐一面白佛言世尊云何知
云何見我此識身及外境界一切相

不憶念於其中間盡諸有漏佛告羅
睺羅有內六入處何等為六謂眼入
處耳鼻舌身意入處此等諸法正智
觀察盡諸有漏正智心善解脫是名
阿羅漢盡諸有漏所作已作已捨重
擔逮得已利盡諸有結正智心得解
脫佛說此經已諸比丘聞佛所說歡
喜奉行

如內六入處如是外六入處乃至五
陰亦如是說

如是我聞一時佛住王舍城迦蘭陀
竹園尔時世尊告諸比丘若比丘於
眼欲貪斷欲貪斷者是名眼已斷已
知斷其根本如截多羅樹頭於未來
世成不生法如眼如是耳鼻舌身意
亦如是說佛說此經已諸比丘聞佛
所說歡喜奉行

如內六入處如是外六入處乃至五
陰亦如是說

如是我聞一時佛住王舍城迦蘭陀
竹園尔時世尊告諸比丘若比丘眼
生性成就顯現苦生病住老死顯現
如是乃至意亦如是說若眼滅息沒

苦則減病則息老死則沒乃至意亦如是說佛說此經已諸比丘聞佛所說歡喜奉行

如內六入處如是外六入處乃至五陰亦如是說

如是我聞一時佛住王舍城迦蘭陀竹園尔時世尊告諸比丘若比丘於眼味著者則生上煩惱生上煩惱者於諸染汙心不得離欲彼障尋亦不得斷乃至意入處亦如是說佛說此經已諸比丘聞佛所說歡喜奉行

如內六入處如是外六入處乃至五陰亦如是說

如是我聞一時佛住王舍城迦蘭陀竹園尔時世尊告諸比丘譬如世間所作皆依於地而得建立如是一切善法皆依內六入處而得建立佛說此經已諸比丘聞佛所說歡喜奉行如內六入處如是外六入處乃至五陰亦如是說

如是我聞一時佛住王舍城迦蘭陀竹園尔時世尊告諸比丘若有衆生無足二足四足多足色無色想無想

非想非非想於一切如來最第一乃至聖戒亦如是說

如是我聞一時佛住王舍城迦蘭陀竹園尔時世尊告諸比丘若諸世間衆生所作彼一切皆依於地而得建立如是一切法有為無為離貪欲法寂為第一如是廣說乃至聖戒亦是說佛說此經已諸比丘聞佛所說歡喜奉行

如是我聞一時佛住王舍城迦蘭陀竹園尔時世尊告諸比丘若諸世間衆生彼一切皆依於地而得建立如是一切諸衆如來聲聞衆取為第一如是廣說乃至聖戒佛說此經已諸比丘聞佛所說歡喜奉行

華嚴經卷第三十一

大印歲高麗國大藏都監奉
勅雕造

雜阿含經卷第三十二

宋天竺三藏求那跋陀羅譯

如是我聞一時佛住王舍城迦蘭陀竹園。尔時尊者摩訶迦葉尊者舍利弗住耆闍崛山中。時有衆外道出家詣尊者舍利弗與尊者面相問訊慰勞已退坐一面。語尊者舍利弗言。云何舍利弗。如來有後生死耶。舍利弗言。諸外道世尊說言。此是無記。又問。云何舍利弗。如來無後生死耶。舍利弗答言。諸外道世尊說言。此是無記。又問。舍利弗。如來非有後生死。非無後生死耶。舍利弗答言。諸外道世尊說言。此是無記。諸外道出家又問。尊者舍利弗。云何所問。如來有後生死。無後生死。有後非無後。一切答言。世尊說。此是無記。云何為上座。如愚如癡。不善不辯。如嬰兒。無自性智。作此語已。從坐起去。尔時尊者摩訶迦葉尊者舍利弗相去。

不遠各坐樹下晝日禪思尊者舍利
弗知諸外道出家去已詣尊者摩訶
迦葉所共相問許慰勞已退坐一面
以向與諸外道出家所論說事具白
尊者摩訶迦葉尊者摩訶迦葉何因
何緣世尊不記說後有生死後無生
死後有後無非有非無生死耶尊者
摩訶迦葉語舍利弗言若說如來後
有生死者是則為色若說如來無後
生死是則為色若說如來有後生死
無後生死是則為色若說如來非有
後非無後生死是則為色如來者色
已盡心善解脫言有後生死者此則
不然無後生死有後無後非有後非
無後生死此亦不然如來者色已盡
心善解脫甚深廣大无量無數寂滅
涅槃舍利弗若說如來有後生死者
是則為受為想為行為識為動為慮
為虛誑為有為為愛乃至非有非無
後有亦如是說如來者愛已盡心善
解脫是故說後有者不然後無後有
無後非有非無者不然如來者愛已
盡心善解脫甚深廣大无量無數寂

滅涅槃舍利弗如是因如是緣故有
問世尊如來若有若無若有無若非
有非無後生死不可記說時二正士
共論議已各還本處

如是我聞一時佛住舍衛國祇樹給
孤獨園尔時尊者摩訶迦葉住舍衛
國東園鹿子母講堂晡時從禪覺往
詣佛所稽首礼足退坐一面白佛言
世尊何因何緣世尊先為諸聲聞少
制戒時多有比丘心樂習學今多為
聲聞制戒而諸比丘少樂習學佛言
如是迦葉命濁煩惱濁劫濁衆生濁
見濁衆生善法退減故大師為諸聲
聞多制禁戒少樂習學迦葉譬如劫
欲壞時真實未滅有諸相似為寶出
於世間為寶出已真實則沒如是迦
葉如來正法欲滅之時有相似像法
生相似像法出世間已正法則滅譬
如大海中船載多珍寶則頻沉沒如
未正法則不如是漸漸消滅如來正
法不為地界所壞不為水火風界所
壞乃至惡衆生出世樂行諸惡欲行
諸惡成就諸惡非法言法法言非法

非律言律律言非律以相似法句味
熾然如來正法於此則沒迦葉有五
因緣能令如來正法沉沒何等為五
若比丘於大師所不敬不重不下意供
供養於大師所不敬不重不下意供
養已然後依倚而住若法若學若隨
順教若諸梵行大師所稱歎者不敬
不重不下意供養而依止住是名迦
葉五因緣故如來正法於此沉沒迦
葉有五因緣令如來法律不沒不忘
不退何等為五若比丘於大師所恭
敬尊重下意供養依止而住若法若
學若隨順教若諸梵行大師所稱歎
者恭敬尊重下意供養依止而住迦
葉是名五因緣如來法律不沒不忘
不退是故迦葉當如是學於大師所
當修恭敬尊重下意供養依止而住
若法若學若隨順教若諸梵行大師
所讚歎者恭敬尊重下意供養依止
而住佛說是經已尊者摩訶迦葉歡
喜隨喜作禮而去

如是我聞一時佛住王舍城迦蘭陀
竹園時有遮羅同羅鄰羅聚落主來

諸佛所面前問許慰勞問許慰勞已
近坐一面白佛言瞿曇我聞古昔歌
舞戲笑者年宿士作如是說若伎兒
於大眾中歌舞戲笑作種種伎令彼
大眾歡樂喜笑以是業緣身壞命終
生歡喜天於此瞿曇法中所說云何
佛告聚落主且止莫問此義如是垂
三猶請不已佛告聚落主我今問汝
隨汝意答古昔此聚落衆生不離貪
欲貪欲縛所縛不離瞋恚瞋縛所
縛不離愚癡愚癡縛所縛彼諸伎兒
於大眾坐中種種歌舞伎樂嬉戲令
彼衆人歡樂喜笑聚落主當其彼人
歡樂喜笑者豈不增長貪恚癡縛耶
聚落主白佛言如是瞿曇聚落士等
如有人以繩反縛有人長夜以惡心
欲令此人非義饒益不妄不樂數數
以水澆所縛繩此人被縛豈不轉增
急耶聚落主言如是瞿曇佛言聚落
主古昔衆生亦復如是不離貪欲瞋
恚癡縛緣彼嬉戲歡樂喜笑更增其縛
聚落主言實尔瞿曇彼諸伎兒令其
衆生歡樂喜笑轉增貪欲瞋恚癡縛

以是因緣身壞命終生善趣者無有
是處佛告聚落主若言古昔伎兒能
令大衆歡樂喜笑以是業緣生歡喜
天者是則邪見若邪見者應生二趣
若地獄趣若畜生趣說是語時遮羅
同羅那羅聚落主悲泣流淚今時世
尊告聚落主是故我先三問不荅言
聚落主且止莫問此義聚落主白佛
言瞿曇我不以瞿曇說故而悲泣也
我自念昔來大何為彼愚癡不辨不
善諸伎兒輩所見欺誑言大衆中作
諸伎樂乃至生歡喜天我今定思大
何伎兒歌儔嬉戲生歡喜天瞿曇我
從今日捨彼伎兒惡不善業歸佛歸
法歸比丘僧佛言善哉聚落主此真
實要余時遮羅同羅那羅聚落主聞
佛所說歡喜隨喜頂礼佛足歡喜
而去

如是我聞一時佛住王舍城迦蘭陀
竹園今時戰鬪活聚落主來詣佛所
恭敬問訊問訊已退坐一面白佛言
瞿曇我聞古昔戰鬪活耆年宿士作
是言若戰鬪活身被重鎧手執利器

將士先鋒堪能方便摧伏怨敵緣此
業報生箭降伏天於瞿曇法中其義
云何佛告戰鬪活且止莫問此義如
是再三問亦再三止之猶問不已佛
告聚落主我今問汝隨汝意答聚落
主於意云何若戰鬪活身被甲冑為
戰士先鋒堪能方便摧伏怨敵此人
豈不先起傷害之心欲攝縛枷鎖所
刺煞害於彼耶聚落主白佛如是世
尊佛告聚落主為戰鬪活有三種惡
邪若身若口若意以此三種惡邪因
緣身壞命終得生善趣箭降伏天者
無有是處佛告聚落主若古昔戰鬪
活者年宿士作如是見作如是說若
諸戰鬪活身被甲冑手執利器命敵
先登堪能方便摧伏怨敵以是因緣
生箭降伏天者是則邪見邪見之人
應生二處若地獄趣若畜生趣說是
語時彼聚落主悲泣漉漉佛告聚落
主以是義故我先再三語汝且止不
為汝說聚落主白佛言我不以瞿曇
語故悲泣我念古昔諸戰鬪活者年
宿士愚癡不善不辨長夜欺誑作如

是言我戰聞活身板甲冑手執利器
命敵先登乃至得生箭降伏天是故
悲泣我今定思諸戰聞活惡業因緣
身壞命終生箭降伏天者無有是處
瞿曇我從今日除諸惡業歸佛歸法
歸比丘僧佛告聚落主此真實要時
戰聞活聚落主聞佛所說歡喜隨喜
即從坐起作禮而去

如是我聞一時佛住王舍城迦蘭陀
竹園時有調馬聚落主來詣佛所恭
敬問訊退坐一面尔時世尊告調馬
聚落主調伏馬者有幾種法聚落主
荅言瞿曇有三種法何等為三謂一
者柔軟二者剛強三者柔軟剛強佛
告聚落主若以三種法為猶不調當
如之何聚落主言便當煞之聚落主
白佛言瞿曇無上調御丈夫者當以
幾種法調御丈夫佛告聚落主我亦
以三法調御丈夫何等為三一者柔
軟二者剛強三者柔軟剛強聚落主
白佛瞿曇若三種調御丈夫猶不調
者當如之何佛言聚落主三事調伏
猶不調者便當煞之所以者何莫令

我法有所屈辱調馬聚落主白佛言
瞿曇法中煞生者不淨瞿曇法中不
應然而今說言不調伏者亦當煞之
佛告聚落主如汝所言如來法中煞
生者不淨如來不應有煞聚落主然
我以三種法調御丈夫彼不調者不
殺與語不復教授不復教誡聚落主
若如來調御丈夫不復與語不復教
授不復教誡豈非煞耶調馬聚落主
白佛言瞿曇若調御丈夫不復與語
不復教授不復教誡真為煞也是故
我從今日捨諸惡業歸佛歸法歸比
丘僧佛告聚落主此真實要佛說此
經已調馬聚落主聞佛所說歡喜隨
喜即從坐起作札而去

如是我聞一時佛住王舍城迦蘭陀
竹園時有兜惡聚落主來詣佛所稽
首佛足退坐一面白佛言世尊不修
何等法故於他生瞋恚生瞋恚故口
說惡言他為其作惡性名字佛告聚
落主不修正見故於他生瞋恚生瞋恚
已口說惡言他為其作惡性名字不
修正志正語正業正命正方便正念

正定故於他生瞋生瞋恚故口說惡
言他為其作惡性名字復問世尊修
習何法於他不瞋不瞋恚故口說善
言他為其作賢善名字佛告聚落主
修正見故於他不瞋不瞋恚故口說
善言他為其作賢善名字修習正志
正語正業正命正方便正念正定故
於他不瞋不瞋恚故口說善言他為
其作賢善名字兇惡聚落主白佛言
奇哉世尊善說此言我不修正見故
於他生瞋生瞋恚已口說惡言他為
我作惡性名字我不修正志正語正
業正命正方便正念正定故於他生
瞋生瞋恚故口說惡言他為我作惡
性名字是故我今當捨瞋恚剛強麤
澁佛告聚落主此真害要佛說此經
已兇惡聚落主歡喜隨喜作禮而去
如是我聞一時佛住王舍城迦蘭陀
竹園時有摩尼珠聚落主來詣佛
所稽首佛足退坐一面白佛言世尊
先日國王集諸大臣共論議言云何
沙門釋子比丘自為受畜金銀寶物
為淨耶為不淨耶其中有言沙門釋

子應受畜金銀寶物又復有言不應
自為受畜金銀寶物世尊彼言沙門
釋子應自為受畜金銀寶物者為從
佛聞為自出意說作是語者為隨順
法為不隨順為真實說為虛妄說如
是說者得不墮於呵責處耶佛告聚
落主此則妄說非真實說非是法說
非隨順說墮呵責處所以者何沙門
釋子自為受畜金銀寶物者不清淨
故若自為已受畜金銀寶物者非沙
門法非釋種子法聚落主白佛言奇
哉世尊沙門釋子受畜金銀寶物者
非沙門法非釋種子法此真實說世
尊作是說者增長勝妙我亦作是說
沙門釋子不應自為受畜金銀寶物
佛告聚落主若沙門釋子自為受畜
金銀環寶清淨者五欲功德悉應清
淨摩尼珠鬘聚落主聞佛所說歡喜
作札而去今時世尊知摩尼珠鬘聚
落主去已告尊者阿難若諸比丘依
止迦蘭陀竹園住者悉呼令集於今
堂時尊者阿難即受佛教同遍宣令
依止迦蘭陀竹園比丘集於食堂比

丘集已往白世尊諸比丘已集食堂
惟世尊知時令時世尊往詣食堂大
衆前坐坐已告諸比丘今日有摩尼
珠鬘聚落主來詣我所作如是言先
日國王集諸大臣作如是論議沙門
釋子自為受畜金銀寶物為清淨不
其中有言清淨者有言不清淨者今
問世尊言清淨者為從佛聞為自妄
說如上廣說彼摩尼珠鬘聚落主聞
我所說歡喜隨喜作禮而去諸比丘
國王大臣共集論議彼摩尼珠鬘聚
落主於大衆前師子吼說沙門釋種
子不應自為受畜金銀寶物諸比丘
汝等從今日須木索木須草索草須車
索車須作人索作人慎勿為已受取
金銀種種寶物佛說此經已諸比丘
聞佛所說歡喜奉行

如是我聞一時佛住瞻婆國揭伽池
側有王頂聚落主來詣佛所稽首
佛足而坐一面令時世尊告王頂聚
落主人若衆生依於二邊何法為二
一者若人下四合衆人見大天欲
二者若苦方便不正非義損益聚落

主有三種樂受欲樂卑下田舍常人
凡夫有三種自苦方便不正非義饒
益聚落主何等為三種卑下田舍常
人凡夫樂受欲樂有受欲者非法盤
取不以安樂自供不供養父母給足
兄弟妻子奴婢眷屬朋友知識亦不
隨時供養沙門婆羅門仰求勝處安
樂果報未來生天是名世間第一受
盤取財物以樂自供供養父母給足
兄弟妻子奴婢眷屬朋友知識而不
隨時供養沙門婆羅門仰求勝處安
樂果報未來生天是名第二受欲樂
者復次聚落主有受欲樂者以法求
財不以盤取以樂自供供養父母給
足兄弟妻子奴婢眷屬知識隨時供
養沙門婆羅門仰求勝處安樂果報
未來生天是名第三受欲樂者聚落
主我不一向說受欲平等我說受欲
者其人卑下我說受欲者是其中人
我說受欲者是其勝人何等為卑下
受欲者謂非法盤取乃至不仰求勝
處安樂果報未來生天是名我說卑

下者受欲何等為中人受欲謂受欲者以法非法而求財物乃至不求未來生天是名我說第二中人受欲何等為我說勝人受欲謂彼以法求財乃至未來生天是名我說第三勝人受欲何等為三種自苦方便是苦非法不正非義饒益有一自苦枯槁活初始犯戒汙戒彼修種種苦行精勤方便住處住彼不能現法得離熾然過人法時妙知見安樂住聚落主是名第一自苦方便枯槁活復次自苦方便枯槁活始不犯戒汙戒而終種種苦行亦不由此現法得離熾然過人法勝妙知見安樂住是名第二自苦方便枯槁活復次自苦方便枯槁活不初始犯戒汙戒然終種種苦行方便亦不能現法離熾然得過人法勝妙知見安樂住是名第三自苦方便枯槁活志等我說有自苦方便是卑劣人有說自苦方便是中人便有說自苦方便是勝人何等自苦方便卑劣人若彼自苦方便初始犯戒

汗戒乃至不得勝妙知見安樂住是
名我說自苦方便卑劣人何等為自
苦方便中人若彼自苦方便不初始
犯戒汙戒乃至不得勝妙知見安樂
住是名我說自苦方便中間人何等
為自苦方便勝人若彼自苦方便枯
槁活不初始犯戒汙戒乃至不得勝
妙知見安樂住是名我說自苦方便
勝人聚落主是名三種自苦方便是
苦非法不取非義饒益聚落主有道
有跡不向三種受欲隨順方便卑下
曰舍常人凡夫不向三種自苦方便
是苦非法不正非義饒益聚落主何
等為道何等為跡不向三種受欲三
種自苦方便聚落主為欲貪障闕故
或欲自害或欲害他或欲俱害現法
後世得斯罪報心法憂苦瞋恚癡所
障或欲自害或欲害他或欲俱害現
法後世得斯罪報心法憂苦若離貪
障不欲方便自害害他自他俱害不
現法後世受斯罪報彼心心法常受
喜樂如是離瞋恚癡障不不欲自
害不欲害他自他俱害不現法後世

受斯罪報彼心心法常受安樂於現
法中遠離熾然不待時節親近涅槃
即此身現緣自覺知聚落主如此現
法永離熾然不待時節親近涅槃即
此現身緣自覺知者為八聖道正見
乃至正定當其世尊說是法時王頂
聚落主遠塵離垢得法眼淨時王頂
聚落主見法得法知法深入於法度
疑不由於他於正法律得無所畏即
從坐起整衣服合掌白佛我今已度
世尊時佛時法時比丘僧徒今盡壽
為優婆塞時聞佛所說歡喜隨喜作
禮而去

如是我聞一時佛在力士人間遊行
到贊婁羅住處鵝鵝闍浮林時有鵝
曇聚落主闍沙門瞿曇者在力士人間
遊行至贊婁羅聚落鵝鵝闍浮林說
現法苦集苦沒我當往詣彼沙門瞿
曇若我詣沙門瞿曇者彼必為我說
現法苦集苦沒即往彼贊婁羅聚落
詣世尊所稽首礼足退坐一面白佛
言世尊我聞世尊常為人說現法苦
集苦沒善哉世尊為我說現法苦集

苦沒佛告聚落主我若說過去法苦
集苦沒者知汝於彼為信為不信為
欲不欲為念不念為樂不樂汝今苦
不我若說未來苦集苦沒者知汝於
彼為信不信為欲不欲為念不念為
樂不樂汝今苦不我今於此說現法
苦集苦沒聚落主若衆生所有苦生
彼一切皆以欲為本欲生欲集欲起
欲因欲緣而苦生聚落主白佛言世
尊極略說法不廣分別我所不解善
哉世尊唯願廣說令我等解佛告聚
落主我今問汝隨汝意說聚落主於
意云何若衆生於此繫縛羅聚落住
者是若縛若打若責若煞汝心當起
憂悲惱苦不聚落主白佛言世尊亦
不一向若諸衆生於此繫縛羅聚落
住者於我有欲有貪有愛有念相習
近者彼遭若縛若打若責若煞我則
生憂悲惱苦若彼衆生所無欲貪愛
念相習近者彼遭縛打責煞我何為
橫生憂悲惱苦佛告聚落主是故當
知衆生種種苦生彼一切皆以欲為
本欲生欲習欲起欲因欲緣而生衆

苦聚落主於意云何汝依父母不相
見者則生欲貪愛念不聚落主言不
也世尊聚落主於意云何若見若聞
彼依父母當起欲愛念不聚落主言
如是世尊復問聚落主於意云何彼
依父母若无常變異者當起憂悲惱
苦不聚落主言如是世尊者依父母
无常變異者我或隣死豈唯憂悲惱
苦佛告聚落主是故當知若諸衆生
所有苦生一切皆以愛欲為本欲生
欲集欲起欲因欲緣而生苦聚落主
言奇哉世尊善說如此依父母譬我
有依父母居在異處我日日遣信問
其安否使未時還我以憂苦况復无
常而無憂苦佛告聚落主是故我說
其諸衆生所有憂苦一切皆以欲為
根本欲生欲集欲起欲因欲緣而生
憂苦佛告聚落主若有四愛念无常
變異者則四憂苦生若三二若一愛
念無常變異者則一憂苦生聚落主
若都無愛念者則無憂苦塵勞即說
偈言

若無世間愛念者 則無憂苦塵勞等

一切憂苦消滅盡猶如蓮花不著水
當其世尊說是法時揭曇聚落主遠
塵離垢得法眼淨見法得法深入於
法度諸狐疑不由於他不由他度於
正法律得無所畏從坐起整衣服合
掌白佛已度世尊我以超越我從今
日靖佛靖法歸比丘僧盡其壽命為
優婆塞唯憶持我佛說此經已揭曇
聚落主聞佛所說歡喜隨喜作礼
而去

如是我聞一時佛在摩竭提國人間
遊行與千二百五十比丘優婆塞
五百乞殘食人從城至城從聚落至
聚落人間遊行至那羅聚落好衣菴
羅園中時有刀師氏聚落主是尼捷
弟子詣尼捷所礼尼捷足退坐一面
余時尼捷語刀師氏聚落主汝能共
沙門瞿曇作義藥論令沙門瞿曇不
得語不得不語耶聚落主言阿梨我
立何等論為義藥論令沙門瞿曇不
得語不得不語尼捷語聚落主言汝
往詣沙門瞿曇所作是問瞿曇常願
欲令諸家福利具足增長作如是願

如是說不若答汝言不若汝當問言
沙門瞿曇與凡愚夫有何等異若言
有願有說者當復問言沙門瞿曇若
有如是願如是說者今云何於飢饉
世遊行人間將諸大衆千二百五十
比丘千優婆塞五百七殘食人從城
至城從村至村損費世間如大雨雹
雨已乃是減損非增益也瞿曇所說
殊不相應不類不似前後相違如是
聚落主是名疾藥論今彼沙門瞿曇
不得語不得不語今時刀師氏聚落
主受屈撻勸教已詣佛所恭敬問訊
恭敬問訊已退坐一面白佛瞿曇常
欲願令諸家福利增長不佛告聚落
主如來長夜欲令諸家福利增長亦
常作是說聚落主言若如是者云何
瞿曇於飢饉世人間之食將諸大衆乃
至不似不類前後相違佛告聚落主
我憶九十一劫以來不見一人施一
比丘有盡有減聚落主汝觀今日有
人家大富多錢財多眷屬多僕從當
知其家長夜好施真實寂止故致斯
福利聚落主有八因緣令人損減福

剎不增何等為八王所逼賊所劫火
所焚水所漂藏自消滅控債不還怨
憎殘破惡子費用有是八種為錢財
難聚聚落主我說无常為第九句如是
聚落主汝捨九因九緣而言沙門瞿
曇破壞他家不捨惡言不捨惡見如
鐵捨投水身壞命終生地獄中時刀
師氏聚落主心生恐怖身毛皆豎白
佛言世尊我今悔過如愚如癡不善
不辯於瞿曇所不實欺誑虛說妄語
聞佛所說歡喜隨言從坐起去
如是我聞一時佛住鄒羅聚落好水
菴羅園中時有刀師氏聚落主先是
居捷弟子詣居捷所禮居捷足退坐
一面令時居捷語聚落主汝能共沙
門瞿曇作菴藥論令沙門瞿曇不得
語不得不語聚落主白居捷阿梨何
等為菴藥論令沙門瞿曇不得語不
得不語耶居捷語聚落主汝往沙門
瞿曇所作如是言瞿曇不常欲安慰
一切衆生讚歎安慰一切衆生耶若
言不者應語言瞿曇與凡愚夫有何
等異若言常欲安慰一切衆生讚歎

安慰一切衆生者復應問言若欲安慰一切衆生者以何等故或為一種人說法或不為一種人說法作如是問者是名蒺藜論今彼沙門瞿曇不得語不得不語今時聚落主受屈撻勸進已往詣佛所恭敬問許已退坐一面白佛言瞿曇豈不欲常安慰一切衆生歎說安慰一切衆生佛告聚落主如來長夜慈愍安慰一切衆生亦常歎說安慰一切衆生聚落主白佛言若然者如來何故為一種人說法又復不為一種人說法佛告聚落主我今問汝隨意答我聚落主譬如有三種田有一種田沃壤肥澤第二田中第三田墾薄土何聚落主彼田主先於何田耕治下種聚落主言瞿曇於取沃壤肥澤者先耕下種聚落主復於何田次耕下種聚落主言瞿曇當於中田次耕下種佛告聚落主復於何田次耕下種聚落主言當於取下墾薄之田次耕下種佛告聚落主何故如是聚落主言不欲廢田存種而已佛告聚落主教亦如是如彼

沃壤肥澤田者我諸比丘比丘尼亦復如是我常為彼演說正法初中後善善義善善味純一滿淨梵行清白開示顯現彼聞法已依於我舍我洲我覆我蔭我趣常以淨眼觀我而住作如是念佛所說法我念受持今我長夜以義饒益安隱樂住聚落主如彼中田者我弟子優婆塞優婆夷亦復如是是我亦為彼演說正法初中後善善義善善味純一滿淨梵行清白開發顯亦彼聞法已依於我舍我洲我覆我蔭我趣常以淨眼觀察我住作如是念世尊說法我念受持今我長夜以義饒益安隱樂住聚落主如彼田家取下田者如是我為諸外道異學居士捷子輩亦為說法初中後善善義善善味純一滿淨梵行清白開示顯現然於彼等少聞法者亦為其說多聞法者亦為其說然其彼衆於我善說法中得一句法知其義者亦復長夜以義饒益安隱樂住時聚落主白佛甚奇世尊善說如是三種田譬佛告聚落主汝聽我更說譬類譬如士夫有

三水器不穿不壞亦不津漏第二器
不穿不壞而有津漏第三器者穿壞
津漏云何聚落主彼士夫三種器中
常持淨水著何等器中聚落主言瞿
曇當以不穿不壞不津漏者先以盛
水佛告聚落主次復應以何器盛水
聚落主言瞿曇當持彼器不穿不壞
而津漏者次以盛水佛告聚落主彼
器滿已復以何器為後盛水聚落主
言以穿壞津漏之器最後盛水所以
者何須臾之間供小用故佛告聚落
主如彼士夫不穿不壞不津漏器諸
弟子比丘比丘尼亦復如是我常常為
彼演說正法乃至長夜以義饒益安
隱樂住如第二器不穿不壞而津漏
者我諸弟子優婆塞優婆夷亦復如
是我常為彼演說正法乃至長夜以
義饒益安隱樂住如第三器穿壞津
漏者外道異學諸丘提輩亦復如是
我亦為彼演說正法初中後善善義
善未統一漏淨梵行清白開示顯現
多亦為說少亦為說彼若於我說一
句法知其義者亦得大夜安隱樂住

時刀師氏聚落主聞佛所說心大恐怖身毛皆豎前礼佛足悔過世尊如愚如癡不善不辯於世尊所不諦真實虛為妄說聞佛所說歡喜隨喜礼足而去

如是我聞一時佛住邨羅聚落好衣菴羅園中時有刀師氏聚落主尼捷弟子來詣佛所稽首礼足退坐一面余時世尊告聚落主欲何所論尼捷若提子為何所說聚落主言彼尼捷若提子說煞生者一切皆墮泥犁中以多行故則將至彼如是盜邪婬妄以多行故則將至彼如是盜邪婬妄語皆墮泥犁中以多行故則將至彼佛告聚落主若如尼捷若提子說煞生者墮泥犁中以多行故而往生彼者則無有衆生墮泥犁中聚落主於意云何何等衆生於一切時有心煞生復於何時有心不煞生乃至何時有心妄語何時有心不妄語聚落主白佛言世尊人於晝夜少時有心煞生乃至少時有心妄語而多時不有心煞生乃至妄語佛告聚落主若如是者豈非無有人墮於泥犁中耶如

主健所說有人煞生者一切墮泥犁
中多習行者將往生彼乃至妄語亦
復如是聚落主彼大師出與于世覺
想覺量入覺想地住於凡夫地自辯
所說隨意等量爲諸弟子作如是說
法言煞生者一切皆墮泥犁中多習
行將往生彼乃至妄語亦復如是彼
諸弟子若信其說言我大師知其所
知見其所見能爲弟子作如是說若
煞生者一切皆墮泥犁中多習行故
將往生彼我本有心煞生偷盜邪婬
妄語當墮泥犁中得如是見乃至不
捨此見不厭彼業不覺彼悔於未來
世不捨煞生乃至不捨妄語彼意解
脫不滿足慧解脫亦不滿足慧解脫
不滿足慧解脫不滿足故則爲謗聖
邪見邪見因緣故身壞命終生惡趣
泥犁中如是聚落主有因有緣衆生
煩惱有因有緣衆生業煩惱聚落主
如來應等正覺明行足善逝世間解
無上士調御丈夫天人師佛世尊出
興於世常爲衆生呵責煞生讚歎不
煞呵責偷盜邪婬妄語讚歎不盜不

煙不妄語常以此法化諸聲聞令念
樂信重言我大師知其所知見其所
見呵責然生讚歎不煞乃至呵責妄
語讚歎不妄語我從昔來以愚癡無
慧有心煞生我緣是故今自悔責雖
不能令彼業不為且因此悔責故於
未來世得離煞生乃至得離姪妄
語亦得滿足正意解脫滿足慧解脫
意解脫慧解脫滿足已得不謗賢聖
正見成就正見因緣故得生善趣天
上如是聚落生有因有緣衆生業煩
惱清淨聚落生彼多聞聖弟子作如
是學隨時晝夜觀察所起少有心煞
生多有心不煞生若於有心煞生當
自悔責不是不類若不有心煞生無
怨無憎心生隨喜隨喜已歡喜生歡
喜已心荷息心荷息已心受樂受樂
已則心定心定已聖弟子心與慈俱
無怨無嫉無有瞋恚廣大无量滿於
一方正受住二方三方乃至四方四
維上下一切世間心與慈俱無怨無
嫉無有瞋恚廣大无量善修習充滿
諸方具足正受住尔時世尊以承甲

抄少之語刀師氏聚落主言云何聚
落主我爪甲土多大地為多聚落主
白佛言世尊爪甲土少少耳大地土
无量無數佛告聚落主如甲上之土
甚少大地之土其數无量如是心與
慈俱修習多修習諸有量業者如甲
上土不能將去不能今住如是偷盜
對以悲心邪姪對以喜心妄語對以
捨心不得為比說是語時刀師氏聚
落主遠塵離垢得法眼淨聚落主見
法得法覺法知法深入於法離諸狐
疑不由於他不隨於他於正法律得
無所畏徙坐起整衣服右膝著地合
掌白佛我已度世尊已越世尊我今
歸佛歸法歸比丘僧盡其壽命為優
婆塞世尊辟如士夫欲求燈明取其
馬尾以為燈炷欲吹令然終不得明
徒自疲勞燈竟不然我亦如是欲求
明智於諸愚癡居捷子所愚癡習近
愚癡和合愚癡奉事徒自勞苦不得
明智是故我今棄歸依佛歸法歸僧
從今以去於彼居捷愚癡不善不辯
者所少信少敬少愛少念於今遠離

是故我今第三歸佛歸法歸僧乃至
盡壽為優婆塞自淨其心時刀師氏
聚落主聞佛所說歡喜隨喜作禮
而去

如是我聞一時佛住舍衛國祇樹給
孤獨園今時世尊告諸比丘世間有
三種調馬何等為一淨有馬捷疾具
足色不具足形體不具足有馬色具
足捷疾具足形體不具足有馬捷疾
具足色具足形體具足如是有三種
調士夫相何等為三有士夫捷疾具
足色不具足形體不具足有士夫捷
疾具足色具足形體不具足有士夫
捷疾具足色具足形體具足比丘何
等為不調士夫捷疾具足色不具足
形體不具足有士夫於此苦如實知
此苦集此苦滅此苦滅道跡如實知
如是觀者三結斷身見戒取疑此三
結斷得須陀洹不墮惡趣法決定正
趣三菩提七有天人往生究竟苦邊
是名捷疾具足何等為非色具足若
有問阿毗曇律不能以具足句味次
第隨順具足解說是名色不具足去

何形體不具足非大德名聞感致衣
被飲食床卧湯藥衆具是名士夫捷
疾具足色不具足形體不具足何等
為捷疾具足色具足形體不具足謂
士夫此苦如實知此苦集此苦滅此
苦滅道跡如實知乃至究竟苦邊是
捷疾具足何等為色具足若問阿毗
曇律乃至能為解說故名色具足何
等為形體不具足非大德名聞不能
感致衣被飲食卧具湯藥是名士夫
捷疾具足色具足形體不具足何等
為士夫捷疾具足色具足形體具足
謂士夫此苦如實知此苦集此苦滅
此苦滅道跡如實知乃至究竟苦邊
是名捷疾具足何等為色具足若問
阿毗曇律乃至能為解說故名色具足
何等為形體具足大德名聞乃至卧具
湯藥是名形體具足是名士夫捷疾
具足色具足形體具足佛說此經已
諸比丘聞佛所說歡喜奉行
如是我聞一時佛住王舍城迦蘭陀
竹園尔時世尊告諸比丘世間有三
種良馬何等為三有馬捷疾具足非

色具足非形體具足有馬捷疾具足
色具足非形體具足有馬捷疾具足
色具足形體具足於正法律有三種
善男子何等為三有善男子捷疾具
足非色具足非形體具足有善男子
捷疾具足色具足非形體具足有善
男子捷疾具足色具足形體具足何
等為善男子捷疾具足非色具足非
形體具足謂善男子苦聖諦如實知
苦集聖諦如實知苦滅聖諦如實知
苦滅道跡聖諦如實知作如是知如
是見已斷五下分結謂身見戒取疑
貪欲瞋恚斷此五下分結已得生般
涅槃阿那含不復還生此世是名善
男子捷疾具足云何色不具足若問
阿毗曇律不能解了句味次第隨順
決定解說故名色不具足云何形體
不具足謂非名聞大德能感財利供
養不被飲食隨病湯藥是名善男子
捷疾具足非色具足非形體具足何
等為捷疾具足色具足非形體具足謂
善男子此苦聖諦如實知乃至得生
般涅槃阿那含不復還生此世是名

捷疾具足云何色具足若有問阿毗
曇律能以次第句味隨順決定而為
解說故名色具足云何非形體具足
謂非名聞大德能感財利供養衣被
飲食隨病湯藥是名善男子捷疾具
足色具足非形體具足何等為善男
子捷疾具足色具足形體具足謂善
男子此苦聖諦如實知乃至得阿耨
含生般涅槃不復還生此世是名捷
疾具足何等為色具足若有問阿毗
曇毗尼乃至而為解說故名色具足
何等為形體具足謂名聞大德能感
財利乃至湯藥眾具是名形體具足
是名善男子捷疾具足色具足形體
具足佛說此經已諸比丘聞佛所說
歡喜奉行

雜阿含經卷第三十二

癸卯歲高麗國大藏都監奉
勅雕造

雜阿含經卷第三十三

川

宋天竺三藏求那跋陀羅譯

如是我聞一時佛住王舍城迦蘭陀
竹園舍時世尊告諸比丘世間有三
種良馬何等為三謂有馬捷疾具足
非色具足非形體具足有馬捷疾具
足色具足非形體具足有馬捷疾具
足色具足形體具足如是於此法律有
三種善男子何等為三有善男子捷
疾具足非色具足非形體具足有善
男子捷疾具足色具足非形體具足
有善男子捷疾具足色具足形體具
足何等為善男子捷疾具足非色具
足非形體具足謂善男子此苦聖諦
如實知此苦集聖諦如實知此苦滅
聖諦如實知此苦滅道跡聖諦如實
知如是知如是見已欲有漏心解脫
有有漏心解脫無明有漏心解脫我
生已盡梵行已立所作已作自知不
受後有是名捷疾具足云何非色具
足若有問阿毘曇律乃至不能為決
定解說故名色不具足何等非形體

具足謂非名聞大德乃至不感湯藥
衆具是名形體不具足是名善男子
捷疾具足非色具足非形體具足何
等為善男子捷疾具足色具足非形
體具足謂善男子此苦聖諦如實知
乃至不受後有是名捷疾具足云何
色具足謂若有問阿毗曇毗尼乃至
能為決定解說名色具足何等為
非形體具足謂非名聞大德乃至不
能感湯藥衆具是名善男子捷疾具
足色具足非形體具足何等為善男
子捷疾具足色具足形體具足謂善
男子此苦聖諦如實知乃至不受後
有是名捷疾具足何等為色具足謂
善男子若有問阿毗曇毗尼乃至能
為決定解說名色具足何等為形
體具足謂善男子名聞大德乃至能
感湯藥衆具是名形體具足是名善
男子捷疾具足色具足形體具足佛
說此經已諸比丘聞佛所說歡喜
奉行

如是我聞一時佛住王舍城迦蘭陀
竹園尔時世尊告諸比丘世有三種

良馬王所服乘何等為三謂良馬色
具足力具足捷疾具足如是於正法
律有三種善男子世所奉事供養恭
敬為無上福田何等為三謂善男子
色具足力具足捷疾具足何等為色
具足謂善男子住於淨戒波羅提木
叉律儀威儀行處具足見微細罪能
生怖畏受持學戒是名色具足何等
力具足已生惡不善法令斷生欲精
勤方便攝受增長來生惡不善法不
起生欲精勤方便攝受增長來生善
法令起生欲精勤方便攝受增長已
生善法住不忘失生欲精勤方便攝
受增長是名力具足何等為捷疾具
足謂此苦聖諦如實知乃至得阿羅
漢不受後有是名捷疾具足是名善
男子色具足力具足捷疾具足佛說
此經已諸比丘聞佛所說歡喜奉行
如是我聞一時佛住王舍城迦蘭陀
竹園今時世尊告諸比丘世有良馬
四能具足當知是良馬王所服乘何
等為四所謂賢善捷疾堪能調柔如
是善男子四德成就世所宗重承事

供養為無上福田何等為四謂善男子成就无學戒身無學定身无學慧身無學解脫身佛說此經已諸比丘聞佛所說歡喜奉行

如是我聞一時佛住王舍城迦蘭陀竹園尔時世尊告諸比丘世有四種良馬有良馬駕以平乘顧其鞭影馳馱善能觀察御者形勢遲速左右隨御者心是名比丘世間良馬第一之德復次比丘世間良馬不能顧影而自驚察然以鞭杖觸其毛尾則能驚速察御者心遲速左右是名世間第二良馬復次比丘若世間良馬不能顧影及觸皮毛能隨人心而以鞭杖小侵皮肉則能驚察隨御者心遲速左右是名比丘第三良馬復次比丘世間良馬不能顧其鞭影及觸皮毛小侵膚肉乃以鐵錐刺身徹膚傷骨然後方驚牽車著路隨御者心遲速左右是名世間第四良馬如是於正法律有四種善男子何等為四謂善男子聞他聚落有男子女人疾病困苦乃至死聞已能生恐怖依正思惟

如彼良馬顧影則調是名第一善男子於正法律能自調伏復次善男子不能聞他聚落若男若女老病死苦能生怖畏依正思惟見他聚落若男若女老病死苦則生怖畏依正思惟如彼良馬觸其毛尾能速調伏隨御者心是名第二善男子於正法律能自調伏復次善男子不能聞見他聚落中男子女人老病死苦生怖畏心依正思惟然見聚落城邑有善知識及所親近老病死苦則生怖畏依正思惟如彼良馬觸其膚冥然後調伏隨御者心是名第三善男子於聖法律而自調伏復次善男子不能聞見他聚落中男子女人及所親近老病死苦生怖畏心依正思惟然於自身老病死苦能生厭怖依正思惟如彼良馬侵肌徹骨然後乃調隨御者心是名第四善男子於聖法律能自調伏佛說此經已諸比丘聞佛所說歡喜奉行如是我聞一時佛住王舍城迦蘭陀竹園時有調馬師名曰只尸來詣佛所稽首佛足退坐一面白佛言世尊

我觀世間甚為輕賤猶如群羊世尊
唯我堪能調馬狂逸惡馬我作方便
須臾令彼慙病悉現隨其慙病方便
調伏佛告調馬師聚落主汝以幾種
方便調伏於馬馬即白佛有三種法
調伏惡馬何等為三一者柔軟二者
廣溢三者柔軟廣溢佛告聚落主汝
以三種方便調馬猶不調者當如之
何馬師白佛遂不調者便當煞之所
以者何莫令辱我調馬師白佛世尊
是無上調御丈夫為以幾種方便調
御丈夫佛告聚落主我亦以三種方
便調御丈夫何等為三一者一向柔
軟二者一向廣溢三者柔軟廣溢佛
告聚落主所謂一向柔軟者如所說
此是身善行此是身善行報此是口
意善行此是口意善行報是名天是
名人是名善趣化生是名涅槃是為
柔軟廣溢者如所說是身惡行是身
惡行報是口意惡行是口意惡行報
是名地獄是名畜生是名餓鬼是名
惡趣是名墮惡趣是名如來廣溢教
也彼柔軟廣溢俱者謂如來有時說

身善行有時說身善行報有時說口
意善行有時說口意善行報有時說
身惡行有時說身惡行報有時說口
意惡行有時說口意惡行報如是名
天如是名人如是名善趣如是名涅
槃如是名地獄如是名畜生餓鬼如
是名惡趣如是墮惡趣是名如來柔
軟廣滋教調馬師白佛世尊若以三
種方便調伏衆生有不調者當如之
何佛告聚落主亦當然之所以者何
莫令辱我調馬師白佛言若然生者
於世尊法為不清淨世尊法中亦不
然生而今言然其義云何佛告聚落
主如是如是如來法中然生不清淨
如來法中亦不然生然如來法中以
三種教授不調伏者不復與語不教
不誠聚落主於意云何如來法中不
復與語不教不誠豈非死耶調馬師
白佛實余世尊不復與語永不教誠
真為死也世尊以是之故我從今日
離諸惡不善業佛告聚落主善哉所
說時調馬師聚落主只尸聞佛所說
歡喜隨喜札足而去

如是我聞一時佛住王舍城迦蘭陀
竹園尔時世尊告諸比丘世間馬有
八態何等為八謂惡馬臨駕車時後
腳踏人前脚踏地奮頭齧人是名世
間馬第一態復次惡馬就駕車時位
頭振輓是名世間惡馬第二之態復
次世間惡馬就駕車時下道而去或
復偏厲車令其翻覆是名第三之態
復次世間惡馬就駕車時仰頭却行
是名世間惡馬第四之態復次世間
惡馬就駕車時小得鞭杖或斷繩折
勒縱橫馳走是名第五之態復次世
間惡馬就駕車時舉前兩足而作人
立是名第六之態復次世間惡馬就
駕之時加之鞭杖變住不動是名第
七之態復次世間惡馬就駕之時乘
聚四脚伏地不起是名第八之態如
是世間惡丈夫於正法律有八種過
何等為八若比丘諸梵行者以見聞
疑罪而發舉時彼則瞋恚反呵責彼
言汝愚癡不辯不善他立舉汝汝去
何舉我如彼惡馬後脚雙踰前脚踏
地斷鞅折輓是名丈夫於正法律第

一之過復次比丘諸梵行者以見聞疑舉及出他罪猶如惡馬怒項折軌是名丈夫於正法律第二之過復次比丘諸梵行者以見聞疑舉不以正答橫說餘事瞋恚憍慢隱覆嫌恨不忍無所由作如彼惡馬不由正路令車翻覆是名丈夫於正法律第三之過復次比丘諸梵行者以見聞疑舉今其憶念而作是言我不憶念觔突不伏如彼惡馬却縮轉退是名丈夫於正法律第四之過復次比丘諸梵行者以見聞疑舉時輕蔑不數其人亦不數僧攝持衣鉢隨意而去如彼惡馬加以鞭杖縱橫馳走是名丈夫於正法律第五之過復次比丘諸梵行者以見聞疑舉時自處高床與諸上座共譁曲直如彼惡馬雙脚人立是名丈夫於正法律第六之過復次比丘諸梵行者以見聞疑舉時默然不應以惱大眾如彼惡馬加其鞭杖兀然不動是名丈夫於正法律第七之過復次比丘諸梵行者以見聞疑舉時則便捨戒自生退沒到於寺門

而作是言汝默然快喜安住我自捨
戒退沒如彼惡馬聚聚四足伏地不
動是名丈夫於正法律第八之過是
名比丘於正法律有八種丈夫過惡
佛說此經已諸比丘聞佛所說歡喜
奉行

如是我聞一時佛住王舍城迦蘭陀
竹園今時世尊告諸比丘世間良馬
有八種德成就者隨人所欲取道多
少何等為八生於良馬鄉是名良馬
第一之德復次體性溫良不驚恐人
是名良馬第二之德復次良馬不擇
飲食是名良馬第三之德復次良馬
厭惡不淨擇地而卧是名良馬第四
之德復次良馬諸情慾遠為調馬者
現馬師調習速捨其慾是名良馬第
五之德復次良馬安於駕乘不顧餘
馬隨其輕重能盡其力是名良馬第
六之德復次良馬常隨正路不隨非
道是名良馬第七之德復次良馬若
病若老勉力駕乘不歇不勒是名良
馬第八之德如是丈夫於正法律八
德成就當知是賢士夫何等為八謂

賢士夫住於正戒波羅提木叉律儀威儀行履具足見微細罪能生怖畏受持學戒是名大夫於正法律第一之德復次丈夫性自賢善善調善住不惱不怖諸梵行者是名丈夫第二之德復次丈夫次行乞食隨其所得若廣若細其心平等不嫌不著是名丈夫第三之德復次丈夫心生厭離於身惡業口意惡業惡不善法及諸煩惱重受諸有熾然苦報於未來世生老病死憂悲惱苦增其厭離是名丈夫第四之德復次丈夫若有沙門過諂曲不實遠告大師及善知識大師說法則時除斷是名丈夫第五之德復次丈夫學心具足作如是念設使餘人學以不學我念當學是名丈夫第六之德復次丈夫行八正道不行非道是名丈夫第七之德復次丈夫乃至盡壽精勤方便不厭不勌是名丈夫第八之德如是丈夫八德成就隨其行地能速昇進佛說此經已諸比丘聞佛所說歡喜奉行

如是我聞一時佛住剎梨聚落深谷

精舍尔時世尊告說陀迦旃延當修
真實禪莫習強良禪如強良馬繫槽
捱上彼馬不念我所應作所不應作
但念穀草如是丈夫於貪欲經多所
脩習故彼以貪欲心思惟於出離道
不如實知心常馳騁隨貪欲經而求
正受瞋恚睡眠掉悔疑多脩習故於
出離道不如實知以疑蓋心思惟以
求正受說陀若真生馬繫槽捱上不
念水草但作是念駕乘之事如是丈
夫不念貪欲經住於出離如實知不
以貪欲經而求正受亦不瞋恚睡眠
掉悔疑經多住於出離瞋恚睡眠掉
悔疑經如實知不以疑經而求正受
如是說陀比丘如是禪者不依地修
禪不依水火風空識無所有非想非
非想而修禪不依此世不依他世非
日月非見聞覺識非得非求非隨覺
非隨觀而修禪說陀比丘如是修禪
者諸天主伊濕波羅波闍波提恭敬
合掌稽首作礼而說偈言
南無大士夫 南無士之上 以我不能知
依何而禪定

尔時有尊者跋迦利住於佛後執扇
扇佛時跋迦利白佛言世尊若比丘
云何入禪而不依地水火風乃至覺
觀而修禪定云何比丘禪諸天主伊
濕波羅波闍波提合掌恭敬稽首作
礼而說偈言

南無大士夫 南無士之上 以我不能知
依何而禪定

佛告跋迦利比丘於地想能伏地想
於水火風想无量空入處想識入處
想無所有入處非想非非想入處想
此世他世日月見聞覺識若得若求
若覺若觀若伏彼想跋迦利比丘如
是禪者不依地水火風乃至不依覺
觀而修禪跋迦利比丘如是禪者諸
天主伊濕波羅波闍波提恭敬合掌
稽首作礼而說偈言

南無大士夫 南無士之上 以我不能知
何所依而禪

佛說此經時誦陀迦旃延比丘遠塵
離垢得法眼淨跋迦利比丘不起諸
漏心得解脫佛說此經已跋迦利比
丘聞佛所說歡喜奉行

如是我聞一時佛住迦毗羅衛國尼拘律園中時有釋種名摩訶男來詣佛所稽首佛足退坐一面向佛言世尊云何名為優婆塞佛告摩訶男在家清白修習淨住男相成就作是說言我今盡壽歸佛歸法歸比丘僧為優婆塞證知我是名優婆塞摩訶男白佛言世尊云何名為優婆塞信具足佛告摩訶男優婆塞者於如來所正信為本堅固難動諸沙門婆羅門諸天魔梵及餘世間所不能壞摩訶男是名優婆塞信具足座訶男白佛言世尊云何名優婆塞戒具足佛告摩訶男優婆塞戒具足摩訶男白佛言世尊云何名優婆塞聞具足佛告摩訶男優婆塞聞具足者聞則能持聞則積集若淨梵行清白志能受持摩訶男是名優婆塞聞具足摩訶男白佛言世尊云何名優婆塞捨具足佛告摩訶男優婆塞捨具足者為慳妬所經者心

離墜垢位於非家修解脫施勤施常
施樂捨財物平等布施摩訶男是名
優婆塞捨具足摩訶男白佛言世尊
云何名優婆塞智慧具足者謂此苦如實
男優婆塞智慧具足者謂此苦如實
知此苦集如實知此苦滅如實知此
苦滅道跡如實知摩訶男是名優婆
塞慧具足今時釋氏摩訶男聞佛所
說歡喜隨喜從坐起作禮而去

如是我聞一時佛住迦毗羅衛國左
拘律園中今時釋氏摩訶男與五百
優婆塞來詣佛所稽首佛足退坐一

面白佛言世尊云何名優婆塞佛告
摩訶男優婆塞者在家淨住乃至盡
壽歸依三寶為優婆塞證知我摩訶

男白佛言世尊云何名優婆塞須陀洹
佛告摩訶男優婆塞須陀洹者三結

已斷已知謂身見戒取疑摩訶男是

名優婆塞須陀洹摩訶男白佛言世
尊云何名優婆塞斯陀舍佛告摩訶

男謂優婆塞三結已斷已知貪恚癡

薄摩訶男是名優婆塞斯陀舍摩訶

男白佛言世尊云何名優婆塞阿那

舍佛告摩訶男優婆塞阿都舍者五
下分結已斷已知謂身見戒取疑貪
欲瞋恚摩訶男是名優婆塞阿都舍
時摩訶男釋氏願覩五百優婆塞而
作是言奇哉諸優婆塞在家清白乃
得如是深妙功德時摩訶男優婆塞
聞佛所說歡喜隨喜從坐起作禮
而去

如是我聞一時佛住迦毗羅衛國尼
拘律園中尔時釋氏摩訶男來詣佛
所稽首佛足退坐一面白佛言世尊
云何名優婆塞佛告摩訶男優婆塞
者在家清白乃至盡壽歸依三寶為
優婆塞證知我摩訶男白佛世尊云
何為滿足一切優婆塞事佛告摩訶
男若優婆塞有信无戒是則不具當
勤方便具足淨戒具足信戒而不施
者是則不具以不具故精勤方便修
習布施令其具足滿信戒施滿不能隨
時往詣沙門聽受正法是則不具以
不具故精勤方便隨時往詣塔寺見
詣沙門不一心聽受正法是不具足
信戒施聞修習滿足聞已不行是不

具足以不具足故精勤方便隨時往
詣沙門專心聽法聞則能持不能觀
察諸法深義是不具足不具足故精
勤方便信戒施聞聞則能持持已觀
察甚深妙義而不隨順知法次法向
是則不具以不具故精勤方便信戒
施聞受持觀察了達深義隨順行法
次法向摩訶男是名滿足一切種優
婆塞事摩訶男白佛世尊云何名優
婆塞能自安慰不安慰他佛告摩訶
男若優婆塞能自立戒不能令他立
於正戒自持淨戒不能令他持戒具
足自行布施不能以施建立於他自
詣塔寺見諸沙門不能勸他令詣塔
寺往見沙門自專聽法不能勸人樂
聽正法聞法自持不能令他受持正
法自能觀察甚深妙義不能勸人令
觀深義自知深法能隨順行法次法
向不能勸人令隨順行法次法向摩
訶男如是八法成就者是名優婆塞
能自安慰不安慰他摩訶男白佛世
尊優婆塞成就幾法自安安他佛告
摩訶男若優婆塞成就十六法者是

名優婆塞自安安他何等為十六摩訶男若優婆塞具足正信建立他人自持淨戒亦以淨戒建立他人自行布施教人行施自詣塔寺見諸沙門亦教人往見諸沙門自專聽法亦教人聽自受持法教人受持自觀察義教人觀察自知深義隨順修行法次法向亦復教人解了深義隨順修行法次法向摩訶男如是十六法成就者是名優婆塞能自安慰亦安慰他人摩訶男若優婆塞成就如是十六法者彼諸大衆悉詢其所謂婆羅門衆刹利衆長者衆沙門衆於諸衆中威德顯曜譬如日輪初中及後光明顯照如是優婆塞十六法成就者初中及後威德顯照如是摩訶男若優婆塞十六法成就者世間難得佛說此經已釋氏摩訶男聞佛所說歡喜隨喜即從坐起作禮而去

如是我聞一時佛住迦毗羅衛國屈拘律園中尔時釋氏摩訶男來詣佛所稽首礼足退坐一面白佛言世尊此迦毗羅衛國安隱豐樂人民熾盛

我每出入時衆多羽從狂爲狂人狂
乘常與是俱我自恐與此諸狂俱生
俱死忘於念佛念法念比丘僧我自
思惟命終之時當生何處佛告摩訶
男莫恐莫怖命終之後不生惡趣終
亦無惡辟如大樹順下順注順輸若
截根本當墮何處摩訶男白佛隨彼
順下順注順輸佛告摩訶男汝亦如
是若命終時不生惡趣終亦無惡所
以者何汝已長夜修習念佛念法念
僧若命終時此身若火燒若棄塚間
風飄日曝久成塵末而心意識久遠
長夜正信所熏戒施聞慧所熏神識
上昇向安樂處未來生天時摩訶男
聞佛所說歡喜隨喜作禮而去
如是我聞一時佛住迦毗羅衛國屈
拘律園中尔時釋氏摩訶男來詣佛
所稽首禮足退坐一面白佛言世尊
若比丘在學地求所未得上昇進道
安隱涅槃世尊彼當云何修習多修
習住於此法律得諸漏盡无漏心解
脫慧解脫現法自知作證我生已盡
梵行已立所作已作自和不受後有

佛告摩訶男若比丘在於學地求所未得上昇進道安隱涅槃彼於余時當修六念乃至進得涅槃辟如飢人身體羸瘦得美味食身體肥澤如是比丘住在學地求所未得上昇進道安隱涅槃修六隨念乃至疾得安隱涅槃何等六念謂聖弟子念如來事如來應等正覺明行足善逝世間解無上士調御丈夫天人師佛世尊聖弟子如是念時不起貪欲纏不起瞋恚愚癡心其心正直得如來義得如來正法於如來正法於如來所得隨喜心隨喜心已歡悅歡悅已身荷息身荷息已覺受樂覺受樂已其心定心定已彼聖弟子於見喻衆生中無諸罣闕入法流水乃至涅槃後大聖弟子念於法事世尊法律現法能離生死熾然不待時節通達現法緣自覺知聖弟子如是念法者不起貪欲瞋恚愚癡乃至念法所熏昇進涅槃復次聖弟子念於僧事世尊弟子善向正向直向誠向行隨順法有向須陀洹得須陀洹向斯陀含得斯陀含向

阿那含得阿那含向阿羅漢得阿羅漢此是四雙八輩賢聖是名世尊弟子僧淨戒具足三昧具足智慧具足解脫具足解脫知見具足所應奉迎承事供養為良福田聖弟子如是念僧事時不起貪欲瞋恚癡乃至念僧所熏昇進涅槃復次聖弟子自念淨戒不壞戒不缺戒不汙戒不離戒不他取戒善護戒明者稱譽戒智者不厭戒聖弟子如是念戒時不起貪欲瞋恚癡乃至念戒所熏昇進涅槃復次聖弟子自念施事我得善利於慳垢衆生中而得離慳垢處於非家行解脫施常自手施樂行捨法具足等施聖弟子如是念施時不起貪欲瞋恚癡乃至念施所熏昇進涅槃復次聖弟子念諸天事有四大天王三十三天焰摩天兜率陀天化樂天他化自在天若有正信心者於此命終生彼諸天我亦當行此正信彼得淨戒施聞捨慧於此命終生彼諸天我今亦當行此戒施聞慧聖弟子如是念天事者不起貪欲瞋恚癡

其心正直緣彼諸天彼聖弟子如是
直心者得深法利得深義利得彼諸
天饒益隨喜隨喜已生欣悅欣悅已
身猗息身猗息已覺受樂覺受樂已
得心定心定已彼聖弟子覩見嶮衆
生中無諸罣闕入法水流念天所熏
故昇進涅槃摩訶男若比丘住於學
地欲求上昇安樂涅槃如是多修習
疾得涅槃者於正法律速盡諸漏無
漏心解脫慧解脫現法自知作證我
生已盡梵行已立所作已作自知不
受後有時釋氏摩訶男聞佛所說歡
喜隨喜從坐起作礼而去

如是我聞一時佛住迦毘羅衛國尼
拘律園中時有衆多比丘集於食堂
為世尊縫衣時釋氏摩訶男聞衆多
比丘集於食堂為世尊縫衣世尊不
久三月安居訖作衣竟持衣鉢人間
遊行聞已往詣佛所稽首佛足退坐
一面白佛言世尊我四體不攝迷於
四方聞法恣恣以聞衆多比丘集於
食堂為世尊縫衣世尊不又安居訖
作衣竟持衣鉢人間遊行是故我今

思惟何時當復得見世尊及諸知識
比丘佛告摩訶男汝正使見世尊不
見世尊見諸知識比丘及與不見但
當念於五法精勤修習摩訶男當以
正信為主非不正信戒具足聞具足
施具足慧具足為本非不智慧如是
摩訶男依此五法修六念處何等為
六此摩訶男念如來當如是念如來
應等正覺乃至佛世尊當念法僧戒
施天事乃至自行得智慧如是摩訶
男聖弟子成就十一法者則為學跡
終不腐敗堪任知見堪任決定住甘
露門近於甘露不能一切疾得甘露
涅槃辟如伏鷄伏其卵或五或十隨
時消息愛護將養正復中間放逸猶
能以爪以口啄卵得生其子所以者
何以彼鷄母初隨時消息善愛護故
如是聖弟子成就十一法者住於學
跡終不腐敗乃至不能一切疾得甘
露涅槃佛說此經已摩訶男釋氏聞
佛所說歡喜隨喜作禮而去

如是我聞一時佛住迦毗羅衛國屈
拘律園中時有衆多比丘集於食堂

為世尊縫衣時釋氏摩訶男聞諸比丘集於食堂為世尊縫衣世尊不久安居訖作衣竟持衣鉢人間遊行聞已詣佛所稽首札足退坐一面白佛言世尊我今四體不攝迷於四方先所聞法今忘忘失以聞衆多比丘集於食堂為世尊縫衣乃至人間遊行我作是念何時當復得見世尊及諸知識比丘佛告摩訶男汝見如來不見如來見諸比丘不見諸比丘且汝常當勤修六法何等為六正信為本戒施聞空慧以為根本非不智慧是故摩訶男依此六法已於上增修六隨念念如來事乃至念天如是十二種念成就彼聖弟子諸惡退滅不增長消滅不起離塵垢不增塵垢捨離不取不取故不著以不取著故緣自涅槃我生已盡梵行已立所作已作自知不受後有佛說此經已釋氏摩訶男聞佛所說歡喜隨喜從坐起作札而去

如是我聞一時佛住迦毗羅衛國屈拘律園中尔時釋氏摩訶男來詣佛

所稽首佛足退坐一面白佛言世尊
如我解佛所說正受故解脫非不正
受云何世尊為先正受而後解脫耶
為先解脫而後正受耶為正受解脫
不前不後一時俱生耶今時世尊默
然而住如是摩訶男第二第三問佛
亦再三默然住今時尊者阿難住於
佛後執扇扇佛尊者阿難作是念釋
氏摩訶男以此深義而問世尊世尊
病差未久我今當說餘事以引於彼
語摩訶男學人亦有戒無學人亦有
戒學人有三昧無學人亦有三昧學人
有慧無學人亦有慧學人有解脫無
學人亦有解脫摩訶男問尊者阿難
云何為學人戒云何為無學人戒云
何學人三昧云何無學人三昧云何
學人慧云何無學人慧云何學人解
脫云何無學人解脫尊者阿難語摩
訶男此聖弟子住於戒波羅提木叉
律儀威儀行處受持學戒受持學戒
具足已離欲惡不善法乃至第四禪
具足住如是三昧具足已此苦聖諦
如實知此苦集如實知此苦滅如實

知此苦滅道跡如實知如是知如是見已五下分結已斷已知謂身見戒取疑貪欲瞋恚此五下分結斷於彼受生得般涅槃阿那含不復還生此世彼當今時成就學戒學三昧學慧學解脫復於餘時盡諸有漏無漏解脫慧解脫自知作證我生已盡梵行已立所作已作自知不受後有彼當今時成就無學戒無學三昧無學慧無學解脫如是摩訶男是名世尊所說學戒學三昧學慧學解脫無學戒無學三昧無學慧無學解脫今時釋氏摩訶男聞尊者阿難所說歡喜隨喜從坐起礼佛而去

今時世尊知摩訶男去不久語尊者阿難迦毗羅衛釋氏乃能與諸比丘共論深義阿難白佛唯然世尊迦毗羅衛釋氏能與諸比丘共論深義佛告阿難迦毗羅衛諸釋氏快得善利能於甚深佛法賢聖慧眼而得深入佛說此經已尊者阿難聞佛所說歡喜奉行

如是我聞一時佛住迦毗羅衛國尼

是再三說我亦不能令彼釋氏沙陀
受四法釋氏沙陀亦不能令我受三
法是故俱來詣世尊所今問世尊須
陀洹成就幾法時沙陀釋氏從坐起
為佛作礼合掌白佛世尊若有如是
像類法起一者世尊一者比丘僧我
寧隨世尊不隨比丘僧或有如是像
類法起一者世尊一者比丘僧優
婆塞毘婆沙夷若天若魔若梵若沙門
婆羅門諸天世人我寧隨世尊不隨
餘衆今時世尊告釋氏摩訶男如摩
訶男釋氏沙陀作法是論汝當云何
摩訶男白佛世尊彼沙陀釋氏作如
是論我知復何說我唯言善唯言真
實佛告摩訶男是故當知四法成就
須陀洹於佛不壞淨於法僧不壞淨
聖戒成就如是受持時釋氏摩訶男
聞佛所說歡喜隨喜從坐起作礼
而去

如是我聞一時佛住迦毘羅衛國在
拘絺園中時有迦毘羅衛釋氏集所
共坐坐如左論問摩訶男云何成就
四法時百手釋氏命終世尊記彼行

須陀洹不墮惡趣法決定正向三善
根十有天人往生究竟苦邊然彼百
手釋氏犯戒飲酒而復世尊記彼得
須陀洹乃至究竟苦邊汝摩訶男當
往問佛如佛所說我等奉持今時摩
訶男往詣佛所稽首礼足退坐一面
白佛言世尊我等迦毗羅衛諸釋氏
集供養堂作如是論摩訶男云何取
後記說是中百手釋氏命終世尊記
說得須陀洹乃至究竟苦邊汝今當
往重問世尊如世尊所說我等奉持
我今問佛唯願解說佛告摩訶男善
逝大師善逝大師者聖弟子所說口
說善逝而心正念直見志入善逝正
法律正法律者聖弟子所說口說正
法發心正念直見志入正法善向僧
善向僧者聖弟子所說口說善向發
心正念直見志入善向如是摩訶男
聖弟子於佛一向淨信於法僧一向
淨信於法利智出智決定智八解脫
具足身作證以智慧見有漏斷知如
是聖弟子不起地獄畜生餓鬼不墮
惡趣說阿羅漢俱解脫復次摩訶男

聖弟子一向於佛清淨信乃至決定
智慧不得八解脫身作證具足住然
彼知見有漏斷是名聖弟子不墮惡
趣乃至慧解脫復次摩訶男聖弟子
一向於佛清淨信乃至決定智慧入
解脫身作證具足住而不見有漏斷
是名聖弟子不墮惡趣乃至身證復
次摩訶男若聖弟子一向於佛清淨
信乃至決定智慧不得八解脫身作
證具足住然於正法律如實知見是
名聖弟子不墮惡趣乃至見到復次
摩訶男聖弟子一向於佛清淨信乃
至決定智慧於正法律如實知見不
得見到是名聖弟子不墮惡趣乃至
信解脫復次摩訶男聖弟子信於佛
言說清淨信法信僧言說清淨於五
法增上智慧審諦堪忍謂信精進念
定慧是名聖弟子不墮惡趣乃至隨
法行復次摩訶男聖弟子信於佛言
說清淨信法信僧言說清淨乃至五
法少慧審諦堪忍謂信精進念定慧
是名聖弟子不墮惡趣乃至隨信行
摩訶男此堅固樹於我所說能知或

者無有是處若能知者我則記說況復百手釋氏而不記說得須陀洹摩訶男百手釋氏臨命終時受持淨戒捨離飲酒然後命終我記說彼得須陀洹乃至究竟苦邊摩訶男釋氏聞佛所說歡喜隨喜從坐起作礼而去如是我聞一時佛住毗舍離狝猴池側重閣講堂時有四十比丘住波梨耶聚落一切皆修阿練若行糞掃衣乞食學人未離欲來詣佛所稽首佛足退住一面令時世尊作是念此四十比丘住波梨耶聚落皆修阿練若行糞掃衣乞食學人未離欲我今當為說法令其即於此生不起諸漏心得解脫令時世尊告波梨耶聚落四十比丘衆生無始生死無明所蓋愛繫其頸長夜生死輪轉不知苦之本際諸比丘於意云何恒水洪流趣於大海中間恒水為多汝等本來長夜生死輪轉破壞身體流血為多諸比丘白佛如我解世尊所說義我等長夜輪轉生死其身破壞遠流血甚多多於恒水百千万倍佛告比丘置此恒

水乃至四大海水為多汝等長夜輪轉生死其身破壞血流為多諸比丘白佛如我解世尊所說義我等長夜輪轉生死其身破壞血流甚多踰四大海水也佛告諸比丘善哉善哉汝等長夜輪轉生死所出身血其多無數過於恒水及四大海所以者何汝於長夜曾生鳥中或截耳鼻頭尾四足其血无量或受馬身馳驅牛犬諸禽獸類斷截耳鼻頭足四體其血无量汝等長夜或為賊盜為人所害斷截頭足耳鼻分離四體其血无量汝等長夜身壞命終棄於塚間膿壞流血其數无量或墮地獄畜生餓鬼身壞命終其流血出亦復无量佛告比丘色為是常為非常耶比丘白佛无常世尊佛告比丘若无常者是苦耶比丘白佛是苦世尊佛告比丘若无常苦者是變易法聖弟子寧復於中見是我異我相在不比丘白佛不也世尊受想行識亦復如是佛告比丘若所有色過去未來現在若內若外若麤若細若好若惡若遠若近彼一切非我不異我不相在如是如實知受想行識

亦復如是聖弟子如是觀者於色厭
離於受想行識厭離厭已不樂不樂
已解脫解脫知見我生已盡梵行已
立所作已作自知不受後有佛說是
法時四十比丘波梨耶聚落住者不
起諸漏心得解脫佛說此經已諸比
丘聞佛所說歡喜奉行

如是我聞一時佛住舍衛國祇樹給
孤獨園余時世尊告諸比丘衆生無
始生死以來長夜輪轉不知苦之本
際佛告諸比丘於意云何恒河流水
乃至四大海其水為多為少等長夜
輪轉生死流淚為多諸比丘白佛如
我解世尊所說義我等長夜輪轉生
死流淚甚多過於恒水及四大海佛
告比丘善哉善哉汝等長夜輪轉生
死流淚甚多非彼恒水及四大海所
以者何汝等長夜喪失父母兄弟姉
妹宗親知識喪失錢財為之流淚甚
多無量汝等長夜棄於惡聞瞋瞋瞋
山及生地獄畜生餓鬼諸比丘汝等
從無始生死長夜輪轉其身且苦甚
多无量佛告諸比丘色為常非為無

常耶比丘白佛無常世尊佛告比丘
若无常者是苦耶比丘白佛是苦世
尊佛告比丘若无常苦者是變易法
多聞聖弟子寧於其中見我異我相
在不比丘白佛不也世尊受想行識
亦復如是諸比丘聖弟子如是知如
是見乃至於色解脫於受想行識解
脫解脫生老病死憂悲惱苦佛說此
經已諸比丘聞佛所說歡喜奉行
如是我聞一時佛住舍衛國祇樹給
孤獨園舍時世尊告諸比丘衆生於
無始生死無明所蓋受繫其頸長夜
輪轉不知苦之本際佛告諸比丘於
意云何恒河流水及四大海其水為多
汝等長夜輪轉生死飲其母乳為多
耶比丘白佛如我解世尊所說義我
等長夜輪轉生死飲其母乳多於恒
河及四大海水佛告比丘善哉善哉
汝等長夜輪轉生死飲其母乳多於
恒河及四大海水所以者何汝等長
夜或生海中飲其母乳无量無數或
生地獄中餓諸禽獸類飲其母乳其
或无量汝等晝夜棄於塚間膿血流

出亦復无量或墮地獄畜生餓鬼髓
血流出亦復如是比丘汝等無始生
死輪轉已來不知苦之本際云何比
丘色為常耶為无常耶比丘白佛非
常世尊乃至聖弟子於五受陰觀察
非我非我所於諸世間得無所取不
取已無所著所作已作自知不受後
有佛說此經已諸比丘聞佛所說歡
喜奉行

雜阿含經卷第三十三

癸卯歲高麗國大藏都監奉
勅雕造

宋天竺三藏求那跋陀羅譯

如是我聞一時佛住舍衛國祇樹給
孤獨園今時世尊告諸比丘衆生無
始生死長夜輪轉不知苦之本際諸
比丘於意云何若此大地一切草木
以四指重斬以為籌以數汝等長夜
輪轉生死所依父母籌數已盡其諸
父母數猶不盡諸比丘如是無始生
死長夜輪轉不知苦之本際是故比
丘當如是學當勤精進斷除諸有莫
令增長佛說此經已諸比丘聞佛所
說歡喜奉行

如是我聞一時佛住舍衛國祇樹給
孤獨園今時世尊告諸比丘衆生無
始生死長夜輪轉不知苦之本際云
何比丘此大地土泥悉以為丸如婆
羅果以數汝等長夜生死以來所依
父母土丸既盡所依父母其數不盡
比丘衆生無始生死長夜輪轉不知
苦之本際其數如是是故比丘當勤
方便斷除諸有莫令增長當如是學

佛說此經已諸比丘聞佛所說歡喜奉行

如是我聞一時佛住舍衛國祇樹給
孤獨園尔時世尊告諸比丘衆生無
始生死長夜輪轉不知苦之本際諸
比丘汝等見諸衆生安隱諸樂當作
是念我等長夜輪轉生死亦曾受斯
樂其趣无量是故比丘當如是學無
始生死長夜輪轉不知苦之本際當
勤精進斷除諸有莫令增長佛說此
經已諸比丘聞佛所說歡喜奉行

如是我聞一時佛住舍衛國祇樹給
孤獨園尔時世尊告諸比丘衆生無
始生死長夜輪轉不知苦之本際諸
比丘若見衆生受諸苦惱當作是念
我長夜輪轉生死以來亦曾更受如
是之苦其數无量當勤方便斷除諸
有莫令增長佛說此經已諸比丘聞
佛所說歡喜奉行

如是我聞一時佛住舍衛國祇樹給
孤獨園尔時世尊告諸比丘衆生無
始生死長夜輪轉不知苦之本際諸
比丘汝等見諸衆生而生恐怖哀毛

為堅當作是念我等過去必曾煞生
為傷害者為惡知識於無始生死長
夜輪轉不知苦之本際諸比丘當作
是學斷除諸有莫令增長佛說此經
已諸比丘聞佛所說歡喜奉行

如是我聞一時佛住舍衛國祇樹給
孤獨園尔時世尊告諸比丘衆生無
始生死長夜輪轉不知苦之本際諸
比丘若見衆生受念歡喜者當作是
念如是衆生過去世時必為我等父
母兄弟妻子親屬師友知識如是長
夜生死輪轉無明所蓋受繫其頸故
長夜輪轉不知苦之本際是故諸比
丘當如是學精勤方便斷除諸有莫
令增長佛說此經已諸比丘聞佛所
說歡喜奉行

如是我聞一時佛住舍衛國祇樹給
孤獨園時有異婆羅門來詣佛所恭
敬問訊問訊已退坐一面白佛言瞿
曇未來世當有幾佛佛告婆羅門未
來佛者如無量恒河沙尔時婆羅門
作是念未來當有如無量恒河沙三
藐三佛陀我當從彼修諸梵行尔時

婆羅門聞佛所說歡喜隨喜從坐起
去時婆羅門隨路思惟我今唯問沙
門瞿曇未來諸佛不問過去即隨路
還復問世尊云何瞿曇過去世時復
有幾佛佛告婆羅門過去世佛亦如
无量恒河沙數時婆羅門即作是念
過去世中有无量恒河沙等諸佛世
尊我曾不習近設復未來如无量恒
河沙三藐三佛施亦當不與習近娛
樂我今當於沙門瞿曇所修行梵行
即便合掌白佛言唯願聽我於正法
律出家修梵行佛告婆羅門聽汝於
正法律出家修梵行得比丘分尔時
婆羅門即出家受具足出家已獨一
靜處思惟所以善男子正信非家出
家學道乃至得阿羅漢

如是我聞一時佛住王舍城迦富羅
山尔時世尊告諸比丘有一人於一
劫中生死輪轉積累白骨不腐壞者
如迦富羅山若多聞聖弟子此苦聖
諦如實知此苦集聖諦如實知此苦
滅聖諦如實知此苦滅道跡聖諦如
實知彼如是知如是見斷三結謂身

見戒取疑斷此三結得須陀洹不墮
惡趣法決定正向三菩提七有天人
往生究竟苦邊今時世尊即說偈言
一人一切中積聚其身骨常積不腐壞
如毗富羅山若諸聖弟子正智見真諦
此苦及苦因離苦得寂滅修習八道跡
正向般涅槃極至於七有天人來往生
盡一切諸結究竟於苦邊

佛說此經已諸比丘聞佛所說歡喜
奉行

如是我聞一時佛住舍衛國祇樹給
孤獨園今時世尊告諸比丘衆生於
無始生死長夜輪轉不知苦之本際
時有異比丘從坐起整衣服偏袒右
肩為佛作礼右膝著地合掌白佛世
尊劫長久如佛告比丘我能為汝說
而汝難知比丘白佛可說辟不佛言
可說比丘辟如鐵城方一由旬高下
亦亦滿中芥子有人百年取一芥子
盡其芥子劫猶不竟如是比丘其劫
者如是長久如是長劫百千万億大
苦相續白骨成丘膿血成流地獄畜
生餓鬼惡趣是名比丘無始生死長

夜輪轉不知苦之本際是故比丘當如是學斷除諸有莫令增長佛說此經已諸比丘聞佛所說歡喜奉行如是是我聞一時佛住舍衛國祇樹給孤獨園今時世尊告諸比丘衆生無始生死長夜輪轉不知苦之本際時有異比丘從坐起整衣服為佛作礼右膝著地合掌白佛世尊却長久如佛告比丘我能為汝說汝難得知比丘白佛可說辟不佛言可說比丘如大石山不斷不壞方一由旬若有士夫以迦尸却具百年一拂拂之不已石山遂盡却猶不竟比丘如是長久之劫百千万億劫受諸苦惱乃至諸比丘當如是學斷除諸有莫令增長佛說此經已諸比丘聞佛所說歡喜奉行

如是我聞一時佛住舍衛國祇樹給孤獨園今時世尊告諸比丘衆生無始生死長夜輪轉不知苦之本際時有異比丘從坐起整衣服為佛作礼右膝著地合掌白佛世尊過去有幾劫佛告比丘我志能說汝知其難比

丘白佛可說譬不佛言可說譬如比丘有士夫壽命百歲晨朝憶念三百千劫日中憶念三百千劫日暮憶念三百千劫如是日日憶念劫數百年命終不能憶念劫數邊際比丘當知過去劫數无量如是過去无量劫數長夜受苦積骨成山髓血成流乃至地獄畜生餓鬼惡趣如是比丘無始生死長夜輪轉不知苦之本際是故比丘當如是學斷除諸有莫令增長佛說此經已諸比丘聞佛所說歡喜奉行

如是我聞一時佛住舍衛國祇樹給孤獨園尔時世尊告諸比丘衆生無始生死長夜輪轉不知苦之本際無有一處不生不死者如是長夜無始生死不知苦之本際是故比丘當如是學斷除諸有莫令增長佛說此經已諸比丘聞佛所說歡喜奉行

如是我聞一時佛住舍衛國祇樹給孤獨園尔時世尊告諸比丘衆生無始生死長夜輪轉不知苦之本際無有一處無父母兄弟妻子眷屬宗親

師長者如是比丘無始生死長夜輪轉不知苦之本際是故比丘當如是學斷除諸有莫令增長佛說此經已諸比丘聞佛所說歡喜奉行

如是我聞一時佛住舍衛國祇樹給孤獨園余時世尊告諸比丘衆生無始生死長夜輪轉不知苦之本際譬如大雨滂沱泡一生一滅如是衆生無明所蓋受繫其頸無始生死生者死者長夜輪轉不知苦之本際是故比丘當如是學斷除諸有莫令增長佛說此經已諸比丘聞佛所說歡喜奉行

如是我聞一時佛住舍衛國祇樹給孤獨園余時世尊告諸比丘衆生無始生死長夜輪轉不知苦之本際譬如普天大雨洪澍東西南北無斷絕處如是東方南方西方北方無量國土劫成劫壞如天大雨普雨天下無斷絕處如是無始生死長夜輪轉不知苦之本際譬如擲杖空中或頭落地或尾落地或中落地如是無始生死長夜輪轉或墮地獄或墮畜生或

墮餓鬼如是無始生死長夜輪轉是
故比丘當如是學斷除諸有莫令增
長佛說此經已諸比丘聞佛所說歡
喜奉行

如是我聞一時佛住舍衛國祇樹給
孤獨園尔時世尊告諸比丘衆生無
始生死長夜輪轉不知苦之本際譬
如比丘若有士夫轉五節輪常轉不
息如是衆生轉五趣輪或墮地獄畜
生餓鬼及人天趣常轉不息如是無
始生死長夜輪轉不知苦之本際是
故比丘當如是學斷除諸有莫令增
長佛說此經已諸比丘聞佛所說歡
喜奉行

如是我聞一時佛住王舍城毗富羅
山側尔時世尊告諸比丘一切行無
常一切行不恒不安變易之法諸比
丘於一切行當生厭離求樂解脫諸
比丘過去世時此毗富羅山名長竹
山有諸人民園遶山居名佉弥羅邑
佉弥羅邑人壽四万歲佉弥羅邑人
上此山頂四日乃得往反時世有佛
名迦羅迦孫提如來應等正覺明行

又善逝世間解無上士調御丈夫天人師佛世尊出興於世說法教化初中後善善義善味純一滿淨梵行清白開發顯示彼長竹山於今名字亦減佗弥羅聚落人民亦沒彼佛如來已般涅槃比丘當知一切諸行皆念无常不恒不安變易之法於一切行當修厭離離欲解脫諸比丘過去世時此毗富羅山名阿毗迦邑彼時人民壽遠山而居名阿毗迦邑彼時人民壽三萬歲阿毗迦人上此山頂經三日中乃得往反時世有佛名拘那含牟尼如來應等正覺明行足善逝世間解無上士調御丈夫天人師佛世尊出興於世演說經法初中後善善義善味純一滿淨梵行清白開發顯示諸比丘彼朋迦山名字久滅阿毗迦邑人亦久亡沒彼佛世尊亦般涅槃如是比丘一切諸行皆念无常不恒不安變易之法汝等比丘當修厭離求樂解脫諸比丘過去世時此毗富羅山名宿波羅首有諸人民遠山居止名赤馬邑人壽二萬歲彼諸人民

上此山頂經二日中乃得往反余時
有佛名曰迦葉如來應供乃至出興
於世演說經法初中後善善義善味
純一滿淨梵行清白開示顯現比丘
當知宿波羅首山名字久滅赤馬邑
人亦久亡沒彼佛世尊亦般涅槃如
是比丘一切諸行皆悉无常不恒不
安變易之法是故比丘當修厭離離
欲解脫諸比丘今日此山名毗富羅
有諸人民遶山而居名摩竭提因此
諸人民壽命百歲善自消息得滿百
歲摩竭提人上此山頂須臾往反我
今於此得成如來應等正覺乃至佛
世尊演說正法教化令得寂滅涅槃
正道善遊覺知比丘當知此毗富羅
山名亦當磨滅摩竭提人亦當亡沒
如來不久當般涅槃如是比丘一切
諸行悉皆无常不恒不安變易之法
是故比丘當修厭離離欲解脫今時
世尊即說偈言

古昔長竹山 伍殊羅村邑 次名朋迦山
阿毗迦聚落 宿波羅首山 聚落名赤馬
今毗富羅山 國名摩竭提 名山悉磨滅

其人志沒亡 諸佛般涅槃 有者無不盡
一切行元常 悉皆生滅法 有生無不盡
唯寂滅為樂

佛說此經已 諸比丘聞佛所說歡喜
奉行

如是我聞一時佛住王舍城迦蘭陀
竹園時有婆蹉種出家來詣佛所合
掌問訊問訊已退坐一面白佛言瞿
曇欲有所問寧有閑暇見答以不佛
告婆蹉種出家隨汝所問當為汝說
婆蹉種出家白佛言云何瞿曇命即
身耶佛告婆蹉種出家命即身者此
是無記云何瞿曇為命異身異耶佛
告婆蹉種出家命異身異者此亦無
記婆蹉種出家白佛云何瞿曇命即
身耶答言無記命異身異答言無記
沙門瞿曇有何等奇弟子命終即記
說言某生彼處某生彼處彼諸弟子
於此命終捨身即棄意生身生於餘
處當於今時非為命異身異也佛告
婆蹉此說有餘不說無餘婆蹉白佛
瞿曇云何說有餘不說無餘佛告婆
蹉譬如火有餘得然非無餘婆蹉白

佛我見火無餘亦然佛告婆蹉云何
見火無餘亦然婆蹉白佛譬如大聚
熾火疾風來吹火飛空中豈非無餘
火耶佛告婆蹉風吹飛火即是有餘
非無餘也婆蹉白佛瞿曇空中飛火
云何名有餘佛告婆蹉空中飛火依
風故住依風故然以依風故故說有
餘婆蹉白佛衆生於此命終棄意生
身往生餘處云何有餘佛告婆蹉衆
生於此處命終棄意生身生於餘處
當於今時因愛故取因愛而住故說
有餘婆蹉白佛衆生以愛樂有餘染
著有餘唯有世尊得彼無餘成等正
覺沙門瞿曇世間多緣請辭還去佛
告婆蹉宜知是時婆蹉出家聞佛所
說歡喜隨喜從坐起而去

如是我聞一時佛住王舍城迦蘭陀
竹園今時尊者大目犍連亦於彼住
時有婆蹉種出家詣尊者大目犍連
所與尊者目犍連面相問及慰勞慰
勞已退坐一面語尊者大目犍連欲
有所問寧有閑暇見答以不目連答
言婆蹉隨意所問知者當答時婆蹉

重出家問尊者目捷連何因何緣餘
沙門婆羅門有人來問大何如來有
後死無後死有無後死非有非無後
死皆悉隨答而沙門瞿曇有未問言
如來有後死無後死有無後死非有
非無後死而不記說目捷連言婆蹉
餘沙門婆羅門於色色集色滅色味
色患色出不如實知不如實知故於
如來有後死則取著如來無後死有
後死有無後死非有後死非無後死則
生取著受想行識識集識滅識味識
患識出不如實知不如實知故於如
來有後死生取著無後死有無後死
非有非無後死生取著如來者於色
如實知色集色滅色味色患色出
如實知如實知故於如來有後死則
不著無後死有無後死非有非無後
死則不著受想行識如實知識識集識
滅識味識患識出如實知如實知故
於如來有後死則不然無後死有無
後死非有非無後死則不然甚深廣
大无量無數皆悉寂滅婆蹉如是因
如是緣餘沙門婆羅門若有來問如

來有後死無後死有無後死非有非
無後死則為記說如是曰如是緣如
來若有來問如來有後死無後死有
无後死非有非無後死不為記說時
婆蹉種出家聞尊者大目犍連所說
歡喜隨喜從坐起而去

如是我聞一時佛住王舍城迦蘭陀
竹園時有婆蹉種出家來詣佛所合
掌問訊問訊已退坐一面白佛言瞿
曇何因何緣餘沙門婆羅門若有來
問如上廣說今時婆蹉種出家歎言
奇我瞿曇弟子大師義同義句同句
味同味乃至同第一義瞿曇我今詣
摩訶目犍連以如是義如是句如是
味而問於彼彼亦以如是義如是句
如是味而答我如今瞿曇所說是故
瞿曇真為奇特大師弟子義同義句
同句味同味同第一義今時婆蹉種
出家有諸因緣至那梨聚落營事訖
已詣尊者說陀迦旃延所共相問訊
問訊已退坐一面問訊陀迦旃延何
因何緣沙門瞿曇若有來問如來有
後死無後死有無後死非有非無後

死不為記說說隨迦旃延語婆蹉種
出家我今問汝隨意答我於汝意云
何若因若緣若行身施若色若無色
若想若非想若非想非非想若非因
彼緣彼行無餘行滅未滅已如來於
彼有所記說言有後死無後死有無
後死非有非無後死耶婆蹉種出家
語說隨迦旃延若因若緣若種施設
諸行若色若非色若想若非想若非
想非非想彼因彼緣彼行無餘滅云
何瞿曇於彼記說如來有後死無後
死有無後死非有非無後死說隨迦
旃延語婆蹉種出家是故如來以是
因以是緣故有問如來有後死無後
死有無後死非有非無後死不為記
說婆蹉種出家問說隨迦旃延汝於
沙門瞿曇雲弟子為日久如說隨迦旃
延答言少過三年於正法律出家索
梵行婆蹉種出家言說隨迦旃延快
得善利少時出家而得如是身律儀
口律儀又得如是智慧辯才時婆蹉
種出家聞說隨迦旃延所說歡喜隨
喜從坐起去

如是我聞一時佛住王舍城迦蘭陀
竹園時有婆蹉種出家來詣佛所合
掌問訊問訊已退坐一面白佛言瞿
曇欲有所問寧有閑暇為解說不佛
告婆蹉種出家隨所欲問當為汝說
婆蹉種出家白佛言瞿曇何因何緣
有人來問如來有後死無後死有無
後死非有非無後死而不為記說耶
佛告婆蹉種出家如上說陀迦旃延
廣說乃至非有非無後死婆蹉種出
家白佛言奇哉瞿曇師及弟子義義
同句句同味味同其理悉合所謂第
一句說瞿曇我為小緣事至那利伽
聚落營事訖已暫過沙門迦旃延以
如是義如是句如是味問沙門迦旃
延彼亦以如是義如是句如是味答
我所問如今沙門瞿曇所說是故當
知實為奇特師及弟子義句句義句
味悉同時婆蹉種出家聞佛所說歡
喜隨喜從坐起而去

如是我聞一時佛住王舍城迦蘭陀
竹園時有婆蹉種出家來詣佛所合
掌問訊問訊已退坐一面白佛言六

何瞿曇為有我耶今時世尊默然不
答如是再三今時世尊亦再三不答
今時婆蹉種出家作是念我已三問
沙門瞿曇而不見答但當還去時尊
者阿難位於佛後執扇扇佛今時阿
難白佛言世尊彼婆蹉種出家三問
世尊何故不答豈不增彼婆蹉種出
家惡邪見言沙門不能答其所問佛
告阿難我若答言有我則增彼先来
邪見若答言無我彼先癡惑豈不更
增癡惑言先有我從今斷滅若先来
有我則是常見於今斷滅則是斷見
如來離於二邊處中說法所謂是事
有故是事有是事起故是事生謂緣
無明行乃至生老病死憂悲惱苦滅
佛說此經已尊者阿難聞佛所說歡
喜奉行

如是我聞一時佛住王舍城迦蘭陀
竹園今時婆蹉種出家來詣佛所與
世尊面相問訊問訊已退坐一面向
佛言瞿曇云何瞿曇作如是見如是
說世間常此是真實餘則虛妄耶佛
告婆蹉種出家我不作如是見如是

說世間常是則真實餘則虛妄云何
瞿曇作如是見如是說世間无常常
无常非常非無常有邊无邊邊無邊
非邊非無邊命即是身命異身異如
來有後死無後死有無後死非有非
無後死佛告婆蹉種出家我不作如
是見如是說乃至非有非無後死亦
時婆蹉種出家白佛言瞿曇於此見
見何等過患而於此諸見一切不說
佛告婆蹉種出家若作是見世間常
此則真實餘則虛妄者此是倒見此
是觀察見此是動搖見此是垢汙見
此是結見是苦是悶是惱是熱見結
所繫愚癡無聞凡夫於未來世生老
病死憂悲惱苦生婆蹉種出家若作
是見世間无常常無常非常非无常有
邊无邊邊無邊非有邊非無邊是命
是身命異身異如來有後死無後死
有無後死非有非無後死此是倒見
乃至憂悲惱苦生婆蹉種出家白佛
瞿曇何所見佛告婆蹉種出家如來
所見已畢婆蹉種出家然如來見謂
見此苦聖諦此苦集聖諦此苦滅聖

諦此苦滅道跡聖諦作如是知如是見已於一切見一切受一切生一切伐我所見我慢繫著使斷滅寂靜清涼真實如是等解脫比丘生者不然不生亦不然婆蹉白佛瞿曇何故說言生者不然佛告婆蹉我今問汝隨意答我婆蹉猶如有人於汝前然火汝見火然不即於汝前火滅汝見火滅不婆蹉白佛如是瞿曇佛告婆蹉若有人問汝向者火然今在何處為東方去耶西方南方北方去耶如是問者汝云何說婆蹉白佛瞿曇若有來作如是問者我當作如是答若有於我前然火薪草因緣故然若不增薪火則未滅不復更起東方南方西方北方去者是則不然佛告婆蹉我亦如是說色已斷已知受想行識已斷已知斷其根本如截多羅樹頭無復生分於未來世永不復起若至東方南西北方是則不然甚深廣大無量無數永滅婆蹉白佛我當說譬佛告婆蹉為知是時婆蹉白佛瞿曇譬如近城邑聚落有好淨地生堅固林

有一大堅固樹其生已來經數千歲
日夜既久枝葉零落皮膚枯朽唯幹
獨立如是瞿曇如來法律離諸枝條
柯葉唯空幹堅固獨立今時婆蹉出
家聞佛所說歡喜隨喜從坐起去
如是我聞一時佛住王舍城迦蘭陀
竹園時有婆蹉種出家來詣佛所與
世尊面相問訊慰勞已退坐一面白
佛言瞿曇彼云何無知故作如是見
如是說世間常此是真實餘則虛妄
世間无常世間常無常世間非常非
无常世有邊世無邊世有邊無邊世
非有邊非無邊命即是身命異身異
如來有後死無後死有無後死非有
非無後死佛告婆蹉於色無知故作
如是見如是說世間常此是真實餘
則虛妄乃至非有非無後死於受想
行識無知故作如是見如是說世間
常此是真實餘則虛妄乃至非有非
無後死婆蹉白佛瞿曇知何法故不
如是見如是說世間常此是真實餘則
虛妄乃至非有非無後死佛告婆蹉
知色故不如是見如是說世間常此

是真實餘則虛妄乃至非有非無後
死知受想行識故不作如是見如是
說世間常此是真實餘則虛妄乃至
非有非無後死如是不知知如是不
見見不識識不斷斷不觀觀不察察
不覺覺佛說此經已婆蹉種出家聞

佛所說歡喜隨喜從坐起而去

如是我聞一時佛住王舍城迦蘭陀
竹園時有婆蹉種出家來詣佛所與
世尊面相慰勞已退坐一面白佛言
瞿曇欲有所問寧有閑暇為解說不
爾時世尊默然而住婆蹉種出家第
二第三問佛亦第二第三默然而住
時婆蹉種出家白佛言我與瞿曇共
相隨順今有所問何故默然爾時世
尊作是念此婆蹉種出家長夜質直
不諂不偽時有所問皆以不知故非
故惱乱我今當以阿毗曇律納受於
彼作是念已告婆蹉種出家隨汝所
問當為解說婆蹉白佛大何瞿曇有
善法耶佛答言有婆蹉白佛當為我
說善不善法今我得解佛告婆蹉我
今當為汝略說善不善法諦聽善思

婆蹉貪欲者是不善法調伏貪欲是則善法瞋恚愚癡是不善法調伏恚癡是則善法煞生者是不善法離煞生者是則善法偷盜邪婬妄語兩舌惡口綺語貪恚邪見是不善法不盜乃至正見是則善法是為婆蹉我今已說三種善法三種不善法如是聖弟子於三種善法三種不善法如實知十種不善法十種善法如實知者則於貪欲無餘滅盡瞋恚愚癡無餘滅盡者則於一切有漏滅盡無漏心解脫慧解脫現法自知作證我生已盡梵行已立所作已作自知不受後有婆蹉白佛頗有一比丘於此法律得盡有漏無漏心解脫乃至不受後有耶佛告婆蹉不但若一若二若三乃至五百有衆多比丘於此法律盡諸有漏乃至不受後有婆蹉白佛且置比丘有一比丘居於此法律盡諸有漏乃至不受後有不佛告婆蹉不但一二三比丘居乃至五百有衆多比丘居於此法律盡諸有漏乃至不受後有婆蹉白佛置比丘居有一優婆

塞修諸梵行於此法律度狐疑不佛
告婆蹉不但一二三乃至五百優婆
塞乃有衆多優婆塞修諸梵行於此
法律斷五下分結得成阿那含不復
還生此婆蹉白佛復置優婆塞頗有
一優婆夷於此法律修持梵行於此
法律度狐疑不佛告婆蹉不但一二
三優婆夷乃至五百乃有衆多優婆
夷於此法律斷五下分結於彼化生
得阿那含不復還生此婆蹉白佛置
比丘比丘尼優婆塞優婆夷修梵行
者頗有優婆塞受五欲而於此法律
度狐疑不佛告婆蹉不但一二三乃
至五百乃有衆多優婆塞居家妻子
香華嚴飾畜養奴婢於此法律斷三
結貪恚癡薄得斯陀含一往一來究
竟苦邊婆蹉白佛復置優婆塞頗有
一優婆夷受習五欲於此法律得度
狐疑不佛告婆蹉不但一二三乃至
五百乃有衆多優婆夷在於居家畜
養男女服習五欲華香嚴飾於此法
律三結盡得須陀洹不墮惡趣法決
定正向三菩提七有天人往生究竟

苦邊婆蹉白佛言瞿曇若沙門瞿曇
成等正覺若比丘比丘尼優婆塞優
婆夷修梵行者及優婆塞優婆夷服
習五欲不得如是功德者則不滿足
以沙門瞿曇成等正覺比丘比丘尼
優婆塞優婆夷於諸梵行及優婆塞
優婆夷服習五欲而成就今所功德
故則為滿足瞿曇今當說譬佛告婆
蹉隨意所說婆蹉白佛如天大雨水
流隨下瞿曇法律亦復如是比丘比
丘尼優婆塞優婆夷若男若女悉皆
隨流向於涅槃沒輪涅槃甚奇佛法
僧平等法律為餘異道出家來詣瞿
曇所於正法律求出家受具足者幾
時便聽出家佛告婆蹉若餘異道出
家欲求於正法律求出家受具足者
乃至四月於和尚所受依而住然此
是為人粗作齊限耳婆蹉白佛若諸
異道出家來於正法律欲求出家受
具足聽於和尚所受依若滿四月聽
出家者我今堪能於四月在和尚所
受依若於正法律而得出家受具足
我當於瞿曇法中出家受具足修持

梵行佛告婆蹉我先不說粗為人作
分齊耶婆蹉白佛如是瞿曇今時世
尊告諸比丘汝等當度彼婆蹉出家
於正法律出家受具足婆蹉種出家
即得於正法律出家受具足成比丘
分乃至半月學所應知應識應見應
得應覺應證念知念識念見念得念
覺念證如來正法尊者婆蹉作是念
我今已覺所應知應識應見應得應
覺應證彼一切念知念識念見念得
念覺念證今當往見世尊是時婆蹉
詣世尊所稽首礼足於一面住白佛
言世尊我於學所應知應識應見應
得應覺應證念知念識念見念得念
覺念證世尊正法唯願世尊為我說
法我聞法已當獨一靜處專精思惟
不放逸住思惟所以善男子剷除麤
麤著袈裟衣正信出家學道乃至自
知不受後有佛告婆蹉有二法修習
多修習所謂止觀此二法修習多修
習得知界果覺了於界知種種界覺
種種界如是比丘欲求離欲惡不善
法乃至第四禪具足住慈悲喜捨空

入處識入處無所有入處非想非非
想入處令我三結盡得須陀洹三結
盡貪恚癡薄得斯陀含五下分結盡
得阿那含種種神通境界天眼天耳
他心智宿命智生死智漏盡智皆悉
得是故比丘當修二法修習多修習
修二法故知種種界乃至漏盡余時
尊者婆蹉問佛所說歡喜作禮而去
余時婆蹉獨一靜處專精思惟不放
逸住乃至自知不受後有時有衆多
比丘莊嚴方便欲詣世尊恭敬供養
余時婆蹉問衆多比丘汝等莊嚴方
便欲詣世尊恭敬供養耶諸比丘荅
言余余時婆蹉語諸比丘尊者持我
語敬礼世尊問計起居輕利少病少
惱安樂住不言婆蹉比丘白世尊言
我已供養世尊具足奉事令歡悅非
不歡悅大師弟子所作皆悉已作供
養大師令歡悅非不歡悅時衆多比
丘往詣佛所稽首礼足退坐一面白
佛言世尊尊者婆蹉稽首敬禮世尊
足乃至歡悅非不歡悅佛告諸比丘
諸天光已語我汝今復說如來成就

第一知見亦如婆蹉比丘有如是德
力今時世尊為彼婆蹉比丘說第一
記佛說此經已諸比丘聞佛所說歡
喜奉行

如是我聞一時佛住王舍城迦蘭陀
竹園時有外道出家名曰鬱伽迦來
詣佛所與世尊面相問訊慰勞已退
坐一面白佛言瞿曇云何瞿曇世有
邊耶佛告鬱伽迦此是無記鬱伽迦
白佛云何瞿曇世無邊耶有邊无邊
耶非有邊非無邊耶佛告鬱伽迦此
是無記鬱伽迦白佛云何瞿曇世有
邊耶答言無記世無邊耶世有邊無
邊耶世非有邊非無邊耶答言無記
瞿曇於何等法而可記說佛告鬱
伽迦知者智者我為諸弟子而記
說道令正盡苦究竟苦邊鬱伽迦
白佛云何瞿曇為諸弟子說道令
正盡苦究竟苦邊為一切世間從此
道出為少分耶今時世尊默然不答
第二第三問佛亦第二第三默然不
答今時尊者阿難住於佛後執扇扇
佛尊者阿難語鬱伽迦外道出家汝

初已問此義今復以異說而問是故
世尊不為記說鬱伽迦今當為汝說
譬夫智者因譬得解譬如國王有邊
境城四周堅固巷陌平正唯有一門
立守門者聰明黠慧善能等量外有
人來應入者聽入不應入者不聽同
面遶城求第二門都不可得都無猶
狸出入之處况第二門彼守門者都
不覺悟入者出者然彼士夫知一切
人唯從此門若出若入更無餘處如
是世尊雖不用心覺悟衆生一切世
間從此道出及以少分然知衆生正
盡苦究竟苦邊者一切皆悉從此道
出時鬱伽迦外道出家聞佛所說歡
喜隨喜從坐起而去

如是我聞一時佛住王舍城迦蘭陀
竹園時有尊者富隣尼住王舍城耆
闍崛山中時有衆多外道出家詣尊
者富隣尼共相問訊慰勞已退坐一
面問尊者富隣尼我聞沙門瞿曇作
斷滅破壞有教授耶今問尊者富隣
尼竟為余不富隣尼語諸外道出家
我不如是知世尊教語衆生斷滅壞

有令無所有者無有是處我作如是
解世尊所說有諸衆生計言有我我
慢邪慢世尊為說令其斷滅時諸外
道出家聞富隣尼所說心不喜悅呵
責而去尔時尊者富隣尼諸外道去
已往詣佛所稽首礼足退坐一面以
向諸外道出家所說具白世尊世尊
我向答諸外道說得無謗毀世尊耶
為是法說如佛所說如法說隨順法說
得不為諸論議者所見嫌責耶佛告
富隣尼如汝所說不謗如來不失次
第如我記說如法法說隨順法說不
為諸論者之所嫌責所以者何富隣
尼先諸衆生我慢邪慢邪慢所迫邪
慢集邪慢不無間等乱如狗腸如鐵
鉤鏢亦如乱草徃反駁馳此世他世
他世此世駁馳徃反不能遠離富隣
尼一切衆生於諸邪慢無餘永滅者
彼一切衆生長夜安隱快樂佛說此
經已富隣尼比丘聞佛所說歡喜
奉行

如是我聞一時佛住王舍城迦蘭陀
竹園尔時尊者阿難陀於後夜時向

檣補河邊脫衣置岸邊入水洗手足
還上岸者一衣摩拭身體時俱迦那
外道出家亦至水邊尊者阿難聞其
行聲聞聲已即便聲咳作聲俱迦那
外道出家聞有人聲而問言為何等
人尊者阿難答言沙門俱迦那外道
言何等沙門尊者阿難答言釋種子
俱迦那外道言欲有所問寧有閑暇
見答以不尊者阿難答言隨意所問
知者當答俱迦那言云何阿難如來
死後有耶阿難答言世尊所說此是
無記復問如來死後無耶死後有無
耶非有非無耶阿難言世尊所說此
是無記俱迦那外道言云何阿難如
來死後有答言無記死後無死後有
無死後非有非無答言無記云何阿
難為不知不見耶阿難答言非不知
非不見悉知悉見復問阿難云何知
云何見阿難答言見可見處見所起
處見細斷處此則為知此則為見我
如是知如是見云何說言不知不見
俱迦那外道復問尊者何名阿難陀
答言我名阿難陀俱迦那外道言奇

我大師弟子而共論議我若知是尊者阿難隨者不敢發問說是語已即捨而去
如是我聞一時佛住舍衛國祇樹給孤獨園時給孤獨長者日日出見世尊礼事供養給孤獨長者作是念我今出太早世尊及諸比丘禪思未起我寧可過諸外道住處即入外道精舍與諸外道共相問訊慰勞已退坐一面時彼外道問言長者汝見沙門瞿曇云何見何所見長者答言我亦不知云何見世尊世尊何所見諸外道言汝言見衆僧云何見衆僧衆僧何所見長者答言我亦不知云何見何所見長者答言我亦不知云何見僧僧何所見外道復問長者汝今云何言見自何所見長者答言汝等各各自說所見然後我說所見亦不難時有一外道作如是言長者我見一切世間常是則真實餘者虛妄復有說言言長者我見一切世間无常此是真實餘則虛妄復有說言常無常此是真實餘則虛妄復有說言世間非常非無常此是真實餘則

虛妄復有說言世有邊此是真實餘則虛妄復有說言世無邊此是真實餘則虛妄復有說言世有邊無邊復有說言世非有邊非無邊復有說言命則是身復有說言命異身異復有說言如來死後有復有說言如來死後無復有說言如來死後非有非無此是真實餘則虛妄諸外道語長者言我等各已說所見汝復應說汝所見長者荅言我之所見真實有為思量緣起若復真實有為思量緣起者彼則無常无常者是苦如是知已於一切見都無所得如汝所見世間常此是真實餘則虛妄者此見真實有為思量緣起若真實有為思量緣起者是則無常無常者是苦是故汝等習近於苦唯得於苦堅住於苦深入於苦如是汝言世間无常此是真實餘則虛妄有如是各世間常無常非常非無常世有邊世無邊世有邊無邊世非有邊非無邊命即是身命異身異如來死後有如來死後無如來死

後有然如來死後非有非無此是真
實餘則虛妄皆如上說有一外道語
給孤獨長者言如汝所說若有見彼
則真實有為思量緣起者是无常法
若無常者是苦是故長者所見亦習
近苦得苦住苦深入於苦長者答言
我先不言所見者是真實有為思量
緣起法悉皆无常无常者是苦知苦
已我於所見無所得耶彼外道言如
是長者今時給孤獨長者於外道精
舍伏彼異論建立正論於異學衆中
作師子吼已往詣佛所稽首礼足退
坐一面以向與諸外道共論事向佛
廣說佛告給孤獨長者善哉善哉宜
應時時摧伏愚癡外道建立正論佛
說是語已給孤獨長者歡喜隨喜作
礼而去

如是我聞一時佛住王舍城迦蘭陀
竹園時有長爪外道出家來詣佛所
與世尊面相問訊慰勞已退坐一面
白佛言瞿曇我一切見不忍佛告火種
汝言一切見不忍者此見亦不忍耶
長爪外道言向言一切見不忍者此

見亦不忍佛告火種如是知如是見
此見則已斷已捨已離餘見更不相
續不起不生火種多人與汝所見同
多人作如是見如是說汝亦與彼相
似火種若諸沙門婆羅門捨斯等見
餘見不起是等沙門婆羅門世間亦
少少耳火種依三種見何等為三有
一如是見如是說我一切忍復次有
一如是見如是說我於一忍一不
有一如是見如是說我於一忍一不
忍火種若言一切忍者此見與貪俱
生非不貪與恚俱生非不恚與癡俱
生非不癡繫不離繫煩惱非清淨樂
取染著生若如是見我一切不忍此
見非貪俱非恚俱非癡俱清淨非煩
惱離繫非繫不樂不取不著生火種
若如是見我一忍一不忍彼若忍者
則有貪乃至染著生若如是見不忍
者則離貪乃至不染著生彼多聞聖
弟子所學言我若作如是見如是說
我一切忍則為二者所責所詰何等
二種謂一切不忍及一忍一不忍則
為此等所責責故詰詰故害彼見上貢

見詰見害故則捨所見餘見則不復
生如是斷見捨見離見餘見不復相
續不起不生彼多聞聖弟子作如是
學我若如是見如是說我一切不忍
者則有二種二詰何等為二謂我一
切忍及一忍一不忍如是二責二詰
乃至不相續不起不生彼多聞聖弟
子作如是學我若作如是見如是說
一忍一不忍則有二責二詰何等二
謂如是見如是說我一切忍及一切
不忍如是二責乃至不相續不起不
生復次火種如是身色麤四大聖弟
子當觀无常觀生滅觀離欲觀滅盡
觀捨若聖弟子觀无常觀滅觀離欲
身愛身染身著未滅不住火種有三
種受謂苦受樂受不苦不樂受此三
種受何因何集何生何轉謂此三受
觸因觸集觸生觸轉彼彼觸集則受
集彼彼觸滅則受滅寂靜清涼未盡
彼於此三受覺苦覺樂覺不苦不樂
彼彼受若集若滅若味若患若出如
實知如實知已即於彼受觀察无常觀

生滅觀離欲觀滅盡觀捨彼於身分
齊受覺如實知於命分齊受覺如實
知若彼身壞命終後即於今時一切
受永滅無餘永滅彼作是念樂受覺
時其身亦壞苦受覺時其身亦壞不
苦不樂受覺時其身亦壞志為苦邊
於彼樂覺離繫不繫於彼苦覺離繫
不繫於不苦不樂覺離繫不繫於何
離繫離於貪欲瞋恚愚癡離於生老
病死憂悲惱苦我說斯等名為離苦
當於今時尊者舍利弗受具足始經
半月時尊者舍利弗住於佛後執扇
扇佛時尊者舍利弗作是念世尊歎
說於彼彼法斷欲離欲滅盡欲捨
今時尊者舍利弗即於彼彼法觀察
无常觀生滅觀離欲觀滅盡觀捨不
起諸漏心得解脫今時長爪外道出
家遠塵離垢得法眼淨長爪外道出
家見法得法覺法入法度諸疑惑不
由他度入正法律得无所畏即從坐
起整衣服為佛作礼合掌白佛願得
於正法律出家受具足於佛法中修
諸梵行佛告長爪外道出家汝得於

正法律出家受具足戒比丘分即得
善未比丘出家彼思惟所以善男子
剝除黷賤著袈裟衣正信非家出家
學道乃至心善解脫得阿羅漢佛說
是經已尊者舍利弗尊者耆長伽闍佛
所說歡喜奉行

雜阿含經卷第三十四

乙巳歲高麗國大藏都監奉

勅雕造

雜阿含經卷第三十四

第三十四 凡

華阿含經卷第三十五

川

宋天竺三藏求那跋陀羅譯

如是我聞一時佛住王舍城迦蘭陀
竹園時王舍城有外道出家名舍羅
步住須摩竭陀池側於白衆中作如
是唱言沙門釋子法我志知我先已
知彼法律而志棄捨時有衆多比丘
晨朝著衣持鉢入王舍城乞食間有
外道名舍羅步住王舍城須摩竭陀
池側於白衆中作如是唱沙門釋子
所有法律我志已知先已知彼法律
然後棄捨聞是語已乞食畢還精舍
舉衣鉢洗足已往詣佛所稽首礼足
退坐一面白佛言世尊我等晨朝著
衣持鉢入王舍城乞食聞有外道出
家名舍羅步住王舍城須摩竭陀池
側於白衆中作是唱言沙門釋子法
我已志知知彼法律已然後棄捨善
哉世尊可自往彼須摩竭陀池側憐
愍彼故尔時世尊默然而許於日晡
時從禪覺往到須摩竭陀池側外道
舍羅步所時舍羅步外道出家遙見

世尊來即敷床坐請佛令坐佛即就
坐告舍羅步言汝實作是語沙門釋
子所有法律我悉已知知彼法律已
然後棄捨耶時舍羅步默而不答佛
告舍羅步汝今應說何故默然汝所
知滿足者我則隨喜不滿足者我當
令汝滿足時舍羅步猶故默然如是
第二第三說彼再三默然住時舍羅
步有一梵行弟子白舍羅步言師應
往詣沙門瞿曇說所知見今沙門瞿
曇自來詣此何故不說沙門瞿曇又
告師言若滿足者我則隨喜不滿足
者當令滿足何故默然而不記說彼
舍羅步梵行弟子勸時亦復默然余
時世尊告舍羅步若復有言沙門瞿
曇非如來應等正覺我若善諫善問
善諫善問時彼則遼落說諸外事或
忿恚慢覆對閔不忍無由能現或默
然抱愧低頭密自思省如今舍羅步
若復作如是言非沙門瞿曇無正法
律者我若善諫善問彼亦如汝今日默
然而住若復有言非沙門瞿曇聲聞
善向者我若善諫善問彼亦乃至如

汝今日默然而住。尔時世尊於須摩
竭陀池側。師子吼已。從坐起而去。尔
時舍羅步梵行弟子。語舍羅步言。譬
如有牛。截其兩角。入空牛欄中。跪地
大吼。師亦如是。於无沙門瞿曇弟子
衆中。作師子吼。譬如女人欲作丈夫。
聲發聲。即作女聲。師亦如是。於非沙
門瞿曇弟子衆中。作師子吼。譬如野
干欲作狐聲。發聲還作野干聲。師亦
如是。於非沙門瞿曇弟子衆中。欲作
師子吼時。舍羅步梵行弟子。於舍羅
步面前呵責毀呿。已從坐起去。
如是我聞。一時佛住王舍城迦蘭陀
竹園。尔時王舍城須摩竭陀池側。有
外道出家名上。坐往彼池側。於自衆
中。作如是語。我說一偈。若能報者。我
當於彼修行。梵行時。有衆多比丘。晨
朝著衣持鉢。入王舍城乞食。聞有外
道出家名曰上座。住須摩竭陀池側。
於自衆中。作如是說。我說一偈。有能
報者。我當於彼所修行。梵行乞食畢。
還精舍。舉衣鉢洗足已。詣佛所。稽首
佛足。退坐一面。白佛言。世尊。我今晨

報與衆多比丘入城乞食聞有外道
出家名曰上坐住須摩竭陀池側於
自衆中作如是說我說一偈有能報
者我當於彼修行梵行唯願世尊應
自往彼哀愍故今時世尊默然而許
即日晡時從禪覺往至須摩竭陀池
側時上坐外道出家遙見世尊即敷
床座請佛令坐世尊坐已告上坐外
道出家言汝實作是語我說一偈若
能報者我當於彼修行梵行耶汝今
便可說偈我能報答時彼外道即累
繩床以為高座自昇其上即說偈言
比丘以法活不恐怖衆生意寂行捨離
持戒順息止

今時世尊知彼上坐外道心即說偈言
汝於所說偈能自隨轉者我當於汝所
作善士夫觀觀汝今所說言行不相應
寂止自調伏莫恐怖衆生行意寂遠離
受持淨戒者順調伏寂止身口心離惡
善攝於住處不令放逸者是則名隨順
調伏及寂止

今時上坐外道出家作是念沙門瞿
曇已知我心即從床而下合掌白佛

言今我可得於正法律出家受具足
成比丘法不佛告上坐外道出家今汝
可得於正法律出家受具足成比丘
分如是上坐外道出家得出家作比
丘已思惟所以善男子剝除鬚鬘著
袈裟衣正信非家出家學道乃至心
善解脫得阿羅漢

如是我聞一時佛住王舍城迦蘭陀
竹園時有衆多婆羅門出家住須摩
竭陀池側集聚一處作如是論如是
婆羅門真諦如是婆羅門真諦今時
世尊知彼衆多婆羅門出家心念往
到須摩竭陀池側時衆多婆羅門出
家還見佛來即為佛敷床座請佛就
坐佛即就坐告諸婆羅門出家汝等
於此須摩竭陀池側衆共集聚何所
論說婆羅門出家白佛言瞿曇我等
衆多婆羅門出家集於此坐作如是
論如是婆羅門真諦如是婆羅門真
諦佛告婆羅門出家有二種婆羅門
真實我自覺悟成等正覺而復為人
演說汝婆羅門出家作如是說不害
一切衆生是婆羅門真諦非為虛妄

彼於彼言我勝言相似言我卑若於
彼真諦不繫著於一切世間作慈心
色像是名第一婆羅門真諦我自覺
悟成等正覺為人演說復次婆羅門
作如是說所有集法皆是滅法此是
真諦非為虛妄乃至於彼真諦不計
著於一切世間觀察生滅是名第二
婆羅門真諦復次婆羅門作如是說
無我處所及事都無所有無我處所
及事都無所有此則真諦非為虛妄
如前說乃至於彼無所繫著一切世
間無我像類是名第三婆羅門真諦
我自覺悟成等正覺而為人說今時
衆多婆羅門出家默然住時世尊作
是念今映彼愚癡然彼惡者今此衆
中無一能自思量欲造因緣於沙門
瞿曇法中修行梵行如是知已從坐
起而去

如是我聞一時佛住拘睺彌團瞿師
羅園尊者阿難亦住於彼時有外道
出家名曰棉陀詣尊者阿難所止尊
者阿難共相問訊慰勞已退坐一面
問尊者阿難言何故於沙門瞿曇所

出家修梵行阿難答言為斷貪欲瞋
恚愚癡故於彼出家修梵行梅陁復
問彼能說斷貪欲瞋恚愚癡耶阿難
答言我亦能說斷貪欲瞋恚愚癡梅
陁復問汝見貪欲瞋恚愚癡有何過
患說斷貪欲瞋恚愚癡耶阿難答言
染著貪欲映障心故或自害或復害
他或復俱害現法得罪後世得罪現
法後世二俱得罪彼心常懷憂苦受
覺若瞋恚映障愚癡映障自害害他
自他俱害乃至常懷憂苦受覺又復
貪欲為盲為無目為無智為慧力羸
為障閼非明非等覺不轉向涅槃瞋
恚愚癡亦復如是我是貪欲瞋恚愚
癡有如是過患故說斷貪欲瞋恚愚
癡梅陁復問汝見斷貪欲瞋恚愚癡
有何福利而說斷貪欲瞋恚愚癡阿
難答言斷貪欲已不自害又不害他
亦不俱害又復不現法得罪後世得
罪現法後世得罪心法常懷喜樂受
覺瞋恚愚癡亦復如是於現法中常
離熾然不待時節有得餘現法緣自
覺知見有如是功德利益故說斷貪

欲瞋恚愚癡梅陀復問尊者阿難有道有跡修習多修習能斷貪欲瞋恚愚癡不阿難答言有謂八正道正見乃至正定梅陀外道白尊者阿難此是賢哉之道賢哉之跡修習多修習能斷貪欲瞋恚愚癡時梅陀外道聞尊者阿難所說歡喜隨喜從坐起而去

如是我聞一時佛住舍衛國祇樹給孤獨園尔時尊者舍利弗詣佛所稽首佛足退坐一面尔時世尊為尊者舍利弗種種說法亦教照喜亦教照喜已默然住時尊者舍利弗聞佛所說歡喜隨喜已稽首礼足而去時有外道出家補縷佉迦隨路而來問尊者舍利弗從何所來舍利弗答言火種我從我世尊所聽大師說教授法來補縷佉迦問尊者舍利弗今猶不離乳從師聞說教授法耶舍利弗答言火種我不離乳於大師所聞說教授法補縷佉迦語尊者舍利弗言我久已離乳捨師所說教授法舍利弗言汝法是惡說法律惡覺非為

出離非正覺道壞法非可讚歎法非
可依止法又彼師者非等正覺是故
汝等疾疾捨乳離師教法譬如乳牛
鹿惡狂騷又少乳汁彼犢飲乳疾疾
捨去如是惡說法律惡覺非出離非
正覺道壞法非可讚歎法非可依止
法又彼師者非等正覺是故速捨師
教授法我所有法是正法律是善覺
是出離正覺道不壞可讚歎可依止
又彼大師是等正覺是故久飲其乳
聽受大師說教授法譬如乳牛不龜
狂騷又多乳汁彼犢飲時久而不厭
我法如是是正法律乃至久聽說教
授法時補縷佉迦語舍利弗汝等快
得善利於正法律乃至久聽說教授
法時補縷佉迦外道出家聞舍利弗
所說歡喜隨喜從道而去

如是我聞一時佛住舍衛國祇樹給
孤獨園今時補縷佉迦外道出家來
詣佛所與世尊面相問訊慰勞已退
坐一面白佛言瞿曇先日衆多種種
異道出家沙門婆羅門集於未曾有
講堂作如是論議沙門瞿曇智慧猶

如空舍不能於大衆中建立論議此
應此不應此合此不合譬如盲牛偏
行邊畔不入中田沙門瞿曇亦復如
是無應不應無合不合佛告補縷匠
迦此諸外道論議說應不應合不合
於聖法律如小兒戲譬如士夫年八
九十髮白齒落作小兒戲團治泥土
作爲作馬種種形類衆人皆言此老
小兒如是火種種諸論謂應不應
合不合於聖法律如小兒戲然於彼
中無有比丘方便所應補縷匠迦白
佛瞿曇於何處有比丘方便所應佛
告外道不清淨者令其清淨是名比
丘方便所應不調令調是名比丘方
便所應諸不定者令得正受是名比
丘方便所應不解脫者令得解脫是
名比丘方便所應不斷令斷不知令
知不修令修不得令得是名比丘方
便所應去何不淨令淨謂戒不淨者
令其清淨去何不調伏令其調伏謂
眼根耳鼻舌身意根不調伏令其調伏
是名不調伏者令其調伏去何不定
令其正受謂心不正定令得正受去

何不解脫者令得解脫謂心不解脫
貪欲恚癡令得解脫云何不斷令斷
謂無明有愛不斷令斷云何不知令
知謂其名色不知令知云何不修令
修謂止觀不修令修云何不得令得
謂殷涅槃不得令得是名比丘方便
所應補縫任迦白佛言瞿曇是義比
丘方便所應是堅固比丘方便所應
所謂盡諸有漏時補縫任迦外道出
家聞佛所說歡喜隨喜從坐起而去
如是我聞一時佛住王舍城迦蘭陀
竹園時有外道出家名曰尸婆來詣
佛所與世尊面相問說慰勞已還坐
一面白佛言瞿曇云何為學所謂學
者云何學佛告尸婆學其所學故名
為學尸婆白佛何所學佛告尸婆隨
時學增上戒增上意學增上慧尸婆
白佛若阿羅漢比丘諸漏已盡所作
已作捨諸重擔逮得已利盡諸有結
正智善解脫當於今時復何所學佛
告尸婆若阿羅漢比丘諸漏已盡乃
至正智善解脫當於今時覺知貪欲
永盡無餘覺知瞋恚愚癡永盡無餘

故不復更造諸惡常行諸善尸婆是
名為學其所學時尸婆外道出家聞
佛所說歡喜隨喜從坐起去

如是我聞一時佛住王舍城迦蘭陀
竹園尔時尸婆外道出象來詣佛所
與世尊面相問訊慰勞已退坐一面
白佛言瞿曇有一沙門婆羅門作如
是見如是說若人有所知覺彼一切
本所作因修諸苦行令過去業盡更
不造新業斷於因緣於未來世無復
諸漏諸漏盡故業盡業盡故苦盡若
盡者究竟苦邊今瞿曇所說云何佛
告尸婆彼沙門婆羅門實尔洛漠說
耳不審不數思疑不善不辯所以者
何或從風起苦衆生覺知或從痰起
或從嚏唾起或等分起或自害或他
害或因節氣彼自害者或拔髮或拔
鬚或常立舉手或蹲地或卧灰土中
或卧棘刺上或卧枿上或板上或牛
屎塗地而卧其上或卧水中或日三
洗浴或一足而立身隨日轉如是衆
苦精勤有行尸婆是名自害他害者
或為他手石刀杖等種種害身是名

他害尸婆若復時節所害冬則大寒
春則大熱夏寒暑俱是名節氣所害世
間真實非為虛妄尸婆世間有此真
實為風所害乃至節氣所害彼衆生
如實覺知汝亦自有此患風痰涎唾
乃至節氣所害覺知是如實覺知尸
婆若彼沙門婆羅門言一切人所知
覺者皆是本所造因捨世間真實事
而隨自見作虛妄說尸婆有五因五
緣生心法憂苦何等為五謂因貪欲
纏緣貪欲纏生心法憂苦因瞋恚瞋
眠掉悔疑纏緣瞋恚睡眠掉悔疑纏
生彼心法憂苦尸婆是名五因五緣
生心法憂苦尸婆有五因五緣不生
心法憂苦何等為五謂因貪欲纏緣
貪欲纏生彼心法憂苦者離彼貪欲
纏不起心法憂苦是名五因五緣不
起心法憂苦現法得離熾然不待時
節通達現見緣自覺知尸婆復有現
法離熾然不待時節通達現見緣自
覺知謂八正道正見乃至正定說是
法時尸婆外道出家遠塵離垢得法
眼淨時尸婆外道出家見法得法知

法入法離諸狐疑不由於他入正法律得無所畏即從坐起整衣服合掌白佛世尊我今可得於正法律出家受具足得比丘分耶佛告尸婆汝今得出家如上說乃至心善解脫得阿羅漢

如是我聞一時佛住那羅聚落好衣菴羅園中尔時那羅聚落有商主外道出家百二十歲年耆根熟為那羅聚落諸沙門婆羅門長者居士尊重供養如阿羅漢彼商主外道出家先有宗親一人命終生天於彼天上見商主外道出家已作是念我欲往教彼商主外道出家詣世尊所修行梵行恐其不隨我語我今當往彼以意論令問即下那羅聚落詣彼商主外道出家所說偈而問

云何惡知識 現善知識相 云何善知識
如已同一體 何故求於斷 云何離熾然
若汝仙人持此意論而問於彼有能
分明解說其義而答汝者便可從彼
出家修行梵行時商主外道出家受
天所問持詣富蘭那迦葉所以此意

論偈問富蘭那迦葉彼富蘭那迦葉
尚自不解况復能答彼時商主外道
出家復至末迦梨瞿舍利子所刪闍
耶毗羅垣子所阿耨多枳舍欽婆羅
旃迦羅拘陀迦梅延所居軋陀若提
子所皆以此意論偈而問恚不能答
時商主外道出家作是念我以此意
論問諸出家師恚不能答我今復欲
求出家為我今自有財寶不如還家
服習五欲復作是念我今可往詣沙
門瞿曇然彼耆舊諸師沙門婆羅門
富蘭那迦葉等恚不能答而沙門瞿
曇年少出家詎復能了然我聞先宿
所說莫輕新學年少出家或有沙門
年少出家有大力今且當詣沙門
瞿曇詣已以彼意論心念而問如偈
所說今時世尊知彼商主心之所念
即說偈言

云何惡知識現善友相者內心實恥厭
口說我同心造事不樂同故知非善友
口說恩愛語心不實相應所作而不同
慧者應覺知是名惡知識現善知識相
與已同一體云何善知識與已同體者

非彼善知識放逸而不制沮壞懷疑惑
伺求其端緒安於善知識如子卧父懷
不為傍人聞當知善知識何故求於斷
生歡喜之處清涼稱讚歎修習福利果
清涼永息滅是故求於斷云何離熾然
寂靜止息味知彼遠離味遠離熾然惡
飲以法喜味寂滅離欲火是名離熾然
余時商主外道出家作是念沙門瞿
曇知我心念而白佛言我今得入沙
門瞿曇正法律中修行梵行出家受
具足成比丘分不佛告商主外道出
家汝今可得於正法律修行梵行出
家受具足成比丘分如是出家已思
惟乃至心善解脫得阿羅漢

如是我聞一時佛住俱舍那竭國力
土生處堅固雙樹林中余時世尊涅
槃時至告尊者阿難汝為世尊於雙
樹間敷繩床北首如來今日中夜於
無餘涅槃而般涅槃余時尊者阿難
奉教於雙樹間敷繩床北首訖來詣
佛所稽首佛足退住一面白佛言世
尊已於雙樹間敷繩床北首余時世
尊詣雙樹間於繩床上北首右脅而

卧足足相累繫念明想正念正智時
俱夷那竭國有須跋陀羅外道出家
百二十歲年耆根熟為俱夷那竭國
人恭敬供養如阿羅漢彼須跋陀羅
出家聞世尊今日中夜當於無餘涅
槃而般涅槃然我有所疑希望而住
沙門瞿曇有力能開覺我我今當詣
沙門瞿曇問其所疑即出俱夷那竭
詣世尊所今時尊者阿難於園門外
經行時須跋陀羅語阿難言我聞沙
門瞿曇今日中夜於无餘涅槃而般
涅槃我有所疑希望而住沙門瞿曇
有力能開覺我若阿難不憚勞者為
我往白瞿曇少有閑暇答我所問阿
難答言莫逼世尊世尊疲極如是須
跋陀羅再三請尊者阿難尊者阿難
亦再三不許須跋陀羅言我聞古昔
出家耆年大師所說久久乃有如來
應等正覺出於世間如優曇鉢花而
今如來中夜當於無餘涅槃界而般
涅槃我今於法疑信心而住沙門瞿
曇有力能開覺我若阿難不憚勞者
為我白沙門瞿曇阿難復答言須跋

陀羅莫逼世尊世尊今日疲極今時
世尊以天耳聞阿難與須跋陀羅共
語來往而告尊者阿難莫遮外道出
家須跋陀羅令入問其所疑所以者
何此是最後與外道出家論議此是
最後得證聲聞善來比丘所謂須跋
陀羅余時須跋陀羅世尊為開善根
歡喜增上詣世尊所與世尊面相問
訊慰勞已退坐一面白佛言瞿曇凡
世間入處謂富蘭那迦葉等六師各
作如是宗此是沙門此是沙門云何
瞿曇為實各各有是宗不尔時世尊
即為說偈言

始年二十九 出家修善道 成道至於今
經五十餘年 三昧明行具 常修於淨戒
離斯少道分 此外無沙門

佛告須跋陀羅於正法律不得八正
道者亦不得初沙門亦不得第二第
三第四沙門須跋陀羅於此法律得
八正道者得初沙門得第二第三第
四沙門除此已於外道無沙門斯則
異道之師空沙門婆羅門耳是故我
今於衆中作師子吼說是法時須跋

陀羅外道出家遠塵離垢得法眼淨
余時須跋陀羅見法得法知法入法
度諸狐疑不由地信不由他度於正
法律得無所畏從坐起整衣服右膝
著地白尊者阿難汝得善利汝得大
師為大師弟子為大師雨雨灌其頂
我今苦得於正法律出家受具足得
比丘分者亦當得斯善利時尊者阿
難白佛言世尊是須跋陀羅外道出
家今求於正法律出家受具足得比
丘分余時世尊告須跋陀羅此比丘
來修行梵行彼尊者須跋陀羅即於
余時出家即是受具足成比丘分如
是思惟乃至心善解脫得阿羅漢時
尊者須跋陀羅得阿羅漢解脫樂覺
知已作是念我不忍見佛般涅槃我
當先般涅槃時尊者須跋陀羅先般
涅槃已然後世尊般涅槃
如是我聞一時佛在跋耆人間遊行
至毗舍離國住狝猴池側重閣講堂
時毗舍離國有衆多賈客欲向怛利
尸羅國方便莊嚴是衆多賈客聞世
尊於跋耆人間遊行至毗舍離國住

狝狝池側重閣講堂聞已來詣佛所
稽首佛足退坐一面佛為諸賈客種
種說法示教照喜示教照喜已默然
住時諸賈客從坐起整衣服為佛作禮
合掌白佛言世尊我等諸賈客方便
莊嚴欲至怛剎尸羅國唯願世尊與
諸大衆明旦受我供養尔時世尊默
然而許時諸賈客知世尊受請已從
坐起禮佛足各還自家辦種種淨美
飲食敷床座安置淨水晨朝遣使白
佛時到尔時世尊與諸大衆著衣持
鉢詣諸賈客所就座而坐時諸賈客
以淨美飲食自手供養食畢洗鉢訖
取卑小床於大衆前坐聽佛說法尔
時世尊告諸賈客汝等當行於曠野
中有諸恐怖心驚毛豎尔時當念如
未事謂如來應等正覺乃至佛世尊
如是念者恐怖則除又念法事佛正
法律現法能離熾然不待時節通達
親近緣自覺知又念僧事世尊弟子
善向正向乃至世間福田如是念者
恐怖即除過去世時天阿須輪共聞
時天帝釋告諸天衆汝等與阿須輪

共聞戰之時生恐怖者當念我幢名
摧伏幢念彼幢時恐怖得除若不念
我幢者當念伊舍那天子幢若不念
伊舍那天子幢者當念婆留那天子
幢念彼幢時恐怖即除如是諸商人
沒等於曠野中有恐怖者當念如來
事法事僧事尔時世尊為諸毗舍離
賈客說供養隨喜偈

供養比丘僧 飲食隨時服 專念諦思惟
正知而行捨 淨物良福田 汝等志具足
緣斯功德利 長夜獲安樂 發心有所求
衆利志皆應 兩足四足安 道路往來安
夜安晝亦安 一切離諸惡 如沃壤良田
精純好種子 溉灌以時澤 收實不可量
淨戒良福田 精餽饌種子 正行以將順
終期妙果成 是故行施者 欲求脩衆德
當隨智慧行 衆果自然脩 於明行足尊
正心盡恭敬 種殖衆善本 終獲大福利
如實知世間 得具脩正見 具足見正道
具足而昇進 速離一切垢 速得涅槃道
究竟於苦邊 是名脩衆德

尔時世尊為諸毗舍離賈客說種種
法亦教照喜已從坐起去

如是我聞一時佛住舍衛國祇樹給
孤獨園尔時世尊告諸比丘若比丘
住於空閑樹下空舍有時恐怖心驚
毛豎者當念如來事及法事僧事如
前廣說念如來事法事僧事之時恐
怖即除諸比丘過去世時釋提桓因
與阿修羅共戰尔時帝釋語諸三十
三天言諸仁者諸天阿修羅共鬪戰
時若生恐怖心驚毛豎者汝當念我
伏敵之幢念彼幢時恐怖即除如是
比丘若於空閑樹下空舍而生恐怖
心驚毛豎者當念如來如來應等正
覺乃至佛世尊彼當念時恐怖即除
所以者何彼天帝釋懷貪恚癡於生
老病死憂悲惱苦不得解脫有恐怖
畏懼逃竄避難而猶告諸三十三天
令念我摧伏敵幢况復如來應等正
覺乃至佛世尊離貪恚癡解脫生老
病死憂悲惱苦無諸恐怖畏懼逃避
而不能令其念如來者除諸恐怖佛
說是經已諸比丘聞佛所說歡喜
奉行

如是我聞一時佛住娑呾國安闍鄰

林中今時世尊告尊者舍利弗我能
於法略說廣說但知者難尊者舍利
弗白佛言唯願世尊略說廣說法說
於法實有解知者佛告舍利弗若有
衆生於自識身及外境界一切相无我
我所我慢繫著使乃至心解脫慧解
脫現法自知作證具足住者於此識
身及外境界一切相無有我我所我
慢使繫著故我心解脫慧解脫現法
自知作證具足住

舍利弗彼比丘於此識身及外境界
一切相無有我我所見我慢繫著使
及心解脫慧解脫現法自知作證具
足住於此識身及外境界一切相無
有我我所見我慢繫著使彼心解脫
慧解脫現法自知作證具足住舍利
弗若復比丘於此識身及外境界一
切相無有我我所見我慢繫著使彼
心解脫慧解脫現法自知作證具足
住舍利弗若復比丘於此識身及外
境界一切相無有我我所見我慢繫著
使彼心解脫慧解脫現法自知作證
具足住於此識身及外境界一切相

無我我所見我慢繫著使彼心解脫
慧解脫現法自知作證具足住舍利
弗是名比丘斷愛縛結慢無間等究
竟苦邊舍利弗我於此有餘說答波
羅延富隣左迦旃問

世間數差別安所遇不動寂靜離諸塵
拔根無惓望已度三有海無復老死患
佛說是經已尊者舍利弗聞佛所說
歡喜隨喜即從坐起作禮而去

如是我聞一時佛住舍衛國祇樹給
孤獨園尔時尊者阿難住舍衛國祇
樹給孤獨園獨一靜處如是思惟或
有一人作如是念我於此識身及外
境界一切相無有我我所見我慢繫
著使及心解脫慧解脫現法自知作
證具足住於此識身及外境界一切
相無有我我所見我慢繫著使我當
於彼心解脫慧解脫現法自知作證
具足住尔時尊者阿難瞋時從禪覺
詣世尊所稽首禮足退坐一面白佛
言世尊我獨一靜處作是思惟若有
一人作如是言我此識身及外境界
一切相乃至自知作證具足住佛告

阿難如是如是有一人作如是念我
此識身及外境界一切相無有我我
所見我慢繫著使及心解脫慧解脫
現法自知作證具足住阿難彼比丘
於此識身及外境界一切相無有我我
所見我慢繫著使及心解脫慧解脫
現法自知作證具足住於此識身及
外境界一切相無有我我所見我慢
繫著使及彼心解脫慧解脫現法自
知作證具足住阿難若復比丘於此
識身及外境界一切相乃至自知作
證具足住是名比丘斷愛縛結慢無
間等究竟苦邊阿難我於此有餘說
答波羅延憂陀耶所問

斷於愛欲想 憂苦亦俱離 覺悟於睡眠
滅除掉悔蓋 捨貪恚清淨 現前觀察法
我說智解脫 滅除無明闇

佛說是經已尊者阿難聞佛所說歡
喜隨喜礼佛而去

如是我聞一時佛住舍衛國祇樹給
孤獨園今時世尊告諸比丘我今當
說愛為網為膠為泉為藕根此等能
為衆生障為蓋為膠為守衛為覆為

閉為塞為闇冥為狗腸如乱草為繁
從此世至他世從他世至此世往來
流轉無不轉時諸比丘何等愛為網
為膠乃至往來流馳無不轉謂有我
故有我欲我尔我有我無我異我當
我不當我欲我當尔時當異異我或
欲我或尔我或異或然或欲然或尔
然或異如是十八愛行從內起比丘
言有教於諸所有言我欲我尔乃至
十八愛行從外起如是慙說十八愛
行如是三十六愛行或於過去起或
於未來起或於現在起如是慙說百
八愛行是名為愛為網為膠為泉為
藕根能為衆生障為蓋為膠為守衛
為覆為閉為塞為闇冥為狗腸為乱
草為繁從此世至他世從他世至此
世往來流馳無不轉時佛說是經已
諸比丘聞佛所說歡喜奉行

如是我聞一時佛住舍衛國祇樹給
孤獨園尔時世尊告諸比丘有從愛
生愛從愛生恚從恚生愛從恚生恚
去何為從愛生愛謂有一於衆生有
喜有愛有念有可意他於彼有喜有

愛有念有可意隨行此作是念我於
彼衆生有喜有愛有念有可意他復
於彼有喜有愛有念有可意隨行故
我於他人復生於愛是名從愛生愛
云何從愛生恚謂有一於衆生有喜
有愛有念有可意而他於彼不喜不
愛不念不可意隨行此作是念我於
衆生有喜有愛有念有可意而他於
彼不喜不愛不念不可意隨行故我
於他而生瞋恚是名從愛生恚云何
為從恚生愛謂有一於衆生不喜不
愛不念不可意他復於彼不喜不愛
不念不可意隨行故我於他而生愛
念是名從恚生愛云何從恚生恚謂
有一於衆生不喜不愛不念不可意
而他於彼有喜有愛有念有可意隨
行此作是念我於彼衆生不喜不愛
不念不可意而他於彼有喜有愛有
念有可意隨行我於他所問起瞋恚
是名從恚生恚若比丘離欲惡不善
法有覺有觀乃至初禪第二第三第
四禪具足住者從愛生愛從恚生恚
從恚生愛從愛生恚已斷已知斷其

根本如截多羅樹頭無復生分於未來世成不生法若彼比丘盡諸有漏無漏心解脫慧解脫現法自知作證我生已盡梵行已立所作已作自知不受後有當於今時不自舉不起塵不熾然不嫌彼云何自舉謂見色是我色異我我中色色中我受想行識亦復如是是名自舉云何不自舉謂不見色是我色異我我中色色中我受想行識亦復如是是名不自舉云何還舉謂於罵者還罵瞋者還瞋打者還打觸者還觸是名還舉云何不還舉謂罵者不還罵瞋者不還瞋打者不還打觸者不還觸是名不還舉云何起塵謂有我我欲乃至十八種愛是名起塵云何不起塵謂無我無我欲乃至十八愛不起是名不起塵云何熾然謂有我我所我所欲乃至外十八愛行是名熾然云何嫌彼謂見我真實起於我慢我欲我使不斷不知是名嫌彼云何不嫌彼謂不見我真實

我慢我欲我使已斷已知是名不嫌
彼佛說此經已諸比丘聞佛所說歡
喜奉行

如是我聞一時佛住舍衛國祇樹給
孤獨園舍時世尊告諸比丘有二事
斷難持何等為二若俗人處非人處
於衣食床卧資生眾具持彼斷者是
則難行又比丘非家出家斷除貪愛
持彼斷者亦甚難行舍時世尊即說
偈言

世間有二事 持斷則難行 是真諦所說
等正覺所知 在家財入出 衣食等眾具
世間貪愛樂 持斷者甚難 比丘已離俗
信非家出家 滅除於貪愛 持斷亦難行
佛說此經已諸比丘聞佛所說歡喜
奉行

如是我聞一時佛住舍衛國祇樹給
孤獨園舍時世尊告諸比丘我於二
法依止多位云何為二於諸善法未
曾知足於斷未曾遠離於善法不知
足故於諸斷法未曾遠離故乃至脫
肉盡筋連骨立終不捨離精勤方
便不捨善法不得未得終不休息未

曾於劣心生歡喜常樂增進昇上上
道如是精進住故疾得阿耨多羅三
藐三菩提等比丘當於二法依止多
住於諸善法不生足想依於諸斷未
曾捨離乃至肌消肉盡筋連骨立精
勤方便堪能修習善法不息是故比
丘於諸下劣生歡喜想當修上上昇
進多住如是修習不久當得速盡諸
漏無漏心解脫慧解脫現法自知作
證我生已盡梵行已立所作已作自
知不受後有佛說此經已諸比丘聞
佛所說歡喜奉行

如是我聞一時佛住王舍城迦蘭陀
竹園今時釋提桓因形色絕妙於後
夜時來詣佛所稽首佛足退住一面
天身威力光明遍照迦蘭陀竹園時
釋提桓因白佛言世尊世尊曾於闍
闍山石窟中說言若有沙門婆羅門
無上愛盡解脫心善解脫彼邊際究
竟邊際離垢邊際梵行畢竟云何為
比丘邊際究竟邊際離垢邊際梵行
畢竟佛告天帝釋謂比丘若所有受
覺若若若樂若若苦若若不樂彼諸受

棄受滅受味受志受出如實知如實
知已觀察彼受無常觀生滅觀離欲
觀滅盡觀捨如是觀察已則邊際究
竟邊際離垢邊際梵行畢多拘尸迦
是名比丘於正法律邊際究竟邊際
離垢邊際梵行畢竟乃至天帝釋聞
佛所說歡喜隨喜作禮而去

如是我聞一時佛住王舍城迦蘭陀
竹園今時尊者大目犍連住耆闍崛
山後夜起經行見有光明遍照迦蘭
陀竹園見已作是念今夜或有大力
鬼神詣世尊所故有此光明時尊者
大目犍連晨朝往詣佛所稽首佛足
退坐一面白佛言世尊我於昨暮後
夜出房經行見勝光明普照迦蘭陀
竹園見已作是念有何大力鬼神詣
世尊所故有此光明佛告尊者大目
犍連昨暮後夜釋提桓因來詣我所
稽首作禮退坐一面如上修多羅廣
說歡喜隨喜作禮而去
如是我聞一時佛住王舍城迦蘭陀
竹園今時尊者阿難晨朝著衣持鉢
詣舍衛城次第乞食至廣住優婆

央舍鹿住優婆夷遇見尊者阿難疾
敷床座白言尊者阿難今坐時鹿住
優婆夷稽首礼阿難足退住一面白
尊者阿難云何言世尊知法我父富
蘭那先修梵行離欲清淨不著香花
遠諸凡鄙射父梨師達多不修梵行
然其知足二俱命終而今世尊俱記
二人同生一起同一受生同於後世
得斯陀含生兜率天一來世間究竟
苦邊云何阿難修梵行不修梵行同
生一起同一受生同其後世阿難答
言姊妹汝今且停汝不能知衆生世
間根之差別如來悉知衆生世間根
之優劣如是說已從坐起去時尊者
阿難還精舍舉衣鉢洗足已往詣佛
所稽首佛足退坐一面以鹿住優婆
夷所說廣白世尊佛告阿難彼鹿住
優婆夷云何能知衆生世間根之優
劣阿難如來悉知衆生世間根之優
劣阿難或有一犯戒彼於心解脫慧
解脫不如實知彼所起犯戒无餘滅
無餘沒無餘欲盡或有一犯戒於心
解脫慧解脫如實知彼所起犯戒無

戒無餘沒無餘欲盡於彼等。若
言此亦有如是法。彼亦有是法。此則
應俱同生一起。同一受生。同一後世。
彼如是等量者。得長夜非義。饒益苦。
阿難。彼犯戒者。於心解脫。慧解脫。不
如實知。彼所起犯戒。無餘滅。無餘沒。
無餘欲盡。當知。此人是退。非勝進。我
說。彼人為退。分阿難。有犯戒。彼於心
解脫。慧解脫。如實知。彼於所起犯戒。
無餘滅。無餘沒。無餘欲盡。當知。是人
勝進。不退。我說。彼人為勝進。分。自非
如來。此二有闇。誰能悉知。是故阿難。
莫等量人人。而取人善。等量人人。而
病人。等量人人。自招其患。唯有如來。
能知人耳。如二犯戒。二持戒。亦如是。
彼於心解脫。慧解脫。不如實知。彼所
起持戒。無餘滅。若掉動者。彼於心解
脫。慧解脫。不如實知。彼所起掉。無餘
滅。彼若瞋恨者。彼於心解脫。慧解脫。
不如實知。彼所起瞋恨。無餘滅。若苦
貪者。彼於心解脫。慧解脫。如實知。彼
所起苦貪。無餘滅。穢汗清淨。如上說。
乃至如來。能知人人。阿難。鹿住優婆塞。

夷愚癡少智而於如來一向說法心生狐疑云何阿難如來所說豈有二耶阿難白佛不也世尊佛告阿難善哉善哉如來說法若有二者元有是處阿難若富蘭那持戒梨師達多亦同持戒者所生之趣富蘭那所不能知梨師達多為生何趣云何受生云何後世若梨師達多所成就智富蘭那亦成就此智者梨師達多亦不能知彼富蘭那當生何趣云何受生後世云何阿難彼富蘭那持戒勝梨師達多智達勝彼俱命終我說二人同生一起同一受生後世亦同是斯陀含生免率天一來生此究竟苦邊彼二有間自非如來誰能得知是故阿難莫量人人量人人者自生損減唯有如來能知人耳佛說此經已尊者阿難聞佛所說歡喜奉行

如是我聞一時佛住釋氏迦城留利邑夏安居有餘比丘於舍衛國祇樹給孤獨園夏安居時彼比丘於晨朝著衣持鉢入舍衛城乞食次第至鹿住優婆夷舍座住優婆夷遙見比丘

米疾敷床座請比丘令坐如上阿難
修多羅說時彼比丘語鹿住優婆夷
姊妹且停汝鄉得知衆生根之優劣
姊妹唯有如來能知衆生根之優劣
如是說已從坐起去時彼比丘三月
夏安居訖作來竟持衣鉢往詣彌城
留利釋氏邑到已舉衣鉢洗足已往
詣佛所稽首佛足退坐一面以共鹿
住優婆夷所論說事向佛廣說佛告
比丘鹿住優婆夷去何能知世間衆
生諸根優劣唯有如來能知世間衆
生諸根優劣耳不離瞋恨憍慢時起
貪法不聽受法不學多聞於法不調
伏見不能時時起解脫心法比丘若
復有一不離瞋慢時起貪法然彼聞
法修學多聞於善調伏見時時能起
解脫心法若思量彼此有是法彼有
是法此則同一趣同一受生同一後
世如是思量者長得非義不饒益若
比丘若復彼人不離瞋慢時時起貪
法亦不聽法不習多聞不調伏見亦
不時時得解脫心法我說此人卑鄙
下賤比丘若復彼人不離瞋慢時時起

貪法然彼聞法樂多聞調伏諸見時
時能得解脫心法我說是人第一勝
妙彼二有間自非如來誰能別知是
故比丘莫量人人乃至如來能知優
劣比丘復次有一不離瞋慢時時起
口惡行餘如上說比丘復次有一賢
善安樂同止欣樂明智修梵行者樂
與同止而彼不樂聞法乃至不時時
得心法解脫當知彼人住賢善地不
能轉進賢善地者謂人天趣復次有
一其性賢善同止安樂欣樂梵行以
為伴侶樂聞正法學習多聞善調伏
見時時能得解脫心法當知彼人於
賢善地能轉勝進當知此人於正法
流有所堪能此二有間自非如來誰
能別知是故比丘莫量人人量人人
者自招其患唯有如來能知人耳比
丘度住優婆塞愚癡少智如上修多
羅廣說佛說此經已諸比丘聞佛所
說歡喜奉行

如是我聞一時佛住舍衛國祇樹給
孤獨園尔時給孤獨長者來詣佛所
稽首佛足退坐一面白佛言世尊世

間有幾種福田佛告長者世間有二
種福田何等為二學及无學即說偈言
世有學无學大會常延請正直心真實
身口亦復然是則良福田施者獲大果
佛說此經已給孤獨長者聞佛所說
歡喜奉行

雜阿含經卷第三十五

癸卯歲高麗國大藏都監奉
勅雕造

雜阿含經卷第三十六

凡

宋天竺三藏求那跋陀羅譯

如是我聞一時佛住舍衛國祇樹給
孤獨園時有諸上座比丘隨佛左右
依止而住所謂尊者阿若憍陳如尊
者摩訶迦葉尊者舍利弗尊者摩訶
目犍連尊者阿那律尊者二十億
耳尊者陀羅摩羅子尊者婆那迦
婆娑尊者耶舍舍羅迦毗訶利尊者
富留那尊者分陀檀尸迦如此及餘
上座比丘隨佛左右依止而住時尊
者婆耆舍住舍衛國東園鹿子母講
堂時尊者婆耆舍作是念今日世尊
在舍衛國祇樹給孤獨園諸上座比
丘隨佛左右依止而住我今當往至
世尊所各各說偈歎諸上座比丘作
是念已往詣佛所稽首佛足退住一
面而說偈言

上上座比丘已斷諸貪欲 超過諸世間
一切之積聚 深智少言說 勇猛勤方便
道德淨明顯 我今稽首礼 已伏諸魔怨
遠離於群聚 不為五欲縛 常習於空閑

清虛而寂欲我今稽首礼迦羅延勝族
禪思不放逸內心樂正受清淨離塵穢
辯慧顯深義是故稽首礼所得神通慧
起諸神通力六神通衆中自在無所畏
神通最勝故是故稽首礼於大千世界
五道諸趣生乃至於梵世人天優劣想
淨天眼志見是故稽首礼精勤方便力
斷除諸愛集壞裂生死網心常樂正法
離諸怖畏想超度於彼岸清淨無塵穢
是故稽首礼永離諸恐懼無依離財物
知足度疑惑伏諸魔怨敵身念觀清淨
是故稽首礼無有諸世間煩惱棘刺林
結縛使永除三有因緣斷精練滅諸垢
究竟明顯現於林離林去是故稽首礼
無舍宅所依幻偽癡恚滅調伏諸愛喜
出一切見處清淨無瑕穢是故稽首礼
其心自在轉堅固不傾動智慧大德力
難伏魔能伏斷除無明結是故稽首礼
大人離闇冥寂滅牟尼尊正法離垢過
光明自顯照照一切世界是故名爲佛
地神虛空天三十三天子光明悉映障
是故名爲佛度生死有邊超踰越群衆
永稱善調伏正覺第一覺斷一切結縛

伏一切異道降一切魔怨得無上正覺
離塵滅諸垢是故稽首礼

尊者婆耆舍偈讚歎時諸比丘聞其
所說皆大歡喜

如是我聞一時佛住舍衛國祇樹給
孤獨園時尊者婆耆舍住舍衛國東
園鹿子母講堂疾病困篤尊者富隣
居為耆病人供給供養時尊者婆耆
舍語尊者富隣居言汝往詣世尊所
持我語白世尊言尊者婆耆舍稽首
世尊足問許世尊少病少惱起居輕
利得自安樂住不復作是言尊者婆
耆舍住東園鹿子母講堂疾病困篤
欲求見世尊無力方便堪詣世尊善
哉世尊願往至東園鹿子母講堂尊
者婆耆舍所哀愍故時尊者富隣居
即受其語往詣世尊稽首佛足退坐
一面作是言尊者婆耆舍住東園鹿
子母講堂疾病困篤願見世尊無力
方便堪能奉見善哉世尊願往東園
鹿子母講堂尊者婆耆舍所為哀愍
故今時世尊默然而許時尊者富隣
居知佛許已即從坐起礼佛足而去

世尊晡時從禪起往詣尊者婆耆舍
尊者婆耆舍遇見世尊佛床欲起
時世尊見尊者婆耆舍床欲起語
言婆耆舍莫自輕動世尊即坐問尊
者婆耆舍汝所患苦為平和可堪忍
不身諸苦痛為增為損如前焰摩迦
修多羅廣說乃至我所苦患轉覺其
增不覺其損佛告婆耆舍我今問汝
隨意答我汝得心不染不著不汙解
脫離諸顛倒不婆耆舍白佛言我心
不染不著不汙解脫離諸顛倒佛告
婆耆舍汝云何得心不染不著不汙
解脫離諸顛倒婆耆舍白佛我過去
眼識於色心不顧念於未來色不欣
想於現在色不著我過去未來現在
眼識於色貪欲愛樂念於彼得盡無
欲滅沒息離解脫心解脫已
是故不染不著不汙離諸顛倒正受而住如
是耳鼻舌身意識過去於法心不顧
念未來不欣現在不著過去未來現
在法中念欲愛盡無欲滅沒息離解
脫心解脫已
是故不染不著不汙解脫離諸顛倒正受而住唯願世尊今

日東後饒益於我聽我說偈佛告婆
耆舍宜知是時尊耆婆耆舍起正身
端坐繫念在前而說偈言

我今住佛前稽首恭敬於一切諸法
悉皆得解脫善解諸法相深信樂正法
世尊等正覺世尊為大師世尊降魔怨
世尊大牟尼滅除一切使自度群生類
世尊於世間諸法悉覺知世間悉無有
知法過佛者於諸天人中亦無與佛等
是故我今日稽首大精進稽首士之上
拔苦愛欲刺我今是取後得見於世尊
稽首日種尊慕當般涅槃正智繫正念
於此朽壞身餘勢之所起從今夜永滅
三界不復添入無餘涅槃苦受及樂受
亦不苦不樂從觸因緣生於今念永斷
苦受及樂受亦不苦不樂從觸因緣生
於今悉已知若內及與外苦樂等諸受
於受無所著正智正繫心於初中取後
諸聚无障礙諸聚既已斷了知受無餘
明是真實者說九十一劫三劫中不空
有大仙人尊餘空無洲依唯畏恐怖劫
當知大仙人乃復出於世安慰諸天人
開眼離塵冥亦悟諸衆生今覺一切苦

苦若及苦集 起苦之寂滅 賢聖八正道
安隱趣涅槃 世間難得者 現前志皆得
生世得人身 演說於正法 隨已之所欲
離垢求清淨 專修其已利 勿令空無果
空過則生憂 隣於地獄苦 於所說正法
不樂不欲受 當久屢生死 輪迴息無期
長夜懷憂惱 如商人失財 我今衆慶集
無復生老死 輪迴志已斷 不復重受生
愛識河水流 於今志枯竭 已拔陰根本
遺鏤不相續 供養大師畢 所作者已作
重擔志已捨 有派志已斷 不復樂受生
亦無死可惡 正智正繫念 唯待終時至
念空野龍鳥 六十雄猛獸 一旦免枷鎖
逸樂山林中 婆耆舍亦然 大師口生子
默捨於徒衆 正念待時至 今告於汝等
諸來集會者 聽我軍後偈 其義所饒益
生者悉歸滅 諸行無有常 速生速死法
何可久依怙 是故強其志 精勤方便求
觀察有恐怖 隨順牟尼道 速盡此苦陰
勿復增輪轉 佛口所生子 歎說此偈已
長辭於大衆 婆耆舍涅槃 彼以慈悲故
說此無上偈 尊者婆耆舍 如來法生子
盡心哀愍故 說此無上偈 然後般涅槃

一切當敬礼

如是我聞一時佛住舍衛國祇樹給
孤獨園時有一天子容色絕妙於後
夜時來詣佛所稽首佛足退坐一面
身諸光明遍照祇樹給孤獨園時彼
天子而說偈問佛

阿練若比丘住於空閑處寂靜修梵行
於一坐而食以何因緣故顏色特鮮明
尔時世尊說偈答言

於過去無憂未來不欣樂現在隨所得
正智繫念持飯食繫念故顏色常鮮澤
未來心馳想過去追憂悔愚癡火自煎
如電斷生草

時彼天子復說偈言

久見婆羅門速得般涅槃一切怖已過
永超世恩憂

時彼天子聞佛所說歡喜隨喜稽首
佛足即沒不現

如是我聞一時佛住舍衛國祇樹給
孤獨園時有一天子容色絕妙於後
夜時來詣佛所稽首佛足退坐一面
身諸光明遍照祇樹給孤獨園時彼
天子而說偈言

不欲起憍慢。善自調其心。未曾修寂默。
亦不入正受。覓林而放逸。不度死彼岸。
余時世尊說偈答言。

已離於憍慢。心常入正受。明智善分別。
解脫一切縛。獨一處閑林。其心不放逸。

於彼死魔怨。疾得度彼岸。

時彼天子復說偈言。

久見婆羅門。逮得般涅槃。一切怖已過。
永超世恩愛。

時彼天子聞佛所說歡喜。隨喜稽首。
佛足即沒不現。

如是我聞。一時佛住舍衛國祇樹給
孤獨園。時有一天子。容色絕妙。於後
夜時來詣佛所。稽首佛足。退坐一面。
身諸光明。遍照祇樹給孤獨園。時彼
天子說偈問佛。

云何得晝夜。功德常增長。云何得生天。
唯願為解說。

余時世尊說偈答言。

種植園果。故林樹木。陰清涼。橋船以濟度。
造作福德。舍穿井。供渴乏。客舍給行旅。
如此之功德。日夜常增長。如法戒具足。
緣斯得生天。

時彼天子復說偈言

久見婆羅門遠得般涅槃一切怖已過
永超世恩愛

時彼天子聞佛所說歡喜隨喜稽首
佛足即沒不現

如是我聞一時佛住舍衛國祇樹給
孤獨園時有一天子容色絕妙於後
夜時來詣佛所稽首佛足退坐一面
身諸光明遍照祇樹給孤獨園時彼
天子說偈問佛

施何得大力施何得妙色施何得安樂
施何得明目修習何等施名曰一切施
今啓問世尊願為分別說
尔時世尊說偈答言

施食得大力施衣得妙色施乘得安樂
施燈得明目虛館以待賓是名一切施
以法而誨彼是則施甘露

時彼天子復說偈言

久見婆羅門遠得般涅槃一切怖已過
永超世恩愛

時彼天子聞佛所說歡喜隨喜稽首
佛足即沒不現

如是我聞一時佛住舍衛國祇樹給

孤獨園時有天子名志鞞梨容色絕妙於後夜時來詣佛所稽首佛足退坐一面身諸光明遍照祇樹給孤獨園時彼天子而說偈言

諸天及世人於食慈欣樂頗有諸世間福樂自隨逐

尔時世尊說偈答言

淨信心惠施此世及後世隨其所至處福報常影隨是故當捨慳行無垢惠施施已心歡喜此世他世受

時彼志鞞梨天子白佛言奇哉世尊善說斯義

淨信心惠施此世及他世隨其所至處福報常影隨是故當捨慳行無垢惠施施已心歡喜此世他世受

志鞞梨天子白佛言世尊我自知過去世時曾為國王名志鞞梨於四城門普施為福於其城內有四交道亦於其中布施作福時有第一夫人來語我言大王大作福德而我無力修諸福業我時告言城東門外布施作福志皆屬汝時諸王子復來白我大王多作功德夫人亦同而我無力作

諸福業我今願得依於大王少作功德我時答言城南門外所作施福悉皆屬汝時有大臣復來白我今日大王多作功德夫人王子志皆共之而我無力作諸福業願依大王少有所作我時告言城西門外所作施福悉皆屬汝時諸將士復來白我今日大王多作功德夫人太子及諸大臣志皆共之唯我無力能修福業願依大王得有所作我時答言城北門外所作施福悉皆屬汝國中庶民復來白我今日大王多作功德夫人王子大臣諸將志皆共之唯我無力不能修福願依大王少有所作我時答言於其城內四交道頭所作施福悉屬汝等今時國王夫人王子大臣將士庶民悉皆惠施作諸功德我先所作惠施功德於茲則斷時我所使諸作福者還至我所為我作札而白我言大王當知諸修福處夫人王子大臣將士及諸庶民各擾其處行施作福大王所施於茲則斷我時答言善男子諸方邊國歲輸財物應入我者分半

入庫分其半分即於彼處惠施作福
彼聞教旨往詣邊國集諸財物半送
於庫半留於彼惠施作福我先長夜
如是惠施作福長夜常得可愛可念
可意福報常受快樂無有窮極以斯
福業及福果福報悉皆入於大功德
聚數譬如五大河合為一流所謂恒
河耶蒲那薩羅由伊羅跋提摩醯如
是五河合為一流無有人能量其河
水百千万億斗斛之數彼大河水得
為大水聚數我亦如是所作功德果
功德報不可稱量悉得入於大功德
聚數今時悉鞞梨天子聞佛所說歡
喜隨喜稽首佛足即沒不現
如是我聞一時佛住舍衛國祇樹給
孤獨園時有一天子容色絕妙於後
夜時來詣佛所稽首佛足退坐一面
身諸光明皆悉遍照祇樹給孤獨園
時彼天子說偈問佛
何等人能為遠遊善知識何等人能為
居家善知識何等人能為通財善知識
何等入能為後世善知識
尔時世尊以偈答言

商人之導師遊行善知識 貞祥賢良妻
居家善知識 宗親相習近 通財善知識
自所修功德 後世善知識
時彼天子復說偈言

久見婆羅門 速得般涅槃 一切怖已過
永超世恩愛

時彼天子聞佛所說歡喜隨喜稽首
佛足即沒不現

如是我聞一時佛住舍衛國祇樹給
孤獨園時有一天子容色絕妙於後
夜時來詣佛所稽首佛足退坐一面
身諸光明遍照祇樹給孤獨園時彼
天子而說偈言

冥運持命去 故令人短壽 為老所侵迫
而無救護者 覩斯老病死 令人大恐怖
唯作諸功德 樂住至樂所
余時世尊說偈答言

冥運持命去 故令人短壽 為老所侵迫
而無救護者 觀此有餘過 令人大恐怖
當斷世貪愛 無餘涅槃樂
時彼天子復說偈言

久見婆羅門 速得般涅槃 一切怖已過
永超世恩愛

時彼天子聞佛所說歡喜隨喜稽首
佛足即沒不現

如是我聞一時佛住舍衛國祇樹給
孤獨園時有一天子容色絕妙於後
夜時來詣佛所稽首佛足退坐一面
身諸光明遍照祇樹給孤獨園時彼
天子說偈問佛

斷除於幾法 幾法應棄捨 而復於幾法
增上方便修 幾聚應超越 比丘度歎流

今時世尊說偈答言
斷除五捨五 增修於五根 超越五和合
比丘度流測

時彼天子復說偈言

久見婆羅門 逮得般涅槃 一切怖已過
永超世恩愛

時彼天子聞佛所說歡喜隨喜稽首
佛足即沒不現

如是我聞一時佛住舍衛國祇樹給
孤獨園時有天子容色絕妙於後夜
時來詣佛所稽首佛足退坐一面身
諸光明遍照祇樹給孤獨園時彼天
子說偈問佛

幾人於覺眠 幾人於眠覺 幾人取塵垢

幾人得清淨

尔時世尊說偈答言

五人於覺眠 五人於眠覺 五人取於施
五人得清淨

時彼天子復說偈言

久見婆羅門 逮得般涅槃 一切怖已過
永超世恩愛

時彼天子聞佛所說歡喜隨喜稽首
佛足即沒不現

如是我聞一時佛住舍衛國祇樹給
孤獨園時有天子容色絕妙於後夜
時來詣佛所稽首佛足退坐一面身
諸光明遍照祇樹給孤獨園時彼天
子而說偈言

母子更相喜 牛主樂其牛 衆生樂有餘
無樂無餘者

尔時世尊說偈答言

母子更相憂 牛主憂其牛 有餘衆生憂
無餘則無憂

時彼天子復說偈言

久見婆羅門 逮得般涅槃 一切怖已過
永超世恩愛

時彼天子聞佛所說歡喜隨喜稽首

佛足即沒不現

如是我聞一時佛住舍衛國祇樹給
孤獨園時有天子容色絕妙於後夜
時來詣佛所稽首佛足退坐一面身
諸光明遍照祇樹給孤獨園時彼天
子說偈問佛

何等人之物 何名第一伴 以何而活命
衆生何處依

今時世尊說偈答言

田宅衆生有 賢妻第一伴 飲食已存命
業爲衆生依

時彼天子復說偈言

久見婆羅門 逮得般涅槃 一切怖已過
永超世恩愛

時彼天子聞佛所說歡喜隨喜稽首
佛足即沒不現

如是我聞一時佛住舍衛國祇樹給
孤獨園時有天子容色絕妙來詣佛
所稽首佛足身諸光明遍照祇樹給
孤獨園時彼天子而說偈言

所愛無過子 財無貴於牛 光明無過日
薩羅無過海

今時世尊說偈答言

受無過於已 財無過於穀 光明無過慧
薩羅無過見

時彼天子復說偈言

久是婆羅門 遠得般涅槃 一切怖已過
永超世恩愛

時彼天子聞佛所說歡喜隨喜稽首
佛足即沒不現

如是我聞一時佛住舍衛國祇樹給
孤獨園時有天子容色絕妙來詣佛
所稽首礼足身諸光明遍照祇樹給
孤獨園時彼天子而說偈言

剎利兩足尊 犍牛四足勝 童女為上妻
貴生為上子

余時世尊說偈答言

正覺兩足尊 生馬四足勝 順夫為賢妻
漏盡子之上

時彼天子復說偈言

久見婆羅門 遠得般涅槃 一切怖已過
永超世恩愛

時彼天子聞佛所說歡喜隨喜稽首
佛足即沒不現

如是我聞一時佛住舍衛國祇樹給
孤獨園時有天子容色絕妙來詣佛

所稽首佛足身諸光明遍照祇樹給
孤獨園時彼天子而說偈言

從地起衆生何者為最勝 於空墮落者
復以何勝上 凡所祈請處 何者最第一
於諸言語中何者為上辯

時有一天子本為田家子今得生天
上以本習故即便說偈答彼天子

五穀從地生是則為最勝 種子於空中
落地為最勝 將牛資養人 是則依中勝
受子有所說是則言中勝

彼發問天子語答者言我不問汝何
故多言輕躁妄說我自說偈問世尊言
從地起衆生何者為最勝 於空墮地者
復以何為勝 凡所祈請處 何者為最勝
於諸言語中何者為上辯

今時世尊說偈答言

從下踊出者 三明為最上 從空流下者
三明亦第一 賢聖弟子僧 是師依之上
如來之所說 諸說之牢辯
時彼天子復說偈言

世間幾法起 幾法相順可 世幾法取受
世幾法損減

今時世尊說偈答言

世六法等起世六法順可世六法取受
世六法損減

時彼天子復說偈言

久見婆羅門逮得般涅槃一切怖已過
永超世思愛

時彼天子聞佛所說歡喜隨喜稽首
佛足即沒不現

如是我聞一時佛住舍衛國祇樹給
孤獨園時有天子容色絕妙於後夜
時來詣佛所稽首佛足退坐一面身
諸光明遍照祇樹給孤獨園時彼天
子說偈問佛

誰持世間去誰拘牽世間何等為一法
制御於世間

尔時世尊說偈答言

心持世間去心拘引世間其心為一法
能制御世間

時彼天子復說偈言

久見婆羅門逮得般涅槃一切怖已過
永超世思愛

時彼天子聞佛所說歡喜隨喜稽首
佛足即沒不現

如是我聞一時佛住舍衛國祇樹給

孤獨園時有天子容色絕妙於後夜
時來詣佛所稽首佛足退坐一面身
諸光明遍照祇樹給孤獨園時彼天
子說偈問佛

誰縛於世間 誰調伏令解 斷除何等法
說名得涅槃

尔時世尊說偈答言

欲能縛世間 調伏欲解脫 斷除受欲者
說名得涅槃

時彼天子復說偈言

久見婆羅門 逮得般涅槃 一切怖已過
永超世恩愛

時彼天子聞佛所說歡喜隨喜稽首
佛足即沒不現

如是我聞一時佛住舍衛國祇樹給
孤獨園時有一天子容色絕妙於後
夜時來詣佛所稽首佛足退坐一面
身諸光明遍照祇樹給孤獨園時彼
天子說偈問佛

誰捨於世間 誰遮絡世間 誰結縛衆生
何處建立世

尔時世尊說偈答言

我生得世間 死遮絡世間 受繫縛衆生

法建立世間

時彼天子復說偈言

久見婆羅門逮得般涅槃一切怖已過
永超世恩愛

時彼天子聞佛所說歡喜隨喜稽首
佛足即沒不現

如是我聞一時佛住舍衛國祇樹給
孤獨園時有一天子容色絕妙於後
夜時來詣佛所稽首佛足退坐一面
身諸光明遍照祇樹給孤獨園時彼
天子說偈問佛

誰隱彼世間誰繫於世間誰憶於衆生
誰建衆生幢

尔時世尊說偈答言

無明覆世間愛結縛衆生隱覆憶衆生
我慢衆生幢

時彼天子即復說偈而問佛言

誰無有覆蓋誰復無愛結誰即出隱覆
誰不建慢幢

尔時世尊說偈答言

如來等正覺正智心解脫不為無明覆
亦無愛結繫超出於隱覆摧滅我慢幢
時彼天子復說偈言

久見婆羅門 速得般涅槃 一切怖已過
永超世恩愛

時彼天子聞佛所說歡喜隨喜稽首
佛足即沒不現

如是我聞一時佛住舍衛國祇樹給
孤獨園時有一天子容色絕妙於後
夜時來詣佛所稽首佛足退坐一面
身諸光明遍照祇樹給孤獨園時彼
天子說偈問佛

何等為上士 所有資財物 云何善修習
而致於安樂 云何衆生中 得為最上味
云何衆生中 得為第一壽
今時世尊說偈答言

清淨信樂心 名士夫勝財 修行於正法
能招安樂果 真諦之妙說 是則味之上
賢聖智慧命 是為壽中取

時彼天子復說偈言

久見婆羅門 速得般涅槃 一切怖已過
永超世恩愛

時彼天子聞佛所說歡喜隨喜稽首
佛足即沒不現

如是我聞一時佛住舍衛國祇樹給
孤獨園時有一天子容色絕妙於後

夜時來詣佛所稽首佛足退坐二面
身諸光明遍照祇樹給孤獨園時彼
天子說偈問佛

云何為比丘同已之第二云何為比丘
隨順教授者比丘於何處遊心自娛樂
娛樂彼處已能斷諸結縛

尔時世尊說偈答言

信為同已二智慧教授者涅槃喜樂處
比丘斷結縛

時彼天子復說偈言

久見婆羅門逮得般涅槃一切怖已過
永超世恩愛

時彼天子聞佛所說歡喜隨喜稽首
佛足即沒不現

如是我聞一時佛住舍衛國祇樹給
孤獨園時有天子容色絕妙於後夜
時來詣佛所稽首佛足身諸光明遍
照祇樹給孤獨園時彼天子說偈問佛
云何善至老云何善建立云何為人寶
云何賊不奪

尔時世尊說偈答言

正戒善至老淨信善建立智慧為人寶
功德賊不奪

時彼天子復說偈言

久見婆羅門速得般涅槃一切怖已過
永超世恩愛

時彼天子聞佛所說歡喜隨喜稽首
佛足即沒不現

如是我聞一時佛在舍衛國祇樹給
孤獨園時有天子容色絕妙來詣佛
所稽首佛足身諸光明遍照祇樹給
孤獨園時彼天子說偈問佛

何法生衆生何等前驅馳云何起生死
何者不解脫

尔時世尊說偈答言

愛欲生衆生意在前驅馳衆生起生死
苦法不解脫

時彼天子復說偈言

久見婆羅門速得般涅槃一切怖已過
永超世恩愛

時彼天子聞佛所說歡喜隨喜稽首
佛足即沒不現

如是我聞一時佛在舍衛國祇樹給
孤獨園時有天子容色絕妙於後夜
時來詣佛所稽首佛足身諸光明遍
照祇樹給孤獨園時彼天子說偈問佛

何法生衆生 何等前駭馳 云何起生死
何法可依怙

今時世尊說偈答言

愛欲生衆生 意在前駭馳 衆生起生死
業者可依怙

時彼天子復說偈言

久見婆羅門 逮得般涅槃 一切怖已過
永超世恩愛

時彼天子聞佛所說歡喜隨喜稽首
佛足即沒不現

如是我聞一時佛在舍衛國祇樹給
孤獨園時有天子容色絕妙於後夜
時來詣佛所稽首佛足身諸光明遍
照祇樹給孤獨園時彼天子說偈問佛
何法生衆生 何等前駭馳 云何起生死
何法甚可畏

今時世尊說偈答言

愛欲生衆生 意在前駭馳 衆生起生死
業為甚可畏

時彼天子復說偈言

久見婆羅門 逮得般涅槃 一切怖已過
永超世恩愛

時彼天子聞佛所說歡喜隨喜稽首

佛足即沒不現

如是我聞一時佛在舍衛國祇樹給
孤獨園時有天子容色絕妙於後夜
時來詣佛所稽首佛足身諸光明遍
照祇樹給孤獨園時彼天子說偈問佛
何名為非道 云何日夜遷 云何垢梵行
云何累世間

尔時世尊說偈答言

貪欲名非道 壽命日夜遷 女人梵行垢
女則累世間 熾然修梵行 已洗諸非小
時彼天子復說偈言

久見婆羅門 逮得般涅槃 一切怖已過
永超世恩愛

時彼天子聞佛所說歡喜隨喜稽首
佛足即沒不現

如是我聞一時佛在舍衛國祇樹給
孤獨園時有天子容色絕妙於後夜
時來詣佛所稽首佛足身諸光明遍
照祇樹給孤獨園時彼天子說偈問佛
何法映世間 何法無有上 何等為一法
普制御衆生

尔時世尊說偈答言

名者映世間 名者世無上 唯有一名法

能制御世間

時彼天子復說偈言

久見婆羅門逮得般涅槃一切怖已過
永超世恩愛

時彼天子聞佛所說歡喜隨喜稽首
佛足即沒不現

如是我聞一時佛在舍衛國祇樹給
孤獨園時有天子容色絕妙於後夜
時來詣佛所稽首佛足身諸光明遍
照祇樹給孤獨園時彼天子說偈問佛
何法為偈因以何莊嚴偈偈者何所依
何者為偈體

尔時世尊說偈答言

欲者是偈因文字莊嚴偈名者偈所依
造作為偈體

時彼天子復說偈言

久見婆羅門逮得般涅槃一切怖已過
永超世恩愛

時彼天子聞佛所說歡喜隨喜稽首
佛足即沒不現

如是我聞一時佛住舍衛國祇樹給
孤獨園時有天子容色絕妙於後夜
時來詣佛所稽首佛足却坐一面身

諸光明遍照祇樹給孤獨園時彼天子說偈問佛

云何知車乘 云何復知火 云何知國土
云何知妻婦

尔時世尊說偈答言

見幢蓋知車 見烟則知火 見王知國土
見夫知其妻

時彼天子復說偈言

久見婆羅門 逮得般涅槃 一切怖已過
永超世恩愛

時彼天子聞佛所說歡喜隨喜稽
首佛足即沒不現

雜阿含經卷第三十六

癸卯歲高麗國大藏都監奉
勅雕造

雜阿含經卷第三十六 第三十八張 川

宋天竺三藏求那跋陀羅譯

如是我聞一時佛住舍衛國祇樹給
孤獨園時有尊者叵末邴住東園鹿
母講堂疾病困篤尊者阿難往詣佛
所稽首礼足退住一面白佛言世尊
尊者叵末邴住東園鹿母講堂疾病
困篤如是病比丘多有死者善哉世
尊願至東園鹿母講堂尊者叵末邴
所以哀愍故尔時世尊默然而許至
日晡時從禪覺往詣東園鹿母講堂
至尊尊者叵末邴房敷座而坐為尊者
叵末邴種種說法示教照喜示教照
喜已從坐起去尊者叵末邴世尊去
後尋即命殁當命殁時諸根喜悅顏
貌清淨膚色鮮白時尊者阿難供養
尊者叵末邴舍利已往詣佛所稽首
佛足却住一面白佛言世尊尊者叵
末邴世尊來後尋便命殁臨命殁時
諸根喜悅膚色清淨鮮白光澤不審
世尊彼當生何趣云何受生後世云
何佛告阿難若有比丘先未病時未

前五下分結若覺病起其身苦患心
不調適生分微弱得聞大師教授教
誡種種說法彼聞法已斷五下分結
阿難是則大師教授設法福利復次
阿難若有比丘先未病時未斷五下
分結然後病起身遭苦患生分轉微
不蒙大師教授教誡說法然遇諸餘
多聞大德修梵行者教授教誡說法
得聞法已斷五下分結阿難是名教
授教誡聽法福利復次阿難若比丘
先未病時不斷五下分結乃至生分
微弱不聞大師教授教誡說法復不
聞餘多聞大德諸梵行者教授教誡
說法然彼先所受法獨靜思惟稱量
觀察得斷五下分結阿難是名思惟
觀察先所聞法所得福利復次阿難
若有比丘先未病時斷五下分結不
得無上愛盡解脫不起諸漏心善解
脫然後得病身遭苦患生分微弱得
聞大師教授教誡說法得無上愛盡
解脫不起諸漏離欲解脫阿難是名
大師說法福利復次阿難若有比丘
先未病時斷五下分結不得無上愛

盡解脫不起諸漏離欲解脫覺其病
起極遭苦患不得大師教授教誡說
法然得諸餘多聞大德諸梵行者教
授教誡說法得無上愛盡解脫不起
諸漏離欲解脫阿難是名教授教誡
聞法福利復次阿難若有比丘先未
病時斷五下分結不得無上愛盡解
脫不起諸漏離欲解脫其身病起極
生苦患不得大師教授教誡說法不
得諸餘多聞大德教授教誡說法然
先所聞法獨一靜處思惟稱量觀察
得無上愛盡解脫不起諸漏離欲解
脫阿難是名思惟先所聞法所得福
利何緣叵求鄰比丘不得諸根欣悅
色貌清淨膚體鮮澤叵求鄰比丘先
未病時未斷五下分結彼親從大師
聞教授教誡說法斷五下分結世尊
為彼尊者叵求鄰受阿鄰舍記佛說
此經已尊者阿難聞佛所說歡喜隨
喜作禮而去

如是我聞一時佛住舍衛國祇樹給
孤獨園尔時尊者阿濕波擔住東園
鹿母講堂身遭重病極生苦患尊者

富隣居瞻視供給如前跋迦梨修多
羅廣說謂說三受乃至轉增無損佛
告阿濕波擔汝莫變悔阿濕波擔白
佛言世尊我實有變悔佛告阿濕波
擔汝得無破戒耶阿濕波擔白佛言
世尊我不破戒佛告阿濕波擔汝不
破戒何為變悔阿濕波擔白佛言世
尊我先未病時得身息樂正受多修
習我於今日不復能得入彼三昧我
作是思惟將無退失是三昧耶佛告
阿濕波擔我今問汝隨意答我阿濕
波擔汝見色即是我異我相在不阿
濕波擔白佛言不也世尊復問汝見
受想行識是我異我相在不阿濕波
擔白佛言不也世尊佛告阿濕波擔
汝既不見色是我異我相在不見受
想行識是我異我相在何故變悔阿
濕波擔白佛言世尊不正思惟故佛
告阿濕波擔若沙門婆羅門三昧堅
固三昧平等若不得入彼三昧不應
作念我於三昧退減若復聖弟子不
見色是我異我相在不見受想行識
是我異我相在但當作是覺知貪欲

永盡無餘瞋恚愚癡永盡無餘貪
癡永盡無餘已一切漏盡無漏心解
脫慧解脫現法自知作證我生已盡
梵行已立所作已作自知不受後有
佛說是法時尊者阿濕波誓不起諸
漏心得解脫歡喜踊悅歡喜踊悅故
身病即除佛說此經今尊者阿濕波
拊歡喜隨喜已從坐起而去老摩迦
修多羅如五受陰處說

如是我聞一時佛住舍衛國祇樹給
孤獨園時有異比丘年少新學於此
法律出家未久少知識獨一客旅無
人供給住邊聚落客僧房中疾病困
篤時有衆多比丘詣佛所稽首禮足
却坐一面白佛言世尊有一比丘年
少新學乃至疾病困篤住邊聚落客
僧房中有是病比丘多死無活善哉
世尊往彼住處以哀愍故今時世尊
默然而許即日瞿曇時從禪覺至彼住
處彼病比丘遙見世尊扶床欲起佛
告比丘息卧勿起去何比丘苦患寧
可忍不如前老摩修多羅廣說如是
三受乃至病苦但增不損佛告病比

丘我今問汝隨意答我汝得無變悔
耶病比丘白佛實有變悔世尊佛告
病比丘汝得無犯戒耶病比丘白佛
言世尊實不犯戒佛告病比丘汝若
不犯戒何為變悔病比丘白佛世尊
我年幼稚出家未久於過人法勝妙
知見未有所得我作是念命終之時
知生何處故生變悔佛告比丘我今
問汝隨意答我云何比丘有眼故有
眼識耶比丘白佛如是世尊復問比
丘於意云何有眼識故有眼觸眼觸
因緣生內受若苦若樂不苦不樂耶
比丘白佛如是世尊耳鼻舌身意亦
如是說云何比丘若無眼則無眼識
耶比丘白佛如是世尊復問比丘若
無眼識則无眼觸耶若無眼觸則無
眼觸因緣生內受若苦若樂不苦不
樂耶比丘白佛如是世尊耳鼻舌身
意亦如是說是故比丘當善思惟如
是法得善命終後世亦善尔時世尊
為病比丘種種說法亦教照喜已從
坐起去時病比丘世尊去後尋即命
終臨命終時諸根喜悅顏貌清淨

色鮮白時衆多比丘詣佛所稽首禮足退坐一面白佛言世尊彼年少比丘疾病困篤尊者今已命終當命終時諸根喜悅顏貌清淨膚色鮮白云何世尊如是比丘當生何處云何受生後世云何佛告諸比丘彼命過比丘是真實物聞我說法分明解了於法無畏得般涅槃汝等但當供養舍利世尊今時為彼比丘受第一記佛說此經已諸比丘聞佛所說歡喜奉行

如是我聞一時佛住舍衛國祇樹給孤獨園如上說差別者諦聽善思當為汝說若彼比丘作如是念我此識身及外境界一切相無有我我所見我慢繫著使我慢繫著使我及心解脫慧解脫現法自知作證具足住於此識身及外境界一切相無有我我所見我慢繫著使我及彼心解脫慧解脫現法自知作證具足住彼比丘我此識身及外境界一切相無有我我所見我慢繫著使我及心解脫慧解脫現法自知作證具足住於此識身及外境界一切相

無有我我所見我慢繫著使及心解
脫慧解脫現法自知作證具足住若
彼比丘於此識身及外境界一切相
無有我我所見我慢繫著使及心解
脫慧解脫現法自知作證具足住於
此識身及外境界一切相無有我我
所見我慢繫著使及彼心解脫慧解
脫現法自知作證具足住者是名比
丘斷愛欲轉諸結止慢無聞等究竟
苦邊佛說此經已諸比丘聞佛所說
歡喜奉行

如是我聞一時佛住舍衛國祇樹給
孤獨園如上說差別者乃至佛告病
比丘汝不自犯戒耶比丘白佛言世
尊我不以持淨戒故於世尊所修梵
行佛告比丘汝以何等法故於我所
修梵行比丘白佛為離瞋恚愚癡故於世
尊所修梵行為離瞋恚愚癡故於世
正應為離貪欲故於我所修梵行離
瞋恚愚癡故於我所修梵行比丘貪
欲經故不得離欲無明經故慧不清
淨是故比丘於欲離欲心解脫離無明

故慧解脫若比丘於欲離欲心解脫
身作證離無明故慧解脫是名比丘
斷諸愛欲轉結縛止慢無間等究竟
苦邊是故比丘於此法善思惟如前
廣說乃至受第一記佛說此經已諸
比丘聞佛所說歡喜隨喜作禮而去
如是我聞一時佛住舍衛國祇樹給
孤獨園時有衆多比丘集於伽梨鉢
講堂時多有比丘疾病尔時世尊瞋
時從禪覺往至伽梨鉢講堂於大衆
前敷座而坐坐已告諸比丘當正念正
智以待時是則為我隨順之教比丘
云何為正念謂比丘內身身觀念處
精勤方便正念正智調伏世間貪憂
外身身觀念處內外身身觀念處內
受外受內外受內心外心內外心內
法外法內外法法觀念處精勤方便
正念正智調伏世間貪憂是名比丘
正憶念云何正智謂比丘若來若去
正知而住瞻視觀察屈申俯仰執持
衣鉢行住坐卧眠覺乃至五十六十
依語默正智行比丘是名正智如是
比丘正念正智住者能起樂受有因

緣非無因緣云何因緣謂緣於身作
是思惟我此身無常有為心因緣生
樂受亦無常有為心因緣生身及樂
受觀察無常觀察生滅觀察離欲觀
察滅盡觀察捨彼觀察身及樂受無
常乃至捨已若於身及樂受貪欲使著
永不復使如是正念正智生苦受因
緣非不因緣云何為因緣如是緣身
作是思惟我此身無常有為心因緣
生苦受亦無常有為心因緣生身及
苦受觀察無常乃至捨於此及苦受
瞋恚所使永不復使如是正念正智
生不苦不樂受因緣非不因緣云何
因緣謂身因緣作是思惟我此身無
常有為心因緣生彼不苦不樂受亦
無常有為心因緣生彼身及不苦不
樂受觀察無常乃至捨若所有身及
不苦不樂受無明使使永不復使
多聞聖弟子如是觀者於色厭離於
受想行識厭離離離已離欲離欲已
解脫解脫知見我生已盡梵行已立
所作已作自知不受後有今時世尊
即說偈言

樂覺所覺時莫能知樂覺貪欲使所使
不見於出離苦受所覺時莫能知苦受
瞋恚使所使不見出離道不苦不樂受
等正覺所說彼亦不能知終不度彼岸
若比丘精勤正智不傾動於彼一切受
點慧能念知能知諸受已現法盡諸漏

依慧而命終涅槃不墮數

佛說此經已諸比丘聞佛所說歡喜
奉行

如是我聞一時佛住舍衛國祇樹給
孤獨園如上說時有衆多比丘集會
迦梨縣講堂多有疾病如上說差別
者乃至聖弟子如是觀者於色解脫
於受想行識解脫我說是等解脫生
老病死亦時世尊即說偈言

智慧多聞者非不覺諸受若於苦樂受
分別諦明了當知堅固事凡夫有昇降
於樂不添著於苦不傾動知受不受生
依於貪恚覺斷除斯等已其心善解脫
繫念緣妙境正向待終期若比丘精勤
正智不傾動於此一切受慧者能覺知
了知諸受已現法盡諸漏依慧而命終
涅槃不墮數

佛說此經已諸比丘歡喜作禮而去
如是我聞一時佛住舍衛國祇樹給
孤獨園尔時給孤獨長者得病身極
苦痛世尊聞已晨朝著衣持鉢入舍
衛城乞食次第乞食至給孤獨長者
舍長者遙見世尊帶床欲起世尊見
已即告之言長者勿起增其苦患世
尊即坐告長者言云何長者病可忍
不身所苦患為增為損長者白佛甚
苦世尊難可堪忍乃至說三受如婆
摩修多羅廣說乃至苦受但增不損
佛告長者當如是學於佛不壞淨於
法僧不壞淨聖戒成就長者白佛如
世尊說四不壞淨我有此法此法中
有我世尊我今於佛不壞淨法僧不
壞淨聖戒成就佛告長者善哉善哉
即記長者得阿耨舍果長者白佛唯
願世尊今於此食尔時世尊默而許
之長者即勅辦種種淨美飲食供養
世尊世尊食已為長者種種說法亦
教照喜已從坐起而去

如是我聞一時佛住舍衛國祇樹給
孤獨園時尊者阿難聞給孤獨長者

身遭苦患往詣其會長者遙見阿難
平床欲起乃至說三受如前又摩修
多羅廣說乃至苦患但增不損時尊
者阿難告長者言勿恐怖若愚癡無
聞凡夫不信於佛不信法僧聖戒不
具故有恐怖亦畏命終及後世苦汝
今不信已斷已知於佛淨信具足於
法僧淨信具足聖戒成就長者白尊
者阿難我今何所恐怖我始於王舍
城寒林中丘塚間見世尊即得於佛
不壞淨於法僧不壞淨聖戒成就自
從是來家有錢財悉與佛弟子比丘
比丘尼優婆塞優婆夷共尊者阿難
言善哉長者汝自記說是須陀洹果
長者白尊者阿難可就此食尊者阿
難默然受請即辦種種淨美飲食供
養尊者阿難食已復為長者種種說
法示教照喜已從坐起而去

如是我聞一時佛住舍衛國祇樹給
孤獨園今時尊者舍利弗聞給孤獨
長者身遭苦患聞已語尊者阿難知
不給孤獨長者身遭苦患當共往省
尊者阿難默然而許時尊者舍利弗

與尊者阿難共詣給孤獨長者舍。長者遇見尊者舍利弗扶床欲起。乃至說三種受。如又摩修多羅。廣說身諸苦患。轉增無損。尊者舍利弗告長者言。當如是學。不著眼。不依眼界。生貪欲。識不著耳。鼻。舌。身。意。亦不著。不依意界。生貪欲。識不著色。不依色界。生貪欲。識不著聲。香味。觸。法。不依法界。生貪欲。識不著於地界。不依地界。生貪欲。識不著於水。火。風。空。識界。不依識界。生貪欲。識不著色。陰。不依色。陰。陰。生貪欲。識時。給孤獨長者悲歎。流淚尊者阿難告長者言。汝今怯劣耶。長者白。阿難。不怯劣也。我自顧念。奉佛以來二十餘年。未聞尊者舍利弗說深妙法。如今所聞。尊者舍利弗告長者言。我亦久未嘗為諸長者說如是法。長者白。尊者舍利弗。有居家白。未有勝信。勝念。勝樂。不聞深法。而生退沒。善哉。尊者舍利弗。當為居家白。未說深妙法。以哀愍故。尊者舍利弗。今於此食。尊者舍利弗等默然受。

請即設種種淨美飲食恭敬供養食已復為長者種種說法亦教照喜亦教照喜已即從坐起而去

達磨提離長者修多羅亦如世尊為給孤獨長者初修多羅廣說第二修多羅亦如是說差別者若復長者作此四不壞淨已於上修習六念謂念如來事乃至念天長者白佛言世尊成就我常修念如來事乃至念天佛告長者善哉善哉汝今自記阿耨舍果長者白佛唯願世尊受我請食尔時世尊默然受請長者知佛受請已即具種種淨美飲食恭敬供養世尊食已復為長者種種說法亦教照喜已從坐起而去

如是我聞一時佛住王舍城迦蘭陀竹園時有長壽童子是樹提長者孫子身嬰重病晨朝著衣持鉢入王舍城乞食次第到長壽童子舍長壽童子這見世尊扶床欲起乃至說三受如又摩修多羅廣說乃至病苦但增無

損是故童子當如是學於佛不壞淨
於法僧不壞淨聖戒成就當如是學
童子白佛言世尊如世尊說四不壞
淨我今志有我常於佛不壞淨於法
僧不壞淨聖戒成就佛告童子汝當
依四不壞淨於上修習六明分想何
等為六謂一切行無常想無常苦想
苦無我想觀食想一切世間不可樂
想死想童子白佛言如世尊說依四
不壞淨修習六明分想我今志有然
我作是念我命終後不知我祖父樹
提長者當云何余時樹提長者語長
壽童子言汝於我所故念且停汝今
且聽世尊說法思惟憶念可得長夜
福利安樂饒益時長壽童子言我於
一切諸行當作無常想無常苦想苦
無我想觀食想一切世間不可樂
想死想常現在前佛告童子汝今自
記所施舍果長壽童子白佛言世尊
唯願世尊住我舍食余時世尊默然
而許長壽童子即辦種種淨美飲食
恭敬供養世尊食已復為童子燈注
說法亦教照喜已從坐起而去

如是我聞一時佛住波羅捺國仙人
住處鹿野苑中時婆數長者身遭苦患
患今時世尊聞婆數長者身遭苦患
如前達摩提那長者修多羅廣說得
阿部含果記乃至從坐起而去

如是我聞一時佛住迦毗羅衛國尼
拘律園中時有釋氏沙羅疾病委篤
今時世尊聞釋氏沙羅疾病委篤晨
朝著未持鉢入迦維羅衛國乞食次
到釋氏沙羅舍釋氏沙羅遙見世尊
扶床欲起乃至說三受如耆摩迦修
多羅廣說乃至患苦但增不損是故釋
氏沙羅當如是學於佛不壞淨於法僧
不壞淨聖戒成就釋氏沙羅白佛言
如世尊說於佛不壞淨於法僧不壞
淨聖戒成就我志有之我常於佛不
壞淨於法僧不壞淨聖戒成就佛告
釋氏沙羅是故汝當依佛不壞淨法
僧不壞淨聖戒成就於上修習五喜
慶何等為五謂念如來事乃至自所
施法釋氏沙羅白佛言如世尊說依
念不壞淨修五喜慶我亦有之我常
念如來事乃至自所施法佛言善哉
善哉汝今自記斯施舍果沙羅白佛

唯願世尊今我舍食尔時世尊默然而許沙羅長者即辦種種淨美飲食恭敬供養世尊食已復為沙羅長者種種說法亦教照喜已從坐起而去

如是我聞一時佛住那梨聚落曲谷精舍尔時耶輸長者疾病困篤如是乃至得阿那含果記如達摩提那修多羅廣說

如是我聞一時佛住瞻婆國竭伽池側時有摩那提那長者疾病新差時摩那提長者語一士夫言善男子汝往尊者阿那律所為我稽首阿那律足問許起居輕利安樂住不明日通身四人願受我請若受請者汝復為我白言我俗人多有王家事不能得自往奉迎唯願尊者時到通身四人來赴我請哀愍故時彼男子受長者教詣尊者阿那律所稽首礼足白言尊者摩那提那長者敬礼問許少病少惱起居輕利安樂住不唯願尊者通身四人明日日中哀受我請時尊者阿那律默然受請時彼士夫復以摩那提那長者語白尊者阿那律我

是俗人多有王家事不得躬自奉迎
唯願尊者通身四人明日日中哀受
我請憐愍故尊者阿那律陀言汝且
自安我自知時明日通身四人往詣
其舍時彼士夫受尊者阿那律教還
白長者阿梨當知我已詣尊者阿那
律具宣尊意尊者阿那律言汝且自
安我自知時彼長者摩那提那夜辦
淨美飲食晨朝復告彼士夫汝往至
彼尊者阿那律所白言時到時彼士
夫即受教行詣尊者阿那律所稽首
礼足白言供具已辦唯願知時時尊
者阿那律著衣持鉢通身四人詣長
者舍時摩那提那長者姊妹女團遶住
內門左見尊者阿那律舉體執足敬
礼引入就坐各別稽首問訊起居退
坐一面尊者阿那律問訊長者堪忍
安樂住不長者答言如是尊者堪忍
樂住先遭疾病當時安寧今已蒙差
尊者阿那律問長者言汝住何位能
今疾病苦患時得除差長者白言尊
者阿那律我住四念處專修繫念故
身諸苦患時得休息何等為四謂內

身身觀念住精勤方便正念正智調
伏世間貪憂外身內外身內受外受
內外受內心外心內外心內法外法
內外法法觀念住精勤方便正念正
智調伏世間貪憂如是尊者阿那律
我於四念處繫心住故身諸苦患時
得休息尊者阿那律住故身諸苦患
時得休息尊者阿那律告長者言汝
今日記阿那含果時摩那提那長者
以種種淨美飲食自手供養自恣飽
滿食已澡漱畢摩那提那長者復坐
早床聽說法尊者阿那律種種說法
亦教照喜已從坐起去

如是我聞一時佛住王舍城金師精
舍時有薄陀長者來詣佛所稽首佛
足退坐一面尔時世尊問薄陀長者
汝今愛樂何等沙門婆羅門淨行淳
隨白佛有沙門婆羅門奉事於水事
毗濕波天執杖澡洗常淨其手如是
正士能善說法言善男子月十五日
以胡麻屑糝摩羅屑以澡其髮修行
齋法被著新淨長駿白氎牛糞塗地
而卧其上善男子晨朝早起以手觸

地作如是言此地清淨我如是淨手
執牛糞團并把生草口說是言此是
清淨我如是淨若如是者見為清淨
不如是者永不清淨世尊如是係類
門婆羅門若為清淨我所宗仰佛
告淨陀有黑法黑報不淨不淨果負
重向下成就如此諸思法若華復晨
起早起以手觸地唱言清淨猶是不
淨正復不觸亦不清淨執牛糞團并
及生草唱言清淨亦復不淨正復不
觸亦不清淨淨陀何等為黑黑報不
淨不淨果負重向下乃至觸以不觸
志皆不淨淨陀謂煞生惡業手常血
腥心常思惟搗搗煞害無慙無愧慙
貪悞惜於一切眾生乃至昆虫不離
於煞於他財物聚落空地皆不離盜
行諸邪姪若父母兄弟姉妹夫主親
族乃至授花鬘者如是等護以力強
不離邪姪不實妄語或於王家真
實言家多衆聚集求當言虛作不實
言不見言見見言不見不聞言聞聞
言不聞知言不知不知言知因自因
或因財利知而妄語而不捨離是

名妄語兩舌乖離傳此向彼傳彼向
此遍相破壞今和合者離離者歡喜
是名兩舌不離惡口罵詈若人軟語說
悅耳心喜方正易知樂聞無佞說多
人愛念適意隨順三昧捨如是等而
作剛強多人所惡不愛不適意不順
三昧說如是等言不離虛誑是名惡
心綺飾壞語不時言不實言無義言
非法言不思言如是等名壞語不捨
難貪於他財物而起貪欲言此物我
有者好不捨賤惠與惡心思惟言彼
衆生應縛應鞭應伏應煞欲為生難
不捨邪見顛倒如是見如是說無施
無報無福無善行惡行無善惡業果
報無此世無他世無父母無衆生生
世間無世阿羅漢等趣等向此世他
世自知作證我生已盡梵行已立所
作已作自知不受後有淨陀是名黑
黑報不淨不淨果乃至觸以不觸皆
志不淨淨陀有白白報淨有淨果輕仙
上昇成就已晨朝觸地此淨我淨者
亦得清淨若不觸者亦得清淨把牛
糞團手執生草淨因淨果者執與不

執亦得清淨淳陀何等為白白報乃
至執以不執亦得清淨謂有人不煞
生離煞生捨刀杖慙愧悲念一切衆
生不偷盜遠離偷盜與者取不與不
取淨心不貪離於邪婬若父母護乃
至授一花鬘者志不強干起於邪婬
離於妄語審諦實說遠離兩舌不傳
此向彼傳彼向此共相破壞離者令
和和者隨喜遠離惡口不剛強多人
樂其所說離於壞語諦說時說實說
義說法說見說離於貪欲不於他財
他衆具作已有想而生貪著離於瞋
恚不作是念搥打縛煞為作衆難正
見成就不顛倒見有施有說有福有
善惡行果報有此世有父母有衆生
生有世阿羅漢於此世他世現法自
知作證我生已盡梵行已立所作已
作自知不受後有淳陀是名白白報
乃至觸與不觸皆悉清淨尔時淳陀
長者聞佛所說歡喜隨喜作禮而去
如是我聞一時佛住王舍城金師精
舍時有異婆羅門於十五日洗頭已
受齋法被新長髮白鬘手執生草來

諸佛所與世尊面相問訊慰勞已退
坐一面尔時佛告婆羅門汝洗頭被
新長髮白氎是誰家法婆羅門白佛
瞿曇是名婆羅門修捨行佛告婆
羅門捨法婆羅門白佛言瞿曇如是
十五日洗頭受持法齋者新淨長髮
白氎手執生草隨力所能布施作福
瞿曇是名婆羅門修捨行佛告婆
羅門賢聖法律所行捨行異於此也
婆羅門白佛瞿曇大何為賢聖法律
所行捨行佛告婆羅門謂離煞生不
樂煞生如前清淨分廣說依於不煞
捨離煞生乃至如前清淨分廣說離
偷盜不樂於盜依於不盜捨不與取
離諸邪淫不樂邪淫依於不淫捨非
梵行離於妄語不樂妄語依不妄語
捨不實言離諸兩舌不樂兩舌依不
兩舌捨別離行離於惡口不樂惡口
依不惡口捨於虛言離諸綺語不樂
綺語依不綺語捨無義言斷除貪欲
遠離若貪依無貪心捨於愛著斷除
瞋恚不生忿恨依於無恚捨彼瞋恨
修習正見不起顛倒依於正見捨彼

耶見婆羅門是名賢聖法律所行捨
行婆羅門白佛善哉瞿曇賢聖法律
所行捨行時婆羅門聞佛所說歡喜
隨喜從坐起去

如是我聞一時佛住王舍城迦蘭陀
竹園時有生聞梵志來詣佛所與世
尊面相問評慰勞已退坐一面白佛
言瞿曇我有親族極所愛念忽然命
終我為彼故信心布施云何世尊彼
得受不佛告婆羅門非一向得若汝
親族生地獄中者得彼地獄衆生食
以活其命不得汝所信施飲食若生
畜生餓鬼人中者得彼人中飲食不
得汝所施者婆羅門餓鬼趣中有一
處名為入處餓鬼若汝親族生彼入
處餓鬼中者得汝施食婆羅門白佛
若我親族不生入處餓鬼趣中者我
信施誰應食之佛告婆羅門若汝所
可為信施親族不生入處餓鬼趣者
要有餘親族知識生入處餓鬼趣中
者得食之婆羅門白佛瞿曇若我所
為信施親族不生入處餓鬼趣中亦
無更餘親族知識生入處餓鬼趣者

以信施食誰當食之佛告婆羅門設使所為施親族知識不生入處餓鬼趣中復無諸餘知識生餓鬼者且信施而自得其福彼施者所作信施而彼施者不失達觀婆羅門白佛云何施者行施施者得彼達觀佛告婆羅門有人煞生行惡手常血腥乃至十不善業跡如淳陀修多羅廣說而復施諸沙門婆羅門乃至貧窮乞士悉施錢財衣服飲食燈明諸莊嚴具婆羅門彼惠施主若復犯戒生為中者以彼曾施沙門婆羅門錢財衣服飲食乃至莊嚴眾具故雖在為中亦得受彼施報衣服飲食乃至種種莊嚴眾具若復生牛馬驢騾等種種畜生趣中以忒施惠功德悉受其報隨彼生處所應受用皆悉得之婆羅門若復施主持戒不煞不盜乃至正見布施諸沙門婆羅門乃至乞士錢財衣服飲食乃至燈明緣斯功德生人道中坐受其報衣服飲食乃至燈明眾具復次婆羅門若復持戒生天上日彼諸惠施天上受報財寶衣服飲食

乃至莊嚴衆具婆羅門是名施者行
施者受達觀果報不失時生閻婆
羅門聞佛所說歡喜隨喜從坐起去
如是我聞一時佛在拘薩羅國人間
遊行住鞞羅磨聚落北身恕林中鞞
羅聚落婆羅門長者聞世尊住聚落
北身恕林中聞已共相招集往詣佛
所稽首佛足退坐一面向佛言世尊
何因何緣有衆生身壞命終生地獄
中佛告諸婆羅門長者行非法行行
危險行因緣故身壞命終生地獄中
諸婆羅門長者白佛行何等非法行
危險行身壞命終生地獄中佛告婆
羅門長者煞生乃至邪見具足十不
善業因緣故婆羅門是非法行危險
行身壞命終生地獄中婆羅門白佛
何因緣諸衆生身壞命終得生天上
佛告婆羅門長者行法行行正行以
是因緣故身壞命終得生天上復問
世尊行何等法行何等正行身壞命
終得生天上佛告婆羅門長者謂離
煞生乃至正見十善業跡因緣故身
壞命終得生天上婆羅門長者若有

行此法行行此正行者欲求剎剎大
性家婆羅門大性家居士大性家志
得往生所以者何以法行正行因緣
故若復欲求生四王三十三天乃至
他化自在天志得往生所以者何以
法行正行故行淨戒者其心所願志
自然得若復如是法行正行者欲求
生梵天亦得往生所以者何以行正
行法行故持戒清淨心離愛欲所願
必得若復欲求往生光音遍淨乃至
阿伽尼吒亦復如是所以者何以彼
持戒清淨心離欲故若復欲求離欲
惡不善法有覺有觀乃至第四禪具
足住志得成就所以者何以彼法行
正行故持戒清淨心離愛欲所願必
得欲求慈悲喜捨空入處識入處無
所有入處非想非非想入處皆志得
所以者何以法行正行故持戒清淨
心離愛欲所願必得欲求斷三結得
須陀洹斯陀含阿那含果无量神通
天耳他心智宿命智生死智漏盡智
皆志得所以者何以法行正行故持
戒離欲所願必得時婆羅門長者聞

佛所說歡喜隨喜作禮而去

如是我聞一時佛在拘薩羅國人間遊行住鞞羅磨聚落北身憍林中時鞞羅磨聚落中波羅門長者問世尊馬車多將翼徒持金斗金鉢金澡餅出鞞羅磨聚落詣身憍林至道口下車步進入於園門至世尊前面相問評慰勞已退坐一面白佛云瞿曇何因何緣有人命終生地獄中乃至生天如上修多羅廣說時鞞羅磨婆羅門聞佛所說歡喜隨喜從坐起而去如是我聞一時佛住在拘薩羅人間遊行至鞞羅多羅聚落北身憍林中住鞞羅多羅聚落婆羅門長者問世尊住聚落北身憍林中聞已共相招引往詣身憍林至世尊所面相慰勞已退坐一面令時世尊告婆羅門長者我當為說自通之法諦聽善思何等自通之法謂聖弟子作如是學我作是念若有欲煞我者我不喜我若所不喜他亦如是去何煞彼作是覺已受不煞生不樂煞生如上說我若

不喜人盜於我他亦不喜我云何盜
他是故持不盜戒不樂於盜如上說
我既不喜人侵我妻他亦不喜我今
云何侵人妻婦是故受持不他姪戒
如上說我尚不喜為人所欺他亦如
是云何欺他是故受持不妄語戒如
上說我尚不喜他人離我親友他亦
如是我今云何離他親友是故不行
兩舌我尚不喜人加麤言他亦如是
云何於他而起罵辱是故於他不行
惡口如上說我尚不喜人作綺語他
亦如是云何於他而作綺語是故於
他不行綺語如上說如是七種名為
聖戒又復於錦不壞淨成就於法僧
不壞淨成就者名聖弟子四不壞淨
成就自現前觀察能自記說我地獄
盡畜生餓鬼盡一切悉越盡得須陀
洹不墮惡趣法決定正向三菩提七
有天人住生究竟苦邊時解脫聚落
婆羅門長者聞佛所說歡喜隨喜從
坐起而去

如是說聞一時佛住舍衛國祇樹給
孤獨園余時世尊告諸比丘有相習

近法諦聽善思當為汝說何等為相
習近法謂煞生者煞生者習近盜婬
妄語兩舌惡口綺語貪恚邪見各各
隨類更相習近譬如不淨物不淨物
自相和合如是煞生煞生乃至邪見
邪見自相習近如是比丘不煞生不
煞生相習近乃至正見正見更相習
近譬如淨物淨物自相和合乳生酪
酪生酥酥生醍醐醍醐自相和合如
是不煞不煞更相習近乃至正見正
見更相習近是名比丘相習近法佛
護是經已諸比丘聞佛所說歡喜
奉行

如是我聞一時佛住舍衛國祇樹給
孤獨園尔時世尊告諸比丘有地行
法諦聽善思當為汝說何等為地行
法謂煞生惡行手常血腥乃至十不
善業跡如前淨陀修多羅廣說彼當
尔時身地行口地行意地行彼如是
身口意地行已於其二趣向一一趣
若地獄若畜生地行衆生謂地鼠猫
狸等腹行衆生是名地行法云何非
地行法謂不煞生乃至正見如前淨

隨修多羅十業跡廣說是名非地行
法身非地行口非地行意非地行於
其二趣生一一趣若天上若人中是
名非地行法佛說此經已諸比丘聞
佛所說歡喜奉行

如是我聞一時佛住舍衛國祇樹給
孤獨園尔時世尊告諸比丘有惡業
因惡心因惡見因如是衆生身壞命
終必墮惡趣泥犁中譬如圓珠擲著
空中落地流轉不一處住如是惡業因
惡心因惡見因身壞命終必墮地獄
中無住處云何為惡業謂煞生乃至
綺語如上廣說是名惡業云何惡心
謂貪恚心如上廣說是名惡心云何
惡見謂邪顛倒如上廣說是名惡見
是名惡業因惡心因惡見因身壞命
終必生惡趣泥犁中善業因善心因
善見因身壞命終必生善趣天上婆
羅門云何為善業謂離煞生不樂煞
生乃至不綺語是名善業云何善心
謂不貪不恚是名善心云何為見善
謂正見不顛倒乃至見不受後有是
名見善是名善業因善心善見善因

身壞命終得生天上譬如四方摩尼
珠擲著空中隨墮則安如是彼三善
因所在受生隨處則安佛說如是經
已諸比丘聞佛所說歡喜奉行
如是我聞一時佛住舍衛國祇樹給
孤獨園介時世尊告諸比丘若煞生
人多習多行生地獄中若生人中必
得短壽不與取多習多行生地獄中
若生人中錢財多難邪婬多習多行
生地獄中若生人中所有妻室為人
所害妄語多習多行生地獄中若生
人中多被譏論兩舌多習多行生地
獄中若生人中親友乖離惡口多習
多行生地獄中若生人中常聞醜聲
綺語多習多行生地獄中若生人中
言無信用貪欲多習多行生地獄中
若生人中增其貪欲瞋恚多習多行
生地獄中若生人中增其瞋恚邪見
多習多行生地獄中若生人中增其
愚癡若離煞生修習多修習得生天
上若生人中必得長壽不盜修習多
修習得生天上若生人中錢財不喪
不邪婬修習多修習得生天上若生

人中惠室修良不妄語修習多修習
得生天上若生人中不被譏論不兩
舌修習多修習得生天上若生人中
親友堅固不惡口修習多修習得生
天上若生人中常聞妙音不綺語修
習多修習得生天上若生人中言見
信用不貪修習多修習得生天上若
生人中不增愛欲不恚修習多修習
得生天上若生人中不增瞋恚正見
修習多修習得生天上若生人中不
增愚癡佛說是經已諸比丘聞佛所
說歡喜奉行

如是我聞一時佛住舍衛國祇樹給
孤獨園舍時世尊告諸比丘然生有
三種謂從貪生故從恚生故從癡生
乃至邪見亦三種從貪生從恚生從
癡生離然生亦有三種不貪生不恚
生不癡生乃至離邪見亦三種不貪
生不恚生不癡生佛說是經已諸比
丘聞佛所說歡喜奉行

如是我聞一時佛住舍衛國祇樹給
孤獨園舍時世尊告諸比丘所謂有
出法出不出法何等為出法出不出
法謂不煞生出於然生乃至正見出

於邪見佛說是經已諸比丘聞佛所
說歡喜奉行

如是我聞一時佛住王舍城迦蘭陀
竹園時有生聞婆羅門來詣佛所稽
首佛足退坐一面向佛言瞿曇所說
此彼岸云何此岸云何彼岸佛告婆
羅門煞生者謂此岸不煞生者謂彼
岸邪見者謂此岸正見者謂彼岸尔
時世尊即說偈言

少有修善人能度於彼岸一切衆生類
駘馳走此岸於此正法律觀察法法相
此等度彼岸摧伏死魔軍

尔時生聞婆羅門聞佛所說歡喜隨
喜從坐起夫如是異比丘所問尊者
阿難所問佛問諸比丘三經亦如上談
如是我聞一時佛住舍衛國祇樹給
孤獨園尔時世尊告諸比丘有惡法
有真實法諦聽善思當為汝說云何
為惡法謂煞生不與取邪婬妄語兩
舌惡口綺語貪恚邪見是名惡法云
何為真實法謂離煞生乃至正見是
名真實法佛說是經已諸比丘聞佛
所說歡喜奉行

如是我聞一時佛住舍衛國祇樹給
孤獨園余時世尊告諸比丘有惡法
惡惡法有真實法真實法真實法諦聽
善思當為汝說云何為惡法謂煞生
乃至邪見是名惡法云何為惡惡法
謂自煞生教人令煞乃至自起邪見
復以邪見教人令行是名惡惡法云
何為真實法謂不煞生乃至正見是
名真實法云何為真實真實法謂自
不煞生教人不煞乃至自行正見復
以正見教人令行是名真實真實法
佛說此經已諸比丘聞佛所說歡喜
奉行

如是我聞一時佛住舍衛國祇樹給
孤獨園有不善男子善男子諦聽善
思今當為汝說云何為不善男子謂
煞生者乃至邪見者是名不善男子
云何善男子謂不煞生乃至正見是
名善男子佛說此經已諸比丘聞佛
所說歡喜奉行

如是我聞一時佛住舍衛國祇樹給
孤獨園余時世尊告諸比丘有不善
男子不善男子不善男子有善男子

善男子善男子諦聽善思當為汝說
云何為不善男子謂煞生乃至邪見者
是名不善男子云何為不善男子不
善男子謂手自煞生教人令煞乃至自
行邪見教人令行邪見是名不善男子
不善男子云何為善男子謂不煞生
乃至正見者是名善男子云何為善
男子善男子謂自不煞生教人不煞
乃至自行正見復以正見教人令行
是名善男子善男子佛說是經已諸
比丘聞佛所說歡喜奉行

如是我聞一時佛住舍衛國祇樹給
孤獨園尔時世尊告諸比丘若成就
十法者如鐵鉉鑽木身壞命終下入
惡趣泥犁中何等為十謂煞生乃至
邪見若成就十法譬如鐵鉉仰鑽虛
空身壞命終上生天上何等為十謂
不煞生乃至正見佛說是經已諸比
丘聞佛所說歡喜奉行

如是我聞一時佛住舍衛國祇樹給
孤獨園尔時世尊告諸比丘若成就
二十法者如鐵鉉鑽木身壞命終下
生惡趣泥犁中何等為二十謂自手
煞生教人令煞乃至自行邪見復以

邪見教人令行是名二十法成就如
鐵鉉鑽水身壞命終下生惡趣泥犁
中二十法成就譬如鐵鉉仰鑽虛空
身壞命終上生天上何等為二十法
謂自不煞生教人不煞乃至自行正
見復以正見教人令行是名二十法
成就如鐵鉉仰鑽虛空身壞命終上
生天上諸比丘聞佛所說歡喜奉行
如是我聞一時佛住舍衛國祇樹給
孤獨園尔時世尊告諸比丘三十法
成就者如鐵鉉鑽水身壞命終下生
惡趣泥犁中何等為三十法謂自手
煞生教人令煞讚歎煞生乃至自行
邪見復以邪見教人令行常復讚歎
行邪見者是名三十法如鐵鉉鑽水
身壞命終下生惡趣泥犁中有二十
法成就者如鐵鉉鑽空身壞命終上
生天上何等為三十法謂自不煞生
教人不煞常復讚歎不煞功德乃至
自行正見復以正見教人令行常復
讚歎正見功德是名三十法成就如
鐵鉉鑽空身壞命終上生天上諸比
丘聞佛所說歡喜奉行

如是我聞一時佛住舍衛國祇樹給
孤獨園今時世尊告諸比丘有四十
法成就如鐵捨投水身壞命終下生
惡趣泥犁中何等為四十法謂手自
煞生教人令煞讚歎煞生見人煞生
心隨歡喜乃至自行邪見教人令行
讚歎邪見見行邪見心隨歡喜是名
四十法成就如鐵捨投水身壞命終
下生惡趣泥犁中有四十法成就如
鐵捨鑽空身壞命終上生天上何等
為四十謂不煞生教人不煞口常讚
歎不煞功德見不煞者心隨歡喜乃
至自行正見教人令行亦常讚歎正
見功德見人行者心隨歡喜是名四
十法成就如鐵捨鑽空身壞命終上
生天上佛說此經已諸比丘聞佛所
說歡喜奉行

如是我聞一時佛住舍衛國祇樹給
孤獨園今時世尊告諸比丘有非法
有正法諦聽善思當為汝說何等為
非法謂煞生乃至邪見是名非法何
等正法謂不煞生乃至正見是名正
法佛說此經已諸比丘聞佛所說歡

喜奉行

如是我聞一時佛住舍衛國祇樹給
孤獨園尔時世尊告諸比丘有非律
有正律諦聽善思當為汝說何等為
非律謂煞生乃至邪見是名非律何
等為正律謂不煞乃至正見是名正
律佛說此經已諸比丘聞佛所說歡
喜奉行

如非律正律如是非聖及聖不善及
善非親近親近非善我善我黑法白
法非義正義卑法勝法有罪法無罪
法棄法不棄法一一經如上說

維阿含經卷第三十七

癸卯歲高麗國大藏都監奉

勅雕造

維阿含經卷第三十七 第三十七

雜阿含經卷第三十八

川

宋天竺三藏求那跋陀羅譯

如是我聞一時佛住舍衛國祇樹給
孤獨園時有尊者善生新剃鬚髮著
袈裟衣正信非家出家學道來詣佛
所稽首佛足退坐一面尔時世尊告
諸比丘諸比丘當知此善生善男子
有二處端嚴一者剃除鬚髮著袈裟
衣正信非家出家學道二者盡諸有
漏無漏心解脫慧解脫現法自知作
證我生已盡梵行已立所作已作自
知不受後有尔時世尊即說偈言
寂靜盡諸漏比丘莊嚴好 離欲斷諸結
涅槃不復生持此最後身摧伏魔怨敵
佛說此經已諸比丘聞佛所說歡喜
奉行

如是我聞一時佛住舍衛國祇樹給
孤獨園時有異比丘形色醜陋難可
觀視為諸比丘之所輕慢來詣佛所
尔時世尊四眾圍繞見彼比丘來皆
起輕想更相謂言彼何等比丘隨路
而來形貌醜陋難可觀視為人所慢

尔時世尊知諸比丘心之所念告諸
比丘汝等見彼比丘來形狀甚醜難
可視見令人起慢不諸比丘白佛唯
然已見佛告諸比丘汝等勿於彼比
丘起於輕想所以者何彼比丘已盡
諸漏所作已作離諸重擔斷諸有結
正智心善解脫諸比丘汝等莫妄量
於人唯有如來能量於人彼比丘語
佛所稽首佛足退坐一面尔時世尊
復告諸比丘汝等見此比丘稽首作
礼退坐一面不比丘白佛唯然已見
佛告諸比丘汝等勿於是比丘起於
輕想乃至汝等莫量於人唯有如來
能知人耳尔時世尊即說偈言

飛鳥及走獸莫不畏師子唯師子獸王
無有與等者如是智慧人雖小則為大
莫取其身相而生輕慢心何用巨大身
多肉而無慧此賢勝智慧則為上士夫
離欲斷諸結涅槃永不生持此寂後身
摧伏衆魔軍

佛說此經已諸比丘聞佛所說歡喜
奉行

如是我聞一時佛住王舍城迦蘭陀

竹園介時提婆達多有利養起摩竭
陀王阿闍世毗提希子曰日侍從五
百乘車來詣提婆達多所日日持五
百盂食供養提婆達多提婆達多將
五百人別衆受其供養時有衆多比
丘晨朝著衣持鉢入王舍城乞食聞
提婆達多有如是利養起乃至五百
人別衆受其供養乞食已還精舍舉
衣鉢洗足畢往詣佛所稽首佛足退
坐一面白佛言世尊我等晨朝著衣
持鉢入王舍城乞食聞提婆達多有
如是利養起乃至五百人別衆受其
供養佛告諸比丘汝等莫稱是提婆
達多所得利養所以者何彼提婆達
多別受利養今則自壞他世亦壞譬
如芭蕉竹蘆生果即死來年亦壞提
婆達多亦復如是受其利養今世則
壞他世亦壞譬如駢驢受胎必死提
婆達多亦復如是受諸利養今世亦
壞他世亦壞彼愚癡提婆達多隨幾
時受其利養當得長夜不饒益苦是
故諸比丘當如是學我設有利養起
莫生染著尔時世尊即說偈言

芭蕉生果死 竹蘆實亦然 駢馳必姪死
善法曰損減 莖枯根亦傷

佛說此經已 諸比丘聞佛所說歡喜
奉行

如是我聞一時佛住舍衛國祇樹給
孤獨園介時舍衛國有手比丘是釋
氏子在舍衛國命終時有衆多比丘
晨朝著衣持鉢入舍衛城乞食聞手
比丘釋子於舍衛國命終聞已入舍
衛城乞食還舉衣鉢洗足畢詣佛所
稽首佛足退坐一面白佛言世尊今
日晨朝衆多比丘著衣持鉢入舍衛
城乞食聞釋氏子手比丘於舍衛國
命終云何世尊手比丘命終當生何
處云何受生後世云何佛告諸比丘
是手比丘成就三不善法彼命終當
生惡趣泥犁中何等三不善法謂貪
欲瞋恚愚癡此三不善法結縛於心
釋種子手比丘生惡趣泥犁中尔時
世尊即說偈言
貪欲瞋恚癡 結縛士夫心 內發還自傷
猶如竹蘆實 無貪恚癡心 是說為黠慧

內發不自傷是名為勝出是故當離貪
瞋恚癡冥心比丘智慧明苦盡般涅槃
佛說此經已諸比丘聞佛所說歡喜
奉行

如手比丘難陀修多羅亦如是說
如是我聞一時佛住舍衛國祇樹給
孤獨園尔時尊者難陀是佛姨母子
好著好衣染色持治光澤執持好鉢
好作嬉戲調笑而行時有衆多比丘
來詣佛所稽首佛足退坐一面白佛
言世尊尊者難陀是佛姨母子好著
好衣持治光澤執持好鉢好作嬉戲
調笑而行尔時世尊告一比丘汝往
詣難陀比丘所語言難陀大師語汝
時彼比丘受世尊教往語難陀言世
尊語汝難陀聞已即詣佛所稽首佛
足退住一面佛告難陀汝實好著好
衣持治光澤好作嬉戲調笑而行不
難陀白佛實尔世尊佛告難陀汝佛
姨母子貴姓出家不應著好衣服持
令光澤執持好鉢好作嬉戲調笑而
行汝應作是念我是佛姨母子貴姓
出家應作阿練若乞食著糞掃衣常

應讚歎著糞掃衣常處山澤不願五
欲尔時難陀受佛教已修阿蘭若行
乞食著糞掃衣亦常讚歎著糞掃衣

者樂處山澤不願愛欲尔時世尊即
說偈言
難陀何見汝修習阿蘭若家家行乞食
身著糞掃衣樂處於山澤不願於五欲
佛說此經已尊者難陀聞佛所說歡
喜奉行

如是我聞一時佛在舍衛國祇樹給
孤獨園尔時尊者佉沙自念我是世
尊姑子兄弟故不修恭敬無所願錄
亦不畏懼不堪諫止時有衆多比丘
往詣佛所稽首佛足退坐一面白佛
言世尊尊者佉沙自念是世尊姑子
兄弟故不修恭敬無所願錄亦不畏
懼不堪諫止尔時世尊告一比丘汝
往詣佉沙比丘所語言佉沙大師語
汝時彼比丘受世尊教往語佉沙比
丘言世尊語汝佉沙比丘即詣佛所
稽首佛足退住一面佛告佉沙汝實
作是念我是世尊姑子兄弟不修恭
敬無所願錄亦不畏懼不堪忍諫不

伍沙白佛實尔世尊佛告伍沙汝不應尔汝應念言我是世尊姑子兄弟故應修恭敬畏懼堪忍諫止尔時世尊即說偈言

善哉汝伍沙 離瞋恚為善 莫生瞋恚心 瞋恚者非善 若能離瞋慢 修行軟下心 然後於我所 修行於梵行

佛說此經已伍沙比丘聞佛所說歡喜隨喜作礼而去

如是我聞一時佛住舍衛國祇樹給孤獨園時有尊者毗舍佉般闍梨子集供養堂為衆多比丘說法言辭滿足妙音清徹句味辯正隨智慧說聽者樂聞無所依說顯現深義令諸比丘一心專聽尔時世尊入晝正受以淨天耳過於人耳聞說法聲從三昧起往詣講堂於大衆前坐告毗舍佉般闍梨子善哉善哉毗舍佉汝能為諸比丘於此供養堂為衆多比丘說法言辭滿足乃至顯現深義令諸比丘專精敬重一心樂聽汝當數數為諸比丘如是說法令諸比丘專精敬重一心樂聽當得長夜以義我旣益安

隱樂住。余時世尊即說偈言。

若不說法者。愚智難分。此愚此智慧。無由自顯現。善說清涼法。因說智乃彰。說法為明照。光顯大仙幢。善說為仙幢。法為羅漢幢。

佛說此經已。尊者毗舍佉般闍梨子。聞佛所說歡喜隨喜作禮而去。

如是我聞。一時佛住舍衛國祇樹給孤獨園。時有衆多比丘集。供養堂。悉共作衣時。有一年少比丘出家未久。初入法律。不欲營助諸比丘作衣時。衆多比丘詣世尊所。稽首礼足。退坐一面。白佛言。世尊時有衆多比丘集。供養堂。為作衣。故有一年少比丘出家未久。始入法律。不欲營助諸比丘作衣。余時世尊問彼比丘汝實不欲營助諸比丘作衣耶。彼比丘白佛言。世尊隨我所能。當力營助。余時世尊知彼比丘心之所念。告諸比丘汝等莫與是年少比丘語。所以者何。是比丘得四增心法。正受現法安樂。住不勤而得。若彼本心。既為剃髮著袈裟。取出家學道。增進將學現法。自知。

作證我生已盡梵行已立所作已作
自知不受後有余時世尊即說偈言
非下劣方便薄德少智慧正向於涅槃
免脫煩惱鎖此賢年少者速得上士處
離欲心解脫涅槃不復生持此最後身
摧伏眾魔軍

佛說此經已諸比丘聞佛所說歡喜
奉行

如是我聞一時佛住舍衛國祇樹給
孤獨園時有比丘名曰上坐獨住一
處亦常讚歎獨一住者獨行乞食食
已獨還獨坐禪思時有眾多比丘詣
佛所稽首佛足退坐一面向佛言世
尊有尊者名曰上坐樂一獨處亦常
讚歎獨一住者獨入聚落乞食獨出
聚落還至住處獨坐禪思余時世尊
語一比丘汝往詣彼上坐比丘所語
上坐比丘言大師告汝比丘受教詣
上坐比丘所白言尊者大師告汝時
上坐比丘即時奉命詣世尊所稽首
禮足退住一面令時世尊告上坐比
丘汝實獨一靜處讚歎獨處者獨行
乞食獨出聚落獨坐禪思耶上坐比

丘白佛實尔世尊佛告上坐比丘汝
去何獨一處讀歎獨住者獨行乞食
獨還住處獨坐禪思上坐比丘白佛
我唯獨一靜處讀歎獨住者獨行乞
食獨出聚落獨坐禪思佛告上坐比
丘汝是一住者我不言非一住然更
有勝妙一住何等為勝妙一住謂比
丘前者枯乾後者滅盡中無貪喜是
婆羅門心不猶豫已捨憂悔離諸有
愛群聚使斷是名一住無有勝住過
於此者尔時世尊即說偈言

患昧於一切 患知諸世間 不著一切法
患離一切愛 如是樂住者 我說為一住
佛說此經已尊者上坐聞佛所說歡
喜隨喜作札而去

如是我聞一時佛在舍衛國祇樹給
孤獨園時有尊者僧迦藍於拘薩羅
人間遊行至舍衛國祇樹給孤獨園
彼僧迦藍比丘有子二在舍衛國中
聞僧迦藍比丘於拘薩羅人間遊行
至舍衛國祇樹給孤獨園聞已著好
衣服莊嚴華瓔抱其兒來詣祇洹至
僧迦藍比丘房前尔時尊者僧迦藍

出房露地經行時彼本二來到其前
作是言此兒幼小汝捨出家誰當養
活時僧迦藍比丘不共語如是再三
亦不共語時彼本二作如是言我再
三告不與我語不見願視我今置兒
著經行道頭而去言沙門此是汝子
汝自養活我今捨去尊者僧迦藍亦
不願視其子彼本二復言是沙門今
於此兒都不願視彼必得仙人難得
之處善哉沙門必得解脫情願不遂
抱子而去尔時世尊入晝正受以天
耳過人之耳聞尊者僧迦藍本二所
說即說偈言

來者不歡喜去亦不憂感於世間和合
解脫不染著我說彼比丘為真婆羅門
來者不歡喜去亦不憂感不染亦無憂
二心俱寂靜我說是比丘是真婆羅門
佛說此經已尊者僧迦藍聞佛所說
歡喜隨喜作札而去

如是我聞一時佛住舍衛國祇樹給
孤獨園尔時尊者阿難獨一靜處作
是思惟有三種香順風而熏不能逆
風何等為三謂根香莖香華香或復

有香順風熏亦逆風熏亦順風逆風
熏耶作是念已瞋時從禪覺往詣佛
所稽首佛足退住一面白佛言世尊
我獨一靜處作是思惟有三種香順
風而熏不能逆風何等為三謂根香
莖香華香或復有香順風熏逆風熏
亦順風逆風熏耶佛告阿難如是如
是有三種香順風熏不能逆風謂根
香莖香華香阿難亦有香順風熏逆
風熏順風逆風熏阿難順風熏逆風
熏順風逆風熏者阿難有善男子善
女人在所城邑聚落成就真實法盡
形壽不煞生不偷盜不邪淫不妄語
不飲酒如是善男子善女人八方上
下崇善士夫無不稱歎言某方某聚
落善男子善女人持戒清淨成真實
法盡形壽不煞生不飲酒阿難是名
有香順風熏逆風熏順風逆風熏亦
時世尊即說偈言

非根莖華香 能逆風而熏 唯有善士女
持戒清淨香 逆順滿諸方 無不普聞知
多迦羅栴檀 優鉢羅末利 如是比諸香
戒香最為上 栴檀等諸香 所熏少分限

唯有戒德香 流熏上昇天 斯等淨戒香
不放逸正受 正智等解脫 魔道莫能入
是名安隱道 是道則清淨 正向妙禪定
斷諸魔結縛

佛說此經已尊者阿難聞佛所說歡
喜隨喜作礼而去

如是我聞一時佛在摩竭提國人間
遊行與千比丘俱皆是古昔榮賤出
家皆得阿羅漢諸漏已盡所作已作
捨諸重擔逮得已利盡諸有結正智
善解脫到善建立支提杖林中住摩
竭提王餅沙聞世尊摩竭提國人間
遊行至善建立支提杖林中住與諸
小王群臣羽從車万二千乘馬万八
千步逐衆無數摩竭提婆羅門長者
志皆從王出王舍城詣世尊所恭敬
供養到於道口下車步進及於內門
除去五飾脫冠却蓋除扇去劒刀脫
草屣到於佛前整衣服偏露右肩為
佛作礼右遶三匝白稱姓名白佛言
世尊我是摩竭提王餅沙佛告餅沙
如是大王汝是餅沙可就此坐隨其
所安時餅沙王重礼佛足退坐一面

設王大臣婆羅門居士志礼佛足次
第而坐時鬱鞞羅迦葉亦在坐中時
摩竭提婆羅門長者作是念為大沙
門從鬱鞞羅迦葉所修梵行耶為鬱
鞞羅迦葉於大沙門所修梵行耶余
時世尊知摩竭提婆羅門長者心之
所念即說偈而問言

鬱鞞羅迦葉於此見何利 棄汝先所奉
事火等眾事今可說其義 捨事火之由
鬱鞞羅迦葉說偈白佛

錢財等滋味 女色五欲果 觀察未來受
斯皆大垢穢 是故志棄捨 先諸奉火事
余時世尊復說偈問言

汝不著世間錢財五色味 復何捨天人
迦葉隨義說

迦葉復以偈答世尊言

見道離有餘 寂滅無餘跡 無所有不著
無異趣異道 是故志棄捨 先修奉火事
大會等受持 奉事於水火 愚癡沒於中
志求解脫道 盲無智慧目 向生老病死
不見於正路 永離生死道 今始因世尊
得見無為道 大龍所說力 得度於彼岸
牟尼廣濟度 安慰無量眾 今始知瞿曇

多請超出者

佛復說偈歎迦葉言

善哉汝迦葉先非惡思量次第分別求
遂至於勝處

汝今迦葉當安慰汝徒衆之心時鬱
鞞羅迦葉即入正受以神足力向於
東方上昇虛空作四種神變行住坐
卧入火三昧舉身洞然青黃赤白頗
梨紅色身上出水身下出火遍燒其
身身上出水以灌其身或身上出火
以燒其身身下出水以灌其身如是
種種現化神通息已稽首佛足白佛
言世尊佛是我師我是弟子佛告迦
葉我是汝師汝是弟子隨汝所安復
座而坐時鬱鞞羅迦葉還復故座余
時摩竭提婆羅門長者作是念鬱鞞
羅迦葉定於大沙門所修行梵行佛
說此經已摩竭提王餅沙及諸婆羅
門長者聞佛所說歡喜隨喜作禮
而去

如是我聞一時佛住王舍城迦蘭陀
竹園時有陂驪摩羅子舊住王舍城
典知衆僧飲食床座隨次差次不令

越次時有慈地比丘頻三過次得麈
食處食時辛苦作是念憐我大苦隨
驃摩羅子比丘有情故以鹿食留我
令我食時極苦我當云何為其作不
饒益事時慈地比丘有姊妹比丘居
名蜜多羅住王舍城王園比丘居眾
中空多羅比丘居來詣慈地比丘得
普禮足於一面住慈地比丘不顧盼
不與語蜜多羅比丘居語慈地比丘
向梨何故不見顧盼不共言語慈地
比丘言隨驃摩羅子比丘數以麈食
惱我令我食時極苦汝復棄我比丘
居言當如何慈地比丘言汝可至世
尊所白言世尊隨驃摩羅子比丘非
法不類共我作不梵行波羅夷罪我
當證言如是世尊如妹所說比丘居
言阿梨我當云何於梵行比丘所以
波羅夷謗慈地比丘言汝若不如是
有我與汝絕不復來住言語共相瞻
視時比丘居須臾默念而作是言阿
梨欲令我介當從其教慈地比丘言
汝且待我先至世尊所汝隨後來時
慈地比丘即往稽首見世尊足趾住

一面室多羅比丘居即隨後至稽首
佛足退住一面白佛言世尊一何不
善不類隨驃摩羅子於我所作非梵
行波羅夷罪慈地比丘復白佛言如
妹所說我先亦知尔時隨驃摩羅子
比丘即在彼大衆中尔時世尊告隨
驃摩羅子比丘汝聞此語不隨驃摩
羅子比丘言已聞世尊佛告隨驃摩
佛如世尊所知如善逝所知佛告隨
驃摩羅子汝言如世尊所知今非是
時汝今憶念當言憶念不憶念當言
不憶念隨驃摩羅子言我不自憶念
尔時尊者羅睺羅住於佛後執扇扇
佛白佛言世尊不善不類是比丘居
言尊者隨驃摩羅子共我作非梵行
慈地比丘言如是世尊我先已知如
妹所說佛告羅睺羅我今問汝隨意
答我若室多羅比丘居來語我言世
尊不善不類羅睺羅共我作非梵行
波羅夷罪慈地比丘復白我言如是
世尊如妹所說我先亦知者汝當云
何羅睺羅白佛世尊我若憶念當言

憶今不憶念當言不憶念佛言羅睺
羅思衆人汝尚得作此語陀驃摩羅
子清淨比丘何以不得作如是語余
時世尊告諸比丘於陀驃摩羅子比
丘當憶念蜜多羅比丘居當以自言
滅慈地比丘僧當極善呵諫教誡汝
云何見何處見汝何因往見世尊如
是教已從坐起入室坐禪余時諸比
丘於陀驃摩羅子比丘憶念蜜多羅
比丘居與自言滅慈地比丘極善呵
諫教誡言汝云何見何處見何因往
見如是諫時彼作是言彼陀驃摩羅
子不作非梵行不犯波羅夷然陀驃
摩羅子比丘三以麤惡食恐怖令我
食時辛苦我於陀驃摩羅子比丘愛
恚癡怖故作是說然陀驃摩羅子清
淨無罪余時世尊瞋時從禪覺起至天
衆前敷座而坐諸比丘白佛言世尊
我等於陀驃摩羅子比丘所憶念持
蜜多羅比丘居與自言滅慈地比丘
極善呵諫乃至彼言陀驃摩羅子清
淨無罪余時世尊告諸比丘云何愚
癡以因飲食故知而妄語余時世尊

即說偈言

若能捨一法知而故妄語不計於後世
無惡而不為寧食熱鐵丸如熾然炭火
不以犯禁戒而食僧信施

佛說此經已諸比丘聞佛所說歡喜
奉行

如是我聞一時佛住王舍城迦蘭陀
竹園尔時尊者陀驪摩羅子詣佛所
稽首佛足退住一西白佛言世尊我
願於佛前取般涅槃世尊默然如是
三啓佛告陀驪摩羅子此有為諸行
法應如是尔時尊者陀驪摩羅子即
於佛前入於三昧如其正受向於東
方昇虛空行現四威儀行住坐卧入
火三昧身下出火舉身洞然光焰四
布青黃赤白頗梨紅色身下出火還
燒其身身上出水以灑其身或身上
出火下燒其身身下出水上灑其身
周向十方種種現化已即於空中內
身出火還自焚其身取無餘涅槃消
盡寂滅令無遺塵譬如空中然燈油
炷俱盡墮驪摩羅子空中涅槃身心
俱盡亦復如是尔時世尊說偈言

譬如燒鐵丸其焰洞熾然熱勢漸息滅
莫知其所歸如是等解脫度煩惱淤泥
諸流水已斷莫知其所之遠得不動跡
入無餘涅槃

佛說此經已諸比丘聞佛所說歡喜
奉行

如是我聞一時佛在央瞿多羅國人
間遊行經陀婆闍梨迦林中見有牧
牛者收羊者採柴草者及餘種種作
人見世尊行路見已皆白佛言世尊
莫從此道去前有央瞿利摩羅賊脫
恐怖人佛告諸人我不畏懼作此語
已徒道而去彼再三告世尊猶去遙
見央瞿利摩羅手執刀楯走向世尊
以神力現身徐行令央瞿利摩羅駛
走不及走極疲乏已遙語世尊住住
勿去世尊並行而答我常住耳汝自
不住余時央瞿利摩羅即說偈言
少門尚駛行而言我常住我今疲勸住
說言汝不住沙門說去何我住汝不住
余時世尊以偈答言

央瞿利摩羅我說常住者於一切衆生
諸息於刀杖汝恐怖衆生惡業不休息

我於一切處止息於刀杖汝於一切處
常逼迫恐怖造作四惡業終無休息時
我於一切神止息於刀杖汝於一切神
長夜苦逼迫造作黑惡業于今不止息
我住於息法一切不放逸汝不見四諦
故不息放逸

央瞿利摩羅說偈白佛

久乃見牟尼故隨路而逐今聞真妙說
當捨久遠惡作如是說已即放捨刀槍
投身世尊足願聽我出家佛以慈悲心
大仙多哀愍告比丘言來出家受具足
余時央瞿利摩羅出家已獨一靜處
專精思惟所以除姓子剷除鬚髮著
袈裟衣正信非家出家學道增修梵
行現法自知作證我生已盡梵行已
立所作已作自知不受後有時央瞿
利摩羅得阿羅漢號解脫喜樂即說
偈言

本受不害名而中多煞害今得見諦名
永離於傷煞身行不煞害口意俱亦然
當知真不然不迫於衆生洗淨常血色
不與世摩羅浚流之所漂三歸制今息
以心三寶已出家得具足成就於三明

佛教作已作 調牛以捶杖 伏鳥以鐵鉤
不以刀捶杖 正度調天人 利刀以水石
直箭以烟火 治村以斧斤 自調以點慧
人前行放逸 隨後能自斂 是則照世間
如雲解月現 人前放逸行 隨後能自斂
於世忍受流 正念而起出 少壯年出家
精勤修佛教 是則照世間 如雲解月現
少壯年出家 精勤修佛教 於世忍受流
正念以趣出 若度諸惡業 正善能令滅
是則照世間 如雲解月現 人前造惡業
正善能令滅 於世忍受流 正念能趣出
我已作惡業 必向於惡趣 已受於惡報
宿責食已食 若被我怨憎 聞此正法者
得清淨法眼 於我修行忍 不復興鬭訟
蒙佛恩力故 我怨行忍辱 亦常讚歎忍
隨時聞正法 聞已隨修行
佛說此經已 央瞿利摩羅聞佛所說
歡喜奉行

如是我聞一時佛住王舍城迦蘭陀
竹林園時有異比丘於夜明相出時出
於恒河邊脫衣著岸邊入水洗浴浴
已上岸被一衣待身乾時有一天子
教身光明普照掬補河側語比丘言

汝少出家鮮白髮黑年始盛美應習
五欲莊嚴瓔珞塗香華鬘五樂自娛
而於是時遠親背俗悲泣別離剗除
鬚髮著袈裟衣正信非家出家學道
如何捨現前樂而求非時之利比丘
荅言我不捨現前樂求非時樂我今
乃是捨非時樂得現前樂天問比丘
云何捨非時樂得現前樂比丘荅言
如世尊說非時之欲少味多苦少利
多難我今於現法中已離熾然不待
時節能自通達現前觀察緣自知覺
如是天子是名捨非時樂得現前樂
天復問比丘云何復是如來所說非
時之欲少樂多苦云何復是如來所
說現法利樂乃至緣自覺知比丘荅
言我年少出家不能廣宣如來所說
正法律儀世尊近在迦蘭陀竹園汝
可往詣如來問其所疑如世尊說隨
憶受持天子復言比丘於如來所有
諸力天衆多圍遶我先無問未易可
詣比丘汝若能為先白世尊者我可
隨往比丘荅言當為汝去天白比丘
唯然尊者我隨後來時彼比丘往詣

佛所稽首礼足退住一面以向天子
往反問答具白世尊今者世尊彼天
子誠實言者源史應至不誠實者自
當不來時彼天子遙語比丘我已
在此余時世尊即說偈言
衆生起愛想以愛想而住以不知愛故
則為死方便

佛告天子汝解此偈者便可發問天
子白佛不解世尊不解善逝佛復說
偈而告天子曰

若知所愛者不於彼生愛彼此無所有
他人莫能說

佛告天子汝解此義者便可發問天
子白佛不解世尊不解善逝佛復說
偈言

見等勝劣者則有言論生三事不傾動
則無軟中上

佛告天子解此義者則可發問天子
白佛不解世尊不解善逝佛復說偈言
斷愛及名色除慢無所繫寂滅息瞋恚
離結絕惛望不見於人天此世及他世
佛告天子解此義者乃可發問天子
白佛已解世尊已解善逝佛說此經

已彼天子聞佛所說歡喜隨喜即汝
不現

如是我聞一時佛在王舍城迦蘭陀
竹園時有異比丘於後夜時至搶補
河邊脫衣置岸邊入水洗浴浴已還
上岸著一衣待身乾時有一天子放
身光明普照搶補河側問比丘言比
丘比丘此是丘塚夜則起烟晝則火
然彼婆羅門見已而作是言壞此丘
塚發掘者智持以刀劍又見大龜婆
羅門見已作是言除此大龜發掘者
智持以刀劍見有毘毘婆羅門見已
作此言却此毘毘發掘者智持以刀
劍見有肉段彼婆羅門見已作是言
除此肉段發掘者智持以刀劍見有
屠煞婆羅門見已作是言壞是屠煞
處發掘者智持以刀劍見有楞耆彼
婆羅門見已作是言却此楞耆發掘
者智持以刀劍見有二道彼婆羅門
見已作是言除此二道發掘者智持
以刀劍見有門扇婆羅門見已作是
言却此門扇發掘者智持以刀劍見
有大龍婆羅門見已作是言止勿却

大龍應當恭敬比丘汝來受此論往
問世尊如佛所說汝隨受持所以者
何除如來我不見世間諸天魔梵沙
門婆羅門於此論心悅樂者若諸弟
子從我所聞然後能說今時比丘從
彼天所聞此論已往詣世尊稽首礼
足退坐一面以彼天子所問諸論廣
問世尊云何為丘塚云何為夜則起
烟云何為晝則火然云何是婆羅門
云何發掘云何智者云何刀劍云何
為大龜云何黷斃云何為肉段云何
為屠煞處云何為楞耆云何為二道
云何為門扇云何為大龍佛告比丘
丘塚者謂衆生身鹿四大色父母遺
體搏食衣服覆蓋澡浴摩飾長養皆
是變壞磨滅之法夜起烟者謂有人
於夜時起隨覺隨觀晝行其教身業
口業婆羅門者謂如來應等正覺發
掘者謂精勤方便智士者謂多聞聖
弟子刀劍者謂智慧刀劍大龜者謂
五蓋黷斃者謂忿恨肉段者謂慳悞
屠煞者謂五欲功德楞耆者謂無明
二道謂疑惑門扇者謂我慢大龍者

謂漏盡羅漢如是比丘若大師為聲聞所作哀愍悲念以義安慰於汝已作汝等當作所作當於曝露林中空舍山澤巖窟數草樹葉思惟禪思不起放逸莫今後悔是則為我隨順之教即說偈言

說身為比丘狂覺觀夜起烟書業為火然婆羅門正覺精進勤發掘黠慧明智士以智慧利劍狀離勝進者五蓋為巨龜忿恨為氍毹慳悞為肉段五欲屠煞處無明為楞耆疑惑於二道門扇現我慢漏盡羅漢龍究竟斷諸論故我如是說佛說此經已彼比丘聞佛所說歡喜奉行

如是我聞一時佛住波羅捺國仙人住處鹿野苑中尔時世尊晨朝著衣持鉢入波羅捺城乞食時有異比丘以不住心其心惑亂不攝諸根晨朝著衣持鉢入波羅捺城乞食是比丘遙見世尊見已攝持諸根端視而行世尊見是比丘攝持諸根端視而行見已入城乞食畢還精舍舉衣鉢洗足已入室坐禪時從禪覺入僧中

敷坐具於大衆前坐告諸比丘我今
晨朝著衣持鉢入波羅捺城乞食見
有比丘以不住心惑亂心諸根放散
亦持衣鉢入城乞食彼遇見我即自
毀攝竟為是誰時彼比丘從坐起整
衣服到於佛前偏袒右肩合掌白佛
世尊我於晨朝入城乞食其心惑亂
不攝諸根行遇見世尊即自毀心攝
持諸根佛告比丘善哉善哉汝見我
已能自毀心攝持諸根比丘是法應
當如是若見比丘亦應自攝持若復
見比丘居優婆塞優婆夷亦當如是
攝持諸根當得長夜以義饒益安隱
快樂今時衆中復有異比丘說偈歎曰
以其心迷亂不專繫念住晨朝持衣鉢
入城乞食中路見大師威德容儀備
欣悅生慙愧即攝持諸根
佛說此經已諸比丘聞佛所說歡喜
奉行

雜阿含經卷第三十八

癸卯歲高麗國大藏都監奉
勅雕造

雜阿含經卷第三十九

宋天竺三藏耒那跋陀羅譯

如是我聞一時佛住波羅捺國鹿野苑中。爾時世尊晨朝著衣持鉢入波羅捺城乞食。時有異比丘著衣持鉢入城乞食於其路邊住一樹下起不善覺以依惡貪。爾時世尊見彼比丘住一樹下以生不善覺依惡貪嗜而告之曰。比丘。比丘。莫種苦種子。自生臭汁漏流出者。比丘。種苦種子自發生臭汁漏流出者。欲令蛆蠅不覺集者。無有是處。時彼比丘作是念。世尊知我心之惡念。即生恐怖。身毛皆豎。爾時世尊入城乞食畢還精舍。舉衣鉢洗足已入室坐禪。晡時從禪覺。至於僧中於衆前敷座而坐。告諸比丘。我今晨朝著衣持鉢入城乞食。見一比丘住於樹下以生不善覺依惡貪嗜。我時見已。即告之言。比丘。比丘。莫種苦種子。發熏生臭惡汁漏出者。有比丘種苦種子發熏生臭惡汁漏出者。有蛆蠅不集。無有是處。時彼比丘即思

念佛已知我心之所念慙愧恐怖心
驚毛豎隨路而去時有異比丘從坐
起整衣服偏袒右肩合掌白佛世尊
云何苦種云何生臭云何汁流云何
蛆蠅佛告比丘忿怒煩惱名曰苦種
五欲功德名為生臭於六觸入處不
攝律儀是名汁流謂觸入處不攝已
貪憂諸惡不善心竟生是名蛆蠅余
時世尊即說偈言

耳目不防護 貪欲從是生 是名為苦種
生臭汁潛流 諸覺觀氣味 依於惡貪嗜
聚落及空處 若於晝若夜 遠離修梵行
究竟於苦邊 若內心寂靜 決定諦明了
卧覺常安樂 諸惡蛆蠅滅 正士所習近
善說賢聖路 了知八正道 不還更受身
佛說此經已 諸比丘聞佛所說歡喜
奉行

如是我聞一時佛住舍衛國祇樹給
孤獨園余時世尊晨朝著衣持鉢入
舍衛城乞食食畢還精舍洗足已入
安陀林坐禪時有異比丘亦復晨朝
著衣持鉢入舍衛城乞食食畢還精
舍洗足已入安陀林坐一樹下入晝

正受是比丘入晝正受時有惡不善
覺起依貪嗜心時有天神依安陀林
住止者作是念此比丘不善不類於
安陀林坐禪而起不善覺心依惡貪
我當往呵責作是念已往語比丘言
比丘比丘作瘡疣耶比丘荅言當治
令愈天神語比丘瘡如鐵鑊云何可
復比丘荅言正念正智足能令復天
神白言善哉善哉此是真賢治瘡如
是治瘡究竟能愈無有發時尔時世
尊晡時從禪覺還祇樹給孤獨園入
僧中於大衆前敷座而坐告諸比丘
我今晨朝著衣持鉢入舍衛城乞食
乞食還至安陀林坐禪入晝正受有
一比丘亦乞食還至安陀林坐一樹
下入晝正受而被比丘起不善覺心
依惡貪有天神依安陀林住語比丘
言比丘比丘作瘡疣耶如上廣說乃
至如是比丘善哉善哉此治衆賢尔
時世尊即說偈言

士夫作瘡疣 自生於苦患 願求世間欲
心依於惡貪 以生瘡疣故 蛆蠅竟來集
愛欲為瘡疣 蛆蠅諸惡覺 及諸貪嗜心

皆患從意生鑽鑿士夫心以求華名利
欲火轉熾然妄想不善覺身心日夜羸
遠離寂靜道若內心寂靜決定智明了
無有斯瘡疣見佛安隱路正士所遊跡
賢聖喜說明智所知道不復受諸有
佛說此經已諸比丘聞佛所說歡喜
奉行

如是我聞一時佛住毗舍離國狝猴
池側重閣講堂時有衆多比丘晨朝
著衣持鉢入毗舍離乞食時有年少
比丘出家未久不開法律當乞食時
不知先後次第餘比丘見已而告之
言汝是年少出家未久未知法律莫
越莫重前後失次而行乞食長夜當
得不饒益苦年少比丘言諸上座亦
復越次不隨前後非獨我也如是無
三不能令止衆多比丘乞食已還精
舍舉衣鉢洗足已詣佛所稽首礼足
退坐一面白佛言世尊我等晨朝著
衣持鉢入毗舍離乞食有一年少比
丘於此法律出家未久行乞食時不
以次第前後復重諸比丘等再三諫
不受而作是言諸上座亦不次第何

故呵我我等諸比丘三呵不受故來
白世尊唯願世尊為除非法哀愍故
佛告諸比丘如空澤中有大湖水有
大龍爲而居其中拔諸藕根洗去泥
土然後食之食已身體肥悅多力多
樂以是因緣常喜樂住有異種族爲
形體羸小効彼龍爲拔其藕根洗不
能淨合泥土食食之不消體不肥悅
轉轉羸弱緣斯致死或同死苦如是
宿德比丘學道日久不樂嬉戲久修
梵行大師所歎諸餘明智修梵行者
亦復加歎是等比丘依止城邑聚落
晨朝著衣持鉢入城乞食善護身口
善攝諸根專心繫念能令彼人不信
者信信者不異若得財利衣被飲食
床卧湯藥不染不著不貪不著不迷
不逐見其過患見其出離然復食之
食已身心悅澤得色得力以是因緣
常得安樂彼年少比丘出家未久未
開法律依諸長老依止聚落著衣持
鉢入村乞食不善護身不守根門不
專繫念不能令彼不信者信信者不
惑若得財利衣被飲食卧具湯藥染

著貪逐不見過患不見出離以嗜欲
心食不能令身悅澤安隱快樂緣斯
食故轉何於死或同死苦所言死者
謂捨戒還俗失正法正律同死苦者
謂犯正法律不識罪相不知除罪尔
時世尊即說偈言

龍爲拔藕根水洗而食之異族爲効彼
合泥而取食因雜泥食故羸病遂至死
佛說此經已諸比丘聞佛所說歡喜
奉行

如是我聞一時佛住王舍城寒林中
丘塚間尔時世尊告諸比丘壽命其
促轉就後世應勤習善法修諸梵行
無有生而不死者而世間人不勤方
便專修善法修賢修義時魔波旬作
是念沙門瞿曇住王舍城寒林中丘
塚間爲諸聲聞如是說法人命甚促
乃至不修賢修義我今當往爲作嬌
乱時魔波旬化作年少往住佛前而
說偈言

常逼迫衆生得人間長壽迷醉放逸心
亦不向死處

尔時世尊作是念此是惡魔來作惱

劫即說偈言

常逼迫衆生受生極短壽當勤修精進
猶如救頭然勿得須臾懸今死魔忽至
知汝是惡魔速於此滅去

天魔波旬作是念沙門瞿曇已知我心慙愧憂感即沒不現

如是我聞一時佛住王舍城寒林中
丘塚間余時世尊告諸比丘一切行
無常一切行不恒不安非無息變易
之法乃至當止一切有為行厭離不
樂解脫時魔波旬作是念今沙門瞿
曇住王舍城寒林中為諸聲聞說如
是法一切行無常不恒非無息變易
之法乃至當止一切有為行厭離不樂
解脫我當往彼為作嬈亂即化作年
少往詣佛所住於佛前而說偈言

壽時命日夜流無有窮盡時壽命當來去
猶如車輪轉

余時世尊作是念此是惡魔欲作嬈
亂即說偈言

日夜常遷流壽亦隨損減人命漸消亡
猶如小河水我知汝惡魔便自消滅去
時魔波旬作是念沙門瞿曇已知我

心慙愧憂感即沒不現

如是我聞一時佛住王舍城迦蘭陀竹園今時世尊夜起經行至於後夜洗足入室般身正坐專心繫念時魔波旬作是念今沙門瞿曇於王舍城迦蘭陀竹園夜起經行於後夜時洗足入室正身端坐繫念禪思我今當往為作娆亂即化作年少住於佛前而說偈言

我心於空中 執長繩縲下 政欲縛沙門 不令汝得脫

今時世尊作是念惡魔波旬欲作娆亂即說偈言

我說於世間 五欲意第六 於彼永已離 一切苦已斷 我已離彼欲 心意識亦滅 波旬我知汝 速於此滅去

時魔波旬作是念沙門已知我心慙愧憂感即沒不現

如是我聞一時佛住王舍城迦蘭陀竹園今時世尊夜起經行至後夜時洗足入室右脅卧息繫念明相正念正智作起覺想時魔波旬作是念今沙門瞿曇住王舍城迦蘭陀竹園乃

至作起覺想我今當往為作留難即
化作年少往往佛前而說偈言

何眠何故眠 已滅何復眠 空舍何以眠
得出復何眠

余時世尊作是念惡魔波旬欲作婬
亂即說偈言

愛網故淙著 無愛誰持去 一切有餘盡
唯佛得安眠 汝惡魔波旬 於此何所說
時魔波旬作是念沙門瞿曇已知我心
慙愧憂感即沒不現

如是我聞一時佛住王舍城耆闍崛
山中余時世尊於夜闇時天小微雨
電光閃現出房經行時魔波旬作是
念今沙門瞿曇住王舍城耆闍崛山
中夜闇微雨電光時現出房經行我
今當往為作留難執大團石兩手調
持到於佛前碎成微塵余時世尊作
是念惡魔波旬欲作婬亂即說偈言
耆闍崛山 於我前今碎 於佛等解脫
不能動一毛 假令四海內 一切諸山地
放逸之親族 令其碎成塵 亦不能傾動
如來一毛髮
時魔波旬作是念沙門瞿曇已知我

心內懷憂感即沒不現

如是我聞一時佛住王舍城耆闍崛
山中今時世尊夜起經行至後夜時
洗足入房正身端坐繫念在前時魔
波旬作是念今沙門瞿曇住王舍城
耆闍崛山中夜起經行後夜入房正
身端坐繫念在前我今當往為作留
難即化作大龍遶佛身七匝舉頭臨
佛頂上身如大船頭如大帆眼如銅
鑪舌如曳雷出息入息若雷電聲余
時世尊作是念惡魔波旬欲作燒亂
即說偈言

猶如空舍宅 半座心虛寂 於中而旋轉
佛身亦如是 無量因惡龍 蚊虻蠅蚤等
普集食其身 不能動毛髮 破裂於虛空
傾覆於大地 一切衆生類 悉來作恐怖
刀才諍利箭 悉來害佛身 如是諸暴害
不能傷一毛

時魔波旬作是念沙門瞿曇已知我
心內懷憂感即沒不現

是夜聞一時佛住王舍城耆闍崛
山中耆闍樹林石室中今時世尊夜起
洗地或坐或經行至後夜時洗足入

室安身卧息右脅著地足足相累繫
念明相正念正智作起覺想時魔波
旬作是念沙門瞿曇住王舍城毗婆
羅山七葉樹林石室中夜起露地若
坐若行至後夜時洗足入室而坐右
脅卧息足足相累繫念明相正念正
智作起覺想我今當往為作留難化
作年少往住佛前而說偈言

為因我故眠 為是後邊故 多有錢財寶
何故守空閑 獨一無等侶 而著於睡眠
余時世尊作是念惡魔波旬欲作嬈
乱即說偈言

不因汝故眠 非為寂後邊 亦無多錢財
唯集無憂寶 哀慙世間故 右脅而卧息
覺亦不疑惑 眠亦不恐怖 若晝若復夜
無增亦無損 為哀衆生眠 終無有損減
正復以百捨 貫身常搖動 猶得安隱眠
已離內捨故

時魔波旬作是念沙門瞿曇已知我
心內懷憂慙即沒不現

如是我聞一時佛住王舍城毗婆羅
山七葉樹林石室中時有苾芻千二百
迦提王舍城仙人山側黑石室中獨

一思惟不放逸行修自饒益時受意
解脫身作證數數退轉一二三四五
六反退還復得時受意解脫身作證
尋復退轉彼尊者瞿佉迦作是念我
獨一靜處思惟不放逸行精勤修習
以自饒益時受意解脫身作證而復
數數退轉乃至六反猶復退轉我今
當以刀自煞莫令第七退轉時魔波
旬作是念沙門瞿曇住王舍城毗婆
羅山側七葉樹林石窟中有弟子瞿
佉迦住王舍城仙人山側黑石室中
獨一靜處專精思惟得時受意解脫
身作證六反退轉而復還得彼作是
念我已六反退而復還得莫令我第
七退轉我寧以刀自煞者莫令自煞
轉若彼比丘以刀自煞者莫令自煞
出我境界去我今當往告彼大師小
時波旬執琉璃柄琵琶誦世尊所說
絃說偈

入者大方便自在大神力
而今欲取死大半是時
何聞佛世尊正法聲聞
而取於命終

時魔說此偈已世尊說偈答言

波旬放逸種以自事故來堅固具足士
常住妙淨定晝夜勤精進不顧於性命
見三有可畏斷除彼愛欲已摧伏魔軍
瞿佉般涅槃波旬心憂惱琵琶落於地
內懷憂戚已即沒而不現

余時世尊告諸比丘汝等當來共至
仙人山側黑石室所觀瞿佉迦比丘
以刀自煞余時世尊與衆多比丘往
至仙人山側黑石室中見瞿佉迦比
丘煞身在地告諸比丘汝等見此瞿
佉迦比丘煞身在地不諸比丘白佛
唯然已見世尊佛告比丘汝等見瞿
佉迦比丘周匝遶身黑闇烟起充滿
四方不比丘白佛已見世尊佛告比
丘此是惡魔波旬於瞿佉迦善男子
身側周匝求其識神然比丘瞿佉迦以
不住心執刀自煞余時世尊為瞿佉
迦比丘受第一記余時波旬而說偈言
上下及諸方遍求彼識神都不見其處
瞿佉何所之
余時世尊復說偈言

如是堅固士一切無所求拔恩愛根本

聖位般涅槃

佛說此經已諸比丘聞佛所說歡喜
奉行

如是我聞一時佛住鬱鞞羅聚落屋
連禪河側於菩提樹下成佛未久時
魔波旬作是念今沙門瞿曇住鬱鞞
羅聚落屋連禪河側於菩提樹下成
佛未久我當往彼為作留難即化作
年少往往佛前而說偈言

獨入一空處 禪思靜思惟 已捨國財寶
於此復何求 若未聚落利 何不習近人
既不習近人 終竟何所得
余時世尊作是念惡魔波旬欲作嬖
亂即說偈言

已得大財利 志足安寂滅 摧伏諸魔軍
不著於色欲 獨一而禪思 服食禪妙樂
是故不與人 周旋相習近
魔復說偈言

瞿曇若自知 安隱涅槃道 獨善無為樂
何為強化人
佛復說偈答言

非魔所制處 來問度彼岸 我則以正答
今彼得涅槃 時得不放逸 不墮魔自在

魔復說偈言

有石似凝膏飛鳥欲來食竟不得其味
損鬚還歸空我今亦如彼徒勞歸天宮
魔說是已內懷憂感心生變悔低頭
伏地以拍盡地魔有三女一名愛欲
二名愛念三名愛樂來至波旬所而
說偈言

父今何愁感士夫何足憂我以愛欲繩
縛彼如調為牽來至父前令隨父自在
魔答女言

彼已離恩愛非欲所能招已出於魔境
是故我憂愁

時魔三女身放光焰熾如雲中電來
詣佛所稽首礼足退住一面白佛言
我今歸世尊足下給侍使令今時世
尊都不顧視知如來離諸愛欲心善
解脫如是第二第三說時三魔女自
相謂言士夫有種種隨形愛欲今當
各各變化作百種童女色作百種初
嫁色作百種未產色作百種已產色
作百種中年色作百種宿年色作此
種種形類詣沙門瞿曇所作是言今
悉歸尊足下供給使令作此議已即

作種種變化如上所說。諸世尊所稽首。禮足。退住。一面。白佛言。世尊。我等今日歸尊足下。供給使令。今時世尊都不顧念。如來法離諸愛欲。如是。非三說已時。三魔女自相謂言。若未離欲。士夫見我等。種種妙體。心則迷亂。欲氣衝擊。腎臆破裂。熱血熏面。然今沙門瞿曇。於我等所。都不顧眄。如其如來。離欲解脫。得善解脫。想我等今日當復各各說偈。而問復到佛前稽首。禮足。退住。一面。愛欲天女即說偈言。

獨一禪寂默。捨俗錢財寶。既捨於世利。今復何所求。若求聚落利。何不習近人。竟不習近人。終竟何所得。佛說偈答言。

已得大財利。悉足安寂滅。摧伏諸魔軍。不著於色欲。是故不與人。周旋相習近。愛念天女復說偈言。

多修何妙禪。而度五欲流。復以何方便。度於第六海。云何修妙禪。於諸深廣欲。得度於彼岸。不為愛所持。今時世尊說偈答言。

身得止息樂。心得善解脫。無為無所作。

正念不傾動了知一切法不起諸幻覺
愛患睡眠覆斯等皆已離如是多修習
得度於五欲亦於第六海志得度彼岸
如是修習禪於諸深廣欲志得度彼岸
不為彼所持

時愛樂天女復說偈言

已斷除恩愛淳厚積集欲多主人淨信
得度於欲流開發明智慧超踰死魔境
尔時世尊說偈答言

大方便廣度入如來法律斯等皆已度
慧者復何憂

時三天女志願不滿還詣其父魔波
旬所時魔波旬遇見女來說偈弄之
汝等三女子自誇說塔能成放身光焰
如電雲中流至大精進所各現其容姿
反為其所破如風飄其綿欲以爪破山
齒齧破鐵丸欲以髮藕絲旋轉於大山
和合志解脫而望亂其心若能縛風足
令月空中墮以手扞大海氣歔動雪山
和合志解脫亦可令傾動於深巨海中
而求安足地如來於一切和合志解脫
正覺大海中求傾動亦然
時魔波旬弄三女已即沒不現

如是我聞一時佛住鬱鞞羅處丘連
禪河側大菩提樹下初成佛道天魔
波旬作是念此沙門瞿曇在鬱鞞羅
住處丘連禪河側菩提樹下初成佛
道我今當往為作留難即自變身作
百種淨不淨色詣佛所佛遙見波旬
百種淨不淨色欲作娆亂即說偈言
長夜生死中作淨不淨色汝何為作此
不度苦彼岸若諸身口意不作留難者
魔所不能教不隨魔自在如是知惡魔
於是自滅去

時魔波旬作是念沙門瞿曇已知我心內懷憂戚即沒不現

如是我聞一時佛住鬱鞞羅處丘連
禪河側菩提樹下初成正覺尔時世
尊獨一靜處專心禪思作如是念我
今解脫苦行善哉我今善解脫苦行
先修正願今已果得無上菩提時魔
波旬作是念今沙門瞿曇住鬱鞞羅
處丘連禪河側菩提樹下初成正覺
我今當往為作留難即化作年少住
於佛前而說偈言

大修苦行處 能令得清淨而今反棄捨
於此何所求 欲於此求淨 淨亦無由得
余時世尊作是念此魔波旬欲作燒
亂即說偈言

知諸修苦行 皆與無義俱終不獲其利
如弓弦不聲 戒定聞慧道我已悉修習
得第一清淨 其淨無有上

時魔波旬作是念沙門瞿曇已知我
心內懷憂感即沒不現

如是我聞一時佛住娑羅婆羅門聚
落余時世尊晨朝著衣持鉢入婆羅
聚落乞食時魔波旬作是念今沙門
瞿曇晨朝著衣持鉢入婆羅聚落乞
食我今當往先入其舍語諸信心婆
羅門長者令沙門瞿曇空鉢而出時
魔波旬隨逐佛後作是唱言沙門沙
門都不得食耶余時世尊作是念惡
魔波旬欲作燒亂即說偈言

汝新於如來 獲得無量罪 汝謂呼如來
受諸苦惱耶

時魔波旬作是言瞿曇更入聚落當
令得食余時世尊而說偈言

正使無所有 安樂而自活 如彼光音天

常以欣悅食正使無所有安樂而自活
常以欣悅食不依於有身

時魔波旬作是念沙門瞿曇已知我
心內懷憂戚即沒不現

如是我聞一時佛住波羅捺國仙人
住處唐野苑中今時世尊告諸比丘
我已解脫人天繩索汝等亦復解脫
人天繩索汝等當行人間多所過度
多所饒益安樂人天不須伴行一一
而去我今亦往鬱鞞羅住處人間遊
行時魔波旬作是念沙門瞿曇住波
羅捺仙人住處唐野苑中為諸聲聞
如是說法我已解脫人天繩索汝等
亦能汝等各別人間教化乃至我亦
當至鬱鞞羅住處人間遊行我今當
往為作留難即化作年少住於佛前
而說偈言

不脫作脫想謂呼已解脫為大縛所縛
我今終不放

余時世尊作是念惡魔波旬欲作嬈
亂即說偈言

我已脫一切人天諸繩索已知汝波旬
自消滅去

時魔波旬作是念沙門瞿曇已知我心內懷憂感即沒不現

如是我聞一時佛住釋氏石主釋氏聚落時石主釋氏聚落多人疫死處處人民若男若女從四方來受持三歸其諸病人若男若女若大若小皆因來者自稱名字我某甲等歸佛歸法歸比丘僧舉村舉邑皆悉如是尔時世尊勤為聲聞說法時諸信心歸三寶者斯則皆生人天道中時魔波旬作是念今沙門瞿曇住於釋氏石主釋氏聚落勤為四衆說法我今當往為作留難化作年少往住佛前而說偈言

何為勤說法教化諸人民相違不相違不免於驅馳以有繫縛故而為彼說法尔時世尊作是念惡魔波旬欲作婬亂即說偈言

汝夜叉當知衆生群集生諸有智慧者孰能不衰慙以有哀慙故不能不教化哀慙諸衆生法自應如是

惡魔波旬作是念沙門瞿曇已知我心內懷憂感即沒不現

如是我聞一時佛住釋氏石主釋氏
聚落今時世尊獨一靜處禪思思惟作
是念頗有作王能得不煞不教人煞
一向行法不行非法耶時魔波旬作
是念今沙門瞿曇住石主釋氏聚落
獨一禪思作是念頗有作王不煞生
不教人煞一向行法不行非法耶我
今當往為其說法化作年少往住佛
前作是言如是世尊如是善逝可得
作王不煞生不教人煞一向行法不
行非法世尊今可作王善逝今可作
王必得如意今時世尊作是念惡魔
波旬欲作娆亂而告魔言汝魔波旬
何故作是言作王世尊作王善逝可
得如意魔白佛言我面從佛聞作是
說若四如意足修習多修習已欲令
雪山王變為真金即作不異世尊今
有四如意足修習多修習今雪山王
變為真金如意不異是故我白世尊
作王世尊作王善逝可得如意佛告
波旬我都無心欲作國王云何當作
我亦無心欲令雪山王變為真金何
由而變今時世尊即說偈言

正使有真金如雪山王者一人得此金亦復不知足是故智慧者金石同一觀時魔波旬作是念沙門瞿曇已知我心內懷憂感即沒不現

如是我聞一時佛住釋氏石室釋氏聚落時有衆多比丘集供養堂為作衣事時魔波旬作是念今沙門瞿曇住於釋氏石室釋氏聚落衆多比丘集供養堂為作衣故我今當往為作留難化作少壯婆羅門像作大縻縶著獸皮衣手執曲杖詣供養堂於衆多比丘前默然而住須臾語諸比丘言汝等年少出家膚白髮黑年在盛時應受五欲莊嚴自娛如何違親背族悲泣別離信於非家出家學道何為捨現世樂而求他世非時之樂諸比丘語婆羅門我不捨現世樂求他世非時之樂乃是捨非時樂就現世樂波旬復問云何捨非時樂就現世樂比丘答言如世尊說他世樂少味多苦少利多患世尊說現世樂者離諸熾然不待時節能自通達於此觀察緣自覺知婆羅門是名現世樂時

婆羅門三反掉頭瘖瘂以杖築地即
沒不現

時諸比丘即生恐怖身毛皆豎此是
何等婆羅門像來此作變即詣佛所
稽首礼足退坐一面白佛言世尊我
等衆多比丘集供養堂為作衣故有
一威壯婆羅門紫髮大髻來詣我所
作是言汝等年少出家如上廣說乃
至三反掉頭瘖瘂以杖築地即沒不
現我等即生恐怖身毛皆豎是何婆
羅門像來作此變佛告諸比丘此非
婆羅門是魔波旬來至汝所欲作嬖
亂尔時世尊即說偈言

凡生諸苦惱 皆由於愛欲 知世皆劒刺
何人樂於欲 覺世間有餘 皆志為劒刺
是故黠慧者 當勤自調伏 巨積真金聚
猶如雪山王 一人受用者 意猶不知足
是故黠慧者 當修平等觀

佛說此經已諸比丘聞佛所說歡喜
奉行

如是我聞一時佛住釋氏石主釋氏
聚落時有尊者善覺晨朝著衣持鉢
入石主釋氏聚落乞食食已還精舍

舉衣鉢洗足已持屣師壇置右肩上
入林中坐一樹下修書正受作是念
我得善利於正法律出家學道我得
善利遭遇大師如來等正覺我得善
利得在梵行持戒脩德賢善真實衆
中我今當得賢善命終於當來世亦
當賢善時魔波旬作是念今沙門瞿
曇往石主釋氏聚落有聲聞弟子名
曰善覺著衣持鉢如上廣說乃至賢
善命終後世亦賢我今當往為作留
難化作大身威壯多力是者怖畏謂
其力能翻發動大地至善覺比丘所
善覺比丘遇見大身勇威壯士即生
恐怖從坐起詣佛所稽首礼足退往
一面白佛言世尊我今晨朝著衣持
鉢廣說如上乃至賢善命終後世亦
賢見有大身士夫勇壯熾威力能動
地見生恐怖心驚毛豎弗告善覺此
非大身士夫是魔波旬欲作娆乱汝
且還去依彼樹下修前三昧動作彼
魔因斯脫苦時尊者善覺即還本處
至於晨朝著衣持鉢入石主釋氏聚
落乞食食已還精舍如上廣說乃至

賢善命終後世亦賢時魔波旬復作
是念此沙門瞿曇住於釋氏有弟子
名曰善覺如上廣說乃至賢善命終
後世亦賢我今當往為作留難復化
作大身勇壯熾盛力能發地住住其
前善覺比丘復遇見之即說偈言
我正信非家而出家學道於佛無價寶
正念繫心住隨汝變形色我心不傾動
覺汝為幻化便可從此滅

時魔波旬作是念是沙門已知我心
內懷憂感即沒不現

如是我聞一時佛住波羅捺國仙人
住處鹿野苑中今時世尊告諸比丘
如來聲聞作師子吼說言已知已知
不知如來聲聞於何等法已知已知
故作師子吼謂苦聖諦苦集聖諦苦
滅聖諦苦滅道跡聖諦時天魔波旬
作是念沙門瞿曇住波羅捺國仙人
住處鹿野苑中為諸聲聞說法乃至
已知四聖諦我今當往為作留難化
作年少住於佛前而說偈言
何於大衆中無畏師子吼謂呼無有敵
堅調伏一切

今時世尊作是念惡魔波旬欲作嬖
乱卽說偈言

如來於一切甚深正法律方便師子吼
於法無所畏若有智慧者何故自憂怖
時魔波旬作是念沙門瞿曇已知我心
內懷憂戚卽沒不現

如是我聞一時佛住王舍城多衆踐
蹈曠野中與五百比丘衆俱而為說
法以五百鉢置於中庭尔時世尊為
五百比丘說五受陰生滅之法時魔
波旬作是念沙門瞿曇住王舍城多
衆踐蹈曠野中與五百比丘俱乃至
說五受陰是生滅法我今當往為作
留難化作大半往詣佛所入彼五百
鉢間諸比丘卽驅莫令壞鉢尔時世
尊告諸比丘此非是牛是魔波旬欲
作嬖乱卽說偈言

色受想行識非我及我所若知真實義
於彼無所著心無所著法起出色結縛
了達一切處不住魔境界

佛說此經已諸比丘聞佛所說歡喜
奉行

如是我聞一時佛住王舍城多衆踐

臨曠野中與六百比丘衆俱為諸比
丘說六觸入處集六觸集六觸滅時
魔波旬作是念今沙門瞿曇住三舍
城多衆踐蹈曠野為六百比丘說六
觸入處是集法是滅法我今當往為
作留難化作壯士大身勇威力能動地
來詣佛所彼諸比丘遇見壯士身大
勇威見生怖畏身毛皆豎共相謂言
彼為何等形狀可畏今時世尊告諸
比丘此是惡魔欲作嬖亂今時世尊
即說偈言

色聲香味觸及第六諸法受念適可意
世間唯有此此是取惡貪能繫著凡夫
超越斯等者是佛聖弟子度於魔境界
如日無雲翳

時魔波旬作是念沙門瞿曇已知我
心內懷憂戚即沒不現

雜阿含經卷第三十九

癸卯歲高麗國大藏都監奉
勅雕造

雜阿含經卷第四十

川

宋天竺三藏求那跋陀羅譯

如是我聞一時佛住王舍城迦蘭陀竹園。尔時世尊告諸比丘。若能受持七種受者。以是因緣得生天帝釋處。謂天帝釋本為人時。供養父母及家諸尊長。和顏軟語。不惡口。不兩舌。常真實言。於慳慓世間。雖在居家。而不慳惜。行解脫。施動。施常。樂行。施施會。供養等。施一切。尔時世尊即說偈言。供養於父母。及家之尊長。柔和恭遜。辭離虛言。兩舌。調伏慳慓心。常修真實語。彼三十三天。見行七法者。咸各作是言。當來生此天。

佛說此經已。諸比丘聞佛所說歡喜奉行。

如是我聞一時佛住鞞舍離國狝猴池側重閣講堂。時有離車名摩訶利末。詣佛所。稽首佛足。退坐一面。白佛言。世尊。見天帝釋不。佛答言。見離車。復問。世尊。見有鬼似帝釋形。以不。佛告離車。我知天帝釋亦知有鬼似天。

帝釋亦知彼帝釋法受持彼法緣故
得生帝釋處離車帝釋本為人時供
養父母乃至行平等捨介時世尊即
說偈言

供養於父母 及家之尊長 柔和恭遜辭
離塵言兩舌 調伏慳慳心 常修真實語
彼三十三天 見行七法者 咸各作是言
當來生此天

佛說此經已時摩訶利離車聞佛所
說歡喜隨喜作禮而去

如是我聞一時佛住鞞舍離國獼猴
池側重閣講堂時有異比丘來詣佛
所稽首佛足退住一面向佛言世尊
何因何緣釋提桓因名釋提桓因佛
告比丘釋提桓因本為人時行於頻
施沙門婆羅門貧窮困苦求生行路
乞施以飲食錢財穀帛華香嚴具床
卧燈明以堪能故名釋提桓因比丘
復白佛言世尊何因何緣故釋提桓
因復名富蘭陀羅佛告比丘彼釋提
桓因本為人時數數行施衣被飲食
乃至燈明以是因緣故名富蘭陀羅
比丘復白佛言何因何緣故復名摩

伽婆佛告比丘彼釋提桓因本為人時名摩伽婆故釋提桓因即以本名名摩伽婆比丘復白佛言何因何緣復名娑婆娑婆佛告比丘彼釋提桓因本為人時數以婆說私衣布施供養以是因緣故釋提桓因名娑婆娑比丘復白佛言世尊何因何緣釋提桓因復名憍尸迦佛告比丘彼釋提桓因本為人時為憍尸族姓人以是因緣故彼釋提桓因復名憍尸迦比丘問佛言世尊何因何緣彼釋提桓因名舍脂鉢佉佛告比丘彼阿修羅女名曰舍脂為天帝釋第一天后是故帝釋名舍脂鉢佉比丘白佛言世尊何因何緣釋提桓因復名千眼佛告比丘彼釋提桓因本為人時聰明智慧於一坐間思千種義觀察稱量以是因緣彼天帝釋復名千眼比丘白佛何因何緣彼釋提桓因復名因提利佛告比丘彼天帝釋於諸三十三天為王為主以是因緣故彼天帝釋名因提利佛告比丘然彼釋提桓因本為人時受持七種受以是因緣得

天帝釋何等為七釋提桓因本為人
時供養父母乃至等行惠施是為七
種受以是因緣為天帝釋余時世尊
即說偈言如上廣說佛說此經已諸
比丘聞佛所說歡喜奉行

如是我聞一時佛住鞞舍離國憍維
池側重閣講堂余時世尊告諸比丘
過去世時有一夜叉鬼醜陋惡色在
帝釋空座上坐三十三天見此鬼醜
陋惡色在帝釋空座上坐見已咸各
瞋恚諸天如是極瞋恚已彼鬼如是
如是隨瞋恚漸漸端正時三十三天
往詣天帝釋白帝釋言憍尸迦當知
有一異鬼醜陋惡色在天王空座上
坐我等諸天見彼鬼醜陋惡色坐
天王座極生瞋恚隨彼諸天瞋恚彼
鬼隨漸端正釋提桓因告諸三十三
天彼是瞋恚對治鬼余時天帝釋自
往彼鬼所整衣服偏袒右肩合掌三
釋名字而言仁者我是釋提桓因隨
釋提桓因如是恭敬下意彼鬼如是
如是隨漸醜陋即復不現時釋提桓
因自坐已而說偈言

人當莫瞋恚見瞋莫瞋報於惡莫生惡
當破壞憍慢不瞋亦不害名住賢聖衆
惡罪起瞋恚堅住如石山盛瞋恚能持
如制逸馬車我說善御士非謂執繩者
佛告諸比丘釋提桓因於三十三天
為自在王歎說不瞋汝等如是正信
非家出家學道亦應讚歎不瞋當如
是學佛說此經已諸比丘聞佛所說
歡喜奉行

如是我聞一時佛住舍衛國祇樹給
孤獨園尔時世尊晨朝著衣持鉢入
舍衛城乞食乞食已還精舍舉衣鉢
洗足已持屣師壇著右肩上至安陀
林布屣師壇坐一樹下入晝正受尔
時祇桓中有兩比丘諍起一人罵詈
一人默然其罵詈者即便改悔懺謝
於彼而被比丘不受其懺以不受懺
故時精舍中衆多比丘共相勸諫高
聲鬧亂尔時世尊以淨天耳過於人
耳聞祇桓中高聲鬧亂聞已從禪覺
遂精舍於大衆前敷座而坐告諸比
丘我今晨朝乞食還至安陀林坐禪
入晝正受聞精舍中高聲大聲紛紛

聞亂竟為是誰比丘白佛此精舍中
有二比丘諍起一比丘罵一者默然
時罵比丘尋向悔謝而彼不受緣不
受故多人勸諫故致大聲高聲鬧亂
佛告比丘云何比丘愚癡之人人向
悔謝不受其懺若人懺而不受者是
愚癡人長夜當得不饒益苦諸比丘
過去世時釋提桓因有三十二天共
諍說偈教誡言

於他無害心 瞋亦不纏結 懷恨不經久
於瞋以不住 雖復瞋恚盛 不發於唇言
不求彼開節 揚人之虛短 常當自防護
以義內省察 不怒亦不害 常與賢聖俱
若與惡人俱 剛強猶山石 盛恚能自持
如制逸馬車 我說為善御 非謂執繩者
佛告諸比丘釋提桓因於三十三天
為自在王常行忍辱亦復讚歎行忍
者汝等比丘正信非家出家學道當
行忍辱讚歎忍者應當學佛說此經
已諸比丘聞佛所說歡喜奉行
如是我聞一時佛住舍衛國祇樹給
孤獨園今時世尊告諸比丘過去世
時天阿修羅對陣欲戰釋提桓因語

毗摩質多羅阿修羅王莫得各各共
相煞害但當論議理屈者伏毗摩質
多羅阿修羅王言設共論議誰當證
知理之通塞天帝釋言諸天衆中自
有智慧明記識者阿修羅衆亦復自
有明記識者毗摩質多羅阿修羅言
可令釋提桓因言汝等可先立論然
後我當隨後立論則不為難時毗摩
質多羅阿修羅王即說偈立論言

我若行忍著 於事則有關 愚癡者當言
怖畏故行忍
釋提桓因說偈答言

正使愚癡者 言恐怖故忍 及其不言者
於理何所傷 但自觀其義 亦觀於他義
彼我悉獲安 斯忍為最上

毗摩質多羅阿修羅復說偈言

若不制愚癡 愚癡則傷人 猶如兇惡牛
捨走逐觸人 執杖而強制 怖畏則調伏
是故堅持杖 摧伏彼愚夫
帝釋復說偈言

我常觀察彼 制彼愚夫者 愚者瞋恚盛
智以靜默伏 不瞋亦不言 常與賢聖俱
惡罪起瞋恚 堅住如石山 盛瞋恚能持
如制逸馬車 我說善御士 非謂執繩者

今時天衆中有天智慧者阿修羅衆
中有阿修羅智慧者於此偈思惟稱
量觀察作是念毗摩質多羅阿修羅
所說偈終竟長夜起於闍訟戰諍當
知毗摩質多羅阿修羅王教人長夜
闍訟戰諍釋提桓因所說偈長夜終
竟息於闍訟戰諍當知天帝釋長夜
教人息於闍訟戰諍當知帝釋善論
得勝佛告諸比丘釋提桓因以善論
議伏阿修羅諸比丘釋提桓因於三
十三天為自在王立於善論讚歎善
論汝等比丘亦應如是正信非家出家
學道亦當善論讚歎善論應當學
佛說此經已諸比丘聞佛所說歡喜
奉行

如是我聞一時佛住舍衛國祇樹給
孤獨園今時世尊告諸比丘過去世
時有天帝釋天阿修羅對陣欲戰釋
提桓因語三十三天衆言今日諸天
與阿修羅軍戰諸天得勝阿修羅不
如者當生擒毗摩質多羅阿修羅王
以五繫縛將還天宮毗摩質多羅阿
修羅王告阿修羅衆今日諸天阿修

羅共戰若阿修羅勝諸天不如者當
生擒釋提桓因以五繫縛將還阿修
羅言當其戰時諸天得勝阿修羅不
如時彼諸天捉得毗摩質多羅阿修
羅王以五繫縛將還天宮縛在帝釋
斷法殿前門下帝釋從此門入出之
時毗摩質多羅阿修羅縛在門側瞋
恚罵詈時帝釋御者見阿修羅王身
被五縛在於門側帝釋出入之時輒
瞋恚罵詈言見已即便說偈白帝釋言
釋今為畏彼為力不足耶能忍阿修羅
面前而罵辱
釋即答言

不以畏故忍亦非力不足何有瞋恚人
而與愚夫對
御者復白言

若但行忍者於事則有關愚癡者當言
畏怖故行忍是故當苦治以智制愚癡
帝釋答言

我常觀察彼制彼愚夫者見愚者瞋盛
智以靜默伏非力而為力是彼愚癡力
愚癡違遠法於道則無有若使有大力
能忍於劣者是則為上忍無力何有忍

於他極罵辱大力者能忍是則為上忍
無力何所忍於已及他人善護大恐怖
知彼瞋恚盛還自守靜默於二義俱備
自利亦利他謂言愚夫者以不見法故
愚夫謂勝忍重增其惡口未知忍被罵
於彼常得勝於勝已行忍是名恐怖忍
於等者行忍是名忍諍忍於劣者行忍
是則為上忍

佛告諸比丘釋提桓因於三十三天
為自在王常行忍辱讚歎於忍汝等
比丘正信非家出家學道亦應如是
行忍讚歎於忍應當學佛說經已諸
比丘聞佛所說歡喜奉行

如是我聞一時佛住舍衛國祇樹給
孤獨園今時世尊告諸比丘過去世
時釋提桓因欲入園觀時勅其御者
今嚴駕千馬之車詣於園觀御者奉
勅即嚴駕千馬之車往白帝釋唯俱
尸迦嚴駕已竟唯王知時天帝釋即
下常勝殿東向合掌礼佛今時御者
見即心驚毛豎馬鞭落地時天帝釋
見御者心驚毛豎馬鞭落地即說

偈言

汝見何憂怖馬鞭落於地

御者說偈白帝釋言

見王天帝釋為舍脂之夫所以生恐怖
馬鞭落地者常見天帝釋一切諸大地
人天大小王及四護世主三十三天衆
悉皆恭敬礼何處更有尊尊於帝釋者
而今正東向合掌將敬礼

今時帝釋說偈答言

我實於一切世間大小王及四護世王
三十三天衆最為其尊王故悉來恭敬
而復有世間隨順等正覺名号滿天師
故我稽首礼

御者復白言

是必世間勝故使天王釋恭敬而合掌
東向稽首礼我今亦當礼天王所礼者
時天帝釋舍脂之夫說如是偈礼佛
已乘千馬車往詣園觀佛告諸比丘
彼天帝釋於三十三天為自在王尚
恭敬佛亦復讚歎恭敬於佛汝等比
丘正信非家出家學道亦應如是恭
敬於佛亦當讚歎恭敬佛者應當學
佛說此經已諸比丘聞佛所說歡喜

奉行

如是我聞一時佛住舍衛國祇樹給
孤獨園廣說如上差別者余時帝釋
下常勝殿合掌東向敬礼尊法乃至
佛說此經已諸比丘聞佛所說歡喜
奉行

如是我聞一時佛住舍衛國祇樹給
孤獨園如上廣說差別者余時帝釋
說偈答御者言

我實為大地世間大小王及四護世主
三十三天衆如是等一切悉尊重恭敬
熱復有淨戒長夜入正受正信而出家
究竟諸梵行故我於彼所尊重恭敬礼
又調伏貪恚超越愚癡境修學不放逸
亦恭敬礼彼貪欲瞋恚癡恚已永不著
漏盡阿羅漢復應敬礼彼若復在居家
奉持於淨戒如法修布薩亦復應敬礼
御者白帝釋言

是必世間勝故天王敬礼我亦當如是
隨天王恭敬

諸比丘彼天帝釋舍脂之夫敬礼法
僧亦復讚歎礼法僧者汝等已能正
信非家出家學道亦當如是敬礼法

僧當復讚歎礼法僧者佛說此經已
誦比丘聞佛所說歡喜奉行

如是我聞一時佛住舍衛國祇樹給
孤獨園舍時世尊告諸比丘過去世
時有天帝釋欲入園觀王勅御者令
嚴駕十馬之車御者受教即嚴駕已
還白帝釋乘已嚴駕唯王知時舍時
帝釋從常勝殿來下周向諸方合掌
恭敬時彼御者見天帝釋從殿來下
住於中庭周向諸方合掌恭敬見已
驚怖馬鞭落地而說偈言

諸方唯有人 臭穢胞胎生 神處穢死尸
飢渴常焦然 何故憐尸迦 故重於非家
為我說其義 飢渴願欲聞
時天帝釋說偈荅言

我正恭敬彼 能出非家者 自在遊諸方
不計其行止 城邑國土色 不能累其心
不畜資生具 一往無欲定 往則無所求
唯無為為樂 言則寧善言 不言則寂定
諸天阿修羅 各各共相違 人間自共諍
相違亦如是 唯有出家者 於諸諍無諍
於一切衆生 放捨於刀杖 於財離財色
不諍亦不荒 遠離一切惡 是故敬礼彼

是時御者復說偈言

天王之所敬是必世間勝故我從今日
當礼出家人

如是說已天帝釋敬礼諸方一切僧
畢昇於馬車遊觀園林佛告比丘彼
天帝釋於三十三天為自在王而常
恭敬衆僧亦常讚歎恭敬僧功德汝
等比丘正信非家出家學道亦當如
是恭敬衆僧亦當讚歎敬僧功德佛
說此經已諸比丘聞佛所說歡喜
奉行

如是我聞一時佛住舍衛國祇樹給
孤獨園今時世尊告諸比丘過去世
時阿修羅王與四種兵爲兵馬兵車
兵步兵時三十三天欲共鬪戰時天
帝釋聞阿修羅王與四種兵爲兵馬
兵車兵步兵來欲共戰聞已即告宿
毗梨天子言阿公知不阿修羅與四
種兵爲兵馬兵車兵步兵欲與三十
三天共戰阿公可勅三十三天與四
種兵爲兵馬兵車兵步兵與彼阿修
羅共戰今時宿毗梨天子受帝釋教
還自天宮慢慢緩寬縱不勤方便阿修

羅衆已出在道路帝釋聞已復告宿毗梨天子阿公阿修羅軍已在道路阿公可速告令起四種兵與阿修羅戰宿毗梨天子受帝釋教已即復還宮慙怠寬縱時阿修羅王軍已垂至釋提桓因聞阿修羅軍已在近路復告宿毗梨天子阿公知不阿修羅軍已在近路阿公速告諸天起四種兵時宿毗梨天子即說偈言

若有不起處無為安隱樂
得如是處者無作亦無憂
當與我是處令我得安隱
今時帝釋說偈答言

若有不起處無為安隱樂
若得是處者無作亦無憂
汝得是處者亦應將我去
宿毗梨天子復說偈言

若處無方便不起安隱樂
若得彼處者無作亦無憂
當與我是處令我得安隱
時天帝釋復說偈答言

若處無方便不起安隱樂
若人得是處無作亦無憂
汝得是處者亦應將我去
宿毗梨天子復說偈言

若處不放逸不起安隱樂
若人得是處無作亦無憂
當與我是處令我得安隱樂

時天帝釋復說偈言

若處不放逸 不起安隱樂 若人得是處
無作亦無憂 汝得是處者 亦應將我去
宿毗梨復說偈言

懶墮無所起 不知作已作 行欲恣皆會
當與我是處

時天帝釋復說偈言

懶墮無所起 得究竟安樂 汝得彼處者
亦應將我去

宿毗梨天子復說偈言

無事亦得樂 無作亦無憂 若與我是處
今我得安樂

天帝釋復說偈言

若見若復聞 衆生無所作 汝得是處者
亦應將我去 汝若畏所作 不念於有為
但當遠淨除 涅槃之徑路

時宿毗梨天子嚴四兵爲兵馬兵車
兵步兵與阿脩羅戰摧阿脩羅衆諸
天得勝還歸天宮佛告諸比丘釋提
桓因興四種兵與阿脩羅戰精勤得
勝諸比丘釋提桓因於三十三天爲
自在王常以精勤方便亦常讚歎精
勤之德汝等比丘正信非家出家學

道當勤精進讚歎精勤佛說此經已
諸比丘聞佛所說歡喜奉行

如是我聞一時佛住舍衛國祇樹給
孤獨園尔時世尊告諸比丘過去世
時有一聚落有諸仙人於聚落邊空
闌處住止時有諸天阿修羅去聚落
不遠對陣戰鬪尔時毗摩質多羅阿
修羅王除去五飾脫去天冠却傘蓋
除劒刀屏寶拂脫革屣至彼仙人住
處入於門內罔向者視不顧眄諸仙
人亦不問評者已還出時有一仙人
還見毗摩質多羅阿修羅王除去五
飾入園者已還出見已語諸仙人言
此何等人有不調伏色不似人形非
威儀法似田舍兒非長者子除去五
飾入於園門高視觀者亦不顧眄問
評諸仙人有一仙人答言此是毗摩
質多羅阿修羅王除去五飾觀看而
去彼仙人言此非賢士不好不善非
賢非法除去五飾來入園門者已還
去亦不顧眄問評諸仙人以是故當
知天衆增長阿修羅損減時釋提桓
因除去五飾入仙人住處與諸仙人

面相問說慰勞然後還出復有仙人
見天帝釋除去五飾入於園門周遍
問說見已問諸仙人此是何人入於
園林有調伏色有可適人色有威儀
色非田舍兒似族姓子除去五飾來
入園門周遍問說然後還出有仙人
答言此是天帝釋除去五飾來入園
門周遍問說然後還去彼仙人言此
是賢士善好真實威儀法除去五飾
來入園門周遍問說然後還去以是
當知天衆增長阿修羅衆損減時毗
摩質多羅阿修羅王聞仙人稱歎諸
天聞已瞋恚熾盛時彼空處仙人聞
阿修羅王瞋恚熾盛往詣毗摩質多
羅阿修羅王所而說偈言

仙人故來此 求乞施無畏
汝能施無畏 賜幸左思教

毗摩質多羅以偈答言
於汝仙人所 無有施無畏
違背阿修羅 習近帝釋故
於此諸無畏 當遣以恐怖
仙人復說偈言

隨行殖種子 隨類果報生
來乞於無畏 遺之以恐怖
當獲元盡畏 施畏種子故

將諸仙人於毗摩質多羅阿修羅王
面前說呪已凌虛而逝即於是夜毗
摩質多羅阿修羅王心驚三起眠中
聞惡聲言釋提桓因與四種兵與阿
修羅戰驚覺恐怖慮戰必敗退走而
還阿修羅宮時天帝釋敵退得勝已
詣彼空閑仙人住處禮諸仙人足已
退於西面諸仙人前東向而坐時東
風起有異仙人即說偈言

今此諸牟尼 出家來日久 腋下流汙臭
莫順坐風下 千眼可移坐 此臭難可堪
時天帝釋說偈答言

種種眾香華 結以為華鬘 今之所聞香
其香復過是 寧之聞斯香 未曾生厭患
佛告諸比丘 彼天帝釋於三十三天
為自在王恭敬出家人 亦常讚歎出
家人 亦常讚歎恭敬之德 汝等比丘
正信非家出家學道 常應恭敬諸梵
行者 亦當讚歎恭敬之德 佛說此經
已 諸比丘聞佛所說歡喜奉行
如是我聞 一時佛住舍衛國祇樹給
孤獨園 時天帝釋晨朝來詣佛所 稽
首佛足 以帝釋神力 身諸光明遍照

祇樹精舍時釋提桓因說偈問佛言
為煞於何等而得安隱眠為煞於何等
而得無憂畏為煞何等法瞿曇所讚歎
今時世尊說偈答言

害兒惡瞋恚而得安隱眠害兒惡瞋恚
心得無憂畏瞋恚為毒根滅彼苦種子
滅彼苦種子而得無憂畏彼苦種滅故
賢聖所稱歎

余時釋提桓因聞佛所說歡喜隨喜
作札而去

如是我聞一時佛住舍衛國祇樹給
孤獨園今時世尊告諸比丘於月八
日四大天王勅遣大臣案行世間為
何等入供養父母沙門婆羅門宗親
尊重作諸福德見今世惡畏後世罪
行施作福受持齋戒於月八日十四
日十五日及神變月受戒布薩至十
四日遣太子下觀察世間為何等人
供養父母乃至受戒布薩至十五日
四大天王自下世間觀察衆生為何
等人供養父母乃至受戒布薩諸比
丘今時世間無有多人供養父母乃
至受戒布薩者時四大王即往詣三

十三天集法講堂白天帝釋天王當
知今諸世間無有多人供養父母乃
至受戒布薩時三十三天衆聞之不
喜轉相告語今世間人不賢不善不
好不類無真實行不供養父母乃至
不受戒布薩緣斯罪故諸天衆減阿
修羅衆當漸增廣諸比丘今時世間
若復多人供養父母乃至受戒布薩
者四天王至三十三天集法講堂白
天帝釋天王當知今諸世間多有人
民供養父母乃至受戒布薩時三十
三天心皆歡喜轉相告語今諸世間
賢聖真實如法多有人民供養父母
乃至受戒布薩緣斯福德阿修羅衆
減諸天衆增廣時天帝釋知諸天衆
皆歡喜已即說偈言

若人月八日 十四十五日 及神變之月
受持八支齋 如我所修行 彼亦如是修
余時世尊告諸比丘彼天帝釋所說
偈言

若人月八日 十四十五日 及神變之月
受持八支齋 如我所修行 彼亦如是修
此非善說所以者何彼天帝釋自有

貪志癡患不脫生老病死憂悲惱苦
故若阿羅漢比丘諸漏已盡所作已
作離諸重擔斷諸有結心善解脫說
此偈言

若人月八日十四十五日及轉變之月
受持八支齋如我所修行彼亦如是修
如是說者則為善說所以者何阿羅
漢比丘離貪志癡已脫生老病死憂
悲惱苦是故此偈則為善說佛說此
經已諸比丘聞佛所說歡喜奉行
如是我聞一時佛住舍衛國祇樹給
孤獨園尔時世尊告諸比丘過去世
時毗摩質多羅阿修羅王疾病困篤
往詣釋提桓因所語釋提桓因言憐
尸迦當知我今疾病困篤為我療治
令得安隱釋提桓因語毗摩質多羅
阿修羅言汝當授我幻法我當療治
汝病令得安隱毗摩質多羅阿修羅
語帝釋言我當還問諸阿修羅衆聽
我者當授帝釋阿修羅幻法尔時毗
摩質多羅阿修羅即往至諸阿修羅
衆中語諸阿修羅言諸人當知我今
疾病困篤往詣釋提桓因所求彼治

病彼語我言汝能授我阿修羅幻法
者當治汝病令得安隱我今當往為
彼說阿修羅幻法時有一詐為阿修
羅語毗摩質多羅阿修羅其彼天帝
釋質直好信不虛偽但語彼言天王
此阿修羅幻法若學者令人墮地獄
受罪無量百千歲彼天帝釋必當息
意不復求學當言汝去令汝病差可
得安隱時毗摩質多羅阿修羅復往
帝釋所說偈白言

千眼尊天王 阿修羅幻術 皆是虛誑法
令人墮地獄 無量百千歲 受苦無休息
時天帝釋語毗摩質多羅阿修羅言
止止如是幻術非我所須汝且還去
令汝身病寂滅休息得力安隱佛告
諸比丘釋提桓因於三十三天為自
在王長夜真實不幻不為賢善質直
汝等比丘正信非家出家學道亦應
如是不幻不為賢善質直當如是學
佛說此經已諸比丘聞佛所說歡喜
奉行
如是我聞一時佛住舍衛國祇樹給
孤獨園尔時世尊告諸比丘時有天

帝釋及鞞盧闍那子婆稚阿修羅三
有絕妙之容於晨朝時俱詣佛所稽
首佛足退坐一面時天帝釋及鞞盧
闍那子婆稚阿修羅王身諸光明普
照祇樹給孤獨園今時鞞盧闍那阿
修羅王說偈白佛

人當勤方便 必令利滿足 是利滿足已
何須復方便

時天帝釋復說偈言

若人勤方便 必令利滿足 是利滿足已
修忍無過上

說是偈已俱白佛言世尊何者善說
世尊告言汝等所說二說俱善然今
汝等復聽我說

一切衆生類 志皆求已利 彼彼諸衆生
各自求所應 世間諸和合 及與第一義
當知世和合 則為非常法 若人勤方便
必令利滿足 是利滿足已 修忍無過上
今時天帝釋及鞞盧闍那子婆稚阿
修羅王聞佛所說歡喜隨喜作禮而去
今時世尊告諸比丘釋提桓因於三
十三天為自在王修行於忍讚歎於
忍汝等比丘正信非家出家學道亦

應如是修行於忍讚歎於忍佛說此
經已諸比丘聞佛所說歡喜奉行
如是我聞一時佛住舍衛國祇樹給
孤獨園今時世尊告諸比丘過去世
時有天帝釋白佛言世尊我今受如
是戒乃至佛法住世盡其形壽有惱
我者要不反報加惱於彼時毗摩質
多羅阿修羅王聞天帝釋受如是戒
乃至佛法住世盡其形壽有惱我者
我不反報加惱於彼聞已執持利劍
逆道而來時天帝釋遇見毗摩質多
羅阿修羅王執持利劍逆道而來即
遙告言阿修羅王縛汝勿動毗摩質
多羅阿修羅王即不得動語帝釋言
汝今豈不受如是戒若佛法住世盡
其形壽有惱我者必不還報耶天帝
釋答言我實受如是戒但汝息住受
縛阿修羅言今且放我帝釋答言汝
若約擔不作亂者然後放汝阿修羅
言放我當如法作帝釋答言先如法
作然後放汝時毗摩質多羅阿修羅
王即說偈言

貪欲之所趣 及瞋恚所趣 妄語之所趣

謗毀賢聖趣 我若燒亂者 趣同彼趣趣
釋提桓因復告言放汝令去隨汝所
安尔時天帝釋令阿修羅王作約誓
已往詣佛所稽首佛足退坐一面白
佛言世尊我於佛前受如是戒乃至
佛法住世盡其形壽有惱我者我不
反報毗摩質多羅阿修羅王聞我受
戒手執利劍隨路而來我遇見已語
言阿修羅住住縛汝勿動彼阿修羅
言汝不受戒耶我即荅言我實受戒
且汝今住縛汝勿動彼即求脫我告
彼言若作約誓不作亂者當令汝脫
阿修羅言且當放我當說約誓我即
告言先說約誓然後放汝彼即說偈
作約誓言

貪欲之所趣 及瞋恚之所趣 妄語之所趣
謗毀賢聖趣 我若作燒亂 趣同彼趣趣
如是世尊我要被阿修羅王令說約
誓為是法不被阿修羅復為燒亂不
佛告天帝釋善哉善哉汝要彼約誓
如法不違彼亦不復敢作燒亂尔時
天帝釋聞佛所說歡喜隨喜作礼而去
尔時世尊告諸比丘彼天帝釋於三

十三天為自在王不為燒亂亦常讚
歎不燒亂法汝等比丘正信非家出
家學道亦應如是行不燒亂亦當讚
歎不擾亂法佛說此經已諸比丘聞
佛所說歡喜奉行

雜阿含經卷第四十

甲辰歲高麗國大藏都監奉
勅雕造

雜阿含經卷第四十一

派

宋天竺三藏求那跋陀羅譯

如是我聞一時佛住迦毗羅衛國尼拘律園時有衆多釋氏來詣佛所稽首礼足退坐一面尔時世尊告諸釋氏汝等諸瞿曇於法齋日及神足月受持齋戒修功德不諸釋氏白佛言世尊我等於諸齋日有時得受齋戒有時不得於神足月有時齋戒修諸功德有時不得佛告諸釋氏瞿曇汝等不獲善利汝等是憍慢者煩惱人憂悲人惱苦人何故於諸齋日或得齋戒或不得於神足月或得齋戒作諸功德或不得諸瞿曇譬人求利日日增長一日一錢二日兩錢三日四錢四日八錢五日十六錢六日三十二錢如是士夫日常增長八日九日乃至一月錢財轉增廣耶長者白佛如是世尊佛告釋氏云何瞿曇如是士夫錢財轉增當得自然錢財增廣復欲令我於十年中一向喜樂心樂多住禪定寧得以不釋氏答言不也

世尊佛告釋氏若得九年八年七年
六年五年四年三年二年一年喜樂
心樂多住禪定以不釋氏答言不也
世尊佛告釋氏且置年歲寧得十月
九月八月乃至一月喜樂心樂多住
禪定以不復置一月寧得○一日九日
八日乃至一日一夜喜樂心樂禪定
多住以不釋氏答言不也世尊佛告
釋氏我今語汝我聲聞中有直心者
不諂不幻我於彼人十年教化以是
因緣彼人則能百千万歲一向喜樂
心樂多住禪定斯有是處復置十年
若九年八年乃至一年十月九月乃
至一月十日九日乃至一日一夜我
教化至其明旦能令勝進晨朝教化
乃至日暮能令勝進以是因緣得百
千万歲一向喜樂心樂多住禪定成
就二果或斯陀舍果阿那含果以彼
士夫先得須陀洹故釋氏白佛善哉
世尊我從今日於諸齋日當修齋戒
乃至八支於神足月受持齋戒隨力
惠施修諸功德佛告釋氏善哉瞿曇
為真實要佛說此經已時諸釋種聞

佛所說歡喜隨喜作禮而去

如是我聞一時佛住迦毗羅衛國尼拘律園中時有衆多釋氏集論議堂作如是論議時有釋氏語釋氏難提我有時得詣如來恭敬供養有時不得有時得親近供養知識比丘有時不得又復不知有諸智慧優婆塞有餘智慧優婆塞智慧優婆夷疾病困苦復云何教化教誡說法今當共往詣世尊所問如此義如世尊教當受奉行亦時難提與諸釋氏俱詣佛所稽首禮足退住一面

白佛言世尊我等諸釋氏集論議堂作如是論議有諸釋氏語我言難提我等或時見如來恭敬供養或時不見或時往見諸知識比丘親近供養或時不得如是廣說乃至如佛所教誠當受奉行我等今日請問世尊若智慧優婆塞有餘智慧優婆塞優婆夷疾病困苦云何教化教誡說法佛告難提若有智慧優婆塞當詣餘智慧優婆塞優婆夷疾病困苦者所以三種蘇息處而教授之言仁者汝當

成就於佛不壞淨於法僧不壞淨以
是三種種息處而教授已當復問言
汝願戀父母不彼若有願戀父母者
當教令捨當語彼言汝願戀父母得
活者可願戀耳既不由願戀而得活
用願戀為彼若言不願戀父母者當
歎善隨喜當復問言汝於妻子奴僕
錢財諸物有願念不若言願念當教
令捨如捨願戀父母法若言不願念
歎善隨喜當復問言汝於人間五欲
願念以不若言願念當為說言人間
五欲惡露不淨敗壞臭處不如天上
勝妙五欲教令捨離人間五欲教令
志願天上五欲若復彼言心已遠離
人間五欲先已願念天勝妙欲歎善
隨喜復語彼言天上妙欲无常苦空
變壞之法諸天上有身勝天五欲若
言已捨願念天欲願念有身勝欲歎
善隨喜當復教言有身之欲亦復无
常變壞之法有行滅涅槃出離之樂
汝當捨離有身願念樂於涅槃寂滅
之樂為上為勝彼聖弟子已能捨離
有身願念樂涅槃者歎善隨喜如是

難提彼聖弟子先後次第教誡教授
令得不起涅槃猶如比丘百歲壽命
解脫涅槃佛說此經已釋氏難提等
聞佛所說歡喜隨喜作禮而去
如是我聞一時佛住迦毗羅衛國尼
拘律園中時有釋氏名曰菩提來詣
佛所稽首佛足退坐一面白佛言善
哉世尊我等快得善利得為世尊親
屬佛告菩提莫作是語我得善利得
與世尊親屬故然菩提所謂善利者
於佛不壞淨於法僧不壞淨聖戒成
就是故菩提當作是學我當於佛不
壞淨於法僧不壞淨聖戒成就佛說
此經已釋氏菩提聞佛所說歡喜隨
喜作禮而去

如是我聞一時佛住迦毗羅衛國尼
拘律園中今時世尊告諸比丘若聖
弟子得於佛不壞淨成就時若彼諸
人先得於佛不壞淨戒成就因緣往
生者皆大歡喜歎言我以得於佛不
壞淨成就因緣故來生於此善趣天
上彼聖弟子今得於佛不壞淨成就
以是因緣亦當復來生此善趣天中

於法僧不壞淨聖戒成就亦如是說
佛說此經已諸比丘聞佛所說歡喜
奉行

如是我聞一時佛住舍衛國祇樹給
孤獨園今時世尊告諸比丘有四種
須陀洹道分親近善男子聽正法內
正思惟法次法向佛說此經已諸比
丘聞佛所說歡喜奉行

如是我聞一時佛住舍衛國祇樹給
孤獨園今時世尊告諸比丘有四須
陀洹分何等為四謂於佛不壞淨於
法僧不壞淨聖戒成就名須陀洹
分佛說此經已諸比丘聞佛所說歡
喜奉行

如是我聞一時佛住舍衛國祇樹給
孤獨園今時世尊告諸比丘若有成
就四法者當知是須陀洹何等為四
謂於佛不壞淨於法僧不壞淨聖戒
成就是名四法成就者當知是須陀
洹佛說此經已諸比丘聞佛所說歡
喜奉行

如不分別說如是分別比丘比丘尼
或又摩尼沙弥沙弥尼優婆塞優婆

或成就四法者當知是須陀洹一
經如上說

如是我聞一時佛住舍衛國祇樹給
孤獨園今時世尊告諸比丘有四沙
門果何等為四謂須陀洹果斯陀含
果阿那含果阿羅漢果佛說此經已
諸比丘聞佛所說歡喜奉行

如是我聞一時佛住舍衛國祇樹給
孤獨園今時世尊告諸比丘有四沙
門果何等為四謂須陀洹果斯陀含
果阿那含果阿羅漢果何等為須陀
洹果謂三結斷是名須陀洹果何等
為斯陀含果謂三結斷貪恚癡薄是
名斯陀含果何等為阿那含果謂五
下分結斷是名阿那含果何等為阿羅
漢果若彼貪欲永盡瞋恚永盡愚癡
永盡一切煩惱永盡是名阿羅漢果
佛說此經已諸比丘聞佛所說歡喜
奉行

如是我聞一時佛住舍衛國祇樹給
孤獨園今時世尊告諸比丘若於彼
處有比丘經行於彼處四沙門果中
得一一果者彼比丘盡其形壽當令

彼處佛說此經已諸比丘聞佛所說
歡喜奉行

如經行處如是住處坐處卧處亦如
是說如是比丘如是比丘尼式叉摩
尼沙弥沙弥尼優婆塞優婆夷一一
四經如上說

如是我聞一時佛住舍衛國祇樹給
孤獨園尔時世尊告諸比丘如四食
於四大衆生安立饒益攝受何等為
四謂搏食觸食意思食識食如是四
種福德潤澤善法潤澤安樂食何等
為四謂於佛不壞淨成就福德潤澤
善法潤澤安樂食法僧不壞淨聖戒
成就福德潤澤善法潤澤安樂食佛
說此經已諸比丘聞佛所說歡喜
奉行

如是我聞一時佛住舍衛國祇樹給
孤獨園尔時世尊告諸比丘如上說
差別者於佛不壞淨成就福德潤澤
善法潤澤安樂食於法不壞淨於諸
聞法可意愛念聖戒成就福德潤澤
善法潤澤安樂食佛說此經已諸比
丘聞佛所說歡喜奉行

如丈我聞一時佛住舍衛國祇樹給
孤獨園余時世尊告諸比丘如上說
善別者於佛不壞淨成就者福德潤
澤善法潤澤安樂食若法若慳加纏
眾生所心離慳垢衆多住行解脫施
常施樂於捨等心行施聖戒成就福
德潤澤善法潤澤安樂食佛說此經
已諸比丘聞佛所說歡喜奉行
如是我聞一時佛住舍衛國祇樹給
孤獨園余時世尊告諸比丘如上說
差別者如是四種福德潤澤善法潤
澤安樂食彼聖弟子功德果報不可
稱量得余所福余所果報然彼多福墮
大功德積累數如前五河譬經說乃
至說偈佛說此經已諸比丘聞佛所
說歡喜奉行

如是我聞一時佛住舍衛國祇樹給
孤獨園余時有四天子極妙之已
夜過晨朝來詣佛所稽首禮足退坐
一面余時世尊告諸天子善哉善哉
請天子汝等成就於佛不壞淨於法
僧不壞淨聖戒成就時天子從座起
整衣照背首佛足合掌白佛言世尊

我成就於佛不壞淨緣此功德身壞
命終今生天上一天子白佛言世尊
我於法不壞淨成就緣此功德身壞
命終今生天上一天子白佛言世尊
我於聖戒成就緣此功德身壞命終
今生天上時四天子各於佛前自
記說須陀洹果已即沒不現如四十
天子如是四百天子八百天子十千
天子二十千天子三十千天子四十
千天子五十千天子六十千天子七
十千天子八十千天子各於佛前自
記說須陀洹果已即沒不現

如是我聞一時佛住舍衛國迦蘭陀
竹園舍時世尊告諸比丘當如月譬
任如新學慙愧軟下攝心斂形而入
他家如明目士夫臨深登峯攝心斂
形難達前進如是比丘如月譬住亦
如新學慙愧軟下御心斂形而入他
家迦葉比丘如月譬住亦如新學慙
愧軟下諸高慢御心控形而入他家
如明目士夫臨深登峯御心控形正

觀而進佛告比丘於意云何比丘為
何等像類應入他家諸比丘白佛言
世尊是法根法眼法依唯願廣說諸
比丘聞已當受奉行佛告諸比丘諦聽
善思當為汝說若有比丘於他家心
不縛著貪樂於他得利他作功德欣
若在已不生嫉想亦不自舉亦不下
人如是像類比丘應入他家
余時世尊以手捫摸虛空告諸比丘
我今此手寧著空縛空漆空不比丘
白佛不也世尊佛告比丘以此之法
常如是不著不縛不染心而入他家
唯迦葉比丘以不著不縛不染之心
而入他家於他得利及作功德欣若
在已不生嫉想不自舉不下人其唯
迦葉比丘應入他家余時世尊復以
手捫摸虛空告諸比丘於意云何我
今此手寧著空縛空漆空以不諸比
丘白佛言不也世尊佛告比丘其唯
迦葉比丘心常如是以不著不縛不
染之心入於他家余時世尊告諸比
丘何等像類比丘應清淨說法諸比
丘白佛世尊是法根法眼法依唯願

廣說諸比丘聞已當受奉行佛告比丘諦聽善思當為汝說若有比丘作如是心為人說法何等人於我起淨信心為本已當得供養衣被飲食卧具湯藥如是說者名不清淨說法若復比丘為人說法作如是念世尊顯現正法律離諸熾然不待時節即此現身緣自覺知正向涅槃而諸衆生沉溺老病死憂悲惱苦如此衆生聞正法者以義饒益長夜安樂以是正法因緣以慈心悲心哀愍心欲令正法久住心而為人說是名清淨說法唯迦葉比丘有如是清淨心為人說法以如來正法律乃至令法久住心而為人說是故諸比丘當如是學如是說法於如來正法律乃至令法久住心為人說法佛說此經已諸比丘聞佛所說歡喜奉行

如是我聞一時佛住舍衛國祇樹給孤獨園尔時世尊告諸比丘若有比丘欲入他家作如是念彼當施我莫令不施頻施非漸施多施非少施勝施非陋施速施非緩施以如是心而

至他家若他不施乃至緩施是比丘
心則屈辱以是因緣其心退沒自生
障闕若復比丘欲入他家作如是念
出家之人率至他家何由得施非不
施頻施非漸施多施非少施勝施非
陋施速施非緩施作如是念而至他
家若彼不施乃至緩施是比丘心不
屈辱亦不退沒不生障罣唯迦葉比
丘作如是念而入他家是故諸比丘
當如是學作如是念而入他家出家
之人率至他家何由得施非不施乃
至速施非緩施佛說此經已諸比丘
聞佛所說歡喜奉行

如是我聞一時佛住舍衛國祇樹給
孤獨園今時尊者摩訶迦葉住舍衛
國東園鹿子母講堂時尊者摩訶迦
葉晡時從禪覺往詣佛所稽首礼足
退坐一面今時世尊告尊者摩訶迦
葉汝當為諸比丘說法教誡教授所
以者何我常為諸比丘說法教誡教
授汝亦應今尊者摩訶迦葉白佛言
世尊今世比丘難可教授或有比丘
不忍聞說佛告摩訶迦葉汝何因緣

作如是說摩訶迦葉白佛言世尊我
見有兩比丘一名旃稠是阿難弟子
二名阿浮毗是摩訶目犍連弟子彼
二人共諍多聞各言汝來當共論議
誰所知多誰所知勝時尊者阿難住
於佛後以扇扇佛語尊者摩訶迦葉
言且止尊者摩訶迦葉且忍尊者迦
葉此年少比丘少智惡智尊者摩
訶迦葉語尊者阿難言汝且默然莫
令我於僧中問汝事時尊者阿難即
默然住（默然）此時世尊告一比丘汝往至
彼旃稠比丘阿浮毗比丘所作是言
大師語汝時彼比丘即受教至旃稠
比丘阿浮毗比丘所作是言大師語
汝時旃稠比丘阿浮毗比丘答言奉
教即俱往佛所稽首禮足退住一面
此時世尊告二比丘汝等二人實共
諍論各言汝來試共論議誰多誰勝
耶二比丘白佛言實尔世尊佛告二
比丘汝等持我所說修多羅祇夜受
記伽陀優陀那尼陀那阿波陀那伊
帝目多加闍多伽毗富羅阿浮多達
摩優波提舍等法而共諍論各言汝

來試共論議誰多誰勝耶二比丘白
佛不也世尊佛告二比丘汝等不以
我所說修多羅乃至優波提舍而自
調伏自止息自求涅槃耶二比丘白
佛如是世尊佛告二比丘汝知我所
說修多羅乃至優波提舍汝愚癡人
應共諍論誰多誰勝耶時二比丘前
礼佛足重白佛言悔過世尊悔過善
逝我愚我癡不善不辯而共諍論佛
告二比丘實知罪悔過愚癡不善不
辯而共諍論今已自知罪自見罪知
見悔過於未來世律儀戒生我今受
汝憐愍故令汝善法增長終不退減
所以者何若有自知罪自見罪知見
悔過於未來世律儀戒生終不退減
時二比丘聞佛所說歡喜隨喜作礼
而去

如是我聞一時佛住舍衛國祇樹給
孤獨園尔時尊者摩訶迦葉住舍衛
國東園鹿子母講堂晡時從禪覺詣
世尊所稽首礼足退坐一面佛告迦
葉汝當教授教誡諸比丘為諸比丘
說法教誡教授所以者何我常為者

比丘說法教誡教授汝亦應令尊者
摩訶迦葉白佛言世尊今諸比丘難
可為說法若說法者當有比丘不忍
不喜佛告迦葉汝見何等因緣而作
是說摩訶迦葉白佛言世尊若有比
丘於諸善法无信敬心若聞說法彼
則退沒若惡智人於諸善法無精進
慙愧智慧聞說法者彼則退沒若人
貪欲瞋恚睡眠掉悔疑惑身行慳累
忿恨失念不定无智聞說法者彼則
退沒世尊如是比諸惡人者尚不能
令心住善法况復增進當知是輩隨
其日夜善法退減不能增長世尊若
有士夫於諸善法信心清淨是則不
退於諸善法精進慙愧智慧是則不
退不貪不恚睡眠掉悔疑惑是則不
退身不弊暴心不染汙不忿不恨定
心正念智慧是則不退如是人者於
諸善法日夜增長况復心住此人日
夜常求勝進終不退減佛告迦葉如
是如是於諸善法无信心者是則退
減亦如迦葉次第廣說時尊者摩
訶迦葉聞佛所說歡喜隨喜從座起

作禮而去
如是我聞一時佛住舍衛國祇樹給
孤獨園今時尊者摩訶迦葉住舍衛
國東園鹿子母講堂晡時從禪覺來
詣佛所稽首佛足退坐一面今時世
尊告摩訶迦葉汝當為諸比丘說法
教誡教授所以者何我常為諸比丘
說法教誡教授汝亦應承尊者摩訶
迦葉白佛言世尊今諸比丘難可為
說法教誡教授有諸比丘聞所說法
不忍不喜佛告摩訶迦葉汝何因緣
作如是說摩訶迦葉白佛言世尊是
法根法眼法依唯願世尊為諸比丘
說法諸比丘聞已當受奉行佛告迦
葉諦聽善思當為汝說佛告迦葉昔
日阿練若比丘於阿練若比丘所歎
說阿練若法於乞食比丘所歎說乞
食功德於真掃衣比丘所歎說真掃
衣功德若少欲知足修行遠離精勤
方便正念正定智慧漏盡身作證比
丘所隨其所行讚歎稱說迦葉若於
阿練若所歎說阿練若法乃至漏盡
比丘所歎說漏盡身作證若見其人

其語言隨宜慰勞善來者汝名何等為誰弟子讓座令坐歎其賢善如其法像類有沙門義有沙門欲如是讀誦時若彼同住同遊者則便決定隨順彼行不久亦當同其所見同其所欲佛告迦葉若是年少比丘見彼阿練若比丘來讚歎阿練若法乃至漏盡身作證彼年少比丘應起出迎恭敬禮拜問訊乃至彼同住者不久當得自_二我_一饒益如是恭敬者長夜當得安樂饒益佛告迦葉今日比丘見彼來者知見大德能感財利衣被飲食牀卧湯藥者與共言語恭敬問訊歎言善來何某名字為誰弟子歎其福德能感大利衣被飲食卧具湯藥若與尊者相習近者亦當豐足衣被飲食卧具湯藥若復年少比丘見彼來者大智大德能感財利衣被飲食卧具湯藥者疾起出迎恭敬問訊歎言善來大智大德能感大利衣被飲食卧具湯藥迦葉如是年少比丘長夜當得非義不饒益若如是迦葉斯等以_二為沙門_一患為梵行溺為大障障

以不善法煩惱之患重受諸有熾然
生死未來苦報生老病死憂悲苦惱
是故迦葉當如是學為阿練若於阿
練若所稱譽讚歎真掃衣乞食少欲
知足修行遠離精勤方便正念正定
正智漏盡身作證者稱譽讚歎當如
是學佛說此經已尊者摩訶迦葉聞
佛所說歡喜隨喜作禮而去

如是我聞一時佛住舍衛國祇樹給
孤獨園余時尊者摩訶迦葉住舍衛
國東園鹿子母講堂晡時從禪覺詣
世尊所稽首禮足退坐一面余時世
尊告摩訶迦葉言汝今已老年耆根
熟真掃衣重我衣輕好汝今可住僧
中耆居士壞色輕衣迦葉白佛言世
尊我已長夜習阿練若讚歎阿練若
真掃衣乞食佛告迦葉汝觀幾種義
習阿練若讚歎阿練若真掃衣乞食
讚歎真掃衣乞食法迦葉白佛言世
尊我觀二種義現法得安樂住義復
為未來衆生而作大明未來世衆生
當如是念過去上座六神通出家日
久梵行純熟為世尊所歎智慧梵行

者之所奉事彼於長夜習阿練若讚歎
阿練若上異掃衣乞食讚歎異掃衣乞食
法諸有聞者淨心隨喜長夜皆得安
樂饒益佛告迦葉善哉善哉迦葉汝
則長夜多所饒益安樂衆生哀愍世
間安樂天人佛告迦葉若有毀此頭
陀法者則毀於我若有稱歎頭陀法
者則稱歎我所以者何頭陀法者我
所長夜稱譽讚歎是故迦葉阿練若
者當稱歎阿練若異掃衣乞食者
當稱歎異掃衣乞食法佛說此經已
摩訶迦葉聞佛所說歡喜隨喜作禮
而去

如是我聞一時佛住舍衛國祇樹給
孤獨園今時尊者摩訶迦葉久住舍
衛國阿練若牀坐處長鬚髮著弊納
衣來詣佛所今時世尊無數大衆圍
繞說法時諸比丘見摩訶迦葉從遠
而來見已於尊者摩訶迦葉所起輕
慢心言此何等比丘衣服麤陋无有
儀容而來衣服佻佻而來今時世尊
知諸比丘心之所念告摩訶迦葉善
來迦葉於此半座我今竟知誰先出

家汝耶我耶彼諸比丘心生恐怖身
毛皆豎並相謂言奇哉尊者彼尊
者摩訶迦葉大德大力大師弟子請
以半座今時尊者摩訶迦葉合掌白
佛言世尊佛是我師我是弟子佛告
迦葉如是如是我為大師汝是弟子
汝今且坐隨其所安尊者摩訶迦葉
稽首佛足退坐一面今時世尊復欲
警悟諸比丘復以尊者摩訶迦葉同
已所得殊勝廣大功德為現衆故告
諸比丘我離欲惡不善法有覺有觀
初禪具足住若日若夜若日夜摩訶
迦葉亦復如我離欲惡不善法乃至
初禪具足住若日若夜若日夜我欲
第二第三第四禪具足住若日若夜
若日夜彼摩訶迦葉亦復如是乃至
第四禪具足住若日若夜若日夜我
隨所欲慈悲喜捨空入處識入處无
所有入處非想非非想入處神通境
界天耳他心智宿命智生死智漏盡
智具足住若日若夜若日夜彼迦葉
比丘亦復如是乃至漏盡智具足住
若日若夜若日夜今時世尊於无量

大衆中稱歎摩訶迦葉同已廣大勝
妙功德已諸比丘聞佛所說歡喜
奉行

如是我聞一時佛住王舍城迦蘭陀
竹林尊者摩訶迦葉尊者阿難尊者
闍崛山時尊者阿難詣尊者摩訶迦
葉所語尊者摩訶迦葉言今可共出
耆闍崛山入王舍城乞食尊者摩訶
迦葉默然而許時尊者摩訶迦葉尊
者阿難著衣持鉢入王舍城乞食尊
者阿難語尊者摩訶迦葉日時太早
可共暫過比丘尼精舍即便往過時
諸比丘尼遙見尊者摩訶迦葉尊者
阿難從遠而來疾敷牀座請令就坐
時諸比丘尼札尊者摩訶迦葉阿難
足已退坐一面尊者摩訶迦葉為諸
比丘尼種種說法示教照喜示教照
喜已時偷羅難陀比丘尼不喜悅說
如是惡言云何阿梨摩訶迦葉於阿
梨阿難解提訶牟尼前為比丘尼說
法譬如販針兒於針師家賣阿梨
摩訶迦葉亦復如是於阿梨阿難解
提訶牟尼前為諸比丘尼說法尊者

摩訶迦葉聞偷羅難陀比丘尼心不
喜悅口說惡言聞已語尊者阿難汝
看是偷羅難陀比丘尼心不喜悅口
說惡言大何阿難我是敗針兒汝是針
師於汝前賣耶尊者阿難語尊者摩
訶迦葉且止當忍此愚癡老嫗智慧
薄少不曾修習故阿難汝豈聞世尊
如來應等正覺所知見於大衆中說
月辟經教誡教授比丘當如月辟住
常如新學如是廣說為說阿難如月
辟住常如新學耶阿難答言不也尊
者摩訶迦葉阿難汝聞世尊如來應
等正覺所知所見說言比丘當如月
辟住常如新學其唯摩訶迦葉比丘
阿難答言如是尊者摩訶迦葉阿難
汝曾為世尊如來應等正覺所知所
見於無量大衆中請汝來坐耶又復
世尊以同已廣大之德稱歎汝阿難
離欲惡不善法乃至漏盡通稱歎答
言不也尊者摩訶迦葉如是阿難世
尊如來應等正覺於無量大衆中口
自說言善來摩訶迦葉請汝半座復
於大衆中以同已廣大功德離欲惡

不善法乃至漏盡通稱歡摩訶迦葉
耶阿難答言如是尊者摩訶迦葉時
摩訶迦葉於比丘尼衆中師子吼已
如是我聞一時尊者摩訶迦葉尊者
阿難住王舍城耆闍崛山中世尊涅
槃未久時世飢饉乞食難得時尊者
阿難與衆多年少比丘俱不能善攝
諸糧食不知量不能初夜後夜精懃
禪思樂著睡眠常求世利人間遊行
至南天竺有三十年少弟子捨戒還
俗餘多童子時尊者阿難於南山國
土遊行以少徒衆還王舍城時尊者
阿難舉衣鉢洗足已至尊尊者摩訶迦
葉所稽首礼足退坐一面時尊者摩
訶迦葉問尊者阿難汝從何來徒衆
多少阿難答言從南山國土人間遊
行年少比丘三十人捨戒還俗徒衆
損減又今在者多是童子尊者摩
訶迦葉語阿難言有幾福利如來應
等正覺所知所見聽三人已上制群
食戒阿難答言為二事故何等為二
一者為貪小家二者多諸惡人以為
伴黨相破壞故莫令惡人於僧中住

而受衆名映障大衆別為二部于相
嫌諍尊者迦葉語阿難言汝知此義
如何於飢饉時與衆多年少弟子南
山國土遊行令三十人捨戒還俗徒
衆損減餘者多是童子如阿難汝徒
衆消滅汝是童子不知等量阿難答
言云何尊者摩訶迦葉我以頭髮二
色猶言童子尊者摩訶迦葉言汝於
飢饉世與諸年少弟子人間遊行致
令三十弟子捨戒還俗其餘在者復
是童子徒衆消滅不知等量而言宿
士衆壞阿難衆極壞阿難汝是童子
不等量故時比丘舍比丘尼聞尊者摩
訶迦葉以童子責尊者阿難毗提訶
牟尼聞已不歡喜作是惡言云何阿
梨摩訶迦葉本外道聞而已童子呵
責阿梨阿難毗提訶牟尼令童子名
流行尊者摩訶迦葉以大耳聞比丘
比丘尼心不歡喜口出惡言聞已語
尊者阿難汝看是比丘舍比丘尼心不
歡喜口說惡語言摩訶迦葉本聞外
道而責阿梨阿難毗提訶牟尼令童
子名流行尊者阿難答言且止尊者

摩訶迦葉忍之尊者摩訶迦葉此愚
癡老嫗無自性智尊者摩訶迦葉語
阿難言我自出家都不知有異師唯
如來應等正覺我未出家時常念生
老病死憂悲惱苦知在家業務多諸
煩惱出家空閑難可俗人處於非家
一向鮮潔盡其形壽終一滿淨梵行
清白當剃鬚髮著袈裟衣正信非家出
家學道以百千金貴價之衣段段割
截爲僧伽梨若世間阿羅漢者闇從
出家我出家已於王舍城那羅聚落
中間多子塔所遇值世尊正身端坐
相好奇特諸根寂靜第一息滅猶如
金山我時見已作是念此是我師此
是世尊此是羅漢此是等正覺我時
一心合掌敬礼白佛言是我大師我
是弟子佛告我言如是迦葉我是汝
師汝是弟子迦葉汝今成就如是真
實淨心所恭敬者不知言知不見言
見實非羅漢而言羅漢非等正覺言
等正覺者應當自然身碎七分迦葉
我今知故言知見故言見真阿羅漢
言阿羅漢真等正覺言等正覺迦葉

我今有因緣故為聲聞說法非无因緣故依非無依有神力非无神力是故迦葉若欲聞法應如是學若欲聞法以義饒益當一其心恭敬尊重專心側聽而作是念我當正觀五陰生滅六觸入處集起滅沒於四念處正念樂住修七覺分八解脫身作證常念其身未嘗斷絕離無慙愧於大師所及大德梵行常住慙愧如是應當學余時世尊為我說法示教照喜示教照喜已從座起去我亦隨去向於住處我以百千價直衣割截僧伽梨四攝為座余時世尊知我至心處處下道我即敷衣以為坐具請佛令坐世尊即坐以手摩衣歎言迦葉此衣輕細此衣柔軟我時自言如是世尊此衣輕細此衣柔軟唯願世尊受我此衣佛告迦葉汝當受我真掃衣我當受汝僧伽梨佛即自手授我糞掃納衣我即奉佛僧伽梨如是漸漸教授我八日之中以學法受於乞食至第九日起於無學阿難若有正問誰是世尊法子從佛口生從法化生付

以法財諸禪解脫三昧正受應答我
是是則正說譬如轉輪聖王第一長
子當以灌頂住於王位受王五欲不
苦方便自然而得我亦如是為佛法
子從佛口生從法化生得法餘財法
禪解脫三昧正受不苦方便自然而
得譬如轉輪聖王寶象高七八肘一
多羅葉能映障者如是我所成就六
神通智則可映障若有所神通境界
智證有疑惑者我悉能為分別記說
天耳他心通宿命智生死智漏盡作
證智通有疑惑者我悉能為分別記
說今得決定尊者阿難語尊者摩訶
迦葉如是如是摩訶迦葉如轉輪聖
王寶象高七八肘欲以一多羅葉能
映障者如是尊者摩訶迦葉六神通
智則可映障若有所神通境界作證
智乃至漏盡作證智有疑惑者尊者
摩訶迦葉能為記說今其決定我於
長夜敬信尊重尊者摩訶迦葉以有
如是大神力故尊者摩訶迦葉說
是語時尊者阿難聞其所說歡喜
受持

雜阿含經卷第四十一

癸卯歲高麗國大藏都監奉
勅雕造

雜阿含經卷第四十一 第二十九張 疏

雜阿含經卷第四十二

流

宋天竺三藏求那跋陀羅 譯

如是我聞一時佛住舍衛國祇樹給
孤獨園時波斯匿王來詣佛所稽首
佛足退坐一面白佛言世尊應施何
等人佛言大王隨心所樂處波斯匿
王復白佛言應施何處得大果報佛
言大王此是異問所問應施何處此
問則異復問施何處應得大果此問
復異我今問汝隨意答我大王譬如
此國臨陣戰鬪集諸戰士而有一婆
羅門子從東方來年少幼稚柔弱端
正膚白髮黑不習武藝不學術策思
怖退弱不能自安不忍敵觀若剋若
射无有方便不能傷彼去何大王如
此士夫王當賞不王白佛言不賞世
尊如是大王有剋利童子從南方來
鞞舍童子從西方來首陀羅童子從
北方來無有伎術皆如東方婆羅門
子王當賞不王白佛言不賞世尊佛
告大王此國集軍臨戰鬪時有婆羅
門童子從東方來年少端正膚白髮

黑善學武藝知聞術法勇健无畏苦
戰不退安住諦觀運戈能傷能破巨
敵云何大王如此戰士加重賞不王白
佛言重賞世尊如是刹利童子從南
方來鞞舍童子從西方來首陀羅童
子從北方來年少端正善諸術藝勇
健堪能苦戰却敵皆如東方婆羅門
子如是戰士王當賞不王白佛言重
賞世尊佛言大王如是沙門婆羅門
遠離五支成就五支建立福田施此
田者得大福利得大果報何等為捨
離五支所謂貪欲瞋恚睡眠掉悔
疑蓋已斷已知是名捨離五支何等
為成就五支謂无學戒身成就無學
定身慧身解脫身解脫知見身是
名成就五支大王如是捨離五支成
就五支建立福田施此田者得大果
報尔時世尊復說偈言

運戈猛戰鬪堪能勇士夫 為其戰鬪故
隨功重加賞 不賞名族胄 怯劣无勇者
忍辱修賢良 見諦建福田 賢聖律儀備
成就深妙智 捨胃雖卑微 堪為施福田
衣食錢財寶 牀卧等眾具 悉應以敬施

為持淨戒故 人表林野際 穿井給行人
溪澗施橋梁 迥路造房舍 戒德多聞衆
行路得止息 譬如重雲起 雷雷聲振耀
普雨於壤土 百卉悉扶疎 禽獸皆歡喜
田夫並欣樂 如是淨信心 聞慧捨慳垢
錢財豐飲食 常施良福田 高唱增歡愛
如雷雨良田 功德注流澤 霑洽施主心
財富名稱流 及涅槃大果

佛說此經已波斯匿王聞佛所說歡
喜隨喜作禮而去

如是我聞一時佛住舍衛國祇樹給
孤獨園時波斯匿王來詣佛所稽首
佛足退坐一面白佛言云何世尊為
婆羅門死還生自姓婆羅門家剎利
鞞舍首陀羅家耶佛言大王何得如
是大王當知有四種人何等為四有
一種人從冥入冥有一種人從冥入
明有一種人從明入冥有一種人從
明入明大王云何為一種人從冥入
冥謂有人生卑姓家若生旃陀羅家
魚獵家竹作家車師家及餘種種下
賤工巧業家貧窮短命形體憔悴
而復修行昇賤之家亦復為人下賤

作使是名為冥處斯冥中復行身惡
行行口惡行行意惡行以是因緣身
壞命終當生惡趣墮泥犁中猶如有
人從閤入閤從廁入廁以血洗血捨
惡受惡從冥入冥者亦復如是是故
名為從冥入冥云何名為從冥入明
謂有世人生界姓家乃至為人作諸
鄙業是名為冥然其彼人於此冥中
行身善行行口善行行意善行以是
因緣身壞命終生於善趣受天化生
辟如有人登牀跨馬從馬昇象從冥
入明亦復如是是名有人從冥入明
云何有人從明入冥謂有世人生富
樂家若剝利大姓婆羅門大姓家長
者大姓家及餘種種富樂家生多諸
錢財奴婢客使廣集知識受身端正
聰明黠慧是名為明於此明中行身
惡行行口惡行行意惡行以是因緣
身壞命終生於惡趣墮泥犁中辟如
有人從高樓下乘於大象下象乘馬
下馬乘輦下輦坐牀下牀墮地從地
落坑從明入冥者亦復如是云何有
人從明入明謂有世人生富樂家乃

至形相端嚴是名為明於此明中行
身善行行口善行行意善行以是因
緣身壞命終生於善趣受天化生辟
如有人從樓觀至樓觀如是乃至從
牀至牀從明入明者亦復如是是名
有人從明入明今時世尊復說偈言
貧窮困苦者不信增瞋恨慳貪惡邪想
癡惑不恭敬見沙門道士持戒多聞者
毀訾而不譽障他施及受如斯等士夫
從此至他世當墮泥梨中從冥入於冥
若有貧窮人信心少瞋恨常生慳愧心
惠施難慳垢見沙門梵志持戒多聞者
譾虛而問訊隨宜善供給勸人令施與
歎施及受者如是修善人從此至他世
善趣上生天從冥而入明有富樂士夫
不信多瞋恨慳貪疾惡想邪惑不恭敬
見沙門梵志毀訾而不譽障他人施惠
亦斷受施者如是惡士夫從此至他世
當生苦地獄從明入冥中若有富士夫
信心不瞋恨常起慳愧心惠施難瞋妬
見沙門梵志持戒多聞者先奉迎問訊
隨宜給所須勸人令供養歎施及受者
如是等士夫從此至他世生三十三天

從明而入明

佛說此經已波斯匿王聞佛所說歡喜隨喜作禮而去

如是我聞一時佛住舍衛國祇樹給孤獨園時波斯匿王日日身蒙塵土來詣佛所稽首佛足退坐一面佛言大王從何所來波斯匿王白佛言世尊彼灌頂王法人中自在精勤方便王領大地統理王事周行觀察而來至此佛告大王今問大王隨意答我譬如有人從東方來有信有緣未曾虛妄而白王言我東方來見一石山極方廣大不穿不壞亦無缺壞磨地而來一切衆生草木之類悉磨令碎南西北方亦有人來有信有緣亦不虛妄而白王言我見石山方廣高大不斷不壞亦不缺壞磨地而來衆生草木悉皆磨碎大王於意云何如是像貌大恐怖事嶮惡相煞衆生運盡人道難得當作何計王白佛言若如是者更无餘計唯當修善於佛法律專心方便佛告大王何故說言嶮惡恐怖於世卒起衆生運盡人身難

得唯當行法行義行福於佛法教導
精方便何以不言灌頂王位衆人
首堪能自在王於大地事務衆人當
須營理耶王白佛言世尊為復閑時
言灌頂王位為衆人首王於大地多
所經營以言闢言以財闢財以象闢
象以車闢車以步闢步

當於余時無有自在若勝若伏是故
我說嶮惡恐怖卒起之時衆生運盡
人身難得無有餘計唯有行義行法
行福於佛法教導心歸依佛告大王
如是如是經常磨逆謂惡劫老病苦
磨逆衆生當作何計正當修義修法
修福修善修慈於佛法中精勤方便
余時世尊而說偈言

如有大石山 高廣無缺壞 周遍四方來
磨逆此大地 非兵馬呪術 力所能防禦
惡劫老病死 常磨逆衆生 四種大族姓
旃陀羅舊師 在家及出家 持戒犯戒者
一切皆磨逆 無能救護者 是故慧士夫
觀察自己利 建立清淨信 信佛法僧寶
身口心清淨 隨順於正法 現世名稱流
終則生天上

佛說此經已波斯匿王聞佛所說歡喜隨喜作札而去

如是我聞一時佛住舍衛國祇樹給孤獨園時波斯匿王來詣佛所稽首佛足還坐一面時有尼軋子七人闍祇羅七人一舍羅七人身皆廣大彷彿行住祇洹門外時波斯匿王遙見斯等彷彿門外即從座起往至其前合掌問訊三自稱名言我是波斯匿王拘薩羅王今時世尊告波斯匿王汝今何故恭敬斯等三稱姓名合掌問訊王白佛言我作是念世間若有阿羅漢者斯等則是佛告波斯匿王汝今且止汝亦不知是阿羅漢非阿羅漢不得他心智故且當親近觀其戒行久而可知勿速自決審諦觀察勿但洛莫當用智慧不以不智經諸苦難堪能自辯交契計校真偽則分見說知明久而則知非可卒識當須思惟智慧觀察王白佛言奇哉世尊善說斯理言久相習觀其戒行乃至見說知明我有家人亦復出家作斯等形相周流他國而復來還捨其

被服還受五欲是故當知世尊善說
應與同止觀其戒行乃至言說知有
智慧余時世尊而說偈言

不以見形相知人之善惡不應暫相見
而與同心志有現身口密俗心不毀攝
猶如鍤石銅塗以真金色內懷鄙雜心
外現聖威儀遊行諸國土欺誑於世人
佛說此經已波斯匿王聞佛所說歡
喜隨喜作禮而去

如是我聞一時佛住舍衛國祇樹給
孤獨園時波斯匿王為首并七國王
及諸大臣悉共集會作如是論議五
欲之中何者第一有一人言色軍第
一又復有穠聲香味觸為第一者中
有人言我等人人各說第一竟无定
判當詣世尊問如此義如世尊說當
共憶持余時波斯匿王為首與七國
王大臣眷屬來詣佛所稽首佛足退
坐一面白佛言世尊我等七王與諸
大臣如是論議五欲功德何者為勝
其中有言色勝有言聲勝有言香勝
有言味勝有言觸勝竟无決定來問
世尊竟何者勝佛告諸王各隨意適

我悉有餘說以是因緣我說五欲功德然自有人於色適意止愛一色滿其志願正使過上有諸勝色非其所愛不觸不視言已所愛寂為第一無過其上如愛色者聲香味觸亦皆知是當其所愛輒言寂勝歡喜樂著雖更有勝過其上者非其所欲不觸不視唯我愛者寂勝寂妙无比無上余時座中有一優婆塞名曰梅檀從座起整衣服偏袒右肩合掌白佛善說世尊善說善逝佛告優婆塞善說梅檀快說梅檀時梅檀優婆塞即說偈言

央伽族姓王服珠璣珞縷摩竭衆慶集
如來出其國名聞普流布猶如雪山王
如淨水蓮華清淨無瑕穢隨日光開敷
芬香熏其國央耆國明顯猶如空中日
觀如來慧力如夜然炬火為眼為大明
來者為決疑

時諸國王歎言善說梅檀優婆塞余
時七王脫七寶上衣奉優婆塞時彼
七王聞佛所說歡喜隨喜從座起去
余時梅檀優婆塞知諸王去已從座

起整衣服偏袒右肩合掌白佛今七
國王遺我七領上衣唯願世尊受此
七衣以哀愍故尔時世尊為哀愍故
受其七衣梅檀優婆塞歡喜隨喜作
礼而去

如是我聞一時佛住舍衛國祇樹給
孤獨園時波斯匿王其體肥大舉體
流汗來詣佛所稽首佛足退坐一面
氣息長喘尔時世尊告波斯匿王大
王身體極肥盛大王白佛言如是世
尊患身肥大常以此身極肥大故慙
耻歎苦尔時世尊即說偈言

人當自繫念每食知節量是則諸受薄
安消而保壽

時有一年少名鬱多羅於會中坐時
波斯匿王告鬱多羅汝能從世尊受
向所說偈每至食時為我誦不若能
尔者賜金錢十万亦常與食鬱多羅
白王奉教當誦時波斯匿王聞佛所
說歡喜隨喜作礼而去時鬱多羅知
王去已至世尊前受所說偈於王食
時食食為誦白言大王如佛世尊如
來應等正覺所知所見而說斯偈

人當自繫念每食知節量是則諸受漸
安消而保壽

如是波斯匿王漸至後時身體臍細
容貌端正度樓閣上向佛住處合掌
恭敬右膝著地三說是言南无敬礼
世尊如來應等正覺南無敬礼世尊
如來應等正覺與我現法利益後世
利益現法修止利益以其飲食知節
量故

如是我聞一時佛住舍衛國時有年
少阿修羅來詣佛所於佛面前戲惡
不善語瞋罵呵責尔時世尊即說
偈言

不怒勝瞋恚不善以善伏惠施伏慳貪
真言壞妄語不罵亦不虐常住賢聖心
惡人住瞋恨不動如山石起瞋恚能持
勝剗狂馬車我說善御士非彼攝纆者
時年少阿修羅白佛言瞿曇我今悔
過如愚如癡不辯不善於瞿曇面前
訶罵毀辱如是懺悔已時阿修羅聞
佛所說歡喜隨喜作礼而去
如是我聞一時佛住舍衛國祇樹林
孤獨園時有年少賓耆迦婆羅門來

訖佛而於世尊面前作惡惡不善語
瞋罵呵責尔時世尊告年少宿耆迦
若於一時吉星之日汝當會諸宗親
眷屬耶賓耆白佛如是瞿曇佛告賓
耆若汝宗親不受食耆當如之何賓
耆白佛不受食耆食還屬我佛告賓
耆汝亦如是如來面前作惡惡不善
語罵辱呵責我竟不受如此罵耆應
當屬誰賓耆白佛如是瞿曇彼雖不
受且以相贈則便是與佛告賓耆如
是不名更相贈遺何得便為相與賓
耆白佛云何名為更相贈遺名為相
與云何名不受相贈遺不名相與佛
告賓耆若當如是罵則報罵瞋則報
瞋打則報打鬪則報鬪名相贈遺名
為相與若復賓耆罵不報罵瞋不報
瞋打不報打鬪不報鬪若如是耆非
相贈遺不名相與賓耆白佛瞿曇我
聞古昔婆羅門長老宿重行道大師
所說如來應等正覺面前罵辱瞋恚
呵責不瞋不怒而今瞿曇有瞋恚耶
尔時世尊即說偈言

無瞋何有瞋 正命以調伏 正智心解脫

慧者無有瞋以瞋報瞋者是則為惡人不以瞋報瞋臨敵伏難伏不瞋勝於瞋三偈如前說

余時年少賓者白佛言悔過瞿曇如愚如癡不辯不善而於沙門瞿曇面前虛惡不善語瞋罵呵責聞佛所說歡喜隨喜作禮而去

如是我聞一時佛住舍衛國東園鹿子母講堂余時世尊晡時從禪覺詣講堂東蔭蔭中露地經行時有健罵婆羅豆婆遮婆羅門來詣佛所世尊面前作虛惡不善語罵詈呵責世尊經行彼隨世尊後行世尊經行已竟住於一處彼婆羅門言瞿曇伏耶余時世尊即說偈言

勝者更增怨伏者卧不安勝伏二俱捨是得安隱眠

婆羅門白言瞿曇我今悔過如愚如癡不辯不善何於瞿曇面前作虛惡不善語罵詈呵責時婆羅門聞佛所說歡喜隨喜復道而去

如是我聞一時佛住舍衛國東園鹿子母講堂世尊晨朝著衣持鉢入舍

衛城乞食時健罵婆羅豆婆遮婆羅
門遙見世尊作麁惡不善語瞋罵呵
責把土至佛時有逆風還吹其土反
自至身余時世尊即說偈言

若人無瞋恨 罵辱以加者 清淨无結垢
彼惡還歸已 猶如土至彼 逆風還自汗
時彼婆羅門白佛言悔過瞿曇如愚
如癡不善不辯何於瞿曇面前麁惡
不善語瞋罵呵責時婆羅門聞佛所
說歡喜隨喜復道而去

如是我聞一時佛在拘薩羅人閒遊
行至舍衛國祇樹給孤獨園時有婆
羅門名曰達義聞沙門瞿曇從拘薩
羅國人閒遊行至舍衛國祇樹給孤
獨園聞已作是念我當往詣沙門瞿
曇所聞所說法當反其義作是念已
往詣精舍至世尊所余時世尊无量
眷屬圍繞說法世尊遙見達義婆
羅門來即默然住達義婆羅門白佛
言瞿曇說法樂欲聞之余時世尊即
說偈言

達義婆羅門 未能解深義 內懷嫉恚心
欲為法留難 調伏違反心 諸不信樂意

息諸障尋垢則解深妙說

時違義婆羅門作是念沙門瞿曇已知我心聞佛所說歡喜隨喜從座起而去

如是我聞一時佛住舍衛國祇樹給孤獨園世尊晨朝著衣持鉢入舍衛城乞食時有不害婆羅門來詣佛所白佛言世尊我名不害為稱實不佛告婆羅門如是稱實者若身不害善口不害若心不害則為稱實尔時世尊即說偈言

若心不煞害口意亦俱然是則為離害不恐怖衆生

佛說此經已不害婆羅門聞佛所說歡喜隨喜復道而去

如是我聞一時佛住王舍城迦蘭陀竹園世尊晨朝著衣持鉢入王舍城乞食次第行乞至火與婆羅門舍火與婆羅門遙見佛來即具衆美飲食滿鉢與之如是二日三日乞食復至其舍火與婆羅門遙見佛來作是念禿頭沙門何故數來貪美食耶尔時世尊知火與婆羅門心念已即說

偈言

王天日日雨 田夫日夜耕 數數殖種子
是田數收穀 如人數懷妊 乳牛數懷犢
數數有求者 則能數惠施 數數惠施故
常得大名稱 數數棄死尸 數數哭悲戀
數數生數死 數數憂悲苦 數數以火燒
數數諸虫食 若得賢聖道 不數受諸有
亦不數生死 不數憂悲苦 不數數火燒
不數諸虫食

時火與婆羅門聞佛說得還得信心
復以種種飲食滿鉢與之世尊不受
以因說偈而施故復說偈言

因為說偈法 不應受飲食 當觀察自法
說法不受食 婆羅門當知 斯則淨命活
應以餘供養 純淨大仙人 已盡諸有漏
穢法悉已斷 供養以飲食 於其良福田
欲求福德者 則我曰為良

火與婆羅門白佛今以此食應著何
所佛告婆羅門我不見諸天魔梵沙
門婆羅門天神世人有能食此信施
令身安樂汝持是食去棄於無虫水
中及少生草地時婆羅門即以此食
持著无虫水中水即烟出沸聲嗽嗽

譬如鐵丸燒令火色擲著水中水即
烟起沸聲啾啾亦復如是婆羅門持此
飲食著水中水即烟出沸聲啾啾於
時火與婆羅門歎言甚奇瞿曇大德
大力能令此食而作神變時火與婆羅
門因此飯食神變得信敬心稽首佛
足退住一面白佛言世尊我今可得
於正法中出家受具足修梵行不佛
告婆羅門汝今可得於正法中出家受
具足彼即出家已作是思惟所以族
姓子剃除髮鬚著袈裟衣正信非家
出家學道乃至得阿羅漢心善解脫
如是我聞一時佛住舍衛國祇樹給
孤獨園時舍衛國中婆肆吒婆羅門
女信佛法僧歸佛歸法歸比丘僧於
佛法僧已離狐疑於苦習盡道亦離
疑惑見諦得果得無間慧其夫是婆
羅豆婆遮種姓婆羅門每至左右所
為作時有小得失即稱南無佛向如
來所住方面隨方合掌三說是言南
无多陀阿伽度阿羅呵三藐三佛陀
身純金色圓光一尋方身圓滿如足
拘律樹善說妙法牟尼之尊仙人上

首是我大師時夫婆羅門聞之瞋恚
不喜語其婦言為鬼著耶無有此義
捨諸三明大德婆羅門而稱歎彼禿
頭沙門黑闇之分世所不稱我今當
往共汝大師論議足知勝如婦語夫
言不見諸天魔梵沙門婆羅門諸神
世人能共世尊如來應等正覺金色
之身圓光一尋如巨拘律樹圓滿之
身言說微妙仙人上首我之大師共
論議者然今婆羅門且往自可知之
時婆羅門即往詣佛面相問詳慰勞
已退坐一面而說偈言
為然於何等 而得安隱眠 為然於何等
令心得無憂 為然於何等 瞿曇所稱歎
今時世尊知婆羅門心之所念而說
偈言

然於瞋恨者 而得安隱眠 然於瞋恚者
而心得无憂 瞋恚為毒本 能害甘種子
能害於彼者 賢聖所稱歎 若能害彼者
其心得無憂

時婆羅豆婆瑇婆羅門聞佛所說示
教照喜次第說法謂說施說戒說生
天法說欲味著為灾患煩惱清淨出

更遠離隨順福利清淨分別廣說辟
如清淨白氎易為染色如是婆羅豆
婆遮婆羅門即於座上於四聖諦得
無閼等所謂苦集滅道是婆羅門見
法得法知法入法度諸疑惑不由他
度於正法律得無所畏即從座起偏
露右肩合掌白佛已度世尊已度善
逝我今歸佛歸法歸比丘僧已盡其
壽命為優婆塞證知我時婆羅豆婆
遮婆羅門聞佛所說歡喜隨喜作禮
而去

還歸自家其婦優婆夷遙見夫來見
已白言已與如來應等正覺見純金色
身圓光一尋如尼拘律樹圓滿之身
妙說之上仙人之首大牟尼尊為我
大師共論議耶其夫答言我未嘗見
諸天魔梵沙門婆羅門諸神世人
能與如來應等正覺真金色身圓光
一尋如尼拘律樹圓滿之身妙說之
上諸仙之首牟尼之尊汝之大師共
論議也汝今與我作好法衣我持至
世尊所出家學道時婦患以鮮潔白
氎令作法衣時婆羅門持衣往詣世

尊所稽首礼足退住一面白言世尊
我今可得於世尊法中出家學道修
梵行不佛告婆羅門汝今可得於此
法律出家學道修諸梵行即出家已
獨靜思惟所以善男子剗除鬚髮著
袈裟衣出家學道乃至得阿羅漢
心善解脫

如是我聞一時佛住舍衛國祇樹給
孤獨園時有魔瞿曇婆羅門來詣佛所
與世尊面相問訊慰勞已退坐一面
白佛言瞿曇我於家中常行布施若
一人來施於一人若二人三人乃至百
千悉皆施與我如是施得多福不佛
告婆羅門汝如是施實得多福所以
者何以於家中常行布施一人來乞即
施一人二人三人乃至百千悉皆施與
故即得大福時魔瞿曇婆羅門即說偈言
在家所為作布施復大會因此惠施故
欲求大功德今問於牟尼我之所應知
同梵天所見為我分別說 云何為解脫
勝妙之善趣 云何修方便得生於梵世
云何隨樂施生明勝梵天
今時世尊說偈答言

施者設大會 隨彼愛樂施 歡喜淨信心
攀緣善功德 以其所建立 求離諸過惡
遠離於貪欲 其心善解脫 修習於慈心
其功德无量 況復加至誠 廣施設大會
若於其中間 所得諸善心 正向善解脫
或餘純善趣 如是勝因緣 得生於梵世
如是之惠施 其心平等故 得生於梵世
其壽命延長

時魔瞿婆羅門聞佛所說歡喜隨喜
從座起而去

如是我聞一時佛住舍衛國祇樹給
孤獨園時有持金蓋著舍勒道婆
羅門來詣佛所與世尊面相問評慰
勞已退坐一面而說偈言

無非婆羅門 所行為清淨 剎利修苦行
於靜亦復乖 三典婆羅門 是則為清淨
如是清淨者 不在餘衆生

尔時世尊說偈答言

不知清淨道 及諸无上淨 於餘求靜者
至竟無淨時

婆羅門白佛瞿曇說清淨道及无上
清淨耶何等為清淨道何等為無上
清淨佛告婆羅門正見者為清淨道

正見修習多修習斷貪欲斷瞋恚斷
愚癡若婆羅門貪欲永斷瞋恚愚癡
永斷一切煩惱永斷是名无上清淨
正志正語正業正命正方便正念正
定是名清淨道正定修習多修習已
斷貪欲斷瞋恚斷愚癡若婆羅門貪
欲永斷瞋恚愚癡永斷一切煩惱永
斷是名无上清淨婆羅門白佛言瞿
曇說清淨道无上清淨耶瞿曇世務
多事今且辭還佛告婆羅門宜知是
時持華蓋者舍勒導從婆羅門聞
佛所說歡喜隨喜從座起去

如是我聞一時佛住舍衛國祇樹給
孤獨園尔時有異婆羅門來詣佛所
與世尊面相問訊慰勞已退坐一面
而說偈言

云何為尸羅云何正威儀云何為功德
云何名為業成就何等法羅漢婆羅門
尔時世尊說偈答言

宿命憶念智見生天惡趣得諸受生盡
牟尼明決定知心善解脫解脫一切貪
具足於三明三明婆羅門

佛說此經已異婆羅門聞佛所說歡

喜隨喜從座起而去

如是我聞一時佛住舍衛國祇樹給
孤獨園世尊晨朝著衣持鉢入舍衛
城乞食尊者阿難從世尊後時有二
老男女是其夫婦年耆根熟僂背
如鈎諸里巷頭燒糞掃屢俱蹲向
火世尊見彼二老夫婦年耆愚老僂
背如鈎俱蹲向火猶如老鵠欲心相
視見已告尊者阿難汝見彼夫婦二
人年耆愚老僂背如鈎俱蹲向火猶
如老鵠欲心相視不阿難白佛如是
世尊佛告阿難此二老夫婦於年少
時盛壯之身勤求財物者亦可得為
舍衛城中第一富長者若復剝除驢
駘著袈裟衣正信非家出家學道精
勤修習者亦可得阿羅漢第一上果
於第二分盛壯之身勤求財物亦可
得為舍衛城中第二富長者若復剝除
驢駘著袈裟衣正信非家出家學道
者亦可得阿那含果證若於第三分
中年之身勤求財物亦可得為舍衛
城中第三富長者若剝除驢駘著袈裟衣
正信非家出家學道者亦可得為斯

陀舍果證彼於今日年耆根熟無有
錢財无有方便無所堪能不復堪能
苦不見錢財亦不能得勝過人法

尔時世尊復說偈言

不行梵行故不得年少財思惟古昔事
眠地如曲弓不修於梵行不得年少財
猶如老鵠鳥守死於空池

佛說此經已尊者阿難陀聞佛所說
歡喜奉行

如是我聞一時佛住舍衛國祇樹給
孤獨園如上說耆別者唯說異偈言
老死之所壞身及所受滅唯有惠施福
為隨已資賴依於善攝護及修禪功德
隨力而行施錢財及飲食於群則眠覺
非為空自活

佛說此經已彼波羅門聞佛所說歡
喜隨喜作禮而去

雜阿含經卷第四十二

癸卯歲高麗國大藏都監奉
勅雕造

雜阿含經卷第四十三

流

宋天竺三藏求那跋陀羅

譯

如是我聞一時佛住波羅捺國仙人住處鹿野苑中時有衆多比丘集於講堂作如是論諸尊如世尊說波羅延位舍弥德勒所問

若知二邊者於中永無著說名大丈夫不顧於五欲無有煩惱鏢超出縫紵憂諸尊此有何義云何邊云何二邊云何為中云何為縫紵云何思以智知以了了智所知了了了作苦邊脫於苦有一荅言六內入處是一邊六外入處是二邊受是其中愛為縫紵習於受者得彼彼因身漸轉增長出生於此即法以智知以了了智所知了了了作苦邊脫於苦復有說言過去世是一邊未來世是二邊現在世名為中愛為縫紵習近此愛彼彼所因身漸觸增長出生乃至脫苦復有說言樂受者是一邊苦受者是二邊不苦不樂是其中愛為縫紵習近此愛彼彼所得自身漸觸增長出生乃至

作苦復有說言有者是一邊集是二
邊受是其中愛為縫紮如是廣說乃
至脫苦復有說言身者是一邊身集
是二邊愛為縫紮如是廣說乃至脫
苦復有說言我等一切所說不同所
謂向來種種異說要不望知云何世
尊有餘之說波羅延佉舍弥勒所
問經我等應徃具問世尊如世尊所
說我等奉持今時衆多比丘詣世尊
所稽首礼足退坐一面白佛言世尊
向諸比丘集於講堂作如是言於世
尊所說波羅延佉舍弥勒所問經
所謂二邊乃至脫苦有人說言內六
入處是說一邊外六入處是說二邊
受是其中愛為縫紮如前廣說悉不
決定今日故來請問世尊具問斯義
我等所說誰得其義佛告諸比丘汝
等所說皆是善說我今當為汝等說
有餘經我為波羅延佉舍弥勒有
餘經說謂觸是一邊觸集是二邊受
是其中愛為縫紮習近愛已彼彼所
得身緣觸增長出生於此法以智知
以了了智所知了了所作苦邊脫於

苦佛說此經已諸比丘聞佛所說歡
喜奉行

如是我聞一時尊者賓頭盧住拘睒
彌國瞿師羅園時有婆蹉國王名優
陀延那詣尊者賓頭盧所共相問訊
問訊已退坐一面婆蹉王優陀延那
白尊者賓頭盧言欲有所問寧有閑
暇見答已不尊者賓頭盧答言大王
大王且問知者當答婆蹉王優陀延
那問尊者賓頭盧何因何緣新學年
少比丘於此法律出家未久極安樂
住諸根欣悅顏貌清淨膚色鮮白樂
靜少動任他而活野歎其心堪能盡
壽修持梵行純一清淨尊者賓頭盧
答言如佛所說如來應等正覺所知
所見為比丘說汝諸比丘若見宿人
當作母想見中間者作姊妹想見幼
稚者當作女想以是因緣年少比丘
於此法律出家未久安隱樂住諸根
歡悅顏貌清淨膚色鮮白樂靜少動
任他而活野歎其心堪能盡壽修持
行純一清淨婆蹉王優陀延那語尊
者賓頭盧言今諸世間貪求之心若

見宿人而作母想見中年者作姊妹
想見幼稚者而作女想當於念時心
亦隨起貪欲燒燃瞋恚燒燃愚癡燒
燃要當更有勝因緣不尊者有頭盧語
婆蹉王優陀延那更有因緣如世尊
說如來應等正覺所知所見為此丘
說此身從足至頂骨幹肉塗覆以薄
皮種種不淨充滿其中周遍觀察髮
毛爪齒塵垢流涎皮肉白骨筋脉心
肝肺脾腎腸肚生藏熟藏胞淚汗涕
沫肪脂髓痰癰膿血腦汁屎溺大王
此因此緣故年少比丘於此法律出
家未久安隱樂住乃至終一滿淨婆
蹉王優陀延那語尊者有頭盧人心
飄疾若觀不淨隨淨想現頗更有因
緣令年少比丘於此法律出家未久
安隱樂住乃至終一滿淨不尊者有
頭盧言大王有因有緣如世尊說如
來應等正覺所知所見告諸比丘汝
等應當守護根門善攝其心若眼
見色時莫取色相莫取隨形好增上
執持若於眼根不攝般住則世間貪
愛惡不善法則漏其心是故此等當

受持眼律儀耳聲鼻香舌味身觸
意法亦復如是乃至受持意律儀
時婆蹉王優陀延那語尊者賓頭盧
善哉善說法乃至受持諸根律儀尊
者賓頭盧我亦如有時不守護身
不持諸根律儀不一其念入於宮中
其心極生貪欲熾燃愚癡燒燃正使
閑房獨處亦復三毒燒燃其心况復
宮中又我有時善護其身善攝諸根
專一其念入於宮中貪欲恚癡不起
燒然其心於內宮中尚不燒身亦不
燒心况復閑獨以是之故此因此緣
能令年少比丘於此法律出家未久
安隱樂住乃至終一滿淨時婆蹉王
優陀延那聞尊者賓頭盧所說歡喜
隨喜從坐起去

如是我聞一時佛住拘睺彌國瞿師
羅園尔時世尊告諸比丘有手故知
有取捨有足故知有往來有閑節故
知有屈伸有腹故知有飢渴如是比
丘有眼故眼觸因緣生受內覺若苦
若樂不苦不樂耳鼻舌身意亦復
如是諸比丘若無手則不知取捨若

無足則不知往來若無關節則不知有屈伸若无腹則不知有飢渴如是諸比丘若无眼則無眼觸因緣生受內覺若苦若樂不苦不樂耳鼻舌身意亦復如是佛說此經已諸比丘聞佛所說歡喜奉行

如是我聞一時佛住拘睺彌國瞿師羅園尔時世尊告諸比丘過去世時有河中草有龜於中住止時有野干飢行覓食遙見龜虫疾來提取龜虫見來即便藏六野干守伺冀出頭足欲取食之久守龜虫永不出頭亦不出足野干飢乏瞋恚而去諸比丘汝等今日亦復如是知魔波旬常伺汝便冀汝眼著於色耳聞聲鼻嗅香舌嘗味身覺觸意念法欲令出生涂著六境是故比丘汝等今日常當執持眼律儀住執持眼根律儀住惡魔波旬不得其便隨出隨緣耳鼻舌身意亦復如是於其六根若出若緣不得其便猶如龜虫野干不得其便尔時世尊即說偈言

龜虫畏野干藏六於殼內比丘善攝心

密藏諸覺想不依不怖彼覆心勿言說
佛說此經已諸比丘聞佛所說歡喜
奉行

如是我聞一時佛住拘睺彌國瞿師
羅園今時世尊告諸比丘譬如麤衣
著四衢道頭有六丈夫執杖共打須
臾塵碎有第七人執杖重打諸比丘
於意云何如麤衣聚六人共打七人
重打當極碎不諸比丘白佛言如是
世尊佛告諸比丘如是愚癡士夫六
觸入處之所捉打何等為六謂眼觸
入處常所捉打耳鼻舌身意觸入
處常所捉打彼愚癡士夫為六觸入
處之所捉打猶復念未來世有如
第七人重打令碎比丘若言是我是
則動搖言是我所是則動搖未來當
有是則動搖未來當無是則動搖當
復有色是則動搖當復無色是則動
搖當復有想是則動搖當復无想是
則動搖當復非有想非無想是則動
搖動搖故病動搖故癱動搖故刺動
搖故者正觀察動搖故苦者得不動
搖心多修習住繫念正知如動搖如

是思量虛誑有行因愛言我是則為
愛言我所是則為愛言當來有是則
為愛言當來無是則為愛當有色是
則為愛當無色是則為愛當有想是
則為愛當無想是則為愛當非想非
非想是則為愛愛故為病愛故為癱
愛故為刺若善思觀察愛生苦者當
多住離愛心正念正智諸比丘過去
世時阿修羅與軍與帝釋鬪時天帝
釋告三十三天今日諸天阿修羅苦
戰若諸天勝阿修羅不如者當生執
阿修羅縛以五繫送還天宮阿修羅
語其衆言今阿修羅軍與諸天戰若
阿修羅勝諸天不如者當生執帝釋
縛以五繫還歸阿修羅宮當其戰諍
諸天得勝阿修羅不如時三十三天
生執毗摩質多羅阿修羅王縛以五
繫還歸天宮今時毗摩質多羅阿修
羅王身被五繫置於正法殿上以種
種天五欲樂而娛樂之毗摩質多羅
阿修羅王作是念唯阿修羅賢善聰
慧諸天雖善我今且當還歸阿修羅
宮作是念時即自見身被五繫縛諸

天五欲自然化沒毗摩質多羅阿修羅王復作是念諸天賢善智慧明徹阿修羅雖善我今且當住此天宮作是念時即自見身五縛得解諸天五欲自然還出毗摩質多羅阿修羅王乃至有如是微細之縛魔波旬縛轉細於是心動搖時魔即隨縛心不動搖魔即隨解是故諸比丘多住不動搖心正念正智應當學佛說此經已諸比丘聞佛所說歡喜奉行

如是我聞一時佛住拘睺彌國瞿師羅園余時世尊告諸比丘若有比丘比丘尼眼色識因緣生若欲若貪若昵若念若決定著處於彼諸心善自防護所以者何此等皆是恐畏之道有尋有難此惡人所依非善人所依是故應自防護耳鼻舌身意亦復如是譬如田夫有好田苗其守田者頻頻放逸欄牛噉食愚癡凡夫亦復如是六觸入處乃至放逸亦復如是若好田苗其守田者心不放逸欄牛不暴設復入田盡駭令出所謂若心若意若識多聞聖弟子於五欲功德

善自攝護盡心令滅若好田苗其守護田者不自放逸欄牛入境左手牽鼻右手執杖遍身捶打驅出其田諸比丘於意云何彼牛遭苦痛已從村至宅從宅至村復當如前過食田苗不荅言不也世尊所以者何憶先入田遭捶杖苦故如是比丘若心若意若識多聞聖弟子於六觸入處極生厭離恐怖內心安住制令一意諸比丘過去世時有王聞未曾有好彈琴聲極生愛樂耽湏染著問諸大目此何等聲甚可愛樂大目荅言此是琴聲語大目取彼聲來大目受教即往取琴來白言大王此是琴作好聲者王語大目我不用琴取其先聞可愛樂聲來大目荅言如此之琴有衆多種具謂有柄有槽有聲有絃有皮巧方便人彈之得衆具因緣乃成音聲非不得衆具而有音聲前所聞聲久已過去轉亦盡滅不可持衆人時大王作是念言咄何用此虛偽物為世間琴者是虛偽物而今世人耽湏染著汝今持去片片相破棄於十

方大目受教捐為百分棄於處處如是比丘若色受想思欲知此諸法無常有為心因緣生而便說言是我我所彼於異時一切悉無諸比丘應作如是平等正智如實觀察佛說此經已諸比丘聞佛所說歡喜奉行

如是我聞一時佛住拘睺彌國瞿師羅園今時世尊告諸比丘如癩病人四體瘡壞入茅荻中為諸刺葉針刺所傷倍增苦痛如是愚癡凡夫六觸入處受諸苦痛亦復如是如彼癩人為草葉針刺所傷膿血流出如是愚癡凡夫其性獎暴六觸入處所觸則起瞋恚惡聲流出如彼癩人所以者何愚癡无闻凡夫心如癩瘡我今當說律儀不律儀云何律儀云何不律儀愚癡無聞凡夫眼見色已於可念色而起貪著不可念色而起瞋恚於彼次第隨生眾多覺想相續不見過惡復見過患不能除滅耳鼻舌身意亦復如是比丘是名不律儀云何律儀多聞聖弟子若眼見色於可念色不起欲想不可念色不起惡想法第

不起衆多覺想相續住見色過患見
過患已能捨離耳鼻舌身意亦復
如是是名律儀佛說此經已諸比丘
聞佛所說歡喜奉行

如是我聞一時佛住拘睺彌國瞿師
羅園尔時世尊告諸比丘譬如士夫
遊空宅中得六種衆生一者得狗即
執其狗繫著一處次得其鳥次得毒
蛇次得野干次得失取摩羅次得獼
猴得斯衆生悉縛一處其狗者樂欲
入村其鳥者常欲飛空其蛇者常欲
入穴其野干者樂向塚間失取摩羅
者長欲入海獼猴者欲入山林此六
衆生悉繫一處所樂不同各各嗜欲
到所安處各各不相樂於他處而繫
縛故各用其力向所樂方而不能脫
如是六根種種境界各各自求所樂
境界不樂餘境界眼根常求可愛之
色不可意色則生其厭耳根常求可
意之聲不可意聲則生其厭鼻根常
求可意之香不可意香則生其厭舌
根常求可意之味不可意味則生其
厭身根常求可意之觸不可意觸則

生其狀意根常求可意之法不可意
法則生其狀此六種根種種行處種
種境界各各不求異根境界此六種
根其有力者堪能自在隨覺境界
如彼士夫繫六衆生於其堅柱正出
用力隨意而去往反疲極以繩繫故
終依於柱諸比丘我說此譬欲為汝
等顯示其義六衆生者譬猶六根堅
柱者譬身念處若善修習身念處有
念不念色見可愛色則不生著不可
愛色則不生厭耳聲鼻香舌味身
觸意法於可意法則不求欲不可意
法則不生厭是故比丘當勤修習多
住身念處佛說此經已諸比丘聞佛
所說歡喜奉行

如是我聞一時佛住拘睺彌國瞿師
羅園余時世尊告諸比丘譬如有四
蛇虵兒惡毒虺威一篋中時有士夫
聰明不愚有智慧求樂厭苦求生厭
死時有一士夫語向士夫言汝今取
此篋盛毒蛇摩拭洗浴恩親養食出
內以時若四毒蛇脫有惱者或能欲
汝或令近死汝當防護今時士夫惡

怖馳走忽有五怨拔刀隨逐要求欲
煞汝當防護尔時士夫畏四毒蛇及
五拔刀怨駭馳而走人復語言士夫
內有六賊隨逐伺汝得便當煞汝當
防護尔時士夫畏四毒蛇五拔刀怨
及內六賊恐怖馳走還入空村見彼
空舍危朽腐毀有諸惡物捉皆危脆
无有堅固人復語言士夫是空聚落
當有群賊來必奄害汝尔時士夫畏
四毒蛇五拔刀賊內六惡賊空村群
賊而復馳走忽尔道路臨一大河其
水洑急但見此岸有諸怖畏而見彼
岸安隱快樂清涼無畏无槁船可渡
得至彼岸作是思惟我取諸草木縛
束成械手足方便渡至彼岸作是念
已即拾草木係於岸傍縛束成械手
足方便截流橫渡如是士夫免四毒
蛇五拔刀怨六內惡賊復得脫於空
村群賊渡於洑流離於此岸種種怖
畏得至彼岸安隱快樂我說此譬當
解其義比丘尊者辟此身色聲四大
四大所造精血之體穢食長養沐浴
衣服无常變壞危脆之法毒蛇者辟

四大地界水界火界風界地界若諍
能令身死及以近死水火風諍亦復
如是五拔刀怨者譬五受陰六內賊
者譬六愛喜空村者譬六內入善男
子觀察眼入處是無常變壞執持
眼者亦是無常虛偽之法耳鼻舌身
意入處亦復如是空村群賊者譬外
六入處眼為可意不可意色所害耳
聲鼻香舌味身觸意為可意不可
意法所害浚流者譬四流欲流有源
見源無明流河者譬三愛欲愛色愛
無色愛此岸多恐怖者譬有身彼岸
清涼安樂者譬無餘涅槃截者譬八
正道手足方便截流渡者譬精進勇
猛到彼岸婆羅門住處者譬如來應
等正覺如是比丘大師慈悲安慰弟
子為其所作我今已作汝今亦當作
其所作於空閑樹下房舍清淨敷草為
座露地塲間遠離邊坐精勤禪思慎
莫放逸今後悔恨此則是我教授之
法佛說此經已諸比丘聞佛所說歡
喜奉行

如是我聞一時佛住拘睺彌國瞿師

羅園今時世尊告諸比丘多聞聖弟子於一切苦法集滅味患離如實知見見五欲猶如火坑如是觀察五欲已於五欲貪欲愛欲念欲著不永覆心知其欲心行處住處而自防閑行處住處逆防閑已隨其行處住處世間貪憂惡不善法不漏其心云何名為多聞聖弟子於一切苦法集滅味患離如實知見是多聞聖弟子於此苦聖諦如實知此苦集此苦滅此苦滅道跡聖諦如實知是名多聞聖弟子於一切苦法集滅味患離如實知見云何多聞聖弟子見五欲如火坑乃至世間貪憂惡不善法不永覆心譬如近一聚落邊有深坑滿中盛火無有烟焰時有士夫不思不慮不癡聰明慧慧樂樂獸苦樂生惡死彼作是念此有火坑滿中盛火我若墮中必死無疑於彼生遠思遠欲遠如是多聞聖弟子見五欲如火坑乃至世間貪憂惡不善法不永覆心若行處住處逆防逆知乃至世間貪憂惡不善法不漏其心譬如聚落邊有餘林多

諸棘刺時有士夫入於林中有所營
作入林中已前後左右上下盡有棘
刺尔時士夫正念而行正念來去正
念明目正念端視正念屈身所以者
何莫令利刺傷壞身故多聞聖弟
子亦復如是若依聚落城邑而住
晨朝著衣持鉢入村乞食善護其身
善執其心正念安住正念而行正念
明目正念觀察所以者何莫令利刺
傷聖法律云何利刺傷聖法律謂可
意愛念之色是名利刺傷聖法律云
何是可意愛念之色傷聖法律謂五
欲功德眼識色生愛念長養欲樂耳
識聲鼻識香舌識味身識觸生愛念
長養欲樂是名可愛念色傷聖法律
是名多聞聖弟子所行處所住處迷
防逆知乃至不令世間貪憂不善法
以漏其心或時多聞聖弟子生於正
念生惡不善覺長養欲長養恚長
養癡是鈍根多聞聖弟子雖起集滅
以欲覆心譬如鐵丸燒令極熱以少
水灑尋即乾消如是多聞聖弟子鈍
根生念尋滅如是多聞聖弟子如是

行如是住若王大目若親往詣其所
請以俸祿語言男子何用剃髮執持
凡器身著袈裟家家乞食為不如安
慰服五欲樂行施作福云何比丘多
聞聖弟子國王王大目諸親檀越請以
俸祿彼當還戒退減以不答曰不也
所以者何多聞聖弟子於一切苦法
集滅味患離如實知見故見火坑譬
五欲乃至世間貪憂惡不善法不永
覆心行處住處逆防逆知乃至世間
貪憂惡不善法不漏其心若復為國
王大目親族請以俸祿還戒退減無
有是處佛告諸比丘善哉善哉彼多
聞聖弟子其心長夜臨趣流注浚輸
向於遠離向於離欲而於涅槃寂靜
捨離樂於涅槃於有漏處寂滅清涼
若為國王長者親族所請還戒退減
者无有是處餘得大苦譬如恒河長
夜臨趣流注浚輸東方多衆斷截欲
令臨趣流注浚輸西方寧能得不答
言不能世尊所以者何恒水長夜流
注東方欲令西流未而可得彼諸大
衆徒辛苦耳如是多聞聖弟子長夜

臨趣流注浚輪向於遠離乃至欲令
退減無有是處徒辛苦耳佛說此經
已諸比丘聞佛所說歡喜奉行

如是我聞一時佛住阿毗閼恒水邊
時有比丘來詣佛所稽首佛足退住
一面白佛言善哉世尊為我說法我
聞法已獨一靜處專精思惟不放逸
住所以族姓子剗除鬚髮正信非家
出家學道於上增修梵行見法自知
作證我生已盡梵行已立所作已作
自知不受後有今時世尊觀察水見
恒水中有一大樹隨源而下語彼比
丘汝見此恒水中大樹流不荅言已
見世尊佛告比丘此大樹不著此岸
不著彼岸不沉水底不闍洲渚不入
洄復人亦不取非人不取又不腐敗
當隨水流順趣流注浚輪大海不比
丘白佛如是世尊佛言比丘亦復如
是亦不著此岸不著彼岸不沉水底
不闍洲渚不入洄復人亦不取非人
不取又不腐敗臨趣流注浚輪涅槃
比丘白佛云何此岸云何彼岸云何
沉沒云何洲渚云何洄復云何人取

云何非人取云何腐敗善哉世尊為
我廣說我聞法已當獨一靜處專精
思惟不放逸住乃至自知不受後有
佛告比丘此岸者謂六入處彼岸者
謂六外入處人取者猶如有一習近
俗人及出家者若喜若憂若苦若樂
彼彼所作惡與共同始終相隨是名
人取非人取者猶如有人願修梵行
我今持戒苦行修諸梵行當生在處
在處天上是非人取洄洑者猶如有
一還戒退轉腐敗者犯戒行惡不善
法腐敗寡聞猶莠稗吹貝之聲非沙
門為沙門像非梵行為梵行像如
是比丘是名不著此彼岸乃至沒輪
涅時彼比丘聞佛所說歡喜隨喜
作禮而去

時彼比丘獨一靜處思惟佛所說水
派大樹經教乃至自知不受後有得
阿羅漢時有牧牛人名難屠去佛不
遠執杖牧牛比丘去已詣世尊所稽
首禮足於一面住白佛言世尊我今
堪能不着此岸不着彼岸不沉沒不
閼洲渚非人所取不非人取不入洄

殺亦不腐敗我得於世尊正法律中
出家修梵行不佛告牧牛者汝送牛
還主不牧牛者言諸牛中悉有犢牛
自能還歸不須送也但當聽我出家
學道佛告牧牛者牛雖能還家汝今已
受食人求食要當還報其家主時牧
牛者聞佛教已歡喜隨喜作禮而去
時尊者舍利弗在此會中牧牛者去
不久白佛言世尊難屠牧牛者求欲
出家世尊何故遣還歸家佛告舍利弗
難屠牧牛者若還住家受五欲者无
有是處牛付主人已輒自當還於此
法律出家學道淨修梵行乃至自知
不受後有得阿羅漢時難屠牧牛者
以牛付主人已還至佛所稽首禮足
退住一面白佛言世尊牛已付主聽
我於正法律出家學道佛告難屠牧
牛者汝得於此法律出家受具足得
比丘分出家已思惟所以族姓子剃
除鬚髮著袈裟衣正信非家出家學
道增修梵行乃至自知不受後有成
阿羅漢

如是我聞一時佛住舍衛國祇樹給

孤獨園時有異比丘獨處坐禪作是
思惟比丘云何知云何見得見清淨
作是念已詣諸比丘語諸比丘言諸
尊比丘云何知云何見令見清淨比
丘荅言尊者於六觸入處集集滅患
離如實正知比丘作如是知如是見
者得見清淨是比丘聞彼比丘記說
心不歡喜復詣餘比丘所問彼比丘
言諸尊比丘云何知云何見得見清
淨彼比丘荅言於六界集滅味患離
如實正知如是比丘如是知如是見
得見清淨時比丘聞其記說心亦不
喜復詣餘比丘作是問言比丘云何
知云何見得見清淨彼比丘荅言於
五受陰觀察如病如癘如刺如熱無
常苦空非我作如是知如是見得見
清淨是比丘聞諸比丘記說心亦不
喜往詣佛所稽首礼足退坐一面白
佛言世尊我獨靜思惟比丘云何知
云何見得見清淨作是念已詣諸比
丘三處所說具白世尊我聞彼說心
不歡喜來詣世尊故以此義請問世
尊比丘云何知云何見得見清淨佛

告比丘過去世時有一士夫未曾見
緊獸徃詣曾見緊獸者問曾見緊獸
士夫言汝知緊獸不答言知復問其
狀云何答言其色黑如火燒柱當彼
見時緊獸黑色如火燒柱時彼士夫
聞緊獸黑色如火燒柱不大歡喜復
更詣一曾見緊獸士夫復問彼言汝
知緊獸不彼答言知復問其狀云何
彼曾見緊獸士夫答言其色赤而開
敷狀似肉段彼人見時緊獸開敷實
似肉段是士夫聞彼所說猶復不喜
復更詣餘曾見緊獸士夫問汝知緊
獸不答言知復問其狀云何答言絀
絀下垂如尸利沙果是人聞已心復
不喜復行問餘知緊獸者問汝知緊
獸不彼答言知又問其狀云何彼復答
言其葉青其葉滑其葉長廣如尼拘
婁陀樹如彼士夫問其緊獸問則不
喜處處更求而彼諸人見緊獸者隨
時所見而為記說是故不同如是諸
比丘若於獨處專精思惟不放逸住
所因思惟法不起諸漏心得解脫隨
彼所見而為記說汝今復聽我說譬

其智者以譬喻得解譬如有邊國王
善治城壁門下堅固交道平正於四
城門置四守護悉皆聰慧知其來去
當其城中有四交道安置床榻城主
坐上若東方使來問守門者城主何
在彼即荅言主在城中四交道頭牀
上而坐彼使聞已往詣城主受其教
令復道而還南西北方遠使來人問
守門者城主何在彼亦荅言在其城
中四交道頭彼使聞已悉詣城主受
其教令各還本處佛告比丘我說斯
譬今當說義所謂城者以譬人身急
色如篋毒蛇譬經說善治城壁者謂
之正見交道平正者謂內六入處四
門者謂四識住四守門者謂四念處
城主者謂識受陰使者謂正觀如實
言者謂四真諦復道還者以八聖道
佛告比丘若大師為弟子所作我今
已作以哀愍故如篋毒蛇譬經說今
時比丘聞佛說已專精思惟不放逸
住增修梵行乃至不受後有成阿羅漢
如是我聞一時世尊釋氏人間遊行
至迦毗羅衛國住尼拘婁陀園舍時

迦毗羅衛釋氏作新講堂未有諸沙
門婆羅門釋迦年少及諸人民在中
住者聞世尊來至釋氏迦毗羅衛人
間遊行住尼拘婁陀園論苦樂義此
堂新成未有住者可請世尊與諸大
衆於中供養得功德福報長夜安隱
然復我等當隨受用作是議已悉共
出城詣世尊所稽首礼足退坐一面
尔時世尊為諸釋氏演說要法示教
照喜已默然而住時諸釋氏從座起
整衣服為佛作礼右膝著地合掌白
佛言世尊我等釋氏新作講堂未有
住者今請世尊及諸大衆於中供養
得功德福利長夜安隱然後我等當隨
受用尔時世尊默然受請時諸釋氏
知世尊受請已稽首佛足各還其所
即以其日以車輦經紀運其衆具在
嚴新堂敷置牀座軟草布地脩香油
燈衆事辦已往詣佛所稽首白言衆
事辦已惟聖知時尔時世尊與諸大
衆前後圍繞至新堂外洗足已然後
上堂於中柱下東向而坐時諸比丘
亦洗足已隨入講堂於世尊後西面

東向次第而坐時諸釋氏即於東面
西向而坐介時世尊為諸釋氏廣說
要法示教照喜已語諸釋氏瞿曇初
夜已過於時可還迦毗羅越時諸釋
氏聞佛所說歡喜隨喜作禮而去介
時世尊知釋氏去已告大目犍連汝
當為諸比丘說法我今背疾當自消
息時大目犍連默然受教介時世尊
四紆鬱多羅僧安置脇下卷裳僧伽
梨置於頭下右脇而卧屈膝累足係
念明相作起想思惟介時大目犍連
語諸比丘佛所說法初中後善善義
善味純一滿淨清白梵行我今當說
漏不漏法汝等諦聽云何為漏法愚
癡無聞凡夫眼見色已於可念色而
起樂著不可念色而起憎惡不住身
念處於心解脫慧解脫無少分智而
起種種惡不善法不無餘滅不無餘
永盡耳鼻舌身意亦復如是比丘如
是者天魔波旬往詣其所伺其虛短
於其眼色即得其闕耳聲鼻香舌味
身觸意法亦復如是即得其闕譬如
枯乾草積四方火起尋時即燒如是

比丘於其眼色天魔波旬即得其開
如是比丘不勝於色於耳聲鼻香
舌味身觸意法受制於法不能勝法
不勝色不勝聲香味觸法亦復不勝
意不善法諸煩惱熾然苦報及未來
世生老病死諸尊我從世尊親受於
此諸有漏法是名有漏法經云何無
漏法經多聞聖弟子眼見色於可念
色不起樂著不可念色不起憎惡繫
念而住無量心解脫慧解脫如實知
於彼已起惡不善法無餘滅盡耳鼻
舌身意亦復如是如是像類比丘弊
魔波旬往詣其所於其眼色伺求其
短不得其短於耳聲鼻香舌味身
觸意法伺求其短不得其短譬如樓
閣牆壁牢固窓戶重閉塗塗厚密四
方火起不能燒然斯等比丘亦復如
是弊魔波旬往詣其所伺求其短不
得其短如是比丘能勝彼色不為彼
色之所勝也勝於聲香味觸法不為
彼法之所勝也若勝於色勝於聲香
味觸法已亦復勝於惡不善法煩惱
熾然苦報及未來世生老病死我親

從世尊面受此法。是名無漏法。經介時世尊知大目犍連說法。竟起平身。坐繫念在前。告大目犍連。善哉善哉。目犍連。為人說此經法。多所饒益。多所過度。長夜安樂。諸天世人。介時世尊告諸比丘。汝當受持漏無漏法。經廣為人說。所以者何。義具足。故法具足。故梵行具足。故開發神通。正向涅槃。乃至信心善男子。在家出家。當受持讀誦。廣為人說。佛說此經已。諸比丘聞佛所說。歡喜奉行。

如是我聞。一時佛住舍衛國祇樹給孤獨園。介時世尊告諸比丘。譬如火。河南岸極熱。多諸利刺。在於闇處。衆多罪人。在於河中。隨流漂沒。中有一人不愚不癡。聰明黠慧。樂樂。狀苦樂。生獸死。作如是念。我今何緣在此。灰河南岸極熱。又多利刺。在闇冥處。隨流漂沒。我當以手足方便。逆流而上。漸見小明。其人默念。今已疾強。見此小明。復運手足。勤加方便。遂見平地。即住於彼。觀察四方。見大石山。不斷不壞。亦不穿穴。即登而上。復見清涼。

八分之水所謂冷美輕軟香淨飲時
不噎咽中不閑飲已安身即入其中
若浴若飲離諸惱熱然後復進大山上
見七種華謂優鉢羅華鉢曇摩華拘
牟頭華分陀利華修提提華彌離
頭提提花阿提目多花聞花香已復
上石山見四層階堂即坐其上見五
柱帳即入其中縱身正坐種種枕褥
散花遍布莊嚴妙好而於其中自恣
坐卧涼風四湊令身安隱坐高林下
高聲唱言灰河衆生諸賢正士如彼
灰河南岸極熱多諸利刺其處闇冥
求出於彼河中有聞聲者乘聲問
言何方得出從何處出其中有言汝
何須問何處得出彼喚聲者亦自下
知不見從何而出彼亦當復在此灰
河南岸極熱多諸利刺於闇冥中隨
流來下用問彼為如是比丘我說此
譬今當說義灰者謂三惡不善覺之
何三欲覺恚覺害覺河者謂三愛欲
愛色愛無色愛南岸極熱者謂內外
六入處多諸利刺者謂五欲功德闇
冥處者謂無明障闇慧眼衆多人皆

謂愚癡凡夫流謂生死河中有一人不愚不癡者謂菩薩摩訶薩手足方便者謂見四真諦大石山者謂正見八分水者謂八聖道七種花者謂七覺分四層堂者謂四如意足五柱偈者謂信等五根正身坐者謂無餘涅槃散花遍布者謂諸禪解脫三昧正受自恣坐卧者謂如來應等正覺四方風吹者謂四增心見法安樂住舉聲唱喚者謂轉法輪彼有人問諸賢正士何處去何處出者謂舍利弗目犍連等諸賢坐比丘於中有言汝何所問彼亦不知不見有所出處彼亦當復於此灰河南岸極熱多諸利刺於闇冥處隨流來下者謂六師等諸邪見輩所謂富蘭那迦葉末伽梨瞿舍梨子散閣耶毗羅胝子阿耆多提舍欽婆羅伽拘羅迦毘延尼捷連陀闍提弗多羅及餘邪見輩如是比丘大師為諸聲聞所作我今已作汝今當作所作如前使毒蛇說佛說此經

已諸比丘聞佛所說歡喜奉行

雜阿含經卷第四十三

甲辰歲高麗國大藏都監奉
勅雕造

雜阿含經卷第四十四

流

宋天竺三藏末那跋陀羅 譯

如是我聞一時佛住彌締羅國菴羅園中時有婆四吒婆羅門尼有六子相續命終念子發狂裸形被髮隨路而走至彌締羅菴羅園中尔時世尊無量大衆圍繞說法婆四吒婆羅門尼遙見世尊見已即得本心慙愧著耻斂身蹲坐尔時世尊告尊者阿難取汝鬱多羅僧與彼婆四吒婆羅門尼令著聽法尊者阿難即受佛教取衣令著時婆羅門尼得衣著已至於佛前稽首礼佛退坐一面尔時世尊為其說法示教照喜已如佛常法說法次第乃至信心清淨受三自歸聞佛所說歡喜隨喜作礼而去彼婆四吒優婆夷於後時第七子忽復命終彼優婆夷都不啼哭憂悲惱苦時婆四吒優婆夷夫說偈而告婆四吒優婆夷言

先諸子命終念子生憂苦晝夜不飲食乃至發狂乱今喪第七子而不生憂苦

婆四吒優婆夷即復說偈答其夫言
兒孫有千數因緣和合生長夜遷過去
我與君亦然

子孫及宗族其數無限量彼彼所生處
更不相殘食若知生要者何足生憂苦
我已知出離生死存亡相不復生憂苦
入佛正教故

時婆四吒優婆夷夫說偈歎曰

未曾所聞法而今聞汝說何處聞說法
不念子憂悲

婆四吒優婆夷說偈答言

今日等正覺法於維羅國菴羅樹園中

永離一切苦演說一切苦苦習苦寂滅

賢聖八正道安隱趣涅槃則是我大師

深樂其正教我已知正法能開子憂苦

其夫婆羅門復說偈言

我今亦當往維羅國彼世尊亦當

開我子憂苦

優婆夷復說偈言

當觀等正覺柔軟金色身不調者能調

廣度海源人

此時婆羅門即嚴駕乘於馬車詣維

羅國遙見世尊轉增信樂詣大

師前彼時大師即為說得開其法眼
苦習滅道正向涅槃彼即見法成無
間等既知法已請求出家時婆羅門
即得出家獨靜思惟乃至得阿羅漢
世尊記說於第三夜逮得三明得三
明已佛即告之命遣御者乘車還家
告婆四吒憂婆夷令發隨喜語言婆
羅門往見世尊得淨信心奉事大師
即為說法為開法眼見苦聖諦苦集
苦滅賢聖八道安趣涅槃成無間等
既知法已即求出家世尊記說於第
三夜具足三明時彼御者奉教疾還
時婆四吒優婆夷遙見御者空車而
還即遙問言婆羅門為見佛不佛為
說法開示法眼見聖諦不御者白言
婆羅門已見世尊得淨信心奉事大
師為開法眼說四聖諦成無間等既
知法已即求出家專精思惟世尊記
說於第三夜具足三明時優婆夷心
即隨喜語御者言車馬屬汝加復賜
汝金錢一千已汝傳信言婆羅門宿
聞諦已得三明令我歡喜故御者白
言我今何用車馬金錢為車馬金錢

還優婆夷我今當還婆羅門而隨彼
出家優婆夷言汝意如此便可速還
不久亦當如彼所得具足三明隨後
出家御者白言如是優婆夷如彼出
家我亦當然優婆夷言汝父出家汝
隨出家我今不久亦當隨去如空野
大龍乘虛而遊其餘諸龍龍子龍女
悉皆隨去我亦如是執持衣鉢易養
易滿御者白言優婆夷若如是者所
願必果不久當見優婆夷少欲知足
執持衣鉢人所棄者乞受而食剝膜
涂衣於陰界入斷除愛欲離貪繫縛
盡諸有漏彼婆羅門及其御者婆四
吒優婆夷優婆夷女孫陀槃梨悉皆
出家究竟苦邊

如是我聞一時佛住毗舍離國大林
精舍時有毗梨耶婆羅豆婆遮婆羅
門晨朝買牛未償其價即日失牛六
日不見時婆羅門為覓牛故至大林
精舍遙見世尊坐樹下儀容挺特
諸根清淨其心寂默成就止觀其身
金色光明焰照見已即詣其前而說
偈言

云何無所求 空寂在於此獨一處空閑
而得心所樂

尔時世尊說偈答曰

若失若復得於我心不乱 婆羅門當知
莫謂彼如我心計於得失其心不自在
時婆羅門復說偈言

最勝梵志處 如比丘所說 我今當自說
真實語諦聽 沙門今定非 晨朝失牛者
六日未不得 是故安樂住 沙門今定非
種殖胡麻田 慮其草荒沒 是故安樂住
沙門今定非 種稻田乏水 畏葉枯便死
是故安樂住 沙門今定無 寡女有七人
悉養孤遺子 是故安樂住 沙門今定無
七不愛念子 放逸多負債 是故安樂住
沙門今定無 債主守其門 求索長息財
是故安樂住 沙門今定無 七領重卧具
憂勤擇諸重 是故安樂住 沙門今定无
赤眼黃髮婦 晝夜聞惡聲 是故安樂住
沙門今定無 空倉群鼠戲 常憂其羸乏
是故安樂住

尔時世尊說偈答言

我今日定不 晨朝失其牛 六日未不得
是故安樂住 我今日定無 種殖胡麻田

常恐其荒沒 是故安樂住 我今日定無
種稻田之水 畏葉便枯死 是故安樂住
我今日定無 寡女有七人 悉養孤遺子
是故安樂住 我今日定無 七不愛念子
放逸多負債 是故安樂住 我今日定無
債主守其門 求索長息財 是故安樂住
我今日定無 七領重卧具 憂勤擇諸重
是故安樂住 我今日定無 黃頭赤眼婦
晝夜聞惡聲 是故安樂住 我今日定無
空倉群鼠戲 常憂其羸乏 是故安樂住
不捨念不念 衆生安樂住 斷欲離恩愛
而得安樂住

尔時世尊為精進婆羅豆婆遮婆羅
門種種說法示教照喜如佛常法次
第說法布施持戒乃至於正法中心
得無畏即從座起合掌白佛我今得
於正法律出家學道成比丘分修梵
行不憍告婆羅門汝今可得於正法
律出家受具足修諸梵行乃至得阿
羅漢心善解脫尔時精進婆羅豆婆
遮婆羅門得阿羅漢緣自覺知得解
脫樂而說偈言

我今甚欣樂 大仙法之上 得離貪欲樂

不生見於佛

如是我聞一時佛住娑羅樹林娑羅門聚落介時世尊晨朝著衣持鉢入娑羅門聚落乞食有非時雲起介時世尊作是念我今當往娑羅門聚落娑羅長者大會堂中作是念已即往向彼大會堂所時娑羅門長者悉集堂上遙見世尊共相謂言彼剃頭沙門竟知何法介時世尊告彼娑羅聚落娑羅門長者言諸娑羅門有知法者有不知者剎利長者亦有知法者有不知法者介時世尊即說偈言非朋欲勝朋王不伏難伏妻不求勝夫無子不恭父無會無智者無智不法言貪恚癡恚斷是則名智者時彼娑羅門長者白佛言善士瞿曇善士夫可入此堂就座而坐世尊坐已即白言瞿曇說法我等樂聽介時世尊為彼大會娑羅門長者種種說法示教照喜已復說偈言

愚智群聚會非說孰知明能說寂靜道因說智則辯說者顯正法建立大仙幢善說為仙幢法為羅漢幢

尔時世尊為婆羅聚落婆羅門長者
建立正法示教照喜示教照喜已從
座起而去

如是我聞一時佛在拘薩羅人闍遊
行至浮梨聚落住天作婆羅門菴羅
園中尊者優波摩為侍者尔時世尊
患背痛告尊者優波摩汝舉衣鉢已
往至天作婆羅門舍時天作婆羅門
處於中堂令梳頭者理剃鬚髮見尊
者優波摩於外門住見已即說偈言
何等剃鬚髮身者僧伽梨住於彼門外
為欲何所求

尊者優波摩說偈荅言

羅漢世善逝所患背痛疾頗有安樂水
療手足疾不

時天作婆羅門以滿鉢酥一瓶油一
瓶石蜜使人擔持并持暖水隨尊者
優波摩詣世尊所以塗其體暖水洗
之酥蜜作飲世尊背痛即得安隱時
天作婆羅門晨朝早起往詣佛所稽
首礼足退坐一面而說偈言

何言婆羅門施何得大果何等為時施
云何淨福田

尔時世尊說偈答言

若得宿命智 見天定趣生 得盡諸有漏
牟尼起三明 善知心解脫 解脫一切貪
說名婆羅門 施彼得大果 施彼為時施
隨所欲福田

時天作婆羅門聞佛所說歡喜隨喜
作礼而去

如是我聞一時佛在拘薩羅人間遊
行於一夜時住止婆羅林中時有一
婆羅門去婆羅林不遠營作田業晨
朝起作至婆羅林中遙見世尊坐一
樹下儀容端正諸根清淨其心寂定
具足成就第一止觀其身金色光明
徹照見已往詣其所白言瞿曇我近
在此經營事業故樂此林瞿曇於此
有何事業樂此林中復說偈言

比丘於此林 為何事業故 獨一守空閑
樂於此林中

尔時世尊說偈答曰
無事於此林 林根久已斷 於林離林脫
禪思不樂斷

時彼婆羅門聞佛所說歡喜隨喜作
礼而去

如是我聞一時佛在拘薩羅人間遊行夜宿一娑羅林中時有一娑羅門近彼林側與五百年少娑羅門共彼娑羅門常稱歎欽想欲見世尊何時遊於此林我因得見遇問所疑頗有閑暇為我記說時彼娑羅門年少弟子為採薪故入於林中遙見世尊坐一樹下儀容端正諸根寂靜其心寂定形若金山光明徹照見已作是念我和上娑羅門常稱歎欽仰欲見瞿曇問其所疑今此沙門瞿曇到此林中我當疾往白和上令知即持薪束疾還學堂捨薪束已詣和上所白言和上當知和上由來常所稱歎欽仰欲見沙門瞿曇脫到此林當問所疑今日瞿曇已到此林和上知時時娑羅門即詣世尊兩面相問評慰勞已退坐一面而說偈言

獨入此恐怖深遠叢林中堅住不傾動
善修正勤法無歌舞音樂寂默住空閑
我所未曾見獨樂深林者欲永於世間
自在增上主為三十三天天上自在樂
何故深林中苦行自枯槁

今時世尊說偈答言

若欲種種求 諸界多種著 彼一切皆是
愚癡之根本 如是一切求 我久悉已吐
不求不諂偽 一切無所觸 於一切諸法
唯一清淨觀 得無上菩提 禪思修不樂
婆羅門復說偈言

我今敬礼汝 大寂牟尼尊 禪思之妙王
覺無邊大覺 如來天人救 巍巍若金山
解脫於聚林 於林永不著 已拔深利刺
清淨無餘跡 論師之上首 言說寂勝辯
人中雄師子 震吼於深林 顯現苦聖諦
集滅八正道 能盡眾苦聚 乘出淨無垢
自脫一切苦 濟彼苦眾生 安樂眾生成
演說於正法 已斷於恩愛 遠離於欲網
斷除於一切 有愛之結縛 如水生蓮花
塵永不染著 如日停虛空 清淨無雲翳
善哉我今日 至拘薩羅林 得見於大師
兩足之勝尊 大林大精進 得第一廣度
調御師之首 敬礼無所畏

時婆羅門廣說斯偈讚歎佛已聞佛
所說歡喜隨喜作礼而去
如是我聞一時佛在拘薩羅人間遊
行宿於孫陀利河側今時世尊剃髮

未久於後夜時結跏趺坐正身思惟
繫念在前以衣覆頭時孫陀利河側
有婆羅門住止夜起持祠餘食不盡
時至河邊欲求大德婆羅門以奉之
尔時世尊聞河邊婆羅門聲聞已誓
咳作聲却衣現頭時孫陀利河側婆
婆羅門見佛已作是念是剃頭沙門非
是念非獨沙門是剃頭者婆羅門中
亦有剃頭應往至彼問其所生時孫
陀利河側婆羅門詣世尊所而問之
言為何姓生尔時世尊即說偈言
汝莫問所生但當問所行刻木為鑽燧
亦能生於火下賤種姓中生堅固牟尼
智慧有慙愧精進善調伏究竟大明際
清淨修梵行而今正是時應奉施餘食
時孫陀利河側婆羅門復說偈言
我今吉良日未福修供養遇得見大士
三時最勝尊若不見佛者當更施餘人
尔時孫陀利河側婆羅門轉得信心
即持餘食以奉世尊世尊不受以說
偈得故如上因說偈而得食廣說孫
陀利河側婆羅門白佛言世尊今此

施食當置何所佛告婆羅門我不見
諸天魔梵沙門婆羅門天神世人有
能食此食令身安隱者汝持此食
去著無虫水中及少生草地時婆羅
門即持此食著無虫木中水即烟起
涌沸啾啾作聲如燒鐵丸投之冷水
烟起涌沸啾啾作聲如是彼食著无
虫水中烟起涌沸啾啾作聲孫陀利
河側婆羅門心欲恐怖身毛皆豎謂
為火變馳走上岸集聚乾木供養祠
火令息灾恠世尊見彼集聚乾木供
養祠火望息灾恠見已即說偈言

婆羅門祠火焚燒乾草木莫呼是淨道
能却諸灾患此則惡供養而謂為黠慧
作如是因緣外道取修淨法今棄薪火
起内火熾然常修不放逸常富於供養
處處興淨信廣施設大會心意為束薪
瞋恚黑烟起妄語為塵味口舌為木杓
腎懷燃火處欲火常熾然當善自調伏
消滅去火正信為大河淨戒為渡濟
澄淨清流水智者之所歎人中淨天德
當於中洗浴涉水不著身安樂度彼岸
正法為深淵福德為下濟澄淨水充滿

智者所讚嘆 人中天淨德 當於中洗浴
涉水不著身 安樂度彼岸 真諦善調御
攝護修梵行 慈悲為苦行 真實心清淨
沐浴以正法 智者所稱歎
今時孫陀利河側婆羅門聞佛所說
歡喜隨喜復道而去

如是我聞一時佛在拘薩羅人間遊
行住孫陀利河側聚林中時有孫陀
利河側住止婆羅門來詣佛所面相
問訊慰勞已退坐一面問佛言瞿曇
至孫陀利河中洗浴不佛告婆羅門
何用於孫陀利河中洗浴為婆羅門
白佛瞿曇孫陀利河是濟度之數是
吉祥之數是清淨之數若有於中洗
浴者悉能除人一切諸惡今時世尊
即說偈言

非孫陀利河 亦非婆休多 非伽耶薩羅
如是諸河等 作諸惡不善 能令其清淨
恒河婆休多 孫陀利河等 愚者常居中
不能除衆惡 其清淨之人 何用洗浴為
其清淨之人 何用布薩為 淨業以自淨
是生於受持 不殺亦不盜 不婬不妄語
信施除慳垢 於斯而洗浴 於一切衆生

常起慈悲心井水以洗浴用伽耶等為
內心自清淨不待洗於外下賤田舍兒
身體多汙垢以水洗塵穢不能淨其內
余時孫陀利河側婆羅門聞佛所說
歡喜隨喜從座起而去

如是我聞一時佛住迦毗羅衛國尼
拘律園中時有繫驢羅豆婆遮婆羅
門本俗人時為佛善知識來詣佛所
面相問訊慰勞已退坐一面而說
偈言

外身繫驢者是但名繫驢內心繫驢者
是結縛衆生今請問瞿曇云何解繫驢
余時世尊說偈答言

受持於淨戒內心修正覺專精勤方便
是則解繫驢

時繫驢婆羅門聞佛所說歡喜隨喜
從座起而去

如是我聞一時佛住迦毗羅衛國尼
拘律園中時有繫驢波羅豆婆遮婆
羅門來詣佛所而前問訊相慰勞已
退坐一面而說偈言

身外繫驢者是但名繫驢內心繫驢者
是結縛衆生我今問瞿曇如此繫驢者

六何作方便於何斷繫

尔時世尊說偈答言

眼耳及與鼻舌身意入處於彼名及色
滅盡令無餘諸識永滅者於彼斷繫
佛說此經已繫毘婆羅豆婆遮婆羅
門聞佛所說歡喜隨喜從座起去
如是我聞一時佛住鬱毗羅聚落尼
連禪河側菩提樹下成佛未久尔時
世尊獨靜思惟作是念不恭敬者則
為大苦無有次序無他自在可畏懼
者則於大義有所退減有所恭敬有
次序有他自在者得安樂住有所恭
敬有次序有他自在大義滿足頗有
諸天魔梵沙門婆羅門天神世人中
能於我所具足戒勝三昧勝智慧勝
解脫勝解脫知見勝令我恭敬宗重
奉事供養依彼而住復作是念無有
諸天魔梵沙門婆羅門天神世人能
於我所戒具足勝三昧勝智慧勝解
脫勝解脫知見勝令我恭敬宗重奉
事供養依彼而住者唯有正法令我自
覺成三藐三佛隨者我當於彼恭敬
宗重奉事供養依彼而住所以者何

過去如來應等正覺亦於正法恭敬
宗重奉事供養依彼而住諸當來世
如來應等正覺亦於正法恭敬宗重
奉事供養依彼而住今時娑婆世界
主梵天王知世尊心念已如力士屈
伸臂頃從梵天沒住於佛前歎言善
哉如是世尊如是善逝懈怠不恭敬
者甚為大苦廣說乃至大義滿足其
實無有諸天魔梵沙門婆羅門天神
世人於世尊所戒具足勝三昧勝智
慧勝解脫勝解脫知見勝今世尊恭敬
宗重奉事供養依彼而住者唯有正
法如來自悟成等正覺則是如來所
應恭敬宗重奉事供養依彼而住者
所以者何過去諸如來應等正覺亦
於正法恭敬宗重奉事供養依彼而
住諸未來如來應等正覺亦當於正
法恭敬宗重奉事供養依彼而住世
尊亦當於彼正法恭敬宗重奉事供
養依彼而住時梵天王復說偈言
過去等正覺 及未來諸佛現在佛世尊
能除衆生憂 一切恭敬法 依正法而住
如是恭敬者 是則諸佛法

時梵天王聞佛所說歡喜隨喜稽首
佛足即沒不現

如是我聞一時佛住鬱呬羅聚落尼
連禪河側菩提樹下成佛未久尔時
世尊獨靜思惟作是念有一乘道能
淨衆生度諸憂悲滅除苦惱得真如
法謂四念處何等為四身身觀念處
受心法法觀念處若有人不樂四念處
者則不樂如聖法不樂如聖法者則
不樂如聖道不樂如聖道者則不樂
甘露法不樂甘露法者則不樂脫生
老病死憂悲惱苦若樂修四念處者
則樂修如聖法樂修如聖法者則樂
如聖道樂如聖道者則樂甘露法樂
甘露法者得解脫生老病死憂悲惱
苦尔時娑婆世界主梵天王知佛心
念已辟如力士屈伸臂傾於梵天沒
住於佛前作是歎言如是世尊如是
善逝有一乘道能淨衆生謂四念處
乃至解脫生老病死憂悲惱苦時梵
天王復說偈言

謂有一乘道 見生諸有邊 演說於正法
安愈苦衆生 過去諸世尊 以樂斯道矣

當來諸世尊亦度乘斯道現在尊正覺
乘此度海派究竟生死際調伏心清淨
於生死輪轉悉已永消盡知種種諸界
慧眼顯正道譬若恒水流悉歸趣大海
激流浚漂遠正道亦如是廣智善顯示
還得甘露法殊勝正法輪本所未曾聞
哀愍衆生故而為衆生轉覆護天人衆
令度有彼岸是故諸衆生成皆稽首礼
尔時梵天王聞佛所說歡喜隨喜稽
首佛足即沒不現

如是我聞一時佛住鬱呾羅聚落尼
連禪河側菩提樹下成佛未久尔時
娑婆世界主梵天王絕妙色身於後
夜時來詣佛所稽首佛足退坐一面
而說偈言

於諸種姓中刹刹雨足尊明行具足者
天人中最勝

佛告梵天王如是梵天如是梵天
於諸種姓中刹刹雨足尊明行具足者
天人中最勝

佛說是經已娑婆世界主梵天王聞
佛所說歡喜隨喜稽首佛足即沒
不現

如是我聞一時佛在拘薩羅人間遊行住止空閑無聚落處與比丘衆夜宿其中尔時世尊為諸比丘說隨順阿練若法時娑婆世界主梵天王作是念今者世尊在拘薩羅人間遊行住一空閑無聚落處與諸大衆止宿空野尔時世尊為諸大衆說隨順空法我今當往隨順讚嘆辟如力士屈伸臂頃於梵天没住於佛前稽首歸足退坐一面而說偈言

習近邊林座 斷除諸煩惱 若不樂空閑 入衆自攝護 自調伏其心 家家行乞食 攝持於諸根 專精繫心念 然後習空閑 阿練若牀座 遠離諸恐怖 無畏安隱住 若彼諸凶險 惡虵衆毒害 黑雲大闇冥 震雷霹靂光 離諸煩惱故 晝夜安隱住 如我所聞法 乃至不究竟 獨一修梵行 不畏千死魔 若修於覺道 不畏於万數 一切須陀洹 或得斯陀含 及阿那含者 其數亦無量 不能定其數 恐怖於妄說 時娑婆世界主梵天王聞佛所說歡喜隨喜已為佛作礼即没不現 如是我聞一時佛住迦毗羅衛邊毗

羅衛林中與五百比丘俱皆是羅漢
諸漏已盡所作已作離諸重擔逮得
已利盡諸有結正智心善解脫今時
世尊為諸大衆說溫脩相應法時有
十方世界大衆威力諸天皆悉來會
供養世尊及比丘僧復有諸梵天王
住於梵世作是念今日佛住迦毗羅
衛國如上廣說乃至供養世尊及諸
大衆我今當往各各讚嘆作是念已
臂如力士屈伸臂須臾從梵天沒住於
佛前第一梵天即說偈言

於此大林中 大衆普雲集 十方諸天衆
皆悉來恭敬 故我遠來禮 寂勝難伏僧
第二梵天復說偈言

是諸比丘僧 真實心精進 於此大林中
攝諸根求度

第三梵天次說偈言

善方便消融 恩愛深利刺 堅固不傾動

如因陀羅幢 度深壑水流 清淨不求欲

善度之導師 諸調伏大龍

第四梵天次說偈言

歸依於佛者 終不墮惡趣 能斷人中身
得天身受樂

各說偈已 四梵天身即沒不現

如是我聞一時佛住王舍城迦蘭陀
竹園時有娑婆世界主梵天王日日
精勤往詣佛所尊重供養時娑婆世
界主作是念今旦太早而來見佛正
值世尊入大三昧我等且當入提婆
達多伴黨瞿迦梨比丘房中作是念
已即入彼房至房戶中以指扣戶口
說是言瞿迦梨瞿迦梨於舍利弗
目連所起淨信心汝莫長夜得不
饒益苦瞿迦梨言汝是誰梵天答言
娑婆世界主梵天王瞿迦梨言世尊
不記汝得阿耨含耶梵天王言如是
比丘瞿迦梨言汝何故來娑婆世界
主梵天王答言此不可治即說偈言
於無量處所生心欲壽量 何有黠慧者
而生此覺想 無量而欲量 是陰蓋凡夫
時娑婆世界主梵天王往詣佛所稽
首礼足退坐一面白佛言世尊我常
日日勤到佛所親覲供養我作是念
今旦太早來見世尊正值世尊入大
三昧我且當入提婆達多伴黨瞿迦
梨比丘房中即住戶中徐徐扣戶口
說是言瞿迦梨瞿迦梨當於舍利弗

目捷連賢善智慧者所起淨信心莫
長夜得不饒益苦瞿迦梨言汝是誰
我即答言是娑婆世界主梵天王瞿
迦梨言世尊不記汝得阿耨舍耶我
即答言如是瞿迦梨復言汝何故來
我作是念此不可治即說偈言
於不可量處發心欲等量不可量欲量
是陰蓋凡夫

佛語梵王如是如是梵王

於不可量處而發心欲量何有智慧人
而生此妄想不可量欲量是陰蓋凡夫
佛說此經已娑婆世界主梵天王聞
佛所說歡喜隨喜從座起為佛作禮
即沒不現

如是我聞一時佛住王舍城迦蘭陀
竹園尔時大梵天王及餘別梵天善
辭別梵天日日方便往見供養世尊
時有婆旬梵天見別梵天善辭梵天
精勤方便而問言汝欲何之彼即答
言欲見世尊恭敬供養時婆旬梵天
即說偈言

彼有四鵠鳥三種金色宮五百七十二
條行禪思者熾焰金色身普照梵天宮

汝且觀我身 何用至彼為

尔時善梵王別梵王善辭別梵王復
說偈言

雖有金色身 普照梵天宮 其有智慧者
知色有煩惱 智者不樂色 於其心解脫
時彼善梵天別梵天善辭別梵天往
詣佛所稽首佛足退坐一面白佛言
世尊我今方便欲來見世尊恭敬供
養有婆句梵天見我方便而問我言
汝今方便欲何所之我即答言欲往
見世尊礼事供養婆句梵天即說
偈言

有四種鵠鳥 三種金色宮 五百七十二
於中而禪思 觀我身金色 普照梵天宮
汝且觀我身 何用至彼為
我即說偈而答彼言

雖有金色身 普照梵天宮 當知真金色
是則煩惱事 智者解脫色 於色不復樂
佛告梵天如是梵天如是梵天

雖有真金色 普照梵天宮 當知真金色
則是煩惱事 智者解脫色 於色不復樂
時彼梵天為迦吒務陀伍沙比丘故
說偈言

夫士生世間 利斧在口中 還自斬其身
斯由惡言故 應毀者稱譽 應譽而反毀
惡口增其過 所生無安樂 博奕酒喪財
其過失甚少 惡心向善逝 是則為大過
地獄有百千 名尼羅浮地 三十有六百
及五阿浮陀 斯皆謗聖獄 口意惡願故
佛說此經已 彼諸梵天聞佛所說歡
喜隨喜稽首佛足即沒不現
如是我聞一時佛住王舍城迦蘭陀
竹園時有婆句梵天住梵天上起如
是惡邪見言此處常恒非變易法純
一出離之處尔時世尊知婆句梵天
心念已入於三昧如其正受於王舍
城没住梵天上婆句梵天遙見世尊
而說偈言

梵天七十二 造作諸福樂 自在而常住
生老死已過 我於諸明論 修習已究竟
彼諸天衆等 唯謂我長存
尔時世尊說偈答言

此則極短壽 非是長存者 而婆句梵天
自謂為長壽 尼羅浮多獄 其壽百千數
我悉憶念知 汝自謂長存
婆句梵天復說偈言

佛世尊所見 其劫數無邊 生老死憂悲
皆悉已過去 唯願說知我 過去曾所更
受持何戒業 而得生於此
今時世尊說偈答言

過去久遠劫 於大曠野中 有諸大衆行
多賢聖梵行 飢乏無資糧 汝救之令度
慈救心相續 經劫而不失 是則汝過去
所受持功德 我志憶念知 久近如眠覺
過去有村邑 為賊所抄掠 汝時悉皆救
令其得解脫 是則過去世 所受持福業
我憶此因緣 久近如眠覺 過去有人衆
乘船恒水中 惡龍持彼船 欲盡害其命
汝時以神力 救令得解脫 是則汝過去
所受持福業 我憶是因緣 久近如眠覺
婆伽梵天復說偈言

決定悉知我 古今壽命事 亦知餘一切
是則為正覺 是故所受身 金光炎普照
其身住於此 光明遍世間

今時世尊為婆伽梵天種種說法示
教照喜已 如其正受從梵天沒還王
舍城

如是我聞一時佛住舍衛國祇樹給
孤獨園時有一梵天住梵天上起如

是邪見言此處常恒不變易純一出
離未曾見有來至此處況復有過此
上者余時世尊知彼梵天心之所念
即入三昧如其正受於舍衛國沒現
梵天宮當彼梵天頂上於虛空中結
跏趺坐正身繫念余時尊者阿若俱
隣作是念今日世尊為在何所即以
天眼淨過人間眼觀見世尊在梵天
上見已即入三昧如其正受於舍衛
國沒現彼梵世在於東方西面向佛
結跏趺坐端身繫念在佛座下梵天
座上余時尊者摩訶迦葉作是念今
日世尊為在何所即以天眼淨過於
人眼見世尊在梵天上見已即入三
昧如其正受於舍衛國沒現梵天上
在於南方北面向佛結跏趺坐端身
繫念在佛座下梵天座上時尊者舍
利弗作是念世尊今者為在何所即
以天眼淨過於人眼見世尊在梵天
上見已即入三昧如其正受於舍衛
國沒現梵天上在於西方東面向佛
結跏趺坐端身繫念在佛座下梵天
座上

余時尊者大目犍連即作是念今日
世尊為在何所以天眼淨過於人眼
遙見世尊在梵天上見已即入三昧
如其正受於舍衛國沒住梵天上在
於北方南面向佛結跏趺坐端身繫
念在佛座下梵天座上今時世尊告
梵天曰汝今復起是見從今已來未
曾見有過我上者不梵天白佛我今
不敢復言我未曾見有過我上者唯
見梵天光明被郭余時世尊為彼梵
天種種說法示教照喜已即入三昧
如其正受於梵天上沒還舍衛國尊
者阿若俱隣摩訶迦葉舍利弗為彼
梵天種種說法示教照喜已即入三
昧如其正受於梵天沒還舍衛國唯
尊者大目犍連仍於彼住時彼梵天
問尊者大目犍連世尊諸餘弟子悉
有如是大德大力不時尊者大目犍
連即說偈言

大德具三明 通達觀他心
漏盡諸羅漢 其數無有量

時尊者大目犍連為彼梵天種種說
法示教照喜已即入三昧如其正受

於梵天沒還舍衛國

如是我聞一時佛住俱尸那竭國力士生地堅固雙樹林尔時世尊臨般涅槃告尊者阿難汝於堅固雙樹間敷繩牀北首如來今日中夜於無餘涅槃而般涅槃時尊者阿難奉世尊教於雙堅固樹間為世尊敷繩牀北首已還世尊所稽首礼足白言世尊已為如來於雙堅固樹間敷繩牀令北首於是世尊往就繩牀右脅著地北首而卧足足相累繫念明相尔時世尊即於中夜於無餘涅槃而般涅槃般涅槃已雙堅固樹尋即生花周匝垂下洪養世尊時有異比丘即說偈言

善好堅固樹 枝條垂礼佛妙花以供養
大師般涅槃

尋時釋提桓因說偈

一切行無常 斯皆生滅法雖生尋以滅
斯寂滅為樂

尋時娑婆世界主梵天王次復說偈言

世間一切生 二者皆當捨如是聖大師

世間無有比速得如來力普為世間眼
終歸會磨滅入無餘涅槃

尊者阿那律陀次復說偈言

出息入息住忘心善攝護從所依而來
世間般涅槃大恐怖相生令人身毛豎
一切行力具大師般涅槃其心不懈怠
亦不住諸愛心法漸解脫如薪盡火滅
如來涅槃後七日尊者阿難往枝提
所而說偈言

導師此寶身往詣梵天上如是大神力
內火還燒身五百氎纏身悉燒令磨滅
千領細氎衣以衣如來身唯二領不燒
最上及觀身

尊者阿難說是偈時諸比丘默然悲喜

雜阿含經卷第四十四

癸卯歲高麗國大藏部監奉
勅雕造

雜阿含經卷第四十五

流

宋天竺三藏求那跋陀羅

譯

如是我聞一時佛住舍衛國祇樹給
孤獨園時有阿闍毗比丘尼住舍衛
國王園精舍比丘尼衆中時阿闍毗
比丘尼晨朝著衣持鉢入舍衛城乞
食食已還精舍舉衣鉢洗足持尼師
壇著右肩上入安陀林坐禪時魔波
旬作是念今沙門瞿曇住舍衛國祇
樹給孤獨園有弟子阿闍毗比丘尼
住舍衛國王園精舍比丘尼衆中晨
朝著衣持鉢入舍衛城乞食食已還
精舍舉衣鉢洗足已持尼師壇著右肩
上入安陀林坐禪我今當往為作留
難即化作年少容貌端正往詣彼比
丘尼所語比丘尼言阿姨欲何處去
比丘尼答言賢者到遠離處去時魔
波旬即說偈言

世間無有出用永遠離為還服食五欲
勿令後變悔

時阿闍毗比丘尼作是念是誰欲恐
怖我為是人耶為非人耶斫殺人耶

心即念言此必惡魔欲亂我耳覺知已而說偈言

世間有出要我自知識得鄙下之惡魔汝不知其道譬如利刀割五欲亦如是譬如斬肉形苦受陰亦然如汝向所說服樂五欲者是則不可樂大恐怖之處離一切喜樂捨諸大闇冥以滅盡作證安住離諸漏覺知汝惡魔尋即自滅去時魔波旬作是念彼阿瞿毗比丘尼已知我心愁憂不樂即沒不現

如是我聞一時佛住舍衛國祇樹給孫獨園時有蘇摩比丘尼住舍衛國王園精舍比丘尼衆中晨朝著衣持鉢入舍衛城乞鉢洗足畢持尼師壇著右肩上至安陀林坐禪時魔波旬作是念今沙門瞿曇住舍衛國祇樹給孫獨園有蘇摩比丘尼住舍衛國王園精舍比丘尼衆中晨朝著衣持鉢入舍衛城乞食食已還精舍舉衣鉢洗足畢持尼師壇著右肩上入安陀林坐禪我今當往為作留難即化作年少容貌端正往至蘇摩比丘尼所問言阿姨欲至

何所答言賢者欲至遠離處去時魔波旬即說偈言

仙人所住處是處甚難得非彼二拍智能得到彼處

時蘇摩比丘尼作是念此是何等欲恐怖我為人為非人為姦狡人作此思惟已決定智生知是惡魔來欲嬈亂即說偈言

心入於正受女形復何為智或若生已逮得無上法若於男女想心不得俱離彼即隨魔說汝應往語彼離於一切苦捨一切闇冥逮得滅盡證安住諸漏盡覺知汝惡魔即自磨滅去

時魔波旬作是念蘇摩比丘尼已知我心內懷憂悔即沒不現

如是我聞一時佛住舍衛國祇樹給孤獨園時有吉離舍瞿曇彌比丘尼住舍衛國王園精舍比丘尼眾中晨朝著衣持鉢至舍衛城乞食食已還精舍舉衣鉢洗足畢持屣師壇著肩上入安陀林於一樹下結跏趺坐入晝正受時魔波旬作是念今沙門瞿曇住舍衛國祇樹給孤獨園時吉離

舍瞿曇弥比丘尼住舍衛國王國精
舍比丘尼衆中晨朝著衣持鉢入舍
衛城乞食食已還精舍舉衣鉢洗足
畢持尼師壇著肩上入安陀林於一
樹下結跏趺坐入晝正受我今當往
為作留難即化作年少容貌端正往
至吉離舍瞿曇弥比丘尼所而說
偈言

汝何喪其子 涕泣憂愁貌 獨坐於樹下
何求於男子

時吉離舍瞿曇弥比丘尼作是念為
誰恐怖我為人為非人為姦狡者如
是思惟生決定智惡魔波旬來燒我
耳即說偈言

無邊際諸子 一切皆亡失 此則男子邊
已度男子表 不惱不憂愁 佛敎作已作
一切離受苦 捨一切閻冥 已滅盡作證
安隱盡諸漏 已知汝弊魔 於此自滅去
時魔波旬作是念吉離舍瞿曇弥比
丘尼已知我心愁憂苦惱即沒不現
如是我聞一時佛住舍衛國祇樹給
孤獨園時有優鉢羅色比丘尼住舍
衛國王國比丘尼衆中晨朝著衣持

鉢入舍衛城乞食食已還精舍舉衣
鉢洗足畢持尼師壇著肩上入安陀
林坐一樹下入晝正受時魔波旬作
是念今沙門瞿曇住舍衛國祇樹給
孤獨園優鉢羅色比丘尼住舍衛國
王園比丘尼衆中最朝著衣持鉢入
舍衛城乞食食已還精舍舉衣鉢洗
足畢持尼師壇著肩上入安陀林坐
一樹下入晝正受我今當往為作留
難即化作年少容貌端正至優鉢羅
色比丘尼所而說偈言
妙華堅固樹依止其樹下獨一無等侶
不畏惡人耶

時優鉢羅色比丘尼作是念為何等
人欲恐怖我為是人為非人為姦姣
人如是思惟即得覺知必是惡魔波
旬欲亂我耳即說偈言

設使有百千皆是姦姣人如汝等惡魔
來至我所者不能動毛髮不畏汝惡魔
魔復說偈言

我今入汝腹住於內藏中或住兩眉間
汝不能見我

時優鉢羅色比丘尼復說偈言

我心有大力 善修習神通 大縛已解脫
不畏汝惡魔 我已吐三垢 恐怖之根本
住於不恐地 不畏於魔軍 於一切愛喜
離一切闇冥 已證於寂滅 安住諸漏盡
覺知汝惡魔 自當消滅去
時魔波旬作是念優鉢羅色比丘尼
已知我心內懷憂愁即沒不現
如是我聞一時佛住舍衛國祇樹給
孤獨園時尸羅比丘尼住舍衛國王
園比丘尼衆中晨朝著衣持鉢入舍
衛城乞食食已還精舍舉衣鉢洗足
畢持尼師壇著肩上入安陀林坐一
樹下入晝正受時魔波旬作是念今
沙門瞿曇住舍衛國祇樹給孤獨園
尸羅比丘尼住舍衛國王園精舍比
丘尼衆中晨朝著衣持鉢入舍衛城
乞食食已還精舍舉衣鉢洗足畢持
尼師壇著肩上入安陀林坐一樹下
入晝正受我今當往為作留難即化
作年少容貌端正往到尸羅比丘尼
前而說偈言
衆生云何生 誰為其作者 衆生何處起
去復至何所

尸羅比丘尼作是念此是何人欲恐
怖我為人為非人為姦狡人作是思
惟已即生知覺此是惡魔欲作留難
即說偈言

汝謂有衆生此則惡魔見唯有空陰聚
無是衆生者如和合衆材世名之為車
諸陰因緣合假名為衆生其生則苦生
住亦即苦住無餘法生苦苦生苦自滅
捨一切受苦離一切闇冥已證於寂滅
安住諸漏盡已知汝惡魔則自消滅去
時魔波旬作是念尸羅比丘尼已知
我心內懷憂感即沒不現

如是我聞一時佛住舍衛國祇樹給
孤獨園時毗羅比丘尼住舍衛國王
園比丘尼衆中晨朝著衣持鉢入舍
衛城乞食食已還精舍舉衣鉢洗足
畢持尼師壇著肩上入安陀林坐一
樹下入晝正受時魔波旬作是念今
沙門瞿曇住舍衛國祇樹給孤獨園
毗羅比丘尼住舍衛國王園比丘尼
衆中晨朝著衣持鉢入舍衛城乞食食
已還精舍舉衣鉢洗足畢持尼師壇
著肩上入安陀林坐一樹下入晝正

受我當往彼為作留難即化作年少
容貌端正至毗羅比丘尼所而說
偈言

云何作此形 誰為其作者 此形何處起
形去至何所

毗羅比丘尼作是念是何人來恐怖
我為人為非人為斯殺人如是思惟
即得知覺惡魔波旬欲作熾亂即說
偈言

此形不自造 亦非他所作 因緣會而生
緣散即磨滅 如世諸種子 因大地而生
因地水火風 陰界入亦然 因緣和合生
緣離則磨滅 捨一切受苦 離一切闇冥
已證寂寂滅 安住諸漏盡 惡魔以知汝
即自磨滅去

時魔波旬作是念毗羅比丘尼已知
我心生大憂感即沒不現

如是我聞一時佛住舍衛國祇樹給
孤獨園時有毗闍耶比丘尼住舍衛
國王園比丘尼眾中最朝著衣持鉢
入舍衛城乞食食已還精舍舉衣鉢
洗足畢持尼師壇著肩上入安陀林
坐一樹下入晝正受時魔波旬作是

念以沙門瞿曇住舍衛國祇樹給孤
獨園弟子毗闍耶比丘尼住舍衛國
王園比丘尼衆中晨朝著衣持鉢入
舍衛城乞食今已還精舍舉衣鉢洗
足畢持尼師壇耆肩上入安陀林坐
一樹下入晝正受我今當往為作留
難即化作年少容顏端正往至其前
而說偈言

汝今年幼少 我亦是年少 當共於此處
作五種音樂 而共相娛樂 用是禪思為
時毗闍耶比丘尼作是念此何等人
欲恐怖我為是人耶為非人耶為姦
狡人耶如是思惟已即得知覺是魔
波旬欲作娆亂即說偈言

歌儻作衆伎 種種相娛樂 今悉已惠汝
非我之所須 若寂滅正受 及天人五欲
一切持相與 亦非我所須 捨一切喜歡
離一切悶冥 寂滅以作證 安住諸漏盡
已知汝惡魔 當自消滅去

時魔波旬作是念是毗闍耶比丘尼
已知我心內懷憂戚即沒不現
如是我聞一時佛住舍衛國祇樹給
孤獨園時遮羅比丘尼住舍衛國王

園比丘尼衆中晨朝著衣持鉢入舍衛
城乞食食已還精舍舉衣鉢洗足畢
持尼師檀耆肩上至安陀林坐一樹
下入書正受時魔波旬作是念今沙
門瞿曇在舍衛國祇樹給孤獨園遮
維比丘尼亦住舍衛國王園比丘尼
衆中晨朝著衣持鉢入舍衛城乞食
食已還精舍洗足畢舉衣鉢持尼師
檀耆肩上入安陀林坐一樹下入書
正受我今當往為作留難化作年少
容貌端正至遮羅比丘尼前而說
偈言

覺受生為樂 生服受五欲 為誰教受汝
令獸離於生

時遮羅比丘尼作是念此是何人欲
作恐怖為人為非人為新拔人而來
至此欲作燒亂即說偈言

生者必有死 生則受諸苦 鞭打諸惱苦
一切緣生有 當斷一切苦 超越一切生
慧眼觀聖諦 牟尼所說法 苦苦及苦集
滅盡離諸苦 修習八正道 安隱趣涅槃
大師平等法 我欣樂彼法 我知彼法故
不復樂受生 一切離憂喜 捨一切閻冥

寂滅以作證 安住諸漏盡 覺知汝惡魔
自當消滅去

時魔波旬作是念遮羅比丘尼已知
我心內懷憂感即沒不現

如是我聞一時佛住舍衛國祇樹給
孤獨園時優波遮羅比丘尼亦住舍
衛國王園比丘尼衆中晨朝著衣持
鉢入舍衛城乞食食已還精舍舉衣
鉢洗足畢持尼師壇著肩上入安陀
林坐一樹下入晝正受時魔波旬作
是念今沙門瞿曇住舍衛國祇樹給
孤獨園優波遮羅比丘尼亦住舍衛
國王園比丘尼衆中晨朝著衣持鉢
入舍衛城乞食食已還精舍舉衣鉢
洗足畢持尼師壇著肩上入安陀林
坐一樹下入晝正受我今當往為作
留難即化作年少容貌端正至優波
遮羅比丘尼所而說偈言

三十三天上 炎魔兜率陀 化樂他自在
發願得往生

優波遮羅比丘尼作是念此何等人
欲恐怖我為人為非人為是姦狡人
自思覺悟必是惡魔欲作嬖亂而說

偈言

三十三天上 炎魔兜率陀 化樂他自在
斯等諸天上 不離有為行 故隨魔自在
一切諸世間 悉是衆行聚 一切諸世間
悉皆動搖法 一切諸世間 苦火常熾然
一切諸世間 悉皆烟塵起 不動亦不搖
不習近凡夫 不隨於魔趣 於是衆娛樂
離一切愛苦 捨一切闇冥 寂滅以作證
安住諸漏盡 已覺汝惡魔 則自磨滅去
時魔波旬作是念 優波遮羅比丘尼
已知我心內懷憂戚 即沒不現
如是我聞 一時佛住舍衛國祇樹給
孤獨園時 尸利沙遮羅比丘尼亦住
舍衛國王園 比丘尼衆中晨朝著衣
持鉢入舍衛城乞食 食已還精舍舉
衣鉢洗足畢 持尼師壇著肩上入安
陀林坐一樹下 入晝正受時 魔波旬
作是念 今沙門瞿曇住舍衛國祇樹
給孤獨園時 尸利沙遮羅比丘尼亦
住舍衛國王園 比丘尼衆中晨朝著
衣持鉢入舍衛城乞食 食已還精舍
舉衣鉢洗足畢 持尼師壇著肩上入
安陀林坐一樹下 入晝正受我當往

彼為作留難化作年少容貌端正往
到尸利沙遮羅比丘尼所作是言
阿姨汝樂何等諸道比丘尼答言我
都無所樂時魔波旬即說偈言

汝何所諮受剃頭作沙門身著袈裟
而作出家相不樂於諸道而守愚癡住
時尸利沙遮羅比丘尼作是念此何
等人欲恐怖我為人為非人為姦狡
人如是思惟已即自知覺惡魔波旬
欲作姦亂即說偈言

此法外諸道諸見所纏縛縛於諸見已
常隨魔自在若生釋種家稟無比大師
能伏諸魔怨不為彼所伏清淨一切脫
道眼普觀察一切智悉知取勝離諸漏
彼則我大師我唯樂彼法我入彼法已
得遠離寂滅離一切愛喜捨一切闇冥
寂滅以作證安住諸漏盡已知汝惡魔
如是自滅去

時魔波旬作是念尸利沙遮羅比丘
尼已知我心內懷憂戚即沒不現
如是我聞一時佛住瞻婆國揭伽池
側尔時世尊月十五日布薩時於大
衆前坐月初出時時有尊者波婆耆

舍於大衆中作是念我今欲於佛前
歎月辟偈作是念已即從坐起整衣
服為佛作礼合掌白佛言世尊欲有
所說善逝欲有所說佛告婆耆舍欲
說者便說時尊者婆耆舍即於佛前
而說偈言

如月停虛空 明淨無雲翳 光炎明暉曜
普照於十方 如來亦如是 慧光照世間
功德善名稱 周遍滿十方

尊者婆耆舍說是偈時諸比丘聞其
所說皆大歡喜

如是我聞一時佛住瞻婆國揭伽池
側尔時尊者阿若憍陳如久住空閑
向練若處來詣佛所稽首佛足以面
掩佛足上而說是言久不見世尊久
不見善逝尔時尊者婆耆舍在於會
中作是念我今當於尊者阿若憍陳
如面前以上座辟而讚歎之作此念
已即從坐起整衣服為佛作礼合掌
白佛世尊欲有所說善逝欲有所說
佛告婆耆舍欲說時便說時尊者婆
耆舍即說偈言

上座之上座 尊者憍陳如 已度已超越

待安樂正受 於阿練若處 常樂於遠離
聲聞之所應 大師正法教 一切悉皆陳
正受不放逸 大德力三明 他心智明了
上座憍陳如 護持佛法財 增上恭敬心
頭面礼佛足

尊者婆耆舍說是語時諸比丘聞其
所說皆大歡喜

如是我聞一時佛住瞻婆國揭伽池
側時尊者舍利弗在供養堂有衆多
比丘集會而為說法句味滿足辯才
簡淨易解樂聞不闕不斷深義顯現
彼諸比丘專至樂聽尊重憶念一心
側聽時尊者婆耆舍在法會中作是
念我當於尊者舍利弗面前說偈讚
歎作是念已即起合掌白尊者舍利
弗我欲有所說舍利弗告言隨所樂
說尊者婆耆舍即說偈言

善能略說法 令衆廣開解 賢優婆提舍
於大衆宣暢 當所說法時 咽喉出美聲
悅樂愛念聲 調和漸進聲 聞聲皆欣樂
專念不移轉

尊者婆耆舍說此語時諸比丘聞其
所說皆大歡喜

如是我聞一時佛住王舍城鄒伽山
側五百比丘俱皆是阿羅漢諸漏已
盡所作已作離諸重擔逮得已利斷
諸有結正智心善解脫尊者大目犍
連觀大衆心一切皆悉解脫貪欲時
尊者婆耆舍於大衆中作是念我今
當於世尊及比丘僧面前說偈讚歎
作是念已即從座起整衣服合掌白
佛言世尊欲有所說善逝欲有所說
佛告婆耆舍隨所樂說時尊者婆耆
舍即說偈言

導師無上士住鄒伽山側五百比丘衆
親奉於大師尊者大目連神通諦明了
觀彼大衆心悉皆離貪欲如是具足度
牟尼度彼岸持此寂後身我今稽首禮
尊者婆耆舍說是語時諸比丘聞其
所說皆大歡喜

如是我聞一時佛住王舍城迦蘭陀
竹園夏安居與大比丘衆五百人俱
皆是阿羅漢諸漏已盡所作已作離
諸重擔斷除有結正智心善解脫除
一比丘謂尊者阿難世尊記說彼現
法當得無知證今時世尊臨十五日

月食受時於大眾前敷座而坐坐已
告諸比丘我為婆羅門得般涅槃持
後邊身為大醫師拔諸劓刺我為婆
羅門得般涅槃持此後邊身無上醫
師能拔劓刺汝等為子從我口生從
法化生得法餘財當懷受我莫令我
若身若口若心有可嫌責事余時尊
者舍利弗在衆會中從座起整衣
服為佛作札合掌白佛世尊向者作
如是言我為婆羅門得般涅槃持寂
後身無上大醫能拔劓刺汝為我子
從佛口生從法化生得法餘財諸比
丘當懷受我莫令我身口心有可嫌
責我等不見世尊身口心有可嫌責
事所以者何世尊不調伏者能令調
伏不寂靜者能令寂靜不蘇息者能
令蘇息不般涅槃者能令般涅槃如
來知道如來說道如來向道然後聲
聞成就隨道宗道奉受師教如其教
授正向欣樂真如善法我於世尊都
不見有可嫌責身口心行我今於世
尊所乞願懷受見聞疑罪若身口心
有嫌責事佛告舍利弗我不見汝有

見問疑身口心可嫌責事所以者何
汝舍利弗持戒多聞少欲知足修行
遠離精勤方便正念正受捷疾智慧
明利智慧出要智慧默離智慧大智
慧廣智慧深智慧無比智慧智寶
成就示教照喜亦常讚歎示教照喜
為衆說法未曾疲倦譬如轉輪聖王
第一長子應受灌頂而未灌頂已住
灌頂儀法如父之法所可轉者亦當
隨轉汝今如是為我長子隣受灌頂
而未灌頂住於儀法我所應轉法輪
汝亦隨轉得無所起盡諸有漏心善
解脫如是舍利弗我於汝所都無見
聞疑身口心可嫌責事舍利弗白佛
言世尊若我無有見聞疑身口心可
嫌責事此諸五百諸比丘得無有見
聞疑身口心可嫌責事耶佛告舍利
弗我於此五百比丘亦不見有見聞
疑身口心可嫌責事所以者何此五
百比丘皆是阿羅漢諸漏已盡所作
已作已捨重擔斷諸有結正智心善
解脫除一比丘謂尊者阿難我記說
彼於現法中得無知證是故諸五百

比丘我不見其有身口心見聞疑罪
可嫌責者舍利弗白佛言世尊此五
百比丘既無有見聞疑身口心可嫌
責事然此中幾比丘得三明幾比丘
俱解脫幾比丘慧解脫佛告舍利弗
此五百比丘中九十比丘得三明九
十比丘得俱解脫餘者慧解脫舍利
弗此諸比丘離諸飄轉無有皮膚貞
實堅固時尊者婆耆舍在衆會中作
是念我今當於世尊及大衆面前歎
說懷受偈作是念已即從座起整衣
服為佛作札右膝著地合掌白佛世
尊欲有所說善逝欲有所說佛告婆
耆舍隨所樂說時婆耆舍即說偈言
十五清淨日其衆五百人斷除一切結
有盡大仙人清淨相習近清淨廣解脫
不更受諸有生死已永絕所作者已作
得一切漏盡五蓋已雲除拔刺根本愛
師子無所畏離一切有餘害諸有怨結
超越有餘境諸有漏怨敵皆忘已潛伏
猶如轉輪王懷受諸眷屬慈心廣宣化
海內悉奉用能伏魔怨敵為無上導師
信敬心奉事三明老死滅為法之真子

無有飄轉患拔諸煩惱剋敬礼日種胤
佛說是經已諸比丘聞佛所說歡喜
奉行

如是我聞一時佛住王舍城迦蘭陀
竹園今時尊者尼拘律相住於曠野
禽獸住處尊者波耆舍出家未久有
如是威儀依聚落城邑住晨朝著衣
持鉢於彼聚落城邑乞食善護其身
守諸根門攝心繫念食已還住處舉
衣鉢洗足畢入室坐禪速從禪覺不
著乞食而彼無有隨時教授無有教
誡者心不安樂周圍隱覆如是深住
時尊者婆耆舍作是念我不得利難
得非易得我不隨時得教授教誡不
得欣樂周圍隱覆心住我今當讚歎
自猷之偈即說偈言

當捨樂不樂及一切貪覺於隣無所作
離染名比丘於六覺心想馳騁於世間
惡不善隱覆不能去皮膚穢汙樂於心
是不名比丘有餘縛所縛見聞覺識俱
於欲覺悟者彼處不復染如是不染者
是則為牟尼大地及虛空世間諸色像
斯皆磨滅法寂然自決定法器久修習

而得三摩提不觸不詬偽其心經專至
彼聖久涅槃繫念待時滅

時尊者婆耆舍說自厭離得心自開
覺於不樂等開覺已欣樂心住

如是我聞一時佛住舍衛國祇樹給
孤獨園今時尊者阿難陀晨朝著衣
持鉢入舍衛城乞食以尊者婆耆舍
為伴時尊者婆耆舍見女人有上妙
色見已貪欲心起時尊者婆耆舍作
是念我今得不利得苦非得樂我今
見年少女人有妙絕之色貪欲心生
今為生厭離故而說偈言

貪欲所覆故熾然燒我心今尊者阿難
為我滅貪火慈心哀愍故方便為我說
尊者阿難說偈答言

以彼顛倒想熾然燒其心遠離於淨想
長養貪欲者當修不淨觀常一心正受
速滅貪欲火莫令燒其心諦觀察諸行
苦空非有我繫念正觀身多修習厭離
修習於無相滅除憍慢使得慢無間等
究竟於苦邊

尊者阿難說是語時尊者婆耆舍聞
其所說歡喜奉行

如是我聞一時佛住舍衛國祇樹給
孤獨園時有一長者請佛及僧就其
舍食入其舍已尊者婆耆舍直日住
守請其食分時有衆多長者婦女從
聚落出往詣精舍時尊者婆耆舍見
年少女人容色端正貪欲心起時尊
者婆耆舍作是念我今不利不得利
得苦不得樂見他女人容色端正貪
欲心生我今當說厭離偈念已而說
偈言

我已得出離 非家而出家 貪欲隨逐我
如牛念他苗 當如大將子 大力執強弓
能破彼重陣 一人摧伏千 今於日種胤
面前聞所說 正趣涅槃道 決定心樂住
如是不放逸 寂滅正受住 無能於我心
幻惑欺誑者 決定善觀察 安住於正法
正使無量數 欲來欺惑我 如是等惡魔
莫能見於我

時尊者婆耆舍說是偈已心得安住
如是我聞一時佛住舍衛國祇樹給
孤獨園時尊者婆耆舍自以智慧堪
能善說於法聰明梵行所生憍慢心
即自心念我不利不得利得苦不得

樂我自以智慧輕慢於彼聰明梵行
者我今當說能生厭離偈即說偈言
瞿曇莫生慢 斷慢令無餘 莫起慢覺想
莫退生變悔 莫隱覆於他 望犁驚慢墮
正受能除憂 見道住正道 其心得喜樂
見道自攝持 是故無尋辯 清淨離諸蓋
斷一切諸慢 起一切明處 正念於三明
神足他心者

時尊者婆耆舍說此生厭離偈已心
得清淨

如是我聞一時佛住舍衛國祇樹給
孤獨園時尊者婆耆舍住舍衛國東
園鹿子母講堂獨一思惟不放逸住
專修自業逮得三明身作證時尊者
婆耆舍作是念我獨一靜處思惟不
放逸住專修自業起於三明身作證
今當說偈讚歎三明即說偈言

本欲心狂惑 聚落及家家 遊行遇見佛
授我殊勝法 瞿曇哀愍故 為我說正法
聞法得淨信 捨非家出家 聞彼說法已
正住於法教 勤方便繫念 堅固常堪能
逮得於三明 於佛教已作 世尊善顯示
曰種苗胤說 為生育衆生 開其出要門

苦苦及苦因 苦滅盡作證 八聖離苦道
安樂趣涅槃 善義我善句味 梵行無過上
世尊善顯示 涅槃濟衆生

如是我聞一時佛住舍衛國祇樹給
孤獨園今時世尊告諸比丘我今當
說四法句諦聽善思當為汝說何等
為四

賢聖善說法 是則為最上 愛說非不受
是則為第二 諦說非虛妄 是則第三說
法說不異言 是則為第四

諸比丘是名說四法句今時尊者婆
耆舍於衆會中作是念世尊於四衆
中說四法句我當以四種讚歎稱譽
隨喜即從座起整衣服為佛作礼合
掌白佛言世尊欲有所說善逝欲有
所說佛告婆耆舍隨所樂說時尊者
婆耆舍即說偈言

若善說法者 於已不慍迫 亦不恐怖他
是則為善說 所說愛說者 說令彼歡喜
不令彼為怨 是則為愛說 諦說知甘露
諦說知無上 諦義說法說 正士建立處
如佛所說法 安隱涅槃道 滅除一切苦
是名善說法

佛說此經已諸比丘聞佛所說歡喜奉行

如是我聞一時佛住王舍城鄒伽山側與千比丘俱皆是阿羅漢盡諸有漏所作已作離諸重擔逮得已利盡諸有結正智心善解脫今時尊者婆耆舍住王舍城寒林中丘塚間作是念今世尊住王舍城鄒伽山側與千比丘俱皆是阿羅漢諸漏已盡所作已作離諸重擔逮得已利盡諸有結正智心善解脫我今當往各別讚歎世尊及比丘僧作是念已即往詣佛所稽首禮足退住一面而說偈言

無上之導師住鄒伽山側千比丘眷屬

奉事於如來大師廣說法清涼涅槃道

專聽清白法正覺之所說正覺尊所敬

處於大眾中德勝之大龍仙人之上首

興功德密雲普雨聲聞眾起於善正受

來奉觀大師弟子婆耆舍稽首而頂禮

世尊欲有所說唯然善逝欲有所說

佛告婆耆舍隨汝所說莫先思惟時

婆耆舍即說偈言

波旬起微惡潛制令速滅能掩障諸魔

今自覺知過觀察解結縛分別清白法
明照如日月為諸異道主超出智作證
演說第一法出煩惱諸流說道無量種
建立於甘露見諦真實法如是隨順道
如是師難得建立甘露道見諦崇遠離
世尊善說法能除人陰蓋明見於諸法
為調伏隨學

尊者婆耆舍說是偈已諸比丘問其
所說皆大歡喜

如是我聞一時佛住波羅捺國仙人
住處鹿野苑中今時世尊為比丘眾
說四聖諦相應法謂此苦聖諦此苦
集聖諦此苦滅聖諦此苦滅道跡聖
諦時尊者婆耆舍在會中作是念我
今當於世尊面前讚歎拔箭之譬如
是念已即從座起整衣服合掌白佛
言唯然世尊欲有所說唯然善逝欲
有所說佛告婆耆舍隨所樂說時尊
者婆耆舍即說偈言

我今敬礼佛哀愍諸眾生第一拔刺箭
善解治眾病迦露醫投藥波睺羅治藥
及彼瞎婆耆耆耆醫療病或有病小老
名為善治病後時病還發抱病遂至死

正覺大醫王 善投衆生藥 究竟除衆苦
不復受諸有 乃至百千種 那由他病數
佛悉為療治 究竟於苦邊 諸醫來會者
我今悉告汝 得甘露法藥 隨所樂而服
第一拔利箭 善覺知衆病 治中之寂上
故稽首瞿曇

尊者婆耆舍說是語時諸比丘聞其
所說皆大歡喜

如是我聞一時佛住王舍城迦蘭陀
竹園時有尊者尼拘律想住於曠野
禽獸之虞疾病委篤尊者婆耆舍為
看病入瞻視供養彼尊者尼拘律想
以疾病故遂般涅槃時尊者婆耆舍
作是念我和上為有餘涅槃無餘涅
槃我今當求其相尔時尊者婆耆舍
供養尊者尼拘律想舍利已持衣鉢
向王舍城次第到王舍城舉衣鉢洗
足已詣佛所稽首礼足退住一面而
說偈言

我今礼大師等正覺無滅於此現法中
一切疑網斷曠野住比丘命終般涅槃
威儀攝諸根大德稱於世世尊為制名
名尼拘律想我今問世尊彼不動解脫

精進勤方便 功德為我說 我為釋迦種
世尊法弟子 及餘皆欲知 圓道眼所說
我等住於此 一切皆欲聞 世尊為大師
無上救世間 斷疑大牟尼 智慧已具備
圓照神道眼 光明顯四界 猶如天帝釋
曜三十三天 諸貪欲疑惑 皆從無明起
若得遇如來 斷滅悉無餘 世尊神道眼
世間為最上 滅除衆生愚 如風飄遊塵
一切諸世間 煩惱覆隱沒 設餘悉無有
明日如佛者 慧光照一切 令同大精進
唯願大智尊 當為衆記說 言出微妙聲
我等專心聽 柔軟音演說 諸世間普聞
猶如熱渴逼 求索清涼水 如佛無滅知
我等亦未知

尊者者婆耆舍復說偈言

今聞無上士 記說其功德 不空修梵行
我聞大歡喜 如說隨說得 順牟尼弟子
滅生死長縻 虛偽幻化縛 以見世尊故
能斷除諸愛 度生死彼岸 不復受諸有
佛說此經已 尊者婆耆舍聞佛所說
歡喜隨喜作禮而去
雜阿含經卷第四十五

甲辰歲高麗國大藏都監奉
勅雕造

雜阿含經卷第四十六

源

宋天竺三藏求那跋陀羅

譯

如是我聞一時佛住舍衛國祇樹給
孤獨園介時世尊告諸比丘過去世
時天阿修羅對陣鬪戰阿修羅勝諸
天不如時天帝釋軍壞退散極生
恐怖乘車北馳還歸天宮須弥山下
道逕菓林林下有金翅鳥巢多有金
翅鳥子介時帝釋恐車馬過踐殺鳥
子告御者言可迴車還勿殺鳥子御
者白王阿修羅軍後來逐人若迴還
者為彼所困帝釋告言寧當迴還
為阿修羅殺不以軍衆蹈殺衆生於
道御者轉乘南向阿修羅軍遙見帝
釋轉乘而還謂為戰策即還退走衆
大恐怖壞陣流散歸阿修羅宮佛告
諸比丘彼天帝釋於三十三天為自
在王以慈心故威力摧伏阿修羅軍
亦常讚嘆慈心功德汝等比丘正信
非家出家學道當修慈心亦應讚嘆
慈心功德佛說此經已諸比丘聞佛
所說歡喜奉行

如是我聞一時佛住王舍城迦蘭陀
竹園時王舍城中有一士夫貧窮辛
苦而住佛法僧受持禁戒多聞廣學
力行惠施正見成就彼身壞命終得
生天上生三十三天有三事勝於餘三
十三天何等為三一者天壽二者天
色三者天名稱諸三十三天見是天
子三事特勝天壽天色天名稱勝餘
諸天見已往詣天帝釋所作如是言
憍尸迦當知有一天子始生此天於
先諸天三事特勝天壽天色及天名
稱時天帝釋告彼天子諸仁者我見
此人於王舍城作一士夫貧窮辛苦
於如來法律得信向心乃至正見成
就身壞命終來生此天於諸三十三
天三事特勝天壽天色及天名稱時
天帝釋即說偈言

正信於如來 決定不傾動 受持真實戒
聖戒無厭者 於佛心清淨 成就於正見
當知非貪苦 不空而自活 故於佛法僧
當生清淨信 智慧力增明 思念佛正教
佛說此經已諸比丘聞佛所說歡喜
奉行

如是我聞一時佛住王舍城耆闍崛
山中介時王舍城人普設大會悉為
請種種異道有事遮羅迦外道者作
是念我今請遮羅迦道天先作福田
或有事外道出家者有事尼軋子道
者有事老弟子者有事大弟子者有
事佛弟子僧者咸作是念今當令佛
面前僧先作福田時天帝釋作是念
莫令王舍城諸人捨佛面前僧而奉
事餘道求索福田我當疾往為王舍
城人建立福田即化作大婆羅門儀
容嚴整乘白馬車諸年少婆羅門衆
前後導從持金斗繖蓋至王舍城詣
諸處處大衆會中諸王舍城一切士
女咸作是念但當觀望此大婆羅門
所奉事處我當從彼而先供養為良
福田時天帝釋知王舍城一切士女
心之所念駕乘導從還詣耆闍崛山
至於門外除去五飾往詣佛所稽首
佛足退坐一面而說偈言

善分別顯示一切法彼岸悉度諸恐怖
故稽首瞿曇諸人普設會欲求大功德
各各設大施常願有餘果願為說福田

令斯施果成帝釋大自在天王之所問
於耆闍崛山大師為記說諸人普設會
欲求大功德各各設大施常願有餘果
今當說福田施得大果處正向者有四
四聖住於果是名僧福田明行定具足
僧福田增廣無量踰大海調人師弟子
照明顯正法斯等善供養施僧良福田
於僧良福田佛說得大果以僧離五蓋
清淨應讚嘆施彼寂上田少施収大利
是故諸人者當施僧福田增得勝妙法
明行定相應供此珍寶僧施主心歡喜
起於三種心施衣服飲食離塵垢劓刺
超度諸惡趣躬自行啓請自手平等與
自利亦利他是施獲大利慧者如是施
淨信心解脫無罪安樂施乘智往生彼
時天帝釋聞佛所說歡喜隨喜為佛
作禮即沒不現

尔時王舍城諸人民即從座起整衣
服為佛作礼合掌白佛言世尊唯願
世尊與諸大眾受我供養尔時世尊
默然受請是三舍城人民知世尊默
然受其請已作礼而歸到諸人會處
具飲食布置牀座晨朝遣使白佛時

至公原矢時亦時世尊與諸大眾著衣持鉢至大會所於大眾前敷座而坐王舍城人知佛坐定自行種種豐美飲食食訖洗鉢澡漱畢還復本座聽佛說法亦時世尊為王舍城人種種說法示教照喜已從座起而去如是我聞一時佛住王舍城耆闍崛山中廣說如上說老別者時天帝釋說異偈而問佛言

今請問瞿曇微密深妙慧世尊之所體無障碍知見

眾人普設會偈如上廣說乃至為王舍城諸設會者說種種法示教照喜已從座起去

如是我聞一時佛在拘薩羅人間遊行至舍衛國祇樹給孤獨園時波斯匿王聞世尊拘薩羅人間遊行至舍衛國祇樹給孤獨園聞已往詣佛所稽首佛足退坐二面白佛言世尊我聞世尊自記說成阿耨多羅三藐三菩提諸人傳者得非虛妄過長說耶為如說說如法說隨順法說耶非是他人損同法者於其問答生厭薄

處耶佛告大王彼如是說是真諦說
非為虛妄如說說如法說隨順法說
非是他人損同法者於其問答生厭
薄處所以者何大王我今實得阿耨
多羅三藐三菩提故波斯匿王白佛
言雖復世尊作如是說我猶故不信
所以者何此間有諸宿重沙門婆羅
門所謂富蘭那迦葉末迦利瞿舍梨
子刪闍耶毗羅胝子阿耆多枳舍欽
婆羅迦羅拘陀迦拏延尼軋陀若提
子彼等不自說言得阿耨多羅三藐
三菩提何得世尊幼小年少出家未
久而便自證得阿耨多羅三藐三菩
提佛告大王有四種雖小而不可輕
何等為四刹利王子年少幼小而不
可輕龍子年少幼小而不可輕小火
雖微而不可輕比丘幼小而不可輕
尔時世尊即說偈言

刹利形相具貴族發名稱雖復年幼雜
智者所不輕此必居王位願念生怨害
是故難可輕應生大恭敬善求自護者
自護如護命以平等自護而等護於命
聚落及空處見彼幼龍者莫以小地故

主輕傍想 雜色小龍形 亦應令安樂
雖無士女 悉為毒所害 是故自護者
當如護已命 以斯善護已 而等護於彼
猛火之所食 雖小食無限 小燭亦能燒
足薪則弥廣 徙微漸進燒 盡聚落城邑
是故自護者 當如護已命 以斯善護已
而等護於彼 盛火之所焚 百卉蕩燒盡
滅已不盈縮 戒火還復生 若輕毀比丘
受持淨戒火 燒身及子孫 衆災流百世
如燒多羅樹 無有生長期 是故當自護
如自護已命 以斯善自護 而等護於彼
剎利形相具 幻龍及小火 比丘具淨戒
不應起輕想 是故當自護 如自護已命
以斯善自護 而等護於彼

佛說此經已波斯匿王聞佛所說歡
喜隨喜作禮而去

如是我聞一時佛住舍衛國祇樹給
孤獨園時波斯匿王有祖母捨所敬
重忽尔命終出忒聞維供養舍利畢
突表北城未訖佛所稽首佛足退坐
一面令諸世尊告波斯匿王大王從
此以後當大弘教波斯匿王白佛世
尊我今當大弘教重拾我命終出

於城外閭維供養畢來詣世尊。佛告大王。極愛重敬念祖親耶波斯王。王白。佛世尊。極敬重愛。戀世尊。若國王所有象馬七寶。乃至國位。悉持與人。能救祖母命者。悉當與之。既不能救生死。長辭悲戀。憂苦不自堪勝。曾聞世尊所說一切衆生一切重一切神生者皆死。無不窮盡。無有出生而不死者。今日乃知世尊善說。佛言。大王。如是。如是一切衆生一切重一切神生者。輒死終歸窮盡。無有一生而不死者。佛告大王。正使婆羅門大姓刹利大姓長者大姓生者。皆死無不死者。正使刹利大王灌頂居位王四天下。得力自在。在於諸敵國無不降伏終歸有極。無不死者。若復大王生長壽夭。王於天宮自在快樂。終亦歸盡。無不死者。若復大王羅漢比丘諸漏已盡。離諸重擔。所作已作。逮得已利。盡諸有結。正智心善解脫。彼亦歸盡。捨身涅槃。若復緣覺善調善寂。盡此身命。終歸涅槃。諸佛世尊十力具足。四無所畏。勝師子吼。終亦捨身取。

般涅槃以如是比大王當知一切衆生一切虫一切神有生輒死終歸磨滅無不死者尔時世尊復說偈言
一切衆生類有命終歸死各隨業所趣
善惡果自受惡業墮地獄為善上昇天
修習勝妙道漏盡般涅槃如來及緣覺
佛聲聞弟子會當捨身命何況俗凡夫
佛說此經已波斯匿王聞佛所說歡
喜隨喜作札而去

如是我聞一時佛住舍衛國祇樹給
孤獨園時波斯匿王獨一靜處禪思
思惟作是念云何為自念云何為不
自念復作是念若有行身惡行行口
惡行行意惡行者當知斯等為不自
念若復行身善行行口善行行意善
行者當知斯等則為自念從禪覺已
往詣佛所稽首佛足退住一面白佛
言世尊我於靜處獨一思惟作是念
云何為自念云何為不自念復作是
念若有行身惡行行口惡行行意惡
行者當知斯等為不自念若復行身
善行行口善行行意善行者當知斯
等則為自念佛告大王如是大王如

是大王若有行身惡行行口惡行行
意惡行者當知斯等為不自念彼雖
自謂為自愛念而實非自念所以者
何無有惡知識所作惡不念者所不
念不愛者所不愛所作如其自為自
已所作者是故斯等為不自念若復
大王行身善行行口善行行意善行
者當知斯等則為自念斯等自謂不
自愛惜已身然其斯等實為自念所
以者何無有善友於善友所作念者
念作愛者愛作如自為已所作者是
故斯等則為自念今時世尊復說
偈言

謂為自念者不應造惡行終不因惡行
今已得安樂謂為自念者終不造惡行
造諸善業者今已得安樂若自愛念者
善護而自護如善護國王外防邊境城
若自愛念者極善自寶藏如善守之王
內防邊境城如是自寶藏剎那無間缺
剎那缺致憂惡道長受苦

佛說此經已波斯匿王聞佛所說歡
喜隨喜作禮而去

如是我聞一時佛住舍衛國祇樹給

孤獨園。尔時波斯匿王獨靜思惟。作如是念。云何自護。云何不自護。復作是念。若有行身惡行。行口惡行。行意惡行者。當知斯等則為不自護。若復行身善行。行口善行。行意善行者。當知斯等則為自護。從禪覺已。往詣佛所。稽首佛足。退坐一面。白佛言。世尊。我獨靜思惟而作是念。云何為自護。云何為不自護。復作是念。若有行身惡行。行口惡行。行意惡行者。當知斯等為不自護。若復行身善行。行口善行。行意善行者。當知斯等則為自護。佛告大王。如是。大王。如是。大王。若有行身惡行。行口惡行。行意惡行者。當知斯等為不自護。而彼自謂能自防護。象軍馬軍車軍步軍。以自防護。雖謂自護。實非自護。所以者何。雖護於外。不護於內。是故大王。名不自護。大王。若復有行身善行。行口善行。行意善行者。當知斯等則為自護。彼雖不以象馬車步四軍。自防而實自護。所以者何。護其內者。名善自護。非謂防外。尔時世尊復說偈言。

善護於身口及意一切業慙愧而自防
是名善守護

時波斯匿王聞佛所說歡喜隨喜作
禮而去

如是我聞一時佛住舍衛國祇樹給
孤獨園時波斯匿王獨靜思惟作是
念世少有人得勝妙財利能不放逸
能不貪著能於衆生不起惡行世多
有人得勝妙財利起於放逸增其貪
著起諸邪行作是念已往詣佛所稽
首佛足退坐一面白佛言世尊我獨
靜思惟作是念世間少有人得勝妙
財能於財利不起放逸不起貪著不
作邪行世多有人得勝妙財而起放
逸生於貪著多起邪行佛告波斯匿
王如是大王如是大王世少有人得
勝妙財利能不貪著不起放逸不起
邪行世多有人得勝妙財利於財放
逸而起貪著起諸邪行大王當知彼
諸世人得勝財利於財放逸而起貪
著作邪行者愚癡人長夜當得不饒
益苦大王譬如獊師獊師弟子空野
林中張網施網多殺禽獸困苦衆生

惡業增廣如是世人得勝妙財利於財放逸而起貪著造諸邪行亦復如是是愚癡人長夜當得不饒益苦令時世尊復說偈言

貪欲於勝財為貪所迷醉狂亂不自覺猶如捕獮者緣斯放逸故當受大苦報佛說此經已波斯匿王聞佛所說歡喜隨喜作札而去

如是我聞一時佛住舍衛國祇樹給孤獨園時波斯匿王於正殿上自觀察王事見勝利大姓見勝婆羅門大姓見勝長者大姓因貪欲故欺詐妄語即作是念止此斷事息此斷事我更不復親臨斷事我有賢子當令斷事云何自見此勝利大姓婆羅門大姓長者大姓為貪欲故欺詐妄語時波斯匿王作是念已往詣佛所稽首佛足退坐一面白佛言世尊我於殿上自斷王事見諸勝利大姓婆羅門大姓長者大姓為貪利故欺詐妄語世尊我見是事已作是念我從今日止此斷事息此斷事我有賢子當令其斷不親自見此勝利大

姓婆羅門大姓長者大姓緣貪利故
欺詐妄語佛告波斯匿王如是大王
如是大王彼勝利大姓婆羅門大
姓長者大姓因貪利故欺詐妄語彼
愚癡人長夜當得不饒益苦大王當
知譬如漁師漁師弟子於河溪谷截
流張網殘煞衆生令遭大苦如是大
王彼勝利大姓婆羅門大姓長者
大姓因貪利故欺詐妄語長夜當得
不饒益苦尔時世尊復說偈言

於財起貪欲 貪欲所迷醉 狂乱不自覺
猶如漁捕者 緣斯惡業故 當受劇苦報
佛說此經已波斯匿王聞佛所說歡
喜隨喜作礼而去

如是我聞一時佛住舍衛國祇樹給
孤獨園時波斯匿王來詣佛所稽首
佛足退坐一面白佛言世尊此舍衛
國有長者名摩訶男多財巨富藏積
真金至百千億况復餘財世尊摩訶
男長者如是巨富作如是食用食飽
碎米食豆羹食腐敗薑著底布衣單
皮革屨乘羸敗車戴樹葉蓋未嘗
聞其供養施與沙門婆羅門給恤貧

苦行路類之諸乞白者閉門而食莫
令沙門婆羅門貧窮行路諸乞白者
見之佛告波斯匿王此非正士得勝
財利不自受用不知供養父母供給
妻子宗親眷屬恤諸僕使施與知識
不知隨時供給沙門婆羅門種勝福
田崇向勝處長受安樂未來生天得
勝財物不知廣用取其大利大王譬
如曠野湖池聚水無有受用洗浴飲
者即於澤中煎熬消盡如是不善士
夫得勝財物乃至不廣受用取其大
利如彼池水大王有善男子得勝財
利使樂受用供養父母供給妻子宗
親眷屬給恤僕使施諸知識時時供
養沙門婆羅門種勝福田崇向勝處
未來生天得勝錢財能廣受用倍取
大利譬如大王聚落城郭邊有池水
澄淨清涼樹林蔭覆令人受樂多衆
受用乃至禽獸如是善男子得勝妙
財自供快樂供養父母乃至種勝福
田廣取大利尔時世尊復說偈言
曠野湖池水 清涼極鮮淨 無有受用者
即於彼消盡 如是勝妙財 惡士夫所得

不能自受用 亦不供恤彼 徒自苦積聚
聚已而自畏 慧者得勝財 能自樂受用
廣施作功德 及與親眷屬 隨所應給與
如十五領衆 施與及受用 不失所應者
無理而壽終 生天受福樂
佛說此經已波斯匿王聞佛所說歡
喜隨喜作禮而去

如是我聞一時佛住舍衛國祇樹給
孤獨園尔時舍衛國有長者名摩訶
男命終無有兒息波斯匿王以無子
無親屬之財悉入王家波斯匿王日
日按閱財物身蒙塵土來詣佛所稽
首佛足退坐一面尔時世尊告波斯
匿王大王從何所來身蒙塵土似有
疲憊波斯匿王白佛世尊此國長者
摩訶男命終有無子之財悉入王家
瞻視料理致令疲勞塵土在身從其
舍來佛問波斯匿王彼摩訶男長者
大富多財耶波斯匿王白佛大富世
尊錢財甚多百千巨億金錢寶物况
復餘財世尊彼摩訶男在世之時應
衣惡食如上廣說佛告波斯匿王彼
摩訶男過去世時遇多迦羅尸棄辟

支佛施一鉢食非淨信心不恭敬與不自手與施後變悔言此鉢食自可供給我諸僕使無辜持用施於沙門由是施福七及往生三十三天七反生此舍衛國中取勝族姓取富錢財以彼施辟支佛時不淨信心不手自與不恭敬與施後隨悔故在所生處雖得財富猶故受用麤衣麤食麤弊卧具屋舍車乘初不嘗得上妙色聲香味觸以自安身復次大王時彼摩訶男長者教其異母兄取其財物緣斯罪故經百千歲墮地獄中彼餘罪報生舍衛國七反受身常以無子財沒入王家大王摩訶男長者今此壽終過去施報盡於此身以彼慳貪於財放逸因造過惡於此命終已墮地獄受極苦惱波斯匿王白佛言世尊摩訶男長者命終已入地獄受苦痛耶佛言如是大王已入地獄時波斯匿王念彼悲泣以衣拭淚而說偈言財物真金寶象馬莊嚴具奴僕諸僮使及諸田宅等一切皆遺棄裸神獨遊往福運數已窮永捨於人身彼今何所有

何所持而去 於何事不捨 如影之隨形
今時世尊說偈答言

唯有罪福業 若人已作者 是則已之有
彼則常持去 生死未曾捨 如影之隨形
如人少資糧 涉遠遭苦難 不修功德者
必經惡道苦 如人豐資糧 安樂以遠遊
修德淳厚者 善趣長受樂 如人遠遊行
歲久安隱歸 宗親善知識 歡樂欣集會
善修功德者 此沒生他世 彼諸親眷屬
見則心歡喜 是故當修福 積集期永久
福德能為人 建立他世樂 福德天所歎
等修正行故 現世人不毀 終則生天上

佛說此經已波斯匿王聞佛所說歡
喜隨喜作禮而去

如是我聞一時佛住舍衛國祇樹給
孤獨園尔時波斯匿王普設大會為
大會故以千特牛行列繫住集眾供
具遠集一切諸異外道志來聚集波
斯匿王大會之處時有眾多比丘亦
晨朝著衣持鉢入舍衛城乞食聞波
斯匿王普設大會如上廣說乃至種
種外道皆悉來集聞已乞食畢還精
舍舉衣鉢洗足已往詣佛所稽首佛

足退坐一面白佛言世尊我等今日
衆多比丘晨朝著衣持鉢入舍衛城
乞食聞波斯匿王普設大會如上廣
說乃至種種異道集於會所尔時世
尊即說偈言

月月設大會 乃至百千數 不如正信佛
十六分之一 如是信法僧 慈念於衆生
彼大會之福 十六不及一 若人於世間
億年設福業 於直心敬礼 四分不及一
佛說此經已 諸比丘聞佛所說歡喜
奉行

如是我聞一時佛住舍衛國祇樹給
孤獨園時波斯匿王念諸國人多所
囚執若刹利若婆羅門若靑舍若首
陀羅若旃陀羅持戒犯戒在家出家
悉皆被錄或鐐或杻械或以纆縛時有
衆多比丘晨朝著衣持鉢入舍衛城
乞食聞波斯匿王多所攝錄乃至或
鐐或縛乞食畢還精舍舉衣鉢洗足
已往詣佛所稽首佛足退坐一面白
佛言世尊我等今日衆多比丘入城
乞食聞波斯匿王多所收錄乃至鐐
縛尔時世尊即說偈言

非繩鐐捆械 名曰堅固縛 深污心願念
錢財寶妻子 是縛長且固 雖緩難可脫
慧者不願念 世間五欲樂 是則斷諸縛
安隱永超世

佛說此經已 諸比丘聞佛所說歡喜
奉行

如是我聞一時佛住舍衛國祇樹給
孤獨園時波斯匿王摩竭提國阿闍
世王韋提希子共相違背摩竭提王
阿闍世王韋提希子起四種軍象軍馬
軍車軍步軍來至拘薩羅國波斯匿
王聞阿闍世王韋提希子四種軍至
亦集四種軍象軍馬軍車軍步軍出
共鬪戰阿闍世王四軍得勝波斯匿
王四軍不如退敗星散單車馳走還
舍衛城時有衆多比丘晨朝著衣持
鉢入舍衛城乞食聞摩竭提王阿闍
世王韋提希子起四種軍來至拘薩羅
國波斯匿王起四種軍出共鬪戰波
斯匿王四軍不如退敗星散波斯匿
王恐怖狼狽單車馳走還舍衛城聞
已乞食畢還精舍舉衣鉢洗足已往
詣佛所稽首佛足退坐一面白佛言

世尊我等今日衆多比丘入城乞食
聞摩竭提主阿闍世王率提希子起
四種軍如是廣說乃至單車馳走
還舍衛城介時世尊即說偈言

戰勝增怨故敗苦卧不安勝敗二俱捨
卧覺寂靜樂

佛說此經已諸比丘聞佛所說歡喜
奉行

如是我聞一時佛住舍衛國祇樹給
孤獨園時波斯匿王與摩竭提王阿
闍世王率提希子共相違背摩竭提王
阿闍世王率提希子起四種軍來至拘
薩羅國波斯匿王倍與四軍出共鬪
戰波斯匿王四種軍勝阿闍世王四
種軍退摧伏星散波斯匿王悉皆虜
掠阿闍世王象馬車乘錢財寶物生
禽阿闍世王身載以同車俱詣佛所
稽首佛足退坐一面波斯匿王白佛
言世尊此是阿闍世王率提希子長
夜於我無怨恨人而生怨結於好人
所而作不好然其是我善友之子當
放令還國佛告波斯匿王善哉大王
放其令去令汝長夜安樂饒益介時

世尊即說偈言

乃至力自在 能廣虜掠彼 助怨在力增
倍歟已他利

佛說此經已波斯匿王及阿闍世王
韋提希子聞佛所說歡喜隨喜作禮
而去

如是我聞一時佛住舍衛國祇樹
林獨園時波斯匿王獨靜思惟作是
念世尊正法現法離諸熾然不待時
節通達現見自覺證知此法是善知
識善伴黨非是惡知識惡伴黨作是
念已往詣佛所稽首佛足退坐一面
白佛言世尊我獨靜思惟作是念世
尊正法現法離諸熾然不待時節通
達現見自覺證知是則善知識善伴
黨非惡知識惡伴黨佛告波斯匿王
如是大王如是大王世尊正法律現
法離諸熾然不待時節通達現見緣
自覺知是則善知識善伴黨非惡知
識惡伴黨所以者何我為善知識衆
生有生法者解脫於生衆生有老病
死憂悲惱苦者悉令解脫大王我於
一時住王舍城山谷精舍時阿難陀

比立獨靜思惟作是念半梵行者是
善知識善伴黨非惡知識惡伴黨作
是念已來詣我所稽首我足退坐一
面白我言世尊我獨靜思惟作是念
半梵行者是善知識善伴黨非惡知
識惡伴黨我時告言阿難莫作是語
半梵行者是善知識善伴黨非惡知
清白謂善知識善伴黨非惡知識惡
伴黨所以者何我常為諸衆生作善
知識其諸衆生有生故當知世尊正
法現法令脫於生有老病死憂悲惱
苦者離諸熾然不待時節現今脫惱
苦見通達自覺證知是則善知識善
伴黨非惡知識惡伴黨今時世尊即
說偈言

讚歎不放逸 是則佛正教修禪不放逸
還得證諸漏

佛說此經已波斯匿王聞佛所說歡
喜隨喜作禮而去

如是我聞一時佛住舍衛國祇樹給
孤獨園時波斯匿王獨靜思惟作是
念頗有一法修習多修習得現法願

滿足後世願滿足現法後世願滿足
不作是念已往詣佛所稽首佛足退
坐一面白佛言世尊我獨靜思惟作
是念頗有一法修習多修習得現法
願滿足得後世願滿足現法後世願
滿足不佛告波斯匿王如是大王如
是大王有一法修習多修習得現法
願滿足得後世願滿足得現法後世
願滿足謂不放逸善法不放逸善法
修習多修習得現法願滿足得後世
願滿足得現法後世願滿足大王譬
如世間所作產業彼一切皆依於地
而得建立不放逸善法亦復如是修
習多修習得現法願滿足得後世願
滿足得現法後法願滿足如力如是
種子根堅陸水足行師子舍宅亦
如是說是故大王當住不放逸當依
不放逸住不放逸依不放逸已夫人
當作是念大王住不放逸依不放逸
我今亦當如是住不放逸依不放逸
如是夫人如是大王太子猛將亦如
是國土人民應當念大王住不放逸
依不放逸夫人太子大臣猛將住不

放逸依不放逸我等亦應如是住不放逸依不放逸大王若住不放逸依不放逸者則能自護夫人嫁女亦能自保倉藏財寶增長豐實余時世尊即說偈言

稱譽不放逸毀譽放逸者帝釋不放逸能主忉利天稱譽不放逸毀譽放逸者不放逸具足攝持於二義一者現法利二後世亦然是名無間等其深智慧者佛說此經已波斯匿王聞佛所說歡喜隨喜作禮而去

如是我聞一時佛住舍衛國祇樹給孤獨園時波斯匿王獨靜思惟作是念此有三法一切世間所不愛念何等為三謂老病死如是三法一切世間所不愛念若無此三法世間所不愛者諸佛世尊不出於世世間亦不知有諸佛如來所覺知法為人廣說以有此三法世間所不愛念謂老病死故諸佛如來出興於世世間知有諸佛如來所覺知法廣宣說者波斯匿王作是念已來詣佛所稽首佛足退坐一面以其所念廣白世尊佛告

波斯匿王如是大王如是大王此有三法世間所不愛念謂老病死乃至世間知有如來所覺知法為人廣說今時世尊復說偈言

王所乘寶車終歸有朽壞此身亦復然遷移會歸老唯如來正法無有衰老相棄斯正法者永到安隱處但凡鄙衰老醜弊惡形類衰老來踐踏迷魅愚夫心若人壽百歲常慮死隨至老病覺追逐伺便輒加害

佛說此經已波斯匿王聞佛所說歡喜隨喜作札而去

雜阿含經卷第四十六

癸卯歲高麗國大藏都監奉
勅雕造

雜阿含經卷第四十七

流

宋天竺三藏求那跋陀羅 譯

如是我聞一時佛住舍衛國祇樹給
孤獨園時給孤獨長者來詣佛所稽
首佛足退坐一面向佛言世尊若有
人在我舍者皆得淨信諸在我舍而
命終者皆得生天佛言善哉善哉長
者是深妙說是一向受於大眾中作
師子吼言在我舍者皆得淨信及其
命終皆生天上有何大德神力比丘
為汝說言凡在汝舍命終者皆生天
上耶長者白佛不也世尊復問云何
為比丘尼為諸天為從我所面前聞
說長者白佛不也世尊云何長者汝
緣自知見知在我舍命終者皆生天
上耶長者白佛不也世尊佛告長者
汝既不從大德神力比丘所聞非比
丘尼非諸天又不從我面前聞說復
不緣自見知若有諸人於我舍命終
者皆生天上汝今何由能作如是甚
深妙說作一向受於大眾中作師子
吼而作是言有人於我舍命終者皆

生天上長者白佛無有比丘大德神力而來告我如上廣說乃至悉皆生天世尊然我有衆生主懷妊之時我即教彼為其子改歸佛歸法歸比丘僧及其生已復教三歸及生知見復教持戒設復婢使下賤客人懷妊及生亦如是教若人賣奴婢者我輒往彼語言賢者我欲買人汝當歸佛歸法歸比丘僧受持禁戒隨我教者輒授五戒然後隨價而買不隨我教則所不取若復止客若傭作人亦復先要受三歸五戒然後受之若復有來求為弟子若復乞貸舉息我志要以三歸五戒然後受之又復我舍供養佛及比丘僧時稱父母名兄弟妻子宗親知識國王大臣諸天龍神若存若亡沙門婆羅門內外眷屬下至僕使皆稱其名而為呪願又從世尊聞稱名呪願因緣皆得生天或因園田布施或因房舍或因床卧具或因常施或施行路下至一搏施與衆生此諸因緣皆生天上佛言善哉善哉長者汝以信心故能作是說如來於彼有

無上知見審知汝舍有人命終皆悉
生天尔時給孤獨長者聞佛所說歡
喜隨喜作礼而去

如是我聞一時佛住舍衛國祇樹給
孤獨園尔時世尊告諸比丘當恭敬
住常當繫心常當畏慎隨他自在諸
修梵行上中下座所以者何若有比
丘不恭敬住不繫心不畏慎不隨他
自在諸修梵行上中下座而欲令威
儀足者無有是處不脩威儀欲令學
法滿者無有是處學法不滿欲令戒
身定身慧身解脫身解脫知見身具
足者無有是處解脫知見不滿足欲
令得無餘涅槃者无有是處如是以
丘當勤恭敬繫心畏慎隨他德力諸
修梵行上中下座而威儀具足者斯
有是處威儀具足已而學法具足者
斯有是處學法脩足已而戒身定身
慧身解脫身解脫知見身具足者斯
有是處解脫知見身具足已得無餘
涅槃者斯有是處是故比丘當勤恭
敬繫心畏慎隨他德力諸修梵行上
中下座威儀滿足乃至無餘涅槃當

如是學佛說此經已諸比丘聞佛所說歡喜奉行

如是我聞一時佛住舍衛國祇樹給孤獨園尔時世尊告諸比丘有二淨法能護世間何等為二所謂慙愧假使世間無此二淨法者世間亦不知有父母兄弟姊妹妻子宗親師長尊卑之序顛倒渾乱如畜生趣以有二種淨法所謂慙愧是故世間知有父母乃至師長尊卑之序則不渾乱如畜生趣尔時世尊即說偈言

世間若無有慙愧二法者 違越清淨道
向生老病死 世間若成就 慙愧二法者
增長清淨道 永閉生死門

佛說此經已諸比丘聞佛所說歡喜奉行

如是我聞一時佛住舍衛國祇樹給孤獨園尔時世尊告諸比丘有燒燃法不燒燃法諦聽善思當為汝說云何燒燃法若男若女犯戒行惡不善法身惡行成就口意惡行成就若彼後時疾病困苦沉頓牀褥受諸苦毒當於尔時先所行惡惡皆憶念辟如

大山日西影覆如是衆生先所行惡
身口意業諸不善法臨終悉現心乃
追悔咄哉咄我先不修善但行衆惡
當墮惡趣受諸苦毒憶念是已心生
燒燃心生變悔心生悔已不得善心
命終後世亦不善心相續生是名燒
燃法云何不燒燃若男子女人受持
淨戒修真實法身善業成就口意善
業成就臨壽終時身遭苦患沉頑牀
褥衆苦觸身彼心憶念先修善法身
善行口意善行成就當於尔時攀緣
善法我作如是身口意善不爲衆惡
當生善趣不墮惡趣心不變悔不變
悔故善心命終後世續善是名不燒
燃法尔時世尊即說偈言

已種燒燃業 倭於非法活 棄斯惡業行
必生地獄中 等活及黑繩 衆合二叫呼
燒燃極燒燃 無澤大地獄 是八大地獄
極苦難可過 惡業種種故 各別十六處
四周開四門 中間量悉等 鐵爲四周板
四門扇亦鐵 鐵地盛火燃 其焰普周遍
縱廣百由旬 焰焰無間息 調伏非諸行
考治強梁者 長夜加焚毒 其苦難可見

見者生恐怖悚慄身毛豎墮彼地獄時
足上頭向下止聖柔和心修行梵行者
於此賢聖所輕心起非義及煞害眾生
墮斯熱地獄宛轉於火中猶如火炙魚
苦痛號叫呼如群戰象聲大火自然生
斯由自業故

佛說此經已諸比丘聞佛所說歡喜
奉行

如是我聞一時佛住舍衛國祇樹給
孤獨園今時世尊告諸比丘捨身惡
行者能得身惡行斷不得身惡行斷
者我不說彼捨身惡行以彼能得身
惡行斷故是故我說彼捨身惡行身
惡行者不以義饒益安樂衆生離身惡
行以義饒益得安樂故是故我說捨
身惡行口意惡行亦如是說佛說此
經已諸比丘聞佛所說歡喜奉行
如是我聞一時佛住王舍城金師住
處今時世尊告諸比丘如鑄金者積
聚沙土置於槽中然後以水灌之魚
上煩惱剛石堅塊隨水而去猶有塵
沙纏結復以水灌塵沙隨水流出然
後生金猶為細沙黑土之所纏結復

以水灌細沙黑土隨水流出然後真金純淨無雜猶有似金微垢然後金師置於爐中增火鼓鑪令其融液垢穢悉除然其生金猶故不輕不軟光明不發屈伸則斷彼鍊金師鍊金弟子復置爐中增火鼓鑪轉側陶鍊然後生金輕軟光澤屈伸不斷隨意所作釵鐺鐸釧諸莊嚴具如是淨心進向比丘塵煩惱纏惡不善業諸惡邪見漸漸令滅如彼生金淘去剛石堅塊復次淨心進向比丘除次塵垢欲覺恚覺害覺如彼生金除塵沙礫復次淨心進向比丘次除細垢謂親里覺人衆覺生天覺思惟除滅如彼生金除去塵垢細沙黑土復次淨心進向比丘有善法覺思惟除滅令心清淨猶如生金除去金色相似之垢令其純淨復次比丘於諸三昧有行所持猶如池水周匝岸持為法所持不得寂靜勝妙不得息樂盡諸有漏如彼金師金師弟子陶鍊生金除諸垢穢不輕不軟不發光澤屈伸斷絕不得隨意成莊嚴具復次比丘得諸三昧不

為有行所持得寂靜勝妙得息樂道
一心一意盡諸有漏如鍊金師鍊金
師弟子陶鍊生金令其輕軟不斷光
澤屈伸隨意復次比丘離諸覺觀乃
至得第二第三第四禪如是正受純
一清淨離諸煩惱柔爽真實不動於
彼彼入處欲求作證悉能得證如彼
金師陶鍊生金極令輕軟光澤不斷
任作何器隨意所欲如是比丘三昧
正受乃至於諸入處悉能得證佛說
此經已時諸比丘聞佛所說歡喜
奉行

如是我聞一時佛住王舍城迦蘭陀
竹園今時世尊告諸比丘應當專心
方便隨時思惟三相云何為三隨時
思惟止相隨時思惟舉相隨時思惟
捨相若比丘一向思惟止相則於是
處其心下劣若復一向思惟舉相則
於是處掉亂心起若復一向思惟捨
相則於是處不得正定盡諸有漏以
彼比丘隨時思惟止相隨時思惟舉
相隨時思惟捨相故心則正定盡諸
有漏如巧金師金師弟子以生金著

於爐中增火隨時扇韃隨時水灑隨時俱捨若一向鼓韃者即於是處生金焦盡一向水灑則於是處生金堅強若一向俱捨則於是處生金不熟則無所用是故巧金師金師弟子於彼生金隨時鼓韃隨時水灑隨時兩捨如是生金得等調適隨事所用如是比丘專心方便時時思惟憶念三相乃至漏盡佛說是經已諸比丘聞佛所說歡喜奉行

如是我聞一時佛住王舍城迦蘭陀竹園尔時世尊告諸比丘過去世時摩竭提國有牧牛者愚癡無慧夏末秋初不善觀察恒水此岸亦不善觀恒水彼岸而駈群牛峻岸而下峻岸而上中間洄洑多起患難諸比丘過去世時摩竭提國有牧牛人不愚不癡者有方便慧夏末秋初能善觀察恒水此岸亦善觀察恒水彼岸善度其牛至平博山谷好水草處彼初度時先度大牛能領群者斷其急流次駈第二多力少牛隨後而度然後第三駈羸小者隨逐下流悉皆次第安

隱得度新生犢子愛戀其母亦隨其
後得度彼岸如是比丘我說斯譬當
知其義彼摩竭提牧牛者愚癡無慧
彼諸六師富蘭那等亦復如是習諸
邪見向於邪道如彼牧牛人愚癡無
慧夏末秋初不善觀察此岸彼岸高
峻山嶮從峻岸下峻岸而上中間
洄洑多生患難如是六師富蘭那等
愚癡無慧不觀此岸謂於此世不觀
彼岸謂於他世中間洄洑謂境諸魔
自遭苦難彼諸見者習其所學亦遭
患難彼摩竭提善牧牛者不愚不癡
有方便慧謂如來應等正覺如牧牛
者善觀此岸善觀彼岸善度其牛於
平博山谷先度大牛能領群者攢截
急流安度彼岸如是我聲聞能盡諸
漏乃至自知不受後有攢截惡魔世
間貪流安隱得度生死彼岸如摩竭
提國善牧牛者次度第二多力少牛
截流橫度如是我諸聲聞斷五下分
結得阿那含於彼受生不還此世亦
復斷截惡魔貪流安隱得度生死彼
岸如摩竭提國善牧牛者駢其第三

羸小少牛隨其下流安隱得度如是
我聲聞斷三結貪患癡薄得斯陀舍
一來此世究竟苦邊橫截於彼惡魔
貪流安隱得度生死彼岸如摩竭提
國善牧牛者新生犢子愛戀其母亦
隨得度如是我聲聞斷三結得須陀
洹不墮惡趣決定正向三菩提七有
天人往生究竟苦邊斷截惡魔貪流
安隱得度生死彼岸今時世尊即說
偈言

此世及他世 明智善顯現 諸魔得未得
乃至於死魔 一切悉知者 三獲三佛智
斷截諸魔流 破壞令消亡 開示甘露門
顯現正真道 心常多欣悅 逮得安隱處
佛說此經已 諸比丘聞佛所說歡喜
奉行

如是我聞一時佛住舍衛國祇樹給
孤獨園今時世尊告諸比丘若牧牛
人成就十一法者不能令牛增長亦
不能擁護大群牛今等安樂何等為十
一謂不知色不知相不去虫不能覆
護其瘡不能起烟不知擇路不知擇
處不知度處不知食處盡殺其乳不

善料理能領群者是名十一法成就
不能黨護大群牛如是比丘成就十
一法者不能自安亦不安他何等為十
一謂不知色不知相不能除其害虫
不覆其瘡不能起烟不知正路不知
止處不知度處不知食處盡殺其乳
若有上座多聞耆舊久修梵行大師
所歎不向諸明智修梵行者稱譽其德
悉令宗教奉事供養云何名不知色
諸所有色彼一切四大及四大造是
名為色不如實知云何不知相事業
是過相事業是慧相是不如實知是
名不知相云何名不知去虫所起欲
覺能安不離不覺不滅所起瞋恚害
覺能安不離不覺不滅是名不去虫
云何不覆瘡謂眼見色隨取形相不
守眼根世間貪憂惡不善法心隨生
漏不能防護耳鼻舌身立息根亦復如
是是名不覆其瘡云何不起烟如所
聞如所受法不能為人分別顯示是
名不起烟云何不知正道八正道及
聖法律是名為道彼不如實知是名
不知道云何不知止處謂於如來所

知法不得歡喜悅樂勝妙出離饒益
是名不知止處云何不知度處謂彼
不知修多羅毗尼阿毗曇不隨時往
到其所諮問請受云何為善云何不
善云何有罪云何無罪作何等法為
勝非惡於隱密法不能開發於顯露
法不能廣問於甚深句義自所知者
不能廣宣顯示是名不知度處云何
不知放牧處謂四念處及賢聖法律
是名放牧處於此不如實知是名不
知放牧處云何為盡殺其乳彼剎利
婆羅門長者自在施與衣被飲食牀
卧醫藥資生眾具彼比丘受者不
知限量是名盡殺其乳云何為上座
大德多聞耆舊乃至下向諸勝智梵
行者所稱其功德令其宗重承事供
養令得悅樂謂比丘不稱彼上座乃至
令諸智慧梵行者往詣其所以隨順
身口意業承望奉事是名不於上座
多聞耆舊乃至令智慧梵行往詣其
所承望奉事令得悅樂彼牧牛者成
就十一法堪能令彼群牛增長擁護
群牛令其悅樂何等為十一謂知色

知相如上清淨分說乃至能領群者
隨時料理令得安樂是名牧牛者十
一事成就能令群牛增長擁護令得
安樂如是比丘成就十一法者能自
安樂亦能安他何等十一謂知色知
相乃至十一如清淨分廣說是名比丘
十一事成就自安安他佛說此經已
諸比丘聞佛所說歡喜奉行

如是我聞一時佛在拘薩羅人間遊行
至一奢能伽羅聚落住一奢能伽羅
林中時有尊者那提迦舊住一奢能
伽羅聚落一奢能伽羅聚落沙門婆
羅門閭沙門瞿曇拘薩羅國人間遊
行至一奢能伽羅聚落住一奢能伽
羅林中聞已各辦一金食著門邊作
是念我先供養世尊我先供養善逝
各各高聲大聲作如是唱尔時世尊
聽聞林內有多人衆高聲大聲語尊
者那提伽何因何緣園林內有衆多
人高聲大聲唱說之聲尊者那提
伽白佛言世尊此一奢能伽羅聚落
諸刹利婆羅門長者閭世尊住此林
中各作一金食置園林內各自唱言

我先供養世尊我先供養善逝以是
故於此林中多人高聲大聲唱說之
聲唯願世尊當受彼食佛告那提伽
莫以利我我不求利莫以稱我我不
求稱那提伽若於如來如是便得出要
遠離寂滅等正覺樂者則於彼彼所起
利樂若味若求那提伽唯我於此像
類得出要遠離寂滅等正覺樂不求
而得不苦而得於何彼彼所起利樂
若味若求那提伽汝等於如是像類
色不得出要遠離寂滅等正覺樂故
不得不求之樂不苦之樂那提伽天
亦不得如是像類出要遠離寂滅等
正覺樂不求之樂不苦之樂唯有我
得如是像類出要遠離寂滅等正覺
樂不求之樂不苦之樂於何彼彼所
起利樂若味若求那提伽白佛言世
尊我今欲說譬佛告那提伽宜知是
時那提伽白佛言世尊譬如天雨水
流順下隨其波彼世尊住處於彼彼
處剎利婆羅門長者信敬奉事以世
尊戒德清淨正見真直是故我今作
如是說唯願世尊哀受彼請佛告那

提伽莫以利我我不求利乃至云何
於彼彼所起利樂有味有求那提迦
我見比丘食好食已仰腹而卧急喘
長息我見已作是思惟如此長老不
得出要遠離寂滅等正覺樂不求之
樂不苦之樂復次那提迦我見此有
二比丘食好食已飽腹喘息偃闡而
行我作是念非彼長老能得出要遠
離寂滅等正覺之樂不求之樂不苦
之樂那提迦我見衆多比丘食好食
已從園至園從房至房從人至人從
群聚至群聚我見是已而作是念非
彼長老如是能得出要遠離寂滅等
正覺樂不求之樂不苦之樂我得如
是像類出要遠離寂滅等正覺樂不
求之樂不苦之樂復次那提迦我於
一時隨道行見有比丘於前遠去復
有比丘於後來亦遠我於余時閑靜
無為亦無有便利之勞所以者何依
於食飲樂著滋味故有便利此則為
依觀五受陰生滅而默離住此則為
依於六觸入處觀察集滅散離而住
此則為依於群聚之樂勤習群聚默

於遠離是則為依樂修遠離則勤於
遠離狀離群聚是則為依是故那提
迦當如是學於五受陰觀察生滅於
六觸入處觀察集滅樂於遠離精勤
遠離當如是學佛說此經已尊者那
提迦聞佛所說歡喜隨喜作禮而去
如是我聞一時佛在拘薩羅人間遊
行至那楞伽羅聚落如上廣說乃至
彼彼所起求利佛告那提迦我見聚
落邊有精舍有比丘坐禪我見已作
如是念今此尊者聚落人此或沙彌
來往聲響作亂障其禪思覺其正受
於不到欲到不獲欲獲不證欲證而
作留難那提迦我不喜彼比丘住聚
落精舍那提迦我見比丘住空閑處
仰卧吁咄我見是已而作是念今彼
比丘覺寤睡眠思空閑想那提迦我
亦不喜如是比丘住空閑處那提迦
我復見比丘住空閑處搖身坐睡見已
作是念今此比丘於睡覺寤不定得定
定心者得解脫是故那提迦我不喜如
是比丘住空閑處那提迦我復見比

丘住空閑處端坐正受我見已作是
念令此比丘不解脫者疾得解脫已
解脫者令自防護使不退失那提迦
我喜如是比丘住空閑處那提迦我
復見比丘住空閑處彼於後時遠離
空處集捨牀卧具還入聚落受牀卧
具那提迦我亦不喜如是比丘還入
聚落復次那提迦我見比丘住聚落
精舍名聞大德能感財利衣被飲食
湯藥眾具彼於後時集捨利養聚落
牀座至於空閑牀卧安止那提迦我
喜如是比丘集捨利養聚落牀卧住
於空閑那提迦比丘當如是學佛說
此經已那提迦比丘歡喜隨喜作禮
而去

如是我聞一時佛住鞞舍離國狝猴
池側重閣講堂尔時世尊告諸比丘
諸離車子常枕木枕手足龜坼疑畏
莫令摩竭陀王阿闍世毗提希子得
其間便是故常自儆策不放逸住以
彼不放逸住故摩竭陀王阿闍世毗
提希子不能伺求得其間便於未來
世不久諸離車子恣樂無事手足柔

軟繒續為枕四體安卧日出不起放
逸而住以放逸住故摩竭陀王阿闍
世毗提希子得其間便如是比丘精
勤方便堅固堪能不捨善法肌膚損
瘦筋連骨立精勤方便不捨善法乃
至未得所應得者不捨精進常攝其
心不放逸住以不放逸住故魔王波
旬不得其便當來之世有諸比丘恣
樂無事手足柔軟繒續為枕四體安
卧日出不起放逸而住以放逸住故
惡魔波旬伺得其便是故比丘當如
是學精勤方便乃至不得未得不捨
方便佛說此經已諸比丘聞佛所說
歡喜奉行

如是我聞一時佛住舍衛國祇樹給
孤獨園尔時世尊告諸比丘譬如土
夫晨朝以三百釜食惠施衆生日中
日暮亦復如是第二土夫時節須臾
於一切衆生修習慈心乃至如殺牛
乳頃比先士夫惠施功德所不能及
百分千分巨億方分竿數譬類不得
為比是故比丘當作是學時節須臾
於一切衆生修習慈心下至如殺牛

乳頂佛說此經已諸比丘聞佛所說
歡喜奉行

如是我聞一時佛住舍衛國祇樹給
孤獨園尔時世尊告諸比丘譬如人
家多女人少男子當知是家易為盜
賊之所劫奪如是善男子善女人不
能數數下至如殺牛乳頂於一切衆生
修習慈心當知是人易為諸惡鬼神
所欺譬如人家多男子少女人不為
盜賊數數劫奪如是善男子數數下
至如殺牛乳頂於一切衆生修習慈
心不為諸惡鬼神所欺是故諸比丘
常當隨時數數下至如殺牛乳頂修
習慈心佛說此經已諸比丘聞佛所
說歡喜奉行

如是我聞一時佛住舍衛國祇樹給
孤獨園尔時世尊告諸比丘譬如有
人有七手劍其刃廣利有健士夫言
我能以手以拳推打汝劍令其摧碎
諸比丘彼健士夫當能以手以拳推
打彼劍令摧碎不比丘自佛不能世
尊彼七手劍其刃廣利非彼士夫能
以手以拳推打碎折正足自困如是

比丘若沙門婆羅門下至如轂牛乳
須於一切衆生修習慈心若有諸惡
鬼神欲往伺求其短不能得其間便
正可反自傷耳是故諸比丘當如是
學數數下至如轂牛乳須修習慈心
佛說此經已諸比丘聞佛所說歡喜
奉行

如是我聞一時佛住舍衛國祇樹給
孤獨園今時世尊以爪抄上告諸比
丘於意云何我爪上土多為大地土
多比丘白佛世尊爪上土甚少耳
其大地土無量無數不可為比佛告
諸比丘如是衆生能數數下至彈指
頃於一切衆生修習慈心者如甲上土
耳其諸衆生不能數數下至如彈指
頃於一切衆生修習慈心者如大地
土是故諸比丘當數數於一切衆
生修習慈心佛說此經已諸比丘聞
佛所說歡喜奉行
如是我聞一時佛住鞞舍離國祇
池側重閣講堂今時世尊告諸比丘
一切行無常不恒不安是變易法諸
比丘常當觀察一切諸行修習厭離

不樂解脫時有異比丘從座起整衣
服為佛作礼右膝著地合掌白佛壽
命遷滅遲速如何佛告比丘我則能
說但汝欲知者難比丘白佛可說譬
不佛言可說佛告比丘有四士夫手
執强弓一時放發俱射四方有一士夫
及箭未落接取四箭云何比丘如是
士夫為擣疾不比丘白佛擣疾世尊
佛告比丘此接箭士夫雖復擣疾有
地神天子倍疾於彼虛空神天倍疾
地神四王天子來去倍疾於虛空神
天日月天子復倍擣疾於四王天導
日月神復倍擣疾於日月天子諸比
丘命行遷變倍疾於彼導日月神是
故諸比丘當勤方便觀察命行無常
迅速如是佛說此經已諸比丘聞佛
所說歡喜奉行

如是我聞一時佛住波羅捺國仙人
住處鹿野苑中今時世尊告諸比丘
過去世時有一人名陀舍羅訶彼陀
舍羅訶有鼓名阿能訶好聲美聲深
聲徹四十里彼鼓既久處處裂壞今
時鼓士裁剖牛皮周匝纏縛雖復經

縛鼓猶無復高聲美聲深聲彼於
後時轉復朽壞皮大剝落唯有聚木
如是比丘修身修戒修心修慧以彼
修身修戒修心修慧故於如來所說
修多羅甚深明照難見難覺不可思
量微密決定明智所知彼則頻受周
備受聞其所說歡喜崇習出離饒益
當來比丘不修身不修戒不修心不
修慧聞如來所說修多羅甚深明照
空相應隨順緣起法彼不頻受持不
至到受聞彼說者不歡喜崇習而於
世間衆雜異論文辭綺錯世俗雜句
專心頂受聞彼說者歡喜崇習不得
出離饒益於彼如來所說甚深明照
空相要法隨順緣起者於此則滅猶
如彼鼓朽故壞裂唯有聚木是故諸
比丘當勤方便修身修戒修心修慧
於如來所說甚深明照空相要法隨
順緣起頻受遍受聞彼說者歡喜崇
習出離饒益佛說此經已諸比丘聞
佛所說歡喜奉行

如是我聞一時佛住舍衛國祇樹給
孤獨園今時世尊告諸比丘譬如鐵

丸投著火中與火同色盛著劫具綿
中云何比丘當速燃不比丘白佛如
是世尊佛告比丘愚癡之人依聚落
住晨朝著衣持鉢入村乞食不善護
身不守根門心不繫念若見年少女
人不正思惟取其色相起貪欲心欲
燒其心欲燒其身身心燒已捨戒退
減是愚癡人長夜當得非義饒益是
故比丘當如是學善護其身守護根
門繫念入村乞食當如是學佛說此
經已諸比丘聞佛所說歡喜奉行
如是我聞一時佛住舍衛國祇樹給
孤獨園尔時世尊告諸比丘過去世
時有一猫狸飢渴羸瘦於孔穴中伺
求鼠子若鼠子出當取食之有時鼠
子出穴遊戲時彼猫狸疾取吞之鼠
子身小生入腹中入腹中已食其內
截食內藏時猫狸迷悶東西狂走空
宅塚間不知何止遂至於死如是比
丘有愚癡人依聚落住晨朝著衣持
鉢入村乞食不善護身不守根門心
不繫念見諸女人起不正思惟而取
色相發貪欲心貪欲發已欲火熾燃

燒其身心燒身心已馳心狂逸不樂
精舍不樂空閑不樂樹下為惡不善
心侵食內法捨戒退減此愚癡人長
夜常得不饒益苦是故比丘當如是
學善護其身守諸根門繫心正念入
村乞食當如是學佛說此經已諸比
丘聞佛所說歡喜奉行

如是我聞一時佛住舍衛國祇樹給
孤獨園今時世尊告諸比丘譬如木
杵常用不止日夜消滅如是比丘若
沙門婆羅門從今以來不閉根門食
不知量初夜後夜不勤覺悟修習善
法當知是輩終日損減不增善法如
彼木杵諸比丘譬如優鉢羅鉢曇摩
拘牟頭分陀利生於水中長於水中
隨水增長如是沙門婆羅門善閉根
門飲食知量初夜後夜精勤覺悟當
知是等善根功德日夜增長終不退
減當如是學善閉根門飲食知量初
夜後夜精勤覺悟功德善法日夜增
長當如是學佛說此經已諸比丘聞
佛所說歡喜奉行

如是我聞一時佛住王舍城迦蘭陀

竹園。尔時世尊於後夜時聞野狐鳴。尔時世尊夜過天明於大眾前敷座而坐告諸比丘汝等後夜時聞野狐鳴不諸比丘白佛如是世尊佛告諸比丘有一愚癡人作如是念令我受身得如是形類作如是聲此愚癡人欲求如是像類處所受生何足不得是故比丘汝等但當精勤方便求斷諸有莫作方便增長諸有當如是學佛說此經已諸比丘聞佛所說歡喜奉行。

如是我問一時佛住王舍城迦蘭陀竹園。尔時世尊告諸比丘我不讚歎受少有身況復多受所以者何受有者苦譬如真漆少亦臭穢何況於多如是諸有少亦不歎乃至剎那況復於多所以者何有者苦故是故比丘當如是學斷除諸有莫增長有當如是學佛說此經已諸比丘聞佛所說歡喜奉行。

如是我聞一時佛住王舍城迦蘭陀竹園。尔時世尊夜後分時聞野狐鳴是夜過已於大眾前敷座而坐告諸

比丘汝等於夜後分聞野狐鳴不比
丘白佛如是世尊佛告比丘彼野狐
者疥瘡所困是故鳴喚若能有人為
彼野狐治疥瘡者野狐必當知恩報
恩而今有一愚癡之人無有知恩報
恩是故諸比丘當如是學知恩報恩
其有小恩尚報終不忘失況復大恩
佛說此經已諸比丘聞佛所說歡喜
奉行

如是我聞一時佛住王舍城迦蘭陀
竹園尔時有尊者跋迦梨住王舍城
金師精舍疾病困苦尊者富隣尼瞻
視供養時跋迦梨語富隣尼汝可詣
世尊所為我稽首礼世尊足問評世
尊少病少惱起居輕利安樂住不言
跋迦梨住金師精舍疾病困苦氣力羸
弱無由奉詣唯願世尊降此金師精舍
以哀愍故時富隣尼受跋迦梨語已
詣世尊所稽首礼足退住一面白佛
言世尊尊者跋迦梨稽首世尊足問
訊世尊少病少惱起居輕利安樂住
不世尊答言令彼安樂富隣尼白佛言

世尊尊者跋迦梨住金師精舍疾病
困篤委在牀褥願見世尊無有身力
來詣世尊善哉世尊詣金師精舍以
哀愍故今時世尊默然聽許時富隣
尼知世尊聽許已礼足而去今時世
尊晡時從禪覺往詣金師精舍至跋
迦梨住房跋迦梨比丘遙見世尊從
牀欲起佛告跋迦梨且止勿起世尊
即坐異牀語跋迦梨汝心堪忍此病
苦不汝身所患為增為損跋迦梨白
佛如前又摩比丘修多羅廣說世尊
我身苦痛極難堪忍欲求刀自斃不
樂苦生佛告跋迦梨我今問汝隨意
答我云何跋迦梨色是常耶為非常
耶跋迦梨答言無常世尊復問若無
常是苦耶答言是苦世尊復問跋迦
梨若無常苦者是變易法於中寧有
可貪可欲不跋迦梨白佛不也世尊
受想行識亦如是說佛告跋迦梨若
於彼身無可貪可欲者是則善終後
世亦善今時世尊為跋迦梨種種說
法示教照喜已從座起去即於彼夜
尊者跋迦梨思惟解脫欲執刀自斃

不樂久生時有二天身極端正於後
夜時詣世尊者所稽首礼足退住一面
白佛言世尊者尊者跋迦梨疾病困苦
思惟解脫欲執刀自煞不樂久生第
二天言彼尊者者跋迦梨已於善解脫
而得解脫說此語已俱礼佛足即沒
不現尔時世尊夜過晨朝於大衆前
敷座而坐告諸比丘昨夜有二天子
飛體端正來詣我所稽首作礼退住
一面而作是言尊者者跋迦梨住金師
精舍疾病困苦思惟解脫欲執刀自
煞不樂久生第二天言尊者者跋迦梨
已於善解脫而得解脫說此語已稽
首作礼即沒不現尔時世尊告一比
丘汝當往詣尊者跋迦梨比丘所語
跋迦梨言昨夜有二天來詣我所稽
首作礼退住一面語我言尊者者跋迦
梨疾病困苦思惟解脫欲執刀自煞
不樂久生第二天言尊者者跋迦梨於
善解脫而得解脫說此語已即沒不
現此是天語佛復記汝汝於此身不
起貪欲是則善終後世亦善時彼此
比丘世尊教已詣金師精舍跋迦梨

房介時跋迦梨語侍病者汝等持繩
牀共舉我身著精舍外我欲執刀
自煞不樂久生時有衆多比丘出房
舍露地經行受使比丘詣衆多比丘
所問衆多比丘言諸尊跋迦梨比丘
住在何所諸比丘荅言跋迦梨比丘
告侍病者令舉繩牀出精舍外欲執
刀自煞不樂久生受使比丘即詣跋
迦梨所跋迦梨比丘遙見使比丘來
語侍病者下繩床著地彼比丘疾來
似世尊使彼侍病者即下繩牀著地
時彼使比丘語跋迦梨世尊有教及
天有所說時跋迦梨語侍病者扶我
著地不可於牀上受世尊教及天所
說時侍病者即扶跋迦梨下置於地
時跋迦梨言汝可宣示世尊告勅及
天所說使比丘言跋迦梨大師告汝
夜有二天來白我言跋迦梨比丘疾
病困篤思惟解脫欲執刀自煞不樂
久生第二天言跋迦梨比丘已於善
解脫而得解脫說此語已即沒不現
世尊復記說汝善於命終後世亦善
跋迦梨言尊者大師善知所知善具

所見彼二天者亦善知所知善見所見然我今日於色常無常決定無疑無常者是苦決定無疑若無常苦者是變易法於彼無有可貪可欲決定無疑受想行識亦復如是然我今日疾病苦痛猶故隨身欲刀自斫不樂久生即執刀自斫時使比丘供養跋迦梨死身已還詣佛所稽首礼足退坐一面白佛言世尊我以世尊所勅具告尊者跋迦梨彼作是言大師善知所知善見所見彼二天者亦善知所知善見所見廣說乃至執刀自斫今時世尊告諸比丘共詣金師精舍跋迦梨尸所見跋迦梨死身有遠離之色見已語諸比丘汝等見是跋迦梨比丘死身在地有遠離之色不諸比丘白佛已見世尊復告諸比丘遠跋迦梨身四面周匝有闇冥之相圍繞身不諸比丘白佛已見世尊佛告諸比丘此是惡魔之像周匝求覓跋迦梨善男子識神當生何處佛告諸比丘跋迦梨善男子不住識神以刀自斫今時世尊為彼跋迦梨說第一

記佛說此經已諸比丘聞佛所說歡
喜奉行

如是我聞一時佛住王舍城迦蘭陀
竹園時有尊者闍陀住那羅聚落好
衣菴羅林中疾病困篤時尊者舍利
弗聞尊者闍陀在那羅聚落好衣
菴羅林中疾病困篤聞已語尊者摩
訶拘締羅尊者知不聞陀比丘在那
羅聚落好衣菴羅林中疾病困篤當
往共看摩訶拘締羅默然許之時尊
者舍利弗與尊者摩訶拘締羅共詣
那羅聚落好衣菴羅林中至尊者闍
陀住房尊者闍陀遙見尊者舍利弗
尊者摩訶拘締羅凭牀欲起尊者舍
利弗語尊者闍陀汝且莫起尊者舍
利弗尊者摩訶拘締羅坐於異牀問
尊者闍陀云何尊者闍陀所患為可
堪忍不為增為損如前又摩修多羅
廣說尊者闍陀言我今身病極患苦
痛難可堪忍所起之病但增無損唯
欲執刀自斲不樂苦活尊者舍利弗
言尊者闍陀汝當努力莫自傷害若
汝在世我當與汝來往周旋汝若有

乏我當給汝如法湯藥汝若無病
人我當看汝必令適意非不適意闍
陀答言我有供養那羅聚落諸婆羅
門長者悉見看視衣被飲食卧具湯
藥無所乏少自有弟子修梵行者隨
意瞻病非不適意但我疾病苦痛逼
身難可堪忍唯欲自煞不樂苦生舍
利弗言我今問汝隨意答我闍陀眼
及眼識眼所識色彼寧是我異我相
在不闍陀答言不也尊者舍利弗復
問闍陀耳鼻舌身意及意識意識所
識法彼寧是我異我相在不闍陀答
言不也尊者舍利弗復問闍陀汝於
眼眼識及色為何所見何所識何所
知故言眼眼識及色非我不異我不
相在闍陀答言我於眼眼識及色見
滅知滅故見眼眼識及色非我不異
我不相在復問闍陀汝於耳鼻舌身
意意識及法何所見何所知故於意
意識及法見非我不異我不相在闍
陀答言尊者舍利弗我於意意識及
法見滅知滅故於意意識及法見非
我不異我不相在尊者舍利弗然我

今日身痛苦痛不能堪忍欲以刀自
然不樂苦生時尊者摩訶拘締羅語
尊者闍陀汝今當於大師修習正念
如所說句有所依者則為動搖動搖
者有所趣向趣向者為不休息不休
息者則隨趣往來隨趣往來者則有
未來生死有未來生死故有未來出
沒有未來出沒故則有生老病死憂
悲苦惱如是純一苦聚集如所說句
無所依者則不動搖不動搖者得無
趣向無趣向者則有止息有止息故
則不隨趣往來不隨趣往來則無未
來出沒無未來出沒者則無生老病
死憂悲惱苦如是純大苦聚滅闍陀
言尊者摩訶拘締羅供養世尊事於
今畢矣隨順善逝今已畢矣適意非
不適意弟子所作於今已作若復有
餘弟子所作供養師者亦當如是供
養大師適意非不適意然我今日身
病苦痛難可堪忍唯欲以刀自斃不
樂苦生今時尊者闍陀即於那羅聚
落好衣菴羅林中以刀自斃時尊者
舍利弗供養尊者闍陀舍利已往詣

佛所稽首礼足退住一面白佛言世
尊尊者聞陀於那羅聚落好衣菴羅
林中以刀自煞云何世尊彼尊者聞
陀當至何趣云何受生後世云何佛
告尊者舍利弗彼不自記說言尊者
摩訶拘締羅我供養世尊於今已畢
隨順善逝於今已畢適意非不適意
若復有餘供養大師者當如是作適
意非不適意耶尔時尊者舍利弗復
問世尊彼尊者聞陀先於鎮玕尼婆
羅門聚落有供養家極親厚家善言
語家佛告舍利弗如是舍利弗正智
正善解脫善男子有供養家親厚家
善言語家舍利弗我不說彼有大過
若有捨此身餘身相續者我說彼等
則有大過若有捨此身已餘身不相
續者我不說彼有大過也無大過故
於那羅聚落好衣菴羅林中以刀自
煞如是世尊為彼尊者聞陀說第一
記佛說此經已尊者舍利弗歡喜作
礼而去

雜阿含經卷第四十七

甲辰歲高麗國大藏都監奉

勅剛造

雜阿含經卷第四十八

流

宋天竺三藏求那跋陀羅譯

如是我聞一時佛住舍衛國祇樹給
孤獨園時有一天子容色絕妙於後
夜時來詣佛所稽首佛足退坐一面
身諸光明遍照祇樹給孤獨園時彼
天子白佛言世尊比丘比丘度駛流
耶佛言如是天子天子復問無所攀
緣亦無所住度駛流耶佛言如是天
子天子復問無所攀緣亦無所住而
度駛流其義云何佛言天子我如是
如是抱如是如是直進則不為水之
所溺如是如是不抱如是如是不直
進則為水所溺如是天子名為無所
攀緣亦無所住而度駛流時彼天子
復說偈言

久見婆羅門 逮得般涅槃 一切怖已過
永超世恩愛

時彼天子聞佛所說歡喜隨喜稽首
佛足即沒不現

如是我聞一時佛住舍衛國祇樹給
孤獨園時有一天子容色絕妙於後

夜時來詣佛所稽首佛足退坐一面
其身光明遍照祇樹給孤獨園時彼
天子白佛言比丘知一切衆生所著
所集決定解脫廣解脫極廣解脫耶
佛告天子我悉知一切衆生所著所
集決定解脫廣解脫極廣解脫天子
白佛比丘云何知一切衆生所著所
集決定解脫廣解脫極廣解脫佛告
天子愛喜滅盡我心解脫心解脫已
故知一切衆生所著所集決定解脫
廣解脫極廣解脫時彼天子復說偈言
久見婆羅門 遠得般涅縣 一切怖已過
永超世恩愛

時彼天子聞佛所說歡喜隨喜稽首
佛足即次不現

如是我聞一時佛住舍衛國祇樹給
孤獨園時有一天子容色絕妙於後
夜時來詣佛所稽首佛足身諸光明
遍照祇樹給孤獨園時彼天子說偈
問佛

誰度於諸深 晝夜勤精進 不攀亦不住
何染而不著

亦時世尊說偈答言

一切戒具足 智慧善正受 內思惟繫念
度難度諸流 不樂於欲想 超越於色結
不繫亦不住 於染亦不著
時彼天子復說偈言
久見婆羅門 遠得般涅槃 一切怖已過
永超世恩愛

時彼天子聞佛所說歡喜隨喜稽首
佛足即沒不現

如是我聞一時佛住王舍城山谷精
舍時有拘迦尼是光明天女容色絕
妙於後夜時來詣佛所稽首佛足身
諸光明遍照山谷時拘迦尼天女而
說偈言

其心不為惡 及身口世間 五欲悉虛空
正智正繫念 不習近衆苦 非義和合者
佛告天女如是如是

其心不為惡 及身口世間 五欲悉虛空
正智正繫念 不習近衆苦 非義和合者
時拘迦那婆天女聞佛所說歡喜隨
喜稽首佛足即沒不現

余時世尊夜過晨朝入於僧中敷尼
師壇於大衆前坐告諸比丘昨日夜
後有拘迦那天女容色絕妙來詣我

所稽首我足現坐一面而說偈言

其心不為惡及身口世間五欲悉虛空

正智正繫念不習近衆苦非義和合者

我即答言如是天女如是天女

其心不為惡及身口世間五欲悉虛空

正智正繫念不習近衆苦非義和合者

說是語時拘迦尼天女聞我所說歡

喜隨喜稽首我足即沒不現佛說此

經已諸比丘聞佛所說歡喜奉行

如是我聞一時佛住王舍城山各精

舍舍時尊者阿難告諸比丘我今當

說四句法經諦聽善思當為汝說何

等為四句法經今時尊者阿難即說

偈言

其心不為惡及身口世間五欲悉虛空

正智正繫念不習近衆苦非義和合者

諸比丘是名四句法經念時有一異

婆羅門去尊者阿難不遠為諸年少

婆羅門受誦經時彼婆羅門作是念

若沙門阿難所說偈為我所說經便

是非人所說時彼婆羅門即往詣佛

所與世尊面相問執慰勞已退坐一

面白佛言瞿曇沙門阿難所說偈言

其心不為惡及身口世間五欲悉虛空
正智正繫念不習近衆苦非義和合者
如是等所說則是非人語非為人語
佛告婆羅門如是如是婆羅門是非
人語非為人語也時有拘迦尼天女
來詣我所稽首我足退坐一面而說
偈言

其心不為惡及身口世間五欲悉虛空
正智正繫念不習近衆苦非義和合者
我時答言如是如是如天女所言
其心不為惡及身口世間五欲悉虛空
正智正繫念不習近衆苦非義和合者
是故婆羅門當知此所說偈是非人
所說非是人所說也佛說此經已被
婆羅門聞佛所說歡喜隨喜禮佛足
而去

如是我聞一時佛住王舍城山谷精
舍時有拘迦那婆大女是光明天女
起大電光熾然歸佛歸法歸比丘僧
來詣佛所稽首佛足退坐一面其身
光明普照山谷即於佛前而說偈言
其心不為惡及身口世間五欲悉虛空
正智正繫念不習近衆苦非義和合者

尔時世尊告天女言如是如是是天女
如汝所說

其心不為惡 及身口世間 五欲悉虛空
正智正繫念 不習近衆苦 非義和合者
尔時拘迦那婁天女聞佛所說歡喜
隨喜稽首佛足即沒不現尔時世尊
夜過晨朝入僧中歎尼師壇於大衆
前坐告諸比丘於昨後夜拘迦那婁
天女光明之天女來詣我所稽首我足
退坐一面而說偈言

其心不為惡 及身口世間 五欲悉虛空
正智正繫念 不習近衆苦 非義和合者
我時答言如是天女如是天女如汝
所說

其心不為惡 及身口世間 五欲悉虛空
正智正繫念 不習近衆苦 非義和合者
拘迦那天女 雷光炎熾然 敬礼佛法僧
說偈義辭益

佛說此經已諸比丘聞佛所說歡喜
奉行

如是我聞一時佛住王舍城山谷精
舍時有拘迦那婁天女光明之天女
放電光明炎照熾然於後夜時來詣

佛所稽首佛足退坐一面其身光明
普照山谷即於佛前而說偈言

我能廣分別如來正法律今且但略說
足以表其心其心不為惡及身口世間
五欲悉虛空正智正繫念不習近衆苦
非義和合者

佛告天女如是天女如是天女如汝
所說

其心不為惡及身口世間五欲悉虛空
正智正繫念不習近衆苦非義和合者
時拘迦那婆天女聞佛所說歡喜稽
首即沒不現

尔時世尊夜過晨朝入於僧前於大
衆中敷座而坐告諸比丘昨後夜時
拘迦那婆天女來詣我所恭敬作禮
退坐一面而說偈言

我能廣分別如來正法律今且但略說
足以表我心其心不為惡及身口世間
五欲悉虛空正智正繫念不習近衆苦
非義和合者

我時答言如是天女如汝所說
其心不為惡及身口世間五欲悉虛偽
正智正繫念不習近衆苦非義和合者

時彼天女聞我所說歡喜隨喜稽首
我足即沒不現佛說此經已諸比丘
聞佛所說歡喜奉行

如是我聞一時佛住毗舍離祇桓池
側重閣講堂時有拘迦那婆天女朱
盧陀天女容色絕妙於後夜時來詣
佛所稽首佛足退坐一面其身光明
遍照一切祇桓池側時朱盧陀天女
說偈白佛

大師等正覺住毗舍離國拘迦那朱盧
稽首恭敬禮我昔未曾聞今足正法律
今乃得親見現前說正法若於聖法律
惡慧生歡惡必當墮惡道長夜受諸苦
若於聖法律正念律儀徧彼則生天上
長夜受安樂

拘迦婆天女復說偈言

其心不為惡及身口世間五欲悉虛偽
正智正繫念不習近衆苦非義和合者
佛告天女如是如是如汝所說

其心不為惡及身口世間五欲悉虛偽
正智正繫念不習近衆苦非義和合者
時彼天女聞佛所說歡喜隨喜即沒
不現

尔時世尊夜過晨朝入僧中敷座而坐告諸比丘昨後夜時有二天女容色絕妙來詣我所為我作礼退坐一面朱盧陀天女而說偈言

大師等正覺住毗舍離國我拘迦那婁及以朱盧陀如是二天女稽首礼佛足我昔未曾聞牟尼正法律今乃見正覺演說微妙法若於正法律默惡住惡慧必墮於惡道長夜受大苦若於正法律正念律儀備生善趣天上長夜受安樂拘迦那天女復說偈言

其心不為惡及身口世間五欲悉虛偽正智正繫念不習近衆苦非義和合者我時答言如是如是如汝所說

其心不為惡及身口世間五欲悉虛偽正智正繫念不習近衆苦非義和合者佛說此經已諸比丘聞佛所說歡喜奉行

如是我聞一時佛住舍衛國祇樹給孤獨園時有天子容色絕妙於後夜時來詣佛所稽首佛足退坐一面其身光明遍照祇樹給孤獨園時彼天子而說偈言

無觸不報觸 觸則以觸報 以觸報觸故
不瞋不招瞋

今時世尊說偈答言

有於不瞋人 而加之以瞋 清淨之正士
離諸煩惱結 於彼起惡心 惡心還自中
如逆風揚塵 還自益其身

時彼天子復說偈言

久見婆羅門 逮得般涅槃 一切怖已過
永超世恩愛

時彼天子聞佛所說歡喜隨喜稽首
佛足即沒不現

如是我聞一時佛住舍衛國祇樹給
孤獨園時有一天子容色絕妙來詣
佛所稽首佛足身諸光明遍照祇樹
給孤獨園時彼天子而說偈言

愚癡人所行 不合於點慧 自所行惡行
為自惡知識 所造衆惡行 終獲苦果報
今時世尊說偈答言

既作不善業 終則受諸惱 造業雖歡喜
啼泣受其報 造諸善業者 終則不熱惱

歡喜而造業 安樂受其報

時彼天子復說偈言

久見婆羅門 逮得般涅槃 一切怖已過

六起世恩愛

時彼天子聞佛所說歡喜隨喜稽首
佛足即沒不現

如是我聞一時佛住舍衛國祇樹給
孤獨園時有一天子容色絕妙於後
夜時來詣佛所稽首佛足身諸光明
遍照祇樹給孤獨園時彼天子而說
偈言

不可當言說亦不一向聽而得於道跡
堅固正超度思惟善寂滅解脫諸魔縛
能行說之可不行不應說不行而說者
智者則知非不行已所應不作而言作
是則同賊非

余時世尊告天子言汝今有所嫌責
耶天子白佛悔過世尊悔過善逝余
時世尊默怡微笑時彼天子復說
偈言

我今悔其過世尊不納受內懷於惡心
抱然而不捨

余時世尊說偈告言

言說悔過時內不息其心云何得息然
何名為修善

時彼天子復說偈言

誰不有其過 何人無有罪 誰復無愚癡
孰能常堅固

時彼天子復說偈言

久見婆羅門 逮得般涅槃 一切怖已過
永超世思愛

時彼天子聞佛所說歡喜隨喜稽首
佛足即沒不現

如是我聞一時佛住王舍城迦蘭陀
竹園時有瞿迦梨比丘是提婆達多
伴黨來詣佛所稽首佛足退坐一面
今時世尊告瞿迦梨比丘瞿迦梨汝
何故於舍利弗目犍連清淨梵行所
起不清淨心長夜當得不饒益苦瞿
迦梨比丘白佛言世尊我今信世尊
語所說無異但舍利弗大目犍連心
有惡欲如是第二第三說瞿迦梨比
丘提婆達多伴黨於世尊所再三說
中違反不受從座起去去已其身周
遍生諸疱瘡皆如栗漸漸增長皆如
桃李時瞿迦梨比丘患苦痛口說是
言極燒極燒膿血流出身壞命終生
大鉢曇摩地獄時有三天子容色絕
妙於後夜時來詣佛所稽首佛足退

坐一面時一天子白佛言瞿迦梨比
丘提婆達多伴黨今已命終時第二
天子作是言諸尊當知瞿迦梨比丘
命終墮地獄中第三天子即說偈言
士夫生世間 弁在口中生 還自斬其身
斯由其惡言 應毀便稱譽 應譽而便毀
其罪生於口 死墮惡道中 博奕亡失財
是非為大咎 毀佛及聲聞 是則為大過
彼三天子說是偈已即沒不現尔時
世尊夜過晨朝來入僧中於大眾前
敷座而坐告諸比丘昨後夜時有三
天子來詣我所稽首我足退坐一面
第一天子語我言世尊瞿迦梨比丘
提婆達多伴黨今已命終第二天子
語餘天子言瞿迦梨比丘命終墮地
獄中第三天子即說偈言

士夫生世間 弁在口中生 還自斬其身
斯由其惡言 應毀便稱譽 應譽而便毀
其罪口中生 死則墮惡道

說是偈已即沒不現諸比丘汝等欲
聞生阿浮陀地獄衆生其壽齊限不
諸比丘白佛今正是時唯願世尊為
諸大眾說阿浮陀地獄衆生壽命齊

限諸比丘聞已當受奉行佛告比丘
請聽善思當為汝說譬如拘薩羅國
四斗為一阿羅四阿羅為一獨龍那
十六獨龍那為一閻摩那十六閻摩
那為一摩尼二十摩尼為一佉梨二
十佉梨為一倉滿中芥子若使有人
百年百年取一芥子如是乃至滿倉
芥子都盡阿浮陀地獄衆生壽命猶
故不盡如是二十阿浮陀地獄衆生壽
等一尼羅浮陀地獄衆生壽二十尼
羅浮陀地獄衆生壽等一阿吒吒地
獄衆生壽二十阿吒吒地獄衆生壽
等一阿波波地獄衆生壽二十阿波
波地獄衆生壽等一阿休休地獄衆
生壽二十阿休休地獄衆生壽等一
優鉢羅地獄衆生壽二十優鉢羅地
獄衆生壽等一鉢曇摩地獄衆生壽
二十鉢曇摩地獄衆生壽等一摩訶
比丘命終墮摩訶鉢曇摩地獄中以
彼於尊者舍利弗大目犍連比丘生
惡心誹謗故是故諸比丘當作是學
於彼燒焦炷所尚不欲毀壞况毀壞

有識衆生佛告諸比丘當如是學佛
說此經已諸比丘聞佛所說歡喜奉行
如是我聞一時佛住舍衛國祇樹給
孤獨園時有天子容色絕妙於後夜
時來詣佛所稽首佛足退坐一面其
身光明遍照祇樹給孤獨園時彼天
子說偈問佛

退落墮負債處 如何而得知 唯願世尊說
云何負債處門

今時世尊說偈答言

勝處易得知 負債處亦易 樂法為勝處
毀法為負債處 愛樂惡知識 不愛善知識
善友生怨結 是名墮負債門 愛樂不善人
善人反憎惡 欲惡不欲善 是名負債處門
斗秤以欺人 是名墮負債門 博弄耽嗜酒
遊輕者女色 費喪於財物 是名墮負債門
女人不自守 捨身隨他行 男子心放蕩
捨妻隨外人 如是為家者 斯皆墮負債門
老婦得少夫 心常懷嫉妬 懷嫉臥不安
是則墮負債門 妻妾得少婦 墮負債處亦然
常樂著睡眠 知識同遊戲 怠墮好瞋恨
斯皆墮負債門 多財結朋友 酒食奢不節
多費喪財物 斯皆墮負債門 小財多貪愛

生於剎利心 常求為王者 是則墮負債門
求珠璣瓔珞 草屨履金蓋 莊嚴自慳惜
是則墮負債門 受他豐美食 自慳惜其財
食他不反報 是則墮負債門 沙門婆羅門
屈請入其舍 慳惜不時施 是則墮負債門
沙門婆羅門 次第行乞食 呵責不欲施
是則墮負債門 若父母年老 不及時奉養
有財而不施 是則墮負債門 於父母兄弟
捉打而罵辱 無有尊卑序 是則墮負債門
佛及弟子衆 在家與出家 毀譽不恭敬
是則墮負債門 實非阿羅漢 羅漢過自稱
是則世間賊 墮於負債門 此世間負債處
我知是故說 猶如嶮怖道 慧者當遠避
時彼天子復說偈言
久見婆羅門 遠得般涅脫 一切怖已過
永超世恩愛

時彼天子聞佛所說歡喜隨喜稽首
佛足即沒不現

如是我聞一時佛住舍衛國祇樹給
孤獨園時有一天子容色絕妙於後
夜時來詣佛所稽首佛足退坐一面
其身光明遍照祇樹給孤獨園時彼
天子說偈問佛

誰屈下而舉 誰舉而隨舉 亦何童子戲
如童由相擲

今時世尊說偈答言

愛下則隨下 愛舉則隨舉 愛戲於忍夫
如童由相擲

時彼天子復說偈言

久見婆羅門 逮得般忍縣 一切怖已過
永超世界愛

時彼天子聞佛所說歡喜隨喜稽首
佛足即沒不現

如是我聞一時佛住舍衛國祇樹給
孤獨園時有天子容色絕妙於後夜
時來詣佛所稽首佛足還坐一面其
身光明遍照祇樹給孤獨園時彼天
子而說偈言

決定以遮遮 意妄想而來 吾人遮一切
不令其逼迫

亦時世尊說偈答言

決定以遮遮 意妄想而來 不必一切遮
但遮其惡業 遮彼彼惡已 不令其逼迫
時彼天子復說偈言

久見婆羅門 逮得般忍縣 一切怖已過
永超世界愛

時彼天子聞佛所說歡喜隨喜稽首
佛足即沒不現

如是我聞一時佛住舍衛國祇樹給
孤獨園時有天子容色絕妙於後夜
時來詣佛所稽首佛足退坐一面其
身光明遍照祇樹給孤獨園時彼天
子說偈問佛

云何得名稱 云何得大財 云何德深聞
云何得善友

尔時世尊說偈答言

持戒得名稱 布施得大財 真實德深聞
思惠得善友

時彼天子復說偈言

久見婆羅門 遠得般涅槃 一切怖已過
永超世恩愛

時彼天子聞佛所說歡喜隨喜稽首
佛足即沒不現

如是我聞一時佛住舍衛國祇樹給
孤獨園時有天子容色絕妙於後夜
時來詣佛所稽首佛足其身光明遍
照祇樹給孤獨園時彼天子說偈
問佛

云何人所作 智慧以求財 等攝受於財

若勝若復劣

尔時世尊說偈答言

始學功巧業 方便集財物 得彼財物已
當應作四分 一分自食用 二分營生業
餘一分藏密 以擬於貧乏 營生之業者
田種行商賈 牧牛羊墾息 邸舍以求利
造屋舍牀卧 六種資生具 方便修眾具
安樂以存世 如是善修業 黠慧以求財
財寶隨順生 如眾流歸海 如是財既益
如蜂集眾味 晝夜財增長 猶如蟻積堆
不付老子財 不寄邊境民 不信奸狡人
及諸慳慳者 親附成事者 遠離不成事
能成事士夫 猶如火熾然 善友貴重人
敏密修良者 同氣親兄弟 善能相攝受
居親眷屬中 標顯若牛王 各隨其所應
分財施飲食 壽盡而命終 當生天受樂
時彼天子復說偈言

久見婆羅門 遠得般涅槃 一切怖已過
永超世恩愛

時彼天子聞佛所說歡喜隨喜稽首
佛足即沒不現

如是我聞一時佛住舍衛國祇樹給
孤獨園尔時世尊告諸比丘過去世

時拘薩羅國有彈琴人名曰麀牛於
拘薩羅國人間遊行止息野中時有
六廣大天宮天女來至憍薩羅國麀
牛彈琴人所語麀牛彈琴人言阿舅
阿舅為我彈琴我當歌儻麀牛彈琴
者言如是姉妹我當為汝彈琴汝當
語我汝是何人何由生此天女荅言
阿舅且彈琴我當歌儻於歌頌中自
說所以生此因緣彼拘薩羅國麀牛
彈琴人即便彈琴彼六天女即便歌
儻第一天女說偈歌言

若男子女人勝妙衣惠施施衣因緣故
所生得殊勝施所愛念物生天隨所欲
見我居宮殿乘空而遊行天身如金聚
天女百中勝觀察斯福德迎向中之寂
第二天女復說偈言

若男子女人勝妙香惠施受念可意施
生天隨所欲見我處宮殿乘空而遊行
天身如金聚天女百中勝觀察斯福德
迎向中之寂

第三天女復說偈言

若男子女人以食而惠施可意受念施
生天隨所欲見我居宮殿乘空而遊行

天身如金聚 天女百中勝 觀察斯福德
迴向中之最

第四天女復說偈言

憶念餘生時 曾為人婢使 不盜不貪嗜
勤修不懈怠 量腹自節身 分食救貧人
今見居宮殿 乘虛而遊行 天身如金聚
天女百中勝 觀察斯福德 供養中為最
第五天女復說偈言

憶念餘生時 為人作子婦 婬姑性狂暴
常加虐誑言 執節修婦禮 卑遜而奉順
今見處宮殿 乘虛而遊行 天身如金聚
天女百中勝 觀察斯福德 供養中為最
第六天女復說偈言

昔曾見行跡 比丘比丘尼 從其聞正法
一宿受齋戒 今見處天宮 乘虛而遊行
天身如金聚 天女百中勝 觀察斯福德
迴向中之最

尔時拘薩羅國摩牛彈琴人而說偈言
我今善來此 拘薩羅林中 得見此天女
具足妙天身 既見又聞說 當增修善業
緣今修功德 亦當生天上
說是語已 此諸天女即沒不現
佛說此經已 諸比丘聞佛所說歡喜

奉行

如是我聞一時佛住舍衛國祇樹給
孤獨園時有天子容色絕妙於後夜
時來詣佛所稽首佛足退坐一面其
身光明遍照祇樹給孤獨園時彼天
子說偈問佛

何法起應滅 何生應防護 何法應當離
等觀何得樂

尔時世尊說偈答言

瞋恚起應滅 貪生逆防護 無明應捨離
等觀真諦樂 欲生諸煩惱 欲為生苦本
調伏煩惱者 衆苦則調伏 調伏衆苦者
煩惱亦調伏

時彼天子復說偈言

久見婆羅門 遠得般濕縣 一切怖已過
永超世累憂

於是天子聞佛所說歡喜隨喜稽首
佛足即沒不現

如是我聞一時佛住舍衛國祇樹給
孤獨園時有天子容色絕妙於後夜
時來詣佛所稽首佛足退坐一面其
身光明遍照祇樹給孤獨園時彼天
子說偈問佛

若人行放逸 愚癡離惡慧 禪思不放逸
疾得盡諸漏

余時世尊說偈答言

非世間衆事 是則之為欲 心法馳覺想
是名士夫欲 世間種種事 常在於世間
智慧修禪思 愛欲永潛伏 信為士夫伴
不信則不度 信增其名播 命終得生天
於身虛空想 名色不堅固 不著名色者
速離於積累 觀此真實義 如解脫衆愍
由斯智慧故 世稱歎供養 能斷衆雜相
超絕生死流 超度諸派已 是名為比丘
時彼天子復說偈言

久見婆羅門 速得般涅槃 一切怖已過
永超世恩愛

於是天子聞佛所說歡喜隨喜稽首
佛足即沒不現

如是我聞一時佛住舍衛國祇樹給
孤獨園時有天子客色絕妙於後夜
時來詣佛所稽首佛足其身光明遍
照祇樹給孤獨園時彼天子說偈
問佛

與何人同處 復與誰共事 知何等入法
名為勝非惡

尔時世尊說偈答言

與正士同遊 正士同其事 解知正士法

是則勝非惡

時彼天子復說偈言

久見婆羅門 逮得般涅槃 一切怖已過
永超世恩愛

時彼天子聞佛所說歡喜隨喜稽首
佛足即沒不現

如是我聞一時佛住舍衛國祇樹給
孤獨園時有天子容色絕妙於後夜
時來詣佛所稽首佛足退坐一面其
身光明遍照祇樹給孤獨園時彼天
子而說偈言

慍懷生於心 不能行布施 明智求福者
乃能行其惠

尔時世尊說偈答言

怖畏不行施 常得不施怖 怖畏於飢渴
慍惜從怖生 此世及他世 常癡飢渴畏
死則不隨死 獨往無資糧 少財能施者
多財難亦捨 難捨而能捨 是則為難施
無知者不覺 慧者知難知 以法養妻子
少財淨心施 百千耶祇會 所獲其福利
比前如法施 十六不及一 打縛惱衆生

所得諸財物 惠施安國土 是名有罪施
方之平等施 稱量所不及 如法不行非
所得財物施 難施而行施 是應賢聖施
所往常獲福 壽終上生天

時彼天子復說偈言

久見婆羅門 速得般涅槃 一切怖已過
永超世思憂

時彼天子聞佛所說歡喜隨喜稽首
佛足即沒不現

如是我聞一時佛住王舍城金婆羅
山金婆羅鬼神住處石室中亦時世
尊金鎗刺足未經幾時起身苦痛能
得捨心正智正念堪忍自安無退減
想彼有山神天子八人作是念今日
世尊住王舍城金婆羅山金婆羅鬼
神住處石室中金鎗刺足起身苦痛
而能捨心正念正智堪忍自安無所
退減我等當往面前讚嘆作是念已
往詣佛所稽首礼足退住一面第一
天神說偈嘆言沙門瞿曇人中師子
身遭苦痛堪忍自安正智正念無所
退減第二天子復讚嘆言大士之大
龍大士之牛王大士夫勇力大士夫

良馬大士夫上首大士夫之勝第三
天子復讚嘆言此沙門瞿曇士夫分
陀利身生諸苦痛而能行捨心正智
正念住堪忍以自安而無所退減第
四天子復讚嘆言若有於沙門瞿曇
士夫分陀利所說違反嫌責當知斯
等長夜當得不饒益苦唯除不知真
實者第五天子復說偈言

觀彼三昧定 善住於正受 解脫離諸塵
不踊亦不沒 其心安隱住 而得心解脫
第六天子復說偈言

經歷五百歲 誦婆羅門典 精勤修苦行
不解脫離塵 是則卑下類 不得度彼岸
第七天子復說偈言

為欲之所迫 持戒之所縛 勇捍行苦行
經歷於百年 其心不解脫 不離於塵垢
是則卑下類 不度於彼岸

第八天子復說偈言

心居憍慢欲 不能自調伏 不得三昧定
牟尼之正受 獨一居山林 其心常放逸
於披死魔軍 不得度彼岸

時彼山神天子八人各各讚嘆已稽
首佛足即沒不現

如是我聞一時佛住舍衛國祇樹給
孤獨園時有天子容色絕妙於後夜
時來詣佛所稽首佛足退坐一面其
身光明遍照祇樹給孤獨園時彼天
子而說偈言

廣無過於地深無踰於海高無過須彌
大士無毗紐

今時世尊說偈答言

廣無過於愛深無踰於腹高莫過憍慢
大士無勝佛

時彼天子復說偈言

久見婆羅門逮得般涅槃一切怖已過
永超世惡愛

於是天子聞佛所說歡喜隨喜稽首
佛足即沒不現

如是我聞一時佛住舍衛國祇樹給
孤獨園時有天子容色絕妙於後夜
時來詣佛所稽首佛足退坐一面其
身光明遍照祇樹給孤獨園時彼天
子說偈問佛

何物火不燒何風不能吹水炎壞大地
何物不流散惡王及盜賊強劫人財物
何男子女人不為其所奪云何珍寶藏

終竟不止失

余時世尊說偈答言

福人所不燒 福風不能吹 水灾壞大地

福水不流散 惡王及盜賊 强奪人財寶

若男子女人 福不被劫奪 樂報之寶藏

終竟不止失

時彼天子復說偈言

久見婆羅門 速得般涅槃 一切怖已過

永超世間憂

於是天子聞佛所說歡喜隨喜即没
不現

如是我聞一時佛住舍衛國祇樹給
孤獨園時有天子容色絕妙於後夜
時來詣佛所稽首佛足退坐一面其
身光明過眾祇樹給孤獨園時彼天
子說偈問佛

誰當持鉢糝 何物賊不劫 何人劫而遮
何人知不遮 何人常來詣 智慧者喜樂
余時世尊說偈答言

信者持鉢糝 福德劫不奪 賊劫奪則遮

沙門牽欲害 沙門常來詣 智慧者欣樂

時彼天子復說偈言

久見婆羅門 速得般涅槃 一切怖已過

永超世恩愛

於是天子聞佛所說歡喜隨喜稽首
佛足即沒不現

如是我聞一時佛住舍衛國祇樹給
孤獨園時有一天子容色絕妙於後
夜時來詣佛所稽首佛足退坐一面
身諸光明遍照祇樹給孤獨園時彼
天子說偈問佛

一切相映障知一切世間樂安慰一切
唯願世尊說云何是世間取為難得者
是時世尊說偈答言

為主而行忍無財而欲施遭難而行法
留貴修遠離如是四法者是則為取難
時彼天子復說偈言

久見婆羅門速得般涅槃一切怖已過
永超世恩愛

於是天子聞佛所說歡喜隨喜稽首
佛足即沒不現

七

雜阿含經卷第四十八

甲辰歲高麗國大藏都監奉
勅雕造

宋天竺三藏求那跋陀羅譯

如是我聞一時佛住舍衛國祇樹給
孤獨園時有天子容色絕妙於後夜
時來詣佛所稽首佛足退坐一面其
身光明遍照祇樹給孤獨園時彼天
子說偈問佛

大力自在樂 所求無不得 何復勝於彼
一切所欲偈

今時世尊說偈答言

大力自在樂 彼則無所求 若有求欲者
是苦非為樂 於求已過去 是則樂於彼
時彼天子復說偈言

久見婆羅門 逮得般涅槃 一切怖已過
永超世尊憂

於是天子聞佛所說歡喜隨喜稽首
佛足即沒不現

如是我聞一時佛住舍衛國祇樹給
孤獨園時有天子容色絕妙於後夜
時來詣佛所稽首佛足退坐一面其
身光明遍照祇樹給孤獨園時彼天
子說偈問佛

車從何處起 誰能轉於車 車轉至何所
何處壞應滅

今時世尊說偈答言

車從諸業起 意識能於車 隨因而轉
因壞車則亡

時彼天子復說偈言

久見婆羅門 速得般涅槃 一切怖已過
永超世恩愛

於是天子問佛所說歡喜隨喜稽首
佛足即沒不現

如是我聞一時佛住舍衛國祇樹給
孤獨園時有天子客色絕妙於後夜
時來詣佛所稽首佛足退坐一面其
身光明遍照祇樹給孤獨園時彼天
子白佛言世尊拘屢施王女修波羅
提沙今日生子佛告天子此則不善
非是善時彼天子即說偈言

人生子為樂 世間有子歡 父母年老喪
子則能奉養 瞿曇何故說 生子為不善
今時世尊說偈答言

當知恒無常 純空陰非子 生子常得苦
愚者說言樂 是故我說言 生子非為善
非善為善像 念像不可念 實非苦類似樂

教逆所踐蹈

時彼天子復說偈言

久見婆羅門遠得般涅槃一切怖已過
永超世恩愛

於是天子聞佛所說歡喜隨喜稽首
佛足即沒不現

如是我聞一時佛住舍衛國祇樹給
孤獨園時有天子容色絕妙於後夜
時來詣佛所稽首佛足退坐一面其
身光明遍照祇樹給孤獨園時彼天
子說偈問佛

云何數所數云何數不隱云何數中數
云何說言說

余時世尊說偈答言

佛法難測量二流不顯現若彼名及色
滅盡悉無餘是名數所數彼數不隱藏

是彼數中數是則說名數
時彼天子復說偈言

久見婆羅門遠得般涅槃一切怖已過
永超世恩愛

於時天子聞佛所說歡喜隨喜稽首
佛足即沒不現

如是我聞一時佛住舍衛國祇樹給

孤獨園時有天子容色絕妙於後夜
時來詣佛所稽首佛足退坐一面其
身光明遍照祇樹給孤獨園時彼天子
說偈問佛

何物重於地 何物高於空 何物疾於風
何物多於草

今時世尊說偈答言

戒德重於地 慢高於虛空 憶念疾於風
思想多於草

時彼天子復說偈言

久見婆羅門 逮得般涅槃 一切怖已過
永超世恩憂

於是天子聞佛所說歡喜隨喜稽首
佛足即沒不現

如是我聞一時佛住舍衛國祇樹給
孤獨園時彼天子容色絕妙於後夜
時來詣佛所稽首佛足退坐一面其
身光明遍照祇樹給孤獨園時彼天
子說偈問佛

何戒何威儀 何得何為業 慧者去何住
去何往生天

今時世尊說偈答言

遠離於欲生 持戒自防樂 害心不如生

是則生天路 遠離不與取 與取心欣樂
斷除賊盜心 是則生天路 不行他所受
遠離於邪淫 自受知足 是則生天路
自為己及他 為財及戲笑 妄語而不為
是則生天路 斷除於兩舌 不離他親友
常念和彼此 是則生天路 遠離不愛言
軟語不傷人 常說淳美言 是則生天路
不為不誠說 無義不饒益 常順於法言
是則生天路 聚落若空地 見利言我有
不行此貪想 是則生天路 慈心無害想
不言於衆生 心常無怨結 是則生天路
苦業及果報 二俱生淨信 受持於正見
是則生天路 如是諸善法 十種淨業跡
等受堅固持 是則生天路
時彼天子復說偈言

久見婆羅門 逮得般涅槃 一切怖已過
永超世恩愛

於時天子聞佛所說歡喜隨喜稽首
佛足即沒不現

如是我聞一時佛住舍衛國祇樹給
孤獨園今時釋提桓因於後夜時來
詣佛所稽首佛足退坐一面其身光
明遍照祇樹給孤獨園時釋提桓因

說偈問佛

何法命不知 何法命不覺 何法鑊於命
何法為命縛

尔時世尊說偈答言

色者命不知 諸行命不覺 身鑊於其命
受縛於命者

釋提桓因復說偈言

色者非為命 諸佛之所說 云何而得熟
於彼甚深藏 云何段肉住 云何知命身
尔時世尊說偈答言

迦羅邏為初 迦羅邏生胞 胞生於实段
实段生堅厚 堅厚生肢節 及諸毛髮等
色等諸情根 漸次成形體 因母飲食等
長養彼胎身

尔時釋提桓因聞佛所說歡喜隨喜
稽首佛足即沒不現

如是我聞一時佛住舍衛國祇樹給
孤獨園時有長勝天子容色絕妙於
後夜時來詣佛所稽首佛足退坐一
面身諸光明遍照祇樹給孤獨園時
彼長勝天子而說偈言

善學微妙說 習近諸沙門 獨一無等侶
正思惟靜默

余時世尊說偈答言

善學微妙說 習近諸沙門 獨一無等侶
寂默靜諸根

時長勝天子聞佛所說歡喜隨喜稽
首佛足即沒不現

如是我聞一時佛住舍衛國祇樹給
孤獨園時有尸毗天子容色絕妙於
後夜時來詣佛所稽首佛足退坐一
面其身光明遍照祇樹給孤獨園時
彼尸毗天子說偈問佛

何人應同止 何等入共事 應知何等法
是轉勝非惡

余時世尊說偈答言

與正士同止 正士共其事 應知正士法
是轉勝非惡

時彼尸毗天子聞佛所說歡喜隨喜
稽首佛足即沒不現

如是我聞一時佛住舍衛國祇樹給
孤獨園時有月自在天子容色絕妙
於後夜時來詣佛所稽首佛足退坐
一面身諸光明遍照祇樹給孤獨園
時彼月自在天子而說偈言

彼當至究竟 如蚊依從草 若得正繫念

一心善正受

今時世尊說偈答言

彼當到彼岸 如魚次其網 禪定具足住
心常致喜樂

時彼月自在天子聞佛所說歡喜隨
喜稽首佛足即沒不現

如是我聞一時佛住舍衛國祇樹給
孤獨園時有毗瘦細天子容色絕妙
於後夜時來詣佛所稽首佛足退坐
一面身諸光明遍照祇樹給孤獨園
時彼毗瘦細天子而說偈言

供養於如來 歡喜常增長 欣樂正法律
不放逸隨學

今時世尊說偈答言

若如是說法 防諍不放逸 以不放逸故
不隨魔自在

於是毗瘦細天子聞佛所說歡喜隨
喜稽首佛足即沒不現

如是我聞一時佛住舍衛國祇樹給
孤獨園時有般闍羅健天子容色絕
妙於後夜時來詣佛所稽首佛足退
坐一面身諸光明遍照祇樹給孤獨
園時般闍羅健天子而說偈言

情記之處所 聽慧者能覺 禪思覺所覺
今思惟力

余時世尊說偈答言

了知懷亂法 正覺得涅槃 若得正繫念
一心善正受

時般闍羅健天子聞佛所說歡喜隨
喜稽首佛足即沒不現

如是我聞一時佛住舍衛國祇樹給
孤獨園時有須深天子與五百眷屬
容色絕妙於後夜時來詣佛所稽首
佛足退坐一面其身光明遍照祇樹
給孤獨園余時世尊告尊者阿難汝
何難於尊者舍利弗善說法心喜樂
不阿難白佛如是世尊何等人不愚
不癡有智慧於尊者舍利弗善說法
中心不欣樂所以者何彼尊者舍利
弗持戒多聞少欲知足精勤遠離正
念堅住智慧正受摧疾智慧利智慧
出離智慧決定智慧大智慧廣智慧
深智慧無等智慧智寶成就善能教
化示教照喜亦常讚歎示教照喜常
為四衆說法不倦佛告阿難如是如
是如汝所說阿難為何等人不愚不

疾有智慧聞尊者舍利弗善說諸法
而不歡喜所以者何舍利弗比丘持
戒多聞少欲知足精勤正念智慧正
受超智擴智利智出智決定智大智
廣智深智無等智智寶成就善能教
化示教照喜亦常讚歎示教照喜常
為四衆說法不倦世尊如是如是向
尊者阿難如是如是稱嘆舍利弗所
說如是如是須深天子眷屬內心歡
喜身光增明清淨照耀余時須深天
子內懷歡喜發身淨光照耀已而說
偈言

舍利弗多聞明智正等慧持戒善調伏
得不起涅槃持此後邊身降伏於魔軍
時彼須深天子及五百眷屬聞佛所
說歡喜隨喜將首佛足即從下現
如是我聞一時佛住舍衛國祇樹給
孤獨園時有赤馬天子容色絕妙於
後夜時來詣佛所稽首佛足退坐一
面其身光明遍照祇樹給孤獨園時
彼赤馬天子白佛言世尊頗有能行
過世界邊至不生不死處不佛
告亦無有能過世界邊至不生不

老不死處者赤馬天子白佛言奇哉
世尊善說斯義如世尊說言無過世
界邊至不生不老不死處者所以者
何世尊我自憶宿命名曰赤馬作外
道仙人得神通離諸愛欲我時作是
念我有如是瘧疾神足如健士夫以
利箭橫射過多羅樹影之頃能登一
須弥至一須弥足躡東海超至西海
我時作是念我今成就如是瘧疾神
力今日寧可求世界邊作是念已即
便發行唯除食息便利減節睡眠常
行百歲於彼命終竟不能得過世界
邊至不生不老不死之處佛告赤馬
我今但以一尋之身說於世界世界
集世界滅世界滅道跡赤馬天子何
等為世間謂五受陰何等為五色受
陰受受陰想受陰行受陰識受陰是
名世間何等為色集謂當來有愛貪
喜俱彼彼涂著是名世間集云何為
世間滅若彼當來有愛貪喜俱彼彼
涂著無餘斷捨離盡無欲滅息沒是
名世間滅何等為世間滅道跡謂八
正道正見正志正語正業正命正方

便正念正定是名世間滅道跡赤馬
了知世間斷世間了知世間集斷世
間集了知世間滅證世間滅了知世間
滅道跡修彼滅道跡赤馬者比丘於世
間苦若知若斷世間集若知若斷世
間滅若知若證世間滅道跡若知若
修赤馬是名得世界邊度世間愛亦
時世尊重說偈言

未曾遠遊行而得世界邊無得世界邊
終不盡苦邊以是故牟尼能知世界邊
善解世界邊諸梵行已立於彼世界邊
平等覺智者是名賢聖行度世間彼岸
是時赤馬天子聞佛所說歡喜隨喜
稽首佛足即沒不現

如是我聞一時佛住王舍城毗富羅
山側有六天子李為外道出家一名
阿毗浮二名增上阿毗浮三名能求
四名毗藍婆五名阿俱吒六名迦藍
來詣佛所阿毗浮天子即說偈言
比丘專至心常修行猷離於初夜後夜
思惟善自攝見聞其所說不墮於地獄
增上阿毗浮天子復說偈言

猷離於黑闇心常自攝護永離於世間

言語評論法 從如來大師 稟受沙門法
善攝護世間 不令造衆惡
能求天子復說偈言

斷截椎打煞 供養施迦葉 不見其為惡
亦不見為福

毗藍婆天子復說偈言

我說彼尼軋 外道者提子 出家行學道
長夜修難行 於大師徒衆 遠離於妄語
我說如是人 不遠於羅漢

今時世尊說偈答言

死瘦之野狐 常共師子遊 終日小羸劣
不能為師子 尼軋大師衆 虛妄自稱嘆
是惡心妄語 去羅漢甚遠

今時天魔波旬著阿俱吒天子而說
偈言

精勤棄闇冥 常守護遠離 深著微妙色

貪樂於梵世 我教化斯等 令得生梵天

今時世尊作是念若此阿俱吒天子

所說偈此是天魔鬼波旬加其力故非

彼阿俱吒天子自心所說作是說言

精勤棄闇冥 守護於遠離 深著微妙色

貪樂於梵世 當教化斯等 令得生梵天

今時世尊復說偈言

若諸所有色 於此及與彼 或復虛空中
各別光照耀 當知彼一切 不離魔魔纏
猶如垂釣餌 釣釣於遊魚

彼時天子咸各念言今日阿俱吒天
子所說偈沙門瞿曇言是魔所說何
故沙門瞿曇言是魔說今時世尊知
諸天子心中所念而告之言今阿俱
吒天子所說偈非彼天子自心所說
時魔波旬加其力故作是說言

精勤棄闇冥 守護於遠離 深著微妙色
貪樂於梵天 當教化斯等 令得生梵天
是故我說偈

若諸所有色 於此及與彼 或復虛空中
各別光照耀 當知彼一切 不離魔魔纏
猶如垂釣餌 釣釣於遊魚

時諸天子復作是念奇哉沙門瞿曇
神力大德能見天魔波旬而我等不
見我等當復各各說偈讚歎沙門瞿
曇即說偈言

斷除於一切 有身愛貪想 今此善護者
除一切妄語 若欲斷欲愛 應供養大師
斷除三有愛 破壞於妄語 已斷於見貪
應供養大師 王舍城第一 名毘富羅山

雪山諸山軍金翅鳥中名 八方及上下
一切衆生 於諸天人中 等正覺最上
時諸天子說偈讚佛已聞佛所說歡
喜隨喜稽首佛足即沒不現

如是我聞一時佛住舍衛國祇樹給
孤獨園時有摩伽天子容色絕妙於
後夜時來詣佛所稽首佛足退坐一
面其身光明遍照祇樹給孤獨園時
有摩伽天子說偈問佛
如何得安眠 如何得喜樂 為如何等人
瞿曇所讚嘆

尔時世尊說偈答言

若然於瞋恚 而得安隱眠 然於瞋恚者
令人得歡喜 瞋恚為毒本 然者我所歎
然彼瞋恚已 長夜無憂患

於時摩伽天子聞佛所說歡喜隨喜
稽首佛足即沒不現

如是我聞一時佛在舍衛國祇樹給
孤獨園尔時有弥耆迦天子容色絕
妙於後夜時來詣佛所稽首佛足退
坐一面其身光明遍照祇樹給孤獨
園時弥耆迦天子說偈問佛

明照有幾種 能照明世間 唯願世尊說

何等明取上

今時世尊說偈答言

有三種光明 能照耀世間 晝以日為照
月以照其夜 燈火晝夜照 照彼彼色像
上下及諸方 衆生悉蒙照 人天光明中
佛光明為上

佛說此經已 彌耆迦天子聞佛所說
歡喜隨喜 稽首佛足 即沒不現

如是我聞 一時佛住舍衛國祇樹給
孤獨園 時有陀摩尼天子 容色絕妙
於後夜時來詣佛所 稽首佛足 退坐
一面 身諸光明 遍照祇樹給孤獨園
時彼陀摩尼天子而說偈言

為婆羅門事 學斷其疲倦 斷除諸愛欲
不求受後身

今時世尊說偈答言

婆羅門無事 所作事已作 乃至不得岸

晝夜常勤跪 已到彼岸住 於岸復何辭

此是婆羅門 專精漏盡禪 一切諸憂惱

熾然永已斷 是則到彼岸 涅槃無所求

時陀摩尼天子聞佛所說 歡喜隨喜

稽首佛足 即沒不現

如是我聞 一時佛住舍衛國祇樹給

孤獨園時有多羅捷陀天子容色絕妙於後夜時來詣佛所稽首佛足身諸光明遍照祇樹給孤獨園時彼天子說偈問佛

斷幾捨幾法 幾法上增修 超越幾積聚 名比丘度流

尔時世尊說偈答言

斷五捨於五 五法上增修 超五種積聚 名比丘度流

時彼陀摩尼天子聞佛所說歡喜隨喜稽首佛足即沒不現

如是我聞一時佛住舍衛國祇樹給孤獨園時有迦摩天子容色絕妙於後夜時來詣佛所稽首佛足身諸光明遍照祇樹給孤獨園時迦摩天子白佛言甚難世尊甚難善逝尔時世尊說偈答言

所學為甚難 具足戒三昧 遠離於非家 閑居寂靜樂

迦摩天子白佛言世尊靜默甚難得尔時世尊說偈答言

得所難得學 具足戒三昧 晝夜常專精 修習意所樂

迦摩天子白佛言世尊正受心難得
今時世尊說偈答言

難住正受住 諸根心決定 能斷死魔縻
聖者隨欲進

迦摩天子復白佛言世尊嶮道甚難
行今時世尊說偈答言

難涉之嶮道 當行安樂進 非聖墮於彼
足上頭向下 賢聖樂正直 嶮路自然平
佛說此經已迦摩天子聞佛所說歡
喜隨喜稽首佛足即沒不現

如是我聞一時佛住舍衛國祇樹給
孤獨園時有迦摩天子客色絕妙於
後夜時來詣佛所稽首佛足退坐一
面其身光明遍照祇樹給孤獨園時
彼迦摩天子說偈問佛

貪恚何所因 不樂身毛豎 恐怖從何起
覺想由何生 猶如鳩摩羅 依倚於乳母
今時世尊說偈答言

變生自身長 如及拘律樹 處處隨所著
如榛綿叢林 若知彼因者 發悟令開覺
度生死海流 不復更受有

時迦摩天子聞佛所說歡喜隨喜稽
首佛足即沒不現

如是我聞一時佛住舍衛國祇樹給
孤獨園時有栴檀天子容色絕妙於
後夜時來詣佛所稽首佛足退坐二
面其身光明遍照祇樹給孤獨園時
彼栴檀天子說偈問佛
聞瞿曇大智無障導知見何所住何學
不遺他世惡

尔時世尊說偈答曰

攝持身口意不造三惡法處在於居家
廣集於群賓信惠財法施以法立一切
住彼學彼法則無他世畏

佛說是經已栴檀天子聞佛所說歡
喜隨喜稽首佛足即沒不現

如是我聞一時佛住舍衛國祇樹給
孤獨園時有栴檀天子容色絕妙於
後夜時來詣佛所稽首佛足退坐一
面其身光明遍照祇樹給孤獨園時
彼天子說偈問佛

誰度於諸流晝夜勤不懈不攀無住處
云何不沒溺

尔時世尊說偈答言

一切戒具足智慧善正受內思惟正念
能度難度流不染此欲想超度彼色愛

負喜忘已盡不入於難測

時彼栴檀天子聞佛所說歡喜隨喜
指首佛足即沒不現

如是我聞一時佛住舍衛國祇樹給
孤獨園時有迦葉天子容色絕妙於
後夜時來詣佛所稽首佛足退坐一
面其身光明遍照祇樹給孤獨園時
彼迦葉天子白佛言世尊我今當說
比丘及比丘功德佛告天子隨汝所
說時迦葉天子而說偈言

比丘修正念 其身善解脫 晝夜常勤求
壞有諸功德 了知於世間 滅除一切有
比丘得無憂 心無所染著

世尊是名比丘 是名比丘功德佛告
迦葉善哉善哉如汝所說迦葉天子
聞佛所說歡喜隨喜稽首佛足即沒
不現

如是我聞一時佛住舍衛國祇樹給
孤獨園時有迦葉天子容色絕妙於
後夜時來詣佛所稽首佛足退坐一
面其身光明遍照祇樹給孤獨園時
彼迦葉天子白佛言世尊我今當說
比丘及比丘所說佛告迦葉天子隨

所樂說時彼迦葉天子而說偈言

比丘守正念其心善解脫晝夜常勤求
遠得離塵垢曉了知世間於塵離塵垢
比丘無憂患心無所染著

世尊是名比丘是名比丘所說佛告
迦葉如是如是如汝所說迦葉天子
聞佛所說歡喜隨喜稽首佛足即沒
不現

如是我聞一時佛在摩竭提國人間
遊行日暮與五百比丘於屈摩夜叉
鬼住處宿時屈摩夜叉鬼來詣佛所
稽首佛足退住一面時屈摩夜叉鬼
白佛言世尊今請世尊與諸大眾於
此夜宿今時世尊默然受請是時屈
摩夜叉鬼知世尊默然受請已化作
五百重閣房舍卧牀坐牀踞牀俱禪
褥枕各五百具悉皆化化作五百
燈明無諸烟炎悉化現已往詣佛所
稽首佛足勸請世尊令入其舍令諸
比丘次受房舍及諸卧具周遍受已
還至佛所稽首佛足退坐一面而說
偈言

賢德有正念賢德常正念正念安隱眠

此世及他世 賢德有正念 賢德常正念
正念安隱眠 其心常寂止 賢德有正念
賢德常正念 正念安隱眠 捨降伏他軍
賢德有正念 賢德常正念 不煞不教煞
不伏不教伏 慈心於一切 心不懷怨結
余時世尊告屈摩夜叉鬼如是如是
如汝所說時屈摩夜叉鬼聞佛所說
歡言隨喜稽首佛足還自所住處
如是我聞一時佛住摩鳩羅山尊者
那伽波羅為親侍者今時世尊於夜
闍時天小微雨電光睽現出於房外
露地經行是時天帝釋作是念今日
世尊住摩鳩羅山尊者那伽波羅親
侍供養其夜闍冥天時微雨電光睽
現世尊出房露地經行我當化作毗
琉璃重閣執持重閣隨佛經行作是
念已即便化作鞞琉璃重閣持詣佛
所稽首佛足隨佛經行今時摩竭提
國人若男若女夜啼之時以摩鳩羅
鬼恐之即止親侍供養弟子之法待
師禪覺然後乃眠今時世尊為天帝
釋夜經行久今時尊者那伽波羅作
是念世尊今夜經行至久我今當作

摩鳩羅鬼形而恐怖之時那伽波羅
比丘即反被俱執長毛在外往在世
尊經行道頭白佛言摩鳩羅鬼來摩
鳩羅鬼來今時世尊告那伽波羅比
丘汝那伽波羅愚癡人以摩鳩羅鬼
神像恐怖佛耶不能動如來應等正
覺一毛髮也如來應等正覺久離恐
怖亦時天帝釋白佛言世尊世尊正
法律中亦復有此人耶佛言憍尸迦
瞿曇家中極大廣闊斯等於未來世
亦當使得清淨之法今時世尊即說
偈言

若復婆羅門 於自所得法 得到於彼岸
若一毗舍遮 及與摩鳩羅 皆悉超過去
若復婆羅門 於自所行法 一切諸受覺
觀察皆已滅 若復婆羅門 自法度彼岸
一切諸因緣 皆悉已滅盡 若復婆羅門
自法度彼岸 一切諸人我 皆悉已滅盡
若復婆羅門 自法度彼岸 於生老病死
皆悉已超過

佛說此經已釋提桓因聞佛所說歡
喜隨喜稽首佛足即沒不現
如是我聞一時佛住王舍城迦蘭陀

竹園時尊者阿那律陀於摩竭提國
人間遊行到畢陵伽鬼子母住處宿
時尊者阿那律陀夜後分時端身正
坐誦憂陀那波羅延那見真諦諸上
座所說偈比丘尼所說偈尸路偈義
品牟尼偈修多羅悉皆廣誦余時畢
陵伽鬼子夜啼畢陵伽鬼子母為其
子說偈呵止言

畢陵伽鬼子汝今莫得啼當聽彼比丘
誦習法句偈若知法句者能自護持戒
遠離於熱生實言莫妄語能自捨非義
解脫鬼神道

畢陵伽鬼子母說是偈時畢陵伽鬼
子啼聲即止

如是我聞一時佛在摩竭提國人間
遊行與大眾俱到富那婆數鬼子母
住處宿余時世尊為諸比丘說四聖
諦相應法所謂苦聖諦苦集聖諦苦
滅聖諦苦滅道跡聖諦余時富那婆
數鬼母兒富那婆數及鬼女等百多羅
二鬼小兒夜啼時富那婆數鬼母教
其男女故而說偈言

汝富那婆數梵壽多羅其啼令我退臥聞

如來所說法 非父母能令 其子解脫苦
間如來說法 其苦得解脫 世人隨受欲
為衆苦所迫 如來為說法 今破壞生死
我今欲聞法 汝等當默然 時富那婆藪
鬼女鬱多羅 悉受其母語 默然而靜聽
語母言善哉 我亦樂聞法 此正覺世尊
於摩竭勝山 為諸衆生類 演說脫苦法
說苦及苦因 苦滅滅苦道 從此四聖諦
安隱趣涅槃 母今但善聽 世尊所說法
時富那婆藪數鬼母 即說偈言
奇哉智慧子 善能隨我心 汝富那婆藪
善歎佛導師 汝富那婆藪 及女鬱多羅
當生隨喜心 我已見聖諦
時富那婆藪數鬼母 說是偈時 鬼子男
女隨喜默然

如是我聞 一時佛在摩竭提國人間
遊行與諸大衆至摩尼遮羅鬼住處
夜宿 爾時摩尼遮羅鬼會諸鬼神集
在一處 時有一女人持香花糖飴飲
食至彼摩尼遮羅鬼神住處 女人
遙見世尊在摩尼遮羅鬼神住處 生
見已作是念 我今現見摩尼遮羅鬼
神 即說偈言

我摩尼提住摩伽陀國摩伽陀國人
所未悉如願云何於此世常得安樂住
後世復云何而得生天樂

今時世尊說偈答言

莫放逸慢恣用摩尼鬼為若自修所作
能得生天樂

時彼女人作是念此非摩尼遮羅鬼
是沙門瞿曇如是知已即以香花鬘
飭供養世尊稽首礼足退坐一面而
說偈言

何道趣安樂當修何等行此世常安隱
後世生天樂

今時世尊說偈答言

布施善調心樂執護諸根正見修賢行

親近於沙門以正命自活他世生天樂

何用三十三諸天之苦網但當一其心

斷除於愛欲我當說離垢甘露法善聽

時彼女人聞世尊說法示教照喜如

佛常法謂布施持戒生天之福欲味

欲患煩惱清淨出要遠離切德福利

次第演說清淨佛法辭如鮮淨白雲

易染其色時彼女人亦復如是即於

坐上於四聖諦得平等觀苦集滅道

時彼女人見法得法知法入法度諸
疑惑不由於他於正法律得無所畏
即從座起整衣服合掌白佛已度世
尊已度善逝我從今日盡壽命歸佛
歸法歸比丘僧時彼女人聞佛所說
歡喜隨喜礼佛而去

如是我聞一時佛在摩竭提國人間
遊行到針毛鬼住處夜宿今時針毛
鬼會諸鬼神集在一處時有炎鬼見
世尊在針毛鬼住處夜宿見已往詣
針毛鬼所語針毛鬼言聚落主汝今
大得善利今如來應等正覺於汝室
宿針毛鬼言今當試看為是如來為
非時針毛鬼與諸鬼神集會已還歸
自舍束身衝佛今時世尊却身避之
如是再三束身衝佛佛亦再三却身
避之今時針毛鬼言沙門怖耶佛言
聚落主我不怖也但汝觸惡針毛鬼
言今有所問當為我說能令我喜者
善不能令我喜者當壞汝心裂汝骨
令汝熱血從其面出捉汝兩手擲恒
水彼岸佛告針毛鬼聚落主我不見
諸天魔梵沙門婆羅門天神世人能

壞如來應等正覺心者能裂其骨者
能令熱血從面出者執其兩臂擲者
恒水彼岸者汝今但問當為汝說令
汝歡喜時針毛鬼說偈問佛

一切貪患心 以何為其因 不樂身毛豎
恐怖從何起 意念諸覺想 為從何所起
猶如新生兒 依倚於乳母

尔時世尊說偈答言

愛生自身長 如尼拘律樹 展轉相拘引
如藤綿葛林 若知彼所因 當今鬼覺悟
度生死海流 不復重增有

尔時針毛鬼聞世尊說偈心得歡喜
向佛悔過受持三歸佛說此經已針
毛鬼聞佛所說歡喜奉行

雜阿含經卷第四十九

癸卯歲高麗國大藏都監奉
勅雕造

雜阿含經卷第四十九 第二十八

雜阿含經卷第五十

疏

宋天竺三藏朱耶跋陀羅譯

如是我聞一時佛住王舍城迦蘭陀竹園時有優婆塞子受八支齋尋即犯戒即為鬼神所持余時優婆塞即說偈言

十四十五日及月分八日神通瑞應月八支善正受受持於齋戒不為鬼所持我昔數諮問世尊作是說余時彼鬼即說偈言

十四十五日及月分八日神足瑞應月八支修正受齋肅清淨住戒德善守護不為鬼戲弄善哉從佛聞汝當說言放我當放汝子諸有慢緩業染汙行苦行梵行不清淨終不得大果譬如拔管草執緩則傷手沙門行惡觸當墮地獄中譬如拔管草急捉不傷手沙門善攝持則到般涅槃

時彼鬼神即放優婆塞子余時優婆塞說偈告子言

子汝今聽我說彼鬼神說若有慢緩業穢汙修苦行不清淨梵行彼不得大果

譬如拔薤草執緩則傷手沙門起惡觸
當墮地獄中如急執薤草則不傷其手
沙門善執護逮得般涅槃

時彼優婆塞子如是覺悟已剝除廢
壞著袈裟衣正信非家出家學道心
不得樂還歸自家母還見子而說
偈言

邁世而出家何為還聚落燒舍急出財
豈還投火中

其子比丘說偈答言

但念母命終存亡不相見故來還瞻視
何見子不歡

時母優婆塞說偈答言

捨欲而出家還欲服食之是故我憂悲
恐隨魔自在

是時優婆塞如是如是發悟其子如
是其子還空閑處精勤思惟斷除一
切煩惱結縛得阿羅漢果證

如是我聞一時佛在摩竭提國人間
遊行到阿鴈鬼住處夜宿時阿鴈鬼
集會諸鬼神時有竭曇見見世尊在
阿鴈鬼住處夜宿見已至阿鴈鬼所
語阿鴈鬼言聚落主汝獲大利如來

宿汝住處阿陂鬼言生人今日在我
舍住耶今當令知為是如來為非如
來時阿陂鬼諸鬼神聚會畢還歸自
來語世尊曰出去沙門今時世尊以
他家故即出其舍阿陂鬼復言沙門
來入佛即還入以滅憍故如是再三
時阿陂鬼第四復語世尊言沙門出
去今時世尊語阿陂鬼言聚落主已
三見請今不復出阿陂鬼言今問沙
門沙門答我能令我喜者善不能令
我喜者我當壞其心裂其胃亦令熱
血從其面出執持兩手擲著恒水彼
岸世尊告言聚落主我不見諸天魔
梵沙門婆羅門天神世人有能壞我
心裂我胃今我熱血從面而出執持
兩手擲著恒水彼岸者然聚落主汝
今但問當為汝說令汝心喜時阿陂
鬼說偈問佛

說何等名為勝士夫事物 行於何等法
得安樂果報何等為美味 云何言中勝
今時世尊說偈答言

淨信為最勝 士夫之事物 行法得樂果
解脫味中上 智慧除老死 是為壽中勝

時阿闍鬼復說偈言

卍

云何得名稱如上所說偈

卍

今時世尊說偈答言

待成名稱流如上所說偈

時阿闍鬼復說偈言

幾法起世間

幾法相順可世幾法取受

世幾法損減

今時世尊以偈答言

世六法等起

六法相順可世六法取受

世六法損減

阿闍鬼復說偈問佛

誰能度諸流

晝夜勤方便無攀無住處

孰能不沉沒

今時世尊說偈答言

一切戒具足智慧善正受正念內思惟

能度難度流不樂於五欲亦超度色愛

無攀無住處是能不沒溺

時阿闍鬼復說偈問佛

以何法度流

以何度大海以何捨離苦

以何得清淨

今時世尊說偈答言

以信度河流不放逸度海精進能除苦

以慧得清淨汝當更問餘沙門梵志法

其法無有過真諦施調伏
時阿陂鬼復說偈問佛
何煩更問餘沙門梵志法
即曰取勝士
以顯大法炬於彼竭曇摩
常當報其恩
告我等正覺無上導御師
我即曰當行
從村而至村親待等正覺
聽受所說法
佛說此經已阿陂鬼歡喜隨喜作禮
而去
如是我聞一時佛住王舍城迦蘭陀
竹園時有叔迦羅比丘尼住王園比
丘尼衆中為王舍城諸人恭敬供養
如阿羅漢又於一時王舍城人於一
吉星日歡集大會即於是日闕不供
養有一鬼神敬重彼比丘尼故至王
舍城里巷之中家家說偈
王舍城人民醉酒眠睡卧
不勤供養彼
叔迦比丘尼善修諸根故
名曰叔迦羅
善說離垢法
沮脍清涼處隨順聽所說
終日樂無厭
棄聽法智慧
得度生死流
猶如海商人
依附力馬王
時一優婆塞以衣布施叔迦羅比丘
尼復有優婆塞以食供養時彼鬼神
即說偈言

智慧優婆塞 獲福利豐多 施叔迦羅衣
離諸煩惱故 智慧優婆塞 獲福利豐多
施叔迦羅食 離諸積聚故

時彼鬼神說斯偈已即沒不現
如是我聞一時佛住王舍城迦蘭陀
竹園時毗羅比丘住王舍城王園
比丘衆中為王舍城諸人民於吉
星日集聚大會當斯之日毗羅比丘
及無人供養時有鬼神敬重毗羅比
丘及即入王舍城處處里巷四衢道
頭而說偈言

王舍城人民 醉酒惛睡卧 毗羅比丘及
無人供養者 毗羅比丘及 勇猛修諸根
善說離垢塵 涅槃清涼法 皆隨順所說
終日樂無厭 兼聽法智慧 得度生死流
時有一優婆塞持衣布施毗羅比丘
及復有一優婆塞以食供養時彼鬼
神而說偈言

智慧優婆塞 今獲多福利 以衣施斷縛
毗羅比丘及 智慧優婆塞 今獲多福利
食施毗羅及 離諸和合故
時彼鬼神說偈已即沒不現

如是我聞一時佛住王舍城迦蘭陀

竹園時有娑多耆利天神醯魔波佞
天神共作約誓若其宮中有寶物出
者必當相語不相語者得違約罪時
醯魔波佞天神宮中有未曾有寶波
曇摩華出華有千葉大如車輪金
色寶莖時醯魔波佞天神遣使告語
娑多耆利聚落主令我宮中忽生未
曾有寶波曇摩花華有千葉大如
車輪金色寶莖可來觀看娑多耆
利天神遣使詣醯魔波佞舍告言聚
落主用是波曇摩百千為今我宮中
有未曾有寶大波曇摩出所謂如來
應等正覺明行足善逝世間解無上
士調御丈夫天人師佛世尊汝便可
來奉事供養時醯魔波佞天神即與
五百眷屬往詣娑多耆利天神所說
偈問言

十五日良時天夜遇歡會當說受何齋
從阿羅漢受

時娑多耆利說偈答言

今日佛世尊在摩竭勝國住於王舍城
迦蘭池竹園演說微妙法滅除衆生苦
苦苦及苦集苦滅盡作證八聖出苦道

安隱趣涅槃 當往設供養 我羅漢世尊
醯魔波佉說偈問言

彼有心願樂 慈濟衆生不彼於受不受
心想平等不

婆多耆利說偈答言

彼妙願慈心 度一切衆生於諸受不受
心想常平等

時醯魔波佉說偈問言

為具足明達 已行成就不諸漏永滅盡
不受後有耶

婆多耆利說偈答言

明達善具足 正行已成就 諸漏永已盡
不復受後有

醯摩波佉說偈問言

牟尼意行滿及身口業耶 明行悉具足
以法讚歎耶

婆多耆利說偈答言

具足牟尼心 及業身口滿 明行悉具足
以法而讚歎

醯摩波佉說偈問言

遠離於害生 不與不取不為遠於放蕩
不離禪思不

婆多耆利復說偈言

常不害衆生 不與不妄取 遠離於放蕩
日夜常思禪

醯魔波伾復說偈問言
為不樂五欲 心不濁亂 不有清淨法眼
滅盡愚癡不

婆多耆利說偈答言

心常不樂欲 亦無濁亂心 佛法眼清淨
愚癡盡盡無餘

醯魔波伾復說偈問言

至誠不妄語 應盡言無有 得無別離說
無不誠說不

婆多耆利說偈答言

至誠不妄語 亦無應盡言 不離他親厚
常說如法言

醯摩波伾復說偈問言

為持清淨戒 正念寂滅不 具足等解脫
如來大智不

婆多耆利說偈答言

淨戒悉具足 正念常寂靜 等解脫成就
得如來大智

醯魔波伾復說偈問言

明達悉具足 正行已清淨 所有諸漏盡
不復受後有

婆多耆利說偈答言

明達志具足 正行已清淨 一切諸漏盡
無復後生有

醯魔波佞復說偈言

牟尼善心具 及身口業跡 明行悉成就
故讚歎其法

婆多耆利說偈答言

牟尼善心具 及身口業跡 明行悉成就
讚歎於其法

醯魔波佞復說偈言

伊尼延座踰 仙人之勝相 少食捨身貪
牟尼慶林禪 汝今當共行 敬礼彼瞿曇
時有百千鬼神眷屬圍繞 婆多耆利
醯魔波佞速至佛前 礼拜供養 整衣
服 偏袒右肩 合掌敬礼 而說偈言

伊尼延座踰 仙人之勝相 少食無貪嗜

牟尼樂林禪 我等今故來 請問於瞿曇

師子獨遊步 大龍無恐畏 今故來請問

牟尼願決疑 云何得出苦 云何苦解脫

唯願說解脫 苦於何所滅

今時世尊說偈答言

世五欲功德 及說第六意 於彼欲無貪

解脫一切苦 如是從苦出 如是解脫苦

今答汝所問 苦從此而滅

婆多耆利醯魔波佞復說偈問佛

泉從何轉還 惡道何不轉 世間諸苦樂
於何而滅盡

今時世尊說偈答言

眼耳鼻舌身 及以意入處 於彼名及色
永滅盡無餘 於彼泉轉還 於彼道不轉
於彼苦及樂 得無餘滅盡

婆多耆利 醯魔波伍復說偈問佛
世間幾法起 幾法世和合 幾法取受世
幾法令世滅

今時世尊說偈答言

六法起世間 六法世和合 六法取受世
六法世損滅

婆多耆利 醯魔波伍復說偈問

云何度諸流 日夜勤方便 無攀無住處
而不溺深淵

今時世尊說偈答言

一切戒具足 智慧善正受 如思惟繫念
是能度深淵 不樂諸欲想 亦超色諸結
無攀無住處 不溺於深淵

婆多耆利 醯魔波伍復說偈問佛

何法度諸流 以何度大海 云何捨離苦
云何得清淨

今時世尊說偈答言

正信度河流 不放逸度海 精進能斷苦

智慧得清淨

今時世尊復說偈言

汝可更問餘沙門梵志法真實施調伏
除此更無法

醯魔波佉復說偈言

更餘何所問沙門梵志法大精進今日
已具善開導我今當釋彼婆多耆利恩
能以導御師告語於我等我當詣村村
家家而隨佛承事札供養從佛聞正法
此百千鬼神悉合掌恭敬一切歸依佛
牟尼之大師得無上之名必見真實義
成就大智慧於欲不染著慧者當觀察
救護世間者得賢聖道跡是則大仙人
佛說是經已婆多耆利醯魔波佉及
諸眷屬五百鬼神聞佛所說皆大歡
喜隨喜札佛而去

如是我聞一時佛住王舍城迦蘭陀
竹園今時尊者舍利弗尊者大目
犍連住耆闍崛山中時尊者舍利弗
新剃鬚髮時有伽吒及優波伽吒鬼
優波伽吒鬼見尊者舍利弗新剃鬚
髮語伽吒鬼言我今當往打彼沙門
頭伽吒鬼言汝優波伽吒莫作是語
此沙門大德大力汝莫長夜得大不

饒益苦如是再三說時優波伽吒鬼
再三不用伽吒鬼語即以手打尊者
舍利弗頭打已尋自喚言燒我伽吒
煮我伽吒再三喚已陷入地中墮阿
毗地獄尊者大目犍連聞尊者舍利
弗為鬼所打聲已即往詣尊者舍利
弗所問尊者舍利弗言云何尊者苦
痛可忍不尊者舍利弗答言尊者大
目犍連雖復苦痛意能堪忍不至大
苦尊者大目犍連語尊者舍利弗言
奇哉尊者舍利弗真為大德大力此
鬼若以手打著閼崛山者能令碎如
糠糟况復打人而不苦痛今時尊者
舍利弗語尊者大目犍連我實不大
苦痛時尊者舍利弗大目犍連共相
慰勞時世尊以天耳聞其語聲聞已
即說偈言

其心如剛石 堅住不傾動 染著心已離
瞋者不反報 若如此修心 何有苦痛憂
佛說此經已諸比丘聞佛所說歡喜
奉行

如是我聞一時佛住舍衛國祇樹給
孤獨園時有衆多比丘於拘薩羅國

人間遊行住一林中夏安居彼林中
有天神住知十五日諸比丘受歲極
生憂感有餘天神語彼天神言汝何
率生愁憂苦惱汝當歡喜諸比丘持
戒清淨今日受歲林中天神答言我
知比丘今日受歲不同無著外道受
歲然精進比丘受歲持衣鉢明日至
餘處去此林當空比丘去後林中天
神而說偈言

今我心不樂但見空林樹清淨心說法
多聞諸比丘瞿曇之弟子今志何處去
時有異天子而說偈言

有至摩伽陀有至拘薩羅亦至金剛地
處處修遠離猶如野禽獸隨所樂而遊
如是我聞一時佛住舍衛國祇樹給
孤獨園今時有異比丘在拘薩羅國
人間止住一林中入晝正受身體疲
極夜則睡眠時彼林中止住天神作
是念此非比丘法於空林中入晝正
受夜著睡眠我今當往覺悟之尔時
天神往至比丘前而說偈言

比丘汝起起何以著睡眠睡眠有何利
病時何不眠利刺刺身時云何得睡眠

汝本捨非家 出家之所欲 當如本所欲
日夜未增進 莫得墮睡眠 令心不自在
無常不恒欲 迷醉於愚夫 餘人悉被縛
汝今已解脫 正信而出家 何以著睡眠
已調伏貪欲 其心得解脫 具足勝妙智
出家何故眠 勤精進正受 常修堅固力
專求般涅槃 云何而睡眠 起明斷無明
滅盡諸有漏 調彼後邊身 云何著睡眠
時彼天神說是偈時彼比丘聞其所說
專精思惟得阿羅漢

如是我聞一時佛住舍衛國祇樹給
孤獨園時有異比丘在拘薩羅住林
中入晝正受心起不善覺依於惡貪
時彼林中住止天神作是念非比丘
法止住林中入晝正受心生不善覺
依於惡貪我今當往開悟之時彼天
神即說偈言

其心欲遠離 正於空閑林 放心隨外緣
乱想而流馳 調伏樂世心 常樂心解脫
當捨不樂心 執受安樂住 思非於正念
莫著我我所 如以塵頭涂 是著極難遣
莫令染樂著 欲心所濁乱 如釋君馳象
當遷去塵穢 比丘於自身 正念除塵垢

塵者謂貪欲 非世間塵土 點慧明智者
當悟彼諸塵 於如來法律 持心莫放逸
塵垢謂瞋恚 非世間塵土 點慧明智者
當悟彼諸塵 於如來法律 持心莫放逸
塵垢謂愚癡 非世間塵土 明智點慧者
當捨彼諸塵 於如來法律 持心莫放逸
時彼天神說是偈已 彼比丘聞其所
說專精思惟 斷諸煩惱心得阿羅漢
如是我聞一時佛住舍衛國祇樹給
孤獨園時有異比丘在拘薩羅人間
住一林中入晝正受起不正思惟時
彼林中止住天神作是念此非比丘
法止住林中入晝正受而起不正思
惟我今當往方便善覺悟之時彼天
神而說偈言

何不正思惟 覺觀所寢食 當捨不正念
專修於正受 遵崇佛法僧 及自持淨戒
常生隨喜心 喜樂轉勝進 以心歡喜故
速究竟苦邊

時彼天神說偈勸發已 彼比丘專精
思惟盡諸煩惱得阿羅漢

如是我聞一時佛住舍衛國祇樹給
孤獨園時有異比丘在拘薩羅人間

住一林中入晝正受時彼比丘日中時不樂心生而說偈言

於此日中時衆鳥悉靜默空野忽有聲令我心恐怖

時彼林中住止天神而說偈言

於今日中時衆鳥悉寂靜空野忽有聲應汝不樂心汝當捨不樂專樂修正受時彼天子說偈覺悟彼比丘已時彼比丘專精思惟捨除煩惱得阿羅漢如是我聞一時佛住舍衛國祇樹給孤獨園今時尊者阿那律陀在拘薩羅人閒往一林中時有天神名闍隣尸是尊者阿那律陀本善知識往詣尊者阿那律陀所到阿那律陀所說偈言

汝今可發願願還生本處三十三天上五欲樂悉備百種諸音樂常以自歡娛每至睡眠時音樂以覺悟諸天玉女衆晝夜侍左右

尊者阿那律陀說偈答言

諸天玉女衆此皆大苦聚以彼顛倒想繫者有身見諸求生彼者斯亦是大苦閻闍今當知我不願生彼生死已永盡

不受後有故

尊者阿邠律說是語時閼隣尼天子
聞尊者阿邠律所說歡喜隨喜即沒
不現

如是我聞一時佛住舍衛國祇樹給
孤獨園時有比丘在拘薩羅人間林
中止住勤誦經勤講說精勤思惟得
阿羅漢果證已不復精勤誦說時有
天神止彼林中者而說偈言

比丘汝先時晝夜勤誦習常為諸比丘
共論決定義汝今於法句寂然無所說
不與諸比丘共論決定義
時彼比丘說偈答言

本未應離欲心常樂法句既離欲相應
誦說事已畢先知道已脩用聞見道為
世間諸聞見無知悉放捨
時彼天神聞比丘所說歡喜隨喜即
沒不現

如是我聞一時佛住舍衛國祇樹給
孤獨園時有異比丘在拘薩羅人間
止一林中時彼比丘有眼患受師教
應嗅鉢曇摩花時彼比丘受師教已
徃至鉢曇摩池側於池岸邊迎風而

坐隨風嗅香時有天神主此池者語
比丘言何以盜華汝今便是盜香賊
也今時比丘說偈答言

不壞亦不棄 遠住隨嗅香 汝今何故言
我是盜香賊

余時天神復說偈言

不求而不捨 世間名為賊 汝今人不與
而自一向取 是則名世間 真實盜香賊
時有一士夫取彼藕根重負而去余
時比丘為彼天神而說偈言

如今彼士夫 斷截分陀利 拔根重負去
便是姦狡人 汝何故不遮 而言我盜香
時彼天神說偈答言

狂乱姦狡人 猶如乳母衣 何足加其言
宜堪與汝語 袈裟汗不現 黑衣墨不汗
姦狡凶惡人 世間不與語 繩脚汗素帛
明者小過現 如墨點珂貝 雖小恙皆現
常從彼求淨 無結難煩惱 如乞賊之惡
人見如泰山

時彼比丘復說偈言

善哉善哉說以義安慰我 汝可常為我
數數說斯偈

時彼天神復說偈言

我非汝買奴亦非人與汝何為常隨汝
數數相告語汝今自當知彼彼饒益事
時彼天子說是偈已彼比丘聞其所
說歡喜隨喜從座起去獨一靜處專
精思惟斷諸煩惱得阿羅漢

如是我聞一時佛住王舍城迦蘭陀
竹園尔時尊者十力迦葉住王舍城
仙人窟中時有獼師名曰尺只去十
力迦葉不遠張網捕鹿尔時十力迦
葉為彼獼師哀愍說法時彼獼師不
解所說時十力迦葉即以神力拍端
火然彼猶不悟尔時仙人窟中住止
天神而說偈言

深山中獼師少智盲無目何為非時說
薄德無辯慧所聞亦不解明中亦無見
於諸善勝法愚癡莫能了正使燒十指
彼終不見諦

時彼天神說是偈已尊者十力迦葉
即默然住

如是我聞一時佛住王舍城迦蘭陀
竹園時有尊者金剛子住巴連弗邑
一處林中時巴連弗邑人民夏四月
過作憍牟且大會時尊者金剛子

聞世間大會生不樂心而說偈言

獨一處空林猶如棄枯木夏時四月滿
世間樂莊嚴普觀諸世間其苦無過我
今時林中住止天神即說偈言

獨一處空林猶如棄枯木為三十三天
心常所願樂猶如地獄中仰思生人道
時金剛子為彼天神所勸發已專精
思惟斷諸煩惱得阿羅漢

如是我聞一時佛住舍衛國祇樹給
孤獨園時有異比丘在拘薩羅人間
住一林中唯好樂持戒不能增長上
進功德時彼林中止住天神作是念
此非比丘法住於林中唯樂持戒不
能增修上進功德今我當作方便而
發悟之即說偈言

非一向持戒及修習多聞獨靜禪三昧
閑居修遠離比丘偏倚息終不得漏盡
平等正覺樂遠非凡夫輩

時彼比丘天神勸進已專精思惟斷
諸煩惱得阿羅漢

如是我聞一時佛住舍衛國祇樹給
孤獨園有尊者那伽達多在拘薩羅
人間住一林中有在家出家常相

親近時彼林中止住天神作是念此
非比丘法住於林中與諸在家出家
周旋親數我今當往方便發悟而說
偈言

比丘旦早出 迫暮而還林 道俗相習近
苦樂必同安 恐起家放逸 而隨魔自在
時鄰伽達多比丘為彼天神如是如
是聞覺已如是如是專精思惟斷諸
煩惱得阿羅漢

如是我聞一時佛住舍衛國祇樹給
孤獨園時有衆多比丘在拘薩羅人
間住一林中言語嬉戲終日散亂心
不得定縱諸根門馳騁六境時被林
中止住天神見是比丘不攝威儀心
不欣悅而說偈言

此先有瞿曇 正命弟子衆 無常心乞食
無常受牀卧 觀世無常故 得究竟苦邊
今有難養衆 沙門所居止 處處求飲食
遍遊於他家 望財而出家 無真沙門欲
垂著僧伽梨 如老牛曳尾

尔時比丘語天神言汝欲厭我耶時
彼天神復說偈言

不指其名姓 不非稱其人 而撻向彼衆

說其不善者 踈漏相現者 方便說其過
勤修精進者 歸依恭敬礼

彼諸比丘為天神勸發已專精思惟
斷諸煩惱得阿羅漢

如是我聞一時佛在舍衛國祇樹給
孤獨園時有異比丘在拘薩羅人間
住一林中時彼比丘與長者婦女嬉
戲起惡名聲時彼比丘作是念我今
不類其他婦女起惡名聲我今欲於
此林中自煞時彼林中止住天神作
是思念不善不類此比丘不壞無過
而於林中欲自煞身我今當作方便
開悟時彼天神化作長者女身語比
丘言於諸巷路四衢道中世間諸人
為我及汝起惡名聲言我與汝共相
習近作不正事已有惡名今可還俗
共相娛樂比丘荅言以彼里巷四衢
道中為我與汝起惡名聲共相習近
為不正事我今且自殺身時彼天神
還復天身而說偈言

雖聞多惡名 苦行者忍之 不應苦自苦
亦不應起惱 聞聲恐怖者 是則林中歎
是輕躁衆生 不成出家法 仁者當堪耐

不中住惡聲執心堅住者是則出家法
不由他人語令汝成劫賊亦不由他語
令汝得羅漢如汝自知已諸天亦復知
今時比丘為彼天神所開悟已專精
思惟斷除煩惱得阿羅漢

如是我聞一時佛住舍衛國祇樹給
孤獨園時有尊者見多比丘在拘薩
羅人間住一林中著糞掃衣時梵
天王與七百梵天乘其宮殿來詣尊
者見多比丘所恭敬礼事時有天神
住彼林中者而說偈言

觀彼寂諸根能感善供養具足三明達
得不傾動法度一切方便少事糞掃衣
七百梵天子乘宮來奉詣見生死有邊
今礼度有岸

時彼天神說偈讚歎見多比丘已即
沒不現

如是我聞一時佛住舍衛國祇樹給
孤獨園時有異比丘在拘薩羅人間
住一林中時彼比丘身體疲極夜著
睡眠時有天神住彼林中者而覺悟
之即說偈言

可起起比丘何故著睡眠睡眠有何義

修禪莫睡眠

時彼比丘說偈答言

不肯當云何懈怠少方便緣盡四體羸
夜則著睡眠

時彼天神復說偈言

且汝當執守勿聲而大呼汝已得修閑
莫令其退沒

時彼比丘說偈答言

我當用汝語精勤修方便不為彼睡眠
數數覆其心

時彼天神如是如是覺悟彼比丘時
彼比丘專精方便斷諸煩惱得阿
羅漢

時彼天神復說偈言

汝豈能自起專精勤方便不為衆魔軍
厭汝令睡眠

時彼比丘說偈答言

從今當七夜常坐正思惟其身生喜樂
無一處不滿初夜觀宿命
中夜天眼淨後夜除無明
見衆生苦樂上中下形類
善色及惡色知何業因緣
而受斯果報若士夫所作
所作還自見善者見其善
惡者自見惡

時彼天神復說偈言

我知先一切比丘十四人皆是須陀洹
悉得禪正受來到此林中當得阿羅漢
見汝一慙怠仰卧著睡眠莫令住凡夫
故方便覺悟

尔時比丘復說偈言

善哉汝天神以義安慰我至誠見開覺
令我盡諸漏

時彼天神復說偈言

比丘應如是信非家出家抱愚而出家
速得見清淨我今攝受法當盡壽命與
若汝疾病時我當與良藥

時彼天神說是偈已即沒不現

如是我聞一時佛住舍衛國祇樹給
孤獨園時尊者舍利弗在拘薩羅人
間依一聚落止住田側時尊者舍利
弗於晨朝時著衣持鉢入村乞食時
有一居士提子飲酒狂醉持一餅酒從
聚落出見尊者舍利弗而說偈言
米膏糝我身持米膏一餅山地草樹木
視之一金色

尔時尊者舍利弗作是念作此惡聲
是惡邪物而說是偈我豈不能以偈

去之時尊者舍利弗即說偈言

無想味所熏持空三昧餅山地草樹木
視之如涕唾

如是我聞一時佛住舍衛國祇樹給
孤獨園時有異比丘在拘薩羅人間
住一林中得他心智煩惱有餘去
林不遠有井有飲野干罐拘鉤頸時
彼野干作諸方便求脫而自念言天
遂欲明田夫或出當恐怖我汝汲水
罐怖我已久可令我脫時彼比丘知
彼野干心之所念而說偈言

如來慧日出離林說空法心文恐怖我
今可放令去

時彼比丘自教授已一切結盡得阿
羅漢

如是我聞一時佛在拘薩羅國人間
遊行住一林中時有天神依彼林者
見佛行跡低頭諦觀修於佛念時有
優樓鳥住於道中行欲蹈佛足跡尔
時天神即說偈言

汝今優樓鳥團目栖樹間莫亂如來跡
壞我念佛境

時彼天神說此偈已默然念佛

如是我聞一時佛在拘薩羅人間住
一林中依波吒利樹下住止時有天
神依彼林中住即說偈言

今日風平起吹波吒利樹落波吒利花
供養於如來

時彼天神說偈已默然而住

如是我聞一時佛住王舍城迦蘭陀
竹園時有衆多比丘住支提山側皆
是阿練若比丘著糞掃衣常行乞食
時山神依彼山住者而說偈言

孔雀文繡身處鞞提醯山隨時出妙聲
覺乞食比丘孔雀文繡身處鞞提醯山
隨時出妙聲覺糞掃衣者孔雀文繡身
處鞞提醯山隨時出妙聲覺依樹坐者
時彼天神說此偈已即默然住

如是我聞一時佛住王舍城迦蘭陀
竹園時有衆多比丘住支提山一切
皆修阿練若行著糞掃衣常行乞
食今時那婆佉多河岸崩殺三營事
比丘時支提山住天神而說偈言
乞食阿蘭若慎莫營造立不見佉多河
傍岸平崩倒塵埃彼造立營事三比丘
糞掃衣比丘慎莫營造立不見佉多河

傍岸辛崩倒壓然彼造立營事三比丘
依樹下比丘慎莫營造立不見佉多河
傍岸辛崩倒壓然彼造立營事三比丘
時彼天神說此偈已即默然住
如是我聞一時佛住迦蘭陀竹園時
有異比丘住頻陀山今時山林大火
卒起舉山洞然時有俗人而說偈言
今此頻陀山大火洞熾然焚燒彼竹林
亦燒竹苑實

時彼比丘作是念今彼俗人能說此
偈我今何不說偈答之即說偈言
一切有熾然無慧能救滅焚燒諸受欲
亦燒不作苦

時彼比丘說此偈已默然而住
如是我聞一時佛住迦蘭陀竹園時
有異比丘在恒河側住一林中時有
一族姓女常為舅姑所責至恒水岸
邊而說偈言

恒水我今欲隨流徐入海不復令舅姑
數數見嫌責

時彼比丘見族姓女聞其說偈作是
念彼族姓女尚能說偈我今何為不
說偈答耶即說偈言

淨信我今欲隨彼八聖水徐流入涅槃
不見魔自在

時彼比丘說此偈已默然而住

如是我聞一時佛住舍衛國祇樹給
孤獨園時有異比丘在拘薩羅人間
住一林中去林不遠有種瓜田時有
盜者夜偷其瓜見月欲出而說偈言
明月汝莫出待我斷其瓜我持瓜去已
任汝現不現

時彼比丘作是念彼盜瓜者尚能說
偈我豈不能說偈答耶即說偈言

惡魔汝莫出待我斷煩惱斷彼煩惱已
任汝出不出

時彼比丘說此偈已默然而住

如是我聞一時佛住舍衛國祇樹給
孤獨園時有異比丘在拘薩羅人間
住一林中時有沙彌而說偈言

云何名為常乞食則為常云何為無常
僧食為無常云何名為直唯因施羅幢

云何名為曲曲者唯見鈎

時彼比丘作是念此沙彌能說斯偈
我今何不說偈而答即說偈言

云何名為常常者唯涅槃云何為無常

何名為法 何名為直 謂聖人正道
何名為曲 曲者唯惡徑

時彼比丘說此偈已默然而住
如是我聞一時佛住舍衛國祇樹給
孤獨園時有舍利弗弟子服藥已尋
即食粥時尊者舍利弗到凡師舍從
乞凡甌時彼凡師即說偈言

云何得名勝 而不施一錢 云何勝實德
於財無所減

今時舍利弗說偈答言

若不食實者 而施彼以實 諸修梵行者
施之以女色 不坐高牀者 施以高廣牀
於彼臨行者 施以息止處 如是等施與
於財不損減 是則有名譽 而不捨一錢
實德名稱流 於財無所減
時彼凡師復說偈言

汝今舍利弗 所說實為善 今施汝百甌
非餘亦不得

尊者舍利弗說偈答言

彼三十三天 炎魔兜率陀 化樂諸天人
及他化自在 凡鈔信以得 而汝不生信
尊者舍利弗說此偈已於凡師舍默
然出去

如是我聞一時佛住舍衛國祇樹給
孤獨園時有異比丘在拘薩羅人間
住一林中時有貧士夫在於林側
作如是惴望思惟而說偈言
若得猪一頭美酒滿一甌盛持甌一枚
入數數持與若得如是者當復何所憂
時彼比丘作是念此貧士夫尚能說
偈我今何以不說即說偈言
若得佛法僧比丘善說法我不病常聞
不畏衆魔怨

時彼比丘說此偈已默然而住

如是我聞一時佛住舍衛國祇樹給
孤獨園時有異比丘在拘薩羅人間
住一林中時彼比丘作如是思惟若
得好劫貝長七肘廣二肘作衣已樂
修善法時有天神依彼林者作是念
此非比丘法住於林中作是思惟惴
望好衣時天神化作全身骨鎖於
彼比丘前僂而說偈言

比丘思劫貝七肘廣六尺晝則如是想
知夜何所思

時彼比丘即生恐怖其身戰悚而說
偈言

止止不須憂 今者重興掃水 晝見骨鏤儼
知夜復何見

時彼比丘心驚怖已即正思惟專精
修習斷諸煩惱得阿羅漢

如是我聞一時佛住舍衛國祇樹給
孤獨園時有異比丘在拘薩羅人間
住一林中得阿羅漢諸漏已盡所作
已作已捨重擔斷諸有結正智心善
解脫時有一女人於夜闇中天時微
雨電光映照於林中過欲詣他男子
倒深泥中環釧斷壞華環散落時
彼女人而說偈言

頭髮悉散解 花環落深泥 鏤釧悉破壞
丈夫何所著

時彼比丘作是念女人尚能說偈我
豈不能說偈答之

煩惱悉斷壞 度生死淤泥 著纏悉散落
十力尊見我

時彼比丘說偈已即默然而住

如是我聞一時佛住舍衛國祇樹給
孤獨園時有異比丘在拘薩羅人間住
於河側一林樹間時有丈夫與婦相
隨度河住於岸邊彈琴嬉戲而說

偈言

愛念而放逸 逍遙青樹間 流水流且清
琴聲極和美 香氣調適遊 快樂何是過
時彼比丘作是念彼士夫尚能說偈
我豈不能說偈答之

受持清淨戒 愛念等正覺 沐浴三解脫
善以極清涼 人道具莊嚴 快樂豈過是
時彼比丘說此偈已即默然而住
如是我聞一時佛住舍衛國祇樹給
孤獨園時有異比丘在拘薩羅人間
住一林中時有天神見諸鵲鳥而說
偈言

鵲鳥當積聚 胡麻米粟等 於山頂樹上
高顯作巢窟 若當天雨時 安極飲食宿
時彼比丘作是念彼亦覺悟我即說
偈言

凡夫積善法 恭敬於三寶 身壞命終時
資資神心安樂

時彼比丘說此偈已以即覺悟專精
思惟除諸煩惱得阿羅漢

雜阿含經卷第五十

甲辰歲高麗國大藏都監奉
勅雕造